

放光般若經卷第一

衆

西晉于闐國三藏無羅叉奉詔譯

摩訶般若波羅蜜放光品第一

聞如是一時佛在羅閱祇耆闍崛山中與大比丘衆五千人俱皆是阿羅漢諸漏已盡意解無垢衆智自在已了衆事辟如大龍所作已辦離於重擔逮得所願三虜已盡正解已解復有五面比丘尼諸優婆塞優婆夷諸菩薩摩訶薩已得陀隣尼空行三昧无相無願藏已得等忍得无罣碍陀隣尼門悉是五通所言柔軟無復懈怠已捨利養无所希望逮深法忍得精進力已過魔行度於死地所教次第於阿僧祇劫順本所行所作不忘顏色和悅常先謙敬所語不僣於大衆中所念具足於無數劫堪任教化所說如幻如夢如響如光如影如化如水中泡如鏡中像如熱時炎如水中月常以此法用悟一切悉知衆生意所趣向能以微妙慧隨其本行而度脫之意无罣碍具足持忍所入審

諦願攝無數無量佛國無量諸佛所  
行三昧皆現在前能請諸佛為一切  
說法種種諸見離於所著已遊戲於  
百千三昧而自娛樂諸菩薩者德皆  
如是其名曰護諸繫菩薩寶來菩薩  
導師菩薩龍施菩薩所受則能說菩  
薩雨天菩薩天王菩薩賢護菩薩妙  
意菩薩有持意菩薩增益意菩薩現  
無癡菩薩善發菩薩過步菩薩常應  
菩薩不置遠菩薩懷日藏菩薩意不  
缺減菩薩現音聲菩薩哀雅威菩薩  
寶印手菩薩常舉手菩薩慈氏菩薩  
及餘億那術百千菩薩俱盡是補處  
應尊位者復有異菩薩无央數億百  
千及諸尊者子皆悉來會

尔時世尊自敷高座結跏趺坐正受  
定意三昧其三昧名三昧王一切三昧  
悉入其中作是三昧已持天眼觀視  
世界尔時世尊放足下千輻相輪光  
明從虛騰騰上至肉髻身中支節處  
處各放六十億百千光明悉照三千  
大千國土無不遍者其光明復照東  
方西方南方北方四維上下如恒邊



沙諸佛國土衆生之類其見光明者  
畢志堅固悉發無上正真道意今時  
世尊復放身毛一一諸毛孔皆放光  
明復照三千大千國土復照十方无  
數恒邊沙國土一切衆生見光明者  
畢志發無上正真道意世尊復以諸  
如來无所著等正覺法放大光明悉  
遍三千大千國土復照十方無數恒  
邊沙國土一切衆生見光明者亦畢  
志發无上正真道意今時世尊出廣  
長舌遍三千大千國土遍已從其舌  
根復放無央數億百千光明一一光  
明化為千葉寶華其色如金一一華  
者上皆有坐佛一一諸佛皆說六度  
无極一切衆生聞說法者皆發無上  
正真道意其舌光明一一華像復照  
十方恒邊沙國土一切衆生見其光  
明聞說法者亦發无上正真道意是  
時世尊於師子座三昧其三昧者名  
師子遊戲身放神足感動三千大千  
國土六反震動三昧威神令此三千  
大千國土地皆柔軟踰蹠踊沒諸有  
地獄餓鬼蠕動之類及八難處皆悉

解脫得生天上人中齊第六天適生  
天上人中已皆大歡喜即識宿命來  
詣佛所稽首受法如是十方恒邊沙  
國土諸三惡趣及八難處亦離對苦  
生天上人中齊第六天適生歡喜亦  
識宿命各各自至其國佛所稽首受  
法尔時三千大千國土諸盲者得視  
聾者得聽瘖者能言癱者得申拘攣  
者得手足狂者得正亂者得定病者  
得愈飢渴者得飽滿羸者得力老者  
得少裸者得衣一切衆生皆得同志  
相視如父如母如兄如弟等行十善  
淳修梵事无有瑕穢澹然快樂譬如  
比丘得第三禪一切衆生皆逮於智  
調已自守不燒衆生尔時世尊坐師  
子牀於此三千大千國土其德特尊  
光明色像威德巍巍譬如山王須弥  
衆山無能及者尔時世尊如諸如來  
无所著等正覺法以大普音遍三千  
大千國土諸首陀會天及諸梵天第  
六天王釋天四王天其中諸天及諸  
衆生悉見師子座聞佛所說各持天  
上所有種種名香種種名華來詣佛

所供養如來无所著等正覺於是三千大千國土其中衆生各持世間所有名香水陸諸華來詣佛所供養世尊是時諸天香華衆生香華所可供養散如來上者於空中合化成大臺於其臺中垂諸幢幡幢幡華蓋五色續紛華蓋光明悉遍照三千大千國土皆作金色十方恒邊沙諸佛國土亦復如是是時閻浮提人意自念言今日如來无所著等正覺獨為我等說法不在餘處諸三千大千國土中諸衆生亦各念言今日如來在我前坐獨為我等說法不在餘國今時世尊於師子座復放光明照於三千大千國土其中衆生見光明者盡見東方恒邊沙佛及弟子衆悉見是間沙訶國土釋迦文佛及諸會衆十方國土各各相見亦復如是東方度如恒邊沙國有世界名寶迹其佛号寶事如來无所著等正覺今現在以般若波羅蜜教化一切有菩薩名普明見釋迦文佛光明變化威神感動便白寶事如來言今日何緣有是佛身光

明變化感動如是寶事如來告普明  
曰西方極遠有世界名沙訶其佛号  
釋迦文今現在為諸菩薩說般若波  
羅蜜是其瑞應普明白佛言唯然世  
尊我欲詣彼見釋迦文佛礼事供養  
彼國菩薩皆得捻持得諸三昧超越  
三昧佛告普明欲往隨意時寶事佛  
便以千葉金色蓮華與普明言持是  
供養釋迦文佛重告普明汝詣彼國  
攝持威儀无失法度所以者何彼國  
菩薩奉持律行是以生彼是時普明  
菩薩與無央數百千菩薩無數比丘  
諸善男子善女人衆從東方來所經  
諸佛皆以香華供養礼事來詣忍界  
見釋迦文佛稽首作礼普明菩薩白  
釋迦文佛言寶事如來致問懇懃問  
訊世尊坐起輕利氣力如常不今奉  
此華供養世尊佛即受之釋迦文佛  
便以此華散於東方恒邊沙佛國其  
華遍至一一華者皆有坐佛皆說般  
若波羅蜜教化衆生聞是教者皆發  
無上正真道意彼善男子善女人隨  
普明菩薩來者皆礼事釋迦文佛足

所齋香華供養世尊南方度如恒邊  
沙國有世界名慶憂其佛号无憂威  
如來無所著等正覺有菩薩名離憂  
西方度如恒邊沙國有世界名滅惡  
其佛号寶上如來无所著等正覺有  
菩薩名意行北方度如恒邊沙有世  
界名勝其佛号仁王如來無所著等  
正覺有菩薩名施勝下方度如恒邊  
沙有世界名賢其佛号賢威如來无  
所著等正覺有菩薩名妙華上方度  
如恒邊沙有世界名思樂其佛号思  
樂威如來無所著等正覺有菩薩名  
思樂施如是六方菩薩各白其佛此  
何變化而現於此其佛各報諸菩薩  
言去是極遠有忍世界佛号釋迦文  
為諸菩薩說般若波羅蜜是其瑞應  
彼諸菩薩各白其佛欲誦忍界見釋  
迦文佛礼事供養今時諸佛各與寶  
華及諸无數百千菩薩諸比丘僧善  
男子善女人俱來詣此所經諸國土  
各以香華供養諸佛次詣忍界見釋  
迦文佛供養礼事問訊皆如東方諸  
菩薩比今時一時之頃二千大千國

界其地所有皆成為寶諸樹草木悉為香華懸諸幢幡繒綵華蓋辟如華迹世界普華如來國土文殊師利善住意王天子及諸大威神菩薩所處國土此忍世界所有珍妙亦如彼國今時衆會諸天魔梵諸龍鬼神沙門婆羅門世界人民諸菩薩摩訶薩及新發意者皆悉來集佛知衆會已定告舍利弗言菩薩摩訶薩當習行般若波羅蜜舍利弗白佛言欲速知一切諸法當云何行般若波羅蜜佛告舍利弗菩薩摩訶薩行般若波羅蜜者未曾不布施有財有施有受者為行檀波羅蜜知福為行尸波羅蜜不起恚意為行羣提波羅蜜身口常精進意不懈怠為行惟逮波羅蜜於六情無所味為行禪波羅蜜佛告舍利弗菩薩摩訶薩行般若波羅蜜定意不起當具四意止四意斷四神足五根五力七覺意賢聖八品道當具足空三昧無相三昧无願三昧具足四禪四等四无形三昧具八解禪得九次第禪當復知七相新死相筋



纏束薪相青瘀相膿相血相食不消  
相骨節分離相火骨相燒焦可惡相  
已知諸相當念佛志法志比丘僧志  
在施戒志在安般守意志在无常苦  
空無我人想无所樂想無生滅想无  
道想無盡想无所起想善想法想豫  
知一切衆生之意是謂為慧便得覺  
意三昧無畏三昧有想有畏无想無  
畏亦无想亦無畏所不知報當知已  
知當知欲過八患却十二衰具足佛  
十力十八法四無所畏四无尋慧大  
慈大悲覺知一切菩薩慧者當習般  
若波羅蜜菩薩摩訶薩欲具足薩云  
若離於生死習緒者當學般若波羅  
蜜如是舍利弗是為菩薩摩訶薩行  
般若波羅蜜復次舍利弗菩薩摩訶  
薩欲上菩薩位者欲過聲聞辟支佛  
地欲住阿惟越致地者當學般若波  
羅蜜欲住六通知一切人意所趣向  
者當學般若波羅蜜欲勝羅漢辟支  
佛慧者當學般若波羅蜜菩薩摩訶  
薩悉欲得諸陀鄰尼三昧門諸衆智  
門者當學般若波羅蜜諸聲聞辟支

佛家所作布施持戒勸助種種功德  
欲過其上者當學般若波羅蜜菩薩  
摩訶薩欲知聲聞辟支佛家諸所有  
戒三昧智慧解脫見解脫慧欲過其  
上者當學般若波羅蜜菩薩摩訶薩  
欲少施少戒少忍少進少禪所習行  
少而得大報功德无量者當學般若  
波羅蜜菩薩摩訶薩欲使親族身體  
如佛形像者當學般若波羅蜜菩薩  
摩訶薩欲具足大士三十二相八十  
種好成諸菩薩種姓速得鳩摩羅浮  
者當學般若波羅蜜菩薩摩訶薩常  
不欲離諸佛世尊供養諸佛種種所  
行欲成功德者當學般若波羅蜜菩  
薩摩訶薩欲滿一切衆生之願欲求  
飲食車乘象馬履屐衣裘香華幔飾  
牀卧之具給衆所求能令具足欲得  
是者當學般若波羅蜜復次舍利弗  
菩薩摩訶薩欲使恒邊沙佛國中  
人悉具足行六波羅蜜者當學般若  
波羅蜜菩薩摩訶薩欲行功德使正  
至佛者當學般若波羅蜜菩薩摩訶  
薩欲使十方恒邊沙佛國土諸佛  
世尊

所讚歎功德者當學般若波羅蜜菩薩摩訶薩欲一發意超越十方恒邊沙諸佛國土悉遍至者當學般若波羅蜜菩薩摩訶薩欲發一音都使十方盡聞其聲者當學般若波羅蜜菩薩摩訶薩欲護一切十方諸佛刹使不斷者當學般若波羅蜜菩薩摩訶薩欲住內空外空大空寂空空空有為空无為空至竟空無限空所有空自性空一切諸法空无所倚空無所有空欲知是空事法者當學般若波羅蜜菩薩摩訶薩欲覺知一切諸佛諸法如者當學般若波羅蜜欲知一切諸法性者當學般若波羅蜜欲知一切諸法真際者當學般若波羅蜜舍利弗菩薩摩訶薩如是為行般若波羅蜜當作是住復次舍利弗菩薩摩訶薩欲知三千大千國土其中塵數及諸樹木生草枝葉莖節悉欲知是數者當學般若波羅蜜菩薩摩訶薩欲以一毛破為百分以一分毛取三千大千國土其中海水數知幾滴悉知其數不燒水性欲得是者當學

般若波羅蜜三千大千國土其中火起譬如劫盡燒時欲一時吹滅大火者當學般若波羅蜜三千大千國土其中大風起吹須弥大山令如糠粃能以一拍障其風力令不起者當學般若波羅蜜菩薩摩訶薩欲以結跏趺坐悉遍滿三千大千國土虛空欲得是者當學般若波羅蜜三千大千國土諸須弥山能持一手舉著他方無數佛國欲得是者當學般若波羅蜜菩薩摩訶薩能以一鉢之飯充飽十方恒邊沙佛及弟子衆悉令滿足者當學般若波羅蜜又以珍寶服飾幢幡繒盖香華供養恒邊沙佛及弟子衆欲得是者當學般若波羅蜜欲使十方恒邊沙國其中衆生悉具於戒三昧智慧解脫見解脫慧沙門四道乃至无餘泥洹欲得是者當學般若波羅蜜復次舍利弗菩薩摩訶薩行般若波羅蜜者若布施當作是念使我得大果報得生尊者家梵志大姓家迦羅越家生四王天上乃至第六天中因是布施得第一禪上至四

禪空無形禪作是布施得賢聖八品  
道得須陀洹上至阿羅漢辟支佛者  
當學般若波羅蜜復次舍利弗菩薩  
摩訶薩行般若波羅蜜以慧方便具  
足六波羅蜜舍利弗白佛言菩薩摩  
訶薩云何布施具足六波羅蜜佛言  
菩薩摩訶薩行檀波羅蜜者當習无  
所猗法其所布施及受者令具足諸  
波羅蜜是為具足檀波羅蜜於善於  
惡不與罪福是為尸波羅蜜無瞋无  
喜是為羼提波羅蜜意無懈怠是為  
惟逮波羅蜜於无所著不起狐疑是  
為禪波羅蜜離於諸法是為般若波  
羅蜜復次舍利弗菩薩摩訶薩欲知  
過去當來今現在諸佛世尊之法者  
當學般若波羅蜜欲度有為無為之  
法當學般若波羅蜜欲覺過去當來  
今現在諸佛諸法如者法相所起欲  
逮覺滅際者欲過聲聞辟支佛前欲  
為一切諸佛給所當者欲為諸佛世  
尊內眷屬者畱大眷屬者欲得菩薩  
眷屬者報大施者欲行無相施者欲  
不起惡意者欲不起恚恨意者欲不

起懈怠怠意者欲不起亂意者欲不起  
惡智者當學般若波羅蜜復次舍利  
弗菩薩摩訶薩欲使一切立於布施  
戒念作務勸助功德者當學般若波  
羅蜜菩薩摩訶薩欲立五眼者當學  
般若波羅蜜何等為五眼肉眼天眼  
智眼法眼佛眼復次舍利弗菩薩摩  
訶薩欲得天眼見十方諸佛者天耳  
聽十方諸佛所說法者欲悉知諸佛  
意者當學般若波羅蜜菩薩摩訶薩  
欲聞十方諸佛所說不斷乃至阿耨  
多羅三耶三菩者當學般若波羅蜜  
復次舍利弗菩薩摩訶薩欲見過去  
諸佛現在諸佛世尊剎土者當學般  
若波羅蜜菩薩摩訶薩欲聞十方諸  
佛所說十二部經欲誦誦者及諸聲  
聞所未曾聞者當學般若波羅蜜菩  
薩摩訶薩欲聞十方諸佛所可說法  
甫當所說悉欲識知遍教衆生者當  
學般若波羅蜜過去當來今現在諸  
佛所說諸法欲盡聞知聞已遍教一  
切讀者當學般若波羅蜜十方恒邊  
沙諸佛世界有窈冥之處日月所不



照欲持光明悉遍照者當學般若波  
羅蜜十方恒沙諸佛世界有初不聞  
佛音法音僧音者能立衆生皆使正  
見聞三寶音者當學般若波羅蜜復  
次舍利弗菩薩摩訶薩願欲令十方  
恒沙世界衆生盲者得視聾者得聽  
狂者得志裸者得衣飢渴者得飽滿  
當學般若波羅蜜菩薩摩訶薩欲令  
十方恒沙國其中衆生諸在罪地三  
惡趣者欲令解脫皆得人身者當學  
般若波羅蜜欲使恒沙世界皆令衆  
生具足戒行三昧智慧解脫見解脫  
慧從須陀洹至阿羅漢辟支佛乃至  
阿耨多羅三耶三菩及諸佛威儀者  
當學般若波羅蜜復次舍利弗菩薩  
摩訶薩欲悉知道事俗事者當學般  
若波羅蜜欲使行時足離地四寸而  
輪跡現諸四天王及阿迦膩吒天與  
無央數諸天眷屬圍繞共至佛樹當  
使諸天以天上疊為座使我成阿耨  
多羅三耶三菩所遊行處所住處坐  
處悉為金剛當學般若波羅蜜菩薩  
摩訶薩欲使出家之日即成阿耨多

羅三耶三菩即出家日便轉法輪使  
无央數阿僧祇人遠塵離垢諸法法  
眼淨無央數阿僧祇人漏盡意解无  
央數阿僧祇人得阿惟越致成阿耨  
多羅三耶三菩如是菩薩摩訶薩當  
學般若波羅蜜菩薩摩訶薩願作佛  
時為無央數弟子衆一時說法便於  
座上得阿羅漢發菩薩意者得阿惟  
越致成阿耨多羅三耶三菩无央數  
菩薩為增其壽命無量其光明隨其  
壽不增減當學般若波羅蜜菩薩摩  
訶薩成阿耨多羅三耶三菩時欲令  
國土無姪怒癡之名衆生智慧悉皆  
得等常念布施常念淨戒自調自檢  
不燒衆生般泥洹後欲使法無滅盡  
之名當學般若波羅蜜菩薩摩訶薩  
自願得阿耨多羅三耶三菩時其有  
聞我聲者必至阿耨多羅三耶三菩  
欲得如是者當學般若波羅蜜  
摩訶般若波羅蜜无見品第二

復次舍利弗菩薩摩訶薩行般若波  
羅蜜發是念時四天王皆歡喜意念  
言我曹亦當復以四鉢奉上菩薩如

前王法奉諸佛鉢忉利天王及第六天王皆歡喜意念言是菩薩成佛時我曹亦當奉侍給使減損阿湏倫種增益諸天衆三千大千國土中諸阿迦膩吒天各各歡喜亦復念言是菩薩摩訶薩行般若波羅蜜成作佛時我曹亦當勸助請佛使轉法輪如是舍利弗菩薩摩訶薩行般若波羅蜜時於六波羅蜜轉增益具足善男子善女人各各歡喜意念言我當為是菩薩作父母兄弟妻子眷屬朋友知識今時四天王及諸阿迦膩吒天各各念言當使是菩薩常修梵行從初發意至成作佛莫使與色欲共會犯欲者失梵行況行道者是菩薩常修梵行者必成至佛不從犯欲而得成道舍利弗白佛言菩薩要當有父母妻子眷屬耶佛告舍利弗菩薩或有父母無妻子或有菩薩從初發意作童男行至成作佛不要妻色或有菩薩以溫起拘舍羅於五欲中亦現發阿耨多羅三耶三菩意出家舍利弗譬如幻師善於幻法化作五樂色

欲於中自恣共相娛樂於意云何是  
幻師所作寧有所眼食者不舍利弗  
言不也世尊幻无所有如是舍利弗  
菩薩以遍想拘舍羅亦現有欲於色  
欲中育養一切無所沾汙觀欲如火  
譬如怨家說欲之惡志常穢之菩薩  
雖在欲中亦現常作是念行摧菩薩  
尚作是意何況新學發意者乎舍利  
弗白佛言菩薩當云何行般若波羅  
蜜佛告舍利弗菩薩行般若波羅蜜  
者不見有菩薩亦不見字亦不見般  
若波羅蜜悉无所見亦不見不行者  
何以故菩薩空字亦空空無有五陰  
何謂五陰色陰痛陰想陰行陰識陰  
五陰則是空空則是五陰何以故但  
字耳以字故名為道以字故名為菩  
薩以字故名為空以字故名為五陰  
其實亦不生亦不滅亦無著亦无斷  
菩薩作如是行者亦不見生亦不見  
滅亦不見著亦不見斷何以故但以  
空為法立名假号為字耳菩薩行般  
若波羅蜜不見諸法之字以無所見  
故无所入

摩訶般若波羅蜜假号品第三

復次舍利弗行般若波羅蜜菩薩當作是觀菩薩者但字耳佛亦字耳般若波羅蜜亦字耳五陰者亦字耳舍利弗一切有言吾我者亦皆字耳索吾我亦无有吾我亦無衆生亦无所生亦無生者亦无自生無人无生無作无造亦無成者亦无受者亦無授者无見無得何以故一切諸法无所有用空故是故菩薩於一切字法都無所見於无所見中復不有見菩薩作是行般若波羅蜜除諸佛過一切諸聲聞辟支佛上用無所有空故何以故一切不見所入處故舍利弗菩薩如是者為行般若波羅蜜譬如一閻浮提內其中所有樹木生草稻麻竿蔗叢林竹篲悉如舍利弗目捷連等其數如是智慧神足其德無量欲比行般若波羅蜜菩薩終不可得比无数億百千倍不可以譬喻為比何以故舍利弗菩薩持智慧度脫一切衆生故復次舍利弗菩薩行般若波羅蜜所念智慧一日之中過諸聲聞

辟支佛上舍利弗置閻浮提其中草木三千大千國土如舍利弗目捷連等其數滿中復置是事十方恒邊沙悉如舍利弗目捷連等盡滿其中其數如是不可計量欲比菩薩行般若波羅蜜者百分千分巨億万分不得為比行般若波羅蜜菩薩持是智慧比諸聲聞辟支佛之智慧百千万倍不以為比舍利弗白佛言唯世尊弟子所有智慧從須陀洹至聲聞辟支佛上至菩薩諸佛世尊是諸衆智不相違背无所出生其實皆空無有差別不出不生其實空者无有差特優劣上何世尊言行般若波羅蜜菩薩一日之念出過聲聞辟支佛上乎佛告舍利弗所以出彼上者是菩薩行般若波羅蜜一日之念言我當以道法因緣當為衆生覺一切法度脫衆生云何舍利弗諸聲聞辟支佛頗有是念不耶舍利弗言唯世尊諸聲聞辟支佛初无是念是故舍利弗當作是知當作是念諸聲聞辟支佛所有之智欲比菩薩之智百分千分巨億



万倍不可為比復次舍利弗聲聞辟支佛頗作是念言我當行六波羅蜜教授衆生淨佛國土具足佛十種力四無所畏四无尋慧具足佛十八法當成阿惟三佛使不可計阿僧祇人令得泥洹頗有是念不舍利弗言唯世尊無有是念佛言菩薩能令菩薩行六波羅蜜具足十八法成阿惟三佛當度脫一切衆生舍利弗譬如螢火蟲不作是念言我光明照闇淨提普令大明如是舍利弗諸聲聞辟支佛亦无是念言我當行六波羅蜜具足十八法成阿惟三佛度脫衆生舍利弗譬如日出遍照闇淨提莫不蒙明者如是菩薩行六波羅蜜具足十八法成阿惟三佛度不可計一切衆生舍利弗白佛言云何菩薩過羅漢辟支佛地逮得阿惟越致地嚴治佛道地佛告舍利弗菩薩從初發意以來常行六波羅蜜住空無相无願之法過阿羅漢辟支佛地逮阿惟越致地舍利弗白佛言菩薩住何所地為聲聞辟支佛而作福田佛告舍利弗

菩薩從初發意以來常行六波羅蜜  
乃至道場於其中間常為聲聞辟支  
佛作護何以故舍利弗世有菩薩便  
知有五戒十善八齋四禪四等意四  
无形定乃至三十七品法盡現於世  
便具足十八事佛十種力四無所畏  
世間適有是法便知有王者種梵志  
種長者種迦羅越種便知有第一四天  
王上至三十三天便知有須陀洹斯  
陀舍阿那含阿羅漢辟支佛上至佛  
皆現於世舍利弗白佛言云何菩薩  
畢報施恩佛告舍利弗菩薩不報施  
福何以故本已報故菩薩常施持何  
等施施諸善法何等善法十善之法  
從十善之法上至諸佛世尊之法十  
力四無所畏具佛十八法以是為施  
與舍利弗白佛言菩薩云何與般若  
波羅蜜相應佛告舍利弗菩薩當知  
色與空合是為應般若波羅蜜當知  
痛想行識與空合是為應般若波羅  
蜜當知眼耳鼻舌身意與空合當知  
色聲香味細滑識法與空合眼色識  
耳聲識鼻香識舌味識身細滑識法

性識亦尔是為應當知苦習盡道四  
諦之法亦與空合當知十二因緣何  
等十二一者癡二者所作行三者識  
四者名色五者六入六者裁七者痛  
八者愛九者受十者有十一者生十  
二者死此十二因緣亦與空合當知  
一切諸法有為法无為法亦與空合  
當知本性亦與空合是為應般若波  
羅蜜如是舍利弗菩薩摩訶薩知七  
空合何謂七上七事是也知此七事  
與般若波羅蜜相應者亦不見五陰  
合亦不見不合亦不見生五陰法亦  
不見滅五陰法亦不見著五陰法亦  
不見斷五陰法亦不見色與痛合亦  
不見痛與想合亦不見想與識合亦  
不見識與行合所以者何初不見有  
法與法合者性本空故舍利弗用色  
空故為非色用痛想行識空故為非  
識色空故無所見痛空故无所覺想  
空故無所念行空故无所行識空故  
不見識何以故色與空等無異所以  
者何色則是空空則是色痛想行識  
則亦是空空則是識亦不見生亦不

見滅亦不見著亦不見斷亦不見增  
亦不見減亦不過去當來今現在亦  
無五陰亦无色聲香味細滑法亦無  
眼耳鼻舌身意亦无十二因緣亦无  
四諦亦無所逮得亦无須陀洹斯陀  
含阿那含阿羅漢辟支佛亦無佛亦  
无道如是舍利弗菩薩摩訶薩行般  
若波羅蜜當作是念當作是知當作  
是應作是行者亦不見應亦不見不  
應於六波羅蜜亦不見合於五陰法  
乃至身法亦不見合與不合三十七  
品佛十種力四無所畏及佛十八法  
乃至薩云若法亦不見應與不應是  
故舍利弗當知菩薩與般若波羅蜜  
相應復次舍利弗菩薩摩訶薩行般  
若波羅蜜不與空合不與無相无願  
合無相无願不與空合所以者何空  
亦不見合亦不不合無相无願亦復  
如是是為應般若波羅蜜舍利弗菩  
薩行般若波羅蜜度空法相已亦不  
與五陰合亦不不合過去色亦不與  
過去色合亦不見過去色當來色亦  
不與當來色合亦不見當來色現在

色亦不與現在色合亦不見現在色  
痛想行識亦復如是所以者何去來  
今三世名皆空故作是合者為應般  
若波羅蜜舍利弗菩薩行般若波羅  
蜜薩云若法亦不見與過去當來今  
現在合亦不見過去當來今現在菩  
薩當作是念當作是應復次舍利弗  
薩云若亦不見與五陰合五陰亦不  
見與薩云若合薩云若亦不與六情  
合六情亦不與薩云若合色聲香味  
細滑法亦不與薩云若合薩云若亦  
不與色聲香味細滑法合亦不不合  
是為應般若波羅蜜舍利弗菩薩行  
般若波羅蜜於檀波羅蜜亦不見與  
薩云若合尸波羅蜜羣提波羅蜜惟  
逮波羅蜜禪波羅蜜乃至般若波羅  
蜜亦不見與薩云若合亦不見薩云  
若與六波羅蜜合亦不見薩云若與  
三十七品十力合三十七品十力亦  
不見與薩云若合亦不見薩云若是  
為應般若波羅蜜舍利弗行般若波  
羅蜜菩薩佛亦不與薩云若合薩云  
若亦不與佛合道亦不與薩云若合

薩云若亦不與道合所以者何薩云  
若則是佛佛則是薩云若道則是薩  
云若薩云若則是道是為與般若波  
羅蜜合復次舍利弗菩薩行般若波  
羅蜜知五陰不與有合有亦不與五  
陰合五陰亦不與苦樂有我无我合  
六情法亦復如是五陰亦不與空無  
相元願合亦不不合亦不見行亦不  
見不行菩薩當作是行當作是應復  
次舍利弗菩薩亦不以般若波羅蜜  
故行檀行尸行羼行惟逮行禪波羅  
蜜亦不以五波羅蜜故行般若波羅  
蜜亦不以阿惟越致故教授衆生亦  
不以淨佛國土故行般若波羅蜜亦  
不以四無所畏四无尋慧佛十種力  
十八法不共故行般若波羅蜜亦不  
以內空外空所有無所有空空空大  
空畢竟空空故行般若波羅蜜亦不  
有為空无為空無底空諸法相空一  
切諸法空亦不以生空亦不无生空  
亦不真空亦不偽空亦不如亦不法  
性亦不真際故行般若波羅蜜行所  
以者何不見法有所破壞者



復次舍利弗菩薩行般若波羅蜜亦不以神足徹視徹聽知他人意自知宿命故行般若波羅蜜所以者何行般若波羅蜜者尚不見般若波羅蜜何況見有菩薩神通衆事是為應般若波羅蜜舍利弗行般若波羅蜜菩薩心不自念我當以神足到十方見諸佛世尊亦不念言十方諸佛有所說法我當聽受亦不念言我當盡知十方衆生心中所念亦不自念我當自知不可計劫所從生之事亦復不念見十方衆生生死所趣善惡之趣是菩薩為應般若波羅蜜舍利弗菩薩自念我當度不可計阿僧祇人令般泥洹是為菩薩行般若波羅蜜菩薩作是行者衆魔不能得其便諸世間之事皆為降伏十方恒沙諸佛皆共擁護是菩薩令不墮聲聞辟支佛地四天王上至阿迦膩吒天是諸天皆共護是菩薩不令中道有尋是菩薩身中所有衆病現世為愈所以者何用有普慈加衆生故當知是為應般若波羅蜜復次舍利弗菩薩行般若

波羅蜜者疾得陀隣尼諸三昧門皆  
現在前在所生處常見諸佛乃至道  
場常不離佛是為應般若波羅蜜菩  
薩行般若波羅蜜者亦不念有法合  
與不合等與不等所以者何以不見  
法合亦不見法等是為應般若波羅  
蜜菩薩行般若波羅蜜者亦不念我  
當疾逮覺法性亦不逮覺何以故  
法性者無所逮覺是為合復次舍利  
弗行般若波羅蜜菩薩不見有法與  
法性別者亦不見合亦不念言法性  
作若干差別是為菩薩一切皆合亦  
不作念言是法於法性現亦不現  
何以故初不見於法性現者當知是  
則為合復次舍利弗菩薩行般若波  
羅蜜者於法性不與空合空亦不與  
法性合是為合六情十八性亦不與  
空合空亦不與六情十八性合乃至  
法性不與空合空亦不與法性合舍  
利弗如是空合取為第一行空菩薩  
不墮聲聞辟支佛地淨佛國土教授  
衆生疾成至佛舍利弗諸所有應般  
若波羅蜜無過是應取尊第一應無

上所以者何為是空无相無願无上  
正真應故舍利弗如是行者當知是  
菩薩已受勅近於道場如是行者為  
不可計阿僧祇人而作益厚菩薩亦  
不念言我與般若波羅蜜相應亦復  
不念諸佛世尊當授我勅亦不念我  
受勅不久當淨佛國土亦不念我當  
成至佛而轉法輪所以者何與法性  
一體无有別亦不見有法行般若波  
羅蜜者亦不見諸佛有所說為阿耨  
多羅三耶三菩者何以故菩薩行般  
若波羅蜜初不見有生衆生相亦不  
見滅衆生相何以故一切衆生初不  
見起滅故一切衆生不見有生尚不  
見有生滅云何行般若波羅蜜菩薩  
作是行者為行般若波羅蜜不起衆  
生相不空衆生相不見衆生行不別  
衆生行是為菩薩行第一空行菩薩  
住是中者為都合集衆合於其中住  
菩薩如是住者為處大慈大悲無嫉  
慢意无亂怠意無恚恨意无起惡意  
不起惡智意也

放光般若波羅密經卷第一

丁酉歲高麗國大藏都監奉  
勅雕造

放光般若經第一卷 第三張 柒

放光般若經卷第二

宋

西晉于闐國三藏無著叉摩

翻譯

摩訶般若波羅蜜學五眼品第四

舍利弗白佛言菩薩摩訶薩應般若波羅蜜者從何所來而生是間於是間去復生何所佛告舍利弗言菩薩與般若波羅蜜相應者於兜率天上來生是間或於他方佛國來生是間或從人道中來生是間從兜率天上來者終不失般若波羅蜜諸陀隣尼諸三昧門諸衆智門悉皆在前從他方佛國來者便疾成般若波羅蜜於智慧中日日增益諸深法要皆現在前却後乃成般若波羅蜜所生常見諸佛不離諸佛從人道中來者是菩薩未及阿惟越致者諸根闇鈍不能疾得般若波羅蜜不能便見陀隣尼門舍利弗汝所問菩薩習行般若波羅蜜者於是間終當生何所是菩薩當生他方佛國從一佛國復生一佛國常見諸佛不離諸佛世尊復有菩薩無有逼起拘舍羅從四禪行六波

羅蜜持是禪福生長壽夭不盡天壽  
來生世間供養諸佛是菩薩輩諸根  
聞訖不大聰明舍利弗復有菩薩行  
於四禪及四等意四無形禪念三十  
七品大慈大悲持遍起拘舍羅禪福  
不能稽留常生諸佛所教授處當生  
是拔陀劫中成逮覺者常不離般若  
波羅蜜復有菩薩以行四禪及四等  
意四无形定以遍起拘舍羅不隨禪  
生生於種姓大豪貴家生梵志家生  
迦羅越家所可生處常教衆生復有  
菩薩行四禪四等意四無形定以遍  
起拘舍羅不為禪所稽留來生四王  
天生忉利天生第六天常教授諸天  
淨佛國土教授衆生供侍諸佛復有  
菩薩行般若波羅蜜以遍起拘舍羅  
行第一禪生於梵天於梵天中尊從  
梵天已至十方諸佛轉法輪處請諸  
佛世尊轉於法輪復生一生補處菩  
薩行般若波羅蜜以遍起拘舍羅具  
於四禪具四等意四无形定三十七  
品空無相无願具足三昧不隨禪處  
常見諸佛供事世尊持清淨行便生



梵術天於其天上隨其壽命諸根具足為無央數諸天人眷屬圍繞而為說法已復來生世間人中作阿惟三佛舍利弗復有菩薩得六神通不生欲界形界无形界從一佛國至一佛國礼事諸佛復有菩薩得六神通遊諸佛刹其所至處無有聲聞辟支佛教名復有菩薩持六神通生諸佛刹其壽无量往生其國復有菩薩以六神通遊諸世界到無佛處於其刹中歎佛法衆令彼衆生聞三尊之功德聞已歡喜皆得往生諸佛國土復有菩薩從初發意得於四禪得四清淨四无形定三十七品乃至佛十八法不生三界常生有益於衆生之處復有菩薩行六波羅蜜從初發意便上菩薩位至阿惟越致地復有菩薩從初發意便得阿惟三佛轉於法輪益於無數億百千衆生已於无餘界而般泥洹其法留住或半劫一切復有菩薩適發道意便興般若波羅蜜相應與諸無數億百千諸菩薩共遊諸佛國淨諸佛土復有菩薩行六波羅

蜜四禪四等至四無形定皆於其中  
而自娛樂住於四禪從四禪起還至  
解脫禪定解脫禪起至無形定從無  
形定起入解脫禪從解脫禪起至無  
思想慧禪復從是起還入解脫以遍  
想拘舍羅入捕佉闍三昧是為行般  
若波羅蜜復有菩薩以三十七品乃  
至佛十八法不取聲聞辟支佛證復  
有菩薩行般若波羅蜜以遍想拘舍  
羅入三十七品諸發小道者各使得  
度諸有聲聞及辟支佛所得道慧皆  
是菩薩之忍也行般若波羅蜜者當  
知是為阿惟越致舍利弗復有菩薩  
行六波羅蜜生兜術天者當知是拔  
陁劫中諸菩薩等也復有菩薩以四  
禪福乃至佛十八法所可有道志不  
信受當知是菩薩則一生補處復有  
菩薩行六波羅蜜從一佛剎復至一  
佛國建立衆生使至道場知是菩薩  
從初發意以來當更無數阿僧祇劫  
乃成佛耳復有菩薩行六波羅蜜為  
衆生故不說無益之事復有菩薩行  
六波羅蜜為衆生故從一佛國復至

一佛國斷三惡趣復有菩薩行六波羅蜜常以惠施安樂一切恣所求索象馬車乘衣被財穀國城珍寶皆給與之復有菩薩行般若波羅蜜能自變身如佛形像入三惡趣隨其語言而為說法皆度脫之復有菩薩行六波羅蜜變身如佛遍至十方教授衆生能淨佛土已至十方悉觀諸佛威儀法則好醜清濁而便自起上妙取尊殊異之土導以一乘教諸一生補處菩薩復有菩薩行六波羅蜜便具大士三十二相諸根特異衆生見者莫不敬喜因其歡喜以三乘法而度脫之令般泥洹舍利弗菩薩行般若波羅蜜者先當學清淨身口意便得諸根特異已得殊異亦不自舉亦不下久復有菩薩從初發意行檀波羅蜜尸波羅蜜乃成阿惟三佛初不墮三惡趣復有菩薩從始發意至阿惟越致初不忘捨十善之行復有菩薩行檀尸波羅蜜得作遮迦越羅得化衆生建立十善所有財寶惠施衆生復有菩薩行檀尸波羅蜜億百十反作

遮迦越羅常供養諸佛恭敬啓受復  
有菩薩行六波羅蜜為諸衆生照明  
法化乃至阿惟三佛不離照明是故  
菩薩常明佛法是為菩薩摩訶薩行  
般若波羅蜜菩薩行者常攝身口意  
不善之事不令妄起舍利弗白佛言  
何謂菩薩攝身口意佛言菩薩心念  
不持身口意諸惡因緣用作罪事菩  
薩行般若波羅蜜亦不見身口意雖  
有身口意終不嫉恚邪見不兩舌惡  
口妄言綺語无殺盜婬無懈慢意意  
初不起惡智之事若有菩薩不能斂  
此諸惡事者此非菩薩復有菩薩行  
六波羅蜜者除身惡行除口惡言除  
意惡念舍利弗白佛言何謂菩薩除  
身口意佛言菩薩不猗身口意是故  
能除菩薩從初發意以來常奉七善  
是故過諸聲聞辟支佛上菩薩行般  
若波羅蜜者淨於佛道淨於六波羅  
蜜舍利弗白佛言云何菩薩淨於佛  
道佛言菩薩不猗身口意不猗六波  
羅蜜不猗羅漢辟支佛不猗菩薩亦  
不猗佛所以者何於一切法無所猗

故是為菩薩道舍利弗復有菩薩一  
一行諸波羅蜜用是故无能伏者合  
利弗白佛言云何菩薩行六波羅蜜  
無能伏者佛言菩薩行六波羅蜜者  
不有念五陰六情不有念色聲香味  
細滑法不有念十八性不有念三十  
七品不有念六波羅蜜不有念佛十  
種力四无所畏佛十八法不共不有  
念聲聞辟支佛道不有念佛道不有  
念阿耨多羅三耶三菩如是舍利弗  
菩薩行六波羅蜜於功德中展轉增  
益用是故無能伏者復次舍利弗菩  
薩住於般若波羅蜜具足薩云若以  
諸慧不墮惡趣不墮貧賤中所受身  
體諸根具足人不憎惡常為諸天阿  
須倫所敬愛舍利弗白佛言云何菩  
薩摩訶薩慧佛言菩薩以具足諸慧  
盡見恒沙諸佛世尊從諸世尊聽受  
法教悉聞諸佛德好之法得慧菩薩  
無有佛想亦无菩薩想亦無聲聞辟  
支佛想亦无我想亦無人想亦无諸  
佛國想慧行菩薩行檀波羅蜜亦不  
見檀亦不見般若波羅蜜行三十七

品亦復不聞三十七品名亦不見佛  
十八法舍利弗是為菩薩之慧以是  
慧故具足諸法亦不貢高見一切諸  
法行般若波羅蜜菩薩淨於五眼肉  
眼天眼慧眼法眼佛眼舍利弗白佛  
言何謂菩薩淨於肉眼佛言有菩薩  
以肉眼見百踰旬中二百踰旬有菩  
薩以肉眼見一閻浮提見二閻浮提  
見四天下有菩薩以肉眼見千世界  
見二千世界有見三千世界是為菩  
薩於肉眼淨舍利弗白佛言何謂天  
眼佛言菩薩以天眼見四王天上所  
有悉識悉知從忉利天至第六天乃  
至阿迦膩吒天菩薩悉見悉識悉知  
從四王天上至阿迦膩吒天此諸天  
人皆不識不知不見菩薩天眼所見  
菩薩天眼悉見十方恒沙世界衆生  
生死善惡之事悉見悉知是為菩薩  
於天眼淨舍利弗白佛言何謂菩薩  
於慧眼淨佛言菩薩慧眼不作是念  
有為法無為法有道法俗法慧眼菩  
薩无法不見無法不聞无法不識無  
法不覺是為菩薩於慧眼淨舍利弗



白佛言何謂菩薩得法眼淨佛言菩薩以法眼見是人堅信堅住於法是人无相無願之脫立於五根受不中止定於不中止定成解脫慧以解脫慧度於三等有身等有狐疑等有邪信有度是三等有得須陀洹便道得念於婬怒癡薄得斯陀含精勤於道却婬怒癡得阿那含便消五愛一者色愛二者無色愛三者癡愛四者恨戾愛五者亂志愛已度是者便得羅漢如是行空菩薩便得空脫便成五根疾近不中止禪至羅漢道是人已得无相解脫逮得五力乃至羅漢是為菩薩得法眼淨菩薩所知生法即是滅法便逮五根是為菩薩得法眼淨菩薩發意從檀波羅蜜至般若波羅蜜具足信根精進辦根遍恕拘舍羅根持是三根及諸功德便生王者家大種姓家梵志家迦羅越家生四天王上至第六天便於其中育養教化衆生隨其所樂淨佛國土礼事諸佛不墮聲聞辟支佛地當成三耶三佛是為菩薩得法眼淨法眼菩薩悉知

一切從佛受決未受決者有動還者  
不動還者有具足神通者未具足者  
已具足神通遊諸世界礼事諸佛者  
有未得是者得佛國淨者得不淨者  
菩薩教化衆生者不教衆生者菩薩  
為諸佛所稱譽者不稱譽者菩薩有  
親近諸佛者有不親近者菩薩成佛  
其弟子衆諸菩薩數其數无限者有  
限者是菩薩成佛時以諸菩薩為僧  
者不以菩薩為僧者有菩薩以勤苦  
行成佛者不以勤苦行成佛者有菩  
薩一生補處者未補處者有菩薩至  
道場者不至道場者有菩薩坐樹下  
降致魔者不致魔者是諸衆事一一  
悉知是為菩薩得法眼淨舍利弗白  
佛言何謂菩薩得佛眼淨佛言已得  
金剛三昧得薩去若佛十種力四無  
所畏行四等心十八不共大慈大悲  
是菩薩眼所見諸法一切衆事无事  
不見無聲不聞无物不護無法不覺  
舍利弗是為菩薩得阿惟三佛得寂  
正覺眼菩薩欲得五眼淨者當習六  
波羅蜜所以者何諸所有善法悉含

在六波羅蜜中故一切菩薩聲聞辟支佛法諸法等者元過般若波羅蜜等般若波羅蜜者是五眼之母菩薩學五眼者疾成阿惟三佛

摩訶般若波羅蜜度五神通品第五

復次舍利弗菩薩行般若波羅蜜當念具足度五神通逮諸菩薩無量神足能動天地變身無數更合為一微視無尋石壁皆過譬如鳥飛无所觸尋能履水蹈虛身出水火手捫摸日月身至梵天有是神通不自貢高不見貢高用本空故誰有能起是神足者唯有得薩云若者乃能起是耳舍利弗菩薩學般若波羅蜜者為已得神足之證耳所徹聽為過諸天人耳雖得徹聽亦不貢高於有無之中了无所得於有空无空無所生菩薩行般若波羅蜜得天耳慧神通之證能知他人心中所念知有婬怒癡者无婬怒癡者知有愛欲意無愛欲意者知有有者知无无者知有亂意無亂意者有多者有少者有定意者无定意者有脫者無脫者有高者有下者

雖知是不自貢高何以故是意非意  
故意不可思議故以神通滅宿命之  
證識一意至百意從一日至百日一月  
至百月一歲至百歲一切至百劫無  
數百劫無數千劫無數億百千那由  
盡自識知名姓種族所作所習壽命  
長短所受苦樂死此生彼從彼生此  
所作事物威儀禮節都識所更不以  
神通而自貢高菩薩學如是為學般  
若波羅蜜以神通明識宿命以天眼  
見衆生生死所趣善惡之道所得高  
下各隨本行身行惡口言惡意念惡  
謗毀聖賢信邪倒見以邪見因緣自  
壞其身死墮地獄中為人身善言念  
亦善不謗聖賢正見信行得生天上  
能見十方衆生乃至五道所見如是  
其一神通之德盡見十方持神通滅  
漏盡之證不取聲聞辟支佛道不持  
餘法當成阿惟三佛不以神通漏盡  
證故而自貢高菩薩行般若波羅蜜  
具足神通其功德轉增上乃至阿惟  
三佛有菩薩行般若波羅蜜住檀波  
羅蜜淨除薩去若迹計空無狐疑菩薩

住尸波羅蜜淨除薩去若迹不疑罪  
福以空无所起故舍利弗有菩薩住  
羣波羅蜜中淨除薩去若迹以空故  
不起瞋恚菩薩住惟逮波羅蜜淨除  
薩去若迹於身精進不起懈怠菩薩  
住禪波羅蜜淨除薩去若迹定志意  
不起菩薩住般若波羅蜜中淨除薩  
去若迹不起愚癡菩薩行般若波羅  
蜜住六波羅蜜中淨除薩去若迹從  
空來往不疑不犯不瞋不忍不進不  
怠不定不亂不智不愚亦不施與亦  
不有貪不戒不犯不進不退不忍不  
恚不定不亂不慧不癡不謗不譽不  
有為不無為如是舍利弗无所從生  
法無有罵者无有歎者無有為无无  
為是為菩薩摩訶薩行般若波羅蜜  
以得奇特之德諸聲聞辟支佛所不  
能及具足之德以教衆生淨佛國土  
摩訶般若波羅蜜授受品第六

復次舍利弗菩薩行般若波羅蜜以  
發等意於一切人發等意已便得一  
切諸法等已得諸法等便能等意於  
一切法便為現在諸佛菩薩羅漢辟

支佛之所愛敬所在生處眼終不見  
惡色意初無惡念行般若波羅蜜善  
薩終不耗減於阿耨多羅三耶三菩  
今時說般若波羅蜜行時坐中有三  
万比丘以身所著衣盡用奉佛皆發  
无上正真道意於是佛笑時阿難從  
坐起正衣服右膝著地叉手白佛言  
佛不妄笑會當有意佛告阿難是三  
万比丘於是壽終當生阿閼佛國却  
後六十二劫皆當作佛号聲聞支頭  
復有六万欲天子皆當生弥勒佛前  
皆當出家作沙門佛之威神今會者  
見東方千佛及四部衆及諸十方各  
千佛現今時沙訶樓陀刹土不如彼  
佛國土嚴淨今時坐中有十千人皆  
發願言我曹皆當作功德生彼淨國  
今時佛知善男子意所念佛復笑阿  
難白佛願聞笑意佛告阿難見是万  
人不阿難言唯然世尊已見佛言是  
万人壽終皆當往生彼諸佛國皆不  
離諸佛世尊後當作佛号莊嚴王如  
來无所著等正覺

摩訶般若波羅蜜妙度品第七



尔時尊者舍利弗摩訶目犍連須菩  
提摩訶迦葉及諸大神通比丘復有  
餘大神通菩薩摩訶薩諸優婆塞優  
婆夷俱白佛言唯世尊般若波羅蜜  
者是菩薩摩訶薩之最大度上度妙  
度無上尊度唯世尊辯才之度无與  
等者復無無等度法度空度空无相  
度諸法空度有無空度具足諸德空  
度唯世尊是諸菩薩摩訶薩行般若  
波羅蜜其功德普具无能伏者唯世  
尊今是菩薩摩訶薩成般若波羅蜜  
功德行般若波羅蜜菩薩已作是無  
等等之施无與等者種種具足檀波  
羅蜜身體種種無有與等者已得无  
等之利行般若波羅蜜自致得成阿  
惟三佛唯世尊世尊亦復行般若波  
羅蜜種種無與等法之本種種无等  
之欲今種種無與等五陰之利轉无  
上法輪過去當來諸佛世尊行般若  
波羅蜜亦復如是亦復轉於無上法  
輪唯世尊諸菩薩摩訶薩欲得度於  
諸法彼岸當習行般若波羅蜜唯世  
尊若有菩薩摩訶薩行般若波羅蜜

者諸天龍鬼神諸阿須倫世間人民  
皆當為作禮佛告諸大會比丘及諸  
菩薩當為善男子善女人行般若波  
羅蜜者作禮諸天龍神皆當作禮佛  
告舍利弗世有菩薩摩訶薩便有諸  
天帝王世間人民便有梵志迦羅越  
種便有轉輪聖王便有四大天王乃  
至阿迦膩吒天便有須陀洹道羅漢  
辟支佛道便有菩薩便有佛道已有  
菩薩便有供養衣服飲食牀卧七寶  
珠璣瓔珞琉璃摩尼舍利弗天上世  
間人所娛樂便身之具以菩薩故皆  
悉有是所以者何行菩薩之事住於  
六波羅蜜中調伏衆生使布施乃成  
般若波羅蜜菩薩摩訶薩欲安隱衆  
生者當行般若波羅蜜

摩訶般若波羅蜜舌相光品第八

尔時世尊出廣長舌相普遍三千大  
千世界於其舌根出種種無央數百  
千光明徹照十方各一恒沙國是時  
東方及十方國土无央數諸菩薩見  
是光明各各自白其佛是何瑞應有  
是大光明佛告諸菩薩言西方去是

度一恒邊沙有佛世界名沙訶其佛  
号釋迦文出舌相光明為諸菩薩說  
般若波羅蜜今有是應於是十方恒  
沙國諸菩薩各白其佛言我等欲往  
見釋迦文及諸菩薩并欲聞般若波  
羅蜜諸佛各各告諸菩薩言欲往隨  
意於是諸菩薩各各取諸名華名香  
種種幢幡珍寶華蓋發其國土來詣  
忍界諸四天王乃至阿迦膩吒天各  
持天上諸名香華來詣佛所諸天人  
諸菩薩皆悉來至見釋迦文佛已各  
各供養散諸名華所散華寶即於佛  
上在虛空中化成四柱臺其臺高顯  
四面窓向臺遍三千大千刹土各各  
莫不見有好臺羅列分別不相障蔽  
其臺妙好交露莊嚴未曾所有於是  
坐中諸億百千人各各從坐起長跪  
叉手前白佛言唯世尊願使吾等於  
當來世逮得法利當如世尊今於百  
千衆圍繞說法所現感動亦當如是  
佛於是知諸大眾各已有仍堪任於  
諸法无所從生法忍佛便笑阿難白  
佛何因緣笑願聞其意佛告阿難是

億百千衆皆得无所從生法忍却後六十八億劫劫名散華皆當作佛号覺華如來無所著等正覺

摩訶般若波羅蜜行品第九

於是世尊告須菩提言為諸菩薩摩訶薩說所從因成就般若波羅蜜是時諸會菩薩大弟子諸天人意念言今須菩提為諸菩薩說般若波羅蜜自持辯才說耶是佛威神乎須菩提知諸菩薩大弟子天人意之所念語舍利弗言敢佛弟子所說法所出音聲所可教授皆是世尊大士之務佛所說法事與法不相違背是善男子學法以法作證舍利弗我等當承佛威神為諸菩薩摩訶薩說般若波羅蜜非我等所入境界也聲聞辟支佛不能為菩薩摩訶薩說般若波羅蜜於是舍利弗須菩提共白佛言唯世尊言菩薩菩薩者何所法中有言菩薩乎我等初不見法有菩薩者我初不見菩薩亦不見菩薩字亦不見般若波羅蜜當為何所菩薩而說般若波羅蜜佛告須菩提般若波羅蜜菩

薩及字亦不在內亦不在外亦不在  
兩間中止佛告須菩提譬如字衆生  
為衆生言我人言生是男是士是夫  
是作是知是覺佛告須菩提設是名  
法但著名字亦不生亦不滅從久遠  
以來但共傳字耳佛語須菩提所謂  
般若波羅蜜所謂菩薩及菩薩字但  
著字法從久遠以來但行其字亦不  
生亦不滅須菩提譬如所有色痛想  
行識但著字法從久遠以來因緣合  
為數諸因緣合數法亦不生亦不滅  
也所謂般若波羅蜜所謂菩薩及菩  
薩字亦復如是佛告須菩提所謂眼  
耳鼻舌身意從久遠以來但著字法  
亦不生亦不滅色聲香味細滑法亦  
復如是亦不內亦不外亦不生亦不  
滅從久遠以來但著字法般若波羅  
蜜菩薩及字亦不內亦不外亦不在  
兩中間止佛告須菩提譬如內身所  
有名為頭字為頸肩臂脊肋膺脇  
脚是法亦不生亦不滅亦不內亦不  
外亦不兩中間止所謂般若波羅蜜菩  
薩及字亦復如是佛告須菩提譬如外

諸所有草木枝葉莖節從久遠以來但  
著名字是字亦不生亦不滅亦不內  
亦不外所謂般若波羅蜜菩薩及字  
亦復如是佛告須菩提譬如過去諸  
佛世尊從久遠來因字如住是字亦  
不生亦不滅亦不內亦不外須菩提  
譬如夢響幻熱時之炎如如來所化  
皆著字數法所謂般若波羅蜜所謂  
菩薩及字亦不生亦不滅亦不內亦  
不外亦不兩中間止佛告須菩提菩  
薩摩訶薩行般若波羅蜜當學字法  
合法及權法數行般若波羅蜜不見  
色痛想行識字有常无常亦不見五  
陰字有苦有樂亦不見五陰有我無  
我亦不見五陰空无相無願亦不見  
五陰淨亦不見寂亦不見著亦不見  
斷亦不見五陰生亦不見滅眼耳鼻  
舌身意色聲香味細滑法及十八性  
亦復如是行般若波羅蜜菩薩摩訶  
薩不於有為性中現般若波羅蜜亦  
不見菩薩亦不見菩薩字亦復不於  
无為性中見所以者何須菩提菩薩  
摩訶薩行般若波羅蜜於諸法無想



念故行般若波羅蜜住於无想法成  
三十七品行般若波羅蜜亦不見般  
若波羅蜜亦不見般若波羅蜜字亦  
不見菩薩亦不見菩薩字行般若波  
羅蜜成佛十八法亦復不見般若波  
羅蜜亦不見般若波羅蜜字亦不見  
菩薩字菩薩行般若波羅蜜為已盡  
超越諸法之相超越已亦不見亦不  
斷佛告須菩提菩薩行般若波羅蜜  
當學知字數合法覺已不入色亦不  
入痛想行識亦不入眼耳鼻舌身意  
亦不入色聲香味細滑法亦不入十  
八性亦不入意識覺亦不入苦樂亦  
不入不苦不樂亦不入有為性亦不  
入無為性亦不入檀尸羼惟逮禪亦  
不入般若波羅蜜亦不入相好亦不  
入菩薩身亦不入五根亦不入慧度  
亦不入度神通亦不入度慧亦不入  
内外空亦不入所有无所有空亦不  
入教化衆生亦不入淨佛國土亦不  
入遍起拘舍羅何以故不見諸法當  
有可入者佛告須菩提菩薩摩訶薩  
行般若波羅蜜於諸法無所入便增

益六波羅蜜便履菩薩位履菩薩位  
過阿惟越致地具足諸神通具足神  
通已遊諸佛國育養衆生供養札事  
淨佛國土盡見諸佛從諸佛求願即  
隨其所欲而皆得之從諸佛世尊聞  
法得諸陀隣尼三昧門乃至阿耨多  
羅三耶三菩終无有斷絕時佛告須  
菩提菩薩行般若波羅蜜當具知是  
法數著字於須菩提意云何色痛想  
行識為是菩薩耶眼耳鼻舌身意是  
菩薩耶須菩提對曰非也世尊佛言  
於須菩提意云何以色聲香味細滑  
法為是菩薩耶眼識耳識鼻識舌識  
身識意識為是菩薩耶對曰非也世  
尊佛告須菩提於意云何以地水火  
風空識為是菩薩耶對曰非也以癡  
為是菩薩耶行識名色六入我覺愛  
受有生死是菩薩耶對曰非也世尊  
佛告須菩提於意云何離五陰六衰  
六情十八性地水火風空離十二因  
緣是菩薩耶對曰非也世尊佛告須  
菩提五陰十二因緣如為是菩薩耶  
對曰非也世尊於須菩提意云何可

離如為菩薩耶須菩提對曰非也世尊佛告須菩提汝觀何等義而言五陰六衰十二因緣及如非菩薩亦不離五陰六衰十二因緣及如為菩薩也尊者須菩提白佛言世尊初不見有衆生當於何許有菩薩云何以五陰六衰十二因緣為菩薩云何當離五陰六衰十二因緣為菩薩如如亦非菩薩離如亦非菩薩无有是處世尊讚歎須菩提言善哉善哉須菩提菩薩學當作無所見學不見衆生不見般若波羅蜜於須菩提意云何以五陰常故言菩薩耶以五陰無常故為菩薩耶以五陰是我所為菩薩耶非我所為菩薩耶以五陰空无相無願故言是菩薩耶須菩提對曰非也世尊佛言離五陰空无相無願為是菩薩耶須菩提對曰非也世尊佛告須菩提汝觀何等義而言五陰空无相無願非菩薩亦不離五陰空無相无願為菩薩乎須菩提白佛言初不見五陰當云何以五陰故言菩薩初不見有常云何以無常故言菩薩須

菩提白佛言世尊初不見有樂去何  
 以五陰苦為菩薩初不見有我去何  
 以五陰無我而為菩薩初不見有人  
 云何以五陰空故而言有菩薩世尊  
 初不見有相去何以五陰无相而為  
 菩薩世尊初不見願去何以五陰無  
 願而為菩薩尔時世尊讚歎須菩提  
 言善哉善哉菩薩摩訶薩學當於五  
 陰作空無相无願無所見无所得菩  
 薩行般若波羅蜜當作是學佛告須  
 菩提汝向者所言我不見法有菩薩  
 實如所言須菩提法法不相見法不  
 見法性法性亦不見法五陰性不見  
 法性法性不見五陰性六情性不見  
 法性法性不見六情性佛告須菩提  
 有為性不見无為性無為性不見有  
 為性有為不離無為无為亦不離有  
 為佛告須菩提菩薩作是行般若波  
 羅蜜於諸法無所見雖不見諸法亦  
 不恐亦不畏懼不悔亦不懈怠何以  
 故以不見五陰不見眼耳鼻舌身意  
 亦不見色聲香味細滑法故亦不見  
 如怒癡亦不見十二因緣亦不見吾

我亦不見知見事亦不見三界亦不見聲聞辟支佛意亦不見菩薩亦不見菩薩法亦不見佛亦不見佛法亦不見道一切諸法盡不見亦不恐亦不怖亦不畏懼須菩提白佛言世尊菩薩何以故不恐不畏佛告須菩提以菩薩意識法不可得不可見以是故不恐不畏菩薩當於諸法當作無所得无所見學行般若波羅蜜亦不見般若波羅蜜亦不見菩薩字亦不見菩薩意是則菩薩學是則菩薩行

摩訶般若波羅蜜學品第十

是時須菩提白佛言世尊菩薩摩訶薩欲具足檀波羅蜜當學般若波羅蜜欲具足尸羼惟逮禪波羅蜜當學般若波羅蜜菩薩摩訶薩欲知色痛性欲消滅婬怒癡欲消滅吾我想當學般若波羅蜜欲除狐疑欲除犯戒望見欲除三界婬諍欲捨六衰習欲除四食欲捨四淵流四結四顛倒欲

捨十惡知十善之行當學般若波羅  
蜜欲知四禪三十七品四等心及佛  
十八法當學般若波羅蜜欲得學意  
三昧者當學般若波羅蜜欲知四禪  
及四空定欲得師子遊步師子奮迅  
三昧者欲得諸陀隣尼三昧首楞嚴  
三昧海寶三昧月幢三昧諸法普至  
三昧觀印三昧真法性三昧作无垢  
幢三昧金剛三昧諸法所入門三昧  
三昧王三昧王印三昧力淨三昧月  
幢三昧諸法所入真辯才三昧諸法  
言所入照十方三昧諸法陀隣尼門  
印三昧不妄諸法三昧諸法都聚印  
三昧虛空所止三昧淨三昧處三昧  
不起神通三昧作上幢三昧菩薩欲  
得是諸三昧門及餘三昧者當學般  
若波羅蜜須菩提白佛言唯世尊菩  
薩摩訶薩欲滿一切衆生之所願者  
當學般若波羅蜜菩薩欲具足諸切  
德持是具足之德不墮罪處亦不生  
昇賤之家亦不在羅漢辟支佛地住  
亦不為菩薩頂諍當學般若波羅蜜  
舍利弗語須菩提言云何為菩薩頂

諍須菩提報言菩薩摩訶薩不以遍  
想拘舍羅行六波羅蜜復不以遍想  
拘舍羅趣空無相无願三昧墮聲聞  
辟支佛地亦不順菩薩道是為菩薩  
頂諍舍利弗問須菩提何以故名為  
菩薩頂諍須菩提報言所謂法愛是  
問言何等為法愛須菩提報言菩薩  
摩訶薩行般若波羅蜜入於五陰計  
校五陰空無相无願是為順法愛入  
於五陰計校五陰空寂無常苦空非  
我是為菩薩法愛計校言當滅五陰  
是无為證是非證是成道是著是斷  
是可習是不可習是菩薩行是非菩  
薩行是道是非道是菩薩學是非菩  
薩學是六波羅蜜是非六波羅蜜是  
遍想拘舍羅是非遍想拘舍羅是菩  
薩順法愛須菩提語舍利弗言菩薩  
行般若波羅蜜入法中計校分別是  
為菩薩順法愛舍利弗語須菩提言  
何等為菩薩順道須菩提報言菩薩  
行般若波羅蜜不以內空觀外空不  
以外空觀內空不持內外空觀空空  
不持空空觀內外空亦不以空空見



大空亦不以大空觀空空亦不以大  
空見取第一空取第一空亦不見大  
空第一空亦不觀有為空有為空亦  
不觀第一空亦不持有為空觀无為  
空亦不持無為空觀有為空亦不持  
无為空觀無邊際空亦不以无邊際  
空觀作空作空亦不觀性空性空亦  
不觀作空作空亦不觀自空自空亦  
不觀性空自空亦不觀諸法空不持  
諸法空觀自空諸法空亦不觀無空  
无空亦不觀諸法空諸法空亦不觀  
有空有空亦不觀無空有空亦不觀  
无有空無有空亦不觀有空舍利弗  
菩薩作是行般若波羅蜜轉上便應  
菩薩之道復次舍利弗菩薩作是學  
般若波羅蜜不念五陰亦不貢高亦  
不念眼耳鼻舌身意不念色聲香味  
細滑法亦不念六波羅蜜乃至佛十  
八法不念亦不貢高作是學般若波  
羅蜜亦不念道意妙无與等者亦不  
念不貢高所以者何是意非意意性  
廣大而清淨故舍利弗問須菩提言  
云何意性廣大而清淨須菩提報言

於婬欲癡亦不合亦不散不與塵勞  
合亦不散不與惡行及六十二見合  
亦不散亦不與聲聞辟支佛意合亦  
不散是為菩薩意性廣大而清淨舍  
利弗復問言意為有耶言是意非意  
須菩提報言意无所念時有意無意  
寧可得可見可知不舍利弗報言唯  
提語舍利弗若意无念時亦不見有  
意亦不見無意亦不可得亦不可見  
是故即為清淨舍利弗問須菩提何  
等為无意意報言於諸法無作无念  
是為無意意舍利弗復問无為無作  
亦是意耶於五陰无為無作亦復是  
意乃至道无為無作亦是意耶須菩  
提報言如是如是如所問是時舍利  
弗讚歎須菩提言善哉善哉如須菩  
提為是佛子為從佛生為從法化生  
則為法施非為思欲施隨其證而為  
說法實如佛所舉樂空寂行第一菩  
薩摩訶薩當作是學般若波羅蜜便  
為阿惟越致終不離般若波羅蜜苦  
薩欲學知聲聞辟支佛地當學般若

波羅蜜當讀當習當持欲學菩薩地  
當學般若波羅蜜當讀當學當持當  
習何以故般若波羅蜜中廣說三乘  
之教菩薩摩訶薩聲聞辟支佛亦當  
從是中而學成

摩訶般若波羅蜜本無品第七

是時須菩提白佛言世尊如菩薩行  
般若波羅蜜我亦不覺有菩薩亦不  
見菩薩當為何等菩薩說般若波羅  
蜜當教誰不見諸法終始云何當為  
菩薩作字言菩薩耶世尊是字必不  
住亦不住所以者何是字亦不見  
亦不可得世尊我亦不見五陰終始  
云何當為菩薩作字是故世尊是字  
不住亦不住世尊我亦不見六情  
六衰終始當云何為菩薩作字是字  
不住亦不住所以者何是字亦不  
可見不可知云何為菩薩建字是字  
亦不可見亦不可知是字不住亦不  
不住世尊亦不見十八性亦不見十  
二因緣終始世尊我亦不見十二因  
緣生滅根本亦不見婬怒癡終始亦  
不見六十二見亦不見六波羅蜜終

始亦不見吾我亦不見人亦不見壽  
亦不見命衆生終始亦不見三十七品  
空無相元願四禪四等四無形禪之  
終始佛志法志僧志戒志施志天志  
安般志死志終始亦不可得見我亦  
不見佛十八法終始世尊五陰如夢  
如響如光如影如幻如炎如化終始  
不可得寂靜不生不滅終始不著不  
斷終始及如法性之法實際終始皆  
不可見世尊我亦不見善惡之法終  
始我亦不見有為無為有漏無漏之  
始終世尊我亦不見當來過去今現  
在之終始我亦不見不當來不過去  
不現在法之終始我亦不見世尊終  
始我亦不見十方恒邊沙國土諸如  
來无所著等正覺諸弟子及菩薩衆  
終始世尊諸法之終始尚不可得不  
可見當教何等菩薩當為誰說般若  
波羅蜜見字亦不住亦不住是字  
不可得知亦不可得亦不可見是故  
字亦不住亦不住何為菩薩作字  
何以故諸字法皆不可見亦不可得  
世尊菩薩者合數建字法亦無有與

作字者五陰十八性十二表二十七品

佛十八法亦無有與作字者世尊譬

如夢字響音光影炎化名虛空世尊譬

如言地水火風空亦无有與作字者

言戒三昧智慧解脫見解脫慧是字

亦無有與作字者言須陀洹斯陀含

阿那含阿羅漢辟支佛其字亦无有

與作字者言菩薩言道言佛佛法其

字亦無有與作者言善惡言有常无

常苦樂有我言寂言寂靜所有無所

有其字无有與作者以是故我狐疑

所以者何諸法終始不可得見而為

菩薩作字世尊是字亦不住於法性

何以故是字無所有不可得是故字

亦不住亦不不住若菩薩摩訶薩聞

作是說般若波羅蜜不悅不悔不懈

不怠不恐不怖當知是菩薩審諦住

阿惟越致地住於無所住復次世尊

菩薩行般若波羅蜜色痛想行識不

當於中住眼耳鼻舌身意不當於中

住色聲香味細滑法不當於中住六

識不當於中住六我不當於中住六

覺不當於中住地水火風空識不當

於中住十二因緣不當於中住何以  
故以色痛想行識空故世尊若五陰  
空者為非五陰五陰亦不離空空亦  
不離五陰空則是五陰五陰則是空  
是故世尊菩薩摩訶薩行般若波羅  
蜜不當於五陰中住乃至十二因緣  
亦不當於中住何以故十二因緣空  
故十二因緣則是空空則是十二因  
緣復次世尊菩薩摩訶薩行般若波  
羅蜜三十七品乃至佛十八法不當  
於中住佛十八法亦不離空空則十  
八法十八法則空是故不當於中住  
復次世尊菩薩摩訶薩行般若波羅  
蜜六波羅蜜不當於中住何以故六  
波羅蜜空故住則非六波羅蜜六波  
羅蜜不離空空亦不離六波羅蜜是  
故世尊菩薩不當於六波羅蜜中住  
復次世尊菩薩摩訶薩行般若波羅  
蜜文字數不當於中住文字數若多  
若少不當於中住何以故文字數空  
故復次世尊行般若波羅蜜菩薩神  
通亦不當於中住何以故神通則是  
空空則是神通復次世尊行般若波



羅蜜菩薩色痛想行識无常不當於  
由住何以故無常空故假令无常不  
空則非無常空亦不離无常無常則  
是空空則是无常是故菩薩不當於  
中住五陰苦五陰無我亦不當於中  
住五陰空亦不當於中住五陰寂靜  
亦不當於中住復次世尊行般若波  
羅蜜菩薩如不當於中住法及法性  
不當於中住真際不當於中住復次  
世尊菩薩行般若波羅蜜諸三昧門  
陀隣尼門不當於中住世尊菩薩摩  
訶薩無有遍想拘舍羅作吾我想著  
於五陰有仍五陰受般若波羅蜜亦  
不順般若波羅蜜不得具足般若波  
羅蜜便不能得出生薩云若復次世  
尊菩薩行般若波羅蜜著於吾我想  
住於諸陀隣尼三昧門以想識求陀  
隣尼三昧門又復有仍受般若波羅  
蜜亦不應不順般若波羅蜜不得具  
足般若波羅蜜不能得出生薩云若  
何以故不受色痛想行識故不受五  
陰則非五陰所以者何其性空故諸  
陀隣尼三昧門不受不受則非陀隣

尼三昧門其性空故乃至般若波羅  
蜜亦復不受本性空故菩薩摩訶薩  
行般若波羅蜜當觀性空之法雖觀  
於諸法不當使有所著是名為菩薩  
摩訶薩无所受三昧積聚廣大無限  
之用諸羅漢辟支佛所不能及薩去  
若亦不受乃至内外空及有無空亦  
不受何以故不可以相行故所以者  
何相行有垢故何等相五陰相三昧  
相是謂垢相當作是受當作是念不  
尔者異道人先尼終不有信於薩去  
若慧何等信信於般若波羅蜜不以  
相信解受持觀其所應亦不以相亦  
不以无相作是不受相先尼得解信  
要使得度空性之慧不復受痛想行  
識所以者何以見解空相之法何以  
故亦不於内見慧亦不於外見慧亦  
不離内外事見慧何以故亦不見法  
當有可識知者亦不於内五陰見慧  
亦不於外五陰見慧亦不離五陰見  
慧以是因緣先尼得解得解已便得  
信要於薩去若是謂比諸法等信以  
為證而不見諸法先尼作是解脫已

便於諸法無所受不想不念故是法亦无有得者亦無有受者亦无有解者是法亦非受亦非持亦不可獲亦無有念一切諸法皆无念故世尊菩薩摩訶薩所以於般若波羅蜜通達來往於彼此岸者何於諸法無所受不受色痛想行識者於諸法无所受故乃至三昧陀隣尼門無所受於諸法亦无所受不具足三十七品佛十力佛十八法不共終不中道般泥洹何以故三十七品非三十七品乃至佛十八法非十八法是法非法亦不非法是為菩薩摩訶薩行般若波羅蜜不受五陰復次世尊菩薩摩訶薩行般若波羅蜜當作是觀言何許是般若波羅蜜般若波羅蜜為是誰誰有是般若波羅蜜菩薩行般若波羅蜜當復作是念言不可得法不可見法非為般若波羅蜜於是舍利弗問尊者須菩提言賢者何等法不可得不可見須菩提報言般若波羅蜜不可得不可見禪惟逮羣尸檀波羅蜜亦不可得亦不可見以外空內空及

有无空故五陰亦不可得見三十七  
品佛十八法神通亦不有亦不可得  
見法性法住真際佛薩去若亦不有  
亦不可得見以內外空有無皆空故  
舍利弗菩薩摩訶薩行般若波羅蜜  
若作是觀作是念意不憊不厭不恐  
不怖當知是菩薩終不離般若波羅  
蜜舍利弗問尊者須菩提何以當知  
菩薩不離般若波羅蜜須菩提報言  
如色之狀貌離色如痛想行識狀貌  
離痛想行識如檀波羅蜜狀貌離檀  
波羅蜜乃至般若波羅蜜狀貌離般  
若波羅蜜乃至佛十八法乃至真際  
亦復如是舍利弗問須菩提言五陰  
狀貌何類六波羅蜜佛十八法狀貌  
何類法性及如真際其狀貌何類須  
菩提報言五陰无所有之狀貌六波  
羅蜜佛十八法真際亦無所有之狀  
貌其類非物之類舍利弗是故當如  
五陰狀貌離五陰如六波羅蜜狀貌  
離六波羅蜜乃至真際亦復如是五  
陰離五陰相乃至真際亦離其相相  
亦離其真際舍利弗問須菩提菩薩

摩訶薩於中便出生薩云若耶報言  
如所問無有異何以故諸法无所出  
亦无所生舍利弗又問何以故諸法  
無有生无有出須菩提報言五陰空  
亦不見其出亦不見其生般若波羅  
蜜佛十八法真際亦不見其出亦不  
見其生舍利弗菩薩摩訶薩作是學  
般若波羅蜜以漸近薩云若已漸近  
薩云若便得身意相淨已得身意相  
淨便无婬怒癡意强梁貪意不復生  
意終無六十二見事終不於母人腹  
中生常得化生從一佛國至一佛國  
育養衆生普淨佛國土至成阿耨多  
羅三耶三菩終不離諸佛世尊舍利  
弗菩薩摩訶薩行般若波羅蜜當作  
是學當作是行

放光般若波羅蜜經卷第三

戊戌歲高麗國大藏都監奉

勅彫造

放光般若經卷第三

紫

西晉于闐國三藏無羅叉奉詔譯

摩訶般若波羅蜜空行品第十三

須菩提白佛言菩薩摩訶薩行般若波羅蜜無有遍起拘舍羅於五陰為行相若念五陰有常為行相念五陰无常為行相念五陰苦言五陰是我所是為行相念五陰寂靜為行相世尊菩薩摩訶薩不以遍起拘舍羅行般若波羅蜜學三十七品佛十八法亦復為行相世尊若菩薩行般若波羅蜜自念言我行般若波羅蜜設欲有所得是亦為行相若菩薩念言有作是學者為學般若波羅蜜是亦為行相作是學者當知菩薩未有遍起拘舍羅故須菩提語舍利弗言菩薩作是學般若波羅蜜為住色為分別色坐分別色便作行色求已作是行不得離生老病死苦菩薩復不以遍起拘舍羅行般若波羅蜜處於眼耳鼻舌身意分別六情復分別十八性復住於三十七品及佛十八法各分



別計校作色求亦復不能脫生老病死苦是菩薩尚不能逮聲聞辟支佛地證况欲得阿耨多羅三耶三菩是事不然以是故當知菩薩行般若波羅蜜無遍起拘舍羅舍利弗問須菩提當云何知菩薩行般若波羅蜜而是遍起拘舍羅須菩提報言菩薩摩訶薩行般若波羅蜜於色痛想行識不作相行亦不言五陰有常无常於五陰亦不作苦樂行亦不作是我所非我所行於五陰不作寂靜行以是故舍利弗以五陰空為非五陰五陰不離空空不離五陰五陰則是空空則是五陰六波羅蜜三十七品及佛十八法皆空假令空者亦不離十八法十八法亦不離空菩薩如是行般若波羅蜜則為是遍起拘舍羅菩薩作是行般若波羅蜜便成阿耨多羅三耶三菩行般若波羅蜜亦不見般若波羅蜜亦不見行者亦不見不行者舍利弗問須菩提菩薩摩訶薩何以故行般若波羅蜜亦不見般若波羅蜜

須菩提報言以般若波羅蜜狀貌本  
實不可得見故何以故所有者無所  
有故是故行般若波羅蜜无所見所  
以者何菩薩悉知諸法所有無所有  
有三昧名於諸法无所生是諸菩薩  
摩訶薩無量无限廣大之用非聲聞  
辟支佛所知菩薩摩訶薩不離是三  
昧便疾得阿耨多羅三耶三菩舍利  
弗問須菩提但是三昧使菩薩疾成  
阿耨多羅三耶三菩耶頗復有餘三  
昧須菩提報言亦復有餘三昧令菩  
薩疾成得佛舍利弗問言何者是須  
菩提言有三昧名首楞嚴菩薩行是  
三昧亦疾得佛復有寶印三昧師子  
遊步三昧月三昧作月幢三昧諸法  
印三昧照頂三昧真法性三昧必造  
幢三昧金剛三昧諸法所入印三昧  
三昧王所入三昧王印三昧力進三  
昧寶器三昧必入辯才三昧如是等  
三昧菩薩摩訶薩悉學已便疾得佛  
舍利弗復有无央數不可計三昧菩  
薩所應學亦復令菩薩疾得佛須菩  
提承佛威神言若有菩薩摩訶薩行

是三昧者已為過去佛所授決已今  
現在諸佛亦授其次已亦不見三昧  
亦不念三昧亦不貢高念言我得是  
三昧亦不念言我住是三昧都无三  
昧想舍利弗問須菩提言諸有住是  
三昧者為已從過去諸佛授記已耶  
須菩提言不也舍利弗何以故般若  
波羅蜜及三昧菩薩無有異菩薩則  
是三昧三昧則是菩薩般若波羅蜜  
亦尔等无有異而善男子不知諸法  
等三昧何以故不知菩薩以不見是  
三昧是故不知於是世尊讚歎須菩  
提言善哉善哉如我所歎譽汝於諸  
空寂行者第一菩薩摩訶薩當作是  
學六波羅蜜及三十七品及佛十八  
法舍利弗白佛言菩薩摩訶薩當作  
是學般若波羅蜜耶佛言當作是學  
六波羅蜜三十七品及佛十八法亦  
不想有所得有所見舍利弗白佛言  
何等為无所得無所見世尊報言吾  
我及衆生不可得見以内外空故五  
陰十八性十二衰不可得不可見本  
淨故十二因緣不可見常淨故苦習

盡道不可見常淨故不可見欲性形  
性无形性不可得見三十七品佛十  
八法常淨故不可得見六波羅蜜從  
須陀洹乃至佛常淨故不可見舍利  
弗白佛言何等為淨世尊報言不生  
不有不可見無所為是為淨舍利弗  
白佛言菩薩摩訶薩作是學為學何  
法世尊報言菩薩作是學於諸法无  
所學何以故法不介如凡人所入舍  
利弗白佛言法云何世尊佛報言法  
之所有如無所有作是有故言无所  
有舍利弗白佛言何等為無所有而  
有世尊報言五陰无所有内外所有  
無所有空故三十七品佛十八法无  
所有内外所有無所有空故凡夫愚  
人隨癡入愛於中作癡行為兩際所  
得而不知不見法所不癡者而為入  
於名色入於六入入於三十七品及  
佛十八法雖入其中法所无者及更  
念亦復不知亦不見不知不見何等  
佛言不知五陰不見五陰不見三十  
七品佛十八法以是法墮於凡夫愚  
人之數而不出於何不出於欲形無

形界不出於聲聞辟支佛法不出而復不信不信何等不信五陰空不信三十七品佛十八法空亦復不住於何所不住不住於六波羅蜜不住於阿惟越致地乃至佛十八法不住以是故謂為凡夫愚人便入於眼耳鼻舌身意入於五陰六衰入於十八性入於婬怒癡入於諸見入於三十七品佛十八法入於道舍利弗白佛言世尊菩薩作是學為不學般若波羅蜜不成薩去若慧耶佛言如是學為不學般若波羅蜜不出薩去若舍利弗白佛言何以故菩薩不學般若波羅蜜不成薩去若慧佛言以菩薩摩訶薩無漚沤拘舍羅以想念入六波羅蜜及三十七品佛十八法以想念入薩去若以是故菩薩摩訶薩不學般若波羅蜜不生薩去若慧舍利弗白佛言菩薩當云何學般若波羅蜜而令菩薩成薩去若慧佛言菩薩行般若波羅蜜不見般若波羅蜜是為菩薩摩訶薩行般若波羅蜜者學如成薩去若慧如應无所見無所得舍

利弗白佛言何等為无所得無所見  
佛言不見一切法空故

摩訶般若波羅蜜問幻品第十三

須菩提白佛言世尊若人問言幻人  
布施持戒精進忍辱一心智慧學三  
十七品佛十八法學薩云若當成薩  
云若不乎我等當云何報佛告須菩  
提我自還問汝隨須菩提意報我於  
須菩提意云何五陰與幻有異无眼  
耳鼻舌身意色聲香味細滑法十八  
性與幻有異不須菩提對曰無有異  
世尊佛言三十七品佛十八法空无  
相無願及道與幻有異不須菩提答  
曰无有異世尊五陰則是幻幻則是  
五陰十二衰及十八性皆是幻三十  
七品及佛十八法亦是幻幻則十八  
法佛告須菩提幻人頗有著有縛有  
生有死不對曰無於須菩提意云何  
幻人亦不生亦不滅學般若波羅蜜  
當成薩云若不須菩提白佛言不能  
得於須菩提意云何著字名合法五  
陰數字為菩薩不對曰如是如是世  
尊著字五陰生滅可得見不須菩提



對曰不可得見亦無起亦无滅亦無  
字亦无身行亦無意行亦无著亦无  
縛學般若波羅蜜寧成薩云若不須  
菩提對曰不能成佛言菩薩學般若  
波羅蜜應無所得須菩提白佛言菩  
薩如是學般若波羅蜜及阿耨多羅  
三耶三菩為如幻人學所以者何當  
知五陰如幻人於須菩提意云何五  
陰為學般若波羅蜜當成薩云若不  
須菩提白佛言不也世尊何以故五  
陰所有無所有无所有者亦不可得  
見於須菩提意云何五陰如夢如響  
如影如熱時炎如化當學般若波羅  
蜜耶對曰非也何以故五陰六衰如  
夢如幻無所有不可得見須菩提白  
佛言新發大乘意菩薩聞作是說般  
若波羅蜜將无恐怖佛言新學大乘  
菩薩未得般若波羅蜜溫恕拘舍羅  
不與善知識相隨或恐或怖須菩提  
白佛言菩薩當行何等溫恕拘舍羅  
令菩薩不恐不怖世尊佛告言菩薩  
行般若波羅蜜應薩云若行觀五陰  
無常亦不猗五陰是為菩薩行般若

波羅蜜遍起拘舍羅復次須菩提菩薩意應薩云若行觀五陰苦空非我觀五陰空无相無願觀五陰寂靜應无所得無所猗是為菩薩行般若波羅蜜遍起拘舍羅菩薩當作念言我當為一切衆生說无常苦空非我為說空無相无願寂靜之法應無所得无所猗是為菩薩檀波羅蜜復次須菩提菩薩亦不以羅漢辟支佛意觀五陰無常苦空非我亦不以羅漢辟支佛意觀空无相無願寂靜是為菩薩不越戒以是故菩薩不恐不怖菩薩盡能奉行能忍是為菩薩行羣提波羅蜜復次須菩提菩薩意行應薩云若觀五陰无常應無所見无所著不捨薩云若意是為菩薩行惟逮波羅蜜菩薩適作是行不起羅漢辟支佛意羈他惡意亦不得生是為菩薩摩訶薩行禪波羅蜜不恐不怖復次須菩提菩薩行般若波羅蜜當作是觀言不以五陰空空則五陰六情十八性三十七品亦復如是是故菩薩行般若波羅蜜不恐不怖須菩提白

佛言菩薩行般若波羅蜜當與何等  
善知識相得聞說般若波羅蜜不恐  
不怖佛報言菩薩說五陰无常苦空  
無我空无相無願寂靜而无所希望  
持是無所希望之福不作羅漢辟支  
佛地行但求薩云若是為菩薩善知  
識為說六情十八性寂靜而无所希  
望持是功德不願聲聞辟支佛地是  
為菩薩善知識復次須菩提菩薩念  
三十七品佛十八法念薩云若念道  
以為一切說法無所希望持无所希  
望福不為聲聞辟支佛地但為薩云  
若是為菩薩善知識須菩提白佛言  
何等為菩薩學般若波羅蜜無滯礙  
拘舍羅為惡知識聞說般若波羅蜜  
為恐怖世尊報言菩薩離薩云若意  
猗般若波羅蜜而自貢高行禪精進  
忍辱持戒行布施以猗檀波羅蜜而  
自貢高復次須菩提菩薩離薩云若  
意念五陰内外空以空貢高有所猗  
念六情空念十八性空以是為貢高  
念二十七品及佛十八法空猗十八  
法而自貢高是為菩薩不行般若波

羅蜜无遍起拘舍羅聞說般若波羅  
蜜為恐怖須菩提白佛言何等為菩  
薩惡知識佛言教令遠離六波羅蜜  
語菩薩言莫學是非佛所說但合會  
作是不足聽聞不當受持不當諷誦  
讀亦不當教他人當知是菩薩惡知  
識菩薩復有惡知識與說魔所樂事  
魔波旬作佛形像往到菩薩所使菩  
薩遠離六波羅蜜語菩薩言善男子  
用是六波羅蜜學為當知是菩薩惡  
知識魔復作佛形像往到菩薩所分  
別廣說聲聞所應行經但為說是魔  
事當知是菩薩惡知識魔復作佛形  
像往到菩薩所語菩薩言善男子汝  
亦无菩薩意亦非阿惟越致汝亦不  
能成阿耨多羅三耶三菩假令不教  
菩薩令覺魔事者是菩薩惡知識魔  
波旬復作佛形像往到菩薩所語菩  
薩言善男子眼耳鼻舌身意空六衰  
十八性皆空六波羅蜜三十七品佛  
十法皆空用是阿耨多羅三耶三  
菩學為有作是教者是為菩薩惡知  
識復次須菩提魔復作辟支佛形像

往至菩薩所語菩薩言善男子十方  
皆空無有佛亦无有菩薩亦無有聲  
聞而為菩薩說是輩魔事當知是則  
菩薩惡知識魔復作聲聞形像欺服  
往到菩薩所斷菩薩云若意為說  
聲聞辟支佛行有作是教者則是菩  
薩惡知識魔復作菩薩師和上被服  
到菩薩所教令離菩薩行教令離薩  
云若三十七品及佛十八法持空无相  
無願法授菩薩汝當念是法受聲聞  
地證當用是阿耨多羅三耶三菩學  
為是但魔事耳復次須菩提魔復作  
菩薩母形像來至菩薩所言子汝當  
受是須陀洹證習羅漢果證當用是  
阿耨多羅三耶三菩為當受是无央  
數劫生死當受是截手截脚之痛向  
菩薩說是輩魔事是則魔所作復次  
須菩提魔復作比丘被服至菩薩所  
語菩薩言眼耳鼻舌身意無常苦空  
非我空无相無願寂靜為說三十七  
品佛十八法皆為說相著事當知是  
菩薩之惡知識覺已當急遠離之  
摩訶般若波羅蜜了本品第十四

須菩提白佛言菩薩号为菩薩其句  
義云何佛告須菩提菩薩句義无所  
有所以者何道者無有句義亦无我  
菩薩義者亦如是須菩提譬如鳥飛  
虛空無有足跡菩薩義者亦如是譬  
如夢幻熱時炎影如来所化无所有  
菩薩義者亦如是譬如法性及如真  
際亦無所有譬如幻士五陰不可得  
不可見行般若波羅蜜菩薩摩訶薩  
其義亦如是譬如幻士行内外空亦  
无所有菩薩行般若波羅蜜其義亦  
如是須菩提譬如幻士行六波羅蜜  
三十七品及佛十八法無所有菩薩  
義者亦如是須菩提譬如佛五陰不  
可得何以故无有五陰故菩薩行般  
若波羅蜜不見菩薩之句義須菩提  
譬如怛薩阿竭阿羅訶三耶三佛六  
情無所有菩薩行般若波羅蜜其義  
亦如是須菩提譬如佛行内外空其  
際不可得見行三十七品及佛十八  
法不可得見菩薩其義亦如有為  
无為性亦無有義須菩提譬如不生  
不滅无所有無作无著無斷其義亦



无所有何等不生不滅不著不斷不  
有不作報言五陰不生不滅亦不著  
亦不斷亦不可見十八性六情六衰  
五陰無著三十七品佛十八法无著  
无斷義不可得行般若波羅蜜菩薩  
其義亦如是須菩提辟如三十七品  
佛十八法本淨無有義菩薩義者亦  
如是辟如吾我淨以吾我无有邊際  
故我人壽命淨不可得見衆生無邊  
際故菩薩行般若波羅蜜其義亦如  
是辟如日出時諸冥迹不復現菩薩  
亦如是辟如天地劫盡火燒時世間  
諸所有皆燒盡其迹不可見菩薩行  
般若波羅蜜其義亦如是須菩提辟  
如世尊戒具本時惡戒迹不復現得  
三昧亂意迹不復現得智慧无有愚  
癡跡得解脫不復見未解脫迹已見  
解脫慧不復見不解脫慧辟如佛光  
出時日月忉利諸天王阿迦膩吒天  
光明不復現菩薩行般若波羅蜜其  
句義不可見何以故道及菩薩菩薩  
義是亦不合亦不散无有形不可見  
無有對一相一相者則為非相須菩



提菩薩於諸法當學无所著亦當覺  
知諸法須菩提白佛言何等為諸法  
何等為菩薩於諸法學無所著何等  
為菩薩覺知諸法佛告須菩提諸法  
者謂善法惡法記法未記法俗法道  
法有漏法无漏法有為法無為法是  
為菩薩當於是諸法學无所著亦當  
學須菩提白佛言何等為世俗善法  
佛告須菩提俗善法者謂孝順父母  
供養沙門道人養育長老施諸福  
事約身守節精勤念善意崇方便修  
行十善有俗内想腐敗想青瘀想血  
想食不消想亂想骨想半焦想四禪  
四等四無形禪想佛想法想比丘僧  
想戒想施想天想精勤想安般想身  
想死想須菩提是謂世間善法何等  
為世俗惡法殺盜婬怒惡口妄言綺  
語嫉妬邪見是為世俗惡法何等為  
記法若善法若不善法是為記法何  
等為未記法未有身口意未有四大  
未有五陰十八性十二衰是為未記  
法何等為世俗法五陰十二衰十八  
性十善四禪四等四無形禪是謂世

俗法何等為道法三十七品三解脫門三根三三昧解脫攝意八解脫門九次第禪十八空佛十力四无所畏佛十八法是為道法何等為漏法五陰十二衰十八性十二因緣四禪四無形禪是為漏法何等為无漏法三十七品佛十八法是為无漏法何等為有為法欲界形界無形界三十七品乃至佛十八法是為有為法何等為无為法無為法者不生亦不滅不終亦不始常住而不改姪怒癡盡如无有異法性及真際是謂無為法菩薩摩訶薩當於是空相之法無所著而不傾動覺諸法而不二須菩提白佛言何等為摩訶薩佛告須菩提於諸大衆必有上首是故名為摩訶薩須菩提白佛言當為何等衆生而作上首佛告須菩提大衆者謂須陀洹斯陀舍阿那含阿羅漢辟支佛初發意菩薩摩訶薩至阿惟越致地住者是為大衆之聚菩薩當於是中作上首於中當發金剛意便為上首須菩提白佛言世尊何等為金剛意佛告

須菩提菩薩摩訶薩發意言我當受  
無央數生死作精進行我當為衆生  
故捨一切所有我當等心於一切衆  
生我當以三乘度脫衆生當令般泥  
洹亦不見衆生般泥洹我當覺諸法  
無所從生常當以薩云若慧意行六  
波羅蜜我當學當救濟一切須菩提  
是為菩薩發金剛意便為大衆取上  
首菩薩復發意言我當為泥犁薜荔  
中罪人所受苦痛我當為衆生代受  
无央數劫苦痛盡令衆生於無餘泥  
洹而般泥洹然後我自為身作善本  
億百千劫乃成阿耨多羅三耶三菩  
須菩提是為菩薩發金剛意於大衆  
而為上首菩薩當為妙意以妙意故  
於衆生為上首從初發意已來亦不  
當生姪怒癡意亦不當燒衆生亦不  
起聲聞辟支佛意是為菩薩摩訶薩  
妙意而為大衆作上首亦不念貢高  
菩薩當於薩云若意而不動亦不貢  
高菩薩常當起護念於衆生亦不捨  
衆生菩薩摩訶薩當為法行當為法  
樂何等為法樂隨其所知而諷誦受

菩薩行般若波羅蜜住於諸法空為  
大衆作導亦无所倚亦無所得菩薩  
住於三十七品及佛十八法為大衆  
作上首无所倚而無所見菩薩行般  
若波羅蜜住於行如金剛三昧乃至  
盡虛空際无所染逮解脫三昧便為  
大衆作上首而無所得亦无所倚須  
菩提菩薩住於是法地故便能為衆  
生而作上首是故名為摩訶薩

摩訶般若波羅蜜摩訶薩品第十五

是時舍利弗白佛言我亦當復說所  
以為摩訶薩者何佛告舍利弗便說  
舍利弗言菩薩於諸妄見悉斷是故  
名為摩訶薩何謂諸見妄見吾我見  
有人見及衆生見有斷見有常見有  
見無見五陰見十八性見十二衰見  
有諦見十二因緣見有三十七品佛  
十八法見有育養衆生見有淨佛土  
見有道見有佛見轉法輪見一切諸  
見悉斷作如是說法是故名為摩訶  
薩須菩提問舍利弗言菩薩摩訶薩  
何以故有五陰十二衰十八性十二  
因緣見何以故有三十七品佛十八

法見及有妄見舍利弗對曰菩薩摩訶薩不以遍起拘舍羅行般若波羅蜜如務五陰六情十八性十二因緣猗六波羅蜜三十七品及佛十八法起諸見菩薩摩訶薩行般若波羅蜜遍起拘舍羅斷是諸見為人說法而無所猗須菩提白佛言我亦當說所以為摩訶薩者何佛告須菩提樂說者便說須菩提言道意元有與等者非聲聞辟支佛所知何以故以薩云若意無漏故意亦不著是故為摩訶薩舍利弗問須菩提何等為菩薩意元有與等者諸羅漢辟支佛所不能及者須菩提報言菩薩摩訶薩從初發意以來不見法有生滅亦不見有增減亦不見著亦不見斷舍利弗諸法不生不滅不增不減不著不斷者亦無羅漢辟支佛意亦无道意亦無佛意是為菩薩摩訶薩意元有與等者非羅漢辟支佛所能及知者舍利弗言如須菩提意不著羅漢辟支佛地五陰亦不著三十七品佛十八法亦不著舍利弗語須菩提假令薩云

若意无漏者凡人意亦當無漏性空  
故羅漢辟支佛及諸佛世尊意亦當  
无漏須菩提言尔如所言舍利弗言  
五陰亦無漏其性本空故三十七品  
佛十八法亦復无漏性空故須菩提  
言如舍利弗所言舍利弗問須菩提  
言無意為不與意合耶无色痛想行  
識為不與識合耶須菩提言尔如所  
言舍利弗復問三十七品佛十八法  
與非十八法為不著不合耶須菩提  
報言有無之事皆合須菩提語舍利  
弗言菩薩摩訶薩作如是行般若波  
羅蜜不持道意及羅漢辟支佛所不  
能及知意亦不貢高而有所猗於猗  
於法而無所入

摩訶般若波羅蜜問僧都品第十六

是時邠耨文陀尼子白佛言世尊我  
當說所以為摩訶薩者佛言汝樂欲  
說者便說之邠耨言菩薩為大功德  
所經絡垂於大乘以是故謂為摩訶  
薩舍利弗問邠耨言何等為菩薩摩  
訶薩以大功德所經絡而為摩訶薩  
邠耨報言菩薩摩訶薩不為齊限於

人故住檀波羅蜜而為布施普為一切衆生故行檀波羅蜜尸羴惟逮禪般若波羅蜜普為衆生故作謙苦行菩薩成僧邨僧涅不限衆生亦不言我當限度若干人不能度餘人亦不言我當教若干人至道亦不言我不能教餘人菩薩為衆生故起大誓願言我自當具足六波羅蜜亦當教他人使具足六波羅蜜菩薩行檀波羅蜜所布施應薩云若意願言持是功德與一切衆生俱共得阿耨多羅三耶三菩舍利弗是為菩薩行般若波羅蜜而習布施復次舍利弗菩薩布施應薩云若不求羅漢辟支佛地是為菩薩行般若波羅蜜布施習於尸波羅蜜復次舍利弗菩薩布施時作薩云若念法所應行是為習羴波羅蜜如精進所應行是為習惟逮波羅蜜一心布施應薩云若念終不起聲聞辟支佛意是為習禪波羅蜜所可布施如幻相不見施者亦不見所施亦不見受者是為菩薩布施而習般若波羅蜜菩薩以薩云若意不想諸



波羅蜜亦不猗舍利弗是故當知菩薩為僧邨僧涅復次舍利弗菩薩摩訶薩行尸波羅蜜意應薩去若布施持布施功德與衆生共求阿耨多羅三耶三菩是為菩薩行尸波羅蜜而具檀波羅蜜復次舍利弗菩薩行尸波羅蜜盡能奉行能忍辱是為菩薩行尸波羅蜜具足羣波羅蜜復次舍利弗菩薩行尸波羅蜜具足惟逮波羅蜜是為菩薩習精進菩薩行尸波羅蜜不受羅漢辟支佛意菩薩行尸波羅蜜於諸波羅蜜如幻相不貢高亦無所倚舍利弗是為菩薩行尸波羅蜜如習般若波羅蜜是為菩薩行尸波羅蜜捻持諸波羅蜜是故名為僧邨僧涅菩薩行羣提波羅蜜應薩去若布施菩薩入无形禪亦不處其中是為菩薩行遍起拘舍羅而為般若波羅蜜復次舍利弗菩薩行禪分別空無相无願是為菩薩行僧邨僧涅而為般若波羅蜜以是故名為僧邨僧涅舍利弗菩薩作是僧邨僧涅者十方諸佛世尊皆以大音聲讚歎

是菩薩言某國土菩薩具諸功德為  
僧伽僧涅當育養眾生淨佛國土於  
是舍利弗問邠耨文陀尼子何等為  
菩薩摩訶薩摩訶衍三拔致摩訶衍  
三拔致者晉言發趣大乘云何為發  
起大乘邠耨耨報言行六波羅蜜隨諸  
禪所應行盡奉行持求薩云若菩薩  
以薩云若意於八禪觀其無常觀其  
苦空非我无願是為菩薩行般若波  
羅蜜為摩訶衍菩薩念三十七品佛  
十八法是為菩薩摩訶衍菩薩意不  
近羅漢辟支佛地志但崇薩云若是  
為菩薩行四等而為羣波羅蜜菩薩  
行薩云若意无懈時是為菩薩惟逮  
波羅蜜菩薩雖行四禪慈悲喜護八  
禪亦不能動搖菩薩所以者何以溫  
恕拘舍羅故菩薩行四等為衆生消  
諸漏是為菩薩行四等而為檀波羅  
蜜諸法所作禪不持求羅漢辟支佛  
何以故常求薩云若故是為菩薩行  
四等而不批尸波羅蜜菩薩復有摩  
訶衍於内外空其慧不轉无所倚無  
所得无所見是為菩薩摩訶衍復有

摩訶訶不於諸法慧不在亂亦不在  
定慧亦不在有常亦不在無常慧亦  
不在苦樂亦不在有我无我是為苦  
薩摩訶訶而應無所倚復有摩訶訶  
慧不在當來過去今現在慧亦不離  
三世是為摩訶訶應无所倚摩訶訶  
者慧不在三界亦不離三界復有摩  
訶訶慧不在俗法亦不在道法亦不  
在有為亦不在無為亦不在有漏亦  
不在无漏是為無所倚舍利弗是為  
菩薩摩訶薩摩訶訶

摩訶般若波羅蜜摩訶訶行品第十七

尔時舍利弗問鄒繆文陀尼子言何  
等為菩薩摩訶薩乘於大乘鄒繆報  
舍利弗言菩薩行般若波羅蜜乘於  
檀尸羼惟逮禪波羅蜜乘是六波羅  
蜜不見六波羅蜜亦不倚菩薩而无  
所倚是為乘於大乘復次舍利弗菩  
薩摩訶薩一心學薩云若具足三十  
七品佛十八法雖念欲成不有所倚  
是為菩薩乘於大乘復次舍利弗菩  
薩作是念言菩薩者但是字耳五陰  
者但有字耳不倚五陰故六情者但有

字耳不倚六情故三十七品者但有字耳不倚三十七品故內外空者但有字耳不倚內外空故佛十八法者但有字耳不見法性故真際者但有字耳真際不可見故佛及道者但有字耳不倚佛故是為菩薩摩訶薩乘於大乘復次舍利弗菩薩摩訶薩從初發意以來具足菩薩之神通具足已欲育養群生從一佛國遊至一佛國供養禮拜事諸佛世尊從諸佛聽受法教何謂法教報言菩薩大乘是菩薩乘是大乘遊諸佛剎淨佛國土育養衆生初无佛國想亦無衆生想亦不住二地菩薩為衆生故隨其所應而變其形像不得一切智終不離菩薩乘逮一切智已便能轉法輪非羅漢辟支佛及諸天龍閼叉阿湏倫及世間人所能轉是時聞十方恒邊沙諸佛世尊讚歎聲言某國某菩薩摩訶薩乘於大乘逮薩玄若轉於法輪舍利弗是為菩薩摩訶薩乘於大乘摩訶般若波羅蜜僧伽僧涅槃品第十八

今時須菩提白佛言何等為菩薩摩訶薩僧邨僧涅佛告須菩提六波羅蜜三十七品内外空及有無空佛十法及一切智被諸功德之鎧成佛身光徹三千大千剎土復以光普遍十方恒邊沙佛國土便為六反震動三千大千剎土復六反震動十方恒邊沙佛國土菩薩已受是光明住於檀波羅蜜以大乘之鎧便能變化三千大千剎土化為琉璃自變其形為遮迦越王布施一切隨其所欲飢渴與飲食欲得衣者與衣欲得香華醫藥布施種種隨衆人身所便樂盡給與之作是布施已便為衆生說六波羅蜜行衆生聞菩薩教已至得阿耨多羅三耶三菩不離六波羅蜜行是為菩薩被大乘之鎧須菩提譬如工幻師在四要道頭於大衆人前布施隨人所欲飲食衣被錢財隨人意所索幻人盡與於須菩提意云何是幻師頗有所布施於人不須菩提白佛言無所施亦无得者佛告須菩提菩薩自化身作遮迦越王布施隨人所樂

而在所與恣人所欲而施與雖施而無所與亦无得者何以故須菩提法之幻法應尔復次須菩提菩薩摩訶薩住於尸波羅蜜亦現作遮迦越羅於中使人持十善法教人使為四禪四等四無形禪立於三十七品至佛十八法衆生聞是法教至得道終不離是法教須菩提譬如幻師化作大衆人教幻人持十善立以三十七品至佛十八法於須菩提意云何頗有人立於十善四禪四無形禪頗有人立於三十七品及佛十八法者不須菩提對曰無有立者也世尊佛告須菩提菩薩立諸衆生於十善地三十七品佛十八法亦不見有人住是法者所以者何法幻之法自應當尔以是故須菩提菩薩摩訶薩為被大乘之鎧復次須菩提菩薩住尸波羅蜜亦立衆生於尸波羅蜜菩薩從初發意以來作誓言假令衆生持刀杖害我悉受終不起惡意如彈指之頃當復立衆生於忍辱地亦復如是雖立衆生於尸波羅蜜亦復如幻師亦无



衆生想須菩提是為菩薩大乘之鎧  
復次須菩提菩薩摩訶薩住於惟逮  
波羅蜜立衆生精進意應薩云若亦  
復如幻師是為菩薩大乘之鎧菩薩  
住於禪波羅蜜亦復教一切人行一  
心菩薩住於等法不見法有亂者有  
一心者須菩提是為菩薩住於禪波  
羅蜜亦復教一人心行禪乃至阿耨  
多羅三耶三菩終不離是一心亦復  
如幻師是故名為僧那僧涅復次須  
菩提菩薩摩訶薩住於般若波羅蜜  
亦復勸助教一切人使立於般若波羅  
蜜須菩提是為菩薩摩訶薩行般若  
波羅蜜於諸法不見有彼此岸是為  
菩薩住於般若波羅蜜亦復勸助衆  
生化立人於般若波羅蜜教化衆生  
亦復如幻不見有學者不見有受者  
以是故須菩提菩薩摩訶薩僧那僧  
涅復次須菩提菩薩被大乘鎧以安  
處十方恒邊沙佛國衆生立於六波  
羅蜜為衆生說六波羅蜜法使衆生  
聞之聞已至阿耨多羅三耶三菩不  
離是法亦復如幻亦不見受法者亦



不見受是教者以是故菩薩為大乘之鎧菩薩復被大乘之鎧意應薩去若菩薩不言我當教若干人立於六波羅蜜亦不言我當教若干人行三十七品佛十八法亦復不言我不能教若干人亦復不言我教若干人得須陀洹乃至阿羅漢辟支佛不言我不教若干人至阿羅漢亦不言我立若干人至薩云若不言我不悉教余所人何以故菩薩所度無有限尋亦无適莫菩薩所度亦無有數亦无有量須菩提菩薩譬如幻師教幻人不見有所教亦不見有受者是為菩薩摩訶薩僧那僧涅須菩提白佛言如我從佛所聞義當知菩薩非為僧那僧涅何以故諸法空故色痛想行識空眼耳鼻舌身意色聲香味細滑法十八性各隨其相各自空檀波羅蜜至般若波羅蜜亦自空內外空皆自空從三十七品至佛十八法皆空菩薩亦空僧那僧涅亦自空以是故世尊當知菩薩為非僧那僧涅佛告須菩提如所言無有異須菩提薩云若

非為非作菩薩為衆生作摩訶僧那  
僧涅者是衆生亦非為非作須菩提  
白佛言何以故薩去若及衆生非為  
非作佛言不見有人故是故薩去若  
无為無作何以故須菩提五陰亦不  
有所作亦非不作六情六衰亦无所  
為亦無所作我人壽命亦无所為亦  
無所作何以故邊際不可得故須菩  
提夢響影幻熱時炎化无所作亦無  
所為内外空三十七品佛十八法亦  
无所為亦無所作何以故其本際不  
可得見故如及法性真際亦无所作  
亦無所為菩薩去若亦无所作亦  
无所為何以故無有本際故以是故  
須菩提薩去若及衆生无所所有無所  
作以是當知菩薩非為摩訶僧那僧  
涅須菩提白佛言如觀世尊所說義  
五陰亦无縛無脫卻縛文施尼子問  
須菩提何等五陰无縛無脫須菩提  
報言五陰如夢如響如影如幻如化  
如熱時炎當來過去今現在五陰無  
縛无脫五陰無端緒无縛無脫五陰  
寂無所生无縛無脫五陰善不善俗

五陰道五陰有漏无漏亦無縛无脫  
一切諸法無縛无脫無際寂靜无縛  
无脫六波羅蜜無縛无脫無際寂靜  
内外空无縛無脫三十七品無縛无  
脫佛十八法無縛无脫無際寂靜故  
道及菩薩薩去若一切智事无際寂  
靜無所生亦不縛亦不脫如法性真  
際无為亦無縛无脫無際寂靜不生  
無縛无脫如是邈釋菩薩摩訶薩於  
无縛無脫六波羅蜜中住无縛無脫  
薩去若於无縛無脫育養衆生无著  
無縛无脫淨佛國土無著无縛無脫  
見諸世尊以无縛無脫聞法終不離  
无縛無脫諸佛世尊終不離无縛無  
脫諸神通終不離无縛無脫五眼終  
不離无縛無脫轉无縛無脫法輪无  
縛無脫安立衆生於三乘如是邈釋  
菩薩摩訶薩於无縛無脫六波羅蜜  
於諸法得逮覺無際寂靜无所生故  
邈釋當知是為菩薩摩訶薩無縛无  
脫之僧邈僧涅

放光般若波羅蜜經卷第三

丁酉歲高麗國大藏都監

勅彫造

放光般若經卷第四

卷

西晉于闐國三藏無羅叉奉 詔譯

摩訶般若波羅蜜問摩訶衍品第十九

是時須菩提白佛言何等為菩薩摩訶薩大誓世尊云何當知菩薩趣大乘乘是乘當至何所誰當成是乘者佛告須菩提言六波羅蜜是菩薩摩訶薩之大乘何等為六檀尸羼惟逮禪般若波羅蜜須菩提白佛言何等為菩薩檀波羅蜜佛告言菩薩摩訶薩布施意應薩去若內外所有布施已持是功德盡施衆生與衆生共發阿耨多羅三耶三菩是為菩薩摩訶薩檀波羅蜜須菩提白佛言何等為尸波羅蜜佛言菩薩持戒發意應薩去若自持十善教他人行十善亦無所倚是為菩薩不犯戒應无所倚須菩提白佛言何等為羼波羅蜜佛言菩薩自具足於忍地復勸他人令行忍辱而無所倚是為菩薩摩訶薩行羼波羅蜜須菩提白佛言何等為惟逮波羅蜜佛言菩薩意應薩去若不

廢五波羅蜜亦復立衆生於五波羅蜜而无所倚是為菩薩惟逮波羅蜜須菩提白佛言何等為禪波羅蜜佛言菩薩摩訶薩以薩去若意自以溫恕拘舍羅入諸禪不隨禪生亦復教他人使行禪而无所倚是為菩薩禪波羅蜜須菩提白佛言何等為菩薩般若波羅蜜佛言菩薩摩訶薩以薩去若意不入於諸法而觀諸法之性而無所倚亦復教他人令不入於諸法而觀諸法之性而無所倚是為菩薩摩訶薩般若波羅蜜是為菩薩摩訶薩訶薩摩訶衍又須菩提復有摩訶衍內空外空乃至有无空是也何等為內空內法是謂眼耳鼻舌身意眼本空不着垢亦不壞何以故本性尔耳耳本空鼻鼻本空舌舌本空身身本空意意本空亦不着垢亦不壞何以故本性尔是為內空何等為外空謂色聲香味細滑法色本空亦不着垢亦不壞何以故色本性尔聲香味細滑法皆尔何以故本性空故是為外空何等為內外空內六衰外六衰是

為內外法以外法故內法空以內法  
故外法空亦不著亦不壞何以故本  
性亦是為內外空何等為空空諸法  
之空持諸法空空於空是為空空何  
等為大空八方上下皆空是為大空  
何等為軍空泥洹是不著不壞是為  
何等為軍空泥洹是不著不壞是為  
軍空何等為有為空從不著不壞本  
至三界空是為有為空何等為无為  
空不生不滅住於不異從不著不壞  
皆空何以故本空故是為無為空何  
等為至竟空所可不得邊際者是為  
至竟空何等為不可得原空諸可來  
者不知所從來无有處故是為無有  
原空何等為无作空於諸法無所棄  
是為无作空何等為性空諸法所有  
性及有為無為性非羅漢辟支佛諸  
佛世尊所不作是為性空何等為諸  
法空諸法者謂五陰十二表十八性  
有為法無為法是為諸法從不著不  
壞至諸法之性是為諸法空何等為  
自相空色相所受相是所持相為想  
所有相便有所覺相是為識乃至有  
為无為相從有為無為相至諸法皆



悉空是為自相空何等為无所得空從  
無著无壞至無所得法亦无所得是  
為无所得空何等為無空於中无所  
見是為無空何等為有空諸法无有  
偶者於諸合會中皆無有實是為有  
空何等為有天空於諸聚會中亦無  
有實是為有天空復次須菩提有以  
有為空無以无為空異以異為空何  
等為有有者謂五陰性性以性為空  
是為有空何等為無以无為空無所  
成无所成為空空者亦非知可作亦  
非見可作何等為餘事空有佛无佛  
法性法寂如及今真際住如故以是  
異空是為餘事空須菩提是為菩薩  
摩訶薩摩訶衍須菩提復有摩訶衍  
何等為衍百七三昧是各各有名何  
等三昧名首楞嚴三昧何等為首楞  
嚴三昧諸三昧門之所趣聚皆來入  
其中是故名首楞嚴復有三昧名寶  
印何等為寶印三昧諸三昧所有印  
皆而印之復有三昧名師子遊戲何  
等為師子遊戲住是三昧者盡遊戲  
諸三昧中復有月三昧住是三昧者



能以光明照諸三昧復有月幢三昧  
住是三昧者持諸三昧復有在諸法  
上三昧住是三昧者諸三昧悉從其  
中出復有照頂二昧住是三昧者能  
以光明照諸三昧上復有法性畢三  
昧住是三昧者能決了諸法復有必  
造幢三昧住是二昧者於諸三昧中  
必持堅固幢復有金剛三昧住是三  
昧者諸三昧无有敢當者復有法所  
入印二昧住是三昧者與諸法印相  
應復有安住三昧住是三昧者便能  
住諸三昧復有放光明三昧住是三  
昧者便能遍照諸三昧復有勢進三  
昧住是三昧者能以力勢教諸三昧  
復有等步三昧住是三昧者能等行  
諸三昧復有入辯才教授三昧住是  
三昧者能辯解諸三昧復有過量音  
聲三昧住是三昧者得入无量名字  
三昧復有照處處三昧住是三昧者  
於諸三昧能遍照於諸方面復有摠  
持印三昧住是三昧者能持諸三昧  
印復有不忘三昧住是三昧者不忘  
諸三昧復有一切法所聚海三昧住

是三昧者能使一切諸三昧等行復有虛空普三昧住是三昧者能遍足諸三昧復有金剛部三昧住是三昧者持諸三昧部復有寶勝三昧住是三昧者降伏諸垢濁復有熾炎三昧住是三昧者能以光炎遍照諸三昧復有無願三昧住是三昧者於諸法無所取復有審住三昧住是三昧者不見諸法有住處復有選擇三昧住是三昧者於諸三昧无意念想復有無垢燈三昧住是三昧者為諸三昧作燈明復有无限光三昧住是三昧者於諸三昧无有限量復有作光明三昧住是三昧者能於諸三昧而有所照復有普照明三昧住是三昧者諸三昧皆在眼前現復有淨要三昧住是三昧者逮得等淨三昧復有無垢光三昧住是三昧者散諸三昧垢復有造樂三昧住是三昧者受諸三昧樂復有電明三昧住是三昧者為諸三昧作燈明復有無盡三昧住是三昧者不見盡以不盡復有上威三昧住是三昧者於諸三昧中威德獨然

復有畢盡三昧住是三昧者見諸三昧盡所可見如不見復有不動三昧住是三昧者令諸三昧不動不覺不戲復有不別三昧住是三昧者不見離別復有日燈三昧住是三昧者照諸三昧門復有月无垢三昧住是三昧者能去諸三昧冥復有淨光明三昧住是三昧者於諸三昧分別四無尋慧復有作明三昧住是三昧者為諸三昧門作明復有造作三昧住是三昧者為諸三昧作畢竟復有諸慧三昧住是三昧者見諸三昧慧復有金剛三昧住是三昧者決斷諸三昧復有住意三昧住是三昧者不動不搖不恐不怖亦無意想復有現明三昧住是三昧者於諸三昧悉遍見明復有安立三昧住是三昧者於諸三昧善處復有寶積三昧住是三昧者普見諸三昧寶復有法印三昧住是三昧者印諸三昧從印及不印復有等三昧住是三昧者不見法有等脫復有棄樂三昧住是三昧者悉棄諸樂復有過法定三昧住是三昧者滅

諸法之實在諸三昧上復有散結三昧住是三昧者能散用諸三昧復有解諸法句三昧住是三昧者能解諸三昧及諸法句復有等文字三昧住是三昧者得諸等字復有畢字三昧住是三昧者不見一字復有斷因緣三昧住是三昧者斷諸因緣復有無態三昧住是三昧者不得諸法態復有無行三昧住是三昧者不見諸法行復有無窟行三昧住是三昧者未見諸三昧有窠窟之行復有畢陰三昧住是三昧者能淨諸陰復有主行三昧住是三昧者見諸三昧行復有不起三昧住是三昧者不見諸三昧起復有度境界三昧住是三昧者過諸境界復有聚諸善三昧住是三昧者能得聚諸法諸三昧復有止選三昧住是三昧者意不墮落復有清淨華三昧住是三昧者得諸三昧清淨華復有主覺三昧住是三昧者於諸三昧有七覺意復有无限辯三昧住是三昧者逮得無量之辯復有无等等三昧住是三昧者便得無等等復

有度諸法三昧住是三昧者越度三界復有決斷三昧住是三昧者能見諸法見諸三昧決斷事復有散諸狐疑三昧住是三昧者逮得散諸法三昧復有無住三昧住是三昧者不見諸法處復有一行三昧住是三昧者不見諸法有二復有衆生所入三昧住是三昧者不見衆生亦不見所入復有一事三昧住是三昧者不見諸三昧事復有猒談衆事三昧住是三昧者不見有別復有散諸生死勞怨三昧住是三昧者逮得諸猒三昧慧所入處无所覺復有衆行音所入三昧住是三昧者衆行音聲皆悉隨從復有脫諸音響字三昧住是三昧者見諸三昧脫於音字復有然炬三昧住是三昧者於諸三昧中威德獨明復有淨相三昧住是三昧者能淨一切三昧相復有無准三昧住是三昧者於諸三昧不見於准復有具足衆事三昧住是三昧者於諸三昧皆得具足復有不願苦樂三昧住是三昧者不見諸三昧有苦樂復有事不減

三昧住是三昧者不見諸三昧有盡  
復有持迹三昧住是三昧者盡看諸  
三昧復有邪正聚三昧住是三昧者  
於諸三昧不見邪正復有滅恚諍三  
昧住是三昧者於諸三昧不見恚諍  
復有无恚三昧住是三昧者不見於  
諸法於諸三昧有恚無恚復有无垢  
光三昧住是三昧者於諸三昧亦不  
見光亦不見垢復有主要三昧住是  
三昧者於諸三昧不見無要復有明  
月滿无垢炎三昧住是三昧者能使  
諸三昧滿具足如月十五日時復有  
大莊飾三昧住是三昧者能使諸三  
昧嚴好復有與世間作光明三昧住  
是三昧者光明普照十方及諸法復  
有三昧名三昧等住是三昧者於諸  
法亦不見有亂亦不見有定復有無  
念三昧住是三昧者能使諸三昧而  
无有念復有無倚无窟無樂三昧住  
是三昧者於諸三昧不見操窟復有  
寂如三昧住是三昧者於諸三昧不  
轉於如復有三昧名身骸住是三昧  
者不見此三昧性復有三昧名斷口



行與空合住是三昧者不見諸三昧  
有言復有三昧名虛空本脫无色住  
是三昧者逮得諸法本空須菩提是  
為菩薩摩訶薩行般若波羅蜜摩訶衍  
摩訶般若波羅蜜陀隣尼品第三

復次須菩提復有摩訶衍何所為衍  
所謂四意止是何等四意止菩薩自  
觀身觀他人身觀内外身已亦無身  
想亦无所倚若行若寂常念世間從  
癡有<sup>○</sup>癡觀内痛意行法觀外痛意行  
法觀内外痛意行法若行若寂常念  
世間癡癡須菩提云何菩薩觀内身  
行菩薩自知可行知行可住住可  
坐知坐可卧知卧隨身所行皆能自  
知是為菩薩自觀身行若行若寂常  
念世間苦惱又須菩提菩薩出入進  
止安詳瞻不忘坐卧左右亦常安詳  
服三法衣不失威儀行般若波羅蜜  
菩薩自觀内外身行如是而无所倚  
菩薩常觀息出入息長亦知息短亦  
知譬如陶輪調其緩急菩薩息知意  
與息俱俱出俱入是為菩薩觀内身  
行若行若寂常念世間癡苦受患復

次須菩提用是行般若波羅蜜常當  
觀身分別四分地水火風譬如屠牛  
分為四分菩薩觀身分別四事本末  
從來亦復如是是為菩薩觀內外身  
亦无所倚復次須菩提菩薩觀身從  
頭至足但有不淨髮毛爪齒筋骨五  
藏三十六物有何可貪譬如田家器  
盛五穀有目之士若開發器悉見種  
稷分別識知菩薩觀身身中所有亦  
復如是是為菩薩自觀內身若行若  
寂常念世間癡愛痛苦亦无所倚復  
次須菩提菩薩觀人初死之日至于  
五日臃脹爛臭體壞汁流互相澆漬  
無有淨處或為飛鳥走獸所食或噉  
其半惡露不淨或有死人筋經骸骨  
血澆或有死人血肉已盡筋骨相纏  
中有骸骨已解離者節節異處或  
見久死骸骨青白色者或腐壞者或與  
地土共同色者菩薩都作是觀作是  
觀已還自計校我身分未脫未離此  
法俱亦當念是為菩薩觀內身法觀  
他人身无所貪猗若行若寂常念世  
間癡苦灾患自觀覺意法亦觀他人

覺意法分別思念斷癡惑意須菩提

是為菩薩摩訶薩摩訶衍須菩提復

有摩訶衍漸御四意斷是何謂為四

惡意法未生樂御習精進攝意使不

生已起惡意法亦復樂御精進攝意

習使斷未生善事法持樂意精進習

使得生已生善法念欲處具足廣顯

欲使不忘亦復樂習精進攝意御使

得成是為菩薩摩訶薩摩訶衍須菩

提復有摩訶衍謂四神足是何謂為

四已得樂定除諸所作行捨攝神足

以精進定除諸所作行捨攝神足以

持意定除諸所作行捨攝神足以智

之定除諸所作行捨攝神足是為菩

薩摩訶薩摩訶衍須菩提復有摩訶

衍謂五根是何謂五根信根精進根

志根定根智慧根是為菩薩摩訶薩

摩訶衍須菩提復有摩訶衍謂五力

是何謂為五信力精進力志力定力

智慧力是為菩薩摩訶薩摩訶衍須

菩提復有摩訶衍謂七覺意是何謂

為七以志覺意以法覺意以精進覺

意以悅喜覺意以信覺意以定覺意

以適无以著覺意是為菩薩摩訶薩  
摩訶衍須菩提復有摩訶衍謂賢聖  
八品道是何謂為八正見正念正言  
正行正業正習正志正定是為菩薩  
摩訶薩摩訶衍亦復無所倚須菩提  
復有摩訶衍謂三三昧是何謂為三  
空三昧无相三昧無願三昧是為菩  
薩摩訶薩摩訶衍復有摩訶衍謂諸  
慧事是苦慧習慧盡慧道慧消慧无  
所起慧法慧明慧各各知他人所念  
慧真慧何等為苦慧不生苦是為苦  
慧何等為習慧習滅已斷是為習慧  
何等為盡慧滅諸苦事是為盡慧何  
等為道慧賢聖八品道是為道慧何  
等為消慧貪婬瞋恚愚癡盡是為消  
慧何等為不起慧不受生死處是為  
不起慧何等為法慧曉斷五陰是為  
法慧何等為明慧眼耳鼻舌身意无  
常色聲香味細滑法亦復無常是為  
明慧何等為各各知他人所念慧一  
切衆生心中所念所起種種悉知是  
為各各知他人所念慧何等為真慧  
所謂如來薩去若智是為真慧亦無

所倚須菩提是為菩薩摩訶薩摩訶  
衍復有摩訶衍所謂三根是何等為  
三根謂學士從白衣至須陀洹五根  
是未曾知當知從斯陀含至阿那含  
亦有五根應知當知從阿羅漢辟支  
佛菩薩至佛亦有五根謂已知無所  
復學當知是為菩薩摩訶薩摩訶衍  
須菩提復有摩訶衍謂三昧也何  
等為三第一有覺有觀第二无覺有  
觀第三無覺无觀何等為有覺有觀  
謂第一禪是為有覺有觀何等為无  
覺有觀謂第一禪未至二禪在其中  
間是為無覺有觀何等為无覺無觀  
從第二禪至无思想無思想慧禪是  
為无覺無觀是為菩薩摩訶薩摩訶  
衍須菩提復有摩訶衍謂十念是佛  
念法念僧念戒念施念天念滅念安  
般念身苦念死亡念是亦无所倚是  
為摩訶衍須菩提復有摩訶衍謂四  
禪四等四無形禪八惟无禪九次第  
禪佛十種力四無所畏十種力者謂  
佛現身相好神足變化感動衆邪迴  
使入正一力也口之所說在衆智上



能變疑結開令解脫二力也意入空  
 定清明六達邪神燒亂道志不搖三  
 力也默然斷想神足無為感動三千  
 大千日月人無驚悚四力也道意聰  
 敏演法布化流盈十方各得其所五  
 力也逆知衆意曉人行趣若縛若脫  
 悉能解散六力也三世所作殃福本  
 際報受之未大慧悉知無有罣碍七  
 力也一切人民衆行根源種種各異  
 受身不同悉覺本際因緣起處八力  
 也慧眼以淨所察无限見諸生死往  
 來所墮九力也大慧已足方便已脩  
 生死已斷著行已盡所作已訖不復  
 還受自然無師稱一切智是謂十力  
 也四无所畏者佛為正覺或有沙門  
 婆羅門或魔或天或梵若復有餘衆  
 無有能來難詰我者佛亦不見有起  
 是意者以是證故佛行安隱遠无所  
 畏一無畏也逮精進行得知軍處在  
 衆人中得師子吼能轉梵輪諸沙門  
 婆羅門諸天梵魔一切餘法所不能  
 轉獨佛能轉二無畏也佛漏已盡若  
 有沙門婆羅門或天魔梵无有敢言



佛漏未盡者三無畏也如佛所說言

真无諱善惡之報不失所行一切餘

衆諸天魔梵不見能敢違佛言者如

佛所說賢聖八道行是得道得度衆

苦一切餘衆諸天魔梵亦無有能戾

此教者佛亦不見有此處者四无所

畏也是為菩薩摩訶薩摩訶衍亦无

所倚須菩提復有摩訶衍謂四無尋

慧是何等為四知諸法事其慧无尋

解諸句義其慧無尋分別辯才其慧

无尋所說了了其慧無尋是為菩薩

摩訶薩摩訶衍須菩提復有摩訶衍

謂佛十八法何等為十八法一者謂

佛從得佛以來初无誤時二者從得

佛以來言無虛无漏失三者無忘志

四者无有種種想五者意無有不定

時六者初无他觀七者自在無有減

八者精進無有減九者志念无減十

者智慧无減十一者解脫無減十二

者見解脫慧无減十三者一切身所

行智慧寂在前十四者口所言事智

慧寂在前十五者意所行事智慧寂

在前十六者見過去事其慧無尋十

七者見當來事其慧无尋十八者見  
現在事其慧無尋是為摩訶衍亦无  
所倚須菩提復有摩訶衍所謂陀隣  
尼目佉是何等為陀隣尼目佉與字  
等與言等字所入門何等為字門一  
者阿阿者謂諸法來入不見有起者  
二者羅羅者始貌於諸法無有塵三  
者波波者於諸法泥洹取第一教度  
四者遮遮者於諸法不見有生死五  
者邨邨者於諸法字已訖字本性亦  
不得亦不失六者羅羅者得度世愛  
枝各因緣已滅七者陀陀者諸法如  
无斷絕時八者波波者諸法已離獄  
九者茶茶者諸法垢已盡十者沙沙  
者諸法無有罣罣十一者和和者諸  
法言行已斷十二者多多者諸法如  
不動十三者夜夜者諸法諦无所生  
十四者吒吒者諸法强垢不可見十  
五者加加者諸法造作者亦不可得  
見十六者娑娑者諸法不可得時不  
可轉十七者摩摩者諸法吾我不  
可得見十八者伽伽者受持諸法者不  
可得見十九者他他者諸法處不可

得二十者聞聞者諸法生者亦不可  
得二十一者濕波濕波者諸法善不  
可得二十二者大大者諸法性不可  
得二十三者救救者諸法寂不可得  
二十四者佉佉者諸法虛空不可得  
二十五者叉叉者諸法消滅不可得  
二十六者侈侈者諸法各在其所處  
不可動搖二十七者若若者諸法慧  
不可得二十八者伊陀伊陀者諸法  
義不可得二十九者繁繁者諸法无  
有開時三十者車車者諸法無可棄  
者三十一者魔魔者諸法无有丘墓  
三十二者叵叵者諸法不可分別三十  
三者蹉蹉者諸法死亡不可得三十  
四者峨峨者諸法無有朋黨三十五  
者咆咆者諸法各有異无不有處三  
十六者邾邾者諸法無来无去亦不  
住亦不坐亦不卧亦不別三十七者  
破破者諸法皆於三界不安三十八  
者歌歌者諸法性不可得三十九者  
嵯嵯者諸法不可得四十者嗟嗟  
者諸法分捨不可得四十一者吒吒  
者諸法无有度者四十二者唵唵者

諸法邊際盡竟處亦不生亦不死諸  
字數无有過際上者何以故是字無  
有數亦不念言是字有失亦不可見  
亦无所說亦無所書亦不現須菩提  
當知一切法譬如虛空是字教所入  
皆是陀隣尼所入門若有菩薩摩訶  
薩曉了是字事者不住於言數便曉  
知言數之慧若有菩薩摩訶薩聞是  
四十二字所入句印者持誦誦者若  
復為他人解說其義不以望見持誦  
誦者當得二十功德何等為二十一  
者得強識念力二者得慙愧著耻力  
三者得堅固行力四者得覺知力五  
者得辯才工談語力六者得陀隣尼  
不難力七者所語不說不急之事八  
者終不狐疑於經九者聞善不喜聞  
惡不憂十者亦不自貢高亦不自界  
十一者進止安詳不失威儀十二者  
曉了五陰六衰十三者善於四諦十  
二緣起事十四者善知識因緣事十  
五者善於法慧能滿具諸根十六者  
知他人所念吉凶報應十七者善於  
天耳徹聽自識宿命十八者善知衆

生所生十九者能消諸漏二十者善  
於往來處處教授須菩提是為陀隣  
尼門是為字門是為來入門是為菩  
薩摩訶薩是為摩訶衍

摩訶般若波羅蜜治地品第三

佛告須菩提如汝所問菩薩摩訶薩  
摩訶僧那僧涅槃摩訶衍三拔致者菩  
薩行六波羅蜜過從一地至一地云  
何菩薩過從一地至一地以諸法無  
所過法无來者亦無去者亦无有過  
亦無不過諸法亦无有壞亦不貢高  
亦不念但治住地事亦不見地何等  
菩薩為治地事始從第一地住當行  
十事何等為十一者先當淨於三垢  
亦無所倚二者所作施與不自為身  
所念无倚為一切衆生淨於四等心  
亦不有衆生三者為布施不有所與  
不有受者四者當與善知識從事亦  
不貢高五者欲得為法不有一切法  
六者欲為出家不有愛欲七者欲為  
佛身不有相好八者欲為分流法教  
終不壞法九者常欲滅於虜怙自用  
不有法財十者欲為諦說不有言教

故須菩提是治地菩薩當為是十事  
須菩提菩薩摩訶薩於二地中常當  
念八法亦當成之何等為八一者當  
淨其戒二者常念報恩三者住於忍  
辱四者得歡喜意五者不捨一切六  
者大慈為始七者恭於師尊敬事篤  
信八者於諸波羅蜜如奉世尊常欲  
崇習須菩提菩薩摩訶薩於二地中  
當具足是八法復次須菩提菩薩於  
三地中當住於五法何等為五一者  
多學問無厭足二者不入字法分布  
法施亦不貢高三者淨佛國土四者  
施於善本而不貢高五者住於羞耻  
慙愧之地須菩提是為菩薩於三地  
中住於五法須菩提菩薩於四地中  
當不捨奉行十事法一者不捨宴坐  
二者少欲三者知足四者不捨沙門  
十二法行五者不捨於戒六者見欲  
污穢七者於起意如泥洹八者不惜  
身所有九者无有懈怠十者不慕所  
有須菩提是為菩薩於四地中當奉  
行十事而不捨離須菩提菩薩於五  
地中當離八法何等為八一者當速



離家業二者當遠離比丘尼三者善於功德遠離嫉妬四者遠離世會五者遠離忿諍六者遠離鬪訟七者遠離高住八者遠離蔑人須菩提是為菩薩住五地中遠離八事須菩提菩薩於六住地當具足六法何等為六所謂六波羅蜜復有六事所不應為何等為六一者不為聲聞意二者不為辟支佛意三者不為小意四者見有所索者遠離有獸足意五者所有好物施與之後遠離悔意六者遠離吾我想湏菩提是為菩薩於六住中當具足六事遠離六事須菩提菩薩於七住地有二十事所不當為何等二十有吾我有衆生有壽有命想有斷有常有念想有種想入陰入性入衰欲生三界不入依佛見不入依法見不入依僧見不入依戒不入空不入無相不入无願不入道是為二十事所不當為當復具足二十事何等為二十覺空無相證不願慧淨身口意慈哀一切衆生亦不念有衆生等親諸法雖尔无所入欲為導御亦不

貢高無所生忍一道教化斷諸分別  
轉於想轉於見轉於滅垢見慧地自  
調意慧无所尋不染於欲事須菩提  
是為菩薩摩訶薩於七住行地當具  
足是二十法復次須菩提菩薩當復  
於八住地具足四法何等為四以神  
通為遊觀入於衆生之意到諸佛國  
觀其奇特當自在莊嚴其佛國土往見  
禮敬供養諸佛如其實觀佛身當具  
足是四法復次須菩提菩薩摩訶薩  
於八住地當復具足四法何等四法  
以智具足諸根淨佛國土常坐如幻  
三昧知其衆生本所作功德所應得  
者各隨其所而成就之須菩提菩薩  
於八住地具足四法復次須菩提菩  
薩摩訶薩於九住地當具足十二法  
何等為十二持無限處廣大之願隨  
所應各授其證天龍閼叉捷陀羅悉  
皆具足知其音聲以辯才教授所因  
胞胎成就居家成就父母成就種姓  
成就宗親成就得生成就出家成就  
莊嚴佛樹成就諸善功德成就須菩  
提菩薩摩訶薩九住地當成就十二

法須菩提十住菩薩摩訶薩當名之  
為如來須菩提白佛言世尊何等為  
菩薩淨其所有佛言所作衆善應薩  
去若意是為菩薩淨其所有何等為  
菩薩等於衆生佛言淨於四等心等  
於衆生何等為菩薩施於所有佛言  
施與衆生而不分別何等為菩薩當  
與善知識從事佛言教人入薩去若  
勤修勸助當與是人共從事恭敬師  
受是為菩薩善知識何等為欲得為  
法佛言所行法但求薩去若法不墮  
羅漢辟支佛地是何等為菩薩常欲  
出家為道佛言在所生處常欲作沙  
門無能中道為作尋者初不忘失出  
家之事何等為意願佛身相佛言若  
見佛形像意常在佛至得薩去若未  
曾有離時何等為分流法化佛言若  
佛在世若般泥洹後菩薩持十二部  
經教授上教亦真中教亦真竟教亦  
真本末義解具足清淨何等為菩薩  
不虜怙自用佛言從滅恚怒以來初  
不復墮下賤之處何等為菩薩所說  
如諦佛言如口所說言行相應是為

菩薩十法事行須菩提白佛言何等  
為菩薩淨戒佛言不念羅漢辟支佛  
意及餘惡戒誹謗道者是為淨戒云  
何菩薩報恩念恩佛言行菩薩道者  
小恩尚不忘何況於大者是為念恩  
云何菩薩立忍辱力佛言於諸衆生  
无侵無害是為忍力云何菩薩得歡  
喜樂佛言教授衆生以是為樂云何  
菩薩不捨衆生佛言欲救一切故云  
何菩薩而有大悲佛言菩薩心念我  
當為一一衆生故在地獄中恒邊沙  
劫代受勤苦一一衆生皆得佛道令  
般泥洹以是勸樂是為大悲云何菩  
薩順尊師父於信恭敬佛言事於事  
父如世尊想云何菩薩欲習諸波羅  
蜜佛言遠離餘事但求諸波羅蜜何  
謂菩薩多學無厭佛言諸十方佛世  
尊所說盡當受持是為无厭何謂菩  
薩持無所希望法施分布佛言持所  
法施不希望道何況其餘何謂菩薩  
淨佛國土佛言為諸善本種種功德  
持是功德淨佛國土何謂菩薩生死  
无量阿僧祇劫不以為限佛言以諸

功德備具持是育養衆生淨佛國土  
至具足薩云若不厭不懈何謂菩薩  
立於慙愧佛言耻於羅漢辟支佛意  
何等為菩薩不捨宴坐佛言諸羅漢  
辟支佛所不能及是為菩薩不捨宴  
坐何謂菩薩少於所欲佛言菩薩道  
尚不欲何況餘欲何謂菩薩而自知  
足佛言得薩云若是為知足何謂菩  
薩不捨沙門頭陀德行佛言入深法  
忍者是何謂菩薩不捨於戒佛言菩  
薩不復用戒是為不捨於戒何謂菩  
薩污穢色欲佛言於婬妬無所生何  
謂菩薩意與泥洹等佛言菩薩不有  
一切諸法何謂菩薩棄捨所有佛言  
不受內外所有是為棄捨何謂菩薩  
不厭不懈佛言不生二識之處是為  
不厭何謂菩薩於諸所有无所戀慕  
佛言於諸物無念故須菩提白佛言  
何等為菩薩遠離居業佛言遊諸佛  
國轉所生處常下鬚髮被著袈裟是  
為遠離家業何謂菩薩遠離比丘尼  
衆佛言彈指之頃不與共止彈指之  
頃不得生意是為菩薩離比丘尼何



謂菩薩離於妬嫉佛言菩薩當作是

念我當安隱衆生不且生嫉何謂菩

薩離於聚會佛言菩薩所住聚會若

有羅漢辟支佛意者常遠離之何謂

菩薩遠離瞋恚佛言不令恚害闍諍

得其便云何菩薩遠離自舉佛言內

法不可得見故云何菩薩遠離訾毀

他人佛言亦不見外法故何謂菩薩

遠離十惡佛言此十惡事常欲壞於

賢聖之道何況佛道而不遠離是故

當遠離十惡何謂菩薩遠離憍戾佛

言不見有法可貢高者是為離於憍

戾何謂菩薩遠離自用佛言尚不見

有形當於何所而行自用何等為菩

薩遠離顛倒佛言以形不可得見故

云何菩薩離婬怒癡佛言不復見婬

怒癡形故云何菩薩在於六住具足

六波羅蜜佛言住於六波羅蜜諸佛

世尊及聲聞辟支佛所可度彼岸是

為菩薩具足六波羅蜜云何菩薩不

為聲聞意佛言以聲聞事非平等道

故不為小意何以故亦非平等道故

云何不耿耿者亦非平等道故棄捨



不悔悔者非平等道初發意者便當  
施與亦不當惜云何菩薩不當作吾  
我想從本際以來不可見故乃至衆  
生有壽命想從本以來亦不可見故  
云何菩薩不斷所生見以諸法無有  
斷截從有本以來无所生故云何菩  
薩不為常見見法所不生者亦無有  
常故云何菩薩不作念想以无有垢  
故云何菩薩不作種相以諸見不可  
得見故云何菩薩不入名色不見有  
形故云何菩薩不入五陰亦不入性  
亦不入衰其實不可得見故云何菩  
薩不入三界以三界亦無真故云何  
菩薩不作住處亦不與虛空作期无  
所依怙何以故無有形像故云何菩  
薩不入佛見不從所依得見佛故云  
何菩薩不與空諍一切法空空不與  
空諍故云何菩薩具足於空其欲具  
足相者是為具足空云何菩薩得無  
相證不念於諸相故云何菩薩得无  
願智不著三界故云何菩薩淨於三  
事具足十善故云何菩薩以慧具足  
哀念衆生以大悲利之故云何菩薩

無衆生念欲淨佛國故云何菩薩等  
觀諸法以不高下諸法故云何菩薩  
得於道覺隨諸法所覺而度脫之故  
云何菩薩得无所生忍得諸法所有  
無生无滅無所忍故云何菩薩得无  
所生慧知名色無所起故云何菩薩  
得一道之教无有二教故云何菩薩  
滅諸分別於諸法無所分部故云何  
菩薩不修轉見以不轉求羅漢辟支  
佛意故云何菩薩轉於垢濁滅諸所  
習漏故云何菩薩得滅諸垢而得清  
淨所謂薩云若慧是云何菩薩而自  
調意不厭三界故云何菩薩而得滅  
意制六根故云何菩薩慧无有尋謂  
得佛眼故云何菩薩知情欲不堅固  
觀六衰故云何菩薩能入衆生意持  
一意悉知衆生所念故云何菩薩遊  
於神通從一佛國至一佛國初無有  
佛國想故云何菩薩得佛國觀於是  
國住遍見諸佛國亦无佛國想故云  
何菩薩隨其所見諸佛國土自成其  
國住於遮迦越羅地遊諸三千大千  
國土故云何菩薩奉見諸佛以見法

故是為見佛云何菩薩真見佛身遠  
法性故是為真見云何菩薩以智具  
足力已住世尊十力之地便能具足  
衆生力故云何菩薩能淨佛國能淨  
衆生故云何菩薩如幻三昧所作隨  
所應無有動轉故云何菩薩常住三  
昧已得報應故云何菩薩入諸功德  
隨其道法而度脫之故云何菩薩不  
復思議能自成立教授一切故云何  
菩薩所願諧偶具足行六波羅蜜是  
故諧偶云何菩薩知諸天龍鬼神所  
知所言以辯才慧无所不了故云何  
菩薩得胞胎成就在所生常化生故  
云何菩薩居家成就生於豪貴家故  
云何菩薩父母成就得生剎利婆羅  
門家故云何菩薩種姓成就得繼過  
去諸菩薩種故云何菩薩宗親成就  
以衆菩薩為眷屬故云何菩薩得生  
成就生時光明普遍无量國土震動  
無量國土故云何菩薩出家成就菩  
薩出家時安諸無央數百千衆生滿  
具足是三乘之願故云何菩薩莊嚴  
佛樹以黃金為樹七寶為枝葉其枝

業光明悉遍照十方无央數刹土是  
為佛樹成就云何菩薩諸善功德成  
就菩薩摩訶薩淨佛土淨衆生是為  
成就淨諸功德也云何十住菩薩名  
為如來用具足六波羅蜜諸習緒盡  
得佛十八法具足薩云若慧須菩提  
是故菩薩摩訶薩已得十住名為如  
來云何菩薩已住十地佛告須菩提  
菩薩摩訶薩遍起拘舍羅行六波羅  
蜜乃至三十七品行十八法過滅淨  
地種性地八地見地薄地滅婬怒癡  
地已作地辟支佛地菩薩地須菩提  
菩薩摩訶薩過是九地便住佛地須  
菩提是為菩薩摩訶薩十住之地當  
知是為菩薩摩訶薩摩訶衍三拔致  
摩訶般若波羅蜜問出衍品第三  
佛告須菩提汝所問菩薩摩訶薩從  
何所出衍中當住何所者今當說之  
佛言當出三界隨薩云若住而无所  
倚何以故摩訶衍與薩云若是法共  
等亦不別亦不同亦無形亦非見亦  
非尋一相一相者謂无相何以故須  
菩提无相之法亦不出亦非不出須

菩提若無相法出者法性亦當復出生假令无相法出生者如亦當復出生欲出生無相法者為欲出生真際若欲出生无相法者為復欲出生不可思議性欲出生無相法者為復欲出生安隱之性欲出生无相法者為欲出生滅盡欲出生無相法者為欲出生滅盡之體欲出生无相法者為欲出生色空痛想行識空何以故色空者亦不出三界亦不住薩云若痛想行識空亦尔何以故須菩提色色自空痛想行識識自空欲出生無相法者為欲出眼空為欲出意空欲出生无相法者為欲出六衰及十二因亦不住薩云若欲出生無相法者為欲出生夢幻炎響光影欲出生无相法者為欲出生如來之所作化何以故夢幻炎響光影及如來所化亦不出三界亦不住薩云若何以故夢以夢事空炎事幻事響光事影事乃至如來所化事皆自空欲出生無相法者為欲出生檀波羅蜜欲出生无相



法者為欲出生尸波羅蜜羂波羅蜜  
惟逮波羅蜜禪波羅蜜欲出生無相  
法者為欲出生般若波羅蜜何以故  
須菩提六波羅蜜事亦不出三界亦  
不住薩云若何以故六波羅蜜六波  
羅蜜空故欲出生无相法者為欲出  
生内外空欲出生無相法者為欲出  
有空无空何以故須菩提内外空事  
至有無空事自空亦不出三界亦不  
住薩云若何以故内外空空乃至有  
无空空欲出生無相法者為欲出生四  
意止四意断四神足五根五力七覺  
意八正行欲出生无相法者為欲出  
生十八法欲出生無相法者為欲出  
生羅漢辟支佛上至如来等正覺也  
何以故羅漢辟支佛事上至佛亦不  
出三界亦不住薩云若何以故羅漢  
羅漢事空辟支佛辟支佛事空佛佛  
事空欲出生无相法者為欲出生須  
陀洹果斯陀含果阿那含果阿羅漢  
果辟支佛果佛果欲出生無相法者  
為欲出生薩云若欲出生无相法者  
為欲出生名相欲出生行者為欲出



生設法教數何以故須菩提名空及  
設教法行空空何以故名空空故欲  
出生無相法者為欲出生无所生無  
所滅无所著無所斷无所所有以是故  
須菩提摩訶衍從三界出住薩云若  
不動處須菩提汝所問衍住何所佛  
言衍无所住何以故如諸法亦無所  
住衍所住如无所住譬如法性亦不  
住亦不不住衍者不住亦不不住無  
所生亦不住亦不不住不生不滅不  
著不斷无所所有亦不住亦不不住衍  
亦如是何以故法性事亦不住亦不  
不住法性事自空故乃至無所有无  
所有亦自空須菩提衍無所住何以  
故諸法无所住而住而不動如須菩  
提所問誰當出衍者無有從衍中出  
者何以故須菩提所可出者及衍甫  
當出者亦无所所有是亦不可見諸法  
亦不可見當從何法出何以故吾我  
不可見故乃至壽命知見之事從本  
至竟淨從我人至知見及法性不可  
見如亦不可見真際亦不可見至竟  
淨不可思議性陰衰不可見六波羅

蜜亦不可見至竟淨內外空至有無  
空亦不可見至竟淨三十七品佛十  
八法亦不可見至竟淨從須陀洹至  
羅漢辟支佛上至佛亦不可見至竟  
淨從須陀洹道至羅漢辟支佛道上  
至阿耨多羅三耶三菩亦不可見至  
竟淨不生不滅不著不斷无所有不  
可見至竟淨過去當來今現在亦無  
所有至竟淨增減亦不可見至竟淨何  
誰不生而不可見法性不生不可見  
何以故法性亦不可見亦不不可見  
如不可見無所見空實際至般若波  
羅蜜无所有不可見内外空至有無  
空无所見亦不可見三十七品及十  
八法無所有不可見從須陀洹至佛  
无所有不可見從須陀洹道至佛道  
阿耨多羅三耶三菩無所有不可見  
无所生不可見至無所有從无所有  
無所有不可見何以故須菩提无所  
有不可見初住地亦不可見至十住  
地無所有不可見无所有不可見至  
竟常淨何等為初住地滅淨地種性

地第八地見地薄地除垢地所作已  
作地辟支佛地菩薩地佛地於內外  
空亦不見初地不可見至內外空有  
无空無所有第二住地第三第四第  
五第六第七第八第九乃至第十從  
內外空有无空至第十住亦不可見  
何以故須菩提從一住至十住亦無  
所有亦不可見至竟淨內外空至有  
无空衆生淨無所有至竟淨內外空  
至有无空佛國淨無所有至竟淨內  
外空有无空五眼無所有至竟淨須  
菩提如是菩薩摩訶薩以无所倚事  
令諸法以摩訶行出薩云若

放光般若波羅蜜經卷第四

丁酉歲高麗國大藏都監奉

勅彫造

放光般若經第四卷

卷第七

茶

惠備

放光般若經卷第五

榮

西晉于闐國三藏無羅叉奉

詔譯

摩訶般若波羅蜜歎衍品第三十三

須菩提白佛言唯世尊摩訶衍摩訶  
衍者出諸天世間人阿須倫之上衍  
與空等如虛空與無量无央數衆生  
而作救護以此世尊為摩訶衍菩薩  
摩訶薩亦不見來時亦不見去時亦  
不見住處摩訶衍如是亦不見前後  
亦不見中央世尊是故摩訶衍名為  
無有與等者而无有雙是故名曰摩  
訶衍佛告須菩提如是如是須菩提  
摩訶衍者六波羅蜜是復有摩訶衍  
所謂諸陀羅尼門諸三昧門首楞嚴  
三昧乃至虛空際解脫無所著三昧  
是為菩薩摩訶薩摩訶衍須菩提復  
有摩訶衍内外空乃至無有空是為  
摩訶衍復有摩訶衍三十七品佛十  
八法是為菩薩摩訶薩摩訶衍如須  
菩提所言摩訶衍者出諸天阿須倫  
世間人民之上須菩提假令欲界其  
中所有實有不異諦不顛倒有常堅

強亦不變易非為空法若當今者摩訶衍亦不能出過諸天龍阿須倫世間人民上須菩提當知欲界劫盡燒時所有皆盡无常無強亦无堅固用是故摩訶衍出過世間人民諸天阿須倫之上若使色界亦當有常常堅固者摩訶衍亦不能出其上用色界空無常堅固亦當壞盡亦不久住是故摩訶衍出過其上至于无色界皆當滅盡亦如是須菩提若色湛然堅固有常諦不顛倒為是堅固法者摩訶衍亦復不能過諸天阿須倫世間人民上用色無常无強堅固不諦顛倒故摩訶衍出過其上痛想行識皆悉無常亦如是若眼耳鼻舌身意色聲香味細滑法及十二因緣湛然有常堅強牢固諦不顛倒常久安者摩訶衍亦復不能出過其上用諸法及十二因緣无常無堅無強无牢无固不諦顛倒皆如劫燒非安法故摩訶衍德出過諸天龍鬼神世間人民上須菩提若法性中有所有者不為摩訶衍以法性無所有故為摩訶衍假

令如真際不可思議體有所有者亦  
不為摩訶衍以如真際不可思議體  
无所有者故為摩訶衍須菩提若六波  
羅蜜蜜有所有者不為摩訶衍以六波  
羅蜜蜜無所有者故為摩訶衍出過諸天  
龍阿須倫世間人民上若内外空及  
有无空有所有者不為摩訶衍以內  
外空及有無空无所有者故為摩訶衍  
出過諸天阿須倫世間人民上若三  
十七品及十八法有所有者不為摩  
訶衍用三十七品及佛十八法無所  
有故為摩訶衍出過諸天阿須倫世  
間人民上須菩提若八葦地法須陀  
洹法斯陀舍法阿耨舍法阿羅漢法  
辟支佛法阿惟三佛法佛法有所有者  
者不為摩訶衍用八葦地法從須陀洹  
至佛法无所有者故為摩訶衍出過諸  
天阿須倫世間人民上須菩提若八  
葦地法從須陀洹斯陀舍法阿羅漢  
辟支佛阿惟三佛佛有所有者不為  
摩訶衍用種性從須陀洹上至佛无  
所有者故為摩訶衍出過諸天阿須倫  
世間人民上須菩提若諸天阿須倫



世間人民有所有者不為摩訶衍用  
諸天阿湏倫世間人民無所有者故為  
摩訶衍出過其上湏菩提若有菩薩  
摩訶薩從初發意乃至佛坐中間諸  
可所作發意以來所有者不為摩  
訶衍用菩薩摩訶薩初發意以來乃  
至佛坐无所有故為摩訶衍出過諸  
天阿湏倫世間人民上湏菩提若菩  
薩摩訶薩金剛慧所有者菩薩不  
覺諸習緒不成薩云若用金剛慧無  
所有故菩薩覺諸習緒者成薩云若  
以是故出過諸天阿湏倫世間人民  
上湏菩提若如来无所著等正覺三  
十二大士之相所有者如来無所  
著等正覺不能出諸天阿湏倫世間  
人民上无此威德神耀光明巍巍之  
事用三十二相無所有故如来无所  
著等正覺威德神耀光明巍巍出過  
諸天阿湏倫世間人民上湏菩提若  
如来無所著等正覺光明所有者  
如来光明不能遍至十方恒邊沙國  
土湏菩提用光明无所有故能遍照  
恒沙國土湏菩提若八種聲所有者

者如來音聲不能周遍十方恒邊沙  
無量國土若佛法輪所有者如來  
不能轉法輪諸沙門婆羅門世間人  
民諸天鬼神龍諸魔諸梵所不能轉  
者須菩提若衆生所有者如來所  
能為衆生轉法輪令諸衆生於无餘  
泥洹界而般泥洹以衆生非物無所  
有故是以如來為轉法輪令得泥洹  
當來者亦當復般泥洹

摩訶般若波羅蜜行與空等品第四

佛告須菩提如汝所言行與空等如  
是如是實與空等譬如虛空亦不可  
知東亦不知西亦不知南亦不知北  
亦不知四維上下須菩提如來行者  
亦无有東西南北亦無四維上下須  
菩提譬如虛空无長無短无方無圓  
如來行者亦如是譬如虛空亦不青  
黃亦不赤白亦不紅縹如來行者亦  
如是是故須菩提行與空等是故名  
為行譬如虛空不過去不當來亦不  
現在如來行者亦如是行與空等譬  
如虛空不長亦不大不增亦不減如  
來行者亦如是是故行與空等須菩

提譬如虛空亦不著亦不斷如來衍  
者亦如是譬如虛空不生亦不滅亦  
不住亦無異是故名為衍與空等譬  
如虛空亦不善亦不不善亦不言亦  
不語衍亦如是不語亦不善惡是故  
衍與空等須菩提譬如虛空亦不見  
亦不聞亦不有亦不識衍者亦不聞  
亦不見亦不有亦不識是故衍與空  
等須菩提譬如虛空不思亦不覺亦  
不作證亦不棄亦不念衍亦如是譬  
如虛空亦不婬法亦不无婬摩訶衍  
亦如是須菩提譬如虛空亦不屬欲  
界亦不屬形界亦不屬無形界衍亦  
如是亦不屬三界是故衍與空等譬  
如虛空亦不初發意亦不二三四五  
六七八九亦不十住意衍亦如是亦  
無十住意是故衍與空等譬如虛空  
亦无須陀洹道斯陀含道阿那含道  
阿羅漢道衍亦如是是故衍與空等  
須菩提譬如虛空亦非弟子地亦非  
辟支佛地亦非阿惟三佛地衍亦如  
是是故衍與空等譬如虛空亦非形  
色亦不非形色亦非尋亦不非尋亦

非應亦不非應衍亦如是是故衍與  
空等須菩提譬如虛空亦不有常亦  
不無常亦非苦亦非樂亦非我亦不  
非我衍亦如是是故衍與空等譬如  
虛空亦非空亦不非空亦不相亦非  
不相亦不願亦非不願衍亦如是是  
故衍與空等須菩提譬如虛空亦不  
滅淨亦不不滅淨亦非寂亦不非寂  
衍亦如是是故衍與空等譬如虛空  
亦不明亦不冥衍亦如是須菩提譬  
如虛空亦不可見亦非不見衍亦如  
是是故衍與空等譬如虛空亦无行  
亦無不行衍亦如是是故衍與空等  
以是故須菩提摩訶衍與空等如須  
菩提言虛空覆護不可計阿僧祇人  
摩訶衍亦如是須菩提衆生无有緒  
虛空亦無有緒虛空无有緒摩訶衍  
亦無有緒當作是念當作是知須菩  
提是故不可計阿僧祇人仰摩訶衍  
何以故須菩提衆生摩訶衍虛空俱  
无所有故衆生無有限量虛空亦无  
有限量摩訶衍亦不可限量是故須  
菩提無量阿僧祇衆生望摩訶衍須

菩提虛空摩訶衍衆生俱不可得見  
須菩提如衆生无有限虛空無有限  
當作是知摩訶衍亦无有限衆生無  
有緒法性亦无有緒如法性無有緒  
虛空亦无有緒如虛空無有緒摩訶  
衍亦無有緒如摩訶衍无有緒無量  
无限亦無有緒如无限無有緒不可  
計亦无有緒以是須菩提不可計衆  
生望摩訶衍何以故衆生及法性虛  
空摩訶衍阿僧祇無有量不可計皆  
不可得見須菩提如衆生无緒當知  
如來亦無緒如佛无有緒虛空亦無  
有緒如虛空无有緒當知摩訶衍亦  
無緒如衍无緒阿僧祇無有緒如阿  
僧祇无緒當知無量无限亦無緒如  
无限无有緒當知一切衆生亦无有  
緒如是須菩提不可計阿僧祇人皆  
仰摩訶衍何以故衆生及佛虛空摩  
訶衍阿僧祇無量无限一切諸法皆  
不可見復次須菩提吾我緒乃至知  
見緒真際緒如真際緒當如是知諸  
法緒是故須菩提無央數阿僧祇人  
皆仰摩訶衍何以故衆生及諸法皆

不可見須菩提吾我衆生緒及知見  
不可思議體如不可思議當知五陰  
緒諸法緒須菩提不可計阿僧祇人  
望摩訶衍何以故所謂吾我及諸法  
皆不可見故須菩提如吾我緒知見  
緒眼耳鼻舌身意亦无有緒如六情  
無有緒當知諸法亦无有緒如是須  
菩提不可計阿僧祇人皆仰摩訶衍  
何以故所謂吾我及諸法皆不可見  
故須菩提如吾我無緒及知見亦无  
有緒當作是知六波羅蜜亦無有緒  
如般若波羅蜜无緒當知諸法亦無  
有緒須菩提是故無央數阿僧祇人  
皆仰摩訶衍何以故吾我及諸法皆  
不可見須菩提以吾我无緒内外空  
無緒及有无空亦復無緒如有无空  
无端緒諸法亦無端緒以是故不可  
計阿僧祇衆生皆望摩訶衍何以故  
吾我及諸法皆不可見故須菩提吾  
我衆生及知見无端緒及三十七品  
十八法亦無端緒如十八法无端緒  
須菩提是故不可計阿僧祇人望摩  
訶衍何以故吾我諸法皆不可見故



須菩提吾我无端緒種性已辨及諸  
法無有緒是故不可計衆生望摩訶  
衍何以故吾我及諸法皆不可見須  
菩提須陀洹無有緒斯陀舍阿那舍  
阿羅漢辟支佛上至佛薩云若及諸  
法无有緒以是故一切衆生望摩訶  
衍何以故吾我及諸法皆不可見譬  
如泥洹性為一切衆生而作覆護是  
故摩訶衍為一切衆生而作覆護須  
菩提所言摩訶衍亦不見來時亦不  
見去時亦不見住處何以故諸法不  
動搖故諸法亦不去亦不來亦無有  
住處何以故五陰性五陰相五陰事  
五陰如亦不來亦不去亦无住處眼  
耳鼻舌身意色聲香味細滑識法性  
如事相亦不來亦不去亦無住處四  
大性如事相識性空如事相亦不來  
亦不去亦无住處如真際不可思議  
性亦不來亦不去亦無住處六波羅  
蜜性如事相亦不來亦不去亦无住  
處三十七品十八法性如事相亦不  
來亦不去亦無住處道及佛性如事  
相亦不來亦不去亦无住處有為无

為性如事相亦不來亦不去亦無住  
處須菩提如汝所言摩訶衍亦不見  
東西南北四維上下者名與三世等  
是故為摩訶衍須菩提如汝所言審  
諦无異何以故過去世非世空當來  
世非世空現在世非世空三世等等者  
空摩訶衍衍自空菩薩菩薩自空須  
菩提空者亦非數亦非多亦非少是  
故菩薩摩訶衍摩訶衍與三世等無  
偶无隻無婬怒癡亦不離婬怒癡亦  
不恚亦不可見善惡亦不可見有常  
无常及與吾我亦不可見苦樂我非  
我亦不可見三界亦不可見度三界  
亦不可見何以故其形事不可見故  
過去色以過去色自空當來色以當  
來色自空今現在色以現在色自空  
痛想行識亦尔過去色空不可見過  
去空空不可見現在五陰色空尚不  
可見何況當來過去五陰空而可見  
者空亦不見五陰五陰亦不見空假  
令空能見五陰者五陰亦當見空須  
菩提過去六波羅蜜亦不見當來六  
波羅蜜亦不見現在六波羅蜜亦不

見三世等六波羅蜜亦不見等等亦不見三世等亦復不見等等不見等故三世不見過去當來今現在三十七品十八法亦不見三世等亦不見須菩提等亦不見三十七品及十八法過去當來今現在等亦不於三世不見於三世中亦不見三十七品及十八法何況於三世等而可見者復次須菩提過去凡人當來凡人現在凡人亦不可見三世等凡人亦不可見何以故衆生本不可見故過去當來今現在弟子緣覺菩薩如來亦不可見三世等弟子緣覺菩薩如來衆生本不可見故須菩提菩薩摩訶薩住般若波羅蜜中當了三世事當具足薩云若是為菩薩摩訶薩二世等學摩訶衍菩薩摩訶薩已住其中者便過諸天阿須倫世間人民上出薩云若須菩提白佛言善哉善哉世尊菩薩摩訶薩從摩訶衍中學自致具足薩云若慧過去十方諸菩薩皆從是摩訶衍得成逮薩云若慧當來十方諸菩薩亦當從是摩訶衍中學得

成逮薩云若今現在十方無央數不可計諸菩薩摩訶薩亦皆從是摩訶衍得成具足薩云若是故菩薩摩訶薩摩訶衍佛告須菩提如是如是須菩提過去當來今現在諸佛皆當從是衍中學成薩云若已逮者未逮者甫當逮者皆當從是摩訶衍中學具足薩云若慧

摩訶般若波羅蜜合聚品第三十五

於是邈釋文陀尼子白佛言唯世尊世尊使須菩提說般若波羅蜜乃說摩訶衍教為須菩提白佛言唯世尊須菩提說摩訶衍教將无離般若波羅蜜耶佛言不也須菩提汝所說摩訶衍教者順從無違不失般若波羅蜜教也何以故須菩提諸所可有一切善法及諸聲聞辟支佛法上至佛法皆共合集於般若波羅蜜中須菩提白佛言世尊云何善法及聲聞辟支佛法菩薩佛法皆共合在般若波羅蜜中佛告須菩提所謂六波羅蜜四意止四意斷四神足五根五力七覺意賢聖八品道三脫門四无尋

慧大慈大悲十種力四無所畏十八  
不共无所望法常等行須菩提是為  
善法三十七品聲聞法辟支佛法菩  
薩法佛法是為合聚般若波羅蜜中  
須菩提所謂摩訶衍六波羅蜜五陰  
十二衰十八性三十七品乃至佛十  
八法三脫門善法漏法有為法無為  
法苦習盡道法欲界形界无形界内  
空外空所有空無所有空諸三昧門  
陀隣尼門佛十八法如是如來所說  
法教律法性及如真際不可思議性  
泥洹一切諸法亦不合亦不散亦无  
有形亦不可見亦無有對一相一相  
者所謂无有相以是故須菩提汝所  
說摩訶衍教與般若波羅蜜其義順  
從不相違錯所以者何摩訶衍與般  
若波羅蜜無别无異摩訶衍與三十  
七品至十八法亦復不别摩訶衍則  
佛法佛法則摩訶衍是事一無有二  
亦不相違背須菩提以是故說摩訶  
衍教者則為說般若波羅蜜  
摩訶般若波羅蜜不可得三際第三  
於是須菩提白佛言菩薩摩訶薩无

有端緒無有邊際亦无有底色痛想  
行識亦无有端緒亦無有邊際當知  
菩薩亦復如是欲言色是菩薩乎非  
也痛想行識是菩薩耶非也須菩提  
言世尊我都盧不見有菩薩當為何  
誰說般若波羅蜜當教何誰須菩提  
言所謂菩薩菩薩但字耳世尊譬如  
自言我有无之法不生云何色痛想  
行識不生世尊不生者為非色亦非  
痛想行識尚無所生當為誰說般若  
波羅蜜亦不離於生處見菩薩行道  
作是說者菩薩聞是不恐不怖不悔  
不怯是為菩薩摩訶薩行般若波羅  
蜜舍利弗問須菩提若使菩薩前後  
邊際中央際不可得何以故色與菩  
薩俱无有邊云何色痛想行識為非  
菩薩云何言都盧不見有菩薩當為  
誰說般若波羅蜜何以故言菩薩但  
有字耳何以故言我有無之法不生  
五陰何以生何以故言不生者為非  
五陰云何言无生當教誰說般若波  
羅蜜云何言不見有離生行菩薩道  
者何以故言菩薩聞是不恐不怖為



行般若波羅蜜須菩提語舍利弗言  
用衆生始終端緒不可得故菩薩前  
後中央際不可得見舍利弗以衆生  
空故菩薩端緒亦不可得見用衆生  
寂故菩薩端緒不可得見用五陰無  
有邊際用五陰空用五陰寂用五陰  
不真故是故菩薩端緒不可得見以  
六波羅蜜無有底无有邊際故何以  
故舍利弗空及五陰菩薩等無異是  
三事一无有二是故舍利弗菩薩端  
緒不可得見以六波羅蜜空空寂不真  
是故菩薩端緒不可得見何以故舍  
利弗空本際亦不可見末際亦不可  
得見中際亦不可得見空與菩薩俱  
亦不可得見舍利弗空菩薩端緒一  
無有二是故菩薩端緒不可見內空  
外空及有无空邊際不可見是故菩  
薩端緒不可得見復次舍利弗三十  
七品及佛十八法皆無有端緒佛法  
空佛法寂佛法不真是故菩薩端緒  
不可得見從六波羅蜜至佛十八法  
皆无有端緒皆空皆寂皆不真是故  
菩薩端緒不可得不可見復次舍利

弗諸三昧門陀隣尼門皆無有端緒  
皆空皆寂皆不真是故菩薩端緒不  
可得見復次舍利弗法性及如真際  
不可思議性皆无有端緒空寂不真  
是故菩薩端緒不可得見復次舍利  
弗聲聞辟支佛如來皆無有端緒皆  
空皆寂皆不真是故菩薩端緒不可  
得見道薩云若皆无有端緒皆空皆  
寂皆不真是故菩薩端緒不可得見  
何以故舍利弗空始終端緒中邊皆  
不可得見故菩薩亦不可得見舍利  
弗空五陰菩薩是三事皆一無有二  
法是故菩薩端緒不可見如舍利弗  
所問五陰无有底故當知菩薩亦無  
有底須菩提言五陰如虛空虛空亦  
无邊亦無際亦不可量亦无有底但  
以名字為虛空耳舍利弗色空無有  
邊際痛想行識識空无有邊際亦不  
可得見是故舍利弗虛空底五陰底  
菩薩底亦不可得見十二衰十二因  
緣三十七品佛十八法此諸法端緒  
菩薩端緒皆不可得見皆無有邊際  
故須菩提言舍利弗所問五陰是菩

薩耶不可得見亦无邊亦無際亦不可量亦无有底但以名字為虛空耳  
舍利弗色空無有邊際痛想行識識空无有邊際亦不可得見是故舍利  
弗虛空底五陰底菩薩底亦不可得見十二衰十二因緣三十七品佛十八  
法此諸法端緒菩薩端緒皆不可得見皆無有邊際故須菩提言舍利弗  
所問五陰是菩薩耶不可得見是故五陰與菩薩皆不可得見舍利弗六  
波羅蜜六波羅蜜自空内外空内外空自空乃至有无空有無空自空三  
十七品三十七品自空乃至佛十八法十八法自空如及真際不思議性  
施隣尼三昧門薩去若道事聲聞緣覺佛佛義各各自空舍利弗如來五  
陰空亦不有亦不可見以是故舍利弗是故菩薩五陰不可得見舍利弗  
所問何以故菩薩不可見不可得當為何誰說般若波羅蜜須菩提語舍  
利弗色不見色色亦不見痛痛亦不見色痛亦不見行行亦不見痛痛亦  
不見想想亦不見痛想想亦不見識識

亦不見想色痛想行識亦如是眼眼  
亦不有亦不可見至意意亦不有亦  
不可見眼識意識亦不有亦不可見  
眼我至意意我至因緣法亦不有亦  
不可見至六波羅蜜亦不有亦不可  
見內空外空至所有空无所有空三  
十七品及佛十八法亦不有亦不可  
見諸三昧門陀隣尼門亦不有亦不  
可得見從須陀洹法至羅漢法亦不  
有亦不可見十住亦不有亦不可見  
道法薩云若法亦不有亦不可見須  
陀洹至羅漢辟支佛及佛亦不有亦  
不可見至教法亦不有亦不可見舍  
利弗以諸法無所有不可見菩薩不  
可見以是故无所教須菩提語舍利  
弗如所問何以故但以字為菩薩者  
字法但以名字假名為菩薩耳以是  
故但字為菩薩也色痛想行識亦復  
假名有字耳諸有名者亦無色痛想  
行識何以故空无有真名故若使空  
者非是菩薩是故言但以字為菩薩  
耳復次舍利弗六波羅蜜者但字耳  
六波羅蜜亦非字字亦非六波羅蜜

何以故字菩薩諸波羅蜜俱等不可見故是以菩薩但以假号为字耳舍利弗内外空有无空亦但以字著耳字亦非空空亦非字何以故字空内外空乃至有无空俱不可見故舍利弗是故但以字為菩薩耳舍利弗三十七品至十八法亦假名與字耳諸三昧門陀隣尼門亦復如是乃至薩去若普皆如是如是舍利弗所問何以故名為吾我至本无所生從本已來至於吾我亦不可得見當那得生從有生有命至於知見常不可見當那得生從有名以來五陰不可見知當那得生從六情至十二因緣起亦不可見何況有生六波羅蜜亦不可見何況有生從内外空及有无空常不可見何況有生從有名以來三十七品及十八法亦不可見當從何生從有名以來諸三昧門陀隣尼門亦不可見當從何生從有名已來聲聞辟支佛及佛亦不可見當從何生舍利弗是故名為吾我諸法皆不生故復次舍利弗如所問諸法有无之事

無有作者舍利弗問須菩提何等所  
有有无有作者須菩提言五陰所有無  
有作者六情内外至于十二緣起所  
有亦无作者六波羅蜜所有亦無作  
者以是因緣舍利弗諸法亦不有亦  
不无復次舍利弗一切諸法皆悉无  
常無能壞者舍利弗問須菩提何等  
諸法无有常无能壞者答言五陰無  
有常無能壞者何以故無常无所有  
消盡是故諸法无常無能壞者乃至  
有為法无為法有漏法無漏法已記  
法未記法無常無能壞者舍利弗无  
常无所有消盡以是故諸法無常無  
能壞者舍利弗諸法亦不聚亦不散  
舍利弗言何等不聚何等不散須菩  
提言五陰不聚不散何以故性自尔  
乃至善法惡法有為法无為法有漏  
法無漏法亦不聚亦不散何以故性  
自尔以是故諸法亦不有亦不无舍  
利弗所問五陰無所生者用五陰六  
衰无有作者不見有作者故諸法皆  
無有作者以是故无所生舍利弗所  
問无所生非五陰者以五陰性自空



故亦不生亦不滅亦不住乃至有為  
性性空故性自空者亦不起亦不滅  
亦不住是故無所生非五陰舍利弗  
所問无所生為誰說般若波羅蜜者  
若無所生為非般若波羅蜜般若波  
羅蜜亦非无所生無所生般若波羅  
蜜一法無有二是故言當為誰說般  
若波羅蜜舍利弗所問亦不離五陰  
生行菩薩道者无所生則是般若波  
羅蜜般若波羅蜜則是無所生无所  
生則是五陰五陰則是无所生而不  
別是法亦不二舍利弗是故亦不離  
生行菩薩道也舍利弗所問云何聞  
是不恐不怖為行般若波羅蜜者菩  
薩摩訶薩見諸法皆空如夢如幻如  
炎如響如影如化以是故菩薩聞是  
教不恐不怖須菩提白佛言菩薩行  
般若波羅蜜時作是觀是時亦不見  
色亦不入色亦不生色亦不住色亦  
不言是色痛想行識亦不見識亦不  
入識亦不生識亦不住識亦不言是  
識眼耳鼻舌身意亦不見亦不入亦  
不生亦不住亦不言是我所六波羅

蜜亦不見亦不入亦不生亦不住亦不言是我所內外空至有無空亦不見亦不入亦不生亦不住亦不言是我所世尊菩薩行般若波羅蜜至三十七品佛十八法亦不見亦不入亦不生亦不住亦不言是我所諸三昧門陀隣尼門亦不見亦不入亦不生亦不住亦不言是我所何以故菩薩行般若波羅蜜亦不見色乃至薩去若亦無所見世尊不生色者為非色亦不生痛想行識者為非識不生六衰者為非六衰不生六波羅蜜者為非六波羅蜜六波羅蜜至無所生一法无二不生內外空為非空不生有無空為非空有无空及無所生一法无二世尊三十七品不生為非三十七品佛十八法不生為非十八法無所生及佛十八法一法无二世尊无所生一法耳亦非二亦非三亦非四亦非五亦不若干數是故佛法無所生法一法無二世尊如及不思議性不生者為非如為非不思議性不生道者為非道不生薩云若者為非

薩云若無所生薩云若一法无二世  
尊无所生亦不一無有若干數是故  
不生薩云若者為非薩云若滅色者  
為非色滅色者是一法无有二世尊  
滅者一無有二是故滅色者為非色  
滅痛想行識者為非識是故生識者  
為非識内空外空至有无空及三十  
七品佛十八法亦如是世尊是為滅  
非若干也從識至薩云若亦是是  
為行般若波羅蜜

摩訶般若波羅蜜問觀品第三十七

舍利弗問須菩提言菩薩摩訶薩云  
何行般若波羅蜜而觀諸法何等為  
菩薩何等為般若波羅蜜何等為觀  
尊者須菩提語舍利弗言如所問何  
等為菩薩菩薩者為道士也故名為  
菩薩以道故知諸法事而无所入問  
曰知何等諸法事答曰知色事不入  
色知痛想行識事不入識盡知佛十  
八法事不入十八法舍利弗問何等  
為諸法事須菩提言所可名者諸法  
之貌色聲香味細滑法内法外法有  
為無為法像貌所可名者是為諸法

事也舍利弗所問何等為般若波羅蜜般若波羅蜜者名為遠離問曰何以故名為遠離須菩提言遠離五陰遠離十八性遠離六衰遠離檀波羅蜜至禪波羅蜜遠離內外空至有無空遠離三十七品至十八法是名為遠離遠離薩云若遠離薩云若事尊者舍利弗是故名為遠離般若波羅蜜舍利弗所問何等為觀行般若波羅蜜菩薩亦不觀五陰有常无常亦不觀五陰苦樂亦不觀五陰有我非我亦不空亦非不空亦不相亦非不相亦不願亦非不願亦不滅亦非不滅亦不寂亦非不寂亦不作是觀至六波羅蜜從內外空至有無空及佛十八法亦復如是諸三昧門陀隣尼門至薩云若乃至滅不滅亦不作有常无常觀舍利弗行般若波羅蜜菩薩當作是觀舍利弗問尊者須菩提何以故賢者作是言五陰無所生為非五陰乃至薩云若无所生為非薩云若須菩提報言五陰空空非五陰是故五陰無所生為非五陰六波羅

蜜空空亦非六波羅蜜亦非生是故  
 六波羅蜜元所生為非六波羅蜜從  
 內外空至有無空亦復如是從三十  
 七品至佛十八法亦復如是薩云若  
 亦復亦以是故五陰元所生為非五  
 陰五陰亦非生乃至薩云若亦無所  
 生舍利弗問須菩提何以故言五陰  
 不二為非五陰乃至薩云若不二為  
 非薩云若須菩提報言五陰不二亦  
 不合亦不散亦无有形不可見一相  
 一相者則無相薩云若亦如是以是  
 故五陰元有二不為五陰薩云若無  
 有二不為薩云若舍利弗問何以故  
 五陰元有二為作數乃至薩云若無  
 有二為作數耶須菩提言无所生及  
 五陰無有二五陰則是元所生無所  
 生則是五陰以是故五陰無有二為  
 作數耳乃至薩云若亦无有二為作  
 數耳須菩提白佛言菩薩學般若波  
 羅蜜觀是法時見五陰無所生常淨  
 故見吾我亦无所生常淨故見檀波  
 羅蜜至般若波羅蜜亦無所生常淨  
 故見內外空至有無空亦无所生常

淨故見三十七品佛十八法亦無所  
生常淨故見諸陀隣尼三昧門亦无  
所生常淨故見薩云若無所從生常  
淨故見凡人凡人法亦无所生常淨  
故見須陀洹陀洹法斯陀舍斯陀  
舍法阿那含阿那舍法阿羅漢阿羅  
漢法辟支佛法皆無所生常淨故舍利  
弗問如我從須菩提所聞五陰為无  
所生乃至道亦無所生佛法亦無所  
生亦无所逮得須陀洹至阿羅漢辟  
支佛亦復不逮菩薩亦無所逮得薩  
云若亦无所逮得菩薩摩訶薩無所  
逮得薩云若者為壞五趣是為菩薩  
不於五趣中得道舍利弗言若使諸  
法无所生云何須陀洹三應滅而念  
成道斯陀舍三垢薄而念成道阿那  
含五應滅而念成道阿羅漢滅上五  
所得辟支佛以因緣覺故而念成道  
何以故菩薩作勤苦行代衆生受勤  
苦為何等故如來無所著得等正覺  
轉法輪乎須菩提言舍利弗我亦不  
使无所生法有所逮得我亦不使無



所生得須陀洹道斯陀舍阿邨舍阿  
羅漢辟支佛道我亦不使菩薩有勤  
苦行菩薩行亦无有勤苦想舍利弗  
菩薩亦不覺苦想何以故舍利弗不  
可從覺苦想能為不可計阿僧祇衆  
生作本菩薩於衆生如父想如母想  
如子想如身想無所有菩薩於内外  
法當作是想當作是念所言我及一  
切衆生亦不有亦不可見於内外法  
當作是念作是想念不起勤苦想何  
以故一切无所有故世尊於无所生  
非我所能令得如來阿惟三佛亦無  
所生如來不從无所生逮轉法輪舍  
利弗問尊者須菩提言欲使從無所  
生逮得欲使從有所生逮得須菩提  
言我亦不使從无所生逮得亦復不  
使從有所生逮得舍利弗言如所言  
為無所逮无所得耶須菩提言有所  
逮有所得不以二世俗之事有逮有  
得但以世事故有須陀洹斯陀舍阿  
邨舍阿羅漢辟支佛有佛欲論最第  
一者無有逮无有得從須陀洹上至  
佛亦无逮亦無得云何須菩提但以

世事故有逮有得壞五趣者亦復如是耶須菩提言以世俗事故有逮有得以世俗事故有五趣教何以故舍利弗寂第一法无有生死無有善惡之報亦無斷亦无著舍利弗言云何須菩提无所生有所生耶有所生有所生乎須菩提報言我亦不使無所生有所生亦不使有所生有所生也舍利弗言為欲使何所无所生法有所生須菩提言我不令五陰有無空有所生乃至道有无空亦不令无所生舍利弗言不生為生耶生為生乎須菩提言生亦不生不生亦不生何以故諸可有所生無所生一耳亦不別亦無形不可見不可得一相一相者則無所有之貌是故舍利弗有所生亦不生无所生亦不生舍利弗言當說無所生无所生法說有所生無所生法我樂欲聞須菩提言恣所樂何以故舍利弗所可无所生法所可有所生法無所樂所問无所生無所生是諸法亦不合亦不散亦无形不可見不可得一相一相者則無相舍

利弗言所生亦復无所生所樂亦復無所生法亦无所生所報亦復無所生如是如是舍利弗諸法皆无所生何以故五陰无所生六情亦无所生六性地水火風空識是六性亦無所生身口意行亦无所生至薩云若亦無所生是故舍利弗所報亦无所生法所因緣樂聞皆無所生舍利弗言如尊者須菩提為是法師之上何以故隨所問能發遣何以故於諸法无所依舍利弗問長老須菩提諸法云何無所依答言舍利弗色性空亦不依內亦不依外亦不依兩中間痛想行識性空亦不依內亦不依外亦不依兩中間六情十二衰性空亦不依內外中間六波羅蜜性空亦不依內外中間從內外空至有無空性亦不依內外中間三十七品至佛十八法性空亦不依內外中間諸法性皆空者亦不依內外中間舍利弗是故无所依是故行六波羅蜜菩薩能淨五陰至薩云若舍利弗問須菩提云何菩薩行六波羅蜜淨菩薩道答言舍

利弗亦有道檀波羅蜜亦有俗檀波  
羅蜜至般若波羅蜜亦有道亦有俗  
復問何等為俗檀波羅蜜何等為道  
檀波羅蜜答言菩薩住於布施若有  
沙門婆羅門若有貧窮疾病形殘隨  
其所索城國珍寶衣被飲食妻子眷  
屬頭目肌肉髓腦骨血一切所有皆  
給與之所可與者有所依倚作是念  
言我與彼受我不嫉他人與言我是  
施主言我與一切言我隨佛教言我  
行檀波羅蜜雖作是施與而有所倚  
所作阿耨多羅三耶三菩與衆生共  
之以是施與欲令衆生於無餘泥洹  
而般泥洹雖布施有三尋意何等為  
三有我想有彼想有施想是為三尋  
是為世俗布施何以故名為世俗布  
施以不能離世俗亦不出世俗事故  
是為世俗布施何等為道施以三事  
淨何等為三菩薩布施亦不自見亦  
不見受者不望其報是為菩薩於三  
事淨舍利弗菩薩布施施與衆生亦  
不倚衆生為阿耨多羅三耶三菩亦  
不見有阿耨多羅三耶三菩之兆是

為道檀波羅蜜何以故名道檀波羅蜜道檀波羅蜜者勝出勝於世間故從檀波羅蜜至般若波羅蜜世俗有所依道無所依須菩提言是為菩薩行六波羅蜜淨菩薩道舍利弗問須菩提何等為菩薩摩訶薩道答言三十七品是菩薩摩訶薩道空無相無願三脫門內外空乃至有无空諸三昧門陀隣尼門佛十種力四無所畏佛十八法四无尋慧大慈大悲是為菩薩摩訶薩道舍利弗言善哉善哉須菩提是為何等波羅蜜功德力須菩提言是般若波羅蜜功德力何以故般若波羅蜜者諸善法功德之母般若波羅蜜者悉持三乘之法諸過去佛世尊皆行般若波羅蜜自致成阿惟三佛當來諸佛世尊亦行般若波羅蜜自致成阿惟三佛現在十方恒邊沙國諸佛世尊亦行般若波羅蜜自致成阿惟三佛須菩提言若聞說般若波羅蜜不疑不懼當知是菩薩能行菩薩道不捨衆生能為一切衆生作護亦无所猗終不離是念所

謂大慈大悲之念舍利弗復問欲使  
菩薩不捨大慈大悲之念不離是者  
以為一切衆生皆當為菩薩何以故  
一切衆生終不離是念須菩提讚言  
善哉善哉舍利弗我已覺知所譏來  
迹我當受之如衆生無所有念亦无  
所有有無亦无所有如衆生寂念亦  
復寂如衆生空念亦復空如衆生無  
所覺念亦无所覺如五陰無所有念  
亦无所有如五陰無有實如五陰空  
如五陰寂如五陰无所覺當知念亦  
無所覺眼耳鼻舌身意色聲香味細  
滑法地水火風空識亦尔六波羅蜜  
空内外空至有无空三十七品佛十  
八法陀隣尼門諸三昧門及薩云若  
薩云若事乃至道與念等無所有如  
道无所覺念亦无所覺舍利弗我欲  
使菩薩不離是行念於是世尊讚歎  
須菩提言善哉善哉為諸菩薩摩訶  
薩說般若波羅蜜行當如是如須菩  
提所言如須菩提承佛威神說般若  
波羅蜜菩薩摩訶薩亦當如是如須  
菩提所說須菩提說是般若波羅蜜



品時三千大千剎土六反震動前沒  
後涌前涌後沒八方上下皆悉如是  
佛因是事便笑時須菩提叉手白佛  
言世尊何因緣笑佛告須菩提今我  
說般若波羅蜜東方恒邊沙不可計  
諸佛亦為諸菩薩說般若波羅蜜十  
方諸如來等正覺无所著者亦復為  
諸菩薩說般若波羅蜜亦復如是須  
菩提說是般若波羅蜜時十二那由  
億天及人阿須倫皆得無所從生法  
忍十方諸佛說般若波羅蜜時不可  
計阿僧祇衆生皆發无上正真道意  
放光般若波羅蜜經卷第五

丁酉歲高麗國大藏都監奉

勅彫造

放光般若經卷第六

西晉于闐國三藏法師鳩摩羅什

翻  
經  
本  
譯

摩訶般若波羅蜜無住品第三十八

尔時三千大千刹土諸四天王與無  
央數億百千諸天子皆來共會諸釋  
提桓因與諸無數億百千諸天皆共  
來會須臾天子上至首陀會天其中  
諸天各各與無數若干億百千天子  
皆來共會從四天王至首陀會天諸  
天功德光明魏魏雖尔不如世尊寂  
下光明百千万倍巨億万倍諸天光  
明及閻浮檀寶之光明悉不現也諸  
天在佛邊其形體光明如燒炷是故  
諸天光明即不復現釋提桓因白尊  
者須菩提今是三千大千刹土諸四  
天王諸首陀會天欲聽須菩提說般  
若波羅蜜教菩薩云何住般若波羅  
蜜何等為菩薩摩訶般若波羅蜜  
當云何行般若波羅蜜須菩提報釋  
提桓因言拘翼今當承佛威神為諸  
菩薩說般若波羅蜜當為菩薩如所  
應住說是諸天子未發意者今當應

發菩薩心已住於道檢者力不堪發  
阿耨多羅三耶三菩意何以故為生  
死界作障隔故假令是輩能發阿耨  
多羅三耶三菩意者我亦代其歡喜  
從上轉尊我終不中道斷其功德拘  
翼何等為般若波羅蜜菩薩摩訶薩  
當持應薩云若意當念色無常苦空  
非身老病憂患惱結裁聚轉變壞敗  
忍畏鬭訟不可恃怙菩薩當念是亦  
無所倚痛想行識六情六性皆當念  
是苦淨亦无所倚當念五陰淨當念  
六情六性淨寂以薩云若意當知從  
癡有愛習十二因緣亦無所倚當復  
念滅癡愛十二因緣得滅衆苦亦无  
所倚復次拘翼菩薩摩訶薩以薩云  
若意當念三十七品亦無所倚亦當  
念乃至佛十八法亦无所倚復次拘  
翼菩薩摩訶薩以薩云若意行檀波  
羅蜜尸波羅蜜羼波羅蜜惟逮波羅  
蜜禪波羅蜜亦無所倚如是拘翼菩  
薩行般若波羅蜜作是觀使法法相  
續法法相得皆使具足菩薩於念亦  
無吾我若作異念不應道念拘翼以

不等念意於道亦不可見亦不可得  
道无意念意亦不可得亦不可見拘  
翼菩薩行般若波羅蜜當作是觀於  
諸法無所得釋提桓因言耆年須菩  
提云何念念不與道意同云何道意  
不與念念同云何道意念意俱不可  
得不可得見須菩提言拘翼所念意  
不成意道意亦非意亦不成意不持  
非意念非意念則是非意非意亦是  
意是為菩薩摩訶薩般若波羅蜜於  
是佛歎須菩提言善哉善哉如汝為  
諸菩薩說般若波羅蜜教勸助之意  
須菩提白佛言唯世尊我當報恩不  
得不報恩我當報過去諸如來无所  
著等正覺恩及弟子勸助安立諸菩  
薩等世尊今時亦學六波羅蜜得阿  
惟三佛世尊我等亦當復勸助安立  
諸菩薩學六波羅蜜亦當使成得阿  
惟三佛須菩提言拘翼聽我說菩薩  
摩訶薩住般若波羅蜜如住亦不住  
五陰五陰空菩薩菩薩空五陰空菩  
薩空一空無有二拘翼菩薩當作如  
是住般若波羅蜜拘翼六情六情空

菩薩菩薩空六情空菩薩空等无有  
異六性六性空菩薩菩薩空六性空  
菩薩空等無有異菩薩摩訶薩當作  
如是於般若波羅蜜當作是住復次  
拘翼十二因緣十二因緣空滅十二  
因緣滅十二因緣空菩薩菩薩空十  
二因緣十二因緣滅空菩薩空一空  
無有二拘翼菩薩摩訶薩於般若波  
羅蜜當作是住六波羅蜜六波羅蜜  
空内外空及有无空三十七品佛十  
八法諸三昧明陀隣尼門聲聞乘辟  
支佛乘亦尔菩薩如來薩云若亦尔  
菩薩空薩云若空一空無二菩薩於  
般若波羅蜜當作是住釋提桓因言  
云何須菩提菩薩摩訶薩不於般若  
波羅蜜中住須菩提言拘翼菩薩不  
住五陰有所倚亦不住六情有所倚  
不住於六情有所倚從三十七品至  
薩云若皆不住有所倚從須陀洹至  
阿羅漢辟支佛上至佛皆不住有所  
倚從五陰至薩云若是為不住亦无  
所倚從須陀洹至佛亦不住有所倚  
五陰無常不當於中住五陰有常不

當於中住五陰苦樂不當於中住淨

不淨不當於中住我非我不當於中

住空不空不當於中住滅不滅不當

於中住寂不寂不當於中住有所倚

須陀洹不具足故不當於中住至佛

不具足故不當於中住須陀洹成就

德能福一切不當於中住上至佛成

就德能福一切不當於中住復次拘

翼菩薩初地不當於中住至第十地

不當於中住有所倚也從初地言我

當具足檀波羅蜜不當於中住於尸

波羅蜜羣波羅蜜惟逮波羅蜜禪波

羅蜜般若波羅蜜不當於中住有所

倚我當具足成就三十七品不當於

中住有所倚菩薩道不當於中住我

從菩薩道至阿惟越致地位不當於

中住菩薩具足五通不當於中住有

倚住菩薩神通已言我當遊无量阿

僧祇佛國見諸佛如來聽受法教已

轉復教授一切衆生亦不當於中住

有所倚言我亦當變化作如諸佛如

來世界所有亦不當於中住有所倚

也般若波羅蜜不當於中住有所倚



也我當教授衆生至道亦不當於中住我當供養無央數阿僧祇諸佛時諸幢幡香華繒蓋无央數億百千張疊不當於中住我當成就無央數阿僧祇衆生令得阿耨多羅三耶三佛亦不當於中住我當具足五眼肉眼天眼法眼慧眼佛眼亦不當於中住我皆當起諸三昧亦不當於中住亦不當願言我得是三昧時當於中遊戲亦不當於中住具足陀隣尼門不當於中住我當具足四無尋慧四无所畏佛十種力佛十八法亦不當於中住我當具足四等心大慈大悲亦不當於中住我當具足三十二大士之相八十種好不當於中住有所倚也住八輩事成就信要法要不當於中住須陀洹至第七不當於中住斯陀含一種不當於中住道等不當於中住命終垢盡不當於中住須陀洹中道般泥洹不當於中住斯陀含未斷諸苦本不當於中住得阿那含道意不當於中住於阿那含中中道般泥洹不當於中住得阿羅漢證成阿

羅漢從是間於无餘泥洹而般泥洹  
不當於中住辟支佛不當於中住過  
羅漢辟支佛至菩薩地不當於中住  
道事慧不當於中住有所倚也以衆  
事成阿惟三佛不當於中住從次諸  
垢消盡不當於中住成如來等正覺  
無所著當轉法輪不當於中住我當  
為佛事度不可計一切衆生不當於  
中住以四神足於三昧住命恒邊沙  
劫不當於中住令我壽命无有數不  
當於中住於三十二大士之相一相成  
百福功德不當於中住使我一佛國  
大如十方恒邊沙佛國不當於中住  
使我三千大千剎土盡作金剛不當  
於中住使我佛樹中出香一切衆生  
聞其香者無有三毒不起聲聞辟支  
佛意有聞是香者身病意病皆悉除  
愈令我佛土不聞五陰色痛想行識  
六波羅蜜之聲不當於中住令我佛  
國不聞三十七品及十八法不聞湏  
陀洹上至佛之聲不當於中住何以  
故如來无所著等正覺成阿惟三佛  
於諸法亦無所得如是拘翼菩薩於

般若波羅蜜无所倚住。今時尊者舍利弗。意念菩薩摩訶薩。當云何住。須菩提。知舍利弗。意所念。便問舍利弗。於意云何。諸佛為住何所。舍利弗報言。諸佛無所住。不住意。有所止。亦不於五陰住。亦不住於成就。亦不住於不成就。亦不住於有為。无為。不於十八法薩云。若有所住。須菩提。言菩薩摩訶薩住般若波羅蜜中。當如諸如來無所著。等正覺住。如不住。菩薩當作是住。住無處。所住。於是會中有天子作是念。諸閱叉所語。所說。悉皆可。知尊者。須菩提。所說般若波羅蜜教。了不可知。須菩提。知諸天子。意所念。語。諸天子言。不解。不知耶。諸天子言。尔須菩提。實不解。不知也。須菩提。語諸天子言。我所說者。常不見一字。教亦无聽者。何以故。般若波羅蜜者。非文字。亦無聽聞。何以故。諸天子。諸如來无所著。等正覺。道亦无文字。諸天子。譬如如來。化作佛。作四輩弟子。作是化已。為說化諸法。於諸天子。意云何。是頗有教。有說。寧有受者。不諸天。

子言唯須菩提是无所所有須菩提言  
諸法譬如化亦無所說者亦无受者  
亦無知者譬如士夫夢中見佛佛為  
說法於意云何有說有受者不諸天  
子言無說无受須菩提言諸法如幻  
無說无受亦無所有譬如有二人於  
彼深澗各住一面俱發音聲讚歎佛  
法及比丘僧其聲音響寧展轉相知  
不諸天子言響无所知譬如絕工幻  
師於四衢道化作如來及四輩衆而  
說於法諸天子於意云何寧有說有  
教有受者不諸天子報言實無所有  
諸天子復念今須菩提敷演般若波  
羅蜜其事甚深所教轉深所說轉妙  
須菩提語諸天子言色亦不深亦不  
微妙不以五陰故微妙也六情從內  
外空及有无空乃至六波羅蜜佛十  
八法皆如是諸三昧門陀隣尼門至  
薩去若亦不深亦不妙不以薩去若  
故深妙諸天子意念是中所說亦不  
說五陰六情亦不說六波羅蜜亦不  
說內外空及有无空亦不說三十七  
品佛十八法亦不說須陀洹道亦不

說阿羅漢辟支佛道亦不說文字是事云何須菩提報言如是如是諸天子諸如來道者皆无所得亦無所說是故諸法亦无說者亦無聞者亦无受者亦無得者須菩提言諸天子欲住須陀洹道者取須陀洹證者若住羅漢辟支佛上至佛欲取證者作是住者終不得是忍菩薩從初發意以來无所說無所聞當作是住

摩訶般若波羅蜜如幻品第三十九

尔時諸天子意念我等當云何從須菩提聽受其教尊者須菩提知諸天子意所念語諸天子言今諸會者觀聽我所說當如幻化人所聽受亦無所受亦无所見亦不作證諸天子言云何須菩提衆生為如幻化耶來會者亦如幻化耶須菩提言如是如是衆生如幻會者亦如幻吾我亦復如幻如夢五陰如幻如化六情識我如幻如化内外空及有無空如幻如夢三十七品佛十八法如幻如化須陀洹道上至於佛三耶三佛亦復如幻尔時諸天子問須菩提云何乃至佛

亦復如幻如夢須菩提言我說至佛亦復如幻若復有法勝於泥洹者我亦復言如幻諸天子夢幻化是一取无有二是時舍利弗大目犍連摩訶拘絺羅摩訶迦旃延邠耨耨文陀尼子大迦葉等與無央數菩薩是諸大眾俱問須菩提言般若波羅蜜甚深甚廣難曉難了難見難解誰能過絕是者是時阿難語眾弟子諸菩薩言般若波羅蜜者是深妙法甚廣難見難解難了不可思議唯有阿惟越致菩薩摩訶薩具足見諦阿羅漢前世於无央數諸佛所而作功德與善知識相隨者善男子善女人有大智慧如是輩人聞深般若波羅蜜乃能信樂終不能過絕不以空分別五陰不以五陰分別空亦不以五陰分別無相无願不以無相无願分別五陰亦不以無所生无所滅分別五陰不以五陰分別無所生无所滅亦不以寂淨分別五陰亦不以五陰分別寂淨乃至六情及諸緣起亦復如是從檀波羅蜜至般若波羅蜜亦復如是從內



外空至有無空亦復如是從三十七品至佛十八法亦復如是諸三昧門陀隣尼門不以分別五陰不以五陰分別三昧門陀隣尼門從須陀洹至羅漢辟支佛乃至薩婆若亦不以分別空不以空分別薩婆若亦不以薩婆若分別無相無願不以具足不具足性至無相無願亦復如是不以無所生无所滅分別寂淨不以寂淨分別五陰須菩提語諸天子言是甚深般若波羅蜜極有智者不能過絕何以故法無有憂者亦无有感者若無憂无感衆生亦無能過絕者舍利弗語須菩提言般若波羅蜜為廣說三乘之教及菩薩揔持之教從初發意至十住道地教至六波羅蜜三十七品佛十八法菩薩摩訶薩悉揔持之教是為菩薩行般若波羅蜜化生也不耗於神通遊諸佛國隨其所欲所作善本供養諸佛即得如願從諸世尊所聽受法至薩婆若初不斷絕未曾離三

昧時當為无所望尋辯不可斷絕辯  
如所應辯利辯義辯一切寂辯須苦  
提言如是如是如舍利弗言廣說三  
乘及菩薩乘大乘菩薩摩訶薩所得  
寂辯亦无所倚亦不倚吾我知見壽  
命五陰亦无所倚從檀波羅蜜至般  
若波羅蜜亦无所倚從内外空及有  
无空亦无所倚從三十七品佛十八法  
至薩云若慧亦无所倚舍利弗言何  
以故於般若波羅蜜說三乘之教而  
無所倚何以故說菩薩總持何以故  
得寂妙之辯而无所倚須菩提言從  
内空乃至三乘皆從般若波羅蜜教  
出亦无所倚從外空至有无空廣說  
三乘之教亦无所倚從内外空所說  
教及菩薩總說一切世間寂妙之辯  
亦无所倚從有无空至菩薩護一切  
世間寂第一之辯而無所倚也

摩訶般若波羅蜜雨法雨品第三

於是釋提桓因意念言尊者須菩提  
所說法為雨法雨三千大千刹土從  
四天王上至阿迦膩吒天各各念言  
今須菩提所說法雨我等寧可作花

散佛世尊及諸菩薩大弟子衆及散  
須菩提上忞時三千大千刹土諸釋  
提桓因及諸四天王各化作花散佛  
菩薩及比丘僧及散須菩提上持是  
供養般若波羅蜜諸天散花應時普  
遍三千大千國土地無空缺處譬如  
敷坐也虛空中花未墮地者應時化  
成花交露臺殊妙嚴事時須菩提意  
念我數至天上初未曾所見如是花  
比是諸天子所散花者不從樹生化  
花耳釋提桓因語須菩提是花非生  
花亦非意樹花須菩提言如拘翼所  
言是花亦非生花亦非意樹花拘翼  
若不生者是為非花釋提桓因語須  
菩提但是花不生耶五陰亦不復生  
耶須菩提言是花及五陰俱亦無所  
生若使不生為非五陰六情亦无所  
無所生若使不生為非六波羅蜜亦  
外空至有无空亦不生若不生者為  
非有無空三十七品佛十八法亦不  
生若不生者為非十八法至薩玄若  
亦不生若不生者為非薩玄若釋提

桓因意念言今須菩提辯才深妙乃如是耶隨其所應如為說法而无違背佛告釋提桓因如是如是拘翼須菩提實為深入辯才第一隨所應而為說法無有違錯釋提桓因白佛言唯世尊云何須菩提隨其所應而為說法而不違錯佛告拘翼五陰六情但有數耳以五陰六情但有數故是故須菩提所說無錯何以故如法者亦不違錯亦不和合以无和無錯是故須菩提所說无錯至六波羅蜜及内外空至有無空三十七品佛十八法皆如是從須陀洹道至辟支佛道至薩云若薩云若事亦如是從須陀洹羅漢辟支佛上至佛三耶三佛拘翼亦復是法數所施耳須菩提所說亦復如法數所施是故所說无有違背何以故拘翼如法者亦不和亦不錯以不和以不錯故須菩提作是說法隨其所應無有違錯須菩提言如是如是拘翼如佛世尊施諸法教菩薩摩訶薩行般若波羅蜜當知諸法亦復但是法數所施拘翼菩薩作是

學者為不學色痛想行識亦不見五  
陰當所學者如是學者為不學六波  
羅蜜何以故不見六波羅蜜當所學  
者如是學者不學內外空及有无空  
何以故不見空法有所學者如是學  
者為不學三十七品佛十八法不學  
須陀洹道不學羅漢辟支佛道不學  
薩云若道何以故不見薩云若當所學  
者釋提桓因白須菩提言何以故不  
見五陰至薩云若亦不見耶須菩提  
言是故拘翼五陰五陰自空薩云若  
薩云若自空何以故不可空色而學  
色空不可以薩云若空學空薩云若  
不作空學為學空不以二學如是學  
不以二事學五陰空亦不以二事學  
薩云若空拘翼不以二事學空五陰  
者為學六波羅蜜不以二事學薩云  
若空者為學六波羅蜜為學內外空  
至有無空為學三十七品為學佛十  
八法不以二事學為學須陀洹至羅  
漢辟支佛不以二事學為學三耶三  
佛亦不以二事學為學薩云若學佛  
學薩云若者為學不可計阿僧祇諸

佛法學諸佛法者不學增五陰不學  
減五陰亦不增薩云若學亦不減薩  
云若學如是不增不減學者亦不受  
五陰亦不中道滅五陰學至薩云若  
亦不受學亦不中道滅薩云若舍利  
弗語須菩提菩薩作是學亦不受薩  
云若學亦不中道滅薩云若學耶須  
菩提報言如是如是舍利弗復問何  
以故從五陰至薩云若亦不受學亦  
不中道滅薩云若學報言色自无受  
亦無有受色者薩云若亦自无受亦  
无受薩云若者從内外空至有無空  
亦自不受亦无受空者如是舍利弗  
菩薩摩訶薩於諸法無所受是故於  
薩云若中出生舍利弗言菩薩學般  
若波羅蜜於諸法无所受為出生薩  
云若耶須菩提言如是如是舍利弗  
復問菩薩作如是學於諸法無所受  
亦不學受亦不學滅云何出生薩云  
若須菩提報言菩薩行般若波羅蜜  
亦不見色生亦不見色滅亦不受亦  
不不受亦不著亦不斷亦不增亦不  
減何以故舍利弗不以五陰故有亦



不見生亦不見滅亦不見受亦不見  
 不受亦不見著亦不見斷亦不見增  
 亦不見減何以故舍利弗不見五陰  
 有乃至薩去若亦不見生滅亦不見  
 受亦不見著斷亦不見增減何以故  
 薩去若空故无所得是故菩薩於諸  
 法無所生无所滅無所受无著無斷  
 无增無減學般若波羅蜜出薩去若  
 當作是念亦无所學亦无所出釋提  
 桓因問舍利弗菩薩當從何所求般  
 若波羅蜜舍利弗報言拘翼菩薩摩  
 訶薩當從須菩提所轉品中求釋提  
 桓因言以須菩提因緣思力使舍利  
 弗言菩薩摩訶薩般若波羅蜜當於  
 須菩提所轉品中求須菩提報言拘  
 翼非我因緣思力釋提桓因言是誰  
 之恩力所處須菩提言是佛威神恩  
 力所處釋提桓因言諸法皆无處所  
 去何言是佛之威神所處乎如來亦  
 不於異無處所法中見佛亦不於異  
 如中見須菩提言如是拘翼如來亦  
 不於餘處中見亦不於異處如中見  
 亦不以如來為如亦不以如為如來

亦不以五陰如為如來亦不以如來  
為五陰如亦不以五陰法為如來亦  
不以如來為五陰法亦不以薩云若  
如為如來亦不以如來為薩云若如  
亦不以薩云若法為如來亦不以如  
來為薩云若法拘翼若佛與五陰法  
不合亦非不合者亦不離五陰法有  
合不合亦不離五陰如有合不合乃  
至薩云若薩云若法如亦不合亦不  
不合亦不離薩云若薩云若法如亦  
不合亦不不合拘翼以是諸法不合  
不散神力之所處是為无處所行如  
拘翼向之所問當於何所求般若波  
羅蜜亦不於五陰中求亦不離五陰  
中求何以故拘翼般若波羅蜜五陰  
是法亦不同亦不異亦無有形亦不  
可見亦无有尋一相一相者則無相  
復次拘翼菩薩摩訶薩求般若波羅  
蜜亦不離薩云若求亦不於薩云若  
求何以故般若波羅蜜薩云若及所  
求者亦不同亦不異亦无形亦不見  
亦不尋一相一相所謂無相何以故  
般若波羅蜜亦非五陰亦不離五陰

般若波羅蜜亦非薩云若亦不離薩  
云若五陰如亦非般若波羅蜜般若  
波羅蜜亦不離五陰如般若波羅蜜  
亦非五陰法亦不離五陰法般若波  
羅蜜亦非薩云若法亦不離薩云若  
法何以故拘翼是諸法亦不有亦不  
可得以諸法不可得故五陰非般若  
波羅蜜般若波羅蜜亦不離五陰般  
若波羅蜜亦非五陰法亦不離五陰  
法般若波羅蜜亦非五陰如亦不離  
五陰如般若波羅蜜亦非薩云若亦  
不離薩云若亦非薩云若如亦不離  
薩云若如亦非薩云若法亦不離薩  
云若法釋提桓因言摩訶波羅蜜是  
菩薩摩訶薩之大度波羅蜜者是諸  
菩薩無量無限之大度於是中學得  
須陀洹斯陀含阿那含阿羅漢辟支  
佛於中學成菩薩淨佛國土教化衆  
生成得阿耨多羅三耶三佛須菩提  
言拘翼如是如是如釋提桓因所言  
無異已得者甫當得者皆當從般若  
波羅蜜中成阿惟三佛以五陰大故  
般若波羅蜜亦廣大拘翼五陰亦无

前亦無後亦无中亦無邊際至薩云  
若亦如是拘翼是為菩薩摩訶薩之  
大度以五陰无有量是故菩薩摩訶  
薩無量之度何以故五陰不可量故  
譬如虚空不可度量五陰亦不可度  
量如空不可度量五陰亦不可度量  
以五陰不可度量般若波羅蜜亦不  
可量乃至薩云若不可量故菩薩之  
度般若波羅蜜亦不可量何以故拘  
翼薩云若亦不可量如虚空不可平  
量以薩云若不可平量虚空不可平  
量以虚空不可平量般若波羅蜜亦  
不可平量以是故拘翼菩薩摩訶薩  
般若波羅蜜不可平量空亦不可平  
量以五陰无底菩薩般若波羅蜜亦  
無底何以故五陰底邊際不可得見  
故乃至薩云若亦无有底菩薩般若  
波羅蜜亦無有底何以故拘翼薩云  
若亦不可得底亦不可得邊際故是  
故菩薩般若波羅蜜无有底從五陰  
無有底至薩云若亦无有底復次拘  
翼以因緣無有底故菩薩般若波羅  
蜜亦无有底釋提桓因言唯須菩提

云何因緣無底菩薩般若波羅蜜无  
底報言以薩云若因緣无底故菩薩  
般若波羅蜜無底法因緣无底是故  
菩薩般若波羅蜜無底又問云何法  
因緣无底菩薩般若波羅蜜無底報  
言拘翼法性无底故菩薩般若波羅  
蜜無底如因緣无底菩薩般若波羅  
蜜无底復問云何如因緣無底菩薩  
般若波羅蜜无底答言如如無底如  
因緣无底以如因緣無底菩薩般若  
波羅蜜無底衆生无底菩薩般若波  
羅蜜无底復問云何衆生無底菩薩  
般若波羅蜜无底答言於拘翼意云  
何何所法言有菩薩者亦不以法言  
亦不非法言但假名舉字耳是名所  
舉亦無有形所舉名字亦无因緣所  
舉字及衆生亦無因緣於拘翼意云  
何般若波羅蜜頗說有作衆生者不  
唯須菩提无有也拘翼若無有說作  
衆生者何所衆生有底拘翼如来无  
所著等正覺住壽如恒邊沙劫言衆  
生有生衆生有滅於拘翼意云何頗  
有衆生有生者有滅者不答言不也

須菩提何以故衆生淨故無所有淨故以是故拘翼當知衆生无底般若波羅蜜亦無有底亦无有邊際

摩訶般若波羅蜜歎品第三

尔時諸梵王與諸梵天俱在會中釋提桓因與釋眷屬及姝女衆亦在會中釋梵諸天子各各歎言須菩提所說法快哉快哉皆是佛之威神因緣能演布是教若有不遠離是般若波羅蜜行者我等當親是輩菩薩摩訶薩當如如來亦無有能得見是法者亦无有能見色痛想行識者至薩去若三乘教處羅漢辟支佛及佛亦不可得佛告諸天子如是如是如諸天子所言法無可得者亦不可見從色痛想行識至薩去若皆不可得亦不可見但有三乘之教耳三乘之教亦不可得亦不可見有行是般若波羅蜜无所猗者當親如如來何以故於般若波羅蜜中廣說三乘之教故亦不離六波羅蜜而得佛者亦不離内外空及有無空亦不離三十七品佛十八法亦不離薩去若而得佛者諸



天子菩薩盡當學知諸法從檀波羅  
蜜三薩云若以是故當知是菩薩為  
如如來佛告諸天子昔者我於花嚴  
國從提和竭佛以來初不離六波羅  
蜜內外空至有無空三十七品四禪  
四等及四空淨諸三昧門陀隣尼門  
佛十種力四无所畏四無所畏大慈  
大悲佛十八法餘无央數諸佛上法  
初不離此諸法亦無所倚是時提和  
竭佛便記我言後阿僧祇劫當來之  
世汝當作佛号釋迦文如來无所著  
等正覺無上士道法御天人師於是  
諸天子白佛言唯世尊甚奇甚特善  
薩摩訶薩行般若波羅蜜於薩云若  
无取無捨於五陰法亦无所取亦無  
所捨時佛於四輩弟子中比丘比丘  
尼優婆塞優婆夷諸菩薩摩訶薩諸  
四天王上至阿迦膩吒諸天等見諸衆  
已定佛告釋提桓因拘翼若有菩薩  
摩訶薩比丘比丘尼優婆塞優婆夷  
及諸天天女受持般若波羅蜜者諷  
誦讀者復布現與人使諷誦習念不  
離薩云若意者魔及魔天子不能得

其便何以故是善男子善女人住五陰空無相无願行故無有能得空无相無願便者乃至薩去若空行亦無能得薩去若空便者不見是事可得便者拘翼是善男子善女人非人不能得其便何以故是善男子善女人有大慈大悲以四等心加衆生故拘翼是善男子善女人隨其壽命終不中錯何以故尔用是善男子善女人行檀波羅蜜時等為一切衆生故以是故壽命不錯拘翼是三千大千國土諸四天王忉利天炎天兜術天尼摩羅天波羅尼蜜天梵天阿波會天首訶既那天惟于頗羅天是諸天人發至阿耨多羅三耶三菩意者諸天子所未聞般若波羅蜜者未諷誦讀持者是諸天子皆當習行般若波羅蜜諷誦讀持意常不離於薩去若不離薩去若意者是善男子善女人若速出空寂處若露坐若在家終不恐終不怖何以故尔用是善男子善

女人明於內外空及有无空故亦無  
所倚介時三千大千國土諸四天王  
上至首陀會天俱白佛言唯世尊我  
等當護是善男子善女人行般若波  
羅蜜諷誦讀說習守持者我當擁護  
使不離薩去若何以故以菩薩來往  
因緣斷三惡趣斷天人貧斷人中貧  
斷是輦災變斷諸飢餓穀貴以菩薩  
摩訶薩來往因緣故以十善之事現  
於世間便知有四禪四等四空定六  
波羅蜜從內外空至有无空便知有  
三十七品佛十八法至薩去若以菩  
薩來往因緣故世間便知有剎利長  
者種便知有婆羅門大姓種便知有  
轉輪聖王便知有四天王上至阿迦  
膩吒天菩薩來往因緣故便知有須  
陀洹斯陀舍阿邨舍阿羅漢辟支佛  
道便知有教授衆生便知有淨佛國  
土以菩薩來往因緣故便知有佛世  
尊如來無所著等正覺便知有轉法  
輪便知有三寶以是故諸天阿湏倫  
諸世間人皆擁護是菩薩摩訶薩佛  
告釋提桓因如是拘翼用菩薩來往

因緣故三惡趣斷佛三寶興以是故  
諸天世人皆當共恭敬承事是菩薩  
摩訶薩給其所當常擁護之拘翼供  
養承事是菩薩摩訶薩當如恭敬承  
事供養我當作是知如供養如來無  
異是故拘翼諸天世間人當作是恭  
敬之拘翼使三千大千國土滿中甘  
蔗竹筴稻麻藁林皆為聲聞辟支佛  
其數如是若有善男子善女人悉供  
養承事給其所當不如是善男子善  
女人供養承事發意行六波羅蜜菩  
薩者何以故拘翼不以有羅漢辟支  
佛故知有菩薩如來无所著等正覺  
以有菩薩因緣故乃知有羅漢辟支  
佛三耶三佛是故拘翼諸天世人當  
恭敬承事是菩薩摩訶薩當擁護之  
摩訶般若波羅蜜降衆生品第三十二

尔時釋提桓因白佛言唯世尊甚奇  
甚特受持般若波羅蜜諷誦習讀守  
行念者為得現世功德教授衆生淨  
諸佛國從一佛刹至一佛刹見諸佛  
已意欲供養隨其所願輒得供養具  
足善本所從諸佛聞經法者至得三

耶三佛初不中忘便得家成就得父  
母成就得生成就得眷屬成就得相  
成就得光明成就得眼成就得耳成  
就得三昧成就得陀羅尼成就以溫  
恕拘舍羅變身如佛從一國至一國  
至无佛處到已便稱歎六波羅蜜之  
功德稱歎内外空及有無空四禪四  
等及四空淨皆稱歎是之功德又復  
稱歎三十七品佛十八法之功德以  
溫恕拘舍羅為衆生說法以三乘降  
衆生釋提桓因白佛言快哉世尊甚  
奇甚持士何持般若波羅蜜持持五  
波羅蜜亦復持持三十七品至佛十  
八法亦復持持至聲聞辟支佛法亦復  
持持薩云若薩云若事佛告釋提桓  
因如是拘翼持般若波羅蜜者為已  
持持諸波羅蜜已為已持持三十七  
品佛十八法聲聞辟支佛法薩云若  
事悉持持已復次拘翼持般若波羅  
蜜者執者讀者念者諸所可得功德  
之應且聽諦聽是善男子善女人所  
得功德今為汝說之釋提桓因言唯  
世尊願樂欲聞佛言若有異學外道

若魔及其部界項假之人念欲破壞者念欲乖錯者諸持惡意欲來壞者皆不從願便中道滅去何以故拘翼是菩薩摩訶薩長夜行六波羅蜜以衆生貪譚於財故菩薩悉棄捨內外所有法安立衆生故行檀波羅蜜以諸衆生行惡戒者故菩薩棄捨內外法安立衆生於尸波羅蜜以衆生長夜有聞訟怨恚故菩薩棄捨內外法安立衆生於羣波羅蜜以衆生懈怠故菩薩棄捨內外法安立衆生行於惟逮波羅蜜以衆生常亂意故菩薩棄捨內外法安立衆生使行禪波羅蜜以衆生耽於愚智故菩薩棄捨內外法安立衆生使行般若波羅蜜以衆生住於生死思愛故是故菩薩波羅蜜遍起拘舍羅於思愛中拔擢於生死安立於四禪四等四空定三十七品空無相无願勸助安立勸立衆生得須陀洹至阿羅漢勸立衆生得辟支佛勸立衆生使行菩薩得佛拘翼行菩薩之行是為得現世奇特之德後世便使得阿耨多羅三耶三菩



阿惟三佛便轉法輪隨衆生所應而度  
脫之是為菩薩後世奇異之德復次  
拘翼善男子善女人受持般若波羅  
蜜者若諷誦讀習守行般若波羅蜜  
者其地處魔及魔天異學外道項佞  
之人若欲壞亂者若欲中道斷者若  
有鬪訟持惡意向者終不得發是意  
是菩薩其行功德轉更高顯殊異無  
能逮者以般若波羅蜜音聲故出生  
三乘而得度脫譬如拘翼有藥名摩  
祇有蛇虺飢行求索虫欲食之虫遙  
見蛇虺走趣藥所蛇欲得往以藥氣  
故不能得前何以故以藥威德故便  
蛇中道還拘翼是摩祇藥威德乃尔  
若有善男子善女人行般若波羅蜜  
若諷誦讀習持守者有欲亂者若欲  
斷壞竭諍向者以般若波羅蜜威德  
之力故隨其所趣處令於彼間便自  
滅去何以故尔般若波羅蜜者是諸  
法之定也亦諸法之諍何等諸法謂  
婬怒癡從元點十二因緣意有所著  
有我見有人見有衆生見有盡見有  
常見無垢見无有見衆邪見嫉惡戒

見瞋恚見懈怠亂意惡智常見有樂  
想淨想我想思愛行受色痛想行識  
受六波羅蜜受內外空受有無空受  
三十七品受十八法受薩云若受於  
泥洹增益五根是為諸法之空三千  
大千刹土諸四天王諸釋提桓因及  
諸梵天乃至阿迦膩吒天是諸天人  
皆擁護是善男子善女人行般若波  
羅蜜者諷誦讀說習持守者十方諸  
現在佛皆共擁護是善男子善女人  
行般若波羅蜜者諷誦讀說習持守  
者諸惡悉消諸善增益於六波羅蜜  
轉復增益亦无所倚於內外空亦復  
增益而無所倚於三十七品佛十八  
法諸三昧門陀隣尼門薩云若慧悉  
轉增益而无所倚所言說者人皆信  
用與諸衆生共作朋友所語無失終  
无瞋恚終不自用亦不嫉妬自不教  
生教人行慈為衆生稱歎不殺之德  
常復讚歎諸不教者常自遠離於不  
與取教人不盜常復稱歎不盜之德  
自行清淨教人不婬亦復稱歎不婬  
之德身自遠離妄語虛言惡口綺語

亦常遠離嫉恚邪見教人正見亦復讚歎正見之德自行六波羅蜜常勸助人行六波羅蜜常復稱說行六波羅蜜之大功德自行內外空勸人行空亦復讚歎行空之德有無空亦復如是自行陀隣尼諸三昧門教人行持學諸三昧歎說揔持三昧之德自行四禪教人行禪稱說行禪定意之德自行四等教人行四等亦復稱說慈悲功德自行四无形定教人行之稱譽无形定功德自行根力三十七品教人使行亦復稱譽道品功德自行三三昧八惟无禪九次第禪如來十力四無所畏四无尋慧大慈大悲佛十八法薩云若慧教人行薩云若讚歎稱譽薩云若之功德常行六波羅蜜所可布施皆與衆生共為阿耨多羅三耶三菩亦無所倚所作布施持戒精進忍辱一智慧但為一切衆生之類令得度脫阿耨多羅三耶三菩亦无所倚善男子善女人作如是行於六波羅蜜生念言若我不布施者或生貧賤家便不能得教授衆生

亦不能得淨佛國土亦復不能得薩  
去若我若不持戒者或生三惡趣不  
得人身便不得教授衆生淨佛國土  
亦不得薩去若我不行忍辱者便  
毀壞諸根亦不能得覆面舌相形不  
成就不得菩薩具足行身教授衆生  
淨佛國土亦不能得成薩去若我不  
精進有懈怠者或生惡處身不明了  
亦復不能教授衆生淨佛國土成薩  
去若我若我不行禪意不定者亦不  
得諸三昧慧教授衆生淨佛國土成  
薩去若我若我行惡智者便不能得  
遍起拘舍羅度羅漢辟支佛地亦不  
能教授衆生及淨佛土成薩去若善  
男子善女人當作是念我不可隨貪  
嫉之心而不具足行檀波羅蜜我  
不可隨惡戒故而不具足行尸波羅  
蜜我不可隨瞋恚故而不具足行羼  
波羅蜜我不可亂意故而不具足行  
禪波羅蜜我不可從惡智故而不具  
足行般若波羅蜜我不具足行六波  
羅蜜者終不生薩去若是善男子善  
女人

受持諷誦守行般若波羅蜜者當得  
現世後世功德意終不離薩云若意  
釋提桓因白佛言唯世尊甚奇甚特  
快哉般若波羅蜜者是菩薩摩訶薩  
之所施為將導乃令佛言拘翼云何  
般若波羅蜜為菩薩摩訶薩作施為  
將導釋提桓因白佛言諸所世俗布  
施不以漚沲拘舍羅若與佛及聲聞  
辟支佛及與貧窮乞白者无漚沲拘  
舍羅者便墮貢高言我具足行檀尸  
波羅蜜羣惟波羅蜜禪波羅蜜言我  
具足逮行般若波羅蜜於世俗波羅  
蜜中便墮貢高言我具足三十七品  
行三三昧言我具足行陀隣尼諸三  
昧門言我具足於十種力佛十八法  
我當教授衆生淨佛國土言我當得  
薩云若慧以入吾我貢高者是為世  
俗般若波羅蜜菩薩行是世俗法者  
便入吾我貢高菩薩摩訶薩行道檀  
波羅蜜者亦無吾我想亦无施想亦  
無物想亦无受施者想是為行般若  
波羅蜜菩薩摩訶薩之施為將導菩  
薩行戒不有尸波羅蜜行於忍辱亦

不有羈行於精進亦不有惟逮行於  
定意亦不有禪波羅蜜行大智者不  
有般若波羅蜜行三十七品乃至佛  
十八法亦無所有亦无所倚行大慈  
大悲行薩云若者亦無所有亦无所  
倚世尊是為行般若波羅蜜菩薩之  
施為將導

放光般若波羅蜜經卷第六

丁酉歲高麗國大藏都監奉

勅彫造

璽



放光般若經卷第七

茶

西晉于闐國三藏無羅叉奉

詔譯

摩訶般若波羅蜜守行品第三十三

佛告釋提桓因若有善男子善女人  
受是深般若波羅蜜諷誦讀持習行  
守者拘翼是善男子若入鬪戰中終  
不中道損其壽命若刀矛箭終不中  
其身所以者何是善男子長夜行六  
波羅蜜已自降伏婬欲之劍恚癡之  
刺復為他人降婬怒癡已自降伏邪  
見劍刺復為他人降邪見劍又自降  
伏習緒劍刺及恩愛刺復能為他人  
降伏習緒恩愛之劍拘翼用是故善  
男子善女人不為矛劍刀箭所中復  
次拘翼善男子善女人受持諷誦守  
行般若波羅蜜不遠離薩云若意者  
終不中毒終不中蠱終不中兵終不  
中水終不中火衆惡之事終不得<sub>杆</sub>  
何以故拘翼是般若波羅蜜者無上  
之術善男子善女人學是術者亦不  
自念惡亦不念他人惡亦不念兩惡  
何以故亦不自有亦不有彼亦不有

知見亦不有五陰上至薩去若亦无  
所有亦無所得无所有者亦不自念  
惡亦不念他人惡亦不念兩惡至得  
阿耨多羅三耶三佛觀衆生之意何  
以故學是術故過去當來今現在諸  
如來無所著等正覺悉從是術中自  
致得阿惟三佛復次拘翼若有善男  
子善女人學是般若波羅蜜者已書  
持者若人若非人終不能得其便所  
以者何三千大千國土及十方無央  
數阿僧祇諸國土中諸四天王上至  
阿迦膩吒諸天皆共擁護是善男子  
善女人書持般若波羅蜜者供養尊  
敬共礼事之書持是者其德如是若  
有但書持般若波羅蜜不誦誦讀亦  
不守行者其處譬如道場坐四面左  
右中有畜生若人其外若有人非人  
欲來害者終不能得其便何以故過  
去諸如來无所著等正覺皆於中得  
佛故當來現在諸如來無所著等正  
覺皆亦當於中得佛故得佛道已使  
一切衆生无恐無畏已无恐無畏皆  
受天上人中之福安立於三乘而度

脫之何以故拘翼是般若波羅蜜辟  
如道場之地為一切作護應當作礼  
供養名花擣香澤香雜香繒綵花盖  
幢幡伎樂釋提桓因白佛言世尊若  
有善男子善女人書般若波羅蜜已  
持經卷供養名花擣香澤香雜香繒  
綵花盖幢幡伎樂作是供養若世尊  
般泥洹後取舍利作是供養名花擣  
香澤香雜香繒綵花盖幢幡伎樂如  
是供養其福何所多者佛告釋提桓  
因拘翼我今問汝隨所問說之於意  
云何如來无所著等正覺成薩云若  
得此相好從何所學得釋提桓因白  
佛言世尊我聞如來無所著等正覺  
逮薩云若成相好從般若波羅蜜中  
學得佛言如是如是拘翼不以是身  
數故名為如來逮得薩云若慧故成  
為如來是薩云若者從般若波羅蜜  
中出生如是拘翼如來所有身者是  
薩云若慧之屋室如來因是室逮得  
薩云若是故名為薩云若慧之室我  
般泥洹以後舍利供養如是若善男  
子善女人書般若波羅蜜誦讀說

習持守行供養經卷名花擣香澤香  
雜香繒綵花蓋幢幡伎樂恭敬作禮  
作是供養者為供養薩土若已如是  
拘翼是故善男子善女人受持般若  
波羅蜜諷誦讀說當守習行當供養  
經卷名花擣香澤香雜香繒綵花蓋  
幢幡伎樂當恭敬作禮若殷泥洹後  
供養舍利安處堅立塔名華擣香澤  
香雜香繒綵華蓋幢幡伎樂若有善  
男子善女人書持般若波羅蜜諷誦  
念守承事供養名花擣香澤香雜香  
繒綵花蓋幢幡伎樂作是供養其福  
多於供養舍利何以故於是中出生  
舍利內外空及有無空三十七品佛  
十八法皆從是中出生諸三昧門陀  
隣尼門皆從是中出生教化衆生淨  
佛國土亦從其中出生菩薩摩訶薩  
居家成就色像成就財成就眷屬成  
就大慈大悲皆從中出生剎利種婆  
羅門種大姓長者種四天王上至阿  
迦膩吒天皆從其中出生從須陀洹  
至羅漢辟支佛菩薩佛三耶三佛及  
薩土若皆從中出生今時釋提桓因

白佛言是閻浮提人不供養承事恭敬般若波羅蜜者是曹之人為不知其尊當所供養佛告釋提桓因言拘翼於意云何知閻浮提中有幾所人信佛信法信比丘僧者有幾所人狐疑於三尊者有幾所人恭敬三尊者釋提桓因白佛言世尊有信依佛依法依比丘僧者少少耳佛言於拘翼意云何閻浮提中有幾所衆生應得三十七品三脫門八惟無九次第禪六通四等及四空定四无尋慧閻浮提中有幾所衆生滅三疑應須陀洹者幾所衆生三垢薄應斯陀含者幾所衆生五疑斷應阿那含者幾所衆生上五處畢為阿羅漢者有幾所衆生發生辟支佛道者幾所衆生發阿耨多羅三耶三菩意者釋提桓因白佛言世尊少所衆生應得三十七品及三耶三佛者少少耳佛告釋提桓因言如是拘翼衆生甚多有發道意者少少耳何以故以前世時不見佛不聞法不識比丘僧之所致不布施不持戒不護戒不忍辱不精進不聞

有禪不聞般若波羅蜜亦不聞內外  
空及有無空亦不聞三十七品佛十  
八法亦不聞亦不念亦不聞有三昧  
亦不聞有薩婆若亦不念其事以是  
故拘翼當知少所衆生信三尊者耳  
於是中少所衆生發意至辟支佛道  
者於中復少所衆生行菩薩道者雖  
有少少衆生行菩薩道者欲至阿耨  
多羅三耶三菩者復少少耳拘翼我  
於是間以佛眼見十方不可計阿僧  
祇衆生行阿耨多羅三耶三菩不離  
般若波羅蜜溫起拘舍羅者若 若  
二住阿惟越致地耳多墮羅漢辟支  
佛道者用離般若波羅蜜溫起拘舍  
羅故是故拘翼善男子善女人欲發  
至阿耨多羅三耶三菩者當受持般  
若波羅蜜當諷誦讀當念習行持是  
般若波羅蜜者書已以香華幢幡繒  
綵花蓋諸餘功德入般若波羅蜜者  
當復受持亦當諷誦學念守行何等  
功德入般若波羅蜜者謂布施持戒  
忍辱精進一心內外空所有空无所  
有空諸三昧門陀隣尼門三十七品



佛十八法大慈大悲餘無量佛法皆入般若波羅蜜亦當復學持誦誦守行念其中事何以故拘翼是善男子善女人當作是知諸如來本行菩薩道時亦復學般若波羅蜜亦行禪波羅蜜惟逮波羅蜜羣波羅蜜尸波羅蜜檀波羅蜜從内外空及有无空諸三昧門陀隣尼門乃至佛十八法大慈大悲餘無央數諸佛法我等皆當受學我等所尊仰者其般若波羅蜜及諸佛法盡是諸佛如來之教辟支佛阿羅漢阿那含斯陀含須陀洹至薩云若教皆於般若波羅蜜中學成度此岸至彼岸拘翼善男子善女人如來在世若般泥洹皆當恭敬礼事是六波羅蜜亦當礼事薩云若何以故般若波羅蜜者是諸菩薩聲聞辟支佛之護世人及諸天皆依是般若波羅蜜而得安隱拘翼若有善男子善女人佛般泥洹已後取舍利起七寶塔高四十里盡其壽命自歸承事天花天香及天擣香天繒花盖天衣天幔作是供養其福寧多不釋提桓

因言世尊甚多甚多佛言不如是善

男子善女人受行般若波羅蜜書持

經卷誦讀持初不離薩云若意復

加供養名花搗香澤香雜香幢幡花

蓋其福倍多不可計也復次拘翼置

是一七寶塔若善男子善女人取舍

利起七寶塔滿一閻浮提亦高四十

里供養承事天花天香及天搗香天

繒花蓋天衣天幔作是供養其福寧

多不釋提桓因言甚多甚多世尊佛

言不如是善男子善女人供養般若

波羅蜜其福轉倍多復次拘翼置是

閻浮提所作塔事若善男子善女人

取舍利起七寶塔滿四天下供養如

前不如是善男子善女人供養般若

波羅蜜其福轉倍多置是四天下拘

翼若有善男子善女人取舍利起七

寶塔滿小千國土供養如前復置是

小千國土所作七寶塔若善男子善

女人取舍利起七寶塔滿中千國土

供養如前復置是中千剎土所作七

寶塔若善男子善女人取舍利起七

寶塔滿三千大千國土供養如上故

不如是善男子善女人供養般若波羅蜜其福轉倍多拘翼復置是三千大千剎土所作七寶塔若三千大千國土滿其中人令一一人各各起七寶塔供養如上故不如是善男子善女人供養般若波羅蜜其福轉倍多釋提桓因白佛言如是如是世尊供養般若波羅蜜者為供養過去當來今現在諸佛如來已佛言假令如東方恒邊沙剎土滿其中衆生一一佛泥洹後取舍利起七寶塔彌滿其中供養如上從劫至劫復過一劫盡其壽命云何拘翼其人殖福寧轉多不釋提桓因言甚多甚多佛言故不如是善男子善女人供養般若波羅蜜書持經卷諷誦讀習供以名香澤香雜香繒絲花蓋得其福多何以故拘翼一切諸善法皆在般若波羅蜜中何謂善法五戒十善四禪四等及四空定三十七品三脫門四諦六通八惟無九次第禪六波羅蜜從內外空至有无空諸三昧門陀隣尼門佛十種力佛十八法四無所畏四无碍慧

大慈大悲道事薩云若事是為諸如  
來無所著等正覺之法教諸羅漢辟  
支佛過去當來今現在諸如來皆從  
是般若波羅蜜中學成度於彼岸

摩訶般若波羅蜜供養品第三十四

佛告釋提桓因言如是拘翼善男子  
善女人供養般若波羅蜜書持經卷  
受學誦誦念習守行者若復能盡力  
供養名花擣香澤香雜香繒綵花蓋  
所有幢幡所得功德不可計量不可  
思議不可稱限是善男子善女人所  
得如是何以故諸如來无所著等正  
覺皆從般若波羅蜜中出生薩云若  
五波羅蜜皆從般若波羅蜜出生從  
內外空至有無空皆從般若波羅蜜  
出生三十七品佛十八法如來五眼  
教授衆生淨佛國土道慧薩云若慧  
皆從般若波羅蜜出生聲聞辟支佛  
佛乘无上等正覺道皆從般若波羅  
蜜出生如是拘翼若有善男子善女  
人書寫般若波羅蜜持經卷學受誦  
誦念守習行復加供養名花擣香繒  
綵幡蓋其功德福過出前所供養舍

利七寶塔上百千万倍巨億万倍計  
空不及不可為譬喻何以故般若波  
羅蜜在於世者三寶終無斷絕時般  
若波羅蜜不在世者三寶便斷絕般  
若波羅蜜住於世者便知有十戒功  
德四等四禪及四空定六波羅蜜三  
十七品佛十八法薩云若慧便知有  
刹利種婆羅門種大姓長者種便知  
有四天王及阿迦膩吒天便知有須  
陀洹道至羅漢辟支佛道便知有菩  
薩摩訶薩之徑路便知有元上佛慧  
便知有轉法輪便知有教化衆生淨  
佛國土

摩訶般若波羅蜜持品第三十五

今時三千大千國土諸四天王及諸  
阿迦膩吒諸天子語釋提桓因言仁  
者當受持般若波羅蜜誦誦習念守  
行般若波羅蜜供養誦誦念者諸餘  
惡法悉當消滅諸善功德當具足生  
受持般若波羅蜜者增益諸天衆減  
損阿須倫衆三寶之法終不斷絕以  
佛法不斷絕故世間便當有六波羅  
蜜三十七品佛十八法皆當現於世

間便有行菩薩道者便有三乘之教  
佛告拘翼汝當受持般若波羅蜜誦  
誦讀守念習行何以故若阿湏倫聚  
會諸衆欲興惡意與諸忉利天共戰  
拘翼汝當誦念般若波羅蜜者阿湏  
倫適生是意便即時滅不得究竟拘  
翼忉利天上若諸天子若諸天女若  
福已盡壽欲終時或當墮落汝當為誦  
誦說般若波羅蜜者此諸天人天女  
不至餘趣即得還生忉利天上以般  
若波羅蜜音聲之功德故此諸天人  
更生本處不復墮落何以故般若波  
羅蜜音聲其德大故拘翼若善男子  
善女人若諸天子若諸天女聞是般  
若波羅蜜音聲徑耳一時便過以一  
多羅三耶三菩終不復疑何以故拘  
翼過去十方諸如來無所著等正覺  
及諸弟子衆皆悉從是般若波羅蜜  
中於无餘泥洹而般泥洹故當來及  
今現在十方諸如來皆從般若波羅  
蜜中成阿耨多羅三耶三菩何以故  
諸三十七品皆從般若波羅蜜中出



生聲聞辟支佛法菩薩法及佛法皆從般若波羅蜜中出生釋提桓因白佛言世尊是般若波羅蜜為極大術般若波羅蜜无上之術般若波羅蜜者無等之術何以故世尊是般若波羅蜜者已棄諸不善之法捨持諸善之本佛告釋提桓因言如是拘翼是般若波羅蜜者極大之術無上无等之術何以故過去諸如來无所著等正覺皆由是術得阿耨多羅三耶三佛當來今現在諸佛亦當由是術得成阿耨多羅三耶三佛何以故由是術故世間知有十善之德四禪四等及四空定六波羅蜜三十七品佛十八法知有法性法位真際知有如知有五眼知有須陀洹道知有羅漢辟支佛道知有菩薩佛道知有薩云若薩云若慧由菩薩故十善之德顯於世間乃至如來薩云若亦顯現於世間皆由菩薩來往因緣故而有是現拘翼譬如月來往因緣為世除冥照於星宿如是拘翼菩薩從善行等行生從十善功德生從薩云若慧生從

無所從生法生拘翼當知諸菩薩摩訶薩從般若波羅蜜出生諸菩薩所行五波羅蜜内外空及有无空三十七品佛十八法亦不於聲聞辟支佛地中取證教授衆生淨佛國土欲得成就佛土成就菩薩成就逮薩云若皆從般若波羅蜜出生復次拘翼若有善男子善女人受持般若波羅蜜若誦誦讀習行其事者即得現世之德亦當得度世之德釋提桓因白佛言善男子善女人何等為得現世之德佛言奉行般若波羅蜜者終不中毒死終不枉橫水火中死皆當盡其壽命而終若有縣官事往至縣官終无有能得其便者何以故皆是誦誦般若波羅蜜威神之力若是善男子善女人若至國王所若天子羣臣所語可國王太子意及諸羣臣無不喜者何以故用是善男子善女人行大慈大悲以四等意向衆生故是為現世之德何等為具足得度世之德佛言未曾離是十善功德亦未曾離四禪四等及四空定六波羅蜜三十七

品佛十八法初不離是法終不生三  
惡趣受身完具諸根具足終不生貧  
窮之家終不於工師家生亦不生於  
凡品之家常當具足三十二大士之  
相所生諸佛國常當化生終不離菩  
薩神通願欲從一佛國至一佛國恭  
敬礼事諸佛世尊常欲聽受諸佛上  
法欲教化衆生淨佛國土是故拘翼  
善男子善女人受持般若波羅蜜諷  
誦讀念當守習行不離薩去若意至  
成阿耨多羅三耶三菩初不斷絕是  
為後世度世之德

摩訶般若波羅蜜遺異道吉品第三十六

尔時有異道士來至佛所欲索佛便  
釋提桓因意念言今日是諸異道士  
輩來欲謗佛欲中道斷般若波羅蜜  
如我從佛所受般若波羅蜜當諷誦  
念釋提桓因即諷誦般若波羅蜜諸  
異道士欲來壞般若波羅蜜者遙繞  
佛一帀復道而去時舍利弗意作是  
念云何此諸異道人輩遙繞佛一帀  
復道還去佛知舍利弗意所念告舍  
利弗言用釋提桓因誦念般若波羅

蜜故異道人遙繞佛一匝復道還去  
佛言是異道士無一善意來至佛所  
但持勃意索佛長短耳佛告舍利弗  
若諷誦般若波羅蜜時若天若世間  
人沙門婆羅門若異學士持是勃意  
來欲求其長短者終不能得其便何  
以故是三千大千國土諸四天王諸  
天子乃至阿迦膩吒諸天子及弟子  
諸菩薩受持般若波羅蜜故何以故  
是亦皆從般若波羅蜜中出生故復  
次舍利弗東方恒邊沙國諸如來弟  
子衆辟支佛菩薩天龍鬼神是輩皆  
受持般若波羅蜜何以故是皆出生  
於般若波羅蜜故時魔波旬意念言  
今佛與諸四輩弟子及諸欲天子諸  
色天子共會其中當有受菩薩記者  
必當成阿耨多羅三耶三佛今我寧  
可往至佛所中斷其道於是波旬化  
作四種兵來至佛所今時釋提桓因  
意念言今日魔將四種兵欲來至佛  
所是魔所化四種兵嚴飾泝沙王所  
無有舍衛國王亦所無有諸釋種亦  
所無有隨耶利諸長者亦所無有如

是魔所化四種兵者是魔波旬長夜常索佛短而嬈衆生我今寧可默誦念般若波羅蜜釋提桓因便定意稍誦念般若波羅蜜時魔波旬亦復稍稍却行還去今時四天王諸天子及阿迦膩吒諸天子化作天花於虛空中而散佛上時諸天子同時歎言令般若波羅蜜久在閻浮提使閻浮提人常得受持般若波羅蜜般若波羅蜜久在者佛亦得久住無有滅時佛久在者法亦當久住如法久在者比丘僧常現於世間如是三寶終无斷絕時般若波羅蜜亦當久在三千大千刹土十方恒邊沙刹土亦當如是般若波羅蜜者是菩薩摩訶薩衆行之上取善男子善女人受持般若波羅蜜書經卷者隨其方面其處寂尊則為照明當知是處已離於冥是諸處中寂尊之處佛告釋提桓因言如是拘翼當知是衆處之尊復次拘翼是般若波羅蜜不但於人中其處寂尊亦復在天上其處寂尊是時諸天子化作天花散於佛上皆同時舉聲

言若有善男子善女人受持般若波羅蜜諷誦讀者魔及魔天終不能得其便我等世尊亦當擁護是善男子善女人何以故我等視是善男子善女人如視世尊釋提桓因白佛言世尊是善男子善女人以作无量善本誦念受持是般若波羅蜜者從過去佛時作功德所致是善男子善女人已見無量諸佛所致與善知識相隨所致何以故欲得薩婆者當從般若波羅蜜索之欲得般若波羅蜜者亦當從薩婆若求以是故般若波羅蜜則是薩婆若薩婆則是般若波羅蜜是為一无有二佛告釋提桓因言如是拘翼薩婆若諸如來無所著等正覺者皆從般若波羅蜜出生何以故拘翼薩婆若般若波羅蜜者一法耳无有二故

摩訶般若波羅蜜无二品第三十七

尔時賢者阿難白佛言唯世尊世尊所說初不稱譽五波羅蜜亦不稱譽佛十八法但稱譽般若波羅蜜何以故佛告阿難般若波羅蜜者於五波



羅蜜佛十八法中。取尊云何。阿難。不為薩云若布施。寧可稱譽檀波羅蜜。不報言不也。世尊。不為薩云若戒忍。精進。一智慧。寧可稱譽般若波羅蜜。不不也。世尊。阿難。白佛言。云何布施。為薩云若而為檀波羅蜜。至般若波羅蜜耶。佛告阿難。布施無有二。於薩云若。是為檀波羅蜜。作无所生。无所倚。布施於薩云若。是為檀波羅蜜。為般若波羅蜜。阿難。白佛言。云何念無有二。布施應薩云若。佛言。於五陰。无有二。至道亦無有二。云何五陰。无有二。至道亦無有二。五陰自空。何以故。五陰與諸波羅蜜。一法耳。无有二法於道。亦一法。無有二是。故阿難。般若波羅蜜。於五波羅蜜中。取尊。乃至薩云若。亦復於中。取尊。譬如大地。下五穀種。以散其中。隨時而生。般若波羅蜜者。是地。諸波羅蜜。三十七品。至薩云若。皆從其中。出生。薩云若者。因般若波羅蜜。出生。五波羅蜜者。亦復因薩云若。出生。是故阿難。般若

波羅蜜者是五波羅蜜之導至五波羅蜜佛十八法皆隨從釋提桓因白佛言世尊所說稱歎般若波羅蜜功德未盡善男子善女人受持般若波羅蜜若誦誦讀習念守行尊奉供養者其功德亦復未盡以奉持般若波羅蜜故十善現於世間四禪四等及四空定至佛十八法皆現世間以奉行般若波羅蜜故便知有剎利梵志長者大姓種便知有四天王上至阿迦膩吒天便知有須陀洹道上至羅漢辟支佛道菩薩至佛道佛告拘翼我所說善男子善女人受持誦行供養般若波羅蜜者其功德未竟受持誦行供養般若波羅蜜者其功德不可稱計不可限量何以故是善男子善女人奉行般若波羅蜜者當得无量戒性得無量三昧性智慧性解脫性見解脫慧性意終不離薩云若意是善男子善女人皆當得是不可計諸功德拘翼當知是善男子善女人奉行般若波羅蜜者為承佛弟終不離薩云若拘翼聲聞辟支佛所有戒

性三昧智慧解脫見解脫慧持是五  
性比是善男子善女人五事性者其  
功德百倍千倍巨億万倍其功德最  
尊无有能為作譬喻者何以故拘翼  
是善男子善女人意已離羅漢辟支  
佛初不見願羅漢辟支佛故拘翼般  
若波羅蜜若有書持受學誦念及華  
香繒蓋供養者我常歎說是善男子  
善女人今世後世至竟之德釋提桓  
因白佛言我亦當常擁護是善男子  
善女人奉行般若波羅蜜者令意不  
離薩婆若意佛告釋提桓因言是善  
男子善女人誦說般若波羅蜜时无  
央數百千諸天皆往到是善男子善  
女人所悉叉手聽受般若波羅蜜是  
諸天子復以威神加是善男子善女  
人令疾開解益其識辯是為善男子  
善女人得現世之德復次拘翼是善  
男子善女人於四輩弟子中說般若  
波羅蜜時終無疲倦懈怠之心終无  
能形識者何況欲有輕毀之者何以  
故般若波羅蜜所擁護故般若波羅  
蜜者分別諸法故何謂分別是道是

俗是善是不善是無漏是有漏是具足是不具足是聲聞法是辟支佛法是佛法是為分別何以故是善男子善女人已住於內外空及有无空故用般若波羅蜜無有短故亦不見能得般若波羅蜜短者如是奉持般若波羅蜜者无有能得其便者復次拘翼善男子善女人般若波羅蜜作如是持作如是行者意終不懈怠終不恐怖何以故是善男子善女人終不見恐怖懈怠之兆是為善男子善女人現世之福德復次拘翼若有善男子善女人受持般若波羅蜜供養香華幢幡繒蓋作是供養者是善男子善女人為父母所敬愛兄弟宗親朋友知識皆恭敬之十方諸羅漢辟支佛諸菩薩諸佛皆共愛敬是善男子善女人世間人及諸天阿須倫亦所愛敬行六波羅蜜无有斷絕時終不離內外空及有无空時終不離三十七品佛十八法終不離諸三昧門陀隣尼門終不離菩薩神通教授衆生淨佛國土終无斷絕時其力堪任

降伏外謗拘翼是為善男子善女人  
受行般若波羅蜜今世後世之德拘  
翼善男子善女人書般若波羅蜜持  
經卷諷誦者三千大千剎土中諸四  
天王皆往到是善男子善女人所聽  
受般若波羅蜜作禮恭敬已去從忉  
利天上至阿迦膩吒天是諸天人行  
菩薩道者皆來到是善男子善女人  
所聽受般若波羅蜜承事恭敬作禮  
已去十方諸四天王諸阿迦膩吒天  
及諸龍神諸閼叉捷沓怛阿須倫迦  
樓羅甄陀羅摩睺勒皆來見般若波  
羅蜜作禮供養承事恭敬是善男子  
善女人當作是知是為法施是三千  
大千剎土中及十方諸國土中諸四  
天王天子上至阿迦膩吒諸天子行  
菩薩道者皆共擁護是善男子善女  
人行般若波羅蜜者諸邪惡害不能  
得其便除其宿命不債如是拘翼是  
善男子善女人得現世之福諸天子  
有欲來至是善男子善女人所者為  
欲成阿耨多羅三耶三佛欲救護眾  
生安隱眾生欲樂眾生亦時釋提桓

因白佛言是善男子善女人當云何  
知十方諸四天王及諸阿迦膩吒諸  
天來至般若波羅蜜所恭敬受持作  
禮時是善男子善女人當何以知之  
佛告釋提桓因言是善男子善女人  
若見異色淨光明者是為知諸天人  
來聽受般若波羅蜜作禮恭敬時拘  
翼是善男子善女人所未曾聞香若  
聞異妙之香者當知諸大尊天來聽  
受般若波羅蜜恭敬作禮時拘翼是  
善男子善女人常當淨潔自喜用淨  
潔自喜故諸天皆大歡喜來到是善  
男子善女人所聽受般若波羅蜜承  
事作禮是大尊天來時是聞小小少  
威神諸天鬼神輩皆悉避去用不堪  
任是尊天威神故用是諸尊天神來  
故是善男子善女人皆離衆難是善  
男子善女人所止處常當淨潔住然  
燈燒香懸繒花蓋无量嚴飾常淨潔  
供養是善男子善女人終無疲厭之  
心身識輕便常得安隱卧起亦安終  
无惡夢不見餘夢但夢見佛但夢聞  
法但見比丘僧但見三十二相八十種



好但見諸弟子眷屬圍繞而為說法

但見聽聞六波羅蜜但見三十七品

佛之八法但見發遣六波羅蜜其義

具足但見坐佛樹下但見諸菩薩往

至佛樹成阿耨多羅三耶三佛時但

見已成阿惟三佛而轉法輪但見無

央數百千諸菩薩衆但見當作是受

薩去若慧但見教化衆生淨佛國土

但聞十方无央數諸佛音聲但聞某

方某國某佛字某若干百千菩薩弟

子眷屬圍繞而為說法但見十方若

千諸佛般泥洹者但見已般泥洹取

其舍利起七寶塔以名花香供養塔

者拘翼是善男子善女人所夢如是

但見殊妙之像足善男子善女人卧

安起安身體亦安淨潔且輕不貪飲

食不貪衣服於諸供養無所希望拘

翼辟如習行比丘意在禪息不貪於

食以禪知足何以故諸天神取諸

味之精來益其氣故十方諸佛國諸

天神皆以諸飲食之精氣亦來益

之佛告拘翼若善男子善女人欲得

是現世之功德者當受學是般若波

羅蜜書持誦誦意終不離薩云若正  
使是善男子善女人不能受持般若  
波羅蜜不能誦誦行其中事但書持  
作經卷恭敬承事香花幡蓋自歸供  
養其功德不可計加復受學誦誦守  
行般若波羅蜜意終不離薩云若者  
其功德勝於供養十方恒邊沙國諸  
佛功德者上若有人供養十方現在  
諸佛盡其形壽香花繒蓋幢幡嚴飾  
衣鉢真越若佛般泥洹後取舍利起  
七寶塔供養如前故不如是善男子  
善女人受持般若波羅蜜誦誦學習  
念其中事得其功德過出於彼供養  
者上百倍千倍巨億万倍

摩訶般若波羅蜜舍利品第三十八

佛告釋提桓因言拘翼如佛全身舍  
利滿一間浮提持作一分般若波羅  
蜜書持經卷復作一分二分之一中欲取  
何所釋提桓因白佛言世尊我寧取  
般若波羅蜜所以者何我於舍利不  
敢有慢意不敢不恭敬不為不欲供  
養用諸佛身皆從般若波羅蜜出生  
故諸佛如來舍利皆因般若波羅蜜

因緣故而得供養舍利弗語釋提桓

因言拘翼是般若波羅蜜軍第一無

形不可護持不可見无尋一相一相者

則無相云何而欲受持持是般若波

羅蜜亦不於所生處住亦不增減處

住亦不希望處住亦不無希望處住

亦不轉處住亦不於著斷處住亦不

持佛法有所與亦不捨凡人法亦不

持聲聞辟支佛戒法有所與亦不捨

凡人法亦不持无為法有所與亦不

捨有為法亦不持内外空及有無空

有所與亦不持三十七品佛十八法薩

云若法有所與云何欲受持釋提桓

因言如是如是舍利弗有知是般若

波羅蜜於佛法无所與於凡夫法而

無所捨有作是知者是為行念般若

波羅蜜是為於六波羅蜜而無二入

故於是世尊歎釋提桓因言善哉善

哉如汝所說於六波羅蜜無有二入

所以者何六波羅蜜无有二事故拘

翼般若波羅蜜及法性亦無有二六

波羅蜜真際不可思議亦无有二釋

提桓因白佛言世尊諸天及世間人

當為般若波羅蜜作禮所以者何苦  
 薩摩訶薩於般若波羅蜜中成阿惟三  
 佛故世尊譬如我與諸天子共在忼  
 等正殿共會諸天子來集為我作禮  
 若我不在坐諸天子皆為我坐作禮  
 用受教處故繞一匝已各各自去若  
 善男子善女人有書持是般若波羅  
 蜜復為他人解說其義時十方諸天  
 龍鬼神阿湏倫捷沓瑟迦樓羅甄陀  
 羅摩睺勒皆為般若波羅蜜處作禮  
 繞已竟去所以者何諸佛如來皆從  
 中生諸世間人安隱快樂皆從中生  
 諸佛舍利諸菩薩行皆來入薩云若  
 中皆因薩云若皆悉隨從受其教令  
 用是故世尊二分之一中我取般若波  
 羅蜜受持諷誦我受持般若波羅蜜  
 者若使法欲盡時我亦不恐懼初无  
 是相念何以故般若波羅蜜無相無  
 形亦不可得故六波羅蜜上至薩云  
 若皆无有相無行无形亦不可見是  
 般若波羅蜜无相之法用是故如來  
 無所著等正覺於无行無得无相法  
 中成得阿耨多羅三耶三佛世尊用

般若波羅蜜無相故為弟子說法亦  
无相無得无行得成阿耨多羅三耶  
三佛用是故世人及諸天鬼神龍皆  
當承事恭敬名花香繒幡花蓋供  
養般若波羅蜜世尊若有受持般若  
波羅蜜諷誦習行者若復持諸經卷  
香花供養者是輩之人終不復墮三  
惡之趣亦不墮落羅漢辟支佛道至  
成阿耨多羅三耶三佛亦無是難所  
生常見佛不離諸佛國從一佛國復  
至一佛國香花寶飾供養諸佛世尊  
正使三千大千國土全身舍利令滿  
其中二寶之中我故當取般若波羅  
蜜何以故世尊是舍利於般若波羅  
蜜中出生得供養故善男子善女人  
因是供養斷三惡趣得生天上人中  
之福於三乘法隨其所願各得度脫  
世尊書般若波羅蜜已見其經卷如  
見佛等無有異何以故世尊如來與  
般若波羅蜜等耳无有二故如世尊  
以三事教及十二部經若有善男子  
善女人受書般若波羅蜜持其經卷  
復以教人與佛所教正等無異何以

故世尊佛三法教及十二部經皆從般若波羅蜜中出故復次世尊及十方諸佛以三事教十二部經若復有善男子善女人以般若波羅蜜經卷教人其福亦等无異何以故十方諸佛十二部經及三事教皆從般若波羅蜜中出生故復次世尊若有善男子善女人供養十方如恒邊沙諸佛真越衣服所有名花供養嚴飾若復有供養般若波羅蜜者其功德福與彼无異何以故十方諸如來無所著等正覺皆從般若波羅蜜中出故復次世尊若善男子善女人受學般若波羅蜜諷誦讀持習行中事是人終不墮三惡趣亦不墮羅漢辟支佛道地正住阿惟越致地何以故世尊般若波羅蜜者遠離衆病故復次世尊若有善男子善女人書持般若波羅蜜者受學諷誦守行中事加復供養名花擣香繒綵花蓋幢幡當知是善男子善女人已離諸恐怖世尊譬如負債之人常懷恐怖與王相知不復恐怖何以故用依尊故如是世尊舍



利從般若波羅蜜中得成而得供養  
世尊當知是般若波羅蜜如王如來  
舍利者如負債人依般若波羅蜜用  
得安隱世尊當知薩云若之慧皆從  
般若波羅蜜得成是故我於二寶之  
中取般若波羅蜜何以故如來身者  
從般若波羅蜜中出生大士三十二  
之相佛十種力四無所畏佛十八法  
大慈大悲皆從般若波羅蜜出生五  
波羅蜜者亦從般若波羅蜜出生各  
得名字如來所得薩云若慧皆從般  
若波羅蜜中出世尊三千大千剎土  
所在有受持是般若波羅蜜誦誦學  
者供養香花承事禮拜人若非人終  
不能得其便是衆生等後皆當得泥  
洹之法世尊是般若波羅蜜大威神  
也乃使三千大千世界衆生皆建佛  
事世尊般若波羅蜜所止處當知是  
處已為有佛辟如世間無價摩尼之  
寶所在著處人非人不能得其便若  
男子女人為非人所持持摩尼寶往  
非人見摩尼寶者不堪其威即自然  
去若男子女人有寒熱之病持摩尼

寶示之其病即除若持摩尼寶者冥  
中即時明熱時持摩尼寶所著處即  
時涼寒時持摩尼寶所著處即時溫  
摩尼寶所置處諸邪之毒皆悉消除  
若男子女人為蛇虺所中見摩尼寶  
者毒即除其處愈世尊摩尼寶其德  
如是若男子女人若目冥若眼痛若  
身腫若有瘡見摩尼寶者諸瘡諸病  
皆悉除愈世尊此摩尼寶其德如是  
若著水中水即隨作摩尼寶色世尊  
若持雜色若干種繒裹著水中水續  
作摩尼寶色水濁即為清摩尼寶其  
德如是是時阿難語釋提桓因言拘  
翼所說者為是天上摩尼寶乎為是  
世間寶耶釋提桓因報阿難言我所  
說者天上之寶世間亦有摩尼寶不  
及天上之寶其德不具足不如天上  
寶其德不可以譬喻為比我所說寶  
者若著函中若著篋中其光明徹出  
去正使舉珠去其處續明如故若有  
書持受學般若波羅蜜者其處則无  
衆患之難其處所尊辟如摩尼珠之  
處當知般若波羅蜜如摩尼珠其德

無量五波羅蜜之德及薩云若內外  
空及有无空三十七品佛十八法法  
性如真際不可思議薩云若慧之德  
佛般泥洹後舍利得供養承事薩云  
若慧從諸習緒盡常悉守護不忘於  
法薩云若者是諸法之器是故如來  
無所著等正覺舍利得尊敬供養舍  
利者是般若波羅蜜之寶器无斷無  
著波羅蜜无生無滅波羅蜜亦不著  
亦非不著波羅蜜无生無滅波羅蜜  
亦不應亦非不應波羅蜜亦不舉亦  
不下波羅蜜亦不來亦不去亦不住  
波羅蜜是故如來无所著等正覺舍  
利得供養舍利者是諸法波羅蜜之  
器以諸法波羅蜜合成故舍利得供  
養世尊置置是三千大千剎土如來舍  
利如恒邊沙剎土舍利滿中我故取  
般若波羅蜜所以者何如來舍利皆  
出是中故得供養故若善男子善女  
人供養舍利恭敬承事者得天上世  
間之福得生剎利梵志長者大姓家  
得生第一四天王得第六天上功德  
之福殖此福已因諸善本必度衆苦

若復持是般若波羅蜜供養承事便具足五波羅蜜三十七品佛十八法度羅漢辟支佛地住菩薩之德便得神通從一佛國復至一佛國隨其所應而教化之各令得所或作遮迦越羅或作剎利梵志或作長者大姓隨其習俗而教授之是故世尊我不為憍慢不恭敬承事不為不欲受持舍利世尊若有善男子善女人恭敬承事般若波羅蜜者則為供養諸如來无所著等正覺舍利已世尊若欲見十方現在無央數諸佛者當奉行般若波羅蜜誦受持教人習行供養是已善男子善女人便得見十方現在無央數諸佛以善男子善女人供養般若波羅蜜故便得諸佛法世尊欲得見諸佛如來无所著等正覺者是善男子善女人當受持般若波羅蜜世尊復有二法何等為二謂有為法之法无為法之法何等為有為法之法謂内外空之智及有無空之智三十七品四无尋慧四無所畏佛十種力及十八法惡法善法之智有漏无

漏之智俗法道法之智是名曰有為  
 法之法何等為無為法之法謂不生  
 不滅之法亦不住住无有異亦不著  
 亦不斷亦不增亦不減諸法之真何  
 等諸法之真無所有者是法之真是  
 名為无為法之法佛告釋提桓因言  
 如是如是過去諸如來無所著等正  
 覺皆由般若波羅蜜成阿惟三佛諸  
 弟子眾亦各得其所成須陀洹至羅  
 漢辟支佛甫當來今現在諸如來无  
 所著等正覺亦當由般若波羅蜜成  
 阿惟三佛諸弟子眾亦各成其所得  
 須陀洹至羅漢辟支佛何以故此三  
 乘法皆從般若波羅蜜中出故雖出  
 三乘亦無所生亦无相念亦無著亦  
 无斷亦無所有亦不應亦不不應亦  
 不動轉亦不不動轉亦不取亦不捨  
 但以俗數不以取要何以故般若波  
 羅蜜亦不在此亦不在彼亦不中流  
 亦不近岸亦不偶亦不隻亦非相亦  
 非无相亦非道亦非俗亦不有為亦  
 不無為亦不善亦不惡亦不過去當  
 來今現在何以故拘翼般若波羅蜜

亦不持佛法亦不持聲聞辟支佛法  
亦不捨凡人法釋提桓因白佛言世  
尊般若波羅蜜者大度之度菩薩摩  
訶薩行般若波羅蜜盡知一切衆生  
之意亦不有衆生及知見處亦不見  
五陰亦不見六情亦不有六衰亦不  
緣起亦不有三十七品及佛十八法  
亦不見道亦不有道法亦不見佛亦  
不有佛法何以故般若波羅蜜亦不  
有所倚住何以故般若波羅蜜无有  
形不可見何況當見有所倚者佛告  
釋提桓因言如拘翼所說菩薩摩訶  
薩長夜行般若波羅蜜尚不見道何  
況及菩薩所行法釋提桓因白佛言  
世尊何以故菩薩摩訶薩但行般若  
波羅蜜不行餘波羅蜜佛告釋提桓  
因言菩薩盡行六波羅蜜亦無所倚  
不有所施不有受者不有與不有戒  
亦不有犯亦不有忍亦不有恚亦不  
有精進亦不有懈怠亦不有禪亦不  
有亂意亦不有智亦不有愚般若波  
羅蜜者是菩薩第一之行於般若波  
羅蜜布施持戒忍辱精進一心者欲



具足五波羅蜜故菩薩行般若波羅蜜者欲觀諸法无所倚故從五陰至薩云若是為諸法無所倚譬如闍浮提種種好樹若干種色若干種葉若干種花若干種果其色各異種種莖節枝葉花實其陰无異無有差別拘翼般若波羅蜜舍五波羅蜜至薩云若亦不若干无有差別亦無所倚釋提桓因白佛言世尊般若波羅蜜者於諸功德皆具足滿世尊般若波羅蜜者是無央數无量功德皆悉具足世尊般若波羅蜜者舍受一切諸法功德皆悉具足世尊若有善男子善女人受持般若波羅蜜者書其經卷供養名華搗香繒蓋幢幡奉行中事若復有人書般若波羅蜜以為經卷復與他人如是其福何所為多者佛告釋提桓因言我今問汝隨所報我若善男子善女人供養全身舍利若復持如芥子者分與他人令供養者其福何所為多釋提桓因白佛言世尊如我從佛所聞法中事善男子善女人供養舍利若復分持如芥子者

與他人其福甚多世尊如我重察其

義如來住於金剛三昧自壞其身下

末舍利如芥子者而供養之受无極

福斷諸苦之際佛告釋提桓因言如

是拘翼若有人供養般若波羅蜜書

持經卷復與他人者其福德甚多甚

多拘翼若持般若波羅蜜轉復教餘

人解其中慧事分別是善男子善

女人所得福德多於前所供養者上

所從聞是般若波羅蜜者當知其尊

在諸賢聖之上當覩是人如世尊無

異所以者何得見般若波羅蜜者則

為見世尊已世尊則是般若波羅蜜

般若波羅蜜則是世尊何以故過去

當來今現在諸如來无所著等正覺

皆從般若波羅蜜中出得成阿惟三

佛故諸賢聖智及諸阿惟越致菩薩

皆從是般若波羅蜜中出得成阿惟

三佛諸聲聞者亦從其中皆得羅漢

辟支佛各得其所發菩薩意者亦從

是皆得諸菩薩德是故拘翼若善男

子善女人欲得見現在諸佛承事供

養者當供養般若波羅蜜佛言我奉

持供養般若波羅蜜如是上事自致  
成阿惟三佛於中取尊誰復有尊可  
承供養從天上至世間過諸三界無  
復尊者熟自思念我本從般若波羅  
蜜自致三耶三佛般若波羅蜜者則  
是我之所尊是故我今當供養般若  
波羅蜜所應恭敬是故拘翼我自供  
養承事是般若波羅蜜初不遠離我  
所作者皆因般若波羅蜜而行若善  
男子善女人欲得阿耨多羅三耶三  
佛者當供養般若波羅蜜受持奉行  
何以故諸菩薩摩訶薩皆從般若波  
羅蜜出生故諸佛世尊皆從菩薩摩  
訶薩出生故是故拘翼若善男子善  
女人行三乘法者皆當供養般若波  
羅蜜書持受學亦當如是

放光般若波羅蜜經卷第七

丁酉歲高麗國大藏都監奉  
勅彫造

放光般若經卷第八

榮

西晉于闐國三藏無羅叉奉

詔譯

摩訶般若波羅蜜功德品第三十九

佛告釋提桓因若有善男子善女人  
教一閻浮提其中衆生使立十善於  
拘翼意云何其福寧多不釋提桓因  
白佛言甚多甚多世尊佛言拘翼不  
如是善男子善女人持般若波羅蜜  
經卷授與他人使書持誦誦解其中  
事得其功德甚倍多也何以故是般  
若波羅蜜中廣說無漏之法使諸善  
男子善女人皆得而學爾當來者亦  
復得學等至於道求羅漢辟支佛道  
者皆於是得爾當求者亦於是得求  
菩薩道者皆於中得爾當求者皆悉  
當於中得已成阿惟三佛者皆於中  
得爾當求阿惟三佛者亦當於是中  
得拘翼何等為无漏之法謂三十七  
品空及三脫門四諦内外空及有無  
空佛十種力无量佛法使善男子善  
女人得成阿惟三佛爾當求者亦當  
得成阿惟三佛拘翼教一閻浮提衆

生皆立於十善不如使一人得須陀洹道何以故雖教一閻浮提衆生使行十善未脫三惡趣教一人得須陀洹者已離三惡趣故拘翼若教一閻浮提其中衆生使行十善盡得須陀洹不如教一人使得辟支佛得福甚多拘翼盡教一閻浮提人立於十善皆得須陀洹斯陀舍阿邠舍阿羅漢辟支佛不如教一人使發阿耨多羅三耶三菩意其德甚多何以故使一人發阿耨多羅三耶三菩意為續佛種佛種不斷故拘翼須陀洹至辟支佛及佛皆從菩薩生是故當知善男子善女人持般若波羅蜜經卷授與他人所得甚多何以故諸廣大之法皆來入般若波羅蜜故因是便知有刹利梵志長者大姓因知有四天王上至無思想无思想慧天因知有三十七品至薩玄若知有須陀洹上至三耶三佛拘翼置是一閻浮提衆生及四天下至小千天下中千天下三千大千國土及如恒邊沙國土滿中衆生悉教立於十善故不如是善男

子善女人書持般若波羅蜜教他人  
使書持經卷諷誦解說得其功德甚  
多甚多復次拘翼善男子善女人教  
一閻浮提滿中衆生令立四禪四等  
及四空定得五神通其人得福寧為  
多不釋提桓因白佛言甚多甚多世  
尊佛言故不如是善男子善女人書  
持般若波羅蜜授與他人使書持經  
卷諷誦解說得其福多何以故拘翼  
般若波羅蜜者所說極廣遠故拘翼  
置是一閻浮提四天下小千國土中  
千國土三千大千國土及如十方恒  
邊沙國土滿中衆生悉教令得四禪  
四等及四空定得五神通其功德寧  
多不釋提桓因白佛言甚多甚多世  
尊佛言故不如是善男子善女人書  
持般若波羅蜜授與他人使書持諷  
誦解說中事得其功德甚多甚多復  
次拘翼受持般若波羅蜜者不以二  
事亦非不二受行五波羅蜜亦不以  
二道亦非不二亦不以二事念内外  
空及有无空亦不以二事道行三十  
七品亦不以二事道行薩去若復次



拘翼若善男子善女人以無央數方便持般若波羅蜜教化衆生使學受持諷誦解說廣演其義不以二事觀般若波羅蜜亦不以相亦不以無相亦不合亦不散亦不應非不應亦不舉亦不下亦不著亦不斷亦不生亦不滅亦不持非不持亦不處非不處亦不實亦不虛亦不垢亦不淨亦不信非不信亦不法非不法亦不如非不如亦不真際非不真際如是拘翼善男子善女人受持般若波羅蜜授與他人使諷誦學事事分別解說其義章句分明持是教人所得功德勝自諷誦守行其事若善男子善女人自學般若波羅蜜諷誦解說身自供養復教他人令諷誦學為解中義分別其慧明了具足者是善男子善女人所得功德寧倍益多釋提桓因白佛言世尊是善男子善女人受學般若波羅蜜者當具足受解其句義佛言如是如是拘翼善男子善女人受學般若波羅蜜者當具足受解其句義如若波羅蜜者當具足受解其句義如是受學者是善男子善女人得无央

數不可計善本之德若有善男子善女人盡其形壽供養十方諸佛如來隨其所樂其人殖福寧為多不釋提桓因言甚多甚多佛言故不如是善男子善女人以無央數方便持般若波羅蜜授與他人使學守行具足解慧了其句義者所得功德福聚甚多何以故過去當來現在諸佛本行菩薩道時皆於般若波羅蜜中學成得阿惟三佛其有學者亦當復成阿惟三佛復次拘翼善男子善女人於阿僧祇劫行檀波羅蜜不如是善男子善女人受持般若波羅蜜廣教衆生而无所猗拘翼菩薩行檀波羅蜜若有所猗生意念言我施與彼作如是者為住布施不成檀波羅蜜言我持戒是我所戒便住於戒不成尸波羅蜜言我忍辱以是故忍便住於忍為不成羂波羅蜜言我精進有所為進便住於精進為不成惟逮波羅蜜言我行禪有所為禪便住於禪為不成禪波羅蜜言我行智便念於智以住於智為不成般若波羅蜜拘翼善男

子善女人作是行者不成六波羅蜜  
釋提桓因白佛言菩薩摩訶薩作何  
等行當成六波羅蜜佛告釋提桓因  
言菩薩布施亦不自有亦不有所施  
亦不有受者是為行檀波羅蜜至般  
若波羅蜜亦不有亦不得是為菩薩  
具足行六波羅蜜拘翼若善男子善  
女人行六波羅蜜及其義解當作是  
知何以故後當來世當有善男子善  
女人發意欲得阿耨多羅三耶三菩  
住於般若波羅蜜不具足聞般若波  
羅蜜及其義解或不成阿耨多羅三  
耶三菩是故當為是輩人具足解說  
般若波羅蜜中慧釋提桓因白佛言  
何等為人說般若波羅蜜佛告釋提  
桓因言若有善男子善女人說般若  
波羅蜜說已當復說釋提桓因白佛  
言云何善男子善女人說般若波羅  
蜜說已當復說佛語釋提桓因言若  
善男子善女人新入般若波羅蜜者  
當為說般若波羅蜜為說已當復說  
為新入者說色無常當為作如是說  
如是行者為行般若波羅蜜如是說

者為念五陰无常善男子善女人作如是說五陰無常者為欲初向行般若波羅蜜說十二衰无常苦空行六波羅蜜說四禪四等四空定无常苦空行六波羅蜜說三十七品十八法至薩去若說無常教非常苦空作如是說作如是解是為教新發意者行般若波羅蜜拘翼新學初發意者當作是行復次拘翼若善男子善女人深入學者說般若波羅蜜時當語是新學初發意者言汝當受念六波羅蜜受已當住第一菩薩地從第一至第二至十住作是想有著想有猗想作是念般若波羅蜜拘翼是為新發意行般若波羅蜜者復次拘翼是善男子善女人復作是教言汝當作是念般若波羅蜜作是念已出過羅漢辟支佛上是為新發意者行復次拘翼有行菩薩道者當語新學者言當受是般若波羅蜜當得无所從生法忍得是忍已便住神通從一佛國至一佛國礼事

恭敬諸佛世尊復次拘翼深入學者  
當教新學初發意者言善男子善女  
人汝當作是受學般若波羅蜜作是  
持念作是念已汝便當得不可計無  
量之功德善福是為教新發意者行  
復次拘翼深入學者當教新學者言  
善男子汝當學過去當來今現在諸  
佛所行善本所作功德當一心念至  
得阿耨多羅三耶三佛是為教新學  
者行釋提桓因白佛言作是念說已  
當復云何教新學者乎佛告釋提桓  
因言深入學者當復教新學者言善  
男子當受念般若波羅蜜念般若波  
羅蜜者莫觀五陰无常何以故五陰  
所有者非五陰般若波羅蜜中五陰  
無有常與无常般若波羅蜜中尚不  
見五陰何況當有常無常耶拘翼善  
男子善女人作如是說為不教新學  
著者當復教新學著者汝當受念般  
若波羅蜜念般若波羅蜜於諸法莫  
有所過莫有所住何以故般若波羅  
蜜者亦无有法可過者有住者何以

故法自空有空者無所有无所有者  
般若波羅蜜般若波羅蜜中無有法  
可應不應者亦无有生與不生法善  
男子善女人作如是說是為不教新  
學著者拘翼善男子善女人說般若  
波羅蜜中義當如是善男子善女人  
作如是教所得功德多於前者復次  
拘翼善男子善女人教一閻浮提衆  
生令得須陀洹道其福多不釋提桓  
因言甚多甚多世尊佛言不如是善  
男子善女人以般若波羅蜜授與他  
人使學書持為解說其義得其功德  
甚多甚多教是善男子善女人般若  
波羅蜜隨其上教習學守行何以故  
諸須陀洹道者皆從般若波羅蜜出  
生故復次拘翼置是閻浮提諸四天  
下及三千大千國土東方如恒邊沙  
國土滿中衆生盡教令得須陀洹道  
其福寧多不釋提桓因言甚多甚多  
世尊佛言不如是善男子善女人以  
般若波羅蜜授與他人使學書持諷  
誦行習解說其慧得其功德甚多甚  
多何以故須陀洹道皆從般若波羅



蜜出生故復次拘翼若閻浮提滿中  
衆生盡教令得須陀洹斯陀舍阿那  
含阿羅漢其福寧多不釋提桓因白  
佛言甚多甚多世尊佛言不如是善  
男子善女人以般若波羅蜜授與他  
人使學書持諷誦奉行如其中教解  
說慧義得其功德甚多甚多何以故  
須陀洹道至阿羅漢皆從般若波羅  
蜜出生故復次拘翼置是一閻浮提  
及三千大千國土如恒邊沙國土滿  
中衆生盡教令得須陀洹道至阿羅  
漢其福多不釋提桓因白佛言甚多  
甚多佛言不如是善男子善女人以  
般若波羅蜜授與他人使學書持諷  
誦奉行隨其中教解說慧義得其功  
德甚多甚多復次拘翼一閻浮提滿  
中衆生盡教令得辟支佛道其福多  
不釋提桓因言甚多甚多世尊佛言  
不如是善男子善女人以般若波羅  
蜜授與他人使學書持諷誦奉行隨  
其中教解說慧義得其功德甚多甚  
多何以故諸辟支佛皆從般若波羅  
蜜出生故復次拘翼置是閻浮提及

三千大千國土如恒邊沙國土衆生盡教令得辟支佛道福多不釋提桓因言甚多甚多世尊佛言不如是善男子善女人以般若波羅蜜授與他人使學書持諷誦奉行隨其中教為解慧義得其功德甚多甚多何以故諸辟支佛皆從般若波羅蜜中出生故復次拘翼若有善男子善女人教一閻浮提及恒邊沙滿中衆生勸助令發阿耨多羅三耶三菩意不如是善男子善女人以般若波羅蜜授與他人教使書持諷誦奉行為解慧義其德甚多語其人言受般若波羅蜜當隨中教隨是教已當得薩云若利得是利已便具足般若波羅蜜汝便當成阿耨多羅三耶三菩何以故初發意菩薩皆從般若波羅蜜出生故復次拘翼若有善男子善女人教一閻浮提及恒邊沙滿中衆生教令立於阿惟越致其福寧多不釋提桓因言甚多甚多世尊佛言拘翼不如是善男子善女人持般若波羅蜜經卷授與他人解說中事及其義慧使宣

行之語其人言受持是般若波羅蜜經卷如上所教皆習奉行汝便當得諸法之利至得阿耨多羅三耶三菩何以故菩薩摩訶薩阿惟越致地皆從般若波羅蜜出故復次拘翼盡一閻浮提其中衆生悉為阿耨多羅三耶三菩不復轉還若善男子善女人為是輩人說般若波羅蜜及其義解而為說之若有一人言我欲疾成阿耨多羅三耶三菩若有善男子善女人為是一人說般若波羅蜜具足其義分別解說其福寧多釋提桓因白佛言世尊菩薩摩訶薩務欲成阿耨多羅三耶三菩者務當教是菩薩令行六波羅蜜當教内外空及有无空三十七品佛十種力四無所畏四无碍慧佛十八法當以是法教是輩人給其所須衣服真越所有供養以是二事法供養是輩菩薩摩訶薩世尊是善男子善女人所得福寧尊勝前所作者所以者何世尊菩薩摩訶薩教人行六波羅蜜當如是教人行内外空及有无空三十七品乃至佛十

八法亦當如是須菩提語釋提桓因  
言善哉善哉拘翼乃勸助是善男子  
善女人求菩薩道者乃尔如卿為佛  
作賢弟子之法當益於菩薩摩訶薩  
以持法施及供養施護養菩薩勸助  
使成阿耨多羅三耶三菩何以故諸  
佛及弟子衆皆從是二事施中出若  
菩薩不發阿耨多羅三耶三菩意者  
是菩薩終不能學六波羅蜜及佛十  
八法若菩薩不學六波羅蜜及佛十  
八法者終不成阿耨多羅三耶三菩  
亦不知有羅漢辟支佛以菩薩學六  
波羅蜜及佛十八法故得成阿耨多  
羅三耶三菩三惡趣便斷世間乃知  
有剎利梵志長者大姓種便知有四  
天王及無思想无思想慧天便知有  
六波羅蜜從内外空及有無空三十  
七品佛十八法世間便知有聲聞辟  
支佛乘

摩訶般若波羅蜜勸助品第四十

尔時弥勒菩薩摩訶薩語須菩提菩  
薩摩訶薩所作勸助福祐之像與衆  
生共為阿耨多羅三耶三菩无所希

望出過衆生諸聲聞辟支佛所作勸助福祐者上一切衆生發聲聞辟支佛乘者所作布施福祐之像持戒自守一心福像不如是菩薩摩訶薩勸助之福與衆生俱共為阿耨多羅三耶三菩其福寧尊為寧第一具足無有過上者所作勸助皆為衆生成阿耨多羅三耶三菩何以故羅漢辟支佛所作布施之福持戒自守但欲自調但欲自淨但欲自度念三十七品但欲調衆生欲淨衆生欲度衆生勸助衆生為阿耨多羅三耶三菩須菩薩於東方无央數諸佛剎土無央數般泥洹佛從發意至阿耨多羅三耶三佛至般泥洹乃至法滅盡從其中間所作善本應六波羅蜜及諸聲聞緣覺所作布施功德持戒自守及諸無漏之戒從行戒至无戒善本乃至諸佛淨戒之福三昧之福智慧之福解脫之福見解脫慧之福及大慈大悲無量阿僧祇佛所說法從其法中

所聞受者有得須陀洹至得阿羅漢  
辟支佛上至菩薩及諸般泥洹佛所  
作功德都計之合之勸助為尊最為  
無上最為具足我亦復持是功德如  
是勸助功德福是為作阿耨多羅三  
耶三菩中勸助是便為成阿耨多羅  
三耶三菩是善男子善女人為菩薩  
道者或當作是念如過去諸佛世尊  
所作功德使我得是意使我發是意  
行使我得是想念弥勒菩薩告須菩  
提善男子善女人發菩薩意者不以  
是因緣不以是像不作是想於阿耨  
多羅三耶三菩須菩提語弥勒菩薩  
若不以是得若不以是因緣諸佛世  
尊何以故於想十方世界從十方佛  
從初發意至於法盡諸善本及發聲  
聞乘我所從戒至無戒功德盡計之  
合之而求阿耨多羅三耶三菩應无  
有想將無作顛倒想无常謂有常用  
想顛倒用意顛倒用見顛倒不淨謂  
淨苦言有樂無我謂我用想顛倒用  
意顛倒用見顛倒其事虛空亦如因  
緣亦如道意亦尔六波羅蜜亦尔乃



至十八法亦尔若如事者亦如道意  
六波羅蜜亦如是五陰六情亦如是  
内外空及有无空三十七品及十種  
力佛十八法何等為事何等為因緣  
何等為道何等為諸善本何等為勸  
助意何等為勸助對意所可求阿耨  
多羅三耶三菩者弥勒菩薩語須菩  
提若有菩薩行六波羅蜜見過去佛  
供養承事諸佛與善知識相得若已  
自學身空是輩之人不以事像不以  
是因緣不以是佛善本之相不以勸  
助功德不以是諸福作想求阿耨多  
羅三耶三菩當復更作是意求令不  
墮二法亦不不二亦不以想亦不以  
無想亦无所猗亦非不猗亦不以著  
亦不以斷亦不以生亦不以滅若是  
菩薩不學六波羅蜜若不供事諸佛  
若無諸善之本若不與善知識相得  
若不自學空便以是事以是因緣以  
是勸助功德以是諸事起想求阿耨  
多羅三耶三菩是故須菩提不當為  
初發意菩薩前說六波羅蜜及内外  
空有无空及諸法空不當為新學菩

薩說之何以故若新學者或亡所信  
或亡所樂所有恭敬皆悉亡失便壞  
諸善本當為阿惟越致菩薩摩訶薩  
說之若久與善知識相隨者亦可與  
說從前過去於諸佛所作功德者當  
與是輩人可說空相法是人聞是不  
恐不怖亦不畏懼菩薩摩訶薩當作  
如是勸助所可勸助意所可求阿耨  
多羅三耶三菩是意已滅盡无所復  
有所可作者及諸因緣所作功德亦  
復滅盡何等為勸助意何等為衆事  
何等因緣何等為善本功德而求阿  
耨多羅三耶三菩者持意有所求耶  
意無兩對如意之性而无所求若有  
菩薩行般若波羅蜜至六波羅蜜亦  
無所有至於五陰亦無所有至道亦  
无所有若有菩薩求阿耨多羅三耶  
三菩當作是知當作是求當作是勸  
助當作是善本如是求為求阿耨多  
羅三耶三菩弥勒菩薩語長老須菩  
提言新學菩薩聞是將無恐怖當云  
何作諸善本功德而有所求云何勸  
助及諸功德持作阿耨多羅三耶三

善須善提語弥勒菩薩新學菩薩行  
般若波羅蜜受持六波羅蜜無所倚  
受而无所想當解内外空及有無空  
解三十七品佛十八法常與善知識  
相得得六波羅蜜及其義趣教授令  
不離六波羅蜜至得菩薩道不離佛  
法教語魔事聞魔事已不增不減何  
以故至得菩薩道常念諸法不離諸  
佛於中作功德受持諸菩薩宗至得  
阿耨多羅三耶三菩不離是功德新  
學菩薩於諸十方无央數佛如來無  
所著等正覺及諸弟子所作功德及  
諸刹利梵志大姓及四天王首陀會  
諸天所作功德皆勸助之持是勸助  
功德求阿耨多羅三耶三菩其功德  
寂上無過者是時弥勒菩薩語須善  
提言若有新學菩薩念諸佛及弟子  
所有勸助功德持无上無比勸助无  
央數勸助功德求阿耨多羅三耶三  
菩於想念見而不顛倒須善提言雖  
念諸佛及弟子衆於中无佛想亦無  
弟子衆想亦无諸善本想意有所求  
亦無意想菩薩作如是求於想不倒

於念不倒於見不倒若菩薩念諸佛  
及衆僧功德念所作善本持想求阿  
耨多羅三耶三菩是為菩薩想倒念  
倒見倒菩薩雖有是念念佛及衆念  
諸善本雖有是念當知是念盡滅無  
所有所可盡者无所求意有所求是  
意之法所可求法亦是其法雖作是  
求是為正求不為邪求菩薩摩訶薩  
當作是求是為過去當來今現在諸  
佛及諸弟子所作功德下至凡夫所  
作功德所聽受法及諸天阿須倫真  
陀羅摩睺勒所作功德及諸刹利梵  
志大姓長者所作功德及四天王上  
至首陀會天所作功德所聽受法所  
可發意求阿耨多羅三耶三菩都盧  
合之聚之計之稱之是所作功德皆  
勸助之持是勸助功德求阿耨多羅  
三耶三菩若當知是法已盡已滅無  
所復有所可求法亦復盡空若作是  
求為求阿耨多羅三耶三菩當作是  
知法不求法何以故諸法皆自空故  
作是求者為求阿耨多羅三耶三菩  
菩薩如是行六波羅蜜者於想不倒

於念見亦不倒何以故不入所求故  
於諸善本及其道意不見當有所入  
處故是為菩薩无上之求菩薩摩訶  
薩於諸功德寂而無所生於五陰十  
八性及六衰至六波羅蜜亦寂无所  
生於内外空及有無空佛十八法亦  
寂而無所知菩薩如是知寂无所得  
者是為求阿耨多羅三耶三菩若菩  
薩摩訶薩知勸助功德勸助功德寂  
無所生佛寂及佛事寂諸善本事善  
本事寂諸道意事道意事寂諸所求  
事所求事寂諸菩薩事菩薩事寂六  
波羅蜜事六波羅蜜事寂乃至佛十  
八法佛十八法寂如是菩薩當寂淨  
行般若波羅蜜是為菩薩行般若波  
羅蜜諸過去佛所作善本有所求索  
盡般泥洹菩薩摩訶薩亦當作是求  
所作善本及於所求當如泥洹意有  
所索意與所求適等无異作如是求  
作如是知是為求阿耨多羅三耶三  
菩作如是求者想不顛倒念不顛倒  
見不顛倒若復菩薩以想行般若波  
羅蜜以想念念諸佛功德是為不求阿



釋多羅三耶三菩過去諸佛亦不有  
想亦不无想若復作念若復作想如  
是為不求阿耨多羅三耶三菩是為  
想顛倒念顛倒見顛倒若復不念諸  
佛善本諸所有發意亦不作知亦不  
作想是則為求阿耨多羅三耶三菩  
是為菩薩想不顛倒念見不顛倒弥  
勒菩薩語須菩提云何菩薩有所求  
而無有想須菩提言菩薩欲得遍起  
拘舍羅當於般若波羅蜜中學不求  
般若波羅蜜終不得諸善本功德何  
以故諸佛世尊亦不於般若波羅蜜  
中現及諸善本亦不見衆事亦不見  
意可作阿耨多羅三耶三菩所作已  
滅衆事亦滅我但以自起是諸想諸  
善功德及諸發意諸佛世尊亦无想  
求亦無有是勸助亦无是知何以故  
用想求无所得故若想有可得者我  
及諸佛所作分別想當有所得是故  
菩薩功德菩薩有所求亦不當作想  
亦不當有所倚諸佛世尊不稱譽倚  
想求者何以故想求者為雜毒譬如  
淨潔美食與毒相得色雖香美故為



雜毒若有愚癡之人欲得食之雖為當時貪其色好香可口久後不使其身作如是受不諦觀不諦知不知諷誦倒解中義自不能解為他人說言善男子是教是過去當來今現在佛從發意以來至得阿耨多羅三耶三善於有餘泥洹至無餘泥洹乃至法盡於其中間行般若波羅蜜所作功德及六波羅蜜所可行三十七品四禪四等及四空定十種力十八法所作善本及淨佛國教授衆生諸佛戒品三昧品智慧品解脫品見解脫慧品薩去若慧无所亡法常等行於聲聞中所作功德諸佛世尊所記辟支佛諸天尊神阿須倫迦留羅真陀羅摩睺勒所作功德都盧合聚此諸功德持求阿耨多羅三耶三善倚想求三耶三佛是則譬如雜毒之食有倚想者終無所成何以故有倚有想而有形貌有雜毒求為謗如來亦不受如來教亦不受法善男子善女人行菩薩道者當作是念過去當來今現在諸佛世尊從發意以來至得佛云何

有所作求及諸弟子至薩去若中事所作上亦如是當去何有所作而求阿耨多羅三耶三菩善男子善女人求菩薩道不欲高下如來者當作是求如諸佛世尊所知識以辯才慧諸善本之相與法相應者我持是勸助我所求阿耨多羅三耶三菩者皆是諸佛所知諸善男子善女人求菩薩道者不倚諸善本功德求阿耨多羅三耶三菩如是求者為不高下如來是為信佛信法菩薩如是行者為不雜毒所求為無有毒若善男子善女人求菩薩道行般若波羅蜜者所為功德當作是求五陰亦不著欲界色界无色界亦不著過去當來今現在六波羅蜜亦不著三界亦不著去來今内外空及有無空三十七品佛十種力及十八法亦不著三界亦不著去來今如及介法生法滅真際不思議性戒忍智解脫解脫見慧薩去若无所亡法常等行亦不著三界不著三界者亦無去來今何以故以无所入故有所求者亦無所入所可求法

亦復无所著是人亦復無所著諸佛  
世尊亦復無所著諸餘善本亦无所  
著聲聞辟支佛諸善本亦無所著諸  
无所著者亦非去來今若有菩薩行  
般若波羅蜜知五陰不著三界亦非  
去來今亦不可以倚想有所求何以  
故不見有所生者諸無所生者亦无  
所有无所所有者不能有所為六波羅  
蜜乃至無所立法及常等行亦不著  
三界亦非去來今非去來今者亦不  
可以倚想有所為何以故是所生不  
可得故諸所生者為无所所有無所有  
者亦不能有所為是為菩薩不雜毒  
求若有善男子善女人求菩薩道有  
倚想者則為邪求所作善本倚想求  
者是為邪求諸有邪求者諸佛世尊  
所不稱譽佛所不稱譽者為不具足  
六波羅蜜不具足六波羅蜜者則不  
具足三十七品則不具足內外空及  
有无空佛十種力及十八法則不具  
足不具足十八法者則不能淨佛國  
土則不能教授衆生終不成阿耨多  
羅三耶三菩所以者何有雜毒求故

菩薩摩訶薩行般若波羅蜜者當作  
是念如諸佛所知善本功德法求如  
所求為求阿耨多羅三耶三菩我亦  
當以是法求阿耨多羅三耶三菩是  
時佛讚歎須菩提言善哉善哉須菩  
提乃作世尊之行能為諸菩薩說所  
為所求之法无想無所倚无所出亦  
不斷亦不著亦不有亦不無應空相  
應法性應如行佛告須菩提假令三  
千大千刹土中衆生悉得十善之利  
悉得四禪四等四空定及五通盡得  
是利於須菩提意云何是衆生所得  
福寧多不須菩提白佛言甚多甚多  
世尊佛言不如是善男子善女人於  
諸善本無所生无所著以為阿耨多  
羅三耶三菩是功德寧為尊化無上  
正真之化具足之化復次須菩提若  
三千大千刹土中衆生盡得須陀洹  
上至羅漢辟支佛若有善男子善女  
人盡其壽命供養是輩羅漢辟支佛  
隨其所安飲食衣被牀卧之具病瘦  
醫藥盡諸所有敬之養之於須菩提  
意云何其福寧多不須菩提言甚多

甚多佛言不如是善男子善女人住  
无所生无所著於善本之德无所求  
其福最尊最上復次須菩提假令三  
千大千刹土衆生盡發阿耨多羅三  
耶三菩十方恒邊沙刹土中衆生一  
衆生供養是菩薩盡恒邊沙劫隨  
其所安飲食衣服牀卧醫藥瞻視恭  
敬承事於須菩提意云何其福寧多  
不須菩提言甚多甚多世尊其福多  
不可計不可數不可以譬喻為比若  
使福德當有形者十方虛空所不能  
受佛告須菩提雖作尔所福德不如  
是善男子善女人所作善本无所生  
無所著於善本之德无所求是善男  
子善女人之功德最尊最上無比无  
上之化是无所生无所著之功德與  
前功德百千億万倍相比何以故  
是善男子善女人有倚有想於十善  
事及四禪四等四空定五通盡具足  
何以故是善男子善女人以倚想供  
養諸聲聞辟支佛上至菩薩故尔時  
四王天上二万天子皆叉手礼佛足  
白佛言世尊善菩薩所施為溫恕拘舍

羅甚善快哉所作已應无倚無著應  
空无相所施善本為阿耨多羅三耶  
三菩所施為不二入是時釋提桓因  
與無央數忉利諸天及諸天子持天  
雜花香擣香澤香繒綵花盖天衣天  
幢雜色幢幡鼓天伎樂來至佛所供  
養散佛皆讚歎言菩薩所施為遍起  
拘舍羅甚善快哉所作已應无所倚  
無所著應空无想所施善本為阿耨  
多羅三耶三菩所施為不二入上至  
梵迦夷天無央數百千亦復歎譽菩  
薩遍起拘舍羅皆復如是阿迦膩吒  
天與無央數億百千諸天來至佛所  
為佛作礼俱發大音聲言世尊甚奇  
大哉於般若波羅蜜行遍起拘舍羅  
所作善本其德勝前過去善男子善  
女人之所作為於是佛告四天王及  
阿迦膩吒諸天子言假令三千大千  
刹土所有衆生盡作阿耨多羅三耶  
三菩復代過去當來今現在諸如來  
無所著等正覺代其歡喜及弟子衆  
從初發意至般泥洹乃至法盡於其  
中間所作諸善之本代其歡喜聲聞



辟支佛所作諸善之本代其歡喜及  
衆生所作諸善之本行檀波羅蜜至  
般若波羅蜜代其歡喜諸賢聖所有  
戒品三昧品智慧品解脫品解脫見  
慧品代其歡喜餘无量佛法都盧計  
校合聚是上諸功德皆代其歡喜倚  
是代歡喜功德為阿耨多羅三耶三  
善若復有善男子善女人欲發阿耨  
多羅三耶三善代過去當來今現在  
諸如來無所著等正覺及羅漢辟支  
佛從發意至成阿耨多羅三耶三善  
從其中間行六波羅蜜及餘无央數  
佛法功德代其歡喜而無所希望亦  
不二入已應无相應無所著應空是  
為寂第一代其歡喜為无上代歡喜  
也持是代歡喜功德為阿耨多羅三  
耶三善而無所倚者其功德福祐勝  
於前善男子善女人所為代歡喜比  
其功德百倍千倍巨億万倍是為善  
薩摩訶薩寂上代歡喜之所為也介  
時須菩提白佛言如世尊所說合集  
是善男子善女人功德於諸功德中  
无過代歡喜者代歡喜之德無過是

德須菩提言世尊云何為取上去何  
為取尊佛告須菩提言若善男子善  
女人於當來過去今現在法无所取  
無所捨亦不貢高亦不貢高亦不  
有所倚亦不无所倚於是法亦無有  
生亦无有滅亦無著亦无斷於是法  
中亦不見增亦不見減亦無往亦无  
反亦不道亦不俗如去來今法如反  
舍法所住法所滅法我亦復代歡喜  
持是代歡喜功德為阿耨多羅三耶  
三菩施菩薩摩訶薩作如是施為代  
其歡喜取為第一无過是代歡喜者  
須菩提作如是代歡喜比餘代歡喜  
之德百倍千倍巨億万倍不及是代  
歡喜者復次須菩提善男子善女人  
行菩薩道者欲代去來今諸佛及諸  
聲聞辟支佛從初發意至于成佛於  
其中間作諸善本行六波羅蜜及餘  
無數佛法善本若欲代歡喜者復欲  
代一切衆生所作善本當作是代歡  
喜是代歡喜為取等六波羅蜜與脫  
等脫與五陰等其脫之事與内外空  
等解脫之事與有无空等三十七品

與解脫等十力與解脫等解脫與解脫見慧等去來今法與解脫等解脫則是過去當來今現在解脫如諸佛世尊之所施為解脫如諸佛弟子諸佛弟子亦如解脫解脫者與聲聞辟支佛泥洹等解脫事與諸佛世尊法等解脫者亦如羅漢辟支佛解脫亦如諸法之法我於是無縛无脫之法我於無著如无汚染清淨之法不生无所生不滅無所滅之法我所施為於阿耨多羅三耶三菩者亦如是上諸法无所縛法無所敗法无所壞法佛告須菩提是為菩薩摩訶薩無上代歡喜軍為第一佛言菩薩摩訶薩具足作代如是歡喜者疾速阿耨多羅三耶三菩阿惟三佛復次須菩提若有善男子善女人行菩薩道者盡其形壽供養十方恒邊沙佛及衆弟子隨其所安飯食衣被牀卧醫藥盡諸佛形壽般泥洹已後晝夜奉事舍利幢幡花蓋伎樂以為供養常念行六波羅蜜而有所倚復有善男子善女人欲成阿耨多羅三耶三菩行六

波羅蜜遍起拘舍羅而無所倚持是  
功德无所希望於阿耨多羅三耶三  
菩比其善本功德百倍千倍巨億万  
倍不及是代歡喜福德最尊最上須  
菩提菩薩摩訶薩行六波羅蜜以遍  
起拘舍羅無所倚功德為阿耨多羅  
三耶三菩而无所倚

放光般若波羅蜜經卷第八

丁酉歲高麗國大藏都監奉

勅彫造

放光般若經第八卷 第三十張 集

放光般若經卷第九

來

音

西晉于闐國三藏無羅叉奉

詔言

摩訶般若波羅蜜照明品第四上

舍利弗白佛言世尊是般若波羅蜜  
耶佛言是舍利弗舍利弗言世尊般  
若波羅蜜者作照明故世尊般若波  
羅蜜者至竟清淨故世尊般若波羅  
蜜者為有名字世尊般若波羅蜜者  
於三界無沾污世尊般若波羅蜜者  
除諸垢冥世尊般若波羅蜜者於三  
十七品之最尊上世尊般若波羅蜜  
者安隱諸灾患恐怖者世尊般若波  
羅蜜者為五荒見蔽者作明故世尊  
般若波羅蜜者无際衆生入邪徑者  
而作正導世尊般若波羅蜜者薩云  
若是能除諸習緒世尊般若波羅蜜  
者菩薩之母生諸佛法故世尊般若  
波羅蜜者不生不壞徙有名至竟空  
故世尊般若波羅蜜者離於生死亦  
無所滅不與作本故世尊般若波羅  
蜜者受諸孤窮者為作珍寶施故世  
尊般若波羅蜜者具足初无能伏者

世尊般若波羅蜜者三轉十二事而轉法輪亦無能轉者所轉終不動還故世尊般若波羅蜜者能現種種之本及所有无所有空故唯世尊當云何住般若波羅蜜世尊報言當如世尊住舍利弗礼般若波羅蜜當如礼世尊何以故般若波羅蜜者則是世尊世尊與般若波羅蜜無有別般若波羅蜜則是世尊世尊則是般若波羅蜜諸佛世尊因般若波羅蜜而得名字菩薩辟支佛阿羅漢至須陀洹皆因般若波羅蜜得其名字十善四禪四等四空定五通内外空及有無空三十七品佛十種力及十八法乃至薩云若皆因般若波羅蜜出生於是釋提桓因意念何因尊者舍利弗乃生是問釋提桓因便問舍利弗言尊者何緣乃生是問因何事有是問舍利弗報言拘翼菩薩摩訶薩遍起過去當來今現在諸佛世尊從初發意以來至法欲盡於其中間所作善本盡持作薩云若拘翼是故菩薩摩



訶薩持般若波羅蜜過五波羅蜜上  
拘翼譬如人生盲或百人或千人或  
萬人欲有所至若欲入城而無有導  
終不能有所至拘翼是五波羅蜜為  
如盲者離般若波羅蜜如盲者无導  
亦不能具足至道亦不能成薩云若  
五波羅蜜為般若波羅蜜所護如盲  
者得眼目般若波羅蜜護五波羅蜜  
令五波羅蜜各得名字釋提桓因語  
舍利弗如所言五波羅蜜因般若波  
羅蜜得名字者五波羅蜜但有名而  
無度舍利弗言如是拘翼五波羅蜜  
因般若波羅蜜而得名字五波羅蜜  
但有名无有度也菩薩住於般若波  
羅蜜者為已具足五波羅蜜是故般  
若波羅蜜於五波羅蜜為最上化妙  
化無比之化舍利弗白佛言世尊當  
云何入般若波羅蜜中佛言如入五  
陰當作是入般若波羅蜜如入五波  
羅蜜當作是入般若波羅蜜如入內  
外空及有无空如入三十七品佛十  
種力及十八法如入薩云若如入諸  
法當作是入般若波羅蜜中舍利弗

言世尊云何入五陰如入般若波羅蜜云何如入諸法作是入般若波羅蜜佛言於五陰無所生无所得無取无捨無所壞當作是入般若波羅蜜於諸法無所生无所得無取无捨亦無所壞是為入般若波羅蜜舍利弗言作如是入般若波羅蜜為及何法佛言於諸法无所及是乃為般若波羅蜜名号世尊不逮何法佛言不逮善法亦不逮惡法亦不逮道法亦不逮俗法亦不逮有漏無漏法亦不逮有為无為法何以故般若波羅蜜之興亦不為希望起以是故於諸法無所及无所逮釋提桓因白佛言云何世尊是般若波羅蜜為不逮薩云若佛言如是拘翼般若波羅蜜不逮薩逮亦不有佛言般若波羅蜜者亦不以字亦不以想亦不以生死釋提桓因言世尊亦不以字亦不以想亦不以生死云何為逮佛言如不入亦不受亦不捨亦不住作是及如不及拘翼般若波羅蜜如是逮諸法如無所

遠釋提桓因白佛言世尊般若波羅蜜之興甚奇其特於諸法无所生無所有无所倚無所壞須菩提白佛言若菩薩行般若波羅蜜為逮諸法不逮諸法菩薩聞是或恐或怖便離般若波羅蜜佛言如是菩薩聞是或能恐怖若有行般若波羅蜜菩薩或作是念言般若波羅蜜空般若波羅蜜无有堅固般若波羅蜜侵欺人作是念者便能遠離般若波羅蜜以是因緣菩薩便遠離般若波羅蜜須菩提白佛言信般若波羅蜜者為不信何等法佛言信般若波羅蜜為不信色為不信痛想行識為不信六情不信色聲香味細滑法為不信十八性及十二因緣乃至五波羅蜜亦不信内外空及有無空亦不信三十七品及十八法佛十種力不信須陀洹至羅漢辟支佛亦不信阿耨多羅三耶三菩亦不信薩婆若佛告須菩提若不有五陰及薩婆若者為不信般若波羅蜜以是故須菩提信般若波羅蜜者為不信五陰諸法及薩婆若若不

有五陰及諸法者為不信般若波羅蜜信般若波羅蜜者為不信諸法須菩提白佛言世尊般若波羅蜜者為大度佛言於意云何何以知般若波羅蜜為大度須菩提言般若波羅蜜亦不使五陰大亦不令五陰小亦不使五波羅蜜大亦不令五波羅蜜小從內外空至有無空亦不令大亦不使小三十七品佛十八法亦不令大亦不令小至道及佛法亦不令大亦至佛法亦不聚亦不散亦不平相五陰亦不平相乃至佛法亦不平相亦不不平相亦不廣五陰亦不狹五陰乃至佛法亦不廣亦不狹亦不使五陰強亦不使弱乃至佛法亦不強亦不弱世尊以是故般若波羅蜜為菩薩之大度世尊若新發意菩薩未習六波羅蜜者聞是五陰及六波羅蜜无所增減無有廣狹聞是語者或能不行般若波羅蜜何以故不以般若波羅蜜故五陰及佛法有大有小不以般若波羅蜜故五陰及佛法有

強有弱世尊行般若波羅蜜欲求大  
小五陰欲強弱佛法是為大累何以  
故道初無有累想何以故衆生不生  
般若波羅蜜不生當作是見當作是  
知五陰亦不生佛法亦不生當作是  
觀觀般若波羅蜜所有如觀衆生所  
有觀般若波羅蜜所有當如觀五陰  
所有觀佛所有當如觀般若波羅蜜  
五陰無所有觀般若波羅蜜無所有  
如觀佛無所有觀般若波羅蜜無所  
有如觀衆生亦無所有觀般若波羅  
蜜寂觀衆生亦寂觀般若波羅蜜寂  
觀佛法亦寂觀五陰亦寂觀般若波  
羅蜜亦寂觀般若波羅蜜亦無有緒  
當知衆生亦無有緒五陰及佛法亦  
无有緒般若波羅蜜亦無有緒般若  
波羅蜜不可思議當知衆生亦不可  
思議五陰亦不可思議及佛法亦不  
可思議衆生不敗壞當知般若波羅  
蜜亦不壞敗衆生不逮阿惟三佛當  
知般若波羅蜜亦不逮阿惟三佛當  
知五陰亦不逮阿惟三佛佛亦不逮

阿惟三佛衆生力不具足當知般若  
波羅蜜力不具足五陰力不具足佛  
力亦不具足以是世尊大度者是菩  
薩摩訶薩般若波羅蜜

摩訶般若波羅蜜泥犁品第四十二

舍利弗白佛言唯世尊菩薩摩訶薩  
解般若波羅蜜者為從何所來而生  
是間發阿耨多羅三耶三菩為幾何  
間為更見供養幾如來行六波羅蜜  
為幾時云何解般若波羅蜜導入深  
義佛告舍利弗是菩薩摩訶薩供養  
十方諸如來無所著等正覺從彼來  
生是間是菩薩從發意以來不可計  
阿僧祇劫行六波羅蜜亦不可計來  
到是間從是以來不可復計常供養  
諸佛而來生是間是輩菩薩見般若  
波羅蜜時如見世尊無有異若聞般  
若波羅蜜時如聞世尊所說亦无有  
異是菩薩摩訶薩解般若波羅蜜導  
入深義不以想入不以二入而無所  
倚須菩提白佛言世尊般若波羅蜜  
可得見聞不佛言不可得見聞何以  
故須菩提般若波羅蜜者亦非見事



亦非聞事般若波羅蜜者亦无所聞  
亦無所見以諸法聾故五波羅蜜者  
亦不見亦不聞以諸法聾故内外空  
及有无空無所聞无所見以諸法聾  
故三十七品十種力十八法無所見  
无所聞以諸法聾故須菩提道及佛  
亦無所見无所聞亦如聾法故須菩  
提白佛言菩薩摩訶薩學般若波羅  
蜜久如當與般若波羅蜜相應佛語  
須菩提是事應當分別須菩提有因  
緣令菩薩適發意便應深般若波羅  
蜜以漚沤拘舍羅不見諸法榮莫終  
不誹謗終不離六波羅蜜終不離諸  
佛世尊若復欲作諸善之本供養承  
事諸佛世尊者即如意願從一佛國  
至一佛國終不復受母人胎生終不  
離五通不與諸垢相近亦不與聲聞  
辟支佛意相近教化衆生淨佛國土  
菩薩如是行者為應深般若波羅蜜  
須菩提復有善男子善女人行菩薩  
道者見無央數不可計阿僧祇諸佛  
行六波羅蜜而有所倚聞說深般若  
波羅蜜便棄捨去如是菩薩更生慢

意便離諸佛世尊便不得聞深般若  
波羅蜜佛語須菩提不樂聞深般若  
波羅蜜者今亦在會中坐何以故是  
善男子善女人行菩薩道時從本聞  
深般若波羅蜜不樂捨去用是故今  
聞深般若波羅蜜不樂復欲捨去與  
身口意不和積無點之罪以是罪重  
故拒逆深般若波羅蜜拒逆深般若  
波羅蜜者為拒逆過去當來今現在  
諸佛薩云若已以逆薩云若罪故斷  
薩云若用斷薩云若罪故當入泥犁  
中見者无央數百千歲從一泥犁出  
復至一泥犁至劫盡火燒時當復至  
他方大泥犁中他方劫盡當復從他  
方一泥犁中復至一他方泥犁中如  
是遍諸他方泥犁以用是斷法罪故  
當復更來生是間泥犁中當受泥犁  
中劇痛之罪至劫盡當墮他方畜生  
中如是展轉遍墮十方諸畜生中從  
畜生中出當生炎樓受薜荔形極劇  
勤苦如是久後纔得為人所生之處  
常當生盲家或生殺人家或生魚獵  
家屠殺家或生下賤乞乞人家或盲

或聾或無手足或瘖瘂不能言受是罪已當復生邊地无佛無法无弟子處作是斷法者皆當具足受是上罪舍利弗白佛言是斷法者為入五無間罪佛言如是斷法之罪不可具說說是般若波羅蜜時若斷他人言是非律是非尊教是非如來无所著等正覺之教自不修學復斷他人令遠離之自喪其意復喪他人意自毒其意復毒他人意為自亡失復亡失他人自不解深般若波羅蜜而棄捨去復教他人令遠離之舍利弗是曹之人尚不當聞其音聲何況當與其從事而同處坐起何以故當知是輩人法中之大患當知是人為墮衰冥若不測之罪舍利弗斷般若波羅蜜之人當知是為法中之大病舍利弗言世尊是謗法之人在所生處受其身形寧可說不佛言置是謗法之人所生受形何以故是人儻聞其身熱血從口中出其人愁憂或病或死或癯黃熟受是苦痛糜死之罪若使无是

輩罪者世尊終不使舍利弗發是問  
也有如是痛者所受身形以是故如  
來不為舍利弗說舍利弗言世尊當  
說是斷法之人所受身形世尊所說  
者當為後世而作大明佛言我屬所  
說誹謗斷法所受罪所更泥犁展  
轉劫數受畜生身受薜荔形所更劫  
數以受人身盲聾瘖瘂下賤乞丐所  
更如是則為後世作大明已聞是教  
者則不敢復斷法誹謗舍利弗言世  
尊善男子善女人各當自念我聞是  
語其心恐怖我終不敢有是輩事盡  
我形壽終不敢斷法誹謗如彼我若  
誹謗或墮惡處勤苦如是須菩提白  
佛言世尊善男子善女人常當攝身  
口意行意當念言我等不當受是壞  
法之罪不見如來而不見法不見衆  
僧或生无佛處或墮貧家或生極貧  
不聞法處須菩提白佛言世尊以口  
行故便受壞法深重之罪耶佛言如  
是以口過故便受壞法深重之罪須  
菩提當來之世或有愚人於善法教  
為我作沙門反誹謗遠離深般若波

羅蜜誹謗遠離深般若波羅蜜者為  
已誹謗諸如來无所著等正覺之道  
已誹謗如來道者則為誹謗遠離過  
去當來現在諸佛薩云若已誹謗薩  
云者則為遠離法已遠離法者則  
為遠離僧已遠離僧者則為遠離世  
間正見已遠離正見者則為遠離三  
十七品薩云若已離薩云者則為  
受不可計阿僧祇劫之罪身受是罪  
身者則為受不可計阿僧祇劫愁悲  
苦惱須菩提白佛言世尊愚癡之人  
遠離深般若波羅蜜為有幾事佛言  
有四事何等為四一者為魔所使二  
者不信不解深法不愛不樂三者與  
惡知識相得不應順行入於五陰以  
是三事遠離深法四者是愚癡人多  
行瞋恚喜自貢高訛蔑他人以是四  
事故愚癡之人遠離深般若波羅蜜  
須菩提白佛言深般若波羅蜜難了  
何以故解不隨順不應善本惡友相  
得佛言如是須菩提如汝所言須菩  
提復白佛言世尊云何深般若波羅  
蜜難了難知佛報言須菩提五陰不

縛不解何以故色色自有性痛痛自有性想想自有性行行自有性識識自有性六波羅蜜亦不縛亦不解何以故六波羅蜜所有無所有故內空外空及有无空亦不縛亦不解何以故內外空亦無所有故須菩提三十七品至佛十八法乃至薩婆若薩婆若事亦不縛亦不解何以故所有者皆无所有故五陰過去亦不縛亦不解何以故諸陰過去空過去空故須菩提乃至薩婆若過去亦不縛亦不苦提乃至薩婆若過去亦不縛亦不解何以故薩婆若過去空故須菩提當來五陰亦不縛亦不解何以故當來五陰空故乃至薩婆若亦復如是現在五陰亦不縛亦不解何以故現在五陰空故乃至薩婆若亦復如是須菩提言世尊解不隨順无有善本惡友相得懈怠之人無慧進者喜亂志者是輩之人不能解深般若波羅蜜佛言如汝所言是輩之人不能解說深般若波羅蜜須菩提五陰淨者則道亦淨以道淨故所得果淨須菩提以五陰淨則般若波羅蜜淨般若



波羅蜜淨則五陰淨以五陰淨則薩  
去若淨以薩去若淨則五陰淨五陰  
與薩去若則一無有二亦不破亦不  
壞須菩提五陰无有二淨薩去若亦  
無二淨一法无二衆生知見壽命亦  
淨衆生亦淨薩去若淨一淨無有二  
須菩提吾我淨薩去若淨知見壽命  
淨五陰薩去若一淨无二亦不斷亦  
不破須菩提姪怒癡五陰薩去若淨  
一淨無二須菩提癡淨已癡淨則行  
淨已行淨則識淨已識淨則名色淨  
已名色淨則六入淨已六入淨則裁  
淨已裁淨則覺淨已覺淨則愛淨已  
愛淨則受淨已受淨則有淨已有淨  
則生淨已生淨則死淨已死淨則六  
波羅蜜淨已六波羅蜜淨則内外空  
及有無空淨已有无空淨則三十七  
品淨已三十七品淨則薩去若淨薩  
去若淨是為一淨無有二亦无破亦  
無斷須菩提般若波羅蜜淨五陰淨  
薩去若淨一淨无二淨五波羅蜜淨  
薩去若淨内外空及有無空淨薩去  
若淨三十七品淨薩去若淨十八法

淨薩云若淨須菩提薩云若淨乃至般若波羅蜜淨等无有異須菩提有為淨無為淨一淨无有二須菩提過去淨當來淨現在淨過去當來今現在淨一淨無二亦不壞亦不斷以是故為淨

摩訶般若波羅蜜明淨品第四十三

舍利弗白佛言世尊淨為甚深佛言常淨舍利弗言世尊何以故常淨佛言五陰淨故常淨舍利弗三十七品十種力及十八法道淨佛淨薩云若薩云若事淨故淨甚深舍利弗言明淨世尊佛言常淨故舍利弗言何以故明淨佛言六波羅蜜淨薩云若淨是故明淨舍利弗言世尊泥洹淨耶佛言常淨世尊何以故泥洹淨佛言以五陰無邊福亦无來無去薩云若无邊福亦無來亦无去故舍利弗言世尊淨無所著佛言常淨世尊何誰无所著淨佛言以五陰性猛無所著常淨故至薩云若性猛無所著常淨故世尊无所逮無所得淨耶佛言常淨世尊何以故无所逮無所得淨

耶佛言五陰无所逮無所得淨至薩  
云若无无所逮無所得淨世尊无所生  
淨佛言常淨世尊何以故無所生无  
所生淨佛言無所生者是无所生淨  
至薩云若无无所生無所生淨舍利弗  
言世尊不生三界淨耶佛言常淨世  
尊何以故不生三界淨耶佛言不有  
三界所有故不生為淨世尊无所知  
淨佛言常淨世尊何以故無所知淨  
佛言諸法聾故无所知淨世尊知淨  
佛言常淨世尊云何五陰無所知淨  
佛言五陰相空故无所知淨世尊諸  
法皆淨耶佛言常淨世尊云何諸法  
淨故淨佛言諸法無所得故諸法淨  
舍利弗言世尊般若波羅蜜於薩云  
若亦不作增事亦不作損事淨佛言  
常淨世尊何以故般若波羅蜜於薩  
云若不作增損事淨佛言法常住故  
世尊般若波羅蜜淨諸法无所取佛  
言常淨世尊云何般若波羅蜜淨諸  
法無所取耶佛言法性不動轉故須  
菩提白佛言吾我五陰淨耶佛言常  
淨須菩提言世尊何以故吾我淨五

陰淨何以故常淨佛言吾我无所有  
五陰無所有故常淨須菩提言世尊  
吾我淨六波羅蜜淨三十七品淨吾  
我淨十力淨十八法淨佛言常淨須  
菩提言何以故吾我淨乃至十八法  
淨佛言吾我無所有乃至佛十八法  
亦无所有故淨世尊吾我淨須陀洹  
淨乃至羅漢辟支佛淨吾我淨道亦  
淨佛言常淨世尊何以故吾我淨聲  
聞辟支佛淨乃至道佛道亦淨耶佛  
言諸法相空淨世尊吾我淨薩云若  
淨佛言常淨世尊云何吾我淨薩云  
若淨常淨耶佛言無有相不變故須  
菩提言世尊二淨无所得無所逮佛  
言常淨世尊云何二淨无所逮無所  
得常淨佛言不著不斷故世尊吾我  
淨无所陷溺佛言無所生淨須菩提  
言世尊云何吾我五陰淨无所生常  
淨耶佛言空無邊際故須菩提白佛  
言若菩薩摩訶薩作是知者是為行  
般若波羅蜜佛言常淨世尊云何作  
是知為行般若波羅蜜佛言知道事  
故須菩提白佛言假令菩薩行般若

波羅蜜以遍起拘舍羅者作是念色亦不知色痛想行識亦不知識過去法亦不知過去法未來法亦不知未來法現在法亦不知現在法佛語須菩提得般若波羅蜜行遍起拘舍羅菩薩不作是念行六波羅蜜言我布施持是施為是施至般若波羅蜜亦復如是亦不言我作功德我有功德亦不言我當得菩薩道亦不言我教化衆生淨佛國土亦不言我逮薩云若諸行般若波羅蜜遍起拘舍羅者亦不有是念內空外空至有无空無是念故須菩提是為菩薩摩訶薩行般若波羅蜜遍起拘舍羅為无所著釋提桓因問須菩提善男子善女人行菩薩道者何等為著報言拘翼行菩薩道者有意想有施想有六波羅蜜想有內空外空及有无空想有三十品想有十八法想有十力想有諸佛如來想有供養諸佛功德想都盧計之合之持是想作阿耨多羅三耶三善拘翼善男子行菩薩道者是為著不能得无尋慧行般若波羅蜜何

以故五陰性不可自有所造設乃至  
薩云若性亦不可自有所造設拘翼  
菩薩摩訶薩所為阿耨多羅三耶三  
菩為諸衆生勸助衆生為衆生行檀  
波羅蜜念衆生故亦復勸助他人使  
為衆生行檀波羅蜜不當作想行六  
波羅蜜亦不當想行內空外空及有  
無空亦不當想行三十七品亦不當  
想行道善男子善女人作如是行復  
勸助他人令作阿耨多羅三耶三菩  
作是勸助者為不自墮落亦不令他  
人離諸佛之勸助如是善男子善女  
人離諸際著佛告湏菩提善哉善哉  
令諸菩薩解諸際著湏菩提諦聽諦  
聽善思念之當更為汝說微妙著湏  
菩提叉手言唯世尊願樂欲聞佛言  
善男子善女人發阿耨多羅三耶三  
菩想念如來湏菩提適有想念便著  
於諸如來從發意至于法盡於其中  
間所作功德皆作想念作是想念求  
阿耨多羅三耶三菩隨其想念則為  
著諸佛弟子衆及諸衆生所作功德  
持是想念作阿耨多羅三耶三菩如



所想如所著何以故不當以想念諸佛之功德須菩提白佛言般若波羅蜜甚深佛言諸法性寂故須菩提言世尊般若波羅蜜者大有名字佛言般若波羅蜜无有作者無能成者无能得者亦無能逮者亦无能覺者須菩提言世尊一切諸法無能逮得者佛言法性无二也須菩提諸法性無有若干一性一性者則非性非性者則非作非作者亦不造須菩提法性一非造作佛言菩薩摩訶薩知一切法非作非造則棄一切著際須菩提白佛言般若波羅蜜難曉難知佛言亦无知者亦無見者亦无得者無有識者亦无逮覺者須菩提白佛言世尊般若波羅蜜者不可思議佛告須菩提言亦非意所生亦非五陰所生亦非三十七品所生亦非十力十八法所生

摩訶般若波羅蜜无作品第四

須菩提白佛言世尊般若波羅蜜為無所作佛報言无有作者故須菩提乃至諸法亦無所有世尊菩薩摩訶

薩行般若波羅蜜當云何行佛言菩薩行般若波羅蜜不行色為行般若波羅蜜不行痛想行識為行般若波羅蜜乃至薩云若無所行為行般若波羅蜜於五陰不念有常無常為行般若波羅蜜於五陰无苦无樂為行般若波羅蜜乃至薩云若亦無苦无樂為行般若波羅蜜於五陰不有我無我為行般若波羅蜜乃至薩云若亦不有我无我為行般若波羅蜜於五陰無淨无不淨為行般若波羅蜜乃至薩云若亦無淨无不淨為行般若波羅蜜何以故五陰者亦不見有常無常亦不見有苦有樂有我无我好不好乃至薩云若亦復如是復次須菩提菩薩行般若波羅蜜不具足行五陰為行般若波羅蜜乃至薩云若不具足行為行般若波羅蜜何以故五陰不具足為非五陰不作是行為行般若波羅蜜乃至薩云若不具足為非薩云若不作是行為行般若波羅蜜須菩提白佛言

世尊甚可奇特行菩薩道者善說善  
薩者佛言如是如是如來無所著等  
正覺善說菩薩著不著事復次須菩  
提菩薩於五陰无所著為行般若波  
羅蜜眼耳鼻舌身意於六情无所著  
為行般若波羅蜜於六波羅蜜无所  
著為行般若波羅蜜乃至薩云若不  
如是行者便知五陰著不著亦復知  
薩云若著不著知須陀洹道著不著  
知聲聞辟支佛道著不著知三耶三  
佛道著不著須菩提白佛言世尊甚  
奇甚特法甚深乃尔說亦不增亦不  
減不說亦不增亦不減佛告須菩提  
如是如是如汝所言須菩提譬如諸  
如來无所著等正覺盡壽稱譽虛空  
亦不增若謗毀虛空亦不減譬如稱  
譽幻人亦不增若毀訛幻人亦不減  
聞善亦不喜聞惡亦不怒須菩提諸  
法之法亦復如是若說若不說亦不  
增亦不減須菩提白佛言世尊菩薩  
行般若波羅蜜念般若波羅蜜甚難  
甚難世尊菩薩行般若波羅蜜不恐

不怯應阿耨多羅三耶三菩不復動  
轉何以故世尊念般若波羅蜜者為  
欲念虛空虛空亦无有六波羅蜜虛  
空亦無有五陰亦无内外空及有無  
空亦无三十七品亦無十力亦无四  
無所畏亦无十八法亦無須陀洹道  
亦无斯陀含道亦無阿那含道亦无  
阿羅漢道亦無辟支佛道虛空亦无  
三耶三佛道世尊菩薩摩訶薩作是  
僧那僧涅者當應為作礼世尊為衆  
生精進為衆生展力為衆生闡為衆  
生作要誓者為欲為空作精進為欲  
為空作要誓世尊為衆生作要誓者  
為欲度空是菩薩為大要誓為虛空  
等衆生作要誓者為欲舉空著虛空  
中諸菩薩摩訶薩發阿耨多羅三耶  
三菩意者為建大精進力世尊菩薩  
為衆生發阿耨多羅三耶三菩意者  
為建大誓已世尊是菩薩摩訶薩為  
大勇猛為虛空等衆生發阿耨多羅  
三耶三菩何以故世尊假令三千大  
千刹土其中所有盡為如來辟如聚  
林甘蔗竹筴稻麻草木藥果諸樹盡

為如來一一諸佛各說經法或至一  
劫復過一劫一如來各度衆生無  
央數衆不可復計不覺衆生之性有  
增有減何以故衆生无所有寂故世  
尊置是三千大千國土十方恒邊沙  
一沙為一佛國今所佛國其中所有  
皆為如來教化衆生不可計量不可  
稱度衆生之性無增无減所以者何  
一切衆生皆空寂故是故衆生無始  
无終與空等故世尊以是故我作是  
說欲度衆生者為欲度空耳有異比  
丘意念言當為般若波羅蜜作字於  
般若波羅蜜中亦無法可生者亦无  
法可滅者而於中有戒性三昧性智  
慧性解脫性見解脫慧性而於其中  
現有須陀洹斯陀含阿那含阿羅漢  
辟支佛三耶三佛而有三寶有轉法  
輪於是釋提桓因語須菩提菩薩習  
般若波羅蜜為習何等者年須菩提  
報釋提桓因言學般若波羅蜜者為  
習空釋提桓因白佛言若善男子善  
女人受持般若波羅蜜諷誦讀念習  
行中事者世尊我當為作何等護須

菩提語釋提桓因言拘翼汝頗見法  
有可護者不唯尊者實不見法有可  
護者須菩提言拘翼善男子善女人  
如般若波羅蜜教住者則為已得護  
不離般若波羅蜜教若人若非人終  
不得其便如般若波羅蜜教住者當  
知是善男子善女人終不離般若波  
羅蜜若有人言我欲護菩薩摩訶薩  
者當知是人為欲護空拘翼寧能護  
夢及熱時炎幻化影響寧能護是輩  
事不釋提桓因言不能護拘翼若菩  
薩行般若波羅蜜亦如是拘翼寧能  
護佛及佛所化不釋提桓因言不能  
菩薩行般若波羅蜜亦无能與作護  
也拘翼能護法性真際不可思議能  
與作護不唯須菩提不能菩薩行般  
若波羅蜜亦復如是無能與作護者  
釋提桓因問須菩提菩薩行般若波  
羅蜜當云何覺知夢法幻法熱時之  
炎法響法化法而不貢高須菩提言  
拘翼菩薩行般若波羅蜜亦不念五  
陰於五陰不貢高至薩云若亦不念  
亦不貢高於夢法乃至化亦不念亦



不貢高佛之威神令三千大千國土諸四天王乃至首陀會天各持天上碎末栴檀遙散佛上散已來詣佛所頭面著地為佛作禮却住一面尔時諸四天王諸釋提桓因諸梵天王及諸首陀會天承佛威神各各意念今我曹等當請十方面各千佛使轉般若波羅蜜品諸四天王釋梵諸尊天適作是念已應時十方面各千佛應時悉現皆說般若波羅蜜品其弟子者亦如須菩提其難問者皆如釋提桓因亦如是問與釋迦牟尼佛說般若波羅蜜等无老特佛言弥勒菩薩摩訶薩亦當於是處成阿耨多羅三耶三菩成阿惟三佛亦當於是處說般若波羅蜜是賢劫中當來諸佛亦當於是處成阿耨多羅三耶三佛亦當於是處說般若波羅蜜須菩提白佛言以何事以何象以何意弥勒菩薩摩訶薩成阿耨多羅三耶三佛說般若波羅蜜佛告須菩提言弥勒菩薩摩訶薩成作佛時亦不說五陰有常無常亦不說五陰有苦有樂有淨

不淨有我无我好不好亦不說五陰  
有縛有解亦不說五陰有過去當來  
今現在五陰常淨當說五陰常淨乃至  
薩云若常淨當說薩云若常淨須菩提  
白佛言般若波羅蜜清淨世尊佛言  
以五陰清淨故般若波羅蜜清淨世  
尊云何以五陰清淨故般若波羅蜜  
清淨佛言五陰亦不生亦不滅亦不  
著亦不斷以是故五陰清淨須菩提  
虛空清淨故般若波羅蜜清淨世尊  
云何虛空清淨般若波羅蜜清淨佛  
言虛空不生不滅無所有是故虛空  
清淨世尊云何虛空无所有般若波  
羅蜜清淨佛言虛空不可護持故般  
若波羅蜜清淨如虛空事故般若波  
羅蜜清淨世尊云何如虛空事故般  
若波羅蜜清淨佛言如虛空無二寂  
以是事般若波羅蜜清淨佛言如虛  
空无行般若波羅蜜清淨世尊云何  
虛空無行般若波羅蜜清淨佛言以  
言以虛空無所倚般若波羅蜜清淨  
世尊云何虛空无所倚般若波羅蜜

清淨佛言如虛空無所累故般若波  
羅蜜清淨須菩提以諸法不生不滅  
不著不斷故般若波羅蜜清淨世尊  
云何諸法不生不滅不著不斷故般  
若波羅蜜清淨佛言以諸法常清淨  
故般若波羅蜜清淨須菩提白佛言  
世尊若善男子善女人持般若波羅  
蜜諷誦讀習行中事者是善男子善  
女人終不病目耳鼻无病雖身有老  
終不久衰隨其壽終終時不亂身意  
安隱終不毒病誤妄惡死常有諸天  
隨侍擁護諸四天王至首陀會天常  
皆隨護善男子善女人為法師者若  
月十四日十五日說般若波羅蜜時  
令時諸天皆悉來會善男子善女人  
作是說般若波羅蜜時所得功德不  
可復計不可復稱量不可思議佛告  
須菩提善男子善女人若六齋以說  
般若波羅蜜時諸天來會所得功德  
不可計量所以者何般若波羅蜜者  
極大珍寶須菩提於般若波羅蜜珍  
寶中斷三惡趣斷人中貧施人天道  
人道使一切人得生大姓梵志長者

家得生四王天上至三十三天施人須  
陀洹道斯陀舍阿邨舍阿羅漢辟支  
佛道施人阿耨多羅三耶三菩道何  
以故於般若波羅蜜中廣說十善事  
於中學已便知有剎利梵志大姓長  
者知有四天王上至三十三天便知  
有須陀洹道聲聞辟支佛道便知有  
三耶三佛道便知有四禪四等及四  
空定三十七品佛十種力及十八法  
四無所畏便知有六波羅蜜知有內  
外空及有无空便知有薩云若以是  
故名爲珍寶度名爲般若波羅蜜於  
珍寶度中亦無生者亦无滅者亦無  
著者亦无斷者亦無取者亦无棄者  
所以者何亦無有法有生滅者有著  
斷者有取放者須善提般若波羅蜜  
无有善法亦無惡法亦无道法亦無  
俗法亦无漏不漏亦無有爲法亦无  
無爲法以是故須善提珍寶波羅蜜  
无所倚是珍寶波羅蜜無有法能染  
者無有法能逮者所以者何不可得  
法與相近者是故无能染者佛告須  
菩提若有菩薩行般若波羅蜜若不

作是知不作是念不作是倚不作是戲為行般若波羅蜜為念般若波羅蜜為礼諸如來無所著等正覺從佛國至佛國供養承事礼敬諸佛教化衆生淨佛國土須菩提是般若波羅蜜無有法可見者無有不可見者亦不取亦不放亦不生亦不滅亦不著亦不斷亦不增亦不減亦不過去當來今現在亦不使欲界過亦不使住亦不使形界過亦不使住亦不使人六波羅蜜亦不教人棄亦不與人内外空及有無空亦不棄亦不與人三十七品亦不棄亦不與人十力及十八法亦无所棄亦不持聲聞辟支佛上至薩去若有所與亦不使棄復次須菩提般若波羅蜜者亦不持羅漢法有所與亦不棄凡人法亦不持辟支佛法有所與亦不棄羅漢法亦不持佛法有所與亦不棄辟支佛法亦不持佛法有所與有所棄須菩提般若波羅蜜亦不持無為法有所與亦不棄有為法何以故有佛无佛法性住如故

法性者則是法身亦不以志住亦不以損住是時諸天衆於虛空歡喜踊躍大笑持天憂鉢華拘勿投華分陀利華而散佛上俱發聲言我等今於閻浮提再見法輪轉所以者何無央數天子於空中得无所從生法忍故佛告須菩提轉法輪亦不二亦不一般若波羅蜜者亦不為法故轉亦不有所為故不轉以有無空故須菩提白佛言何等有无空故般若波羅蜜有所轉有所逮佛言六波羅蜜空空以六波羅蜜空空內外空空以及有無空以有无空空三十七品空以三十七品空空十力空以十力空空佛十八法空以十八法空空聲聞辟支佛空以聲聞辟支佛空空薩婆若空以薩婆若空空須菩提白佛言般若波羅蜜所謂空者是菩薩之大度菩薩有般若波羅蜜一切空故得成阿耨多羅三耶三菩阿惟三佛亦無所逮覺而轉法輪亦无有法可為轉者亦不復轉還亦不見法何以故索法可為轉者亦不可得以諸法常



无所有故何以故空無相无願亦無  
所轉亦无所還者般若波羅蜜有是  
教說有是施設有是分別分部有是  
宣示分流般若波羅蜜有是教者如  
是為大清淨教般若波羅蜜教亦無  
說者亦无受者亦無取證者若无說  
無受无證如是為無般泥洹者若无  
般泥洹者於是教法中亦為無有尊  
祐福田

放光般若波羅蜜經卷第九

丁酉歲高麗國大藏都監奉

勅彫造

放光般若經第九卷

第三十五卷 終

梵光般若經卷第十

18 68

月

菜

西晉于闐國三藏無羅叉奉

詔譯

摩訶般若波羅蜜等品第四十五

須菩提白佛言世尊是般若波羅蜜  
無有底答言虛空无有際故世尊波  
羅蜜等答言諸法等故世尊波羅蜜  
寂靜佛言常空故世尊波羅蜜無能  
伏者佛言諸法无所有故世尊種種  
波羅蜜空答言亦無字亦无身故世  
尊波羅蜜空答言呼吸出入不可見  
故世尊波羅蜜無有事行答言无所  
覺无所行故世尊波羅蜜無有字答  
言痛想念不可見故世尊波羅蜜无  
有去答言諸法無有來故世尊波羅  
蜜无有等佛言諸法無所取故世尊  
波羅蜜消答言以諸法常盡故世尊  
波羅蜜不生答言諸法无所生故世  
尊波羅蜜無所為答言无有作者故  
世尊波羅蜜无有智佛言智者不可  
見故世尊波羅蜜無所越答言索生  
死不可見故世尊波羅蜜無所敗答  
言諸法无有壞故世尊波羅蜜如夢

答言夢中所有不可見故世尊波羅  
蜜如響答言無有聞聲故世尊波羅  
蜜如光影答言面像不可見故世尊  
波羅蜜如炎答言水流不可得故世  
尊波羅蜜如幻答言術事不可得故  
世尊波羅蜜无著佛言緒不可見故  
世尊波羅蜜不断答言無有緒故世  
尊波羅蜜不戲答言諸戲已滅故世尊  
波羅蜜無貢高答言諸貢高已滅故  
世尊波羅蜜不動轉答言法性住故  
世尊波羅蜜无住答言諸法審尔等  
故世尊波羅蜜無所住立答言諸法  
无念故世尊波羅蜜寂答言諸法想  
行不可見故世尊波羅蜜无婬答言  
婬不可見故世尊波羅蜜無恚答言  
无有恚不可見故世尊波羅蜜不癡  
答言滅諸寔故世尊波羅蜜無有垢  
答言无有狐疑故世尊波羅蜜非衆  
生答言無有衆生故世尊波羅蜜无  
所除答言諸法無所處故世尊波羅  
蜜兩際不滅答言離於際故世尊波  
羅蜜不破答言諸法不受故世尊波

羅蜜无所执答言度諸聲聞辟支佛  
地故世尊波羅蜜無所分別答言諸  
法无有擇故世尊波羅蜜無有限答  
言諸法不可平相故世尊波羅蜜虛  
空答言諸法不可計故世尊波羅蜜  
无常佛言諸法壞敗故世尊波羅蜜  
苦答言諸法無有黨與師子戰故世  
尊波羅蜜无有我答言諸法無所入  
故世尊波羅蜜空答言諸法不可見  
故世尊波羅蜜无有想答言諸法無  
所出生故世尊波羅蜜内空答言内  
空不可得故世尊波羅蜜外空答言  
外空法不可見故世尊波羅蜜内外  
空答言内外空不可見故世尊波羅  
蜜空空答言空空不可見故世尊波  
羅蜜大空答言諸法不可見故世尊  
波羅蜜至竟空答言無為法不可見  
故世尊波羅蜜有為空答言有為法  
空不可見故世尊波羅蜜常空答言  
常空不可見故世尊波羅蜜无有際空  
答言無有際不可見故世尊波羅蜜所  
作事空答言所作事不可見故世尊  
波羅蜜性空答言有為性法不可見

故世尊波羅蜜諸法空答言內外空  
不可見故世尊波羅蜜自相空答言  
言有無空不可得故世尊四意止波  
羅蜜答言身痛意法不可見故世尊  
四意斷波羅蜜答言善惡法不可見  
故世尊神通波羅蜜答言四神足不  
可見故世尊五根波羅蜜答言五根  
不可見故世尊波羅蜜力答言五力  
不可得見故世尊波羅蜜覺答言七  
覺意不可見故世尊波羅蜜道答言  
八字不可見故世尊波羅蜜無願答  
言願不可見故世尊波羅蜜空答言  
空事寂不可見故世尊波羅蜜无相  
答言靜事不可見故世尊波羅蜜脫  
答言八惟無不可見故世尊波羅蜜  
定答言九次第禪不可見故世尊波  
羅蜜檀答言妬嫉不可見故世尊波  
羅蜜戒答言惡戒不可見故世尊波  
羅蜜羼答言忍不可見故世尊波羅  
蜜惟逮答言精進懈怠不可見故世  
尊波羅蜜禪答言定以亂不可見故  
世尊波羅蜜慧答言愚智與慧不可

見故世尊波羅蜜十力答言諸法無  
有可伏故世尊波羅蜜勇悍答言通  
事慧不可見故世尊波羅蜜分別智  
答言一切慧无尋故世尊佛法波羅  
蜜答言過諸法故世尊如來波羅蜜  
答言所說無有異故世尊波羅蜜自  
然答言般若波羅蜜自然諸法中得  
自在故世尊佛法波羅蜜答言諸法  
事阿惟三佛故

摩訶般若波羅蜜真知識品第四六

尔時釋提桓因意念善男子善女人  
聞般若波羅蜜過耳者皆是過去佛  
時作功德人為已與真知識相得何  
况受持諷誦讀說行中事者是人已  
更供養若干諸佛能為人問能為人  
解今復受持般若波羅蜜如其中教  
善男子善女人聞般若波羅蜜不恐  
不怖者其人已於若干百千劫中行  
六波羅蜜中事所致舍利弗白佛言  
世尊若有善男子善女人聞深般若  
波羅蜜不恐不怖不怯不懼聞已便  
能受持諷誦行其中事當視是輩善  
薩當如阿惟越致何以故般若波羅



蜜甚深故未能行六波羅蜜者終不能解如是世尊若復有善男子善女人欲訛毀般若波羅蜜者其人本以輕易般若波羅蜜已所以者何聞說深般若波羅蜜不信樂故未曾從佛及弟子衆聞行六波羅蜜所致不聞內外空及有无空所致不聞三十七品佛十種力及十八法所致釋提桓因問舍利弗般若波羅蜜有何等奇特新學菩薩聞深般若波羅蜜云何解六波羅蜜云何解內外空及有无空云何解三十七品十種力十八法釋提桓因語舍利弗言般若波羅蜜者有大名稱諸不恭敬般若波羅蜜者為不恭敬薩云若慧佛告釋提桓因言如是拘翼不恭敬般若波羅蜜者為不恭敬薩云若慧何以故諸佛如來薩云若慧皆於中生拘翼善男子善女人欲住薩云若者當住般若波羅蜜欲發道慧者當習行般若波羅蜜善男子善女人欲離諸習緒當習行般若波羅蜜欲轉諸佛法輪者當習行般若波羅蜜善男子善女人

欲得須陀洹斯陀舍阿那舍阿羅漢  
辟支佛道三耶三菩佛道者當習行  
般若波羅蜜欲摠持比丘僧者當習  
行般若波羅蜜釋提桓因白佛言菩  
薩云何住六波羅蜜云何習六波羅  
蜜云何行般若波羅蜜習內外空及  
有无空云何行三十七品四無所畏  
拘翼承佛威神乃能作是問如來无  
所著等正覺佛言菩薩行般若波羅  
蜜者不住於五陰如五陰不住者為  
習五陰不住於眼耳鼻舌身意不住  
於色聲香味細滑法不住十二表者  
為習十二表不住六波羅蜜者為習  
六波羅蜜不住內外空及有無空者  
為習內外有无空不住三十七品四  
無所畏十力至十八法者為習十八  
法何以故不見五陰有可住可習者  
乃至十八法亦不見可住可習者復  
次拘翼菩薩於五陰不合者為習五  
陰乃至佛十八法不合者為習佛十  
八法何以故菩薩索過去五陰不可  
得見當來五陰不可得見現在五陰

亦不可得見乃至佛十八法亦如是  
舍利弗白佛言般若波羅蜜甚深佛  
言五陰如亦甚深舍利弗乃至十八  
法如亦甚深世尊般若波羅蜜甚深  
難持難受佛言五陰難持難受故般  
若波羅蜜難持難受乃至十八法難  
持難受故般若波羅蜜難持難受世  
尊般若波羅蜜不可平相佛言五陰  
不可平相故般若波羅蜜不可平相  
乃至十八法不可平相故般若波羅  
蜜不可平相佛告舍利弗若菩薩行  
般若波羅蜜不行深五陰為行般若  
波羅蜜乃至十八法深不行為行般  
若波羅蜜何以故以五陰深為非五  
陰乃至十八法甚深為非十八法佛  
言若菩薩行般若波羅蜜不行五陰  
難持難受為行般若波羅蜜何以故  
若五陰難持難受者為非五陰若十  
八法難持難受者為非十八法舍利  
弗菩薩行般若波羅蜜不行不可平  
相五陰為行般若波羅蜜何以故若  
五陰不可平相者為非五陰乃至佛  
十八法不可平相者為非十八法舍

利弗白佛言般若波羅蜜甚深難解不可平相不當於新學菩薩前說是深般若波羅蜜聞者或恐或怖狐疑作尋不信不樂當為阿惟越致菩薩摩訶薩說是深般若波羅蜜聞是終不恐怖終不疑闕聞則信解釋提桓因問舍利弗正使於新學菩薩前說深般若波羅蜜有何等過舍利弗語釋提桓因言若於新學菩薩前說便能恐怖便能誹謗便不得度脫便受劇惡之罪更倍久難乃能成阿耨多羅三耶三菩釋提桓因問舍利弗頗有未受記別菩薩聞是深般若波羅蜜不恐不怖者舍利弗言有聞是深般若波羅蜜不恐不怖者今受記別不久不過更見一佛兩佛便受記別今時世尊告舍利弗如是如是當知是輩菩薩摩訶薩人發意已久行六波羅蜜已久供養諸佛所行轉出於本所聞所行者上舍利弗白佛言世尊所說者我已解所言世尊若善男子善女人發菩薩意者若於

夢中行六波羅蜜若坐於佛座當知是善男子善女人不久近阿耨多羅三耶三菩悉於夢中所作如是當近阿耨多羅三耶三菩不久何況行六波羅蜜求阿耨多羅三耶三菩而不疾成三耶三佛善男子善女人聞是深般若波羅蜜能奉行者於善本功德為已成就已曾供養過去無央數諸佛為與真知識相得受持諷誦般若波羅蜜得阿耨多羅三耶三菩記若不久當知是菩薩於阿耨多羅三耶三菩不復動轉今現在信者亦當如是甫當來信者亦復如是世尊譬如有入若行百喻旬若二百喻旬至四百喻旬所經過處飢饉賊寇梗阻劇難遇見樹木若放牧之地當知居家去是不遠便自歡喜今我為得脫此諸難不復恐懼不復飢餓受持深般若波羅蜜者當知是菩薩為已受記成阿耨多羅三耶三菩不復久是菩薩不畏當墮羅漢辟支佛地是者則菩薩摩訶薩應成之兆佛語舍利弗汝所說辯才者皆是佛事舍利弗

白佛言世尊譬如有入欲見大海便發往趣大海不懈止亦不見樹亦不見山便作念言今近大海不久雖不見大海於中生想言如我所見相知我今至海不久世尊菩薩摩訶薩當作是知聞受持般若波羅蜜諷誦讀者雖不面於諸如來無所著等正覺前受阿耨多羅三耶三菩劫數之記然自知成三耶三佛不久何以故已得見般若波羅蜜受持諷誦故世尊譬如人見春天諸樹痲痛舍氣當知是樹枝葉花實將生不久何以故是樹先有瑞應故閻浮提人見瑞應莫不歡喜者世尊菩薩得見聞般若波羅蜜聞已受持諷誦念習行中事當知是菩薩功德已成滿已供養若干百千諸佛建前功德之所扶接便成阿耨多羅三耶三菩天上諸天曾見諸佛皆歡喜言前過去諸菩薩皆受記蒞瑞應亦如是世尊譬如母人懷妊稍稍長大坐起不安行步无便氣力轉微食飲損少卧起不寧稍稍覺痛獸本所習皆受諸惱異母人觀見



瑞應知是婦人今產不久菩薩摩訶  
薩已作善本供養若干百千諸佛從  
久遠作行常與真知識相得功德成  
就菩薩摩訶薩行諸功德故便得般  
若波羅蜜已便受持諷誦習行中事  
如法住者世尊當知是菩薩摩訶薩  
受阿耨多羅三耶三菩記剎終不復  
久佛言善哉善哉舍利弗汝乃作是  
問者皆是佛事須菩提白佛言甚奇  
甚特世尊悉豫知菩薩所應佛語須  
菩提菩薩摩訶薩發阿耨多羅三耶  
三菩欲益衆生安隱一切及天與人  
欲以四事受行菩薩道者何等為四  
一者施與二者仁愛三者利人四者  
同義勸彼令行十善自行四禪及四  
空定勸彼使行四禪及四空定自行  
六波羅蜜勸彼令行六波羅蜜以般  
若波羅蜜勸令人得須陀洹道自於  
內不為勸人行羅漢辟支佛道自於  
內不為不受羅漢辟支佛證勸助無  
央數億百千菩薩令行六波羅蜜自  
過於阿惟越致地勸彼住阿惟越致  
地自淨佛國土勸彼淨佛國土自具

神通勸彼修神通自淨陀隣尼門勸  
彼令淨陀隣尼門自行具足辯才勸  
彼令行辯才自成就身相勸彼令成  
身相自成童真地勸彼令修淨潔行  
地自得佛十力勸彼使行十力自建  
薩云若勸彼令建薩云若自離諸習  
緒勸彼令離習緒自轉法輪勸彼令  
轉法輪須菩提白佛言世尊甚奇甚  
特菩薩摩訶薩為衆生普具足作功  
德行般若波羅蜜求阿耨多羅三耶  
三菩世尊菩薩摩訶薩念般若波羅  
蜜云何當得具足佛言行般若波羅  
蜜亦不見五陰有增有減是故菩薩  
摩訶薩行般若波羅蜜得具足念乃  
至薩云若亦不見有增有減是為菩  
薩得具足念復次須菩提行般若波  
羅蜜菩薩亦不見是法亦不見非法  
亦不見過去當來今現在惡法善法  
亦不見受記別亦不見不受亦不見  
有為法亦不見无為法亦不見三界  
亦不見六波羅蜜乃至薩云若亦無  
所見是故菩薩般若波羅蜜得具足  
念何以故諸法法之相法不壞空无

堅固侵誑之貌法亦無生无壽無命  
 故須菩提言世尊所說不可思議佛  
 語須菩提以五陰不可思議故所說  
 不可思議六波羅蜜乃至薩云若不  
 可思議故所說不可思議須菩提若  
 有菩薩行般若波羅蜜知五陰不可  
 思議則知具足般若波羅蜜乃至薩  
 云若知不可思議則具足般若波  
 羅蜜須菩提白佛言世尊深般若波  
 羅蜜誰當信解者佛言菩薩久行六  
 波羅蜜多作諸善本已供養過去无  
 央數諸佛已與真知識相隨者是輩  
 菩薩乃信解深般若波羅蜜須菩提  
 白佛言世尊是菩薩行六波羅蜜作  
 諸善本以來幾時供養若干佛與真  
 知識相得佛告須菩提菩薩摩訶薩  
 不有名五陰不分別五陰亦不以想  
 有名分別五陰亦不有名分別五陰  
 有實及諸六情三界六波羅蜜內外  
 空及有無空三十七品佛十八法道  
 慧及薩云若亦不有名分別亦不以  
 想有名分別有虛有實何以故須菩  
 提以五陰不可思議乃至薩云若亦

不可思議以是故菩薩摩訶薩之行  
六波羅蜜多作諸善本與真知識相  
得須菩提白佛言世尊般若波羅蜜  
者甚深以五陰甚深故般若波羅蜜  
甚深以薩云若甚深故般若波羅蜜  
甚深世尊般若波羅蜜者珍寶之積  
聚是須臾洎及羅漢辟支佛寶之積  
聚亦是阿耨多羅三耶三菩寶之積  
聚亦是十力四無所畏四無所畏四  
等四空定五神通三十七品佛十八  
法及薩云若乃至諸法寶之積聚世  
尊般若波羅蜜者是清淨之積聚以  
五陰清淨乃至薩云若清淨故世尊  
深般若波羅蜜甚可奇恠於是中云  
何而有留難佛言有是有留難善男  
子善女人欲書是般若波羅蜜者當  
疾疾書之若欲受持若欲諷誦若欲  
守行者亦當疾疾為之所以者何或  
未受書行之頃能有留難善男子善  
女人若能一月書成者若二若三若  
四若五若一歲成者要當書持受之  
諷誦學習若一月書成持學受者亦  
當竟之若至一歲亦當竟之所以者

何多於珍寶中起諸因緣有留難故  
須善提言世尊是深般若波羅蜜有  
書持學諷誦守行念中事者諸魔波  
旬常念欲斷絕之佛語須善提正使  
波旬欲斷絕者會不能斷絕令不守  
行書持學者舍利弗白佛言世尊是  
何誰恩令魔波旬不能斷絕學深般  
若波羅蜜者佛告舍利弗是佛之事  
令魔波旬不能斷絕亦復是十方諸  
佛之恩擁護是菩薩受持般若波羅  
蜜者令魔波旬不能斷絕所以者何  
舍利弗菩薩受持般若波羅蜜為佛  
所護持者天魔波旬終不能斷絕為  
作留難何以故舍利弗諸有菩薩書  
持受學般若波羅蜜念諷誦者諸佛  
之法當應擁護令魔波旬不能中道  
令有留難者舍利弗是善男子善女  
人當作是念我今書持受學般若波  
羅蜜者皆是諸佛事舍利弗白佛言  
世尊若有善男子善女人書持受學  
般若波羅蜜者皆為佛恩之所護持  
佛言如是如是舍利弗言世尊十方  
現在諸如來无所著等正覺頗知是

善男子善女人書持受學般若波羅  
蜜念諷誦者不頗持佛眼頗知頗見  
不佛告舍利弗諸有書持受學般若  
波羅蜜諷誦行者十方諸如來無所  
著等正覺已見已知諸善男子善女  
人行菩薩道者書持受學般若波羅  
蜜諷誦行者當知是人今近阿耨多  
羅三耶三菩不久舍利弗若復善男  
子善女人行菩薩道者書持受學般  
若波羅蜜諷誦守習行如中事愛樂  
供養般若波羅蜜名花鬘香澤香雜  
香繒綵花蓋幡幢所有作是供養者  
諸佛以天眼悉見是善男子善女人  
已是善男子善女人有書持般若波  
羅蜜奉行學者得最上福得大功德  
為得最上行善男子善女人持善本功  
德終不墮惡趣至阿惟越致終无有  
離諸佛六波羅蜜時終不離内外空  
及有無空時至阿耨多羅三耶三菩  
終不離三十七品佛十八法時舍利  
弗如來去之後是般若波羅蜜當在  
南方南方諸比丘比丘尼優婆塞優  
婆夷亦當受學書持是深般若波羅



蜜持是功德終不至惡趣受天上人中之福以奉行六波羅蜜明六波羅蜜已當復供養承事諸佛承事之後當以三乘而得度脫舍利弗般若波羅蜜所在方面所至到處四輩學士亦當受持是深般若波羅蜜書持誦誦持是功德不至惡趣受天上人中之福亦當復奉行六波羅蜜明六波羅蜜已當復供養承事諸佛承事之後以三乘法而得度脫舍利弗是般若波羅蜜當轉北去北方四輩亦當復受書持誦誦行深般若波羅蜜持是功德不生三惡趣受二道之福亦當奉行六波羅蜜亦當承事諸佛世尊復以三乘而得度脫舍利弗深般若波羅蜜是時當行佛事所以者何舍利弗我泥日後法欲盡時我已豫知是善男子善女人受持是深般若波羅蜜者我復知是善男子善女人盡意供養般若波羅蜜所有名香繒綵華蓋持是功德不墮三惡趣受二地之善福行六波羅蜜供養諸佛以三乘法而得度脫何以故舍利弗如

來已見是輩人已稱譽是人我已署  
是人所在十方現在諸佛亦復稱譽  
亦見是人亦署是人已舍利弗白佛  
言世尊是般若波羅蜜後當普在北  
方耶佛言如汝所說乃後世時善男  
子善女人受學書持行般若波羅蜜  
者當知是人久發大乘意已更供養  
若干諸佛作諸善本舍利弗白佛言  
世尊後北方面當有幾所善男子善  
女人行菩薩道受持般若波羅蜜諷  
誦解者佛告舍利弗後北方世雖多  
有善男子善女人受持般若波羅蜜  
者少有成大乘者且舍利弗是善男  
子善女人行菩薩道者聞說深般若  
波羅蜜不難不厭而不恐怖所以者  
何善男子善女人已為見佛已從諸  
佛聞深法已所以者何是善男子善  
女人已為具足六波羅蜜為已具足  
內空外空及有無空已為具足佛十  
八法三十七品是善男子善女人多  
作諸功德發阿耨多羅三耶三菩為  
一切衆生故舍利弗我為是善男子  
善女人說薩云若慧過去諸如來无

所著等正覺亦復說應薩云若慧諸  
求阿耨多羅三耶三菩者皆為生老  
病死故亦復為彼說阿耨多羅三耶  
三菩諸慧之事是善男子善女人從  
小至竟求阿耨多羅三耶三菩魔及  
魔天終不能壞何況其餘有惡行者  
而欲誹謗深般若波羅蜜舍利弗是  
善男子善女人聞深般若波羅蜜者  
便得寂妙歡喜立多所人於阿耨多  
羅三耶三菩佛言我為菩薩時亦復  
作是誓我等亦當立無央數衆生勸  
令行菩薩道我等亦當受阿耨多羅  
三耶三菩不動轉記若有菩薩發意  
者我代歡喜諸有勸人使發阿耨多  
羅三耶三菩者我亦代歡喜善男子  
善女人行般若波羅蜜者為已於過  
去諸佛前作是誓已今復於我前誓  
願衆生我當饒益安隱衆生我當勸  
助一切衆生立阿耨多羅三耶三菩  
意使不動轉所以者何過去諸佛亦  
復代諸發意菩薩作是誓者代其歡  
喜舍利弗我代歡喜者善男子善女  
人亦為復欲安隱一切勸助衆生使

立阿耨多羅三耶三菩離於六衰得  
淨妙行已自清淨復以淨施淨妙施  
已便受淨妙功德之福受淨妙福已  
復為衆生故分別內外所有令衆生  
得淨妙福持是功德遍至十方諸佛  
國土說般若波羅蜜處而得聽受聞  
受已亦復於彼勸發衆生令立阿耨  
多羅三耶三菩意舍利弗白佛言甚  
奇世尊如來无所著等正覺所說過  
去當來今現在之法無所不知衆生  
之行无事不知乃復知諸當來過去  
現在佛事衆僧之事或有善男子善  
女人得六波羅蜜欲誦誦受或意進  
退便不能得學六波羅蜜若善男子  
善女人求六波羅蜜意不進退精進  
不懈便能一時具足六波羅蜜舍利  
弗白佛言善男子善女人如是行者  
便得深經為應般若波羅蜜耶佛言  
如是深經者為應般若波羅蜜何以  
故用能勸助安立衆生令發阿耨多  
羅三耶三菩故舍利弗是善男子善  
女人於六波羅蜜不捨生老病死精  
進不怠如般若波羅蜜教淨佛國土

教化衆生令立阿耨多羅三耶三菩  
志終不懈怠

摩訶般若波羅蜜覺魔品第四十七

須菩提白佛言世尊歎說是善男子  
善女人發阿耨多羅三耶三菩行六  
波羅蜜者攝取佛國教化衆生其德  
乃尠是善男子善女人云何而趣斷  
絕留難佛告須菩提言辯不即生者  
當知魔事須菩提言世尊云何菩薩  
辯不即發知是魔事佛言菩薩行般  
若波羅蜜具足六波羅蜜久久乃成  
以是故菩薩辯不即生當知魔事也  
須菩提菩薩辯才卒起亦是魔事世  
尊何以故辯才卒起復是魔事佛言  
是菩薩行六波羅蜜卒起辯事所以  
者何學無本末辯起吽卒不能究竟  
是故當知魔事菩薩書是經時轉相  
形笑志亂不定衆意不和如是菩薩  
則為魔事書是經時意自念言我不  
得是經中滋味便捨而去當復知是  
魔事須菩提說是經時若受持之貢  
高綺語隱置他人者復是魔事受持  
諷誦學是經時各自貢高轉相形笑

菩薩當覺是為魔事須菩提受是經時各各志亂意不同者當知是為菩薩魔事須菩提言世尊云何不得經中滋味便棄捨去當覺魔事佛言是輩菩薩未曾習行六波羅蜜不聞般若波羅蜜自生意念言我無有記別於六波羅蜜以是故聞般若波羅蜜不喜樂悅便棄捨去當知是為菩薩魔事世尊云何菩薩言我无記別不樂便去佛言未得菩薩道者終不記阿耨多羅三耶三菩別是故言我無有別於六波羅蜜便棄捨去當知是為菩薩魔事若有菩薩意念言我鄉里不聞般若波羅蜜及所生處亦不聞是復棄捨去不復欲學般若波羅蜜意轉一念輒却一切隨其轉意多少之數當更乃尔所劫甫當復更學餘經不住薩云若亦不至薩云若是輩菩薩為棄其根而攀枝條當知是為菩薩魔事須菩提言世尊何等經不從薩云若中出而欲學誦餘經佛告須菩提聲聞所應三十七品法及三脫門善男子善女人住是中求



取須陀洹道斯陀舍阿那含阿羅漢  
道不取薩云若然自作尋須菩提是  
為捨本攀枝者所以者何是菩薩亦  
復出生於般若波羅蜜中般若波羅  
蜜者亦出道法俗法菩薩學般若波  
羅蜜者亦當學道法亦當學俗法譬  
若有狗得大家所食不肯食之得使  
人之食而更食之須菩提當來有學  
菩薩道者得深般若波羅蜜更棄捨  
去反攀枝條須菩提當知是為菩薩  
魔事復次須菩提譬如有人欲得見  
象得象捨去反求象跡於意云何是  
人為黠不須菩提言為不黠當來之  
世有行菩薩道者得深般若波羅蜜  
反棄捨去更學聲聞辟支佛經法於  
意云何是菩薩為黠不須菩提言為  
不黠佛言是菩薩當覺魔事須菩提  
譬如有人欲見大海已見捨去反觀  
牛跡之水便言海之大小孰愈於此  
於意云何是人為黠不須菩提言世  
尊為不黠佛言當來有學菩薩道者  
得深般若波羅蜜亦棄捨去反學聲  
聞辟支佛經法於中受學諷誦須菩

提是輩菩薩當覺魔事須菩提譬如  
工匠欲以揆則日月殿舍之模豎立  
安造作釋之殿於意云何彼匠雖巧  
寧能作不須菩提言世尊此事甚難  
非是凡夫世愚之士所能作者佛言  
當來之世有行菩薩道者得學深般  
若波羅蜜中道而棄捨去更於聲聞  
辟支佛經法中欲以具足薩云若薩  
云若事於意云何是人寧能成薩云  
若不須菩提言所不能成佛言是菩  
薩當覺魔事須菩提譬如有人欲見  
轉輪聖王見已反觀小王諦熟視之  
便言聖王之體與此何異是人為黠  
不須菩提言世尊為不黠佛言當來  
有少德之人學菩薩道者得聞深般  
若波羅蜜學持守行中道捨棄更受  
羅漢辟支佛經法復言我當於中具  
薩云若於意云何是菩薩為黠不須  
菩提言世尊為不黠佛言是為菩薩  
魔事譬如飢人得百味食更念欲得  
六十味食捨百味去食六十味於意  
云何是為黠不須菩提言世尊為不  
黠佛言當來有學菩薩道者得深般

若波羅蜜棄捨去已更於聲聞辟支  
佛經法中求薩云若是菩薩為黠不  
須菩提言為不黠佛言是為菩薩魔  
事譬如士夫得无價摩尼寶已反比  
水精於意云何是為黠不須菩提言  
世尊為不黠佛言當來有學菩薩道  
者得深般若波羅蜜已更棄捨去反  
持比聲聞辟支佛經法於聲聞辟支  
佛經法中欲得薩云若寧為黠不須  
菩提言為不黠佛言是為菩薩魔事  
復次須菩提若有善男子善女人書  
般若波羅蜜已於中他因緣起便不  
得書或復有色聲香味細滑法之留  
難或復有檀波羅蜜留難尸波羅蜜  
留難羣波羅蜜留難惟逮波羅蜜留  
難禪波羅蜜留難乃至阿耨多羅三  
耶三菩皆為作留難何以故須菩提  
般若波羅蜜者非是留難不可思議  
亦非選擇不生不滅不著不斷無尋  
非見非行非猗所以者何須菩提般  
若波羅蜜无是象法若有菩薩書是  
經時若有是輩留難事者當知是為  
魔事須菩提白佛言世尊是般若波

羅蜜可得書耶佛言不也何以故般  
若波羅蜜者其實不可見至檀波羅  
蜜實不可見乃至薩云若亦不可見  
諸所有者皆不可見何以故无所有  
故無所有者不可書也須菩提善男  
子善女人行菩薩道者作是念言是  
深般若波羅蜜无所有者是為菩薩  
魔事須菩提言世尊諸行菩薩道者  
書是深般若波羅蜜經字已入是字  
中便言我書般若波羅蜜世尊是六  
波羅蜜无有字法所以者何六波羅  
蜜無有文字五陰亦无有文字乃至  
薩云若亦無文字世尊善男子善女  
人行菩薩道者從六波羅蜜乃至薩  
云若作無文字入般若波羅蜜者亦  
是菩薩魔事須菩提善男子善女人  
行菩薩道者書般若波羅蜜時若起  
想念郡國縣邑丘聚村落若聞父母  
所尊之聲意念父母若念兄弟姊妹  
若念兵賊婬欲之事作是念已復生  
餘念魔波旬復益其念作是留難欲  
令中断使不書持須菩提是為菩薩  
魔事若善男子善女人行菩薩道者

書持般若波羅蜜時若供養事起衣  
被財利飲食牀卧病瘦醫藥言我書  
般若波羅蜜故得是供養於是樂者  
當覺魔事須菩提書是經時魔波旬  
於菩薩前說種種異深經之事菩薩  
有漚起拘舍羅者不受魔所說何以  
故是經不能令人至薩云若故須菩  
提若是菩薩无漚起拘舍羅意者聞  
深般若波羅蜜便欲捨去佛言我廣  
為諸菩薩說漚起拘舍羅事欲得漚  
起拘舍羅事者當從深般若波羅蜜  
中索之須菩提善男子善女人求菩  
薩乘者捨深般若波羅蜜欲從聲聞  
辟支佛經法中求漚起拘舍羅須菩  
提當知是為菩薩魔事

放光般若波羅蜜經卷第十

丁酉歲高麗國大藏都監奉

勅彫造

放光般若經卷第十一

重

西晉于闐國三藏無羅叉奉詔譯

摩訶般若波羅蜜不和合品第四十八

佛告須菩提有人樂聽樂受般若波羅蜜為法師者身體疲極不能所說當覺魔事佛言若法師者身體安隱欲有所說而受法者著餘因緣各自罷散當覺魔事須菩提受經之人欲書般若波羅蜜為法師者欲有所至是為魔事為法師者欲得供養牀卧飲食病瘦醫藥所有衣被受經之人少欲知足寂無興心便不和合是為魔事須菩提法師之人少欲知足守戒不貪志常精進樂在禪定受經之人不知厭足貪求供養兩不和合是為魔事須菩提法師之人阿練寂晏行十二法受經之人不能宴坐又不奉行十二法事須菩提受經之人持十二法能獨宴寂為法師者永无此志兩不和合不得書學是為魔事須菩提受經之人精進有信奉戒如法樂般若波羅蜜為法師者多欲犯律



不能守戒須菩提為法師者精進信  
樂奉律禁戒行般若波羅蜜受經之  
人多有所毀犯戒違律兩不和合是  
為魔事須菩提為法師者无所貪求  
好喜施與志願廣普受經之人多求  
有欲貪恡愛惜志專意狹兩不和合  
須菩提若受經之人更無所欲好施  
不貪志願無專為法師者反更貪求  
無有止足志意狹小兩不和合是為  
魔事須菩提受經之人欲供養與為  
法師者所有之具為法師者不肯受  
之不得學持般若波羅蜜須菩提為  
法師者怖望供養衣服所有受經之  
人更廉潔守節不慕利養復不和合  
是為魔事須菩提為法師者明於經  
道勇辯智猛然受經者闇塞遲鈍志  
不時寤須菩提受經之人志明意達  
智辯纖寤為法師者貪闇不達而不  
和合是為魔事須菩提為法師者明  
十二部經次第解說無所乏短受經  
之人不知次第未了逆順須菩提若  
受經者明解次第解十二部經知逆  
順事為法師者更不能了志不和合

是為魔事。須菩提為法師者，具足六波羅蜜，受經之人不能具足，或受法者具足六波羅蜜，為法師者更不具足。兩不和合，是為魔事。須菩提為法師者，具足六度，兼有漚沤、拘舍羅、受經之人既无六事，復無漚沤、拘舍羅，兩不和合，是為魔事。須菩提為法師者，得陀鄰尼，為法師者无若受法者，為魔事。須菩提受經之人欲書般若波羅蜜，以為經卷，為法師者而不肯與，為法師者適欲與，經受法之人不欲書寫，亦不和合，是為魔事。須菩提為法師者，五陰蓋所見，經裏受經之人無有覆蓋，蓋志不和合，若受經者迷於五蔽，為法師者陰蓋已盡，兩不和合，是為魔事。須菩提書是般若波羅蜜時，或有人來說三惡趣、苦難之劇，語其人言：「我能使卿離勤苦事，用是阿耨多羅三耶三菩學，為是為魔事。」須菩提書般若波羅蜜，若欲說時，反有人來稱譽天上欲天快樂五欲，自恣飲食、服御伎樂、自然色天所有，以

禪為樂為食无色天以寂為食為樂  
從四王天至無有思想无有思想慧  
天三界雖樂是亦无常苦空無我皆  
當滅盡不得久立不如更受羅漢辟  
支佛法莫樂三界受是生死是為苦  
薩魔事為法師者欲得寂志獨處其  
受經法者多將人眾樂在憤肉若法  
師者意樂人眾而受經者更樂寂獨  
亦不和同當覺魔事若法師者意樂  
人眾多畜弟子受經之人不同比輩  
欲得獨介若受法者欲樂多輩法師  
欲寂亦不和合是為魔事為法師者  
而自尊重欲得恭敬受經者慢意無  
恭敬若法師者无欲於時不喜順敬  
然受法者好行恭敬亦不和合是為  
魔事若法師者書般若波羅蜜時意  
欲受取受經之人永无與心意不和  
合是為魔事若受經者書般若波羅  
蜜時念欲轉從般若波羅蜜於中起  
意欲得財利是為魔事若法師者欲  
至危命穀貴之處受經者不樂不能  
隨從亦不和同是為魔事法師之人  
欲至豐樂穀賤之處其受經者皆悉

樂從法師中道更作留難汝輩但欲貪於供養欲隨我取不知前至當得與不其受經者見發遣相稍稍還去是為魔事若法師者語受經法者言我欲所至道過空澤彼有盜賊野人鴆師又多虎狼虺虺毒虫汝能隨我忍此苦不受法者聞意不喜樂不能隨去作是罣罣不得書成學受是經是為魔事法師之人曾所教授數往之處其受法者欲隨詣彼中道法師語受經者言今我暫當有所經過卿且還去受經者愁憂不得隨從不聞不得受持般若波羅蜜是為魔事復次須菩提彼魔波旬意常計念欲作沙門被服常欲壞乱不欲令有書持諷誦學般若波羅蜜者須菩提白佛言世尊波旬何以故常作沙門被服壞敗不欲令人有受學般若波羅蜜者佛語須菩提波旬作沙門被服欲敗壞別離學般若波羅蜜者復語人言案我經中教法觀卿經中事非般若波羅蜜須菩提未受記荊間是說者便有狐疑適有疑意便不復書

持受學般若波羅蜜是為菩薩魔事  
須菩提波旬復作比丘形像語學般  
若波羅蜜者言善男子善女人有學  
諷誦受持般若波羅蜜者得真際之  
證得須陀洹羅漢辟支佛道作是留  
難事便不復學受書持般若波羅蜜  
是為魔事須菩提說是深般若波羅  
蜜時多有魔事起欲令斷絕是故須  
菩提當覺魔事須菩提言世尊菩薩  
云何當覺魔事遠離魔事佛語須菩  
提其事但像類六波羅蜜有覺是者  
是則為護遠離魔事菩薩常當遠離  
羅漢辟支佛所應行經法當遠離之  
復次須菩提波旬於菩薩前說內空  
外空及有无空三十七品至三脫門  
是為羅漢所得道事是為魔事波旬  
復化作如來身金色光相來至菩薩  
所令諸菩薩起想起想者於薩云若  
則為耗減當知是為魔事須菩提波  
旬復作佛形像諸比丘眾相隨到是  
善男子善女人所是善男子善女人  
便起想言當來之世令我得身諸弟  
子眾於中說法亦如今日作是想者

於薩云若則為耗減波旬復化作无  
央數百千菩薩行六波羅蜜者於是  
善男子善女人前見已復於中起想  
起想者則為耗減薩云若是為魔事  
何以故須菩提般若波羅蜜者無有  
五陰乃至於道亦无所有無有五陰  
无有道者亦無佛法及弟子衆所以  
者何諸法盡空无所有故須菩提善  
男子善女人書是般若波羅蜜時若  
諷誦讀多有起因緣譬如閻浮提大  
長者家多有金銀真珠琉璃上妙珍  
寶多有憎嫉者善男子善女人受持  
諷誦般若波羅蜜者多有憎嫉而欲  
壞者須菩提言如是世尊多有魔事  
多憎嫉者何以故愚癡少智之士為  
魔所使專行斷壞受學般若波羅蜜  
者是輩壞法之人意終不復在是妙  
法之中佛言如須菩提所言是愚癡  
之士為魔所使專行敗壞是輩愚癡  
壞法之人新學適聞法所致不作功  
德善本不多所致未與真知識相得  
所致不供養過去諸如來无所著等  
正覺所致須菩提若書持般若波羅



蜜諷誦讀說受行守時無有留難魔  
事不起无此難者便能具足六波羅  
蜜至薩云若亦無有難若有是善男  
子善女人書持諷誦般若波羅蜜者  
便具足五波羅蜜及薩云若已當知  
是為佛事若復具足内外空及有無  
空三十七品佛十八法及十種力具  
足薩云若者當知是亦為佛事十方  
現在諸如來无所著等正覺亦以佛  
事如是善男子善女人行般若波羅  
蜜者十方現在諸阿惟越致菩薩摩  
訶薩亦復擁護是善男子善女人行  
般若波羅蜜者亦復勸助之

摩訶般若波羅蜜大明品第四十九

佛告須菩提譬如母人一一生子從  
一數至于十人母中得病彼諸子等  
各各求救療治所進寒温燥濕將育  
所宜令母安隱所以者何長我曹等  
得見日月我不孝養永不報恩如是  
須菩提諸如來無所著等正覺常以  
佛眼視行般若波羅蜜者何以故深  
般若波羅蜜者為世間之大明也十  
方諸如來无所著等正覺亦以佛眼

常視行般若波羅蜜者何以故深般若波羅蜜者生諸如來无所著等正覺使得見薩婆若慧以是故諸如來无所著等正覺常等視行般若波羅蜜者諸如來五波羅蜜者亦生是中內外空及有無空三十七品皆於中生十力十八法薩婆若亦皆於中生須陀洹斯陀含阿那含阿羅漢辟支佛道三耶三佛道皆從般若波羅蜜中出生過去當來今現在諸佛皆從深般若波羅蜜中出生自致得成阿耨多羅三耶三菩阿惟三佛須菩提若有善男子善女人書持受學般若波羅蜜者諸佛常以佛眼視是輩行般若波羅蜜者諸佛常擁護之使不動轉至阿耨多羅三耶三菩令不耗減須菩提白佛言如世尊所說般若波羅蜜者是菩薩之母為世間之大明世尊般若波羅蜜云何是菩薩之母云何是世間之大明云何出生諸佛云何為示現世間明佛告須菩提般若波羅蜜者生佛十力及十八法生薩婆若如來示現是諸法已具是

故諸如來從般若波羅蜜生世間者  
謂如來說五陰世尊云何深般若波  
羅蜜示現五陰佛言般若波羅蜜亦  
不生五陰示現亦不滅五陰示現亦  
不著亦不斷亦不增亦不減亦不持  
亦不捨亦不過去當來今現在何以  
故空无相無願亦不成敗示現亦不  
現有為亦不現无為亦不示現無所  
生亦不示現無所有亦不示現實諸  
法如是不示現成敗須菩提是為般  
若波羅蜜示現世間須菩提般若波  
羅蜜亦知一切衆生意行般若波羅  
蜜不知衆生之處亦不知諸陰六情  
之處乃至薩去若亦不知處須菩提  
是為深般若波羅蜜示現世間深般  
若波羅蜜者亦不示現五陰乃至薩  
去若亦不示現何以故深般若波羅  
蜜亦不見深般若波羅蜜何況當見  
五陰乃至薩去若當有所見須菩提  
所謂名衆生欲界形界无形界是普  
世及十方衆生乱意定意如來悉知  
復知一切无央數事須菩提云何如  
來悉知衆生餘無數事以法故有乱

意无乱意如来悉知以何等法知衆  
生乱意定意佛告須菩提法尚不可  
得見何況欲得衆生有乱有定以是  
故知須菩提如来无所著等正覺知  
衆生意有乱有定云何而知以無常  
故知以脱故知以寂故知以盡故知  
是故知有乱有定復次須菩提如来  
知衆生有婬怒癡者盡知須菩提白  
佛言世尊云何悉知佛言知婬怒癡  
所有意為非婬怒癡意何以故所有  
及念不可見故何況當有婬怒癡而  
可得者以是故如来悉知須菩提如  
來復知衆生无婬怒癡意者悉知何  
以故知所可知無婬怒癡意亦非  
有意何以故兩意不合故是故如来  
悉知須菩提如来因般若波羅蜜悉  
知衆生意有廣大者悉知云何悉知  
須菩提如来亦不廣大衆生意亦不  
狹衆生意亦不增衆生意亦不减衆  
生意亦不来衆生意亦不遣衆生意  
何以故意不可得進退故以是故悉  
知復次須菩提如来因般若波羅蜜  
悉知衆生有大意者何以故知以衆

生意无来無往无生無滅无住無變  
以是故知復次須菩提如來以般若  
波羅蜜悉知衆生意无有限云何悉  
知須菩提亦不見衆生意有增有減  
有所住止何以故以衆生意無有窟  
不可見故以是故知復次須菩提如  
來因般若波羅蜜悉知衆生意不可  
見云何悉知以衆生意意无有形無  
所有故悉知復次須菩提如來因般  
若波羅蜜悉知衆生意不可觀云何  
而知須菩提如來以五眼悉見衆生  
意之對故以是故知復次須菩提如  
來因般若波羅蜜悉知衆生屈申卷  
舒云何而知須菩提衆生意之屈申  
卷舒者皆出五陰蜜之所生生不知  
五陰但知出息入息有我及世但知  
是事其餘不識不知五陰亦復不知  
出息入息但知有我及世其餘不識  
身則是命命則是身是身非命是命  
非身是故須菩提如來因般若波羅  
蜜悉知衆生屈申卷舒須菩提佛知  
五陰云何知知五陰如知如知無  
作如知无相如知無進如知无戲如

知无我如知無猗如是故須菩提如  
 來以衆生之如屈申出入五陰之如  
 如五陰如者是諸法之如諸法之如  
 者則六波羅蜜如六波羅蜜如者則  
 三十七品如三十七品如者則十八  
 空如十八空如者則八惟无禪九次  
 第禪如八惟無九次第禪如者則佛  
 十力如十力如者則四无尋慧四等  
 心四無所畏大慈大悲佛十八法如  
 十八法如者則薩云若慧如薩云若  
 慧如者則一切諸善法惡法道法俗  
 法有漏无漏之法如此諸法如者則  
 過去當來今現在之如去來今如者  
 則有為无為法如有為無為法如者  
 則須陀洹斯陀含阿那含阿羅漢之  
 如羅漢如者則辟支佛如辟支佛如  
 者則阿耨多羅三耶三菩之如三菩  
 如者則是道如道如者則如來之如如  
 來如者則是一如亦不可壞亦不可  
 別亦无有盡亦無有二不可令異須  
 菩提是則諸法之如如來因般若波  
 羅蜜悉皆逮覺諸法之如須菩提是  
 般若波羅蜜者則諸如來之母則是



世間之大明是故須菩提如來無所著等正覺悉知諸法之如尔非不尔无能令不尔悉知諸如諸尔以是故諸佛世尊名曰如來須菩提白佛言世尊諸法之如及尔非不尔甚深甚深世尊因如分流道化如佛所說甚深之法誰當解者唯有阿惟越致菩薩摩訶薩漏盡羅漢乃能解之耳佛語須菩提無盡之如者是誰無盡之如則是諸法無盡之如須菩提如來无所著等正覺成阿耨多羅三耶三菩時說是諸法之如

摩訶般若波羅蜜問相品第五十

尔時三千大千剎土諸欲天子諸色天子持諸名花香而散佛上作礼却住各自佛言世尊所說般若波羅蜜者甚深甚深何等是般若波羅蜜相佛告諸天子言深般若波羅蜜者空則是相無相无願相無行之相无生滅相无著無断相无所有之空相无所依相虚空之相諸天子般若波羅蜜甚深如是如來者為世俗故亦不為道不為滅盡諸天子是相者諸

天龍鬼神世間人民所不能作無能  
長養者所以者何諸天龍鬼神及世  
間人民亦是相也是故相相不相長  
養相相不相識相亦不識无相無相  
亦不識相相以无相是二皆空无能  
成者无能答者無能識者諸天子是  
相者非五陰所作非六波羅蜜所成  
亦非内外空及有无空所作亦非薩  
云若所成諸天子是相者亦非人亦  
非非人亦非漏亦非不漏亦非道亦  
非俗亦非有為亦非无為今時佛告  
諸天子若有人問是虚空是何等相  
云何諸天子是人所問為等問不諸  
天子言世尊為不等問所以者何虚  
空无有相無有作者佛告諸欲天子  
諸色天子言有佛无佛相體性常住  
以如来如實逮覺相性故名為如来  
諸天子白佛言如来所逮覺相甚深  
如来從是阿耨多羅三耶三菩无尋  
之慧住於相聚於般若波羅蜜甚奇  
世尊深般若波羅蜜者是諸佛如来  
无所著等正覺之藏於是藏成阿耨  
多羅三耶三菩阿惟三佛於是藏中

作行逮諸法相逮五陰相逮薩云若  
相佛告諸天子色者形之相所更者  
覺之相所受者想之相善惡者行之  
相所知者識之相如來以無所受相  
故逮得正覺无所愛惜者為檀波羅  
蜜相無所腐敗者尸波羅蜜相不起  
恚意者羼波羅蜜相无能伏者惟逮  
波羅蜜相合聚衆事者禪波羅蜜相  
所聞即覺即知者般若波羅蜜相如  
是諸天子無所受相是故如來得逮  
正覺四禪四等四空定者則無恚之  
相如來不以是相得逮正覺得出三  
界者是三十七品之相如來不以是  
相逮得正覺苦相者无願脫門是寂  
相者則空是淨相者則無相是如來  
不以是相逮得正覺寂相者无所起  
是無所共相則十八法是如來不以  
是相逮得正覺露現相者則薩云若  
是如來不以是相逮得正覺如是諸  
天子如來不以諸法相逮得正覺法  
是故如來名為无尋慧於是佛告須  
菩提言般若波羅蜜者是諸佛如來  
无所著等正覺之母般若波羅蜜者

是諸佛如來世間之大明如來依是法而得有所作以是故諸如來尊敬礼事是般若波羅蜜何以故諸佛如來皆從般若波羅蜜中出是故如來之所報恩須菩提其報恩者無過如來復次須菩提云何如來為知恩云何為報恩如來所可乘來法所可成阿耨多羅三耶三菩阿惟三佛法逮守持是所乘來法恭敬承事作礼須菩提是為如來無所著等正覺之所知恩之所報恩復次須菩提如來之所逮法者亦無作者作者不可見故如來盡逮是法得无作法者是為無諍法須菩提如來知恩報恩因般若波羅蜜於無作之法得逮覺法復次須菩提如來无所著等正覺行般若波羅蜜故逮諸善法而無所逮是故般若波羅蜜者是諸佛之母為世間之大明導須菩提白佛言世尊諸法无所知無所見无所出生云何般若波羅蜜是佛之母云何生如來云何為世間之大明導佛告須菩提如是如是一切諸法無知无見云何無知无

見以一切諸法空故无所有不堅固

无所生以是故一切諸法無所出生

復次須菩提諸法無知无見云何無

知无見以諸法無所入无所著故以

是故般若波羅蜜是如來母世間之

導不見五陰是故為導乃至薩云若

亦無所見是故為導以是故般若波

羅蜜是諸佛母世間之導須菩提問

佛言世尊云何不見五陰為世間導

須菩提不以五陰因緣起識者是為

不見五陰不以薩云若起想者是為

不見薩云若以是故般若波羅蜜諸

如來母為世間導復次須菩提般若

波羅蜜云何是如來之母為世間導

須菩提般若波羅蜜示現世間空云

何示世間空示五陰空十二衰十八

性現世間十惡之法從癡有愛十二

因緣示吾我根本六十二見示世間

空四禪四等及四空定示世間空三

十七品六波羅蜜內空外空及有無

空示世間空有為无為之性十種力

佛十八法示世間空至薩云若示世

間空是故須菩提般若波羅蜜者是



諸佛之母世間明導復次須菩提如  
來以空示於世間以空念世間知世  
間空以是故般若波羅蜜諸佛之母  
為世間導復次須菩提般若波羅蜜  
者示現如來示世間空示何等空現  
五陰空十二衰空十八性空現薩云  
若空是故般若波羅蜜諸佛之母為  
世間導是故須菩提示現如來示現  
世間不可思議示現五陰不可思議  
乃至薩云若示世間不可思議復次  
須菩提深般若波羅蜜示現如來世  
間之寂示現何等寂示現五陰寂及  
薩云若寂以是故般若波羅蜜示現  
如來世間之寂須菩提般若波羅蜜  
示現如來世間常空示何等空從五  
陰至薩云若示現世間常空復次須  
菩提般若波羅蜜示現如來世間所  
有空示何等空從五陰乃至薩云若  
示世間所有空復次須菩提般若波  
羅蜜示現如來所有无所有空從五  
陰乃至薩云若所有无所有空復次  
須菩提般若波羅蜜示現如來世間  
之滅示何等滅從五陰至薩云若是



為世間滅以是故般若波羅蜜為如  
來母世間之導般若波羅蜜示現世  
間無有今世後世之想何以故是法  
无有今世後世之相須菩提白佛言  
世尊般若波羅蜜者為大事興為不  
可思議事興為不可稱量事興為不  
可限事興為無有與等事興佛言如  
是須菩提是為大事不可思議事興  
云何為大事興答言須菩提諸如來  
无所著等正覺救護一切衆生故不  
捨衆生云何為不可思議事興諸佛  
事自然薩云若不可思議是故般若  
波羅蜜為不可思議事興云何為不  
可稱量事興佛告須菩提一切衆生  
受身有識無有能知稱量佛事及自  
然薩云若者云何為不可限事興須  
菩提佛事不可限如來事亦无有限  
一切無有與如來等者况欲出其上  
是故般若波羅蜜諸如來无所著等  
正覺為无有限事興須菩提白佛言  
世尊佛事如來事自然事薩云若不  
可思議不可稱量為不可限耶佛言  
如是如是須菩提是佛事自然事如

來事薩云若事不可思議不可稱限  
佛語須菩提五陰乃至薩云若不可  
思議不可稱限須菩提諸法之法索  
意以想亦不可得佛言五陰不可思  
議不可稱限乃至薩云若不可思議  
須菩提言何以故世尊言五陰不可  
思議無有與等者乃至薩云若亦不  
可思議无有與等者佛言五陰不可  
為作限乃至薩云若亦不可為作限  
須菩提言世尊何以故五陰薩云若  
不可為作限佛言五陰乃至薩云若  
不可思議故不可與作限於須菩提  
意云何不可思議不可限中寧可  
得五陰及與道不須菩提言世尊  
不可得以是故須菩提諸法不可  
思議不可得限如來之法不可  
思議無有與等不可得限亦不可量  
是為不可思議所說亦不可思議虛  
空不可思議亦无有與等者須菩提  
是如來之法非世間人及諸天阿須  
倫所能思議說如來不可思議不可  
稱量不可得限說無有與等品時五  
百比丘二千比丘尼漏盡意解六万

優婆塞二萬優婆夷遠塵離垢法眼  
生二千菩薩得無所從生法忍皆當  
於是賢劫中作佛

摩訶般若波羅蜜大事興品第五十一

尔時須菩提白佛言世尊是般若波  
羅蜜甚深甚深為大事興不可思議  
不可稱量無有與等不可得限佛言  
如是須菩提般若波羅蜜為大事興  
為无有與等事興何以故須菩提五  
波羅蜜者等從中得成與般若波羅  
蜜相應内空外空及有無空等從般  
若波羅蜜中出三十七品十力十八  
法等從中出與般若波羅蜜相應佛  
地薩玄若慧等從中出與般若波羅  
蜜相應佛告須菩提譬如轉輪聖王  
諸小國有事各自成辦轉輪聖王亦  
无所憂所以者何諸小國王素已受  
聖王教令故是故不復憂諸弟子法  
辟支佛法諸菩薩法及諸佛法等從  
般若波羅蜜出般若波羅蜜者為辦  
其事是故須菩提般若波羅蜜為大  
事興為無有與等事興不受五陰不  
入五陰為應不受不入乃至薩玄若

亦亦須陀洹道至羅漢道辟支佛道  
亦不受不入乃至阿耨多羅三耶三  
善不受不入須菩提白佛言世尊云  
何五陰不受不入乃至阿耨多羅三  
耶三善不受不入佛告須菩提於意  
云何頗見五陰有所入有所受不須  
菩提言不見世尊乃至阿耨多羅三  
耶三善亦不受不入須菩提言世尊  
亦不見五陰有受有入亦不見三耶  
三佛有受有入佛言善哉善哉須菩  
提我亦不見五陰我亦不受持五陰  
乃至三耶三善我亦不見亦不受持  
不見所入須菩提我於佛地亦不見  
薩云若亦不見如來事亦不受亦不  
持是故須菩提菩薩摩訶薩亦不當  
受五陰亦不當入五陰於佛事薩云  
若事如來事亦不持亦不入諸欲天  
子諸色天子俱白佛言世尊般若波  
羅蜜甚深難了不可思議甚深微妙  
是智者所知解深般若波羅蜜者世  
尊皆是過去佛時所作功德善本所  
致與真知識相得所致世尊假令三  
千大千世界一切衆生皆信三尊盡

得須陀洹斯陀含阿那含阿羅漢辟支佛是諸聖賢所可有慧所有道德不如是善男子善女人於是深般若波羅蜜中可念觀稱樂一日之中其德出彼上何以故從須陀洹上至辟支佛智及信至無所從生法忍諸天子不如是善男子善女人於深般若波羅蜜中書持諷誦守行一日疾得泥洹勝羅漢辟支佛道所作功德或過一切奉行餘經離般若波羅蜜不住薩玄若也何以故於是深般若波羅蜜中廣說三乘令諸羅漢辟支佛各得其信不失所應諸菩薩摩訶薩亦於中成阿耨多羅三耶三菩於是諸色天子諸欲天子同時歎言世尊是摩訶般若波羅蜜不可思議於是中出信樂使諸聲聞各得所應成須陀洹斯陀含阿那含阿羅漢辟支佛道又使諸菩薩摩訶薩得成阿耨多羅三耶三菩阿惟三佛是深般若波羅蜜亦不增亦不減諸色天子諸欲天子各以頭面著地為佛作禮遠佛三匝已去去是不遠忽然不現各還



天上須菩提白佛言若有善男子善女人聞是深般若波羅蜜即解者於何所來而生是間佛告須菩提若菩薩摩訶薩聞是深般若波羅蜜即解不厭亦不狐疑又亦不尋意常思念欲樂得聞終不遠離若行若起若坐若卧常隨法師意不遠離須菩提譬如新生犢子意終不欲遠離其母是善男子善女人聞是深般若波羅蜜諷誦上口樂喜守行解其中義意亦不欲遠離法師須臾之間是善男子善女人本從人道中來今生是間復得為入所以者何以是善男子善女人前世時聞是深般若波羅蜜書持諷誦守行中事供養花香繒蓋幢幡以是功德從人道中來今得深般若波羅蜜聞便即解須菩提白佛言世尊頗有菩薩摩訶薩如佛所說所作功德善本具足供養諸佛復有從彼來生是間復得深般若波羅蜜書持諷誦信樂守行有是者無佛告須菩提有從他方供養諸佛從聞深般若波羅蜜以是故來生是間復得深般若



若波羅蜜聞便即解信樂守行復次  
須菩提當知是菩薩摩訶薩從堯術  
天上亦復具足功德善本何以故是  
菩薩從弥勒菩薩所聞是深經以是  
故今來生是聞得深般若波羅蜜聞  
便即解信樂守行須菩提若有菩薩  
於深般若波羅蜜有狐疑狀意者是  
人前世時聞深般若波羅蜜不問中  
慧是故今來雖生是聞聞六波羅蜜  
意續狐疑不信不受亦不喜樂復次  
須菩提是人本聞內空外空及有無  
空亦不問中事是故今續不信不樂  
是人前世聞三十七品佛十八法不  
信不樂不問中事是故今來聞般若  
波羅蜜驚恠狐疑不信不樂復次須  
菩提若有菩薩聞般若波羅蜜從一  
日至五日常問中事用是故所生處  
常得聞深般若波羅蜜終不離所問  
何以故須菩提是菩薩但能得聞問  
其中事於行未脩須菩提若有人或  
時欲聞般若波羅蜜若不欲聞志不  
堅固或能於中起餘因緣譬如輕衣  
隨風東西當知是菩薩適學未久不

得真知識未供養過去諸佛不作功德善本所致不勤學諷誦所致未得六波羅蜜所致未得內外空及有無空所致不學六通三十七品薩云若所致當知是新學少樂於法不能書持般若波羅蜜受學諷誦亦未能習行其事須菩提若有善男子善女人行菩薩道者得深般若波羅蜜不念書持諷誦守行乃至薩云若亦復不念學受親近故當知是輩或墮二地所以者何是善男子善女人見深般若波羅蜜不念書持受學親近故也是故其人便入二地當墮羅漢辟支佛道地

摩訶般若波羅蜜譬喻品第五十二

佛告須菩提譬如大海中船卒破壞其船中人不取板木及取死人而抱持者知彼人終不能得渡皆當俱沒所以者何用各不取所依持故其人若取板木檣者徑便得渡身得安隱用取所依而以自濟須菩提若有善男子善女人行菩薩道者於信樂少雖得深般若波羅蜜不諷誦受不依

親近不習行六波羅蜜乃至薩云若  
亦不親近當知是人中道有尋不能  
逮得至薩云若當取羅漢辟支佛證  
須菩提若有善男子善女人行菩薩  
道於阿耨多羅三耶三菩有信樂有  
能有念有解有施有行得深般若波  
羅蜜書持受學親近諷誦當知其入  
能受持深般若波羅蜜成阿耨多羅  
三耶三菩至薩云若終不中尋墮羅  
漢辟支佛道能教化衆生淨佛國土  
須菩提譬如有人持瓶行取水當  
知不久如是爛壞所以者何用未成  
熟故須菩提若有善男子善女人行  
菩薩道者雖有信樂有念有施有解  
有親近有行於阿耨多羅三耶三菩  
亦不受持六波羅蜜无漚沤拘舍羅  
又不受持內空外空及有無空不受  
五通三十七品至薩云若亦不親近  
當知是人中道妨尋須菩提何等為  
中道妨尋墮於羅漢辟支佛道譬如  
有人持成熟瓶若詣河井若詣陂池  
而行取水當知是人得水來歸安隱  
不失所以者何用瓶成故須菩提若

有善男子善女人行菩薩道於阿耨  
多羅三耶三菩有至信樂有施念解  
有行有慧受六波羅蜜遍起拘舍羅  
親近薩去若當知是人至阿耨多羅  
三耶三菩終无罣碍須菩提譬如大  
海有始成船未牢敝治亦未莊嚴便  
持財貨著於船中乘有所詣當知是  
船不久中道而壞亡散財物各在一  
處用是賈客無有方便失所持物亡  
其大寶須菩提若有善男子善女人  
欲行菩薩事於阿耨多羅三耶三菩  
雖有信樂信施念解於功德少得深  
般若波羅蜜亦不書持諷誦受學於  
六波羅蜜亦不受學亦不親近薩去  
若事無遍起拘舍羅須菩提當知是  
人中道妨碍離失大寶大寶者薩去  
若是中道墮羅漢辟支佛道辟如有  
智之人先治其船筭莊牢固持物著  
中乘有所至當知是人必到所至得  
其珍寶安隱無失所以者何用其船具  
牢強所致若有善男子善女人行菩  
薩道有大信樂有施有念有解有行  
於阿耨多羅三耶三菩得深般若波

羅蜜便受學書持誦誦守行於六波羅蜜皆有功德於薩去若意常親近乃成阿耨多羅三耶三菩終不罣碍不墮羅漢辟支佛道須菩提辟如有年百二十其人有病若風若寒熱於意云何其人寧能自起止行步不須菩提言世尊不能所以者何是人已老正使无病猶尚不能起止行步况復有病筋力消盡豈復能行有所至到須菩提若有善男子善女人行菩薩道於阿耨多羅三耶三菩雖有信樂有施有念有能有行於六波羅蜜功德中少亦不親近薩去若事無遍怨拘舍羅當知是人中道妨導墮羅漢辟支佛道何以故不得深般若波羅蜜遍怨拘舍羅故須菩提向者老公所病已愈取兩健人各扶一腋各持一臂語老人言安意莫懼我當將公在所至處終不相棄是人寧能有所至不須菩提言世尊能至所處佛言若有善男子善女人行菩薩道於阿耨多羅三耶三菩有至信樂有能有施有行有慧於六波羅蜜皆有

功德於薩云若意常親近有漚起拘  
舍羅知是菩薩終不望尋堪任於阿  
耨多羅三耶三菩而不動轉墮聲聞  
辟支佛道也是時世尊歎湏菩提言  
善哉善哉為諸菩薩摩訶薩今問如  
來是事若有菩薩以吾我意想奉行  
六波羅蜜言我所為行六波羅蜜已  
便貢高菩薩作是行者終不得度六  
波羅蜜是善男子善女人亦不知彼  
岸亦不知此岸不為六波羅蜜所持  
不為薩云若所持中道墮羅漢辟支  
佛地亦不出生於薩云若湏菩提云  
若菩薩無漚起拘舍羅是善男子善  
女人行菩薩道不以漚起拘舍羅行  
六波羅蜜於六波羅蜜皆有吾我想  
我有所為行六波羅蜜而自貢高何  
以故六波羅蜜中初無有是念有所  
分別有是念者常住此岸但知此岸  
不知彼者不為六波羅蜜所持亦不  
為薩云若所持中道墮羅漢辟支佛  
道亦不出生薩云若中湏菩提如是  
菩薩不為漚起拘舍羅所持便墮羅  
漢辟支佛中湏菩提云何菩薩行般



若波羅蜜為遍起拘舍羅所持不墮  
羅漢辟支佛道成阿耨多羅三耶三  
菩須菩提菩薩行六波羅蜜元吾我  
念於六波羅蜜而不貢高何以故六  
波羅蜜中亦無有念亦不貢高菩薩  
知此岸知彼岸者為六波羅蜜所持  
為遍起拘舍羅所持出生薩云若不  
墮羅漢辟支佛道須菩提菩薩作如  
是行者為不墮羅漢辟支佛道為六波  
羅蜜所持為遍起拘舍羅所持為薩  
云若之所護

放光般若經卷第十二

丁酉歲高麗國大藏都監奉  
勅彫造

放光般若經卷第十二

重

西晉于闐國三藏無羅叉奉詔譯

摩訶般若波羅蜜隨真知識品第五十三

今時須菩提白佛言世尊新學菩薩  
云何學六波羅蜜佛告須菩提新學  
菩薩欲學六波羅蜜者當與真知識  
相隨常當承事又復當與能解說般  
若波羅蜜者相隨亦親近有能解說  
是般若波羅蜜者常當呼人勸助令  
學六波羅蜜當守奉行當持是得阿  
耨多羅三耶三菩莫於阿耨多羅三  
耶三菩中拙於五陰亦莫於阿耨多  
羅三耶三菩中拙六波羅蜜莫拙於  
內外空及有無空莫拙三十七品佛  
十八法莫拙薩云若所以者何不拙  
五陰者便逮得薩云若不拙六波羅  
蜜者便逮得薩云若不拙內外空及  
有無空三十七品佛十八法者便逮  
得薩云若當言善男子行般若波羅  
蜜於五陰中莫起想著之意所以者  
何善男子是五陰非可著者亦莫於  
六波羅蜜有所著善男子六波羅蜜

亦非可著者亦莫著於內空外空及  
 有无空三十七品佛十八法乃至薩  
 玄若亦莫有著者所以者何薩玄若者  
 亦非有著者亦莫起著於須陀洹斯陀  
 舍阿那含阿羅漢辟支佛亦莫起著  
 於菩薩乘亦莫起著於阿耨多羅三  
 耶三菩所以者何善男子是阿耨多  
 羅三耶三菩非可著者何以故諸法  
 之相皆悉空故須菩提白佛言世尊  
 菩薩摩訶薩甚謙苦於空无相之法  
 發阿耨多羅三耶三菩欲得阿惟三  
 佛佛言如是須菩提菩薩甚謙苦於  
 空无相之法發阿耨多羅三耶三菩  
 得阿惟三佛須菩提為世間故愍念  
 世間安隱世間欲救世間一切衆生以  
 衆生故發阿耨多羅三耶三菩為世  
 間歸為世間作護為世間作燈明故  
 發阿耨多羅三耶三菩為世間作將  
 為世間導為世間舍為世間趣故發  
 阿耨多羅三耶三菩須菩提云何菩  
 薩為諸衆生故發阿耨多羅三耶三  
 菩度脫五道安隱衆生者無畏岸坦  
 然泥洹以是故為世間發阿耨多羅

三耶三菩云何菩薩欲安隱世間須  
菩提菩薩摩訶薩諸有衆生有苦惱  
憂悲者皆悉度著无憂之岸坦然泥  
洹是故菩薩為世間安樂須菩提云  
何菩薩為世間作救是菩薩摩訶薩  
世間諸有生死勤苦救世衆生令脫  
衆苦以法救化次以三乘而度脫之  
是故菩薩為世間救須菩提云何菩  
薩為世間護世間衆生有生死之法  
護令不生衆生皆有老病死法護使  
不老不病不死有憂悲者護令得至  
无餘泥洹是故菩薩發阿耨多羅三  
耶三菩為世間護須菩提云何菩薩  
為世間舍是菩薩摩訶薩得阿耨多  
羅三耶三菩阿惟三佛時為世間說  
諸法无罣是故菩薩為世間舍云何  
菩薩為世間燈明菩薩摩訶薩於三  
界冥中拔諸衆生令立泥洹是故菩  
薩為世間燈明云何菩薩為世間將  
是菩薩得阿惟三佛時為世間說色  
非我所是為非色痛想行識亦非我  
所是為非識乃至薩云若為非我所  
是為非薩云若須菩提如色非我是

為非色如色非我諸法亦尔須菩提  
白佛言如世尊所說五陰非我所諸  
法亦尔如是菩薩為不逮覺諸法何  
以故色者无所分別乃至薩云若亦  
無所分別亦不言是五陰亦不言是  
薩云若佛告須菩提如汝所言五陰  
无所分別至薩云若亦無所分別亦  
不言是五陰亦不言是薩云若須菩  
提是亦為大謙苦常行是法而不厭  
倦亦不懈怠菩薩言我亦當逮覺亦  
當持是清淨之法宣示未學者須菩  
提是故菩薩為世說非我所須菩提  
云何菩薩為世間渚譬如江河洹海  
斷流絕域可止頓處是謂為渚於人  
有益當來過去五陰兩斷當來過去  
薩云若亦兩斷如是斷者諸法亦斷  
諸法斷者當來過去亦斷如是斷者  
是則為淨是則為快是則為真實是  
則為空愛盡无猗無餘无塵是則為  
泥洹須菩提菩薩得阿耨多羅三耶  
三菩阿惟三佛時便分流是清淨法  
化真諦法化以濟衆生是故菩薩為  
世間渚須菩提云何菩薩為世間將

導菩薩得阿耨多羅三耶三菩阿惟  
三佛時為世間衆生說五陰法不生  
不滅不著不斷作是說法從須陀洹  
至阿羅漢辟支佛法為是輩說五陰  
不生五陰不滅持是法教流布世間  
須菩提是菩薩得阿惟三佛時作是  
說法是為世間將導須菩提云何菩  
薩為世間趣菩薩得阿耨多羅三耶  
三菩阿惟三佛時說五陰如趣空說  
薩云若如趣空五陰空者則无所趣  
亦不趣亦不不趣何以故五陰與空  
亦不來亦不去作是說法者為衆生  
說薩云若空亦不來亦不去所趣而  
无所趣須菩提是故菩薩為世間趣  
須菩提何以故諸法過者如空一趣  
不復還何以故空亦无來亦無去諸  
法所至亦无有相亦無有願何以故  
相願一過不復還故相願亦不來亦  
不去諸法所至亦无所至亦無有行  
亦无有生亦無有滅亦无有著亦無  
有斷如夢如幻如響如影如化如焰  
諸法亦如是一去亦不復還何以故  
化者亦无去亦無有來須菩提諸法



所至无有邊際亦不復還諸法亦不動亦不動諸法亦不來亦不去諸法亦不合亦不散諸法无我無命无壽須菩提衆生尚無所有況當有往還須菩提諸法所住有常諸法所住有樂諸法所住有淨諸法所住有我諸法无常苦無淨非我諸法所住者有癡怒癡見有身見是諸法住亦如如住如法性住如真際住如普住如不思議性住如不動移住是所住處亦不來亦不去何以故諸法亦不來亦不去諸法住如五陰何以故五陰尚不可見何況當有去來諸法住如六波羅蜜尚不可見何況當有往還諸法住如内外空及有无空如三十七品住如十八法住如十八法亦无去亦無來諸法住如聲聞辟支佛道住如阿耨多羅三耶三菩住亦无往還何以故阿耨多羅三耶三菩無往還无所有故須菩提白佛言世尊是深般若波羅蜜誰能解者佛言菩薩摩訶薩從過去佛所作功德供養无央數

百千諸佛久與真知識相得者是輩人能解是深般若波羅蜜耳須菩提白佛言世尊菩薩摩訶薩有何等相能解是深般若波羅蜜佛告須菩提若有菩薩於婬怒癡斷者則是其相須菩提能解深般若波羅蜜者婬怒癡像則為已斷也

摩訶般若波羅蜜解深品第五十四

須菩提白佛言世尊菩薩摩訶薩解深般若波羅蜜者為至何趣佛告須菩提善提菩薩摩訶薩能解深般若波羅蜜者當趣薩婆若須菩提白佛言如薩婆若所趣者是為菩薩摩訶薩解深般若波羅蜜趣薩婆若者則為一切衆生作導須菩提言世尊念般若波羅蜜者為不念諸法念般若波羅蜜者為无所念念般若波羅蜜者為无端緒佛問須菩提念般若波羅蜜者何等為無所念須菩提言世尊念般若波羅蜜者五陰无所念念般若波羅蜜者吾我衆生為無所念念般若波羅蜜者六波羅蜜為无所念念般若波羅蜜者內空外空及有無空

三十七品佛十八法為无所念念般  
若波羅蜜者須陀洹至薩云若為無  
所念佛言善哉善哉如須菩提所言  
念般若波羅蜜者為不念五陰乃至  
薩云若為无所念須菩提六波羅蜜  
者是阿惟越致菩薩摩訶薩之所應  
護有菩薩行深般若波羅蜜不入六  
波羅蜜亦不入薩云若行般若波羅  
蜜者不隨他人語不信餘道亦不持  
作要阿惟越致菩薩摩訶薩行深般  
若波羅蜜不離婬怒癡行深般若波  
羅蜜阿惟越致菩薩摩訶薩初不離  
六波羅蜜聞說深般若波羅蜜時亦  
不恐懼亦不厭倦終不轉還常思念  
聞聞已受持諷誦守行應般若波羅  
蜜教須菩提當知是阿惟越致菩薩  
前世已曾聞般若波羅蜜中事亦諷  
誦受持已行中事何以故不恐不懼  
從久遠以來常行是深般若波羅蜜  
故須菩提白佛言世尊菩薩摩訶薩  
聞說深般若波羅蜜不恐不怖亦不  
動還者云何於行倍復增益佛言行  
般若波羅蜜者如應薩云若云何行

般若波羅蜜應薩云若佛言如依應  
空无相無願為應依深般若波羅蜜  
依深般若波羅蜜者如依虚空如依  
无所生如依无所滅不依於著而依  
於断如依於如依於法性依於不思  
議依等无作如依夢須菩提白佛言  
世尊依般若波羅蜜者如依虚空如  
依夢者菩薩行深般若波羅蜜者不  
依五陰不依薩云若作行佛語須菩  
提菩薩行般若波羅蜜亦不依五陰  
亦不依薩云若五陰及薩云若亦无  
有作者亦非不作亦无来亦無去亦  
无所止亦無所依亦無所出亦无所  
入亦无有數亦無有限无数無限者  
亦无有能逮覺者從色至識无能逮  
覺者亦不從六波羅蜜能逮覺者亦  
非薩云若慧能逮覺者何以故五陰  
如薩云若如五陰與薩云若如俱等  
无異十八法如薩云若如亦等無有  
異一等无有二

摩訶般若波羅蜜歎深品第五十五

尔時諸欲天子諸色天子以天名花而  
散佛上来詣佛所頭面作礼叉手白

佛言世尊是般若波羅蜜甚深難曉  
難了不可思議是智者之所知是一  
切世間所可信者是諸如來无所著  
等正覺之道徑從是成阿耨多羅三  
耶三菩阿惟三佛者皆是般若波羅  
蜜之恩是為一教一教者五陰則薩  
云然薩云然則五陰薩云然如五陰  
如薩云然五陰一如无二佛如及薩  
云然如亦无有二佛告諸欲色天子  
如是如是如諸天子所言五陰則薩  
云然薩云然則五陰佛則薩云然薩  
云然則佛一如无有二以是故諸天  
子如來坦然无為而不說法何以故  
是法甚深清淨難曉難了特可信故  
諸如來之道於過去當來今現在无  
有逮覺者於法无有二者是乃為法  
諸天子如虛空之甚深微妙是法亦  
如是以如法之深妙故是法深妙法  
性不可思議性真際无涯底無來无  
往无著無斷不生不滅甚深微妙无  
有逮覺者以无有逮覺者甚深微妙  
故般若波羅蜜甚深微妙諸天子以  
諸法甚深微妙故衆生我人壽命亦

復甚深微妙五陰深妙六波羅蜜深  
妙內空外空及有无空三十七品佛  
十八法至薩云若甚深微妙以是甚  
深微妙故諸天子般若波羅蜜法甚  
深微妙諸欲色天子俱白佛言世尊  
是法於世間特可信者如是說者亦  
不受五陰亦不不受乃至十八法亦  
无所受亦不不受如是說者從須陀  
洹乃至薩云然亦不受持亦不不受  
持諸世間者皆是受持云何受持五  
陰是我所我是五陰所十八法是我  
所我是十八法所從須陀洹至薩云  
然皆是我所我是薩云若所是為世  
間受持佛告諸天子如諸天子所言  
是法亦不受持五陰亦不受持薩云  
然諸天子諸有受持行五陰者受持  
薩云然行者則不堪任行六波羅蜜  
亦不堪任行薩云然須菩提白佛言  
世尊是法不逆於諸法而有順何等  
法順是法順六波羅蜜是法順內外  
空及有无空順三十七品至薩云然  
是為順法是法於諸法无所尋云何  
無尋不尋於五陰至薩云然亦无所



尋是法无尋之相譬如虛空何以故  
其住如法性如真際如不思議性如  
空无相無願是般若波羅蜜法亦不  
生亦不滅以五陰不生不有故乃至  
薩云若亦不生亦不有是法无有迹  
以五陰迹不可見故至薩云若迹亦  
不可見今時諸欲天子諸色天子俱  
白佛言世尊尊者須菩提諸弟子中  
佛之真子何以故所說但說空无縛  
之法時須菩提語諸欲色天子言如  
卿所說諸弟子中我為真弟子云何  
為真子諸天子報須菩提言佛從如  
生無去无來須菩提如亦不來亦不  
去以是故須菩提從佛生佛之如者  
則為一切諸法之如如諸法如則佛  
之如如者亦復非如是故須菩提為  
從佛生如佛如住須菩提如亦是  
住如佛之如无作無為亦无所須  
菩提如亦復如是如佛之如无所罣  
碍諸法之如亦无所罣碍如佛之如諸  
法之如一如无二亦無作者无作之  
如常亦无不今從有如今無不今  
時常一無二是故知尊者須菩提從

如來生如佛之如亦无所壞須菩提之如亦无所壞亦不壞如佛之如亦不可見不可破壞須菩提如亦復如是如佛之如亦是諸法之如亦无他如尊者須菩提亦復如是是以是故知須菩提真從佛生如佛之如不過去當來今現在諸法之如亦无去來今是故知須菩提為從佛生過去當來今現在如亦是佛如佛如者亦是過去當來今現在如等一无二五陰之如如來之如亦一无二吾我壽命衆生之如如佛之如亦一无二六波羅蜜如内外空如及有無空如三十七品如乃至薩玄然如如佛之如一如无二何等為如須菩提如者菩薩所可逮覺得如來名号者是說是如品時三千大千剎土地為六反震動東踊西沒西踊東沒南踊北沒北踊南沒四面都踊則中央沒適中央踊四面都沒是為六反震動是時三千大千剎土諸欲天子諸色天子以天花名香梅檀用散佛上及散須菩提上同時歎言世尊甚奇甚特尊者須

菩提乃從如來如生真佛之子是時  
須菩提更為諸天子說言諸天子須  
菩提者亦不從五陰生亦不從五陰  
如生亦不離五陰如生亦不從薩云  
然如生亦不離薩云然如生亦不從  
有為无為如生亦不離有為無為如  
生何以故是諸法皆无所有故亦無  
法可著樂者舍利弗白佛言世尊如  
者及尔法住道法甚深甚深五陰尚  
不可見况五陰如乃至薩云然尚不  
可見况薩云然如佛言如是如是舍  
利弗如者甚深五陰及薩云然尚不  
可見况薩云然如舍利弗如者甚深  
說如及尔尔時二百比丘僧漏盡意  
解五百比丘尼遠塵離垢法眼生五  
千菩薩天及人得无所從生法忍六  
十菩薩漏盡意解佛告舍利弗是六  
十菩薩已便供養五百佛已盡行六  
波羅蜜不持漚起拘舍羅種種學五  
波羅蜜離般若波羅蜜不以漚起拘  
舍羅行施行戒行忍行精進行禪種  
種相行不得一定菩薩之道便得須  
陀洹及羅漢辟支佛道舍利弗菩薩

雖得空无相無願之道離般若波羅蜜不持漚沤想拘舍羅便證實際得弟子乘舍利弗白佛言世尊云何得空无相无願之法離漚沤想拘舍羅實際作證使得弟子乘云何俱得空无相无願之法得漚沤想拘舍羅便得阿耨多羅三耶三菩佛告舍利弗言諸有離薩云然意念空无相無願之法不與漚沤想拘舍羅俱者便為弟子乘舍利弗菩薩得空无相無願之法應薩云然不離漚沤想拘舍羅者使得阿耨多羅三耶三菩舍利弗譬如大鳥身長一百俞旬二百俞旬三百俞旬无有兩翅欲從忉利天上来下至閻浮提已下中道復欲還去至忉利天舍利弗是鳥寧得如意周旋徃反不舍利弗言世尊不得假令是鳥来下至地欲使身不痛寧得不痛耶舍利弗言世尊不得不痛或悶或死所以者何其身長大无有翅故舍利弗正使是菩薩如恒邊沙劫相行五波羅蜜雖得大道欲發大意欲逮无量覺慧離般若波羅蜜无漚沤想拘舍羅者

便墮羅漢辟支佛道何以故離遍起  
拘舍羅離薩云若離般若波羅蜜行  
五波羅蜜便墮羅漢辟支佛道舍利  
弗菩薩雖於過去當來今現在佛所  
作功德戒性忍辱精進一心智慧皆  
作相著是為不曉如來戒性三昧智慧  
解脫見解脫慧亦不知亦不見但遙聞  
空无相無願之法但相聞聲以相欲  
為阿耨多羅三耶三菩作相念言是  
為菩薩所住處也是為佛所住處是  
為聲聞辟支佛所住處舍利弗菩薩  
離般若波羅蜜遍起拘舍羅者持是  
功德欲為阿耨多羅三耶三菩是為  
相舍利弗菩薩發意念薩云然不離  
六波羅蜜不離遍起拘舍羅不離過  
去當來今現在諸佛戒性三昧智慧  
見解脫慧性不以相著於空无相無  
願亦不以相舍利弗當知是菩薩不  
墮羅漢辟支佛道何以故是菩薩摩  
訶薩從發意以來不以相行六波羅  
蜜不以相於過去來今佛戒性三昧  
智慧見解脫慧性皆无相著舍利弗  
不以相行六波羅蜜不以相行薩云



然是則為菩薩遍起拘舍羅舍利弗  
白佛言世尊如我今從如來所聞菩  
薩不離般若波羅蜜遍起拘舍羅者  
以為至阿耨多羅三耶三菩何以故  
以是菩薩從發意以來初不見法有  
逮覺者亦不見甫當逮覺者亦不見  
已逮覺者五陰至薩云然亦復如是  
舍利弗言世尊若有行菩薩道者離  
般若波羅蜜遍起拘舍羅當知是輩  
於阿耨多羅三耶三菩便有狐疑何  
以故用離般若波羅蜜遍起拘舍羅  
故行六波羅蜜皆於中有相以是相  
故當知有狐疑是故世尊菩薩欲得  
阿耨多羅三耶三菩者不當離般若  
波羅蜜遍起拘舍羅住般若波羅蜜  
遍起拘舍羅亦无相無倚行五波羅  
蜜者乃至薩云然亦无相倚尔時諸  
欲天子諸色天子俱白佛言世尊欲  
求阿耨多羅三耶三菩者難得所以  
者何為菩薩者盡當逮覺諸法而无  
所得佛言如是如是諸天子甚難我  
亦成阿耨多羅三耶三菩亦无所成  
亦无所得亦不見法有所成得所以者



何諸天子諸法常淨故須菩提白佛  
言如我今從佛所聞求阿耨多羅三  
耶三菩提者甚難得如我意者快哉得  
成阿耨多羅三耶三菩提何以故諸法  
空无所逮覺故於空法中諸法不可  
得亦无有法逮覺不逮覺者所以者  
何隨如法不增不減學五波羅蜜至  
薩云然是法皆空亦不可見亦不可  
得以是故世尊快哉菩薩逮覺成阿  
耨多羅三耶三菩提所以者何五陰五  
陰自空薩云然慧事自空舍利弗語  
須菩提言以是故阿耨多羅三耶三  
菩提難解難得虛空亦不有念言我當  
成阿耨多羅三耶三菩提菩薩亦不念  
我當成阿耨多羅三耶三菩提何以故  
諸法如虛空故菩薩解諸法如虛空  
乃成阿耨多羅三耶三菩提若菩薩知  
諸法如虛空快哉難成阿耨多羅  
三耶三菩提恒邊沙等諸菩薩求阿耨  
多羅三耶三菩提終不動還以是故須  
菩提甚快難成阿耨多羅三耶三  
菩提須菩提語舍利弗言於意云何五  
陰於阿耨多羅三耶三菩提為動還耶

舍利弗言不乃至如於阿耨多羅三  
耶三菩為動還耶舍利弗言不於意  
云何頗有異離五陰為還者无頗有  
離薩云然還者不舍利弗言無須菩  
提言舍利弗於意云何五陰如為還  
不薩云然如為還不舍利弗言无頗  
有離五陰如離薩云然如還者無舍  
利弗言无於舍利弗意云何如法法  
性法住道法真際不可思議性於阿  
耨多羅三耶三菩有還者无舍利弗  
言无頗有離如乃至不可思議性有  
還者無舍利弗言无是義是法亦不  
可得何所法於阿耨多羅三耶三菩  
有還者舍利弗語須菩提言如尊者  
須菩提所說法忍无有菩薩於阿耨  
多羅三耶三菩有動還者如來所記  
菩薩三乘之行皆无有處如須菩提  
所說為一乘耳分釋曼陀尼子語舍  
利弗須菩提為欲說一菩薩乘耶當  
問須菩提舍利弗問須菩提云何為  
欲說菩薩一乘行耶須菩提報言卿  
欲於如中說三乘耶羅漢乘辟支佛  
乘菩薩佛乘舍利弗言不也須菩提

言於舍利弗意云何於如中頗有三  
乘不答言无有須菩提言頗於如中  
有一事二事三事不舍利弗言无頗  
於如中見一菩薩不答言無也是法  
名无為無所有法云何欲於中求索  
三乘羅漢辟支佛三耶三佛舍利弗  
菩薩摩訶薩於如出生諸法聞是不  
恐不厭不還出生於阿耨多羅三耶  
三菩介時佛歎須菩提善哉善哉汝  
之所說皆是佛事菩薩聞是諸法皆  
出於如不恐不懼不厭不還當知是  
菩薩成阿耨多羅三耶三菩舍利弗  
白佛言世尊菩薩摩訶薩當出何道  
佛言是菩薩當出生阿耨多羅三耶  
三菩道須菩提言世尊菩薩欲出成  
阿耨多羅三耶三菩當云何住佛言  
常當等意於衆生大慈普念无有偏  
黨當為衆生說營護念安隱與語和  
順无得中傷視衆生等如父如母如  
身如子以慈勸人令不害生常勸衆  
生令行十善見人行正離於邪見代  
其歡喜菩薩摩訶薩欲得成阿耨多  
羅三耶三菩當作是住自行四諦四

禪四等行四空定勸人令行見人行者代其歡喜自行六波羅蜜常勸教人行六波羅蜜見有行者代其歡喜自行內外空及有无空三十七品自行八惟无佛十種力大慈大悲自行逆順十二因緣勸人行逆順見有行者代其歡喜自行聲聞辟支佛慧勸人令行不證真際見有行者代其歡喜自上菩薩位教人令進自行神通淨佛國土教化衆生勸彼令學見有學者代其歡喜自滅習緒勸彼令滅自壽命成就自受法住勸彼住法見彼為者皆代歡喜須菩提菩薩摩訶薩欲成阿耨多羅三耶三菩者當作是學當作是住菩薩摩訶薩當作是學般若波羅蜜遍起拘舍羅作如是學如是住者於五陰无有罣碍乃至法住亦无罣碍所以者何是菩薩摩訶薩真際學不受五陰乃至薩云若亦无所受所以者何不受五陰則非五陰不受薩云然則非薩云然說是菩薩住品時二千菩薩得无所從生法忍

摩訶般若波羅蜜阿惟越致品第五十六

於是須菩提白佛言世尊我等當以何貌相像知是阿惟越致佛告須菩提言解知凡人地及弟子地辟支佛地乃至如來地盡是一如而不分別一无有二入自身如等一入不分別聞是如已直過无狐疑於如无所失所說無増減亦不視他人長短以是貌像當知是為阿惟越致菩薩世尊當復以何相像之貌知是阿惟越致菩薩佛言諸法亦无形亦無貌像亦无有相須菩提言世尊若諸法无形無像亦无相為從何法轉還而為阿惟越致菩薩佛言於五陰轉還知是阿惟越致菩薩須菩提菩薩於六波羅蜜轉還於内空外空及有无空三十七品佛十八法轉還於聲聞辟支佛地及阿耨多羅三耶三菩地轉還須菩提當知是為阿惟越致菩薩何以故須菩提五陰无有形道亦無有形是故菩薩於五陰轉還及於道何以故五陰及道无有處故復次須菩提菩薩摩訶薩亦不觀視外道及沙

門婆羅門所為所知所見亦不觀視  
諸外道家邪見直見亦不狐疑亦不  
批外道沙門婆羅門戒亦不狡戲墮  
諸邪見不持香花繒蓋幢幡奉諸天  
神亦不教他人令奉邪見以是像貌  
觀其相行具足知是阿惟越致菩薩  
須菩提阿惟越致不生下賤之家不  
生八劇之處不受女人身以是像貌  
具足知是阿惟越致菩薩須菩提阿  
惟越致常行十善而不毀犯常於夢  
中守行十善教人令行見人行者代  
其歡喜以是像貌具足知是為阿惟  
越致菩薩須菩提阿惟越致為衆生  
故行六波羅蜜自學十二部經常作  
願言持是十二部經勸勉衆生滿衆  
生願持是功德皆施衆生成阿耨多  
羅三耶三菩以是像貌具足知是為  
阿惟越致菩薩須菩提阿惟越致於  
深經中亦不狐疑平相須菩提白言  
云何阿惟越致於深經法中无有狐疑  
佛言是菩薩亦不見有法亦不見五陰  
亦不見道有平相狐疑者以是像貌具  
足知是為阿惟越致須菩提阿惟越



致菩薩身口意行常慈柔軟身口意  
業常施衆生以是像貌具足知是為  
阿惟越致菩薩須菩提阿惟越致菩  
薩不與五蓋事俱初无戀慕於恩愛  
意以是相故知是為阿惟越致菩薩  
須菩提阿惟越致坐起行步卧覺安  
詳而不卒暴以是相具足知是阿惟  
越致菩薩須菩提阿惟越致菩薩淨  
潔自喜无有塵垢衣服牀卧亦復淨  
潔少於疾病凡人身中有八萬種虫  
常侵食人阿惟越致无復是虫何以  
故是菩薩功德過出世間諸天鬼神  
阿須倫上為諸善本於功德中稍漸  
增益身口意淨以是相行像貌具足  
是為阿惟越致菩薩須菩提白佛言  
云何菩薩受身口意淨佛言隨諸善  
本身口意淨瑕穢即除功德稍增瑕  
穢轉滅是為身口意淨以是三事淨  
過於聲聞辟支佛上以是相行像貌  
具足是為阿惟越致菩薩須菩提阿  
惟越致菩薩不會利養不會衣服具  
足十二沙門法行无嫉妬意亦無愚  
癡貪利之意无不等意無懈怠意无

惡戒意以是相行像貌具足是為阿  
惟越致菩薩須菩提阿惟越致志常  
安隱意常深入一意聽受所聞法教  
與般若波羅蜜俱等意奉行所有俗  
事皆與般若波羅蜜俱有不入法性  
者皆見與般若波羅蜜合以是相行  
像貌具足知是阿惟越致菩薩須菩  
提阿惟越致菩薩若魔波旬化作大  
小泥犁一一泥犁中有無數億千菩  
薩皆在其中受諸苦痛波旬指示語  
菩薩言是諸苦人皆過去佛所授記  
剎皆是阿惟越致菩薩今皆墮是中  
受諸苦痛今卿若是阿惟越致受記  
剎者佛為授卿泥犁記剎不為授卿  
菩薩記剎卿不如捨菩薩道可得生  
天不復受是泥犁勤苦須菩提若是  
菩薩意不亂者終不墮泥犁中當知  
是為阿惟越致菩薩時魔波旬復作  
沙門被服至菩薩所言卿前可所受  
六波羅蜜欲求阿耨多羅三耶三菩  
意者諸可行法今疾悔之疾悔過者  
可得解脫汝前所可供養諸佛及弟  
子衆從初發意至于法盡中間所作

善本及勸助代歡喜之福求阿耨多  
羅三耶三菩汝疾捨是意早悔過若  
捨若悔者我便當語汝佛所說深經  
要法如來所教汝所聞者皆非佛經  
非如來教是異道人所撰集耳若菩  
薩得是意亂狐疑者當知是菩薩非  
如來所授記別是菩薩未正定住阿  
惟越致地若菩薩不疑不亂不轉意  
无所受不信他事不用他教行六波  
羅蜜便自具足疾逮薩去然慧道自  
歸之不受他教辟如漏盡羅漢面自  
見法不信餘教魔終不能耶阿羅漢  
辟支佛終不能轉阿惟越致菩薩佛  
告須菩提如汝所言羅漢辟支佛不  
能動轉阿惟越致菩薩不能轉者為  
不轉還是菩薩必至阿耨多羅三耶  
三菩正住阿惟越致地尚不信如來  
无所著等正覺何況當信羅漢辟支  
佛及魔波旬諸異學語所以者何初  
不見有法當可信者亦不見五陰如  
有可信者亦不見道如可信者須菩  
提當以是像貌觀其相行知是為阿  
惟越致菩薩須菩提魔復化作比丘

被服形像來至菩薩前語菩薩言善  
男子如卿所行皆世俗事非薩云然  
行魔復語言我當斷卿勤苦之本便  
為菩薩說像道法教則是世事像道  
教者或示尸解或說四禪及四空定  
言善男子是還正道從是可得須陀  
洹道可至羅漢辟支佛道從我教者  
可斷生死勤苦根本用是勤苦為學  
之乎隨我教者可生欲天得生色天  
須菩提菩薩聞是便大歡喜不亂不  
轉亦不狐疑意復念言今是比丘持  
是像法來為我說益我不少所以者  
何像法所說不於須陀洹取證至於  
羅漢辟支佛道亦不取證至阿耨多  
羅三耶三菩亦不取證今受是比丘  
恩我所應覺知之事今為我說覺知  
是已當遍知三乘之事時魔波旬知  
菩薩喜語菩薩言善男子欲得知供  
養如恒邊沙佛衣被飲食牀卧醫藥  
菩薩者不復從是過去恒邊沙佛受  
行五波羅蜜從彼諸佛所聞所問菩  
薩摩訶薩當云何住當云何行五波  
羅蜜三十七品大悲大慈如諸佛所

教當作是行當作是住如菩薩所應  
從是成阿耨多羅三耶三菩如其教  
住如諸行者逮薩云然諸過去菩薩  
作是輩行乃作余所功德尚不能得  
阿耨多羅三耶三菩卿學以來甫余  
便當那得阿耨多羅三耶三菩若菩  
薩聞是意无有異不恐不懼倍復歡  
喜言是輩比丘重復益我今我得須  
陀洹至薩云然時魔波旬知是菩薩  
意不動轉更便化作大比丘衆示菩  
薩言是輩比丘諸漏已盡發意求佛  
不能得佛今皆取羅漢如是輩人不  
能得成况卿欲得阿耨多羅三耶三  
菩菩薩覺知是魔事者不墮羅漢辟  
支佛道當成阿耨多羅三耶三菩若  
有菩薩行檀波羅蜜至薩云然不動  
還者成阿耨多羅三耶三菩復次須  
菩提若有菩薩行般若波羅蜜作是  
念言如佛所說菩薩盡奉持不離諸  
佛教至薩云然終不耗減須菩提菩  
薩行般若波羅蜜當作念言覺知魔  
事者終不耗減於阿耨多羅三耶三  
菩須菩提以是相行像貌具足當知

是阿惟越致菩薩須菩提言世尊菩薩於何所轉而言不轉還佛言於五陰相還於十二衰相還於十八性相還於婬怒癡相還於見相還於三十七品相還於聲聞辟支佛相還於佛相還何以故阿惟越致菩薩空像色貌法相上菩薩位於不生法亦无所有一既无所有一亦無所作亦不作亦不生是故名為无所從生法忍菩薩得是忍者則是阿惟越致菩薩摩訶薩須菩提以是相行像貌具足知是阿惟越致菩薩摩訶薩

放光般若經卷第十二

丁酉歲高麗國大藏都監奉

勅彫造

放光般若經卷第十二 第二十九張重



放光般若經卷第十三

重

西晉于闐國三藏無羅叉奉詔譯

摩訶般若波羅蜜堅固品第五十七

佛告須菩提彼魔波旬至菩薩所言  
薩云若者與虛空等有無之事皆空  
是法及形亦復空於空无之法初無  
能得已過去者亦不能得空无之法  
甫當來者亦不能得有無之相皆空  
如空汝唐勤苦成阿耨多羅三耶三  
菩者是皆魔事非三耶三佛所說諸  
賢者當覺魔事卿作是意者卿將无  
長夜墮惡趣中佛言是善男子善女  
人若聞是所言便當覺知是為魔事  
魔欲壞我阿耨多羅三耶三菩是一  
切諸法有无之事雖與空等一切衆  
生無能見者无能知者我當以有無  
之空為僧那僧涅槃薩云若為衆生  
說法使得度脫當令衆生得須陀洹  
道得阿羅漢辟支佛道令得阿耨多  
羅三耶三菩菩薩摩訶薩從發意以  
來當堅其意不動不轉不信餘事意  
已堅固便行六波羅蜜便上菩薩之

位須菩提言云何世尊菩薩不動還者為阿惟越致耶動還者為阿惟越致耶佛報言不動轉者是阿惟越致動轉者亦是阿惟越致須菩提言是事云何世尊佛言從阿羅漢辟支佛地動轉者是則阿惟越致從阿羅漢辟支佛地雖不動轉者是菩薩則為動轉者須菩提以是相行像貌具足是為阿惟越致有如是相者彼魔波旬不能壞菩薩令不至阿耨多羅三耶三菩須菩提阿惟越致菩薩欲得四禪則便能得欲得滅脫禪亦復能得欲得三十七品禪空无相無願禪皆悉能得欲得五神通者悉能得之雖受諸禪不取禪證不取聲聞辟支佛證自取所應以濟衆生須菩提以是相行像貌具足知是阿惟越致菩薩復次須菩提阿惟越致常念於道不離於道不貪形色不貪身相不貪巢窟不貪六波羅蜜不貪四等亦不貪四空定不貪神通不貪十力及十八法不貪佛國亦不貪教授衆生不貪見佛不貪善本所以者何於空無

法不見空無无相之法有可貪者何  
以故一切諸法有無之事相皆空故  
須菩提阿惟越致菩薩已具足菩薩  
念具足四事行步坐起卧覺出處安  
諦詳審終不率暴用意不忘須菩提  
以是相行像貌具足是為阿惟越致  
菩薩須菩提阿惟越致菩薩為衆生  
故以溫恕拘舍羅現在居家五欲之  
中施諸窮厄衣被飲食隨人所欲皆  
供給之自行六波羅蜜勸彼使行六  
度常稱歎六度功德見有行者代其  
歡喜阿惟越致處於居家滿閭浮提  
珍寶施於衆生及三千大千國土珍  
寶布施衆生初不貪惜无有姪欲之  
意常等法行語言謙下不陵易於人  
不使衆生起於恚意須菩提以是相  
行像貌具足是為阿惟越致復次須  
菩提和夷羅洹闍叉常隨後護彼闍  
叉等言我常當護是菩薩至成阿耨  
多羅三耶三菩使意不乱終不遠離  
復有五性和夷闍叉亦復侍護阿惟  
越致菩薩摩訶薩令餘小神及非人  
神无能得其便者須菩提阿惟越致

菩薩信根志根精進根三昧根智慧  
根諸根具足人中勇猛不為怯弱須  
菩提白佛言云何為勇猛云何不為怯  
弱佛語須菩提於道意堅固不動還  
者是則勇猛不為怯弱當知是為阿  
惟越致相復次須菩提阿惟越致菩  
薩道念常具足不學呪術符書不作  
蠱道不作醫師合和諸藥不學神仙  
外道卜相知他男子及女人意所以  
者何菩薩於空无法相不見是事無  
有是相常願清淨以是相行像貌具  
足知是阿惟越致佛告須菩提我今  
當說阿惟越致菩薩像貌相行諦聽  
諦受須菩提言唯世尊受教佛告須  
菩提菩薩行般若波羅蜜者不離於  
道行順應五陰順應諸性順應諸衰  
所以者何五陰空故性衰亦空所行  
不逆國事何以故住於空法亦不見  
法有增有減者不逆盜事何以故以  
住於空於空法中亦不見法有持來  
者亦不持去者不逆兵事何以故住  
於空性於空法中亦不見法有多有  
少者不逆閭事何以故住於空法亦

不見法有憎有愛者所語常順何以  
故住於諸法空如亦不見有常无常  
故須菩提阿惟越致不說城郭事何  
以故住於虛空之空亦不見聚亦不  
見散亦不見聚落之事何以故住於  
本際不見有得不見有失亦不說吾  
我之事亦不說種種俗事但說般若  
波羅蜜不離薩去然事行檀波羅蜜  
不為貪嫉行尸波羅蜜不為惡戒行  
辱波羅蜜不為瞋恚行惟遠波羅蜜  
不為懈怠行檀波羅蜜不為乱意行  
般若波羅蜜不為愚癡行諸法空為  
諸法主非為非法之主行於法性讚  
歎不壞法者與諸如來緣覺弟子及  
諸菩薩及諸新發大道意者族姓男  
女共為親友常願欲得見諸如來无  
所著等正覺常願欲見十方諸佛隨  
所見佛願往生彼便得往生晝夜意  
常不離諸佛之念何以故諸阿惟越  
致菩薩隨順入欲界奉行十善得生  
十方佛前起第一禪至四禪從四禪  
至无形禪便得生十方佛前須菩提  
以是像貌相行具足知是阿惟越致

菩薩須菩提行般若波羅蜜菩薩住  
內空者住三十七品者住三脫門者  
終不言我是阿惟越致亦不言我非  
阿惟越致自住其地終無有疑何以  
故初不見法有動轉不動轉者譬如  
須陀洹自住其道亦不疑恠阿惟越  
致亦譬如是自住其地教化衆生淨  
佛國土魔事適起即時覺知不隨魔  
教破壞魔事譬如下愚之人意欲懷  
逆惡至死不移須菩提阿惟越致菩  
薩自住其地亦譬如是諸天及人諸  
鬼神龍諸阿須倫諸魔波旬所不能  
移轉所以者何出諸世間諸天龍鬼  
神一切之上自於其地具足五通教  
化衆生淨佛國土從一佛國至一佛  
國於諸佛所殖諸善本問諸佛受諸  
教所住處有魔事即覺知以遍徧拘  
舍羅處魔事著本際自於其地亦不  
疑歎所以者何於真際无狐疑知真  
際亦不一亦不二以過羅漢辟支佛地  
須菩提菩薩於是空无法相亦不見  
生亦不見滅亦不見斷亦不見著亦  
不作念言我當得阿惟三佛亦不言



我不得阿惟三佛何以故以阿耨多  
羅三耶三菩相自空故是菩薩自住  
无所乏短之地不復怖望餘事無能  
壞是地者何以故須菩提阿惟越致  
菩薩所有慧不與他人共彼魔波旬  
化作佛像來至菩薩所言來取羅漢  
亦無有授卿阿耨多羅三耶三菩記  
者卿亦未得无所從生法忍諸如來  
無所著等正覺不受卿記別卿亦未  
有是事亦无是行亦無是相亦无是  
像貌任受記別者須菩提菩薩聞是  
不恐不怖不疑不厭意無有二者是  
菩薩當自知我已從諸如來无所著  
等正覺受記別已所以者何菩薩自  
知我有是事堪任受別為阿耨多羅  
三耶三菩彼魔波旬復作佛形像來  
至菩薩所便以魔事授與菩薩阿耨  
多羅三耶三菩記別是菩薩即覺知  
或能是魔或能為魔所使作是像來  
非是佛但欲使我墮於羅漢辟支佛  
耳須菩提若魔波旬復作佛像來至  
菩薩所語菩薩言汝所行者非佛所  
說亦非弟子所說但魔事耳須菩提

菩薩即知復是魔耳或為魔所使是  
非佛也欲壞我阿耨多羅三耶三菩  
意我意終不可轉是菩薩意不可轉  
者以從過去諸佛受記別已以為住  
阿惟越致地何以故以是像貌相行  
具足堪任阿惟越致以是當知阿惟  
越致相復次須菩提行般若波羅蜜  
菩薩者欲護持諸法故不惜身命若  
菩薩摩訶薩以漚和拘舍羅乃能作  
是護法不惜身命者則為護過去當  
來今現在諸佛法已須菩提白佛言  
菩薩不惜身命欲護法者為欲護持  
何等法耶佛言我說空法愚癡之人  
罵詈誹謗言是非法亦非律行又非  
尊教須菩提為是法故菩薩摩訶薩  
護持正法菩薩當作是念諸當來佛  
所可說法我亦在是數中受記是法  
亦復是我法以是法故不惜身命須  
菩提菩薩為是法故不惜身命以是  
像貌相行具足知是阿惟越致復次  
須菩提阿惟越致聞說深法亦不狐  
疑亦不驚怖諸佛所說皆能受持終  
不遺忘所以者何用得陀隣尼故須

善提白佛言世尊菩薩得何等陀隣  
尼能受持諸如來无所著等正覺法  
而不遺忘佛言菩薩以得聞持等陀  
鄰尼便能受持諸佛經法而不遺忘  
世尊如來所言非聲聞所說亦非天  
龍鬼神所說亦非阿須倫真陀羅摩  
休勒所說佛告須菩提諸所有音聲  
之名是菩薩聞是初不驚恠意无狐  
疑用得陀隣尼故以是像貌相行具  
足是為阿惟越致菩薩摩訶薩

摩訶般若波羅蜜甚深品第五十八

須菩提白佛言世尊阿惟越致菩薩  
大功德具足不可稱量功德具足佛  
告須菩提如是如是阿惟越致有大  
功德不可得稱量功德具足所以者  
何以得无尋無限之慧非諸羅漢辟  
支佛所能及故阿惟越致住是慧中  
便受神通亦非諸天世間人民所能  
及者須菩提白佛言世尊能以恒邊  
沙劫之壽歎說阿惟越致菩薩摩訶  
薩功德像貌相行具足所入所住深  
奧之慧行六波羅蜜具足三十七品  
及薩去然可令人得知是阿惟越致

菩薩摩訶薩功德者不佛言善哉善哉須菩提汝乃能問阿惟越致深奧之處說甚深空無相无願說無所有說无所生滅諸垢垢說泥洹淨說如說寂真際法性是諸深法皆是泥洹之像須菩提言世尊如是說者但是甚深泥洹非諸法之教耶佛言須菩提甚深亦是諸法之教也須菩提五陰甚深六衰甚深乃至道亦復甚深須菩提五陰云何甚深五陰如如是甚深亦如道如是故五陰甚深道亦甚深云何如如夫如者亦非五陰亦不離五陰如亦非道亦不離道須菩提白佛言世尊阿惟越致菩薩摩訶薩甚奇甚特甚深微妙乃余除五陰處泥洹若道若俗之所有法所作无作有漏無漏皆悉已除處於泥洹佛告須菩提若菩薩摩訶薩應般若波羅蜜深妙之法若念若持自念所住當如般若波羅蜜教住所學亦當如般若波羅蜜教是菩薩盡具足如般若波羅蜜教持是具足之念受無央數善本功德捨无量劫生死之難

何況至意守行與般若波羅蜜與道相應者譬如士夫情多放逸與彼端正女人剋期其女人有事不得時往未到之間於意云何彼人為有幾意起想須菩提言世尊是想甚多甚多佛告須菩提菩薩奉行般若波羅蜜如其中教至念一日意不轉者却若干劫生死之垢是菩薩應般若波羅蜜行一日所受善本功德勝於菩薩但行布施如恒邊沙劫復次須菩提菩薩布施三尊如恒邊沙劫於意云何其人殖福寧為多不須菩提言世尊甚多甚多不可稱計佛言不如是菩薩摩訶薩念般若波羅蜜應行一日如般若波羅蜜中教其功德不可計何以故菩薩因是乘疾得成阿耨多羅三耶三菩故須菩提若有菩薩行般若波羅蜜以恒邊沙劫之壽為須陀洹作功德及羅漢辟支佛作功德至三耶三佛作善本於意云何其人功德寧為多不須菩提言世尊甚多甚多佛言不如是菩薩行般若波羅蜜如中教其功德不可計何以故

菩薩行般若波羅蜜已過羅漢辟支  
佛地故從菩薩位成至阿耨多羅三  
耶三菩故須菩提若有菩薩壽如恒  
邊沙劫行六波羅蜜其人功德寧多  
不須菩提言甚多甚多佛言不如是  
菩薩隨般若波羅蜜教一日如中行  
六波羅蜜其功德不可計何以故般  
若波羅蜜者是菩薩摩訶薩之母住  
是般若波羅蜜中具足諸佛法故須  
菩提若有菩薩行般若波羅蜜如恒  
邊沙劫之壽行法之施於意云何其  
人功德寧多不須菩提言甚多甚多  
佛言不如是菩薩行般若波羅蜜如  
中教一日法施其功德不可計何以  
故菩薩不離般若波羅蜜者則為不  
離薩云然菩薩欲得成阿耨多羅三  
耶三菩不當離般若波羅蜜須菩提  
若有菩薩行般若波羅蜜如恒邊沙  
壽行三十七品及空无相無願其人  
功德寧為多不須菩提言世尊甚多  
甚多佛言不如是菩薩行般若波羅  
蜜如其中教一日如般若波羅蜜中  
教行三十七品及十八法其功德不



可計何以故初不見有菩薩行般若  
波羅蜜從薩去然有還者離般若波  
羅蜜者便有動還故須菩提是故菩  
薩不當離般若波羅蜜佛告須菩提  
若有菩薩以恒邊沙劫之壽行六波  
羅蜜所有財物飲食布施以法布施  
及諸三昧事欲為阿耨多羅三耶三  
菩其人功德寧為多不須菩提言世  
尊甚多甚多佛言不如是菩薩行般  
若波羅蜜如中教所可布施及法施  
與諸三昧事欲為阿耨多羅三耶三  
菩其功德不可計所以者何如般若  
波羅蜜教者於諸功德中為取第一  
離般若波羅蜜念者是為非念亦為  
非求復次須菩提菩薩欲發阿耨多  
羅三耶三菩者當善於智求須菩提  
若有菩薩習行六波羅蜜者壽如恒  
邊沙劫勸助過去當來現在諸佛及  
僧所作功德代其歡喜持是歡喜持  
作阿耨多羅三耶三菩其功德寧多  
不須菩提言世尊甚多甚多佛言不  
如是菩薩一日與般若波羅蜜教相  
應持是功德當成阿耨多羅三耶三

菩須菩提菩薩欲得阿耨多羅三耶  
三菩者當善於智求須菩提白佛言  
世尊如佛所說菩薩從无所作為為  
取第一若无所作無所為者云何而  
得正見須陀洹及羅漢辟支佛至薩  
云然成阿惟三佛佛言如是如是須  
菩提不可從有所作得須陀洹至薩  
云然成阿惟三佛行般若波羅蜜布  
施亦不求有所作亦不有是布施意  
常念言是布施空亦无所有何以故  
是菩薩學善於内外空及有無空故  
須菩提菩薩住是空已觀諸所作作是  
空觀則已不離般若波羅蜜不離般  
若波羅蜜則受无有數無有限无有  
量諸福功德須菩提白佛言無有數  
无有限無有量有何等異佛言阿僧  
祇者為无有數有數身亦不可得無  
有數身亦不可得无有量者當來過  
去今現在不可限不可量亦不可思  
議須菩提白佛言世尊可使五陰不  
可量不可數不可限不佛言有是須  
菩提言世尊何因五陰不可量不可  
數不可限佛言五陰空不可數不可

量云何世尊但五陰空諸法為不空  
耶佛言我初不說諸法空耶世尊亦  
說諸法空耳世尊空者為是不可盡  
為是不可數為是不可量空者不可  
數不可量亦不可平相世尊是法義  
解亦不可得若干佛言如須菩提所  
說無異以諸法不可得故佛說若干  
不可得是法空无相無願无所有無  
所生是為滅是為泥洹是為如來无  
盡至於泥洹須菩提白佛言未曾有  
世尊甚奇其特如世尊所說無所得  
法我聽世尊所說諸法亦不可得以  
諸法不可得空亦不可得不可得義  
為有增減不佛言无有增減須菩提  
言六波羅蜜亦無增減三十七品亦  
不增減八惟无禪四無尋慧四等佛  
十八法及十種力四无所畏亦無增  
亦无減須菩提言世尊若是法從六  
波羅蜜至四无所畏若有增有減者  
便不成阿耨多羅三耶三菩須菩提  
如是如是不可得之法亦無增亦无  
減若行般若波羅蜜若念般若波羅  
蜜若習般若波羅蜜遍起拘舍羅亦

不念言我增六波羅蜜亦不念我減六波羅蜜當作是念但有名故有六波羅蜜持是所念持是發意持是善本施作阿耨多羅三耶三菩如諸法如須菩提白佛言云何為阿耨多羅三耶三菩如諸法如世尊何等為諸法之如為阿耨多羅三耶三菩佛言五陰之如泥洹之如是故為阿耨多羅三耶三菩是亦不增亦不減是故菩薩不離般若波羅蜜倍復精進行般若波羅蜜亦不見諸法有增有減者是故不可得法亦无增減須菩提是故六波羅蜜亦不增減至四無學亦不增減菩薩行般若波羅蜜當作是不增不減之意須菩提白佛言世尊菩薩摩訶薩成阿耨多羅三耶三菩為用初時意得成為用後頭意得成前意後意各各不俱云何善本得不聚成阿耨多羅三耶三菩世尊是不俱不同之意云何有所成功德不成不聚不得成阿耨多羅三耶三菩佛告須菩提我當為汝說譬喻諸有智之士以譬喻得解於意云何譬如燈

炷始然之時為用初明得然為用後  
明得然炷燋之時為用初時明燋為  
用後時明燋須菩提言世尊亦不用  
初頭焰得然亦不離初焰因緣得然  
亦不用後焰得然亦不離後焰因緣  
須菩提菩薩亦不用初意得阿耨多  
羅三耶三菩亦不離初意因緣亦不  
用後意得亦不離後意因緣得須菩  
提菩薩行般若波羅蜜從初發意至  
十住地成阿耨多羅三耶三菩世尊  
云何從十住地成阿耨多羅三耶三  
菩佛言先從智地觀地具足阿耨多  
羅三耶三菩從八輩觀地薄地離婬  
地已辦地辟支佛地菩薩地阿耨多  
羅三耶三菩地佛地具足佛地已便  
成阿耨多羅三耶三菩菩薩於是十  
地學亦不從初發意得阿耨多羅三  
耶三菩亦不離初發意得亦不以後  
意得亦不離後意得須菩提言世尊  
十二因緣起甚深不以初發意得阿  
耨多羅三耶三菩亦不離初發意因  
緣亦不用後意得阿耨多羅三耶三  
菩亦不離後意而成阿耨多羅三耶

三善須菩提於意云何意已滅可復  
使更生不世尊已滅不復生須菩提  
意已生為是滅法不世尊是實滅法  
佛言已滅法者是為滅不世尊不也  
須菩提於意云何為正住不世尊  
住如如住佛告須菩提若住者真  
際住當住如如耶不也世尊佛言於須  
菩提意云何如者為甚深不世尊甚  
深甚深須菩提如者為是意耶不也  
世尊如非意須菩提意為離如耶不  
也世尊須菩提如以如為相見不不  
也世尊如如不相見須菩提如是行  
者為行深般若波羅蜜不須菩提言  
世尊如是行者為行深般若波羅蜜  
須菩提言作如是行為行何法世尊  
佛言作是行者為無所行何以故行  
般若波羅蜜者无若干行世尊夫如  
者亦無若干亦无作若干行佛告須  
菩提菩薩行般若波羅蜜為行何等  
對曰為行畢竟無有二處佛言行畢  
竟者為有若干行為有相行耶无有  
世尊佛言無相為有相念耶无有世  
尊佛言云何有相念須菩提言世尊



菩薩行般若波羅蜜亦不作是念有相无相菩薩行般若波羅蜜不具佛十種力及十八法不成阿耨多羅三耶三菩菩薩遍起拘舍羅於諸法无所念亦不念何以故菩薩知一切諸法相皆空故住空法為衆生故行三三昧持是三昧教化衆生世尊菩薩摩訶薩何等三三昧佛言住是三昧者與空无相無願相應一切衆生皆著於空著於相願菩薩摩訶薩安處衆生以空無相无願之法行般若波羅蜜菩薩以是三事教化衆生摩訶般若波羅蜜夢中行品第五十九

今時舍利弗語須菩提菩薩於夢中行三事三昧空无相無願於夢中行是寧有益於般若波羅蜜不須菩提報舍利弗言若於晝日有益於般若波羅蜜者夜夢中亦當復有益所以者何晝夜夢中等無異舍利弗菩薩行般若波羅蜜若有般若波羅蜜者於夢中便當念般若波羅蜜舍利弗語須菩提若菩薩於夢中有所作寧有所成受不如佛所言諸法如夢是

故无所成無所受何以故夢中初不見有法有所成者有所受者亦无所得若夢覺已寧有所得不須菩提言若於夢中有所害煞言我煞是快耶覺已念夢中所作是云何舍利弗言皆有因緣無因緣終不起須菩提言如是如是事有因緣有緣有念有念有事事從聞見便有覺意便有著斷不從不聞不見而有緣起是故舍利弗以因緣故有事起有念生舍利弗言云何須菩提所念所作佛言皆寂云何所作有緣有起有所成受須菩提言起想便有因緣有緣便有事有事便有念舍利弗言若菩薩於夢中行六波羅蜜持是功德念欲為阿耨多羅三耶三菩是為有所施作不須菩提言今弥勒菩薩摩訶薩為世尊所記在是可問弥勒能解當從其問舍利弗白弥勒言我所問者須菩提言弥勒能解今仁者當為我等解是時弥勒語舍利弗言卿等欲使我當以名以色以痛想行識而發遣耶當以何事而解說乎當以色空而發遣耶當

以痛想行識空而發遣乎色空亦無能發遣痛想行識空亦无所發遣我初不見法有能發遣法者亦無有受記薊受阿耨多羅三耶三菩者亦无受薊處者是法都無有二舍利弗言如仁者所說為得證也弥勒答言雖作是說我亦不得證舍利弗意念弥勒菩薩辯才深入於六波羅蜜中種種發遣而无所倚佛告舍利弗汝頗見是法得羅漢證者不舍利弗言世尊不見是法有得證者佛言菩薩行般若波羅蜜亦不念言是法已受薊是法當受薊得阿耨多羅三耶三菩者菩薩作是行為行般若波羅蜜亦不有疑我當得阿惟三佛亦不疑不得復次須菩提菩薩行檀波羅蜜時若見有衆生有飢渴者衣不蓋形孤貧窮厄不能自存者當起大哀願我得阿耨多羅三耶三菩阿惟三佛時使我境界無有是輩困苦之類使我佛土所有衣服飲食之具如四天上如忉利天第六天王所有飲食衣服自然須菩提菩薩作是行者便為具足

檀波羅蜜復次須菩提菩薩行尸波羅蜜若見衆生有不慈意殘煞衆命邪見疑網犯十惡者見有短命多病少威醜无顏色形殘羸劣極下賤者起大悲意使我奉行尸波羅蜜我得佛時使我境內無有是輩菩薩如是為具足戒疾得阿惟三佛不久須菩提菩薩行羣波羅蜜時若見衆生有瞋恚意捶杖刀矛及石相加相傷煞者起大願言我當行忍至得佛時令我境內無有是輩諸惡事者我作佛時令我國土中一切衆生皆同慈意和志相視如父如母若兄若弟相向无害菩薩作是行者為具足忍疾得阿惟三佛不久復次須菩提菩薩行惟逮波羅蜜時若見衆生於三乘法起相懈怠无精進者復起大願我當自勉精進不懈我得佛時令我國中衆生精進於三乘法各得度脫菩薩如是為具足精進疾得阿惟三佛不久復次須菩提菩薩行禪波羅蜜時若見衆生行五蓋事一者婬嫉二者瞋恚三者睡卧四者調戲五者疑網

離於四禪離四空定者起大意願令  
我常當行禪波羅蜜教化衆生淨佛  
國土我得佛時令我國土一切衆生  
无亂志者菩薩如是為具足禪疾得  
阿唯三佛不久復次須菩提菩薩行  
般若波羅蜜時若見衆生有犯惡者  
若俗若道離正見者行无道之事者  
言無報者言便斷者言有衆生者作  
是見已起大願言我當勤力行六波  
羅蜜淨佛國土教化衆生我作佛時  
令我國中無有是輩邪見之事菩薩  
如是為具足般若波羅蜜疾近薩云  
然復次須菩提菩薩行六波羅蜜時  
若見衆生在於三際一者直見際二  
者邪見際三者亦不在邪亦不在正  
見際是以我當勤力行六波羅蜜教  
化衆生淨佛國土我作佛時令我國  
人不見邪見不聞邪見之聲菩薩如  
是是為具足六波羅蜜疾近薩云然  
復次須菩提菩薩行六波羅蜜時若  
見泥犁薜荔畜生蠕動之類當發大  
慈我當勤力行六波羅蜜我作佛時  
令我國中不聞有三惡道之名菩薩

如是為具足六波羅蜜疾近薩云然  
 復次須菩提菩薩行六波羅蜜時若  
 見大地山陵溝坑荆棘草木不淨穢  
 惡發普願言我當勤力行六波羅蜜  
 我得佛時令我國土皆平如掌令我  
 國人不見諸穢菩薩如是為具足六  
 波羅蜜疾近薩云然復次須菩提菩  
 薩行六波羅蜜時若見大地无有金  
 寶但淳以土發意願言我當勤力行  
 六波羅蜜我得佛時令我土地從下  
 際以上淳以黃金為地菩薩如是為  
 具足六波羅蜜疾近薩云然復次須  
 菩提菩薩行六波羅蜜時若見衆生  
 有所戀著者發是願言我當勤力行  
 六波羅蜜我作佛時令我國人莫有  
 所戀著菩薩如是為具足六波羅蜜  
 疾近薩云然復次須菩提菩薩行六  
 波羅蜜時若見四姓刹利梵志田家  
 工師長吏將帥發意願言我當勤力  
 行六波羅蜜教化衆生淨佛國土我  
 作佛時令我國中無有四姓淳以一  
 姓菩薩如是為具足六波羅蜜疾近  
 薩云然復次須菩提菩薩行六波羅



蜜時若見衆生有上中下家者復發願言我當勤力行六波羅蜜教化衆生淨佛國土我作佛時今我國中一切衆生無是優劣有上中下菩薩如是為具足六波羅蜜疾近薩云然復次須菩提菩薩行六波羅蜜時若見衆生有種種色發意願言我當勤力行六波羅蜜教化衆生淨佛國土我作佛時今我國人无若干色皆悉端正得第一色菩薩如是為具足六波羅蜜疾近薩云然復次須菩提菩薩行六波羅蜜時若見國主發意願言我當勤力行六波羅蜜教化衆生淨佛國土我作佛時今我國土无有王者之号但以如来無所著等正覺以為法王菩薩如是為具足六波羅蜜疾近薩云然復次須菩提菩薩行六波羅蜜時若見五趣之行發意願言我當勤力行六波羅蜜教化衆生淨佛國土我作佛時使我國人皆令無有五趣之行等以三十七品為行菩薩如是為具足六波羅蜜疾近薩云然復次須菩提菩薩行六波羅蜜時

見四種生卵生濕生胎生化生發意  
願言我當勤力行六波羅蜜教化衆  
生淨佛國土我作佛時令我國中無  
有三生等一化生菩薩如是為具足  
六波羅蜜疾近薩云然復次須菩提  
菩薩行六波羅蜜時見諸衆生无有  
五通無有光明復發願言我作佛時  
令我國中盡得五通皆有光明遠有  
所照菩薩行六波羅蜜時若見衆生  
有大小便利發意願言我作佛時令  
我國人等如天身无復便利之患菩  
薩行六波羅蜜時發大願言我作佛  
時令我國土无有一日一月一歲十歲  
都無此數菩薩行六波羅蜜時若見  
衆生短命發大願言我作佛時令我  
國中人壽命極長无有限數菩薩如  
是便具足六波羅蜜成阿耨多羅三  
耶三菩阿惟三佛菩薩行六波羅蜜  
時若見衆生无有相者發大願言我  
當勤力行六波羅蜜我作佛時令我  
國人普得具足三十二大人之相菩  
薩如是為具足六波羅蜜疾近薩云  
然菩薩行六波羅蜜時若見衆生無

有善本我成阿惟三佛時令我國人  
具足善本等如如來无所著等正覺  
作是念者具足六度疾近薩云然復  
次須菩提菩薩行六波羅蜜時言我  
當勤力疾成阿耨多羅三耶三菩令  
我國中無有三垢四病菩薩如是為  
具足六波羅蜜疾近薩云然復次須  
菩提菩薩行六波羅蜜時言我當勤  
力疾成阿耨多羅三耶三菩我作佛  
時使我國中无有二道之名普等至  
薩云然復次須菩提菩薩行六波羅  
蜜成阿惟三佛使我國土中不聞項  
佞之名須菩提菩薩行六波羅蜜當  
作是念我未便成阿惟三佛先當知  
我壽命光明比丘僧數然後乃成阿  
惟三佛一切無有能知我年壽劫數  
比丘數者菩薩如是為具足六波羅  
蜜疾近薩云然復次須菩提菩薩行  
六波羅蜜作如是念言我作佛時令  
我一國大如恒邊沙佛國菩薩如是  
為具足阿耨多羅三耶三菩疾近薩  
云然復次須菩提菩薩行六波羅蜜  
當作是願生死道長衆生甚多虚空

無邊衆生之性亦无有邊於中亦無  
生者亦无泥洹者如是念者為具足  
六波羅蜜疾近薩去然

摩訶般若波羅蜜恒加調品第六十

尔時坐中有一女人名恒加調從坐  
起整衣服為佛作礼長跪叉手白佛  
言我亦當奉行六波羅蜜攝取佛國  
如世尊說般若波羅蜜事是女人歎  
佛已以金銀花及水陸花著身瓔珞金  
色之氎而以散佛當頭上化成四柱寶  
交露臺嚴事淨如是未曾有是女人  
言持是功德施與衆生皆共發阿耨  
多羅三耶三菩尔時世尊知女人意  
便笑如諸佛法若干色光從口中出  
遍照諸十方無央數佛剎遶身三匝  
還從頂入時阿難從坐起整衣服長  
跪叉手白佛佛何因笑願聞笑意佛  
告阿難是恒加調弟當來之世當作  
佛号名金華如來无所著等正覺畢  
女人身受男子形後當生於妙樂佛  
國於彼國修梵行是菩薩摩訶薩在  
所生國常有金華名号於彼剎盡其  
壽普遊諸國從一佛至一佛不離諸

佛阿難譬如轉輪聖王從一觀至一觀從生至竟足不蹈地是金華菩薩亦復如是至成阿惟三佛未曾不見佛時阿難意念是金華菩薩後作佛時諸會菩薩為是佛會佛知阿難意之所念告阿難言如是如是當知彼時菩薩會者是為佛會彼比丘僧甚多不可計不可以千數万數億數无有限量阿難是金華菩薩成如來無所著等正覺時其國土所有一切衆惡諸不善事悉皆无有如向所說般若波羅蜜淨妙國土等無有異阿難白佛言世尊是弟從何佛以來殖功德本佛告阿難是弟乃從提想竭羅如來无所著等正覺所始發尊意亦復以金花散提想竭佛散彼佛時意亦願言持是功德成阿耨多羅三耶三菩如我以五華散提想竭羅佛上發阿耨多羅三耶三菩於時彼佛知我功德具足便記我阿耨多羅三耶三菩蒯是金華菩薩今時見我受記便發願言我亦當受蒯如是菩薩受蒯阿難是金華菩薩乃從提想竭羅

初始發意阿難白佛言世尊是女人  
以辦阿耨多羅三耶三菩佛告阿難  
如是如是是弟以為成辦阿耨多羅  
三耶三菩阿惟三佛

放光般若經卷第十三

丁酉歲高麗國大藏都監奉

勅彫造

放光般若經卷第十三 第三十張 重 宗底



放光般若經卷第十四

重

西晉于闐國三藏無羅叉奉詔譯

摩訶般若波羅蜜問相行願品第六十一

須菩提白佛言世尊菩薩摩訶薩行般若波羅蜜云何行空三昧無相三昧无願三昧當云何入當云何行當云何行三十七品當云何念佛告須菩提菩薩摩訶薩行般若波羅蜜觀五陰空乃至欲界色無色界觀空當作是觀意而不亂於諸法无所見適無所見於諸法不作證何以故善學於空法故至於得證亦不斷諸法不決定於諸法所得證亦不見證亦不見是法須菩提白佛言世尊云何如佛所說菩薩不於空法取證云何住空而復取證佛告須菩提觀空具足無所乏短亦不念言我當受證是亦非證菩薩之法所應所行不以證為期但以行為期菩薩亦不定意亦不有所而係意於三十七品而不耗減亦不受漏盡之證何以故菩薩摩訶薩以具足於深妙之法故何以故

菩薩已位於三十七品作是知言是  
為行時非為證時菩薩行般若波羅  
蜜當作是觀言今正是行五波羅蜜  
時非是證時今正是行三十七品時  
非是證時今正是行三三昧時行十  
種力四等大慈大悲是行薩云若時  
非是須陀洹羅漢辟支佛道證時須  
菩提菩薩行般若波羅蜜因三三昧  
行空无相無願三昧因三十七品行  
根力覺意法亦不取證因三十七品  
而作作行不受聲聞證須菩提辟如  
士夫端正勇健猛於兵法堅持鎧杖  
具足悲曉六十四能皆明諸術衆人  
無不愛敬者所作事物无不成辦見  
衆敬侍倍復歡喜若以他事當有所  
至道過厄難危險之處多有怨憎彼  
怨家者亦復勇猛所將群從父母大  
小莫不驚怖時勇猛者安隱父母慰  
諸群從言莫有恐懼我有術能無所  
乏短自當得脫此諸厄難既得脫難  
降伏怨敵而无所害以至所在安隱  
父母群從莫不歡喜所以者何用是  
男子勇健雄猛具足諸術無乏短故

佛告須菩提菩薩以四等意慈悲喜  
護為衆生故具足六度未得漏盡開  
薩云若之大徑路以住於空无相無  
願亦不以空無相无願隨至為證具  
足不墮羅漢辟支佛地譬如衆鳥飛  
行空中而不墮地亦不住空菩薩如  
是行空無相无願三昧而不取證度  
於羅漢辟支佛地悉當具足佛十種  
力四無所畏及十八法薩云然慧終  
不取證須菩提譬如士夫壯勇多力  
善於射術仰射虚空尋以後箭射於  
前箭箭箭相柱不得今箭前有墮地者  
意欲令墮便止後箭不復射者尔乃  
墮耳須菩提菩薩摩訶薩行般若波  
羅蜜為遍想拘舍羅所持殖諸功德  
具足一切衆善之本一事不具終不  
中道取證至成阿耨多羅三耶三菩  
阿惟三佛功德具足尔乃於真際作  
證是故須菩提菩薩行般若波羅蜜  
當具足是上諸法須菩提白佛言世  
尊菩薩學是謙苦甚難作是學者為  
學真際是為學如為學法性為學本  
空為學自空為學三脫如有所學而

不中道有歟世尊大哉甚奇甚特佛  
告須菩提所以者何菩薩有願志不  
捨一切衆生故須菩提菩薩若有意  
不捨衆生盡當度脫一切衆生於無  
端緒之法出生三脫門當知是為遍  
起拘舍羅菩薩要當成薩云若慧終  
不中道實際取證復次須菩提菩薩  
欲得觀知諸深法處者內空外空及  
有无空三十七品及三脫門當作是  
念一切衆生長夜常有我想人想有  
壽命想有見知想所念所作皆依是  
想是故菩薩摩訶薩普見衆生有是  
輩想欲為衆生除是念想成阿耨多  
羅三耶三菩而為說法行空三昧無  
相无願雖作是行終不中道取羅漢  
辟支佛證須菩提用是菩薩有是願  
故功德具足故亦不中道取證不失  
四禪不失四等及四空定不失三十  
七品法及三脫門四無所畏四无尋  
慧不失十力及十八法便得具足諸  
所有之法終不失阿耨多羅三耶三  
菩諸有菩薩為遍起拘舍羅所護持  
者具足功德善法轉增諸根通利過

於羅漢辟支佛根復次須菩提菩薩  
常念衆生行四顛倒有常想有淨想  
有樂想有我想當為是輩我當行道  
成阿惟三佛時當為說法為說无常  
為說不淨無樂无我菩薩如是意行  
具足者是為漚沍拘舍羅行般若波  
羅蜜慈當具足十力四無所畏大悲  
四等三十七品无願三昧然後乃當  
坐佛三昧真際取證菩薩作是念言  
一切衆生常有倚著常著吾我著於  
壽命著於五陰著於六衰著於十八  
法著於四禪著於四空定著於四等  
我成阿耨多羅三耶三菩阿惟三佛  
時當使衆生皆無有是倚著之病持  
是意行以漚沍拘舍羅行般若波羅  
蜜未具足十力四無所畏四無尋慧  
无願三昧終不中道取證具足諸願  
尔乃取證復次須菩提菩薩行般若  
波羅蜜意復念言衆生長夜常著想  
行或想念男女有色无色想我當勤  
行成阿耨多羅三耶三菩時今我衆  
生無想著病以具足是念以漚沍拘  
舍羅行般若波羅蜜十力不具足及



四无所畏佛十八法未具足者終不  
取證成諸功德具足無相三昧尔乃  
取證須菩提菩薩行六波羅蜜內空  
外空及有无空三十七品佛十八法  
具足是行不與三界共同行也須菩  
提菩薩行是三十七品行三十七品已  
當問言菩薩云何欲得阿耨多羅三  
耶三菩不以空為證以覺真際得須  
陀洹斯陀舍阿那舍阿羅漢辟支佛  
道亦不證無相无願亦不證滅亦不  
證所作亦不證所生亦不證无所有  
而念般若波羅蜜須菩提若有菩薩  
問諸菩薩若聞說空則當念空若聞  
無相无願當念無相无願若聞無所  
作當念无所作聞無所生無所有當  
念无所生無所有但當行空三十七  
品不行无相不行無願不行无所作  
亦不行無所生須菩提當知是菩薩  
未受記前未從諸佛受記前何以故  
阿惟越致菩薩亦不作是念亦不  
作是行亦不作是說亦不作是想但  
行阿惟越致菩薩事但念是事但行  
但說但想是事須菩提當知是菩薩



已過諸地如阿惟越致地以過阿惟越致地須菩提白佛言世尊是菩薩為得阿惟越致不佛言若有菩薩聞六波羅蜜若不聞所作行事如阿惟越致菩薩須菩提白佛言多有人行佛道者少有如阿惟越致菩薩所行者何以故少有菩薩受阿惟越致慧地記別受阿惟越菩薩別者為已遠離上諸想著不具足事是菩薩摩訶薩諸天世間人無能及者

摩訶般若波羅蜜阿惟越致相品第六十二

佛告須菩提菩薩夢中不近羅漢辟支佛地亦不近三界亦不壞三界亦不起意視諸法如夢如響如幻如熱時焰視諸法如化而不作證須菩提是菩薩摩訶薩是為阿惟越致相復次須菩提菩薩夢中見佛與若干百千不可計數四輩之眾圍繞說法從佛聞法即解中義所作常不離法所說不失法則須菩提當知是為阿惟越致相復次須菩提菩薩夢中見佛如來踊在虛空身有三十二相八十種好變化神通為比丘僧說法變化

使人詣他佛土施作佛事須菩提是  
為阿惟越致相復次須菩提菩薩夢  
中若見郡縣兵起相煞若有火災若見  
虎狼師子毒虫諸恐畏之事憂悲苦  
惱若見飢餓若見喪失父母兄弟親  
友知識夢見是已不恐不怖於夢覺  
已便作念言三界所有皆如夢耳我  
當精進成阿惟三佛已當為三界衆生  
說法須菩提是為阿惟越致相佛告  
須菩提一切人盡當云何知是菩薩  
成阿耨多羅三耶三菩須菩提菩薩  
若見泥犁薜荔禽獸三惡趣中諸勤  
苦者當發願言我當成阿惟三佛時  
使我國中無有三惡趣何以故夢中  
所有及一切諸法一法无有二當知  
是為阿惟越致相復次須菩提菩薩  
夢中見泥犁中火燒湯煮覺已念言  
我於夢中所見形像及其災變若於  
夢中自見阿惟越致相便作誓言如  
我所見泥犁中火即當滅去若火滅  
湯冷當知是菩薩以受記薜荔當成阿  
耨多羅三耶三菩是為阿惟越致相  
若是火焰燒一家至一家燒一里至

一里或燒一家不燒一家或燒一里  
不燒一里中有為火所燒者當知被  
燒家人斷法所致皆是斷法餘殃從  
是以來斷法餘殃悉畢是為罪滅福  
生是為阿惟越致相佛告須菩提今  
我當說阿惟越致像貌相行者有男  
子女人為鬼神所持是菩薩便作是  
念過去諸佛如來無所著等正覺審  
授我剎者所作願行清淨无穢不應  
墮羅漢辟支佛地亦無羅漢辟支佛  
念當成阿惟三佛者亦不成亦不不  
成假令諸十方現在諸如來无所著  
等正覺無所不知无所不見無所不  
覺諸佛知我必當成阿耨多羅三耶  
三善者是鬼神當去若是鬼神不去  
者當知是菩薩不從過去諸佛受其  
記剎須菩提若是菩薩為說經已鬼  
神即為去當知是菩薩以從諸如來  
無所著等正覺受記剎已須菩提以  
是像貌相行具足是為阿惟越致相  
復次須菩提菩薩行六波羅蜜離遍  
想拘舍羅未行三十七品及三脫門  
未逮菩薩位未得菩薩三昧處亦不

從過去諸佛受勅是菩薩往至是男子女人所復言我審受勅當為阿耨多羅三耶三菩者是鬼神當去鬼神不為去是菩薩故為說經法不止者時魔波旬往至彼所波旬念言我當令鬼神去所以者何波旬有威神勝是鬼神時彼波旬便勅鬼神令去是菩薩不知波旬令鬼神去喜言鬼神用我故去便自貢高輕蔑餘人語他人言我已從過去諸佛受勅已其餘人皆未受勅用是貢高輕易人故離薩去然不得如來無所著等正覺之智慧用是貢高失漚起拘舍羅便墮二地羅漢辟支佛地用至誠誓故便起魔事遠離真知識墮魔羅網何以故不行六波羅蜜不持漚起拘舍羅故須菩提當知是菩薩為自作魔事佛告須菩提菩薩未行六波羅蜜未得漚起拘舍羅未逮菩薩位以魔事故波旬復來至菩薩所作異被眼語菩薩言善男子如來已授卿勅當為阿耨多羅三耶三菩卿父母字某卿兄弟姊妹姊字某卿朋友知識親族字

某卿七世父母字某卿從某國某縣某村落生若見菩薩體行和順卿前世時亦復柔軟若見才朗若見行沙門十二法若見節言波旬隨形語菩薩言卿前世時皆有是行卿前世時亦行此十二法彼菩薩聞魔語說先世事復自觀所作行倍復貢高輕於同學魔重語言過去如來已授卿剃如卿所作功德不復轉還波旬或作比丘形像或作父母或作迦羅越形像而來言卿必當成阿耨多羅三耶三菩所以者何卿盡有阿惟越致相行具足故佛告須菩提我所說阿惟越致像貌相行彼菩薩獲無是相當知是菩薩為魔所使以聞是名譽貢高自可輕易同學形笑他人无所復錄用貢高故是為魔事復次須菩提菩薩於魔因緣當覺魔事何以故是菩薩不行六波羅蜜故不知魔事如不知五陰如彼菩薩用不覺魔事間前比丘說其記別今復聞是記別名字意中歡喜便自念言以是證像我今定當得阿耨多羅三耶三菩益復

貢高輕易他人呼无所知是菩薩無  
有阿惟越致相便遠離般若波羅蜜  
漚起拘舍羅失阿耨多羅三耶三菩  
智遠離真知識更得惡知識當知是  
菩薩終不成就墮二道地若後久遠  
更諸勤苦生死極遠乃當復得真知  
識得聞般若波羅蜜今乃悔本所著  
受字用是悔故乃得羅漢辟支佛辟  
如比丘犯四事禁現世不能得成四  
道須菩提是彼菩薩其罪重於四事  
之禁用受名字者貢高故置是罪事  
其有犯是貢高受字受偽号者其罪  
過於五逆須菩提若有名字受想著  
者急當護魔覺微因緣復次須菩提  
波旬復往至菩薩所讚歎遠離說其  
功德如卿所行佛所稱譽正當如是  
須菩提如我所說菩薩遠離之法不  
尔若在山間樹下獨處寂无人中未  
必是為遠離之法須菩提白佛言何  
等為菩薩異遠離佛告須菩提菩薩  
遠離寂於聲聞辟支佛念寂於山間  
樹下獨處念須菩提菩薩如是是為  
大遠離之法菩薩如是當晝夜行是



為菩薩寂然遠離若在人間隨我寂  
教者雖在城傍為與山澤等無有異  
若受魔教便止遠離墮於羅漢辟支  
佛地不應般若波羅蜜不具足薩云  
然事作是行念者非是清淨之法雜  
糅羅漢辟支佛意更反形笑輕易人  
間清淨行者人間行者亦不雜糅羅  
漢辟支佛意反更輕易之亦復輕易  
得禪惟無三昧者輕易得神通者菩  
薩无漏起拘舍羅者雖在絕曠百逾  
旬外億千萬歲禽獸飛鳥所不至處  
鬼神盜賊所不至處雖久在中不知  
菩薩遠離之法會無所益受波旬教  
行遠離者不樂我所教遠離也亦復  
不能具足遠離之法亦復不在遠離  
法中何以故以去是遠離法遠故適  
去是遠離法遠已時魔波旬在虛空  
中歎言善哉善哉善男子是為佛之  
所說是真遠離法汝行是遠離法可  
疾得阿耨多羅三耶三菩彼妄遠離  
菩薩得是讚歎已便歡喜貢高輕易  
是真遠離者反誹謗言是為憤乎謂  
為不淨憤鬧志亂有不淨者反呼為

淨不應敬者更敬之應所敬者更輕慢之何以故我為諸天及人非人所見勸助恭敬我所行者真為是行汝在城傍誰當來恭敬讚歎汝者是人於城傍善男子善女人求菩薩道者於前貢高言諸天來語我當得道時日數須菩提當知是貢高菩薩輩如梅陀羅

梅陀羅者音言主然人對平

是輩之人在諸菩薩中為大瑕病是為倚法像如菩薩是為天上人中之大賊亦復是沙門像法之中為大賊復是善男子善女人之中大賊如是輩人不當與共從事亦不當與相見坐起語言飲食何以故是輩之人貢高頑很故若有菩薩不欲捨離云然不欲捨阿耨多羅三耶三菩者莊事欲得求阿惟三佛者欲救一切衆生者當遠離是輩之人不當與共從事自修其行莫與往來常當有厭意於世間不當受三界之樂常當慈哀加於衆生當為是輩倒見之人起大悲意當自念言令我世世莫有是曹非法之事若有是意疾令滅之須菩提

當知是輩菩薩自起神通復次須菩  
提若有菩薩至誠莊事求阿耨多羅  
三耶三菩者當與真知識從事須菩  
提白佛言何等為菩薩真知識佛告  
須菩提諸佛世尊是菩薩真知識諸  
菩薩摩訶薩亦是菩薩真知識諸弟  
子衆亦是真知識當知是為菩薩真  
知識真知識者常為菩薩解說般若  
波羅蜜分別其事六波羅蜜三十七  
品佛十八法如真際法性是為菩薩  
真知識也六波羅蜜者是世多羅六  
波羅蜜者是道六波羅蜜者是大明  
六波羅蜜者是為大炬六波羅蜜者  
是大智光明六波羅蜜者是護六波  
羅蜜者是歸六波羅蜜者是父是母  
六波羅蜜者是三十七品六波羅蜜  
者是薩云然六波羅蜜者除人諸習  
緒何以故須菩提三十七品者是過  
去當來今現在十方諸佛之母何以  
故去來今諸如來無所著等正覺皆  
從三十七品中出生故是故須菩提  
菩薩欲成阿耨多羅三耶三菩淨佛  
國土教化衆生者當以四事饒益攝

衆生一者施二者愛三者利四者同  
 義以是四恩事益於衆生須菩提我  
 觀是義故說是事三十七品者則是  
 菩薩摩訶薩父母則為是舍是則為  
 護是則為燈明須菩提菩薩不欲隨  
 他人教住皆欲斷一切衆生狐疑者  
 欲淨佛國教化衆生者當學般若波  
 羅蜜何以故般若波羅蜜者廣說菩  
 薩之行是諸菩薩所應當學者須菩  
 提白佛言何等為般若波羅蜜相佛  
 言般若波羅蜜如虛空相亦非相亦  
 不作相須菩提言世尊頗有因緣可  
 知般若波羅蜜相不以相知諸法不  
 佛言如是須菩提欲知般若波羅蜜  
 相如諸法相何以故諸法寂故諸法  
 常淨故以是故須菩提般若波羅蜜  
 相則諸法之相以空寂故須菩提白  
 佛言世尊若諸法寂若諸法空云何  
 知諸法有著有斷空之寂亦不斷亦  
 不著亦不成阿耨多羅三耶三菩於  
 空寂中亦不有法於空寂中亦不見  
 得阿惟三佛者世尊我等云何當知  
 是義佛告須菩提衆生長夜著吾我

行須菩提言今世尊衆生長夜著吾  
我行佛言云何為知吾我空寂不須  
菩提言今世尊須菩提知衆生以吾  
我故久在生死不須菩提言今世尊  
以衆生著吾我故久在世間更受勤  
苦便知有著須菩提無吾元我無有  
受者亦不久在世間亦不久受勤苦  
亦不著便不斷須菩提白佛言世尊  
菩薩作如是行者不於五陰行亦不  
於三十七品作行亦不行四无尋慧  
何以故不見有法有可行者亦不見  
法當可行者菩薩如是行者諸天世  
人無能動者无能伏者羅漢辟支佛  
无能及者何以故所住處無有能逮  
故世尊行薩云然菩薩所住无有能  
及者菩薩如是疾近薩云然佛言於  
須菩提意云何閻浮提衆生盡得人  
道已皆為阿耨多羅三耶三菩若有  
善男子善女人供養承事盡其壽命  
持是供養之福施為阿耨多羅三耶  
三菩是善男子善女人其福寧多不  
須菩提言世尊甚多甚多佛言不如  
是善男子善女人持般治波羅蜜教

人具足為說解其中慧意不遠離應  
薩云然念乃至三千大千國土衆生  
皆得為人若有善男子善女人皆教  
使行十善地立於四禪四等及四空  
定又立於須陀洹斯陀含阿那含阿  
羅漢辟支佛阿耨多羅三耶三菩持  
是功德施為阿耨多羅三耶三菩是  
善男子善女人功德寧多不須菩提  
言世尊甚多甚多佛言不如是善男  
子善女人持般若波羅蜜宣示他人  
具足為說解其中慧意不遠離薩云  
然念者出於賢聖之表何以故除如  
來無所著等正覺唯當有是菩薩摩  
訶薩何以故以是善男子善女人行  
般若波羅蜜有大慈行故行般若波  
羅蜜見諸衆生趣死地故便起大悲  
以是行故便得大護不與想俱便得  
大喜具足四等須菩提為菩薩大智  
之明大智明者則六波羅蜜明是是  
善男子善女人雖未得道為一切衆  
生作救於阿耨多羅三耶三菩不動  
還所受供養衣服飲食牀卧醫藥一  
切珍寶以行般若波羅蜜故必報衆



生信施之福疾近薩云然須菩提若不欲癡妄受人施者若欲示衆生之道徑者若欲解無所有者若欲度脫牢獄中人者若欲與一切衆生眼者身所行當應般若波羅蜜有所語言亦當應般若波羅蜜意應般若波羅蜜者他餘之意亦不得其便當作方便晝夜念般若波羅蜜莫有斷絕須菩提譬如士夫曾得摩尼寶後復得之大歡喜踊躍後復失之失是寶已甚大愁憂憶想是摩尼寶坐起無忘不離須臾自念我云何歟亡此大寶佛告須菩提菩薩離於薩云然念亦如彼人失大珍寶坐起不忘須臾之間須菩提白佛言云何世尊一切諸念無有上處皆空皆寂云何菩薩不離薩云然念亦不從離中亦不從念中可得菩薩亦不從薩云然中可得菩薩佛告須菩提若有菩薩知諸法自遠離法性常住道法及如真際常住非佛所作亦非羅漢辟支佛所作菩薩知是已終不復離般若波羅蜜何以故般若波羅蜜空寂故亦不

增亦不減須菩提白佛言世尊若般若波羅蜜自空寂者云何菩薩與般若波羅蜜等成阿惟三佛佛言菩薩亦不與般若波羅蜜等亦不增亦不減實際亦不增亦不減法性亦不增不減何以故般若波羅蜜亦非一亦非二若菩薩聞是不怖不難亦不恐懼當知是菩薩已住於阿惟越致地行般若波羅蜜須菩提白佛言云何世尊念般若波羅蜜空念般若波羅蜜無所有為行般若波羅蜜耶佛言不也須菩提言世尊頗有離般若波羅蜜行般若波羅蜜者不佛言不也須菩提言世尊波羅蜜不佛言不也須菩提言世尊空可行空不佛言不也須菩提言世尊五陰行般若波羅蜜不佛言不也須菩提言世尊六波羅蜜行般若波羅蜜不佛言不也須菩提言世尊五陰之空如及非法法性四無尋慧空行般若波羅蜜不佛言不也須菩提言世尊是諸

法不行般若波羅蜜耶若不行是法  
菩薩云何行般若波羅蜜佛言於須  
菩提意云何頗見有法行般若波羅  
蜜者不須菩提言不見也世尊頗見  
般若波羅蜜菩薩有可行者不須菩  
提言不見也世尊於須菩提意云何  
汝所不見法為可得可不也世尊佛  
言不可得法為有生滅不不也世尊  
佛告須菩提如菩薩無所從生法忍  
阿耨多羅三耶三菩亦復如是若  
菩薩學承用如來四无所畏四無尋  
慧習行是法終不離阿耨多羅三耶  
三菩慧菩薩云然慧摩訶衍慧何以故  
菩薩摩訶薩得無所從生法忍至成  
阿耨多羅三耶三菩終不耗減須菩  
提白佛言世尊從諸法无所生中授  
諸菩薩阿耨多羅三耶三菩記耶  
佛言不也須菩提言世尊從所生法  
中授諸菩薩耶佛言不也須菩提  
言亦不從無所從生法授菩薩耶亦  
不從有所生中授菩薩耶如是云何  
授諸菩薩阿耨多羅三耶三菩記耶  
佛告須菩提頗見法受阿耨多羅三

耶三善記別者不須善提言世尊我亦不見法有授記別者我亦不見得阿耨多羅三耶三善亦不見當得者亦不見已得者佛言如是如是須善提菩薩摩訶薩於諸法无所得菩薩亦不念言有阿惟三佛亦不念言我當得阿惟三佛何以故菩薩行般若波羅蜜於諸法無所分別般若波羅蜜亦无所分別故

摩訶般若波羅蜜釋提桓因品第六十三

今時釋提桓因白佛言世尊般若波羅蜜者甚深微妙難曉難了難解難知不可思議以本淨故聞是深般若波羅蜜書持學者為已具足從大功德來想著之意為不復生至阿耨多羅三耶三善亦無想著佛告釋提桓因言如是如是拘翼有行般若波羅蜜者不從小功德來拘翼閻浮提滿中衆生皆行十善四等四禪及四空定不如是善男子善女人書持般若波羅蜜諷誦受學如其教住至阿耨多羅三耶三善不聽餘念其福百大千倍巨億万倍不可以譬喻為比今

時有異比丘語釋提桓因言拘翼是善男子善女人守行奉持般若波羅蜜轉復教人者其功德出彼閻浮提衆生所作者上釋提桓因語是比丘言善男子善女人於般若波羅蜜中一發意勝閻浮提所作十善四禪四等五通者上何況奉行書持諷誦如中教者皆過諸天阿須倫世間人上是菩薩不獨過諸天世間人乃過須陀洹斯陀含阿那含阿羅漢辟支佛上不但過是上乃至菩薩行五波羅蜜無般若波羅蜜溫起拘舍羅者上菩薩如般若波羅蜜教住者出諸天世人上諸天世人皆不能及如般若波羅蜜教住者為不斷薩云然種地住終不離如來名号菩薩行如是終不失道場菩薩摩訶薩所行如是為欲拔出衆生沉沒長流者如是學者為學菩薩所學不學聲聞辟支佛學菩薩如是學者諸四天王當來至是菩薩所言善男子善女人勤學疾學成阿耨多羅三耶三菩坐於道場時過去諸如來无所著等正覺所持四

鋒今在是間當奉不久如是行般若  
波羅蜜者諸釋提桓因亦當復來勸  
助是善男子善女人須焰天子將諸  
焰天子來下兜率天子將諸兜率天  
子來下諸尼摩羅天皆悉來下諸波  
羅尼蜜天亦悉來下乃至首陀會諸  
天皆悉來下至是行深般若波羅蜜  
菩薩所十方現在諸如來無所著等  
正覺皆常念是善男子善女人行般  
若波羅蜜者行是深般若波羅蜜者  
諸可世間所有厄難勤苦之事了无  
復有須菩提是為行般若波羅蜜者  
現世功德之報一切世間皆有四病一  
事動者身中諸根無不受痛以受痛  
故意便受惱是諸病惱不復著是菩  
薩身用行深般若波羅蜜故是為現  
世功德之報今時阿難意念釋提桓  
因自持辯才說以佛事說釋提桓因  
知阿難意之所念語阿難言我之所  
說皆是佛事佛告阿難釋提桓因所  
可說者皆是佛事因緣若菩薩學習  
念般若波羅蜜時三千大千國土中  
魔皆生狐疑今是菩薩當為真際作



羅三耶三菩阿惟三佛乎阿難若有  
菩薩不離般若波羅蜜時魔復大愁  
毒令時魔復起大風欲使是菩薩恐  
怖有難起懈怠之意欲使菩薩於薩  
云然念中起一亂意阿難白佛言世  
尊魔為都盧燒亂諸菩薩耶有不燒  
者佛告阿難有行亂者有不亂者阿  
難白佛言有燒者誰不燒者誰佛言  
菩薩從本聞般若波羅蜜時意中不  
樂不解者波旬便往燒亂若聞說深  
般若波羅蜜時意中狐疑言為審有  
是耶為无有耶用是故波旬往燒復  
次阿難若有菩薩遠離真知識便不  
聞不知般若波羅蜜不解其事意便  
不樂是故波旬復往燒亂復次阿難  
若有菩薩遠離般若波羅蜜反持非  
法用是故魔得其便復次阿難菩薩  
失般若波羅蜜更歎非法魔即歡喜  
念言彼說非法之事當有若干伴輩  
當滿我願復并使餘人墮於二地羅  
漢辟支佛是也復次阿難若有菩薩  
聞說深般若波羅蜜時便意念言是

深不能大深耶作是念者魔便念言我  
今已得子便復次阿難若有菩薩向  
餘人貢高言我能行六波羅蜜汝不  
能行是菩薩為魔所得便阿難時魔  
波旬大歡喜踊躍復次阿難若有菩  
薩自怙智慧自怙種姓自怙其善自  
怙知識便起貢高下於他人亦无阿  
惟越致相行像貌專自貢高輕賤他  
人便語人言汝亦不在菩薩種姓之  
中現汝亦不在摩訶行中今時波旬  
歡喜念言今我境界宮殿不空增益  
三惡趣我種姓不損魔常伺是菩薩  
欲使說非法之事欲使衆人皆聞非  
法亦當邪見增益勞垢造顛倒行顛  
倒於法身口意錯貪著邪福從是因  
緣增益三惡趣魔之眷屬宮殿益多  
今時波旬倍歡喜踊躍而自娛樂復  
次阿難若行菩薩道者與聲聞道家  
共爭魔時念言是善男子離薩云然  
遠不近大智所以者何闢爭怨恚非  
薩云然道是三惡之業復次阿難菩  
薩菩薩自還共爭波旬念言兩離佛  
遠失薩云然是二菩薩俱不得成阿

釋多羅三耶三菩所以者何是善男子所造是三惡業非薩云然復次阿難未受剃者與得記別菩薩共爭興起惡意隨其意起多少之數却若干劫雖起爭意如故不捨薩云然者當却劫數若干徑路然後乃成阿耨多羅三耶三菩阿難白佛言世尊乃當更令所劫數於其中間寧有除不佛告阿難我為三乘說法隨其意起多少之數各盡其事無有中間減少之除佛告阿難若菩薩菩薩共爭若恚若罵懷恨不悔者我不說有除當更劫數勤行僧那然後乃成若有菩薩鬪爭恚已便自悔言是利難得我今當為一切下屈今世後世當使衆生皆共和解我今云何惡聲加人而念人惡我終不敢復作是事當如齧羊當自除過成阿耨多羅三耶三菩度脫衆生云何起恚而自陷溺不當起恨不當陷溺今時菩薩適起是意已魔波旬不能得其便復次阿難行菩薩者不當與聲聞家共止若共止者不當與爭所以者何當自念言我不

應得與是輩人起恚共爭我當成就  
阿耨多羅三耶三菩度諸苦厄阿難  
白佛言世尊菩薩菩薩自共住止其  
法云何佛告阿難菩薩菩薩共止之  
法相視當如世尊共止所以者何當  
作念言是我真伴共乘一船彼學我  
學是為同學共行檀波羅蜜至薩云  
然若彼意憤不順薩云然者我所不  
應若彼意定不離薩云然者我亦應  
令菩薩摩訶薩作是學者為共等學  
摩訶般若波羅蜜問等學品第六十四

須菩提白佛言世尊何等為菩薩摩  
訶薩之等所應學者佛告須菩提內  
空外空是菩薩摩訶薩之等五陰自  
空乃至于道道亦自空須菩提是空  
為是菩薩摩訶薩之等於是等空成  
阿耨多羅三耶三菩須菩提言世尊  
菩薩學消五陰為學薩云然五陰不  
染為學薩云然學滅五陰為學薩云  
然不生五陰為學薩云然乃至四无  
尋學為學薩云然佛告須菩提如所  
言學消五陰為學薩云然乃至學無  
所生為學薩云然佛言於須菩提意

云何五陰所有如乃至道如及世尊如是諸如頗有減盡滅時不須菩提言不也世尊佛言菩薩如是學為學如為學薩去然如亦不盡亦不減亦不滅如是學為學如為學薩去然菩薩如是學為學六波羅蜜為學三十七品為學佛十八法為學薩去然佛告須菩提菩薩作如是學為度諸學表為第一學如是學者諸天及魔不能壞敗作如是學疾近阿惟越致如是學者為習尊業為習如來如是學者為導御衆生如是學者為淨佛土為學大慈大悲為學教化衆生須菩提菩薩如是學者為學三合十二法輪轉度脫衆生如是學者為學不斷佛種如是學者為學開甘露法門作如是學為學示无為法須菩提下劣之人不能學是作是學者為欲拔一切衆生生死之根如是學者為不入三惡趣不生邊地不生耨陀羅家如是學者不復瞋盲瘖啞跛蹇如是學者諸根具足終不缺減無惡音聲不犯十惡終不學邪以自生活不為无反復

不與惡者俱。須菩提如是。學者不生長壽天。用漚起拘舍羅。故何等為漚起拘舍羅。般若波羅蜜。所說漚起拘舍羅。四禪四等。及四空定。不隨禪計。如是學者。為淨一切諸法之力。淨羅漢辟支佛力。須菩提。白佛言。世尊。諸法之性。皆自清淨。云何菩薩欲淨諸法。佛告須菩提。如是如是。菩薩已淨性之本。學般若波羅蜜。不厭不懈。是為學般若波羅蜜。是法非是。凡夫愚人之所能學。所能知見。菩薩為衆生。故行檀波羅蜜。至薩云然。菩薩學如是。為學十力。為學无所畏力。如是學者。出過衆生所為之表。須菩提。譬如地之所出。出金銀異寶。少少處出耳。如是須菩提。少少人學般若波羅蜜。多有發聲聞辟支佛意。少少人能行遮迦越羅福者。作粟散小王行者。多少。少衆生能入薩云然者。多有人入羅漢辟支佛道。須菩提。多所人求阿耨多羅三耶三菩意者。得成就者。少少耳。多住羅漢辟支佛地。須菩提。多有人行菩薩道。學般若波羅蜜者。至



阿惟越致地者亦少少耳用是故須  
菩提若欲堅住在阿惟越致地者當  
學深般若波羅蜜復次須菩提菩薩  
學般若波羅蜜時嫉意不生犯戒意  
不生恚意不生亂意不生懈怠意不  
生愚癡意不生三毒意不生疑意不  
生五陰意不生乃至道意不生何以  
故須菩提是菩薩行深般若波羅蜜  
時不見法有所生者於无生法亦無  
所得亦无所起是故菩薩學持深般  
若波羅蜜為恚恚持諸波羅蜜何以  
故菩薩學深般若波羅蜜時諸波羅  
蜜皆恚隨從譬如著吾我之人恚恚  
持六十二見是故菩薩學般若波羅  
蜜諸波羅蜜皆恚隨從譬如人欲死  
時風先命去諸根恚滅須菩提菩薩  
行深般若波羅蜜時諸波羅蜜皆恚  
入中菩薩欲出過諸波羅蜜表者當  
學深般若波羅蜜學深般若波羅蜜  
者為學人中最尊上須菩提三千大  
千刹土其中衆生寧為多不須菩提  
言世尊一閻浮提衆生尚多况乃三  
千大千刹土所有衆生佛言今此衆

生盡得入道悉得阿耨多羅三耶三  
菩若有菩薩一一供養衣被飲食衆  
所當得盡其壽命其福寧多不須菩  
提言甚多甚多佛言不如是善男子  
善女人至意念般若波羅蜜也何以  
故是深般若波羅蜜者是諸菩薩摩  
訶薩之大益能使菩薩成阿耨多羅  
三耶三菩須菩提菩薩欲在衆生之  
上一切衆生為无所歸無所依怙欲  
受其歸欲為作依怙者欲為盲人作  
明導者欲求作佛者欲得佛境界者  
欲作佛遊步者欲為佛師子音響者  
欲撞擊佛鍾鼓者欲放大蓋音者欲  
為佛會議說佛法義決斷衆人諸狐  
疑者悉欲得是者當學深般若波羅  
蜜菩薩行般若波羅蜜者所有三界  
諸善之福德无事不得須菩提言世  
尊菩薩寧復得羅漢辟支佛之福德  
耶佛言亦得羅漢辟支佛之福德但  
不於中作證耳以智慧觀察羅漢辟  
支佛慧即得過不於中住自上菩薩  
位菩薩作如是學者去薩云然不遠  
疾成阿耨多羅三耶三菩須菩提菩

薩如是學者為諸天阿須倫之福祐  
如是行者過諸羅漢辟支佛上疾近  
薩云然須菩提如是學者不久行般  
若波羅蜜不離般若波羅蜜菩薩如  
是行深般若波羅蜜當知是為不耗  
減法不遠薩云然疾近三乘慧菩薩  
若復反作念言彼此般若波羅蜜便  
不逮薩云然作是念者為不行般若  
波羅蜜若復此彼深般若波羅蜜不  
知般若波羅蜜亦不見般若波羅蜜  
亦不知般若波羅蜜為誰亦不知誰  
當於般若波羅蜜中得阿耨多羅三  
耶三菩若復作是念般若波羅蜜亦  
非彼亦非此亦無從中出者法性常  
住如真際有佛无佛法性常住菩薩  
摩訶薩作是學者為學般若波羅蜜  
放光般若經卷第十四

丁酉歲高麗國大藏都監奉  
勅彫造

放光般若經卷第十五

重

西晉于闐國三藏無羅叉奉詔譯

摩訶般若波羅蜜親近品第六十五

尔時釋提桓因意念言菩薩行六波羅蜜乃至佛十八法尚出衆生之上何況成阿耨多羅三耶三菩者若有發意念薩云然者為得壽命中之寂人中之善利何況發意欲為阿耨多羅三耶三菩者發阿耨多羅三耶三菩意者未發者當親近之釋提桓因以天曼陀羅花而散佛上散已發願言若有發阿耨多羅三耶三菩意者令具足法願具足薩云然願具足自然法願具足无漏法願釋提桓因白佛言世尊如我意願其發阿耨多羅三耶三菩意者不復欲令動還墮羅漢辟支佛地為下大乘終不墮於羅漢辟支佛乘倍復發願精進願阿耨多羅三耶三菩見三界中所有諸勤苦者志為作護如是具足菩薩意念我等已度當復度不度者我已安隱當復安餘我已泥洹當復度餘令得

泥洹釋提桓因白佛言世尊善男子  
善女人代初發意菩薩歡喜者為得  
幾所福久發意菩薩復代歡喜得何  
等福阿惟越致菩薩代其歡喜復得  
幾福至一生補處菩薩代其歡喜復  
得幾福佛告釋提桓因言拘翼是四  
天下尚可稱知斤兩代其歡喜者其  
福不可稱三千大千剎土亦可稱知  
代其歡喜者福不可稱計拘翼三千  
大千剎土其中海水取一髮破為百  
分以一分髮盡滂海水尚可數知幾  
滂從代歡喜功德此間有三十五字  
重複書准丹本除  
福不可計量拘翼阿僧祇佛剎所有  
境界虛空持斛斗升合量空尚可知  
幾所從代歡喜功德福不可計量釋  
提桓因白佛言世尊諸不代初發意  
菩薩歡喜者是為魔之所使不代歡  
喜者是魔官屬人從魔中來何以故  
有代發意歡喜者是為壞魔故諸欲  
不捨敬三尊亦不一相亦不二者當  
持是代歡喜意求阿耨多羅三耶三  
菩佛言如是拘翼發是代歡喜意者  
得至佛國供養諸佛所以者何阿僧

祇人初發意作功德代歡喜故從初發意菩薩至于十住阿惟顏菩薩所作功德皆代其歡喜持是功德疾近阿耨多羅三耶三菩成阿惟三佛已無央數不可說阿僧祇衆生皆當得度以是故拘翼是善男子善女人有初發意者當持代歡喜之功德求阿耨多羅三耶三菩不以意求亦不離意代阿惟越致及一生補處歡喜以求阿耨多羅三耶三菩不以意求而不離意須菩提言是意如幻云何能得阿耨多羅三耶三菩佛言於汝意云何汝見是意如幻不須菩提言不見也世尊我不見如幻亦不見意非幻佛言亦非法頗見是意不頗非見幻不離意見是法成阿耨多羅三耶三菩不須菩提言不見也世尊我不見法當持何等起為有為无法常自寂不可以有得亦不可以無得若法常寂不成阿耨多羅三耶三菩无所  
有者亦復不成阿耨多羅三耶三菩何以故世尊一切諸法亦不可得亦無有故世尊六波羅蜜常寂乃至



道亦復常寂法亦不應當念亦无有  
法而將來有般若波羅蜜常寂成阿  
耨多羅三耶三菩阿耨多羅三耶三  
菩常寂須菩提言世尊般若波羅蜜  
三耶三菩亦寂之中云何逮覺佛言  
善哉善哉薩云然寂阿耨多羅三耶  
三菩亦寂須菩提般若波羅蜜及薩  
云然不寂者亦非般若亦非薩云然  
是故須菩提般若波羅蜜薩云然寂  
亦不因般若波羅蜜成阿惟三佛不  
離般若波羅蜜得阿惟三佛不得般  
若波羅蜜者終不得阿惟三佛須菩  
提言世尊菩薩所行甚深佛言如汝  
所說菩薩所行入甚深苦行雖謙苦  
行不於法中中道取證墮於羅漢辟  
支佛地須菩提白佛言世尊如我從  
佛所聞菩薩不為謙苦何以故亦不  
見是可得證者亦不見般若波羅蜜  
可取證者亦不見法當取證者諸法  
皆不可得者有何等義有何等法有  
何等般若波羅蜜當可取證成阿耨  
多羅三耶三菩者須菩提言菩薩行  
者為无所得行菩薩於無所得法中

還諸法無限之限事世尊若有菩薩  
聞說是事不却不難亦不懈怠是為  
行般若波羅蜜亦不見行般若波羅  
蜜者亦不見成阿耨多羅三耶三菩  
者菩薩行般若波羅蜜亦不作是念  
羅漢辟支佛地離我遠薩云然離我  
近世尊辟如虛空亦无近遠之念何  
以故虛空無分別故行般若波羅蜜  
菩薩亦无是念二道離我遠薩云然  
離我近何以故般若波羅蜜亦無所  
分別故辟如幻人亦不自念師離我  
近觀人離我遠何以故幻人无念故辟  
如光影無有念我所因者離我近餘  
離我遠菩薩行般若波羅蜜如来无  
所著等正覺亦無所愛世尊般若波  
羅蜜亦如是辟如如来无有念故辟  
如如来所化亦不念二道離我遠佛  
離我近何以故化以如来無念故般  
若波羅蜜无有念故辟如如来所作  
亦不念二道離我遠佛道離我近何以  
故化如来亦無念故般若波羅蜜亦无  
念二道離我遠佛離我近辟所為作  
事亦無念可說般若波羅蜜事亦如

作亦无念故尊者舍利弗語耆年須  
菩提但般若波羅蜜無有念耶須菩  
提言六波羅蜜亦无有念五陰五情  
亦復無念眼色六入亦復无念四禪  
四等及四空定三十七品至三脫門  
佛十種力十八法四無所畏四无碍  
慧薩云然事亦无有念乃至于是道亦  
復無念有為性亦无念舍利弗言若  
諸法无念何從有五趣云何復有須  
陀洹斯陀舍阿那含阿羅漢辟支佛  
及佛世尊須菩提言諸衆生因四顛  
倒而起四顛倒而造作事身口意行  
隨受其像便有疑應故有泥犁薜荔  
獸人中天人舍利弗言云何有須陀洹  
乃至三耶三佛須陀洹道亦無念乃  
至三耶三佛道亦无念諸過去當來  
无所著等正覺及現在十方諸佛無  
念已盡滅以是故舍利弗當作是知  
一切諸法皆無念信如是法性實際  
故舍利弗菩薩當以无念行般若波羅  
蜜以無念行般若波羅蜜故便得逮  
覺無念之法

摩訶般若波羅蜜牢固品第六十六

於是舍利弗語須菩提菩薩摩訶薩  
行般若波羅蜜為行不牢固耶須菩  
提報言如是如是菩薩摩訶薩行般  
若波羅蜜者為行不牢固何以故般  
若波羅蜜无有牢固乃至薩云然亦  
無有牢固亦无不牢固何以故菩薩  
行般若波羅蜜不牢固尚不可得乃  
至薩云然亦不可得見何況有牢固  
若干百千色欲天子意念言諸有善  
男子善女人發阿耨多羅三耶三菩  
行般若波羅蜜者當為作礼既行般  
若波羅蜜而不中道取證墮羅漢辟  
支佛地以是故當為作礼於等法不  
取證故須菩提語諸天子言菩薩於  
等法不取羅漢辟支佛證不足為奇  
為阿僧祇人盟誓亦不見有人而欲  
度脫衆生是乃為奇以是故菩薩發  
意為阿耨多羅三耶三菩者為欲降  
伏衆生欲降伏衆生者則為欲降伏  
虛空何以故當知虛空衆生皆悉寂  
故衆生亦空虛空亦空如虛空之无  
牢固衆生亦無牢固諸天子以衆生  
无有牢固故而結盟誓是故菩薩摩

訶薩為甚奇特為衆生結盟誓者則  
為與虛空共闢所為衆生結盟誓者  
亦不見衆生亦寂結盟誓亦寂故菩  
薩聞是不恐不懈不怯為行般若  
若波羅蜜何以故五陰寂故衆生亦  
寂云何五陰寂故衆生亦寂以五陰  
寂故六波羅蜜寂以五陰六衰寂故  
內外空寂及有無空亦寂以五陰六  
衰寂故十八性亦寂五陰寂故三十  
七品四禪四等及四空定四无尋慧  
亦寂以五陰寂故佛十種力四無所  
畏大慈大悲及十八法薩云然亦寂  
菩薩聞是諸法皆寂意不恐怖不難  
不怯是為行般若波羅蜜佛告須菩  
提何以故菩薩不恐不懈為行般若  
波羅蜜須菩提言世尊以无所有故  
不恐以寂靜故不懈菩薩以是無所  
有寂靜故不恐不懈為行般若波羅  
蜜何以故恐畏懈怠亦不可得見故  
菩薩聞是恐畏亦不可得復不恐怖  
是為行般若波羅蜜何以故恐畏皆  
不可得見故菩薩摩訶薩如是行者  
諸天梵釋皆為作礼不但諸天釋梵

為行般若波羅蜜菩薩作禮乃至首  
陀會諸天皆為行般若波羅蜜菩薩  
作禮須菩提十方現在諸如來無所  
著等正覺皆念是菩薩行般若波羅  
蜜者菩薩行般若波羅蜜者為具足  
五波羅蜜為具足薩云若須菩提若  
十方諸佛念是行般若波羅蜜菩薩  
者當知是菩薩成就佛不久須菩提  
一恒邊沙人悉使為魔一一魔者所  
將官屬如一恒邊沙假令人所魔及  
將人所官屬欲共壞亂行般若波羅  
蜜菩薩者終不能壞有二事魔不能  
中道壞菩薩何等為二者觀諸法  
皆空二者不捨衆生復有二事魔不  
能壞何等為二者所作如所言二者常  
念諸佛菩薩如是行般若波羅蜜諸  
天皆來勸助慰勞言善男子今成阿  
耨多羅三耶三菩不久是故莫得捨  
空無相无願之行如是行者無所歸  
仰者而受其歸仰无有依護者則為  
作依護無有覆蓋者而為作舍為冥  
者作大明為盲者作眼目何以故是  
菩薩行般若波羅蜜者十方諸佛及



衆菩薩比丘僧衆皆共稱揚說其名  
故須菩提譬如我說法時稱揚讚歎  
寶造菩薩及識挽菩薩我說法時稱  
譽妙樂佛國中諸菩薩修梵行者我  
亦常稱譽彼諸正士亦如十方諸佛  
歡喜顏色歎說菩薩行般若波羅蜜  
者從初發意菩薩欲具足行佛道至  
阿耨多羅三耶三菩成薩玄然十方  
諸佛亦復歡喜顏色稱譽說之所以  
者何少有菩薩有能順行應佛業者  
須菩提白佛言世尊諸佛以歡喜顏  
色稱譽諸菩薩為讚歎動還者不動  
還者佛告須菩提有行阿惟越致菩  
薩行般若波羅蜜者亦有未受記別  
菩薩行般若波羅蜜有佛為是輩說  
法佛亦復讚歎說之若有菩薩在妙  
樂佛國所學者佛亦讚歎說之諸佛  
所可歡喜顏色讚歎說者復次須菩  
提諸可行般若波羅蜜菩薩知諸法  
無所生未得无所從生知諸法空亦  
未得无所從生知諸法淨亦未得無  
所從生知諸法无所有無有堅固亦  
復未得無所從生諸佛歡喜顏色讚

歎是輩菩薩稱譽說其名字是輩菩薩摩訶薩以為滅羅漢辟支佛地當受記別於阿耨多羅三耶三菩地有行般若波羅蜜菩薩者諸佛皆歡喜稱譽讚歎之亦當住於阿惟越致地逮薩云然復次須菩提聞說般若波羅蜜時亦不狐疑不却不懈如來无所著等正覺所說教是菩薩當復至妙樂佛所聞是般若波羅蜜妙樂佛土彼諸正士見是間善男子善女人亦復歡喜是人曾行般若波羅蜜故來生是間亦當復得深般若波羅蜜如諸佛教住於阿惟越致地須菩提是故當知般若波羅蜜音聲多有所饒益般若波羅蜜音聲尚有所饒益乃今何況有行般若波羅蜜所行如教住於薩云然者須菩提白佛言世尊不離如教住不離如者則為无所有一云何住薩云然世尊解脫如者無所得法誰住如者誰住如中誰逮覺者誰住於如誰說法者如尚不可得見誰有住如者誰逮覺者是處不然佛告須菩提如汝所言如者無生亦

无有滅如住無異不生滅者誰當住  
是中成阿惟三佛者誰說法者是皆  
无所有釋提桓因白佛言世尊般若  
波羅蜜者甚深菩薩欲成阿耨多羅  
三耶三菩甚難得何以故亦無住如  
者亦无成阿惟三佛者亦无說法者  
雖無所見无所有聞是不恐不怖須  
菩提語釋提桓因言拘翼如拘翼所  
言菩薩甚奇甚特於深法中亦無狐  
疑亦无退喜諸法皆空誰狐疑有進  
退意者釋提桓因語須菩提如尊者  
所言但說空事無所罣罣辟如仰射  
空中箭去无罣罣尊者須菩提所說亦  
無所著

摩訶般若波羅蜜喩累品第六十七

於是釋提桓因白佛言世尊我所說  
者頗為隨順為應法不佛言如是如  
是拘翼汝所說問者為順事形無有  
謬誤釋提桓因言世尊尊者須菩提  
所說甚可奇異所說不離空无相無  
願不離三十七品亦不離於道佛告  
釋提桓因言拘翼長老須菩提常行  
空行六波羅蜜亦不有何况有行者

三十七品亦不有何况有行者檀惟  
無三昧三昧越亦不有四无所畏四  
無尋慧四等大慈大悲十力佛十八  
法亦不有何况有行者道亦不有何  
况欲得者薩云然亦然亦不有何况  
有行者如來尚不有誰當為如來者  
無所從生亦不有何况有證欲得之  
者相亦不有何况有身有受三十二  
相者諸好亦不有何况有欲得八十  
種好者所以者何拘翼須菩提者一  
切諸法以寂行故須菩提者无所有  
行為以空行為無相行為无願行拘  
翼是則為須菩提行如須菩提所行  
比菩薩摩訶薩行般若波羅蜜行百  
倍千倍巨億万倍不得為比何以故  
菩薩摩訶薩行般若波羅蜜者比羅  
漢辟支佛菩薩摩訶薩為最上尊除  
諸如來無有過者是故菩薩摩訶薩  
欲出諸天世間人民上者當行般若  
波羅蜜何以故菩薩摩訶薩行般若  
波羅蜜出聲聞辟支佛上住於菩薩  
地具足佛法逮薩云然便得如來介  
時坐中諸忉利天以文陀羅花而散

佛上忖時六千比丘整頓衣服已從坐起為佛作禮長跪佛前以佛威神諸文陀羅花各各滿掬持散佛上散花已訖皆同時白言我等世尊當奉妙行如諸佛所行諸羅漢辟支佛所不能及處忖時世尊知諸比丘意便笑如諸佛常法五色光從口出遍照十方還遶身三面從頂而入阿難從坐起整衣服先下右膝長跪白佛言佛不妄笑願聞其意佛告阿難是六千比丘後當來世劫名多樓波尼於彼劫中皆當成佛号散花如來無所著等正覺是諸如來國土皆等比丘僧數亦各各等其佛壽命亦等其壽各千歲作佛時各各盡世雨五色花佛告阿難是諸比丘於是壽命終在所生處常當出家為道久久共俱然後乃成阿耨多羅三耶三菩復次阿難菩薩摩訶薩欲得最妙之行者當行般若波羅蜜菩薩欲為如來者當行般若波羅蜜阿難若有善男子善女人行般若波羅蜜者當知是人從人道中來或從兜術天上来當知是

人從人道中廣聞般若波羅蜜亦從  
兜術天上廣聞般若波羅蜜從本聞  
其中慧所致若有善男子善女人聞  
是深般若波羅蜜書持受學誦誦行  
者轉復教人行菩薩道者說其中事  
是善男子善女人當作是知如從佛  
聞亦無有異當知是人從過去諸佛  
作善本功德以來是善男子善女人  
不於聲聞辟支佛法中作功德亦不  
從聲聞所聞是般若波羅蜜阿難若  
有善男子善女人聞是深般若波羅  
蜜讀誦受持能解中義廣宣教人當  
知是人如面見佛无異復次阿難若  
善男子善女人聞說是深般若波羅  
蜜時不驚不怖倍復喜者當知是人  
以從過去佛所作行所致久與善知  
識相得所致是善男子善女人從過  
去佛作善本以來終不失三乘之事  
以精進意行六波羅蜜乃至薩云然  
亦當莊事精勤久當堅固行六波羅  
蜜至薩云然不住羅漢辟支佛地是  
故阿難以般若波羅蜜囑累汝阿難  
我所說諸法除般若波羅蜜忘亡忘



失其過可耳汝持是深般若波羅蜜若忘失一句捨一句亡一句汝過甚多是故阿難以是深般若波羅蜜囑累汝當善持善受善諷誦念若有善男子善女人受持般若波羅蜜諷誦守行者則為受持過去當來現在諸佛之道若有善男子善女人以名華名香繒蓋幢幡用供養我者當供養般若波羅蜜其有供養般若波羅蜜者以為供養過去當來今現在諸佛已若有善男子善女人聞說深般若波羅蜜於中起恭敬意者則為供養過去當來今現在諸佛已阿難汝若恭敬慈於我者當恭敬慈於般若波羅蜜若書是般若波羅蜜時亦當恭敬慎莫失一句是故阿難持般若波羅蜜囑累於汝如我今於三界中尊般若波羅蜜亦復是尊我所囑累大有餘事耳我今持以般若波羅蜜囑累汝是故阿難當宣語諸天龍神諸世間人普令聞知諸不欲捨如來三寶者不欲棄去來今佛道者慎莫棄捨般若波羅蜜是者則我道之法

御若有善男子善女人受持般若波羅蜜諷誦讀習念守行者轉復教人演其中義分別解說者是人疾得阿耨多羅三耶三菩得薩云然不久何以故阿難諸佛如來道者皆出般若波羅蜜中出是故阿難菩薩欲得般若波羅蜜者當學六波羅蜜何以故阿難六波羅蜜者菩薩之母生諸菩薩故諸學六波羅蜜者皆當於中成阿耨多羅三耶三菩是故阿難持六波羅蜜倍囑累汝六波羅蜜者是諸如來無所著等正覺之法藏六波羅蜜者无盡之藏諸去來今佛轉法輪教化衆生者皆以六波羅蜜為藏諸去來今佛皆於六波羅蜜中學成阿耨多羅三耶三菩諸去來今佛諸弟子皆學六波羅蜜而般泥洹甫當般泥洹者亦當學是六波羅蜜阿難汝若教三千大千刹土中為弟子者說法皆令成就得阿羅漢雖有是教未為我弟子之教不如以般若波羅蜜一句如法教善菩薩令學是則為我弟子

之教阿難我屬所說三千大千國土  
教滿中人皆令得羅漢行六波羅  
蜜所作功德寧為多不阿難言甚多  
世尊佛言阿難不如我弟子說般若  
波羅蜜一日教諸菩薩若不能一日  
日中可不能至日中食時可不能至  
食時彈指頃其福勝度人所羅漢所  
以者何一菩薩之德出過一切諸羅  
漢辟支佛上何以故是菩薩自欲成  
阿耨多羅三耶三菩復勸助安慰一  
切衆生復欲令成阿耨多羅三耶三  
菩阿難行六波羅蜜三十七品至薩  
云然增益功德成阿耨多羅三耶三  
菩終不中還說是般若波羅蜜時四  
輩弟子及諸天龍阿須倫犍沓和甄  
陀羅摩睺勒余時佛於是大衆之中  
而現神足變化令是會者大衆皆見  
阿闍如來彼大衆圍遶而為說法衆  
大會譬如大海皆是羅漢諸漏已盡  
無復塵垢皆得自在意已得脫已出  
解慧悉捨重擔衆事已辦譬如大龍  
所應已逮習緒已訖得等解脫已度  
諸願彼會羅漢德皆如是及諸菩薩

摩訶薩數不可計其德巍巍不可稱  
量佛攝神足已忽然不現佛告阿難  
諸法如是不可眼見諸法無對法法  
无等法法不相見法法不相知如今  
諸衆不見阿闍如來彼佛國土亦不  
與眼作對故諸法亦是亦無對法  
法不相知不相見故阿難法亦不知  
亦不見諸法无所作何以故諸法空  
不可捉諸法不可思議諸法无有念  
譬如幻士亦無所覺用不要無堅固  
菩薩摩訶薩如是行者為行般若波  
羅蜜於諸法无所入阿難菩薩如是  
學者為學般若波羅蜜欲逮諸波羅  
蜜者當學般若波羅蜜如是學者最  
尊最上出諸辯之上無盖之盖為世  
覆盖无所歸者能為作歸佛以是學  
能以右手舉此三千大千刹土復還  
故處一切衆生無覺知想所以者何  
是般若波羅蜜諸去來今佛皆於中  
學成去來今佛无尋諸慧阿難是般  
若波羅蜜學於諸學中最尊最上過  
諸辯上欲平相般若波羅蜜者欲得  
虛空邊際何以故般若波羅蜜不可

平相阿難我初不說般若波羅蜜限  
身體有數句體為有數義解為有數  
般若波羅蜜者无有限數阿難白佛  
言世尊何以故般若波羅蜜無有限  
數佛告阿難般若波羅蜜不可盡故  
无有限般若波羅蜜寂故故無有限  
過去當來今現在諸如來无所著等  
正覺皆從是般若波羅蜜中學成亦  
不能盡般若波羅蜜是故阿難般若  
波羅蜜不可盡亦無能盡者亦非盡  
者若有人言我能盡般若波羅蜜者為  
欲盡虚空阿難當知六波羅蜜不可  
盡亦不盡亦无能盡者乃至薩云然  
亦不可盡無能盡者亦无有盡是法  
亦無有生尚无有生云何有盡於是  
世尊以廣長舌相障面告阿難言持  
是般若波羅蜜於四輩中廣宣廣說  
廣分別解說廣演其事今分明所以  
者何是般若波羅蜜中廣出諸法故  
三乘學者皆當於中隨其所應而得  
學成阿難是深般若波羅蜜者是諸  
法之藏一切諸字皆來入中是般若  
波羅蜜者皆是諸陀羅尼之門諸菩



薩欲學陀羅尼者當學般若波羅蜜  
諸有菩薩得陀羅尼者志為惣持諸  
法之辯才般若波羅蜜者是去來今  
佛法之所是故我告語一切其有受  
持般若波羅蜜諷誦學者則為惣持  
去來今佛之道阿難我今為汝說般  
若波羅蜜行汝持般若波羅蜜者則  
為惣持一切諸法

摩訶般若波羅蜜元盡品第六十八

是時須菩提意念言諸佛之道大為  
甚深我寧可問世尊於是須菩提白  
佛言世尊般若波羅蜜云何不可盡  
世尊報言如虛空不可盡是故般若  
波羅蜜不可盡須菩提白佛言世尊  
菩薩當云何入般若波羅蜜中佛言  
如五陰不可盡菩薩當作是入如六  
波羅蜜不可盡菩薩當作是入乃至  
薩云然不可盡菩薩當作是入般若  
波羅蜜復次須菩提癡如虛空不可  
盡菩薩當作是入所作行如虛空不  
可盡當作是入識如虛空不可盡當  
作是入名色如虛空不可盡當作是  
入六衰如虛空不可盡當作是入覺



如虛空不可盡當作是入愛如虛空不可盡當作是入有如虛空不可盡當作是入老病死憂悲勤苦如虛空不可盡當作是入須菩提菩薩摩訶薩當作是入般若波羅蜜中菩薩摩訶薩於十二緣起作是觀者為捨癡際為應則為得坐道場作是觀者便得薩云然須菩提若有菩薩知虛空不可盡事為行般若波羅蜜觀十二緣起者終不墮羅漢辟支佛地便得三耶三佛地須菩提諸有善男子善女人行菩薩道而轉還者皆以无有般若波羅蜜念故不知行般若波羅蜜故不知十二緣起如虛空故不知遍起拘舍羅故以是故於阿耨多羅三耶三佛而轉還復次須菩提諸有菩薩不轉還者皆以遍起拘舍羅入般若波羅蜜中知虛空不可盡作是入般若波羅蜜故須菩提菩薩摩訶薩作如是觀十二緣起不見有法無因緣而生者不見有法有常常生而不滅者

不見有法无不偶者亦不見衆生亦  
不見有我人壽命亦不見有知見者  
亦不見無常亦不見吾我亦不見淨  
亦不見不淨須菩提菩薩摩訶薩行  
般若波羅蜜當作是觀十二緣起須  
菩提菩薩摩訶薩行般若波羅蜜亦  
時不見五陰有常有无常有苦有樂  
有我無我有淨无淨乃至薩云然亦  
不見法有常无常有苦有樂有我無  
我有淨无淨須菩提菩薩摩訶薩行  
般若波羅蜜時亦不見有法可持見  
般若波羅蜜者乃至于道亦不見有  
法可持見道者須菩提菩薩摩訶薩  
作是行般若波羅蜜者於諸法無所  
倚須菩提菩薩摩訶薩行般若波羅  
蜜無所倚持時魔波旬愁憂不樂譬  
如士夫新喪父母須菩提白佛言世  
尊獨是間魔愁憂耶三千大千刹土  
中魔復愁憂乎佛言三千大千刹土  
中魔皆大愁毒各在其處不能自安  
菩薩摩訶薩作是行時諸天及魔不  
能得其便須菩提菩薩欲得阿耨多  
羅三耶三佛者當行般若波羅蜜菩

薩摩般若波羅蜜者則為具足諸波  
羅蜜須菩提白佛言世尊菩薩云何  
具足六波羅蜜念佛告須菩提言菩  
薩行六波羅蜜所可作為薩云然念  
行是為菩薩摩訶薩行六波羅蜜  
摩訶般若波羅蜜六度相攝品第六十九  
於是須菩提白佛言菩薩云何行檀  
波羅蜜而攝尸波羅蜜佛言菩薩布  
施求薩云然者身口意常以三事淨  
施衆生是為菩薩布施攝取尸波羅  
蜜須菩提白佛言菩薩云何布施攝  
辱波羅蜜佛言菩薩布施時受者逆  
罵詈輕易麁言加之亦无恚恨之意  
向也是為菩薩布施攝辱波羅蜜云  
何菩薩布施攝逮波羅蜜佛言菩  
薩布施時受者罵之亦復輕易菩薩  
持意倍欲布施無所愛惜常自念言  
我常當布施不可廢忘須臾之間常  
開意施與不須人來有所索者尔乃  
與之常索受者不問遠近是為菩薩  
布施攝逮波羅蜜云何菩薩布施  
攝禪波羅蜜佛言菩薩布施時求薩  
云然其意不乱不求羅漢辟支佛道

是為菩薩布施攝禪波羅蜜云何菩薩布施攝般若波羅蜜佛言菩薩布施時意常念言我所布施如幻如夢雖有布施不見衆生有增有減亦不見有得我物者亦不見不得者是為菩薩行檀波羅蜜攝取般若波羅蜜須菩提白佛言世尊云何菩薩摩訶薩住尸波羅蜜攝取五波羅蜜佛告不瞋羅漢辟支佛地自住於戒不害衆生命不犯不與取不犯梵行不犯十戒住戒布施隨人所持戒布施皆與衆生共發羈提波羅蜜佛言菩薩行戒若有人來節節解剥其意亦无起恨不瞋不恚倍歡喜言我為得大利人來節節解我是為菩薩住戒攝取羈提波羅蜜云何菩薩行戒攝取惟逮波羅蜜佛言菩薩行戒時身口意不懈怠常作念言從生死中拔諸衆生立甘露地是為菩薩住戒攝取惟逮波羅蜜云何菩薩行戒攝取禪波羅蜜佛言菩薩行戒從第一禪至第四禪不倚二地意常念言我住於

禪當度衆生是為菩薩住戒攝取禪  
 波羅蜜云何菩薩行戒攝取般若波  
 羅蜜佛言菩薩行戒亦不見法有所  
 住止不見法有以無不見法過於如  
 者以般若波羅蜜溫起拘舍羅不墮  
 二地須菩提是為菩薩住尸波羅蜜  
 攝取般若波羅蜜須菩提白佛言世  
 尊云何菩薩行羈波羅蜜攝取檀波  
 羅蜜佛言菩薩行忍從初發意至于  
 道場一切衆生罵詈輕易節節支解  
 菩薩以住於忍地者意常念言雖人  
 不取我當布施不廢須臾持是功德  
 與衆生共發阿耨多羅三耶三菩雖  
 作是願不住二處何等二處无有願  
 相無有作相是為菩薩住忍攝取檀  
 波羅蜜云何菩薩住忍攝取尸波羅  
 蜜佛言菩薩行忍從初發意坐于道  
 場初不犯十惡從煞生至邪見不犯  
 十事奉行十善意不想念二地持是  
 功德願與衆生共發阿耨多羅三耶  
 三菩於三乘意適無所著是為菩薩  
 住忍攝取尸波羅蜜云何菩薩行忍  
 攝取惟逮波羅蜜佛言菩薩行忍起

精進意言我當去是百千俞旬或百千刹土或無數刹若有一人不持戒者我當教令持隨其所應以三乘法而度脫之持是功德與衆生共發阿耨多羅三耶三菩是為菩薩住忍攝取惟逮波羅蜜云何菩薩行忍攝取禪波羅蜜佛言菩薩行忍從第一禪至于四禪所起善意持是善意發阿耨多羅三耶三菩所念意如無禪亦无禪者是為菩薩住忍攝取禪波羅蜜云何菩薩行忍攝取般若波羅蜜佛言菩薩行忍從初發意至于道場觀諸法寂觀諸法淨觀諸法盡以淨法為證坐道場已逮薩云然起便轉法輪是為菩薩住忍攝取般若波羅蜜須菩提菩薩所攝取如不取如不捨須菩提白佛言世尊云何菩薩行惟逮波羅蜜攝取檀波羅蜜佛言菩薩精進從初發意至于道場於其中間身口意行無有須臾食息懈廢持是不懈之意我當成阿耨多羅三耶三菩不得不成住於精進為衆生故過百千俞旬從一佛土至一佛國過



百千刹為一切人故假令一人未得度者欲安此人以三乘法而度脫之亦不見人有得度者若無有一人能行佛菩薩道者當以辟支佛事教之若無有行辟支佛事者當以十善事教之趣得一人使入道檢持是法施衆生已復以具足所有布施持是功德與衆生共為阿耨多羅三耶三菩不為二地是為菩薩住於精進攝取檀波羅蜜云何菩薩精進攝取尸波羅蜜佛言菩薩精進從初發意至坐道場自奉十善勸人令行見行十善者代其歡喜住於戒中不願三界之樂亦不願二地持是功德與衆生共為阿耨多羅三耶三菩所為无有三念於去來今不見有作者是為菩薩住於精進攝取尸波羅蜜云何菩薩精進從初攝取羼波羅蜜佛言菩薩精進從初發意至于道場若人非人來取菩薩節節支解作意念言誰割我者劫者是誰但念言我得大利我為衆生故受是身今此衆生自來取去夫為法御之者倍當歡喜不當有起持是功

德共與衆生為阿耨多羅三耶三菩  
不為二地是為菩薩住於精進攝取  
羣波羅蜜云何菩薩精進攝取禪波  
羅蜜佛言菩薩精進從第一禪至于  
四禪四等四无形禪亦不斷亦不著  
所生之處但欲救濟衆生以六度之  
法度脫衆生往見諸佛從一佛刹至  
一佛刹禮敬供養殖諸善本是為菩  
薩住於精進攝取禪波羅蜜云何菩  
薩精進攝取般若波羅蜜佛言菩薩  
精進不見五波羅蜜亦不以相見亦  
不以事見亦不見三十七品乃至薩  
云然亦无所見亦不見諸法亦不以  
事見亦不以相見亦不為法作巢蜜  
所語如所作亦無有二是為菩薩住  
於精進攝取般若波羅蜜須菩提白  
佛言世尊云何菩薩行禪波羅蜜攝  
取檀波羅蜜佛言菩薩行四禪四等  
四无形禪不以乱意住於諸禪常行  
二施法施財施自行二施復勸助人  
令行二施常讚歎二施之德見人二  
施常讚歎之代其歡喜持是功德共  
與衆生為阿耨多羅三耶三菩不為

二地是為菩薩住禪攝取檀波羅蜜

云何菩薩行禪攝取尸波羅蜜佛言

菩薩行禪不生姪怒癡意亦不生有

所害意但生薩太然行意持是功德

共與衆生為阿耨多羅三耶三菩不

為二地是為菩薩住禪波羅蜜攝取

尸波羅蜜云何菩薩行禪攝取羂波

羅蜜佛言菩薩行禪觀色如聚沫觀

痛如泡觀想如野馬觀所作行如芭

蕉觀識如幻作是觀已於五陰作无

堅固不要想作是觀已念言是中誰

有割剥我者為是誰色誰痛誰想誰

行誰識誰作是觀已復自念言既罵

詈虛言輕易之意亦不起恚尚無起

者誰有罵者是為菩薩住禪攝取羂

波羅蜜云何菩薩行禪攝取惟逮波

羅蜜佛言菩薩以四禪趣禪趣禪之

德便得無量之變化以天耳徹聞二

聲意如衆生念自識無數生死之事

以天眼見衆生所得報應隨行善惡

住五神通從一佛國至一佛國礼敬

供養殖諸善本淨佛國土教化衆生

持是功德共與衆生為阿耨多羅三

耶三善不為二地是為菩薩住禪攝  
取惟逮波羅蜜云何菩薩住禪波羅  
蜜攝取般若波羅蜜佛言菩薩行禪  
不有五陰六波羅蜜亦不有三十七  
品至薩云然及有為无為性無所有  
亦无所作雖無所作亦不生滅所以者  
何有佛无佛法性常如故亦不生亦  
不滅但有薩云然念應薩云然行須  
菩提是為菩薩行禪波羅蜜攝取般  
若波羅蜜須菩提白佛言世尊云何  
菩薩行般若波羅蜜攝取檀波羅蜜  
佛告須菩提菩薩行般若波羅蜜自  
於內空不有內空於外空亦不有外  
空自於內外空亦不有內外空空空  
大空第一取空有為空无為空亦不  
有空亦不見至竟無底空行性空二  
切諸法自空菩薩摩訶薩住此十四  
空已亦不見五陰空以不空亦不知  
亦不有亦不見三十七品空以不空  
亦不知亦不有乃至于道亦不見空  
以不空亦不見有為无為之性空以  
不空亦不知亦不見菩薩摩訶薩行  
般若波羅蜜所作布施人中天上所

有所可布施皆悉見空受者與者皆  
亦空觀貪嫉之意初不能得其便所  
以者何菩薩行般若波羅蜜无有分  
別若干念故從初發意至坐道場貪  
嫉之意不生亦如如來无所著等正  
覺無貪嫉意也是故菩薩行般若  
波羅蜜无貪嫉之意菩薩摩訶薩所  
可尊者則般若波羅蜜是是為菩薩  
住於般若波羅蜜攝取檀波羅蜜云  
何菩薩行般若波羅蜜攝取尸波羅  
蜜佛言菩薩行般若波羅蜜二地之  
意不能得其便所以者何無羅漢辟  
支佛意故索作二地意亦不可得從  
初發意至坐道場常住十善復勸進  
人使行十善見人行者亦讚歎之代  
其歡喜持是戒意不批諸法亦不批  
二地何況其餘是為菩薩住般若波  
羅蜜攝取尸波羅蜜云何菩薩行般  
若波羅蜜攝取羣波羅蜜佛言菩薩  
行般若波羅蜜便生順忍念言諸法  
亦无生者亦無滅者亦无生死亦無  
罵者亦無割者亦无剥者亦無撾捶  
亦无縛者從初發意至坐道場一切



衆生若過若割刀杖支解意生念言  
哀哉諸法之法何所罵者何所過者  
何所剥者是為菩薩住般若波羅蜜  
攝取羣波羅蜜云何菩薩行般若波  
羅蜜攝取惟逮波羅蜜佛言菩薩行  
般若波羅蜜為衆生說法安立衆生  
於六波羅蜜立於三十七品立於三  
乘之法立於阿耨多羅三耶三菩安  
立衆生如不立於有為無為之法是  
為菩薩住般若波羅蜜攝取惟逮波  
羅蜜云何菩薩行般若波羅蜜攝取  
禪波羅蜜佛言菩薩行般若波羅蜜  
除如來三昧餘二地三昧菩薩三昧  
皆悉能行於八惟無禪九次第禪能  
逆順行三昧已竟於是三昧起便入  
師子奮迅三昧何等為師子奮迅三  
昧佛言悉怛持四禪無形禪解脫禪  
九次第禪悉能逆順入諸三昧於師  
子奮迅三昧起便入滿法閼鞞三昧逮  
諸法等須菩提是為菩薩摩訶薩住  
於般若波羅蜜攝取禪波羅蜜  
放光般若經卷第十五

丁酉歲高麗國大藏都監奉  
勅彫造



放光般若經卷第十六

重 集

西晉于闐國三藏無羅叉奉 詔譯

摩訶般若波羅蜜遍起品第十

尔時須菩提白佛言唯世尊菩薩摩訶薩發意以來為幾時能具足行遍起拘舍羅乃如是佛告須菩提是菩薩摩訶薩發意以來不可計阿僧祇劫須菩提言世尊能行遍起拘舍羅菩薩摩訶薩者為供事幾佛佛告須菩提是菩薩已供事如恒邊沙佛以來乃能逮得是遍起拘舍羅須菩提言世尊是菩薩作何等功德乃能具足遍起拘舍羅佛言菩薩所作功德常具足六波羅蜜於施於戒於忍於進於禪於智於六德中無有不具足者以是故能行遍起拘舍羅須菩提言世尊甚奇甚特是菩薩所作功德不可計量乃能逮得是遍起拘舍羅佛言如是如是須菩提甚奇奇特乃能具足遍起拘舍羅譬如日月宮殿周流四域能有所益般若波羅蜜亦復如是遍入五波羅蜜中多所饒益五波

羅蜜因般若波羅蜜而得名字離般若  
若波羅蜜者亦不得五波羅蜜之名  
字譬如轉輪聖王无七寶者亦不得  
為轉輪聖王之名五波羅蜜離般若  
波羅蜜者亦无有名字譬如無夫之  
婦无不陵易者五波羅蜜離般若波  
羅蜜魔及魔天無不欲燒者五波羅  
蜜不離般若波羅蜜者魔及魔天无  
能得其便者譬如郡國有勇健之士  
叅知五兵器仗具足常在其處者鄰  
國怨敵不敢侵近五波羅蜜不離般若  
若波羅蜜者諸魔魔天若耨陀羅人  
耨陀羅者晉言獄侍主煞人者若頑  
狠之人拉突之人詐稱菩薩人是輩  
之人無能得其便者譬如轉輪聖王  
治於世間諸粟散小王隨其教令无  
敢違者皆悉隨從五波羅蜜得般若  
波羅蜜者便至薩云若譬如百川千  
流皆入於恒已俱入大海般若波羅  
蜜者攝取五波羅蜜亦復如是般若  
波羅蜜者譬如人之右手無事不為  
五波羅蜜者如人左手佐助右手譬  
如衆流恒水江河悉入大海合為一

味五波羅蜜與般若波羅蜜俱入薩

云若合為一法亦復如是譬如轉輪

聖王將四種兵聖王出時紫金輪轉

常在前導若聖王意欲得寶時輪則

為住聖王取寶畢竟有所施與其事

訖竟輪亦乃去若衆人未遍不足輪

不為轉般若波羅蜜導五波羅蜜至

薩云若終不動轉譬如轉輪聖王所

有七寶三寶常導在前一者金輪二

者主兵臣三者主藏臣般若波羅蜜

常導五波羅蜜至薩云若住般若波

羅蜜亦不念言五波羅蜜常隨從我

檀波羅蜜尸波羅蜜羣波羅蜜惟逮

波羅蜜禪波羅蜜亦不作念我當隨

從般若波羅蜜何以故自空无所能

作無所能為如熱時之焰須菩提白

佛言世尊云何諸法空云何菩薩行

六波羅蜜逮得阿耨多羅三耶三菩

佛報言菩薩行六波羅蜜意念言以

三界衆生皆著四顛倒當以遍愍拘

舍羅而度脫之我當為衆生故行六

波羅蜜為衆生故捨意所作内外所

有布施布施時念言我无所一施何

以故所有財物及身會當壞故菩薩  
作是觀者便具足檀波羅蜜為衆生  
故不聽惡戒我亦不應犯十惡事我  
亦不應墮於二地菩薩作是觀便具  
足尸波羅蜜為衆生故意常不恚亂  
是為菩薩具足羣波羅蜜為衆生故  
至阿耨多羅三耶三菩終不懈怠是  
為菩薩具足惟逮波羅蜜為衆生故  
至阿耨多羅三耶三菩初不離於智慧  
是為菩薩具足般若波羅蜜何以故  
不可以異法度脫衆生唯當以智慧  
之事度脫衆生耳以是故菩薩當習  
行般若波羅蜜須菩提白佛言世尊  
若諸波羅蜜無有老特者云何般若  
波羅蜜於五波羅蜜中取尊取勝佛  
言如是如是諸波羅蜜元有老別雖  
無老別者要五波羅蜜從般若波羅  
蜜而得名字因般若波羅蜜故五波  
羅蜜各得名字須菩提譬如須弥山  
若干種雜色至須弥山者皆與須弥  
山同色元復別異五波羅蜜因般若

波羅蜜而得名字入薩玄然與般若  
波羅蜜合亦无老特以入般若波羅  
蜜亦無若干字亦无檀之名字亦無  
尸羴惟逮禪亦無是名何以故諸波  
羅蜜亦无有形故以是無有差別須  
菩提白佛言世尊所逮至處无有老  
特玄何般若波羅蜜於五波羅蜜中  
最尊最上佛言如是最逮至處無有  
差別以世俗生死故知有六波羅蜜  
為世俗施耳而衆生不知亦不起滅  
亦不生死衆生及諸法无有邊際亦  
無底是故須菩提般若波羅蜜於五  
波羅蜜而最上尊辟如閻浮提衆母  
人中玉女寶最第一般若波羅蜜於  
諸波羅蜜中最上須菩提言世尊是  
誰之威神令般若波羅蜜於五波羅  
蜜中為最尊最上佛告須菩提以般若  
波羅蜜惣持諸善功德之法以無處  
所住於薩玄若須菩提言世尊般若  
波羅蜜頗有所取有所捨耶佛言般  
若波羅蜜於諸法无所取亦無所放  
何以故諸法亦無所持亦无所放世  
尊般若波羅蜜不持何法不捨何法

佛言般若波羅蜜亦不取五陰亦不捨五陰及三十七品乃至于是道亦不取亦不捨世尊云何不取五陰亦不取道佛言不念五陰亦不念道是故無所取須菩提言世尊是事云何不念五陰乃至于是道亦復不念云何當得增益功德若不增益功德云何得具足諸波羅蜜若不具足諸波羅蜜云何逮薩云若佛告須菩提以不念五陰以不念薩云然何以故以不念五陰以不念道以是故便逮得道世尊何以故不念五陰不念道佛言以念故便著欲界形界无形界以無所念故便得无所著是故菩薩行般若波羅蜜亦無所近亦无所著世尊菩薩行般若波羅蜜如是為無所住佛言如是菩薩作如是行般若波羅蜜者亦不住於五陰亦不住薩云若世尊何以故不住佛言以无所入故不住何以故亦不見法有所住有所入者菩薩行般若波羅蜜無所入便應无所住菩薩作是住作是行則為行般若波



羅蜜則為住般若波羅蜜若有言我行般若波羅蜜我念般若波羅蜜者則為遠離般若波羅蜜已以遠離般若波羅蜜者則為遠離五波羅蜜則為遠離薩云若已何以故般若波羅蜜無所入亦无有能入般若波羅蜜者何以故無有形可入處故若菩薩於般若波羅蜜有知者則為已墮於般若波羅蜜墮者則為於諸法已墮若復作念般若波羅蜜受持五波羅蜜并使持薩云若者則復為已墮為不行般若波羅蜜不能成阿耨多羅三耶三菩若復生念言於是般若波羅蜜中受阿耨多羅三耶三菩記剎者則復已墮於般若波羅蜜墮者不得阿耨多羅三耶三菩若復作念我當因般若波羅蜜行五波羅蜜行於大慈則復為墮墮者亦不能成五波羅蜜亦不能成大慈若復作念如諸如來於諸法无受无所行自然得逮覺持是教授衆生則復為墮所以者何如來者於諸法无所逮覺是故不處法何況有法可逮覺者是者不然

須菩提白佛言菩薩當云何行般若  
 波羅蜜而無是取隙佛告須菩提菩  
 薩行般若波羅蜜者當念言是諸法  
 無所有无所有法中法無所取亦无  
 所逮覺如是行者為行般若波羅蜜  
 若欲入無所有法者則離般若波羅  
 蜜何以故般若波羅蜜无所入亦無  
 有人者須菩提言世尊若般若波羅  
 蜜不離般若波羅蜜檀波羅蜜不離  
 檀波羅蜜乃至薩云若不離薩云若  
 若不離云何入般若波羅蜜乃至薩  
 云若云何有人佛言菩薩行般若波  
 羅蜜亦不入五陰亦不拙五陰亦不  
 非五陰乃至薩云若亦復如是亦不  
 言五陰有常无常有苦有樂有我無  
 我有空有寂乃至薩云若亦復如是  
 有常無常苦樂吾我空寂是法亦不  
 入有形亦不入无形須菩提菩薩行  
 六波羅蜜行薩云若譬如轉輪聖王  
 出時四種兵皆隨從五波羅蜜皆隨  
 從般若波羅蜜至薩云若住譬如善  
 御駕駟初不失轍般若波羅蜜御五  
 波羅蜜順至薩云若須菩提白佛言

何等是菩薩道何等是非道佛報言  
 聲聞辟支佛道非菩薩道薩云若者  
 是菩薩道須菩提白佛言世尊般若  
 波羅蜜者為諸菩薩興大事也乃能  
 分別是道非道佛言如須菩提所說  
 般若波羅蜜者為不可計阿僧祇眾  
 生興雖讚歎行事不受五陰亦不受  
 二地般若波羅蜜者眾生之御御眾  
 生令至薩云若不與二地作御是故  
 般若波羅蜜於諸法無所生无所滅  
 以法性等故須菩提白佛言世尊若  
 般若波羅蜜不生諸法亦不滅諸法  
 菩薩云何行六波羅蜜佛言因薩云  
 若故念六波羅蜜持是功德與眾生  
 共為阿耨多羅三耶三菩菩薩持是  
 功德求阿耨多羅三耶三菩便具足  
 六波羅蜜念菩薩所行慈則為薩云  
 然菩薩有離六波羅蜜者則為離薩  
 云然以是故菩薩欲得阿耨多羅三  
 耶三菩者當學六波羅蜜具足諸善  
 功德乃逮薩云若是故菩薩當行六  
 波羅蜜世尊菩薩云何習六波羅蜜  
 佛言菩薩當作是觀五陰不習亦不

不習乃至薩去若亦復如是菩薩當作是習六波羅蜜復次須菩提菩薩不習住於五陰乃至薩去若亦不習住何以故五陰及薩去若無所住故菩薩欲成阿耨多羅三耶三菩當習無所住須菩提譬如士夫欲得甘果便種果樹深埋栽根隨時溉灌令得潤澤萌芽得生便有枝葉花實而得食之菩薩欲得阿耨多羅三耶三菩者當學六波羅蜜以六波羅蜜攝取衆生度脫衆生是故須菩提菩薩欲獨步於三界欲淨佛土欲坐道場者欲轉法輪者當學六波羅蜜須菩提白佛言世尊當學般若波羅蜜耶佛言如是當學佛言欲於諸法中自在當學般若波羅蜜何以故般若波羅蜜於諸法中獨步故般若波羅蜜者諸法之面辟如大海為萬川四流作面諸欲學薩去若當學般若波羅蜜是故菩薩當學六波羅蜜當學薩去若譬如善射之人執持弓箭前不畏怨敵菩薩行般若波羅蜜不畏魔及魔天是故菩薩欲得阿耨多羅三耶

三善者當學般若波羅蜜有行般若波羅蜜者過去當來今現在諸佛皆悉念之須菩提白佛言世尊云何菩薩行六波羅蜜為諸佛所念佛言所念不有六波羅蜜故念不有薩云若故念作是住者為諸佛所念復次須菩提亦不以五陰故念不以乃至薩云若故念須菩提言世尊菩薩所學甚多如無所學佛言如是多有所學亦无所學何以故不見有法菩薩當可學者須菩提言世尊所說法多少菩薩皆當受行菩薩欲得阿耨多羅三耶三善者六波羅蜜事若多若少皆當受行當堅持常當觀念令意不轉菩薩於六波羅蜜皆當盡學於諸法多者少者亦當盡學知須菩提言世尊云何諸法多少盡當知諸法佛言五陰如薩云若如以知五陰及薩云然如者便知得諸法多少世尊云何得知五陰如薩云若如亦不知生亦不知滅亦不知耗常住不變佛言觀真際故便知諸法多少世尊云何為觀真際佛言真際者非際菩薩於

非際學便知諸法多少以知法性便知諸法多少知色性法性无有断絕便知諸法多少須菩提言世尊云何知諸法多少佛言諸法不偶非不偶世尊何等法不偶非不偶佛言五陰不合亦不不合乃至有為性無為性亦不合亦不不合所以者何是法亦无形可得合者非不合者何以故所有者皆無所有亦不合亦不散當作是知諸法須菩提言世尊菩薩從初發意至于十住皆當作是學計校然後皆知諸法多少菩薩利根者所入非鈍根者所入非中間者所入非多少者所入欲學入是御者非懈怠者所入非怖望者所入是精進者所入強識者所入是阿惟越致逮薩云若者所入受六波羅蜜所教便入薩云若菩薩行般若波羅蜜者若魔事起能覺能滅欲得漚沤拘舍羅者當學般若波羅蜜菩薩行般若波羅蜜時若念若入時十方現在諸佛皆念是菩薩去來今諸佛皆於般若波羅蜜中出生菩薩行般若波羅蜜當作是



念去來今諸佛所逮法我亦當逮菩薩行般若波羅蜜者當作是習如是習者疾得阿耨多羅三耶三菩是故菩薩不當離薩云若念大千剎土其中衆生皆教令行六波羅蜜盡令得須陀洹及羅漢至辟支佛不如是菩薩行般若波羅蜜如彈指頃何以故五波羅蜜須陀洹及羅漢辟支佛道皆於中出生故諸去來今諸佛皆亦於中出生一恒邊沙其中衆生悉教令布施至聲聞辟支佛不如菩薩念般若波羅蜜應薩云若念般若波羅蜜應薩云若念一日至百日若至百劫何以故用諸如來皆於中出立於檀教及羅漢辟支佛教故若有菩薩如般若波羅蜜教住當知是如來所念阿惟越致菩薩當知是菩薩已行六波羅蜜已逮遍趣拘舍羅已供事若干佛已得真知識已得具足十八空已成四無所慧已得六通已住童男清淨之行滿足諸願當知是菩薩不離諸佛不離諸善功德不離諸佛之剎不失辯才已得惣持諸根具足

記剎成就當知是菩薩三界八難諸  
處永絕知是菩薩善入衆事善入無  
字義亦善於言亦善於默亦善多言  
亦善一言善誨於男善誨於女善於  
五陰善於泥洹善於法相善於有為  
無為之性善於有無善於此彼善於  
合散善於不合不散亦善於如亦善  
於淨法亦善於有緣無緣善於五陰  
善於六衰善於十八性善於四諦善  
於十二緣起亦善於禪亦善於四禪  
亦善於四无形禪亦善於六波羅蜜  
善於三十七品善於薩云若善於有  
為無為性亦善於身亦善无身亦善  
於五陰念乃至薩云若亦善於念善  
於五陰自空乃至于道善於道空善  
於信道空善於不信道空善於起滅  
善於一定住無復有變亦善於嬖怒  
癡亦善无嬖怒癡善於正見善於不  
正見亦善於邪見亦善於不邪見亦  
善於諸見善於名色善於所作善於  
尊事亦善於相亦善於苦亦善於習  
亦善於盡亦善於道善於泥犁善於  
辟翦善於畜生亦善於三惡趣亦善

於人亦善於人趣亦善於天趣亦善於  
聲聞辟支佛亦善於聲聞辟支佛道  
亦善於薩云然亦善於薩云若道亦  
善於力亦善於具足力善於平知善  
於微知善於厭知善於大智善於无  
涯底智善於去來今三世之慧亦善  
於權善察衆生亦善於義亦善於解  
善斷於三惡處佛告須菩提是為菩  
薩摩訶薩行般若波羅蜜念般若波  
羅蜜入般若波羅蜜之德須菩提白  
佛言世尊云何為行般若波羅蜜云  
何念云何入佛言當知五陰有常无  
常有堅固無堅固有真无真當作是  
知是為行般若波羅蜜入般若波羅  
蜜當如入空觀諸所有皆無所有當  
作是念須菩提言世尊菩薩學般若  
波羅蜜當至久如佛言菩薩從初發  
意行般若波羅蜜至坐道場當作是  
行當作是念當作是入須菩提言世  
尊菩薩念般若波羅蜜當以一念念  
耶佛言菩薩常以一意至念般若波  
羅蜜不得令他餘之意中得其便行  
般若波羅蜜作是入作是念不離薩

云然念念般若波羅蜜當如意法隨  
意不離須菩提言世尊般若波羅蜜  
持行持念持入逮薩云然佛言不也  
須菩提白佛言世尊持是不念得薩  
云然佛言不也須菩提白佛言世尊  
持念已不念得薩云然佛言不也須  
菩提白佛言世尊亦不念亦不念  
得薩云然耶佛言不也須菩提言當  
以云何得薩云然佛言如云何如  
如佛言如實際云何如實際佛言如  
法性如衆生性如壽性如命性世尊  
云何如法性如衆生性如壽命性佛  
言於須菩提意云何吾我壽命衆生  
為可得不得須菩提言世尊不可得佛  
言吾我壽命衆生不可得云何有衆  
生名衆生菩薩當作是知不以有名  
入般若波羅蜜不以有名入諸法得  
逮薩云然須菩提言世尊是六波羅  
蜜不當以名耶佛言六波羅蜜及諸  
法皆不以有為無為之法及三乘之  
法須菩提言世尊若諸法不可名不  
可有名云何有名云何有五趣生死  
及須陀洹斯陀舍阿那含阿羅漢辟

支佛三耶三佛佛言於須菩提意云  
何衆生名處為可得見不世尊不可  
得見佛言衆生處尚不可得何況有  
五趣三乘之法菩薩行般若波羅蜜  
者當學無處所名諸法无處所須菩  
提言世尊如世尊所說為不當學五  
陰耶乃至薩云若不當學耶佛言當  
學五陰亦當學薩云然雖學亦无所  
處云何所學而無所處佛言學五陰  
薩云然亦无所生無所滅復問云何  
學無所生无所滅佛言當學所作无  
所有云何當學所作無所有佛言觀  
法如自觀无所有相是為學所作無  
所有云何自觀无所有相佛言如觀  
五陰空如觀六情空如觀内外空如  
觀有無空如觀禪空如觀滅脫禪空  
如觀三十七品空如觀道空須菩提  
菩薩行般若波羅蜜當作是觀當自  
觀相法空須菩提言世尊若五陰空  
乃至于道亦空菩薩當云何行般若  
波羅蜜佛言菩薩行般若波羅蜜為  
不成之行云何不成之行佛言般若  
波羅蜜不可得見故菩薩亦不可得

行亦不可得亦无有行者亦無有當行者亦无有已行者是皆不可得是菩薩般若波羅蜜無成之行何以故諸戲不可得見故須菩提言世尊菩薩如是為不成行新發意者當云何行般若波羅蜜佛言菩薩從發意當无所倚法學行六波羅蜜皆當無所倚乃至薩云然當念无所倚云何為倚云何為不倚佛言二者為倚一者為不倚云何為二云何為一佛言眼色為二六入念法為二道與佛為二是為二云何世尊從有倚中無倚從无倚中有倚佛言亦不從有倚中有倚亦不從無倚中有倚倚與无倚而一等入者是謂無倚須菩提菩薩於倚无倚等者是謂無倚當作是學菩薩如是學般若波羅蜜者是為無有倚須菩提言世尊菩薩行般若波羅蜜亦不行倚亦不行不倚云何行般若波羅蜜具足諸地而逮薩云然佛言菩薩不住於倚具足諸地何以故般若波羅蜜亦不倚道亦无所倚行般若波羅蜜者亦不可得見菩薩當



作是行世尊般若波羅蜜不可得見  
道亦不可得行道者亦不可得云何  
菩薩行般若波羅蜜分別諸法是五  
陰是為道耶佛言菩薩行般若波羅  
蜜亦不倚五陰亦不倚道云何具足六  
波羅蜜過菩薩位云何淨佛土化衆  
生云何逮薩云然云何轉法輪云何  
當作佛事云何脫衆生生死佛言菩  
薩亦不為五陰故行般若波羅蜜亦  
不為道故行般若波羅蜜復問為何  
誰故行般若波羅蜜佛言適无所為  
故行般若波羅蜜何以故諸法無有  
作者般若波羅蜜亦无有作者亦无  
成者道亦无作者亦無成者菩薩亦  
无有作者亦無有成者菩薩當作是  
行般若波羅蜜應无所作應無所成  
須菩提言世尊若諸法無作无成  
者亦無有三乘之處佛言无作無成  
之法處不可得何以故以凡愚癡之士  
入五陰倚五陰自貢高倚道貢高便  
念言我當得道度脫衆生何以故須  
菩提佛以五眼尚不能得五陰及道

況於凡夫愚癡無目而入五陰欲度衆生須菩提言世尊以五眼不得衆生不見可度者云何成阿耨多羅三耶三菩而去何處衆生於三際佛言我亦不見得阿惟三佛我亦不得衆生我亦不見三際亦不得亦不見以衆生無身及有身想但以是戒之耳所說教但以世俗故有是言教非是寂第一義无言之教須菩提言世尊不住寂第一要義成阿惟三佛耶佛言不也須菩提言從四顛倒成阿惟三佛耶佛言不也須菩提白佛言世尊不從第一要義得亦不從四顛倒得將無世尊不逮正覺佛言不也佛言如來逮正覺耳亦不住有為性亦不住无為性譬如如來化作如來亦無所住亦來亦去亦住亦坐亦復行六波羅蜜亦能行禪亦行四等四无形禪能行五通三十七品能行三脫門行内外空及有無空亦行八解脫九次第禪十力四无所畏佛十八法亦能轉法輪此化佛復化作無央數人化佛語人言有度有衆生有三際

佛問須菩提是化佛所化頗有三際  
衆生不須菩提言不也世尊佛告須  
菩提是故如來無所著等正覺知諸  
法如化无所度脫菩薩於般若波羅  
蜜當作是行當作是知須菩提言如  
世尊言諸法如化如來所化身與如  
來身有何等異有何等差別佛言亦  
無有異亦无有差別何以故如來亦  
有所作化亦有所作復問無有如來  
化獨能有所作耶佛言能有所作云  
何世尊佛告須菩提過去有佛名須  
扇頭

漢扇頭者音言極淨如來

彼佛

世時人无有行菩薩道者則佛現般  
泥洹作化佛留住一劫行佛事一劫  
已後彼化佛授應菩薩行者翦復般  
泥洹人皆呼般泥洹不知是化佛言  
化亦無生亦无泥洹須菩提菩薩行  
般若波羅蜜者當解諸法如化須菩  
提言世尊者化所作如來所作無有  
差別者所作功德云何畢施之恩若  
供養化佛供養如來彼供養者至般  
泥洹其福盡滅不佛言如來為一切  
天及人作福田化如來亦復是一切

之福田等無有異佛言置是供養如  
來化如來所作功德若有人慈意常  
念佛其福至畢苦乃盡佛言置是慈  
意之福若人但以一把之花散虛空  
中須臾念佛其福亦復至于畢苦佛  
言置是散花之福但有人能稱南无  
佛者其功德福亦至于畢苦須菩提  
施如來之福甚大如普須菩提當作  
是知諸法皆等化佛及佛無有差別  
菩薩當作是行般若波羅蜜當解諸  
法之法亦不當滅亦不當捨是般若  
波羅蜜法亦不當別乃至諸法亦當  
如是須菩提言世尊若諸法不當別  
如來云何言是色是痛是想是行是  
識云何說是內法是外法是善是惡  
是漏是非漏是道是俗是生是死是  
有為法是无為法世尊如是諸法將  
無分別佛言不也但以名字數示眾  
生欲使解耳亦无所分別世尊是无  
名号之法云何以名相教授眾生欲  
令得解佛言行亦無名亦无相亦無  
入行亦无苦亦無相亦无入諸佛及  
弟子亦不入相若名有入名相亦當

入相空亦當入空無相亦當入无相  
無願亦當入无願真際亦當入真際  
法性亦當入法性無為法者亦當入  
无為法是諸法但以字耳字亦不入  
字菩薩住於以名相行般若波羅蜜  
亦不當入名相中須菩提言世尊若  
諸有為法但以名相住者菩薩為誰  
而發道意為誰受若干勤苦行六波  
羅蜜為誰行禪及无形禪及行四等  
三十七品惣三脫門具足大慈皆為  
誰行佛言以名相數相諸有為亦不  
以名相空是故菩薩行菩薩道速薩  
云若及轉法輪以三乘法度脫衆生  
是名字及相亦不生滅如所住無有  
異須菩提言世尊說薩云然耶佛言  
尔我所說薩云然薩云然事說道慧  
事世尊是者有何差別佛言薩云若  
者是諸聲聞辟支佛事道慧事是諸  
菩薩摩訶薩事薩云若事者是諸佛  
如來事復問云何薩云若是聲聞辟  
支佛事佛言諸内外法羅漢辟支佛  
悉知雖知不住衆道事何等為菩薩  
道慧事佛言菩薩者一切諸道皆當



說皆當知及三乘道亦當具足知亦當作三道之事亦不受真際覺復問菩薩云何具足佛事不覺真際佛言未具足佛土未化衆生不當受真際覺復問菩薩當住於道中受真際證耶佛言不也云何可從無道耶佛言不也世尊可從道非道耶佛言不也亦不道亦非非道耶佛言不也須菩提言世尊當云何佛言於須菩提意云何汝本住於道滅盡諸漏耶須菩提言不也佛言汝從非道滅諸漏耶世尊不也佛言汝以道非道滅諸漏耶世尊不也佛言汝以道亦非道亦非非道滅諸漏耶世尊不也我无所住而滅諸漏雖滅諸漏而無所住佛告須菩提菩薩亦復如是雖為真際作證亦无所住雖言薩云若薩云若事者亦一事耳世尊何等為一事佛言寂淨者是也佛告須菩提諸所言所有形貌之像起滅之事佛悉覺之是故名薩云若須菩提白佛言世尊薩云若薩云若事道慧事是三句緒際寧有差別不緒有盡有餘者不佛



言緒盡無有老別也但為佛諸習緒  
盡耳聲聞習緒不盡盡世尊亦為緒  
不盡得泥洹耶佛言不也世尊泥洹者  
為有老別耶佛言不也若无老別世  
尊云何說諸習緒不盡佛言諸習者  
非習緒也雖有婬怒癡為凡夫身作  
耗非為是緒如來者無緒須菩提言  
世尊道亦無所有泥洹亦无所有云  
何說言是須陀洹是阿羅漢是辟支  
佛是三耶三佛乎佛言是皆因無為  
而有名是須陀洹是阿羅漢是辟支  
佛是三耶三佛耳世尊從无為而有  
名耶佛言不也但以言說有是言耳  
不從取要第一之義也所以者何第  
一要中無若干行也亦不施若干為  
愛斷者故施後際世尊諸法相各自  
空真際不可知云何知有後際佛言  
如是諸法相空真際不可知何況有  
後際不知諸法相空者我為是輩說  
前後際耳諸法相者亦无前後須菩  
提菩薩行般若波羅蜜者當知諸法  
相空如是諸法行空於諸法無所入  
亦不入內法亦不入外法亦不入有

為无為法亦不入三乘法復問世尊  
所言般若波羅蜜者何以故言般若  
波羅蜜佛言得度第一諸法之度取  
第一度三乘之道諸如來無所著等  
正覺乘皆乘般若波羅蜜得到彼岸  
是故言般若波羅蜜又復超越諸法  
之塵不得堅要是故復言般若波羅  
蜜真際法性及如皆入般若波羅蜜  
中是故言般若波羅蜜須菩提般若  
波羅蜜於是諸法亦不合亦不散有  
見無見有尋无尋於是諸法亦不合  
散以般若波羅蜜無形不可見亦無  
有對一相则无相所以者何生諸法  
諸辯故諸天及世間魔怨異學及聲  
聞辟支佛家一切無能斷截菩薩摩  
訶薩行般若波羅蜜者所以者何一切  
魔怨及諸二地皆不可得故須菩提  
菩薩於般若波羅蜜義中當作是知  
當作是行復次須菩提菩薩於般若  
波羅蜜義中行无常義苦非我義知  
苦習義知盡道義知消滅義知不起  
義知法義見一遍知義自知義知他  
人意義行如所言須菩提菩薩於般

若波羅蜜當知是義當作是行須苦  
提白佛言世尊是深般若波羅蜜中  
義以非義皆不可得云何菩薩於般  
若波羅蜜當習諸義佛言菩薩深義  
者般若波羅蜜是當作是行菩薩於  
婬怒癡有耗故不當行邪見之義亦  
不當行於六十二見知其无義亦不  
當行所以者何婬怒癡如於法亦無  
所益亦无所耗諸見之義如亦无所  
益亦無所耗言五陰有所益無所益  
亦不當行乃至道言有所益无所益  
亦不當行何以故如來得阿耨多羅  
三耶三菩時亦不見有所益無所益  
有佛无佛諸法湛然亦無所益亦无  
所耗須菩提菩薩當除有益無益當  
作是行般若波羅蜜世尊云何般若  
波羅蜜亦無所益亦无所損佛言諸  
有為法常閑亦無所作是故般若波  
羅蜜亦無所益亦无所損世尊諸有  
為義非是諸佛及佛弟子耶佛言諸  
有為法皆是諸佛及佛弟子也亦不  
以益亦不以耗譬如虛空如不為所  
作興亦不為無所作興般若波羅蜜

亦如是亦不為有所益興亦不為有  
所耗興須菩提白佛言世尊菩薩不  
從不有為般若波羅蜜學成阿耨多  
羅三耶三菩耶佛言如是菩薩從不  
有為深般若波羅蜜學成阿耨多羅  
三耶三菩不以二應世尊云何一法  
為遠一法耶佛言不也世尊不一者  
為從二法耶佛言不也世尊云何亦  
不從一亦不從二云何有遠佛言遠  
无所得亦不以得故遠故得

摩訶般若波羅蜜種樹品第七十一

尔時須菩提白佛言世尊般若波羅  
蜜為甚深無衆生而菩薩摩訶薩為  
衆生譙苦求阿耨多羅三耶三菩譬  
如士夫欲於空中種樹菩薩為衆生  
故欲逮薩云若佛言如是如是須菩  
提欲為衆生逮薩云若以想為衆生  
而度脫之須菩提譬如有人欲種樹  
者而不知樹根亦不知莖節枝葉花  
實取其栽而種之隨時溉灌而長養  
之稍稍莖節枝葉花實各各具足便  
取枝葉莖節其中用者各取用之又  
取其果而食之須菩提菩薩用一切

衆生發阿耨多羅三耶三菩次行六波羅蜜逮薩云若枝節莖葉花實益於衆生以葉度三惡趣以有花故便有四性尊者及諸四天乃至無思想無思想慧天實者如菩薩成阿耨多羅三耶三菩逮薩云然便有須陀洹果斯陀含果阿那含果阿羅漢果辟支佛道有菩薩便成阿耨多羅三耶三菩益衆生果以是果處衆生於三乘雖成阿惟三佛亦不見衆生處從想度衆生亦不見得衆生亦无有處可為成阿惟三佛者須菩提菩薩當作是學行般若波羅蜜當作是念須菩提白佛言世尊當知是菩薩亦如如來所以者何有菩薩來往故便斷於三惡趣八難處皆斷諸貧窮下賤處皆斷三界處皆斷佛言如是如是須菩提當知是菩薩如如來無有異菩薩若厭懈怠者終不逮過去當來今現在諸佛之道世間亦无有聲聞辟支佛也三惡之趣三界無有斷時佛言當知是菩薩如如來如汝所言何以故以如如知有如來知有辟

支佛知有衆賢聖以如知有五陰知  
有有為無為性是諸如亦是如是故  
名曰如菩薩學是如逮薩云若從是  
中來是故名曰如來以如等故當知  
是菩薩便為是佛須菩提菩薩當學  
般若波羅蜜如學般若波羅蜜如已  
當學一切諸法如學諸法如已當學  
具足一切法如具足如已逮於諸如  
得自在逮如自在已善於諸法根善  
諸根已便見衆生隨行之趣知諸趣  
已便具足慧願具足慧願已便淨三  
世慧淨三世慧已便行菩薩道行菩  
薩道已便饒益衆生饒益衆生已便  
淨佛土淨佛土已便逮薩云若逮薩  
云若已便轉法輪轉法輪已安立衆  
生於三乘法立衆生已於無餘泥洹  
而般若泥洹須菩提菩薩摩訶薩自觀  
諸善之德及他人德當發阿耨多羅  
三耶三菩須菩提白佛言唯世尊諸  
天阿須倫及世間人民皆當為應行  
般若波羅蜜菩薩作禮佛言如是如  
是諸天世人皆當為之作禮世尊初  
發意菩薩為衆生故發阿耨多羅三



耶三善得幾所福佛言若有善男子  
善女人教三千大千剎土中衆生皆  
立於羅漢辟支佛道於意云何得福  
寧多不須菩提言世尊甚多甚多佛  
言不如是菩薩為衆生發阿耨多羅  
三耶三善意其福倍多百倍千倍巨  
億万倍佛言復置是三千大千剎土  
若復有人教三千大千剎土中衆生  
令立黠地信地八地見地薄地淨地  
已辦地辟支佛地其福不如發意菩  
薩為衆生發阿耨多羅三耶三善其  
福甚多百倍千倍巨億万倍須菩提  
三千大千剎土中衆生皆初發意其  
福不如以正定菩薩功德出彼上百  
千億万倍復令三千大千剎土滿中  
成就菩薩其福不如如來百千巨億  
万倍須菩提白佛言新發意菩薩當  
念何等佛言當念薩婆若世尊薩婆  
若者為何等務為何等尊相像佛言  
薩婆若者無所有亦无有想亦無无  
想亦不生亦不現須菩提言世尊但  
薩婆若無所有五陰内外空及有无  
空四禪四等四無形禪三十七品及

三三昧八惟无九次第十種力四無所畏大慈大悲四无尋慧佛十八法及六神通諸有為無為性復无所有耶佛告須菩提薩云若者自無所有自無所有者空世尊何以故无所有佛言无所作者為無所有以是故諸法所有無所有皆空又須菩提諸法空無相无願諸法如如諸法如真際諸法如法性是故諸法所有皆無所有皆空世尊若諸法所有皆无所有者何等是初發意菩薩遍起拘舍羅行六波羅蜜行四禪四等四無形禪行三十七品行内外空及有无空行十八法行薩云若淨佛國土教化眾生佛言於諸空法有所作者則是其遍起拘舍羅能淨佛土教化眾生知佛國土及眾生所有皆無所有菩薩行六波羅蜜為佛道作因緣乃至薩云若亦為佛道作因緣知道事所有皆無所有菩薩行六波羅蜜與道場作因緣至佛十力四无所畏四無尋慧四等佛十八法為薩云若慧具足道事一時一意以智慧一時合應便

逮薩玄若今時所作諸習之緒悉滅  
已無所從生故持佛眼觀三千大千  
刹土尚不見无所有何况所有須菩  
提如是菩薩行般若波羅蜜於諸法  
不見所有亦不見無所有是為菩薩  
摩訶薩遍起拘舍羅尚不見无所有  
何況所有又復菩薩行檀波羅蜜布  
施無所有亦不知受者无所有亦不  
知道意无所有亦不知乃至薩玄若  
無所有亦不知逮覺者當逮覺者已  
逮覺者无所有亦不知何以故一切  
諸法無所有非佛所作非弟子辟支  
佛所作諸法无所作離諸所作故須  
菩提言世尊將無法離法佛言雖言  
法為離法須菩提言世尊若法法相  
離云何知法離法諸法所有无所有  
無所有法不知无所有有法亦不知  
有法有法不知無所有有法无所有法  
不知有法菩薩於无所知法云何當  
知所有無所有法佛言菩薩以世事  
習故現有所有現无所有非第一取  
要義須菩提白佛言世尊世事及取  
要義為有異耶佛言無有異世事如

寂要義如衆生不知是如以是故現  
世事有所无所有又須菩提衆生  
於五陰有相不知無所有以是故作  
是分別說法欲使衆生知无所有菩  
薩欲行般若波羅蜜者當作是學

摩訶般若波羅蜜菩薩行品第七十二

於是須菩提白佛言唯世尊菩薩行  
菩薩行者為何事佛告須菩提菩薩  
行者道行也是故名為菩薩行須菩  
提言世尊菩薩行者為在何處行佛  
言於五陰行空於内外法於六波羅  
蜜行於内外空及有無空作四禪行  
於四无形禪行於四等行於三十七  
品行於三三昧行於佛十力行於四  
無所畏行於四无尋行於十八法行  
淨佛國土行教化衆生行入於文字  
行不入文字行於陀鄰尼行於有為  
無為性行作行不令道有二是則為  
道行是則為菩薩摩訶薩空行須菩  
提白佛言世尊云何為佛佛言以道  
覺故言佛又須菩提逮審諦法法覺  
故言佛超越審諦法故名為佛又  
須菩提真覺諸法故名為佛須菩提

言世尊覺者為何謂佛言以空法覺以如覺以法覺但以字為名須菩提覺之義是不可斷義如及尔一住無有變易是故名為覺又須菩提但以名相故名為佛諸佛如來之道故是故名覺諸佛世尊皆共覺故故名為覺須菩提言世尊菩薩行道為行六波羅蜜不為行薩云若不為成何等善增益何功德有生有滅有著有斷耶佛言菩薩行道行六波羅蜜至薩云若者於諸法亦无所成亦无所敗亦无所增亦无所減亦无所著亦無所斷涕言菩薩行般若波羅蜜道者不於諸法有所墮於諸法亦不有所成敗有增有減亦不生亦不滅亦不著亦不斷須菩提言世尊若菩薩於諸法无所墮無所觀云何受持六波羅蜜而自於相行空云何行四禪云何行四等四空定云何行三十七品及三脫門云何行十種力佛十八法云何行大慈大悲云何行菩薩十住云何過二地云何過於菩薩位佛告須菩提菩薩不以二事行六波羅蜜

亦不以二事行薩去若須菩提言世尊若菩薩不以二事行六波羅蜜行薩去若者去何從初發意至後發意云何得增益功德佛言諸有以二行者是輩无所增益何以故二事行者於凡愚人有所增益菩薩從初發意至後發意不以二事增益功德以是故諸天及人不能壞菩薩令墮二地其餘衆惡不能制菩薩令不行六波羅蜜及薩去若須菩提言世尊菩薩為功德故行般若波羅蜜耶佛言亦不以功德故行亦不以无功德故行般若波羅蜜菩薩要當供養諸佛要當具足諸善功德要當與真知識相得余乃得成阿耨多羅三耶三菩世尊云何菩薩供養諸佛具足功德得真知識乃逮薩去若佛言菩薩從初發菩薩意常供養諸佛諸佛所說十部經常當受持堅持守念便得陀鄰尼起諸無尋起无尋已在所生處至薩云若終不忘失所知所持所可供養諸佛功德終不生惡趣八不閑之處便受淨意已得淨意已淨佛土



教化衆生以是功德終不離真知識  
終不離諸佛諸菩薩諸真人及讚歎  
佛者如是須菩提菩薩摩訶薩欲行  
般若波羅蜜當供養諸佛當具足諸  
法受諸功德當與真知識相隨

摩訶般若波羅蜜當得真知識品第十三

於是須菩提白佛言世尊若有菩薩  
摩訶薩不供養諸佛不具足諸功德  
不遇真知識將无不能逮薩云若佛  
告須菩提菩薩摩訶薩無不供養諸  
如來者无不具足諸功德者無不得  
真知識者何以故雖供養諸佛雖作  
功德雖得真知識尚未逮薩云若何  
况不供養佛不作功德不得真知識  
而欲逮得薩云若是事不然是故須  
菩提菩薩摩訶薩欲學般若波羅蜜  
者當供養佛當作功德當得真知識  
須菩提言世尊菩薩何以故當供養  
佛作諸功德得真知識乃逮薩云若  
佛言以無有遍起拘舍羅故不從諸  
佛聞遍起拘舍羅事功德未具足未  
逮真知識故世尊菩薩當具足何等  
遍起拘舍羅乃當逮得薩云若佛言

菩薩從初發意已來持薩婆若意行  
檀波羅蜜施於三乘亦施人及非人  
皆具足薩婆若念亦無施想亦无受  
者想亦無行檀波羅蜜想何以故諸  
想法者亦无所有亦無所生亦无所  
滅觀見諸法亦無轉還者皆度諸法  
之相不見諸法有所作以具足遍起拘  
舍羅者便增益諸功德已增益功德  
者便行檀波羅蜜教化衆生淨佛國  
土亦不自受其報但欲益於衆生所  
作不受其報行檀波羅蜜但欲度脫  
一切衆生

放光般若波羅蜜經卷第十六

丁酉歲高麗國大藏都監奉  
勅彫造

放光般若經卷第十七

重

西晉于闐國三藏无羅叉奉詔譯

摩訶般若波羅蜜教化衆生品第七十四

復次須菩提菩薩摩訶薩以薩玄然  
念從初發意不離薩玄若念行尸波  
羅蜜意初不墮媼怒癡亦不念媼怒  
癡亦不為所纏裹諸不入道檢事嫉  
妬惡戒恚意懈怠亂意愚癡項佷自  
用著於吾我及二地意恚無何以故  
皆知諸法相空皆知諸法无所有無  
所成觀見諸法皆无轉還皆解諸法  
相度諸世事處於無為具足漚起拘  
舍羅增益功德為行尸波羅蜜教化  
衆生淨佛國土亦不於世受尸波羅  
蜜之報至般若波羅蜜但欲益於一  
切教化衆生復次須菩提菩薩行四  
禪四等四無形禪雖行諸禪不受禪  
福何以故以漚起拘舍羅知諸禪相  
皆空亦知動還者復次須菩提菩薩  
行般若波羅蜜從初發意行漚起拘  
舍羅行觀行淨亦不趣須陀洹不取  
須陀洹果至阿羅漢亦不取其果何

以故知諸法相空及知不轉還法亦  
行三十七品過於二地須菩提是為  
菩薩摩訶薩無所從生法忍菩薩行  
般若波羅蜜行八惟无禪及九次第  
亦不取須陀洹道何以故悉知諸法  
相空知不動還復次須菩提菩薩行  
佛十力業及四無所畏四无尋慧佛  
十八法大慈大悲淨佛國土教化衆  
生然後乃逮薩云若菩薩當作是行  
般若波羅蜜須菩提白佛言世尊菩  
薩摩訶薩其智甚廣大乃行是深法  
然不受其報佛言如是如是須菩提  
所以者何菩薩於所有處不動不轉  
世尊何等為於所有處不動不轉佛  
言於无所有而不動轉於五陰所有  
不轉於六波羅蜜所有不動於諸禪  
四等所有不轉於三十七品所有不  
轉於三脫門所有不轉於大慈大悲  
所有不轉於十力十八法所有不轉  
所以者何是諸法所有皆無所有故  
須菩提不可以无所有逮覺所有須  
菩提言世尊寧可持所有逮覺所有  
不佛言不也須菩提言世尊寧可持

無所有逮覺无所有不佛言不也如是世尊將無所逮无所有覺耶佛言有逮覺不以是四句世尊是逮覺當云何佛言諸逮覺者亦非所有亦非無所有逮覺者亦非戲言亦非不戲言須菩提言世尊何等是菩薩戲言佛言言五陰有常无常是菩薩戲言五陰苦樂者是菩薩戲言五陰是我所非我所是菩薩戲言五陰淨不淨者是菩薩戲言分別知五陰者是菩薩戲言念四禪四等及四無形禪三十七品惣三脫門八惟无九次第禪是菩薩戲言我得須陀洹道至阿羅漢辟支佛道是菩薩戲言我具足菩薩十住是菩薩戲言我淨佛國土教化衆生是菩薩戲言我具十力四无所畏四無所畏佛十八法是菩薩戲言我逮薩去若是菩薩戲言我盡諸習緒是菩薩戲言菩薩行般若波羅蜜五陰有常無常亦不戲亦不不戲乃至薩去若有常无常亦不戲亦不不戲所以者何於所有亦不戲所有於無所有亦不戲无所



有於所有無所有中亦不戲无不戲  
是故須菩提五陰及薩云若為非戲  
也菩薩於般若波羅蜜行亦不以戲  
須菩提言云何五陰不戲乃至薩云  
若不戲佛告須菩提五陰無所有乃  
至薩云若亦无所有諸可无所有者皆  
非戲以是故五陰及薩云若皆無有  
戲須菩提菩薩作是學般若波羅蜜  
者得上菩薩位須菩提言世尊諸法  
所有尚不可得云何得菩薩位為用  
二地為用佛道乎持何等得位佛言  
菩薩亦不以二道亦不以佛道也遍  
學諸道乃上菩薩位如第八賢聖遍  
學諸道雖在乎地未受果證菩薩亦  
如是皆行諸道得菩薩位未及薩云  
若未得金剛三昧得功德時乃具足  
逮薩云若須菩提言世尊若菩薩遍  
學諸道今乃上位者菩薩為復在第  
八地取須陀洹道耶在斯陀含地得  
斯陀含道在阿那含地得阿那含道  
在阿羅漢地得阿羅漢道在辟支佛  
地得辟支佛道在佛地得佛道耶此  
諸道各自異世尊云何菩薩皆當通



學諸道上菩薩位耶若菩薩於是八地受八道者是終不然在菩薩位便違薩云然者亦復不然若菩薩得聲聞辟支佛道至薩云然者亦復不然世尊我當云何知菩薩遍入諸道上菩薩位佛告須菩提如汝所言菩薩終不於八地得須陀洹及羅漢辟支佛道以違薩云若須菩提菩薩從初發意常行六波羅蜜以慧見八地何等八淨地性地四賢聖八地觀地薄地無垢地已辦地辟支佛地以慧觀過於八地以道慧過菩薩位過位已以薩云若慧捨諸習緒須菩提第八地者是菩薩之忍須陀洹斯陀含阿那含慧及習緒除亦是羅漢慧觀亦是菩薩辟支佛慧亦是菩薩忍具足聲聞辟支佛道以道慧上菩薩位以薩云若慧除諸習緒以是故須菩提菩薩當遍具足諸道今乃成阿耨多羅三耶三菩阿惟三佛成阿惟三佛已為衆生作道地須菩提白佛言世尊所說三乘聲聞辟支佛佛道何等為道慧之道佛言當起諸道淨於諸

道遍觀衆生及相貌像盡覺盡知皆  
遍知已當教一切分流廣化遍採音  
聲令得大聲遍三千大千剎土當如  
響相以是故菩薩當遍具足諸道當  
知道慧悉知衆生之意亦當知泥犁  
復知泥犁之趣亦當知衆生罪報當  
斷泥犁緣作罪之報辟荔畜生亦當  
知之辟荔畜生緣作報應悉當斷之  
當知真陀羅摩睺勒諸龍閼叉當知  
人之因緣人道果報亦當知天從四  
天王上至三十三天亦當知天人因  
緣天人果報當知三十七品法三脫  
門法亦當知十力亦當知四禪四等  
及四空定大慈大悲佛十八法盡知  
是已立諸衆生於三乘之道須菩提  
是為菩薩具足道慧菩薩學是已皆  
知衆生意之所願已知所願如應說  
法初不斷絕所以者何普知衆生根  
生死之趣菩薩當作是行般若波羅  
蜜菩薩所可應行法三十七品所行  
二地所行盡入般若波羅蜜中故須  
菩提白佛言十尊諸法及三十七品  
及道法是諸法亦不合亦不散亦無

有形亦不見見一相一相者則无相  
云何能致道是法亦不見亦無有形  
一相一相者則無相云何能致道世尊  
譬如虚空亦无所没亦无所致佛言  
如是如是須菩提是空法亦无所致  
亦无所趣以衆生不知法相無所有  
故佛為說三十七品及諸法有所致  
有所辦雖尔須菩提所有五陰六波  
羅蜜內空外空及有无空三十七品  
四禪四等及四空定四無尋慧四无  
所畏佛十力十八不共大慈大悲至  
薩云若於賢聖法律亦不合亦不散  
亦無有形亦不可見亦无有對一相  
无相如來以是故欲度脫衆生以世  
俗因緣而說是教非第一寂義是故  
菩薩當遍學諸道以慧觀隨習俗於  
法中有應用者不應用者何等是菩  
薩應用何等是菩薩所不應用羅漢  
辟支佛道以慧觀學而所不用以薩  
云若慧當用諸法菩薩如是於賢聖  
法律當學般若波羅蜜須菩提白佛  
言世尊所說賢聖律賢聖律者為何  
謂佛告須菩提聲聞辟支佛菩薩摩

訶薩如來无所著等正覺亦不與媿  
怒癡合亦不不合是我所非我所亦不  
合亦不散亦不狐疑亦不不狐疑於  
戒行亦不合亦不散於欲於色於無  
色界亦不合亦不散於不黠及頑很  
亦不合非不合凶暴亦不合非不合  
於四禪四等及四空定三十七品大  
慈大悲及有為无為性亦不合亦不  
散何以故以諸法無有形不可見无  
有對一相無相无色不與無色合亦  
不散不可見不與不可見合亦不散  
无有對不與無對合亦不散一相不  
與一相合亦不散无相不與無相合  
亦不散須菩提是名為賢聖律亦无  
形不可得見亦無對一相无相是菩薩  
無相度菩薩當作是學作是學已當  
得諸法无相須菩提白佛言世尊為  
不學色聲香味細滑識法相耶不學  
地水火風空識相耶不學六波羅蜜  
相耶不學有无空相耶不學四禪四  
等及四空定三十七品三脫門相十  
力四無所畏四无尋慧佛十八法大  
慈大悲四諦相賢聖相不學逆順十

二因緣相耶不學有為无為性相耶  
於是諸法無相亦不學所作相亦不  
學菩薩當云何過於二地上菩薩位  
上菩薩位已云何逮薩云若逮薩云  
若已云何轉法輪轉法輪已云何以  
三乘法度脫衆生佛告須菩提若諸  
法有相者菩薩當學諸法相諸法無  
形亦不可見亦无有對一相一相者  
則無相是故菩薩亦不學相亦不學  
无相云何作是問佛言若前有相後  
便有相以前法無相故後亦无相是  
故菩薩亦不學相亦不學無相所以  
者何有佛无佛一相性常住如故須  
菩提白佛言世尊若諸法非相非無  
相云何為念般若波羅蜜菩薩若不  
念般若波羅蜜者不能過於二地不  
過二地者不能過菩薩位不能過菩  
薩位者不得无所從生不得無所從  
生者不得菩薩神通不得神通者不  
能淨佛土教化衆生不淨佛土教化  
衆生者不能逮薩云若未逮薩云若  
者不能轉法輪不能轉法輪者不能  
安立衆生於三乘法亦不能安立衆

生於三福地一者施二者戒三者念  
 諸善法佛言如是如是須菩提諸法  
 亦非無相亦非一相无相之法當云  
 何念般若波羅蜜須菩提般若波羅  
 蜜者非菩薩之念菩薩以無念是為  
 般若波羅蜜相須菩提言世尊云何  
 无念是般若波羅蜜相佛言於諸法  
 無所念是為般若波羅蜜相云何於  
 諸法无所念佛言不念五陰六情是  
 為般若波羅蜜念不念色聲香味細  
 滑識法是般若波羅蜜念不念不淨  
 是般若波羅蜜念不念四禪四等及  
 四空定是般若波羅蜜念不念三尊  
 不念三福是般若波羅蜜念不念滅  
 盡不念安般守意是般若波羅蜜念  
 不念无常相苦相非我相不念四顛  
 倒十二因緣不念吾我壽命及知見  
 相是般若波羅蜜念不念三脫門不  
 念三十七品法是般若波羅蜜念不  
 念八惟無九次第禪不念四禪是般  
 若波羅蜜念不念十慧不念六波羅  
 蜜不念内外空及有无空是般若波  
 羅蜜念不念十力不念四無所畏四



无寻慧佛十八法不念大慈大悲是  
般若波羅蜜念不念須陀洹及羅漢  
辟支佛是般若波羅蜜念不念薩云  
若是般若波羅蜜念不念斷諸習緒  
是般若波羅蜜念須菩提白佛言世  
尊云何不念五陰乃至斷諸習緒復  
不念是般若波羅蜜念佛言菩薩行  
般若波羅蜜亦不念五陰無所有何  
以故須菩提諸有相者无有般若波  
羅蜜念不念瞋怒癡所有不念無道  
之處所有何以故諸有想者為无般  
若波羅蜜念諸有相者為無六波羅  
蜜何以故諸有貪者亦无有六波羅  
蜜是名為著諸有縛著者無有度脫  
須菩提著有者无有三十七道品念  
亦無三脫門念乃至薩云若亦无念  
何以故縛著於有故須菩提白佛言  
何等為有何等為無有佛言有二者  
為有世尊何等為二佛言五陰相者  
為二十二衰相者為二有佛相者為  
二有道相有為无為相者是則為二  
須菩提一切相乃至無有相是皆為  
二適有二便有已有便有世間衆生

不得離生老病死憂悲勤苦以是故  
須菩提當知有二者無有六波羅蜜  
亦无有道亦無所逮亦无所覺何況  
能捨五陰及薩云若者佛告須菩提  
尚無道念那得須陀洹至羅漢辟支  
佛道那得離諸習緒

摩訶般若波羅蜜無堅要品第七十五

今時須菩提白佛言世尊假令有相  
者不得順忍不得逮覺若无相者當  
得順忍不當及聲聞八地不當及辟  
支佛地不當及菩薩地不可得度脫  
不能得道念不能令羅漢辟支佛習  
緒除不能使菩薩得上菩薩位不上  
菩薩位已能得薩云若不得薩云若  
已能滅諸習緒不世尊若无意若不  
生意不起是法相可逮薩云若不佛  
告須菩提如是如是無有相者亦无  
有順忍亦不能除諸習緒復問世尊  
菩薩行般若波羅蜜有相意耶於五  
陰有相耶乃至薩云若有相耶有婬  
怒癡相無有婬怒癡相耶有六衰有  
六衰盡相耶有近有近盡相耶有覺  
有覺盡相耶有愛有愛盡相耶有受

有受盡相耶有有有有盡相耶有生  
有生盡相耶有死有死盡相耶有憂  
悲勤苦有憂悲勤苦盡相耶有苦有  
苦盡相耶有四諦有四諦盡相耶有  
薩云若有薩云若盡相耶有習緒有  
習緒盡相耶佛言不也須菩提菩薩  
行般若波羅蜜亦無有相亦无無相  
須菩提菩薩順忍者則無相是菩薩  
无有相則為念道無有有相无有無  
相則是菩薩之果報佛言有相則是  
菩薩道无相則逮覺是故須菩提當  
知諸法所有皆無所有須菩提白佛  
言世尊若无所有云何於無所有中  
得逮覺而於諸法得自在佛告須菩  
提我本為菩薩行六波羅蜜從第一  
禪至第四禪觀禪性不念貢高亦不  
倚禪亦不味禪於四禪事寂淨无所  
怖望已安足於禪便處於神通天眼  
徹視天耳徹聽意知他人宿命所從  
来自識宿命便飛行雖尔不以是神  
通貢高不味不倚於六通無所分別  
須菩提我以應一合相智成阿耨多  
羅三耶三菩便覺四諦具足如來十

力四无所畏四無所畏慧佛十八法處  
衆生於三乘須菩提白佛言世尊如  
來云何於無所有中起四禪六通无  
所有衆生為无所有如來云何安立  
衆生於三乘佛告須菩提若煩惱癡  
及餘諸非法之事若有所有無所有  
者我為菩薩時不於有无中起四禪  
是故須菩提亦不有所有亦不無所  
有是故我初發意行菩薩道時行四  
禪佛告須菩提若神通中當有所有  
无所有者我終不於神通中覺所有  
無所有而成阿耨多羅三耶三菩以  
於神通知所有无所有故成阿耨多  
羅三耶三菩須菩提白佛言若菩薩  
於諸法所有無所有於禪五通成阿  
耨多羅三耶三菩云何菩薩於无所  
有法中未曾所知能知未曾所學得  
學從是中成阿耨多羅三耶三菩佛  
告須菩提菩薩已從過去諸佛所供  
養若干佛菩薩所從諸佛聞无所有  
中無有佛无有辟支佛無所有中无  
有羅漢無所有中无有衆賢聖從無  
所有中无有毛髮許所有菩薩作是

念言無所有中亦无有須陀洹乃至  
 佛皆无所有以諸法無所有故我或  
 成阿耨多羅三耶三菩我或不成阿  
 耨多羅三耶三菩假令我當成阿耨  
 多羅三耶三菩者諸可有行相衆生  
 我當立著無相地須菩提諸有菩薩  
 成阿耨多羅三耶三菩者欲度脫衆  
 生故便習未曾習者未曾學者未曾  
 受者便學便受於諸過去諸佛所學  
 先學六波羅蜜勸人令行六波羅蜜  
 見人行者代其歡喜以布施無貪垢故  
 便得大富以布施故便守戒便得天  
 上人中尊以布施故便得三昧以布  
 施持戒忍辱精進禪故便得智慧品  
 解脫品見解脫慧品持是諸品及六  
 波羅蜜得過二地上菩薩位已上位  
 已便淨佛土化衆生便逮薩云若轉  
 法輪以三乘度衆生須菩提菩薩以  
 是先當從檀波羅蜜起次得諸慧是  
 亦不可得何以故无有實故復次須  
 菩提菩薩從初發意以來自持戒勸  
 人持戒見人持戒代其歡喜以持戒  
 得天上人中之豪貴者以財施之復



以戒三昧智慧解脫見解脫慧而立之以五品之德過出二地上菩薩位度脫衆生便速未曾所知所學所習皆學知習之何以故欲習无所有故復次須菩提菩薩行忍勸人使行見人行忍代其歡喜飽足衆生以財安立或以五品之德過於二地上菩薩位何以故所施與亦無有要故復次須菩提菩薩自行精進於善勸人精進見人精進代其歡喜復以財物給足衆生以戒忍辱五品之德過出二地上菩薩位何以故所施亦无有要故復次須菩提菩薩行四禪四等四無形定勸人令行見人行者代其歡喜以位於禪布施窮乏之教令智慧解脫見慧過出二地上菩薩位何以故所有者无有要故復次須菩提菩薩從發意以來行般若波羅蜜以財給足衆生立以於戒三昧智慧解脫見慧自行六度勸人令行見人行者代其歡喜以漚沍拘舍羅過於二地上菩薩位成阿耨多羅三耶三菩何以故無有形故須菩提菩薩從是便得



本所不學本所不知本所不應皆學  
皆知皆得所應復次須菩提菩薩學  
諸未曾學者從初發意以來常有薩  
婆若念解諸有无之事便念三尊行  
常念天行戒念施念佛問須菩提云  
何為念佛念佛者不以色痛想行識  
念何以故五陰無有堅要故無堅要者  
為無所有佛念者為無念復次須菩  
提如來无所著等正覺不當以三十  
二相八十種好念不當以金色光明  
念何以故佛形無有堅要故无堅要  
者為无所有念佛者為無念復次須  
菩提如來无所著等正覺不當戒性  
智慧品三昧品解脫品見解脫品不  
當以是五品念如來何以故以是無  
有堅實故无有堅者為無所有念佛  
者為无念復次須菩提念如來不以  
十力念不以四無所畏念四等大慈  
大悲佛十八法四无寻慧不以是念  
如來何以故無有堅實故不堅實者  
无所有念佛者為無念復次須菩提  
念如來者不以十二因緣念何以故  
无有堅要無堅要者為无所有念佛

者為無念。須菩提。菩薩行般若波羅蜜者。當作佛念。以是故。知次第學。未曾學者。習未曾應者。具足悲應。順至諸道。應作是學。具足三十七品及三三昧。便具足。薩婆若慧。便應所有。无所有。覺不堅固。要使得所有。无所有。處。須菩提。云何為法念。菩薩行般若波羅蜜。亦不當念善惡法。亦不念當受。剎不受。剎亦不當念。俗法。道法。亦不念。有漏。无漏法。亦不念。賢法。愚法。亦不念。三界法。亦不念。有為。無為性。法。何以故。諸法。无有堅要。無有堅要者。為无所有。念法。為無所念。學法。念以應所有。无所有。便逮。薩婆若。便逮所有。無所有。處。須菩提。菩薩當念法。念須菩提。菩薩當云何念。僧。菩薩從初發意。至薩婆若。常念。僧。為无念。如是。須菩提。菩薩當作僧念。須菩提。菩薩云何念。戒。行般若波羅蜜。從初發意。以來。不缺於戒。不著於戒。善攝於戒。當念有無。如是。念者。為順所應。便逮。薩婆若。无有有無之處。須菩提。云何菩薩念施所有。无所有。應施所可。

物施及以法施於中不起亂意亦不  
念有所施無所施雖持身命支節布  
施於中亦不起亂意何以故无有堅  
要故無堅要者则无所有常念於施  
至成阿耨多羅三耶三菩須菩提菩  
薩云何當作天念諸須陀洹生四天  
上者至于六天諸生天者無有堅要  
无堅要者為無所有須菩提當順是  
念至成薩云若須菩提諸阿那含生  
於色天及无色天亦無堅要无堅要  
者為無所有菩薩當順是念至成阿  
耨多羅三耶三菩須菩提菩薩常念  
六念順其所應復次須菩提菩薩行  
般若波羅蜜欲學所順所習欲成諸  
功德當學内外空及有無空當學三  
十七品大慈大悲當學菩薩道行皆  
逮有无之要尚無毛髮之相何况有  
薩云若相須菩提是為菩薩行般若  
波羅蜜得隨次第應須菩提白佛言  
世尊若諸法所有皆无所有乃至五  
陰六衰無所有諸性无所有三十七  
品無所有薩云若慧亦當无所有亦  
无佛無法无比丘僧亦無有道亦无  
果報亦无著斷亦無逮覺諸法亦皆

无所有佛告須菩提諸法有所有無  
所有可得見不須菩提言不可得世  
尊須菩提云何言諸法所有皆无所  
有五陰及逮覺耶須菩提白佛言世  
尊我於是法無有狐疑但為當來之  
世三乘道家恐或言若諸法所有无  
所有何誰著者何誰斷者不知著斷  
之事便能敗戒毀戒不知所趣如是  
敗戒行者各各趣三惡處世尊我不  
敢有狐疑我畏當來之世是故問如  
來耳

摩訶般若波羅蜜無倚相品第七十六

於時須菩提白佛言世尊菩薩摩訶  
薩若諸所有者皆無所有菩薩為見  
何等為衆生發阿耨多羅三耶三菩  
佛告須菩提菩薩以所有皆无所有  
故能發阿耨多羅三耶三菩何以故  
諸有倚著者難得解脫有倚相者不  
得逮覺亦不能成阿耨多羅三耶三  
菩須菩提白佛言世尊無倚相者為  
有逮覺成阿耨多羅三耶三菩耶佛  
言逮覺已阿耨多羅三耶三菩則是  
无所倚以不別法性故欲得無所倚

逮覺阿耨多羅三耶三菩者則為欲  
示一切法性世尊若无所倚者無有  
逮覺則無有阿耨多羅三耶三菩何  
緣菩薩從第一住至十住耶何因緣  
得无所從生法忍何因有五通及六  
波羅蜜之德而受諸法之德攝取佛  
國教化衆生供養諸佛一切有至般  
泥洹佛言無所倚者與五通之報等  
與十住等與六波羅蜜等及供養諸  
佛功德等以是故至般泥洹供養不  
斷須菩提言世尊无所倚及五通六  
波羅蜜有何差別佛言無有差別說  
有差別世尊云何三事有差別佛言  
菩薩行般若波羅蜜亦不倚所施亦  
不自倚亦不倚受者至般若波羅蜜  
亦无所倚行神通亦無所倚行三十  
七品亦無所倚行三三昧亦无所倚  
教化衆生淨佛國土亦無所倚逮覺  
諸佛法亦无所倚須菩提是為菩薩  
行般若波羅蜜為無所倚菩薩摩訶  
薩如是行者諸魔魔天无能壞者須  
菩提言世尊云何菩薩行般若波羅  
蜜一意受持六波羅蜜受四禪四等

大慈大悲及四空定四無尋慧四无所畏三十七品惣三脫門佛十種力佛十八法云何受持八十種好佛言菩薩行般若波羅蜜所作施戒忍辱精進及諸禪事皆以般若波羅蜜行及三脫門四等大慈及三十七品所作所念皆不離般若波羅蜜及三昧佛十種力四无所畏四無尋慧佛十八法八十種好皆不離般若波羅蜜須菩提言世尊云何菩薩一意行般若波羅蜜受持六波羅蜜乃至八十種好須菩提菩薩行般若波羅蜜十種好須菩提菩薩行般若波羅蜜行六波羅蜜初無二相乃至八十種好亦无二相世尊云何行六波羅蜜至八十種好不以二相佛言菩薩行般若波羅蜜皆悉具足惣持諸波羅蜜及三十七品而行布施須菩提言世尊是事云何佛言菩薩行般若波羅蜜時不以漏意行檀波羅蜜於無漏作念言我為是誰所施何物受者為誰於是三事无相受念今時亦不見意及所施受者至十八法亦復如是復次須菩提菩薩行般若波羅蜜



乃至般若波羅蜜亦无有相亦不見  
六波羅蜜菩薩行般若波羅蜜乃至  
十種好亦無有相亦无所見須菩提  
言世尊以无相無所作法云何得具  
足六波羅蜜云何具足三十七品云  
何具足三空及十種力云何具足四  
无所畏佛十八法佛言菩薩行般若  
波羅蜜以無相施隨衆生所欲或索  
肌肉妻子國城珍寶所有財穀皆不  
逆人作是施時或有人來問菩薩言  
用是無相布施為作雖有是言我續  
布施不可斷絕持是布施與衆生共  
為阿耨多羅三耶三菩亦无相念亦  
無施意亦无物意亦無受者意亦不  
見阿耨多羅三耶三菩意何以故所  
見一切皆悉空故如是誰為阿耨多  
羅三耶三菩者如是作為則是真作  
則能淨佛國土教化衆生則為行六  
波羅蜜則為具足三十七品及三脫  
門則為具足佛十八法如是行者則  
為不受布施之報譬如第六天王有  
所欲者但念即至菩薩如是但意念  
諸法皆具足至以布施之德能供養

諸佛志能飽滿諸天及人以溫悉拘  
舍羅行檀波羅蜜安立衆生於三乘  
法是為菩薩行般若波羅蜜具足檀  
波羅蜜須菩提言世尊云何菩薩行  
般若波羅蜜具足尸波羅蜜佛言菩  
薩志知賢聖無漏道法之戒不毀不  
亂奉賢聖戒於諸法无所損亦不損  
五陰亦不損三十二相亦不損四性  
亦不損四天王至三十三天不損須  
陀洹至羅漢辟支佛亦不損轉輪聖  
王所作功德但欲與衆生共為薩云  
若不相不倚亦不以二但為世事非  
取要義具足戒已以溫悉拘舍羅起  
四禪不以貪受天眼以天眼觀十方  
諸佛至成阿耨多羅三耶三菩初不  
離天眼以天耳淨盡聞諸佛所說經  
法不失所聞至得自辯志知諸佛之  
意知諸佛意已便能饒益一切衆生  
持識宿命之慧覺諸所作不失本行  
以无漏之法立衆生於三乘隨衆生  
所欲而悉授之須菩提是為無相具  
足尸波羅蜜佛言菩薩云何具足於  
忍從發意至坐道場若衆生來以刀

杖捶加於菩薩菩薩終不起意當起  
 二忍一者忍辱二者无所從生法忍  
 起意念言以刀捶杖加我者為誰受  
 者為誰當觀法相觀法相者亦無所  
 有亦无所觀無所觀者便得无所從  
 生法忍住二忍已便具足四禪四等  
 及四空定便具足三十七品及三脫門  
 便具足十力四無所畏四无尋慧菩  
 薩已住是法便得神通非是二地所  
 能及者具足神通已便具足六波羅  
 蜜以天眼慧見十方佛至阿耨多羅  
 三耶三菩不志佛念復以天耳慧聞  
 十方佛所說教法悉知諸佛諸佛所  
 念悉復逮知衆生之意如應說法自  
 知宿命以慧皆識衆生功德持諸善  
 本功德勸勉衆生以漏盡之慧立衆  
 生於三乘菩薩摩訶薩行般若波羅  
 蜜以漚呬拘舍羅行教化衆生淨佛  
 國土具足薩云若慧逮得阿耨多羅  
 三耶三菩轉於法輪是為菩薩行般  
 若波羅蜜具足羣波羅蜜佛言云何  
 菩薩行般若波羅蜜具足惟逮波羅  
 蜜須菩提菩薩行般若波羅蜜身意

精進具足四禪於四禪起便得無數神通變化來往手捫摸日月持是精進遍至十方無數刹土供養諸佛一切所有供養之具至阿耨多羅三耶三菩諸天世人皆當恭敬是菩薩至般泥洹以神足到十方聽受諸佛法言所聞法至成阿耨多羅三耶三菩終不忘淨佛國土教化衆生具足薩去若是為行般若波羅蜜具足惟逮波羅蜜復次須菩提以无漏道法具足意精進口不言惡身不行惡意不念惡亦不~~不~~苦樂有常無常不~~不~~有我无我不~~不~~有為無為不~~不~~界不~~不~~四禪及四空定四等三脫門三十七品至十八法亦无所~~不~~亦不~~不~~聲聞辟支佛不~~不~~聲聞辟支佛道亦不~~不~~菩薩亦不~~不~~菩薩地亦不~~不~~五趣亦不分別是天是人畜生是泥犁是薜荔亦不分別是須陀洹道是羅漢道是辟支佛道亦不分別是菩薩道亦不分別是薩去若亦不~~不~~諸法諸道亦不分別所以者何是諸法者皆無有要无可~~不~~者亦無可分別

者以具足意精進便救一切魔怨衆  
生救衆生已亦不見衆生具足精進  
已亦不見精進具足佛法已亦不見  
佛法淨佛國土亦不見不得具足精  
進便受諸善法亦不於是善法中生  
念遍遊諸國救益衆生所作變化自  
恣无尋或雨諸華或散諸香或以伎  
樂鼓樂絃歌事或震動事或以光明  
或以國土七寶示現或以博奕或現  
水火隨道而入與為因緣使行十善  
或以施戒而攝取之或以支解身體  
妻子國土或以自身隨衆生意而攝  
取之須菩提菩薩以遍起拘舍羅無  
相行惟逮波羅蜜佛言菩薩行般若  
波羅蜜住於无相之法行禪菩薩行  
般若波羅蜜除如來三昧一切餘三  
昧皆當具足具足四禪具足四等及  
四空定皆當逆順行八惟無及九次第  
禪行空无相無願三昧電光三昧金  
剛三昧直治三昧住是禪波羅蜜便  
得三十七品住於三昧具足道慧諸  
三昧門皆來入是具足道慧具足十  
住地作行至薩云若終不中道取證

於三昧中住遊諸佛剎供養諸佛於  
諸佛所殖諸德本淨佛國土遊諸四  
域教化衆生廣立衆生於六波羅蜜  
或立於須陀洹斯陀含阿那含阿羅  
漢辟支佛隨其所欲而滿其願於是  
禪波羅蜜者志惣持諸陀隣尼門便  
得四无尋慧便受神通終不墮女人  
胞胎不受色欲無生不生雖生不著  
於生何以故善觀於幻法知所有如  
幻救濟衆生便得无衆生之相以無  
所得法立衆生於無所得法以世俗  
數不以取上要以禪波羅蜜遍入諸  
禪及解脫禪不得阿耨多羅三耶三  
菩終不捨禪波羅蜜行道慧入薩云  
若慧便盡習緒為以自救當復救餘  
救他人已為諸天及人及阿須倫而  
作福田如是須菩提菩薩行般若波  
羅蜜是為具足無相三昧云何菩薩  
行般若波羅蜜於无相法具足般若  
波羅蜜念佛言菩薩不見法有實成  
者亦不見五陰實成者亦不見五陰  
生亦不見五陰來生處乃至須陀洹  
道亦不見所生亦不見來住處以虛



空故其實不可得亦不見須陀洹漏盡法行般若波羅蜜以解有要无要之法如是解者便解内外及有無空於諸法無所入亦不入於五陰乃至于道亦无所入學无所著般若波羅蜜便具足菩薩道何等為菩薩道則六波羅蜜是三十七品十力四無所畏四无尋慧佛十八法三十二相八十種好於無所有成佛道具足六波羅蜜具足三十七品及五神通隨衆生所欲於六度中有貪嫉者以檀波羅蜜授之有惡戒者以道戒授之有瞋恚者以忍授之有懈怠者以精進勸之有亂意者以禪救之有愚癡者以慧授之至解脫品解脫見品皆以授之有聲聞道意者隨其本應以須陀洹斯陀含阿那含阿羅漢辟支佛道隨本授之有大乘者以佛道授之以是方便能作無央數變化乃至恒邊沙諸佛國土隨人所欲則能變其刹土之好滿諸衆生之願從一佛國至一佛國所欲取國土隨其願譬如第六天人所有衣食伎樂隨意即至菩

薩以六波羅蜜行菩薩道隨意所願  
盡皆具足逮薩去若於五陰无所受  
於一切諸法道法俗法善法惡法皆  
悉具足無所受後成阿耨多羅三耶  
三菩阿惟三佛時國土所有皆悉隨  
意即得无有持來者亦無有持往者  
亦如第六天上何以故諸法无所恃  
亦無所倚須菩提菩薩行般若波羅  
蜜以无所有相是為具足般若波羅蜜  
摩訶般若波羅蜜無有相品第七十七

尔時須菩提白佛言世尊菩薩摩訶  
薩去何於无所破壞法無相法无所  
有法中能具足六波羅蜜念去何於  
是無形法而知差別入般若波羅蜜  
中去何於无相法以一相而逮正覺  
佛告須菩提言菩薩摩訶薩行般若  
波羅蜜五陰如幻如響如夢如影如  
熱時焰如化持是五陰行六波羅蜜  
五陰無相如幻如響如夢如影如熱  
時焰何以故夢幻之法无所所有故無  
所有者則一相一相者則無有相以  
是故須菩提當知檀波羅蜜无有相  
所布施及主受者皆無有相作是知

者則為具足檀波羅蜜作是具足檀波羅蜜已終不於六波羅蜜轉還便於六波羅蜜中具足四禪四等四空定慧具足三十七品具足內外空及有無空便具足三脫門具足八惟无九次第禪具足五通具足諸陀鄰尼門具足四無尋慧四无所畏十種力慧具足佛十八法佛語須菩提菩薩以住於賢聖無漏法便能飛行供養諸佛隨其所安救濟衆生或以布施攝取衆生或以戒或以忍或以精進攝取衆生或以禪或以智慧攝取衆生隨其所善而教之為衆生故受生死法不與同歸亦不受生死勤苦為衆生故種天上人中之福欲以攝取衆生故知諸法无有相便學須陀洹道法亦不於中住及學羅漢辟支佛道法亦不於中住何以故慧知諸法已當逮薩云若慧故非羅漢辟支佛之所知佛語須菩提如是如是諸法無有相知六波羅蜜无有相乃至諸佛法亦知無有相復次須菩提菩薩摩訶薩行般若波羅蜜於五陰如夢

如幻如響如影如熱時焰如化行尸  
波羅蜜知五陰如夢如幻化便以无  
相具足尸波羅蜜持戒不犯不毀善  
持戒不犯不毀善持不亂習智慧賢  
聖業遍護諸戒以法義戒身口意以  
等於諸戒不以戒拙四性及遮迦越  
王亦不言我持是戒當生四天及第  
六天上亦不念言持是戒得須陀洹  
道乃至羅漢辟支佛道何以故諸法  
一相為無有相故无相之法終不逮  
无相法有相之法亦不逮有相法有  
相之法亦不逮無相之法須菩提是  
為菩薩摩訶薩行般若波羅蜜以无  
相法具足尸波羅蜜上菩薩位已上  
菩薩位便逮得無所從生法忍便行  
道慧具足神通住於諸陀隣尼門便  
得四無所慧從一佛國遊一佛國供  
養諸佛如來攝取衆生淨佛國土教  
化衆生生五趣之世不著於生死行  
譬如弥遮加越王坐起行来无有知  
者育養衆生不仰臣下不燒人民譬  
如須延頭

須延頭者晉言甚淨

如來轉

法輪於三乘無有菩薩可教發阿耨

多羅三耶三菩者便般泥洹後令化  
佛教授衆生一切須菩提菩薩行般  
若波羅蜜具足尸波羅蜜諸法便隨  
從之復次須菩提菩薩行般若波羅  
蜜於五陰如幻如夢如響以無相法  
具足羣波羅蜜須菩提菩薩以二忍  
事具足羣波羅蜜何等為二從初發  
意至于道場於其中間若有衆生持  
刀杖捶來搥打割刺菩薩欲具足羣  
波羅蜜者意不起亂當計念言誰有  
罵者誰有割者誰有搥者何以故以  
諸法無有相如是觀者便具足羣波  
羅蜜以具足是忍便得无所從生法  
忍須菩提白佛言世尊無所從生法  
忍為是滅為是智耶佛言於忍不起  
毛髮惡意者是為智以是智得无所  
從生法忍須菩提言世尊聲聞辟支  
佛無所從生法忍及菩薩摩訶薩无  
所從生法忍有何差別佛言須陀洹  
智及滅至羅漢辟支佛智及滅是菩  
薩摩訶薩之忍須菩提是為聲聞辟  
支佛之差別菩薩摩訶薩有是忍者  
過出二地上以往無所從生法忍者

便行菩薩道便具足道慧不離三  
 十七品不離三脫門不離神通教化  
 衆生淨佛國土逮薩去若須菩提菩  
 薩以无相法具足犍波羅蜜復次須  
 菩提菩薩住於五陰如幻如夢如響  
 如野馬如熱時之焰於是无相法便  
 行身意精進便辦神通遊諸佛刹供  
 養諸佛以身精進教授衆生立衆生  
 於三乘是為菩薩行般若波羅蜜以  
 无相法具足惟逮波羅蜜意精進者  
 以意精進於聖賢無漏之法具足諸  
 善本法三十七品法具足三脫門具  
 足四禪四等及四空定具足十力四  
 无所畏佛十八法菩薩於中學已當  
 具足薩去若慧消諸習緒具足成相  
 得普遍光明三倒十二法輪轉能令  
 三千大千刹土六反震動能以光明  
 照遍三千大千刹土能出音聲遍三  
 千大千刹土諸衆生聞音者必至三  
 乘之道須菩提菩薩精進所有饒益  
 弘大如是菩薩住精進盡具足諸佛  
 法逮薩去若慧復次須菩提菩薩行  
 般若波羅蜜於五陰如夢如幻具足



於禪波羅蜜行四禪四等四无形禪  
及三脫門電光三昧金剛三昧真禪  
三昧除佛三昧諸餘無央數三昧意  
皆遍至亦不味諸三昧亦不受其果  
報何以故以菩薩盡知諸三昧相法  
空所有者皆無所有无相不味無相  
無所有不味无所有以不味故不隨  
禪生至形無形處何以故不見其形  
故亦不見三昧亦不見三昧相亦无  
所見故便具足無相三昧持是三昧  
過出二地上須菩提白佛言世尊菩  
薩云何以禪波羅蜜出過羅漢辟支  
佛道上佛告須菩提菩薩以禪學内  
外空及有无空於空法不見有住處  
聲聞辟支佛法及薩云若法皆空以  
是空故上菩薩位世尊云何是菩薩  
位云何非菩薩位佛言諸有倚著非  
菩薩位无所倚著是菩薩位世尊云  
何為倚云何不倚佛言五陰十二表  
是菩薩倚乃至薩云若亦是菩薩倚  
位者須菩提都不見諸法亦无有名  
字盡無所倚是菩薩位何以故五陰  
所有事薩云若所有事亦非行亦非

說亦非見。須菩提是為菩薩。受是為菩薩位。菩薩以是上位。便具足諸三昧。尚不隨禪生。何況隨婬怒癡生。而有所作。是事不然。但以幻法。饒益眾生。不見眾生。亦不見幻。於无所得法中。攝取佛土。教授眾生。是為菩薩行。般若波羅蜜。具足禪波羅蜜。轉無倚法輪。復次。須菩提。菩薩行般若波羅蜜。知諸法如幻。如夢。諸法如響。如化。如光影。如熱時焰。須菩提言。世尊。云何菩薩知諸法如幻。如焰。佛言。菩薩行般若波羅蜜。亦不見持。夢幻示人。亦不見響。亦不見持。響示人。亦不見光影。幻化熱時焰。亦不見持。此示人。何以故。諸凡愚夫。於夢幻諸法。皆著顛倒。諸羅漢。辟支佛。諸菩薩。諸如來。无所著。等正覺。於夢幻法。亦不見有。亦不見可持。示人者。所以者何。諸法所有者。皆無所有。亦无所成。亦無所有。菩薩行般若波羅蜜。終无貪相。亦不成就。相亦不生。相是事不然。何以故。般若波羅蜜。亦不念法。有生者。有成者。菩薩如是行者。亦不生五陰。亦

不生三界亦不生諸禪亦不生於解脫禪亦不生三十七品亦不生三脫門亦不生六波羅蜜當具足於第一地至十住不於中生欲何以故是處不可得亦不可見況當於中生欲意雖行般若波羅蜜亦不見般若波羅蜜於不見中盡見諸法皆來入般若波羅蜜亦不見諸法何以故諸法及般若波羅蜜一無有二亦非二事何以故為如如教如法性教如真際教是諸法无有別須菩提白佛言假令諸法無有別无有散云何有善惡之教言有漏無漏教言道法俗法有為无為之法教佛言於須菩提意云何如諸法之法頗有善惡有漏無漏若道若俗有為法无為法不頗見有須陀洹及羅漢辟支佛法不頗見有佛道不須菩提言不見也世尊是故須菩提諸法無有別无有相無所生无所有須菩提我本為菩薩初不見諸法有要者亦不見五陰亦不見有為無為從須陀洹至佛道亦无所見亦无所得須菩提菩薩欲學般若波羅

蜜從初發意至成阿耨多羅三耶三  
菩阿惟三佛當善於所有无所所有菩  
薩善於無所有者則能具足道慧教  
授衆生攝取佛國成阿耨多羅三耶  
三菩降諸衆生不見於三界須菩提  
菩薩摩訶薩當作是行般若波羅蜜  
應无所所有

放光般若經卷第十七

丁酉歲高麗國大藏都監奉

勅彫造

放光般若經卷第十八

重

西晉于闐國三藏無羅叉奉

詔譯

摩訶般若波羅蜜住三空品第十八

須菩提白佛言世尊云何是法如夢  
如響如幻如化如熱時焰如光如影  
是諸法皆空云何為有造處所言是  
道是俗是无為是有為有漏無漏云  
何言是須陀洹斯陀舍阿那舍阿羅  
漢辟支佛云何言是求阿耨多羅三  
耶三菩佛告須菩提凡夫愚癡少有  
所聞依倚夢幻法而有所見因身口  
意所作非法不善之事或行善事至  
有善惡之報受罪福於三界菩薩摩  
訶薩行般若波羅蜜住於二空徒有  
无本端空至畢竟空教化衆生說有  
五陰十二衰空十八性空是法如夢  
如響如幻如化如影如熱時焰是中  
亦無五陰亦无諸衰亦無諸性亦无  
夢亦無響亦无幻化亦無焰影亦无  
有見諸法皆無形所有皆无所有無  
有五陰汝等見有五陰無十二衰汝  
等見有諸衰无十八性汝等見有諸

性以因緣顛倒故便有諸法隨行所受云何汝等於無所有法而有形相行般若波羅蜜菩薩以遍起拘舍羅諸有衆生在貪嫉者教令布施令得大富於中拔出教令持戒以戒因緣得生天上於戒拔之令住禪三昧以禪因緣得生梵天具足四禪及四空定因緣施從戒以禪無數方便立之泥洹復以三十七品及三脫門八解脫九次第禪十種力四無所畏及四等勸令得十八法持是无像之法立於三乘為說菩薩道須菩提白佛言世尊甚奇甚特未曾有菩薩行深般若波羅蜜為諸空無法作處所言是善法惡法是道法俗法是漏法无漏法是有為法是無為法佛言如是須菩提甚奇甚特所未曾有為是空无之法而作處所須菩提汝等當知菩薩所行奇特羅漢辟支佛所不能及者汝等當應為菩薩摩訶薩作礼須菩提白佛言世尊何等為菩薩摩訶薩所未曾有諸羅漢辟支佛所不能及佛告須菩提若以聞者善思念之吾



當解說菩薩行般若波羅蜜者住於六波羅蜜中及內外空三十七品无身慧及五神通遍到十方觀諸衆生可以布施攝取者便以施取之可以戒忍精進一心智慧隨其所應以六波羅蜜而攝取之應以四禪及四空定得解脫者以禪因緣而攝取之或應以慈悲喜護得度者以四等攝之或應以三十七品得度者以根力覺意而攝取之若應以三脫門得度者皆攝取之須菩提白佛言世尊云何以布施攝取衆生佛言菩薩行般若波羅蜜者隨人所索若索衣被飲食疾病醫藥爲馬車乘金銀珍寶隨人所欲皆施與之及所施與若佛辟支佛阿羅漢及須陀洹下至凡夫及螻飛蠕動諸三惡趣其意適等而無差別无若干種意何以故諸法無有若干種意故其意平等无若干者便得無差別薩云若慧佛言菩薩摩訶薩若見來求者當作念言我所施者當與三耶三佛福祐不從畜生出生有是念者非是菩薩法何以故菩

薩發道意不作是念我持布施當生  
四姓家諸所施已攝取衆生者皆令  
至無餘泥洹而般泥洹菩薩以衆生  
為親族所施與无若干差別亦不言  
當與是不與是意無適莫所施衆生  
无有尋意何以故為衆生故發阿耨  
多羅三耶三菩若有分別意者便於  
諸如來無所著等正覺諸緣覺諸真  
人有大過失何以故諸天及人諸阿  
須倫無有倩菩薩為衆生作救護作  
槁梁者為菩薩之法自當救攝衆生  
復次須菩提菩薩行般若波羅蜜者  
若人若非人來至菩薩所取節節支  
解菩薩身菩薩亦不疑言當與不與  
何以故是菩薩欲救衆生故受是形  
耳我以是身饒益一切菩薩當作是  
念我為衆生受是身形今來取之須  
菩提菩薩見來所求者當發意言施  
者為誰受者為誰所施物為何等是  
諸法實不可得見何以故是諸法常  
空空亦无所興亦無所奪須菩提菩  
薩行般若波羅蜜當作是學所謂內  
空外空及有無空住是空者於中布

施便具足檀波羅蜜具足檀已不斷  
內外法言誰有割者誰為截者佛告  
須菩提佛以天眼見十方恒邊沙等  
刹土諸菩薩摩訶薩入泥犁中泥犁  
則為冷以三事變化為泥犁中衆生  
說法一者神足二者隨其所使三者  
四等之法以神足滅火隨意為說四  
等法泥犁中衆生便有愛敬歸仰於  
菩薩即得離苦痛次為說三乘之教  
皆令脫苦是故須菩提我以佛眼見  
十方恒邊沙諸菩薩摩訶薩供養諸  
佛不以憍慢愛好諸佛不以憎惡歡  
喜無恙諸佛所說皆悉受持至成阿  
耨多羅三耶三菩終不志失須菩提  
佛以佛眼見十方恒邊沙刹土諸菩  
薩等為衆生故割截身體支節分離  
布散四面諸有飛鳥走獸來食菩薩  
肌肉者皆有慈意於菩薩所以慈意  
故得離畜生即得為人往見諸佛聽  
受經法隨其所聞即得順行以三乘  
之法而度脫之佛告須菩提諸有菩  
薩摩訶薩發阿耨多羅三耶三菩者  
多所饒益如是能使衆生得無餘泥

洹復次湏菩提我以佛眼見十方恒邊沙諸菩薩等入辟荔中者諸辟荔衆見菩薩已便生慈意恭敬菩薩以恭敬故離諸勤苦因是功德終不離諸佛至得泥洹湏菩提菩薩摩訶薩行慈如是使諸衆生皆得泥洹佛告湏菩提我見諸菩薩至四天王及第六天為彼諸天而廣說法以三乘教而度脫之令得泥洹諸天人衆有著者五樂者菩薩應時令殿舍悉皆炯然以為說法言諸仁者一切所有皆悉無常无尊無卑誰常安者佛告湏菩提我於是以佛眼觀見恒邊沙國土諸有讚歎梵天上者菩薩則為說法言諸仁者云何於是空无之法而生見意是法為空无常無見為磨滅法莫得於是而生見意湏菩提菩薩摩訶薩已住於大慈為衆生說法是為菩薩甚奇甚特未曾有法湏菩提十方恒邊沙國土諸菩薩摩訶薩以四事饒益衆生何等為四一者惠施二者仁愛三者利人四者等義是為四恩菩薩摩訶薩以二事施攝取衆生

一者財物二者法施何等財物施攝  
取衆生菩薩以金銀璧玉珍奇異寶  
以食飲衣被香花眼飾病瘦醫藥牀  
卧之具所有奴婢鳥馬車乘令諸衆  
生隨意所欲不逆人意諸有來者既  
施與已皆悉教令自歸三尊或授五  
戒或教十善或教八齋或教令行四  
禪及四等四空定或勸助之令念佛  
念法念比丘僧念天念施諸行倒者  
教令行順諸不諦者教令行諦勸助  
令行三十七道品及三脫門八惟無  
九次第禪佛十種力四无所畏四无  
畏慧大悲大慈勸衆生令行佛十八  
法八十種好勸助人學三乘法教是  
為菩薩摩訶薩以遍起拘舍羅行般  
若波羅蜜以財布施攝取衆生立於  
無上无畏之地是為菩薩奇特未曾  
有之法何等為菩薩行般若波羅蜜  
以法布施攝取衆生布施有二一者  
道施二者俗施何等俗法施世俗所  
說所施行者謂為不淨欲得四禪四  
等四无形定及餘凡夫所行善法是  
名為世俗法施作是俗法施已便教

衆生令離世俗以漚起拘舍羅安立  
於道法賢聖果報何等為賢聖道法  
賢聖果報賢聖法者謂三十七品及  
三脫門賢聖果者從須陀洹至羅漢  
辟支佛佛言菩薩賢聖道法者知須  
陀洹所有慧知羅漢辟支佛慧及三  
十七道品慧佛所有十力慧大慈大  
悲慧及餘道法俗法有漏无漏及有  
為無為之法慧薩云若慧是為菩薩  
賢聖之法何等為菩薩賢聖果報諸  
習緒皆盡是為賢聖果報須菩提白  
佛言菩薩復逮薩云若佛言如是如  
是須菩提菩薩逮薩云若須菩提白  
佛言如是者世尊菩薩摩訶薩如來  
有何老特佛報言有老別老別云何  
菩薩逮薩云若便名為如來何以故  
菩薩意亦不可得如來意亦无有異  
住於無限之真為諸法作明是名為  
菩薩因俗之法施而續道法之施佛  
告須菩提是菩薩斷於衆生世俗之  
施以漚起拘舍羅安住於薩云若佛  
告須菩提何等為菩薩道法之施凡  
人所不能及者所謂三十七品及三



脫門八惟無九次第禪佛十力四無  
所畏四无尋慧佛十八法三十二大  
士之相八十種好諸陀隣尼門是名  
為道法施非是俗法是為菩薩甚奇  
特未曾有之法以愛意攝取衆生持  
六波羅蜜布施持戒忍辱精進一心  
智慧以和顏悅色攝取衆生何以故  
六波羅蜜皆攝持諸善法數云何菩  
薩饒益於人攝取衆生常以六波羅  
蜜攝持衆生以四事饒益一切一者  
惠施二者仁愛三者利人四者等義  
是為四事菩薩以是四事救濟衆生  
復次須菩提菩薩以般若波羅蜜教  
新學菩薩當語之言善男子受是文  
字之數當善於一字從一字至四十  
二字一字者皆入諸字義諸字義者  
皆入四十二字四十二字義皆入一字  
以為一義是故菩薩當善於四十二  
字如來無所著等正覺善於諸法善  
於文字已教化衆生如來說法不離  
文字諸法亦不離文字須菩提白佛  
言世尊衆生不可得法亦不可得見  
諸法空故世尊菩薩云何行六波羅

蜜四禪四等及四空定云何行三十  
七品行十八空行空無相无願云何  
行八惟無九次第禪云何行十力四  
无所畏佛十八法云何行三十二相  
八十種好云何行六神通為衆生說  
法亦不見衆生亦不得其處乃至於  
識亦不可得六波羅蜜亦不可得見  
乃至八十種好亦不可得亦不可得  
處亦无有衆生亦無有處亦无有八  
十種好亦无有處云何菩薩行般若  
波羅蜜為衆生說法須菩提言世尊  
將無菩薩以无端緒之事勸助衆生  
今離四顛倒住於四諦耶行般若波  
羅蜜菩薩尚不可得見何況行三十  
七品事佛告須菩提如是如是如汝  
所言衆生不可得當知内外空及有  
無空當知五陰空性空裏空當知四  
諦十二因緣空當知吾我空及知見  
空當知四禪空四等空四空定亦空  
當知三十七品空三脫門空當知八  
惟無空九次第禪空當知佛十八法  
空十種力空四无所畏空四無碍慧  
空當知二地空當知菩薩空當知佛

刹土空當知道空佛告須菩提菩薩  
覺知諸法皆空而為一切衆生說法  
既為說法不從是空有轉還者於諸  
法無所取无所捨亦無尋真諦說法  
无有虛飾譬如如來化作無央數人  
或安立於六波羅蜜者或安立於四  
禪四等者於須菩提意云何是化人  
寧有所得不須菩提言世尊不也化  
無所得須菩提當知菩薩教化衆生  
亦復如是隨其所能而為說法皆令  
衆生離於顛倒亦不縛亦不解何以  
故五陰无縛亦不解若五陰有縛有  
解者則非五陰用五陰常自淨故乃  
至有為無為法亦常自淨菩薩為衆  
生說法初不見衆生以諸法不可得  
故菩薩住於无所住五陰空故無有  
處所乃至有為無為亦无所住何以  
故無有實故而无所住無所有亦不  
住於无所有有所有亦不住於有所  
有何以故是皆不可得故不可得者  
無有住處須菩提菩薩行般若波羅  
蜜皆明諸法分別諸空菩薩作是行  
般若波羅蜜者於諸如來无所著等

正覺於諸聖賢為無有過何以故諸佛世尊及諸聖賢皆逮覺是法教化衆生以得是法无轉還者何以故法性實際及如無轉還者亦无形貌可轉還者須菩提白佛言世尊法性實際及如不轉還者五陰及如實際法性為有異耶有為无為及道有漏無漏復有異耶佛言不也須菩提五陰及如實際法性有為无為及道等無有異復問世尊假令五陰及如乃至有為無為等无有異者云何有善惡之報及五道生死云何有三乘之法耶佛言以衆生習於世諦故便有道之名号於第一取要義者无有分數何以故是法常寂無所分別亦无所說五陰亦無生滅亦无著斷用本空未空故須菩提白佛言世尊若習世諦便有道名者一切凡夫皆為是道是三乘耶佛告須菩提一切凡夫盡知習諦及道諦者若知是者當知是道若使凡夫不知者亦無道處亦无道報復問云何凡夫當得道之果報佛言諸賢聖者有道念故便有道報

復問世尊以道念故便有道耶佛言  
不也須菩提不以念故便能逮道也  
亦不無念亦不離念是故菩薩行般  
若波羅蜜為衆生故便處於道道者  
亦無分部亦无有為無為亦无分別  
復問世尊若分別有道處者云何  
佛說三習緒斷得須陀洹婬怒癡薄  
得斯陀含於下欲界滅五習得阿那  
含於上无形界滅五習者得阿羅漢  
眼所見形色皆如是盡法得辟支佛  
一切諸習緒盡便得三耶三佛如是  
云何當知是事若道无分數者云何  
隨行各得其道佛告須菩提須陀洹  
道乃至三耶三佛為是有為耶為是  
无為耶須菩提言世尊非是有為法  
佛言無為之法有分界不須菩提言  
无有分界佛言於意云何善男子善  
女人一時逮得有為無為之法及得  
一相是時寧見言是有為是无為不  
須菩提言世尊不也佛言菩薩行般  
若波羅蜜為衆生說法無有分界以  
内外空及有無空故菩薩於内自无  
所入教一切人亦无所入亦不入六

波羅蜜亦不入禪亦不入等亦不入於三十七品亦不入薩云若无所入者為無所生譬如如來化作化人化人布施亦不得報欲度人故亦不住於六波羅蜜亦不住於有漏无漏亦不住道亦不住俗亦不住有為不住於無為適无所住所以者何超越諸法之相故也

摩訶般若波羅蜜超越法相品第七十九

於是須菩提白佛言世尊云何超越諸法法相佛告須菩提譬如化人無婬怒癡亦无五陰行亦无内外事无有罣碍亦无道事亦无俗事有漏无漏有為無為亦无道事亦無有果報佛語須菩提是為超越諸法相須菩提白佛言世尊化者云何有道念於五趣現佛言於須菩提意云何如來所化頗有形有來往有著斷耶須菩提言世尊如來所化无有來往亦無著斷亦不於五趣現佛言須菩提是為超越諸法之相須菩提白佛言世尊諸五陰皆如幻耶佛言如是如



是須菩提白佛言若諸法如化世尊  
化者亦无有色亦無有痛亦无想亦  
無行亦無識亦无著亦無断亦不於  
五趣有脫菩薩摩訶薩有何等奇特  
事佛言於須菩提意云何我本為菩  
薩時頗見從五趣中得度脫衆生者  
不須菩提報言不見有所說佛言於  
三界不見有衆生何況當有五趣當  
有所度何以故菩薩觀知諸法如幻  
如化須菩提言若菩薩觀知諸法如  
幻如化者用何等故行六波羅蜜四  
禪四等四空定為何等故行三十七  
品而淨佛土教化衆生佛告須菩提  
若衆生自知諸法如幻如化者菩薩  
終不於阿僧祇劫譙苦行菩薩之道  
須菩提以衆生不能自知如幻如化  
故菩薩譙苦行六波羅蜜淨佛國土  
教化衆生須菩提白佛言世尊假令  
諸法如夢如幻如化如響如熱時之  
焰於何許有衆生菩薩行般若波羅  
蜜而拔濟衆生佛言衆生者但共縛  
於名字數著於無端緒是故菩薩摩  
訶薩行般若波羅蜜於名字相拔濟

之須菩提白佛言何等為名字相佛告須菩提名字者不真假名為名假名為五陰假名為人為男為女假名為五趣及有為無為法假名為須陀洹斯陀舍阿那含阿羅漢辟支佛三耶三佛佛語須菩提諸吾我造作之法及道但為名字數法故凡諸愚人縛著於有為法是故菩薩行般若波羅蜜以遍起拘舍羅教授衆生言是名但從相起但以相故生母人胞胎所有者无端緒所有者無所有諸智者不入於空佛語須菩提以是故菩薩摩訶薩行般若波羅蜜以遍起拘舍羅教授衆生佛言何等為相須菩提凡愚以二相著何等為二一者形相二者無形相何等為形相諸有好形惡形微形於是消耗之法於中有所起相是名為形相何等為无形相諸無形之法於中起相生垢是名為无形相菩薩學般若波羅蜜以遍起拘舍羅於無形相出諸衆生建立於无相處令不二入何等為二是相是无相是為二須菩提是為菩薩摩訶

薩於相中出諸衆生建立於无相須  
菩提白佛言世尊假令諸法但有名  
相菩薩云何行般若波羅蜜於諸善  
法云何有老別而復勸他人於善法  
使有老別耶以善法具足諸處建立  
衆生於三乘佛告須菩提言假令菩  
薩念五陰名計校五陰相菩薩為不  
行般若波羅蜜於善法無有老別亦  
不能令他人有老別須菩提若菩薩  
摩訶薩行般若波羅蜜以无相行五  
波羅蜜以無相具足四禪具足四等  
具足四空定以无相具足三十七品  
以无相具足内外空及有無空以无  
相具足八惟無及九次第禪具足佛  
十種力以无相具足佛十八法菩薩  
以自具足是善法勸他人以無相具  
足諸善法須菩提若諸法有如毛釐  
之相者菩薩行般若波羅蜜終不逮  
空无相無願之法不能隨衆生所願  
而建立之不能令得空无相無願漏  
盡之法須菩提菩薩摩訶薩以無相  
无念行般若波羅蜜饒益一切如是  
須菩提白佛言世尊假令諸法空无

相無念世尊云何為法作分數言是有漏是無漏是能有所及是不能有所及言是聲聞法是辟支佛法是菩薩法是佛法佛告須菩提言於意云何無相與聲聞辟支佛法菩薩佛法法有異不須菩提言不也世尊佛言聲聞辟支佛法及菩薩佛法皆不是無相耶須菩提言今世尊佛言以是故當知諸法皆无相佛言菩薩於諸法作無相學者則能增益善本功德則能增益六波羅蜜四禪四等四空定三十七品佛十八法何以故菩薩者不學餘但學空无相無願所以者何諸菩薩法皆來入三脫門故三脫門自空菩薩學空无相無願為學五陰為學十二衰為學十八性為學四諦為學十二緣起為學内外空及有無空為學六波羅蜜為學三十七品為學佛十力四無所畏四无尋慧佛十八法須菩提白佛言云何世尊菩薩行般若波羅蜜云何學五陰佛報言菩薩行般若波羅蜜知色相知色起滅知色如去何知色相色無堅固

譬如聚沫云何知色本末色亦不来  
亦不去亦無還反須菩提是為知色  
本末云何知色如如亦不生亦不滅  
亦不来亦不去亦不斷亦不著亦不  
增亦不减作如是知是為知如亦不  
變異是故名為如是故名為知色如  
云何知痛生滅云何知痛如知痛如  
泡故云何知想如知想如熱時之焰  
至竟无水亦不去亦不来痛如及想  
如等知想亦如是云何知行如譬如  
芭蕉葉葉分解中無有堅云何知  
行起滅行亦无有来往知行如是知  
如亦如是云何觀識譬如幻師化作  
四種兵亦不往亦不来觀識亦如是  
云何觀識如觀如如識是為知識如  
云何觀知眼性眼所有空眼色空眼  
識空乃至意識所有空云何觀知十  
二衰知内外法如知内外法所有空  
云何觀知苦諦亦知苦亦知諦亦知  
有我無我諦習盡空皆知諦云何知  
四諦如知如如四諦是為知四諦如  
云何觀知十二緣起如十二緣起无  
所生是故知十二緣起如須菩提白

佛言菩薩學般若波羅蜜行般若波羅蜜假令各各分別知是諸法如是則為不分別法性色身佛報言若有異法離於法性者是色身法性則為有別何以故須菩提如來及如來弟子不見有法離於法性與法性有別者雖不見不處法無有二離法性者佛告須菩提菩薩行般若波羅蜜當作是學法性須菩提白佛言世尊菩薩學法性者為無所學佛告須菩提以故一切諸法皆是法性須菩提白佛言何以故諸法皆是法性諸有為法皆是法性是故須菩提菩薩學般若波羅蜜者為學法性須菩提白佛言假令諸法皆是法性菩薩用何等故行六波羅蜜何以故行四禪四等四空定去何行三十七道品三脫門八惟九次第禪十力四無所畏何以故學佛十八法學六通三十二相學成就八十種好何以故學生四姓家何以故學生四天上從第四天至三十三天何以故從初發意至第十



地何以故學三乘淨佛國土教化衆生學陀隣尼門學辯才何以故學菩薩道學諸法如知一切衆事法性中無有是若干分數世尊將无菩薩行顛倒事所以者何法性亦非五陰法性亦不離五陰法性則是五陰五陰則是法性佛告須菩提如是如是須菩提如汝所言法性則是五陰五陰則是法性須菩提菩薩行般若波羅蜜若見法有離法性者終不發阿耨多羅三耶三菩菩薩行般若波羅蜜諸法之性則是道是故菩薩行般若波羅蜜知諸法則是法性無名之法以名教授從五陰至道皆以名号法數字說之須菩提譬如幻師持一鏡現若干種像若男若女若馬若鳥若廬館若浴池於中示現若干種坐氍毹氍毹統縵帳幔香華伎樂種種食飲之具以名伎樂娛樂衆人復現六波羅蜜於中現四大姓現有須弥山有三十三天於中現諸聲聞辟支佛現諸新發意行六波羅蜜菩薩復現十住一生補處菩薩現諸菩薩遊戲

於五通現有淨佛國土教化衆生現  
有行三昧三摩提以自娛樂復現有  
行佛十力四無所畏大慈大悲現有  
佛身相具足者中有愚癡之士稱歎  
言快哉是人所作甚奇特能食飲若  
千億万人皆令歡喜現若干種像世  
尊相好中或有知者便大笑言是幻  
師所作乃余以空無所有法以无端  
緒之法樂衆人令使有端緒相無形  
與作形相佛言菩薩行般若波羅蜜  
不見有法離法性者以遍起拘舍羅  
為衆生說法亦不見衆生亦不見其  
處自行六波羅蜜勸人習六波羅蜜  
見有行者代其歡喜自行十善勸人  
令行見行十善者讚歎代其歡喜自  
行五戒勸人令持見有持者讚歎代  
其歡喜自持八齋勸人令持見有持  
者讚歎代其歡喜自行四禪四等四  
空定勸人令行見有行者讚歎代其  
歡喜自行三十七品三脫門及四無  
所畏佛十力佛十八法勸人令行見  
有行者讚歎代其歡喜佛告須菩提  
言法性前以後及中間无有增减是

故菩薩摩訶薩為衆生故謙苦行菩薩之行若法性前後及中間有異者菩薩終不以遍想拘舍羅廣宣法性教授衆生

摩訶般若波羅蜜信本際品第八十

尔時須菩提白佛言假令初無有衆生及其處菩薩為何等故念行般若波羅蜜佛告須菩提菩薩信真際故念般若波羅蜜真際及衆生際有異者菩薩終不念般若波羅蜜以真際衆生際等無有異故菩薩欲益衆生故念行般若波羅蜜復次須菩提菩薩摩訶薩行般若波羅蜜亦不分流分別真際而建立衆生於真際須菩提白佛言若建立衆生於真際者則為建立真際於真際若建立真際於真際者俱无所有云何持無所有建立於無所有世尊如是者菩薩云何建立衆生於真際佛告須菩提不可以真際建立於真際不可以所有建立於所有亦不可以无所有建立於無所有須菩提菩薩行般若波羅蜜以遍想拘舍羅建立衆生於真際真

際及衆生際一際无有二須菩提白  
佛言世尊何等為菩薩遍起拘舍羅  
行般若波羅蜜而建立衆生於真際  
而無所分現佛告須菩提言菩薩摩  
訶薩行般若波羅蜜以遍起拘舍羅  
建立衆生於檀建立已為說檀本末  
空為說所施及施者受者皆空受果  
報亦空教言善男子莫作若干相汝  
所施及受者謂有果耶等一空耳皆  
入真際教言善男子汝若分別所  
施及受者及果報是則甘露施便逮  
甘露果莫以是施受色教言善男子  
莫以施受痛莫以施受想行識何以  
故汝所施及施者受者皆空受報亦  
空以空施有所求諸所施不可得見  
何以故所有者從本至竟常自空故  
復次須菩提菩薩摩訶薩行般若波  
羅蜜以遍起拘舍羅建立衆生於尸  
教言善男子捨是十惡行是諸惡法  
无有實當諦自思惟是十惡本無所  
有菩薩摩訶薩以是具足於遍起拘  
舍羅教授衆生便以檀及尸教於衆  
生檀及尸果報皆自空无所有亦不

入中便逮寂靜便生智慧斷諸矇冥  
離諸苦惱以世俗數般泥洹不以取  
第一義何以故從空中索般泥洹者  
無有空終不般泥洹泥洹者亦自至  
竟空復次須菩提菩薩見衆生亂意  
志不定聞諍怨恚便教令忍辱教令  
習羈教人言汝所入陷溺皆是空无  
所有當熟思念言我空弊暴為我為  
是誰空弊暴意從何所來空無有不  
空時是空亦非如來菩薩羅漢辟支  
佛所作亦非諸三十三天龍阿湏倫  
鬼神甄陀羅摩睺勒所作空自然空  
菩薩行般若波羅蜜以空法建立衆  
生今入空雖有報應不離阿耨多羅  
三耶三菩雖勸進衆生求道但是俗  
數非是寂第一義何以故空性亦非  
逮覺亦無有逮覺者亦无有甫當  
逮覺者是為真際性空菩薩為衆生  
故於中行般若波羅蜜亦不得衆生  
亦不見其處何以故衆生寂如諸法  
復次須菩提菩薩行般若波羅蜜以  
遍起拘舍羅見衆生中有懈怠者善  
薩便勸助身意行精進空無之法於

諸法无有懈怠亦不見有懈怠空無  
法終不從空退轉莫於善法生懈怠  
意莫於身意退於六波羅蜜及四禪  
四等四空定莫退於三十七品法及  
三脫門至佛十八法莫生懈怠念莫  
於諸法作罣尋觀空無罣尋之法无  
有懈怠者佛語須菩提菩薩行般若  
波羅蜜以空性之法勸進衆生令住  
空行雖住空行不以二事何以故空  
性者一無有二不二之法无可入處  
復次須菩提菩薩行般若波羅蜜持  
空性之法教衆生令精進教告之言  
善男子當善精進於施於戒於忍於  
進於禪於智隨意所能於三十七品  
乃至佛十八法善男子莫於是法起  
二念亦不離二念何以故是法性空  
空性之法亦無有二亦不二故須  
菩提是為菩薩行般若波羅蜜以遍  
悉拘舍羅習菩薩之行教授衆生淨  
佛國土次建立衆生於須陀洹斯陀  
含阿那含阿羅漢辟支佛建立衆生  
乃至阿耨多羅三耶三菩復次須菩  
提菩薩行般若波羅蜜以遍悉拘舍



羅祐利衆生勸助之言當念禪一心  
莫生亂想亦莫生三昧想何以故諸  
法性皆空空無法中亦無亂者亦無  
有一心者當住是三昧身口意所作  
事若六波羅蜜三十七品八惟無九  
次第禪佛十力四无所畏四無所畏  
大慈大悲佛十八法八十種好若聲  
聞辟支佛道菩薩道佛道若聲聞果  
辟支佛果若薩婆若若淨佛土教化  
衆生若行空者便得是諸善法事佛  
告須菩提菩薩行般若波羅蜜以遍  
起拘舍羅祐利衆生如是從初發意  
以來未常不為衆生多少作祐利時  
從一佛國至一佛國供養禮事諸佛  
世尊從諸佛所受法教至阿耨多羅  
三耶三菩終不忘失常得諸惣持身  
口意行常具足无所乏少何以故善  
於薩婆若念故以善薩婆若者便善  
於諸道聲聞辟支佛道及神通菩薩  
諸所可應行道終不廢捨立於神通  
救護衆生周旋五趣生死不耗減於  
神通佛告須菩提菩薩行般若波羅  
蜜住於空性祐利衆生如是復次須

菩提菩薩行般若波羅蜜以遍起拘  
舍羅住於空性祐利衆生以般若波  
羅蜜勸教衆生言諸仁者淨於身口  
意受甘露教有受甘露教者終不離  
空性法何以故空性之法亦非是有  
法亦非是無法佛告須菩提菩薩行  
般若波羅蜜使衆生作是入作是學  
未曾不精進時自行十善勸人令行  
自行五戒及八齋四禪四等四空定  
勸人令行自行三十七道品法十力  
十八法勸人令行自行八十種好勸  
人令行自學須陀洹道慧復教人令  
學須陀洹自不於中有所欲自於羅  
漢法中取慧亦教他人學阿羅漢辟  
支佛法自於內无所欲自發阿耨多  
羅三耶三菩復教他人學阿耨多羅  
三耶三菩佛告須菩提菩薩摩訶薩  
習菩薩之行以遍起拘舍羅初無有  
懈怠時須菩提白佛言假令諸法性  
本空衆生亦不可得亦无有正法亦  
不見非法云何菩薩逮得薩云若慧  
事佛告須菩提言如是如是如汝所  
言一切諸法性皆空空法中亦无有

衆生亦無有正法亦无有非法若諸  
法性不空者菩薩不於空法中成阿  
耨多羅三耶三菩為空性說法說五  
陰性空是故菩薩行般若波羅蜜說  
五陰性空以十八性空以十二緣起  
性空故為衆生說法說四禪四等四  
空定說三十七品性空說三脫門說  
八惟無九次第禪空四无尋慧四無  
所畏說十八空佛十八法大慈大悲  
八十種好空以是故為衆生說法說  
聲聞辟支佛道說薩云若說諸本智  
垢盡以是空性說法若內空外空及  
有無空是性不空者菩薩終不以空  
性說法若內空外空及有無空非是  
性空者為壞敗空矣空不可壞亦不  
可上尊何以故空亦無有處亦不无  
處亦不來亦不往是故法常住無有  
增減无有起滅無著无断菩薩住是  
法者為成阿耨多羅三耶三菩亦不  
見法有所逮亦不有所逮亦不無  
所逮是為法之常住菩薩行般若波  
羅蜜者見諸法性皆空於阿耨多羅  
三耶三菩終不轉還何以故不見諸

法華尋當何從有狐疑阿耨多羅三  
耶三菩者性空無有衆生亦不見衆  
生處亦不見有吾我壽命及知見事  
亦不見五陰乃至八十種好亦无所  
見須菩提譬如化佛化作比丘比丘  
尼優婆塞優婆夷為說法至那述劫  
不斷絕須菩提化人於三乘法寧有所  
得不須菩提言不也世尊何以故無形  
故諸法亦无有形何所衆生為菩薩  
入聲聞辟支佛者但為著餘墮顛倒  
者建立於順如是倒者為非顛倒無  
有顛倒及諸念處亦无衆生亦無吾  
我亦无壽命亦無知見之事亦无五  
陰亦無有道是名為空性菩薩於中  
行般若波羅蜜度諸顛倒及有人相  
及衆生相度脫有色无色相度脫有  
漏之法以俗數度脫無漏之法非寂  
第一之義何等無漏三十七品是亦  
無所有亦无所生亦不以行是謂空  
性諸佛世尊之道諸佛之道者亦无  
衆生亦無我人壽命亦无知見亦無  
五陰亦无三十二相八十種好是者  
真是如來之道亦不以菩薩道故發

阿耨多羅三耶三菩但為空性故從  
本至竟及其中間無不空者常一空  
故菩薩所以行空波羅蜜以衆生有  
衆生相欲建立於薩去若故是故菩  
薩行道慧以道慧事便能入諸道亦  
入三乘道菩薩具足入諸道已教化  
衆生淨佛國土便住於有為中成阿  
耨多羅三耶三菩不斷佛業及諸空  
性住空性者是諸去來今佛之道業  
生死之處及諸俗法不離於空性諸  
菩薩皆當入於諸佛所習行空性雖  
行空性於薩去若而不墮落須菩提  
白佛言世尊諸菩薩摩訶薩甚奇甚  
特行於空事不分別空何等為不分  
別空不言色異覺異想異行異識異  
空異乃至於道亦不言異空性則是  
道道則是空性佛告須菩提假令空  
性異五陰異者菩薩終不逮覺薩去  
若空性與五陰等無有異菩薩知諸  
法性皆空是故發阿耨多羅三耶三  
菩何以故空性法亦无壞者亦不尊  
上而世人迷惑言五陰是我所我是  
五陰所便入五陰行吾我事復入内

外形便生五陰便有生老病死憂悲  
勤苦墮五趣中不得度脫是故菩薩  
習行空波羅蜜不分別五陰不觀五  
陰空以不空乃至于是道亦不觀空以  
不空所以者何不以五陰空而現五  
陰亦不以道空而現道也須菩提譬  
如虛空不分別空亦不分別內外空  
如是須菩提亦不以五陰空故現五  
陰亦不以道空故現道何以故空者  
无所有亦不分別是空是不空乃至  
于道亦復如是須菩提白佛言世尊  
假令諸法不可分別不可壞者云何  
菩薩發阿耨多羅三耶三菩世尊於  
道有二者不能發阿耨多羅三耶三  
菩佛言如是如是須菩提行二者無  
有道道者无二亦非二也菩薩學道  
亦不色痛想行識亦不行道何以故  
道亦不言汝當行五陰汝當行道  
菩薩行道亦无所取須菩提白佛言  
菩薩行道亦不有所取亦不有所  
放為作何等行於何所行道佛言於  
汝意云何如來所作化於何所行有



取有放不須菩提言世尊不也無  
取无放佛言羅漢於夢中為有所取  
有所放不答言不也須菩提言世尊  
羅漢尚不眠那得有夢佛言如是如  
是須菩提菩薩所行亦无所取亦無  
所放須菩提言世尊菩薩意亦不於  
五陰亦不於道有所取放者菩薩為  
不行十住地所應行耶不行六波羅  
蜜耶不行三十七品四禪四等及四  
空定八惟無九次第不行十力四  
无所畏三十二相八十種好不行五  
通淨佛國土教化衆生不逮薩云若  
可得成阿耨多羅三耶三菩不佛言  
如是如是須菩提若菩薩不具足行  
十地不具足六波羅蜜不具足四禪  
四等及四空定八惟無禪九次第禪  
三十七品乃至八十種好不具足者  
終不得成阿耨多羅三耶三菩不具  
足者不能逮薩云若滅五陰空相滅  
道空性是性已滅住於滅性不為法  
作損益亦无所生亦無所滅亦无著  
斷亦不逮覺須菩提以世俗法教菩  
薩成阿耨多羅三耶三菩五陰及道

以俗數故非取第一要義菩薩從初發意以來雖行道意亦不滅衆生亦不滅道亦不滅菩薩亦不滅於須菩提意云何汝等五陰除滅得无量三昧得須陀洹乃至羅漢時是時頗見意頗見道果不須菩提言世尊不見也佛言汝弟子等云何有言有所逮得須菩提言但以世俗數耳佛言亦復以世俗數故言有五陰言有菩薩言有薩云若菩薩不於道有所得法有所損益者以法性故不得諸法性尚不得諸法性何況當得十住地及六波羅蜜三十七品及三脫門乃至佛十八法當有所得者是者不然是故須菩提菩薩摩訶薩行阿耨多羅三耶三菩得阿惟三佛祐利衆生

放光般若經卷第十八

丁酉歲高麗國大藏都監奉

勅彫造

放光般若經卷第十九

重

摩訶般若波羅蜜無形品第八十一

西晉于闐國三藏無羅叉奉詔譯

須菩提白佛言世尊若菩薩摩訶薩  
於六波羅蜜三十七品佛十種力四  
无所畏四無所畏佛十八法行十八  
空不具足菩薩道不成阿耨多羅三  
耶三菩者云何菩薩摩訶薩得阿耨  
多羅三耶三菩佛告須菩提菩薩學  
般若波羅蜜以遍起拘舍羅行檀波  
羅蜜亦不見所施物亦不自見亦不  
見受者亦不離是法亦不見是法作  
是行者便照明於菩薩道以是故須菩  
提菩薩行般若波羅蜜遍起拘舍羅故  
逮覺阿耨多羅三耶三菩菩薩行檀波  
羅蜜亦不見所施物亦不自見亦不見  
受者行五波羅蜜乃至佛十八法亦復  
如是舍利弗白佛言世尊菩薩行般若  
波羅蜜云何習般若波羅蜜佛告舍  
利弗菩薩行般若波羅蜜以遍起拘  
舍羅亦不習五陰亦不不習何以故  
五陰无形無有可習无不可習者六  
波羅蜜亦不習亦不不習何以故六

波羅蜜無有形故乃至十八法亦不習亦不不習何以故十八法空无形故舍利弗言世尊諸法无所有亦無形像不可得見亦無習與不習云何入般若波羅蜜中學菩薩不學般若波羅蜜亦不得阿耨多羅三耶三菩佛言如汝所說菩薩不學般若波羅蜜者不得阿耨多羅三耶三菩以遍想拘舍羅不離遍想拘舍羅菩薩行般若波羅蜜諸法无所有是故菩薩亦無所取六波羅蜜亦无所有五陰亦无所有乃至十八法亦不可見當取何等是故菩薩亦無所取舍利弗般若波羅蜜亦不可護持乃至佛十八法亦不可護持是般若波羅蜜則為不可護持舍利弗如是學者於學亦無所見何況般若波羅蜜何況菩薩何況佛法聲聞辟支佛法何況凡夫法何以故舍利弗諸法无有形故於無所有法中何所是凡夫愚人法何所是聲聞辟支佛法何所是三耶三佛法舍利弗白佛言世尊三乘及凡夫法尚不可見誰當說言凡愚人法

是三乘法是無形之法何因是凡愚人法是三乘法佛告舍利弗凡愚人所入五陰有形有處有實不舍利弗言不也世尊是者則為顛倒佛言凡愚人所入佛道為有形有處有實不舍利弗言不也世尊但顛倒耳是故舍利弗菩薩行般若波羅蜜遍起拘舍羅見諸法無有形便發阿耨多羅三耶三菩舍利弗言世尊何等為菩薩遍起拘舍羅見諸法無有形發阿耨多羅三耶三菩佛告舍利弗菩薩行般若波羅蜜亦不見諸法有形可作尋者不見有尋當可厭者亦不見有懈怠者佛告舍利弗言以无有形无有壽命以所有皆无所有諸法性相空以衆生蒙冥入於五陰十二表菩薩見諸法所有皆無所有行般若波羅蜜自立如幻師為衆生說法有貪嫉者為說布施福有惡行者為說持戒福有恚怒者為說忍辱福有懈怠者為說精進福乱意者為說一心福愚癡者為說智慧福建立衆生於六波羅蜜已轉為說賢聖上尊之法

使得三乘之道舍利弗白佛言世尊  
為有菩薩耶而言菩薩為空元衆生  
說六波羅蜜事令逮得三乘之道佛  
告舍利弗言菩薩行般若波羅蜜於  
諸法無所得何以故菩薩行般若波  
羅蜜亦不見衆生亦不見其處但以  
道數故菩薩摩訶薩於二諦為衆生  
說法舍利弗不以二諦故得衆生及  
其處也菩薩行般若波羅蜜但以漚  
沤拘舍羅為衆生說法衆生現在尚  
不自見何況有得道已得方當得者  
是故舍利弗菩薩行般若波羅蜜以  
漚沤拘舍羅為衆生說法舍利弗白  
佛言世尊菩薩者是天上天下之大  
士於法中亦不見一字亦不見若干  
亦不見差別作是比要誓亦不於三  
界現亦不於有為无為性現而度三  
界衆生亦不見衆生亦無有衆生相  
衆生亦不縛亦不解脫亦不著亦不  
斷五趣各異亦无有合亦不見壞亦  
不有淨亦不有垢何況當有所受五  
道之趣佛告舍利弗言如是如是舍  
利弗如汝所言假令本有衆生令无



有者菩薩及佛便當有各假令本無  
五道生死之趣令有者亦是如來菩薩  
各有佛無佛生死法常住如及亦亦  
常住如故於中亦无衆生亦無吾我  
亦无壽命亦無知見之事何況當有  
五趣是法亦无端緒何況有五趣生  
死而度脫衆生舍利弗菩薩從過去  
佛所聞諸法相空故發阿耨多羅三  
耶三菩亦不言我於法中有所得假  
令有所得衆生所入顛倒處亦不能  
度脫是故菩薩作大要誓以要誓故  
阿耨多羅三耶三菩終不轉還會當  
成阿惟三佛以法祐利衆生今從顛  
倒得脫譬如幻師化作數千億万人  
以若干百種味食皆食若干化人令  
飽滿令飽滿已大歡喜言我今日所  
作福廣大於舍利弗意云何頗有得  
飽滿者不舍利弗言不也世尊佛言  
舍利弗菩薩亦如是從初發意以來  
行六波羅蜜四禪四等四空定行三  
十七品法行十八空三脫門八惟無  
九次第禪行佛十種力四无所畏四  
無所畏慧至佛十八法具足菩薩道以

淨佛土教授衆生而不見法可得降  
化者須菩提白佛言何等為菩薩摩  
訶薩道可教授衆生淨佛國土者佛  
告須菩提菩薩從初發意以來行六  
波羅蜜乃至佛十八法教授衆生淨  
佛國土須菩提白佛言何等為菩薩  
行檀波羅蜜教授衆生佛報言菩薩  
行般若波羅蜜自布施教人布施言  
善男子當習布施可得大富可得離  
生死苦莫著所施莫著施者及其受  
者是三法性空空法亦不受亦不不  
受無受性空空佛言是為菩薩行檀波  
羅蜜施與衆生亦不見所施物亦不  
自見亦不見受者檀波羅蜜者是无  
所倚度也持是三無所見法建立衆  
生於三乘是為菩薩摩訶薩行檀波  
羅蜜教授衆生自行布施勸助人令  
布施見人布施讚歎代其歡喜菩薩  
作如是施者得生四大姓家得為遮  
迦越羅便以四事攝取衆生一者惠  
施二者仁愛三者利人四者同義是  
為四事以是四恩布施建立衆生於  
尸波羅蜜及禪波羅蜜建立四禪四

等四空定建立三十七品三脫門勸助令求三乘道教人言善男子當遠覺阿耨多羅三耶三菩衆生所繫顛倒法中无所有當自脫於顛倒轉復教人離於此縛當自受祐利亦當祐利餘衆生佛語須菩提菩薩當作是行檀波羅蜜作是行者從初發意已來不墮惡趣所在常得遮迦越羅福何以故隨其所施而受果報有從聖王所求索者聖王念言我所以求作轉輪王者但為衆生故語求者言我所有者盡汝所有所有有福祐皆施衆生常持大悲饒益衆生亦不見衆生但以俗數有衆生名名号之事辭如響也須菩提菩薩行檀波羅蜜肌肉尚不愛惜何況外物但欲度脫衆生生死何等外事六波羅蜜是乃至十八法奉行是已度脫衆生復次須菩提菩薩住於檀波羅蜜布施衆生勸令持戒汝持戒者我使汝无所乏隨汝所欲當給足之人但以財故專行犯戒汝持戒者我斷汝貪以戒因緣三乘之法度令脫苦復次須菩提菩薩住

於檀波羅蜜若見衆生瞋恚爭者菩薩問言善男子汝何為爭汝等若欲有所得者金銀寶物從我取之莫得共爭菩薩於檀建立衆生行羣波羅蜜語衆生言汝等共爭空無有實皆无有本莫得爭空而相賊害以成怨結莫以空無之事墮三惡業起怨恚者尚不得復人身況值佛世人身難得佛世難值莫捨佛世而墮无極之罪菩薩行忍勸人令忍見行忍者讚歎歡喜建立衆生行羣波羅蜜以三乘之法而度脫之須菩提菩薩住施勸立衆生行羣波羅蜜如是何謂菩薩住檀波羅蜜勸令衆生行惟逮波羅蜜佛言菩薩見衆生懈怠菩薩問言汝何以懈怠衆生報言以无所因故懈怠菩薩住檀波羅蜜語衆生言善男子有所乏短我當給汝汝當精進我以布施持戒忍辱與汝作因緣衆生聞是便以身口意行精進便具足諸善法便得賢聖無漏之意隨其善法以三乘法令得解脫須菩提是為菩薩住於施與勸助衆生行惟逮波

羅蜜如是何謂菩薩住於檀波羅蜜  
建立衆生行禪波羅蜜菩薩語衆生  
言汝等何以不學禪法衆生言我等  
無因不能學禪菩薩報言我當與汝  
共作因緣令汝念斷菩薩便與衆生  
作无念因緣令其念斷便得四禪四  
等念三十七品以三乘法而度脫之  
至阿耨多羅三耶三佛不耗於道事  
須菩提是為菩薩住於施與勸立衆  
生行禪波羅蜜如是何謂菩薩住檀  
波羅蜜勸令衆生行般若波羅蜜菩  
薩語衆生言何以不念般若波羅蜜  
衆生報言无所因由菩薩復言我為  
汝等作御汝等布施持戒忍辱精進  
行禪令汝等具足是事菩薩念言頗  
復有法可得入者不衆生吾我及壽  
命者及諸三界為可得入不六波羅  
蜜三十七品為可得入不須陀洹至  
羅漢辟支佛及佛為可得入不菩薩  
於般若波羅蜜中住不見諸法有可  
得者有可入者可得處者得無所入  
已不見法有生有滅有著有斷雖无  
所見亦不分別亦不言是天是人

三惡趣亦不言是戒无戒亦不言是  
須陀洹斯陀舍阿那含是阿羅漢辟  
支佛亦不言是如來無所著等正覺  
須菩提是為菩薩住於施與勸立衆  
生令行般若波羅蜜何謂菩薩住於  
六波羅蜜勸立衆生令行三十七品  
菩薩以方便攝取衆生令行四意止  
四意斷四神足五根五力七覺意賢  
聖八品道有受是者便脫於生死須  
菩提以是賢聖之法攝取衆生復次  
須菩提菩薩勸恤衆生言諸賢者我  
長夜布施今受其福我所有者皆是  
諸賢所有欲得金銀七寶衣被財穀  
有所欲者我當相給足是所有者得  
長夜安隱汝等當住六波羅蜜并勸  
餘人令住六度汝等當建立衆生令  
行三十七品佛十種力及十八法當  
復轉教一切衆生三乘之道無漏之  
法須菩提是為菩薩住般若波羅蜜  
當作是教化衆生令度三惡趣及生  
死難復次須菩提菩薩住於尸波羅  
蜜教化衆生言汝等住於犯戒之地  
當為汝作淨戒因緣便行布施隨其



方便而誘進之勸令衆生普行十善持是十善住於無瑕不犯賢聖之戒漸以三乘而得盡苦尸波羅蜜為首如檀波羅蜜說餘四波羅蜜亦如是

摩訶般若波羅蜜建立品第八十二

尔時須菩提意念念言菩薩摩訶薩住於何道能作無畏堅誓佛尔時知須菩提所念便告言六波羅蜜是菩薩摩訶薩道三十七品及十八空八惟無九次第禪十力佛十八法須菩提是諸法是菩薩道於意云何頗有法菩薩所不學者不若不盡學諸法者不成薩云若須菩提白佛言世尊諸法皆空云何菩薩當盡學諸法亦无所有云何作念言是道是俗是漏無漏是有為是無為是凡愚人法是聲聞辟支佛法云何是佛法佛告須菩提如是如是諸法實空假令諸法不空菩薩終不逮覺阿耨多羅三耶三菩以諸法空故菩薩逮覺阿耨多羅三耶三菩佛告須菩提云何作是問假令諸法空者菩薩云何作念是道法是俗法於須菩提意云何若衆生

知一切諸法皆空菩薩不逮覺阿耨  
多羅三耶三菩以衆生不知一切諸  
法皆空故菩薩逮覺阿耨多羅三耶  
三菩菩薩為諸法作處為衆生說法  
須菩提菩薩行菩薩之道當作是觀  
言諸法不可但今空得皆當遊行觀  
諸法之所有亦不有所入亦不入六  
波羅蜜亦不入三十七品亦不入三  
乘法何以故諸法所有各自空故空  
亦不入空空尚不可得何況入空者  
是故菩薩於諸法無所入住於學法  
以觀衆生作无端緒事菩薩念言衆  
生雖作無端緒事易度耳以憍愍拘  
舍羅住於般若波羅蜜而度脫之語  
衆生言行布施者可得饒財亦莫於  
財貢高財無堅固建立衆生於戒忍  
精進一心智慧皆悉如是雖住三乘  
者亦莫貢高亦无堅固菩薩作是勸  
助已雖行菩薩道亦無所入何以故  
諸法无所有故諸法无有可入處菩  
薩之道無有住處行六波羅蜜亦无  
所住行四禪亦无有所住何以故禪  
者各自空行禪者亦空禪事亦空四

等四空定八惟無九次第禪亦无所  
住得聲聞法亦不於中住何以故不  
住答言以二事不住何等二事答言  
道無有住處亦无能住於道者亦不  
歡喜言我當得須陀洹不於中住我  
當得阿羅漢辟支佛亦不於中住我  
當逮覺阿耨多羅三耶三菩何以故  
我從發意以來初不向餘道志常在  
阿耨多羅三耶三菩何以故菩薩發  
意已來至于十住亦不在餘道但志  
阿耨多羅三耶三菩須菩提菩薩身  
口意但志于道菩薩住於道不生因  
緣須菩提白佛言世尊若諸法適无  
所生云何菩薩得生道意佛言如是  
如是諸法無所生諸有无所作者便  
於諸法无所生須菩提言世尊有佛  
無佛法性常住耶佛言如有佛无  
佛法性常住以衆生不知法性常住  
是故菩薩生道因緣欲度脫之須菩  
提言世尊以生道意故得道耶佛言  
不也不生道意得耶佛言不也亦從  
不生不滅得耶佛言不也若不尔者  
以何因緣得道言道亦不從度亦不

從不度須菩提道則是度度則是道  
須菩提言若道則是度度則是道者  
菩薩為已逮道為已得度云何言是  
如來三十二相八十種好十種力四  
无所畏四無所慧四等四空定佛十  
八法佛告須菩提於意云何佛為逮  
道耶言不也世尊佛則是道道則是  
佛須菩提云何作是言菩薩為逮道  
菩薩具足六波羅蜜具足三十七品  
以具足十力四无所畏四無所慧四  
禪四等具足十八法於金剛三昧一  
相之智逮得阿耨多羅三耶三菩以  
是次第故名為如來於諸法得自在  
須菩提白佛言世尊菩薩云何能淨  
佛土佛言菩薩從初發意已來常淨  
身口意并化餘人淨身口意須菩提  
言世尊何等為菩薩身行惡口言惡  
意念惡佛言菩薩身口意犯十惡嫉  
妬犯戒瞋恚亂意懈怠惡智須菩提  
是為菩薩意念惡戒不淨是亦為惡  
離三十七品離三脫門是亦為惡近  
須陀洹道至辟支佛是亦為惡是為  
菩薩之惡行復次須菩提菩薩有五

陰十二衰相是亦為惡有男子女人之相有三界相有善惡相有有為無為之相是為菩薩身口意惡是故菩薩捨衆惡已自行六波羅蜜亦勸進人使行六度持是功德與衆生共求佛國淨自持三千大千國土其中七寶施與三尊作誓願言令我國土其中所有盡是七寶復次須菩提菩薩以持伎樂樂佛世尊及精舍講堂復誓願言令我佛國常聞天樂須菩提菩薩以三千大千剎土所有衆香施於三尊復誓願言使我佛土常有天香復次須菩提菩薩持百味之食供養如來及弟子衆復誓願言我作佛時諸弟子衆飲食自然百味之飯復次須菩提菩薩以塗身之香施佛及衆復誓願言我作佛時使我國人身體細滑香潔皆如天身復次須菩提菩薩諸世所有五樂善願施佛及衆復誓願言我作佛時令我國土一切衆生隨意所願五樂善願皆令得之復次須菩提菩薩行般若波羅蜜復誓願言自行四禪四等及四空淨勸

助衆生令行四禪四等及四空淨自行三十七品復勸衆生普令行之復誓願言我作佛時我國衆生皆悉不離四禪及四空定三十七品須菩提是為菩薩能淨佛土菩薩行道滿足諸願諸願不具終不止行自具足諸善法亦復滿足衆生善願作是勸教行者身得百福功德之相諸受教者亦復如是是故菩薩淨佛國土何等為淨亦無三趣虜无有邪見無婬怒癡無有二地之名無有无常无我苦空无有家業亦无吾我無有伺便虜无有果報虜但聞空無相无願之聲所聞内外音聲譬如風過所出音聲如諸法之相有佛无佛諸法常空空者無相无有相者亦無有願所出音聲其教如是晝夜卧覺若坐若行常聞是音聲成阿耨多羅三耶三菩時其刹如是十方諸佛稱歎其佛功德名字一切衆生聞佛名者必至阿耨多羅三耶三菩尔時如來普說法時其有聞者無有狐疑是法非法所以者何諸法之法无有非法皆是正法



諸無德者亦示佛及弟子衆不種  
善本又亦不與真知識會便作吾我  
見有吾我已便入於六十二見入諸  
見已便住邊際住邊際已便著有常  
著有常已便著既盡於不平等有等  
覺想於平等覺更无覺見想法言非  
法非法言法便誹謗法誹謗法已便  
壞人身墜其惡趣墮泥犁中菩薩諸  
佛得成阿耨多羅三耶三菩已乃度  
脫之得度脫已甫當建立三乘法不  
復墮惡趣須菩提是則為菩薩摩訶  
薩淨佛土淨佛土已一切衆生亦无  
是法亦無非法有漏无漏有為無為  
必至阿耨多羅三耶三菩

摩訶般若波羅蜜畢竟品第八十三

於是須菩提白佛言世尊云何菩薩  
摩訶薩為畢竟耶為不畢竟佛報言  
菩薩摩訶薩為畢竟不為不畢竟世  
尊為畢竟何乘報言不畢竟於二乘  
畢竟於佛乘世尊畢竟佛乘者是初  
發意菩薩耶是十住菩薩耶佛報言  
初發意菩薩亦畢竟阿惟越致亦畢  
竟十住菩薩亦畢竟須菩提言世尊

畢竟菩薩趣惡趣不佛言不也於須  
 菩提意云何四雙八輩至辟支佛為  
 生惡趣不對曰不也佛言菩薩初發  
 意行六波羅蜜諸惡則滅若生惡趣  
 是事不然亦不生長壽夭亦不生邊  
 地无佛法處不生邪見家若生彼處  
 是亦不然終不生無道見家須菩提  
 新學菩薩發阿耨多羅三耶三菩意  
 者終不復犯十惡之事須菩提言世  
 尊若有菩薩能於一法便為具足不  
 隨惡者云何世尊自說宿命所可經  
 歷或墮鹿中墮獼猴中馬中鳥中亦  
 遭勤苦是事云何佛告須菩提菩薩  
 不作惡行自生惡趣隨衆生方便而  
 受其身欲祐利衆生故佛問須菩提  
 聲聞辟支佛頗有是遍起拘舍羅入  
 畜生中度脫衆生還為所害其意不  
 起以大慈大悲續度如故汝諸聲聞  
 頗有是不以是故當知菩薩具足大  
 慈以遍起拘舍羅入畜生中救護衆  
 生成阿耨多羅三耶三菩須菩提白  
 佛言世尊菩薩住何等善本功德法  
 能得是輩隨意形像佛報言於諸功

德法皆當具足成就。今乃成阿耨多羅三耶三菩。從初發意至坐道場。無有善法不具足者。成阿惟三佛菩薩。發意當學具足諸善功德。作是學已。當逮薩云若。盡諸習緒。須菩提言。世尊。菩薩具足善法。盡得賢聖无漏之法。而生惡趣。至畜生道。耶。佛問。須菩提。如來者。為是賢聖无漏法。不須菩提言。是也。佛言。如來為自化作畜生像。而作佛事。耶。今世尊如來者。化作畜生像。而作佛事。佛言。如是。如來為是畜生受畜生苦。耶。言不也。世尊不受諸苦。佛言。菩薩以受賢聖无漏之法。善權變形教化衆生。如阿羅漢能變化作羅漢事。令衆生歡喜。不須菩提言。世尊能令佛告。須菩提。菩薩已受具足賢聖无漏之法。隨衆生意。而受其形。為衆生作福田。亦不受形苦。佛語。須菩提。譬如幻師。或現為馬。若干變化於意。云何是為是馬。不言不也。世尊。非為馬也。菩薩如是以遍起拘舍羅。祐利衆生。隨類而入。而教化之。以是故。不復受衆苦之惱。須菩提。

白佛言世尊菩薩摩訶薩者善於大方便所以者何謂菩薩具足賢聖無漏之慧所在所在隨其習俗形貌之法安立衆生而為作本世尊菩薩住何善法乃能作是善權方便不與同趣佛言菩薩住於般若波羅蜜者能作是漚沍拘舍羅持是方便為十方恒沙衆生作本而不與同歸何以故亦不見法有能近者亦无有法而汙染者何以故諸法所有皆空故是故空不汙染空空亦不汙人人亦不汙空何以故空空不可得是故無所得空菩薩住於无所得空成阿惟三佛須菩提言世尊菩薩但住般若波羅蜜不復住餘法耶佛告須菩提諸法頗有不入般若波羅蜜者不須菩提言世尊世尊自說般若波羅蜜空无所有云何諸法入般若波羅蜜中世尊空亦无所入亦不入佛報言云何諸法不入諸法空耶須菩提言世尊實空若諸法空者諸法亦不入空須菩提言菩薩行般若波羅蜜云何住於空具足神通之慧以神通慧過

東方恒沙刹土見諸如來殖衆善本  
聽受法教佛報言菩薩行般若波羅  
蜜見恒邊沙諸佛皆空但以名号示  
現其處諸假名号之處皆空若諸刹  
土諸佛不空者空為有偏以空不偏  
故諸法皆空是故菩薩行般若波羅  
蜜以漚沲拘舍羅具足神通便得天  
眼天耳神足知他人意自知所從來  
生死之事菩薩不得神通者不成阿  
耨多羅三耶三菩是故般若波羅蜜  
是菩薩摩訶薩之道當作是求道以  
道天眼自見諸善之法并見餘人住  
於善法亦不入善法何以故諸法皆  
空空無所入亦无有入空者亦無樂  
空者空亦无所樂是故菩薩行般若  
波羅蜜以得天眼見諸法空若無是  
法亦不能作佛事為衆生說法亦不  
得衆生之處以應无所求得神通  
所應作者便能作之菩薩天眼見諸  
十方飛到諸刹祐利衆生或以六度  
或以三十七品或以諸禪惟無或以  
空定或以聲聞辟支佛法或以菩薩  
法或以三耶三佛法為貪嫉者說施

之德說貧苦之法貧者世間之苦尚不能自饒益身何能益餘是故賢者當念惠施既自安隱復安餘人莫以貧故轉相食噉而不能得離三惡趣為犯惡者說戒法言為惡者苦身自陷惡何能安餘犯惡之報不離三苦汝等自墮三惡趣中那能拔餘是故仁者不當恣意莫隨惡趣後自燒身若見衆生有瞋恚意相賊害者為說法言汝等莫爭莫隨恚意入三惡趣為懈怠者說精進法為亂意者說禪定事為惡智者說智慧法婬者為說欲之不淨有邪見者指示正道令住三乘為說法言諸仁者所入者皆無所有空无之法亦不可入空無所入須菩提菩薩行般若波羅蜜住於神通為衆生作善本菩薩不住神通不能為衆生說法譬如衆鳥无有翅者不能高翔菩薩如是不住神通者亦不能為衆生說法是故菩薩行般若波羅蜜當學神通已得神通便能祐利一切衆生以天眼見恒沙國土盡見衆生悉知其意隨高下應而為說



法或說六波羅蜜或說泥洹法菩薩  
天耳聞一一音聲又聞東方恒邊沙  
佛所說教法廣為衆生說如所聞隨  
意為說或說六度或說泥洹以清淨  
意知衆生念自知本末所從來生及  
他人事以是通慧意識過去諸佛如  
來弟子名号皆悉識知又知衆生宿  
命所行而為說法或說六度或說泥  
洹復能飛到恒邊沙剎土往見諸佛  
殖諸善本復還本土淨漏盡之慧復  
以是慧為衆生說法或說六度或說  
泥洹須菩提菩薩行般若波羅蜜當  
知神通如是得淨神通已隨意所欲  
能變其形三界苦樂不能汙染譬如  
佛所化人在所能辦無有苦樂須菩  
提菩薩摩訶薩行般若波羅蜜遊戲  
神通淨佛剎土教化衆生不具神通  
不能教化淨佛國土菩薩不淨佛國  
教化衆生者終不成阿耨多羅三耶  
三菩菩薩支節不具足者便无有道  
須菩提白佛言世尊何等為菩薩支  
節具足而成阿耨多羅三耶三菩佛  
報言諸所善法是菩薩支節何等善

法是菩薩支節報言從發意已來行檀波羅蜜中諸善法不曉施為不能分別於中生念是者可與是不可與分別及念皆空无有持是具足波羅蜜自度彼岸復度他人度脫衆生於生死是為菩薩阿耨多羅三耶三善善法支節過去當來今現在菩薩從是得度亦復持是度脫衆生六波羅蜜亦復如是四禪四等及四空定三十七品十八諸空八惟无九次第禪陀鄰尼門四無尋慧佛十八法是諸善法者菩薩道之徑路具足是已便逮薩云若逮薩云然已便轉法輪

摩訶般若波羅蜜分別品第十四

丹本作分  
別四諦品

須菩提白佛言世尊假令是法是菩薩法者佛法復云何佛報言以是法具足者便逮薩云若慧盡諸習緒菩薩摩訶薩便盡逮覺是菩薩法佛法者以一相慧應一切慧而得正覺是者佛法與菩薩法而有差特須菩提譬如向道已得道者是二輩者皆是賢聖菩薩住於兩際中間佛以過去如來無所著等正覺以是差別須菩

提言世尊假令如佛所言者空无之法為有差別有若干品耶而言是者泥犁辟荔畜生是者人道是者天道是者八數是者辟支佛是者菩薩是者為佛如是諸道無所有行亦无所有如行无所所有者罪福之報亦无所有一佛言如是如是須菩提如汝所言空无之法亦無有行亦无有得須菩提不知空无之法者或作善惡之行有漏無漏由行所致便有三惡趣作善行者便有天道人道於三界中无斷絕時菩薩行六波羅蜜乃至佛十法行菩薩法亦無有瑕是為具足菩薩支節金剛三昧成阿耨多羅三耶三菩阿惟三佛為衆生作厚其厚者終不腐敗而生五道須菩提言世尊成阿惟三佛時為見五道生死耶佛言不也須菩提復問如來為不見善惡法耶佛言不也世尊為不見善見惡耶佛言不也須菩提言若不以是四句云何處有天道人道是三惡道云何處有聲聞辟支佛道處有菩

薩處有佛道佛問須菩提衆生為知  
 諸法相空不若衆生知諸法相空者  
 菩薩終不發阿耨多羅三耶三菩提  
 亦不能度衆生令離惡趣以衆生不  
 知諸法相空故不能得離五道菩薩  
 於諸佛所聞諸法相空是故便發阿  
 耨多羅三耶三菩提凡夫所入之法如  
 來無復有衆生不解空法所作各自  
 得之无有衆生有衆生相無有五陰  
 有五陰相於無為作有為相自无所  
 有作顛倒想以身口意所作顛倒便  
 墮五趣不能得脫菩薩行般若波羅  
 蜜持諸善法皆內於般若波羅蜜行  
 菩薩行以成阿惟三佛持四諦法廣  
 演分別令衆生習之諸善之法三十  
 七品四諦便有三尊其有衆生因三  
 尊者無不得脫離諸勤苦須菩提白  
 佛言世尊衆生得度為用四諦用四  
 諦慧耶佛報言亦不以四諦得度亦  
 不以四諦慧得度我說於四諦得等  
 覺者乃為度脫耳復問世尊何等為  
 四諦之等報言亦無苦亦无苦慧亦  
 无習亦无習慧亦无盡亦無盡慧亦

无道亦無道慧以四諦如及今亦不變異法性之法真際法事有佛无佛常住如故是法不忘不失於諸法不耗減菩薩行般若波羅蜜行四諦逮四諦慧亦當作是覺復問世尊菩薩行般若波羅蜜云何行四諦而覺四諦以覺隨行亦不墮二地而上菩薩位佛報言諸法之要不可得見正使得見亦无所有既無所有見諸法皆空在四諦者不在四諦者皆空无所作是見者便上菩薩位於種性住住種性已不與上爭不墮二地以住種性便起四禪四等及四空定住滅盡定覽知諸法知四諦慧不生苦習盡道因緣但起道意想觀見諸法如須菩提言云何觀見諸法如應佛報言空云何為空報言如自觀身相空作是比觀者為見諸法空不見有法逮覺道者道者無所有亦非佛所作亦非羅漢辟支佛所作亦非行菩薩者所作一切衆生不審是事是故菩薩摩訶薩行般若波羅蜜以遍愍拘舍羅為衆生說法

摩訶般若波羅蜜有無品第八十五

須菩提白佛言世尊假令諸法所有  
无所所有非佛所作亦非羅漢辟支佛  
及菩薩所作云何有諸道分數善惡  
之差別有三惡趣及於人道從四天  
王上至長壽天高下之殊異云何復  
言作是得是行惡者入三惡趣行善  
者得生人道或生天上去何行道德  
須陀洹至得阿羅漢辟支佛作是行  
得菩薩法作是得三耶三菩世尊无  
所有法者亦無作亦无行亦無聲聞  
辟支佛行无有菩薩行亦无有三耶  
三佛行亦無逮薩云若而度脫衆生  
者是事云何佛報須菩提如是如是  
无所所有者亦無作亦无行得凡夫愚  
闇不能得知賢聖之法又亦不知所  
有无所有之法為四顛倒之見侵欺  
作若干行得若干報便有五趣生死  
無所有法亦无有行亦不受於須菩  
提意云何須陀洹乃至阿耨多羅三  
耶三菩為有所有不須菩提言世尊  
從須陀洹乃至于道皆无所所有佛告須  
菩提無所有能逮无所所有法不對曰



不也世尊是故須菩提無所有及道一切諸法亦不合亦不散无有形不可見亦無對一相一相者是無相是故須菩提菩薩摩訶薩行般若波羅蜜遍想拘舍羅見於衆生入於顛倒入於五陰無常有常想苦謂有樂想无我有我想不淨有淨想入於有為苦薩以遍想拘舍羅令衆生離於有中須菩提白佛言世尊衆生所入不離五趣有何因緣尋頗有實要不可佛報須菩提無有无有餘行如毛髮者但以衆生著四顛倒故有五趣耳須菩提諦聽諦聽以是事故我今說之使汝得解於意云何夢中所見五樂自娛有作者不對曰世尊夢尚无所有况有五樂佛言於汝意云何諸法有為無為有漏无漏頗有法不如夢者不答曰世尊一切諸法皆如夢耳無有諸法不如夢者佛言於意云何夢中所見人頗有五趣不无也世尊須菩提夢中人頗有道念有著斷事不對曰無有何以故世尊无形之法無所造處著斷之法亦無有處云何須

菩提鏡有見像頗為有行頗有五趣  
生死報不對曰不也世尊所以者何  
鏡中像者無所有也凡夫為惑自呼  
所有鏡中像者亦无五趣無作无行  
須菩提鏡中像為有道念有著斷不  
對曰無有所以者何无形之法無所  
造作亦无著斷亦無有處佛言於須  
菩提意云何響從山谷出是響頗有  
行作生五趣者不對曰不也何以故無  
形之法无行無作无生五趣者於須  
菩提意云何響頗有道念有著斷不  
對曰無有所以者何无所有之法無  
所造作亦无著斷亦無有處於須菩  
提意云何譬如熱時之焰无有河水  
有河水想无有城郭有城郭想無有  
園觀有園觀想於意云何是焰寧有  
所作有五趣不對曰焰無所有但惑  
愚夫之眼但有像耳須菩提是焰頗  
有道念有著斷不對曰无有無形之  
法无所造作無有著斷亦无處所須  
菩提譬如幻師化作鳥馬或作人衆  
若干種現是化人頗為有行有五趣  
不對曰無有何以故幻无形故須菩

提幻人所化頗有道念有著斷不對  
曰無有无形之法無所造立亦无著  
斷亦無處所須菩提如來所化寧有  
行作有五趣不對曰无有何以故化  
無所有故須菩提化有道念有著斷  
不對曰不也無形之法无有道念亦  
無著斷亦无處所於須菩提意云何  
是諸法頗有著斷不對曰不也無有  
著斷佛言假令無著斷者是為无有  
著斷何以故衆生但住於吾我便有  
著斷審見諦者不著不斷衆生所見  
不審諦故便有著斷  
放光般若經卷第十九

丁酉歲高麗國大藏都監奉  
勅彫造

放光般若經卷第二十

重

西晉于闐國三藏無羅叉奉

詔譯

摩訶般若波羅蜜諸法等品第六

須菩提白佛言世尊其審諦者不著  
不斷不審諦者亦不著不斷所有无  
所有無著无斷審諦不審諦俱不著  
不斷是事云何佛報須菩提言以諸  
法等故我言斷世尊是何謂佛報言  
有佛无佛如及余法性真際法事初  
不變異常住如故是名為斷但以俗  
為名号有言有教俗之音聲雖有言  
教皆無所有須菩提言世尊假令諸  
法如夢如響如鏡中像如野馬如幻  
如化者菩薩云何於空无之法發阿  
耨多羅三耶三菩提言我當具足六  
波羅蜜具足神通具足慧度四禪四  
等及四空定三十七品及三脫門具  
足八惟無九次第禪言當具足十力  
佛十八法言當具足三十二相八十  
種好言當具足陀鄰尼門云何言我  
當作光明普照窈冥之處云何知衆  
生意如為說法耶佛言須菩提於意

云何如汝所問為如幻如化不須菩提言假令諸法如夢如幻菩薩云何行般若波羅蜜世尊夢以幻化非真實者不真實法不能行六波羅蜜乃至十八法亦不能行佛言如是如是如汝所言夢化不行六波羅蜜不能成阿耨多羅三耶三菩是法皆為是有為想法有為想之法亦不可得薩云若是法亦復是道亦復是泥洹以是法無所生无有相以是故菩薩初發意以來習諸善法六波羅蜜乃至十八法知是法以如夢如化不具足六波羅蜜十八法者亦不能教化衆生菩薩習諸善法觀諸法如夢如化菩薩觀般若波羅蜜觀薩云若觀衆生亦復如夢如化菩薩行般若波羅蜜不於中受形及幻化法不於中受形言當逮薩云若菩薩行般若波羅蜜无所取於十八法亦無所取菩薩知諸法無所取故逮阿耨多羅三耶三菩何以故諸法无形故無所取不可持无所取法而有所得亦不見是法是故菩薩為衆生故發阿耨多羅

三耶三菩從發意以來行六波羅蜜  
但為一切不自為身菩薩起阿耨多  
羅三耶三菩意者但為衆生故以衆  
生無所有以衆生有衆生想不見有  
見想不知有知想是故菩薩於顛倒  
中拔出衆生於甘露地斷諸習想須  
菩提菩薩行般若波羅蜜以遍起拘  
舍羅於諸法无所入建立衆生於無  
所入但以俗數非第一義須菩提言  
世尊如來所逮覺法為以世俗數為  
以第一義佛報言如來者以俗數得  
逮覺亦无有法有所得者所以者何  
若言我得道者是為大耻若有二者  
亦無逮亦无覺復問世尊假令有三  
不逮覺者為從一得逮覺耶佛報言  
亦不從二亦不從一逮覺者亦不一  
亦不二不一不二則是逮覺所以者  
何逮覺者為戲則為貢高等覺者无  
戲亦無貢高須菩提言世尊諸法所  
有皆无所有云何是等正覺佛報言  
亦不有有亦不無无亦無言說是則  
等覺等覺法者亦無言說亦无有法  
說等覺者等覺者以過於諸法凡夫



愚人去等覺遠復問世尊如來為離  
覺法遠耶佛報言等正覺者非衆聖  
賢聲聞辟支佛菩薩及佛之處復問  
世尊如來於諸法中得自在耶佛報  
言凡夫之等及聲聞辟支佛及如來  
皆共一等覺一等覺者亦無有二亦  
无凡夫亦無三耶三佛乃至如來亦  
無若干須菩提言世尊假令於等覺  
由无有分數者凡夫聲聞辟支佛無  
有差別佛言如是如是凡夫乃至三  
耶三佛無有差別假令凡夫乃至三  
耶三佛无有差別者何以故有三尊  
佛言於須菩提意云何佛寶法寶比  
丘僧寶等覺異耶對曰如我從世尊  
所聞三寶及等覺無有異三寶及等  
覺亦不合亦不散无有形亦不可見  
一相无相為無相法作數作處者則  
為有近有處佛告須菩提如來无所  
著等正覺得阿耨多羅三耶三菩提  
為諸法作處便知有三惡趣知有人  
道知有三十三天便知三十七品乃  
至内外空及所有無所有空知有十  
八法是故須菩提是為如來大士之

所美特不動於等覺法為諸法立處  
須菩提言世尊如世尊於等覺不動  
耶凡夫聲聞辟支佛於等正覺亦復  
不動佛法凡夫法聲聞辟支佛法及  
如來法為一法耶及无形法色法痛  
想法行法識法異耶眼法耳法鼻法  
舌法身法意法有異耶地水火風識  
空法有異耶蠕怒癡法有異耶六十  
二見有異耶四禪四等及四空定法  
有異耶三十七品法三脫門法內外  
空及所有无所有空法八惟無九次  
第禪四無畏四元尋慧十力佛十八  
法有為无為法是諸法皆有名云何  
處不可得若菩薩不住是處不分別  
諸法菩薩終不能行般若波羅蜜行  
般若波羅蜜菩薩遊諸十處今乃上  
菩薩位便過二地已過二地具足神  
通於諸神通具足五波羅蜜遊諸佛  
刹供事諸佛殖眾善本持是功德教  
化眾生淨佛國土佛告須菩提汝所  
問如來及凡夫法及二地法云何作  
是問於汝意云何五陰空法及如來  
法為有異耶須菩提言等空佛言於

空可見无相法不五陰相及佛相為  
可見不須菩提言世尊不可見也是  
故須菩提諸法之法亦無有凡夫亦  
不離凡夫亦非如來法亦不離如來  
法復問世尊是法為是有為法為是  
无為法佛言亦不離無為而得有為  
法亦不離有為法而得无為法須菩  
提有為法无為法一法無二亦不合  
亦不散無有形不可見一相一相者  
无相以俗數故有所作耳非寂第一  
義寂第一義非身口意所作亦不離  
身口意得第一義以諸法之等是故  
第一義菩薩行般若波羅蜜亦不得  
寂第一義而行菩薩事

摩訶般若波羅蜜諸法妙化品第七

須菩提白佛言世尊假令諸法等空  
於諸法无所作云何菩薩行般若波  
羅蜜不得寂第一義而行菩薩事為  
衆生作四恩耶佛告須菩提如汝所  
言空者亦無有作亦无不作若衆生  
知空者无有如來及佛境界不動於  
空度諸吾我有四大相度諸五陰有  
知見相度諸十二衰相度諸有為相

建立不有為界是不有為之性空云  
何為空佛報言於諸相空幻師所化  
作人空不幻化及空不合不散以空  
空空空及化人無能別者何以故俱  
空故須菩提五陰无不空者以空故  
作是說言五陰空復問世尊世俗之  
法如幻道法亦復如幻耶假令道法  
是幻者從三十七品乃至佛十八法  
及三乘法亦復如幻行三乘者亦復  
如幻佛報言是諸法化誰所化為是  
聲聞辟支佛所化耶是菩薩佛之所  
化耶是諸習緒所化是行所化對曰  
無有化者佛言是故諸法如化復問  
世尊須陀洹至羅漢辟支佛所滅及  
佛諸習緒滅亦復如化耶佛報言諸  
有所生者滅者皆悉如化復問世尊  
何等法不如化者佛報言不起不滅  
是則非化復問世尊何等不起何等  
不滅非是化耶佛報言泥洹非化須  
菩提言世尊常說空不動轉無有雙  
法無不空者是故泥洹亦復如化佛  
言如是如是一切皆空亦非聲聞辟  
支佛所作亦非菩薩佛之所作審空

者是泥洹復問世尊於空過去人行  
當云何入云何學云何說佛報言於  
須菩提意云何但有過去世無有當  
來世耶

摩訶般若波羅蜜薩陀波倫品第十八

佛告須菩提菩薩摩訶薩欲求般若  
波羅蜜者當如薩陀波倫菩薩今現  
在在雷音如來無所著等正覺佛所  
常修梵清淨之行須菩提白佛言世  
尊薩陀波倫菩薩云何求般若波羅  
蜜佛報言薩陀波倫菩薩求般若波  
羅蜜時不惜身命不望供養不求名  
稱常在寂處聞空中之聲言住善男  
子莫起疲厭睡卧之意莫念食飲莫  
念晝夜莫念寒熱莫令意著於內外  
莫左右顧視行時當作是意當如不  
行於身五陰莫有起相何以故有起  
相者便於佛法有稽留尋有留尋者  
便在生死苦在生死苦者不能逮得  
般若波羅蜜今時薩陀波倫報空中  
聲言我當從教何以故我欲為衆生  
而作大明廣宣佛法我欲得阿耨多  
羅三耶三菩作是語已便聞空中聲

言善哉善哉善男子欲聞於空无相  
無願之法當求索般若波羅蜜當離  
相念當離命見當離人見當遠離惡  
知識當與善知識從事當供養真知  
識當為汝說空无相無願之法當說  
无生不滅之法當勸助人求薩云若  
作是行者聞般若波羅蜜不久或從  
經中間或從菩薩摩訶薩口聞善男  
子所從得聞般若波羅蜜處當視其  
人如世多羅汝於法師當修反復莫  
得背恩所從聞般若波羅蜜處則是  
真知識得聞經已便得阿耨多羅三  
耶三菩不復動轉當自念言我去諸  
如來无所著等正覺不遠所生之處  
常值諸佛常當遠離八不閑處當得  
八樂之處持是德行當敬法師如敬  
世尊莫以世俗冀望之意於法師所  
當起法想恭敬之想冀望想者當知  
魔事若魔波旬或持五樂或以細滑  
色聲香味來貢法師法師以漚沤想拘  
舍羅欲度衆生能為受之汝若見者  
莫起汙意但當念言我未得是漚沤想  
拘舍羅如法師所行菩薩已逮漚沤想



拘舍羅者無所罣碍如金剛无所不入不受塵垢當以一調法行而觀法師何等為一調法行謂諸法无著無断何以故諸法皆空无我無人壽命譬如幻化熱時之焰當作是觀法師導師作是觀者令得般若波羅蜜不久善男子當護魔事善男子若至法師所不見法師莫起尋意當以法故恭敬法師尔時薩陀波倫聞空中聲已於是東行東行不久意中念言向者不問我當於何去去是幾所當從誰聞於是大哭哭已念言我今於是不復飲食不復動轉從一日至七日不聞般若波羅蜜終不起佛告須菩提譬如長者有一子其子而死父母悲哀无復他念但念其子須菩提尔時薩陀波倫一無復餘念但念般若波羅蜜亦復如是作是哭時於前便有如来之像三十二相八十種好其佛歎言善哉善哉善男子過去諸如來无所著等正覺行菩薩時索般若波羅蜜亦如是持是勇進之意從是東行去是二万里國名香氏其城

郭以七寶七重遶城池水周流十重  
 有七寶樹羅列重行及七寶塹其城  
 縱廣四百八十里其國豐樂人民熾  
 盛所有服飾珍寶異妙其城中有五  
 百欄楯街巷市里行伍相當以諸雜  
 寶金銀錯塗懸繒幢幡辟如天錦城  
 上臺觀樓閣<sup>阨</sup>皆七寶作城上寶  
 樹行列奇好復以閭浮檀金為交露  
 盖以七寶鈴懸其樓閣風起之時吹  
 其鈴聲其音和雅辟如天樂其有衆  
 生聞鈴音者以自娛樂遶城池水冷  
 煖和通常滿不減其池水中有七寶  
 船其人乘船遊戲池水中其人宿命  
 有福功德而得致是其池水中有波  
 曇花分陀利花拘文羅花優鉢利華  
 復有餘花雜種異色數千百種三千  
 大千國土所有妙花無不在彼順遶  
 其城各有五百廬觀亦七寶作姝好  
 嚴事一一廬觀有五百池水其池縱  
 廣各二十里亦以七寶雜色妙花其  
 花大如車盖其花五色青黃赤白紅  
 各自分明其池中有鳬鴈鴛鴦孔雀  
 鵝鵲異類奇鳥數千百種其城廬觀

所有寶物亦无有主亦無守者以其國人宿福所致常習行般若波羅蜜故是以長夜受是福德善男子彼有菩薩名法上在其國中央有宮殿舍廣縱四十里皆以七寶作宮牆七重所有欄楯七寶之樹園觀浴池亦復七重其樓閣欄楯宮殿門閤皆是七寶雕文刻鏤七重法上宮裏有四廬觀一名常樂二名除憂三名雜花四名雜香一一廬觀有八池水一名曰賢二名賢妙三名曰樂四名妙樂五名吉祥六名吉上七名曰除八名不還其池四邊邊各一寶金銀琉璃水精純以紫磨黃金為底以金羅網為蓋其二池中金為梯陞種種雜色車渠瑪瑙衆寶雜成其梯陞兩邊復以紫金為芭蕉樹其花柔軟隨風委靡其池水中亦有雜花如上所有順池水邊又有花樹風吹諸花墮池水中便如根生其池水香如天梅檀法上宮中有六万八千夫人姝女圍遶娛樂香氏城中男女皆來會於常樂池觀共相娛樂其化佛言善男子是

法上菩薩與其眷屬共相娛樂以三時說法香氏城中衆人為法上菩薩施設法座於城中央金銀水精琉璃為座細軟却波育以為其蓐以天雜香而著其蓐其座高十里當其座上有諸男女把持垂珠又散名花燒諸名香何以故敬於法故法上菩薩坐其座上以般若波羅蜜為衆生說法化佛復言善男子香氏國人恭敬奉事法上菩薩其像如是有若干百千諸天來會聽受般若波羅蜜中有書者中有諷者中有口受者中有念者中有寂然念行之者國中衆生皆是阿惟越致於阿耨多羅三耶三菩不復動還善男子汝從是東去到法上菩薩所可得聞般若波羅蜜是法上者是汝前世真知識也常勸助汝於阿耨多羅三耶三菩法上菩薩本求般若波羅蜜時亦如汝今往善男子晝夜莫斷於念得聞般若波羅蜜不久小時薩陀波倫聞是語已踊躍歡喜言我何時當得見法師從受聞般若波羅蜜佛告須菩提譬如有人被

重毒箭無有餘念但念言我何時當  
得良師拔我毒箭令其處愈薩陀波  
倫无復餘念但欲得見法師從聞般  
若波羅蜜聞般若波羅蜜已滅諸倚  
著今時薩陀波倫菩薩即見諸法無  
罣碍慧得无量三昧門其三昧名曰  
見諸法所有三昧於諸法無所得三  
昧降伏諸無智三昧得諸法无差別  
三昧得於諸法无變異三昧諸法無  
所有無所聚三昧滅諸冥三昧於諸  
法次第无異三昧於諸法無所見三  
昧散花三昧得如是比無量種種三  
昧門住是三昧已見諸十方无央數  
佛以般若波羅蜜為諸菩薩說法今  
時十方諸佛皆讚歎言善哉善哉善  
男子我等本為菩薩時索般若波羅  
蜜亦復住是三昧所得如是得是三  
昧已入於般若波羅蜜亦復如是便  
成就遍恕拘舍羅立於阿惟越致法  
我等得是三昧時亦不見有法行三  
昧者離三昧者亦不見行道者亦不  
見逮阿惟三佛者般若波羅蜜者無  
有貢高善男子吾等住於不貢高故

得金色身三十二相无限之光得不  
思議慧寂無上覺三昧佛智具足逮  
諸功德諸佛所不能平量不能盡說  
何況聲聞辟支佛是故善男子於是  
法中當倍加敬善男子有志有進得  
阿耨多羅三耶三菩亦无有難善男  
子於真知識當起恭敬愛樂之意如  
視世尊菩薩得真知識者疾得阿耨  
多羅三耶三菩今時薩陀波倫菩薩  
白諸佛言我常所敬真知識者為是  
何誰諸佛報言法上菩薩世世常以  
阿耨多羅三耶三菩用教授汝法上  
菩薩常以般若波羅蜜具足遍起拘  
舍羅是者則是汝之尊師是真知識  
卿善男子取法上菩薩以頂戴之從  
劫至劫若至百劫以三千大千剎土  
所有以用供養尚未能報須臾之恩  
聞是尊法其福難報使汝得般若波  
羅蜜遍起拘舍羅之利故是諸如來  
无所著等正覺說是已忽然不現今  
時薩陀波倫於三昧起四向願望意  
自念言是諸如來從何所來去至何  
所作是念已惆悵不樂復更念言法



上菩薩常行般若波羅蜜遍起拘舍  
羅捻持諸陀鄰尼門於諸法得自在  
已從過去佛而作功德是我真師我  
當以問法上菩薩是諸如來從何所  
來去至何所於是薩陀波倫菩薩念  
法上菩薩恭敬愛樂豫加謙恪今我  
又貧無有珍寶香華奇異貢尊之具  
以般若波羅蜜故供養法上菩薩者  
不可空往至法上所我有恭敬而无  
所有不如賣身供養般若波羅蜜及  
師前後以來壞身不少今故不滅前  
後壞身坐媼怒癡更諸苦痛亦不為  
法亦不為師但為貪欲五陰六衰今  
時菩薩道逕一城大喚呼言我欲自  
賣誰欲買我者時魔波旬意自念言  
今是菩薩用般若波羅蜜故自賣其  
身欲以供養法上菩薩欲得聞般若  
波羅蜜遍起拘舍羅菩薩云何行般  
若波羅蜜疾得阿耨多羅三耶三菩  
聞已必當恭敬稽受我不敗壞者當  
教無數百千菩薩及諸衆生過我境  
界今我當往壞之波旬即使舉國男  
女不見其形不聞其聲今時薩陀波

倫賣身不集愁憂啼哭言我甚為劇  
欲自賣身供養於師而不能集時釋  
提桓因意念言今是菩薩以般若波  
羅蜜故欲供養法上菩薩我今試往  
看視其人為用法故頗有諛諂時釋  
提桓因化作年少梵志至菩薩所問  
薩陀波倫言善男子何以不樂愁憂  
啼哭報言年少我用法故欲自賣身  
供養尊師而永不集無問我者是以  
哭耳自念薄德无財寶物可供師者  
今時年少謂菩薩言我不用人我今  
祠祀欲得人血欲得人髓欲得人心  
能與我者益與卿寶是時菩薩歡喜  
報言我得善利年少買我心髓及血  
與我財寶得供養師使我得聞般若  
波羅蜜及遍起拘舍羅真得我願年  
少重問言卿賣髓血及心為索幾許  
菩薩報言隨年少意與我多少薩陀  
波倫便以右手自刺左臂出血與之  
復欲破骨出髓時城中有一長者女  
過於魔行魔不能屈時長者女於樓  
觀上遙見菩薩乃自刑我今當下  
問其意故時長者女即下來到菩薩

所問言男子何為乃尔酷毒自割用  
是血為復欲破骨薩陀波倫報長者  
女言欲與少年賣得財寶供養於師  
欲聞尊經般若波羅蜜時長者女語  
菩薩言供養於師當得何等奇特功  
德菩薩報言師當教我般若波羅蜜  
遍起拘舍羅語我菩薩所行法則我  
當得學為諸衆生廣作橋梁成阿耨  
多羅三耶三菩阿惟三佛我身當得  
三十二相八十種好無上之光得四  
等意四无所畏佛十種力及十八法  
逮六神通不思議淨戒成作佛已得  
无尋之慧當得無上之寶除一切貧  
我當得是如此之法時長者女聞是  
語已踊躍歡喜語菩薩言善哉善哉  
賢者甚奇甚特乃說如是微妙之法  
重言賢者以是一法當索无数恒邊  
沙法所以者何是法甚深用微妙故  
卿善男子所欲得者莫自疑難欲得  
琉璃摩尼雜寶真珠金銀琥珀梅檀  
名香繒幡花盖恣意所得今當與仁  
可持供養法之尊師莫尔自割毀壞  
其身今我亦欲往至彼所與卿相隨

共殖善本如卿屬所可說者我志欲得時釋提桓因即滅年少梵志形還復釋身住薩陀波倫菩薩前讚歎言善哉善哉善男子如卿建志過去諸如來無所著等正覺行菩薩道求般若波羅蜜遍起拘舍羅成阿惟三佛亦如賢者今日我亦不用人心髓及血我欲相試故來到是欲得何願薩陀波倫報言我不用餘與我阿耨多羅三耶三菩願釋提桓因報言善男子是佛之境界非我所辦更索餘願多少福我菩薩報言假令大願非卿境界者復我身體使无瘡癰以是相福適作是語薩陀波倫身復如故於是帝釋忽然不現時長者女語菩薩言隨我共歸見我父母并報父母隨卿所欲供養之具當相給與我亦當去侍從左右至法上所念時薩陀波倫隨長者女往到其家在門外住長者女入白父母言今當與我金銀珍寶琉璃摩尼名香栴檀花盖幢幡雜色異衣供養之具及諸奇異及五百侍女欲以法故隨薩陀波倫菩薩

行至香氏國法上菩薩所欲聞尊經  
佛所有諸法我當得之度脫衆生父  
母問女言薩陀波倫今為是誰女重  
白言是人今在門外住發堅誓之願  
欲求阿耨多羅三耶三菩欲為衆生  
故救無極之苦有大妙法名般若波  
羅蜜是諸菩薩所應學者是善男子  
但為是法故自賣其身不惜軀命而  
自割截欲以供養大師法上是人至  
誠感致帝釋我見是變就徃問之有  
何奇特惡自割刺便報我言賣與年  
少欲得財物供養我師我當得佛三  
十二相八十種好當轉法輪度脫衆  
生我聞是已甚大歡喜誰聞是法而  
不樂者我便許之當與珍寶供養之  
具隨侍左右是故父母當給與我珍  
寶所有及諸侍女父母謂女如汝所  
言是人甚奇精進乃尔不惜身命欲  
求不思議之法如汝所言是善男子  
必能辦无上之法安隱衆生建立大  
誓僧那僧涅我當云何違汝是願欲  
得徃見供養法上菩薩者隨汝意願  
我代汝喜自否年老不能得行恣汝

所欲珍琦寶物我終不斷一切之願  
尔時女取五百乘車以七寶校飾及  
五百侍女莊嚴自副種種諸花雜色  
寶衣如上所有載以自重薩陀波倫  
別載一車與五百女人圍遶相隨於  
是東行稍稍引道遙見香氏城郭七  
寶玄黃珍琦衆妙未曾所有如上所  
說復遙見其城中央法上菩薩與諸  
大衆數百千万圍遶說法遙見是已  
甚大歡喜其身安隱辭如比丘得第  
四禪又自念言我今不可於車上載  
當下步耳即與長者女及五百女人  
圍遶而前入城門裏見七寶臺以赤  
梅檀而校飾之真珠交露其臺四角  
有四寶覺盛摩尼珠晝夜常明有寶  
香鑪常燒名香晝夜常香當臺中央  
有七寶塔又以四色之寶作函以紫  
磨金薄為素書般若波羅蜜作經在  
其函中又以七寶為織成幡牙相叅  
校其色上妙隨風繽紛薩陀波倫及  
五百女人見是七寶交露之臺見釋  
提桓因與諸天子持天曼陀羅華及  
天雜色梅檀名香擣以為末其細如



塵於虛空中供養散其臺上又鼓天樂而供養之。尔時薩陀波倫遙問釋提桓因：汝何為供養以華散是臺？為於是釋提桓因報薩陀波倫言：卿善男子，為不知耶？是般若波羅蜜者，生諸菩薩一切菩薩當於是學，當成諸波羅蜜功德具足。諸佛法逮薩云：若以是故我等而供養之。薩陀波倫聞是倍喜，復問釋提桓因言：般若波羅蜜為在何所？釋提桓因報言：在臺中央七寶函中。法上菩薩以七寶印印之。汝等及我不得妄見。尔時薩陀波倫長者女及五百女人各各取諸名華、名香、栴檀、雜寶、琉璃、摩尼供養般若波羅蜜，已別留一分持至法上菩薩高座所，復以法故供養法上大師所散諸華。當法上菩薩上化作七寶臺，止於虛空所散名華皆雨於法上菩薩所散雜色寶衣在其臺上有化天人以手把持天幡而垂之。薩陀波倫及五百女人見是變化，各念言：是法上菩薩摩訶薩所化，乃尔是未曾有何况當成阿耨多羅三耶三菩阿

惟三佛時長者女及五百女人見法  
上菩薩歡喜踊躍皆發阿耨多羅三  
耶三菩意同時歎言持是功德得於  
法利亦當如是令我曹得供養般若  
波羅蜜如法上菩薩我等亦當廣宣  
般若波羅蜜以度衆生亦如法上菩  
薩願我等得般若波羅蜜成就遍起  
拘舍羅所作變化逮阿耨多羅三耶  
三菩於諸法得自在當如法上大師  
今時薩陀波倫及長者女五百女人  
供養已訖前以頭面著地為法上作  
禮却住一面以恭敬意义手白法上  
菩薩言我昔於寂靜之處聞空中聲  
言善男子從是東行可得聞般若波  
羅蜜我即東去中道念我當從誰得  
聞般若波羅蜜愁憂帝哭默住一處  
七日不念飲食但念何時當得般若  
波羅蜜今時便有化佛在我前住即  
告我言善男子持是精進勇意從是  
東行二万里有國名香氏有菩薩名  
法上常說般若波羅蜜汝可從聞是  
汝真師我從化佛聞是教已即便東  
行遙見大師意中歡喜踊躍安隱辟

如比丘得第四禪以念般若波羅蜜  
故便得无量三昧即見十方諸佛讚  
歎我言善哉善哉汝所得三昧者皆  
從般若波羅蜜生我本行菩薩時索  
般若波羅蜜時亦復如是讚歎我已  
便不復現我三昧覺已自念諸佛從  
何所來去至何所復大愁憂我復念  
言法上大師以般若波羅蜜起拘舍  
羅於諸法得自在我當往問師十方  
諸佛何所從來去至何所今日大師  
為我解說諸如來所從來往願欲  
知之我等聞已常見諸佛不離世尊  
摩訶般若波羅蜜法上品第十九

於是法上菩薩摩訶薩報薩陀波倫  
菩薩言善男子諸如來常不動搖亦  
不去亦不來如來者如如無所起滅  
不起者亦不來亦不去不生者是如  
來善男子真際者亦不知來時亦不  
知去時真際者則如來虛空者亦无  
來亦無去空者則如來真諦者亦不  
知來時亦不知去時真諦者則如來  
无為者亦不來亦不去無為者則如  
來滅盡者亦無來亦无去滅盡者則

如來善男子如來者不離是法此諸  
法者則是如來之如善男子如者一  
無有二亦不三亦无若干之數以法  
空故善男子譬如春節已過夏盛熱  
時熱有猛焰愚夫逐之謂為是水追  
之不息呼當得水於賢者意云何是  
人所逐水者為從何所來從東海西  
海南海北海從何海來薩陀波倫菩  
薩對曰熱時焰者尚非是水何況從  
海而有來往法上復言善男子彼凡  
夫為熱渴所迫而起水想追逐疲勞  
竟不得水諸有起想謂諸如來有往  
來者亦是凡夫與彼无異所以者何  
莫以色身而觀如來如來者法性法  
性者亦不來亦不去諸如來亦如是  
無來无去善男子譬如幻師化作烏  
馬車乘謂呼是幻有來往者皆是愚  
夫諸謂如來有來往者亦是凡夫所  
以者何法性者亦無來亦无去薩陀  
波倫白法上言夢幻所見悉空無實  
皆无所有法上報言善男子如來无  
所著等正覺說言諸法皆亦如夢有  
於夢幻法有實相者不知如來但入

如來名色身耳便作如來來往之相  
 是輩皆是無智凡夫是輩凡夫於生  
 死道當有反數離般若波羅蜜大遠  
 於諸佛法亦遠於諸夢幻法知諸法  
 如夢幻者為識如來於諸法不求有  
 來往之相亦不求諸如來有生有滅  
 諸有知如來無來無往不生不滅者  
 為近阿耨多羅三耶三菩不久是為  
 行般若波羅蜜是則為佛之弟子是  
 輩人應食國中施為世間之福田善  
 男子譬如大海所有名寶不從十方  
 國土而來以人福故海生此寶不為  
 無緣因緣故生是寶滅時亦復不至  
 十方從因緣起從因緣滅亦不從十  
 方有來有往者善男子諸佛身者有  
 行因緣便得合成本行所致亦不用  
 行往至十方若使無行無因緣合者  
 若無因緣亦無有身也善男子譬如  
 笙篴以因緣故有絃有柱有人鼓之  
 音聲來往聲音斷時亦無來往是聲  
 出時亦無從來滅亦無所至欲知佛  
 身亦復如是是有無量之德不以一事  
 成皆有因緣而共合成不離因緣而

有去來善男子當知諸佛亦元來往一切諸法皆復如是亦不生滅汝知是已必至阿耨多羅三耶三菩必究竟般若波羅蜜遍想拘舍羅今時釋提桓因以天曼陀羅花與薩陀波倫持是供養法上菩薩當福於我所以者何一切衆生當蒙仁者之恩當得阿耨多羅三耶三菩仁者上士世間少有甚難得值乃爲衆生執勞無央數劫都不以爲勞時薩陀波倫受釋提桓因曼陀羅花用散法上菩薩散已白言從今以去持身奉上於師供給所當叉手却住一面今時長者女及五百侍女白薩陀波倫菩薩言願得以身奉上大師給所當得持是功德令得法利如今大師當與大師常共供養諸佛世尊今時薩陀波倫告長者女及五百侍女汝等隨我教者我當受汝諸女報言身命自師不敢違教薩陀波倫菩薩白法上菩薩言願持身自上及五百女人及五百乘車一切所有以上大師哀我曹等願當受之今時釋提桓因歎言善哉善



哉發菩薩意者當持所有如賢者所  
為菩薩如是施者疾得阿耨多羅三  
耶三菩作是恭敬承事師者疾可得  
聞般若波羅蜜遍起拘舍羅過去諸  
如來無所著等正覺皆悉如是捨意  
布施得般若波羅蜜遍起拘舍羅成  
阿惟三佛今時法上菩薩即受薩陀  
波倫及長者女五百侍女及五百乘  
車所有珍寶盡為受之欲使薩陀波  
倫成其功德雖受之還持與薩陀波  
倫菩薩時日已冥法上菩薩從高座  
起還入宮中今時薩陀波倫意念言  
我為法來不宜坐卧當以二事須師  
來出一者經行二者住立時法上菩  
薩入宮中正坐以般若波羅蜜遍起  
拘舍羅行無央數諸三昧至于七歲  
薩陀波倫亦七歲不坐不卧常經行  
住立不起三垢无諸欲味但念法上  
菩薩何時當出為我說般若波羅蜜  
七歲已後薩陀波倫意中念言我當  
為師莊嚴高座種種名花燒諸名香  
以待法師當為大眾說般若波羅蜜  
薩陀波倫及五百女人各各布坐身

上好衣諸名統綖柔軟細疊以布坐上薩陀波倫即行索水欲以灑地了不能得是魔波旬之所蔽隱令水不現欲壞菩薩令起亂意不欲使成阿耨多羅三耶三菩薩陀波倫意復念言我當自刺其身出血以用灑地所以者何恐地有塵來妨師故我不當惜是危脆之身所以者何前後以來无央數劫棄是身體不可復計初未值是無上之法於是薩陀波倫菩薩即取利刃刺身血出持用灑地五百女人各各亦尔尔時波旬不能得其便尔時釋提桓因念言是薩陀波倫菩薩及五百女人甚可奇特貪德乃尔不惜身命恭敬法師是魔波旬雖欲壞之不能得便乃尔堅固誓於僧郝不惜身命於阿耨多羅三耶三菩薩欲度衆生无限之苦是時帝釋讚言善哉善哉賢者精進不可思議為無上之願過去諸佛本所行時精進如是薩陀波倫意中念言我今為師布坐已訖當於何所得好名花法師出時當散其上尔時帝釋知其所念便

以天上曼陀羅花千石與菩薩言持  
是供養師并可散地即取其花分布  
散地分留一分七歲已後法上菩薩  
從宮中出往詣高座薩陀波倫及五  
百女人即持天花逆散法上頭面作  
禮却坐一面法上菩薩告薩陀波倫  
菩薩卿善男子諦聽諦受善思念之  
於是薩陀波倫菩薩受教而聽諸法  
等如金剛等諸法寂諸法等寂不動  
故般若波羅蜜等寂不動亦如金剛  
諸法无倚諸法不忌諸法一味故般  
若波羅蜜亦無所倚諸法一味不忌  
諸法不生諸法不滅諸法如空故般  
若波羅蜜不生不滅亦如虛空五陰  
无底無邊際諸法无底四大無底故  
般若波羅蜜亦無有底空无有邊際  
大海無有邊諸法无邊際故般若波  
羅蜜亦无邊際譬如須弥山種種嚴  
好般若波羅蜜亦復如是諸法無所  
破壞諸法不可得見諸法无所受諸  
法無所有諸法不可思議故般若波  
羅蜜无所受破壞亦不可得亦無所受  
亦無所有不可思議亦復如是今時

薩陀波倫菩薩便於座上得諸法等  
三昧諸法寂三昧不動三昧無倚三  
昧無畏三昧一味三昧无生三昧無  
滅三昧虛空三昧五陰無底三昧諸  
法無底三昧四大无邊三昧虛空性  
三昧如海三昧如須弥山三昧金剛  
三昧无所破壞三昧無所得三昧无  
所受三昧無所有三昧不可思議三  
昧如是等三昧得六万三昧門

摩訶般若波羅蜜勸累品第九十

佛告須菩提今時薩陀波倫菩薩得  
六万三昧已便見十方如恒邊沙三  
千大千國土見諸如來无所著等正  
覺及比丘僧大衆圍遶說般若波羅  
蜜如我今日為汝等說般若波羅蜜  
十方諸佛亦復如我字釋迦文薩陀  
波倫菩薩多聞具足其智如海不離  
諸佛所生之處在諸佛前若於夢中  
未曾離佛諸難已斷已得自在是故  
須菩提當知般若波羅蜜為諸菩薩  
摩訶薩致薩云若菩薩欲學六波羅  
蜜者欲得諸佛境界一切智者當學  
行般若波羅蜜當受當持當諷誦讀

廣為人說解其中事亦當供養所有  
名花香繒綵花蓋若干方便當供  
養之所以者何般若波羅蜜者是諸  
佛所尊是尊道之御佛告阿難於汝  
意云何汝為尊重愛敬如來不阿難  
對曰唯然世尊愛敬如來如來自知  
佛語阿難汝實愛敬於如來阿難汝  
前後侍我以來汝身口意常有善慈  
今吾年以老矣弟子所應供養者汝  
以為畢不為不畢從今以往當恭敬  
承事般若波羅蜜世尊於是從一至  
三如是囑累於般若波羅蜜所以慇  
懃鄭重者何欲令不斷故若般若波  
羅蜜斷者一切衆生永為盲冥若般  
若波羅蜜在世不斷絕者諸佛如來  
亦不斷絕若般若波羅蜜有斷絕者  
諸佛如來亦當斷絕阿難般若波羅  
蜜住於世者當知如來常在說法一  
切衆生不離佛會不離說法阿難是  
般若波羅蜜若有書持諷誦念守習  
行解說其義供養經卷復教他人書  
持諷誦廣為說者當知是人常與佛  
俱不離諸佛佛說是時弥勒菩薩耆

年須菩提尊者舍利弗大目犍連分  
釋文陀尼子摩訶拘絺羅摩訶迦梅  
延賢者阿難一切會者諸天阿須倫  
聞佛說已皆大歡喜前為佛作禮  
放光般若經卷第二

戊戌歲高麗國大藏都監奉  
勅彫造



摩訶般若波羅蜜經卷第一

芥

後秦龜茲國三藏鳩摩羅什譯

序品第一

如是我聞一時佛住王舍城耆闍崛  
山中共摩訶比丘僧大數五千分皆  
是阿羅漢諸漏已盡无復煩惱心得  
好解脫慧得好解脫其心調柔軟摩  
訶那伽所作已辦棄擔能擔逮得已  
利盡諸有結正智已得解脫唯阿難  
在學地得須陀洹復有五百比丘尼優婆  
塞優婆夷等皆得聖諦復有菩薩摩  
訶薩皆得陀羅尼及諸三昧行空無  
相无作已得等忍得無閼陀羅尼悉  
是五通言必信受无復懈怠已捨利  
養名聞說法無所怖望度深法忍得  
无畏力過諸魔事一切業障悉得解  
脫巧說因緣法從阿僧祇劫以來發  
大誓願顏色和悅常先問訊所語不  
麤於大衆中而無所畏無數億劫說  
法巧出解了諸法如幻如焰如水中  
月如虛空如響如捷闍婆城如夢如  
影如鏡中像如化得無閼无所畏悉

知衆生心行所趣以微妙慧而度脫  
之意無罣闕大忍成就如實巧度願  
受无量諸佛國土念無量國土諸佛  
三昧常現在前能請无量諸佛能斷  
種種見纏及諸煩惱遊戲出生百千  
三昧諸菩薩如是等種種無量功德  
成就其名曰毘陀婆羅菩薩剎那伽  
羅菩薩導師菩薩那羅達菩薩星得  
菩薩水天菩薩主天菩薩大意菩薩  
益意菩薩增意菩薩不虛見菩薩善  
進菩薩勢勝菩薩常懃菩薩不捨精  
進菩薩日藏菩薩不缺意菩薩觀世  
音菩薩文殊師利菩薩執寶印菩薩  
常舉手菩薩弥勒菩薩如是等无量  
百千万億那由他諸菩薩摩訶薩一  
切菩薩皆是補處紹尊位者尔時世  
尊自敷師子座結跏趺坐直身繫念  
在前入三昧王三昧一切三昧悉入  
其中是時世尊從三昧安詳而起以  
天眼觀視世界舉身微笑從足下千  
輻相輪中放六百万億光明足十指  
兩踝兩踵兩膝兩脛腰脊腹脅背膂  
心胷德字肩臂手十指項口四十齒

鼻兩孔兩眼兩耳白毫相肉髻各各放六百萬億光明從是諸光出大光明遍照三千大千國土從三千大千國土遍照東方如恒河沙等諸佛國土南西北方四維上下亦復如是若有衆生遇斯光者必得阿耨多羅三藐三菩提光明出過東方如恒河沙等諸佛國土南西北方四維上下亦復如是。爾時世尊舉身毛孔皆亦微笑而放諸光遍照三千大千國土。復至十方如恒河沙等諸佛國土。若有衆生遇斯光者必得阿耨多羅三藐三菩提。爾時世尊以常光明遍照三千大千國土。亦至東方如恒河沙等諸佛國土。乃至十方亦復如是。若有衆生遇斯光者必得阿耨多羅三藐三菩提。爾時世尊出廣長舌相。遍覆三千大千國土。熙怡微笑。從其舌根放無量千萬億光。是一光化成千葉。金色寶花。是諸花上皆有化佛結跏趺坐。說六波羅蜜。衆生聞者必得阿耨多羅三藐三菩提。復至十方如恒河沙等諸佛國土。皆亦如是。爾時

世尊故在師子座入師子遊戲三昧  
以神通力感動三千大千國土六種  
震動東踊西沒西踊東沒南踊北沒  
北踊南沒邊踊中沒中踊邊沒地皆  
柔軟令衆生和悅是三千大千國土  
中地獄餓鬼畜生及八難處即時解  
脫得生天上從四天王天處乃至他  
化自在天處是諸天人自識宿命皆  
大歡喜來詣佛所頭面礼佛足却住  
一面如是十方如恒河沙等國土地  
皆六種震動一切地獄餓鬼畜生及  
八難處即時解脫得生天上齊第六  
天尔時三千大千國土衆生盲者得  
視聾者得聽瘡者能言狂者得正乱  
者得定裸者得衣飢渴者得飽痛病  
者得愈形殘者得具足一切衆生皆  
得等心相視如父如母如兄如弟如  
姊如妹亦如親族及善知識是時衆  
生等行十善業道淨修其行无諸瑕  
穢恬然快樂譬如比丘入三禪皆  
得好慧持戒自守不娆衆生八時世  
尊在師子座上坐於三千大千國土  
中其德特尊光明色像威德巍巍遍

至十方如恒河沙等諸佛國土譬如  
須弥山王光色殊特衆山無能及者  
尔時世尊以常身示此三千大千國  
土一切衆生是時首陀會天梵衆天  
他化自在天化樂天兜率陀天夜摩  
天三十三天四天王天及三千大千  
國土人與非人以諸天花天璫珞天  
澤香天末香天青蓮花赤蓮花白蓮  
花紅蓮花天樹葉香持詣佛所是諸  
天花乃至天樹葉香以散佛上所散  
寶花於此三千大千國土上在虛空  
中化成大臺是花臺邊垂諸璫珞雜  
色花蓋五色續紛是諸花蓋璫珞遍  
滿三千大千世界以是花蓋璫珞嚴  
飾故此三千大千國土皆作金色及  
十方如恒河沙等諸佛國土皆亦如  
是尔時三千大千國土及十方衆生  
各各自念佛獨為我說法不為餘人  
尔時世尊在師子座熙怡微笑光從  
口出遍照三千大千國土以此光故  
此間三千大千國土中衆生皆見東  
方如恒河沙等諸佛及僧彼間如恒  
河沙等國土中衆生亦見此間三千

大千國土中釋迦牟尼佛及諸大衆  
南西北方四維上下亦復如是是時  
東方過如恒河沙等諸佛國土其國  
取在邊國名多寶佛號寶積今現在  
為諸菩薩摩訶薩說般若波羅蜜彼  
國有菩薩名曰普明見大光明見地  
大動又見佛身到寶積佛所白佛言  
世尊今何因緣有此光明照於世間  
地大震動又見佛身寶積佛報普明  
言善男子西方度如恒河沙等國有  
世界名娑婆佛號釋迦牟尼今現在  
欲為諸菩薩摩訶薩說般若波羅蜜  
是其神力是時普明菩薩白寶積佛  
言世尊我今當往見釋迦牟尼佛札  
拜供養及見彼諸菩薩摩訶薩紹尊  
位者皆得陀羅尼及諸三昧於諸三  
昧而得自在佛告普明欲往隨意宜  
知是時尔時寶積佛以千葉金色蓮  
花與普明菩薩而告之曰善男子汝  
以此花散釋迦牟尼佛上生彼娑婆  
國中諸菩薩難勝難及汝當一心以  
遊彼國尔時普明菩薩從寶積佛受  
千葉金色光明蓮花與無數出家者



家菩薩及諸童男童女俱共發引皆  
供養恭敬尊重讚歎東方諸佛持諸  
花香瓔珞澤香末香塗香衣服幢蓋  
向釋迦牟尼佛所到已頭面礼佛足  
一面立白佛言世尊寶積如來致問  
世尊少惱少患起居輕利氣力安樂  
不又以此千葉金色蓮花供養世尊  
尔時釋迦牟尼佛受是千葉金色蓮  
花以散東方如恒河沙等諸國土中  
佛所散寶花滿東方如恒河沙等諸  
佛國土一一花上皆有菩薩結跏趺  
坐說六波羅蜜聞此法者必至阿耨  
多羅三藐三菩提諸出家在家菩薩  
及諸童男童女頭面礼釋迦牟尼佛  
足各以供養具供養恭敬尊重讚歎  
釋迦牟尼佛是諸出家在家菩薩及  
諸童男童女各各以善根福德力故  
得供養釋迦牟尼佛多陀阿伽度阿  
羅訶三藐三佛陀南方度如恒河沙  
等諸佛國土其國或在邊國名離一  
切憂佛号無憂德菩薩名離憂西方  
度如恒河沙等諸佛國土其國或在  
邊國名滅惡佛号寶山菩薩名儀意

北方度如恒河沙等諸佛國土其國  
軍在邊國名勝佛号勝王菩薩名德  
勝下方度如恒河沙等諸佛國土其  
國軍在邊國名善佛号善德菩薩名  
花上上方度如恒河沙等諸佛國土  
其國軍在邊國名喜佛号喜德菩薩  
名德喜如是一切皆如東方尔時是  
三千大千國土皆成為寶花遍覆地  
懸繒幡盖香樹花樹皆悉莊嚴譬如  
花積世界普花佛國妙德菩薩善住  
意菩薩及餘大威神諸菩薩皆在彼  
住尔時佛知一切世界若天世界若魔世  
界若梵世界若沙門婆羅門及天若提  
闍婆人阿修羅等及諸菩薩摩訶薩  
紹尊位者一切皆集佛知衆會已集佛告  
舍利弗菩薩摩訶薩欲以一切種智知  
一切法當習行般若波羅蜜舍利弗白  
佛言世尊菩薩摩訶薩云何欲以一  
切種智知一切法當習行般若波羅蜜  
佛告舍利弗菩薩摩訶薩以不住法  
住般若波羅蜜中以无所捨法應具  
足檀那波羅蜜施者受者及財物不  
可得故罪不罪不可得故應具足尸

羅波羅蜜心不動故應具足羈提波  
羅蜜身心精進不懈怠故應具足毗  
梨耶波羅蜜不乱不味故應具足禪  
那波羅蜜於一切法不著故應具足  
般若波羅蜜菩薩摩訶薩以不住法  
住般若波羅蜜中不生故應具足四  
念處四正勤四如意足五根五力七  
覺分八聖道分空三昧無相三昧无  
作三昧四禪四無量心四无色定八  
背捨八勝處九次第定十一一切處九  
相脹相壞相血塗相膿爛相青相敗  
相散相骨相燒相念佛念法念僧念  
戒念捨念天念入出息念死十想无  
常想苦想無我想食不淨想一切世  
間不可樂想死想不淨想斷想離欲  
想盡想十一智法智比智他心智世  
智苦智集智滅智道智盡智无生智  
如實智三三昧有覺有觀三三昧無覺  
有觀三三昧无覺無觀三三昧三根未  
知欲知根知根知已根舍利弗菩薩摩  
訶薩欲遍知佛十力四無所畏四无  
闍智十八不共法大慈大悲當習行  
般若波羅蜜菩薩摩訶薩欲具足道

慧當習行般若波羅蜜菩薩摩訶薩  
欲以道慧具足道種慧當習行般若  
波羅蜜欲以道種慧具足一切智當  
習行般若波羅蜜欲以一切智具足  
一切種智當習行般若波羅蜜欲以  
一切種智斷煩惱習當習行般若波  
羅蜜舍利弗菩薩摩訶薩應如是學  
般若波羅蜜復次舍利弗菩薩摩訶  
薩欲上菩薩位當學般若波羅蜜欲  
過聲聞辟支佛地住阿惟越致地當  
學般若波羅蜜菩薩摩訶薩欲住六  
神通當學般若波羅蜜欲知一切衆  
生意所趣向當學般若波羅蜜菩薩  
摩訶薩欲勝一切聲聞辟支佛智慧  
當學般若波羅蜜欲得諸陀羅尼門  
諸三昧門當學般若波羅蜜一切求  
聲聞辟支佛人布施時欲以隨喜心  
過其上者當學般若波羅蜜一切求  
聲聞辟支佛人持戒時欲以隨喜心  
過其上者當學般若波羅蜜一切求  
聲聞辟支佛人三昧智慧解脫解脫  
知見欲以隨喜心過其上者當學般  
若波羅蜜一切求聲聞辟支佛人諸

禪定解脫三昧欲以隨喜心過其上  
者當學般若波羅蜜菩薩摩訶薩行  
少施少戒少忍少進少禪少智欲以  
方便力迴向故而得無量無邊功德  
者當學般若波羅蜜菩薩摩訶薩欲  
行檀那波羅蜜尸羅波羅蜜羼提波  
羅蜜毗梨耶波羅蜜禪那波羅蜜當  
學般若波羅蜜菩薩摩訶薩欲使世  
世身體與佛相似欲具足三十二相  
八十隨形好當學般若波羅蜜欲生  
菩薩家欲得童真地欲得不離諸佛  
者當學般若波羅蜜欲以諸善根供  
養諸佛恭敬尊重讚歎隨意成就當  
學般若波羅蜜欲滿一切衆生所願  
飲食衣服卧具塗香車乘房舍鉢搗  
燈燭等當學般若波羅蜜復次舍利  
弗菩薩摩訶薩欲使如恒河沙等國  
土衆生立於檀那波羅蜜立於尸羅  
羼提毗梨耶禪那般若波羅蜜當學  
般若波羅蜜欲植一善根於佛福田  
中至得阿耨多羅三藐三菩提不盡  
者當學般若波羅蜜復次舍利弗菩  
薩摩訶薩欲令十方諸佛稱讚其名



當學般若波羅蜜復次舍利弗菩薩摩訶薩欲一發意到十方如恒河沙等諸佛國土當學般若波羅蜜復次舍利弗菩薩摩訶薩欲發一音使十方如恒河沙等諸佛國土聞聲當學般若波羅蜜復次舍利弗菩薩摩訶薩欲使諸佛國土不斷者當學般若波羅蜜復次舍利弗菩薩摩訶薩欲住內空外空內外空空空大空第一義空有為空无為空畢竟空無始空散空性空自相空諸法空不可得空无法空有法空無法有法空當學般若波羅蜜菩薩摩訶薩欲知諸法因緣次第緣緣緣增上緣當學般若波羅蜜復次舍利弗菩薩摩訶薩欲知諸法如法性實際當學般若波羅蜜舍利弗菩薩摩訶薩應如是住般若波羅蜜復次舍利弗菩薩摩訶薩欲數知三千大千國土中大地諸山微塵當學般若波羅蜜菩薩摩訶薩拈一毛為百分欲以一分毛盡舉三千大千國土中大海江河池泉諸水而不燒水性當學般若波羅蜜三千大千國土



中諸火一時皆然辟如劫盡燒時菩薩摩訶薩欲一吹令滅者當學般若波羅蜜三千大千國土中諸大風起欲吹破三千大千國土及諸須弥山如摧腐草菩薩摩訶薩欲以一指障其風力令不起者當學般若波羅蜜菩薩摩訶薩欲一結跏趺坐遍滿三千大千國土虛空當學般若波羅蜜菩薩摩訶薩欲以一毛舉三千大千國土中諸須弥山王擲過他方无量阿僧祇諸佛國土不燒衆生欲以一食供養十方各如恒河沙等諸佛及僧當學般若波羅蜜欲以一衣花香瓔珞末香塗香燒香燈燭幢幡花蓋等供養諸佛及僧當學般若波羅蜜復次舍利弗菩薩摩訶薩欲使十方各如恒河沙等國土中衆生悉具於戒三昧智慧解脫解脫知見令得須陀洹果斯陀含果阿那含果阿羅漢果乃至令得無餘涅槃當學般若波羅蜜復次舍利弗菩薩摩訶薩行般若波羅蜜布施時應如是分別如是布施得大果報如是布施得生剎剎

大姓婆羅門大姓居士大家如是布施得生四天王天處三十三天夜摩天兜率陀天化樂天他化自在天因是布施得入初禪二禪三禪四禪無邊空處無邊識處無所有處非有想非无想處因是布施得生八聖道分因是布施能得須陀洹道乃至佛道當學般若波羅蜜復次舍利弗菩薩摩訶薩行般若波羅蜜布施時以慧方便力故能具足檀那波羅蜜尸羅波羅蜜羼提波羅蜜毗梨耶波羅蜜佛言世尊菩薩摩訶薩云何布施時以慧方便力故具足檀那波羅蜜乃至般若波羅蜜佛告舍利弗施人受人財物不可得故能具足檀那波羅蜜罪不罪不可得故具足尸羅波羅蜜心不動故具足羼提波羅蜜身心精進不懈怠故具足毗梨耶波羅蜜不亂不味故具足檀那波羅蜜知一切法不可得故具足般若波羅蜜復次舍利弗菩薩摩訶薩欲得過去未來現在諸佛功德當學般若波羅蜜

復次舍利弗菩薩摩訶薩欲到有為  
無為法彼岸當學般若波羅蜜菩薩  
摩訶薩欲知過去未來現在諸法如  
法相無生際者當學般若波羅蜜復  
次舍利弗菩薩摩訶薩欲在一切聲  
聞辟支佛前欲給侍諸佛欲為諸佛  
內眷屬欲得大眷屬欲得菩薩眷屬  
欲淨報大施當學般若波羅蜜復次  
舍利弗菩薩摩訶薩欲不起慳心破  
戒心瞋恚心懈怠心亂心癡心者當  
學般若波羅蜜復次舍利弗菩薩摩  
訶薩欲使一切衆生立於布施福處  
持戒福處修定福處勸導福處欲令  
衆生立於財福法福者當學般若波  
羅蜜復次舍利弗菩薩摩訶薩欲得  
五眼當學般若波羅蜜何等五眼  
肉眼天眼慧眼法眼佛眼菩薩摩訶  
薩欲以天眼見十方如恒河沙等國  
土中諸佛欲以天耳聞十方諸佛所  
說法欲知諸佛心當學般若波羅蜜  
欲聞十方諸佛所說法聞已乃至阿  
耨多羅三藐三菩提不忘者當學般  
若波羅蜜復次舍利弗菩薩摩訶薩

欲見過去未來諸佛國土及見現在  
十方諸佛國土當學般若波羅蜜復  
次舍利弗菩薩摩訶薩欲聞十方諸  
佛所說十二部經修多羅祇夜受記  
經伽陀憂陀那因緣經阿波陀那如  
是語經本生經方廣經未曾有經論議  
經諸聲聞等聞與不聞盡欲誦受持  
者當學般若波羅蜜十方如恒河沙  
等世界中諸佛所說法已說今說當  
說聞已欲一切信持自行亦為他人  
說當學般若波羅蜜復次舍利弗菩  
薩摩訶薩過去諸佛已說未來諸佛  
當說欲聞聞已自利亦利他人當學般  
若波羅蜜十方如恒河沙等諸世界  
中間閻闍日月所不照處欲持光明  
普照者當學般若波羅蜜十方如恒  
河沙等世界中无有佛名法名僧名  
欲使一切衆生皆得正見聞三寶名  
者當學般若波羅蜜菩薩摩訶薩欲  
令十方如恒河沙等諸世界中衆生  
以我力故盲者得視聾者得聽狂者  
得念裸者得衣飢渴者得飽滿當學  
般若波羅蜜復次舍利弗菩薩摩訶

薩若欲令十方如恒河沙等世界中  
衆生諸在三惡趣者以我力故皆得  
人身當學般若波羅蜜欲令十方如  
恒河沙等世界中衆生以我力故立  
於戒三昧智慧解脫解脫知見令得  
須陀洹果乃至阿耨多羅三藐三菩  
提當學般若波羅蜜復次舍利弗菩  
薩摩訶薩欲學諸佛威儀者當學般  
若波羅蜜菩薩摩訶薩欲得如象王  
視觀當學般若波羅蜜菩薩作是願  
使我行時離地四指足不蹈地我當  
共四天王天乃至阿迦尼吒天無量  
千萬億諸天衆圍遶恭敬至菩提樹  
下當學般若波羅蜜我當於菩提樹  
下坐四天王天乃至阿迦尼吒天以  
天衣為座當學般若波羅蜜我得阿  
耨多羅三藐三菩提時行住坐卧處  
欲使志為金剛當學般若波羅蜜復  
次舍利弗菩薩摩訶薩欲出家日即  
成阿耨多羅三藐三菩提即是日轉  
法輪轉法輪時无量阿僧祇衆生遠  
塵離垢諸法中得法眼淨無量阿僧  
祇衆生一切法不受故諸漏心得解



脫無量阿僧祇衆生於阿耨多羅三藐三菩提得不退轉當學般若波羅蜜我得阿耨多羅三藐三菩提時以無量阿僧祇聲聞為僧我一說法時便於座上盡得阿羅漢當學般若波羅蜜我當以無量阿僧祇菩薩摩訶薩為僧我一說法時無量阿僧祇菩薩皆得阿耨越致欲得壽命無量光明具足當學般若波羅蜜我成阿耨多羅三藐三菩提時世界中無姪欲瞋恚愚癡亦无三毒之名一切衆生成就如是智慧善施善戒善定善梵行善不燒衆生當學般若波羅蜜使我般涅槃後法無滅盡亦无滅盡之名當學般若波羅蜜我得阿耨多羅三藐三菩提時十方如恒河沙等世界中有衆生聞我名者必得阿耨多羅三藐三菩提欲得如是等功德者當學般若波羅蜜

摩訶般若波羅蜜經奉鉢品第二

佛告舍利弗若菩薩摩訶薩行般若波羅蜜能作是功德是時四天王皆大歡喜意念言我等當以四鉢奉上



菩薩如前天王奉先佛鉢三十三天  
乃至他化自在天亦皆歡喜意念言  
我等當給侍供養菩薩減損阿修羅  
種增益諸天衆三千大千國土四天  
王天乃至阿迦尼吒天皆大歡喜意  
念言我等當請是菩薩轉法輪舍利  
弗是菩薩摩訶薩行般若波羅蜜增  
益六波羅蜜時諸善男子善女人各  
各歡喜念言我等當為是人作父母  
妻子親族知識尔時四天王乃至  
阿迦尼吒天皆大歡喜各自念言我  
等當作方便令是菩薩離於婬欲從  
初發意常作童真莫使與色欲共會  
若受五欲障生梵天何況阿釋多羅  
三藐三菩提以是故舍利弗菩薩摩  
訶薩斷婬欲出家者應得阿釋多羅  
三藐三菩提非不斷舍利弗白佛言  
世尊菩薩摩訶薩要當有父母妻子  
親族知識耶佛告舍利弗或有菩薩  
有父母妻子親族知識或有菩薩從  
初發心斷婬欲修童真行乃至得阿  
釋多羅三藐三菩提不犯色欲或有  
菩薩方便力故受五欲已出家得阿

釋多羅三藐三菩提譬如幻師若幻  
弟子善知幻法幻作五欲於中共相  
娛樂於汝意云何是人於此五欲頗  
有實受不舍利弗言不也世尊佛告  
舍利弗菩薩摩訶薩以方便力故化  
作五欲於中受樂成就衆生亦復如  
是是菩薩摩訶薩不染於欲種種因  
緣毀呿五欲欲為熾然欲為穢惡欲  
為毀壞欲為如怨是故舍利弗當知  
菩薩為衆生故受五欲舍利弗白佛  
言菩薩摩訶薩云何應行般若波羅  
蜜佛告舍利弗菩薩摩訶薩行般若  
波羅蜜時不見菩薩不見菩薩字不  
見般若波羅蜜亦不見我行般若波  
羅蜜亦不見我不行般若波羅蜜何  
以故菩薩菩薩字性空空空中无色無  
受想行識離色亦无空離受想行識  
亦無空色即是空空即是色受想行  
識即是空空即是識何以故舍利弗  
但有名字故謂為菩提但有名字故  
謂為菩薩但有名字故謂為空所以  
者何諸法實性无生無滅无垢無淨  
故菩薩摩訶薩如是行亦不見生亦

不見滅亦不見垢亦不見淨何以故  
名字是因緣和合作法但分別憶想  
假名說是故菩薩摩訶薩行般若波  
羅蜜時不見一切名字不見故不著  
摩訶般若波羅蜜經習應品第三 并本名品  
習相應品  
佛告舍利弗菩薩摩訶薩行般若波  
羅蜜時應如是思惟菩薩但有名字  
佛亦但有字般若波羅蜜亦但有字  
色但有字受想行識亦但有字舍利  
弗如我但有字一切我常不可得衆  
生壽者命者生者養育衆數人者作  
者使作者起者使起者受者使受者  
知者見者是一切皆不可得不可得  
空故但以名字說菩薩摩訶薩亦如  
是行般若波羅蜜不見我不見衆生  
乃至不見知者見者所說名字亦不  
可見菩薩摩訶薩作如是行般若波  
羅蜜除佛智慧過一切聲聞辟支佛  
上用不可得空故所以者何是菩薩  
摩訶薩諸名字法名字所著處亦不  
可得故舍利弗菩薩摩訶薩能如是  
行為行般若波羅蜜譬如滿閤浮提  
竹麻稻茅諸比丘其數如是智慧如

舍利弗目犍連等欲比菩薩行般若  
波羅蜜智慧百分不及一千分百千  
億分乃至算數譬喻所不能及何以  
故菩薩摩訶薩用智慧度脫一切衆  
生故舍利弗置滿閻浮提如舍利弗  
目犍連等若滿三千大千國土如舍  
利弗目犍連等復置是事若滿十方如  
恒河沙等國土如舍利弗目犍連等  
智慧欲比菩薩行般若波羅蜜智慧  
百分不及一千分百千億分乃至算  
數譬喻所不能及復次舍利弗菩薩  
摩訶薩行般若波羅蜜一日修智慧  
出過一切聲聞辟支佛上舍利弗白  
佛言世尊聲聞所有智慧若須陀洹  
斯陀含阿那含阿羅漢辟支佛智慧  
佛智慧是諸衆智无有差別不相違  
背無生性空若法不相違背无生性  
空是法無有別異云何世尊言菩薩  
摩訶薩行般若波羅蜜一日修智慧  
出過聲聞辟支佛上佛告舍利弗於  
汝意云何菩薩摩訶薩行般若波羅  
蜜一日修智慧心念我行道慧益二  
切衆生當以一切種智知一切法度

一切衆生諸聲聞辟支佛智慧為有  
是事不舍利弗言不也世尊舍利弗  
於汝意云何諸聲聞辟支佛頗有是  
念我等當得阿耨多羅三藐三菩提  
度一切衆生令得無餘沮睺不舍利  
弗言不也世尊佛告舍利弗以是因  
緣故當知諸聲聞辟支佛智慧欲比  
菩薩摩訶薩智慧百分不及一千分  
百千億分乃至等數譬喻所不能及  
舍利弗於汝意云何諸聲聞辟支佛  
頗有是念我行六波羅蜜成就衆生  
莊嚴國土具佛十力四無所畏四无  
闍智十八不共法度脫無量阿僧祇  
衆生令得沮睺不舍利弗言不也世  
尊佛告舍利弗菩薩摩訶薩能作是  
念我當行六波羅蜜乃至十八不共  
法成阿耨多羅三藐三菩提度脫无  
量阿僧祇衆生令得沮睺辟如螢火  
虫不作是念我力能照闇淨提普令  
大明諸阿羅漢辟支佛亦如是不作  
是念我等行六波羅蜜乃至十八不  
共法得阿耨多羅三藐三菩提度脫  
無量阿僧祇衆生令得沮睺舍利弗

譬如日出時光明遍照閻浮提无不  
蒙明者菩薩摩訶薩亦如是行六波  
羅蜜乃至十八不共法得阿耨多羅三  
藐三菩提度脫無量阿僧祇衆生令  
得涅槃舍利弗白佛言云何菩薩摩  
訶薩過聲聞辟支佛地住阿惟越致  
地淨於佛道佛告舍利弗菩薩摩訶  
薩從初發意行六波羅蜜住空无相  
無作法能過一切聲聞辟支佛地住阿  
惟越致地淨於佛道舍利弗白佛言  
菩薩摩訶薩住何等地能為諸聲聞  
辟支佛作福田佛告舍利弗菩薩摩  
訶薩從初發意行六波羅蜜乃至坐  
道場於其中間常為諸聲聞辟支佛  
作福田何以故以有菩薩摩訶薩因緣  
故世間諸善法生何等是善法所謂  
十善道五戒八分成就齋四禪四無  
量心四无色定四念處四正勤四如意  
足五根五力七覺分八聖道分盡現  
於世以菩薩因緣故六波羅蜜十八  
空佛十力四無所畏四无闕智十八  
不共法大慈大悲一切種智盡現於世  
以菩薩因緣故有刹利大姓婆羅門



大姓居士大家四天王天乃至非有想  
非无想天皆現於世以菩薩因緣故  
有須陀洹斯陀舍阿那舍阿羅漢辟  
支佛佛皆現於世舍利弗白佛言菩  
薩摩訶薩淨畢施福不佛言不也何  
以故本已淨畢故舍利弗菩薩摩訶  
薩為大施主施何等施諸善法何等  
善法十善道五戒乃至十八不共法  
一切種智以是施與舍利弗白佛言世  
尊菩薩摩訶薩云何習應般若波羅  
蜜與般若波羅蜜相應佛告舍利弗  
菩薩摩訶薩習應色空是名與般若  
波羅蜜相應習應受想行識空是名  
與般若波羅蜜相應復次舍利弗菩  
薩摩訶薩習應眼空是名與般若波  
羅蜜相應習應耳鼻舌身心空是名  
與般若波羅蜜相應習應色空是名與  
般若波羅蜜相應習應聲香味觸法  
空是名與般若波羅蜜相應習應眼  
空是名與般若波羅蜜相應習應眼  
空色界空眼識界空是名與般若波  
羅蜜相應習應耳聲識鼻香識舌味  
識身觸識意法識界空是名與般若  
波羅蜜相應習應苦空是名與般若

波羅蜜相應習應集滅道空是名與  
般若波羅蜜相應習應無明空是名  
與般若波羅蜜相應習應行識名色  
六入觸受愛取有生老死空是名與  
般若波羅蜜相應習應一切諸法空若  
有為若無為是名與般若波羅蜜相  
應復次舍利弗菩薩摩訶薩習應性  
空是名與般若波羅蜜相應如是舍  
利弗菩薩摩訶薩行般若波羅蜜習  
應七空所謂性空自相空諸法空无  
所得空無法空有法空无法有法空  
是名與般若波羅蜜相應佛告舍利  
弗菩薩摩訶薩習應七空時不見色若  
相應若不相應不見受想行識若相  
應若不相應不見色若生相若滅相  
不見受想行識若生相若滅相不見  
色若垢相若淨相不見受想行識若  
垢相若淨相不見色與受合不見受  
與想合不見想與行合不見行與識  
合何以故无有法與法合者其性空  
故舍利弗色空中無有色受想行識  
空中无有識舍利弗色空故無惱壞  
相受空故无受相想空故無知相行  
空故无

作相識空故無覺相何以故舍利弗  
色不異空空不異色色即是空空即  
是色受想行識亦如是舍利弗是諸  
法空相不生不滅不垢不淨不增不  
減是空法非過去非未來非現在是  
故空中無色无受想行識無眼耳鼻  
舌身意无色聲香味觸法無眼界乃  
至無意識界亦无無明亦无無明盡  
乃至亦无老死亦無老死盡无苦集  
滅道亦無智亦无得亦無須陀洹无  
須陀洹果無斯陀含无斯陀含果無  
阿那含无阿那含果無阿羅漢无阿  
羅漢果無辟支佛无辟支佛道無佛  
亦无佛道舍利弗菩薩摩訶薩如是  
習應是名與般若波羅蜜相應舍利  
弗是菩薩摩訶薩行般若波羅蜜不  
見般若波羅蜜若相應若不相應不  
見檀那波羅蜜尸羅波羅蜜羼提波  
羅蜜毗梨耶波羅蜜禪那波羅蜜若  
相應若不相應亦不見色若相應若  
不相應不見受想行識若相應若不  
相應不見眼乃至意色乃至法眼色  
識界乃至意法識界若相應若不相

應不見四念處乃至八聖道分佛十  
力乃至一切種智若相應若不相應  
如是舍利弗當知菩薩摩訶薩與般  
若波羅蜜相應復次舍利弗菩薩摩  
訶薩行般若波羅蜜時空不與空合  
无相不與無相合无作不與無作合  
何以故空无相無作无有合與不合  
舍利弗菩薩摩訶薩如是習應是名  
與般若波羅蜜相應復次舍利弗菩  
薩摩訶薩行般若波羅蜜時入諸法  
自相空入已色不作合不作不合受  
想行識不作合不作不合色不與前  
際合何以故不見前際故色不與後  
際合何以故不見後際故色不與現  
在合何以故不見現在故受想行識  
亦如是復次舍利弗菩薩摩訶薩行  
般若波羅蜜前際不與後際合後際  
不與前際合現在不與前際後際合  
前際後際亦不與現在合三際名空  
故舍利弗菩薩摩訶薩如是習應者  
是名與般若波羅蜜相應復次舍利  
弗菩薩摩訶薩行般若波羅蜜薩婆  
若不與過去世合何以故過去世不

可見何況薩婆若與過去世合薩婆  
 若不與未來世合何以故未來世不  
 可見何況薩婆若與現在世合薩婆  
 若不與現在世合何以故現在世不  
 可見何況薩婆若與現在世合舍利  
 弗菩薩摩訶薩如是習應是名與般  
 若波羅蜜相應復次舍利弗菩薩摩  
 訶薩行般若波羅蜜色不與薩婆若  
 合色不可見故受想行識亦如是眼  
 不與薩婆若合眼不可見故耳鼻舌  
 身意亦如是色不與薩婆若合色不  
 可見故聲香味觸法亦如是舍利弗  
 菩薩摩訶薩如是習應是名與般若  
 波羅蜜相應復次舍利弗菩薩摩訶  
 薩行般若波羅蜜檀那波羅蜜不與  
 薩婆若合檀那波羅蜜不可見故乃  
 至般若波羅蜜亦如是四念處不與  
 薩婆若合四念處不可見故乃至八  
 聖道分亦如是佛十力乃至十八不  
 共法不與薩婆若合佛十力乃至十  
 八不共法不可見故舍利弗菩薩摩  
 訶薩如是習應是名與般若波羅蜜  
 相應復次舍利弗菩薩摩訶薩行般

若波羅蜜佛不與薩婆若合薩婆若不與佛合菩提不與薩婆若合薩婆若不與菩提合何以故佛即是薩婆若薩婆若即是佛菩提即是薩婆若薩婆若即是菩提舍利弗菩薩摩訶薩行般若波羅蜜如是習應是名與般若波羅蜜相應復次舍利弗菩薩摩訶薩行般若波羅蜜不習色有不習色無受想行識亦如是不習色有常不習色无常受想行識亦如是不習色苦不習色樂受想行識亦如是不習色我不習色非我受想行識亦如是不習色寐滅不習色不寐滅受想行識亦如是不習色空不習色非空受想行識亦如是不習色有相不習色無相受想行識亦如是不習色有作不習色无作受想行識亦如是是菩薩摩訶薩行般若波羅蜜時不作是念我行般若波羅蜜不行般若波羅蜜非行非不行般若波羅蜜舍利弗菩薩摩訶薩如是習應是名與般若波羅蜜相應復次舍利弗菩薩摩訶薩不為般若波羅蜜故行般若



波羅蜜不為檀那波羅蜜尸羅波羅  
蜜羼提波羅蜜毗梨耶波羅蜜禪那  
波羅蜜故行般若波羅蜜不為阿惟  
越致地故行般若波羅蜜不為成就  
衆生故行般若波羅蜜不為淨佛國  
土故行般若波羅蜜不為佛十力四  
無所畏四无闕智十八不共法故行  
般若波羅蜜不為內空故行般若波  
羅蜜不為外空內外空空大空第  
一義空有為空无為空畢竟空無始  
空散空性空諸法空自相空不可得  
空無法空有法空无法有法空故行  
般若波羅蜜不為如法性實際故行  
般若波羅蜜何以故是菩薩摩訶薩  
行般若波羅蜜時不壞諸法相故如  
是習應是名與般若波羅蜜相應復  
次舍利弗菩薩摩訶薩行般若波羅  
蜜不為如意神通故行般若波羅蜜  
不為天耳故不為他心智故不為宿  
命智故不為天眼故不為漏盡神通  
故行般若波羅蜜何以故菩薩摩訶  
薩行般若波羅蜜尚不見般若波羅  
蜜何況見菩薩神通舍利弗菩薩摩

訶薩如是行是名與般若波羅蜜相  
應復次舍利弗菩薩摩訶薩行般若  
波羅蜜不作是念我以如意神通飛  
到東方供養恭敬如恒河沙等諸佛  
南西北方四維上下亦如是復次舍  
利弗菩薩摩訶薩行般若波羅蜜不  
作是念我以天耳聞十方諸佛所說  
法不作是念我以他心智知十方衆  
生心所念不作是念我以宿命通知  
十方衆生宿命所作不作是念我以  
天眼見十方衆生死此生彼舍利弗  
菩薩摩訶薩如是行是名與般若波  
羅蜜相應亦能度无量阿僧祇衆生  
舍利弗菩薩摩訶薩能如是行般若  
波羅蜜惡魔不能得其便世間衆事  
所欲隨意十方各如恒河沙等諸佛  
皆悉擁護是菩薩令不墮聲聞辟支  
佛地四天王天乃至阿迦尼吒天皆  
亦擁護是菩薩不令有闕是菩薩所  
有重罪現世輕受何以故是菩薩摩  
訶薩用普慈加衆生故舍利弗菩薩  
摩訶薩如是行是名與般若波羅蜜  
相應復次舍利弗菩薩摩訶薩行般

若波羅蜜時疾得諸陀羅尼門諸三昧門所生處常值諸佛乃至阿耨多羅三藐三菩提初不離見佛舍利弗菩薩摩訶薩如是習應是名與般若波羅蜜相應復次舍利弗菩薩摩訶薩行般若波羅蜜時不作是念有法與法若合若不合若等若不等何以故是菩薩摩訶薩不見是法與餘法若合若不合若等若不等舍利弗菩薩摩訶薩如是習應是名與般若波羅蜜相應復次舍利弗菩薩摩訶薩行般若波羅蜜時不作是念我當疾得法性若不得何以故法性非得相故舍利弗菩薩摩訶薩如是習應是名與般若波羅蜜相應復次舍利弗菩薩摩訶薩行般若波羅蜜時不見有法出法性者如是習應是名與般若波羅蜜相應復次舍利弗菩薩摩訶薩行般若波羅蜜時不作是念法性分別諸法如是習應是名與般若波羅蜜相應復次舍利弗菩薩摩訶薩行般若波羅蜜時不作是念是法能得法性若不得何以故是菩薩不見

用是法能得法性若不得舍利弗菩薩摩訶薩如是習應是名與般若波羅蜜相應復次舍利弗菩薩摩訶薩行般若波羅蜜時法性不與空合空不與法性合如是習應是名與般若波羅蜜相應復次舍利弗菩薩摩訶薩行般若波羅蜜時眼界不與空合空不與眼界合色界不與空合空不與色界合眼識界不與空合空不與眼識界合乃至意識界不與空合空不與意識界合法界不與空合空不與法界合是故舍利弗是空相應名為第一相應舍利弗空行菩薩摩訶薩不墮聲聞辟支佛地能淨佛土成就衆生疾得阿耨多羅三藐三菩提舍利弗諸相應中般若波羅蜜相應為最第一第一尊最勝最妙為無有上何以故是菩薩摩訶薩行般若波羅蜜相應所謂空无相無作故當知是菩薩如受記无異若近受記舍利弗菩薩摩訶薩如是相應者能為无量阿僧祇衆生作益厚是菩薩摩訶薩亦不

作是念我與般若波羅蜜相應諸佛  
當授我記我當近受記我當淨佛土  
我得阿耨多羅三藐三菩提當轉法  
輪何以故是菩薩摩訶薩不見有法  
出法性者亦不見有法行般若波羅  
蜜亦不見有法諸佛授記亦不見有  
法得阿耨多羅三藐三菩提何以故  
菩薩摩訶薩行般若波羅蜜時不生  
我相衆生相乃至知者見者相何以  
故衆生畢竟不生不滅故衆生無有  
生元有滅若法無有生相无有滅相  
云何有法當行般若波羅蜜如是舍  
利弗菩薩摩訶薩不見衆生故為行  
般若波羅蜜衆生不受故衆生空故  
衆生不可得故衆生離故為行般若  
波羅蜜舍利弗菩薩摩訶薩於諸相  
應中為最第一相應所謂空相應是  
空相應勝餘相應菩薩摩訶薩如是  
習空能生大慈大悲菩薩摩訶薩如  
是習相應不生慳心不生犯戒心不  
生瞋心不生懈怠心不生亂心不生  
無智心

摩訶般若經卷第一

戊戌歲高麗國大藏都監奉

勅彫造



摩訶般若波羅蜜經卷第二 芥

卷

往生品第四

後秦龜茲國三藏鳩摩羅什譯

舍利弗白佛言世尊菩薩摩訶薩行般若波羅蜜能如是習相應者從何處終來生此間從此間終當生何處佛告舍利弗是菩薩摩訶薩行般若波羅蜜能如是習相應者或從他方佛國來生此間或從兜率天上来生此間或從人道中來生此間舍利弗從他方佛國來者疾與般若波羅蜜相應與般若波羅蜜相應故捨身來生此間諸深妙法皆現在前後還與般若波羅蜜相應在所生處常值諸佛舍利弗有一生補處菩薩兜率天上終來生是間是菩薩不失六波羅蜜隨所生處一切陀羅尼門諸三昧門疾現在前舍利弗有菩薩人中命終還生人中者除阿惟越致是菩薩根鈍不能疾與般若波羅蜜相應諸陀羅尼門諸三昧門不能疾現在前舍利弗汝所問菩薩摩訶薩與般若

波羅蜜相應從此間終當生何處者  
舍利弗此菩薩摩訶薩從一佛國至  
一佛國常值諸佛終不離諸佛舍利  
弗有菩薩摩訶薩不以方便入初禪  
乃至第四禪亦行六波羅蜜是菩薩  
摩訶薩得禪故生長壽夭隨彼壽終  
來生是間得人身值遇諸佛是菩薩  
諸根不利舍利弗有菩薩摩訶薩入  
初禪乃至第四禪亦行般若波羅蜜  
不以方便故捨諸禪生欲界是菩薩  
諸根亦鈍舍利弗有菩薩摩訶薩入  
初禪乃至第四禪入慈心乃至捨入  
虛空處乃至非有想非无想處修四  
念處乃至八聖道分行佛十力乃至  
大慈大悲是菩薩用方便力不隨禪  
生不隨無量心生不隨四无色定生  
在所有佛處於中生常不離般若波  
羅蜜行如是菩薩賢劫中當得阿耨  
多羅三藐三菩提舍利弗有菩薩摩  
訶薩入初禪乃至第四禪入慈心乃  
至捨入虛空處乃至非有想非無想  
處以方便力故不隨禪生還生欲界  
若刹利大姓婆羅門大姓居士大家

生為成就衆生故舍利弗有菩薩摩訶薩入初禪乃至第四禪入慈心乃至捨入虛空處乃至非有想非无想處以方便力故不隨禪生或生四天王天處或生三十三天夜摩天兜率陀天化樂天他化自在天於是中成就衆生亦淨佛土常值諸佛舍利弗有菩薩摩訶薩行般若波羅蜜以方便力故入初禪此間命終生梵天處作大梵王從梵天處遊一佛國至一佛國在所有諸佛得阿耨多羅三藐三菩提未轉法輪者勸請令轉舍利弗有菩薩摩訶薩一生補處行般若波羅蜜以方便力故入初禪乃至第四禪入慈心乃至捨入虛空處乃至非有想非无想處修四念處乃至八聖道分入空三昧無相无作三昧不隨禪生生有佛處修梵行若生兜率天上隨其壽終具足善根不失正念與無數百千億萬諸天圍繞恭敬來生此間得阿耨多羅三藐三菩提復次舍利弗有菩薩摩訶薩得六神通不生欲界色界无色界從一佛國至一佛

國供養恭敬尊重讚歎諸佛舍利弗  
有菩薩摩訶薩遊戲神通從一佛國  
至一佛國所至到處无有聲聞辟支  
佛乘乃至無二乘之名舍利弗有菩  
薩摩訶薩遊戲神通從一佛國至一  
佛國所至到處其壽无量舍利弗有  
菩薩摩訶薩遊戲神通從一國土至  
一國土所至到處有無佛法僧處讚  
佛法僧功德諸衆生用聞佛名法名  
僧名故於此命終生諸佛前舍利弗  
有菩薩摩訶薩初發意時得初禪乃  
至第四禪得四无量心得四無色定  
修四念處乃至十八不共法是菩薩  
不生欲界色界無色界中常生有益  
衆生之處舍利弗有菩薩摩訶薩初  
發意時行六波羅蜜上菩薩位得阿  
惟越致地舍利弗有菩薩摩訶薩初  
發意時便得阿耨多羅三藐三菩提  
轉法輪與无量阿僧祇衆生作益厚  
已入無餘涅槃是佛般涅槃後餘法  
若住一劫若減一劫舍利弗有菩薩  
摩訶薩初發意時與般若波羅蜜相  
應與无數百千億菩薩從一佛國至

一佛國為淨佛國土故舍利弗有菩薩摩訶薩行般若波羅蜜時得四禪四無量心四无色定遊戲其中入初禪從初禪起入滅盡定從滅盡定起乃至入四禪從四禪起入滅盡定從滅盡定起入虛空處從虛空處起入滅盡定從滅盡定起乃至入非有想非無想處從非有想非無想處起入滅盡定如是舍利弗菩薩摩訶薩行般若波羅蜜以方便力故入超越定般若波羅蜜舍利弗有菩薩摩訶薩行般若波羅蜜時修四念處乃至十八不共法不取須陀洹果斯陀含果阿那含果阿羅漢果辟支佛道以方便力為度眾生故起八聖道分以是八聖道分令得須陀洹果乃至辟支佛道佛告舍利弗一切阿羅漢辟支佛果及智是菩薩摩訶薩元生法忍舍利弗是菩薩摩訶薩如是行般若波羅蜜當知是阿惟越致地中住舍利弗有菩薩摩訶薩住六波羅蜜莊嚴兜率天道當知是賢劫中菩薩舍利弗有菩薩摩訶薩修四禪乃至十八不共法未

證四諦當知是菩薩一生補處舍利  
弗有菩薩摩訶薩无量阿僧祇劫修  
行得阿耨多羅三藐三菩提舍利弗  
有菩薩摩訶薩住六波羅蜜常懃精  
進利益衆生不說無益之事舍利弗  
有菩薩摩訶薩行六波羅蜜常懃精  
進利益衆生從一佛國至一佛國斷  
衆生三惡道舍利弗有菩薩摩訶薩  
住六波羅蜜以檀那為首安樂一切  
衆生須飲食與飲食衣服卧具瓔珞  
花香房舍燈燭隨人所須盡給與之  
舍利弗有菩薩摩訶薩行般若波羅  
蜜時變身如佛為地獄中衆生說法  
為畜生餓鬼中衆生說法舍利弗有  
菩薩摩訶薩行六波羅蜜時變身如  
佛遍至十方如恒河沙等諸佛國土  
為衆生說法亦供養諸佛及淨佛國  
土聞諸佛說法觀採十方淨妙國相  
而已自起殊勝國土其中菩薩摩訶  
薩皆是一生補處舍利弗有菩薩摩  
訶薩行六波羅蜜時成就三十二相  
諸根淨利諸根淨利故衆人愛敬以  
愛敬故漸以三乘法而度脫之如是



舍利弗菩薩摩訶薩行般若波羅蜜時應學身清淨口清淨舍利弗有菩薩摩訶薩行六波羅蜜時得諸根淨以是淨根而不自高亦不下他舍利弗有菩薩摩訶薩從初發心住檀那波羅蜜尸羅波羅蜜乃至阿惟越致地終不墮三惡道舍利弗有菩薩摩訶薩從初發心乃至阿惟越致地常不捨十善行舍利弗有菩薩摩訶薩住檀那波羅蜜尸羅波羅蜜中作轉輪聖王安立衆生於十善道亦以財物布施衆生舍利弗有菩薩摩訶薩住檀那波羅蜜尸羅波羅蜜无量千萬世作轉輪聖王值遇無量百千諸佛供養恭敬尊重讚歎舍利弗有菩薩摩訶薩常為衆生以法照明亦以自照乃至阿耨多羅三藐三菩提終不離照明舍利弗是菩薩摩訶薩於佛法中已得尊重舍利弗以是故菩薩摩訶薩行般若波羅蜜時身口意不淨不令妄起舍利弗白佛言世尊云何菩薩身業不淨口業不淨意業不淨佛告舍利弗若菩薩摩訶薩作

是念是身是口是意如是取相作緣  
舍利弗是名身口意不淨舍利弗菩  
薩摩訶薩行般若波羅蜜時不得身  
不得口不得意舍利弗菩薩摩訶薩  
行般若波羅蜜時若得身若得口若  
得意用是得身口意故能生慳心犯  
戒心瞋心慳心乱心愚心當知是菩  
薩行六波羅蜜時不能除身口意  
業舍利弗白佛言世尊菩薩摩訶薩  
云何除身口意意業佛告舍利弗若  
菩薩摩訶薩不得身口意如是菩薩  
摩訶薩能除身口意意業復次舍利  
弗若菩薩摩訶薩從初發意行十善  
道不生聲聞心不生辟支佛心如是  
菩薩摩訶薩能除身口意意業復次  
舍利弗有菩薩摩訶薩行般若波羅  
蜜淨佛道時行檀那波羅蜜尸羅波  
羅蜜羼提波羅蜜毗梨耶波羅蜜禪  
那波羅蜜是名菩薩摩訶薩除身口  
意意業舍利弗白佛言世尊何等是  
菩薩摩訶薩佛道佛告舍利弗佛道  
者若菩薩摩訶薩不得身不得口不  
得意不得檀那波羅蜜不得尸羅波

羅蜜不得羈提波羅蜜不得毗梨耶  
波羅蜜不得禪那波羅蜜不得般若  
波羅蜜不得聲聞不得辟支佛不得  
菩薩不得佛舍利弗是名菩薩摩訶  
薩佛道所謂一切諸法不可得故舍  
利弗有菩薩摩訶薩行六波羅蜜時  
无能壞者舍利弗白佛言世尊云何  
菩薩摩訶薩行六波羅蜜時無能壞  
波羅蜜時不念有色乃至識不念有  
眼乃至意不念有色乃至法不念有  
眼界乃至意識界不念有四念處乃  
至八聖道分不念有檀那波羅蜜乃  
至般若波羅蜜不念有佛十力乃至  
十八不共法不念有須陀洹果乃至  
阿羅漢果不念有辟支佛乃至阿耨  
多羅三藐三菩提舍利弗菩薩摩訶  
薩如是行增益六波羅蜜无能壞者  
舍利弗有菩薩摩訶薩住般若波羅  
蜜中具足智慧用是智慧常不隨惑  
道不生弊惡人中不作貧窮人所受  
身體不為人天阿修羅所憎惡舍利  
弗白佛言世尊何等是菩薩摩訶薩

智慧佛告舍利弗菩薩摩訶薩用是智慧成就見十方如恒河沙等諸佛聽法見僧亦見嚴淨佛土菩薩摩訶薩以是智慧不作佛想不作菩薩想不作聲聞辟支佛想不作我想不作佛國想用是智慧行檀那波羅蜜亦不得檀那波羅蜜乃至行般若波羅蜜亦不得般若波羅蜜行四念處亦不得四念處乃至行十八不共法亦不得十八不共法舍利弗是名菩薩摩訶薩智慧用是智慧能具足一切法亦不得一切法舍利弗有菩薩摩訶薩行般若波羅蜜時淨於五眼肉眼天眼慧眼法眼佛眼舍利弗白佛言世尊云何菩薩摩訶薩肉眼淨佛告舍利弗有菩薩肉眼見百由旬有菩薩肉眼見二百由旬有菩薩肉眼見一閻浮提有菩薩肉眼見二天下三天下四天下有菩薩肉眼見小千國土有菩薩肉眼見中千國土有菩薩肉眼見三千大千國土舍利弗是為菩薩摩訶薩肉眼淨舍利弗白佛言世尊云何菩薩摩訶薩天眼淨佛

告舍利弗有菩薩摩訶薩天眼見一切四天王天所見見三十三天夜摩天兜率陀天化樂天他化自在天所見見梵天王所見乃至阿迦尼吒天所見菩薩天眼所見者四天王天乃至阿迦尼吒天所不知不見舍利弗是菩薩摩訶薩天眼見十方如恒河沙等諸國土中衆生死此生彼舍利弗是名菩薩摩訶薩天眼淨舍利弗白佛言世尊云何菩薩摩訶薩慧眼淨佛告舍利弗慧眼菩薩不作是念有法若有為若無為若世間若出世間若有漏若无漏是慧眼菩薩亦無法不見无法不聞無法不知无法不識舍利弗是名菩薩摩訶薩慧眼淨舍利弗白佛言世尊云何菩薩摩訶薩法眼淨佛告舍利弗菩薩摩訶薩以法眼知是人隨信行是人隨法行是人無相行是人行空解脫門是人行无相解脫門是人行無作解脫門得五根得五根故得无間三昧得無間三昧故得解脫智得解脫智故斷三結我見疑戒取是人名須陀洹是



人得思惟道薄婬恚癡當得斯陀含  
增進思惟道斷婬恚癡得阿那含增  
進思惟道斷色染無色染无明慢掉  
得阿羅漢是人行空无相無作解脫  
門得五根得五根故得无間三昧得  
無間三昧故得解脫智得解脫智故  
知所有集法皆是滅法作辟支佛是  
為菩薩摩訶薩法眼淨復次舍利弗  
菩薩摩訶薩知是菩薩初發意行檀  
那波羅蜜乃至行般若波羅蜜成就  
信根精進根善根純厚用方便力故  
為衆生受身若生刹利大姓若生婆  
羅門大姓若生居士大家若生四天  
王天處乃至他化自在天處是菩薩  
於其中住成就衆生隨其所樂皆給  
施之亦淨佛國土值遇諸佛供養恭  
敬尊重讚歎乃至阿耨多羅三藐三  
菩提亦不墮聲聞辟支佛地是名菩  
薩摩訶薩法眼淨復次舍利弗菩薩  
摩訶薩知是菩薩於阿耨多羅三藐  
三菩提退知是菩薩於阿耨多羅三  
藐三菩提不退知是菩薩受阿耨多  
羅三藐三菩提記知是菩薩未受阿



釋多羅三藐三菩提記知是菩薩到  
阿惟越致地知是菩薩未到阿惟越  
致地知是菩薩具足神通知是菩薩  
未具足神通知是菩薩以具足神通  
飛到十方如恒河沙等世界見諸佛  
供養恭敬尊重讚歎知是菩薩未得  
神通當得神通知是菩薩當淨佛土  
不淨佛土是菩薩成就衆生未成就  
衆生是菩薩為諸佛所稱譽所不稱  
譽是菩薩親近諸佛不親近諸佛是  
菩薩壽命有量壽命無量是菩薩得  
佛時比丘衆有量比丘衆無量是菩  
薩得阿耨多羅三藐三菩提時以菩  
薩為僧不以菩薩為僧是菩薩當修  
苦行難行不修苦行難行是菩薩一  
生補處未一生補處是菩薩受寂後  
身未受寂後身是菩薩能坐道場不  
能坐道場是菩薩有魔無魔如是舍  
利弗是為菩薩摩訶薩法眼淨舍利  
弗白佛言世尊云何菩薩摩訶薩佛  
眼淨佛告舍利弗有菩薩摩訶薩求  
佛道心次第入如金剛三昧得一切  
種智尔時成就十力四無所畏四无

閼智十八不共法大慈大悲是菩薩  
摩訶薩用一切種智一切法中无法  
不見無法不聞无法不知無法不識  
舍利弗是為菩薩摩訶薩得阿耨多  
羅三藐三菩提時佛眼淨如是舍利  
弗菩薩摩訶薩欲得五眼當學六波  
羅蜜何以故舍利弗是六波羅蜜中  
攝一切善法若聲聞法辟支佛法菩  
薩法佛法舍利弗若有實語能攝一  
切善法者般若波羅蜜是舍利弗般  
若波羅蜜能生五眼菩薩學五眼者  
得阿耨多羅三藐三菩提舍利弗有  
菩薩摩訶薩行般若波羅蜜時修神  
通波羅蜜以是神通波羅蜜受種種  
如意事能動大地變一身為無數身  
無數身還為一身隱顯自在山壁樹  
木皆過无闕如行空中履水如地陵  
虛如鳥出沒地中如出入水身出烟  
焰如大火聚身中出水如雪山水流  
日月大德威力難當而能摩捫乃至  
梵天身得自在亦不著是如意神通  
神通事及己身皆不可得自性空故  
自性離故自性無生故不作是念我

得如意神通除為薩婆若心如是舍利弗菩薩摩訶薩行般若波羅蜜時得如意神通智證是菩薩以天耳淨過於人耳聞二種聲天聲人聲亦不著是天耳神通天耳與聲及己身皆不可得自性空故自性離故自性無生故不作是念我有是天耳除為薩婆若心如是舍利弗菩薩摩訶薩行般若波羅蜜時得天耳神通智證是菩薩如實知他衆生心若欲心如實知欲心離欲心如實知瞋心瞋心如實知瞋心離瞋心如實知瞋心離瞋心如實知癡心癡心如實知癡心離癡心如實知癡心渴愛心如實知渴愛心无渴愛心如實知无渴愛心有受心如實知有受心如實知無受心攝心如實知攝心散心如實知散心小心如實知小心大心如實知大心定心如實知定心乱心如實知乱心解脫心如實知解脫心不解脫心如實知不解脫心有上心如實知有上心无上心如實知无上心亦不著是心何以故是心非心相不可思議故自性

空故自性離故自性無生故不作是  
念我得他心智證除為薩婆若心如  
是舍利弗菩薩摩訶薩行般若波羅  
蜜時得他神通智證是菩薩以宿  
命智證通念一心乃至百心念一日  
乃至百日念一月乃至百月念一歲  
乃至百歲念一劫乃至百劫無數百  
劫無數千劫無數百千劫乃至無數  
百千萬億劫世我是處如是姓如是  
名字如是生如是食如是久住如是  
壽限如是長壽如是受苦樂我是中  
死生彼處彼處死生是處有相有因  
緣亦不著是宿命神通宿命神通事  
及已身皆不可得自性空故自性離  
故自性無生故不作是念我有是宿  
命神通除為薩婆若心如舍利弗  
菩薩摩訶薩行般若波羅蜜時得宿  
命神智證是菩薩以天眼見衆生死  
時生時端正醜陋惡處好處若大若  
小知衆生隨業因緣是諸衆生身惡  
業成就口惡業成就意惡業成就故  
謗毀賢聖人受邪見因緣故身壞墮  
惡道生地獄中是諸衆生身善業成

就口善業成就意善業成就不謗毀  
賢聖人受正見因緣故命終入善道  
生天上亦不著是天眼通天眼通事  
及己身皆不可得自性空故自性離  
故自性無生故不作是念我有是天  
眼神通除為薩婆若心如是舍利弗  
菩薩摩訶薩行般若波羅蜜時得天  
眼神通智證亦見十方如恒河沙等  
世界中衆生生死乃至生天上四神  
通亦如是是菩薩摩訶薩漏盡神通  
雖得漏盡神通不墮聲聞辟支佛地  
乃至阿耨多羅三藐三菩提亦不依  
異法亦不著是漏盡神通漏盡神通  
事及己身皆不可得自性空故自性  
離故自性无生故不作是念我得漏  
盡神通除為薩婆若心如是舍利弗  
菩薩摩訶薩行般若波羅蜜時得漏  
盡神通智證如是舍利弗菩薩摩訶  
薩行般若波羅蜜時具足神通波羅  
蜜具足神通波羅蜜已增益阿耨多  
羅三藐三菩提舍利弗有菩薩摩訶  
薩行般若波羅蜜時住檀那波羅蜜  
淨薩婆若道畢竟空不生慳心故舍

利弗有菩薩摩訶薩行般若波羅蜜  
時住尸羅波羅蜜淨薩婆若道畢竟  
空罪不罪不著故舍利弗有菩薩摩  
訶薩行般若波羅蜜時住羼提波羅  
蜜淨薩婆若道畢竟空不瞋故舍利  
弗有菩薩摩訶薩行般若波羅蜜時  
住毗梨耶波羅蜜淨薩婆若道畢竟  
空身心精進不懈怠故舍利弗有菩  
薩摩訶薩行般若波羅蜜時住禪那  
波羅蜜淨薩婆若道畢竟空不乱不  
味故舍利弗有菩薩摩訶薩行般若  
波羅蜜時住般若波羅蜜淨薩婆若  
道畢竟空不生癡心故如是舍利弗  
菩薩摩訶薩行般若波羅蜜時住六  
波羅蜜淨薩婆若道畢竟空故不來  
不去故不施不受故非戒非犯故非  
忍非瞋故不進不怠故不定不乱故  
不智不愚故今時菩薩摩訶薩不分  
別布施不布施持戒犯戒忍辱瞋恚  
精進懈怠定心亂心智慧愚癡不分  
別毀害輕慢恭敬何以故舍利弗无  
生法中無有受毀者无有受害者無  
有受輕慢恭敬者舍利弗菩薩摩訶



薩行般若波羅蜜得如是諸功德聲聞辟支佛所无有得是功德具足成就衆生淨佛國土得一切種智復次舍利弗菩薩摩訶薩行般若波羅蜜時一切衆生中生等心一切衆生中生等心已得一切諸法等得一切諸法等已立一切衆生於諸法等中是菩薩摩訶薩現世為十方諸佛所愛念亦為一切菩薩一切聲聞辟支佛所愛念是菩薩在所生處眼終不見不受色乃至意不覺不受法如是舍利弗菩薩摩訶薩行般若波羅蜜不減於阿耨多羅三藐三菩提說是般若波羅蜜品時三百比丘從座起以所著衣上佛發阿耨多羅三藐三菩提心佛亦時微笑種種色光從口中出尔時慧命阿難從座起整衣服合掌右膝著地白佛言佛何因緣微笑佛告阿難是三百比丘從是已後六十一劫當作佛皆号名大相是三百比丘捨此身當生阿閼佛國及六万欲天子皆發阿耨多羅三藐三菩提心於弥勒佛法中出家行佛道是時

佛之威神故此間四部衆見十方面各千佛是十方國土嚴淨此娑婆國土所不及。尔時十千人作願我等修淨願行修淨願行故當生彼佛世界。尔時佛知是善男子深心而佛微笑種種光從口中出。阿難整衣服合掌白佛。佛何因緣微笑。佛告阿難。汝見是十千人不阿難言見。佛言是十千人於此壽終當生彼世界終不離諸佛。後當作佛皆号莊嚴王佛。

摩訶般若波羅蜜經歡度品第五

尔時慧命舍利弗。慧命大目犍連。慧命須菩提。慧命摩訶迦葉。如是等諸多知識比丘及諸菩薩摩訶薩。諸優婆塞。優婆夷。從座起合掌白佛言。世尊。摩訶波羅蜜是菩薩摩訶薩般若波羅蜜。尊波羅蜜第一波羅蜜。勝波羅蜜。妙波羅蜜。无上波羅蜜。無等波羅蜜。无等等波羅蜜。如虛空波羅蜜。是菩薩摩訶薩般若波羅蜜。世尊。自相空波羅蜜是菩薩摩訶薩般若波羅蜜。世尊。自性空波羅蜜是菩薩摩訶薩般若波羅蜜。諸法空波羅蜜。无

法有法空波羅蜜開一切功德波羅蜜成就一切功德波羅蜜不可壞波羅蜜是諸菩薩摩訶薩般若波羅蜜諸菩薩摩訶薩行是般若波羅蜜無等等布施具足无等等檀那波羅蜜得无等等身得无等等法所謂阿耨多羅三藐三菩提尸羅波羅蜜羼提波羅蜜毗梨耶波羅蜜禪那波羅蜜般若波羅蜜亦如是世尊本亦復行此般若波羅蜜具足無等等六波羅蜜得無等等法得无等等色得無等等受想行識佛轉無等等法輪過去佛亦如是行此般若波羅蜜具足无等等布施乃至轉無等等法輪未來世佛亦行此般若波羅蜜當作無等等布施乃至當轉无等等法輪以是故世尊菩薩摩訶薩欲度一切彼岸當習行般若波羅蜜世尊是行般若波羅蜜菩薩摩訶薩一切世間天及人阿修羅應當禮敬供養佛告衆弟子及諸菩薩摩訶薩如是如是諸善男子是行般若波羅蜜者一切世間天及人阿修羅應當作禮恭敬供養

何以故因菩薩來故出生人道天道  
刹利大姓婆羅門大姓居士大家轉  
輪聖王四天王天乃至阿迦尼吒天  
出生須陀洹乃至阿羅漢辟支佛諸  
佛因菩薩來故世間便有飲食衣服  
卧具房舍燈燭摩尼真珠頗梨琉璃  
珊瑚金銀等諸寶物生舍利弗世間  
所有樂具若人中若天上若離欲樂  
是一切樂具皆由菩薩有何以故舍  
利弗菩薩摩訶薩行菩薩道時住六  
波羅蜜自行布施亦以布施成就衆  
生乃至自行般若波羅蜜亦以般若  
波羅蜜成就衆生舍利弗是故菩薩  
摩訶薩為安樂一切衆生故出現於世  
摩訶般若波羅蜜經舌相品第六  
尔時世尊出舌相遍覆三千大千世  
界從其舌相出無數無量色光明普  
照十方如恒河沙等諸佛世界是時  
東方如恒河沙等世界中无量無數  
諸菩薩見是大光明各各白其佛言  
世尊是誰力故有是大光明普照諸  
佛世界諸佛告諸菩薩言諸善男子  
西方有世界名娑婆是中有佛名釋

迦牟尼是其舌相出大光明普照東方如恒河沙等諸佛世界南西北方四維上下亦復如是為諸菩薩摩訶薩說般若波羅蜜故是時諸菩薩各白其佛言我欲往供養釋迦牟尼佛及諸菩薩摩訶薩并欲聽般若波羅蜜諸佛告諸菩薩善男子汝自知時是時諸菩薩摩訶薩持諸供養具无量花蓋幢幡瓔珞衆香金銀寶花向娑婆世界詣釋迦牟尼佛所尔時四天王諸天乃至阿迦尼吒諸天各持天上天香末香澤香天樹香葉香天種種蓮花青赤紅白向釋迦牟尼佛所是諸菩薩摩訶薩及諸天所散諸花於三千大千世界虛空中化成四柱大寶臺種種異色莊嚴分明是時釋迦牟尼佛衆中有十萬億人皆從座起合掌白佛言世尊我等於未來世中亦當得如是法如今釋迦牟尼佛弟子侍從大衆說法亦尔是時佛知善男子至心於一切諸法不生不滅不出不作得是法忍佛便微笑種種色光從口中出阿難白佛言世尊何因緣故微



笑佛告阿難是衆中十萬億人於諸法中得无生忍是諸人於未來世過六十八億劫當作佛劫名花積佛皆号覺花

摩訶般若波羅蜜經三假品第七

尔時佛告慧命須菩提汝當教諸菩薩摩訶薩般若波羅蜜如諸菩薩摩訶薩所應成就般若波羅蜜即時諸菩薩摩訶薩及聲聞大弟子諸天等作是念慧命須菩提自以智慧力當為諸菩薩摩訶薩說般若波羅蜜耶為是佛力慧命須菩提知諸菩薩摩訶薩大弟子諸天心所念語慧命舍利弗諸佛弟子所說法所教授皆是佛力佛所說法法相不相違背是善男子學是法得證此法佛說如燈舍利弗一切聲聞辟支佛實无是力能為菩薩摩訶薩說般若波羅蜜尔時慧命須菩提白佛言世尊所說菩薩菩薩字何等法名菩薩世尊我等不見是法名菩薩云何教菩薩般若波羅蜜佛告須菩提般若波羅蜜亦但有名字名為般若波羅蜜菩薩菩薩



字亦但有名字是名字不在內不在外不在中間須菩提譬如說我名和合故有是我名不生不滅但以世間名字故說如衆生壽者命者生者養育者衆數人作者使作者起者使起者受者使受者知者見者等和合法故有是諸名不生不滅但以世間名字故說般若波羅蜜菩薩菩薩字亦是皆和合故有是亦不生不滅但以世間名字故說須菩提譬如色受想行識亦和合故有是亦不生不滅但以世間名字故說須菩提般若波羅蜜菩薩菩薩字亦是皆是和合故有是亦不生不滅但以世間名字故說須菩提譬如眼和合故有是亦不生不滅提譬如眼和合故有是亦不生不滅但以世間名字故說是眼不在內不在外不在中間耳鼻舌身意和合故有是亦不生不滅但以世間名字故說色乃至法亦如是眼界和合故有是亦不生不滅但以世間名字故說乃至意識界亦是須菩提般若波

羅蜜菩薩菩薩字亦是皆和合故  
有是亦不生不滅但以世間名字故  
說是名字不在內不在外不在中間  
須菩提譬如內身名為頭但有名字  
項肩臂脊脇腔膊脚皆和合故有是  
法及名字亦不生不滅但以名字故  
說是名字亦不在內亦不在外不在  
中間須菩提般若波羅蜜菩薩菩薩  
字亦是皆和合故有但以名字故  
說是亦不生不滅不在內不在外不  
在中間須菩提譬如外物草木枝葉  
莖節如是一切但以名字故說是法及  
名字亦不生不滅非內非外非中間  
住須菩提般若波羅蜜菩薩菩薩字  
亦如是皆和合故有是法及名字亦  
不生不滅非內非外非中間住須菩  
提譬如過去諸佛名和合故有是亦  
不生不滅但以名字故說是亦非內  
非外非中間住般若波羅蜜菩薩菩  
薩字亦是須菩提譬如夢響影幻  
焰佛所化皆是和合故有但以名字  
說是法及名字不生不滅非內非外  
非中間住般若波羅蜜菩薩菩薩字

亦如是如是須菩提菩薩摩訶薩行  
般若波羅蜜名假施設受假施設法  
假施設如是應當學復次須菩提菩  
薩摩訶薩行般若波羅蜜時不見色  
名字是常不見受想行識名字是常  
不見色名字無常不見受想行識名  
字無常不見色名字樂不見色名字  
苦不見色名字我不見色名字無我  
不見色名字空不見色名字无相不  
見色名字無作不見色名字寂滅不  
見色名字垢不見色名字淨不見色  
名字生不見色名字滅不見色名字  
內不見色名字外不見色名字中間  
住受想行識亦如是眼色眼識眼觸  
觸意觸因緣生諸受乃至意法意識意  
菩薩摩訶薩行般若波羅蜜般若波  
羅蜜字菩薩菩薩字有為性中亦不  
見無為性中亦不見菩薩摩訶薩行  
般若波羅蜜是法皆不作分別是菩  
薩行般若波羅蜜住不壞法中修四  
念處時不見般若波羅蜜不見般若  
波羅蜜字不見菩薩不見菩薩字乃

至修十八不共法時不見般若波羅蜜不見般若波羅蜜字不見菩薩不見菩薩字菩薩摩訶薩如是行般若波羅蜜時但知諸法實相諸法實相者無垢无淨如是須菩提菩薩摩訶薩行般若波羅蜜時當作是知名字假施設知假名字已不著色不著受想行識不著眼乃至意不著色乃至法不著眼識乃至不著意識不著眼觸乃至不著意觸不著眼觸因緣生受若苦若樂若不苦不樂乃至不著意觸因緣生受若苦若樂若不苦不樂不著有為性不著無為性不著檀那波羅蜜尸羅波羅蜜羼提波羅蜜毗梨耶波羅蜜禪那波羅蜜般若波羅蜜不著三十二相不著菩薩身不著菩薩肉眼乃至不著佛眼不著智波羅蜜不著神通波羅蜜不著內空乃至不著无法有法空不著成就眾生不著淨佛國土不著方便法何以故是諸法無著者无著法無著處皆无故如是須菩提菩薩摩訶薩行般若波羅蜜時不著一切法便增益檀

那波羅蜜尸羅波羅蜜羼提波羅蜜  
毗梨耶波羅蜜禪那波羅蜜般若波  
羅蜜入菩薩位得阿惟越致地具足  
菩薩神通遊一佛國至一佛國成就  
衆生恭敬尊重讚歎諸佛為淨佛國  
土為見諸佛供養供養之具善根成  
就故隨意悉得亦聞諸佛所說法聞  
已乃至阿耨多羅三藐三菩提終不  
忘失得諸陀羅尼門諸三昧門如是須  
菩提菩薩摩訶薩行般若波羅蜜時  
當知諸法名假施設須菩提於汝意  
云何色是菩薩不受想行識是菩薩  
不不也世尊眼耳鼻舌身意是菩薩  
不不也世尊色聲香味觸法是菩薩  
不不也世尊眼識乃至意識是菩薩  
不不也世尊須菩提於汝意云何地  
種是菩薩不不也世尊水火風空識  
種是菩薩不不也世尊於須菩提意  
云何无明是菩薩不不也世尊乃至  
老死是菩薩不不也世尊於須菩提  
意云何離色離受想行識乃至離老  
死是菩薩不不也世尊須菩提於汝  
意云何色如相是菩薩不不也世尊

乃至老死如相是菩薩不不也世尊  
離色如相乃至離老死如相是菩薩  
不不也世尊佛告須菩提汝觀何等  
義言色非菩薩乃至老死非菩薩離  
色非菩薩乃至離老死非菩薩色如  
相非菩薩乃至老死如相非菩薩離  
色如相非菩薩乃至離老死如相非  
菩薩須菩提言世尊衆生畢竟不可  
得何況當是菩薩色不可得何況色  
離色色如離色如是菩薩乃至老死  
不可得何況老死離老死老死如離  
老死如是菩薩佛告須菩提善哉善  
哉如是須菩提菩薩摩訶薩衆生不  
可得故般若波羅蜜亦不可得當作  
是學於須菩提意云何色是菩薩義  
不不也世尊受想行識是菩薩義不  
不也世尊於須菩提意云何色常是  
菩薩義不不也世尊受想行識常是  
菩薩義不不也世尊色无常是菩薩  
義不不也世尊受想行識無常是菩  
薩義不不也世尊色樂是菩薩義不  
不也世尊受想行識樂是菩薩義不  
不也世尊色苦是菩薩義不不也世



尊受想行識苦是菩薩義不不也世  
尊色我是菩薩義不不也世尊受想  
行識我是菩薩義不不也世尊色非  
我是菩薩義不不也世尊受想行識  
非我是菩薩義不不也世尊於須菩  
提意云何色空是菩薩義不不也世  
尊受想行識空是菩薩義不不也世  
尊色非空是菩薩義不不也世尊受  
想行識非空是菩薩義不不也世尊  
色相是菩薩義不不也世尊受想行  
識相是菩薩義不不也世尊色無相  
是菩薩義不不也世尊受想行識无  
相是菩薩義不不也世尊色作是菩  
薩義不不也世尊受想行識作是菩  
薩義不不也世尊色無作是菩薩義  
不不也世尊受想行識无作是菩薩  
義不不也世尊乃至老死亦如是佛  
告須菩提汝觀何等義言色非菩薩  
義受想行識非菩薩義乃至色受想  
行識無作非菩薩義乃至老死亦如  
是須菩提白佛言世尊色畢竟不可  
得何況色是菩薩義受想行識亦如  
是世尊色常畢竟不可得何況色無

常是菩薩義乃至識亦如是世尊色  
樂畢竟不可得何況色若是菩薩義  
乃至識亦如是世尊色我畢竟不可  
得何況色非我是菩薩義乃至識亦  
如是世尊色有畢竟不可得何況色  
空是菩薩義乃至識亦如是世尊色  
相畢竟不可得何況色無相是菩薩  
義乃至識亦如是世尊色作畢竟不  
可得何況色无作是菩薩義乃至識  
亦如是佛告須菩提善哉善哉如是  
須菩提菩薩摩訶薩行般若波羅蜜  
色義不可得受想行識義不可得乃  
至無作義不可得當作是學般若波  
羅蜜須菩提汝言我不見是法名菩  
薩須菩提諸法不見諸法諸法不見  
法性法性不見諸法法性不見地種  
地種不見法性乃至識種不見法性  
法性不見識種法性不見眼色眼識  
性眼色眼識性不見法性乃至法性  
不見意法意識性意法意識性不見  
法性須菩提有為性不見無為性无  
為性不見有為性何以故離有為不  
可說無為離无為不可說有為如是

須菩提菩薩摩訶薩行般若波羅蜜  
於諸法無所見是時不驚不畏不怖  
心亦不沒不悔何以故是菩薩摩訶  
薩不見色受想行識故不見眼乃至  
意不見色乃至法不見婬怒癡不見  
無明乃至老死不見我乃至知者見  
者不見欲界色界無色界不見聲聞  
心辟支佛心不見菩薩不見菩薩法  
不見佛不見佛法不見佛道是菩薩  
一切法不見故不驚不畏不怖不沒  
不悔須菩提白佛言世尊何因緣故  
是菩薩心不沒不悔佛告須菩提菩  
薩摩訶薩一切心心數法不可得不  
可見以是故菩薩摩訶薩心不沒不  
悔世尊云何菩薩心不驚不畏不怖  
佛告須菩提是菩薩意及意識不可  
得不可見以是故不驚不畏不怖如  
是須菩提菩薩摩訶薩一切法不可  
得故應行般若波羅蜜須菩提菩薩  
摩訶薩一切行處不得般若波羅蜜  
不得菩薩不得菩薩名亦不得菩薩  
心即是教菩薩摩訶薩

摩訶般若經卷第二

戊戌歲高麗國大藏都監奉

勅彫造

摩訶般若波羅蜜經卷第三

芥

後秦龜茲國三藏鳩摩羅什譯

勸學品第八

尔時須菩提白佛言世尊菩薩摩訶  
薩欲具足檀那波羅蜜當學般若波  
羅蜜欲具足尸羅波羅蜜當學般若  
蜜毗梨耶波羅蜜禪那波羅蜜般若  
波羅蜜當學般若波羅蜜菩薩摩訶  
薩欲知色當學般若波羅蜜乃至欲  
知識當學般若波羅蜜欲知眼乃至  
意欲知色乃至法欲知眼識乃至意  
緣生受乃至意觸因緣生受當學般  
若波羅蜜欲斷婬怒癡當學般若波  
羅蜜菩薩摩訶薩欲斷身見戒取疑  
婬欲瞋恚色受无色受調慢無明等  
一切結使及纏當學般若波羅蜜欲  
斷四縛四結四顛倒當學般若波羅  
蜜欲知十善道欲知四禪欲知四無  
量心四无色定四念處乃至十八不  
共法當學般若波羅蜜菩薩摩訶薩  
欲入覺意三昧當學般若波羅蜜欲

入六神通九次第定超越三昧當學  
般若波羅蜜欲得師子遊戲三昧當  
學般若波羅蜜欲得師子奮迅三昧  
欲得一切陀羅尼門當學般若波羅  
蜜菩薩摩訶薩欲得首楞嚴三昧寶  
印三昧妙月三昧月幢相三昧一切  
法印三昧觀印三昧畢法性三昧畢  
住相三昧如金剛三昧入一切法門  
三昧三昧王三昧王印三昧淨力三  
昧高出三昧必入一切辯才三昧入  
諸法名三昧觀十方三昧諸陀羅尼  
門印三昧一切法不忘三昧攝一切  
法聚印三昧虛空住三昧三分清淨  
三昧不退神通三昧出鉢三昧諸三  
昧幢相三昧欲得如是等諸三昧門  
當學般若波羅蜜復次世尊菩薩摩  
訶薩欲滿一切衆生願當學般若波  
羅蜜欲得具足如是善根常不墮惡  
趣欲得不生卑賤之家欲得不住聲  
聞辟支佛地中欲得不墮菩薩頂者  
當學般若波羅蜜今時慧命舍利弗  
問須菩提云何為菩薩摩訶薩墮頂  
須菩提言舍利弗若菩薩摩訶薩不



以方便行六波羅蜜入空无相無作  
三昧不墮聲聞辟支佛地亦不入菩  
薩位是名菩薩摩訶薩法生故墮頂  
舍利弗問須菩提云何名菩薩生須  
菩提答舍利弗言生名法愛舍利弗  
言何等法愛須菩提言菩薩摩訶薩  
行般若波羅蜜色是空受念著受想  
行識是空受念著舍利弗是名菩薩  
摩訶薩順道法愛生復次舍利弗菩  
薩摩訶薩色是無相受念著受想行  
識是无相受念著色是无作受念著  
受想行識是无作受念著色是寂滅  
受念著受想行識是寂滅受念著色  
是无常乃至識色是苦乃至識色是  
无我乃至識受念著是為菩薩順道  
法愛生是苦應知集應斷盡應證道  
應修是垢法是淨法是應近是不應  
近是菩薩所應行是非菩薩所應行  
是菩薩道是非菩薩道是菩薩學是  
非菩薩學是菩薩檀那波羅蜜乃至  
般若波羅蜜是非菩薩檀那波羅蜜  
乃至般若波羅蜜是菩薩方便是非  
菩薩方便是菩薩熟是非菩薩熟舍

利弗菩薩摩訶薩行般若波羅蜜是  
諸法受念著是為菩薩摩訶薩順道  
法受生舍利弗問須菩提云何名菩  
薩摩訶薩无生須菩提言菩薩摩訶  
薩行般若波羅蜜時內空中不見外  
空外空中不見內空外空中不見內  
外空內外空中不見外空內外空中  
不見空空空中不見內外空空空  
中不見大空大空中不見空空大空  
中不見第一義空中第一義空中不見  
大空第一義空中不見有為空有為  
空中不見第一義空有為空中不見  
無為空无為空中不見有為空無為  
空中不見畢竟空畢竟空中不見无  
為空畢竟空中不見無始空无始空  
中不見畢竟空無始空中不見散空  
散空中不見无始空散空中不見性  
空性空中不見散空性空中不見諸  
法空諸法空中不見性空諸法空中  
不見自相空自相空中不見諸法空  
自相空中不見不可得空不可得空  
中不見自相空不可得空中不見無  
法空无法空中不見不可得空無法

空中不見有法空中不見有法空中不見有法  
法空有法空中不見有法有法空无  
法有法空中不見有法空舍利弗菩  
薩摩訶薩行般若波羅蜜得入菩薩  
位復次舍利弗菩薩摩訶薩欲學般  
若波羅蜜應如是學不念色受想行  
識不念眼乃至意不念色乃至法不  
念檀那波羅蜜尸羅波羅蜜羼提波  
羅蜜毗梨耶波羅蜜禪那波羅蜜般  
若波羅蜜乃至十八不共法如是舍  
利弗菩薩摩訶薩行般若波羅蜜得  
是心不應念不應高无等等心不應  
念不應高大心不應念不應高何以  
故是心非心心相常淨故舍利弗語  
須菩提云何名心相常淨須菩提言  
若菩薩知是心相與婬怒癡不合不  
離諸纏流縛若諸結使一切煩惱不  
合不離聲聞辟支佛心不合不離舍  
利弗是名菩薩心相常淨舍利弗語  
須菩提有是無心相心不須菩提報  
舍利弗言无心相中有心相無心相  
可得不舍利弗言不可得須菩提言  
若不可得不應問有是無心相心不

舍利弗復問何等是无心相須菩提  
言諸法不壞不分別是名無心相舍  
利弗復問須菩提但是心不壞不分  
別色亦不壞不分別乃至佛道亦不  
壞不分別耶須菩提言若能知心相  
不壞不分別是菩薩亦能知色乃至  
佛道不壞不分別尔時慧命舍利弗  
讚須菩提言善哉善哉汝真是佛子  
從佛口生從見法生從法化生取法  
分不取財分法中自信身得證如佛  
所說得無諍三昧中汝取第一實如  
佛所舉須菩提菩薩摩訶薩應如是  
學般若波羅蜜是中亦當分別知菩  
薩如汝所說行則不離般若波羅蜜  
須菩提善男子善女人欲學聲聞地  
亦當應聞般若波羅蜜持誦讀正憶  
念如說行欲學辟支佛地亦當應聞  
般若波羅蜜持誦讀正憶念如說行  
欲學菩薩地亦當應聞般若波羅蜜  
持誦讀正憶念如說行何以故是般  
若波羅蜜中廣說三乘是中菩薩摩  
訶薩聲聞辟支佛當學

摩訶般若波羅蜜經集散品第九

亦時慧命須菩提白佛言世尊我不覺不得是菩薩行般若波羅蜜當為誰說般若波羅蜜世尊我不得一切諸法集散若我為菩薩作字言菩薩或當有悔世尊是字不住亦不住何以故是字無所有故以是故是字不住亦不住世尊我不得色集散乃至識集散若不可得云何當作名字世尊以是因緣故是字不住亦不住何以故是字無所有故世尊我亦不得眼集散乃至意識集散若不可得云何當作名字言是菩薩世尊是眼名字乃至意名字不住亦不住何以故是名字无所有故以是故是字不住亦不住世尊我不得色集散乃至法集散若不可得云何當作名字言是菩薩世尊是色字乃至法字不住亦不住何以故是字無所有故以是故是字不住亦不住眼識乃至意識眼觸乃至意識眼觸因緣生受乃至意觸因緣生受亦如是世尊我不得無明集散乃至不得老死集散世尊我不得元明盡集散乃

至不得老死盡集散世尊我不得淫  
怒癡集散諸邪見集散皆亦如是世  
尊我不得六波羅蜜集散四念處集  
散乃至八聖道分集散空無相无作  
集散四禪四無量心四无色定集散  
念佛念法念僧念戒念捨念天念善念  
入出息念身念死集散我亦不得佛十  
力乃至十八不共法集散世尊我若  
不得六波羅蜜乃至十八不共法集  
散去何當作字言是菩薩世尊是字  
不住亦不不住何以故是字無所有  
故以是故是字不住亦不住世尊  
我不得如夢五陰集散我亦不得如  
嚮如影如焰如化五受陰集散亦如  
上說世尊我不得離集散我不得寂  
滅不生不滅不亦不垢不淨集散世  
尊我不得如法性實際法相法位集  
散亦如上說我不得諸善不善法集  
散我不得有為无為法有漏無漏法  
集散過去未來現在法集散不過去  
不未來不現在法集散何等是不過  
去不未來不現在所謂無為法世尊  
我亦不得無為法集散世尊我亦不



得佛集散世尊我亦不得十方如恒  
河沙等世界諸佛及菩薩聲聞集散  
世尊者我不得諸佛集散云何當教  
菩薩摩訶薩般若波羅蜜世尊是菩  
薩字不住亦不住何以故是字無  
所有故以是故是字不住亦不住  
世尊我不得是諸法實相集散云何  
當與菩薩作字言是菩薩世尊是諸  
法實相名字不住亦不住何以故  
是名字無所有故以是故是名字不  
住亦不住世尊諸法因緣和合假  
名施設所謂菩薩是名字於五蔭中  
不可說十二入十八界乃至十八不  
共法中不可說於和合法中亦无可  
說世尊譬如夢於諸法中不可說嚮  
影焰化於諸法中亦不可說譬如名  
虛空亦無法中可說世尊如地水火  
風名亦無法中可說戒三昧智慧解  
脫解脫知見名亦無法中可說如須  
陀洹名字乃至阿羅漢辟支佛名字  
亦無法中可說如佛名法名亦無法  
中可說所謂若善若不善若常若無  
常若苦若樂若我若无我若寂滅若

離若有若無世尊我以是義故心悔  
一切諸法集散相不可得云何為菩  
薩作字言是菩薩世尊是字不住亦  
不不住何以故是字無所有故以是  
故是字不住亦不住世尊若菩薩  
摩訶薩聞作是說般若波羅蜜如是  
相如是義心不沒不悔不驚不畏不  
怖當知是菩薩必住阿惟越致性中  
住不住法故復次世尊菩薩摩訶薩  
欲行般若波羅蜜色中不應住受想  
行識中不應住眼耳鼻舌身意中不  
應住色聲香味觸法中不應住眼識  
乃至意識中不應住眼觸乃至意觸  
中不應住眼觸因緣生受乃至意觸  
因緣生受中不應住地種水火風種  
空識種中不應住無明乃至老死中  
不應住何以故世尊色色相空受想  
行識識相空世尊色空不名為色離  
空亦无色色即是空空即是色受想  
行識識空不名為識離空亦无識識  
即是空空即是識乃至老死老死相  
空世尊老死空不名老死離空亦無  
老死老死即是空空即是老死世尊

以是因緣故菩薩摩訶薩欲行般若  
波羅蜜不應色中住乃至老死中不  
應住復次世尊菩薩摩訶薩欲行般  
若波羅蜜四念處中不應住何以故  
四念處四念處相空世尊四念處空  
不名四念處離空亦无四念處四念  
處即是空空即是四念處乃至十八  
不共法亦如是世尊以是因緣故菩  
薩摩訶薩欲行般若波羅蜜四念處  
乃至十八不共法中不應住復次世  
尊菩薩摩訶薩欲行般若波羅蜜檀  
那波羅蜜中不應住尸羅波羅蜜羼  
提波羅蜜毗梨耶波羅蜜禪那波羅  
蜜般若波羅蜜中不應住何以故檀  
那波羅蜜檀那波羅蜜相空乃至般  
若波羅蜜般若波羅蜜相空世尊檀  
那波羅蜜空不名檀那波羅蜜離空  
亦无檀那波羅蜜檀那波羅蜜即是  
空空即是檀那波羅蜜乃至般若波  
羅蜜亦如是世尊以是因緣故菩薩  
摩訶薩欲行般若波羅蜜不應六波  
羅蜜中住復次世尊菩薩摩訶薩欲  
行般若波羅蜜文字中不應住一字

門二字門如是種種字門中不應住  
何以故諸字諸字相空故亦如上說  
復次世尊菩薩摩訶薩欲行般若波  
羅蜜諸神通中不應住何以故諸神  
通諸神通相空神通空不名神通離  
空亦无神通神通即是空空即是神  
通世尊以是因緣故菩薩摩訶薩欲  
行般若波羅蜜諸神通中不應住復  
次世尊菩薩摩訶薩欲行般若波羅  
蜜色是無常不應住受想行識是无  
常不應住何以故無常无常相空世  
尊無常空不名无常離空亦無无常  
無常即是空空即是無常世尊以是  
因緣故菩薩摩訶薩欲行般若波羅  
蜜色是無常不應住受想行識是无  
常不應住色是苦不應住受想行識  
是苦不應住色是無我不應住受想  
行識是无我不應住色是空不應住  
受想行識是空不應住色是寂滅不  
應住受想行識是寂滅不應住色是  
離不應住受想行識是離不應住亦  
如上說復次世尊菩薩摩訶薩欲行  
般若波羅蜜如中不應住何以故如

如相空世尊如相空不名如離空亦  
無如如即是空空即是如世尊菩薩  
摩訶薩欲行般若波羅蜜法性法相  
法位實際中不應住何以故實際實  
際空世尊實際空不名實際離空亦  
無實際實際即是空空即是實際復  
次世尊菩薩摩訶薩欲行般若波羅  
蜜一切陀羅尼門中不應住一切三  
昧門中不應住何以故陀羅尼門陀  
羅尼門相空三昧門三昧門相空世  
尊陀羅尼門三昧門空不名陀羅尼  
門三昧門離空亦無陀羅尼三昧門  
陀羅尼三昧門即是空空即是陀羅  
尼三昧門世尊以是因緣故菩薩摩  
訶薩欲行般若波羅蜜如乃至陀羅  
尼三昧門中不應住世尊如菩薩摩  
訶薩欲行般若波羅蜜无方便故以  
吾我心於色中住是菩薩作色行以  
吾我心於受想行識中住是菩薩作  
識行若菩薩作行者不受般若波羅  
蜜亦不具足般若波羅蜜不具足般  
若波羅蜜故不能得成就薩婆若世  
尊如菩薩摩訶薩欲行般若波羅蜜

無方便故以吾我心於十二入乃至  
陀羅尼三昧門中住是菩薩作十二  
入乃至作陀羅尼三昧門行若菩薩  
作行者不受般若波羅蜜亦不具足  
般若波羅蜜不具足般若波羅蜜故  
不能得成就薩婆若何以故色是不  
受受想行識是不受色不受則非色  
性空故受想行識不受則非識性空  
故十二入是不受乃至陀羅尼三昧  
門是不受十二入不受則非十二入  
乃至陀羅尼三昧門不受則非陀羅  
尼三昧門性空故般若波羅蜜亦不  
受般若波羅蜜不受則非般若波羅  
蜜性空故如是菩薩摩訶薩欲行般  
若波羅蜜應觀諸法性空如是觀心  
無行處是名菩薩摩訶薩不受三昧  
廣大之用不與聲聞辟支佛共是薩  
婆若慧亦不受內空故外空內外空  
空空大空第一義空有為空无為空  
畢竟空無始空散空性空自相空諸  
法空不可得空無法空有法空无法  
有法空故何以故是薩婆若不可以  
相行得相行有垢故何等是垢相色



相乃至陀羅尼三昧門相是名垢相  
是相若受若修可得薩婆若者先尼  
梵志於一切智中終不生信云何為  
信信般若波羅蜜分別解知稱量思  
惟不以相法不以無相法如是先尼  
梵志不取相住信行中用性空智入  
諸法相中不受色不受受想行識何  
以故諸法自相空故不可得受是先  
尼梵志非內觀得故見是智慧非外  
觀得故見是智慧非內外觀得故見  
是智慧亦不无智慧觀得故見是智  
慧何以故梵志不見是法智者知法  
知處故此梵志非內色中見是智慧  
非內受想行識中見是智慧非外色  
中見是智慧非外受想行識中見是  
智慧非內外色中見是智慧非內外  
受想行識中見是智慧亦不離色受  
想行識中見是智慧內外空故先尼  
梵志此中心得信解於一切智以是  
故梵志信諸法實相一切法不可得  
故如是信解已無法可受諸法无相  
無憶念故是梵志於諸法亦無所得  
无取無捨取捨不可得故是梵志亦

不念智慧諸法相无念故世尊是名  
菩薩摩訶薩般若波羅蜜此彼岸不  
度故是菩薩色受想行識不受一切  
法不受故乃至諸陀羅尼三昧門亦  
不受一切法不受故是菩薩於是中  
亦不取涅槃未具足四念處乃至八  
聖道分未具足十力乃至十八不共  
法故何以故是四念處非四念處乃  
至十八不共法非十八不共法是諸  
法非法亦不非法是名菩薩摩訶薩  
般若波羅蜜色不受乃至十八不共  
法不受復次世尊菩薩摩訶薩欲行  
般若波羅蜜應如是思惟何者是般  
若波羅蜜何以故名般若波羅蜜是  
誰般若波羅蜜若菩薩摩訶薩行般  
若波羅蜜如是念若法無所有不可  
得是般若波羅蜜今時舍利弗問須  
菩提何等法無所有不可得須菩提  
言般若波羅蜜是法无所有不可得  
禪那波羅蜜毗梨耶波羅蜜羼提波  
羅蜜尸羅波羅蜜檀那波羅蜜是法  
无所有不可得内空故外空内外空  
空空大空第一義空有為空無為空

畢竟空无始空散空性空自相空諸  
法空不可得空無法空有法空无法  
有法空故舍利弗色法無所有不可  
得受想行識法无所有不可得内空  
法無所有不可得乃至无法有法空  
法無所有不可得舍利弗四念處法  
无所有不可得乃至十八不共法無  
所有不可得舍利弗諸神通法无所  
有不可得如如法無所有不可得法  
性法相法位法住實際法无所有不  
可得舍利弗佛無所有不可得薩婆  
若法无所有不可得一切種智法無  
所有不可得内空乃至无法有法空  
故舍利弗若菩薩摩訶薩如是思惟  
如是觀時心不沒不悔不驚不畏不  
怖當知是菩薩不離般若波羅蜜行  
舍利弗問須菩提何因緣故當知菩  
薩不離般若波羅蜜行須菩提言色  
離色性受想行識離識性六波羅蜜  
離六波羅蜜性乃至實際離實際性  
舍利弗復問須菩提云何是色性云  
何是受想行識性云何乃至實際性  
須菩提言无所有是色性無所有是

受想行識性乃至無所有是實際性  
舍利弗以是因緣故當知色離色性  
受想行識離識性乃至實際離實際  
性舍利弗色亦離色相受想行識亦  
離識相乃至實際亦離實際相相亦  
離相性亦離性舍利弗問須菩提菩  
薩摩訶薩若如是學得成就薩婆若  
耶須菩提言如是如是舍利弗若菩  
薩摩訶薩如是學得成就薩婆若何  
以故以諸法不生不成就故舍利弗  
問須菩提何因緣故諸法不生不成  
就須菩提言色色空是色生成就不  
可得受想行識識空是識生成就不  
可得乃至實際實際空是實際生成  
就不可得舍利弗菩薩摩訶薩如是  
學漸近薩婆若漸得身清淨心清淨  
相清淨漸得身清淨心清淨相清淨  
故是菩薩不生染心不生瞋心不生  
癡心不生憍慢心不生慳貪心不生  
邪見心是菩薩不生染心乃至不生  
邪見心故終不生母人腹中常得化  
生從一佛國至一佛國成就衆生淨  
佛國土乃至阿耨多羅三藐三菩提

終不離諸佛舍利弗菩薩摩訶薩當作是行般若波羅蜜當作是學般若波羅蜜

摩訶般若波羅蜜經相行品第十

尔時須菩提白佛言世尊若菩薩摩訶薩無方便欲行般若波羅蜜若行色為行相若行受想行識為行相若色是常行為行相若受想行識是常行為行相若色是無常行為行相若受想行識是無常行為行相若受想行識是樂行為行相若色是苦行為行相若受想行識是苦行為行相若色是有行為行相若受想行識是有行為行相若色是空行為行相若受想行識是空行為行相若色是我行為行相若受想行識是我行為行相若色是无我行為行相若色是離行為行相若受想行識是離行為行相若色是寂滅行為行相若受想行識是寂滅行為行相世尊若菩薩摩訶薩无方便行四念處為行相乃至行十八不共法為行相



世尊若菩薩摩訶薩行般若波羅蜜時作是念我行般若波羅蜜有所得行亦是行相世尊若菩薩摩訶薩作是念能如是行是修行般若波羅蜜亦是行相當知是菩薩摩訶薩行般若波羅蜜无方便須菩提語舍利弗若菩薩摩訶薩行般若波羅蜜時色受念妄解為色故作行若為色故作行不能得離生老病死憂悲苦惱及後世苦若菩薩摩訶薩行般若波羅蜜時无方便眼受念妄解乃至意色乃至法眼識界乃至意識界眼觸乃至意觸眼觸因緣生受乃至意觸因緣生受四念處乃至十八不共法受念妄解為十八不共法故作行若為作行是菩薩不能得離生老病死憂悲苦惱及後世苦如是菩薩尚不能得聲聞辟支佛地諍何況得阿耨多羅三藐三菩提无有是處舍利弗當知是菩薩摩訶薩行般若波羅蜜無方便舍利弗問須菩提云何當知菩薩摩訶薩行般若波羅蜜有方便須菩提語舍利弗若菩



薩摩訶薩欲行般若波羅蜜時不行  
色不行受想行識不行色相不行受  
想行識相不行色受想行識常不行  
色受想行識无常不行色受想行識  
樂不行色受想行識苦不行色受想  
行識我不行色受想行識无我不行  
色受想行識空不行色受想行識無  
相不行色受想行識无作不行色受  
想行識離不行色受想行識寂滅何  
以故舍利弗是色空為非色離空无  
色離色無空色即是空空即是色受  
想行識空為非識離空无識離識無  
空空即是識識即是空乃至十八不  
共法空為非十八不共法離空无十  
八不共法離十八不共法無空空即  
是十八不共法十八不共法即是空  
如是舍利弗當知是菩薩摩訶薩行  
般若波羅蜜有方便是菩薩摩訶薩  
如是行般若波羅蜜能得阿耨多羅  
三藐三菩提是菩薩摩訶薩行般若  
波羅蜜時行亦不受不行亦不受行  
不行亦不受非行非不行亦不受不  
受亦不受舍利弗語須菩提菩薩摩

訶薩行般若波羅蜜時何因緣故不  
受須菩提言是般若波羅蜜自性不  
可得故不受何以故無所有法是般  
若波羅蜜舍利弗以是故菩薩摩訶  
薩行般若波羅蜜行亦不受不行亦  
不受行不行亦不受非行非不行亦  
不受不受亦不受何以故一切法性  
無所有不隨諸法行不受諸法相故  
是名菩薩摩訶薩諸法无所受三昧  
廣大之用不與聲聞辟支佛共是菩  
薩摩訶薩行是三昧不離疾得阿耨  
多羅三藐三菩提舍利弗言但不離  
是三昧令菩薩摩訶薩疾得阿耨多  
羅三藐三菩提更有餘三昧須菩提  
語舍利弗言更有諸三昧菩薩摩訶  
薩行是三昧疾得阿耨多羅三藐三  
菩提舍利弗言何等三昧菩薩摩訶  
薩行是疾得阿耨多羅三藐三菩提  
須菩提言諸菩薩摩訶薩有三昧名  
首楞嚴行是三昧令菩薩摩訶薩疾  
得阿耨多羅三藐三菩提有名寶印  
三昧師子遊戲三昧妙月三昧月幢  
相三昧出諸法印三昧觀頂三昧畢

法性三昧畢幢相三昧金剛三昧入  
法印三昧三昧王安立三昧王印三  
昧放光三昧力進三昧出生三昧必  
入辯才三昧入名字三昧觀方三昧  
陀羅尼印三昧不忘三昧攝諸法海  
印三昧遍覆虛空三昧金剛輪三昧  
寶斷三昧能照耀三昧不求三昧三  
昧無處住三昧无心三昧淨燈三昧  
無邊明三昧能作明三昧普遍明三  
昧堅淨諸三昧三昧无垢明三昧作  
樂三昧電光三昧無盡三昧威德三  
昧離盡三昧不動三昧莊嚴三昧日  
光三昧月淨三昧淨明三昧能作明  
三昧作行三昧知相三昧如金剛三  
昧心住三昧遍照三昧安立三昧寶  
頂三昧妙法印三昧法等三昧生喜  
三昧到法頂三昧能散三昧壞諸法  
處三昧字等相三昧離字三昧斷緣  
三昧不壞三昧無種相三昧无處行  
三昧離闇三昧無去三昧不動三昧  
度緣三昧集諸德三昧住无心三昧  
妙淨花三昧覺意三昧無量辯三昧  
无等等三昧度諸法三昧分別諸法

三昧散疑三昧無住處三昧一相三  
昧生行三昧一行三昧不一行三昧  
妙行三昧達一切有底散三昧入言  
語三昧離音聲字語三昧然炬三昧  
淨相三昧破相三昧一切種妙足三  
昧不熹苦樂三昧不盡行三昧多陀  
羅尼三昧取諸邪正相三昧滅憎愛  
三昧逆順三昧淨光三昧堅固三昧  
滿月淨光三昧大莊嚴三昧能照一  
切世三昧等三昧無諍行三昧无住  
處樂三昧如住定三昧壞身三昧壞  
語如虛空三昧離著如虛空不染三  
昧舍利弗是菩薩摩訶薩行是諸三  
昧疾得阿耨多羅三藐三菩提復有  
无量阿僧祇三昧門陀羅尼門菩薩  
摩訶薩學是三昧門陀羅尼門疾得  
阿耨多羅三藐三菩提慧命須菩提  
隨佛心言當知諸菩薩摩訶薩行是  
三昧者已為過去諸佛所授記今現  
在十方諸佛亦授是菩薩記是菩薩  
不見是諸三昧亦不念是三昧亦不  
念我當入是三昧我今入是三昧我  
已入是三昧是菩薩摩訶薩都無分

別念舍利弗問須菩提菩薩摩訶薩  
住是諸三昧已從過去佛受記耶須  
菩提報言不也舍利弗何以故般若  
波羅蜜不異諸三昧諸三昧不異般  
若波羅蜜菩薩不異般若波羅蜜及  
三昧般若波羅蜜及三昧不異菩薩  
般若波羅蜜即是三昧三昧即是般  
若波羅蜜菩薩即是般若波羅蜜及  
三昧般若波羅蜜及三昧即是菩薩  
舍利弗語須菩提若三昧不異菩薩  
菩薩不異三昧三昧即是菩薩菩薩  
即是三昧菩薩云何知一切諸法等  
三昧須菩提言若菩薩入是三昧是  
時不作是念我以是法入是三昧以  
是因緣故舍利弗是菩薩於諸三昧  
不知不念舍利弗言何以故不知不  
念須菩提言諸三昧無所有故是菩  
薩不知不念入時佛讚言善哉善哉  
須菩提如我說汝行无諍三昧第一  
與此義相應菩薩摩訶薩應如是學  
般若波羅蜜禪那波羅蜜毗梨耶波  
羅蜜羼提波羅蜜尸羅波羅蜜檀那  
波羅蜜四念處乃至十八不共法亦

應如是學舍利弗白佛言世尊菩薩  
摩訶薩如是學為學般若波羅蜜耶  
佛告舍利弗菩薩摩訶薩如是學為  
學般若波羅蜜是法不可得故乃至  
學檀那波羅蜜是法不可得故學四  
念處乃至十八不共法是法不可得  
故舍利弗白佛言世尊如是菩薩摩  
訶薩學般若波羅蜜是法不可得耶  
佛言如是菩薩摩訶薩學般若波羅  
蜜是法不可得舍利弗言世尊何等  
法不可得佛言我不可得乃至知者  
見者不可得畢竟淨故五陰不可得  
十二入不可得十八界不可得畢竟  
淨故无明不可得畢竟淨故乃至老  
死不可得畢竟淨故苦諦不可得畢  
竟淨故集滅道諦不可得畢竟淨故  
欲界不可得畢竟淨故色界无色界  
不可得畢竟淨故四念處不可得畢  
竟淨故乃至十八不共法不可得畢  
竟淨故六波羅蜜不可得畢竟淨故  
須陀洹不可得畢竟淨故斯陀含阿  
那含阿羅漢辟支佛不可得畢竟淨  
故菩薩不可得畢竟淨故佛不可得



畢竟淨故舍利弗白佛言世尊何等  
是畢竟淨佛言不出生无得無作  
是名畢竟淨舍利弗白佛言世尊菩  
薩摩訶薩若如是學為學何等法佛  
告舍利弗菩薩摩訶薩如是學於諸  
法無所學何以故舍利弗諸法相不  
如凡人所著舍利弗白佛言世尊諸  
法實相云何有佛言諸法无所有如  
是有如是無所有是事不知名為无  
明舍利弗白佛言世尊何等無所有  
是事不知名為无明佛告舍利弗色  
受想行識無所有内空乃至无法有  
法空故四念處乃至十八不共法無  
所有内空乃至无法有法空故是中  
凡夫以無明力渴愛故妄見分別說  
是無明是凡夫為二邊所縛是人不  
知不見諸法无所有而憶想分別著  
色乃至十八不共法是人著故於無  
所有法而作識知見是凡人不知不  
見何等不知不見不知不見色乃至  
十八不共法亦不知不見以是故墮  
凡夫數如小兒是人不出於何不出  
不出欲界不出色界不出無色界不

出聲聞辟支佛法中是人亦不信不信何等不信色空乃至不信十八不共法空是人不住不住何等不住檀那波羅蜜乃至不住般若波羅蜜不住阿惟越致地乃至十住十八不共法以是因緣故名爲凡夫如小兒亦名著者何等爲著著色乃至識著眼入乃至意入著眼識界乃至意識界著婬怒癡著諸邪見著四念處乃至著佛道舍利弗白佛言世尊菩薩摩訶薩作如是學亦不學般若波羅蜜不得薩婆若舍利弗白佛言世尊何以故菩薩摩訶薩亦不學般若波羅蜜不得薩婆若佛告舍利弗菩薩摩訶薩無方便故想念分別著般若波羅蜜著禪那波羅蜜毗梨耶波羅蜜羂提波羅蜜尸羅波羅蜜檀那波羅蜜乃至十八不共法一切種智想念分別著以是因緣故菩薩摩訶薩如是學亦不學般若波羅蜜不得薩婆若舍利弗白佛言世尊若菩薩摩訶薩

如是學不學般若波羅蜜不得薩婆  
若佛告舍利弗菩薩摩訶薩如是學  
不學般若波羅蜜不得薩婆若舍利  
弗白佛言世尊菩薩摩訶薩今云何  
應學般若波羅蜜得薩婆若佛告舍  
利弗若菩薩摩訶薩學般若波羅蜜  
時不見般若波羅蜜舍利弗菩薩摩  
訶薩如是學般若波羅蜜得薩婆若  
以不可得故舍利弗白佛言世尊云  
何名不可得佛言諸法內空乃至無  
法有法空故

摩訶般若經卷第三

戊戌歲高麗國大藏都監奉  
勅彫造

摩訶般若波羅蜜經卷第四

芥

後秦龜茲國三藏鳩摩羅什譯

幻學品第十一

幻人品

今時慧命須菩提白佛言世尊若當有人問言幻人學般若波羅蜜當得薩婆若不幻人學檀那波羅蜜毗梨耶波羅蜜犀提波羅蜜尸羅波羅蜜檀那波羅蜜學四念處乃至十八不共法及一切種智得薩婆若不我當云何答佛告須菩提我還問汝隨汝意答我須菩提於汝意云何色與幻有異不受想行識與幻有異不須菩提言不也世尊佛言於汝意云何眼與幻有異不乃至意與幻有異不色乃至法與幻有異不眼界乃至意識界與幻有異不眼觸乃至意觸眼觸因緣生受乃至意觸因緣生受與幻有異不須菩提言不也世尊於汝意云何四念處與幻有異不乃至八聖道分與幻有異不也世尊於汝意云何空無相无作與幻有異不也世尊須菩提於汝意云何檀那波羅

蜜與幻有異不乃至十八不共法與  
幻有異不不也世尊須菩提於汝意  
云何阿耨多羅三藐三菩提與幻有  
異不不也世尊何以故色不異幻幻  
不異色色即是幻幻即是色世尊受  
想行識不異幻幻不異受想行識識  
即是幻幻即是識世尊眼不異幻幻  
不異眼眼即是幻幻即是眼眼觸因  
緣生受乃至意觸因緣生受亦如是  
世尊四念處不異幻幻不異四念處  
四念處即是幻幻即是四念處乃至  
阿耨多羅三藐三菩提不異幻幻不  
異阿耨多羅三藐三菩提阿耨多羅  
三藐三菩提即是幻幻即是阿耨多  
羅三藐三菩提佛告須菩提於汝意  
云何幻有垢有淨不不也世尊須菩  
提於汝意云何幻有生有滅不不也  
世尊若幻不生不滅是法能學般若  
波羅蜜當得薩婆若不不也世尊於  
汝意云何五受陰假名是菩薩不如  
是世尊於汝意云何五受陰假名有  
生滅垢淨不不也世尊於汝意云何  
若法但有名字非身非身業非口非

口業非意非意業不生不滅不垢不  
淨如是法能學般若波羅蜜得薩婆  
若不不也世尊菩薩摩訶薩若能如  
是學般若波羅蜜當得薩婆若不无  
所得故須菩提白佛言世尊菩薩摩  
訶薩應如是學般若波羅蜜得阿耨  
多羅三藐三菩提如幻人學何以故  
世尊當知五陰即是幻人幻人即是  
五陰佛告須菩提於汝意云何是五  
陰學般若波羅蜜當得薩婆若不不  
也世尊何以故是五陰性无所有無  
所有性亦不可得佛告須菩提於汝  
意云何如夢五陰學般若波羅蜜當  
得薩婆若不不也世尊何以故夢性  
無所有无所有性亦不可得於汝意  
云何如嚮如影如焰如化五陰學般  
若波羅蜜當得薩婆若不不也世尊  
何以故嚮影焰化性無所有无所有  
性亦不可得六情亦如是世尊五陰  
即是六情六情即是五陰如是法皆  
内空故不可得乃至無法有法空故  
不可得須菩提白佛言世尊新發大  
乘意菩薩聞說般若波羅蜜將无恐



怖佛告須菩提若新發大乘意菩薩  
於般若波羅蜜無方便亦不得善知  
識是菩薩或驚或怖或畏須菩提白  
佛言世尊何等是方便菩薩行是方  
便不驚不畏不怖佛告須菩提有菩  
薩摩訶薩行般若波羅蜜應薩婆若  
心觀色無常相是亦不可得觀受想  
行識无常相是亦不可得須菩提是名  
菩薩摩訶薩行般若波羅蜜有方便  
復次須菩提菩薩摩訶薩應薩婆若  
心觀色苦相是亦不可得受想行識  
亦如是應薩婆若心觀色无我相是  
亦不可得受想行識亦如是復次須  
菩提菩薩摩訶薩應薩婆若心觀色  
空相是亦不可得受想行識亦如是  
觀色无相相是亦不可得受想行識  
亦如是觀色無作相是亦不可得乃  
至識亦如是觀色寂滅相是亦不可  
得乃至識亦如是觀色離相是亦不  
可得乃至識亦如是是名菩薩摩訶  
薩行般若波羅蜜有方便復次須菩  
提菩薩摩訶薩行般若波羅蜜觀色  
无常相是亦不可得觀色苦相無我

相空相無相相元作相寂滅相離相  
是亦不可得受想行識亦如是是時  
菩薩作是念我當為一切衆生說是  
無常法是亦不可得當為一切衆生  
說苦相說无我相空相無相相无作  
相寂滅相離相是亦不可得是名菩  
薩摩訶薩檀那波羅蜜復次須菩提  
菩薩摩訶薩不以聲聞辟支佛心觀  
色无常亦不可得不以聲聞辟支佛  
心觀識無常亦不可得不以聲聞辟  
支佛心觀色苦无我空無相无作寂  
滅離亦不可得受想行識亦如是是  
名菩薩摩訶薩尸羅波羅蜜復次須  
菩提菩薩摩訶薩行般若波羅蜜是  
諸法無常相乃至離相忍欲樂是名  
菩薩摩訶薩羼提波羅蜜復次須菩  
提菩薩摩訶薩行般若波羅蜜應薩  
婆若心觀色無常相亦不可得乃至  
離相亦不可得受想行識亦是應  
薩婆若心不捨不息是名菩薩摩訶  
薩毗梨耶波羅蜜復次須菩提菩薩  
摩訶薩行般若波羅蜜不起聲聞辟  
支佛意及餘不善心是名菩薩摩訶

薩禪那波羅蜜復次須菩提菩薩摩訶薩行般若波羅蜜如是思惟不以空色故色空空色即是空空即是色受想行識亦如是不以空眼故眼空眼即是空空即是眼乃至意觸因緣生受不以空受故受空空受即是空空即是受不以空四念處故四念處空空四念處即是空空即是四念處乃至不以空十八不共法故十八不共法空空十八不共法即是空空即是十八不共法如是須菩提菩薩摩訶薩行般若波羅蜜不驚不畏不怖須菩提白佛言世尊何等是菩薩摩訶薩善知識守護故聞說是般若波羅蜜不驚不畏不怖佛告須菩提菩薩摩訶薩善知識者說色無常亦不可得持是善根不向聲聞辟支佛道但向一切智是名菩薩摩訶薩善知識說受想行識无常亦不可得持是善根不向聲聞辟支佛道但向一切智是名菩薩摩訶薩善知識須菩提菩薩摩訶薩復有善知識說色苦亦不可得說受想行識苦亦不可得說色無我受

想行識無我亦不可得說色空无相  
無作寂滅離亦不可得受想行識空  
无相無作寂滅離亦不可得持是善  
根不向聲聞辟支佛道但向一切智  
須菩提是名菩薩摩訶薩善知識須  
菩提菩薩摩訶薩復有善知識說眼  
無常乃至離亦不可得乃至意觸因  
緣生受說無常乃至離亦不可得持  
是善根不向聲聞辟支佛道但向一  
切智是名菩薩摩訶薩善知識須菩  
提菩薩摩訶薩復有善知識說脩四  
念處法乃至離亦不可得持是善根  
不向聲聞辟支佛道但向一切智須  
菩提是名菩薩摩訶薩善知識乃至  
說修十八不共法脩一切智亦不可  
得持是善根不向聲聞辟支佛道但  
向一切智是名菩薩摩訶薩善知識  
須菩提白佛言云何菩薩摩訶薩行  
般若波羅蜜無方便隨忘知識聞說  
是般若波羅蜜驚畏怖佛告須菩提  
菩薩摩訶薩離一切智心修般若波  
羅蜜得是般若波羅蜜念是般若波  
羅蜜禪那波羅蜜毗梨耶波羅蜜羣

提波羅蜜尸羅波羅蜜檀那波羅蜜  
皆得皆念復次須菩提菩薩摩訶薩  
離薩婆若心觀色內空乃至無法有  
法空觀受想行識內空乃至無法有  
法空觀眼內空乃至無法有法空乃  
至意觸因緣生受內空乃至無法有  
法空於諸法空有所念有所得復次  
須菩提菩薩摩訶薩行般若波羅蜜  
離薩婆若心修四念處亦得乃至  
至修十八不共法亦念亦得如是須  
菩提菩薩摩訶薩行般若波羅蜜以  
無方便故聞是般若波羅蜜驚畏怖  
須菩提白佛言世尊云何菩薩摩訶  
薩隨惡知識聞般若波羅蜜驚畏怖  
佛告須菩提菩薩摩訶薩惡知識教  
離般若波羅蜜離禪那波羅蜜毗梨  
耶波羅蜜羼提波羅蜜尸羅波羅蜜  
檀那波羅蜜須菩提是名菩薩摩訶  
薩惡知識須菩提菩薩摩訶薩復有  
惡知識不說魔事不說魔罪不作是  
言惡魔作佛形像來教菩薩離六波  
羅蜜語菩薩言善男子用修般若波  
羅蜜為用修禪那波羅蜜毗梨耶波



羅蜜羣提波羅蜜尸羅波羅蜜檀那  
波羅蜜為當知是菩薩摩訶薩惡知  
識復次須菩提惡魔復作佛形像到  
菩薩所為說聲聞經若修妬路乃至  
憂波提舍教詔分別演說如是經不  
為說魔事魔罪當知是菩薩摩訶薩  
惡知識復次須菩提惡魔作佛形像  
到菩薩所作是語善男子汝無真菩  
薩心亦非阿惟越致地汝亦不能得  
阿耨多羅三藐三菩提不為說如是  
魔事魔罪當知是菩薩惡知識復次  
須菩提惡魔作佛形像到菩薩所語  
菩薩言善男子色空无我無我所受  
想行識空無我无我所眼空無我无  
我所乃至意觸因緣生受空無我无  
我所檀那波羅蜜空乃至般若波羅  
蜜空四念處空乃至十八不共法空  
汝用阿耨多羅三藐三菩提為如是  
魔事魔罪不說不教當知是菩薩惡  
知識復次須菩提惡魔作辟支佛身  
到菩薩所語菩薩言善男子十方皆  
空是中無佛无菩薩無聲聞如是魔  
事魔罪不說不教當知是菩薩摩訶



薩惡知識復次須菩提惡魔作和上

阿闍梨身來到菩薩所教離菩薩道

教離一切種智教離四念處乃至八

聖道分教離檀那波羅蜜乃至教離十

八不共法教入空無相无作作是言

善男子汝修念是諸法得聲聞證用

阿耨多羅三藐三菩提為如是魔事

魔罪不說不教當知是菩薩惡知識

復次須菩提惡魔作父母形像到菩

薩所語菩薩言子汝為須陀洹果證

故慙精進乃至阿羅漢果證故慙精

進汝用阿耨多羅三藐三菩提為求

阿耨多羅三藐三菩提當受無量阿

僧祇劫生死截手截脚受諸苦痛如

是魔事魔罪不說不教當知是菩薩

惡知識復次須菩提惡魔作比丘形

像到菩薩所語菩薩言眼无常可得

法乃至意無常可得法眼苦眼无我

眼空無相无作寂滅離說可得法乃

至意亦如是用有所得法說四念處

乃至用有所得法說十八不共法須

菩提如是魔事魔罪不說不教當知

是菩薩惡知識知已當遠離之

摩訶般若波羅蜜經句義品第三

尔時須菩提白佛言世尊云何為菩

薩句義佛告須菩提无句義是菩薩

句義何以故阿耨多羅三藐三菩提

無有義處亦无我以是故無句義是

菩薩句義須菩提譬如鳥飛虚空无

有跡菩薩句義無所有亦如是須菩

提譬如夢中所見无處所菩薩句義

無所有亦如是須菩提譬如幻元有

實義如焰如響如影如佛所化無有

實義菩薩句義无所有亦如是須菩

提譬如如法性法相法位實際無有

義菩薩句義无所有亦如是須菩提

譬如幻人色無有義幻人受想行識

无有義菩薩摩訶薩行般若波羅蜜

時菩薩句義無所有亦如是須菩提

如幻人眼無有義乃至意無有義須

菩提如幻人色无有義乃至法無有

義眼觸因緣生受乃至意觸因緣生

受無有義菩薩摩訶薩行般若波羅

蜜時菩薩句義无所有亦如是須菩

提如幻人行内空時無有義乃至行

無法有法空无有義菩薩摩訶薩行

般若波羅蜜時菩薩句義無所有亦如是須菩提如幻人行四念處乃至十八不共法無有義菩薩摩訶薩行般若波羅蜜時菩薩句義无所有亦如是須菩提如多陀阿伽度阿羅訶三藐三佛陀色無有義是色无有故菩薩摩訶薩行般若波羅蜜時菩薩句義無所有亦如是須菩提如多陀阿伽度阿羅訶三藐三佛陀受想行識無有義是識无有故菩薩摩訶薩行般若波羅蜜時菩薩句義無所有亦如是須菩提如佛眼无處所乃至意無處所色乃至法无處所眼觸乃至意觸因緣生受無處所菩薩摩訶薩行般若波羅蜜時菩薩句義无所有亦如是須菩提如佛内空無處所乃至無法有法空无處所菩薩摩訶薩行般若波羅蜜時菩薩句義無所有亦如是須菩提如佛四念處无處所乃至十八不共法無處所菩薩摩訶薩行般若波羅蜜時菩薩句義无所有亦如是須菩提如有為性中無无為性義無為性中無有為性義菩

薩摩訶薩行般若波羅蜜時菩薩句  
義無所有亦如是須菩提如不生不  
滅義无處所菩薩摩訶薩行般若波  
羅蜜時菩薩句義無所有亦如是須  
菩提如不作不出不得不垢不淨無  
處所菩薩句義无所有亦如是須菩  
提白佛言何法不生不滅故無處所  
何法不作不出不得不垢不淨故无  
處所佛告須菩提色不生不滅故無  
處所受想行識不生不滅故无處所  
乃至不垢不淨亦如是入界不生不  
滅故無處所乃至不垢不淨亦如是  
四念處不生不滅故无處所乃至不  
垢不淨亦如是乃至十八不共法不  
生不滅故無處所乃至不垢不淨亦  
如是須菩提菩薩摩訶薩行般若波  
羅蜜時菩薩句義无所有亦如是須  
菩提如四念處淨義畢竟不可得須  
菩提菩薩摩訶薩行般若波羅蜜時  
菩薩句義无所有亦如是須菩提如  
四正勤乃至十八不共法淨義畢竟  
不可得菩薩摩訶薩行般若波羅蜜  
時菩薩句義無所有亦如是須菩提

如淨中我不可得我无所有故乃至  
淨中知者見者不可得知見無所有  
故須菩提菩薩摩訶薩行般若波羅  
蜜時菩薩句義无所有亦如是須菩  
提譬如日出時無有黑闇菩薩摩訶  
薩行般若波羅蜜時菩薩句義无所  
有亦如是須菩提譬如劫燒時無一  
切物菩薩摩訶薩行般若波羅蜜時  
菩薩句義無所有亦如是須菩提佛  
戒中无破戒須菩提菩薩摩訶薩行  
般若波羅蜜時菩薩句義無所有亦  
如是須菩提如佛定中无乱心佛慧  
中無愚癡佛解脫中无不解脫佛解脫  
知見中無不解脫知見須菩提菩薩  
摩訶薩行般若波羅蜜時菩薩句義  
无所有亦如是須菩提譬如佛光中  
日月光不現佛光中四王天三十三  
天夜摩天兜率陀天化樂天他化自  
在天梵衆天乃至阿迦貳吒天光不  
現須菩提菩薩摩訶薩行般若波羅  
蜜時菩薩句義無所有亦如是何以  
故是阿耨多羅三藐三菩提菩薩菩  
薩句義是一切法皆不合不散无色



無形无對一相所謂無相如是須菩  
提菩薩摩訶薩一切法无関相中應  
當學亦應當知須菩提白佛言世尊  
何等是一切法云何一切法中無関  
相應學應知佛告須菩提一切法者  
善法不善法記法無記法世間法出  
世間法有漏法无漏法有為法無為  
法共法不共法須菩提是名一切法  
菩薩摩訶薩是一切法无関相中應  
學應知須菩提白佛言世尊何等名  
世間善法佛告須菩提世間善法者  
孝順父母供養沙門婆羅門敬事尊  
長布施檀處持戒檀處修禪檀處勸  
導福事方便生福德世間十善道九  
散相骨相燒相四禪四無量心四元  
色定念佛念法念僧念戒念捨念天  
念善念安般念身念死是名世間善  
法何等不善法奪他命不與取邪淫  
妄語兩舌惡口非時語貪恚害邪見  
是十不善道等是名不善法何等記  
法若善法若不善法是名記法何等  
無記法无記身業口業意業無記四



大無記五蔭十二入十八界無記報  
是名无記法何等名世間法世間法  
者五蔭十二入十八界十善道四禪  
四無量心四无色定是名世間法何  
等名出世間法四念處四正勤四如  
意足五根五力七覺分八聖道分空  
解脫門無相解脫門无作解脫門三  
無漏根未知欲知根知根知己根三  
三昧有覺有觀三昧无覺有觀三昧  
無覺无觀三昧明解脫念慧正憶八  
背捨何等八色觀色是初背捨内無  
色相外觀色是二背捨淨背捨身作  
證是三背捨過一切色相故滅有對  
相故一切異相不念故入無邊虛空  
處是四背捨過一切无邊虛空處入  
一切无邊識處是五背捨過一切無  
邊識處入无所有處是六背捨過一  
切無所有處入非有想非无想處是  
七背捨過一切非有想非無想處入  
滅受想定是八背捨九次第定何等  
九離欲離惡不善法有覺有觀離生  
喜樂入初禪滅諸覺觀内清淨故一  
心无覺無觀定生喜樂入第二禪離

喜故行捨受身樂聖人能說能捨念  
行樂入第三禪斷苦樂故先滅憂喜  
故不苦不樂捨念淨入第四禪過一  
切色相故滅有對相故一切異相不  
念故入無邊虛空處過一切無邊虛  
空處入无邊識處過一切無邊識處  
入无所有處過一切無所有處入非  
有想非无想處過一切非有想非無  
想處入滅受想定復有出世間法內  
空乃至無法有法空佛十力四无所  
畏四無所畏智十八不共法一切智是  
名出世間法何等為有漏法五受蔭  
十二入十八界六種六觸六受四禪  
乃至四無色定是名有漏法何等為  
无漏法四念處乃至十八不共法及  
一切智是名無漏法何等為有為法  
若法生住滅欲界色界无色界五蔭  
乃至意觸因緣生受四念處乃至十  
八不共法及一切智是名有為法何  
等為無為法不生不住不滅若染盡  
瞋盡癡盡如不異法相法性法位實  
際是名无為法何等為共法四禪四  
無量心四无色定如是等是名共法

何等名不共法四念處乃至十八不共法是名不共法菩薩摩訶薩於是自相空法中不應著不動故菩薩亦應知一切法不二相不動故是名菩薩義

摩訶般若波羅蜜經金剛品第十三

摩訶薩云

尔時須菩提白佛言世尊何以故名為摩訶薩佛告須菩提是菩薩於必定衆中為上首是故名摩訶薩須菩提白佛言世尊何等為必定衆是菩薩摩訶薩而為上首佛告須菩提必定衆者性地人八人須陀洹斯陀含阿那含阿羅漢辟支佛初發心菩薩乃至阿惟越致地菩薩須菩提是為必定衆菩薩為上首菩薩摩訶薩於是中生大心不可壞如金剛當為必定衆作上首須菩提白佛言世尊何等是菩薩摩訶薩生大心不可壞如金剛佛告須菩提菩薩摩訶薩應生如是心我當於无量生死中大擔莊嚴我應當捨一切所有我應當等心於一切衆生我應當以三乘度脫一切衆生令入無餘涅槃我度一切衆

生已無有乃至一人入涅槃者我應當解一切諸法不生相我應當純以薩婆若心行六波羅蜜我應當學智慧了達一切法我應當了達諸法一相智門我應當了達乃至無量相智門須菩提是名菩薩摩訶薩生大心不可壞如金剛是菩薩摩訶薩住是心中於諸必定衆而為上首是法用無所得故須菩提菩薩摩訶薩應生如是心我當代十方一切衆生若地獄衆生若畜生衆生若餓鬼衆生受苦痛為一一衆生无量百千億劫代受地獄中苦乃至是衆生入無餘涅槃以是法故為是衆生受諸懃苦是衆生入無餘涅槃已然後自種善根無量百千億阿僧祇劫當得阿耨多羅三藐三菩提須菩提是為菩薩摩訶薩生大心不可壞如金剛住是心中為必定衆作上首復次須菩提菩薩摩訶薩生大快心住是大快心中為必定衆作上首須菩提白佛言世尊何等是菩薩摩訶薩大快心佛言菩薩摩訶薩從初發意乃至阿耨多

羅三藐三菩提不生染心瞋恚心思  
癡心不生慢心不生聲聞辟支佛心  
是名菩薩摩訶薩大快心住是心中  
為必定衆作上首亦不念有是心復  
次須菩提菩薩摩訶薩應生不動心  
須菩提白佛言云何名不動心佛言  
常念一切種智心亦不念有是心是  
名菩薩摩訶薩不動心復次須菩提  
菩薩摩訶薩於一切衆生中應生利  
益安樂心云何名利益安樂心救濟  
一切衆生不捨一切衆生是事亦不  
念有是心是名菩薩摩訶薩於一切  
衆生中生利益安樂心如是須菩提  
是菩薩摩訶薩行般若波羅蜜於必  
定衆中取為上首復次須菩提菩薩  
摩訶薩應當行欲法喜法樂法心何  
等是法所謂不破諸法實相是名為  
法何等名欲法喜法信法忍法受法  
是名欲法喜法何等名樂法常修行  
是法是名樂法如是須菩提菩薩摩  
訶薩行般若波羅蜜於必定衆中能  
為上首是法用無所得故復次須菩  
提菩薩摩訶薩行般若波羅蜜時住

內空乃至無法有法空能為必定衆  
作上首是法用无所得故復次須菩  
提菩薩摩訶薩行般若波羅蜜時住  
四念處中乃至住十八不共法中能  
為必定衆作上首是法用無所得故  
復次須菩提菩薩摩訶薩行般若波  
羅蜜時住如金剛三昧乃至離著虛  
空不染三昧中住於必定衆作上首  
是法用無所得故如是須菩提菩薩  
摩訶薩住是諸法中能為必定衆作  
上首以是因緣故名為摩訶薩

摩訶般若波羅蜜經樂說品第十四

本作樂說品

尔時慧命舍利弗白佛言世尊我亦  
欲說所以為摩訶薩佛告舍利弗便  
說舍利弗言我見衆生見壽見命見  
生見養育見衆數見人見作見使作  
見起見使起見受見使受見知者見  
見者見斷見常見有見無見蔭見入  
見界見諦見因緣見四念處見乃至  
十八不共法見佛道見成就衆生見  
淨佛國土見佛見轉法輪見為斷如  
是諸見故而為說法是名摩訶薩須  
菩提語舍利弗言何因緣故色見是



妄見何因緣故受想行識乃至轉法輪見是名妄見舍利弗語須菩提菩薩摩訶薩行般若波羅蜜時无方便故得色生見用有所得故得受想行識乃至轉法輪生見用有所得故是中菩薩摩訶薩行般若波羅蜜以方便力斷諸見網故而為說法用無所得故尔時須菩提白佛言世尊我亦欲說所以為摩訶薩佛言便說須菩提言世尊是阿耨多羅三藐三菩提心無等等心不共聲聞辟支佛心何以故是一切智心无漏不繫故是一切智心無漏不繫中亦不著以是因緣故名摩訶薩舍利弗語須菩提何等為菩薩摩訶薩無等等心不共聲聞辟支佛心須菩提言菩薩摩訶薩從初發意以來終不見法有生有滅有增有減有垢有淨舍利弗若法无生無滅乃至无垢無淨是中无聲聞心無辟支佛心无阿耨多羅三藐三菩提心無佛心舍利弗是名菩薩摩訶薩无等等心不共聲聞辟支佛心舍利弗語須菩提如須菩提說一切

智心無漏心不繫心中亦不著須菩  
提色亦不著受想行識亦不著四念  
處亦不著乃至十八不共法亦不著  
何以但說是心不著須菩提言如是  
如是舍利弗色亦不著乃至十八不  
共法亦不著舍利弗語須菩提凡夫  
人心亦無漏不繫性空故諸聲聞辟  
支佛心諸佛心亦无漏不繫性空故  
須菩提言如是舍利弗舍利弗言須  
菩提若色亦無漏不繫性空故受想  
行識亦无漏不繫性空故乃至意觸  
因緣生受亦無漏不繫性空故須菩  
提言尔舍利弗言四念處亦无漏不  
繫性空故乃至十八不共法亦無漏  
不繫性空故須菩提言尔如舍利弗  
所言凡夫人心亦無漏不繫性空故  
乃至十八不共法亦无漏不繫性空  
故舍利弗語須菩提如須菩提所說  
空無心故不著是心須菩提色无故  
不著色受想行識乃至意觸因緣生  
受無故不著受四念處无故不著四  
念處乃至十八不共法無故不著十  
八不共法須菩提言如是舍利弗色

無故色中不著乃至十八不共法无  
故十八不共法中不著如是舍利弗  
菩薩摩訶薩行般若波羅蜜時以阿  
耨多羅三藐三菩提心無等等心不  
共聲聞辟支佛心不念有是心亦不  
著是心用一切法無所有故以是故  
名摩訶薩

摩訶般若波羅蜜經第十五

升本名爲  
富樓那品

尔時富樓那弥多羅尼子白佛言世  
尊我亦樂說所以為摩訶薩佛言便  
說富樓那弥多羅尼子言是菩薩大  
擔莊嚴是菩薩發趣大乘是菩薩乘  
於大乘以是故是菩薩名摩訶薩舍  
利弗語富樓那言云何名菩薩摩訶  
薩大擔莊嚴富樓那語舍利弗菩薩  
摩訶薩不分別為尔所人故住檀那  
波羅蜜行檀那波羅蜜為一切衆生  
故住檀那波羅蜜行檀那波羅蜜不  
為尔所人故住尸羅波羅蜜行尸羅  
波羅蜜羼提波羅蜜毗梨耶波羅蜜  
禪那波羅蜜般若波羅蜜為一切衆  
生故住般若波羅蜜行般若波羅蜜  
菩薩摩訶薩大擔莊嚴不齊限衆生我

當度若干人不度餘人不言我令若  
千人至阿耨多羅三藐三菩提餘人  
不至是菩薩摩訶薩普為一切衆生  
故大擔莊嚴復作是念我當自具足  
檀那波羅蜜亦令一切衆生行檀那  
波羅蜜自具足尸羅波羅蜜羼提波  
羅蜜毗梨耶波羅蜜禪那波羅蜜自  
具足般若波羅蜜亦令一切衆生行  
般若波羅蜜復次舍利弗菩薩摩訶  
薩行檀那波羅蜜時所有布施應薩  
婆若心共一切衆生迴向阿耨多羅  
三藐三菩提舍利弗是名菩薩摩訶  
薩行檀那波羅蜜時檀那波羅蜜大  
擔莊嚴復次舍利弗菩薩摩訶薩行  
檀那波羅蜜時應薩婆若心布施不  
向聲聞辟支佛地舍利弗是名菩薩  
摩訶薩行檀那波羅蜜時尸羅波羅  
蜜大擔莊嚴復次舍利弗菩薩摩訶  
薩行檀那波羅蜜時應薩婆若心布  
施是諸施法信忍欲是名行檀那波  
羅蜜時羼提波羅蜜大擔莊嚴復次  
舍利弗菩薩摩訶薩行檀那波羅蜜  
時應薩婆若心布施懃修不息是名

行檀那波羅蜜時毗梨耶波羅蜜大  
擔莊嚴復次舍利弗菩薩摩訶薩行  
檀那波羅蜜時應薩婆若心布施攝  
心不起聲聞辟支佛意是名行檀那  
波羅蜜時禪那波羅蜜大擔莊嚴復  
次舍利弗菩薩摩訶薩行檀那波羅  
蜜時應薩婆若心布施觀諸法如幻  
不得施者不得所施物不得受者是  
名行檀那波羅蜜時般若波羅蜜大  
擔莊嚴如是舍利弗菩薩摩訶薩應  
薩婆若心不取不得諸波羅蜜相當  
知是菩薩摩訶薩大擔莊嚴復次舍  
利弗菩薩摩訶薩行尸羅波羅蜜時  
應薩婆若心布施共一切衆生迴向  
阿耨多羅三藐三菩提是名菩薩摩  
訶薩行尸羅波羅蜜時檀那波羅蜜  
復次舍利弗菩薩摩訶薩行尸羅波  
羅蜜時是諸法信忍欲是名菩薩摩  
訶薩行尸羅波羅蜜時羼提波羅蜜  
復次舍利弗菩薩摩訶薩行尸羅波  
羅蜜時勤修不息是名菩薩摩訶薩  
行尸羅波羅蜜時毗梨耶波羅蜜復  
次舍利弗菩薩摩訶薩行尸羅波羅

蜜時不受聲聞辟支佛心是名菩薩  
摩訶薩行尸羅波羅蜜時禪那波羅  
蜜復次舍利弗菩薩摩訶薩行尸羅  
波羅蜜時觀一切法如幻亦不念有  
是戒用无所得故是名菩薩摩訶薩  
行尸羅波羅蜜時般若波羅蜜如是  
舍利弗菩薩摩訶薩行尸羅波羅蜜  
時攝諸波羅蜜以是故名大擔莊嚴  
復次舍利弗菩薩摩訶薩行羼提波  
羅蜜時應薩婆若心布施共一切衆  
生迴向阿耨多羅三藐三菩提是為  
菩薩摩訶薩行羼提波羅蜜時檀那  
波羅蜜復次舍利弗菩薩摩訶薩行  
羼提波羅蜜時不受聲聞辟支佛心  
但受薩婆若心是名菩薩摩訶薩行  
羼提波羅蜜時尸羅波羅蜜復次舍  
利弗菩薩摩訶薩行羼提波羅蜜時  
應薩婆若心身心精進不休息是名  
菩薩摩訶薩行羼提波羅蜜時毗梨  
耶波羅蜜復次舍利弗菩薩摩訶薩  
行羼提波羅蜜時攝心一處雖有苦  
事心不散亂是名菩薩摩訶薩行羼  
提波羅蜜時禪那波羅蜜復次舍利



弗菩薩摩訶薩行屬提波羅蜜時應  
薩婆若心觀諸法空無作者无受者  
若有呵罵割截者心如幻如夢是名  
菩薩摩訶薩行屬提波羅蜜時般若  
波羅蜜復次舍利弗菩薩摩訶薩行  
毗梨耶波羅蜜時應薩婆若心布施  
時不令身心懈怠是名菩薩摩訶薩  
行毗梨耶波羅蜜時檀那波羅蜜復  
次舍利弗菩薩摩訶薩行毗梨耶波  
羅蜜時應薩婆若心始終具足清淨  
持戒是名菩薩摩訶薩行毗梨耶波  
羅蜜時尸羅波羅蜜復次舍利弗菩  
薩摩訶薩行毗梨耶波羅蜜時應薩  
婆若心修行忍辱是名菩薩摩訶薩  
行毗梨耶波羅蜜時羼提波羅蜜復  
次舍利弗菩薩摩訶薩行毗梨耶波  
羅蜜時應薩婆若心攝心離欲入諸  
禪定是名菩薩摩訶薩行毗梨耶波  
羅蜜時禪那波羅蜜復次舍利弗菩  
薩摩訶薩行毗梨耶波羅蜜時應薩  
婆若心不取一切諸法相於不取相  
亦不著是名菩薩摩訶薩行毗梨耶  
波羅蜜時般若波羅蜜如是舍利弗

菩薩摩訶薩行毗梨耶波羅蜜時攝  
諸波羅蜜復次舍利弗菩薩摩訶薩  
行禪那波羅蜜時應薩婆若心定心  
布施不令心亂是名菩薩摩訶薩行  
禪那波羅蜜時檀那波羅蜜復次舍  
利弗菩薩摩訶薩行禪那波羅蜜時  
應薩婆若心持戒禪定力故破戒諸  
法不令得入是名菩薩摩訶薩行禪  
那波羅蜜時尸羅波羅蜜復次舍利  
弗菩薩摩訶薩行禪那波羅蜜時應  
薩婆若心慈悲定故忍諸惱害是名  
菩薩摩訶薩行禪那波羅蜜時羼提  
波羅蜜復次舍利弗菩薩摩訶薩行  
禪那波羅蜜時應薩婆若心於禪不  
味不著常求增進從一禪至一禪是  
名菩薩摩訶薩行禪那波羅蜜時毗  
梨耶波羅蜜復次舍利弗菩薩摩訶  
薩行禪那波羅蜜時應薩婆若心於  
一切法无所依止亦不隨禪生是名  
菩薩摩訶薩行禪那波羅蜜時般若  
波羅蜜如是舍利弗菩薩摩訶薩行  
禪那波羅蜜時攝諸波羅蜜復次舍利  
弗菩薩摩訶薩行般若波羅蜜時應

薩婆若心布施內外所有無所愛惜  
不見與者受者及以財物是名菩薩  
摩訶薩行般若波羅蜜時檀那波羅  
蜜復次舍利弗菩薩摩訶薩行般若  
波羅蜜時應薩婆若心持戒破戒二  
事不見故是名菩薩摩訶薩行般若  
波羅蜜時尸羅波羅蜜復次舍利弗  
菩薩摩訶薩行般若波羅蜜時應薩  
婆若心不見呵者罵者打者煞者亦  
不見用是空能忍辱是名菩薩摩訶  
薩行般若波羅蜜時羼提波羅蜜復  
次舍利弗菩薩摩訶薩行般若波羅  
蜜時應薩婆若心觀諸法畢竟空以  
大悲心故行諸善法是名菩薩摩訶  
薩行般若波羅蜜時毗梨耶波羅蜜  
復次舍利弗菩薩摩訶薩行般若波  
羅蜜時應薩婆若心入禪定觀諸禪  
離相空相无相相無作相是名菩薩  
摩訶薩行般若波羅蜜時禪那波羅  
蜜如是舍利弗菩薩摩訶薩行般若  
波羅蜜時攝諸波羅蜜舍利弗如是  
名為菩薩摩訶薩大擔莊嚴是大擔  
莊嚴菩薩十方諸佛歡喜於大眾中

稱名讚歎其國土其菩薩摩訶薩大  
擔莊嚴成就衆生淨佛國土慧命舍  
利弗問富樓那彌多羅尼子云何菩  
薩摩訶薩發起大乘富樓那語舍利  
弗菩薩摩訶薩行六波羅蜜時離諸  
欲離諸惡不善法有覺有觀離生喜  
樂入初禪乃至入第四禪中以慈廣  
大無二无量無怨恨无惱心行遍滿  
一方二三四方四維上下遍一切世  
間悲喜捨心亦如是是菩薩入禪時  
起時諸禪無量心及支共一切衆生  
迴向薩婆若是名菩薩摩訶薩禪那  
波羅蜜發起大乘是菩薩摩訶薩住  
禪無量心作是念我當得一切種智  
為斷一切衆生煩惱故當說法是名  
菩薩摩訶薩行禪那波羅蜜時檀那  
波羅蜜若菩薩摩訶薩應薩婆若心  
修初禪住初禪二三四禪亦如是不  
受餘心所謂聲聞辟支佛心是名菩  
薩摩訶薩行禪那波羅蜜時尸羅波  
羅蜜若菩薩摩訶薩應薩婆若心入  
諸禪作是念我為斷一切衆生煩惱  
故當說法是諸心欲樂忍是名菩薩



摩訶薩行禪那波羅蜜時羼提波羅  
蜜若菩薩摩訶薩應薩婆若心入諸  
禪諸善根皆迴向薩婆若勤修不息  
是名菩薩摩訶薩行禪那波羅蜜時  
毗梨耶波羅蜜若菩薩摩訶薩應薩  
婆若心入四禪及支觀無常相苦相  
无我相空相無相相无作相共一切  
衆生迴向薩婆若是名菩薩摩訶薩  
行禪那波羅蜜時般若波羅蜜舍利  
弗是名菩薩摩訶薩發趣大乘復次  
菩薩摩訶薩發趣大乘行慈心作是  
念我當安樂一切衆生入悲心我當  
救濟一切衆生入喜心我當度一切  
衆生入捨心我當令一切衆生得諸  
漏盡是名菩薩摩訶薩行无量心時  
檀那波羅蜜復次菩薩摩訶薩是諸  
禪無量心不向聲聞辟支佛地但迴  
向薩婆若是名菩薩摩訶薩行无量  
心時尸羅波羅蜜復次舍利弗菩薩  
摩訶薩行四無量心不貪聲聞辟支  
佛地但忍樂欲薩婆若是名菩薩摩  
訶薩行无量心時羼提波羅蜜若菩  
薩摩訶薩應薩婆若心行四無量心

但行清淨行是名菩薩摩訶薩行元  
量心時毗梨耶波羅蜜復次菩薩摩  
訶薩入禪入無量心時亦不隨禪元  
量心生是名菩薩摩訶薩行無量心  
時方便般若波羅蜜舍利弗是名菩  
薩摩訶薩發趣大乘復次舍利弗菩  
薩摩訶薩發趣大乘一切種修四念  
處乃至一切種修八聖道分一切種  
修三解脫門乃至十八不共法是名  
菩薩摩訶薩發趣大乘復次舍利弗  
菩薩摩訶薩內空中智慧用無所得  
故乃至無法有法空中智慧用無所  
得故是名菩薩摩訶薩發趣大乘復  
次舍利弗菩薩摩訶薩一切法中不  
亂不定智慧是名菩薩摩訶薩發趣  
大乘復次舍利弗菩薩摩訶薩發趣  
大乘非常非無常智慧非樂非苦非  
實非空非我非无我智慧是名菩薩  
摩訶薩發趣大乘用無所得故復次  
舍利弗菩薩摩訶薩智不行過去世  
不行未來世不行現在世亦非不知  
三世是名菩薩摩訶薩發趣大乘用  
無所得故復次菩薩摩訶薩發趣大



乘智不行欲界不行色界不行无色界亦非不知欲界色界無色界用无所得故是名菩薩摩訶薩發趣大乘復次菩薩摩訶薩發趣大乘智不行世間法不行出世間法不行有為法不行無為法不行有漏法不行无漏法亦非不知世間法出世間法有為無為法有漏无漏法用無所得故舍利弗是名菩薩摩訶薩發趣大乘摩訶般若波羅蜜經乘乘品第十六

尔時慧命舍利弗問富樓那云何名菩薩摩訶薩乘於大乘富樓那答舍利弗言菩薩摩訶薩行般若波羅蜜時乘檀那波羅蜜亦不得檀波羅蜜亦不得菩薩亦不得受者是法用無所得故是名菩薩摩訶薩乘檀那波羅蜜菩薩摩訶薩行般若波羅蜜時乘尸羅波羅蜜羼提波羅蜜毗梨耶波羅蜜禪那波羅蜜乘般若波羅蜜亦不得般若波羅蜜亦不得菩薩是法用无所得故是為菩薩摩訶薩乘於般若波羅蜜如是舍利弗是為菩薩摩訶薩乘於大乘復次舍利弗菩

薩摩訶薩摩訶行一心應薩婆若修  
四念處法法壞故乃至一心應薩婆若  
修十八不共法法壞故是亦不可得  
如是舍利弗是名菩薩摩訶薩乘於  
大乘復次舍利弗菩薩摩訶薩作是  
念菩薩但有名字衆生不可得故是  
名菩薩摩訶薩乘於大乘復次舍利  
弗若菩薩摩訶薩作是念色但有名  
字色不可得故受想行識但有名字  
識不可得故眼但有名字眼不可得  
故乃至意亦如是四念處但有名字  
四念處不可得故乃至八聖道分但  
有名字八聖道分不可得故內空但  
有名字內空不可得故乃至無法有  
法空但有名字無法有法空不可得  
故乃至十八不共法但有名字十八  
不共法不可得故諸法如但有名字  
如不可得故法相法性法位實際但  
有名字實際不可得故阿耨多羅三  
藐三菩提及佛但有名字佛不可得  
故如是舍利弗是名菩薩摩訶薩乘  
於大乘復次舍利弗若菩薩摩訶薩  
從初發意以來具足菩薩神通成就

衆生從一佛國至一佛國恭敬供養  
尊重讚歎諸佛從諸佛聽受法教所  
謂菩薩大乘是菩薩乘是大乘從一  
佛國至一佛國淨佛國土成就衆生  
初无佛國想亦無衆生想此人住不  
二法中為衆生受身隨其所應自變  
其形而教化之乃至一切智終不離  
菩薩乘是名菩薩乘是乘得一切種  
智已轉法輪聲聞辟支佛及天龍鬼  
神阿修羅世間人民所不能轉念時  
十方如恒河沙等諸佛皆歡喜稱名  
讚歎作是言某方某國某菩薩摩訶  
薩乘於大乘得一切種智轉法輪舍  
利弗是名菩薩摩訶薩乘於大乘  
摩訶般若經卷第四

戊戌歲高麗國大藏都監奉  
勅彫造

摩訶般若波羅蜜經卷第五

芥

後秦龜茲國三藏鳩摩羅什譯

莊嚴品第十七

尔時須菩提白佛言世尊菩薩摩訶  
薩大莊嚴何等是大莊嚴何等菩薩  
能大莊嚴佛語須菩提菩薩摩訶薩  
摩訶衍大莊嚴所謂檀那波羅蜜乃  
至般若波羅蜜莊嚴四念處莊嚴乃  
至八聖道分內空莊嚴乃至无法有  
法空十力乃至十八不共法及一切  
種智莊嚴變身如佛莊嚴光明遍照  
三千大千國土亦照東方如恒河沙  
等國土南西北方四維上下亦復如  
是三千大千國土六種震動亦動東  
方如恒河沙等諸國土南西北方四  
維上下亦復如是是菩薩摩訶薩住  
檀那波羅蜜摩訶衍大莊嚴是三千  
大千國土變為琉璃化作轉輪聖王  
須食與食須飲與飲衣服卧具花香  
瓔珞搗香澤香房舍燈燭醫藥種種  
所須盡給與之與已而為說法所謂  
應六波羅蜜衆生聞是法者終不離

六波羅蜜乃至阿耨多羅三藐三菩提如是須菩提是名菩薩摩訶薩摩訶衍大莊嚴須菩提譬如工幻師若幻師弟子於四衢道中化作大衆於前須食與食須飲與飲乃至種種所須盡給與之於須菩提意云何是幻師實有衆生有所與不須菩提言不也世尊須菩提菩薩摩訶薩亦如是化作轉輪聖王種種具足須食與食須飲與飲乃至種種所須盡給與之雖有所施實無所與何以故須菩提諸法相如幻故復次須菩提菩薩摩訶薩住尸羅波羅蜜現生轉輪聖王家以十善道教化衆生有以四禪四無量心四无色定四念處乃至十八不共法教化衆生衆生聞是法者至阿耨多羅三藐三菩提終不難是法譬如幻師若幻師弟子於四衢道中化作大衆以十善道教化令行又以四禪四無量心四无色定四念處乃至十八不共法教化令行須菩提於汝意云何是幻師實有衆生教令行十善道乃至行十八不共法不須菩提





如上說是名菩薩摩訶薩大莊嚴復  
次須菩提菩薩摩訶薩住禪那波羅  
蜜教一切衆生令行禪那波羅蜜須  
菩提云何菩薩摩訶薩住禪那波羅  
法若亂若定如是須菩提菩薩摩訶  
薩住禪那波羅蜜教一切衆生令行  
禪那波羅蜜乃至阿耨多羅三藐三  
菩提終不離禪那波羅蜜譬如工幻  
師若幻師弟子於四衢道中化作大  
衆教令行禪那波羅蜜餘如上說須  
菩提是名菩薩摩訶薩大莊嚴復次  
須菩提菩薩摩訶薩住般若波羅蜜  
教一切衆生令行般若波羅蜜須菩  
提云何菩薩摩訶薩住般若波羅蜜  
有法得此岸彼岸如是菩薩摩訶薩  
住般若波羅蜜中教一切衆生令行  
般若波羅蜜譬如工幻師若幻師弟  
子於四衢道中化作大衆教令行般  
若波羅蜜須菩提是名菩薩摩訶薩

大莊嚴復次須菩提菩薩摩訶薩大莊嚴十方如恒河沙等國土中衆生隨其所應自變其身住檀那波羅蜜乃至般若波羅蜜亦教衆生令行檀那波羅蜜乃至般若波羅蜜是衆生行是法乃至阿耨多羅三藐三菩提終不離是法須菩提譬如工幻師若幻師弟子於四衢道中化作衆生教令行六波羅蜜餘如上說如是須菩提提是名菩薩摩訶薩大莊嚴復次須菩提菩薩摩訶薩大莊嚴應薩婆若心不生是念我教若干人住檀那波羅蜜不教若干人住檀那波羅蜜乃至般若波羅蜜亦如是不生是念我教若干人住四念處不教若干人住四念處乃至十八不共法亦如是亦不生是念我教若干人令得須陀洹果斯陀含果阿那含果阿羅漢果辟支佛道一切種智亦不教若干人令得須陀洹果乃至一切種智我當令無量无边阿僧祇衆生住檀那波羅蜜乃至般若波羅蜜立衆生於四念處乃至十八不共法令無量无边阿

僧祇衆生得須陀洹果乃至一切種  
智譬如工幻師若幻師弟子於四衢  
道中化作大衆教令行六波羅蜜乃  
至得一切種智餘如上說須菩提是  
名菩薩摩訶薩大莊嚴今時須菩提  
白佛言世尊如我從佛所聞義菩薩  
摩訶薩无大莊嚴為大莊嚴諸法自  
相空故所謂色色相空受想行識識  
相空眼眼相空乃至意意相空色色  
相空乃至法法相空眼識眼識相空  
乃至意識意識相空眼觸眼觸相空  
乃至意觸意觸相空眼觸因緣生受  
受相空乃至意觸因緣生受受相空  
世尊檀那波羅蜜檀那波羅蜜相空  
乃至般若波羅蜜般若波羅蜜相空  
內空內空相空乃至無法有法空无  
法有法空相空四念處四念處相空  
乃至十八不共法十八不共法相空  
菩薩菩薩相空世尊以是因緣故當  
知菩薩摩訶薩无大莊嚴為大莊嚴  
佛告須菩提如是如是如汝所言須  
菩提薩婆若非作法衆生亦非作法  
菩薩為是衆生大莊嚴須菩提白佛

言世尊何因緣故薩婆若非作法是  
衆生亦非作法菩薩為是衆生大莊  
嚴佛語須菩提作者不可得故薩婆  
若非作非起法是諸衆生亦非作非  
起法何以故須菩提色非作非不作  
受想行識非作非不作眼非作非不  
作乃至意非作非不作色乃至法眼  
識乃至意識眼觸乃至意觸眼觸因  
緣生受乃至意觸因緣生受非作非  
不作須菩提我非作非不作乃至知  
者見者非作非不作何以故是諸法  
畢竟不可得故須菩提夢非作非不  
作何以故畢竟不可得故幻響影焰  
化非作非不作何以故畢竟不可得  
故須菩提內空非作非不作畢竟不  
可得故乃至無法有法空非作非不  
作畢竟不可得故須菩提四念處非  
作非不作畢竟不可得故乃至十八  
不共法非作非不作何以故是法皆  
畢竟不可得故須菩提諸法如法相  
法性法住法位實際非作非不作畢  
竟不可得故須菩提菩薩非作非不  
作畢竟不可得故薩婆若及一切種

智非作非不作畢竟不可得故以是因緣故須菩提薩婆若非作非起法是衆生亦非作非起法菩薩為是衆觀佛所說義世尊色無縛无脫受想行識無縛无脫今時富樓那弥多羅尼子語須菩提色是無縛无脫受想行識是无縛無脫須菩提言如是如是色是無縛无脫受想行識是無縛无脫富樓那問須菩提何等色無縛无脫何等受想行識無縛无脫如夢色無縛无脫如夢受想行識無縛无脫如嚮如影如幻如焰如化色受想行識無縛无脫富樓那弥多羅尼子過去色無縛无脫過去受想行識無縛无脫未來色無縛无脫未來受想行識无縛無脫現在色无縛無脫現在受想行識无縛無脫何以故无縛無脫是色无所有故無縛无脫受想行識無所有故无縛無脫離故寂滅故不生故无縛無脫富樓那善色受想行識亦无縛無脫不善色受想行識无縛無脫无記色無縛



无脫無記受想行識无縛無脫世間  
出世間有漏无漏色無縛无脫受想  
行識亦無縛无脫何以故無所有故  
離故寂滅故不生故无縛無脫富樓  
那一切法亦无縛無脫无所有故離  
故寂滅故不生故無縛无脫富樓那  
檀那波羅蜜無縛无脫尸羅波羅蜜  
羼提波羅蜜毗梨耶波羅蜜禪那波  
羅蜜般若波羅蜜無縛无脫無所有  
故離故寂滅不生故无縛無脫富樓  
那内空亦无縛無脫乃至无法有法  
空亦無縛无脫四念處無縛无脫乃  
至十八不共法無縛无脫無所有故  
離故寂滅故不生故无縛無脫阿耨  
多羅三藐三菩提无縛無脫一切智  
一切種智無縛无脫菩薩無縛无脫  
佛亦無縛无脫無所有故離故寂滅  
故不生故无縛無脫富樓那諸法如  
法相法性法住法位實際無為法无  
縛無脫无所有故離故寂滅故不生  
故无縛無脫富樓那是名菩薩摩訶  
薩無縛无脫檀那波羅蜜乃至般若  
波羅蜜四念處乃至一切種智無縛



无脱是菩薩摩訶薩住無縛无脱檀  
那波羅蜜中乃至住無縛无脱般若  
波羅蜜住無縛无脱四念處乃至住  
無縛无脱一切種智無縛无脱成就  
衆生無縛无脱淨佛國土無縛无脱  
諸佛當供養無縛无脱當聽法無縛  
无脱諸佛終不離無縛无脱諸神通  
終不離無縛无脱五眼終不離無縛  
无脱陀羅尼門終不離無縛无脱諸  
三昧門終不離無縛无脱當生道種  
智無縛无脱當得一切種智無縛无  
脱法輪轉無縛无脱衆生安立三乘  
如是富樓那菩薩摩訶薩行無縛无  
脱六波羅蜜當知一切法無縛无脱  
無所有故離故寂滅故不生故富樓  
那故名菩薩摩訶薩無縛无脱大  
莊嚴

摩訶般若波羅蜜經問乘第十八

丹本名爲  
摩訶衍品

尔時須菩提白佛言世尊何等是菩  
薩摩訶薩摩訶行云何當知菩薩摩  
訶薩發趣大乘是乘發何處是乘至  
何處當住何處誰當乘是乘出者佛  
告須菩提汝問何等是菩薩摩訶行

須菩提六波羅蜜是菩薩摩訶薩摩訶衍何等六檀那波羅蜜尸羅波羅蜜羼提波羅蜜毗梨耶波羅蜜禪那波羅蜜般若波羅蜜云何名檀那波羅蜜須菩提菩薩摩訶薩以應薩婆若心若心內外所有布施共一切衆生迴向阿耨多羅三藐三菩提用無所得故須菩提是名菩薩摩訶薩檀那波羅蜜云何名尸羅波羅蜜須菩提菩薩摩訶薩以應薩婆若心自行十善道亦教他行十善道以無所得故名菩薩摩訶薩尸羅波羅蜜云何名羼提波羅蜜須菩提菩薩摩訶薩以應薩婆若心自具足忍辱亦教他行忍辱以無所得故名菩薩摩訶薩羼提波羅蜜云何名毗梨耶波羅蜜須菩提菩薩摩訶薩以應薩婆若心行五波羅蜜懃修不息亦安立一切衆生於五波羅蜜以無所得故名菩薩摩訶薩毗梨耶波羅蜜云何名禪那波羅蜜須菩提菩薩摩訶薩以應薩婆若心自以方便入諸禪不隨禪生亦教他令入諸禪以無所得故

是名菩薩摩訶薩禪那波羅蜜云何  
名般若波羅蜜須菩提菩薩摩訶薩  
以應薩婆若心不著一切法亦觀一  
切法性以無所得故亦教他不著一  
切法亦觀一切法性以無所得故是  
名菩薩摩訶薩般若波羅蜜須菩提  
是為菩薩摩訶薩摩訶衍復次須菩  
提菩薩摩訶薩復有摩訶衍所謂內  
空外空內外空空大空第一義空  
有為空無為空畢竟空无始空散空  
性空自相空諸法空不可得空無法  
空有法空无法有法空須菩提白佛  
言何等為內空佛言內法名眼耳鼻  
舌身意眼眼空非常非滅故何以故  
性自尔耳耳空鼻鼻空舌舌空身身  
空意意空非常非滅故何以故性自  
尔是名內空何等為外空外法名色  
聲香味觸法色色空非常非滅故何  
以故性自尔聲聲空香香空味味空  
觸觸空空法法空非常非滅故何以故  
性自尔是名外空何等為內外空內  
外法名內六入外六入內法內法空非  
常非滅故何以故性自尔外法外法

空非常非滅故何以故性自尔是名  
内外空何等為空空一切法空是空  
亦空非常非滅故何以故性自尔是  
名空空何等為大空東方東方相空  
非常非滅故何以故性自尔南西北  
方四維上下南西北方四維上下空  
非常非滅故何以故性自尔是名大  
空何等為第一義空第一義名涅槃  
涅槃涅槃空非常非滅故何以故性  
自尔是名第一義空何等為有為空  
有為法名欲界色界無色界欲界欲  
界空色界色界空无色界無色界空  
非常非滅故何以故性自尔是名有  
為空何等為无為空無為法名若无  
生相無住相无滅相無為法无為法  
空非常非滅故何以故性自尔是為  
無為空何等為畢竟空畢竟名諸法  
畢竟不可得非常非滅故何以故性  
自尔是名畢竟空何等為无始空若  
法初來處不可得非常非滅故何以  
故性自尔是名無始空何等為散空  
散名諸法无滅非常非滅故何以故  
性自尔是為散空何等為性空一切

法性若有為法性若無為法性是性  
非聲聞辟支佛所作非佛所作亦非  
餘人所作是性性空非常非滅故何  
以故性自尔是名性空何等為自相  
空自相名色壞相受受相想取相行  
作相識識相如是等有為元為法各  
各自相空非常非滅故何以故性自  
尔是名自相空何等為諸法空諸法  
名色受想行識眼耳鼻舌身意色聲  
香味觸法眼界色界眼識界乃至意  
界法界意識界是諸法諸法空非常  
非滅故何以故性自尔是為諸法空  
何等為不可得空求諸法不可得是  
不可得空非常非滅故何以故性自  
尔是名不可得空何等為無法空若  
法无是亦空非常非滅故何以故性  
自尔是名無法空何等為有法空有  
法名諸法和合中有自性相是有法  
空非常非滅故何以故性自尔是名  
有法空何等為無法有法空諸法中  
无法諸法和合中有自性相是無法  
有法空非常非滅故何以故性自尔  
是名无法有法空復次須菩提法法

相空無法无法相空自法自法相空  
他法他法相空何等名法法相空法  
名五蔭五蔭空是名法法相空何等  
名無法无法相空無法名无為法是  
名無法无法空何等名自法自法空  
諸法自法空是空非知作非見作是  
名自法自法空何等名他法他法空  
若佛出若佛未出法住法相法位法  
性如實際過此諸法空是名他法他  
法空是名菩薩摩訶薩摩訶衍復次  
須菩提菩薩摩訶薩摩訶衍所謂名  
首楞嚴三昧寶印三昧師子遊戲三  
昧妙月三昧月幢相三昧出諸法三  
昧觀頂三昧昇法性三昧昇幢相三  
昧金剛三昧入法印三昧三昧王安  
立三昧放光三昧力進三昧高出三  
昧必入辯才三昧釋名字三昧觀方  
三昧陀羅尼印三昧無誑三昧攝諸  
法海三昧遍覆虚空三昧金剛輪三  
昧寶斷三昧能照三昧不求三昧无  
住三昧無心三昧淨燈三昧无邊明  
三昧能作明三昧普照明三昧堅淨  
諸三昧三昧無垢明三昧歡喜三昧



電光三昧无盡三昧威德三昧離盡  
三昧不動三昧不退三昧日燈三昧  
月淨三昧淨明三昧能作明三昧作  
行三昧知相三昧如金剛三昧心住  
三昧普明三昧安立三昧寶聚三昧  
妙法印三昧法等三昧斷喜三昧到  
法頂三昧能散三昧分別諸法句三  
昧字等相三昧離字三昧斷緣三昧  
不壞三昧無種相三昧无處行三昧  
離勝昧三昧無去三昧不變異三昧  
度緣三昧集諸功德三昧住无心三  
昧淨妙華三昧覺意三昧無量辯三  
昧無等等三昧度諸法三昧分別諸  
法三昧散疑三昧无處三昧一莊嚴  
三昧生行三昧一行三昧不一行三昧  
妙行三昧達一切有底散三昧入名  
語三昧離音聲字語三昧然炬三昧  
淨相三昧破相三昧一切種妙足三  
昧不喜苦樂三昧無盡相三昧陀羅  
尼三昧攝諸邪正相三昧滅憎愛三  
昧逆順三昧淨光三昧堅固三昧滿  
月淨光三昧大莊嚴三昧能照一切  
世三昧三昧等三昧攝一切有諍无

諱三昧不樂一切住處三昧如住定  
三昧壞身衰三昧壞語如虛空三昧  
離著虛空不染三昧云何名首楞嚴  
三昧知諸三昧行處是名首楞嚴三  
昧云何名寶印三昧住是三昧能印  
諸三昧是名寶印三昧云何名師子  
遊戲三昧住是三昧能遊戲諸三昧  
中如師子是名師子遊戲三昧云何  
名妙月三昧住是三昧能照諸三昧  
如淨月是名妙月三昧云何名月幢  
相三昧住是三昧能持諸三昧相是  
名月幢相三昧云何名出諸法三昧  
住是三昧能出生諸三昧是名出諸  
法三昧云何名觀頂三昧住是三昧  
能觀諸三昧頂是名觀頂三昧云何  
名畢法性三昧住是三昧決定知法  
性是名畢法性三昧云何名畢幢相  
三昧住是三昧能持諸三昧幢是名  
畢幢相三昧云何名金剛三昧住是  
三昧能破諸三昧是名金剛三昧云  
何名入法印三昧住是三昧入諸法  
印是名入法印三昧云何名三昧王  
安立三昧住是三昧一切諸三昧中

安立住如王是名三昧王安立三昧  
云何名放光三昧住是三昧能放光  
照諸三昧是名放光三昧云何名力  
進三昧住是三昧於諸三昧能作勢  
力是名力進三昧云何名高出三昧  
住是三昧能增長諸三昧是名高出  
三昧云何名必入辯才三昧住是三  
昧能辯說諸三昧是名必入辯才三  
昧云何名釋名字三昧住是三昧能  
釋諸三昧名字是名釋名字三昧云  
何名觀方三昧住是三昧能觀諸三  
昧方是名觀方三昧云何名陀羅尼  
印三昧住是三昧持諸三昧印是名  
陀羅尼印三昧云何名無誑三昧住  
是三昧於諸三昧不欺誑是名无誑  
三昧云何名攝諸法海三昧住是三  
昧能攝諸三昧如大海水是名攝諸  
法海三昧云何名遍覆虛空三昧住  
是三昧遍覆諸三昧如虛空是名遍  
覆虛空三昧云何名金剛輪三昧住  
是三昧能持諸三昧分是名金剛輪  
三昧云何名斷寶三昧住是三昧斷  
諸三昧煩惱垢是名斷寶三昧云何

名能照三昧住是三昧能以光明顯  
照諸三昧是名能照三昧云何名不  
求三昧住是三昧无法可求是名不  
求三昧云何名無住三昧住是三昧  
中不見一切法住是名无住三昧云  
何名無心三昧住是三昧心心數法  
不行是名无心三昧云何名淨燈三  
昧住是三昧於諸三昧中作明如燈  
是名淨燈三昧云何名無邊明三昧  
住是三昧與諸三昧作无邊明是名  
無邊明三昧云何名能作明三昧住  
是三昧即時能為諸三昧作明是名  
能作明三昧云何名普照明三昧住  
是三昧即能照諸三昧門是名普照  
明三昧云何名堅淨諸三昧三昧住  
是三昧能堅淨諸三昧相是名堅淨  
諸三昧三昧云何名無垢明三昧住  
是三昧能除諸三昧垢亦能照一切  
三昧是名無垢明三昧云何名歡喜  
三昧住是三昧能受諸三昧喜是名  
歡喜三昧云何名電光三昧住是三  
昧照諸三昧如電光是名電光三昧  
云何名無盡三昧住是三昧於諸三

昧不見盡是名无盡三昧云何名威  
德三昧住是三昧於諸三昧威德照  
然是名威德三昧云何名離盡三昧  
住是三昧不見諸三昧盡是名離盡  
三昧云何名不動三昧住是三昧令  
諸三昧不動不戲是名不動三昧云  
何名不退三昧住是三昧能不見諸  
三昧退是名不退三昧云何名日燈  
三昧住是三昧放光照諸三昧門是  
名日燈三昧云何名月淨三昧住是  
三昧能除諸三昧闇是名月淨三昧  
云何名淨明三昧住是三昧於諸三  
昧得四無闇智是名淨明三昧云何  
名能作明三昧住是三昧於諸三昧  
門能作明是名能作明三昧云何名  
作行三昧住是三昧能令諸三昧各  
有所作是名作行三昧云何名知相  
三昧住是三昧見諸三昧知相是名  
知相三昧云何名如金剛三昧住是  
三昧能貫達諸法亦不見達是名如  
金剛三昧云何名心住三昧住是三  
昧心不動不轉不惱亦不念有是心  
是名心住三昧云何名普明三昧住

是三昧普見諸三昧明是名普明三  
昧云何名安立三昧住是三昧於諸  
三昧安立不動是名安立三昧云何  
名寶聚三昧住是三昧普見諸三昧  
如見寶聚是名寶聚三昧云何名妙  
法印三昧住是三昧能印諸三昧以  
無印印故是名妙法印三昧云何名  
法等三昧住是三昧觀諸法等无法  
不等是名法等三昧云何名斷喜三  
昧住是三昧斷一切法中喜是名斷  
喜三昧云何名到法頂三昧住是三  
昧滅諸法闇亦在諸三昧上是名到  
法頂三昧云何名能散三昧住是三  
昧中能破散諸法是名能散三昧云  
何名分別諸法句三昧住是三昧分  
別諸三昧諸法句是名分別諸法句  
三昧云何名字等相三昧住是三昧  
得諸三昧字等是名字等相三昧云  
何名離字三昧住是三昧諸三昧中  
乃至不見一字是名離字三昧云何  
名斷緣三昧住是三昧斷諸三昧緣  
是名斷緣三昧云何名不壞三昧住  
是三昧不得諸法變異是名不壞三



昧去何名無種相三昧住是三昧不見諸法種種是名無種相三昧云何名无處行三昧住是三昧不見諸三昧處是名無處行三昧云何名離瞀昧三昧住是三昧離諸三昧微闇是名離瞀昧三昧云何名无去三昧住是三昧不見一切三昧去相是名无去三昧云何名不變異三昧住是三昧不見諸三昧變異相是名不變異三昧云何名度緣三昧住是三昧度一切三昧緣境界是名度緣三昧云何名集諸功德三昧住是三昧集諸三昧功德是名集諸功德三昧云何名住無心三昧住是三昧於諸三昧心不入是名住无心三昧云何名淨妙花三昧住是三昧令諸三昧得淨妙如花是名淨妙花三昧云何名覺意三昧住是三昧諸三昧中得七覺分是名覺意三昧云何名無量辯三昧住是三昧於諸法中得无量辯是名無量辯三昧云何名无等等三昧住是三昧諸三昧中得無等等相是名无等等三昧云何名度諸法三昧

住是三昧度一切三界是名度諸法  
三昧云何名分別諸法三昧住是三  
昧諸三昧及諸法分別見是名分別  
諸法三昧云何名散疑三昧住是三  
昧得散諸法疑是名散疑三昧云何  
名無住處三昧住是三昧不見諸法  
住處是名无住處三昧云何名一莊  
嚴三昧住是三昧終不見諸法二相  
是名一莊嚴三昧云何名生行三昧  
住是三昧不見諸行生是名生行三  
昧云何名一行三昧住是三昧不見  
諸三昧此岸彼岸是名一行三昧云  
何名不一行三昧住是三昧不見諸  
三昧一相是名不一行三昧云何名  
妙行三昧住是三昧不見諸三昧二  
相是名妙行三昧云何名達一切有  
底散三昧住是三昧入一切有一切  
三昧智慧通達亦無所達是名達一  
切有底散三昧云何名入名語三昧  
住是三昧入一切三昧名語是名入  
名語三昧云何名離音聲字語三昧  
住是三昧不見諸三昧音聲字語是  
名離音聲字語三昧云何名然炬三

昧住是三昧威德照明如炬是名然  
炬三昧云何名淨相三昧住是三昧  
淨諸三昧相是名淨相三昧云何名  
破相三昧住是三昧不見諸三昧相  
是名破相三昧云何名一切種妙足  
三昧住是三昧一切諸三昧種皆具  
足是名一切種妙足三昧云何名不  
憂苦樂三昧住是三昧不見諸三昧  
苦樂是名不憂苦樂三昧云何名无  
盡相三昧住是三昧不見諸三昧盡  
是名無盡相三昧云何名多陀羅尼  
三昧住是三昧能持諸三昧是名多  
陀羅尼三昧云何名攝諸邪正相三  
昧住是三昧於諸三昧不見邪正相  
是名攝諸邪正相三昧云何名滅憎  
愛三昧住是三昧不見諸三昧憎愛  
是名滅憎愛三昧云何名逆順三昧  
住是三昧不見諸法諸三昧逆順是  
名逆順三昧云何名淨光三昧住是  
三昧不得諸三昧明垢是名淨光三  
昧云何名堅固三昧住是三昧不得  
諸三昧不堅固是名堅固三昧云何  
名滿月淨光三昧住是三昧諸三昧

滿足如月十五日。是名滿月淨光三昧。云何名大莊嚴三昧。住是三昧大莊嚴成就。諸三昧是名大莊嚴三昧。云何名能照一切世三昧。住是三昧。諸三昧及一切法能照。是名能照一切世三昧。云何名三昧等三昧。住是三昧於諸三昧不得定亂相。是名三昧等三昧。云何名攝一切有淨无淨三昧。住是三昧能使諸三昧不分別。有淨無淨是名攝一切有淨无淨三昧。云何名不樂一切住處三昧。住是三昧不見諸三昧依處。是名不樂一切住處三昧。云何名如住定三昧。住是三昧不過諸三昧如相。是名如住定三昧。云何名壞身衰三昧。住是三昧不得身相。是名壞身衰三昧。云何名壞語如虛空三昧。住是三昧不見諸三昧語業如虛空。是名壞語如虛空三昧。云何名離著虛空不染三昧。住是三昧見諸法如虛空無閼亦不染。是三昧是名離著虛空不染三昧。須菩提。是名菩薩摩訶薩摩訶行。摩訶般若波羅蜜經廣乘品第十九

佛告須菩提菩薩摩訶薩摩訶衍所  
謂四念處何等四須菩提菩薩摩訶  
薩內身中循身觀亦無身覺以不可  
得故外身中內外身中循身觀亦无  
身覺以不可得故懃精進一心除世  
間貪憂內受內心內法外受外心外  
法內外受內外心內外法循法觀亦  
無法覺以不可得故懃精進一心除  
世間貪憂須菩提菩薩摩訶薩云何  
內身中循身觀須菩提若菩薩摩訶  
薩行時知行住時知住坐時知坐卧  
時知卧知身所行如是知須菩提菩  
薩摩訶薩如是內身中循身觀懃精  
進一心除世間貪憂以不可得故復  
次須菩提菩薩摩訶薩若來若去視  
瞻一心屈申俯仰服僧伽梨執持衣  
鉢飲食卧息坐立睡覺語默入出禪  
定亦常一心如是須菩提菩薩摩訶  
薩行般若波羅蜜內身中循身觀以  
不可得故復次須菩提菩薩摩訶薩  
內身中循身觀時一心念入息時知  
入息出息時知出息入息長時知入  
息長出息長時知出息長入息短時

知入息短出息短時知出息短譬如  
鍤師若鍤師弟子繩長知長繩短知  
短菩薩摩訶薩亦如是一心念入息  
時知入息出息時知出息入息長時  
知入息長出息長時知出息長入息  
短時知入息短出息短時知出息短  
如是須菩提菩薩摩訶薩內身中循  
身觀勤精進一心除世間貪憂以不  
可得故復次須菩提菩薩摩訶薩觀  
身四大作是念身中有地大水大火  
大風大辟如屠牛師若屠牛弟子以  
刀煞牛分作四分作四分已若立若  
坐觀此四分菩薩摩訶薩亦如是行  
般若波羅蜜時種種觀身四大地大  
水大火大風大如是須菩提菩薩摩  
訶薩內身中循身觀以不可得故復  
次須菩提菩薩摩訶薩觀內身從足  
至頂周匝薄皮種種不淨充滿身中  
作是念身中有髮毛爪齒薄皮厚皮  
筋肉骨髓脾腎心膽肝肺小腸大腸  
胃脾屎尿垢汗淚涕涎唾膿血黃白  
淡癢肪膜腦膜譬如田夫倉中隔或  
雜穀種種充滿稻麻黍粟豆麥明眼



之人開倉即知是麻是桑是稻是粟  
是麥是豆分別悉知菩薩摩訶薩亦  
如是觀是身從足至頂周匝薄皮種  
種不淨充滿身中髮毛爪齒乃至腦  
膜如是須菩提菩薩摩訶薩觀內身  
懃精進一心除世間貪憂以不可得  
故復次須菩提菩薩摩訶薩若見是  
棄死人身一日二日至五日程脹  
青瘀膿汁流出自念我身亦如是相  
如是法未脫此法如是須菩提菩薩  
摩訶薩內身中循身觀懃精進一心  
除世間貪憂以不可得故復次須菩  
提菩薩摩訶薩若見是棄死人身若  
六日若七日烏鴉鵲鴛鴦豺狼狐狗如  
是等種種禽獸醵裂食之自念我身  
如是相如是法未脫此法如是須菩  
提菩薩摩訶薩內身中循身觀懃精  
進一心除世間貪憂以不可得故復  
次須菩提菩薩摩訶薩若見是棄死  
人身種種禽獸食已不淨爛臭自念  
我身如是相如是法未脫此法乃至  
除世間貪憂復次須菩提菩薩摩訶  
薩若見是棄死人身骨瑔血肉塗染

筋骨相連自念我身如是相如是法  
未脫此法乃至除世間貪憂復次須  
菩提菩薩摩訶薩若見是棄死人身  
骨璫血肉已離筋骨相連自念我身  
如是相如是法未脫此法乃至除世  
間貪憂復次須菩提菩薩摩訶薩  
若見是棄死人身骨璫已散在地自  
念我身如是相如是法未脫此法如  
是須菩提菩薩摩訶薩觀內身乃至  
除世間貪憂復次須菩提菩薩摩訶  
薩若見是棄死人身骨散在地脚骨  
異處踵骨胫骨腰骨脇骨脊骨手骨  
項骨髑髏各各異處自念我身如是  
相如是法未脫此法如是須菩提菩  
薩摩訶薩觀內身乃至除世間貪憂  
復次須菩提菩薩摩訶薩見是棄死  
人骨在地歲久風吹日曝色白如貝  
自念我身如是相如是法未脫此法  
如是須菩提菩薩摩訶薩觀內身乃  
至除世間貪憂以不可得故復次須  
菩提菩薩摩訶薩見是棄死人骨在  
地歲久其色如鴿腐朽爛壞與土共  
合自念我身如是相如是法未脫此

法如是須菩提菩薩摩訶薩內身中  
循身觀懃精進一心除世間貪憂以  
不可得故外身內外身亦如是受念  
處心念處法念處亦應如是廣說須  
菩提是名菩薩摩訶薩摩訶衍復次  
須菩提菩薩摩訶薩摩訶衍所謂四  
正懃何等四須菩提菩薩摩訶薩未  
生諸惡不善法為不生故欲生懃精  
進攝心行道已生諸惡不善法為斷  
故欲生懃精進攝心行道未生諸善  
法為生故欲生懃精進攝心行道已  
生諸善法為住不失修滿增廣故欲  
生懃精進攝心行道以不可得故須  
菩提是名菩薩摩訶薩摩訶衍復次  
須菩提菩薩摩訶薩摩訶衍所謂四  
如意分何等四欲定斷行成就修如  
意分心定斷行成就修如意分精進  
定斷行成就修如意分思惟定斷行  
成就修如意分以不可得故須菩提  
是名菩薩摩訶薩摩訶薩摩訶衍復次須菩  
提菩薩摩訶薩摩訶衍所謂五根何  
等五信根精進根念根定根慧根是  
名菩薩摩訶薩摩訶衍以不可得故

復次須菩提菩薩摩訶薩摩訶衍所謂五力何等五信力精進力念力定力慧力是名菩薩摩訶薩摩訶衍以不可得故復次須菩提菩薩摩訶薩摩訶衍所謂七覺分何等七菩薩摩訶薩修念覺分依離依无染向涅槃擇法覺分精進覺分喜覺分除覺分定覺分捨覺分依離依无染向涅槃以不可得故是名菩薩摩訶薩摩訶衍復次須菩提菩薩摩訶薩摩訶衍所謂八聖道分何等八正見正思惟正語正業正命正精進正念正定是名菩薩摩訶薩摩訶衍以不可得故復次須菩提菩薩摩訶薩摩訶衍所謂三三昧何等三空無相无作三昧空三昧名諸法自相空是名空解脫門無相名壞諸法相不憶不念是名无相解脫門無作名諸法中不願作是名無作解脫門是名菩薩摩訶薩摩訶衍以不可得故復次須菩提菩薩摩訶薩摩訶薩摩訶衍所謂若智集智滅智道智盡智無生智法智比智世智他心智如實智云何名苦智知苦不

生是名苦智云何名集智知集應斷  
是名集智云何名滅智知苦滅是名  
滅智云何名道智知八聖道分是名  
道智云何名盡智知諸婬恚癡盡是  
名盡智云何名無生智知諸有中無  
生是名无生智云何名法智知五陰  
本事是名法智云何名比智知眼無  
常乃至意觸因緣生受无常是名比  
智云何名世智知因緣名字是名世  
智云何名他心智知他衆生心是名  
他心智云何名如實智諸佛一切種  
智是名如實智須菩提是名菩薩摩  
訶薩摩訶衍以不可得故復次須菩  
提菩薩摩訶薩摩訶衍所謂三根未  
知欲知根知根智者根云何名未知  
欲知根諸學人未得果信根精進根  
念根定根慧根是名未知欲知根云  
何名知根諸學人得果信根乃至慧  
根是名知根云何名智者根諸无學  
人若阿羅漢若辟支佛諸佛信根乃  
至慧根是名智者根須菩提是名菩  
薩摩訶薩摩訶衍以不可得故復次  
須菩提菩薩摩訶薩摩訶衍所謂三



三昧何等三有覺有觀三昧無覺有  
觀三昧無覺無觀三昧云何名有覺  
有觀三昧離諸欲離惡不善法有覺  
有觀離生喜樂入初禪是名有覺有  
觀三昧云何名無覺有觀三昧初禪  
二禪中間是名無覺有觀三昧云何  
名無覺無觀三昧從二禪乃至非有  
想非無想定是名無覺無觀三昧須  
菩提是名菩薩摩訶薩摩訶衍以不  
可得故復次須菩提菩薩摩訶薩摩  
訶衍所謂十念何等十念佛念法念  
僧念戒念捨念天念善念出入息念  
身念死須菩提是名菩薩摩訶薩摩  
訶衍以不可得故復次須菩提菩薩  
摩訶薩摩訶衍所謂四禪四無量心  
四无色定八背捨九次第定須菩提  
是名菩薩摩訶薩摩訶衍以不可得  
故復次須菩提菩薩摩訶薩摩訶衍  
所謂佛十力何等十佛如實知一切  
法是處不是處相一力也如實知他  
衆生過去未來現在諸業諸受法知  
造業處知因緣知報二力也如實知  
諸禪解脫三昧定垢淨分別相三力



也如實知他衆生諸根上下相四力也如實知他衆生種種欲解五力也如實知世間種種無數性六力也如實知一切至處道七力也知種種宿命有相有因緣一世二世乃至百千世劫初劫盡我在彼衆生中生如是姓如是名如是飲食苦樂壽命長短彼中死是間生是間死還生是間此間生名姓飲食苦樂壽命長短亦是八力也佛天眼淨過諸天眼見衆生死時生時端正醜陋若大若小若墮惡道若墮善道如是業因緣受報是諸衆生惡身業成就惡口業成就惡意業成就謗毀聖人受邪見業因緣故身壞死時入惡道生地獄中是諸衆生身善業成就口善業成就意善業成就不謗毀聖人受正見因緣故身壞死時入善道生天上九力也佛如實知諸漏盡故無漏心解脫无漏慧解脫現在法中自證知入是法所謂我生已盡梵行已作從今世不復見後世十力也須菩提是名菩薩摩訶薩摩訶衍以不可得故復次須

菩提菩薩摩訶薩摩訶衍所謂四無所畏何等四佛作誠言我是一切正智人若有沙門婆羅門若天若魔若梵若復餘衆如實難言是法不知乃至不見是微畏相以是故我得安隱得無所畏安住聖主處在大衆中師子吼能轉梵輪諸沙門婆羅門若天子吼能轉梵輪諸沙門婆羅門若天若魔若梵若復餘衆實不能轉一無畏也佛作誠言我一切漏盡若有沙門婆羅門若天若魔若梵若復餘衆如實難言是漏不盡乃至不見是微畏相以是故我得安隱得無所畏安住聖主處在大衆中師子吼能轉梵輪諸沙門婆羅門若天若魔若梵若復餘衆實不能轉二無畏也佛作誠言我說障法若有沙門婆羅門若天若魔若梵若復餘衆如實難言受是法不障道乃至不見是微畏相以是故我得安隱得无所畏安住聖主處在大衆中師子吼能轉梵輪諸沙門婆羅門若天若魔若梵若復餘衆實不能轉三無畏也佛作誠言我所說聖道能出世間隨是行能盡苦若有

沙門婆羅門若天若魔若梵若復餘  
衆如實難言行是道不能出世間不  
能盡苦乃至不見是微畏相以是故  
我得安隱得无所畏安住聖主處在  
大衆中師子吼能轉梵輪諸沙門婆  
羅門若天若魔若梵若復餘衆實不  
能轉四無畏也須菩提是名菩薩摩  
訶薩摩訶衍以不可得故復次須菩  
提菩薩摩訶薩摩訶衍所謂四无関  
智何等四義無関法无関辞無関樂  
說无関須菩提是名菩薩摩訶薩摩  
訶衍以不可得故復次須菩提菩薩  
摩訶薩摩訶衍所謂十八不共法何  
等十八一諸佛身無失二口无失三  
念無失四无異相五無不定心六无  
不知已捨心七欲無減八精進无減  
九念無減十慧无減十一解脫無減  
十二解脫知見无減十三一切身業  
隨智慧行十四一切口業隨智慧行  
十五一切意業隨智慧行十六智慧  
知見過去世無関无障十七智慧知  
見未來世無関无障十八智慧知見  
現在世無関无障須菩提是名菩薩

摩訶薩摩訶衍以不可得故復次須  
菩提菩薩摩訶薩摩訶衍所謂字等  
語等諸字入門何等為字等語等諸  
字入門阿字門一切法初不生故羅  
字門一切法離垢故波字門一切法  
第一義故遮字門一切法終不可得  
故諸法不終不生故鄰字門諸法離  
名性相不得不失故邏字門諸法度  
世間故亦愛支因緣滅故陁字門諸  
法善心生故亦施相故婆字門諸法  
婆字離故荼字門諸法荼字淨故沙  
字門諸法六自在王性清淨故和字  
門入諸法語言道斷故多字門入諸  
法如相不動故夜字門入諸法如實  
不生故咤字門入諸法折伏不可得  
故迦字門入諸法作者不可得故娑  
字門入諸法時不可得故諸法時來  
轉故磨字門入諸法我所不可得故  
伽字門入諸法去者不可得故他字  
門入諸法處不可得故闍字門入諸  
法生不可得故欺字門入諸法欺字  
不可得故馱字門入諸法性不可得  
故賒字門入諸法定不可得故佉字

門入諸法虛空不可得故又字門入  
諸法盡不可得故哆字門入諸法有  
不可得故若字門入諸法智不可得  
故地字門入諸法地字不可得故婆  
字門入諸法破壞不可得故車字門  
入諸法欲不可得故如影五陰亦不  
可得故摩字門入諸法摩字不可得  
故火字門入諸法暖不可得故唎字  
門入諸法唎字不可得故伽字門入  
諸法厚不可得故他字門入諸法處  
不可得故拏字門入諸法來不去  
不立不坐不卧故頗字門入諸法遍  
不可得故歌字門入諸法聚不可得  
故醯字門入諸法醯字不可得故遮  
字門入諸法行不可得故咤字門入  
諸法偃不可得故茶字門入諸法邊  
竟處故不終不生過茶無字可說何  
以故更无字故諸字無尋无名亦滅  
不可說不可亦不可見不可書須菩  
提當知一切諸法如虛空須菩提是  
名陀羅尼門所謂阿字義若菩薩摩  
訶薩是諸字門印阿字印若聞若受  
若誦若讀若持若為他說如是知當

得二十功德何等二十得強識念得  
慚愧得堅固心得經旨趣得智慧得  
樂說無尋易得諸餘陀羅尼門得无  
疑悔心得聞善不喜聞惡不怒得不  
高不下住心無增无減得善巧知衆  
生語得巧分別五陰十二入十八界  
十二因緣四緣四諦得巧分別衆生諸  
根利鈍得巧知他心得巧分別日月  
歲節得巧分別天耳通得巧分別宿  
命通得巧分別生死通得能巧說是  
處非處得巧知往來坐起等身威儀須  
菩提是陀羅尼門字門阿字門等是  
名菩薩摩訶薩摩訶衍  
摩訶般若經卷第五

戊戌歲高麗國大藏都監奉  
勅彫造



摩訶般若波羅蜜經卷第六

六

後秦龜茲國三藏鳩摩羅什譯

發趣品第二十

佛告須菩提汝問云何菩薩摩訶薩  
大乘發趣若菩薩摩訶薩行六波羅  
蜜時從一地至一地是名菩薩摩訶  
薩大乘發趣須菩提白佛言世尊云  
何菩薩摩訶薩從一地至一地佛言  
菩薩摩訶薩知一切法無來去相亦  
无有法若來若去若至若不至諸法  
相不滅故菩薩摩訶薩於諸地不念  
不思惟而修治地業亦不見地何等  
菩薩摩訶薩治地業菩薩摩訶薩住  
初地時行十事一者深心堅固用無  
所得故二者於一切衆生中等心衆  
生不可得故三者布施施者受者不  
可得故四者親近善知識亦不自高  
五者求法一切法不可得故六者常  
出家家不可得故七者愛樂佛身相  
好不可得故八者演出法教諸法分  
別不可得故九者破憍慢法生慧不  
可得故十者實語諸語不可得故菩

薩摩訶薩如是初地中住修治十事  
治地業復次須菩提菩薩摩訶薩住  
二地中常念八法何等八一者戒清  
淨二者知恩報恩三者住忍辱力四  
者受歡喜五者不捨一切衆生六者  
入大悲心七者信師恭敬諮受八者  
勤求諸波羅蜜須菩提是名菩薩摩  
訶薩住二地中滿足八法復次須菩  
提菩薩摩訶薩住三地中行五法何  
等五一者多學問無厭足二者淨法  
施亦不自高三者淨佛國土亦不自  
高四者受世間無量歡喜不以爲厭  
五者住慙愧處須菩提是名菩薩摩  
訶薩住三地中應滿足五法復次須  
菩提菩薩摩訶薩住四地中應受行  
不捨十法何等十一者不捨阿蘭若  
住處二者少欲三者知足四者不捨  
頭陀功德五者不捨戒六者穢惡諸  
欲七者厭世間心順沮縣心八者捨  
一切所有九者心不沒十者不惜一切  
物須菩提是名菩薩摩訶薩住四地  
中不捨十法復次須菩提菩薩摩訶  
薩住五地中遠離十二法何等十二

一者遠離親白衣二者遠離比丘尼  
三者遠離怪惜他家四者遠離无益  
談說五者遠離瞋恚六者遠離自大  
七者遠離蔑人八者遠離十不善道  
九者遠離大慢十者遠離自用十一  
者遠離顛倒十二者遠離姪怒癡須  
菩提是為菩薩摩訶薩住五地中遠  
離十二事復次須菩提菩薩摩訶薩  
住六地中當具足六法何等六所謂  
六波羅蜜復有六法所不應為何等  
六一者不作聲聞辟支佛意二者布  
施不應生憂心三者見有所索心不  
沒四者所有物布施五者布施之後  
心不悔六者不疑深法須菩提是名  
菩薩摩訶薩住六地中應滿具六法  
遠離六法復次須菩提菩薩摩訶薩  
住七地中應遠離二十法所不應著  
何等二十一者不著我二者不著衆  
生三者不著壽命四者不著衆數乃  
至知者見者五者不著斷見六者不  
著常見七者不應作相八者不應作  
因見九者不著名色十者不著五陰  
十一者不著十八界十二者不著十

二入十三者不著三界十四者不作  
著處十五者不作所期處十六者不  
作依處十七者不著依佛見十八者  
不著依法見十九者不著依僧見二  
十者不著依戒見是二十法所不應  
著復有二十法應具足滿何等二十  
一者具足空二者無相證三者知无  
作四者三分清淨五者一切衆生中  
慈悲智具足六者不念一切衆生七  
者一切法等觀是中亦不著八者知  
諸法實相是事亦不念九者無生法  
忍十者无生智十一者說諸法一相  
十二者破分別相十三者轉憶想十  
四者轉見十五者轉煩惱十六者等  
定慧地十七者調意十八者心寂滅  
十九者無閼智二十者不染愛須菩  
提是名菩薩摩訶薩住七地中應具  
足二十法復次須菩提菩薩摩訶薩  
住八地中應具足五法何等五順入  
衆生心遊戲諸神通見諸佛國如所  
見佛國自在莊嚴其國如實觀佛身自  
莊嚴佛身是五法具足滿復次須菩  
提菩薩摩訶薩住八地中復具足五

法何等五知上下諸根淨佛國土入  
如幻三昧常入三昧隨衆生所應善  
根受身須菩提是為菩薩摩訶薩住  
八地中具足五法復次須菩提菩薩  
摩訶薩住九地中應具足十二法何  
等十二受無邊世界所度之分菩薩  
得如所願知諸天龍夜叉捷闍婆語  
而為說法慶胎成就家成就所生成  
就姓成就眷屬成就出生成就出家  
成就莊嚴佛樹成就一切諸善功德  
成滿具足須菩提是名菩薩摩訶薩  
住九地中應具足十二法須菩提十  
地菩薩當知如佛今時慧命須菩提  
白佛言世尊云何菩薩摩訶薩深心  
治地業佛言菩薩摩訶薩應薩婆若  
心集一切善根是名菩薩摩訶薩深  
心治地業云何菩薩於一切衆生中  
等心佛言若菩薩摩訶薩應薩婆若  
心生四無量心所謂慈悲喜捨是名  
於一切衆生中等心云何菩薩修布  
施佛言菩薩施與一切衆生無所分  
別是名修布施云何菩薩親近善知  
識佛言能教人入薩婆若中住如是

善知識親近諮受恭敬供養是名親  
近善知識云何菩薩求法佛言菩薩  
應薩婆若心求法不墮聲聞辟支佛  
地是名求法云何菩薩常出家治地  
葉佛言菩薩世世不離心出家佛法  
中出家無能障闕者是名常出家治  
地葉云何菩薩愛樂佛身治地葉佛  
言若菩薩見佛身相乃至阿耨多羅  
三藐三菩提終不離念佛是名愛樂  
佛身治地葉云何菩薩演出法教治  
地葉佛言菩薩若佛現在若佛滅度  
後為衆生說法初中後善妙義好語  
淨潔純具所謂修多羅乃至憂波提  
舍是名演出法教治地葉云何菩薩  
破於憍慢治地葉佛言菩薩破是憍  
慢故終不生下賤家是名破於憍慢  
治地葉云何菩薩實語治地葉佛言  
菩薩如所說行是名實語治地葉是  
為菩薩摩訶薩初住地中修行十事  
治地葉云何菩薩戒清淨若菩薩摩  
訶薩不念聲聞辟支佛心及諸破戒  
障佛道法是名戒清淨云何菩薩知  
恩報恩若菩薩摩訶薩行菩薩道乃



至小恩尚不忘何況多是名知恩報  
恩云何菩薩住忍辱力若菩薩於一  
切衆生無瞋无惱是名住忍辱力云  
何菩薩受歡喜所謂成就衆生以此  
為喜是名受歡喜云何菩薩不捨一  
切衆生若菩薩念欲救一切衆生故  
是名不捨一切衆生云何菩薩入大  
悲心若菩薩如是念我為一一衆生  
故如恒河沙等劫地獄中受勤苦乃  
至是人得佛道入涅槃如是名為為一  
切十方衆生忍苦是名入大悲心云  
何菩薩信師恭敬諮受若菩薩於諸  
師如世尊想是名信師恭敬諮受云  
何菩薩勤求諸波羅蜜若菩薩一心  
求諸波羅蜜無異事是名勤求諸波  
羅蜜是為菩薩摩訶薩住二地中滿  
足八法云何菩薩摩訶薩多學問無  
厭足諸佛所說法若此間世界若十  
方世界諸佛所說法盡欲聞持是名  
多學問無厭足云何菩薩淨法施有  
所法施乃至不求阿耨多羅三藐三  
菩提何況餘事是名不求名利法施  
云何菩薩淨佛國土以諸善根迴向

淨佛國土是名淨佛國土云何菩薩受世間無量懃苦不以為厭諸善根備具故能成就衆生亦莊嚴佛土乃至具足薩婆若終不疲厭是名受无量懃苦不以為厭云何菩薩住慙愧處耻諸聲聞辟支佛意是名住慙愧處是為菩薩摩訶薩住三地中滿足五法云何菩薩不捨阿練若住處能過聲聞辟支佛地是名不捨阿練若住處云何菩薩少欲乃至阿耨多羅三藐三菩提尚不欲何況餘欲是名少欲云何菩薩知足得一切種智是名知足云何菩薩不捨頭陀功德觀諸深法忍是名不捨頭陀功德云何菩薩不捨戒不取戒相是名不捨戒云何菩薩穢惡諸欲欲心不生故是名穢惡諸欲云何菩薩厭世間心順涅槃心知一切法不作故是名厭世間心順涅槃心云何菩薩捨一切所有不惜內外諸法故是名捨一切所有云何菩薩心不沒二種識處心不生故是名心不沒云何菩薩不惜一切物於一切物不著不念是名不惜

一切物是為菩薩於四地中不捨十  
法云何菩薩遠離親白衣菩薩出家  
所生從一佛國至一佛國常出家剃  
頭著染衣是名遠離親白衣云何菩  
薩遠離比丘尼不共比丘尼住乃至  
彈指頃亦不生念是名遠離比丘尼  
云何菩薩遠離慳惜他家菩薩如是  
思惟我應安樂衆生他今助我安樂  
云何生慳是名遠離慳惜他家云何  
菩薩遠離無益談處若有談處或生  
聲聞辟支佛心我當遠離是名遠離  
無益談處云何菩薩遠離瞋恚不令  
瞋心惱心闍心得入是名遠離瞋恚  
云何菩薩遠離自大所謂不見內法  
故是名遠離自大云何菩薩遠離蔑  
人所謂不見外法故是名遠離蔑人  
云何菩薩遠離十不善道是十不善  
道能障八聖道何況阿耨多羅三藐  
三菩提是名遠離十不善道云何菩  
薩遠離大慢是菩薩不見法可作大  
慢者是名遠離大慢云何菩薩遠離  
自用是菩薩不見是法可自用者是  
名遠離自用云何菩薩遠離顛倒顛

倒處不可得故是名遠離顛倒云何  
菩薩遠離婬怒癡婬怒癡處不可見  
故是名遠離婬怒癡是為菩薩住五  
地中遠離十二法云何菩薩住六地  
中具足六法所謂六波羅蜜諸佛及  
聲聞辟支佛住六波羅蜜中能度彼  
岸是名具足六法云何菩薩不作聲  
聞辟支佛意作是念聲聞辟支佛意  
非阿耨多羅三藐三菩提道云何菩  
薩布施不生憂心作是念此非阿耨  
多羅三藐三菩提道云何菩薩見有  
所索心不沒作是念此非阿耨多羅  
三藐三菩提道云何菩薩所有物布  
施菩薩初發心時布施不言是可與  
是不可與云何菩薩布施之後心不  
悔慈悲力故云何菩薩不疑深法信  
功德力故是為菩薩住六地中遠離  
六法云何菩薩不著我畢竟无我故  
云何菩薩不著衆生不著壽命不著  
衆數乃至知者見者是諸法畢竟不  
可得故云何菩薩不著斷見無有法  
斷諸法畢竟不生故云何菩薩不著  
常見若法不生是不作常云何菩薩

不應取相無諸煩惱故云何菩薩不  
應作因見諸見不可見故云何菩薩  
不著名色名色處相无故云何菩薩  
不著五陰不著十八界不著十二入  
是諸法性無故云何菩薩不著三界  
三界性无故云何菩薩不應作著心  
云何菩薩不應作願云何菩薩不應  
作依止是諸法性無故云何菩薩不  
著依佛見作依見不見佛故云何菩  
薩不著依法見法不可見故云何菩  
薩不著依僧見僧相无為不可依故  
云何菩薩不著依戒見罪無罪不著  
故是為菩薩住七地中二十法所不  
應著云何菩薩應具足空具足諸法  
自相空故云何菩薩無相證不念諸  
相故云何菩薩知无作於三界中不  
作故云何菩薩三分清淨十善道具  
足故云何菩薩一切衆生中慈悲智  
具足得大悲故云何菩薩不念一切  
衆生淨國土具足故云何菩薩一切  
法等觀於諸法不損益故云何菩薩  
知諸法實相諸法實相無知故云何  
菩薩无生忍為諸法不生不滅不作

忍故云何菩薩无生智知名色不生  
故云何菩薩說諸法一相心不行二  
相故云何菩薩破分別相一切法不  
分別故云何菩薩轉憶想小大無量  
想轉故云何菩薩轉見於聲聞辟支  
佛地見轉故云何菩薩轉煩惱斷諸  
煩惱故云何菩薩等定慧地所謂得  
一切種智故云何菩薩調意於三界  
不動故云何菩薩心寂滅制六根故  
云何菩薩無閼智得佛眼故云何菩  
薩不染愛捨六塵故是為菩薩住七  
地中具足二十法云何菩薩順入衆  
生心菩薩以一心知一切衆生心及  
心數法云何菩薩遊戲諸神通以是  
神通從一佛國至一佛國亦不作佛  
國想云何菩薩觀諸佛國自住其國  
見无量諸佛國亦無佛國想云何菩  
薩如所見佛國自在嚴其國住轉輪  
聖王地遍至三千大千世界以自在  
嚴云何菩薩如實觀佛身如實觀法  
身故是為菩薩住八地中具足五法  
云何菩薩知上下諸根菩薩住佛十  
力知一切衆生上下諸根云何菩薩



淨佛國土淨衆生故云何菩薩如幻  
三昧住是三昧能成辦一切事亦不  
生心相故云何菩薩常入三昧菩薩得  
報生三昧故云何菩薩隨衆生所應  
善根受身菩薩知衆生所應生善根  
而為受身成就衆生故是為菩薩住  
八地中具足五法云何菩薩受無邊  
世界所度之分十方無量世界中衆  
生如諸佛法所應度者而度脫之云  
何菩薩得如所願得六波羅蜜具足  
故云何菩薩知諸天龍夜叉捷闍婆  
語辭辯力故云何菩薩胎生成就菩  
薩世世常化生故云何菩薩家成就  
常在大家生故云何菩薩所生成就  
若刹利家生若婆羅門家生故云何  
菩薩姓成就如過去菩薩所生姓從  
此中生故云何菩薩眷屬成就純諸  
菩薩摩訶薩為眷屬故云何菩薩出  
生成就生時光明遍照無量無邊世  
界亦不取相故云何菩薩出家成就  
出家時無量百千億諸天侍從出家  
是一切衆生必至三乘云何菩薩莊  
嚴佛樹成就是菩提樹以黃金為根

七寶為莖節枝葉莖節枝葉光明遍  
照十方阿僧祇三千大千世界云何  
菩薩一切諸善功德成滿具足菩薩  
得衆生清淨佛國亦淨是為菩薩住  
九地中具足十二法云何菩薩住十  
地中當知如佛若菩薩摩訶薩具足  
六波羅蜜四念處乃至十八不共法  
一切種智具足滿斷一切煩惱及習  
是名菩薩摩訶薩住十地中當知如  
佛須菩提菩薩摩訶薩住是十地中  
以方便力故行六波羅蜜行四念處  
乃至十八不共法過乾慧地性地八  
人地見地薄地離欲地已作地辟支  
佛地菩薩地過是九地住於佛地是  
為菩薩十地如是須菩提是名菩薩  
摩訶薩大乘發趣

摩訶般若波羅蜜經出到品第二十一

佛告須菩提汝所問是乘何處出至  
何處住者佛言是乘從三界中出至  
薩婆若中住以不二法故何以故摩  
訶衍薩婆若是二法不合不散無色  
无形無對一相所謂无相若人欲使  
實際出是人為欲使無相法出若人

欲使如法性不可思議性出是人為  
欲使无相法出若人欲使色空出是  
人為欲使無相法出若人欲使受想  
行識空出是人為欲使無相法出何  
以故須菩提色空相不出三界亦不  
住薩婆若受想行識空相不出三界  
亦不住薩婆若所以者何色色相空  
受想行識識相空故若人欲使眼空  
出是人為欲使無相法出若人欲使  
耳鼻舌身意空出是人為欲使无相  
法出若人欲使乃至意觸因緣生受  
空出是人為欲使無相法出何以故  
須菩提眼空不出三界亦不住薩婆  
若乃至意觸因緣生受空不出三界  
亦不住薩婆若所以者何眼眼相空  
乃至意觸因緣生受意觸因緣生受  
相空故若人欲使夢出是人為欲使  
無相法出若人欲使幻焰響影化出  
是人為欲使無相法出何以故須菩  
提夢相不出三界亦不住薩婆若幻  
焰響影化相亦不出三界亦不住薩  
婆若須菩提若人欲使檀那波羅蜜  
出是人為欲使无相法出若人欲使

尸羅波羅蜜羼提波羅蜜毗梨耶波  
羅蜜禪那波羅蜜般若波羅蜜出是  
人為欲使無相法出何以故檀那波  
羅蜜相不出三界亦不住薩婆若  
羅波羅蜜乃至般若波羅蜜不出三  
界亦不住薩婆若所以者何檀那波  
羅蜜檀那波羅蜜相空尸羅波羅蜜  
羼提波羅蜜毗梨耶波羅蜜禪那波  
羅蜜般若波羅蜜般若波羅蜜相空  
故若人欲使內空出乃至無法有法  
空出是人為欲使無相法出何以故  
須菩提內空相乃至無法有法空相  
不出三界亦不住薩婆若所以者何  
內空內空性空乃至無法有法空  
無法有法空性空故若人欲使四念  
處出是人為欲使無相法出何以故  
四念處性不出三界亦不住薩婆若  
所以者何四念處性四念處性空故  
若人欲使四正勤四如意足五根五  
力七覺分八聖道分出是人為欲使  
無相法出何以故八聖道分性不出  
三界不住薩婆若所以者何八聖道  
分性八聖道分性空故乃至十八不

共法亦如是須菩提若人欲使阿羅漢出生處是人為欲使无相法出若人欲使辟支佛出生處是人為欲使无相法出若人欲使多陀阿伽度阿羅訶三藐三佛陀出生處是人為欲使无相法出何以故阿羅漢性辟支佛性佛性不出三界亦不住薩婆若所以者何阿羅漢性阿羅漢性空辟支佛性辟支佛性空佛性佛性空故若人欲使須陀洹果斯陀含果阿那含果阿羅漢果辟支佛道佛道一切種智出是人為欲使無相法出如上說若人欲使名字假名施設相但有語言出是人為欲使無相法出何以故名字空不出三界亦不住薩婆若所以者何名字相名字相空故乃至施設亦如是是人欲使不生不滅法不垢不淨无作法出是人為欲使無相法出何以故不生乃至无作法性不出三界亦不住薩婆若所以者何不生性乃至无作性性空故須菩提以是因緣故摩訶衍從三界中出至薩婆若中住不動故須菩提汝所問

是乘至何處住者須菩提是大乘无住處何以故一切法無住相故是乘若住不住法住須菩提譬如法性不生不滅不垢不淨无相無作非住非不住須菩提是乘亦如是非住非不住何以故法性相非住非住所以者何法性相空故乃至无作性無作性空故諸餘法亦如是須菩提以是因緣故是乘无所住以不住法不動法故須菩提汝所問誰當乘是乘出者無有人乘是乘出者何以故是乘及出者所用法及出時是一切法皆无所所有若一切法無所有用何等法當出何以故我不可得乃至知者見者不可得畢竟淨故不可思議性不可得畢竟淨故陰入界不可得畢竟淨故檀那波羅蜜不可得畢竟淨故乃至般若波羅蜜不可得畢竟淨故内空不可得畢竟淨故乃至無法有法空不可得畢竟淨故四念處不可得乃至十八不共法不可得畢竟淨故須陀洹不可得乃至阿羅漢辟支佛菩薩佛不可得畢竟淨故須陀洹



果乃至阿羅漢果辟支佛道佛道一切種智不可得畢竟淨故不生不滅不垢不淨無起无作不可得畢竟淨故過去世未來現在世生住滅不可得畢竟淨故增減不可得畢竟淨故何法不可得故不可得法性不可得故不可得如實際不可思議性法相法位檀那波羅蜜不可得故不可得乃至般若波羅蜜不可得故不可得內空不可得故不可得乃至無法有法空不可得故不可得四念處不可得故不可得乃至十八不共法不可得乃至佛不可得故不可得須陀洹果不可得故不可得乃至佛道不可得故不可得不生不滅乃至不起不作不可得故不可得復次須菩提初地不可得故不可得乃至第十地不可得故不可得畢竟淨故云何為初地乃至十地所謂乾慧地性地八人地見地薄地離欲地已作地辟支佛地菩薩地佛地內空中初地不可得乃至無法有法空中初地不可得內

空乃至無法有法空中第二第三第四第五第六第七第八第九第十地不可得何以故須菩提初地非得非不得乃至十地非得非不得畢竟淨故內空乃至無法有法空中成就衆生不可得畢竟淨故內空乃至無法有法空中淨佛國土不可得畢竟淨故內空乃至無法有法空中五眼不可得畢竟淨故如是須菩提菩薩摩訶薩以一切諸法不可得故乘是摩訶衍出三界住薩婆若

摩訶般若波羅蜜經勝出品第三十二

慧命須菩提白佛言世尊摩訶衍摩訶衍者勝出一切世間及諸天人阿修羅世尊是摩訶衍與虛空等如虛空受無量无邊阿僧祇衆生摩訶衍亦如是受無量无邊阿僧祇衆生世尊是摩訶衍不見來處不見去處不見住處是摩訶衍前際不可得後際不可得中際不可得三世等是摩訶衍世尊以是故是乘名摩訶衍佛告須菩提如是如是菩薩摩訶薩摩訶衍所謂六波羅蜜檀那波羅蜜

尸羅波羅蜜羣提波羅蜜毗梨耶波  
羅蜜禪那波羅蜜般若波羅蜜是名  
菩薩摩訶薩摩訶衍復次須菩提菩  
薩摩訶薩摩訶衍一切陀羅尼門一  
切三昧門所謂首楞嚴三昧乃至離  
著虛空不染三昧是名菩薩摩訶薩  
摩訶衍復次須菩提菩薩摩訶薩摩  
訶衍所謂內空乃至無法有法空是  
名菩薩摩訶薩摩訶衍復次須菩提  
菩薩摩訶薩摩訶衍所謂四念處乃  
至十八不共法是名菩薩摩訶薩摩  
訶衍如須菩提所言是摩訶衍勝出  
一切世間及諸天人阿修羅須菩提  
若欲界當有實不虛妄不異諦不顛  
倒有常不壞相非無法者是摩訶衍  
不能勝出一切世間及諸天人阿修  
羅須菩提以欲界虛妄憶想分別和  
合名字等有一切無常想無法以是  
故摩訶衍勝出一切世間及諸天人  
阿修羅須菩提色界無色界若當實  
有不虛妄不異諦不顛倒有常不壞  
相非無法者是摩訶衍不能勝出一  
切世間及諸天人阿修羅須菩提以

色界無色界虛妄憶想分別和合名字等有一切无常破壞相無法以是故摩訶衍勝出一切世間及諸天人阿修羅須菩提若色當實有不虛妄不異諦不顛倒有常不壞相非無法者是摩訶衍不能勝出一切世間及諸天人阿修羅須菩提以色虛妄憶想分別和合名字等有一切無常破壞相無法以是故是摩訶衍勝出一切世間及諸天人阿修羅受想行識亦如是須菩提若眼乃至意色乃至法眼識乃至意識眼觸乃至意觸眼觸因緣生受乃至意觸因緣生受若當實有不虛妄不異諦不顛倒有常不壞相非無法者是摩訶衍不能勝出一切世間及諸天人阿修羅須菩提以眼乃至意觸因緣生受虛妄憶想分別和合名字等有一切無常破壞相無法以是故摩訶衍勝出一切世間及諸天人阿修羅須菩提若法性是有法非無法者是摩訶衍不能勝出一切世間及諸天人阿修羅須菩提以法性無法非法以是故摩訶

行勝出一切世間及諸天人阿修羅  
須菩提若如實際不可思議性是有  
法非無法者是摩訶衍不能勝出一  
切世間及諸天人阿修羅須菩提以  
如實際不可思議性无法非法以是  
故摩訶衍勝出一切世間及諸天人  
阿修羅須菩提若檀那波羅蜜是有  
法非無法者是摩訶衍不能勝出一  
切世間及諸天人阿修羅以檀那波  
羅蜜无法非法以是故摩訶衍勝出  
一切世間及諸天人阿修羅若尸羅  
波羅蜜屬提波羅蜜毗梨耶波羅蜜  
禪那波羅蜜般若波羅蜜是有法非  
無法者是摩訶衍不能勝出一切世  
間及諸天人阿修羅以尸羅波羅蜜  
乃至般若波羅蜜无法非法以是故  
摩訶衍勝出一切世間及諸天人阿  
修羅須菩提若內空乃至无法有法  
空是有法非無法者是摩訶衍不能  
勝出一切世間及諸天人阿修羅以  
內空乃至无法有法空无法非法以  
是故摩訶衍勝出一切世間及諸天  
人阿修羅須菩提若四念處乃至十

八不共法是有法非无法者是摩訶  
衍不能勝出一切世間及諸天人阿  
修羅以四念處乃至十八不共法無  
法非法以是故摩訶衍勝出一切世  
間及諸天人阿修羅須菩提若性人  
法是有法非無法者是摩訶衍不能  
勝出一切世間及諸天人阿修羅以  
性人法无法非法以是故摩訶衍勝  
出一切世間及諸天人阿修羅須菩  
提若八人法須陀洹法斯陀含法阿  
那含法阿羅漢法辟支佛法佛法是  
有法非无法者是摩訶衍不能勝出  
一切世間及諸天人阿修羅以八人  
法乃至佛法無法非法以是故摩訶  
衍勝出一切世間及諸天人阿修羅  
須菩提若性地人是有法非无法者  
是摩訶衍不能勝出一切世間及諸  
天人阿修羅以性地人無法非法以  
是故摩訶衍勝出一切世間及諸天  
人阿修羅須菩提若八人法須陀洹  
乃至佛是有法非无法者是摩訶衍  
不能勝出一切世間及諸天人阿修  
羅以八人乃至佛無法非法以是故



摩訶行勝出一切世間及諸天人阿  
修羅須菩提若一切世間及諸天人  
阿修羅是有法非無法者是摩訶行  
不能勝出一切世間及諸天人阿修  
羅以一切世間及諸天人阿修羅无  
法非法以是故摩訶行勝出一切世  
間及諸天人阿修羅須菩提若菩薩  
摩訶薩從初發心乃至道場於其中  
間諸心若是有法非無法者是摩訶  
行不能勝出一切世間及諸天人阿  
修羅以菩薩從初發心乃至道場於  
其中間諸心無法非法以是故摩訶  
行勝出一切世間及諸天人阿修羅  
須菩提若菩薩摩訶薩如金剛慧是  
有法非無法者是菩薩摩訶薩不能  
知一切結使及習无法非法得一切  
種智須菩提以菩薩摩訶薩如金剛  
慧無法非法是故菩薩知一切結使  
及習无法非法得一切種智以是故  
摩訶行勝出一切世間及諸天人阿  
修羅須菩提若諸佛三十二相是有  
法非無法者諸佛威德不能照然勝  
出一切世間及諸天人阿修羅須菩

提以諸佛三十二相無法非法以是  
故諸佛威德照然勝出一切世間及  
諸天人阿修羅須菩提若諸佛光明  
是有法非无法者諸佛光明不能普  
照如恒河沙等國土須菩提以諸佛  
光明無法非法以是故諸佛能以光  
明普照如恒河沙等國土須菩提若  
諸佛六十種莊嚴音聲是有法非无  
法者諸佛不能以六十種莊嚴音聲  
遍至十方無量阿僧祇國土須菩提  
以諸佛六十種莊嚴音聲无法非法  
以是故諸佛能以六十種莊嚴音聲  
遍至十方無量阿僧祇國土須菩提  
諸佛法輪若當是有法非无法者諸  
佛不能轉法輪諸沙門婆羅門若天  
若魔若梵及世間餘衆所不能如法  
轉者須菩提以諸佛法輪無法非法  
以是故諸佛轉法輪諸沙門婆羅門  
若天若魔若梵及世間餘衆不能如  
法轉者須菩提諸佛為衆生轉法輪  
是衆生若實有法非無法者不能令  
是衆生於无餘涅槃而般涅槃須菩  
提以諸佛為衆生轉法輪是衆生無

法非法以是故能令衆生於无餘涅  
縣中已滅今滅當滅

摩訶般若波羅蜜經等空品第三十三

丹本  
合受品

佛告須菩提汝所言行與空等如是  
如是須菩提摩訶衍與虛空等須菩  
提如虛空無東方无南方西方北方  
四維上下須菩提摩訶衍亦如是无  
東方無南方西方北方四維上下須  
菩提如虛空非長非短非方非圓須  
菩提摩訶衍亦如是非長非短非方  
非圓須菩提如虛空非青非黃非赤  
非白非黑摩訶衍亦如是非青非黃  
非赤非白非黑以是故說摩訶衍與  
空等須菩提如虛空非過去非未來  
非現在摩訶衍亦如是非過去非未  
來非現在以是故說摩訶衍與空等  
須菩提如虛空不增不减摩訶衍亦  
如是亦不增亦不减須菩提如虛空  
无垢無淨摩訶衍亦如是无垢無淨  
須菩提如虛空无生無滅无住無異  
摩訶衍亦如是無生无滅无住无異  
須菩提如虛空非善非不善非記非  
無記摩訶衍亦如是非善非不善非

記非無記以是故說摩訶衍與空等  
如虛空無見無聞無覺無識摩訶衍  
亦如是無見無聞無覺無識如虛空  
不可知不可識不可見不可斷不可  
證不可修摩訶衍亦如是不可知不  
可識不可見不可斷不可證不可修  
以是故說摩訶衍與空等如虛空非  
染相非離相摩訶衍亦如是是非染相  
非離相如虛空不繫欲界不繫色界  
不繫無色界摩訶衍亦如是不繫欲  
界不繫色界不繫無色界如虛空無  
初發心亦無二三四五六七八九第  
十心摩訶衍亦如是无初發心乃至  
無第十心如虛空无乾慧地性人地  
八人地見地薄地離欲地已作地摩  
訶衍亦如是无乾慧地乃至已辦地  
如虛空無須陀洹果無斯陀含果无  
阿那含果無阿羅漢果摩訶衍亦如  
是无須陀洹果乃至無阿羅漢果如  
虛空無聲聞地无辟支佛地無佛地  
摩訶衍亦如是无聲聞地乃至佛地  
以是故說摩訶衍與虛空等如虛空  
非色非無色非可見非不可見非有

對非無對非合非散摩訶衍亦如是  
非色非無色非可見非不可見非有  
對非无對非合非散以是故說摩訶  
衍與空等須菩提如虛空非常非無  
常非樂非苦非我非无我摩訶衍亦  
如是是非常非無常非樂非苦非我非  
无我以是故說摩訶衍與空等須菩  
提如虛空非空非不空非相非無相  
非作非无作摩訶衍亦如是非空非  
不空非相非無相非作非无作以是  
故說摩訶衍與空等須菩提如虛空  
非寂滅非不寂滅非離非不離摩訶  
衍亦如是非寂滅非不寂滅非離非  
不離以是故說摩訶衍與空等須菩  
提如虛空非闇非明摩訶衍亦如是  
非闇非明以是故說摩訶衍與空等  
須菩提如虛空非可得非不可得摩  
訶衍亦如是是非可得非不可得以是  
故說摩訶衍與空等須菩提如虛空  
非可說非不可說摩訶衍亦如是非  
可說非不可說以是故說摩訶衍與  
空等須菩提以是諸因緣故說摩訶  
衍與空等須菩提如汝所言如虛空

受無量无边阿僧祇衆生摩訶衍亦  
受无量无边阿僧祇衆生如是如是  
須菩提衆生无有故當知虚空無有  
虚空无有故當知摩訶衍亦無有以  
是因緣故摩訶衍受无量无边阿僧  
祇衆生何以故是衆生虚空摩訶衍  
是法皆不可得故復次須菩提摩訶  
衍無所有故當知阿僧祇无所有阿  
僧祇无所有故當知無量无所有無  
量无所有故當知無无边无所有無边  
無所有故當知一切諸法無所有以  
是因緣故須菩提是摩訶衍受无量  
无边阿僧祇衆生何以故是衆生虚  
空摩訶衍阿僧祇无量无边是一切  
法不可得故復次須菩提我无所有  
乃至知者見者无所有故當知如法  
性實際無所有如法性實際无所有  
故當知乃至無量无边阿僧祇無所  
有无量无边阿僧祇无所有故當知  
一切法無所有以是因緣故須菩提  
是摩訶衍受无量无边阿僧祇衆生  
何以故是衆生乃至知者見者實際  
乃至無量无边阿僧祇是一切法不



可得故復次須菩提我無所有乃至  
知者見者無所有故當知不可思議  
性无所有不可思議性無所有故當  
知色受想行識無所有色受想行識  
无所有故當知虛空無所有虛空无  
所有故當知摩訶衍无所有摩訶衍  
無所有故當知阿僧祇无所有阿僧  
祇无所有故當知無量无所有無量  
無所有故當知无邊無所有无邊無  
所有故當知一切諸法无所有以是  
因緣故須菩提當知摩訶衍受無量  
无邊阿僧祇衆生何以故須菩提我  
乃至知者見者等一切法皆不可得  
故復次須菩提我无所有乃至知者  
見者無所有故當知眼无所有耳鼻  
舌身意無所有眼乃至意無所有故  
當知虛空无所有虛空無所有故當  
知摩訶衍無所有摩訶衍无所有故  
當知阿僧祇无所有阿僧祇無所有  
故當知无量無所有无量無所有故  
當知無邊无所有無邊无所有故當  
知一切諸法無所有以是因緣故須  
菩提摩訶衍受无量無邊阿僧祇衆

生何以故須菩提我乃至一切諸法  
皆不可得故復次須菩提我无所有  
乃至知者見者無所有故當知檀那  
波羅蜜无所有尸羅波羅蜜羼提波  
羅蜜毗梨耶波羅蜜禪那波羅蜜般  
若波羅蜜无所有般若波羅蜜無所  
有故當知虛空无所有虛空無所有  
故當知摩訶衍無所有摩訶衍无所  
有故當知無量无邊阿僧祇無所有  
無量无邊阿僧祇無所有故當知一  
切諸法無所有以是因緣故須菩提  
是摩訶衍受无量無邊阿僧祇衆生  
何以故我衆生乃至一切諸法皆不  
可得故復次須菩提我無所有乃至  
知者見者无所有故當知內空無所  
有乃至無法有法空无所有無法有  
法空无所有故當知虛空無所有虛  
空無所有故當知摩訶衍无所有摩  
訶衍無所有故當知阿僧祇无量無  
邊无所有阿僧祇無量无邊無所有  
故當知一切諸法无所有以是因緣  
故須菩提是摩訶衍受無量无邊阿  
僧祇衆生何以故我衆生乃至一切

諸法皆不可得故復次須菩提我衆生乃至知者見者無所有故當知四念處无所有四念處無所有故乃至十八不共法無所有十八不共法无所有故當知虛空無所有虛空无所有故當知摩訶衍无所有摩訶衍無所有故當知阿僧祇無量无边無所有阿僧祇无量無邊无所有故當知一切諸法無所有以是因緣故須菩提是摩訶衍受无量無邊阿僧祇衆生何以故我衆生乃至一切諸法皆不可得故復次須菩提我衆生無所有乃至知者見者无所有故當知性地无所有乃至已作地无所有已作地无所有故當知虛空無所有虛空無所有故當知摩訶衍无所有摩訶衍无所有故當知阿僧祇無量无边無所有阿僧祇無量无边无所有故當知一切諸法無所有以是因緣故

有須陀洹無所有故當知斯陀含無  
所有斯陀含無所有故當知阿那含  
無所有阿那含無所有故當知阿羅  
漢無所有阿羅漢無所有故當知乃  
至一切諸法無所有以是因緣故須  
菩提摩訶衍受無量无边阿僧祇衆  
生何以故須菩提我乃至一切諸法  
皆不可得故復次須菩提我乃至知  
者見者無所有故當知聲聞乘無所  
有聲聞乘無所有故當知辟支佛乘  
無所有辟支佛乘無所有故當知佛  
乘無所有佛乘無所有故當知聲聞  
人無所有聲聞人無所有故當知須  
陀洹無所有須陀洹無所有故乃至  
佛無所有佛無所有故當知一切種  
智無所有一切種智無所有故當知  
虛空無所有虛空無所有故當知摩  
訶衍無所有摩訶衍無所有故當知  
乃至一切諸法無所有以是因緣故  
是摩訶衍受無量无边阿僧祇衆生  
何以故我乃至一切諸法皆不可得  
故須菩提譬如涅槃性中受无量無  
邊阿僧祇衆生是摩訶衍亦受无量

無邊阿僧祇衆生以是因緣故須菩  
提如虛空受无量無邊阿僧祇衆生  
是摩訶衍亦如是受无量無邊阿僧  
祇衆生須菩提汝所言是摩訶衍不  
見來處不見去處不見住處如是如  
是須菩提是摩訶衍不見來處不見  
去處不見住處何以故須菩提一切  
諸法不動相故是法無來處无去處  
無住處何以故須菩提色無所從來  
亦无所去亦无所住受想行識无所  
從來亦无所去亦无所住須菩提色  
法無所從來亦无所去亦无所住受  
想行識法無所從來亦无所去亦無  
所住須菩提色如無所從來亦无所  
去亦無所住受想行識如无所從來  
亦无所去亦無所住須菩提色性无  
所從來亦無所去亦无所住受想行  
識性无所從來亦無所去亦无所住  
須菩提色相無所從來亦無所去亦  
无所住受想行識相無所從來亦无  
所去亦無所住須菩提眼眼法眼如  
眼性眼相无所從來亦無所去亦无  
所住耳鼻舌身意意法意如意性意

相無所從來亦无所去亦無所住色  
聲香味觸法亦如是須菩提地種地  
種法地種如地種性地種相无所從  
來亦無所去亦无所住水火風空識  
種識種法識種如識種性識種相亦  
如是須菩提如如法如如性如相  
無所從來亦无所去亦無所住須菩  
提實際實際法實際如實際性實際  
相无所從來亦無所去亦无所住須  
菩提不可思議不可思議法不可思  
議如不可思議性不可思議相無所  
從來亦无所去亦無所住須菩提檀  
那波羅蜜檀那波羅蜜法檀那波羅  
蜜如檀那波羅蜜性檀那波羅蜜相  
無所從來亦无所去亦無所住尸  
羅波羅蜜羼提波羅蜜毗梨耶波羅  
蜜禪那波羅蜜般若波羅蜜般若波  
羅蜜法般若波羅蜜如般若波羅蜜  
性般若波羅蜜相无所從來亦無所  
去亦無所住須菩提四念處四念處  
法四念處如四念處性四念處相无  
所從來亦無所去亦无所住乃至十  
八不共法亦如是須菩提菩薩菩薩



法菩薩如菩薩性菩薩相无所從來亦無所去亦无所住佛法佛如佛性佛相無所從來亦无所去亦無所住阿耨多羅三藐三菩提法如性相無所從來亦无所去亦無所住須菩提有為法有為法法有為法法有為法相無所從來亦无所去亦無所住須菩提無為法無為法法無為法法無為法如無為法性無為法相无所從來亦無所去亦无所住以是因緣故須菩提是摩訶衍不見來處不見去處不見住處須菩提汝所言是摩訶衍前際不可得後際不可得中際不可得是衍名三世等以是故說名摩訶衍如是如是須菩提是摩訶衍前際不可得後際不可得中際不可得是衍名三世等以是故說名摩訶衍如是世空現在世現在世空三世等三世等空摩訶衍摩訶衍空菩薩菩薩空何以故須菩提是空非一非二非三非四非五非異以是故說名三世等

是菩薩摩訶薩摩訶衍是衍中等不  
等相不可得故染不染不可得瞋不  
瞋不可得癡不癡不可得慢不慢不  
可得乃至一切善法不善法不可得  
是衍中常不可得无常不可得樂不  
可得苦不可得實不可得空不可得  
我不可得無我不可得欲界不可得  
色界不可得无色界不可得度欲界  
不可得度色界不可得度無色界不  
可得何以故是摩訶衍自法不可得  
故須菩提過去色過去色空未來現  
在色未來現在色空過去受想行識  
過去受想行識空未來現在受想行  
識未來現在受想行識空空過去  
色不可得何以故空中空亦不可得  
何況空中過去色可得空中未來現  
在色不可得何以故空中空亦不可  
得何況空中未來現在色可得空中  
過去受想行識不可得何以故空中  
空亦不可得何況空中過去受想行  
識可得空中未來現在受想行識不  
可得何以故空中空亦不可得何況  
空中未來現在受想行識可得須菩

提過去檀那波羅蜜不可得未來檀  
那波羅蜜不可得現在檀那波羅蜜  
不可得三世等中檀那波羅蜜亦不  
可得何以故等中過去世不可得未  
來世不可得現在世不可得等中等  
亦不可得何況等中過去世未來世  
現在世可得尸羅波羅蜜羼提波羅  
蜜毗梨耶波羅蜜禪那波羅蜜般若  
波羅蜜亦如是復次須菩提過去世  
中四念處不可得乃至過去世中十  
八不共法不可得未來世現在世亦  
如是復次須菩提三世等中四念處  
不可得三世等中乃至十八不共法  
亦不可得何以故等中過去世四念  
處不可得等中未來世四念處不可  
得等中現在世四念處不可得乃至  
十八不共法亦如是等中等亦不可  
得何況等中過去世四念處未來現  
在世四念處可得等中等亦不可得  
何況等中過去世乃至十八不共法可  
得未來現在世乃至十八不共法亦  
如是復次須菩提過去世凡夫人不  
可得未來世現在世中凡夫人不可

得三世等中凡夫人亦不可得何以  
故衆生不可得乃至知者見者不可  
得故過去世中聲聞辟支佛菩薩佛  
不可得未來現在世聲聞辟支佛菩  
薩佛不可得三世等中聲聞辟支佛  
菩薩佛不可得何以故衆生不可得  
乃至知者見者不可得故如是須菩  
提菩薩摩訶薩住般若波羅蜜中學  
三世等相當具足一切種智是名菩  
薩摩訶薩摩訶衍所謂三世等相菩  
薩摩訶薩住是衍中勝一切世間及  
諸天人阿修羅成就薩婆若尔時須  
菩提白佛言世尊善哉善哉是菩薩  
摩訶薩摩訶衍何以故過去諸菩薩  
摩訶薩是衍中學得一切種智未來  
世諸菩薩摩訶薩亦是衍中學當得  
一切種智世尊今十方无量阿僧祇  
國土中諸菩薩摩訶薩亦是衍中學  
得一切種智以是故世尊是衍實是  
菩薩摩訶薩摩訶衍佛告須菩提如  
是如是過去未來現在諸佛是摩訶  
衍中學已得一切種智當得今得  
摩訶般若經卷第六

戊戌歲高麗國大藏都監奉

勅彫造

摩訶般若波羅蜜經卷第七

芥

後秦龜茲國三藏鳩摩羅什譯

會宗品第二十四

尔時慧命富樓那弥多羅尼子白佛  
言世尊佛使須菩提為諸菩薩摩訶  
薩說般若波羅蜜今乃說摩訶衍為  
須菩提白佛言世尊我說摩訶衍將  
無離般若波羅蜜耶佛言不也須菩提  
汝說摩訶衍隨般若波羅蜜不離何  
以故一切所有善法助道法若聲聞  
法若辟支佛法若菩薩法若佛法是  
一切法皆攝入般若波羅蜜中須菩  
提白佛言世尊何等諸善法助道法  
聲聞法辟支佛法菩薩法佛法皆攝  
入般若波羅蜜中佛告須菩提所謂  
檀那波羅蜜尸羅波羅蜜羼提波羅  
蜜毗梨耶波羅蜜禪那波羅蜜般若  
波羅蜜四念處四正勤四如意足五  
根五力七覺分八聖道分空無相无  
作解脫門佛十力四無所畏四无闕  
智大慈大悲十八不共法無錯謬相  
常捨行須菩提是諸餘善法助道法

若聲聞法若辟支佛法若菩薩法若  
佛法皆攝入般若波羅蜜中須菩提  
若菩薩摩訶薩摩訶衍若般若波羅  
蜜禪那波羅蜜毗梨耶波羅蜜羼提  
波羅蜜尸羅波羅蜜檀那波羅蜜若  
色受想行識眼色眼識眼觸眼觸因  
緣生諸受乃至意法意識意觸意觸  
因緣生諸受地種乃至識種四念處  
乃至八聖道分空無相无作解脫門  
及諸善法若有漏若無漏若有為若  
无為若苦諦集諦滅諦道諦若欲界  
若色界若無色界若内空乃至无法  
有法空諸三昧門諸陀羅尼門佛十  
力乃至十八不共法若佛法佛法性  
如實際不可思議性涅槃是一切諸  
法皆不合不散無色无形無對无閑  
無等一相所謂无相須菩提以是因  
緣故汝所說摩訶衍隨順般若波羅  
蜜何以故須菩提摩訶衍不異般若  
波羅蜜般若波羅蜜不異摩訶衍般  
若波羅蜜摩訶衍無二无別檀那波  
羅蜜不異摩訶衍摩訶衍不異檀那  
波羅蜜檀那波羅蜜摩訶衍無二无



別乃至禪那波羅蜜亦如是須菩提  
四念處不異摩訶衍摩訶衍不異四  
念處四念處摩訶衍无二無別乃至  
十八不共法不異摩訶衍摩訶衍不  
異十八不共法十八不共法摩訶衍  
無二无別以是因緣故須菩提汝說  
摩訶衍即是說般若波羅蜜

摩訶般若波羅蜜經十無品第二十五

慧命須菩提白佛言世尊菩薩摩訶  
薩前際不可得後際不可得中際不  
可得色無邊故當知菩薩摩訶薩亦  
无邊受想行識無邊故當知菩薩摩  
訶薩亦無邊色是菩薩摩訶薩是亦  
不可得受想行識是菩薩摩訶薩是  
亦不可得如是世尊於一切種一切  
處求菩薩不可得世尊我當教何等  
菩薩摩訶薩般若波羅蜜世尊菩薩  
摩訶薩但有名字如說我名字我畢  
竟不生如我諸法亦如是無自性何  
等色畢竟不生何等受想行識畢竟  
不生世尊是畢竟不生不名為色是  
畢竟不生不名為受想行識世尊若  
畢竟不生法當教是般若波羅蜜耶

離畢竟不生亦无菩薩行阿耨多羅  
三藐三菩提若菩薩聞作是說心不  
沒不悔不驚不怖不畏當知是菩薩  
摩訶薩能行般若波羅蜜舍利弗問  
須菩提何因緣故言菩薩摩訶薩前  
際不可得後際不可得中際不可得  
須菩提何因緣故言色無邊故當知  
菩薩亦無邊受想行識无邊故當知  
菩薩亦無邊須菩提何因緣故言色  
是菩薩是亦不可得受想行識是菩  
薩是亦不可得須菩提何因緣故言  
於一切種一切處菩薩不可得當教  
何等菩薩般若波羅蜜須菩提何因  
緣故言菩薩摩訶薩但有名字須菩  
提何因緣故言如說我名字我畢竟  
不生如我諸法亦如是無自性何等  
色畢竟不生何等受想行識畢竟不  
生須菩提何因緣故言畢竟不生不  
名為色畢竟不生不名為受想行識  
須菩提何因緣故言若畢竟不生法  
當教是般若波羅蜜耶須菩提何因  
緣故言離畢竟不生亦无菩薩行阿  
耨多羅三藐三菩提須菩提何因緣

故言若菩薩聞作是說心不沒不悔  
不驚不怖不畏若能如是行是名菩  
薩摩訶薩行般若波羅蜜今時須菩  
提報舍利弗言衆生無所有故菩薩  
前際不可得衆生空故菩薩前際不  
可得衆生離故菩薩前際不可得舍  
利弗色無有故菩薩前際不可得受  
想行識无有故菩薩前際不可得色  
空故菩薩前際不可得受想行識空  
故菩薩前際不可得色離故菩薩前  
際不可得受想行識離故菩薩前際  
不可得舍利弗色性無故菩薩前際  
不可得受想行識性无故菩薩前際  
不可得舍利弗檀那波羅蜜無有故  
菩薩前際不可得尸羅波羅蜜羼提  
波羅蜜毗梨耶波羅蜜禪那波羅蜜  
般若波羅蜜無有故菩薩前際不可  
得何以故舍利弗空中前際不可得  
後際不可得中際不可得空不異菩  
薩菩薩不異前際舍利弗空菩薩前  
際是諸法無二无別以是因緣故舍  
利弗菩薩前際不可得舍利弗檀那  
波羅蜜空故檀那波羅蜜離故檀那

波羅蜜性无故菩薩前際不可得尸  
 羅波羅蜜羣提波羅蜜毗梨耶波羅  
 蜜禪那波羅蜜般若波羅蜜空故般  
 若波羅蜜離故般若波羅蜜性无故  
 菩薩前際不可得何以故舍利弗空  
 中前際不可得後際不可得中際不  
 可得空不異菩薩亦不異前際舍利  
 弗空菩薩前際無二无別以是因緣  
 故舍利弗菩薩前際不可得復次舍  
 利弗内空無所有故菩薩前際不可  
 得乃至無法有法空无所有故菩薩  
 前際不可得内空空故内空離故内  
 空性無故乃至无法有法空空故離  
 故性无故菩薩前際不可得餘如上  
 說復次舍利弗四念處無所有故菩  
 薩前際不可得四念處空故離故性  
 無故菩薩前際不可得乃至十八不  
 共法无所有故菩薩前際不可得十  
 八不共法空空故離故性無故菩薩前  
 際不可得餘如上說以是因緣故舍  
 利弗菩薩前際不可得復次舍利弗  
 一切三昧門一切陀羅尼門無有故  
 菩薩前際不可得三昧門陀羅尼門

空故離故性无故菩薩前際不可得  
餘如上說復次舍利弗法性無有故  
菩薩前際不可得法性空故離故性  
无故菩薩前際不可得餘如上說復  
次舍利弗如無有故空故離故性无  
故實際無有故空故離故性无故不  
可思議性無有故空故離故性無故  
菩薩前際不可得餘如上說復次舍  
利弗聲聞無有故菩薩前際不可得  
聲聞空故離故性无故菩薩前際不  
可得辟支佛無有故空故離故性无  
故菩薩前際不可得佛無有故空故  
離故性无故菩薩前際不可得阿耨  
多羅三藐三菩提無有故乃至性无  
故菩薩前際不可得復次一切種智  
無有故乃至性无故菩薩前際不可  
得何以故舍利弗空前際不可得後  
際不可得中際不可得菩薩不可得  
舍利弗空不異菩薩亦不異前際  
空菩薩前際是諸法無二元別以是  
因緣故舍利弗菩薩前際不可得後  
際中際亦如是如舍利弗言色無邊  
故當知菩薩亦无邊受想行識无邊

故當知菩薩亦無邊舍利弗色如虛空受想行識如虛空何以故舍利弗如虛空邊不可得中不可得無邊无中故但說名虛空如是舍利弗色邊不可得中不可得是色空故空中亦无邊亦無中受想行識邊不可得中不可得識空故空中亦無邊亦无中以是因緣故舍利弗色無邊故當知菩薩亦无邊受想行識无邊故當知菩薩亦無邊乃至十八不共法亦如是如舍利弗言色是菩薩是亦不可得受想行識是菩薩是亦不可得舍利弗色色相空受想行識識相空檀那波羅蜜檀那波羅蜜相空乃至般若波羅蜜亦如是內空內空相空乃至無法有法空无法有法空相空四念處四念處相空乃至十八不共法思議性不可思議性相空三昧門三昧門相空陀羅尼門陀羅尼門相空一切智一切智相空道智道智相空一切種智一切種智相空聲聞乘聲聞乘相空辟支佛乘辟支佛乘相空



佛乘佛乘相空聲聞人聲聞人相空  
辟支佛人辟支佛人相空佛佛相空  
空中色不可得受想行識不可得以  
是因緣故舍利弗色是菩薩是亦不  
可得受想行識是菩薩是亦不可得  
如舍利弗言何因緣故於一切種一  
切處菩薩不可得當教何等菩薩般  
若波羅蜜舍利弗色色中不可得色  
受中不可得受受中不可得受色中  
不可得受想中不可得想想中不可  
得想色受中不可得想行中不可得  
行行中不可得行色受想中不可得  
行識中不可得識識中不可得識色  
受想行中不可得舍利弗眼眼中不  
可得眼耳中不可得耳耳中不可得  
耳眼中不可得耳鼻中不可得鼻鼻  
中不可得鼻眼耳中不可得鼻舌中  
不可得舌舌中不可得舌眼耳鼻中  
不可得身身中不可得身身中不可  
得身眼耳鼻舌中不可得身意中不  
可得意意中不可得意眼耳鼻舌身  
中不可得六入六識六觸六觸因緣  
生受亦如是檀那波羅蜜乃至般若

波羅蜜內空乃至無法有法空四念處乃至十八不共法一切三昧門一切陀羅尼門性法乃至辟支佛法初地乃至十地一切智道種智一切種智亦如是須陀洹乃至阿羅漢辟支佛菩薩佛亦是菩薩菩薩中不可得菩薩般若波羅蜜中不可得般若波羅蜜般若波羅蜜中不可得般若波羅蜜般若波羅蜜中不可得般若波羅蜜中教化無所有不可得教化中教化無所有不可得教化中菩薩及般若波羅蜜無所有不可得舍利弗如是一切法無所有不可得以是因緣故於一切種一切處菩薩不可得當教何等菩薩般若波羅蜜如舍利弗言何因緣故說菩薩摩訶薩但有假名舍利弗色是假名受想行識是假名色名非色受想行識名非識何以故名名相空若空則非菩薩以是因緣故舍利弗菩薩但有假名復次舍利弗檀那波羅蜜但有名字名字中非有檀那波羅蜜檀那波羅蜜中非有名字以是因緣故菩薩但有假名尸

羅波羅蜜羣提波羅蜜毗梨耶波羅蜜禪那波羅蜜般若波羅蜜但有名字名字中無有般若波羅蜜般若波羅蜜中无有名字以是因緣故菩薩但有假名舍利弗內空但有名字乃至無法有法空但有名字名字中无內空內空中無名字何以故名字內空俱不可得乃至无法有法空亦如是以是因緣故舍利弗菩薩但有假名舍利弗四念處但有名字乃至十八不共法但有名字一切三昧門一切陀羅尼門乃至一切種智亦如是以是因緣故舍利弗我說菩薩但有假名如舍利弗言何因緣故說我名字畢竟不生舍利弗我畢竟不可得云何當有生乃至知者見者畢竟不可得云何當有生舍利弗色畢竟不可得云何當有生受想行識畢竟不可得云何當有生眼畢竟不可得乃至意觸因緣生受畢竟不可得云何當有生檀那波羅蜜畢竟不可得乃至般若波羅蜜畢竟不可得云何當有生內空畢竟不可得乃至無法有法

空畢竟不可得云何當有生四念處  
畢竟不可得乃至十八不共法畢竟  
不可得云何當有生諸三昧門諸陀  
羅尼門畢竟不可得云何當有生聲  
聞乃至佛畢竟不可得云何當有生  
以是因緣故舍利弗我說如我名字  
我亦畢竟不生如舍利弗所言如我  
諸法亦如是無自性舍利弗諸法和  
合生故无自性舍利弗何等和合生  
無自性舍利弗色和合生無自性受  
想行識和合生无自性眼和合生無  
自性乃至意和合生无自性色乃至  
法眼界乃至法界地種乃至識種眼  
觸乃至意觸眼觸因緣生受乃至意  
觸因緣生受和合生無自性檀那波  
羅蜜乃至般若波羅蜜和合生无自  
性四念處乃至十八不共法和合生  
無自性復次舍利弗一切法无常亦  
不失舍利弗問須菩提何等法無常  
亦不失須菩提言色无常亦不失受  
想行識無常亦不失何以故法若無  
常即是動相即是空相以是因緣故  
舍利弗一切有為法无常亦不失復

次舍利弗若有漏法若無漏法若有  
記法若无記法何以故若法無常即  
是動相即是空相以是因緣故舍利  
弗一切作法无常亦不失復次舍利  
弗一切法非常非滅舍利弗言何等  
法非常非滅須菩提言色非常非滅  
何以故性自尔乃至意觸因緣生受  
何以故性自尔乃至意觸因緣生受  
非常非滅何以故性自尔以是因緣  
故舍利弗諸法和合生无自性如舍  
利弗所言何因緣故色畢竟不生受  
想行識畢竟不生須菩提言色非作  
法受想行識非作法何以故作者不  
可得故舍利弗眼非作法何以故作  
者不可得故乃至意亦如是眼界乃  
至意觸因緣生受亦如是復次舍利  
弗一切諸法皆非起非作何以故作  
者不可得故以是因緣故舍利弗色  
畢竟不生受想行識畢竟不生如舍  
利弗所言何因緣故畢竟不生是不  
名為色畢竟不生是不名受想行識  
須菩提言色性空是空无生無滅无  
住異受想行識性空是空無生无滅

無住異眼乃至一切有為法性空是  
空无生無滅无住異以是因緣故舍  
利弗畢竟不生不名色畢竟不生不  
名受想行識如舍利弗所言何因緣  
故畢竟不生法當教是般若波羅蜜  
耶須菩提言畢竟不生即是般若波  
羅蜜般若波羅蜜即是畢竟不生般  
若波羅蜜畢竟不生无二無別以是  
因緣故舍利弗我說畢竟不生當教  
是般若波羅蜜耶如舍利弗所言何  
因緣故離畢竟不生无菩薩行阿耨  
多羅三藐三菩提須菩提言菩薩摩  
訶薩行般若波羅蜜時不見畢竟不  
生異般若波羅蜜亦不見畢竟不生  
異菩薩畢竟不生及菩薩无二無別  
不見畢竟不生異色何以故是畢竟  
不生及色无二無別不見畢竟不生  
異受想行識何以故畢竟不生受想  
行識无二無別乃至一切種智亦如  
是以是因緣故舍利弗離畢竟不生  
無菩薩行阿耨多羅三藐三菩提如  
舍利弗所言何因緣故菩薩聞作是  
說心不沒不悔不驚不怖不畏是名



菩薩行般若波羅蜜須菩提言菩薩摩訶薩不見諸法有覺知想見一切諸法如夢如響如幻如焰如影如化舍利弗以是因緣故菩薩問作是說心不沒不悔不驚不怖不畏須菩提白佛言世尊菩薩摩訶薩行般若波羅蜜如是觀諸法是時菩薩摩訶薩不受色不亦色不住色不著色亦不言是色受想行識亦不受不亦不住不著亦不言是受想行識眼不受不亦不住不著亦不言是眼耳鼻舌身意不受不亦不住不著亦不言是意檀那波羅蜜不受不亦不住不著亦不言是檀那波羅蜜尸羅波羅蜜羼提波羅蜜毗梨耶波羅蜜禪那波羅蜜般若波羅蜜不受不亦不住不著亦不言是般若波羅蜜內空不受不亦不住不著亦不言是內空乃至無法有法空亦如是復次世尊菩薩摩訶薩行般若波羅蜜時四念處不受不亦不住不著亦不言是四念處乃至十八不共法不受不亦不住不著亦不言是十八不共法一切三昧門

一切陀羅尼門乃至一切種智不受  
不亦不住不著亦不言是一切種智  
復次世尊菩薩摩訶薩行般若波羅  
蜜時不見色乃至不見一切種智何  
以故色不生是非色受想行識不生  
是非識眼不生是非眼耳鼻舌身意  
不生是非意檀那波羅蜜不生是非  
檀那波羅蜜乃至般若波羅蜜不生  
是非般若波羅蜜何以故色不生不  
二不別乃至般若波羅蜜不生不二  
不別內空不生是非內空乃至無法  
有法空不生是非無法有法空何以  
故內空乃至無法有法空不生不二  
不別世尊四念處不生非四念處何  
以故四念處不生不二不別何以故  
世尊是不生法非一非二非三非異  
以是故四念處不生不二不別乃至  
十八不共法不生非十八不共法何  
以故十八不共法不生不二不別何  
以故世尊是不生法非一非二非三  
非異以是故十八不共法不生非十  
八不共法世尊如不生是非如乃至  
不可思議性不生是非不可思議性

世尊是阿耨多羅三藐三菩提不生  
一切智一切種智不生是非一切種  
智何以故是阿耨多羅三藐三菩提  
乃至一切種智不生不二不別何以  
故世尊是不生非一非二非三非異  
以是故乃至一切種智不生非一切  
種智世尊色不滅相是非色何以故  
色及不滅相不二不別何以故世尊  
是不滅法非一非二非三非異以是  
故色不滅相是非色受想行識不滅  
相是非識何以故識及不滅不二不  
別何以故世尊是不滅法非一非二  
非三非異以是故識不滅是非識檀  
那波羅蜜乃至般若波羅蜜內空乃  
至无法有法空四念處乃至十八不  
共法亦如是世尊以是故色入無二  
法數受想行識入无二法數乃至一  
切種智入無二法數

摩訶般若波羅蜜經無生品第二十六

尔時慧命舍利弗語須菩提菩薩摩  
訶薩行般若波羅蜜觀諸法何等是  
菩薩何等是般若波羅蜜何等是觀  
須菩提語舍利弗汝所問何等是菩

薩為阿耨多羅三藐三菩提是人發  
大心以是故名為菩薩亦知一切法  
一切種相是中亦不著知色相亦不  
著乃至知十八不共法相亦不著舍  
利弗問須菩提何等為一切法相須  
菩提言若以名字因緣和合等知諸  
法是色是聲香味觸法是內是外是  
有為法是無為法以是名字相語言  
知諸法是名知諸法相如舍利弗所  
問何等是般若波羅蜜遠離故是名  
般若波羅蜜何等法遠離遠離陰界  
入遠離檀那波羅蜜乃至禪那波羅  
蜜遠離內空乃至無法有法空以是  
故遠離名般若波羅蜜復次遠離四  
念處乃至遠離十八不共法遠離一  
切智以是因緣故遠離名般若波羅  
蜜如舍利弗所問何等是觀舍利弗  
菩薩摩訶薩行般若波羅蜜時觀色  
非常非無常非樂非苦非我非无我  
非空非不空非相非無相非作非无  
作非寂滅非不寂滅非離非不離受  
想行識亦如是檀那波羅蜜乃至般  
若波羅蜜內空乃至無法有法空四

念處乃至十八不共法一切三昧門  
一切陀羅尼門乃至一切種智觀非  
常非無常非樂非苦非我非无我非  
空非不空非相非無相非作非无作  
非寂滅非不寂滅非離非不離舍利  
弗是名菩薩摩訶薩行般若波羅蜜  
時觀諸法舍利弗問須菩提何因緣  
故色不生是非色受想行識不生是  
非識乃至一切種智不生是非一切  
種智須菩提言色色相空色空中無  
色无生以是因緣故色不生是非色  
受想行識識相空識空中無識无生  
以是因緣故受想行識不生是非受  
想行識舍利弗檀那波羅蜜檀那波  
羅蜜相空檀那波羅蜜空中無檀那  
波羅蜜无生尸羅波羅蜜羼提波羅  
蜜毗梨耶波羅蜜禪那波羅蜜般若  
波羅蜜般若波羅蜜相空般若波羅  
蜜空中無般若波羅蜜无生以是因  
緣故舍利弗般若波羅蜜不生是非  
般若波羅蜜內空乃至无法有法空  
四念處乃至十八不共法一切種智  
亦如是以是因緣故內空不生是非

內空乃至一切種智不生是非一切  
種智舍利弗問須菩提汝何因緣故  
言色不二是非色受想行識不二是  
非識乃至一切種智不二是非一切  
種智須菩提答言所有色所有不二  
所有受想行識所有不二是一切法  
皆不合不散无色無形无對一相所  
謂無相眼乃至一切種智亦如是以  
是因緣故舍利弗色不二是非色受  
想行識不二是非識乃至一切種智  
不二是非一切種智舍利弗問須菩  
提何因緣故言是色入無二法數受  
想行識入无二法數乃至一切種智  
入無二法數須菩提答言色不異无  
生無生不異色色即是无生無生即  
是色受想行識不異无生無生不異  
識識即是无生無生即是識以是因  
緣故舍利弗色入无二法數受想行  
識入無二法數乃至一切種智亦如  
是尔時須菩提白佛言世尊若菩薩  
摩訶薩行般若波羅蜜如是觀諸法  
是時見色無生畢竟淨故見受想行  
識无生畢竟淨故見我無生乃至知



者見者無生畢竟淨故見檀那波羅  
蜜無生乃至般若波羅蜜无生畢竟  
淨故見内空無生乃至无法有法空  
無生畢竟淨故見四念處无生乃至  
十八不共法無生畢竟淨故見一切  
三昧一切陀羅尼無生畢竟淨故乃  
至見一切種智无生畢竟淨故見凡  
人凡人法無生畢竟淨故見須陀洹  
須陀洹法斯陀含斯陀含法阿那含  
阿那含法阿羅漢阿羅漢法辟支佛  
辟支佛法菩薩菩薩法佛法无生  
畢竟淨故舍利弗語須菩提如我聞  
須菩提所說義色是不生受想行識  
是不生乃至佛法是不生若尔者  
今不應得須陀洹須陀洹果斯陀含  
斯陀含果阿那含阿那含果阿羅漢  
阿羅漢果辟支佛辟支佛道不應得  
菩薩摩訶薩一切種智亦无六道別  
異亦不得菩薩摩訶薩五種菩提須  
菩提若一切法不生相何以故須陀  
洹為斷三結故修道斯陀含為薄婬  
患癡故修道阿那含為斷五下分結  
故修道阿羅漢為斷五上分結故修

道辟支佛為辟支佛法故修道何以故菩薩摩訶薩作難行為衆生受種種苦何以故佛得阿耨多羅三藐三菩提何以故佛轉法輪須菩提語舍利弗我不欲令无生法有所得我亦不欲令無生法中得須陀洹須陀洹果乃至不欲令无生法中得阿羅漢阿羅漢果辟支佛辟支佛道我亦不欲令菩薩作難行為衆生受種種苦菩薩亦不以難行心行道何以故舍利弗生難心苦心不能利益无量阿僧祇衆生舍利弗今菩薩憐愍衆生於衆生如父母兄弟想如兒子及已身想如是能利益無量阿僧祇衆生用無所得故所以者何菩薩摩訶薩應生如是心如我一切處一切種不可得内外法亦如是若生如是想則无難心苦心何以故是菩薩於一切種一切處一切法不受故舍利弗我亦不欲令無生中佛得阿耨多羅三藐三菩提亦不欲令无生中轉法輪亦不欲令以無生法得道舍利弗語須菩提今欲令以生法得道以无生

法得道須菩提語舍利弗我不欲令  
以生法得道舍利弗言今須菩提欲  
令以无生法得道須菩提言我亦不  
欲令以無生法得道舍利弗言如須  
菩提所說无知無得須菩提言有知  
有得不以二法今以世間名字故有  
知有得世間名字故有須陀洹乃至  
阿羅漢辟支佛諸佛第一實義中无  
知无得無須陀洹乃至无佛須菩提  
若世間名字故有知有得六道別異  
亦世間名字故有非以第一實義耶  
須菩提言如是如是舍利弗如世間  
名字故有知有得六道別異亦世間  
名字故有非以第一實義何以故舍  
利弗第一實義中无業無報无生無  
滅无淨無垢舍利弗語須菩提不生  
法生生法生須菩提言我不欲令不  
生法生亦不欲令生法生舍利弗言  
何等不生法不欲令生須菩提言色  
是不生法自性空不欲令生受想行  
識是不生法自性空不欲令生乃至  
阿耨多羅三藐三菩提是不生法自  
性空不欲令生舍利弗語須菩提生

生不生生須菩提言非生生亦非不生  
生何以故舍利弗生不生是二法  
不合不散無色无形無對一相所謂  
无相舍利弗以是因緣故非生生亦  
非不生生今時舍利弗語須菩提須  
菩提樂說無生法及无生相須菩提  
語舍利弗我樂說無生法亦樂說无  
生相何以故諸無生法无生相及樂  
說語言是一切法皆不合不散無色  
无形無對一相所謂无相舍利弗語  
須菩提汝樂說不生法亦樂說不生  
相是樂說語言亦不生須菩提言如  
是如是舍利弗何以故舍利弗色不  
生受想行識不生眼不生乃至意不  
生地種不生乃至識種不生身行不  
生口行不生意行不生檀那波羅蜜  
不生乃至一切種智不生以是因緣  
故舍利弗我樂說不生法亦樂說不  
生相是樂說語言亦不生今時舍利  
弗語須菩提須菩提於說法人中應  
最在上何以故須菩提隨所問皆能  
答須菩提言諸法无所依故舍利弗  
語須菩提云何諸法無所依須菩提言

色性常空不依內不依外不依兩中  
間受想行識性常空不依內不依外  
不依兩中間眼耳鼻舌身意性常空  
不依內不依外不依兩中間色性常  
空乃至法性常空不依內不依外不  
依兩中間檀那波羅蜜性常空乃至  
般若波羅蜜性常空不依內不依外  
不依兩中間內空性常空乃至無法  
有法空性常空不依內不依外不依  
兩中間舍利弗四念處性常空乃至  
一切種智性常空不依內不依外不  
依兩中間以是因緣故舍利弗一切  
諸法无所依性常空故如是舍利弗  
菩薩摩訶薩行六波羅蜜時應淨色  
受想行識乃至應淨一切種智舍利  
弗問須菩提菩薩摩訶薩云何行六  
波羅蜜時淨菩薩道須菩提言有世  
間檀那波羅蜜有出世間檀那波羅  
蜜尸羅波羅蜜羼提波羅蜜猊梨耶  
波羅蜜禪那波羅蜜般若波羅蜜有世  
間有出世間舍利弗問須菩提云何  
世間檀那波羅蜜云何出世間檀那  
波羅蜜須菩提言若菩薩摩訶薩作

施主能施沙門婆羅門貧窮乞人須  
食與食須飲與飲須衣與衣卧具牀  
榻房舍香華瓔珞醫藥種種所須資  
生之物若妻子國土頭目手足支節  
等內外之物盡以給施施時作是念  
我與彼取我不慳貪我為施主我能  
捨一切我隨佛教施我行檀那波羅  
蜜作是施已用得法與一切衆生共  
之迴向阿耨多羅三藐三菩提念言  
是布施因緣令衆生得今世樂後當  
令得入涅槃樂是人布施有三等何  
等三我相他相施相著是三相布施  
是名世間檀那波羅蜜何因緣故名  
世間於世間中不動不出是名世間  
檀那波羅蜜云何名出世間檀那波  
羅蜜所謂三分清淨何等三菩薩摩  
訶薩布施時我不可得不見受者施  
物不可得亦不望報是名菩薩摩訶  
薩三分清淨檀那波羅蜜復次舍利  
弗菩薩摩訶薩布施時施與一切衆  
生衆生亦不可得以此布施迴向阿  
耨多羅三藐三菩提乃至不見微細  
法相舍利弗是名出世間檀那波羅



蜜何以故名爲出世間於世間中能動能出是故名出世間檀那波羅蜜尸羅波羅蜜蜜有所依是名世間尸羅波羅蜜蜜無所依是爲出世間尸羅波羅蜜蜜餘如檀那波羅蜜說羣提波羅蜜毗梨耶波羅蜜禪那波羅蜜般若波羅蜜蜜有所依是名世間無所依是名出世間餘亦如檀那波羅蜜中說如是舍利弗菩薩摩訶薩行六波羅蜜時淨菩薩道舍利弗問須菩提云何菩薩摩訶薩爲阿耨多羅三藐三菩提道須菩提言四念處是菩薩摩訶薩爲阿耨多羅三藐三菩提道乃至八聖道分空解脫門无相解脫門無作解脫門内空乃至无法有法空一切三昧門一切陀羅尼門佛十力四無所畏四无碍智十八不共法大慈大悲舍利弗是名菩薩摩訶薩爲阿耨多羅三藐三菩提道今時舍利弗讚頌菩提言善哉善哉何等波羅蜜力須菩提言是般若波羅蜜力所以者何般若波羅蜜能生一切諸善法若聲聞法辟支佛法菩薩法佛法

舍利弗般若波羅蜜能受一切諸善  
法聲聞法辟支佛法菩薩法佛法舍  
利弗過去諸佛行般若波羅蜜得阿  
耨多羅三藐三菩提未來諸佛亦行  
般若波羅蜜當得阿耨多羅三藐三  
菩提舍利弗今現在十方諸國土中  
諸佛亦行是般若波羅蜜得阿耨多  
羅三藐三菩提舍利弗若菩薩摩訶  
薩聞說般若波羅蜜時不疑不難當  
知是菩薩摩訶薩行菩薩道行菩薩  
道者救一切衆生故心不捨一切衆  
生以无所得故是菩薩常應不離是  
念所謂大悲念舍利弗復問欲使菩  
薩摩訶薩常不離是念所謂大悲念  
若菩薩摩訶薩常不離大悲念今一  
切衆生皆當作菩薩何以故須菩提  
一切衆生亦不離諸念故須菩提言  
善哉善哉舍利弗汝欲難我而成我  
義何以故衆生无故念亦無衆生性  
无故念性亦無衆生法无故念法亦  
無衆生離故念亦離衆生空故念亦  
空衆生不可知故念亦不可知舍利  
弗色无故念亦無色性无故念性亦

無色法无故念法亦無色離故念亦  
離色空故念亦空色不可知故念亦  
不可知受想行識亦如是眼乃至意  
色乃至法地種乃至識種種那波羅  
蜜乃至般若波羅蜜內空乃至无法  
有法空四念處乃至十八不共法一  
切三昧門一切陀羅尼門一切智一  
切種智乃至阿耨多羅三藐三菩提  
无故念亦無乃至阿耨多羅三藐三  
菩提不可知故念亦不可知舍利弗  
菩薩摩訶薩行是道我欲使不離是  
念所謂大悲念尔時佛讚須菩提言  
善哉善哉是菩薩摩訶薩般若波羅  
蜜其有說者亦當如是說汝所說般  
若波羅蜜皆是承佛意故菩薩摩訶  
薩學般若波羅蜜應如汝所說學須  
菩提說是般若波羅蜜品時三千大  
千國土六種震動東踊西沒西踊東  
沒南踊北沒北踊南沒中踊邊沒邊  
踊中沒尔時佛微笑須菩提白佛何  
因緣故笑佛告須菩提如我於此國  
土說般若波羅蜜東方無量阿僧祇  
國土中諸佛亦為諸菩薩摩訶薩說

般若波羅蜜南西北方四維上下亦  
說是般若波羅蜜說是般若波羅蜜  
品時十二那由他諸天人得無生法  
忍十方諸佛說是般若波羅蜜時无  
量阿僧祇衆生亦發阿耨多羅三藐  
三菩提心

摩訶般若波羅蜜經問住品第二十七

得本作品

尔時三千大千世界諸四天王天等  
各與無數百千億諸天俱來在會中  
三千大千世界諸釋提桓因等諸忉  
利天須夜摩天王等諸夜摩天兜率  
陀天王等諸兜率陀天須沍蜜陀天  
王等諸妙化天婆舍跋提天王等諸  
自在行天各與無數百千億諸天俱  
來在會中三千大千世界諸梵天王  
等乃至首陀婆諸天等各與無數百  
千億諸天俱來在會中是諸四天王  
天乃至首陀婆諸天業報生身光明  
於佛常光百分千分千万億分不能  
及一乃至不可以等數譬喻為比世  
尊光明寂勝寂妙寂上第一諸天業  
報光明在佛光邊不照不現譬如燄  
柱比閻浮檀金尔時釋提桓因白大

德須菩提是三千大千世界諸四天  
王天乃至首陀婆諸天一切和合欲  
聽須菩提說般若波羅蜜義須菩提  
菩薩摩訶薩云何應住般若波羅蜜  
中何等是菩薩摩訶薩般若波羅蜜  
云何菩薩摩訶薩應行般若波羅蜜  
須菩提語釋提桓因言憍尸迦我今  
當承順佛意承佛神力為諸菩薩摩  
訶薩說般若波羅蜜如菩薩摩訶薩  
所應住般若波羅蜜中諸天子今未  
發阿耨多羅三藐三菩提心者應當  
發心諸天子若入聲聞正位是人不  
能發阿耨多羅三藐三菩提心何以  
故與生死作障隔故是人若發阿耨  
多羅三藐三菩提心者我亦隨喜所  
以者何上人應更求上法我終不斷  
其功德憍尸迦何等是般若波羅蜜  
菩薩摩訶薩應薩婆若心念色无常  
念色苦念色空念色無我念色如病  
如敗癰瘡如箭入身痛惱衰壞憂畏  
不安以無所得故受想行識亦如是  
眼耳鼻舌身意地種水火風空識種  
觀無常乃至憂畏不安是亦无所得

故觀色寂滅離不生不滅不垢不淨  
受想行識亦如是觀地種乃至識種  
寂滅離不生不滅不垢不淨亦无所  
得故復次憍尸迦菩薩摩訶薩應薩  
婆若心觀無明緣諸行乃至老死因  
緣大苦聚集亦无所得故觀無明滅  
故諸行滅乃至生滅故老死滅老死  
滅故憂悲苦惱大苦聚滅以無所得  
故復次憍尸迦菩薩摩訶薩應薩婆  
若心修四念處以无所得故乃至修  
佛十力十八不共法以無所得故復  
次憍尸迦菩薩摩訶薩應薩婆若心  
行檀那波羅蜜以無所得故行尸羅  
波羅蜜羼提波羅蜜毗梨耶波羅蜜  
禪那波羅蜜以无所得故復次憍尸  
迦菩薩摩訶薩行般若波羅蜜時作  
是觀但諸法諸法共相因緣潤益增  
長分別校計是中無我无我所菩薩  
迴向心不在阿耨多羅三藐三菩提  
心中阿耨多羅三藐三菩提心不在  
迴向心中迴向心於阿耨多羅三藐  
三菩提心中不可得阿耨多羅三藐  
三菩提心於迴向心中不可得菩薩



雖觀一切法亦無法可得是名菩薩  
摩訶薩般若波羅蜜釋提桓因問大  
德須菩提云何菩薩迴向心不在阿  
耨多羅三藐三菩提心中云何阿耨  
多羅三藐三菩提心不在迴向心中  
云何迴向心於阿耨多羅三藐三菩  
提心中不可得云何阿耨多羅三藐  
三菩提心於迴向心中不可得須菩  
提語釋提桓因言憍尸迦迴向心阿  
耨多羅三藐三菩提心非心是非心  
相非心中不可迴向是非心相常  
非心相不可思議相常不可思議相  
是名菩薩摩訶薩般若波羅蜜今時  
佛讚須菩提言善哉善哉須菩提汝  
為諸菩薩摩訶薩說般若波羅蜜安  
慰諸菩薩摩訶薩心須菩提白佛言  
世尊我應報恩不應不報恩過去諸  
佛及諸弟子為諸菩薩說六波羅蜜  
亦教利喜世尊今時亦在中學得阿  
耨多羅三藐三菩提我今亦當為諸  
菩薩說六波羅蜜亦教利喜令得阿  
耨多羅三藐三菩提今時須菩提語  
釋提桓因言憍尸迦汝今當聽菩薩

摩訶薩摩訶般若波羅蜜中如所應住所  
不應住憍尸迦色色空受想行識受  
想行識空菩薩菩薩空是色空菩薩  
空不二不別受想行識空菩薩空不  
二不別憍尸迦菩薩摩訶薩般若波  
羅蜜中應如是住復次眼眼空乃至  
意意空菩薩菩薩空眼空乃至菩薩  
空不二不別六塵亦如是地種地種  
空乃至識種識種空菩薩菩薩空憍  
尸迦地種空乃至識種空菩薩空不  
二不別憍尸迦菩薩摩訶薩般若波  
羅蜜中應如是住無明无明空乃至  
老死老死空無明滅无明滅空乃至  
老死滅老死滅空菩薩菩薩空憍尸  
迦無明空乃至老死空无明滅空乃  
至老死滅空菩薩空不二不別憍尸  
迦菩薩摩訶薩般若波羅蜜中應如  
是住檀那波羅蜜乃至般若波羅蜜  
內空乃至無法有法空四念處乃至  
十八不共法一切三昧門一切陀羅  
尼門聲聞乘辟支佛乘佛乘聲聞辟  
支佛菩薩佛亦如是一切種智一切  
種智空菩薩菩薩空一切種智空菩

薩空不二不別憍尸迦菩薩摩訶薩  
 般若波羅蜜中應如是住今時釋提  
 桓因問須菩提云何般若波羅蜜中  
 所不應住須菩提言憍尸迦菩薩摩  
 訶薩不應色中住以有所得故不應  
 受想行識中住以有所得故不應眼  
 中住乃至不應意中住不應色中住  
 乃至不應法中住眼識乃至意識眼  
 觸乃至意觸眼觸因緣生受乃至意  
 觸因緣生受中不應住以有所得故  
 地種乃至識種中不應住以有所得  
 故檀那波羅蜜乃至般若波羅蜜四  
 念處乃至十八不共法中不應住以  
 有所得故須陀洹果中不應住以有  
 所得故乃至阿羅漢果辟支佛道菩  
 薩道佛道一切種智中不應住以有所  
 得故復次憍尸迦菩薩摩訶薩色是  
 常不應住色是無常不應住受想行  
 識亦如是色若樂若苦若淨若不淨  
 若我若無我若空若不空若寂滅若  
 不寂滅若離若不離不應住以有所  
 得故受想行識亦如是復次憍尸迦  
 菩薩摩訶薩須陀洹果無為相斯陀

舍果無為相阿那含果无為相阿羅漢果無為相不應住辟支佛道无為相佛道無為相不應住須陀洹福田不應住斯陀含阿那含阿羅漢辟支佛佛福田不應住復次憍尸迦菩薩摩訶薩初地中不應住以有所得故乃至十地中不應住以有所得故復次菩薩摩訶薩住初發心中我當具足檀那波羅蜜不應住乃至我當具足般若波羅蜜不應住具足六波羅蜜當入菩薩位不應住入菩薩位已當住阿惟越致地不應住菩薩當具足五神通不應住以有所得故菩薩住五神通已我當遊無量阿僧祇佛國土禮敬供養諸佛聽法聽法已為他人說菩薩摩訶薩如是不應住以有所得故如諸佛國土嚴淨我亦當莊嚴國土不應住以有所得故成就衆生令入佛道不應住到无量阿僧祇國土諸佛所尊重愛敬供養以香華瓔珞澤香搗香幢幡華盖百千億種寶衣供養諸佛不應住以有所得故我當令無量阿僧祇衆生發阿耨

多羅三藐三菩提心如是菩薩不應  
住我當生五眼肉眼天眼慧眼法眼  
佛眼不應住我當生一切三昧門不  
應住隨所欲遊戲諸三昧不應住我  
當生一切陀羅尼門不應住我當得  
佛十力不應住我當得四無所畏四  
無所智十八不共法不應住我當具  
足大慈大悲不應住我當具足三十  
二相不應住我當具足八十隨形好  
不應住以有所得故是八人是信行  
人是法行人如是不應住須陀洹極  
七世生不應住家家不應住須陀洹  
命終垢盡不應住須陀洹中間入涅  
槃不應住是人向斯陀含果證不應  
住是人斯陀含一來入涅槃不應住  
是人向阿那含果證不應住斯陀含  
一種不應住是人阿那含彼間入涅  
槃不應住是人向阿羅漢果證不應  
住是人阿羅漢今世入無餘涅槃不  
應住是辟支佛不應住過聲聞辟支  
佛地我當住菩薩地不應住道種智  
中不應住以有所得故一切種一切法  
知已斷諸煩惱及習不應住佛得阿

釋多羅三藐三菩提當轉法輪不應  
住作佛事度無量阿僧祇衆生入涅槃  
不應住四如意足中不應住入是三昧  
住如恒河沙等劫壽不應住我當得  
壽命無央數劫不應住三十二相二相  
百福莊嚴不應住我一世界如十方恒  
河沙等世界不應住我三千大千世界  
純是金剛不應住我菩提樹當出如是  
香衆生聞者无有婬欲瞋恚愚癡亦  
無聲聞辟支佛心是一切人必當得阿  
釋多羅三藐三菩提若衆生聞是香者  
身病意病皆悉除盡不應住當使我世  
界中无有色受想行識名字不應住當  
使我世界中无有般若波羅蜜名字當  
使我世界中无有四念處名字乃至无  
有十八不共法名字亦无須陀洹名字  
乃至无有佛名字不應住以有所得故  
何以故諸佛得阿釋多羅三藐三菩提  
時一切諸法無所得故如是憍尸迦菩  
薩於般若波羅蜜中不應住以有所得  
故尔時舍利弗心念菩薩今云何



應住般若波羅蜜中須菩提知舍利  
弗心所念語舍利弗言於汝意云何  
諸佛何所住舍利弗語須菩提諸佛  
法無有住處諸佛不色中住不受想  
行識中住不有為性中住不无為性  
中住不四念處中住乃至不十八不  
共法中住不一切種智中住舍利弗  
菩薩摩訶薩般若波羅蜜中應如是  
住如諸佛住於諸法中非住非不住  
舍利弗菩薩摩訶薩般若波羅蜜中  
應如是學我當住不住法故今時會  
中有諸天子作是念諸夜叉語言字  
句所說尚可了知須菩提所說語言  
論議解釋般若波羅蜜了不可知須  
菩提知諸天子心所念語諸天子不  
解不知耶諸天子言大德不解不知  
須菩提語諸天子汝等法應不知我  
無所論說乃至我不說一字亦無聽  
者何以故諸字非般若波羅蜜般若  
波羅蜜中無聽者諸佛阿耨多羅三  
藐三菩提无字無說諸天子如佛化  
作化人是化人復化作四部衆比丘  
比丘尼優婆塞優婆夷化人於四部

衆中說法於汝意云何是中有說者  
有聽者有知者不諸天子言不也大  
德須菩提言一切法皆如化此中无  
說者無聽者无知者諸天子譬如人  
夢中見佛說法於汝意云何是中有  
說者有聽者有知者不諸天子言不  
也大德須菩提語諸天子一切諸法  
皆如夢無說无聽無知者諸天子譬  
如二人在大深澗各住一面讚佛法  
衆有二響出於諸天子意云何是二  
響展轉相解不諸天子言不也大德  
須菩提語諸天子一切法亦如是无  
說無聽无知者諸天子譬如工幻師  
於四衢道中化作佛及四部衆於中  
說法於諸天子意云何是中有說者  
有聽者有知者不諸天子言不也大  
德須菩提語諸天子一切諸法如幻  
無說者无聽者無知者今時諸天子  
心念須菩提所說欲令易解轉深轉  
妙須菩提知諸天子心所念語諸天  
子言色非深非妙受想行識非深非  
妙色性非深非妙受想行識性非深  
非妙眼性乃至意性色性乃至法性

眼界性乃至意界性眼識乃至意識  
眼觸乃至意觸眼觸因緣生受乃至  
意觸因緣生受檀那波羅蜜乃至般  
若波羅蜜內空乃至無法有法空四  
念處乃至十八不共法一切諸三昧  
門一切諸陀羅尼門乃至一切種智  
一切種智性非深非妙諸天子復作  
是念是所說法中不說色不說受想  
行識不說眼乃至意觸因緣生受不  
說檀那波羅蜜乃至般若波羅蜜不  
說內空乃至無法有法空不說四念  
處乃至十八不共法不說陀羅尼門  
三昧門乃至一切種智不說須陀洹  
果乃至阿羅漢果不說辟支佛道不  
說阿耨多羅三藐三菩提道是法中  
不說名字語言須菩提知諸天子心  
所念語諸天子言如是如是諸天子  
是法中諸佛阿耨多羅三藐三菩提  
不可說相是中無說者无聽者無知  
者以是故諸天子善男子善女人欲  
住須陀洹果欲證須陀洹果者是人  
不離是忍斯陀含阿那含阿羅漢果  
辟支佛道佛道欲住欲證不離是忍

如是諸天子菩薩摩訶薩從初發心  
般若波羅蜜中應作如是住以無說  
無聽故

摩訶般若經卷第七

戊戌歲高麗國大藏都監奉

勅彫造

摩訶般若波羅蜜經卷第八

芥

後秦龜茲國三藏鳩摩羅什譯

幻聽品第二十八

丹本作幻人聽法品

今時諸天子心念應用何等人聽須  
菩提所說法須菩提知諸天子心所  
念語諸天子言如幻化人聽法我應  
用如是人何以故如是人无聞無聽  
无知無證故諸天子語須菩提是衆  
生如幻聽法者亦如幻衆生如化聽  
法者亦如化耶如是如是諸天子衆  
生如幻聽法者亦如幻衆生如化聽  
法者亦如化諸天子我如幻如夢衆  
生乃至知者見者亦如幻如夢諸天  
子色如幻如夢受想行識如幻如夢  
眼乃至意觸因緣生受如幻如夢內  
空乃至無法有法空檀那波羅蜜乃  
至般若波羅蜜如幻如夢諸天子四  
念處乃至十八不共法如幻如夢須  
陀洹果如幻如夢斯陀含果阿那含  
果阿羅漢果辟支佛道如幻如夢諸  
天子佛道如幻如夢今時諸天子問  
須菩提汝說佛道如幻如夢汝說涅

眼亦復如幻如夢耶須菩提語諸天子我說佛道如幻如夢我說涅槃亦如幻如夢若當有法勝於涅槃者我說亦復如幻如夢何以故諸天子是幻夢涅槃不二不別今時慧命舍利弗摩訶目犍連摩訶拘絺羅摩訶迦旃延富樓那弥多羅尼子摩訶迦葉及無數千菩薩問須菩提般若波羅蜜如是甚深難見難解難知寂滅微妙誰當受者今時阿難語諸大弟子及諸菩薩阿惟越致諸菩薩摩訶薩能受是甚深難見難解難知寂滅微妙般若波羅蜜正見成就人漏盡阿羅漢所願已滿亦能信受復次善男子善女人多見佛於諸佛所多供養種善根親近善知識有利根是人能受不言是法非法須菩提言不以空分別色不以色分別空受想行識亦如是不以無相无作分別色不以色分別無相无作受想行識亦如是不以無生无滅寂滅離分別色不以色分別無生无滅寂滅離受想行識亦如是眼乃至意觸因緣生受亦如是



檀那波羅蜜乃至般若波羅蜜內空  
乃至無法有法空四念處乃至十八  
不共法一切三昧門一切陀羅尼門  
須陀洹乃至阿羅漢辟支佛佛一切  
智不以空分別一切智不以一切智  
分別空不以空分別一切種智不以  
一切種智分別空無相无作無生无  
滅寂滅離亦如是須菩提語諸天子  
言是般若波羅蜜甚深誰能受者是  
般若波羅蜜中無法可亦无法可說  
若無法可亦无法可說受人亦不可  
得尔時舍利弗語須菩提言般若波  
羅蜜中廣說三乘之教及護持菩薩  
之教從初發意地乃至十地檀那波  
羅蜜乃至般若波羅蜜四念處乃至  
八聖道分佛十力乃至十八不共法  
護持菩薩之教菩薩摩訶薩如是行  
般若波羅蜜常化生不失神通遊諸  
佛國具足善根隨其所欲供養諸佛  
即得如願從諸佛所聽受法教乃至  
薩婆若初不斷絕未曾離三昧時當  
得揔疾辯利辯不盡辯不可斷辯隨  
應辯義辯一切世間取上辯須菩提

言如是如是如舍利弗言般若波羅蜜廣說三乘之教及護持菩薩之教乃至菩薩摩訶薩得一切世間寂上辯不可得故我乃至知者見者不可得色受想行識檀那波羅蜜乃至般若波羅蜜不可得內空乃至無法有法空不可得四念處乃至八聖道分佛十力乃至一切種智亦不可得故舍利弗語須菩提何因緣故般若波羅蜜中廣說三乘而不可得何因緣故般若波羅蜜中護持菩薩何因緣故菩薩摩訶薩得檀疾辯乃至一切世間寂上辯不可得故須菩提語舍利弗言以內空故般若波羅蜜廣說三乘不可得外空乃至無法有法空故廣說三乘不可得內空故護持菩薩乃至一切世間寂上辯不可得故外空乃至無法有法空故護持菩薩乃至一切世間寂上辯不可得故

摩訶般若波羅蜜經散花品第二十九

尔時釋提桓因及三千大千世界士四天王天乃至阿迦尼吒諸天作是念慧命須菩提為雨法雨我等寧可

化作花散佛菩薩摩訶薩比丘僧須  
菩提及般若波羅蜜上即時釋提桓  
因及三千大千世界中諸天化作花  
散佛菩薩摩訶薩比丘僧及須菩提  
上亦供養般若波羅蜜是時三千大  
千世界花悉周遍於虛空中化成花  
臺端嚴殊妙須菩提心念是諸天子  
所散花天上未曾見如是花比是花  
是化花非樹生花是諸天子所散花  
從心樹生非樹生花釋提桓因知須  
菩提心所念語須菩提言大德是花  
非生花亦非意樹生須菩提語釋提  
桓因言憍尸迦汝言是華非生花亦  
非意樹生憍尸迦是花若非生法不  
名為花釋提桓因語須菩提言大德  
但是花不生色亦不生受想行識亦  
不生須菩提言憍尸迦非但是花不  
生色亦不生若不生是不名為色受  
想行識亦不生若不生是不名為識  
六入六識六觸六觸因緣生諸受亦  
如是檀那波羅蜜不生若不生是不  
名檀那波羅蜜乃至般若波羅蜜不  
生若不生是不名般若波羅蜜內空

不生若不生是不名內空乃至無法  
有法空不生若不生是不名無法有  
法空四念處不生若不生是不名四  
念處乃至十八不共法乃至一切種智  
是不名十八不共法乃至一切種智  
不生若不生是不名一切種智今時  
釋提桓因心念是慧命須菩提其智  
甚深不壞假名而說諸法相佛知釋  
提桓因心所念語釋提桓因言如是  
如是憍尸迦須菩提其智甚深不壞  
假名而說諸法相釋提桓因白佛言  
世尊大德須菩提云何不壞假名而  
說諸法相佛告釋提桓因色但假名  
須菩提不壞假名而說諸法相受想  
行識但假名須菩提亦不壞假名而  
說諸法相所以者何是諸法相無壞  
不壞故須菩提所說亦无壞不壞眼  
乃至意觸因緣生諸受亦如是檀那  
波羅蜜乃至般若波羅蜜內空乃至  
無法有法空四念處乃至十八不共  
法亦如是須陀洹果乃至阿羅漢果  
辟支佛道菩薩道佛道一切智一切  
種智亦如是須陀洹乃至阿羅漢辟

支佛佛是但假名須菩提不壞假名而說諸法相何以故是諸法相无壞不壞故須菩提所說亦無壞不壞如是憍尸迦須菩提不壞假名而說諸法相須菩提語釋桓因言如是如是憍尸迦如佛所說諸法但假名菩薩摩訶薩當作是知諸法但假名應如是學般若波羅蜜憍尸迦菩薩摩訶薩作如是學為不學色不學受想行識何以故不見色當可學者不見受想行識當可學者菩薩摩訶薩如是學為不學檀那波羅蜜何以故不見檀那波羅蜜當可學者乃至不學般若波羅蜜何以故不見般若波羅蜜當可學者如是學為不學內空乃至无法有法空何以故不見內空乃至无法有法空當可學者如是學為不學四念處乃至十八不共法何以故不見四念處乃至十八不共法當可學者如是學為不學須陀洹果乃至一切種智何以故不見須陀洹果乃至一切種智當可學者今時釋提桓因語須菩提言菩薩摩訶薩何因

緣故不見色乃至不見一切種智須  
 菩提言色色空乃至一切種智一切  
 種智空憍尸迦色空不學色空乃至  
 一切種智空不學一切種智空憍尸  
 迦若如是不學空是名學空以不二  
 故是菩薩摩訶薩學色空以不二故  
 乃至學一切種智空不二故若學色  
 空不二故乃至學一切種智空不二  
 故是菩薩摩訶薩能學檀那波羅蜜  
 不二故乃至能學般若波羅蜜不二  
 故能學四念處不二故乃至能學十  
 八不共法不二故能學須陀洹果不  
 二故乃至能學一切種智不二故是  
 菩薩能學無量无边阿僧祇佛法若  
 能學無量无边阿僧祇佛法是菩薩  
 不為色增學不為色減學乃至不為  
 一切種智增學不為一切種智減學  
 若不為色增減學乃至不為一切種  
 智增減學是菩薩不為色受學不為  
 色滅學亦不為受想行識受學亦不  
 為滅學乃至一切種智亦不為受學  
 亦不為滅學舍利弗語須菩提菩薩  
 摩訶薩如是學不為受色學不為滅



色學乃至一切種智亦不為受學亦  
不為滅學須菩提言菩薩摩訶薩若  
如是學不為受色學不為滅色學乃  
至一切種智亦不為受學亦不為滅  
學須菩提何因緣故菩薩摩訶薩不  
為受色學不為滅色學乃至一切種  
智亦不為受學亦不為滅學須菩提  
言是色不可受亦無受色者乃至一  
切種智不可受亦无受者内外空故  
如是舍利弗菩薩摩訶薩一切法不  
受故能到一切種智是時舍利弗語  
須菩提菩薩摩訶薩如是學般若波  
羅蜜能到一切種智耶須菩提言菩  
薩摩訶薩如是學般若波羅蜜能到  
一切種智一切法不受故舍利弗語  
須菩提若菩薩摩訶薩於一切法不  
受不滅學者菩薩摩訶薩云何能到  
一切種智須菩提言菩薩摩訶薩行  
般若波羅蜜不見色生不見色滅不  
見色受不見色不受不見色垢不見  
色淨不見色增不見色減何以故舍  
利弗色色性空故受想行識亦不見  
生亦不見滅亦不見受亦不見不受

亦不見垢亦不見淨亦不見增亦不見減何以故識識性空故乃至一切種智亦不見生亦不見滅亦不見受亦不見不受亦不見垢亦不見淨亦不見增亦不見減何以故一切種智一切種智性空故如是舍利弗菩薩摩訶薩為一切法不生不滅不受不捨不垢不淨不合不散不增不減故學般若波羅蜜能到一切種智无所學無所到故今時釋提桓因語舍利弗菩薩摩訶薩般若波羅蜜當於何處求舍利弗言菩薩摩訶薩般若波羅蜜當於須菩提品中求釋提桓因語須菩提是汝神力使舍利弗言菩薩摩訶薩般若波羅蜜當於須菩提品中求須菩提語釋提桓因非我神力釋提桓因語須菩提是誰神力須菩提言是佛神力釋提桓因言一切法皆無受處何以故言是佛神力離无受處相如來不可得離如來亦不可得須菩提語釋提桓因言如是如是憍尸迦離无受處相如來不可得離如來亦不可得無受處相中

如來不可得如中如來不可得色如  
中如來如不可得如來如中色如不  
可得色法相中如來法相不可得如  
來法相中色法相不可得受想行識  
法相中乃至一切種智如法亦如是  
憍尸迦如來色如中不合不散受想  
行識如中不合不散如來離色如不  
合不散離受想行識如不合不散乃  
至一切種智亦如是如來色法相中  
不合不散受想行識法相中不合不  
散如來離色法相中不合不散離受  
想行識法相中不合不散乃至一切  
種智亦如是憍尸迦如是等一切法  
中不合不散是佛神力用无所受法  
故如憍尸迦言菩薩摩訶薩般若波  
羅蜜當於何處求憍尸迦不應色中  
求般若波羅蜜亦不應離色求般若  
波羅蜜不應受想行識中求亦不應  
離受想行識求何以故是般若波羅  
蜜色受想行識是一切法皆不合不  
散无色無形无對一相所謂無相乃  
至一切種智中不應求般若波羅蜜  
亦不應離一切種智求般若波羅蜜

何以故是般若波羅蜜一切種智是一切法皆不合不散无色無形无對一相所謂無相何以故般若波羅蜜非色亦非離色非受想行識亦非離受想行識乃至非一切種智亦非離一切種智般若波羅蜜非色如亦非離色如非受想行識如亦非離受想行識如般若波羅蜜非色法亦非離色法非受想行識法亦非離受想行識法乃至非一切種智如亦非離一切種智如般若波羅蜜非一切種智法亦非離一切種智法何以故憍尸迦是一切法皆無所有不可得以无所有不可得故般若波羅蜜非色亦非離色非色如亦非離色如非色法亦非離色法乃至非一切種智亦非離一切種智非一切種智如亦非離一切種智如非一切種智法亦非離一切種智法釋提桓因語須菩提是摩訶波羅蜜是菩薩摩訶薩般若波羅蜜無量波羅蜜无边波羅蜜是菩薩摩訶薩般若波羅蜜諸須陀洹陀洹果從是般若波羅蜜中學成乃

至諸阿羅漢阿羅漢果諸辟支佛辟支佛道諸菩薩摩訶薩皆從是般若波羅蜜中學成能成就衆生淨佛國土得阿耨多羅三藐三菩提皆從是學成須菩提語釋提桓因言如是如是是憍尸迦是摩訶波羅蜜是菩薩摩訶薩般若波羅蜜無量波羅蜜無邊波羅蜜是菩薩摩訶薩般若波羅蜜從是中學成須陀洹果乃至阿羅漢果辟支佛道諸菩薩摩訶薩從是般若波羅蜜中學成能成就衆生淨佛國土得阿耨多羅三藐三菩提已得今得當得憍尸迦色大故般若波羅蜜亦大何以故是色前際不可得後際不可得中際不可得受想行識大故般若波羅蜜亦大何以故受想行識前際不可得後際不可得中際不可得乃至一切種智亦如是以是因緣故憍尸迦是摩訶波羅蜜是菩薩摩訶薩般若波羅蜜憍尸迦色無量故般若波羅蜜無量何以故色量不可得故憍尸迦譬如虛空量不可得色亦如是量不可得虛空無量故色

無量色无量故般若波羅蜜無量受  
想行識乃至一切種智无量故般若  
波羅蜜無量何以故一切種智量不  
可得譬如虛空量不可得一切種智  
亦如是量不可得虛空無量故一切  
種智无量一切種智無量故般若波  
羅蜜無量以是因緣故憍尸迦是菩  
薩摩訶薩般若波羅蜜無量憍尸迦  
色无边故諸菩薩摩訶薩般若波羅  
蜜無邊何以故憍尸迦是色前際不  
可得後際不可得中際不可得受想  
行識無邊故般若波羅蜜无边何以  
故受想行識前際後際中際皆不可  
得故乃至一切種智无边故般若波  
羅蜜無邊何以故一切種智前後中  
際皆不可得故以是因緣故憍尸迦  
是般若波羅蜜無邊色无边乃至一  
切種智無邊復次憍尸迦緣無邊故  
般若波羅蜜无边須菩提云何緣无  
邊故般若波羅蜜無邊須菩提言緣  
一切無邊法故般若波羅蜜无边云  
何緣一切无边法故般若波羅蜜無  
邊須菩提言緣无边法性故般若波



羅蜜無邊復次憍尸迦緣无邊如故  
般若波羅蜜无邊釋提桓因言云何  
緣無邊如故般若波羅蜜无邊須菩  
提言如无邊故緣亦無邊緣无邊故  
如亦無邊以是因緣故諸菩薩摩訶  
薩般若波羅蜜无邊復次憍尸迦衆  
生無邊故般若波羅蜜无邊釋提桓  
因問須菩提云何衆生無邊故般若  
波羅蜜无邊須菩提言於意云何何  
等法名衆生釋提桓因言无有法名  
衆生假名故為衆生是名字本無有  
法亦无所趣強為作名憍尸迦於汝  
意云何是般若波羅蜜中說衆生有  
實不釋提桓因言無也憍尸迦若般  
若波羅蜜實不說衆生无邊亦不可  
得憍尸迦於汝意云何佛如恒河沙  
劫壽說衆生衆生名字頗有衆生法  
有生有滅不釋提桓因言不也何以  
故衆生從本已來常清淨故以是因  
緣故憍尸迦衆生无邊故當知般若  
波羅蜜亦无邊

摩訶般若波羅蜜經三歎品第三十

願丹  
觀本  
品作

尔時諸天王及諸天諸梵王及諸梵

天伊餘鄉天及諸神仙并諸天女同時三反稱歎快哉快哉慧命須菩提所說法皆是佛出世間因緣恩力演布是教若有菩薩摩訶薩行是般若波羅蜜不遠離者我輩視是人如佛何以故是般若波羅蜜中雖无法可得所謂色受想行識乃至一切種智而有三乘之教所謂聲聞乘辟支佛乘佛乘今時佛告諸天子如是如是諸天子如汝所言是般若波羅蜜中雖无法可得所謂色受想行識乃至一切種智而有三乘之教所謂聲聞乘辟支佛乘佛乘諸天子若有菩薩摩訶薩行是般若波羅蜜不遠離者視是人當如佛以无所得故何以故是般若波羅蜜中廣說三乘之教所謂聲聞辟支佛佛乘檀那波羅蜜中佛不可得離檀那波羅蜜佛亦不可得乃至般若波羅蜜中佛不可得離般若波羅蜜佛亦不可得內空乃至無法有法空四念處乃至十八不共法一切種智亦如是佛語諸天子菩薩摩訶薩若能學是一切法所謂檀

那波羅蜜乃至一切種智以是事故  
當視是菩薩摩訶薩如佛諸天子我  
昔於然燈佛時花嚴城內四衢道頭  
見佛聞法即得不離檀那波羅蜜行  
不離尸羅波羅蜜羣提波羅蜜毗梨  
耶波羅蜜禪那波羅蜜般若波羅蜜  
行不離內空乃至無法有法空四念  
處乃至八聖道分不離四禪四无量  
心四無色定一切三昧門一切隨羅  
尼門不離四无所畏佛十力四無尋  
智十八不共法大慈大悲及餘无量  
諸佛法行無所得故是時然燈佛記  
我當來世過一阿僧祇劫當作佛号  
釋迦牟尼多陀阿伽度阿羅訶三藐  
三佛陀毗多遮羅那修伽度路伽僊  
無上士調御丈夫天人師佛世尊尔  
時諸天子白佛言世尊甚希有是般  
若波羅蜜能令諸菩薩摩訶薩得薩  
婆若於色不取不捨故於受想行識  
不取不捨故乃至一切種智不取不  
捨故尔時佛觀四衆和合比丘比丘  
尼優婆塞優婆夷及諸菩薩摩訶  
薩并四天王天乃至阿迦尼吒諸天

皆會坐並普觀是已佛告釋提桓因言  
憍尸迦若菩薩摩訶薩若比丘若比  
丘尼若優婆塞若優婆夷若諸天子  
若諸天女是般若波羅蜜若聽受持  
親近讀誦為他說正憶念不離薩婆  
若心諸天子是人魔若魔民不能得  
其便何以故是善男子善女人諦了  
知色空空不能得空便无相不能得  
無相便无作不能得無作諦了知  
受想行識空空不能得空便乃至无  
作不能得無作便乃至諦了知一切  
種智空空不能得空便乃至无作不  
能得無作便何以故是諸法自相性  
不可得无事可得便誰受惱者復次  
憍尸迦是善男子善女人人非人不  
能得其便何以故是善男子善女人  
一切衆生中善修慈心悲喜捨心以  
無所得故憍尸迦是善男子善女人  
終不橫死何以故是善男子善女人  
行檀那波羅蜜於一切衆生等心供  
給故復次憍尸迦三千大千世界四  
天王天三十三天夜摩天兜率陀天  
化樂天他化自在天梵天光音天遍

淨天廣果天是諸天中有發阿耨多  
羅三藐三菩提心者未聞是般若波  
羅蜜未受持親近是諸天子今應聞  
受持親近讀誦正憶念不離薩婆若  
心復次憍尸迦諸善男子善女人聞  
是般若波羅蜜受持親近讀誦正憶  
念不離薩婆若心是諸善男子善女  
人若在空舍若在曠野若人住處終  
不怖畏何以故是善男子善女人明  
於內空以無所得故明於外空乃至  
無法有法空以無所得故今時三千  
大千世界中諸四天王天三十三天  
夜摩天兜率陀天化樂天他化自在  
天乃至首陀婆諸天白佛言世尊是  
善男子善女人能受持般若波羅蜜  
親近讀誦正憶念不離薩婆若心者  
我等常當守護何以故世尊以菩薩  
摩訶薩因緣故斷三惡道斷天人貧  
斷諸災患疾病飢餓以菩薩因緣故  
便有十善道現於世間四禪四無量  
心四无色定檀那波羅蜜尸羅波羅  
蜜羼提波羅蜜毗梨耶波羅蜜禪那  
波羅蜜般若波羅蜜內空乃至無法



有法空四念處乃至一切種智以菩薩因緣故世間便有利利大姓婆羅門大姓居士大家諸王及轉輪聖王四天王天乃至阿迦尼吒天以菩薩因緣故有須陀洹須陀洹果乃至阿羅漢阿羅漢果辟支佛辟支佛道以菩薩因緣故有成就衆生淨佛國土便有諸佛出現於世便有轉法輪知有佛寶法寶比丘僧寶世尊以是因緣故一切世間諸天及人阿修羅應守護是菩薩摩訶薩佛語釋提桓因如是如是憍尸迦以菩薩摩訶薩因緣故斷三惡道乃至三寶出現於世以是故諸天及人阿修羅常應守護供養恭敬尊重讚歎是菩薩摩訶薩憍尸迦供養恭敬尊重讚歎是菩薩摩訶薩即是我供養我以是故是諸菩薩摩訶薩諸天及人阿修羅常應守護供養恭敬尊重讚歎憍尸迦若三千大千世界滿中聲聞辟支佛譬如竹葦稻麻聚林若有善男子善女人供養恭敬尊重讚歎不如供養恭敬尊重讚歎初發心菩薩摩訶薩



不離六波羅蜜所得福德何以故不以聲聞辟支佛因緣故有菩薩摩訶薩及諸佛出現於世以有菩薩摩訶薩因緣故有聲聞辟支佛諸佛出現於世以是故憍尸迦是諸菩薩摩訶薩一切世間諸天及人阿修羅常應守護供養恭敬尊重讚歎

摩訶般若波羅蜜經滅諍品第三十二

丹本名爲現功德品

今時釋提桓因白佛言世尊甚奇希有諸菩薩摩訶薩是般若波羅蜜若聞受持親近讀誦為他說正憶念時得如是今世功德亦成就衆生嚴淨佛國土從一佛國至一佛國供養諸佛所欲供養之具隨意即得從諸佛聞法至得阿耨多羅三藐三菩提終不中忘亦得家成就母成就生成就眷屬成就相成就光明成就眼成就耳成就三昧成就陀羅尼成就是菩薩以方便力故變身如佛從一國至一國到無佛處讚檀那波羅蜜乃至般若波羅蜜讚四禪四無量心四无色定讚四念處乃至十八不共法以方便力而為說法以三乘法度脫衆

生所謂聲聞辟支佛佛乘世尊使哉  
希有受持般若波羅蜜為已撝攝五  
波羅蜜乃至十八不共法亦攝須陀  
洹果乃至阿羅漢果辟支佛道佛道  
一切智一切種智佛告釋提桓因如  
是如是憍尸迦持般若波羅蜜為已  
撝攝五波羅蜜乃至一切種智復次  
憍尸迦是般若波羅蜜受持親近讀  
誦為他說正憶念是善男子善女人  
所得今世功德汝一心諦聽釋提桓  
因言唯然世尊受教佛告釋提桓因  
言憍尸迦若有外道諸梵志若魔若  
魔民若增上慢人欲乘錯破壞菩薩  
般若波羅蜜心是諸人適生此心即  
時滅去終不從願何以故憍尸迦菩  
薩摩訶薩長夜行檀那波羅蜜行尸  
羅羣提毗梨耶禪那般若波羅蜜以  
衆生長夜貪諍故菩薩悉捨內外物  
安立衆生於檀那波羅蜜中以衆生  
長夜破戒故菩薩悉捨內外法安立  
衆生於戒以衆生長夜鬪諍故菩薩  
悉捨內外法安立衆生於忍辱以衆  
生長夜懈怠故菩薩悉捨內外法安

立衆生於精進以衆生長夜亂心故  
菩薩悉捨內外法安立衆生於禪那  
以衆生長夜愚癡故菩薩悉捨內外  
法安立衆生於般若波羅蜜以衆生  
長夜為愛結故流轉生死是菩薩摩  
訶薩以方便力斷衆生愛結安立衆  
生於四禪四無量心四无色定四念  
處乃至八聖道分空無相无作三昧  
安立衆生於須陀洹果乃至阿羅漢  
果辟支佛道佛道憍尸迦是為菩薩  
摩訶薩行般若波羅蜜得現世功德  
後世功德得阿耨多羅三藐三菩提  
轉法輪所願滿足入無餘涅槃憍尸  
迦是為菩薩摩訶薩後世功德復次  
憍尸迦善男子善女人是般若波羅  
蜜若聞受持親近讀誦為他說正憶  
念其所住處魔若魔民若外道梵志  
增上慢人欲輕毀難問破壞般若波  
羅蜜終不能成其人惡心轉滅功德  
轉增聞是般若波羅蜜故漸以三乘  
道得盡衆苦譬如憍尸迦有藥名摩  
祇有地飢行索食見虫欲取虫趣藥  
所藥氣力故地不能前即自還去何

以故以是藥力能勝毒故憍尸迦摩  
祇藥有如是力是善男子善女人是  
般若波羅蜜若聞受持親近讀誦為  
他說正憶念若有種種鬪諍起欲來  
破壞者以般若波羅蜜威力故隨所  
起處即疾消滅其人即生善心增益  
功德何以故是般若波羅蜜能滅諸  
法諍亂何等諸法所謂婬怒癡無明  
乃至大苦聚諸蓋結使纏我見人見  
衆生見斷見常見垢見淨見有見無  
見如是一切諸見慳貪犯戒瞋恚  
怠亂意无智常想樂想淨想我想如  
是等愛行著色著受想行識著檀那  
波羅蜜尸羅波羅蜜羼提波羅蜜毗  
梨耶波羅蜜禪那波羅蜜般若波羅  
蜜著內空外空內外空乃至无法著  
法空著四念處乃至十八不共法著  
一切智一切種智著涅槃是一切法  
諍亂盡能消滅不令增長復次憍尸  
迦三千大千世界中諸四天王天諸  
釋提桓因諸梵天王乃至阿迦尼吒  
天常守護是善男子善女人能聞受  
持般若波羅蜜供養讀誦為他說正

憶念般若波羅蜜者十方現在諸佛亦共擁護是善男子善女人能聞受持供養讀誦為他說正憶念般若波羅蜜者是善男子善女人不善法滅善法轉增所謂檀那波羅蜜轉增以無所得故乃至般若波羅蜜轉增以無所得故內空轉增乃至無法有法空轉增以無所得故四念處乃至十八不共法轉增以無所得故諸三昧門諸陀羅尼門一切智一切種智轉增以無所得故是善男子善女人所說人皆信受親友堅固不說無益之語不為瞋恚所覆不為憍慢慳貪嫉妬所覆是人自不煞生教人不煞生讚歎不煞生法亦歡喜讚歎不煞生者自遠離不與取亦教人遠離不與取讚遠離不與取法亦歡喜讚歎遠離不與取者自不邪淫教人不邪淫讚不邪淫法亦歡喜讚歎不邪淫者自不妄語教人不妄語讚不妄語法亦歡喜讚歎不妄語者兩舌惡口無利益語亦如是自不貪教人不貪讚不貪法亦歡喜讚歎不貪者不瞋惱

不邪見亦如是自行檀那波羅蜜教  
人行檀那波羅蜜讚檀那波羅蜜法  
亦歡喜讚歎行檀那波羅蜜者自行  
尸羅波羅蜜教人行尸羅波羅蜜讚  
尸羅波羅蜜法亦歡喜讚歎行尸羅  
波羅蜜者自行羼提波羅蜜教人行  
羼提波羅蜜讚羼提波羅蜜法亦歡  
喜讚歎行羼提波羅蜜者自行毗梨  
耶波羅蜜教人行毗梨耶波羅蜜讚  
毗梨耶波羅蜜法亦歡喜讚歎行毗  
梨耶波羅蜜者自行禪那波羅蜜教  
人行禪那波羅蜜讚禪那波羅蜜法  
亦歡喜讚歎行禪那波羅蜜者自行  
般若波羅蜜教人行般若波羅蜜讚  
般若波羅蜜法亦歡喜讚歎行般若  
波羅蜜者自修內空教人修內空讚  
內空法亦歡喜讚歎修內空者乃至  
自修無法有法空教人修無法有法  
空讚無法有法空法亦歡喜讚歎修  
無法有法空者自入一切三昧中教  
人入一切三昧中讚一切三昧法亦  
歡喜讚歎行一切三昧者自得陀羅  
尼教人得陀羅尼讚陀羅尼法亦歡



喜讚歎得陀羅尼者自入初禪教人入初禪讚初禪法亦歡喜讚歎入初禪者二禪三禪四禪亦如是自入慈心中教人入慈心讚慈心法亦歡喜讚歎入慈心者悲喜捨心亦如是自入无邊空處教人入無邊空處讚无邊空處法亦歡喜讚歎入無邊空處者無邊識處无所有處非有想非無想處亦如是自修四念處教人修四念處讚四念處法亦歡喜讚歎修四念處者四正勤四如意足五根五力七覺分八聖道分亦如是自修空无相無作三昧教人修空无相無作三昧讚空无相無作三昧法亦歡喜讚歎修空無相无作三昧者自入八背捨教人入八背捨讚八背捨法亦歡喜讚歎入八背捨者自入九次第定教人入九次第定讚九次第定法亦歡喜讚歎入九次第定者自修佛十力四無所畏四无尋智大慈大悲十八不共法亦如是自行無謬錯法自行常捨法教人行无謬錯法常捨法讚无錯謬法常捨法法亦歡喜讚歎行

無錯謬法常捨法者自得一切種智  
教人得一切種智讚一切種智法亦  
歡喜讚歎得一切種智者是菩薩摩  
訶薩行六波羅蜜時所有布施與衆  
生共已迴向阿耨多羅三藐三菩提  
以無所得故所有持戒忍辱精進禪  
定智慧與衆生共已迴向阿耨多羅  
三藐三菩提以無所得故是善男子  
善女人如是行六波羅蜜時作是念  
我若不布施當生貧窮家不能成就  
衆生淨佛國土亦不能得一切種智  
我若不持戒當生三惡道中尚不得  
人身何況能成就衆生淨佛國土得  
一切種智我若不修忍辱則當諸根  
毀壞色不具足不能得菩薩具足色  
身衆生見者必至阿耨多羅三藐三  
菩提亦不能得以具足色身成就衆  
生淨佛國土得一切種智我若懈怠  
不能得菩薩道亦不能得成就衆生  
淨佛國土得一切種智我若亂心不  
能得生諸禪定不能以此禪定成就  
衆生淨佛國土得一切種智我若無  
智不能得方便智以方便智過聲聞

辟支佛地成就衆生淨佛國土得一  
切種智是菩薩復如是思惟我不應  
隨慳貪故不具足檀那波羅蜜不應  
隨犯戒故不具足尸羅波羅蜜不應  
隨瞋恚故不具足羼提波羅蜜不應  
隨懈怠故不具足毗梨耶波羅蜜不  
應隨亂意故不具足禪那波羅蜜不  
應隨癡心故不具足般若波羅蜜若  
不具足檀那波羅蜜尸羅波羅蜜羼  
提波羅蜜毗梨耶波羅蜜禪那波羅  
蜜般若波羅蜜我終不能成就一切  
種智如是善男子善女人是般若波  
羅蜜受持親近讀誦為他說正憶念  
亦不離薩婆若心得是今世後世功  
德釋提桓因白佛言世尊希有是菩  
薩摩訶薩般若波羅蜜為迴向薩婆  
若心故亦為不高心故佛告釋提桓  
因言憍尸迦云何菩薩摩訶薩般若  
波羅蜜為迴向薩婆若心故亦為不  
高心故釋提桓因白佛言世尊菩薩  
摩訶薩若行世間檀那波羅蜜布施  
諸佛辟支佛聲聞及諸貧窮乞行  
路人是菩薩無方便故生高心若行

世間尸羅波羅蜜言我行尸羅波羅蜜我能具足尸羅波羅蜜无方便故生高心言我行羼提波羅蜜毗梨耶波羅蜜禪那波羅蜜我行般若波羅蜜我修般若波羅蜜以是世間般若波羅蜜無方便故生高心世尊菩薩修世間四念處時自念言我修四念處我具足四念處無方便力故生高心我修四正勤四如意足五根五力七覺分八聖道分自念言我修空無相无作三昧我修一切三昧門當得一切陀羅尼門我修佛十力四無所畏十八不共法我當成就衆生我當淨佛國土我當得一切種智著吾我無方便力故生高心世尊如是菩薩摩訶薩行世間善法著吾我故生高心世尊若菩薩摩訶薩行出世間檀那波羅蜜不得施者不得受者不得施物如是菩薩摩訶薩行出世間檀那波羅蜜為迴向薩婆若故亦不生高心行尸羅波羅蜜尸羅不可得行羼提波羅蜜羼提不可得行毗梨耶波羅蜜毗梨耶不可得行禪那波羅

蜜禪那不可得行般若波羅蜜般若  
不可得修四念處四念處不可得乃  
至修十八不共法十八不共法不可  
得修大慈大悲大慈大悲不可得乃  
至修一切種智一切種智不可得世  
尊如是菩薩摩訶薩般若波羅蜜為  
迴向薩婆若故亦為不生高心故

摩訶般若經卷第八

戊戌歲高麗國大藏都監奉

勅影造

摩訶般若波羅蜜經卷第九

芥

後秦龜茲國三藏鳩摩羅什譯

大明品第三十二

丹本作寶塔品

尔時佛告釋提桓因言若有善男子善女人聞是深般若波羅蜜受持親近讀誦正憶念不離薩婆若心兩陣戰時是善男子善女人誦般若波羅蜜故入軍陣中終不失命刀箭不傷何以故是善男子善女人長夜行六波羅蜜自除婬欲刀箭亦除他人婬欲刀箭自除瞋恚刀箭亦除他人瞋恚刀箭自除愚癡刀箭亦除他人愚癡刀箭自除邪見刀箭亦除他人邪見刀箭自除纏垢刀箭亦除他人纏垢刀箭自除諸結使刀箭亦除他人結使刀箭憍尸迦以是因緣是善男子善女人不為刀箭所傷復次憍尸迦是善男子善女人聞是深般若波羅蜜受持親近讀誦正憶念不離薩婆若心若以毒藥熏若以蠱道若以火坑若以深水若欲刀煞若與其毒如是衆惡皆不能傷何以故是般若



波羅蜜是大明呪是無上明呪若善男子善女人於是明呪中學自不惱身亦不惱他亦不兩惱何以故是善男子善女人不得我不得衆生不得壽命乃至知者見者皆不可得不得色受想行識乃至一切種智亦不可得以不得故不自惱身亦不惱他亦不兩惱學是大明呪故得阿耨多羅三藐三菩提觀一切衆生心隨意說法何以故過去諸佛學是大明呪得阿耨多羅三藐三菩提當來諸佛學是大明呪當得阿耨多羅三藐三菩提今現在諸佛學是大明呪得阿耨多羅三藐三菩提復次憍尸迦般若波羅蜜若有但書寫經卷於舍供養不受不讀不誦不說不正憶念是處若人若非人不能得其便何以故是般若波羅蜜為三千大千世界中諸四天王諸天乃至阿迦尼吒諸天子及十方无量阿僧祇世界中諸四天王天乃至阿迦尼吒諸天所守護故是般若波羅蜜所止處諸天皆來供養恭敬尊重讚歎禮拜已去是善男

子善女人但書寫般若波羅蜜於舍  
供養不受不讀不誦不說不正憶念  
今世得如是功德譬如若人若畜生  
來入菩提樹下諸邊內外設有人非  
人持惡意來不能得其便何以故是  
處過去諸佛於中得阿耨多羅三藐  
三菩提未來諸佛現在諸佛亦於中  
得阿耨多羅三藐三菩提得佛已施  
一切衆生無恐无畏今無量阿僧祇  
衆生受天上人中福樂亦令无量阿  
僧祇衆生得須陀洹果乃至得阿耨  
多羅三藐三菩提以般若波羅蜜力  
故是處得恭敬禮拜花香瓔珞搗香  
澤香幢蓋伎樂供養釋提桓因白佛  
言世尊若善男子善女人書寫般若  
波羅蜜花香瓔珞乃至伎樂供養若  
有人佛般涅槃後若供養舍利若起  
塔供養恭敬尊重讚歎花香瓔珞乃  
至伎樂供養是二何者得福多佛告  
釋提桓因我還問汝隨汝意答我於  
汝意云何如佛得一切種智及得是  
身從何道學得是一切種智得是身  
釋提桓因白佛言佛從般若波羅蜜

中學得一切種智及相好身佛告釋  
提桓因言如是如是憍尸迦佛從般  
若波羅蜜中學得一切種智憍尸迦  
不以相好身名為佛得一切種智故  
名為佛憍尸迦是佛一切種智從般  
若波羅蜜中生以是故憍尸迦是佛  
身一切種智所依處佛因是身得一  
切種智善男子當作是思惟是身一  
切種智所依處是故我涅槃後舍利  
當得供養復次憍尸迦善男子善女  
人若聞是般若波羅蜜書寫受持親  
近讀誦正憶念花香瓔珞搗香澤香  
幢蓋伎樂恭敬供養尊重讚歎是善  
男子善女人則為供養一切種智以  
是故憍尸迦若有善男子善女人書  
是般若波羅蜜若受持親近讀誦說  
正憶念恭敬尊重讚歎花香瓔珞乃  
至伎樂供養若復有善男子善女人  
佛般涅槃後供養舍利起塔香花乃  
至伎樂恭敬尊重讚歎若有善男子  
善女人書持是般若波羅蜜恭敬尊  
重讚歎花香瓔珞乃至伎樂供養是  
人得福多何以故是般若波羅蜜

中生五波羅蜜生內空乃至無法有  
法空四念處乃至十八不共法一切  
三昧一切禪定一切陀羅尼門皆從  
般若波羅蜜中生成就衆生淨佛國  
土皆從般若波羅蜜中生菩薩家成  
就色成就資生之物成就眷屬成就  
大慈大悲成就皆從般若波羅蜜中  
生剎利大姓婆羅門大姓居士大家  
皆從般若波羅蜜中生四天王天乃  
至阿迦尼吒天須陀洹乃至阿羅漢  
辟支佛諸菩薩摩訶薩諸佛諸佛一  
切種智皆從般若波羅蜜中生尔時  
釋提桓因白佛言世尊閻浮提人不  
供養是般若波羅蜜不恭敬不尊重  
不讚歎為不知供養多所利益耶佛  
告釋提桓因言憍尸迦於汝意云何  
閻浮提中幾所人信佛不壞信法信  
僧不壞幾所人於佛無疑於法無疑  
於僧無疑幾所人於佛決了於法於  
僧決了釋提桓因白佛言世尊閻浮  
提人於佛法僧得不壞信少於佛法  
僧無疑決了亦少憍尸迦於汝意云  
何閻浮提幾所人得三十七品三解

脫門八背捨九次第定四無尋智六神通閻浮提幾所人斷三結故得須陀洹道幾所人斷三結亦婬瞋癡薄故得斯陀含道幾所人斷五下分結得阿那含道幾所人斷五上分結故得阿羅漢道閻浮提幾所人求辟支佛幾所人發阿耨多羅三藐三菩提心釋提桓因白佛言世尊閻浮提中少所人得三十七品乃至少所人發阿耨多羅三藐三菩提心佛告釋提桓因言如是如是憍尸迦少所人信佛不壞信法不壞信僧不壞少所人於佛無疑於法無疑於僧無疑少所尸迦亦少所人得三十七品三解脫門八背捨九次第定四無尋智六神通憍尸迦亦少所人斷三結得須陀洹斷三結亦婬瞋癡薄得斯陀含斷五下分結得阿那含斷五上分結得阿羅漢少所人求辟支佛於是中亦少所人發阿耨多羅三藐三菩提心於發心中亦少所人行菩薩道何以故是衆生前世不見佛不聞法不供

養比丘僧不布施不持戒不忍辱不  
精進不禪定不智慧不聞內空外空  
乃至無法有法空亦不聞不修四念  
處乃至十八不共法亦不聞不修諸  
三昧門諸陀羅尼門亦不修一切智  
一切種智憍尸迦以是因緣故當知  
少所衆生信佛不壞信法不壞信僧  
不壞乃至少所衆生求辟支佛道於  
是中少所衆生發阿耨多羅三藐三  
菩提心於發心中少所衆生行菩薩  
道於是中亦少所衆生得阿耨多羅  
三藐三菩提憍尸迦我以佛眼見東  
方無量阿僧祇衆生發心行阿耨多  
羅三藐三菩提行菩薩道是衆生遠  
離般若波羅蜜方便力故若一若二  
住阿惟越致地多墮聲聞辟支佛地  
南西北方四維上下亦復如是以是  
故憍尸迦善男子善女人發心求阿  
耨多羅三藐三菩提者應聞般若波  
羅蜜應受持親近讀誦說正憶念受  
持親近讀誦說正憶念已當書經卷  
恭敬供養尊重讚歎花香瓔珞乃至  
伎樂諸餘善法入般若波羅蜜中者



亦應聞受持乃至正憶念何等是諸  
餘善法所謂檀那波羅蜜尸羅波羅  
蜜羼提波羅蜜毗梨耶波羅蜜禪那  
波羅蜜內空外空乃至無法有法空  
諸三昧門諸陀羅尼門四念處乃至  
十八不共法大慈大悲如是等無量  
諸善法皆入般若波羅蜜中是亦應  
聞受持乃至正憶念何以故是善男  
子善女人當如是念佛本為菩薩時  
如是行如是學所謂般若波羅蜜禪  
那波羅蜜毗梨耶波羅蜜羼提波羅  
蜜尸羅波羅蜜檀那波羅蜜內空乃  
至無法有法空諸三昧門諸陀羅尼  
門四念處乃至十八不共法大慈大  
悲如是等無量諸佛法我等亦應隨  
學何以故般若波羅蜜是我等所尊  
禪那波羅蜜乃至無量諸餘善法亦  
是我等所尊此是諸佛法印諸辟支  
佛阿羅漢阿那含斯陀含須陀洹法  
印諸佛學是般若波羅蜜乃至一切  
種智得度彼岸諸辟支佛阿羅漢阿  
那含斯陀含須陀洹亦學是般若波  
羅蜜乃至一切智得度彼岸以是故

憍尸迦若善男子善女人若佛在世  
若般涅槃後應依止般若波羅蜜禪  
那波羅蜜毗梨耶波羅蜜羣提波羅  
蜜尸羅波羅蜜檀那波羅蜜乃至一  
切種智亦應依止何以故是般若波  
羅蜜乃至一切種智是諸聲聞辟支  
佛菩薩摩訶薩及一切世間天人阿  
修羅所可依止憍尸迦若有善男子  
善女人佛般涅槃後為供養佛故作  
七寶塔高一由旬天香天花天瓔珞  
天搗香天澤香天衣天幢蓋天伎樂  
供養恭敬尊重讚歎憍尸迦於汝意  
云何是善男子善女人從是因緣得  
福多不釋提桓因言世尊甚多甚多  
佛言不如是善男子善女人聞是般  
若波羅蜜書寫受持親近正憶念不離  
薩婆若心亦恭敬尊重讚歎若華香  
瓔珞搗香澤香幢蓋伎樂供養是善  
男子善女人福德多佛告憍尸迦置  
一七寶塔若善男子善女人供養佛  
故佛般涅槃後滿閻浮提起七寶塔  
皆高一由旬恭敬尊重讚歎香花瓔  
珞幢蓋伎樂供養憍尸迦於汝意云

何是善男子善女人得福多不釋提  
桓因言世尊其福甚多佛言不如是  
善男子善女人如前供養般若波羅  
蜜其福多憍尸迦復置一閻浮提滿  
中七寶塔有善男子善女人供養佛  
故佛般涅槃後滿四天下起七寶塔  
皆高一由旬供養如前憍尸迦於汝  
意云何是善男子善女人其福多不  
釋提桓因言甚多甚多佛言不如是  
善男子善女人書持般若波羅蜜恭  
敬尊重讚歎花香乃至伎樂供養其  
福甚多憍尸迦復置四天下滿中七  
寶塔若有善男子善女人供養佛故  
佛般涅槃後滿小千國土起七寶塔  
皆高一由旬供養如前憍尸迦於汝  
意云何是善男子善女人其福多不  
釋提桓因言甚多佛言不如是善男  
子善女人書是般若波羅蜜受持恭  
敬尊重讚歎花香乃至伎樂供養其  
福甚多憍尸迦復置小千國土滿中  
七寶塔若有善男子善女人供養佛  
故佛般涅槃後滿二千中國土起七  
寶塔皆高一由旬供養如前故不如

供養般若波羅蜜其福甚多復置三千中國土七寶塔若有善男子善女人供養佛故佛般涅槃後滿三千大千國土中起七寶塔皆高一由旬盡形壽供養天華天香天瓔珞乃至天伎樂供養於汝意云何是善男子善女人得福多不釋提桓因言世尊甚多甚多佛言不如是善男子善女人書是般若波羅蜜受持恭敬尊重讚歎香花乃至伎樂供養其福甚多復置三千大千國土中七寶塔若三千大千國土中衆生一一衆生供養佛故佛般涅槃後各起七寶塔恭敬尊重讚歎華香乃至伎樂供養若有善男子善女人書持般若波羅蜜乃至正憶念不離薩婆若心亦恭敬尊重讚歎花香瓔珞乃至伎樂供養是人得福甚多釋提桓因白佛言如是如是世尊若人供養恭敬尊重讚歎是般若波羅蜜則為供養過去未來現在諸佛世尊若十方如恒河沙等國土中衆生一一衆生供養佛故佛般涅槃後各起七寶塔高一由旬是人

若一劫若減一劫恭敬尊重讚歎花香  
香乃至伎樂供養世尊是善男子善  
女人得福多不佛言甚多釋提桓因  
言若有善男子善女人書持是般若  
波羅蜜乃至正憶念亦恭敬尊重  
重讚歎花香乃至伎樂供養其福大  
多何以故世尊一切善法皆入般若  
波羅蜜中所謂十善道四禪四无量  
心四無色定三十七品三解脫門空  
无相無作四諦苦諦集諦滅諦道諦  
六神通八背捨九次第定檀那波羅  
蜜尸羅波羅蜜羼提波羅蜜毗梨耶  
波羅蜜禪那波羅蜜般若波羅蜜內  
空乃至無法有法空諸三昧門諸陀  
羅尼門佛十力四無所畏四無尋智  
大慈大悲十八不共法一切智道種  
智一切種智世尊是名一切諸佛法  
即是法中一切聲聞及辟支佛過去  
未來現在諸佛學是法得度彼岸  
摩訶般若波羅蜜經述成第三十三

尔時佛告釋提桓因言如是如是憍  
尸迦是諸善男子善女人書持是般  
若波羅蜜經卷受學親近讀誦說正

憶念加復供養華香瓔珞搗香澤香  
幢蓋伎樂當得無量無數不可思議  
不可稱量無邊福德何以故諸佛一  
切智一切種智皆從般若波羅蜜中  
生諸菩薩摩訶薩禪那波羅蜜毗梨  
耶波羅蜜羼提波羅蜜尸羅波羅蜜  
檀那波羅蜜皆從般若波羅蜜中生  
內空乃至無法有法空四念處乃至  
十八不共法皆從般若波羅蜜中生  
諸佛五眼皆從般若波羅蜜中生成  
就衆生淨佛國土道種智一切種智  
諸佛法皆從般若波羅蜜中生聲聞  
乘辟支佛乘佛乘皆從般若波羅蜜  
中生以是故憍尸迦善男子善女人  
書持是般若波羅蜜經卷親近讀誦  
說正憶念加復供養花香乃至伎樂  
過出前供養七寶塔百分千分百分  
百千万分不及一乃至竿數譬喻所  
不能及何以故憍尸迦若般若波羅  
蜜在於世者佛寶法寶比丘僧寶終  
不減若般若波羅蜜在於世者十善  
道四禪四無量心四无色定檀那波  
羅蜜乃至般若波羅蜜四念處乃至



十八不共法一切智一切種智皆現  
於世若般若波羅蜜在於世者世間  
便有剎利大姓婆羅門大姓居士大  
家四天王天乃至阿迦尼吒諸天須  
陀洹果乃至阿羅漢果辟支佛道菩  
薩摩訶薩無上佛道轉法輪成就衆  
生淨佛國土

摩訶般若波羅蜜經勸持品第二十四

尔時三千大千國土所有四天王天  
乃至阿迦尼吒天語釋提桓因諸天  
言應受是般若波羅蜜應持應親近  
應讀誦說正憶念何以故受持般若  
波羅蜜乃至正憶念故一切所修集  
善法當具足滿增益諸天衆減損阿  
修羅諸天子受持般若波羅蜜乃至  
正憶念故佛種不斷法種僧種不斷  
佛種法種僧種不斷故便有檀那波  
羅蜜尸羅波羅蜜羼提波羅蜜毗梨  
耶波羅蜜禪那波羅蜜般若波羅蜜  
皆現於世四念處乃至十八不共法  
菩薩道皆現於世須陀洹果斯陀含  
果阿那含果阿羅漢果辟支佛道佛  
道須陀洹乃至佛皆現於世尔時佛

告釋提桓因言憍尸迦汝當受是般若波羅蜜持讀誦說正憶念何以故若諸阿修羅生心欲與三十三天共鬪憍尸迦汝今時當誦念般若波羅蜜諸阿修羅惡心即滅更不復生憍尸迦若諸天子天女五死相現時當墮不如意處汝當於其前誦讀般若波羅蜜是諸天子天女聞般若波羅蜜功德故還生今處何以故聞般若波羅蜜有大利益故復次憍尸迦若有善男子善女人若諸天子天女聞是般若波羅蜜經耳是功德故漸當得阿耨多羅三藐三菩提何以故憍尸迦過去諸佛及弟子皆學是般若波羅蜜得阿耨多羅三藐三菩提入無餘涅槃憍尸迦未來世諸佛今現在十方諸佛及弟子皆學是般若波羅蜜得阿耨多羅三藐三菩提入無餘涅槃何以故憍尸迦是般若波羅蜜攝一切善法若聲聞法若辟支佛法若菩薩法若佛法釋提桓因白佛言世尊般若波羅蜜是大明呪無上明呪无等等明呪何以故世尊是般

若波羅蜜能除一切不善能與一切善法佛語釋提桓因言如是如是憍尸迦般若波羅蜜是大明呪无上明呪無等等明呪何以故憍尸迦過去諸佛因是明呪故得阿耨多羅三藐三菩提未來世諸佛今現在十方諸佛亦因是明呪得阿耨多羅三藐三菩提因是明呪故世間便有十善道便有四禪四無量心四无色定便有檀那波羅蜜乃至般若波羅蜜四念處乃至十八不共法便有法性如法相法住法位實際便有五眼須陀洹果乃至阿羅漢果辟支佛道一切智一切種智憍尸迦菩薩摩訶薩因緣故十善出於世間四禪四無量心乃至一切種智須陀洹乃至諸佛出於世間譬如月滿照明星宿亦能照明如是憍尸迦一切世間善法正法十善乃至一切種智若諸佛不出時皆從菩薩生是菩薩摩訶薩方便力皆是般若波羅蜜生是菩薩摩訶薩以波羅蜜內空乃至無法有法空四念

處乃至十八不共法不證聲聞辟支  
佛地亦能成就衆生淨佛國土壽命  
成就國土成就菩薩眷屬成就得一  
切種智皆從般若波羅蜜生復次憍  
尸迦若善男子善女人聞般若波羅  
蜜受持親近乃至正憶念是人當得  
今世後世功德成就釋提桓因白佛  
言世尊何等是善男子善女人受持  
般若波羅蜜乃至正憶念得今世功  
德佛告釋提桓因言若有善男子善  
女人受持般若波羅蜜乃至正憶念  
終不中毒死兵刃不傷水火不害乃  
至四百四病所不能中除其宿命業  
報復次憍尸迦若有官事起是善男  
子善女人讀誦是般若波羅蜜故往  
至官所無能譴責者何以故是般若  
波羅蜜威力故若善男子善女人誦  
讀是般若波羅蜜到王所若太子大  
臣所王及太子大臣皆歡喜問訊和  
意共語何以故是諸善男子善女人  
常有慈悲喜捨心向衆生故憍尸迦  
若善男子善女人受持般若波羅蜜  
乃至正憶念得如是等種種今世功

德憍尸迦何等是善男子善女人得  
後世功德是善男子善女人終不離  
十善道四禪四無量心四无色定六  
波羅蜜四念處乃至十八不共法是  
人終不墮三惡道受身兒具終不生  
貧窮下賤工師除廁人擔死人家常  
得三十二相常得化生生諸現在佛  
國終不離菩薩神通若欲從一佛國  
至一佛國供養諸佛聽諸佛法即得  
隨意所遊佛國能成就衆生淨佛國  
土漸得阿耨多羅三藐三菩提憍尸  
迦是名後世功德以是故憍尸迦善  
男子善女人應當受持是般若波羅  
蜜親近讀誦說正憶念花香乃至伎  
樂供養常不離薩婆若心是善男子  
善女人乃至阿耨多羅三藐三菩提  
得今世後世功德成就

摩訶般若波羅蜜經遣異品第三十五

品

尔時諸外道異學梵志來向佛所欲  
求佛短是時釋提桓因心念是諸外  
道梵志來向佛所欲求佛短我今當  
誦念從佛所受般若波羅蜜是諸外  
道梵志等終不能中道作尋斷說般

若波羅蜜釋提桓因作是念已即誦

般若波羅蜜是時諸外道梵志還繞

佛復道還去時舍利弗心念是中何

因緣諸外道梵志還繞佛復道還去

佛知舍利弗心念告舍利弗是釋提

桓因誦念般若波羅蜜以是因緣故

諸外道梵志還繞佛復道還去舍利

弗是諸外道梵志我不見一念善心

是諸外道梵志持惡心來欲索佛短

舍利弗我不見說般若波羅蜜時一

切世間若天若魔若梵若沙門衆婆

羅門衆中有持惡意來能得短者何

以故舍利弗是三千大千國土中諸

四天王天乃至阿迦尼吒天諸聲聞

辟支佛諸菩薩摩訶薩守護是般若

波羅蜜所以者何是諸天人皆從般

若波羅蜜中生故復次舍利弗十方

如恒河沙等國土中諸佛及聲聞辟

支佛菩薩摩訶薩諸天龍鬼神等皆

守護是般若波羅蜜所以者何是諸

佛等皆從般若波羅蜜中生故今時

惡魔心念今佛四衆現前集會亦有

欲界色界諸天子是中必有菩薩摩

訶薩



訶薩受記當得阿耨多羅三藐三菩  
提我寧可至佛所破壞其意是時惡  
魔化作四種兵來至佛所亦時釋提  
桓因心念是四種兵或是惡魔化作  
欲來向佛何以故是四種兵嚴飾頻  
婆娑羅王四種兵所不類波斯匿王  
四種兵所不類諸釋子四種兵所不  
類諸梨昌四種兵皆所不類此是惡  
魔化作四種兵是惡魔長夜索佛便  
欲惱衆生我寧可誦念般若波羅蜜  
釋提桓因即時誦念般若波羅蜜惡  
魔聞其所誦漸漸復道還去亦時會  
中四天王諸天子乃至阿迦尼吒諸  
天子化作天花於虛空中而散佛上  
作是言世尊願令般若波羅蜜久住  
閻浮提所以者何閻浮提人受持般  
若波羅蜜隨所住時佛寶亦住不滅  
法寶僧寶亦住不滅亦時十方如恒  
河沙等世界中諸天亦皆散花作是  
言世尊願令般若波羅蜜久住閻浮  
提若般若波羅蜜久住佛法僧亦當  
久住亦分別知菩薩摩訶薩道復次  
所在住處善男子善女人有書持般

若波羅蜜經卷是處則為照明已離  
諸冥佛告釋提桓因等諸天子如是  
如是憍尸迦及諸天子閻浮提人受  
持般若波羅蜜隨所住時佛寶如是  
住法寶僧寶亦如是住乃至在所住  
處善男子善女人有書持般若波羅  
蜜經卷是處則為照明以離諸冥亦  
時諸天子化作天花散佛上作是言  
世尊若有善男子善女人受持般若  
波羅蜜乃至正憶念魔若魔民不能  
得其便世尊我等亦當擁護是善男  
子善女人何以故若善男子善女人  
受持般若波羅蜜乃至正憶念我等  
視是人如佛若次佛是時釋提桓因  
白佛言世尊善男子善女人受持般  
若波羅蜜乃至正憶念者當知是人  
先世於佛所作功德多親近供養諸  
佛為善知識所護世尊諸佛一切智  
應當從般若波羅蜜中求般若波羅  
蜜亦當從一切智中求所以者何般  
若波羅蜜不異一切智一切智不異  
般若波羅蜜般若波羅蜜一切智不  
二不別是故我等視是人即是佛若

次佛佛告釋提桓因言如是如是憍尸迦諸佛一切智即是般若波羅蜜般若波羅蜜即是一切智何以故憍尸迦諸佛一切智皆從般若波羅蜜中生般若波羅蜜不異一切智一切智不異般若波羅蜜般若波羅蜜一切智不二不別

摩訶般若波羅蜜經尊導品第三十六

并阿闍梨譽品

尔時慧命阿難白佛言世尊何以不稱譽檀那波羅蜜尸羅波羅蜜羼提波羅蜜毗梨耶波羅蜜禪那波羅蜜乃至十八不共法但稱譽般若波羅蜜佛告阿難般若波羅蜜於五波羅蜜乃至十八不共法為尊導阿難於汝意云何不迴向薩婆若布施得稱檀那波羅蜜不也世尊不迴向薩婆若尸羅羼提毗梨耶禪那智慧是般若波羅蜜不也世尊以是故知般若波羅蜜於五波羅蜜乃至十八不共法為尊導是故稱譽阿難白佛言世尊云何布施迴向薩婆若作檀那波羅蜜乃至作般若波羅蜜佛告阿難以無二法布施迴向薩婆若是

名檀那波羅蜜以不生不可得故迴  
向薩婆若布施是名檀那波羅蜜乃  
至以無二法智慧迴向薩婆若是名  
般若波羅蜜以不生不可得故迴向  
薩婆若智慧是名般若波羅蜜阿難  
白佛言世尊云何以不二法迴向薩  
婆若布施是名檀那波羅蜜乃至以  
不二法迴向薩婆若智慧是名般若  
波羅蜜佛告阿難以色不二法故受  
想行識不二法故乃至阿耨多羅三  
藐三菩提不二法故世尊云何色不  
二法乃至阿耨多羅三藐三菩提不  
二法佛言色色相空何以故檀那波  
羅蜜色不二不別乃至阿耨多羅三  
藐三菩提檀那波羅蜜不二不別五  
波羅蜜亦如是以是故阿難但稱譽  
般若波羅蜜於五波羅蜜乃至一切  
種智為尊導阿難譬如大地以種散  
中得因緣和合便生是諸種子依地  
而生如是阿難五波羅蜜依般若波  
羅蜜得生四念處乃至一切種智亦  
依般若波羅蜜得生以是故阿難般  
若波羅蜜於五波羅蜜乃至十八不

共法為尊導。爾時釋提桓因白佛言。世尊。佛說善男子。善女人受持般若波羅蜜。乃至正憶念者。功德未盡。何以故。受持般若波羅蜜。乃至正憶念。則受三世諸佛無上道。所以者何。欲得薩婆。若當從般若波羅蜜中求。欲得般若波羅蜜。當從薩婆中求。世尊。受持般若波羅蜜。乃至正憶念。故十善道現於世間。四禪四無量心。四無色定。乃至十八不共法。現於世間。受持般若波羅蜜。乃至正憶念。故世間便有利利。大姓婆羅門。大姓居士。大家。四天王。天。乃至阿迦尼吒諸天。受持般若波羅蜜。乃至正憶念。故便有須陀洹。乃至阿羅漢。辟支佛。菩薩摩訶薩。受持般若波羅蜜。乃至正憶念。故諸佛出於世間。爾時佛告釋提桓因。言。憍尸迦。善男子。善女人受持般若波羅蜜。乃至正憶念。我不說。但有尔所功德。何以故。憍尸迦。是善男子。善女人受持般若波羅蜜。乃至正憶念。不離薩婆。若心無量。戒衆成就。定衆慧衆。解脫衆。解脫知見衆。成就。

復次憍尸迦是善男子善女人能受持般若波羅蜜乃至正憶念不離薩婆若心當知是人為如佛復次憍尸迦一切聲聞辟支佛所有戒衆定衆智衆解脫衆解脫知見衆不及是善男子善女人戒衆乃至解脫知見衆百分千分百千万億分乃至竿數譬喻所不能及何以故是善男子善女人於聲聞辟支佛地中心得解脫更不求大乘法故復次憍尸迦若有善男子善女人書持般若波羅蜜經卷供養恭敬尊重華香瓔珞乃至伎樂亦得今世後世功德尔時釋提桓因白佛言世尊是善男子善女人受持般若波羅蜜乃至正憶念不離薩婆若心供養般若波羅蜜恭敬尊重華香乃至伎樂我常當守護是人佛告釋提桓因憍尸迦是善男子善女人欲讀誦說是般若波羅蜜時無量百千諸天皆來聽法是善男子善女人說般若波羅蜜法諸天子益其膽力是諸法師若疲極不欲說法諸天益其膽力故便能更說善男子善女人



受是般若波羅蜜乃至正憶念供養  
花香乃至伎樂故亦得是今世功德  
復次憍尸迦是善男子善女人於四  
部衆中說般若波羅蜜時心無怯弱  
若有論難亦無畏想何以故是善男  
子善女人為般若波羅蜜所護持故  
般若波羅蜜中亦分別一切法若世  
間若出世間若有漏若無漏若善若  
不善若有為若無為若聲聞法若辟  
支佛法若菩薩法若佛法善男子善  
女人住內空乃至住無法有法空故  
不見有能難般若波羅蜜者亦不見  
受難者亦不見般若波羅蜜如是善  
男子善女人為般若波羅蜜所擁護  
故無有能難壞者復次善男子善女  
人受持般若波羅蜜乃至正憶念時  
不沒不畏不怖何以故是善男子善  
女人不見是法沒者恐怖者憍尸迦  
善男子善女人受持般若波羅蜜乃  
至正憶念花香供養乃至幡蓋亦得  
是現世功德復次憍尸迦善男子善  
女人受持般若波羅蜜乃至正憶念  
書持經卷花香供養乃至幡蓋是人

為父母所愛宗親知識所念諸沙門  
婆羅門所敬十方諸佛及菩薩摩訶  
薩辟支佛阿羅漢乃至須陀洹所愛  
敬一切世間若天若魔若梵及阿修  
羅等皆亦愛敬是人行檀那波羅蜜  
檀那波羅蜜無有斷絕時尸羅波羅  
蜜羼提波羅蜜毗梨耶波羅蜜禪那  
波羅蜜般若波羅蜜亦無有斷絕時  
修內空不斷乃至修無法有法空不  
斷修四念處不斷乃至修十八不共  
法不斷修諸三昧門不斷修諸陀羅  
尼門不斷修諸菩薩神通不斷成就  
衆生淨佛國土不斷乃至修一切種  
智不斷是人亦能降伏難論毀謗善  
男子善女人受持般若波羅蜜乃至  
正憶念不離薩婆若心書持經卷香  
花供養乃至幡蓋亦得是今世後世  
功德復次憍尸迦善男子善女人書  
持經卷在所處三千大千世界中所  
有諸四天王天發阿耨多羅三藐三  
菩提心者皆來到是處見般若波羅  
蜜受讀誦說供養禮拜還去三十三  
天夜摩天兜率陀天化樂天他化自

在天梵衆天梵輔天梵會天大梵天  
光天少光天無量光天光音天淨天  
少淨天無量淨天遍淨天無蔭行天  
福德天廣果天發阿耨多羅三藐三  
菩提心者皆來到是處見般若波羅  
蜜受讀誦說供養礼拜還去淨居諸  
天所謂無誑天无熱天妙見天喜見  
天色究竟天皆來到是處見是般若  
波羅蜜受讀誦說供養礼拜還去復  
次憍尸迦十方世界中諸四天王天  
乃至廣果天發阿耨多羅三藐三菩  
提心及淨居天并餘諸天龍鬼神捷  
闍婆阿修羅迦樓羅緊那羅摩睺羅  
伽亦來見般若波羅蜜受讀誦說供  
養礼拜還去是善男子善女人應作  
是念十方世界中諸四天王天乃至  
廣果天發阿耨多羅三藐三菩提心  
及淨居天并餘諸天龍鬼神捷闍婆  
阿修羅迦樓羅緊那羅摩睺羅伽來  
見般若波羅蜜受讀誦說供養礼拜  
我則法施已憍尸迦三千大千世界  
中所有諸四天王天乃至阿迦尼吒  
天及十方世界中諸四天王天乃至

阿迦尼吒天發阿耨多羅三藐三菩提心者擁護是善男子善女人諸惡不能得便除其宿命重罪憍尸迦是善男子善女人亦得是今世功德所謂諸天子發阿耨多羅三藐三菩提心皆來到是處何以故憍尸迦諸天子發阿耨多羅三藐三菩提心欲救護一切衆生不捨一切衆生安樂一切衆生故尔時釋提桓因白佛言世尊善男子善女人云何當知諸四天王天乃至阿迦尼吒天來及十方國土中諸四天王天乃至阿迦尼吒天來見般若波羅蜜受讀誦說供養禮拜時佛告釋提桓因憍尸迦若善男子善女人見大淨光明必知有大德諸天來見般若波羅蜜受讀誦說供養禮拜時復次憍尸迦善男子善女人若聞異妙香必知有大德諸天來見般若波羅蜜受讀誦說供養禮拜時復次憍尸迦善男子善女人行淨潔故諸天來到其處見般若波羅蜜受讀誦說供養歡喜禮拜是中有小鬼輩即時出去不能堪任是大德諸

天威德故以是大德諸天來故是善  
男子善女人人生大心以是故般若波  
羅蜜所住處四面不應有諸不淨應  
當然燈燒香散衆名花衆香塗地衆  
蓋幢幡種種嚴飾復次橋尸迦善男  
子善女人說法時終无疲極自覺身  
輕心樂隨法偃息卧覺安隱無諸惡  
夢夢中見諸佛三十二相八十隨形  
好比丘僧恭敬圍繞而為說法在諸  
佛邊聽受法教所謂六波羅蜜四念  
處乃至十八不共法分別六波羅蜜  
義分別四念處乃至十八不共法亦  
分別其義亦見菩提樹莊嚴殊妙見  
諸菩薩趣菩提樹得阿耨多羅三藐  
三菩提見諸佛成已轉法輪見百千  
萬菩薩共集法論議應如是求薩婆  
若應如是成就衆生應如是淨佛國  
土亦見十方無數百千萬億諸佛亦  
聞其名号某方某國某佛若干百千  
萬菩薩若干百千萬聲聞恭敬圍繞  
說法復見十方無數百千萬億諸佛  
般涅槃復見無數百千萬億諸佛七  
寶塔見供養諸塔恭敬尊重讚歎香

花乃至幡蓋橋尸迦是善男子善女人見如是善夢卧安覺安諸天益其氣力自覺身體輕便不大貪著飲食衣服卧具湯藥於四供養其心輕微譬如比丘坐禪從禪定起心與定合不貪著飲食其心輕微何以故橋尸迦諸天法應以諸味之精益其氣力故十方諸佛及天龍鬼神阿修羅捷閼婆迦樓羅緊那羅摩睺羅伽亦益其氣力如是橋尸迦善男子善女人欲得今世如是功德應當受持般若波羅蜜親近讀誦說正憶念亦不離薩婆若心橋尸迦善男子善女人雖不能受持乃至正憶念應當書持經卷恭敬供養尊重讚歎香花瓔珞乃至幡蓋橋尸迦若善男子善女人聞是般若波羅蜜受持讀誦說正憶念書經卷恭敬供養尊重讚歎花香乃至幡蓋是善男子善女人功德甚多勝於供養十方諸佛及弟子恭敬尊重讚歎衣服飲食卧具湯藥諸佛及弟子般涅槃後起七寶塔恭敬供養尊重讚歎花香乃至幡蓋



摩訶般若經卷第九

戊戌歲高麗國大藏都監奉  
勅彫造

摩訶般若波羅蜜經卷第十

葛

叢

後秦龜茲國三藏鳩摩羅什譯

法稱品第三十七

佛告釋提桓因言憍尸迦若滿閻浮  
提佛舍利作一分復有人書般若波  
羅蜜經卷作一分二分之一汝取何  
所釋提桓因白佛言世尊若滿閻浮  
提佛舍利作一分般若波羅蜜經卷  
作一分二分之一中我寧取般若波羅  
蜜經卷何以故世尊我於佛舍利非  
不恭敬非不尊重世尊以是舍利徒  
般若波羅蜜中生般若波羅蜜修熏  
故是舍利得供養恭敬尊重讚歎今  
時舍利弗問釋提桓因憍尸迦是般  
若波羅蜜不可取無色无形無對一  
相所謂無相汝云何欲取何以故是  
般若波羅蜜不為取故出不為捨故  
出不為增減聚散損益垢淨故出是  
般若波羅蜜不與諸佛法不捨凡人  
法不與辟支佛法阿羅漢法學法不  
捨凡人法不與无為性不捨有為性  
不與内空乃至無法有法空不與四

念處乃至一切種智不捨凡人法釋  
提桓因語舍利弗如是如是舍利弗  
若有人知是般若波羅蜜不與諸佛  
法不捨凡人法乃至不與一切種智  
不捨凡人法是菩薩摩訶薩能行般  
若波羅蜜能修般若波羅蜜何以故  
般若波羅蜜不行二法相故不二法  
相是般若波羅蜜不二法相是禪那  
波羅蜜乃至檀那波羅蜜今時佛讚  
釋提桓因言善哉善哉憍尸迦如汝  
所說般若波羅蜜不行二法相故不  
二法相是般若波羅蜜不二法相是  
禪那波羅蜜乃至檀那波羅蜜憍尸  
迦若人欲得法性二相者是人為欲  
得般若波羅蜜二相何以故憍尸迦  
法性般若波羅蜜無二元別乃至檀  
那波羅蜜亦如是若人欲得實際不  
可思議性二相者是人為欲得般若  
波羅蜜二相何以故般若波羅蜜不  
可思議性无二無別釋提桓因白佛  
言世尊一切世間人及諸天阿修羅  
應禮拜供養般若波羅蜜何以故諸  
菩薩摩訶薩般若波羅蜜中學得阿

釋多羅三藐三菩提世尊我常在善法堂上坐若我不在座時諸天子來供養我故為我坐處作礼繞竟還去諸天子作是念釋提桓因在是處坐為諸三十三天說法故如是世尊在所處書是般若波羅蜜經卷受持讀誦為他演說是處十方世界中諸天龍夜叉捷闥婆阿修羅迦樓羅緊那羅摩睺羅伽皆來礼拜般若波羅蜜供養已去何以故是般若波羅蜜中生諸佛及生一切衆生樂具故諸佛舍利亦是一切種智住處因緣以是故世尊二分中我取般若波羅蜜復次世尊我若受持讀誦般若波羅蜜心深入法中我是時不見怖畏相何以故世尊是般若波羅蜜无相無貌无言無說世尊无相無貌无言無說是般若波羅蜜乃至是一切種智世尊般若波羅蜜若當有相非無相者諸佛不應知一切法无相無貌无言無說得阿耨多羅三藐三菩提為弟子說諸法亦無相无貌无言無說世尊以般若波羅蜜實是无相無貌无

言无說故諸佛知一切諸法无相無  
貌無言無說得阿耨多羅三藐三菩  
提為弟子說諸法亦无相無貌无言  
無說以是故世尊是般若波羅蜜一  
切世間諸天人阿修羅應恭敬供養  
尊重讚歎香華瓔珞乃至幡蓋復次  
世尊若有人受持般若波羅蜜親近  
讀誦說正憶念及書供養香華乃至  
幡蓋是人不得墮地獄畜生餓鬼道中  
不得墮聲聞辟支佛地乃至得阿耨多  
羅三藐三菩提常見諸佛從一佛國  
至一佛國供養諸佛恭敬尊重讚歎  
華香乃至幡蓋復次世尊滿三千大  
千世界佛舍利作一分書般若波羅  
蜜經卷作一分是二分中我故取般  
若波羅蜜何以故世尊是般若波羅  
蜜中生諸佛舍利以是故舍利得供  
養恭敬尊重讚歎是善男子善女人  
供養恭敬舍利故受天上人中福樂  
常不墮三惡道如所願漸以三乘法  
入涅槃是故世尊若有見現在佛若  
見般若波羅蜜經卷等无異何以故  
世尊是般若波羅蜜與佛无二無別

故復次世尊如佛住三事亦現說十  
二部經修多羅祇夜乃至優波提舍  
復有善男子善女人受持誦說是般  
若波羅蜜等无異何以故世尊是般  
若波羅蜜中生三事亦現及十二部  
經修多羅乃至優波提舍故復次世  
尊十方諸佛住三事示現說十二部  
經修多羅乃至優波提舍復有人受  
般若波羅蜜為他人說等無有異何  
以故般若波羅蜜中生諸佛亦生十  
二部經修多羅乃至優波提舍復次  
世尊若有供養十方如恒河沙等世  
界中諸佛恭敬尊重讚歎華香乃至  
幡蓋復有人書般若波羅蜜經卷恭  
敬尊重讚歎華香乃至幡蓋其福正  
等何以故十方諸佛皆從般若波羅  
蜜中生復次世尊善男子善女人聞  
是般若波羅蜜受持讀誦正憶念亦  
為他人說是人不墮地獄道畜生餓  
鬼道亦不墮聲聞辟支佛地何以故  
當知是善男子善女人正住阿惟越  
致地中故是般若波羅蜜遠離一切  
苦惱衰病復次世尊若有善男子善



女人書是般若波羅蜜經卷受持親  
近供養恭敬尊重讚歎是人離諸恐  
怖世尊譬如負債人親近國王供給  
左右債主反更供養恭敬是人是人  
不復畏怖何以故世尊此人依近於  
王憑恃有力故如是世尊諸佛舍利  
般若波羅蜜修熏故得供養恭敬世  
尊當知般若波羅蜜如王舍利如負  
債人負債人依王故得供養舍利亦  
依般若波羅蜜修熏故得供養世尊  
當知諸佛一切種智亦以般若波羅  
蜜修熏故得成就以是故世尊二分  
中我取般若波羅蜜何以故世尊般  
若波羅蜜中生諸佛舍利三十二相  
般若波羅蜜中亦生佛十力四无所  
畏四無所智十八不共法大慈大悲  
世尊般若波羅蜜中生五波羅蜜使  
得波羅蜜名字般若波羅蜜中生諸  
佛一切種智復次世尊所在三千大  
千世界中若有受持供養恭敬尊重  
讚歎般若波羅蜜是處若人若非人  
不能得其便是人漸漸得入涅槃世  
尊般若波羅蜜為大利益如是於三

千大千世界中能作佛事世尊在所  
處有般若波羅蜜則為有佛世尊譬  
如无價摩尼珠寶在所住處非人不  
得其便若男子女人有熱病以是寶  
著身上熱病即時除愈若有風病若  
有冷病若有雜熱風冷病以寶著身  
上皆悉除愈若閻中是寶能令明熱  
時能令涼寒時能令溫寶所住處其  
地不寒不熱時節和適其處亦无諸  
餘毒螫若男子女人為毒蛇所螫以  
寶示之毒即除滅復次世尊若男子  
女人眼痛膚瞶盲瞽以寶近之即時  
除愈若有癩瘡惡腫以寶著身上病  
即除愈復次世尊是摩尼寶所在水  
中水隨作一色世尊是寶若以青物  
裹著水中水色則為青若黃赤白紅  
縹物裹著水中水隨作黃赤白紅縹  
色如是等種種色物裹著水中水隨  
作種種色世尊若水濁以寶著中水  
即為清是寶其德如是今時阿難問  
釋提桓因言憍尸迦是摩尼寶為是  
天上寶為是閻浮提寶釋提桓因語  
阿難是天上寶閻浮提人亦有是寶

但功德相少不具足天上寶清淨輕妙不可以譬喻為比復次世尊是摩尼寶若著篋中舉寶出其功德薰篋故人皆愛敬如是世尊在所在處有書般若波羅蜜經卷是處則无衆惱之患亦如摩尼寶所著處則無衆難世尊佛般涅槃後舍利得供養皆是般若波羅蜜力憚那波羅蜜乃至檀那波羅蜜內空乃至無法有法空四念處乃至十八不共法一切智法相法住法位法性實際不可思議性一切種智是諸功德力善男子善女人作是念是佛舍利一切智一切種智大慈大悲斷一切結使及習常捨行不錯謬法等諸佛功德住處以是故舍利得供養世尊舍利是諸功德寶波羅蜜住處不垢不淨波羅蜜住處不生不滅波羅蜜不入不出波羅蜜不增不損波羅蜜不來不去不住波羅蜜是佛舍利是諸法相波羅蜜住處以是諸法相波羅蜜修薰故舍利得供養復次世尊置三千大千世界滿中舍利如恒河沙等諸世界滿其

中舍利作一分有人書般若波羅蜜  
經卷作一分二分之一中我取般若波  
羅蜜何以故是般若波羅蜜中生諸  
佛舍利是般若波羅蜜修熏故舍利  
得供養世尊若有善男子善女人供  
養舍利恭敬尊重讚歎其功德報不  
可得邊受人中天上福樂所謂剎利  
大姓婆羅門大姓居士大家四天王  
天處乃至他化自在天中受福樂亦  
以是福德因緣故當得盡苦若受是  
般若波羅蜜讀誦解說正憶念是人  
能具足禪那波羅蜜乃至能具足檀  
那波羅蜜能具足四念處乃至能具  
足十八不共法過聲聞辟支佛地住  
菩薩位住菩薩位已得菩薩神通從  
一佛國至一佛國是菩薩為衆生故  
受身隨其所應成就衆生若作轉輪  
聖王若作剎利大姓若作婆羅門大姓  
成就衆生以是故世尊我不為輕慢  
不恭敬故不取舍利以善男子善女  
人供養般若波羅蜜則為供養舍利  
故復次世尊有人欲見十方无量阿  
僧祇諸世界中現在佛法身色身是

人應聞受持般若波羅蜜讀誦正憶念為他人演說如是善男子善女人當見十方無量阿僧祇世界中諸佛法身色身是善男子善女人行般若波羅蜜亦應以法相修念佛三昧復次善男子善女人欲見現在諸佛應當受是般若波羅蜜乃至正憶念復次世尊有二種法相有為諸法相无為諸法相云何有為諸法相所謂内空中智慧乃至無法有法空中智慧四念處中智慧乃至八聖道分中智慧佛十力四无所畏四無尋智十八不共法中智慧善法中不善法中有漏法中無漏法中世間法中出世間法中智慧是名有為諸法法相云何名无為諸法法相若法無生无滅無住無異无垢無淨无增無減諸法自性云何名諸法自性諸法无所有性是諸法自性是名无為諸法相今時佛告釋提桓因如是如是憍尸迦過去諸佛因是般若波羅蜜得阿耨多羅三藐三菩提過去諸佛弟子亦因般若波羅蜜得須陀洹道乃至阿羅

漢辟支佛道未來現在世十方無量  
阿僧祇諸佛因是般若波羅蜜得阿  
耨多羅三藐三菩提未來現在諸佛  
弟子亦因是般若波羅蜜得須陀洹  
道乃至辟支佛道何以故般若波羅  
蜜中廣說三乘義以无相法故無生  
無滅法故无垢無淨法故無作无起  
不入不出不增不損不取不捨法故  
以俗法故非第一義何以故是般若  
波羅蜜非此非彼非高非下非等非  
不等非相非无相非世間非出世間  
非有漏非無漏非有為非无為非善  
非不善非過去非未來非現在何以  
故憍尸迦般若波羅蜜不取聲聞辟  
支佛法亦不捨凡人法釋提桓因白  
佛言世尊菩薩摩訶薩行般若波羅  
蜜知一切衆生心亦不得衆生乃至  
知者見者亦不得是菩薩不得色不  
得受想行識不得眼乃至至意不得色  
乃至法不得眼觸因緣生受乃至至意  
觸因緣生受不得四念處乃至十八  
不共法不得阿耨多羅三藐三菩提  
不得諸佛法不得佛何以故般若波



羅蜜不為得法故出何以故般若波  
羅蜜性無所有不可得所用法不可  
得處亦不可得佛告釋提桓因言如  
是如是憍尸迦如汝所說菩薩摩訶  
薩長夜行般若波羅蜜阿耨多羅三  
藐三菩提不可得何況菩薩及菩薩  
法今時釋提桓因白佛言世尊菩薩  
摩訶薩但行般若波羅蜜不行餘波  
羅蜜耶佛告釋提桓因言憍尸迦菩  
薩盡行六波羅蜜法以無所得故行  
檀那波羅蜜不得施者不得受者不  
得財物行尸羅波羅蜜不得戒不得  
持戒人不得破戒人乃至行般若波  
羅蜜不得智慧不得智慧人不得无  
智慧人憍尸迦菩薩摩訶薩行布施  
時般若波羅蜜為作明導能具足檀  
那波羅蜜菩薩摩訶薩行持戒時般  
若波羅蜜為作明導能具足尸羅波  
羅蜜菩薩摩訶薩行忍辱時般若波  
羅蜜為作明導能具足羼提波羅蜜  
菩薩摩訶薩行精進時般若波羅蜜  
為作明導能具足毗梨耶波羅蜜菩  
薩摩訶薩行禪那時般若波羅蜜為

作明導能具足禪那波羅蜜菩薩摩訶薩觀諸法時般若波羅蜜為作明導能具足般若波羅蜜一切法以无所得故所謂色乃至一切種智憍尸迦譬如閻浮提諸樹種種葉種種華種種果種種色其蔭无差別諸波羅蜜入般若波羅蜜中至薩婆若無差別亦如是以无所得故釋提桓因白佛言世尊般若波羅蜜大功德成就世尊般若波羅蜜一切功德成就世尊般若波羅蜜無量功德成就無邊功德成就无等功德成就世尊若有善男子善女人書般若波羅蜜經卷恭敬供養尊重讚歎華香乃至幡與他人其福何所為多佛告釋提桓因憍尸迦我還問汝隨汝意報我若有善男子善女人供養諸佛舍利恭敬尊重讚歎華香乃至幡蓋若復有人分舍利如芥子許與他人令供養恭敬尊重讚歎華香乃至幡蓋其福何所為多釋提桓因白佛言世尊如

我從佛聞法中義有善男子善女人  
自供養舍利乃至幡蓋若復有人分  
舍利如芥子許與他人令供養其福  
甚多世尊佛見是福利衆生故入金  
剛三昧中碎金剛身作末舍利何以  
故有人佛滅度後供養佛舍利乃至  
如芥子許其福報無邊乃至盡苦佛  
告釋提桓因言如是如是憍尸迦若  
善男子善女人書般若波羅蜜經卷  
供養恭敬香花乃至幡蓋若復有人  
書般若波羅蜜經卷與他人令學是  
善男子善女人其福甚多復次憍尸  
迦善男子善女人如般若波羅蜜中  
義為他人說開示分別令易解是善  
男子善女人勝於前善男子善女人  
功德所從聞般若波羅蜜當觀其人  
如佛示如高勝梵行人何以故當知  
般若波羅蜜即是佛般若波羅蜜不  
異佛佛不異般若波羅蜜過去未來  
現在諸佛皆從般若波羅蜜中學得  
阿耨多羅三藐三菩提及高勝梵行  
人高勝梵行人者所謂阿惟越致菩  
薩摩訶薩亦學是般若波羅蜜當得

阿耨多羅三藐三菩提聲聞人學是  
般若波羅蜜得阿羅漢道求辟支佛  
道人學是般若波羅蜜得辟支佛道  
菩薩學是般若波羅蜜得入菩薩位  
以是故憍尸迦善男子善女人欲供  
養現在佛恭敬尊重讚歎花香乃至  
幡蓋當供養般若波羅蜜我見是利  
益初得阿耨多羅三藐三菩提時作  
是念誰有可供養恭敬尊重讚歎依  
止住者憍尸迦我於一切世間中若  
天若魔若梵若沙門婆羅門中不見  
與我等者何況有勝者我又自思念  
我所得法自致作佛我供養是法恭  
敬尊重讚歎當依止住何等是法所  
謂般若波羅蜜憍尸迦我自供養是  
般若波羅蜜恭敬尊重讚歎已依止  
住何況善男子善女人欲得阿耨多  
羅三藐三菩提而不供養般若波羅  
蜜恭敬尊重讚歎花香瓔珞乃至幡  
蓋何以故般若波羅蜜中生諸菩薩  
摩訶薩諸菩薩摩訶薩中生諸佛以  
是故憍尸迦善男子善女人若求佛  
道若求辟支佛道若求聲聞道皆應

供養般若波羅蜜恭敬尊重讚歎花香乃至幡蓋

摩訶般若波羅蜜經法施品第三十八

第十  
善品

佛告釋提桓因言憍尸迦若有善男子善女人教一閻浮提人行十善道於汝意云何以是因緣故得福多不答言甚多世尊佛言不如是善男子善女人書持般若波羅蜜經卷與他人令讀誦說得福多何以故是般若波羅蜜中廣說諸无漏法善男子善女人從是中學已學今學當學入正法位中已入今入當入得須陀洹果已得今得當得乃至阿羅漢果求辟支佛道亦如是諸菩薩摩訶薩求阿耨多羅三藐三菩提入正法位中已入今入當入得阿耨多羅三藐三菩提已得今得當得憍尸迦何等是無漏法所謂四念處乃至八聖道分四聖諦內空乃至無法有法空佛十力乃至十八不共法善男子善女人學是法得阿耨多羅三藐三菩提已得今得當得憍尸迦若有善男子善女人教一人令得須陀洹果是人得福



德勝教一閻浮提人行十善道何以  
故憍尸迦教一閻浮提人行十善道  
不離地獄畜生餓鬼苦憍尸迦教一  
人令得須陀洹果離三惡道故乃至  
阿羅漢果辟支佛道亦是憍尸迦  
若善男子善女人教一閻浮提人令  
得須陀洹果斯陀含阿那含阿羅漢  
辟支佛道不如善男子善女人教一  
人令得阿耨多羅三藐三菩提得福  
多何以故憍尸迦以菩薩因緣故生  
須陀洹乃至阿羅漢辟支佛以菩薩  
因緣故生諸佛以是因緣故憍尸迦  
當知善男子善女人書般若波羅蜜  
經卷與他人令書持讀誦說得福多  
何以故是般若波羅蜜中廣說諸善  
法是善法中學便出生剎利大姓婆  
羅門大姓居士大家四天王天乃至  
非有想非無想天便有四念處乃至  
一切種智便有須陀洹乃至阿羅漢  
辟支佛便有諸佛憍尸迦置一閻浮  
提人若有善男子善女人教四天下  
國土中衆生令行十善道於汝意云  
何是人以是因緣故得福多不荅言



甚多世尊佛言不如善男子善女人  
書般若波羅蜜經卷與他人令書持  
讀誦說得福多餘如上說憍尸迦置  
四天下國土中衆生若教小千國土  
中衆生令行十善道亦如是憍尸迦  
置小千國土中衆生若教二千中國  
土中衆生令行十善道若有善男子  
善女人書般若波羅蜜經卷與他人  
令書持讀誦說是人得福多餘如上  
說憍尸迦置二千中國土中衆生若  
教三千大千國土中所有衆生令行  
十善道復有人書般若波羅蜜經卷  
與他人令書持讀誦說是人福德多  
憍尸迦置三千大千國土中衆生若  
教如恒河沙等國土中所有衆生令  
行十善道若復有人書般若波羅蜜  
經卷與他人令書持讀誦說其福多  
餘如上說復次憍尸迦有人教一閻  
浮提衆生令立四禪四无量心四無  
色定五神通於汝意云何是善男子  
善女人福德多不釋提桓因言甚多  
世尊佛言不如是善男子善女人書  
般若波羅蜜經卷與他人令書持讀

誦說得福多何以故是般若波羅蜜  
中廣說諸善法餘如上說憍尸迦置  
閻浮提中衆生復置四天下國土中  
衆生小千國土中衆生三千中國土  
中衆生三千大千國土中衆生憍尸  
迦若有人教十方如恒河沙等國土  
中衆生令立四禪四無量心四無色  
定五神通於汝意云何是人福德多  
不答言甚多世尊佛言不如是善男  
子善女人書般若波羅蜜經卷與他  
人令書持讀誦說得福多何以故是  
般若波羅蜜中廣說諸善法餘如上  
說復次憍尸迦若有善男子善女人  
受是般若波羅蜜持讀誦說正憶念  
是人福德勝教閻浮提人行十善道  
立四禪四無量心四無色定五神通  
正憶念者受持親近般若波羅蜜乃  
至正憶念不以二法不以不二法受  
持親近禪那波羅蜜毗梨耶波羅蜜  
羼提波羅蜜尸羅波羅蜜檀那波羅  
蜜乃至正憶念不以二法不以不二  
法為阿耨多羅三藐三菩提正憶念  
內空乃至一切種智不以二法不以

不二法復次憍尸迦若有善男子善  
女人為他人種種因緣演說般若波  
羅蜜義開示分別令易解憍尸迦何  
等是般若波羅蜜義憍尸迦般若波  
羅蜜義者不應以二相觀不應以不  
二相觀非有相非无相不入不出不  
增不損不垢不淨不生不滅不取不  
捨不住非不住非實非虛非合非散  
非著非不著非因非不因非法非不  
法非如非不如非實際非不實際憍  
尸迦若善男子善女人能以是般若  
波羅蜜義為他人種種因緣演說開  
示分別令易解是善男子善女人所  
得福德甚多勝自受持般若波羅蜜  
親近讀誦說正憶念復次憍尸迦善  
男子善女人自受持般若波羅蜜親  
近讀誦說正憶念亦為他人種種因  
緣演說般若波羅蜜義開示分別令  
易解是善男子善女人所得功德甚  
多釋提桓因白佛言世尊善男子善  
女人應如是演說般若波羅蜜義開  
示分別令易解佛語釋提桓因言如  
是憍尸迦是善男子善女人應如是

演說般若波羅蜜義開示分別令易  
解憍尸迦善男子善女人如是演說  
般若波羅蜜義開示分別令易解得  
无量無邊阿僧祇福德若有善男子  
善女人供養十方無量阿僧祇諸佛  
盡其壽命隨其所須恭敬尊重讚歎  
花香乃至幡蓋供養若復有善男子  
善女人種種因緣為他人廣說般若  
波羅蜜義開示分別令易解是善男  
子善女人功德甚多何以故諸過去  
未來現在佛皆於是般若波羅蜜中  
學得阿耨多羅三藐三菩提已得今  
得當得復次憍尸迦若善男子善女  
人於无量無邊阿僧祇劫行檀那波  
羅蜜不如是善男子善女人以般若  
波羅蜜為他人演說其義開示分別  
令易解其福甚多以無所得故云何  
名有所得憍尸迦若菩薩摩訶薩用  
有所得故布施布施時作是念我與  
彼受所施者物是名得檀那不得波  
羅蜜我持戒此是戒是名得戒不得  
波羅蜜我忍辱為是人忍辱是名得  
忍辱不得波羅蜜我精進為是事勤

精進是名得精進不得波羅蜜我修  
禪那所修是禪那是名得禪那不得  
波羅蜜我修慧所修是慧是名得慧  
不得波羅蜜憍尸迦是善男子善女  
人如是行者不得具足檀那波羅蜜  
尸羅波羅蜜羼提波羅蜜毗梨耶波  
羅蜜禪那波羅蜜般若波羅蜜釋提  
桓因白佛言世尊菩薩摩訶薩云何  
修具足檀那波羅蜜尸羅波羅蜜羼  
提波羅蜜毗梨耶波羅蜜禪那波羅  
蜜般若波羅蜜佛告釋提桓因言菩  
薩摩訶薩布施時不得與者不得受  
者不得所施物是人得具足檀那波  
羅蜜乃至修般若波羅蜜時不得智  
不得所修智是人得具足般若波羅  
蜜憍尸迦是為菩薩摩訶薩具足檀  
那波羅蜜乃至般若波羅蜜善男子  
善女人如是行般若波羅蜜當為他  
人演說其義開示分別令易解禪那  
波羅蜜毗梨耶波羅蜜羼提波羅蜜  
尸羅波羅蜜檀那波羅蜜演說其義  
開示分別令易解何以故憍尸迦未  
來世當有善男子善女人欲說般若



波羅蜜而說相似般若波羅蜜有善男子善女人發阿耨多羅三藐三菩提心聞是相似般若波羅蜜失正道善男子善女人應為是人具足演說般若波羅蜜義開示分別令易解釋提桓因白佛言世尊何等是相似般若波羅蜜佛言有善男子善女人說有所得般若波羅蜜是為相似般若波羅蜜釋提桓因白佛言世尊云何善男子善女人說有所得般若波羅蜜是為相似般若波羅蜜佛言善男子善女人說有所得般若波羅蜜是為相似般若波羅蜜相似般若波羅蜜者說色无常作是言能如是行是行般若波羅蜜行者求色无常是為行相似般若波羅蜜說受想行識无常作是言能如是行是行般若波羅蜜行者求色无常是為行相似般若波羅蜜說眼无常乃至說意無常說色無常乃至說法無常說眼界无常色眼界識界无常乃至說意界法界意識界無常說地種无常乃至說識種無常說眼識界無常乃至



說意識界無常說眼觸无常乃至說  
意觸无常說眼觸因緣生受無常乃  
至說意觸因緣生受無常廣說如五  
陰說色苦乃至說意觸因緣生受苦  
說色无我乃至說意觸因緣生受無  
我皆如五陰說行者行檀那波羅蜜  
時為說色無常苦无我乃至意觸因  
緣生受說无常苦无我尸羅波羅蜜  
乃至般若波羅蜜亦如是行四禪四  
无量心四無色定為說無常苦无我  
行四念處為說无常苦无我乃至行  
薩婆若時為說無常苦无我作如是  
教能如是行者是為行般若波羅蜜  
憍尸迦是名相似般若波羅蜜復次  
憍尸迦若是善男子善女人當來世  
說相似般若波羅蜜作是言汝善男  
子善女人修行般若波羅蜜汝修行  
般若波羅蜜時當得初地乃至當得  
十地禪那波羅蜜乃至檀那波羅蜜  
亦如是行者以相似有所得以惣相  
修是般若波羅蜜憍尸迦是名相似  
般若波羅蜜復次憍尸迦善男子善  
女人欲說般若波羅蜜作是言汝善

男子善女人修行般若波羅蜜已當  
過聲聞辟支佛地是名相似般若波  
羅蜜復次憍尸迦善男子善女人為  
求佛道者如是說汝善男子善女人  
修行般若波羅蜜已入菩薩位得無  
生法忍得无生忍已便住菩薩神通  
從一佛國至一佛國供養諸佛恭敬  
尊重讚歎如是說者是名相似般若  
波羅蜜復次憍尸迦善男子善女人  
為求佛道者如是說汝善男子善女  
人學是般若波羅蜜受持讀誦說正  
憶念當得无量無邊阿僧祇功德如  
是說者是名相似般若波羅蜜復次  
善男子善女人為求佛道者如是說  
如過去未來現在諸佛功德善本從  
初發心至成得佛都合集迴向阿耨多  
羅三藐三菩提如是說者是名相似  
般若波羅蜜釋提桓因白佛言世尊  
云何善男子善女人為求佛道者不  
說相似般若波羅蜜佛言若善男子  
善女人為求佛道者說般若波羅蜜  
善男子汝修行般若波羅蜜莫觀色  
无常何以故色色性空是色性非法

若非法即名為般若波羅蜜般若波羅蜜中色非常非無常何以故是中色尚不可得何況常无常憍尸迦善男子善女人如是說者是名不說相似般若波羅蜜受想行識亦如是復次憍尸迦善男子善女人為求佛道者說汝善男子修行般若波羅蜜於諸法莫有所過莫有所住何以故般若波羅蜜中无有法可過可住所以者何一切法自性空自性空是非法若非非法即是般若波羅蜜般若波羅蜜中无有法可入可出可生可滅憍尸迦是善男子善女人如是說是名不說相似般若波羅蜜廣說如上與相似相連是名不說相似般若波羅蜜如是憍尸迦善男子善女人應如是演說般若波羅蜜義若如是說般若波羅蜜義所得功德勝於前者復次憍尸迦閻浮提中所有衆生皆教令得須陀洹於汝意云何是人得福多不荅言甚多世尊佛言不如是善男子善女人以般若波羅蜜為他人種種因緣演說其義開示分別令易

解如是言善男子善女人汝來受是  
般若波羅蜜勤誦讀說正憶念如般  
若波羅蜜中所說行何以故是般若  
波羅蜜中出生諸須陀洹橋尸迦置  
閻浮提中衆生復置四天下衆生小  
千國土二千中國土三千大千國土  
衆生若有人教十方如恒河沙國土  
中衆生盡教令得須陀洹於汝意云  
何是人得福多不答言甚多世尊佛  
言不如是善男子善女人以般若波  
羅蜜為他人種種因緣演說其義開  
示分別令易解如是言善男子汝來  
受是般若波羅蜜勤誦讀說正憶念  
如般若波羅蜜中所說行何以故般  
若波羅蜜中出生諸須陀洹復次橋  
尸迦若有善男子善女人教閻浮提  
中人令得斯陀含阿那含阿羅漢於  
汝意云何是人得福多不答言甚多  
世尊佛言不如是善男子善女人以般  
若波羅蜜為他人種種因緣演說其  
義開示分別令易解如是言善男子  
汝來受是般若波羅蜜勤誦讀說正  
憶念如般若波羅蜜中所說行何以

故般若波羅蜜中出生諸斯陀舍阿  
那舍阿羅漢故乃至十方如恒河沙  
等國土中衆生亦如是復次憍尸迦  
若善男子善女人教一間浮提中衆  
生令得辟支佛道於汝意云何是人  
得福多不答言甚多世尊佛言不如  
是善男子善女人以般若波羅蜜為他  
人種種因緣演說其義開示分別令  
易解如是言善男子汝來受是般若  
波羅蜜勤讀誦解說正憶念如般若  
波羅蜜中所說行何以故般若波羅  
蜜中出生諸辟支佛道故四天下乃  
至十方如恒河沙等國土中衆生亦  
如是復次憍尸迦善男子善女人教  
一間浮提中衆生令發阿耨多羅三  
藐三菩提心於汝意云何是人得福  
多不答言甚多世尊佛言不如是善  
男子善女人以般若波羅蜜為他人  
種種因緣演說其義開示分別令易  
解亦如是言汝當隨般若波羅蜜中  
學當得一切智法汝若得一切智法  
汝便得修行般若波羅蜜增益具足  
若得修行般若波羅蜜增益具足汝



當得阿耨多羅三藐三菩提何以故  
憍尸迦般若波羅蜜中生諸初發意  
菩薩摩訶薩故乃至十方如恒河沙  
等國土亦如是復次憍尸迦善男子  
善女人教一閭浮提中衆生令住阿  
惟越致地於汝意云何是人福德多  
不答言甚多世尊佛言不如是善男  
子善女人以般若波羅蜜為他人種  
種因緣演說其義開示分別令易解  
亦如是言汝來善男子受是般若波  
羅蜜乃至如般若波羅蜜中所說行  
汝便得一切智法得一切智法已乃  
至便得阿耨多羅三藐三菩提何以  
故般若波羅蜜中生諸菩薩摩訶薩  
阿惟越致地故乃至十方如恒河沙  
等國土亦如是復次憍尸迦一閭浮  
提中衆生發意求阿耨多羅三藐三  
菩提若有善男子善女人為是人廣  
說般若波羅蜜及其義解開示分別  
如是言汝來善男子受是般若波羅  
蜜乃至如般若波羅蜜中所說行學  
已汝當得阿耨多羅三藐三菩提復  
有人為一阿惟越致菩薩演說般若



波羅蜜及其義解開示分別汝來受  
是般若波羅蜜乃至如般若波羅蜜  
中所說行學已汝當得阿耨多羅三  
藐三菩提是善男子所得功德甚多  
乃至十方如恒河沙等國土中亦如  
是復次憍尸迦若有一閭浮提中衆  
生皆得阿惟越致阿耨多羅三藐三  
菩提復有善男子善女人以般若波  
羅蜜為是人演說其義於是中有一  
菩薩疾欲得阿耨多羅三藐三菩提  
若有善男子善女人為此菩薩說般  
若波羅蜜及其義解是人功德最多  
乃至十方如恒河沙等國土亦如是  
釋提桓因白佛言世尊如菩薩摩訶  
薩轉轉近阿耨多羅三藐三菩提者  
如是應轉轉教行檀那波羅蜜尸羅  
波羅蜜羼提波羅蜜毗梨耶波羅蜜  
禪那波羅蜜般若波羅蜜應教內空  
乃至无法有法空四念處乃至八聖  
道分佛十力四無所畏四无尋智十  
八不共法亦應供養衣服卧具飲食  
湯藥隨其所須是善男子善女人法  
施財施供養是菩薩所得功德勝於

前者何以故世尊是菩薩摩訶薩疾  
得阿耨多羅三藐三菩提故今時慧  
命須菩提語釋提桓因言善哉善哉  
憍尸迦汝為聖弟子安慰諸菩薩摩  
訶薩為阿耨多羅三藐三菩提者以  
法施財施利益法應尔何以故菩薩  
中生諸佛聖衆若菩薩不發阿耨多  
羅三藐三菩提心者是菩薩不能學  
六波羅蜜乃至十八不共法若不學  
六波羅蜜乃至十八不共法不能得  
阿耨多羅三藐三菩提若不能得阿  
耨多羅三藐三菩提者則無聲聞辟  
支佛以是故憍尸迦諸菩薩摩訶薩  
學六波羅蜜乃至十八不共法學六  
波羅蜜乃至十八不共法時得阿耨  
多羅三藐三菩提得阿耨多羅三藐  
三菩提故斷地獄畜生餓鬼道世間  
便有利利大姓婆羅門大姓居士大  
家四天王天乃至非有想非无想天  
乃至檀那波羅蜜尸羅波羅蜜羼提  
波羅蜜毗梨耶波羅蜜禪那波羅蜜  
般若波羅蜜內空乃至無法有法空  
四念處乃至十八不共法出現於世

聲聞乘辟支佛乘佛乘皆現於世  
摩訶般若波羅蜜經卷第十

戊戌歲高麗國大藏都監奉  
勅彫造

摩訶般若波羅蜜經卷第十一

壹

後秦龜茲國三藏鳩摩羅什譯

隨喜品第三十九

丹隨喜  
迴向品

尔時弥勒菩薩摩訶薩語慧命須菩  
提有菩薩摩訶薩隨喜福德與一切  
衆生共之迴向阿耨多羅三藐三菩  
提以無所得故若聲聞辟支佛福德  
若一切衆生福德若布施若持戒若  
修定若隨喜是菩薩摩訶薩隨喜福  
德與一切衆生共之迴向阿耨多羅  
三藐三菩提其福德最上第一最妙  
無上无與等何以故聲聞辟支佛及  
一切衆生布施持戒修定隨喜為自  
調為自淨為自度故起所謂四念處  
乃至八聖道分空无相無作菩薩隨  
喜福德迴向阿耨多羅三藐三菩提  
持是功德為調一切衆生為淨一切  
衆生為度一切衆生故起尔時慧命  
須菩提白弥勒菩薩言諸菩薩摩訶  
薩念十方無量无邊阿僧祇國土中  
无量無邊阿僧祇諸滅度佛從初發  
心至得阿耨多羅三藐三菩提入无

餘涅槃乃至法盡於其中間諸善根  
應六波羅蜜及諸聲聞人善根若布  
施福德持戒修定福德及諸學人無  
漏善根无學人無漏善根諸佛戒衆  
定衆慧衆解脫衆解脫知見衆一切  
智大慈大悲及餘無量阿僧祇諸佛  
法及諸佛所說法是法中學得須陀  
洹果乃至得阿羅漢果辟支佛道入  
菩薩摩訶薩位及餘衆生種諸善根  
是諸善根一切和合隨喜福德迴向  
阿耨多羅三藐三菩提最上第一最  
妙无上無與等如是隨喜已持是隨  
喜福德迴向阿耨多羅三藐三菩提  
若有善男子行菩薩乘者作是念我  
是心迴向阿耨多羅三藐三菩提是  
生心緣事若善男子取相迴向阿耨  
多羅三藐三菩提如所念可得不可  
勒苦薩語須菩提是善男子行菩薩  
乘迴向阿耨多羅三藐三菩提心是  
緣事若善男子取相不得如所念須  
菩提語弥勒菩薩若諸緣諸事无所  
有是善男子行菩薩乘者取相於十  
方諸佛諸善根從初發心乃至法盡

及聲聞諸善根學無學善根一切和合隨喜功德迴向阿耨多羅三藐三菩提以无相故是菩薩將無顛倒无常謂常想顛倒心顛倒見顛倒不淨謂淨苦謂為樂無我謂我想顛倒心顛倒見顛倒若如緣如事為阿耨多羅三藐三菩提亦如是迴向心亦如是檀那波羅蜜尸羅羼提毗梨耶禪那般若波羅蜜乃至十八不共法亦如是若尔者何等是緣何等是事何等是阿耨多羅三藐三菩提何等是善根何等是隨喜心迴向阿耨多羅三藐三菩提弥勒菩薩語須菩提若諸菩薩摩訶薩久行六波羅蜜多供養諸佛種善根與善知識相隨善學自相空法是諸菩薩是緣是事諸佛諸善根隨喜福德不取相迴向阿耨多羅三藐三菩提以不二法非不二法非相非不相非可得法非不可得法非淨非垢不生不滅法是名迴向阿耨多羅三藐三菩提若諸菩薩不久行六波羅蜜不多供養諸佛不種善根不與善知識相隨不善學自



相空法是諸菩薩是諸緣是諸事諸  
佛諸善根隨喜福德諸心取相迴向  
阿耨多羅三藐三菩提是不名迴向  
須菩提如是般若波羅蜜義乃至一  
切種智義所謂內空乃至無法有法  
空不應為新學菩薩說何以故是菩  
薩所有少許信樂恭敬清淨心皆忘  
失當在阿惟越致菩薩摩訶薩前說  
若有為善知識所護若久供養諸佛  
種諸善根應為是人說如是般若波  
羅蜜義乃至一切種智義所謂內空  
乃至無法有法空是人聞是法不沒  
不驚不畏不怖須菩提菩薩摩訶薩  
隨喜福德應如是迴向阿耨多羅三  
藐三菩提所謂菩薩用心隨喜福德  
迴向阿耨多羅三藐三菩提是心盡  
滅變離是緣是事是諸善根亦盡滅  
變離是中何等是隨喜心何等是諸  
緣何等是諸事何等是諸善根隨喜  
迴向阿耨多羅三藐三菩提二心不  
俱是心性亦不可得迴向菩薩云何  
隨喜心迴向阿耨多羅三藐三菩提  
若菩薩摩訶薩行般若波羅蜜時

如是知是般若波羅蜜无有法乃至檀那波羅蜜亦無有法色無有法受想行識乃至阿耨多羅三藐三菩提無有法菩薩摩訶薩應如是隨喜功德迴向阿耨多羅三藐三菩提若能如是迴向是名隨喜功德迴向阿耨多羅三藐三菩提今時釋提桓因語須菩提新發意菩薩聞是事將無驚懼怖畏須菩提云何新發意菩薩作諸善根迴向阿耨多羅三藐三菩提復云何隨喜福德迴向阿耨多羅三藐三菩提須菩提語釋提桓因若新發意菩薩行般若波羅蜜不受是般若波羅蜜以无所得故無相故乃至檀那波羅蜜亦如是多信解內空乃至多信解無法有法空多信解四念處乃至十八不共法常與善知識相隨是善知識為說六波羅蜜義開示分別如是教授令常不離般若波羅蜜乃至得入菩薩法位終不離般若波羅蜜乃至不離檀那波羅蜜不離四念處乃至十八不共法亦教語魔事間種種魔事已不增不减何以故

是菩薩摩訶薩不受一切法故是菩薩亦常不離諸佛乃至得菩薩位於中種善根以是善根故生菩薩家至得阿耨多羅三藐三菩提終不離是善根復次新發意菩薩摩訶薩於過去十方無量無邊阿僧祇國中諸佛斷生死道斷諸戲論道盡棄重擔滅聚落剎斷諸有結正智解脫及弟子所作功德於是中若刹利大姓婆羅門大姓居士大家四天王天乃至淨居天所種善根是一切和合稱量以隨喜心取上第一取妙无上無與等應隨喜隨喜已迴向阿耨多羅三藐三菩提今時弥勒菩薩語須菩提若新發意菩薩摩訶薩念諸佛及弟子諸善根隨喜功德取上第一取妙无上無與等隨喜已應迴向阿耨多羅三藐三藐三菩提云何菩薩不墮想顛倒心顛倒見顛倒須菩提言若菩薩摩訶薩念諸佛及僧於是中不生佛想不生僧想无善根想用是心迴向阿耨多羅三藐三菩提是心中亦不生心想菩薩如是迴向想不顛倒

心不顛倒見不顛倒若菩薩摩訶薩  
念諸佛及僧善根取相取相已迴向  
阿耨多羅三藐三菩提菩薩如是名  
為想顛倒心顛倒見顛倒若菩薩摩  
訶薩用是心念諸佛及僧諸善根是  
心念時即知盡滅若盡滅是法不可  
得迴向所用迴向心亦是盡滅相所  
迴向處及法亦如是相若如是相迴  
向是名正迴向非邪迴向菩薩摩訶  
薩應如是迴向阿耨多羅三藐三菩  
提復次若菩薩摩訶薩過去諸佛善  
根及弟子善根是中凡夫人聞法種  
善根若諸天龍夜叉乾闥婆阿修羅  
迦樓羅緊那羅摩睺羅伽聞法種善根  
若刹利大姓婆羅門大姓居士大家四  
天王天乃至阿迦尼吒天聞法種善根  
發阿耨多羅三藐三菩提心是一切  
福德和合稱量隨喜功德最上第一  
最妙无上無與等迴向阿耨多羅三  
藐三菩提是時菩薩若如是知是諸  
法盡滅所迴向處及法亦自性空能  
如是迴向是名真迴向阿耨多羅三  
藐三菩提復次若菩薩如是知元有

法能迴向法何以故一切法自性空  
故若如是迴向是名正迴向阿耨多  
羅三藐三菩提如是菩薩摩訶薩行  
般若波羅蜜乃至檀那波羅蜜不墮  
想顛倒心顛倒見顛倒何以故菩薩  
不著是迴向亦不見以諸善根迴向  
菩提心處是名菩薩摩訶薩無上迴  
向復次若菩薩摩訶薩知所作福德  
離五陰十二入十八界亦知般若波  
羅蜜是離相乃至檀那波羅蜜是離  
相內空乃至无法有法空是離相四  
念處乃至十八不共法是離相如是  
菩薩摩訶薩隨喜心起福德名迴向  
阿耨多羅三藐三菩提復次若菩薩  
摩訶薩隨喜福德知隨喜福德自性  
離亦知諸佛離佛性諸善根亦離善  
根性菩提心菩提心性亦離迴向迴  
向性亦離菩薩菩薩性亦離般若波  
羅蜜般若波羅蜜性亦離禪那波羅  
蜜毗梨耶波羅蜜羣提波羅蜜尸羅  
波羅蜜檀那波羅蜜檀那波羅蜜性  
亦離乃至十八不共法十八不共法  
性亦離菩薩摩訶薩應如是行離相

般若波羅蜜是名菩薩摩訶薩般若  
波羅蜜中生隨喜福德復次菩薩摩  
訶薩諸過去滅度佛諸善根若欲迴  
向應如是迴向作是念如諸佛滅度  
相諸善根相亦如是滅度法相亦如  
是我用心迴向是心相亦如是若能  
如是迴向當知是迴向阿耨多羅三  
藐三菩提如是迴向不墮想顛倒心  
顛倒見顛倒若菩薩摩訶薩行般若  
波羅蜜時取諸佛善根相迴向阿耨  
多羅三藐三菩提是不名為迴向何  
以故諸過去佛及善根非相緣非无  
相緣若菩薩摩訶薩作如是取相是  
不名善根迴向阿耨多羅三藐三菩  
提如是菩薩摩訶薩墮想顛倒心顛  
倒見顛倒若菩薩摩訶薩諸佛及諸  
善根及諸心不取相是名以諸善根迴  
向阿耨多羅三藐三菩提如是菩薩  
摩訶薩不墮想顛倒心顛倒見顛倒  
亦時弥勒菩薩問須菩提云何菩薩  
摩訶薩於諸善根不取相能迴向阿  
耨多羅三藐三菩提須菩提言以是  
事故當知菩薩摩訶薩所學般若波



羅蜜中應有般若波羅蜜方便力若是福德離般若波羅蜜不得迴向阿耨多羅三藐三菩提何以故般若波羅蜜中諸佛不可得諸善根不可得迴向阿耨多羅三藐三菩提心亦不可得於是中菩薩摩訶薩行般若波羅蜜時應如是思惟過去諸佛及弟子身皆滅諸善根亦滅我今取相分別諸佛諸善根及諸心以是取相迴向阿耨多羅三藐三菩提諸佛所不許何以故取相有所得故所謂於過去諸佛取相分別是故菩薩摩訶薩欲以諸善根迴向阿耨多羅三藐三菩提不應有得不應取相如是迴向若有得取相迴向諸佛不說有大利益何以故是迴向雜毒故譬如美食雜毒雖有好色好香為人所貪而其中雜毒愚癡之人食之歡喜貪其好色香美可口飯欲消時受若死若死等苦若善男子善女人不諦受不諦取相不諦誦讀不解中義如是教他言汝善男子過去未來現在十方諸佛從初發意已來至得阿耨多羅三

三藐三菩提入无餘涅槃乃至法盡於其中間行般若波羅蜜時作諸善根行禪那波羅蜜毗梨耶波羅蜜羼提波羅蜜尸羅波羅蜜檀那波羅蜜時作諸善根修四禪四无量心四無色定四念處乃至八聖道分佛十力乃至修十八不共法時作諸善根淨佛國土成就衆生作諸善根及諸佛戒衆定衆慧衆解脫衆解脫知見衆一切種智無錯謬法常捨行及諸弟子是中種種善根及諸佛所記當作辟支佛是中諸天龍阿修羅迦樓羅緊陀羅摩睺羅伽等所種善根是諸福德稱量和合隨喜迴向阿耨多羅三藐三菩提是迴向以取相得法故如是雜毒食得法者終無正迴向何以故是得法雜毒有相有動有戲論若如是迴向則為謗佛不隨佛教不隨法說是善男子善女人求佛道應如是學過去未來現在諸佛從初發意乃至法盡及弟子行般若波羅蜜時作善根乃至修一切種智餘如上說云何諸善根迴向阿耨多羅三藐三菩

提正迴向有求佛道善男子善女人  
行般若波羅蜜不欲謗諸佛者諸福  
德應如是迴向如諸佛所知以无上  
智慧是諸善根相是諸善根性我亦  
如是隨喜如諸佛所知我亦是迴  
向阿耨多羅三藐三菩提求菩薩道  
善男子善女人應如是迴向阿耨多  
羅三藐三菩提若如是迴向則為不  
謗佛如佛所教如佛法說是菩薩摩  
訶薩迴向則无雜毒復次求佛道善  
男子善女人行般若波羅蜜時諸善  
相應如是迴向如色不繫欲界不繫  
色界不繫無色界不繫法者不名過  
去不名未來不名現在如受想行識  
不繫欲界不繫色界不繫無色界不  
繫法者不名過去未來現在十二入  
十八界亦如是如般若波羅蜜不繫  
欲界不繫色界不繫無色界不繫法  
者不名過去未來現在禪那波羅蜜  
乃至檀那波羅蜜亦如是內空乃至  
無法有法空亦如是如四念處不繫  
欲界不繫色界不繫無色界不繫法  
者不名過去未來現在乃至八聖道

分亦如是佛十力乃至十八不共法亦如是如法性法相法住法位實際不可思議性戒定慧解脫解脫知見衆一切種智无錯謬法常捨行不繫欲界不繫色界不繫無色界不繫法者不名過去未來現在是迴向所迴向處行者不繫皆亦是是諸佛亦不繫諸善根亦不繫是諸聲聞辟支佛善根亦不繫不繫法者不名過去未來現在若菩薩摩訶薩行般若波羅蜜時如是知色不繫三界不繫法者不名過去未來現在若法過去未來現在者不可以取相有所得法迴向阿耨多羅三藐三菩提何以故是色无生若法無生則无法無法中不可迴向受想行識亦如是檀那波羅蜜乃至般若波羅蜜四念處乃至無錯謬法常捨行不繫三界不繫法者亦非過去未來現在若非過去未來現在法者不可以取相有所得法迴向阿耨多羅三藐三菩提何以故是法無生若无生則无法无法中不可迴向菩薩摩訶薩如是迴向則无

雜毒若求佛道善男子善女人以取  
相得法以諸善根迴向阿耨多羅三  
藐三菩提是名邪迴向若邪迴向諸  
佛所不稱譽用是邪迴向不能具足  
檀那波羅蜜乃至般若波羅蜜不能  
具足四念處乃至八聖道分內空乃  
至无法有法空佛十力乃至無錯謬  
法常捨行不能具足淨佛國土成就  
衆生若不能淨佛國土成就衆生則  
不能得阿耨多羅三藐三菩提何以  
故是迴向雜毒故復次菩薩摩訶薩  
行般若波羅蜜時應作是念如諸佛  
所知諸善根迴向是真迴向我亦應  
以是法相迴向是名正迴向今時佛  
讚頌菩提善哉善哉如汝所為為作  
佛事為諸菩薩摩訶薩說所應迴向  
法以无相無得无出無垢无淨無法  
性自相空常自性空如法性如實際  
故須菩提若三千大千國土中衆生  
皆行十善道四禪四无量心四無色  
定五神通於須菩提意云何是衆生  
得福多不甚多世尊佛言不如是善  
男子善女人於諸善根心不著迴向



阿耨多羅三藐三菩提須菩提是善男子善女人福德第一第一妙无上無與等復次須菩提若三千大千國土中衆生皆得須陀洹乃至阿羅漢辟支佛若有善男子善女人盡形壽供養恭敬尊重讚歎衣服飲食卧具醫藥供給所須於須菩提意云何是善男子善女人是因緣故得福德多不甚多世尊佛言不如是善男子善女人於諸善根心不著迴向阿耨多羅三藐三菩提第一第一妙无上無與等復次須菩提若三千大千國土中衆生皆發阿耨多羅三藐三菩提心十方如恒河沙等國土中一衆生如恒河沙等却恭敬尊重讚歎供養是菩薩衣服飲食卧具醫藥供給所須於須菩提意云何是善男子善女人是因緣故得福多不甚多世尊无量無邊阿僧祇不可以譬喻為比世尊者若是有福德有形者十方如恒河沙等國土所不受佛告須菩提善哉善哉如汝所言雖尔不如善男子善女人於諸善根心不著迴向阿



釋多羅三藐三菩提寂上第一寂妙  
无上無與等是无著迴向功德比前  
功德百倍千倍百万億倍乃至算  
數譬喻所不能及何以故是善男子  
善女人取相得法行十善道四禪四  
無量心四无色定五神通取相得法  
供養須陀洹恭敬尊重讚歎衣服飲  
食卧具醫藥供給所須乃至取相供  
養菩薩故尔時四天王天與二万諸  
天合掌礼佛作是言世尊菩薩摩訶  
薩寂大迴向以方便力故以无所得  
故以无相法故以無覺法故諸善根  
迴向阿耨多羅三藐三菩提如是迴  
向不墮二法尔時釋提桓因亦與无  
數百千億三十三天及餘諸天子持  
天華瓔珞搗香澤香天衣幡蓋鼓天  
伎樂以供養佛如是言世尊菩薩摩  
訶薩寂大迴向以方便力故以无所  
得故以無相法故以無覺法故諸善  
根迴向阿耨多羅三藐三菩提如是  
迴向不墮二法須夜摩天王與千天  
子刪毖率陀化樂他化自在諸天王  
各與千天子俱供養佛已作如是言

世尊菩薩摩訶薩取大迴向以方便力故以无所得故以無相法故以无覺法故諸善根迴向阿耨多羅三藐三菩提如是迴向不墮二法尔時諸梵天與無數百千億那由他諸天俱詣佛所頭面礼佛足發大音聲如是言未曾有也世尊菩薩摩訶薩為般若波羅蜜所護以方便力故勝前善男子善女人取相有所得者光音天乃至阿迦尼吒天與無數百千億那由他諸天俱詣佛所頭面礼足發大音聲如是言未曾有也世尊菩薩摩訶薩為般若波羅蜜所護以方便力故勝前善男子善女人取相有所得者尔時佛告四天王天乃至阿迦尼吒諸天子若三千大千世界中所有衆生皆發阿耨多羅三藐三菩提心是一切菩薩念過去未來現在諸佛及聲聞辟支佛諸善根從初發意乃至法住於其中間所有善根并餘一切衆生所有善根所謂布施持戒忍辱精進一心智慧檀那波羅蜜乃至般若波羅蜜戒衆定衆慧衆解脫衆

解脫知見衆如是等諸餘无量佛法  
一切和合隨喜隨喜已迴向阿耨多  
羅三藐三菩提以取相有所得故復  
有善男子善女人發阿耨多羅三藐  
三菩提心念過去未來現在諸佛及  
聲聞辟支佛從初發意乃至法住於  
其中間所有善根并餘一切衆生所  
有善根所謂布施持戒忍辱精進一  
心智慧檀那波羅蜜乃至無量諸佛  
法一切和合稱量以无所得故無二  
法故无有相法故不著法故无覺法  
故是寔上隨喜第一寔妙無上无與  
等隨喜隨喜已迴向阿耨多羅三藐  
三菩提是善男子善女人功德勝前  
善男子善女人功德百倍千倍百千  
万億倍乃至等數譬喻所不能及尔  
時須菩提白佛言世尊世尊說善男  
子善女人和合諸善根稱量隨喜迴  
向寔上第一寔妙无上無與等世尊  
云何名隨喜寔上乃至无與等佛言  
若善男子善女人於過去未來現在  
諸法不取不捨不念非不念不得非  
不得是諸法中亦無有法生者滅者

若垢若淨諸法不增不減不來不去  
不合不散不入不出如過去未來現  
在諸法相如如相法性法住法位我  
亦如是隨喜隨喜已迴向阿耨多羅  
三藐三菩提如是迴向寂上第一寂  
妙无上無與等須菩提是隨喜法比  
餘隨喜百倍千倍百千万億倍乃至  
竿數譬喻所不能及復次須菩提求  
佛道善男子善女人於過去未來現  
在諸佛及聲聞辟支佛從初發心乃  
至法住於其中間所有善根若布施  
乃至智慧檀那波羅蜜乃至无量諸  
佛法及餘一切衆生所有善根若欲  
隨喜者應如是隨喜作是念布施與  
解脫等戒忍精進禪智與解脫等色  
與解脫等受想行識亦與解脫等內  
空與解脫等乃至無法有法空亦與  
解脫等四念處與解脫等乃至八聖  
道分亦與解脫等佛十力與解脫等  
乃至一切種智亦與解脫等戒衆定  
衆慧衆解脫衆解脫知見衆亦與  
解脫等隨喜與解脫等過去未來現  
在諸法與解脫等十方諸佛與解脫

等諸佛迴向與解脫等諸佛與解脫  
等諸佛滅度與解脫等諸佛弟子聲  
聞辟支佛與解脫等諸佛弟子滅度  
與解脫等諸佛法相與解脫等諸聲  
聞辟支佛法相與解脫等一切諸法  
相亦與解脫等我以是諸善根相隨  
喜功德迴向阿耨多羅三藐三菩提  
亦與解脫等不生不滅故須菩提是  
名諸善菩薩摩訶薩隨喜功德軍上第  
一軍妙无上無與等須菩提菩薩成  
就是隨喜功德當疾得阿耨多羅三  
藐三菩提復次須菩提十方如恒河  
沙等現在諸佛及諸弟子現在若有  
求佛道善男子善女人盡形壽供養  
是諸佛及弟子一切所須供養恭敬  
尊重讚歎衣服飲食卧具醫藥是諸  
佛滅度後晝夜勤修供養恭敬尊重  
讚歎華香乃至幡蓋伎樂以取相有  
所得故持戒忍辱精進禪定修智慧  
以取相有所得故復有善男子善女  
人發意求阿耨多羅三藐三菩提行  
檀那波羅蜜尸羅波羅蜜羼提波羅  
蜜毗梨耶波羅蜜禪那波羅蜜般若



波羅蜜以不取相无所得法方便力  
諸善根迴向阿耨多羅三藐三菩提  
是福德最上第一最妙無上无與等  
勝前福德百倍千倍百千万倍乃至  
等數譬喻所不能及如是須菩提菩  
薩摩訶薩行檀那波羅蜜時尸羅波  
羅蜜羼提波羅蜜毗梨耶波羅蜜禪  
那波羅蜜般若波羅蜜時以方便力  
故諸善根應迴向阿耨多羅三藐三  
菩提以不取相无所得法故

摩訶般若波羅蜜經照明品第四十

大本名大度品

尔時慧命舍利弗白佛言世尊是般  
若波羅蜜佛言是般若波羅蜜世尊  
般若波羅蜜能照一切法畢竟淨故  
世尊應礼般若波羅蜜世尊般若波  
羅蜜不着三界世尊般若波羅蜜除  
諸闇冥一切煩惱諸見除故世尊般  
若波羅蜜一切助道法中最上世尊  
般若波羅蜜安隱能斷一切怖畏苦  
惱故世尊般若波羅蜜能與光明五  
眼莊嚴故世尊般若波羅蜜能示導  
墮邪道衆生離二邊故世尊般若波  
羅蜜是一切種智一切煩惱及習斷



故世尊般若波羅蜜是諸菩薩摩訶  
薩母能生諸佛法故世尊般若波羅  
蜜不生不滅自相空故世尊般若波  
羅蜜遠離生死非常非滅故世尊般  
若波羅蜜无救者作護施一切珍寶  
故世尊般若波羅蜜具足力無能破  
壞故世尊般若波羅蜜能轉三轉十  
二行法輪一切諸法不轉不還故世  
尊般若波羅蜜能示諸法性无法有  
法空故世尊應云何供養般若波羅  
蜜佛言當如供養世尊札般若波羅  
蜜當如礼世尊何以故世尊不異般  
若波羅蜜般若波羅蜜不異世尊世  
尊即是般若波羅蜜般若波羅蜜即  
是世尊是般若波羅蜜中出生諸佛  
菩薩辟支佛阿羅漢阿那含斯陀含  
須陀洹般若波羅蜜中生十善道四  
禪四无量心四無色定五神通內空  
乃至無法有法空四念處乃至八聖  
道分是般若波羅蜜中生佛十力十  
八不共法大慈大悲一切種智亦時  
釋提桓因心念何因緣故舍利弗問  
是事念已語舍利弗何因緣故問是

事舍利弗語釋提桓因言憍尸迦諸  
菩薩摩訶薩為般若波羅蜜守護以  
遍想拘舍羅力故於過去未來現在  
諸佛從初發心乃至法住於其中間  
所作善根一切和合隨喜迴向阿耨  
多羅三藐三菩提以是因緣故我問  
是事憍尸迦菩薩摩訶薩般若波羅  
蜜勝檀那波羅蜜尸羅羼提毗梨耶  
禪那波羅蜜譬如生盲人若百若干  
若百千而无前導不能趣道入城憍  
尸迦五波羅蜜亦如是離般若波羅  
蜜如盲无導不能趣道不能得一切  
智憍尸迦若五波羅蜜得般若波羅  
蜜將導是時五波羅蜜名為有眼般  
若波羅蜜將導得波羅蜜名字釋提  
桓因語舍利弗如所言般若波羅蜜  
將導五波羅蜜故得波羅蜜名字舍  
利弗若無檀那波羅蜜助五波羅蜜  
不得波羅蜜名字若無尸羅波羅蜜  
羼提波羅蜜毗梨耶波羅蜜禪那波  
羅蜜五波羅蜜不得波羅蜜名字若  
尔者何以故獨讚般若波羅蜜舍利  
弗言如是如是憍尸迦无檀那波羅

蜜五波羅蜜不得波羅蜜名字无尸  
羅波羅蜜羂提波羅蜜毗梨耶波羅  
蜜禪那波羅蜜五波羅蜜不得波羅  
蜜名字但菩薩摩訶薩住般若波羅  
蜜中能具足檀那波羅蜜尸羅波羅  
蜜羂提波羅蜜毗梨耶波羅蜜禪那  
波羅蜜以是故憍尸迦般若波羅蜜  
於五波羅蜜中取上第一取妙無上  
无與等舍利弗白佛言世尊云何應  
生般若波羅蜜佛告舍利弗色不生  
故般若波羅蜜生受想行識不生故  
般若波羅蜜生檀那波羅蜜不生故  
般若波羅蜜生乃至禪那波羅蜜不  
生故般若波羅蜜生内空乃至无法  
有法空四念處乃至八聖道分佛十  
力乃至一切智一切種智不生故般  
若波羅蜜生如是諸法不生故般若  
波羅蜜應生舍利弗言世尊云何色  
不生故般若波羅蜜生乃至一切諸  
法不生故般若波羅蜜應生佛言色  
不起不生不得不失故乃至一切諸  
法不起不生不得不失故般若波羅  
蜜生舍利弗白佛言如是生般若波

羅蜜與何等法合佛言无所與合以是故得名般若波羅蜜世尊不與何等法合佛言不與不善法合不與善法合不與世間法合不與出世間法合不與有漏法合不與无漏法合不與有罪法合不與無罪法合不與有為法合不與無為法合何以故般若波羅蜜不為得法故生以是故於諸法无所合今時釋提桓因白佛言世尊是般若波羅蜜亦不合薩婆若佛言如是憍尸迦般若波羅蜜亦不合薩婆若亦不得故釋提桓因言世尊如相不如起作法合釋提桓因言今云何合佛言若菩薩摩訶薩如不取不受不住不著不斷如是合亦无所合如是憍尸迦般若波羅蜜一切法合亦無所合今時釋提桓因白佛言未曾有也世尊是般若波羅蜜力為一切法不起不生不得不失故生須菩提白佛言世尊若菩薩摩訶薩行般若波羅蜜時作是念般若波羅蜜

若一切法合若不合是菩薩摩訶薩  
則捨般若波羅蜜遠離般若波羅蜜  
佛告須菩提復有因緣菩薩摩訶薩  
捨般若波羅蜜遠離般若波羅蜜若  
菩薩摩訶薩作是念是般若波羅蜜  
无所有空虛不堅固是菩薩摩訶薩  
則捨般若波羅蜜遠離般若波羅蜜  
須菩提以是因緣故捨離般若波羅  
蜜須菩提白佛言世尊信般若波羅  
蜜為不信何法佛告須菩提信般若  
波羅蜜則不信色不信受想行識不  
信眼乃至意識不信色乃至法不信眼識  
界乃至意識界不信檀那波羅蜜尸  
羅波羅蜜羼提波羅蜜毗梨耶波羅  
蜜禪那波羅蜜不信內空乃至无法  
有法空不信四念處乃至八聖道分  
不信佛十力乃至十八不共法不信  
須陀洹果斯陀含果阿那含果阿羅  
漢果辟支佛道不信菩薩道不信阿  
耨多羅三藐三菩提乃至一切種智  
須菩提白佛言世尊云何信般若波  
羅蜜時不信色乃至一切種智佛告  
須菩提色不可得故信般若波羅蜜



不信色乃至一切種智不可得故信  
般若波羅蜜不信一切種智以是故  
須菩提信般若波羅蜜時不信色乃  
至不信一切種智須菩提白佛言世  
尊是般若波羅蜜名為摩訶波羅蜜  
須菩提何因緣故是般若波羅蜜名  
為摩訶波羅蜜須菩提言世尊是般  
若波羅蜜不作色大不作色小受想  
行識不作大不作小眼乃至意色乃  
至法眼識界乃至意識界不作大不  
作小檀那波羅蜜乃至禪那波羅蜜  
不作大不作小內空乃至無法有法  
空不作大不作小四念處乃至阿耨  
多羅三藐三菩提不作大不作小諸  
佛法不作大不作小諸佛不作大不  
作小是般若波羅蜜不作色合不作  
色散受想行識不作合不作散乃至  
諸佛不作合不作散不作色无量不  
作色非無量乃至諸佛不作無量不  
作非无量不作色廣不作色狹乃至  
諸佛不作廣不作狹不作色有力不  
作色無力乃至諸佛不作有力不作  
无力世尊以是因緣故是般若波羅



蜜名摩訶波羅蜜世尊若新發意菩薩摩訶薩若不遠離般若波羅蜜不遠離禪那波羅蜜不遠離毗梨耶波羅蜜不遠離羼提波羅蜜不遠離尸羅波羅蜜不遠離檀那波羅蜜如是念是般若波羅蜜不作色大不作色小乃至諸佛不作大不作小不作色合不作色散不作色無量不作色非无量不作色有力不作色无力乃至諸佛不作有力不作無力世尊菩薩摩訶薩若如是知是為不行般若波羅蜜何以故是非般若波羅蜜相所謂作色大小乃至諸佛作大小色有力無力乃至諸佛有力无力世尊是菩薩摩訶薩用有所得故有大過失所謂行般若波羅蜜時作色大作色小乃至諸佛作有力作無力何以故有所得相者无阿耨多羅三藐三菩提所以者何衆生不生故般若波羅蜜不生色不生故般若波羅蜜不生乃至佛不生故般若波羅蜜不生衆生性无故般若波羅蜜性无色性无故般若波羅蜜性無乃至佛性无故般

若波羅蜜性无衆生非法故般若波  
羅蜜非法色非法故般若波羅蜜非  
法乃至佛非法故般若波羅蜜非法  
衆生空故般若波羅蜜空色空故般  
若波羅蜜空乃至佛空故般若波羅  
蜜空衆生離故般若波羅蜜離色離  
故般若波羅蜜離乃至佛離故般若  
波羅蜜離衆生无有故般若波羅蜜  
无有色无有故般若波羅蜜无有乃  
至佛无有故般若波羅蜜无有衆生  
不可思議故般若波羅蜜不可思議  
色不可思議故般若波羅蜜不可思  
議乃至佛不可思議故般若波羅蜜  
不可思議衆生不滅故般若波羅蜜  
不滅色不滅故般若波羅蜜不滅乃  
至佛不滅故般若波羅蜜不滅衆生  
不可知故般若波羅蜜不可知色不  
可知故般若波羅蜜不可知乃至佛  
不可知故般若波羅蜜不可知衆生  
力不成就故般若波羅蜜力不成就  
色力不成就故般若波羅蜜力不成  
就乃至佛力不成就故般若波羅蜜  
力不成就世尊以是因緣故諸菩薩

摩訶薩般若波羅蜜名為摩訶波羅蜜

摩訶般若波羅蜜經信毀品第四十一

品廿泥梨

今時慧命舍利弗白佛言世尊有菩薩摩訶薩信解是般若波羅蜜者從何處終來生是間發阿耨多羅三藐三菩提心來為幾時為供養幾佛行檀那波羅蜜尸羅波羅蜜羼提波羅蜜毗梨耶波羅蜜禪那波羅蜜般若波羅蜜供養幾佛來為幾時能隨順解深般若波羅蜜義

佛告舍利弗是菩薩摩訶薩供養十方諸佛來生是間是菩薩發阿耨多羅三藐三菩提心來無量無邊阿僧祇百千萬億劫是菩薩摩訶薩從初發心常行六波羅蜜供養無量無邊不可思議阿僧祇諸佛來生是間舍利弗是菩薩摩訶薩若見若聞般若波羅蜜作是念我見佛從佛聞法舍利弗是菩薩摩訶薩能隨順解深般若波羅蜜義以无相無二无所得故須菩提白佛言世尊是般若波羅蜜可聞可見耶佛告須菩提是般若波

羅蜜无有聞者無有見者般若波羅蜜無聞无見諸法鈍故禪那波羅蜜毗梨耶波羅蜜羣提波羅蜜尸羅波羅蜜檀那波羅蜜无聞無見諸法鈍故內空無聞无見諸法鈍故乃至无法有法空无聞無見諸法鈍故四念處無聞无見諸法鈍故乃至八聖道分无聞無見諸法鈍故佛十力乃至十八不共法无聞無見諸法鈍故須菩提佛及佛道无聞无見諸法鈍故須菩提白佛言世尊是菩薩幾時行佛道能習行如是深般若波羅蜜佛告須菩提是中應分別說須菩提有菩薩摩訶薩初發意習行深般若波羅蜜禪那波羅蜜毗梨耶波羅蜜羣提波羅蜜尸羅波羅蜜檀那波羅蜜以方便力故於法无所破壞不見諸法无利益者亦終不遠離行六波羅蜜亦不遠離諸佛從一佛國至一佛國若欲以善根力供養諸佛隨意即得終不生母人腹中終不離諸神通終不生諸煩惱及聲聞辟支佛心從一佛國至一佛國成就衆生淨佛國

土須菩提如是等諸菩薩摩訶薩能  
習行深般若波羅蜜須菩提有菩薩  
摩訶薩多見諸佛若无量百千万億  
從諸佛所行布施持戒忍辱精進一  
心智慧皆以有所得故是菩薩聞說  
深般若波羅蜜時便從衆中起去不  
恭敬深般若波羅蜜及諸佛是菩薩  
今在此衆中坐聞是甚深般若波羅  
蜜不樂故便捨去何以故是善男子  
善女人等先世聞深般若波羅蜜時  
棄捨去今世聞深般若波羅蜜亦棄  
捨去身心不和是人種愚癡因緣業  
種是愚癡因緣罪故聞說深般若波  
羅蜜毀壞毀深般若波羅蜜故則  
為毀毀過去未來現在諸佛一切智  
一切種智是人毀壞三世諸佛一切  
智故起破法業破法業因緣集故无  
量百千万億歲墮大地獄中是破法  
人輩從一大地獄至一大地獄若火  
劫起時至他方大地獄中生在彼間  
從一大地獄至一大地獄彼間若火  
劫起時復至他方大地獄中生在彼  
間從一大地獄至一大地獄如是遍

十方彼間若火劫起故從彼死破法  
業因緣未盡故還來是間大地獄中  
生此間亦從一大地獄至一大地獄  
受無量苦此間火劫起時復生十方  
他國土生畜生中受破法罪業苦如  
地獄中說重罪轉薄或得人身生盲  
人家生旃陀羅家生除廁擔死人種  
種下賤家若无眼若一眼若眼瞎无  
舌無耳无手所生處无佛無法无佛  
弟子處何以故種破法業積集厚重  
具足故受是果報今時舍利弗白佛  
言世尊五逆罪與破法罪相似耶佛  
告舍利弗不應言相似所以者何若  
有人聽說是甚深般若波羅蜜時毀  
訾不信般若波羅蜜作是言不應學  
是法是非法非善非佛教諸佛不說  
是語是人自訾毀般若波羅蜜亦教  
他人毀訾般若波羅蜜自壞其身亦  
壞他人身自飲毒煞身亦飲他人毒  
自失身亦失他人身自不知不信毀  
訾深般若波羅蜜亦教他人令不信  
不知舍利弗如是人不聽聞其名  
字何況眼見共住何以故當知是人



名為汙法人為墮衰濁黑性如是人  
若有聽其言信用其語亦受如是苦  
舍利弗若人破般若波羅蜜當知是  
名為壞法人舍利弗白佛言世尊世  
尊說壞法之人所受重罪不說是人  
所受身體大小佛告舍利弗不須說  
是人受身大小何以故是壞法人若  
聞自所受身體大小便當吐熱血若  
死若近死苦是破法人聞如是身有  
如是重罪是人便大愁毒如箭入心  
漸漸乾枯作是念破法罪故得如是  
大醜身受如是无量苦以是故佛不  
聽舍利弗問是人所受身體大小舍  
利弗白佛言願佛說之為未來世作  
明令知破法業積集故得如是大醜  
身受如是苦佛告舍利弗後世人若  
聞是破法業積集厚重具足受大地  
獄中久久無量苦聞是久久无量時  
苦足為未來世作明誠舍利弗白佛  
言世尊若白淨性善男子善女人聞  
是法足作依止寧失身命不壞法自  
念我若破法當受如是苦今時須菩  
提白佛言世尊善男子善女人應好

攝身口意業无受如是諸苦或不見  
佛或不聞法或不親近僧或生无佛  
國土中或生人中墮貧窮家或人不  
信受其言須菩提白佛言世尊以積  
集口業故有如是破法重罪耶佛告  
須菩提以積集口業故有是破法重  
罪須菩提是愚癡人在佛法中出家  
受戒破深般若波羅蜜毀世不受須  
菩提若破般若波羅蜜毀世般若波  
羅蜜則為破十方諸佛一切智一切  
智破故則為破佛寶破佛寶故破法  
寶破法寶故破僧寶破三寶故則破  
世間正見破世間正見故則破四念  
處乃至破一切種智法破一切種智  
法故則得無量无边阿僧祇罪得無  
量无边阿僧祇罪已則受无量无边  
阿僧祇憂苦須菩提白佛言世尊是  
愚癡人毀世破壞是深般若波羅蜜  
有幾因緣佛告須菩提有四因緣是  
愚癡人毀世破是深般若波羅蜜須  
菩提言世尊何等四佛言是愚癡人  
為魔所使故欲毀世破壞深般若波  
羅蜜是名初因緣是愚癡人不信深

法不信不解心不得清淨是第二因緣故是愚癡人欲毀此破壞深般若波羅蜜是愚癡人與惡知識相隨心沒懈怠堅著五受陰是第三因緣故是愚癡人欲毀此破壞深般若波羅蜜是愚癡人多行瞋恚自高輕人是第四因緣故是愚癡人欲毀此破壞深般若波羅蜜須菩提以是四因緣故愚癡人欲破壞深般若波羅蜜須菩提白佛言世尊是般若波羅蜜不勤精進種不善根惡友相得此人難信難解佛言如是如是須菩提深般若波羅蜜不勤精進種不善根惡友相得此人難信難解須菩提白佛言世尊是般若波羅蜜云何甚深難信難解須菩提色不縛不解何以故无所有性是色受想行識不縛不解何以故无所有性是色受想行識檀那波羅蜜不縛不解何以故无所有性是尸羅波羅蜜羼提波羅蜜不縛不解何以故无所有性是羼提波羅蜜不縛不解何以故无所有性是羼提波羅蜜毗梨耶波羅蜜不

縛不解何以故无所有性是毗梨耶  
波羅蜜禪那波羅蜜不縛不解何以  
故無所有性是禪那波羅蜜般若波  
羅蜜不縛不解何以故无所有性是  
般若波羅蜜須菩提內空不縛不解  
何以故无所有性是內空乃至無法  
有法空不縛不解何以故无所有性  
是無法有法空四念處不縛不解何  
以故无所有性是四念處乃至一切  
智一切種智不縛不解何以故无所  
有性是一切智一切種智須菩提色  
本際不縛不解何以故色本際無所  
有性是色受想行識乃至一切種智  
本際不縛不解何以故本際无所有  
性是一切種智須菩提色後際不縛  
不解何以故後際无所有性是色受  
想行識乃至一切種智後際不縛不  
解何以故後際无所有性是一切種  
智須菩提現在色不縛不解何以故  
現在色無所有性是色受想行識乃  
至現在一切種智不縛不解何以故  
現在无所有性是一切種智須菩提  
白佛言世尊是般若波羅蜜不勤精

進不獲善根惡友相得懈怠少進意  
忘无巧便慧如此之人實難信難解  
佛言如是如是須菩提是般波羅  
蜜不勤精進不種善根惡友相得繫  
屬於魔懈怠少進意忘无巧便慧如  
此之人實難信難解何以故色淨果  
亦淨受想行識淨果亦淨乃至阿耨  
多羅三藐三菩提淨果亦淨復次須  
菩提色淨故即般若波羅蜜淨般若  
波羅蜜淨即色淨受想行識淨故即  
般若波羅蜜淨般若波羅蜜淨即受  
想行識淨乃至一切種智淨即般若  
波羅蜜淨般若波羅蜜淨即一切種  
智淨色淨般若波羅蜜淨无二無別  
无斷無壞乃至一切種智淨般若波  
羅蜜淨无二無別无斷無壞復次須  
菩提不二淨故色淨不二淨故乃至  
一切種智淨何以故是不二淨色淨  
乃至一切種智淨無二无別故我淨  
衆生淨乃至知者見者淨故色淨受  
想行識淨乃至一切種智淨色淨乃  
至一切種智淨故我淨衆生乃至知  
者見者淨何以故是我衆生乃至知

者見者淨色淨乃至一切種智淨不  
二不別無斷无壞復次須菩提婬淨  
故色淨乃至一切種智淨何以故婬  
淨色淨乃至一切種智淨不二不別  
瞋癡淨故色淨乃至一切種智淨何  
以故瞋癡淨色淨乃至一切種智淨  
不二不別復次須菩提无明淨故諸  
行淨諸行淨故識淨識淨故名色淨  
名色淨故六入淨六入淨故觸淨觸  
淨故受淨受淨故愛淨愛淨故取淨  
取淨故有淨有淨故生淨生淨故老  
死淨老死淨故般若波羅蜜淨般若  
波羅蜜淨故乃至檀那波羅蜜淨檀  
那波羅蜜淨故內空淨內空淨故乃  
至無法有法空淨无法有法空淨故  
四念處淨四念處淨故乃至一切智  
淨一切智淨故一切種智淨何以故  
是一切智淨一切種智淨不二不別  
无斷無壞復次須菩提般若波羅蜜  
淨故色淨乃至般若波羅蜜淨故一  
切智淨是般若波羅蜜淨一切智淨  
不二不別故須菩提檀那波羅蜜淨  
故乃至一切智淨毗梨耶波羅蜜淨



提波羅蜜尸羅波羅蜜檀那波羅蜜  
淨故乃至一切智淨內空淨故乃至  
一切智淨四念處淨故乃至一切智  
淨復次須菩提一切智淨故乃至般  
若波羅蜜淨如是一如先說復次  
須菩提有為淨故無為淨何以故有  
為淨无為淨不二不別不斷不壞故  
復次須菩提過去淨故未來現在淨  
未來淨故過去現在淨現在淨故過  
去未來淨何以故現在淨過去未來  
淨不二不別不斷不壞故

摩訶般若波羅蜜經卷第二

戊戌歲高麗國大藏都監奉  
勅彫造

摩訶般若波羅蜜經卷第十二

薑

後秦龜茲國三藏鳩摩羅什譯

歎淨品第四十二

尔時舍利弗白佛言世尊是淨甚深  
佛言畢竟淨故舍利弗言何法淨故  
是淨甚深佛言色淨故是淨甚深受  
想行識淨故四念處淨故乃至八聖  
道分淨故佛十力淨故乃至十八不  
共法淨故菩薩淨故佛淨故一切智一  
切種智淨故是淨甚深世尊是淨明  
佛言畢竟淨故舍利弗言何法淨故  
是淨明佛言般若波羅蜜淨故是淨  
明乃至檀那波羅蜜淨故是淨明四  
念處乃至一切智淨故是淨明世尊  
是淨不相續佛言畢竟淨故舍利弗  
言何法不相續故是淨不相續佛言  
色不去不相續故是淨不相續乃至  
一切種智不去不相續故是淨不相  
續世尊是淨無垢佛言畢竟淨故舍  
利弗言何法无垢故是淨無垢佛言  
色性常淨故是淨無垢乃至一切種  
智性常淨故是淨无垢世尊是淨無

得无著佛言畢竟淨故舍利弗言何  
法無得无著故是淨無得无著佛言  
色无得無著故是淨无得無著乃至  
一切種智无得無著故是淨无得無  
著世尊是淨无生佛言畢竟淨故舍  
利弗言何法無生故是淨无生佛言  
色無生故是淨无生乃至一切種智  
无生故是淨無生世尊是淨不生欲  
界中佛言畢竟淨故舍利弗言云何  
是淨不生欲界中佛言欲界性不可  
得故是淨不生欲界中世尊是淨不  
生色界中佛言畢竟淨故舍利弗言  
云何是淨不生色界中佛言色界性  
不可得故是淨不生色界中世尊是  
淨不生无色界中佛言畢竟淨故舍  
利弗言云何是淨不生無色界中佛  
言无色界性不可得故是淨不生無  
色界中世尊是淨无知佛言畢竟淨  
故舍利弗言云何是淨無知佛言諸  
法鈍故是淨无知世尊色無知是淨  
淨佛言畢竟淨故舍利弗言云何色  
無知是淨淨佛言色自性空故色无  
知是淨淨世尊受想行識無知是淨

淨佛言畢竟淨故舍利佛言云何受  
想行識无知是淨淨佛言受想行識  
自性空故无知是淨淨世尊一切法  
淨故是淨淨佛言畢竟淨故舍利弗  
言云何一切法淨故是淨淨佛言一  
切法不可得故一切法淨是淨淨世  
尊是般若波羅蜜於薩婆若无益無  
損佛言畢竟淨故舍利弗言云何般  
若波羅蜜於薩婆若无益無損佛言  
法常住相故般若波羅蜜於薩婆若  
無益無損世尊是般若波羅蜜淨於  
諸法无所受佛言畢竟淨故舍利弗  
言云何般若波羅蜜淨於諸法无所  
受佛言法性不動故是般若波羅蜜  
淨於諸法无所受今時慧命須菩提  
白佛言世尊我淨故色淨佛言畢竟  
淨故須菩提言以何因緣我淨故色  
淨畢竟淨佛言我无所故色無所  
有畢竟淨世尊我淨故受想行識淨  
佛言畢竟淨故須菩提言何因緣故  
我淨受想行識淨畢竟淨佛言我無  
所有故受想行識无所所有畢竟淨世  
尊我淨故檀那波羅蜜淨我淨故尸

羅波羅蜜淨我淨故羼提波羅蜜淨  
我淨故毗梨耶波羅蜜淨我淨故禪  
那波羅蜜淨世尊我淨故般若波羅  
蜜淨世尊我淨故四念處淨世尊我淨  
故乃至八聖道分淨世尊我淨故佛  
十力淨世尊我淨故乃至十八不共  
法淨佛言畢竟淨故須菩提言何因  
緣故我淨檀那波羅蜜淨我淨乃至  
十八不共法淨佛言我無所有故檀  
那波羅蜜無所有故淨乃至十八不共  
法無所有故淨世尊我淨故須陀洹  
果淨我淨故斯陀含果淨我淨故阿  
那含果淨我淨故阿羅漢果淨我淨  
故辟支佛道淨我淨故佛道淨佛言  
畢竟淨須菩提言何因緣故我淨須  
陀洹果淨斯陀含果淨阿那含果淨  
阿羅漢果淨辟支佛道淨佛道淨佛  
言自相空故世尊我淨故一切智淨  
佛言畢竟淨故須菩提言何因緣故  
我淨故一切智淨佛言无相無念故  
世尊以二淨故無得无著佛言畢竟  
淨須菩提言何因緣故以二淨故無  
得無著是畢竟淨佛言无垢無淨

故世尊我无邊故色淨受想行識淨  
佛言畢竟淨須菩提言何因緣故我  
無邊故色淨受想行識淨佛言畢竟  
空无始空故須菩提白佛言世尊若  
菩薩摩訶薩能如是知是名菩薩摩  
訶薩般若波羅蜜佛言畢竟淨故須  
菩提言何因緣故菩薩摩訶薩能如  
是知是名菩薩摩訶薩般若波羅蜜  
佛言知道種故世尊若菩薩摩訶薩  
行般若波羅蜜以方便力故作是念  
色不知色受想行識不知識過去法  
不知過去法未來法不知未來法現  
在法不知現在法佛言菩薩摩訶薩  
行般若波羅蜜以方便力故不作是  
念我施與彼人我持戒如是持戒我  
修忍如是修忍我精進如是精進我  
入禪如是入禪我修智慧如是修智  
慧我得福德如是得福德我當入菩  
薩法位中我當淨佛國土成就衆生  
我當得一切種智須菩提是菩薩摩訶  
薩行般若波羅蜜以方便力故元諸  
憶想分別内空空外空内外空空大空  
第一義空有為无為空空畢竟空無始



空散空性空諸法空自相空故須菩提  
是名菩薩摩訶薩行般若波羅蜜以  
方便力故無所尋介時釋提桓因問  
須菩提云何是求菩薩道善男子尋  
法須菩提報釋提桓因言憍尸迦有  
求菩薩道善男子善女人取心相所  
謂取檀那波羅蜜相取尸羅波羅蜜  
相羼提波羅蜜相毗梨耶波羅蜜相  
禪那波羅蜜相般若波羅蜜相取內  
空相外空內外空乃至无法有法空  
相取四念處相乃至八聖道分相取  
佛相取於諸佛種善根相是一切福  
德和合取相迴向阿耨多羅三藐三  
菩提憍尸迦是名求菩薩道善男子  
善女人尋法用是法故不能無尋行  
般若波羅蜜何以故憍尸迦是色相  
不可迴向受想行識相不可迴向乃  
至一切種智相不可迴向復次憍尸  
迦若菩薩摩訶薩亦教利喜他人阿  
耨多羅三藐三菩提應亦教利喜二  
切諸法實相若求菩薩道善男子善  
女人行檀那波羅蜜時不應作是分

別言我施與我持戒我忍辱我精進  
我入禪定我修智慧我行內空外空  
內外空乃至我行無法有法空我修  
四念處乃至我行阿耨多羅三藐三  
菩提善男子善女人應如是示教利  
喜他人阿耨多羅三藐三菩提若如  
是示教利喜阿耨多羅三藐三菩提  
自無錯謬亦如佛所說法亦教利喜  
令是善男子善女人遠離一切尋法  
尔時佛讚須菩提善哉善哉如汝為  
諸菩薩說諸尋法須菩提汝今更聽  
我說微細尋相須菩提汝一心好聽  
佛告須菩提有善男子善女人發阿  
耨多羅三藐三菩提心取相念諸佛  
須菩提所可有相皆是尋相又於諸  
佛從初發意乃至法住於其中間所  
有善根取相憶念取相憶念已迴向  
阿耨多羅三藐三菩提須菩提所可  
有相皆是尋相又於諸佛及弟子所  
有善根及餘衆生善根取相迴向阿  
耨多羅三藐三菩提須菩提所可有  
相皆是尋相何以故不應取相憶念  
諸佛亦不應取相憶念諸佛善根須

菩提白佛言世尊是般若波羅蜜甚深佛言一切法常離故須菩提言世尊我當礼般若波羅蜜佛告須菩提是般若波羅蜜无起無作故无有能得者須菩提言世尊一切諸法亦不可知不可得佛言一切法一性非二性須菩提是一法性是亦无性是無性即是性是性不起不滅如是須菩提菩薩摩訶薩若知諸法一性所謂無性无起無作則遠離一切尋相須菩提白佛言世尊是般若波羅蜜難知難解佛言如所言是般若波羅蜜无見者無聞者無知者无識者無得者世尊是般若波羅蜜不可思議佛言如所言是般若波羅蜜不從心生不從色受想行識生乃至不從十八不共法生

摩訶般若波羅蜜經無作品第四十三

丹面各千佛品

須菩提白佛言是般若波羅蜜无所作佛言作者不可得故色不可得乃至一切法不可得故世尊若菩薩摩訶薩欲行般若波羅蜜應去何行佛告須菩提菩薩摩訶薩欲行般若波

羅蜜不行色是行般若波羅蜜不行  
受想行識是行般若波羅蜜乃至不  
行一切種智是行般若波羅蜜不行  
色常无常是行般若波羅蜜乃至一  
切種智不行常无常是行般若波羅  
蜜不行色若苦若樂是行般若波羅  
蜜乃至不行一切種智若苦若樂是  
行般若波羅蜜不行色是我非我是  
行般若波羅蜜乃至不行一切種智  
是我非我是行般若波羅蜜不行色  
淨不淨是行般若波羅蜜乃至不行  
一切種智淨不淨是行般若波羅蜜  
何以故是色無所有性云何有常無  
常苦樂我无我淨不淨受想行識亦  
无所有性云何有常無常乃至淨不  
淨乃至一切種智无所有性云何有  
常無常乃至淨不淨復次須菩提菩  
薩摩訶薩行般若波羅蜜時不行色  
不具足是行般若波羅蜜不行受想  
行識不具足是行般若波羅蜜乃至  
不行一切種智不具足是行般若波  
羅蜜何以故色不具足者是不名色  
如是亦不行為行般若波羅蜜受想

行識不具足者是不名識如是亦不行爲行般若波羅蜜乃至不行一切種智不具足者是不名一切種智如是亦不行爲行般若波羅蜜須菩提是佛言未曾有也世尊善說求菩薩道善男子善女人尋不尋相復次須菩提是如是須菩提佛善說求菩薩道善男子善女人尋不尋相復次須菩提若菩薩摩訶薩行般若波羅蜜時不行色不尋是行般若波羅蜜不行受想行識不尋是行般若波羅蜜不行眼不尋是行般若波羅蜜不行耳鼻舌身不尋是行般若波羅蜜不行意不尋是行般若波羅蜜不行檀那波羅蜜不尋是行般若波羅蜜不行尸羅波羅蜜不尋是行般若波羅蜜不行羼提波羅蜜不尋是行般若波羅蜜不行毗梨耶波羅蜜不尋是行般若波羅蜜不行檀那波羅蜜不尋是行般若波羅蜜不尋是種智不尋是行般若波羅蜜須菩提菩薩摩訶薩如是行般若波羅蜜時

知色是不尋知受想行識是不尋乃至知一切種智是不尋知須陀洹果不尋知斯陀含果不尋知阿那含果不尋知阿羅漢果不尋知辟支佛道不尋知阿耨多羅三藐三菩提道不尋亦時慧命須菩提白佛言未曾有也世尊是甚深法若說亦不增不減若不說亦不增不減佛語須菩提如是如是甚深法若說亦不增不減若不說亦不增不減譬如佛盡形壽若讚若毀虛空讚時亦不增不減毀時亦不增不減須菩提如幻人若讚時亦不增不減毀時亦不增不減讚時不增不減毀時亦不增不減讚時不喜毀時不憂須菩提諸法法相亦如是若說亦如本不異若不說亦如本不異須菩提白佛言世尊諸菩薩摩訶薩所為甚難修行是般若波羅蜜時不憂不喜而能習般若波羅蜜空如虛空中无般若波羅蜜無禪那无毗梨耶無羼提无尸羅無檀那波羅蜜如虛空中無色无受想行識亦



無內空外空內外空乃至无法有法  
空无四念處乃至无八聖道分無佛  
十力乃至無十八不共法无須陀洹  
果斯陀含果阿那含果阿羅漢果無  
辟支佛道无阿耨多羅三藐三菩提  
修般若波羅蜜亦如是世尊應礼是  
諸菩薩摩訶薩能大擔莊嚴世尊是  
人為衆生大擔莊嚴勤精進如為虛  
空大擔莊嚴勤精進世尊是人欲度  
衆生如欲度虛空世尊是諸菩薩摩  
訶薩大擔莊嚴如為虛空等衆生大  
擔莊嚴世尊是人大擔莊嚴欲度衆  
生為如舉虛空世尊諸菩薩摩訶薩  
得大精進力欲度衆生故發阿耨多  
羅三藐三菩提心世尊諸菩薩摩訶  
薩大擔莊嚴欲度衆生故發阿耨多  
羅三藐三菩提心世尊諸菩薩摩訶  
薩大勇猛為度如虛空等衆生故發  
阿耨多羅三藐三菩提心何以故世  
尊若三千大千世界滿中諸佛譬如  
竹筴甘蔗稻麻聚林諸佛若一切若  
減一切常說法一一佛度无量無邊  
阿僧祇衆生令入涅槃世尊是衆生

性亦不減亦不增何以故衆生无所  
有故衆生離故乃至十方世界中諸  
佛所度衆生亦如是世尊以是因緣  
故我如是說是人欲度衆生故發阿  
耨多羅三藐三菩提心為欲度虛空  
是時有一比丘作是言我札般若波  
羅蜜般若波羅蜜中雖无法生無法  
滅而有戒衆定衆慧衆解脫衆解脫  
知見衆而有諸須陀洹諸斯陀含諸  
阿那含諸阿羅漢諸辟支佛有諸佛  
而有佛寶法寶比丘僧寶而有轉法  
輪今時釋提桓因語須菩提若菩薩  
摩訶薩習般若波羅蜜為習何法須  
菩提語釋提桓因言憍尸迦是菩薩  
摩訶薩習般若波羅蜜為習空法釋  
提桓因白佛言世尊若善男子善女人  
受持是般若波羅蜜親近讀誦說正  
憶念我當作何等護今時須菩提語  
釋提桓因言憍尸迦汝頗見是法可  
守護者不釋提桓因言不也須菩提  
我不見是法可守護者須菩提言憍  
尸迦若善男子善女人如般若波羅  
蜜中所說行即是守護所謂常不遠

離如所說般若波羅蜜行是善男子  
善女人若人若非人不得其便當知  
是善男子善女人不速離般若波羅  
蜜憍尸迦若人欲護行般若波羅蜜  
菩薩為欲護虛空憍尸迦於汝意云  
何汝能護夢焰影響幻化不釋提桓  
因言不能護若人欲護行般若波羅  
蜜諸菩薩摩訶薩亦如是但自疲苦  
憍尸迦於汝意云何能護佛所化不  
釋提桓因言不能護若人欲護行般  
若波羅蜜諸菩薩摩訶薩亦如是憍  
尸迦於汝意云何能護法性實際如  
不可思議性不釋提桓因言不能護  
若人欲護行般若波羅蜜諸菩薩摩  
訶薩亦如是今時釋提桓因問須菩  
提云何菩薩摩訶薩行般若波羅蜜  
知見諸法如夢如焰如響如幻  
如化諸菩薩摩訶薩如所知見故不  
念夢不念是夢不念用夢不念我夢  
焰影響幻化亦如是須菩提言憍尸  
迦若菩薩摩訶薩行般若波羅蜜不  
念色不念是色不念用色不念我色  
是菩薩摩訶薩亦能不念夢不念是

夢不念用夢不念我夢乃至化亦不  
念化不念是化不念用化不念我化  
受想行識亦如是乃至一切智不念  
一切智不念是一切智不念用一切  
智不念我一切智是菩薩摩訶薩亦  
能不念夢不念是夢不念用夢不念  
我夢乃至化亦如是如是憍尸迦菩  
薩摩訶薩知諸法如夢如焰如影如  
響如幻如化今時佛神力故三千大  
千世界中諸四天王天三十三天夜  
摩天兜率陀天化樂天他化自在天  
梵身天梵輔天梵衆天大梵天少光  
天乃至淨居天是一切諸天以天梅  
檀華鬘散佛上采詣佛所頭面禮佛  
足却住一面今時四天王天釋提桓  
因及三十三天梵天王乃至諸淨居  
天佛神力故見東方千佛說法亦如  
是相如是名字說是般若波羅蜜品  
諸比丘皆字須菩提問難般若波羅  
蜜品者皆字釋提桓因南西北方四  
維上下亦如是各千佛現今時佛告  
須菩提弥勒菩薩摩訶薩得阿耨多  
羅三藐三菩提時亦當於是處說般

若波羅蜜賢劫中諸菩薩摩訶薩得  
阿耨多羅三藐三菩提時亦當於是  
處說般若波羅蜜須菩提白佛言世  
尊弥勒菩薩摩訶薩得阿耨多羅三  
藐三菩提時用何相何因何義說是  
般若波羅蜜義佛告須菩提弥勒菩  
薩摩訶薩得阿耨多羅三藐三菩提  
時色非常非無常當如是說法色非  
苦非樂色非我非無我色非淨非不  
淨當如是說法色非縛非解當如是  
說法受想行識非常非無常乃至非  
縛非解當如是說法色非過去色非  
未來色非現在當如是說法受想行  
識亦如是色畢竟淨當如是說法受  
想行識畢竟淨當如是說法乃至一  
切智畢竟淨當如是說法須菩提白  
佛言世尊是般若波羅蜜清淨佛言  
色清淨故般若波羅蜜清淨受想行  
識清淨故般若波羅蜜清淨世尊云  
何色清淨故般若波羅蜜清淨云何  
受想行識清淨故般若波羅蜜清淨  
佛言若色不生不滅不垢不淨是名  
色清淨受想行識不生不滅不垢不

淨是名受想行識清淨復次須菩提  
虛空清淨故般若波羅蜜清淨世尊  
云何虛空清淨故般若波羅蜜清淨  
佛言虛空不生不滅故清淨般若波  
羅蜜亦如是復次須菩提色不汙故  
般若波羅蜜清淨受想行識不汙故  
般若波羅蜜清淨世尊云何色不汙  
故般若波羅蜜清淨佛言如虛空不  
可汙故虛空清淨世尊云何如虛空  
不可汙故虛空清淨佛言虛空不可  
取故虛空清淨虛空清淨故般若波  
羅蜜清淨復次須菩提虛空可說故  
般若波羅蜜清淨世尊云何虛空可  
說故般若波羅蜜清淨佛言因虛空  
中二聲出故般若波羅蜜亦如虛空可  
說故清淨須菩提虛空不可說故般  
若波羅蜜清淨世尊云何虛空不可  
說故般若波羅蜜清淨佛言如虛空  
无可說故般若波羅蜜清淨復次如  
虛空不可得故般若波羅蜜清淨世  
尊云何如虛空不可得故般若波羅  
蜜清淨佛言如虛空无所得相般若



波羅蜜亦如虛空無所得故清淨復  
次須菩提一切法不生不滅不垢不  
淨故般若波羅蜜清淨世尊云何一  
切法不生不滅不垢不淨故般若波  
羅蜜清淨佛言一切法畢竟清淨故  
般若波羅蜜清淨須菩提白佛言世  
尊若善男子善女人受持是般若波  
羅蜜親近正憶念者終不病眼耳鼻  
舌身亦終不病身无形殘亦不衰老  
終不橫死無數百千萬諸天四天王  
天乃至淨居諸天皆悉隨從聽受六  
齋日月八日二十三日十四日二十  
九日十五日三十日諸天衆會善男  
子善女人為法師者在所說般若波  
羅蜜處皆悉來集是善男子善女人  
在大衆中說是般若波羅蜜得无量  
無邊阿僧祇不可思議不可稱量福  
德佛告須菩提如是如是是善男子  
善女人若六齋日月八日二十三日  
十四日二十九日十五日三十日在  
諸天衆前說是般若波羅蜜義是善  
男子善女人得无量無邊阿僧祇不  
可思議不可稱量福德何以故須菩

提般若波羅蜜是大珍寶何等是大  
珍寶是般若波羅蜜能拔地獄畜生  
餓鬼及人中貧窮能與刹刹大姓婆  
羅門大姓居士大家能與四天王天  
處乃至非有想非无想處能與須陀  
洹果斯陀含果阿那含果阿羅漢果  
辟支佛道阿耨多羅三藐三菩提何  
以故是般若波羅蜜中廣說十善道  
四禪四無量心四无色定四念處乃  
至八聖道分檀那波羅蜜尸羅波羅  
蜜羼提波羅蜜毗梨耶波羅蜜禪那  
波羅蜜般若波羅蜜廣說內空乃至  
無法有法空廣說佛十力乃至一切  
智從是中學出生刹刹大姓婆羅門  
大姓居士大家出生四天王天三十  
三天夜摩天兜率陀天化樂天他化  
自在天梵身天梵輔天梵衆天大梵  
天光天少光天無量光天光音天淨  
天少淨天无量淨天遍淨天阿那婆  
迦天得福天廣果天無想天阿浮訶  
那天不熱天快見天妙見天阿迦尼  
吒天虛空无边處天識无边處天无  
所有處天非有想非无想處天是法

中學得須陀洹果斯陀含果阿那含  
果阿羅漢果得辟支佛道得阿耨多  
羅三藐三菩提以是故須菩提般若  
波羅蜜名為大珍寶珍寶波羅蜜中  
无有法可得若生若滅若垢若淨若  
取若捨珍寶波羅蜜亦无有法若善  
若不善若世間若出世間若有漏若  
无漏若有為若無為以是故須菩提  
是名無所得珍寶波羅蜜須菩提是  
珍寶波羅蜜无有法能染汙何以故  
所用染法不可得故須菩提以是故  
名无染珍寶波羅蜜須菩提若菩薩  
摩訶薩行般若波羅蜜時亦如是不  
知亦如是不分別亦如是不可得亦  
如是不戲論是為能修行般若波羅  
蜜亦能礼覲諸佛從一佛國至一佛  
國供養恭敬尊重讚歎諸佛遊諸佛  
剎成就衆生淨佛國土須菩提是般  
若波羅蜜於諸法无有力無非力亦  
無受亦无與不生不滅不垢不淨不  
增不减是般若波羅蜜亦非過去非  
未來非現在不捨欲界不住欲界不  
捨色界不住色界不捨無色界不住

无色界是般若波羅蜜不與檀那波  
羅蜜亦不捨不與尸波羅蜜亦不捨  
不與羼提波羅蜜亦不捨不與毗梨  
耶波羅蜜亦不捨不與禪那波羅蜜  
亦不捨不與般若波羅蜜亦不捨不  
與內空亦不捨乃至不與無法有法  
空亦不捨不與四念處亦不捨乃至  
不與八聖道分亦不捨不與佛十力  
亦不捨乃至不與十八不共法亦不  
捨不與須陀洹果亦不捨乃至不與  
阿羅漢果亦不捨不與辟支佛道亦  
不捨乃至不與一切智亦不捨是般  
若波羅蜜不與阿羅漢法不捨凡人  
法不與辟支佛法不捨阿羅漢法不  
與佛法不捨辟支佛法是般若波羅  
蜜亦不與無為法不捨有為法何以  
故若有諸佛若無諸佛是諸法相常  
住不異法相法住法位常住不謬不  
失故今時諸天子虛空中立發大音  
聲踊躍歡喜以遍鉢羅華波頭摩華  
拘物頭華分陀利華而散佛上作如  
是言我等於閻浮提見第二法輪轉  
是中无量百千天子得無生法忍佛

告須菩提是法輪轉非第一轉非第二轉是般若波羅蜜不為轉不為還故出无法有法空故須菩提白佛言世尊云何無法有法空故般若波羅蜜不為轉不為還故出佛言般若波羅蜜檀那波羅蜜相空乃至檀那波羅蜜檀那波羅蜜相空內空內空相空乃至无法有法空無法有法空相空四念處四念處相空乃至八聖道分八聖道分相空佛十力佛十力相空乃至十八不共法十八不共法相空須陀洹果須陀洹果相空斯陀含果斯陀含果相空阿那含果阿那含果相空阿羅漢果阿羅漢果相空辟支佛道辟支佛道相空一切種智一切種智相空須菩提白佛言世尊諸菩薩摩訶薩般若波羅蜜是摩訶波羅蜜何以故雖一切法自性空而諸菩薩摩訶薩因般若波羅蜜得阿耨多羅三藐三菩提亦無法可得轉法輪亦无法可轉亦無法可還是摩訶波羅蜜中亦无有法可見何以故是法不可得若轉若還一切法畢竟不



生故何以故是空相不能轉不能還  
無相相不能轉不能還无作相不能  
轉不能還若能如是說般若波羅蜜  
教照開示分別顯現解釋淺易有能  
如是教者是名清淨說般若波羅蜜  
亦无說者亦無受者亦无證者若無  
說無受无證亦無滅者是說法中亦  
无畢定福田

摩訶般若波羅蜜經遍歎品第四十四

升百波  
羅蜜品

尔時慧命須菩提白佛言世尊无邊  
波羅蜜是般若波羅蜜佛言如虛空  
無邊故世尊等波羅蜜是般若波羅  
蜜佛言諸法等故世尊離波羅蜜是  
般若波羅蜜佛言畢竟空故世尊不  
壞波羅蜜是般若波羅蜜佛言一切  
法不可得故世尊无彼岸波羅蜜是  
般若波羅蜜佛言無名无身故世尊  
空種波羅蜜是般若波羅蜜佛言入  
出息不可得故世尊不可說波羅蜜  
是般若波羅蜜佛言覺觀不可得故  
世尊无名波羅蜜是般若波羅蜜佛  
言受想行識不可得故世尊不去波  
羅蜜是般若波羅蜜佛言一切法不



來故世尊無移波羅蜜是般若波羅蜜佛言一切法不可伏故世尊盡波羅蜜是般若波羅蜜佛言一切法畢竟盡故世尊不生波羅蜜是般若波羅蜜佛言一切法不生故世尊无作波羅蜜是般若波羅蜜佛言作者不可得故世尊無知波羅蜜是般若波羅蜜佛言知者不可得故世尊不到波羅蜜是般若波羅蜜佛言生死不可得故世尊不失波羅蜜是般若波羅蜜佛言一切法不失故世尊夢波羅蜜是般若波羅蜜佛言乃至夢中所見不可得故世尊響波羅蜜是般若波羅蜜佛言聞聲者不可得故世尊影波羅蜜是般若波羅蜜佛言鏡面不可得故世尊焰波羅蜜是般若波羅蜜佛言水流不可得故世尊幻波羅蜜是般若波羅蜜佛言術事不可得故世尊不垢波羅蜜是般若波羅蜜佛言諸煩惱不可得故世尊无淨波羅蜜是般若波羅蜜佛言煩惱虛誑故世尊不汙

波羅蜜是般若波羅蜜佛言處不可  
得故世尊不戲論波羅蜜是般若波  
羅蜜佛言一切戲論破故世尊不念  
波羅蜜是般若波羅蜜佛言一切念  
破故世尊不動波羅蜜是般若波羅  
蜜佛言法性常住故世尊无染波羅  
蜜是般若波羅蜜佛言知一切法无妄  
解故世尊不起波羅蜜是般若波羅  
蜜佛言一切法无分別故世尊寂滅  
波羅蜜是般若波羅蜜佛言一切法  
相不可得故世尊無欲波羅蜜是般  
若波羅蜜佛言欲不可得故世尊无  
瞋波羅蜜是般若波羅蜜佛言瞋恚  
不實故世尊無癡波羅蜜是般若波  
羅蜜佛言无明黑闇滅故世尊無煩  
惱波羅蜜是般若波羅蜜佛言分別  
憶想虛妄故世尊無衆生波羅蜜是  
般若波羅蜜佛言衆生无所有故世  
尊無斷波羅蜜是般若波羅蜜佛言  
諸法不起故世尊無二邊波羅蜜是  
般若波羅蜜佛言離二邊故世尊不  
壞波羅蜜是般若波羅蜜佛言一切  
法不相離故世尊不取波羅蜜是般

若波羅蜜佛言過聲聞辟支佛地故  
世尊不分別波羅蜜是般若波羅蜜  
佛言諸妄想不可得故世尊無量波  
羅蜜是般若波羅蜜佛言諸法量不  
可得故世尊虛空波羅蜜是般若波  
羅蜜佛言一切法无所有故世尊無  
常波羅蜜是般若波羅蜜佛言一切  
法破壞故世尊苦波羅蜜是般若波  
羅蜜佛言一切法苦惱相故世尊无  
我波羅蜜是般若波羅蜜佛言一切  
法不著故世尊空波羅蜜是般若波  
羅蜜佛言一切法不可得故世尊無  
相波羅蜜是般若波羅蜜佛言一切  
法不生故世尊內空波羅蜜是般若  
波羅蜜佛言內法不可得故世尊外  
空波羅蜜是般若波羅蜜佛言外法  
不可得故世尊內外空波羅蜜是般  
若波羅蜜佛言內外法不可得故世  
尊空空波羅蜜是般若波羅蜜佛言  
空空法不可得故世尊大空波羅蜜  
是般若波羅蜜佛言一切法不可得  
故世尊第一義空波羅蜜是般若波  
羅蜜佛言涅槃不可得故世尊有為

空波羅蜜是般若波羅蜜佛言有為  
法不可得故世尊无為空波羅蜜是  
般若波羅蜜佛言無為法不可得故  
世尊畢竟空波羅蜜是般若波羅蜜  
佛言諸法畢竟不可得故世尊无始  
空波羅蜜是般若波羅蜜佛言諸法  
無始不可得故世尊散空波羅蜜是  
般若波羅蜜佛言散法不可得故世  
尊性空波羅蜜是般若波羅蜜佛言  
有為无為性不可得故世尊諸法空  
波羅蜜是般若波羅蜜佛言一切法  
不可得故世尊無所得空波羅蜜是  
般若波羅蜜佛言无所有故世尊自  
相空波羅蜜是般若波羅蜜佛言諸  
法自相離故世尊无法空波羅蜜是  
般若波羅蜜佛言無法不可得故世  
尊有法空波羅蜜是般若波羅蜜佛  
言有法不可得故世尊无法有法空  
波羅蜜是般若波羅蜜佛言無法有  
法相不可得故世尊念處波羅蜜是  
般若波羅蜜佛言身受心法不可得  
故世尊正勤波羅蜜是般若波羅蜜  
佛言善不善法不可得故世尊如意

足波羅蜜是般若波羅蜜佛言四如意足不可得故世尊根波羅蜜是般若波羅蜜佛言五根不可得故世尊力波羅蜜是般若波羅蜜佛言五力不可得故世尊覺波羅蜜是般若波羅蜜佛言七覺分不可得故世尊道波羅蜜是般若波羅蜜佛言八聖道分不可得故世尊无作波羅蜜是般若波羅蜜佛言無作不可得故世尊空波羅蜜是般若波羅蜜佛言空相不可得故世尊无相波羅蜜是般若波羅蜜佛言寂滅相不可得故世尊背捨波羅蜜是般若波羅蜜佛言八背捨不可得故世尊定波羅蜜是般若波羅蜜佛言九次第定不可得故世尊檀那波羅蜜是般若波羅蜜佛言慳貪不可得故世尊尸羅波羅蜜是般若波羅蜜佛言破戒不可得故世尊羼提波羅蜜是般若波羅蜜佛言懈怠精進不可得故世尊禪那波羅蜜是般若波羅蜜佛言定亂不可得故世尊般

若波羅蜜是般若波羅蜜佛言癡慧  
不可得故世尊十力波羅蜜是般若  
波羅蜜佛言一切法不可伏故世尊  
四无所畏波羅蜜是般若波羅蜜佛  
言道種智不沒故世尊无寻智波羅  
蜜是般若波羅蜜佛言一切法無障  
無寻故世尊佛法波羅蜜是般若波  
羅蜜佛言過一切法故世尊如實說  
者波羅蜜是般若波羅蜜佛言一切  
語如實故世尊自然波羅蜜是般若  
波羅蜜佛言一切法中自在故世尊  
佛波羅蜜是般若波羅蜜佛言知一  
切法一切種智故

摩訶般若波羅蜜經卷第十二

戊戌歲高麗國大藏都監奉

勅彫造



摩訶般若波羅蜜經卷第十三

薑含

後秦龜茲國三藏鳩摩羅什譯

聞持品第四十五

卅本  
耳品

今時釋提桓因作是念若善男子善女人得聞般若波羅蜜經耳者是人於前世佛作功德與善知識相隨何況受持親近讀誦正憶念如說行當知是善男子善女人多親近諸佛能得聽受親近讀誦乃至正憶念如說修行能問能答當知是善男子善女人於前世多供養親近諸佛故聞是深般若波羅蜜不驚不怖不畏當知是人亦於無量億劫行檀那波羅蜜尸羅波羅蜜羼提波羅蜜毗梨耶波羅蜜禪那波羅蜜般若波羅蜜今時舍利弗白佛言世尊若有善男子善女人聞是深般若波羅蜜不驚不怖不畏聞已受持親近如說習行當知是善男子善女人如阿惟越致菩薩摩訶薩何以故世尊是般若波羅蜜甚深若先世不久行檀那波羅蜜尸羅波羅蜜羼提波羅蜜毗梨耶波羅

蜜禪那波羅蜜般若波羅蜜終不能  
信解深般若波羅蜜世尊若有善男  
子善女人些毀深般若波羅蜜者當  
知是人前世亦些毀深般若波羅蜜  
何以故是善男子善女人聞說深般  
若波羅蜜時无有信心心不清淨  
是善男子善女人先世不難不問諸  
佛及弟子云何應行檀那波羅蜜尸  
羅波羅蜜羼提波羅蜜毗梨耶波羅  
蜜禪那波羅蜜般若波羅蜜云何應  
修內空乃至云何應修无法有法空  
去何應修四念處乃至云何應修八  
聖道分云何應修佛十力乃至云何  
應修十八不共法釋提桓因語舍利  
弗是深般若波羅蜜若有善男子善  
女人不久行檀那波羅蜜尸羅波羅  
蜜羼提波羅蜜毗梨耶波羅蜜禪那  
波羅蜜般若波羅蜜不行內空外空  
乃至無法有法空不行四禪四无量  
心四无色定不行四念處乃至八聖  
道分不行佛十力乃至十八不共法  
如是人不信解是般若波羅蜜有何  
可怪大德舍利弗我礼般若波羅蜜

札般若波羅蜜是札一切智佛告釋  
提桓因言如是如是憍尸迦札般若  
波羅蜜是札一切智何以故憍尸迦  
諸佛一切智皆從般若波羅蜜生二  
切智即是般若波羅蜜以是故憍尸  
迦善男子善女人欲住一切智當住  
般若波羅蜜善男子善女人欲生道  
種智當習行般若波羅蜜欲斷一切  
諸結及習當習行般若波羅蜜善男  
子善女人欲轉法輪當習行般若波  
羅蜜善男子善女人欲得須陀洹果  
斯陀含果阿那含果阿羅漢果當習  
行般若波羅蜜欲得辟支佛道當習  
行般若波羅蜜欲教衆生令得須陀  
洹果斯陀含果阿那含果阿羅漢果  
辟支佛道當習行般若波羅蜜若善  
男子善女人欲教衆生令得阿耨多  
羅三藐三菩提若欲勸攝比丘僧當  
習行般若波羅蜜釋提桓因白佛言  
世尊菩薩摩訶薩欲行般若波羅蜜  
時云何名住般若波羅蜜禪那波羅  
蜜毗梨耶波羅蜜羼提波羅蜜尸羅  
波羅蜜檀那波羅蜜云何住內空外

空乃至无法有法空云何住四禪四  
无量心四無色定五神通云何住四  
念處乃至八聖道分云何住佛十力  
乃至十八不共法世尊菩薩摩訶薩  
云何習行般若波羅蜜乃至檀那波  
羅蜜內空乃至十八不共法佛語釋  
提桓因言善哉善哉憍尸迦汝能樂  
問是事皆是佛神力憍尸迦若菩薩  
摩訶薩行般若波羅蜜時若不住色  
中為習行般若波羅蜜若不住受想  
行識中為習行般若波羅蜜眼耳鼻  
舌身意色聲香味觸法眼界乃至意  
識界亦如是憍尸迦若菩薩摩訶薩  
不住般若波羅蜜中為習般若波羅  
蜜不住禪那波羅蜜中為習禪那波  
羅蜜不住毗梨耶波羅蜜中為習毗  
梨耶波羅蜜不住羼提波羅蜜中為  
習羼提波羅蜜不住尸羅波羅蜜中  
為習尸羅波羅蜜不住檀那波羅蜜  
中為習檀那波羅蜜如是憍尸迦是  
名菩薩摩訶薩不住般若波羅蜜中  
為習般若波羅蜜憍尸迦不住內空  
中為習內空乃至不住无法有法空

中為習无法有法空不住四禪中為  
習四禪不住四無量心中為習四无  
量心不住四无色定中為習四無色  
定不住五神通中為習五神通不住  
四念處中為習四念處乃至不住八  
聖道分中為習八聖道分不住佛十  
力中為習佛十力乃至不住十八不  
共法中為習十八不共法何以故憍  
尸迦是菩薩不得色可住可習處乃  
至十八不共法不得十八不共法可  
住可習處復次憍尸迦菩薩摩訶薩  
不習色若不習色是名習色受想行  
識乃至十八不共法亦如是何以故  
是菩薩摩訶薩色前際不可得中際  
不可得後際不可得乃至十八不共  
法亦如是舍利弗白佛言世尊是般  
若波羅蜜甚深佛言色如甚深故般  
若波羅蜜甚深受想行識如甚深故  
般若波羅蜜甚深乃至十八不共法  
亦如是舍利弗言世尊是般若波羅  
蜜難可測量佛言色難可測量故般  
若波羅蜜難可測量受想行識乃至  
十八不共法難可測量故般若波羅



蜜難可測量世尊是般若波羅蜜無量佛言色无量故般若波羅蜜无量受想行識乃至十八不共法無量故般若波羅蜜無量佛告舍利弗若菩薩摩訶薩行般若波羅蜜時不行色甚深為行般若波羅蜜不行受想行識乃至不行十八不共法甚深為行般若波羅蜜何以故色甚深相為非般若波羅蜜舍利弗若菩薩摩訶薩行般若波羅蜜時不行色難測量為行般若波羅蜜不行受想行識乃至不行十八不共法難測量為行般若波羅蜜何以故色難測量相為非色受想行識乃至十八不共法難測量相為非十八不共法舍利弗若菩薩摩訶薩行般若波羅蜜時不行色无量為行般若波羅蜜不行受想行識乃至不行十八不共法無量為行般若波羅蜜何以故色是无量相為非色受想行識乃至十八不共法無量相為非十八不共法舍利弗白佛言



世尊是般若波羅蜜甚深甚深相難見難解不可思量不應在新發意菩薩前說何以故新發意菩薩聞是甚深般若波羅蜜或當驚怖心生疑悔不信不行是甚深般若波羅蜜當在阿惟越致菩薩摩訶薩前說是菩薩聞是甚深般若波羅蜜不驚不怖心不疑悔則能信行釋提桓因問舍利弗若在新發意菩薩摩訶薩前說是深般若波羅蜜有何等過舍利弗報釋提桓因言憍尸迦若在新發意菩薩前說是深般若波羅蜜或當驚怖些毀不信是新發意菩薩或有是處若新發意菩薩聞是深般若波羅蜜毀些不信種三惡道業是業因緣故久久難得阿耨多羅三藐三菩提釋提桓因問舍利弗頗有未受記菩薩摩訶薩聞是深般若波羅蜜不驚不怖者不舍利弗言如是憍尸迦若有菩薩摩訶薩聞是深般若波羅蜜不驚不怖當知是菩薩得受阿耨多羅三藐三菩提記不久不過一佛兩佛佛告舍利弗如是如是是菩薩摩訶

薩久發意行六波羅蜜多供養諸佛

聞是深般若波羅蜜不驚不怖不畏

聞即受持如般若波羅蜜中所說行

今時舍利弗白佛言世尊我欲說譬

喻如求菩薩道善男子善女人夢中

修行般若波羅蜜入禪定勤精進具

足忍辱守護於戒行布施修行內空

外空乃至坐於道場當知是善男子

善女人近阿耨多羅三藐三菩提何

況菩薩摩訶薩欲得阿耨多羅三藐

三菩提覺時修行般若波羅蜜入禪

定勤精進具足忍辱守護於戒行布

施而不疾成阿耨多羅三藐三菩提

坐於道場世尊善男子善女人善根

成就得聞般若波羅蜜受持乃至如

說修行當知是菩薩摩訶薩久發意

種善根多供養諸佛與善知識相隨

是人能受持般若波羅蜜乃至正憶

念當知是人近受阿耨多羅三藐三

菩提記當知是善男子善女人如阿

惟越致菩薩摩訶薩於阿耨多羅三

藐三菩提不動轉能得深般若波羅

蜜得已能受持讀誦乃至正憶念世

尊辟如人欲過百由旬若二百三百  
四百由旬曠野嶮道先見諸相若放  
牧者若壇界若園林如是等諸相故  
知近城邑聚落是人見是相已作是  
念如我所見相當知城邑聚落不遠  
心得安隱不畏賊難惡虫飢渴世尊  
菩薩摩訶薩亦如是若得是深般若  
波羅蜜受持讀誦乃至正憶念當知  
近受得阿耨多羅三藐三菩提記不  
久當知是菩薩摩訶薩不應畏墮聲  
聞辟支佛地是諸先相所謂甚深般  
若波羅蜜得聞得見得受持乃至正  
憶念故佛告舍利弗如是如是汝更  
樂說者便說世尊辟如人欲見大海  
發心往趣不見樹相不見山相是人  
雖未見大海知大海不遠何以故大  
海處平无樹相無山相故如是世尊  
菩薩摩訶薩聞是深般若波羅蜜受  
持乃至正憶念時雖未佛前受却數  
之記若百劫千劫百千万億劫是菩  
薩自知近受阿耨多羅三藐三菩提  
記不久何以故我得聞是深般若波  
羅蜜受持讀誦乃至正憶念故世尊

譬如初春諸樹故葉已墮當知此樹  
新葉華果出在不久何以故見是諸  
樹先相故知今不久華葉果出是時  
閻浮提人見樹先相皆悉歡喜世尊  
菩薩摩訶薩得聞是深般若波羅蜜  
受持讀誦乃至正憶念如說行當知  
是菩薩善根成就多供養諸佛是菩  
薩應作是念先世善根所追趣阿耨  
多羅三藐三菩提以是因緣故得見  
得聞是深般若波羅蜜受持讀誦乃  
至正憶念如說行是中諸天子曾見  
佛者歡喜踊躍作是念言先諸菩薩  
摩訶薩亦有如是受記先相今是菩  
薩摩訶薩受阿耨多羅三藐三菩提  
記亦不久世尊譬如母人懷妊身體  
苦重行步不便坐起不安眠食轉少  
不喜語言厭本所習受苦痛故有異  
母人見其先相當知產生不久菩薩  
摩訶薩亦如是種善根多供養諸佛  
久行六波羅蜜與善知識相隨善根  
成就得聞深般若波羅蜜受持讀誦  
乃至正憶念如說行諸人亦知是菩  
薩摩訶薩得阿耨多羅三藐三菩提

記不久佛告舍利弗言善哉善哉汝  
所樂說皆是佛力今時須菩提白佛  
言希有世尊諸多陀阿伽度阿羅訶  
三藐三佛陀善付諸菩薩摩訶薩事  
佛告須菩提諸菩薩摩訶薩發阿耨  
多羅三藐三菩提心安隱多衆生令  
無量衆生得樂憐愍饒益諸天人故  
是諸菩薩行菩薩道時以四事攝无  
量百千衆生所謂布施愛語利益同  
事亦以十善道成就衆生自行初禪  
亦教他人令行初禪乃至自行非有  
想非無想處亦教他人令行乃至非  
有想非無想處自行檀那波羅蜜亦  
教他人令行檀那波羅蜜自行尸羅  
波羅蜜亦教他人令行尸羅波羅蜜  
自行羼提波羅蜜亦教他人令行羼  
提波羅蜜自行毗梨耶波羅蜜亦教  
他人令行毗梨耶波羅蜜自行禪那  
波羅蜜亦教他人令行禪那波羅蜜  
自行般若波羅蜜亦教他人令行般  
若波羅蜜是菩薩得般若波羅蜜以  
方便力教衆生令得須陀洹果自於  
內不證教衆生令得斯陀含果阿那

含果阿羅漢果自於內不證教衆生  
令得辟支佛道自於內不證自行六  
波羅蜜亦教无量百千万諸菩薩令  
行六波羅蜜自住阿惟越致地亦教  
他人住阿惟越致地自淨佛國土亦  
教他人淨佛國土自成就衆生亦教  
他人成就衆生自得菩薩神通亦教  
他人令得菩薩神通自淨陀羅尼門  
亦教他人淨陀羅尼門自具足樂說  
辯才亦教他人具足樂說辯才自受  
色成就亦教他人受色成就自成就  
三十二相亦教他人成就三十二相  
自成就童真地亦教他人成就童真  
地自成就佛十力亦教他人令成就  
佛十力自行四无所畏亦教他人行  
四無所畏自行十八不共法亦教他  
人令行十八不共法自行大慈大悲  
亦教他人行大慈大悲自得一切種  
智亦教他人令得一切種智自離一  
切結使及習亦教他人令離一切結  
使及習自轉法輪亦教他人轉法輪  
須菩提白佛言希有世尊諸菩薩摩  
訶薩大功德成就所謂為一切衆生



行般若波羅蜜欲得阿耨多羅三藐

三菩提世尊云何諸菩薩摩訶薩具

足修行般若波羅蜜佛告須菩提若

菩薩摩訶薩行般若波羅蜜時不見

色增相亦不見減相不見受想行識

增相亦不見減相乃至一切種智不

見增相亦不見減相菩薩摩訶薩是

時具足般若波羅蜜復次須菩提菩

薩摩訶薩行般若波羅蜜時不見是

法是非法不見是過去法是未來現

在法不見是善法不善法有記法無

記法不見是有為法無為法不見欲

界色界無色界不見檀那波羅蜜尸

羅波羅蜜羼提波羅蜜毗梨耶波羅

蜜禪那波羅蜜般若波羅蜜乃至不

見一切種智如是菩薩摩訶薩具足

修行般若波羅蜜何以故諸法无相

故諸法空欺誑无堅固無覺者無壽

命者須菩提言世尊世尊所說不可

思議佛告須菩提色不可思議故所

說不可思議受想行識不可思議故

所說不可思議六波羅蜜不可思議

故所說不可思議乃至一切種智不

可思議故所說不可思議須菩提若  
菩薩摩訶薩行般若波羅蜜時知色  
是不可思議愛想行識是不可思議  
乃至知一切種智是不可思議是菩  
薩則不能具足般若波羅蜜須菩提  
白佛言世尊是深般若波羅蜜誰當  
信解者佛言若有菩薩摩訶薩久行  
六波羅蜜種善根多親近供養諸佛  
與善知識相隨是菩薩能信解深般  
若波羅蜜須菩提白佛言世尊云何  
菩薩摩訶薩久行六波羅蜜種善根  
多親近供養諸佛與善知識相隨佛  
言若菩薩摩訶薩不分別色不分別  
色相不分別色性不分別受想行識  
不分別識相不分別識性眼耳鼻舌  
身意色聲香味觸法眼界乃至意識  
界亦如是不分別欲界色界無色界  
不分別三界相性不分別檀那波羅  
蜜乃至般若波羅蜜內空乃至無法  
有法空四念處乃至八聖道分佛十  
力乃至十八不共法不分別檀乃至十  
八不共法相不分別十八不共法性  
不分別道種智不分別道種智相性

不分別一切種智不分別一切種智  
相不分別一切種智性何以故須苦  
提色不可思議受想行識不可思議  
乃至一切種智不可思議如是須苦  
提是名菩薩摩訶薩久行六波羅蜜  
種善根多親近供養諸佛與善知識  
相隨須菩提白佛言世尊色甚深故  
般若波羅蜜甚深受想行識甚深乃  
至一切種智甚深故般若波羅蜜甚  
深世尊是般若波羅蜜珍寶聚有須  
陀洹果實故有斯陀含果阿那含果  
阿羅漢果辟支佛道阿耨多羅三藐  
三菩提寶故有四禪四無量心四无  
色定五神通四念處乃至八聖道分  
佛十力四無所畏四無尋智大慈大  
悲十八不共法一切智一切種智寶  
故世尊是般若波羅蜜清淨聚色清  
淨故般若波羅蜜清淨聚受想行識  
清淨乃至一切種智清淨故般若波  
羅蜜清淨聚須菩提言世尊甚可恠  
說是般若波羅蜜時多有留難佛言  
如是如是須菩提是甚深般若波羅  
蜜多有留難以是事故善男子善女

人若欲書是般若波羅蜜時應當疾書若讀誦思惟說正憶念修行時亦應疾修行何以故是甚深般若波羅蜜若書讀誦思惟說正憶念修行時不欲令諸難起故善男子善女人若能一月書成當應勤書若二月三月四月五月六月七月若一歲書成亦當勤書讀誦思惟說正憶念修行若一月得成就乃至一歲得成就應當勤成就何以故須菩提是珍寶中多有難起故須菩提言世尊是甚深般若波羅蜜中惡魔意作留難故不得令書不得令讀誦思惟說正憶念修行佛告須菩提惡魔雖欲留難是深般若波羅蜜今不得書讀誦思惟說正憶念修行亦不能破壞是菩薩摩訶薩書般若波羅蜜乃至修行余時舍利弗白佛言世尊誰力故令惡魔不能留難菩薩摩訶薩書深般若波羅蜜乃至修行佛言是佛力故惡魔不能留難菩薩摩訶薩書深般若波羅蜜乃至修行舍利弗亦是十方國土現在諸佛力故是諸佛擁護念是

菩薩故令魔不能留難菩薩摩訶薩  
令不書成就般若波羅蜜乃至修行  
何以故十方國土中現在無量無邊  
阿僧祇諸佛擁護念是菩薩書深般  
若波羅蜜乃至修行法應尔亦无能  
作留難舍利弗善男子善女人應當  
作是念我書是深般若波羅蜜乃至  
修行皆是十方諸佛力舍利弗言世  
尊若有善男子善女人書是深般若  
波羅蜜乃至修行皆是佛力故當知  
是人諸佛所護佛言如是如是舍  
利弗當知若有善男子善女人書是  
深般若波羅蜜乃至修行皆是佛力  
故當知亦是諸佛所護舍利弗言世  
尊十方現在無量無邊阿僧祇諸佛  
皆識皆以佛眼見是善男子善女人  
書深般若波羅蜜時乃至修行時佛  
言如是如是舍利弗十方現在無量  
無邊阿僧祇諸佛皆識皆以佛眼見  
是善男子善女人書深般若波羅蜜  
時乃至修行時舍利弗是中求菩薩  
道善男子善女人若書是深般若波  
羅蜜受持讀誦正憶念如說修行當

知是人近阿耨多羅三藐三菩提不久舍利弗善男子善女人書是深般若波羅蜜受持讀誦乃至正憶念是人於深般若波羅蜜多信解相亦供養恭敬尊重讚歎是深般若波羅蜜華香瓔珞乃至幡蓋供養舍利弗諸佛皆識皆以佛眼見是善男子善女人是善男子善女人供養功德當得大利益大果報舍利弗是善男子善女人以是供養功德因緣故終不墮惡道中乃至阿惟越致地終不遠離諸佛舍利弗是善男子善女人是善根因緣故乃至阿耨多羅三藐三菩提終不遠離六波羅蜜終不遠離內空乃至無法有法空終不遠離四念處乃至八聖道分終不遠離佛十力乃至阿耨多羅三藐三菩提舍利弗是深般若波羅蜜佛般涅槃後當至南方國土是中比丘比丘尼優婆塞優婆夷當書是深般若波羅蜜當受持讀誦思惟說正憶念修行以是善根因緣故終不墮惡道中受天上人中樂增益六波羅蜜供養恭敬尊重



讚歎諸佛漸以聲聞辟支佛佛乘而得涅槃舍利弗是深般若波羅蜜從南方當轉至西方所在處是中比丘比丘尼優婆塞優婆夷當書是深般若波羅蜜當受持讀誦思惟說正憶念修行以是善根因緣故終不墮惡道中受天上人中樂增益六波羅蜜供養恭敬尊重讚歎諸佛漸以聲聞辟支佛佛乘而得涅槃舍利弗是深般若波羅蜜當受持讀誦思惟說正憶念修行以是善根因緣故終不墮惡道中受天上人中樂增益六波羅蜜供養恭敬尊重讚歎諸佛漸以聲聞辟支佛佛乘而得涅槃舍利弗是時北方當作佛事何以故舍利弗我法威時元滅相舍利弗我已念是善男子善女人受是深般若波羅蜜乃至修行是善男子善女人能書是般若波羅蜜恭敬供養尊重讚歎華香乃至幡蓋舍利弗是善男子善女人以是

善根因緣故終不墮惡道中受天上  
人中樂增益六波羅蜜供養恭敬尊  
重讚歎諸佛漸以聲聞辟支佛佛乘  
而得涅槃何以故舍利弗我以佛眼  
見是人我亦稱譽讚歎十方國土中  
無量無邊阿僧祇諸佛亦以佛眼見  
是人亦稱譽讚歎舍利弗白佛言世  
尊是深般若波羅蜜後時當在北方  
廣行耶佛言如是如是舍利弗是深  
般若波羅蜜後時在北方當廣行舍  
利弗後時於北方是善男子善女人  
若聞是深般若波羅蜜若書受持讀  
誦思惟說正憶念如說修行當知是  
善男子善女人久發大乘心多供養  
諸佛種善根久與善知識相隨舍利  
弗白佛言世尊後時北方當有幾所  
善男子善女人求佛道書深般若波  
羅蜜乃至如說修行佛告舍利弗後  
時北方雖多有求佛道善男子善女  
人少有聞是深般若波羅蜜不沒不  
驚不怖不畏何以故是人多親近供  
養諸佛多諮問諸佛是人必能具足  
般若波羅蜜憍那波羅蜜毗梨耶波

羅蜜羣提波羅蜜尸羅波羅蜜檀那  
波羅蜜具足四念處乃至具足十八  
不共法舍利弗是善男子善女人善  
根純熟故能多利益衆生為阿耨多  
羅三藐三菩提何以故我今為是善  
男子善女人說應薩婆若法過去諸  
佛亦為是善男子善女人說應薩婆  
若法以是因緣故是人後生時續得  
阿耨多羅三藐三菩提心亦為他人  
說阿耨多羅三藐三菩提法是善男  
子善女人皆一心和合魔若魔民不  
能沮壞阿耨多羅三藐三菩提心何  
況惡行人毀世行深般若波羅蜜者  
能壞其阿耨多羅三藐三菩提心舍  
利弗是求菩薩道諸善男子善女人  
聞是深般若波羅蜜得大法喜法樂  
亦立多人於善根為阿耨多羅三藐  
三菩提是善男子善女人於我前立  
誓願我行菩薩道時當度無數百千  
萬億衆生令發阿耨多羅三藐三菩  
提心示教利喜乃至阿惟越致地受  
記我知其心我亦隨喜是善男子善  
女人亦於過去諸佛前立誓願我行

菩薩道時當度無數百千万億衆生  
令發阿耨多羅三藐三菩提心示教  
利喜乃至阿惟越致地受記諸過去  
佛亦知其心而隨喜舍利弗是諸善  
男子善女人所為心大所受色聲香  
味觸法亦大亦能大施能大施已種  
大善根種大善根已得大果報為攝  
衆生故受身能於衆生中捨内外所有  
物以是善根因緣發願欲生他方國  
土現在諸佛說深般若波羅蜜處於  
諸佛前聞是深般若波羅蜜已亦於  
彼示教利喜百千万億衆生令發阿  
耨多羅三藐三菩提心舍利弗白佛  
言希有世尊佛於過去未來現在法  
无法不知無法如相不知衆生之  
行無事不知今佛悉知過去諸佛及  
菩薩聲聞亦知今現在十方諸佛國  
土菩薩及聲聞亦知未來諸佛及菩  
薩聲聞世尊未來世有善男子善女  
人勤求六波羅蜜受持讀誦乃至修  
行有得有不得佛告舍利弗若善男  
子善女人一心精進勤求當得應六  
波羅蜜諸經舍利弗白佛言善男子

善女人如是勤行者得是應六波羅蜜深經耶佛語舍利弗是善男子善女人得是應六波羅蜜深經何以故善男子善女人為阿耨多羅三藐三菩提故與衆生說法示教利喜令住六波羅蜜以是因緣故是善男子善女人後身轉生易得應六波羅蜜深經得已如六波羅蜜所說修行精勤不息乃至淨佛國土成就衆生得阿耨多羅三藐三菩提

摩訶般若波羅蜜經魔事品第四十六

尔時慧命須菩提白佛言世尊是善

男子善女人發阿耨多羅三藐三菩

提心行六波羅蜜成就衆生淨佛國

土佛已讚歎說其功德世尊云何是

善男子善女人求於佛道生諸留難

佛告須菩提樂說辯不即生當知是

菩薩魔事須菩提言世尊何因緣故

樂說辯不即生是菩薩魔事佛言有

菩薩摩訶薩行般若波羅蜜時難具

足六波羅蜜以是因緣故樂說辯不

即生是菩薩魔事復次須菩提樂說

辯卒起當知亦是菩薩魔事世尊何



因緣故樂說辯卒起復是魔事佛言

菩薩摩訶薩行檀那波羅蜜乃至般

若波羅蜜著樂說法以是因緣故樂

說辯卒起當知是菩薩魔事復次須

菩提書是般若波羅蜜經時偃蹇傲

慢當知是菩薩魔事復次須菩提書

是經時戲笑亂心當知是菩薩魔事

復次須菩提若書是經時輕笑不敬

當知是菩薩魔事復次須菩提若書

是經時心亂不定當知是菩薩魔事

復次須菩提書是經時各各不和合

當知是為菩薩魔事復次須菩提善

男子善女人作是念我不得是經中

滋味便棄捨去當知是為菩薩魔事

復次須菩提受持般若波羅蜜讀誦

說若正憶念時偃蹇傲慢當知是為

菩薩魔事復次須菩提若受持般若

波羅蜜經時親近正憶念時轉相形

笑當知是為菩薩魔事復次須菩提

若受持般若波羅蜜經讀誦正憶念

修行時共相輕蔑當知是為菩薩魔

事若受持般若波羅蜜讀誦乃至正

憶念時散亂心當知是為菩薩魔事



若受持般若波羅蜜讀誦乃至正憶  
念時心不和合當知是為菩薩魔事  
須菩提白佛言世尊世尊說善男子  
善女人作是念我不得經中滋味便  
棄捨去當知是為菩薩魔事世尊何  
因緣故菩薩不得經中滋味便棄捨  
去佛言是菩薩摩訶薩前世不久行  
般若波羅蜜禪那波羅蜜毗梨耶波  
羅蜜羈提波羅蜜尸羅波羅蜜檀那  
波羅蜜是人間說是般若波羅蜜便  
從座起作是念言我於般若波羅蜜  
中无記心不清淨便從座起去當知  
是為菩薩魔事須菩提白佛言世尊  
何因緣故不與受記聞說是般若波  
羅蜜時便從座起去佛告須菩提若  
菩薩未入法位中諸佛不與受阿耨  
多羅三藐三菩提記復次須菩提聞  
說般若波羅蜜時菩薩作是念我是  
中无名字心不清淨當知是為菩薩  
魔事須菩提言何因緣故是深般若  
波羅蜜中不說是菩薩名字佛言未  
受記菩薩諸佛不記名字復次須菩  
提是菩薩摩訶薩作是念是般若波

羅蜜中无我生處名字若聚落城邑  
是人不欲聽聞般若波羅蜜便從會  
中起去是人如所起念時念念却一  
劫補當更勤精進求阿耨多羅三藐  
三菩提復次須菩提菩薩學餘經棄  
捨般若波羅蜜終不能至薩婆若善  
男子善女人為捨其根而攀枝葉當  
知是為菩薩魔事須菩提白佛言世  
尊何等是餘經善男子善女人所學  
不能至薩婆若佛言是聲聞所應行  
經所謂四念處四正勤四如意足五  
根五力七覺分八聖道分空無相无  
作解脫門善男子善女人住是中得  
須陀洹果斯陀含果阿那含果阿羅  
漢果是名聲聞所行不能至薩婆若  
如是善男子善女人捨般若波羅蜜  
親近是餘經何以故須菩提般若波  
羅蜜中出生諸菩薩摩訶薩成就世  
間出世間法須菩提菩薩摩訶薩學  
般若波羅蜜時亦學世間出世間法  
須菩提譬如狗不從大家求食反從  
作務者索如是須菩提當來世有善  
男子善女人棄深般若波羅蜜而攀

枝葉取聲聞辟支佛所應行經當知  
是為菩薩魔事須菩提譬如有人欲  
得見象見已反觀其跡須菩提於汝  
意云何是人為黠不須菩提言為不  
黠佛言諸求佛道善男子善女人亦  
復如是得深般若波羅蜜棄捨去取  
聲聞辟支佛所應行經須菩提當知  
是為菩薩魔事須菩提譬如人欲見  
大海反求牛跡水作是念大海水能  
與此等不須菩提於汝意云何是人  
為黠不須菩提言為不黠佛言當來  
世有求佛道善男子善女人亦如是  
得深般若波羅蜜棄捨去取聲聞辟  
支佛所應行經當知是亦菩薩摩訶  
薩魔事須菩提譬如工匠若工匠弟  
子欲擬作帝釋勝殿而揆則日月宮  
殿須菩提於汝意云何是人為黠不  
須菩提言為不黠如是須菩提當來  
世有薄福德善男子善女人求佛道  
者得是深般若波羅蜜便棄捨去於  
聲聞辟支佛所應行經中求薩婆若  
須菩提於汝意云何是人為黠不須  
菩提言為不黠佛言當知亦是菩薩

魔事須菩提辟如有人欲見轉輪聖王見而不識後見諸小國王取其相貌如是言轉輪聖王與此何異須菩提提於汝意云何是人為點不須菩提言為不點須菩提當來世有薄福德善男子善女人求佛道者得是深般若波羅蜜棄捨去取聲聞辟支佛所應行經持求薩婆若須菩提於汝意云何是人為點不須菩提言為不點當知是亦菩薩魔事須菩提辟如人得無價摩尼珠反持比水精珠須菩提於汝意云何是人為點不須菩提言為不點佛言當來世有求佛道善男子善女人得聞深般若波羅蜜棄捨去取聲聞辟支佛所應行經持求薩婆若於汝意云何是人為點不須菩提言為不點佛言當來世有求佛道善男子善女人得聞深般若波羅蜜棄捨去取聲聞辟支佛所應行經持求薩婆若是人

為點不須菩提言為不點當知是亦  
菩薩魔事復次須菩提是求佛道善  
男子善女人書是深般若波羅蜜時  
樂說不如法事不得書成般若波羅  
蜜所謂樂說色聲香味觸法樂說持  
戒禪定无色定樂說檀那波羅蜜乃  
至般若波羅蜜樂說四念處乃至阿  
耨多羅三藐三菩提何以故須菩提  
是般若波羅蜜中無樂說相須菩提  
般若波羅蜜不可思議相般若波羅  
蜜不生不滅相般若波羅蜜不垢不  
淨相般若波羅蜜不亂不散相般若  
波羅蜜无說相般若波羅蜜无言  
無義相般若波羅蜜无所得相何以  
故須菩提般若波羅蜜中無是諸法  
須菩提若有善男子善女人求菩薩  
道者書是般若波羅蜜經時以是諸  
法散亂心當知亦是菩薩魔事須菩  
提白佛言世尊是般若波羅蜜可書  
耶佛言不可書何以故般若波羅蜜  
自性无故禪那波羅蜜毗梨耶波羅  
蜜羼提波羅蜜尸羅波羅蜜檀那波  
羅蜜乃至一切種智自性无故若自



性无是不名為法無法不能書無法  
須菩提若求菩薩道善男子善女人  
作是念無法是深般若波羅蜜當知  
即是菩薩魔事世尊是求菩薩道善  
男子善女人用字書般若波羅蜜自  
念我書是般若波羅蜜以字著般若  
波羅蜜當知亦是菩薩魔事何以故  
世尊是般若波羅蜜無文字禪那波  
羅蜜毗梨耶波羅蜜羣提波羅蜜尸  
羅波羅蜜檀那波羅蜜无有文字世  
尊色无文字受想行識無文字乃至  
一切種智無文字世尊若求菩薩道  
善男子善女人者無文字般若波羅  
蜜乃至著无文字一切種智當知是  
亦菩薩魔事讀誦說正憶念如說修  
行亦如是復次須菩提求佛道善男  
子善女人書是般若波羅蜜時國土  
念起聚落念起城郭念起方念起若  
聞毀謗其師起念若念父母及兄弟  
姊妹諸餘親里若念賊若念旃陀羅  
若念衆女若念姪女如是等種種諸  
餘異念留難惡魔復益其念破壞書  
般若波羅蜜破壞讀誦說正憶念如



說修行須菩提當知是亦菩薩魔事

復次須菩提求佛道善男子善女人

得名譽恭敬布施供養所謂衣服飲

食卧牀疾藥種種樂具善男子善女

人書是般若波羅蜜經受讀誦乃至

正憶念時受者是事不得書成般若

波羅蜜乃至正憶念當知是亦菩薩

魔事復次須菩提求佛道善男子善

女人書般若波羅蜜乃至如說修行

時惡魔方便持諸餘深經與是菩薩

摩訶薩有方便力者不應貪著惡魔

所與諸餘深經何以故是經不能令

人至薩婆若故是中无方便菩薩摩

訶薩聞是諸餘深經便捨深般若波

羅蜜須菩提我是般若波羅蜜中廣

說諸菩薩摩訶薩方便道諸菩薩摩

訶薩應當從是中求須菩提今善男

子善女人求菩薩道捨是深般若波

羅蜜於魔所與聲聞辟支佛深經中

求方便道當知亦是菩薩魔事

摩訶般若波羅蜜經卷第十三

戊戌歲高麗國大藏都監奉

勅彫造

摩訶般若波羅蜜經卷第十四 薑

寶照

後秦龜茲國三藏鳩摩羅什譯

兩過品第四十七

丹兩不和合品

復次須菩提聽法人欲書持般若波羅蜜讀誦問義正憶念說法人懈惰不欲為說當知是為菩薩魔事須菩提說法之人心不懈惰欲令書持般若波羅蜜聽法者不欲受之二心不和當知是為魔事復次須菩提聽法人欲書持般若波羅蜜讀誦乃至正憶念說法者欲至他方當知是為魔事須菩提說法人欲令書持般若波羅蜜聽法者欲至他方二心不和當知是為魔事復次須菩提說法人貴重布施衣服飲食卧具醫藥資生之物聽法人少欲知足行遠離行攝念精進一心智慧兩不和合不得書持般若波羅蜜受持讀誦問義正憶念當知是為魔事須菩提說法人少欲知足行遠離行攝念精進一心智慧聽法者貴重布施衣服飲食卧具醫藥資生之物兩不和合不得書持般

若波羅蜜讀誦問義正憶念當知是  
為魔事復次須菩提說法者受十二  
頭陀一作阿蘭若二常乞食三納衣  
四一坐食五節量食六中後不飲漿  
七塚間住八樹下住九露地住十常  
坐不卧十一次第乞食十二但三衣  
聽法人不受十二頭陀不作阿蘭若  
乃至不受但三衣兩不和合不得書  
持般若波羅蜜讀誦問義正憶念當  
知是為魔事須菩提聽法者受十二  
頭陀作阿蘭若乃至但受三衣說法  
人不受十二頭陀不作阿蘭若乃至  
不受但三衣兩不和合不得書持般  
若波羅蜜讀誦問義正憶念當知是  
為魔事復次須菩提說法者有信有  
善欲書深般若波羅蜜乃至正憶念  
聽法者无信破戒惡行不欲書受深  
般若波羅蜜乃至正憶念當知是為  
魔事須菩提聽法者有信有善持戒  
說法者無信破戒惡行兩不和合當  
知是為魔事復次須菩提說法者能  
一切施心不慳惜聽法者慳惜不捨  
當知是為魔事須菩提聽法者一切

能施心不慳惜說法者恠法不施兩  
不和合不得書持般若波羅蜜乃至  
正憶念當知是為魔事復次須菩提  
聽法者欲供養說法人衣服飲食卧  
具醫藥資生所須說法者不欲受之  
當知是為魔事須菩提說法者欲供  
給聽法人衣服乃至資生所須聽法  
者不欲受之兩不和合不得書持般  
若波羅蜜乃至正憶念當知是為魔  
事復次須菩提說法者易悟聽法人  
闇鈍當知是為魔事須菩提聽法者  
易悟說法人闇鈍兩不和合不得書  
持般若波羅蜜乃至正憶念當知是  
為魔事復次須菩提說法者知十二  
部經次第義所謂修妬路乃至優波  
提舍聽法者不知十二部經次第義  
當知是為魔事聽法者知十二部經  
次第義說法人不知十二部經次第  
義兩不和合不得書深般若波羅蜜  
乃至正憶念當知是為魔事復次須  
菩提說法者成就六波羅蜜聽法人  
不成就六波羅蜜兩不和合不得書  
深般若波羅蜜乃至正憶念當知是

為魔事聽法者有六波羅蜜說法人  
無六波羅蜜兩不和合不得書深般  
若波羅蜜乃至正憶念當知是為魔  
事復次須菩提說法者於六波羅蜜  
有方便力聽法人於六波羅蜜无方  
便力兩不和合不得書深般若波羅  
蜜乃至正憶念當知是為魔事聽法  
者於六波羅蜜有方便力說法人於  
六波羅蜜無方便力兩不和合不得  
書深般若波羅蜜乃至正憶念當知  
是為魔事復次須菩提說法者得陀  
羅尼聽法人无陀羅尼兩不和合不  
得書深般若波羅蜜乃至正憶念當  
知是為魔事聽法者得陀羅尼說法  
者无陀羅尼兩不和合不得書深般  
若波羅蜜乃至正憶念當知是為魔  
事復次須菩提說法者欲令書持般  
若波羅蜜讀誦乃至正憶念聽法人  
不欲書持般若波羅蜜讀誦乃至正  
憶念兩不和合不得書般若波羅蜜  
乃至正憶念當知是為魔事聽法者  
欲書讀誦說般若波羅蜜說法者不  
欲令書般若波羅蜜乃至不欲令說



兩不和合不得書深般若波羅蜜乃至  
正憶念當知是為魔事復次須菩提  
說法者離貪欲瞋恚睡眠掉悔疑聽  
法人貪欲瞋恚睡眠掉悔疑當知是  
為魔事聽法者離貪欲瞋恚睡眠掉  
悔疑說法人貪欲瞋恚睡眠掉悔疑  
兩不和合不得書深般若波羅蜜乃  
至正憶念當知是為魔事復次須菩  
提書是深般若波羅蜜乃至正憶念  
時或有人來說三惡道中苦劇汝何  
不於是身盡苦速入涅槃何用是阿耨  
多羅三藐三菩提為兩不和合不得  
書深般若波羅蜜乃至正憶念當知  
是為魔事復次須菩提書是深般若  
波羅蜜受持讀誦說正憶念時或有  
人來讚四天王諸天讚三十三天夜  
摩天兜率陀天化樂天他化自在天  
梵天乃至非有想非无想天讚初禪  
乃至非有想非無想定作是言善男  
子欲界中受五欲快樂色界中受禪  
生樂无色界中受寂滅樂是事亦無  
常苦空無我變相盡相散相離相滅  
相汝何不於是身中取須陀洹果斯



陀舍果阿那舍果阿羅漢果辟支佛  
道何用是世間生死中受種種苦求  
阿耨多羅三藐三菩提為兩不和合  
不得書深般若波羅蜜乃至正憶念  
當知是為魔事復次須菩提說法者  
一身无累自在無碍聽法人多將人  
衆兩不和合不得書深般若波羅蜜  
乃至正憶念當知是為魔事聽法者  
一身无累自在無碍說法者多將人  
衆兩不和合不得書深般若波羅蜜  
乃至正憶念當知是為魔事復次須  
菩提說法者如是言汝能隨我意者  
當與汝般若波羅蜜令書讀誦說正  
憶念若不隨我意者則不與汝兩不  
和合不得書深般若波羅蜜讀誦說  
正憶念當知是為魔事復次須菩提  
聽法者欲得追隨如其意說法者不  
聽兩不和合不得書深般若波羅蜜  
乃至正憶念當知是為魔事復次須  
菩提說法者欲得財利故與般若波  
羅蜜令書持乃至正憶念聽法者以  
是因緣故不欲從受兩不和合不得  
書深般若波羅蜜乃至正憶念當知

是為魔事聽法者為財利故欲書深般若波羅蜜讀誦說法者以是因緣故不欲與兩不和合不得書深般若波羅蜜讀誦說法者欲至他方危命之次須苦提說法者欲至他方危命之處聽法者不欲隨去兩不和合不得書深般若波羅蜜乃至正憶念當知是為魔事復次須苦提說法者欲至他方飢餓穀貴无水之處聽法者不欲隨去兩不和合不得書深般若波羅蜜乃至正憶念當知是為魔事聽法者欲至他方飢餓穀貴无水之處說法者不欲去兩不和合不得書深般若波羅蜜乃至正憶念當知是為魔事復次須苦提說法者欲至他方豐樂之處聽法者欲隨從去說法者言善男子汝為利養故追隨我汝善自思惟若得若不得無令後悔以是小因緣故兩不和合聽法者聞之心默作是念是為拒逆不欲與我相隨便

即止不去兩不和合不得書深般若  
波羅蜜乃至正憶念當知是為魔事  
復次須菩提說法者欲過曠野賊怖  
旃陀羅怖獵師怖惡獸毒蛇怖聽法  
者欲隨逐去說法者言善男子汝何  
用到彼彼中多有諸怖賊怖乃至毒  
蛇怖聽法者聞之知其不欲與般若  
波羅蜜書持乃至正憶念心厭不欲  
追隨以是少因緣故兩不和合當知  
是為魔事復次須菩提說法者多有  
檀越數往問評以是因緣故語聽法  
者我有因緣應往到彼聽法人知其  
意便止不去兩不和合不得書深般  
若波羅蜜乃至正憶念當知是為魔  
事復次須菩提惡魔作比丘形像來  
方便破壞般若波羅蜜不得令書持  
讀誦說正憶念須菩提白佛言世尊  
何因緣故惡魔作比丘形像方便破  
壞般若波羅蜜不得令書持乃至正  
憶念佛言惡魔作比丘形像來壞善  
男子善女人心令遠離般若波羅蜜  
作是言如我所說經即是般若波羅  
蜜此經非般若波羅蜜須菩提是中

破壞諸比丘時有未受記菩薩便墮  
疑惑墮疑惑故不得書深般若波羅  
蜜不受不持乃至不作正憶念兩不  
和合不得書成般若波羅蜜乃至正  
憶念當知是為魔事復次須菩提惡  
魔作比丘身到菩薩所如是言若菩  
薩行般若波羅蜜於實際作證得須  
陀洹果斯陀含果阿那含果阿羅漢  
果得辟支佛道以是不和合不得書  
般若波羅蜜乃至正憶念當知是為  
魔事復次須菩提說是深般若波羅  
蜜時多有魔事起留難般若波羅蜜  
是為魔事菩薩摩訶薩應當覺知知  
已遠離須菩提言世尊何等是魔事  
留難菩薩應當覺知知已遠離佛言  
似般若波羅蜜諸魔事起似禪那波  
羅蜜似毗梨耶波羅蜜似羈提波羅  
蜜似尸羅波羅蜜似檀那波羅蜜魔  
事起菩薩應當覺知知已遠離復次  
須菩提聲聞辟支佛所應行經是菩  
薩摩訶薩應當知是魔事而遠離之  
復次須菩提內空外空乃至无法有  
法空四念處乃至八聖道分空無相

无作解脫門用是法得須陀洹果斯  
陀含果阿那含果阿羅漢果辟支佛  
道如是等諸經惡魔作比丘形像方  
便與菩薩摩訶薩以是不和合故不  
得書深般若波羅蜜乃至正憶念當  
知是為魔事復次須菩提惡魔作佛  
身金色丈光到菩薩所是菩薩貪著  
貪著因緣故耗減薩婆若以是不和  
合故不得書般若波羅蜜乃至正憶  
念當知是為魔事復次須菩提惡魔  
作佛身及比丘僧到菩薩前是菩薩  
起貪著意作是念我於當來世亦當  
如是從比丘僧為說法是菩薩貪著  
魔身故耗減薩婆若不得書成般若  
波羅蜜當知是為魔事復次須菩提  
惡魔化作無數百千万億菩薩行檀  
那波羅蜜尸羅波羅蜜羼提波羅蜜  
毗梨耶波羅蜜檀那波羅蜜般若波  
羅蜜指不善男子善女人善男子善  
女人見已貪著貪著故耗減薩婆若  
不得書深般若波羅蜜乃至正憶念  
當知是為魔事何以故是深般若波  
羅蜜中無有色无有受想行識乃至



無阿耨多羅三藐三菩提須菩提是  
般若波羅蜜若無有色乃至無阿耨  
多羅三藐三菩提是中無佛無聲聞  
無辟支佛無菩薩何以故一切諸法  
自性空故復次須菩提善男子善女  
人書是深般若波羅蜜受讀誦說正  
憶念時多有留難起須菩提譬如閻  
浮提中珍寶金銀琉璃車渠瑪瑙珊  
瑚等多難多賊如是須菩提善男子  
善女人書是深般若波羅蜜乃至正  
憶念時多賊多留難起須菩提白佛  
言如是世尊閻浮提中珍寶金銀琉  
璃車渠瑪瑙珊瑚等多難多難世尊  
善男子善女人亦如是書是深般若  
波羅蜜乃至正憶念時多留難起多  
有魔事何以故是愚癡人為魔所使  
善男子善女人書是深般若波羅蜜  
乃至正憶念時破壞令遠離世尊是  
愚癡人少智少慧是善男子善女人  
書深般若波羅蜜乃至正憶念時破  
壞令遠離是愚癡人心不樂大法是  
故不書是深般若波羅蜜不受不讀  
不誦不正憶念不如說修行亦壞他



人令不得書深般若波羅蜜乃至如  
說修行佛言如是如是須菩提新發  
大乘意善男子善女人為魔所使不  
種善根不供養諸佛不隨善知識故  
不書深般若波羅蜜乃至不正憶念  
而作留難是善男子善女人少智少  
慧心不樂大法是故不能書是深般  
若波羅蜜乃至正憶念魔事起故須  
菩提若善男子善女人能書是深般  
若波羅蜜乃至正憶念時魔事不起  
能具足禪那波羅蜜乃至檀那波羅  
蜜能具足四念處乃至一切種智須  
菩提當知佛力故是善男子善女人  
能書是深般若波羅蜜乃至正憶念  
亦能具足禪那波羅蜜乃至檀那波  
羅蜜具足內空乃至無法有法空具  
足四念處乃至八聖道分佛十力乃  
至一切種智須菩提十方現在无量  
無邊阿僧祇諸佛亦助是善男子善  
女人令得書是深般若波羅蜜乃至  
正憶念十方阿惟越致諸菩薩摩訶  
薩亦擁護祐助是善男子善女人書  
深般若波羅蜜乃至正憶念

摩訶般若波羅蜜經佛母品第四十八

佛告須菩提譬如母人有子若五若十若二十若三十若四十若五十若百若千母中得病諸子各各勤求救療作是念我等云何令母安隱无諸苦患不樂之事風寒冷熱奎虫蛇舄侵犯母身是我等憂其諸子等常求樂具供養其母所以者何生育我等亦我世間如是須菩提佛常以佛眼視是深般若波羅蜜何以故是深般若波羅蜜能示世間相十方現在諸佛亦以佛眼常視是深般若波羅蜜何以故是深般若波羅蜜能生諸佛能與諸佛一切智能示世間相以是故諸佛常以佛眼視是深般若波羅蜜又以般若波羅蜜能生禪那波羅蜜乃至檀那波羅蜜能生內空乃至無法有法空能生四念處乃至八聖道分能生佛十力乃至一切種智如是般若波羅蜜能生須陀洹斯陀含阿那含阿羅漢辟支佛諸佛須菩提所有諸佛已得阿耨多羅三藐三菩提今得當得皆因深般若波羅蜜因

緣故得須菩提若求佛道善男子善  
女人當善是深般若波羅蜜乃至正  
憶念諸佛常以佛眼覩是人須菩提  
是求菩薩道善男子善女人諸十方  
佛常守護令不退阿耨多羅三藐三  
菩提須菩提白佛言如世尊所說般  
若波羅蜜能生諸佛能亦世間相世  
尊般若波羅蜜云何能生諸佛云何  
能亦世間相云何諸佛從般若波羅  
蜜生云何諸佛說世間相佛告須菩  
提是深般若波羅蜜中生佛十力乃  
至十八不共法一切種智須菩提得  
是諸法因緣故名為佛須菩提以是  
故深般若波羅蜜能生諸佛須菩提  
諸佛說五陰是世間相須菩提言世  
尊云何深般若波羅蜜中說五陰相  
云何深般若波羅蜜中亦五陰如須  
菩提般若波羅蜜不亦五陰破不亦  
五陰壞不亦生不亦滅不亦垢不亦  
淨不亦增不亦減不亦入不亦出不  
亦過去不亦未來不亦現在何以故  
空相不破不壞无相相無作相不破不  
壞不起法不生法無所有法性法不

破不壞相如是亦如是須菩提佛說  
深般若波羅蜜能示世間相復次須  
菩提諸佛因般若波羅蜜悉知無量  
無邊阿僧祇衆生心所行須菩提是  
深般若波羅蜜中无衆生無衆生名  
无色無色名无受想行識無受想行  
識名无眼乃至无意無眼識乃至无意  
識无眼觸乃至无意觸乃至无一切  
種智無一切種智名如是須菩提是  
深般若波羅蜜能示世間相須菩提  
是深般若波羅蜜亦不示色不示受  
想行識乃至不示一切種智何以故  
須菩提是深般若波羅蜜中尚无般  
若波羅蜜何況色乃至一切種智復  
次須菩提所有衆生名數若有色若  
無色若有想若無想若非有想若非  
无想若此間國土若遍十方國土是  
諸衆生若攝心若亂心是攝心亂心  
佛如實知須菩提云何佛知衆生攝  
心亂心相以法相故知用何等法相  
故知須菩提是法相中尚無法相相  
何況有攝心亂心須菩提以是法相  
故佛知衆生攝心亂心復次須菩提

佛知衆生攝心亂心云何知須菩提以盡相故知以無染相故知以滅相故知以斷相故知以寂相故知以離相故知如是須菩提佛因般若波羅蜜知衆生攝心亂心復次須菩提佛因般若波羅蜜知衆生染心如實知染心瞋心癡心須菩提白佛言世尊云何佛知衆生染心如實知染心瞋心癡心如實知瞋心癡心佛告須菩提染心如實相則无染心相何以故如實相中心心數法尚不可得何況當得染心不染心須菩提瞋心癡心如實相則无瞋心無癡心相何以故如實相中心心數法尚不可得何況當得瞋心不瞋心癡心不癡心如如是須菩提佛因般若波羅蜜衆生染心如實知染心瞋心癡心如實知瞋心復次須菩提佛因般若波羅蜜衆生無染心如實知無染心无瞋心無癡心如實知无瞋心无癡心須菩提白佛言世尊云何衆生無染心如實知无染心無瞋心如實知无瞋心無癡心如實知無



癡心佛告須菩提是心無染相中染  
相不染相不可得何以故須菩提二  
心不俱故如是須菩提佛因般若波  
羅蜜衆生无染心如實知无染心須  
菩提是無瞋心无癡心相中癡心不  
癡心不可得何以故二心不俱故如  
是須菩提佛因般若波羅蜜衆生无  
瞋心無癡心如實知復次須菩提佛  
因般若波羅蜜是衆生廣心如實知  
廣心須菩提白佛言世尊云何佛因  
般若波羅蜜是衆生廣心如實知廣心  
須菩提佛知諸衆生心相不廣不狹  
不增不減不來不去心相離故是心  
不廣不狹乃至不來不去何以故是  
心性无故誰作廣誰作狹乃至來去  
如是須菩提佛因般若波羅蜜是衆  
生廣心如實知廣心復次須菩提佛  
因般若波羅蜜是衆生大心如實知  
大心須菩提白佛言世尊云何佛因  
般若波羅蜜是衆生大心如實知大  
心佛告須菩提佛因般若波羅蜜不  
見衆生心來相去相不見衆生心生  
相滅相住異相何以故是諸心性无



故誰來誰去誰生滅住異如是須菩  
提佛因般若波羅蜜是衆生大心如  
實知大心復次須菩提佛因般若波  
羅蜜衆生無量心如實知无量心須  
菩提白佛言世尊云何佛因般若波  
告須菩提佛因般若波羅蜜知是衆  
生心不見住不見不住何以故是无  
量心相無依止故誰有住不住處如  
是須菩提佛因般若波羅蜜衆生無  
量心如實知无量心復次須菩提佛  
因般若波羅蜜衆生不可見心如實  
知不可見心須菩提白佛言世尊云  
何佛因般若波羅蜜衆生不可見心  
如實知不可見心佛告須菩提衆生  
心是无相佛如實知無相自相空故  
復次須菩提佛知衆生心五眼不能  
見如是須菩提佛因般若波羅蜜衆  
生不可見心如實知不可見心復次  
須菩提佛因深般若波羅蜜衆生志  
數出沒屈申如實知世尊云何佛因  
深般若波羅蜜衆生心數出沒屈申  
如實知佛言一切衆生心數出沒屈

申等皆依色受想行識生須菩提佛  
於是中知衆生心數出沒屈申所謂  
神及世間常是事實餘妄語是見依  
色神及世間无常是事實餘妄語是  
見依色神及世間常亦无常是事實  
餘妄語是見依色神及世間非常非  
無常是事實餘妄語是見依色神及  
世間常是事實餘妄語是見依受神  
及世間无常是事實餘妄語是見依  
受神及世間常亦无常是事實餘妄  
語是見依受神及世間非常非无常  
是事實餘妄語是見依受神及世間  
常是事實餘妄語是見依想神及世  
間无常是事實餘妄語是見依想神  
及世間常亦无常是事實餘妄語是  
見依想神及世間非常非無常是事  
實餘妄語是見依想神及世間常是  
事實餘妄語是見依行神及世間无  
常是事實餘妄語是見依行神及世  
間常亦无常是事實餘妄語是見依  
行神及世間非常非無常是事實餘  
妄語是見依行神及世間常是事實  
餘妄語是見依識神及世間无常是

事實餘妄語是見依識神及世間常亦无常是事實餘妄語是見依識神及世間非常非無常是事實餘妄語是見依識世間有邊是事實餘妄語是見依色世間无邊是事實餘妄語是見依色世間有邊無邊是事實餘妄語是見依色世間非有邊非无邊是事實餘妄語是見依色依受想行識亦如是神即是身是見依色神異身異是見依色依受想行識亦如是死後有如去是事實餘妄語是見依色死後無如去是事實餘妄語是見依色死後或有如去或无如去是事實餘妄語是見依色死後非有如去非无如去是事實餘妄語是見依色依受想行識亦如是如是須菩提佛因般若波羅蜜衆生出沒屈申如實知復次須菩提佛知色相云何知色相知色如如相不壞无分別无相無憶無戲論无得色相亦如是須菩提佛知受想行識相云何知受想行識相知識如如相不壞无分別無相无憶无戲論無得受想行識相亦如是

如是須菩提佛知衆生如相及衆生  
心數出沒屈申如相是五陰如相諸  
行如相即是一切法如相何等是一  
切法如相所謂六波羅蜜如相六波  
羅蜜如相即是三十七品如相三十  
七品如相即是十八空如相十八空  
如相即是八背捨如相八背捨如相  
即是九次第定如相九次第定如相  
即是佛十力如相佛十力如相即是  
四无所畏四無所智大慈大悲乃至  
十八不共法如相十八不共法如相  
即是一切種智如相一切種智如相  
即是善法不善法世間法出世間法  
有漏法无漏法如相有漏法无漏法  
如相即是過去未來現在諸法如相  
過去未來現在諸法如相即是有為  
法无為法如相有為法無為法如相  
即是須陀洹果如相須陀洹果如相  
即是斯陀含果如相斯陀含果如相  
即是阿那含果如相阿那含果如相  
即是阿羅漢果如相阿羅漢果如相  
即是辟支佛道如相辟支佛道如相  
即是阿耨多羅三藐三菩提如相阿

釋多羅三藐三菩提如相即是諸佛  
如相諸佛如相皆是一如相不二不  
別不盡不壞是名一切諸法如相佛  
因般若波羅蜜得是如相以是因緣  
故般若波羅蜜能生諸佛能示世間  
相如是須菩提佛知一切法如相非  
不如相不異相得是如相故佛名如  
來須菩提白佛言世尊是諸法如相  
非不如相不異相甚深世尊諸佛用  
是如為人說阿釋多羅三藐三菩提  
世尊誰能信解是者唯有阿惟越致  
菩薩及具足正見人漏盡阿羅漢何  
以故佛得是甚深如法為人說故佛  
告須菩提是如無盡相故甚深須菩  
提言何法無盡相故甚深佛言一切  
法無盡故如是須菩提佛得是一切  
諸法如已為衆生說

摩訶般若波羅蜜經問相品第四十九

尔時三千大千世界中所有欲界天  
子色界天子遙散華香來至佛所頂  
礼佛足却一面住白佛言世尊所說  
般若波羅蜜甚深何等是深般若波  
羅蜜相佛告欲界色界諸天子諸天

子空相是深般若波羅蜜相无相無作无起無生无滅無垢无淨無所有法無相无所依止虛空相是深般若波羅蜜相諸天子如是等相是深般若波羅蜜相佛為衆生用世間法故說非第一義諸天子如是諸相一切世間天人阿修羅不能破壞何以故是一切世間天人阿修羅亦是相故諸天子相不能破相相不能知相相不能知无相無相不能知相是相是無相相无相皆無所有謂知相知者知法皆不可得故何以故諸天子是諸相非色作非受想行識作非檀那波羅蜜作非尸羅波羅蜜羼提波羅蜜毗梨耶波羅蜜禪那波羅蜜般若波羅蜜作非內空作非外空作非內外空作非無法空作非有法空作非無法有法空作非四念處作乃至非一切種智作諸天子是相非人所有非人所有非世間非出世間非有漏非无漏非有為非無為佛復告諸天子譬如有人問何等是虛空相此人為正問不諸天子言世尊此不正問



何以故世尊是虛空元有相可說虛  
空元為無起故佛告欲界色界諸天  
子有佛无佛相性常住佛得如實相  
性故名為如來諸天子白佛言世尊  
世尊所得諸相性甚深得是相故得  
无寻智住是相中以般若波羅蜜集  
諸法自相諸天子言希有世尊是深  
般若波羅蜜是諸佛常所行道處行  
是道得阿耨多羅三藐三菩提得阿  
耨多羅三藐三菩提已通達一切法  
相若色相若受想行識相乃至一切  
種智相佛言如是如是諸天子惱壞  
相是色相佛得是無相覺者受相取  
者想相起作者行相了別者識相佛  
得是无相能捨者檀那波羅蜜相无  
熱惱者尸羅波羅蜜相不變異者羼  
提波羅蜜相不可伏者毗梨耶波羅  
蜜相攝心者禪那波羅蜜相捨離者  
般若波羅蜜相佛得是无相心無所  
燒惱者是四禪四无量心四無色定  
相佛得是无相出世間者三十七品  
相佛得是無相苦者无作脫門相集  
者空脫門相寂滅者無相脫門相佛

得是无相勝者十力相不恐怖者無所畏相遍知者四無所智相餘人无得者十八不共法相佛得是无相愍念衆生者大慈大悲相實者无錯謬相无所取者常捨相現了知者一切種智相佛得是无相如是諸天子佛得一切諸法无相以是因緣故佛名无所智亦時佛告須菩提般若波羅蜜是諸佛母般若波羅蜜能亦世間相是故佛依止是法行供養恭敬尊重讚歎是法何等是法所謂般若波羅蜜諸佛依止般若波羅蜜住恭敬供養尊重讚歎是般若波羅蜜何以故是般若波羅蜜出生諸佛佛知作人若人正問知作人者正答无過於佛何以故須菩提佛知作人故須菩提佛所乘來法佛所從來道得阿耨多羅三藐三菩提是乘是道佛還恭敬供養尊重讚歎受持守護須菩提是名佛知作人復次須菩提佛知一切法无作相作者無所有故一切法無起相形事不可得故須菩提佛因般若波羅蜜知一切法无作相以是

因緣故佛知作人復次須菩提佛因般若波羅蜜得一切法不生以无所得故以是因緣故般若波羅蜜能生諸佛能示世間相須菩提言世尊若一切法無知者无見者云何般若波羅蜜能生諸佛能示世間相佛告須菩提如是如是一切法實無知者无見者云何無知者无見者一切法空虛誑不堅固是故一切法無知者无見者復次須菩提一切法云何無知者無見者一切法无依止無所繫以是故一切法无知者無見者如是須菩提般若波羅蜜能生諸佛能示世間相不見色故亦世間相不見受想行識故亦世間相乃至不見一切種智故亦世間相如是須菩提般若波羅蜜能生諸佛能示世間相須菩提言世尊云何不見色故般若波羅蜜亦世間相不見受想行識乃至一切種智故亦世間相佛告須菩提若不緣色生識是名不見色相故亦不緣受想行識生識乃至不緣一切種智生識是名不見一切種智相故亦如

是須菩提是深般若波羅蜜能生諸  
佛能亦世間相復次須菩提般若波  
羅蜜云何能生諸佛能亦世間相須  
菩提般若波羅蜜亦世間空云何亦  
世間空亦五陰世間空亦十二世  
間空亦十八界世間空亦十二因緣  
世間空亦我見根本六十二見世間  
空亦十善道世間空亦四禪四無量  
心四无色定世間空亦三十七品世  
間空亦六波羅蜜世間空亦內空世  
間空亦外空世間空亦內外空世間  
空亦無法空世間空亦有法空世間  
空亦無法有法空世間空亦有為空  
世間空亦無為空世間空亦佛十力  
世間空亦十八不共法世間空乃至  
亦一切種智世間空如是須菩提般  
若波羅蜜能生諸佛能亦世間相復  
次須菩提佛因是般若波羅蜜亦世  
間空知世間空覺世間空思惟世間  
空分別世間空如是須菩提般若波  
羅蜜能生諸佛能亦世間相復次須  
菩提般若波羅蜜亦佛世間空云何  
亦佛世間空亦五陰世間空乃至亦

一切種智世間空如是須菩提般若  
波羅蜜能生諸佛能示世間相復次  
須菩提般若波羅蜜亦佛世間不可  
思議云何亦世間不可思議亦五陰  
世間不可思議乃至亦一切種智世  
間不可思議復次須菩提般若波羅  
蜜亦佛世間離云何亦世間離亦五  
陰世間離乃至亦一切種智世間離  
如是須菩提般若波羅蜜亦佛世間  
離復次須菩提般若波羅蜜亦佛世  
間寂滅云何亦世間寂滅亦五陰世  
間寂滅乃至亦一切種智世間寂滅  
復次須菩提般若波羅蜜亦佛世間  
畢竟空云何亦世間畢竟空亦五陰  
世間畢竟空乃至亦一切種智世間  
畢竟空復次須菩提般若波羅蜜亦  
佛世間性空云何亦世間性空亦五  
陰世間性空乃至亦一切種智世間  
性空復次須菩提般若波羅蜜亦佛  
世間无法空云何亦世間无法空亦  
五陰世間无法空乃至亦一切種智  
世間无法空復次須菩提般若波羅  
蜜亦世間有法空云何亦世間有法



空亦五陰世間有法空乃至亦一切  
種智世間有法空復次須菩提般若  
波羅蜜亦佛世間無法有法空云何  
亦世間無法有法空亦五陰世間無  
法有法空乃至亦一切種智世間無  
法有法空復次須菩提般若波羅蜜  
亦佛世間獨空云何亦世間獨空亦  
五陰世間獨空乃至亦一切種智世  
間獨空如是須菩提般若波羅蜜能  
生諸佛能亦佛世間相須菩提是深  
般若波羅蜜亦世間相所謂不生今  
世後世相何以故諸法无可生今  
世後世相故須菩提白佛言世尊是  
般若波羅蜜為大事故起世尊是般  
若波羅蜜為不可思議事故起世尊  
是般若波羅蜜為不可稱事故起世  
尊是般若波羅蜜為無量事故起世  
尊是般若波羅蜜為無等等事故起  
佛言如是如是須菩提般若波羅蜜  
為大事故起為不可思議事故起為  
不可稱事故起為無量事故起為无  
等等事故起須菩提云何是般若波  
羅蜜為大事故起須菩提諸佛大事



者所謂救一切衆生不捨一切衆生  
須菩提云何是般若波羅蜜為不可  
思議事故起須菩提不可思議事者  
所謂諸佛法如來法自然人法一切  
智人法以是故須菩提諸佛般若波  
羅蜜為諸佛不可思議事故起須菩  
提云何般若波羅蜜為不可稱事故  
起須菩提一切衆生中无有能思惟  
稱佛法如來法自然人法一切智人  
法以是故須菩提般若波羅蜜為不  
可稱事故起須菩提云何般若波羅  
蜜為无量事故起須菩提一切衆生  
中無有能量佛法如來法自然人法  
一切智人法以是故須菩提般若波  
羅蜜為不可量事故起須菩提云何  
般若波羅蜜為無等等事故起須菩  
提一切衆生中无有能與佛等者何  
况過以是故須菩提般若波羅蜜為  
無等等事故起須菩提白佛言世尊  
但佛法如來法自然人法一切智人  
法不可思議不可稱无有量無等等  
事起耶佛告須菩提如是如是佛法  
如來法自然人法一切智人法不可

思議不可稱無有量無等等色亦不可思議不可稱無有量无等等受想行識亦不可思議不可稱無有量无等等乃至一切種智法性法相不可思議不可稱无有量無等等是中心心數法不可得復次須菩提色不可思議是亦不可得乃至色无等等是亦不可得受想行識乃至一切種智無等等是亦不可得須菩提白佛言世尊何因緣色不可思議乃至無等等是亦不可得受想行識乃至一切種智無等等是亦不可得佛語須菩提色量不可得故受想行識量不可得故乃至一切種智量不可得故須菩提白佛言世尊何因緣色量不可得乃至一切種智量不可得佛告須菩提色不可思議故乃至色無等等故量不可得乃至一切種智无等等故量不可得須菩提於汝意云何不可思議乃至無等等寧可得无色受想行識乃至一切種智可得不須菩提言世尊不可得以是故須菩提一切法不

可思議乃至无等等亦如是須菩提  
諸佛法不可思議不可稱无有量無  
等等須菩提是名諸佛法不可思議  
乃至无等等須菩提是諸佛法不可  
思議過思議相故不可稱過稱故無  
有量過量故无等等過等等故須菩  
提是因緣故一切法亦不可思議乃  
至無等等須菩提不可思議名是義  
不可思議不可稱名是義不可稱无  
有量名是義不可量無等等名是義  
无等等須菩提是諸佛法不可思議  
乃至無等等不可思議如虛空不可  
思議不可稱如虛空不可稱无有量  
如虛空無有量无等等如虛空無等  
等須菩提是亦名諸佛法不可思議  
乃至無等等佛法如是无量一切世  
間天及人阿修羅無能思議等量者  
說是諸佛法不可思議不可稱無有  
量无等等品時五百比丘一切法不  
受故漏盡心解脫得阿羅漢二十千比  
丘尼亦不受一切法故漏盡得阿羅  
漢六万優婆塞三万優婆夷諸法中  
遠塵離垢諸法中法眼生二十千万菩

薩摩訶薩得无生法忍於是賢劫中  
當受記

摩訶般若波羅蜜經卷第十四

戊戌歲高麗國大藏都監奉

勅彫造

摩訶般若波羅蜜經卷第十五

薑

後秦龜茲國三藏鳩摩羅什譯

成辦品第五十

丹奉大  
事起品

今時須菩提白佛言世尊是深般若  
波羅蜜為大事故起不可思議事故  
起不可稱事故起無有量事故起世  
尊是深般若波羅蜜元等事故起  
佛告須菩提如是如是是深般若波  
羅蜜為大事故起乃至無等等事故  
起何以故般若波羅蜜中含受五波  
羅蜜般若波羅蜜中含受內空外空  
乃至无法有法空含受四念處乃至  
八聖道分是深般若波羅蜜中含受  
佛十力乃至一切種智譬如灌頂王  
國土中尊諸有官事皆委大臣國王  
安樂無事自恣如是須菩提所有聲  
聞辟支佛法若菩薩法若佛法一切  
皆在般若波羅蜜中般若波羅蜜能  
成辦其事以是故須菩提般若波羅  
蜜為大事故起乃至無等等事故起  
復次須菩提是般若波羅蜜不取色  
不著色故能成辦受想行識不取不

著故能成辦乃至一切種智不取不  
著故能成辦須陀洹果乃至阿羅漢  
果辟支佛道乃至阿耨多羅三藐三  
菩提不取不著故能成辦須菩提白  
佛言云何色不取不著故般若波羅  
蜜能成辦云何受想行識乃至阿耨  
多羅三藐三菩提不取不著故般若  
波羅蜜能成辦佛告須菩提於汝意  
云何頗見是色可取可著不須菩提  
言不也世尊須菩提於汝意云何頗  
見受想行識乃至阿耨多羅三藐三  
菩提可取可著不須菩提言不也世  
尊佛言善哉善哉須菩提我亦不見  
是色可取可著不見故不取不取故  
不著我亦不見受想行識乃至阿耨  
多羅三藐三菩提及一切種智可取  
可著不見故不取不取故不著須菩  
提我亦不見佛法如來法自然人法  
一切智人法可取可著不見故不取  
不取故不著以是故須菩提諸菩薩  
摩訶薩色亦不應取亦不應著受想  
行識乃至佛法如來法自然人法一  
切智人法亦不應取亦不應著余時



欲界色界諸天子白佛言世尊是般  
若波羅蜜甚深難見難解不可思惟  
比類知微妙善巧智慧寂滅者可知  
能信是般若波羅蜜者當知是菩薩  
多供養諸佛多種善根興善知識相  
隨能信解深般若波羅蜜世尊若三  
千大千世界中所有衆生皆作信行  
法行人八人須陀洹斯陀含阿那含  
阿羅漢辟支佛若智若斷不如是菩  
薩一日行深般若波羅蜜忍欲思惟  
籌量何以故是信行法行人八人須  
陀洹斯陀含阿那含阿羅漢辟支佛  
若智若斷即是菩薩摩訶薩無生法  
忍佛告欲色界諸天子如是如是諸  
天子若信行法行人八人須陀洹乃  
至阿羅漢辟支佛即是菩薩摩訶薩  
無生法忍諸天子若善男子善女人  
聞是深般若波羅蜜書持受讀誦說  
正憶念是善男子善女人疾得涅槃  
勝求聲聞辟支佛乘善男子善女人  
遠離深般若波羅蜜行餘經若一劫  
若減一劫何以故是深般若波羅蜜  
中廣說上妙法是信行法行人八人

須陀洹斯陀含阿那含阿羅漢辟支  
佛所應學菩薩摩訶薩亦所應學學  
已得阿耨多羅三藐三菩提是時欲  
色界諸天子俱發聲言世尊是般若  
波羅蜜名摩訶波羅蜜世尊是般若  
波羅蜜名不可思議不可稱無有量  
無等等波羅蜜信行法行人八人學  
是深般若波羅蜜得成須陀洹斯陀  
含阿那含阿羅漢辟支佛學是深般  
若波羅蜜得成菩薩摩訶薩是深般  
苦提是深般若波羅蜜亦不增亦不  
減是時欲色界諸天子頂礼佛足繞  
佛而去去是不遠忽然不現各還本  
處須菩提白佛言世尊若菩薩摩訶  
薩聞是深般若波羅蜜即時信解者  
從何處終來生是聞佛告須菩提若  
菩薩摩訶薩聞是深般若波羅蜜即  
時信解不沒不却不難不疑不悔歡  
喜樂聽聽已憶念不遠離是深般若  
波羅蜜若行若住若坐若卧終不廢  
忘常隨法師辟如新生犢子不離其  
母菩薩摩訶薩亦如是為聞深般若

波羅蜜故終不遠離法師乃至得是  
深般若波羅蜜口誦心解正見通達  
須菩提當知是菩薩從人道中終還  
生是間人中何以故是求佛道者前  
世時聞深般若波羅蜜書持恭敬尊  
重讚歎華香乃至幡蓋供養以是因  
緣故人中命終還生人中聞是深般  
若波羅蜜即時信解須菩提自佛言  
世尊頗有菩薩摩訶薩如是功德成  
就他方國土供養諸佛於彼命終來  
生是間聞深般若波羅蜜即時信解  
書持讀誦正憶念有是者不佛言有  
菩薩如是功德成就他方國土供養  
諸佛於彼命終來生是間聞是深般  
若波羅蜜即時信解書持讀誦正憶  
念何以故是菩薩摩訶薩從他方諸  
佛所聞是深般若波羅蜜信解書持  
讀誦說正憶念於彼間終來生此間  
當知是人先世功德成就復次須  
菩提有菩薩從弥勒菩薩摩訶薩聞  
是深般若波羅蜜以是善根因緣故  
來生此間須菩提復有菩薩摩訶薩  
前世時雖聞深般若波羅蜜不問中

事來生人中間是深般若波羅蜜心  
有疑悔難悟須菩提如是菩薩當知  
先世雖聞是深般若波羅蜜不問故  
今續疑悔難悟須菩提若菩薩先世  
雖聞禪那波羅蜜不問中事今世聞  
般若波羅蜜時不問故續生疑悔須  
菩提若菩薩先世雖聞毗梨耶波羅  
蜜不問中事今世聞般若波羅蜜不  
問故續復疑悔須菩提若菩薩先世  
雖聞羼提波羅蜜不問中事今世聞  
般若波羅蜜不問故續復疑悔須菩  
提若菩薩先世雖聞尸羅波羅蜜不  
問中事今世聞般若波羅蜜不問故  
續復疑悔須菩提若菩薩先世雖聞  
檀那波羅蜜不問中事今世聞般若  
波羅蜜不問故續復疑悔復次須菩  
提菩薩摩訶薩先世雖聞內空外空  
內外空乃至无法有法空不問中事  
來生人中間是深般若波羅蜜不問  
故續復疑悔難悟復次須菩提菩薩  
摩訶薩先世雖聞四念處乃至八聖  
道分四禪四无量心四无色定五神  
通佛十力乃至一切種智不問中事

來生人中聞是深般若波羅蜜不問  
故續復疑悔難悟復次須菩提菩薩  
摩訶薩先世聞深般若波羅蜜問中  
事而不行捨身生時間是深般若波  
羅蜜若一日二日三日四日五日其  
心堅固無能壞者若離所聞時便退  
失何以故先世聞是深般若波羅蜜  
時雖問中事不如說行是人或時欲  
聞或時不欲聞心輕不固志亂不定  
譬如輕毛隨風東西須菩提當知是  
菩薩發意不久不與善知識相隨不  
多供養諸佛先世不書是深般若波  
羅蜜不讀不誦不正憶念不學般若  
波羅蜜不學禪那波羅蜜不學毗梨  
耶波羅蜜不學羣提波羅蜜不學尸  
羅波羅蜜不學檀那波羅蜜不學內  
空乃至无法有法空不學四念處乃  
至八聖道分不學四禪四无量心五  
神通佛十力乃至不學一切種智如  
是須菩提當知是菩薩摩訶薩新發  
大乘意少信少樂故不能書是深般  
若波羅蜜不能受持讀誦說正憶念  
須菩提若求佛道善男子善女人不

書是深般若波羅蜜不受持讀誦不說不正憶念亦不為深般若波羅蜜所護乃至不為一切種智所護是人亦不如說行深般若波羅蜜乃至不如說行一切種智是人或墮二地若聲聞地若辟支佛地何以故是善男子善女人不書是深般若波羅蜜不讀不誦不說不正憶念是人亦不為深般若波羅蜜所護亦不如說行以是故是善男子善女人於二地中當墮一地

摩訶般若波羅蜜經譬喻品第五十一

佛告須菩提譬如大海中船破壞其中人若不取木不取器物不取浮囊不取死尸須菩提當知是人不到彼岸沒海中死須菩提若船破時其中人取木取器物浮囊死尸當知是人終不沒死安隱無得到彼岸須菩提求佛道善男子善女人亦復如是若但有信樂不依深般若波羅蜜不書不讀不誦不正憶念不依禪那波羅蜜毗梨耶波羅蜜羼提波羅蜜尸羅波羅蜜蜜檀那波羅蜜不書不讀不



誦不正憶念乃至不依一切種智不  
書不讀不誦不正憶念須菩提當知  
是善男子中道衰耗是人未到一切  
種智於聲聞辟支佛地取證須菩提  
若有求佛道善男子善女人為阿耨  
多羅三藐三菩提故有信有忍有淨  
心有深心有欲有解有捨有精進是  
人依深般若波羅蜜書持讀誦說正  
憶念是善男子善女人為阿耨多羅  
三藐三菩提故有諸信忍淨心深心  
欲解捨精進為深般若波羅蜜所護  
乃至一切種智所護為深般若波羅  
蜜守護故乃至一切種智守護故終  
不中道衰耗過聲聞辟支佛地能淨  
佛國土成就衆生當得阿耨多羅三  
藐三菩提須菩提譬如男子女人持  
坏瓶取水當知是瓶不久爛壞何以  
故是瓶未熟故還歸於地如是須菩  
提善男子善女人雖有為阿耨多羅  
三藐三菩提心有信有忍有淨心有  
深心有欲有解有捨有精進不為般  
若波羅蜜方便力所守護不為禪那  
波羅蜜毗梨耶波羅蜜羼提波羅蜜

尸羅波羅蜜檀那波羅蜜所守護不  
為內空乃至无法有法空四念處乃  
至八聖道分佛十力乃至一切種智  
所守護須菩提當知是人中道衰耗  
墮聲聞辟支佛地須菩提譬如男子  
女人持熟瓶取水若河若井若池若  
泉當知是瓶持水安隱何以故是瓶  
成熟故如是須菩提善男子善女人  
求阿耨多羅三藐三菩提有諸信忍  
淨心深心欲解捨精進為般若波羅  
蜜方便力所護為禪定精進忍辱持  
戒布施乃至一切種智所護故須菩  
提當知是人中道衰耗過聲聞辟  
支佛地能淨佛國土成就衆生得阿  
耨多羅三藐三菩提須菩提譬如大  
海邊船未裝治便持財物著上須菩  
提當知是船中道壞没人船財物  
各在一處是賈客無方便力故亡其  
重寶如是須菩提是求佛道善男子  
善女人雖有為阿耨多羅三藐三菩  
提心有信忍淨心深心欲解捨精進  
不為般若波羅蜜方便力所守護乃  
至不為一切種智所守護故當知是

人中道衰耗失大珍寶大珍寶者所謂一切種智衰耗者墮聲聞辟支佛地須菩提辟如人有智方便裝治海邊大船然後推著水中持財物著上上船而去當知是船不中道沒壞必得安隱到所至處如是須菩提善男子善女人為阿耨多羅三藐三菩提有信忍淨心深心欲解捨精進為般若波羅蜜方便力所守護為禪定精進忍辱持戒布施乃至一切種智所護故當知是菩薩得到阿耨多羅三藐三菩提不中道墮聲聞辟支佛地須菩提辟如有人年百二十歲年耆根熟又有風冷熱病若雜病須菩提於汝意云何是人能從床起不須菩提言不能佛言是人或有能起者云何須菩提言是人雖能起不能遠行若十里若二十里以其老病故如是須菩提善男子善女人雖有為阿耨多羅三藐三菩提心有信忍淨心深心欲解捨精進不為般若波羅蜜方便力所守護乃至不為一切種智所守護故當知是人中道墮聲聞辟支佛

地何以故不為般若波羅蜜方便力  
所守護故須菩提如向老人百二十  
歲年耆根熟又有風冷熱病若雜病  
是人而欲起行有兩健人各扶一掖  
語老人言莫有所難隨所欲至我等  
二人終不相捨如是須菩提若善男  
子善女人為阿耨多羅三藐三菩提  
有信忍淨心深心欲解捨精進為般  
若波羅蜜方便力所護乃至為一切  
種智所護當知是人中道墮聲聞  
辟支佛地能到是處所謂阿耨多羅  
三藐三菩提今時佛復讚須菩提言  
善哉善哉須菩提汝為諸菩薩摩訶  
薩問佛是事須菩提若有求佛道善  
男子善女人從初發意已來以我我  
所心布施持戒忍辱精進禪定智慧  
是善男子善女人布施時作是念我  
是施主我施是人我施是物我持戒  
我修忍辱我精進我入禪我修智慧  
是善男子善女人念有是施是我施  
乃至念有是慧是我慧何以故檀那  
波羅蜜中无如是分別遠離此彼岸  
是檀那波羅蜜相尸羅波羅蜜羼提

波羅蜜毗梨耶波羅蜜禪那波羅蜜  
般若波羅蜜中无如是分別何以故  
遠離此彼岸是般若波羅蜜相是人  
不知此岸不知彼岸是人不為檀那  
波羅蜜乃至不為一切種智所護故  
墮聲聞辟支佛地不能到薩婆若須  
菩提云何求佛道人無方便須菩提  
求佛道人從初發心以來無方便行  
布施持戒忍辱精進禪定修智慧是  
人作如是念我布施施是人以是物  
施我持戒修忍辱勤精進入禪定修  
智慧如是修智慧是人念有是施是  
我施以是施自高念有是戒是我戒  
以是戒自高念有是忍是我忍以是  
忍自高念有是精進是我精進以是  
精進自高念有是禪定是我禪定以  
是禪定自高念有是慧是我慧以是  
慧自高何以故檀那波羅蜜中无如  
是分別遠離此彼岸是檀那波羅蜜  
相遠離此彼岸是尸羅波羅蜜相遠  
離此彼岸是羼提波羅蜜相遠離此  
彼岸是毗梨耶波羅蜜相遠離此彼  
岸是禪那波羅蜜相遠離此彼岸是



般若波羅蜜相何以故般若波羅蜜  
中無是憶念分別是求佛道善男子  
善女人不知此岸不知彼岸是人不  
為檀那波羅蜜所護不為尸羅波羅  
蜜羣提波羅蜜毗梨耶波羅蜜禪那  
波羅蜜般若波羅蜜所護乃至不為  
一切種智所護故或墮聲聞道中或  
墮辟支佛道中不能得到薩婆若如  
是須菩提菩薩摩訶薩不為般若波  
羅蜜方便力所守護故或墮聲聞地  
或墮辟支佛地須菩提云何菩薩摩  
訶薩為般若波羅蜜方便力所護故  
不墮聲聞辟支佛道中疾得阿耨多  
羅三藐三菩提須菩提菩薩從初已  
來以方便力布施無我我所心布施  
乃至無我我所心修智慧是人不作  
是念我有是施是我施不以是施自  
高乃至般若波羅蜜亦如是是菩薩  
不念我布施不念我施是人用是物  
施不念我持戒有是戒不念我忍辱  
有是忍辱不念我精進有是精進不  
念我禪定有是禪定不念我修智慧  
有是智慧何以故是檀那波羅蜜中



無如是分別遠離此彼岸是檀那波羅蜜相遠離此彼岸是尸羅波羅蜜相遠離此彼岸是羼提波羅蜜相遠離此彼岸是禪那波羅蜜相遠離此彼岸是般若波羅蜜中無如是憶念分別是菩薩摩訶薩知此岸知彼岸是人為檀那波羅蜜所護為尸羅波羅蜜所護為羼提波羅蜜所護為尸羅波羅蜜所護為禪那波羅蜜所護故不墮聲聞辟支佛地得到薩婆若如是須菩提菩薩摩訶薩為般若波羅蜜方便力所護故不墮聲聞辟支佛地疾得阿耨多羅三藐三菩提

摩訶般若波羅蜜經知識品第五十二

今時慧命須菩提白佛言世尊新學菩薩摩訶薩云何應學般若波羅蜜禪那波羅蜜毗梨耶波羅蜜羼提波羅蜜尸羅波羅蜜檀那波羅蜜佛告須菩提新學菩薩摩訶薩若欲學般若波羅蜜禪那精進忍辱持戒檀那

波羅蜜先當親近供養善知識能說  
是深般若波羅蜜者是人作是教汝  
善男子所有布施一切迴向阿耨多  
羅三藐三菩提善男子所有持戒忍  
辱精進禪定智慧一切迴向阿耨多  
羅三藐三菩提汝莫以色是阿耨多  
羅三藐三菩提莫以受想行識是阿  
耨多羅三藐三菩提莫以檀那波羅  
蜜是阿耨多羅三藐三菩提莫以尸  
羅波羅蜜是阿耨多羅三藐三菩提  
蜜禪那波羅蜜般若波羅蜜是阿耨  
多羅三藐三菩提莫以內空乃至無  
法有法空是阿耨多羅三藐三菩提  
莫以四念處四正勤四如意足五根  
五力七覺分八聖道分是阿耨多羅  
三藐三菩提莫以四禪四无量心四  
无色定五神通是阿耨多羅三藐三  
菩提莫以佛十力乃至十八不共法  
是阿耨多羅三藐三菩提所以者何  
不取色便得阿耨多羅三藐三菩提  
不取受想行識便得阿耨多羅三藐  
三菩提不取檀那波羅蜜乃至般若  
波羅蜜便得阿耨多羅三藐三菩提

不取內空乃至無法有法空四念處  
乃至十八不共法便得阿耨多羅三  
藐三菩提善男子行是深般若波羅  
蜜時莫貪色何以故善男子是色非  
可貪者莫貪受想行識何以故受想  
行識非可貪者善男子莫貪檀那波  
羅蜜尸羅波羅蜜羼提波羅蜜毗梨  
耶波羅蜜禪那波羅蜜般若波羅蜜  
莫貪內空乃至無法有法空莫貪四  
念處乃至八聖道分莫貪四禪四无  
量心四無色定五神通莫貪佛十力  
乃至一切種智何以故一切種智非  
可貪者善男子莫貪須陀洹果乃至  
阿羅漢果莫貪辟支佛道莫貪菩薩  
法位莫貪阿耨多羅三藐三菩提何  
以故阿耨多羅三藐三菩提非可貪  
者所以者何諸法性空故須菩提白  
佛言世尊諸菩薩摩訶薩能為難事  
於一切性空法中求阿耨多羅三藐  
三菩提欲得阿耨多羅三藐三菩提  
佛言如是如是須菩提菩薩摩訶薩  
能為難事於一切性空法中求阿耨  
多羅三藐三菩提欲得阿耨多羅三

藐三菩提須菩提諸菩薩摩訶薩為  
安隱世間故發阿耨多羅三藐三菩  
提心為樂世間故為救世間故為世  
間歸故為世間依處故為世間洲故  
為世間究竟道故為世間將導故為  
世間趣故發阿耨多羅三藐三菩提  
心須菩提云何菩薩摩訶薩為安隱  
世間故發阿耨多羅三藐三菩提心  
須菩提菩薩摩訶薩得阿耨多羅三  
藐三菩提時拔出六道衆生若無畏  
岸涅槃處須菩提是為菩薩摩訶薩  
為安隱世間故發阿耨多羅三藐三  
菩提心云何菩薩摩訶薩為樂世間  
故發阿耨多羅三藐三菩提心須菩  
提菩薩摩訶薩得阿耨多羅三藐三  
菩提時拔出衆生種種憂苦愁惱著  
無畏岸涅槃處須菩提是為菩薩摩  
訶薩為樂世間故發阿耨多羅三藐  
三菩提心云何菩薩摩訶薩為救世  
間故發阿耨多羅三藐三菩提心須  
菩提菩薩摩訶薩得阿耨多羅三藐  
三菩提時救衆生生死中種種苦亦  
為斷是苦故而為說法衆生聞法漸

以三乘而得度脫。須菩提。是為菩薩摩訶薩。為救世間。故發阿耨多羅三藐三菩提心。云何菩薩摩訶薩。為世間歸。故發阿耨多羅三藐三菩提心。須菩提。菩薩摩訶薩。得阿耨多羅三藐三菩提時。拔出衆生。生老病死相。憂悲愁惱。法著无畏。岸涅槃處。須菩提。是為菩薩摩訶薩。為世間歸。故發阿耨多羅三藐三菩提心。云何菩薩摩訶薩。得阿耨多羅三藐三菩提時。為衆生說一切法。無依處。須菩提。是為菩薩摩訶薩。為世間依處。故發阿耨多羅三藐三菩提心。須菩提。白佛言。世尊。云何一切法。無依處。佛言。色不相續。即是色。無生。色無生。即是色不滅。色無滅。即是色。无依處。受想行識。乃至一切種智。亦如是。須菩提。是為菩薩摩訶薩。為世間依處。故發阿耨多羅三藐三菩提心。云何菩薩摩訶薩。為世間究竟道。故發阿耨多羅三藐三菩提心。須菩提。菩薩摩訶薩。得阿



耨多羅三藐三菩提時為衆生說如是法色究竟相非是色受想行識乃至一切種智究竟相非是一切種智須菩提如究竟相一切法相亦如是須菩提言世尊若一切法相如究竟相者云何諸菩薩摩訶薩皆應得阿耨多羅三藐三菩提何以故世尊色究竟相中無有分別受想行識究竟相中無有分別乃至一切種智究竟相中无有分別所謂是色是受想行識乃至是一切種智佛告須菩提如是如是色究竟相中无有分別受想行識乃至一切種智究竟相中無有分別所謂是色乃至是一切種智須菩提是為菩薩摩訶薩難事如是觀諸法寂滅相而心不沒不却何以故菩薩摩訶薩作是念是諸深法我應如是知得阿耨多羅三藐三菩提如是寂滅微妙法當為衆生說是為菩薩摩訶薩為世間究竟道故發阿耨多羅三藐三菩提心云何菩薩摩訶薩為世間洲故發阿耨多羅三藐三菩提心須菩提譬如江河大海四邊水



斷是名為洲。須菩提。色亦如是。前後際斷。受想行識。前後際斷。乃至一切種智。前後際斷。以是前後際斷。故一切法亦斷。須菩提。是一切法。前後際斷。故即是寂滅。即是妙實。所謂空無所得。愛盡。無餘離欲。涅槃。須菩提。若菩薩摩訶薩。得阿耨多羅三藐三菩提時。以寂滅微妙法。為衆生說。須菩提。是為菩薩摩訶薩。為世間洲。故發阿耨多羅三藐三菩提心。云何菩薩摩訶薩。為世間將導。故發阿耨多羅三藐三菩提心。云何菩薩摩訶薩。為世間說。色不生不滅。不垢不淨。說受想行識。不生不滅。不垢不淨。說十二入。十八界。四念處。乃至八聖道。分四禪。四無量心。四无色定。五神通。不生不滅。不垢不淨。說須陀洹果。乃至阿羅漢果。辟支佛道。不生不滅。不垢不淨。說佛十力。乃至一切種智。不生不滅。不垢不淨。須菩提。是為菩薩摩訶薩。為世間將導。故發阿耨多羅三藐三菩提心。云何菩薩摩訶薩。為世間趣。故

發阿耨多羅三藐三菩提心須菩提  
菩薩摩訶薩得阿耨多羅三藐三菩  
提時為衆生說色趣空說受想行識  
趣空乃至說一切種智趣空為衆生  
說色非趣非不趣何以故是色空相  
非趣非不趣說受想行識非趣  
非不趣何以故是受想行識空相非  
趣非不趣乃至一切種智非趣非不  
趣何以故是一切種智空相非趣非  
不趣如是須菩提菩薩摩訶薩為世  
間趣故發阿耨多羅三藐三菩提心  
何以故一切法趣空是趣不過何以  
故空中趣不趣不可得故須菩提一  
切法趣無相是趣不過何以故无相  
中趣不趣不可得故須菩提一切法  
趣無作是趣不過何以故無作中趣  
不趣不可得故須菩提一切法趣無  
起是趣不過何以故無起中趣不趣  
不可得故須菩提一切法趣無所有  
不生不滅不垢不淨是趣不過何以  
故無所有不生不滅不垢不淨中趣  
不趣不可得故須菩提一切法趣夢  
是趣不過何以故夢中趣不趣不可

得故須菩提一切法趣幻趣響趣影趣  
化是趣不過何以故是化等中趣不  
趣不可得故須菩提一切法趣無量  
無邊是趣不過何以故無量無邊中  
趣不趣不可得故須菩提一切法趣  
不與不取是趣不過何以故不與不  
取中趣非趣不可得故須菩提一切  
法趣不舉不下是趣不過何以故不  
舉不下中趣不趣不可得故須菩提  
一切法趣不來不去是趣不過何以  
故不來不去中趣不趣不可得故須  
菩提一切法趣不入不出不合不散  
不著不斷是趣不過何以故不著不  
斷中趣不趣不可得故須菩提一切  
法趣我衆生壽命人起使起作使作  
者知者見者是趣不過何以故我乃  
至知者見者畢竟不可得云何當有  
趣不趣須菩提一切法趣有常是趣  
不過何以故有常畢竟不可得云何  
當有趣不趣須菩提一切法趣樂淨  
我是趣不過何以故樂淨我畢竟不  
可得云何當有趣不趣須菩提一切  
法趣無常苦不淨无我是趣不過何

以故無常苦不淨无我畢竟不可得  
去何當有趣不趣須菩提一切法趣  
欲事是趣不過何以故欲事畢竟不  
可得去何當有趣不趣須菩提一切  
法趣瞋事癡事見事是趣不過何以  
故瞋事癡事見事畢竟不可得去何  
當有趣不趣須菩提一切法趣如是  
趣不過何以故如中無来无去故須  
菩提一切法趣法性實際不可思議  
性是趣不過何以故法性實際不可  
思議性中無来无去故須菩提一切  
法趣平等是趣不過何以故平等中  
趣非趣不可得故須菩提一切法趣  
不動相是趣不過何以故不動相中  
趣不趣不可得故須菩提一切法趣  
色是趣不過何以故色畢竟不可得  
去何當有趣不趣須菩提一切法趣  
受想行識是趣不過何以故受想行  
識畢竟不可得去何當有趣不趣十  
二入十八界亦如是須菩提一切法  
趣檀那波羅蜜是趣不過何以故檀  
那畢竟不可得去何當有趣不趣須  
菩提一切法趣尸羅波羅蜜是趣不

過何以故尸羅畢竟不可得故云何  
當有趣不趣須菩提一切法趣羣提  
波羅蜜是趣不過何以故羣提畢竟  
不可得故云何當有趣不趣須菩提  
一切法趣毗梨耶波羅蜜是趣不過  
何以故毗梨耶畢竟不可得故云何  
當有趣不趣須菩提一切法趣禪那  
波羅蜜是趣不過何以故禪那畢竟  
不可得故云何當有趣不趣須菩提  
一切法趣般若波羅蜜是趣不過何  
以故般若波羅蜜畢竟不可得故云  
何當有趣不趣須菩提一切法趣內  
空是趣不過何以故內空畢竟不可  
得故云何當有趣不趣須菩提一切  
法趣外空是趣不過何以故外空畢  
竟不可得故云何當有趣不趣須菩  
提一切法趣內外空是趣不過何以  
故內外空畢竟不可得故云何當有  
趣不趣乃至一切法趣無法有法空  
是趣不過何以故無法有法空畢竟  
不可得故云何當有趣不趣須菩提  
一切法趣四念處乃至八聖道分是  
趣不過何以故四念處乃至八聖道



分畢竟不可得故云何當有趣不趣  
須菩提一切法趣佛十力乃至一切  
種智是趣不過何以故一切種智中  
趣不趣不可得故須菩提一切法趣  
須陀洹果斯陀含果阿那含果阿羅  
漢果辟支佛道是趣不過何以故須  
陀洹果乃至辟支佛道中趣不趣不  
可得故須菩提一切法趣阿耨多羅  
三藐三菩提是趣不過何以故阿耨  
多羅三藐三菩提中趣不趣不可得  
故須菩提一切法趣須陀洹乃至佛  
是趣不過何以故須陀洹乃至佛中  
趣不趣不可得故須菩提白佛言世  
尊是深般若波羅蜜誰能信解者佛  
告須菩提有菩薩摩訶薩先於諸佛  
所久行六波羅蜜善根純熟供養无  
數百千万億諸佛與善知識相隨是  
輩人能信解是深般若波羅蜜須菩  
提白佛言世尊能信解是深般若波  
羅蜜者有何等性何等相何等貌佛  
言欲瞋癡斷離是性相貌是菩薩摩  
訶薩則能信解深般若波羅蜜  
摩訶般若波羅蜜經趣智品第三十三



須菩提白佛言世尊是諸菩薩摩訶  
薩解深般若波羅蜜者當趣何所佛  
告須菩提是菩薩摩訶薩解深般若  
波羅蜜當趣一切種智須菩提白佛  
言世尊是菩薩摩訶薩能趣一切種  
智者則為一切衆生所歸趣修般若  
波羅蜜故世尊修般若波羅蜜即是  
修一切法世尊無所修是修般若波  
羅蜜不受修壞修是修般若波羅蜜  
佛告須菩提何法壞故般若波羅蜜  
為壞修世尊色壞故般若波羅蜜為  
壞修受想行識十二處十八界壞故  
般若波羅蜜為壞修我乃至知者見  
者壞故般若波羅蜜為壞修世尊檀  
那波羅蜜壞故般若波羅蜜為壞修  
乃至般若波羅蜜壞故般若波羅蜜  
為壞修內空乃至無法有法空四念  
處乃至十八不共法須陀洹果乃至  
一切種智壞故般若波羅蜜為壞修  
佛言如是如是須菩提色壞故般若  
波羅蜜為壞修乃至一切種智壞故  
般若波羅蜜為壞修今時佛告須菩  
提是深般若波羅蜜中阿惟越致菩

薩摩訶薩應當驗知若菩薩摩訶薩  
於是深般若波羅蜜中不著當知是  
阿惟越致相禪那波羅蜜乃至檀那  
波羅蜜中不著四念處乃至一切種  
智中不著當知是阿惟越致若阿惟  
越致菩薩摩訶薩行深般若波羅蜜  
時不以他語為堅要亦不隨他教行  
阿惟越致菩薩摩訶薩不為欲心瞋  
心癡心所牽若阿惟越致菩薩摩訶  
薩不遠離六波羅蜜若阿惟越致菩  
薩摩訶薩聞說深般若波羅蜜時心  
不驚不沒不怖不畏不悔歡喜樂聞  
受持讀誦正憶念如說行須菩提當  
知是菩薩先世已問是深般若波羅  
蜜中事已受持讀誦說正憶念何以  
故是菩薩摩訶薩有大威德故聞是  
深般若波羅蜜心不驚不怖不畏不  
沒不悔歡喜樂聞受持讀誦正憶念  
須菩提白佛言世尊若菩薩摩訶薩  
聞深般若波羅蜜不驚不怖乃至正  
憶念世尊是菩薩摩訶薩云何行是  
般若波羅蜜佛言隨順一切種智心  
是菩薩摩訶薩應如是行般若波羅

密世尊云何名隨順一切種智心是  
菩薩摩訶薩應如是行般若波羅蜜  
佛言以空隨順是為菩薩摩訶薩行  
深般若波羅蜜以無相无作無所有  
不生不滅不垢不淨隨順是菩薩摩  
訶薩應如是行般若波羅蜜以如夢  
幻焰響化隨順是行般若波羅蜜須  
菩提白佛言佛說以空隨順乃至如  
夢如幻隨順是行般若波羅蜜世尊  
是菩薩摩訶薩行何法若色若受想  
行識乃至一切種智佛告須菩提菩  
薩摩訶薩不行色不行受想行識乃  
至不行一切種智何以故是菩薩行  
處無作法无壞法無所從來亦无所  
去无住處是法不可數無有量若无  
數無量是法不可得不可以色得乃  
至不可以一切種智得何以故色即是  
薩婆若薩婆若即是色乃至一切種  
智即是薩婆若薩婆若即是一切種  
智若色如相乃至一切種智如相皆  
是一如无二無別色如相薩婆若如  
相一如無二无別乃至一切種智亦  
如是

摩訶般若波羅蜜經卷第十五

成天歲高麗國大藏部監奉

造

摩訶般若波羅蜜經卷第十六

舊

後秦龜茲國三藏鳩摩羅什譯

大如品第五十四

丹本大  
如相品

今時欲界諸天子色界諸天子以天  
末栴檀香以天青蓮華赤蓮華紅蓮  
華白蓮華遍散佛上來至佛所頂礼  
佛足一面住白佛言世尊諸佛阿耨  
多羅三藐三菩提甚深難見難解不  
可思惟知微妙寂滅智者能知一切  
世間所不能信何以故是深般若波  
羅蜜中如是說色即是薩婆若薩婆  
若即是色乃至一切種智即是薩婆  
若薩婆若即是一切種智色如相薩  
婆若如相是一如无二無別乃至一  
切種智如相薩婆若如相一如无二  
無別佛告欲色界諸天子如是如是  
諸天子色即是薩婆若薩婆若即是  
色乃至一切種智即是薩婆若薩婆  
若即是一切種智色如相乃至一切  
種智如相一如无二無別諸天子以  
是義故佛初成道時心樂默然不樂  
說法何以故是諸佛阿耨多羅三藐

三菩提法甚深難見難解不可思惟  
知微妙寂滅智者能知一切世間所  
不能信何以故阿耨多羅三藐三菩  
提無得者无得處無得時是名諸法  
甚深相所謂無有二法諸天子如虛  
空甚深故是法甚深如甚深故是法  
甚深法性甚深實際甚深不可思議  
无邊甚深故是法甚深無来无去甚  
深故是法甚深不生不滅无垢無淨  
無知无得甚深故是法甚深諸天子  
我甚深乃至知者見者甚深故是法  
甚深諸天子色甚深受想行識甚深  
故是法甚深檀那波羅蜜甚深乃至  
般若波羅蜜甚深故是法甚深內空  
乃至無法有法空甚深故是法甚深  
四念處甚深乃至一切種智甚深故  
是法甚深今時欲色界諸天子白佛  
言世尊是所說法一切世間所不能  
信世尊是甚深法不為受色故說不  
為捨色故說不為受受想行識故說  
不為捨受想行識故說不為受須陀  
洹果故說不為捨須陀洹果故說乃  
至不為受一切種智故說不為捨一

切種智故說說諸世間皆受者行所謂  
色是我是我所受想行識是我是我  
所乃至十八不共法是我是我所須  
施洎果是我是我所乃至一切種智  
是我是我所佛告諸天子如是如是  
諸天子是法非為受色故說非為捨  
色故說乃至非為受一切種智故說  
非為捨一切種智故說諸天子若有  
菩薩為受色故行乃至為受一切種  
智故行是菩薩不能修般若波羅蜜  
不能修禪那波羅蜜毗梨耶波羅蜜  
羼提波羅蜜尸羅波羅蜜不能修檀  
那波羅蜜乃至不能修一切種智須  
菩提白佛言世尊是法隨順一切法  
云何是法隨順一切法是法隨順般  
若波羅蜜乃至隨順檀那波羅蜜是  
法隨順內空乃至隨順無法有法空  
是法隨順四念處乃至隨順一切種  
智是法無尋不尋於色不尋受想行  
識乃至不尋一切種智諸天子是法  
名無尋相如虛空等故如法性法住  
實際不可思議性等故空無相无作  
等故是法不生相色不生不可得故



受想行識不生不可得故乃至一切  
種智不生不可得故是法無處色處  
不可得故受想行識處不可得故乃  
至一切種智處不可得故是時欲色  
界諸天子白佛言世尊須菩提是佛  
子隨佛口生何以故須菩提所說皆  
與空合今時須菩提語諸天子汝等  
言須菩提是佛子隨佛生云何為隨  
佛生諸天子如相故須菩提隨佛生  
何以故如來如相不來不去須菩提  
如相亦不來不去是故須菩提隨佛  
生復次須菩提從本以來隨佛生何  
以故如來如相即是一切法如相一  
切法如相即是如來如相是如相中  
亦無如相是故須菩提為隨佛生復  
次如來如常住相須菩提如亦常住  
相如來如相無異无別須菩提如相  
亦如是無異无別是故須菩提為隨  
佛生如來如相無有尋處一切法如  
相亦無尋處是如來如相一切法如  
相一如無二元別是如相無作終不  
不如是故是如相一如无二無別是  
故須菩提為隨佛生如來如相一切

處無念无別須菩提如相亦如是一  
切處無念无別如來如相不異不別  
不可得須菩提如相亦如是以是故  
須菩提為隨佛生如來如相不遠離  
諸法如相是如終不不如是故須菩  
提如不異故為隨佛生亦无所隨復  
次如來如相不過去不未來不現在  
諸法如相亦不過去不未來不現在  
是故須菩提為隨佛生復次如來如  
不在過去如中過去如不在如來如  
中如來如不在未來如中未來如不  
在如來如中如來如不在現在如中  
現在如不在如來如中過去未來現  
在如如來如一如无二無別色如如  
來如受想行識如如來如是色如受  
想行識如如來如一如無二无別我  
如乃至知者見者如如來如一如无  
二無別檀那波羅蜜如乃至般若波  
羅蜜如內空如乃至无法有法空如  
四念處如乃至一切種智如如來如  
一如無二无別須菩提菩薩摩訶薩  
得是如故名為如來說如是如相品時  
是三千大千世界大地六種震動東

踊西沒西踊東沒南踊北沒北踊南  
沒中央踊四邊沒四邊踊中央沒是  
時諸欲天子諸色天子以天末栴檀  
香散佛上及散須菩提上白佛言未  
曾有也世尊須菩提以如來如隨佛  
生須菩提復為諸天子說言諸天子  
須菩提不從色中隨佛生亦不從色  
如中隨佛生不離色隨佛生亦不離  
色如隨佛生須菩提不從受想行識  
中隨佛生亦不從受想行識如中隨  
佛生不離受想行識隨佛生亦不離  
受想行識如隨佛生乃至不從一切  
種智中隨佛生亦不從一切種智如  
中隨佛生亦不離一切種智中隨佛  
生亦不離一切種智如中隨佛生須  
菩提不從无為中隨佛生亦不從无  
為如中隨佛生亦不離无為中隨佛  
生亦不離無為如中隨佛生何以故  
是一切法皆无所有不可得無隨生  
者亦無隨生法今時舍利弗白佛言  
世尊是如實不虛法相法住法位甚  
深是中色不可得色如不可得何以  
故色尚不可得何況色如當可得受

想行識不可得受想行識如不可得  
何以故受想行識尚不可得何況受  
想行識如當可得乃至一切種智不  
可得一切種智如不可得何以故一  
切種智尚不可得何況一切種智如  
當可得佛告舍利弗如是如是舍利  
弗是如實不虛法相法住法位甚深是  
中色不可得色如不可得何以故色  
尚不可得何況色如當可得乃至一  
切種智不可得一切種智如不可得  
何以故一切種智尚不可得何況一  
切種智如當可得舍利弗說是如相  
時二百比丘不受一切法故漏盡得  
阿羅漢五百比丘尼遠塵離垢諸法  
中得法眼生天人中五千菩薩摩訶  
薩得无生法忍六十菩薩諸法不受  
故漏盡心得解脫成阿羅漢舍利弗  
是六十菩薩先世值五百佛親近供  
養於五百佛法中行布施持戒忍辱  
精進禪定无般若波羅蜜無方便力  
故行別異相作是念是布施是持戒  
是忍辱是精進是禪定無般若波羅  
蜜无方便力故布施持戒忍辱精進

禪定行異別相行異別相故不得无  
異相不得無異相故不得入菩薩位  
不得入菩薩位故得須陀洹果乃至  
得阿羅漢果舍利弗菩薩摩訶薩雖  
有道若空若無相若无作法遠離般  
若波羅蜜无方便力故便於實際作  
證取聲聞乘舍利弗白佛言世尊何  
因緣故俱行空无相無作法遠離方  
便力於實際作證取聲聞乘菩薩摩  
訶薩亦修空無相无作法有方便力  
故得阿耨多羅三藐三菩提佛告舍  
利弗有菩薩遠離薩婆若心修空无  
相無作法无方便力故取聲聞乘舍  
利弗復有菩薩摩訶薩不遠離薩婆  
若心修空無相无作法有方便力故  
入菩薩位得阿耨多羅三藐三菩提  
舍利弗譬如有鳥身長百由旬若二  
百三百由旬而無有翅從三十三天  
自投閻浮提舍利弗於汝意云何是  
鳥中道作是念欲還上三十三天能  
得還不不得也世尊舍利弗是鳥復  
作是願到閻浮提欲使身不痛不惱  
舍利弗於汝意云何是鳥得不痛不



惱不舍利弗言不得也世尊是鳥到地若痛若惱若死若死等苦何以故世尊是鳥身大而無翅故舍利弗菩薩摩訶薩亦如是雖如恒河沙等劫修布施持戒忍辱精進禪定發大心生大心為得阿耨多羅三藐三菩提故受無量願是菩薩遠離般若波羅蜜方便力故若墮阿羅漢若墮辟支佛道何以故是菩薩遠離薩婆若心布施持戒忍辱精進禪定無般若波羅蜜無方便力故墮聲聞地若辟支佛道中舍利弗菩薩摩訶薩雖念過去未來現在諸佛持戒禪定智慧解脫解脫知見取相受持是人不知不解諸佛戒定慧解脫解脫知見但問空无相無作名字聲而取名字聲迴向阿耨多羅三藐三菩提菩薩摩訶薩若如是迴向往住聲聞辟支佛地中不能得過何以故遠離般若波羅蜜方便力持諸善根迴向阿耨多羅三藐三菩提故舍利弗有菩薩摩訶薩從初發意以來不遠離薩婆若心行布施持戒忍辱精進禪定不遠離假



若波羅蜜方便力故不取相於過去  
未來現在諸佛戒定慧解脫解脫知  
見不取空解脫門相不取无相無作  
解脫門相舍利弗當知是菩薩摩訶  
薩不墮聲聞辟支佛道直至阿耨多  
羅三藐三菩提何以故是菩薩摩訶  
薩從初發意以來行布施不取相持  
戒忍辱精進禪定不取相過去未來  
現在諸佛戒定慧解脫解脫知見不  
取相舍利弗是名菩薩方便力以離  
相心行布施持戒忍辱精進禪定乃  
至離相心行一切種智舍利弗白佛  
言世尊如我解佛所說義若菩薩摩  
訶薩不遠離般若波羅蜜方便力當  
知是菩薩近阿耨多羅三藐三菩提  
何以故是菩薩摩訶薩從初發心以  
來无法可知若色若受想行識乃至  
一切種智世尊有求菩薩道善男子  
善女人遠離般若波羅蜜及方便力  
當知是人於阿耨多羅三藐三菩提  
或得或不得何以故世尊是求菩薩  
道善男子善女人所有布施皆取相  
所有持戒忍辱精進禪定皆取相以

是故是善男子善女人於阿耨多羅三藐三菩提不定世尊以是因緣故菩薩摩訶薩欲得阿耨多羅三藐三菩提不應遠離般若波羅蜜方便力中以无得無相心應布施持戒忍辱精進禪定乃至以無得无相心應修一切種智今時欲色界諸天子白佛言世尊阿耨多羅三藐三菩提難得何以故是菩薩摩訶薩應知一切諸法是法亦不可得佛言如是如是諸天子阿耨多羅三藐三菩提難得我不得一切法一切種智亦无所得無能知无可知無知者何以故諸法畢竟淨故須菩提白佛言世尊如佛所說阿耨多羅三藐三菩提難得如我解佛所說義我心思惟是阿耨多羅三藐三菩提易得何以故無有得阿耨多羅三藐三菩提者亦无可得法一切法一切法相空無法可得无能得者何以故一切法空故亦無法可增亦無法可減所謂布施持戒忍辱精進禪定乃至一切種智是法皆

無可得者无能得者世尊以是因緣  
故我意謂阿耨多羅三藐三菩提為  
易得何以故世尊色色相空受想行  
識識相空乃至一切種智一切種智  
相空舍利弗語須菩提若一切法空  
如虛空虛空不作是念我當得阿耨  
多羅三藐三菩提若菩薩摩訶薩信  
解一切諸法空如虛空是阿耨多羅  
三藐三菩提易得者今恒河沙等諸  
菩薩摩訶薩求阿耨多羅三藐三菩  
提何以退還須菩提以是故知阿耨  
多羅三藐三菩提不易得須菩提語  
舍利弗於意云何色於阿耨多羅三  
藐三菩提退還不舍舍利弗言不受想  
行識於阿耨多羅三藐三菩提退還  
不舍舍利弗言不乃至一切種智於阿  
耨多羅三藐三菩提退還不舍舍利弗  
言不離色有法於阿耨多羅三藐三  
菩提退還不舍舍利弗言不離受想行  
識有法於阿耨多羅三藐三菩提退  
還不舍舍利弗言不乃至離一切種智  
有法於阿耨多羅三藐三菩提退還  
不舍舍利弗言不舍舍利弗於意云何色

如相於阿耨多羅三藐三菩提退還  
不舍利弗言不受想行識如相乃至  
一切種智如相於阿耨多羅三藐三  
菩提退還不舍利弗言不離色如相  
有法於阿耨多羅三藐三菩提退還  
不舍利弗言不離受想行識如相乃  
至離一切種智如相有法於阿耨多  
羅三藐三菩提退還不舍利弗言不  
舍利弗於意云何如於阿耨多羅三  
藐三菩提退還不舍利弗言不法性  
法住法位實際不可思議性於阿耨  
多羅三藐三菩提退還不舍利弗言  
不舍利弗於意云何離如有法於阿  
耨多羅三藐三菩提退還不舍利弗  
言不離法性法住法位實際不可思  
議性有法於阿耨多羅三藐三菩提  
退還不舍利弗言不須菩提語舍利  
弗若諸法畢竟不可得何等法於阿  
耨多羅三藐三菩提退還舍利弗語  
須菩提如須菩提所說是法忍中无  
有菩薩於阿耨多羅三藐三菩提退  
還者若不退還佛說求道者有三種  
阿羅漢道辟支佛道佛道是三種為

無分別如須菩提說獨有一菩薩摩訶薩求佛道是時富樓那弥多羅尼子語舍利弗應當問須菩提為有一菩薩乘不尔時舍利弗問須菩提須菩提為欲說有一菩薩乘須菩提語舍利弗於諸法如中欲使有三種乘聲聞乘辟支佛乘佛乘耶舍利弗言不也舍利弗如中可得分別有三乘不舍利弗言不也舍利弗是如有若一相若二相若三相不舍利弗言不也舍利弗汝欲於如中乃至有一菩薩不舍利弗言不也如是四種中三乘人不可得舍利弗云何作是念是求聲聞乘人是求辟支佛乘人是求佛乘人舍利弗菩薩摩訶薩聞是諸法如相心不驚不沒不悔不疑是名菩薩摩訶薩能成就阿耨多羅三藐三菩提尔時佛讚須菩提言善哉善哉須菩提汝所說者皆是佛力須菩提若菩薩摩訶薩聞說是如無有諸法別異心不驚不怖不畏不難不沒不悔當知是菩薩能成就阿耨多羅三藐三菩提舍利弗白佛言世尊成



就何等菩提佛言成就佛阿耨多羅  
三藐三菩提須菩提白佛言世尊若  
菩薩摩訶薩欲成就阿耨多羅三藐  
三菩提應云何行佛言應起等心於  
一切衆生亦等心與語无有偏黨於  
一切衆生中起大慈心亦以大慈心  
與語於一切衆生中下意亦以下意  
與語於一切衆生中應生安隱心亦  
以安隱心與語於一切衆生中應生  
無尋心亦以无尋心與語於一切衆  
生中應生無惱心亦以无惱心與語  
於一切衆生中應生愛敬心如父如  
母如兄如弟如姊妹如兒子如親族  
如知識亦以愛敬心與語是菩薩摩  
訶薩應自不煞生亦教人不煞生讚  
不煞生法歡喜讚歎諸不煞者乃至  
自不行邪見亦教他人不行邪見讚  
歎不邪見法歡喜讚歎不邪見者如  
是須菩提菩薩摩訶薩欲成就阿耨  
多羅三藐三菩提當如是行復次須  
菩提菩薩摩訶薩欲成就阿耨多羅  
三藐三菩提應自行初禪亦教他人  
行初禪讚歎行初禪法歡喜讚歎行



初禪者二禪三禪四禪亦如是復次  
須菩提菩薩摩訶薩欲成就阿耨多  
羅三藐三菩提應自行慈心亦教人  
行慈心讚歎行慈心法歡喜讚歎行  
慈心者悲喜捨心亦如是自行虛空  
處亦教人行虛空處讚歎行虛空處  
法歡喜讚歎行虛空處者識處無所  
有處非有想非无想處亦如是自具  
足檀那波羅蜜亦教人具足檀那波  
羅蜜讚歎具足檀那波羅蜜法歡喜  
讚歎具足檀那波羅蜜者尸羅波羅  
蜜羣提毗梨耶禪那般若波羅蜜亦  
如是復次菩薩摩訶薩欲成就阿耨  
多羅三藐三菩提自行內空亦教人  
行內空讚歎行內空法歡喜讚歎行  
內空者乃至无法有法空亦如是自  
行四念處亦教人行四念處讚歎行  
四念處法歡喜讚歎行四念處者乃  
至八聖道分亦如是自修空三昧無  
相無作三昧亦教人修空無相无作  
三昧讚歎修空无相無作三昧法歡  
喜讚歎修空無相无作三昧者自行  
八背捨亦教人行八背捨讚歎行八

背捨法歡喜讚歎行八背捨者自行九次第定亦教人行九次第定讚歎行九次第定法歡喜讚歎行九次第定者自具足佛十力亦教人具足佛十力讚歎具足佛十力法歡喜讚歎具足佛十力者自行四無所畏四无尋智十八不共法大慈大悲亦教人行四無所畏乃至大慈大悲讚歎行四無所畏乃至大慈大悲法歡喜讚四無所畏乃至大慈大悲者自歎行四無所畏乃至大慈大悲者自逆順觀十二因緣亦教人行逆順觀十二因緣讚歎逆順觀十二因緣法歡喜讚歎逆順觀十二因緣者須菩提菩薩摩訶薩欲成就阿耨多羅三藐三菩提應如是行復次須菩提菩薩摩訶薩欲成就阿耨多羅三藐三菩提自應知苦斷集證滅修道亦教人知苦斷集證滅修道讚歎知苦斷集證滅修道法歡喜讚歎知苦斷集證滅修道者自生須陀洹果證智亦不證實際亦教人著須陀洹果中讚歎須陀洹果法歡喜讚歎得須陀洹果者斯陀含果阿那含果阿羅漢果

亦如是自生辟支佛道證智亦不證  
辟支佛道亦教人著辟支佛道中讚  
歎得辟支佛道法歡喜讚歎得辟支  
佛道者自入菩薩位亦教人入菩薩  
位讚歎入菩薩位法歡喜讚歎入菩  
薩位者自淨佛國土成就衆生亦教  
人淨佛國土成就衆生讚歎淨佛國  
土成就衆生法歡喜讚歎淨佛國土  
成就衆生者自起菩薩神通亦教人  
起菩薩神通讚歎起菩薩神通法歡  
喜讚歎起菩薩神通者自生一切種  
智亦教人生一切種智讚歎生一切  
種智法歡喜讚歎生一切種智者自  
斷一切結使習亦教人斷一切結使  
習讚歎斷一切結使習法歡喜讚歎  
斷一切結使習者須菩提菩薩摩訶  
薩欲成就阿耨多羅三藐三菩提應  
如是行復次須菩提菩薩摩訶薩欲  
成就阿耨多羅三藐三菩提自取壽  
命成就亦教人取壽命成就讚歎取  
壽命成就法歡喜讚歎取壽命成就  
者自成就法住亦教人成就法住讚  
歎成就法住法歡喜讚歎成就法住

者須菩提菩薩摩訶薩欲成就阿耨多羅三藐三菩提應如是行亦應如是學般若波羅蜜方便力是菩薩如是學如是行時當得无寻色得無寻受想行識乃至得無寻法住何以故是菩薩摩訶薩從本以來不受色不受受想行識乃至不受一切種智何以故色不受者為非色乃至一切種智不受者為非一切種智說是菩薩行品時二千菩薩得无生法忍

摩訶般若波羅蜜經不退品第五十五

須菩提白佛言世尊以何等行何等類何等相貌知是阿惟越致菩薩摩訶薩佛告須菩提若菩薩摩訶薩能知凡夫地聲聞地辟支佛地佛地是諸地如相中無二无別亦不念亦不分別入是如中間是事直過无疑何以故是如中無一无二相故是菩薩摩訶薩亦不作無益語但說利益相應語不覩他人長短須菩提以是行類相貌知是阿惟越致菩薩摩訶薩須菩提言世尊復以何行類相貌知是阿惟越致菩薩摩訶薩佛告須菩

提若菩薩摩訶薩能觀一切法无行  
无類無相貌當知是名阿惟越致菩  
薩摩訶薩須菩提白佛言世尊若一  
切法無行无類無相貌菩薩於何等  
法轉名不轉佛言若菩薩摩訶薩色  
中轉受想行識中轉是名菩薩不轉  
復次須菩提菩薩摩訶薩檀那波羅  
蜜中轉乃至般若波羅蜜中轉内空  
中乃至無法有法空中轉四念處中  
乃至十八不共法中轉聲聞辟支佛  
地中轉乃至阿耨多羅三藐三菩提  
中轉當知是菩薩摩訶薩不轉何以  
故須菩提色性无是菩薩何所住乃  
至阿耨多羅三藐三菩提性无是菩  
薩何所住復次須菩提菩薩摩訶薩  
不觀相外道沙門婆羅門面貌言語  
不作是念是諸外道若沙門若婆羅  
門實知實見若說正見無有是事復  
次菩薩不生疑不著戒取不墮邪見  
亦不求世俗吉事以為清淨不以華  
香瓔珞幡蓋伎樂礼拜供養餘天須  
菩提以是行類相貌當知是名阿惟  
越致菩薩摩訶薩復次須菩提阿惟

越致菩薩摩訶薩常不生下賤家乃至不生八難之處常不受女人身須菩提以是行類相貌當知是名阿惟越致菩薩摩訶薩復次須菩提菩薩摩訶薩常行十善道自不煞生不教人煞生讚歎不煞生法歡喜讚歎不讚歎邪見法不歡喜讚歎行邪見者須菩提以是行類相貌當知是名阿惟越致菩薩摩訶薩復次須菩提菩薩摩訶薩乃至夢中亦不行十不善道以是行類相貌當知是名阿惟越致菩薩摩訶薩復次須菩提菩薩摩訶薩為益一切衆生故行檀那波羅蜜乃至為益一切衆生故行般若波羅蜜須菩提以是行類相貌當知是名阿惟越致菩薩摩訶薩復次須菩提菩薩摩訶薩所有諸法受讀誦說正憶念所謂修妬路乃至憂波提舍是菩薩法施時作是念是法施因緣故滿一切衆生願以是法施功德與一切衆生共之迴向阿耨多羅三藐三菩提須菩提以是行類相貌當



知是名阿惟越致菩薩摩訶薩復次  
須菩提菩薩摩訶薩於甚深法中不  
疑不悔須菩提言世尊菩薩於甚深  
法中何因緣故不疑不悔佛言是阿  
惟越致菩薩都不見有法可生疑處  
若色受想行識乃至阿耨多羅三藐  
三菩提不見是法可生疑處悔處須  
菩提以是行類相貌當知是名阿惟  
越致菩薩摩訶薩復次須菩提菩薩  
摩訶薩身口意業柔軟須菩提以是  
行類相貌當知是名阿惟越致菩薩  
摩訶薩復次須菩提菩薩摩訶薩以  
慈身口意業成就須菩提以是行類  
相貌當知是名阿惟越致菩薩摩訶  
薩復次須菩提菩薩摩訶薩不與五  
蓋俱姪欲瞋恚睡眠掉悔疑須菩提  
以是行類相貌當知是名阿惟越致菩  
薩摩訶薩復次須菩提菩薩摩訶薩  
一切處无所愛著須菩提以是行類  
相貌當知是名阿惟越致菩薩摩訶  
薩復次須菩提菩薩摩訶薩出入去  
來坐卧行住常念一心出入去來坐  
卧行住舉足下足安隱詳序常念

心觀地而行須菩提以是行類相貌  
當知是名阿惟越致菩薩摩訶薩復  
次須菩提菩薩摩訶薩所著衣服及  
諸卧具人不惡穢好樂淨潔少於疾  
病須菩提以是行類相貌當知是名  
阿惟越致菩薩摩訶薩復次須菩提  
常人身中有八萬戶蟲侵食其身是  
阿惟越致菩薩摩訶薩身無是蟲何  
以故是菩薩功德出過世間以是故  
是菩薩無是戶蟲是菩薩功德增益  
隨其功德得身清淨得心清淨須菩  
提以是行類相貌當知是名阿惟越  
致菩薩摩訶薩須菩提白佛言世尊  
云何菩薩摩訶薩得身清淨得心清  
淨佛言菩薩摩訶薩隨其所得增益  
善根滅除心曲心邪須菩提是名菩  
薩摩訶薩身清淨心清淨以是身心  
清淨故能過聲聞辟支佛地入菩薩  
位中須菩提以是行類相貌當知是  
名阿惟越致菩薩摩訶薩復次須菩  
提菩薩摩訶薩不貴利養雖行十二  
頭陀不貴阿蘭若法乃至不貴但三  
衣法須菩提以是行類相貌當知是

名阿惟越致菩薩摩訶薩復次須菩  
提菩薩摩訶薩常不生慳貪心不生  
破戒心瞋動心懈怠心散亂心不生  
愚癡心不生嫉妬心須菩提以是行  
類相貌當知是名阿惟越致菩薩摩  
訶薩復次須菩提菩薩摩訶薩心住  
不動智慧深入一心聽受所從聞法  
及世間事皆與般若波羅蜜合是菩  
薩摩訶薩不見產業之事不入法性  
者是事一切皆見與般若波羅蜜合  
以是因緣故須菩提是名阿惟越致  
菩薩阿惟越致相復次須菩提若惡  
魔於阿惟越致菩薩前化作八大地  
獄一一地獄中有千億萬菩薩皆被  
燒煮受諸辛酸苦毒語菩薩言是諸  
菩薩皆是阿惟越致佛所授記墮大  
地獄中汝若為佛授阿惟越致記者  
當入是大地獄中佛為授汝地獄記  
汝不如還捨菩薩心可得墮地獄  
得生天上須菩提若是菩薩見是事  
聞是事心不動不疑不驚作是念阿  
惟越致菩薩若墮地獄畜生餓鬼中  
終无是處須菩提以是行類相貌當

知是名阿惟越致菩薩摩訶薩復次  
須菩提惡魔化作比丘被服來至菩  
薩所語菩薩言汝先聞應如是淨修  
六波羅蜜乃至應如是淨修得阿耨  
多羅三藐三菩提是事汝疾悔捨汝  
先於過去未來現在諸佛所從初發  
心乃至法住於其中間所作善根隨  
喜迴向阿耨多羅三藐三菩提是事  
汝亦疾放捨若汝疾捨我當語汝真  
佛法汝先所聞皆非佛法非佛教皆  
是文飾合集作耳我所說是真佛法  
若是菩薩聞作是說心驚疑悔當知  
是菩薩未得諸佛授記未定住阿惟  
越致性中若是菩薩心不動不驚不  
疑不悔隨順依止无作無生法不信  
他語不隨他行行六波羅蜜時不隨  
他語乃至行阿耨多羅三藐三菩提  
時亦不隨他語須菩提譬如漏盡阿  
羅漢不信他語不隨他行現見諸法  
實相惡魔不能轉如是須菩提阿惟  
越致菩薩摩訶薩亦如是求聲聞道  
辟支佛道人不能破壞不能折伏其  
心須菩提是菩薩摩訶薩必定住阿

惟越致地中不隨他語乃至佛語不  
直信取何況求聲聞辟支佛人及惡  
魔外道梵志語終無是處何以故是  
菩薩不見有法可隨信者所謂若色  
受想行識若色如乃至識如乃至不  
見若阿耨多羅三藐三菩提阿耨多  
羅三藐三菩提如須菩提以是行類  
相貌當知是名阿惟越致菩薩摩訶  
薩復次須菩提魔作比丘身來到菩  
薩所語菩薩言汝所行者是生死法  
非薩婆若道汝今身取苦盡證是時  
惡魔為菩薩用世間行說似道法是  
似道法三界繫所謂骨相若初禪乃  
至非有想非无想語善男子用是道  
用是行當得須陀洹果乃至當得阿  
羅漢果汝行是道今世苦盡汝用受  
生死中種種苦惱為今是四大身尚  
不用受何況當更受來身須菩提若  
是菩薩摩訶薩心不驚不疑不悔作  
是念是比丘益我不少為我說似道  
法行是似道法不至須陀洹果證不  
得至阿羅漢辟支佛道證何況得至  
阿耨多羅三藐三菩提是菩薩摩訶



薩益復歡喜作是念是比丘益我不  
少為我說遮道法我知是遮道法是不  
遮學三乘道是時惡魔知菩薩歡喜  
作是言善男子汝欲見是菩薩摩訶  
薩供養如恒河沙等諸佛衣被飲食  
卧具醫藥資生所須亦於如恒河沙  
等諸佛所行檀那波羅蜜尸羅波羅  
蜜羼提波羅蜜毗梨耶波羅蜜禪那  
波羅蜜般若波羅蜜亦親近如恒河  
沙等諸佛諮問菩薩摩訶薩道世尊  
菩薩摩訶薩云何住菩薩摩訶薩乘  
云何行檀那波羅蜜尸羅波羅蜜羼  
提波羅蜜毗梨耶波羅蜜禪那波羅  
蜜般若波羅蜜四念處乃至大慈大  
悲是菩薩摩訶薩如佛所教如是住  
如是行如是修是菩薩摩訶薩如是  
教如是學尚不得阿耨多羅三藐三  
菩提不得薩婆若何況汝當得阿耨  
多羅三藐三菩提若菩薩摩訶薩聞  
是事心不異不驚益復歡喜作是念  
是比丘益我不少為我說遮道法是  
遮道法不得須臾沮道乃至不得阿  
羅漢辟支佛道何況得阿耨多羅三



三藐三菩提是時惡魔知是菩薩心不  
沒不驚即於是處化作多比丘語菩  
薩言此皆是發意求佛道菩薩今皆  
住阿羅漢地是輩尚不能得阿耨多  
羅三藐三菩提汝云何能得若菩薩  
摩訶薩即作是念此是惡魔說似道  
行菩薩摩訶薩行般若波羅蜜不應  
轉阿耨多羅三藐三菩提心亦不應  
墮聲聞辟支佛道中復作是念行檀  
那波羅蜜尸羅波羅蜜羼提波羅蜜  
毗梨耶波羅蜜禪那波羅蜜般若波  
羅蜜乃至一切種智不得阿耨多羅  
三藐三菩提无有是處須菩提以是  
行類相貌當知是名阿惟越致菩薩  
摩訶薩復次須菩提菩薩摩訶薩作  
是念若菩薩能如佛所說不遠離般  
若波羅蜜心乃至一切種智是菩薩  
終不退阿耨多羅三藐三菩提若菩  
薩覺知魔事亦不失阿耨多羅三藐  
三菩提以是行類相貌當知是阿惟  
越致菩薩摩訶薩相須菩提白佛言  
世尊於何法轉名為不轉佛言於色  
相轉於受想行識相轉於十二入相

十八界相婬欲瞋恚愚癡相邪見相  
四念處相乃至聲聞辟支佛相乃至  
佛相轉以是故名為不退轉菩薩摩  
訶薩相何以故是阿惟越致菩薩摩  
訶薩以是自相空法入菩薩位得無  
生法忍何以故名无生法忍是中乃  
至少許法不可得不可得故不作不  
作故无生是名無生法忍菩薩摩訶  
薩以是行類相類當知是阿惟越致  
菩薩摩訶薩

摩訶般若波羅蜜經卷第十六

戊戌歲高麗國大藏都監奉

勅彫造

摩訶般若波羅密經卷第十七

畫

後秦龜茲國三藏鳩摩羅什譯

堅固品第五十六

丹本轉  
不轉品

復次須菩提惡魔到菩薩所壞其心  
作是言薩婆若與虛空等空無所有  
相諸法亦與虛空等空无所有相是  
虛空等諸法空無所有相中無有得  
阿耨多羅三藐三菩提者亦无有不  
得者是諸法皆如虛空空無所有相  
汝唐受勤苦汝所聞阿耨多羅三藐  
三菩提皆是魔事非佛所說汝當放  
捨是願汝莫長夜受是不安隱憂苦  
墮惡道中是諸善男子善女人聞是  
語時應如是念是惡魔事壞我阿耨  
多羅三藐三菩提心諸法雖如虛空  
無所有自相空而衆生不知不見不  
解我亦以如虛空等無所有自相空  
大擔莊嚴得一切種智為衆生說法  
令得解脫得須陀洹果斯陀含果阿  
那含果阿羅漢果辟支佛道阿耨多  
羅三藐三菩提須菩提菩薩摩訶薩  
從初發意已來聞如是法應堅固其

心不動不轉菩薩摩訶薩以是堅固  
心不動不轉心行六波羅蜜當入菩  
薩位中須菩提白佛言世尊不轉故  
名阿惟越致轉故名阿惟越致佛言  
不轉故名阿惟越致轉故名阿惟  
越致須菩提白佛言世尊云何不轉  
故名阿惟越致轉故名阿惟越致  
佛告須菩提若菩薩摩訶薩於聲聞  
地辟支佛地不轉是故名不轉若菩  
薩摩訶薩於聲聞地辟支佛地轉是  
故亦名不轉須菩提以是行類相貌  
當知是名阿惟越致菩薩摩訶薩相  
以是行類相貌故惡魔不能壞其心  
令離阿耨多羅三藐三菩提復次須  
菩提阿惟越致菩薩若欲入初禪第  
二第三第四禪乃至滅定禪即得入  
復次須菩提阿惟越致菩薩摩訶薩  
若欲修四念處乃至修八聖道分空  
无相無作三昧乃至五神通即得修  
是菩薩雖修四念處乃至五神通是  
人不受四念處果雖修諸禪不受諸  
禪果乃至不受滅定禪果不證須陀  
洹果乃至不證辟支佛道是菩薩故

為衆生受身隨其所應而利益之須  
菩提以是行類相貌當知是名阿惟  
越致菩薩摩訶薩復次須菩提阿惟  
越致菩薩摩訶薩常憶念阿耨多羅  
三藐三菩提終不遠離薩婆若心不  
遠離薩婆若心故不貴色不貴相不  
貴聲聞辟支佛不貴檀那波羅蜜尸  
羅波羅蜜羼提波羅蜜毗梨耶波羅  
蜜禪那波羅蜜般若波羅蜜不貴四  
禪四无量心四無色定不貴五神通  
不貴四念處乃至八聖道分不貴佛  
十力乃至十八不共法不貴淨佛國  
土不貴成就衆生不貴見佛不貴種  
善根何以故一切法自相空不見可  
貴法能生貴心者何以故是一切法  
與虛空等无所有自相空須菩提是  
阿惟越致菩薩摩訶薩成就是心於  
四種身威儀中出入來去坐卧行住  
一心不亂須菩提以是行類相貌當  
知是阿惟越致菩薩摩訶薩復次須  
菩提阿惟越致菩薩摩訶薩若在居  
家以方便力為利益衆生故受五欲  
布施衆生須食與食須飲與飲衣服

卧具乃至資生所須盡給與之是菩薩自行檀那波羅蜜教人行檀那讚歎行檀那法歡喜讚歎行檀那波羅蜜者尸羅波羅蜜乃至般若波羅蜜亦如是須菩提阿惟越致菩薩摩訶薩在家時能以滿閻浮提珍寶施與衆生乃至三千大千世界滿中珍寶給施衆生亦不自為常修梵行不陵易虜掠他人令其憂惱須菩提以是行類相貌當知是名阿惟越致菩薩摩訶薩復次須菩提阿惟越致菩薩摩訶薩執金剛神王常隨逐作是願是菩薩摩訶薩當得阿耨多羅三藐三菩提我常隨逐乃至五性執金剛神常隨守護以是故若天若魔若梵若餘世間大力者不能破壞是名菩薩摩訶薩薩婆若心乃至得阿耨多羅三藐三菩提須菩提是名菩薩摩訶薩阿惟越致相

復次須菩提菩薩摩訶薩常具足菩薩五根信根精進根念根定根慧根是名阿惟越致相復次須菩提阿惟越致菩薩摩訶薩為上人不為下人



須菩提白佛言世尊云何為上人佛  
告須菩提若菩薩摩訶薩一心行阿  
耨多羅三藐三菩提心不散亂是名  
上人以是行類相貌當知是名阿惟  
越致相復次須菩提阿惟越致菩薩  
一心常念佛道為淨命故不作呪術  
合和諸藥不呪鬼神令著男女問其  
吉凶男女祿相壽命長短何以故須  
菩提是菩薩摩訶薩知諸法自相空  
不見諸法相故不行邪命行淨命須  
菩提以是行類相貌當知是名阿惟  
越致菩薩摩訶薩相復次須菩提今  
當更說阿惟越致菩薩摩訶薩行類  
相貌一心諦聽佛告須菩提菩薩摩  
訶薩行般若波羅蜜常不遠離阿耨  
多羅三藐三菩提心故不說五陰事  
不說十二入事不說十八界事何以  
故常念觀五陰空相十二入十八界  
空相故是菩薩摩訶薩不好說官事  
何以故是菩薩諸法空相中住不見  
法若貴若賤不好說賊事何以故諸  
法自相空故不見若得若失不好說  
軍事何以故諸法自相空故不見若

多若少不好說閻事何以故是菩薩  
摩訶薩住諸法如中不見法有憎有  
愛不好說婦女事何以故住諸法空  
中不見好醜故不好說聚落事何以  
故諸法自相空故不見法若合若散  
不好說城邑事何以故住諸法實際  
中不見有勝有負不好說國事何以  
故住實際中不見法有所屬有不屬  
不好說我事何以故法性中住不見  
法有我无我乃至不見知者見者如  
是等不說種種世間事但好說般若  
波羅蜜不遠離薩婆若心若行檀那  
波羅蜜時不為慳貪事行尸羅波羅  
蜜時不為破戒事行羼提波羅蜜時  
不為瞋諍事行毗梨耶波羅蜜時不  
為懈怠事行禪那波羅蜜時不為散  
亂事行般若波羅蜜時不為愚癡事  
是菩薩雖行一切法空而愛樂法是  
菩薩雖行法性常讚不壞法而愛樂  
善知識所謂諸佛及菩薩聲聞辟支  
佛諸能教化令樂住阿耨多羅三藐  
三菩提者是入常願欲見諸佛聞在  
所處佛國土中有現在佛隨願往生

如是心常晝夜行所謂念佛心如是  
須菩提阿惟越致菩薩摩訶薩行初  
禪乃至非有想非无想處以方便力  
故起欲界心若衆生能行十善道者  
及現在有佛處在中生以是行類相  
類當知是名阿惟越致菩薩摩訶薩  
復次須菩提阿惟越致菩薩摩訶薩  
行般若波羅蜜時住內空外空乃至  
无法有法空住四念處乃至空無相  
無作解脫門於自地中了了不疑我  
是阿惟越致非阿惟越致何以故乃  
至不見少許法於阿耨多羅三藐三  
菩提中若轉若不轉須菩提譬如人  
得須陀洹果住須陀洹地中自了了  
知終不疑不悔阿惟越致菩薩摩訶  
薩亦如是住阿惟越致地中終不疑  
住是地中淨佛國土成就衆生種種  
魔事起即時覺知亦不隨魔事破壞  
魔事須菩提譬如有人作五逆罪五  
逆罪心乃至死時常逐不捨雖有異  
心不能障隔須菩提阿惟越致菩薩  
摩訶薩亦如是自住其地心常不動  
一切世間天人阿修羅不能動轉何

以故是菩薩摩訶薩出一切世間天人阿修羅上入正法位中自證地中住具足諸菩薩神通能淨佛國土成就衆生從一佛國至一佛國於十方佛所殖諸善根親近諮問諸佛是菩薩如是住種種魔事起覺而不隨以方便力處魔事者實際中自證地中不疑不悔何以故實際中无疑相故知是實際非一非二以是因緣故是人乃至轉身終不向聲聞辟支佛地是菩薩摩訶薩諸法自相空中不見法若生若滅若垢若淨須菩提是菩薩摩訶薩乃至轉身亦不疑我當得阿耨多羅三藐三菩提若不得何以故須菩提諸法自相空即是阿耨多羅三藐三菩提須菩提是菩薩摩訶薩住自證地中不隨他語无能壞者何以故是阿惟越致菩薩摩訶薩成就不動智慧故須菩提以是行類相貌當知是名阿惟越致菩薩摩訶薩復次須菩提菩薩摩訶薩若惡魔作佛身來語菩薩言汝今於是間取阿羅漢道汝亦無阿耨多羅三藐三菩

提記汝亦未得無生忍法汝亦无是  
阿惟越致行類相貌亦无是相得受  
阿耨多羅三藐三菩提記須菩提若  
菩薩摩訶薩聞是語心不異不沒不  
驚不怖不畏是菩薩應自知我必從  
諸佛受阿耨多羅三藐三菩提記何  
以故諸菩薩以是法受記我亦有是  
法得受記須菩提若惡魔若為魔所  
使作佛形像來與菩薩受聲聞辟支  
佛記須菩提是菩薩作是念是惡魔  
若魔所使作佛形像來諸佛不應教  
菩薩遠離阿耨多羅三藐三菩提教  
住聲聞辟支佛道須菩提以是行類  
相貌當知是名阿惟越致相復次須  
菩提惡魔復作佛身來到菩薩所作  
是言汝所學經書非佛所說亦非聲  
聞說是魔所說須菩提是菩薩摩訶  
薩當作是知是惡魔若魔所使教我  
遠離阿耨多羅三藐三菩提須菩提  
當知是菩薩已為過去佛所受記住  
阿惟越致地何以故諸菩薩所有阿  
惟越致行類相貌是菩薩亦有是行  
類相貌是名阿惟越致菩薩相復次

須菩提阿惟越致菩薩摩訶薩行般

若波羅蜜時為護持諸法故不惜身

命何況餘物是菩薩護持法故作是

念我不為護持一佛法我為護持三

世十方諸佛法故須菩提云何菩薩

摩訶薩護持法故不惜身命須菩提

如佛說一切諸法真空是時有愚癡

人破壞不受作是言是非法非善非

世尊教須菩提菩薩護持如是法故

不惜身命菩薩亦應作是念未來世

諸佛我亦在是數中在中受記是法

亦是我法以是故不惜身命須菩提

菩薩見是利益故護持法不惜身命

須菩提以是行類相貌知是阿惟越

致相復次須菩提阿惟越致菩薩摩

訶薩聞佛說法不疑不悔聞已受持

終不忘失何以故得陀羅尼故須菩

提言世尊得何等陀羅尼聞佛所說

諸經而不忘失佛告須菩提菩薩得

聞持等陀羅尼故佛說諸經不忘不

失不疑不悔須菩提白佛言世尊但

聞佛說法不忘不失不疑不悔聲聞

辟支佛說天龍鬼神阿修羅緊那羅



摩睺羅伽說亦復不忘不失不疑不  
悔耶佛告須菩提所有言說衆事得  
陀羅尼菩薩皆不忘不失不疑不悔  
須菩提如是行類相貌成就當知是  
阿惟越致菩薩摩訶薩

摩訶般若波羅蜜經深奧品第五十七

丹本經  
莊品

須菩提白佛言世尊是阿惟越致菩  
薩摩訶薩大功德成就世尊是阿惟  
越致菩薩摩訶薩無量功德成就无  
邊功德成就佛告須菩提如是如是  
是阿惟越致菩薩摩訶薩大功德成  
就是阿惟越致菩薩摩訶薩无量無  
邊功德成就何以故是菩薩摩訶薩  
得无量無邊智慧不與一切聲聞辟  
支佛共故阿惟越致菩薩住是智慧  
中生四无闕智得是無闕智故一切  
世間天及人无能窮盡須菩提白佛  
言世尊佛能以恒河沙等劫歎說阿  
惟越致菩薩摩訶薩行類相貌須菩  
提言世尊何等深奧處阿惟越致菩  
薩摩訶薩住是中行六波羅蜜時具  
足四念處乃至具足一切種智佛讚  
須菩提善哉善哉須菩提汝為阿

惟越致菩薩摩訶薩問是深奧處須  
菩提深奧處者空是其義无相無作  
无起無生无染寂滅離如法性實際  
涅槃須菩提如是等法是為深奧義  
是深奧非一切法深奧耶佛言一切  
法亦是深奧義須菩提色亦深奧受  
想行識亦深奧眼亦深奧乃至意色  
乃至法眼界乃至意識界檀那波羅  
蜜乃至般若波羅蜜四念處乃至阿  
耨多羅三藐三菩提亦深奧世尊云  
何色深奧乃至阿耨多羅三藐三菩  
提亦深奧佛言色如深奧故色深奧  
受想行識如乃至阿耨多羅三藐三  
菩提如深奧故阿耨多羅三藐三菩  
提深奧世尊云何色如深奧乃至阿  
耨多羅三藐三菩提如深奧須菩提  
是色如非是色非離色乃至識如非  
是識非離識乃至阿耨多羅三藐三  
菩提如非是阿耨多羅三藐三菩提  
非離阿耨多羅三藐三菩提須菩提  
白佛言希有世尊微妙方便力故令  
阿惟越致菩薩摩訶薩離色處涅槃

亦令離受想行識處涅槃亦令離一切法若世間若出世間若有諍若无諍若有漏若无漏法處涅槃佛言如是如是須菩提佛以微妙方便力故令阿惟越致菩薩離色處涅槃乃至離有漏無漏法處涅槃復次須菩提若菩薩摩訶薩如是甚深法與般若波羅蜜相應觀察籌量思惟作是念我應如是行如般若波羅蜜中教我應如是學如般若波羅蜜中說須菩提若是菩薩摩訶薩能如說行如說學如般若波羅蜜中觀具足勤精進一念生時當得无量無邊阿僧祇福德是菩薩摩訶薩超越无量劫近阿耨多羅三藐三菩提何況常行般若波羅蜜應阿耨多羅三藐三菩提念須菩提譬如多婬欲人與端正淨潔女人共期此女人限闕不得時往於須菩提意云何是人所念為在何處世尊是人念念常在彼女人所恒作是念憶想當來與共坐卧歡樂須菩提是人一日一夜為有幾念生須菩提言世尊是人一日一夜其念甚多

甚多佛告須菩提菩薩摩訶薩念般若波羅蜜如般若波羅蜜中說行是道一念頃超越劫數亦如彼人一日一夜心念之數是菩薩摩訶薩行般若波羅蜜遠離衆罪所謂離阿耨多羅三藐三菩提罪是菩薩摩訶薩行般若波羅蜜一日所得善根功德假令滿如恒河沙等三千大千世界中功德猶亦不減於餘殘功德百分不及一分千分千億万分乃至等數譬喻所不能及復次須菩提若菩薩摩訶薩遠離般若波羅蜜如恒河沙等劫布施三寶佛寶法寶比丘僧寶須菩提於汝意云何是菩薩摩訶薩以是因緣故得福多不須菩提言世尊甚多无量無邊阿僧祇佛告須菩提不如菩薩摩訶薩深般若波羅蜜中一日如說修行得福多何以故般若波羅蜜是諸菩薩摩訶薩道乘是道疾得阿耨多羅三藐三菩提須菩提若菩薩摩訶薩遠離般若波羅蜜如恒河沙等劫供養須陀洹斯陀含阿那含阿羅漢辟支佛及諸佛於須菩

提意云何是菩薩摩訶薩以是因緣  
故得福多不須菩提言世尊甚多甚  
多佛言不如是菩薩摩訶薩深般若  
波羅蜜如說修行一日得福多何以  
故菩薩摩訶薩行是般若波羅蜜過  
一切聲聞辟支佛地入菩薩位漸漸  
得阿耨多羅三藐三菩提須菩提菩  
薩摩訶薩遠離般若波羅蜜如恒河  
沙等劫行布施持戒忍辱精進禪定  
智慧於汝意云何是人以是因緣故  
得福多不須菩提言世尊甚多甚多  
佛言不如是菩薩摩訶薩行般若波  
羅蜜如說修行一日布施持戒忍辱  
精進禪定智慧得福多何以故須菩  
提般若波羅蜜是菩薩摩訶薩母故  
是般若波羅蜜能生諸菩薩摩訶薩  
諸菩薩摩訶薩住般若波羅蜜中能  
具足一切佛法故須菩提若菩薩摩  
訶薩遠離般若波羅蜜如恒河沙劫  
壽行法施須菩提於汝意云何是  
人得福多不須菩提言甚多世尊佛  
言不如是善男子善女人深般若波  
羅蜜如說修行乃至一日法施得福



多何以故須菩提是菩薩摩訶薩不  
遠離般若波羅蜜則不遠離一切種  
智不遠離一切種智則不遠離般若  
波羅蜜以是故須菩提菩薩摩訶薩  
欲得阿耨多羅三藐三菩提不當遠  
離般若波羅蜜須菩提若菩薩摩訶  
薩如恒河沙等劫遠離般若波羅蜜  
修行四念處乃至八聖道分內空乃  
至一切種智須菩提於汝意云何是  
善男子善女人得福多不須菩提言  
世尊甚多甚多佛言不如是善男子  
善女人深般若波羅蜜如說一日修  
行四念處乃至一切種智得福多何  
以故須菩提若菩薩摩訶薩不遠離  
般若波羅蜜於薩婆若轉者无有是  
處須菩提若菩薩摩訶薩遠離般若  
波羅蜜於薩婆若轉則有是處須菩  
提以是故菩薩摩訶薩常不應遠離  
般若波羅蜜行須菩提若菩薩摩訶  
薩遠離般若波羅蜜如恒河沙等劫  
壽財施法施及禪定福德迴向阿耨  
多羅三藐三菩提於汝意云何是人  
得福多不須菩提言世尊甚多甚多



佛言不如是善男子善女人深般若  
波羅蜜如說修行乃至一日財施法  
施禪定福德迴向阿耨多羅三藐三  
菩提得福多何以故是第一迴向所  
謂般若波羅蜜迴向若遠離般若波  
羅蜜迴向是不名迴向須菩提以是  
故若菩薩摩訶薩欲得阿耨多羅三  
藐三菩提應方便學般若波羅蜜迴  
向須菩提若善男子善女人遠離般  
若波羅蜜如恒河沙劫壽過去未來  
現在諸佛及弟子善根和合隨喜迴  
向阿耨多羅三藐三菩提須菩提於  
汝意云何是人得福多不須菩提言  
世尊甚多甚多佛言不如是善男子  
善女人深般若波羅蜜如說修行乃  
至一日隨喜善根迴向阿耨多羅三  
藐三菩提得福多須菩提以是故菩  
薩摩訶薩欲得阿耨多羅三藐三菩  
提應學般若波羅蜜中方便迴向阿  
耨多羅三藐三菩提須菩提白佛言  
世尊如佛所說因緣起法從妄想生  
非實云何善男子善女人得大福德  
世尊以是因緣起法不應得正見入

法位不應得須陀洹果乃至不應得  
阿耨多羅三藐三菩提果佛告須菩  
提如是如是須菩提以是因緣起法  
不應得正見入法位乃至不應得阿  
耨多羅三藐三菩提須菩提行般若  
波羅蜜菩薩摩訶薩知因緣起法亦  
空无堅固虛誑不實何以故須菩提  
是菩薩摩訶薩善學内空乃至善學  
無法有法空故是菩薩摩訶薩住是  
十八空種種觀作法空即不遠離般  
若波羅蜜若菩薩摩訶薩如是漸漸  
不離般若波羅蜜漸漸得无數無量  
无边福德須菩提白佛言世尊无數  
無量无边有何等異須菩提無數者  
名不墮數中若有為性中若无為性  
中無量者量不可得若過去若未來  
若現在无边者諸法邊不可得須菩  
提言世尊頗有色亦無數无量无边  
頗有受想行識亦無數无量无边須  
菩提有因緣色亦無數无量无边受  
想行識亦無數无量无边世尊何等  
因緣故色亦無數无量无边受想行  
識亦無數无量无边佛告須菩提色

空故無數無量無邊受想行識空故  
無數無量無邊世尊但色空受想行  
識空非一切法空耶須菩提我不常  
說一切法空耶須菩提言世尊佛說  
一切法空世尊諸法空即是不可盡  
无有數無量無邊世尊空中數不可  
得量不可得邊不可得以是故世尊  
是不可盡無數无量無邊義无有是  
異佛告須菩提如是如是是法義無  
別異須菩提是法不可說佛以方便  
力故分別說所謂不可盡無數無量  
无边無著空无相無作无起無生无  
滅无染涅槃佛種種因緣以方便力  
說須菩提白佛言希有世尊諸法實  
相不可說而佛以方便力故說世尊  
如我解佛所說義一切法亦不可說  
佛言如是如是須菩提一切法不可  
說一切法不可說相即是空是空不  
可說世尊不可說義有增有減不佛  
言不也須菩提不可說義无增無減  
世尊若不可說義無增无減檀那波  
羅蜜亦當无增無減乃至般若波羅  
蜜亦當無增无減四念處乃至八聖

道分亦當无增無減四禪四无量心  
四無色定五神通八背捨八勝處九  
次第定佛十力四无所畏四無闕智  
十八不共法亦當無增无減世尊若  
菩薩摩訶薩六波羅蜜不增乃至十  
八不共法不增者云何菩薩摩訶薩  
得阿耨多羅三藐三菩提佛言如是  
如是須菩提不可說義无增無減菩  
薩摩訶薩習行般若波羅蜜有方便  
力故不作是念我增般若波羅蜜乃  
至增檀那波羅蜜當作是念但名字  
故名檀那波羅蜜是菩薩摩訶薩行  
檀那波羅蜜時是心及諸善根如阿  
耨多羅三藐三菩提相迴向乃至行  
般若波羅蜜時是心及諸善根如阿  
耨多羅三藐三菩提相迴向須菩提  
白佛言世尊何等是阿耨多羅三藐  
三菩提佛言一切法如相是名阿耨  
多羅三藐三菩提須菩提白佛言世  
尊何等是一切法如相是阿耨多羅  
三藐三菩提佛告須菩提色如相受  
想行識如相乃至涅槃如相是阿耨  
多羅三藐三菩提是如相亦不增不

減須菩提是菩薩摩訶薩不離般若  
波羅蜜常觀是如法不見有增有減  
以是因緣故須菩提不可說義無增  
无減檀那波羅蜜亦不增不減乃至  
十八不共法亦不增不減須菩提菩  
薩摩訶薩以是不增不減法故應般  
若波羅蜜行須菩提白佛言世尊菩  
薩摩訶薩用初心得阿耨多羅三藐  
三菩提用後心得阿耨多羅三藐三  
菩提世尊是初心不至後心後心不  
在初心世尊如是心心數法不具云  
何善根增益若善根不增云何當得  
阿耨多羅三藐三菩提佛告須菩提  
我當為汝說譬喻智者得譬喻則於  
義易解須菩提譬如然燈為用初焰  
焦炷為用後焰焦炷須菩提言世尊  
非初焰焦炷亦非離初焰世尊非後  
焰焦炷亦非離後焰須菩提於汝意  
云何炷為焦不世尊炷實焦佛告須  
菩提菩薩摩訶薩如是不用初心得  
阿耨多羅三藐三菩提亦不離初心  
得阿耨多羅三藐三菩提不用後心  
得阿耨多羅三藐三菩提亦不離後



心得阿耨多羅三藐三菩提而得阿耨多羅三藐三菩提須菩提是中菩薩摩訶薩從初發意行般若波羅蜜具足十地得阿耨多羅三藐三菩提須菩提白佛言世尊何等是十地菩薩具足已得阿耨多羅三藐三菩提佛言菩薩摩訶薩具足乾慧地性地八人地見地薄地離欲地已作地辟支佛地菩薩地佛地具足是地得阿耨多羅三藐三菩提須菩提菩薩摩訶薩學是十地已非初心得阿耨多羅三藐三菩提亦不離初心得阿耨多羅三藐三菩提非後心得阿耨多羅三藐三菩提亦非離後心得阿耨多羅三藐三菩提而得阿耨多羅三藐三菩提佛告須菩提於汝意云何若心滅已心更甚深所謂非初心非離初心非後心非離後心得阿耨多羅三藐三菩提而得阿耨多羅三藐三菩提須菩提於汝意云何心不生不也世尊須菩提於汝意云何心生是滅相不世尊是滅相須菩提於汝意云何心滅相是滅不不也世尊



佛告須菩提於汝意云何亦如是住  
不須菩提言世尊亦如是住如如住  
佛告須菩提於汝意云何若是心如  
如住當作實際證不不也世尊佛告  
須菩提於汝意云何是如甚深不世  
尊甚深甚深須菩提於汝意云何但  
如是心不不也世尊離如是心不不  
也世尊須菩提於汝意云何若菩  
薩能如是行為行深般若波羅蜜不  
須菩提言世尊若菩薩摩訶薩能如  
是行為行深般若波羅蜜須菩提於  
汝意云何若菩薩摩訶薩如是行是  
何處行須菩提言世尊若菩薩摩訶  
薩作如是行為无處所行何以故菩  
薩摩訶薩行般若波羅蜜住諸法如  
中無如是念无念處亦無念者佛告  
須菩提若菩薩摩訶薩如是行為何  
處行須菩提言世尊是菩薩摩訶薩  
如是行為第一義中行二行不可得  
故須菩提於汝意云何若菩薩第一  
義无念中行行為行相不不也世尊於  
汝意云何是菩薩摩訶薩壞相不不

也世尊佛告須菩提云何名不壞相  
須菩提言世尊是菩薩摩訶薩行般  
若波羅蜜不作是念我當壞諸法相  
世尊菩薩摩訶薩行般若波羅蜜未  
具足佛十力四无所畏四無所智大  
慈大悲十八不共法不得阿耨多羅  
三藐三菩提世尊菩薩摩訶薩以方  
便力故於諸法亦不取相亦不壞相  
何以故世尊是菩薩摩訶薩知一切  
諸法自相空故菩薩摩訶薩住是自  
相空中為衆生故入三三昧用是三  
三昧成就衆生須菩提言世尊云何  
菩薩摩訶薩入三三昧成就衆生佛  
言菩薩住是三三昧見衆生作法中  
行菩薩以方便力教令得無作見衆  
生我相中行以方便力教令行空見  
衆生一切相中行以方便力故教令  
行無相如是須菩提菩薩摩訶薩行  
般若波羅蜜入三三昧以三三昧成  
就衆生

摩訶般若波羅蜜經夢行品第五十八

三昧品

今時舍利弗問須菩提若菩薩摩訶  
薩夢中入三三昧空无相無作三昧

寧有益於般若波羅蜜不須菩提報  
舍利弗若菩薩晝日入三三昧有益  
於般若波羅蜜夜夢中亦當有益何  
以故晝夜夢中等無有異舍利弗若  
菩薩摩訶薩晝日行般若波羅蜜有  
益是菩薩夢中行般若波羅蜜亦應  
有益舍利弗問須菩提菩薩摩訶薩  
若夢中所作業是業有集成不如佛  
所說一切法如夢以是故不應集成  
何以故夢中無有法集成若覺時憶  
想分別應有集成須菩提語舍利弗  
若人夢中煞衆生覺已憶念取相分  
別我煞是使耶舍利弗是事云何舍  
利弗言无緣業不生無緣思不生有  
緣業生有緣思生舍利弗如是如是  
无緣業不生無緣思不生有緣業生  
有緣思生於見聞覺知法中心生不  
從不見聞覺知法中心生是中心有  
淨有垢以是故舍利弗有緣故業  
生不从无緣生有緣故思生不从无  
緣生舍利弗語須菩提如佛說一切  
諸業諸思自相離云何言有緣故業  
生無緣業不生有緣故思生无緣思

不生須菩提語舍利弗取相故有緣  
業生不從無緣生取相故有緣思生  
不從无緣生舍利弗語須菩提若菩  
薩摩訶薩夢中有布施持戒忍辱精  
進禪定智慧是善根福德迴向阿耨  
多羅三藐三菩提是實迴向不須菩  
提語舍利弗弥勒菩薩今現在前佛  
授不退轉記當作佛弥勒弥勒  
當答舍利弗白弥勒菩薩須菩提言  
弥勒菩薩今現在前佛授不退轉記  
當作佛弥勒當答弥勒菩薩語舍利  
弗當以弥勒名答耶若色受想行識  
答耶若色空答耶若受想行識空答  
耶是色不能答受想行識不能答色  
空不能答受想行識空不能答我不  
見是法可答不見能答者我不見是  
人受記亦不見法可受記者亦不見  
受記處是一切法皆无二無別舍利  
弗語弥勒菩薩如仁者所說如是為  
得法作證不弥勒答舍利弗如我所  
說法如是不證今時舍利弗作是念  
弥勒菩薩智慧甚深久行檀那波羅  
蜜尸羅波羅蜜羼提波羅蜜毗梨耶

波羅蜜禪那波羅蜜般若波羅蜜用  
无所得故能如是說。尔時佛告舍利  
弗：於汝意云何？汝用是法得阿羅漢  
見？是法不舍利弗言：不見也。舍利弗  
菩薩摩訶薩行般若波羅蜜亦如是。  
不作是念：是法當得受記。是法已受  
記，是法當得阿耨多羅三藐三菩提。  
如是舍利弗，菩薩摩訶薩行般若波  
羅蜜，不疑我若得，若不得，自知實得。  
阿耨多羅三藐三菩提。佛告須菩提：  
有菩薩摩訶薩行檀那波羅蜜時，若  
見衆生飢寒凍餓，衣服弊壞，菩薩摩  
訶薩當作是願：我隨尔所時行檀那  
波羅蜜，我得阿耨多羅三藐三菩提。  
時令我國土衆生無如是事：衣服飲  
食資生之具，當如四天王天三十三  
天、夜摩天、兜率陀天、化樂天、他化自  
在天。須菩提，菩薩摩訶薩作如是行，  
能具足檀那波羅蜜。近阿耨多羅三  
藐三菩提，復次須菩提，菩薩摩訶薩  
行尸羅波羅蜜時，見衆生煞生，乃  
至邪見、短命、多病、顏色不好、无有威  
德、貧乏財物、生下賤家、形殘醜陋，當

作是願我隨念所時行尸羅波羅蜜  
如我得佛時令我國土衆生無如是  
事須菩提菩薩摩訶薩作如是行  
能具足尸羅波羅蜜近阿耨多羅三  
藐三菩提復次須菩提菩薩摩訶薩  
行羣提波羅蜜時見諸衆生手相瞋  
恚罵詈刀杖瓦石共相殘害奪命當  
作是願我隨念所時行羣提波羅蜜  
我作佛時令我國土衆生無如是事相視  
如父如母如兄如弟如姊妹如善知識皆  
行慈悲須菩提菩薩摩訶薩作如是  
行能具足羣提波羅蜜近阿耨多羅  
三藐三菩提復次須菩提菩薩摩訶  
薩行毗梨耶波羅蜜時見衆生懈怠  
不勤精進棄捨三乘聲聞辟支佛佛  
乘當作是願我隨念所時行毗梨耶  
波羅蜜如我得阿耨多羅三藐三菩  
提時令我國土衆生無如是事一切  
衆生勤修精進於三乘道各得度脫  
須菩提菩薩摩訶薩作如是行能具  
足毗梨耶波羅蜜近阿耨多羅三藐  
三菩提復次須菩提菩薩摩訶薩行  
禪那波羅蜜時見衆生為五蓋所覆



婬欲瞋恚睡眠調悔疑失於初禪乃至第四禪失慈悲喜捨虛空處識處无所有處非有想非無想處當作是願我隨尔所時行禪那波羅蜜如我得阿耨多羅三藐三菩提時令我國土衆生无如是事須菩提菩薩摩訶薩作如是行能具足禪那波羅蜜近阿耨多羅三藐三菩提復次須菩提菩薩摩訶薩行般若波羅蜜時見衆生愚癡失世間出世間正見或說无業無業因緣或說神常或說斷滅或說无所有當作是願我隨尔所時行般若波羅蜜淨佛國土成就衆生如我得阿耨多羅三藐三菩提時令我國土衆生無如是事須菩提菩薩摩訶薩作如是行能具足般若波羅蜜疾近一切種智復次須菩提菩薩摩訶薩行六波羅蜜時見衆生住於三聚一者必正聚二者必邪聚三者不定聚當作是願我隨尔所時行六波羅蜜淨佛國土成就衆生我得佛時令我國土衆生無邪聚乃至无其名須菩提菩薩摩訶薩作如是行能具

足六波羅蜜疾近一切種智復次須  
菩提菩薩摩訶薩行六波羅蜜時見  
地獄中衆生畜生餓鬼中衆生當作  
是願我隨念所時行六波羅蜜淨佛國  
土成就衆生我得佛時令我國土中  
乃至无三惡道名須菩提菩薩摩訶  
薩作如是行能具足六波羅蜜近一  
切種智復次須菩提菩薩摩訶薩行  
六波羅蜜時見是大地株杪荆棘山  
陵溝坑穢惡之處當作是願我隨念  
所時行六波羅蜜淨佛國土成就衆  
生我作佛時令我國土無如是惡地  
平如掌須菩提菩薩摩訶薩作如是  
行能具足六波羅蜜近一切種智復  
次須菩提菩薩摩訶薩行六波羅蜜  
時見是大地純土无有金銀珍寶當  
作是願我隨念所時行六波羅蜜淨  
佛國土成就衆生我作佛時令我國  
土以黃金沙布地須菩提菩薩摩訶  
薩作如是行能具足六波羅蜜近一  
切種智復次須菩提菩薩摩訶薩行  
六波羅蜜時見衆生有所戀著當作  
是願我隨念所時行六波羅蜜淨佛

國土成就衆生我作佛時令我國土衆生无所戀著須菩提菩薩摩訶薩作如是行能具足六波羅蜜近阿耨多羅三藐三菩提復次須菩提菩薩摩訶薩行六波羅蜜時見四姓衆生刹帝利婆羅門毗舍首陀羅當作是願我隨念所時行六波羅蜜淨佛國土成就衆生我作佛時令我國土衆生無四姓之名須菩提菩薩摩訶薩作如是行能具足六波羅蜜近阿耨多羅三藐三菩提復次須菩提菩薩摩訶薩行六波羅蜜時見衆生有下中上下中上家當作是願我隨念所時行六波羅蜜淨佛國土成就衆生我作佛時令我國土衆生无如是優劣須菩提菩薩摩訶薩作如是行能具足六波羅蜜近一切種智復次須菩提菩薩摩訶薩行六波羅蜜時見衆生種種別異色當作是願我隨念所時行六波羅蜜淨佛國土成就衆生我作佛時令我國土衆生無種種別異色一切衆生皆端正淨潔妙色成就須菩提菩薩摩訶薩作如是行

能具足六波羅蜜近一切種智復次  
須菩提菩薩摩訶薩行六波羅蜜時  
見衆生有主當作是願我隨念所時  
行六波羅蜜淨佛國土成就衆生我  
作佛時令我國土衆生无有主名乃  
至無其形像除佛法王須菩提菩薩  
摩訶薩作如是行能具足六波羅蜜  
近一切種智復次須菩提菩薩摩訶  
薩行六波羅蜜時見衆生有六道別  
異當作是願我隨念所時行六波羅  
蜜淨佛國土成就衆生我作佛時令  
我國土衆生无六道之名是地獄是  
畜生是餓鬼是神是天是人一切衆  
生皆同一業修四念處乃至八聖道  
分須菩提菩薩摩訶薩作如是行能  
具足六波羅蜜疾近一切種智復次  
須菩提菩薩摩訶薩行六波羅蜜時  
見衆生有四生卵生胎生濕生化生  
當作是願我隨念所時行六波羅蜜  
淨佛國土成就衆生我作佛時令我  
國土衆生無三種生等一化生須菩  
提菩薩摩訶薩作如是行能具足六  
波羅蜜近一切種智復次須菩提菩

薩摩訶薩行六波羅蜜時見衆生无  
五神通當作是願我隨念所時行六  
波羅蜜淨佛國土成就衆生我作佛  
時令我國土衆生一切皆得五通乃  
至疾近一切種智復次須菩提菩薩  
摩訶薩行六波羅蜜時見衆生有大  
小便患當作是願我作佛時令我國  
土中衆生皆以歡喜為食无有便利  
之患乃至近一切種智復次須菩提  
菩薩摩訶薩行六波羅蜜時見衆生  
無有光明當作是願我作佛時令我  
國土中衆生皆有光明乃至近一切  
種智復次須菩提菩薩摩訶薩行六  
波羅蜜時見有日月時節歲數當作  
是願我作佛時令我國土中无有日  
月時節歲數之名乃至近一切種智  
復次須菩提菩薩摩訶薩行六波羅  
蜜時見衆生短命當作是願我作佛  
時令我國土中衆生壽命无量劫乃  
至近一切種智復次須菩提菩薩摩  
訶薩行六波羅蜜時見衆生無有相  
好當作是願我作佛時令我國土中  
衆生皆有三十二相成就乃至近一



切種智復次須菩提菩薩摩訶薩行  
六波羅蜜時見衆生離諸善根當作  
是願我作佛時令我國土中衆生諸  
善根成就以是善根故能供養諸佛  
乃至近一切種智復次須菩提菩薩  
摩訶薩行六波羅蜜時見衆生有三  
毒四病當作是願我作佛時令我國  
土衆生无四種病冷熱風病三種雜  
病及三毒病乃至近一切種智復次  
須菩提菩薩摩訶薩行六波羅蜜時  
見衆生有三乘當作是願我作佛時  
令我國土中衆生无二乘之名純一  
大乘乃至近一切種智復次須菩提  
菩薩摩訶薩行六波羅蜜時見衆生  
有增上慢當作是願我作佛時令我  
國土中衆生無增上慢之名乃至近  
一切種智復次須菩提菩薩摩訶薩  
行六波羅蜜時應作是願若我光明  
壽命有量僧數有限當作是願我行  
六波羅蜜淨佛國土成就衆生我作  
佛時令我光明壽命無量僧數无限  
乃至近一切種智復次須菩提菩薩  
摩訶薩行六波羅蜜時應作是願若



我國土有量當作是願我隨念所時  
行六波羅蜜淨佛國土成就衆生我  
作佛時令我一國土如恒河沙等諸  
佛國土須菩提菩薩摩訶薩作如是  
行能具足六波羅蜜近一切種智復  
次須菩提菩薩摩訶薩行六波羅蜜  
時當作是念雖生死道長衆生性多  
念時應如是正憶念生死邊如虛空  
衆生性邊亦如虛空是中實无生死  
往來亦無解脫者菩薩摩訶薩作如  
是行能具足六波羅蜜近一切種智  
摩訶般若波羅蜜經卷第十七

戊戌歲高麗國大藏都監奉  
勅彫造

摩訶般若波羅蜜經卷第十八

壹

後秦龜茲國三藏鳩摩羅什譯

河天品第五十九

爾時有女人字恒伽提婆在衆中坐  
是女人從座起偏袒右肩右膝著地  
合手白佛言世尊我當行六波羅蜜  
取淨佛國土如佛般若波羅蜜中所  
說我盡當行是時女人以金銀華及  
水陸生華種種莊嚴供養之具金縷  
織成氎兩張以散佛上散已於佛頂  
上虛空中化成四柱寶臺端正嚴好  
是女人持是功德與一切衆生共之  
迴向阿耨多羅三藐三菩提爾時世  
尊知是女人深心因緣即時微笑如  
諸佛法種種色光從口中出青黃赤  
白紅縹遍照十方無量無邊佛國還  
繞佛三匝從頂上入爾時阿難從座  
起右膝著地合手白佛佛何因緣微  
笑諸佛法不以無因緣而笑佛告阿  
難是恒伽提婆姊未來世中當作佛  
劫名星宿佛号金華阿難是女人畢  
是女身受男子形當生阿閼佛阿鞞

羅提國土於彼淨修梵行阿難是菩薩在彼國土亦号金華是金華菩薩於彼壽終復至他方佛國從一佛國至一佛國不離諸佛譬如轉輪聖王從一觀至一觀從生至終足不蹈地阿難是金華菩薩摩訶薩亦是從一佛國至一佛國乃至阿耨多羅三藐三菩提未常不見佛時阿難作是念言是金華菩薩摩訶薩後作佛時諸菩薩摩訶薩會當知為如佛會佛知阿難意所念告阿難言如是如是金華佛時菩薩摩訶薩會當知為如佛會阿難是金華佛比丘僧無量无边不可稱不可數若干百千万億那由他阿難是金華菩薩作佛時其國土無有衆惡如上所說阿難白佛言世尊是女人從何處殖德本種善根佛告阿難是女人從然燈佛種善根初發阿耨多羅三藐三菩提心以是功德迴向阿耨多羅三藐三菩提亦以金華散然燈佛上求阿耨多羅三藐三菩提阿難如我今時以五華散然燈佛上求阿耨多羅三藐三菩

提然燈佛知我善根成就與我受阿耨多羅三藐三菩提記是女人聞我受記發心言願我當來世亦如是菩薩得受阿耨多羅三藐三菩提記阿難當知是女人於然燈佛初發心阿難白佛言世尊是女人久習行阿耨多羅三藐三菩提佛言如是如是是女人久習行阿耨多羅三藐三菩提摩訶般若波羅蜜經不證品第六十

丹學空不證品

須菩提白佛言世尊若菩薩摩訶薩欲行般若波羅蜜云何學空三昧云何入空三昧云何學无相無作三昧云何入無相无作三昧云何學四念處云何修四念處乃至云何學八聖道分云何修八聖道分佛告須菩提菩薩摩訶薩行般若波羅蜜時應觀色空受想行識空十二十八界空乃至應觀欲色無色界空作是觀時不令心亂是菩薩摩訶薩若心不亂則不見是法若不見是法則不作證何以故是菩薩摩訶薩善學自相空故不有餘不有分證法證者皆不可見須菩提白佛言世尊如佛所說菩

薩摩訶薩不應空法作證世尊云何  
菩薩住空法中而不作證佛告須菩  
提若菩薩摩訶薩具足觀空先作是  
願我今不應空法作證我今學時非  
是證時菩薩摩訶薩不專攝心繫在  
緣中以是故菩薩摩訶薩於阿耨多  
羅三藐三菩提中不退亦不取漏盡  
證須菩提若菩薩摩訶薩如是大善  
妙法成就何以故住是空中作是念  
我今是學時非是證時須菩提菩薩  
摩訶薩應如是念我是學檀那波羅蜜  
時非是證時學尸羅波羅蜜羼提波  
羅蜜毗梨耶波羅蜜禪那波羅蜜時  
修四念處時乃至修八聖道分時非  
是證時修空三昧无相三昧無作三  
昧時非是證時修佛十力四无所畏  
四無所智十八不共法大慈大悲時  
非是證時我今學一切種智時非是  
得須陀洹果證乃至阿羅漢果辟支  
佛道證時如是須菩提菩薩摩訶薩  
行般若波羅蜜學空觀住空中學无  
相無作觀住无相無作中修四念處  
不證四念處乃至修八聖道分不證

八聖道分是菩薩雖學三十七品雖

行三十七品而不作須陀洹果證乃

至辟支佛道須菩提譬如壯夫勁勇

猛健善於兵法六十四能堅持器仗

安立不動巧諸伎術端正淨潔人所

愛敬少修事業得報利多以是因緣

故衆所恭敬尊重讚歎見人敬重倍

復歡喜少有因緣當至他處扶將老

弱過諸嶮難恐怖之處安慰父母曉

喻妻子莫有恐懼我能過此必无所

苦嶮難道中多有怨賊潛伏劫害其

人智力具足故能度惡道還歸本處

不遇賊害歡喜安樂須菩提菩薩摩

訶薩亦如是於一切衆生中慈悲喜

捨心遍滿足於時菩薩摩訶薩住四

無量心具足六波羅蜜不取漏盡證

學一切種智入空无相無作解脫門

是時菩薩不隨一切諸相亦不證无

相三昧以不證無相三昧故不墮聲

聞辟支佛地須菩提譬如有翼之鳥

飛騰虛空而不墮墜雖在空中亦不

住空須菩提菩薩摩訶薩亦如是學

空解脫門學无相無作解脫門亦不



作證以不證故不墮聲聞辟支佛地  
未具足佛十力大慈大悲无量諸佛  
法一切種智亦不證空無相无作解  
脫門須菩提譬如健人學諸射法善  
於射術仰射空中復以後箭射於前  
箭箭箭相拄不令前墮隨意自在若  
欲令墮便止後箭亦乃墮地須菩提  
菩薩摩訶薩亦如是行般若波羅蜜  
以方便力故為阿耨多羅三藐三菩  
提諸善根未具足不於實際作證若  
善根成就是時便於實際作證以是  
故須菩提菩薩摩訶薩行般若波羅  
蜜時應如是觀諸法法相

須菩提白佛言世尊菩薩摩訶薩所  
為甚難何以故雖學是諸法相學實  
際學如學法性學畢竟空乃至學自  
相空及三解脫門終不中道墮落世  
尊是甚希有佛告須菩提是菩薩摩  
訶薩不捨一切衆生故作如是願須  
菩提若是菩薩摩訶薩作是念我不  
應捨一切衆生一切衆生沒在无所  
有法中我應當度尔時即入空解脫  
門无相解脫門無作解脫門須菩提

當知是菩薩摩訶薩成就方便力未  
得一切種智行是解脫門亦不中道  
取實際證

復次須菩提菩薩摩訶薩欲觀是諸  
甚深法所謂內空乃至无法有法空  
四念處乃至三解脫門今時菩薩摩  
訶薩應生如是心是諸衆生長夜行  
我相乃至知者見者相著於得法為  
衆生斷是諸相故得阿耨多羅三藐  
三菩提時當說法今時菩薩行空解  
脫門無相无作解脫門亦不應取實  
際證以不證故不墮須陀洹果乃至  
辟支佛道須菩提是菩薩摩訶薩以  
是心欲成就善根故不中道實際作  
證不失四禪四無量心四无色定四  
念處乃至八聖道分空无相無作佛  
十力四无所畏四無所智大慈大悲  
十八不共法是時菩薩摩訶薩成就  
一切助道法乃至阿耨多羅三藐三  
菩提終不耗減是菩薩有方便力故  
常增益善法諸根通利勝於阿羅漢  
辟支佛根

復次須菩提若菩薩摩訶薩作是念

衆生長夜者四顛倒常相樂相淨相  
我相為是衆生故求薩婆若我得阿  
耨多羅三藐三菩提時為說無常法  
苦不淨无我法是菩薩成就就是心以  
方便力行般若波羅蜜不得佛三昧  
未具足佛十力四无所畏四無所智  
大慈大悲十八不共法亦不實際作  
證今時菩薩修无作解脫門雖未得  
阿耨多羅三藐三菩提亦不實際作  
證復次須菩提若菩薩摩訶薩作是  
念衆生長夜者得法所謂我衆生乃  
至知者見者是色是受想行識是入  
是界是四禪四无量心四無色定我  
如是行如我得阿耨多羅三藐三菩  
提時令衆生無是得法菩薩是心成  
就以方便力行般若波羅蜜未具足  
佛十力四无所畏四無所智大慈大  
悲十八不共法不於實際作證今時  
菩薩具足修空三昧復次須菩提若  
菩薩摩訶薩作是念衆生長夜行諸  
相所謂男相女相色相無色相我如  
是行如我得阿耨多羅三藐三菩提  
時令衆生无是諸相過失是心成就

以方便力行般若波羅蜜未具足佛  
十力乃至十八不共法不於實際作  
證今時菩薩摩訶薩具足修无相三  
昧須菩提若菩薩摩訶薩學六波羅  
蜜學内空乃至無法有法空學四念  
處乃至空無相无作解脫門學佛十  
力四無所畏四無尋智大慈大悲學  
十八不共法如是智慧成就若著作  
法若住三界無有是處是菩薩摩訶  
薩學助道法行助道法時應當試問  
菩薩摩訶薩欲得阿耨多羅三藐三  
菩提去何學是法觀空不證空實際  
以不證故不墮須陀洹果乃至辟支  
佛道觀无相無作无起無生无所有  
亦不取證實際而修行般若波羅蜜  
應如是問須菩提若諸菩薩摩訶薩  
若試問時是菩薩若如是答菩薩摩  
訶薩但應觀空但應觀无相無作无  
起无生無所有是菩薩摩訶薩不應  
學空无相無作无起無生无所有不  
應學是助道法須菩提當知是菩薩  
諸佛未授阿耨多羅三藐三菩提記  
何以故是人不能說阿惟越致菩薩

所學相不能示不能答若是菩薩摩訶薩能說能示能答阿惟越致所學相當知是菩薩摩訶薩已習學菩薩道入薄地如餘阿惟越致菩薩摩訶薩阿惟越致地須菩提白佛言世尊頗有未得阿惟越致菩薩能如是答不佛言有須菩提是菩薩摩訶薩六波羅蜜若聞若不聞能如是答如阿惟越致菩薩摩訶薩須菩提言世尊多有菩薩求佛道少有菩薩能如是答如阿惟越致菩薩摩訶薩學道無學道中佛語須菩提如是如是是菩薩甚少何以故菩薩摩訶薩少有如是得受記是人能如是答是人善根明了諸天世人所不能壞

摩訶般若波羅蜜經夢擔品第六十一

丹夢中不證品

佛告須菩提若菩薩摩訶薩乃至夢中不貪聲聞辟支佛地亦不貪三界觀諸法如夢如幻如響如焰如化亦不作證須菩提當知是阿惟越致菩薩摩訶薩阿惟越致相復次須菩提菩薩摩訶薩夢中見佛與無數百千



萬億比丘比丘尼優婆塞優婆夷天龍鬼神緊那羅等說法從佛聞法即解中義隨法行須菩提當知是阿惟越致菩薩摩訶薩阿惟越致相

復次須菩提菩薩摩訶薩夢中見佛三十二相八十隨形好放大光明踊在虛空於大比丘僧中說法現大神力化作化人到他國土施作佛事須菩提當知是阿惟越致菩薩摩訶薩阿惟越致相復次須菩提若菩薩摩訶薩夢中見兵起若破聚落若破城邑若失火時若見虎狼師子猛害之獸若見欲來斷其頭者若見父母喪亡兄弟姊妹及諸親友知識死者見如是等種種愁苦之事而不驚不怖亦不憂惱從夢覺已即時思惟三界虛妄皆如夢耳我得阿耨多羅三藐三菩提時亦當為衆生說三界如夢須菩提當知是阿惟越致菩薩摩訶薩阿惟越致相復次須菩提云何當知是阿惟越致菩薩摩訶薩得阿耨多羅三藐三菩提時國中無三惡道須菩提菩薩摩訶薩若夢中見地獄



畜生餓鬼作是念我當勤精進得阿耨多羅三藐三菩提時令我國中无一切三惡道何以故是夢及諸法無二元別須菩提當知是阿惟越致菩薩摩訶薩阿惟越致相復次須菩提菩薩摩訶薩夢中見地獄火燒衆生作是擔若我實是阿惟越致者是火當滅是火即滅若地獄火即滅是阿惟越致相復次若菩薩晝日見城郭火起作是念我夢中見阿惟越致行類相貌我今實有是者自立擔言是火當滅若火滅者當知是菩薩得受阿耨多羅三藐三菩提記住阿惟越致地若火不滅燒一家置一家燒一里置一里須菩提當知被燒家破法業因緣厚集以是故燒一家置一家是諸衆生今世受破法餘殃故被燒須菩提以是因緣故當知是阿惟越致菩薩摩訶薩阿惟越致相佛告須菩提今當更為汝說阿惟越致行類相貌須菩提若男子若女人為非人所持是時菩薩摩訶薩作是念若我為過去諸佛所受記我心清淨求阿耨

多羅三藐三菩提行清淨正道遠離  
聲聞辟支佛心遠離聲聞辟支佛念  
應當成阿耨多羅三藐三菩提我必  
得阿耨多羅三藐三菩提非不得十  
方國土中現在無量諸佛无所不知  
無所不見无所不解無所不證諸佛  
知我深心審定必當得阿耨多羅三  
藐三菩提以是至誠誓故是男子女  
人為非人所持為非人所惱是非人  
當遠去須菩提是菩薩摩訶薩如是  
誓若非人不去者當知是菩薩摩訶  
薩未從過去諸佛受阿耨多羅三藐  
三菩提記須菩提若菩薩摩訶薩如  
是誓若非人去者當知是菩薩摩訶  
薩已從過去諸佛受阿耨多羅三藐  
三菩提記須菩提以是行類相貌當  
知是阿惟越致菩薩摩訶薩阿惟越  
致相復次須菩提菩薩摩訶薩遠離  
六波羅蜜及方便力不久行四念處  
乃至不久行空无相無作三昧未入  
菩薩位是菩薩為惡魔所嬈菩薩作  
是誓若我實從諸佛受記者是非人  
當去是時惡魔即作方便勅非人令

去惡魔有威力勝諸非人故非人即  
去是時菩薩作是念以我捨力故非  
人去不知是惡魔力恃是證故輕弄  
毀蔑諸餘菩薩作是言我已從諸佛  
受記汝等未得用是空捨无方便力  
故生增上慢以是事故遠離薩婆若  
遠離阿耨多羅三藐三菩提須菩提  
當知是人墮於二地若聲聞地若辟  
支佛地以是捨因緣故起於魔事是  
人以不親近依止善知識不問阿惟  
越致相故為魔所縛益復堅固所以  
者何是菩薩不久行六波羅蜜无方  
便力故須菩提當知是為菩薩魔事  
須菩提云何菩薩摩訶薩不久行六  
波羅蜜乃至未入菩薩位為惡魔所  
燒須菩提惡魔變化作種種身語菩  
薩言汝於諸佛所得受阿耨多羅三  
藐三菩提記汝字某汝父字某汝母  
字某汝兄弟姊妹字某汝七世父母  
名字如是汝在某方某國某城某聚  
落中生若見菩薩性行和柔語菩薩  
言汝先世亦復柔和若見急性率暴  
便言汝先世亦尔若見菩薩修阿蘭

若行語言汝先世亦修阿蘭若行若見菩薩乞食納衣中後不飲漿一坐食一鉢他食死尸間住露地住樹下止常坐不卧如敷座但受三衣若少欲若知足若遠離住若不塗脚若少言語便語言汝先世亦有是行何以故汝今有此頭陀功德汝先世亦必有是功德是菩薩聞是先世事及名姓聞今讚頭陀功德即歡喜生憍慢心是時惡魔語菩薩言汝有如是功德如是相汝實從諸佛受阿耨多羅三藐三菩提記須菩提惡魔或作比丘被服或作居士形或作父母身來到菩薩所如是言汝已得受阿耨多羅三藐三菩提記何以故是阿惟越致功德相汝盡具足有之須菩提我所說實阿惟越致行類相貌是人永無須菩提當知是菩薩摩訶薩為魔所持何以故是阿惟越致行類相貌是人永無以聞是名字故生憍慢心輕弄毀蔑餘人須菩提是名菩薩摩訶薩為魔所持當知是為菩薩魔事復次須菩提菩薩摩訶薩不久行六

波羅蜜不知名字相不知色相不知受想行識相惡魔來語言汝當來世得阿耨多羅三藐三菩提時有如是名字隨其本念說其名号是无智無方便菩薩作是念我先亦有是成佛名号念是人如我所念說是人所說合我本念我必為諸佛所受記須菩提我所說阿惟越致行類相貌是人永无但以空名字輕弄毀蔑餘人以是事故遠離阿耨多羅三藐三菩提是菩薩摩訶薩遠離般若波羅蜜无方便力遠離善知識與惡知識相得故墮二地聲聞辟支佛地若有即是身悔過久久往來生死中然後還依止般若波羅蜜若值善知識常隨逐親近故當得阿耨多羅三藐三菩提是人於是身若不即悔當墮二地若阿羅漢地若辟支佛地須菩提譬如比丘於四重禁法若犯一事非沙門非釋子是現身不得四沙門果須菩提是菩薩著空名字菩薩心亦如是輕弄毀蔑餘人故當知是罪重於比丘四禁須菩提置是重罪其罪過

於五逆以受是名字故生高心輕弄  
毀蔑餘人若生是心當知其罪甚重  
如是名字等微細魔事菩薩皆當覺  
知復次洎菩提菩薩在空閑山澤曠  
遠之處魔來到菩薩所讚歎遠離法  
作是言善男子汝所行者是佛所稱  
譽遠離法須菩提我不讚是遠離所  
謂但在空閑山澤曠遠之處名為遠  
離須菩提言世尊若空閑山澤曠遠  
之處非遠離法者云何更有異遠離  
法佛告須菩提若菩薩摩訶薩遠離  
聲聞辟支佛心住空閑山澤曠遠之  
處是佛所許遠離法須菩提如是遠  
離法菩薩摩訶薩應所修行晝夜行  
是遠離法是名遠離行菩薩須菩提  
若惡魔所說遠離法空閑山澤曠遠  
之處是菩薩心在憤內所謂不遠離  
聲聞辟支佛心不勤修般若波羅蜜  
是菩薩摩訶薩不能具足一切種智  
是菩薩行惡魔所說遠離法心不清  
淨而輕餘菩薩城傍心淨无聲聞辟  
支佛憤內心亦無諸餘雜惡心具足  
禪定解脫智慧神通者是離般若波



羅蜜无方便菩薩摩訶薩雖在絕曠  
百由旬外禽獸鬼神羅刹所住之處  
若一歲百千万億歲若過万億歲不  
知是菩薩遠離法所謂諸菩薩以是  
遠離法深心發阿耨多羅三藐三菩  
提不雜行是菩薩憤內行而依受者  
是遠離是人所行佛所不許須菩提  
我所說實遠離法是菩薩不在是中  
亦不見是遠離相何以故但行是空  
遠離故今時惡魔來在虛空中住讚  
言善哉善哉善男子此是佛所說真  
遠離法汝行是遠離疾得阿耨多羅  
三藐三菩提是菩薩摩訶薩念著是  
遠離而輕易諸餘求佛道清淨比丘  
以為憤內以憤內為不憤內以不憤  
內為憤內應恭敬而不恭敬不應恭  
敬而恭敬是菩薩作是言非人念我  
來稱讚我我所行者是真遠離住城  
傍者誰當稱美汝以是因緣故輕餘  
菩薩摩訶薩須菩提當知是名菩薩  
旃陀羅汙染諸菩薩是人以像菩薩  
實是天上人中之大賊亦是沙門被  
服中賊如是人諸求佛道者所不應

親近不應供養恭敬何以故須菩提  
當知是人墮增上慢以是故若菩薩  
摩訶薩欲不捨一切智欲得阿耨多  
羅三藐三菩提一心欲求阿耨多羅  
三藐三菩提欲利益一切衆生不應  
親近是人恭敬供養菩薩摩訶薩法  
常應勤求自利厭患世間心常遠離  
三界於是人當起慈悲喜捨心我行  
菩薩道不應生如是過罪若生當疾  
滅須菩提菩薩摩訶薩當善覺是事  
是事中善自勉出復次須菩提菩薩  
摩訶薩深心欲得阿耨多羅三藐三  
菩提者當親近恭敬供養善知識須  
菩提白佛言世尊何等是菩薩摩訶  
薩善知識佛告須菩提諸佛是菩薩  
摩訶薩善知識諸菩薩摩訶薩亦是  
菩薩善知識須菩提阿羅漢亦是菩  
薩善知識是為菩薩摩訶薩善知識  
復次須菩提六波羅蜜亦是菩薩善  
知識四念處乃至十八不共法亦是  
菩薩善知識須菩提如實際法性亦  
是菩薩善知識須菩提六波羅蜜是  
菩薩世尊六波羅蜜是菩薩摩訶薩

道六波羅蜜是大明六波羅蜜是炬  
六波羅蜜是智六波羅蜜是慧六波  
羅蜜是救六波羅蜜是歸六波羅蜜  
是洲六波羅蜜是究竟道六波羅蜜  
是父是母四念處乃至一切種智亦  
如是何以故六波羅蜜三十七道法  
亦是過去諸佛父母六波羅蜜三十  
七道法亦是未來現在十方諸佛父  
母何以故須菩提六波羅蜜三十七  
道法中生過去未來現在十方諸佛  
故以是故須菩提菩薩摩訶薩欲得  
阿耨多羅三藐三菩提淨佛國土成  
就衆生當學六波羅蜜三十七道法  
及四攝法攝取衆生何等四布施愛  
語利益同事須菩提以是利益故我  
言六波羅蜜及三十七道法是諸菩  
薩摩訶薩世尊是道是大明是炬是  
智是慧是救是歸是洲是究竟道是  
父是母須菩提以是故菩薩摩訶薩  
欲不隨他人教住欲斷一切衆生疑  
欲淨佛國土成就衆生當學是般若  
波羅蜜所以者何是般若波羅蜜中  
廣說諸法是菩薩摩訶薩所應學處

尔時須菩提白佛言世尊何等是般  
若波羅蜜相佛告須菩提如虛空相  
是般若波羅蜜相須菩提般若波羅  
蜜無所有相須菩提白佛言世尊頗  
有因緣如般若波羅蜜相諸法相亦  
如是耶佛告須菩提如是如是如般  
若波羅蜜相諸法相亦如是何以故  
須菩提一切法離相自性空相以是  
因緣故須菩提如般若波羅蜜相諸  
法相亦如是所謂離相空相故須菩  
提白佛言世尊若一切法一切法離  
一切法一切法空云何知衆生若垢  
若淨世尊離相法無垢无淨空相法  
無垢无淨離相空相法不能得阿耨  
多羅三藐三菩提離相空相无法可  
得世尊離相中空相中無有菩薩得  
阿耨多羅三藐三菩提者世尊我去  
何當知佛所說義佛告須菩提於汝  
意云何是衆生長夜行我我所心不  
如是世尊衆生長夜行我我所心於  
汝意云何是我我所心離相不空相  
不須菩提言世尊我我所心離相空  
相於汝意云何以此我我所心衆生

往來生死中不如是世尊以此我我所心衆生往來生死中如是須菩提衆生往來生死中故知有垢惱須菩提若衆生无我我所心無著心是衆生不復往來生死中若不往來生死中則無垢惱如是須菩提衆生有淨須菩提白佛言世尊若菩薩摩訶薩如是行為不行色不行受想行識為不行四念處乃至八聖道分為不行內空乃至無法有法空為不行佛十力乃至一切種智何以故是法不可得亦无行者亦無行處亦无行法世尊菩薩摩訶薩如是行一切世間諸天人阿修羅不能降伏是菩薩摩訶薩一切聲聞辟支佛所不能及何以故所住處無能及故所謂菩薩位世尊是菩薩摩訶薩行應薩婆若心无能及者須菩提菩薩摩訶薩如是行疾近薩婆若須菩提於汝意云何若闍浮提衆生盡得人身得人身已皆得阿耨多羅三藐三菩提若有善男子善女人盡其形壽供養恭敬尊重讚歎持是善根迴向阿耨多羅三藐



三菩提是人以是因緣得福多不須  
苦提言甚多世尊佛言不如是善男  
子善女人於大衆中說是般若波羅  
蜜顯示分別照明開演亦應般若波  
羅蜜行正憶念其福多乃至三千大  
千世界中衆生亦如是須菩提於汝  
意云何閻浮提中衆生一時皆得人  
身得人身已若善男子善女人教行  
十善道四禪四無量心四无色定教  
令得須陀洹道乃至阿羅漢辟支佛  
道教令得阿耨多羅三藐三菩提持  
是善根迴向阿耨多羅三藐三菩提  
須菩提於汝意云何是善男子善女  
人得福多不須菩提言甚多世尊佛  
言不如是善男子善女人以是甚深  
般若波羅蜜為衆生說顯示分別照  
明開演亦不離薩婆若得福多乃至  
三千大千世界亦如是是菩薩摩訶  
薩不遠離應薩婆若心則到一切福  
田邊何以故除諸佛無有餘法如菩  
薩摩訶薩勢力何以故諸菩薩摩訶  
薩行般若波羅蜜時於一切衆生中  
起大慈心見諸衆生趣死地故而起



大悲行是道時歡悅而生大喜不與想俱便得大捨須菩提是為菩薩摩訶薩大智光明大智明者所謂六波羅蜜須菩提是諸善男子善女人雖未作佛能為一切衆生作大福田於阿耨多羅三藐三菩提亦不轉所受供養衣服飲食卧床疾藥資生所須行應般若波羅蜜念能必報施主之恩疾近薩婆若以是故須菩提若菩薩摩訶薩欲不虛食國中施欲示衆生三乘道欲為衆生作大明欲拔出三界牢獄欲與一切衆生眼應常行般若波羅蜜常行般若波羅蜜時若欲有所說但說般若波羅蜜說般若波羅蜜已常憶念般若波羅蜜常憶念般若波羅蜜已常行般若波羅蜜不令餘念得生晝夜勤行般若波羅蜜相應念不息不休須菩提辟如士夫未曾得摩尼珠後時得得已大歡喜踊躍後復失之便大憂愁常憶念是摩尼珠作是念我奈何忽忘此大寶須菩提菩薩摩訶薩亦如是常憶念般若波羅蜜不離薩婆若心須菩提

白佛言世尊一切念性自離一切念  
性自空云何菩薩摩訶薩行般若波  
羅蜜不離應薩婆若念是速離空法  
中無菩薩亦无念無應薩婆若佛告  
須菩提若菩薩摩訶薩如是知一切  
法性自離一切法性自空非聲聞辟  
支佛作亦非佛作諸法相常住法相  
法住法位如實際是名菩薩行般若  
波羅蜜不離薩婆若念何以故般若  
波羅蜜性自離性自空不增不減故  
須菩提白佛言世尊若般若波羅蜜  
性自離性自空云何菩薩摩訶薩與  
般若波羅蜜等得阿耨多羅三藐三  
菩提佛告須菩提菩薩摩訶薩與般  
若波羅蜜等不增不減何以故如法  
性實際不增不減故所以者何般若  
波羅蜜非一非異故若菩薩聞如是  
般若波羅蜜相心不驚不沒不畏不  
怖不疑須菩提當知是菩薩摩訶薩  
行般若波羅蜜當知是菩薩摩訶薩  
必住阿惟越致地中須菩提白佛言  
世尊般若波羅蜜空無所有不堅固  
是行般若波羅蜜不不也須菩提世

尊離空更有法行般若波羅蜜不不  
也須菩提世尊是般若波羅蜜行般  
若波羅蜜不不也須菩提世尊離般  
若波羅蜜行般若波羅蜜不不也須  
菩提世尊色是行般若波羅蜜不不  
也須菩提世尊受想行識是行般若  
波羅蜜不不也須菩提世尊六波羅  
蜜是行般若波羅蜜不不也須菩提  
世尊四念處乃至十八不共法是行  
般若波羅蜜不不也須菩提世尊色  
空相虛誑不實无所有不堅固相色  
如相法相法住法位實際是行般若  
波羅蜜不不也須菩提世尊受想行  
識乃至十八不共法空相虛誑不實  
无所有不堅固相如相法相法住法  
位實際是行般若波羅蜜不不也須  
菩提世尊若是諸法皆不行般若波  
羅蜜云何行名菩薩摩訶薩行般若  
波羅蜜佛告須菩提於汝意云何汝  
見有法行般若波羅蜜者不不也世  
尊須菩提汝見般若波羅蜜菩薩摩  
訶薩可行處不不也世尊須菩提汝  
所不見法是法可得不不也世尊須

菩提若法不可得是法當生不不也  
世尊須菩提是名菩薩摩訶薩無生  
法忍菩薩摩訶薩成就是忍得受阿  
耨多羅三藐三菩提記須菩提是名  
諸佛无所畏無尋智菩薩摩訶薩行  
是法勤精進若不得大智一切種智  
所謂阿耨多羅三藐三菩提智若不  
得者无有是處何以故是菩薩摩訶  
薩得無生法忍故乃至阿耨多羅三  
藐三菩提不減不退須菩提白佛言  
世尊諸法無生相此中得阿耨多羅  
三藐三菩提記不不也須菩提世尊  
諸法生相此中得阿耨多羅三藐三  
菩提記不不也須菩提世尊諸法非  
生非不生相得阿耨多羅三藐三菩  
提記不不也須菩提世尊諸菩薩摩  
訶薩云何知諸法得阿耨多羅三藐  
三菩提記佛告須菩提汝見有法得  
阿耨多羅三藐三菩提記不不也世  
尊我不見有法得阿耨多羅三藐三  
菩提記我亦不見法有得者得處佛  
言如是如是須菩提若菩薩摩訶薩  
於一切法无所得時不作是念我當

得阿耨多羅三藐三菩提用是事得  
阿耨多羅三藐三菩提是名阿耨多  
羅三藐三菩提處何以故諸菩薩摩  
訶薩行般若波羅蜜無諸憶想分別  
所以者何般若波羅蜜中无諸分別  
憶想故

摩訶般若波羅蜜經卷第十八

戊戌歲高麗國大藏都監奉  
勅彫造

摩訶般若波羅蜜經卷第十九

海

後秦龜茲國三藏鳩摩羅什譯

魔愁品第六十二

同前品

今時釋提桓因白佛言世尊是般若波羅蜜甚深難見無諸憶想分別畢竟離故世尊是衆生聞是般若波羅蜜能持讀誦說正憶念親近如說行乃至阿耨多羅三藐三菩提不雜餘心心數法者不從小功德來佛言如是如是聞是深般若波羅蜜乃至不雜餘心心數法者不從小功德來憍尸迦於汝意云何若闍浮提衆生成就十善道四禪四无量心四無色定復有善男子善女人受持深般若波羅蜜讀誦親近正憶念如說行勝於闍浮提衆生成就十善道乃至四無色定百倍千倍千萬億倍乃至竿數譬喻所不能及今時有一比丘語釋提桓因憍尸迦是善男子善女人行般若波羅蜜功德勝於仁者釋提桓因言是善男子善女人一發心勝於我何況聞是般若波羅蜜書持讀誦



正憶念如說行是善男子善女人行  
般若波羅蜜非但勝我亦勝一切世  
間天及人阿修羅亦勝諸須陀洹斯陀  
舍阿那含阿羅漢辟支佛非但勝是  
須陀洹乃至辟支佛亦勝菩薩行五  
波羅蜜遠離般若波羅蜜者非但勝  
菩薩行五波羅蜜遠離般若波羅蜜  
者亦勝菩薩行般若波羅蜜无方便  
力者是菩薩摩訶薩如說行般若波  
羅蜜不斷佛種常見諸佛疾近道場  
菩薩如是行為欲拔出衆生沉沒長  
流者是菩薩如是學為不學聲聞辟  
支佛學菩薩如是學四天王天來至  
菩薩所如是言善男子當勤疾學坐  
道場成阿耨多羅三藐三菩提時如  
過去諸佛所受四鉢亦當應受我當  
持來奉上菩薩及諸餘天四天王天  
三十三天夜摩天兜率陀天化樂天  
他化自在天梵天乃至首陀會天亦  
當供養十方諸佛亦常念是菩薩摩  
訶薩如說行是深般若波羅蜜者是  
菩薩諸所有世間危難勤苦之事永

無復有一切世間有四百四病是菩薩身中无是諸病以行深般若波羅蜜故得是現世功德尔時阿難作是念釋提桓因自以力說耶以佛神力說乎釋提桓因知阿難意所念語阿難言我之所說皆佛威神佛告阿難如是如是如釋提桓因所說皆佛威神阿難是菩薩摩訶薩習學是深般若波羅蜜時三千大千世界中諸惡魔皆生狐疑今是菩薩為當得阿耨多羅三藐三菩提當中道於實際作證墮聲聞辟支佛地復次阿難若菩薩摩訶薩不離般若波羅蜜時魔復大愁毒如箭入心是時魔復放大火風四方俱起欲令菩薩心沒恐怖懈怠於薩婆若中乃至起一亂念阿難白佛言世尊魔為都燒亂諸菩薩有不燒亂者佛告阿難有燒者有不燒者阿難白佛言世尊何等菩薩為惡魔所燒佛言有菩薩摩訶薩先世聞是深般若波羅蜜心不信解如是菩薩魔得其便復次阿難菩薩聞說是深般若波羅蜜時意疑是般若波羅

蜜為實有為實无如是菩薩魔得其  
便復次阿難有菩薩遠離善知識為  
惡知識所攝故不聞深般若波羅蜜  
不聞故不知不見不問云何應行般  
若波羅蜜云何應修般若波羅蜜是  
菩薩惡魔得其便復次阿難若菩薩  
遠離般若波羅蜜受惡法是菩薩為  
惡魔得便魔作是念是輩當有伴黨  
當滿我願是菩薩自墮二地亦使他  
人墮於二地復次阿難若菩薩聞說  
深般若波羅蜜時語他人言是般若  
波羅蜜甚深我尚不能得底汝復用  
聞用學是般若波羅蜜為如是菩薩  
魔得其便復次阿難若菩薩輕餘菩  
薩言我行般若波羅蜜行遠離空汝  
無是功德是時惡魔大歡喜踊躍若  
有菩薩自恃名姓多人知識故輕餘  
行善菩薩是人无實阿惟越致行類  
相貌功德無是功德故生諸煩惱但  
著虛名故輕賤餘人言汝不在如我  
所得法中今時惡魔作是念今我境  
界宮殿不空增益三惡道惡魔助其  
威力令餘人信受其語信受其語故

受行其經如說修學如說修學時增  
益諸結使是諸人心顛倒故身口意  
業所作皆受惡報以是因緣增益三  
惡道魔之眷屬宮殿益多阿難魔見  
是利故大歡喜踊躍阿難若行菩薩  
道者與求聲聞道家共諍闍魔作是  
念是遠離薩婆若阿難若菩薩菩薩  
共諍闍魔瞋恚罵詈是時惡魔便大歡  
喜踊躍言兩離薩婆若遠復次阿難若  
未受記菩薩向得記菩薩生惡心諍  
闍罵詈隨起念多少劫若干劫數若  
不捨一切種智然後乃補亦所劫大  
莊嚴阿難白佛言世尊是惡心乃經  
亦所劫數於其中間寧得出除不佛  
言阿難我雖說求菩薩道及聲聞人  
得出罪阿難若求菩薩道人共諍闍  
瞋恚罵詈懷恨不悔不捨者我不說  
有出必當更亦所劫數若不捨一切  
種智然後乃大莊嚴阿難若是菩薩  
聞諍瞋恚罵詈便自改悔作是念我  
為大失我當為一切衆生下屈今世  
後世皆使和解我當忍受一切衆生  
履踐如搞梁如聲如瘧云何以惡語

報人我不應壞是甚深阿耨多羅三藐三菩提心我得阿耨多羅三藐三菩提時應當度是一切苦惱衆生云何當起瞋恚阿難白佛言世尊菩薩菩薩共住云何佛告阿難菩薩菩薩共住相視當如世尊何以故是菩薩摩訶薩應作是念是我真伴共乘一舡彼學我學所謂檀那波羅蜜乃至一切種智若是菩薩雜行離薩婆若心我不應如是學若是菩薩不雜行不離薩婆若心我亦應如是學菩薩摩訶薩如是學者是為同學

摩訶般若波羅蜜經等學品第六之三

須菩提白佛言世尊何等是菩薩摩訶薩等法菩薩所應學須菩提內空是菩薩等法外空乃至无法有法空是菩薩等法須菩提色色相空受想行識識相空乃至阿耨多羅三藐三菩提阿耨多羅三藐三菩提相空須菩提是名菩薩摩訶薩等法住是等法得阿耨多羅三藐三菩提須菩提白佛言世尊若菩薩摩訶薩為色盡故學為學薩婆若為色離故學為色

滅故學為學薩婆若為色不生故學  
為學薩婆若受想行識亦是修行  
四念處乃至十八不共法盡離滅不  
生故學為學薩婆若佛告須菩提如  
須菩提所說為色盡離滅不生故學  
為學薩婆若受想行識乃至十八不  
共法盡離滅不生故學為學薩婆若  
佛告須菩提於汝意云何色如受想  
行識如乃至阿耨多羅三藐三菩提  
如佛如是諸如盡滅斷不須菩提言  
不也世尊佛告須菩提菩薩摩訶薩  
如是學如為學薩婆若是如不作證  
不滅不斷須菩提菩薩摩訶薩如是  
學如為學薩婆若須菩提菩薩摩訶  
薩如是學為學六波羅蜜為學四念  
處乃至十八不共法若學六波羅蜜  
乃至十八不共法為學薩婆若須菩  
提如是學為盡諸學邊如是學魔若  
魔天所不能壞如是學直到阿惟越  
致地如是學為學佛所行道如是學  
為得擁護法為學大慈大悲為學淨  
佛國土成就衆生須菩提如是學為  
學三轉十二行法輪故如是學為學



度衆生如是學為學不斷佛種如是  
學為學開甘露門如是學為學欲亦  
無為性須菩提下劣之人不能作是  
學如是學者為欲拔沉沒生死衆生  
菩薩摩訶薩如是學終不墮地獄餓  
鬼畜生中終不生邊地終不生旃陀  
羅家終不聾盲瘖瘂拘癡諸根不  
眷屬成就終不孤窮菩薩如是學終  
不煞生乃至終不邪見如是學不作  
邪命活不攝惡人及破戒者如是學  
以方便力故不生長壽夭何等是方  
便力如般若波羅蜜品中所說菩薩  
摩訶薩以方便力故入四禪四無量  
心四无色定不隨禪無量无色定生  
湏菩提菩薩如是學一切法中得清  
淨所謂淨聲聞辟支佛心須菩提白  
佛言世尊一切法本性清淨云何言  
菩薩一切法中得清淨佛告須菩提  
如是如是一切諸法本性清淨若菩  
薩摩訶薩於是法中心通達不沒即  
是般若波羅蜜如是諸法一切凡夫  
人不知不見菩薩摩訶薩為是衆生  
故行檀那波羅蜜乃至般若波羅蜜

行四念處乃至一切種智須菩提菩薩如是學於一切法中得智力無所畏如是學為了知一切衆生心所趣向譬如大地少所處出金銀珍寶須菩提衆生亦如是少所人能學般若波羅蜜多墮聲聞辟支佛地須菩提譬如少所人受行轉輪聖王業多受行小王業如是須菩提少所衆生行般若波羅蜜求一切智多行聲聞辟支佛道須菩提諸菩薩摩訶薩發心求阿耨多羅三藐三菩提中少有如說行多住聲聞辟支佛地多有菩薩摩訶薩行般若波羅蜜无方便力故少所人住阿惟越致地須菩提以是故菩薩摩訶薩欲在阿惟越致地欲在阿惟越致數中應當學是深般若波羅蜜復次須菩提菩薩摩訶薩學是般若波羅蜜時不生慳貪心不生破戒瞋恚懈怠散亂愚癡心不生諸餘過失心不生取色相心取受想行識相心不生取四念處相心乃至不生取阿耨多羅三藐三菩提相心何以故是菩薩摩訶薩行是深般若波

羅蜜無有法可得以不可得故於諸法不生心取相須菩提菩薩摩訶薩如是學深般若波羅蜜捨攝諸波羅蜜令諸波羅蜜增長諸波羅蜜悉隨從何以故須菩提是深般若波羅蜜諸波羅蜜悉入中須菩提譬如我見中悉攝六十二見如是須菩提是深般若波羅蜜悉攝諸波羅蜜須菩提譬如人死命根滅故餘根悉隨滅如是須菩提菩薩摩訶薩行深般若波羅蜜時諸波羅蜜悉隨從須菩提菩薩學深般若波羅蜜須菩提菩薩摩訶薩學是深般若波羅蜜者出一切衆生之上須菩提於汝意云何三千大千世界中衆生多不須菩提言一閻浮提中衆生尚多何況三千大千世界佛告須菩提若三千大千世界中衆生一時皆得人身悉得阿耨多羅三藐三菩提若有菩薩盡形壽供養承事佛衣服飲食卧具湯藥資生所須須菩提於汝意云何是人以是因緣故得福德多不須菩提言甚多甚

多佛言不如是善男子善女人學般若波羅蜜如說行正憶念得福多何以故般若波羅蜜有勢力能令菩薩摩訶薩得阿耨多羅三藐三菩提須菩提以是故菩薩摩訶薩欲出一切衆生之上當學般若波羅蜜欲為无救護衆生作救護欲與無歸依衆生作歸依欲與无究竟道衆生作究竟道欲與盲者作目欲得佛功德欲作諸佛自在遊戲欲作諸佛師子吼欲撞擊佛鍾鼓欲吹佛貝欲昇佛高座說法欲斷一切衆生疑當學深般若波羅蜜須菩提菩薩摩訶薩若學深般若波羅蜜諸善功德无事不得須菩提白佛言世尊寧復得聲聞辟支佛功德不佛言聲聞辟支佛功德皆能得但不於中住以智觀已直過入菩薩位中須菩提菩薩摩訶薩如是學近薩婆若疾得阿耨多羅三藐三菩提須菩提菩薩摩訶薩如是學為一切世間天及人阿修羅作福田須菩提菩薩摩訶薩如是學過諸聲聞辟支佛福田之上疾近薩婆若須菩

提菩薩摩訶薩如是學是名不捨不  
離般若波羅蜜常行般若波羅蜜須  
菩提菩薩摩訶薩如是學深般若波  
羅蜜當知是不退轉菩薩疾近薩婆  
若遠離聲聞辟支佛近阿耨多羅三  
藐三菩提須菩提是菩薩摩訶薩行  
般若波羅蜜時若作是念是般若波  
羅蜜我以是般若波羅蜜得一切種  
智若如是念不名行般若波羅蜜須  
菩提若不作是念是般若波羅蜜是  
人般若波羅蜜是般若波羅蜜法是  
人行是般若波羅蜜得阿耨多羅三  
藐三菩提是名行般若波羅蜜須菩  
提若菩薩作是念無是般若波羅蜜  
无人有是般若波羅蜜無有行是般  
若波羅蜜得阿耨多羅三藐三菩提  
何以故一切法如法性實際常住故  
如是行是為菩薩摩訶薩行般若波  
羅蜜

摩訶般若波羅蜜經淨願品第六十四

喜品 隨

今時釋提桓因作是念菩薩摩訶薩  
行般若波羅蜜禪那波羅蜜毗梨耶  
波羅蜜羼提波羅蜜尸羅波羅蜜檀

部波羅蜜乃至十八不共法時出一切衆生之上何況得阿耨多羅三藐三菩提時是諸衆生聞是薩婆若信解者得人中之善利壽命中取何況發阿耨多羅三藐三菩提意是衆生能發阿耨多羅三藐三菩提意者其餘衆生應當願樂今時釋提桓因以天文陀羅華而散佛上發是言以是福德若有求阿耨多羅三藐三菩提者令此人具足佛法具足一切智具足自然法若求聲聞者令具足聲聞法世尊若有菩薩發阿耨多羅三藐三菩提意者我終不生一念令其轉還墮聲聞辟支佛地世尊我願諸菩薩倍復精進於阿耨多羅三藐三菩提見衆生生死中種種苦惱欲利益安樂一切世間天及人阿修羅以是心作是願我既自度亦當度未度者我既自脫當脫未脫者我既安隱當安未安者我既滅度當使未入滅度者得滅度世尊善男子善女人於初發意菩薩功德隨喜心得幾許福德於久發意菩薩



功德隨喜心得幾許福德於阿惟越  
致菩薩功德隨喜心得幾許福德於  
一生補處菩薩功德隨喜心得幾許  
福德佛告釋提桓因言憍尸迦四天  
下國土可稱知斤兩是隨喜福德不  
可稱量復次憍尸迦是三千大千世  
界皆可稱知斤兩是隨喜心福德不  
可稱量復次憍尸迦三千大千世界  
滿中海水取一髮破為百分以一分髮  
滌取海水可知滌數是隨喜心福德  
不可數知釋提桓因白佛言世尊若  
衆生心不隨喜阿耨多羅三藐三菩  
提者皆是魔眷屬諸心不隨喜者從  
魔中來生何以故世尊是諸發隨喜  
心菩薩為破魔境界故生是故欲愛  
敬三尊者應生隨喜心隨喜已應迴  
向阿耨多羅三藐三菩提以不一不  
二相故佛言如是如是憍尸迦若有  
人於菩薩心能如是隨喜迴向者常  
值諸佛終不見惡色終不聞惡聲終  
不嗅惡香終不食惡味終不觸惡觸  
終無不隨念終不遠離諸佛從一佛  
土至一佛土親近諸佛種善根何以

故善男子善女人為无量阿僧祇  
初發意菩薩諸善根隨喜迴向為無  
量阿僧祇第二地第三地乃至第十  
地一生補處諸菩薩摩訶薩善根隨  
喜迴向阿耨多羅三藐三菩提以是  
善根因緣故疾近阿耨多羅三藐三  
菩提是諸菩薩得阿耨多羅三藐三  
菩提已度无量無邊阿僧祇衆生憍  
尸迦以是因緣故善男子善女人於  
初發意菩薩善根應隨喜迴向阿耨  
多羅三藐三菩提非心非離心於久  
發意阿惟越致一生補處善根隨喜  
迴向阿耨多羅三藐三菩提非心非  
離心須菩提白佛言世尊是心如幻  
云何能得阿耨多羅三藐三菩提佛  
告須菩提於汝意云何汝見是心如幻  
不不也世尊我不見幻亦不見心如  
幻須菩提於汝意云何若無幻亦无  
心如幻汝見是心不不也世尊須菩  
提於汝意云何離幻離心如幻汝見  
更有法得阿耨多羅三藐三菩提不  
不也世尊我不見離幻離心如幻更  
有法得阿耨多羅三藐三菩提世尊

我不見更有法等法可說若有若  
無是法相畢竟離故不墮有不墮无  
若法畢竟離者不能得阿耨多羅三  
藐三菩提无所有法亦不應得阿耨  
多羅三藐三菩提何以故世尊一切  
法無所有是中无垢者無淨者世尊  
以是故般若波羅蜜畢竟離禪那波  
羅蜜毗梨耶波羅蜜羼提波羅蜜尸  
羅波羅蜜檀那波羅蜜畢竟離乃至  
阿耨多羅三藐三菩提亦畢竟離若  
法畢竟離則不應修不應壞行般若  
波羅蜜亦無有法可得畢竟離故世  
尊若般若波羅蜜畢竟離者云何因  
般若波羅蜜得阿耨多羅三藐三菩  
提阿耨多羅三藐三菩提亦畢竟離  
二離中云何能有所得佛告須菩提  
善哉善哉是般若波羅蜜畢竟離禪  
那波羅蜜毗梨耶波羅蜜羼提波羅  
蜜尸羅波羅蜜檀那波羅蜜畢竟離  
乃至一切種智畢竟離須菩提若般  
若波羅蜜畢竟離乃至一切種智畢  
竟離以是故能得阿耨多羅三藐三  
菩提須菩提若般若波羅蜜非畢竟

離乃至一切種智非畢竟離是不名  
般若波羅蜜不名禪波羅蜜乃至一  
切種智須菩提若般若波羅蜜畢竟  
離乃至一切種智畢竟離以是故須  
菩提非不因般若波羅蜜得阿耨多  
羅三藐三菩提亦不以離得離而得  
阿耨多羅三藐三菩提非不因般若  
波羅蜜須菩提白佛言世尊菩薩摩  
訶薩所行義甚深佛言如是須菩提  
菩薩摩訶薩所行義甚深須菩提諸  
善義而不證聲聞辟支佛地須菩提白  
佛言世尊如我從佛聞義菩薩摩訶  
薩所行不為難何以故是菩薩摩訶  
薩不得是義可作證亦不得般若波  
羅蜜作證亦无作證者世尊若一切  
法不可得何等是義可作證何等是  
般若波羅蜜作證何等是作證者作  
證已得阿耨多羅三藐三菩提世尊  
是名菩薩摩訶薩無所得行菩薩行  
是於一切法皆得明了世尊若菩薩  
摩訶薩聞是法心不驚不沒不怖不  
畏是名為行般若波羅蜜是菩薩摩

訶薩行般若波羅蜜時不見我行般  
若波羅蜜亦不見是般若波羅蜜亦不  
見我當得阿耨多羅三藐三菩提何  
以故菩薩摩訶薩行般若波羅蜜時  
不作是念聲聞辟支佛地去我遠薩  
婆若去我近世尊譬如虛空不作是  
念有法去我遠去我近何以故世尊  
虛空无分別故世尊行般若波羅蜜  
菩薩亦不作是念聲聞辟支佛地去  
我遠薩婆若去我近何以故般若波  
羅蜜中無分別故世尊譬如幻人不  
作是念幻師去我近觀人去我遠何  
以故幻人无分別故行般若波羅蜜  
菩薩不作是念聲聞辟支佛地去我  
遠薩婆若去我近世尊譬如鏡中像  
不作是念所因者去我近餘者去我  
遠何以故像無分別故行般若波羅  
蜜菩薩亦不作是念聲聞辟支佛地  
去我遠薩婆若去我近何以故般若  
波羅蜜中无分別故世尊行般若波  
羅蜜菩薩無受无憎何以故般若波  
羅蜜自性不可得故世尊譬如佛無  
受无憎行般若波羅蜜菩薩無受无

憎亦如是何以故般若波羅蜜中無  
憎无愛故世尊譬如佛一切分別想  
斷行般若波羅蜜菩薩亦如是一切  
分別想斷畢竟空故世尊譬如佛所  
化人不作是念聲聞辟支佛去我遠  
阿耨多羅三藐三菩提去我近何以  
故佛所化人無分別故行般若波羅  
蜜菩薩亦如是不作是念聲聞辟支  
佛去我遠阿耨多羅三藐三菩提去  
我近世尊譬如有所為故作化所化  
事無分別世尊般若波羅蜜亦如是  
有所為事而修是事成就而般若波  
羅蜜亦无分別世尊譬如工匠若工  
匠弟子有所為故作木人若男若女  
象馬牛羊是所作亦能有所作是牛  
馬無分別世尊般若波羅蜜亦如是  
有所為故說是事成就而般若波羅  
蜜亦无分別舍利弗問須菩提但般  
若波羅蜜無分別禪那波羅蜜乃至  
檀那波羅蜜亦无分別須菩提語舍  
利弗禪那波羅蜜無分別乃至檀那  
波羅蜜亦无分別舍利弗問須菩提  
色無分別乃至識亦无分別眼乃至



意无分別色乃至法無分別眼識觸  
乃至意識觸無分別眼觸因緣生受  
乃至意觸因緣生受四禪四无量心四  
無色定四念處乃至八聖道分空無  
相无作佛十力四无所畏四無所智  
大慈大悲十八不共法阿耨多羅三  
藐三菩提無為性亦无分別須菩提  
若色无分別乃至無為性无分別若  
一切法無分別云何分別有六道生  
死是地獄是餓鬼是畜生是天是人  
是阿修羅云何分別是須陀洹斯陀  
含阿那含阿羅漢辟支佛諸佛須菩  
提報舍利弗衆生顛倒因緣故造作  
身口意業隨欲本業報受六道身地  
獄餓鬼畜生人天阿修羅身如汝言  
云何分別有須陀洹乃至佛道舍利  
弗須陀洹即是無分別故有須陀洹  
果亦是无分別故有乃至阿羅漢阿  
羅漢果辟支佛辟支佛道佛道亦  
是無分別故有舍利弗過去諸佛亦  
是无分別斷分別故有以是故舍利  
弗當知一切法無有分別不壞相諸  
法如法性實際故舍利弗如是菩薩

摩訶薩應行无分別般若波羅蜜行  
無分別般若波羅蜜已便得无分別  
阿耨多羅三藐三菩提

摩訶般若波羅蜜經度空品第六十五

丹稱  
揚品

舍利弗語須菩提菩薩摩訶薩行般  
若波羅蜜為行真實法為行無真實  
法須菩提報舍利弗菩薩摩訶薩行  
般若波羅蜜為行无真實法何以故  
是般若波羅蜜無真實乃至一切種  
智无真實故菩薩摩訶薩行般若波  
羅蜜無真實不可得何況真實乃至  
行一切種智无真實法不可得何況  
真實法今時欲色界諸天子作是念  
諸有善男子善女人發阿耨多羅三  
藐三菩提意如深般若波羅蜜所說  
義行於等法不作實際證不墮聲聞  
辟支佛地應當為作札須菩提語諸  
天子諸菩薩摩訶薩於等法不證聲  
聞辟支佛地不為難諸菩薩摩訶薩  
大莊嚴我當度無量无边阿僧祇衆  
生知衆生畢竟不可得而度衆生是  
乃為難諸天子諸菩薩摩訶薩發阿  
耨多羅三藐三菩提心作是願我當

度一切衆生衆生實不可得是人欲  
度衆生如欲度虛空何以故虛空離  
故當知衆生亦離虛空空故當知衆  
生亦空虛空無堅固當知衆生亦无  
堅固虛空虛誑當知衆生亦虛誑諸  
天子以是因緣故當知菩薩所作為  
難為利益无所有衆生故而大莊嚴  
是人為衆生結誓為欲與虛空共闢  
是菩薩結誓已亦不得衆生而為衆  
生結誓何以故衆生離故當知大誓  
亦離衆生虛誑故當知大誓亦虛誑  
若菩薩摩訶薩聞是深法心不驚不  
沒當知是菩薩摩訶薩行般若波羅  
蜜何以故色離即是衆生離受想行  
識離即是衆生離色離即是六波羅  
蜜離受想行識離即是六波羅蜜離  
乃至一切種智離即是六波羅蜜離  
若菩薩摩訶薩聞是一切諸法離相  
心不驚不沒不怖不畏當知是菩薩  
摩訶薩行般若波羅蜜佛告須菩提  
何因緣故菩薩摩訶薩於深般若波  
羅蜜中心不沒須菩提白佛言世尊  
般若波羅蜜无所有故不沒般若波

羅蜜離故不沒般若波羅蜜寂滅故  
不沒世尊以是因緣故菩薩於深般  
若波羅蜜中心不沒何以故是菩薩  
不得沒者不得沒事不得沒處是一  
切法皆不可得故世尊若菩薩摩訶  
薩聞是法心不驚不沒不怖不畏當  
知是菩薩為行般若波羅蜜何以故  
沒者沒事沒處是法皆不可得故菩  
薩摩訶薩如是行般若波羅蜜諸天  
及釋提桓因天梵天王及世界主  
天皆為作禮佛告須菩提不但釋提  
桓因諸天梵王及諸天世界主及諸  
天札是菩薩摩訶薩行般若波羅蜜  
者過是上光音天遍淨天廣果天淨  
居天皆為是菩薩摩訶薩作禮須菩  
提今現在十方無量諸佛亦念是行  
般若波羅蜜菩薩摩訶薩當知是菩  
薩為如佛須菩提若如恒河沙等國  
土中衆生悉使為魔是一二魔復化  
作魔如恒河沙等魔是一切魔不能  
留難菩薩行般若波羅蜜須菩提菩  
薩摩訶薩成就二法魔不能壞何等  
二觀一切法空不捨一切衆生須菩提

菩薩成就此二法魔不能壞復次須  
菩提菩薩摩訶薩復有二法成就魔  
不能壞何等二所作如所言亦為諸  
佛所念菩薩成就此二法魔不能壞  
須菩提菩薩如是行是諸天皆來到  
菩薩所親近諮問勸喻安慰作是言  
善男子汝疾得阿耨多羅三藐三菩  
提不久善男子汝常當行是空无相  
無作行何以故善男子汝行是行無  
護衆生汝為作護无依衆生為作依  
无救衆生為作救無究竟道衆生為  
作究竟道无歸衆生為作歸無洲衆  
生為作洲冥者為作明盲者為作眼  
何以故是菩薩摩訶薩行般若波羅  
蜜十方現在無量阿僧祇諸佛在大  
衆中說法時自讚歎稱揚是菩薩摩  
訶薩名姓言某甲菩薩成就般若波  
羅蜜功德須菩提如我今說法時自  
稱揚寶相菩薩尸棄菩薩復有諸菩  
薩摩訶薩在阿閼佛國中行般若波  
羅蜜淨修梵行我亦稱揚是菩薩名  
姓須菩提亦如東方現在諸佛說法  
時是中有菩薩摩訶薩淨修梵行佛



亦歡喜自稱揚讚歎是菩薩南西北

方四維上下亦如是復有菩薩從初

發意欲具足佛道乃至得一切種智

諸佛說法時亦歡喜自稱揚讚歎是

菩薩何以故是諸菩薩摩訶薩所行

甚難不斷佛種行須菩提白佛言世

尊何等菩薩摩訶薩諸佛說法時

自讚歎稱揚佛告須菩提阿惟越致

菩薩諸佛說法時自讚歎稱揚須菩

提言何等阿惟越致菩薩為佛所讚

佛言如阿閼佛為菩薩時所行所學

諸菩薩亦如是學是諸阿惟越致

菩薩諸佛說法時歡喜讚歎復次須

菩提有菩薩行般若波羅蜜信解一

切法無生未得无生忍法信解一切

法空未得无生忍法信解一切法虛

誑不實無所有不堅固未得无生忍

法須菩提如是等諸菩薩摩訶薩諸

佛說法時歡喜自讚歎稱揚名字須

菩提若諸菩薩摩訶薩諸佛說法時

歡喜自讚歎者是菩薩滅聲聞辟支

佛地當得阿耨多羅三藐三菩提記

須菩提若菩薩摩訶薩諸佛說法時



歡喜自讚歎者是菩薩當住阿惟越  
致地住是地已當得薩婆若復次須  
菩提菩薩摩訶薩聞是深般若波羅  
蜜其心明利不疑不悔作是念是事  
如佛所說是菩薩亦當於阿閼佛及  
諸菩薩所廣聞是深般若波羅蜜亦  
信解信解已如佛所說當住阿惟越  
致地如是須菩提但聞般若波羅蜜  
得大利益何況信解信解已如說住  
如說行如說住如說行已住一切種  
智中須菩提白佛言世尊若佛說菩  
薩摩訶薩如所說住如所說行住薩  
婆若若菩薩摩訶薩无所得法云何  
住薩婆若佛告須菩提菩薩摩訶薩  
住諸法如中住薩婆若須菩提言世  
尊除如更無法可得誰住如中住如  
中已當得阿耨多羅三藐三菩提誰  
住如中當說法如尚不可得何況住  
如得阿耨多羅三藐三菩提誰住如  
中而說法无有是處佛告須菩提如  
汝所言除如更無法誰住如中住如  
中已當得阿耨多羅三藐三菩提誰  
住如中當說法如尚不可得何況住

如得阿耨多羅三藐三菩提誰住如中而說法無有是處佛言如是如是須菩提除如更无有法可得誰住如中住如中已當得阿耨多羅三藐三菩提誰住如中當說法如尚不可得何況住如得阿耨多羅三藐三菩提誰住如中而說法何以故是如生不可得滅不可得住異不可得若法生滅住異不可得是中誰當住如誰當住如已得阿耨多羅三藐三菩提誰當住如而說法無有是處釋提桓因白佛言世尊諸菩薩摩訶薩所為甚難深般若波羅蜜中欲得阿耨多羅三藐三菩提何以故世尊无有如中住者亦無當得阿耨多羅三藐三菩提者亦无說法者菩薩摩訶薩於是處心不驚不沒不怖不畏不疑不悔念時須菩提語釋提桓因汝憍尸迦說菩薩摩訶薩所為甚難是甚深法中心不驚不沒不怖不畏不疑不悔憍尸迦諸法空中誰驚誰沒誰怖誰畏誰疑誰悔是時釋提桓因語須菩提須菩提所說但為空事無罣碍譬如

仰射空中箭去无寻須菩提說法無  
寻亦如是

摩訶般若波羅蜜經卷第九

戊戌歲高麗國大藏都監奉

勅彫造

摩訶般若波羅蜜經卷第二十 海

後秦龜茲國三藏鳩摩羅什譯

累教品第六十六

第十四品

尔時釋提桓因白佛言世尊我如是說如是答為隨順法不為正答不佛告釋提桓因言憍尸迦汝所說所答實皆隨順釋提桓因言希有世尊須菩提所樂說皆是為空為無相為无作為四念處乃至為阿耨多羅三藐三菩提佛告釋提桓因須菩提比丘行空時檀那波羅蜜不可得何況行檀那波羅蜜者乃至般若波羅蜜不可得何況行般若波羅蜜者四念處不可得何況修四念處者乃至八聖道分不可得何況修八聖道分者禪解脫三昧定不可得何況修禪解脫三昧定者佛十力不可得何況修佛十力者四無所畏不可得何況能生四無所畏者四无尋智者大慈大悲不可得何况行大慈大悲者十八不共法不可得何况生十八不共法者阿耨多羅

三藐三菩提不可得何況得阿耨多  
羅三藐三菩提者一切智不可得何  
況得一切智者如來不可得何況當  
作如來者無生法不可得何況得无  
生法作證者三十二相不可得何況  
得三十二相者八十隨形好不可得  
何況得八十隨形好者何以故憍尸  
迦須菩提比丘一切法離行一切法  
無所得行一切法空行一切法无相  
行一切法无作行憍尸迦是為須菩  
提比丘所行欲比菩薩摩訶薩般若  
波羅蜜行者百分不及一千分千万  
億分乃至無數譬喻所不能及何以  
故除佛行是菩薩摩訶薩行般若波  
羅蜜於聲聞辟支佛諸行中最尊最  
妙最上以是故菩薩摩訶薩欲得於  
一切衆生中最上當行是般若波羅  
蜜行何以故憍尸迦諸菩薩摩訶薩  
行般若波羅蜜時過聲聞辟支佛地  
入菩薩位能具足佛法得一切種智  
斷一切煩惱習作佛是時會中諸三  
十三天以天曼陀羅華散佛及僧是  
時八百比丘從座起以華散佛偏袒

右肩合掌右膝著地白佛言世尊我等當行是無上行聲聞辟支佛所不能行尔時佛知諸比丘心行便微笑如諸佛法種種色光青黃赤白紅縹從口中出遍照三千大千世界繞佛三匝還從頂入尔時阿難偏袒右肩右膝著地白佛言世尊何因緣微笑諸佛不以無因緣而笑佛告阿難是八百比丘於星宿劫中當得阿耨多羅三藐三菩提佛名散華皆同一字比丘僧國土壽命皆等各各過十萬歲出家作佛是時諸國土常雨五色天華以是故阿難菩薩摩訶薩欲行寂上行應當行般若波羅蜜佛告阿難若有善男子善女人能行是深般若波羅蜜當知是菩薩人中死此間生若兜率天上死來生此間若人中若兜率天上廣聞是深般若波羅蜜阿難我見是諸菩薩摩訶薩能行是深般若波羅蜜阿難若有善男子善女人聞是深般若波羅蜜受持讀誦親近正憶念轉復以般若波羅蜜教行菩薩道者當知是菩薩面從佛聞深



般若波羅蜜乃至親近亦從諸佛種  
善根善男子善女人當作是念我等  
非聲聞所種善根亦不從聲聞所聞  
是深般若波羅蜜阿難若有善男子  
善女人受持是深般若波羅蜜讀誦  
親近隨義隨法行當知是善男子善  
女人則為面見佛阿難若有善男子  
善女人間是深般若波羅蜜信心清  
淨不可沮壞當知是善男子善女人  
曾供養佛種善根與善知識相得阿  
難於諸佛福田種善根雖不虛誑要  
得聲聞辟支佛佛而得解脫應當深  
了了行六波羅蜜乃至一切種智阿  
難若菩薩深了了行六波羅蜜乃至  
一切種智是人若住聲聞辟支佛道  
不得阿耨多羅三藐三菩提无有是  
處是故阿難我以般若波羅蜜囑累  
汝阿難汝若受持一切法除般若波羅  
蜜若忘若失其過小小無有大罪阿  
難汝受持深般若波羅蜜若失一句  
其過甚大阿難汝若受持深般若波  
羅蜜還忘失其罪甚多以是故阿難  
囑累汝是深般若波羅蜜汝當善受

持讀誦令利阿難若有善男子善女人受持般若波羅蜜則為受持過去未來現在諸佛阿耨多羅三藐三菩提阿難若善男子善女人現在供養我恭敬尊重讚歎華香瓔珞博香澤香衣服幡蓋應當受持般若波羅蜜讀誦說親近供養恭敬尊重讚歎華香乃至幡蓋阿難供養般若波羅蜜則為供養我亦供養過去未來現在佛已若有善男子善女人聞說深般若波羅蜜信心清淨恭敬愛樂則為信心清淨恭敬愛樂過去未來現在諸佛已阿難汝愛樂佛不捨離當愛樂般若波羅蜜莫捨離阿難深般若波羅蜜乃至一句不應令失阿難我說囑累因緣甚多今但略說如我為世尊般若波羅蜜亦是世尊以是故阿難種種因緣囑累汝般若波羅蜜阿難今我於一切世間天人阿修羅中囑累汝諸欲不捨佛不捨法不捨僧不捨過去未來現在諸佛阿耨多羅三藐三菩提者慎莫捨般若波羅蜜阿難是我所教化弟子法阿難若善

男子善女人受持深般若波羅蜜讀誦說正憶念復為他人種種廣說其義開示演暢分明令易解是善男子善女人疾得阿耨多羅三藐三菩提疾近薩婆若何以故般若波羅蜜中生諸佛阿耨多羅三藐三菩提阿難過去未來諸佛阿耨多羅三藐三菩提皆從般若波羅蜜中生今現在東方南方西方北方四維上下諸佛阿耨多羅三藐三菩提亦從般若波羅蜜生以是故阿難諸菩薩摩訶薩欲得阿耨多羅三藐三菩提應當學六波羅蜜何以故阿難六波羅蜜是菩薩摩訶薩母生諸菩薩故阿難若有菩薩摩訶薩學是六波羅蜜皆得阿耨多羅三藐三菩提以是故我以六波羅蜜倍復囑累汝阿難是六波羅蜜是諸佛無盡法藏阿難十方諸佛現在說法皆從六波羅蜜法藏中出過去諸佛亦從六波羅蜜中學得阿耨多羅三藐三菩提未來諸佛亦從六波羅蜜中學得阿耨多羅三藐三菩提六波羅蜜中學得阿耨多羅三藐三菩提過去未來現在諸佛弟子皆從

六波羅蜜中學得滅度已得今得當  
得滅度阿難汝為聲聞人說法令三  
千大千世界中衆生皆得阿羅漢果  
證猶未為我弟子事汝若以般若波  
羅蜜相應一句義教菩薩摩訶薩則  
為我弟子事我亦歡喜勝教三千大  
千世界中衆生令得阿羅漢復次阿  
難是三千大千世界中衆生不前不  
後一時皆得阿羅漢果證是諸阿羅  
漢行布施功德持戒禪定功德是功  
德多不阿難言甚多世尊佛言不如  
弟子以般若波羅蜜相應法為菩薩  
摩訶薩說乃至一日其福甚多置一  
日但半日置半日但一食頃置一食頃  
但須臾間說其福甚多何以故菩薩  
摩訶薩善根勝一切聲聞辟支佛故  
菩薩摩訶薩自欲得阿耨多羅三藐  
三菩提亦示教利喜他人令得阿耨  
多羅三藐三菩提阿難如是菩薩行  
六波羅蜜行四念處乃至行一切種  
智增益善根若不得阿耨多羅三藐  
三菩提無有是處說是般若波羅蜜  
品時佛在四衆中天人龍鬼神緊攬

羅摩睺羅伽等於大衆前而現神足喜  
變化一切大衆皆見阿閼佛比丘僧  
圍繞說法大衆譬如大海水皆是阿  
羅漢漏已盡无復煩惱皆得自在得  
俱解脫心解脫慧解脫其心調柔譬  
如大象所作已辦逮得已利盡諸有  
結正智得解脫一切心心數法中得  
自在及諸菩薩摩訶薩无量功德成  
就今時佛攝神足一切大衆不復見  
阿閼佛聲聞人菩薩摩訶薩及其國  
土不與眼作對何以故佛攝神足故  
今時佛告阿難如是阿難一切法不  
與眼作對法法不相見法法不相知  
如是阿難如阿閼佛弟子菩薩國土  
不與眼作對如是阿難一切法不與  
眼作對法法不相知法法不相見何  
以故一切法無知无見無作无動不  
可捉不可思議如幻人无受無覺无  
真實菩薩摩訶薩如是行為行般  
若波羅蜜亦不著諸法阿難菩薩摩  
訶薩如是學名為學般若波羅蜜欲  
得諸波羅蜜當學般若波羅蜜何以  
故如是學名為第一學取上學微妙



學如是學安樂利益一切世間無護  
者為作護如是學諸佛所學諸佛住  
是學中能以右手舉三千大千世界  
還著本處是中衆生无覺知者何以  
故阿難諸佛學是般若波羅蜜過去  
未來現在法中得無閼智見阿難般  
若波羅蜜於諸學中最尊第一微妙  
無上阿難有人欲得般若波羅蜜邊  
際為欲得虛空邊際何以故阿難般  
若波羅蜜无有量我初不說般若波  
羅蜜量名衆句衆字衆是有量般  
若波羅蜜無有量阿難白佛言世尊  
般若波羅蜜何以故无有量佛告阿  
難般若波羅蜜無盡故无有量般若  
波羅蜜離故无有量阿難過去諸佛  
皆學是般若波羅蜜得度是般若波  
羅蜜故不盡未來世諸佛亦學是般  
若波羅蜜得度是般若波羅蜜故不  
盡現在十方諸佛皆學是般若波羅  
蜜得度是般若波羅蜜故不盡已不  
盡今不盡當不盡阿難欲盡般若波  
羅蜜為欲盡虛空般若波羅蜜不可  
盡已不盡今不盡當不盡禪那波羅



蜜乃至檀那波羅蜜不可盡已不盡  
今不盡當不盡乃至一切種智亦如  
是何以故是一切法皆無生若法无生  
云何有盡尔時佛出覆面舌相告阿  
難從今日於四眾中廣演開示分別  
般若波羅蜜當令分明易解何以故  
是深般若波羅蜜中廣說諸法相是  
中求聲聞辟支佛求佛者皆當於中  
學學已各得成就阿難是深般若波  
羅蜜則是一切字門行是深般若波  
羅蜜能入陀羅尼門學是陀羅尼諸  
菩薩得一切樂說辯才阿難般若波  
羅蜜是三世諸佛妙法以是故阿難  
我為汝了了說若有人受持深般若  
波羅蜜讀誦親近是人則能持三世  
諸佛阿耨多羅三藐三菩提阿難我  
說般若波羅蜜是行者足汝持是般  
若波羅蜜得陀羅尼故則能持一切  
諸法

摩訶般若波羅蜜經無盡品第六十七

尔時須菩提作是念是諸佛阿耨多  
羅三藐三菩提甚深我當問佛作是  
念已白佛言世尊是般若波羅蜜不

可盡佛言虛空不可盡故般若波羅  
蜜不可盡世尊云何應生般若波羅  
蜜佛言色不可盡故般若波羅蜜應  
生受想行識不可盡故般若波羅蜜  
應生檀那波羅蜜不可盡故般若波  
羅蜜應生尸羅波羅蜜羼提波羅蜜  
毗梨耶波羅蜜禪那波羅蜜般若波  
羅蜜不可盡故般若波羅蜜應生乃  
至一切種智不可盡故般若波羅蜜  
應生復次須菩提癡空不可盡故菩  
薩摩訶薩般若波羅蜜應生行空不  
可盡故菩薩般若波羅蜜應生識空  
不可盡故菩薩般若波羅蜜應生名  
色空不可盡故菩薩般若波羅蜜應  
生六處空不可盡故菩薩般若波羅  
蜜應生六觸空不可盡故菩薩般若  
波羅蜜應生受空不可盡故菩薩  
般若波羅蜜應生愛空不可盡故菩薩  
般若波羅蜜應生取空不可盡故菩  
薩般若波羅蜜應生有空中不可盡故  
菩薩般若波羅蜜應生生空不可盡  
故菩薩般若波羅蜜應生老死憂悲  
苦惱空不可盡故菩薩般若波羅蜜

應生如是須菩提菩薩摩訶薩般若  
波羅蜜應生須菩提是十二因緣是  
獨菩薩法能除諸邊顛倒坐道場時  
應如是觀當得一切種智須菩提若  
有菩薩摩訶薩以虛空不可盡法行  
般若波羅蜜觀十二因緣不墮聲聞  
辟支佛地住阿耨多羅三藐三菩提  
須菩提若求菩薩道而轉還者皆離  
般若波羅蜜念故是人不知云何行般  
若波羅蜜應以虛空不可盡法觀十  
二因緣須菩提若求菩薩道而轉還  
者皆不得是方便力故於阿耨多羅  
三藐三菩提而轉還須菩提若菩薩  
摩訶薩於阿耨多羅三藐三菩提不  
轉還者皆得是方便力故須菩提菩  
薩摩訶薩應以虛空不可盡法觀般  
若波羅蜜應以虛空不可盡法生般  
若波羅蜜如是須菩提菩薩摩訶薩  
觀十二因緣時不見法無因緣生不  
見法常不滅不見法有我人壽者命  
者衆生乃至知者見者不見法無常  
不見法苦不見法无我不見法寂滅  
非寂滅如是須菩提菩薩摩訶薩行

般若波羅蜜應如是觀十二因緣須  
菩提若菩薩摩訶薩能如是行般若  
波羅蜜是時不見色若常若無常若  
苦若樂若我若无我若寂滅若非寂  
滅受想行識亦如是須菩提菩薩摩  
訶薩是時亦不見般若波羅蜜亦不  
見以是法見般若波羅蜜禪那波羅  
蜜乃至阿耨多羅三藐三菩提亦不  
見阿耨多羅三藐三菩提亦不見以  
是法見阿耨多羅三藐三菩提如是  
須菩提一切法不可得故是為應般  
若波羅蜜行若菩薩行無所得般若  
波羅蜜時惡魔愁毒如箭入心譬如  
人新喪父母如是須菩提惡魔見菩  
薩行无所得般若波羅蜜時便大愁  
毒如箭入心

須菩提白佛言世尊但一魔愁毒三  
千大千世界中魔亦復愁毒佛告須  
菩提三千大千世界中諸惡魔皆愁  
毒如箭入心各於其坐不能自安須  
菩提菩薩摩訶薩能如是行般若波  
羅蜜是時一切世間天及人阿修羅  
不能得其便令其憂惱須菩提以是

故菩薩摩訶薩欲得阿耨多羅三藐三菩提當行是般若波羅蜜菩薩摩訶薩行般若波羅蜜時具足修檀那波羅蜜尸羅波羅蜜羼提波羅蜜毗梨耶波羅蜜禪那波羅蜜般若波羅蜜須菩提菩薩摩訶薩行般若波羅蜜時具足諸波羅蜜

須菩提白佛言世尊菩薩摩訶薩行般若波羅蜜時云何具足檀那波羅蜜尸羅波羅蜜羼提波羅蜜毗梨耶波羅蜜禪那波羅蜜般若波羅蜜

佛告須菩提菩薩摩訶薩所有布施皆迴向薩婆若如是須菩提菩薩摩訶薩行般若波羅蜜時具足檀那波羅蜜須菩提菩薩摩訶薩所有持戒皆迴向薩婆若是為具足尸羅波羅蜜菩薩摩訶薩所有忍辱皆迴向薩婆若是為具足羼提波羅蜜菩薩摩訶薩所有智慧皆迴向薩婆若是為具足般若波羅蜜



如是須菩提菩薩摩訶薩行般若波羅蜜具足六波羅蜜

摩訶般若波羅蜜經攝五品第六十八

卅本六度相攝品

須菩提白佛言世尊云何菩薩摩訶薩住檀那波羅蜜取尸羅波羅蜜佛告須菩提菩薩摩訶薩住檀那波羅蜜取尸羅波羅蜜佛告須菩提是布施迴向薩婆若於衆生中住慈身口意業是為菩薩住檀那波羅蜜取尸羅波羅蜜世尊云何菩薩住檀那波羅蜜取尸羅波羅蜜佛告須菩提菩薩布施時受者瞋恚罵辱惡言加之是時菩薩忍辱不生瞋恚心是為菩薩住檀那波羅蜜取尸羅波羅蜜世尊云何菩薩住檀那波羅蜜取瞋瞋恚罵辱惡言加之菩薩布施時受者心作是念我應當施不應有所惜即時生身精進心精進是為菩薩住檀那波羅蜜取瞋梨耶波羅蜜世尊云何菩薩住檀那波羅蜜取禪何菩薩摩訶薩住檀那波羅蜜取禪那波羅蜜佛言菩薩布施時迴向薩婆若不趣聲聞辟支佛地但一心念薩婆若是為菩薩住檀那波羅蜜取禪



那波羅蜜世尊云何菩薩摩訶薩住  
檀那波羅蜜取般若波羅蜜佛言菩  
薩布施時知布施空如幻不見為衆  
生布施有益無益是為菩薩住檀那  
波羅蜜取般若波羅蜜須菩提白佛  
言世尊云何菩薩摩訶薩住尸羅波  
羅蜜取檀那波羅蜜羼提波羅蜜毗  
梨耶波羅蜜禪那波羅蜜般若波  
羅蜜

佛告須菩提菩薩摩訶薩住尸羅波  
羅蜜中身口意生布施福德助阿耨  
多羅三藐三菩提持是功德不取聲  
聞辟支佛地住尸羅波羅蜜中不奪  
他命不劫奪他物不行邪淫不妄語  
不兩舌不惡口不綺語不貪嫉不瞋  
恚不邪見所有布施飢者與食渴者  
與飲須乘與乘須衣與衣須香與香  
須瓔珞與瓔珞塗香卧具房舍燈燭  
資生所須盡給與之持是布施與衆  
生共之迴向阿耨多羅三藐三菩提  
如是迴向不墮聲聞辟支佛地須菩  
提是為菩薩摩訶薩住尸羅波羅蜜  
取檀那波羅蜜世尊云何菩薩摩訶

薩住尸羅波羅蜜取羂提波羅蜜佛  
言菩薩摩訶薩住尸羅波羅蜜中若  
有衆生來節節支解菩薩於是中不  
生瞋恚心乃至一念作是言我得大  
利衆生來取我支節用我無一念瞋  
恚是為菩薩住尸羅波羅蜜中取羂  
提波羅蜜世尊云何菩薩摩訶薩住  
尸羅波羅蜜取毗梨耶波羅蜜佛言  
若菩薩摩訶薩身精進心精進常不  
捨作是念一切衆生在生死中我當  
拔著甘露地是為菩薩住尸羅波羅  
蜜中取毗梨耶波羅蜜世尊云何菩  
薩摩訶薩住尸羅波羅蜜取禪那波  
羅蜜佛言菩薩入初禪第二第三第  
四禪不貪聲聞辟支佛地作是念我  
當住禪那波羅蜜中度一切衆生生  
死是為菩薩住尸羅波羅蜜取禪那  
波羅蜜世尊云何菩薩摩訶薩住尸  
羅波羅蜜取般若波羅蜜佛言菩薩  
住尸羅波羅蜜中无有法可見若作  
法若無作法若數法若相法若有若  
无但見諸法不過如相以般若波羅  
蜜漚沤拘舍羅力故不墮聲聞辟支

佛地是為菩薩住尸羅波羅蜜取般  
若波羅蜜須菩提白佛言世尊云何  
菩薩摩訶薩住羼提波羅蜜取檀那  
波羅蜜佛言菩薩從初發心乃至道  
場於其中間若一切衆生來瞋恚罵  
詈若節節支解菩薩住於忍辱作是  
念我應布施一切衆生不應不與是  
衆生須食與食須飲與飲乃至資生  
所須盡皆與之持是功德與一切衆  
生共之迴向阿耨多羅三藐三菩提  
是菩薩迴向時不生二心誰迴向者  
迴向何處是為菩薩住羼提波羅蜜  
取檀那波羅蜜世尊云何菩薩摩訶  
薩住羼提波羅蜜取尸羅波羅蜜佛  
言菩薩從初發心乃至道場於其中  
間終不奪他命不與不取乃至不邪  
見亦不貪聲聞辟支佛地持是功德  
與一切衆生共之迴向阿耨多羅三藐  
三菩提是菩薩迴向時三種心不生誰  
迴向阿耨多羅三藐三菩提用何法  
迴向迴向何處是為菩薩住羼提波  
羅蜜取尸羅波羅蜜世尊云何菩薩  
摩訶薩住羼提波羅蜜取毗梨耶波

羅蜜佛言菩薩住羼提波羅蜜生精進作是念我當往一由旬若十由旬百千万億由旬過一國土乃至過百千万億國土乃至教一人令持五戒何況令得須陀洹果乃至阿羅漢果辟支佛道阿耨多羅三藐三菩提持是功德與一切衆生共之迴向阿耨多羅三藐三菩提是為菩薩住羼提波羅蜜取毗梨耶波羅蜜世尊云何菩薩惡不善法有覺有觀離生喜樂入初禪乃至入第四禪是諸禪中淨心心數法皆迴向薩婆若迴向時是菩薩諸禪及禪支皆不可得是為菩薩住羼提波羅蜜取禪那波羅蜜世尊云何菩薩摩訶薩住羼提波羅蜜取般觀諸法若離相若寂滅相若無盡相不以寂滅相作證乃至坐道場得一切種智從道場起便轉法輪是為菩薩住羼提波羅蜜取般若波羅蜜不取不捨故

須菩提白佛言世尊云何菩薩摩訶  
薩住毗梨耶波羅蜜取檀那波羅蜜  
佛告須菩提菩薩住毗梨耶波羅蜜  
身心精進不懈不息作是念我必當  
應得阿耨多羅三藐三菩提不應不  
得是菩薩為利益衆生故往一由旬  
若百千萬億由旬若過一國土若過  
百千萬億國土住毗梨耶波羅蜜中  
若不得一人教令入佛道中若聲聞  
道中若辟支佛道中或得一人教令  
行十善道精進不懈法施及以財施  
令具足持是功德與衆生共之迴向  
阿耨多羅三藐三菩提不迴向聲聞  
辟支佛地是為菩薩住毗梨耶波羅  
蜜取檀那波羅蜜世尊云何菩薩摩  
訶薩住毗梨耶波羅蜜取尸羅波羅  
蜜佛言菩薩住毗梨耶波羅蜜從初  
發意乃至坐道場自不煞生不教他  
殺讚不煞生法歡喜讚歎不煞生者  
乃至自遠離邪見教他遠離邪見讚  
不邪見法歡喜讚歎不邪見者是菩  
薩行尸羅波羅蜜因緣不求欲界色  
界無色界福不求聲聞辟支佛地持



是功德與衆生共之迴向阿耨多羅三藐三菩提不生三種心不見迴向者不見迴向法不見迴向處是為菩薩住毗梨耶波羅蜜取尸羅波羅蜜世尊云何菩薩摩訶薩住毗梨耶波羅蜜取羼提波羅蜜佛言菩薩住毗梨耶波羅蜜從初發意乃至坐道場於其中間若人若非人來節節支解菩薩作是念割我者誰截我者誰奪我者誰復作是念我大得善利我為衆生故受身衆生還自來取是時菩薩正憶念諸法實相持是功德與衆生共之迴向阿耨多羅三藐三菩提不向聲聞辟支佛地是為菩薩住毗梨耶波羅蜜取羼提波羅蜜世尊云何菩薩摩訶薩住毗梨耶波羅蜜取羅蜜離欲離惡不善法有覺有觀離生喜樂入初禪第二第三第四禪入慈悲喜捨乃至入非有想非无想處持是禪無量无色定不受果報生於利益衆生之處以六波羅蜜成就衆生所謂檀那波羅蜜乃至般若波羅蜜



從一佛國至一佛國親近供養諸佛  
種善根故是為菩薩住毗梨耶波羅  
蜜取禪那波羅蜜世尊云何菩薩摩  
訶薩住毗梨耶波羅蜜取般若波羅  
蜜佛言菩薩住毗梨耶波羅蜜不見  
檀那波羅蜜法不見檀那波羅蜜相  
乃至不見禪那波羅蜜法不見禪那  
波羅蜜相四念處乃至一切種智亦  
不見法亦不見相見一切法非法非  
非法於法中無所著是菩薩所作如  
所言是為菩薩住毗梨耶波羅蜜取  
般若波羅蜜

須菩提白佛言世尊云何菩薩摩訶  
薩住禪那波羅蜜取檀那波羅蜜佛  
言菩薩摩訶薩住禪那波羅蜜離諸  
欲離惡不善法有覺有觀離生喜樂  
入初禪第二第三第四禪入慈悲喜  
捨乃至非有想非无想處住禪那波  
羅蜜中心不亂行二施以施衆生法  
施財施自行二施教他行二施讚歎  
二施法歡喜讚歎行二施者持是功  
德與衆生共之迴向阿耨多羅三藐  
三菩提不向聲聞辟支佛地是為菩

薩住禪那波羅蜜取檀那波羅蜜世  
尊云何菩薩摩訶薩住禪那波羅蜜  
取尸羅波羅蜜

佛言菩薩住禪那波羅蜜不生婬慾  
瞋恚愚癡心不生惱他心但修行一切  
智相應心持是功德與衆生共之迴  
向阿耨多羅三藐三菩提不向聲聞  
辟支佛地是為菩薩住禪那波羅蜜  
取尸羅波羅蜜世尊云何菩薩摩訶  
薩住禪那波羅蜜取羼提波羅蜜佛  
言菩薩住禪那波羅蜜觀色如聚沫  
觀受如泡觀想如野馬觀行如芭蕉  
觀識如幻作是觀時見五陰無堅固  
相作是念割我者誰截我者誰誰受  
誰想誰行誰識誰罵者誰受罵者誰  
生瞋恚是為菩薩住禪那波羅蜜取  
羼提波羅蜜世尊云何菩薩摩訶薩  
住禪那波羅蜜取毗梨耶波羅蜜佛  
言菩薩住禪那波羅蜜離欲離惡不  
善法有覺有觀離生喜樂入初禪第  
二第三第四禪是諸禪及支不取相生  
種種神通履水如地入地如水如先說  
天耳聞二種聲若天若人知他心若

攝心若亂心乃至有上心無上心憶  
種種宿命如先說以天眼淨過人眼  
見衆生乃至如業受報如先說菩薩  
住是五神通從一佛國至一佛國親  
近供養諸佛種善根成就衆生淨佛  
國土持是功德與衆生共之迴向阿  
耨多羅三藐三菩提是為菩薩住禪  
那波羅蜜取毗梨耶波羅蜜世尊云  
何菩薩摩訶薩住禪那波羅蜜取般  
若波羅蜜

佛言菩薩住禪那波羅蜜不得色不  
得受想行識不得檀那波羅蜜尸羅  
波羅蜜羼提波羅蜜毗梨耶波羅蜜  
禪那波羅蜜不得般若波羅蜜不得  
四念處乃至不得一切種智不得諸  
法有為性不得諸法無為性不得故  
不作不作故不生不生故不滅何以  
故有佛無佛是如法相法性常住不  
生不滅常一心應薩婆若行是為菩  
薩住禪那波羅蜜取般若波羅蜜  
須菩提白佛言世尊云何菩薩摩訶  
薩住般若波羅蜜取檀那波羅蜜  
佛言菩薩住般若波羅蜜內空內空

不可得外空外空不可得内外空内  
一切法空一切法空不可得菩薩住  
是十四空中不得色相若空若不空  
不得受想行識相若空若不空不得  
四念處若空若不空乃至不得阿耨  
多羅三藐三菩提若空若不空不得  
有為性無為性若空若不空是菩薩  
摩訶薩如是住般若波羅蜜中有所  
布施若飲食衣服種種資生之具觀  
是布施空何等空施者受者及財物  
空不令慳著心生何以故菩薩摩訶  
薩行般若波羅蜜從初發意乃至  
坐道場无有妄想分別如諸佛得阿  
耨多羅三藐三菩提時無慳著心菩  
薩摩訶薩亦如是行般若波羅蜜時  
无慳著心是菩薩所可尊者般若波  
羅蜜是是為菩薩住般若波羅蜜取  
檀那波羅蜜世尊云何菩薩摩訶薩  
住般若波羅蜜取尸羅波羅蜜佛言  
菩薩住般若波羅蜜不生聲聞辟支  
佛心何以故是菩薩聲聞辟支佛地  
不可得趣向聲聞辟支佛心亦不可

得是菩薩摩訶薩從初發意乃至坐道場於其中間自不煞生不教他煞讚不煞法歡喜讚歎不煞生者乃至自不邪見不教他邪見讚歎不邪見法歡喜讚歎不邪見者以是持戒因緣无法可取若聲聞若辟支佛地何況餘法是為菩薩住般若波羅蜜取尸羅波羅蜜世尊云何菩薩摩訶薩住般若波羅蜜取羂提波羅蜜

佛言菩薩住般若波羅蜜隨順法忍生作是念諸法中無有法若起若滅若生若死若受罵詈若受惡口若割若截若破若縛若打若煞是菩薩從初發意乃至道場若一切衆生來罵詈惡口刀杖瓦石割截傷害心不動恚作是念甚可恚此法中无有法受罵詈惡口割截傷害者而衆生受諸苦惱是為菩薩住般若波羅蜜取羂提波羅蜜世尊云何菩薩摩訶薩住般若波羅蜜取毗梨耶波羅蜜佛言菩薩住般若波羅蜜為衆生說法令行檀那波羅蜜尸羅波羅蜜羂提波羅蜜毗梨耶波羅蜜禪那波羅



蜜般若波羅蜜教令行四念處乃至  
八聖道分令得須陀洹果斯陀舍阿  
那含阿羅漢果辟支佛道令得阿耨  
多羅三藐三菩提不住有為性中不  
住無為性中是為菩薩住般若波羅  
蜜取毗梨耶波羅蜜世尊云何菩薩  
摩訶薩住般若波羅蜜取禪那波羅  
蜜佛言菩薩住般若波羅蜜除諸佛  
三昧入餘一切三昧若聲聞三昧若  
辟支佛三昧若菩薩三昧皆行皆入  
是菩薩住諸三昧逆順出入八背捨  
何等八內有色相外觀色是初背捨  
內无色相外觀色二背捨淨背捨身  
作證三背捨過一切色相滅有對相  
不念種種相故入無量虛空處四背  
捨過一切虛空處入無邊識處五背  
捨過一切識處入無所有處六背捨  
過一切无所有處入非有想非無想  
處七背捨過一切非有想非无想處  
入滅受想處八背捨於是八背捨逆  
順出入九次第定何等九離諸欲離  
諸惡不善法有覺有觀離生喜樂入  
初禪乃至過非有想非無想處入滅



受想定是名九次第定逆順出入是  
菩薩依八背捨九次第定入師子奮  
迅三昧云何名師子奮迅三昧須菩  
提菩薩離欲離惡不善法有覺有觀  
離生喜樂入初禪乃至入滅受想定  
從滅受想定起還入非有想非無想  
處非有想非无想處起乃至還入初  
禪是菩薩依師子奮迅三昧入超越  
三昧云何為超越三昧須菩提菩薩離  
欲離諸惡不善法有覺有觀離生喜  
樂入初禪從初禪起乃至入非有想  
非無想處非有想非无想處起入滅  
受想定滅受想定起還入初禪從初  
禪起入滅受想定滅受想定起入二  
禪二禪起入滅受想定滅受想定起  
入三禪三禪起入滅受想定滅受想  
定起入四禪四禪起入滅受想定滅  
受想定起入空處空處起入滅受想  
定滅受想定起入識處識處起入滅  
受想定滅受想定起入無所有處无  
所有處起入滅受想定滅受想定起  
入非有想非無想處非有想非无想  
處起入滅受想定滅受想定起入散

心中散心中起入滅受想定滅受想  
定起還入散心中散心中起入非有  
想非無想處非有想非無想處起還  
住散心中散心中起入無所有處无  
所有處起住散心中散心中起入識  
處識處起住散心中散心中起入空  
處空處起住散心中散心中起入第  
四禪中第四禪中起住散心中散心  
中起入第三禪中第三禪中起住散  
心中散心中起入第二禪中第二禪  
中起住散心中散心中起入初禪中  
初禪中起住散心中是菩薩摩訶薩  
住超越三昧得諸法等相是為菩薩  
住般若波羅蜜取禪那波羅蜜  
摩訶般若波羅蜜經卷第二十

戊戌歲高麗國大藏都監奉  
勅彫造

摩訶般若波羅蜜經卷第二十一

海

後秦龜茲國三藏鳩摩羅什譯

方便品第六十九

尔時須菩提白佛言世尊是菩薩摩訶薩如是方便力成就者發意以來幾時佛告須菩提是菩薩摩訶薩能成就方便力者發意以來無量億阿僧祇劫須菩提言世尊是菩薩摩訶薩如是成就方便力者為供養幾佛佛言是菩薩成就方便力者供養如恒河沙等諸佛須菩提白佛言世尊菩薩得如是方便力者種何等善根佛言菩薩成就如是方便力者從初發意以來於檀那波羅蜜无不具足於尸羅波羅蜜羼提波羅蜜毗梨耶波羅蜜禪那波羅蜜般若波羅蜜無不具足須菩提白佛言世尊菩薩摩訶薩成就如是方便力者甚希有佛言如是如是須菩提菩薩摩訶薩成就如是方便力者甚希有須菩提譬如日月周行照四天下多有所益般若波羅蜜亦如是照五波羅蜜多有

所益須菩提譬如轉輪聖王若無輪  
寶不得名為轉輪聖王輪寶成就故  
得名轉輪聖王五波羅蜜亦如是若  
離般若波羅蜜不得波羅蜜名字不  
離般若波羅蜜故得波羅蜜名字須  
菩提譬如無夫婦人易可侵陵五波  
羅蜜亦如是遠離般若波羅蜜魔若  
魔天壞之則易譬如夫婦人難可  
侵陵五波羅蜜亦如是得般若波羅  
蜜魔若魔天不能沮壞須菩提譬如  
軍將鎧仗具足隣國強敵所不能壞  
五波羅蜜亦如是不遠離般若波羅  
蜜魔若魔天若增上慢人乃至菩薩  
旃陀羅所不能壞須菩提譬如諸小  
國王隨時朝侍轉輪聖王五波羅蜜  
亦復如是隨順般若波羅蜜譬如衆  
川万流皆入於恒河隨入大海五波羅蜜  
亦如是般若波羅蜜所守護故隨到  
薩婆若譬如人之右手所作事便般  
若波羅蜜亦如是如人左手造事不  
便五波羅蜜亦如是譬如衆流若大  
若小俱入大海合為一味五波羅蜜  
亦如是為般若波羅蜜所護隨般若

波羅蜜入薩婆若得波羅蜜名字譬  
如轉輪聖王四種兵輪寶在前導王  
意欲住輪則為住令四種兵滿其所  
願輪亦不離其處般若波羅蜜亦如  
是導五波羅蜜到薩婆若常是中住  
不過其處譬如轉輪聖王常四種兵  
輪寶在前導般若波羅蜜亦如是導  
五波羅蜜到薩婆若住般若波羅蜜  
亦不分別檀那波羅蜜隨從我尸羅  
波羅蜜羼提波羅蜜毗梨耶波羅蜜  
禪那波羅蜜不隨我檀那波羅蜜亦  
不分別我隨從般若波羅蜜尸羅波  
羅蜜羼提波羅蜜毗梨耶波羅蜜禪  
那波羅蜜不隨從尸羅波羅蜜羼提  
波羅蜜毗梨耶波羅蜜禪那波羅蜜  
亦如是何以故諸波羅蜜性無所能  
作自性空虛誰如野馬今時須菩提  
白佛言世尊若一切法自性空云何  
菩薩摩訶薩行六波羅蜜當得阿耨  
多羅三藐三菩提須菩提菩薩摩訶  
薩行六波羅蜜時作是念是世間心  
皆顛倒我若不行方便力不能度脫  
衆生生死我當為衆生故行檀那波

羅蜜尸羅波羅蜜羼提波羅蜜毗梨耶波羅蜜禪那波羅蜜般若波羅蜜是菩薩為衆生故捨內外物捨時作是念我無所捨何以故是物必當壞敗菩薩作如是思惟能具足檀那波羅蜜為衆生故終不破戒何以故菩薩作是念我為衆生發阿耨多羅三藐三菩提若煞生是所不應乃至我為衆生發阿耨多羅三藐三菩提若作邪見若貪著聲聞辟支佛地是所不應菩薩摩訶薩如是思惟能具足尸羅波羅蜜菩薩為衆生故不瞋心乃至不生一念菩薩如是思惟我應利益衆生云何而起瞋心菩薩如是能具足羼提波羅蜜菩薩為衆生故乃至阿耨多羅三藐三菩提常不生懈怠心菩薩如是行能具足毗梨耶波羅蜜菩薩為衆生故乃至得阿耨多羅三藐三菩提不生散亂心菩薩如是行能具足禪那波羅蜜菩薩為衆生故乃至阿耨多羅三藐三菩提終不離智慧何以故除智慧不可以餘法度脫衆生故菩薩如是行能具



足般若波羅蜜須菩提白佛言世尊  
若諸波羅蜜无差別相云何般若波  
羅蜜於五波羅蜜中第一最上微妙  
佛告須菩提如是如是諸波羅蜜雖  
無差別若无般若波羅蜜五波羅蜜  
不得波羅蜜名字因般若波羅蜜五  
波羅蜜得波羅蜜名字須菩提譬如  
種種色身到須弥山王邊皆同一色五  
波羅蜜亦如是因般若波羅蜜到薩  
婆若中一種無異不分別是檀那波  
羅蜜是尸羅波羅蜜是羼提波羅蜜  
是毗梨耶波羅蜜是禪那波羅蜜是  
般若波羅蜜何以故是諸波羅蜜無  
自性故以是因緣故諸波羅蜜无差  
別須菩提白佛言世尊若隨實義  
無分別云何般若波羅蜜於五波羅  
蜜中最上微妙佛言如是如是須菩  
提雖實義中无有分別但以世俗法  
故假說檀那波羅蜜尸羅波羅蜜羼提  
波羅蜜毗梨耶波羅蜜禪那波羅蜜  
般若波羅蜜為欲度衆生生死是衆  
生實不生不死不起不退須菩提衆  
生无所有故當知一切法无所有以

是因緣故般若波羅蜜於五波羅蜜  
中取上取妙須菩提譬如閻浮提衆  
女人中玉女寶第一取上取妙般若  
波羅蜜亦如是於五波羅蜜中第一  
取上取妙須菩提白佛言世尊佛以  
何意故說般若波羅蜜取上取妙佛  
告須菩提是般若波羅蜜取一切善  
法到薩婆若中住不住故須菩提白  
佛言世尊般若波羅蜜有法可取可  
捨不佛言不也須菩提般若波羅蜜  
无法可取無法可捨何以故一切法  
不取不捨故世尊般若波羅蜜於何  
等法不取不捨佛言般若波羅蜜於  
色不取不捨於受想行識乃至阿耨  
多羅三藐三菩提不取不捨世尊云  
何不取色乃至不取阿耨多羅三藐  
三菩提佛言若菩薩不念色乃至不  
念阿耨多羅三藐三菩提是名不取  
色乃至不取阿耨多羅三藐三菩提  
須菩提言世尊若不念色乃至不念  
阿耨多羅三藐三菩提云何得增益  
善根善根不增云何具足諸波羅蜜  
若不具足諸波羅蜜云何得阿耨多

羅三藐三菩提佛告須菩提若菩薩  
不念色乃至不念阿耨多羅三藐三  
菩提是時善根增益善根增益故具  
足諸波羅蜜諸波羅蜜具足故得阿  
耨多羅三藐三菩提何以故不念色  
乃至不念阿耨多羅三藐三菩提時  
便得阿耨多羅三藐三菩提世尊何  
因緣故色不念時乃至阿耨多羅三  
藐三菩提不念時便得阿耨多羅三  
藐三菩提佛言以念故著欲界色界  
无色界不念故無所著如是須菩提  
菩薩摩訶薩行般若波羅蜜不應有  
所著世尊菩薩摩訶薩如是行般若  
波羅蜜當住何處佛言菩薩摩訶薩  
如是行不住色乃至不住一切種智  
世尊何因緣故色中不住乃至一切  
種智中不住佛言不著故不住何以  
故是菩薩不見有法可著可住如是  
須菩提菩薩摩訶薩以不著不住法  
行般若波羅蜜須菩提若菩薩摩訶  
薩作是念若能如是行如是修是行  
般若波羅蜜我今行般若波羅蜜修  
般若波羅蜜若如是取相則遠離般

若波羅蜜若遠離般若波羅蜜則速  
離檀那波羅蜜乃至遠離一切種智  
何以故般若波羅蜜无有著處亦無  
著者自性無故菩薩摩訶薩若復如  
是取相則於般若波羅蜜退若退般  
若波羅蜜則是退阿耨多羅三藐三  
菩提不得受記菩薩摩訶薩復作是  
念住是般若波羅蜜能生檀那波羅  
蜜乃至能生大悲若作是念則為失  
般若波羅蜜失般若波羅蜜者則不  
能生檀那波羅蜜乃至不能生大悲  
菩薩若復作是念諸佛知諸法無受  
相故得阿耨多羅三藐三菩提菩薩  
若作如是演說開示教詔則失般若  
波羅蜜何以故諸佛於諸法无所知  
無所得亦无法可說何況當有所得  
无有是處須菩提白佛言世尊菩薩  
行般若波羅蜜云何无是過失佛言  
若菩薩摩訶薩行般若波羅蜜作是  
念諸法無所有不可取若法无所  
有不可取則无所得若如是行為行般  
若波羅蜜若菩薩摩訶薩著無所有  
法則遠離般若波羅蜜何以故般若

波羅蜜中无有著法故須菩提白佛  
言世尊般若波羅蜜遠離般若波羅  
蜜耶檀那波羅蜜遠離檀那波羅蜜  
耶乃至一切種智遠離一切種智耶  
世尊若般若波羅蜜遠離般若波羅  
蜜乃至一切種智遠離一切種智菩  
薩云何得般若波羅蜜乃至得一切  
種智佛言菩薩摩訶薩行般若波羅  
蜜時不生色是色誰色乃至一切種  
智不生是一切種智誰一切種智如  
是菩薩能生般若波羅蜜乃至能生  
一切種智復次須菩提菩薩摩訶薩  
行般若波羅蜜時不觀色若常若无  
常若苦若樂若我若非我若空若不  
空若離若非離何以故自性不能生  
自性乃至一切種智亦如是若菩薩  
摩訶薩行般若波羅蜜如是觀色乃  
至觀一切種智能生般若波羅蜜乃  
至能生一切種智譬如轉輪聖王有  
所至處四種兵皆隨從般若波羅蜜  
亦如是有所至處五波羅蜜皆悉隨  
從到薩婆若中住譬如善御駕馭不  
失平道隨意所至般若波羅蜜亦如



是御五波羅蜜不失正道至薩婆若  
須菩提言世尊何等是菩薩摩訶薩  
道何等是非道佛言聲聞道非菩薩  
道辟支佛道非菩薩道一切智道是  
菩薩摩訶薩道須菩提是名菩薩摩  
訶薩道非道須菩提言世尊諸菩薩  
摩訶薩般若波羅蜜為大事故興所  
謂亦是道是非道佛言如是如是須  
菩提般若波羅蜜為大事故興所謂  
亦是道是非道須菩提是般若波羅  
蜜為度无量衆生故興為利益阿僧  
祇衆生故興般若波羅蜜雖作是利  
益亦不受色亦不受受想行識亦不  
受聲聞辟支佛地須菩提般若波羅  
蜜是諸菩薩摩訶薩導示阿耨多羅  
三藐三菩提能令遠離聲聞辟支佛  
地住薩婆若般若波羅蜜无所生無  
所滅諸法常住故須菩提言世尊者  
般若波羅蜜无所生无所滅菩  
薩摩訶薩行般若波羅蜜時應云何  
布施云何應持戒云何應忍辱云何  
應勤精進云何應入禪定云何應修  
智慧佛告須菩提菩薩摩訶薩念



薩婆若應布施念薩婆若應持戒忍辱精進禪定智慧是菩薩摩訶薩持是功德與衆生共之應迴向阿耨多羅三藐三菩提若如是迴向則具足修六波羅蜜及慈悲心諸功德須菩提若菩薩摩訶薩不遠離六波羅蜜則不遠離薩婆若以是故須菩提菩薩摩訶薩欲得阿耨多羅三藐三菩提應學應行六波羅蜜菩薩摩訶薩行六波羅蜜具足一切善根當得阿耨多羅三藐三菩提以是故須菩提菩薩摩訶薩應習行六波羅蜜須菩提言世尊云何菩薩摩訶薩應習行六波羅蜜佛言菩薩摩訶薩應如是觀色不合不散受想行識不合不散乃至一切種智不合不散是名菩薩摩訶薩習行六波羅蜜復次須菩提菩薩摩訶薩應作是念我當不住色中不住受想行識中乃至不住一切種智中如是應習行六波羅蜜何以故是色無所住乃至薩婆若无所住如是須菩提菩薩摩訶薩以無住法習行六波羅蜜應當得阿耨多羅三藐三

菩提須菩提譬如士夫欲食菴羅果  
若波鄰婆果當種其子隨時溉灌守  
護漸漸生長時節和合便有果實得  
而食之須菩提菩薩摩訶薩亦如是  
欲得阿耨多羅三藐二菩提當學六  
波羅蜜以布施攝取衆生持戒忍辱  
精進禪定智慧攝取衆生度衆生生  
死如是行當得阿耨多羅三藐三菩  
提以是故須菩提菩薩摩訶薩欲不  
隨他人語當學般若波羅蜜欲淨佛  
國土成就衆生欲坐道場欲轉法輪  
當學般若波羅蜜須菩提白佛言世  
尊應如是學般若波羅蜜耶佛言菩  
薩應如是學般若波羅蜜欲於諸法  
得自在當學般若波羅蜜何以故學  
是般若波羅蜜於一切諸法中得自  
在故復次須菩提般若波羅蜜於一切  
諸法中最大譬如大海於萬川中最大  
般若波羅蜜亦如是於一切諸法  
中最大以是故諸欲求聲聞辟支佛  
及菩薩道應當學般若波羅蜜檀那  
波羅蜜乃至一切種智須菩提譬如  
射師執如意弓箭前不畏怨敵菩薩摩

訶薩亦如是行般若波羅蜜乃至一切  
種智魔若魔天所不能壞以是故須  
菩提菩薩摩訶薩欲得阿耨多羅三  
藐三菩提應學般若波羅蜜是行般  
若波羅蜜菩薩為十方諸佛所念須  
菩提白佛言世尊云何十方諸佛念  
是菩薩摩訶薩佛告須菩提菩薩摩  
訶薩行檀那波羅蜜時十方諸佛皆  
念行尸羅波羅蜜羼提波羅蜜毗梨  
耶波羅蜜禪那波羅蜜般若波羅蜜  
時十方諸佛皆念云何念布施不可  
得持戒忍辱精進禪定智慧不可得  
乃至一切種智不可得菩薩能如是  
不得諸法故諸佛念是菩薩摩訶薩  
復次須菩提諸佛不以色故念不以  
受想行識故念乃至不以一切種智故  
念須菩提言世尊菩薩摩訶薩多有  
所學實无所學佛言如是如是須菩  
提菩薩多有、所學實無所學何以故  
是菩薩所學諸法皆不可得須菩提  
白佛言世尊佛所說法若略若廣於  
此法中諸菩薩摩訶薩欲求阿耨多  
羅三藐三菩提六波羅蜜若略若廣

應當受持親近讀誦讀誦已思惟正  
觀心心數法不行故佛告須菩提如  
是如是菩薩摩訶薩略廣學六波羅  
蜜當知一切法略廣相須菩提言世  
尊云何菩薩摩訶薩知一切法略廣  
相佛言知色如相知受想行識乃至  
知一切種智如相如是能知一切法  
略廣相須菩提言世尊云何色如相  
云何受想行識乃至一切種智如相  
佛告須菩提是色如無生无滅無住  
異是名色如相乃至一切種智如相  
无生無滅无住異是名一切種智如  
相是中菩薩摩訶薩應學復次須  
菩提菩薩摩訶薩知諸法實際時知  
一切法略廣相世尊何等是諸法實  
際佛言無際是名實際菩薩學是際  
知一切諸法略廣相須菩提若菩薩  
摩訶薩知諸法法性是菩薩能知一  
切法略廣相世尊何等是諸法法性  
佛言色性是名法性是性无分無非  
分須菩提菩薩摩訶薩知法性故知  
一切法略廣相須菩提白佛言世尊  
復云何應知一切法略廣相佛言若

菩薩摩訶薩知一切法不合不散須  
菩提言世尊何等法不合不散佛  
言色不合不散受想行識不合不散  
乃至一切種智不合不散有為性无  
為性不合不散何以故是諸法自性  
無云何有合散若法自性无是為非  
法法與非法不合不散如是應當知  
一切法略廣相須菩提言世尊是名  
菩薩摩訶薩略攝般若波羅蜜世尊  
是略攝般若波羅蜜中初發意菩薩  
摩訶薩應學乃至十地菩薩摩訶薩  
亦應學是菩薩摩訶薩學是略攝般  
若波羅蜜則知一切法略廣相世尊  
是門利根菩薩摩訶薩所入佛言鈍  
根菩薩亦可入是門中根菩薩散心  
菩薩亦可入是門无尋若菩薩  
摩訶薩一心學者皆入是門懈怠少  
精進妄憶念亂心者所不能入精進  
不懈怠正憶念攝心者能入欲住阿  
惟越致地欲逮一切種智者能入是  
菩薩摩訶薩如般若波羅蜜所說當  
學如禪波羅蜜所說當學乃至如檀  
波羅蜜所說當學是菩薩摩訶薩當



得一切智是菩薩摩訶薩行般若波  
羅蜜所有魔事欲起即滅以是故菩  
薩摩訶薩欲得方便力當行般若波  
羅蜜若菩薩摩訶薩如是行如是習  
如是修般若波羅蜜是時无量阿僧  
祇國土中現在諸佛念是行般若波  
羅蜜菩薩何以故是般若波羅蜜中  
生過去未來現在諸佛故以是故菩  
薩摩訶薩應如是思惟過去未來現  
在諸佛所得法我亦當得如是須菩  
提菩薩摩訶薩應習般若波羅蜜若  
如是習般若波羅蜜疾得阿耨多羅  
三藐三菩提以是故菩薩摩訶薩常  
應不遠離薩婆若念若菩薩摩訶薩  
如是行般若波羅蜜乃至彈指頃是  
菩薩福德甚多若有人教三千大千  
國土中衆生自恣布施教令持戒禪  
定智慧教令得解脫得解脫知見教  
令得須陀洹果乃至阿羅漢果辟支  
佛道不如是菩薩修般若波羅蜜乃  
至彈指頃何以故是般若波羅蜜中  
生布施持戒禪定智慧須陀洹果乃  
至辟支佛道十方現在諸佛亦從般



若波羅蜜中生過去未來諸佛亦從  
般若波羅蜜中生故復次須菩提菩  
薩摩訶薩應薩婆若念行般若波羅  
蜜若須臾時若半日若一日若一月若  
百日若一歲若百歲若一劫若百劫  
乃至無量無邊阿僧祇劫是菩薩修  
是般若波羅蜜福德甚多勝於教十  
方恒河沙等世界中衆生布施持戒  
禪定智慧解脫解脫知見教令得須  
陀洹果乃至辟支佛道何以故諸佛  
從般若波羅蜜中生說是布施持戒  
禪定智慧解脫解脫知見須陀洹果  
乃至辟支佛道若有菩薩摩訶薩如  
般若波羅蜜所說住當知是菩薩摩  
訶薩是阿惟越致為諸佛所念如是  
方便力成就當知是菩薩親近供養  
無量千萬億諸佛種善根與善知識  
相隨久行六波羅蜜久修十八空四  
念處乃至八聖道分佛十力乃至二  
切種智當知是菩薩住法王子地滿  
足諸願常不離諸佛不離諸善根從  
一佛國至一佛國當知是菩薩辯才  
無盡具足得陀羅尼身色具足受記

具足故為衆生受身當知是菩薩善  
知字門善知非字門善於言善於不  
言善於一言善於二言善於多言善  
知女語善知男語善知色乃至識善  
知世間性善知涅槃性善知法相善  
知有為相善知無為相善知有法善  
知无法善知自性善知他性善知合  
法善知散法善知相應法善知不相  
應法善知相應不相應法善知如善  
知不如善知法性善知法位善知緣  
善知无緣善知陰善知界善知入善  
知四諦善知十二因緣善知四禪善  
知四无量心善知無色定善知六波  
羅蜜善知四念處乃至善知一切種  
智善知有為性善知无為性善知有  
性善知無性善知色觀善知受想行  
識觀乃至善知一切種智觀善知色  
色相空善知受想行識識相空乃至  
善知菩提菩提相空善知捨道善知  
不捨道善知生善知滅善知住異善  
知欲善知瞋善知癡善知不欲善知  
不瞋善知不癡善知見善知不見善  
知邪見善知正見善知一切見善知

名善知色善知名色善知因緣善知次第緣善知緣緣善知增上緣善知行相善知苦善知集善知滅善知道善知地獄善知餓鬼善知畜生善知人善知天善知地獄趣善知餓鬼趣善知畜生趣善知人趣善知天趣善知須陀洹善知須陀洹果善知須陀洹道善知斯陀含善知斯陀含果善知斯陀含道善知阿那含善知阿那含果善知阿那含道善知阿羅漢果善知阿羅漢道善知辟支佛善知辟支佛果善知辟支佛道善知佛善知一切智善知一切智道善知諸根善知諸根具足善知慧善知疾慧善知有力慧善知利慧善知出慧善知達慧善知廣慧善知深慧善知大慧善知无等慧善知實慧善知過去世善知未來世善知現在世善知方便善知待衆生善知心善知深心善知義善知語善知分別三乘須菩提菩薩摩訶薩行般若波羅蜜生般若波羅蜜修般若波羅蜜得如是等利益

摩訶般若波羅蜜經三慧品第七

須菩提白佛言世尊菩薩摩訶薩云何行般若波羅蜜云何生般若波羅蜜云何修般若波羅蜜佛言色寂滅故色空故色虛誑故色不堅實故應行般若波羅蜜受想行識亦如是如汝所問云何生般若波羅蜜如虛空生故應生般若波羅蜜如汝問云何修般若波羅蜜修諸法破壞故應修般若波羅蜜須菩提言世尊行般若波羅蜜生般若波羅蜜修般若波羅蜜應幾時佛言從初發意乃至坐道場應行應生應修般若波羅蜜須菩提白佛言世尊次第心應行般若波羅蜜佛言常不捨薩婆若心不令餘念得入為行般若波羅蜜為生般若波羅蜜為修般若波羅蜜若心心數法不行故為行般若波羅蜜為生般若波羅蜜為修般若波羅蜜須菩提若波羅蜜當得薩婆若不佛言不世尊不修般若波羅蜜得薩婆若不佛言不世尊修不修得薩婆若不佛言不世

尊非修非不修得薩婆若不佛言不  
世尊若不尔云何當得薩婆若佛言  
菩薩摩訶薩得薩婆若如如相世尊  
云何如如相如實際云何如實際如  
法性云何如法性如我性衆生性壽  
命性世尊云何我性衆生性壽命性  
佛告須菩提於汝意云何我衆生壽  
命法可得不須菩提言不可得佛言  
若我衆生壽命不可得云何當說有  
我性衆生性壽命性若般若波羅蜜  
中不說有一切法當得一切種智須  
菩提言世尊但般若波羅蜜是不可  
說檀那波羅蜜乃至檀那波羅蜜亦  
不可說佛告須菩提般若波羅蜜不  
可說檀那波羅蜜乃至一切法若有  
為若無為若聲聞法若辟支佛法若  
菩薩法若佛法亦不可說世尊若一  
切法不可說云何說是地獄是畜生  
是餓鬼是人是天是須陀洹是斯陀  
含阿那含阿羅漢辟支佛是諸佛佛  
告須菩提於汝意云何是衆生名字  
實可得可不須菩提言世尊不可得佛  
言若衆生不可得云何當說有地獄



餓鬼畜生人天須陀洹乃至佛如是  
須菩提菩薩摩訶薩行般若波羅蜜時  
時應當學一切法不可說須菩提言  
世尊菩薩摩訶薩行般若波羅蜜時  
應學色應學受想行識乃至應學一  
切種智佛告須菩提菩薩摩訶薩學  
般若波羅蜜時應學色不增不減乃  
至應學一切種智不增不減須菩提  
言世尊云何色不增不減學乃至一  
切種智不增不減學佛言不生不滅  
故學世尊云何名不生不滅學佛言  
不起不作諸行業若有若无故世尊  
云何名不起不作諸行業若有若无  
佛言觀諸法自相空故世尊云何應  
觀諸法自相空佛言應觀色色相空  
應觀受想行識識相空應觀眼眼相  
空乃至意色乃至法眼識界乃至意  
識界意識界相空應觀內空內空相  
空乃至應觀自相空自相空相空應  
觀四禪四禪相空乃至滅受想定滅  
受想定相空應觀四念處四念處相  
空乃至阿耨多羅三藐三菩提阿耨  
多羅三藐三菩提相空如是須菩提



菩薩行般若波羅蜜時應行諸法自相空世尊者色色相空乃至阿耨多羅三藐三菩提阿耨多羅三藐三菩提相空云何菩薩摩訶薩應行般若波羅蜜佛言不行是名行般若波羅蜜世尊云何不行是行般若波羅蜜佛言般若波羅蜜不可得故菩薩不可得行亦不可得行者行法行處亦不可得故是名菩薩摩訶薩行不行般若波羅蜜一切諸戲論不可得故世尊若不行是菩薩摩訶薩行般若波羅蜜初發意菩薩云何行般若波羅蜜須菩提菩薩從初發意以來應學空无所得法是菩薩用無所得法故布施持戒忍辱精進禪定用无所得法故修智慧乃至一切種智亦如是須菩提白佛言世尊云何名有所得云何名无所得佛告須菩提諸有二者是有所得無有二者是无所得世尊何等是二有所得何等是不二无所得佛言眼色為二乃至意法為二乃至阿耨多羅三藐三菩提佛為二是名為二世尊從有所得中無所

得從無所得中无所得佛言不從有  
所得中无所得不從無所得中无所  
得須菩提有所得无所得平等是名  
無所得如是須菩提菩薩摩訶薩於  
有所得无所得平等法中應學須菩  
提菩薩摩訶薩如是學般若波羅蜜  
是名無所得者无有過失須菩提白  
佛言世尊若菩薩行般若波羅蜜不  
行有所得不行無所得云何從一地  
至一地得一切種智佛告須菩提菩  
薩摩訶薩行般若波羅蜜時不住有  
所得中從一地至一地何以故有所  
得中住不能從一地至一地何以故  
須菩提无所得是般若波羅蜜相無  
所得是阿耨多羅三藐三菩提相无  
所得亦是行般若波羅蜜者相須菩  
提菩薩摩訶薩應如是行般若波羅  
蜜須菩提白佛言世尊若般若波羅  
蜜不可得阿耨多羅三藐三菩提亦  
不可得行般若波羅蜜者亦不可得  
云何菩薩摩訶薩分別諸法相是色  
是受想行識乃至是阿耨多羅三藐  
三菩提佛告須菩提菩薩摩訶薩行

般若波羅蜜時不得色不得受想行  
識乃至不得阿耨多羅三藐三菩提  
世尊若菩薩摩訶薩行般若波羅蜜  
色不可得乃至阿耨多羅三藐三菩  
提不可得云何具足檀那波羅蜜乃  
至具足般若波羅蜜入菩薩法位中  
入已淨佛國土成就衆生得一切種  
智得一切種智已轉法輪作佛事度  
衆生生死佛告須菩提菩薩摩訶薩  
不為色故行般若波羅蜜乃至不為  
阿耨多羅三藐三菩提故行般若波  
羅蜜須菩提白佛言世尊菩薩為何  
事故行般若波羅蜜佛言无所為故  
行般若波羅蜜何以故一切諸法無  
所為无所作般若波羅蜜亦无所為  
無所作阿耨多羅三藐三菩提亦无  
所為无所作菩薩亦無所作无所作  
如是須菩提菩薩摩訶薩應行般若  
波羅蜜無所作无所作須菩提白佛  
言世尊若諸法無所作无所作不應  
分別有三乘聲聞辟支佛佛乘佛告  
須菩提諸法无所為无所作中無有  
分別有所為有所作中有分別何以

故凡夫愚人。不聞聖法。著五受陰。所謂色受。想行識。著檀那波羅蜜。乃至著阿耨多羅三藐三菩提。是人念有是色。得是色。乃至念有是阿耨多羅三藐三菩提。得是阿耨多羅三藐三菩提。是菩薩作是念。我當得阿耨多羅三藐三菩提。我當度衆生。生死須菩提。我以五眼觀。尚不得色。乃至阿耨多羅三藐三菩提。何況是狂愚人。无目而欲得阿耨多羅三藐三菩提。度脫衆生。生死須菩提。白佛言。世尊。若佛以五眼觀。不見衆生。生死中可度者。今世尊云何得阿耨多羅三藐三菩提。分別衆生有三聚。正定邪定。不定。須菩提。我得阿耨多羅三藐三菩提。初不得衆生。三聚若正定。若邪定。若不定。須菩提。以衆生無法。有法。想我以除其妄。著世俗法。故說有得。非第一義。世尊。非住第一義。得阿耨多羅三藐三菩提。耶。佛言。不也。世尊。住顛倒得阿耨多羅三藐三菩提。耶。佛言。不也。世尊。若不住第一義中。得亦不住顛倒中。得將无世尊不得阿耨

多羅三藐三菩提耶佛言不也我實

得阿耨多羅三藐三菩提无所住若

有為相若無為相須菩提譬如佛所

化人不住有為相不住无為相化人亦

有來有去亦坐亦立須菩提是化人

若行檀那波羅蜜行尸羅波羅蜜羼

提波羅蜜毗梨耶波羅蜜禪那波羅

蜜般若波羅蜜行四禪四無量心四

无色定五神通行四念處乃至行八

聖道分入空三昧無相三昧无作三

昧行內空乃至无法有法空行八背

捨九次第定佛十力四無所畏四无

尋智大慈大悲得阿耨多羅三藐三

菩提轉法輪是化人化作无量衆生

有三聚須菩提於汝意云何是化人

有行檀那波羅蜜乃至有三聚衆生

不須菩提言不也須菩提佛亦如是

知諸法如化如化人度化衆生無有

實衆生可度如是須菩提菩薩摩

訶薩行般若波羅蜜如佛所化人行

須菩提自佛言世尊若一切法如化

佛與化人有何等差別佛告須菩提

佛與化人無有差別何以故佛能有



所作化人亦能有所作世尊若无佛  
化獨能有所作不佛言能有所作須  
菩提言世尊云何無佛化能有所作  
欲度菩薩故化作佛而自滅度是化  
佛住半劫作佛事授應菩薩行者記  
已滅度一切世間衆生謂佛實滅度  
須菩提化人實无生無滅如是須菩  
提菩薩行般若波羅蜜當信知諸法  
如化世尊若佛佛所化人無差別者  
云何令布施清淨如人供養佛是衆  
生乃至无餘涅槃福德不盡若供養  
化佛是人乃至無餘涅槃福德亦應  
不盡耶佛語須菩提佛以諸法實相  
故與一切衆生天及人作福田化佛  
亦以諸法實相故與一切衆生天及  
人作福田佛告須菩提置是化佛及  
於化佛所種福德若有善男子善女  
人但以敬心念佛是善根因緣乃至  
畢苦其福不盡須菩提置是敬心念  
佛若有善男子善女人但以一華散  
虛空中念佛乃至畢苦其福不盡須  
菩提置是敬心念佛散華念佛若有



人一稱南无佛乃至畢苦其福不盡  
如是須菩提佛福田中種其福無量  
以是故須菩提當知佛與化佛无有  
差別諸法相無異故須菩提菩薩摩  
訶薩應如是行般若波羅蜜入諸法  
實相中是諸法實相不應壞所謂般  
若波羅蜜相乃至阿耨多羅三藐三  
菩提相須菩提白佛言世尊若諸法  
實相不應壞佛何以壞諸法相言是  
色是受想行識是內法是外法是善  
法是不善法是有漏是無漏是世間  
是出世間是有諍法是无諍法是有  
為法是无為法等世尊將无壞諸法  
相佛告須菩提不也以名字相故示  
諸法欲令衆生解佛不壞諸法相須  
菩提白佛言世尊若以名字相故說  
諸法令衆生解世尊若一切法無名  
无相云何以名相亦衆生欲令解佛  
告須菩提隨世俗法有名相實无著  
處須菩提如凡人聞說苦著名隨相  
須菩提諸佛及弟子不著名不隨相  
須菩提若名著名相著相空亦應著  
空无相亦應著無相无作亦應著無

作實際亦應著實際法性亦應著  
法性無為性亦應著无為性須菩提  
是一切法但有名相是法不住名相  
中如是須菩提菩薩摩訶薩但名相  
中住應行般若波羅蜜是名相中亦  
不應著世尊若一切有為法但名相  
者菩薩摩訶薩為誰故發阿耨多羅  
三藐三菩提心受種種勤苦菩薩行  
道時布施持戒行忍辱勤精進入禪  
定修智慧行四禪四无量心四無色  
定四念處乃至八聖道分行空行无  
相行無作行佛十力乃至具足大慈  
悲佛言如須菩提所說若一切有為  
法但有名相者菩薩摩訶薩為誰故  
行菩薩道須菩提若有為法但有名  
相等是名相名相亦空以是故菩薩  
摩訶薩行菩薩道得一切種智得一  
切種智已轉法輪轉法輪已以三乘  
法度脫衆生是名相亦無生无滅無  
住異余時須菩提白佛言世尊世尊  
說一切種智佛告須菩提我說一切  
種智須菩提言佛說一切智說道種  
智說一切種智是三種智有何差別

佛告須菩提薩婆若是一切聲聞辟支佛智道種智是菩薩摩訶薩智一切種智是諸佛智須菩提白佛言世尊何因緣故薩婆若是聲聞辟支佛智佛告須菩提一切名所謂內外法是聲聞辟支佛能知不能用一切道一切種智須菩提言世尊何因緣故道種智是諸菩薩摩訶薩智佛告須菩提一切道菩薩摩訶薩應知若聲聞道辟支佛道菩薩道應具足知亦應用是道度衆生亦不作實際證須菩提白佛言世尊如佛說菩薩摩訶薩應具足佛道不應以是道實際作證耶佛告須菩提是菩薩未淨佛土未成就衆生是時不應實際作證須菩提白佛言世尊菩薩住道中應實際作證佛言不也世尊住非道中實際作證佛言不也世尊住非道實際作證佛言不也世尊住非道亦非非道實際作證佛言不也世尊菩薩摩訶薩住何處應實際作證佛告須菩提於汝意云何汝住道中不受諸法故漏盡得解脫不須菩提言不也

世尊汝住非道漏盡得解脫不不也  
世尊汝住道非道漏盡得解脫不不  
也世尊汝住非道亦非非道漏盡得  
解脫不不也世尊我无所住不受諸  
法漏盡心得解脫佛告須菩提菩薩  
摩訶薩亦如是無所住應實際作證  
須菩提言世尊云何為一切種智相佛  
言一相故名一切種智所謂一切法寂  
滅相復次諸法行類相貌名字顯示  
說佛如實知以是故名一切種智須  
菩提白佛言世尊一切智道種智一  
切種智是三智結斷有差別有盡有  
餘不佛言煩惱斷无差別諸佛煩惱  
習一切悉斷聲聞辟支佛煩惱習不  
悉斷世尊是諸人不得無為法得斷  
煩惱耶佛言不也世尊无為法中可  
得差別不佛言不也世尊若無為法  
中不可得差別何以故說是人煩惱  
習斷是人煩惱習不斷佛告須菩提  
習非煩惱是聲聞辟支佛身口有似  
姪欲瞋恚愚癡相凡夫愚人為之得  
罪是三毒習諸佛无有須菩提白佛  
言世尊若道無法涅槃亦无法何以

故分別說是須陀洹是斯陀含是阿  
那含是阿羅漢是辟支佛是菩薩是  
佛佛告須菩提是皆以無為法而有  
分別是須陀洹是斯陀含是阿那含  
是阿羅漢是辟支佛是菩薩是佛世  
尊實以無為法故分別有須陀洹乃  
至佛佛告須菩提世間言說故有差  
別非第一義第一義中無有分別說  
何以故第一義中无言說道斷結故  
說後際須菩提言世尊諸法自相空  
中前際不可得何況說有後際佛告  
須菩提如是如是諸法自相空中無  
有前際何況有後際无有是處須  
菩提以衆生不知諸法自相空故為  
說是前際是後際諸法自相空中前  
際後際不可得如是須菩提菩薩摩  
訶薩應以自相空法行般若波羅蜜  
須菩提若菩薩行自相空法則无所  
著若內法若外法若有為法若無為  
法若聲聞法若辟支佛法若佛法須  
菩提白佛言常說般若波羅蜜般若  
波羅蜜以何義故名般若波羅蜜佛  
言得第一義度一切法到彼岸以是



義故名般若波羅蜜復次須菩提諸佛菩薩辟支佛阿羅漢用是般若波羅蜜得度彼岸以是義故名般若波羅蜜復次須菩提分別籌量破壞一切法乃至微塵是中不得堅實以是義故名般若波羅蜜復次須菩提諸法如法性實際皆入般若波羅蜜中以是義故名般若波羅蜜復次須菩提是般若波羅蜜无有法若合若散若有色若無色若可見若不可見若有對若无對若有漏若无漏若有為若无為何以故是般若波羅蜜无色无形無對一相所謂无相復次須菩提是般若波羅蜜能生一切法一切樂說辯一切照明須菩提是般若波羅蜜魔若魔天求聲聞辟支佛人及餘異道梵志怨讎惡人不能壞菩薩行般若波羅蜜何以故是人輩般若波羅蜜中皆不可得故須菩提是菩薩摩訶薩應如是行般若波羅蜜義復次須菩提菩薩摩訶薩欲行深般若波羅蜜義應行无常義苦義空義無我義亦應行苦智義集智義滅



智義道智義法智義比智義世智義  
他心智義盡智義无生智義如實智  
義如是須菩提菩薩摩訶薩為般若  
波羅蜜義故應行般若波羅蜜須菩  
提白佛言世尊是深般若波羅蜜中  
義與非義皆不可得云何菩薩為深  
般若波羅蜜義故應行般若波羅蜜  
佛告須菩提菩薩摩訶薩為深般若  
波羅蜜義故應如是念貪欲非義如  
是義不應行瞋恚愚癡非義如是義  
不應行一切邪見无義如是義不應  
行何以故三毒如相無有義无有非  
義一切邪見如相无有義無有非義  
復次須菩提菩薩摩訶薩應作是念  
色非義非非義乃至識非義非非義  
檀那波羅蜜乃至阿耨多羅三藐三  
菩提非義非非義何以故須菩提佛  
得阿耨多羅三藐三菩提時無有法  
可得若義若非義須菩提有佛无佛  
諸法法相常住无有義無有非義如  
是須菩提菩薩摩訶薩行般若波羅  
蜜應離義及非義須菩提白佛言世  
尊何以故般若波羅蜜非義非非義

佛告須菩提一切有為法無作相以是故般若波羅蜜非義非非義世尊一切賢聖若佛若佛弟子皆以無為為義云何佛言般若波羅蜜無有義非義佛言雖一切賢聖若佛若佛弟子皆以無為為義亦不以增亦不以損須菩提譬如虛空如不能益衆生不能損衆生如是須菩提菩薩摩訶薩般若波羅蜜无有增無有損世尊菩薩摩訶薩不學无為般若波羅蜜得一切種智耶佛言如是如是須菩提菩薩摩訶薩學是無為般若波羅蜜當得一切種智不以二法故世尊不二法能得不二法耶佛言不也須菩提言二法能得不二法耶佛言不也須菩提言世尊菩薩摩訶薩若不以二法不以不二法云何當得一切種智須菩提无所得即是得以是得無所得

摩訶般若波羅蜜經卷第三

戊戌歲高麗國大藏都監奉  
勅彫造

摩訶般若波羅蜜經卷第二十二

海

後秦龜茲國三藏鳩摩羅什譯

道樹品第七十一

丹經  
樹品

須菩提白佛言世尊是般若波羅蜜甚深世尊諸菩薩摩訶薩不得衆生而為衆生求阿耨多羅三藐三菩提是為甚難世尊譬如人欲於虛空中種樹是為甚難世尊菩薩摩訶薩亦如是為衆生故求阿耨多羅三藐三菩提衆生亦不可得佛告須菩提如是如是諸菩薩摩訶薩所為甚難為衆生故求阿耨多羅三藐三菩提度著吾我顛倒衆生須菩提譬如人種樹不識樹根莖枝葉華果而愛護溉灌漸漸長大華葉果實成就皆得用之如是須菩提諸菩薩摩訶薩為衆生故求阿耨多羅三藐三菩提漸漸行六波羅蜜得一切種智成佛樹以葉華果實益衆生須菩提何等為葉益衆生因菩薩摩訶薩得離三惡道是為葉益衆生何等為華益衆生因菩薩得生剎利大姓婆羅門大姓居

士大家四天王天處乃至非有想非  
无想處是為華益衆生何等為果益  
衆生是菩薩得一切種智令衆生得  
須陀洹果斯陀含果阿那含果阿羅  
漢果辟支佛道佛道是衆生漸漸以  
三乘法於無餘涅槃而般涅槃是為  
果益衆生是菩薩摩訶薩不得衆生  
實法而度衆生令離我顛倒著作是  
念一切諸法中无衆生我所為衆生  
求一切種智是衆生實不可得須菩  
提白佛言世尊當知是菩薩為如佛  
所以者何是菩薩因緣故斷一切地  
獄種一切畜生種一切餓鬼種斷一切  
諸難斷一切貧窮下賤道斷一切欲  
界色界無色界佛言如是如是須菩  
提當知是菩薩摩訶薩如佛須菩提  
若菩薩摩訶薩不發心求阿耨多羅  
三藐三菩提世間則无過去未來現  
在諸佛世間亦無辟支佛阿羅漢阿  
那含斯陀含須陀洹三惡趣及三界  
亦无斷時須菩提汝所說是菩薩摩  
訶薩當知如佛如是如是須菩提當  
知是菩薩實如佛何以故以如故說

如來以如故說辟支佛阿羅漢一切  
賢聖以如故說為色乃至識以如故  
說一切法乃至有為性無為性是諸  
如如實無異以是故說名為如諸菩  
薩摩訶薩學是如得一切種智得名  
如來以是因緣故說菩薩摩訶薩當  
知如佛以如相故如是須菩提菩薩  
摩訶薩應學如般若波羅蜜菩薩學  
如般若波羅蜜則能學一切法如學  
一切法如則得具足一切法如具足一切法  
如已住一切法如得自在住一切法如得自  
在已善知一切衆生根善知一切衆生根  
已知一切衆生根具足知一切衆生根具  
足已亦知一切衆生業因緣知一切衆生  
業因緣已得願智具足得願智具足  
已淨三世慧淨三世慧已饒益一切  
衆生饒益一切衆生已淨佛國土淨  
佛國土已得一切種智得一切種智  
已轉法輪轉法輪已安立衆生於三  
乘令入無餘涅槃如是須菩提菩薩  
摩訶薩欲得一切功德自利利人應  
發阿耨多羅三藐三菩提心須菩提  
白佛言世尊是諸菩薩摩訶薩能如

說行深般若波羅蜜一切世間天及人阿修羅應當為作礼佛告須菩提如是如是菩薩摩訶薩能如說行般若波羅蜜一切世間天及人阿修羅應當為作礼世尊是初發意菩薩摩訶薩為衆生故求阿耨多羅三藐三菩提得幾所福德佛告須菩提若千世界中衆生皆發聲聞辟支佛意於汝意云何其福多不須菩提言甚多无量佛告須菩提其福不如初發意菩薩摩訶薩百倍千倍巨億万倍乃至等數譬喻所不能及何以故發聲聞辟支佛意者皆因菩薩出故菩薩終不因聲聞辟支佛出二千世界三千大千世界中亦如是置是三千大千世界中發意求聲聞辟支佛者若三千大千世界中衆生皆住乾慧地其福多不須菩提言甚多無量佛言不如初發意菩薩百倍千倍巨億万倍乃至等數譬喻所不能及置是住乾慧地衆生若三千大千世界中衆生皆住性地八人地見地薄地離欲地已辦地辟支佛地是一切福德



欲比初發意菩薩百倍千倍巨億萬  
倍乃至竿數譬喻所不能及須菩提  
若三千大千世界中初發意菩薩不  
如入法位菩薩百倍千倍巨億萬倍  
乃至竿數譬喻所不能及若三千大  
千世界中入法位菩薩不如向佛道  
菩薩百千万倍巨億萬倍乃至竿數  
譬喻所不能及若三千大千世界中  
向佛道菩薩不如佛功德百千万倍  
巨億萬倍乃至竿數譬喻所不能及  
須菩提白佛言世尊初發心菩薩摩  
訶薩當念何等法佛言應念一切種  
智須菩提言何等是一切種智一切  
種智何等緣何等增上何等行何等  
相佛告須菩提一切種智无所有無念  
无生無示如須菩提所問一切種智何  
等緣何等增上何等行何等相須菩  
提一切種智無法緣念為增上寂滅  
為行無相為相須菩提是名一切種智  
緣增上行相須菩提白佛言世尊但  
一切種智无法色受想行識亦無法  
内外法亦無法四禪四无量心四無  
色定四念處四正勤四如意足五根

五力七覺分八聖道分空三昧無相  
三昧无作三昧八背捨九次第定佛  
十力四無所畏四无尋智十八不共  
法大慈大悲大喜大捨初神通第二  
第三第四第五第六神通有為相无  
為相亦無法佛告須菩提色亦無法  
乃至有為為相无為相亦無法須菩提  
言世尊何因緣故一切種智无法色  
無法乃至有為无為相亦無法佛言  
一切種智自性無故若法自性无是  
名无法色乃至有為无為相亦如是  
世尊何因緣故諸法自性無佛言諸  
法和合因緣生法中无自性若無自  
性是名無法以是故須菩提菩薩摩  
訶薩當知一切法无性何以故一切法  
性空故以是故當知一切法无性須菩  
提白佛言世尊者一切法無性初發  
意菩薩以何等方便力能行檀那波  
羅蜜淨佛國土成就衆生能行尸羅  
波羅蜜羼提波羅蜜毗梨耶波羅蜜  
禪那波羅蜜般若波羅蜜行初禪乃  
至第四禪行慈心乃至捨心行空處  
乃至非有想非无想處內空乃至無

法有法空四念處乃至八聖道分空

三昧無相三昧无作三昧八背捨九

次第定佛十力四无所畏四無所智

十八不共法大慈大悲能行一切種

智淨佛國土成就衆生佛告須菩提

菩薩摩訶薩能學諸法无性亦能淨

佛國土成就衆生知國土衆生亦無

性即是方便力須菩提是菩薩摩訶

薩行檀那波羅蜜修學佛道行尸羅

波羅蜜修學佛道行羼提波羅蜜毗梨

耶波羅蜜禪那波羅蜜般若波羅蜜

修學佛道乃至行一切種智修學佛

道亦知佛道无性是菩薩摩訶薩行

六波羅蜜修學佛道乃至未成就佛

十力四無所畏四无所智十八不共

法大慈大悲一切種智是為修學佛

道能具足是佛道因緣已以一念相

應慧得一切種智尔時一切煩惱習

永盡以不生故是時以佛眼觀三千

大千世界無法尚不可得何況有法

如是須菩提菩薩摩訶薩應行无性

般若波羅蜜須菩提是名菩薩摩訶

薩方便力无法尚不可得何況有法

須菩提是菩薩摩訶薩若布施時布  
施无法尚不可知何況有法受者及  
菩薩心无法尚不可知何況有法乃  
至一切種智得者得法得處无法尚  
不可知何況有法何以故一切法本性  
亦非佛作非聲聞辟支佛作亦非餘  
人作一切法無作者故須菩提白佛  
言世尊諸法諸法性離耶佛言如是  
如是諸法諸法性離世尊若諸法諸  
法性離云何離法能知離法若有若  
无何以故无法不能知无法有法不  
能知有法无法不能知有法有法不  
能知無法世尊如是一切法无所有  
相云何菩薩摩訶薩作是分別是法  
若有若无佛言菩薩摩訶薩以世諦  
故示衆生若有若无非以第一義世  
尊世諦第一義諦有異耶須菩提世  
諦第一義諦无異也何以故世諦如  
即是第一義諦如以衆生不知不見  
是如故菩薩摩訶薩以世諦示若有  
若無復次須菩提衆生於五受陰中  
有著相故不知無所有為是衆生故  
示若有若无令知清淨無所有如是

須菩提菩薩摩訶薩應當作是行般  
若波羅蜜

摩訶般若波羅蜜經道行品第七上

須菩提白佛言世尊世尊說菩薩行  
何等是菩薩行佛言菩薩行者為阿  
耨多羅三藐三菩提行是名菩薩  
行世尊云何菩薩摩訶薩為阿耨多  
羅三藐三菩提行是名菩薩行佛言  
若菩薩摩訶薩行色空行受想行識  
空行眼空乃至意識界行檀那波羅蜜  
尸羅波羅蜜羼提波羅蜜毗梨耶波  
羅蜜禪那波羅蜜般若波羅蜜行內  
空行外空行內外空行空空行大空  
第一義空有為空無為空畢竟空無  
始空散空諸法空性空自相空無法  
空有法空無法有法空行初禪第二  
第三第四禪行慈悲喜捨行无量虛  
空處無量識處无所有處非有想非  
無想處行四念處四正勤四如意足  
五根五力七覺分八聖道分行空  
三昧行無相三昧行无作三昧行八  
背捨九次第定行佛十力行四無所



畏行四无尋智行十八不共法行大  
慈大悲行淨佛國土行成就衆生行  
諸辯才行文字入无文字行諸陀羅  
尼門行有為性行無為性如阿耨多  
羅三藐三菩提不作二如是須菩提  
菩薩摩訶薩行般若波羅蜜名為阿  
耨多羅三藐三菩提行是名菩薩行  
須菩提白佛言世尊說言佛何義故  
名佛佛告須菩提知諸法實義故名  
為佛復次得諸法實相故名為佛復  
次通達實義故名為佛復次如實知  
一切法故名為佛須菩提言何義故  
名菩提須菩提空義是菩提義如義  
法性義實際義是菩提義復次須菩  
提名相言說是菩提義菩提實義不  
可壞不可分別是菩提義復次須菩  
提諸法實相不誑不異是菩提義以  
是故名菩提復次須菩提是菩提是  
諸佛所有故名菩提復次須菩提諸  
佛正遍知故名菩提須菩提白佛言  
世尊若菩薩摩訶薩為是菩提行六  
波羅蜜乃至行一切種智於諸法何  
得何失何增何減何生何滅何垢何



淨佛告須菩提若菩薩摩訶薩為菩提行六波羅蜜乃至行一切種智於諸法無得无失無增无減無生无滅無垢无淨何以故菩薩摩訶薩行般若波羅蜜不為得失增減生滅垢淨故出須菩提言世尊若菩薩摩訶薩行般若波羅蜜若不為得失乃至不為淨垢故出菩薩摩訶薩云何行般若波羅蜜能取檀那波羅蜜尸羅波羅蜜羼提波羅蜜毗梨耶波羅蜜空乃至無法有法空云何行禪无量心无色定云何行四念處乃至八聖道分云何行空無相无作解脫門云何行佛十力四无所畏四無所智十八不共法大慈大悲云何行菩薩十地云何過聲聞辟支佛地入菩薩位中佛告須菩提菩薩摩訶薩行般若波羅蜜時不以二法故行檀那波羅蜜尸羅波羅蜜羼提波羅蜜毗梨耶波羅蜜空乃至行一切種智須菩提不以二法乃至行一切種智須菩提言世尊若菩薩摩訶薩不以二法故

行檀那波羅蜜乃至般若波羅蜜不以二法故乃至行一切種智菩薩從初發意乃至後意云何善根增益佛告須菩提若行二法者善根不得增益何以故一切凡夫人皆依二法不得增益善根菩薩摩訶薩行不二法從初發意乃至後意於其中間增益善根以是故菩薩摩訶薩一切世間天及人阿修羅无能伏無能壞其善根令墮聲聞辟支佛地及諸衆惡不善法不能制菩薩令不能行檀那波羅蜜增益善根乃至般若波羅蜜亦如是須菩提菩薩摩訶薩應如是行般若波羅蜜世尊菩薩摩訶薩為善根故行般若波羅蜜不佛言不也須菩提菩薩亦不為善根故行般若波羅蜜亦不為非善根故行般若波羅蜜何以故須菩提菩薩摩訶薩法未供養諸佛未具足善根未得真知識不能得一切種智須菩提言世尊云何菩薩摩訶薩供養諸佛具足善根得真知識能得一切種智佛告須菩提菩薩摩訶薩從初發意供養諸佛

諸佛所說十二部經修妬路乃至憂  
波提舍是菩薩聞持誦利心觀了達  
了達故得陀羅尼得陀羅尼故能起  
無尋智起无尋智故所生處乃至薩  
婆若終不忘失亦於諸佛所種善根  
為是善根所護終不墮惡道諸難以  
是善根因緣故得深心清淨得深心  
清淨故能淨佛國土成就衆生以善  
根所護故常不離真知識所謂諸佛  
諸菩薩摩訶薩及諸聲聞能讚嘆佛  
法衆者如是須菩提菩薩摩訶薩應  
供養諸佛種善根親近善知識

摩訶般若波羅蜜經三善品第十三

此本種  
善根品

須菩提白佛言世尊菩薩摩訶薩若  
不供養諸佛不具足善根不得真知  
識當得薩婆若不佛告須菩提菩薩  
摩訶薩供養諸佛種善根得真知識  
一切種智尚難得何況不供養諸佛  
不種善根不得真知識須菩提白佛  
言世尊菩薩摩訶薩供養諸佛種善  
根得真知識何以故不能得一切種智  
佛告須菩提是菩薩摩訶薩遠離方  
便力不從諸佛聞方便力所種善根

不具足不常隨善知識教世尊何等  
是方便力菩薩摩訶薩行是方便力  
得一切種智佛言菩薩摩訶薩從初  
發意行檀那波羅蜜應薩婆若念布  
施佛若辟支佛若聲聞若人若非人  
是時不生布施想受者想何以故觀  
一切法自相空无生無定相无所轉  
入諸法實相所謂一切法无作無起  
相菩薩以是方便力故增益善根增  
益善根故行檀那波羅蜜淨佛國土  
成就衆生布施不受世間果報但欲  
救度一切衆生故行檀那波羅蜜復  
次須菩提菩薩摩訶薩從初發意行  
尸羅波羅蜜應薩婆若念持戒時不  
墮婬怒癡中亦不墮諸煩惱纏縛及  
諸不善破道法若慳貪破戒瞋恚懈  
怠亂意思愚癡慢大慢慢我慢慢上  
慢不如慢邪慢慢若聲聞心若辟支佛  
心何以故是菩薩摩訶薩觀一切法  
自相空无生無定相无所轉入諸法  
實相所謂一切法無作无起相菩薩  
成就是方便力故增益善根增益善  
根故行尸羅波羅蜜淨佛國土成就

衆生持戒不受世間果報但欲救度一切衆生故行尸羅波羅蜜復次須菩提菩薩摩訶薩從初發意行尸羅提波羅蜜應薩婆若念方便力成就故行見諦道思惟道亦不取須陀洹果斯陀舍阿那含阿羅漢果何以故是菩薩摩訶薩知諸法自相空无生無定相无所轉雖行是助道法而過聲聞辟支佛地須菩提是名菩薩無生法忍復次須菩提菩薩摩訶薩從初發意行毗梨耶波羅蜜入初禪乃至入第四禪入四无量心四無色定雖出入諸禪而不受果報何以故是菩薩成就是方便力故知諸禪定自相空无生無定相无所轉淨佛國土成就衆生精進不受世間果報但欲救度一切衆生故行毗梨耶波羅蜜復次須菩提菩薩摩訶薩從初發意得禪那波羅蜜應薩婆若念入八背捨九次第定亦不證須陀洹果乃至不證阿羅漢果何以故是菩薩摩訶薩知諸法自相空无生無定相无所轉復次須菩提菩薩摩訶薩從初發意



行般若波羅蜜學佛十力四無所畏  
四无尋智十八不共法大慈大悲乃  
至未得一切種智未淨佛國土未成  
就衆生於其中間應如是學何以故  
是菩薩摩訶薩知諸法自相空无生  
無定相无所轉須菩提菩薩摩訶薩  
應如是行般若波羅蜜不受果報

摩訶般若波羅蜜經遍學品第七十四

尔時須菩提白佛言世尊是菩薩摩  
訶薩大智慧成就是深法亦不受  
果報佛告須菩提如是如是菩薩摩  
訶薩大智慧成就是深般若波羅  
蜜亦不受果報何以故是菩薩摩訶  
薩諸法性中不動故世尊何等諸法  
性中不動佛言於无所有性中不動  
復次須菩提菩薩摩訶薩色性中不  
動受想行識性中不動檀那波羅蜜  
性中不動尸羅波羅蜜羼提波羅蜜  
毗梨耶波羅蜜禪那波羅蜜般若波  
羅蜜性中不動四禪性中不動四無  
量性中不動四无色定性中不動四  
念處性中不動乃至八聖道分性中  
不動空三昧无相三昧無作三昧乃



至大慈大悲性中不動何以故須菩提是諸法性即是無所有須菩提以无所有法不能得所有法須菩提言世尊所有法能得所有法不佛言不也世尊所有法能得无所有法不佛言不也世尊無所有法能得无所有法不佛言不也世尊若無所有不能得所有所有不能得所有所有不能得无所有無所有不能得无所有將无世尊不得道耶佛言有得不以此四句世尊云何有得佛言非所有非无所有無諸戲論是名得道須菩提白佛言世尊何等是菩薩摩訶薩戲論佛告須菩提菩薩摩訶薩觀色若常若无常是為戲論觀受想行識若常若無常是為戲論觀色若苦若樂受想行識若苦若樂是為戲論觀色若寂滅若不寂滅受想行識若寂滅若不寂滅是為戲論苦聖諦應見集聖諦應斷滅聖諦應證道聖諦應修是為戲論應修四禪四无量心四無色定是為戲論應修四念處四正勤

四如意足五根五力七覺分八聖道  
分是為戲論應修空解脫門无相解  
脫門無作解脫門是為戲論應修八  
背捨九次第定是為戲論我當過須  
陀洹果斯陀含果阿那含果阿羅漢  
果辟支佛道是為戲論我當具足菩  
薩十地是為戲論我當入菩薩位是  
為戲論我當淨佛國土是為戲論我  
當成就衆生是為戲論我當生佛十  
力四無所畏四无尋智十八不共法  
是為戲論我當得一切種智是為戲  
論我當斷一切煩惱習是為戲論須  
菩提是菩薩摩訶薩行般若波羅蜜  
時色若常若无常不可戲論故不戲  
論受想行識若常若无常不可戲論  
故不戲論乃至一切種智不可戲論  
故不戲論何以故性不戲論性无性  
不戲論无性離性無性更无法可得  
所謂戲論者戲論法戲論處以是故  
須菩提色无戲論受想行識乃至一  
切種智無戲論如是須菩提菩薩摩  
訶薩應行无戲論般若波羅蜜須菩  
提白佛言世尊云何色不可戲論乃

至一切種智不可戲論佛告須菩提  
色性無乃至一切種智性無須菩提  
若法性無即是無戲論以是故色不  
可戲論乃至一切種智不可戲論須  
菩提若菩薩摩訶薩能如是行無戲  
論般若波羅蜜是時得入菩薩位須  
菩提白佛言世尊若諸法无有性菩  
薩行何等道入菩薩位為用聲聞道  
為用辟支佛道為用佛道佛告須菩  
提不以聲聞道不以辟支佛道不以  
佛道得入菩薩位菩薩摩訶薩遍學  
諸道得入菩薩位須菩提譬如八人  
先學諸道然後入正位未得果而先  
生果道菩薩亦如是先遍學諸道然  
後入菩薩位亦未得一切種智而先  
生金剛三昧尔時以一念相應慧得  
一切種智須菩提白佛言世尊若菩  
薩摩訶薩遍學諸道入菩薩位者八  
人向須陀洹得須陀洹向斯陀含得  
斯陀含向阿那含得阿那含向阿羅  
漢得阿羅漢辟支佛道佛道是諸道  
各各異世尊若菩薩摩訶薩遍學諸  
道然後入菩薩位者是菩薩若生八

道應作八人生見道應作須陀洹生  
思惟道應作斯陀含作阿那含作阿  
羅漢若生辟支佛道作辟支佛世尊  
若菩薩摩訶薩作八人然後入菩薩  
位无有是處不入菩薩位得一切種  
智亦無是處作須陀洹乃至作辟支  
佛然後入菩薩位亦无是處不入菩  
薩位得一切種智亦無是處世尊我  
云何當知菩薩摩訶薩遍學諸道得  
入菩薩位佛告須菩提如是如是若  
菩薩摩訶薩作八人得須陀洹果乃  
至得阿羅漢果得辟支佛道然後入  
菩薩位无有是處不入菩薩位當得  
一切種智無有是處須菩提若菩薩  
摩訶薩從初發意行六波羅蜜時以  
智觀過八地何等八地乾慧地性地  
八人地見地薄地離欲地已辦地辟  
支佛地直過以道種智入菩薩位入  
菩薩位已以一切種智斷一切煩惱  
習須菩提是八人若智若斷是菩薩  
无生法忍須陀洹若智若斷斯陀含  
若智若斷阿那含若智若斷阿羅漢  
若智若斷辟支佛若智若斷皆是菩

薩无生忍菩薩學如是聲聞辟支佛  
道以道種智入菩薩位入菩薩位已以一  
切種智斷一切煩惱習得佛道如是  
須菩提菩薩摩訶薩遍學諸道具足  
應得阿耨多羅三藐三菩提得阿耨  
多羅三藐三菩提已以果饒益衆生  
須菩提白佛言世尊世尊所說道聲  
聞道辟支佛道佛道何等是菩薩道  
種智佛告須菩提菩薩摩訶薩應生  
一切道種淨智須菩提何等是道種  
淨智若諸法相貌所可顯示法菩薩  
應正知正知已為他演說開示令諸  
衆生得解是菩薩摩訶薩應解一切  
音聲語言以是音聲說法遍滿三千  
大千世界如響相以是故須菩提菩  
薩摩訶薩應先具足學一切道道智  
具足已應分別知衆生深心所謂地  
獄衆生地獄道地獄因地獄果應知  
應障畜生餓鬼道畜生餓鬼因畜生  
餓鬼果應知應障諸龍鬼神捷闍婆  
緊陀羅摩睺羅伽阿修羅道因果應  
知應障人道因果應知諸天道因果  
應知四天王天三十三天夜摩天兜率

施天化樂天他化自在天梵天光音

天遍淨天廣果天无想天阿婆羅呵

天無熱天易見天喜見天阿迦尼吒

天道因果應知无边虚空處无边識

處无所有處非有想非無想處道因

果應知四念處四正勤四如意足五

根五力七覺分八聖道分因果應知

空解脫門無相解脫門无作解脫門

佛十力四无所畏四無所智十八不

共法大慈大悲因果應知菩薩以是

道令衆生入須陀洹道乃至阿羅漢

辟支佛道乃至阿耨多羅三藐三菩

提道須菩提是名菩薩摩訶薩淨道

種智菩薩學是道種智已入衆生深

心相入已隨衆生心如應說法所言

不虛何以故是菩薩摩訶薩善知衆

生根相知一切衆生心心數法生死所

趣須菩提菩薩摩訶薩如是應行般

若波羅蜜何以故一切諸助善道

法皆入般若波羅蜜中諸菩薩摩訶

薩聲聞辟支佛所應行須菩提白佛

言世尊若四念處乃至阿耨多羅三

藐三菩提是一切法皆不合不散無



色元形無對一相所謂无相世尊云  
何是助道法能取阿耨多羅三藐三  
菩提世尊是不合不散無色无形無  
對一相所謂无相法無所取无所捨  
譬如虛空无取無捨佛言如是如是  
須菩提諸法自相空无所取无所捨  
須菩提有衆生不知諸法自相空為  
是衆生故顯示助道法令至阿耨多  
羅三藐三菩提復次須菩提所有色  
受想行識所有檀那波羅蜜尸羅波  
羅蜜羼提波羅蜜毗梨耶波羅蜜禪  
那波羅蜜般若波羅蜜所有内空外  
空乃至无法有法空初禪乃至非有  
想非無想處四念處乃至八聖道分  
三解脱門八背捨九次第定佛十力  
四无所畏四無所智十八不共法大  
慈大悲一切種智等諸法於是聖法  
中皆不合不散无色无形无對一相  
所謂无相以世俗法故為衆生說令  
解非以第一義須菩提於是一切法  
中菩薩摩訶薩以智見如法應學學  
已分別諸法應用不應用須菩提言  
世尊何等法菩薩分別已應用不應

用佛言聲聞辟支佛法分別知不應  
用一切種智分別知應用如是須菩  
提菩薩摩訶薩於是聖法中應學般  
若波羅蜜須菩提白佛言世尊何以  
故說名聖法何等是聖法佛告須菩  
提諸聲聞辟支佛法諸菩薩摩訶薩  
及諸佛於欲瞋癡不合不散身見戒  
取疑不合不散欲染瞋恚不合不散  
色染无色染憊慢無明不合不散初  
禪乃至第四禪不合不散慈悲喜捨  
虛空處乃至非有想非无想處不合  
不散四念處乃至八聖道分不合不  
散內空乃至大悲有為性无為性不  
合不散何以故是一切法皆無色无  
形無對一相所謂无相無色法與無  
色法不合不散無形法與无形法不  
合不散無尋法與无尋法不合不散  
一相法與一相法不合不散無相法  
與无相法不合不散須菩提是无色  
無形无尋一相所謂無相般若波羅  
蜜諸菩薩摩訶薩應學學已不得諸  
法相須菩提白佛言世尊菩薩摩訶  
薩不學色相耶不學受想行識相耶

不學眼相乃至意相不學色相乃至  
法相不學地種相乃至識種相不學  
檀那波羅蜜相尸羅波羅蜜羼提波  
羅蜜毗梨耶波羅蜜禪那波羅蜜般  
若波羅蜜相不學內空乃至無法有  
法空不學初禪相乃至第四禪相不  
學慈相乃至捨相不學无邊空相乃  
至非有想非無想相不學四念處相  
乃至八聖道分相不學空三昧相无  
相無作三昧相不學八背捨九次第  
定相不學佛十力相四無所畏相四  
无尋智相十八不共法相大慈大悲  
相不學苦聖諦相集滅道聖諦相不  
學逆順十二因緣相不學有為性相  
無為性相耶世尊若不學諸法相菩  
薩摩訶薩云何學諸法相若有為若  
无為學已過聲聞辟支佛地若不過  
聲聞辟支佛地云何入菩薩位若不  
入菩薩位云何當得一切種智若不  
得一切種智云何當轉法輪若不轉  
法輪云何以三乘度衆生生死佛告  
須菩提若諸法實有相菩薩應學是  
相須菩提以一切法實无相無色无

形無尋一相所謂无相以是故須苦  
提菩薩摩訶薩不學相不學無相何  
以故有佛无佛諸法一相性常住須  
菩提白佛言世尊若一切法非有相  
非无相菩薩摩訶薩云何修般若波  
羅蜜若不修般若波羅蜜不能過聲  
聞辟支佛地若不過聲聞辟支佛地  
不能入菩薩位若不入菩薩位不得  
无生法忍若不得無生法忍不能得  
諸菩薩神通若不得菩薩神通不能  
淨佛國土成就衆生若不淨佛國土  
成就衆生不能得一切種智若不得  
一切種智不能轉法輪若不轉法輪  
不能令衆生得須陀洹果斯陀含阿  
那含阿羅漢果辟支佛道不能令得  
阿耨多羅三藐三菩提亦不能令衆  
生得布施福亦不能令得持戒修定  
福佛告須菩提如是如是諸法無相  
非一相非異相若修无相是修般若  
波羅蜜須菩提言世尊云何修无相  
是修般若波羅蜜佛言修諸法壞是  
修般若波羅蜜世尊云何修諸法壞  
是修般若波羅蜜佛言修色壞是修

般若波羅蜜修受想行識壞是修般  
若波羅蜜修眼壞耳鼻舌身意法壞  
是修般若波羅蜜修色法壞聲香味  
觸法壞是修般若波羅蜜修不淨觀  
壞是修般若波羅蜜修初禪壞第二  
第三第四禪壞是修般若波羅蜜修  
慈悲喜捨壞是修般若波羅蜜修无  
邊空處無邊識處无所有處非有想  
非无想處壞是修般若波羅蜜修念  
佛念法念僧念戒念捨念天念滅念  
阿耨般那壞是修般若波羅蜜修无  
常相苦相無我相空相集相因相生  
相緣相閉相滅相妙相出相道相正  
相跡相離相壞是修般若波羅蜜修  
十二因緣壞修我相衆生壽命相壞  
乃至修知者見者相壞是修般若波  
羅蜜修常相樂相淨相我相壞是修  
般若波羅蜜修四念處乃至修八聖  
道分壞是修般若波羅蜜修空三昧  
无相三昧無作三昧壞是修般若波  
羅蜜修八背捨九次第定壞是修般  
若波羅蜜修有覺有觀三昧无覺有  
觀三昧無覺无觀三昧壞是修般若



波羅蜜修苦聖諦集聖諦滅聖諦道

聖諦壞是修般若波羅蜜修苦智集

智滅智道智壞是修般若波羅蜜修

盡智无生智壞是修般若波羅蜜修

法智比智世智他心智壞是修般若

波羅蜜修檀那波羅蜜壞是修般若

波羅蜜修尸羅波羅蜜羼提波羅蜜

毗梨耶波羅蜜禪那波羅蜜般若波

羅蜜壞是修般若波羅蜜修内空外

空内外空空空大空第一義空有為

空无為空畢竟空無始空散空性空

諸法空自相空不可得空无法空有

法空無法有法空壞是修般若波羅

蜜修佛十力四無所畏四无尋智十

八不共法壞是修般若波羅蜜修須

陀洹果斯陀含果阿那含果阿羅漢

果辟支佛道壞是修般若波羅蜜修

一切智壞是修般若波羅蜜修斷一

切煩惱習壞是修般若波羅蜜須菩

提白佛言世尊云何名修色壞乃至

修斷一切煩惱習壞是修般若波羅

蜜佛告須菩提菩薩摩訶薩行般若

波羅蜜時不念有色法是修般若波



羅蜜不念有受想行識乃至不念有  
斷一切煩惱習法是為修般若波羅  
蜜何以故有法念者不修般若波羅  
蜜須菩提有法念者不修檀那波羅  
蜜尸羅波羅蜜羼提波羅蜜毗梨耶  
波羅蜜禪那波羅蜜般若波羅蜜何  
以故須菩提是人者法不行檀那波  
羅蜜乃至般若波羅蜜如是著者无  
有解脫无有道無有涅槃有法念者  
不修四念處四正勤四如意足五根  
五力七覺分八聖道分不修空三昧  
乃至不修一切種智何以故是人者  
法故須菩提自佛言世尊何等有是  
法何等是无法佛告須菩提二是有  
法不二是無法世尊何等是二佛言  
色相是二受想行識相是二眼相乃至  
意相是二色相乃至法相是二檀那  
波羅蜜乃至佛相阿耨多羅三藐三  
菩提相有為无為性相是二須菩提  
一切相皆是二一切二皆是有法適  
有有法便有生死適有生死不得離  
生老病死憂悲苦惱以是因緣故須  
菩提當知二相者無有檀那波羅蜜

乃至般若波羅蜜无有道無有果乃  
至无有順忍何況見色相乃至見一  
切種智相若無修道云何得須陀洹  
果乃至阿羅漢果辟支佛道阿耨多  
羅三藐三菩提及斷一切煩惱習  
摩訶般若波羅蜜經卷第三

戊戌歲高麗國大藏都監奉  
勅彫造

摩訶般若波羅蜜經卷第三 海

後秦龜茲國三藏鳩摩羅什譯

三次品第七十五

并奉次  
集行品

尔時須菩提白佛言世尊若有法相者尚不得順忍何況得道世尊若无法相者當得順忍不若乾慧地若性地若八人地若見地若薄地若離欲地若已辦地若辟支佛地若菩薩地若佛地若修道因是修道當斷煩惱不以是煩惱故不得過聲聞辟支佛地入菩薩位若不入菩薩位則不得一切種智不得一切種智則不能得斷一切煩惱習世尊若無有法相是諸法則不生若不生是諸法則不能得一切種智佛告須菩提如是如是若无有法者則有順忍乃至斷一切煩惱習須菩提白佛言世尊菩薩摩訶薩行般若波羅蜜時有法相不所謂色相乃至識相眼相乃至意識界相乃至法相眼界相乃至意識界相四念處相乃至一切種智相若色相若色斷相乃至識相識斷相十二入

十八界亦如是若無明相若无明斷

相乃至憂悲愁惱相憂悲愁惱斷相

若欲相若欲斷相若瞋相若瞋斷相

若癡相若癡斷相若苦相若苦斷相

若集相若集斷相若盡相若盡斷相

若道相若道斷相乃至一切種智相

斷一切煩惱習相佛言不也須菩提

菩薩摩訶薩行般若波羅蜜時无有

法相非法相即是菩薩順忍若無有

法相无有非法相即是修道亦是道

果須菩提菩薩摩訶薩有法是菩薩

道無法是菩薩果以是因緣故當知

一切法无所有性須菩提白佛言世

尊若一切法無所有性佛云何知一

切法无所有性故得成佛於一切法

得自在力佛告須菩提如是如是一

切法無所有性我本行菩薩道修六

波羅蜜離諸欲離惡不善法有覺有

觀離生喜樂入初禪乃至入第四禪

於是諸禪及支不取相不念有是禪

不受禪味不得是禪无染清淨行四

禪我於是諸禪不受果報依四禪住

起五神通身通天耳知他人心宿命

通天眼通於諸神通不取相不念有  
是神通不受神通味不得是神通我  
於是五神通不分別行須菩提我今  
時用一念相應慧得阿耨多羅三藐  
三菩提所謂是苦聖諦是集是滅是  
道聖諦成就十力四無所畏四無  
智十八不共法大慈大悲得作佛分  
別三聚衆生正定邪定不定須菩提  
白佛言云何世尊於諸法无所有性  
中起四禪六神通亦無衆生而分別  
作三聚佛告須菩提若諸欲惡不善  
法若有性若自性若他性我本為菩  
薩行時不能觀諸欲惡不善法无所  
有性入初禪以諸欲惡不善法無有  
性若自性若他性皆是无所有性故  
我本行菩薩道時離諸欲惡不善法  
入初禪乃至入第四禪須菩提若諸  
神通有性若自性若他性我不能知  
是神通無所有性得阿耨多羅三藐  
三菩提須菩提以神通无有性若自  
性若他性皆是無所有性以是故諸  
佛於神通知无所有性得阿耨多羅  
三藐三菩提須菩提言世尊若菩薩

摩訶薩知諸法无所有性因四禪五神通得阿耨多羅三藐三菩提世尊新學菩薩摩訶薩云何於諸法無所有性中次第行次第學次第道以是次第行次第學次第道得阿耨多羅三藐三菩提佛告須菩提菩薩摩訶薩若初從諸佛聞若從多供養諸佛諸斯陀舍若諸須陀洹所聞得无所所有故是佛得无所所有故是阿羅漢阿耨舍斯陀舍須陀洹一切賢聖皆以得無所有故有名一切有為作法无所有性乃至无有如毫末許所有是菩薩摩訶薩聞是已作是念若一切法無有性得无所所有性故是佛乃至得无所有性故是須陀洹我若當得阿耨多羅三藐三菩提若不得一切法常無有性我何以不發心得阿耨多羅三藐三菩提得阿耨多羅三藐三菩提已一切衆生行於有相當令住无所有中須菩提菩薩摩訶薩如是思惟已發阿耨多羅三藐三菩提心為度一切衆生故菩薩摩訶薩所



行次第行次第學次第道者如過去  
諸菩薩摩訶薩所行道得阿耨多羅  
三藐三菩提是新發意菩薩應學六  
波羅蜜所謂檀那波羅蜜尸羅波羅  
蜜羼提波羅蜜毗梨耶波羅蜜禪那  
波羅蜜般若波羅蜜是菩薩摩訶薩  
若行檀那波羅蜜時自行布施亦教  
人布施讚歎布施功德歡喜讚歎行  
布施者以是布施因緣故得大財富  
是菩薩遠離慳心布施衆生食飲衣  
服香花瓔珞房舍卧具燈燭種種資  
生所須盡給與之菩薩摩訶薩行是  
布施及持戒生天人中得大尊貴以  
是持戒布施故得禪定衆以是布施  
持戒禪定故得智慧衆解脫衆解脫  
知見衆是菩薩因是布施持戒禪定  
衆智慧衆解脫衆解脫知見衆故過  
聲聞辟支佛地入菩薩位入菩薩位  
已得淨佛國土成就衆生得一切種  
智得一切種智已轉法輪轉法輪已  
以三乘法度脫衆生生死如是須菩  
提菩薩以是布施次第行次第學次  
第道是事皆不可得何以故自性元所

有故復次須菩提菩薩摩訶薩從初發意以來自行持戒教人持戒讚歎持戒功德歡喜讚歎行持戒者持戒及布施因緣故生天人中得大尊貴見貧窮者施以財物不持戒者教令持戒亂意者教令禪定愚癡者教令智慧无解脫者教令解脫无解脫知見者教令解脫知見以是持戒禪定智慧解脫解脫知見故過聲聞辟支佛地入菩薩位入菩薩位已得淨佛國土淨佛國土已成就衆生成就衆生已得一切種智得一切種智已轉法輪轉法輪已以三乘法度脫衆生如是須菩提菩薩以是持戒次第行次第學次第道是事皆不可得何以故一切法自性無所有故復次須菩提菩薩摩訶薩從初已來自行羣提波羅蜜教人行羣提讚歎羣提功德歡喜讚歎行羣提者行羣提波羅蜜時布施衆生各令滿足教令持戒教令禪定乃至解脫知見以是布施持戒禪定智慧因緣故過阿羅漢辟支佛地入菩薩位中入菩薩位中已得淨

佛國土得淨佛國土已成就衆生成

就衆生已得一切種智得一切種智

已轉法輪轉法輪已以三乘法度脫

衆生生死如是須菩提菩薩以羣提

波羅蜜次第行次第學次第道是事

皆不可得何以故一切法自性無所

有故復次須菩提菩薩摩訶薩從初

已来自行毗梨耶教人行毗梨耶讚

歎行毗梨耶功德歡喜讚歎行毗梨

耶者乃至是事皆不可得自性无所

有故復次須菩提菩薩摩訶薩從初

已来自入禪入無量心入无色定亦

教人入禪入无量心入无色定讚歎

入禪入無量心入无色定功德歡喜

讚歎行禪无量心無色定者是菩薩

住諸禪定無量心布施衆生各令滿

足教令持戒教令禪定智慧以是布

施禪定智慧解脫解脫知見因緣故

過聲聞辟支佛地入菩薩位入菩薩

位已淨佛國土淨佛國土已成就衆

生成就衆生已得一切種智得一切

種智已轉法輪轉法輪已以三乘法

度脫一切衆生乃至是事皆不可得

自性無所有故復次須菩提菩薩摩訶薩從初以來行般若波羅蜜布施  
解脫解脫知見是菩薩行般若波羅蜜時自行六波羅蜜亦教他人令行  
六波羅蜜讚歎六波羅蜜功德歡喜讚歎行六波羅蜜者是菩薩以是檀  
那波羅蜜尸羅波羅蜜羼提波羅蜜毗梨耶波羅蜜禪那波羅蜜般若波  
羅蜜因緣及方便力過聲聞辟支佛地入菩薩位乃至是事不可得自性  
无所有故須菩提是名初發意菩薩摩訶薩次第行次第學次第道復次  
須菩提菩薩摩訶薩次第行次第學次第道菩薩摩訶薩從初已來以一切  
種種智相應心信解諸法无所有性修六念所謂念佛念法念僧念戒念  
捨念天須菩提云何菩薩摩訶薩修念佛菩薩摩訶薩念佛不以色念不以  
受想行識自性无若法自性無是為受想行識自性无若法自性無是為  
无所有何以故無憶故是為念佛復次須菩提菩薩摩訶薩念佛不以三

十二相念亦不念金色身不念丈光  
不念八十隨形好何以故是佛身自  
性无故若法無性是為无所有何以  
故無憶故是為念佛復次須菩提不  
應以戒衆念佛不應以定衆智慧  
衆解脫衆解脫知見衆念佛何以故  
是衆无有自性若法無自性是為无  
所有何以故無憶故是為念佛復次  
須菩提不應以十力念佛不應以四  
無所畏四无尋智十八不共法念佛  
不應以大慈大悲念佛何以故是諸  
法自性无若法自性無是為非法无  
所念是為念佛復次須菩提不應以  
十二因緣法念佛何以故是因緣法  
自性無若法自性无是為非法無所  
念是為念佛如是須菩提菩薩摩訶  
薩行般若波羅蜜時應念佛是為菩  
薩初發意次第行次第學次第道是  
菩薩摩訶薩次第行次第學次第道  
中住能具足四念處四正勤四如意  
足五根五力七覺分八聖道分修行  
空三昧無相无作三昧乃至一切種  
智諸法性无所有故是菩薩知諸法



性无所有是中無有性无無性須菩  
提云何菩薩摩訶薩應修念法須菩  
提菩薩摩訶薩行般若波羅蜜時不  
念善法不念不善法不念有記法不念  
無記法不念世間法不念出世間法  
不念淨法不念不淨法不念聖法不  
念凡夫法不念有漏法不念无漏法  
不念欲界繫法色界繫法無色界繫  
法不念有為法无為法何以故是諸  
法自性無若法自性无是為非法無  
所念是為念法念法中學無所有性  
故乃至當得一切種智是菩薩得阿  
耨多羅三藐三菩提時得諸法無所  
有性是无所有性中非有相非无相  
如是須菩提菩薩摩訶薩應修念法  
於是法中乃至無少許念何況念法  
須菩提菩薩摩訶薩云何應修念僧  
須菩提菩薩摩訶薩念僧无為法故  
分別有佛弟子衆是中乃至無少許  
念何況念僧如是菩薩摩訶薩應念  
僧須菩提菩薩摩訶薩云何應修念  
戒須菩提菩薩摩訶薩從初發意已  
來應念聖戒无缺戒無隙戒无瑕戒



无濁戒無著戒自在戒智者所讚戒  
具足戒隨定戒應念是戒無所有性  
乃至无少許念何況念戒須菩提菩  
薩摩訶薩從初發意已來應念捨若  
自念捨若念他捨若捨財若捨法若  
捨煩惱觀是捨不可得故乃至無少  
許念何況念捨如是須菩提菩薩摩  
訶薩應念捨須菩提云何菩薩摩訶  
薩應念天須菩提菩薩作是念四天  
王諸天所有信戒施聞慧此間命終  
生彼天處我亦有是信戒施聞慧乃  
至他化自在天所有信戒施聞慧此  
間命終生彼天處我亦有是信戒施  
聞慧如是須菩提菩薩摩訶薩應念  
是天无所有性中尚無少許念何況  
念天須菩提菩薩摩訶薩行是六念  
是名次第行次第學次第道尔時須  
菩提白佛言世尊若一切法無所有  
性所謂念色乃至識眼乃至意色乃  
至法眼界乃至意識界是无所有性  
檀那波羅蜜乃至般若波羅蜜內空  
乃至無法有法空四念處乃至八聖  
道分佛十力乃至一切種智是无所

有性世尊若一切法無所有性者是  
則无道無智无果佛告須菩提汝見  
是色性實有不乃至一切種智性實  
有不須菩提言不見也世尊佛告須  
菩提汝若不見諸法實有云何作是  
問須菩提言世尊我於是法不敢有  
疑但為當來世諸比丘求聲聞辟支  
佛道菩薩道者是人當如是言若一  
切法无所有性誰垢誰淨誰縛誰解  
是不知不解故而破於戒破正見破  
威儀破淨命是人破此事故當墮三  
惡道世尊我畏當來世有如是事以  
是故問佛世尊我於是法中信不疑  
不悔

摩訶般若波羅蜜經一念品第十六

丹元編行  
六度品

須菩提白佛言世尊若一切法性無  
所有菩薩見何等利益故為衆生發  
阿耨多羅三藐三菩提佛告須菩提  
以一切法性无所有故菩薩以是故  
為衆生求阿耨多羅三藐三菩提何  
以故須菩提諸有得有著者難可解  
脫須菩提諸得相者无有道無有果  
无阿耨多羅三藐三菩提須菩提白

佛言世尊無得相者有道有果有阿  
耨多羅三藐三菩提不須菩提无所  
得即是道即是果即是阿耨多羅三  
藐三菩提法性不壞故若無所得法  
欲得道欲得果欲得阿耨多羅三藐  
三菩提為欲壞法性須菩提白佛言  
世尊若無所得法即是道即是果即  
是阿耨多羅三藐三菩提云何有菩  
薩初地乃至十地云何有無生法忍  
云何有報得神通云何有報得布施  
持戒忍辱精進禪定智慧住是果報  
法中能成就衆生能淨佛國土及供  
養諸佛衣服飲食香華瓔珞房舍卧  
具燈燭種種資生所須之具乃至得  
阿耨多羅三藐三菩提不斷是福德  
乃至般涅槃後舍利及弟子得供養  
尔乃滅盡佛告須菩提以諸法無所  
得相故得菩薩初地乃至十地有報  
得神通布施持戒忍辱精進禪定智  
慧成就衆生淨佛國土亦以善根因  
緣故能利益衆生乃至般涅槃後舍  
利及弟子得供養須菩提白佛言世  
尊若諸法无所得相布施持戒忍辱

精進禪定智慧諸神通有何差別佛告須菩提无所得法布施持戒忍辱精進禪定智慧神通無有差別以衆生著布施乃至神通故分別說世尊云何无所得法布施乃至神通无有差別須菩提菩薩摩訶薩行般若波羅蜜時不得布施施者受者皆不可得而行布施不得戒而持戒不得忍而行忍不得精進而行精進不得禪而行禪不得智慧而行智慧不得神通而行神通不得四念處而行四念處乃至不得八聖道分而行八聖道分不得空三昧無相无作三昧而行空无相無作三昧不得衆生而成就衆生不得淨佛國土而淨佛國土不得諸佛法而得阿耨多羅三藐三菩提如是須菩提菩薩摩訶薩應如是行无所得般若波羅蜜菩薩摩訶薩行是無所得般若波羅蜜時魔若魔天不能破壞須菩提白佛言世尊云何菩薩摩訶薩行般若波羅蜜時一念中具足六波羅蜜四禪四无量心四無色定四念處四正勤四如意足

五根五力七覺分八聖道分三解脫門佛十力四無所畏四无尋智十八不共法大慈大悲三十二相八十隨形好佛告須菩提菩薩摩訶薩所有布施不遠離般若波羅蜜所修持戒忍辱精進禪定不遠離般若波羅蜜四禪四无量心四無色定修四念處乃至八十隨形好不遠離般若波羅蜜須菩提白佛言世尊云何菩薩摩訶薩不遠離般若波羅蜜一念中具足行六波羅蜜乃至八十隨形好佛言菩薩行般若波羅蜜時所有布施不遠離般若波羅蜜以不二相持戒時亦不二相修忍辱勤精進入禪定亦不二相乃至八十隨形好亦不二相須菩提白佛言世尊云何菩薩摩訶薩布施時不二相乃至修八十隨形好不二相須菩提菩薩摩訶薩行般若波羅蜜時欲具足檀那波羅蜜檀那波羅蜜中攝諸波羅蜜及四念處乃至八十隨形好世尊云何菩薩布施時攝諸无漏法佛告須菩提若菩薩摩訶薩行般若波羅蜜時住無



漏心布施於无漏心中不見相所謂  
誰施誰受所施何物以是无相心無  
漏心斷愛斷慳貪心而行布施是時  
不見布施乃至不見阿耨多羅三藐  
三菩提法是菩薩無相心无漏心持  
戒不見是戒乃至不見一切佛法無  
相心无漏心忍辱不見是忍辱乃至  
不見一切佛法以無相心无漏心精進  
不見是精進乃至不見一切佛法以  
無相心无漏心入禪定不見是禪定  
乃至不見一切佛法以無相心无漏  
心修智慧不見是智慧乃至不見一  
切佛法以无相心無漏心修四念處  
不見是四念處乃至八十隨形好世  
尊若諸法無相无作云何具足檀那  
波羅蜜尸羅波羅蜜羼提波羅蜜毗  
梨耶波羅蜜蜜禪那波羅蜜般若波羅  
蜜云何具足四念處四正勤四如意  
足五根五力七覺分八聖道分云何  
具足空三昧无相三昧無作三昧佛  
十力四无所畏四無尋智十八不共  
法大慈大悲云何具足三十二相八  
十隨形好佛告須菩提菩薩摩訶薩



行般若波羅蜜以无相心無漏心布施須食與食乃至種種所須盡給與之若內若外若支解其身若國城妻子布施衆生若有人來語菩薩言何用是布施為是无所益行般若波羅蜜菩薩作是念是人雖來呵我布施我終不悔我當勤行布施不應不與施已與一切衆生共之迴向阿耨多羅三藐三菩提亦不見是相誰施誰受所施何物迴向者誰何等是迴向法何等是迴向處所謂阿耨多羅三藐三菩提是相皆不可見何以故一切法以內空故空外空故空內外空故空空空有為空无為空畢竟空無始空散空性空一切法空自相空故空如是觀作是念迴向者誰迴向何處用何法迴向是名正迴向尔時菩薩能成就衆生淨佛國土能具足檀那波羅蜜尸羅波羅蜜羼提波羅蜜毗梨耶波羅蜜禪那波羅蜜般若波羅蜜乃至三十七助道法空無相无作三昧乃至十八不共法是菩薩如是具足檀那波羅蜜而不受世間

果報譬如他化自在諸天隨意所須  
即皆得之菩薩亦如是心生所願隨  
意即得是菩薩摩訶薩以是布施果  
報故能供養諸佛亦能滿足一切衆  
生天及人阿修羅是菩薩以檀那波  
羅蜜攝取衆生用方便力以三乘法  
度脫衆生生死如是須菩提菩薩摩  
訶薩於無相元得無作諸法中具足  
檀那波羅蜜須菩提菩薩摩訶薩云  
何於无相無得无作法中具足尸羅  
波羅蜜須菩提是菩薩摩訶薩行尸  
羅波羅蜜時持種種戒所謂聖无漏  
入八聖道分戒自然戒報得戒受得  
戒心生戒如是等不缺不破不雜不  
濁不著自在戒智所讚戒用是戒無  
所取若色若受想行識若三十二相  
八十隨形好若剎利大姓若婆羅門  
大姓居士大家若四天王天三十三  
天夜摩天兜率陀天化樂天他化自  
在天梵衆天光音天遍淨天廣果天  
无想天无煩天無熱天妙見天喜見  
天阿迦膩吒天虚空處天識處天无  
所有處天非有想非無想處天若須

施洎果若斯施舍果若阿耨舍果若  
阿羅漢果若辟支佛道若轉輪聖王  
若天王但為一切衆生共之迴向阿  
耨多羅三藐三菩提以無相无得無  
二迴向為世俗法故非第一實義是  
菩薩具足尸羅波羅蜜以方便力起  
四禪不味著故得五神通因四禪得  
天眼是菩薩住二種天眼修得報得  
得天眼已見東方現在諸佛乃至得  
阿耨多羅三藐三菩提如所見事不  
失南西北方四維上下現在諸佛乃  
至得阿耨多羅三藐三菩提如所見  
不失是菩薩用天耳淨過於人耳聞  
十方諸佛說法如所聞不失能自饒  
益亦益他人是菩薩以知他心智知  
十方諸佛心及知一切衆生心亦能  
饒益一切衆生是菩薩用宿命智知  
過去諸業因緣是業因緣不失故是衆  
生存在在處處所生悉知是菩薩用是  
漏盡智令衆生得須陀洹果乃至阿  
羅漢果辟支佛道存在在處處皆令衆  
生入善法中如是須菩提菩薩摩訶  
薩於諸法無相无得無作中具足尸

羅波羅蜜世尊云何諸法无相無作  
无得菩薩摩訶薩能具足羣提波羅  
蜜須菩提菩薩摩訶薩從初發意以  
來乃至坐道場於其中間若一切衆  
生來以及石刀杖如是菩薩菩薩是  
時不起瞋心乃至不生一念尔時菩  
薩應修二種忍一者一切衆生惡口  
罵詈若加刀杖瓦石瞋心不起二者  
一切法無生无生法忍菩薩若人來  
惡口罵詈或以及石刀杖加之尔時  
菩薩應如是思惟罵我者誰譏訶者  
誰誰打擲者誰有受者即時菩薩應  
思惟諸法實性所謂畢竟空無法无  
衆生諸法尚不可得何况有衆生如  
是觀諸法相時不見罵者不見割截  
者是菩薩如是觀諸法相時即得无  
生法忍云何名無生法忍知諸法相  
常不生諸煩惱從本以來亦常不生  
是菩薩摩訶薩住是二忍能具足四  
禪四无量心四無色定四念處乃至  
八聖道分三解脱門佛十力四無所  
畏四无尋智十八不共法大慈大悲  
是菩薩住是聖無漏出世間法不共

一切聲聞辟支佛具足聖神通住聖神通已以天眼見東方諸佛是人得念佛三昧乃至阿耨多羅三藐三菩提終不斷絕南西北方四維上下亦復如是是菩薩用天耳聞十方諸佛所說法如所聞為衆生說是菩薩亦知十方諸佛心及知一切衆生念知已隨其心而說法是菩薩以宿命智知一切衆生宿世善根為衆生說法令其歡喜是菩薩以漏盡神通教化衆生令得三乘是菩薩摩訶薩行般若波羅蜜以方便力成就衆生具足一切種智得阿耨多羅三藐三菩提轉法輪如是須菩提菩薩摩訶薩无相無得无作法中具足羣提波羅蜜須菩提言世尊菩薩摩訶薩云何於諸法无相無作无得法中能具足毗梨耶波羅蜜佛告須菩提菩薩摩訶薩行般若波羅蜜時成就身精進心精進入初禪乃至入第四禪受種種神通力能分一身為多身乃至手捫摸日月成就身精進故飛至東方過无量百千万諸佛世界供養諸佛飲食



衣服醫藥卧具華香瓔珞種種所須  
乃至阿耨多羅三藐三菩提福德果  
報終不減盡是菩薩得阿耨多羅三  
藐三菩提時一切世間天及人勤設  
供養衣服飲食乃至入無餘涅槃後  
舍利及弟子得供養亦以是神通力  
故至諸佛所聽受法教乃至阿耨多  
羅三藐三菩提終不違失是菩薩修  
一切種智時淨佛國土成就衆生如  
是須菩提菩薩摩訶薩行般若波羅  
蜜成就身精進能具足毗梨耶波羅  
蜜須菩提云何菩薩成就心精進能  
具足毗梨耶波羅蜜須菩提菩薩摩  
訶薩心精進以是心精進聖無漏入  
八聖道分不令身口不善業得入亦  
不取諸法相若常若无常若苦若樂  
若我若無我若有為若無為若欲界  
若色界若无色界若有漏性若無漏  
性若初禪乃至第四禪若慈悲喜捨  
若無邊虛空處乃至非有想非无想  
處若四念處四正勤四如意足五根五  
力七覺分八聖道分若空无相無作  
若佛十力乃至十八不共法不取相



若常若无常若苦若樂若我若无我  
若須陀洹果若斯陀含果若阿那含  
果若阿羅漢果若辟支佛道若菩薩  
道若阿耨多羅三藐三菩提若是須  
陀洹斯陀含阿那含阿羅漢若是辟  
支佛是菩薩是佛不取相是衆生斷  
三結故得須陀洹是衆生三毒薄故  
得斯陀含是衆生斷下分結故得阿  
那含是衆生斷上分結故得阿羅漢  
是衆生以辟支佛道故作辟支佛是  
衆生行道種智故名菩薩亦不取是  
諸法相何以故不可以性取相是性  
无故是菩薩以是心精進故廣利益  
衆生亦不得衆生是為菩薩具足毗  
梨耶波羅蜜具足諸佛法淨佛國土  
成就衆生不可得故是菩薩身精進  
心精進成就故攝取一切諸善法是  
法亦不著故從一佛國至一佛國為  
利益衆生所作神通隨意无碍若雨  
諸華若散諸香若作伎樂若動大地  
若放光明若示七寶莊嚴國土若現  
種種身若放大智光明令知聖道令  
遠離煞生乃至邪見或以布施利益

衆生或以持戒或以支解身體或以  
妻子或以國土或以已身給施隨所  
方便利益衆生如是須菩提菩薩摩  
訶薩行般若波羅蜜无相無作无得  
諸法中用身心精進能具足毗梨耶  
波羅蜜世尊云何菩薩摩訶薩行般  
若波羅蜜住无相無作无得法中能  
具足禪那波羅蜜須菩提菩薩摩訶  
薩除佛諸禪定餘一切諸禪三昧皆  
能具足是菩薩離諸欲諸惡不善法  
離生喜樂有覺有觀入初禪乃至入  
第四禪以是慈悲喜捨心遍滿一方  
乃至十方一切世間遍滿是菩薩過  
一切色相滅有對相不念別異相故  
入無邊空處乃至入非有想非无想  
處是菩薩於禪那波羅蜜中住逆順  
入八背捨九次第定入空三昧無相  
无作三昧或時入無相三昧或時入  
如電光三昧或時入聖正三昧或時  
入如金剛三昧是菩薩住禪那波羅  
蜜中修三十七助道法用道種智入  
一切禪定過乾慧性地八人地見  
地薄地離欲地已辦地辟支佛地入

菩薩位入菩薩位已具足佛地是諸地中行乃至阿耨多羅三藐三菩提不中道取道果是菩薩住是禪那波羅蜜中從一佛國至一佛國供養諸佛從諸佛所殖諸善根淨佛國土從一國至一國利益衆生以布施攝取衆生或以持戒或以三昧或以智慧或以解脫或以解脫知見攝取衆生教衆生令得須陀洹果斯陀含果阿那含果阿羅漢果辟支佛道諸有善法能令衆生得道皆教令得是菩薩住此禪那波羅蜜中能生一切陀羅尼門得四无尋智報得諸神通是菩薩終不入母人胞胎終不受五欲无生不生雖生不為生法所汙何以故是菩薩見一切作法如幻而利益衆生亦不得衆生及一切法教衆生令得無所得處是世俗法故非第一實義住是禪那波羅蜜一切行禪定解脫三昧乃至阿耨多羅三藐三菩提終不離禪那波羅蜜是菩薩行如是道種智時得一切種智斷一切煩惱習斷已自益其身亦益他人自益益他已

為一切世間天及人阿修羅作福田  
如是須菩提菩薩摩訶薩行般若波  
羅蜜時能具足无相禪那波羅蜜世  
尊云何菩薩摩訶薩行般若波羅蜜  
時住无相無作无得法中修具足般  
若波羅蜜須菩提菩薩摩訶薩行般  
若波羅蜜時於諸法不見定實相是  
菩薩見色不定非實相乃至見識不  
定非實相不見色生乃至不見識生  
若不見色生乃至不見識生一切法  
若有漏若無漏不見來處不見去處  
亦不見集處如是觀時不得色性乃  
至識性亦不得有漏无漏法性是菩  
薩行般若波羅蜜時信解一切諸法  
無所有性如是信解已行内空乃至  
无法有法空於諸法無所著若色若  
受想行識乃至阿耨多羅三藐三菩  
提是菩薩行无所有般若波羅蜜能  
具足菩薩道所謂六波羅蜜乃至三  
十七助道法佛十力四無所畏四无  
所智十八不共法三十二相八十隨  
形好是菩薩住空淨佛道中所謂六  
波羅蜜三十七助道法報得神通以

是法饒益衆生宜以布施攝教令布施  
施宜以持戒攝教令持戒宜以禪定智  
慧解脫解脫知見宜以諸道法教者教  
令得須陀洹果得斯陀含果阿那含  
果阿羅漢果辟支佛道宜以佛道化  
者教令得菩薩道具足佛道如是等  
隨其所應道地而教化之各令得所  
是菩薩現種種神通力時過无量恒  
河沙等國土度脫衆生生死隨其所  
須皆供給之各各滿足從一國土至  
一國土見淨妙國土以自莊嚴已佛  
國土譬如他化自在天中資生所須  
隨意自至亦如諸淨佛國離於求欲  
是人以是報得檀那波羅蜜尸羅波  
羅蜜羼提波羅蜜毗梨耶波羅蜜禪  
那波羅蜜般若波羅蜜報得五神通  
行菩薩道道種智成就一切功德當  
得阿耨多羅三藐三菩提是菩薩今  
時不受色法乃至識不受一切法若  
善若不善若世間若出世間若有漏  
若无漏若有為若無為如是一切法  
皆不受是菩薩得阿耨多羅三藐三

菩提時國土一切所有資生之物皆  
無有主何以故是菩薩行一切法不  
受以不可得故如是須菩提菩薩摩  
訶薩无相法中能具足般若波羅蜜

摩訶般若波羅蜜經六喻品第十七

六度品

須菩提白佛言世尊云何無相不可  
分別自相空諸法中具足修六波羅  
蜜所謂檀那波羅蜜尸羅波羅蜜羼  
提波羅蜜毗梨耶波羅蜜禪那波羅  
蜜般若波羅蜜世尊云何无異法中  
而分別說異相云何般若波羅蜜攝  
檀尸羼精進禪云何行異相法以一  
相道得果佛告須菩提菩薩摩訶薩  
住五陰如夢如響如影如焰如幻如化  
住是中行布施持戒修忍辱勤精進  
入禪定修智慧知是五陰實如夢如  
響如影如焰如幻如化五陰如夢无  
相乃至如化無相何以故夢无自性  
響影焰幻化皆无自性若法無自性  
是法无相若法無相是法一相所謂  
無相以是因緣故須菩提當知菩薩  
布施无相施者無相受者无相能如  
是知布施是能具足檀那波羅蜜乃



至能具足般若波羅蜜能具足四念處乃至八聖道分能具足內空乃至無法有法空能具足空三昧無相无作三昧能具足八背捨九次第定五神通五百陀羅尼門能具足佛十力四無所畏四无碍智十八不共法是菩薩住是報得無漏法中飛到東方无量國土供養諸佛衣服飲食乃至隨其所湏而供養之亦利益衆生應以布施攝者而布施攝之應以持戒攝者教令持戒應以忍辱精進禪定智慧智慧攝者教令忍辱精進禪定智慧而攝取之乃至應以種種善法攝者以種種善法而攝取之是菩薩成就是一切善法受世間身不為世間生死所汙為衆生故於天上人中受尊貴富樂以是尊貴富樂攝取衆生是菩薩以知一切法無相故知湏陀洹果亦不於中住知斯陀含果阿那含果阿羅漢果亦不於中住知辟支佛道亦不於中住何以故是菩薩用一切種智知一切法已應當得一切種智不與聲聞辟支佛共如是湏菩提

菩薩摩訶薩知一切法无相已知六波羅蜜无相乃至知一切佛法無相復次須菩提是菩薩摩訶薩住五陰如夢如響如影如焰如幻如化能具足无相尸羅波羅蜜具足戒不缺不破不雜不著聖人所讚無漏戒八八聖道分任是戒中持一切戒所謂名字戒自然戒律儀戒作戒无作戒威儀戒非威儀戒是菩薩摩訶薩成就諸戒不作是願我以此戒因緣故生刹利大姓婆羅門大姓居士大家若小王家若轉輪聖王家若四天王天處生若三十三天夜摩天兜率陀天化樂天他化自在天不作是願我持戒因緣故當得須陀洹果斯陀含果阿那含果阿羅漢果辟支佛道何以故一切法无相所謂一相無相法不能得無相法有相法不能得有相法无相法不能得有相法有相法不能得無相法如是須菩提菩薩摩訶薩行般若波羅蜜時能具足无相尸羅波羅蜜而入菩薩位入菩薩位已得无生法忍行道種智得報得五神通

住五百陀羅尼門得四无闕智從一  
佛國至一佛國供養諸佛成就衆生  
淨佛國土雖入五道中生死業報不  
能染汙須菩提譬如化轉輪聖王雖  
坐卧行住不見來處不見去處不見  
住處坐處卧處而能利益衆生亦不  
得衆生菩薩亦如是須菩提譬如須  
扇多佛得阿耨多羅三藐三菩提為  
三乘轉法輪无有得菩薩記者化作  
佛已捨身壽命入無餘涅槃須菩提  
菩薩亦如是行般若波羅蜜時能具  
足尸羅波羅蜜能具足尸羅波羅蜜  
已攝一切善法復次須菩提菩薩摩  
訶薩行般若波羅蜜時住五陰如夢  
如響如影如焰如幻如化具足無相  
羣提波羅蜜世尊云何菩薩摩訶薩  
具足无相羣提波羅蜜須菩提菩薩  
摩訶薩住二忍中能具足羣提波羅  
蜜何等二忍生忍法忍從初發意乃  
至坐道場於其中間若一切衆生來  
罵詈辱惡語或以瓦石刀杖加是菩  
薩是菩薩欲具足羣提波羅蜜故乃  
至不生一念惡是菩薩如是思惟罵

我者誰割我者誰以惡言加我者誰以瓦石刀杖害我者誰何以故是菩薩於一切法得无相忍故云何作是念是人罵我害我若菩薩摩訶薩如是行能具足羣提波羅蜜以是羣提波羅蜜具足故得無生法忍須菩提白佛言世尊云何為无生法忍是忍何所斷何所知佛告須菩提得法忍乃至不生少許不善法是故名无生忍一切菩薩所斷煩惱盡是名斷用智慧知一切法不生是名知須菩提白佛言世尊諸聲聞辟支佛無生法忍菩薩无生法忍有何等異佛告須菩提諸須陀洹若智若斷是名菩薩忍斯陀含若智若斷是名菩薩忍阿羅漢若智若斷是名菩薩忍辟支佛若智若斷是名菩薩忍是為異須菩提善薩摩訶薩成就是忍勝一切聲聞辟支佛住是報得无生忍中行菩薩道能具足道種智具足道種智故常不離三十七助道法及空无相無作三昧常不離五神通不離五神通故能

成就衆生淨佛國土能成就衆生淨  
佛國土已當得一切種智如是須菩  
提菩薩摩訶薩具足无相羣提波羅  
蜜復次須菩提菩薩摩訶薩住无相  
五陰如夢如響如影如焰如幻如化  
行身精進心精進以身精進故起神  
通起神通故到十方國土供養諸佛  
饒益衆生以身精進力教化衆生令  
住三乘如是須菩提菩薩摩訶薩行  
般若波羅蜜能具足无相精進波羅  
蜜是菩薩以心精進聖無漏精進入  
八聖道分中能具足毗梨耶波羅蜜  
是毗梨耶波羅蜜皆攝一切善法所  
謂四念處四正勤四如意足五根五  
力七覺分八聖道分四禪四無量心  
四无色定八背捨九次第定佛十力  
四無所畏四无尋智十八不共法是  
中菩薩行是法應具足一切種智具  
足一切種智已斷一切煩惱習具足  
滿三十二相身放无等無量光明放  
光明已三轉十二行法輪法輪轉故  
三千大千國土六種震動光明遍照  
三千大千國土三千大千國土中衆

生聞說法聲皆以三乘法而得度脫  
如是須菩提菩薩摩訶薩住精進波  
羅蜜中能大饒益及能具足一切種  
智復次須菩提菩薩住无相五陰如  
夢如響如影如焰如幻如化能具足  
禪那波羅蜜世尊云何菩薩住五陰  
如夢如響如影如焰如幻如化能具  
足禪那波羅蜜須菩提菩薩摩訶薩  
入初禪乃至入第四禪入慈悲喜捨  
入无量心入無邊虛空處乃至非有  
想非無想處入空三昧无相無作三  
昧入如電光三昧入如金剛三昧入聖  
正三昧除諸佛三昧諸餘三昧若共  
聲聞辟支佛三昧皆證皆入亦不受  
三昧味亦不受三昧果何以故是菩  
薩知是三昧无相無所有性當云何  
於无相法受無相法味无所有法受  
無所有法味若不受味則不隨禪定  
力生若色界若无色界何以故是菩  
薩不見是二界亦不見是禪亦不見  
入禪者亦不見用是法入禪者不見  
入禪處若不得是法今時菩薩能具  
足無相禪那波羅蜜菩薩用是禪那



波羅蜜能過聲聞辟支佛地須菩提  
白佛言世尊云何菩薩具足无相禪  
那波羅蜜故能過聲聞辟支佛地佛  
告須菩提是菩薩善學內空善學外  
空乃至善學无法有法空於是諸空  
無法可住處若須陀洹果斯陀含阿  
那含阿羅漢果乃至一切種智是諸  
法空亦空菩薩摩訶薩行如是諸空  
能入菩薩位中須菩提白佛言世尊  
云何菩薩摩訶薩位云何非位須菩  
提一切有所得是非菩薩位一切無  
所得是菩薩位世尊何等是有所得  
何等是无所得須菩提色是有所得  
受想行識是有所得眼耳鼻舌身意  
乃至一切種智是有所得是非菩薩  
位須菩提菩薩位者是諸法不可示  
不可說何等法不可示不可說若色  
乃至一切種智何以故須菩提色性  
是不可示不可說乃至一切種智性  
是不可示不可說須菩提如是名菩  
薩位是菩薩入位中一切禪定三昧  
具足尚不隨禪定三昧力生何況住  
淫怒癡於中起罪業生菩薩但住如

幻法中饒益衆生亦不得衆生亦不得幻若无所得是時能成就衆生淨佛國土如是須菩提是名菩薩具足无相禪那波羅蜜乃至能轉法輪所謂不可得法輪復次須菩提菩薩摩訶薩行般若波羅蜜知一切法如夢如響如影如焰如幻如化須菩提白佛言世尊菩薩摩訶薩云何知一切法如夢如響如影如焰如幻如化須菩提菩薩摩訶薩行般若波羅蜜時不見夢不見見見夢者不見響不見聞響者不見影不見見見影者不見焰不見見焰者不見幻不見見幻者不見化不見見化者何以故是夢響影焰幻化皆是凡夫愚人顛倒法故阿羅漢不見夢不見見見夢者乃至不見化不見見化者辟支佛菩薩摩訶薩諸佛亦不見夢亦不見見見夢者乃至不見化亦不見見化者何以故一切法无所有性不生不定若法無所有性不生不定菩薩摩訶薩當云何行般若波羅蜜是中取生相定相是處不然而以故若諸法少多有性有生有定

不名般若波羅蜜如是須菩提菩薩  
摩訶薩行般若波羅蜜不著色乃至  
不著識不著欲色无色界不著諸禪  
解脫三昧不著四念處乃至八聖道  
分不著空三昧无相無作三昧不著  
檀那波羅蜜尸羅波羅蜜羼提波羅  
蜜毗梨耶波羅蜜禪那波羅蜜般若  
波羅蜜不著故能具足菩薩初地於  
初地中亦不生著何以故是菩薩不  
得是地云何生著乃至十地亦如是  
是菩薩行般若波羅蜜亦不得般若  
波羅蜜若行般若波羅蜜時不得般  
若波羅蜜是時見一切法皆入般若  
波羅蜜中亦不得是法何以故是諸  
法與般若波羅蜜无二無別何以故  
諸法入如法性實際故无分別須菩  
提白佛言世尊若諸法無相无分別  
云何說是善是不善是有漏是無漏  
是世間是出世間是有為是无為須  
菩提於汝意云何諸法實相中有法  
可說是善是不善乃至是有為是無  
為是須陀洹果乃至阿羅漢是辟支  
佛是菩薩是阿耨多羅三藐三菩提

不世尊不可說也。須菩提以是因緣，故當知一切法無相，无分別，無生，无定，不可示，須菩提我本行菩薩道時，亦无有法可得，性若色，若受，想，行，識，乃至若有為，若无為，須陀洹，果，乃至阿耨多羅三藐三菩提，如是須菩提，菩薩摩訶薩行般若波羅蜜，從初發意，乃至阿耨多羅三藐三菩提，應善學諸法，性善，學諸法，性是名阿耨多羅三藐三菩提，善提道行，是道能具足六波羅蜜，成就衆生淨佛國土，住是法中，得阿耨多羅三藐三菩提，以三乘法度脫衆生，亦不著三乘，如是須菩提，菩薩摩訶薩以无相法，應學般若波羅蜜。

摩訶般若波羅蜜經卷第三十三

戊戌歲高麗國大藏都監奉  
勅彫造

摩訶般若波羅蜜經卷第二十四

海

後秦龜茲國三藏鳩摩羅什譯

四攝品第七十八

須菩提白佛言世尊若諸法如夢如響如影如焰如幻如化無有實事无所有性自相空者云何分別是善法是不善法是世間法是出世間法是有漏法是无漏法是有為法是无為法是法能得須陀洹果斯陀含果阿那含果阿羅漢果能得辟支佛道能得阿耨多羅三藐三菩提佛告須菩提凡夫愚人得夢得見夢者乃至得化得見化者起身口意善業不善業無記業起福業若罪業作不動業是菩薩摩訶薩行般若波羅蜜住二空中畢竟空无始空為衆生說法作是言諸衆生是色空無所有受想行識空无所有十二入十八界空無所有色是夢受想行識是夢十二入十八界是夢色是響是影是焰是幻是化受想行識亦如是十二入十八界是夢是響是影是焰是幻是化是中無陰

入界無夢亦无見夢者無響亦无聞  
響者无影亦無見影者无焰亦無見  
焰者無幻亦无見幻者無化亦无見  
化者一切法無根本實性无所有汝  
等於无陰中見有陰无入見有入無  
界見有界是一切法皆從因緣和合  
生以顛倒心起屬業果報汝等何以  
故於諸法空无根本中而取根本相  
是時菩薩摩訶薩行般若波羅蜜以  
方便力故於慳法中拔出衆生教行  
檀部波羅蜜持是布施功德得大福  
報從大福報拔出教令持戒持戒功  
德生天上尊貴處復拔出令住初禪  
初禪功德生梵天處二禪三禪四禪  
无邊空處識處無所有處非有想非  
無想處亦如是衆生行是布施及布  
施果報持戒及持戒果報禪定及禪  
定果報種種因緣拔出安置无餘涅  
槃及涅槃道中所謂四念處四正勤  
四如意足五根五力七覺分八聖道  
分空解脫門无相無作解脫門八背  
捨九次第定佛十力四无所畏四無  
尋智十八不共法安隱衆生令住聖



無漏法无色無形无寻法中有可得  
須陀洹果者安隱教化令住須陀洹  
果可得斯陀舍果阿那舍果阿羅漢  
果辟支佛道者令住斯陀舍果阿那  
舍果阿羅漢果辟支佛道可得阿耨  
多羅三藐三菩提者安隱教化令住  
阿耨多羅三藐三菩提中須菩提白  
佛言世尊諸菩薩摩訶薩甚希有難  
及能行是深般若波羅蜜諸法无所  
有性畢竟空無始空而分別諸法是  
善是不善是有漏是無漏乃至是有  
為是无為佛告須菩提如是如是諸  
菩薩摩訶薩甚希有難及能行是深  
般若波羅蜜諸法无所 有性畢竟空  
無始空而分別諸法須菩提汝等若  
知是菩薩摩訶薩希有難及法則知  
一切聲聞辟支佛不能報何況餘人  
須菩提白佛言世尊何等是菩薩摩  
訶薩希有難及法諸聲聞辟支佛所  
无有佛告須菩提一心諦聽有菩薩  
摩訶薩行般若波羅蜜住報得六波  
羅蜜中及住報得五神通三十七助  
道法住諸陀羅尼諸无寻智到十方

國土可以布施度者以布施攝之可以持戒度者以持戒攝之可以忍辱精進禪定智慧度者隨其所應而攝取之可以初禪度者以初禪攝之可以二禪三禪四禪无邊空處無邊識處無所有處非有想非无想處度者隨其所應而攝取之可以慈心悲喜捨心度者以慈悲喜捨心而攝取之可以四念處四正勤四如意足五根五力七覺分八聖道分空三昧无相无作三昧度者隨而攝之世尊菩薩摩訶薩云何以布施饒益衆生須菩提菩薩行般若波羅蜜時布施隨其所須飲食衣服車馬香華瓔珞種種所須盡給與之若供養佛辟支佛阿羅漢阿耨舍斯陀含須陀洹等無異若施入正道中人及凡人下至禽獸皆无分別等一布施何以故一切法不異不分別故是菩薩无異無別布施已當得無分別法報所謂一切種智須菩提若菩薩摩訶薩見乞丐者若生是心佛是福田我應供養禽獸非福田不應供養是非菩薩法何以

故菩薩摩訶薩發阿耨多羅三藐三  
菩提心不作是念是衆生應以布施  
饒益是不應布施是衆生布施因緣  
故生剎利大姓婆羅門大姓居士大  
家乃至以是布施因緣以三乘法度  
之令入無餘涅槃若衆生來從菩薩  
乞亦不生異心分別應與是不應與  
是何以故是菩薩為是衆生故發阿  
耨多羅三藐三菩提心若分別簡擇  
便墮諸佛菩薩辟支佛學无學人二  
切世間天及人呵責處誰請汝救一  
切衆生汝為一切衆生舍一切衆生  
護一切衆生依而分別簡擇應與不  
應與復次若菩薩摩訶薩行般若波  
羅蜜時若人若非人來欲求乞菩薩  
身體支節是時不應生二心若與若  
不與何以故是菩薩摩訶薩為衆生  
故受身衆生來取何可不與我以饒  
益衆生故受是身衆生不乞自應與  
之何況乞而不與菩薩摩訶薩行般  
若波羅蜜應如是學復次須菩提若  
菩薩摩訶薩見有乞者應生是念是  
中誰與誰受所施何物是一切法自

性皆不可得以畢竟空故空相法無  
與无奪何以故畢竟空故內空外  
空內外空大空第一義空自相空故  
住是諸空布施是時具足檀那波羅  
蜜具足檀那波羅蜜故若斷內外法  
時作是念截我者誰割我者誰復次  
須菩提我以佛眼見東方如恒河沙  
等諸菩薩摩訶薩入大地獄令火滅  
湯冷以三事教化一者神通二者知  
他心三者說法是菩薩以神通力令  
大地獄火滅湯冷知他心以慈悲喜  
捨隨意說法是衆生於菩薩生清淨  
心從地獄得脫漸以三乘法得盡苦  
際南西北方四維上下亦如是復次  
須菩提我以佛眼觀十方世界見如  
恒河沙等國土中諸菩薩為諸佛給  
使供給諸佛隨意愛樂尊敬若諸佛  
所說盡能受持乃至阿耨多羅三藐  
三菩提終不忘失復次須菩提我以  
佛眼觀十方如恒河沙等國土中諸  
菩薩摩訶薩為畜生故捨其壽命割  
截身體分散諸方諸有衆生食是諸  
菩薩摩訶薩肉者皆愛敬菩薩以愛

敬故即得離畜生道值遇諸佛聞佛說法如說修行漸以三乘聲聞辟支佛佛法於无餘涅槃而般涅槃如是須菩提諸菩薩摩訶薩所益甚多教化衆生令發阿耨多羅三藐三菩提心如說修行乃至於无餘涅槃而般涅槃復次須菩提我以佛眼見十方如恒河沙等國土中諸菩薩摩訶薩除諸餓鬼飢渴苦是諸餓鬼皆愛敬菩薩以愛敬故得離餓鬼道值遇諸佛聞諸佛說法如說修行漸以三乘聲聞辟支佛佛法而般涅槃乃至無餘涅槃如是須菩提菩薩摩訶薩為度衆生故行大悲心復次須菩提我以佛眼見諸菩薩摩訶薩在四天王天上說法在三十三天夜摩天兜率陀天化樂天他化自在天上說法諸天聞菩薩說法漸以三乘而得滅度須菩提是諸天衆中有耽著五欲者是菩薩示現火起燒其宮殿而為說法作是言諸天一切有為法悉皆无常誰常安者復次須菩提我以佛眼觀十方世界見如恒河沙等國土中



諸梵天著於邪見諸菩薩摩訶薩歟  
今遠離邪見作是言汝等云何於空  
相虛妄諸法中而生邪見如是須菩  
提菩薩摩訶薩住大慈心為衆生說  
法須菩提是為諸菩薩希有難及法  
復次須菩提我以佛眼觀十方世界  
如恒河沙等國土中諸菩薩摩訶薩  
以四事攝取衆生何等四布施愛語  
利益同事云何菩薩以布施攝取衆  
生須菩提菩薩以二種施攝取衆生  
財施法施何等財施攝取衆生須菩  
提菩薩摩訶薩以金銀琉璃頗梨真  
珠珂貝珊瑚等諸寶物或以飲食衣  
服卧具房舍燈燭華香瓔珞若男若  
女若牛若羊象馬車乘若以己身給施  
衆生語衆生言汝等若有所須各來  
取之如取己物莫得疑難是菩薩施  
已教三歸依歸依佛歸依法歸依僧  
或教受五戒或教一日戒或教初禪  
乃至教非有想非无想定或教慈悲  
喜捨或教念佛念法念僧念戒念捨  
念天或教不淨觀或教安那般觀  
或相或觸或教四念處四正勤四如意



足五根五力七覺分八聖道分空三昧无相無作三昧八背捨九次第定佛十力四无所畏四無尋智十八不共法大慈大悲三十二相八十隨形好或教須陀洹果斯陀含果阿那含果阿羅漢果或教辟支佛道或教阿耨多羅三藐三菩提如是須菩提菩薩摩訶薩行般若波羅蜜以方便力教衆生財施已復教令得无上安隱涅槃須菩提是名菩薩摩訶薩希有難及法須菩提菩薩云何以法施攝取衆生須菩提法施有二種一者世間二者出世間何等為世間法施敷演顯示世間法所謂不淨觀安那般那念四禪四无量心四無色定如是等世間法及諸餘共凡夫所行法故名世間法施是菩薩如是世間法施已種種因緣教化令遠離世間法遠離世間法已以方便力令得聖无漏法及聖無漏法果何等是聖无漏法何等是聖无漏法果聖無漏法者三十七助道法三解脫門聖无漏法果者須陀洹果乃至阿羅漢果辟支佛

道阿耨多羅三藐三菩提復次須菩  
提菩薩摩訶薩聖无漏法須陀洹果  
中智慧乃至阿羅漢果中智慧辟支  
佛道中智慧三十七助道法中智慧  
六波羅蜜中智慧乃至大慈大悲中  
智慧如是等一切法若世間若出世  
間智慧若有漏若无漏若有為若無  
為是法中一切種智是名菩薩摩訶  
薩聖无漏法何等為聖無漏法果斷  
一切煩惱習相續是名聖无漏法果  
須菩提白佛言世尊菩薩摩訶薩得  
一切種智不佛言如是如是須菩提  
菩薩摩訶薩得一切種智須菩提言  
菩薩與佛有何等異佛言有異菩薩  
摩訶薩得一切種智是名為佛所以  
者何菩薩心與佛心无有異菩薩住  
是一切種智中於一切法無不照明  
是名菩薩摩訶薩世間法施須菩提  
菩薩摩訶薩因緣世間法施得出世  
間法施如是須菩提菩薩摩訶薩教  
衆生令得世間法以方便力故教令  
得出世間法須菩提何等是菩薩出  
世間法不共凡夫法同所謂四念處

四正勤四如意足五根五力七覺分  
八聖道分三解脫門八背捨九次第  
定佛十力四无所畏四無所智十八  
不共法三十二相八十隨形好五百陀  
羅尼門是名出世間法須菩提云何  
為四念處菩薩摩訶薩觀內身循身  
觀觀外身循身觀觀內外身循身觀  
勤精進以一心智慧觀觀身集因緣  
生觀身滅觀身集生滅行是道无所  
依於世間無所受受心法念處亦如  
是須菩提云何為四正勤未生惡不  
善法為不生故勤生欲精進已生惡  
不善法為斷故勤生欲精進未生善  
法為生故勤生欲精進已生諸善法  
為增長修具足故勤生欲精進是名  
四正勤須菩提云何為四如意足欲  
三昧斷行成就初如意足精進三昧  
心三昧思惟三昧斷行成就如意足  
云何為五根信根進根念根定根慧  
根云何為五力信力精進力念力  
定力慧力云何為七覺分念覺分擇  
法覺分精進覺分喜覺分除息覺分  
定覺分捨覺分云何為八聖道分正

見正思惟正語正業正命正精進正  
念正定云何為三三昧空三昧門无  
相無作三昧門云何為空三昧以空  
行无我行攝心是名空三昧云何為  
無相三昧以寂滅行離行攝心是為  
无相三昧云何為無作三昧无常行  
苦行攝心是名无作三昧云何為八  
解脫内色相外觀色是初解脫内无  
色相外觀色是二解脫淨解脫是三  
解脫過一切色相滅一切有對相不念  
一切異相故觀无邊虛空入無邊虛  
空處乃至過一切非有想非无想處  
入滅受想解脫是名八解脫云何九  
次第定行者離欲惡不善法有覺有  
觀離生喜樂入初禪第二第三第四  
禪乃至過非有想非无想處入滅受  
想定是名九次第定云何為佛十力  
是處不是處如實知衆生過去未來  
現在諸業諸法諸受知造業處知因緣  
知報諸禪定解脫三昧定垢淨分別  
相如實知知他衆生諸根上下相知  
他衆生種種欲解知世間種種無數  
性知一切到道相知種種宿命一世

乃至无量劫如實知天眼見衆生乃至生善惡道漏盡故无漏心解脫如實知是為佛十力云何為四无所畏佛作誠言我是一切正智人若有沙門婆羅門若天若魔若梵若復餘衆如實言是法不知乃至不見是微畏相以是故我得安隱得無所畏安住聖主處在大衆中作師子吼能轉梵輪諸沙門婆羅門若天若魔若梵若復餘衆實不能轉一无所畏佛作誠言我一切漏盡若有沙門婆羅門若天若魔若梵若復餘衆如實言是漏不盡乃至不見是微畏相以是故我得安隱得无所畏安住聖主處在大衆中作師子吼能轉梵輪諸沙門婆羅門若天若魔若梵若復餘衆實不能轉二無畏也佛作誠言我說障法若有沙門婆羅門若天若魔若梵若復餘衆如實言受是法不障道乃至不見是微畏相以是故我得安隱得无所畏安住聖主處在大衆中作師子吼能轉梵輪諸沙門婆羅門若天若魔若梵若復餘衆實不能轉三

畏也佛作誠言我所說聖道能出世間隨是行能盡苦若有沙門婆羅門若天若魔若梵若復餘衆如實言行是道不能出世間不能盡苦乃至不見是微畏相以是故我得安隱得无所畏安住聖主處在大衆中師子吼能轉梵輪諸沙門婆羅門若天若魔若梵若復餘衆實不能轉四无畏也云何為四無尋智一者義无尋智二者法无尋智三者辭無尋智四者樂說無尋智云何為義无尋智緣義智慧是為義无尋智云何為法無尋智緣法智慧是為法無尋智云何為辭无尋智緣辭智慧是為辭无尋智云何為樂說无尋智云何為十八不共法一諸佛身無失二口无失三念無失四无異相五无不定心六無不知已捨心七欲無減八精進无減九念无減十慧无減十一解脫無減十二解脫知見無減十三一切身業隨智慧行十四一切口業隨智慧行十五一切意業隨智慧行十六智慧知過去世無尋



十七智慧知未來世无碍十八智慧知現在世無碍云何三十二相一者足下安平立平如奩底二者足下千輻輞輪輪相具足三者手足指長勝於餘人四者手足柔軟勝餘身分五者足跟廣具足滿好六者手足指合縹網妙好勝於餘人七者足趺高平好與跟相稱八者伊泥延鹿蹲蹲纖好如伊泥延鹿王九者平住兩手摩膝十者陰藏相如馬王象王十一者身縱廣等如尼俱盧樹十二者一一孔一毛生色青柔軟而右旋十三者毛上向青色柔軟而右旋十四者金色相其色微妙勝閻浮檀金十五者身光面一丈十六者皮薄細滑不受塵垢不停蚊蚋十七者七處滿兩足下兩手中兩肩上項中皆滿字相分明十八者兩腋下滿十九者上身如師子二十者身廣端直二十一者肩圓好二十二者四十齒二十三齒白齊密而根深二十四者四牙冪白而大二十五者方頰車如師子二十六者味中得上味咽中二處津液流出二十

七者舌大軟薄能覆面至耳鬚際二  
十八者梵音深遠如迦蘭頻伽聲二  
十九者眼色如金精三十者眼暗如牛  
王三十一者眉間白毫相軟白如兜  
羅綿三十二者頂髻肉骨成是三十  
二相佛身成就光明遍照三千大千  
國土若欲廣照則遍滿十方无量阿  
僧祇國土為衆生故受丈夫光若放無  
量光明則无日月時節歲數佛音聲  
遍滿三千大千國土若欲大聲則遍  
滿十方無量阿僧祇國土隨衆生多  
少音聲遍至云何為八十隨形好一  
者无見頂二者鼻直高好孔不現三  
者眉如初生月紺琉璃色四者耳輪  
埵成五者身堅實如那羅延六者骨  
際如鈎環七者身一時迴如象王八者  
行時足去地四寸而印文現九者爪  
如赤銅色薄而潤澤十者膝骨堅著  
圓好十一者身身淨潔十二者身柔軟  
十三者身不曲十四者指長纖圓十  
五者指文莊嚴十六者脉深十七者  
踝不現十八者身潤澤十九者身自  
持不透迤二十者身滿足二十一者

識滿足二十二者容儀備足二十三者  
住處安无能動者二十四者威震一  
切二十五者一切樂觀二十六者面不  
大長二十七者正容貌不撓色二十  
八者面具足滿二十九者脣赤如頻  
婆果色三十者音響音深三十一者臍  
深圓好三十二者毛右旋三十三者  
手足滿三十四者手足如意三十五  
者手文明直三十六者手文長三十  
七者手文不斷三十八者一切惡心  
衆生見者和悅三十九者面廣姝好四  
十者面淨滿如月四十一者隨衆生  
意和悅與語四十二者毛孔出香氣  
四十三者口出無上香四十四者儀  
容如師子四十五者進止如象王四  
十六者行法如鵝王四十七者頭如  
摩陀邨果四十八者一切聲分具足  
四十九者牙利五十者舌色赤五十  
一者舌薄五十二者毛紅色五十三  
者毛潔淨五十四者廣長眼五十五  
者孔門相具五十六者手足赤白如  
蓮華色五十七者臍不出五十八者  
腹不現五十九者細腹六十者身不

傾動六十一者身持重六十二者其身大六十三者身長六十四者手足  
縹淨軟澤六十五者邊光各一丈六  
十六者光照身而行六十七者等視  
衆生六十八者不輕衆生六十九者  
隨衆生音聲不過不減七十者說法  
不著七十一者隨衆語言而為說法  
七十二者一發音報衆聲七十三者  
次第有因緣說法七十四者一切衆  
生不能盡觀相七十五者觀无厭足  
七十六者髮長好七十七者髮不亂  
七十八者髮旋好七十九者髮色如  
青珠八十者手足有德相須菩提是  
為八十隨形好佛身成就如是須菩  
提菩薩摩訶薩以二施攝取衆生所  
謂財施法施是為菩薩希有難及事  
云何為菩薩摩訶薩愛語攝取衆生  
菩薩摩訶薩以六波羅蜜為衆生說  
法作是言汝行六波羅蜜攝一切善  
法云何為菩薩摩訶薩利行攝取衆  
生菩薩摩訶薩長夜教衆生令行六  
波羅蜜云何為菩薩摩訶薩同事攝  
取衆生菩薩摩訶薩以五神通力故

種種變化入五道中與衆生同事以  
此四事而攝取之復次須菩提菩薩  
摩訶薩行般若波羅蜜時教化衆生  
善男子當善學分別諸字亦當善知  
一字乃至四十二字一切語言皆入初  
字門一切語言亦入第二字門乃至  
第四十二字門一切語言皆入其中  
一字皆入四十二字四十二字亦入一  
字是衆生應如是善學四十二字善  
學四十二字已能善說字法善說字  
法已善說无字法須菩提如佛善知  
字法善知字善知無字為无字法故  
說字法何以故須菩提過一切名字  
法故名為佛法須菩提白佛言世尊  
若衆生畢竟不可得法亦不可得法  
性亦不可得畢竟空无始空故世尊菩  
薩摩訶薩云何行般若波羅蜜行禪那  
波羅蜜毗梨耶波羅蜜羼提波羅蜜  
尸羅波羅蜜檀那波羅蜜時行四禪  
四无量心四無色定三十七助道法  
十八空行空无相無作三昧八解脫  
九次第定佛十力四无所畏四無尋  
智十八不共法三十二相八十隨形

好云何住報得五神通為衆生說法  
衆生實不可得衆生不可得故色不  
可得乃至識亦不可得五陰不可得  
故六波羅蜜乃至八十隨形好皆不  
可得是不可得中无衆生無色乃至  
无八十隨形好世尊云何菩薩摩訶  
薩行般若波羅蜜為衆生說法世尊  
菩薩行般若波羅蜜時菩薩尚不可  
得何況當有菩薩法佛告須菩提如  
是如是如汝所言衆生不可得故當  
知是内空外空内外空空大空第  
一義空有為空无為空畢竟空無始  
空散空諸法空自相空性空不可得  
空無法空有法空无法有法空衆生  
不可得故當知五陰空十二入十八  
界空十二因緣空四諦空我空壽者  
命者生者養育者衆數者人者作  
者使作者起者使起者受者使受者  
知者見者皆空衆生不可得故當知  
四禪空四无量心空四無色定空空當  
知四念處空乃至八聖道分空空空  
无相空無作空八解脫空九次第定  
空衆生不可得故當知佛十力空四



無所畏空四无寻智空十八不共法  
空當知須陀洹果空斯陀含果空阿  
那含果空阿羅漢果空辟支佛道空  
當知菩薩地空阿耨多羅三藐三菩  
提空須菩提菩薩摩訶薩如是見一  
切法空為衆生說法不失諸空相是  
菩薩如是觀時知一切法無寻知一  
切法无寻已不壞諸法相不二不分  
別但為衆生如實說法譬如佛所化  
人化人復化作无量千万億人有教  
令布施者有教持戒有教忍辱有教  
精進有教禪定有教智慧有教四禪  
四无量心四無色定者於汝意云何  
佛所化人有分別破壞諸法不須菩  
提言不也世尊是化人無心无心數  
法云何分別破壞諸法以是故須菩  
提當知菩薩摩訶薩行般若波羅蜜  
為衆生如應說法拔出衆生於顛倒  
地令衆生各得如所應住地以不縛不  
脫法故何以故須菩提是色不縛不  
脫受想行識不縛不脫色無縛无脫  
不是色受想行識無縛无脫不是識  
何以故色畢竟清淨故受想行識乃

至一切法若有為若無為亦畢竟清淨故如是須菩提菩薩摩訶薩為衆生說法亦不得衆生及一切法一切法不可得故菩薩以不住法故住諸法相中所謂色空乃至有為無為法自性不何以故色乃至有為無為法自性不可得故无有住處無所有法不住无所有法自性法不住自性法他性法不住他性法何以故是一切法皆不可得故不可得法當住何處如是須菩提菩薩摩訶薩行般若波羅蜜以是諸空能如是說法如是行般若波羅蜜於諸佛及聲聞辟支佛无有過何以故諸佛及菩薩辟支佛阿羅漢得是法已為衆生說法亦不轉諸法相何以故如法性實際不可轉故所以者何諸法性無故須菩提白佛言世尊若法性如實際不轉色與法性異不色與如實際異不受想行識乃至有為无為法世間出世間有漏無漏異不佛言不也色不異法性不異如不異實際受想行識乃至有漏无漏亦不異須菩提白佛言世尊若色

不異法性不異如不異實際受想行  
識乃至有漏無漏不異者云何分別  
黑法有黑報所謂地獄餓鬼畜生白  
法有白報所謂諸天及人黑白法有  
黑白報不黑不白法有不黑不白報  
所謂須陀洹果斯陀含果阿那含果  
阿羅漢果辟支佛道阿耨多羅三藐  
三菩提佛告須菩提世諦故分別說  
有果報非第一義第一義中不可說  
因緣果報何以故是第一義實无有  
相無有分別亦无言說所謂色乃至  
有漏无漏法不生不滅相不垢不淨  
畢竟空無始空故須菩提白佛言世  
尊若以世諦故分別說有果報非第  
一義者一切凡夫人應有須陀洹果  
斯陀含果阿那含果阿羅漢果辟支  
佛道阿耨多羅三藐三菩提佛告須  
菩提於汝意云何凡夫人為知是世諦  
是第一義諦不若知是凡夫人應是  
須陀洹果乃至阿耨多羅三藐三菩  
提須菩提以凡夫人實不知世諦不  
知第一義諦不知道不知分別道果  
云何當有諸果須菩提聖人知世諦

知第一義諦有道有修道以是故聖人差別有諸果須菩提白佛言世尊修道得果不佛言不也須菩提修道不得果不修道亦不得果亦不離道得果亦不住道中得果如是須菩提菩薩摩訶薩行般若波羅蜜時為衆生故分別果亦不分別是有為性無為性世尊若不分別有為性無為性得諸果者云何世尊自說三結盡故名須陀洹婬怒癡薄故名斯陀含果五此間結盡名阿那含果五彼間結盡故名阿羅漢所有集法皆滅散相故名辟支佛道一切煩惱習斷故名阿耨多羅三藐三菩提世尊我當云何知不分別有為性無為性得諸果佛告須菩提汝以須陀洹果斯陀含果阿那含果阿羅漢果辟支佛道阿耨多羅三藐三菩提是諸果是有為是無為須菩提言世尊皆是无為須菩提无為法中有分別不不也世尊若善男子善女人通達一切法若有為若無為一相所謂无相是時有分別若有為若无為不不也世尊如是須

菩提菩薩摩訶薩為衆生說法不分  
別諸法所謂內空故乃至無法有法  
空故是菩薩自得无所著法亦教人  
令得無所著法若檀那波羅蜜尸羅  
波羅蜜羼提波羅蜜毗梨耶波羅蜜  
禪那波羅蜜般若波羅蜜初禪乃至  
第四禪慈悲喜捨无邊虚空處乃至  
非有想非無想處若四念處乃至一  
切種智是菩薩自不著故亦教他人  
令得无所著無所著故无所尋譬如  
佛所化人布施亦不受布施報但為  
度衆生故乃至行一切種智不受一  
切種智報菩薩摩訶薩亦如是行六  
波羅蜜乃至一切法有漏无漏有為  
無為不住亦不受報但為度衆生故  
何以故是菩薩摩訶薩善達一切諸  
法相故

摩訶般若波羅蜜經善達品第十九

須菩提白佛言世尊云何菩薩善達  
諸法相佛告須菩提譬如化人不行  
姪怒癡不行色乃至識不行内外法  
不行諸煩惱結使不行有漏法无漏  
法世間法出世間法有為法無為法

亦无聖果菩薩亦如是無有是法亦  
不分別是法是名善達諸法相須善  
提言世尊化人云何有修道佛言化  
人修道不垢不淨亦不在五道生死  
須善提於汝意云何佛所化人有根  
本實事不有垢有淨不須善提言不  
也佛所化人無有根本實事亦无垢  
亦无淨亦不在五道生死如是須善  
提善菩薩摩訶薩善達諸法相亦如是  
須善提言世尊一切色如化不受想  
行識如化不佛言一切色如化一切  
受想行識如化世尊若一切色如化  
一切受想行識如化一切法如化化  
人無色无受想行識無垢无淨無五  
道生死亦無解脫處菩薩有何等功  
用佛告須善提於汝意云何菩薩摩  
訶薩本行菩薩道時頗見有衆生從  
地獄餓鬼畜生天人中得解脫不須  
善提言不也世尊佛言如是如是須  
善提善菩薩摩訶薩亦如是不見衆生  
從三界得解脫何以故善菩薩摩訶薩  
見知一切法如幻如化世尊若菩薩  
摩訶薩見知一切法如幻如化為何



事故行六波羅蜜四禪四無量心四

光色定三十七助道法乃至行大慈

悲淨佛國土成就衆生佛告須菩提

若衆生自知諸法如幻如化菩薩摩

訶薩終不於阿僧祇劫為衆生行菩

薩道須菩提以衆生自不知諸法如

幻如化以是故菩薩摩訶薩於无量

阿僧祇劫行六波羅蜜成就衆生淨

佛國土得阿耨多羅三藐三菩提須

菩提白佛言世尊若一切法如夢如

響如影如焰如幻如化衆生在何處

住菩薩行六波羅蜜而拔出之須菩

提衆生但住名相虛妄憶想分別中

是故菩薩行般若波羅蜜於名相虛

妄中拔出衆生須菩提白佛言世尊

何等是名何等是相佛言此名強作

但假施設所謂此色此受想行識此

男此女此大此小此地獄此畜生此

餓鬼此人此天此有為此无為此是

須陀洹果斯陀含果阿那含果阿羅

漢果辟支佛道此佛道須菩提一切

和合法皆是假名以名取諸法是故

為名一切有為法但有名相凡夫愚

人於中生著菩薩摩訶薩行般若波  
羅蜜以方便力故於名字中教令遠  
離作是言諸衆生是名但有空名虛  
妄憶想分別中生沒等莫著虛妄憶  
想此事本末皆元自性空故智者所  
不著如是須菩提菩薩摩訶薩行般  
若波羅蜜以方便力故為衆生說法  
須菩提是為名何等為相須菩提有  
二種相凡夫人所著處何等為二  
者色相二者無色相須菩提何等名  
色相諸所有色若麤若細若好若醜  
皆是空是空法中憶想分別著心取  
相是名為色相何等是无色相諸無  
色法憶想分別著心取相故生煩惱  
是名无色相是菩薩摩訶薩行般若  
波羅蜜以方便力故教衆生遠離是  
相著無相法中今不墮二法所謂是  
相是无相如是須菩提菩薩摩訶薩  
行般若波羅蜜教衆生遠離相令住  
無相性中須菩提白佛言世尊若一  
切法但有名相云何菩薩行般若波  
羅蜜能自饒益亦教他人令得善利  
云何菩薩具足諸地從一地至一地教

化衆生令得三乘佛告須菩提若諸  
法根本定有非但名相者菩薩摩訶  
薩行般若波羅蜜時不能自利益亦  
不能利益他人須菩提諸法无有根  
本實事但有名相是故菩薩行般若  
波羅蜜時能具足禪那波羅蜜无相  
故毗梨耶波羅蜜羣提波羅蜜尸羅  
波羅蜜檀那波羅蜜无相故具足四  
禪波羅蜜四无量心波羅蜜四無色  
定波羅蜜无相故具足四念處波羅  
蜜无相故乃至具足八聖道分波羅  
蜜无相故具足內空波羅蜜无相故  
乃至具足无法有法空波羅蜜无相  
故具足解脫波羅蜜无相故目足九  
次第定波羅蜜无相故具足佛十力  
波羅蜜乃至具足十八不共法波羅  
蜜无相故是菩薩无相故自具足是  
諸善法亦教他人令具足善法無相  
故須菩提若諸法相當實有如毫釐  
許者菩薩摩訶薩行般若波羅蜜時  
不能知諸法無相无憶念得阿耨多  
羅三藐三菩提亦教衆生令得无漏  
法何以故一切無漏法无相無憶念

故如是須菩提菩薩摩訶薩行般若  
波羅蜜以无漏法利益衆生須菩提  
白佛言世尊若一切法無相无憶念  
云何數是聲聞法是辟支佛法是菩  
薩法是佛法佛告須菩提於汝意云  
何無相法與聲聞法異不不也世尊  
无相法與辟支佛法菩薩法佛法異  
不不也世尊佛告須菩提无相法即  
是須陀洹果斯陀含果阿那含果阿  
羅漢果辟支佛法菩薩法佛法須菩  
提言如是世尊須菩提以是因緣故  
當知一切法皆是無相須菩提菩薩  
摩訶薩學是一切法无相得增益善  
法所謂六波羅蜜四禪四無量心四  
无色定四念處乃至十八不共法何  
以故菩薩不以餘法為要如三解脫  
門所謂空無相无作所以者何一切  
善法皆入三解脫門何以故一切法  
自相空是名空解脫門一切法無相  
是名无相解脫門一切法無作无起  
相是名無作解脫門若菩薩摩訶薩  
學三解脫門是時能學五陰相能學  
十二入相能學十八界相能學四聖

諦十二因緣法能學內空外空乃至  
无法有法空能學六波羅蜜四念處  
乃至八聖道分能學佛十力四無所  
畏四无尋智十八不共法須菩提白  
佛言世尊云何菩薩摩訶薩行般若  
波羅蜜能學五受陰相佛告須菩提  
菩薩摩訶薩行般若波羅蜜知色相  
知色生滅知色如云何知色相知色  
畢竟空內分分異虛无實譬如水沫  
無堅固是為知色相云何知色生滅  
色生時无所從來去無所至若不来  
不去是為知色生滅相云何知色如  
是色如不生不滅不来不去不增不  
減不垢不淨是名知色如須菩提如  
名如實不虛如前後中亦尔常不異  
是為知色如云何知受相云何知受  
生滅云何知受如菩薩知諸受相如  
水中泡一起一滅是為知受相知受  
生滅者是諸受无所從來去無所至  
是為知受生滅知受如者是如不生  
不滅不来不去不增不減不垢不淨  
是為知受如云何知想相云何知想  
生滅云何知想如知想相者是想想如



焰水不可得而妄生水想是為知想  
相知想生滅者是想无所從來去無  
所至是為知想生滅知想如者諸想  
如不生不滅不來不去不增不減不  
垢不淨不轉於實相是為知想如云  
何知行相云何知行生滅云何知行  
如知行相者行如芭蕉葉葉除却不  
得堅實是為知行相知行生滅者諸  
行生无所從來去無所至是為知行  
生滅知行如者諸行不生不滅不來  
不去不增不減不垢不淨是為知行  
如云何知識相云何知識生滅云何  
知識如知識相者識如幻師幻作四  
種兵无有實識相亦如是是為知識  
相知識生滅者是識生时无所從來  
滅時無所去是為知識生滅知識如  
者知識不生不滅不來不去不垢不  
淨不增不減是為知識如云何知諸  
入眼眼性空乃至意意性空色色性  
空乃至法法性空云何知眼界眼界  
空色色界空眼識眼識界空乃至意  
識界亦如是云何知四聖諦知苦聖  
諦時遠離二法知苦諦不二不別是



名苦聖諦集盡道亦如是云何知苦  
如知苦聖諦即是如如是苦聖諦集  
盡道亦如是云何知十二因緣知十二  
因緣不生相是名知十二因緣須苦  
提白佛言世尊若菩薩摩訶薩行般  
若波羅蜜時各各分別知諸法將無  
以色性壞法性乃至一切種智性壞  
法性耶佛告須菩提若法性外更有  
法者應壞法性法性外法不可得是  
故不壞何以故須菩提佛及佛弟子  
知法性外法不可得不可得故不說  
法性外有法如是須菩提菩薩摩訶  
薩行般若波羅蜜應學法性須菩提  
白佛言世尊菩薩摩訶薩若學法性  
為无所學佛告須菩提菩薩摩訶薩  
學法性則學一切法何以故一切法  
即是法性須菩提白佛言世尊何因  
緣故一切法即是法性佛言一切法  
皆入無相无為性中以是因緣故學  
法性則學一切法須菩提白佛言世  
尊若一切法即是法性菩薩摩訶薩  
何以學般若波羅蜜禪那波羅蜜毗  
梨耶波羅蜜尸羅波羅

蜜檀部波羅蜜菩薩摩訶薩何以學  
初禪第二第三第四禪菩薩摩訶薩  
何以學慈悲喜捨何以學无邊虛空  
處無邊識處无所有處非有想非无  
想處何以學四念處四正勤四如意  
足五根五力七覺分八聖道分何以  
學空无相無作解脫門何以學八背  
捨九次第定佛十力四無所畏四无  
尋智十八不共法何以學六神通何  
以學三十二相八十隨形好何以學  
生剎利大姓婆羅門大姓居士大家  
何以學生四天王天處三十三天夜  
摩天兜率陀天化樂天他化自在天  
何以學生梵天王住處光音天遍淨  
天廣果天無想天淨居天何以學生  
无邊空處生無邊識處生无所有處  
生非有想非无想處何以學初發意  
地第二第三第四第五第六第七第  
八第九第十地何以學聲聞地辟支  
佛地菩薩法位何以學成就衆生淨  
佛國土何以學諸施羅左何以學樂  
說法何以學阿耨多羅三藐三菩提  
學已得一切種智知一切法世尊諸

法法性中无是分別世尊將無菩薩  
墮非道中何以故世尊法性中无如  
是分別法性中無色无受想行識諸  
法性亦不遠離色受想行識色即是  
法性法性即是色受想行識亦如是  
一切法亦如是佛告須菩提如是如  
是如汝所言色即是法性受想行識  
即是法性須菩提菩薩摩訶薩行般  
若波羅蜜時若法性外見有法者為  
不求阿耨多羅三藐三菩提菩薩摩  
訶薩行般若波羅蜜時知一切法性  
即是阿耨多羅三藐三菩提以是故  
菩薩摩訶薩行般若波羅蜜時知一  
切法即是法性已以无名相法以名  
相說所謂是色是受想行識乃至  
是阿耨多羅三藐三菩提須菩提譬  
如工幻師若幻弟子多人處立幻作  
種種形色男女象馬端嚴園林及諸  
廬館流泉浴池衣服卧具香華瓔珞  
餽饌飲食作衆伎樂以樂衆人又復  
幻作人令布施持戒忍辱精進禪定  
修智慧是幻師復幻作刹利大姓婆  
羅門大姓居士大家四天王天處須

彌山三十三天夜摩天兜率陀天化樂天他化自在天以示衆人復幻作梵衆天乃至非有想非无想天又幻作須陀洹斯陀舍阿那含阿羅漢辟支佛菩薩摩訶薩從初發意行檀那波羅蜜尸羅波羅蜜羼提波羅蜜毗梨耶波羅蜜禪那波羅蜜般若波羅蜜行初地乃至行十地入菩薩位遊戲神通成就衆生淨佛國土遊戲諸禪解脫三昧行佛十力四无所畏四无尋智十八不共法大慈大悲具足佛身三十二相八十隨形好以示衆人是中无智之人歎未曾有是人多能巧為衆事娛樂衆人種種形色乃至三十二相八十隨形好莊嚴佛身其中更有智之士思惟言未曾有也是中无有實事而以无所有法娛樂衆人今有形相无事事相無有有相如是須菩提菩薩摩訶薩不見離法性有法行般若波羅蜜以方便力故雖不得衆生而自布施亦教人布施讚歎布施法歡喜讚歎行布施者自持戒亦教人持戒自忍辱亦教人忍辱自

精進亦教人精進自行禪亦教人行  
禪自修智慧亦教人修智慧讚歎修  
智慧法歡喜讚歎修智慧者自行十  
善亦教他人行十善讚歎行十善法  
歡喜讚歎行十善者自受行五戒亦  
教他人受行五戒讚歎五戒法歡喜  
讚歎受行五戒者自受八戒齋亦教  
他人受八戒齋讚歎八戒齋法歡喜  
讚歎行八戒齋者自行初禪乃至自  
行第四禪自行慈悲喜捨自行無邊  
空處乃至非有想非無想處亦教他  
人行自行四念處乃至八聖道分自  
行三解脫門佛十力乃至自行十八  
不共法亦教他人行十八不共法讚  
歎十八不共法歡喜讚歎行十八不  
共法者須菩提若法性前後中有異  
者是菩薩摩訶薩不能以方便力故  
示法性成就衆生須菩提以法性前  
後中無異是故菩薩行般若波羅蜜  
為利益衆生故行菩薩道

摩訶般若波羅蜜經卷第三十四

戊戌歲高麗國大藏都監奉

勅彫造

摩訶般若波羅蜜經卷第二十五

海

後秦龜茲國三藏鳩摩羅什譯

實際品第八

須菩提白佛言世尊若衆生畢竟不可得菩薩為誰故行般若波羅蜜佛告須菩提菩薩為實際故行般若波羅蜜須菩提實際衆生際異者菩薩不行般若波羅蜜須菩提實際衆生際不異以是故菩薩摩訶薩為利益衆生故行般若波羅蜜復次須菩提菩薩摩訶薩行般若波羅蜜時以不壞實際法立衆生於實際中須菩提白佛言世尊若實際即是衆生際菩薩則為建立實際於實際世尊若建立實際於實際則為建立自性於自性世尊不應建立自性於自性世尊云何菩薩摩訶薩行般若波羅蜜時建立衆生於實際佛告須菩提實際不可建立於實際自性不可建立於自性須菩提今菩薩摩訶薩行般若波羅蜜時以方便力故建立衆生於實際實際亦不異衆生際實際衆生



際無二无別須菩提白佛言世尊何等是諸菩薩摩訶薩方便力用是方便力菩薩摩訶薩行般若波羅蜜時建立衆生於實際亦不壞實際相佛告須菩提若菩薩摩訶薩行般若波羅蜜時以方便力故建立衆生於布施建立已說布施先後際相空作是言如是布施前際空後際空中際亦空施者亦空施報亦空受者亦空諸善男子是一切法實際中不可得汝等莫念布施異施者異施報異受者異若汝等不念布施異施者異施報異受者異是時布施能取甘露味得甘露味果汝善男子以是布施故莫著色莫著受想行識何以故是布施布施相空施者施者空施報施報空受者受者空空空中布施不可得施者不可得施報不可得受者不可得何以故是諸法畢竟自性空故復次須菩提菩薩摩訶薩行般若波羅蜜時以方便力故教衆生持戒語衆生言汝善男子除捨煞生法乃至除捨邪見法何以故善男子如汝所分別法

是諸法無如是性汝善男子當諦思惟何等是衆生而欲奪命用何等物奪命乃至邪見亦如是須菩提菩薩摩訶薩如是方便力成就衆生是菩薩摩訶薩即爲衆生說布施持戒果報是布施持戒果報自性空知布施持戒果報自性空已是中不著不著故心不散能生智慧以是智慧斷一切結使煩惱習入无餘涅槃是世俗法非第一實義何以故空中無有滅亦无使滅者諸法畢竟空即是涅槃復次須菩提菩薩摩訶薩見衆生瞋恚心教言汝善男子來修行忍辱作忍辱人當樂忍辱汝所瞋者自性空汝來善男子如是思惟我於何所法中瞋誰爲瞋者所瞋者誰是法皆空是性空法無不空時是空非諸佛作非辟支佛聲聞作非菩薩摩訶薩作非諸天鬼神龍王阿修羅緊陀羅摩睺羅伽非四天王天乃至非他化自在天非梵衆天乃至非淨居天非无邊空處乃至非有想非無想諸天所作汝當如是思惟瞋誰誰是瞋者

何等是瞋事是一切法性空性空法  
無有所瞋如是須菩提菩薩摩訶薩  
行般若波羅蜜時以是因緣建立衆  
生於性空次第漸漸示教利喜令得  
阿耨多羅三藐三菩提是世俗法非  
第一實義何以故是性空中无有得  
者無有得法无有得處須菩提是名  
實際性空法菩薩摩訶薩為衆生故  
行是法衆生亦不可得何以故一切  
法離衆生相復次須菩提菩薩摩訶  
薩行般若波羅蜜時方便力故見衆  
生懈怠教令身精進心精進作是言  
諸善男子諸法性空中无懈怠法无  
懈怠者無懈怠事是一切法性皆空  
无過性空者汝等生身精進心精進  
為生善法故莫懈怠善法者若布施  
若持戒若忍辱若精進若禪定若智  
慧若諸禪定解脫三昧若四念處乃  
至八聖道分若空解脫門无相無作  
解脫門乃至十八不共法莫懈怠諸  
善男子是一切法性空中當知无尋  
相無尋法中无懈怠者無懈怠法如  
是須菩提菩薩摩訶薩行般若波羅

蜜時教衆生令住性空不墮二法何以故是性空中無二元別故是無二法則无可著處復次須菩提菩薩摩訶薩行性空般若波羅蜜時教衆生令精進作是言諸善男子勤精進若布施若持戒若忍辱若精進若禪定若智慧若禪定解脫三昧若四念處乃至八聖道分若空解脫門无相無作解脫門若佛十力若四無所畏若四无尋智若十八不共法若大慈大悲是諸法汝等莫念二相莫念不二相何以故是法性皆空是性空法不應用二相念不應用不二相念如是須菩提菩薩摩訶薩行般若波羅蜜以方便力故成就衆生成就衆生已次第教令得須陀洹果斯陀含果阿那含果阿羅漢果辟支佛道菩薩位令得阿耨多羅三藐三菩提復次須菩提菩薩摩訶薩行般若波羅蜜時見衆生亂心以方便力為利益衆生故作是言諸善男子當修禪定汝莫生亂想當生一心何以故是法性皆空性空中无有法可得若亂若二

心汝等住是三昧所有作業若身若口若意若布施若持戒若行忍辱若勤精進若行禪定若修智慧若行四念處乃至若行八聖道分若行諸解脫次第定若行佛十力四無所畏四无尋智十八不共法大慈大悲三十二相八十隨形好若聲聞道若辟支佛道若菩薩道若佛道若須陀洹果斯陀含果阿那含果阿羅漢果辟支佛道若一切種智若成就衆生若淨佛國土汝等皆當應隨所願得住性空故如是須菩提菩薩摩訶薩行般若波羅蜜方便力為利益衆生故從初發意終不懈廢常求善法利益衆生從一佛國至一佛國供養諸佛從諸佛聞法捨身受身乃至阿耨多羅三藐三菩提終不忘失是菩薩常得諸陀羅尼法諸根具足所謂身根語根意根何以故是菩薩摩訶薩常修一切種智修一切種智故一切諸道皆修若聲聞道若辟支佛道若菩薩神通道行神通道菩薩常利益衆生終不忘失是菩薩住報得神通利益



衆生入生死五道終不耗減如是須  
菩提菩薩摩訶薩行般若波羅蜜住  
性空以禪定利益衆生復次須菩提  
菩薩摩訶薩行般若波羅蜜住性空  
以方便力故利益衆生作是言汝等  
諸善男子觀一切法性空善男子汝  
等當作諸業若身業若口業若意業  
取甘露味得甘露果性空中无有法  
退何以故性空不退亦无退者以性  
空非法亦非非法於無所有法中云  
何當有退須菩提菩薩摩訶薩行般  
若波羅蜜時如是教衆生常不懈廢  
是菩薩自行十善亦教他人行十善  
五戒八戒成就齋亦如是自行初禪  
亦教他人令行初禪乃至第四禪亦  
如是常自行慈心亦教他人令行慈  
心乃至捨心亦如是自行无邊空處  
亦教他人令行無邊空處乃至非有  
想非无想處亦如是自行四念處亦  
教他人令行四念處乃至八聖道分  
佛十力乃至八十隨形好亦如是自  
於須陀洹果中生智慧亦不住是中  
亦教他人令得須陀洹果乃至阿羅



漢亦如是自於辟支佛道中生智慧  
亦不住是中亦教他人令得辟支佛  
道自生阿耨多羅三藐三菩提道亦  
教他人令生阿耨多羅三藐三菩提  
道如是須菩提菩薩摩訶薩行菩薩  
道時方便力故終不懈廢須菩提白  
佛言世尊若諸法性常空常空中衆  
生不可得法非法亦不可得菩薩摩  
訶薩云何求一切種智佛告須菩提  
如是如是如汝所言諸法性皆空空  
中衆生不可得法非法亦不可得須  
菩提若一切法性不空菩薩摩訶薩  
不依性空成阿耨多羅三藐三菩提  
為衆生說性空法須菩提色性空受  
想行識性空菩薩摩訶薩行般若波  
羅蜜時說五陰性空法說十二入十  
八界性空法說四禪四无量心四無  
色定四念處乃至八聖道分性空法  
說三解脱門八背捨九次第定佛十  
力四无所畏四無所智十八不共法  
大慈大悲三十二相八十隨形好性  
空法說須陀洹果斯陀含果阿那含  
果阿羅漢果辟支佛道一切種智斷

煩惱習性空法須菩提若內空性不  
空外空乃至无法有法空性不空者  
則壞空性是性空不常不斷何以故  
是性空无住處亦無所從來亦无所  
從去須菩提是名法住相是中無法  
无聚無散无增無減无生無滅无垢  
無淨是為諸法相菩薩摩訶薩住是  
中發阿耨多羅三藐三菩提心不見  
法有所發无發無住是名法住相是  
菩薩摩訶薩行般若波羅蜜時見一  
切法性空不轉阿耨多羅三藐三菩  
提何以故是菩薩不見有法能障覺  
當何處生疑是名阿耨多羅三藐三  
菩提性空不得衆生不得我不得人  
不得壽不得命乃至不得知者見者  
性空中色不可得受想行識不可得  
乃至八十隨形好不可得須菩提譬  
如佛化作四衆比丘比丘優婆塞  
優婆夷常為是諸衆說法千万億劫  
不斷佛告須菩提是諸化衆當得須  
陀洹果斯陀含果阿那含果阿羅漢  
果得阿耨多羅三藐三菩提記不須  
菩提言不也世尊何以故是諸化衆

无有根本實事故一切諸法性空亦  
無根本實事何等是衆生得須陀洹  
果乃至阿羅漢果得阿耨多羅三藐  
三菩提記須菩提菩薩摩訶薩亦如  
是為衆生說性空法是衆生實不可  
得以衆生墮顛倒故拔衆生令住不  
顛倒顛倒即是无顛倒顛倒不顛倒  
雖一相而多顛倒少不顛倒无顛倒  
處中則無我无衆生乃至無知者見  
者无顛倒處中亦無色无受想行識  
無十二入乃至无阿耨多羅三藐三  
菩提是名諸法性空菩薩摩訶薩住  
是中行般若波羅蜜時於衆生相顛  
倒中拔出衆生所謂无衆生有衆生  
相中拔出乃至知者見者相中拔出  
於无色色相中無受想行識受想行  
識相中拔出衆生十二入十八界乃  
至一切有漏法亦如是須菩提亦有  
諸无漏法所謂四念處四正勤四如  
意足五根五力七覺分八聖道分如  
是等法雖無漏法亦不如第一義相  
第一義相者无作無為无生無相无  
說是名第一義亦名性空亦名諸佛

道是中不得衆生乃至不得知者見者不得色受想行識乃至不得八十隨形好何以故菩薩摩訶薩非為道法故求阿耨多羅三藐三菩提心為諸法實相性空故求阿耨多羅三藐三菩提是性空前際亦是性空後際亦是性空中際亦是性空常性空无不性空時菩薩摩訶薩行是性空般若波羅蜜為衆生種種著相欲拔出故求道種智求道種智時遍行一切道若聲聞道若辟支佛道若菩薩道是菩薩具足一切道拔出衆生於邪想著淨佛國土已隨其壽命得阿耨多羅三藐三菩提須菩提過去十方諸佛道所謂性空未來現在十方諸佛道亦性空離性空世間无道無道果要從親近諸佛聞是諸法性空行是法不失薩婆若須菩提白佛言世尊甚希有諸菩薩摩訶薩有行是性空法亦不壞性空相所謂色與性空異受想行識與性空異乃至阿耨多羅三藐三菩提與性空異須菩提色即是性空性空即是色乃至阿耨多

羅三藐三菩提阿耨多羅三藐三菩提即是性空性空即是阿耨多羅三藐三菩提佛告須菩提若色與性空異若受想行識與性空異乃至阿耨多羅三藐三菩提與性空異菩薩摩訶薩不能得一切種智須菩提今色不異性空乃至阿耨多羅三藐三菩提不異性空以是故菩薩摩訶薩知一切法性空發意求阿耨多羅三藐三菩提何以故是中无有法若實若常但凡夫著色受想行識凡夫取色相取受想行識相有我心著内外法故受後身色受想行識以是因緣故不得脫生老病死愁憂苦惱往來五道以是事故菩薩摩訶薩行性空波羅蜜不壞色等諸法相若空若不空何以故色性空相不壞色所謂是色是空是受想行識乃至阿耨多羅三藐三菩提亦如是譬如虛空不壞虛空內虛空不壞外虛空外虛空不壞內虛空如是須菩提色不壞色空相色空相不壞色何以故是二法無有性能有所壞所謂是空是非空乃至



阿耨多羅三藐三菩提亦如是須菩  
提白佛言世尊若一切法空无分別  
云何菩薩摩訶薩從初發意以來作  
是願我當得阿耨多羅三藐三菩提  
世尊若一切法無分別云何菩薩發  
心言我當得阿耨多羅三藐三菩提  
世尊若分別諸法不能得阿耨多羅  
三藐三菩提佛告須菩提如是如是  
若菩薩摩訶薩行二相者无阿耨多  
羅三藐三菩提若分別作二分者無  
阿耨多羅三藐三菩提若不二不分  
別諸法則是阿耨多羅三藐三菩提  
菩提是不二相不壞相須菩提是菩  
提不色中行不受想行識中行乃至  
菩提亦不菩提中行何以故色即是  
菩提菩提即是色不二不分別乃至  
十八不共法亦如是是菩提非取故  
行非捨故行須菩提白佛言世尊若  
菩薩摩訶薩菩提非取故行非捨故  
行菩薩摩訶薩菩提何處行佛告須  
菩提於汝意云何如佛所化人在何  
處行若取中行若捨中行須菩提言  
世尊非取中行非捨中行佛言菩薩



摩訶薩菩提亦如是。非取中行。非捨中行。須菩提。於汝意云何。阿羅漢夢中。菩提何處行。若取中行。若捨中行。不不也。世尊。非取中行。非捨中行。世尊。阿羅漢畢竟不眠。云何夢中菩提。若取中行。若捨中行。須菩提。菩薩摩訶薩。阿耨多羅三藐三菩提。亦如是。非取中行。非捨中行。所謂色中行。乃至一切種智中行。世尊。將无菩薩摩訶薩。不行十地。不行六波羅蜜。不行三十七助道法。不行十四空。不行諸禪定。解脫。三昧。不行佛十力。乃至八十隨形。好住五神通。淨佛國土。成就衆生。得阿耨多羅三藐三菩提。佛告須菩提。如是。如是。如汝所言。今菩薩離菩提。无處行。若不具足十地。六波羅蜜。四禪。四無量心。四无色定。四念處。乃至八聖道分。空無相无作。佛十力。乃至八十隨形。好常捨行。不誑法。不錯謬法。不具足。是諸法終不得阿耨多羅三藐三菩提。是菩薩摩訶薩。住色相中。住受想行識相中。乃至住阿耨多羅三藐三菩提相中。能具足。

十地乃至得阿耨多羅三藐三菩提  
是相常寂滅无有法能增能減能生  
能滅能垢能淨能得道能得果世諦  
法故菩薩摩訶薩得阿耨多羅三藐  
三菩提非第一實義何以故第一義  
中无有色乃至無阿耨多羅三藐三  
菩提亦無行阿耨多羅三藐三菩提  
者是一切法皆以世諦故說非第一  
義須菩提菩薩摩訶薩從初發意以  
來行阿耨多羅三藐三菩提菩提亦  
不增衆生亦不減菩薩亦不增減須  
菩提於意云何若人初得道時住无  
間三昧得無漏根成就若須陀洹果  
若斯陀含果若阿那含果若阿羅漢  
果汝今時有所得若夢若心若道若  
道果不須菩提言世尊不得也佛言  
須菩提云何當知得阿羅漢道者世  
尊世諦法故分別名阿羅漢道佛言  
如是如是須菩提世諦故說名菩薩  
說名色受想行識乃至一切種智是  
菩提中无法可得若增若減以諸法  
性空故諸法性空尚不可得何況得  
初地心乃至十地心六波羅蜜三十

七助道法空三昧无相無作三昧乃至一切佛法當有所得无有是處如是須菩提菩薩摩訶薩行阿耨多羅三藐三菩提得阿耨多羅三藐三菩提利益衆生

摩訶般若波羅蜜經具足品第六十一

明品

須菩提白佛言世尊若菩薩摩訶薩行六波羅蜜十八空三十七助道法佛十力四無所畏四无碍智十八不共法不具足菩薩道不能得阿耨多羅三藐三菩提世尊菩薩摩訶薩當云何具足菩薩道能得阿耨多羅三藐三菩提佛告須菩提若菩薩摩訶薩行般若波羅蜜時以方便力故行檀那波羅蜜不得施不得施者不得受者亦不遠離是法行檀那波羅蜜是則照明菩薩道如是須菩提菩薩以方便力故具足菩薩道具足已能得阿耨多羅三藐三菩提持戒忍辱精進禪定智慧乃至十八不共法亦如是舍利弗白佛言世尊云何菩薩摩訶薩習般若波羅蜜佛告舍利弗若菩薩摩訶薩行般若波羅蜜以方

便力故不壞色不隨色何以故是色性无故不壞不隨乃至受想行識亦如是舍利弗菩薩摩訶薩行般若波羅蜜以方便力故檀那波羅蜜不壞不隨何以故檀那波羅蜜性无故乃至十八不共法亦如是舍利弗白佛言世尊若諸法无自性可壞可隨者云何菩薩摩訶薩能習般若波羅蜜諸菩薩摩訶薩所學處何以故菩薩摩訶薩不學般若波羅蜜不能得阿耨多羅三藐三菩提佛告舍利弗如汝所言菩薩不學般若波羅蜜不能得阿耨多羅三藐三菩提不離方便力故可得舍利弗若菩薩摩訶薩行般若波羅蜜若有一法性可得應當取若不可得何所取所謂此是般若波羅蜜是禪那波羅蜜是毗梨耶波羅蜜是羼提波羅蜜尸羅波羅蜜檀那波羅蜜是色受想行識乃至是阿耨多羅三藐三菩提舍利弗是般若波羅蜜不可取相乃至一切諸佛法不可取相舍利弗是名不取般若波羅蜜乃至佛法是菩薩摩訶薩所應

學菩薩摩訶薩於是中學時學相亦不可得何況般若波羅蜜佛法菩薩法辟支佛法聲聞法凡夫人法何以故舍利弗諸法无一法有性如是無性諸法何等是凡夫人須陀洹斯陀含阿那含阿羅漢辟支佛菩薩佛若无是諸賢聖云何有法以是法故分別說是凡夫人須陀洹斯陀含阿那含阿羅漢辟支佛菩薩佛舍利弗白佛言世尊若諸法無性无實無根本云何知是凡夫人乃至是佛佛告舍利弗凡夫人所著處色有性有實不不也世尊但以顛倒心故受想行識乃至十八不共法亦如是舍利弗菩薩摩訶薩行般若波羅蜜時以方便力故見諸法无性無根本故能發阿耨多羅三藐三菩提心舍利弗白佛言世尊云何菩薩摩訶薩行般若波羅蜜時以方便力故見諸法无性无根本故能發阿耨多羅三藐三菩提心佛告舍利弗菩薩摩訶薩行般若波羅蜜時不見諸法根本住中退没生懈怠心舍利弗今諸法根本實无



我無所有性常空但顛倒愚癡故衆  
生著陰入界是菩薩摩訶薩見諸法  
无所有性常空自相空時行般若波  
羅蜜自立如幻師為衆生說法慳者  
為說布施法破戒者為說持戒法瞋  
者為說忍辱法懈怠者為說精進法  
亂者為說禪定法愚癡者為說智慧  
法令衆生住布施乃至智慧然後為  
說聖法能出苦用是法故得須陀洹  
果乃至得阿羅漢果辟支佛道乃至  
阿耨多羅三藐三菩提舍利弗白佛  
言世尊菩薩摩訶薩得是衆生无所  
有教令布施持戒乃至智慧然後為  
說聖法能出苦以是法故得須陀洹  
果乃至阿耨多羅三藐三菩提佛告  
舍利弗菩薩摩訶薩行般若波羅蜜  
時无有所得過罪何以故舍利弗  
是菩薩摩訶薩行般若波羅蜜時不  
得衆生但空法相續故名為衆生舍  
利弗菩薩摩訶薩住二諦中為衆生  
說法世諦第一義諦舍利弗二諦中  
衆生雖不可得菩薩摩訶薩行般若  
波羅蜜以方便力故為衆生說法衆



生聞是法今世吾我尚不可得何況  
當得阿耨多羅三藐三菩提者及所  
用法如是舍利弗菩薩摩訶薩行般  
若波羅蜜時以方便力故為衆生說  
法舍利弗白佛言世尊是菩薩摩訶  
薩心曠大无有法可得若一相若異  
相若別相而能如是大誓莊嚴用是  
莊嚴故不生欲界不生色界不生無  
色界不見有為性不見无為性而於  
三界中度脫衆生亦不得衆生何以  
故衆生不縛不解衆生不縛不解故  
无垢無淨无垢無淨故无分別五道  
無分別五道故无業無煩惱无業無  
煩惱故亦不應有果報以是果報故  
生三界中佛告舍利弗如是如是如  
汝所言若衆生先有後无諸佛菩薩  
則有過罪諸法五道生死亦如是若  
先有後無諸佛菩薩則有過罪舍利  
弗今有佛无佛諸法相常住不異是  
法相中尚無我无衆生無壽命乃至  
无知者無見者何況當有色受想行  
識若无是法云何當有五道往來拔  
出衆生處舍利弗是諸法性常空以

是故諸菩薩摩訶薩從過去佛聞是法相發阿耨多羅三藐三菩提意是中无有法我當得亦無有衆生定著處法不可出但以衆生顛倒故著以是故菩薩摩訶薩發大誓莊嚴常不退阿耨多羅三藐三菩提是菩薩不疑我當不得阿耨多羅三藐三菩提我必當得阿耨多羅三藐三菩提得阿耨多羅三藐三菩提已用實法利益衆生令出顛倒舍利弗譬如幻師幻作百千萬億人與種種飲食令飽滿歡喜唱言我得大福於汝意云何是中有人食飲飽滿不也世尊佛言如是舍利弗菩薩摩訶薩從初發意以來行六波羅蜜四禪四无量心四無色定四念處乃至八聖道分十力乃至十八不共法具足菩薩道成就衆生淨佛國土无衆生法可度須菩提白佛言世尊何等是菩薩摩訶薩道菩薩行是道能成就衆生淨佛國土佛告須菩提菩薩摩訶薩從初發意以來行檀那波羅蜜行尸羅

羣提毗梨耶禪那般若波羅蜜乃至  
行十八不共法成就衆生淨佛國土  
須菩提白佛言世尊云何菩薩摩訶  
薩行檀那波羅蜜成就衆生佛告須  
菩提有菩薩摩訶薩行檀那波羅蜜  
時自布施亦教衆生布施作是言諸  
善男子汝等莫著布施汝著布施故  
當更受身受身故多受衆苦諸善男  
子諸法相中無所施无施者無受者  
是三法性皆空是性空法不可取不  
可取相是性空如是須菩提菩薩摩  
訶薩行檀那波羅蜜時布施衆生是  
中不得布施不得施者不得受者何  
以故无所得波羅蜜是名為檀那波  
羅蜜是菩薩不得是三法故能教衆  
生令得須陀洹果乃至令得阿羅漢  
果辟支佛道阿耨多羅三藐三菩提  
如是須菩提菩薩摩訶薩行檀那波  
羅蜜時成就衆生是菩薩自行布施  
亦教他人行布施讚歎布施法歡喜  
讚歎行布施者是菩薩如是布施已  
生刹利大姓婆羅門大姓居士大家  
若作小王若轉輪聖王是時以四事

攝取衆生何等四布施愛語利行同事是四事攝取衆生已衆生漸漸住於戒四禪四無量心四无色定四念處八聖道分空无相無作三昧得入正位中得須陀洹果乃至得阿羅漢果若得辟支佛道若教令得阿耨多羅三藐三菩提作是言諸善男子汝等當發阿耨多羅三藐三菩提心是阿耨多羅三藐三菩提易得耳何以故无有定法衆生所著處但顛倒故衆生著處是故汝等自離生死亦當教他離生死汝等當發心能自利益亦當得利益他人須菩提菩薩摩訶薩應如是行檀那波羅蜜是行檀那波羅蜜因緣故從初發意以來終不墮惡道常作轉輪聖王何以故隨其所種得大果報是菩薩作轉輪聖王時見有乞者不作是念我為餘事故受轉輪聖王果但為利益一切衆生故是時作是言此是汝物汝自取之莫有所難我无所惜我為衆生故受生死憐愍汝等故具足大悲行是大悲饒益衆生亦不得實定衆生相但

有假名字故可說是衆生是名字亦  
空如響聲實不可說相須菩提菩薩  
摩訶薩應如是行檀那波羅蜜於衆  
生中無所惜乃至不惜自身肌肉何  
況外物以是法故能出衆生生死何  
等是法所謂檀那波羅蜜尸羅波羅  
蜜羼提波羅蜜毗梨耶波羅蜜禪那  
波羅蜜般若波羅蜜乃至十八不共  
法令衆生從生死中得脫復次須菩  
提菩薩摩訶薩住檀那波羅蜜中布  
施已作是言諸善男子汝等持戒來  
我當供給汝等令無所乏短衣食卧  
具乃至資生所須盡當給汝汝等乏  
少故破戒我當給汝所須令无所乏  
若飲食乃至七寶汝等住是戒律儀  
中漸漸當得盡苦成於三乘而得度  
脫若聲聞乘辟支佛乘佛乘復次須  
菩提菩薩摩訶薩住檀那波羅蜜中  
若見衆生瞋恚作是言諸善男子汝  
等以何因緣故瞋恚我當與汝所須  
汝等所欲從我取之悉當給汝令無  
所乏若飲食衣服乃至資生所須是  
菩薩住檀那波羅蜜中教衆生忍辱



作是言一切法中无有堅實汝等所  
瞋是因緣亦空無堅實皆從虛妄憶  
想生汝以无根本瞋恚壞心惡口罵  
詈刀杖相加以至害命汝等莫以是  
虛妄法起瞋故墮地獄畜生餓鬼中  
及餘惡道受无量苦汝等莫以是虛  
妄無實諸法故而作罪業以是罪業  
故尚不得人身何況得生佛世諸人  
佛世難值人身難得汝等莫失好時  
若失好時則不可救是菩薩摩訶薩  
如是教化衆生自行忍辱亦教他人  
令行忍辱讚歎忍辱法歡喜讚歎行  
忍辱者是菩薩令衆生住忍辱中漸  
以三乘得盡衆苦如是須菩提菩薩  
摩訶薩住檀那波羅蜜令衆生住忍  
辱須菩提云何菩薩摩訶薩住檀那  
波羅蜜令衆生精進須菩提菩薩見  
衆生懈怠如是言汝等何以懈怠衆  
生言因緣少故是菩薩行檀那波羅  
蜜時語諸人言我當令汝因緣具足  
若布施若持戒若忍辱如是等因緣  
故令汝具足是衆生得菩薩利益因  
緣故身精進口精進心精進身精進



口精進心精進故一切善法具足修  
聖无漏法修聖無漏法故當得須陀  
洹果乃至阿羅漢果辟支佛道若得  
阿耨多羅三藐三菩提如是須菩提  
菩薩摩訶薩行檀那波羅蜜時住精  
進波羅蜜攝取衆生須菩提云何菩  
薩摩訶薩行檀那波羅蜜時教化衆  
生今修禪那波羅蜜佛告須菩提言  
菩薩見衆生亂心作是言汝等可修  
禪定衆生言我等因緣不具足故菩  
薩言我當與汝等作因緣以是因緣  
故今汝心不隨覺觀心不馳散衆生  
以是因緣故漸覺觀入初禪二禪三  
禪四禪行慈悲喜捨心衆生以是禪  
无量心因緣故能修四念處乃至八  
聖道分修三十七助道法時漸入三  
乘而般涅槃終不失道如是須菩提  
菩薩摩訶薩行檀那波羅蜜時以檀  
那波羅蜜攝取衆生令行禪那波羅  
蜜須菩提云何菩薩摩訶薩行檀那  
波羅蜜以般若波羅蜜攝取衆生須  
菩提菩薩見衆生愚癡无有智慧作  
是言汝等何以故不修智慧衆生言

因緣未具足故菩薩住檀那波羅蜜  
中作是言汝等所須得智慧具足從  
我取之所謂布施持戒忍辱精進入  
禪定是因緣具足已汝等如是思惟  
思惟般若波羅蜜時有法可得若不  
我若衆生若壽命乃至知者見者可  
得不若色受想行識若欲界色界无  
色界若六波羅蜜若三十七助道法  
若須陀洹果若斯陀含阿那含阿羅  
漢果辟支佛道若阿耨多羅三藐三  
菩提可得不是衆生如是思惟時於  
般若波羅蜜中无有法可得可著處  
若不著諸法是時不見法有生有滅  
有垢有淨不分別是地獄是畜生是  
餓鬼是阿修羅衆是天是人持戒  
是破戒是須陀洹是斯陀含是阿那  
含是阿羅漢是辟支佛是佛如是須  
菩提菩薩摩訶薩行檀那波羅蜜時  
以般若波羅蜜攝取衆生須菩提云  
何菩薩摩訶薩住檀那波羅蜜中以  
尸羅波羅蜜羼提波羅蜜毗梨耶波  
羅蜜禪那波羅蜜般若波羅蜜乃至  
三十七助道法攝取衆生須菩提菩

薩摩訶薩住檀那波羅蜜中以供養  
具利益衆生以是利益因緣故衆生  
能修四念處四正勤四如意足五根  
五力七覺分八聖道分衆生行是三  
十七助道法於生死中得解脫如是  
須菩提菩薩摩訶薩以无漏聖法攝  
取衆生復次須菩提菩薩摩訶薩教  
化衆生時如是言諸善男子汝等從  
我取所須物若飲食衣服卧具香華  
乃至七寶等種種資生所須汝當以  
是攝取衆生汝等長夜利益安樂莫  
作是念是物非我所有我長夜為衆  
生故集此諸物汝等當取是物如已  
物无異教化衆生令行布施持戒忍  
辱精進禪定智慧乃至令得三十七  
助道法佛十力乃至十八不共法亦  
令得諸無漏果所謂須陀洹果乃至  
阿羅漢果辟支佛道阿耨多羅三藐  
三菩提如是須菩提菩薩摩訶薩行  
檀那波羅蜜時應如是教化衆生令  
得離三惡道及一切生死往來苦復  
次須菩提菩薩摩訶薩住尸羅波羅  
蜜教化衆生作是語衆生汝等少何

因緣故破戒我當與汝作具足因緣  
若布施乃至智慧及種種資生所須  
是菩薩摩訶薩住尸羅波羅蜜利益  
衆生令行十善遠離十不善道是諸  
衆生持諸戒不破戒不缺戒不濁戒  
不雜戒不取戒漸以三乘而得盡苦  
尸羅波羅蜜為首如檀那波羅蜜說  
餘四波羅蜜亦如是

摩訶般若波羅蜜經卷第二十五

戊戌歲高麗國大藏都監奉

勅彫造

摩訶般若波羅蜜經卷第二十六

海

後秦龜茲國三藏鳩摩羅什譯

淨土品第八十二

丹本淨  
佛國品

尔時須菩提作是念何等是菩薩摩訶薩道菩薩住是道能作如是大誓  
莊嚴佛知須菩提心所念告須菩提  
六波羅蜜是菩薩摩訶薩道三十七  
助道法是菩薩摩訶薩道十八空是  
菩薩摩訶薩道八解脫九次第定是  
菩薩摩訶薩道佛十力乃至十八不  
共法是菩薩摩訶薩道一切法亦是  
菩薩摩訶薩道須菩提於汝意云何  
頗有法菩薩所不學能得阿耨多羅  
三藐三菩提不須菩提無有法菩薩  
所不應學者何以故若菩薩不學一  
切法不能得一切種智須菩提白佛  
言世尊若一切法空云何言菩薩學  
一切法將无世尊無戲論中作戲論  
耶所謂是法是非法是世間法是出  
世間法是有漏是无漏是有為是無  
為是凡夫人法是阿羅漢法是辟支  
佛法是佛法佛告須菩提如是如是

一切法實空。須菩提。若一切法不空者。菩薩摩訶薩。不得阿耨多羅三藐三菩提。須菩提。今一切法實空。故菩薩摩訶薩。能得阿耨多羅三藐三菩提。須菩提。如汝所言。若一切法空。將無佛於无戲論中。作戲論。分別此。彼是世間法。是出世間法。乃至是佛法。須菩提。若世間衆生。知一切法空。菩薩摩訶薩。不學一切法。得一切種智。須菩提。今衆生實不知一切法空。以是故。菩薩摩訶薩。得阿耨多羅三藐三菩提。已分別諸法。爲衆生說。須菩提。於是菩薩道。從初以來。應如是思。惟一切諸法中。定性不可得。但從和合因緣起法。故有名字諸法。我當思惟諸法實性。无所著。若六波羅蜜性。若三十七助道法。若須陀洹果。乃至阿羅漢果。若辟支佛道。若阿耨多羅三藐三菩提。可以故。一切法一切法性。空空。不著空空。亦不可得。何況空中。有著。須菩提。菩薩摩訶薩。如是思惟。不著一切法。而學一切法。住是學中。觀衆生心行。是衆生心在何處。行知。



衆生虛妄不實中行是時菩薩作是念是衆生著不實虛妄法易度耳是時菩薩摩訶薩住般若波羅蜜中以方便力故如是教化衆生言汝諸衆生當行布施可得饒財亦莫恃布施果而自貢高何以故是中无堅實法持戒忍辱精進禪定智慧亦如是諸衆生行是法可得須陀洹果乃至阿羅漢果辟支佛道佛道莫念有是法如是教化是名行菩薩道於諸法无所著故何以故一切法無著相以性无故性空故須菩提是菩薩摩訶薩如是行菩薩道時无所住是菩薩用不住法故行檀那波羅蜜亦不住是中行尸羅波羅蜜亦不住是中行羼提波羅蜜亦不住是中行毗梨耶波羅蜜亦不住是中行般若波羅蜜亦不住是中何以故是初禪初禪相空行禪者亦空所用法亦空第二第三第四禪亦如是慈悲喜捨四无色定八解脫九次第定亦如是得須陀洹果亦不住是中得斯陀

舍果阿邨舍果阿羅漢果亦不住是中得辟支佛道亦不住是中須菩提白佛言世尊何因緣故不住是中佛言二因緣故不住是中何等二一者諸道果性空无住處亦無所用法亦无住者二者不以少事為足作是念我不應不得須陀洹果我必應當得須陀洹果我但不應是中住乃至辟支佛道我不應不得我必應當得我但不應是中住乃至得阿耨多羅三藐三菩提不應住何以故我從初發意以來更無餘心一心向阿耨多羅三藐三菩提須菩提菩薩一心向阿耨多羅三藐三菩提中遠離餘心所作身口意業皆應阿耨多羅三藐三菩提須菩提是菩薩摩訶薩住是一心能生菩提道須菩提白佛言世尊若一切諸法不生云何菩薩摩訶薩能生菩提道佛告須菩提如是如是是一切法无生云何無生无所作無所起者一切法不生須菩提白佛言世尊有佛无佛諸法法相不常住耶佛言如是如有佛無佛是諸法法相

常住以衆生不知是法住法相為是  
故菩薩摩訶薩為衆生故生菩提道  
用是道拔出衆生生死湏菩提白佛  
言世尊用生道得菩提佛言不也世  
尊用不生道得菩提佛言不也世尊  
用不生非不生得菩提佛言不也湏  
菩提言世尊云何當得菩提佛言非  
用道得菩提亦不用非道得菩提湏  
菩提菩提即是道道即是菩提湏菩  
提白佛言世尊若菩提即是道道即  
是菩提若尔者今菩薩未作佛時應  
當得阿耨多羅三藐三菩提云何說  
諸佛多陀阿伽度阿羅訶三藐三佛  
陀有三十二相八十種隨形好十力  
四无所畏四無所智十八不共法大  
慈大悲佛告湏菩提於汝意云何佛  
得菩提不不也世尊佛不得菩提何  
以故佛即是菩提菩提即是佛如湏  
菩提所問菩薩時亦應得菩提湏菩  
提是菩薩摩訶薩具足六波羅蜜具  
足三十七助道法具足佛十力四無  
所畏四无所智十八不共法具足住  
如金剛三昧用一念相應慧得阿耨

多羅三藐三菩提是時名為佛一切法中得自在須菩提白佛言世尊云何菩薩摩訶薩淨佛國土佛言有菩薩從初發意以來自除身麤業除口麤業除意麤業亦淨他人身口意麤業世尊何等是菩薩摩訶薩身麤業口麤業意麤業佛告須菩提不善業若煞生乃至邪見是名菩薩摩訶薩身口意麤業復次須菩提慳貪心破戒心瞋心懈怠心亂心愚癡心是名菩薩意麤業復次戒不淨是名菩薩身口麤業復次須菩提若菩薩遠離四念處行是名菩薩麤業遠離四正勤四如意足五根五力七覺分八聖道分空三昧无相無作三昧亦名菩薩麤業復次須菩提菩薩摩訶薩貪須陀洹果證乃至貪阿羅漢果證辟支佛道是名菩薩摩訶薩麤業復次須菩提菩薩取色相受想行識相眼耳鼻舌身意相色聲香味觸法相男相女相欲界相色界相无色界相善法相不善法相有為法相無為法相是名菩薩麤業菩薩摩訶薩皆遠離如

是農業相自布施亦教他人布施須  
食與食須衣與衣乃至種種資生所  
須盡給與之亦教他人種種布施持  
是福德與一切衆生共之迴向淨佛  
國土故持戒忍辱精進禪定智慧亦  
如是是菩薩摩訶薩或以三千大千  
國土滿中珍寶施與三尊作是願言  
我以善根因緣故令我國土皆以七  
寶成復次須菩提菩薩摩訶薩以天  
奴樂樂佛及塔作是願言以是善根  
因緣令我國土中常聞天樂復次須  
菩提菩薩摩訶薩以三千大千國土  
滿中天香供養諸佛及諸佛塔作是  
願言以是善根因緣令我國土中常  
有天香復次須菩提菩薩摩訶薩以  
百味食施佛及僧作是願言以是善  
根因緣故令我國土中衆生皆得百  
味食復次須菩提菩薩摩訶薩以天  
香細滑施佛及僧作是願言以是善  
根因緣故令我國土中一切衆生受  
天香細滑復次須菩提菩薩摩訶薩  
以隨意五欲施佛及僧并一切衆生  
作是願言以是善根因緣故令我國

土中弟子及一切衆生皆得隨意五  
欲是菩薩以隨意五欲共一切衆生  
迴向淨佛國土作是願言我得佛時  
是國土中如天五欲應心而至復次  
須菩提菩薩摩訶薩行般若波羅蜜  
時作是願言我當自入初禪亦教一  
切衆生入初禪第二第三第四禪慈  
悲喜捨心乃至三十七助道法亦如  
是我得阿耨多羅三藐三菩提時令  
一切衆生不遠離四禪乃至不遠離  
三十七助道法如是須菩提菩薩摩  
訶薩能淨佛國土是菩薩隨念所時  
行菩薩道滿足諸願是菩薩自成就  
一切善法亦成就一切衆生善法是  
菩薩受身端正所化衆生亦得端正  
所以者何福德因緣厚故須菩提菩  
薩摩訶薩應如是淨佛國土是國土  
中乃至无三惡道之名亦无邪見三  
毒二乘聲聞辟支佛之名耳不聞有  
无常苦空之聲亦無我所有乃至无  
諸結使煩惱之名亦无分別諸果之  
名風吹七寶之樹隨所應度而出音  
聲所謂空无相無作如諸法實相之



音有佛無佛一切法相一切法相空空  
中無有相无相中則無可作出如是  
法音若晝若夜若坐若卧若立若行  
常聞此法是菩薩得阿耨多羅三藐  
三菩提時十方國土中諸佛讚歎衆  
生聞是佛名必至阿耨多羅三藐三  
菩提是佛得阿耨多羅三藐三菩提  
時說法衆生聞者无有不信而生疑  
言是法是非法何以故諸法實相中  
皆是法無有非法諸有薄福之人於  
諸佛及弟子中不種善根不隨善知  
識沒在我見中乃至沒在一切種種  
見中墮在邊見若斷若常如是人以  
邪見故非佛言佛佛言非佛如是人  
非法言法法言非法如是人破法故  
身壞命終墮惡道地獄中諸佛得阿  
耨多羅三藐三菩提時見此衆生往  
來五道令離邪聚立正定聚中更不  
墮惡道如是須菩提菩薩摩訶薩淨  
佛國土中衆生无雜穢心若世間法  
若出世間法若有漏若無漏若有為  
若无為乃至是國土中衆生必至阿  
耨多羅三藐三菩提須菩提是為菩

薩摩訶薩淨佛國土

摩訶般若波羅蜜經畢定品第八十三

須菩提白佛言世尊是菩薩摩訶薩  
為畢定為不畢定佛告須菩提菩薩  
摩訶薩畢定非不畢定世尊何處畢  
定為聲聞道中為辟支佛道中為佛  
道中佛言菩薩摩訶薩非聲聞辟支  
佛道中畢定是佛道中畢定須菩提  
白佛言世尊為初發意菩薩畢定為  
寂後身菩薩畢定佛言初發意菩薩  
亦畢定阿惟越致菩薩亦畢定後身  
菩薩亦畢定世尊畢定菩薩墮惡道  
中生不不也須菩提於汝意云何若  
八人若須陀洹斯陀舍阿那含阿羅  
漢辟支佛生惡道中不不也世尊如  
是須菩提菩薩摩訶薩從初發意已  
來布施持戒忍辱精進行禪定修智  
慧斷一切不善業若墮惡道若生長  
壽夭若不得修善法處若生邊國若  
生惡邪見家無作見家是中无佛名  
無法名无僧名無有是處須菩提初  
發意菩薩於阿耨多羅三藐三菩提  
以深心行十不善道无有是處世尊

若菩薩摩訶薩有如是善根功德成就  
就如佛自說本生受不善果報是時  
善根為何所在佛告須菩提菩薩摩  
訶薩為利益衆生故隨而受身以是  
身利益衆生須菩提菩薩摩訶薩作  
畜生時有是方便力若怨賊欲來煞  
害以是無上忍辱無上慈悲心捨身  
不惱惡賊汝諸聲聞辟支佛无有是  
力以是故須菩提當知菩薩摩訶薩  
欲具足大慈心為憐愍利益衆生故  
受畜生身須菩提白佛言世尊菩薩  
摩訶薩住何等善根中受如是諸身  
佛告須菩提菩薩摩訶薩從初發意  
乃至道場於其中間无有善根不具  
足者具足已當得阿耨多羅三藐三  
菩提以是故菩薩摩訶薩從初發意  
應當學具足一切善根學善根已當  
得一切種智當斷一切煩惱習須菩  
提白佛言世尊云何菩薩摩訶薩成  
就如是白淨无漏法而生惡道畜生  
中佛告須菩提於汝意云何佛成就  
白淨無漏法不須菩提言佛一切白  
淨无漏法成就須菩提若佛自化作

畜生身作佛事度衆生實是畜生不  
須菩提言不也佛言菩薩摩訶薩亦  
如是成就白淨無漏法為度衆生故  
受畜生身用是身教化衆生佛告須  
菩提如阿羅漢作變化身能使衆生  
歡喜不須菩提言能佛言如是如是  
須菩提菩薩摩訶薩用是白淨无漏  
法隨應度衆生而受身以是身利益  
衆生亦不受苦須菩提於汝意云何  
幻師幻作種種形若象馬牛羊男女  
如是等以示衆生須菩提是象馬牛  
羊男女等有實不須菩提言不也世  
尊佛言如是須菩提菩薩摩訶薩白  
淨无漏法成就現作種種身以示衆  
生故以是身饒益一切亦不受苦須  
菩提白佛言世尊菩薩摩訶薩大方  
便力得聖无漏智慧而隨所應度衆  
生身而作種種形以度衆生世尊菩  
薩摩訶薩住何等白淨法能作如是  
方便而不受染汙佛言菩薩用般若  
波羅蜜作如是方便力於十方如恒  
河沙等國土中饒益衆生亦不貪著  
是身何以故著者著法著處是三法

皆不可得自性空故空不著空空空中  
无著者亦無著處何以故空中空相  
不可得須菩提是名不可得空菩薩  
住是中能得阿耨多羅三藐三菩提  
世尊菩薩但住般若波羅蜜中得阿  
耨多羅三藐三菩提不住餘法中耶  
須菩提頗有法不入般若波羅蜜者  
不世尊若般若波羅蜜自性空云何  
一切法皆入般若波羅蜜中世尊空  
中无有法若入若不入須菩提一切  
法一切法相空不世尊空須菩提若  
一切法一切法相空云何言一切法不  
入空中須菩提白佛言世尊云何菩  
薩摩訶薩行般若波羅蜜時住一切  
法空中能起神通波羅蜜住是神通  
波羅蜜中到十方如恒河沙等國土  
供養現在諸佛聞諸佛說法於諸佛  
所種善根佛告須菩提菩薩摩訶薩  
行般若波羅蜜時觀是十方如恒河  
沙等國土皆空是國土中諸佛性亦  
空但假名字故諸佛現身所假名字  
亦空若十方國土及諸佛性不空者  
空為有偏以空不偏故一切法一切



法相空以是故一切法一切法相空是  
故菩薩摩訶薩行般若波羅蜜用方  
便力生神通波羅蜜住是神通波羅  
蜜中起天眼天耳如意足知他心宿  
命智知衆生生死若菩薩遠離神通  
波羅蜜不能得饒益衆生亦不能得  
阿耨多羅三藐三菩提是菩薩摩訶  
薩神通波羅蜜是阿耨多羅三藐三  
菩提利益道何以故用是天眼自見  
諸善法亦教他人令得諸善法於善  
法亦不著諸善法自性空故空无所  
著若著則受味是空中無有味是菩  
薩摩訶薩行般若波羅蜜時能生如  
是天眼用是眼觀一切法空見是法  
空不取相不作業亦為人說是法亦  
不得衆生相不得衆生名如是菩薩  
摩訶薩用无所得法故起神通波羅  
蜜用是神通波羅蜜神通所應作者  
能作是菩薩用天眼過於人眼見十  
方國土見已飛到十方饒益衆生或  
以布施或以持戒或以忍辱或以精  
進或以禪定或以智慧饒益衆生或  
以三十七助道法或以諸禪解脫三



昧或以聲聞法或以辟支佛法或以菩薩法或以佛法饒益衆生為慳者如是說法諸衆生當行布施貧窮是苦惱法貧窮之人自不能益何能益他以是故汝等當勤布施自身得樂亦能令他得樂莫以貧窮故共相食噉不得離三惡道為破戒者說法諸衆生破戒法大苦惱破戒之人自不能益何能益他破戒法受苦果報若在地獄若在餓鬼若在畜生汝等墮三惡道中自不能救何能救人以是故汝等不應墮破戒心死時有悔若有共相瞋諍者如是說法諸衆生莫共相瞋瞋亂人心不順善法汝等今共相瞋亂心或墮地獄若餓鬼畜生中以是故汝等不應生一念瞋恚心何況多為懈怠衆生說法令得精進散亂衆生令得禪定愚癡衆生令得智慧亦如是行淫欲者令觀不淨瞋恚令觀慈心愚癡衆生令觀十二因緣行非道衆生令入正道所謂聲聞道辟支佛道佛道為是衆生如是說法如汝等所著是法性空性空法中

不可得者不著相是空相如是須菩  
提菩薩摩訶薩行般若波羅蜜時住  
神通波羅蜜中為衆生作利益須菩  
提菩薩若遠離神通不能隨衆生意  
善說法以是故須菩提菩薩摩訶薩  
行般若波羅蜜時應起神通須菩提  
譬如鳥无翅不能高翔菩薩無神通  
不能隨意教化衆生以是故須菩提  
菩薩摩訶薩行般若波羅蜜應起諸  
神通起諸神通已若欲饒益衆生隨  
意能益是菩薩用天眼見如恒河沙  
等諸國土及見是國土中衆生見已  
以神通力往到其所知衆生心隨其  
所應而為說法或說布施或說持戒或  
說禪定乃至說涅槃法是菩薩用天  
耳聞二種音聲若人若非人用天耳  
聞十方諸佛所說法皆能受持如所  
聞法為衆生說或說布施乃至說涅  
槃是菩薩淨他心智用他心智知衆  
生心隨其所應而為說法或說布施  
乃至或說涅槃是菩薩宿命智種種  
本生處憶念亦自憶他人用是  
宿命智念過去存在在處及諸佛名字

及弟子衆有衆生信樂宿命者為現  
宿命事而為說法或說布施乃至或  
說涅槃用如意神通力到種種无量  
諸佛國土供養諸佛從諸佛種善根  
還來本國是菩薩漏盡神通智證用  
是漏盡神通智證故為衆生隨應說  
法或說布施乃至或說涅槃如是須  
菩提菩薩摩訶薩行般若波羅蜜時  
應如是起諸神通菩薩用修是神通  
故隨意受身苦樂不染譬如佛所化  
人作一切事苦樂不染菩薩摩訶薩  
行般若波羅蜜時應如是遊戲神通  
能淨佛國土成就衆生復次須菩提  
菩薩摩訶薩不淨佛國土不成就衆  
生不能得阿耨多羅三藐三菩提何  
以故因緣不具足故不能得阿耨多  
羅三藐三菩提須菩提白佛言世尊  
何等是菩薩摩訶薩因緣具足已得  
阿耨多羅三藐三菩提佛告須菩提  
一切善法是菩薩阿耨多羅三藐三  
菩提因緣須菩提白佛言世尊何等  
是善法以是善法故得阿耨多羅三  
藐三菩提佛告須菩提菩薩從初發

意已來檀那波羅蜜是善法因緣是中無分別是布施者是受者性空故用是檀那波羅蜜能自利益亦能利益衆生從生死拔出令得涅槃是諸善法皆是菩薩摩訶薩阿耨多羅三藐三菩提因緣行是道過去未來現在諸菩薩摩訶薩得度生死已度今度當度尸羅波羅蜜羣提波羅蜜毗梨耶波羅蜜禪那波羅蜜般若波羅蜜四禪四無量心四无色定四念處乃至八聖道分十八空八解脫九次第定陀羅尼明佛十力四无所畏四無所智十八不共法如是等功德皆是阿耨多羅三藐三菩提道須菩提是名善法菩薩摩訶薩具足是善法已當得一切種智得一切種智已當轉法輪轉法輪已當度衆生

摩訶般若波羅蜜經差別品第八十四

丹本  
四部  
師品

須菩提白佛言世尊若是諸法是菩薩法何等是佛法佛告須菩提如汝所問是諸法是菩薩法何等是佛法者須菩提菩薩法亦是佛法若知一切種是得一切種智斷一切煩惱習

菩薩當得是法佛以一念相應慧知

一切法已得阿耨多羅三藐三菩提

須菩提是為菩薩佛之差別譬如向

道得果異是二人俱為聖人而有得

向之異如是須菩提若菩薩摩訶薩

无尋道中行是名菩薩解脫道中無

一切闇蔽是名為佛須菩提白佛言

世尊若一切法自相空自相空法中

云何有差別之異是地獄是餓鬼是

畜生是天是人is性地人是八人地

是須陀洹人是斯陀含阿那含阿羅

漢人是辟支佛是菩薩是多陀阿伽

度阿羅訶三藐三佛陀世尊如諸人

不可得業因緣亦不可得果報亦不

可得佛言如是如是如汝所言自相

空法中無衆生无業因緣無果報須

菩提若有衆生不知是諸法自相空

是衆生作業因緣若善若惡若无動

罪業因緣故墮三惡道中福業因緣

故在人天中生無動業因緣故色无

色界中生是菩薩摩訶薩行檀那波

羅蜜乃至十八不共法時盡受行是

助道法入如金剛三昧得阿耨多羅三



藐三菩提得已饒益衆生是利當不失故不墮五道生死中須菩提白佛言世尊佛得阿耨多羅三藐三菩提已得六道生死不佛言不得也須菩提言世尊得業若黑若白若黑白若不黑不白不佛言不也世尊若不得云何說是地獄餓鬼畜生人天須陀洹乃至阿羅漢辟支佛菩薩諸佛須菩提若衆生知諸法自相空菩薩摩訶薩不求阿耨多羅三藐三菩提亦不拔衆生於三惡趣乃至五道往來生死中須菩提以衆生實不知諸法自性空故不得脫五道生死是菩薩從諸佛所聞諸法自相空發意求阿耨多羅三藐三菩提須菩提諸法不尔如凡人所著是衆生於無所有法中顛倒妄想分別得法无衆生有衆生相無色有色相无受想行識有受想行識相乃至一切有為法無所有用顛倒妄想心作身口意業因緣往來五道生死中不得脫是菩薩摩訶薩行般若波羅蜜時一切善法内般若波羅蜜中行菩薩道得阿耨多羅



三藐三菩提得阿耨多羅三藐三菩

提已為衆生說四聖諦苦集苦滅苦

滅道開示分別一切助道善法皆入

四聖諦中用是助道善法故分別有

三寶何等三佛寶法寶僧寶不信拒

逆是三寶故不得離五道生死須苦

提白佛言世尊用苦聖諦得度用苦

智得度用集聖諦得度用集智得度

用滅聖諦得度用滅智得度用道聖

諦得度用道智得度佛告須菩提非

苦聖諦得度亦非苦智乃至非道聖

諦得度亦非道智須菩提是四聖諦

平等故我說即是涅槃不以苦聖諦

不以集滅道聖諦亦不以苦智不以

集滅道智得涅槃須菩提白佛言世

尊何等是四聖諦平等相須菩提若

无苦无苦智无集无集智无滅无滅

智无道无道智是名四聖諦平等相

復次須菩提是四聖諦如不異法相

法性法住法位實際有佛无佛法相

常住為不誑不失故是菩薩摩訶薩

行般若波羅蜜時為通達實諦故行

般若波羅蜜須菩提白佛言世尊云

何菩薩摩訶薩為通達實諦故行般  
若波羅蜜如通達實諦故不墮聲聞  
辟支佛地直入菩薩位中佛告須菩  
提若菩薩摩訶薩如實見諸法見已  
得无所有法得無所有法已見一切  
法空四聖諦所攝四聖諦所不攝法  
皆空若如是觀是時便入菩薩位中  
是為菩薩住性地中不從頂墮用是  
頂墮故墮聲聞辟支佛地是菩薩住  
性中能生四禪四无量心四無色定  
是菩薩住是初定地中分別一切諸  
法通達四聖諦知苦不生緣苦心乃  
至知道不生緣道心但順阿耨多羅  
三藐三菩提心觀諸法如實相世尊  
云何觀諸法如實相佛言觀諸法空  
世尊何等空觀佛言自相空是菩薩  
用如是智慧觀一切法空无法性可  
見住是性中得阿耨多羅三藐三菩  
提何以故無性相是阿耨多羅三藐  
三菩提非諸佛所作非辟支佛所作  
亦非阿羅漢所作亦非向道人所作  
亦非得果人所作亦非菩薩所作但  
衆生不知不見諸法如實相以是事

故菩薩摩訶薩行般若波羅蜜以方便力故為衆生說法

摩訶般若波羅蜜經七譬喻品第五

須菩提白佛言世尊若諸法性無所有非佛所作非辟支佛所作非阿羅漢所作非阿那含斯陀含須陀洹所作非向道人非得果人非菩薩所作云何分別有諸法異是地獄是畜生是餓鬼是人是天乃至是非有想非无想天用是業因緣故知有生地獄者是業因緣故知有生畜生餓鬼者是業因緣故知有生人中生四天王天乃至生非有想非无想天者是業因緣故知有得須陀洹斯陀含阿那含阿羅漢辟支佛者是業因緣故知是諸菩薩摩訶薩是業因緣故知是多陀阿伽度阿羅訶三藐三佛陀世尊無性法中无有業用作業因緣故若墮地獄餓鬼畜生若人若天乃至生非有想非无想天以是業因緣故得須陀洹斯陀含阿那含阿羅漢辟支佛菩薩摩訶薩行菩薩道當得一切種智得一切種智故能拔出衆生

於生死中佛告須菩提如是如是无  
性法中無業无果報須菩提凡夫人  
不入聖法不知諸法無性相顛倒愚  
癡故起種種業因緣是諸衆生隨業  
得身若地獄身若畜生身若餓鬼身  
若人身若天身四天王天身乃至非  
有想非无想天身是無性法无業無  
果報無性常是无性如須菩提所言  
若一切法无性云何是須陀洹乃至  
諸佛得一切種智須菩提於汝意云  
何道是無性不須陀洹果乃至諸佛  
一切種智是无性不須菩提言世尊  
道无性須陀洹果亦無性乃至諸佛  
一切種智亦無性須菩提无性法能  
得无性法不不也世尊佛告須菩提  
有性法能得有性法不不也世尊須  
菩提無性法及道是一切法皆不合  
不散无色無形无對一相所謂無相  
須菩提是菩薩摩訶薩行般若波羅  
蜜時以方便力見衆生以顛倒故著  
五陰无常中常相苦中樂相不淨中  
淨相無我中我相著无所有處是菩  
薩以方便力故於无所有中拔出衆

生須菩提白佛言世尊凡夫人所著  
頗有實不異不著故起業業因緣故  
五道生死中不得脫佛告須菩提凡  
夫人所著起業處无如毛髮許實事  
但顛倒故須菩提今為汝說譬喻智  
者以譬喻得解須菩提於汝意云何  
如夢中所見人受五欲樂有實住處  
不須菩提白佛言世尊夢尚虛妄不  
可得何況住夢中受五欲樂於汝意  
云何諸法若有漏若無漏若有為若  
无為頗有不如夢者不世尊諸法若  
有漏若無漏若有為若无為無不如  
夢者佛告須菩提於汝意云何夢中  
有五道生死往來不世尊无也於汝  
意云何夢中有修道用是修道者著  
垢若得淨不不也世尊何以故是夢  
法無有實事不可說垢淨於汝意云  
何鏡中像有實事不能起業因緣用  
是業因緣墮地獄餓鬼畜生若人若  
天四天王天處乃至非有想非無想  
天處不須菩提言不也世尊是像无  
有實事但誑小兒是事云何當有  
業因緣用是業因緣當墮地獄乃至

非有想非无想處於汝意云何是鏡  
中像有修道用是修道若著垢若得  
淨不須菩提言不也世尊何以故是  
像空无實事不可說垢淨於汝意云  
何如深澗中有響是響有業因緣用  
是業因緣若墮地獄乃至生非有想  
非无想處不須菩提言不也世尊是  
事空無有實音聲云何當有業因緣  
用是業因緣墮地獄乃至生非有想  
非无想處於汝意云何是響頗有修  
道用是修道若著垢若得淨不不也  
世尊是事無實不可說是垢是淨於  
汝意云何如焰非水水相非河河相  
是焰頗有業因緣用是業因緣墮地  
獄乃至生非有想非无想處不不也  
世尊焰中水畢竟不可得但誑无智  
人眼云何當有業因緣用是業墮地  
獄乃至生非有想非无想處於汝意  
云何是焰有修道用是修道若著垢  
若得淨不不也世尊是焰无有實事  
不可說垢淨於汝意云何捷闍婆城  
如日出時見捷闍婆城無智人无城  
有城想無廬館有廬館想無園有



園想是捷闍婆城頗有業因緣用是  
業因緣墮地獄乃至生非有想非无  
想處不不也世尊是捷闍婆城畢竟  
不可得但誑愚夫眼云何當有業因  
緣用是業因緣墮地獄乃至生非有  
想非无想處於汝意云何是捷闍婆  
城有修道用是修道若著垢若得淨  
不不也世尊是捷闍婆城无有實事  
不可說垢淨須菩提於汝意云何幻  
師幻作種種物若象若馬若牛若羊  
若男若女於汝意云何是幻有業因  
緣用是業因緣墮地獄乃至生非有  
想非無想處不不也世尊是幻法空  
无實事云何當有業因緣用是業因  
緣墮地獄乃至生非有想非无想處  
於汝意云何是幻有修道用是修道  
若著垢若得淨不不也世尊是法無  
有實事不可說垢淨須菩提於汝意  
云何如佛所化人是化人有業因緣  
用是業因緣墮地獄乃至生非有想  
非无想處不不也世尊是化人無有  
實事云何當有業因緣用是業因緣  
墮地獄乃至生非有想非无想處於

汝意云何是化人有修道用是修道  
若著垢若得淨不不也世尊是事无  
有實不可說垢淨佛告須菩提於汝  
意云何於是空相中有垢者有淨者  
不不也世尊是中无所有無有著垢  
者无有淨者須菩提如无有著垢者  
無有淨者以是因緣故亦无垢淨何  
以故住我我所衆生有垢有淨實見  
者不垢不淨如實見者不垢不淨如  
是亦無垢淨

摩訶般若波羅蜜經平等品第六

須菩提白佛言世尊見實者不垢不  
淨見不實者亦不垢不淨何以故一  
切法性无所有故世尊無所有中无  
垢無淨有所有中亦無垢无淨世尊無  
所有中有所有中亦无垢無淨世尊  
云何如實語者不垢不淨不實語者  
亦不垢不淨佛告須菩提是諸法平  
等相我說是淨須菩提何等是諸法  
平等所謂如不異不誑法相法性法  
住法位實際有佛无佛法性常住是  
名淨世諦故說非取第一義取第一  
義過一切語言論議音聲須菩提白

佛言世尊若一切法空不可說如夢  
如響如焰如影如幻如化云何菩薩  
摩訶薩用是如夢如響如焰如影如  
幻如化法無有根本定實云何能發  
阿耨多羅三藐三菩提心作是願我  
當具足檀那波羅蜜乃至具足般若  
波羅蜜我當具足神通波羅蜜具足  
智波羅蜜具足四禪四无量心四無  
色定四念處乃至具足八聖道分我  
當具足三解脫門八解脫九次第定  
我當具足佛十力乃至具足十八不  
共法我當具足三十二相八十隨形  
好具足諸陀羅尼門諸三昧門我當  
放大光明遍照十方知諸衆生心如  
應說法佛告須菩提於汝意云何汝  
所說諸法如夢如響如焰如影如幻  
如化不須菩提言尔世尊世尊若一  
切法如夢乃至如化菩薩摩訶薩云  
何行般若波羅蜜世尊是夢乃至化  
虛妄不實世尊不應用不實虛妄法  
能具足檀那波羅蜜乃至十八不共  
法佛告須菩提如是如是不實虛妄  
法不能具足檀那波羅蜜乃至十八

不共法行是不實虛妄法不能得阿耨多羅三藐三菩提須菩提是一切法皆是憶想思惟作法用是思惟憶想作法不能得一切種智須菩提是一切法能助道不能得益果所謂是諸法无生無出无相菩薩從初發心已來所作善業若檀那波羅蜜乃至一切種智何以故知諸法皆如夢乃至如化如是等法不具足檀那波羅蜜乃至一切種智不能得成就衆生淨佛國土得阿耨多羅三藐三菩提是菩薩摩訶薩所作善業檀那波羅蜜乃至一切種智如夢乃至如化亦知一切衆生如夢中行乃至知如化中行是菩薩摩訶薩不取般若波羅蜜是有法用是不取故得一切種智知是諸法如夢无所取乃至諸法如化無所取何以故般若波羅蜜是不可取相禪那波羅蜜乃至十八不共法是不可取相是菩薩摩訶薩知一切法是不可取相已發心求阿耨多羅三藐三菩提何以故一切法不可取相無根本定實如夢乃至如化用

不可取相法不能得不可取相法但以衆生不知不見如是諸法相是菩薩摩訶薩為是衆生故求阿耨多羅三藐三菩提是菩薩從初發意已來所有布施為一切衆生故乃至有所修智慧皆為一切衆生不為已身菩薩摩訶薩不為餘事故求阿耨多羅三藐三菩提但為一切衆生故是菩薩行般若波羅蜜時見衆生无衆生但衆生相中住乃至無知者无見者知見相中住令衆生遠離顛倒遠離已置甘露性中住是中无有妄想所謂衆生相乃至知者見者相是時菩薩動心念心戲論心皆捨常行不動心不念心不戲論心須菩提以是方便力故菩薩摩訶薩行般若波羅蜜時自无所著亦教一切衆生令得無所著世諦故非第一義須菩提白佛言世尊世尊得阿耨多羅三藐三菩提時得諸佛法以世諦故得以第一義中得佛言以世諦故說佛得是法是法中无有法可得是人得是法何以故是人得是法是為大有所得用

二法無道无果須菩提白佛言世尊  
若行二法無道无果行不二法有道  
有果不佛言行二法無道无果行不  
二法亦無道无果若无二法無不二  
法即是道即是果何以故用如是法  
得道得果用如是法不得道不得果  
是為戲論諸平等法中无有戲論無  
有戲論是諸法平等須菩提白佛言  
世尊諸法无所有性是中何等是平  
等佛言若無有有法无有無法亦不  
說諸法平等相除平等更无餘法離  
一切法平等相平等相者若凡夫若  
聖人不能行不能到須菩提白佛言  
世尊乃至佛亦不能行亦不能到佛  
言是諸法平等一切聖人皆不能行  
亦不能到所謂諸須陀洹斯陀含阿  
那含阿羅漢辟支佛諸菩薩摩訶薩  
及諸佛須菩提白佛言世尊佛者一  
切諸法中行力自在云何說佛亦不  
能行亦不能到佛告須菩提若諸法  
平等與佛有異應當如是問須菩提  
今諸凡夫人平等諸須陀洹斯陀含  
阿那含阿羅漢辟支佛諸菩薩摩訶



薩諸佛及聖法皆平等是一平等元  
二所謂是凡夫人是須陀洹乃至佛  
是一切法等中皆不可得須菩提白  
佛言世尊若諸法等中皆不可得是  
凡夫人乃至是佛世尊凡夫人須陀  
洹乃至佛為无有分別佛告須菩提  
如是如是諸法平等中無有分別是  
凡夫人是須陀洹乃至是佛世尊若  
無分別諸凡夫人須陀洹乃至佛云  
何分別有三寶現於世佛寶法寶僧  
寶佛言於汝意云何佛寶法寶僧寶  
與諸法等異不須菩提白佛言如我  
從佛所聞義佛寶法寶僧寶與諸  
法等无異世尊是佛寶法寶僧寶即  
是平等是法皆不合不散無色无形  
無對一相所謂无相佛有是力能分  
別无相諸法處所是凡夫人是須陀  
洹是斯陀含是阿那含是阿羅漢是  
辟支佛是菩薩摩訶薩是諸佛佛告  
須菩提如是如是若諸佛得阿耨多  
羅三藐三菩提不分別諸法當知是  
地獄是餓鬼是畜生是人是天是四  
天三天乃至是他化自在天梵天乃

至是非有想非無想天處是四念處  
乃至八聖道分內空乃至无法有法  
空佛十力乃至十八不共法不須菩  
提言不知也世尊以是故須菩提當  
知佛有大恩力於諸法等中不動而  
分別諸法須菩提白佛言世尊如佛  
於諸法平等中不動凡夫人亦於諸  
法平等中亦不動須陀洹乃至辟支  
佛亦於諸法平等中不動世尊若諸  
法等相即是凡夫人相即是須陀洹  
相乃至諸佛即是平等相世尊今諸  
法各各相所謂色相異受想行識相  
異眼相異耳鼻舌身意相異地相異  
水火風空識相異欲相異瞋癡相異  
邪見相異禪相異无量心相異無色  
定相異四念處相異乃至八聖道分  
相異檀那波羅蜜相異乃至般若波  
羅蜜相異三解脫門相異十八空相  
異佛十力相異四無所畏相異四无  
尋智相異十八不共法相異有為法  
相異无為法相異是凡夫人相異乃  
至佛相異諸法各各相云何菩薩摩  
訶薩行般若波羅蜜時諸法異相中

不作分別若不作分別不能行般若  
波羅蜜若不行般若波羅蜜不能從  
一地至一地若不從一地至一地不能  
入菩薩位不能入菩薩位故不能過  
聲聞辟支佛地不能過聲聞辟支佛  
地故不能具足神通波羅蜜不具足  
神通波羅蜜故不能具足檀那波羅蜜  
乃至不能具足般若波羅蜜從一佛  
國至一佛國供養諸佛於諸佛所種  
善根用是善根能成就衆生淨佛國  
土佛告須菩提如汝所問是諸法相  
亦是凡夫人亦是須陀洹乃至佛世  
尊是諸法各各相所謂色相異乃至  
有為無為法相異云何菩薩摩訶薩  
觀一切相不作分別須菩提於汝意  
云何是色相空乃至諸佛相空不  
世尊實空須菩提空中各各相法可  
得不所謂色相乃至諸佛相須菩提  
言不可得佛言以是因緣故當知諸  
法平等中非凡夫人亦不離凡夫人  
乃至非佛亦不離佛須菩提白佛言  
世尊是平等為是有為法為是無為  
法佛言非有為法非無為法何以故

離有為法无為法不可得離無為法  
有為法不可得須菩提是有為性无  
為性二法不合不散无色無形無  
對一相所謂無相佛亦以世諦故說  
非以第一義何以故第一義中无身  
行無口行无意行亦不離身口意行  
得第一義是諸有為法無為法平等  
相即是第一義菩薩摩訶薩行般若  
波羅蜜時第一義中不動而行菩薩  
事饒益衆生

摩訶般若波羅蜜經如化品第十

須菩提白佛言世尊若諸法平等无  
可為作云何菩薩摩訶薩行般若波  
羅蜜於平等法中不動而行菩薩事  
以布施愛語利益同事佛告須菩提  
如是如是如汝所言是諸法平等無  
所作若是衆生自知諸法平等佛不  
用神力於諸法平等中不動而拔出  
衆生吾我想以空度五道生死乃至  
知者見者相度色相乃至識相眼相  
乃至意相地種相乃至識種相遠離  
有為性相令得无為性相無為性相  
即是空須菩提言世尊用何等空故

一切法空佛言菩薩遠離一切法相  
用是空故一切法空須菩提於汝意  
云何若有化人作化人是化頗有實  
事不空者不須菩提言不也世尊是  
化人无有實事而不空是空及化人  
二事不合不散以空故空不應分別  
是空是化何以故是二事等空中不  
可得所謂是空是化何以故須菩提  
色即是化受想行識即是化乃至二  
切種智即是化須菩提白佛言世尊  
世間法是化出世間法亦復是化不  
所謂四念處四正勤四如意足五根  
五力七覺分八聖道分三解脫門佛  
十力四無所畏四无等智十八不共  
法并諸法果及賢聖人所謂須陀洹  
斯陀含阿那含阿羅漢辟支佛菩薩  
摩訶薩諸佛世尊是法亦是化不佛  
告須菩提一切法皆是化於是法中  
有聲聞法變化有辟支佛法變化有  
菩薩摩訶薩法變化有諸佛法變化  
有煩惱法變化有業因緣法變化以  
是因緣故須菩提一切法皆是變化  
須菩提白佛言世尊是諸煩惱斷所



諸須陀洹果斯陀舍果阿那含果阿羅漢果辟支佛道斷諸煩惱習斷皆是變化不佛告須菩提若有法生滅相者皆是變化須菩提言世尊何等法非變化佛言若法無生无滅是非變化須菩提言何等是不生不滅非變化佛言不誑相涅槃是法非變化世尊如佛自說諸法平等非聲聞作非辟支佛作非諸菩薩摩訶薩作非諸佛作有佛无佛諸法性常空性空即是涅槃云何言涅槃一法非如化佛告須菩提如是如是諸法平等非聲聞所作乃至性空即是涅槃若新發意菩薩聞是一切法畢竟性空乃至涅槃亦皆如化心則驚怖為是新發意菩薩故分別生滅者如化不生不滅者不如化須菩提白佛言世尊云何教新發意菩薩令知性空佛告須菩提諸法本有今無耶

摩訶般若波羅蜜經卷第三十六

戊戌歲高麗國大藏都監奉

勅彫造



摩訶般若波羅蜜經卷第二十七

海

常啼品第八十八

後秦龜茲國三藏鳩摩羅什譯

佛告須菩提菩薩摩訶薩求般若波羅蜜應如薩陀波隴菩薩摩訶薩是菩薩今在大雷音佛所行菩薩道須菩提白佛言世尊薩陀波隴菩薩摩訶薩去何求般若波羅蜜佛言薩陀波隴菩薩摩訶薩本求般若波羅蜜時不惜身命不求名利於空閑林中聞空中聲言汝善男子從是東行莫念疲極莫念睡眠莫念飲食莫念晝夜莫念寒熱莫念內莫念外善男子行時莫觀左右汝行時莫壞身相莫壞色相莫壞受想行識相何以故若壞是諸相於佛法中則為有尋若於佛法中有尋便往來五道生死中亦不能得般若波羅蜜今時薩陀波隴菩薩報空中言我當從教何以故我欲為一切衆生作大明欲集一切諸佛法欲得阿耨多羅三藐三菩提故薩陀波隴菩薩復聞空中聲言善哉

善哉善男子汝於空無相无作之法應  
生信心以離相心求般若波羅蜜離  
我相乃至離知者見者相當遠離惡  
知識當親近供養善知識何等是善  
知識能說空无相無作无生無滅法  
及一切種智令人心入歡喜信樂是為  
善知識善男子汝若如是行不久當  
聞般若波羅蜜若從經卷中間若從  
菩薩所說聞善男子汝所從聞是般  
若波羅蜜處應生心如佛想善男子  
汝當知思應作是念所從聞是般若  
波羅蜜者即是我善知識我用聞是  
法故疾得不退轉於阿耨多羅三藐  
三菩提親近諸佛常生有佛國土中  
遠離衆難得具足无難處善男子當  
思惟籌量是功德於所從聞法處生  
心如佛想汝善男子莫以世利心故  
隨逐法師但為愛法恭敬法故隨逐  
說法菩薩今時當覺知魔事若惡魔  
與說法菩薩作五欲因緣假為法故  
令受若說法菩薩入實法門以功德  
力故受而无所染又以三事故受是  
五欲以方便力故欲令衆生種善根

故欲與衆生同其事故受汝於是中  
莫生汙心當起淨想自念我未得漚  
和拘舍羅大師以方便法為度衆生  
令獲福德故受是諸欲於菩薩智慧  
无著無尋不為欲染善男子即當觀  
諸法實相何等諸法實相所謂一切  
法不垢不淨何以故一切法自性空  
无衆生無人无我一切法如幻如夢  
如響如影如焰如化善男子觀是諸  
法實相已當隨法師汝不久當成就  
般若波羅蜜復次善男子汝當復覺  
知魔事若說法菩薩見欲受般若波  
羅蜜人意不存念汝不應起心怨恨  
汝但當以法故生恭敬心莫起厭懈  
意常應隨逐法師今時薩陀波隴菩  
薩受是空中教已從是東行不久復  
作是念我去何不問空中聲我當何  
處去去當遠近當從誰聞般若波羅  
蜜是時即住啼哭憂愁作是念我住  
是中過一日一夜若二三四五六七日  
七夜於此中住不念疲極乃至不念  
飢渴寒熱不聞聽受般若波羅蜜因  
緣終不起也須菩提譬如人有一子

卒死憂愁苦毒唯懷怙惱不生餘念  
如是須菩提薩陀波喻菩薩今時無  
有異心但念我何時當聞般若波羅  
蜜我云何不問空中聲我應何處去  
去當遠近當從誰聞般若波羅蜜須  
菩提薩陀波喻菩薩如是愁念時空  
中有佛語薩陀波喻菩薩言善哉善  
哉善男子過去諸佛行菩薩道時求  
般若波羅蜜亦如汝今日善男子汝以  
是勤精進愛樂法故從是東行去此  
五百由旬有城名衆香其城七重七  
寶莊嚴臺觀欄楯皆以七寶校飾  
七寶之塹七寶行樹周匝七重其城  
縱廣十二由旬豐樂安靜人民熾盛  
五百市里街巷相當端嚴如畫橋津  
如地寬博清淨七重城上皆有七寶  
樓櫓寶樹行列以黃金白銀車渠馬  
瑙珊瑚琉璃頗梨紅色真珠以為枝  
葉寶繩連綿金為鈴網以覆城上風  
吹鈴聲其音和雅譬如巧作五樂甚  
可喜樂金網寶鈴其音如是以樂衆  
生其城四邊流池清淨冷暎調適中  
有諸船七寶嚴飾是諸衆生宿業所

致乘此寶船娛樂遊戲諸池水中種種蓮華青黃赤白衆雜好華遍覆水上是三千大千國土所有衆華皆在其中其城四邊有五百園觀七寶莊嚴甚可愛樂二園中各有五百池水池水各各縱廣十里皆以七寶校成雜色莊嚴諸池水中亦有青黃赤白蓮華弥覆水上是諸蓮華大如車輪青色青光黃色黃光赤色赤光白色白光諸池中鳬鴈鴛鴦異類衆鳥音聲相和是諸園觀適无所屬是諸衆生宿業果報長夜信樂深法行般若波羅蜜因緣故受是果報善男子是衆香城中有大高臺曇无竭菩薩摩訶薩宮舍在上其宮縱廣一由旬皆以七寶校成雜色莊嚴甚可意樂垣牆七重皆亦七寶七寶欄楯七寶樓閣寶軒七重皆以七寶周匝深塹七寶累成七重行樹七寶枝葉七重圍繞其宮舍中有四種娛樂園一名常喜二名離憂三名華飾四名香飾二園中各有八池一名賢二名賢上三名歡喜四名喜上五名安隱



六名多安隱七名遠難八名阿惟越  
致諸池四邊面各一寶黃金白銀琉  
璃頗梨玳瑁為池底其上布金沙一  
池側有八梯陞種種妙寶以為嚴  
飾諸梯陞間有閻浮檀金芭蕉行樹  
一切池中種種蓮華青黃赤白弥覆  
水上諸池四邊生好華樹風吹諸華  
墮池水中其池成就八種功德香若  
栴檀色味具足輕且柔軟曇无竭菩  
薩與六万八千姝女五欲具足共相  
娛樂及城中男女俱入常喜等園賢  
等池中五欲具足共相娛樂善男子  
曇无竭菩薩與諸姝女遊戲娛樂已  
日三時說般若波羅蜜衆香城中男  
女大小於其城中多聚人處敷大法  
座其座四足或以黃金或以白銀或  
以琉璃或以頗梨敷以統縱雜色茵  
蓐垂諸幃帶以妙白氎而覆其上散  
以種種雜妙華香座高五里張白珠  
帳其地四邊散五色華燒衆名香澤  
香塗地供養恭敬般若波羅蜜故曇  
无竭菩薩於此座上說般若波羅蜜  
彼諸人衆如是恭敬供養曇无竭為



聞般若波羅蜜故於是大會百千萬  
衆諸天世人一處和集中有聽者中  
有受者中有持者中有誦者中有書  
者中有正觀者中有如說行者是時  
衆生以是因緣故皆不墮惡道不退  
轉於阿耨多羅三藐三菩提善男  
子往詣曇無竭菩薩所當聞般若波羅  
蜜善男子曇無竭菩薩世世是汝善  
知識能教汝阿耨多羅三藐三菩提  
示教利喜曇無竭菩薩本求般若波  
羅蜜時亦如汝今汝去莫計畫夜莫  
生障事心汝不久當聞般若波羅蜜  
念時薩陀波伽菩薩摩訶薩歡喜心  
悅作是念我當何時得見是善男子  
得聞般若波羅蜜須菩提譬如有人  
為毒箭所射中更无餘念唯念何時當  
得免苦拔出毒箭除我此苦如是須  
菩提薩陀波伽菩薩摩訶薩更無餘  
念但作是願我何時當得見曇無竭  
菩薩今我得聞般若波羅蜜我聞是  
般若波羅蜜斷諸有心是時薩陀波  
伽菩薩於是處住念曇無竭菩薩一  
切法中得无量智見即得无量三昧

門現在前所謂諸法性觀三昧諸法  
性不可得三昧破諸法無明三昧諸  
法不異三昧諸法不壞自在三昧諸  
法能照明三昧諸法離闇三昧諸法  
无異相續三昧諸法不可得三昧散  
華三昧諸法无我三昧幻威勢三  
昧得如鏡像三昧得一切衆生語言  
三昧一切衆生歡喜三昧入分別音  
聲三昧得種種語言字句莊嚴三昧  
无畏三昧性常默然三昧得無尋解  
脫三昧離塵垢三昧名字語句莊嚴  
三昧見諸法三昧諸法无尋頂三昧  
如虛空三昧如金剛三昧不畏著色  
三昧得勝三昧轉眼三昧畢法性三  
昧能與安隱三昧師子吼三昧勝一  
切衆生三昧華莊嚴三昧斷疑三昧  
隨一切堅固三昧出諸法得神通力  
无畏三昧能達諸法三昧諸法財印  
三昧諸法無分別見三昧離諸見三  
昧離一切闇三昧離一切相三昧解  
脫一切著三昧除一切懈怠三昧得  
深法明三昧不可奪三昧破魔三昧  
不著三界三昧起光明三昧見諸佛

三昧如是薩陀波崙菩薩住是諸三昧中即見十方無量阿僧祇諸佛為諸菩薩摩訶薩說般若波羅蜜是時十方諸佛安慰薩陀波崙菩薩言善哉善哉善男子我等奉行菩薩道時求般若波羅蜜得是諸三昧亦如汝今所得我等得是諸三昧善入般若波羅蜜成就方便力住阿惟越致地我等觀是諸三昧性不見有法出三昧入三昧者亦不見行佛道者亦不見得阿耨多羅三藐三菩提者善男子是名般若波羅蜜所謂不念有是諸法善男子我等於无所念法中住得是金色身丈光明三十二相八十隨形好不可思議智慧無上戒無上三昧佛無上智慧一切功德皆悉具足一切功德具足故佛尚不能取相說盡何況聲聞辟支佛及諸餘人以是故善男子於是佛法中倍應恭敬愛念生清淨心於善知識中應生如佛想何以故為善知識守護故菩薩疾得阿耨多羅三藐三菩提是時薩陀波崙菩薩白十方諸佛言何等是

我善知識所應親近供養者十方諸  
佛告薩陀波崙菩薩言汝善男子曇  
无竭菩薩世世教化成就汝阿耨多  
羅三藐三菩提曇无竭菩薩守護汝  
教汝般若波羅蜜方便力是汝善知  
識汝供養曇无竭菩薩若一切若二  
若三乃至過百劫頂戴恭敬以一切  
樂具三千世界中所有妙色聲香味  
觸盡以供養未能報須臾之恩何以  
故曇无竭菩薩摩訶薩因緣故令汝  
得如是等諸三昧得般若波羅蜜方  
便力諸佛如是教化安慰薩陀波崙  
菩薩令歡喜已忽然不現是時薩陀  
波崙菩薩從三昧起不復見佛作是  
念是諸佛從何所來去至何所不見  
諸佛故復惆悵不樂誰斷我疑復作  
是念曇无竭菩薩久遠已來常行般  
若波羅蜜得方便力及得諸陀羅尼  
於菩薩法中得自在多供養過去諸  
佛世世為我師常利益我我當問曇  
无竭菩薩諸佛從何所來去至何處  
今時薩陀波崙菩薩於曇无竭菩薩  
生恭敬愛樂尊重心作是念我當以



何供養曇无竭菩薩今我貧窮无華  
香瓔珞燒香澤香衣服幡蓋金銀真  
珠琉璃頗梨珊瑚琥珀無有如是等  
物可以供養般若波羅蜜及說法師  
曇无竭菩薩我法不應空往曇无竭  
菩薩所我若空往喜悅心不生我當  
賣身得財為般若波羅蜜故供養法  
師曇无竭菩薩何以故我世世喪身  
無數无始生死中或死或賣或為欲  
因緣故世世在地獄中受无量苦惱  
未曾為清淨法故為供養說法師故  
喪身是時薩陀波崙菩薩中道入一  
大城至市肆上高聲唱言誰欲須人  
誰欲須人誰欲買人今時惡魔作是  
念是薩陀波崙愛法故欲自賣身為  
般若波羅蜜故供養曇无竭菩薩當  
得正問般若波羅蜜及方便力云何  
菩薩摩訶薩行般若波羅蜜疾得阿  
耨多羅三藐三菩提當得多聞具足  
如大海水是時不可沮壞得具足一  
切功德饒益諸菩薩摩訶薩為阿耨  
多羅三藐三菩提故過我境界亦教  
餘人出我境界得阿耨多羅三藐三

菩提我今當壞其事。今時惡魔隱蔽諸婆羅門居士。令不聞其自賣之聲。除一長者女。魔不能蔽。今時薩陀波崙賣身。不售。憂愁啼哭。在一面立。啼泣而言。我為大罪。賣身不售。我自賣身為般若波羅蜜。故供養曇无竭菩薩。今時釋提桓因。作是念。是薩陀波崙。賣菩薩愛法。自賣其身。為般若波羅蜜。故欲供養曇无竭菩薩。我當試之。知是善男子。實以深心愛法。故捨身。不是時。釋提桓因。化作婆羅門身。在薩陀波崙菩薩邊。行問言。汝善男子。何以憂愁啼哭。顏色憔悴。在一面立。答言。婆羅門。我愛敬法。自賣身為般若波羅蜜。故欲供養曇无竭菩薩。今我賣身。無有買者。自念薄福。无財寶物。自欲賣身。供養般若波羅蜜。及曇无竭菩薩。而無買者。今時婆羅門。語薩陀波崙菩薩言。善男子。我不須人。我今欲祀天。當須人心。人血。人體。汝能賣與我不。今時薩陀波崙菩薩作是念。我得大利。得第一利。我今便為具足。般若波羅蜜。方便力得。是買心。



髓血者是時心大歡喜悅樂无憂以  
柔和心語婆羅門言汝所湏者我盡  
與汝婆羅門言善男子汝湏何價答  
言隨汝意與我即時薩陀波隴右手  
執利刀刺左臂出血割右胫肉復欲  
破骨出髓時有一長者女在閣上遙  
見薩陀波隴菩薩自割身體不惜壽  
命作是念是善男子以何因緣故困  
苦其身我當往問長者女即下閣到  
薩陀波隴所問言善男子何因緣困  
苦其身用是心血髓作何等薩陀波  
隴答言賣與婆羅門為般若波羅蜜  
故供養曇无竭菩薩長者女言善男  
子作是賣身欲自出心髓血欲供養  
曇无竭菩薩得何等功德利薩陀波  
隴答言善女人是人善學般若波羅  
蜜及方便力是人當為我說菩薩所  
應作菩薩所行道我學是法學是道  
得阿耨多羅三藐三菩提時為衆生  
作依止當得金色身三十二相八十  
隨形好丈光无量明大慈大悲大喜  
大捨四無所畏佛十力四无尋智十  
八不共法六神通不可思議清淨戒

禪定智慧得阿耨多羅三藐三菩提  
於諸法中得無等一切智見以無上  
法寶分布與一切衆生如是等諸功  
德利我當從彼得之是時長者女聞  
是上妙佛法大歡喜心驚毛豎語薩  
陀波喩菩薩言善男子甚希有汝所  
說者微妙難值為是二功德法故應  
捨如恒河沙等身何以故汝所說者  
甚大微妙汝善男子汝今所須盡當  
相與金銀真珠琉璃頗梨琥珀珊瑚  
等諸珍寶物及華香瓔珞塗香燒香  
幡蓋衣服伎樂等物供養之具供養  
般若波羅蜜及曇无竭菩薩汝善男  
子莫自困苦其身我亦欲往曇无竭  
菩薩所共汝殖諸善根為得如是微  
妙法如汝所說故今時釋提桓因即  
復本身讚薩陀波喩菩薩言善哉善  
哉善男子汝堅受是事其心不動諸  
過去佛行菩薩道時亦是求般若  
波羅蜜及方便力得阿耨多羅三藐  
三菩提善男子我實不用人心血髓  
但來相試汝願何等我當相與薩陀  
波喩言與我阿耨多羅三藐三菩提

釋提桓因言此非我力所辦是諸佛境界必相供養更索餘願薩陀波隴言汝若於此无力必見供養令我身平復如故是時薩陀波隴身即平復無有瘡癰如本不異釋提桓因與其願已忽然不現尔時長者女語薩陀波隴菩薩言善男子來到我舍有所須者從我父母索之盡當相與我亦當辭我父母與諸侍從共汝往供養曇无竭菩薩為求法故即時薩陀波隴菩薩與長者女俱到其舍在門外住長者女入白父母與我衆妙華香及諸瓔珞塗香燒香幡盖衣服金銀琉璃頗梨真珠琥珀珊瑚及諸伎樂供養之具亦聽我身及五百侍女先所給使共薩陀波隴菩薩到曇无竭菩薩所為供養般若波羅蜜故曇无竭菩薩當為我等說法我當如說行當得諸佛法女父母語女言薩陀波隴菩薩是何等人女言是人今在門外是善男子以深心求阿耨多羅三藐三菩提欲度一切衆生無量生死苦是善男子為法故自賣其身供

養般若波羅蜜般若波羅蜜名菩薩  
所學道為供養般若波羅蜜及供養  
曇无竭菩薩故在市肆上高聲唱言  
誰欲須人誰欲須人誰欲買人賣身  
不售在一面立憂愁啼哭是時釋提  
桓因化作婆羅門來欲試之問言善  
男子何以憂愁啼哭在一面立答言  
婆羅門我欲賣身為供養般若波羅  
蜜及曇无竭菩薩摩訶薩故而我薄  
福賣身不售婆羅門語是善男子我  
不須人我欲祀天當用人心人髓  
汝能賣不是時是善男子不復憂愁  
其心和悅語是婆羅門如汝之所須  
我盡相與婆羅門言汝須何價答言  
隨汝意與我即時是善男子右手執  
利刀刺左臂出血割右膝肉復欲破  
骨出髓我在閣上遙見是事我念時  
作是念是人何故困苦其身我當往  
問我即下閣往問善男子汝何因緣  
故自困苦其身是善男子答我言姊  
我為法故欲供養般若波羅蜜及曇  
無竭菩薩說法者我貧窮无所有無  
金銀琉璃車渠馬瑙珊瑚琥珀頗梨

真珠華香妓樂姉我為供養法故自  
賣其身今得買者須人心人血人髓我  
用是價供養般若波羅蜜及曇无竭  
菩薩說法者我問是善男子汝今自  
出身心血髓欲供養曇无竭菩薩得  
何功德是善男子言曇无竭菩薩當  
為我說般若波羅蜜及方便力此是  
菩薩所應學菩薩所應作菩薩所應  
行道我當學是道得阿耨多羅三藐  
三菩提為一切衆生作依止我當得  
金色身三十二相八十隨形好丈光  
无量明大慈大悲大喜大捨四無所  
畏四無尋智佛十力十八不共法六  
神通不可思議清淨戒禪定智慧得  
阿耨多羅三藐三菩提於諸法中得  
無尋一切智見以无上法寶分布與  
一切衆生如是等微妙大法我當從  
彼得之我聞是微妙不可思議法諸  
佛功德聞其大願我心歡喜作是念  
是清淨微妙寂大甚希有乃如是為  
一二法故應捨如恒河沙等身今善  
男子為法能受苦行難事所謂不惜  
身命我多有妙寶云何而不生願求

如是法供養般若波羅蜜及曇無竭菩薩我如是思惟已語薩陀波隴苦父母多與汝金銀琉璃車乘馬瑠璃瑚琥珀頗梨真珠華香瓔珞塗香末香衣服幡蓋及諸伎樂供養般若波羅蜜及曇無竭菩薩說法者我亦求父母與諸侍女共汝俱去供養曇無竭菩薩說法者共汝殖諸善根為得如是等微妙清淨法如汝所說父母今聽我并五百侍女先所給者亦聽我持衆妙華香瓔珞塗香末香衣服幡蓋伎樂金銀琉璃供養之具與薩陀波隴菩薩共去供養般若波羅蜜及曇無竭菩薩說法者為得如是等清淨微妙諸佛法故尔時父母報女言汝所讚者希有難及說是善男子為法精進大樂法相及是諸佛法不可思議一切世間軍為第一一切衆生歡樂因緣是善男子為是法故大誓莊嚴我等聽汝往見曇無竭菩薩親近供養汝發大心為諸佛故如是精進我等云何當不隨喜是女為供



養曇无竭菩薩故得蒙聽許報父母  
言我等亦隨是心歡喜我終不斷人  
善法因緣是時長者女莊嚴七寶車  
五百乘身及侍女種種寶物莊飾供  
養之具持種種水陸生華及金銀寶  
華衆色寶衣好香擣香澤香瓔珞及  
衆味飲食共薩陀波喻菩薩五百侍  
女各載一車恭敬圍繞漸漸東去見  
衆香城七寶莊嚴七重圍繞七寶之  
塹七寶行樹皆亦七重其城縱廣十  
二由旬豐樂安靜甚可意樂人民熾  
盛五百市里街巷相當端嚴如畫橋  
津如地寬博清淨遙見衆香城旣入  
城中見曇无竭菩薩坐高臺法座上  
無量百千万億衆恭敬圍繞說法薩  
陀波喻菩薩見曇无竭菩薩時心即  
歡喜譬如比丘入第三禪攝心安隱  
見已作是念我等儀不應載車趣曇  
无竭菩薩作是念已下車步進長者  
女并五百侍女皆亦下車薩陀波喻  
菩薩與長者女及五百侍女衆寶莊  
嚴圍繞恭敬俱到曇无竭菩薩所尔  
時曇无竭菩薩摩訶薩有七寶臺赤

牛頭栴檀以為莊嚴真珠羅網以覆  
臺上四角皆懸摩尼珠寶以為燈明  
及四寶香爐常燒名香為供養般若  
波羅蜜故其臺中有七寶大床四寶  
小床重敷其上以黃金膝書般若波  
羅蜜置小床上種種幡蓋莊嚴垂覆  
其上薩陀波隴菩薩及諸女人見是  
妙臺衆寶嚴飾及見釋提桓因與无  
量百千万諸天以天曼陀羅華碎末  
栴檀磨衆寶屑以散臺上鼓天伎樂  
於虛空中娛樂此臺尔時薩陀波隴  
菩薩問釋提桓因憍尸迦何因緣故  
與无量百千万諸天以天曼陀羅華  
碎末栴檀磨衆寶屑以散臺上鼓天  
伎樂於虛空中娛樂此臺釋提桓因  
答言汝善男子不知耶此是摩訶般  
若波羅蜜是諸菩薩摩訶薩母能生  
諸佛攝持菩薩菩薩學是般若波羅  
蜜成就一切諸功德得諸佛法一切  
種智是時薩陀波隴即歡喜悅樂問  
釋提桓因言憍尸迦是般若波羅蜜  
諸菩薩摩訶薩母能生諸佛攝持菩  
薩菩薩學是般若波羅蜜成就一切

功德得諸佛法一切種智今在何處  
釋提桓因言善男子是臺中有七寶  
大床四寶小床重敷其上以黃金膝  
書般若波羅蜜置小床上曇无竭菩  
薩以七寶印印之我等不能得開以  
示汝是時薩陀波隴與長者女及五  
百侍女取供養具華香瓔珞幡蓋分  
作二分一分供養般若波羅蜜一分  
供養法座上曇无竭菩薩令時薩陀  
波隴菩薩與五百女人持華香瓔珞  
幡蓋伎樂及諸珍寶供養般若波羅  
蜜已然後到曇无竭菩薩所到已見  
曇无竭菩薩在法座上坐以諸華香  
瓔珞持香澤香金銀寶華幡蓋寶衣  
散曇无竭菩薩上為法故供養是時  
諸華香寶衣於曇无竭菩薩上虛空  
中化成華臺碎末栴檀寶屑金銀寶  
華化成寶帳寶帳之上所散種種寶  
衣化為寶蓋寶蓋四邊垂諸寶幡薩  
陀波隴及諸女人見曇无竭菩薩所  
作變化大歡喜作是念未曾有也曇  
无竭大師神德乃余行菩薩道時神  
通力尚能如是何況得阿耨多羅三

藐三菩提時是時長者女及五百女人清淨信心敬重曇無竭菩薩皆發阿耨多羅三藐三菩提心作是願言如曇無竭菩薩得菩薩諸深法如曇無竭菩薩於大衆中演說顯示般若波羅蜜義如曇無竭菩薩得般若波羅蜜方便力成就神通於菩薩事中得自在我等亦當如是是時薩陀波隴菩薩及五百女人香華寶物供養般若波羅蜜及曇無竭菩薩已頭面礼曇無竭菩薩合掌恭敬一面立一面立已白曇無竭菩薩言我本求般若波羅蜜時於空閑林中聞空中聲言善男子汝從是東行當得聞般若波羅蜜我受是語東行東行不久作是念我何不問空中聲我當何處去去是遠近當從誰聞我是時大憂愁啼哭於是處住七日七夜憂愁故乃至不念飲食但念我何時當得聞般若波羅蜜我如是憂愁一心念般若波羅蜜見佛身在虛空中語我言善男子汝大欲大精進心莫放捨以是大欲

大精進心從是東行去是五百由旬  
有城名衆香是中有菩薩摩訶薩  
名曇无竭從是人所當得聞般若波  
羅蜜是曇无竭菩薩世世是汝善知  
識常守護汝我從佛受教誨已便東  
行更無餘念但念我何時當見曇无  
竭菩薩為我說般若波羅蜜我今時  
中道住於一切法中得無尋智見得  
觀諸法性等諸三昧現在前住是三  
昧已見十方无量阿僧祇諸佛說是  
般若波羅蜜諸佛讚我言善哉善哉  
善男子我今求般若波羅蜜時得諸  
三昧亦如汝今日得是諸三昧已遍  
得諸佛法諸佛為我廣說法安慰我  
已忽然不現我從三昧起作是念諸  
佛從何處來去至何所我不見諸佛  
故大愁憂復作是念曇无竭菩薩供  
養先佛殖善根久行般若波羅蜜善  
知方便力於菩薩道中得自在是我  
善知識守護我我當問曇无竭菩薩  
是事諸佛從何所來去至何所我今  
問大師是諸佛從何處來去至何處  
大師為我說諸佛所從來所至處令

我得知知已亦常不離見諸佛

摩訶般若波羅蜜經法尚品第八十九

丹本曇  
無竭品

尔時曇无竭菩薩摩訶薩語薩陀波  
崙菩薩言善男子諸佛无所從來去  
亦無所至何以故諸法如不動相諸  
法如即是佛善男子無生法无來無  
去无生法即是佛无滅法無來无去  
無滅法即是佛實際法無來无去實  
際法即是佛空無來无去空即是佛  
善男子無染無來无去無染即是佛  
寂滅無來无去寂滅即是佛虛空性  
無來无去虛空性即是佛善男子離  
是諸法更無佛諸佛如諸法如一无  
分別善男子是如常一无二无三出  
諸數法无所有故譬如春末月日中  
熱時有人見焰動逐之求水望得於  
汝意云何是水從何池何山何泉來  
今何所去若入東海西海南海北海  
耶薩陀波崙言大師焰中尚無水云  
何當有來處去處曇无竭菩薩語薩  
陀波崙菩薩言善男子愚夫無智為  
熱渴所逼見焰動无水生水想善男  
子若有人分別諸佛有來有去當知



是人皆是愚夫何以故善男子諸佛不可以色身見諸佛法身无來無去諸佛來處去處亦如是善男子譬如幻師幻作種種若象若馬若牛若羊若男若女如是等種種諸物於汝意云何是幻事從何處來去至何所薩陀波崙菩薩言大師幻事无實云何當有來去處善男子是人分別佛有來有去亦如是善男子譬如夢中見若象若馬若牛若羊若男若女於汝意云何夢中所見有來處有去處不薩陀波崙言大師是夢中所見虛妄云何當有來去善男子是人分別佛有來有去亦如是善男子佛說諸法如夢若有衆生不知諸法如夢以名字色身是佛是人分別諸佛有來有去不知諸法實相故皆是愚夫无智之數是諸人數數往來五道遠離般若波羅蜜遠離諸佛法善男子佛說諸法如幻如夢若有衆生如實知是人不分別諸法若來若去若生若滅若不分別諸法若來若去若生若滅則能知佛所說諸法實相是人行般

若波羅蜜近阿耨多羅三藐三菩提  
名為真佛弟子不虛妄食人信施是  
人應受供養為世間福田善男子譬  
如大海水中諸寶不從東方來不從  
南方西方北方四維上下來衆生善  
根因緣故海生此寶此寶亦不无因  
無緣而生是寶皆從因緣和合生是  
寶若滅亦不去至十方諸緣合故有  
諸緣離故滅善男子諸佛身亦如是  
從本業因緣果報生生時不從十方來  
滅時亦不去至十方但諸緣合故有  
諸緣離故滅善男子譬如笙篳聲出  
時无來處滅時無去處衆緣和合故  
生有槽有頸有皮有弦有柱有根有  
人以手鼓之衆緣和合而有是聲是  
聲亦不從槽出不從頸出不從皮出  
不從弦出不從根出亦不從人手出  
衆緣和合乃有聲是因緣離時亦  
无去處善男子諸佛身亦如是從無  
量功德因緣生不從一因一緣一切德  
生亦不无因緣有衆緣和合故有諸  
佛身不獨從一事成來無所從去无  
所至善男子應當如是知諸佛來相

去相善男子亦當知一切法無來去  
相汝若知諸佛及諸法無來无去無  
生无滅相必得阿耨多羅三藐三菩  
提亦能行般若波羅蜜及方便力亦  
時釋提桓因以天男陀羅華與薩陀  
波崙菩薩摩訶薩作是言善男子以  
是華供養曇无竭菩薩摩訶薩我  
應當守護供養汝所以者何汝因緣  
力故今日饒益百千万億衆生便為  
得阿耨多羅三藐三菩提善男子如  
是善人甚為難遇為饒益一切衆生  
故无量阿僧祇劫受諸勤苦薩陀波  
崙菩薩摩訶薩受釋提桓因男陀羅  
華散曇无竭菩薩上自言大師我從  
今日以身屬師供給供養如是白已  
合掌師前立是時長者女及五百侍  
女白薩陀波崙菩薩言我等從今日  
亦以身屬師我等以是善根因緣故  
當得如是法亦如師所得共師世世  
供養諸佛世世常供養師是時薩陀  
波崙菩薩語長者女及五百女人若  
汝等以誠心屬我者我當受汝諸女  
言我等以誠心屬師當隨師教是時

薩陀波崙菩薩與長者女及五百女人并諸莊飾寶物上妙供具及五百乘七寶車奉上曇无竭菩薩白言大師我持是五百女人奉給大師是五百乘車隨師所用尔時釋提桓因讚薩陀波崙菩薩言善哉善哉善男子菩薩摩訶薩捨一切所有應如是如是布施疾得阿耨多羅三藐三菩提作如是供養說法人必得聞般若波羅蜜及方便力過去諸佛本行菩薩道時亦如是住布施中得聞般若波羅蜜及方便力得阿耨多羅三藐三菩提尔時曇无竭菩薩欲令薩陀波崙菩薩善根具足故受五百乘車長者女及五百侍女受已還與薩陀波崙菩薩是時曇无竭菩薩說法日没起入宮中薩陀波崙菩薩摩訶薩作是念我為法故來不應坐卧當以二儀若行若立以待法師從宮中出說法尔時曇无竭菩薩七歲一心入無量呵僧祇菩薩三昧及行般若波羅蜜方便力薩陀波崙菩薩七歲經行住立不坐不卧无有睡眠無欲恚惱

心不著味但念曇無竭菩薩摩訶薩  
何時當從三昧起出而說法薩陀波  
論菩薩過七歲已作是念我當為曇  
无竭菩薩摩訶薩敷說法座曇無竭  
菩薩摩訶薩當座上說法我當灑掃  
清淨散種種華莊嚴是處為曇无竭  
菩薩摩訶薩當說般若波羅蜜及方  
便力故是時薩陀波論菩薩與長者  
女及五百侍女為曇无竭菩薩摩訶  
薩敷七寶床五百女人各脫上衣以敷  
座上作是念曇無竭菩薩摩訶薩當  
坐此座上說般若波羅蜜及方便力  
薩陀波論菩薩敷座已求水灑地而  
不能得所以者何惡魔隱蔽令水不  
現魔作是念薩陀波論菩薩求水不  
得於阿耨多羅三藐三菩提乃至生  
一念劣心異心則智慧不照善根不增  
於一切智而有稽留今時薩陀波論  
菩薩作是念我當自剗其身以血灑  
地令无塵土來於大師我何用此身  
此身必當破壞我從無始生死以來  
數數喪身未曾為法即以利刀自剗  
出血灑地薩陀波論菩薩及長者女



并五百侍女皆无異心惡魔亦不能  
得便是時釋提桓因作是念未曾有  
也薩陀波崙菩薩受法乃尔以刀自  
刺出血灑地薩陀波崙及衆女人心  
不動轉惡魔波旬不能壞其善根其  
心堅固發大莊嚴不惜身命以深心  
欲求阿耨多羅三藐三菩提當度一  
切衆生無量生死苦釋提桓因讚薩  
陀波崙菩薩言善哉善哉善男子汝  
精進力大堅固難動不可思議汝愛  
法求法寧為无上善男子過去諸佛  
亦如是以深心愛法惜法重法集諸  
功德得阿耨多羅三藐三菩提薩陀  
波崙菩薩作是念我為曇无竭菩薩  
摩訶薩敷法座掃灑清淨已訖當於  
何處得好名華莊嚴此地若曇无竭  
菩薩摩訶薩法座上坐說法時亦當  
散華供養釋提桓因知薩陀波崙菩  
薩心所念即以三千石天曼陀羅華  
與薩陀波崙薩陀波崙受華以半散  
地留半待曇无竭菩薩摩訶薩坐法  
座上說法時當供養尔時曇无竭菩  
薩摩訶薩過七歲已從諸三昧起為



說般若波羅蜜故與无量百千万衆  
恭敬圍繞往法座上坐薩陀波崙菩  
薩摩訶薩見曇無竭菩薩摩訶薩時  
心得悅樂譬如比丘入第三禪念時薩  
陀波崙菩薩摩訶薩及長者女并五  
百侍女到曇无竭菩薩摩訶薩所散  
天曼陀羅華頭面礼畢退坐一面曇  
無竭菩薩見其坐已告薩陀波崙菩  
薩言善男子諦聽諦受今當為汝說  
般若波羅蜜相善男子諸法等故當  
知般若波羅蜜亦等諸法離故當知  
般若波羅蜜亦離諸法不動故當知  
般若波羅蜜亦不動諸法无念故當  
知般若波羅蜜亦无念諸法無畏故  
當知般若波羅蜜亦無畏諸法一味  
故當知般若波羅蜜亦一味諸法無  
邊故當知般若波羅蜜亦无邊諸法  
无生故當知般若波羅蜜亦無生諸  
法無滅故當知般若波羅蜜亦无滅  
虚空无邊故當知般若波羅蜜亦無  
邊大海水無邊故當知般若波羅蜜  
亦无邊須弥山莊嚴故當知般若波  
羅蜜亦莊嚴虚空無分別故當知般

若波羅蜜亦无分別色無邊故當知  
般若波羅蜜亦無邊受想行識无邊  
故當知般若波羅蜜亦无邊地種無  
邊故當知般若波羅蜜亦無邊水種  
火種風種无邊故當知般若波羅蜜  
亦无邊空種無邊故當知般若波羅  
蜜亦無邊如金剛等故當知般若波  
羅蜜亦等諸法无分別故當知般若  
波羅蜜亦無分別諸法性不可得故  
當知般若波羅蜜性亦不可得諸法  
无所有等故當知般若波羅蜜亦无  
所有等諸法無作故當知般若波羅  
蜜亦无作諸法不可思議故當知般  
若波羅蜜亦不可思議是時薩陀波  
崙菩薩摩訶薩即於坐處得諸三昧  
所謂諸法等三昧諸法離三昧不動三昧无  
念三昧諸法无畏三昧諸法一味三昧諸法  
无邊三昧諸法无生三昧諸法無滅三昧  
虚空無邊三昧大海水無邊三昧須  
弥山莊嚴三昧虚空无分別三昧色  
无邊三昧受想行識無邊三昧地種  
無邊三昧水種火種風種空種无邊  
三昧如金剛等三昧諸法无分別三

昧諸法不可思議三昧如是等得六  
百萬諸三昧門尔時佛告須菩提如  
我今於三千大千世界中與諸比丘  
僧圍繞以是相以是像貌以是名字  
說般若波羅蜜薩陀波隴得是六百  
萬三昧門見東方南西北方四維上  
下如恒河沙等三千大千世界中諸  
佛與諸比丘恭敬圍繞以如是相如  
是像貌如是名字說是摩訶般若波  
羅蜜亦如是薩陀波隴菩薩從是以  
後多聞智慧不可思議如大海水常  
不離諸佛生於有佛國中乃至夢中  
未曾不見佛時一切衆難皆悉已斷  
在所佛國隨願往生須菩提當知是  
般若波羅蜜因緣能成就菩薩摩訶  
薩一切功德得一切種智以是故須  
菩提諸菩薩摩訶薩若欲學六波羅  
蜜欲深入諸佛智慧欲得一切種智  
應受持般若波羅蜜讀誦正憶念廣  
為他人說亦書寫經卷供養尊重讚  
歎香華乃至伎樂何以故般若波羅  
蜜是過去未來現在十方諸佛共一  
方諸佛所尊重故

摩訶般若波羅蜜經囑累品第九

今時佛告阿難於汝意云何佛是汝  
大師不汝是佛弟子不阿難言世尊  
佛是我大師修伽陀是我大師我是  
佛弟子佛言如是如是我是汝大師  
汝是我弟子若如弟子所應作者汝  
已作竟阿難汝用身口意慈業供養  
供給我也常如我意无有違失阿難  
我身現在汝愛敬供養供給心常清  
淨我滅度後是一切愛敬供養供給  
事當愛敬供養般若波羅蜜乃至第  
二第三以般若波羅蜜囑累汝阿難  
汝莫忘失莫作取後斷種人阿難隨  
念所時般若波羅蜜在世當知念所  
時有佛在世說法阿難若有書般若  
波羅蜜受持讀誦正憶念為人廣說  
恭敬尊重讚歎華香幡蓋寶衣燈  
燭種種供養當知是不離見佛不  
離聞法為常親近佛佛說般若波羅  
蜜已弥勒等諸菩薩摩訶薩慧命  
須菩提慧命舍利弗大目犍連摩訶  
迦葉富樓那弥多羅尼子摩訶拘絺  
羅大迦旃延阿難等并一切大衆及

一切世間諸天人健闍婆阿修羅等  
聞佛所說皆大歡喜

摩訶般若波羅蜜經卷第三十七

戊戌歲高麗國大藏都監奉  
勅彫造

光讚經卷第一

藏

二十度

西晉三藏竺法護譯

摩訶般若波羅蜜光讚品第一

聞如是一時佛遊羅閱祇耆闍崛山中與摩訶比丘僧五千俱皆阿羅漢也諸漏已盡無有塵垢而得自在心安解脫智慧善度逮得仁和為大開導所作已辦所設究竟棄捐重擔逮得已利除終始患平等解脫濟一切想得度無極唯除一人賢者阿難學須陀洹復與五百比丘俱及比丘尼優婆塞優婆夷皆悉現在并諸菩薩摩訶薩得諸惣持逮成三昧修于空行尊於無想不念眾願以得等忍制覽無數皆得五通所言聰捷无有懈怠蠲捨家利所慕之心所說經法不僥供養致深妙法度於無極得無所畏超越魔事脫於一切陰蓋之罣講諸因緣心志所趣從無數劫精進行願其意所向喜悅問訊常先於人離於結恨入於無數眾會之中威勢巍巍無所畏難憶念无量劫之事若



說經法曉練衆義猶如幻化野馬水  
月夢與影響若鏡中像勇猛无侶以  
微妙慧知衆生心所起所行超度分  
別意不懷害慈懃忍辱具足所行曉  
了審諦所當度者攝取佛土無限之  
願常三昧定目覩无数諸佛世界暢  
達宜便啓請无量諸佛世尊進退能  
决若干種見所著之處定意自娛解  
百千行諸菩薩者德皆如是其名曰  
毘陀和菩薩羅隣那竭菩薩摩訶須  
菩和菩薩鄰羅達菩薩鳩目梵菩薩  
和輪調菩薩因坻菩薩賢守菩薩妙  
意菩薩持意菩薩增意菩薩不虛見  
菩薩立願菩薩周旋菩薩常精進應  
菩薩不置遠菩薩日威菩薩无吾我  
菩薩光世音菩薩漸首菩薩寶印首  
菩薩常舉手菩薩常下手菩薩慈氏  
菩薩諸菩薩衆如是難限不可計數  
億百千族一切妙德清淨同真合時  
世尊坐於自然師子床座而結加趺  
正身而處心有所向制立其意有三  
昧名定意主以時三昧自然正受則  
皆普入一切定意投攝平等御而趣

之佛適三昧其心安寂而以道眼觀  
斯世界其身湛然而笑從其足心放  
六萬億百千光明十足指放十億百  
千光明兩脇放二億百千光明兩膝  
放二億百千光明兩腳放二億百千  
光明兩肩放二億百千光明兩肘放  
二億百千光明臍放二億百千光明  
頭放億百千光明兩手指放十億百  
千光明兩臂放二億百千光明兩眉  
放二億百千光明項放億百千光明  
兩眼放二億百千光明兩耳放二億  
百千光明鼻放億百千光明四面放  
四百億百千光明四十齒放四十億  
百千光明眉間相放億百千光明頂  
結相放六萬億百千光明照此三千  
大千世界无所不周普曜東方江河  
沙等諸佛國土南方西方北方四隅  
上下皆亦如是其有衆生蒙值光明  
心皆恬怕恚發無上正真之道於是  
世尊即時欣笑從諸毛孔放衆光明  
照此三千大千世界普遍十方无不  
周接江河沙等諸佛世界其有群萌  
為光所照悉皆寂然存于无上正真

之道是時世尊別演如來清淨真妙  
 志性光明照此三千大千世界普及  
 十方各江河沙等諸佛國土假令人  
 民達斯光者則皆究竟至於无上正  
 真之道於是世尊使其告本志覆佛  
 土而出無數億百千光明照此三千  
 大千世界周遍十方各江河沙等諸  
 佛國土其光明中自燃而值金寶蓮  
 花其蓮華上各有諸佛結加趺坐寶  
 蓮華上講說經法演於六波羅蜜十方  
 一切亦復如是若有衆生聞斯法講  
 一切究竟皆得堅住阿耨多羅三耶  
 三菩於是世尊坐師子床有三昧名  
 師子娛樂以斯定意自然正覺如其  
 色像咸演威曜示現神足三千大千  
 世界六反震動邊際亦搖中嶺至邊  
 安和柔軟慰傷一切衆生之類令獲  
 安穩快樂无患令時三千大千世界  
 地獄餓鬼畜生諸不開者悉壞厄者  
 自然爲斯三途除已悉自致來得生  
 為人四天王忉利天鹽天兜術天左  
 摩羅天波羅塞天於時諸天適生  
 彼間入中天上即識宿命歡喜悅豫

往詣佛所稽首足下又手歸命十方  
一切亦復如是等无差特今時此三  
千世界衆生之類盲者得目而觀色  
像聾者徹聽聞諸音聲忘亂意惑還  
復其心迷憤者則時得定其裸形者  
自然衣服其飢虛者自飽飽滿其消  
渴者無所忍饒其疾病者而得除愈  
身瑕衅者諸根具足其疲極者自然  
得解又持身者則无所將一切衆生  
得平等心長轉相瞻如父如母如兄  
如弟如婦如妹各各同心等無偏邪  
皆行慈心一切群萌悉皆十善清淨  
梵行無有塵埃一切黎庶悉獲安隱  
所得安隱猶如比丘得第三禪于時  
衆生而致智慧而悉具足善悅調定  
離於羣劣速得和雅於是世尊在師  
子座處於三千大千世界而寂然異  
威神巍巍光耀煌煌无有畏懼聖明  
輝赫尊顏具足无不同普照于東方  
江河沙等諸佛世界八維上下各江  
河沙等世尊國土如須弥山超踰一  
切諸山之頂在所通達是世尊承  
如來自然聖命三千大千世界

衆生悉共瞻覩時此世界首隨衛淨  
居諸天梵天波羅尼蜜天尼摩羅天  
梵術天鹽天忉利天四天王天及三  
千大千世界所居人民自然見身親  
近如來皆得自然天華傳飭天香天  
雜香天鵝香天青蓮芙蓉鮮華諸妙  
天華莖葉具足各各發行賣詣如來  
稽首佛足各散佛上及於人間水陸  
諸花各各手執往詣世尊而為供養  
諸天人民所散供養諸華之具上在  
虛空三千大千世界化為宮殿自然  
樓觀從其宮殿垂諸天華繒蓋幢幡  
紛葩飄飄顯灼普現其諸花香莊嚴  
三千大千佛國自然巍巍形像衆色  
如紫磨金八維上下芬馥見是聖亦復  
如是於是閻浮提城所有人民瞻覩  
如來現身威變不可稱計各心念言  
今日如來坐於我前普佛國土亦復  
如是各各心念今日如來在我前坐  
而說經法於時世尊在師子床更復  
欣笑加復重照三千大千世界弘光  
赫弈此土人民悉共覩見東方江河  
沙等諸佛國土現在如來至真等正



覺與諸菩薩聲聞之衆又復東方江河沙等諸佛世界所有衆生悉亦遙見此佛國土釋迦文佛與比丘僧及諸菩薩而坐說經八維上下亦復如是悉遙見此等无差特於是過東方江河沙等諸佛世界最邊國土名寶迹其佛号寶事如來至真等正覺今現在為諸衆生亦復講說摩訶般若波羅蜜經彼時其佛世界而有菩薩号曰普明觀大光明及地大動即便往詣寶事如來稽首問曰唯然世尊以何因緣其大光明照此佛土地大震動諸如來身自然為見會當有意彼佛告於普明菩薩曰族姓子欲知西方極遠有忍世界其佛号曰釋迦文如來今現在為諸菩薩說般若波羅蜜是其威神光也普明菩薩白寶事如來唯然世尊我欲詣彼見釋迦牟尼如來稽首作礼及諸菩薩摩訶薩衆童真等得捻持究竟三昧定意自在得度无極釋迦牟尼多阿竭阿羅呵三耶三佛寶事如來阿羅呵三耶



是時寶事如來賜普明菩薩金色蓮華而有千葉取善男子此寶蓮華以用供散釋迦牟尼如來善男子欲往修寂然行忍界菩薩生彼土者甚有患難亦難值遇普明菩薩即受其金色蓮華與无央數億百千娼諸菩薩衆男女大小居家出家則以供養東方諸佛天中天承事歸命上諸華香雜香搗香次復詣釋迦牟尼如來稽首足下却住一面普明菩薩白世尊曰唯然大聖寶事如來敬問无量乞求輕便力行安乎又復遣進金色蓮華佛受蓮華尋以遙散東方江河沙諸佛國土其華即時周遍東方諸佛世界有佛坐於自然金色蓮華講說經法亦復演斯六波羅蜜其有衆生聞此說者一切究竟即時堅住於阿耨多羅三耶三菩男女大小志禮佛足各以功德供養多阿竭阿羅呵三耶三菩南方去此江河沙等最極邊際有佛世界名曰離一切憂其佛号无憂首多阿竭阿羅呵三耶三佛彼有菩薩名離威啓諱其佛常賜蓮花與无

數菩薩俱經諸國土供養諸佛來詣  
釋迦牟尼如來稽首供養却坐聽經  
西方去此江河沙等有世界名曰寂  
然其佛号寶龍多阿竭阿羅呵三耶  
三佛彼有菩薩名曰意行啓辭其佛  
佛賜蓮華與無數菩薩俱經諸國土  
供養諸佛來詣釋迦牟尼如來稽首  
供養却坐聽經北方去此江河沙等  
有世界名曰致勝其佛号勝諸根多  
阿竭阿羅呵三耶三佛彼有菩薩名  
曰施勝啓辭其佛佛賜蓮華與無數  
菩薩俱經諸國土供養諸佛詣釋迦  
牟尼如來稽首供養却坐聽經下方去  
此江河沙等有世界名曰仁賢其佛  
号賢首多阿竭阿羅呵三耶三佛彼  
土有菩薩名曰蓮華上啓辭其佛佛  
賜蓮華與無數菩薩俱經諸國土供  
養諸佛詣釋迦牟尼如來稽首供養却  
坐聽經上方去此江河沙等有世界  
名曰欣樂其佛号樂首多阿竭阿羅  
呵三耶三佛彼有菩薩名施樂啓辭  
其佛佛賜蓮花與無數菩薩俱經諸  
國土供養諸佛詣釋迦牟尼如來稽首

供養却坐聽經其四維者亦復如是  
等无差特今時於此三千大千世界  
尋即而雨諸寶華香幡蓋自然莊嚴  
香樹花樹譬如蓮華跡世界普華多  
阿竭阿羅呵三耶三佛佛土溥首菩  
薩所遊居處善住意諸天子及餘大  
神尊勢无極菩薩之衆世尊所與及  
餘諸天世間人民皆來聚會諸魔梵  
天并聲聞衆捷香翹阿湏倫神人民  
悉普來會此諸菩薩摩訶薩為童子  
時所服飲食功德自然今時世尊告  
賢者舍利弗於斯若有菩薩摩訶薩  
便當精修學般若波羅蜜舍利弗白  
佛唯然世尊云何菩薩摩訶薩一切  
具足曉解諸法學般若波羅蜜乎佛  
告舍利弗菩薩摩訶薩住於般若波  
羅蜜已修无處所即便具足檀波羅  
蜜令不缺減有所施與无所愛逆尸  
波羅蜜當令具足從是因緣未曾住  
於罪不罪亦當具足羣波羅蜜與无  
瞋恚當學惟逮波羅蜜便得受決從  
其身意興諸精進不起諸漏當具足  
禪波羅蜜由是之故無所求慕佛言

舍利弗若菩薩摩訶薩住般若波羅蜜則自具足於四意止發無所發又當具足得四意斷四神足五根五力七覺八由行志令具足空無三昧无想三昧無願三昧而次具足四禪四等四无色三昧及八脫門漸漸具足而以正受以此為脫無所思想无有内想若供養想若光明想无絳赤想无腐敗想无有青想无食齧創爛想亦无亂想无枯骨想无星散想无處所想志離諸想常志於佛念於經典念於衆僧念於戒禁意在惠施志前諸天出入之意死亡之意無常之想苦樂之想無非身之想終始之想一切世界無可樂想諸習之想滅盡之想道慧盡慧無執諸慧无所起慧法慧於諸經法亦无所慧亦無我慧无有内慧微妙意慧曉了諸慧如所謂慧慧以思念所行三昧无想無念无行定者而无有異諸根為異異根具行又復有行難所獲致如來十力四無所畏四分別辯佛十八法不共之事大慈大悲欲得曉了此一切緣苦

薩摩訶薩當行般若波羅蜜若有具足諸道慧者菩薩摩訶薩當行般若波羅蜜欲曉了慧具足充備諸通慧者當行般若波羅蜜菩薩摩訶薩若欲明了一切得近蠲除塵勞菩薩摩訶薩當行般若波羅蜜如是舍利弗菩薩摩訶薩則為修學般若波羅蜜佛復告舍利弗若有菩薩摩訶薩欲入寂然當學般若波羅蜜菩薩摩訶薩欲度聲聞辟支佛地住阿惟越地者當學般若波羅蜜菩薩摩訶薩欲處六通學般若波羅蜜菩薩摩訶薩欲知一切衆生薩婆薩心根所行者當學般若波羅蜜菩薩摩訶薩欲過諸聲聞辟支佛慧者當學般若波羅蜜菩薩摩訶薩欲逮捺持門若男子勸助布施聲聞辟支佛超越彼等當學般若波羅蜜菩薩摩訶薩欲過一切聲聞辟支佛戒禁勸助心意當學般若波羅蜜若欲具足三昧智慧解脫度知見慧菩薩摩訶薩當學般若波羅蜜菩薩摩訶薩欲成顯於禪定三昧三摩越勸助合集解心之念所

當學般若波羅蜜菩薩摩訶薩若欲  
勸助布施分別無限無量成就功德  
當學般若波羅蜜菩薩摩訶薩若欲  
具足成就无限無量持戒忍辱精進  
一心智慧當學般若波羅蜜佛復語  
舍利弗若有菩薩摩訶薩欲具足立  
檀波羅蜜尸波羅蜜羼波羅蜜惟逮  
波羅蜜禪波羅蜜般若波羅蜜行一  
切所生得見諸佛自致成佛當學般  
若波羅蜜欲成三十二相八十種好  
具足菩薩性若為真童欲立此地不  
離諸佛世尊所欲志念諸善德奉供  
養如來奉持順命其願輒成若欲具  
足一切衆生心之所饒飲食衣服車  
乘香華雜香塗香床卧燈火手巾履  
襪所當得者充滿諸財當學般若波  
羅蜜復次舍利弗若有菩薩摩訶薩欲  
具足江河沙等衆生勸立於檀波羅  
蜜尸波羅蜜羼波羅蜜惟逮波羅蜜  
禪波羅蜜當學般若波羅蜜復次舍  
利弗若菩薩摩訶薩以一善奉順如  
來德无有盡耗亦不缺減乃至成阿  
耨多羅三耶三菩者當學般若波羅



蜜復次舍利弗若菩薩摩訶薩學般  
 若波羅蜜八維上下諸佛天中天皆  
 共歌誦其人功德發意之頃東方江  
 河沙等諸佛國土欲遊此界及至十  
 方當學般若波羅蜜以一切音聲欲  
 告江河沙諸佛國土東西南北四維  
 上下當學般若波羅蜜復次舍利弗  
 若菩薩摩訶薩欲建立諸佛國土令  
 不斷絕欲住內空若處外空若內外  
 空若於空空若於大空究竟之空所  
 有空元有空有為空無為空若真空  
 者無祠祀空无因緣空因緣空自然  
 相空一切法空不可得空无所有空  
 若自然空无形自然空因緣威神空  
 諸行相欲至此者當學般若波羅蜜  
 復次舍利弗菩薩摩訶薩欲得親近  
 一切如來欲得觀解一切諸法欲了  
 諸法在於本際當學般若波羅蜜如  
 是舍利弗菩薩摩訶薩欲成般若波  
 羅蜜當如是住復次舍利弗菩薩摩訶  
 薩欲計數知三千大千世界沙石樹  
 花一切諸塵衆疑不決當學般若波  
 羅蜜三千大千世界有如大海江河

川流泉原欲知有幾滯多少之數元  
所傷害度海虫類當學般若波羅蜜  
復次舍利弗假使三千大千世界所  
有火者一時普然猶如劫燒一面一  
時悉欲滅者令元所然當學般若波  
羅蜜復次舍利弗菩薩摩訶薩三千  
大千世界所有諸風有時國土吹拔  
崩碎諸湏弥山令元有餘譬如灰塵  
淨滅有如然蓋如然蒿草若以一指  
手拍足指欲令滅盡三界火者當學  
般若波羅蜜復次舍利弗菩薩摩訶  
薩三千大千世界所有虛空欲以普  
身一加趺坐周遍虛空者當學般若  
波羅蜜自在變化元近無遠元大無  
小當學般若波羅蜜復次舍利弗菩  
薩摩訶薩欲取三千大千世界諸湏  
弥山以一手舉諸湏弥山置于殊異  
无量諸佛世界元徃反想不增不減  
當學般若波羅蜜復次舍利弗菩薩  
摩訶薩東方江河沙等諸佛世界佛  
天中天聲聞辟支佛皆欲一時同時  
合集以供養者當學般若波羅蜜復  
次舍利弗菩薩摩訶薩若一衣服香

花搗香塗香繒蓋幢幡以持供養多  
阿竭阿羅訶三耶三佛及聲聞衆  
奉事歸命一時應集當學般若波羅  
蜜復次舍利弗菩薩摩訶薩三千大  
千世界所有衆生皆欲建立於尸波  
羅蜜三昧智慧解脫見慧須陀洹果  
斯陀舍果阿那含果至於無餘住泥  
洹果而般涅槃當學般若波羅蜜復  
次舍利弗菩薩摩訶薩行般若波羅  
蜜若布施者波羅蜜當作是學如此  
施者獲大果報如是施者生於君子  
傲姓家梵志大族姓長者如此施者  
生於四天王上忉利天兜術天居摩  
天波羅居蜜天如是施者依於斯施  
思第一禪第二第三至第四禪元量  
虛空定意正受元量空慧無量不用  
慧天元想有想三昧禪如此施者興  
入聖路得須陀洹果斯陀舍果阿那  
含果阿羅漢果辟支佛果若曉了此  
當於是學般若波羅蜜復次舍利弗  
菩薩摩訶薩行般若波羅蜜當以權  
慧有所施與為具檀波羅蜜尸波羅  
蜜羼波羅蜜惟逮波羅蜜禪波羅蜜

般若波羅蜜舍利弗白佛言云何菩薩摩訶薩具足六波羅蜜答曰其布施主无所著念无所施受者亦不忘恩是為檀波羅蜜无所犯負不以禁戒而自綺飾是為尸波羅蜜常懷忍辱无瞋恚恨心向於衆生是為羼波羅蜜精進不息欲度一切是為惟逮波羅蜜一心寂然而无憤亂是為禪波羅蜜智慧解空不計吾我是為般若波羅蜜取要言之復重解議於罪无罪亦无无罪是尸波羅蜜无有瞋恨是羼波羅蜜身心精進不以疲倦是惟逮波羅蜜興於不亂无所想念是禪波羅蜜解一切法而无所著是般若波羅蜜復次舍利弗菩薩摩訶薩欲得成就過去當來今現在諸佛世尊功德之誼當學般若波羅蜜欲得起度有為无為諸法行者去來今法至於無本諸法所興不起本際欲逮此者一切聲聞辟支佛諸菩薩法欲行諸佛世尊而供養者欲得具足諸佛眷屬無量群從欲得獲致菩薩枝黨欲得淨畢衆祐之德欲致布施心

无阡受不起犯戒想無瞋恚心无懈怠心不欲發起於乱心者又不欲起愚癡心者當學般若波羅蜜復次舍利弗菩薩摩訶薩欲立衆生於布施德持戒智慧勸令修治所受福德當所興者當學般若波羅蜜復次舍利弗菩薩摩訶薩欲興五眼當學般若波羅蜜何謂五眼肉眼天眼慧眼法眼佛眼當學般若波羅蜜復次舍利弗菩薩摩訶薩欲見東方江河沙國土八維上下諸佛世尊所說經法皆以天耳欲得聞者又欲得知諸佛世尊心之所念當學般若波羅蜜復次舍利弗菩薩摩訶薩諸佛世尊普在十方說經法者欲得聽聞而不斷絕至阿耨多羅三耶三菩者當學般若波羅蜜復次舍利弗菩薩摩訶薩若欲得見過去多阿竭阿羅呵三耶三佛欲得見於諸佛國土者當來現在十方世界今現在佛欲得追見國土所有當學般若波羅蜜復次舍利弗菩薩摩訶薩欲得解知如來所說十部經聞經分別經頌經詩歌經初二



經此應經生經受經方等經未曾有  
法經譬喻經注解章句經諸聲聞所  
不聞者皆欲得玩習誦者當學般若  
波羅蜜復次舍利弗菩薩摩訶薩欲  
得聽聞八維上下如來所說經法皆  
念不失欲得執持已得執持而為衆  
會他人說者當學般若波羅蜜復次  
舍利弗菩薩摩訶薩欲得啓問過去  
當來如所說誼者已得聞者為他人說  
當學般若波羅蜜復次舍利弗菩薩  
摩訶薩欲得照明東方江河沙等諸  
佛世界窈窈冥冥不見日月光明之  
耀欲得照斯及十方界當學般若波  
羅蜜復次舍利弗菩薩摩訶薩欲得  
開化東方江河沙等諸佛國土及十  
方界愚癡闇冥不聞佛名不得聽經  
不覩衆僧欲得開化衆生類立於正  
見令得覩佛逮聞經法及與聖衆當  
學般若波羅蜜復次舍利弗菩薩摩  
訶薩欲令東方江河沙等諸佛世界  
及十方佛土所有衆生其生盲者得  
目覩形韻者逮聽狂者復意裸者獲  
衣飢者致食渴者得水漿者願得力皆



蒙斯恩當學般若波羅蜜復次舍利  
弗菩薩摩訶薩其有於斯三千大千  
世界在思起者地獄餓鬼畜生群萌  
之類吾欲加恩使此黎庶速得其所  
八維上下各江河沙亦復如是當學  
般若波羅蜜復次舍利弗菩薩摩訶  
薩江河沙等諸佛世界所有衆生欲  
得建立于禁戒者三昧智慧解脫度  
知見慧須陀洹果斯陀含果阿那含  
果阿羅漢果辟支佛證至成阿耨多  
羅三耶三菩又欲修多呵竭威儀禮  
節菩薩摩訶薩當學般若波羅蜜復  
次舍利弗菩薩摩訶薩行般若波羅  
蜜當作是觀假令我身所得觀而  
欲察之當學般若波羅蜜設使我身  
四寸之地而以足拍靡不周遍從四  
天王天欲界色界阿迦膩吒天无央  
數億百千妓眷屬周匝往詣佛樹處  
于道場當學般若波羅蜜復次舍利  
弗菩薩摩訶薩或坐佛樹四天王天  
上諸天人上方至于淨居諸天等無差  
特皆來具足布施或當成就阿耨多  
羅三耶三菩阿惟三佛往來住立坐

卧則於其地自為金剛欲得獲斯當  
學般若波羅蜜復次舍利弗菩薩摩  
訶薩行般若波羅蜜當作斯觀吾當  
何日出去棄國捨家即日當成阿耨  
多羅三耶三菩得至阿惟三佛以至  
阿惟三佛即日轉法輪以轉法輪令  
无央數不可稱計衆生之類遠塵離  
垢諸法法眼淨无量無限群萌之黨  
得无起餘漏盡意解无量無限衆生  
含血得阿惟越致阿耨多羅三耶三  
菩是菩薩摩訶薩當學般若波羅蜜  
復次舍利弗菩薩摩訶薩心念欲得  
我成阿耨多羅三耶三菩得至阿惟  
三佛有无央數比丘聖衆聲聞學者  
或以一及演說經法於一坐上得阿  
羅漢諸菩薩摩訶薩皆逮阿惟越致  
阿耨多羅三耶三菩有无央數不可  
稱限不可計量諸菩薩衆其壽无量  
光明照遠无有邊際當學般若波羅  
蜜復次舍利弗菩薩摩訶薩或欲得  
致阿耨多羅三耶三菩逮成阿惟三  
佛欲令其佛國土無有婬怒癡音響音  
之名使一切衆生皆獲如是色像如

般若波羅蜜具足成就所施善哉調  
順快哉妙哉智慧善修梵行而順遊  
不居衆生則為快哉當學般若波羅  
蜜復次舍利弗菩薩摩訶薩願我當  
獲具足聖達而以正法則富之定無  
有音聲當學般若波羅蜜心自願言  
吾清聲聞令江河沙等世界衆生之  
類逮得阿耨多羅三耶三菩當學般  
若波羅蜜

摩訶般若波羅蜜順空品第二

佛告舍利弗菩薩摩訶薩行般若波  
羅蜜時與斯之德四天王即時歡喜  
我等當立四救之鉢四天王前以所  
奉進過去恒薩阿竭阿羅呵三耶三  
佛亦當貢上學道法者時初利天亦  
復踊躍焰天兜率天左摩羅天波羅  
左蜜天吾等志當奉事供養此善男  
子阿須倫身則為減損長益諸天身  
三千大千世界上至阿迦膩吒天莫  
不踊躍吾等請勸使轉法輪舍利弗  
菩薩摩訶薩行般若波羅蜜時則為  
長益具六波羅蜜善男子善女人歡  
喜悅豫吾等當為父母之慈妻子親

屬朋友親厚之慈父母兄弟妻子親  
厚知友愛敬喜見之四天王忉利天  
焰天兜率天居摩羅天波羅居蜜天  
上至阿迦膩吒天不令菩薩與塵欲  
相值發心往詣承事作禮吾等亦當  
使得清淨梵天行離穢濁行无習姪  
欲致生于梵天無有放逸而續放逸  
諸有色者不能進至阿耨多羅三耶  
三菩是故菩薩以淨梵行棄捐家業  
乃遠阿耨多羅三耶三菩阿惟三佛  
不以穢濁而得佛道賢者舍利弗白  
世尊曰菩薩之法必當有父母妻子  
親厚知友耶佛告舍利弗若有菩薩  
必當有父母不應有妻子或初發意  
淨修梵行成為童真至成阿耨多羅  
三耶三菩阿惟三佛或有菩薩以漚  
惹拘舍羅習於五欲然後捨家逮得  
阿耨多羅三耶三菩阿惟三佛辟  
如巧黠幻師及與弟子善學幻術化  
造五欲以此五樂而用自娛戲笑為  
行於舍利弗意云何其幻師者寧為  
服習於五欲乎舍利弗白不也天中  
天佛言如是舍利弗菩薩摩訶薩以

漚起拘舍羅習於五欲勸化衆生其  
菩薩摩訶薩不為五欲之所沾汙菩  
薩摩訶薩以無央數事嗟歎愛欲或  
有毀此欲為然熾愛欲瑕穢欲為仇  
怨欲為怨敵如是舍利弗菩薩摩訶  
薩度衆生故而為分別此五欲事舍  
利弗白佛唯天中天云何菩薩摩訶  
薩行般若波羅蜜佛告舍利弗菩薩  
摩訶薩行般若波羅蜜不見菩薩亦  
不見菩薩字亦不見般若波羅蜜亦  
不見行般若波羅蜜字亦不見非行  
所以者何菩薩之字自然空其為空  
者无色無痛痒思想生死識不復異  
色空不復異痛痒思想生死識空如  
色空痛痒思想生死識亦空所謂空  
者色則為空痛痒思想生死識亦自  
然所以者何所謂菩薩但假号耳所  
謂道者則亦假号所謂空者則亦假  
号其法自然不起不滅亦无塵勞無  
所依倚無所諍訟若有菩薩所行如  
是不見所起亦不見所滅不見所倚  
不見所訟所以者何誑詐立字因遊  
客想或想念故而致此法從何立字

但託虛言曉了如是菩薩摩訶薩則  
為行般若波羅蜜一切不見有名号  
也已無所見亦非不見則无所倚則  
為行般若波羅蜜

摩訶般若波羅蜜行空品第三之一

佛復告舍利弗菩薩摩訶薩行般若  
波羅蜜時當作斯觀所号菩薩所謂  
佛者亦假号耳所謂名色痛痒思想  
生死識亦假号耳皆由吾我所謂我  
者適无所有無我无人無命无壽及  
含血蠕動無心無意若作所造自然  
所習所更所見知見之事如此輩類  
皆不可得空无所著忘由假号但有  
虛言如是菩薩摩訶薩為行般若波  
羅蜜不見衆生設無所見亦不有見  
亦復不見所託言也菩薩摩訶薩所  
行如是為隨怛薩阿竭所教行般若  
波羅蜜捨怛薩阿竭已其智慧過諸  
聲聞辟支佛所興空行而不迷惑所  
以者何其人所修不見於字所當倚  
者菩薩摩訶薩行如是者為行般若  
波羅蜜佛言譬如舍利弗摩訶目捷  
連諸比丘等使滿閻浮提猶如竹蘆



甘蔗稻麻菓林智慧具足終不能及  
行般若波羅蜜菩薩百倍千倍万倍  
億倍不任以前所以者何菩薩智慧  
欲度一切衆生之類之所致也復次  
舍利弗菩薩摩訶薩行般若波羅蜜  
一日行智皆過聲聞辟支佛所立之  
上置是滿閻浮提舍利弗摩訶目捷  
連等比丘空正使三千大千世界滿  
中舍利弗摩訶目捷連諸比丘等所  
有智慧不及行菩薩摩訶薩置是三  
千大千世界舍利弗摩訶目捷連諸  
比丘等譬如東方江河沙等諸佛國  
土悉滿其中舍利弗摩訶目捷連諸  
比丘等普及十方斯等不及行般若  
波羅蜜菩薩智慧一日過一切聲聞  
辟支佛智慧百倍千倍巨億万倍不  
相屬逮於是賢者舍利弗白世尊曰  
唯然其聲聞智慧須陀洹斯陀含阿  
那含阿羅漢辟支佛菩薩怛薩阿竭  
阿羅呵三耶三佛智慧計此一切所  
有智慧无所破壞無所諍訟而無所  
起自然為空唯天中天其無所壞無  
所諍訟无起自然空者寧可獲致

千差特不乎云何菩薩一日行智而復於此過一切聲聞辟支佛乎佛告舍利弗於舍利弗意云何菩薩所以行般若波羅蜜者何一日之中所行智慧所建立願修於幻術而行慙象皆為一切衆生之類恣了諸法以化群萌欲令滅度諸聲聞辟支佛寧為興立如是之緣智慧不乎答曰不也天中天佛言於舍利弗意云何諸聲聞辟支佛豈有此念我等當逮阿耨多羅三耶三菩阿惟三佛教化衆生至涅槃界令滅度耶答曰不也佛言以是故當復知此一切聲聞辟支佛所有智慧百倍千倍智慧百千倍巨億万倍終不相及於意云何聲聞辟支佛寧有此念吾等當行六波羅蜜教化衆生嚴淨佛土具足恒薩阿竭十種力四無所畏四分別辯十八不共諸佛之法得成阿耨多羅三耶三菩阿惟三佛度脫滅度无量無限不可計數衆生之類不乎答曰不也天中天佛言菩薩摩訶薩發心念言吾當奉行六波羅蜜具一切法成阿耨

多羅三耶三菩度脫不可計數衆生之類佛言譬如日之宮殿奮其光明一時普照閻浮提地無不周遍如是舍利弗菩薩摩訶薩行六波羅蜜具十種力四無所畏四分別辯十八不共諸佛之法逮成阿耨多羅三耶三菩開化度脫無量无限不可計數衆生之類賢者舍利弗白佛言云何菩薩摩訶薩越於聲聞辟支佛地而便逮及阿惟越致地淨修佛道佛告舍利弗於是菩薩摩訶薩從初發意行六波羅蜜過於空法無想無願則為超越聲聞辟支佛地住阿惟越致地賢者舍利弗復白佛言云何菩薩摩訶薩於一切聲聞辟支佛為衆衆祐佛告舍利弗菩薩摩訶薩從初發意行六波羅蜜至坐佛樹常於一切聲聞辟支佛為衆衆祐所以者何菩薩摩訶薩若來現者則自然興真妙之法具足十善又成五戒立八等事及八閑齋四禪四等心四無色三昧四意止四意斷五根五力七覺意八由行現於世間如來十力四無所畏四

分別辯十八不共諸佛之法如是輩  
類衆善之德興現于世則分別君子  
族姓梵志長者傲族大姓及忉利天  
上至三十三處想無想天須陀洹斯  
陀舍阿那含阿羅漢辟支佛恒薩阿  
竭阿羅呵三耶三菩薩摩訶薩  
事耳舍利弗白佛言云何菩薩摩訶  
薩淨畢衆祐世尊告曰菩薩摩訶薩  
於衆祐中無所淨畢所以者何究竟  
於空則為菩薩摩訶薩成衆祐也所  
以者何舍利弗菩薩摩訶薩為布施  
士何所施者以善法施開化衆生何  
謂善法十善之事五戒六波羅蜜十  
力四無所畏四分別辯十八不共諸  
佛之法開化須陀洹斯陀舍阿那含  
阿羅漢辟支佛恒薩阿竭阿羅呵三  
耶三佛布施之士舍利弗復白佛言  
唯然世尊菩薩摩訶薩遵修何行為  
行般若波羅蜜佛告舍利弗於是菩  
薩設行色空者則為行般若波羅蜜  
設行痛癢思想生死識空者是則為  
行復次舍利弗菩薩摩訶薩解知眼  
空耳鼻舌身意空者此則為行解色

空聲香味觸法空者此則為行解眼界空者此則為行解眼界空者此則為行解色界眼識界解耳鼻舌身意境界空者此則為行解耳聲耳識鼻香鼻識舌味舌識身細滑身識意所欲意識空者此則為行解苦空者習亦復空盡亦復空八由亦空此則為行解无點亦空行亦空識亦空名色亦空六入亦空所更亦空痛痒亦空思愛亦空所受亦空所有亦空生老死亦空此則為行解一切法空此則為行諸所自然有為无為恚能解空此則為行菩薩摩訶薩行般若波羅蜜解本淨空志性亦然此則為行舍利弗是為菩薩摩訶薩行般若波羅蜜當解是七空此乃為行以此七空行般若波羅蜜色无應不應無行不行不作此觀不見痛痒思想生死識應不應行不見色法有所起有所滅不見痛痒思想生死識法有所起法有所滅不見色法有所依著法有所諍訟不見痛痒思想生死識法有所著法有所諍不見與色而俱遊居不見與痛痒思想生死



識而俱遊居不見與生死而俱遊亦  
不見不與生死而遊居也所以者何  
永無有法而與俱緣起諸事本淨為  
空舍利弗色則為空則无有色痛痒  
思想生死識空則無有識佛語舍利  
弗其為空者無有起者无有滅者假  
使色空則无有色假使痛痒思想生  
死識空則無有識設使色空則不有  
見設痛痒空則无所患設思想空則  
无所念設使行空則無所造設識空  
者無所分別所以者何舍利弗色者  
則異不與空同空不為異色不為分  
別色自然空色則為空痛痒思想生  
死識不為別異空亦不異設空不異  
識亦不異識自然空識則為空佛語  
舍利弗其為空者不起不滅无所依  
著无所諍訟無所增无所損無過去  
无當来無現在彼亦無色痛痒思想  
生死識亦無眼耳鼻舌身心亦无色  
聲香味細滑所欲法彼則無无黠不  
滅無黠不行不識不名色不六入不  
細滑不痛不愛不受不有不生不老  
不病不死亦不滅除生老病死彼亦



不苦亦無習亦無所盡亦无所由彼  
亦無得亦无有時彼無須施迺果无  
斯陀舍果無阿那舍果无阿羅漢果  
無辟支佛覺亦无得道亦無佛道菩  
薩摩訶薩行般若波羅蜜如是者則  
為菩薩摩訶薩行般若波羅蜜不見  
般若波羅蜜應不應行不行不見施  
不戒不忍不進不禪不智不見是六  
波羅蜜不見色痛痒思想生死識應  
不應行不行不見眼應不應行不行  
不見耳鼻舌身心應不應行不行不  
見色聲香味細滑所欲法應不應行  
不行不見四意止應不應行不行不  
見四意斷四神足五根五力七覺八  
由應不應行不行不見十種力四无  
所畏四分別辯十八不共諸佛之法  
應不應行不行不見怛薩阿竭薩云  
然慧應不應行不行是為舍利弗菩  
薩摩訶薩行般若波羅蜜此乃應行  
佛語舍利弗菩薩摩訶薩行般若波  
羅蜜空不與空間空不與空行無相  
不與无相聞無想不與无想行無願  
不與无願聞無願不與無願行空不

與空相應無相不與无相相應無願  
不與無願相應所以者何空者无行  
不行无相者亦無行不行無願者亦  
无行不行菩薩摩訶薩行般若波羅  
蜜能如斯者此乃為行佛復語舍利  
弗菩薩摩訶薩行般若波羅蜜諸法  
自然相則得度空已得度空不與色  
諍亦无所行不與痛痒思想生死識  
諍亦无所行不與過去色諍亦不見  
過去色不與過去色諍亦不見當來  
色不與當來色諍亦不見現在色  
不與現在色諍亦不與過去痛痒思  
想生死識諍亦不與當來現在痛  
痒思想生死識諍亦不見過去當來  
現在痛痒思想生死識

復次舍利弗菩薩摩訶薩行般若波  
羅蜜不與過去當來諍不與當來過  
去諍不與現在過去當來諍不與過去  
當來現在諍不見三世與於空行般  
若波羅蜜如是行者此乃為行復次  
舍利弗菩薩摩訶薩行般若波羅蜜  
所行如是如所應行不與過去薩芸  
若訟行亦不見過去何所薩芸若過

去安有薩芸若及行訟行不與當來  
薩芸若訟行亦無所行亦不見當來  
安有薩芸若與行訟行乎亦不與現  
在薩芸若訟行亦不見現在薩芸若  
安有薩芸若訟行乎行般若波羅蜜  
如是者此乃為行復次舍利弗菩薩  
摩訶薩行般若波羅蜜不行薩芸若  
色亦不見薩芸若色亦不見行薩芸  
若色痛痒思想生死識亦不見薩芸  
若痛痒思想生死識不行薩芸若眼  
亦不見眼亦不行薩芸若耳鼻舌身  
心亦不見耳鼻舌身心不行薩芸若  
色亦不見色不見色不行薩芸若聲  
香味細滑所欲法亦無所現佛語舍  
利弗行般若波羅蜜能如是者此乃  
應行復次舍利弗菩薩摩訶薩行般  
若波羅蜜亦不遵薩芸若檀波羅蜜  
亦不見檀波羅蜜尸波羅蜜羼波羅  
蜜惟逮波羅蜜禪波羅蜜般若波羅  
蜜亦復如是亦不行薩芸若般若波  
羅蜜亦不見薩芸若般若波羅蜜亦  
不遵薩芸若四意止亦不見薩芸若  
四意止亦不遵薩芸若四意斷四神

足五根五力七覺意八由行亦不見  
薩芸若意止意斷神足根力覺意由  
行亦不遵薩芸若十種力四無所畏  
四分別辯十八不共諸佛之法亦無  
所見亦不見薩芸若但薩阿竭諸力  
法行般若波羅蜜如是此乃為行復  
次舍利弗菩薩摩訶薩行般若波羅  
蜜不行薩芸若佛佛亦不行薩芸若  
不行薩芸若道道亦不行薩芸若所  
以者何佛則薩芸若薩芸若則佛道  
則薩芸若薩芸若則道十種力四无  
所畏四分別辯十八不共諸佛之法  
亦復如是佛語舍利弗行般若波羅  
蜜能如是者此乃為行復次舍利弗  
菩薩摩訶薩行般若波羅蜜不行色  
有不行色無有不行痛痒思想生死  
識有不行痛痒思想生死識無有不  
計色有常亦不計色無常不計色苦  
不計色樂不計色有我不計色無我  
五陰六衰亦復如是不計五陰空無  
空不計五陰有相無相不計五陰有  
願無願行般若波羅蜜今我所行亦  
無所受亦無所行亦無所取不有所

行亦不不行不有所受亦不不受不  
有所取亦不不取佛語舍利弗菩薩  
摩訶薩行般若波羅蜜能如是者此  
乃為行復次舍利弗菩薩摩訶薩行  
般若波羅蜜不用檀波羅蜜尸波羅  
蜜羼提波羅蜜維逮波羅蜜禪波羅  
蜜故行般若波羅蜜不用阿惟越致  
地教化衆生故行般若波羅蜜不用  
淨佛國土故行般若波羅蜜不用恒  
薩阿竭十力故行般若波羅蜜不用  
四無所畏四分別辯十八不共諸佛  
之法行般若波羅蜜不究竟空不用  
內空不用外空不用內外空不用空  
空故不用大空故不用真空故不用  
有為空故不用無為空故不用究竟  
空故不用無品空故不用本淨空故  
不用自然相空故不以一切法空故  
不以無起空故不以無滅空故不以  
無形空故不以自然空故不以有形  
無形空故不無本故不以法界故不  
以本際故行般若波羅蜜所以者何  
菩薩摩訶薩行般若波羅蜜時於諸  
法無所破壞亦無所見復次舍利弗



菩薩摩訶薩行般若波羅蜜不用神

足故行般若波羅蜜不用天眼故不

用天耳故不用觀他人心故不用念

過去事故所以者何行般若波羅蜜

時亦不見般若波羅蜜何況當觀菩

薩諸神通乎行般若波羅蜜能如是

者此乃應行復次舍利弗菩薩摩訶

薩行般若波羅蜜時心不念言我當

以神足往詣東方江河沙等見諸如

來稽首礼亦不自念到八方上下亦

復如是等無有異行般若波羅蜜能

如是者此乃應行復次舍利弗菩薩

摩訶薩行般若波羅蜜不自念言諸

佛世尊所可暢說吾則當以天耳皆

聽吾當察見衆生之心所可念者當

念過去所遊居處我以天眼見諸群

萌在所之處佛言行般若波羅蜜能

如是者此乃應行如是舍利弗行如

是者則為度脫無央數不可計會衆

生之類菩薩摩訶薩能如是者魔及

官屬不能得便又復見及他方世界

諸人民遙聞其德皆為作礼復次東

方江河沙等諸佛世界八方上下諸



佛世尊皆共擁護於是菩薩終不墮  
墜於聲聞辟支佛地四天王上至阿迦  
臧吒天悉共擁護是菩薩摩訶薩將  
无伺求得其便者所可興發所當作  
者得現在福所以者何而以慈心向  
諸衆生如是舍利弗菩薩摩訶薩行  
般若波羅蜜能如是者乃為應行復  
次舍利弗菩薩摩訶薩行般若波羅  
蜜而以微勞得提持門三昧門速疾  
近此怛薩阿竭阿羅訶三耶三菩一  
切所生常值見佛不離諸佛至逮成  
阿耨多羅三耶三佛佛言行般若波  
羅蜜能如是者乃為應行復次舍利  
弗菩薩摩訶薩行般若波羅蜜不自  
念言寧有諸法所謂法者一切為應  
若不應乎為平等不平等乎所以者  
何於時行者不見諸法應若不應行  
若不行等與不等佛言行般若波羅  
蜜能如是者乃為應行復次舍利弗  
菩薩摩訶薩行般若波羅蜜不自念  
言我當速解諸法之界至阿惟三佛  
亦無阿惟三佛所以者何逮法界者  
亦无所覺行般若波羅蜜能如是者

乃為應行

復次舍利弗菩薩摩訶薩行般若波羅蜜不見諸法及與法界有諸疾病及與空寂行般若波羅蜜能如是者乃為應行復次舍利弗菩薩摩訶薩行般若波羅蜜不自念言諸法法界有若干種不計別異行般若波羅蜜能如是者此能應行復次舍利弗菩薩摩訶薩行般若波羅蜜不自念言於是諸法及與法界觀與不觀見與不見所以者何彼則不見諸法所有可持諸法分別觀也行般若波羅蜜能如是乃為應行復次舍利弗菩薩摩訶薩行般若波羅蜜不念法界憂行空事其空事者不憂法界行般若波羅蜜能如是者乃為應行復次舍利弗菩薩摩訶薩行般若波羅蜜不念眼界為空空乎亦不憂眼界色不憂空空不憂色色界不憂空空界不憂色眼識界不憂空識界不憂眼識空耳鼻舌身心聲香味細滑所欲法亦如是心界不憂空空界不憂心法界不憂空空界不憂法識界不憂空

空界不憂識佛言舍利弗是為第一  
行所謂空行菩薩摩訶薩能行空者  
則不墮落聲聞辟支佛地能淨佛國  
開化衆生疾速阿耨多羅三耶三菩  
成阿惟三佛計諸所行般若波羅蜜  
行般若波羅蜜行為最極尊為長為  
上無底無比所以者何般若波羅蜜  
行為无上行空無相無願行菩薩摩  
訶薩應行如是當作斯持速得近於  
受蒞之地菩薩摩訶薩應此行者為  
無數不可計衆生開度利誼若不念  
言我行般若波羅蜜諸佛世尊當受  
決也亦不念言我得親近也於受決  
也我當清淨於佛國土得至阿耨多  
羅三耶三菩阿惟三佛當轉法輪所  
以者何彼其行者不著法界亦不虛  
寂不見異法當行般若波羅蜜諸佛  
天中天受我決及速阿耨多羅三耶  
三菩阿惟三佛所以者何菩薩摩訶  
薩行般若波羅蜜者不起人想不起  
我想不起壽想不起命想不起衆諸  
想不起見知想所以者何計於吾我  
衆生不起不滅又計人本不起不滅  
其不起不滅者何所行般若波羅蜜

菩薩摩訶薩行能如是人元所起屬  
行般若波羅蜜衆生為空衆生不得  
衆生寂寞為行般若波羅蜜如是舍  
利弗菩薩摩訶薩遵修於空為第一  
行復次舍利弗菩薩摩訶薩行般若  
波羅蜜能如是者則皆超踰一切諸  
行置是所可遵行為大慈行為大悲  
行菩薩摩訶薩行於此者終不起貪  
嫉之心无毀戒心無瞋恚心無憊怠  
心無亂意心無邪智心

光讚經卷第一

庚子歲高麗國大藏都監奉

勅彫造

光讚經卷第二

藏

西晉三藏竺法護譯

摩訶般若波羅蜜行空品第三之二

賢者舍利弗白佛言菩薩摩訶薩行是般若波羅蜜從何所退沒而生於是佛語舍利弗是菩薩摩訶薩行般若波羅蜜者從他方佛國終而生於此若兜術天上遷移生此人間或於人中來生疾逮是般若波羅蜜行其行般若波羅蜜者此於現世而得成就其人速近深妙法門然後究竟般若波羅蜜常值見恒薩阿竭阿羅呵三耶三佛所在國土不離諸佛或有菩薩摩訶薩從兜術天化沒其身一生補處則不失六波羅蜜所至到處諸持持門一切悉具疾近三昧門佛言舍利弗菩薩從人中終還生人間此菩薩者則為阿惟越致其人覩彼諸根寂定不能速逮般若波羅蜜之行定也亦不得近諸持持門無三昧門又舍利弗問言菩薩摩訶薩行是般若波羅蜜者於此壽終當生何所佛言於此壽終從一佛國遊一佛國諸佛世尊所現在處未曾離諸天中

天或有菩薩摩訶薩无憍怒拘舍羅  
修第一禪至于四禪六波羅蜜由  
此禪故生長壽天上假使從彼壽終  
之後速得人身值見諸佛世尊諸根  
寂定而不聰明

佛告舍利弗或有菩薩摩訶薩行第  
一禪至于四禪行般若波羅蜜而无  
憍怒拘舍羅然後捨禪生於欲界是  
菩薩摩訶薩諸根寂定而不聰明佛  
告舍利弗或有菩薩摩訶薩行第二  
禪至于四禪不離般若波羅蜜觀於  
空慧而入於定至于識慧慧而入於  
定至于無用慧而入於定至于有想  
无想而入於定過是四天修四意止  
四意斷四神足五根五力七覺意八  
由行行于大哀有憍怒拘舍羅所生  
之處不隨禪教不從慈悲喜護不順  
無色之禪自在所生所生之處常見  
現在恒薩阿竭阿羅呵三耶三佛不  
離般若波羅蜜是拔地劫中當得阿  
耨多羅三耶三佛得成阿惟三佛佛  
告舍利弗或有菩薩摩訶薩行第一  
禪至于四禪行四等心過是四天修



四意止四意斷四神足五根五力七  
覺意八由行行于大哀有漚起拘舍  
羅而不禪定所生之處不得自在其  
人而生於此欲界君子貴人姓梵志  
長者欲教化衆生有所利益佛告舍  
利弗或有菩薩摩訶薩行第一禪至  
于四禪行四等心觀於空慧識慧无  
用慧有想無想過是四天修三十七  
品行大哀漚起拘舍羅不隨禪教而  
有所生其人即生四大天王天上忉  
利天上焰天上梵術天上尸摩羅天  
上波羅尼蜜天上生於彼間教化衆  
生淨於佛土見諸佛世尊不離道教  
佛告舍利弗或有菩薩摩訶薩行般  
若波羅蜜有漚起拘舍羅修第一禪  
行四等心於是壽終生梵身天上梵  
具天上梵度著天上下梵天上在彼  
梵天及大梵天從一佛國遊一佛國  
諸佛所現之土成阿耨多羅三耶三  
菩至阿惟三佛轉法輪者其菩薩摩  
訶薩勸助諸佛令轉法輪佛告舍利  
弗一生補處開士大士行智度无極  
以善權方便現行第一禪至四禪意

悲喜護三昧至于空慧意識慧无用慧  
有想無想過是四天修三十七品行  
大哀行空三昧無想三昧無願三昧  
開士交遊自在所生也其人面自見  
諸佛世尊在其佛所淨修梵行生兜  
術天上在於其上為開導師所度如  
船諸根无瑕常安寂定為无央數億  
百千娑諸天眷屬圍繞俱下於此得  
成無上正真之道成寂正覺佛告舍  
利弗開士大士得六神通不生欲天  
色天無色天從一佛國遊一佛國稽  
首奉事諸如來至真等正覺佛告舍  
利弗開士大士得六神通而自娛樂  
從一佛國遊一佛國所在佛國不聞  
聲聞緣覺聲亦不聞名佛告舍利弗  
開士大士得六神通而自娛樂普遊  
十方從一佛國到一佛國所至佛土  
壽命極長不可稱限劫數之底佛告  
舍利弗開士大士得六神通而自娛  
樂從一佛界到一佛界所至佛土无  
有佛法及與聖衆便為歌頌分別解  
說佛法聖衆功德之事衆生應時聞  
佛法聖衆音聲心懷欣豫壽終之後

皆生有佛世尊現在國土佛告舍利  
弗開士大士從始發意不得第一禪  
至于四禪四等梵行四無色定四意  
止四意斷四神足五根五力七覺意  
八由行十種力四無所畏四分別辯  
十八不共諸佛之法者終不曹生欲  
界色界無色界所生之處在于衆生  
求名譽之士佛告舍利弗開士大士  
行六度無極從初發意度于滅寂得  
不退轉住不動轉地當至无上正真  
之道成寂正覺佛告舍利弗開士大  
士從初發意得无上正真之道成寂  
正覺便轉法輪為无央數不可稱計  
衆生之類開導利誼有所加益然後  
至於无餘於泥洹界而般泥曰般泥  
日後其法則住一切若復過劫復次  
舍利弗開士大士從初發意行智慧  
度無極與无央數億百千娑諸開士  
俱從一佛國遊一佛國所生佛土嚴  
淨境界佛告舍利弗開士大士行智  
慧度无極逮得四禪及四等心無色  
定而自娛樂得第一禪從一禪起入  
寂然定而以正受從滅定禪起至于

四禪而以思惟從四禪起滅寂禪定  
從滅寂禪起至无量空禪從無量空  
禪起以滅定禪從滅定禪起至有想  
无想而入禪定從有想無想禪定起  
以滅寂禪定是為舍利弗開士大士  
行智慧度无極以善權方便而現所  
行三昧正受佛告舍利弗開士大士  
得四意止四意斷四神足根力覺意  
至于八由十種力四無所畏四分別  
辯十八不共諸佛之法不得流布果  
往來果不還果无著果緣覺果行智  
慧度无極以善權方便與八聖路開  
化衆生令得流布果往來果不還果  
無著果緣覺果佛告舍利弗其聲聞  
緣覺果慧則比開士逮得法忍則知  
開士為不退轉行是智慧度无極佛  
告舍利弗開士大士行六度無極住  
六度无極在梵術天而具足衆空便  
畢其開士大士則當知之在賢劫開  
士數中當成佛佛告舍利弗開士大  
士逮得四禪及四等心四无色定四  
意止四意斷四神足根力覺意至于  
八由十種力四无所畏四分別辯十

八不共諸佛之法其有衆人行佛道者終不建立於四聖諦其開士大士則為應在一生補處佛告舍利弗開士大士行六度无極從一佛界度一佛界普遊諸國所至之處教化衆生使立佛道其開士大士無央數不可稱計劫逮得无上正真之道成寂正覺佛告舍利弗開士大士住度無極常為衆生導修精進未曾發意口說无益之事佛告舍利弗開士大士行六度無極常精進欲救衆生從一佛國遊一佛國開化群萌使度勤苦斷於三惡考治之趣佛告舍利弗開士大士住六度無極行布施度无極眷屬圍繞導御衆生令趣永安飢者與食渴者與漿無衣與衣無香與香雜香擣香床卧之具奴婢車乘金銀七寶所求索生活之業終不逆人隨其所僥佛告舍利弗開士大士行智慧度无極自化其身如如來入于地獄為地獄中人而說經法及畜生餓鬼分別演誼佛告舍利弗開士大士行六度無極自化身心猶如佛像度於

東方江河沙等佛土為諸衆生為說  
經法稽首如來淨其佛土其聞經者  
悉發道意如是之比普至十方諸佛  
世界觀諸佛國擇取上士自淨國土  
令其微妙五事有勝於其佛開士大  
士具足成就一生補處佛告舍利弗開  
士大士行六度无極應時具足三十  
二大人之相諸根上妙而悉通達則  
以此精進諸根無數人所見敬愛令  
不可計衆生之類發悅豫心稍稍使  
入三塗者令得滅度佛言舍利弗開  
士大士行智慧度无極當清淨其身  
口意佛告舍利弗開士大士行六度  
無極諸根上妙形類端正不自咨嗟  
不說他人瑕常省已過不訟他闕佛  
告舍利弗開士大士從初發意行布  
施度無極戒度无極已得住立此二  
度無極攝取無數轉輪聖王極尊之  
位不可計限轉輪聖王彼所在處見  
無央數百千諸佛便稽首礼承事供養  
諸佛世尊佛告舍利弗開士大士住  
六度無極為諸衆生演法光明自照  
已以此法曜未曾亡失至于无上正



真之道成寂正覺如是舍利弗開士  
大士多所照明於諸佛法是故舍利  
弗開士大士行智慧度无極常當精  
修護身口意令身口意無所犯負也  
賢者舍利弗言唯然世尊何所開士  
大士精修衆行護身口意无所犯負  
佛告舍利弗開士大士心自念言是  
為彼身所作身所興造有所成立是  
則為言是六為心其心所為有所成  
立是為開士大士護身口意開士大  
士行智慧無極亦無得身亦不得言  
亦不得心設使開士大士行智慧度  
無極得身口意所固身口意則有貪  
嫉之心則亦復起犯戒之心瞋恚之  
心懈怠之心亂意之心邪智之心佛  
言舍利弗如是行者不當名之為開  
士是開士大士行六度無極淨身瑕  
穢淨口瑕穢淨心瑕穢令无缺減是  
言開士賢者舍利弗白佛言云何開  
士大士淨身口意之瑕穢世尊答曰  
假使開士大士不自得身亦復不得  
口言心念佛言如是舍利弗開士大  
士淨身口意設使身口意瑕惡則為

利養假令開士大士從初發意奉行  
十善報應之向不發聲聞緣覺意如  
是開士大士淨除身口意瑕穢佛告  
舍利弗開士大士行智慧度无極欲  
求佛道行布施度無極戒忍度无極  
精進度無極一心度無極舍利弗白  
佛言云何開士大士欲求佛道佛告  
舍利弗開士大士假使不得身口行  
言心念不得布施度无極戒度無極  
忍度無極精進度無極一心度無極  
智慧度无極不得聲聞緣覺不得開  
士不得佛道是故開士求於佛道於  
一切法無所得故佛告舍利弗開士  
大士行六度無極已有所至到亦无  
所到無能得便舍利弗白佛言云何  
開士大士行六度無極有至到亦無  
所到無能得便佛告舍利弗開士大  
士行六度無極時不念色不念痛痒  
思想生死識不念眼耳鼻舌身意不  
念色聲香味細滑法不念眼不念色  
不念眼色識不念耳不念聲不念  
耳聲識不念鼻不念香不念鼻香  
識不念舌不念味不念舌味識不

念身不念細滑不念身細滑識不念  
意不念法不念意法識不念四意止  
四意斷四神足五根五力七覺意八  
由行不念布施度無極戒忍精進一  
心智慧度無極不念如來十力四無  
所畏四分別辯十八不共諸佛之法  
不念流布往來不還无著緣覺无上  
正真之道成寂正覺佛言舍利弗開  
士大士如是行者則能具足長益六  
度無極所至到處亦無所到無能得  
便佛告舍利弗或有開士大士住智  
慧度無極具足諸通慧則以其慧所  
行之誼終不墮落至於無餘不為衆  
人所見憎惡亦不貧匱亦不身故而  
受於色所以身故而自破壞諸天世  
人阿須倫舍利弗白佛言何所開士  
大士慧佛告舍利弗開士大士所用  
承慧見東方江河沙等如來至真等  
正覺聞所說法觀於聖衆見諸佛國  
清淨清淨之法所以開士大士從所  
順慧無有佛想无開士想無聲聞想  
无緣覺想不為己慧有佛土想所以  
者何開士大士行布施无極不得布

施度無極行戒忍精進一心智慧度  
無極不得戒忍精進一心智慧度無  
極所以慧致四意止四意斷四神足  
五根五力七覺意八由行十種力四  
无所畏四分別辯十八不共諸佛之  
法是為開士大士慧以用斯慧具足  
一切諸法之本於一切法亦無所念  
佛告舍利弗開士大士智慧度無極  
淨於五眼何等五眼肉眼天眼慧眼  
法眼佛眼舍利弗白佛言唯然世尊  
云何開士淨肉眼眼佛告舍利弗開士  
大士或以肉眼見四千里或有開士  
大士自以肉眼見八千里有開士大  
士或以肉眼見閻浮提有開士大士  
或以肉眼見二閻浮提或有開士大  
士以肉眼見四天下有開士大士以  
肉眼見千世界有開士大士以肉眼  
見二千世界有開士大士以肉眼見  
三千大千世界佛語舍利弗是為開  
士大士得肉眼淨舍利弗又問何謂  
開士大士得天眼淨佛告舍利弗其  
四大天王天上諸天眼開士大士皆  
知之忉利天焰天兜術天居摩羅天

波羅尼蜜天上至阿迦膩吒天諸天之眼開士大士皆知之其開士天眼及四大天王上至阿迦膩吒天開士皆知之其開士大士天眼以此天眼覩見東方江河沙等佛世界衆生終始皆悉知乃至十方諸佛世界悉覩見衆生生死佛言舍利弗是開士大士天眼淨舍利弗又問唯然世尊云開士大士智慧眼者不作是念法有所有有為無為有形無形世間法度世法有漏無漏其開士慧眼者覩於諸法無不見聞無量無數是為開士大士慧眼淨舍利弗又問唯然世尊云何開士大士法眼淨佛告舍利弗於是開士大士則以法眼作是分別某行信某行法某行空某行无想某行無願以是脫門也得五根得無見三昧已得無見三昧則興發度智之慧已得度智之慧則斷三結何等為三一者貪身二者狐疑三者毀戒是為三結能除貪身无有狐疑不毀禁戒則無有結無有結者則流布人也

彼得行由路除婬欲瞋恚癡薄是  
謂往還人也以此所由路加以慳慳  
婬欲瞋恚癡斷是謂不還人也  
彼於由路益加勤行少於色欲無色  
欲無明憍慢斷除是謂无著人也是  
謂行空人也空於脫門而獲五根致  
無見三昧以無見三昧興發度慧至  
得緣覺又此人者已無想脫門得於  
五根取要言之至得无著是為開士  
法眼之淨假使開士能分別解其有  
合會法皆歸盡宗見諸法盡得於五  
根是為開士法眼淨復次舍利弗開  
士大士分別如是此初發意開士行  
布施度无極戒度无極忍度无極精  
進度无極一心度无極智慧度无極  
及信根精進根而根所行具足善權  
方便已身常立於善德根本其開士  
生於君子貴姓梵志長者四王天上  
忉利天焰天兜術天居摩羅天波羅  
居蜜天上生於彼天所住之表開化  
衆生皆令群萌入於安行淨於佛土  
值見如來至真等正覺供養奉事不  
墮聲聞緣覺地其開士大士退轉某



不退轉至于無上正真之道成寂正  
覺是開士大士法眼淨復次舍利弗  
開士大士分別如是開士已受決者  
得無上之道成寂正覺某開士未受  
決於无上正真之道某開士無所造  
立某開士是不退轉某開士非不退  
轉某開士神通具足某開士神通不  
具足某開士神通具足往詣東方江  
河沙等諸佛國土稽首礼於如來至  
真等正覺供養奉事某開士未得神  
通某開士當得神通某開士佛土所  
有則當清淨某開士國土所有不能  
清淨某開士當教化衆生某開士不  
教化某開士為諸佛世尊所歎某開  
士諸佛世尊當近立在前某開士諸  
佛世尊不現立前某開士壽命當有  
限某開士壽命元有量某開士比丘  
衆當有限某開士比丘衆當无限某  
開士得無上正真之道成寂正覺以  
衆開士為僧某開士得為佛時无開  
士衆某開士當以勤苦行成某開士  
當以安隱行成某開士當究竟終始  
窮盡某開士不究竟終始窮盡某開

士當坐道場樹下某開士不坐道場  
樹下某開士當有魔試某開士无魔  
試某開士如是舍利弗是為開士大  
士法眼淨舍利弗白佛言云何開士  
大士佛眼淨佛告舍利弗開士大士  
所用因與无上道意金剛之喻三昧  
正受具足一切諸通慧如來十力四  
無所畏四分別辯一八不共諸佛之  
法大慈大悲至于開士大士眼普達  
一切佛法於一切佛法無所不見無  
所不聞無有限量无所不通是舍利  
弗開士大士逮得無上正真之道成  
寂正覺時乃能具足得佛眼淨

佛告舍利弗如是開士大士欲得五  
眼當奉行六度無極所以者何是故  
六度無極皆入一切諸善德法皆志  
解了聲聞法緣覺法開士法是故舍  
利弗得平等心至斯行者則便救攝  
一切諸法當觀智慧度无極智慧度  
無極是五眼之親母也開士大士學  
是五眼以逮得无上正真之道成寂  
正覺佛告舍利弗或有開士大士修  
於神通至度無極无央數神通因緣

之事住於斯地以一身之化若干形還復為一身於是牆壁隔尋山陵嵩高越之無尋如虛空中水品流行處為雲氣譬如飛鳥遊行空中出入于地出無間入無孔譬如入水履行水上其由如地身出焰光猶如大火此諸日月光明威神巍巍難及則以手掌捫其日月而捉光明猶得自在身至梵天不以神足而自貢高意不慢恣亦无所念其神足亦無所得亦无憍逸起亦無所想亦无念者興自然空自然空者則為寂寞其自然者亦无所起又如斯者不發神足及神足行唯以專思諸通慧事是開士智度无極神足證慧神足所由佛告舍利弗其開士大士淨於天耳越天人耳得聞一一音諸天人聲亦不想念天耳之種不作是念我聞其聲亦無所得自然之空自然寂寞其自然者則無所起亦無所得亦无所念亦不思念我得天耳唯以志於諸通事開士大士是為行智慧度無極天耳證慧神通之行佛告舍利弗其開士大士

則知他人衆生心念虛實所趣有欲  
心無欲心有欲想无欲想瞋恚心瞋  
恚想離瞋恚心離瞋恚想愚癡心愚  
癡想離愚癡心離愚癡想有思愛心  
離思愛心有所受无所受若舉若下  
平暴心安祥心若大心若小心若定  
心若不定心若脫心若不脫心其彼  
心汙染甫當汙染其心染想甫當染  
想如審曉了分別虛實有无上心念  
於無上亦無所念亦无所想所以者  
何諸心無心所由起諸心无想念則  
憂憶念往古遊居慧所證明所以神  
通遊於居慧所證明所以神通以此  
御之一心念識百日事百月事百歲  
事一切百劫無央數劫無數百劫無  
數千劫无央數億百千劫志識念之  
本所在處其字為某種姓為其所生  
如斯食飲亦然久住如此壽命長短  
苦樂善惡從彼終没生於某處此衆  
此生彼所說如是能識念无央數過  
去遊居亦不想念所獲神通佛語舍  
利弗開士大士智慧度無極能如是  
者則為識念往古遊居神通明證之

慧是為神通慧行佛告舍利弗其開  
士大士則以天眼觀於衆生生死終  
始善根惡根禍福善惡趣安趣苦微  
妙瑕穢由其所作恣了知之其可愍  
之了身行惡口言惡心念惡具足惡  
行誹謗賢聖奉於邪見以此緣故碎  
身壽命趣于勤苦墮于地獄此仁賢  
等衆生之類其身行善口言善心念  
善衆行具足不謗賢聖奉遵正見緣  
此行故碎身壽終趣于安隱升生天  
止觀見八方上下可愍之了身行惡  
口言惡心念惡具足惡行誹謗賢聖  
奉於邪見以此緣故碎身壽命趣於  
勤苦墮地獄此仁聖等衆生之類其  
身行善口言善心念善衆善具足不  
謗聖賢奉遵正見緣此行故碎身壽  
終趣于安隱升生天上觀見八方上  
下神通已達皆然觀見十方无有蔽  
碍佛告舍利弗其開士大士逮得知  
人心念一日百日一歲百歲一劫百  
劫千劫万劫億劫无央數劫無央數  
億億百千劫至於無限十方世界諸  
佛國土所念無量不可稱限心無蔽

礙是謂開士大士知他人心中所念往古遊居神通明證之慧神通慧行佛告舍利弗開士大士自知身所從來一生百生千生萬億生無央數億生一切百劫千劫萬劫億劫無數億劫善惡禍福善惡所趣父母兄弟宗室妻子勢貴富樂貧賤困苦愚智窮達名字種姓是為開士大士知身所從來往古遊居神明證之慧神通慧行五道自然觀見十方无有蔽碍

佛告舍利弗開士大士有漏盡慧證神通為達不墮聲聞緣覺地亦不想念他異之法亦不想念我逮得無上正真之道成寂正覺亦不以漏盡之慧神通之慧為慢逸念設如來十力四無所畏四分別辯十八不共諸佛之法解十二因緣無根本三十七品無端緒教化一切如是舍利弗開士大士智慧度无極為具足神通已能具足則有長益逮得無上正真之道為寂正覺佛告舍利弗或有開士大士行智慧度無極住布施度无極見能嚴淨諸通道究竟真空從其興受



而行恩德佛告舍利弗或有開士大  
士行智慧度無極住戒度無極具足  
嚴淨諸通道究竟空無信不信無起  
不起興立於誼永無所生佛告舍利  
弗或有開士行智慧度無極住忍度  
無極具足嚴淨諸通道究竟真空興  
于忍辱無有瞋恨解知无本一切志  
空佛告舍利弗或有開士大士行智  
慧度无極住精進度無極具足嚴淨  
諸通道究竟真空身意精進專于一  
誼所行精進無有諸漏興立此進佛  
告舍利弗或有開士大士行智慧度  
无極住一心度無極具足嚴淨諸通  
道究竟真空其心不亂不舉不下不  
起不滅興立斯禪佛告舍利弗或有  
開士大士行智慧度無極住智慧度  
无極具足嚴淨諸通道究竟真空除  
邪見心勸發無智興无所與佛告舍  
利弗如是開士大士行智慧度無極  
住六度無極具足嚴淨諸通道究竟  
真空來不來者若無去來與無所受  
不施不慳不戒不犯不忍不怒不進  
不急不憚不亂不智不愚其所施者

亦無所念亦无想念布施慳貪持戒  
犯禁忍辱瞋恚精進懈怠一心乱意  
智慧愚癡不念罵詈不念歌歎有為  
亦不想念無起者無所瞋者无所罵  
者亦不想念有所言談亦不念有亦  
不念無佛言舍利弗是開士大士行  
智慧度無極名德之稱聲聞緣覺所  
不能及備斯德已教化衆生嚴淨土  
行于大慈得諸通道慧佛告舍利弗  
開士大士智慧度無極常發等心向  
於衆生已能等心向於衆生則便獲  
致等於諸法已能獲致等諸法者則  
能得立等諸衆生一切諸法應時現  
在則為佛世尊所見愛敬及諸開士  
一切聲聞緣覺所見欽奉然復在在  
所生處目未曾見不可之事耳不聞  
惡聲鼻不聞臭口無惡味身无麁堅  
心無邪法開士大士行智慧度无極  
能如是者終不亡失無上正真之道  
佛說是智慧度无極品時三百比丘  
悉修行者皆以瓔珞奉散佛上發无  
上正真之道心佛尔時笑賢者阿難  
即從坐起更整衣服右膝著地叉手

白佛何因緣笑既笑當有意佛告阿難此三百比丘六十一劫當得作佛号曰大英如來至真等正覺明行成爲善逝無上士道御天人師号佛衆祐於是終沒當生阿閼如來至真等正覺國土六万欲行天當在弥勒佛世時出家爲沙門承佛聖旨於彼世時尋見千佛所行在於衆生八方上下亦復如是各見千佛及諸國土又復覩見此忍世界嚴淨無瑕如彼諸佛如來至真等正覺世界於彼万人各自發願吾等各興行意欲現在現在佛國時佛即知善男子心之所念即復笑阿難長跪重問佛言何因緣笑笑必有意佛告阿難見是万人建立願不對曰唯然世尊告曰此万人於此壽終所生佛國未曾遠離諸佛如來然後得佛号嚴淨如來至真等正覺也

摩訶般若波羅蜜歎等品第四

於是賢者舍利弗摩訶目犍連大迦葉此等及餘無數聖通明達比丘及菩薩摩訶薩清信士清信女志白佛

言唯然世尊如是行者為是菩薩摩訶薩大度無極微妙波羅蜜无能勝者寂超波羅蜜无能超者甚尊波羅蜜則而有持勢名波羅蜜無能及者無上波羅蜜无能過者無量波羅蜜无能過者是諸菩薩摩訶薩无倫波羅蜜所度無極无雙波羅蜜空度无限唯然世尊是菩薩摩訶薩已相為空而度無極無想波羅蜜所度无念無願波羅蜜所度無著一切諸法空志自然無所有故空波羅蜜自然空故一切德具足波羅蜜所度无極唯然世尊諸菩薩摩訶薩一切德備般若波羅蜜无能當者無所行波羅蜜謂菩薩摩訶薩波羅蜜也於是菩薩摩訶薩能等无等其所施與假能具足等无等波羅蜜則能到已還等已能獲到等无等至于阿耨多羅三耶三菩尸波羅蜜能還致等無等羸惟逮禪般若波羅蜜譬如菩薩行檀波羅蜜應所當為天中天不但有般若波羅蜜便能獲致等於無等則於真法色痛痒思想生死識若轉法輪等

無所等過去佛天中天當來現在諸  
佛志行是般若波羅蜜轉等於无等  
之法輪者是故世尊菩薩摩訶薩欲  
度一切諸法之表當行般若波羅蜜  
菩薩摩訶薩當為作禮諸天人民阿  
須倫志為行般若波羅蜜者稽首作  
禮佛即告是於无央數諸聲聞菩薩  
摩訶薩如是如是善男子當為菩薩  
摩訶薩作禮諸天人民阿須倫若有  
行般若波羅蜜者皆來歸命佛語舍  
利弗若菩薩摩訶薩來現於世化現  
人間若在上現君子族姓梵志長  
者若現在轉輪聖王四王天上忉利  
天焰天梵率天日月摩羅天波羅尼蜜  
天上阿迦膩吒天須陀洹斯陀舍阿  
那含阿羅漢現出世間辟支佛怛薩  
阿竭阿羅呵三耶三佛現在世間佛  
言以是故舍利弗菩薩摩訶薩而來  
現耳若能致獲飲食衣服牀卧具屋  
宅燈火明月珠寶水精琉璃璧玉金  
銀珊瑚琥珀碑渠馬瑙以給衆生佛  
語舍利弗不以是故出現世間以持  
斯語救護世間使得安隱諸天人民



所曾伎樂皆是菩薩摩訶薩懷來致現所以者何菩薩摩訶薩設有所行修六波羅蜜者住六波羅蜜欲勸衆生布施之故便自施與持戒忍辱精進一心智慧亦復如是以勸群萌修般若波羅蜜是故舍利弗菩薩摩訶薩安一切衆生之類

摩訶般若波羅蜜授決品第五

於是世尊即出舌本覆三千大千世界從其舌本出無央數光明之曜照於東方諸佛世界應時東方江河沙等諸佛國土而無央數不可計會諸菩薩摩訶薩覩光明各各在其佛土自往咨啓諸佛世尊而問斯誼唯天中天是何威神而今此土光明普照於時其國諸如來衆各各告菩薩摩訶薩善男子欲知此變西方去此江河沙等諸佛世界有佛土名曰忍界其佛号釋迦文怛薩阿竭阿羅呵三耶三佛出舌本光明照于東方江河沙等世尊世界普令照曜周及十方所以然者為諸菩薩摩訶薩講般若波羅蜜於時彼土菩薩摩訶薩各自



啓佛唯然大聖我等欲往稽首歸命  
釋迦文如來及諸菩薩摩訶薩并欲  
聽省般若波羅蜜其佛告曰往善男  
子從仁擇時如尔所欲時諸菩薩啓  
佛見聽各各自取衆蓋幢幡香華敷  
飭雜香擣香金花銀花往詣釋迦文  
怛薩阿竭阿羅呵三耶三佛稽首佛  
足各以所賣衆蓋幢幡香華敷飭雜  
香擣香金華銀華用散佛上及諸菩  
薩諸聲聞上八方上下亦無央數不  
可計會諸菩薩摩訶薩各各自於其  
國啓白世尊此之威曜何所從來諸  
佛告曰有佛号名釋迦文居怛薩阿  
竭阿羅呵三耶三佛出舌本光明之  
德各照十方江河沙等諸佛國土是  
其威曜時諸菩薩各啓其佛欲往稽  
首釋迦文見諸菩薩諸佛告曰往族  
姓子從仁擇時如志所欲諸菩薩衆  
各賣供養往詣釋迦文怛薩阿竭阿  
羅呵三耶三佛稽首作礼進上所賣  
却坐一面聽佛所說於時四大王天  
上諸天人忉利天焰天兜率天居摩  
羅天波羅居蜜天上至阿迦膩吒天

各賣天花天香天搗香天雜香青蓮  
華紅蓮花黃蓮華白蓮華皆以天上  
微妙香華各各執持往詣佛所於時  
諸天上及諸菩薩各各賣持香花雜  
香搗香各各供養奉散如來至真等  
正覺上於時所散華香上在虛空化  
為宮殿在於四方而於虛空中向于  
四面微妙分明皆以衆實人所悅樂  
於衆會億百千婁皆共叉手自歸命  
佛而問世尊唯天中天我等之身當  
來之世願得法利亦復如是如怛薩  
阿竭阿羅呵三耶三佛諸聲聞衆亦  
當如是為諸會者講說經法如今所  
演今時世尊知善男子心之所念觀  
一切法永無所起亦無所行一切諸  
法無所逮得見心所忍佛應時笑賢  
者阿難前白佛言佛何因笑笑當有  
意佛告阿難今此衆會億百千婁人  
皆志逮得不起法忍過於當來六十  
八億劫當得作佛号曰覺華怛薩阿  
竭阿羅呵三耶三佛明行成為善逝  
世間解无上士道法御天人師号佛  
世尊劫名華事世界曰嚴華

摩訶般若波羅蜜分別空品第六

今時佛告賢者須菩提豈非堪任為  
諸菩薩摩訶薩緣發般若波羅蜜菩  
薩摩訶薩因此得生於是諸菩薩摩  
訶薩衆聲聞及天人各心念言今須  
菩提自以辯才為諸菩薩摩訶薩說  
般若波羅蜜乎乘佛聖旨說耶又須  
菩提知諸菩薩摩訶薩衆大聲聞諸  
天人心之所念謂賢者舍利弗敢佛  
弟子有所說者分別光曜一切皆乘  
如來威德恒薩阿竭所可說法彼一  
切法於本无諍諸善男子當學斯法  
則證其法學者皆順如來慧證境界  
諸菩薩摩訶薩說般若波羅蜜非聲  
聞辟支佛之境界所以者何說法得  
時莫不喜悅舍利弗謂須菩提所謂  
菩薩時須菩提白世尊曰所謂菩薩  
者天中天何謂菩薩於此法中何因  
有菩薩之言我亦不見菩薩之法何  
謂菩薩唯天中天我永不見般若波  
羅蜜及於菩薩當云何說菩薩摩訶  
薩般若波羅蜜當以何誼為諸菩薩  
講般若波羅蜜而開導乎佛告賢者

須菩提所謂般若波羅蜜及菩薩者  
但假号耳其名无名其名不在於内  
不在於外不處兩間譬如須菩提所  
見人者但假託号彼亦无名其法不  
起不滅因緣和合隨俗所名但音聲  
言及我人壽命鼓行喘息蛸飛蠕動  
衆生之類所作所造所興勸助所見  
所觀所知所觀一切皆為假号之法  
一切不起不滅諸天人民所可言誨  
亦復如是如此須菩提計般若波羅  
蜜及菩薩名志為假号皆不起不滅  
至于天中天所可言名等無有異譬  
如須菩提於内所有所與我色斯亦  
假名法為假託作斯字也其假号法  
不起不滅欲得了此因緣之合有言  
聲耳痛痒思想生死識法為假号其  
法所名不起不滅若以因緣假託之  
現而有言聲如是須菩提所謂般若  
波羅蜜有言菩薩及菩薩名但所託  
者其法不起不滅所謂菩薩般若波  
羅蜜及菩薩名志無他倚因緣倚号  
而有斯言眼則恍惚虛寂至于假名  
法為託字亦皆不起不滅因緣假号

而有言聲所謂眼空其眼無內无外  
不處兩間耳鼻舌身意亦復如是法  
為假託其法不起不滅因緣合名而  
有言聲其号心者心不在內亦不在  
外不處兩間所謂色者須菩提法所  
假号不起不滅亦不内外不處兩間  
其眼界者亦為假号因法託名其曰  
眼界色界眼識界耳界聲界耳識界  
鼻界香界鼻識界舌界味界舌識界  
身界細滑界身識界意界法界意識  
界法為借号而有言聲其法无內無  
外不處兩間如是須菩提所謂菩薩  
及般若波羅蜜因法假号其号不起  
不滅猗託為名而有言聲般若波羅  
蜜菩薩字其名无內無外不處兩間  
譬如須菩提所謂其內是我身因字  
頭首其名但言聲又復名頸項五陰  
兩臂背膂脇兩腋兩脚但假号耳託  
首聲言因緣法為号計其法者不起  
不滅計此所有悉為假託而立言聲  
計其名者不起不滅無內無外不處  
兩間如是須菩提般若波羅蜜菩薩  
名者皆為假号其法不起不滅盡為



假託而有言聲其名亦不起不滅无  
内無外不處兩間譬如須菩提於此  
外有草木枝葉華實計此一切悉為  
假号而有言聲其名無名其名不起  
不滅假託為名而有言聲計其名者  
無内无外不處兩間如是須菩提般  
若波羅蜜及菩薩字一切皆因法假  
号其法不起不滅其名無内無外不  
處兩間譬如須菩提過去諸佛世尊  
皆共假傳其号當來現在亦復如是  
譬如須菩提呼聲之響又如鏡像幻  
化野馬如來解說一切諸法皆猶如  
化但假有号其号不起不滅倚託為  
名而有言聲其名无内無外不處兩  
間如是須菩提所謂菩薩般若波羅  
蜜但假号耳其号不起不滅無内无  
外不處兩間如是須菩提所謂菩薩  
摩訶薩般若波羅蜜因緣合會而假  
虚号所号善權所号法皆假託耳當  
作是學行般若波羅蜜不住名色亦  
無所見不住痛痒思想生死識不住  
於名不覩名色不常不見名色安樂  
不見名色苦惱不見名色而有内者



不見名色而有外者不見名色而有  
空者不見名色無想之變不見名色  
无願之事不見名色而寂寞不見名  
色而恍惚者不見名色而有欲塵不  
見名色而諍訟者不見名色而有起  
者不見名色而有滅者痛痒思想生  
死識亦復如是眼界色界眼識界耳  
界聲界耳識界鼻界香界鼻識界舌  
界味界舌識界身界細滑界身識界  
意界法界意識界一切皆尔因緣合  
成而為假号有是五陰所以者何菩  
薩摩訶薩行般若波羅蜜及菩薩行  
并於名号不有不無不處有為界不  
處無為界亦無所見所以者何須菩  
提菩薩摩訶薩行般若波羅蜜於一  
切法無所想念無應不應亦不想念  
行般若波羅蜜處无想法行諸意止  
修般若波羅蜜亦不見般若波羅蜜  
不見般若波羅蜜名亦不見菩薩号  
亦不見十種力四無所畏四分別辯  
十八不共諸佛之法行般若波羅蜜  
時不見般若波羅蜜亦不見般若波  
羅蜜名亦不見菩薩亦不見菩薩名

誰見苦薩行般若波羅蜜菩薩摩訶  
薩曉了分別諸法之本諸法相者計  
諸法本諸法相者亦無所著亦无諍  
訟如是須菩提菩薩摩訶薩行般若  
波羅蜜不因著名為法造号其於佛  
道亦緣号不為假託忘曉了之不著  
於色不著痛痒思想生死識不著於  
眼耳鼻舌身意亦不著眼色識不著  
耳聲識不著鼻香識不著舌味識不  
著身細滑識不著意法識不著眼習  
五陰之事而無所著不起痛痒無苦  
無樂无不苦樂乃至意識所習因緣  
則有痛痒及與苦樂不苦不樂行者  
於彼都無所著亦不著著於有為界  
亦不著著於无為界亦不著著檀波  
羅蜜亦不著著尸波羅蜜亦不著著  
羣提波羅蜜亦不著著惟逮波羅蜜  
亦不著著禪波羅蜜亦不著著般若  
波羅蜜亦不著著相亦不著著菩薩  
之身亦不著著於肉眼亦不著著天  
眼慧眼法眼佛眼亦不著著慧度無極  
亦不著著神通之意所度無極亦不  
著著内外亦不著著處于兩間亦不

猶著於內之空亦不著於外之空  
亦不著者無形之緣亦不著者自然  
之空亦不著者開化衆生亦不著者  
佛土嚴淨亦不著者遍起拘舍羅所  
以者何用一切法志無所有故當所  
著者亦无所著亦无所當可持者  
如是須菩提菩薩摩訶薩於一切法  
而無所著為行般若波羅蜜檀波羅  
蜜尸波羅蜜羼提波羅蜜逮波羅  
蜜禪波羅蜜般若波羅蜜便得長益  
入于寂然得菩薩道入于阿惟越致  
神通具足神通以具則遊佛國教化  
衆生已化衆生則便供養諸佛世尊  
則能嚴淨諸佛國土已能嚴淨諸佛  
國土諸佛世尊皆覩見於時菩薩亦  
復遙見諸佛大聖亦欲逮得功德善  
本便當供養諸佛世尊稽首啟命則  
逮自然无量之德親近諸佛便得從  
聞所說經典已逮聞法未曾斷絕逮  
得阿耨多羅三藐三菩阿惟三佛諸  
總持門諸三昧門如是須菩提菩薩  
摩訶薩行般若波羅蜜行分別曉了  
一切諸法因緣假号於須菩提意云

何色為菩薩乎痛痒思想生死識為  
菩薩乎須菩提答曰不也天中天云  
何須菩提眼為菩薩乎耳鼻舌身意  
為菩薩乎答曰不也天中天色聲香  
味細滑法為菩薩乎答曰不也天中  
天又問於須菩提意云何眼色識為  
菩薩乎耳聲識鼻香識舌味識身細  
滑識意法識為菩薩乎答曰不也天  
中天於須菩提意云何地種為菩薩  
乎答曰不也天中天水種火種風種  
空種識種為菩薩乎答曰不也天中  
天於須菩提意云何無明為菩薩乎  
答曰不也天中天識名色六入所習  
愛痛受有生老病死為菩薩乎答曰  
不也天中天於須菩提意云何寧有  
異色為菩薩乎答曰不也天中天寧  
有異痛痒思想生死識為菩薩乎答  
曰不也天中天寧有異眼耳鼻舌身  
意為菩薩乎答曰不也天中天寧有  
異色聲香味細滑法為菩薩乎答曰  
不也天中天寧有異眼色識耳聲識  
鼻香識舌味識身細滑識意法識為  
菩薩乎答曰不也天中天寧有異上

二因緣從無明至病老死為菩薩乎  
答曰不也天中天於須菩提意云何  
色無本為菩薩乎答曰不也天中天  
五陰六衰十八種四大十二因緣无  
本為菩薩乎答曰不也天中天於須  
菩提意云何寧有異无本為菩薩乎  
答曰不也天中天佛告須菩提於須  
菩提意解何等誼以何等觀察而答  
佛言色非菩薩痛痒思想生死識非菩  
薩六衰十八種四大十二因緣從无  
明至生老病死非菩薩其无本者謂  
非菩薩若異无本亦非菩薩須菩提  
白佛言唯天中天吾我人壽亦不可  
得云何當名為菩薩者云何名五陰  
六衰十八種四大十二因緣終始之  
患為菩薩耶云何名異色異痛痒思  
想生死識為菩薩耶云何名異六衰  
十八種四大十二因緣為菩薩耶云  
何名無本之事為菩薩耶云何名異  
无本為菩薩耶斯无處所佛言善哉  
善哉須菩提菩薩摩訶薩學般若波  
羅蜜當觀衆生人物無所有不可得  
般若波羅蜜亦無所有不可得菩薩



當作是學於須菩提意云何口言色者為菩薩乎答曰不也天中天口言痛痒思想生死識為菩薩乎答曰不也天中天計色常計痛痒思想生死識常為菩薩乎答曰不也天中天於須菩提意云何計色无常計痛痒思想生死識无常為菩薩乎答曰不也天中天於須菩提意云何口言色樂痛痒思想生死識樂為菩薩乎答曰不也天中天於須菩提意云何口言色苦痛痒思想生死識苦為菩薩乎答曰不也天中天於須菩提意云何口言色是我所痛痒思想生死識是我所為菩薩乎答曰不也天中天於須菩提意云何口言色非我所痛痒思想生死識非我所為菩薩耶答曰不也天中天於須菩提意云何口言色空痛痒思想生死識空為菩薩乎答曰不也天中天於須菩提意云何口言色無想痛痒思想生死識無想為菩薩乎答曰不也天中天於須菩提意云何口言色無願痛痒思想生死識無願為菩薩乎答曰不也天中



天於須菩提意云何口言色不空不  
無想不無願痛痒思想生死識不空  
不無想不无願為菩薩乎答曰不也  
天中天於須菩提意云何五陰六衰  
十八種四大十二因緣無所有為菩薩  
乎答曰不也天中天佛告須菩提仁  
見何誼而反云口所說言五陰六衰  
十八種四大十二因緣終始之患苦  
樂善惡空無想无願有與无恚非菩  
薩須菩提白佛言唯天中天究竟求  
色了不可得何況甫復口言色者為  
菩薩乎痛痒思想生死識亦余究竟  
求常而不可得何況無常而可得當  
為菩薩乎究竟苦樂而不可得何況  
口言苦樂為菩薩乎究竟索是我所  
不可得何況口言我非我為菩薩乎  
色痛痒思想生死識亦復然究竟所  
有色不可得何況口言色空為菩薩  
乎痛痒思想生死識亦復然究竟求  
想不可得何況口言色无想為菩薩  
乎痛痒思想生死識亦復如是究竟  
求願不可得何況口言色無願為菩  
薩乎痛痒思想生死識亦復如是佛

言善哉善哉須菩提菩薩摩訶薩欲學般若波羅蜜當作是學口所言色不可得者痛痒思想生死識者空无想无願不得者則為學般若波羅蜜向者須菩提所言我於法中永不覩見為菩薩者須菩提欲知法不可見法法不可見法界法界不見法色界痛痒思想生死識亦然色界不見法界法界不見色界眼界不見法界法界不見眼界耳鼻舌身意亦復如是眼界不見法界法界不見眼界十八種界有為界不見無為界無為界不見有為界有為界者亦不可兩无為界者亦不可名無為者不可兩有為者亦不可名如是須菩提行般若波羅蜜能如此者於一切法永无所見已無所見不恐不畏不難不懼心不怯弱亦無所恨所以者何須菩提已不見色痛痒思想生死識不見眼耳鼻舌身意不見色聲香味細滑法不見色欲至于法欲亦无所見不見貪怒癡不見無明至于行識名色六入所更

痛愛受有生老病死亦無所見不見  
吾我不見人壽命不見欲界不見色  
界不見无色界不見聲聞辟支佛不  
見菩薩法亦不見佛亦不見法不見  
菩薩衆已不見一切法不恐不畏不  
難不懼心不怯弱須菩提白佛言唯  
然世尊何因菩薩摩訶薩心不怯弱  
而无所著佛告須菩提菩薩摩訶薩  
不得心所念法亦无所見是故菩薩  
摩訶薩心不怯弱亦无所著須菩提  
白佛言云何菩薩摩訶薩而不恐怖  
佛告須菩提菩薩不得心畏亦无所  
見是故菩薩摩訶薩而不恐怖須菩  
提白佛言云何菩薩摩訶薩於一切  
法而无所著行般若波羅蜜乎佛告  
須菩提菩薩摩訶薩一切所行般若  
波羅蜜彼亦不得般若波羅蜜亦復  
不得菩薩之心其是為今設菩薩之  
為勅命

光讚經卷第二

戊戌歲高麗國大藏都監奉

初彫造

光讚經卷第三

鹹

西晉三藏竺法護譯

摩訶般若波羅蜜了空品第七

於是須菩提白佛言菩薩摩訶薩欲  
具足檀波羅蜜當學般若波羅蜜欲  
具足尸波羅蜜犀波羅蜜惟逮波羅  
蜜禪波羅蜜當學般若波羅蜜菩薩  
摩訶薩欲蠲除色者當學般若波羅  
蜜欲除痛痒思想生死識者當學般  
若波羅蜜欲除眼耳鼻舌身意者當  
學般若波羅蜜欲除色聲香味細滑  
法當學般若波羅蜜欲除眼色識耳  
聲識鼻香識舌味識身細滑識意法  
識當學般若波羅蜜欲除眼更耳更  
鼻舌身意更當學般若波羅蜜欲除  
色更痛痒思想生死識更因緣之習  
當學般若波羅蜜菩薩摩訶薩欲除  
貪婬瞋恚愚癡當學般若波羅蜜欲  
除貪身見已當學般若波羅蜜菩薩  
摩訶薩欲除狐疑犯戒當學般若波  
羅蜜欲除欲諸著色欲無色欲當學  
般若波羅蜜菩薩摩訶薩欲除因緣

會縛結之著所受之處當學般若若波  
羅蜜欲除四果須陀洹斯陀舍阿那  
含阿羅漢當學般若若波羅蜜菩薩摩  
訶薩欲除四憂四著及四歎受四顛  
倒當學般若若波羅蜜欲除五蓋六入  
七識八邪九惱十惡罪福之業當學  
般若若波羅蜜菩薩摩訶薩欲除十善  
四禪四諦五神通欲除四意止四意  
斷四神足五根五力七覺意八由行  
當學般若若波羅蜜菩薩摩訶薩欲除  
十種力四無所畏四分別辯四等心  
四无色定一切諸意止十八不共諸  
佛之法當學般若若波羅蜜菩薩摩訶  
薩欲了覺意三昧正受當學般若若波  
羅蜜欲分別虛空慧三昧者識慧三  
昧不用慧三昧有想無想慧三昧正  
受滅定當學般若若波羅蜜菩薩摩訶  
薩欲成師子娛樂三昧師子震吼三  
昧欲逮得搃持門者當學般若若波羅  
蜜欲得首楞嚴三昧寶海三昧慧印  
三昧正受當學般若若波羅蜜菩薩摩  
訶薩欲得月耀三昧月幢英三昧入  
一切諸法三昧正受當學般若若波羅



蜜菩薩摩訶薩欲得觀明印三昧生

諸法三昧出於勸祠幢幡惡三昧正

受當學般若波羅蜜菩薩摩訶薩欲

得金剛喻三昧入一切諸法門三昧

定意王三昧帝王印三昧正受當學

般若波羅蜜菩薩摩訶薩欲得勢力

清淨三昧超諸平等三昧順生諸法

所歸入三昧入一切諸法言聲三昧

正受當學般若波羅蜜菩薩摩訶薩

欲得觀十方三昧欲得一切諸法總

持門印三昧一切諸法平等印

持印

造印

三昧住於空處三昧正受當學般若

波羅蜜菩薩摩訶薩欲得嚴淨三昧

道場三昧超越神通三昧正受當學

般若波羅蜜菩薩摩訶薩欲得超控

出三昧等幢護英三昧欲致是三昧

正受及餘三昧門當學般若波羅蜜

也復次天中天菩薩摩訶薩欲令一

切衆生之類得具足願當學般若波

羅蜜復次天中天菩薩摩訶薩欲得

具足功德之本因其具足所在善本

不墮惡趣不見下賤下歸聲聞辟支

佛地不以諍訟菩薩上法當學般若



波羅蜜賢者舍利弗謂賢者須菩提云何菩薩摩訶薩不諍上法須菩提謂舍利弗菩薩摩訶薩不與漚和拘舍羅不起无所從生漚和拘舍羅行六波羅蜜曉了无所從生空無想无願懷來三昧門不墮聲聞辟支佛地亦不度人菩薩滅定是謂菩薩摩訶薩生不淳湫舍利弗謂湫菩提何謂菩薩生不淳湫湫湫菩提謂舍利弗所以日不淳湫者謂受著者法也又曰舍利弗菩薩摩訶薩行般若波羅蜜立於色空而知想識有所依倚痛痒思想生死識亦然立之於空而知想識有所依倚是謂菩薩摩訶薩柔順法忍之受著者也生不淳湫復次舍利弗菩薩摩訶薩立色於无想而知想識有所依倚立色於无願而知想識有所依倚是為菩薩摩訶薩柔順法忍之受著也色痛痒思想生死識亦然立無所有而知想識有所依倚眼色識耳聲識鼻香識舌味識身細滑識意法識而知想識有所依倚是菩薩摩訶薩柔順法忍之受著也色無常

痛痒思想生死識无常色苦痛痒思想生死識苦色無我痛痒思想生死識无我而立於斯而知想著有所依倚舍利弗是謂菩薩摩訶薩柔順法忍愛著生死不淳淑當斷是色痛痒思想生死識此色非色則為除色痛痒思想生死識亦然為滅盡當為設證是非滅盡而為造證當修斯路此為染塵諍戒當習行是不當習此是為菩薩之所應行是非菩薩之所應行是為菩薩道是為菩薩學戒不當學某某是菩薩檀波羅蜜某某是菩薩尸波羅蜜某某是菩薩羼波羅蜜某某是菩薩惟逮波羅蜜某某是菩薩禪波羅蜜某某是菩薩般若波羅蜜某某是菩薩无遍起拘舍羅某某是菩薩入寂然某某是菩薩生不淳淑須菩提謂舍利弗說菩薩行般若波羅蜜住此建立如是諸法而知想識有所依倚是謂菩薩摩訶薩柔順法忍之愛著生不淳淑舍利弗謂須菩提何謂菩薩摩訶薩寂然須菩提謂舍利弗於是菩薩摩訶薩行

般若波羅蜜不見內空不見外空不見內外空不見內外空而空無內  
外空空不見內外空不見空大空空  
大空不見空空大空不見究竟真空  
究竟真空不見大空究竟真空不見  
有為空不見究竟真空有為空不見  
无為空無為空不見有為空無為空  
不見終始長遠空終始長遠空不見  
無為空終始長遠空不見未分別空  
未分別空不見曠野長遠空未分別  
空不見本淨空淨空不見未分別空  
本淨空不見自然想空自然想空不  
見本淨空自然相空不見一切諸法  
空一切諸法空不見自然相空一切  
諸法空不見无所有空無所有空不  
見一切諸法空無所有空不見自然  
空自然空不見無所有空自然空空  
不見无所有空無所有空不見自然  
空空如是舍利弗菩薩摩訶薩行般  
若波羅蜜能如是者則菩薩至於寂  
然復次舍利弗菩薩摩訶薩欲行般  
若波羅蜜者當作是學則當如順不  
當念色痛痒思想生死識亦復如是

於識不當念識不當念眼耳鼻舌身  
意不當念色聲香味細滑法不當念  
檀波羅蜜尸波羅蜜羼波羅蜜惟逮  
波羅蜜禪波羅蜜般若波羅蜜亦不  
當倚著四意止四意斷四神足五根  
五力七覺意八由行十種力四無所  
畏四分別辯四等心十八不共諸佛  
之法如是舍利弗菩薩摩訶薩行般  
若波羅蜜不當念菩薩摩訶薩又當  
念等无等心入微妙心所以者何其  
心無心心者本淨本淨心者自然而  
樂清明而淨舍利弗謂須菩提云何  
心清明而淨須菩提謂舍利弗假使  
心不與欲合亦不離欲不與怒合亦  
不離怒不與癡合亦不離癡不處因  
緣无有結縛無所轉綴亦无不綴於  
一切疑六十二見不合不離不與聲  
聞辟支佛心行合亦不離合是為舍  
利弗菩薩摩訶薩心本清淨清明而  
淨賢者舍利弗謂須菩提有此心乎  
其心無心須菩提謂舍利弗云何舍  
利弗為有心耶豈有此心寧可知有  
心無心乎為可得不為可獲不答曰

不也仁者假使舍利弗其心不可復知有與无也亦不可得亦不可獲又有此者由因緣而有此言有此心有無心舍利弗謂須菩提云何須菩提是謂一切諸法無心無念舍利弗謂須菩提云何須菩提其發心者无所造无所念乎假使色造无所念痛痒思想生死識亦復然假使無所造无所念至于聲聞辟支佛意上至菩薩志為無心無念乎答曰唯然舍利弗如是心者無所造無所念是故菩薩摩訶薩亦復如是无所造無所念舍利弗讚賢者須菩提言善哉善哉須菩提審如仁者為世尊子從法門生常以順法為法所化因法而與不為榮真自然因緣登于法身仁者則為行空第一世尊讚仁了空寂上難及難及如是須菩提菩薩摩訶薩學般若波羅蜜當順如斯如是菩薩摩訶薩則當觀之為阿惟越致欲學聲聞地者當學般若波羅蜜當聞當受當持諷誦常當思念念念欲學辟支佛地

者當學般若波羅蜜常聞當受持諷  
誦當常思念欲學菩薩地者當學般  
若波羅蜜當聞當受持諷誦常當思  
念所以者何此般若波羅蜜者廣普  
具足致于三乘者謂菩薩聲聞辟支  
佛菩薩志學了無所罣碍也

摩訶般若波羅蜜假名品第八

於是賢者須菩提白佛言唯然世尊  
如聖所云菩薩摩訶薩我亦不見亦  
不能得行者如我不見不行菩薩摩  
訶薩行般若波羅蜜者當云何說菩  
薩般若波羅蜜云何教行者乎我設  
使說一切法而可得者為造名号菩  
薩之字設如是者則墮狐疑又計其  
名則无所有亦無所住所以者何從  
無明故而致此名其名如是亦無有  
處亦無有住亦无有處亦無有住色  
謂我所而不可得痛痒思想生死識  
謂是我所亦不可得所以者何為假  
名耳以是之故其所因緣及計号字  
亦無所住亦不不住所以者何從無  
明意致此名号其所名者亦不住亦  
不不住唯然世尊我觀於眼永不能



得所言我所耳鼻舌身心亦復如是  
而察於心亦不能得所言我所既觀  
於眼耳鼻舌身心永不能得根原本  
末言是我所者當因何所而為菩薩  
立於名号又察其眼虛无恍惚其名  
不住亦不住所以者何因從無明  
假号而立計其名者如是所假亦不  
住亦不住唯然世尊我求色形本  
末我所都不能得六情亦然求其名  
号本末所與言是我所永不得痛痒  
思想生死識亦復如是求其本末言  
是我所永不可得如是眼色識耳聲  
識鼻香識舌味識身細滑識意法識  
察其本末所言我所都不可得設使  
察眼色本末言是我所不可得六情  
色聲香味細滑法十八種亦復如是當  
復何因為立号言菩薩乎其眼耳鼻  
舌身意色聲香味細滑法十八種計  
无有名亦無所住亦不住所以者  
何因無明故而有名字又察名字亦  
无所住亦無不住眼所習更耳鼻舌  
身意所習更者亦復如是從眼習緣  
至于心行色痛痒思想生死識緣習

所更而致此痛察其本末言我所永  
不可得六情色聲香味細滑法色痛  
痒思想生死識及十八種察其本末  
言是我所永不可得亦無名字其假  
号者亦无所住亦不住因其無明  
而興致此是我所者都不可得行識  
名色六入所更痛愛受有生老病死  
察其本末言是我所都不可得亦无  
所住亦不住無明以滅行識名色  
六入所更痛愛受有生老病死滅觀  
其本末是我所滅都不可得婬嫉瞋  
怒愚癡察其本末言我所都不可得  
因其名字而興立此計其名者亦无  
所住亦不住色痛痒思想生死識  
眼耳鼻舌身意色聲香味細滑法十  
八種滅盡除已察其本末索言我所  
永不可得因從名号而興致此又其  
名号亦无所住亦不住檀波羅蜜  
尸波羅蜜羣波羅蜜惟逮波羅蜜禪  
波羅蜜般若波羅蜜觀其本末言是  
我所永不可得因從名字而興致此  
又察吾我省其本末言是我所因從  
名号其假号者都不可得亦无所住

亦不不住人壽命所造所觀所見亦復如是察其本末言是我所永不可得因從名号而興致此又其名号亦無所住亦不不住四意止四意斷四神足五根五力七覺意八由行察其本末言是我所永不可得因此名号而興致此又其假号亦無所住亦无不住空無想无願察其本末言是我所都不可得因從名号而興致此又其假号亦無所住亦不不住四禪四等心四無色三昧正受察其本末言是我所者都不可得因從名号而興致此又其假号亦無所住亦不不住念佛念法念聖衆念識念施念博聞念出入守意念老病死察其本末是我所者都不可得亦不可見因從名号而興致此又其假号亦無所住亦不不住十種力四無所畏四分別辯十八不共諸佛之法察其本末言我所者都不可得因從名号而興致此又其假号亦无所住亦不不住不見本末無有處所亦不可得云何當為菩薩而立名号言菩薩乎有其名号

亦無所住亦不不住因從無明而致

名字又其名字亦無所住亦不不住

計其名号致五盛陰察其本末亦不

可得因從名号而興致此又其名号

亦無所住亦不不住察色痛痒思想

生死識眼耳鼻舌身意色聲香味細

滑法十八種十二因緣如呼聲響音影

現野馬水月幻化察其五陰及五盛

陰亦復如是省其本末言是我所都

不可得因從名号而興致此又其名

号亦無所住亦不不住虛无慌忽色

痛痒思想生死識空无想無願察其

本末言是我所都不可得從其名号

而興致此又其名号亦無所住亦不

不住猶如呼聲響音影野馬芭蕉水月

幻化察其本末都不可得不起不滅

猶如水影無所染汙亦無恚恨眼耳

鼻口身意色聲香味細滑法十八種

十二因緣法界本際法法所趣及寂

然法善惡禍福諸法之名有為法无

為法有所為無所有有漏无漏察其

本來法所從興都不可得亦無所住

亦不不住猶如影響音水月野馬芭蕉

幻化過去當來今現在法察其本末  
亦不可得亦無所住亦不不住去來  
今法不可覩原何謂無所有法所可  
謂无所有法者無有過去當來今現  
在求無為法察其本末都不可見唯  
然世尊我察東方江河沙等諸佛世  
界省其本末永不可見又察怛薩阿  
竭阿羅呵三耶三佛諸菩薩衆及聲  
聞辟支佛衆省其本末都無所  
見南方西方北方東南方西南方西  
北方東北方上方下方九方諸怛薩  
阿竭阿羅呵三耶三佛諸菩薩衆及  
聲聞辟支佛省其本末都无所見何  
所是菩薩般若波羅蜜何因當說菩  
薩之号又其名号亦無所住亦不不  
住所以者何衆生之類从无點心假  
名号行行識名色六入所更痛受愛  
有生老病死亦復如是假而有字其  
字之本都无所住亦不不住所以者  
何唯然世尊以一切法悉無有本以  
是之故求其本末了不可得當何因  
緣而為菩薩立名号乎又天中天其  
無本者無名无住亦不不住所以者

何衆生无明從無明心而致此字又其名字亦無所住亦不住因緣法合而有假号名曰菩薩彼无言說無諸陰衆種諸入無明十八種十二因緣及諸佛法緣是假号唯然世尊假引譬喻影響野馬芭蕉幻化但有假号若如字空而空無名譬如名地水火風空地水火風而自不名所以名曰戒定慧解脫知見事須陀洹斯陀含阿那含阿羅漢但有名号聲聞辟支佛亦復如是但有假号所謂菩薩及菩薩字但假号耳所名曰佛諸佛之法亦無實字但假号耳善惡禍福若常無常苦樂若我非我寂寞恬怕所有無有福若常无常苦樂我觀此誼是之所謂志由因緣假使當為菩薩摩訶薩而立名号者於一切法則有狐疑察其本末亦不可得唯然世尊有其名号無有法界亦無所住所以者何衆生之類從無明心致此名字又其名号亦無所住亦不住亦無有處須菩提白佛言唯然世尊菩薩摩訶薩假使聞說般若波羅蜜如是



比類瑞應所起不恐不怖不畏不難  
心不懷懷其菩薩摩訶薩即當知之  
住阿惟越致果住無所住行无所行  
復次天中天菩薩摩訶薩不當住於  
色不當住痛痒思想生死識不當住  
眼不當住耳鼻舌身意不當住色聲  
香味細滑法不當住眼色識耳聲識  
鼻香識舌味識身細滑識意法識不  
當住眼所習更不當住耳鼻舌身意  
所習更不當住眼因緣習痛痒耳鼻  
舌身意因緣習痛痒不當住地水火  
風種不當住空種不當住諸識種不  
當住無明行識名色六入所更痛愛  
受有生老病死所以者何天中天色  
則為空痛痒思想生死識亦空所言  
空者色則為空非名異空彼色則空  
空者假色菩薩摩訶薩欲求自緣想  
行般若波羅蜜當住於色當住痛痒  
思想生死識當住眼耳鼻舌身意色  
聲香味細滑法十八種十二因緣所  
以者何色痛痒思想生死識空十二  
因緣亦空十二因緣生死之原元有  
異空無有異住其十二因緣老病死

者此則為空生老病死十二因緣自然為空本自然空以是之故天中天不當住色痛痒思想生死識眼耳鼻舌身意色聲香味細滑法十八種十二因緣之端緒也復次天中天菩薩摩訶薩行般若波羅蜜不當住於四意止所以者何觀四意止亦復是空不為有異四意止空也不他空其四意止自然為空亦不當住四意止四神足五根五力七覺意八由行十種力四無所畏四分別辯十八不共諸佛之法所以者何其意止斷神足根力覺意所由之路十種力四無所畏四分別辯十八不共諸佛之法亦復為空十八不共諸佛之法自然為空無有異空十八不共諸佛之法本性則空無有異空所以者何計佛法者則復空空故曰佛法唯天中天以是之故菩薩摩訶薩行般若波羅蜜不當住五陰六衰及十八種十二因緣三十七品十種力四無所畏四分別辯十八不共諸佛之法復次天中天菩薩摩訶薩行般若波羅蜜不當住

檀波羅蜜尸波羅蜜犀角波羅蜜惟逮  
波羅蜜禪波羅蜜般若波羅蜜所以  
者何般若波羅蜜者亦復是空設般  
若波羅蜜空者則非異般若波羅蜜  
空所以者何無異般若波羅蜜空般  
若波羅蜜自空設般若波羅蜜自然  
空唯以文字為假号耳文字則空乃  
為般若波羅蜜以故菩薩摩訶薩行  
般若波羅蜜於般若波羅蜜而無所  
住五陰六衰十八種十二因緣三十  
七品十種力四無所畏四分別辯十  
八不共諸佛之法空行般若波羅蜜  
菩薩不當住中復次天中天菩薩摩  
訶薩行般若波羅蜜不當住於文字  
不當住文字說不當住一食二食至  
於三食四食揣食心食識食所以者  
何謂文字文字則空無有異空文字  
自然為空其為空者無有文字文字  
本空其為空者无有名字復次天中  
天菩薩摩訶薩行般若波羅蜜不當  
住神通所以者何其神通者神通自  
空神通本空無有異通而為空者神  
通為空無有異空神通自空空故曰

神通是以之故唯天中天菩薩摩訶  
薩行般若波羅蜜不當住神通復次  
天中天菩薩摩訶薩行般若波羅蜜  
不當住色想不當住痛痒思想生死  
識想所以者何其非常者非常為空  
其非常者自然為空則无非常無異  
非常而為空者無有他空非常自空  
其為空者无有非常以是故天中天  
菩薩摩訶薩行般若波羅蜜不當住  
色空不當住痛痒思想生死識空不  
當住色無常不當住痛痒思想生死  
識無常不當住眼耳鼻舌身意无常  
不當住色聲香味細滑法無常不當  
住十八種十二因緣終始無常不當  
住苦不當住樂不當住色我所非我  
所不當於中住痛痒思想生死識我  
所非我所不當於中住色空痛痒思  
想生死識空不當住眼耳鼻舌身意  
空不當住色聲香味細滑法空不當  
住十八種十二因緣生死之患空不  
當住有為无為不當住於本際法不  
當住於色寂然不當住痛痒思想生  
死識寂然不當住色空无慌忽不當

住痛痒思想生死識虛无惛忽六衰  
十八種十二因緣亦復如是復次天  
中天菩薩摩訶薩行般若波羅蜜不  
住無本所以者何其无本者盡無所  
有亦復為空無本无異無本為空无  
有異空無有異空為無本也无本自  
然空空是以无本以是故菩薩摩訶  
薩行般若波羅蜜不住无本色痛痒  
思想生死識不住無本至於諸法及  
諸法界諸寂然法乃至本際亦无所  
住復次天中天菩薩摩訶薩行般若  
波羅蜜不住一切諸摠持門亦不住  
一切諸三昧門所以者何所謂摠持  
門其摠持門亦復為空所謂三昧門  
三昧門者亦復為空三昧門摠持門  
自然為空無有異空自然空者无有  
他空摠持門三昧門本淨本淨空法  
自然空譬如天中天菩薩摩訶薩行  
般若波羅蜜无有遍起拘舍羅謂有  
吾為是我所而念如此則住于色在  
於色中有所造作生死之行住痛痒  
思想生死識而有所造而為行者不  
除造作生死之所因而反受般若波



羅蜜不肯精勤於般若波羅蜜則為不具般若波羅蜜所生之事至於薩芸若譬如天中天菩薩摩訶薩无遍起拘舍羅其心發念吾我是非所色痛痒思想生死識苦樂善惡及摠持門三昧門不能修行摠持之門亦不能順三昧門不能造無想行受般若波羅蜜亦不能精勤於般若波羅蜜以不具足於般若波羅蜜者不能成就薩芸若慧所以者何猶以菩薩摩訶薩行般若波羅蜜无遍起拘舍羅故不當受色不受痛痒思想生死識而彼菩薩反更受色色者本淨了則為空以此言之若受痛痒思想生死識言教本淨亦復為空不受諸摠持門諸三昧門設不受三昧門摠持門則能興立本淨為空亦不受般若波羅蜜緣知本淨為空之故菩薩摩訶薩行般若波羅蜜如是者觀察諸法則本淨空當住是觀不念法我所為行是為菩薩摩訶薩為無所受名曰無受三昧道場具足廣普无有邊無有量一切聲聞辟支佛所不能及復



不受薩芸若猶察內空外亦復空有  
內外空求空亦空則為大空乃為真  
空空有所有空無所有空究竟盡空  
廣遠之空有所造空其本淨空自然  
相空一切諸法空無所有空自然之  
空因從發起自然之空所以者何輒  
趣於化其所化者則為塵勞何謂為  
化何謂為想色則為化痛痒思想生  
死識此便為想十八種十二因緣搖  
持門三昧門是謂塵勞之想當受奉  
行无所寄倚無有所養育聲聞辟支佛  
所不信樂薩芸若何謂信樂信是般  
若波羅蜜篤樂無疑思惟分別觀其  
要誼則无想行亦無想是故不受想  
專一依倚而歡喜樂行於篤信其本  
淨空則便得度不復受色亦不受痛  
痒思想生死識所以者何其相自然  
現在法空所受空者亦無所得所以  
者何其三昧定內不可得者為時慧  
亦不於外亦不內外可得時慧亦無  
所見內外忘空除其因緣猶如外道  
所學所信彼樂此已即於篤信是故  
曰薩芸若以恨諸法計一切法都不

可得所從起者作是信已無有受法者不復想念有所者也亦不能獲无央數法當所受者受與不受亦復不念所可遊居以能修習於一切法無所念者是為菩薩摩訶薩般若波羅蜜亦無去來度無所度而復周遊所由然者用不受色不受痛痒思想生死識於一切法亦無所受亦不受諸摠持門不受諸三昧門於一切法無所起受亦無中間而般涅槃忘以具足十種力四無所畏四分別辯十八不共諸佛之法四意止四意斷四神足念五根五力七覺意八由行所以者何其四意止者止無所止四意斷神足根力覺意八由行亦復如是其所斷者斷無所斷十種力四无所畏四分別辯十八不共諸佛之法覺无痛痒思想生死識至於摠持門諸三昧門等元有異復次天中天菩薩摩訶薩行般若波羅蜜當作是觀何所是般若波羅蜜何以故謂是為般若

波羅蜜誰為此般若波羅蜜何以有是般若波羅蜜用是般若波羅蜜為亦無所得亦无所見亦無所不見是故菩薩摩訶薩般若波羅蜜復次天中天菩薩摩訶薩行般若波羅蜜當作是思惟其无所所有法亦不可得亦無般若波羅蜜舍利弗謂須菩提仁者何所法謂无所所有而不可得荅曰般若波羅蜜法亦無所有亦不可得檀波羅蜜尸波羅蜜羼波羅蜜維逮波羅蜜禪波羅蜜般若波羅蜜亦復如是則無所有亦不可得於內為空於外亦空內外亦空彼空者得致大空至於真空無所有空因其空者至无有空無常亦空惶惶亦空所作事空本淨亦空自然相空一切法空無所有空自然亦空所有自然亦空緣是之故色无所所有亦不可得痛痒思想生死識亦無所有亦不可得其內空者則無所有亦不可得其所有空無所有空自然之空悉無所有亦不可得其四意止悉無所有亦不可得四意斷四神足五根五力七覺意八

由行悉無所有亦不可得十種力四  
無所畏四分別辯十八不共諸佛之  
法悉元所有亦不可得其六神通悉  
無所有亦不可得其元有本者悉無  
所有亦不可得所謂法者而住於法  
若寂然法及察本際悉元所有亦不  
可得所謂佛者悉無所有亦不可得  
薩芸若者悉無所有亦不可得一切  
具慧悉元所有亦不可得其內亦空  
計外亦空內外亦空所有亦空自然  
亦空唯舍利弗菩薩摩訶薩行般若  
波羅蜜作是思惟如是觀察者作是  
思惟已則不可見心心無所著無所  
染汙不恐不懼不畏不難心不懷懼  
則當知是菩薩摩訶薩不離般若  
波羅蜜舍利弗謂須菩提云何菩  
薩摩訶薩知之不離般若波羅蜜須  
菩提謂舍利弗所謂離色者色之自  
然故所謂離痛痒思想生死識者識  
之自然故也所謂離檀波羅蜜檀波  
羅蜜之自然故所謂離尸波羅蜜羂  
波羅蜜惟逮波羅蜜禪波羅蜜般若  
波羅蜜六波羅蜜自然故也所謂離

意止意斷神足根力覺意八由行三十七品之自然故也所謂離十種力四无所畏四分別辯十八不共諸佛之法者諸佛之法自然故也謂離諸捨持門諸三昧門及離本際者本際自然故也舍利弗謂須菩提何謂色自然何謂痛痒思想生死識自然何謂十二因緣三十七品十八不共諸佛之法自然乎須菩提答曰已无所故謂自然色無所有故曰色自然痛痒思想生死識無所有故曰痛痒思想生死識自然無所有至於本際故曰自然舍利弗以是故作此觀者則知離色色之自然則知離痛痒思想生死識之自然五陰六衰十八種十二因緣三十七品十種力四無所畏四分別辯十八不共諸佛之法至所本淨悉无所有故曰本淨自然所謂離色色之本相所謂離痛痒思想生死識痛痒思想生死識之本相一切諸法及諸佛法離本際者本際相故色自然相自然相故謂相自然而得遠離舍利弗謂須菩提其有菩薩摩

訶薩學此法者皆當歸趣薩芸若不  
須菩提謂舍利弗如是如是賢者其  
學此者歸趣薩芸若所以者何一切  
諸法无所起無所滅舍利弗謂須菩  
提何故須菩提一切諸法不起不滅  
答曰舍利弗所謂色者其色則空以  
是之故不起不滅亦不可得痛痒思  
想生死識則為空以是之故不起不  
滅眼耳鼻舌身意色聲香味細滑法  
十八種十二因緣三十七品十種力  
四无所畏四分別辯十八不共諸佛  
之法諸摠持門一切三昧至于本際  
不起不滅亦不可得菩薩摩訶薩行  
般若波羅蜜能如是者則近薩芸若  
假使能近薩芸若者其身口意則自  
然淨諸相清淨自然具足其身口意  
以能清淨具足諸相致清淨者應時  
菩薩即不復起婬怒癡心婬怒癡心  
已清淨者則便无有憍慢恚貪亦不  
復起六十二見諸邪疑貪恚之心  
已不復興則能除於六十二見諸所  
疑意諸所生處不造常見所生之處  
諸佛國土從一佛國遊一佛國教化



衆生嚴淨佛土常懷專一不離諸佛  
世尊至于逮得阿耨多羅三耶三佛  
成至阿惟三佛如是菩薩摩訶薩為  
行般若波羅蜜

光讚經卷第三

戊戌歲高麗國大藏都監奉

勅彫造

光讚經卷第四

鹹

西晉三藏竺法護譯

摩訶般若波羅蜜行品第九

於是賢者須菩提白佛言唯天中天  
假使菩薩摩訶薩無遍起拘舍羅行  
般若波羅蜜若行色者則為行想行  
痛痒思想生死識者則為行想若行  
色常則為行想若行痛痒思想生死  
識常者則為行想若行色无常則為  
行想若行痛痒思想生死識無常則  
為行想若行色苦則為行想若行痛  
痒思想生死識苦則為行想若行色  
樂則為行想若行痛痒思想生死識  
樂者則為行想若行色我所者則為  
行想若行痛痒思想生死識我所者  
則為行想若行色非我所者則為行  
想若行痛痒思想生死識非我所者  
則為行想若行色虛無者則為行想  
若行痛痒思想生死識虛无者則為  
行想若使天中天菩薩摩訶薩行般  
若波羅蜜行色寂寞則為行想行痛  
痒思想生死識寂寞者則為行想假

使天中天菩薩摩訶薩行般若波羅蜜無遍起拘舍羅若行四意止則為行想四意斷四神足五根五力七覺意八由行則為行想若行十種力四无所畏四分別辯十八不共諸佛之法則為行想唯天中天假使菩薩摩訶薩行般若波羅蜜而自念言我行行想假使菩薩摩訶薩心自念言作是行者則為行般若波羅蜜亦為行想是為菩薩摩訶薩行般若波羅蜜无遍起拘舍羅舍利弗問須菩提菩薩摩訶薩當云何行般若波羅蜜得般若波羅蜜須菩提謂舍利弗假使賢者菩薩摩訶薩行般若波羅蜜立色想則不信解若立色者則不脫想為行生死想若行色想則不得脫无明行識六入所更痛愛受有生老病死憂感惱會彼菩薩摩訶薩為不行般若波羅蜜則无遍起拘舍羅立於眼想則不信脫假使菩薩摩訶薩立於耳鼻舌身意想則不信脫設立於眼色識耳聲識鼻香識舌味識身細

滑識意法識想則不信脫若習眼更  
耳鼻舌身意所習更立是諸想則不  
信脫假使立四意止四意斷四神足  
五根五力七覺意八由行想則不信  
脫設立於十種力四無所畏四分別  
辯十八不共諸佛之法想者則不信  
脫而於佛法念行者想念行想者則  
不信脫十二因緣苦惱之患彼菩薩  
摩訶薩不應為聲聞辟支佛造證何  
況速得阿耨多羅三耶三菩阿惟三  
佛乎所不能及也如是舍利弗菩薩  
摩訶薩行般若波羅蜜為无漚起拘  
舍羅舍利弗謂須菩提云何菩薩摩  
訶薩行般若波羅蜜而有漚起拘舍  
羅耶須菩提謂舍利弗設使菩薩摩  
訶薩行般若波羅蜜不行色不行痛  
痒思想生死識不行色想不行痛痒  
思想生死識想不行色常不行痛痒  
思想生死識常不行色无常不行痛  
痒思想生死識无常不行色苦不行  
痛痒思想生死識苦不行色樂不行  
痛痒思想生死識樂不行色我所不  
行痛痒思想生死識我所不行色非

我所不行痛痒思想生死識非我所  
不行色虛无不行痛痒思想生死識  
虛无不行色空不行痛痒思想生死  
識空不行色無想不行痛痒思想生  
死識無想不行色無願不行痛痒思  
想生死識無願不行色寂寞不行痛  
痒思想生死識寂寞不行色无想不  
行痛痒思想生死識無想所以者何  
色者則空色无異空色則為空空者  
為色色自然空痛痒思想生死識空  
則无有識無有異空識則為空空者  
為識四意止四意斷四神足五根五  
力七覺意八由行為空無有異空三  
十七品計則為空無別異空三十  
七品空空者三十七品十種力四無  
所畏四分別辯十八不共諸佛之法  
則為空無有異空佛法則空無他別  
異空空者則法法者則空如是舍利  
弗菩薩摩訶薩行般若波羅蜜為成  
遍起拘舍羅菩薩摩訶薩行般若波  
羅蜜如是者逮得阿耨多羅三耶三  
菩阿惟三佛彼行般若波羅蜜已无  
所受無所行不受不行不行不受不

有所行亦非不行是故無所受亦不  
有所受賢者舍利弗謂須菩提何故  
菩薩摩訶薩行般若波羅蜜已无所  
受須菩提答曰所以菩薩摩訶薩行  
般若波羅蜜自然不可得由是之故  
般若波羅蜜為無所有則為自然以  
是故舍利弗菩薩摩訶薩行般若波  
羅蜜無所受無所行不受不行不行  
不受不有所行亦不非不行是故無  
所受亦不有所受所以者何一切諸  
法為無所有則謂自然是故無所至  
無所犯負是名曰一切不受三昧之  
定菩薩摩訶薩廣普玄遠而无所量  
諸聲聞辟支佛所不能及菩薩摩訶  
薩以是三昧疾得阿耨多羅三耶三  
菩阿惟三佛舍利弗謂須菩提菩薩  
摩訶薩不離是三昧疾得阿耨多羅  
三耶三菩阿惟三佛者復有餘三昧  
乎須菩提答舍利弗復有餘三昧疾  
得阿耨多羅三耶三菩阿惟三佛舍  
利弗謂須菩提何所餘三昧行菩薩  
摩訶薩疾得阿耨多羅三耶三菩阿  
惟三佛須菩提謂舍利弗菩薩摩訶



薩行首楞嚴三昧疾得阿耨多羅三  
耶三菩阿惟三佛須菩提謂舍利弗  
復有三昧名曰寶印復有三昧名曰  
師子娛樂復有三昧名曰月曜復有  
三昧名曰月幢英復有三昧名曰一  
切印復有三昧名曰無能見頂復有  
三昧名曰了法界復有三昧名曰分  
別幢英復有三昧名曰喻金剛復有  
三昧名曰入法印復有三昧名曰立  
定意王復有三昧名曰印王復有三  
昧名曰勢力精進復有三昧名曰超  
等復有三昧名曰入應順分別復有  
三昧名曰入辯於十方界復有三昧  
名曰摠持意復有三昧名曰度无為  
復有三昧名曰等御諸法海印復有  
三昧名曰普周虛空復有三昧名金  
剛道場復有三昧名曰執英幢復有  
三昧名曰帝英如門闍復有三昧名  
曰起本復有三昧名曰師子吼復有  
三昧名曰精進立復有三昧名曰勝  
寶復有三昧名曰照明復有三昧名曰  
不眴復有三昧名曰不住於下復有  
三昧名曰決了復有三昧名曰燈明

廣普復有三昧名曰無量行復有三昧名曰光造復有三昧名曰有所照曜復有三昧名曰莊嚴淨復有三昧名曰離垢光復有三昧名曰有所造樂復有三昧名曰電燈明復有三昧名曰盡索復有三昧名曰威神跡復有三昧名曰離盡索復有三昧名曰无能勝復有三昧名曰開通復有三昧名曰燈明復有三昧名曰離燈垢復有三昧名曰嚴淨辯才復有三昧名曰有所光耀復有三昧名曰造事復有三昧名曰慧英復有三昧名曰住惟復有三昧名曰普明復有三昧名曰善立復有三昧名曰寶積復有三昧名曰超諸法印復有三昧名曰普法復有三昧名曰勝娛樂復有三昧名曰度法頂復有三昧名曰有所毀壞復有三昧名曰一切明句復有三昧名曰等字所作復有三昧名曰趣字復有三昧名曰斷因緣復有三昧名曰无事復有三昧名曰無牆復有三昧名曰決了入号復有三昧名曰无卑行復有三昧名曰除冥復有三

昧名曰修行跡復有三昧名曰無動  
復有三昧名曰廣界復有三昧名曰  
次一切德復有三昧名曰住無心復  
有三昧名曰淨於嚴整復有三昧名  
曰度覺意復有三昧名曰无量燈明  
復有三昧名曰等不等復有三昧名  
曰度一切復有三昧名曰斷諸事復  
有三昧名曰離意了除復有三昧名  
曰離建立復有三昧名曰一勝復有  
三昧名曰行諸事復有三昧名曰一  
事復有三昧名曰除恚事復有三昧  
名曰滅諸所有不當復有三昧名曰  
入隨因緣音復有三昧名曰聲跡言  
无盡度復有三昧名曰威神跡復有  
三昧名曰光耀熾盛復有三昧名曰  
清淨樹復有三昧名曰清證而閑復  
有三昧名曰一切勝復有三昧名曰  
不樂一切諸苦樂復有三昧名曰無  
盡事復有三昧名曰捻持句復有三  
昧名曰等於正邪師子座復有三昧  
名曰入響離響復有三昧名曰無響  
得響復有三昧名曰離垢明復有三  
昧名曰御跡復有三昧名曰滿月離

垢光復有三昧名曰電錠光復有三  
昧名曰大嚴淨復有三昧名曰普照  
世間復有三昧名曰普定意復有三  
昧名曰應無染離染復有三昧名曰  
御空一切等御復有三昧名曰元青  
不青寶復有三昧名曰立無本念復  
有三昧名曰身時第一復有三昧名  
曰言時除空念復有三昧名曰脫虛  
空導滅護舍利弗菩薩摩訶薩行是  
諸三昧疾得阿耨多羅三耶三菩阿  
惟三佛及餘不可計會无有限量諸  
三昧門諸捻持門菩薩摩訶薩所當  
學者疾逮得阿耨多羅三耶三菩阿  
惟三佛於是須菩提承佛聖旨而歎  
頌曰舍利弗欲知往古怛薩阿竭阿  
羅訶三耶三佛則為授此等菩薩摩  
訶薩決及今現在十方世界諸現在  
怛薩阿竭阿羅訶三耶三佛悉已授  
此諸菩薩摩訶薩決其行是三昧者  
彼不見三昧亦不念三昧亦無所三  
昧亦不想我當三昧吾當三昧乎亦  
不念我空三昧是菩薩摩訶薩无想  
念舍利弗謂須菩提菩薩摩訶薩住

是三昧為住古三耶三佛所授決乎  
答曰不也舍利弗所以者何唯舍利  
弗般若波羅蜜三昧不為異也菩薩  
摩訶薩亦不為異菩薩摩訶薩則為  
三昧三昧則為菩薩摩訶薩舍利弗  
謂須菩提如仁者所云菩薩摩訶薩  
般若波羅蜜及諸三昧不為各異菩  
薩則三昧三昧則菩薩一切法皆平  
等則不知三昧以是故舍利弗於是  
三昧善男子亦不知亦不了舍利弗  
又問何故知不了用無明故而為  
三昧以是故菩薩知不了今時世  
尊讚賢者須菩提善哉善哉須菩提  
如吾讚仁行空第一歎之取尊菩薩  
摩訶薩學般若波羅蜜當如是檀波  
羅蜜尸波羅蜜羼波羅蜜逮波羅  
蜜禪波羅蜜般若波羅蜜四意止四  
意斷四神足五根五力七覺意八由  
行十種力四无所畏四分別辯十八  
不共諸佛之法舍利弗白佛言菩薩  
摩訶薩學如是為學般若波羅蜜乎  
佛言如是菩薩摩訶薩如是學為學  
般若波羅蜜所學者亦无所得檀波

羅蜜尸波羅蜜屬轉波羅蜜惟逮波羅  
蜜禪波羅蜜般若波羅蜜亦復如是  
四意止四意斷四神足五根五力七  
覺意八由行十種力四無所畏四分  
別辯十八不共諸佛之法自然具足  
雖有所得亦无所得舍利弗白佛言  
菩薩摩訶薩學如是作是學為學般  
若波羅蜜得般若波羅蜜乎佛言如  
是學為學般若波羅蜜得无所得舍  
利弗白佛云何得無所得世尊答曰  
不得吾我亦不得人壽命亦不得所  
見五陰究竟本末普悉清淨亦不得  
見也陰種諸入本末究竟如是悉清  
淨亦不得無明之原本末究竟而悉  
清淨行識六入名色所更痛愛受有  
生老病死本末究竟而悉清淨苦无  
所得本末究竟而悉清淨習盡之路  
亦不可得本末究竟而悉清淨欲界  
亦不可得本末究竟而悉清淨色界  
無色界亦不可得本末究竟而悉清  
淨四意止四意斷四神足五根五力  
七覺意八由行十種力四无所畏四  
分別辯十八不共諸佛之法亦不可



得本末究竟而悉清淨六波羅蜜亦不可得本末究竟而悉清淨須陀洹斯陀含阿那含阿羅漢辟支佛亦不可得本末究竟而悉清淨菩薩亦不可得本末究竟而悉清淨舍利弗白佛言何所清淨世尊荅曰无所起无所生無所得無所行則為清淨舍利弗言唯然世尊菩薩摩訶薩如是學者為學何法佛言菩薩摩訶薩學如是者為學无所學法所以者何舍利弗是諸法者計其所有而愚凡夫之所倚立舍利弗白佛言唯然世尊誰致是法佛言如無所得以是故得如是逮者故曰無所逮又問世尊誰无所得而有所得佛言色无所得其内亦空外亦復空内外亦空所謂所有自然无有而悉為空色痛痒思想生死識亦無内無外亦无内外所有自然无有患空四意止四意斷四神足五根五力七覺意八由行十種力四無所畏四分別辯十八不共諸佛之法亦無内亦無外亦無内外所有自然无有

志空彼愚凡夫從无明教依倚著愛  
而有想念以依無明明為兩盲俱則  
為不知而无所見已不知不見彼則  
思想不可得法倚於名色又復依倚  
著於佛法已有所倚而欲了知无所  
有法故不知不見何謂不知不見色  
痛痒思想生死識亦不知不見十二  
入十八種三十七品十二因緣十種  
力四无所畏四分別辯十八不共諸  
佛之法亦復不知不見由是之故名  
曰為愚彼不捨施何所不捨不捨欲  
界不捨色界不捨無色界不捨聲聞  
辟支佛地則不篤信何所不信不信  
色空不信痛痒思想生死識空不信  
十二入十八種十二因緣三十七品  
十種力四无所畏四分別辯十八不  
共諸佛之法為空不能建立不建立  
檀波羅蜜尸波羅蜜羣波羅蜜惟逮  
波羅蜜禪波羅蜜般若波羅蜜不住  
阿惟越致地復不建立諸佛之法以  
是之故名曰為愚有所倚著眼耳鼻  
舌身意倚著諸種諸陰入倚著依求  
於婬怒癡倚著依慕諸疑邪見倚著

依慕於佛道也舍利弗白佛言菩薩摩訶薩作是學為不學般若波羅蜜乎不生薩芸若耶佛言菩薩摩訶薩作是學般若波羅蜜不得薩芸若舍利弗白佛言唯然世尊菩薩摩訶薩作是學不得薩芸若佛告舍利弗是菩薩摩訶薩作是學般若波羅蜜无漚起拘舍羅有所思想有所依倚檀波羅蜜尸波羅蜜羣波羅蜜惟逮波羅蜜禪波羅蜜般若波羅蜜而反想求依倚六波羅蜜三十七品十種力四无所畏四分別辯十八不共諸佛之法而復想求薩芸若慧已想求薩芸若而依倚是故舍利弗菩薩摩訶薩不學般若波羅蜜不得薩芸若慧舍利弗白佛言菩薩摩訶薩作是學般若波羅蜜為不學般若波羅蜜為不行薩芸若慧乎佛言如是舍利弗作是學般若波羅蜜為不得薩芸若舍利弗問唯天中天菩薩摩訶薩當云何學般若波羅蜜而隨順學得薩芸若慧佛告舍利弗假使菩薩摩訶薩行般若波羅蜜不見般若波羅蜜

如是菩薩摩訶薩為行般若波羅蜜  
為學般若波羅蜜得薩芸若慧得无  
所得无所得無所得亦復不得檀波  
羅蜜尸波羅蜜羂波羅蜜惟逮波羅  
蜜禪波羅蜜般若波羅蜜亦不得須  
陀洹斯陀舍阿那含阿羅漢辟支佛  
菩薩佛亦不復得薩芸若如是舍利  
弗菩薩摩訶薩作是行為行般若波  
羅蜜為學般若波羅蜜得薩芸若得  
無所得舍利弗白佛言何謂无所得  
世尊答曰於內亦空於外亦空內外  
亦空一切法空

摩訶般若波羅蜜幻品第十一

於是賢者須菩提白佛言唯然世尊  
假使問者此幻士學般若波羅蜜欲  
得薩芸若問者如此以何報答又斯  
幻士學檀波羅蜜尸波羅蜜羂波羅  
蜜惟逮波羅蜜禪波羅蜜欲用逮得  
薩芸若慧學四意止四意斷四神足  
五根五力七覺意八由行欲用逮得  
薩芸若慧又學薩芸若慧欲以逮得  
薩芸若假使來問如此誼者以何報  
答佛告須菩提我故問汝於須菩提

意云何從其所知而報答吾於須菩提  
意云何色異乎幻異乎痛痒思想生  
死識異乎幻異耶須菩提答曰不也  
天中天於須菩提意云何幻為異乎  
眼復異乎耳鼻舌身意異乎幻復異  
乎眼色識耳聲識鼻香識舌味識身  
細滑識意法識異乎幻復異耶所習  
因緣痛痒之樂異乎幻復異耶答曰  
不也天中天於須菩提意云何四意  
止異乎幻復異耶四意斷四神足五  
根五力七覺意八由行異乎幻復異  
耶空無想無願異乎幻復異耶答曰  
不也天中天於須菩提意云何幻為  
異乎十種力四無所畏四分別辯十  
八不共諸佛之法復為異耶答曰不  
也天中天於須菩提意云何幻為異  
乎道復異耶答曰不也天中天幻不  
為異色亦不異色則為幻幻則為色  
唯天中天幻不為異痛痒思想生死  
識亦不為異識則為幻幻則為識唯  
天中天幻不為異眼耳鼻舌身心亦  
不為異幻則為眼眼則為幻眼色識  
耳聲識鼻香識舌味識身細滑識意



法識識則為幻幻則為識所習因緣

痛痒之樂不為異也痛樂則幻幻則

痛樂唯天中天幻不為異四意止亦

不異四意止則為幻幻則四意止意

斷神足根力覺意由行則為幻幻則

由行唯天中天十種力四無所畏四

分別辯十八不共諸佛之法法則為

幻幻則為法於須菩提意云何所謂

幻者為有塵垢及瞋恨乎答曰不也

天中天於須菩提意云何所謂幻者有

所起有所滅乎答曰不也天中天於

須菩提意云何其不起不滅者彼學

般若波羅蜜已逮得薩芸若慧獲致

一切大哀乎答曰不也天中天於須

菩提意云何於此興乎所知思想從

習俗教因五盛陰為菩薩乎答曰如

是唯天中天於須菩提意云何有知

思想隨其習俗而發言教以五盛陰

而有所起而有所滅寧可復得塵勞

瞋恨答曰不也天中天於須菩提意

云何其無思想无習俗無所言教无

所興立無有名号無身无身事無言

無言事無意无意事不起不滅无有



塵勞无有瞋恨又以此事學般若波  
羅蜜成薩芸若乎答曰不也天中天  
佛言如是須菩提菩薩摩訶薩作是  
學般若波羅蜜成薩芸若者則无所  
有須菩提白佛言菩薩摩訶薩當作  
是學般若波羅蜜及學阿耨多羅三  
耶三菩若欲學者當如學幻所以者  
何唯天中天當觀五陰亦如幻士於  
須菩提意云何又此五陰學般若波  
羅蜜成薩芸若慧聖答曰不也天中  
天所以者何其五陰者自然无所  
其有自然無所有者亦不可得又問  
於須菩提意云何自然之喻五陰如  
夢學般若波羅蜜成薩芸若乎答曰  
不也天中天所以者何計於夢者自  
然无所其為自然無所有者則不  
可得於須菩提意云何呼聲之響喻  
於五陰又復譬如水影野馬所化之  
喻譬如五陰學般若波羅蜜逮成薩芸  
若耶答曰不也天中天所以者何其  
呼聲響水影野馬所化自然无所  
其為自然無所有者則不可得所以  
者何唯天中天分別了色猶如幻也

痛痒思想生死識及十八種六根五陰及五盛陰自然如夢唯天中天色痛痒思想生死識十八種六根五盛陰猶如夢也於內則空了不可得而無自然則為空矣了不可得須菩提白佛言今說於此般若波羅蜜新學大乘菩薩摩訶薩聞斯說者得无恐懼畏難懷懷佛告須菩提假使新學大乘菩薩摩訶薩於般若波羅蜜不解漚起拘舍羅者不親善師或恐或怖或懷畏懷須菩提問佛言唯天中天何謂菩薩摩訶薩善師行般若波羅蜜有漚起拘舍羅菩薩摩訶薩不恐不怖而不懷懷佛言此菩薩摩訶薩行般若波羅蜜志在專精於薩芸若慧不觀色无常色亦不可得不觀痛痒思想生死識無常識亦不可得志觀薩芸若不察无常亦不可得是菩薩摩訶薩行般若波羅蜜有漚起拘舍羅復次須菩提菩薩摩訶薩志在薩芸若慧不觀色苦亦不得色不觀痛痒思想生死識苦亦不得識不觀色是我所亦不得我所不觀痛痒

思想生死識是我所亦不得我所不  
觀色非我所亦不得非我所不觀痛  
痒思想生死識非我所亦不得非我  
所復次須菩提菩薩摩訶薩志學薩  
芸若觀於色空亦不得空觀痛痒思  
想生死識空亦不得空不觀色有常  
亦不得常不觀痛痒思想生死識有  
常亦不得常不觀色非常亦不得无  
常不觀痛痒思想生死識非常亦不  
得无常觀色寂寞亦不得色寂寞觀  
痛痒思想生死識寂寞亦不得識寂  
寞觀色虚无亦不得色虛無觀痛痒  
思想生死識虛无亦不得識虛无是  
為菩薩摩訶薩行般若波羅蜜有溫  
恕拘舍羅復次須菩提菩薩摩訶薩  
不觀无常亦無所得苦空無我非身  
亦无所得不觀無常亦无所得空無  
想無願寂寞虛无亦無所得痛痒思  
想生死識不觀無常亦無所得眼耳  
鼻舌身意色聲香味細滑法不觀无  
常亦无所得非常苦空無我非身空  
無想無願寂然虛无觀於斯事了无所  
得彼為衆生如此意吾為一切衆生

之類說無常法為顛倒施令不迷惑  
又分別法為苦无我空無想无願寂  
寞虚无為顛倒者令不迷惑是菩薩  
摩訶薩行般若波羅蜜有迴想拘舍  
波羅蜜學行薩芸若慧思惟其誼不  
觀色无常不墮顛倒亦無所得不  
觀痛痒思想生死識無常不墮顛倒  
亦无所得無苦无我為空空無想无  
願寂寞虚无不令顛倒亦無所得色  
痛痒思想生死識離四非常空无想  
无所得假使在於薩芸若慧念此不  
捨此則菩薩摩訶薩惟逮波羅蜜菩  
薩摩訶薩行般若波羅蜜時志不思  
惟聲聞辟支佛事亦不聽志勸隨其  
行是為菩薩摩訶薩行禪波羅蜜不  
恐不怖亦不畏懼復次須菩提菩薩  
摩訶薩行般若波羅蜜當造斯觀不  
用色空而為空也色則為空空者則  
色痛痒思想生死識不專為空色者  
則空識自然識空者為識眼不專空  
眼自然空眼者則空空者則眼不專

為空耳聲識鼻香識舌味識身細滑  
識意法識不專空識自然空識者則  
空空者則識所習因緣痛痒之樂則  
為空矣所習因緣痛痒之樂自然為  
空所習因緣痛痒之樂觀之則空其  
心自空所習因緣痛痒之樂則亦為  
空其四意止不專為空四意止空故  
由是為空其四意止自然為空四意  
斷四神足五根五力七覺意八由行  
不專為空三十七品則自然空者則  
三十七品三十七品則空十種力四  
無所畏四分別辯十八不共諸佛之  
法不專為空則自然空空者則為佛  
法則空空者則法是為菩薩摩訶薩  
行般若波羅蜜不恐不怖亦不畏懷  
須菩提白佛言何所菩薩摩訶薩善  
師說般若波羅蜜有所擁護聞之不  
恐不怖不懷不畏於是須菩提菩薩  
摩訶薩善師為其說法不論色不常  
色亦不可得亦無所著以是德本不  
以勸助令立聲聞辟支佛地唯學薩  
芸若慧是菩薩摩訶薩善師色痛痒  
思想生死識不說无常亦不可得亦

无所著以是德本不用勸助令立聲聞辟支佛地常建立之薩芸若慧復次須菩提菩薩摩訶薩善師者為說經法不論色苦色不可得亦无所著痛痒思想生死識不可得亦无所著色我所非我所痛痒思想生死識我所非我所不可得亦无所著又為說法論色空无想無願不可得亦无所著痛痒思想生死識空無想无願不可得亦无所著眼耳鼻舌身意不可得亦无所著色聲香味細滑法及十八種我所非我所不可得亦无所著復次須菩提菩薩摩訶薩善師者為其說法論色寂寞虚无不可得亦无所著痛痒思想生死識寂寞空無不可得亦无所著以是德本不用勸助於聲聞辟支佛地常以勸助薩芸若慧是謂須菩提菩薩摩訶薩善師又復講說眼寂寞虚无不可得亦无所著耳鼻舌身意寂寞虚无不可得亦无所著色聲香味細滑法寂寞虚无不可得亦无所著眼之所習因緣痛痒說法無常眼色識耳聲識鼻香識



舌味識身細滑識意法識所習因緣  
痛痒之樂說无常法寂寞虛無不可  
得亦無所著以此德本不用勸助於  
聲聞辟支佛地常以建立薩芸若慧是  
菩薩摩訶薩善師復次須菩提菩薩  
摩訶薩善師為人說法不論无常四  
意止四意斷四神足五根五力七覺  
意八由行其所行者无苦無我為空  
空无想無願寂寞虛無雖說此法不  
可得亦無所著以此德本不用勸助  
於聲聞辟支佛地常以建立薩芸若  
慧是菩薩摩訶薩善師復次須菩提  
菩薩摩訶薩善師為人說法十種力  
四无所畏四分別辯十八不共諸佛  
之法不論無常苦空非身空无想無  
願寂寞虛无而不可得亦無所著是  
菩薩摩訶薩善師以此德本不用勸  
助於聲聞事辟支佛地常以建立薩  
芸然慧是菩薩摩訶薩善師復次須  
菩提菩薩摩訶薩善師為人講法  
現說色無常苦空非身痛痒思想生  
死識無常苦空非身現說眼耳鼻舌  
身意無常苦空非身色聲香味細滑

法无常苦空非身眼色識耳聲識鼻  
香識舌味識身細滑識意法識無常  
苦空非身現說無明无常苦空非身  
行識名色六入所更痛愛受有生老  
病死無常苦空非身色我所非我所  
寂寞虛无痛痒思想生死識我所非  
我所空無想无願寂寞虛无雖說  
此法以開化人而无所得亦無所著  
以此德本不用勸助於聲聞事辟支  
佛地常以建立薩芸然慧是菩薩摩  
訶薩善師復次須菩提菩薩摩訶薩  
為人說經法現論四意止四意斷四  
神足五根五力七覺意八由行無常  
苦空非身空无想無願是我所非我  
所寂寞虛无以此德本不用勸助於  
聲聞事辟支佛地常以建立薩芸若  
慧是菩薩摩訶薩善師復次須菩提  
菩薩摩訶薩為人說法現論十種力  
四无所畏四分別辯十八不共諸佛  
之法色無常苦空非身痛痒思想生  
死識無常苦空非身我所非我所空  
無想無願寂寞虛无以此功德本不  
用勸助於聲聞辟支佛地常以建立

薩芸若慧是菩薩摩訶薩善師於是  
須菩提白佛言何謂菩薩摩訶薩於  
般若波羅蜜無滯起拘舍羅親近惡  
師而聞說此般若波羅蜜或恐或怖  
而心畏懼世尊告須菩提曰是菩薩  
摩訶薩離薩芸若行而不親近般若  
波羅蜜假使遇此般若波羅蜜而心  
著念禪波羅蜜惟逮波羅蜜羣波羅  
蜜尸波羅蜜以檀波羅蜜逮得所施  
而以念著檀波羅蜜是菩薩摩訶薩  
惡師復次須菩提菩薩摩訶薩離薩  
芸若而不思惟念著內色而想為空  
謂色无有自然念之為空痛痒思想  
生死識念著內空而謂識無有自然  
想念於空又得內色無有自然想著  
於空已想著空謂有所得念眼內空  
自然無有自然為空又覩得空想念  
逮致是菩薩摩訶薩惡師復次須菩  
提菩薩摩訶薩離於薩芸若亦不肯  
於諸通慧而反於內念色為空色无  
所有念著思惟色自然空痛痒思想  
生死識念於內空志於識想而無所  
有念自然空而於內空得內外空至

無所有自然之空有所獲致想念所得念眼內空至无所有自然為空念逮於空想有所得耳鼻舌身意亦復如是念於內空思惟著想於无所有自然得空是菩薩摩訶薩惡師復次須菩提菩薩摩訶薩行般若波羅蜜思四意止而得四意止即自念著而獲於斯四意斷四神足五根五力七覺意八由行得三十七品即自念著而獲於斯是菩薩摩訶薩惡師復次須菩提菩薩摩訶薩行十種力四無所畏四分別辯十八不共諸佛之法自謂逮得諸佛之法已有望想離薩芸若心所當惟念是菩薩摩訶薩行般若波羅蜜无漚起拘舍羅聞說般若波羅蜜或恐或怖而心懷懷於是須菩提白佛言唯天中天云何菩薩摩訶薩而為惡師之所攝錄隨惡師教聞說般若波羅蜜或恐或怖而心懷懷佛告須菩提於是須菩提菩薩摩訶薩惡師制止行者令不得學般若波羅蜜禪波羅蜜惟逮波羅蜜羣波羅蜜尸波羅蜜檀波羅蜜而反教

之不當教此六波羅蜜是非但薩阿  
竭阿羅訶三耶三佛所說人所合禍  
橫作此經不當聽是不當受持諷誦  
讀已不當思惟為他人說是菩薩摩  
訶薩惡師復次須菩提菩薩摩訶薩  
惡師者而不肯為分別覺事不令觀  
見魔之瑕穢於是弊魔波旬化作佛  
像而即往詣菩薩摩訶薩所而抑制  
之令不修學六波羅蜜言善男子用  
為學此般若波羅蜜用為學此禪波  
羅蜜惟逮波羅蜜羣波羅蜜尸波羅  
蜜檀波羅蜜何為奉行當知是菩薩  
摩訶薩惡師復次須菩提於時弊魔  
化作佛像為菩薩摩訶薩說聲聞辟  
支佛經而為講論當捐施與為分別  
解誼理所趣敷演美辭令離菩薩摩  
訶薩大乘之法墮於聲聞辟支佛地  
當知是菩薩摩訶薩惡師復次須菩  
提於是弊魔化作佛像往詣菩薩摩  
訶薩所而謂之言唯善男子今仁所  
學非為道心非阿惟越致卿之所學  
終不逮阿耨多羅三耶三菩阿惟三  
佛如是色像魔之罪緣不能觀察亦

不覺了知是菩薩摩訶薩惡師復次  
須菩提菩薩摩訶薩為精進行於時  
弊魔化作佛像往詣菩薩摩訶薩所  
而謂之言善男子知眼則為空便是  
吾許亦是我身耳鼻舌身意則亦為  
空便是吾許亦是我身為說經法色  
則為空色是吾許亦是我身痛痒思  
想生死識是吾許亦是我身色聲香  
味細滑法是吾許亦是我身眼所習  
者因緣痛痒計則為空謂是吾許亦  
是我身耳鼻舌身意所習因緣痛痒  
之樂十八種計則為空謂是吾身許  
亦是我身檀波羅蜜尸波羅蜜羼波  
羅蜜惟逮波羅蜜禪波羅蜜般若波  
羅蜜計則為空謂是吾許亦是我身  
四意止四意斷四神足五根五力七  
覺意八由行計則為空謂是吾許亦  
是我身十種力四無所畏四分別辯  
十八不共諸佛之法計則為空謂是  
吾許亦是我身用此求慕阿耨多羅  
三耶三菩阿惟三佛乎其不分別如  
是色像魔之所興所分別說亦不覺  
了如是菩薩摩訶薩惡師復次須菩



提弊魔復變化作佛像往詣菩薩摩訶薩所言善男子東方諸佛世尊及諸菩薩聲聞辟支佛亦无諸佛聲聞辟支佛及與十方世界其如是輩與魔事者不能分別亦不識知不能覺了當知是菩薩摩訶薩惡師弊魔波旬復化作聲聞像往詣菩薩摩訶薩所而謂之言此輩往古皆學精進薩芸若慧思惟空事亦復修學聲聞辟支佛事思惟分別而見教授不為分別如是魔事當知是菩薩摩訶薩為惡師復次須菩提弊魔波旬化作和上形體被服往詣菩薩摩訶薩所為菩薩行空寂志於精進薩芸若慧思空寂寞色痛痒思想生死識為空寂寞眼耳鼻舌身意亦空寂寞十八種十二因緣四意止四意斷四神足五根五力七覺意八由行亦復寂寞十種力四无所畏四分別辯十八不共諸佛之法亦復寂寞空无想無願而為教授善男子覺了是法在聲聞地何所造求不如於是自求滅度用阿耨多羅三耶三菩阿惟三佛乎當知

是菩薩摩訶薩惡師復次須菩提善  
薩摩訶薩惡師者弊魔波旬化作父  
母形像往詣菩薩摩訶薩所而謂之  
言此善男子已得證須陀洹果斯陀  
含果阿那含果阿羅漢果而精進行  
阿耨多羅三藐三菩提阿惟三佛乃  
往古世不可計會无央數劫周旋生  
死布施手足而修精進不為分別如  
是色像无所益誼當知是菩薩摩訶薩  
惡師復次須菩提菩薩摩訶薩以是  
比像觀其惡師已逮見者以得見者  
而遠離之為分別說苦空无常非身  
無想無願則為寂寞為其分別顛倒  
之事有所思惟四意止四意斷神足  
根力覺意由行亦無所得十種力四  
无所畏四分別辯十八不共諸佛之  
法不為解說如是之法魔所興事而  
不分別當知是菩薩摩訶薩惡師是  
菩薩摩訶薩所以惡師有十二緣常  
當棄之何況其餘

光讚經卷第四

己亥歲高麗國大藏都監奉

勅彫造

光讚經卷第五

正覺三藏竺法護譯

摩訶般若波羅蜜摩訶薩品第十一

於是賢者須菩提白佛言唯然天中  
天何故号菩薩之誼何所趣乎佛告  
須菩提無誼之句為菩薩号所以者  
何其菩薩者無有句跡無有吾我故  
曰無句誼為菩薩号譬如須菩提飛  
鳥飛虛空中无有足跡如是須菩提  
欲求菩薩無有句誼譬如夢中無足  
跡如是須菩提欲求菩薩句誼而无  
所取譬如幻變野馬呼響現影如來  
之化無有足跡如是須菩提欲求菩  
薩無有句誼譬如須菩提其无本者  
無有足跡又察法界則亦無本其法  
法者亦復寂然無有足跡如是菩薩  
无有句誼譬如本際無有句誼須菩  
提菩薩者無有句誼譬如幻師所化  
作人彼無足跡化人無色痛痒思想  
生死識如是須菩提菩薩行般若波  
羅蜜為菩薩者無有句誼譬如幻士  
無有眼耳鼻舌身意亦復如是心無

跡色聲香味細滑法亦復如是無有  
菩薩之句誼也譬如須菩提欲求內  
空无有行跡菩薩摩訶薩行般若波  
羅蜜察其菩薩无有句誼我所非我  
所苦樂善惡若有不有自然空其所  
行者無有行跡菩薩摩訶薩行般若  
波羅蜜不能逮得菩薩句誼譬如幻  
士化現四意上四意斷四神足五根  
五力七覺意八由行十種力四無所  
畏四分別辯一八不共諸佛之法无  
有足跡如是須菩提菩薩摩訶薩行  
般若波羅蜜無有菩薩之句誼也譬  
如怛薩阿竭阿羅訶三耶三佛所現  
色像无有足跡如是須菩提菩薩摩  
訶薩行般若波羅蜜則无有菩薩句  
誼譬如須菩提怛薩阿竭阿羅訶三耶  
三佛无有內空之足跡也如是須菩  
提无菩薩句誼也譬如須菩提我所  
非我所苦樂善惡及其所有自然空  
者無有足跡如是須菩提菩薩摩訶  
薩无有菩薩之句誼也譬如須菩提  
菩薩摩訶薩行般若波羅蜜无菩薩  
句誼譬如須菩提怛薩阿竭無四意

止四意斷四神足五根五力七覺意  
八由行十種力四无所畏四分別辯  
十八不共諸佛之法如是須菩提菩  
薩摩訶薩行般若波羅蜜如是无有  
菩薩之句誼也譬如須菩提無為之  
界其无為界無有足跡有為界有為  
界無有足跡如是須菩提菩薩摩訶  
薩行般若波羅蜜亦復如是无菩薩  
之句誼也譬如須菩提無所生者无  
有足跡如是菩薩摩訶薩行般若波  
羅蜜亦復如是无有菩薩之句誼也  
譬如所滅者無有足跡菩薩摩訶薩  
行般若波羅蜜亦復如是無有菩薩  
之句誼也亦无有行無所作者無有  
足跡菩薩摩訶薩行般若波羅蜜亦  
復如是无有菩薩之句誼也譬如不可  
得者無有塵勞无有瞋恨無有足跡  
菩薩摩訶薩行般若波羅蜜亦復如  
是无有菩薩之句誼也譬如無所起  
者不有處所無有足跡菩薩摩訶薩  
行般若波羅蜜亦復如是無有菩薩  
之句誼也譬如無有諍訟不為瞋恨  
无有足跡菩薩摩訶薩行般若波羅

蜜亦復如是。无有菩薩之句。誼也。須  
菩提白佛言。何謂无有色而無所起。  
無有足跡。佛言。色無所起。痛痒思想。  
生死識。無所起。則無足跡。菩薩摩訶  
薩行般若波羅蜜。亦復如是。无有菩  
薩之句。誼也。辟如色者。無有塵勞。亦  
无瞋恨。無有足跡。痛痒思想。生死識。  
無有塵勞。亦無瞋恨。无有足跡。菩薩  
摩訶薩行般若波羅蜜。亦復如是。無  
有菩薩之句。誼也。辟如眼耳鼻舌身  
意。色聲香味細滑法。諸種。裹入本无  
所趣。無有足跡。菩薩摩訶薩行般若  
波羅蜜。亦復如是。无有菩薩之句。誼  
也。辟如四大六表之入。无有塵勞。瞋  
恨。亦無足跡。菩薩摩訶薩行般若波  
羅蜜。亦復如是。無有菩薩之句。誼也。  
辟如四意止。四意斷。四神足。五根。五  
力。七覺意。八由行。無有足跡。菩薩摩  
訶薩行般若波羅蜜。亦復如是。无有  
菩薩之句。誼也。辟如十種力。四無所  
畏。四分別辯。十八不共。諸佛之法。無  
有足跡。菩薩摩訶薩行般若波羅蜜。  
亦復如是。無有菩薩之句。誼也。辟如



四意止自然究竟無有能為致清淨者菩薩摩訶薩行般若波羅蜜亦復如是無有菩薩之句誼也譬如四意止四意斷四神足五根五力七覺意八由行自然究竟無有能為致清淨者菩薩摩訶薩行般若波羅蜜亦復如是無有菩薩之句誼也譬如十種力四无所畏四分別辯十八不共諸佛之法自然究竟無有能為致清淨者菩薩摩訶薩行般若波羅蜜亦復如是無有菩薩之句誼也譬如身清淨者則无所有其吾我者虚无有實菩薩摩訶薩行般若波羅蜜亦復如是無有菩薩之句誼也譬如無知无見則為清淨无有足跡用無知无見虚無无有菩薩摩訶薩行般若波羅蜜亦復如是無有菩薩之句誼也譬如日之宮殿在於虚空照于衆冥无有足跡菩薩摩訶薩行般若波羅蜜亦復如是無有菩薩之句誼也譬如火起劫燒壞時天地灰盡一切万物悉無遺餘不知足跡之所趣菩薩摩訶薩行般若波羅蜜亦復如是無有菩薩之

句誼也譬如怛薩阿竭阿羅訶三耶  
三佛遵于戒法無有毀禁菩薩摩訶  
薩行般若波羅蜜亦復如是无有菩  
薩之句誼也譬如怛薩阿竭阿羅訶  
三耶三佛有三昧定志無憤亂菩薩  
行般若波羅蜜亦復如是无有菩薩  
之句誼也譬如怛薩阿竭志妙智慧  
無有邪知之足跡菩薩摩訶薩行般  
若波羅蜜亦復如是无有菩薩之句  
誼也譬如怛薩阿竭而得解脫無有  
不脫之足跡菩薩摩訶薩行般若波  
羅蜜亦復如是无有菩薩之句誼也  
譬如怛薩阿竭度知見慧無有不度  
知見慧之足跡菩薩摩訶薩行般若  
波羅蜜亦復如是无有菩薩之句誼  
也譬如怛薩阿竭之光明日月光明  
俱无足跡菩薩摩訶薩行般若波羅  
蜜亦復如是無有菩薩之句誼也譬  
如四大天王忉利天焰天兜率天所  
有光明無有足跡菩薩摩訶薩行般  
若波羅蜜亦復如是無有菩薩之句  
誼也譬如尸摩羅天波羅尼蜜天及  
于魔界光明與怛薩阿竭光明俱無

足跡菩薩摩訶薩行般若波羅蜜亦復如是無有菩薩之句誼也譬如梵天梵迦夷天梵具天梵天有光天少光天無量光天光陰天清淨天少淨天无量淨天難及淨天善見天所見善天於是見天一善天所有光明如來光明復無足跡菩薩摩訶薩行般若波羅蜜亦復如是無有菩薩之句誼也所以者何須菩提其為道心及菩薩者其為菩薩之句誼号於一切法无順不順無應不應無有不有无色不見亦無所取則為一相謂无有相菩薩摩訶薩於一切法而無所著學當作是學菩薩摩訶薩於一切法不當覺知一切法誼須菩提白佛言唯天中天何謂一切法何謂菩薩摩訶薩於一切法而无所著而當學者云何菩薩摩訶薩不當覺了於諸法義佛告須菩提所謂一切法者謂諸善事若不善事所可分別世間事度世事所有諸漏无有諸漏有為无為其有怨敵無有怨敵是謂須菩提為一切法菩薩摩訶薩於是諸法不當

有著因當學矣。是為菩薩摩訶薩解一切法而無覺知。須菩提白。佛言。唯天中天。何所善法在世間者。乎。佛告。須菩提。其善法者。處於世間。謂孝順父母。奉事沙門。梵志。尊敬長老。布施功德。遵修經戒。勸念功德。有所修治。善權方便。世間所行十善之本。所謂定想。腐敗之想。穢穢之想。爛壞之想。噉食之想。憤亂之想。無住之想。燒灸之想。而作此觀。四禪四等。四无色定。念佛念法。及聖衆念。於禁戒念。於布施念。於天上念。於寂然安般守意志。在於身念。老病死。是謂須菩提。世間善法。何謂世間不善之法。煞生盜竊邪淫妄言兩舌惡口綺語貪嫉邪見十惡之事。是謂世間不善之法。何謂不分別法。不能分別身之所行。不能分別口之所言。不能分別心之所念。不能分別四大之本。不能分別五根之原。所不能分別六衰所在。不能分別色陰之事。諸種諸入。不能分別善惡所歸。是謂不分別法。彼謂世間之法。五陰之事。及十二入十八諸種十善。

之事四禪四等心四无色定是謂世

間善法之事彼則何謂度世之法四

意止四意斷四神足五根五力七覺

意八由行及三脫門空无想無願無

他特異及差別者謂根異根及諸別

根所念所行三昧無念所行志趣三

昧无念無行三昧以慧解脫其心安

詳所念隨順八解脫門何等為八見

諸色色是為第一脫門内無色想而

外見色雖處於空而不解脫則不能

越一切諸想是為第二脫門得於衆

想在於根本无有若干衆多之念是

為第三脫門行於無量虛空虛空成

就是為第四脫門志得越度一切虛

空虛空之智在於無量識慧之行而

為成就是為第五脫門皆得越度无

量慧智之天而處於无有不量无量之慧

成就成行是為第六脫門而志越度

一切不用無量之慧在於有想成就

之行是為第七脫門而志越度一切

有想無想志蠲諸想安寂然行是為

第八脫門而不復禪亦不學定漸漸

進前入於三昧何謂漸前入三昧乎

寂然於欲蠲除衆惡不善之法有想  
有行寂寞得安行第一禪除於想念  
无想無念其内安詳寂然得安行第  
二禪常行安隱无有瑕所造立行不  
違聖賢而歡喜安行第三禪斷苦除  
安前所曾更意安意患諸可不可患  
以滅盡无苦無安其志寂然志於清  
淨行第四禪應時恣度一切色想除  
所集衆想之念無復若干諸想之思  
在於无量虚空之慧具足之行恣度  
一切諸虚空之慧在於无量識慧具  
足之行恣度一切無量識慧之行在  
於無有无量不用慧具足之行恣度  
一切无量不用慧已在於有想无想  
無量之處具足之行恣度一切有想  
无想無量行已已蠲諸想成寂滅行  
度於我所非我所無苦無樂一切所  
更苦習盡道四意止四意斷四神足  
自然之空恒薩阿竭十力四無所畏  
四分別辯十八不共諸佛之法何謂  
為法諸漏未盡五陰諸事十二諸入  
十八諸種十二因緣四禪四等心四



無色定是謂諸漏不盡法何謂无漏之法謂四意止四意断四神足五根五力七覺意八由行十種力四無所畏四分別辯十八不共諸佛之法是謂无漏之法何謂有為之法欲界色界無色界及其餘事不能分別不盡其原諸法之本此復何謂四意止四意断四神足五根五力七覺意八由行十種力四無所畏四分別辯十八不共諸佛之法是謂有為之法何謂無為之法其法不起不滅亦无所作亦无所住無有異義姪怒癡盡則為無本其无本者則無異法其於法界於寂然其審本際是謂无為之法何謂怨敵之法四禪四等心四無色定是謂怨敵之法何謂无怨敵法四意止四意断四神足五根五力七覺意八由行十種力四無所畏四分別辯十八不共諸佛之法是謂無怨敵法彼時菩薩於已身想空無所著之法了无所著而不可動於一切法所向法門而无所二念不覺了一切諸法由不動揺須菩提白佛言云何天中

天何因名菩薩為摩訶薩乎何故正  
号摩訶薩佛告須菩提摩訶薩者除  
諸積聚得至究竟而為最尊有所成  
就以故名曰摩訶薩須菩提白佛言  
唯天中天所謂摩訶薩者離於積聚  
而得究竟其於菩薩摩訶薩而為最  
尊有所成就佛告須菩提摩訶薩者  
諸所積聚為種姓者八等之人須陀  
洹斯陀舍阿邠舍阿羅漢辟支佛初  
發意菩薩至阿惟越致地住者其摩  
訶薩者於是積聚究竟之中為菩薩  
行於中取尊有所成就菩薩摩訶薩  
遊處其中心如金剛有所興發其摩  
訶薩於諸積聚究竟之中而為最尊  
有所成就是則名曰為摩訶薩須菩  
提白佛言唯天中天何謂心如金剛  
世尊告須菩提菩薩摩訶薩發心如  
是在於生死无有限量被僧伽鎧一  
切所有捨而不捨吾當等心於此一  
切衆生之類發平等志一切衆生當  
以三乘而般涅槃滅度一切衆生類  
已亦無有人般涅槃者吾當覺了一  
切諸法而无所起而當親近薩芸若

慧心常存在六波羅蜜行處當普學  
在所歸慧學當具足當分別覺一乘  
之法又當曉了不可計從所入音聲  
學此諸法是為菩薩摩訶薩發金剛  
心菩薩摩訶薩所住之處而得究竟  
而為最尊有所成就彼無顛倒亦无  
所得復次須菩提菩薩發心如是其  
有衆生在於地獄餓鬼畜生勤苦盡  
痛考掠之處吾為此類忍勤苦患令  
得安隱彼菩薩摩訶薩當發此心吾  
身為一人故在於地獄受勤苦痛  
考掠之毒百千億劫諸劫之數不以  
為劇當令彼人至於無餘泥洹之界  
而得滅度以是方便一人故衆生  
之類更若干苦終不休息各令人人  
至於無餘泥洹之界而得滅度然後  
吾身能為他故殖衆德本於億千劫  
速得阿耨多羅三耶三菩阿惟三佛  
是為須菩提菩薩摩訶薩發金剛心  
其摩訶薩所住之處於諸積聚而得  
究竟而為最尊有所成就復次須菩  
提菩薩摩訶薩常當修建微妙之心  
當以此心令諸衆生得至尊處彼菩

薩摩訶薩所謂微妙心者從初發意  
未曾起生婬欲之心亦復不起瞋恚  
之心亦復不生愚癡之心心無所起  
不發聲聞辟支佛心是為須菩提菩  
薩摩訶薩修建微妙之心令諸衆生  
而為寂尊有所成就亦无所念復次  
須菩提菩薩摩訶薩常當建心令不  
動搖彼菩薩摩訶薩心不動已所思  
惟薩芸若心亦不念是為菩薩摩訶  
薩心不動搖復次須菩提菩薩摩訶  
薩志在一切衆生之類欲令獲安菩  
薩摩訶薩於衆生建立安已欲諸群  
萌不捨三乘亦无所念無所輕慢是  
為須菩提菩薩摩訶薩建立安心於  
諸衆生是為須菩提菩薩摩訶薩行  
般若波羅蜜令諸衆生至於寂尊有  
所成就復次須菩提菩薩摩訶薩當  
愛於法喜法樂法精進為行彼何謂  
愛法若於諸法而无所畏無所破壞  
是謂愛法何謂喜法志樂經典不離  
所樂是謂喜法彼何謂樂法思惟於  
法多所分別而令廣聞是謂樂法是  
為須菩提菩薩摩訶薩行般若波羅

蜜謂摩訶薩於諸積聚而為究竟而為最尊有所成就無有顛倒亦无所得復次須菩提菩薩摩訶薩行般若波羅蜜住於內空住於外空住內外空亦无内外至無所有自然之空謂摩訶薩於諸積聚而得究竟而為最尊有所成就无所顛倒亦無所得復次須菩提菩薩摩訶薩行般若波羅蜜住四意止四意斷四神足五根五力七覺意八由行十種力四無所畏四分別辯十八不共諸佛之法住於此法謂摩訶薩於諸積聚速得究竟而為最尊而所成就不為顛倒亦無所得復次須菩提菩薩摩訶薩建立住金剛三昧越度過於无量空慧无量識慧無量不用慧无量有想無想至於虛空無為无色戒定慧解脫知見品三昧之定住度三昧謂摩訶薩於諸積聚速得究竟而為最尊有所成就不在顛倒佛言須菩提菩薩摩訶薩住於法已在於積聚速得究竟而為最尊所成就故謂摩訶薩為摩訶薩

摩訶般若波羅蜜等無等品第十二

尔時賢者舍利弗白佛唯天中天我  
為堪任講摩訶薩義乎所因謂何為  
摩訶薩者世尊告言應講之耳舍利  
弗言棄損一切所見吾我見人壽命  
見凡夫之事有志含血有作无作常見  
无見陰見種見諸衰入見虛見實見  
十二因緣見四意止四意斷四神足  
五根五力七覺意八由行見十種力  
四無所畏四分別辯十八不共諸佛  
之法若復覩見教化衆生覩見佛土  
清淨莊嚴見於佛道觀觀於覺見轉  
法輪皆悉蠲除如此諸見而為說法  
以故名曰為摩訶薩摩訶薩義也須  
菩提謂舍利弗何故賢者菩薩摩訶  
薩而見於色痛痒思想生死識眼耳  
鼻舌身意色聲香味細滑法吾我人  
壽命四種衰入十八種四意止意斷神  
足五根五力七覺意八由行十種力  
四无所畏四分別辯十八不共諸佛  
之法舍利弗答曰賢者且聽此菩薩  
摩訶薩行般若波羅蜜无漚起拘舍  
羅已遭遇色而興發見謂可致得痛



痺思想生死識而興發見謂可致得  
眼耳鼻舌身意色聲香味細滑法香  
我人壽命四種衰入十八種三十七  
品十種力四无所畏四分別辯十八  
不共諸佛之法已遭遇此以興發諸  
見謂有可得菩薩摩訶薩遊於其中  
行般若波羅蜜以遍起拘舍羅除是  
諸見而為說法令離顛倒不求所獲  
須菩提白佛言唯天中天我應堪任  
說摩訶薩摩訶薩義之所趣乎世  
尊告曰應說之耳如我心解承世尊  
言菩薩心者等无所等無怨敵心諸  
聲聞辟支佛心所不能及所以者何  
則薩芸若心無有諸漏亦无因緣假  
使如是薩芸若心無有諸漏亦無因緣  
則於彼心而無所著故曰摩訶薩摩  
訶薩假号也舍利弗謂須菩提何所  
菩薩摩訶薩者所謂心者等无所等  
無怨敵心諸聲聞辟支佛心所不能  
及須菩提謂舍利弗仁舍利弗是菩  
薩摩訶薩從初發意未曾見法起者  
滅者无所懷來不增不減無有塵垢  
亦無結恨假使賢者不起不滅無所

懷來不增不減無有塵垢亦无結恨  
彼無聲聞辟支佛心无菩薩心亦無  
佛心舍利弗是為菩薩摩訶薩心等  
無所等心無怨敵聲聞辟支佛心所  
不能及舍利弗謂須菩提唯須菩提  
仁莫但講聲聞辟支佛心所不能及  
心不著聲聞辟支佛當復不著於色  
所求痛痒思想生死識所求答曰如  
是舍利弗實不著色痛痒思想生死  
識亦不著眼耳鼻舌身意色聲香味  
細滑法不著十八種諸衰入十二因  
緣不著四意止四意斷四神足五根  
五力七覺意八由行不著十種力四  
無所畏四分別辯十八不共諸佛之  
法舍利弗謂須菩提如何者須菩提  
之所講論其薩芸若心者無有諸漏  
亦無因緣云何賢者愚凡夫心不亦  
无漏無因緣乎本淨為空至于聲聞  
辟支佛世尊心無有諸漏无有因緣  
耶答曰如是舍利弗又問須菩提色  
亦不為無漏乎无因緣乎本淨空乎  
痛痒思想生死識亦不為无漏乎無  
因緣乎本淨空乎答曰如是舍利弗

又問須菩提眼耳鼻舌身意色聲香味細滑法十八種四大表八十二因緣不為無漏无因緣本淨空乎四意止四意斷四神足五根五力七覺意八由行不為无漏無因緣本淨空乎十種力四無所畏四分別辯十八不共諸佛之法無為无漏無因緣本淨空乎荅曰如是舍利弗誠如所云愚凡夫心聲聞辟支佛心亦无有漏亦無因緣本淨為空陰種入四大十二因緣三十七品十種力四無所畏四分別辯十八不共諸佛之法亦无有漏亦無因緣本淨為空舍利弗謂須菩提於此諸心當無所著又復不當不著无色色乎不當不著無痛痒思想生死識識乎又須菩提不當不著無意止意止乎无意斷意斷乎无神足神足乎無五根五根乎无五力五力乎無七覺意七覺意乎無八由行由行乎無十種力種力乎無四无所畏所畏乎無四分別辯分別辯乎無十八不共不共乎須菩提荅曰如是舍利弗不當著無色色也不當著无痛

痒思想生死識識也不當者無眼耳鼻  
舌身意意也不當者无色聲香味細滑  
法法也不當者無四大表入入也不  
當者无十二因緣緣也不當者无三  
十七品品也不當者無十種力力也  
不當者无四無所畏畏也不當者无四  
分別辯辯也不當者無十八不共諸  
佛之法法也如是舍利佛行般若波  
羅蜜以是之故其道之心無怨敵心  
諸聲聞辟支佛心所不及也亦不想  
念聲聞辟支佛無所依倚不隨顛倒  
亦無所得是故速成一切諸法

摩訶般若波羅蜜大乘品第十三

於是賢者分釋文陀尼弗白佛言唯  
天中天我應堪任講論摩訶薩号義  
之所趣乎世尊曰應所論也分釋文  
陀尼弗言摩訶僧那僧涅被大德鎧  
菩薩摩訶薩為摩訶衍志大乘乎彼  
其人者為乘大乘是故天中天摩訶  
薩号摩訶薩也舍利弗謂分釋文陀  
尼弗以何因緣謂菩薩摩訶薩為摩  
訶僧那僧涅摩訶衍三拔致乎分釋  
答曰於是賢者菩薩摩訶薩不為學

者獨人衆生之類住檀波羅蜜有所施與也則為一切群萌之故住檀波羅蜜有所施與耳不為學者衆生獨人住尸波羅蜜有所獲禁戒則為一切人住尸波羅蜜而獲禁戒耳群萌之故住尸波羅蜜而獲禁戒耳不為學者衆生獨人住羣提波羅蜜能有所忍則為一切群萌之故住羣提波羅蜜而行忍辱耳不為學者衆生獨人住逮波羅蜜而為精進則為一切群萌之故住逮波羅蜜精進耳不為學者衆生獨人住禪波羅蜜而不亂意則為一切群萌之故住禪波羅蜜為一心耳不為學者衆生獨人住般若波羅蜜而行智慧則為一切群萌之故住般若波羅蜜而智慧耳菩薩摩訶薩行般若波羅蜜不為斷絕群萌之類限量衆生被僧伽鎧也我當滅度若干衆生不滅度若干衆生立若干人於佛道不立若干人於佛道又菩薩摩訶薩則為一切群萌之類被僧伽鎧而自惟行吾身自當具足成滿檀波羅蜜勸助衆生令入一切業檀波羅蜜尸波羅蜜羣

波羅蜜惟逮波羅蜜禪波羅蜜般若  
波羅蜜吾身自當具足成行般若波  
羅蜜勸助衆生一切令入智度無極  
復次舍利弗菩薩摩訶薩假使行檀  
波羅蜜所可施與一切皆為薩芸若  
遵修其心以諸衆生而為伴侶是我  
子也猶以勸助阿耨多羅三耶三菩  
是為舍利弗菩薩摩訶薩行般若波  
羅蜜僧那之鎧

復次舍利弗菩薩摩訶薩行檀波羅  
蜜所可施與為薩芸若遵修其心所  
發心者不為勸助聲聞辟支佛地是  
為舍利弗菩薩摩訶薩行檀波羅蜜  
披僧那鎧復次舍利弗菩薩摩訶薩  
行檀波羅蜜所可施與為薩芸若遵  
修其心而常思念護於禁戒无所犯  
負不以勸助聲聞辟支佛地逮得阿  
耨多羅三耶三菩是為菩薩摩訶薩  
行尸波羅蜜披僧那鎧復次舍利  
弗菩薩摩訶薩行檀波羅蜜所可施  
與為薩芸若遵修其心而常思念忍  
於諸法而以忍辱勸勉衆生而為伴  
侶是我子也而以忍辱勸助不為聲



聞辟支佛逮得阿耨多羅三耶三菩

是為菩薩摩訶薩行屬波羅蜜被僧那

鎧復次舍利弗菩薩摩訶薩行檀波

羅蜜所可施與為薩芸若遵修其心

常奉精進不捨慇懃所行精進无有

諸漏不以勸助聲聞辟支佛逮得阿

耨多羅三耶三菩是為菩薩摩訶薩

行惟逮波羅蜜被僧那鎧復次舍利

弗菩薩摩訶薩行檀波羅蜜所可施

與薩芸若遵修其心若布施者常一

其心無若干念唯業思惟薩芸若慧

思惟不捨不聽聲聞辟支佛行逮得

阿耨多羅三耶三菩是為菩薩摩訶

薩行禪波羅蜜被僧那鎧復次舍利

弗菩薩摩訶薩行檀波羅蜜有所施

與為薩芸若遵修其心常奉智慧離

於邪黠所業智慧開發一切無有諸

漏不以勸助聲聞辟支佛地逮得阿

耨多羅三耶三菩是為菩薩摩訶薩

行般若波羅蜜被僧那鎧復次舍利

弗菩薩摩訶薩行檀波羅蜜所可施

與為薩芸若遵修其心若施與者建  
幻化心无所施與亦无施者亦無受

者菩薩摩訶薩如是施者不為勸助  
聲聞辟支佛逮得阿耨多羅三耶三  
菩是為菩薩摩訶薩行般若波羅蜜  
被僧那鎧分釋文陀左弗謂舍利弗  
設使菩薩摩訶薩其心遵崇薩芸若  
於諸波羅蜜无有想求亦无所得是  
為菩薩摩訶薩僧那僧涅之謂也復  
次舍利弗菩薩摩訶薩行尸波羅蜜  
其心遵崇在薩芸若而以布施遵崇  
薩芸若心攝護衆生則以勸助阿耨  
多羅三耶三菩心是為菩薩摩訶薩  
行尸波羅蜜為檀波羅蜜復次舍利  
弗菩薩摩訶薩行尸波羅蜜於此諸  
法无所忍者不能忍者無所不忍是  
為菩薩摩訶薩行尸波羅蜜為羼波  
羅蜜復次舍利弗菩薩摩訶薩行尸  
波羅蜜則自然發精進之事无有懈  
廢是為菩薩摩訶薩行尸波羅蜜為  
惟逮波羅蜜復次舍利弗菩薩摩訶  
薩行尸波羅蜜其心遵崇於薩芸若  
思惟所行不信聲聞辟支佛心常一  
其心專思禪定无有衆亂是為菩薩  
摩訶薩行尸波羅蜜為禪波羅蜜復

次舍利弗菩薩摩訶薩行尸波羅蜜  
建行一切諸所有法觀念如幻亦不  
念戒亦無所得不信聲聞辟支佛心  
分別微妙智慧是為菩薩摩訶薩行  
尸波羅蜜為般若波羅蜜如是舍利  
弗菩薩摩訶薩行尸波羅蜜則為攝  
取皆為具足諸波羅蜜是為摩訶僧  
那僧涅之謂也復次舍利弗菩薩摩  
訶薩行羼波羅蜜有所施與專崇發  
起薩芸若心不信聲聞辟支佛心普  
能忍辱而無結恨皆以勸助阿惟三  
佛復次舍利弗菩薩摩訶薩行惟逮  
波羅蜜有所施與遵崇發起薩芸若  
心不信聲聞辟支佛心常行精進不  
進不退逮得阿惟三佛復次舍利弗  
菩薩摩訶薩行禪波羅蜜有所施與  
遵崇發起薩芸若心不信聲聞辟支  
佛心其心常定不處於諸亂无亂不  
亂亦不見亂不見定意復次舍利弗  
菩薩摩訶薩行般若波羅蜜遵崇發  
起薩芸若心不信聲聞辟支佛心其  
心恢大无所不通不在生死不在滅  
度復次舍利弗菩薩摩訶薩以无色

定而行三昧不隨禪教而有所生是為菩薩摩訶薩遍起拘舍羅般若波羅蜜復次舍利弗假使菩薩摩訶薩或行禪定若四等心其無色定而以三昧不失禪定及四等心無色三昧是為菩薩摩訶薩遍起拘舍羅般若波羅蜜復次舍利弗菩薩摩訶薩又修禪思行四等心無色三昧而在寂然有所觀見空无相無願見斯然後是為菩薩摩訶薩摩訶僧那僧涅般若波羅蜜如是舍利弗菩薩摩訶薩為摩訶僧那僧涅之謂也如是舍利弗菩薩摩訶薩設使被如此僧那八方上下諸佛世界佛天中天所可宣揚微妙之教讚頌功德申暢其音於某世界有菩薩摩訶薩被大德鎧教化衆生嚴淨佛土舍利弗問分釋文陀尼弗何謂菩薩摩訶薩三拔致等乘大乘分釋答曰於是賢者菩薩摩訶薩行六波羅蜜寂除衆欲滅去諸惡不善之法順想有行而處寂然存安隱便能具足行第一禪已離於欲无有衆惡蠲除衆想所可念者寂

然安隱則能具足行第二禪除去衆想无念無想而心自修如聖賢教不違明達得欣悅安則便具足得第三禪除安去苦前所更歷善惡可不可意无苦無樂而在寂然得欣悅安則便具足第四之禪行四等心心常慈俱无怨無結亦無顛倒廣大无邊遵善無量普諸世間心之所行而不捨此悲喜護心亦復如是護心常俱無怨无結亦無顛倒廣大无邊遵善无量普諸世間心之所行而不捨此是為菩薩摩訶薩禪思菩薩摩訶薩以此禪思行四等心以此瑞應行三昧定行斯已後皆以勸助薩芸若慧是為菩薩摩訶薩六波羅蜜檀波羅蜜之本尸波羅蜜羣波羅蜜惟逮波羅蜜禪波羅蜜般若波羅蜜皆各各如是是為菩薩摩訶薩僧那僧涅之謂也復次舍利弗菩薩摩訶薩與慈心俱廣逮弘普而無有二无有邊崖无有結而無有斯在於一處信第一第二第三第四亦復如是至下無際上去无限八方上下無不周遍具足四

禪是為菩薩摩訶薩三昧假使菩薩摩訶薩遵崇其心在薩芸若行第一禪而以救攝一切衆生志勸助之於諸通慧其菩薩摩訶薩具足薩芸若而發慧心然以方便暢發誼意為人說經是為菩薩摩訶薩檀波羅蜜又菩薩摩訶薩其心至于薩芸若慧思惟遵修度第一禪假使能住第一禪者不復信樂發異心者不隨聲聞辟支佛心是為菩薩摩訶薩不犯於他為尸波羅蜜假使菩薩摩訶薩其心志在薩芸若慧遵修思惟即自發念令一切人衆生之類勤苦滅盡為說經法隨其心念所喜樂者觀其根原而開化之是為菩薩摩訶薩行羣波羅蜜假使菩薩摩訶薩其心遵修薩芸若慧勸助一切功德之本於諸通慧不見精進之所歸趣是為菩薩摩訶薩行惟逮波羅蜜假使菩薩摩訶薩其心遵修薩芸若慧從第一禪至于四禪而復觀察无常苦空非身空無相無願是為菩薩摩訶薩行禪波羅蜜假使菩薩摩訶薩其心遵崇薩



若若慧觀一切法譬如幻化無有三  
界為人說經是為菩薩摩訶薩行般  
若波羅蜜賢者舍利弗是為菩薩摩  
訶薩摩訶衍事復次舍利弗菩薩摩  
訶薩摩訶衍者建立一切四意止四  
意斷四神足五根五力七覺意八由  
行又復建立一切具足於空三昧无  
相無願三昧十種力四無所畏四分  
別辯十八不共諸佛之法是為菩薩  
摩訶薩摩訶衍復次舍利弗菩薩摩  
訶薩不告无求此二地聲聞地辟支  
佛地其心唯樂薩婆若慧是菩薩摩  
訶薩行无放逸為四等心成羣波羅  
蜜假使菩薩摩訶薩其心遵修而自  
興發一切哀慧所行無限无所破壞  
是為菩薩摩訶薩行惟逮波羅蜜假  
使菩薩摩訶薩於四等心而行禪定  
不從禪定及四等心有所忘失是為  
菩薩行无放逸四等之心遍起拘舍  
羅復次舍利弗菩薩摩訶薩慈心三  
昧我當救護一切衆生則以遵崇行  
哀三昧愍傷行悲而順趣此行慧三  
昧我當度脫衆生之類轉漸進前至

護三昧加於衆生至諸漏盡是為菩薩摩訶薩元有放逸行四等心擅波羅蜜假使禪思無有放逸行四等心因緣瑞應不以勸助聲聞辟支佛地則順專於一切哀慧是為菩薩摩訶薩四等心行無所犯負尸波羅蜜復次舍利弗菩薩摩訶薩摩訶衍者曉了內空不墮顛倒亦無所求不有所得苦樂善惡有所有所自然空於諸通慧亦無所得元有內外不得中間是為菩薩摩訶薩摩訶衍復次舍利弗菩薩摩訶薩摩訶衍者於一切法亦无有亂無三昧慧是為菩薩摩訶薩摩訶衍

復次舍利弗菩薩摩訶薩摩訶衍者常志大乘其慧自由其慧不在有常不在无常不計苦不苦樂不樂其不由慧在於我所及非我所是為菩薩摩訶薩摩訶衍行為无所得不墮顛倒復次舍利弗菩薩摩訶薩摩訶衍者其慧自由不在於過去不在於當來不在於現在不在三世無慧之處是為菩薩摩訶薩摩訶衍常无所得不

墮顛倒復次舍利弗菩薩摩訶薩摩訶衍者其慧不由著於欲界不在色界不在无色界而慧自在恣知欲界色界无色界而得自在亦無所得不墮顛倒是為菩薩摩訶薩大乘復次舍利弗菩薩摩訶薩摩訶衍者而慧自在不與世慧同亦不在沒世慧不在有為不在無為不在有漏不在無漏於此法慧而得自由恣知世俗慧度世慧不為不及恣知有為无為法不為不及亦無所得不墮顛倒是為菩薩摩訶薩大乘

光讚經卷第五

己亥歲高麗國大藏都監  
勅彫造

光讚經卷第六

賦

西晉三藏竺法護譯

摩訶般若波羅蜜乘大乘經第十四

賢者舍利弗問分釋文陀尼弗云何  
菩薩摩訶薩乘于摩訶衍分釋謂舍  
利弗唯賢者菩薩摩訶薩於是行般  
若波羅蜜乘檀波羅蜜亦復不得檀  
波羅蜜亦無菩薩不見受者有所得  
也亦无所獲也乘檀波羅蜜則謂菩  
薩摩訶薩尸波羅蜜羣提波羅蜜惟  
逮波羅蜜禪波羅蜜般若波羅蜜乘  
般若波羅蜜則亦不得般若波羅蜜  
亦不得菩薩亦无所獲是為菩薩摩  
訶薩乘般若波羅蜜亦無所得  
復次舍利弗菩薩摩訶薩亦不毀失  
薩芸若遵修之心則尋奉行於四意  
止所念無念所行無行於此衆誼亦  
無所得是為菩薩摩訶薩乘摩訶衍  
復次舍利弗菩薩摩訶薩亦不毀失  
薩芸若慧遵修之心於四意斷四神  
足五根五力七覺意八由行於此之  
誼亦无所得是為菩薩摩訶薩乘摩

訶行復次舍利弗菩薩摩訶薩亦不  
毀失薩芸若遵修之心十種力四無  
所畏四分別辯十八不共諸佛之法  
於此之誼皆無所得是為菩薩摩訶  
薩乘摩訶行復次舍利弗菩薩摩訶  
薩分別了此所謂菩薩者隨俗假号  
欲求人亦不可得亦無有起所謂色  
者但假号耳所謂痛痒思想生死識  
者但假号耳亦不可得亦无所起所  
謂眼耳鼻舌身意但假号耳亦不可  
得亦无所起所謂色聲香味細滑法  
但假号耳亦無可得亦無所起所謂  
四意止四意斷四神足五根五力七  
覺意八由行但假号耳亦不可得亦  
無所起所謂十種力四無所畏四分  
別辯十八不共諸佛之法但假号耳  
亦不可得亦無所起所謂內空外空  
及於空空但假号耳亦不可得亦无  
所起謂所有空自然空所有自然空  
但假号耳所謂恒薩阿竭法无本之  
法諸法之界其法寂然及於本際其  
本際者亦不可得亦無所起所謂佛  
道有所覺者又其佛道亦不可得亦

無所起是為菩薩摩訶薩乘摩訶衍  
復次舍利弗菩薩摩訶薩從初發意  
則具足此菩薩神通開化衆生從一  
佛國遊一佛國供養奉事諸佛世尊  
慇懃親近諸佛世尊而聽經法求菩  
薩乘其人於彼乘菩薩行從一佛國  
遊一佛國嚴淨佛土教化衆生亦不  
相著諸佛國土亦無人相處无二地  
而其身力常為衆生之故導利群黎  
彼何謂為自身故有所攝取心未曾離  
如此之乘逮得至于薩芸若慧已能  
逮得薩芸若慧便轉法輪已轉法輪  
則為一切聲聞辟支佛天龍鬼神世  
間人民有所加益於是八方上下諸  
恒薩阿竭阿羅訶三耶三佛悉共讚  
歎宣揚其音某菩薩摩訶薩在某世  
界乘摩訶衍得薩芸若慧已得薩芸  
若慧則轉法輪是為舍利弗菩薩摩  
訶薩乘摩訶衍也

摩訶般若波羅蜜無縛品第十五

須菩提白佛言所謂摩訶僧那僧涅  
菩薩摩訶薩被大德鎧何謂菩薩摩  
訶薩僧那僧涅者佛告須菩提於是



菩薩摩訶薩被戒德鎧行檀波羅蜜尸波羅蜜羼波羅蜜棹波羅蜜般若波羅蜜為摩訶僧那僧涅四意四斷四神足五根五力七覺意八由行十種力四无所畏四分別辯十八不共諸佛之法內空僧那僧涅外空僧那僧涅其諸所有自然之空僧那僧涅薩芸若慧僧那僧涅被佛形像僧那僧涅已則以光明照三千大千世界八方上下亦復如是其大光明靡不周遍又復能動三千大千世界至于東方江河沙等佛土八方上下各亦如是莫不涌震其菩薩摩訶薩以是光明住檀波羅蜜被摩訶行大僧那鎧變現三千大千世界悉為紺琉璃這變三千大千世界為紺琉璃已則復變為轉輪聖王已變現為轉輪聖王莊嚴之像則能廣施飢者與食渴者給漿无衣與衣無香與香華飭雜香擣香車乘象馬僮僕侍使恣人所求屋宅居止所當得者生活之業及餘衆人所欲得者悉令得所飲食衣服香華象馬屋宅所當得者皆施衆

人令各得所已則為衆生分別說法  
宣義具足遵修六波羅蜜斯諸萌類  
聞所說法則便尋跡行波羅蜜至使  
逮得阿耨多羅三耶三菩阿惟三佛  
是為菩薩摩訶薩摩訶衍僧那僧涅  
辟如須菩提明慧幻士及慧弟子於  
四大衢化作衆人生活之業所以者  
何諸幻師法自應當然以此為術施  
於無數衆生人之所乏飲食衣服香  
華諸饒爲馬屋宅於須菩提意云何  
其幻師者寧有所施給衆之乎答曰  
不也天中天佛言如是須菩提菩薩  
摩訶薩行六波羅蜜三十七品內空  
外空及內外空及諸所有自然之空  
所被僧那鎧十種力四無所畏四分  
別辯十八不共諸佛之法僧那之鎧  
及薩芸若僧那僧涅化為佛像被大  
德鎧其光普照三千大千世界及於  
東方八方上下江河沙等諸佛國土  
靡不周遍十方各如江河沙等諸佛  
世界六反震動以大光住檀波羅蜜  
隨人所求飲食衣服香華諸饒爲馬  
舍宅生活之業雖化所施竟无所與

衆人各來有所受取生活之具亦无  
施者亦無受者所以者何須菩提是  
諸法者亦復如幻幻不離法是為菩  
薩摩訶薩摩訶僧那僧涅槃復次須菩  
提菩薩摩訶薩住尸波羅蜜欲以救  
護諸受生者故復現生轉輪三種彼  
這立于轉輪王位便以十善建發衆  
生四禪四等心四無色定四意止四  
意斷四神足五根五力七覺意八由  
行十種力四无所畏四分別辯十八  
不共諸佛之法為諸衆生廣說經典  
未曾令其離斯道誼能使安隱至得  
佛道是為僧那譬如須菩提明達幻  
師若慧弟子於大四衢化无数衆不  
可稱計為諸化人講說經法建立十  
善三十七品十種力四无所畏四分  
別辯十八不共諸佛之法於須菩提  
意云何寧有衆人住十善乎及三十  
七品十種力四无所畏四分別辯十  
八不共諸佛之法乎荅曰不也天中  
天如是須菩提菩薩摩訶薩開化衆  
生令住十善三十七品十八不共諸佛  
之法亦無所勸立于衆生也所以者

何須菩提是謂諸法者亦復如幻  
不離法如是須菩提是為菩薩摩訶  
薩摩訶衍僧都僧涅也復次須菩提  
菩薩摩訶薩住羣波羅蜜勸化衆生  
立忍度无極何謂菩薩住羣波羅蜜  
開化一切衆生之類立於忍辱无極  
之法於是須菩提菩薩摩訶薩從初  
發意等被德鎧而自誓願假使一切  
群萌之類刀杖加我使菩薩摩訶薩  
不當興發瞋恨之意須臾間也亦復  
教化一切衆生使立此忍譬如須菩  
提明達幻師及慧弟子於大四衢化  
作無數不可計人尋而捶撻以刀斫  
害寧有所撻所斫害乎荅曰不也天  
中天佛言如是須菩提菩薩摩訶薩  
行羣波羅蜜若有刀杖加其身者皆  
而忍之又化衆生令立此忍亦无撻  
者亦無忍者是為須菩提菩薩摩訶  
薩羣波羅蜜摩訶衍僧都僧涅也復  
次須菩提菩薩摩訶薩住惟逮波羅  
蜜勸化一切衆生之類皆令建立惟  
逮波羅蜜佛言云何菩薩摩訶薩建  
立衆生於精進度無極於是須菩提

菩薩摩訶薩其心遵修薩芸若慧而發道意亦无相念亦無精進勸發衆生令履其行譬如須菩提明達幻師若慧弟子於大四衢化作無數不可計人令行精進護身口意亦無是人亦無身口意亦无所行如是須菩提菩薩摩訶薩立於惟逮波羅蜜勸化衆人令行精進无精進相亦无所行亦不開化衆生之類立於精進是爲菩薩摩訶薩惟逮波羅蜜摩訶衍僧那僧涅槃復次須菩提菩薩摩訶薩住禪波羅蜜勸化一切群萌之類以禪波羅蜜云何須菩提菩薩摩訶薩住觀見諸法煩惱瞋菩薩摩訶薩以能住此於禪波羅蜜等在不本勸助衆生於平等法彼所教化未曾違遠於諸佛教至得阿耨多羅三耶三菩阿惟三佛亦無至於阿惟三佛者譬如明達幻師若慧弟子於大四衢化作無數不可計人皆令坐禪心定意而无所定亦無亂如是須菩提菩薩摩訶薩勸化衆生令作等法不見諸法有



一心者若亂意者是為菩薩摩訶薩  
禪波羅蜜摩訶衍僧那僧涅也復次  
須菩提菩薩摩訶薩住般若波羅蜜  
開發衆人群萌之類志令住於智度  
無極云何自住般若波羅蜜勸化衆  
生智度无極如是須菩提菩薩摩訶  
薩亦无有法而所行者亦无所護是  
菩薩摩訶薩住般若波羅蜜已亦以  
此法開化一切使得度去无所拘尋  
譬如明達幻師若慧弟子化作無數  
不可計人智慧辯才多所分別无有  
智慧亦无所說於須菩提意云何寧  
有所說有所聽乎答曰不也天中天  
佛言是為菩薩摩訶薩摩訶衍僧那  
僧涅也復次須菩提菩薩摩訶衍僧  
那僧涅自住於自然之法開化東方  
江河沙等一切衆生皆使履行檀波  
羅蜜尸波羅蜜羼波羅蜜惟逮波羅  
蜜禪波羅蜜般若波羅蜜為講說法  
假使衆生得聞於此六波羅蜜終不  
復離六度无極阿耨多羅三耶三菩  
阿惟三佛十方一切皆志如是猶如  
東方諸佛國土十方一切皆志如是



等無差特辟如須菩提明達幻師若  
慧弟子於四大衢化作無數不可計  
人布施持戒忍辱精進一心智慧亦  
無施與亦无持戒亦无忍辱亦無精  
進亦無一心亦無智慧如是須菩提  
菩薩摩訶薩摩訶衍僧那僧涅也復  
次須菩提菩薩摩訶薩三拔致遵崇  
其心於薩芸若未曾起發於他異心  
亦無所信无所聽受或開化人立檀  
波羅蜜或開化人立尸波羅蜜或開  
化人立羼波羅蜜或開化人立惟逮  
波羅蜜或開化人立禪波羅蜜或開  
化人立般若波羅蜜於開化人至無  
所立於無所化化若干人立四意止  
化若干人立四意斷化若干人立四  
神足化若干人立五根五力七覺意  
八由行化若干人立十種力四無所  
畏四分別辯十八不共諸佛之法或  
不開化或開化人立須陀洹果或開  
化人立斯陀含果或開化人立阿那  
含果或開化人立阿羅漢果或開化  
人立辟支佛果或若干人不可開化  
立若干人於薩芸若慧若干人不當

開化有所不可計會不可限量群萌之類當化立之於檀波羅蜜尸羂惟逮禪那般若波羅蜜四意止四意斷四神足五根五力七覺意八由行十種力四无所畏四分別辯十八不共諸佛之法開化衆生不可計會不可限量於薩芸若慧於須菩提意云何開化若干不可計人各有所趣各有所起各使得度寧有所起有度者不答曰不也天中天佛言如是菩薩摩訶薩以六波羅蜜有所開化三十七品及諸佛法四道緣覺亦无所趣亦无所度是為須菩提菩薩摩訶薩摩訶衍僧那僧涅須菩提白佛言唯天中天若我聞法察其中誼當觀菩薩摩訶薩則不復為僧那僧涅所以者何因從空興諸自然相以是故天中天諸色色空諸痛痒思想生死識空察眼眼空耳鼻舌身意意空空察眼色識耳聲識鼻香識舌味識身細滑識意法識十八之種皆亦復空眼之所習耳鼻舌身意所習如是六情所習亦復如是皆為空習一切悉空所習

法空唯天中天檀波羅蜜亦空尸波羅蜜羼波羅蜜惟逮波羅蜜禪波羅蜜般若波羅蜜皆亦悉空察內亦空內空亦空其无所有自然亦空其空亦空四意止亦空四意斷四神足五根五力七覺意八由行亦空十種力四無所畏四分別辯十八不共諸佛之法亦空所謂菩薩亦空僧那僧涅槃亦空唯天中天以是之故當觀菩薩摩訶薩為无僧那僧涅槃佛告須菩提如是如是須菩提誠如所云佛告須菩提薩芸若若有為无所作亦非不作亦無所有一切衆生亦无作亦無所有菩薩摩訶薩為衆生故被大僧那鎧亦无所作亦非不作亦无所有須菩提白佛言唯天中天何以故薩芸若慧亦无所作亦非不作亦无所有此衆生類亦無有作亦非不作亦無所有及諸菩薩摩訶薩僧那僧涅槃亦如是也世尊答曰有所作有所得則有所興而薩芸若亦无所作亦非不作亦無所有是諸衆生亦無有作亦非不作亦無所有所以者何色無造

者亦無不造亦無所作行亦無所作痛  
痒思想生死識無有造者亦无不造  
亦无所行亦無所作眼者亦無所造  
亦無不造亦无所行亦無所作耳鼻  
舌身意亦无不造亦無不造亦无所  
行亦無所作色聲香味細滑法亦無  
所造亦無不造亦無所作行亦無所作  
十八種六情所習因致痛痒亦无不  
造亦無不造亦无所行亦无所作吾我  
善提亦无不造亦无不造亦无所行  
亦无所作及有所知有所見亦無有  
造亦無不造亦無所作行亦無所作  
以是之故究竟本末無有根原而不可得衆  
生及夢亦无不造亦無不造亦无所  
行亦无所作所以者何究竟本末無  
有根原亦不可得如呼聲響水中之  
月幻化野馬亦無有造亦無不造亦  
無所作亦无所行所以者何究竟本  
末无有根原亦不可得其内空者須  
菩提亦無有造亦无不造亦無所作  
亦無所作外空亦然其有所有及自  
然空亦無有造亦無不造亦无不有  
行亦无所作三十七品十種力四無所

畏四分別辯十八不共諸佛之法亦無有造亦無不造亦無所作亦无所作所以者何究竟本末无有根原亦不可得其無本者須菩提亦无有造亦無不造亦無所作亦無所作无本亦復如是亦无有異法其法種者住於法界諸法寂然其本際者亦无有造亦无不造亦無所作亦无所作所以者何究竟本末无有根原亦不可得其菩薩者亦无有造亦非不造亦無所作亦無所作薩芸若慧一切哀慧亦非有造亦非不造亦無所作亦无所作所以者何究竟本末無有根原亦不可得其菩薩者亦無有造亦非不造亦無所作亦無所作薩芸若慧一切哀慧亦非有造亦非不造亦無所作亦无所作所以者何究竟本末無有根原亦不可得其菩薩者亦無有造亦非不造亦無所作亦無所作薩芸若作衆生如是亦無所作亦非不作菩薩摩訶薩所因摩訶衍僧那僧涅以是故須菩提當察菩薩摩訶薩亦无摩訶衍僧那僧涅也須菩提白佛言

如是世尊教分別其誼我分別誼色无  
著无縛無脫痛痒思想生死識無著  
无縛無脫分釋文陀居弗問須菩提  
色為无著無縛无脫痛痒思想生死  
識為无著无縛無脫須菩提謂分釋  
文陀居弗如是賢者色无著无縛無  
脫痛痒思想生死識无著無縛无脫  
分釋又問須菩提何所色无著無縛  
无脫何所痛痒思想生死識无著无  
縛无脫須菩提答曰色自然无著無  
縛无脫痛痒思想生死識自然無著  
無縛无脫色如時響无著無縛无脫  
痛痒思想生死識如呼響无著無縛  
无脫色如野馬无著無縛无脫痛痒  
思想生死識如野馬无著無縛无脫  
色如幻无著無縛无脫痛痒思想生  
死識如幻无著無縛无脫色如化無著  
无縛無脫痛痒思想生死識如化無  
著无縛無脫過去色無著無縛无脫  
過去痛痒思想生死識无著无縛無  
脫當來色無著无縛無脫當來痛痒  
思想生死識無著無縛无脫現在色  
无著無縛无脫現在痛痒思想生死



識无著無縛无脫色無實无著无縛  
無脫痛痒思想生死識无實无著無  
縛无脫色憺怕无著无縛無脫痛痒  
思想生死識憺怕无著無縛无脫色  
無所生无著無縛无脫痛痒思想生  
死識无所生無著无縛無脫分釋色  
善无著無縛无脫痛痒思想生死識  
善无著無縛无脫色不善无著無縛  
无脫痛痒思想生死識不善无著無  
縛无脫色无記無著無縛无脫痛痒  
思想生死識无記無著无縛无脫色  
不分別無著无縛無脫痛痒思想生  
死識不分別無著无縛無脫分釋世  
俗色无著無縛无脫世俗痛痒思想生  
死識无著無縛无脫度世色無著无  
縛无脫度世痛痒思想生死識无著无  
縛无脫有漏无漏色无著無縛无脫有  
漏无漏痛痒思想生死識无著無縛无  
脫虚无無著无縛无脫憺忽无著無  
縛无脫一切諸法無著无縛無脫无  
所有無著无縛無脫寂然无著無縛  
无脫檀波羅蜜无著無縛无脫尸波  
羅蜜羼波羅蜜惟逮波羅蜜禪波羅

蜜般若波羅蜜无著無縛无脫發至  
實无著無縛无脫發至寂寞无著無  
縛無脫内空無著无縛無脫外空無  
著无縛無脫其所有自然空无著無  
縛无脫四意止无著無縛无脫四意  
断四神足五根五力七覺意八由行無  
著无縛無脫十種力四無所畏四分  
別辯十八不共諸佛之法无著無縛  
无脫從虛無起无著無縛无脫佛道  
無著无縛無脫薩芸若无著無縛无  
脫學菩薩道无著無縛无脫從虛无  
生无著無縛無脫寂然无所生無著  
无縛無脫其无本者无著無縛无脫  
又无本者等無有異順法住无著無  
縛无脫其寂定法無著无縛無脫其  
本際者及於无為無著無縛无脫無  
實所興无著無縛无脫空寂不起所  
興无著無縛无脫是為賢者分釋菩  
薩摩訶薩无著無縛无脫波羅蜜也  
檀波羅蜜尸波羅蜜羼波羅蜜惟逮  
波羅蜜禪波羅蜜般若波羅蜜无著  
无縛無脫薩芸若无本慧一切哀慧  
轉上所作皆亦无著無縛无脫轉進

上昇布施持戒忍辱精進一心智慧  
轉進上昇无著無縛無脫轉昇上至  
住薩芸若慧一切哀慧无著無縛无  
脫教化衆生无著無縛无脫嚴淨佛  
土无著無縛无脫奉事諸佛世尊无  
著無縛无脫聽省經典无著無縛無  
脫未曾離諸佛无著無縛无脫未曾  
亡失神通无著無縛无脫不離五根  
無著無縛无脫不釋捨持无著無縛  
无脫不捨三昧無著无縛無脫於道  
發哀無著无縛無脫薩芸若慧无著  
无縛無脫所轉法輪无著無縛无脫  
開化衆生存於三乘無著无縛無脫  
須菩提謂分稱文陀尸弗是為菩薩  
摩訶薩六波羅蜜无著無縛无脫覺  
了一切諸正覺法從虚无起寂寞恬  
怕與无從生是為分稱菩薩摩訶薩  
无著無縛無脫摩訶僧那僧涅也

摩訶般若波羅蜜三昧品第十六

賢者須菩提白佛言唯天中天何謂菩  
薩摩訶薩摩訶衍僧那何謂菩薩摩  
訶薩摩訶衍學大乘者何所捨志於  
衍衍何所住從何生衍中誰為成衍

者佛告須菩提如須菩提之所問也  
何所菩薩摩訶薩行者六波羅蜜則  
為菩薩摩訶薩摩訶行也何等六檀  
波羅蜜尸波羅蜜羼波羅蜜惟逮波  
羅蜜禪波羅蜜般若波羅蜜彼何謂  
檀波羅蜜於是須菩提菩薩摩訶薩  
遵崇發心存薩芸若而行布施內外  
所有一切不惜以給衆生以為堅固  
不備怨敵則以勸助阿耨多羅三耶  
三菩是為菩薩摩訶薩檀波羅蜜何  
等菩薩摩訶薩尸波羅蜜於是菩薩  
摩訶薩遵崇發心存薩芸若身自奉  
行十善之事復以十善勸助人不墮  
顛倒亦無所得是為菩薩摩訶薩於  
尸波羅蜜无所亡失不墮顛倒亦无  
所得須菩提白佛言唯天中天何謂  
菩薩摩訶薩羼波羅蜜佛告須菩提  
於是菩薩摩訶薩已身能具足忍辱  
教化他人立於忍辱不墮顛倒亦无  
所得是為菩薩摩訶薩羼波羅蜜須  
菩提白佛言唯天中天何謂菩薩摩  
訶薩惟逮波羅蜜佛告須菩提菩薩  
摩訶薩其心遵崇薩芸若慧於五波

羅蜜不以踈遠以五波羅蜜教化衆  
生不墮顛倒亦无所得是為菩薩摩  
訶薩惟逮波羅蜜須菩提又問世尊  
唯天中天何謂菩薩摩訶薩禪波羅  
蜜佛告須菩提菩薩摩訶薩遵崇發  
心存薩芸若慧已身常以漚起拘舍  
羅行禪三昧不隨順從三昧而生也  
亦教人令學禪定不墮顛倒亦无所  
得是為菩薩摩訶薩禪波羅蜜須菩  
提白佛言唯天中天何等為菩薩摩  
訶薩般若波羅蜜佛告須菩提菩薩  
摩訶薩遵崇發心薩芸若慧於一切  
法无依倚觀於諸法一切本淨不墮  
顛倒亦无所得於一切法以无所著  
以觀諸法一切本淨則以斯法教化  
衆生不墮顛倒亦无所得是為菩薩  
摩訶薩般若波羅蜜是為菩薩摩訶  
薩摩訶衍也復次須菩提菩薩摩訶  
薩摩訶衍者諸內為空外亦為空內  
外悉空空亦復空至号大空真妙之  
空清淨之空有為空無為空自然相  
空一切法空无所得空無有空而自  
為空而有所見無所有空彼何謂為

內空謂內法者眼耳鼻舌身意彼所  
謂眼眼所見者則亦為空不可毀傷  
不可壞起所以者何本淨故也其耳  
耳所聽者則亦為空不可毀傷不可壞  
起所以者何本淨故也其鼻鼻所嗅  
者則亦為空不可毀傷不可壞起所  
以者何本淨故也其舌舌所嘗味者  
則亦為空不可毀傷不可壞起所以者  
何本淨故也其身身所受者亦復為  
空不可毀傷不可壞起所以者何本  
淨故也其心心所念者亦復為空不  
可毀傷不可壞起所以者何本淨故  
也是謂內空彼何謂外空外所云法  
色聲香味細滑念也其色色者亦復  
為空不可毀傷不可壞起所以者何  
本淨故也是色聲香味細滑法空不  
可毀傷不可壞起所以者何本淨故  
也彼何謂內外法空內六入外六入  
是為內外法空彼何謂外法空不可  
毀傷不可壞起所以者何本淨故也  
是內法外法則悉空故故不可毀傷  
不可壞起所以者何本淨故也是為  
內外法空彼何謂空亦空謂一切法



空諸法空亦此空空是謂空空彼何謂為大空所謂東方亦空南方西方北方東南西南西北東北上方下方皆亦悉空不可毀傷不可壞起所以者何本淨故也何謂真妙空者曰無為者也其无為者無為亦空不可毀傷不可壞起所以者何本淨故也是謂真妙空彼何謂所有空者謂欲界色界无色界空不可毀傷不可壞起所以者何本淨故也彼何謂无為空所謂無為空者不起不滅亦不自在亦無所住存在真諦是為无為空彼所謂无為空其無為空者不可毀傷不可壞起所以者何本淨故也彼何謂究竟空究竟空者謂不可得塵際所以者何本淨故也是謂究竟空彼何謂廣遠空謂不見來亦無所得所以者何本淨故也是謂廣遠空彼何謂分別空彼無能捨法亦無所住所以者何本淨故也是為分別空彼何謂本淨空悉能解了一切諸法悉為本淨有為無為非聲聞所作非辟支佛所作是謂本淨空彼

何謂一切法空一切法者謂色痛痒思想生死識眼耳鼻舌身意色聲香味細滑之法眼色識耳聲識鼻香識舌味識身細滑識意法識眼所更耳鼻舌身意所更痛痒之事有為法元為法是謂為一切法空諸法法空無所毀傷不可壞起所以者何用本淨故是謂一切法空彼何謂自然相空為色相故色無所有相受痛痒思想造生死相知生死識相痛痒思想生死識亦復如是眼耳鼻舌身意色聲香味細滑法及十八種一切所更有為法相無為法相是一切法自然相空彼何謂不可得無所有空一切諸法亦不可得無所毀害不可壞起所以者何本淨故也是謂不可得無所有空彼何謂無所有空索所有形貌而不可得是謂無所有空彼何謂自然空無有合會為自然是為自然空彼何謂其無所有自然空者其自然者無有合會是謂其无所有自然空也復次須菩提其所有者所有空無所有者无所有空自然者自然空為他

故者他故亦空彼何謂所有所有空  
謂五陰也彼五陰者所有所有空是  
謂所有所有空何謂无所有無所有  
空謂無為也彼無為者无為故空是  
謂无所有無所有空何謂自然自然  
空其為空者则无有相亦無所作亦  
無所見是謂自然空彼何謂為他故  
空假使恒薩阿竭興出現者若恒薩  
阿竭不興出現其法常住其法界亦  
寂滅故无本無本斯則本際其於此  
者為他空是謂為他故空是謂須菩  
提菩薩摩訶薩摩訶衍也復次須菩  
提菩薩摩訶薩摩訶衍者謂首楞嚴  
三昧復有三昧名曰寶印復有三昧  
名師子娛樂有三昧名善月有三昧  
名月幢英有三昧名一切法超上有  
三昧名觀頂有三昧名分別一切法  
有三昧名了幢英有三昧名金剛喻有  
三昧名入法印丹本士有三昧名善月有三昧名放光无有三昧名放光无  
所奪有三昧名定意王有三昧名善  
住有三昧名放光有三昧名力精進  
有三昧名等超有三昧名分別隨順  
有三昧名入諸語有三昧名照諸方面

有三昧名提持印有三昧名無所查  
有三昧名等御諸法海印有三昧名  
普遍虛空有三昧名金剛道場有三  
昧名勝諸寶有三昧名照明有三  
昧名不晦有三昧名住不究竟有三  
昧名決了有三昧名離垢燈明有三  
昧名无量光有三昧名光造有三昧  
名普照有三昧名淨御定有三昧名  
離垢明有三昧名為娛樂故有三昧  
名慧燈有三昧名無盡有三昧名威  
神具有三昧名除盡有三昧名无特  
有三昧名開通有三昧名日燈明有  
三昧名月離垢有三昧名淨照明有  
三昧名有所照耀有三昧名作當所  
作有三昧名慧英有三昧名譬金剛  
有三昧名善建志有三昧名寶積有  
三昧名超法印有三昧名法普有三  
昧名勝娛樂有三昧名度法頂有三  
昧名有所破壞有三昧名分別諸句  
有三昧名等造字有三昧名離文字  
有三昧名除斷緣有三昧名離所作  
有三昧名無所作有三昧名行不使  
了有三昧名除冥有三昧名行跡有

三昧名無動有三昧名度境界有三  
昧名決一切德有三昧名決所住有  
三昧名清淨嚴華有三昧名覺意句  
有三昧名无量燈明有三昧名等无  
等有三昧名度一切法有三昧名斷  
絕故有三昧名離所作有三昧名離  
所住有三昧名一嚴淨有三昧名御  
行事有三昧名一事故有三昧名制  
諸事有三昧名除厭一切所作有三  
昧名入緣合像音有三昧名脫音教  
文字言有三昧名光煥熾盛有三昧  
名相嚴淨有三昧名無相有三昧名  
造一切諸具有三昧名不悅一切苦  
樂有三昧名无盡故有三昧名摠持  
句有三昧名愛護一切正邪有三昧  
名入一切諸色無色有三昧名无音  
斷音有三昧名離垢曜有三昧名御  
固要有三昧名離垢滿月有三昧名  
大嚴淨有三昧名一切光世明故有  
三昧名普明有三昧名御空有三昧  
名等御有三昧名無青究竟无所  
娛樂有三昧名究竟無本住有三昧  
名身時安詳有三昧名口言時蠲除

虛空念有三昧名脫虛无色無所著  
百一十定彼何謂名曰首楞嚴三昧  
其定意者皆入一切諸三昧行是謂  
首楞嚴三昧彼何謂實印三昧時以  
斯定意印一切三昧是謂實印三昧  
彼何謂師子娛樂三昧住此定意時  
皆娛樂一切定意是謂師子娛樂三  
昧彼何謂善月三昧住是定意時一  
切平等而无所有是謂善月三昧彼  
何謂月幢英三昧住是定意三昧以  
此定意普觀一切諸三昧幢是謂月  
幢英三昧彼何謂超一切法上三昧  
住是定意時一切悉至於平等事是  
謂一切法超上三昧彼何謂觀頂三  
昧住是定意時則便觀觀一切三昧  
諸定意頂是謂觀頂三昧彼何謂分  
別法界三昧住是定意時則能分別  
諸有法界是謂分別法界三昧彼何  
謂決了幢英三昧住是定意時一切  
定意究竟執幢是謂決了幢英三昧  
彼何謂金剛三昧住是定意時一切  
平等元能破壞是謂金剛三昧彼何  
謂入法印三昧住是定意時尋則得



入一切法印是謂法印三昧彼何謂  
善住王三昧住是定意時一切諸法  
王三昧之所建立是謂善住王三昧  
彼何謂放光明三昧住是定意時一  
切三昧皆演光明是謂放光明三昧  
彼何謂精進力三昧住是定意時一  
切三昧精進力所發起是謂精進力  
三昧彼何謂等度三昧住是定意時  
一切三昧皆至平等是謂等度三昧  
彼何謂順入言教三昧住是定意時  
皆得普入順應意聲是謂順言教三  
昧彼何謂入諸言教三昧住是定意  
時一切皆從三昧言教是謂入言教  
三昧彼何謂照諸方面三昧住是定  
意時皆照一切諸方面定意是謂照  
諸方面三昧彼何謂摠持印三昧住是  
定意時摠持一切諸三昧印是謂摠  
持印三昧彼何謂無所奪三昧住是  
定意時尋即不忘一切定意是謂无  
所奪三昧彼何謂等御諸法海印三  
昧住是定意時行平等事思攝等御  
是謂等御海印三昧彼何謂普遍虛  
空三昧住是定意時一切三昧普遍

虛空无所不周是謂普遍虛空三昧  
彼何謂金剛道場三昧住是定意三  
昧時捨持一切定意道場是謂金剛  
道場三昧彼何謂勝諸寶三昧住是  
定意時蠲除一切塵垢諸欲不可瑕  
疵是謂勝諸寶三昧彼何謂照明三  
昧住是定意三昧時致一切等則无  
所照曜諸道是謂照明三昧彼何謂  
不眇三昧住是定意時於諸三昧不  
求諸法是謂不眇三昧彼何謂不究  
竟住三昧住是定意時不見諸法三  
界所住是謂不究竟住三昧彼何謂  
決了三昧住是定意时无心無念法  
所趣是謂決了三昧彼何謂離垢明  
三昧住是定意時一切三昧轉相照  
曜是謂離垢明三昧彼何謂无量光  
三昧住是定意時其光明者無所不  
照是謂无量光三昧彼何謂造所為  
光三昧住是定意時若得三昧一切  
定意皆放光明是謂造所為光三昧  
彼何謂普照三昧這獲此定一切諸  
三昧門自然演光是謂普照三昧彼  
何謂御諸淨三昧住是定意時則便

速得一切三昧清淨普等是謂御諸  
淨三昧彼何謂離垢光三昧住是定意  
時於諸三昧除一切垢患令灰盡是  
謂離垢光三昧彼何謂所娛樂三昧  
住是定意時則使娛樂一切三昧是  
謂所娛樂三昧彼何謂慧燈明三昧  
住是定意時照明一切諸所三昧是  
謂慧燈明三昧彼何謂无盡三昧住  
是定意時於一切三昧亦無有盡亦  
无不盡亦復不見盡與不盡是謂无  
盡三昧彼何謂威神句三昧住是定  
意時一切平等威神巍巍光曜遠照  
是謂威神句三昧彼何謂除諸盡三  
昧住是定意時見諸三昧一切无盡  
見而無本而無所見是謂除諸盡三  
昧彼何謂无特異三昧住是定意時  
一切平等不著不念無所患苦亦無  
因緣是謂无特異三昧彼何謂開通  
三昧住是定意時不見諸法有所通  
達亦無顛倒是謂開通三昧彼何謂  
日燈明三昧住是定意時開發一切  
諸三昧門而奮光明是謂日燈明三  
昧彼何謂離月垢三昧住是定意時

於諸三昧以光除冥是謂離月垢三

昧彼何謂清淨燈明三昧住是定意

時於諸三昧普護一切四分別辯是

謂清淨燈明三昧彼何謂有所照曜

三昧住是定意時則皆照明諸三昧

明是謂有所照曜三昧彼何謂所造

作三昧住是定意時趣一切三昧成

辦所當又復所造作三昧所立定時

普見一切諸三昧慧英是謂所造作

三昧彼何謂金剛喻三昧住是定意

時滅除一切所作諸法不復覩見諸

苦惱患是謂金剛喻三昧彼何謂心

住三昧住是定意時心不動搖亦不

開閑亦不照明亦不見所起亦不念

言有此心也是謂心住三昧彼何謂

普世三昧住是定意時普見一切諸

三昧定靡所不照是謂普世三昧彼

何謂善志住三昧住是定意時一切

普安立諸三昧彼何謂寶積三昧住

是定意時普見一切諸三昧者志為

積寶是謂寶積三昧彼何謂勝法印

三昧住是定意時等印諸法未遭印

者皆見印印志能究竟是謂勝法印

三昧彼何謂法平等三昧住是定意  
時不見諸法平等若嶮岨是謂法平  
等三昧彼何謂勝娛樂三昧住是定  
意時降伏一切諸所樂法是謂勝娛  
樂三昧彼何謂度諸法頂三昧住是  
定意時調定一切諸法之上皆復越  
度諸所三昧是謂度諸法頂三昧彼  
何謂壞除三昧住是定意時除諸三  
昧壞一切法是謂壞除三昧彼何謂  
分別諸法三昧住是定意時皆能分  
別於諸三昧曉了一切諸法之句是  
謂分別諸法三昧彼何謂等造文字  
三昧住是定意時分別曉了三昧致  
等文字是謂等造文字三昧彼何謂  
除諸文字三昧住是定意時於諸三  
昧無一文字亦無所得是謂除諸文  
字三昧彼何謂除斷因緣三昧住是  
定意時斷諸三昧緣無有衆亂是謂  
除斷因緣三昧彼何謂无所作三昧  
住是定意時不得諸法有所作為亦  
无所造是謂無所作三昧彼何謂離  
所作三昧住是定意時不得諸法因  
緣所造是謂離所作三昧彼何謂不

究竟行三昧住是定意時不得一切  
諸三昧行究竟邊際是謂不究竟行  
三昧彼何謂除諸冥三昧住是定意  
時一切三昧除諸闇冥滅盡諸亂令  
致清淨是謂除諸冥三昧彼何謂行  
諸句三昧住是定意時普見一切諸  
三昧行是謂行諸句三昧彼何謂无  
動三昧住是定意時不見一切諸三  
昧有震動者是謂不動三昧彼何謂  
度諸界三昧住是定意時一切三昧  
度諸邪反亦無差錯順其正誼是謂  
度諸界三昧彼何謂分別諸德三昧  
住是定意時決一切諸法了衆生三  
昧是謂分別諸德三昧彼何謂所住  
究竟三昧住是定意時於一切定求  
於心本而不可得是謂所住究竟三  
昧彼何謂淨華嚴三昧住是定意  
時得諸三昧一切清淨普嚴諸華是  
謂淨華嚴三昧彼何謂覺意句三  
昧住是定意時一切三昧疾逮覺意  
是謂覺意句三昧彼何謂無量辯三  
昧住是定意時尋即逮得无量辯才  
隨行分別是謂無量辯三昧彼何謂



等無等三昧住是定意時一切定逮得等無等三昧能令諸邪皆至平等是謂等無等三昧彼何謂度一切諸法三昧住是定意時皆能越度一切三界是謂度一切諸法三昧彼何謂斷諸作三昧住是定意時見一切法諸三昧定志為斷絕之是謂斷諸所作三昧彼何謂无意無毀三昧住是定意時已逮諸定得致諸法皆歸壞敗是謂无意無毀三昧彼何謂無所住三昧住是定意時不見諸法有所住處是謂无所住三昧彼何謂一清淨三昧住是定意時不見諸法而有二事是謂一清淨三昧彼何謂御諸事行三昧住是定意時不見諸法有因緣趣是謂御諸事行三昧彼何謂勝諸事三昧住是定意時一切三昧不覩二事亦無所見是謂勝諸事三昧彼何謂除滅一切所有斷諸根三昧住是定意時於一切三昧滅除諸事而逮得慧所入之處無所遭遇是謂除滅一切所有斷諸根三昧彼何謂入合隨音三昧住是定意時不隨三

昧諸音聲是謂入合隨音三昧彼何  
謂度諸言字音聲三昧住是定意時  
則悉度脫一切諸行文字之事亦無  
所見是謂度諸言字音聲三昧彼何  
謂熾盛光曜三昧住是定意時普照  
降伏光明惟曜是謂熾盛光曜三昧  
彼何謂諸相嚴淨三昧住是定意時  
莊嚴一切諸相功德是謂諸相嚴淨  
三昧彼何謂无相三昧住是定意時  
一切三昧永不覩一切相是謂無相  
三昧彼何謂一切具足三昧住是定  
意時一切所求普悉具足是謂一切  
具足三昧彼何謂不悅苦安三昧住  
是定意時不覩三昧一切苦安是謂  
不悅苦安三昧彼何謂无盡故三昧  
住是定意時於一切三昧亦無有盡  
亦無所見是謂无盡故三昧彼何謂  
揔持句三昧住是定意時揔持一切  
諸三昧事是謂揔持句三昧彼何謂  
護諸正邪三昧住是定意時於諸三  
昧永不覩見正等與邪是謂護諸正  
邪三昧彼何謂滅除諸聲色无聲色  
三昧住是定意時於諸三昧一切不

見有聲色永无聲色是謂滅除諸聲  
色無聲色三昧彼何謂無音斷音三  
昧住是定意時見一切法无聲無音  
是謂无音三昧彼何謂離垢明三昧  
住是定意時不得一切三昧光明諸  
垢是謂離垢明三昧彼何謂要御三  
昧住是定意時不見諸三昧有要无  
要有御無御是謂要御三昧彼何謂  
滿月離垢明三昧住是定意時一切  
平等具足成滿功德之福譬如月盛  
滿十五日時是謂滿月離垢明三昧  
彼何謂大嚴淨三昧住是定意時皆  
悉平等无極清淨莊嚴普徧是謂大  
嚴淨三昧彼何謂普照世間三昧住  
是定意時一切平等皆能光照一切  
諸法是謂普照世間三昧彼何謂普  
定意三昧住是定意時一切定亦無  
所亂不得一心是謂普定意三昧彼  
何謂御空三昧住是定意時等御一  
切不樂法者而令得樂是謂御空三  
昧彼何謂御薩芸若空等御三昧住  
是定意時於一切御平等之事亦无  
所御是謂御薩芸若空等御三昧彼

何謂无青究竟無樂三昧住是定意  
時不得名号亦無所獲是謂无青究  
竟無樂三昧彼何謂住於無本无心  
三昧住是定意時住於諸三昧普入  
无本無所轉求是謂住於無本无心  
三昧彼何謂身時安詳三昧住是定  
意時於諸三昧永无所得亦無見身  
是謂身時安詳三昧彼何謂口言時  
壞除虛空念三昧住是定意時一切  
三昧不得口言之所歸趣是謂口言  
時壞除虛空念三昧彼何謂脫虛无  
無色三昧住是定意時速得虛空無  
為无數一切法寂是謂脫虛無无色  
三昧是為須菩提菩薩摩訶薩般若  
波羅蜜摩訶衍也

光讚經卷第六

已亥歲高麗國大藏都監奉

勅彫造

光讚經卷第七

鹹

文

西晉三藏竺法護譯

摩訶般若波羅蜜觀品第十七

佛告須菩提菩薩摩訶薩摩訶衍者  
謂四意止何謂四意止內自觀身不  
與身俱亦不想念亦不得身觀于外  
身不與身俱亦不想念亦不得身於  
是安詳調御其意觀於世間无明愁  
感內觀痛痒彼心法者於是安詳調  
御其意觀於世間無明愁感觀外痛  
痒不與痛痒俱亦不想念亦不得身  
觀內思想不與想俱亦無想念不得  
思想觀外思想不與想俱亦无想念  
不得思想觀於內法不與法俱亦無  
法想亦不得法觀于外法不與法俱  
亦无法念亦不得法於是寂然調御  
其意於世无明愁感之事何謂須菩  
提菩薩摩訶薩內觀身於此菩薩摩  
訶薩知心所行若住已住亦知已坐  
當坐亦知行卧已當行卧如身應住  
所志所趣皆悉知之是為菩薩摩訶  
薩觀內身也於是安詳調御其意於  
世无明愁感之事復次須菩提菩薩

摩訶薩往反安詳觀察規瞻而不卒  
暴進止屈申著衣持鉢飲食卧寐懈  
息所從律行去來坐起卧覺有所說  
者常懷徐詳意在閑居心不馳騁是  
為須菩提菩薩摩訶薩行般若波羅  
蜜自觀內身而不可得復次須菩提  
菩薩摩訶薩其心專一觀出入息息  
長息短亦悉知之意息若近若遠亦  
悉知之意息若遲若疾亦悉知之意  
息率暴柔和亦悉知之譬如轉輪聖  
王知土地長短廣狹譬如瓦師作器  
知大小深淺如是須菩提菩薩摩訶  
薩知息出入長短遲疾剛柔菩薩如  
是觀其內身知其安詳調御其心令  
順法教是為須菩提菩薩摩訶薩內  
自觀身調御其意於世无明愁感之  
事復次須菩提菩薩摩訶薩自觀其  
身四分諸種今身有是地種水種火  
種風種譬如屠兒以持利刀斂害牛  
畜解為四段為四段已坐起省察則  
無牛因緣合成如是須菩提菩薩摩  
訶薩行般若波羅蜜自觀是身而身  
有此地種水種火種風種菩薩摩訶



薩行般若波羅蜜自觀內身亦不見  
身亦无所得復次須菩提菩薩摩訶  
薩自察其身從頭至足有身髮髓腦  
惡穢不淨具足充滿有此身者有髮  
毛爪齒皮草筋脉骨節腸胃腹肝肺  
心腎五藏血肉脂髓涕唾垢濁不淨大  
便小便辟如佃家以囊器盛若干種  
穀麻米粟豆大麦小麦稻穰明目之  
人寫之置地分別知之是為麻油是  
為粳米是為豆粟是為稻穰如是須  
菩提菩薩摩訶薩今此身者從足至  
頭髮毛爪齒皮草筋脉骨節腸胃腹  
肝肺心腎五藏血肉脂髓涕唾垢濁  
不淨大便小便如是須菩提菩薩摩  
訶薩內自觀身調御其意於世无明  
愁感之事亦无所得復次須菩提菩  
薩摩訶薩如今觀身遭諸寒熱若其  
壽終一日若三日四日五日其身脰  
脹其色變青臭爛膿血流出計如此身  
則不能離无常之法如是須菩提菩  
薩摩訶薩自觀內身知其安詳調御  
其意於世无明愁感之事亦无所得  
亦无所見復次須菩提菩薩摩訶薩

觀人壽終遭是寒熱日炙風飄死至

一日若至二日三日四日五日六日

七日為鳥鳥所食狐狼熊羆虎豹鴟

梟狗犬所食无央數虫從其身出還

食其體其人自察身所遊處法无有

常分散離别无脫此者内自觀身調

御其意於世無明愁感之事亦无所

見復次須菩提菩薩摩訶薩假使見

身非常之後寒熱所遭日炙風飄臄

腫青脹鳥獸所瞰臭處不淨還自觀

身亦當如是調御其意於世无明愁

感之事亦無所得亦无所見復次須

菩提菩薩摩訶薩假使觀身終亡之

後遭於寒熱日炙風飄骨節相連辟

如交殫肉塗血澆筋經革裏皮覆白

觀身調定其意於世无明愁感之事

亦无所得亦無所見復次須菩提菩

薩摩訶薩假使見人終亡之後但白

骨鈎殫相連有血脉皮肉筋髓則而

察之今此軀體其法如是分散別離

此非常法無有脫者如是須菩提菩

薩摩訶薩觀身調定其意於世无明

愁感之事亦無所得亦無所見復次

愁感之事亦無所得亦無所見復次

須菩提菩薩摩訶薩假使見骨髓筋  
經碎壞分散還與土合觀察如是今  
此軀體其法如是內自觀身調御其  
意於世无明愁感之事亦无所不得亦  
无所見復次須菩提假使覩見骨散  
在地東西南北脚骨異處膝臚項頸  
胷脇頭髓各自異處則而察之今此  
軀體其法如是手足分散別離此非  
常法无脫此者內觀其身調定其意  
於世无明愁感之事亦无所不得亦無  
所見復次須菩提菩薩摩訶薩便觀  
身死來久遠骨散在地積有年歲不  
可稱數難量之載青骨碎壞與灰土合  
今此軀體其法如是分散別離此非  
常法无有脫者如是須菩提菩薩摩  
訶薩內自觀身調定其意於世无明  
愁感之事亦无所不得亦无所見痛痒  
思想觀法亦復如是以持誘進初發  
意者為無常觀稍稍入空乃知无本  
以為發意達者觀內外身亦无有身  
觀內外想亦無有想觀內外法亦無  
有法亦无所觀亦无所見道不離俗  
俗不離道二者俱空亦无所獲復次

須菩提菩薩摩訶薩行摩訶衍者四

意斷何等為四意斷於是菩薩摩訶

薩諸惡未起不善之法設來興者制

令不生慙懃精進攝其心本令斷諸

瑕諸惡不善非法之事適興尋斷慙

懃精進自攝其心使平等斷諸善德

本設來興者假欲斷者慙懃精進殺

攝其心平等解脫懷善法生堅住不

失思惟具足廣普令徧益加歡樂慙

懃精進殺攝其心平等解脫有所得

亦無所得亦無所見是為須菩提菩

薩摩訶薩摩訶衍也復次須菩提菩

薩摩訶薩行摩訶衍謂五根信根精

進根意根定根慧根是為菩薩摩訶

薩摩訶衍有所得亦无所得亦無所

獲復次須菩提菩薩摩訶薩摩訶衍

者謂五力也何謂五力信力精進力

意力定力慧力是為菩薩摩訶薩摩

訶衍五力也有所得亦無所得亦无

所獲也復次須菩提菩薩摩訶薩摩

訶衍謂七覺意何謂七覺意於是須

菩提菩薩摩訶薩專修思覺意依於

寂然无有貪欲亦無所依除於諍訟

捨諸法是謂思覺意有行精進覺意  
依於寂然无有貪欲亦无所依除諍  
訟捨諸法是謂精進覺意又行悅豫  
覺意行信覺意行安覺意定覺意行  
觀覺意依於寂然無有貪欲亦无所  
依除諍訟捨諸法是謂菩薩摩訶薩  
摩訶衍行七覺也有所得亦无所得  
亦无所獲復次須菩提菩薩摩訶薩  
摩訶衍謂八由行賢聖之路何謂八  
正見正念正語正治正業正方便正  
意正定是為八由行賢聖之法有所  
得亦無所得亦无所獲是為菩薩摩  
訶薩摩訶衍也復次須菩提菩薩摩  
訶薩摩訶衍者謂三品三昧何謂為  
三空三昧无相無願三昧彼何謂空  
三昧已相法空空者脫門則為无相  
其無相者便為脫門其所行者无所  
行也是為無願脫門也是為須菩提  
菩薩摩訶薩摩訶衍也逮得此已亦  
无所得亦無所獲復次須菩提菩薩  
摩訶薩摩訶衍當分別若曉了所習  
決斷滅盡覺知由路知所盡者知无  
所起曉了諸法分別无我曉了柔和



終沒之事自知其心了他人心是謂  
為慧彼何謂分別於苦知苦无所從  
生亦無所起是謂分別苦何謂為曉  
了所習謂蠲除所習令不復生何等  
為決斷滅盡謂苦已盡令無根本何  
等覺知由路謂賢聖之法八由路也  
何謂知所盡者謂婬怒癡滅何謂知  
无所起謂无所從生不起之慧何謂  
曉了法慧謂於五陰所造罪福斷絕  
為慧何謂分別無我謂色非常痛痒  
思想生死識非常眼耳鼻舌身心非  
我所有色聲香味細滑法非我所有  
眼色識耳聲識鼻香識舌味識身細  
滑識意法識亦非我所有何謂曉了  
柔和終沒之事有所咨嗟多所發起  
何謂自知其心自知古來根原何謂  
知人心能別他人衆生心之所念  
彼何謂如所慧心謂怛薩阿竭薩芸  
若慧是謂如所慧心已得是以亦無  
所得亦无所獲復次須菩提菩薩摩  
訶薩摩訶衍謂有三根異人根異根  
別根彼何謂異人根謂有諸學士未  
得平等信根精進根意根定根慧根



何謂異根其學士者无有異信信根  
精進根意根定根慧根是謂異根彼  
何謂別根謂未學士而發大意辟支  
佛菩薩怛薩阿竭阿羅訶三耶三佛  
信根精進根意根定根慧根是謂菩  
薩摩訶薩別根摩訶衍也有所得者  
亦无所所得亦无所獲也復次須菩提  
吾薩摩訶薩摩訶衍者謂平等定也  
有三事有想有行三昧无想有行三  
昧无想無行三昧彼何謂有想有行  
三昧脫諸欲寂除諸惡不善之法有  
想有行行第一寂是謂有想有行三  
昧彼何謂無想有行三昧謂其心之  
内無想有行亦無所著至第二寂亦  
無内外是謂无想有行三昧彼何謂  
无想無行三昧過第二第三寂度於  
無量有慧之定越於无量識慧之宜  
過於无量不用慧定越於無量有想  
無想之定是謂无想無行是謂須菩  
提菩薩摩訶薩摩訶衍也復次須菩  
提菩薩摩訶薩摩訶衍者當行十念  
何謂十念念念佛念法念聖衆念戒念  
布施念天念念怙念念無所起念觀身

念當終亡是為十念是為菩薩摩訶  
薩摩訶衍有所得亦無所得亦无所  
獲復次須菩提菩薩摩訶薩摩訶衍  
謂四禪四无色定四等心八脫門未  
曾所獲味之定是謂須菩提菩薩摩  
訶薩摩訶衍也有所得者亦无所  
得亦無所得復次須菩提菩薩摩訶薩  
摩訶衍謂但薩阿竭十種力也何謂  
十種力謂知他人衆生之類處處非  
處處有限无限如審悉知過去當來  
今現在因緣罪福所行之處有所報  
應如審悉知世間之人有若干種其  
體不同如審悉知他人衆生若干種  
心所意各具如審悉知他人衆生根  
原所趣本末各異如審悉知一切五  
道終始所歸如審悉知知於衆人行  
者之心根力覺意一心脫門三昧正  
受結縛瞋恨鬪訟之事能慧分別如  
審悉知無數寂然志識過去無數億  
劫之事識過去無數億劫之所遊居  
衆生察其終沒之所歸趣道眼徹視  
於十方一切佛界五道生死善惡禍  
福起滅終始如審悉知諸漏已盡无

有塵垢度於想念以智慧脫現在造  
行自以神通證知諸行生死已斷稱  
舉梵行所作已辦知未度者是為須  
菩提菩薩摩訶薩摩訶衍有所得亦  
无所得亦無所獲復次須菩提菩薩  
摩訶薩摩訶衍謂四无所畏何謂四  
無所畏今吾已逮成平等覺若有沙  
門梵志諸天人民若復異天異覺之  
人來欲訟理求佛之短謂為不成平  
等之覺不見瑞應敢有發意當如來  
者无敢發念故佛安隱所行无難亦  
無畏勇猛行達無所著而為他人師  
子之吼講說分別清淨法輪沙門梵  
志諸天宮魔及諸梵天天上世間無  
有能及道法之誼諸漏已盡无有終  
始沙門梵志諸天魔梵天上世間欲  
求佛短謂不然者諸漏未盡都了不  
見發心求短者故佛安隱无有恐懼  
則為衆人而師子吼志知內法無有  
內外不見吾我沙門梵志諸天魔梵  
天上世間欲求佛短謂不然者不知  
內法計有吾我都了不見發心求短  
者故佛安隱無有恐懼則為衆人而

師子吼講說賢聖不解者解不達者達无乘者乘而以平等普除苦惱終不能求得佛短也以奉法故不達道誼勇猛无恐無懼而為他人講說清淨法輪為師子吼是為須菩提菩薩摩訶薩摩訶衍也有所得亦无所得亦無所獲復次須菩提菩薩摩訶薩摩訶衍有所得亦无所得亦無所獲復次須菩提菩薩摩訶薩摩訶衍者謂十八不共諸佛之法何謂十八一者如來無有瑕短所說應时无有短之心無忘失無有若干想无有不定心無有不辯分別所觀无有所樂斷精進无失終無失意智慧无損解脫不關度知見不減一切諸身之事無所不達一切口所言說无所不通各令得所一切心所念以智慧心悉知其原又知過去不可計會無央數劫事智慧悉見又知當來不可計會無央數劫事智慧悉見又知現在

不可計會无央數劫事智慧念見是  
為須菩提菩薩摩訶薩摩訶衍有所  
得亦無所得亦无所獲復次須菩提  
菩薩摩訶薩摩訶衍者謂捻持門彼  
何謂捻持門諸文字等所說平等文字  
之門文字所入何謂文字門文字所  
入因緣之門一切諸法以過去者亦  
无所起其門所作是羅之門法離諸  
垢是波之門分別諸誼是遮之門逮  
得一切諸法之行亦无所得亦无所  
沒者亦無所生者是鄰之門一切法  
離諸号字計其本淨而不可得是羅  
之門皆悉超度一切世法恩愛報應  
因緣是胞之門一切諸法悉為本无  
有無斷絕是為波之門皆悉解結諸  
法所縛是咤之門燒盡諸法逮至清  
淨是沙之門一切諸法无有罣碍不  
得諸事是想之門斷除一切諸法音  
聲句跡所趣是多之門一切諸法而  
无有本不可動搖是計之門一切諸  
法而無所起是吒之門一切諸法得  
至究竟是阿之門一切諸法所當作  
為皆悉逮得是娑之門一切諸法皆

已時得通不恚節是摩之門解知諸  
法從吾我起是迦之門一切諸法逮  
得擁護是癉之門一切諸法逮得諸  
法之處是闇之門一切諸法而无所  
起是波之門一切諸法而無所起是  
陀呵之門一切諸法諸種无所起會  
是奢之門一切諸法寂然不起是呿  
之門一切諸法猶如虛空而無所生  
是叉之門一切諸法皆恚滅盡而不  
可得是尸癉之門一切諸法堅住於  
處而不可動亦不可得是惛之門一  
切諸法慧不可得是咤呵之門一切  
諸法逮得所持是披何之門一切諸  
法已得閑靜是車之門一切諸法皆  
已焚燒是鄰之門一切諸法而无所  
作是沙波之門一切諸法而得至信  
是嗟之門一切諸法皆得盡滅是迦  
何之門一切諸法得輪數所在是咤  
徐之門一切諸法有所住處得無所  
住是鄰之門一切諸法不來不去不  
立不坐不卧不寐无應不應无想不  
想是頗之門一切諸法不可所奏是  
尸迦之門一切諸法不得五陰是嗟



之門一切諸法不得他念是伊施之門捨一切法而無所得伊施之門一切諸法不得所在是吒之門一切諸法究竟邊際盡其處所无生無死无有無作拔去文字音聲之說所以者何厭諸罣碍无彼無名無處所言亦不可得亦不可說亦不可盡亦不可見譬如須菩提虛空虛无一切諸法亦悉如是是為須菩提摠持所入因緣文字分別所入其有菩薩摩訶薩知是一切因緣文字方便分別則不復著音聲言說則能次第曉了諸法之所歸趣也

摩訶般若波羅蜜十住品第十八

佛告須菩提如汝所言何謂菩薩摩訶薩為摩訶衍三拔致如是須菩提菩薩摩訶薩行六波羅蜜入於道地云何菩薩入於道地入一切諸法無來亦無所去无去亦無所壞一切諸法不可知處亦無想念行十道地不見道地何謂菩薩行十道地者是菩薩摩訶薩行第一住者當行十事何謂為十修治志性不為顛倒修治愍

哀除去衆想等心衆生不得衆生行  
布施事受者无異敬善知識無有輕  
慢求法為業而无所不得慇懃出學無  
所貪慕求於佛身不想相好開闡法  
事志於衆生无所希望棄除貢高則  
於諸法而無所著口之所言至誠為  
業是為十事須菩提菩薩摩訶薩行  
第一道地也復次須菩提菩薩摩訶  
薩行第二住者當行八法何謂為八  
其戒清淨而有反復能知報恩住於  
忍力常行歡喜不捨衆生勤於大衆  
受尊長教其出家者視如世尊行波  
羅蜜莫求善權是為八事復次須菩  
提菩薩摩訶薩行第三住者行五法  
何謂為五博問無厭不著文字開化  
法施無衣食想淨於佛土勸衆德本  
亦无所望是為五事復次須菩提菩  
薩摩訶薩行第四住者當行十法終  
不為捨何謂為十不捨閑居志在少  
求而知止足不離宴坐不毀禁戒不  
厭受欲不止滅度一切所有施而不  
惜而不怯弱於諸所有而无所慕是  
為十事復次須菩提菩薩摩訶薩行

第五住者當棄八事何謂為八棄捐  
家居離比丘居捨棄動性不貪功德  
捨於睡卧離於瞋爭不自稱譽不毀  
他人是為八事復次須菩提菩薩摩  
訶薩行第六住者以具六法何謂為  
六謂六波羅蜜不為六法不求聲聞  
無緣覺想不念於小見貧乞者心色  
和悅有所施與不以憂感心不懷恨  
是為六事復次須菩提菩薩摩訶薩  
行第七住者為以離二十法何謂二  
十无所受無吾我不計人不有命不  
念壽不念常不著斷滅无諸想著離  
因緣見不倚諸陰不慕諸種捨於諸  
種捨於諸入无三界想不著於佛不  
著於法不著聖眾護禁捨見不著念  
空捨諸邪見无所染汙是為二十事  
當復具足二十法事何謂二十曉了  
於空不證無相惠無所願淨於三場  
愍哀眾生不見眾生无所輕慢等觀  
諸法體解法義无所分別曉了真正  
亦無所著无從生忍講說一品滅除  
眾想棄捐塵勞寂然離邪其心調定  
不離智慧无有率暴是為二十復次

須菩提菩薩摩訶薩行第八住者以  
為具足四法何謂為四入衆生心神  
通自樂現諸佛土隨所觀察具成已  
土稽首諸佛以真諦觀諸佛之身是  
為四法復次須菩提菩薩摩訶薩行  
第九住者當復具足四法何謂為四  
曉了諸根成諸佛土懇懃奉修於幻  
三昧順化衆生令其造德本處於淳  
淑為衆示現具足之身為說道義是  
為四事復次須菩提菩薩摩訶薩行  
第十住者於十二事悉具足何謂十  
二為无量處而設擁護隨衆所願各  
令得所口所演說諸天龍神犍沓瑟  
阿須倫迦樓羅真陀羅摩佉勒聞其  
音各各解了辯才如是胞胎衆事種  
姓尊貴所生之處眷屬國土棄國捐  
家詣於佛樹清淨具足一切名德皆  
為備悉是為十二復次須菩提第十  
菩薩摩訶薩者即謂是佛須菩提白  
佛言何謂菩薩遵修志性佛言所作  
德本心皆勸助薩芸若慧故何謂菩  
薩等心一切志薩芸若行四等心慈  
悲喜護故何謂菩薩為布施業施於

一切無所想念故何謂菩薩結善知識勸化一切令立正道稽首問信恭敬尊長故何謂菩薩具足求法諸所求法心常在於薩芸若慧而不墮落聲聞辟支佛地故何謂菩薩慇懃出家所生之處世世捨業无所毀壞隨怛薩阿竭教其出家者修无上行故何謂菩薩遵求佛身若見佛形其心未曾離佛尔乃至於薩芸若慧故何謂菩薩開闡諸法假使菩薩現在見佛若般泥洹而為衆生講說經法初語亦善中語亦善竟語亦善其義備悉微妙具足清淨之行及十二部經聞經德經聽經分別經示現經譬喻經所說經所生經方等經未曾有經章句經所行經是為菩薩十二部經開闡諸法何謂菩薩棄捐憍慢心未曾懷自大終不生小姓家故何謂菩薩所言至誠若有所說言行相副故佛語須菩提是為菩薩摩訶薩行第一住奉行十事須菩提白佛言何謂菩薩戒品清淨佛言心不念求聲聞辟支佛乘亦不毀訾於諸菩薩若犯

戒者而以勸喻令不墮墮故何謂菩薩而有反復知報恩者設使菩薩行菩薩道時若施少者不以廢忘何況於多何謂菩薩住於忍力常於衆生無有亂心志不懷害故何謂菩薩心色和悅念化衆生不違正行故何謂菩薩不捨衆生能救濟護一切人故何謂菩薩近於大悲假使菩薩行道之時心自念言因一切人故恒河沙劫在於地獄若見考署終不懈怠當令彼人成於佛乘以得滅度如是比類一切衆生其心自勸微妙如是何謂菩薩受尊長教其有出家若見師父視之如佛何謂菩薩求波羅蜜若使菩薩不志餘業不念他法无所輕慢求无極故何謂菩薩博聞無厭諸佛天中天所可言說於此所講及十方佛口所演說志奉受持故何謂菩薩所說法施无衣食想以此法施心念如是不想佛道故何謂菩薩淨於佛土所殖德本皆以勸助嚴淨佛土故何謂菩薩不厭生死常欲具足一切功德成就善本開化衆生淨於佛



土未曾懈倦至今具足薩芸若慧故  
何謂菩薩而知慚愧常无聲聞辟支  
佛心故何謂菩薩不捨閑居不入聲  
聞辟支佛地故何謂菩薩志在少求  
行菩薩道无所貪慕志在佛道故何  
謂菩薩而知止足用成薩芸若故何  
謂菩薩不捨節限謂能分別曉深  
法故何謂菩薩不捨學戒所持禁戒  
而不放逸故何謂菩薩不厭受欲其  
心未曾起貪欲故何謂菩薩心不滅  
度於一切法而无所行故何謂菩薩  
一切所有能以布施而悉將護内外  
諸法无所貪故何謂菩薩志不怯弱  
心未曾發而為二識故何謂菩薩觀  
諸所有而無所貪於諸万物無所念  
故何謂菩薩棄國捐家從一佛國復  
遊一國所生之處除其鬚髮而被袈  
裟現作沙門故何謂菩薩捨比丘居  
彈指之頃不與從事於彼因緣心無  
所起故何謂菩薩捨棄種姓菩薩當  
念令衆生處在安隱以自然安若使  
見者終不起嫉心故何謂菩薩棄捐  
衆貪及與睡眠假使菩薩所在衆會

若有興發聲聞辟支佛心者不當於  
彼與從事故何謂菩薩離瞋恚不從  
恨怒危害之心无鬪訟意無所爭故  
何謂菩薩不自稱譽不見內法无所  
觀故何謂菩薩不毀他人於外一切  
无所見故何謂菩薩棄於十惡習賢  
聖道為上行淨身口意故何謂菩薩  
棄捐憍慢如是所行不見諸法而有  
慢故何謂菩薩捨於自大所行不見  
形貌及與所有故何謂菩薩離於顛  
倒察諸所有而不可得故何謂菩薩  
棄姪怒癡永不覩見姪怒癡垢之所  
在故何謂菩薩具足六法第六住者  
當具六法何謂為六謂六波羅蜜當  
具足之云何具足六波羅蜜住六波  
羅蜜則能超越聲聞辟支佛故何謂  
菩薩不起聲聞辟支佛心此等所行  
不應為道行小乘者不順佛道若見  
乞求者則懷怯弱行菩薩者當捨離  
之心无憂感所以者何斯等所行為  
不入道從初發意常行布施心不忘  
捨故何謂菩薩不自貪身所以舍者  
推求本末無有吾我計人壽命亦復

如是所以者何諦觀察之心无所有  
故何謂菩薩不墮滅見所以尔者一  
切諸法心無所斷本末不起一切諸  
法亦無所生故何謂菩薩不計有常  
所以尔者假使諸法志无所起則無  
有常故何謂菩薩不為想著所以尔  
者如是計之無有塵勞无因緣見所  
以尔者彼所見者不見諸見故何謂  
菩薩不猗名色所以尔者一切有所  
為無所有故何謂菩薩不著諸陰不  
猗諸種不慕諸入所以尔者如是行  
者志為自然而无所有以是故不當  
猗著陰種諸入故何謂菩薩不猗三  
界其三界者自然无形雖在三界而  
無所猗故何謂菩薩不處所有不以  
剋期而為虛空一切所有志无所有  
故何謂菩薩見佛不著不以猗見為  
見諸佛故何謂菩薩不爭於空一切  
諸法志為空无空不亂空無所爭故  
何謂菩薩具足於空身相虛空則為  
菩薩具足於空故何謂菩薩不證無  
相於一切相而無所念故何謂菩薩  
志無願慧而於三界皆無所行故何

謂菩薩淨於三場便能具足十善德  
故何謂菩薩愍衆一切衆生之類便  
能行德无極大哀故何謂菩薩不慢  
衆生而欲具足佛土故何謂菩薩等  
觀諸法察於諸法无高無下故何謂  
菩薩諦觀道地於一切法而無所習  
无所動轉故何謂菩薩无從生忍一  
切諸法志无所起亦無无所滅忍无所  
有故何謂菩薩无所生慧其於名色  
慧无所起故何謂菩薩說於一品不  
行二事故何謂菩薩不念諸念於一  
切法而无所念故何謂菩薩棄捐諸  
見能捨離聲聞辟支佛地故何謂菩  
薩滅除塵勞一切諸漏所習止處欲  
垢志斷故何謂菩薩寂離見地謂能  
逮成薩芸若慧故何謂心調於三界  
無所患難故何謂心寂能御六根故  
何謂菩薩不捨智慧謂能逮得明眼  
故何謂菩薩无有率暴觀於六入無  
染著故何謂菩薩心有所入則以一  
心普見一切衆生之念故何謂菩薩  
神通自娛則以神通而自娛樂從一  
佛國復至一國所遊之處无佛土想

故何謂菩薩見諸佛國住此佛國則見十方无量佛國於諸佛國亦无所著故何謂菩薩如所觀察見諸佛國具足嚴淨三千世界所遊之處輒為轉輪聖王故何謂菩薩稽首諸佛供事歸念一切經法分別義趣故何謂菩薩而常審諦觀諸佛身以真正見諸佛則為法身故何謂菩薩曉了諸根若能住於恒薩阿竭十種力者則能曉了一切衆生諸根本故何謂菩薩佛土清淨人民清淨是則名曰佛土清淨故何謂菩薩如幻三昧住此三昧菩薩則能變現一切无所不入心无所處故何謂菩薩而等三昧菩薩於諸三昧無所希望故何謂菩薩能教衆生所造德本各隨其行而開化菩薩摩訶薩則以至誠而護己身隨其衆生而開度之何謂菩薩至誠自然有所勸發欲以度脫一切衆生故何謂菩薩如其志願必能得之菩薩常具足六波羅蜜故何謂菩薩所演出音諸天龍神及捷沓耆聞其音者各得解了而順化之用有大哀普

等音故何謂菩薩入於胞胎菩薩摩訶薩世世所生而无所生故何謂菩薩在於尊貴菩薩所生在諸種姓則能化之故何謂菩薩所生具足假使菩薩在君子種在梵志種在居士種則能勸化故何謂菩薩在於尊姓諸以過去衆菩薩性等无差別故何謂菩薩眷屬具足菩薩所從諸眷屬侍使无所乏故何謂菩薩土地嚴淨始生之時光明照耀无數世界其蒙光者皆得安隱故何謂菩薩棄國捐家菩薩摩訶薩捨家學道時化无央數億百千人而與從俱能令衆生立於三乘故何謂菩薩詣諸佛樹其樹則為根莖枝葉華實皆為七寶紫磨金色照於十方无數佛土志為大明是為菩薩詣佛樹嚴淨何謂菩薩一切名德而志具足設使菩薩人清淨者則佛國淨是為菩薩名德具足何謂菩薩住十道地成為如來菩薩摩訶薩具足六波羅蜜十力无畏十八不共諸佛之法得薩芸若慧斷除塵勞無所罣碍是為菩薩住十道地成為



如來如是須菩提菩薩摩訶薩遍起  
拘舍羅行六波羅蜜意止意斷神足  
根力七覺八道三十七品十力无畏  
四分別辯十八不共諸佛之法寂然  
離見現入種性八等之地若有所處  
離欲之地所作辯地離於聲聞辟支  
佛地菩薩之地是為菩薩摩訶薩入  
第九住於佛地是為菩薩摩訶薩第  
十行住是為菩薩摩訶薩三拔致

光讚經卷第七

戊戌歲高麗國大藏都監奉

勅彫造

光讀經卷第八

河

西晉月支國三藏竺法護譯

摩訶般若波羅蜜所因出行品第十九

佛告須菩提如汝所問何從出行中何從住衍中誰為成衍者從三界生住薩芸若有本无生無甫當生所以者何其摩訶衍薩芸若慧於此二事法無所合亦无所散無色无見無所取捨則為一相则无有相所以者何其無相法无所出生法有生者則為欲令法界出生其無相法有所生者則為欲令本无出生其無相法则无所生欲令生者則為欲令真本際生其有欲令无相生者則為欲令不可思議法界出生其有欲令無相法生則為欲令專精修行而出生其有欲令無相法生則便欲令斷界出生取要言之須菩提則為欲令離欲界生其有欲令無相法生者則為欲令滅度界生須菩提彼為欲令寂然空无而出生矣其有欲令色痛痒思想生死識無相法生者則為欲令有相法

生所以者何色則為空從三界生住  
 薩芸若痛痒思想生死識亦無有空  
 從三界生薩芸若者則无所住所以  
 者何若解色者色則為空解痛痒思  
 想生死識者識則為空眼耳鼻舌身  
 心亦空欲令生者則為欲令虚空出  
 生眼色識耳聲識鼻香識舌味識身  
 更識意欲識此十八種因緣所見則  
 為空無欲令生者則為欲令无相法  
 生所以者何須菩提眼之所視悉皆  
 為空耳鼻舌身意亦如是習皆空須  
 菩提三界為空眼所視空從三界生  
 薩芸若者則无所住六情亦空因三  
 界生薩芸若者则无所住六情所受  
 所習皆空無有相欲令生者則為欲  
 令生者則為欲令夢幻出生所以者  
 何夢幻水月芭蕉野馬深山之響皆  
 悉自然自然之事如來之化三界自  
 然則無所生薩芸若者則無所住所  
 以者何須菩提如夢自然夢自然者  
 悉无所有幻化之事亦復如是須菩  
 提其欲令檀波羅蜜有尸波羅蜜羣  
 波羅蜜逮波羅蜜蜜禪波羅蜜般若

波羅蜜生者則為欲令无相法生所以者何須菩提六波羅蜜者悉皆自然從三界生薩芸若者亦无所住所以者何須菩提六波羅蜜者則為自然其自然者故曰為空其有欲令無相法生者則為欲令内空外空有空無空近空遠空真空出生所以者何須菩提其七空者則為自然以自然故因三界生薩芸若者则无所住所以者何須菩提用七空自然故名曰為空故空為空須菩提其有欲令無相法生者則為欲令四意止四意斷四神足念五根五力七覺八道行生所以者何皆自然空因三界生薩芸若者則无所住須菩提其有欲令三十七品出生者則為欲令無相法生所以者何須菩提三十七品則為自然不生三界薩芸若者則无所住所以者何三十七品自然空空故曰空須菩提其有欲令十力無畏十八不共諸佛之法四分別辯悉自然空空故曰空須陀洹斯陀含阿那含阿羅漢辟支佛上至怛薩阿竭阿羅訶三耶三

佛生者則為欲令无相法生所以者何須菩提其三乘者亦復自然不出三界薩芸若者则无所住所以者何須菩提阿羅漢者則為自然自然故空故曰為空恒薩阿竭則為自然自然故空故曰為空須菩提其有欲令名号生者則為欲令無相法生空无相無願亦復如是其欲令因緣言辭生者則為欲令無相法生所以者何須菩提其名号空不生三界薩芸若者則無所住所以者何名号則空用名号空故曰為空因緣言辭諸可處所悉皆為空諸法處空故曰為空其有欲令無所生生則為欲令无相法生所以者何无相法空悉無處所處所空故故曰為空其有欲令无滅無想無塵无瞋無所有生者則為欲令无相法生所以者何此諸事空空故曰空名号因緣言辭所處三十七品十種力四無畏十八不共諸佛之法四分別辯亦復如是是故須菩提摩訶衍者從三界生為无所生生薩芸

若生亦無所生无有動處又須菩提  
所問在何所住者心無所住行無有  
處所以者何無所住故一切諸法亦  
无所住又須菩提行所住者住无所  
住其法界者亦無所住住無所住行  
亦如是住無所住如上虛空无所由  
轉行亦如是住无所住又譬如無生  
住無所住行亦如是住无所住譬如  
无滅無塵无瞋及無所有住无所住  
行亦如是住無所住所以者何法界  
自然住无所住所以者何法界自然  
用自然故自然為空及與七空悉無  
所有自然為空空無所有故曰為空  
是故須菩提行无所住住無所住故  
無動轉須菩提所問從何所住而成  
行者行無所生所以者何無有從中  
生者无有甫當生者一切諸法悉無  
所有以此無故一切諸法亦復如是  
何所有法當有生者所以者何我人  
壽命亦復如是亦无有如亦無所見  
亦無所得本末清淨是故我人壽命  
如是法界悉不可得本末悉空是故  
恒薩阿竭悉不可得其本際者亦不



可得本末悉淨是故諸界不可思議  
悉不可得本末清淨是故陰種諸入  
悉不可得本末清淨陰種諸入不可  
得故本末清淨六波羅蜜者悉不可  
得本末清淨是故七空亦不可得本  
末清淨意止意斷神足根力七覺八  
道三十七品十種力四无所畏十八  
不共諸佛之法四分別辯亦不可得  
本末清淨須陀洹斯陀舍阿那舍阿  
羅漢辟支佛上至怛薩阿竭阿羅訶  
三耶三佛悉不可得本末清淨三乘  
之法薩芸若慧不可得故本末清淨  
其无所有生悉不可得本末清淨無  
滅無塵无瞋無爭諸无所及諸所  
有悉不可得本末清淨其過去當來  
今現在事往來所住住止所生悉不  
可得本末清淨所益所損悉不可得  
本末清淨誰當逮得不可得者其法  
界者亦不可逮无有得者所以者何  
欲逮法界則不可得若求阿羅漢辟  
支佛怛薩阿竭欲得此者悉不可得  
若有欲得三十七品十力無畏十八  
不共諸佛之法四分別辯者亦不可

得無能逮者若有欲逮得阿耨多羅  
三耶三菩悉不可得本際悉空而不  
可得六波羅蜜及與七空亦復如是  
悉不可得其無所生亦無所滅无塵  
無瞋無所有者悉不可得所以者何  
正真觀之悉无所有悉不可得其欲  
逮得第一住者亦不可得至于十住  
亦不可得本末清淨何所有第一住  
者其清淨觀者及種性八等所示現  
地是所有地離欲之地所作辨地碑  
支佛地菩薩道地三耶三佛地及第  
一地悉不可得其七空者悉不可得  
計於内空上至十住悉不可得七空  
十住悉無所有者悉不可得所以者何  
須菩提其第一住但名字耳為不可  
得上至十住亦復如是假有所得為  
不可得本末清淨而為衆生講說内  
空悉不可得一切衆生亦不可得而  
為衆生說七品空事所可說者悉不  
可得本末清淨以内空故佛土清淨  
悉無所得七空自然自然空故佛土  
清淨悉不可得本末清淨是故内空  
及與五眼悉不可得皆无所有自然

自然空為其五眼悉無處所本末清淨是故須菩提菩薩摩訶薩於一切悉无所得則為逮得成摩訶衍三拔致薩芸若慧

摩訶般若波羅蜜無去來品第三

尔時賢者須菩提白佛言所言摩訶衍者其摩訶衍義之所趣唯天中天於天上人中世間而最為尊莫不歸者衍與空等譬如虛空容覆无量阿僧祇人莫不戴仰唯天中天摩訶衍者亦復如是菩薩摩訶薩覆不可計阿僧祇人悉因得度摩訶衍者不見來時不見去時不見住處如是天中天摩訶衍者不得過去當來現在亦無中間見亦无所得其名等於三世故曰為衍是故為摩訶衍於是世尊告須菩提如是如是所謂摩訶衍者是為菩薩摩訶薩六波羅蜜檀波羅蜜蜜尸波羅蜜羼波羅蜜惟逮波羅蜜禪波羅蜜般若波羅蜜是為須菩提菩薩摩訶薩摩訶衍復次須菩提菩薩摩訶薩摩訶衍者謂一切諸陀羅尼門諸三昧門首楞嚴三昧取要言

之空等三昧解脫三昧無著三昧寂滅三昧是謂菩薩摩訶薩摩訶衍復次須菩提菩薩摩訶薩摩訶衍者曉了七空三十七品十力无畏十八不共諸佛之法四分別辯是為菩薩摩訶薩摩訶衍也又須菩提所言摩訶衍者天上天下世間最上莫不歸仰者譬如須菩提欲界本无而无本無等無有異不可分別無有顛倒誠諦自然久長堅固無有別離法無合无散未曾所有是為摩訶衍天上天下人中最尊莫不歸仰者假使須菩提劫盡燒時悉為現之教化一切令知无常無有長久无堅固者悉無所有是故摩訶衍天上天下世間最尊莫不歸仰者又須菩提欲界如是等無有異無有顛倒誠諦自然無本堅固無別離法无有因緣其無所有終不所有是為摩訶衍天上天下最尊設使須菩提欲界有想無常顛倒而現破壞一切无常無有長久不可堅固別離之法悉無所有是故須菩提摩訶衍天上天下於无色界亦復如是

設使湏菩提諸色本无悉無所有亦復如是等亦無老別無有若干誠諦自然本无堅固無別離法其无有者不可令有是為摩訶衍天上天下寂尊假使湏菩提色有所念而應清淨而為顛倒悉令飽滿皆當無常无有久存不得堅固別離之法悉無所有是故摩訶衍色痛痒思想生死識亦復如是眼耳鼻舌身心等無有異眼色識耳聲識鼻香識舌味識身更識意欲識等無有異悉无所有有所可分別至誠真諦計有常者久長堅固是非摩訶衍用習六事心有想念因緣所習迷惑多求以自飽滿是一切法皆悉無常无有長存不可久固是故摩訶衍天上天下寂尊設使湏菩提法界所有悉无所有是為摩訶衍天上天下寂尊堅固無所有生如湏菩提法界所有悉无所有有行無所有是故摩訶衍天上天下寂尊設使湏菩提恒薩阿竭現有所有悉无所有其真本際不可思議其界所有悉無所有是為摩訶衍天上天下寂尊正使湏

菩提諸界者不可思議其所有者悉  
无所有是故摩訶衍天上天下最尊  
設使須菩提六波羅蜜所有悉无所  
有亦復不無是為摩訶衍正使須菩  
提其内空者不有不无自然為空不  
有不無是為摩訶衍所以須菩提其  
内空者自然無有有了空者不有不  
无故曰摩訶衍設使須菩提三十七  
品十力無畏十八不共諸佛之法四  
分別辯不有不无亦不不無是為摩  
訶衍正使須菩提其種性法不有不  
無亦不不无用種性法不有不無亦  
不不無是故摩訶衍正使須菩提其  
八等法不有不無須陀洹法斯陀含  
法阿那含法阿羅漢法辟支佛法諸  
佛之法不有不無用不有不无亦不  
无無是故摩訶衍正使須菩提其八  
等法及與佛法不有不无亦不無无  
是故摩訶衍用須菩提其諸種性不  
有不無亦不无無用諸八等不有不  
無亦不无無須陀洹斯陀含阿那含  
阿羅漢辟支佛上至怛薩阿竭阿羅  
訶三耶三佛不有不无亦不無无是



故摩訶衍須菩提欲知以諸八等怛  
薩阿竭阿羅訶三耶三佛不有不無  
亦不无無是故摩訶衍設使須菩提  
諸天人民阿須倫及與世間不有不  
無亦不无無以諸天人民及阿須倫  
世間所有不有不无亦不無无是故  
摩訶衍假使須菩提菩薩從初發意  
乃至道場坐於佛樹於中發心不有  
不無亦不無无如須菩提菩薩摩訶  
薩從初發意乃至道場於中發心一  
切不有不無亦不无無是故摩訶衍  
假使須菩提菩薩摩訶薩其智慧尊  
猶如金剛不有不無亦不无無是為  
菩薩摩訶薩曉了達見一切諸尋及  
衆塵勞得薩芸若以須菩提菩薩摩  
訶薩了諸星尋一切塵勞悉无所有  
逮薩芸若是故摩訶衍正使須菩提  
怛薩阿竭阿羅訶三耶三佛其三十  
二大人之相不有不无亦不無无是  
故怛薩阿竭阿羅訶三耶三佛天上  
天下最尊威神聖德光明微妙靡所  
不照无有疇疇是故怛薩阿竭阿羅  
訶三耶三佛威神巍巍聖德光明照

於十方恒沙諸佛世界及諸天上天下諸天人民諸阿湏倫光明普遍用不有不无亦不無无是故怛薩阿竭阿羅訶三耶三佛光明照於十方恒沙世界又湏菩提怛薩阿竭有八部之音不有不無亦不无無是故怛薩阿竭阿羅訶三耶三佛聲告十方於阿僧祇無量世界用怛薩阿竭其八部聲不有不无亦不無无是故有八種音聲告於十方不可思議无量世界又湏菩提怛薩阿竭所轉法輪不有不無亦不无無是為怛薩阿竭轉於法輪沙門婆羅門諸梵天衆天上天下莫能當者皆令如法各得其所是故怛薩阿竭為轉法輪沙門婆羅門天上天下及諸人民莫能當者又湏菩提一切衆生不有不無亦不无無是故怛薩阿竭數轉法輪令諸衆生不至無餘於泥洹界又湏菩提此諸衆生不有不無亦不无無悉了是已故怛薩阿竭轉於法輪是故衆生至無餘界於泥洹界而般泥洹摩訶般若波羅蜜行與空等品第三十一

佛告須菩提如汝所言行與空等者  
所說至誠如是如是行與空等譬如  
虛空不可計知東方里數南方西方  
北方四隅上下亦不可知無遠无近  
无有邊際怛薩阿竭慧亦如是不可  
盡極八方上下無有邊際无有遠近  
慧不可盡譬如虛空无長無短无有  
方面无增無減怛薩阿竭慧亦如是  
無長无短不圓不方無增无減又須  
菩提譬如虛空無有五色青黃赤白  
行亦如是又須菩提譬如虛空无有  
過去當來現在行亦如是無去來今  
又須菩提譬如虛空无能增者無能  
減者行亦如是不增不減故言行與  
空等又須菩提譬如虛空無有塵勞  
無瞋恨无有生者亦無所滅亦无所  
住亦无不住亦無所念行亦如是是  
故言行與空等又須菩提譬如虛空  
無有善惡無有言辭亦无不言譬如  
虛空无見無聞无念無知行亦如是  
是故言行與空等又須菩提譬如虛  
空亦無有異亦无不異亦無所斷亦  
無所造證亦无所除行亦如是又須

菩提譬如虛空无有欲法不離欲法  
无瞋恚法不離瞋恚无愚癡法不離  
愚癡衍亦如是又須菩提譬如虛空  
不與欲界合同不與色界及無色界  
合同亦不離三界衍亦如是又須菩  
提譬如虛空無初發意從第一住衍  
亦如是无有十住又須菩提譬如虛  
空无有清濁無所觀見無有處所无  
種性地八人等地無示現地无我所  
地無所欲地无所作不作地衍亦如  
是又須菩提譬如虛空無須陀洹果  
無斯陀含果无阿那含果無阿羅漢  
果又須菩提譬如虛空无聲聞地無  
辟支佛地無三耶三佛地衍亦如是  
又須菩提譬如虛空无有形像亦无  
不像亦无有見亦不無見无受無捨  
无合無散衍亦如是又須菩提譬如  
虛空則無有常亦无不常無苦无樂  
無我不我衍亦如是又須菩提譬如  
虛空亦无有空亦無不空无有異空  
無有異想亦無无想亦無有願亦无  
不願衍亦如是故言衍與空等又須  
菩提譬如虛空無有寂然无不寂然

無有憚怕亦无不怕又須菩提譬如虛空无有光明亦無闇冥行亦如是又須菩提譬如虛空無所逮得亦无不得行亦如是是故言行與空等又須菩提譬如虛空无言無說亦无不言行亦如是是故言行與空等是故提所言譬如虛空無有邊際覆不可計阿僧祇人行亦如是安不可計阿僧祇人如是須菩提譬如虛空覆不可計阿僧祇人行亦如是護不可計阿僧祇人計人无人譬如虛空不可得有空以無有摩訶行者亦復如是是故須菩提摩訶行者安護无数阿僧祇人所以者何人與虛空及摩訶行此一切法都不可得故復次須菩提人不可計空亦不可計虛空亦不可計摩訶行亦不可計是故摩訶行覆不可計阿僧祇人所以者何須菩提人與虛空及摩訶行悉不可計悉不可得復次須菩提不可計是故摩訶行覆護不可計阿僧祇人復次須菩提人无所有法界亦無所有一切

諸法亦无所有故曰虛空亦無所有  
 人與虛空及摩訶衍悉無所有阿僧  
 祇无所有無有量无所有無有底无  
 所有是故摩訶衍覆護不可計阿僧  
 祇人所以者何衆生法界及摩訶衍  
 又阿僧祇不可限量无有崖底悉不  
 可得故復次須菩提人無所有恒薩  
 阿竭亦无所有虛空亦无所有摩訶  
 衍亦無所有阿僧祇亦無所有不可  
 計亦无所有無底亦无所有一切諸  
 法亦無所有是故須菩提摩訶衍者  
 為不可計阿僧祇崖底人而設擁護  
 所以者何恒薩阿竭虛空衆生及摩  
 訶衍其阿僧祇不可計議無有崖底  
 悉不可得故復次須菩提吾我無所  
 有所知所見亦無所有本際无所有  
 當作是了本際以無至不可計及阿  
 僧祇無央數者亦无所有以無所有  
 一切諸法亦无所有是故摩訶衍名  
 曰不可計阿僧祇覆護無央數人所  
 以者何須菩提一切衆生所知所見  
 及與本際至阿僧祇无央數不可計  
 皆不可得復次須菩提吾我及人悉



無所有所知所見亦無所有不可思議境界亦無所有色痛痒思想生死識亦无所有虚空亦無所有摩訶衍亦無所有阿僧祇亦无所有不可計亦无所有無央數亦無所有一切諸法亦無所有是故摩訶衍為不可計阿僧祇人之覆護所以者何如須菩提吾我及人悉為虚空所知所見亦復虛無眼亦虚无耳鼻舌身意亦復虛无以虚無虚空亦虚无空以虚無摩訶衍者亦復虚无以無二虛阿僧祇無央數不可計亦復虚无不可計以虚无一切諸法亦復虚無是故摩訶衍覆无央數不可計阿僧祇人所以者何須菩提吾我及人一切諸法悉不可得復次須菩提吾我無所有所知所見亦无所有以无所檀波羅蜜亦無所有尸波羅蜜羼波羅蜜惟逮波羅蜜禪波羅蜜般若波羅蜜亦无所有般若波羅蜜以無所有虚空亦無所有摩訶衍亦无所有是故摩訶衍覆護無央數不可計阿

僧祇人所以者何須菩提吾我及壽  
一切諸法悉不可得故復次須菩提  
吾我及人則无所有世間所知內空  
外空近空遠空真空所有空無所有  
空亦无所有七空以無有虛空亦无  
所有摩訶衍亦无所有無央數不可  
計阿僧祇亦無所有一切諸法亦无  
所有是故摩訶衍覆護不可計無央  
數阿僧祇人所以者何須菩提我人  
及壽一切諸法悉不可得故復次須  
菩提我人知見悉无所有意止意斷  
神足根力七覺八道三十七品亦无  
所有十力无畏十八不共諸佛之法  
亦無所有虛空摩訶衍亦无所有是  
故摩訶衍覆護不可計無央數阿僧  
祇人所以者何吾我及人一切諸法  
悉不可得故復次須菩提我人知見  
悉无所有種性諸法亦无所有所作  
之地以無所有虛空亦無所有摩訶  
衍亦无所有不可計阿僧祇人一切  
諸法亦無所有是故摩訶衍覆護不  
可計無央數阿僧祇人復次須菩提  
我人知見亦无所有須陀洹斯陀舍

阿那含阿羅漢辟支佛亦無所有  
切諸法亦無所有是故摩訶衍覆護  
不可計无央數阿僧祇人所以者何  
吾我及人一切諸法悉不可得復次  
須菩提聲聞辟支佛上至怛薩阿竭  
亦無所有薩芸若亦无所有一切諸  
法亦无所有是故摩訶衍覆護不可  
計無央數阿僧祇人所以者何須菩  
提我人諸法悉不可得故又須菩提  
泥洹之界覆護不可計阿僧祇人衍  
亦如是是故衍與空等覆護不可計  
阿僧祇人如須菩提所問摩訶衍者  
亦不見來時亦不見去時亦不見住  
處衍亦如是所以者何一切諸法不  
可轉動是故无有住者無有來者亦  
无所住所以者何須菩提色痛痒思  
想生死識亦無所從來亦无所從去  
亦無所住須菩提色痛痒思想生死  
識亦清淨无所從來無所從去亦无  
所住色痛痒思想生死識者无本無  
所從來无所從去亦無所住色痛痒  
思想生死識自然无所從來無所從  
去亦無所住色痛痒思想生死識自

然相无所從來無所從去亦无所住  
眼耳鼻舌身意自然相者無所從來  
無所從去亦无所住其地水火風空  
是諸種者無有清淨亦无無本其自  
然者亦无地種自然相者无所從來  
無所從去亦无所住水火風種虛空  
識種亦復如是恒薩阿竭本無自然  
及自然相無所從來无所從去亦無  
所住須菩提本際清淨本際无本本  
原自然本自然相不可計議及清淨  
界者無所從來无所從去亦无所住  
不可思議及與無本无所念界及與  
自然無思議界自然之相无所從來  
无所從去亦無所住須菩提六波羅  
蜜亦清淨般若波羅蜜亦无無本亦  
無自然自然之相无所從來无所從  
去亦无所住三十七品十力無畏十  
八不共諸佛之法道德清淨佛與正  
覺無所從來无所從去亦無所住其  
无所有及與無本其无為者不為自  
然其無為者无自然相無所從來無  
所從去亦無所住如須菩提所言摩  
訶衍者不得過去不得當來不得中

間三世平等摩訶衍者但有字耳如是須菩提所言摩訶衍者無去來今三世平等摩訶衍者但有字耳所以者何須菩提過去亦空當來亦空現在亦空三世平等三世空等摩訶衍者亦復空等菩薩亦空其以空者无一無二无三無四不多不少是故名曰三世平等為摩訶衍菩薩功德巍巍无有等侶无正無邪亦不於欲亦不離欲亦不瞋恚不離瞋恚亦不愚癡不離愚癡不得憍慢不離憍慢不得貪慳妬嫉亦无所離不得善法惡法不得有常無常不得苦樂不得我不我欲界色界無色界亦不可得不度欲界不度色界不度無色界所以者何不得自然過去色空當來色空現在色空痛痒思想生死識亦復如是色不可得用過去當來現在色空故不可得空故曰空空不可得何況念空有去來今痛痒思想生死識亦復如是又須菩提六波羅蜜不得過去不得當來不得現在須菩提六波羅蜜亦不可得三世平等故六波羅

蜜為不可得其平等者无去来今用  
平等故復次須菩提其三十七品十  
力無畏十八不共諸佛之法亦不可  
得過去當來現在三世平等故三十  
七品十力無畏諸佛之地亦不可得  
其平等者无去来今十力無畏十八  
不共諸佛之法無去来今以平等故  
故曰平等何況平等去来今三十七  
品十力無畏十八不共諸佛之法而  
可得乎復次須菩提過去當來現在  
凡夫亦不可得三世平等故故凡夫  
等所以者何推求人永不可得須陀  
洹斯陀舍阿那含阿羅漢辟支佛菩  
薩恒薩阿竭亦不可得當來現在亦  
復如是三世平等故諸聲聞辟支佛  
菩薩恒薩阿竭亦不可得推極人本  
不可得故如是須菩提故菩薩摩訶  
薩作是住般若波羅蜜覺了三世為  
以具足薩若若慧是為菩薩摩訶薩  
為摩訶衍三世平等菩薩摩訶薩以  
住是者天上天下世間軍尊因得出  
生薩若若慧須菩提白佛言善哉善  
哉唯天中天摩訶衍者是菩薩摩訶



薩學此行者過去菩薩摩訶薩亦因  
學是得薩芸若慧當來菩薩摩訶薩  
亦因是學得薩芸若慧今現在十方  
不可計无央數阿僧祇世界諸菩薩  
摩訶薩亦復學是摩訶衍得薩芸若  
慧是故天中天菩薩摩訶薩摩訶衍  
也佛告須菩提如是如是過去未來  
當今現在恒薩阿竭阿羅訶三耶三  
佛悉學是法得薩芸若慧

光讚經卷第八

戊戌歲高麗國大藏都監  
勅周造

光讚經卷第九

河

西晉月氏國三藏竺法護譯

摩訶般若波羅蜜分曇陀尼弗品第三十二

今時賢者分曇陀尼弗白佛言尊者  
須菩提使說般若波羅蜜乃說摩  
訶衍事為須菩提白佛言唯我說摩  
訶衍得无過天中天佛言不過也沒  
說摩訶衍為隨般若波羅蜜教所以  
者何須菩提諸所有善法聲聞辟支  
佛法佛正覺法皆從般若波羅蜜出  
生本從其教須菩提白佛言云何天  
中天諸所善法聲聞辟支佛法諸佛  
之法及菩薩法皆從般若波羅蜜出  
生皆從其教乎佛告須菩提檀波羅  
蜜尸波羅蜜羣波羅蜜惟逮波羅蜜  
禪波羅蜜四意止四意斷四神足念  
五根五力七覺意八道行空无相無  
願諸解脫門如來十力四無所畏十  
八不共諸佛之法四分別辯大慈大  
哀无忘失法慈悲喜護曉了道品所  
施行法聲聞辟支佛法菩薩法一切  
諸法皆從般若波羅蜜中出生皆從

其教又須菩提其摩訶衍般若波羅蜜及五波羅蜜色觸痛痒思想生死識眼色識耳聲識鼻香識舌味識身更識意法識所更因緣所習因緣諸不可意所習種意止意斷神足根力七覺八道十力無畏十八不共諸佛之法空无想願諸解脫門一切善法有漏無漏有所有无所有有為無為苦習盡道欲界色界無色界內空外空近空遠空真空所有空无所有空一切平等及諸三昧陀羅尼門怛薩阿竭所曉了法自到成就諸佛法界如來本際不可思議界若合若散无合無散有色无色有見無見有形無形有相無相是一切諸法皆從摩訶衍出生為順般若波羅蜜教所以者何須菩提摩訶衍般若波羅蜜等无異六波羅蜜復无有異十力無畏諸佛之法亦無有異是故摩訶衍諸佛之法則无有異亦無有二亦无若干是故須菩提所說摩訶衍者則說般若波羅蜜

摩訶般若波羅蜜等三品第三十三

須菩提白佛言菩薩亦不念過去亦  
不念當來亦不念中間色痛痒思想  
生死識亦无有邊菩薩亦無有邊色  
與菩薩俱無所有亦不可得痛痒思  
想生死識識與菩薩俱无所有亦不  
可得如是天中天一切菩薩摩訶薩  
皆不可得當云何教菩薩摩訶薩般  
若波羅蜜一切求菩薩悉不可得亦  
不可見當云何說般若波羅蜜教菩  
薩耶菩薩而復号菩薩但有字耳譬  
如人自言吾有我本末求之悉无所  
有諸法自然何所生色色之所生何  
所生痛痒思想生死識識之所生唯  
天中天其无所生則無有色亦无有  
識也何所有說般若波羅蜜者當云  
何教菩薩亦無有異處亦无有出生  
亦不可得菩薩者亦不得行道者菩  
薩間是不恐不怖無所畏懼菩薩摩  
訶薩則為行般若波羅蜜舍利弗謂  
須菩提云何過去當來中間菩薩而  
不可得何以故色無有邊痛痒思想  
生死識亦无有邊菩薩亦無有邊色  
痛痒思想生死識俱无所有亦不可

得一切菩薩皆不可得云何教菩薩  
摩訶薩般若波羅蜜何所說吾我都  
不可見菩薩亦不可得處云何教菩  
薩摩訶薩般若波羅蜜何以故說是  
言菩薩摩訶薩但有字耳末索吾我而  
无本末諸法自然色從何生痛痒思  
想生死識從何出生唯天中天其无  
所生則無有色其無所生者則無痛  
痒思想生死識向者須菩提作是說  
言其无所生當云何教般若波羅蜜  
何故說言亦无異處有所生者而可  
得菩薩耶其行道者何故須菩提而  
說此言菩薩摩訶薩聞是心不恐怖  
則為行般若波羅蜜所說云何須菩  
提謂舍利弗人无所所有故過去菩薩  
而不可得衆生悉空是故過去菩薩  
而无所受衆生恍忽是故過去菩薩  
而無所受色無所有是故菩薩不受  
過去痛痒思想生死識空无所所有是  
故菩薩不受過去受過去色空痛痒  
思想生死識亦空色恍忽痛痒思想  
生死識恍忽色自然痛痒思想生死  
識自然是故菩薩不受過去檀波羅

蜜尸波羅蜜羣波羅蜜唯逮波羅蜜  
禪波羅蜜般若波羅蜜悉无所有是  
故菩薩不得過去所以者何舍利弗  
其以空者不可得過去當來中間无  
有異空無有菩薩无有過去空菩薩  
及過去事皆悉無二无若干也是故  
菩薩不受過去當來中間亦復如是  
取要言之檀波羅蜜亦復恍忽檀波  
羅蜜自然尸波羅蜜羣波羅蜜唯逮  
波羅蜜禪波羅蜜般若波羅蜜亦復  
悉空般若波羅蜜亦復恍忽則無自  
然是故菩薩不受過去是故舍利弗  
其以空者无有過去當來中間空與  
菩薩及已過去亦無有二亦无有若  
干是故舍利弗菩薩不受過去其七  
空者亦无所有是故菩薩不受過去  
復次舍利弗其意止意斷神足根力  
七覺八道三十七品亦復為空亦復  
恍忽其七空者亦復如是是故菩薩不  
受過去十力無畏十八不共諸佛之  
法悉空恍忽是故菩薩不受過去六  
波羅蜜亦无所有亦復恍忽亦無自  
然是故菩薩不受過去復次舍利弗



一切三昧悉無所有陀羅尼門皆无  
所有諸三昧門陀羅尼門亦復悉空  
亦復恍忽諸三昧門陀羅尼門皆无  
所有諸三昧門陀羅尼門亦復悉空  
自然是故菩薩不受過去六波羅蜜  
亦復如是復次舍利弗及諸法界亦  
無所有法界悉空法界恍忽法界自  
然法界亦無七空是故菩薩不受過  
去復次舍利弗怛薩阿竭亦无所有  
亦悉無本无本恍忽無本亦空其本  
无者亦无自然是故菩薩不受過去  
其本際者亦無所有本際悉空本際  
恍忽亦無自然不可思議一切諸界  
亦无自然是故菩薩不受過去復次  
舍利弗諸聲聞辟支佛怛薩阿竭亦  
无所有怛薩阿竭則空恍忽亦無自  
然是故菩薩不受過去道無所有亦  
空恍忽亦无自然薩芸若者亦空恍  
忽亦無自然是故菩薩不受過去所  
以者何舍利弗空與恍忽過去當來  
中間亦復如是不可得菩薩亦不可  
得是故舍利弗空與恍忽過去當來

而無有二亦无若干是故菩薩不受  
過去又舍利弗所問何故色無有邊  
痛痒思想生死識無有邊菩薩亦无  
有邊痛痒思想生死識如空空譬如  
虛空無有邊際無有中間无有崖底  
空虛但有字舍利弗色痛痒思想生  
死識亦如是無有邊際無有中間无  
有崖底以色空故其以空者无際無  
間不可得底痛痒思想生死識者亦  
復如是是故舍利弗色无有邊痛痒  
思想生死識無有邊菩薩亦无邊皆  
無所有亦不可得是故舍利弗色與  
菩薩亦无所有亦不可得痛痒思想  
生死識亦復如是復次舍利弗六波  
羅蜜空故曰為空內空亦空外空亦  
空以空故空近空遠空真空及七空  
三十七品十力無畏諸佛之法亦復  
悉空以空故空无有本際不可思議  
一切諸界亦復為空以空故空諸三昧  
門陀羅尼門亦復為空其薩芸若亦  
復為空其所曉了道品道慧亦復為  
空以空故空其三乘法亦復為空恒  
薩阿竭亦復為空故舍利弗恒薩阿

竭空亦无有色亦不可得色與菩薩  
亦无所有悉不可得痛痒思想生死  
識者亦復如是舍利弗所問何故一  
切菩薩悉不可得云何為菩薩說般  
若波羅蜜色痛痒思想生死識亦不  
可得色不可得痛痒思想不可得色  
色痛痒思想生死識不可得其所思  
想想亦无所有所想痛痒亦无所有  
所想生死亦無所有所想行識亦無  
所有亦不可得所識識者亦无所有  
亦不可得所識色所識痛痒所識思  
想所識生死悉无所有亦不可得舍  
利弗其六情者亦無所有亦不可得  
其眼耳鼻舌身意者悉無所有亦不  
可得其耳者悉无所有亦不可得耳  
與眼者悉無所有亦不可得耳與鼻  
悉無所有亦不可得鼻與鼻者悉无  
所有亦不可得其鼻及眼悉無所有  
亦不可得其鼻與舌悉無所有亦不  
可得計於舌者悉无所有亦不可得  
舌眼耳鼻悉无所有亦不可得其香  
及身悉无所有亦不可得身及與身  
悉无所有亦不可得意及與意悉无

所有亦不可得眼耳鼻舌身意識悉無  
所有亦不可得眼色耳聲鼻香舌味  
身更意欲六情六識六味十八諸入  
因緣一切諸事悉無所有亦不可得  
內色外色痛痒諸法亦復如是六波  
羅蜜及與七空三十七品十力无畏  
諸佛之法諸三昧門陀羅尼門種性  
諸法阿羅漢法辟支佛法怛薩阿竭  
菩薩法十住事法薩芸若慧及諸道  
慧上至怛薩阿竭及與菩薩悉無所  
有亦不可得菩薩與般若波羅蜜悉  
无所有亦不可得又般若波羅蜜於  
般若波羅蜜悉无所有亦不可得般  
若波羅蜜及與菩薩悉無所有亦不  
可得般若波羅蜜无言無說无教无  
化不可得故於菩薩者无言無說無  
教无化亦無所有亦不可得是故舍利  
羅蜜亦无所有亦不可得是故舍利  
弗一切諸法亦無所有亦无得者不  
可得故菩薩摩訶薩亦不可得亦無  
所說如舍利弗所言何以故字而字  
菩薩從何來其名字者為在何所而  
為菩薩是故名為菩薩言菩薩者但

以字耳從何所來色痛痒思想生死識者但以字耳但字字著言耳而無有色無有痛痒思想生死識所以者何字者亦空字自然空不以是故名為菩薩亦無已字丹本亦不以空為菩薩也復次舍利弗六波羅蜜但以字耳不以字故為六波羅蜜是所言菩薩者但以字耳是以言般若波羅蜜但以字耳不以字故為般若波羅蜜般若波羅蜜者无有字也所以者何字與般若波羅蜜二者俱空不可得故舍利弗所言菩薩但假号耳所言内空外空近空遠空真空所有空無所有空但以字耳其七空者不以字空所以者何不以字故為空也此諸空者為不可得是故舍利弗所言菩薩但假号耳舍利弗此所名字為假号耳意止意断根力覺意八道三十七品十力無畏十八不共諸佛之法但假号耳不以字故為諸佛法諸佛法空是故舍利弗所言菩薩但假号耳諸三昧門陀羅尼門須陀洹斯陀含阿那含阿羅漢辟支佛菩薩上至佛亦假号耳不以

字為字所言吾我我所推其本末亦無所有无所成吾我不可得何況於道有所得者所知所見亦不可得何況欲令有所成者舍利弗色痛痒思想生死識本末亦不可得何況欲令識有成眼眼更因緣痛痒耳鼻舌身意六情所入亦不可得六波羅蜜七空本末空亦不可得何況欲令有所成者三十七品十力四無畏諸佛之法推其本末亦不可得何況欲令有所成者諸三昧門陀羅尼門推其本末悉不可得何況欲令有所成者聲聞辟支佛怛薩阿竭阿羅訶三耶三佛都不可得是故舍利弗所言吾我悉无所有一切諸法亦無所有悉為自然所以者何自然无合無散舍利弗問須菩提何謂自然無合无散答曰色痛痒思想生死識者用自然故无合無散眼耳鼻舌身意六情所受所生痛痒所合悉為自然无合無散六波羅蜜亦無合无散悉為自然是故舍利弗一切諸法皆無所有悉為自然復次舍利弗一切諸法亦無有



常亦无所至舍利弗問須菩提何謂一切諸法无常無至須菩提言色痛痒思想生死識亦无有常無所歸趣所以者何其無常者悉无所有亦無有眼是故一切諸法皆無有常无所歸趣諸所有法亦復如是悉無有常說者无所說法其有常者則為無所有亦無有眼是故舍利弗一切万物悉無有常无所歸趣復次舍利弗一切諸法無所積聚亦无有壞又問須菩提云何一切諸法亦無積聚亦无有壞答曰色痛痒思想生死識者亦无積聚亦無有壞所以者何用清淨故諸善不善所有法无所有法有漏法無漏法悉无積聚亦無有壞所以者何用清淨故是故舍利弗一切所有悉无所有舍利弗所問色何所生色無所生痛痒思想生死識者亦无所生所以者何舍利弗色痛痒思想生死識亦无所有曉了行者則無有色亦无所生痛痒思想生死識亦無所生色痛痒思想生死識亦无所有

所以者何曉了行者則為無有眼眼  
無所有所以者何曉了行者悉无所  
有六情亦然復次舍利弗一切諸法  
悉無所有所以者何曉了行者不造  
所有是故舍利弗色痛痒思想生死  
識者亦无所生又舍利弗所問者色  
無所生則為非色亦非痛痒思想生  
死識何以故色清淨空无起滅亦無  
所住亦無別異以痛痒思想生死識  
亦清淨空清淨故曰清淨亦無起  
滅亦无所住不可分別一切所有亦  
復清淨空清淨故曰清淨亦無所起  
亦无所滅亦無所住不可別知是故  
舍利弗色痛痒思想生死識者亦无  
所生如舍利弗所問何故說此悉無  
所生當何從說般若波羅蜜所以者  
何般若波羅蜜亦無所生設无所生  
般若波羅蜜亦无所出無有二法亦  
無若干是故說此而當從何所說般  
若波羅蜜舍利弗問亦不從異處出  
生菩薩而得道行所以者何菩薩摩  
訶薩行般若波羅蜜者不從異生亦  
復不見異般若波羅蜜亦復不別異

處而悉等見諸菩薩行亦无所生又  
菩薩者无有二法亦無若干亦不見  
色痛痒思想行生死識有異處生所  
以者何用無生故色无有二亦無若  
干亦不從異而有所生亦不見色從  
異處生所以者何色無所生識无有  
名亦無若干其十八種三十七品諸  
佛之法及與七空三乘之法不見所  
生所以者何无所生故無有二法亦  
無若干是故舍利弗不得菩薩有異  
處生而行道者又舍利弗向者所問  
假使菩薩摩訶薩聞是說者无所恐  
不畏亦無所懼則為行般若波羅蜜  
所以者何菩薩摩訶薩觀一切諸法  
皆悉如夢如幻野馬芭蕉影響是故  
舍利弗菩薩摩訶薩聞是不恐不怖  
亦不畏懼是為行般若波羅蜜須菩  
提白佛言天中天菩薩摩訶薩行般  
若波羅蜜時觀法如是便不受色痛  
痒思想生死識亦无所捨亦無所住  
亦无所著般若波羅蜜則無有色痛  
痒思想生死識亦不受亦不捨亦無  
住亦无著無所分別亦不受眼耳鼻

古身意六情所依不受吾我亦不受  
檀波羅蜜亦無所捨亦无所住亦无  
所著不處吾我尸羴惟逮禪般若波  
羅蜜亦不受七空亦無所捨亦无所  
住亦无所著不處吾我復次天中天  
行般若波羅蜜者於三十七品十力  
无畏十八不共諸佛之法亦復如是  
亦無所受亦无所捨亦無所住亦无  
所著不處吾我復次天中天菩薩不  
受一切諸三昧門陀羅尼門亦无所  
受亦无所捨亦無所住亦无所著不  
處吾我所以者何菩薩行般若波羅  
蜜不見色痛痒思想生死識不見十  
八種三十七品及與七空聲聞辟支  
佛上至佛及薩芸若亦无所見所以  
者何無色痛痒思想生死識亦無所  
起亦無有識六情无所起亦無有六  
情六波羅蜜亦無所起亦无六波羅  
蜜般若波羅蜜亦无所起亦無有二  
亦无若干内空外空亦無所起近空  
遠空真空所有空無所有空亦復如  
是所以者何其七空者亦无所起亦  
無有二亦无若干是故天中天其七

空三十七品十力无畏十八不共諸  
佛之法亦無所起亦无有二亦無若  
于所以者何天中天是無所起是故  
為無二无三無有若干故諸佛之法  
悉无所起有所起者非為佛法唯天  
中天其無本者亦不可思議諸法境  
界亦无所起其不可思議界則無有  
二亦無若干唯天中天須陀洹斯陀  
含阿那含阿羅漢辟支佛菩薩上至  
薩芸若慧悉无所起亦無所有故薩  
芸若為无所起所以者何無有精進  
是為無二无三亦無若干色痛痒思  
想生死識者則為滅盡亦无有色是  
故識亦滅盡則無有二亦無若干所  
以者何天中天其精進者无一無二  
無三亦无若干其精進識亦無有識  
是為檀波羅蜜亦無所起无所精進  
無二无三亦無若干尸羂惟逮禪般  
若波羅蜜亦復如是及諸七空三十七  
品十力無畏十八不共諸佛之法亦  
復如是其言天中天无所精進於此  
行中無能計者五陰六衰六波羅蜜三  
乘之法上至薩芸若慧亦復如是



摩訶般若波羅蜜觀行品第二十四

今時須菩提謂舍利弗言云何菩薩摩訶薩行般若波羅蜜而觀諸法何謂菩薩行道為一切人而言菩薩而悉曉了一切道法於一切法為无所著曉了諸法則為曉了色痛痒思想生死識而於識事亦无所著曉了三十品十力无畏諸佛之法亦无所著何謂一切諸法事者須菩提謂舍利弗其觀諸法形像瑞應色聲香味細滑之法其内外法有為無為所有无所有形像瑞應了無因緣是為觀法又舍利弗所問何謂般若波羅蜜盡無所樂是名為般若波羅蜜何謂為盡而无所樂舍利弗不樂陰種諸入不樂六波羅蜜尸羂惟逮禪般若波羅蜜不樂七空不樂三十七品十力無畏十八不共諸佛之法是名曰盡无所樂是為般若波羅蜜於薩芸若亦無所樂是為般若波羅蜜是為名曰盡无所樂是為般若波羅蜜所問何謂為觀是菩薩摩訶薩行般若波羅蜜時不觀色有常无常不觀色苦



樂不觀色有我無我不觀色有空无  
空有相無相有願无願不觀色寂與  
不寂不觀色恍忽不恍忽痛痒思想  
生死識及與七空并三脫門亦復如是  
不觀三十七品意止意断神足根力七  
覺八道諸佛之法苦樂善惡有我无  
我有常无常諸三昧門陀羅尼門薩  
芸若慧有常無常苦樂善惡有我无  
我有空无空及三脫門舍利弗是為  
菩薩摩訶薩觀行般若波羅蜜舍利  
弗問須菩提何謂色痛痒思想生死  
識亦无所起則無有識根力覺意三  
十七品七空四非常法薩芸若慧悉  
无所起薩芸若則無所有須菩提謂  
舍利弗謂色七空其以空者則無有  
形是故色為无所起則無有色痛痒  
思想生死識亦尔六波羅蜜空其已  
空者非般若波羅蜜慧无所起是故  
舍利弗般若波羅蜜則无所起非般  
若波羅蜜及與七空三十七品十力  
無畏諸佛之法諸三昧門陀羅尼門  
薩芸若慧亦復如是色无所起則為  
无色痛痒思想生死識乃至薩芸若

慧亦復如是無所起者則為无慧舍  
利弗謂須菩提何謂色痛痒思想生  
死識上至薩芸若慧而无有二須菩  
提言如是如是其無二者色則無二  
痛痒思想生死識一切識法无合無  
散無色无見無所取捨如是相者則  
為无想及其七空三十七品四非常  
法薩芸若慧亦復如是五陰六衰上  
至薩芸若悉無有二舍利弗問須菩  
提何謂色無有二清淨无来痛痒思  
想生死識上至薩芸若慧須菩提謂  
舍利弗如是如是色不為異無所起  
者亦復無異色无所起痛痒思想生  
死識上至薩芸若慧亦復如是如是  
舍利弗色無有二五陰六衰上至薩  
芸若慧亦无有二一切清淨無所從  
来須菩提白佛言菩薩摩訶薩行般  
若波羅蜜觀諸法見一切色亦無所  
起本末清淨痛痒思想生死識亦復  
如是吾我知見悉無所起本末清淨  
檀尸羴惟逮禪般若波羅蜜亦復如  
是悉无所起本末清淨及與七空三  
十七品根力覺意十力無畏諸佛之

法不見所起本末清淨觀諸三昧門  
施羅尼門薩芸若慧不見所起本末  
清淨觀凡夫法見凡夫法悉無所起  
本末清淨觀須陀洹斯陀含阿那含  
阿羅漢聲聞辟支佛及與菩薩見此  
諸法悉無所起本末清淨觀一切佛  
法見无所起本末清淨不見所起舍  
利弗問須菩提今所說者當云何解  
五陰六衰三乘之法及薩芸若悉无  
所起者亦無五道亦无菩薩摩訶薩  
亦無得神通設須菩提一切諸法悉  
无所起何以故成須陀洹斷於三結  
而修行道斯陀含者亦斷三結婬怒  
癡薄而修行道阿那含者捐棄重擔  
斷除衆結而修行道阿羅漢者除斷  
衆結及五根无有生死而修行道辟  
支佛乘以因緣覺而修行道何故菩  
薩勤苦行道為無央數衆生勤苦何  
故逮成阿耨多羅三藐三菩而轉法  
輪須菩提言我不欲令無所起法而  
有所得亦不欲令无所起法至須陀  
洹斯陀含阿那含阿羅漢辟支佛亦  
復如是我亦不使菩薩摩訶薩勤苦

行不令菩薩精勤苦行所以者何舍利弗不以別相勤苦故度不可計阿僧祇人又舍利弗行菩薩道者當度不可計阿僧祇人念之如母念之如父念之如子念之如身所行亦无所起菩薩當作是念求於吾我皆無所有亦不可得觀内外法當作是了設起想者不念勤苦亦不起想所以者何一切諸法悉无所起亦不可得又舍利弗我亦不欲令但薩阿竭而無所起無阿耨多羅三耶三菩亦不欲令轉於法輪亦不欲令得无所起法舍利弗問須菩提所說云何欲令有起而逮法乎而云無起不逮諸法須菩提言不以无起而逮諸法亦不以起而逮諸法又問須菩提云何無所起法亦不无起而逮諸法須菩提言我不欲令無所起生而逮諸法亦不欲令无無所逮舍利弗言於須菩提意云何無有逮得无成道乎須菩提言有得有道實無有二又舍利弗逮得成道方俗言耳所言須陀洹斯陀舍阿那舍阿羅漢辟支佛皆因俗教而

有此言推其本末無有逮得無有成  
道无有三乘舍利弗問須菩提所逮  
成道因方俗乎如是五道方俗所言  
所有悉壞不為真諦答曰如所言  
因於世俗言有所得而逮成道五道  
亦然方俗盡壞不為真諦所以者何  
欲成真諦无有善惡不起不滅無諸  
塵勞亦無恚恨乃為真諦舍利弗問  
須菩提其无生法寧有起乎若所生  
法而起生乎須菩提無所生法亦无  
所生其所生法亦復不生舍利弗言  
云何欲令無所生法而有所生須菩  
提言色痛痒思想生死識亦无所生  
自然為空不欲令生聲聞辟支佛上  
至佛道悉無所生自然為空不欲令  
生舍利弗言其所生者復有生乎无  
所生者而起生耶須菩提言其所生  
者亦无所生其無所生亦无所生所  
以者何舍利弗所生無所生此二法  
者無合无散無色无見無所受持則  
為一相無所有相是故舍利弗所生  
無所生其无生者亦復不生舍利弗  
言誰能堪任無所生法是須菩提无

所生法其無所生无所生法亦無所  
生須菩提言其無所生无所生法為  
無所生堪任无生無所生法为无所  
生所以者何其無生法无所生者及  
與辯才悉无所生此一切法無合无  
散无色無見不可受持則為一相無  
所有相舍利弗言无所生無所生辯  
無所生法亦无所生是故堪任須菩  
提言如是如是無所生故无所生辯  
无所生法亦無所生乃為堪任所以  
者何色痛痒思想生死識者亦無所  
生六情四大是眼耳鼻舌身意亦无  
所生地水火風空及諸識種亦无所  
生身口意行亦无所生聲聞辟支佛  
上至佛亦無所生是故舍利弗无所  
生辯无無所生无所生法故無所生  
其行此者乃能堪任無所生法

舍利弗謂須菩提賢者須菩提所說  
法為第一尊所以者何若有問者隨  
所問說於一切諸法亦无所著舍利  
弗言云何於一切法而無所著須菩  
提言色痛痒思想生死識清淨空亦  
無所著亦无内外亦無兩間六情所



更十八諸種亦空清淨不著內外亦  
無兩間六波羅蜜及與七空三十七  
品十力无畏十八不共諸佛之法亦  
清淨空不著內外亦无兩間是舍利  
弗於一切法而無所著菩薩摩訶薩  
行六波羅蜜者於色痛痒思想生死  
識清淨上至薩芸若皆清淨舍利弗  
言何謂菩薩摩訶薩純行六波羅蜜  
淨菩薩道須菩提言其檀波羅蜜有  
俗間施不為度世尸波羅蜜羼波羅  
蜜惟逮禪般若波羅蜜俗間之智亦  
度世智舍利弗問曰何謂世俗檀波  
羅蜜度世檀波羅蜜須菩提言菩薩  
摩訶薩多所施與沙門婆羅門貧窮  
乞丐飢者與食渴者與漿香華伎樂  
宅舍七寶生活之業病瘦醫藥各各  
隨人之所思欲男女妻子頭目肌體  
人所貪者而不愛惜恣意與之悉呼  
授之无有慳嫉吾為施主一切放捨  
從佛之教行檀波羅蜜如是施已有  
所望想於諸衆生志在顛倒以為堅  
要持用勸助阿耨多羅三耶三菩以  
此所施令諸群生現世安隱至無餘

界而般泥洹彼合三事而有所施何  
謂為三自想吾我想計他人有施報  
想是為三是為俗間檀波羅蜜不為  
度世何故名之世俗檀波羅蜜不為  
度世在俗不移不得度脫至無罣碍  
是名為世俗檀波羅蜜能淨三品何  
謂為三菩薩摩訶薩有所施與不得  
吾我不見受者而有所取亦不想報  
是為菩薩摩訶薩淨於三品復次舍  
利弗菩薩摩訶薩施與衆生亦無有  
人而以勸助阿耨多羅三耶三菩无  
有衆想悉无所見是為度世檀波羅  
蜜所以名檀波羅蜜者以度世故不  
著於世尸羴惟逮禪般若波羅蜜亦  
復如是有所望想為俗間智無所望  
想為度世智舍利弗是為菩薩摩訶  
薩純行六波羅蜜成菩薩道舍利弗  
復問須菩提何謂菩薩摩訶薩成菩  
薩道須菩提言意止意斷神足根力  
七覺意八道十力無畏十八不共空  
无相無願三脫之門及與七空一切  
三昧陀羅尼門四分別辯大慈大悲  
是為菩薩摩訶薩道舍利弗言善哉

善哉須菩提何所波羅蜜能成勇猛  
為第一上而得度乎須菩提言般若  
波羅蜜勇猛之恩而得度矣所以者  
何般若波羅蜜是一切諸法之母護  
度聲聞辟支佛令得成就菩薩故曰  
般若波羅蜜般若波羅蜜悉入三乘  
過去當來今現在十方世界諸怛薩  
阿竭阿羅訶三耶三佛皆因般若波  
羅蜜得阿耨多羅三耶三菩逮成阿  
惟三佛若有菩薩摩訶薩聞說般若  
波羅蜜不以狐疑不懷猶豫當知是  
菩薩摩訶薩則為將從一切衆生為  
一切故无所愛惜悉能施與無有顛  
倒是則不離菩薩摩訶薩行如是念  
者則為思惟无極大哀舍利弗語尊  
者須菩提菩薩摩訶薩思惟樂於大  
哀大悲是菩薩摩訶薩則為捨離一  
切衆生所以者何一切衆生不離念  
故須菩提言善哉善哉舍利弗吾今  
讚歎賢者所說為真為諦人无所  
念其所念者亦无所有人無自然其所  
念者亦無自然人為空為念亦空為  
人恍忽念亦恍忽人身空無念亦空

無人無所覺念亦无覺色痛痒思想  
生死識者亦無所有所念亦無所有  
七空亦无所有無所有色空恍忽色  
無所覺念亦无所覺十八諸種地水  
火風識界檀尸羼惟逮禪般若波羅  
蜜三十七品十力無畏諸佛之法一  
切三昧陀羅尼門薩芸若慧曉了是  
者悉無所有則為是道所念无所有  
人无所覺所念亦無所覺當曉了是  
乃成正覺菩薩摩訶薩當作是行菩  
薩摩訶薩不離是念乃成正覺尔時  
佛讚須菩提言善哉善哉菩薩摩訶  
薩當作是說般若波羅蜜如汝所說  
悉承怛薩阿竭威神菩薩摩訶薩當  
作是行般若波羅蜜賢者須菩提說  
般若波羅蜜時三千大千世界六反  
震動東西南北上下皆動於時佛笑  
須菩提白佛言今天中天何以故笑  
會當有意佛告須菩提如吾今日於  
此忍土說般若波羅蜜十方現在諸  
怛薩阿竭阿羅訶三耶三佛亦各說  
般若波羅蜜佛說是語時十二那術  
諸天人民皆得无所從生法忍應時

悉得見十方諸佛皆說般若波羅蜜  
說是語時無央數阿僧祇人皆發阿  
耨多羅三耶三菩心

光讚經卷第九

戊戌歲高麗國大藏都監奉

勅彫造

光讀經卷第十

河

西晉月氏國三藏竺法護譯

摩訶般若波羅蜜問品第三十五

尔時三千大千世界諸釋提桓因諸  
四天王諸焰天諸兜術天諸尼摩羅  
天諸波羅尼蜜天諸梵天諸梵迦夷  
天諸首陀衛天各各無央數億百千  
天人俱諸天人宿命有德光明巍巍  
比怛薩阿竭光百億千億万倍巨億  
万倍為尊為上為无等倫為無殊正  
靡不通達尔時釋提桓因白賢者須  
菩提今三千大千世界諸四天王諸  
首陀衛諸天人等皆來大會欲聽須  
菩提說般若波羅蜜法云何菩薩摩  
訶薩住般若波羅蜜中當云何行須  
菩提謂釋提桓因諸天子樂聽我當  
說須菩提承佛威神蒙佛恩助說般  
若波羅蜜如諸菩薩所應立行何所  
天子未發阿耨多羅三藐三菩提心  
者今皆當發其入正見者不能得發  
大道意也所以者何以塞生死道故  
正使是輩人行菩薩道我代其喜勸



助令發阿耨多羅三藐三菩提心我  
終不斷功德吾欲使取中正尊法正  
欲使上佛無極之道須菩提謂釋提  
桓因向者所問云何菩薩住般若波  
羅蜜中菩薩摩訶薩發薩婆若心不  
計色有常无常若苦若樂有我無我  
不計疥病憂惱之患有害無害有縛  
無縛有度无度破壞恐懼習會達於  
空无之身盡無所信无所諍訟亦無  
所念無有顛倒痛痒思想生死識亦  
復如是眼耳鼻舌身意地水火風空  
及諸識界不見有常無常有我无我  
若苦若樂疥病憂惱之患諸所聲色  
無所思念亦无顛倒五陰六衰及識  
諸種寂然恍忽諸所想念察於佛法  
悉為顛倒也復次拘翼菩薩摩訶薩  
欲應薩婆若心行檀波羅蜜而无所  
著尸羴惟逮禪悉无所著復次拘翼  
菩薩摩訶薩行般若波羅蜜觀察諸  
法了知諸法了知諸法展轉相成因  
得具足展轉相成曉了諸法無有吾  
我亦無有身菩薩所用勸助道心其  
道心者亦无所有須菩提謂拘翼所

勸道心知無所有則知道心而无所  
有便不可得設使勸助道心不可得  
已是為拘翼菩薩摩訶薩般若波羅  
蜜觀一切法不見諸法有可得者釋  
提桓因問尊者須菩提云何勸助道  
心而无所云何勸助道心而不可  
得云何勸助道心而無所有而不可  
得耶須菩提謂釋提桓因拘翼其勸  
助心及與心本道心如是无有異心  
无有心則以無心而勸助之无有無  
念以無念而勸助之若以無心則以  
無心便无有念以無有念則為菩薩  
摩訶薩般若波羅蜜佛言善哉善哉  
須菩提若能勸助菩薩摩訶薩說般  
若波羅蜜乃如是乎須菩提白佛言  
我身天中天當報佛恩行反復事所  
以者何過去恒薩阿竭阿羅訶三耶  
三佛使諸弟子為諸菩薩說般若波  
羅蜜過去佛時為諸菩薩勸助講說  
六波羅蜜讚叙誘進而化建立於是  
道品彼時世尊本與諸菩薩興六波  
羅蜜得阿耨多羅三藐三菩逮阿惟  
三佛今我如是天中天亦當勸助諸

菩薩摩訶薩發起信樂受六波羅蜜  
開化建立於是佛道我皆受已皆勸  
樂已慇懃勸立當令菩薩摩訶薩疾  
成阿耨多羅阿惟三佛須菩提謂釋  
提桓因且聽拘翼如向者問菩薩當  
云何於般若波羅蜜中住而无所住  
拘翼所言色者色則為空痛痒思想生  
死識亦復為空所言菩薩菩薩則空  
以色空故菩薩空耳悉無有二亦无  
若干痛痒思想生死識空故菩薩為  
空悉无有二亦無若干是為拘翼菩  
薩摩訶薩於般若波羅蜜中住復次  
拘翼所言眼者眼則為空耳鼻舌身  
意亦復如是所言菩薩菩薩亦空眼  
耳鼻舌身意空故菩薩空无有二亦  
無若干地水火風諸為空以是故菩  
薩為空身中六事悉无所有本末悉  
空亦无有二亦無若干如是者拘翼  
菩薩摩訶薩住般若波羅蜜中復次  
拘翼菩薩摩訶薩行般若波羅蜜者  
解癡為空色六入更樂痛受受有生  
老病死亦復為空十二因緣滅盡之  
故故言曰空十二因緣空故菩薩空

十二因緣空菩薩空悉無有二亦无  
若干如是拘翼菩薩摩訶薩住般若  
波羅蜜中復次拘翼檀波羅蜜空故  
菩薩空尸羴惟逮禪般若波羅蜜空  
亦復如是六波羅蜜空故菩薩空是  
為菩薩摩訶薩住般若波羅蜜中復  
次拘翼內空外空近空遠空真空所  
有空无所有空故曰菩薩空四意止  
四意断四神足五根五力七覺意八  
道行十力无畏十八不共諸佛之法  
一切三昧陀羅尼門空故菩薩空六  
波羅蜜三十七品空七空空諸佛法  
空諸三昧空陀羅尼空悉无有二亦  
無若干是為拘翼菩薩摩訶薩住般  
若波羅蜜中復次拘翼須陀洹斯陀  
含阿那含阿羅漢辟支佛菩薩怛薩  
阿竭阿羅訶三耶三菩空故菩薩空  
其四空聲聞辟支佛空怛薩阿竭空  
及菩薩空悉无有二亦無若干是為  
拘翼菩薩摩訶薩住般若波羅蜜中  
復次拘翼薩芸若空用薩芸若空故  
菩薩空其薩芸若空及菩薩空悉无  
有二亦無若干是為拘翼菩薩摩訶

薩住般若波羅蜜中。今時釋提桓因  
問尊者須菩提。云何菩薩摩訶薩於  
般若波羅蜜中住。須菩提謂釋提桓  
因。菩薩摩訶薩行般若波羅蜜。不當  
住色中。不當住痛痒思想生死識中。  
不當住眼所更習中。耳鼻舌身意亦  
復如是。無所更悉。无所住。地水火風  
種亦无所習。亦无所住。不當住意止  
意斷根力覺意八行。不當住薩芸  
若。不當住須陀洹。斯陀含。阿那含。阿  
羅漢。辟支佛。及佛道。不當住色。有常  
無常。不當住痛痒思想生死識。有常  
無常。不當住色。苦樂。不當住色。淨不  
淨。不當住色。我所。非我所。不當住色。  
空不空。不當住寂不寂。不當住恍忽  
不恍忽。不當住有須陀洹。無須陀洹。  
不當住有斯陀含。无斯陀含。不當住  
有阿那含。无阿那含。不當住有阿羅  
漢。無阿羅漢。不當住有辟支佛。无辟  
支佛。不當住有佛。無佛。不當住四道  
衆祐。不當住辟支佛。佛衆祐。復次拘  
翼菩薩摩訶薩行般若波羅蜜。不當  
住第一第二第三第四第五第六第

七第八第九第十菩薩從初發意至  
阿惟越致亦無所住菩薩不當住具  
足檀波羅蜜尸羼惟逮禪般若波羅  
蜜亦復如是不當住三十七品十力  
无畏十八不共諸佛之法菩薩摩訶  
薩不當作是念言我入菩薩法不當  
作是住我入阿惟越致地菩薩摩訶  
薩不當住五句亦不當住菩薩五句  
以得五句諸无央數阿僧祇諸佛國  
王見諸佛天中天稽首作礼聽所說  
法如所受法為衆會說菩薩摩訶薩  
不當作是住如彼佛天中天所現國  
土我當如是化世界菩薩摩訶薩不  
當作是住我當開化一切衆生不當  
念言我當住諸無數阿僧祇世界見  
諸怛薩阿竭供養華香擣香雜香繒  
蓋幢幡不當念言我當開化無央數阿  
僧祇人令起阿耨多羅三耶三菩提  
心菩薩摩訶薩不當作是念言我當  
成立具足五眼何謂為五肉眼天眼  
慧眼法眼佛眼不當念言我當興立  
一切平等乃能成就諸三昧門以此  
自娛不當自念得陀羅尼門如來十



力四无所畏四分別辯四事不護十  
八不共諸佛之法不當念言我當具  
足大慈大悲不當住於三十二相具  
足嚴身八十種好不當住於八等萬信  
持法不當住於須陀洹斯陀舍阿那  
舍阿羅漢辟支佛不當住須陀洹七  
死七生而度不當住縛祇一種等首  
真人盡諸塵勞不當住須陀洹中般  
泥洹不當住斯陀舍何以故往還於  
世盡苦滅度不當住阿那舍果證何  
以故阿那舍成已便於天上般泥洹  
不當住羅漢果證何以故阿羅漢道  
成已便於是間无餘泥洹界於中住  
不當而般泥洹是故不當住辟支佛  
道過聲聞地不能及佛道般泥洹是  
故辟支佛道不當於中住不當住道  
事在於道慧而无所著不當住於薩  
芸若慧何以故薩芸若慧了一切法  
成阿惟三佛斷諸罣尋塵勞之結何  
以故怛薩阿竭成阿惟三佛便轉法  
輪則作佛事度不可計阿僧祇人令  
般泥洹是故佛不當於中住住四神  
足以是色像三昧三昧越而得存在

恒沙劫不當住无央數壽命不當住  
三十二相一一相百福功德而得成  
就不當住恒沙諸佛世界不當住東  
西南北四維上下及一佛土不當住  
十方佛界為一土不當住坐佛樹下  
而出香時如是色像令諸衆生聞此  
香熏不為姪怒癡所見縛不發聲聞  
辟支佛意悉忘阿耨多羅三耶三菩  
提心其有衆生聞此香已其身口心  
悉无有病於彼佛土亦無所住則无  
色聲無痛痒思想生死識聲不當住  
檀尸羴惟逮禪般若波羅蜜聲不當  
住四意斷四神足五根五力七覺意  
八道行十力无畏十八不共聲不當  
住須陀洹斯陀舍阿那含阿羅漢辟  
支佛般泥洹聲恒薩阿竭阿羅訶三  
耶三菩聲成阿惟三佛諸法聲如是  
拘翼菩薩摩訶薩行般若波羅蜜不  
當住此諸所著聲尔時賢者舍利弗  
心自念言菩薩摩訶薩行般若波羅  
蜜云何須菩提知舍利弗心所念便  
謂舍利弗於意云何恒薩阿竭在何  
所住舍利弗謂須菩提恒薩阿竭無

所住亦不無住佛无心無色不住於色不住痛痒思想生死識不住有為界不住無為界不住諸空三十七品十力无畏十八不共諸佛之法不住薩芸若慧須菩提謂舍利弗如是如是菩薩行般若波羅蜜當作是住如怛薩阿竭阿羅訶三耶三佛住亦不有住菩薩摩訶薩學般若波羅蜜當作是住无所住尔時會中諸天子等各心念言諸悅叉鞞所語所念悉可了知音聲所奏書者須菩提所語言辭不可了知須菩提知諸天子心中所念謂諸天子言不知乎諸天子荅曰不知也時須菩提為諸天子分別說言无一文字而可說者不可分別亦無聞者所以者何般若波羅蜜无文字說也亦無聽者所以者何怛薩阿竭无文字也說喻如天子怛薩阿竭化作化人有彼化人化四部衆比丘比丘尼優婆塞優婆夷為化四部而說法於諸天子意趣云何豈有說者有解者乎荅曰无也須菩提言如是天子一切諸法亦化彼無說者亦

無聽者譬如夢中聞佛說經於意云  
何寧有說者聽解者乎答曰不也須  
菩提言天子一切諸法悉亦如夢无  
說無聞无有知者譬如天子二人住  
地獄門歎佛法僧二人之聲俱而出  
現於意云何其二聲報第二聲答曰  
不也譬如幻師於四衢路化作如來  
為四部衆而說法於意云何寧有說  
法聽解者乎諸天子心中復作是念  
須菩提所說般若波羅蜜甚深甚深  
遂至微妙須菩提知諸天子心中所  
念謂天子言色不甚深非微妙乎痛  
痒思想生死識不甚深非微妙乎色  
不自然深微妙乎痛痒思想生死識  
不自然深微妙乎眼耳鼻舌身意亦  
復如是檀尸羴惟逮般若波羅蜜慧  
不自然深妙乎内空外空近空遠空  
真空所有空无所有空十力無畏十  
八不共諸佛之法一切三昧諸陀羅  
尼門薩芸若慧不為自然微妙乎時  
諸天子心自念言其說法者不決怒  
於色痛痒思想生死識乎不決怒六波  
羅蜜七空三十七品十力無畏諸佛

之法乎不決怒湏施洎斯施舍阿那  
舍阿羅漢辟支佛乎不決怒佛慧無  
盡慧乎湏菩提知諸天子心中所念  
謂諸天子言如是諸天子佛道無得  
如來亦不說法亦無聽者无有解者  
其有欲得湏施洎果證湏施洎果斯  
施舍阿那舍阿羅漢果證不忍便出  
去辟支佛道亦復如是佛道亦復如  
是不忍便出去如是諸天子初發意  
菩薩摩訶薩住般若波羅蜜無有言  
說則亦无聞

摩訶般若波羅蜜法師如幻品第三十六

尔時諸天子心中念言尊者湏菩提  
說法乃尔當以何聽湏菩提知諸天  
子心中所念謂天子言法師如幻聽  
者如化此等所聞亦不作證諸天子  
心中復作是念云何湏菩提人如幻  
法師如幻人如化聽者如化湏菩提  
言如是如是諸天子人如幻法師如  
幻人如化法師如化吾我如夢色亦  
如是痛痒思想生死識亦復如夢眼  
色如夢耳鼻舌身意亦復如是所習  
諸更亦復如夢内空外空近空遠空

真空所有空無所有空悉亦如夢三十七品十種力四无所畏四分別辯十八不共諸佛之法亦復如夢如幻如化須陀洹斯陀舍阿那含阿羅漢果亦如幻夢辟支佛上至三耶三佛亦復如幻夢諸天子謂須菩提乃至佛道亦復如幻夢乎須菩提言乃至泥洹亦復如幻夢諸天子問須菩提乃至泥洹泥洹亦如夢須菩提言其泥洹本末法寂為尊而无所所有我亦謂之如幻如夢所以者何幻夢及泥洹則无有二亦無若干空无所有於是賢者舍利弗摩訶目犍連摩訶拘絺羅摩訶迦旃延邠耨文陀弗摩訶迦葉及無央數衆千菩薩問尊者須菩提是般若波羅蜜甚深難曉難了寂然微妙何所深妙難及之人能受者乎須菩提謂諸弟子及諸菩薩阿惟越致菩薩摩訶薩乃能受是深奧無念无思議行出於玄遠難及難了寂然巍巍止於賢聖知明識慧乃能受此般若波羅蜜見諦之人為阿羅漢志願具足於過去佛已造之行供



養無數百千諸佛殖衆德本為善知識所見將護善男子善女人乃能受是深般若波羅蜜聽受此教解知色空不想色空不想痛痒思想生死識空不想神識空不想著色亦不想若念於無色不念著五陰无相不念神識无相不念識無願不念色无願痛痒思想生死識亦復如是不念五陰生不念色無所滅不念寂然恍惚痛痒思想生死識亦復如是不念眼耳鼻舌身意無所生无所滅寂然恍惚不念所更所習衆緣檀尸羣惟逮禪般若波羅蜜不念所生亦无所滅寂然恍惚乃至七空三十七品十力無畏十八不共諸佛之法一切三昧陀羅尼門亦復如是不念所生亦無所滅須陀洹斯陀含阿那含阿羅漢果及辟支佛薩芸若慧悉了知空薩芸若慧不想念空薩芸若慧亦無所願其无所願亦不想念薩芸若慧其所願無想亦復如是其無為界不想於

空其空亦不想於無為界无想無願亦復如是無无所生亦無不滅亦無寂然无恍惚悉無想念須菩提謂諸天子是般若波羅蜜甚深微妙非賢聖明智所見受者所以者何法无所受亦無所聞亦无顯說設無所聞无說法者由是之故則無有人而無所受舍利弗謂尊者須菩提此般若波羅蜜不為廣說羅漢辟支佛三耶三佛乘事平將護菩薩摩訶薩行從新發意至到十住菩薩之道六波羅蜜三十七品十力無畏諸佛之法菩薩摩訶薩行般若波羅蜜所生神通无所忘失順法如是從一佛剎到一佛剎德本所致欲得供養諸佛世尊如其所志悉而得之供事已竟則從諸佛聽受經法未曾忘失自到逮成薩芸若慧常三昧定心未曾亂未常思念辯無罣碍有所說道无能中断辯才如應義趣尊妙越於一切世間之明舍利弗謂須菩提如是如是如仁所言般若波羅蜜解說三乘則為菩薩摩訶薩辯才之智過於世間尊無

能及心無所著自曉了身無有顛倒亦  
不猗著所見所見於色痛痒思想生  
死識亦不猗著於六波羅蜜不著七  
空三十七品十力無畏諸佛之法亦  
不依猗薩芸若慧舍利弗謂須菩提  
般若波羅蜜以何等故廣說三乘則  
為菩薩摩訶薩獲菩薩之辯越一切  
世而無所著乎須菩提報舍利弗以  
內外空故廣說三乘七空亦尔悉无  
所有故說三乘菩薩摩訶薩悉了諸  
空故講說此護於行者以是之故越  
一切世辯才最尊而无所著

摩訶般若波羅蜜雨法寶品第三十七

尔時釋提桓因心自念言尊者須菩  
提今所說者為雨法寶三千大千世  
界諸四天王上至阿迦膩吒天今須  
菩提所說法為雨法寶我寧可化作  
華雨佛菩薩及諸聖眾及須菩提上  
釋提桓因及三千大千世界諸天之  
眾各化作華散於世尊諸菩薩摩訶  
薩比丘聖眾須菩提上供養自歸般  
若波羅蜜適散此已其華遍布二千  
佛土在上虚空化為重閣巍巍甚高

快不可言尊者須菩提心自念言昔  
吾曾遊遍諸天宮初未覩見如此華  
華向所散華此為化華不從樹生也  
向諸天子所散華者從心樹生不從  
樹生釋提桓因報須菩提此華無所  
從出生不從心樹出須菩提言如拘  
翼言此華无所從出生不從心樹生  
設使拘翼無所從生則為非華釋提  
桓因報須菩提華實為无所從出為  
色無所從出痛痒思想生死識無所  
從出須菩提言拘翼此華不為无所  
從出色无所生無所生者則無有色  
痛痒思想生死識無所從出其无所  
生則無有識眼无所生其無所生則  
无有眼耳鼻舌身意亦復如是檀波  
羅蜜亦無所生其无所生則為無檀  
尸羼惟逮禪般若波羅蜜及與  
其无所生則為無般若波羅蜜及與  
七空三十七品拘翼無所從生其无所  
生則無七空三十七品十力無畏諸  
佛之法无所從生其無所生則无諸  
法須陀洹斯陀舍阿那舍阿羅漢辟  
支佛佛菩薩若慧亦无所生其無所

生則無蔭若釋提桓因心自念言  
尊者須菩提所入慧甚深所可說法  
悉无所爭亦不錯亂時佛告釋提桓  
因如是拘翼須菩提所入慧甚深所可  
入慧所說經法悉无所爭亦不錯亂  
釋提桓因白佛言尊者須菩提云何  
深入慧所可入慧所說經法悉无所  
爭亦不錯亂佛告釋提桓因所入於  
色以入此法所可說法悉无所爭亦  
不錯亂痛痒思想生死識亦復如是  
所以者何如法者無和无爭須菩提  
所說亦復如是不同不亂六波羅蜜  
亦復如是及與七空三十七品十力无  
畏諸佛之法不同不亂須陀洹斯陀  
舍阿那含阿羅漢辟支佛佛菩薩若  
慧亦復如是不同不亂所以者何須  
菩提所說法不和不爭其无和爭則  
無所爭如是拘翼須菩提所入慧所  
說微妙巍巍如此須菩提謂釋提桓  
因如世尊言說一切法菩薩摩訶薩  
曉了如是解一切法學般若波羅蜜  
亦當如是菩薩摩訶薩學如是者為  
不學色痛痒思想生死識所以者何

不見色故不見痛痒思想生死識有

所學故菩薩摩訶薩如是學者不學

檀尸羼惟逮禪般若波羅蜜所以者

何不見學般若波羅蜜故不學七空

三十七品所以者何不見七空三十

七品故不學十力四無所畏十八不

共諸佛之法不學須陀洹斯陀舍阿

那舍阿羅漢辟支佛佛薩芸若慧所

以者何不見學薩芸若慧故釋提桓

因謂尊者須菩提唯須菩提何以故

不見色痛痒思想生死識七空三十

七品聲聞辟支佛佛薩芸若慧須菩

提言用色空故痛痒思想生死識空

故上至薩芸若亦復空故拘翼以色

空故不學空色痛痒思想生死識空

故以識空故不學空識上至薩芸若

慧亦復空故不學空慧拘翼是為以

空其以空者不學於空故設學空者不

為一法則為二法若學色空則不為

一上至薩芸若慧若學慧者則不為

一是故拘翼用色痛痒思想生死識

空故則無有二上至薩芸若慧悉皆

空故无有二也六波羅蜜亦復如是



悉無有二七空三十七品十力无畏  
諸佛之法聲聞辟支佛上至三耶三  
佛亦无有二薩芸若慧亦無有二其  
能學佛薩芸若慧則為悉學不可計  
數阿僧祇法其已能學不可稱數阿  
僧祇佛法則不學色有益有損痛痒  
思想生死識亦復如是上至薩芸若  
慧不增不減學五陰不增不減已則  
便能學薩芸若慧已能學於薩芸若  
慧不增不減已不學受色亦無所失  
不學受痛痒思想生死識亦无所失不  
學受聲聞辟支佛上至薩芸若慧亦  
无所失舍利弗謂須菩提菩薩摩訶  
薩學如是者為不學受亦無所失須  
菩提言如是舍利弗菩薩摩訶薩如  
是學者為不學受色痛痒思想生死  
識亦無所失不學受薩芸若亦无所  
失舍利弗謂須菩提何故菩薩摩訶  
薩不受五陰亦无所失不受學薩芸  
若亦無所失須菩提言色無所有不  
可受持无受色者痛痒思想生死識  
薩芸若慧悉無所有不可受持无受  
薩芸若者是為舍利弗菩薩摩訶薩

於一切法悉无所受成薩芸若舍利  
弗謂須菩提菩薩摩訶薩作是學者  
為學般若波羅蜜出生薩芸若乎須  
菩提言如是舍利弗菩薩摩訶薩學  
如是者為學般若波羅蜜出生薩芸  
若於一切法无所受故舍利弗謂須  
菩提菩薩摩訶薩學如是者於一切  
法無所受學亦无所失菩薩摩訶薩  
學如是為出薩芸若須菩提言菩薩  
摩訶薩行般若波羅蜜不見色有所  
生亦无所滅不受不捨無持无爭不  
增不减所以者何舍利弗色自然故  
則無有色痛痒思想生死識不見所  
生亦无所滅不受不捨無塵无恨無  
放無不放无增無减所以者何薩芸  
若慧則為自然悉无所所有是故舍利  
弗菩薩摩訶薩於一切法而无所生  
亦無所滅无受無捨无塵無恨无放  
无不放無增无减學般若波羅蜜已  
出生薩芸若則以無學无所生故釋  
提桓因謂舍利弗菩薩摩訶薩當於  
何所求般若波羅蜜舍利弗言拘翼  
當從尊者須菩提求釋提桓因問須

善提仁威神仁所建立使舍利弗作  
是說言須菩提說般若波羅蜜當從  
求之須菩提謂釋提桓因非我威神  
之所建立也又問誰威神恩之所建  
立答曰拘翼怛薩阿竭威神之恩之  
所建立釋提桓因謂須菩提一切諸  
法悉无所立云何如是怛薩阿竭威  
神之所建立亦无異處之所建立計  
於諸法不得如來亦無異處可得如  
來尊者須菩提謂釋提桓因如是拘  
翼怛薩阿竭則无所住亦無異處所  
當可住无異如來當有所得亦不離  
住怛薩阿竭亦無所住於一切法不  
離所住不以於色怛薩阿竭為如來  
也不以無本為怛薩阿竭不以色无  
本為怛薩阿竭不以怛薩阿竭無本  
色為无本色法為怛薩阿竭不以怛  
薩阿竭為無本法无本故諸色無本  
痛痒思想生死識無本故怛薩阿竭  
無本不用怛薩阿竭无本痛痒思想  
生死識不以識无本怛薩阿竭法也  
不以怛薩阿竭法為識法也聲聞辟  
支佛上至薩婆若無本怛薩阿竭也

不以怛薩阿竭无本薩芸若无本不以薩芸若法為怛薩阿竭法也不以怛薩阿竭法為薩芸若法又拘翼怛薩阿竭於諸色法無合无散於痛痒思想生死識法无合無散不於異五陰有合有散不於怛薩阿竭有合有散不於薩芸若法有合有散於薩芸若怛薩阿竭无合無散不於薩芸若法有合有散不於異薩芸若怛薩阿法有合有散不於異薩芸若怛薩阿竭有合有散又拘翼於此諸法不合不散以此威神之所建立而有所住向者拘翼而復問言菩薩摩訶薩當於何所求般若波羅蜜不求於色不求異色不求痛痒思想生死識不求異識般若波羅蜜於色痛痒思想生死識一切諸法无合無散无色無見不可受持則為一相无所有相復次拘翼菩薩摩訶薩為行般若波羅蜜上至薩芸若悉无所求不於異處求薩芸若所以者何求般若波羅蜜薩芸若於一切法無合无散無色无見不可受持則為一相無所有相所以者何拘翼般若波羅蜜则无有色亦

無異色無有痛痒思想生死識亦無  
異識識不為異般若波羅蜜亦无有  
異薩芸若非般若波羅蜜無異薩芸  
若般若波羅蜜怛薩阿竭般若波羅  
蜜无色亦無異色亦無異痛痒思想  
生死識般若波羅蜜亦无異識薩芸  
若非般若波羅蜜般若波羅蜜無異  
薩芸若怛薩阿竭般若波羅蜜无有  
色亦无異色痛痒思想生死識亦復  
如是為無異識亦无無本般若波羅  
蜜无色法亦无異色法痛痒思想生  
死識亦復如是般若波羅蜜无色無  
本亦無異色无本般若波羅蜜無有  
色法亦无異色法痛痒思想生死識  
亦復如是聲聞辟支佛上至薩芸若  
亦復如是无薩芸若色法亦無異薩  
芸若色法般若波羅蜜无薩芸若無本  
亦無異薩芸若無本般若波羅蜜无  
薩芸若無本亦无異薩芸若無本釋  
提桓因謂須菩提是為諸菩薩摩訶  
薩摩訶般若波羅蜜无異波羅蜜無  
限菩薩摩訶薩所可學者須陀洹斯  
陀舍阿那含阿羅漢辟支佛菩薩佛

應是而學菩薩摩訶薩學此法以開  
 化衆生嚴淨佛土得阿耨多羅三耶  
 三菩提須菩提謂釋提桓因如是拘  
 翼是為諸菩薩摩訶薩摩訶般若波  
 羅蜜無異波羅蜜無限波羅蜜處處如  
 是學以其三乘者皆由是生菩薩摩  
 訶薩自致阿耨多羅三耶三菩提至  
 阿惟三佛色无有邊是為諸菩薩摩  
 訶薩波羅蜜無有極所以者何不可  
 得過去色亦不可得中間色亦不可  
 得當來色痛痒思想生死識亦復如  
 是識無有邊波羅蜜无有極所以者  
 何不可得過去識亦無中間識亦無  
 當來識聲聞辟支佛上至佛無極无  
 邊亦復如是是故拘翼是諸菩薩摩  
 訶薩无極波羅蜜色無有量般若波  
 羅蜜亦無有量所以者何色不可得  
 限故譬如拘翼虚空不可得邊限色  
 無有量亦復如是虚空無限故色无  
 有限色無有限故般若波羅蜜无有  
 限上至薩婆若亦無有限故般若波  
 羅蜜無有限是為諸菩薩摩訶薩行  
 所以者何拘翼菩薩若慧不可得邊限



故譬如虛空不可得邊薩去若慧亦  
復如是虛空无限故薩去若亦無有  
限薩去若无限故般若波羅蜜无限  
是故拘翼般若波羅蜜无限是為諸  
菩薩摩訶薩虛空无邊色無有底波  
羅蜜无有底所以者何拘翼色無邊  
際亦無中間痛痒思想生死識亦无  
邊際亦无有中間是故諸菩薩摩訶  
薩波羅蜜無有邊際无有端底所以  
者何神識不可得底無有中間上至  
薩去若亦无有底波羅蜜亦無有底  
是為諸菩薩摩訶薩行所以者何拘  
翼薩去若者不可得邊亦无中間波  
羅蜜无底是為菩薩摩訶薩色無有  
底故薩去若亦無有底復次拘翼事  
无端底波羅蜜无底能了是者則為  
菩薩摩訶薩釋提桓因問須菩提用  
何等故事無端底波羅蜜无底須菩  
提言拘翼薩去若事無端底故諸菩  
薩摩訶薩波羅蜜无底復次拘翼法  
無端底是故諸菩薩摩訶薩波羅蜜  
无底釋提桓因謂須菩提用何等故  
法無端底菩薩摩訶薩波羅蜜无底

須菩提言法界无底故諸菩薩摩訶  
薩波羅蜜無底復次拘翼无本之事  
悉無端底故菩薩摩訶薩波羅蜜無  
底釋提桓因問須菩提用何等故无  
本之事悉無端底諸菩薩摩訶薩波  
羅蜜无底拘翼无本无底是故無底  
事以無端无本無底無本无底以事  
則无底事無底以故諸菩薩摩訶薩  
波羅蜜无底復次人無有底故諸菩  
薩摩訶薩波羅蜜无底釋提桓因問  
須菩提用何等故人无有底諸菩薩  
翼意云何何所法中作是教者謂菩  
薩摩訶薩耶釋提桓因報須菩提言  
此無法教亦无非法教此名字者從  
緣客來悉無所有无本形像但似假  
名所謂言人人無因緣橫為立字於  
拘翼意所見云何是般若波羅蜜寧  
為顯揚說人處乎答曰不也須菩提  
言拘翼設不說人豈无底乎云何拘  
翼但薩阿竭阿羅訶三耶三佛壽如  
恒沙劫口說人人彼寧有人而有所  
生有所滅乎答曰不也須菩提所以

者何人本清淨是故拘翼人无有底  
般若波羅蜜無底菩薩學當作是知  
行般若波羅蜜法如是

光讚經卷第十

戊戌歲高麗國大藏都監奉

勅彫造

訶般若鈔經卷第一

亦名長安經

河

奉天竺沙門曇摩竭共竺佛念譯

道行品第一

聞如是一時佛在羅閱祇者閼崛山中與千二百五十比丘俱皆是羅漢於生死以盡垢濁以索所語如言已脫於心度於智慧其聖已了皆悉上士所作已辨離於重擔是即自從所有已盡其智已脫心即從計除賢者阿難佛告須菩提今日樂不為諸菩薩說般若波羅蜜菩薩當從是學成舍利弗心念今須菩提為諸菩薩說般若波羅蜜自用力說耶持佛威神說乎須菩提知舍利弗心所念便語舍利弗敢佛弟子所說法所成法皆承佛威神何以故佛所說法法中所學皆有證以知便能有所成展轉能相成教於諸法隨其教所以者何但薩阿竭所說無有異若有仁善欲學是法於中終不諍須菩提白佛言使我為諸菩薩說般若波羅蜜菩薩當從中成菩薩菩薩有字為在何法而



應中住欲學聲聞道地當聞般若波  
羅蜜當學當持當守欲學辟支佛道  
地當聞般若波羅蜜當學當持當守  
欲學菩薩道地當聞般若波羅蜜當  
學當持當守所以者何般若波羅蜜  
法甚廣大故菩薩摩訶薩所學須菩  
提白佛我熟念菩薩心不可得亦不  
知處亦不可見而可得亦不能及說  
何所是菩薩摩訶薩般若波羅蜜亦  
不能逮說菩薩字字處無有處如是  
字處無所止无所住作是說者菩薩  
聞之心不懈不倦不恐不難不畏以  
應阿惟越致其畏無所住住以如是  
住悉了知不復還須菩提白佛菩薩  
摩訶薩行般若波羅蜜色中不當住  
痛痒思想生死識不當於中住想色  
住為行生死識想痛痒思想生死識  
住為行生死識不當行生死識設住  
其中不隨般若波羅蜜教不為應薩  
芸若為受色故不當受色以不受色  
為不受痛痒思想生死識不受色者  
為非色不受痛痒思想生死識者為  
非識復不受般若波羅蜜是菩薩摩



訶薩為行般若波羅蜜復不受三昧  
字廣大所入不受聲聞辟支佛乃至  
薩芸若都不受所以者何不當作想  
若作想亦如外外小道而有信於薩  
芸若雖異外道未得解脫雖不受色亦  
受痛痒思想生死識以不受亦未曉  
尚未成不見慧亦不內色見慧亦不  
外色見慧亦不異色見慧亦不內痛  
痒思想生死識見慧亦不於外識見  
慧亦不於內外識見慧亦不異識見  
慧雖從信欲得脫欲知薩芸若事於  
法而作限謂為得脫以為得法於法  
亦為無所得亦未得脫其不以泥洹  
自貢高是為菩薩摩訶薩般若波羅  
蜜所以者何為不受色為不受痛痒  
思想生死識亦不中道般泥洹悉得  
十種力四無所畏佛十八事不同是  
故為菩薩摩訶薩般若波羅蜜復次  
天中天菩薩摩訶薩入般若波羅蜜  
行者當作是觀何所是般若波羅蜜  
在何所法了不能知不能得處是故  
為般若波羅蜜當作是念菩薩摩訶  
薩聞是不懈不怯不恐不難不畏知

是菩薩以住不離般若波羅蜜舍利  
弗問須菩提何因菩薩摩訶薩不離  
般若波羅蜜住離色色之自然痛痒  
思想生死識識之自然般若波羅蜜  
離般若波羅蜜之自然須菩提語舍  
利弗離色者色之自然痛痒思想生  
死識離識之自然離般若波羅蜜般  
若波羅蜜之自然般若波羅蜜自然  
為離相故相之自然為離故相自然  
相相之自然離相舍利弗謂須菩提  
學是者為學薩婆若須菩提言以學  
是者為入薩婆若何以故於諸法為  
無所入菩薩摩訶薩作是行者便自  
致至薩婆若坐是菩薩摩訶薩般若  
波羅蜜薩婆若種復次舍利弗菩薩  
摩訶薩精進作是語我欲學設使行  
色為行想設想色行為行想設生色  
行為行想設壞色行為行想設滅色  
行為行想設空色行為行想設我行  
立欲得為行想痛痒思想生死識滅  
為行想識生行為行想壞識行為行  
想識滅行為行想空識行為行想我  
行立欲得為行想是菩薩摩訶薩為

反行想行是守行般若波羅蜜為不  
行般若波羅蜜反作想行是菩薩摩  
訶薩無有護行舍利弗問須菩提菩  
薩摩訶薩當云何行般若波羅蜜不  
行色行不想色行不生色行不壞色  
行不滅色行不空色行不痛癢思想  
生死識行不生識行不壞識行不滅  
識行不空識行為行般若波羅蜜亦  
無見亦无行亦無見行无行亦不見  
亦不不行亦不无行如是為不見何  
以故一切法無所從來亦无所持是  
菩薩摩訶薩於一切字法不受是三  
昧無有邊无有極無所不入諸羅  
漢辟支佛所不能知菩薩摩訶薩隨  
是三昧者疾得阿耨多羅三耶三菩  
得成至佛須菩提承佛威神說是言  
時菩薩摩訶薩皆得受決前過去恒  
薩阿竭自致阿耨多羅三耶三菩時  
得成至佛隨是三昧者亦不見三昧亦  
不言我知三昧亦不念我三昧已亦  
不想我坐三昧亦不言我三昧已隨  
是法者都無有短舍利弗問須菩提  
何所菩薩摩訶薩隨是三昧行者前

過去佛得波時自致成佛可得見三昧處不須菩提言不可得見善男子於三昧亦不知亦不曉亦不了何以故不知不了則答言亦不得亦無有三昧亦不得字佛言善哉善哉須菩提如我所說空身慧菩薩摩訶薩作是者為隨般若波羅蜜學是菩薩摩訶薩為學般若波羅蜜舍利弗白佛如是者為學何法佛語舍利弗菩薩摩訶薩為學無學法何以故法无所逮得莫癡如小兒學舍利弗問佛誰能逮得法者佛語舍利弗無所得是故得佛言无所得法莫癡如小兒學謂有字不能得欲學習入法適為兩尋耳亦不知亦不見法若有法以有便可得色是故法不可知是為知亦不知亦不可見若小兒癡謂有身即不解便不信以不解中住故曰小兒舍利弗白佛菩薩摩訶薩作是學為不學薩婆若佛語舍利弗菩薩摩訶

薩作是學為不學薩若菩薩摩訶薩不作是學為學薩若以成薩若若須菩提白佛若有問者天中天幻為學佛得作佛或時作是問當何以報之佛語須菩提我故問汝隨所報之於須菩提云何幻與色為有異乎幻與痛痒思想生死識有異乎須菩提報佛言無有異幻與色天中天無有異色是幻幻是色幻與痛痒思想生死識等无有異佛言云何須菩提所問等不隨法從五陰字菩薩須菩提言如是天中天菩薩摩訶薩學欲作佛為學幻耳何以故作幻者持陰色如幻無所有色六衰五陰如幻痛痒思想生死識皆空无所有但有字六衰五陰耳須菩提須菩提白佛言若新學菩薩摩訶薩聞是語得無恐怖佛語須菩提設使新學菩薩摩訶薩與惡師相得相隨或恐或怖設與善師相隨不恐不怖須菩提白佛何所菩薩摩訶薩惡師當何以知之佛語須菩提其人不尊重摩訶般若波羅蜜教人棄捨去遠離菩薩心反

教作想令學雜經隨雜經心邪喜樂  
教學餘經聲聞若辟支佛事卷卷令  
諷誦之為說魔事魔主行壞敗菩薩  
為種種說生死勤苦言菩薩道不可  
得是故為菩薩摩訶薩惡師須菩提  
白佛何所是菩薩摩訶薩善師當何  
從知之佛語須菩提其人尊重摩訶  
般若波羅蜜稍稍教人令學成教語  
魔事令覺魔令遠離諸魔是故菩薩  
摩訶薩摩訶僧那僧涅槃摩訶衍三拔  
致諦是為菩薩摩訶薩善師須菩提問  
佛何因菩薩名為菩薩天中天佛語  
須菩提學諸經法悉曉了於諸法无  
所著尔故字為菩薩須菩提復問佛  
悉曉知諸經法尔故字菩薩何以故  
復呼摩訶薩佛語須菩提摩訶薩者  
於天上天下最尊尔故字為摩訶薩  
舍利弗白佛我亦樂聞何以故為摩  
訶薩佛語舍利弗樂聞者當為若說  
之摩訶薩者悉自了見悉了知一切  
人世間所有悉了知人壽命悉了知  
悉了知著斷之事便能隨人所樂為  
說法以是故名為摩訶薩須菩提白



佛摩訶薩者天中天以得摩訶薩字  
設菩薩心無有心與心等者无有能  
遠心者諸羅漢辟支佛所不能及心  
無所著心何以故是薩若心故用  
无有餘故以是心無所著是故号为  
摩訶薩舍利弗問須菩提何因菩薩  
心無所著須菩提心无所思故無所  
著分釋文陀尼弗白佛何因摩訶薩  
摩訶薩者何所菩薩為摩訶僧那僧  
沮摩訶行者大乘三拔諦三拔諦者  
等住佛言是菩薩即為摩訶薩須菩  
提白佛摩訶僧那僧沮者何因菩薩  
摩訶薩為摩訶僧那僧沮佛言菩薩  
摩訶薩念我當度不可計阿僧祇人  
悉令般泥洹如是賜般泥洹而無有  
法般泥洹者何以故須菩提譬若如  
幻師於廣大處化作衆人滿一城中  
悉斷所化人頭於須菩提意云何有  
所中傷死者不須菩提言无有中傷  
死者佛言如是須菩提度不可計阿  
僧祇人賜般泥洹無有人般泥洹者  
聞是不恐當知是菩薩摩訶薩即為  
摩訶僧那僧沮須菩提白佛如我從

佛聞念其中事如是不為摩訶僧那  
僧涅何以故無有作薩芸若者无有  
供養無有作人者何所人當作僧那  
僧涅色天中天無著无縛無脫痛痒  
思想生死識天中天無著无縛無脫  
分漫陀尼弗問須菩提色無著无縛  
無脫痛痒思想生死識无著無縛无  
脫乃有色不著不縛不脫乃有痛痒  
思想生死識不著不縛不脫何所色  
須菩提無著无縛無脫何所痛痒思  
想生死識无著無縛无脫須菩提語  
分漫陀尼弗色如幻無著无縛無脫  
痛痒思想生死識如幻无著無縛无  
脫無有邊无著無縛无脫恍忽无著  
无縛無脫无所生無著无縛無脫是  
故菩薩摩訶薩摩訶僧那僧涅須菩  
提白佛何因菩薩摩訶薩為摩訶衍  
三拔諦何所是摩訶衍從何所住衍  
行為住何所當從何所立衍中佛語  
須菩提摩訶衍摩訶衍者無有極不  
可得邊幅從何所自致立衍摩訶衍  
者從三界出立薩芸若中亦不於衍  
有所立不立何以故立不立者於法

不知法何所法當立者須菩提白佛  
言摩訶衍摩訶衍者於天上天下人  
中極過上其衍與空等如虛空覆不  
可計阿僧祇人亦故為摩訶衍菩薩  
摩訶薩亦不見來時亦不見去時亦  
不見住處於摩訶衍天中天不能得  
本亦不能得當所來亦不能得中間  
於三界見字為摩訶衍佛言善哉善  
哉須菩提亦故菩薩摩訶薩為摩訶  
衍分漫陀尼弗白佛尊者須菩提佛  
使說般若波羅蜜乃說摩訶衍事為  
須菩提白佛言我說般若波羅蜜得  
无過天中天佛語須菩提所說般若  
波羅蜜不過如毫毛適得其中復次  
天中天亦不見菩薩本亦不見當來  
菩薩亦不見菩薩中間色無有邊菩  
薩亦无有邊色菩薩不可逮亦不可  
知亦不可得如是天中天菩薩摩訶  
薩亦不可知亦不可得當以何般若  
波羅蜜為菩薩摩訶薩說之亦不得  
菩薩亦不見菩薩當以何法說般若  
波羅蜜菩薩轉復相字為菩薩云何  
天中天何所字我我天中天我者亦

滅是者法之自然何所是色其要不滅者何所色為是痛痒思想生死識亦亦識者無有邊菩薩亦无有邊菩薩了不知處亦不可見天中天一切菩薩摩訶薩了无有處亦無可得何所是菩薩摩訶薩當為說般若波羅蜜於菩薩都不可得見亦不知處當從何法中說般若波羅蜜菩薩摩訶薩為得字者如是字想我我天中天我亦滅是法之自然何所識要而不滅者何所識於法之自然而不滅不滅者非法作亦不無不滅何无滅者如般若波羅蜜所說不作異滅當從何法自致菩薩為住行者其聞是者不恐不畏為行般若波羅蜜般若波羅蜜者天中天熟思惟是時為不入色何以得色無所生為非色設非色為無色亦无有生從其中无所得字是色為法作數是時菩薩摩訶薩為行般若波羅蜜當觀法思惟深入中是時亦不入痛痒思想生死識何以故識無所生為非識設非識为无識亦无有生從其中无所得字是識為法

作數舍利弗問須菩提所說法无所  
出生設菩薩無所出生者菩薩用何  
等故勤苦行菩薩之道設用一切人  
故何能忍是勤苦須菩提語舍利弗  
我亦不使菩薩忍是勤苦行菩薩忍  
勤苦行是菩薩之道不自念我忍勤  
苦行何以故菩薩心不作是念便能  
為不可計阿僧祇人而作本令悉安  
隱念之如母念之如父念之如子念  
之如身菩薩摩訶薩當持心作是念  
一切於菩薩不見亦不知處於內外  
法當作是念當作是行作是行者為  
忍勤苦行設使菩薩舍利弗不見出  
生菩薩為无所生舍利弗謂須菩提  
設使菩薩無所生菩薩若亦无所生  
須菩提語舍利弗菩薩若亦无所生  
舍利弗復謂須菩提菩薩若无所生  
凡人亦無所生須菩提言凡人者亦  
無所生舍利弗謂須菩提菩薩无所  
生菩薩法亦无所生薩若無所生  
薩若法亦無所生凡人亦无所生  
凡人法亦無所生菩薩无所從生自致  
薩若若須菩提言不從无所生法可

入亦不無无所從生法逮得舍利弗  
復問其生生者乃能逮得法不須菩  
提言无所從生法為逮生無无所生  
法是為逮得舍利弗復言以生生者  
為從無所生生須菩提言无所生無  
所生樂聞舍利弗語須菩提無所樂  
生是故為樂須菩提言无所生聞是  
為聞舍利弗言以聞所語須菩提語  
舍利弗无無所語是為語无所語無  
所樂是故語是故樂舍利弗言善我  
善我須菩提所說於法中為尊何以  
故尊者須菩提隨所問即答悉報之  
須菩提語舍利弗佛弟子所說法皆悉  
如事隨其所問即能解何以故隨法  
如事故亦不知所出生舍利弗言善  
哉善哉須菩提從何波羅蜜度菩薩  
摩訶薩須菩提語舍利弗從般若波  
羅蜜說是法時若諷誦讀菩薩摩訶  
薩當知信之不疑有隨是法不增不  
隨是法者不減舍利弗謂須菩提隨  
是法不增不隨是法亦不減隨法教  
一切人隨法者不失一切人皆使得  
菩薩摩訶薩何以故一切人悉學法



其法俗如故須菩提言善哉善哉舍利弗所解法如舍利弗言無異何以故人之自然當念知人之恍忽當念知恍忽人身難了知當念知之舍利弗菩薩摩訶薩法當作是守當作是行摩訶般若波羅蜜問品第二

尔時釋提桓因與四万天人俱來共會四天王與天上二万天人俱來共會梵迦夷天與一万天人俱來共會首陀論天與五千天人俱來共會諸天宿命有德光明巍巍得佛威神力諸天光明悉不復見釋提桓因白須菩提若干千万天人大會欲聽須菩提說般若波羅蜜云何菩薩摩訶薩於般若波羅蜜中住須菩提語釋提桓因拘翼是若干千万天人樂聞者皆聽我當持佛威神力廣為諸天人說般若波羅蜜何所天人未發菩薩心者今皆當行以得須陀洹者不可復得菩薩道何以故閑塞生死故正使是輩人索菩薩道我亦勸助之不斷其功德悉使取法中極尊欲使極上佛言善哉善哉須菩提勸樂諸學

乃今須菩提白佛言我當報恩不得不報何以故過去時怛薩阿竭皆令弟子為諸菩薩說般若波羅蜜怛薩阿竭時亦在其中學如是法中今自致作佛天中天因是故當報恩今我復說般若波羅蜜菩薩亦當復受苦薩法我亦復勸樂菩薩摩訶薩疾得成佛須菩提語拘翼當所問者且聽所問菩薩摩訶薩云何住般若波羅蜜蜜菩薩摩訶薩以空住般若波羅蜜

詞衍

三拔諦色不那中住痛痒思想生死

識不那中住須陀洹不那中住斯陀

含不那中住阿那含不那中住阿羅

漢不那中住辟支佛不那中住佛不

那中住有色不那中住有痛痒思想

生死識不那中住有須陀洹不那中

住有斯陀含不那中住有阿那含不

那中住有阿羅漢不那中住有辟支

佛不那中住有佛不那中住色常无

常不那中住痛痒思想生死識常無

常不那中住色若樂若苦不那中住

痛痒思想生死識若苦若樂不那中

住色若空不空不那中住痛痒思想  
生死識若空不空不那中住色是我  
所非我所不那中住痛痒思想生死  
識是我所非我所不那中住須陀洹  
道不動成就不那中住須陀洹道成  
已不那中住何以故七死七生便度  
去是故須陀洹道不那中住斯陀含  
道不動成就不那中住斯陀含道成  
已不那中住何以故斯陀含一死一  
生便度去是故斯陀含道不那中住  
阿那含道不動成就不那中住阿那  
含道成已便於天上般泥洹是故阿  
那含道不那中住阿羅漢道不動成  
就不那中住何以故羅漢道成已便  
盡是閒元有餘泥洹般泥洹是故羅  
漢道不那中住辟支佛道不動成就  
不那中住辟支佛道成已過聲聞道  
地不逮佛道便中道般泥洹是故辟  
支佛道不那中住自致成佛為阿僧  
祇人作本教不可計阿僧祇人皆當  
般泥洹佛所作為皆究竟已當般泥  
洹亦不那中住舍利弗心念言菩薩  
云何住須菩提知舍利弗心所念便

即報之云何舍利弗佛為在何所住  
舍利弗語須菩提佛无所住恒薩阿  
竭心無所住止亦不在不動處止亦  
無動處止須菩提語舍利弗菩薩摩  
訶薩當作是學如恒薩阿竭不住亦  
不不住亦無无住當作是學住諸天  
人聞是其心各作是念諸閱义若大  
若小所語悉可了知尊者須菩提所  
說了不可知須菩提知諸天人心之  
所念即報言是語難了難了亦不可  
聞亦不可知諸天人心各各復念是  
語當解當解今尊者須菩提所知深  
入深入須菩提即復知諸天人心所  
念語諸天人欲得須陀洹道證以得  
須陀洹道不忍不那中住便度去欲  
得斯陀含道證以得斯陀含道不忍  
不那中住便度去欲得阿那含道證  
以得阿那含道不忍不那中住便度  
去欲得阿羅漢道證已得羅漢道不  
忍不那中住便度去欲得辟支佛道  
證已得辟支佛道不忍不那中住便  
度去欲得佛道證已得佛道不忍不  
那中住便度去諸天人皆念言尊者

須菩提所說乃尔誰當聽受是法者  
須菩提知諸天人心所念語諸天人  
幻人者當聽我法當受我法何以故  
從我聞法已亦不作證諸天人心各  
各復念云何幻人聽法與人等無有  
異須菩提知諸天人心所念語諸天  
人幻如人人如幻須菩提言我說須  
陀洹斯陀含阿那含阿羅漢辟支佛  
道亦如幻耳正使佛道我說亦復如  
幻諸天人謂須菩提乃至佛亦復說  
如幻須菩提語諸天人乃至泥洹亦  
復如幻諸天人復問須菩提乃至泥  
洹亦復如幻云何須菩提言諸天人  
設復有法出於泥洹者亦復如幻何  
以故幻人泥洹賜如空所有舍利弗  
分漫陀尼弗摩訶拘絺羅摩訶迦旃  
延等共問須菩提般若波羅蜜實重  
深何等人當受是法者賢者阿難亦  
尔須菩提報諸比丘言阿惟越致菩  
薩當受是法若成就阿羅漢者復有  
是法无有持者何以故般若波羅蜜  
說相如是從中無所出何以故法中  
無所有无所聞無所得如是法比无



所聞法无所得法從是法中無所受  
釋提桓因心念爾法寶尊者須菩提  
所說我寧可化作華持散須菩提上  
釋提桓因即化作華散尊者須菩提  
上須菩提即言是華不出於忉利天  
上曾見是華為從幻化釋提桓因所  
化散我上者為從心樹出不從樹木  
出生是華為從心樹出生釋提桓因  
言如所說華為從心樹出須菩提言  
如是拘翼釋提桓因言亦不從心樹  
出須菩提言以是故為非華釋提桓  
因言尊者須菩提所入慧甚深甚深  
所說不增不减作是說法如須菩提  
教菩薩摩訶薩當作是學須菩提語  
釋提桓因拘翼所言如語無有異是  
菩薩摩訶薩所學菩薩摩訶薩作是  
學者為不學須陀洹斯陀含阿那含  
阿羅漢辟支佛道是菩薩為學菩薩  
若作是學者為學不可計阿僧祇法  
不生色學不生痛痒思想生死識學  
不學受色不學痛痒思想生死識不  
學受想法樂亦不學受有所失作是  
者為學菩薩若為如薩若舍利弗



語須菩提作是學者亦不受薩芸若亦不失學為學薩芸若為如薩芸若須菩提語舍利弗作是學亦不受薩芸若亦不失學是為學薩芸若為如薩芸若釋提桓因問舍利弗菩薩摩訶薩當云何求般若波羅蜜舍利弗言當問尊者須菩提釋提桓因問尊者須菩提當持何威神恩而所學須拘翼所問菩薩摩訶薩當云何求般若波羅蜜亦不可從色求亦不可離色求亦不可從痛痒思想生死識求亦不可離識求何以故般若波羅蜜亦非色亦不離色般若波羅蜜非痛痒思想生死識般若波羅蜜亦不離識般若波羅蜜釋提桓因問須菩提摩訶波羅蜜无有邊摩訶波羅蜜无有極須菩提語拘翼摩訶波羅蜜无有邊無有極波羅蜜了不可見无有極波羅蜜了不可極人無極波羅蜜亦無極如是拘翼當云何求波羅蜜於法中無有極无有邊際亦無中間亦不能得有所限波羅蜜者亦復

如是復次拘翼法者無際无限無有  
極無有中間無可得者釋提桓因言  
云何尊者須菩提人無極波羅蜜亦  
無極須菩提語釋提桓因都盧不可  
議計正使倍復倍人亦無極波羅蜜  
亦復無極釋提桓因言何緣人无極  
波羅蜜亦無極須菩提言於拘翼意  
云何何所法中說人人之本釋提桓  
因言無有法作是說者亦无法留置  
者設有出者但字耳無有作者但以  
字耳須菩提言於釋提桓因云何能  
有人可得見者不釋提桓因言不可  
得見須菩提報釋提桓因無有作者  
何所有人正使恒薩阿竭阿惟三佛  
壽如恒邊沙劫說有人生者滅者釋  
提桓因言無有人何以故本淨淨故  
以是拘翼人无有極當作是念般若  
波羅蜜

摩訶般若鈔經卷第一

戊戌歲高麗國大藏都監奉  
勅彫造

摩訶般若鈔經卷第三

河

前秦天竺沙門曇摩蜊共竺佛念譯

功德品第三

今時諸因陀天諸梵天諸波耶和提  
天諸伊沙天諸那提軋天同時三反  
作是稱譽法賢者須菩提所說法甚  
深怛薩阿竭皆從是生其有聞者若  
諷誦讀有行者我輩恭敬觀如怛薩  
阿竭我輩恭敬觀菩薩摩訶薩持般  
若波羅蜜佛語諸天人如是如是昔  
我於提和竭羅佛前逮得般若波羅  
蜜我便為提和竭羅佛所授決言却  
後若當為人中之導悉當逮佛智慧  
却後無數阿僧祇劫汝當作佛号宇  
釋迦文天上天下於中寂尊安定世  
間法中極明号曰為佛諸天人白佛  
言甚善善菩薩摩訶薩天中天行般若  
波羅蜜自致行到薩婆若佛於天會  
中告諸比丘比丘尼優婆塞優婆夷  
今以四輩為證欲天梵天阿陂論天  
皆共證知佛語釋提桓因拘翼若有  
善男子善女人其有學般若波羅蜜

持誦者是善男子善女人魔若魔天  
若人若非人終不能得其便亦不得  
橫死復次拘翼切利天上諸天人其  
有行佛道者未得般若波羅蜜學誦  
者是輩天人皆當往到善男子善女  
人所其學持誦般若波羅蜜者若行  
空閑屏隈之處終不恐怖無所畏懼  
四天王白佛言我輩自共擁護是善  
男子善女人學般若波羅蜜持誦者  
者梵摩三鉢天及諸梵天人俱白佛  
言我輩自共擁護是善男子善女人  
學般若波羅蜜持誦者釋提桓因白  
佛言我自擁護是善男子善女人學  
般若波羅蜜持誦者釋提桓因復白  
佛言難及天中天若善男子善女人  
有學般若波羅蜜者使得現在法其  
受般若波羅蜜者天中天為悉受六  
波羅蜜佛言如是拘翼其受般若波  
羅蜜者為悉受六波羅蜜復次拘翼  
若善男子善女人學持誦般若波  
羅蜜者拘翼且聽我說其人所得功  
德上語亦善中語亦善下語亦善釋  
提桓因言受教佛語拘翼其欲於我

法中有所燒害亂者其人稍稍起惡  
意欲來未至中道而亡是善男子善  
女人用學般若波羅蜜持誦故其人  
賣惡往來至稍稍燒害亂意自止便  
屈還終不至是者拘翼善男子善女  
人所作為悉自見得用學持誦般若  
波羅蜜故譬若有藥拘翼名為摩祇  
有蛇飢者行索食所當噉食道逢虫  
虵欲噉之虫行到摩祇藥所蛇聞  
藥香即走還去何以故藥力所却蛇  
毒即歇藥力所厭如是拘翼若善男  
子善女人學持誦般若波羅蜜者其  
有欲害便自消亡用般若波羅蜜威  
神力所却佛言設有謀作者所從來  
處便於彼間破壞不復成四天王皆  
擁護是善男子善女人若入般若波  
羅蜜中思惟者自在所為所語如甘  
露所語悉尊重瞋恚不生不自貢高  
四天王皆當擁護是善男子善女人  
學持誦般若波羅蜜者所語无有異  
所言如甘露所言不輕瞋恚不起自  
貢高不生何以故用學般若波羅蜜  
故不愛貢高不愛自用不愛瞋恚是

善男子善女人心自生念若有閻諍  
常當遠離面自著慙念是曹之惡而  
不可近自念我索佛道不可隨瞋恚  
語疾使我逮好心是善男子善女人  
所作為悉自見現在功德其學持誦  
般若波羅蜜者亦尔釋提桓因白佛  
言難當天中天為般若波羅蜜者乃  
過諸惡上去自在所作無有與等者  
佛語釋提桓因復次拘翼善男子善  
女人學持誦般若波羅蜜者或過劇  
難之中終不恐正使入軍不被兵佛  
言我所語無有異若善男子善女人  
當是時念誦般若波羅蜜正使於中  
當死若冤家在中欲共害之如佛所  
語無有異是善男子善女人終不於  
中橫死正使在中若有射者若有兵  
向者終不中其身何以故是般若波  
羅蜜者極大呪持尊之呪學是呪者  
善男子善女人不自念惡亦不念他  
人惡都不念惡為人中之雄自致作  
佛當護一切人學是呪者疾成得佛  
復次拘翼若書般若波羅蜜學持誦  
經者若人若非人不能害之除宿命



之罪不可請避若佛初得道處若有  
人從在方面來入其中若鬼神禽獸  
欲來燒者終不能傷害何以故用過  
去當來今現在佛悉從是處自致成  
佛以是故不恐不怖无所畏懼般若  
波羅蜜者亦復如是在所止處一切  
皆為作札恭敬護視之釋提桓因白  
佛言若有天中天書般若波羅蜜持  
經卷自歸作札承事者名華好香擣  
香雜香澤香燒香繒絲華蓋幢幡以  
是供養若有持怛薩阿竭阿羅訶三  
耶三佛舍利起塔自歸作札承事好  
華名香擣香雜香澤香燒香繒絲華  
蓋幢幡持用供養佛問拘翼如是其  
福何所為多者隨所樂報云何拘翼  
怛薩阿竭阿羅訶三耶三菩自致薩  
芸若成佛身出見從何法中學得阿  
耨多羅三耶三菩阿惟三佛釋提桓  
因報言怛薩阿竭從般若波羅蜜學  
得阿耨多羅三耶三菩自致成阿惟  
三佛佛語釋提桓因不用身舍利故  
為從薩芸若得佛怛薩阿竭者為從  
般若波羅蜜出如是拘翼薩芸若身

者為從般若波羅蜜出但薩阿竭阿羅訶三耶三菩為從薩芸若生我得作佛身我般泥洹已後舍利亦得供養若有善男子善女人書般若波羅蜜學持誦行自歸作札承事以好華名香搗香雜香澤香燒香繒綵華蓋幢幡持用供養即為供養薩芸若慧已復次拘翼其有書般若波羅蜜者持經卷雖不讀但供養作札是善男子善女人從其中得功德無比何以故為供養薩芸若慧故釋提桓因白佛言如是天中天閻浮利人不供養事般若波羅蜜者是輩人不知般若波羅蜜為尊當得福無比佛語釋提桓因云何拘翼閻浮利人中有幾所信佛信法信比丘僧者釋提桓因白佛言閻浮利人少所信佛信法信比丘僧者少少耳及行須陀洹斯陀含阿那含阿羅漢辟支佛少少耳能至行佛道者亦復少少耳佛言如是拘翼至有索佛道行者亦復少少耳求佛者不可計阿僧祇人欲作菩薩行然後從其中出者若一若兩在阿惟越

致地立以是故拘翼若善男子善女人行求佛道者學持誦般若波羅蜜經當為作札承事恭敬所以者何用曉般若波羅蜜故過去恒薩阿竭阿羅訶三耶三佛本從菩薩行般若波羅蜜所學我時亦在中學恒薩阿竭般泥洹後菩薩摩訶薩悉當受是般若波羅蜜恒薩阿竭般泥洹後拘翼若善男子善女人取舍利供養起七寶塔盡壽自歸作札承事供養天華擣香澤香燒香雜香天繒華蓋幢幡如是於拘翼意云何其所作為福寧多不釋提桓因言甚多甚多天中天佛言不如善男子善女人書般若波羅蜜持經卷自歸作札承事供養名華好香擣香雜香澤香燒香繒華蓋幢幡得福甚多佛言置是塔拘翼若滿閭浮利七寶塔善男子善女人盡形壽自歸作札承事供養天華好香擣香雜香澤香燒香天繒華蓋幢幡云何拘翼其福寧多不釋提桓因言甚多甚多天中天佛言不如善男子善女人書般若波羅蜜持經卷自

歸作礼承事供養名香好香擣香雜  
香澤香燒香繒絲華蓋幢幡得福甚  
多佛言且置是閻浮利所作塔滿四  
天下七寶塔拘翼若善男子善女人  
畫形壽自歸作礼承事供養天華好  
香擣香雜香澤香燒香天繒華蓋幢  
幡其福寧多不釋提桓因言甚多甚  
多天中天佛言不如善男子善女人  
書般若波羅蜜持經卷自歸作礼承  
事供養名華好香擣香雜香澤香繒  
絲華蓋幢幡得福甚多佛言置四天  
下塔拘翼譬如一天下復次一天下  
如是千天下四面皆滿七寶塔若善  
男子善女人畫形壽自歸作礼承事  
供養天華好香擣香雜香澤香燒香  
天繒華蓋幢幡云何拘翼其福寧多  
不釋提桓因言甚多甚多天中天佛  
言不如善男子善女人書般若波羅  
蜜持經卷自歸作礼承事供養名華  
好香擣香雜香澤香燒香繒蓋幢幡  
得福甚多佛言復置千天下拘翼復  
次千小國土如是中為二千國土四  
面皆滿七寶塔若善男子善女人畫

形壽自歸作礼承事供養天華擣香  
雜香澤香燒香天繒蓋幢幡云何拘  
翼其福寧多不釋提桓因言甚多甚  
多天中天佛言不如善男子善女人  
書般若波羅蜜持經自歸作礼承事  
供養名華好香擣香雜香澤香燒香  
繒蓋幢幡得福甚多佛言置二千中  
國土拘翼三千大千國土四面滿中  
七寶塔若有善男子善女人盡形壽  
自歸作礼承事供養天華擣香雜香  
澤香燒香天繒蓋幢幡云何拘翼其  
福寧多不釋提桓因言甚多甚多天  
中天佛言不如善男子善女人書般  
若波羅蜜持經卷自歸作礼承事供  
養名華好香擣香雜香澤香燒香繒  
絲華蓋幢幡得福甚多佛言置三千  
大千國土七寶塔拘翼若三千大千  
國土中一切菩薩悉得為人人人作  
七寶塔是輩人盡形壽持倡伎樂歌  
舞天雜香名華擣香澤香燒香繒絲  
華蓋幢幡持用供養云何拘翼是功  
德福寧多不釋提桓因言其所作福  
德功德甚多甚多天中天佛言不如

善男子善女人書般若波羅蜜持經  
卷自歸作禮承事供養名華好香擣  
香雜香澤香燒香繒綵華蓋幢幡得  
福甚多釋提桓因白佛言如是如是  
天中天其自歸般若波羅蜜作禮承  
事者為供養過去當來今現在佛薩  
菩若已釋提桓因復白佛置三千大  
千國土人人人所作七寶塔如恒河  
沙佛剎滿中人人人悉起七寶塔皆  
供養一切復至一切持天華名香擣  
香雜香澤香燒香天繒華蓋幢幡以  
天上天下諸伎樂持用供養其福功  
德不如善男子善女人書般若波羅  
蜜持經卷自歸作禮承事供養名華  
好香擣香雜香澤香燒香繒綵華蓋  
幢幡所有得福出彼上佛語釋提桓  
因如是拘翼不如善男子善女人從  
法中得福極多不可計不可議不可  
稱不可量不可極何以故拘翼怛薩  
阿竭阿羅訶三耶三佛薩菩若者為  
從般若波羅蜜出如是拘翼善男子  
善女人書般若波羅蜜持經卷自歸  
作禮承事供養名華好香擣香雜香



澤香燒香繒綵華蓋幢幡如是拘翼  
是皆前世功德所致佛言如恒邊沙  
佛刹百倍皆起七寶塔不在計中千  
倍不在計中百千倍不在計中萬億  
倍不在計中無數倍不在般若波羅  
蜜供養計中今時四万天子與釋共  
來會者皆謂釋提桓因尊者當取般  
若波羅蜜當誦般若波羅蜜佛語釋  
提桓因當學持誦般若波羅蜜何以  
故若阿湏倫生念欲起兵與忉利天  
共戰是時拘翼當念誦般若波羅蜜  
阿湏倫即休兵衆即還釋提桓因白  
佛般若波羅蜜極大呪天中天般若  
波羅蜜極尊呪無有輩呪佛言如是  
如是拘翼般若波羅蜜為極大呪般  
若波羅蜜為極尊呪般若波羅蜜無  
有輩呪是呪拘翼過去恒薩阿竭阿  
羅訶三耶三佛皆從是呪自致作佛  
甫當來諸怛薩阿竭阿羅訶三耶三  
佛皆學是呪自致得佛今現在諸佛  
皆從是呪自致作佛是呪者拘翼出  
十善功德照明於世四禪四諦四神  
足五旬照明於世菩薩摩訶薩因遍

想拘舍羅中生十善功德照明世間  
復次拘翼若善男子善女人學持誦  
般若波羅蜜者便得現在法聽釋提  
桓因問佛云何當得今現在法聽佛  
言其人終不橫死終不中毒死終不  
於溺死終不兵死若時時遭縣官若  
為縣官所侵當誦念般若波羅蜜往  
到其所終不得危害何以故般若波  
羅蜜所擁護若為縣官所呼召當誦  
念般若波羅蜜彼聞若王若太子傍  
臣所使與相見即得好語各皆歡喜  
何以故用學般若波羅蜜慈心愍傷  
哀念一切人萌飛蠕動故其欲得害  
者不能得其便佛說是時有異道人  
遙見佛欲往亂坐釋提桓因自念言  
盡我壽常得在佛邊受誦般若波羅  
蜜異道人欲但來必亂我今不得受  
般若波羅蜜釋提桓因從佛所受誦  
般若波羅蜜彼異道人即遙遠所遶  
天中天一匝便從彼道徑還去舍利  
弗心念云何異道人從彼間中道而  
去佛知舍利弗心所念即言是異道  
人无有好意來釋提桓因念般若波

羅蜜以故中道還去。弊魔作是念。但  
薩阿竭阿羅訶三耶三佛與四輩弟  
子共坐。欲天梵天諸天子悉復在中。  
無有異人。菩薩摩訶薩今受決者。當  
為人中之將。自致作佛。我當往亂之。  
弊魔化乘一輅之車。駕四馬。稍稍欲  
前到佛所。釋提桓因念弊魔乘四馬  
之車。欲來到佛所。非國王。非沙四馬  
之車。亦不類國王波斯匿四馬之車。  
亦非類釋種墮舍利種四馬之車。不  
類是弊魔所作。常念索佛。便欲亂世  
間人。釋提桓因常願欲念誦讀般若  
波羅蜜。即時心念般若波羅蜜。且欲  
究竟弊魔。即復道還去。忉利天上人  
持所化華。飛在空中。用散佛上。皆言  
使般若波羅蜜得久在闍浮利。令人  
悉得聞見。便復持天上若干種華。已  
散佛上。皆言其有行般若波羅蜜者。  
守般若波羅蜜者。亦不為魔及魔天  
所得。便釋提桓因白佛言。其聞般若  
波羅蜜者。是輩人其福功德不少。何  
況學誦持者。諷誦學已。復行教人。是  
人前世已為見佛。從聞般若波羅蜜。

何況學持誦已行如中事者即為供養怛薩阿竭已何以故欲得薩芸若者當從般若波羅蜜譬如欲得極天寶者天中天當從大海欲得薩芸若珍寶者天中天怛薩阿竭阿羅訶三耶三佛當從般若波羅蜜索之佛言如是如是拘翼怛薩阿竭阿羅訶三耶三佛為從薩芸若出阿難白佛言无有說檀波羅蜜者亦不尸波羅蜜亦不羣波羅蜜亦不惟逮波羅蜜亦不禪波羅蜜都無說是字者但共說般若波羅蜜何以故天中天佛語阿難般若波羅蜜五波羅蜜中軍尊云何阿難不作薩芸若布施能為檀波羅蜜不作薩芸若淨戒忍辱精進一心智慧能為尸羣惟逮禪波羅蜜不阿難言如是如是天中天無波羅蜜者為布施薩芸若者是檀波羅蜜無波羅蜜為戒忍辱精進一心智慧薩芸若者是般若波羅蜜佛語阿難用是故般若波羅蜜五波羅蜜中為軍尊譬如掘地以種散其中同時俱出生如是阿難般若波羅蜜者為生

五波羅蜜薩去若者從般若波羅蜜成以是故阿難般若波羅蜜於五波羅蜜為極大尊自在所教釋提桓因白佛言怛薩阿竭阿羅訶三耶三佛說善男子善女人從般若波羅蜜教學持誦者說其功德未能竟佛語拘翼我不說諷起者功德未竟說善男子善女人書般若波羅蜜者持經卷自歸作禮承事供養名華好香擣香雜香澤香燒香繒絲華蓋幢幡我說供養功德耳釋提桓因白佛我自擁護規是善男子善女人書般若波羅蜜持經卷自歸供養承事名華好香擣香雜香澤香燒香繒絲華蓋幢幡者佛語拘翼善男子善女人誦般若波羅蜜時若干百千天往到其所聽聞其法若有於法不解欲問法師適作是念用茲法故應時各解是善男子善女人便得今現在法聽復次拘翼善男子善女人於四輩弟子中說般若波羅蜜其心都无所難若形試者終不畏何以故為般若波羅蜜所擁護其所形試者便即而去佛言



我了不見為般若波羅蜜者何況欲形試般若波羅蜜即是不能得見為般若波羅蜜之所厭服善男子善女人无有敢輕易者心亦無所畏恐是善男子善女人為悉見今現在所作功德法復次拘翼若善男子善女人敬愛父母沙門道人知識兄弟宗親中外或時其欲說惡事者持中正法為解說之是者拘翼善男子善女人便得今現在所作功德法

復次拘翼善男子善女人書般若波羅蜜持經卷書四天王上諸天人索佛道者當到彼所問許聽受般若波羅蜜作礼遶竟便去忉利天上諸天人索佛道者當到彼所問許聽受般若波羅蜜作礼遶竟便去鹽天上諸天人索佛道者當到彼所問許聽受般若波羅蜜作礼遶竟便去是善男子善女人心當知无央數阿僧祇佛刹諸天人龍閼叉捷陀羅阿須倫迦樓羅甄陀摩睺休人非人當來到是間問許聽受般若波羅蜜作礼遶竟各自便去是即為施地術天上諸天



人索佛道者當到彼所問評聽受般  
若波羅蜜作禮遶竟便去尼摩羅提  
天上諸天人索佛道者當到彼所問  
評聽受般若波羅蜜作禮遶竟便去  
波羅尼蜜和耶拔致天上諸天人索  
佛道者當到彼所問評聽受般若波  
羅蜜作禮遶竟便去梵迦夷天梵富  
樓天梵波產天摩訶梵天熾天波利  
陀天熾波摩那天阿陂旦耆天波利  
陀首訶天阿波摩首天首訶迦天惟  
番羅天阿比天阿陀首天首陀施天  
阿迦膩吒天等諸天人皆當到彼所  
問評聽受般若波羅蜜作禮遶竟便  
各自去乃至阿迦膩吒天常悉來下  
何況拘翼三千大千國土諸欲天人  
諸色天人悉皆當來問評聽受般若  
波羅蜜作禮遶竟各自還去是善男  
子善女人在所止處常當完堅无有  
燒者除其宿命不請餘不能動是善  
男子善女人便得今現在功德法諸  
天來時當可知釋提桓因忉天中  
天是善男子善女人當何從知諸天  
來時聽受承事供養作禮佛言善男

子善女人若見光明知諸天若龍閼  
叉捷陀羅來聽受般若波羅蜜承事  
作礼其心歡喜踊躍知已為來復次  
拘翼善男子善女人曾所不聞香若  
聞香當知鬼神來已復次拘翼善男  
子善女人當淨身體用淨潔故鬼神  
皆大歡喜數往到彼所其人踊躍如  
小天去大天來到以是譬之其威神  
甚尊光明巍巍是善男子善女人常  
歡喜淨潔住其病終不著身所止常  
得安隱未曾有惡夢夢中不見餘但  
見佛但見塔但聞般若波羅蜜但見  
佛所坐樹但見法輪轉但見且欲成  
佛時但見諸佛成得佛已轉法輪但  
見若干菩薩但見說六波羅蜜種種  
為解慧但見當作佛者但見餘佛刹  
但聞佛尊法但見某方某刹怛薩阿  
竭阿羅訶三耶三佛若干百千弟子  
若干億弟子佛在其中而說法是者  
拘翼善男子善女人於夢中所見已  
便安隱覺即身為輕不復思食身如  
食軟美而飽譬若比丘得禪從禪覺  
已其心軟好不大思食自軟美飽如

是拘翼是善男子善女人從覺已不  
大思食自想身軟美如飽何以故拘  
翼其邪鬼神不敢近是善男子善女  
人為自見今現在功德法已用學誦  
般若波羅蜜故若有書寫雖不誦讀  
但持經卷自歸作札承事供養名華  
好香擣香雜香澤香燒香繒綵華蓋  
幢幡復次拘翼或聞浮利中滿怛薩  
阿竭舍利若般若波羅蜜經是二者  
欲取何所釋提桓因言我寧取般若  
波羅蜜何以故我不敢敬舍利天  
中天其舍利者為從般若波羅蜜出  
而得供養如我於諸天中而獨持坐  
或時不在座上敢有天人來到者皆  
承事為座作札所受教處便即而去  
般若波羅蜜出者如是天中天出怛  
薩阿竭阿羅訶三耶三佛舍利為從  
薩婆若智慧出生閻浮利中滿怛薩  
阿竭舍利正使天中天三千大千國  
土滿中舍利為一分般若波羅蜜經  
為二分我從二分之一中取般若波羅  
蜜何以故舍利為從中出自到得供  
養譬如負債之人天中天與王者相

知得甚歡愛無有問者亦无所畏何以故在王邊得威力故天中天以從般若波羅蜜者便出舍利而得供養般若波羅蜜譬若如王其住耐者輒為人所敬怛薩阿竭舍利為從薩芸若出生便得供養是天中天薩芸若慧怛薩阿竭阿羅訶三耶三佛為從般若波羅蜜出當作是知兩分之中我取般若波羅蜜其受般若波羅蜜持者譬如無價摩尼珠天中天其有是寶無有與等者在所著處鬼神不得其便不為鬼神所害若男子女人無大无小其得邪者持是摩尼珠著身其鬼神即走去若中熱者持是摩尼珠著身上其熱即為除若中風者持是摩尼珠著身上其風即為除若中寒者持是摩尼珠著身上其寒不復增即得除去若夜時持摩尼珠著冥中即為悉明若熱時持摩尼珠在所著處即為大涼若寒時持摩尼珠在所著處即為大溫在所置處諸毒即為不行若男子女人無大无小若蛇蟒所齧持是摩尼珠著之毒即自

去是摩尼珠天中天之為極尊若有  
人病目痛者若得目冥持是摩尼珠  
近眼痛即為除愈如是天中天摩尼  
珠之德甚大巍巍若著水中水即如  
色持若干種繒鄭重裹摩尼珠著其  
水中水即隨色若水濁者即時為清  
摩尼之德而无與比阿難問釋提桓  
因云何拘翼天上亦有摩尼閻浮利  
地上亦有摩尼俱同摩尼能有差別  
即報阿難天上摩尼者不與人間俱  
同閻浮利所有其光明自然不足言  
耳如我所說即之有異其德甚尊十  
倍百千倍萬億倍巨億萬倍如我所  
語摩尼者若著篋中若著函中其光  
明徹照於外假使舉珠出去其處續  
明如故般若波羅蜜者是薩芸若之  
慧至怛薩阿竭阿羅訶三耶三佛般  
泥洹去後舍利續得供養舍利者即  
為薩芸若之函器復次天中天若三  
千大千國土滿中舍利乃至恒邊沙  
佛剎滿中舍利合為一分般若波羅  
蜜經為二分我寧從二分之一中取般  
若波羅蜜何以故怛薩阿竭為從薩



若其舍利者從般若波羅蜜出自  
致得供養若善男子善女人天中天  
欲見今現在阿僧祇剎土諸佛當承  
法如般若波羅蜜行當作是念佛語  
釋提桓因言如是拘翼過去時怛薩  
阿竭阿羅訶三耶三佛皆從般若波  
羅蜜自致成佛甫當來怛薩阿竭阿  
羅訶三耶三菩悉從般若波羅蜜當  
自致成作佛今現在无央數阿僧祇  
剎土諸佛亦從般若波羅蜜自致成  
作佛釋提桓因白佛言摩訶波羅蜜  
天中天一切人萌蜚蠕動若波羅蜜  
悉了知之佛言菩薩摩訶薩用是知  
故晝夜行般若波羅蜜釋提桓因言  
所以但行般若波羅蜜不行餘波羅  
蜜者何佛言菩薩摩訶薩悉行六波  
羅蜜般若波羅蜜於菩薩摩訶薩為  
最尊若所施與般若波羅蜜為出其  
上誠者无所犯忍辱者為自守精進  
者不懈怠一心者而不亂悉見諸法  
是菩薩摩訶薩為行般若波羅蜜譬  
若閻浮利地上拘翼種種樹木若干  
種色各各異葉各各異華各各異實



各各異種其影者而无異即皆悉相  
類如是拘翼五波羅蜜為從般若波  
羅蜜出薩芸若種種展轉相得无有  
異釋提桓因白佛言極大尊之德無  
過般若波羅蜜天中天不可計德无  
過般若波羅蜜天中天无有已波羅  
蜜天中天若有書般若波羅蜜持經  
卷自歸作礼承事供養名華好香擣  
香雜香澤香燒香繒綵華蓋幢幡中  
復有書般若波羅蜜者持施與人其  
福何所為多佛言故問拘翼自恣報  
之若有恒薩阿竭舍利自供養復分  
布與他人令供養之中有自供養舍  
利不分布與人其福何所多者釋提  
桓因言是善男子善女人自供養舍  
利天中天復分與人其福出彼上甚  
多佛言如是如是拘翼善男子善女  
人若書般若波羅蜜持經卷自歸作  
礼承事供養名華好香擣香雜香澤  
香燒香繒綵華蓋幢幡復書經卷分  
與他人令供養之其福甚大復次拘  
翼若法師在所至湊輒說經法分教  
於人其功德甚大甚大

復次拘翼閻浮利人悉是善男子善  
女人皆令持十善云何拘翼其福寧  
多不釋提桓因言甚多甚多天中天  
佛言不如善男子善女人書般若波  
羅蜜持經卷與人使書之若為人讀  
其福倍多復次拘翼閻浮利及四  
天下諸小千國土二千中國土三千  
大千國土乃至恒邊沙佛刹人悉是  
善男子善女人皆令持十善云何拘  
翼其福寧多不釋提桓因言甚多甚  
多天中天佛言善男子善女人書般  
若波羅蜜持經卷與人使書若為人  
讀其福倍多復次拘翼閻浮利人悉  
是善男子善女人皆令行四禪四諦  
四神足五句云何拘翼其福寧多不  
釋提桓因言甚多甚多天中天佛言  
不如善男子善女人書般若波羅蜜  
持經卷與人使書之若為人讀其福  
倍甚益多復次拘翼閻浮利四天  
下及三千大千國土乃至恒邊沙佛  
刹人悉是善男子善女人皆令行四  
禪四諦四神足及五句悉令得成云  
何拘翼其福寧多不釋提桓因言甚

多甚多天中天佛言不如善男子善  
女人書般若波羅蜜持經卷與人使  
書之若為人讀其福轉倍復次拘翼  
若有人讀般若波羅蜜者復教餘人  
令學之其福甚倍益多復次拘翼若  
有人自學般若波羅蜜復為人解其  
慧得福轉甚倍多釋提桓因白佛言  
云何學般若波羅蜜解中慧者天中  
天佛言其不曉者為解說之若有當  
來善男子善女人欲得阿耨多羅三  
耶三菩阿惟三佛者應學般若波羅  
蜜及得惡師教學枝掖般若波羅蜜  
釋提桓因問佛何謂為枝掖般若波  
羅蜜者佛言甫當來世有比丘欲學  
般若波羅蜜為惡師所反教釋提桓  
因言何所為反教者佛言教人學色  
之无常令人於色求無常作是行般若  
波羅蜜作無常學痛痒思想生死識  
於識求无常作是行般若波羅蜜拘  
翼是為枝掖般若波羅蜜佛言其人  
作壞色行求色无常壞痛痒思想生  
死識行於識求無常現其作是行者  
若有點慧當持般若波羅蜜為解之

其福轉倍益多復次拘翼故閻浮利人若善男子善女人皆令得須陀洹道士何拘翼其福寧多不釋提桓因言甚多甚多天中天佛言不如善男子善女人書般若波羅蜜持經卷與人使書之教令學若為人讀其福倍益甚多何以故須陀洹道者皆從般若波羅蜜出復次拘翼置閻浮利止使三千大千國土乃至恒邊沙佛剎人教令得斯陀含其福寧多不釋提桓因言甚多甚多天中天佛言不如善男子善女人書般若波羅蜜持經卷與人使書之教令學若為人讀其福德益甚多何以故薩婆若德成法聽故從般若波羅蜜中成得佛便出須陀洹道復次拘翼悉得斯陀含阿那含阿羅漢道其福寧多不釋提桓因言甚多甚多天中天佛言不如是善男子善女人書般若波羅蜜持經卷與人使書之若為人讀其福甚多以是故皆從是法各各悉得是般若波羅蜜之所致何以故為薩婆若法以學薩婆若法便能教成須陀洹斯

施舍阿那含阿羅漢辟支佛置閻浮  
利人拘翼及三千大千國土乃至恒  
邊沙佛刹人悉教善男子善女人皆  
令得成須陀洹斯陀含阿那含阿羅  
漢辟支佛道云何拘翼其福寧多不  
釋提桓因言甚多甚多天中天佛言  
不如善男子善女人書般若波羅蜜  
持經卷與人使書之教令學若為人  
讀其福益倍多何以故皆從般若波  
羅蜜因薩婆若法德用是故得須陀  
洹斯陀含阿那含阿羅漢辟支佛道  
用是故其福轉倍益多復次拘翼閻  
浮利人都使發菩薩心不如善男子  
善女人持般若波羅蜜經卷與人使  
書教令學為說之若授與阿惟越致  
菩薩經書其人當從是學深入般若  
波羅蜜學知般若波羅蜜者轉增益  
多守无極知因得成就以是故其福  
轉倍甚多甚多置閻浮利三千大千  
國土拘翼及如恒邊沙佛刹人皆發  
心為阿耨多羅三耶三菩行不如善  
男子善女人持般若波羅蜜經卷與  
人使書之教令學為說之及授與阿



惟越致菩薩經書使人當從是學深入般若波羅蜜學知般若波羅蜜者轉增益多守無極知因得成就以是故其福轉倍甚多復次拘翼閻浮利人皆發阿耨多羅三耶三菩行不如善男子善女人持般若波羅蜜經卷與人使書之為解說其慧令學之及授與阿惟越致菩薩摩訶薩般若波羅蜜經為解中慧其福轉倍益多置閻浮利三千大千國土及至恒邊沙佛刹人皆發阿耨多羅三耶三菩心不如善男子善女人持般若波羅蜜經卷與人使書之教令學入點慧中若授與阿惟越致菩薩摩訶薩般若波羅蜜經為解中慧其福轉倍益多復次拘翼閻浮利人皆令如阿惟越致菩薩阿耨多羅三耶三菩若有善男子善女人隨教人入般若波羅蜜中云何拘翼其福寧多不釋提桓因言甚多甚多天中天佛言從是輩中若有一菩薩便作是語我欲疾作佛正使欲疾作佛不如人入般若波羅蜜者其福轉倍益多置閻浮利三千



大千國土及至恒邊沙佛刹人皆悉  
如阿惟越致菩薩阿耨多羅三藐三  
菩若有教善男子善女人入般若波  
羅蜜中去何拘翼其福寧多不釋提  
桓因言甚多甚多天中天佛言若有  
一菩薩從其中作是言我欲疾作佛  
正使疾作佛不如持般若波羅蜜授  
與人者其福轉倍益多釋提桓因白  
佛言如是如是天中天極安隱者即  
菩薩摩訶薩今近佛坐持衣食牀卧  
具供養醫藥所當得不如持般若波  
羅蜜教授人者其福轉倍益多何以  
故入中天其得般若波羅蜜者今近  
佛坐須菩提語釋提桓因言善哉善  
哉拘翼於尊弟子菩薩摩訶薩中乃  
作是觀諸聲聞者因是而得成是輩  
人不索佛道者菩薩摩訶薩不當於  
中學六波羅蜜不學是法者不得作  
佛隨法如學疾成阿耨多羅三耶三  
菩便得至佛

摩訶般若經卷第二

已亥歲高麗國大藏部監奉  
勅彫造

摩訶般若鈔經卷第三

河

卷

秦天竺沙門曇摩蜢共竺佛念譯

善權品第四

尔時弥勒菩薩謂須菩提若有菩薩  
摩訶薩勸助為福出入布施持戒自  
守者上其福轉尊極上無過菩薩摩  
訶薩勸助福德須菩提語弥勒菩薩  
復有菩薩摩訶薩阿僧祇刹土諸佛  
所而作功德二刹土不可計佛其  
般泥洹者乃從發意已来自到阿耨  
多羅三耶三菩成至阿惟三佛者乃  
至無餘泥洹界而般泥洹者然後至  
于法盡於是中所作功德其功德度  
无有極乃諸聲聞作布施持戒自守  
為福於有餘功德自致無餘諸有般  
泥洹佛於其中所作功德至有淨戒  
身三昧身智慧身以脫身脫慧所見  
身佛法極大哀不可計佛天中天所  
說法於其法中復學諸所有功德乃  
於諸般泥洹佛法所作功德都計之  
合之勸助為尊種種德中為極是上  
極勸助者是為勸助勸助以持作阿

稱多羅三耶三菩以是為阿耨多羅  
三耶三菩置是菩薩之人持心能作  
是求阿耨多羅三耶三菩乃生作是  
心欲有所得弥勒菩薩語須菩提其  
不作是求乃能有所得其作是思想  
者以為無點能生是意用思想悔還  
用信悔還但用无點故還墮四顛倒  
无常謂有常苦謂有樂空謂有實无  
身謂有身以故思想悔還心悔還信  
悔還菩薩不當作是心有所求於所  
求無處所云何求阿耨多羅三耶三  
菩弥勒菩薩謂須菩提不當於新學  
菩薩摩訶薩前說是語何以故或亡  
所信亡所樂亡所喜亡所行便從是  
墮當為是菩薩摩訶薩可說聞者在  
善師邊者當為是菩薩摩訶薩可說  
聞者不恐不怖不畏是菩薩摩訶薩  
能勸助為福作薩芸若持心作是勸  
助心亦盡滅无所有無所見何等心  
當作阿耨多羅三耶三菩者當以何  
心作心無兩對心之自然乃能所作  
釋提桓因語須菩提新學菩薩摩訶  
薩聞是或恐或怖若菩薩摩訶薩欲

作功德者當云何勸助其福得作阿耨多羅三耶三菩須菩提語弥勒菩薩當作護諸佛所破壞衆惡而斷愛欲等行如一降伏魔事棄捐重擔即自從所有勤苦悉為以盡其知以脫心即從計從阿僧祇刹土諸般泥日者於其中所作功德福於諸聲聞中復作功德都計之合之勸助為尊種種德中无過勸助其勸助者能為勸助勸助以持作阿耨多羅三耶三菩何所是菩薩摩訶薩想不還所信不悔還正使菩薩摩訶薩持心作阿耨多羅三耶三菩其心無所想者是菩薩摩訶薩心得阿耨多羅三耶三菩正使心念自了知是為想悔還心悔還所信悔還正使心念復知是心則是作是為想悔還信悔還正使菩薩摩訶薩持心了知當作是覺知盡无所有知盡者當知何心有所作當了知心何所心法於法有所作如法者為隨法已於作真為是作即非邪作是菩薩摩訶薩所作若有菩薩摩訶薩於過去當來今現在佛所作功德

若諸聲聞下至凡人所作功德若畜  
生聞法及諸天諸閼叉乾多羅阿須  
倫迦留羅真陀羅摩睺勒諸人若非  
人間法者發心所作功德及初學菩  
薩道者都計之合之積累為上其勸  
助者能為勸助是以極尊種種德中  
無過勸助是以勸助所當勸助能為  
勸助福用作阿耨多羅三耶三菩正  
使復如是為盡法於法无所生無所  
滅无所處法無所生法得作阿耨多  
羅三耶三菩是法不了法有反用作  
阿耨多羅三耶三菩故是為无想不  
悔還心亦不悔還所信不悔還作是  
無所求衆所不逮是為阿耨多羅三  
耶三菩所作若有菩薩摩訶薩不諦  
曉了知作福德者所以者何於身恍  
忽於勸助福亦復恍忽菩薩了知恍  
忽无所有是故菩薩摩訶薩般若波  
羅蜜若於諸般泥洹佛所而作功德  
持是功德欲作所求其知自然能為  
阿耨多羅三耶三菩諸佛天中天所  
著不著想過去以滅亦无有想而不  
作想其作想者為非德菩薩摩訶薩



當學漚和拘舍羅未得般若波羅蜜者不得入已得般若波羅蜜乃得入勿為身作識用之有滅以是故无有身身有德之人有想便尋反欲苦住怛薩阿竭阿羅訶三耶三菩不學作是德持勸助何以故用不正故視般泥日佛而反有想以故為尋所作功德為不及逮反欲苦住其不作想者是怛薩阿竭阿羅訶三耶三佛之德其作想者譬若雜毒何以故設美飯以毒著中色大甚好而香无不喜者不知飯中有毒愚闇之人食之歡喜飽滿食欲消時久久不便身不知德行者甚之為難不曉將護不曉中事不能解知作是行德者為如雜毒之食語善男子過去當來今現在佛持戒身三昧身智慧身以脫身脫慧所見身及於聲聞中所作功德佛天中天所說若復辟支佛所而作功德都勸助之勸助以持是福德作阿耨多羅三耶三菩持所作為想用是故譬若雜毒菩薩摩訶薩當作是學何所過去當來今現在佛功德當云何勸



動作福成得阿耨多羅三耶三菩是  
菩薩隨怛薩阿竭教者是即為作智  
佛功德所生自然及其想法所有持  
是福作勸助因其勸助自致得阿耨  
多羅三耶三菩菩薩摩訶薩作是施  
者無過終不離怛薩阿竭阿羅訶三  
耶三佛佛所語皆至誠復次菩薩摩  
訶薩當作是施如淨戒如三昧如智  
慧如以脫如脫慧所見身无欲界無  
色界无無色界亦无過去當來今現  
在亦無所有无所有施亦復無所有  
其作是施為以如法法亦无所有作  
施者為成所施无有毒其作異施者  
為作反施是菩薩摩訶薩所施以如  
法者佛天中天所知是即為施得作  
阿耨多羅三耶三菩佛言善哉善哉  
須菩提所作為如佛是即為菩薩摩  
訶薩所施三千大千國土人悉念慈  
哀等護心无過菩薩摩訶薩上頭所  
施是即為極尊復次須菩提三千大  
千國土人悉作阿耨多羅三耶三菩  
使如恒邊沙佛刹人皆供養是菩薩  
震越衣被飯食牀卧具病瘦醫藥如

恒邊沙劫供養隨所喜樂作是布施  
云何須菩提其福寧多不須菩提言  
甚多甚多天中天佛言勸助功德福  
過其上不可計須菩提白佛言代勸  
功德福者如恒邊沙佛土不能悉受  
佛言善哉善哉須菩提若有菩薩持  
般若波羅蜜者所作施為過其本所  
施上以無能過勸助所施上百倍千  
倍万倍億倍巨億倍尔時四天王天  
上二万天人悉以頭面著佛足皆白  
佛言極大施天中天菩薩摩訶薩遍  
和拘舍羅乃作是施其功德甚大尊  
何以故是菩薩摩訶薩學般若波羅  
蜜於中勸助故初利天上諸天人持  
天華名香擣香雜香澤香燒香天繒  
華蓋幢幡伎樂持用供養娛樂佛供  
養已皆白佛言極大施天中天菩薩  
摩訶薩遍和拘舍羅乃作是施極大  
施之功德何以故是菩薩摩訶薩學  
般若波羅蜜於中勸助故鹽天上諸  
天人持天華名香擣香雜香澤香燒  
香天繒華蓋幢幡伎樂持用供養娛  
樂佛供養已皆白佛言極大施天中

天菩薩摩訶薩溫和拘舍羅乃作是  
施極大德之功德何以故是菩薩摩  
訶薩學般若波羅蜜於中勸助故梵  
率天上諸天人以天華名香檮香雜  
香澤香燒香天繒華蓋幢幡伎樂持  
用供養娛樂佛供養已皆作是言極  
大施天中天菩薩摩訶薩溫和拘舍  
羅乃作是施極大德之功德何以故  
是菩薩摩訶薩學般若波羅蜜於中  
勸助故尼摩羅提天上諸天人持天  
華名香檮香雜香澤香燒香天繒華  
蓋幢幡伎樂持用供養娛樂佛供養  
已皆白佛言極大施天中天菩薩摩  
訶薩溫和拘舍羅乃作是施極大尊  
之功德何以故是菩薩摩訶薩學般  
若波羅蜜於中勸助故波羅尼蜜和  
耶拔致天上諸天人持天華名香檮  
香雜香澤香燒香天繒華蓋幢幡  
伎樂持用供養娛樂佛供養已皆白  
佛言極大施天中天菩薩摩訶薩溫  
和拘舍羅乃作是施極大尊之功德  
何以故是菩薩摩訶薩學般若波羅  
蜜於中勸助故梵天梵迦夷天梵福

樓天梵波利產天瘡天波利施天瘡  
波摩那天阿陂論天首訶天波利首  
訶天阿波摩首天首訶迦天比伊潘  
羅天阿比耶天須施天尼天乃至  
阿迦膩吒天等諸天人悉以頭面著  
佛足皆言甚善天中天菩薩摩訶薩  
學般若波羅蜜極為大施之功德何  
以故是菩薩摩訶薩學般若波羅蜜  
於中勸助故佛語首陀衛諸天人置  
三千大千國土中菩薩摩訶薩及恒  
邊沙佛刹人悉作阿耨多羅三耶三  
菩復有恒邊沙佛刹人都共供養是  
輩菩薩摩訶薩震越衣服飯食去來  
卧具病瘦醫藥供養如恒邊沙劫隨  
所樂喜作是施與若復過是者不及  
菩薩摩訶薩勸助之施為過去當來  
今現在佛淨戒身三昧身智慧身以  
脫身脫慧所見身及諸聲聞身其中  
者所作功德都共計之合之不及勸  
助若勸助者以是極尊无能過者作  
是勸助以持作阿耨多羅三耶三菩  
須菩提白佛言屬天中天所說都共  
計之合之極尊無過勸助悉代勸助

勸助已菩薩摩訶薩從是中得何等  
法佛語須菩提道德之人當知過去  
當來今現在法無所取亦无所捨亦  
無所知亦无所得其法者為無所生  
法亦无所滅法者亦無從生法亦  
無所從滅於法中了无有生者法亦  
无所從有而滅是者法之所法我代  
勸助之是為勸助作是施者疾得作  
阿耨多羅三耶三菩是故須菩提菩  
薩摩訶薩勸助為尊復次須菩提菩  
薩摩訶薩於過去當來今現在佛所  
代作布施者勸助代持戒忍辱精進  
一心智慧而勸助之代以脫者勸助  
之代脫慧所見身勸助之作是代勸  
助其脫者是為布施其脫者是為忍  
辱其脫者是為精進其脫者是為一  
心其脫者是為智慧其脫者是為脫  
慧其脫者是為脫慧所見身其脫者  
是為以脫其脫者代其勸助其脫者  
是為法是故當來未有如其脫者令  
阿僧祇刹土諸佛天中天現在者其  
脫者是即諸佛弟子其脫者以過去  
諸佛弟子其脫者今現在諸佛弟子



於是法中無縛无著無脫如是法者  
持作阿耨多羅三耶三菩所施為從  
中無有能過者无有能壞者是者須  
菩提菩薩摩訶薩勸助之為尊如恒  
邊沙佛刹中菩薩悉壽如恒邊沙劫  
恒邊沙佛刹人都悉供養諸菩薩摩  
訶薩震越衣服飲食牀卧具病瘦醫  
藥乃至恒邊沙劫須菩提皆持戒忍  
辱於精進而不懈於禪悉得三昧百  
倍千倍万倍若干巨億万倍不如勸  
助功德福寂尊出其上

摩訶般若波羅蜜地獄品第五

舍利弗白佛言般若波羅蜜者多所  
成天中天因般若波羅蜜无不得字  
者天中天般若波羅蜜為極照明天  
中天般若波羅蜜為去冥天中天般  
若波羅蜜者无所著天中天般若波  
羅蜜為極尊天中天無目者般若波  
羅蜜為作眼天中天其迷惑者般若  
波羅蜜悉授道路天中天薩芸若者  
即般若波羅蜜是天中天般若波羅  
蜜者是菩薩摩訶薩母天中天无所  
生无所滅即般若波羅蜜是天中天



具足三合十二法輪為轉是般若波  
羅蜜天中天般若波羅蜜其困苦者  
悉安隱之天中天般若波羅蜜於生  
死作護天中天般若波羅蜜於一切  
法悉皆自然菩薩摩訶薩當云何於  
般若波羅蜜中住天中天佛語舍利  
弗世多羅者因般若波羅蜜住其敬  
佛者當自歸般若波羅蜜釋提桓因  
心念尊者舍利弗何因發是問即時  
釋提桓因謂舍利弗何因尊者乃作  
是問舍利弗謂釋提桓因拘翼般若  
波羅蜜者是菩薩護因其勸助功德  
福持作薩芸若過菩薩之所作為若  
布施持戒忍辱精進禪上辟若如人  
從生而盲若百人若千人若万人若  
千万人无有前導欲有所至若欲入  
城者不知當如行如是拘翼五波羅  
蜜者亦如盲無所見離般若波羅蜜  
者如是欲入薩芸若中不知當如行  
般若波羅蜜即五波羅蜜之護悉與  
眼目般若波羅蜜者是護令五波羅  
蜜各得名字舍利弗白佛當云何守  
入般若波羅蜜中佛語舍利弗色者

不見所入痛痒思想生死識亦不見  
所入視五陰亦不見所入是為守般  
若波羅蜜如是者天中天以為守般  
若波羅蜜作是守者為逮何法佛語  
舍利弗無所守是為逮法守為般若  
波羅蜜釋提桓因白佛言般若波羅  
蜜不逮薩芸若者亦不能得逮亦不  
逮守於生死亦无所逮當云何逮天  
中天佛言無所逮故能為逮釋提桓  
因言少有及者天中天如般若波羅  
蜜於諸法諸法无生無所滅當何所  
住無有住須菩提白佛言菩薩或時  
作是念便離般若波羅蜜佛語須菩  
提儻有所因便念般若波羅蜜知般  
若波羅蜜空无所有無近无遠是故  
為菩薩摩訶薩般若波羅蜜須菩提  
白佛言般若波羅蜜者為信何法佛  
語須菩提信般若波羅蜜者為不信  
色亦不信痛痒思想生死識有不信  
須陀洹道不信斯陀舍阿那舍阿羅  
漢辟支佛道須菩提白佛言摩訶薩波  
羅蜜者天中天即般若波羅蜜是佛  
謂須菩提云何知摩訶薩波羅蜜因

般若波羅蜜是須菩提於色无大無小不以色為證亦不為色作證痛痒思想生死識亦无大无小於識不以為證亦不為識作證便於恒薩阿竭阿羅訶三耶三佛致十種力即不復為弱薩芸若無廣无狹何以故無廣无狹薩芸若知於般若波羅蜜无所行所以者何般若波羅蜜无所著人若於中有所求謂有所有是則為大非何以故人无所生般若波羅蜜與人俱皆自自然人恍忽故般若波羅蜜俱不可計人亦不壞般若波羅蜜亦如是人如般若波羅蜜者便得成至阿惟三佛人亦有力故恒薩阿竭現而有力舍利弗白佛言般若波羅蜜甚深甚深天中天若有菩薩摩訶薩信般若波羅蜜者不說其中短亦不狐疑其人從何所來生是間為行菩薩道已來幾聞解般若波羅蜜事隨教入中者佛語舍利弗從他方佛剎來生是間是菩薩摩訶薩於他方供養佛已從受決聞般若波羅蜜故以是復聞般若波羅蜜自念言我如

見佛無異須菩提白佛言般若波羅蜜可得見聞不佛言不可得見須菩提白佛言是菩薩隨深般若波羅蜜者行已來為幾聞佛語須菩提是非一輩學各各有以供養若干百佛若干千佛悉見已於其所皆行清淨戒已若有於衆中間般若波羅蜜棄捨去為不敬菩薩摩訶薩法佛說深般若波羅蜜其人棄捨去不欲聞之何以故是人前世時間般若波羅蜜用棄捨去故亦不以身心是皆无知之人所致用是罪故若聞深般若波羅蜜復止人不令說之止般若波羅蜜者為止薩芸若其止薩芸若者為止過去當來今現在佛用是斷法罪故死入大泥犁中若干百千歲若干億萬歲當受若干泥犁毒痛甚不可言其中壽盡轉生他方摩訶泥犁中其壽復盡展轉到他方摩訶泥犁中生舍利弗白佛言其罪為墮五逆惡佛謂舍利弗其罪雖喻不可引譬若諷誦讀深般若波羅蜜時其心疑於法者亦不肯學念是言非但薩阿竭所

說止他人言莫得學是為以自壞復  
壞他人自飲毒已復飲他人毒是輩  
人為以自亡失復失亡他人自不曉  
知深般若波羅蜜轉復壞他人是曹  
人者不當見之舍利弗不當與共生  
起言語飲食何以故是曹之人誹謗  
法者自在冥中復持他人著冥中其  
人自毒煞身無異斷法之人所語有  
信者用其言者其所受罪俱等无  
有異所以者何用誹謗佛語故誹謗  
般若波羅蜜者為悉誹謗諸法已舍  
利弗白佛言願聞誹謗法者受形何  
等像類許不知其身大如佛謂舍利  
弗是誹謗法人儻聞是事其人沸血  
便從面孔出或恐便死因是被大痛  
其人間之心便愁毒而消盡譬若斷  
華者日中即為萎枯舍利弗言願  
為人故當說之令知其身受形去何  
當為後世人作大明其有聞者畏懼  
當自念我不可誹謗斷法如彼人佛  
語舍利弗是為亦人之大明以所因  
罪受其身甚大醜惡極勤苦臭處誠  
不可說其苦痛甚大而久劇是善男



子善女人聞是語自足以不敢復誹  
謗須菩提白佛言善男子善女人聞  
是人但坐口所言乃致是罪佛語須  
菩提是愚癡之人於我法中作沙門  
反誹謗般若波羅蜜言非道止般若  
波羅蜜為者止佛菩薩以止佛菩薩  
者為斷過去當來現在佛菩薩若已  
斷薩芸若者為斷法以斷法者為斷  
比丘僧以斷比丘僧者為受不可計  
阿僧祇之罪須菩提白佛言若有斷  
般若波羅蜜者天中天為幾事佛語  
須菩提以為魔所中是善男子是善  
女人不信不樂用是二事故能斷深  
般若波羅蜜復次須菩提斷般若波  
羅蜜者復有四事何謂四事隨惡師  
所言不隨順學不承至法主行誹謗  
索人短自貢高是為四事須菩提白  
佛言少有信般若波羅蜜者天中天  
不曉了是法故佛語須菩提如是如  
是少有信般若波羅蜜者不曉法故  
須菩提言云何深般若波羅蜜少有  
信者佛語須菩提色無著无縛無解  
何以故色之自然為色痛痒思想生



死識無著无縛無脫何以故識之自然為識過去色无著無縛无脫何以故過去色之自然故當來色無著无縛無脫何以故當來色之自然色故今現在色無著无縛無脫何以故色之自然色故過去痛痒思想生死識無著无縛無脫何以故過去色之自然故當來識无著無縛无脫何以故當來識之自然故今現在識无著無縛无脫何以故識之自然故用是故須菩提般若波羅蜜甚深少有信者

摩訶般若波羅蜜清淨品第六

須菩提白佛言般若波羅蜜少有曉者將不狎習故佛語須菩提如是如是般若波羅蜜少有曉者用是不狎習之所致何以故須菩提色清淨道亦清淨故言色清淨道亦清淨故言色清淨道亦清淨故言色清淨復次須菩提色清淨薩芸若亦清淨色亦清淨是故色清淨薩芸若亦清淨等無異今不斷前不斷後故无壞以是故前為不斷舍利弗白佛言清淨者天中天為甚

深佛言甚清淨舍利弗言清淨為極  
明天中天佛言甚清淨舍利弗言清  
淨無有垢天中天佛言甚清淨舍利  
弗言清淨无瑕穢天中天佛言甚清  
淨舍利弗言清淨無所有天中天佛  
言甚清淨舍利弗言於欲无所欲清  
淨天中天佛言甚清淨舍利弗言於  
色而无色清淨天中天佛言甚清淨  
舍利弗言無所生為色甚清淨天中  
天佛言甚清淨舍利弗言於有智而  
無智甚清淨天中天佛言甚清淨舍  
利弗言於智者而無智者甚清淨天  
中天佛言甚清淨舍利弗言於色而  
有智无有者甚清淨天中天佛言甚  
清淨舍利弗言於痛痒思想生死識  
而無有智无有智者甚清淨天中天  
佛言甚清淨舍利弗言般若波羅蜜  
甚亦清淨天中天薩芸若者不增不  
減天中天佛言甚清淨舍利弗言般  
若波羅蜜甚清淨於諸法無所取天  
中天佛言甚清淨須菩提白佛言我  
者清淨色亦清淨天中天佛言本清  
淨須菩提言故曰我清淨痛痒思想

生死識亦清淨天中天佛言本清淨  
須菩提言我清淨道亦清淨天中天  
佛言本清淨須菩提言我者清淨薩  
芸若亦清淨天中天佛言本清淨須  
菩提言我者清淨無端緒天中天佛  
言本清淨須菩提言我者清淨无有  
邊色亦清淨無邊天中天佛言本清  
淨須菩提言我者无有邊痛痒思想  
生死識亦无有邊天中天佛言本清  
淨須菩提言曉知清淨者即菩薩摩  
訶薩般若波羅蜜是佛言本清淨須  
菩提言般若波羅蜜者亦不在彼亦  
不在是亦不離是亦不在中間天中  
天佛言本清淨須菩提白佛言菩薩  
摩訶薩知是者為行般若波羅蜜有  
想者便離般若波羅蜜遠已佛言善  
哉善哉須菩提有字者便有想以想  
故者須菩提白佛言難及波羅蜜天  
中天安隱決於著舍利弗言問須菩  
提何所為著須菩提言知色空者是  
日為著知痛痒思想生死識空是日  
為著於過去法知過去法是日為著  
於當來法知當來法是日為著於現

在法知現在法是日為著知法者為  
得大功德發意菩薩是即為著釋提  
桓因問須菩提何謂為著須菩提心  
知拘翼持是知心施與作阿耨多羅  
三耶三菩心者本清淨能可有所作  
善男子善女人其菩薩者勸人教人  
為阿耨多羅三藐三菩為說正法自  
於身無所失於佛種有所造是善男  
子善女人以離諸著為棄本際佛言  
善哉善哉須菩提令菩薩摩訶薩知  
本際為覺著事復次須菩提有著甚  
深微妙我今說之諦聽諦聽上中下  
言悉善須菩提白佛言願樂欲聞佛  
言若善男子善女人於怛薩阿竭阿  
羅訶三耶三佛念欲作想隨所想是  
故為著過去當來今現在佛天中天  
於无餘法代勸助之是為勸助阿耨  
多羅三耶三菩於法者而无法故曰  
無過去當來今現在以是不可有所  
作亦不可有想亦不可作因緣有不  
可見聞不可知須菩提白佛言其本  
甚深清淨天中天佛言本清淨須菩  
提言今自歸般若波羅蜜佛言法无

作者故得成阿惟三佛須菩提言諸法實無作阿惟三佛者佛語須菩提无有兩法用之本淨故曰為一其淨者於一切亦无作者佛語須菩提是以離諸著為棄本際須菩提白佛言般若波羅蜜者難了天中天佛言如是無有得阿惟三佛者須菩提言般若波羅蜜不可計天中天佛言如有作者天中天佛言無有作者故無所著須菩提白佛言菩薩當云何行般若波羅蜜佛言不想痛痒思想生死識行為行般若波羅蜜色不滿色為行般若波羅蜜色不滿為非色行為行般若波羅蜜痛痒思想生死識不滿為行般若波羅蜜須菩提白佛言難及天中天於著无所著是實為不著佛言不著色者為行般若波羅蜜不著痛痒思想生死識行為行般若波羅蜜是為菩薩摩訶薩行般若波羅蜜於色為不著於痛痒思想生死識為不著於須陀洹斯陀含阿那含阿羅漢辟支佛道亦不著所以者



何以過諸著故復出薩芸若中是為  
般若波羅蜜須菩提白佛言所說法  
甚深難逮天中天若所說不增不說  
者亦不減佛言如是如是須菩提譬  
若恒薩阿竭盡壽稱譽空空亦不增  
若不稱譽空亦不減譬如稱譽幻人  
者亦不增不稱譽者亦不減聞善亦  
不喜聞惡不憂如是須菩提於法各  
各諷誦學之法亦不增不減須菩提  
白佛菩薩摩訶薩甚慚苦行般若波  
羅蜜若有守般若波羅蜜者不懈不  
恐不怖不動不還以何故守般若波  
羅蜜者為守空故一切皆當為菩薩  
摩訶薩作札用被僧那大鎧故與空  
共戰為一切人故著僧那為一切人  
故而舉空是菩薩摩訶薩為極大勇  
猛天中天用空法故自致阿耨多羅  
三耶三菩得成阿惟三佛有異比丘  
心念之當自歸般若波羅蜜為無所  
生法亦為无所滅法釋提桓因語須  
菩提菩薩隨般若波羅蜜教者為隨  
何教須菩提言為隨空教釋提桓因  
言何所隨空教者須菩提言其欲寂



靜者是菩薩摩訶薩為知般若波羅蜜釋提桓因白佛言其受般若波羅蜜者天中天當護幾何聞須菩提謂釋提桓因云何拘翼能見法當所護者不而言欲護之釋提桓因言不須菩提言隨般若波羅蜜教作者是為以得護若人若非人終不得其便須菩提言若菩薩摩訶薩護空者為隨般若波羅蜜行已云何拘翼能可護響不釋提桓因言不能須菩提言如是拘翼菩薩摩訶薩行般若波羅蜜者其法亦如響以知是者亦復无想以無想念為行般若波羅蜜用佛威神三千大千國土諸四天王諸釋梵及諸尊天一切皆來到佛所前為佛作札遶竟三匝各住一面諸天天王釋梵悉承佛威神念諸千佛皆字釋迦文其比丘者皆字須菩提問般若波羅蜜者皆如釋提桓因

摩訶般若鈔經卷第三

摩訶般若鈔經卷第四

河

秦天竺沙門曇摩崛共生佛念譯

本無品第七

須菩提白佛言諸法隨次者天中天  
是為法語故曰無所損諸法者為无  
有端其法相者為無所尋如空法者  
為无所生諸所生不可得是為法生  
故無所得諸欲諸梵天子俱白佛言  
其寂者即佛弟子今尊者須菩提所  
說者悉空須菩提語諸天子言為隨  
恒薩阿竭教佛言云何須菩提知隨  
恒薩阿竭教須菩提復言如恒薩阿  
竭本无是為恒薩阿竭教諸過去  
當來現在悉為本無佛言隨本无者  
為隨恒薩阿竭教諸法亦本無如諸  
法本無恒薩阿竭亦本无一切本無  
悉為本无是為須菩提以隨恒薩阿  
竭教無有異隨本無者是為恒薩阿  
竭教不異无有異隨恒薩阿竭者為  
隨本無本無者是為恒薩阿竭立須  
菩提之所立為隨恒薩阿竭教如恒  
薩阿竭本无无所尋諸法亦本无无

所号是者須菩提為隨怛薩阿竭教  
以如怛薩阿竭本无者於法亦本無  
一本無等无異我者亦無作者本无  
亦无作者一切皆本無亦復元本無  
如本無本无我者亦尔故須菩提為  
隨怛薩阿竭教如怛薩阿竭本无不  
異无有異是故諸法亦本无不異無  
有異是為怛薩阿竭本無亦不壞亦  
不腐不可得是者須菩提為隨怛薩  
阿竭教怛薩阿竭與諸法俱本無无  
異亦无異本無亦不有異本无悉皆  
是本無如須菩提所隨者以入不可  
計人亦復无所入是為隨怛薩阿竭  
教怛薩阿竭者是為本無亦不過去  
當来今現在及諸法悉皆本无故亦  
無過去當来今現在如是者須菩提  
為隨怛薩阿竭教以如来本無者即  
曰怛薩阿竭教怛薩阿竭者即是本  
無當来亦本无過去亦本無現在亦  
本無以隨過去去本无怛薩阿竭教是  
為本無以隨當来本無怛薩阿竭教  
是為本无以隨現在本無怛薩阿竭  
教是為本無以如過去當来今現在

本無怛薩阿竭教是為本无以如過  
去當來今現在本無怛薩阿竭教是  
為本無等无異如諸法本無是者須  
菩提等無異為隨怛薩阿竭教等无  
異是為真菩薩之本無自致阿惟三  
佛亦俱等本無以如本无者便得本  
无如來名地即為六反震動怛薩阿  
竭因是本無而得成是故須菩提為  
隨怛薩阿竭教復次須菩提為不隨  
色為不隨痛痒思想生死識亦不隨  
須陀洹道亦不隨斯陀含阿那含阿  
羅漢辟支佛是者須菩提為隨怛薩  
阿竭教舍利弗白佛言本無者甚深  
天中天佛言如是本无實甚深說本  
無時三百比丘皆得阿羅漢五百比  
丘尼皆得須陀洹道五百諸天及人  
悉逮得无所從生法樂忍六十菩薩  
皆得阿羅漢道佛語舍利弗是輩菩  
薩供養過去五百佛已皆作施與護  
於淨戒成於忍辱所作精進定足於  
禪以不得般若波羅蜜溫和不拘舍羅  
雖是菩薩摩訶薩有道意入空無相  
无願離於溫和不拘舍羅者便中道為

本際作證得聲聞辟如有大鳥舍利弗其身若四千里若八千里若万二千里若万六千里若三万里從忉利天上欲來下至閻浮利地是鳥而无翅及從忉利天上自投來下去何舍利弗是鳥欲中道還上忉利天上寧能還不舍舍利弗言不能天中天佛言是鳥來下至閻浮利地欲令其身不痛寧能使不痛舍利弗言不能天中天其鳥來下身不得不痛若死若當悶極何故其身甚大而反無翅佛言如是舍利弗正使菩薩摩訶薩如恒邊沙劫作布施護於淨戒成於忍辱所作精進定足於禪發心甚大欲惣攬一切成阿惟三佛不得般若波羅蜜漚和拘舍羅者便中道墮落在聲聞辟支佛道地如是舍利弗菩薩摩訶薩於過去當來今現在佛所為不持戒三昧若智慧若脫慧若見慧而反作想是為不持怛薩阿竭戒三昧智慧若脫慧若見慧為不知怛薩阿竭故而曉知但聞空聲想之如所聞持欲作阿耨多羅三耶三菩會不能

得便中道在聲聞辟支佛道地何以故如是為不得般若波羅蜜溫和拘舍羅故舍利弗白佛言我念佛之所便不能自致阿耨多羅三耶三菩若有菩薩摩訶薩欲得阿耨多羅三耶三菩阿惟三佛者當默學般若波羅蜜溫和拘舍羅諸欲天諸色天子俱自佛言般若波羅蜜者甚深難曉難了泊然者不得阿耨多羅三耶三菩佛語諸天子言如是般若波羅蜜者甚深難曉了泊然不得阿耨多羅三耶三菩須菩提白佛言般若波羅蜜者難曉了天中天如我念是慧其為泊然者乃能得阿耨多羅三耶三菩何以故亦不於是有得阿惟三佛者故曰法空无作阿惟三佛用法空故於法亦不能得當作阿惟三佛者故諸法悉空於法无所有是為法語無作阿惟三佛故曰法空無作阿惟三佛者亦无得阿惟三佛者其念一切諸法悉空隨是者天中天而泊然得阿耨多羅三耶三菩成阿惟三佛舍



利弗謂須菩提如所說者泊然得阿耨多羅三耶三菩是為甚難何以故空不念我當作阿耨多羅三耶三菩成阿惟三佛如是法者易得阿惟三佛何以故如恒邊沙等菩薩云何轉還須菩提言當作是知不為泊然者難得阿耨多羅三耶三菩須菩提謂舍利弗用色還不作阿耨多羅三耶三菩答言不用痛痒思想生死識還不作阿耨多羅三耶三菩答言不能  
有異色得法還不作阿耨多羅三耶三菩答言不能有異痛痒思想生死識得法還不作阿耨多羅三耶三菩  
答言不色本無寧還不作阿耨多羅三耶三菩答言不痛痒思想生死識  
本无寧還不作阿耨多羅三耶三菩  
答言不云何舍利弗能有異色本無  
於法得還不作阿耨多羅三耶三菩  
答言不能有異痛痒思想生死識本  
无於法得還不作阿耨多羅三耶三  
菩答言不云何舍利弗本無為還不  
作阿耨多羅三耶三菩答言不能有  
異本无於法得還不作阿耨多羅三

耶三菩答言不設於是法不得何所  
法還者作阿耨多羅三耶三菩舍利  
弗謂須菩提如所說法無有菩薩還  
者須菩提言菩薩之人而有三德是  
但薩阿竭所說一者佛行菩薩而不  
計三如須菩提所言分釋文陀尼弗  
語舍利弗須菩提所說一道者而當  
問之舍利弗謂須菩提欲問所說一  
道佛行菩薩事須菩提欲問所說一  
道佛行菩薩事須菩提言云何舍利  
弗於本無中能見三道是為聲聞辟  
支佛佛語舍利弗言不見本无中得  
二事者須菩提言云何舍利弗本無  
者為一不是故曰得若菩薩摩訶薩  
聞本无心不懈怠是菩薩摩訶薩會  
致至菩薩佛言善哉善哉須菩提如  
所說無異悉佛威神之所致是為菩  
薩摩訶薩本無无有異若菩薩心不  
懈怠會至菩薩舍利弗白佛言何謂  
為菩薩佛語舍利弗成阿耨多羅三  
耶三菩則是須菩提白佛何謂菩薩  
摩訶薩欲成者云何住佛言觀一切  
人皆等其心不異无有害意以慈心

向人若身无異其心柔軟其心加哀  
其心无瞋恚无所寻心无所燒心親  
之若父母無異是心菩薩摩訶薩所  
住當作是學

摩訶般若波羅蜜阿惟越致品第八

須菩提白佛言阿惟越致菩薩摩訶  
薩當何以比觀其相行知是為阿惟  
越致菩薩摩訶薩佛語須菩提於凡  
人及聲聞辟支佛乃至恒薩阿竭道  
地聞悉本無而不動搖亦无有異於  
其法亦本无是為本無於不動搖是  
即為度如所聞不轉亦不有疑亦不  
言是亦不言非如本無者為无所失  
其所語不輕不說他事但說中正他  
人有所作亦不觀視如是比觀其相  
行具足知是即阿惟越致菩薩摩訶  
薩復次須菩提阿惟越致菩薩摩訶  
薩者不形沙門婆羅門面類是為沙  
門是為婆羅門所見知悉諦了終不  
祠祀跪拜餘天不持華香而奉上之  
如是比觀其相行具足知是即阿惟  
越致菩薩摩訶薩復次須菩提阿惟  
越致菩薩摩訶薩終不生惡處不作

婦人如是比觀其相行具足知是即  
阿惟越致菩薩摩訶薩復次須菩提  
阿惟越致菩薩摩訶薩終不離十善  
身自不煞教人不煞身自不盜不婬  
洩不兩舌不惡口不妄言不綺語不  
妬嫉不貪餘不疑亂身自作正教人  
守正是為十善又於夢中自護不失  
十善是為阿惟越致菩薩摩訶薩於  
夢中面自見十善如是比觀其相行  
具足知是即阿惟越致菩薩摩訶薩  
復次須菩提阿惟越致菩薩摩訶薩  
心所學法持欲安隱一切人悉為說  
法是為法施令一切皆得法所是即  
為法施於一切如是比觀其相行具  
足知是即阿惟越致菩薩摩訶薩復  
次須菩提阿惟越致菩薩摩訶薩若  
王者為人中之雄持所知名慧聞說  
深法終不有疑不有疑不言不信所  
言柔軟所語如蜜復少睡卧出入行步  
其心不亂徐行安步舉足蹈地擇地  
而行及所被服衣中無蚤常而淨潔  
无有塵垢亦無有憂身中都无八十  
種虫所以者何是菩薩摩訶薩所有

功德過出世間功德上稍稍欲成滿  
其功德轉倍故其身清淨心亦清淨  
須菩提白佛云何天中天菩薩摩訶  
薩心清淨當何以知佛語須菩提菩  
薩摩訶薩所作功德轉倍益多稍稍  
極上其心自在而无所尋其功德悉  
逮心故清淨過聲聞辟支佛道地是  
為菩薩摩訶薩心清淨如是比觀其  
相行具足知是即阿惟越致菩薩復  
次須菩提阿惟越致菩薩摩訶薩不  
求財物若供養者无有慳貪說深法  
時無有厭極正作在知其欲聞深法  
者持般若波羅蜜為說之其有作餘  
道若世事者持般若波羅蜜主為正  
之其不解者以般若波羅蜜便為解  
之如是比觀其相行具足知是即阿  
惟越致菩薩摩訶薩復次須菩提至  
者弊魔便來致所化作八大泥犁一  
泥犁化有若干百千菩薩便指示言  
是輩人者皆從佛受決已皆是阿惟  
越致今悉墮泥犁中皆佛之所授決  
設若作阿惟越致受決已者當疾悔  
之我非阿惟越致設若言尔者便不



入泥犁當生天上佛語須菩提設心不動者是阿惟越致菩薩摩訶薩佛言我所語者无有異設當生惡處者佛語為有異如是比觀其相行具足知是即阿惟越致菩薩摩訶薩復次須菩提弊魔化作沙門若用被服到菩薩摩訶薩所言若前從我所聞從我所受今悉棄捨皆不可用若今當自悔其過若疾悔之隨我言者我日日自来問計若設不用我言者我終不復來相視若莫復說是語非佛所說是皆他餘外道之造作今我所語是佛所說佛言聞是說而動轉者當知其人不從過去佛受決來在菩薩摩訶薩舉中多有菩薩摩訶薩未在三阿惟越致其界設不動轉者念法无有生死亡念无有生死信他人言譬若比丘得羅漢者不隨他人所言眼悉見法以為作證是為無所有終不可動是菩薩摩訶薩亦不可動如聲聞辟支佛道地所念法衆不復還是菩薩摩訶薩正向薩芸若不可復還用是比觀其相行具足知是即阿惟越



致菩薩摩訶薩復次須菩提。魔到菩薩摩訶薩。所化作異人。若所求者。甚為勤苦。非薩芸若。行若致負。是勤苦為若用。是勤苦為作不當。自還厭耶。當復於何所更索。是軀汝何不早取。羅漢用佛為求。耶。佛言。設不動轉者。魔復棄捨去。更為方略。化作若干菩薩。在其邊立。復生指語之。若見是菩薩。不皆供養。如恒邊沙佛。已皆與衣服。飯食。牀卧。醫藥。悉具足。皆於恒邊沙佛所。悉行清淨戒。皆從受事。聞其中慧。當所施行。其所求者。為悉學。已所住如法。今皆不能得。阿耨多羅三耶三菩。作是學。已作是受。已作是行。已不能得。薩芸若。何況若欲得。阿耨多羅三耶三菩。佛言。設是不動者。魔便去。更化作比丘。作是言語。是悉羅漢。過去世時。皆行菩薩道。今悉取羅漢。今是尚如是。比丘。若當從何所得。阿耨多羅三耶三菩。佛言。是菩薩摩訶薩。雖從異處聞。是言續作。其行心不動轉。亦无有異心。覺知魔為佛言。若有學波羅蜜。隨其行者。不

得薩芸若當從何所得佛所語者為  
無有異其作是學其作是行如般若  
波羅蜜者心不動搖設是不得薩芸  
若佛語為有異佛所語者終不有欺  
是菩薩摩訶薩當作是學用是比觀  
其相行具足知是即阿惟越致菩薩  
摩訶薩復次須菩提樂魔往到阿惟  
越致菩薩所作是曉言薩芸若者如  
空是法不可得邊幅是法不可得窮  
極有所可得何以故无阿惟越致亦  
無得阿惟三佛者今我觀視其法都  
盧皆空若之所作是為勤苦不當覺  
知是魔所為云何欲得阿耨多羅三  
耶三菩是非佛所說佛言是善男子  
善女人當如是知當作是念為魔事  
其心正直而不動搖用比觀其相行  
具足知是即阿惟越致菩薩摩訶薩  
復次須菩提阿惟越致菩薩摩訶薩  
欲作第一禪第二禪第三至于第四  
禪三摩越隨是四禪而不錄禪目是  
為三摩越為人欲故用是比觀其相  
行具足知是即阿惟越致菩薩摩訶  
薩復次須菩提阿惟越致菩薩摩訶

薩不求稱譽其名字者若稱說者不  
念所欲其心廣大但念一切悉令得  
安行步坐起其心不亂出入用意當  
而至誠不求有力不他姪欲若欲往  
來自患其欲於欲常有恐怖譬若男  
子過大空澤之中若欲飲食畏於賊  
盜疾欲發去自念何時當到聚落安  
隱之處疾得脫去阿惟越致菩薩摩  
訶薩亦復如是於愛欲有往來時自  
念所作是為不可是即為非皆悉不  
正非我法之所作亦不念餘惡何以  
故欲使一切皆得安隱佛言其作是  
念皆是般若波羅蜜威神之力用是  
比觀其相行具足知是即阿惟越致  
菩薩摩訶薩復次須菩提和夷羅洹  
闍叉常隨從阿惟越致菩薩摩訶薩  
其餘鬼神不敢附之終不失志其心  
不亂其身亦不妄起身體完具无所  
缺減為人雄不誘他人婦女若為作  
符若呪若藥都不為是亦不自為亦  
不教人為是為菩薩之淨不說男子  
事亦不說婦人事都無是僣用是比  
觀其相行具足知是即阿惟越致菩

薩摩訶薩復次須菩提阿惟越致菩薩摩訶薩不與聚會人從事亦不與王者亦不與賊亦不與兵亦不與軍亦不與聚邑亦不與城郭亦不與世俗亦不與女人亦不與男子亦不與餘道亦不與穀亦不與須亦不與祠亦不與雜色亦不與華亦不與香亦不與調戲亦不從海亦不從利亦不作若干種亦不與所有從事但與般若波羅蜜從事不離薩婆若常念不忘亦不與閭從事自守如法常行中正不從非法常稱譽賢者以為上頭常於人欲作親厚不作怨惡但求恒薩阿竭法則欲求生異方佛剎作是求將不生彼間用是故常得見佛復得供養阿惟越致菩薩摩訶薩或從欲從色從無色去其彼間來生中國若在善人家若黠慧中生若生談語之中若在曉經書之家不喜豫少事有生於邊地悉生大國中終不犯法用是比觀其相行具足知是即阿惟越致菩薩摩訶薩復次須菩提阿惟越致菩薩摩訶薩亦不言我是阿

惟越致亦不念我是阿惟越致亦不  
自疑我不在阿惟越致地譬若男子  
得須陀洹道於其道地終不有疑魔  
事雖起即悉覺知既起者不隨其計  
阿惟越致菩薩摩訶薩亦如是自於  
道地終不有疑亦不懈怠魔事雖起  
即悉覺知既起者不隨其計譬若男  
子作惡逆者其心終不有忘至于命  
盡其心終不可轉阿惟越致菩薩摩  
訶薩者終不可移其心忠正立於阿  
惟越致菩薩心終不可動天上天下  
終不可轉魔事雖起即悉覺知既起  
者不隨其計自於道地終不有疑亦  
無聲聞辟支佛心終不念言佛之難  
得其地安隱端自堅住无有勝者何  
以故如是住者無有能過弊魔大愁  
便化作佛往到其所言若當聚羅漢  
證證如來受決得阿耨多羅三耶三  
菩何以故若不得比亦不得相其如  
心比者用是相行具足能為菩薩摩  
訶薩或尚不得阿耨多羅三耶三菩  
若當何當因得佛言設是菩薩摩訶  
薩心不動轉知是菩薩摩訶薩從過



去怛薩阿竭阿羅訶三耶三佛所受  
次已設復作是念者知魔作佛像來  
是男子即非佛是魔所為其作是作  
以應阿惟越致地如佛所說魔事无  
有異其作是視其作是念知魔所為  
欲使我轉佛言設不動者是菩薩摩  
訶薩從過去怛薩阿竭阿羅訶三耶  
三佛所以受次住阿惟越致地已何  
以故用是比觀其相行具足知是審  
阿惟越致如是比觀其相行具足知  
是即阿惟越致菩薩摩訶薩復次須  
菩提阿惟越致菩薩摩訶薩用法故  
不貪所有亦不惜身壽命是菩薩摩  
訶薩欲悉受法為護過去當來今現  
在佛所有法其欲護過去當來今現  
在佛法以為人數是即為次是為護  
法用是故无所惜亦不惜命身未曾  
懈時無有厭極如是比觀其相行具  
足知是阿惟越致菩薩摩訶薩

復次須菩提阿惟越致菩薩摩訶薩  
怛薩阿竭阿羅訶三耶三佛之所說  
法未曾有疑亦不言非須菩提白佛  
怛薩阿竭之所說法亦不疑不言非



為於聲聞說法亦不有疑亦不言非  
諸聲聞之所說法於其中亦不疑亦  
不言非何以故須菩提是菩薩摩訶  
薩為逮无所從生法樂忍用是比觀  
其相行具足知是阿惟越致菩薩摩  
訶薩

摩訶般若波羅蜜恒架調優婆塞品第九

須菩提白佛言大哉阿惟越致菩薩  
摩訶薩從大功德自致阿惟越致乃  
從恒邊沙等為以應相今天中天說  
深法是菩薩摩訶薩之所施行佛言  
善哉善哉須菩提汝之所內是為甚  
深是即為空无相無願无生死無所  
生無所有无所欲是為滅泥洹者是  
為限須菩提白佛泥洹者是限非是  
諸法佛語須菩提諸法甚深何以故  
色者甚深須菩提痛痒思想生死識  
亦甚深陰亦甚深如色甚深者何謂  
須菩提痛痒思想生死識之甚深有  
甚深者非色之甚深是為色之甚深  
痛痒思想生死識亦亦是識為甚深  
須菩提白佛言大哉微妙色之稍從  
泥洹佛語須菩提痛痒思想生死識

為稍從泥洹甚深甚深者般若波  
羅密菩薩摩訶薩思惟念是為住如  
般若波羅密教為學般若波羅密是  
菩薩摩訶薩隨是思想惟念如空教  
應行一日甚深不可言須菩提白佛  
言是菩薩摩訶薩應行一日者為却  
幾劫之生死佛語須菩提譬若姪決  
有所重愛端正女人與共期會女人  
不得自在云何須菩提其男子寧念  
不須菩提言用女人故思念甚多无  
有忘時佛言如是男子所念一日其  
心不轉是菩薩摩訶薩念般若波羅  
密應行一日却生死若干劫已其如  
般若波羅密教如中所說學思念隨  
行一日者是菩薩為却惡除罪已若  
菩薩摩訶薩離般若波羅密者正使  
布施如恒邊沙劫不如菩薩摩訶薩  
隨般若波羅密教應行一日者其功  
德出彼上復次須菩提若菩薩摩訶  
薩壽如恒邊沙等劫持所布施與須  
陀洹斯陀含阿那含阿羅漢辟支佛  
而離般若波羅密若有菩薩摩訶薩  
隨般若波羅密教其功德出彼菩薩

壽如恒邊沙劫布施持戒者上若有  
菩薩摩訶薩念般若波羅蜜起便說  
法其功德復出彼菩薩上復次須菩  
提是菩薩摩訶薩為以法施其功德  
復轉倍若菩薩摩訶薩作法施者是  
為阿耨多羅三耶三菩若有菩薩摩  
訶薩法施者而不守中其功德不如  
菩薩摩訶薩作法施而復守中若有  
持般若波羅蜜者不離守中是菩薩  
摩訶薩其功德甚多須菩提白佛一  
切無生死若有不動天中天此二事  
何功德為甚多佛語須菩提菩薩摩  
訶薩於福生死於功德生死所行般  
若波羅蜜樂於空樂於無所有樂於  
盡樂於无所得念是時為不離般若波  
羅蜜若不離般若波羅蜜者是菩薩  
摩訶薩得不可計阿僧祇功德須菩  
提白佛天中天之所說何謂不可計  
阿僧祇功德有何差特佛語須菩提  
阿僧祇者其數不可盡極不可計者  
不可量計之了不可得邊幅尔故為  
不可計阿僧祇須菩提言佛說不可  
計者色亦不可計痛痒思想生死識

亦不可計佛語須菩提如所言色亦不可計痛痒思想生死識亦不可計須菩提白佛何謂為不可計佛語須菩提如空故不可計无相無願故言不可計如是者不可計即為是空亦無異法佛言云何須菩提我言諸法悉空不須菩提言如是天中天所說法悉空不可盡佛言如是須菩提諸所老特分別可得不可得者即怛薩阿竭得不可盡不可計如空无相無願无生死無所生无所有無所起无所滅如泥洹隨所喜在所說是為怛薩阿竭教須菩提白佛大哉天中天之所說法是法實不可逮如我念佛之所語諸法亦不可逮佛語須菩提如是諸法不可逮悉法如空故不可逮須菩提言如佛說本不可逮願解不可逮佛言不須菩提言六波羅蜜為不可逮是為布施无增無減尸波羅蜜羼波羅蜜惟逮波羅蜜禪波羅蜜般若波羅蜜為不增不減是即為六波羅蜜不增不減何謂於六波羅

蜜不增不減是為菩薩摩訶薩自致阿耨多羅三耶三菩何緣近佛坐是菩薩摩訶薩而不離般若波羅蜜自致阿耨多羅三耶三菩佛語須菩提如本不可逮不增不減是菩薩摩訶薩為行般若波羅蜜遍和拘舍羅者不念是為檀波羅蜜之所增減是為般若波羅蜜但為有字是為檀波羅蜜持所有而布施心念持是功德施作阿耨多羅三耶三菩其施如阿耨多羅三耶三菩者是菩薩摩訶薩為行般若波羅蜜其行般若波羅蜜是為遍和拘舍羅不念尸波羅蜜之增減但為有字是為尸波羅蜜是為持戒心念以是功德施作阿耨多羅三耶三菩施如阿耨多羅三耶三菩是菩薩摩訶薩為行般若波羅蜜遍和拘舍羅者不惟逮禪波羅蜜亦亦是菩薩摩訶薩為行般若波羅蜜遍和拘舍羅者不念般若波羅蜜之增減但為有字為般若波羅蜜者即是智慧發心持是功德施作阿耨多羅三耶三菩施如阿耨多羅三耶三菩者是能為施須

菩提白佛言何等為阿耨多羅三耶  
三菩提佛語須菩提本无者是為阿  
耨多羅三耶三菩提是不增不减常  
隨是念終不離行今近阿耨多羅三  
耶三菩提如是須菩提其本无者不  
可逮亦不增不减思惟念是為無所  
失是為波羅蜜不减是菩薩摩訶薩  
思惟念是為離阿耨多羅三耶三菩  
坐須菩提白佛菩薩摩訶薩持心初  
發心當近阿耨多羅三藐三菩提坐若  
持後心近阿耨多羅三耶三菩提坐初  
心後心是二者无有對後心初心亦  
无有對何等功德而出生者佛語須  
菩提譬如燈炷之然其炷用初明得  
然若用後明得然須菩提言亦非初  
明得然亦不離初明得然亦非後明  
得然亦不離後明得然佛言云何須  
菩提為如是不須菩提言如是如是  
天中天佛語須菩提菩薩摩訶薩亦  
不初心得阿耨多羅三耶三菩提亦不  
離初心得阿耨多羅三耶三菩提亦不  
後心得阿耨多羅三耶三菩提亦不離  
後心得阿耨多羅三耶三菩提須菩提



白佛言因緣者甚深天中天菩薩摩訶薩不用初心得阿耨多羅三耶三菩菩薩亦不離初心得阿耨多羅三耶三菩亦不後心得阿耨多羅三耶三菩云何須菩提前心為滅耶後心復生耶須菩提言不天中天云何須菩提心初生者為滅不須菩提言其法為滅法天中天云何須菩提其法當所滅者寧可滅不須菩提言不天中天云何須菩提寧可住如本無須菩提言其欲住者當如本无云何須菩提設令住如本無將无有異須菩提言不天中天云何須菩提本無為甚深不須菩提言甚深天中天云何須菩提本無為有心不答言无有天中天云何須菩提能有異本無有心者不答言不天中天云何須菩提本無見意不答言不天中天云何須菩提其作是行為深行不答言其作是行天中天為无所行何以故作是不見行為不可見行佛語須菩提菩薩摩訶薩行般若波羅蜜者為行何等

須菩提言為行審諦天中天云何須  
菩提其行諦者為行想不答言不天  
中天云何須菩提菩薩摩訶薩為識  
想念不答言不天中天云何須菩提  
為不識想念為念須菩提言菩薩摩  
訶薩而不為是云何須菩提不作想  
而得應行具足一切佛法不為聲聞  
須菩提言菩薩摩訶薩溫和不拘舍羅  
者於无想為無所貪舍利弗問須菩  
提若菩薩摩訶薩於夢向三事三昧  
念脫門空空无相無相无願無願三  
昧是為有益般若波羅蜜於晝日夜  
復有益若夜夢中時亦復有益何以  
故佛之所說晝日若夜夢中俱等無  
有異須菩提語舍利弗若菩薩摩訶  
薩晝日念般若波羅蜜夜於夢中亦  
復倍益念般若波羅蜜舍利弗言云  
何須菩提若於夢中有所作寧有所  
有不答言不一切諸法說亦如夢中  
之所有須菩提語舍利弗夢中所作  
善覺即大喜是者為益若所作惡而  
不喜者是即為減舍利弗言設於夢  
中有煞其心大喜覺已言我煞是大

快是者云何須菩提言不妄皆有因緣心不空今會有所緣若見若聞若念覺即知之是為因緣故令人心為所著便有所得何謂所得從所因緣乃受其罪不從無因緣受其罪皆從目緣生故舍利弗言一切所作因緣皆為恍惚皆為空耳云何天中天從何因緣而得所生荅言為從想因緣得生舍利弗言菩薩摩訶薩於夢中布施持是施與作阿耨多羅三耶三菩為有施與无須菩提報舍利弗言大弥勒菩薩摩訶薩今近在是旦暮當補佛處所問者可問之即能發遣舍利弗白弥勒菩薩今我所問須菩提言大弥勒菩薩即能解之弥勒菩薩語舍利弗如我字為弥勒當所解者當以色解若當以痛痒思想生死識解色者即空當以无所有解之若痛痒思想生死識空解亦不見法當所解者何所得解亦不見法所解當得阿耨多羅三耶三菩舍利弗白弥勒菩薩所說者為已得證弥勒菩薩語舍利弗所說法不言得證舍利弗

便作是念彌勒菩薩所入慧為甚深  
所以者何般若波羅蜜以來久遠佛  
言云何舍利弗若能見彼作羅漢者  
不舍利弗言不天中天佛語舍利弗  
菩薩摩訶薩行般若波羅蜜亦如是  
不念我從是法受決不從是法得決  
若於是法當得阿耨多羅三耶三菩  
自致阿惟三佛是菩薩摩訶薩其作  
是作為行般若波羅蜜不忍不得阿  
惟三佛隨是教者為行般若波羅蜜  
是菩薩摩訶薩為以無所畏何以故  
若至大劇難處虎狼之中不畏不怖  
心念言設有噉我者當為布施是為  
具足行檀波羅蜜近阿耨多羅三耶  
三菩願我作佛令其剎中无禽獸之  
道若菩薩摩訶薩至大劇賊之中亦  
不畏怖何以故設令於其中死心念言  
我身會當棄捐設煞我者我不瞋恚  
是為具足忍辱行羣波羅蜜當近阿  
耨多羅三耶三菩願我作佛時令其  
剎中人无有賊盜若菩薩摩訶薩至  
大無水漿之處亦不畏怖心念言一  
切人念悉无德使無水漿願我作佛

時令其剎中常有八味之水使一切人悉得用之用世間人故常為精進若菩薩摩訶薩至穀貴之處亦不畏怖心念言我當堅其精進自致得阿耨多羅三耶三菩成阿惟三佛時令我剎中無有惡皆使一切人在所願飲食悉令在前如切利天上所有是善男子用一切人故精進自致阿耨多羅三耶三菩成阿惟三佛若菩薩摩訶薩在惡賊時亦不畏怖何以故不見法當所痛者用是故無所畏假使我身遭是病死心不有異必當精進願我作阿耨多羅三耶三菩成至佛時令其剎中一切人皆无惡穢者死亡者是菩薩摩訶薩之所言如佛語而无異復次舍利弗是菩薩摩訶薩不久當成阿耨多羅三耶三菩自致阿惟三佛自於其法亦不忍怖何以故從本際已來發心呼言不久其本際者為若干為久遠為甚大久心如一轉頃是為本際是菩薩摩訶薩今近阿耨多羅三耶三菩成阿惟三佛故曰聞是而不恐怖尔時優婆塞

從坐起前為佛作礼長跪白佛我聞  
是語不恐不怖必後欲為一切人說  
法令不恐怖應時佛笑口中五色光  
出笑竟訖以優婆夷者即以金華持  
散佛上用佛威神其華在佛上亦不  
墮地阿難從坐起整衣服前為佛作  
礼却長跪問佛恒薩阿竭所笑不妄  
必有所說佛語阿難是恒架調優婆  
夷者却後當來世其劫名為星宿當  
於是劫中作佛号字曰金華佛佛語  
阿難是優婆夷者後當棄女人形體  
更受男子身便生阿閼佛國

摩訶般若經卷第四

戊戌歲高麗國大藏都監奉  
勅彫造



摩訶般若鈔經卷第五

河

秦天竺沙門曇摩辨共竺佛念譯

守空品第十

須菩提白佛言云何為空所作不貪  
云何守空即是三昧佛語須菩提菩  
薩摩訶薩行般若波羅蜜者觀色空  
觀痛痒思想生死識空作是觀者為  
一心如所觀於法亦為無所見於法  
中而不作證須菩提白佛言佛所說  
者不以空作證云何菩薩摩訶薩於  
三昧不以空作證耶佛語須菩提是  
菩薩摩訶薩觀一切色所有皆空亦  
不作證作是觀者為不取證不作證  
觀即无所貪是者為觀以無所貪是  
即為觀欲向是時而不證不貪其時  
心不念三昧因緣是者為念今時為  
不失菩薩本法不中道得證何以故  
所作功德法甚深不貪是時故不取  
證以從般若波羅蜜得護譬如人若  
勇若捍能却敵者為人端正猛健无  
所不能悉知兵法六十四變悉索五  
曉為衆所敬在所致處無不得利從

是所得轉分布與人其心人俱莫不  
歡喜若有他事與父母妻子俱過大  
劇難之中其人便自安其父母妻子  
言莫恐莫怖今當俱出是難之中若  
於其中怨家卒來其人慧黠應時出  
其父母妻子送歸鄉里皆得完具亦  
無有惡及於怨家亦无所中傷何以  
故用无所不曉其人勇健為變化勝  
於怨家怨家見者莫不恐怖而皆走  
去其父母妻子得出難中歸其處所  
无不歡喜如是須菩提菩薩摩訶薩  
於一切人極大慈心是時菩薩摩訶  
薩持慈心悉施於人過諸垢濁魔之  
所部復出聲聞辟支佛道地上菩薩  
於三昧中立而無所盡用波羅蜜故  
於空為無所貪作是行時是菩薩摩  
訶薩為行空三昧向脫門亦不以有  
相不以无相故不取證譬若飛鳥須  
菩提飛行空中無所觸尋是菩薩摩  
訶薩為行空至空向无相至無相向  
無願至无願不以空無相無願故墮  
悉欲具足佛諸法譬如工射之人須  
菩提射空其箭在空中復以一箭中

前箭後復射前各各中之而不墮地  
其人欲令前箭墮亦乃墮之如是須  
菩提菩薩摩訶薩行般若波羅蜜者  
以為漚和拘舍羅之所護持自於本  
際不中道取證成滿其功德悉逮得  
阿耨多羅三耶三菩於功德以成滿  
者得佛能為本際作證是菩薩摩訶  
薩為行般若波羅蜜是法於法有生  
須菩提白佛言菩薩摩訶薩實憊苦  
作是學而不中道取證大哉天中天  
從本行是安隱自致得成佛佛語須  
菩提菩薩摩訶薩欲護一切人故是  
為本願之所致故能護於一切  
而得度脫是為守空三昧向脫門心  
念分別何等為分別守空三昧為分  
別無相三昧為分別無願三昧為分  
別而不中道為本際取證何以故為  
漚和拘舍羅之所護初發心時念欲  
護一切故持是所念得入漚和拘舍  
羅故不中道取證復次須菩提若菩  
薩摩訶薩深入處脫者若空三昧向  
脫門無相三昧向脫門無願三昧向  
脫門周是故其心分別之是人已來

久遠所因其行令棄所因是為阿耨  
多羅三耶三菩之所說法是為守空  
三昧向脫門守无相三昧向脫門守  
無願三昧向脫門是為无願三昧向  
脫門本心所發蒙漚和拘舍羅不中  
道為本際作證是為於慈无所損是  
為護等哀三昧所以者何用漚和拘  
舍羅故是菩薩摩訶薩為益於法便得  
多智成於力無所不覺復次須菩提  
菩薩摩訶薩之所念是人已來從久  
遠而有益於法得所知成其力无所  
不覺復次須菩提是為菩薩摩訶薩  
之所念知人從久遠有想識呼為有  
我作阿耨多羅三耶三菩時用一切  
人故為說其法令作无相三昧向脫  
門發心念是為漚和拘舍羅用是故  
不中道為本際作證是為於慈无所  
損是為護等哀三昧是為菩薩摩訶  
薩益於法得所知成其力無所不覺  
復次須菩提是為菩薩摩訶薩之所  
念念人從久遠已來想無常想其苦  
想其空想現在菩薩自念言我作阿  
耨多羅三耶三菩時用一切人故為

說其法無常者為從樂其空者為從  
有無我皆從我用是念故得漚和拘  
舍羅是為行般若波羅蜜知佛不三  
昧而坐三昧但欲具足佛諸法是為  
無願向脫門而不作證菩薩摩訶薩  
當作是知何所阿耨多羅三耶三菩  
發心之所發者是人所發者是人為  
從久遠已來其所行者而無所行於  
其想行而不想行於其想行求而不  
行想於其行想聚而不行想聚於其  
所行有而不行所有於其行不正而  
不行不正念使一切人皆令無是菩  
薩摩訶薩念是時為以明於一切人  
作是念時是為漚和拘舍羅是為甚  
深微妙觀視其法是者為空即為无  
相無願是為無生死即為無所生即  
為无所有是者須菩提為菩薩摩訶  
薩慧法為無所生其於三界而不知  
者來有所問是菩薩摩訶薩欲成阿  
耨多羅三耶三菩故以是故欲知其  
法當云何發珍寶心於菩薩摩訶薩  
不以空而作證亦不無相亦不无願  
亦不生死亦不有所生亦不以無念

作證是為念般若波羅蜜是者須菩  
提菩薩摩訶薩為已受決所念如空  
无相無願无生死無所從生念如无  
所有其本無不發善心者不能知是  
其能解者是菩薩摩訶薩為從過去  
佛所聞阿耨多羅三耶三菩事其心  
以不轉已何以故復有菩薩摩訶薩  
念法而不能明其有問者亦不能解  
遣知是未菩薩道地不應阿惟越  
致其界佛語須菩提若不聞波羅蜜  
之所言其有聞者若不聞者能解其  
慧是菩薩摩訶薩為阿惟越致須菩  
提言其為菩薩者甚多天中天少有  
能解者佛語須菩提少有菩薩在阿  
惟越致慧地其受決者乃能解之是  
菩薩摩訶薩其功德為甚大非是諸  
天及人阿須倫世間之所知  
摩訶般若波羅蜜遠離品第十一  
復次須菩提其諦者菩薩摩訶薩於  
夢中不入聲聞辟支佛道地於三界  
不念有所求亦不那中有所索覓諸  
法若夢不那中作證是者須菩提當  
知菩薩摩訶薩是為阿惟越致相



復次須菩提菩薩摩訶薩於夢中與若干百若干千若干億千弟子共會在其中坐為諸比丘僧說法如怛薩阿竭阿羅訶三耶三佛之所說法是者須菩提阿惟越致菩薩摩訶薩當知是為阿惟越致相復次須菩提菩薩摩訶薩於夢中飛在空中坐為比丘僧說法還自見七尺光自在所變化於餘處其所作為如佛之所說法其於夢見是者當知菩薩摩訶薩是為阿惟越致相復次須菩提菩薩摩訶薩於夢中不恐不怖不難不畏若見郡縣其中兵起展轉相攻伐若火起若見虎狼師子及餘獸若見斷人頭者如是餘變甚大劇苦多有困窮若飢渴者見其厄難心中不恐不畏不驚不動搖夜於夢中所見覺即起坐作是念世界所有譬若如夢我作佛時悉為說法而遍教之當知菩薩摩訶薩是為阿惟越致相復次須菩提云何知是菩薩摩訶薩當得阿耨多羅三耶三菩成阿惟三佛時其境內一切無有惡正是菩薩摩訶薩須

菩提於夢中若畜生相食人民疾疫  
其心稍稍有念願我作佛時使我境  
界中一切无有惡用是故知其相為  
清淨當知菩薩摩訶薩是為阿惟越  
致相復次須菩提菩薩摩訶薩於夢  
中得覺若見災邪火起便作是念我  
於夢中所見其心等無異持是比用  
是相具足知是菩薩摩訶薩阿惟越  
致若菩薩摩訶薩作是念如我審應  
相行者當如所言无異今是城郭所  
起火者當為悉滅消去不復見佛言  
若火悉為消滅去者知是菩薩摩訶  
薩受決以為過去怛薩阿竭阿羅訶  
三耶三佛之所受阿耨多羅三耶三  
菩知是為阿惟越致令火不滅消去  
者知是菩薩未受決設火焚燒一舍  
置一舍復越燒一里置一里是須菩  
提當知某家居人前世時為斷法罪  
之所致覺是輩人所作皆是宿命念  
以見在所更惡令悉除其所斷法殃  
因是皆得消盡用是故須菩提當知  
是菩薩摩訶薩即阿惟越致阿耨多  
羅三耶三菩復次須菩提用是比相

其行具足當觀是菩薩摩訶薩如阿  
惟越致用是故說其比相行當令知  
之或時須菩提若男子女人為鬼神  
所下若為所持是彼菩薩若作是念  
設我受決以過去怛薩阿竭阿羅訶  
三耶三佛授我阿耨多羅三耶三菩  
者實慊苦有異當得阿耨多羅三耶  
三菩阿惟三佛若於阿耨多羅三耶  
三菩阿惟三佛所念皆清淨者為却  
羅漢辟支佛心設以却羅漢辟支佛  
心者會當作阿耨多羅三耶三菩不  
得不成自致阿惟三佛若當得佛為  
阿耨多羅三耶三菩者阿僧祇剎土  
現在諸佛無不見者無不證者今怛  
薩阿竭阿羅訶三耶三佛悉知我所  
念無有異我審作阿耨多羅三耶三  
菩阿惟三佛者審如我之所言是鬼  
神即當去便告言是男子女人為何  
鬼神所持鬼神聞其所言即去說是  
語時設不去者是菩薩為未受決過  
去怛薩阿竭阿羅訶三耶三菩不授  
阿耨多羅三耶三菩若說是言邪即  
去者知是菩薩為以受決過去怛薩

阿竭阿羅訶三耶三菩所授阿耨多  
羅三耶三菩佛語須菩提其人審至  
誠者弊魔往到菩薩摩訶薩所若菩  
薩言我審至誠者已受決為阿耨多  
羅三耶三菩是邪鬼神即當去弊魔  
用是故作好心化令邪鬼神悉去所  
以者何弊魔極尊有威神故諸邪鬼  
神不敢當之是皆魔威神之所辟用  
是故悉為除去若菩薩自念用我威  
神故是彼菩薩摩訶薩以自謂是便  
反自貢高輕易於人形笑他人而无  
所錄語人言我從過去恒薩阿竭阿  
羅訶三耶三佛所授決以其餘人者  
悉未受決為阿耨多羅三耶三佛所  
授決以其餘人者悉未受決為阿耨  
多羅三耶三菩用是故自可自高恚  
怒稍增即離薩云若大遠失阿耨多  
羅三耶三佛慧知是輩菩薩无溫和  
拘舍羅而自貢高便在二道地墮聲  
聞辟支佛地是輩菩薩須菩提持不  
成作成不知魔為反捨善師而去亦  
不與從事亦不錄視用是故為魔所  
困是菩薩摩訶薩當覺知魔為以何

占之覺知魔來在菩薩前魔作變化  
為異被服往來作是言語菩薩摩訶  
薩若從過去恒薩阿竭阿羅訶三耶  
三佛之所授決阿耨多羅三耶三菩  
若本字某某若母字某某若父字某某若兄  
字某某若姊字某某若弟字某某親厚知識  
字某某若父兄字某某若七世祖父字某某  
若母外家字某某若父外家字某某若在某  
城生若在某國生若在某郡生若  
在某縣生若在某鄉生若常軟語若  
令作是語者皆乃前世之所致亦復  
作是軟語或時高才者便復隨形言  
若前世時亦復高明或見自守或見  
乞食或時一處飯或時就飯者或時  
先食果菜却食飯或時在丘墓間或  
時寂寞處或時樹間止或時受請者  
或時不受請或時多少取足或時一  
處止或時麻油不塗身或時聲好或  
時平談何以故魔復言是因緣者皆  
前世時德之所致令逮得是若前世  
時某家子若刹利姓若復字某某前世  
有是德今故亦尔彼菩薩心便作是  
念想我且尔是魔魔便復作是言若



以受決過去恒薩阿竭阿羅訶三耶  
三佛授若阿耨多羅三耶三菩用是  
因緣功德故若是阿惟越致佛語須  
菩提我所說阿惟越致菩薩摩訶薩  
不令持是比相行占之如我所說者  
不具足得反自用者當知是菩薩輩  
終不成為魔所壞何以故用是比觀  
其相行知是即非阿惟越致菩薩摩  
訶薩者終不有是意是輩菩薩聞魔  
乃語名字心大歡喜自謂審然便自  
貢高行形笑人輕易同學而反自用  
是彼菩薩摩訶薩須菩提用受是字  
因失其本便墮魔網

復次須菩提用受字故是菩薩摩訶  
薩不覺魔為反自呼得阿耨多羅三  
耶三菩魔復作是言若當作阿耨多  
羅三耶三菩若作佛時當字某是菩  
薩聞是字心中作是念我將得无然  
我亦先時念復如是佛言是菩薩於  
知為甚少无溫和拘舍羅反作是念  
希望名字自我作阿耨多羅三耶三  
菩字當如是佛言如魔所教者為從  
魔天今作比丘為魔所迷自念是我



本發心之所致今得是字為如所言  
過去恒薩阿竭阿羅呵三耶三佛受  
我決以為阿耨多羅三耶三菩佛語  
須菩提我所說阿惟越致菩薩摩訶  
薩用是比相行而不為是其以字自  
念我是便輕餘菩薩摩訶薩用是輕  
故離薩去若阿耨多羅佛慧遠遍和  
拘舍羅以為離般若波羅蜜以為離  
善師以為得惡師是菩薩會墮二道  
若聲聞辟支佛道地若大久遠勤苦  
以後乃復求佛者用般若波羅蜜恩  
故當復得阿耨多羅三耶三菩自致  
成阿惟三佛佛言今時發意受是字  
時不即覺改悔者如是當墮聲聞辟  
支佛道地佛言比丘有四重事禁若  
復他事所犯故不復成沙門不復為  
佛子是壞菩薩之罪重於比丘四事  
禁是菩薩言我字某生於某國心作  
是念其罪最重於四事禁復過五逆  
惡所以罪重者何為受字故不知魔  
事之所為微妙復次須菩提遠離之  
德菩薩摩訶薩樂魔須於前作是言  
遠離之法正當如是恒薩阿竭阿羅

呵三耶三佛之所稱譽佛語須菩提  
我不作是說遠離教菩薩摩訶薩止  
於獨處樹間閑處須菩提白佛云何  
天中天菩薩摩訶薩有異遠離佛語  
須菩提正使菩薩摩訶薩念恍忽是  
為聲聞之所念念恍忽者為是辟支  
佛之所念行恍忽者是菩薩摩訶薩  
雖在城郭續為行遠離行恍忽是菩  
薩摩訶薩於一切惡法而无所起行  
恍忽者是菩薩摩訶薩若獨處樹間  
閑處止是菩薩摩訶薩續行遠離是  
者我樂使菩薩摩訶薩作是行是遠  
離之行當晝夜念之是為菩薩摩訶  
薩遠離行菩薩摩訶薩遠離行菩薩  
摩訶薩行遠離者雖在城傍續行恍  
忽若在獨處樹間閑處止者恍忽若  
在獨處樹間閑處止者行恍忽是菩  
薩摩訶薩自念我以知遠離今時獎  
魔便往教之令行遠離言若當於獨  
處樹間閑處止當作是行是菩薩隨  
魔所教便亡遠離魔復言道為悉等  
聲聞辟支佛道皆作是念無有異其  
作是者為具足般若波羅蜜以當作

是行佛言是菩薩摩訶薩所念法非  
清淨謂以隨行而反自用輕餘菩薩  
自念誰能過我輕易城傍行菩薩清  
淨者其心所念不入聲聞辟支佛法  
所有惡心不受禪悅三昧三摩越悉  
逮得所願悉具足度佛言无漚和拘  
舍羅菩薩者正使在四千里空澤之  
中禽獸所不至處賊所不至羅刹不  
至處雖在彼間若一歲若百歲若干  
歲若百十歲若百千万歲若百千万  
億歲正使復過是者不知遠離會无  
所益不能具足為菩薩摩訶薩遠離  
自念謂悉得已悉明已弊魔便往飛  
在空中作是言善哉善哉善男子是  
真遠離怛薩阿竭阿羅呵三耶三菩  
所說正當隨是遠離行如是者疾得  
阿耨多羅三耶三菩阿惟三佛是菩  
薩摩訶薩聞是便從遠離起去往到  
城傍遠離菩薩所若比丘成就有道  
人所而自貢高反往輕言若所行法  
是即為非佛言其隨恍惚之行是菩  
薩摩訶薩為正反呼言非中有反行  
反呼為是不當敬者而反敬之當所

敬者反瞋向之言我所行遠離用是  
故有非人來語我言善哉善哉若所  
行審是遠離若在城傍行者誰當來  
語若誰當告若者佛言是菩薩有德  
人而反輕之如是須菩提菩薩當知  
是人如擔死人種无所復中反呼菩  
薩有短是為菩薩怨家其為厭菩薩  
者以是天上天下之為大賊正使如  
沙門被服亦復是賊於菩薩有德人  
中亦復是賊是曹輩者須菩提不當  
與共從事不當與共語言亦不當恭  
敬觀之何以故當知是輩多瞋怒起  
敗人好心何所須菩提是菩薩摩訶  
薩不釋薩芸若捨阿耨多羅三耶  
三菩若菩薩摩訶薩不釋薩芸若者  
是故阿耨多羅三耶三菩阿惟三佛  
為一切人故作依是輩菩薩不當與  
壞人者從事不敬之不當與會所當  
護法當自堅持當念之常畏怖生死  
勤苦之處不當入中於三界而不與  
交是彼壞菩薩輩在所止處常當慈  
心哀愍護之自念使我无得生是惡  
心令有所憶設有不善疾使我棄之

當用學故是者須菩提菩薩摩訶薩之為上知

摩訶般若波羅蜜善知識品第十二

復次須菩提其諸菩薩摩訶薩欲得阿耨多羅三耶三菩阿惟三佛者當親近善師與共從事恭敬承事須菩提白佛言何所是天中天菩薩摩訶薩善師當何以知佛語須菩提天中天者是菩薩摩訶薩善師有說般若波羅蜜者從其所聞般若波羅蜜是即為度教人入中當作是知為是菩薩摩訶薩善師六波羅蜜是舍怛羅六波羅蜜者是道六波羅蜜者是為去冥六波羅蜜者是即為基六波羅蜜者是即為明以過去怛薩阿竭阿羅訶三耶三佛皆從六波羅蜜出甫當來怛薩阿竭阿羅訶三耶三佛皆從六波羅蜜出今現在阿僧祇諸刹土怛薩阿竭阿羅訶三耶三佛皆從六波羅蜜出成薩婆若皆從四事雜施於人一者布施二者歡樂三者饒益四者等與是者須菩提菩薩摩訶薩舍怛羅

是即為母是即為父是即為舍是即為臺是即為護是即為歸是即為導是皆六波羅蜜是為益於一切人者菩薩摩訶薩學六波羅蜜者用无有極故欲斷人之狐疑以是故當學般若波羅蜜須菩提白佛何所是天中天般若波羅蜜相佛語須菩提無所罣罣是般若波羅蜜相須菩提言如其如相為得般若波羅蜜如是相者為得諸法何以故須菩提諸法皆是恍忽諸法皆是空以是故須菩提恍忽與空是為般若波羅蜜相諸法之相亦恍忽是空亦恍忽須菩提天中天說諸法悉恍忽是空何然人欲有生無有盡時其恍忽者无欲其恍忽者而无生其空者無欲其空者无所生恍忽與空無阿耨多羅三耶三菩阿惟三佛亦不從異法恍忽空得阿耨多羅三耶三菩阿惟三佛云何天中天所說而可得知佛語須菩提人從久遠念言是我所有非我所有用



是故因致是須菩提言如是天中天  
所說人實從久遠念言是我所有非  
我所有佛言云何須菩提是我所有  
為空不須菩提言是為空天中天佛  
言云何須菩提非我所有為空不須  
菩提言是為空天中天佛語須菩提  
人用是故自念言是我所非我所用  
是故在於生死無有已時須菩提言  
如是天中天人用是故在於生死无  
有休時佛言是者須菩提人從欲便  
著於人之中當作是知不當有所求  
後便不復著其諦者須菩提有所增  
益不當念是我所有非我所有是為  
行般若波羅蜜是者須菩提其所生  
者後不作是生是菩薩摩訶薩為行  
般若波羅蜜須菩提白佛作是行者  
天中天為不行色不行痛痒思想生  
死識是所行者天中天菩薩摩訶薩  
所念為隨俗是為菩薩摩訶薩行天  
中天諸聲聞辟支佛所不及一切人  
之所行是彼極過去以是所得處無  
能逮者是為菩薩摩訶薩之極上天  
中天是所念者為般若波羅蜜菩薩

摩訶薩晝夜作是行如所行者疾近  
阿耨多羅三耶三菩阿惟三佛坐佛  
言云何須菩提若閻浮利人及一切  
菩薩悉令作人皆行阿耨多羅三耶  
三菩發心索佛各各盡壽作布施持  
是施與作阿耨多羅三耶三菩於須  
菩提意云何是菩薩摩訶薩作是布  
施其福寧多不須菩提言甚多甚多  
天中天佛言不如菩薩摩訶薩專念  
般若波羅蜜一日之行其福以過彼  
上或是菩薩所專念般若波羅蜜如  
其所行是者都於衆中為極上尊何  
以故其餘人无有是慈除諸佛無有  
與摩訶薩等者是善男子所入為甚  
深曉了悉知見於世間是即大憫其  
眼徹視見不可計人悉欲見之无有  
懈時念於一切人而不作想亦無有  
異是者須菩提即菩薩摩訶薩之大  
明雖未作阿耨多羅三耶三菩阿惟  
三佛者是即所行其行極尊出於世  
間之上於阿耨多羅三耶三菩終不  
復還受人衣被飯食牀卧醫藥悉具心  
住於般若波羅蜜者雖受施與其德

已淨所作福德令近薩芸若坐是故  
須菩提菩薩摩訶薩有所食无有罪  
欲益於一切人悉欲示人道徑其有  
照明欲甚度大無有極諸在牢獄之  
中悉欲度脫欲使一切人眼皆悉清  
淨是為般若波羅蜜之所念行隨是  
教念般若波羅蜜者有是即為不動  
搖何以故其作動者所念有想即非  
般若波羅蜜是即非護當作如般若  
波羅蜜行晝夜念之譬如男子須菩  
提摩尼珠前所不得却後得之歡喜  
踊躍得摩尼珠以復亡之用亡是故  
便大愁毒坐起有憂而无有解已如  
是須菩提菩薩摩訶薩欲索珍寶者  
常堅持心無得失薩芸若念須菩提  
白佛一切所念為離自然云何菩薩  
摩訶薩念薩芸若不離於念佛語須  
菩提設是菩薩摩訶薩作是知為不  
失般若波羅蜜何以故須菩提般若  
波羅蜜者是空不增不减須菩提言  
般若波羅蜜者天中天實為是空云  
何是菩薩摩訶薩增於般若波羅蜜  
成就其行近阿耨多羅三耶三菩坐

佛語須菩提菩薩摩訶薩亦不有增  
亦不有減說是法時聞之不畏不怖  
當知是善男子為行般若波羅蜜以  
須菩提白佛般若波羅蜜者是為空  
行報言不須菩提能有異空而行般  
若波羅蜜者報言不須菩提為是色  
行報言不須菩提為痛痒思想生死  
識行報言不須菩提能有異色所行  
報言不須菩提能有異痛痒思想生  
死識行報言不須菩提云何天中天  
菩薩摩訶薩行般若波羅蜜佛言云  
何須菩提為自見法法之所行般若  
波羅蜜須菩提言不見天中天佛言  
云何須菩提菩薩摩訶薩能自見行  
般若波羅蜜者須菩提言不見天中  
天佛言云何須菩提能見法有所生  
處不須菩提言不見天中天佛語須  
菩提是為菩薩摩訶薩無所從生法  
樂忍如是者即為受決阿耨多羅三  
耶三菩是怛薩阿竭阿羅呵三耶三  
佛无所畏是菩薩摩訶薩所作行是  
力者為逮佛慧是即大慧而自在慧  
薩芒若慧怛薩阿竭慧其不為是不

能自能是處須菩提自佛諸法為從  
無所生受決為阿耨多羅三耶三菩  
佛語須菩提不須菩提白佛云何天  
中天授菩薩摩訶薩決得阿耨多羅  
三耶三菩佛語須菩提能自見法法  
授決為阿耨多羅三耶三菩須菩提  
言我不見法當作阿耨多羅三耶三  
菩佛語須菩提諸法不可得作是念  
者是法成阿惟三佛其不作是不自  
致阿惟三佛

摩訶般若波羅蜜釋提桓因品第十三

釋提桓因從衆會中白佛言甚深甚  
深者般若波羅蜜天中天難了菩薩  
事之為恍忽其有德人聞般若波羅  
蜜者便書持學其福不小佛語拘翼  
若閻浮利人都皆持十善其功德百  
倍千倍万倍万億倍巨億倍若復過  
是不啻不如善男子善女人聞般若  
波羅蜜書持學者坐中有一比丘語  
釋提桓因是為以出拘翼上去釋提  
桓因報是比丘持心一反念者出我  
上去何況聞般若波羅蜜以書持學  
者聞以隨是教立都出諸天阿須倫



世間人上若菩薩摩訶薩行般若波  
羅蜜者不獨過諸天阿須倫世間人  
上乃至須陀洹斯陀舍阿那含阿羅  
漢辟支佛都悉過是若菩薩摩訶薩  
行般若波羅蜜者不獨過辟支佛上  
亦復至菩薩行檀波羅蜜无滛和拘  
舍羅離波羅蜜上去是菩薩摩訶薩  
行般若波羅蜜者不獨過檀波羅蜜  
亦復及行尸波羅蜜羣波羅蜜逮  
波羅蜜禪波羅蜜无滛和拘舍羅離  
般若波羅蜜上去若菩薩摩訶薩復  
諷起行般若波羅蜜者都合會諸天  
阿須倫世間人終不能勝行般若波  
羅蜜菩薩摩訶薩用為極尊親近般  
若波羅蜜故是菩薩摩訶薩為隨薩  
苦若言無所斷是菩薩摩訶薩不離  
怛薩阿竭字是為菩薩摩訶薩獲不  
離佛坐是菩薩摩訶薩所有懈怠不  
復生是菩薩摩訶薩所學為學尊不  
學聲聞辟支佛學是學為菩薩摩訶  
薩學四天王當往問評今樂得疾學  
是學當坐佛坐自致阿耨多羅成阿  
惟三佛當度四部弟子菩薩摩訶薩



作是學者四天王當往問許何況餘  
天子是菩薩摩訶薩行般若波羅蜜  
者常為怛薩阿竭阿羅呵三耶三佛  
之所念般若波羅蜜者是菩薩行若  
於世間有勤苦之疾是身會无此惡  
是為菩薩摩訶薩行般若波羅蜜之  
所致便得現在法福阿難作是念釋  
提桓因自以智說耶持佛威神說釋  
提桓因知阿難心所念即語阿難我  
所說者持佛威神佛言如是如是阿  
難是釋提桓因所說悉佛威神之所  
致或時阿難菩薩摩訶薩於是深念  
般若波羅蜜行便念學般若波羅蜜  
尔時三千大千刹土中弊魔一切皆  
為愁毒欲使菩薩摩訶薩中道以本  
際作證令得聲聞若辟支佛道若  
使得阿耨多羅三耶三菩疾成阿惟  
三佛

摩訶般若經卷第五

已亥歲高麗國大藏都監奉

勅彫造

道行般若經卷第一

淡

後漢月支國三藏支婁迦讖譯

摩訶般若波羅蜜道行品第一

佛在羅閱祇耆闍崛山中摩訶比丘僧不可計諸弟子舍利弗須菩提等摩訶薩菩薩無央數弥勒菩薩文殊師利菩薩等月十五日說戒時佛告須菩提今日菩薩大會因諸菩薩故說般若波羅蜜菩薩當是學成舍利弗心念言今使須菩提為諸菩薩說般若波羅蜜自用力說耶持佛威神說乎須菩提知舍利弗心所念便語舍利弗言敢佛弟子所說法所成法皆持佛威神何以故佛所說法法中所學皆有證皆隨法展轉相教展轉相成法中終不共諍何以故時而說法莫不喜樂者自恣善男子善女人而學須菩提白佛言佛使我為諸菩薩說般若波羅蜜菩薩當從中學成佛使我說菩薩菩薩有字便著菩薩有字無字何而法中字菩薩了不見有法菩薩菩薩法字了无亦不見菩

薩亦不見其處何而有菩薩當教般若波羅蜜作是說般若波羅蜜菩薩聞是心不懈怠不恐不怯不難不畏菩薩當念作是學當念作是住當念作是學入中心不當念是菩薩何以故有心无心舍利弗謂須菩提云何有心無心須菩提言心亦不有亦不能得亦不能知處者如是亦不有亦不無亦不有有心亦不无無心須菩提言亦不有有心亦不无無心舍利弗言善哉須菩提為佛學佛而學者不說空身慧空身慧而說寂第一菩薩從是中已得阿惟越致學字終不復失般若波羅蜜如是菩薩以在般若波羅蜜中住欲學阿羅漢法當聞般若波羅蜜當學當持當守欲學辟支佛法當聞般若波羅蜜當學當持當守欲學菩薩法當聞般若波羅蜜當學當持當守何以故般若波羅蜜法甚深菩薩如學須菩提白佛言我熟念菩薩心不可得亦不可知處亦

不可見何所是菩薩般若波羅蜜亦不能及說亦不能逮說菩薩字菩薩無有處處了不可得亦无而出亦無如入亦无如住亦無如止何以故菩薩字了不可得故无如住無如止作是說般若波羅蜜菩薩聞是心不憊不倦不恐不畏以入阿惟越致由悲了知不可復退

菩薩行般若波羅蜜色不當於中住痛痒思想生死識不當於中住何以故住色中為行識住痛痒思想生死識中為行識不當行識設住其中者為不隨般若波羅蜜教何以故行識故是為不行般若波羅蜜不行者菩薩不得薩芸若舍利弗謂須菩提菩薩當云何行般若波羅蜜得般若波羅蜜須菩提言菩薩行般若波羅蜜色不受痛痒思想生死識不受不受色者為無色不受痛痒思想生死識者為无識般若波羅蜜不受何以故不受如影無所取无所得故不受菩薩行般若波羅蜜一切字法不受是故三昧無有邊无有正諸阿羅漢辟

支佛所不能及

復次舍利弗菩薩若不受何以故菩薩不當持想觀菩薩若設想觀者爲不了爲如餘道人不信菩薩若何以故反謂有身正使餘道人信佛信佛已反持小道入佛道中入佛道中已不受色痛痒思想生死識不受不受已亦未曉尚未成亦不見慧亦不於內見慧亦不於外見慧亦不於餘處見慧亦不於內痛痒思想生死識見慧亦不於外痛痒思想生死識餘處知從法中以脫去謂法等一泥洹菩薩莫作是行莫內外觀法吁與般若波羅蜜等一切无所受无所從誰得法无所持無所收亦无所泥洹想是故菩薩般若波羅蜜亦不受色痛痒思想生死識亦不受亦不中道般泥洹志具十種力四無所畏佛十八事是故菩薩般若波羅蜜菩薩已入般若波羅蜜中行當作是觀何所是般若波羅蜜在何所般若波羅蜜中法了不能得了不能知處是故般若波

羅蜜菩薩當作是念聞是不解不却  
不恐不畏不難知是菩薩不離般若  
波羅蜜菩薩當了知如是

舍利弗謂須菩提菩薩何因曉般若  
波羅蜜色離本色痛痒思想生死識  
離本識般若波羅蜜離本般若波羅  
蜜須菩提言如是舍利弗言善哉須  
菩提菩薩設使出是中便自致薩芸  
致薩芸若何以故薩芸若無所從生  
无所從生如是菩薩疾近作佛菩薩  
行般若波羅蜜於薩芸若中无所罣  
碍舍利弗言善哉菩薩精進作是語  
設使行色為行想設生色行為行想  
設觀色行為行想設滅色行為行  
想設空色行為行想設識行為行想  
為行想痛痒思想生死識行為行想  
生識行為行想觀識行為行想滅識  
行為行想空識行為行想如是菩薩  
為反行想作是守行者為不守般若  
波羅蜜為不行般若波羅蜜若行  
者菩薩護行當莫隨其中舍利弗謂  
須菩提菩薩當云何行般若波羅蜜



須菩提言不行色不生色行不觀色  
行不滅色行不空色行不痛痒思想  
生死識行不生識行不觀識行不滅  
識行不空識行不行色不色想行不  
色生行不色觀行不識滅行不識空  
行亦無見亦无行亦無見行无行無  
見亦復无行亦無止行如是為无見  
何以故一切法無所從來亦无所持  
菩薩摩訶薩一切字法不受字是故  
三昧無有邊无有正諸阿羅漢辟支  
佛所不能及知菩薩摩訶薩隨三昧  
者疾得作佛持佛威神須菩提說是  
語菩薩皆得阿惟越致字前過去佛  
時得作佛隨三昧亦不見三昧亦無  
有三昧想亦不作三昧亦不念識三  
昧亦不想識坐三昧亦不言我三昧  
已隨是法者无有疑舍利弗謂須菩  
提何所三昧隨行菩薩已得阿惟越  
致字前過去佛時得作佛可得見三  
昧處不須菩提言不可得見也舍利  
弗善男子亦不知亦不了舍利弗謂  
須菩提何以故知不了須菩提言  
亦不得三昧亦無有三昧亦不得字

佛言善哉須菩提如我所說空身慧作是為諸菩薩為隨般若波羅蜜教菩薩作是學為學般若波羅蜜也舍利弗白佛言天中天菩薩學如是為學般若波羅蜜舍利弗問佛言如是為學何法佛言如是菩薩為學无所學法何以故法無所得莫癡如小兒學舍利弗言誰能得是法佛言无所得是故得無所得法莫癡如小兒學者謂有字不能得欲學習入法中適為兩癡耳亦不知亦不曉亦不了法何以故學字是色欲得是致是故不了法所念亦不逮如是不曉不信故不於法中住反呼有身是故癡如小兒學舍利弗白佛言菩薩作是學為不學佛言作是學為不學佛不作是學為學佛得作佛

須菩提言天中天若有問者是幻為學佛得作佛或作是問當何以教之佛言我故自問若隨所報之於須菩提意云何幻與色有異無幻與痛痒思想生死識有異無須菩提報佛言今天中天幻與色无異也色是幻幻

是色幻與痛痒思想生死識等无異  
佛言云何須菩提所想等不隨法從  
五陰字菩薩須菩提言如是天中天  
菩薩學欲作佛為學幻耳何以故幻  
者當持此所有當如持五陰幻如色  
色六衰五陰如幻痛痒思想生死識  
作是語字六衰五陰

須菩提白佛言若有新學菩薩聞是  
語得无恐怖佛言設使新學菩薩與  
惡師相得相隨或恐或怖與善師相  
得相隨不恐不怖須菩提言何所菩  
薩惡師者當何以知之佛言其人不  
尊重摩訶般若波羅蜜者教人棄捨  
去遠離菩薩心及教學諸雜經隨雜  
經心喜樂復教學餘經若阿羅漢辟  
支佛道法教學是事勸乃令誦誦為  
說魔事魔因行壞敗菩薩為種種說  
生死勤苦言菩薩道不可得是故菩  
薩惡師須菩提白佛言何所菩薩善  
師何行從知之佛言其人尊重摩訶  
般若波羅蜜稍稍教人令學成教語  
魔事令覺知令護魔是故菩薩善  
師也

須菩提白佛言天中天何因為菩薩  
何故正字呼菩薩佛言諸經法悉學  
悉曉了知諸經法今故字為菩薩須  
菩提言悉曉了知諸經法今故字菩  
薩何以故復呼摩訶薩佛言摩訶薩  
者天上天下最尊今故字摩訶薩舍  
利弗白佛言我亦樂聞何以故為摩  
訶薩佛語舍利弗若樂聞者佛當為  
若說之摩訶薩者悉自了見悉了知  
十方天下人十方所有悉曉了知知  
人壽命知有惡無惡樂不樂有志無  
志悉曉了知見為說法如是无所著  
今故字為摩訶薩

須菩提白佛言請問摩訶薩者何所  
字摩訶薩設是菩薩心無有與等者  
无有能逮心者諸阿羅漢辟支佛所  
不能及心佛心如是心無所著心无  
所出無所入設佛心无所出無所入  
為无所著心今故復為摩訶薩正上  
無有與等者舍利弗問須菩提何因  
菩薩心无所著須菩提言心無所生  
今故无所著

邪邪文陀弗白佛言何因呼菩薩為

摩訶僧那僧涅摩訶衍三拔致佛說  
號如是今故為摩訶僧那僧涅摩訶  
衍三拔致須菩提復白佛言何因菩  
薩摩訶薩為摩訶僧那僧涅何從知  
菩薩摩訶薩為摩訶僧那僧涅佛言  
菩薩摩訶薩心念如是我當度不可  
計阿僧祇人悉令般涅槃如是悉般  
涅槃是法无般涅槃一人也何以  
故本無故譬如幻師於曠大處化作  
二大城作化人滿其中悉斷化人頭  
於須菩提意云何寧有所中傷死者  
无須菩提言無菩薩摩訶薩度不可  
計阿僧祇人悉令般涅槃无般涅  
渥一人也菩薩聞是不恐不畏不悉  
不捨去就餘道知是則為摩訶僧那  
僧涅

須菩提白佛言如我從佛聞念其中  
事如是不為摩訶僧那僧涅何以故  
作是為者無有作薩若无所供養  
人無作者為何等所人作摩訶僧那  
僧涅色无著無縛无脫痛痒思想生  
死識無著无縛無脫郤邪文施弗謂  
須菩提色無著无縛無脫痛痒思想

生死識无著無縛无脫何謂須菩提  
言色無著無縛无脫痛痒思想生死  
識无著無縛无脫邪邪文陀弗言何  
謂色無著无縛无脫何謂痛痒思想  
生死識无著無縛无脫須菩提語邪  
邪文陀弗色如幻無著无縛无脫痛  
痒思想生死識如幻无著無縛无脫  
無有邊无著無縛无脫譬如空無著  
无縛无脫无所生無著无縛无脫是  
故菩薩摩訶薩摩訶僧都僧涅

須菩提白佛言何因為摩訶衍三拔  
致何所是摩訶衍從何所當住衍中  
何從出衍中誰為成衍者佛語須菩  
提摩訶衍摩訶衍者無有正也不可  
得邊幅須菩提問佛言我欲知衍從  
何所出生從三處出自致薩芸若中  
住亦无有從中出生者亦無有甫當  
來出者何以故天中天佛言正使生  
已甫當來出者假令有兩法者不可  
得法設不從得者復從何法出須菩  
提白佛言摩訶衍於天上天下人中  
正過上無有與等者衍與空等如空  
覆不可復計阿僧祇人摩訶衍覆不



可復計時。猶祇人。今故呼摩訶衍摩訶衍者。亦不見來時。亦不見去時。亦不見住處。亦不中邊見。亦不於是聞見。亦無所見。亦不於三處見。字如是。天中天。今故為摩訶衍。佛言。善哉。須菩提。今故為摩訶衍。

那由文陀弗。白佛言。尊者。須菩提。佛使說般若波羅蜜。乃至說摩訶衍事。為須菩提。白佛言。須菩提。說般若波羅蜜。得无過天中天。佛言。若說般若波羅蜜。不過也。適得其中。須菩提言。菩薩亦不念彼間。亦不於是間。念亦不無中央。念色亦无有邊。菩薩亦無有邊。色與菩薩不可逮。不可得。一切菩薩不可得。不可逮。何所是菩薩。般若波羅蜜。當何從說。菩薩都不可得。見亦不可知。處當從何所說。般若波羅蜜。菩薩轉復相呼。菩薩云。何天中天。想如字耳。何如為意。意無處處。意无形。形意本是形法。何等為色。色不可得。見亦無有身。是中何所有。色者。痛痒思想。生死識識。不可得。見菩薩亦不可得。見菩薩識了。不知處處。亦

不可見一切菩薩了無有處了不可見何所為菩薩般若波羅蜜如是說菩薩都不可得見亦不可知處處了无所有當從何所法中說般若波羅蜜今故字為菩薩

如是如是字想亦無字亦无想何所為意意誰字意至本本意生意是无形何因是識不可得持至本亦無所持何因有識如是法形形亦无有本設無有本法亦無誰作亦无有本本無有本當何從說般若波羅蜜亦无有異處亦无有本菩薩法亦無所得有行菩薩聞是不忍不畏不難則為行般若波羅蜜行般若波羅蜜法當熟思惟如是是時為不入色何以故色無所生為非色設今非色為无色亦无有生從其中無所得字為色法中本無無是菩薩行般若波羅蜜觀法思惟深入法是時亦不入痛痒思想生死識何以故識无所生為非識故亦不出識中亦不入識中法中計了無所有

舍利弗謂須菩提我聽須菩提所說

法中事如是菩薩無所出生設菩薩  
无所出生者菩薩如用何等故讚苦  
行菩薩道設用十方天下人故何能  
忍是讚苦須菩提語舍利弗我亦不  
使菩薩忍是讚苦也行菩薩之道者  
菩薩自念我不錄是讚苦行何以故  
菩薩心不當作是念言我忍讚苦心  
未曾有念是不當作是念為用不可  
計阿僧祇人故欲令安隱念之如父  
念之如母念之如子念之如身無異  
常當慈念之菩薩當作是持心一切  
菩薩不見亦不知處如是內法外法  
當作是念當作是行菩薩作是行不  
為忍讚苦舍利弗設使如是所語菩  
薩不見出生菩薩為无所出生舍利  
弗謂須菩提設使菩薩无所出生薩  
若亦無所出生須菩提言如是薩  
若无所出生舍利弗謂須菩提設  
使菩薩如是所語菩薩不見出生菩  
薩為無所出生舍利弗謂須菩提設  
使菩薩无所出生薩若亦無所出  
生須菩提言如是薩若无所出生  
舍利弗謂須菩提設使薩若無所

出生悉逮得禪亦无所生須菩提言  
如是悉逮得禪亦無所生舍利弗謂  
須菩提是中菩薩無所生菩薩為无  
所生薩芸若亦无所生薩芸若法為  
無所生悉逮得禪具足亦無所生悉  
逮得禪法亦无所生是為無所逮得  
菩薩為无所逮得薩芸若

須菩提言無所生法逮得無所生亦  
无所生法逮得亦無无無所生逮得  
舍利弗謂須菩提設使无無无所生  
逮得無所生法是故无所生逮法須  
菩提言設使無所生法生復无無所  
生是故无所生逮得舍利弗謂須菩  
提設使須菩提無所生无無所生是  
故无所生須菩提無所生須菩提語  
舍利弗无所生無所生樂聞舍利弗  
无所生樂是故為樂須菩提語舍利  
弗無所生聞是為聞舍利弗謂須菩  
提聞是語須菩提語舍利弗无所  
語是為語無所語是為樂无所樂是  
故語是故樂舍利弗言善哉須菩提  
於法中第一尊何以故如尊者須菩  
提隨所問則報須菩提謂舍利弗佛

弟子所說法十方亦不知所化來時  
隨所問則解何以故十方法亦不知  
所生舍利弗言善哉須菩提從何所  
法中度菩薩須菩提言從般若波羅  
蜜中生說是法時若讀時菩薩信不  
疑菩薩當知之有隨是法不增不隨  
是法不減舍利弗謂須菩提隨是法  
亦不增不隨是法亦不減隨法教一  
切人隨法者不失一切人皆使得菩  
薩摩訶薩何以故一切人志學法其  
法俗如故須菩提言善哉舍利弗所  
解法如舍利弗言无異何以故人身  
當諦念當作是了知人身若干種空  
其念亦若干種空當了知是人身難  
了知所念難了知舍利弗菩薩當作  
是學當作是行

摩訶般若波羅蜜難問品第二

今時釋提桓因與四万天子相隨俱  
來共會坐四天王與天上二万天子  
相隨來共會坐梵迦夷天與万天子  
相隨來共會坐梵多會天與五千天  
子相隨來共會坐諸天子宿命有德  
光明巍巍持佛威神持佛力諸天子

光明徹照釋提桓因白須菩提言賢者須菩提是若干千万天子大會欲聽須菩提說般若波羅蜜云何菩薩於般若波羅蜜中住須菩提語釋提桓因言拘翼是若干千万天子樂者聽我當說須菩提持佛威神持佛力廣為諸天子說般若波羅蜜何所天子未行菩薩道其未行者今皆當行以得須陀洹道不可復得菩薩道何以故閉塞生死道故正使是輩行菩薩道者我代其喜我終不斷功德法我使欲取中正尊法正欲使上佛佛言善我須菩提勸樂諸菩薩學乃尔須菩提白佛言須菩提當報恩不得不報恩何以故過去時怛薩阿竭阿羅呵三耶三佛皆使諸弟子為諸菩薩說般若波羅蜜怛薩阿竭時亦在其中學如是中法令自致作佛用是故當報佛恩我亦復作是說般若波羅蜜菩薩亦當復受菩薩法我復勸樂我皆受已皆勸樂已菩薩疾逮作佛須菩提言拘翼當所問者聽所問菩薩云何住般若波羅蜜中持空法善



薩於般若波羅蜜中住拘翼菩薩摩訶薩摩訶僧那僧涅槃摩訶衍三拔致色不當於中住痛痒思想生死識不當於中住須陀洹不當於中住斯陀含不當於中住阿那含不當於中住辟支佛不當於阿羅漢不當於中住辟支佛不當於中住佛不當於中住有色無色不當於中住佛不當於中住有色無色不當於中住有痛痒思想生死識无痛痒思想生死識不當於中住有須陀洹無須陀洹不當於中住有斯陀含无斯陀含不當於中住有阿那含無阿那含不當於中住有阿羅漢无阿羅漢不當於中住有辟支佛無辟支佛不當於中住有佛无佛不當於中住色無无常不當於中住痛痒思想生死識無无常不當於中住色若苦若樂不當於中住色若好若醜不當於中住痛痒思想生死識若苦若樂不當於中住痛痒思想生死識若好若醜不當於中住色我所非我所不當於中住痛痒思想生死識我所非我所不當於中住須陀洹道不動成就不當於中住須陀洹道成已不當於中住何以

故須陀洹道七死七生便度去是故  
須陀洹道不當於中住斯陀含道不  
動成就不當於中住斯陀含道成已  
不當於中住何以故斯陀含道一死  
一生便度去是故斯陀含道不當於  
中住阿那含道不動成就不當於中  
住阿那含道成已不當於中住何以  
故阿那含道成已便於天上般泥洹  
是故阿那含道不當於中住阿羅漢  
道不動成就不當於中住阿羅漢道  
成已不當於中住何以故阿羅漢道  
成已便盡是間無處所於泥洹中般  
泥洹是故阿羅漢道不當於中住辟  
支佛道不動成就不當於中住何以  
故辟支佛道成已過阿羅漢道不能  
及佛道便中道般泥洹是故辟支佛  
道不當於中住佛道不當於中住何  
以故用不可計阿僧祇人故作功德  
以不可計阿僧祇人我皆當令般泥  
洹正於佛中住是故佛道不當於中住  
舍利弗心念言佛當云何住須菩提  
知舍利弗心所念便問舍利弗言云  
何佛在何所住舍利弗謂須菩提佛

無所住怛薩阿竭阿羅呵三耶三佛  
心无所住止不在動處止亦無動處  
止須菩提言如是如是菩薩當作是  
學如怛薩阿竭阿羅呵三耶三佛住  
亦不可住當作是住學无所住是時  
諸天子心中作是念諸閱叉輩尚可  
知所念閱叉若大若小所語悉可了  
知尊者須菩提所語了不可知須菩  
提知諸天子心中所念謂諸天子言  
是語難了亦不可聞亦不可知諸天  
子心中復作是念是語當解今尊者  
須菩提深入深知須菩提復知諸天  
子心中所念語諸天子言已得須陀  
洹道證若於中住不樂因出去已得  
斯陀含道證若於中住不樂因去以  
得阿那含道證若於中住不樂因去  
已得阿羅漢道證若於中住不樂因  
去已得辟支佛道證若於中住不樂  
因去以得佛道證若於中住不樂因  
去諸天子心中復作是念尊者須菩  
提所說乃尔當復於何所更索法師  
如須菩提言者須菩提知諸天子心  
中所念語諸天子言法師如幻欲從我

聞法亦無所聞亦不作證諸天子心中復作是念云何法作是聞人如是須菩提知諸天子心中復作是念語諸天子言幻如人人如幻乎我呼須陀洹斯陀舍阿那舍阿羅漢辟支佛道志如幻正使佛道我呼亦如幻諸天子語須菩提乃至泥洹亦復如幻諸幻須菩提言乃至泥洹亦復如幻諸天子問須菩提乃至泥洹泥洹及泥洹亦復如幻須菩提語諸天子設復有法出於泥洹亦復如幻何以故幻人泥洹賜如空无所有舍利弗邠祁文陀羅弗摩呵拘私摩呵迦旃延問須菩提何等為般若波羅蜜相從何等法中出須菩提報言從是法中出阿惟越致菩薩是為般若波羅蜜相如是諸弟子聞法志具足疾成阿羅漢須菩提言般若波羅蜜中說相如是從法中無所出何以故法中无所有無所聞无所得如法比丘無所聞法无所得法從是法中無所受釋提桓因心念言尊者須菩提所說為雨法寶我寧可作華持散尊者須菩提

上釋提桓因則化作華散須菩提上  
須菩提心則了知言是華不出忉利  
天上我曾見是華是華所出生散我  
上者化作耳化成耳此華化華亦不  
從樹出釋提桓因所作華用散我上  
者從心樹出不從樹生也釋提桓因  
謂須菩提言此華无所從出生尊者  
須菩提不從心樹出須菩提言拘翼  
說言是華無所從出生亦不從心樹  
出為非華釋提桓因言尊者須菩提  
深知說不增不減作是說法如尊者  
須菩提教也菩薩當作是學須菩提  
語釋提桓因拘翼是語無有異菩薩  
當作是學入法中菩薩作是學者為  
不學須陀洹斯陀含阿那含阿羅漢  
辟支佛道為學佛道為學薩婆若道  
作是學者為學不可計阿僧祇經卷  
不生色學不生痛痒思想生死識學  
不學受餘法亦不學受亦不學失不  
學失為學薩婆若為出薩婆若  
舍利弗謂須菩提學是學亦不受亦

不失為學薩婆若為出薩婆若須菩  
提言如是舍利弗作是學亦不受亦

不失學是為學。薩云：若為出薩？云：若  
釋提桓因問舍利弗：般若波羅蜜，苦  
薩當云何行？舍利弗言：當問尊者須  
菩提。釋提桓因問尊者須菩提：持何  
威神？恩當學？知拘翼所問般若波羅蜜，苦  
薩云：何行亦不可從，色中行亦不可  
離，色行亦不可從，痛痒思想、生死識  
中行亦不可離。痛痒思想、生死識行  
何以故？般若波羅蜜亦非痛痒思想、  
生死識。般若波羅蜜亦不離痛痒思  
想、生死識。釋提桓因言：摩訶波羅蜜  
无有邊，無有底。波羅蜜云何？須菩提  
言：拘翼摩訶波羅蜜，无有邊。波羅蜜  
無有底。波羅蜜，摩訶波羅蜜了不可  
得。无有邊。波羅蜜了不可見。無有底。  
波羅蜜了不可得。底人，无底。復无无  
底。無底。復无无底。波羅蜜等。无底。復  
無无底。波羅蜜。無底。復无无底。亦无  
有中邊。亦無有本端了不可量了不  
可逮。知拘翼從法中底。波羅蜜。底無  
底。復无无底。復次拘翼法無底。復无  
端。底無有中邊。无有盡時。底索無底。



復无無底波羅蜜釋提桓因言云何  
尊者須菩提何以故人無底波羅蜜  
无底須菩提謂釋提桓因是事都盧  
不可計正使計倍復倍人无底波羅  
蜜無底釋提桓因言何緣令人无底  
波羅蜜無底須菩提言於拘翼意云  
何何所法中作是教人本所生釋提  
桓因言無有法作是教者亦无法作  
是教住置設使有出者但字耳設有  
住止者但字耳但以字字著言耳有  
所住止處但字耳了無所有但以字  
字著言耳人復人所本末空无所有  
須菩提言於拘翼意云何人可得見  
不釋提桓因言人不可得見須菩提  
言拘翼何所有作意者何所人底正  
使桓薩阿竭阿羅呵三耶三佛壽如  
恒邊沙劫盡度人人展轉自相度其  
所生者寧有斷絕時不釋提桓因言  
无有斷絕時何以故人無有盡時須  
菩提言人无有底般若波羅蜜无底  
菩薩學當作是了當作是知行般若  
波羅蜜法如是  
道行般若波羅蜜經卷第一

道行般若經卷第二

淡梵

後漢月支國三藏支婁迦讖譯

摩訶般若波羅蜜功德品第三

尔時諸因垺天諸梵天諸波那和提  
天諸伊沙天諸那提軋天同時三反  
作是稱譽法賢者須菩提所說法甚  
深恒薩阿竭皆從是生其有聞者若  
諷誦讀有行者我輩恭敬視如恒薩  
阿竭我輩恭敬視菩薩摩訶薩持般  
若波羅蜜者佛語諸天人如是如是  
昔我於提和竭羅佛前逮得般若波  
羅蜜我便為提和竭羅佛所受決言  
却後若當為人中之導志當逮佛智  
慧却後無數阿僧祇劫汝當作佛号  
字釋迦文天上天下於中尊尊安定  
世間法極明號字為佛諸天人同時  
白佛言甚善善菩薩摩訶薩天中天行  
般若波羅蜜自致剎薩芸若

尔時佛在衆會中天諸天中坐佛告  
比丘比丘尼優婆塞優婆夷今四部  
為證欲天梵天阿會且修天皆證知  
佛語釋提桓因若有善男子善女人

其有學般若波羅蜜者其有持者其有誦者是善男子善女人魔若魔天終不能得其便拘翼善男子善女人若人若非人終不能得其便拘翼善男子善女人不得橫死拘翼忉利天上諸天人其有行佛道者未得般若波羅蜜未學者未誦者是輩天人皆往到善男子善女人所拘翼善男子善女人學般若波羅蜜者持者誦者若於空閑處若於僻隈處亦不忍亦不怖亦不畏四天王白佛言我輩自共護是善男子善女人學般若波羅蜜者持者誦者梵摩三鉢天及梵天諸天人俱白佛言我輩自共護是善男子善女人學般若波羅蜜者持者誦者釋提桓因白佛言我自護是善男子善女人學般若波羅蜜者持者誦者釋提桓因復白佛言難及也有無所動搖般若波羅蜜其受者為忠受六波羅蜜佛言如是拘翼其受般若波羅蜜者為忠受六波羅蜜復次拘翼般若波羅蜜學者持者誦者善

男子善女人且聽拘翼我說上語亦善中語亦善下語亦善當念聽我所說釋提桓因從佛聽言受教

佛語釋提桓因我法中有燒者有害者有亂者欲燒者欲害者欲亂者其人稍稍起惡意欲往未至中道亡欲燒者欲害者欲亂者其後所作終不諧何以故用是善男子善女人學般若波羅蜜故持故誦故其人稍稍賣惡來未至便屈還其後所願終不得拘翼善男子善女人所作為惡自見得學般若波羅蜜者持者誦者譬若拘翼有藥名摩訶有蛇飢行索食道逢至蛇欲取至摩訶藥香即到至所地聞藥香即還去何以故藥力所却蛇毒即歇藥力所歇如是拘翼善男子善女人學般若波羅蜜者持者誦者其有欲害者便自亡般若波羅蜜威神所却般若波羅蜜力所歇也佛言設有謀作者從所來處便於彼間自斷壞不復成四天王皆擁護是善男子善女人入般若波羅蜜者思惟者自在所為所語如甘露所語不輕

瞋恚不生自貢高不生四天王皆護  
是善男子善女人學般若波羅蜜者  
持者誦者所語無有異所語如甘露  
所語不輕瞋恚不起自貢高不生何  
以故用學般若波羅蜜故不受自瞋  
恚不受自貢高不受自可是善男子  
善女人心自生念若有鬭諍起常當  
身遠離不喜是事面自慙自念是曹  
惡者不可近自念我索佛道不可隨  
瞋恚語疾使我遠得好心善男子善  
女人所作為恚自見善般若波羅蜜  
學者持者誦者

釋提桓因白佛言般若波羅蜜能過  
諸惡上去自在所作無有與等者佛  
語釋提桓因復次拘翼善男子善女  
人般若波羅蜜學者持者誦者或當  
過劇難之中終不恐不怖正使入軍  
不被兵佛言我所語无有異拘翼如  
佛言無有能害者善男子善女人當  
是時若誦若持般若波羅蜜若念正  
使死來至若當於中死若怨家在其  
中欲共害者如佛所語无有異是善  
男子善女人終不於中橫死正使在



其中若有射者若兵向者終不中其身何以故是般若波羅蜜者極大祝人中之猛祝學是祝者是善男子善女人不自念惡亦不念他人惡都無所念善為人中之雄自致作佛為護人民蛸飛蠕動學是祝者疾成佛道也復次拘翼般若波羅蜜書已雖不能學不能誦者當持其經卷若人若鬼神不能中害其有宿命之罪不可請辟若拘翼初得佛之處四面若有人直從一面來入若鬼神若禽獸無有能害者若鬼神若禽獸欲來燒人欲來害人終不能中何以故用佛得道處故佛威神所護過去當來今現在佛天中天皆為人中尊恣於其中作佛甫當復出索佛道者皆當於其中得佛道若有人入是處者不恐不怖無所畏懼般若波羅蜜者如是般若波羅蜜所止處一切諸天人民阿須倫鬼神龍皆為作礼恭敬護視用是故般若波羅蜜威神所護釋提桓因白佛言若有天中天般若波羅蜜書者持經卷者自歸作礼承事供養名華



搗香澤香雜香繒絲華蓋旗幡若般  
泥洹後持佛舍利起塔自歸作禮承  
事供養名華搗香澤香雜香繒絲華  
蓋旗幡如是其福何所為多者佛言  
我故問汝拘翼隨所樂報我去何拘  
翼怛薩阿竭阿羅呵三耶三佛薩芸  
若成是身出見怛薩阿竭從何法中  
學得阿耨多羅三耶三佛釋提桓因  
報佛言怛薩阿竭從般若波羅蜜中  
學得阿耨多羅三耶三佛佛語釋提  
桓因不用身舍利從薩芸若中得佛  
怛薩阿竭為出般若波羅蜜中如是  
拘翼薩芸若身從般若波羅蜜中出  
怛薩阿竭阿羅呵三耶三佛薩芸若  
身薩芸若身生我作佛身從薩芸若  
得作佛身從薩芸若生我般泥洹後  
舍利供養如故若有拘翼善男子善  
女人書般若波羅蜜學持誦行自歸  
作禮承事供養好華搗香澤香雜香  
繒絲華蓋旗幡薩芸若則為供養以  
如是拘翼般若波羅蜜寫已作是供  
養經卷善男子善女人從其法中得  
功德無比何以故薩芸若者則為供

養已釋提桓因白佛言如是閻浮利人不供養承事般若波羅蜜者是曹之人為不知其尊耶供養般若波羅蜜者其福尊無比般若波羅蜜者當取供養之佛語釋提桓因云何拘翼閻浮利人中有幾所人信佛信法信比丘僧釋提桓因白佛言閻浮利人少所信佛信法信比丘僧者少少耳及行須陀洹斯陀舍阿那含阿羅漢辟支佛至行佛道者復少少耳佛言如是拘翼少少耳人至有索佛道行求佛道者甚多至其然後作佛少少耳如是不可計阿僧祇人初行求佛道至其然後從其中出若一若兩在阿惟越致地住耳如是拘翼是善男子善女人行求佛道會後成佛如是佛言善男子善女人學般若波羅蜜者持經者誦經者當為作禮承事恭敬何以故用曉般若波羅蜜中事故少有過去時怛薩阿竭阿羅呵三耶三佛過去時菩薩行佛道者皆於般若波羅蜜中學成我時亦共在其中學怛薩阿竭般泥洹後諸菩薩摩訶

薩志當受是般若波羅蜜拘翼善男子善女人但薩阿竭般泥洹後取舍利起七寶塔供養盡形壽自歸作禮承事持天華天搗香天澤香天雜香天繒天蓋天幡如是於拘翼意云何善男子善女人作是供養其福寧多不釋提桓因言甚多甚多天中天佛言不如是善男子善女人書般若波羅蜜持經卷自歸作禮承事供養名華搗香澤香雜香繒絲華蓋旗幡得福多也

佛言置是塔拘翼若復有閻浮利滿中七寶塔若有善男子善女人盡形壽自歸作禮承事供養天華天搗香天澤香天雜香天繒天蓋天幡云何拘翼是善男子善女人其福寧多不釋提桓因言甚多甚多天中天佛言不如是善男子善女人書般若波羅蜜持經卷自歸作禮承事供養名華搗香澤香雜香繒絲華蓋旗幡得福多佛言置閻浮利所作事拘翼滿四天下一七寶塔若有善男子善女人盡形壽自歸作禮承事供養天華天搗香

天澤香天雜香天繒天蓋天幡其福  
寧多不釋提桓因言甚多甚多天中  
天佛言不如是善男子善女人書般  
若波羅蜜持經卷自歸作禮承事供  
養名華搗香澤香雜香繒絲華蓋旗  
幡得福多

佛言置四天下塔拘翼譬如一天下  
復次一天下如是千天下四面皆滿  
其由七寶塔若有善男子善女人盡  
形壽自歸作禮承事供養天華天搗  
香天澤香天雜香天繒天蓋天幡云  
何拘翼其福寧多不釋提桓因言甚  
多甚多天中天佛言不如是善男子  
善女人書般若波羅蜜持經卷自歸  
作禮承事供養名華搗香澤香雜香  
繒絲華蓋旗幡得福多佛言復置千  
天下拘翼如是中二千天下四面皆  
滿其中七寶塔若有善男子善女人  
盡形壽自歸作禮承事供養天華天  
搗香天澤香天雜香天繒天蓋天幡  
云何拘翼其福寧多不釋提桓因言  
甚多甚多天中天佛言不如是善男  
子善女人書般若波羅蜜持經卷自

歸作礼承事供養名華搗香澤香雜  
香繒綵華蓋旗幡得福多佛言復置  
是中二千天下拘翼若三千天下四  
面皆滿其中七寶塔若有善男子善  
女人盡形壽自歸作礼承事供養天  
華天搗香天澤香天雜香天繒天蓋  
天幡云何拘翼是善男子善女人其  
福寧多不釋提桓因言甚多甚多天  
中天佛言不如是善男子善女人書  
般若波羅蜜持經卷自歸作礼承事  
供養名華搗香澤香雜香繒綵華蓋  
旗幡得福多

佛言復置是三千天下七寶塔拘翼  
若三千大國土中薩和薩皆使得人  
道了了皆作人已今人人作七寶塔  
是輩人盡形壽供養持諸伎樂諸華  
諸搗香諸澤香諸雜香若干百種香  
諸繒諸蓋諸幡復持天華天搗香天  
澤香天雜香天繒天蓋天幡如是等  
薩和薩及三千大國土中薩和薩志  
起是七寶塔皆是伎樂供養云何拘  
翼其功德福祐寧多不釋提桓因言  
作是供養者其福祐功德甚多甚多



天中天佛言不如是善男子善女人  
書般若波羅蜜持經卷自歸作禮承  
事供養名華搗香澤香雜香繒綵華  
蓋旗幡得福多

釋提桓因白佛言如是天中天極安  
隱般若波羅蜜天中天自歸作禮承  
事供養過去當來今現在佛天中天  
薩芸若則為供養作禮承事自歸為  
志供養至佛言置是三千大國土中  
七寶塔復如一恒邊沙佛國土一一薩  
和薩志起作七寶塔皆供養一切復  
過一切皆持天華天搗香天澤香天  
雜香天繒天蓋天幡都盧天上天下  
諸伎樂持供養如是拘翼其福祐切  
德寧多不釋提桓因言甚多甚多天  
中天佛言不如是善男子善女人書  
般若波羅蜜持經卷自歸作禮承事  
供養名華搗香澤香雜香繒綵華蓋  
旗幡得福多

佛語釋提桓因如是拘翼不如是善  
男子善女人從法中得福極多不可  
復計不可復議不可復稱不可復量  
不可復極何以故從般若波羅蜜中



出怛薩阿竭阿羅呵三耶三佛薩芸  
若如是拘翼善男子善女人書般若  
波羅蜜持經卷自歸作札承事供養  
名華搗香澤香雜香繒綵華蓋旗幡  
如是拘翼功德所致福祐所致及前  
世功德所致佛福祐所致佛言百倍  
恒邊沙佛國中薩和薩皆起七寶塔  
不在計中千倍不在計中百千倍不  
在計中萬億倍不在計中無數倍不  
在般若波羅蜜供養計中

今時四万天人與釋提桓因共來大  
會諸天人謂釋提桓因言尊者當取  
般若波羅蜜當誦誦般若波羅蜜佛  
語釋提桓因當學拘翼般若波羅蜜  
當持經卷當誦誦何以故阿湏倫心  
中作是生念欲與忉利天共鬪阿湏  
倫即起兵上天是時拘翼當誦念般  
若波羅蜜阿湏倫兵衆即還去釋提  
桓因因白佛言極大祝天中天般若  
波羅蜜極尊祝般若波羅蜜无有輩  
祝般若波羅蜜

佛言如是拘翼極大祝般若波羅蜜  
極尊祝般若波羅蜜無有輩祝般若

波羅蜜拘翼持是祝者過去諸怛  
薩阿竭阿羅呵三耶三佛皆從是祝  
自致作佛爾當來諸怛薩阿竭阿羅  
呵三耶三佛皆學是祝自致作佛今  
現在十方諸佛皆起是祝自致作佛  
拘翼是祝故出十誠功德照明於天  
下四禪四諦四神足般遮旬照明於  
世間菩薩摩訶薩從般若波羅蜜中  
生十誠功德世間悉遍至四禪四諦  
四神足般遮旬悉照明於世間今怛  
薩阿竭阿羅呵三耶三佛未出世間  
時菩薩悉照明四禪四諦四神足般  
遮旬譬如月盛滿時拘翼從空中出  
照明於星宿如是拘翼菩薩行功德  
盛滿亦如是怛薩阿竭未出世間時  
菩薩為出照明菩薩摩訶薩皆從遍  
悉拘舍羅般若波羅蜜中出當作  
是知

復次拘翼若有善男子善女人持般  
若波羅蜜學誦者為至德志具足釋  
提桓因問佛言天中天何謂至德志  
具足佛言其人終不中毒死不於水  
中溺死不為兵刃所中死若時有縣

官起若橫為縣官所侵當誦念般若  
波羅蜜若坐若經行時縣官終不能  
危害何以故般若波羅蜜所擁護故  
若復有餘事志當誦念般若波羅蜜  
往至彼間若王所若太子傍目所便  
與共好語與共談言與共笑歡喜何  
以故用學般若波羅蜜故念善思善  
一切人民蛸飛蠕動志令其善持等  
心閑傷慈哀用是故人見之志起立  
如是拘翼若有索方便者不能危害  
今時有異道人遙見佛大會稍稍前行  
欲壞乱坐稍來至佛所釋提桓因作  
是念當去何盡我壽常在佛邊受誦  
般若波羅蜜異道人欲乱我斷是法  
釋提桓因從佛所聞般若波羅蜜即  
受誦彼異道人即遙遠遠繞佛一匝  
便從彼間道徑去舍利弗作是念是  
中云何令異道人從彼間道徑便去  
舍利弗心所念佛即知佛語舍利弗  
釋提桓因念般若波羅蜜如是異道  
人便還去異道人無有善意來都盧  
持惡意來故是弊魔便作是念怛薩阿  
竭阿羅呵三耶三佛與四部弟子共

坐欲天梵天及諸天人志復在其中  
會無有異人志菩薩摩訶薩受決者  
會當為人中之將自致成佛我當  
行欲壞亂之弊魔乘一轆之車駕四  
馬稍稍前行至佛所釋提桓因作是  
念弊魔乘四馬之車來欲到佛所是  
弊魔車馬元異非國王泝沙四馬車  
不類亦非國王波斯匿四馬車不類  
亦非釋種四馬車不類亦非墮舍利  
四馬車不類是弊魔所作晝夜弊魔  
常索佛便常亂世間人釋提桓因常  
作是願我會當念般若波羅蜜常念  
常持心調誦究竟釋提桓因心中誦  
念般若波羅蜜且欲究竟弊魔便復  
道還去

忉利迦翼天人持天華飛在空中立  
便散佛上及散四面言般若波羅蜜  
斷絕甚久閻浮利人乃得聞乃得見  
便復持天華若干種四面散佛上佛  
言其有行般若波羅蜜者守般若波  
羅蜜者亦不為魔及魔官屬所得便  
釋提桓因白佛言是輩人其福祐功  
德不小聞般若波羅蜜者何況乃學

持誦念學已持已誦已取學如是用  
是法住其人前世時見佛般若波羅  
蜜耳聞者何況乃學持誦學已持已  
誦已行如中事如是法住具足則為  
供養怛薩阿竭已是人如是何以故  
薩芸若從是行般若波羅蜜譬如天  
中天欲得極大寶者當從大海索之  
欲得薩芸若珍寶成怛薩阿竭阿羅  
呵三耶三佛者當從般若波羅蜜中  
索之佛言如是從其中出怛薩阿竭  
阿羅呵三耶三佛薩芸若

阿難白佛言無有說檀波羅蜜者亦  
不說尸波羅蜜亦不說羼提波羅蜜  
亦不說惟逮波羅蜜亦不說禪波羅  
蜜亦无有說是名者但共說般若波  
羅蜜者何以故天中天佛語阿難般  
若波羅蜜於五波羅蜜中最尊云何  
阿難不作布施當何緣為檀波羅蜜  
薩芸若不作戒當何緣為尸波羅蜜  
不作忍辱當何緣為羼提波羅蜜不  
作精進當何緣為惟逮波羅蜜不作  
一心當何緣為禪波羅蜜不作智慧  
當何緣為般若波羅蜜薩芸若阿難

言如是天中天不行布施不為檀波羅蜜  
羅蜜菩薩若不行戒不為尸波羅蜜  
不行忍辱不為羣提波羅蜜不行精進  
不為惟逮波羅蜜不行一心不為禪波羅蜜  
不行智慧不為般若波羅蜜佛言如是  
阿難般若波羅蜜於五波羅蜜中  
最尊譬如極大地種散其中同時俱  
出其生大株如是阿難般若波羅蜜  
者是地五波羅蜜者是種從其中生  
薩婆若者從般若波羅蜜成如是阿  
難般若波羅蜜於五波羅蜜中極大  
尊自在所教釋提桓因白佛言怛薩  
阿竭阿羅呵三耶三佛所說善男子  
善女人功德未竟學般若波羅蜜者  
持者誦者云何佛語釋提桓因我不  
說行者功德未竟我自說善男子善  
女人書般若波羅蜜者持經卷自歸  
作禮承事供養名華搗香澤香雜香  
繒綵華蓋旗幡我說是供養功德耳  
釋提桓因白佛言我身自護視善男  
子善女人書般若波羅蜜者持經卷  
自歸作禮承事供養名華搗香澤香



雜香繒綵華蓋旗幡我護是供養功德耳佛語釋提桓因善男子善女人誦般若波羅蜜者若干天人到經師所聽法不解於法中諸天人適欲問法師天神語之用慈於法中故其人即自了知諸天所不解者便自解善男子善女人所作功德志自見知復次拘翼善男子善女人書般若波羅蜜於四部弟子中說時其心都盧無所難若有形者若欲試者終不畏何以故般若波羅蜜所擁護故其所欲形試者便自去佛云我不見人當般若波羅蜜者人亦不見般若波羅蜜般若波羅蜜所獸伏善男子善女人无有敢輕者心亦不忍不怖懼亦无所畏善男子善女人所作功德志自了見復次拘翼是善男子善女人父母皆重若沙門道人皆哀若知識兄弟外家宗親皆尊貴敬愛之或時說惡事者持中正法為解之是善男子善女人所作功德志自見之復次拘翼善男子善女人書般若波羅蜜持經卷者天上四天王天上諸

天人索佛道者往到彼所問評聽受  
般若波羅蜜作禮遶竟以去忉利天  
上諸天人索佛道者往到彼所問評  
聽受般若波羅蜜作禮遶竟已去鹽  
天上諸天人索佛道者往到彼所問  
評聽受般若波羅蜜作禮遶竟已去  
善男子善女人心當作是知十方無  
央數佛國諸天人諸龍阿須倫諸閼  
叉鬼神諸迦樓羅鬼神諸甄陀羅鬼  
神諸乾陀羅鬼神諸摩睺勒鬼神諸  
人諸非人都盧賜來到是間問評法  
師聽受般若波羅蜜作禮繞竟各自  
去皆賜功德无異兜術陀天上諸天  
人索佛道者往到彼所問評聽受般  
若波羅蜜作禮繞竟以去摩羅提  
羅憐耨天上諸天人索佛道者往到  
彼所問評聽受般若波羅蜜作禮繞  
竟已去波羅厘蜜和邪拔致天上諸  
天人索佛道者往到彼所問評聽受  
般若波羅蜜作禮遶竟已去梵天上  
諸天人索佛道者梵迦夷天梵弗還  
天梵波廬天摩呵梵天盧天波利陀  
天廬波摩那天阿會亘修天首呵天

波栗多修呵天阿波摩修天修乾天  
惟呵天波栗惟呵天阿波修天惟于  
潘天阿惟潘天阿陀波天須臾天須  
臾祇釋天阿迦貳吒天等天上諸天  
人皆往到彼所問訊聽受般若波羅  
蜜作禮遶竟已各自去及諸阿迦貳  
吒天尚志來下在諸天輩中何況拘  
翼三千大國土諸欲天人諸色天人  
志來問訊聽受般若波羅蜜作禮遶  
已畢竟各各自去

是彼善男子善女人彼所止處當完  
堅無有燒者除其宿罪不請餘不能  
動善男子善女人其功德志受得是  
時諸天人來當知之釋提桓因言云  
何天中天善男子善女人當作是了  
知諸天人來到是間聽受般若波羅  
蜜作禮承事佛言善男子善女人當  
作是知諸天人來受般若波羅蜜作  
禮承事何用知諸天人來時或時善  
男子善女人歡喜踊躍意喜時知諸  
天人來以知當捨去若天若龍若閼  
叉鬼神若甄陀羅鬼神來到彼間復  
次拘翼善男子善女人聞鬼神香以

為曾知善男子善女人小鬼神當避  
起去大鬼神來前復次拘翼善男子  
善女人常當淨潔身體用淨潔身體  
故鬼神皆大歡喜小天見大天來到  
避去大尊天威神巍巍其光重明稍  
稍安徐往是天人至師經所入至經所  
已善男子善女人則踊躍歡喜所止  
處志當淨潔住善男子善女人病終  
不著身所止處常安隱未常有惡夢  
夢中不見餘但見佛但見塔但聞般  
若波羅蜜但見諸弟子但見極過度  
但見佛坐但見自然法輪但見且欲  
成佛時但見諸佛成得佛已但見新  
自然法輪但見若干菩薩但見六波  
羅蜜種種解說但見當作佛但見餘  
佛國但見了了佛尊法無有與等者  
但見某方某國土怛薩阿竭阿羅呵  
三耶三佛若干百弟子若干千弟子  
若干万弟子怛薩阿竭阿羅呵三耶  
三佛在其中說法

拘翼善男子善女人夢如是見已安  
隱覺身體淨潔且輕不欲復思食身  
自軟美飽拘翼譬如比丘得禪從禪

覺軟心不大思食自軟美飽如是拘翼善男子善女人覺已不大思食自想身軟美飽何以故拘翼鬼神不敢近氣故欲取佛者其功德志自見欲取佛者當學般若波羅蜜當持當誦正使不學不持不誦善男子善女人但書寫持經卷自歸作禮承事供養名華搗香澤香雜香繒綵華蓋旗幡復次拘翼或時閻浮利地上怛薩阿竭舍利滿其中施與般若波羅蜜書已舉施與欲取何所釋提桓因言寧取般若波羅蜜何以故我不敢不敬舍利天中天從中出舍利供養般若波羅蜜中出舍利從中得供養如我有時與諸天共於天上坐持異特座乃至自我座敢有天人來至我所承事我我未及至座所我不坐上時諸天人皆為我坐作禮遶竟已便去是坐尊釋提桓因於是間坐受法忉利天上諸天人為作禮如是天中天般若波羅蜜出怛薩阿竭阿羅呵三耶三佛舍利薩芸若之智慧從中出生身用是故天中天兩分之中取般若

波羅蜜除是閻浮利地上滿其中但  
薩阿竭舍利正使天中天三千大國土  
滿其中舍利為一分般若波羅蜜經為  
二分我從二分中取般若波羅蜜何  
以故從中出舍利供養所致譬如負  
債人天中天與王相隨出入王甚敬  
重之無有問者亦无所畏何以故在  
王邊有威力故天中天從般若波羅  
蜜中出舍利從中出供養是經天中  
天如王般若波羅蜜譬如王雄猛  
得供養但薩阿竭舍利從薩芸若中  
出生得供養如是天中天薩芸若但  
薩阿竭阿羅呵三耶三佛從般若波  
羅蜜中出生當作是知兩分中我取  
般若波羅蜜

般若波羅蜜受持者譬如無價摩尼  
珠天中天有是寶無有與等者若持  
有所著所著處者鬼神不得其便不  
為鬼神所中害若男子若女人持摩  
尼珠著其身上鬼神即走去若中熱  
持摩尼珠著身上其熱即除去若中  
風持摩尼珠著身上其風不增即除  
去若中寒持摩尼珠著身上其寒不



復增即除去夜時持摩尼珠著冥中  
即時明熱時持摩尼珠所著處即為  
涼寒時持摩尼珠所著處即為熱所  
至處毒皆不行餘他輩亦介中有為  
她所齧者若男子若女人持摩尼珠  
示之見摩尼珠毒即去如是天中天  
摩尼珠極尊若有人病若目痛若目  
冥持摩尼珠近眼眼病即除愈如是  
天中天摩尼珠德巍巍自在持著何  
所著水中水便隨作摩尼珠色持繒  
裹著水中水便如摩尼珠色正使持  
若干種繒裹著水中水便如摩尼珠  
色水濁即為清摩尼珠德無有比  
阿難問釋提桓因云何拘翼天上亦  
有摩尼珠閻浮利地上亦有摩尼珠  
釋提桓因語阿難言天上亦有摩尼  
珠閻浮利地上亦有摩尼珠不足言  
如我所說異閻浮利地上寶輕耳不  
如彼珠德尊十倍百倍千倍万倍億  
億万倍我所語摩尼珠者有所著處若  
篋中若函中其光明倍徹出正使舉  
珠出去餘處續明如故般若波羅蜜薩  
芸若之德至怛薩阿竭阿羅呵三耶

三佛般泥洹去舍利供養如故薩芸  
若舍利遍分布天下供養如故

復次阿難十方無央數佛國現在諸  
佛欲見者善男子善女人當行般若  
波羅蜜當守般若波羅蜜佛語釋提  
桓因如是拘翼過去時怛薩阿竭阿  
羅呵三耶三佛皆從般若波羅蜜中  
出為人中之將自致成作佛如是出  
生甫當來怛薩阿竭阿羅呵三耶三  
佛悉從般若波羅蜜中出為人中之  
將自致成作佛復如十方無央數佛  
國今現在諸佛亦從般若波羅蜜中  
出為人中之將自致成作佛釋提桓  
因白佛言摩訶波羅蜜天中天一切  
人民蛸飛蠕動之類心所念怛薩阿  
竭阿羅呵三耶三佛從般若波羅蜜  
悉了知佛言用是故菩薩摩訶薩晝  
夜行般若波羅蜜

釋提桓因言但行般若波羅蜜不行  
餘波羅蜜耶佛言都盧六波羅蜜皆  
行菩薩摩訶薩般若波羅蜜於菩薩  
摩訶薩最尊菩薩與布施般若波羅  
蜜出上持戒忍辱精進一心分布諸

經教人不及菩薩摩訶薩行般若波  
羅蜜也拘翼譬如閻浮利地上種種  
好樹若色種種各異葉葉各異華華  
各異實實各異種種枝枝其影無有  
異其影如一影相類如是拘翼五波  
羅蜜從般若波羅蜜出般若波羅蜜  
出薩芸若種種展轉相得无有異  
釋提桓因白佛言極大尊德般若波  
羅蜜天中天不可計德般若波羅蜜  
天中天無有極與等者般若波羅蜜  
天中天若有書般若波羅蜜者持經  
卷自歸作礼承事供養名華搗香澤  
香雜香繒綵華蓋旗幡若有書經與  
他人者其福何所為多者佛言我故  
問若拘翼自恣說云何若有怛薩阿  
竭舍利自供養復分布與他人令供  
養若復有舍利自供養亦不分與他  
人其福何所多者

釋提桓因言天中天善男子善女人  
自供養舍利復分布與他人其福大  
多佛言如是拘翼善男子善女人書  
般若波羅蜜持經卷自歸作礼承事  
供養名華搗香澤香雜香繒綵華蓋

旗幡復分布與他人其福大多

復次拘翼法師所至到處輒說經法其德其福甚大多

復次拘翼閻浮利人若善男子善女人皆令持十戒云何拘翼其福寧多不釋提桓因言甚多甚多天中天佛言不如是善男子善女人書般若波羅蜜者持經卷與他人使書若為讀之其福倍益多復次拘翼置四天下諸小國土中國土千國土二千國土三千大國土如恒邊沙佛國人善男子善女人皆令持十戒云何拘翼其福寧多不

釋提桓因言甚多甚多天中天佛言不如是善男子善女人書般若波羅蜜者持經卷與他人使書若為讀其福倍益多

復次拘翼閻浮利人善男子善女人皆令行四禪四諦四神足及行般遮旬云何拘翼其福寧多不釋提桓因言甚多甚多天中天佛言不如是善男子善女人書般若波羅蜜者持經卷與他人使書若為讀其福倍益多

復次拘翼置閻浮利四天下小國土  
中國土千國土二千國土三千大國  
土如恒邊沙佛國人善男子善女  
人皆令行四禪四諦四神足及行  
般遮旬皆令成得云何拘翼其福  
寧轉倍多不釋提桓因言大甚多大  
甚多天中天

佛言不如是善男子善女人書般若  
波羅蜜者持經卷與他人使書若為  
讀其福轉倍多

復次拘翼持般若波羅蜜經卷授與  
他人使書若令學若自學其福甚  
倍多

復次拘翼若有人自學般若波羅蜜  
解中慧其福甚倍多

釋提桓因白佛言天中天云何學般  
若波羅蜜學解中慧其福甚倍多釋  
提桓因白佛言天中天云何學般若  
波羅蜜解中慧佛言善男子善女人  
不曉學何以故有當來善男子善女  
人欲得阿耨多羅三耶三菩阿惟三  
佛喜樂學般若波羅蜜反得惡知識  
教枝掖般若波羅蜜釋提桓因問佛

言何等為枝掖般若波羅蜜佛言甫當來世比丘得般若波羅蜜欲學惡知識反教學色無常行色無常作是曹學行般若波羅蜜痛痒思想生死識學無常行識無常作是曹學行般若波羅蜜拘翼是為枝掖般若波羅蜜佛言行般若波羅蜜者不壞色無常視不壞痛痒思想生死識無常視何以故本無故拘翼般若波羅蜜當黠慧學其福倍益多

復次拘翼置閻浮利地上三千大國土如恒邊沙佛國人若善男子善女人皆令得須陀洹道云何拘翼其福寧多不

釋提桓因言甚多甚多天中天佛言不如是善男子善女人書般若波羅蜜者持經卷與他人使書若令學若為讀其福倍益多何以故須陀洹道皆從般若波羅蜜中出生故

復次拘翼閻浮利人若善男子善女人皆教令得斯陀含阿那含阿羅漢皆令成就云何拘翼其福寧轉倍多不釋提桓因言甚多甚多天中天佛



言不如是善男子善女人書般若波  
羅蜜者持經卷與他人使書若令學  
若為讀其福倍益多何以故薩芸若  
德成法德一切從般若波羅蜜中學  
成佛便出生須陀洹道斯陀含道阿  
那含道阿羅漢道辟支佛道

置閻浮利拘翼置三千大國土如恒  
邊沙佛國中人若善男子善女人皆  
令得須陀洹道斯陀含道阿那含道  
阿羅漢道辟支佛道

云何拘翼其福寧多不釋提桓因言  
甚多甚多天中天

佛言不如是善男子善女人書般若  
波羅蜜者持經卷與他人使書若令  
學若為讀其福倍益多何以故皆從  
般若波羅蜜中學得成薩芸若成法  
德用是故得佛出生須陀洹道斯陀  
含道阿那含道阿羅漢道辟支佛道  
用是故其福轉倍多

復次拘翼閻浮利人都盧皆使行佛  
道已信入佛道學佛道心已生若善男  
子善女人持般若波羅蜜經卷與他  
人使書若令學若為說及至阿惟越

致菩薩書經卷授與之其人當從是  
學深入般若波羅蜜中學智慧般若  
波羅蜜轉增多守無有極智志成就  
得其福轉倍多置閻浮利拍翼三千  
大國土及如恒邊沙佛國中人行  
阿耨多羅三耶三菩皆發意行佛道  
若善男子善女人持般若波羅蜜經  
卷與他人使書若令學若為說及至  
阿惟越致菩薩書經卷授與其人當  
從是學深入般若波羅蜜中學智慧  
般若波羅蜜轉增多守無有極智志  
成就得其福轉倍多

復次拘翼閻浮利人都盧皆行阿耨  
多羅三耶三菩阿耨多羅三耶三菩  
者皆發意求佛若善男子善女人持  
般若波羅蜜經卷與他人使書為解  
說其中慧教令學及至阿惟越致菩  
薩摩訶薩持般若波羅蜜經卷授與  
使入點慧中其福轉倍多置閻浮利  
三千大國土及至恒邊沙佛國中人  
皆行阿耨多羅三耶三菩阿耨多羅  
三耶三菩者皆發意求佛若善男子  
善女人持般若波羅蜜經卷與他人

使書令學入點慧中者若有阿惟越致菩薩摩訶薩持般若波羅蜜經卷為書授與使學入點慧中其福轉倍多

復次拘翼閻浮利人都盧皆令行阿惟越致菩薩阿耨多羅三耶三菩若有善男子善女人教入般若波羅蜜中云何拘翼其福寧多不釋提桓因言甚多甚多天中天佛言從是輩中若有一菩薩出便作是言我欲疾作佛正使欲疾作佛若有人持般若波羅蜜經卷書授與者其福轉倍多置閻浮利三千大國土乃至恒邊沙佛國中人都盧皆令行阿惟越致菩薩阿耨多羅三耶三菩若有善男子善女人教入般若波羅蜜中云何拘翼其福寧多不

釋提桓因言甚多甚多天中天佛言若有一菩薩從其中出便作是言我欲疾作佛正使欲疾作佛若有人持般若波羅蜜經卷書授與者其福轉倍多

釋提桓因白佛言如是天中天極安

隱菩薩摩訶薩疾近佛般若波羅蜜  
若教人若授與人其福轉倍多何以  
故天中天佛言其得般若波羅蜜疾  
近佛者近佛座須菩提語釋提桓因言  
善哉善哉拘翼當所為尊弟子菩薩  
摩訶薩作是受疾作佛所為作者當  
如佛弟子從中出是輩人不索佛道  
者菩薩摩訶薩不當於其中學六波  
羅蜜不學是法不得作佛隨法學疾  
作阿耨多羅三耶三佛在所問

道行般若經卷第二

比丘 煮

已亥歲高麗國大藏都監奉  
勅彫造

道行般若經卷第三

八  
淡

後漢月支國三藏支婁迦讖譯

摩訶般若波羅蜜遍起拘留羅勸助品第四

今時弥勒菩薩謂須菩提若有菩薩  
摩訶薩勸助為福出人布施持戒自  
守者上其福轉尊極上無過菩薩摩  
訶薩勸助福德須菩提謂弥勒菩薩  
復有菩薩摩訶薩於阿僧祇刹土諸  
佛所而作功德一一刹土不可計佛  
其般泥洹者乃從本發意已來自致  
阿耨多羅三耶三菩成至阿惟三佛  
者乃至无餘泥洹界而般泥洹者然  
後至于法盡於是中所作功德其功  
德度無極及諸聲聞作布施持戒自  
守為福於有餘功德自致无餘諸有  
般泥洹佛於其中所作功德至有淨  
戒身三昧身智慧身已脫身脫慧所  
現身佛法極大氣不可計佛天中天  
所說法於其法中復學諸所有功德  
乃於諸般泥洹佛所作功德都計之  
合之勸助為尊種種德中為極是上  
其勸助者是為勸助勸助已持作阿

縛多羅三耶三苦以是為阿耨多羅  
三耶三苦者。是菩薩有德之人。持心  
能作。是求阿耨多羅三耶三苦。乃至  
作。是心欲有所得。彌勒菩薩語。須苦  
提。其不作。是求。乃能有所得其作。思  
想者。以為無點生。是意用思想。悔還  
用信。悔還。但用无點。故還墮四顛倒  
無常。謂有常。苦。謂有樂。空。謂有實。无  
身。謂有身。以故思想。悔還。心悔還。信  
悔還。菩薩不當作。是念。心有所求。於所  
求無處。所云何求。阿耨多羅三耶三  
苦。彌勒菩薩謂。須苦提。不當於新學  
菩薩。摩訶薩。前說是語。何以故。或亡  
所信。亡所樂。亡所喜。亡所行。便從是修  
當為阿惟越致菩薩。摩訶薩。說之。若  
久在善師邊者。當為是菩薩。摩訶薩。  
可說。聞者。不恐。不怖。不畏。是菩薩。摩  
訶薩。能勸助。為作。薩芸若。持心。作。是  
勸助。心。亦盡滅。無所有。无所見。何等  
心。當作阿耨多羅三耶三苦者。當以  
何心。作之心。無兩對心之自然。乃能  
所作。釋提桓因。語。須苦提。新學菩薩  
摩訶薩。聞。是。或恐。或怖。若菩薩。摩訶



薩欲作功德者當云何勸助其福德  
作阿耨多羅三耶三菩須菩提語彌  
勒菩薩當作護是菩薩摩訶薩於諸  
佛所破壞衆惡而斷愛欲等行如一  
降伏魔事棄捐重擔是即自從所有  
勤苦忠為已盡其知已脫心即從計  
從阿僧祇剎土諸佛般涅槃日者於  
其中所作功德福於諸聲聞中復作  
功德都計之令之勸助為尊種種德中  
無過勸助其勸助者能為勸助勸助  
已持作阿耨多羅三耶三菩何所是  
菩薩摩訶薩想不悔還心不悔還所信  
不悔還正使菩薩摩訶薩持心作阿  
耨多羅三耶三菩其心無所想者是  
菩薩摩訶薩心得作阿耨多羅三耶  
三菩正使心念自了知是心則為是  
作是為想悔還心悔還所信悔還正  
使菩薩摩訶薩持心了知當作是學  
知盡无所有知盡者當持何心有所  
作當了知心何所心法於法有所作  
如法者為隨法已於作真為是作即  
非邪作是菩薩摩訶薩所作若有菩  
薩摩訶薩於過去當來今現在佛所

作功德若諸聲聞下至凡人所作功德若畜生聞法者及諸天龍闍叉健陀羅阿須倫迦樓羅甄陀羅摩睺勒諸人若非人聞法者發心所作功德及初學菩薩道者都計之合之積累為上其勸助者能為勸助是以極尊種種德中無過勸助是故勸助所當勸助能為勸助持勸助福用作阿耨多羅三耶三菩正使復知是為盡法於法無所生所滅无處所持無所生法得作阿耨多羅三耶三菩是法不與法有反用作阿耨多羅三耶三菩故是為無想不悔還心亦不悔還所信不悔還作是无所求衆所不逮是為阿耨多羅三耶三菩所作

若有菩薩摩訶薩不諦曉了知作福德者所以者何於身恍忽於勸助福亦復恍忽菩薩了知恍忽无所有是故為菩薩摩訶薩般若波羅蜜若於諸般泥洹佛所而作功德持是功德欲作所求其智自然能為阿耨多羅三耶三菩諸佛天中天所知不著想過去已滅亦無有想而不作想其作

想者為非德菩薩摩訶薩當學漚𩇛  
拘舍羅未得般若波羅蜜者不得入  
已得般若波羅蜜乃得入勿為身作  
識用之有滅以是故無有身有德之  
人有想便尋反欲苦住怛薩阿竭阿  
羅訶三耶三佛不樂作是德持用勸  
助何以故用不正故視般泥洹佛而  
反有想以是故為尋所作功德為不  
及逮為反苦住其不作想者是怛薩  
阿竭阿羅訶三耶三佛之德其作想  
者譬若雜毒何以故若設美飯以毒  
著中色大甚好而香无不喜者不知  
飯中有毒愚闇之人食之歡喜飽滿  
食欲消時久久大不便身不知行德  
者甚之為難不曉將護不曉誦讀不  
曉中事不能解知作是行德者為如  
雜毒之食佛語善男子善女人過去  
當來今現在佛持戒身三昧身智慧  
身已脫身脫慧所現身及於聲聞中  
所作功德佛天中天所說若復於辟  
支佛所而作功德都勸助之勸助已  
持是福德作阿耨多羅三耶三菩提所  
作為想用是故譬若雜毒菩薩摩訶

薩當作是學何所過去當來今現在  
佛功德當云何勸助作福成得阿耨  
多羅三耶三菩是菩薩隨恒薩阿竭  
教者是即為作知佛功德所生自然  
及其相法所有持是福作勸助因其  
勸助自致得阿耨多羅三耶三菩菩  
薩摩訶薩作是施者無有過上終  
不離恒薩阿竭阿羅呵三耶三佛作  
是施者為不雜毒恒薩阿竭阿羅訶  
三耶三佛所說皆至誠

復次菩薩摩訶薩當作是施如淨戒  
如三昧如智慧如已脫如脫慧所現  
身無欲界无色界無欲无色界亦無  
過去當來今現在亦元所有所作施  
亦復無所有其作是施為已如法法  
亦無所有作是施者為成所施无有  
雜毒其作異施者為作反施是菩薩  
摩訶薩所施以如法者佛天中天所  
知是則為施得作阿耨多羅三耶三  
菩佛言善哉善哉須菩提所作為如  
佛是則為菩薩摩訶薩所施三千大  
千國土人悉念慈哀護等心無過菩  
薩摩訶薩上頭所施是即為極尊

復次須菩提三千大千國土人悉作  
阿耨多羅三耶三菩便如恒邊沙佛  
刹人皆供養是菩薩震越衣服飲食  
牀卧具病瘦醫藥如恒邊沙劫供養  
隨其喜樂作是布施云何須菩提其  
福寧多不須菩提言甚多甚多天中  
天佛言勸助功德福過其上不可計  
須菩提白佛言代勸助功德福者如  
恒邊沙佛刹不能悉受佛語善哉善  
哉我須菩提若有菩薩持般若波羅蜜  
者所作施為過其本所布施上已無  
能過勸助所施上百倍千倍万倍億  
倍巨億万倍

今時四王天上二万人悉以頭面  
著佛足皆白佛言極大施天中天菩  
薩摩訶薩遍起拘舍羅乃作是施其  
功德甚大尊何以故是菩薩摩訶薩  
學般若波羅蜜於中勸助故一切利天  
上諸天人持天華名香搗香澤香雜  
香燒香天繒華蓋幢幡伎樂持用供  
養娛樂佛供養已皆白佛言極大施  
天中天菩薩摩訶薩遍起拘舍羅乃  
作是施大德之功德何以故是菩薩



摩訶薩學般若波羅蜜於中勸助故  
炎天上諸天人持天華名香搗香澤香  
雜香燒香天繒華蓋幢幡伎樂持用供  
養娛樂佛供養已皆白佛言極大施天  
中天菩薩摩訶薩遍起拘舍羅乃作  
是施極大德之功德何以故是菩薩  
摩訶薩學般若波羅蜜於中勸助故  
堯術天上諸天人持天華名香搗香  
澤香燒香天繒華蓋幢幡伎樂持用  
供養娛樂佛供養已皆白佛言極大  
施天中天菩薩摩訶薩遍起拘舍羅  
乃作是施極大德之功德何以故是  
菩薩摩訶薩學般若波羅蜜於中勸  
助故凡摩羅提天上諸天人持天華  
名香搗香澤香雜香燒香天繒華蓋  
幢幡伎樂持用供養娛樂佛供養已  
皆白佛言極大施天中天菩薩摩訶  
薩遍起拘舍羅乃作是施極大尊之  
功德何以故是菩薩摩訶薩學般若  
波羅蜜於中勸助故波羅蜜在耶  
拔致天上諸天人持天華名香搗香  
澤香雜香燒香天繒華蓋幢幡伎樂  
持用供養娛樂佛供養已皆白佛言



極大施天中天菩薩摩訶薩遍愍拘  
舍羅乃作是施極大尊之功德何以  
故是菩薩摩訶薩學般若波羅蜜於  
中勸助故梵天梵迦夷天梵富樓天  
梵波利產天摩訶梵天瘟天波利陀  
天瘟波摩那天安會且修天首訶天  
波利首訶天訶波摩首訶天首訶迦  
天比伊潘羅天阿比耶陀天須陀施  
足天乃至阿迦戴吒天等諸天人志  
以頭面著佛足皆言甚善天中天菩  
薩摩訶薩學般若波羅蜜極為大施  
之功德何以故是菩薩摩訶薩學般  
若波羅蜜於中勸助故佛語首陀衛  
諸天人置三千大千國土中菩薩摩  
訶薩乃如恒邊沙佛剎人志作阿耨  
多羅三耶三菩復有異恒邊沙佛剎  
人都共供養是輩菩薩摩訶薩震越  
衣被飲食牀卧具病瘦醫藥供養如  
恒邊沙劫隨所喜樂作是施與若復  
過是者不及菩薩摩訶薩勸助之所  
施為過去當來今現在佛淨戒身三  
昧身智慧身已脫身脫慧所現身及  
諸聲聞在其中者所作功德都共計

之合之不及勸助者若勸助者以是極尊無能過者作是勸助勸助已持作阿耨多羅三耶三菩

須菩提白佛言屬天中天所說都共計之合之極尊無過勸助志代勸助勸助已菩薩摩訶薩從是中得何等佛語須菩提菩薩道德之人當知過去當來今現在法無所取亦無所捨亦無所知亦無所得其法者為無所生法亦無有滅法亦無所從生法亦無所從滅於法中了無有生者法亦無所從有而滅是者法之所法我代勸助之是為勸助作是施者疾得作阿耨多羅三耶三菩是故須菩提菩薩摩訶薩勸助為尊

復次須菩提菩薩摩訶薩於過去當來今現在佛所代作布施者勸助之代持戒忍辱精進一心智慧而勸助之代已脫者勸助之代脫慧所現身勸助之作是代勸助其脫者是為布施其脫者是為持戒其脫者是為忍辱其脫者是為精進其脫者是為一心其脫者是為智慧其脫者是為脫

慧其脫者是為脫慧所現身其脫者  
是為已脫其脫者代其勸助其脫者  
是為法是故當來有如其脫者今阿  
僧祇刹土諸佛天中天現在者其脫  
者是即諸佛弟子其脫者以過去諸  
佛弟子其脫者今現在諸佛弟子於  
是法中無著无縛無脫如是法者持  
作阿耨多羅三耶三菩所施為從中  
無有能過者无有能壞者是者須菩  
提菩薩摩訶薩勸助之為尊如恒邊  
沙佛刹中菩薩悉壽如恒邊沙佛劫  
恒邊沙佛刹人都悉供養諸菩薩摩  
訶薩震越衣被飲食牀卧具病瘦醫  
藥乃至恒邊沙劫須菩提皆持戒成  
忍辱於精進而不懈於禪悉得三昧  
百倍千倍万倍億倍若干巨億万倍  
不如勸助之功德福聚尊出其上  
摩訶般若波羅蜜道行經涅槃品第五  
舍利弗白佛言般若波羅蜜者多所  
成天中天因般若波羅蜜無不得字  
者天中天般若波羅蜜為極照明天  
中天般若波羅蜜為去冥天中天般  
若波羅蜜為无所著天中天般若波

羅蜜為極尊天中天無目者般若波  
羅蜜為作眼目天中天其迷惑者般  
若波羅蜜志授道路天中天薩芸若  
者即般若波羅蜜是天中天般若波  
羅蜜者是菩薩摩訶薩母天中天無  
所生无所滅即般若波羅蜜是天中  
天具足三合十二法輪為轉是般若  
波羅蜜天中天般若波羅蜜其困苦  
者志安隱之天中天般若波羅蜜於  
生死作護天中天般若波羅蜜於一  
切法志皆自然菩薩摩訶薩當云何  
於般若波羅蜜中住天中天佛謂舍  
利弗世多羅者因般若波羅蜜住其  
敬佛者當自歸般若波羅蜜釋提桓  
因心念尊者舍利弗何因發是問即  
時釋提桓因謂舍利弗何因尊者乃  
作是問舍利弗謂釋提桓因拘翼般  
若波羅蜜者是菩薩護因其勸助功  
德福持作薩芸若過菩薩之所作為  
若布施持戒忍辱精進禪上辟若如  
人從生而盲若百人若千人若萬人  
若千万人無有前導欲有所至若欲  
入城者不知當如行如是拘翼五波

羅蜜者亦如盲无所見離般若波羅蜜者如是欲入薩芸若中不知當如行般若波羅蜜者即五波羅蜜之護患與眼目般若波羅蜜是護令五波羅蜜各得名字

舍利弗白佛言當云何守入般若波羅蜜中佛語舍利弗色者不見所入痛痒思想生死識亦不見所入視五陰亦不見所入是為守般若波羅蜜如是者天中天以為守般若波羅蜜作是守者為還何法佛語舍利弗無所守是為還法守為般若波羅蜜釋提桓因白佛言般若波羅蜜不還薩芸若者亦不能得逮若所問般若波羅蜜不逮薩芸若亦不能得還亦不還守於生死亦无所還當云何還天中天佛言無所還故能為還釋提桓因言少有及者天中天如般若波羅蜜於諸法無所生无所滅當所可住無所住須菩提白佛言菩薩或時作是念便離般若波羅蜜佛語須菩提菩薩儻有所因於所因便念般若波羅蜜知般若波羅蜜空無所有无近

無遠是故為菩薩摩訶薩般若波羅蜜須菩提白佛言信般若波羅蜜為信何法佛語須菩提信般若波羅蜜者為不信色亦不信痛痒思想生死識有不信須陀洹道不信斯陀含阿那含阿羅漢辟支佛佛道須菩提白佛言摩訶波羅蜜者天中天即般若波羅蜜是佛語須菩提云何知摩訶波羅蜜因般若波羅蜜是須菩提言於色無大无小不以色為證亦不為色作證痛痒思想生死識亦無大亦無小於識不以為證亦不為識作證便於怛薩阿竭阿羅訶三耶三佛致十種力即不復為弱薩芸若者无廣無狭何以故无廣無狭薩芸若知於般若波羅蜜無所行所以者何般若波羅蜜无所有若人於中有所求謂有所有是即為大非何以故人無所生般若波羅蜜與人俱皆自然人恍忽故般若波羅蜜俱不可計人亦不壞般若波羅蜜亦如是人如般若波羅蜜者便得成至阿惟三佛人亦有力故怛薩阿竭現而有力舍利弗白



佛言般若波羅蜜甚深甚深天中天  
若有菩薩摩訶薩信深般若波羅蜜  
者不說中短亦不狐疑其人何所來  
而生是間為行菩薩道已來幾聞解  
般若波羅蜜事隨教入中者佛語舍  
利弗從他方佛剎來生是間是菩薩  
摩訶薩於他方供養佛已從受問聞  
深般若波羅蜜故以是復聞般若波  
羅蜜自念言我如見佛無異須菩提  
白佛言般若波羅蜜可得見聞不佛  
言不可得見聞須菩提問佛是菩薩  
隨深般若波羅蜜者行已來為幾聞  
佛語須菩提是非一輩學各各有行  
若有已供養若干百佛若干千佛志  
見已於其所皆行清淨戒已若有於  
衆中間般若波羅蜜棄捨去為不敬  
菩薩摩訶薩法佛說深般若波羅蜜  
其人亦棄捨去不欲聞之何以故是  
人前世時聞說深般若波羅蜜用棄  
捨去故亦不以身心是皆无知罪之  
所致用是罪故若聞深般若波羅蜜  
復止他人不令說之止般若波羅蜜  
者為止薩芸若其止薩芸若者為止

過去當來今現在佛用是斷法罪故  
死入大泥犁中若干百千歲若干億  
千萬歲當更若干泥犁中具受諸毒  
痛不可言其中壽盡轉生他方摩訶  
泥犁中其壽復盡展轉復到他方摩  
訶泥犁中生舍利弗白佛言其罪為  
隨五逆惡佛謂舍利弗其罪雖有所  
喻不可引譬若諷誦說深般若波羅  
蜜時其心疑於法者亦不肯學念是  
言非但薩阿竭所說止他人言莫得  
學是為以自壞復壞他人自飲毒已  
復飲他人毒是輩人為以自亡失復  
亡失他人自不曉知深般若波羅蜜  
轉復壞他人是曹人者不當見之舍  
利弗不當與共坐起言語飲食何以  
故是曹之人誹謗法者自在冥中復  
持他人者冥中其人自飲毒煞身无  
異斷法之人所語有信用其言者其  
人所受罪俱等无有異所以者何用  
誹謗佛語故誹謗般若波羅蜜者為  
患誹謗諸法已舍利弗白佛言願聞  
誹謗法者受形何等像類訖不知其  
身大如佛語舍利弗是誹謗法人儻

聞說是事其人涕血便從面孔出或  
恐便死因是被大痛其人聞之心便  
愁毒如自消盡譬如斷華著日中即  
為萎枯舍利弗白佛言願為人故當  
說之令知其身受形六何當為後世  
人作大明其有聞者畏懼當自念我不  
可誹謗斷法如彼人佛語舍利弗是  
為示人之大明已所因罪受其身甚  
大醜惡極勤苦臭處誠不可說其苦  
痛甚大如久劇是善男子善女人聞  
是語自足已不敢復誹謗須菩提白  
佛言善男子善女人常當護身口意  
人但坐口所言乃致是罪佛語須菩  
提是愚癡之人於我法中作沙門反  
誹謗般若波羅蜜言非道止般若波  
羅蜜者為止佛菩薩已止佛菩薩者  
為斷過去當來今現在佛菩薩若已  
斷薩芸若者為斷法已斷法者為斷  
比丘僧已斷比丘僧者為受不可計  
阿僧祇之罪

須菩提問佛若有斷深般若波羅蜜  
者天中天為有幾事佛語須菩提以  
為魔所中是男子女人不信不樂用

是二事故能斷深般若波羅蜜復次  
須菩提斷般若波羅蜜者復有四事  
何謂為四隨惡師所言一不隨順學  
二不承至法三主行誹謗四索人短  
自貢高是為四事

須菩提白佛言少有信般若波羅蜜  
者天中天不曉了是法故佛語須菩  
提如是如是少有信般若波羅蜜者不  
曉了是法故須菩提言云何深般若  
波羅蜜少有信者

佛語須菩提色無著无縛無脫何以  
故色之自然故為色痛痒思想生  
死識无著无縛无脫何以故識之自  
然故為識過去色無著无縛無脫何  
以故過去色之自然色故當來色無  
著无縛無脫何以故當來色之自然  
色故今現在色无著无縛无脫何以  
故色之自然色故過去痛痒思想生  
死識無著无縛無脫何以故過去識  
之自然故當來識無著无縛無脫何  
以故當來識之自然故今現在識无著  
無縛无脫何以故識之自然故用是  
故須菩提般若波羅蜜甚深少有信者

摩訶般若波羅蜜道行經清淨品第六

須菩提白佛言般若波羅蜜少有曉者將未狎習故佛語須菩提如是如是般若波羅蜜少有曉者用未狎習之所致何以故須菩提色清淨道亦清淨故言色清淨道亦清淨故言色清淨道亦清淨故言色清淨道亦清淨道亦清淨痛痒思想生死識亦清淨故言道清淨是故識亦清淨道俱清淨復次須菩提色清淨薩芸若亦清淨故言薩芸若清淨色亦清淨是故色清淨薩芸若亦清淨等無異今不斷前前不斷後故无壞以是故前為不斷故言痛痒思想生死識清淨薩芸若亦清淨是故薩芸若清淨識亦清淨薩芸若清淨識亦清淨等無異今不斷前前不斷後故无壞以是故前為不斷舍利弗白佛言清淨者天中天為甚深佛言甚清淨舍利弗言清淨為極明天中天佛言甚清淨舍利弗言清淨无有垢天中天佛言甚清淨舍利弗言清淨無有瑕穢天中天佛言甚清淨舍利弗言清淨无所有天中天佛言甚清淨舍利弗言於欲而無欲

清淨天中天佛言甚清淨舍利弗言  
於色而無色清淨天中天佛言甚清  
淨舍利弗言無所生為无色甚清淨  
天中天佛言甚清淨舍利弗言於有  
智而無智甚清淨天中天佛言甚清  
淨舍利弗言於智如无智者甚清淨  
天中天佛言甚清淨舍利弗言於色  
如有智无有智者甚清淨天中天佛  
言甚清淨舍利弗言於痛痒思想生  
死識如有智无有智者甚清淨天中  
天佛言甚清淨舍利弗言般若波羅  
蜜甚清淨薩婆若者不增不减天中  
天佛言甚清淨舍利弗言般若波羅  
蜜甚清淨於諸法無所取天中天佛  
言甚清淨

須菩提白佛言我者清淨色亦清淨  
天中天佛言本清淨須菩提言故曰  
我清淨痛痒思想生死識亦清淨天  
中天佛言本清淨須菩提言我者清  
淨道亦清淨天中天佛言本清淨須  
菩提言我者清淨薩婆若亦清淨天  
中天佛言本清淨須菩提言我者清  
淨无端緒天中天佛言本清淨須菩



提言我者清淨無有邊色亦無有邊  
天中天佛言本清淨須菩提言我者  
清淨元有邊痛痒思想生死識亦無  
有邊天中天佛言本清淨須菩提言  
般若波羅蜜者亦不在彼亦不在是  
亦不在中間天中天佛言本清淨須  
菩提白佛言菩薩摩訶薩知是者為  
行般若波羅蜜有想者便離般若波  
羅蜜遠已佛言善哉善哉須菩提有  
字者便有想以故著須菩提白佛言  
難及般若波羅蜜天中天安隱決於  
著舍利弗問須菩提何所為著須菩  
提言知色空者是曰為著知痛痒思  
想生死識空者是曰為著於過去法  
知過去法是曰為著於當來法知當  
來法是曰為著於現在法知現在法  
是曰為著如法者為大功德發意菩  
薩是即為著

釋提桓因問須菩提何謂為著須菩  
提言心知拘翼持是知心施與作阿  
耨多羅三耶三菩心者本清淨能可  
有所作善男子善女人以離諸著為  
棄本際佛言善哉善哉須菩提今菩

薩摩訶薩知本際為覺著事後次須  
菩提有者甚深微妙我今說之諦聽  
諦聽上中下言志善須菩提白佛願樂  
欲聞佛言若善男子善女人於怛薩  
阿竭阿羅呵三耶三佛念欲作想隨  
所想者是故為著過去當來今現在佛  
天中天於無餘法代勸助之是為勸助  
阿耨多羅三耶三菩於法者而無法  
故曰无過去當來今現在以是不可  
有所作亦不可有想亦不可作因緣  
有不可見聞如心可知須菩提白佛  
言其本甚深清淨天中天佛言本清  
淨須菩提言今自歸般若波羅蜜佛  
言法無作者故得阿惟三佛者佛語須  
菩提無有兩法用之本淨故曰為一  
其淨者於一切无有作者乃至無淨  
於一切亦无作者佛語須菩提是以  
離諸著為棄本際

須菩提白佛言般若波羅蜜者難了  
天中天佛言如是無有得阿惟三佛  
者須菩提言般若波羅蜜不可計天  
中天佛言如是須菩提非心之所知

須菩提言為無作者天中天佛言无  
有作者故無所著須菩提問佛菩薩  
當云何行般若波羅蜜佛言不想色  
行為行般若波羅蜜不想痛痒思想  
生死識行為行般若波羅蜜不滿色  
行為行般若波羅蜜不滿痛痒思想  
生死識行為行般若波羅蜜色不滿  
為非色行為行般若波羅蜜痛痒思  
想生死識不滿為非識行為行般若  
波羅蜜須菩提白佛言難及天中天  
於著無所著是著實為不著佛言不  
著色行者為行般若波羅蜜不著痛  
痒思想生死識行者為行般若波羅  
蜜是為菩薩摩訶薩行於色為不著  
於痛痒思想生死識為不著於須陀  
洹斯陀舍阿那含阿羅漢辟支佛佛  
道亦不著所以者何以過諸著故復  
出薩芸若中是為般若波羅蜜須菩  
提白佛言所說法甚深難逮天中天  
若所說者不減不說者亦不減若所  
說者不增不說者亦不增佛言如是  
如是須菩提譬如恒薩阿竭盡壽稱  
譽空空不增若不稱譽空空亦不減

譬如稱譽幻人者亦不增若不稱譽者亦不減聞善不喜聞惡不怒如是須菩提於法各各諷誦學之法亦不增不減須菩提白佛言菩薩摩訶薩甚謙苦行般若波羅蜜若有守般若波羅蜜者其不懈不恐不怖不動不還何以故守般若波羅蜜者為守空故一切皆當為菩薩摩訶薩作禮用被僧那大鎧故與空共戰為一切人故著僧那鎧與空共鬪是菩薩摩訶薩被極大鎧用一切人故而舉空是菩薩摩訶薩為大勇猛天中天用空法故自致阿耨多羅三耶三菩得成阿惟三佛有異比丘心念之當自歸般若波羅蜜為無所生法亦為无所滅法釋提桓因語須菩提菩薩隨般若波羅蜜教者為隨何教須菩提言為隨空教釋提桓因言何所為隨空教者須菩提言其欲寂靜者是菩薩摩訶薩為知般若波羅蜜釋提桓因言其學般若波羅蜜者當護幾何聞須菩提謂釋提桓因云何拘翼能見法當所護者不而言欲護之釋提桓

因言不須菩提言隨般若波羅蜜教住者是為以得護若人若非人終不能得其便須菩提言若菩薩摩訶薩護空者為隨般若波羅蜜行已云何拘翼能可護響不釋提桓因言不能須菩提言拘翼菩薩摩訶薩行般若波羅蜜者其法亦如響以知是者亦復無想以无想念為行般若波羅蜜用佛威神三千大千國土諸四天王諸釋梵及諸尊天一切皆來到佛所前為佛作禮遶竟三匝各住一面諸四天王諸釋梵及諸尊天悉承佛威神念諸千佛皆字釋迦文其比丘者皆字須菩提問般若波羅蜜者皆如釋提桓因

道行般若經卷第三

已亥歲高麗國大藏都監奉  
勅彫造

道行般若經卷第四

淡 韓九謙

後漢月支國三藏支婁迦讖譯

摩訶般若波羅蜜經第七

佛言弥勒菩薩摩訶薩作阿耨多羅三耶三菩阿惟三佛時亦當於是處說般若波羅蜜須菩提白佛言云何弥勒菩薩摩訶薩於是處說般若波羅蜜佛語須菩提弥勒菩薩摩訶薩於是成阿惟三佛時不受色說般若波羅蜜不空色說般若波羅蜜不受痛痒思想生死識說般若波羅蜜亦不空識說般若波羅蜜亦不脫色說般若波羅蜜亦不縛色說般若波羅蜜亦不脫痛痒思想生死識說般若波羅蜜亦不縛識說般若波羅蜜須菩提白佛言般若波羅蜜甚清淨天中天佛言色亦清淨須菩提言故般若波羅蜜清淨佛言痛痒思想生死識亦清淨須菩提言故般若波羅蜜清淨佛言如是空之清淨須菩提言故般若波羅蜜清淨佛言色清淨無瑕穢般若波羅蜜亦如是痛痒思想



生死識清淨無瑕穢般若波羅蜜亦如是佛言如空无瑕穢故般若波羅蜜亦清淨須菩提白佛言其受學誦般若波羅蜜者終不橫死若干百天若干千天常隨侍之若善男子善女人為法師者月八日十四日十五日說法時得功德不可復計佛言如是如是須菩提得其功德不可復計若守般若波羅蜜者其功德出是上去何以故須菩提般若波羅蜜者即是珍寶故於法無有作者亦无有得法者亦無有持者何以故法甚深故亦不可見亦不可得亦无有得者須菩提亦不見般若波羅蜜何以故須菩提亦不可名亦無有見得般若波羅蜜者所索不可得亦不見般若波羅蜜甚深如是亦无有生處般若波羅蜜無所行亦無所不行般若波羅蜜亦无有持法者亦無有守法者如空无所取無所持无所見亦不無觀亦不無見三千大千刹土諸天子飛在上俱皆觀便舉聲共嘆曰於閻浮利地上再見法輪轉佛謂須菩提无兩

法輪為轉亦不想有一法輪轉不轉  
是者即般若波羅蜜須菩提言如是  
天中天極安隱摩訶波羅蜜是於菩  
薩摩訶薩無所罣碍法阿耨多羅三  
耶三菩阿惟三佛是无有法成阿惟  
三佛者何所法輪惟三佛見法為轉  
無所還法為轉亦无法有恐者無有  
法而憂者何以故若有兩法為不可  
得何所法憂亦无法轉者故諸法如  
空無所轉亦无法有還者乃至諸法  
亦為無所有佛語須菩提空者无所  
轉亦無轉還亦无想亦無願亦无生  
死亦无所從生亦不有轉亦不轉還  
作是說者是為說法無所說者亦无  
所得亦無有證作是說法亦不般泥  
洹作是說法亦無有盡

須菩提白佛言無極波羅蜜如空无  
有極天中天<sup>一</sup>等波羅蜜者於諸法  
悉平等天中天<sup>二</sup>恍忽波羅蜜者為  
本空天中天<sup>三</sup>無上波羅蜜於諸法  
无所著天中天<sup>四</sup>無人波羅蜜无有  
身天中天<sup>五</sup>无所去波羅蜜无所至  
天中天<sup>六</sup>无所至波羅蜜无所持天

中天<sup>七</sup>無有盡波羅蜜元有極天中  
天<sup>八</sup>無所從生波羅蜜元所滅天中  
天<sup>九</sup>無作波羅蜜元有造者天中天<sup>十</sup>  
不知波羅蜜無所得天中天<sup>十一</sup>無所  
至波羅蜜无所到天中天<sup>十二</sup>無垢波  
羅蜜用淨故天中天<sup>十三</sup>無著波羅蜜  
無所得天中天<sup>十四</sup>夢波羅蜜元有我  
天中天<sup>十五</sup>清淨波羅蜜無瑕穢天中  
天<sup>十六</sup>不可見波羅蜜元有處天中天  
主定波羅蜜不動搖天中天<sup>十七</sup>無念  
波羅蜜志平等天中天<sup>十八</sup>不動搖波  
羅蜜法不移天中天<sup>十九</sup>無欲波羅蜜  
本无故天中天<sup>二十</sup>無所生波羅蜜无  
所向天中天<sup>二十一</sup>寂波羅蜜無有想天  
中天<sup>二十二</sup>无恚波羅蜜元有恨天中  
天<sup>二十三</sup>無人波羅蜜本無故天中天<sup>二十四</sup>不  
觀波羅蜜法无所從起天中天<sup>二十五</sup>不至  
邊波羅蜜无所止天中天<sup>二十六</sup>不腐波  
羅蜜无有敗天中天<sup>二十七</sup>無不入波羅  
蜜諸羅漢辟支佛所不及天中天<sup>二十八</sup>  
不亂波羅蜜無有誤天中天<sup>二十九</sup>不可  
量波羅蜜元有小法天中天<sup>三十</sup>無形  
波羅蜜於諸法元所望見天中天<sup>三十一</sup>

不可得波羅蜜無所生天中天<sub>三</sub>无  
常波羅蜜不有壞天中天<sub>三</sub>无苦波  
羅蜜諸法不相侵天中天<sub>三</sub>无我波  
羅蜜於諸法無所求天中天<sub>三</sub>无空波  
羅蜜於諸法不可得天中天<sub>三</sub>无有  
想波羅蜜於諸法無所出天中天<sub>三</sub>无  
力波羅蜜於諸法為有勝天中天<sub>三</sub>无  
不可計佛法波羅蜜於諸法出計去  
天中天<sub>三</sub>无自然波羅蜜般若波羅蜜  
是天中天<sub>三</sub>无於諸法亦无自然故  
摩訶般若波羅蜜道行經持品第八

釋提桓因作是念其聞般若波羅蜜  
者皆過去佛時人何況學持諷誦學  
持諷誦已如教住者是人前世供養  
若干佛已今復聞深般若波羅蜜學  
持諷誦如教住其人從過去佛時問  
事已是善男子善女人為更見過去  
三耶三佛從聞深般若波羅蜜以不  
疑不恐不難不畏舍利弗白佛言菩  
薩摩訶薩信受深般若波羅蜜者當  
視之如何惟越致何以故天中天般  
若波羅蜜甚深本用精進信般若波  
羅蜜故設有輕般若波羅蜜其人前

世時亦輕般若波羅蜜已所以者何  
用不信樂深般若波羅蜜為不問佛  
及弟子之所致以是故當知之

釋提桓因語尊者舍利弗般若波羅  
蜜者為甚深難及其有說深般若波  
羅蜜若不信者其人為未行菩薩道  
反持作難自歸般若波羅蜜者為自  
歸薩婆若慧已舍利弗語釋提桓因  
如是如是拘翼歸薩婆若慧者以為  
自歸般若波羅蜜何以故從是中出  
恒薩阿竭阿羅呵三耶三佛薩婆若  
薩婆若慧者是般若波羅蜜之所照  
明於般若波羅蜜中住者無不解慧  
釋提桓因白佛言菩薩摩訶薩薩婆  
若云何行般若波羅蜜云何於般若  
波羅蜜中住云何解般若波羅蜜中  
慧佛言善哉善哉拘翼乃作是問今  
發汝者皆佛威神之所致若菩薩摩  
訶薩行般若波羅蜜者不住色中如  
色不住者即為行於痛痒思想生死  
識中不住如是識不住者即為行於  
色中不究竟如色不究竟者亦故不  
於色中住痛痒思想生死識不究竟

如識不究竟者。今故不於識中住。舍利弗。白佛言。般若波羅蜜者。甚深。天中天。般若波羅蜜者。難得見。邊幅。天中天。佛語。舍利弗。色亦甚深。不住。如色甚深。不住。如是色甚深。不住者。是即為解痛痒思想生死。識甚深。不住。如識甚深。不住。如是識甚深。不住者。是即為解色。亦甚深。不隨。如是色甚深。不隨。如是色甚深。不住。如是色甚深。不隨。如是色甚深。不隨。痛痒思想生死。識甚深。不隨。如是識甚深。不隨。如是識甚深。不住。如是識甚深。不住。是為識甚深。不隨。舍利弗。白佛言。般若波羅蜜甚深。天中天。當於阿惟越致菩薩前說之。聞是慧法。不疑。亦不癡之釋提桓因。問舍利弗。菩薩摩訶薩。未受決者。於前說之。將有何等異。舍利弗言。是菩薩求佛已來。大久遠。為已受決者。未受決。聞之。便於中受決。亦復不久。若見一佛。若見兩佛。便受決。作阿耨多羅三耶三菩。菩薩摩訶薩。未受決者。聞是恐懼。即捨還去。佛語。舍利弗。如是如是。菩薩摩



訶薩求佛道以來大久遠若受決未  
受決者皆聞深般若波羅蜜舍利弗白  
佛言我亦樂喜聞是語天中天樂人  
令得安隱佛語舍利弗若樂者於我  
前說之舍利弗言譬若是菩薩摩訶  
薩天中天自見於夢中坐佛座知今  
近阿耨多羅三耶三菩成至阿惟三  
佛如是天中天菩薩摩訶薩得聞深  
般若波羅蜜者是菩薩摩訶薩學已  
來大久遠今受決不復久其功德欲  
成滿菩薩摩訶薩當作是知其得深  
般若波羅蜜者其功德欲成滿佛言  
善哉善哉舍利弗乃樂作是說皆佛  
威神之所致舍利弗白佛言譬如男  
子行万里天中天若數万里者到大  
空澤中是人遥相見牧牛者若牧羊  
者若見界若見廬舍若見菓樹作是  
想念如見郡如見縣如見聚落若欲  
見聞作是想稍稍前行且欲近之不  
復畏盜賊菩薩摩訶薩得深般若波  
羅蜜者亦如是天中天今受決不復  
久亦不畏當墮阿羅漢辟支佛道地  
何以故上頭有想以聞見得深般若

波羅蜜譬若男子欲見大海天中天  
便行之大海若見樹有樹想若見山  
有山想當知大海尚遠稍稍前行不  
見樹亦無樹想不見山亦無山想心  
亦念知大海且至亦不久於中道无  
復有樹亦無樹想无復山亦無山想  
是男子尚未見大海是應且欲為至  
是菩薩摩訶薩當作是知天中天若  
聞得深般若波羅蜜雖不見佛從受  
決者是為今作佛不久若聞得深般  
若波羅蜜者譬如若春時樹天中天  
其葉稍稍欲生如是不久當有華實  
何以故是樹本之瑞應想知不久當有  
華若華實間浮利人者皆大歡喜曾  
見是樹想知不久華華實當成熟如  
是天中天菩薩摩訶薩得見深般若  
波羅蜜者其功德欲成滿今於般若  
波羅蜜中自致成就是菩薩摩訶薩  
當知之過去世時學般若波羅蜜其  
功德欲成滿之所致以是故復得聞  
深般若波羅蜜天上諸天無不代喜  
者想見過去菩薩摩訶薩受決時知  
是菩薩摩訶薩今復受決不久作阿

耨多羅三耶三菩譬如女人有娠天  
中天稍稍腹大身重不如本故所作  
不便飲食欲少行步不能稍稍有痛  
語言軟遲卧起不安其痛欲轉當知  
是婦人今產不久菩薩摩訶薩亦如  
是天中天其功德欲成滿若得聞見  
深般若波羅蜜其念行者當知是菩  
薩摩訶薩今受決不久得作阿耨多  
羅三耶三菩佛言善哉善哉舍利弗  
若所說者悉佛威神之所致須菩提  
白佛言難及也天中天怛薩阿竭阿  
羅呵三耶三佛悉豫了了署菩薩摩  
訶薩佛語須菩提菩薩摩訶薩晝夜  
念世間悉使得安隱傷念天上天  
下以是故自致阿耨多羅三耶三菩  
成作佛時悉為說法

須菩提白佛言如是菩薩摩訶薩天  
中天行般若波羅蜜者當云何行得  
成就佛語須菩提菩薩摩訶薩行般  
若波羅蜜者不觀色過為行般若波  
羅蜜不觀痛痒思想生死識過為行  
般若波羅蜜不觀色無過為行般若  
波羅蜜不觀痛痒思想生死識無過

為行般若波羅蜜不見是法為行般若波羅蜜亦不見非法為行般若波羅蜜須菩提白佛言天中天所說不可計佛語須菩提色亦不可計痛痒思想生死識亦不可計不知色者是為行般若波羅蜜不知痛痒思想生死識者是為行般若波羅蜜須菩提白佛言誰當信是者天中天是為菩薩摩訶薩行佛謂須菩提何所為行正使菩薩摩訶薩行者為得字耳是菩薩摩訶薩行般若波羅蜜者於力無所近於四事無所畏亦无所近於佛法亦无所近於薩芸若亦无所近何以故力者不可計四事無所畏亦不可計佛法亦不可計薩芸若亦不可計色亦不可計痛痒思想生死識亦不可計諸法亦不可計心亦不可計正使菩薩摩訶薩作是行者為無所行是為行般若波羅蜜正使作是行者為得字耳

須菩提白佛言般若波羅蜜者甚深珍寶中王天中天般若波羅蜜者大將中王天中天般若波羅蜜與空共

聞無能勝者天中天從是中不得斷  
佛言如是如是須菩提欲疾書是經  
者至一歲乃至竟何以故是善男子  
於珍寶中多有起因緣至使中断須  
菩提言於般若波羅蜜中弊魔常使  
欲斷佛語須菩提正使弊魔欲斷是  
經者會不能得勝菩薩摩訶薩舍利  
弗問佛言持誰威神思弊魔不能中  
道斷之佛告舍利弗皆佛威神及十  
方阿僧祇剎土現在諸佛復假威神  
之恩諸佛悉共念之悉共授之悉共  
護之菩薩摩訶薩已為得護佛所授  
者舍利弗弊魔不能得中道斷之何  
以故十方阿僧祇剎土現在諸佛皆  
共護般若波羅蜜若有念說誦者若  
有學受書者皆是諸佛威神之所致  
舍利弗白佛言菩薩摩訶薩若有念  
誦者若持學書者以為諸佛威神之  
所擁護佛語舍利弗皆是諸佛威神  
恩是菩薩摩訶薩學般若波羅蜜者  
當知之為護佛所護舍利弗言若有  
學持誦般若波羅蜜者佛以眼悉視  
之佛語舍利弗怛薩阿竭以佛眼視



學持誦般若波羅蜜者。取後若書持經卷者。當知是輩。悉為怛薩阿竭。眼所見已。佛語舍利弗。菩薩至德之人。學受持是經者。是菩薩摩訶薩。今近佛坐。為阿耨多羅三耶三菩。取後若有書持是經者。是輩人極尊得大功德。如是舍利弗。怛薩阿竭去後。是般若波羅蜜。當在南天竺。其有學已。從南天竺。當轉至西天竺。其有學者。從西天竺。轉至到北天竺。其有學者。當學之。佛語舍利弗。却後經法。且欲斷絕時。我悉知持般若波羅蜜者。若取後有書者。佛悉豫見其人。稱譽說之。舍利弗。問佛。取後世時。是般若波羅蜜。當到北天竺。耶。佛言。當到北天竺。其在彼者。當聞般若波羅蜜。復行問之。當知是菩薩摩訶薩。作行已來。大久遠。以故復受般若波羅蜜。舍利弗。言。北天竺。當有幾所菩薩摩訶薩。學般若波羅蜜者。佛語舍利弗。北天竺亦甚多菩薩摩訶薩。少有學般若波羅蜜者。若有說者。聞之。不恐不難。不畏。是人前世時。聞怛薩阿竭阿羅呵。



三耶三佛以是菩薩至德之人持淨  
戒完具欲為一切人作本多所度脫  
是輩人索佛道者我知是善男子善  
女人今近薩芸若作是學者在所生  
處常學是法便行阿耨多羅三耶三  
菩是善男子善女人為極尊貴魔終  
無那何不能動還令捨阿耨多羅三  
耶三菩是善男子善女人聞是波羅  
蜜者以得極尊勸樂摩訶行功德還  
近阿耨多羅三耶三菩是善男子善  
女人雖不見我後世得深般若波羅  
蜜者為已面見佛說是語无異是為  
菩薩行當所施行其有若干百人若  
千千人索阿耨多羅三耶三菩者當  
共教之當共勸樂之當為說法皆令  
歡喜學佛道佛語舍利弗我勸助是  
善男子善女人至德學菩薩道有作  
是教者心心展轉相明是善男子善  
女人有代勸助者是輩欲行菩薩道  
者若干百以若干千人索阿耨多羅  
三耶三菩者當共教之當共勸樂之  
當今歡喜學佛道是輩善男子善女  
人心中踊躍歡喜者願生他方佛刹

以生異方者便面見佛說法復聞波羅蜜皆悉了了知之復於彼刹教若干百千人皆行佛道舍利弗白佛言難及也天中天以過去當來今現在法無所不了悉知當來菩薩摩訶薩行令是輩不慙精進學入六波羅蜜中佛言是善男子善女人有行是法者所求者必得若所不求會復自得是善男子善女人本願之所致不離是法雖不有所索者自得六波羅蜜舍利弗問佛從是波羅蜜中可出經卷耶佛語舍利弗是善男子善女人深入般若波羅蜜者於是中自解出一二深法以為經卷何以故舍利弗其有如阿耨多羅三耶三菩教者便能教一切人勸助之為說法皆令歡喜學佛道是善男子善女人自復學是法用是故所生處轉得六波羅蜜摩訶般若波羅蜜道行經覺品第九

丹覺  
魔品

須菩提問佛言善男子善女人於學中當有效驗夫中天當何以覺其難佛語須菩提心不樂喜者當覺知魔為菩薩摩訶薩心中妄起者覺知魔

為菩薩摩訶薩書是經時若有雷電  
畏怖當覺知魔為菩薩摩訶薩書是  
經時展轉調戲當覺知魔為菩薩摩  
訶薩書是經時展轉相形當覺知魔  
為菩薩摩訶薩書是經時左右顧視  
當覺知魔為菩薩摩訶薩書是經時  
心邪念不一當覺知魔為菩薩摩訶  
薩心不在經上數從坐起當覺知魔  
為菩薩摩訶薩自念我未受決在般  
若波羅蜜中心亂便起去當覺知魔  
為菩薩摩訶薩自念我字不在般若  
波羅蜜中心不喜樂當覺知魔為菩  
薩摩訶薩自念我鄉里郡國縣邑不  
聞般若波羅蜜及所生處了不聞是  
其意欲悔便即捨去其人却後當復  
更劫數乃有所得甫當於若干劫中  
喜學餘經不住薩芸若棄捨深般若  
波羅蜜去若學餘經者為以捨本取  
其末有學般若波羅蜜者亦知俗法  
復知道法譬若狗子從大家得食不  
肯食之反從作務者索食如是須菩  
提當來有菩薩棄深般若波羅蜜反  
索枝掖般若波羅蜜為隨異經術便墮

聲聞辟支佛道地譬若男子得爲觀其脚於須菩提意云何是男子爲黠不須菩提言爲不黠佛言是菩薩有德之人爲二輩中有棄深般若波羅蜜去反修學餘經得阿羅漢辟支佛道於須菩提意云何是菩薩爲黠不須菩提言爲不黠佛言如是當覺知魔爲佛語須菩提譬若男子欲見大海者常未見大海若見大陂池水便言是水將無是大海於須菩提意云何是男子爲黠不須菩提言爲不黠佛言如是菩薩有德之人棄般若波羅蜜去反學餘經墮聲聞辟支佛道地於須菩提意云何是菩薩摩訶薩爲黠不須菩提言爲不黠佛言是菩薩摩訶薩當覺知魔爲譬若絕工之師能作殿舍意欲揆作如日月宮殿令高无不見者於須菩提意乃能作不須菩提言日月宮殿甚高終不能作佛言於須菩提意云何是男子爲黠不須菩提言爲不黠佛言如是須菩提當來行菩薩道者得聞深般若波羅蜜不可意便棄捨去反明聲聞

辟支佛法於中求薩芸若於須菩提  
意云何是菩薩為黠不須菩提言為  
不黠佛言是菩薩摩訶薩當覺知魔  
為譬若男子欲見遮迦越羅者未見  
遮迦越羅反見小王想其形容被服  
諦熟觀之便呼言是為遮迦越羅於  
須菩提意云何是男子為黠不須菩  
提言為不黠佛言如是須菩提南當  
來有菩薩得聞深般若波羅蜜反不  
可意便棄去入聲聞法中欲求薩芸  
若於須菩提意云何是菩薩為黠不  
須菩提言為不黠佛言是菩薩摩訶  
薩當覺知魔為譬若男子大飢得百  
味之食不肯食之更食六十味之食  
於須菩提意云何是男子為黠不須  
菩提言為不黠佛言如是須菩提南  
當來有菩薩摩訶薩得聞深般若波  
羅蜜而不可意便棄捨去入聲聞法  
中求薩芸若欲得作佛於須菩提意  
云何是菩薩摩訶薩為黠不須菩提  
言為不黠佛言是菩薩摩訶薩當覺  
知魔為譬如男子得無價摩尼珠持  
水精比之欲令合同於須菩提意云



何是男子為黠不須菩提言為不黠  
佛言如是南當來有行菩薩道者得  
聞深般若波羅蜜反持比聲聞法於  
聲聞法中欲得薩婆若作佛於須菩  
提意云何是菩薩摩訶薩為黠不須  
菩提言為不黠佛言是菩薩摩訶薩  
當覺知魔為

復次須菩提書般若波羅蜜時若有  
財利起聞是言便棄捨去是菩薩摩  
訶薩為自作留難須菩提問佛如是  
得書成般若波羅蜜不佛言不能得  
書成之是善男子當覺知魔為佛言  
須菩提若善男子多少書是經者其  
言我書般若波羅蜜於是中想聞其  
次欲有所得當覺知魔為其作想求  
者為墮魔界

復次須菩提書般若波羅蜜時意念  
鄉里若念異方若念異國若念王者  
若念有賊若念兵若念閭意念父母  
兄弟姊妹親屬復有餘念魔復益其  
念亂菩薩摩訶薩意為作留難當覺  
知魔為復次須菩提若有財利震越  
衣服飲食牀卧具病瘦醫藥志具足



來聞菩薩耳令意亂不得學誦書成  
般若波羅蜜當覺知魔為復次須菩  
提有佛深法魔從次行亂之令菩薩  
摩訶薩不復樂欲得漚沲拘舍羅便  
不可意問般若波羅蜜佛言我廣說  
菩薩摩訶薩事其欲學漚沲拘舍羅  
者當從般若波羅蜜索之其不可般  
若波羅蜜便棄捨去為反於聲聞道  
中索漚沲拘舍羅於須菩提意云何  
是菩薩為黠不須菩提言為不黠佛  
言如是菩薩摩訶薩當覺知魔為  
復次須菩提若受經之人欲聞般若  
波羅蜜法師身得不安如是菩薩摩  
訶薩當覺知魔為復次須菩提法師  
適安欲與般若波羅蜜其受經者欲  
復轉去兩不和合亦不得書成般若  
波羅蜜如是菩薩摩訶薩當覺知魔  
為復次須菩提學經之人來欲受般  
若波羅蜜其心歡悅法師欲至他方  
如是兩不和合不得學書成般若波  
羅蜜如是菩薩摩訶薩當覺知魔為  
復次須菩提法師意欲有所得若衣  
眼財利受經之人亦無與心兩不和

合不得學成般若波羅蜜如是菩薩摩訶薩當覺知魔為復次須菩提受經之人無所愛惜在所索者不逆其意法師所有經卷而不肯現亦不順解其受經者便不歡樂兩不和合不得學書成般若波羅蜜如是菩薩摩訶薩當覺知魔為復次須菩提法師如是兩不和合亦不得聞般若波羅蜜如是菩薩摩訶薩當覺知魔為復次須菩提法師若身疲極卧欲不起不樂有所說受經之人欲得聞般若波羅蜜如是兩不和合不得聞般若波羅蜜如是菩薩摩訶薩當覺知魔為復次須菩提若欲書般若波羅蜜若欲說時於衆中儻有來者反說誹謗用是為學多負勤苦言泥犁禽獸薜荔甚大勤苦語人言當早斷生死根如是者菩薩摩訶薩當覺知魔為復次須菩提若欲書般若波羅蜜若欲說時其有來人坐於衆中稱譽天上快樂五所欲恣可自恣其作禪者可得在色天中念空寂者可得在

無色之天是皆无常勤苦之法不如  
於是索湏陀洹道斯陀舍阿那舍阿  
羅漢道便不復與生死從事如是湏  
菩提菩薩摩訶薩當覺知魔為復次  
自歸者我與般若波羅蜜若有不恭  
敬自歸者我不與之受經之人自歸  
作礼恭敬不避處難法師意悔不欲  
與弟子經聞異國中穀貴語受經人  
言善男子知不能與我俱至彼聞不  
諦自念之莫得後悔弟子聞其所言  
甚大愁毒即自念言我志見經已不  
肯與我當奈之何如是兩不和合不  
得學書成般若波羅蜜如是湏菩提  
菩薩摩訶薩當覺知魔為復次湏菩  
提法師欲到極劇之處語受經人言  
善男子能知不其處無穀有虎狼多  
賊五空澤我樂往至彼聞諦自思議  
能隨我忍是勤苦不復以深好語與  
共語弟子志當厭已心不復樂稍稍  
賜還如是湏菩提乃作是尋不得學  
般若波羅蜜如是菩薩摩訶薩當覺  
知魔為復次湏菩提法師健行先白

多有方略殊不肯與弟子經反欲慙  
憤捨去便語受經人言善男子知不  
我當有所至則有所問言如是兩不  
和合不得學書成般若波羅蜜如是  
菩薩摩訶薩當覺知魔為復次須菩  
提弊魔常索其方便不欲令有學誦  
受般若波羅蜜者須菩提問佛弊魔  
何因常索其方便不欲令有學誦受  
般若波羅蜜者佛語須菩提弊魔主  
行誹謗是非波羅蜜言我有一一深  
經快不可言是故為波羅蜜如是須  
菩提弊魔主行誹謗之令新學菩薩  
輩心為狐疑便不復學誦書是經菩  
薩摩訶薩當覺知魔為復次須菩提  
魔事一起時令深學菩薩為本際作  
證便隨聲聞中得須陀洹道如是菩  
薩摩訶薩當覺知魔為

道行般若經卷第四

己亥歲高麗國大藏都監

勅彫造

道行般若經卷第五

淡

釋

後漢月支國三藏法師支謙譯

摩訶般若波羅蜜照明品第十一

佛言於般若波羅蜜中多有起魔因緣者至使得斷須菩提白佛言如天中天所說若有菩薩多有危害所以者何用極大尊為難得故至使有害般若波羅蜜亦如是天中天多有起因緣者及新學發意者所知甚少其心不入大法亦不諷誦般若波羅蜜是人以為魔所得佛語須菩提如若所言新發意者所知甚少其心不入大法亦不諷誦般若波羅蜜是為魔所得已自起魔因緣至使得斷若善男子善女人取持學般若波羅蜜諷誦讀者念是佛威神何以故弊魔不能制令得斷是者以為怛薩阿竭阿羅呵三耶三佛之所制持譬若母人一二生子從數至于十人其子尚小母而得病不能制護無有視者若母安隱无他便自養長其子令得生活寒溫燥濕將護視之是者即世間之



示現如是須菩提恒薩阿竭阿羅呵  
三耶三佛念般若波羅蜜其所持者  
若有誦誦書者復十方現在諸佛常  
念般若波羅蜜是者即恒薩阿竭阿  
羅呵三耶三佛於薩芸若而示現恒  
薩阿竭阿羅呵三耶三佛者從是中  
自致得薩芸若其有以成佛者若未  
成佛甫當成佛皆從般若波羅蜜自  
致成阿惟三佛恒薩阿竭阿羅呵三  
耶三佛是薩芸若慧之所致照明皆  
從般若波羅蜜以是故示現世間須  
菩提白佛言恒薩阿竭阿羅呵三耶  
三佛於般若波羅蜜中照明於世間  
何謂般若波羅蜜照明於世間何所  
是恒薩阿竭持於世間佛語須菩提  
恒薩阿竭持五陰示現世間須菩提  
言云何於般若波羅蜜示現五陰何  
所是般若波羅蜜示現於五陰者佛  
語須菩提無所壞者以是故得示現  
亦無无壞而示現空者無壞亦无有  
壞亦無想亦无願亦無壞亦无有壞  
以是故示現於世間  
佛語須菩提及不可計人不可計心



怛薩阿竭悉曉知皆是自然人如是  
自熱人如是須菩提怛薩阿竭以般  
若波羅蜜曉知不可計人不可計心  
怛薩阿竭以般若波羅蜜示現持世  
間復次須菩提若疾心亂心怛薩阿  
竭悉知之何謂怛薩阿竭悉知之疾  
心亂心其法本者無疾无亂以是故  
知之何謂知疾知亂其有當盡者以  
盡以是故知之其有愛欲心者知是  
為愛欲心其有瞋恚心者知是為瞋  
恚心其有愚癡心者知是為愚癡心  
知愛欲心之本無愛欲心知瞋恚心  
之本无瞋恚心知愚癡心之本無愚  
癡心是者須菩提令我得薩芸若者  
般若波羅蜜何以故怛薩阿竭无愛  
欲心用無愛欲心恚知其心之本亦  
无愛欲心以是故怛薩阿竭心無有  
愛欲何以故怛薩阿竭无瞋恚心用  
無瞋恚心恚知其心之本亦无瞋恚  
心以是故怛薩阿竭心無有瞋恚何  
以故怛薩阿竭无愚癡心用無愚癡  
心恚知其心之本亦無愚癡心以是  
故怛薩阿竭心无有愚癡如是須菩

提怛薩阿竭阿羅呵三耶三佛因般  
若波羅蜜示現持世間

復次須菩提怛薩阿竭用人故因般  
若波羅蜜其心廣大無所不知何謂  
怛薩阿竭用人故因般若波羅蜜其  
心廣大无所不知其心者亦無廣亦  
無大亦无去亦無所至來以是故怛  
薩阿竭用人故因般若波羅蜜其心  
廣大无所不知復次須菩提怛薩阿  
竭用人故因般若波羅蜜廣大其心  
無所不知何謂怛薩阿竭用人故因  
般若波羅蜜廣大其心无所不知其  
心者無所從來亦无所住如是須菩  
提怛薩阿竭用人故因般若波羅蜜  
廣大其心無所不知

復次須菩提怛薩阿竭用不可計人  
不可計心故因般若波羅蜜无所不  
知何謂怛薩阿竭用不可計人不可  
計心故因般若波羅蜜无所不知其  
心者無所住亦无所從來滅以無餘  
故无所不知其心若空故知不可計  
人不可計心悉知如是須菩提怛薩  
阿竭以般若波羅蜜知不可計人不

可計心志知復次須菩提恒薩阿竭  
用人故因般若波羅蜜知不可見心  
志知何謂恒薩阿竭用人故因般若  
波羅蜜知不可見心志知其心者本  
淨故亦無有想如是須菩提恒薩阿  
竭用人故因般若波羅蜜知不可見  
心志知復次須菩提恒薩阿竭用人  
故因般若波羅蜜知不可見心志知  
何謂恒薩阿竭用人故因般若波羅  
蜜知不可見心志知其心者不可以  
眼見如所從來如是須菩提恒薩阿  
竭用人故因般若波羅蜜知不可見  
心志知

復次須菩提恒薩阿竭用人故因般  
若波羅蜜知欲得是者致是志知何  
謂恒薩阿竭用人故因般若波羅蜜  
知欲得是者致是知一切色從不可  
得獲而生生痛痒思想生死識亦不  
可得獲而生生如是須菩提恒薩阿  
竭云何知欲得是者因致是從死至  
死是即為色從死至不死是亦為色  
從不死至不死是亦為色亦不有死  
亦不無死是亦為色痛痒思想生死

識從死至死是亦為色識者從死至不死是亦為色識者從不死至不死是亦為色識者亦不有死亦不無死是亦為色識有人无我世者是亦為色無人有我世者是亦為色有望无望無我世者是亦為色亦不有望亦不無望亦无我世是亦為色有望有我不無望亦无我世是亦為色我有世痛痒思想生死識是亦為色無望无我無世无識是亦為色亦不無望亦不有望亦无我識是亦為色得我世與無世是亦為色我世不可極是亦為色我世有極無極是亦為色我與世亦不有極亦不无極是亦為色是命是身是亦為色非命非身是亦為色痛痒思想生死識亦尔如是須菩提怛薩阿竭知欲得是者因致是何謂怛薩阿竭知欲得是者因致是怛薩阿竭知色之本無如知色本无痛痒思想生死識亦尔何謂知識知識之本无何所是

本無是欲有所得者是亦本无怛薩  
阿竭亦本無因慧如住何謂所本无  
世間亦是本無何所是本无者一切  
諸法亦本無如諸法本无須陀洹道  
亦本無斯陀舍道亦本無阿那舍道  
亦本无阿羅漢道辟支佛道亦本無  
怛薩阿竭亦復本無一本无無有異  
无所不入悉知一切是者須菩提般  
若波羅蜜即是本無怛薩阿竭因般  
若波羅蜜自致成阿耨多羅三耶三  
佛照明持世間是為示現怛薩阿竭  
因般若波羅蜜悉知世間本無无有  
異如是須菩提怛薩阿竭悉知本無  
亦故號字為佛須菩提白佛言本无  
甚深天中天是佛菩薩事悉自曉了  
誰當信是者獨有得阿羅漢道者若  
阿惟越致怛薩阿竭成阿惟三佛乃  
能說之佛語須菩提本無无有盡時  
怛薩阿竭所說亦無有極盡時釋提  
桓因與諸欲万天子俱梵迦夷天與  
二万天子俱前至佛所頭面著佛足  
却住一面諸欲梵天子俱白佛言天  
中天所說法者甚深云何作其相佛

語諸天子言且聽作相者已無想元願無生死所生无所有無所住是者作其相其相者若如空住怛薩阿竭阿羅呵三耶三佛所住相諸天阿湏倫龍鬼神不能動移何以故是相不可以手作色者不能作相痛痒思想生死識亦不作相是相若人若非人所不能作佛語諸天子言若說是空有作者寧能信不諸天子白佛言不信有作空者何以故無有能作空者佛言如是諸天子其相者常住有佛无佛相住如故如是住者故怛薩阿竭成阿惟三佛故名怛薩阿竭即是本無如來諸天子白佛言是相者甚深怛薩阿竭從是成阿惟三佛其怛薩阿竭所知无所罣碍皆從般若波羅蜜是者即佛之藏佛語湏菩提怛薩阿竭因般若波羅蜜示現持世間如是湏菩提怛薩阿竭恭敬承事是法自致得成皆從般若波羅蜜是故怛薩阿竭之所恭敬因是得佛故是為報恩何謂是怛薩阿竭之所報恩者怛薩阿竭為從是衍得阿耨



多羅三耶三菩成阿惟三佛皆從是  
行為無所著以是故現於報恩

復次須菩提怛薩阿竭知識法无有  
作者以是故得阿惟三佛亦不無作  
故成阿惟三佛是為怛薩阿竭報恩  
故示現般若波羅蜜怛薩阿竭阿羅  
呵三耶三佛於諸法無所望皆從般  
若波羅蜜以是故示現持世間須菩  
提白佛言諸法不可知不可見何謂  
般若波羅蜜出怛薩阿竭示現持世  
間佛語須菩提所說諸法不可知不  
可見者謂諸法悉空以是故不可知  
諸法不可獲持以是故不可得見諸  
法不可知不可見者皆從般若波羅  
蜜如是須菩提諸法不可知不可見  
為從般若波羅蜜出怛薩阿竭成阿  
惟三佛示現持世間故色為不可見  
痛痒思想生死識亦不可見是者般  
若波羅蜜示現持世間

須菩提言何謂天中天色不可見何  
謂痛痒思想生死識為不可見佛言  
不見色因緣生識是故色為不可見  
亦不痛痒思想生死識因緣生識是

故識為不可見如色痛痒思想生死  
識不見是世間亦不見其相者亦不  
見是世間示現所有皆從般若波羅  
蜜何謂是般若波羅蜜示現持世間  
其憂世間是亦為空其憂世間是亦  
為恍忽其憂世間是亦為寂其憂世  
間是亦為淨是者即為世間示現  
摩訶般若波羅蜜道行經不可計第士  
須菩提白佛言極大究竟般若波羅  
蜜不可計究竟不可量究竟無有與  
等者究竟無有邊究竟佛言極大究  
竟般若波羅蜜不可計究竟不可量  
究竟无有與等者究竟無有邊究竟  
安隱般若波羅蜜不可計究竟怛薩  
阿竭无師薩芸若是故般若波羅蜜  
不可計究竟何等般若波羅蜜不可  
量究竟不可量怛薩阿竭無師薩芸  
若不可議不可稱是故般若波羅蜜  
不可量究竟何等般若波羅蜜安隱  
究竟无有與等者怛薩阿竭誰能過  
者是故般若波羅蜜無有與等者究  
竟何等般若波羅蜜无有邊究竟無  
有邊怛薩阿竭无師薩芸若是故般

若波羅蜜無有邊究竟

須菩提白佛言云何怛薩阿竭無師  
薩芸若不可計不可量无邊佛言色  
痛痒思想生死識不可計諸法亦不  
可計諸法了無所法正是中不可計  
色痛痒思想生死識不可思諸法亦  
不可量色痛痒思想生死識无有邊  
諸法亦無有邊色痛痒思想生死識  
邊幅了不可得諸法邊幅了不可得  
用何等故色痛痒思想生死識无有  
邊幅諸法無有邊幅色痛痒思想生  
死識邊幅了不可得无有盡處諸法  
邊幅了不可得無有盡處用何等故  
色痛痒思想生死識諸法了不可得  
邊幅无有盡處時云何佛言空處可  
計盡不耶須菩提言空不可計盡佛  
言諸法不可計不可稱無有邊幅用  
是故怛薩阿竭法如是比不可計不  
可稱无有邊怛薩阿竭發心起學不  
可計不可稱無有邊本无心無念譬  
如空無心无念有心有念因隨是生  
死无有邊怛薩阿竭法如空無有邊  
是法如空不可計作是說不可計不

可稱無有邊佛說是經時五百比丘  
僧三十比丘尼皆得阿羅漢六十優  
婆塞三十優婆夷皆得須陀洹道三  
十菩薩皆逮得无所從生法樂皆當  
於是婆羅劫中受決

須菩提白佛言般若波羅蜜甚深極  
大安隱究竟佛言般若波羅蜜甚深  
極大安隱究竟薩芸若須陀洹斯陀  
含阿那含阿羅漢辟支佛道悉從是  
經出譬如遮迦越王所當為者一切  
傍臣所有郡國人民皆屬王亦無所  
復憂阿羅漢辟支佛佛若諸法皆從  
般若波羅蜜中出皆是經所立佛言  
色痛痒思想生死識不受不入須陀  
洹斯陀含阿那含阿羅漢辟支佛薩  
芸若道不受不入須菩提問佛言何  
等薩芸若不受何等薩芸若不入佛  
言云何須菩提見若羅漢所入處不  
須菩提言不見天中天不見是法我  
所入處佛言善我須菩提我亦不見  
但薩阿竭所入處如我但薩阿竭無  
所入薩芸若无所入處愛欲天子梵  
天子俱白佛言天中天般若波羅蜜

其深難了過去佛時所作功德是輩人於是聞聞深般若波羅蜜信者正使三千大千國土人一切所當為者皆信皆信已來行過一劫於是深般若波羅蜜中樂一日念無量深出彼德有餘佛語愛欲天子梵天子正使復有人聞深般若波羅蜜以得證決所信樂過一劫其功德不及是輩愛欲天子梵天子皆前以頭面著佛足繞三匝而去却行久遠乃旋各歸天上歌歎佛說功德

須菩提白佛言若有菩薩信深般若波羅蜜者從何所來而生是聞佛言如是信者心無有疑不歡不喜樂聞念不欲遠離經師譬如新生犢子心終不遠離其母是菩薩從人道中來生是聞前世學人今來復得深般若波羅蜜便信樂不遠離也

須菩提白佛言若有菩薩有時還其功德若復從他方佛剎來若供養佛乃有從彼來生是聞者无佛言有是輩菩薩於他方佛剎供養佛復從彼來生是聞持是功德於是聞便逮得

深般若波羅蜜若復有菩薩從梵天  
上來生是間或從弥勒菩薩聞是  
深經中慧今來生是間持是功德今  
逮得深般若波羅蜜若復有菩薩前  
世佛時聞深般若波羅蜜不問中慧  
來生是間聞深般若波羅蜜心便有  
疑不信樂不問中慧何以故前世有  
疑故若復有菩薩前世聞深般若波  
羅蜜問中慧一日二日三日若至七  
日持是功德今復逮得深般若波羅  
蜜常樂聞喜問信受若復有菩薩有  
時欲聞般若波羅蜜或不欲聞其心  
亂數數轉如稱乍低乍仰是輩人適  
學未發故使少信不樂得深般若波  
羅蜜便厭不欲學棄捨去如是終不  
成就墮羅漢辟支佛道中

摩訶般若波羅蜜道行經譬喻品第三

佛言譬如大海中船卒破壞知中人  
皆當墮水沒死終不能得度是船中  
有板若檣有健者得之騎其上順流  
墮深得出知是人終不沒水中死也  
何以故用得板檣故菩薩有信樂有  
定行有精進欲逮阿耨多羅三耶三



苦不得深般若波羅蜜不學漚沲拘舍羅是菩薩便墮阿羅漢辟支佛道中菩薩有信樂有定行有精進欲逮阿耨多羅三耶三菩得深般若波羅蜜學漚沲拘舍羅是菩薩終不中道慙憤過出阿羅漢辟支佛道去正在阿耨多羅三耶三菩中住譬如有人持坏瓶行取水知是瓶不能久當道壞何以故瓶未成故若有菩薩有信樂有定行有精進欲逮阿耨多羅三耶三菩不得深般若波羅蜜不學漚沲拘舍羅是菩薩終不能逮薩婆若便中道歇却墮阿羅漢辟支佛道中譬如有人持成瓶行取水知當安隱持水來歸至也何以故其瓶已成故若有菩薩有信樂有定行有精進欲逮阿耨多羅三耶三菩得深般若波羅蜜學漚沲拘舍羅知是菩薩終不中道慙憤休止恣心正上阿耨多羅三耶三菩譬如大海中有故壞船不補治之便推著水中取財物置其中欲乘有所至知是船終不能至便中道壞亡散財物若有菩薩有信樂有

定行有精進欲逮阿耨多羅三耶三  
苦不得深般若波羅蜜不學漚起拘  
舍羅知是菩薩中道歇便亡失名珍  
寶更盡大珍寶去何所為大珍寶佛  
是也是菩薩便中道墮阿羅漢辟支  
佛道中譬若有點人拖張海邊故壞  
船補治之以推著水中持財物置其  
中便乘欲有所至知是船不中道壞  
必到所至處若有菩薩有信樂有定  
行有精進欲逮阿耨多羅三耶三菩  
得學深般若波羅蜜漚起拘舍羅知  
是菩薩終不中道懈怠正在阿耨多  
羅三耶三菩中住何以故是菩薩一  
心有信樂有定行有精進故終不復  
墮羅漢辟支佛道中正向佛門譬若  
有人年百二十歲老極身體不安若  
病寒熱寢卧牀褥此人寧能自起居  
不須菩提言不能也何以故是人老  
極無勢力故正使病愈由不能自起  
居行步佛言菩薩有信樂有定行有  
精進欲逮阿耨多羅三耶三菩不得  
學深般若波羅蜜漚起拘舍羅者終  
不能至佛當中道休墮阿羅漢辟支

佛道中何以故不得學深般若波羅蜜  
蜜漚想拘舍羅故佛言但是人風寒  
病愈身體強健意欲起行有兩健人  
各扶一掖各持一臂徐共持行其人  
語病者言安意莫恐我自相扶持在  
所至到義不中道相棄如是人能到  
所欲至處不須菩提言菩薩有信樂  
有定行有精進欲逮阿耨多羅三耶  
三菩得深般若波羅蜜學漚想拘舍  
羅是菩薩終不中道慙惰能究竟於  
是中得阿耨多羅三耶三菩

摩訶般若波羅蜜道行經分別品第十三

須菩提白佛言云何阿闍浮菩薩學  
般若波羅蜜佛言當與善知識從事  
當樂善知識當善意隨般若波羅蜜  
教何等為隨般若波羅蜜教是菩薩  
所布施當施與作阿耨多羅三耶三  
菩莫得著色痛痒思想生死識何以  
故深般若波羅蜜薩芸若無所著若  
持戒忍辱精進禪智慧當持是作阿  
耨多羅三耶三菩莫得著色痛痒思  
想生死識何以故薩芸若無所著无  
得樂阿羅漢辟支佛道阿闍浮菩薩

稍入般若波羅蜜中如是

須菩提言菩薩護苦欲得阿耨多羅三耶三菩佛言菩薩護苦安隱於世間護為世間自歸為世間舍為世間度為世間臺為世間導何等為菩薩為世間護死生勤苦志護教度脫是死志度之是為世間自歸何等為世間舍菩薩得阿耨多羅三耶三菩阿惟三佛得怛薩阿竭名時為世間說經無所著是為世間舍何等為无所著色無著无縛是色無所從生无所從滅痛痒思想生死識亦尔諸法亦無著无縛如是何等為世間度是色非色為度痛痒思想生死識是識非識為度度為諸法須菩提言如佛所說度為諸法得阿惟三佛何以故無所著耶佛言如是无所著菩薩為護苦念法不憊得阿耨多羅三耶三菩阿惟三佛因說經是亦為世間度何等為世間臺譬若水中臺其水兩避行色痛痒思想生死識過去當來今現在兩斷如是斷者諸法亦斷設使

諸法斷者是為定是為甘露是為泥  
洹菩薩念法不憊得阿惟三佛是為  
世間臺何等為世間導菩薩得阿惟  
三佛便說色痛痒思想生死識空說  
諸法空是亦無所從來亦無所從去  
諸法空諸法無有想諸法無有處諸  
法無有識諸法無所從生諸法空諸  
法如夢諸法如一諸法如幻諸法無  
有邊諸法無有是皆等無有異

須菩提白佛言般若波羅蜜甚深誰  
當了是耶佛言菩薩求以來大久遠  
乃從過去佛時於其所作功德以來  
如是輩人乃曉知深般若波羅蜜耳  
須菩提言何謂求以來大久遠佛言  
去離於色痛痒思想生死識無復有  
余乃曉知是深般若波羅蜜須菩提  
言是菩薩為世間導耶佛言如是菩  
薩得阿惟三佛為不可計阿僧祇人  
作導須菩提言菩薩為護苦是為摩  
訶僧那僧涅為般泥洹不可計阿僧  
祇人佛言如是菩薩為護苦是為摩  
訶僧那僧涅是故為僧那僧涅無縛  
色痛痒思想生死識無縛亦不於阿

羅漢辟支佛亦不於薩芸若諸法無縛是故為僧那僧涅

須菩提言菩薩求深般若波羅蜜不當索三處佛言何因緣菩薩求深般若波羅蜜不當索三處須菩提言般若波羅蜜甚深亦不可有守者亦不無守者從般若波羅蜜中為无所出法守般若波羅蜜為守空守般若波羅蜜為守諸法守般若波羅蜜為守无所著佛言在般若波羅蜜中者當知是阿惟越致菩薩於深般若波羅蜜中无所適著終不隨他人語不信餘道心不恐畏不懈怠從過去佛問是深經中慧今聞深般若波羅蜜心續不恐畏不懈怠

須菩提白佛言若有菩薩聞深般若波羅蜜心不恐畏不懈怠何因緣當念般若波羅蜜中觀視佛言心向薩芸若是為觀視般若波羅蜜須菩提言何謂心向薩芸若佛言心向空是為觀薩芸若觀薩芸若是為不觀不可計薩芸若如不可計色為非色如



不可計痛痒思想生死識為非識亦  
不入亦不出亦不得亦不知亦不有  
知亦不無知亦无所生亦無所敗亦  
无所作者亦無所從來亦无所從去  
亦無所見亦无所存在如是不可限空  
不可計薩芸若不可計無有作佛者  
无有得佛者無有從色痛痒思想生  
死識中得佛者亦不從檀波羅蜜尸  
波羅蜜羣提波羅蜜惟逮波羅蜜憍  
波羅蜜般若波羅蜜得佛也愛欲天  
子梵天子白佛言般若波羅蜜甚深  
難曉難了難知佛語諸天子深般若  
波羅蜜甚深難曉難了難知怛薩阿  
竭安隱甚深是經悉知阿惟三佛無  
有作阿惟三佛亦无有阿惟三佛是  
經如空甚深無有與等者如諸法无  
所從來無所從去愛欲天子梵天子  
等白佛言諸世間人希有信是深經  
者世間人所欲皆著慳念之故當為  
說是深經耳佛言如是諸天子世間  
人希有信是深經者所欲皆著慳念  
是世間人故當為說深經耳  
摩訶般若波羅蜜道行經本無品第十四

須菩提白佛言諸法隨次無所著諸法无有想如空是經無所從生諸法索无所得愛欲天子梵天子白佛言弟子須菩提所說如是怛薩阿竭教但說空慧佛言如是諸天子隨怛薩阿竭教諸天子問佛何謂怛薩阿竭教如法無所從生為隨怛薩阿竭教乎佛言如是諸天子諸法无所從生為隨怛薩阿竭教隨怛薩阿竭教是為本無本无亦無所從來亦无所從去怛薩阿竭本無諸法亦本无諸法亦本無怛薩阿竭亦本无無異本无如是須菩提隨本無是為怛薩阿竭本无怛薩阿竭本無住如是須菩提住隨怛薩阿竭教怛薩阿竭本无無異本无無異也諸法是无異無異怛薩阿竭本无無所罍罍諸法本无無所罍罍怛薩阿竭本无諸法本无罍一本無等无異本無无有作者一切皆本無亦復无本無如是怛薩阿竭本无不壞亦不腐諸法不可得須菩提隨諸法教怛薩阿竭本無諸法本无等無異於真法中本无須菩提隨

恒薩阿竭教恒薩阿竭本無无有過  
去當來今現在諸法本無過去當來  
今現在須菩提隨恒薩阿竭教恒薩  
呵竭本无過去本無當來本无今現  
在恒薩阿竭本無等无異是等無異  
為真本无菩薩得是真本無如來名  
地為六反震動恒薩阿竭說本无須  
菩提隨恒薩阿竭教須菩提不受色  
痛痒思想生死識不受須陀洹斯陀  
含阿那含阿羅漢辟支佛如是須菩  
提為隨恒薩阿竭教舍利弗言是本  
無甚深天中天佛言是本无甚深甚  
深當說本無時二百比丘皆得阿  
羅漢五百比丘尽皆得須陀洹道五  
百諸天人皆逮無所從生法樂於中  
立六十新學菩薩皆得阿羅漢道佛  
言是六十菩薩過去世時各各供養  
五百佛布施求色持戒忍辱精進求  
色禪不知空離空不得般若波羅蜜  
漚起拘舍羅今皆取阿羅漢道菩薩  
有道得空得无色得無願是菩薩不  
得般若波羅蜜漚起拘舍羅便中道  
得阿羅漢道不復還譬若有大鳥其

身長八千里若二万里復無有翅欲  
從忉利天上自投來下至閻浮利地  
上未至是鳥悔欲中道還上忉利天  
上寧能復還不耶舍利弗言不能復  
還佛言是鳥來下至閻浮利地上欲  
使其身不痛寧能使不痛不耶舍利  
弗言不能也是鳥來其身不得不痛  
若當悶極若死何以故其身長大及  
無有翅佛言正使是菩薩如恒中沙  
劫布施求色持戒忍辱精進求色禪  
亦不入空不得深般若波羅蜜漚沤  
拘舍羅起心欲索佛道一切欲作佛  
中道得阿羅漢辟支佛道是菩薩於  
過去當來今現在佛所持戒精進三  
昧智慧聞佛薩芸若皆念求色是為  
不持怛薩阿竭戒精進三昧智慧不  
曉知薩芸若但想如聞聲耳便欲從  
是作阿耨多羅三耶三菩會不能得  
便中道得阿羅漢辟支佛道何以故  
不得深般若波羅蜜漚沤沤拘舍羅故  
舍利弗言如佛所說念中慧菩薩離  
般若波羅蜜漚沤沤拘舍羅故便得阿  
羅漢辟支佛道若有菩薩莊嚴事欲得

阿耨多羅三耶三菩阿惟三佛者當  
點學般若波羅蜜遍起拘舍羅愛欲  
天子梵天子白佛言般若波羅蜜難  
曉難了難知欲求阿耨多羅三耶三  
菩難得也須菩提白佛言般若波羅  
蜜甚深難曉難了難知如我念是中  
慧求阿耨多羅三耶三菩易得耳何  
以故無所有當何從得阿耨多羅三  
耶三菩諸法皆空索之了不可得當  
作阿惟三佛索法无所得無有作阿  
惟三佛亦无有得阿惟三佛者若有  
聞諸法空求阿耨多羅三耶三菩易  
得耳舍利弗謂須菩提如須菩提所  
說者阿耨多羅三耶三菩難得也何  
以故空不念我當作阿耨多羅三耶  
三菩是法空設易得者何以故如恒  
沙菩薩志皆逮須菩提言云何舍利  
弗用色逮乎不也離色法逮乎不也  
痛痒思想生死識逮乎不也色本無  
寧逮不不也色本无有法逮不不也  
痛痒思想生死識本無寧逮不不也  
離識本无有法逮不不也是本無使  
逮不不也離本无有法使逮不不也  
設是法不可得何所法使逮者舍利

弗言如須菩提所說法無有菩薩遠者佛所說三有德之人求阿羅漢辟支佛佛是三不計三如須菩提所說為一道耳分湯陀尼弗謂舍利弗須菩提說一道當問舍利弗謂須菩提須菩提所說一道我用是故問須菩提言云何於本无中見三道不舍利弗言不見也何以故從本無中不可得三事須菩提言本无一事得乎不也云何於本無中可得一道不不也設是諦不可得者故復說阿羅漢辟支佛佛為如是說道本無无有異若菩薩聞本無心不懈怠是菩薩會當得佛也佛言如須菩提所說皆持佛威神使若說是耳菩薩聞本无等無異心不懈怠會當得佛舍利弗言何等為菩薩成阿耨多羅三耶三苦者須菩提白佛言何等為成就於菩薩佛言一切人皆等視中與共語言當善心不得有害意向常當慈心與語不得瞋恚皆當好心中心菩薩當作是住

道行般若經卷第五

已亥歲高麗國大藏都監奉  
勅彫造



道行般若經卷第六

淡

後漢月支國三藏支婁迦識譯

摩訶般若波羅密阿惟越致品第十五

須菩提白佛言阿惟越致菩薩當何  
以比當何以觀其行當何以相當何  
從知是阿惟越致菩薩佛言阿惟越  
致菩薩如逮得禪者不動搖如羅漢  
辟支佛地佛地是佛地如本無終不  
動佛說本元聞不言非空是中本無  
入本元是所本無如本元亦不言非  
如是入中入中以聞是本無以若轉  
於餘處聞心終不疑亦不言是亦不  
言非如是本元如本無住其所語不  
輕所言不說他事但說他正他人所  
作不觀視用是比用是相行具足知  
是阿惟越致菩薩阿惟越致終不形  
相沙門婆羅門面類不祠祀跪拜天  
不持華香施於天亦不教他人為身  
不生惡處不作女人身當持十戒不  
煞生強盜姪洩兩舌嗜酒惡口妄言  
綺語不嫉妬瞋恚罵詈不疑亦不教  
他人為身自持十戒不疑復教他人

守十戒於夢中自護十戒亦復於夢中面目見十戒阿惟越致心學諸法皆安隱為世間人說經持深經授與令得分德住志致願使得經令用分德住阿惟越致聞說深經時終不疑不言不信亦不恐懼所語柔軟微妙至密少睡卧行步出入心安諦無乱時徐舉足蹈地安隱願視所斐服衣被淨潔无垢圻無蟻蛭身中无八十種虫所有功德稍稍欲盛滿心極清淨志受得之其功德過出於世間

須菩提白佛言云何菩薩心清淨當何以知之佛言是菩薩所作功德轉增多其心極上自在無所罣礙逮得其功德是心甚清潔清潔過於阿羅漢辟支佛道上如是阿惟越致有來供養者不受用喜一切无慳貪說深經時未嘗於中有歇極也正在智中深入若餘所欲有問深經者持是深般若波羅蜜為說之其有他道所不能正者持是深般若波羅蜜為正之從是經中所出法志持無常之事相語之諸世間經書所不能解者持

是深般若波羅蜜為解之用是故弊  
魔來到是菩薩所便於邊化作大八  
泥犁其一泥犁中有若干百千菩薩  
化作是以便指示之言是輩皆阿惟  
越致菩薩從佛受決以今皆墮泥犁  
中佛為授若泥犁耳設若作阿惟越  
致受決菩薩者若當受疾悔之言我  
非阿惟越致若悔之言尔者便不復  
墮泥犁中當生天上佛言設是菩薩  
心不動轉者是阿惟越致弊魔復化  
作其師被服往到菩薩所詭語若前  
從我所聞受者今忘棄捨是皆不可  
用也若自悔過受疾悔之隨我言者  
我日來問訖汝不用我言者終不復  
來視汝若莫復說是事我不復欲聞  
是故說是皆非佛所說餘外事耳汝  
今更受我所語我所說皆佛語佛言  
菩薩聞是言其心動轉者不從過去  
佛受決未上菩薩舉中未在阿惟越  
致地設是菩薩心不動轉者知是深  
經空所致作是思惟終不信他人語  
譬若比丘得阿羅漢不復隨他人語  
志明見經中證是為空所致終不可

動如阿羅漢辟支佛道所念法終不  
可復還是菩薩為在阿惟越致地住  
正住向佛門終不可復還是為極度  
用是比用是相行具足知是阿惟越  
致菩薩復有弊魔化作異人往到菩  
薩所作是語若所求為勤苦耳不求  
佛法也若空負是勤苦為用是勤苦  
之難為求乎若在惡道中以來大久  
適今得為人汝不當於是中思惟不  
當自患厭耶當復於何所更索是軀  
汝何不早取阿羅漢道用佛為求之  
是菩薩心不動轉者知是阿惟越致  
弊魔不能動轉捨去更作方便化作  
若干菩薩在其邊住因指示言若見  
不耶是患菩薩皆供養如恒中沙佛  
以皆與衣被飲食牀卧具醫藥患具  
足皆從如恒中沙佛受行法問慧當  
所施行如法住如法求皆入中作是  
學作是受作是行患以尚不能得佛  
若學以來甫尔當何因得佛菩薩聞  
是言心不動轉者弊魔復捨去不遠  
復化作諸比丘示之言是患阿羅漢  
過去世時皆求菩薩道不能得佛今

皆取阿羅漢已如是比丘當何從得  
佛菩薩聞是語心不動轉當覺知魔  
為佛言作是學作是求作是行於是  
深般若波羅蜜中住心不動轉者如  
是比相行具足知是阿惟越致佛言  
菩薩當作是學作是求護是教受佛  
教當念行於他方聞魔語如是心不  
動轉不可移覺知魔為菩薩作是學  
也弊魔復往到菩薩所作是詭譎言  
佛如空是經不可得邊幅不可得極  
是經中我悉知已皆空耳若為是中  
勤苦者不當覺知魔為此事魔作是  
經云何欲於中欲得作佛是非佛所  
說菩薩當諦覺知是魔所為菩薩作  
第一禪第二禪第三禪第四禪三昧  
越阿惟越致不隨錄是四禪是所禪  
作三昧越用人入欲中故禪三昧是  
菩薩終不隨禪教其功德極過禪上  
去有共稱譽名字者不用喜不稱譽  
者亦不用作憂其心終不動亂常念  
世間人善出入行步坐起常端心正  
志少婬意在家者與婦人相見心不

樂喜常懷恐怖與婦人交接念之惡  
露臭處不淨潔非我法也盡我壽命  
不復與相近當脫是惡露中去譬若  
有人行大荒澤中畏盜賊心念言我  
當何時脫出是阨道中去當棄遠是  
姪洑畏懼如行大荒澤中亦不說其  
人惡何以故諸世間皆欲使安隱故  
也佛言如是菩薩其福具足得之是  
皆深般若波羅蜜威神力使作是念  
是菩薩和夷羅洹化諸鬼神隨後亦  
不敢近附菩薩終不失志心不妄起  
身體完具無瘡癩極雄猛終不誘他  
人婦女若有治道符呪行藥身不自  
為亦不教他人為見他人為者心不  
喜也終不說男子若女人為事亦不  
說非法之事亦不生惡處用是比用  
是相行具足知是阿惟越致菩薩  
須菩提白佛言菩薩用何等故名為  
阿惟越致佛言菩薩不與國王若世  
俗城郭聚落會人從事不與盜賊若  
軍師兵刃從事不與男子女人從事  
不與餘道人若祠祀諸鬼神酒肉穀  
食從事不與香及燒香若繒絲利業



調戲從事不與海中若諸所欲從事  
不與弊惡無反復好鬪乱人者從事  
但與深般若波羅蜜從事心終不遠  
離薩芸若常在中不忘常行中正无  
不行時常稱譽賢善者上頭常隨善  
知識不與惡知識相隨常求佛法願  
欲生異方佛刹用是故常與佛相見  
供養之從欲處色處空處從彼間來  
生中國常於善人黠慧中生在工談  
語曉經書家生常不好豫世俗之事  
生不犯法常在大國中生未常在邊  
地生也用是比用是相行具足用是  
故名爲阿惟越致菩薩終不言我是  
阿惟越致亦不言我非亦不疑我非  
阿惟越致地亦不言我是阿惟越致地  
譬若有人得須陀洹道在其地終不  
疑魔事適起即覺知魔稍稍來不聽  
隨在阿惟越致地終不疑不懈怠譬  
若有人作惡逆盡其壽命心終不可  
轉使作善不念惡是惡心至死終不  
休是菩薩住中正在阿惟越致地心  
不可移動十方終不能復轉其心自  
有道地終不疑無阿羅漢辟支佛心

不念佛難得心大無有極安隱堅住  
其地无有能降之者作是住無有能  
過是黠者用是故弊魔大愁毒言是  
菩薩心如剛鐵不可轉便復更作佛  
形往語菩薩言若何不於是間取阿  
羅漢證若未受決得阿耨多羅三耶  
三菩若不得是比不得是相菩薩用  
是比用是相行具足如是尚不得佛  
若當何因得之佛言設是菩薩聞魔  
語若心不動者是菩薩從過去恒薩  
阿竭受決已得阿耨多羅三耶三菩  
是故覺知魔作佛形像來言是非佛  
也魔耳欲使我心搖我心不可動佛  
言是菩薩心不可動轉者從過去恒  
薩阿竭受決已授阿耨多羅三耶三  
菩住阿惟越致地何以故用是比用  
是相行具足故知是阿惟越致菩薩  
悉得法者悉行中正當代不惜身命  
是菩薩一切法悉受得之過去當來  
今現在佛所有法悉得持護用是故  
當為不惜身命未常懈怠无有歇時  
恒薩阿竭及諸弟子說經時心終不  
疑亦不言非佛說聞說深般若波羅

蜜終心不有疑亦不言非如是菩薩  
遠無所從生法樂於中立持是功德  
悉具足用是比用是相行具足是為  
阿惟越致菩薩

摩訶般若波羅蜜道行經鳩摩羅什譯卷第十六

須菩提白佛言阿惟越致菩薩極從  
大功德起常為菩薩說深法教入深  
佛言善哉善哉須菩提若乃內菩薩  
使入深何等為深空為深无想無願  
无識無所從生滅涅槃是為限須菩  
提白佛言涅槃是限非是諸法佛言  
諸法甚深色痛痒思想生死識甚深  
何等為色痛痒思想生死識甚深如  
本无色痛痒思想生死識本無介故  
甚深須菩提言難及也天中天色痛  
痒思想生死識妄消去便為涅槃佛  
言甚深與般若波羅蜜相應當思惟  
念作是住學如般若波羅蜜教菩薩  
隨是行當思惟念如中教應行一日  
是菩薩為却幾劫生死譬如淫泆之人  
有所重愛端正女人與共期會是女  
人不得自在失期不到是人寧有意  
念之不耶須菩提言世人有念思想

當到欲與相見坐起宿止言語佛言  
其人未到之間能有幾意起念須菩  
提言是意甚多甚多佛言菩薩念深  
般若波羅蜜如是一日心不轉者却  
生死若干劫菩薩學般若波羅蜜如  
中教如中所說思念隨是行一日為  
却惡除罪若有菩薩遠離深般若波  
羅蜜正使布施如恒中沙劫不如是  
菩薩隨深般若波羅蜜教一日其功  
德出彼上若復有菩薩壽如恒中沙  
劫并持前所布施與須陀洹斯陀舍  
阿那含阿羅漢辟支佛佛不得深般  
若波羅蜜若復有菩薩隨深般若波  
羅蜜中行如中教其功德出彼上若  
復有菩薩壽如恒中沙劫布施如前  
持戒具足若復有菩薩求深般若波  
羅蜜從念起說經其功德出彼上若  
復有菩薩持經布施其功德轉上得  
阿耨多羅三耶三菩是菩薩持經布  
施以來深入是中隨是教其功德出  
彼上若復有菩薩以經布施不深入  
是中轉不及也若復有菩薩持經布  
施復深入是中未常有離時為般若

波羅蜜所護其功德甚多甚多

須菩提白佛言所識有著者此二何  
所功德為多佛言菩薩所識若求深  
般若波羅蜜樂於空樂無所有樂盡  
樂无常念是為不離般若波羅蜜如  
是菩薩得功德不可計阿僧祇須菩  
提白佛言不可計復言阿僧祇有何  
等異佛言阿僧祇者其數不可盡極  
也不可計者為不可量計之了不可  
得邊崖介故為不可計阿僧祇須菩  
提言佛說不可計色痛痒思想生死  
識亦不可計佛語須菩提汝所問者  
有何因使色痛痒思想生死識不可計  
不可量須菩提問佛何等為不可量  
佛言於空中計之為不可量無想无  
願計之如是不可量須菩提言空計  
是法不可計佛言云何我常不言諸  
法空須菩提言如怛薩阿竭所說法  
悉空佛言諸法悉空不可盡不可計  
經無有各各慧无有各各異怛薩阿  
竭但分別說耳空不可盡不可量是  
想是願是識是生是欲是滅是泥洹  
隨所喜作是為說作是現示作是為



教怛薩阿竭所說如是

須菩提言難及也天中天經本空耳  
云何復於空中說經是經不可逮如  
我了佛語諸法不可逮佛言如是諸  
法不可逮佛言如是諸法不可逮空  
耳是為不可逮須菩提言如佛說本  
無不可逮願解不可逮慧有增有減  
佛言不也須菩提言若有不可逮慧  
有增有減檀波羅蜜尸波羅蜜羼提  
波羅蜜惟逮波羅蜜禪波羅蜜般若  
波羅蜜不增不減若不增波羅蜜者  
菩薩何因近阿耨多羅三耶三菩何  
緣得阿惟三佛設不減波羅蜜者菩  
薩何因近阿耨多羅三耶三菩何緣  
近阿惟三佛坐佛言是不可逮慧不  
增不減菩薩求深般若波羅蜜若守  
者如是漚沲拘舍羅菩薩不念檀波  
羅蜜增亦不念減復作是念但名檀  
波羅蜜所布施念持是功德施與作  
阿耨多羅三耶三菩施如是尸波羅  
蜜羼提波羅蜜惟逮波羅蜜禪波羅  
蜜菩薩求般若波羅蜜若守者得漚  
沲拘舍羅不念般若波羅蜜有增有



減是但名為般若波羅蜜求之若守者發心念持是功德施與作阿耨多羅三耶三菩須菩提白佛言何等為阿耨多羅三耶三菩佛言本無是也是本无不增不减常隨是念不遠離是即為近阿耨多羅三耶三菩坐不可逮法不可逮慧若般若波羅蜜皆不增不减菩薩念是不遠離為近阿耨多羅三耶三菩須菩提白佛言菩薩持初頭意近阿耨多羅三耶三菩若持後頭意近之佛言初頭意後來意是兩意無有對須菩提言後來意初頭意无有對何等功德出生長大佛言譬如然燈炷用初出明然炷用後來明然炷須菩提言非初頭明然炷亦不離初頭明然炷亦非後明然炷亦不離後明然炷佛問須菩提云何如是不須菩提言如是天中天佛言菩薩不用初意得阿耨多羅三耶三菩亦不離初意得亦不用後意得亦不離後意得也佛言云何是為得阿惟三佛不須菩提言阿惟三佛甚深是因緣菩薩不用初意得阿耨

多羅三耶三菩亦不離初意得亦不用後意得亦不離後意得也佛言云何心前滅後復生耶須菩提言不也佛言心初生可滅不須菩提言可滅佛言當所滅者寧可使不滅不須菩提言不也佛言本无寧可使住不須菩提言欲住本無當如本无住佛言設今在本無中住寧可使發堅固不本无寧有心無心不離本无寧有心不見本無不作是求為深求不須菩提言天中天作是求為无所求何以故是法了不可得亦不可見佛言菩薩求般若波羅蜜為求何等須菩提言為求空佛言設不空為求何等須菩提言為求想佛言云何去想不不也是菩薩為不去想須菩提言不作是求妄想何以故求想盡者設想滅者即可滅也便得阿羅漢是為菩薩遍想拘舍羅不滅想得證向無想隨是教舍利弗謂須菩提若有菩薩有三種事向三昧門守三昧門一者空二者无相三者無願是三者有益於般若波羅蜜不但晝日晝夜夢中亦當復

益何以故佛說晝夜夢中等无異須  
菩提言若有菩薩晝日有益於般若  
波羅蜜夜夢中亦復有益舍利弗言  
云何若夢中有所作寧有所得不佛  
所說經如夢中所有須菩提言夢中  
所作善覺大喜為益夢中所作惡覺  
不喜為減舍利弗言設於夢中煞人  
其心喜覺以言我煞是人快乎如是  
云何須菩提言不死尔皆有所因緣  
心不空尔會有所因緣若見若聞若  
念為因緣尔故知耳從是中令人心  
有所著令人心無所著是為不忘尔  
皆有所因緣故舍利弗言所作皆空  
耳何因心有所因緣須菩提言想因  
緣是故心因緣從是起舍利弗言菩  
薩夢中布施持是施與作阿耨多羅  
三耶三菩如有施與無須菩提言  
弥勒菩薩近前在旦暮當補佛處是  
故知當從問舍利弗白弥勒菩薩我  
所問須菩提言弥勒菩薩能解之弥  
勒言如我字弥勒當解乎當以色痛  
痒思想生死識解慧乎持是身解耶  
若空若色痛痒思想生死識解慧色

痛痒思想生死識空无力當所解是法了不見也亦不見當所解者是法了不見當得阿耨多羅三耶三菩者舍利弗言弥勒菩薩所說為得證弥勒言不也我所說法不得證舍利弗便作是念弥勒菩薩所入慧甚深何以故常行般若波羅蜜以來大久速矣佛問舍利弗云何若自見作阿羅漢時不舍利弗言不見也佛言如是菩薩不作是念我受決是法當於中得阿惟三佛亦無有得阿惟三佛者菩薩作是行為求般若波羅蜜終不恐我不得阿惟三佛隨是法中教求般若波羅蜜用是故我无所畏菩薩至大劇難虎狼中時終不畏怖心念言設有啖食我者為當布施行檀波羅蜜近阿耨多羅三耶三菩願我後作佛時令我剎中無有禽獸道菩薩至賊中時終不怖懼設我於中死心念言我身會當棄捐正令我為賊所煞我不當有瞋恚為具忍辱行羈提波羅蜜當近阿惟三佛願我後得佛時令我剎中无有盜賊菩薩至無水漿中

時心不畏怖自念言人無德使是聞  
无水漿願我後得阿惟三佛時使我  
剎中皆有水漿令我剎中人悉得薩  
芸若八味水菩薩至穀貴中時心不  
恐怖自念言我當精進得阿惟三佛  
使我剎中終無穀貴令我剎中人在  
所願所索飲食悉在前如忉利天上  
食飲菩薩在疾疫中時心念言我終  
無恐懼正使我身死是中會當行精  
進得阿惟三佛令我剎中无有惡歲  
疾疫者必當降伏魔官屬佛言菩薩  
聞是阿耨多羅三耶三菩阿惟三佛  
却後大久遠乃得佛者心不恐怖從  
本際起意學以來用不為久也譬如  
人意一轉頃耳何以故無有本際故  
佛說是時有優婆夷從坐起前至佛  
所為佛作禮長跪白佛言我聞是不  
恐不怖必降恐怖之處索阿耨多羅  
三耶三菩得阿惟三佛已當說經佛  
笑口中金色光出優婆夷即持金華  
散佛上持佛威神華皆不墮地阿難  
從坐起更斐袈裟前為佛作禮長跪  
問佛言佛不妄笑既笑當有所說佛

言是恒竭優婆夷却後當來世名星宿劫是中有佛名金華佛是優婆夷後當棄女人身更受男子形却後當生阿闍佛刹從阿闍佛刹去復到一佛刹從一佛刹復生一佛刹如是無終極譬如遮迦越王從一觀復遊一觀從生至終足不蹈地是優婆夷從一佛刹復到一佛刹未嘗不見佛阿難心念如阿闍佛刹諸菩薩會者是為佛會耳佛知阿難心所念佛言是諸菩薩會者悉度生死已是優婆夷後當作金華佛度不可計阿羅漢令般泥洹是時佛刹中无有禽獸盜賊無有斷水漿若穀貴病疫者其餘惡事悉无有阿難問佛是優婆夷從何佛已來作功德佛言乃昔提和竭羅佛所作功德初發意求佛提和竭羅佛時亦復持金華散佛上願言持是功德施與作阿耨多羅三耶三菩者佛言如我持五華散提和竭羅佛上即遠得無所從生法樂於中立授我决言却後无數劫若當為釋迦文佛是優婆夷尔時見我從佛授决其心



亦念我亦當授決得阿耨多羅三耶  
三菩如是菩薩受決佛語阿難是恒  
竭優婆夷於提和竭羅佛所初發起  
本阿耨多羅三耶三菩阿惟三佛阿  
難白佛言是恒竭優婆夷所求已度  
佛言已度

道行般若經卷第六

戊戌歲高麗國大藏都監奉

勅彫造

道行般若經卷第七

波

大序

摩訶般若波羅蜜守空品第十七

後漢月支國三藏支婁迦讖譯

須菩提白佛言菩薩行般若波羅蜜  
何等為入空何等為守空三昧佛言  
菩薩行般若波羅蜜色痛痒思想生  
死識空觀當作是觀一心作是觀不  
見法如是不見法於法中不作證須  
菩提言佛所說不於空中作證云何  
菩薩於三昧中住於空中不得證佛  
言菩薩志具足念空不得證作是觀  
不取證作是觀觀入處甫欲向是時  
不取證不入三昧心無所著是時不  
失菩薩法本不中道得證何以故本  
願志護薩和薩故為極慈哀故自念  
言我志具足於功德是時不取證菩  
薩得般若波羅蜜獲得極大功德志  
得智慧力譬若人能勇悍却敵為人  
極端正猛健元所不能能曉兵法六  
十四變皆知習之為衆人所敬若有  
所至處無不得其力者有所得者轉  
分布與人其心歡欣若有他事與父

母妻子俱去過大劇道厄難之中安  
隱父母語其妻子言莫有恐懼當俱  
出是難中既出得送父母妻子歸鄉  
里不逢邪惡到家莫不歡欣者何以  
故用是人勇悍多智慧黠健故是菩  
薩行極大慈心念十方薩和薩是時  
持慈心志施人上是菩薩過阿羅漢  
地出辟支佛地於三昧中住志愍傷  
薩和薩無所見於是中不取證入空  
中深不作阿羅漢菩薩作是行時為  
行空三昧向泥洹門不有想不入空  
取證譬若飛鳥飛行空中无所觸尋  
菩薩行甫欲向空至空向無想不墮  
空中不墮无想志欲具佛諸法譬若  
工射人射空中其箭住於空中後箭  
中前箭各各復射後箭各各中前箭  
其人射欲令前箭墮今乃墮菩薩行  
般若波羅蜜為遍起拘舍羅所護自  
於其地不中道取證墮阿羅漢辟支  
佛地持是功德逮得阿耨多羅三耶  
三菩功德威滿便得佛為菩薩於經  
本中觀不中道取證須菩提白佛言  
菩薩譏苦作是學不中道取證佛言

是菩薩志為護薩和薩守空三昧向

泥洹門心念分別何等為分別守空

三昧無相三昧无願三昧是為分別

漚呬拘舍羅使是菩薩不中道取證

何以故漚呬拘舍羅護之故故心念

一切薩和薩持是所念故得漚呬拘

舍羅不中道取證若菩薩深入觀守

空三昧向泥洹門無想三昧向泥洹

門无願三昧向泥洹門用是故分別

久遠已來人所因緣想中求得阿耨

多羅三耶三菩為說經當使遠是因

緣守空三昧守無想三昧守无願三

昧向泥洹門皆不中道取證菩薩如

是念久遠人呼常有想常有安想常

有我想常有好想各各本我作阿耨

多羅三耶三菩時用人故為說經使

斷有想有安想有我想有好想志斷

求云何斷是常无常是樂皆苦是身

非身是好皆醜菩薩自心念為得漚

呬拘舍羅守空守無想守无願三昧

向泥洹門不中道取證若有菩薩心

念人發遠已來求因緣求想求欲求

聚想求空想求是想皆現在菩薩言

我一切欲使世間無有是用是念人  
故得遍恕拘舍羅是法觀空想願識  
无所從生齊限是菩薩不中道取證  
法當作是知云何菩薩求般若波羅  
蜜當曉習於法中心當何緣求心當  
云何入守空三昧守無相三昧守无  
願三昧向泥洹門皆不中道取證守  
無識三昧守无所從生三昧是菩薩  
不得決故守空三昧無相三昧无願  
三昧無識三昧无所從生三昧念是  
三昧竟有來問者不即持不可計心  
為解者知是非阿惟越致菩薩何以  
故阿惟越致心無央數志知用是比  
行不具足知是菩薩未得阿惟越致  
須菩提白佛言若有菩薩能解是者  
便為阿惟越致佛言聞深般若波羅  
蜜若不聞能解者即是阿惟越致須  
菩提言不可計人求菩薩道少有能  
解者佛言能解者以受決以於是功  
德中極殊所知法者阿羅漢辟支佛  
所不能及諸天阿湏倫龍鬼神所不  
及是為阿惟越致相

佛言復次須菩提夢中菩薩摩訶薩  
不入阿羅漢地不入辟支佛地不樂  
索其中亦不教他人入其中心亦不  
念般若中諸法夢中視不般若中為  
證心志常在佛如是須菩提阿惟越  
致菩薩摩訶薩當知是阿惟越致相  
復次須菩提菩薩摩訶薩夢中與若  
千百弟子共會在中央坐不可數千  
弟子不可數百千弟子共會在中央  
坐說經與比丘僧相隨寂在前頭恒  
薩阿竭阿羅呵三耶三佛說經悉見  
亦復是須菩提阿惟越致菩薩摩訶  
薩當知是阿惟越致相復次須菩提  
菩薩摩訶薩夢中在極高虛空中坐  
為比丘僧說經還自見七尺光自在  
所變化於餘處所作為如佛說經菩  
薩摩訶薩於夢中作是亦復是須菩  
提阿惟越致菩薩摩訶薩當知是阿  
惟越致相復次須菩提菩薩摩訶薩  
夢中不恐不怖不難不畏夢中若見  
郡縣其中兵起展轉相攻若火起若  
見虎狼師子及餘獸若見斷人頭者  
如是餘變化大勤苦者多困窮者飢



者渴者都以厄難忘作是見其心不  
起坐作是念如夢中所見都是三處  
我作佛時忘為說經遍教亦復是須  
菩提阿惟越致菩薩摩訶薩當知是  
阿惟越致相復次須菩提何從知是  
菩薩摩訶薩得阿耨多羅三耶三菩  
成作佛時其境內一切無有惡心是  
時須菩提菩薩摩訶薩夢中若見畜  
生相噉人民疾疫時其心稍稍生逮  
得是願作是念我會當作佛如我作  
佛時使我境界中一切無有惡用是  
故知亦復是須菩提阿惟越致菩薩  
摩訶薩當知是阿惟越致相諸惡忘  
除賜亦復是須菩提阿惟越致相復  
次須菩提是菩薩摩訶薩於夢中覺  
已若見城郭火起時便作是念我於  
夢中所見用是比用是相見不怖用  
是比用是相行具足菩薩摩訶薩如  
是是為阿惟越致相持是比持是相  
行具足是為阿惟越致菩薩摩訶薩  
今我審應審至審是所向者當無異  
今是城郭火起用我故忘當滅忘當

消恚當去不復現佛言假令火賜滅已賜消已賜去已知是須菩提菩薩摩訶薩受決已過去恒薩阿竭阿羅訶三耶三佛授阿耨多羅三耶三菩知是阿惟越致相假令火不滅不消不去知是菩薩摩訶薩未受決設火神燒一舍置一舍復越燒一里置一里知是須菩提其家人前世時斷經故所致是輩之人所作宿命恚自見宿命所作惡於是恚除賜從是以來斷經餘殃恚盡是宿命惡恚消如是須菩提知是菩薩摩訶薩未得阿惟越致阿耨多羅三耶三菩復次須菩提用是比用是相行具足菩薩摩訶薩當作是觀持是比持是相當為說今知之或時須菩提若男子女人為鬼神所下若為所持是彼菩薩作是念或我受決如過去恒薩阿竭阿羅訶三耶三佛授我阿耨多羅三耶三菩阿惟三佛是阿耨多羅三耶三菩所念志淨潔故設我當作阿耨多羅三耶三菩阿惟三佛所念皆淨潔是阿耨多羅三耶三菩却阿羅漢心却

辟支佛心設却阿羅漢心以設却辟  
支佛心以阿耨多羅三耶三菩會當  
作佛不得不作佛阿耨多羅三耶三  
菩當作佛者十方阿僧祇剎現在諸  
佛無不知者无不見者無不證者今  
怛薩阿竭阿羅訶三耶三佛悉知我  
所識念我審當作阿耨多羅三耶三  
菩阿惟三佛審如我所語審如我所  
為審如我所言是鬼神當用我故去  
便告言是男子女人何等鬼神所取  
持乎鬼神即為去設是不去者是菩  
薩摩訶薩說是時當知須菩提是菩  
薩摩訶薩未受決過去怛薩阿竭阿  
羅訶三耶三佛不授阿耨多羅三耶  
三菩佛語須菩提其人審至誠者弊魔  
往到是菩薩摩訶薩前住作是語言  
若本作是住若本字某若以受決欲  
以亂之是菩薩當說是語時我是真  
者鬼神當隨我語我審受決為阿耨  
多羅三耶三菩審如我至誠者是鬼  
神即當去是弊魔便作是念我當使  
鬼神去何以故弊魔極尊有威神鬼  
神不敢當魔作是念鬼神用魔威神

故便捨去如是菩薩作是念用我威  
神故鬼神即去耳佛言不知用魔威  
神故去也是彼菩薩摩訶薩以自謂  
審然便自貢高輕易人形笑人無所  
錄語人言我於過去恒薩阿竭阿羅  
訶三耶三佛所受決以其餘人志未  
受決用是故自可自貢高反瞋恚起  
恚怒稍稍增多則離薩芸若大遠失  
阿耨多羅三耶三菩智是輩菩薩无  
有溫恕拘舍羅瞋怒更生起是兩地  
當墮阿羅漢地若墮辟支佛道地是  
輩須菩提持不成是菩薩摩訶薩當  
覺知魔為捨善知識去亦不與善知  
識語亦不與善知識從事亦不錄善  
知識用是故知為魔所固如是須菩  
提菩薩摩訶薩當知魔為何以故當  
覺是事知魔來在菩薩前魔時時變  
眼往作是語言過去恒薩阿竭阿羅  
訶三耶三佛授若受阿耨多羅三耶  
三菩若本字某若母字某若父字某  
若兄字某若姊字某若弟字某若親  
厚字某若知識字某若父母兄字某若  
七世祖父母字某若母外家字某若父

外家字某若在某城生若在某國生  
若在某郡生若在某縣生若在某鄉  
生若常軟語若今作是語若乃前世  
時亦復作是軟語或時高才便復隨  
形言若前世時亦復高明或見自字  
或見乞食或時一處飯或時就飯者  
或時先取果菜却食飯或時在丘墓  
間或時路靖或時在樹間止或時有  
受請者或時不受請或時少多取足  
或時麻油不塗身或時語聲好或時  
巧談語魔見如是因底詭言若前世  
時亦復巧談語如是若前世時施行  
法亦復如是何以故若前世時淨潔  
行今還得若前世時行淨潔故功德所  
致今若還是功德耳若前世時某家  
子若種姓亦復字某前世有是行若  
今世亦復淨潔得是彼菩薩心便作  
是念想我得无尔乎是弊魔便復作  
是語言若以受決阿惟越致過去恒  
薩阿竭阿羅訶三耶三佛若授決已  
用是故若得淨潔佛語須菩提我所  
說阿惟越致菩薩摩訶薩持是比持  
是相持是行用占之我所說者不具



足得反自用是當知是菩薩輩終不成就當知為魔所壞何以故用是比用是相阿惟越致菩薩摩訶薩知是了不得用魔說其功德故說其字故是輩菩薩摩訶薩聞魔所語心歡欣自謂審然便行形調人輕易同學人自貢高彼菩薩用受是字故便失其本行墮魔羅網復次須菩提用受是字故菩薩摩訶薩不覺魔為反自呼得阿耨多羅三耶三菩魔復作是語言若當作阿耨多羅三耶三菩若作佛時當字某是菩薩聞是字心中作是念我得无然乎我亦先時念如是我本作是生意以我本作是念已佛言是菩薩如是於智中少是菩薩無有滯礙拘舍羅反作是念是所言我字當作佛時亦如我先時所念我定當作阿耨多羅三耶三菩字如是佛言如魔所教若魔天共作是比丘為魔所迷佛語須菩提我所署菩薩用是比用是相我不教令作是為我所教了不得亡是比失是相反用是字故自意念我是阿惟越致便輕餘菩



薩用是輕易故離佛遠離薩若遠  
離阿耨多羅三耶三菩智遠是漚沲  
拘舍羅亡以般若波羅蜜亡以善知  
識以更得惡知識是菩薩會墮阿羅  
漢辟支佛道中若後大久速勤苦能  
復求佛者用般若波羅蜜恩故當復  
得阿耨多羅三耶三菩自致作佛佛  
言今時發意受是字時不即覺不即  
改不即悔如是當墮阿羅漢辟支佛  
道佛言若有比丘教重禁四事法若  
復他事所犯毀是禁不復成沙門不  
復為佛子是壞菩薩輩罪過於比丘  
四事法是菩薩言我於某國某郡某  
縣某鄉生作是意生念時其罪最重  
當作是知置是四事重法是為五逆  
惡當意生是念時其罪重是菩薩用  
受其字故意信生是念故其罪大當  
作是知如是須菩提用是字故為魔  
入深罪復次須菩提遠離之德菩薩  
摩訶薩弊魔復往作是語言遠離法  
正當余但薩阿竭阿羅訶三耶三佛  
所稱譽

佛語須菩提我不作是說遠離教菩

薩摩訶薩於獨處止於樹間止於閑  
處止須菩提白佛言云何天中天菩  
薩摩訶薩遠離何所復有異遠離乎  
亦不於獨處止亦不於樹間止亦不  
於閑處止何等為異遠離佛語須菩  
提正使各各有阿羅漢隨是行念各  
各有辟支佛隨是行念各各有菩薩  
摩訶薩城外行遠離各各行菩薩摩  
訶薩一切惡不得犯各各行菩薩摩  
訶薩若當於獨處止若於樹間止若  
於閑處止了了行菩薩摩訶薩是遠  
離法我樂使作是行不使遠行絕無  
人處於中也菩薩摩訶薩持是遠離  
當晝夜行當了了行是故菩薩摩訶  
薩遠離於城傍行持是比菩薩摩訶  
薩當各各行若於獨處止若於樹間  
止若於閑處止各各行菩薩摩訶薩  
我所說遠離法如是今時弊魔當往  
教行遠離法語言若當於獨處止若  
於樹間止若於閑處止當作是行是  
菩薩隨魔教便亡遠離法魔語言道  
等取阿羅漢法作是念无有異當隨  
是行辟支佛道作是念無有異亦當

隨是行菩薩道作是念無有異亦當  
隨是行般若波羅蜜難了知入中若  
當作是行捨般若波羅蜜佛言是菩  
薩所願未得反隨其行於法中未了  
知是菩薩摩訶薩反自用是當輕易  
餘菩薩自念誰能過我者輕易城傍  
行菩薩城傍行菩薩了了淨潔心無所  
念不入阿羅漢法中住不入辟支佛  
法中住所有惡心不受禪悅棄定於  
三昧中念逮得所願志具足度佛言  
是無有過想拘舍羅菩薩正使於百  
千由旬空澤中在其中行禽獸所不  
至虜賊所不至虜羅刹所不至處在  
彼間止若百歲若百千歲若百千万  
歲正使復過是不知是遠離法會无  
所益是遠離菩薩不具足自念自用  
志得以了不自知為亡也自用在遠  
離中立是為兩舌耳不得遠離也我  
不喜是菩薩心尔也我所道遠離菩  
薩摩訶薩不尔也是所遠離不具足  
知於是遠離中了不得如是為三遠  
離耳如是弊魔便往飛在虛空中立  
作是語善哉善男子是真遠離法怛

薩阿竭阿羅訶三耶三佛所說正當  
隨是遠離行如是疾得阿耨多羅三  
耶三菩阿惟三佛是菩薩聞是語喜  
便從遠離起去往到城傍遠離菩薩  
所是菩薩比丘成就有德人也反往  
輕言若所行法非也佛言如是諸仁  
者中有了了隨行菩薩摩訶薩反呼  
非中有反行反呼是不當敬者而敬  
之當所敬者反瞋向語是菩薩言我  
行遠離有飛人來語我言善哉善哉  
若審是遠離法正當隨是行用是故我  
來相語耳今若當隨我所行如我所行  
無有比若有城傍行誰當來語若誰當  
來告若善哉佛言是菩薩有德之人而  
反輕如是須菩提菩薩當作是知如  
擔死人種無所復中直反呼是菩薩  
有短是為菩薩然象是為獸菩薩以  
是為天上天下之大賊也正使如沙  
門被服亦復是賊无異也於菩薩有  
德人中亦復是賊也是曹輩須菩提  
不當與共從事也不當與共語言也  
亦不當恭敬視也何以故多瞋怒起  
敗人好心是輩人也當作是知何所

須菩提菩薩摩訶薩不捨薩芸若不  
置阿耨多羅三耶三菩是所菩薩摩  
訶薩不捨薩芸若故是阿耨多羅三  
耶三菩阿惟三佛為一切護薩和薩  
是彼壞菩薩輩不當與從事不當敬  
不當與會所當護法一當自堅持常  
當急持淨潔心立心所狎習常當諦  
持常當正心常當怖畏勤苦處無得  
入其中无得入三處是彼壞菩薩輩  
所在彼處常當持慈心向常當哀之  
令安隱愍傷之慈念之常當自護自  
念使我無得生是惡心一切使我心  
无瑕疵我設有是不善疾使我棄如  
是須菩提菩薩摩訶薩所有行極上  
當作是知

摩訶般若波羅蜜道行經善知識品第十九  
復次須菩提菩薩摩訶薩在事欲得  
阿耨多羅三耶三菩阿惟三佛是彼  
當與善知識從事恭敬承事須菩提  
問佛菩薩摩訶薩善知識當何以知  
之佛語須菩提佛天中天是菩薩摩  
訶薩善知識若有說般若波羅蜜者  
教人入是經中是菩薩摩訶薩善知

識六波羅蜜是菩薩摩訶薩善知識  
當作是知六波羅蜜是舍怛羅六波  
羅蜜是道六波羅蜜是護六波羅蜜  
是一六波羅蜜是將過去怛薩阿竭  
阿羅訶三耶三佛皆從六波羅蜜出  
甫當來怛薩阿竭阿羅訶三耶三佛  
皆從六波羅蜜出今現在十方阿僧  
祇刹怛薩阿竭阿羅訶三耶三佛亦  
皆從六波羅蜜出成薩芸若皆於四  
事中取道用四事護薩和薩何等四  
事一者布施於人二者歡樂於人三  
者饒益於人四者等與是為四如是  
須菩提菩薩摩訶薩是故為舍怛羅  
是故為母是故為父是故為舍是故  
為臺是故為度是故為自歸是故為  
導是故為六波羅蜜是故為薩和薩  
之度何因菩薩摩訶薩學六波羅蜜  
用无有極處人民故志欲斷其根是  
菩薩摩訶薩皆於般若波羅蜜中學  
須菩提問佛何所是般若波羅蜜相  
佛語須菩提無所罣碍是般若波羅  
蜜相須菩提言是所相得般若波羅  
蜜如是相得諸法佛言如是須菩提



無所有相得般若波羅蜜是所相得  
諸法何以故須菩提諸法各各異諸  
法各各虛空如是須菩提是所相各  
各虛空是為般若波羅蜜相諸法各  
各虛空如是須菩提是所相般若波羅  
蜜各各虛空隨是相諸法各各虛空  
須菩提問佛正使天中天諸法各各  
虛空何緣人民欲生無有盡時各各  
无有減時各各無有盡處時虛空無有  
增時虛空无有息時各各虛空無有  
阿耨多羅三耶三菩阿惟三佛不從  
是中各各虛空是法不得阿耨多羅  
三耶三菩阿惟三佛云何天中天是  
法當何以知决佛語須菩提今須菩  
提晝夜人民欲得是因致是作是求  
須菩提言如是天中天晝夜人民欲  
得是因致是作是求佛言云何須菩  
提若見我欲得是空不須菩提言不  
也天中天佛言如是不須菩提自作  
是得是空不須菩提言如是天中天  
空佛言云何須菩提但用是故欲得  
是因致是人民用是故勤苦無有解  
已時須菩提言如天中天極安隱人

民欲得是因致是勤苦無有休息時  
佛言如是須菩提人民所欲故便著  
當作是知人民所生本從是生從是  
中無可取无可取者不作是得是了  
無所有如是須菩提无有減盡時從  
是中了無有生增益者作是曉知是  
為菩薩摩訶薩行般若波羅蜜須菩  
提白佛言作是曉知者菩薩摩訶薩  
為不求色不求痛痒思想生死識作  
是曉知行般若波羅蜜菩薩摩訶薩  
為志等行諸阿羅漢諸辟支佛所不  
能及有德之人所行道是彼極過上  
是所得愛无有能逮者是菩薩摩訶  
薩當作是念得般若波羅蜜已當作  
是行菩薩摩訶薩晝夜行疾近阿耨  
多羅三耶三菩阿惟三佛佛言云何  
須菩提閻浮利人民及四面蛸飛蠕  
動志令作人各各得人道已皆令求  
阿耨多羅三耶三菩以發意索佛道  
各各盡壽作布施持是布施施與作  
阿耨多羅三耶三菩於須菩提意云  
何是菩薩摩訶薩作是布施其福寧  
多不須菩提言甚多甚多天中天佛

言不如是菩薩摩訶薩得般若波羅蜜已守一日正使寂後守一日如般若波羅蜜中教作是念行其福過彼上或時菩薩摩訶薩得般若波羅蜜已如是法作是念行是都盧於衆中極尊何以故其餘人無有能及是慈者捨諸佛是菩薩摩訶薩无有與等者是善男子深入知中曉了是智志具足志見世間勤苦者尔時極大慙傷念眼徹視見不可計人民志具足無有懈時用不懈故得是行當尔時極大感念志念薩和薩不用是相住亦不用餘住是所須菩提菩薩摩訶薩其智極大明雖未作阿耨多羅三耶三菩明如是隨是行一切剎土皆共尊舉正上阿耨多羅三耶三菩終不逮若受人衣被飲食牀卧具醫藥志具足是般若波羅蜜者心在其中立所受施志除去近薩芸若如是須菩提菩薩摩訶薩所敬無有罪益於薩和薩志亦道徑无有邊無有極處志明照諸在牢獄中者志欲度脫薩和薩志欲示眼是般若波羅蜜中法

當念行當隨是教用是念行是般若  
波羅蜜有入中者不動行不搖行何  
以故隨是不動搖行莫念想莫得作  
異念持短入般若波羅蜜中當作是  
行晝夜入般若波羅蜜中莫懈止譬  
若須菩提男子得摩尼珠前時未得  
却後得是摩尼珠歡欣踊躍得是摩  
尼珠已却後復亡之用是故大愁毒  
坐起憂念想如亡七寶作是念云何  
我直亡是珍寶如是須菩提菩薩摩  
訶薩欲索珍寶者常當堅持心無得  
失薩芸若常當入是中念須菩提白  
佛言設使所念用身亡乎云何菩薩  
摩訶薩念薩芸若不亡佛語須菩提  
設是菩薩摩訶薩作是知无為不失  
般若波羅蜜何以故須菩提般若波  
羅蜜虛空是般若波羅蜜亦不增亦  
不減須菩提言是般若波羅蜜虛空  
云何生菩薩摩訶薩般若波羅蜜成  
就其行近阿耨多羅三耶三菩佛言  
不也須菩提菩薩摩訶薩亦不增亦  
不減正使須菩提是經中說時菩薩  
摩訶薩聞是亦不恐亦不怖當作是

知是善男子則為行般若波羅蜜須  
菩提白佛言如是般若波羅蜜為空  
行乎不須菩提有離般若波羅蜜行  
得不須菩提空行不須菩提離空行  
不須菩提敗色行不須菩提敗痛痒  
思想生死識行不須菩提離色頗所  
有行不須菩提離痛痒思想生死識  
頗所有行不須菩提言云何天中天  
行般若波羅蜜佛言云何須菩提見  
是法不何所法行般若波羅蜜須菩  
提言不見也天中天佛言云何須菩  
提遍見不見般若波羅蜜何所菩薩  
摩訶薩行須菩提言不見也天中天  
佛言設使須菩提遍見不是菩薩摩  
訶薩行般若波羅蜜須菩提言不見  
也天中天佛言設使須菩提不遍見  
法有所生處不須菩提言不見也天  
中天佛語須菩提是菩薩摩訶薩逮  
無所從生法樂如是樂志具足无所  
從生受決阿耨多羅三耶三菩是怛  
薩阿竭阿羅訶三耶三佛所至處無  
所復畏志作是護菩薩摩訶薩作是  
求作是行作是力為逮佛慧極大慧

自在慧薩芸若慧怛薩阿竭慧設見  
不得佛佛語為有異須菩提白佛言  
設使諸法无所從生受決阿耨多羅  
三耶三菩佛語須菩提不也須菩提  
白佛言云何菩薩摩訶薩得阿耨多  
羅三耶三菩佛語須菩提見无所當  
受決阿耨多羅三耶三菩須菩提言  
我不見法當作阿耨多羅三耶三菩  
佛言如是須菩提如是諸法無无從  
中得菩薩不作是念持是法當受決  
不受決

道行般若經卷第七

已亥歲高麗國大藏都監奉  
勅彫造



道行般若經卷第八

淡

卷

摩訶般若波羅蜜釋提桓因品第三

後漢月支國三藏支婁迦讖譯

釋提桓因於衆中白佛言甚深般若波羅蜜難了難知是人民功德不小聞是深般若波羅蜜書者持者學者佛語釋提桓因云何拘翼閻浮利人民是都盧皆持十戒悉具足其功德寧多不持是功德百倍千倍万倍億万倍巨億万倍不如是善男子善女人聞是般若波羅蜜書持學者時坐中有一異比丘語釋提桓因出拘翼上去已是善男子善女人功德乎釋提桓因報是比丘言持心一反念出我上去已何況聞般若波羅蜜書持學者聞般若波羅蜜以隨是法隨是法人民上都盧於諸天阿湏倫世間人民中極尊菩薩摩訶薩行般若波羅蜜不獨過諸天阿湏倫世間人民上也乃至須陀洹斯陀含阿那含阿羅漢辟支佛都復過是上菩薩摩訶薩

行般若波羅蜜不獨過阿羅漢辟支  
佛上也亦復至菩薩行檀波羅蜜設  
無般若波羅蜜无溫恕拘舍羅亦復  
過是上不獨過檀波羅蜜亦復乃至  
尸波羅蜜羣提波羅蜜惟逮波羅蜜  
禪波羅蜜菩薩摩訶薩失般若波羅  
蜜失溫恕拘舍羅亦復過是上去菩  
薩摩訶薩行般若波羅蜜正使菩薩  
摩訶薩狎習般若波羅蜜中行都盧  
合會諸天諸阿須倫諸世間人民終  
不得勝是菩薩摩訶薩行般若波羅  
蜜菩薩摩訶薩如中所狎習般若波  
羅蜜作是堅持是菩薩摩訶薩疾近  
薩芸若是菩薩摩訶薩離怛薩阿竭  
名不遠是菩薩摩訶薩如是護離佛  
坐不遠是菩薩摩訶薩所有懈怠不  
復生是菩薩摩訶薩作是學為學佛  
不學阿羅漢法不學辟支佛法當作  
是學菩薩摩訶薩四天王當作問訊  
言疾學是四部弟子當作所度當於  
佛座上坐作阿耨多羅三耶三菩作  
是學菩薩摩訶薩四天王常自往問  
訊何況餘天子怛薩阿竭阿羅呵三

耶三佛當念菩薩摩訶薩行般若波  
羅蜜當作是行菩薩摩訶薩般若波  
羅蜜或時世間所有勤苦之疾是身  
了無有怨是為菩薩摩訶薩般若波  
羅蜜阿難作是念是釋提桓因自持  
智說耶持佛威神說乎釋提桓因知  
阿難心所念語阿難言持佛威神我  
所說乎佛言如是阿難持佛威神釋  
提桓因所說乎正是忠阿難或時菩  
薩摩訶薩深念般若波羅蜜行般若  
波羅蜜行學般若波羅蜜當是時三  
千大千國土中弊魔一切心中皆愁  
毒欲共壞亂是菩薩摩訶薩自共議  
言當何以使是菩薩便中道取證阿  
羅漢辟支佛道莫使成作佛

摩訶般若波羅蜜道行經高品第三十一

佛語阿難菩薩隨時欲學般若波羅  
蜜隨法欲行般若波羅蜜是時一佛  
界中魔各各驚自念言欲使菩薩中  
道得阿羅漢果莫疾使得阿耨多羅  
三耶三菩疾使得佛復次阿難弊魔  
愁毒為憂見菩薩習行於般若波羅  
蜜復次阿難是時諸弊魔四面放火

風恐怖是菩薩若令畏懼衣毛當起  
使心一及亂念轉復佛語阿難魔不  
遍行亂菩薩若有行亂者有不行亂者  
阿難白佛言何等菩薩為魔所亂佛  
語阿難若有菩薩聞深般若波羅蜜  
不樂者弊魔便行住壞復次阿難若  
有菩薩聞深般若波羅蜜心狐疑者  
自念若有無有耶如是

阿難菩薩為弊魔所得便復次阿難  
若有菩薩遠離於善師是菩薩所聞  
般若波羅蜜深事不欲聞也亦不了  
也亦不知也何因守般若波羅蜜用  
是故阿難是菩薩弊魔所得便者復  
次阿難若有菩薩與惡師從事用是  
故弊魔得菩薩便是菩薩言正是我  
所喜師也當成我所願餘多有菩薩  
非我善厚也用是故弊魔便復得菩  
薩復次阿難聞是深般若波羅蜜時  
教餘菩薩用是為學用是為寫我尚  
不了其事汝能了耶若有時菩薩與  
異菩薩轉相輕易言我所行是也汝  
所行非也

尔時諸弊魔歡欣踊躍是時弊魔便

作異被服像來嘆菩薩言汝於某國

生某種姓家是菩薩聞是語便輕易

餘成就不貢高菩薩是貢高菩薩功

德薄少無阿惟越致相也是菩薩於

阿惟越致中功德少自貢高輕餘菩

薩言卿不及我所行用是故弊魔大

歡欣言今泥犁禽獸薜荔墮者不少

弊魔當復增其念所語所說多有信

用者聞之者無不隨其言者作是學

者瞋恚益增心所作為顛倒用是故

身口心所作為輕反用是故其人在

泥犁禽獸薜荔中罪益增用是故弊

魔大歡欣踊躍无有極若求菩薩道

家與求羅漢道人共諍今時弊魔自

念菩薩離薩芸若遠離遠亦不大遠

菩薩又與菩薩共諍今時弊魔念言

兩離佛遠佛語阿難未得阿惟越致

菩薩與阿惟越致菩薩共諍罵詈阿

惟越致菩薩是菩薩罵以隨心所念

轉懷怨恨心一轉念聽却一切菩薩

雖有是惡念不捨薩芸若却無數劫

極爾當更復從發意起阿難白佛言

心所念惡寧可得中悔不當乃却就

尔所劫乎佛語阿難於我法中廣大  
極可得悔佛語阿難若有菩薩念惡  
有恨自歡欣復語他人是人不可復  
使悔也若有菩薩若罵詈瞋恨自念  
咄我所作無拔後終不敢復作是復  
自考責人道難得用是故恚當忍於  
人何況乃當與人共諍言乎我當為  
十方人作橋令恚蹈我上度去我有  
是意寧當復與人共諍耶住立當如  
聾羊諸惡恚當忍諸惡心不當犯我  
作佛時恚當安十方人得般泥洹我  
不復與人共諍瞋恚於人為用羅漢  
道故阿難白佛言菩薩菩薩自相與  
共止法當云何佛語阿難菩薩菩薩  
轉相視當如視佛心念言共一師共  
一船共一道是所學我亦當學如是  
若有餘菩薩欲喜學羅漢辟支佛道  
若與從事設有是人者我不與從事  
其有世世欲求佛道者當與相隨如  
是學為共一法學

摩訶般若波羅蜜道行經學品第二十二

須菩提白佛言菩薩學無常為學薩  
婆若學无所生為學薩婆若學去離



姪為學薩芸若學滅為學薩芸若佛  
語須菩提汝所問學無常為學薩芸  
若者於須菩提意云何是怛薩阿竭  
本无隨因緣得怛薩阿竭本無字寧  
有盡時不

須菩提白佛言不佛言不佛語須菩  
提為學薩芸若如是學為學般若波  
羅蜜如是學為學怛薩阿竭陀為學  
力為學無所畏為學諸佛法菩薩學  
如是者志行諸學法菩薩摩訶薩作  
是學魔及魔官属不能中道壞菩薩  
如是學為疾得阿惟越致菩薩如是  
學者為疾近佛樹下坐菩薩如是學  
為志學佛道菩薩如是學為習法也  
菩薩如是學為極大慈哀如是為學  
等心菩薩學如是三合十二法輪為  
轉菩薩學如是為學度滅十方天下  
人菩薩學如是為學甘露法門佛語  
須菩提不懈怠人乃能學是作是學  
為學十方天下人道菩薩學如是者  
不入泥犁禽獸薊中菩薩學如是  
終不生邊地如是學不復生愚癡貧  
窮中如是學不復盲聾瘖病歐如是

學為不毀十戒如是學為不隨解除

卜問如是學速離不持戒人菩薩如

是學不願生丘惟先天上何以故菩

薩有溫恕拘舍羅故般若波羅蜜何

等溫恕拘舍羅從般若波羅蜜中出

溫恕拘舍羅持溫恕拘舍羅滅神入

禪不隨禪法菩薩學如是為得淨力

為得無所畏力為得佛法淨力須菩

提白佛言佛所有諸法本皆淨何等

為菩薩得法淨佛語須菩提菩薩學

如是為學無所得淨法諸法淨如是

須菩提菩薩行般若波羅蜜時不悔

不厭是為行般若波羅蜜未得道者

愚癡不曉是法不見是事菩薩用人

故常精進人見我亦當効我精進用

是故菩薩得力精進无所畏菩薩作

是學志知十方天下人心意所念無

能過者譬如地出金銀少所處出耳

如是須菩提少所人隨般若波羅蜜

法教學譬若須菩提少所人索遮迦

越羅處索小國王多如是須菩提少

所人隨般若波羅蜜法教學從是中

多索阿羅漢辟支佛者有初發意菩

薩少有隨般若波羅蜜教者既有學  
般若波羅蜜少有得阿惟越致者菩  
薩當作是念我當力學慕及阿惟越  
致復次須菩提行般若波羅蜜不持  
瞋恚意向人不求他人短心無慳貪  
心不毀誠心不懷恨心不慳心不迷  
乱心不愚癡時菩薩學般若波羅蜜  
時諸波羅蜜皆悉屬學般若波羅蜜  
為照諸波羅蜜為志入諸波羅蜜學  
般若波羅蜜為具足餘波羅蜜譬如  
人言是我所便外著十二品如是須  
菩提菩薩學般若波羅蜜皆悉屬譬  
如是須菩提菩薩學般若波羅蜜為  
學諸波羅蜜皆悉屬菩薩欲學諸  
波羅蜜當學般若波羅蜜菩薩欲學  
般若波羅蜜為學无極於須菩提意  
云何一佛界中所有人寧多不須菩  
提報佛言甚多佛言若有菩薩供養  
一佛界中乃今所人供養自盡壽命  
其福寧多不須菩提白佛言甚多佛  
語須菩提不如菩薩守般若波羅蜜  
如雨拍相薄須佛語須菩提般若波

羅蜜極尊用是故疾得佛如是須菩  
提菩薩欲得阿耨多羅三耶三菩為  
十方人中獨尊給施十方貧窮孤獨  
者欲求佛境界者欲得佛智惠所樂  
者欲得如師子獨鳴者欲得佛處者  
志欲得是者當學般若波羅蜜菩薩  
學般若波羅蜜者為志學餘法須菩  
提白佛言菩薩為復學阿羅漢法耶  
佛語須菩提雖知阿羅漢法不樂行  
不學阿羅漢所作功德云何當得也  
阿羅漢所行菩薩志知不學不行不於  
中住菩薩作是學天上天下無有能過  
者志過阿羅漢辟支佛上如是為近  
薩芸若菩薩作是學不離般若波羅  
蜜遠也為行般若波羅蜜菩薩作是  
學於薩芸若法中不增不減離阿羅  
漢辟支佛道菩薩若復作是念持是  
般若波羅蜜當得薩芸若有小想為  
不行般若波羅蜜亦不有般若波羅  
蜜之相當持得薩芸若亦无念亦無  
見亦无所想是為行般若波羅蜜  
摩訶般若波羅蜜道行經守行品第三十三  
是時釋提桓因在大會中坐作是念

菩薩行十方天下人無有能過者何  
況自到至佛乎十方人道難得既得  
壽為安隱有一發意行佛道者難得  
何況至心行佛道者乎欲為十方天  
下人作導首是人難得是時釋提桓  
因化作文陀羅華取持散佛上散已  
作是說行菩薩道者乃向佛道乎所  
願志成為近為念護作是行者為念  
成佛諸經法薩芸若經法但薩阿竭  
經法念具足阿惟越致經法亦亦釋  
提桓因言人有至心索佛於是法中  
一及念終不遠釋提桓因言我欲使  
人於法中益念不厭生死之苦一切  
天上天下為苦用人故念當忍勤苦  
之行心作是念諸未度者念當度之  
諸未脫者念當脫之諸恐怖者念當  
安之諸未般涅槃者念當令般泥洹  
洹釋提桓因問佛言新發意菩薩勸  
人助其歡欣得何等福隨次第上菩  
薩勸人助其歡欣得何等福乃至阿  
惟越致上至阿惟顏勸人助其歡欣  
得何等福佛語釋提桓因須弥山稱  
之尚可知介兩從勸助代初發意菩

薩歡欣其福不可量佛語釋提桓因

一佛境界尚可稱知斤兩阿闍浮菩

薩行勸人助其歡欣其福无有科限

佛語釋提桓因一佛境界中諸海所

有水取一錢破為百分從中取一分

以一分之錢取海水盡尚可數知幾

諦阿惟越致菩薩行勸人助其歡欣

其福不可數佛語釋提桓因阿僧祇

佛刹所有境界虛空持一斛半斛一

斗半斗一升半斗尚可量空知幾所

阿惟顏菩薩行勸人助其歡欣其福

不可極釋提桓因白佛言為魔所乱

聞是不助歡欣魔官属人間是不助

歡欣者從魔天上来下聞是不助歡

欣者何以故若有意索佛者為壞魔

境界也有發意索佛者當助其歡欣

是為壞魔境界心不離佛不離經不

離比丘僧如是當助其歡欣佛語釋

提桓因如釋提桓因所言助其歡欣

者為近佛用是助歡欣之功德世世

所生處為人共欲得供養未嘗有聞

惡聲時不忍當歸三惡道常生天上

在十方常尊何以故如是人助菩薩



歡欣者為志施護十方人何以故初  
發意菩薩稍增自致至佛成就作佛  
已當度脫十方天下人須菩提白佛  
言心譬如幻何因當得佛佛語須菩  
提於須菩提意云何汝寧見幻不須  
菩提言不化幻亦不見幻心離化幻  
離幻心雖離是見異法當得佛道不  
須菩提白佛言不見亦不離化幻離  
幻心亦不見當得佛亦無法亦元見  
當說何等法耶得不得乎是法本無  
遠離亦本元若得若不得本無所生  
亦元有作佛者設無有法亦不得作  
佛須菩提白佛言設今般若波羅蜜  
離本元對法離本亦無對亦元證亦  
無守亦元行亦無有法當有所得何  
以故離般若波羅蜜本無形故本元  
遠離何因當於般若波羅蜜中得佛  
佛者離本無所有何所本元所有當  
得佛者佛語須菩提如須菩提所言  
離今般若波羅蜜無所有離本薩婆  
若元所有佛語須菩提雖離般若波羅  
蜜本本亦無所從生須菩提當作是思  
惟深入守是故離本元所有得作佛

佛語須菩提雖知離本般若波羅蜜  
無所有是為不守般若波羅蜜不具  
足行般若波羅蜜者不得作佛也佛  
言如須菩提所言不用得般若波羅  
蜜故得佛也亦不用離無離得作佛  
亦不可離般若波羅蜜得作佛不得  
般若波羅蜜者不得作佛須菩提白  
佛言菩薩行般若波羅蜜甚深難及  
佛語須菩提汝所言菩薩行般若波  
羅蜜甚深難及菩薩所言勤苦行深  
奧之法不在取泥洹須菩提白佛言  
如是所說事菩薩不為勤苦行何以  
故亦無有作證者亦无般若波羅蜜  
中得證者亦無有經法得作證者菩  
薩聞是不忍不怠不難是為行般若  
波羅蜜雖作是行亦不見行是為行  
般若波羅蜜雖近作佛亦不見是為  
行般若波羅蜜遠離羅漢辟支佛亦  
不見亦不念是為行般若波羅蜜譬  
如空中无念若有近若有遠何以故  
空本無有形故行般若波羅蜜无有  
離佛遠離佛近何以故般若波羅蜜  
無有形故譬如幻師作化人化人不

作是念師離我近觀人離我遠何以  
故化人無有形故般若波羅蜜亦如  
是不作是念羅漢辟支佛道離我遠  
佛道離我近也何以故般若波羅蜜  
元有形故辟如影現於水中不作是  
念何因影現於水中若所有近者不  
念言近若遠者亦不念言遠何以故  
影無有形故般若波羅蜜如是亦元  
是念羅漢辟支佛道為遠耶佛道為  
近乎何以故般若波羅蜜無有形故  
般若波羅蜜敵无所愛敵无所憎怛  
薩阿竭所有无所著無所生般若波  
羅蜜亦如是亦無所生亦无所著辟  
如怛薩阿竭化作人不作是念羅漢  
辟支佛道離我遠亦不言佛道離我  
近何以故化人無有形故般若波羅  
蜜亦不作是念羅漢辟支佛道離我  
遠亦不念佛道離我近何以故般若  
波羅蜜元有形故辟如工匠點師刻  
作機關木人若作雜畜木人不能自  
起居因對而搖木人不作是念言我  
當動搖屈伸仰仰令觀者歡欣何以  
故木人本無念故般若波羅蜜亦如

是隨人所行念各自得之雖亦般若  
波羅蜜亦無形亦无念譬如造作海  
中大船所以者何作欲度賈客船亦  
不作是念言我當度人何以故船本  
無念故般若波羅蜜亦如是隨人所  
行念各自得之般若波羅蜜亦无形  
亦無念亦如是譬如曠野之地万物  
百穀草木皆生其中地亦不作是念  
言我當生也不生也般若波羅蜜生  
諸經法亦不念言從中生與不生何  
以故般若波羅蜜本無形故譬如摩  
尼珠念出其寶般若波羅蜜念出其  
經法分別教授雖亦般若波羅蜜亦  
无念譬如日照於四天下其明亦不  
念言我當念照般若波羅蜜念照諸  
經法雖亦般若波羅蜜亦無念譬如  
水无所不至水亦不作是念言我當  
有所至般若波羅蜜念至諸經法雖  
亦般若波羅蜜亦無念譬如風无所  
不至風亦不作是念言我當有所至  
般若波羅蜜成就諸經法亦如是雖  
亦般若波羅蜜亦無念譬如須弥山  
顛以忉利天為莊飾須弥山亦不作

是念言我當上治忉利天莊嚴般若  
波羅蜜成就薩婆若雖念般若波羅  
蜜亦無念譬如大海念出諸珍琦寶  
物海水不作是念言我當從中出珍  
寶般若波羅蜜念出生諸經法亦如  
是雖念般若波羅蜜亦无念譬如佛  
出生諸功德志覆革等心加於十方  
人般若波羅蜜成就於諸經法亦  
如是

摩訶般若波羅蜜道行經強弱品第二十四

舍利弗問須菩提言菩薩摩訶薩行  
般若波羅蜜為高行耶須菩提報言  
我從佛所聞事菩薩摩訶薩行般若  
波羅蜜為無高行也若干百千愛欲  
諸天作是念當為十方人發意為菩  
薩道者作禮何以故行般若波羅蜜  
不中般泥洹故如是菩薩為勤苦行  
不於是法中墮落取證須菩提語諸  
天言雖不中道墮落取證是不為勤  
苦勤為十方不可計阿僧祇人被法  
鎧度令得泥洹是乃為勤苦之難是  
人本無本元索不可得也如是菩薩  
作是念為欲度人度十方人為欲度

空何以故空亦無有遠亦无有近亦無所有用是以菩薩勤苦行索人本無有欲度人為度虛空被德鎧用人故被德鎧欲過度人是故菩薩為被德鎧如佛所說人無有本曉知人本无所有是為度人菩薩聞是不恐不怖是為行般若波羅蜜離人本無本无離色本無色離痛痒思想生死識本无識離諸經法本無諸經法菩薩聞是不恐不憊是為行般若波羅蜜佛語須菩提何因菩薩不恐不憊須菩提白佛言本无故不恐本淨故不憊何以故索憊息本本無有所因憊亦復无有菩薩聞說是不憊不恐不怖是則為行般若波羅蜜菩薩行是時諸天皆為作礼諸梵天皆為作礼佛語須菩提不但諸天諸梵天為菩薩作礼上至阿會亘彼立阿波摩那阿會波羅及上至阿迦臧吒諸天皆為行般若波羅蜜菩薩作礼十方不可復計阿僧祇現在諸佛悉念行般若波羅蜜菩薩悉共擁護知是行般若波羅蜜菩薩阿惟越致恒邊沙佛



剎其中所有人悉使為魔一魔者化如恒邊沙人悉使為官屬設使令所魔各各乃令所官屬欲共害行般若波羅蜜菩薩不能中道壞不能中道得便菩薩有二事法行般若波羅蜜魔不能中道使得便何謂二事一者諸經法視皆空二者不捨十方人悉護是為二事菩薩有二事諸魔不能動何謂二事一者不失本願二者十方諸佛悉護視是為二事菩薩行般若波羅蜜時諸天往至菩薩所問訊深經之事諸天讚歎善之今作佛不久當隨是法教立既隨是法教立者諸有困苦者皆得護諸未得歸者為得自歸為人故作法舍無目者使得黠目隨是般若波羅蜜法教立者十方不可復計阿僧祇現在諸佛悉共擁護行般若波羅蜜者諸佛各各於其剎四部弟子中說是菩薩功德各各讚歎善之佛語須菩提譬若我今剎界中菩薩行般若波羅蜜十方諸佛今亦讚嘆說行般若波羅蜜菩薩

亦復如是須菩提白佛言諸佛悉讚  
歎諸菩薩如是耶佛言不賜讚歎佛  
語須菩提有行菩薩道未得阿惟越  
致者諸佛亦復讚歎須菩提復問佛  
何等為行菩薩道為佛所讚歎佛語  
須菩提有菩薩隨阿閼佛前世為菩  
薩時所行及羅隣那杖那佛前世為  
菩薩時所行有菩薩隨是教用是故  
十方諸佛讚是菩薩復次須菩提菩  
薩摩訶薩行般若波羅蜜諸經法信  
本無所從生是菩薩尚未得无所從  
生法樂於中立信諸法本空是菩薩  
尚未得阿惟越致信諸經法本無如  
涅槃是菩薩尚未得入阿惟越致地  
隨是法教立疾得阿惟越致有應是  
法行者是故十方諸佛共讚歎是菩  
薩菩薩為度阿羅漢道地辟支佛道  
地向佛道地若有菩薩應般若波羅  
蜜行者為諸佛所讚歎知是菩薩不  
久在阿惟越致道地立

復次須菩提菩薩聞深般若波羅蜜  
信不狐疑菩薩作是念如佛所說諸  
無異是菩薩却後當復於阿閼佛所

聞是般若波羅蜜及餘菩薩所聞亦復介作是信般若波羅蜜者以為在阿惟越致地立若有聞般若波羅蜜信者其德甚大不小何況菩薩隨般若波羅蜜法教立者隨是法教立者為疾入薩婆若

須菩提白佛言設離本本無法不得何所法有作佛者何所法說有說經者佛言如須菩提所言設離本本無法不得何所法有作佛者亦無有法說經者是本無元本何所有於本無中立元者有本無有當得佛者亦元有本法有作佛者本無元有說經者亦不可得釋提桓因白佛言般若波羅蜜甚深菩薩勤苦行乃自致成佛何以故無有字法元所得在本無中立者亦无有法當作佛者亦無有說經者菩薩聞是不恐不怖不疑不歇須菩提語釋提桓因言如釋提桓因所言菩薩勤苦聞深般若波羅蜜信不狐疑不歇須菩提報釋提桓因言拘翼諸經法皆空何所有狐疑歇者釋提桓因語須菩提言如須菩提所

說一切為說空事為忘無所著譬如  
射虛空了元所著須菩提所說經亦  
如是了無所著釋提桓因曰佛言如  
我所說為隨佛法教耶為有增減乎  
佛語釋提桓因拘翼如佛所說法教  
等無異如須菩提所說但說空事須  
菩提亦不見般若波羅蜜者亦不見  
行般若波羅蜜者亦不見得佛者亦  
不見薩芸若亦不見得薩芸若者亦  
不見怛薩阿竭亦无有得怛薩阿竭  
者亦不見無所從生亦不見无所從  
生證得之者亦不見十種力亦無有  
索十種力者亦不見四无所畏亦不  
見索四無所畏者經法本淨亦无所  
得須菩提隨無所得教立如是須菩  
提隨元所得教立者是菩薩為行般  
若波羅蜜百倍千倍万倍須菩提菩  
薩行般若波羅蜜者捨置佛道地衆  
羅漢辟支佛道地不及是菩薩道地  
欲為十方天下人持尊當隨佛法教  
立如是是時忉利天上數千万天持  
化作文陀羅華散佛上散已作是說  
諸天言我曹亦當隨法教立時坐中

百六十比丘起整衣服為佛作禮作  
禮已各各手中有化文陀羅華持是  
華散佛上散已作是說我曹亦當隨  
法教立是時佛笑口中出若干色其  
明至十方佛刹悉為明其明還遶佛  
三帀從頂上入阿難從坐起整衣服  
為佛作禮長跪問佛佛不妄笑既笑  
當有意佛告阿難是百六十比丘及  
諸天當於是波羅劫中作佛皆同一  
字字徧辰那拘尼摩作佛時比丘僧  
數各各等壽命亦各各等其壽各十  
萬歲隨次稍稍作佛作佛時各各盡  
世雨五色華

道行般若經卷第八

戊戌歲高麗國大藏都監奉

勅彫造

道行般若經卷第九

淡

後漢月支國三藏支婁迦識譯

摩訶般若波羅蜜經教品第三十五

佛語阿難作是立者無有能過菩薩作是立為如佛立作是立无有為作師者是為薩芸若立欲作是立者當隨般若波羅蜜教有應是般若波羅蜜行者當知是人從人道中來或從兜術天上來是人或從人道中聞般若波羅蜜或從兜術天上聞或從人道中行或從兜術陀天上行何以故佛般若汩洹後般若波羅蜜若於十方見若於兜術天上見有行是般若波羅蜜若書者諸佛悉視護之是菩薩復轉教人勸樂合偶知是菩薩供養若干佛以來不於羅漢辟支佛品中作功德知是菩薩供養若干佛以來學是般若波羅蜜不恐不怖若有受般若波羅蜜若有學若有持若有解中事若有隨知是菩薩如面見佛無異是菩薩不止亦不誹謗般若波羅蜜知是菩薩供養若干佛以來佛



語阿難雖有人於佛所作功德持用  
求羅漢辟支佛會當得佛無異若有  
菩薩摩訶薩行般若波羅蜜常當遠  
離羅漢辟支佛道佛語阿難持是般  
若波羅蜜囑累汝阿難我為汝所說  
經捨置般若波羅蜜摩訶溫恕拘舍  
羅及諸摩訶惟曰羅我每所說餘經  
汝所受設令忘散忘亡雖有是其過  
少耳汝所從佛受般若波羅蜜設散  
設亡其過甚大不小佛語阿難復囑  
累汝般若波羅蜜受學持法當諦學  
忘具足受忘念持書字令正无缺減  
過去當來今現在佛經身等無異阿  
難當作是念般若波羅蜜莫使缺減  
何以故今佛現在有慈心佛恩德欲  
報佛恩具足供養者汝設有慈心於  
佛者當受持般若波羅蜜當恭敬作  
禮供養設有是行汝忘為供養佛報  
恩以汝為恭敬過去當來今現在佛  
已汝慈孝於佛恭敬思念於佛不如  
恭敬於般若波羅蜜慎莫亡失一句  
佛語阿難囑累汝般若波羅蜜以為  
信若有不欲離於佛離於經離於比

丘僧亦不欲離於過去當來今現在  
佛者不當遠離般若波羅蜜是佛所  
教佛語阿難若有受般若波羅蜜持  
護是為持過去當來今現在佛教法  
何以故過去當來今現在佛皆從般  
若波羅蜜出生菩薩欲得佛道者當  
學六波羅蜜何以故六波羅蜜是諸  
菩薩摩訶薩母佛語阿難囑累汝六  
波羅蜜六波羅蜜者佛不可盡經法  
之藏過去當來今現在佛皆從六波  
羅蜜出生佛語阿難汝日日教人盡  
一佛境界中人汝悉教令得阿羅漢  
道雖有是教尚未報佛恩不如具足  
為菩薩說般若波羅蜜汝所教人志  
使得阿羅漢此所作功德持戒精進  
守道雖教乃尔所人其福寧多不阿  
難報佛言甚多天中天佛語阿難不  
如持般若波羅蜜具足為菩薩說雖  
不能多一日可雖不能一日食時可  
雖不能食時為說須臾間可其福勝  
度尔所阿羅漢菩薩摩訶薩自於般  
若波羅蜜念思惟其中事菩薩雖思  
惟其中事得其功德出眾阿羅漢辟

支佛上去雖思惟其中事會當得阿  
惟越致設不中道還說般若波羅蜜  
時四部弟子及諸天阿須倫及鬼神  
一佛境界中持釋迦文佛威神一切  
悉見阿閼佛及見諸比丘不可計皆  
阿羅漢諸菩薩亦無央數以後不復  
見佛語阿難譬如見國中人不復見  
阿閼佛及諸菩薩阿羅漢諸經法索  
眼不見亦如是法不見法法不念法  
何以故諸經法無念不見亦无所益  
佛語阿難諸經法皆空無所持亦不  
可念譬如幻師化作人諸經法亦如  
是无念亦無痛何以故無形故菩薩  
作是行為行般若波羅蜜作是學為  
學般若波羅蜜志欲得六波羅蜜者當  
學般若波羅蜜作是學在諸學中最尊  
無有及者百倍千倍萬倍是為安十方  
天下作是學者困厄苦者志護視是為  
隨佛法學是為隨佛教有應學是者持  
手舉一佛境界移著還復他方刹土以其  
處人无有覺知者佛語阿難佛從是  
般若波羅蜜中學成過去當來今現  
在佛無所罣閼指智慧法志從般若

波羅蜜具足成欲得般若波羅蜜限者為欲得虛空限何以故般若波羅蜜不可盡十方之事可計般若波羅蜜事不可計佛告阿難般若波羅蜜事不可計不可盡般若波羅蜜本淨何以故過去不可復計佛志從其中成就得佛般若波羅蜜亦不增亦不減甫當來不可復計佛志從般若波羅蜜成就得佛般若波羅蜜亦不增亦不減十方今現在不可復計佛志從般若波羅蜜成就得佛般若波羅蜜亦不增亦不減是故般若波羅蜜不可盡虛空亦不可盡

摩訶般若波羅蜜道行經不可盡品第三六  
是時須菩提作是念佛所說般若波羅蜜事甚深是須菩提當作是問須菩提白佛言般若波羅蜜不可盡譬如虛空亦不可盡菩薩當何因思惟般若波羅蜜佛語須菩提色不可盡當作是思惟般若波羅蜜痛痒思想生死識不可盡當作是思惟般若波羅蜜十二因緣不可盡當作是思惟般若波羅蜜佛語須菩提菩薩當作

是思惟般若波羅蜜菩薩當作是思

惟十二因緣適得其中菩薩初坐樹

下時不共法思惟十二因緣是時薩

芸若智慧志具足佛語須菩提若有

菩薩行般若波羅蜜時思惟十二因

緣不可盡作是思惟者出過羅漢辟

支佛道去正位佛道菩薩不作是思

惟行般若波羅蜜及思惟十二因緣

不可盡設不作是思惟者便中道得羅

漢辟支佛菩薩不中道還者用思惟

般若波羅蜜思惟行摩訶迦拘舍

羅故佛語須菩提菩薩行般若波羅

蜜時思惟視十二因緣不可盡作是

視十二因緣所視法生者滅者皆有

因緣法亦無有作者作是思惟十二

因緣行般若波羅蜜時不見色不見

痛痒思想生死識不見佛境界無有

所因法見佛境界是為菩薩行般若

波羅蜜若有菩薩行般若波羅蜜當

今時魔大愁毒譬如父母新死啼哭

愁毒憂思菩薩行般若波羅蜜時魔

愁毒如是須菩提白佛言一魔愁毒

耶餘魔復愁毒乎佛語須菩提一佛



境界所有魔各各於其所止處不安  
菩薩隨般若波羅蜜教時菩薩應行  
如是者諸天阿須倫龍鬼神人若非  
人不能害菩薩若有菩薩欲得佛道  
者當行般若波羅蜜菩薩行般若波  
羅蜜為行檀波羅蜜具足行尸波羅  
蜜亦亦行羼提波羅蜜亦亦行惟逮  
波羅蜜亦亦行禪波羅蜜亦亦菩薩  
摩訶薩行般若波羅蜜具足行漚耆  
拘舍羅波羅蜜菩薩摩訶薩行般若  
波羅蜜若有魔事起即覺使不至菩  
薩志欲得諸漚耆拘舍羅波羅蜜者  
當行般若波羅蜜當守般若波羅蜜  
若有菩薩行般若波羅蜜守般若波  
羅蜜

今時菩薩思惟十方不可計阿僧祇現  
在諸佛諸佛本行菩薩道時志從般若  
波羅蜜出生菩薩作是念如諸佛志  
得諸經法我志當得如是菩薩行般  
若波羅蜜時作是思惟念如雨拍相  
彈頃若有菩薩布施具足如恒邊沙  
劫不如是菩薩行般若波羅蜜如彈  
雨拍頃菩薩如是行者為住阿惟越



致地是菩薩為諸佛所念菩薩終不  
還餘道會當得佛終不歸三惡道是  
菩薩未曾離諸佛時行般若波羅蜜  
菩薩如兩指相彈頃間功德如是何  
況一日守般若波羅蜜者行當如是  
捷陀訶盡菩薩捷陀訶盡菩薩在阿  
閼佛刹最尊第一

摩訶般若波羅蜜正行經隨品第三十七

須菩提白佛言菩薩何因隨般若波  
羅蜜教佛語須菩提諸經法無有  
能壞者菩薩隨般若波羅蜜教當如  
是虛空不可盡菩薩隨般若波羅蜜  
教當如是五陰本无形菩薩隨般若  
波羅蜜教當如是四大本无形菩薩  
隨般若波羅蜜教當如是沙羅伊檀  
六事大虛空无形菩薩隨般若波羅  
蜜教當如是發心行佛道無有與等  
者菩薩隨般若波羅蜜教當如是發  
心行願甚廣大菩薩等心於十方人  
無有極佛有四事不護各各異端无  
有極菩薩隨道般若波羅蜜教當如  
是菩薩為諸天阿須倫龍鬼神甄陀  
羅摩睺勒人及非人作不可計之覆

護菩薩隨般若波羅蜜教當如是十  
方天下人呼為是我所非我所志斷  
之菩薩隨般若波羅蜜教當如是虛  
空之中音響無形菩薩隨般若波羅  
蜜教當如是譬如大海水不可斗量  
菩薩隨般若波羅蜜教當如是譬如須  
弥山巔珍寶各各別異菩薩隨般若  
波羅蜜教當如是釋梵各自有教菩  
薩隨般若波羅蜜教當如是譬如月  
盛滿姝好菩薩隨般若波羅蜜教當  
如是譬如日明所照悉至菩薩隨般  
若波羅蜜教當如是諸經法但有字  
耳無有處所菩薩隨般若波羅蜜教  
當如是般若波羅蜜本无形但有字  
耳菩薩隨般若波羅蜜教當如是般  
若波羅蜜本無所從生菩薩隨般若  
波羅蜜教當如是般若波羅蜜等无  
有異菩薩隨般若波羅蜜教當如是  
幻化及野馬但有名無形菩薩隨般  
若波羅蜜教當如是地水火風是四  
事無有極菩薩隨般若波羅蜜教當  
如是佛身相本无色菩薩隨般若波  
羅蜜教當如是諸佛境界各各虛空

菩薩隨般若波羅蜜教當如是佛諸經太無說无教菩薩隨般若波羅蜜教當如是譬如衆鳥飛行空中而無足跡菩薩隨般若波羅蜜教當如是生死根波羅蜜力諸覺禪棄脫三昧定入禪具足志脫愛欲臨作佛時乃得行是菩薩隨般若波羅蜜教當如是諸經法無有極不可盡菩薩隨般若波羅蜜教當如是諸經法無有所從生无所因出菩薩隨般若波羅蜜教當如是臨作佛時諸經法志具足成菩薩隨般若波羅蜜教當如是泥洹虚空無所有菩薩隨般若波羅蜜教當如是諸經法本无淨適無所因菩薩隨般若波羅蜜教當如是佛所作為變化无有極菩薩隨般若波羅蜜教當如是一切無有索菩薩過者亦無有得佛過者脫無央數人菩薩隨般若波羅蜜教當如是諸佛說經法行道如是菩薩隨般若波羅蜜教當如是佛所教化等無有異菩薩隨般若波羅蜜教當如是佛語須菩提若有菩薩行般若波羅蜜時當作是隨

當作是念當作是入當作是視去離  
諛諂去離貢高去離強梁去離非法  
去離自用去離財富去離僥倖去離  
世事棄身不惜壽命適無所慕但念  
佛所行事安隱菩薩行能如是者得佛  
不久志得薩芸若功德不久如是蓋  
菩薩不當字菩薩當字為佛何以故  
今得佛不久故若有菩薩隨般若波  
羅蜜教甫當來世為得佛字佛在者  
亦當隨般若波羅蜜教佛般涅槃後  
亦當隨般若波羅蜜教當如是

摩訶般若波羅蜜道行經薩陀波倫菩薩第八  
佛語須菩提疾欲得佛者索般若波  
羅蜜當如薩陀波倫菩薩於今在上  
方過六百三十億佛國佛名捷陀羅  
耶其國名尸遮捷陀波勿薩陀波倫  
菩薩於彼間止須菩提白佛言薩陀  
波倫菩薩本何因緣索般若波羅蜜  
佛語須菩提乃往久遠世有菩薩名  
薩陀波倫為前世施行功德所追逮  
本願所成世世作功德所致前世以  
供養數千萬億佛時菩薩卧出天人  
於夢中語言汝當求索大法覺起即

行求索了不得其意惆悵不樂欲得見佛欲得聞經索之了不能得亦無有菩薩所行法則用是故甚大愁憂啼哭而行譬如人有過於大王所其財產悉沒入縣官父母及身皆閉在牢獄其人啼哭愁憂不可言薩陀波倫菩薩愁憂啼哭如是時忉利天人來下在虛空中觀見菩薩日日啼哭天人見菩薩至心啼哭天人即於菩薩父母兄弟親屬交友中字菩薩為薩陀波倫是時世有佛名曇無竭阿祝竭羅佛般涅槃以來甚久亦不聞經亦不見比丘僧時薩陀波倫菩薩於夢中忉利天人語言前世有佛名曇無竭阿祝竭羅是時菩薩於夢中聞佛名即覺覺已即大歡喜踊躍即棄捐家入深山中無人之處棄身无所貪慕而大啼哭自念言我惡所致不見佛不聞經不得菩薩所行法是時薩陀波倫菩薩啼哭時便聞虛空中有聲言善男子可止莫復啼哭有大法名般若波羅蜜若有行者若有守者得佛疾汝當求索是大法汝聞是

法若行者守佛所有功德汝志當得  
之得佛三十二相八十種好汝志當  
得之汝志當持經法教十方天下人  
薩陀波倫菩薩問虛空中聲當何因  
緣得般若波羅蜜當到何方求索當  
何等方便得之虛空中聲報菩薩言  
從是東行莫得休息汝行時莫念左  
莫念右莫念前莫念後莫念上莫念  
下莫念行行時莫念恐怖莫念喜莫  
念食莫念飲莫念坐莫念行道莫念  
中止莫念婬莫念怒莫念癡莫念守  
莫念有所得莫念內莫念外莫念色  
莫念痛痒思想生死識莫念眼莫念  
耳莫念鼻莫念口莫念身莫念心意  
莫念地水火風莫念空莫念人莫念  
我莫念命莫念有空莫念無空莫念  
行菩薩道莫念有經莫念無經莫念  
生天上莫念生世間莫念菩薩善莫  
念菩薩惡一切所向念志斷遍無所  
著從是東行志斷念已作是行不缺  
者令得聞般若波羅蜜不久過去諸  
佛行菩薩道時索般若波羅蜜如是  
得般若波羅蜜隨其教者得佛疾作



是精進行者當疾得佛薩陀波倫苦  
薩聞虛空中教聲大歡欣當隨天人  
之教虛空中聲復報言莫失是教作  
是語已便不復聞聲是時薩陀波倫  
菩薩聞是教法倍踊躍歡欣隨是教  
即東行心適无所著行中道作是念  
去是幾所乃當得般若波羅蜜作是  
念已住復大啼哭薩陀波倫菩薩作  
是啼哭時上方虛空中化作佛在空  
中立言善哉善哉如若所索者甚難  
如汝作是精進者今得般若波羅蜜  
不久薩陀波倫菩薩叉手仰向視化  
佛身有金色身放十億光炎身有三  
十二相見已大歡欣叉手白化佛言  
願佛為我說經法我從佛聞經聞經  
已諸佛所有經法我皆欲悉得之是  
時化佛語薩陀波倫菩薩受我所教  
法悉當念持之諸經法本无恐懼本  
淨無端緒住諸經法一切无所罣碍  
本端无所因住諸經法本无所因端  
緒無所說住諸經法无所說教如虛  
空无形本無端緒如泥洹无有異諸  
經法如泥洹無有異無所從生无形

住諸經法無所從生无形計如幻無  
形如水中見影諸經法如水中影現  
如夢中所見等无有異諸經法如夢  
中所見等無有異佛聲音都盧見如  
是當隨是經法教善男子當作是守  
念從是東行索般若波羅蜜去是間  
二万里國名捷陀越王治處其國豐  
熟熾盛富樂人民衆多其城縱廣四  
百八十里皆以七寶作城其城七重  
其間皆有七寶琦樹城上皆有七寶  
羅縠緹縵以覆城上其間皆有七寶  
交露間垂鈴四城門外皆有戲盧遶  
城有七重池水水中有雜種優鉢蓮  
花拘文羅華不那利華須捷提華末  
願捷提華皆在池水中生間陸地有  
占蔔華如是衆華數千百種其池中  
有衆雜琦鳥鳬鴈鴛鴦異類琦鳥數  
千百種池中有七寶之舩其人乘舩  
娛樂戲池中城中皆行列五色幢幡  
復懸五色幢幡復有羅列雜色華蓋  
城中街巷各各周遍譬若忉利天上  
帝釋宮殿懸幢幡音樂之聲數千百  
種日日不絕譬如忉利天上難檀桓

戲盧其中有音樂之聲快樂不絕其城快樂亦復如是其城中無有異人皆是菩薩中有成就者中有發意者皆共居其中快樂不可言其中所有服飾玄黃琦珍不可復計其國中有菩薩名曇无竭在衆菩薩中最高尊有六百八十萬夫人采女共相娛樂捷陀越國中諸菩薩常共恭敬曇无竭為於國中央施高座隨次轉下施座中有黃金座白銀座琉璃座水精座座皆有雜色文繡純綖座間皆散雜種香華座上皆施雜寶交露之蓋中外周帀皆燒名香曇无竭菩薩常於高座上為諸菩薩說般若波羅蜜中有聽者中有書者中有學者中有諷者中有守者汝從是去到捷陀越國曇无竭菩薩所自當為汝說般若波羅蜜當為汝作師教汝何以故前數千億世常為汝作師是汝本發意時師汝往至師所時若見若聞莫得說其短亦莫念其短汝設見慎莫疑慎莫怠何以故汝未曉漚怒拘舍羅當諦覺魔事善男子慎莫隨魔教莫

用師在深宮尊貴教敬當如敬佛无  
有異當用經法故莫念財利貪意心  
念所有者當施與師當樂好恭敬於  
師作是行不缺者今得聞般若波羅  
蜜不久

今時薩陀波倫菩薩從化佛聞是教  
即踊躍歡欣用歡欣踊躍故即得見  
十方諸佛三昧今時十方諸佛皆讚  
歎言善哉善哉善男子我曹本為菩  
薩時用精進故得聞般若波羅蜜便  
成就得薩芸若亦復當得三十二相  
八十種好十種力四無所畏四事不  
護十八事不共我曹今時亦復得是  
三昧今時諸佛亦復讚歎我曹如是  
汝行亦當復如我曹作是行者菩薩  
所有功德汝志當具足得之薩陀波  
倫菩薩從三昧覺作是念諸佛本從  
何所來去至何所作是思惟已便復  
舉聲大哭復作是念諸佛教我至曇  
無竭菩薩所薩陀波倫菩薩便從是  
去中道得一國國名魔所樂國薩陀  
波倫菩薩便於城外園中止宿自念  
佛經實難得何況乃聞耶我當供養

盡力於師今我一身加復貧窮亦無  
有珍琦好物及華香持用供養於師  
如我無所有者請且自賣身持用供  
養於師作是念已即入城街里街里  
街言誰欲買我者時魔在城外戲與  
五万姝女共遊戲遙見菩薩聞自街  
賣聲魔即自念言是薩陀波倫菩薩  
自賣身欲供養曇无竭菩薩持用索  
佛是人當出我境界脱人衆多今我  
且壞乎今一國中男女當不見其形  
不聞其聲是時薩陀波倫菩薩賣身  
不集便自宛轉卧地啼哭大呼欲自  
賣身持用供養於師了无有買者是  
時釋提桓因遙於天上見薩陀波倫  
菩薩精進乃尔自念言我當下試之  
知為至誠索佛不但諛諂是時釋提  
桓因來下化作婆羅門問薩陀波倫  
言善男子何其勤苦乃尔乎用何等  
故宛轉啼哭薩陀波倫菩薩報言不  
須問道人婆羅門如是問至三所欲  
勅使願相語我欲相佐助薩陀波倫  
菩薩報言道人欲知者我自賣身欲  
供養於師故婆羅門語薩陀波倫菩



薩鄉欲供養於師故婆羅門語薩陀  
波倫菩薩善男子今我欲大祠欲得  
人血欲得人肉欲得人髓欲得人心  
卿設能與我者我益與卿財薩陀波  
倫菩薩大歡欣報言願相與薩陀波  
倫菩薩即取刀自刺兩臂血大出持  
與之復割兩脰裏肉持與之復自破  
骨持髓與之適復欲自刺胷時樓觀  
上有長者女遙見之傷慙哀之時長  
者女與諸伎人姝女五百人相隨來  
至薩陀波倫菩薩所問言善男子年  
尚幼少端正如是何以故自割截其  
身體薩陀波倫菩薩報女言我欲供  
養於師故用是故出血出肉出髓欲  
賣持欲供養於師是時長者女問薩  
陀波倫菩薩言設供養於師者能得  
何等福師名為誰在何方止薩陀波  
倫菩薩報女言師在東方師名曇無  
竭當為我說般若波羅蜜我聞者當  
行守之當用疾得佛我身當得三十  
二相八十種好十種力四事不護四  
事无所畏十八事不共當得法輪轉  
當度脫十方天下人是時長者女語



薩陀波倫菩薩如善男子所言天上

天下無有比汝莫自困苦乃令我自

與汝金銀珍寶琦物我自與五百姝

女相隨行我亦欲自供養曇无竭菩

薩復欲聞經是時婆羅門語薩陀波

倫菩薩言善哉善哉善男子如是精

進難及欲知我不善男子我是天王

釋提桓因故相試耳欲求索何等願

我悉與卿薩陀波倫菩薩報天王釋

言欲求我者使我身體平復如故菩

薩身體即平復如故釋提桓因即自

去是時長者女語薩陀波倫菩薩言

共歸至我父母所索金銀珍寶琦物

共報父母去薩陀波倫菩薩即隨至

父母舍女歸以具為父母說是事父

母即報女言汝所說甚快難得聞我

亦復欲與汝共行自惟年老不能自

行汝所欲得便自說女言我欲得金

銀珍寶琦物父母言女自恣取之女

便自取金銀雜寶珍琦好物盛搗搗

檀名香及餘雜碎諸寶蜜香甚多以

五百乘車載自董五百侍女自副是

時五百侍女皆行報長者女父母欲

侍貴女隨菩薩行報已即相隨俱行  
是時薩陀波倫菩薩與五百女人輩  
稍引導而去遙見犍陀越國有幢幡  
辟如忉利天上懸幢幡遙聞犍陀越  
國音樂之聲復遙見犍陀越國城上  
皆有七寶緹縵七重其下有七寶交  
露七重一重間者皆懸鈴城外周匝  
遶有七寶樹七重城外皆有戲盧男  
子女人遊戲娛樂其中中有乘車伎  
自樂者中有步行伎自樂者香風四散  
分布四出無不聞者譬如天香用是  
故名為犍陀越國是時薩陀波倫菩  
薩及五百女人皆遙見如是見已皆  
大歡欣踊躍自念言我曹義不可於  
車上載當下步入國耳薩陀波倫菩  
薩及五百女人共從西城門入薩陀  
波倫菩薩入城門裏遙見高臺雕文  
刻鏤金銀塗錯五色玄黃光輝炳然  
臺四面四角皆反羽向陽懸鈴旗幡  
音樂相和遙見已問城中出人是何  
等臺交露七寶服飾姝好乃示其人  
報薩陀波倫菩薩言賢者不知耶是  
中有菩薩名曇無竭諸人中最高尊

無不供養作禮者是菩薩用般若波  
羅蜜故作是臺其中有七寶之函以  
紫磨黃金為素書般若波羅蜜在其  
中匣中有若干百種雜名香曇无竭  
菩薩日日供養持雜花名香然燈懸  
幢幡花蓋雜寶若干百種音樂持用  
供養般若波羅蜜餘菩薩供養般若  
波羅蜜亦復如是忉利天人晝夜各  
各三持文陀羅華摩訶文陀羅華供  
養般若波羅蜜如是薩陀波倫菩薩  
及五百女人聞是大歡欣踊躍无極  
俱往至般若波羅蜜臺所持雜華雜  
香散般若波羅蜜上持金縷織成雜  
衣中有持衣散上者中有持衣作織  
者中有持衣綸譬者中有持衣布施  
者是時薩陀波倫菩薩及五百女人  
供養般若波羅蜜已便行至曇无竭  
菩薩高座大會所相去不遠遙見曇  
無竭菩薩在高座上坐為人幼少顏  
貞姝好光耀明照為數千巨億人中  
說般若波羅蜜薩陀波倫菩薩及五  
百女人見曇無竭菩薩已皆大歡欣  
踊躍持雜華香散曇无竭菩薩上

復持若干種寶散其上復持數百種雜色珍寶衣以上菩薩為曇無竭菩薩作札遶八百帀已作是言我曹亦當復逮得尊經亦當復如是

今時曇無竭菩薩持深經好語語薩陀波倫菩薩及五百女人言多賀來到得無疲倦他所勅使所欲得者莫自疑難我是度人之師適無所愛惜薩陀波倫菩薩白曇無竭菩薩言我本索般若波羅蜜時於空閑山中大啼哭於上虛空中有化佛身有三十二相紫磨金色身有千億光輝炎出是時化佛嗟嘆我言善哉善哉人索般若波羅蜜當如是也便語我言去是東出二萬餘里其國名捷陀越廣縱四百八十里珍寶交露服飾譬如忉利天上殿舍有菩薩名曇無竭於人中最尊常反覆教人汝往至彼聞當得聞般若波羅蜜前世數千巨億萬世常為汝作師是汝本發意時師是時聞師名聲大歡欣踊躍不能自勝用歡欣踊躍故即得悉見十方諸佛三昧是時諸佛悉讚歎我言善哉

善哉索般若波羅蜜當如是我曹本  
索佛時索般若波羅蜜如是得般若  
波羅蜜者自致成佛如是佛為我  
說經已便不復見我自念言佛從何  
所來去至何所持是事師願為我解  
之佛為從何所來去至何所今時曇  
無竭菩薩報言賢者善聽薩陀波倫  
菩薩報言諾當善聽曇無竭菩薩報  
言空本無所從來去亦无所至佛亦  
如是無想本无所從來去亦无所至  
佛亦如是无處所本無所從來去亦  
无所至佛亦如是無所從生本无所  
從來去亦無所至佛亦如是无形本  
無所從來去亦无所至佛亦如是幻  
本無所從來去亦无所至佛亦如是  
野馬本無所從來去亦无所至佛亦  
如是夢中人本無所從來去亦无所  
至佛亦如是泥洹本無所從來去亦  
无所至佛亦如是想像本無所從來  
去亦无所至佛亦如是無有生无有  
長本無所從來去亦无所至欲知佛  
亦如是無所適本无所從來去亦無  
所至欲知佛亦如是虚空本无所從

來去亦無所至欲知佛亦如是經果  
本无所從來去亦無所至欲知佛亦  
如是本端本无所從來去亦無所至  
欲知佛亦如是今時薩陀波倫菩薩  
聞佛深事法如是比不可計不可念  
不可量此六法如是今時即於坐上  
得六万三昧門何等為三昧門無處  
所三昧无恐懼衣毛不起三昧脫諸  
魔中不恐懼三昧脫於愛欲之本三  
昧脫出格戰離患三昧不可計向入  
三昧譬如大海水不可量多慧所入  
三昧在須弥山功德莊飾三昧五陰  
六衰無形觀三昧入諸佛界三昧志  
見諸佛三昧菩薩守道三昧諸經法  
本无形見說三昧珍寶莊飾三昧志  
學珍寶入三昧志念諸佛三昧菩薩  
上高三昧真阿惟越致及法輪為轉  
三昧莊佛功德三昧無瑕穢患及淨  
三昧所聞眾事如大海三昧無所護  
无有過三昧樂經音聲遍三昧經法  
宣顯其幡三昧怛薩阿竭身無形入  
三昧諸經法无形遍視三昧菩薩印  
三昧怛薩阿竭目見三昧照明諸境



界佛界所願具足三昧解十方人難  
三昧臨成佛莊嚴三昧種種雜華異  
色三昧多珍寶三昧法輪常轉三昧  
諸音聲遠聞入要三昧入十方人本  
三昧諸三界悉遍至三昧成諸功德  
三昧無有能過六波羅蜜三昧菩薩  
坐樹下時壞餘外道羅網三昧怛薩  
阿竭現飛三昧不可復計功德度莊  
嚴三昧諸珍寶智慧功德三昧薩芸  
若地三昧悉淨因三昧悉遍照三昧  
悉入十方人生死之根智惠出中三  
昧過去當來今現在悉等三昧如是  
比等薩陀波倫菩薩得六万三昧明  
如是今時曇無竭菩薩起入宮

道行般若經卷第九

戊戌歲高麗國大藏都監

勅彫造

道行般若經卷第十

淡

後漢月支國三藏支婁迦識譯

摩訶般若波羅蜜無竭菩薩品第三十九

是時薩陀波倫菩薩安隱從三昧覺起并與五百女人共至曇無竭宮門外門外立自念言今我用經法起來師入在內我義不可卧不可坐須我師來出上高座說般若波羅蜜今乃坐耳及五百女人亦皆効薩陀波倫菩薩立是時曇無竭菩薩適教殿中諸女說經道已沐浴澡洗已更著新衣上般若波羅蜜之臺坐思惟種種三昧惠入如是七歲不動不搖是時薩陀波倫菩薩及五百女人亦復常經行七歲不坐不卧七歲已後天人於上虛空中語之言却後七日曇無竭菩薩當從三昧起是時薩陀波倫菩薩聞天人語聲自念言今我當為師施座掃灑令淨薩陀波倫菩薩及五百女人共到說經處至已特為曇無竭菩薩施高座時五百女人各各自取著身衣布著座上是時弊魔自

念言未嘗有是未嘗見是是薩陀波  
倫菩薩為曇無竭菩薩施高座持用  
恭敬索佛道精進勇健无有休憊得  
道者出我界度脫人不可計今我且  
中道壞之是時弊魔恚壞諸菩薩所  
坐座皆令曲戾雨沙礫石荆棘枯骨  
是時薩陀波倫菩薩及五百女人見  
座曲戾汙泥不淨自念言今曇無竭  
菩薩當坐說經及諸弟子皆當來聽  
今我曹當更掃除整頓坐席即共掃  
除整頓諸座已自念言今地大有土  
塵恐來坐師及諸菩薩當共灑之周  
行索水不能得何以故弊魔所作自  
念言今我曹索水了不能得當自取  
身血灑之耳是時薩陀波倫菩薩及  
五百女人各自取刀處處刺身出血  
持用灑地用慈孝於經法故是時釋  
提桓因自念言世間乃有是人耶精  
進恭敬慈孝經師故是時釋提桓因  
到薩陀波倫菩薩所嗟歎言善哉善  
哉賢者精進誠難及用精進慈孝於  
師故今聞般若波羅蜜不復久賢者  
他所勅使願相語有是曹人者我曹

悉當護之所欲得者悉當與之是時  
薩陀波倫菩薩言我欲所得者釋提  
桓因自當知之是時釋提桓因即化  
地悉使作琉璃其上有金沙釋提桓  
因使薩陀波倫菩薩及五百女人身  
體完健平復如故於坐四面化作琉  
璃池水周匝池邊皆有珍寶欄楯及  
七寶池陞陟陝陞兩邊皆珍寶之樹若  
千百種羅列姝好是時薩陀波倫菩  
薩及五百女人為諸菩薩儲水天文  
陀羅華鬘殊顏華摩訶鬘殊顏華都  
雨種種華凡四千石釋提桓因持用  
與薩陀波倫菩薩語之言持是華供  
養般若波羅蜜及散曇無竭菩薩及  
諸菩薩上及天衣五百領曇无竭在  
座上坐持是上之薩陀波倫菩薩即  
悉受之便為祝願是時曇無竭菩薩  
七歲以後從三昧覺起到高座上并  
與四萬億菩薩共坐有於前坐者甚  
衆多是時薩陀波倫菩薩及五百女  
人俱皆散華并持梅檀搗香蜜搗香  
雜碎珍寶都持散曇無竭菩薩及諸  
菩薩上前持頭面者足已遶三匝却

住以微意視曇無竭菩薩是時曇无竭菩薩都大會壁方四十里滿其中人是時曇無竭菩薩四向視諸來會者薩陀波倫菩薩及五百女人用欲得經法故即為薩陀波倫菩薩說般若波羅蜜言善男子且聽諸經法悉等般若波羅蜜亦悉等如是諸經法本端不可計如是怛薩阿竭智慧無所量般若波羅蜜亦无所量如是譬如幻人無形般若波羅蜜亦无形如是譬如風無所量般若波羅蜜亦无量亦无量等所有如是本端不可計般若波羅蜜亦不可計如是一切我所志斷本淨般若波羅蜜亦本無如是譬如夢中與女人通視之本无般若波羅蜜亦本無如是所名本無般若波羅蜜亦本无如是阿羅漢泥洹空無所生般若波羅蜜亦空无所生如是怛薩阿竭般泥洹本等無有異般若波羅蜜亦本等无有異如是譬如然火火即時滅之本無所從來去亦無所至般若波羅蜜本无從來去亦無所至如是譬如夢中見須弥



山本無般若波羅蜜亦本无如是譬  
如佛現飛般若波羅蜜現無所有如  
是前於愛欲中相娛樂計之无所有  
般若波羅蜜計之亦無所有如是人  
名及聲无所有怛薩阿竭亦無所有  
於前見者念所作因見般若波羅蜜  
念所作本无所有如是譬如幻師化  
作象本無所有般若波羅蜜亦本无  
所有如是譬如虛空適無所住般若  
波羅蜜亦適无所住如是譬如幻師  
學無所不至般若波羅蜜亦无所不  
至如是過去當來今現在亦不可合  
為一般般若波羅蜜無過現當作是知  
名本無形字无有形般若波羅蜜亦  
無所不至亦无所不入亦無所至亦  
无所入何以故般若波羅蜜空無所  
有故譬如虛空无所不至無所不入  
亦无所至亦無所入何以故空本无  
色般若波羅蜜如是般若波羅蜜如  
是般若波羅蜜者亦入於地亦入於  
水亦入於火亦入於風亦入於空亦  
入於彼亦入於此亦入於色亦入於  
痛痒亦入於思想亦入於生死亦入



於識亦入於人亦入於壽命亦入於  
生亦入於有德亦入於無德亦入於  
欲亦入於不欲亦入於有亦入於无  
亦入於想亦入於無想亦入於願中  
亦入於無願中亦入於无生中亦入  
於不生中亦入於日月亦入於星宿  
亦入於阿湏倫亦入於龍亦入於鬼  
神亦入於捷陀羅亦入於迦留勒亦  
入於甄陀羅亦入於摩曠勒亦入於  
羅刹亦入於鳩垣亦入於薜荔亦入  
於禽獸亦入於泥犁亦入於蛭飛亦  
入於蠕動亦入於蚊行亦入於喘息  
亦入於貧賤亦入於富貴亦入於賢  
者亦入於仙人亦入於湏陀洹亦入  
於斯陀含亦入於阿那含亦入於阿  
羅漢亦入於辟支佛亦入於菩薩亦  
入於佛亦入於泥洹亦入於四意止  
亦入於四意斷亦入於五根亦入於  
五力亦入於七覺意亦入於八道亦  
入於有智亦入於無智亦入於十種  
力亦入於四無所畏亦入於佛經亦  
入於世間經亦入於巫祝亦入於不  
巫祝亦入於宿命亦入於所行亦入

於展轉生死中亦入於勤苦亦入於  
不勤苦亦入於自在亦入於不自在  
亦入於度脫亦入於不度脫亦入於  
好中亦入於不好中亦入於善中亦  
入於不善中亦入於顯中亦入於不  
顯中亦入於明中亦入於不明中亦  
入於過去亦入於當來亦入於今現  
在亦入於可見亦入於不可見亦入  
於教亦入於法亦入於有亦入於無  
所有亦入於一切有形亦入於一切  
无形佛語須菩提如是比曇無竭菩  
薩為薩陀波倫菩薩說般若波羅蜜  
所入處如是說晝夜七日是時人聽  
經呼如飯時頃何以故曇无竭菩薩  
力恩是時薩陀波倫菩薩聞說般若  
波羅蜜大歡欣踊躍及五百女人共  
持天衣及八百石雜寶供養上曇无  
竭菩薩釋提桓因持天摩訶文陀羅  
華散曇无竭菩薩上及散諸菩薩上  
持用增益功德是時一佛境界中一  
切樹木藥樹果樹諸雜寶樹悉傾曲  
躬為曇无竭菩薩作礼天雨蜜香之  
華其華之香聞一佛界中一切人聞

此華之香各各遙見曇無竭菩薩在高座說經并復見薩陀波倫菩薩及五百女人一切人心皆柔弱歡欣皆遙為曇無竭菩薩作禮其國中悉震動是時數千巨億万人悉得无央數經法不可復計菩薩皆得阿惟越致長者女及五百女人白薩陀波倫菩薩言我曹輩願為師作婢願持身命自歸願為師給使共持五百乘車珍寶所有以上師何以故今師為我故甚勤苦我曹持師以當佛無有異我曹蒙大恩乃得聞尊經好語既聞經已無有狐疑大如毛髮今我曹持身為師給使如是數千億万劫尚未能報須臾之恩用得聞尊經故是時薩陀波倫菩薩悉受五百女人及五百乘車珍寶既受用道德故既受已薩陀波倫菩薩欲持上師白曇無竭菩薩言願持身自上及五百女人五百乘車珍寶以上大師哀我曹輩願當受之當使我曹得功德是時曇無竭菩薩欲使薩陀波倫菩薩成其功德故悉受五百女人及五百乘車珍寶

既受已復持及遺薩陀波倫菩薩即  
自言持五百女人為汝給使及五百  
乘車珍寶是時忉利天上諸天人各  
各而嗟歎言善哉善哉薩陀波倫菩  
薩所有者志施與師是意難得是時  
數千巨億天人共來到曇無竭菩薩  
所聽經是時薩陀波倫菩薩大歡欣  
踊躍即於坐上得六万三昧門何等  
為三昧門願樂三昧威儀三昧勸德  
三昧月盛滿三昧日光焰三昧怛薩  
阿竭行三昧志念佛三昧菩薩所生  
三昧樂智慧三昧度脫堅住三昧諸  
境界中無所住三昧國土種種嚴入  
三昧怛薩阿竭相无相入三昧十方  
人無形印封三昧怛薩阿竭出坐三  
昧无所畏樂三昧棄捐珍寶三昧怛  
薩阿竭力莊嚴三昧諸經法志明樂  
三昧說無所從來解事三昧淨如梵  
人三昧過去當來今現在志等入三  
昧本端當來端無所住三昧莊嚴佛  
藏三昧佛音聲響志成三昧如是三  
昧得六万門薩陀波倫菩薩從三昧  
覺得智慧力志入諸菩薩經法中薩

施波倫菩薩白曇無竭菩薩言師願  
說佛音聲當何以知之曇无竭菩薩  
語薩陀波倫菩薩言賢者明聽譬如  
樂工候不以一事成有木有柱有絃有  
人揺手鼓之其音調好自在欲作何  
等曲賢者欲知佛音聲亦如是菩薩  
有本初發意世世行作功德世世教  
授世世問佛事合會是事乃成佛身  
佛音聲亦如是其法皆從因緣起亦  
不可從菩薩行得亦不可離菩薩行  
得亦不可從佛身得亦不可離佛身  
得賢者欲知佛身音聲共合會是事  
乃得佛耳復次賢者譬如工吹長簫  
師其音調好與歌相入簫者以竹為  
本有人工吹合會是事其聲乃悲成  
但薩阿竭阿羅訶三耶三佛身不以  
一事不以二事成以若干百千事若  
世世作功德本願所致亦復世世教  
人用是故成佛身相及諸好志見如  
是譬如佛般泥洹後有人作佛形像  
人見佛形像無不跪拜供養者其像  
端正姝好如佛无有異人見莫不稱  
歎莫不持華香繒綵供養者賢者乎

佛神在像中耶薩陀波倫菩薩報言  
不在中所以作佛像者但欲使人得  
其福耳不用一事成佛像亦不用二  
事成有金有黠人若有見佛時人佛  
般泥洹後念佛故作像欲使世間人  
供養得其福薩陀波倫菩薩報師言  
用佛般泥洹後故作像耳曇无竭菩  
薩報言如賢者所言成佛身亦如是  
不用一事亦不用二事用數千万事  
有菩薩之行有本索佛時人若有常  
見佛作功德用是故成佛身智慧變  
化飛行及成諸相好成佛如是賢者  
復聽辟如鼓不用一事不用二事成  
有師有草有捋有人擊之其聲乃出  
賢者欲知佛不用一事二事用若干  
千衆事乃成之有初發意有六波羅  
蜜行曉知本無本无無所從生之事  
坐於樹下降伏於魔諸經法慧曉知  
如幻無有異用是故成佛身賢者復  
聽辟如畫師有壁有彩有工師有筆  
合會是事乃成畫人欲知佛身不用  
一事成用數百千事菩薩有本行布  
施有持戒不犯十事常隨善師常等



心念十方人無有能壞者世世見佛  
聞菩薩行事堅持不忘世世不諛諂  
常行至誠賢者欲知成佛身如是賢  
者復聽譬如阿迦膩吒天上天人所  
止觀殿光耀悉照天上端正姝好如  
天上殿舍亦不自作亦无有持來者  
亦無有作者本无所從來去亦無所  
至因緣所生其天人本作功德所致  
用於此間布施故得生其上在殿舍  
中解止用是故其人得宮觀賢者欲  
知佛身因緣所生用世間人欲得見  
佛故其人前世有功德其人遠離八  
惡處生其人黠慧信於佛賢者欲知  
成佛身本無所從來去亦无所至無  
有作者亦无有持來者本無有形亦  
无所著如阿迦膩吒天上宮殿佛所  
以現身者欲度脫世間人故賢者復  
聽譬如山中響聲不用一事亦不用  
二事所能成有山有人有呼有耳聽  
合會是事乃成響聲賢者欲知成佛  
身如是無有形亦无有著因緣所生  
世世解空冒行空一切生死無死生  
為因緣佛智悉曉本无死生本亦無

般泥洹者佛作是現世間作是說賢

者欲知佛身如是賢者復聽譬如幻

師化作一人端正姝好譬如遮迦越

羅無有異所語衆人聞之無不歡欣

人有從索金銀珍寶者皆悉與之有

所愛重被服人索者悉與之王在衆人

中坐起行步皆安詳人有見者莫不

恭敬作礼者幻人不用一事二事成

有幻祝有聚會人隨人所喜各化現

中有點者同知是為化人作是現化

無所從來去亦无所至知之太空化

所作點者恭敬作礼不著賢者欲知

成佛身如是因緣所作用數百千事

又共合成有菩薩之行有功德有勸

助德令十方人使安隱具足菩薩願

者欲知成佛身者如是賢者欲知佛

為人故分布經無數授與人各各使

行禪三昧思惟分別為人說經各各

使學如是諸天人民聞之莫不歡欣

中有自貢高者中有不知慚者中有

婬亂者中有慳貪者中有強梁者中

有自用者中有喜鬪者中有不用諫

者中有為婬怒癡所覆者中有行惡

不可計者佛在衆人中央端正姝好  
坐起行步安隱佛衆惡已盡但有諸  
德佛皆使人得安隱佛亦自行佛事  
佛本自空無所著如幻人所作菩薩  
現身如是端正姝好雖見之不著亦  
无諸想之意雖知之无所有恭敬作礼  
供養無極賢者欲知過去當來今現  
在諸佛皆從數千万事各各有因緣  
而生菩薩當作是念當作是習當作  
是守菩薩作是行得佛疾是時曇无  
竭菩薩說佛身時四万八千菩薩即  
解得盡信之行百億菩薩悉得諸陀  
隣尼法二百億菩薩得無所罣碍問  
皆能報四百億菩薩皆得阿惟越致  
菩薩八万億菩薩皆得阿闍浮行住  
法是時天文陀羅華摩訶文陀羅華  
雨散曇无竭菩薩及諸菩薩上曇无  
竭菩薩持威神都盧一佛之界諸有  
音樂皆自作聲數千万天人從空中  
散天衣雨曇无竭菩薩及諸菩薩上  
諸天於空中作音樂共樂曇无竭菩  
薩諸天衣皆行列覆一佛界中天燒  
蜜香遍至其分散亦悉遍至一佛界

中地志動諸菩薩志見十方無央數  
佛是時諸佛志還讚歎曇无竭菩薩  
言善哉善哉是時諸佛授薩陀波倫  
菩薩訣當作佛時汝却後當來世作  
佛名迦摩迦提陀頗羅耶怛薩阿竭  
阿羅訶三耶三佛汝作佛時正當號  
如是時五百女人却後稍稍皆當作  
佛如是曇无竭菩薩世時五百女人  
即化作男子後世世生者常不離諸  
佛國薩陀波倫菩薩及五百人世事  
常高才常當教天下人佛語須菩提  
若有菩薩在事欲得佛者若見現在  
佛若佛般泥洹後欲索般若波羅蜜  
者常精進常當恭敬於般若波羅蜜  
當如是薩陀波倫菩薩

摩訶般若波羅蜜道行經囑累品第三十

佛以手撫阿難肩三反佛語阿難我  
囑累汝是般若波羅蜜諦持諦念阿  
難是般若波羅蜜以相累常持諦了  
了取字諦了了念書作字莫使缺減  
諦視書莫左右望一切恐是有難諦  
是經中莫令字少我累汝阿難是般  
若波羅蜜何以故是經阿難怛薩阿

竭阿羅訶三耶三佛過去當來今現在  
在元有盡經藏是經鎮諸法志從是  
經中出諸所有阿難怛薩阿竭阿羅  
訶三耶三佛過去當來今現在所為  
人民說經所出不可計經卷種種異  
慧若干種經卷所見人民若干種所  
喜各各隨所行人民道經所入慧所  
說過去當來今現在所說是一切皆  
從是般若波羅蜜藏中出諸所有經  
法阿難若干種所見相種種所行若  
千種根若干種點若干種癡若干種  
慧人民輩所求盡所求慧怛薩阿竭  
志都盧阿難志從般若波羅蜜中出  
志知曉如是阿難般若波羅蜜是怛  
薩阿竭阿羅訶三耶三佛母是諸慧  
明是我身皆從是中出從是中生佛  
語阿難汝敬我所語敬我法若敬愛  
承事我汝自敬身於佛汝有慈於佛  
汝有孝於佛一切恭敬於佛所汝持  
是慈孝恭敬於般若波羅蜜中如是  
阿難汝恭敬於是中志為供養諸佛  
已持是累汝阿難汝所當作者志為  
已汝身亦有慈口亦有慈心亦有慈

汝有孝於佛不言無有孝汝常得佛  
時不言不得時汝常如法不言不如  
法汝心常淨潔無瑕穢汝見佛不言  
不見佛汝如是志為報佛恩已我語  
汝阿難是般若波羅蜜從中亡一字  
汝捨汝擬不書汝虛以无有慈孝於  
佛所汝以不復見我阿難汝以不復  
恭敬於佛阿難汝以不復隨佛教阿  
難汝以不復承事用佛言阿難汝所  
恭敬於佛以來為了无復有供養佛  
設從是般若波羅蜜中亡一句一言  
若擬置以為背佛恩佛語阿難是般  
若波羅蜜汝諦受諦念用慈孝於佛  
故承用教故都盧是過去當來今現  
在佛天中天所施教用是供養若於  
薩和薩為極大慈具諸菩薩當視如  
見佛當恭敬諸佛法汝以親近持  
佛藏作是諦念於是般若波羅蜜  
當諦取莫得失一字佛般泥洹後汝  
當護是經莫令減少當持授與菩薩  
摩訶薩是諸佛經藏阿難我手付汝  
汝當持授與菩薩摩訶薩持是阿難  
菩薩所作功德勤苦死生牢獄患破壞



諸無知者為繫著惑得救解諸魔官  
屬无不降伏諸所欲法悉除去正上  
佛坐作阿耨多羅三耶三菩以成佛  
道諸人民無目者愚癡者悉當開解  
佛語阿難正第一大道无有兩正是  
阿耨多羅三耶三菩阿惟三佛慧是  
為般若波羅蜜次佛語阿難我般泥  
洹後都盧三千大千國界其中人民  
汝悉教入經法中悉令成就得阿羅  
漢道日日教乃令所人如是一切若  
百劫悉為說經令般泥洹雖令汝常  
不具足承事我汝不如持是般若波  
羅蜜中一句教菩薩學如是為具足  
承事佛已為具足供養佛言我今於  
是稱譽汝囑累般若波羅蜜至一劫  
百劫不能竟我今廣演說耳佛語阿  
難我今問汝汝當說佛從袈裟中出  
金色臂舉右手著阿難頭上摩阿難  
頭持手著阿難肩上語阿難言云何阿  
難汝慈於佛不阿難言佛天中天自  
當知如是至三佛復問阿難云何阿  
難汝孝於佛不如是復三阿難言佛  
天中天自當知佛言如是阿難汝有

慈於佛所以為報佛恩阿難汝極尊  
般若波羅蜜致重敬慈於是句心所  
念句當令了了分明心所念餘忘棄  
之一切心於是中書具經正字頭角  
所持時學時當諦授與菩薩摩訶薩  
與好長素卷善書令經上下句相得  
書時當得好筆書好素上當自歸承  
事作禮供養好香成搗雜香澤香繒  
綵華蓋旗幡悉如天上所有香著油  
麻中所淨潔油麻好燈炷自歸頭面  
著地却然燈炷加敬作禮承事佛談  
是般若波羅蜜時在羅閱祇耆闍崛  
山中在眾弟子央坐

佛年三十得佛十二月十五日過食  
後說經佛說經已諸弟子諸菩薩諸  
天諸阿湏倫諸龍鬼神諸人民皆大  
歡欣為佛作禮而去

道行般若經卷第十

已亥歲高麗國大藏部益奉  
新彫造

小品經序

釋僧叡

鮮

般若波羅蜜經者窮理盡性之格言  
菩薩成佛之引軌也軌不引則不足  
以索群異指其歸性不盡則物何以  
登道場成正覺正覺之所以成群異  
之所以一何莫由斯道也是以異教慤  
懃三撫以之頻發功德疊拔九增以  
之屢至如問相標玄而玄其玄幻品  
忘寄而忘其忘道行坦其津難問窮  
其源隨喜忘趣以要終照明不化以  
即玄章雖三十貫之者道言雖十萬  
倍之者行行然然後无生道足然後  
補處及此而變一切智也法華鏡本以  
凝照般若冥末以解懸解懸理趣菩  
薩道也凝照鏡本告其終也終而不  
泯則歸途扶疎有三寶之跡擁應不  
夷則亂緒紛綸有惑趣之異是以法  
華般若相待以期終方便實化真一  
以俟盡論其窮理盡性夷明万行則  
實不如照取其大明真化解本无三  
則照不如實是故歎深則般若之功  
重美實則法華之用微此經之尊三

撫三羈未足惑也有秦太子者寓跡  
儲宮擬韻區外翫味斯經夢想增至  
准悟大品深知譯者之失會聞究摩  
羅法師神授其文真本猶存以弘始  
十年二月六日請令出之至四月三  
十日校正都訖考之舊譯真若荒  
之稼芸過其半未詎多也斯經正文  
凡有四種是佛異時適化廣略之說  
也其多者云有十萬偈少者六百偈  
此之大品乃是天竺之中品也隨宜  
之言復何必計其多少議其煩簡耶  
梵文雅質案本譯之於麗巧不足據  
正有餘矣幸冀文悟之賢略其華而  
幾其實也

摩訶般若波羅蜜經卷第一

升本摩訶上  
有小品二字

後秦龜茲國三藏鳩摩羅什 譯

初品第一

如是我聞一時佛在王舍城耆闍崛  
山中與大比丘僧千二百五十人俱  
皆是阿羅漢諸漏已盡如調馬三所  
作已辦捨於重擔逮得已利盡諸有  
結正智解脫心得自在唯除阿難今  
時佛告須菩提汝樂說者為諸菩薩

說所應成就般若波羅蜜舍利弗即作是念須菩提自以力說為承佛神力須菩提知舍利弗心所念語舍利弗言佛諸弟子敢有所說皆是佛力所以者何佛所說法於中學者能證諸法相證已有所言說皆與法相不相違背以法相力故尔時須菩提白佛言世尊佛使我為諸菩薩說所應成就般若波羅蜜世尊所言菩薩菩薩者何等法義是菩薩我不見有法名為菩薩世尊我不見菩薩不得菩薩亦不見不得般若波羅蜜當教何等菩薩般若波羅蜜若菩薩聞作是說不驚不怖不沒不退如所說行是名教菩薩般若波羅蜜復次世尊菩薩行般若波羅蜜時應如是學不念是菩薩心所以者何是心非心心相本淨故尔時舍利弗語須菩提有此非心心不須菩提語舍利弗非心心可得若有若无不含利弗言不也須菩提語舍利弗若非心心不可得有無者應作是言有心無心耶舍利弗言何法為非心須菩提言不壞不分

別菩薩聞作是說不驚不怖不沒不退當知是菩薩不離般若波羅蜜行若善男子善女人欲學聲聞地當聞是般若波羅蜜受持讀誦如說修行欲學菩薩地亦受持讀誦如說修行欲學般若波羅蜜當聞是般若波羅蜜受持讀誦如說修行所以者何般若波羅蜜中廣說菩薩所應學法須菩提白佛言世尊我不得不見菩薩當教何等菩薩般若波羅蜜世尊我不見菩薩法來去而與菩薩作字言是菩薩我則疑悔世尊又菩薩字無決定无住處所以者何是字无所有故無所有亦無定無處若菩薩聞是事不驚不怖不沒不退當知是菩薩畢竟住不退轉地住無所住復次世尊菩薩行般若波羅蜜時不應色中住不應受想行識中住何以故若住色中為作色行若住受想行識中為作識行若行作法則不能受般若波羅蜜不能習般若波羅蜜不具足般若波羅蜜則不能成就薩婆若何以故色无受想受想



行識無受想若色無受則非色受想  
行識無受則非識般若波羅蜜亦元  
受菩薩應如是學行般若波羅蜜是  
名菩薩諸法無受三昧廣大元量無  
定一切聲聞辟支佛所不能壞何以  
故是三昧不可以相得若是三昧可  
以相得先居梵志於薩婆若智不應  
生信先居梵志以有量智入是法中  
入已不受色不受受想行識是梵志  
不以得門見是智不以內色見是智  
不以外色見是智不以內外色見是  
智亦不離內外色見是智不以內受  
想行識見是智不以外受想行識見  
是智不以內外受想行識見是智亦  
不離內外受想行識見是智先居梵  
志信解薩婆若智以得諸法實相故  
得解脫得解脫已於諸法中無取元  
捨乃至涅槃亦無取元捨世尊是名  
菩薩般若波羅蜜不受色不受受想  
行識雖不受色不受受想行識未具  
足佛十力四無所畏十八不共法終  
不中道而般涅槃復次世尊菩薩行  
般若波羅蜜應如是思惟何等是般

若波羅蜜是誰般若波羅蜜若法不可得是般若波羅蜜耶若菩薩作是思惟觀時不驚不畏不怖不沒不退當知是菩薩不離般若波羅蜜行

今時舍利弗語須菩提若色離色性受想行識離識性般若波羅蜜離般若波羅蜜性者何故說菩薩不離般若波羅蜜行須菩提言如是舍利弗色離色性受想行識離識性般若波羅蜜離般若波羅蜜性是法皆離自性性相亦離舍利弗言若菩薩於是中學能成就薩婆若耶須菩提言如是舍利弗菩薩如是學者能成就薩婆若所以者何一切法無生无成就故若菩薩如是行者則近薩婆若

今時須菩提語舍利弗言菩薩若行色行為行相若生色行為行相若滅色行為行相若壞色行為行相若空色行為行相我行是行亦是行相若行受想行識行為行相若生識行為行相若滅識行為行相若壞識行為行相若空識行為行相我行是行亦是行相若作是念能如是行者是行

般若波羅蜜亦是行相當知是菩薩  
未善知方便舍利弗語須菩提今菩  
薩云何行名為行般若波羅蜜須菩  
提言若菩薩不行色不行色生不行  
色滅不行色壞不行色空不行受想  
行識不行識生不行識滅不行識壞  
不行識空是名行般若波羅蜜不念  
行般若波羅蜜不念不行不念行不  
行亦不念非行非不行是名行般若  
波羅蜜所以者何一切法無受故是  
名菩薩諸法无受三昧廣大無量无  
定一切聲聞辟支佛所不能壞菩薩  
行是三昧疾得阿耨多羅三藐三菩  
提須菩提承佛威神而作是言若菩  
薩行是三昧不念分別是三昧我  
當入是三昧我今入我已入無如是  
分別當知是菩薩已從諸佛得受阿  
耨多羅三藐三菩提記舍利弗語須  
菩提菩薩所行三昧得從諸佛受阿  
耨多羅三藐三菩提記是三昧可得  
示不須菩提言不也舍利弗何以故  
善男子不分別是三昧所以者何三  
昧性無所有故佛讚須菩提言善哉

善哉我說汝於無諍三昧人中取為  
第一如我所說菩薩應如是學般若  
波羅蜜若如是學者是名學般若波  
羅蜜舍利弗白佛言世尊菩薩如是  
學為學何法佛告舍利弗菩薩如是  
學於法無所學何以故舍利弗是諸  
法不念如凡夫所著舍利弗白佛言  
世尊今云何有佛言如無所有如是  
有如是諸法元所有故名無明凡夫  
分別無明貪著无明墮於二邊不知  
不見於无法中憶想分別貪著名色  
因貪著故於無所有法不知不見不  
出不信不住是故墮在凡夫貪著數  
中舍利弗白佛言世尊菩薩如是學  
亦不學薩婆若佛告舍利弗菩薩如  
是學亦不學薩婆若如是學亦名學  
薩婆若成就薩婆若須菩提白佛言  
世尊若有問幻人學薩婆若當成就  
薩婆若不世尊我當云何答須菩提  
我還問汝隨意答於意云何幻異色  
色異幻幻異受想行識耶須菩提言  
幻不異色色不異幻幻即是色色即  
是幻幻不異受想行識識不異幻幻

即是識識即是幻湏菩提於意云何  
五受陰名為菩薩不如是世尊佛告湏  
菩提菩薩學阿耨多羅三藐三菩提  
當如幻人學何以故當知五陰即是  
幻人所以者何說色如幻說受想行識  
如幻識是六情五陰世尊新發意菩  
薩聞是說者將無驚怖退沒耶佛告  
湏菩提若新發意菩薩隨惡知識則  
驚怖退沒若隨善知識聞是說者則  
无驚怖退沒湏菩提言世尊何等是  
菩薩惡知識佛言教令遠離般若波  
羅蜜使不樂菩提又教令學取相分  
別嚴飾文頌又教學雜聲聞辟支佛  
經法又與作魔事因緣是名菩薩惡  
知識世尊何等為菩薩善知識若教  
令學般若波羅蜜為說魔事說魔過  
惡令知魔事魔過惡已教令遠離湏  
菩提是名發大乘心大莊嚴菩薩摩  
訶薩善知識湏菩提白佛言世尊所  
言菩薩菩薩有何義佛告湏菩提為  
學一切法無障罣亦如實知一切法  
是名菩薩義湏菩提白佛言世尊者  
知一切法名為菩薩義復以何義名

為摩訶薩佛言當為大衆作上首名  
為摩訶薩義舍利弗白佛言世尊我  
亦樂說所以為摩訶薩義佛言樂說  
便說舍利弗白佛言世尊菩薩為斷  
我見衆生見壽者見人見有見無見  
斷見常見等而為說法是名摩訶薩  
義於是中心無所著亦名摩訶薩義  
舍利弗問須菩提何故於是中心无  
所著須菩提言無心故於是中心無  
所著富樓那彌多羅尼子白佛言世  
尊菩薩發大莊嚴衆大衆故是名應  
訶薩義須菩提白佛言世尊所言菩  
薩發大莊嚴云何名為發大莊嚴佛  
言菩薩作是念我應度無量阿僧祇  
衆生度衆生已無有衆生滅度者何  
以故諸法相亦譬如工幻師於四衢  
道化作大衆悲斷化人頭於意云何  
寧有傷有死者不須菩提言不也世  
尊佛言菩薩亦如是度無量阿僧祇  
衆生已無有衆生滅度者若菩薩聞  
是事不驚不怖當知是菩薩發大莊  
嚴須菩提言如我解佛所說義當知  
是菩薩發大莊嚴而自莊嚴何以故



薩婆若是不作不起法為衆生故發  
大莊嚴是衆生亦是不作不起法何  
以故色无縛無解受想行識无縛無  
解故富樓那語須菩提色無縛无解  
受想行識無縛无解耶須菩提言色  
無縛无解受想行識無縛无解富樓  
那言何等色無縛无解何等受想行  
識无縛無解須菩提言幻人色是無  
縛無解幻人受想行識是无縛無解  
无所有故無縛无解離故無縛无解  
無生故无縛无解是名菩薩摩訶薩  
發大莊嚴而自莊嚴須菩提白佛言  
世尊云何為大乘云何為菩薩發趣  
大乘是乘住何處是乘從何處出佛  
告須菩提大乘者無有量无分數故  
是乘從何處出住何處者是乘從三  
界出住薩婆若無乘是乘出者何以  
故出法出者俱无所有何法當出須  
菩提白佛言世尊所言摩訶衍摩訶  
衍者勝出一切世間天人阿修羅世  
尊摩訶衍與虚空等如虚空受无量  
阿僧祇衆生摩訶衍亦如是受無量  
阿僧祇衆生是摩訶衍如虚空无來

處無去處无住處摩訶衍亦如是不  
得前際不得中際不得後際是乘三  
世等是故名為摩訶衍佛讚須菩提  
言善哉善哉諸菩薩摩訶薩摩訶衍  
應如汝所說今時富樓那弥多羅尼  
子白佛言世尊佛使須菩提說般若  
波羅蜜乃說摩訶衍須菩提白佛言  
世尊我所說將無離般若波羅蜜耶  
不也須菩提汝所說隨順般若波羅  
蜜世尊我不得過去世菩薩亦不得  
未來現在世菩薩色无邊故菩薩亦  
無邊受想行識无邊故菩薩亦無邊  
世尊如是一切處一切時一切種菩  
薩不可得當教何等菩薩般若波羅  
蜜我不得不見菩薩當教何法入般  
若波羅蜜世尊所言菩薩菩薩者但  
有名字譬如所說我我法畢竟不生  
世尊一切法性亦如是此中何等是  
色不着不生何等是受想行識不着  
不生色是菩薩不可得受想行識是  
菩薩不可得不可得亦不可得世尊  
一切處一切時一切種菩薩不可得  
當教何法入般若波羅蜜世尊菩薩

但有名字如我畢竟不生諸法性亦如是此中何等是色不著不生何等是受想行識不著不生諸法性如是是性亦不生不生亦不生世尊我今當教不生法入般若波羅蜜耶何以故離不生法不可得菩薩行阿耨多羅三藐三菩提若菩薩聞作是說不驚不怖當知是菩薩行般若波羅蜜世尊菩薩隨行般若波羅蜜時作是觀諸法即不受色何以故色元生即非色色無滅即非色無生无滅無二无別若說是色即是无二法菩薩行般若波羅蜜時不受受想行識何以故識无生即非識識无滅即非識無生无滅無二无別若說識即是无二法舍利弗問須菩提如我解須菩提所說義菩薩即是無生若菩薩无生何以故有難行為衆生故受苦惱須菩提言我不欲使菩薩有難行何以故生難行想苦行想不能利益無量阿僧祇衆生於衆生生易想樂想父母想子想我所想則能利益无量阿僧祇衆生如我法一切處一切時一切

種不可得菩薩於內外法中應生如是想若菩薩以如是心行亦名難行如舍利弗所言菩薩无生如是舍利弗菩薩實无生舍利弗言但菩薩无生薩婆若亦無生須菩提言薩婆若亦無生舍利弗言薩婆若無生凡夫亦无生須菩提言凡夫亦无生舍利弗語須菩提若菩薩无生菩薩法亦無生薩婆若无生薩婆若法亦无生凡夫無生凡夫法亦无生今以無生得无生菩薩應得薩婆若須菩提言我不欲令無生法有所得何以故无生法不可得故舍利弗言生生無生生汝所言樂說為生為无生須菩提言諸法无生所言无生樂說亦無生如是樂說舍利弗言善哉善哉須菩提汝於說法人中為最第一何以故須菩提隨所問皆能答故須菩提言法應令諸佛弟子於無依止法所問能答何以故一切法无定故舍利弗言善哉善哉是何波羅蜜力須菩提言是般若波羅蜜力舍利弗若菩薩聞如是說如是論時不疑不悔不難當

知是菩薩行是行不離是念舍利弗  
言若菩薩不離是行不離是念一切  
衆生亦不離是行不離是念一切衆  
生亦當是菩薩何以故一切衆生不  
離是念故須菩提言善哉善哉舍利  
弗汝欲離我而成我義所以者何衆  
生无性故當知念亦無性衆生離故  
念亦離衆生不可得故念亦不可得  
舍利弗我欲令菩薩以是念行般若  
波羅蜜

摩訶般若波羅蜜釋提桓因品第二

今時釋提桓因與四万天子俱在會  
中四天王與二万天子俱在會中娑  
婆世界主梵天三與万梵天俱在會  
中乃至淨居天衆無數千種俱在會  
中是諸天衆業報光明以佛身神力  
光明故皆不復現今時釋提桓因語  
須菩提言是諸無數天衆皆共集會  
欲聽須菩提說般若波羅蜜義菩薩  
云何住般若波羅蜜須菩提語釋提  
桓因及諸天衆憍尸迦我今當承佛  
神力說般若波羅蜜若諸天子未發  
阿耨多羅三藐三菩提心者今應當

發若人已入正位則不堪任發阿耨  
多羅三藐三菩提心何以故已於生  
死作障隔故是人若發阿耨多羅三  
藐三菩提心我亦隨喜終不斷其功  
德所以者何上人應求上法今時佛  
讚頌菩提言善哉善哉汝能如是勸  
樂諸菩薩頌菩提言世尊我當報佛  
恩如過去諸佛及諸弟子教如來住  
空法中亦教學諸波羅蜜如來學是  
法得阿耨多羅三藐三菩提世尊我  
今亦當如是護念諸菩薩以我護念  
因緣故諸菩薩當疾得阿耨多羅  
三藐三菩提頌菩提語釋提桓因言  
憍尸迦汝一心聽菩薩住般若波羅  
蜜憍尸迦菩薩發大莊嚴乘於大乘  
以空法住般若波羅蜜不應住色不  
應住受想行識不應住色若常若無  
常不應住受想行識若常若無常不  
應住色若苦若樂不應住受想行識  
若苦若樂不應住色若淨若不淨不  
應住受想行識若淨若不淨不應住  
色若我若無我不應住受想行識若  
我若无我不應住色若空若不空不



應住受想行識若空若不空不應住  
須陀洹果不應住斯陀含果不應住  
阿那含果不應住阿羅漢果不應住  
辟支佛道不應住佛法不應住須陀  
洹無為果不應住須陀洹福田不應  
住須陀洹乃至七往來生死不應住  
斯陀含無為果不應住斯陀含福田  
不應住斯陀含一來此間當得盡苦  
不應住阿那含無為果不應住阿那  
含福田不應住阿那含彼間滅度不  
應住阿羅漢無為果不應住阿羅漢  
福田不應住阿羅漢今世入無餘涅  
槃不應住辟支佛道無為果不應住  
辟支佛福田不應住辟支佛過聲聞  
地不及佛地而般涅槃不應住佛法  
利益无量衆生滅度无量衆生今時  
舍利弗作是念菩薩當云何住須菩  
提知舍利弗心所念語舍利弗於意  
云何如來為住何處舍利弗言如來  
无所住無住心名為如來如來不住  
有為性亦不住無為性舍利弗菩薩  
摩訶薩亦應如是住如如來住於一  
切法非住非不住今時衆中有諸天

子作是念諸夜叉衆語言章句尚可  
知義須菩提所說所論難可得解須  
菩提知諸天子心所念語諸天子言  
是中無說无示無聽諸天子作是念  
須菩提欲令此義易解而轉深妙須  
菩提知諸天子心所念語諸天子言  
若行者欲證須陀洹果欲住須陀洹  
果不離是忍欲證斯陀含果阿那含  
果阿羅漢果欲證辟支佛道欲證佛  
法亦不離是忍今時諸天子作是念  
何等人能隨順聽須菩提所說須菩  
提知諸天子心所念語諸天子言幻  
人能隨順聽我所說而无聽無證諸  
天子作是念但聽者如幻衆生亦如  
幻須陀洹果乃至辟支佛道亦如幻  
須菩提知諸天子心所念語諸天子  
言我說衆生如幻如夢須陀洹果亦  
如幻如夢斯陀含果阿那含果阿羅  
漢果辟支佛道亦如幻如夢諸天子  
言須菩提亦說佛法如幻如夢須菩  
提言我說佛法亦如幻如夢我說沮  
睺亦如幻如夢諸天子言大德須菩  
提亦說沮睺如幻如夢耶須菩提言

諸天子設復有法過於涅槃我亦說如幻如夢諸天子幻夢涅槃无二無別今時舍利弗富樓那弥多羅居士摩訶拘絺羅摩訶迦旃延問須菩提如是說般若波羅蜜義誰能受者時阿難言如是說般若波羅蜜義阿毗跋致菩薩具足正見者滿願阿羅漢是等能受須菩提言如是說般若波羅蜜義无能受者所以者何此般若波羅蜜法中無法可說无法可示以是義故无能受者今時釋提桓因作是念長老須菩提為雨法雨我寧可化作華散須菩提上釋提桓因即化作華散須菩提上須菩提作是念釋提桓因今所散華我於忉利天上所未曾見是華從心樹出不從樹生釋提桓因知須菩提心所念語須菩提言是華非生華亦非心樹生須菩提語釋提桓因言憍尸迦汝言是華非生華亦非心樹生若非生法不名為華釋提桓因作是念長老須菩提智慧甚深不壞假名而說實義念已語須菩提言如是如是須菩提如須菩提

所說菩薩應如是學菩薩如是學者  
不學須陀洹果斯陀含果阿那含果  
阿羅漢果辟支佛道若不學是地是  
名學佛法學薩婆若若學佛法學薩  
婆若則學無量无边佛法若學无量  
無邊佛法者不為增減色學不為增  
減受想行識學不為受色學不為受  
受想行識學是人於法無所取無所  
滅故學舍利弗語須菩提行者不為  
取薩婆若不為滅薩婆若故學須菩  
提言如是如是舍利弗菩薩乃至薩  
婆若不取不滅故學如是觀時能學  
薩婆若能成就薩婆若今時釋提桓  
因語舍利弗菩薩摩訶薩般若波羅  
蜜當於何求舍利弗言般若波羅蜜  
當於須菩提所轉中求釋提桓因語  
須菩提是誰神力須菩提言是佛神  
力憍尸迦如所問般若波羅蜜當於  
何求般若波羅蜜不應色中求不應  
受想行識中求亦不離色求亦不離  
受想行識求何以故色非般若波羅  
蜜離色亦非般若波羅蜜受想行識  
非般若波羅蜜離受想行識亦非般若

若波羅蜜釋提桓因言摩訶波羅蜜

是般若波羅蜜無量波羅蜜是般若

波羅蜜無邊波羅蜜是般若波羅蜜

須菩提言如是如是憍尸迦摩訶波

羅蜜是般若波羅蜜無量波羅蜜是

般若波羅蜜無邊波羅蜜是般若波

羅蜜憍尸迦色無量故般若波羅蜜

无量受想行識无量故般若波羅蜜

無量緣無邊故般若波羅蜜無邊衆

生無邊故般若波羅蜜無邊憍尸迦

云何緣無邊故般若波羅蜜無邊諸

法無前无中無後是故緣無邊般若

波羅蜜無邊復次憍尸迦諸法无邊

前際不可得中際後際不可得是故

緣无邊般若波羅蜜無邊釋提桓因

言長老須菩提云何衆生無邊般若

波羅蜜無邊憍尸迦衆生无量等數

不可得是故衆生無邊般若波羅蜜

無邊釋提桓因言大德須菩提衆生

有何義須菩提言衆生義即是法義

於意云何所言衆生衆生有何義釋

提桓因言衆生非法義亦非非法義

但有假名是名字无本無因強為立

名名為衆生須菩提言於意云何此  
中實有衆生可說可示不不也須菩  
提言憍尸迦若衆生不可說不可示  
云何言衆生无边般若波羅蜜无边  
憍尸迦若如来住壽如恒河沙劫說  
言衆生衆生實有衆生生滅不釋提  
桓因言不也何以故衆生從本已來  
常清淨故憍尸迦是故當知衆生无  
邊般若波羅蜜无边

小品般若經卷第一

戊戌歲高麗國大藏都監奉  
勅彫造



小品般若波羅蜜經卷第二

後本經世國三藏鳩摩羅什經

塔品第三

丹本云  
寶金

今時釋提桓因梵天王自在天王及  
衆生主諸天女等皆大歡喜同時三  
唱快哉快哉佛出世故須菩提乃能  
演說是法今時諸天大衆俱白佛言  
世尊若菩薩能不離般若波羅蜜行  
當視是人如佛佛告諸天子如是如  
是昔我於衆華城燃燈佛所不離般  
若波羅蜜行時燃燈佛訖我於來世  
過阿僧祇劫當得作佛号釋迦牟尼  
如來應供正遍知明行足善逝世間  
解無上士調御丈夫天人師佛世尊  
諸天子白佛言希有世尊諸菩薩摩  
訶薩般若波羅蜜能攝取薩婆若佛  
因釋提桓因告欲色界諸天子及四  
衆比丘比丘尼優婆塞優婆夷等慍  
尸迦若有善男子善女人能受持讀  
誦般若波羅蜜如所說行魔若魔天  
人若非人不得其便終不橫死善男  
子善女人受持讀誦般若波羅蜜故

忉利諸天發阿耨多羅三藐三菩提  
心未受持讀誦般若波羅蜜者來至  
其所復次憍尸迦善男子善女人受  
持讀誦般若波羅蜜時若在空中舍若  
在道路若或失道無有恐怖今時四  
天王白佛言世尊若善男子善女人  
受持讀誦般若波羅蜜如所說行我  
等皆當護念釋提桓因白佛言世尊  
若善男子善女人受持讀誦般若波  
羅蜜如所說行我當護念梵天王及  
諸梵天俱白佛言世尊若善男子善  
女人受持讀誦般若波羅蜜如所說  
行我等亦當護念釋提桓因白佛言  
希有世尊善男子善女人受持讀誦  
般若波羅蜜得如是現世功德世尊  
若受持般若波羅蜜者則為受持諸  
波羅蜜佛言如是如是憍尸迦受持  
般若波羅蜜者則為受持諸波羅蜜  
復次憍尸迦善男子善女人受持讀  
誦般若波羅蜜所得功德汝今善聽  
當為汝說釋提桓因受教而聽佛告  
憍尸迦若有欲毀亂違逆我此法者  
雖有是心漸漸自滅終不從願何以

故憍尸迦若善男子善女人受持讀  
誦般若波羅蜜種種毀亂違逆事起  
法應皆滅是故此人終不從願憍尸迦  
善男子善女人受持讀誦般若波羅  
蜜得如是現世功德譬如有一藥名為  
摩醯有蛇飢行求食見有小虫而欲  
食之虫赴藥所蛇聞藥氣即迴還去  
所以者何藥力能消蛇毒故憍尸迦  
善男子善女人亦如是若受持讀誦  
般若波羅蜜種種毀亂違逆事起以  
般若波羅蜜力故即自消滅復次憍  
尸迦若受持讀誦般若波羅蜜護世  
四天王皆當護念復次憍尸迦是人  
終不說無益之語有所言說人所信  
受少於瞋恚終不懷恨不為我慢所  
覆不為瞋恚所使善男子善女人若  
瞋恚時能作是念若我瞋者則壞諸  
根顏色變異我欲求阿耨多羅三藐  
三菩提云何當隨瞋心如是思惟即  
得正念憍尸迦善男子善女人受持  
讀誦般若波羅蜜亦得是現世功德  
釋提桓因白佛言希有世尊般若波  
羅蜜為迴向故不為高心佛告憍尸

迦善男子善女人受持讀誦般若波  
羅蜜若入軍陣誦般若波羅蜜若住  
若出若失壽命若被惱害无有是處  
若刀箭向者終不能傷何以故般若  
波羅蜜是大呪術无上呪術善男子  
善女人學此呪術不自念惡不念他  
惡不兩念惡學是呪術得阿耨多羅  
三藐三菩提得薩婆若智能觀一切  
衆生心復次憍尸迦若般若波羅蜜  
經卷住處若讀誦處人若非人不得  
其便唯除業行必應受者憍尸迦譬  
如道場四邊若人若畜生无能惱者  
何以故過去未來現在諸佛此中得  
道已得今得當得是處一切衆生无  
恐無畏无能惱害憍尸迦以般若波  
羅蜜故是處則吉人所恭敬供養礼  
拜釋提桓因白佛言世尊若善男子  
善女人書般若波羅蜜受持經卷供  
養恭敬尊重讚歎以好花香瓔珞塗  
香燒香末香雜香繒蓋幢幡而以供  
養若復有人以如來舍利供養恭敬  
尊重讚歎以好花香瓔珞塗香燒香  
末香雜香繒蓋幢幡而以供養其福

何所為多憍尸迦我還問汝隨汝意  
答於意云何如來行何道得薩婆若  
所依止身得阿耨多羅三藐三菩提  
釋提桓因白佛言世尊如來學般若  
波羅蜜故得是身得阿耨多羅三藐  
三菩提憍尸迦佛不以身故名為如  
來以得薩婆若故名為如來憍尸迦  
諸佛薩婆若從般若波羅蜜生是身  
薩婆若智所依止故如來因是身得  
是身薩婆若所依止故我滅度後舍  
利得供養憍尸迦若善男子善女人  
書般若波羅蜜受持讀誦供養恭敬  
尊重讚歎以好花香瓔珞塗香燒香  
末香雜香繒蓋幢幡而以供養是善  
男子善女人即是供養薩婆若智是  
故若人書寫般若波羅蜜供養恭敬尊  
重讚歎當知是人得大福德何以故  
供養薩婆若智故釋提桓因白佛言  
世尊閻浮提人不供養恭敬尊重讚  
歎般若波羅蜜為不知得如是大利  
益耶佛言憍尸迦於意云何閻浮提  
有幾所人於佛得不壞信幾所人於



法於僧得不壞信釋提桓因言少所  
人於佛得不壞信於法於僧得不壞  
信世尊闍浮提少所人得須陀洹斯  
陀含阿那含阿羅漢得辟支佛者轉  
復減少能行菩薩道者亦復轉少如  
是如是憍尸迦闍浮提少所人於佛  
得不壞信乃至能發阿耨多羅三藐  
三菩提心行菩薩道者亦復轉少憍  
尸迦無量無邊阿僧祇衆生發阿耨  
多羅三藐三菩提心於中若一若二  
住阿耨跋致地是故當知善男子善  
女人發阿耨多羅三藐三菩提心乃  
至能受持讀誦供養恭敬尊重讚歎  
般若波羅蜜何以故是人作是念過  
去諸佛行菩薩道時從是中學我等  
亦應於是中學般若波羅蜜是我大  
師憍尸迦若我現在若我滅後菩薩  
常應依止般若波羅蜜若善男子善  
女人於我滅後以供養如來故起七  
寶塔盡其形壽以好花香塗香末香  
衣服幢幡供養是塔於意云何是善  
男子善女人以是因緣故得福多不  
釋提桓因言甚多世尊佛言憍尸迦



若善男子善女人供養般若波羅蜜經卷恭敬尊重讚歎以好華香塗香末香衣服幢幡而以供養其福甚多憍尸迦置是一塔若滿閻浮提七寶塔善男子善女人盡其形壽以好華香乃至伎樂供養是塔於意云何是人以是因緣故得福多不釋提桓因言甚多世尊佛告憍尸迦若善男子善女人供養般若波羅蜜經卷恭敬尊重讚歎以好華香塗香末香衣服幢幡其福甚多憍尸迦置是滿閻浮提七寶塔若滿四天下七寶塔若人盡形壽以花香供養乃至伎樂若復有人供養般若波羅蜜其福甚多憍尸迦置是滿四天下七寶塔若滿周梨迦小千世界七寶塔若人盡形以好華香供養乃至幢幡若復有人供養般若波羅蜜其福甚多憍尸迦置是周梨迦小千世界七寶塔若滿二千中世界七寶塔若人盡形以花香供養乃至幢幡若復有人供養般若波羅蜜其福甚多憍尸迦置是二千中世界若滿三千大千世界七寶塔

若善男子善女人盡其形壽以花香  
供養乃至幢幡懺尸迦於意云何是  
人以是因緣故得福多不釋提桓因  
言甚多世尊佛告懺尸迦若復有人  
供養般若波羅蜜經卷恭敬尊重讚  
歎花香乃至幢幡其福甚多懺尸迦  
置是滿三千大千世界七寶塔假令  
三千大千世界所有衆生一時皆得  
人身是一一人起七寶塔盡其形壽  
以一切好華名香幢幡伎樂歌僊供  
養是塔懺尸迦於意云何是人以是  
因緣故得福多不甚多世尊佛告懺  
尸迦若善男子善女人供養般若波  
羅蜜經卷恭敬尊重讚歎花香乃至  
幢幡其福甚多釋提桓因言如是如  
是世尊若人供養般若波羅蜜即是  
供養恭敬過去未來現在諸佛薩婆  
若世尊置是三千大千世界二衆生  
所起七寶塔若滿十方恒河沙等世  
界衆生皆得人身一人起七寶塔  
若於一劫若減一劫以好華香乃至  
伎樂供養是塔若復有人供養般若  
波羅蜜經卷恭敬尊重讚歎華香乃

至伎樂其福甚多佛言如是如是憍尸迦是善男子善女人以是供養般若波羅蜜經卷因緣故其福甚多無量无邊不可得數不可思議何以故憍尸迦一切諸佛薩婆若智皆從般若波羅蜜生憍尸迦以是因緣故若善男子善女人供養般若波羅蜜經卷恭敬尊重讚歎華香乃至伎樂供養於前功德百分不及一分千万分百千万億分不及一乃至算數譬喻所不能及

摩訶般若波羅蜜明呪品第四

今時釋提桓因與四万天子在會中者語釋提桓因言憍尸迦應受持讀誦般若波羅蜜佛告釋提桓因憍尸迦汝受持讀誦般若波羅蜜若阿修羅生念欲與忉利諸天共闔今時汝當誦念般若波羅蜜以是因緣故阿修羅惡心即滅釋提桓因白佛言世尊般若波羅蜜是大明呪般若波羅蜜是無上呪般若波羅蜜是无等等呪佛言如是如是憍尸迦般若波羅蜜是大明呪般若波羅蜜是无上呪

般若波羅蜜是无等等呪何以故憍尸迦過去諸佛因是明呪得阿耨多羅三藐三菩提未來諸佛亦因是呪當得阿耨多羅三藐三菩提今十方現在諸佛亦因是呪得阿耨多羅三藐三菩提憍尸迦因是明呪十善道出現於世四禪四無量心四无色定五神通出現於世因菩薩故十善道出現於世四禪四無量心四无色定五神通出現於世若諸佛不出於世但因菩薩故十善道四禪四無量心四無色定五神通出現於世譬如月不出時星宿光明照於世間如是憍尸迦世无佛時所有善行正行皆從菩薩出生菩薩方便力皆從般若波羅蜜生復次憍尸迦若善男子善女人供養般若波羅蜜經卷恭敬尊重讚歎得是現世福德釋提桓因白佛言世尊得何等現世福德憍尸迦是善男子善女人毒不能傷火不能燒終不橫死又善男子善女人若官事起誦念般若波羅蜜官事即滅諸求短者皆不得便何以故般若波羅蜜

所護故復次憍尸迦善男子善女人  
誦念般若波羅蜜若至國王若王子  
大臣所皆歡喜問評與共語言何以  
故憍尸迦般若波羅蜜為慈悲一切  
衆生故出是故憍尸迦諸求短者皆  
不得便今時外道出家百人欲求佛  
短來向佛所釋提桓因作是念是諸  
外道出家百人欲求佛短來向佛所  
我從佛所受般若波羅蜜今當誦念  
是諸外道來至佛所或能斷說般若  
波羅蜜如是思惟已即誦念從佛所  
受般若波羅蜜時諸外道遙遶佛復  
道而去舍利弗作是念何因緣故是  
諸外道遶佛而去佛知舍利弗心所  
念告舍利弗是釋提桓因誦念般若  
波羅蜜如是外道乃无一人有善心  
者皆持惡意來求佛短是故外道各  
各復道而去今時惡魔作是念今是  
四衆及欲色界諸天子在佛前坐其  
中必有菩薩受阿耨多羅三藐三菩  
提記者我當壞亂即化作四種兵向  
佛所今時釋提桓因作是念魔嚴四  
兵來至佛所四種兵相摩伽陀國頻

婆娑羅王之所无有憍薩羅國波斯  
匿王亦所无有諸釋子所無有諸黎  
車所無有今是兵相必是惡魔所作  
是魔長夜欲求佛短惱亂衆生我當  
誦念般若波羅蜜釋提桓因即默誦  
般若波羅蜜隨其所誦惡魔稍稍復  
道而去尔時忉利諸天化作天華在  
於空中散佛上作是念願般若波羅  
蜜久住閻浮提閻浮提人當得誦習  
是時諸天復以天花散佛上作是言  
世尊若有衆生行般若波羅蜜修習  
般若波羅蜜魔若魔天不得其便尔  
時釋提桓因白佛言世尊者人得聞  
般若波羅蜜者已曾親近諸佛不從  
小功德來何況受持讀誦如所說學  
如所說行何以故世尊諸菩薩摩訶  
若當於般若波羅蜜中求世尊譬如  
大寶當於大海中求世尊諸佛薩婆  
若大寶應於般若波羅蜜中求佛言  
如是如是憍尸迦諸佛薩婆若皆於  
般若波羅蜜中生尔時阿難白佛言  
世尊世尊不讚說檀波羅蜜名不讚  
說尸羅波羅蜜羣提波羅蜜毗梨耶



波羅蜜禪波羅蜜名何以故但讚說  
般若波羅蜜名佛告阿難般若波羅蜜  
導五波羅蜜阿難於意云何若布施  
不迴向薩婆若成檀波羅蜜不阿難  
言不也世尊若持戒忍辱精進禪定  
智慧不迴向薩婆若成般若波羅蜜  
不阿難言不也世尊阿難是故般若  
波羅蜜為五波羅蜜導阿難譬如大  
地種散其中因緣和合即得生長不  
依此地終不得生阿難如是五波羅  
蜜住般若波羅蜜中而得增長為般  
若波羅蜜所護故得向薩婆若是故  
阿難般若波羅蜜為五波羅蜜作導  
今時釋提桓因白佛言世尊是善男  
子善女人受持讀誦般若波羅蜜如  
所說行所得功德如來說之猶亦未  
盡佛告憍尸迦我不但說是人受持  
讀誦般若波羅蜜如所說行功德憍  
尸迦若有善男子善女人供養般若  
波羅蜜經卷恭敬尊重讚歎以好華  
香乃至幢幡我亦說其所得功德釋  
提桓因白佛言世尊我亦當護念是  
善男子善女人供養般若波羅蜜經

卷恭敬尊重讚歎以好華香乃至幢幡者佛言憍尸迦是善男子善女人受持讀誦般若波羅蜜若干百千諸天大衆為聽法故來至其所是法師為諸天說法時非人益其氣力若法師疲極不樂說法諸天恭敬法故令其樂說憍尸迦是亦善男子善女人得是現世功德復次憍尸迦是善男子善女人於四衆中說般若波羅蜜時其心不畏有來難問及詰責者何以故是人為般若波羅蜜護念故不見有人得般若波羅蜜短者般若波羅蜜亦无短可得是人如是為般若波羅蜜護念故無畏有來難問詰責者憍尸迦是亦善男子善女人現世功德復次憍尸迦是善男子善女人讀誦般若波羅蜜故為父母所愛為宗親知識沙門婆羅門所敬衰惱闕訟如法能度憍尸迦是亦善男子善女人現世功德復次憍尸迦般若波羅蜜經卷所住處四天王天上諸天發阿耨多羅三藐三菩提心者皆來至般若波羅蜜所受持讀誦供養作

禮而去忉利天夜摩天兜率陀天化樂天他化自在天上諸天發阿耨多羅三藐三菩提心者皆來至般若波羅蜜所受持讀誦供養作禮而去梵天梵世天梵輔天梵衆天大梵天光天少光天無量光天光音天淨天少淨天無量淨天遍淨天無陰行天福生天廣果天无廣天無熱天妙見天善見天無小天上諸天發阿耨多羅三藐三菩提心者皆來至般若波羅蜜所受持讀誦供養作禮而去憍尸迦汝勿謂但有無小天為供養般若波羅蜜故來三千大千世界中欲色界諸天發阿耨多羅三藐三菩提心者皆來至般若波羅蜜所受持讀誦供養作禮而去善男子善女人應作是念十方无量阿僧祇國土中所有諸天龍夜叉乾闥婆阿修羅迦樓羅緊那羅摩睺羅伽人非人是等來至般若波羅蜜所受持讀誦供養作禮時我當以般若波羅蜜法施善男子善女人般若波羅蜜經卷所住處若殿堂若房舍无能毀壞除先行業必

應受者憍尸迦亦是善男子善女人  
現世功德釋提桓因白佛言世尊是  
善男子善女人云何知諸天衆受持  
讀誦供養恭敬般若波羅蜜時佛言  
憍尸迦若善男子善女人見大光明  
必知天龍夜叉乾闥婆等來至其所  
復次憍尸迦善男子善女人若聞殊  
異之香必知諸天來至其所復次憍  
尸迦善男子善女人所住之處應令  
淨潔以淨潔故非人皆大歡喜來到  
其所是中先住小鬼不堪大力諸天  
威德故皆悉避去隨大力諸天數數來  
故其心轉樂大法是故所住處四邊不  
應令有臭穢不淨復次憍尸迦善男  
子善女人身不疲極卧起安隱不見  
惡夢若其夢時但見諸佛諸佛塔廟  
阿羅漢衆諸菩薩衆修習六波羅蜜  
學薩婆若淨佛世界又聞佛名某甲  
佛於某方某國與若干百千萬億衆  
恭敬圍繞而為說法憍尸迦善男子  
善女人夢中所見如是覺已安樂氣  
力充足身體輕便是善男子善女人  
不貪飲食譬如坐禪比丘從三昧起

以學禪故不貪飲食何以故憍尸迦  
非人益其氣力故善男子善女人欲  
得如是等現世功德當受持讀誦般  
若波羅蜜如所說行憍尸迦善男子  
善女人若不能受持讀誦般若波羅  
蜜如所說行當書寫經卷供養恭敬  
尊重讚歎以好華香塗香末香燒香  
雜香衣服幢幡伎樂

摩訶般若波羅蜜舍利品第五

今時佛告釋提桓因言憍尸迦滿閼  
浮提舍利以為一分般若波羅蜜經  
卷以為一分二分之一中為取何分釋  
提桓因白佛言世尊我取般若波羅  
蜜何以故世尊我於舍利非不恭敬  
以舍利從般若波羅蜜生故般若波  
羅蜜所熏故得供養世尊我於忉利  
天上善法堂中我有坐處忉利諸天  
子來供養我故若我不在座上諸天  
子為我坐處作礼恭敬遶已而去作  
是念釋提桓因於此處坐為忉利諸  
天說法諸佛舍利亦如是從般若波  
羅蜜生薩婆若所依止故得供養是  
故世尊我於二分之一中取般若波羅



蜜世尊置滿閻浮提舍利若滿三千大千世界舍利以為一分般若波羅蜜經卷以為一分二分之一中我取般若波羅蜜何以故諸佛舍利因般若人常畏債主以得親近奉事王故債主及更恭敬怖畏何以故依恃國王其力大故世尊舍利亦是依止般若波羅蜜故得供養世尊般若波羅蜜如王舍利如親近王人如來舍利依止一切智慧故得供養世尊諸佛一切智慧亦從般若波羅蜜生是故我於二分之一中取般若波羅蜜世尊譬如無價寶珠有如是功德其所住處非人不能得其便若男若女若大若小為非人所持寶珠至其處非人則去若有熱病珠能除滅若有風病以珠著身上風患即除若有冷病以珠著身上冷患亦除是珠住處夜時能為明熱時能為涼寒時能為溫珠所住處虵毒不入若男若女若大若小為毒虫所螫以珠示之毒即除滅若諸目患以珠著目上目患即除世尊



又是寶珠若著水中與水同色若以白繒裹著水中水色即白若以青黃紫赤種種色繒裹著水中水即各隨其色水濁即為清是珠成就如是功德亦時阿難問釋提桓因此是閻浮提寶為是天上寶釋提桓因言此是天上寶閻浮提人亦有是寶但功德少而重天上寶珠功德多而輕人寶比天寶算數譬喻所不能及世尊若其筵則貴世尊以般若波羅蜜薩婆若智功德故如來滅後舍利得供養我於二分之一中取般若波羅蜜世尊置是滿三千大千世界舍利若滿如恒河沙等世界中舍利以為一分般若波羅蜜經卷以為一分二分之一中我取般若波羅蜜何以故諸佛如來薩婆若智皆從般若波羅蜜生薩婆若所熏故舍利得供養復次世尊若善男子善女人欲如實見十方無量阿僧祇諸佛者當行般若波羅蜜當修般若波羅蜜佛言如是如是憍尸

迦過去諸佛皆因般若波羅蜜得阿  
耨多羅三藐三菩提未來諸佛亦因  
般若波羅蜜得阿耨多羅三藐三菩  
提現在十方無量阿僧祇世界諸佛  
亦因般若波羅蜜得阿耨多羅三藐  
三菩提釋提桓因白佛言世尊摩訶  
波羅蜜是般若波羅蜜佛因是般若  
波羅蜜皆知一切衆生心心所行佛  
言憍尸迦菩薩摩訶薩長夜行般若  
波羅蜜故釋提桓因白佛言世尊菩  
薩但行般若波羅蜜不行餘波羅蜜  
耶佛言憍尸迦菩薩皆行六波羅蜜  
若布施時般若波羅蜜為上首若持  
戒若忍辱若精進若禪定若觀諸法  
時般若波羅蜜為上首譬如閻浮提  
種種樹種種形種種色種種葉種種  
華種種果其陰皆一無有老別五波  
羅蜜亦如是入般若波羅蜜中无有  
老別世尊是般若波羅蜜有大功德  
有無量无边功德有无等等功德世  
尊若有人寫般若波羅蜜經卷供養恭  
敬尊重讚歎以好華香乃至幢幡若  
復有人寫般若波羅蜜經卷與他人

是二功德何所為多佛言憍尸迦我還問汝隨意答我於意云何若有人得佛舍利但自供養若復有人得佛舍利自供養亦與他人令供養是二功德何所為多釋提桓因言世尊若人得佛舍利自供養亦與他人令供養其福甚多佛言如是如是憍尸迦若善男子善女人寫般若波羅蜜經卷供養恭敬尊重讚歎以好花香乃至幢幡不如善男子善女人寫般若波羅蜜經卷自供養亦與他人令供養其福甚多佛言憍尸迦若善男子善女人在在處處為人解說般若波羅蜜其福甚多

小品般若經卷第二

已亥歲高麗國大藏都監奉  
勅彫造

小品般若波羅蜜經卷第三

鱗

後秦龜茲國三藏鳩摩羅什

譯

佐助品第六

佛告釋提桓因言憍尸迦若有善男子善女人教閻浮提人令行十善道於意云何是人以是因緣得福多不釋提桓因言甚多世尊佛言憍尸迦不如善男子善女人以般若波羅蜜經卷與他人令得書寫讀誦其福甚多憍尸迦置是閻浮提衆生若復有人教四天下衆生令行十善道置是四天下若周梨迦小千世界若二千中世界若三千大千世界衆生若教十方如恒河沙等世界衆生令行十善道於意云何是人以是因緣故得福多不釋提桓因言甚多世尊佛言憍尸迦不如善男子善女人以般若波羅蜜經卷與他人令得書寫讀誦其福甚多復次憍尸迦若有善男子善女人教閻浮提衆生令行四禪四無量心四无色定五神通是人以是因緣得福多不釋提桓因言甚多世

尊佛言憍尸迦不如善男子善女人  
以般若波羅蜜經卷與他人令得書  
寫讀誦其福甚多憍尸迦置是闍浮  
提及三千大千世界衆生乃至教十  
方如恒河沙等世界衆生令行四禪  
四无量心四無色定五神通於意云  
何是人以是因緣得福多不釋提桓  
因言甚多世尊佛言憍尸迦不如善  
男子善女人以般若波羅蜜經卷與  
他人令得書寫讀誦其福甚多復次  
憍尸迦若有善男子善女人以般若  
波羅蜜經卷與他人令得書寫讀誦  
不如善男子善女人自為他人讀誦  
其福甚多復次憍尸迦若善男子善  
女人自為他人讀誦般若波羅蜜不  
如善男子善女人自為他人解說其  
義其福甚多是時釋提桓因白佛言  
世尊應為何等人解說般若波羅蜜  
義佛言憍尸迦若有善男子善女人  
不知般若波羅蜜義故應為解說其  
義何以故憍尸迦未來世當有相似  
般若波羅蜜善男子善女人於是中  
欲得阿耨多羅三藐三菩提聞是相



似般若波羅蜜則有違錯釋提桓因言世尊何等是相似般若波羅蜜憍尸迦當來世有比丘欲說般若波羅蜜而說相似般若波羅蜜世尊云何諸比丘說相似般若波羅蜜佛言諸比丘說言色是无常若如是求是為行般若波羅蜜受想行識是无常若如是求是為行般若波羅蜜憍尸迦不壞色故觀色无常不壞受想行識故觀識無常不作如是觀者是名行相似般若波羅蜜憍尸迦以是因緣故菩薩說般若波羅蜜義其福甚多復次憍尸迦若有善男子善女人教閻浮提衆生令得須陀洹果於意云何是人以是因緣其福多不釋提桓因言甚多世尊佛言憍尸迦不如善男子善女人以般若波羅蜜經卷與他人令得書寫讀誦作是言汝當得是應般若波羅蜜功德其福甚多何以故須陀洹果從般若波羅蜜出故憍尸迦置是閻浮提及三千大千世界乃至教十方如恒河沙等世界衆生



今得須陀洹果於意云何是人以是因緣其福多不釋提桓因言甚多世尊佛言憍尸迦不如善男子善女人以般若波羅蜜經卷與他人令得書寫讀誦作是言汝當得是應般若波羅蜜功德其福甚多何以故須陀洹果從般若波羅蜜出故

復次憍尸迦若有善男子善女人教閻浮提衆生令得斯陀含果阿那含果阿羅漢果辟支佛道於意云何是人以是因緣其福多不釋提桓因言甚多世尊佛言憍尸迦不如善男子善女人以般若波羅蜜經卷與他人令得書寫讀誦作是言汝當得是應般若波羅蜜功德其福甚多何以故汝隨學是法當得薩婆若法隨得薩婆若法當隨得斯陀含果阿那含果阿羅漢果辟支佛道憍尸迦置是閻浮提及三千大千世界衆生乃至教十方如恒河沙等世界衆生令得斯陀含果阿那含果阿羅漢果辟支佛道於意云何是人以是因緣其福多不釋提桓因言甚多世尊佛言憍尸迦不

如善男子善女人以般若波羅蜜經  
卷與他人令得書寫讀誦作是言汝  
當得是應般若波羅蜜功德其福甚  
多何以故汝隨學是法當得薩婆若  
法隨得薩婆若法當隨得斯陀含果  
阿那含果阿羅漢果辟支佛道復次  
憍尸迦若滿閻浮提衆生皆發阿耨  
多羅三藐三菩提心若有善男子善  
女人以般若波羅蜜經卷與之令得  
書寫讀誦是人以是因緣其福多不  
釋提桓因言甚多世尊佛言憍尸迦  
不如善男子善女人以般若波羅蜜  
經卷與一阿毗跋致菩薩作是念是  
菩薩於是中學當能修習般若波羅  
蜜以是因緣般若波羅蜜增廣流布  
福多於彼憍尸迦置是閻浮提及三  
千大千世界衆生乃至十方如恒河  
沙等世界衆生皆發阿耨多羅三藐  
三菩提心若有善男子善女人以般  
若波羅蜜經卷與之令得書寫讀誦  
於意云何是人以是因緣其福多不  
釋提桓因言甚多世尊佛言不如善  
男子善女人以般若波羅蜜經卷與

一阿毗跋致菩薩作是念是菩薩於是中學當能修習般若波羅蜜以是因緣般若波羅蜜增廣流布福多於彼復次憍尸迦閻浮提所有衆生皆發阿耨多羅三藐三菩提心若有善男子善女人以般若波羅蜜經卷與之為解其義於意云何是人以是因緣其福多不釋提桓因言甚多世尊佛言憍尸迦不如善男子善女人以般若波羅蜜經卷與一阿毗跋致菩薩為解其義福多於彼憍尸迦置是閻浮提及三千大千世界衆生乃至教十方如恒河沙等世界衆生皆發阿耨多羅三藐三菩提心若有善男子善女人以般若波羅蜜經卷與之為解其義於意云何是人以是因緣其福多不釋提桓因言甚多世尊佛言不如善男子善女人以般若波羅蜜經卷與一阿毗跋致菩薩為解其義福多於彼復次憍尸迦閻浮提所有衆生皆發阿耨多羅三藐三菩提心若有善男子善女人以般若波羅蜜經卷與之為解其義於意云何是人以是因緣其福多於彼復次憍尸迦閻浮提所有衆生皆是阿毗跋致菩薩若有善男子善女人以般若波羅蜜教之於意云何是人以是因緣其福多不

釋提桓因言甚多世尊佛言憍尸迦於是中有一菩薩疾得阿耨多羅三藐三菩提若有人以般若波羅蜜義教之福多於彼憍尸迦置是閻浮提及三千大千世界衆生乃至十方如恒河沙等世界衆生皆是阿毗跋致菩薩若有善男子善女人以般若波羅蜜義教之於意云何是人以是因緣其福多不釋提桓因言甚多世尊佛言憍尸迦於是中有一菩薩疾得阿耨多羅三藐三菩提若有人以般若波羅蜜義教之福多於彼今時釋提桓因白佛言如是如是世尊隨菩薩近阿耨多羅三藐三菩提轉應以般若波羅蜜義教之亦轉應以衣服飲食卧具醫藥而供養之其福甚多何以故世尊法應令隨近阿耨多羅三藐三菩提得福轉多今時須菩提讚釋提桓因言善哉善哉憍尸迦汝是聖弟子法應佐助諸菩薩以阿耨多羅三藐三菩提安慰護念若佛初發阿耨多羅三藐三菩提心時過去諸佛及諸弟子若不以六波羅蜜

安慰佐助者不能得阿耨多羅三藐三菩提憍尸迦佛初發意時過去諸佛及諸弟子以六波羅蜜應安慰佐助故得阿耨多羅三藐三菩提

摩訶般若波羅蜜迴向品第七

尔時弥勒菩薩語須菩提菩薩摩訶薩隨喜福德於餘衆生布施持戒修禪福德最上最妙尔時須菩提問弥勒菩薩若菩薩於十方无量阿僧祇世界過去无量滅度諸佛是諸佛從初發心乃至得阿耨多羅三藐三菩提入無餘涅槃乃至法欲滅時於是中間所有應六波羅蜜善根福德及諸聲聞弟子布施持戒修禪福德所有學无學無漏福德及諸佛戒品定品慧品解脫品解脫知見品大慈大悲利安衆生無量佛法及其所說從是法中衆生受學是諸衆生所有福德及諸佛滅後衆生所種福德合集稱量是諸福德以最上最妙心隨喜隨喜已迴向阿耨多羅三藐三菩提作是觀我此福德當得阿耨多羅三藐三菩提若善



薩作是念我以是心迴向阿耨多羅三藐三菩提如心所緣是諸緣諸事為可得不可得言是諸緣諸事不可得如心取相須菩提言若是諸緣諸事不可得是人將無想顛倒見顛倒心顛倒無常謂常苦謂樂不淨謂淨无我謂我生想顛倒見顛倒心顛倒若諸緣諸事如實者菩提亦如是心亦如是若諸緣諸事菩提及心无異者何等是隨喜心迴向阿耨多羅三藐三菩提弥勒言須菩提如是迴向法不應於新發意菩薩前說所以者何是人所有信樂恭敬淨心皆當滅失須菩提如是迴向法應於阿毗跋致菩薩前說若與善知識相隨者說是人聞是不驚不怖不退菩薩隨喜福德應如是迴向薩婆若所用心迴向是心即盡即滅何等心是迴向阿耨多羅三藐三菩提若用心心迴向是二心不俱又心性不可得迴向今時釋提桓因語須菩提新發意菩薩聞是事將無驚怖耶菩薩今云何以隨喜福德如實迴向今時須菩



提因弥勒菩薩作是言菩薩於過去  
諸佛道已斷行已滅戲論盡滅棘刺  
除重擔得已利盡有結正智解脫心  
得自在無量阿僧祇世界中滅度諸  
佛所有善根福德勢力及諸弟子於  
諸佛所所種善根合集稱量是諸福  
德以軍大軍勝軍上軍妙心隨喜隨  
喜已迴向阿耨多羅三藐三菩提是  
菩薩今當云何不墮想顛倒見顛倒  
心顛倒若是菩薩用是心迴向阿耨  
多羅三藐三菩提於是心中不生心  
相則是迴向阿耨多羅三藐三菩提  
若是菩薩於是心中而生心相則墮  
想顛倒見顛倒心顛倒若菩薩隨喜  
時是心盡滅相如實知盡滅相盡滅  
相法則不可迴向迴向心亦如是相  
所迴向法亦如是相若能如是迴向  
是名正迴向菩薩摩訶薩應以隨喜  
福德如是迴向若菩薩於過去諸佛  
所有福德并諸弟子及凡夫人乃至  
畜生聞法種善根及諸天龍夜叉乾  
闥婆阿修羅迦樓羅緊那羅摩睺羅  
伽人非人等聞法發應薩婆若心合

集稱量是諸福德以寂大寂勝寂上  
寂妙心隨喜隨喜已迴向阿耨多羅  
三藐三菩提若菩薩如是念是諸法  
皆盡滅所迴向處亦盡滅是名隨喜  
福德正迴向阿耨多羅三藐三菩提  
又菩薩如是知無有法能迴向法是  
名正迴向阿耨多羅三藐三菩提若  
菩薩如是迴向則不墮想顛倒見顛  
倒心顛倒何以故是菩薩不貪著迴  
向故是名無上迴向若有菩薩於福  
德作起法取相分別則不能以此福  
德迴向何以故是作起法皆是離相  
隨喜福德亦是離相若菩薩知所念  
作起法皆離相當知是為行般若波羅  
蜜又諸過去滅度佛善根福德亦如  
是迴向所用迴向法性相亦如是若  
能如是知是名正迴向阿耨多羅三  
藐三菩提何以故諸佛不許取相迴  
向故若法過去盡滅是法无相不可  
以相得若如是亦分別是名取相若  
如是亦不分別是名正迴向云何不  
取相分別而能迴向菩薩以是事故  
應學般若波羅蜜方便若不聞不得

般若波羅蜜方便則不能入是事若不聞不得般若波羅蜜方便能以諸福德正迴向者無有是處何以故是人於過去諸佛身及諸福德皆已滅度而取相分別得是福德欲以迴向如是迴向諸佛不許亦不隨喜何以故是皆於法有所得故所謂於過去滅度諸佛取相分別有所得而迴向即是大貪著以是有所得心迴向者諸佛不說有大利益何以故是迴向名為雜毒衰惱譬如美食其中有毒雖有好色香美以有毒故不可食之愚癡無智之人若食此食初雖香美可意食欲消時有大苦報如是有人不正受讀誦不解其義而教諸弟子迴向語言善男子來如過去未來現在諸佛戒品定品慧品解脫品解脫知見品并諸聲聞弟子及凡夫人所種善根及諸佛與衆生授辟支佛記是辟支佛所種善根及與菩薩受阿耨多羅三藐三菩提記是諸菩薩所種善根合集稱量是諸福德隨喜隨喜已迴向阿耨多羅三藐三菩提是

人如是迴向是迴向取相分別故名  
為雜毒如雜毒食有所得者無有迴  
向何以故是有所得皆是雜毒故以  
是故菩薩應如是思惟過去未來現  
在諸佛善根福德應云何迴向名為  
正迴向至阿耨多羅三藐三菩提若  
菩薩欲不謗諸佛應如是迴向如諸  
佛所知福德何相何性何體何實我  
亦如是隨喜我以是隨喜迴向阿耨  
多羅三藐三菩提菩薩如是迴向則  
無有咎不謗諸佛如是迴向則不雜  
毒亦名隨諸佛教復次菩薩應以隨  
喜福德如是迴向如戒品定品慧品  
解脫品解脫知見品不繫欲界不繫  
色界不繫无色界非過去非未來非  
現在以無繫故是福德迴向亦無繫  
所迴向法亦无繫迴向處亦无繫若能  
如是迴向則不雜毒若不如是迴向  
名為邪迴向菩薩迴向法如三世諸  
佛所知迴向我亦如是迴向阿耨多  
羅三藐三菩提是名正迴向今時佛  
讚頌菩提言善哉善哉須菩提汝能  
為諸菩薩摩訶薩作佛事須菩提若

有三千大千世界衆生皆行慈悲喜捨心四禪四無色定五神通不如是菩薩迴向福德寂寂大家勝寂寂妙復次須菩提若有三千大千世界衆生皆發阿耨多羅三藐三菩提心是一一菩薩於恒河沙等劫以有所得心心供養如恒河沙等世界衆生衣服飲食卧具醫藥一切樂具如是一一菩薩皆於恒河沙等劫以有所得心供養是諸衆生衣服飲食卧具醫藥一切樂具於意云何是諸菩薩以是因緣得福多不須菩提言甚多世尊不可譬喻若是福德有於恒河沙等世界所不能受佛讚頌須菩提言善哉善哉須菩提若菩薩為般若波羅蜜所護故能以是福德迴向於前有所得心布施福德百分不及一千万億分不及一乃至等數譬喻所不能及今時四天王天上二万天子合掌禮佛作是言世尊是菩薩迴向名為大迴向以方便故勝於有所得菩薩布施福德何以故是菩薩迴向為般若波羅蜜所護故今時忉利天上十万



天子以天花香塗香末香天衣幢幡  
天諸伎樂而供養佛皆作是言世尊  
是菩薩迴向名為大迴向以方便故  
勝於有所得菩薩布施福德何以故  
是菩薩迴向為般若波羅蜜所護故  
夜摩天上十萬天子兜率陀天上十  
萬天子化樂天上十萬天子他化自  
在天上十萬天子皆以天華天香乃  
至伎樂而供養佛皆作是言世尊是  
菩薩迴向名為大迴向以方便故勝  
於有所得菩薩布施福德何以故是  
菩薩迴向為般若波羅蜜所護故梵  
世諸天子大聲唱言是菩薩迴向名  
為大迴向以方便故勝於有所得菩  
薩布施福德何以故是菩薩迴向為  
般若波羅蜜所護故梵輔天梵衆天  
大梵天光天少光天無量光天光音  
天淨天少淨天無量淨天遍淨天元  
雲行天福生天廣果天无廣天無熱  
天妙見天善見天無小天上諸天子  
合掌礼佛皆作是言世尊是善男子  
善女人求佛道者甚為希有為般若  
波羅蜜所護故能勝有所得菩薩布



施福德何以故是菩薩迴向為般若  
波羅蜜所護故今時佛告淨居諸天  
子置是三千大千世界衆生若十方  
恒河沙等世界衆生皆發阿耨多羅  
三藐三菩提心是一一菩薩於恒河  
沙等劫以有所得心供養十方如恒  
河沙等世界衆生衣服飲食卧具醫  
藥一切樂具如是一一菩薩皆於恒  
河沙等劫以有所得心供養是諸衆  
生衣服飲食卧具醫藥一切樂具若  
有菩薩於過去未來現在諸佛所有  
戒品定品慧品解脫品解脫知見品  
并諸聲聞弟子及凡夫人所種善根  
合集稱量是諸福德以取大寂勝寂  
上寂妙心隨喜隨喜已迴向阿耨多  
羅三藐三菩提其福甚多今時須菩  
提白佛言世尊如佛所說是諸福德  
合集稱量以取大寂勝寂上寂妙心  
隨喜隨喜已迴向阿耨多羅三藐三  
菩提世尊云何名為取大寂勝寂上  
寂妙隨喜佛告須菩提若菩薩於過  
去未來現在諸法不取不捨不念不得於  
此中無有法若已生滅若今生滅若

當生滅如諸法實相隨喜迴向阿耨  
多羅三藐三菩提亦如是須菩提是  
名菩薩最上最勝最妙隨喜迴  
向復次須菩提菩薩若欲於過去未  
來現在諸佛布施持戒忍辱精進禪  
定智慧解脫解脫知見隨喜應如是  
隨喜如解脫持戒亦如是如解脫定惠  
解脫解脫知見亦如是如解脫信解  
亦如是如解脫隨喜亦如是如解脫  
未來未生法亦如是如解脫過去無  
量阿僧祇世界諸佛及弟子亦如是  
如解脫今現在十方無量阿僧祇世  
界諸佛及弟子亦如是如解脫未來  
無量阿僧祇世界諸佛及弟子亦如  
是是諸法相不繫不縛不解不脫以  
是迴向阿耨多羅三藐三菩提不生  
不滅故須菩提是名菩薩最上最勝  
最妙隨喜迴向以是迴向勝於  
十方如恒河沙等世界諸菩薩以有  
所得心皆於恒河沙劫供養十方如  
恒河沙等世界衆生衣服飲食卧具  
醫藥一切樂具以有所得心布施持  
戒忍辱精進禪定於此隨喜迴向福

德百分不及一百千萬億分不及一  
乃至算數譬喻所不能及

摩訶般若波羅蜜經梨品第八

今時舍利弗白佛言世尊是般若波  
羅蜜佛言是般若波羅蜜世尊般若  
波羅蜜能作照明世尊般若波羅蜜  
所應敬禮世尊般若波羅蜜能與光  
明世尊般若波羅蜜除諸闇冥世尊  
般若波羅蜜無所染汙世尊般若波  
羅蜜多所利益世尊般若波羅蜜多  
所安隱世尊般若波羅蜜能與盲者  
眼世尊般若波羅蜜能令邪行者入  
正道世尊般若波羅蜜即是薩婆若  
世尊般若波羅蜜是諸菩薩母世尊  
般若波羅蜜非生法者非滅法者世  
尊般若波羅蜜具足三轉十二相法  
輪世尊般若波羅蜜能為孤窮者作  
救護世尊般若波羅蜜能滅生死世  
尊般若波羅蜜能示一切法性世尊  
應云何敬視般若波羅蜜佛言如敬  
視佛敬禮般若波羅蜜如敬禮佛今  
時釋提桓因心念舍利弗何因緣作  
是問念已問舍利弗何因緣作是問

舍利弗言菩薩摩訶薩以般若波羅蜜隨喜福德迴向薩婆若故於上諸菩薩所有布施持戒忍辱精進禪定等其福最勝是故我作是問憍尸迦譬如盲人雖有百千万衆无有導者不能進趣城邑聚落憍尸迦五波羅蜜離般若波羅蜜亦如盲人無導不能修道至薩婆若若五波羅蜜為般若波羅蜜所護則為有目般若波羅蜜力故五波羅蜜得般若波羅蜜名舍利弗白佛言世尊云何生般若波羅蜜佛言若菩薩不生色則生般若波羅蜜不生受想行識則生般若波羅蜜不生般若波羅蜜為成何法舍利弗如是生般若波羅蜜於法无所成若无所成則名般若波羅蜜釋提桓因白佛言世尊般若波羅蜜亦不成薩婆若耶憍尸迦般若波羅蜜成薩婆若但不如名相作起法成世尊當云何成佛言如不成如是成釋提桓因白佛言希有世尊般若波羅蜜不為生不為滅故有須菩提白佛言世尊菩薩如是亦分別則失般若

波羅蜜則遠離般若波羅蜜佛告須  
菩提有是因緣若菩薩謂般若波羅  
蜜空无所有則失般若波羅蜜則遠  
般若波羅蜜須菩提是名菩薩般若  
波羅蜜世尊說般若波羅蜜為示何  
法須菩提說般若波羅蜜不示色不  
示受想行識不示須陀洹果斯陀含  
果阿那含果阿羅漢果辟支佛道不  
示佛法須菩提言世尊摩訶波羅蜜  
是般若波羅蜜佛言須菩提於意云  
何以是因緣摩訶波羅蜜是般若波  
羅蜜須菩提言般若波羅蜜於色不  
作大不作小不作合不作散於受想  
行識不作大不作小不作合不作散  
世尊般若波羅蜜於佛十力不作強  
不作弱四无所畏乃至薩婆若不作  
合不作散世尊菩薩如是亦分別則  
不行般若波羅蜜何以故般若波羅  
蜜无如是相我當度若干衆生即是  
菩薩計有所得所以者何衆生不生  
故般若波羅蜜不生衆生无性故般  
若波羅蜜无性衆生離相故般若波  
羅蜜離相衆生不滅故般若波羅蜜

不滅衆生不可思議故般若波羅蜜  
不可思議衆生不可知故般若波羅  
蜜不可知衆生力集故如來力亦集  
舍利弗白佛言世尊菩薩若能信是  
深般若波羅蜜不疑不悔不難隨順  
解義是人從何處終來生此間佛言  
舍利弗是菩薩於他方佛土命終來  
生此間舍利弗菩薩從他方佛土來  
者曾已親近供養諸佛問其中義今  
聞般若波羅蜜即生歡喜如從佛間  
若見般若波羅蜜如見佛須菩提白  
佛言世尊般若波羅蜜可聞可見耶  
佛言不也世尊是菩薩發心已來幾  
時能修習般若波羅蜜須菩提是事  
應分別有菩薩得值若干百千萬億  
佛於諸佛所修行梵行有於大衆聞  
深般若波羅蜜无恭敬心即時捨去  
須菩提當知是人本於過去諸佛聞  
說般若波羅蜜捨去故於今聞深般  
若波羅蜜亦捨去身心不和起无智  
業積集無智業因緣故誹謗拒逆般  
若波羅蜜須菩提誹謗拒逆深般若  
波羅蜜者即誹謗拒逆薩婆若誹謗



拒逆薩婆若者即誹謗拒逆三世諸佛須菩提是愚癡人起如是破法重罪業故若干百千万劫受大地獄罪從一大地獄至一大地獄從一大地獄至一大地獄受罪時若火劫起墮他方大地獄於彼亦從一大地獄至一大地獄從一大地獄至一大地獄受罪時若彼火劫起復墮他方大地獄墮他方大地獄已復從一大地獄至一大地獄從一大地獄至一大地獄受罪時若彼火劫起還來墮此大地獄中是人於此復從一大地獄至一大地獄受諸劇苦如是展轉乃至火劫復起受是无量苦惱業報何以故起惡口業故尔時舍利弗白佛言世尊如是業似五逆罪舍利弗汝勿謂此破法罪似五逆罪何以故是人聞說深般若波羅蜜誹謗拒逆作是念不應學是法是法非佛所說以是因緣其罪轉增故亦令他人離般若波羅蜜佛言是人自壞身亦壞他人身自飲毒亦飲他人毒自亡失亦亡失他人自不知不解般若波羅蜜亦

教他人不知不解舍利弗我尚不聽  
是人出家何況於我法中而受供養  
何以故當知是人為汙法者當知是  
人為是糟粕其性濁黑若有衆生信  
受其言者亦當受是劇苦重罪何以  
故舍利弗若破般若波羅蜜若汙般  
若波羅蜜當知是人破法汙法者舍  
利弗白佛言世尊不說是人受身大  
小佛告舍利弗置是人身量大小不  
須說也是人若聞說其身量熱血當  
從口出若死若近死若聞說其身量  
自知此罪憂愁深入身體乾消是故  
不須說其受身大小舍利弗白佛言  
世尊唯願佛說是人身量令後世人  
得為明戒知以是罪業故受是大身  
佛告舍利弗是事足為後世衆生作  
大明戒積集如是罪業因緣故受如  
是無量元邊久劇苦惱舍利弗是事  
足為善人作大明戒須菩提白佛言  
世尊善男子善女人應善守護身業  
口業意業世尊但以口業因緣故得  
如是重罪耶佛告須菩提以口業因  
緣故得如是重罪須菩提我法中多

有如是等癡人誹謗拒逆深般若波羅蜜須菩提誹謗拒逆深般若波羅蜜者即誹謗拒逆阿耨多羅三藐三菩提者即誹謗拒逆過去未來現在諸佛薩婆若誹謗拒逆薩婆若者即誹謗拒逆法寶誹謗拒逆法寶者即誹謗拒逆僧寶誹謗拒逆三寶故即起无量無邊重罪之業須菩提白佛言世尊若人誹謗拒逆深般若波羅蜜有幾因緣須菩提是癡人一為魔所使二於深妙法不信不解復次須菩提是癡人得惡知識不樂不喜修習善法又深貪著常求他過自高其身卑下他人須菩提以是因緣故誹謗拒逆深般若波羅蜜須菩提白佛言世尊不精進者信解般若波羅蜜甚難佛言如是如是須菩提不精進者信解般若波羅蜜甚難世尊云何不精進者信解般若波羅蜜甚難須菩提色无縛無解何以故色真性是色受想行識无縛無解何以故識真性是識復次須菩提色前際无縛無解何以

故色前際真性是色色後際无縛無解何以故色後際真性是色現在色无縛無解何以故現在色真性是色須菩提受想行識前際无縛無解何以故識前際真性是識識後際无縛無解何以故識後際真性是識現在識无縛無解何以故現在識真性是識世尊般若波羅蜜甚深不精進者信解甚難佛言如是如是須菩提深般若波羅蜜不精進者信解甚難須菩提色淨即是果淨色淨故果亦淨受想行識淨即是果淨受想行識淨故果亦淨復次須菩提色淨即是薩婆若淨薩婆若淨故色淨須菩提受想行識淨即是薩婆若淨薩婆若淨故受想行識淨須菩提薩婆若淨受想行識淨無二无別無異无壞小品般若經卷第三

已亥歲高麗國大藏都監奉  
勅彫造

小品般若波羅蜜經卷第四

鱗

歎淨品第九

後秦龜茲國三藏鳩摩羅什譯

尔時舍利弗白佛言世尊是淨甚深  
佛言淨故世尊是淨明佛言淨故世  
尊是淨不生欲界不生色界不生無  
色界佛言淨故世尊是淨無垢无淨  
佛言淨故世尊是淨無得无果佛言  
淨故世尊是淨不作不起佛言淨故  
世尊是淨无知佛言淨故世尊是淨  
不知色不知受想行識佛言淨故世  
尊般若波羅蜜於薩婆若不增不减  
佛言淨故世尊般若波羅蜜淨故於  
法無所取佛言淨故尔時須菩提白  
佛言世尊我淨故色淨佛言畢竟淨  
故世尊我淨故受想行識淨佛言畢  
竟淨故世尊我淨故果淨佛言畢竟  
淨故世尊我淨故薩婆若淨佛言畢  
竟淨故世尊我淨故无得無果佛言  
言畢竟淨故世尊我无邊故无边佛  
識无邊佛言畢竟淨故世尊如是如

最名菩薩般若波羅蜜耶須菩提畢  
竟淨故世尊般若波羅蜜非此岸非  
彼岸非中流佛言畢竟淨故世尊菩  
薩若如是亦分別即失般若波羅蜜  
即遠般若波羅蜜佛言善哉善哉須  
菩提從名相故生者希有世尊善說  
般若波羅蜜中著今時舍利弗語須  
菩提何因緣故名為著舍利弗若善  
男子善女人分別色空即名為著分  
別受想行識空即名為著分別過去  
法未來法現在法即名為著初發心  
菩薩得若干福德即名為著釋提桓  
因問須菩提言何因緣是事名為著  
憍尸迦是人分別是心以是心迴向  
阿耨多羅三藐三菩提憍尸迦心性  
不可迴向是故菩薩若欲教他化人  
阿耨多羅三藐三菩提應如諸法實  
相示教利喜如是則不自傷是佛所  
許是佛所教善男子善女人亦離諸  
著今時佛讚須菩提言善哉善哉汝  
能示諸菩薩著法須菩提我當更說  
微細著法汝今善聽須菩提言唯然  
受教佛言若善男子善女人取相念



諸佛隨所取相皆名為著過去未來  
現在諸佛所有無漏法皆隨喜隨喜  
已迴向阿耨多羅三藐三菩提即亦  
是著何以故須菩提諸法性非過去  
非未來非現在不可取相不可緣不  
可見不可聞不可覺不可知不可迴  
向世尊是諸法性甚深佛言畢竟離故  
世尊我敬礼般若波羅蜜佛言佛得  
是无作法故世尊佛得一切法如是  
須菩提如來得一切法須菩提法性  
唯一無二无三是性亦非性非作須  
菩提菩薩能如是知則離諸著世尊  
般若波羅蜜甚為難知須菩提无有  
知者故世尊般若波羅蜜不可思議  
須菩提般若波羅蜜不可以心知故  
世尊般若波羅蜜无所作須菩提作  
者不可得故世尊菩薩當云何行般  
若波羅蜜須菩提若菩薩不行色即  
般若波羅蜜不行受想行識即行  
般若波羅蜜不行受想行識不滿足  
即行般若波羅蜜何以故色不滿足  
則非色受想行識不滿足則非識若

能如是行不滿足相即行般若波羅蜜須菩提言希有世尊於諸著中說無所著須菩提若菩薩不行色不著相即行般若波羅蜜不行受想行識不著相即行般若波羅蜜菩薩如是行於色不生著於受想行識不生著於須陀洹果斯陀含果阿那含果阿羅漢果辟支佛道不生著乃至薩婆若亦不生著何以故過諸著故名无尋薩婆若須菩提菩薩欲過諸著應如是思惟般若波羅蜜須菩提白佛言希有世尊是法甚深若說不減不說亦不減若說不增不說亦不增佛言如是如是須菩提如佛盡壽稱讚虛空虛空不減不稱讚亦不減稱讚不增不稱讚亦不增須菩提譬如稱讚幻所化人亦不喜不稱讚亦不瞋須菩提諸法性亦如是若說亦不增不說亦不減世尊菩薩所為甚難終行般若波羅蜜時心无增減亦不退不轉世尊修習般若波羅蜜如修習虛空世尊菩薩為度一切衆生故發大莊嚴應當敬礼世尊菩薩為衆生

故發大莊嚴如人與虛空共闢世尊  
菩薩為衆生故發大莊嚴如人與虛  
空諍訟世尊是菩薩名為發大莊嚴  
世尊菩薩為衆生故發大莊嚴如人  
欲觀虛空世尊是菩薩名為度精進  
彼岸名為勇健名為同虛空諸法故  
發阿耨多羅三藐三菩提今時會中  
有一比丘作是念我敬礼般若波羅  
蜜般若波羅蜜中无有法生无有法  
滅今時釋提桓因語須菩提若菩薩  
修習深般若波羅蜜為修習何法憍  
尸迦若菩薩修習深般若波羅蜜即  
是修習虛空釋提桓因白佛言世尊  
若人能受持讀誦般若波羅蜜我當  
守護須菩提語釋提桓因汝見是法  
可守護耶釋提桓因言不見也憍尸  
迦若菩薩如般若波羅蜜所說行即  
是守護若菩薩或時遠離般若波羅  
蜜人若非人則得其便憍尸迦若人  
欲守護行般若波羅蜜者則為欲守  
護虛空憍尸迦於意云何汝能守護  
響不釋提桓因言不能也憍尸迦菩  
薩亦如是行般若波羅蜜知一切法

空如響如是亦不分別當知是為行  
般若波羅蜜今時佛以神力令三千  
大千世界所有四天王天及諸釋提  
桓因娑婆世界主諸梵天王皆來至  
佛所頭面禮佛足却住一面四天王  
諸釋提桓因諸梵天王等以佛神力  
得見千佛如是相如是名說般若波  
羅蜜品者皆名須菩提難問者亦如  
釋提桓因弥勒菩薩當成阿耨多羅  
三藐三菩提亦於此土說般若波羅  
蜜今時須菩提白佛言世尊弥勒菩  
薩成阿耨多羅三藐三菩提時於是  
處云何說般若波羅蜜須菩提弥勒  
菩薩成阿耨多羅三藐三菩提時說  
般若波羅蜜不說色空不說受想行  
識空不說色縛不說色解不說受想  
行識縛不說受想行識解須菩提言  
世尊般若波羅蜜清淨佛言色淨故  
般若波羅蜜清淨受想行識淨故般  
若波羅蜜清淨佛言虛空淨故般若  
波羅蜜清淨色无染故般若波羅蜜  
清淨受想行識無染故般若波羅蜜  
清淨須菩提虛空無染故般若波羅

蜜清淨世尊若有善男子善女人能  
受持讀誦般若波羅蜜者終不橫死  
若干百千諸天皆共隨從若月八日  
十四日十五日二十三日二十九日三  
十日在在處處說般若波羅蜜其福  
甚多佛言如是如是須菩提是人說  
般若波羅蜜得福甚多須菩提般若  
波羅蜜多有留難何以故般若波羅  
蜜是大珍寶於法无所著无所取所  
以者何謂諸法無所有不可得故須  
菩提般若波羅蜜无所得故無能染  
汙何以故般若波羅蜜以无法故名  
為無染般若波羅蜜般若波羅蜜无  
汙故諸法亦无汙若如是亦不分別  
名為行般若波羅蜜須菩提般若波  
羅蜜无有法若見若不见无有法若  
取若捨是時若下百千諸天子踊躍  
歡喜於虛空中同聲唱言我於閻浮  
提再見法輪轉須菩提語諸天子非  
初轉非二轉何以故般若波羅蜜法  
中無轉无還佛告須菩提摩訶波羅  
蜜是菩薩般若波羅蜜所謂於一切法  
无轉无著得阿耨多羅三藐三菩提亦



无所得轉法輪時亦无所得轉無法可  
還無法可示无法可見是法不可得  
故何以故須菩提空不轉不還无相  
無作无起無生无所有不轉不還如  
是說名為說般若波羅蜜无聽者无  
受者無證者亦无以法作福田者須  
菩提白佛言世尊无边波羅蜜是般  
若波羅蜜虚空无边故世尊正波羅  
蜜是般若波羅蜜諸法平等故世尊  
離波羅蜜是般若波羅蜜諸法性離  
故世尊不可破波羅蜜是般若波羅  
蜜諸法不可得故世尊无處波羅蜜  
是般若波羅蜜諸法无形無名故世  
尊無去波羅蜜是般若波羅蜜諸法  
无來故世尊無奪波羅蜜是般若波  
羅蜜諸法不可取故世尊盡波羅蜜  
是般若波羅蜜諸法无盡故世尊无  
生波羅蜜是般若波羅蜜諸法無生  
故世尊无作波羅蜜是般若波羅蜜  
作者不可得故世尊不出波羅蜜是  
般若波羅蜜出者不可得故世尊不  
至波羅蜜是般若波羅蜜无退没故  
世尊无垢波羅蜜是般若波羅蜜諸



煩惱清淨故世尊无汙波羅蜜是般  
若波羅蜜處不汙故世尊不滅波羅  
蜜是般若波羅蜜諸法離前際故世  
尊幻波羅蜜是般若波羅蜜諸法不  
生故世尊夢波羅蜜是般若波羅蜜  
意識平等故世尊不戲波羅蜜是般  
若波羅蜜諸戲平等故世尊不念波  
羅蜜是般若波羅蜜諸念不生故世  
尊不動波羅蜜是般若波羅蜜法性  
常住故世尊離欲波羅蜜是般若波  
羅蜜諸法不虛誑故世尊不起波羅  
蜜是般若波羅蜜諸法无分別故世  
尊寂滅波羅蜜是般若波羅蜜諸法  
相不可得故世尊无煩惱波羅蜜是  
般若波羅蜜諸法無過咎故世尊无  
衆生波羅蜜是般若波羅蜜衆生際  
不可得故世尊不斷波羅蜜是般若  
波羅蜜諸法不起故世尊无二邊波  
羅蜜是般若波羅蜜諸法無著故世  
尊不異波羅蜜是般若波羅蜜諸法  
不和合故世尊不著波羅蜜是般若  
波羅蜜不分別聲聞辟支佛地故世  
尊不分別波羅蜜是般若波羅蜜諸

分別平等故世尊无量波羅蜜是般  
若波羅蜜量法不生故世尊虛空波  
羅蜜是般若波羅蜜諸法无障碍故  
世尊不生波羅蜜是般若波羅蜜諸  
法不起故世尊无常波羅蜜是般若  
波羅蜜諸法不失故世尊苦波羅蜜  
是般若波羅蜜諸法无苦惱故世尊  
无我波羅蜜是般若波羅蜜諸法無  
所貪著故世尊空波羅蜜是般若波  
羅蜜諸法无所得故世尊无相波羅  
蜜是般若波羅蜜諸法相不可得故  
世尊无作波羅蜜是般若波羅蜜諸  
法無所成故世尊力波羅蜜是般若  
波羅蜜諸法不可破故世尊无量佛  
法故波羅蜜是般若波羅蜜過算數  
法故世尊无所畏波羅蜜是般若波  
羅蜜心不沒故世尊如波羅蜜是般  
若波羅蜜諸法不異故世尊自然波  
羅蜜是般若波羅蜜諸法无性故

摩訶般若波羅蜜不可思議品第十

尔時釋提桓因作是念若人得聞般  
若波羅蜜者當知是人已曾供養諸  
佛何況受持讀誦如所說學如所說

行若人聞說深般若波羅蜜受持讀誦如所說行當知是人已曾多供養佛廣問其義於過去諸佛聞深般若波羅蜜不驚不怖今時舍利弗白佛言世尊若菩薩摩訶薩能信解深般若波羅蜜當知是菩薩如阿毗跋致何以故世尊者人於過去世不久行深般若波羅蜜則不能信解世尊者有誹謗拒逆般若波羅蜜當知是人久已誹謗拒逆般若波羅蜜何以故是人於深般若波羅蜜无有信心无清淨心亦不問諸佛及諸佛弟子所疑今時釋提桓因語舍利弗是般若波羅蜜甚深若不久行菩薩道不能信解有何可怖若人敬礼般若波羅蜜即是敬礼薩婆若智舍利弗言如是如是憍尸迦若人敬礼般若波羅蜜即是敬礼薩婆若智從般若波羅蜜生諸佛薩婆若智從薩婆若智還生般若波羅蜜菩薩應如是住般若波羅蜜應如是習般若波羅蜜釋提桓因白佛言世尊云何菩薩行般若波羅蜜名為住般若波羅蜜名為習

般若波羅蜜佛告釋提桓因言善哉善哉憍尸迦汝能問佛是義汝所問者皆是佛力憍尸迦若菩薩行般若波羅蜜不住色若不住色即是習色不住受想行識若不住識即是習識復次憍尸迦若菩薩不習色若不習色即不住色不習受想行識若不習識即不住識如是憍尸迦是名菩薩習般若波羅蜜住般若波羅蜜舍利弗白佛言世尊般若波羅蜜甚深无量无底佛告舍利弗若菩薩摩訶薩不住色甚深是為習色甚深不住受想行識甚深是為習識甚深復次舍利弗若菩薩摩訶薩不習色甚深是為不住色甚深不習受想行識甚深是為不住識甚深世尊深般若波羅蜜應於阿毗跋致菩薩前說是人聞是不疑不悔今時釋提桓因語舍利弗若於未受記菩薩前說當有何咎憍尸迦若未受記菩薩得聞深般若波羅蜜當知是菩薩久發大乘心近於受記不久必得受記若過一佛二佛當得受阿耨多羅三藐三菩提記

佛言如是如是舍利弗若未受記菩薩得聞深般若波羅蜜當知是菩薩久發大乘心舍利弗白佛言世尊我今當說譬喻佛言樂說便說世尊譬如求菩薩道者夢坐道場知是菩薩當近阿耨多羅三藐三菩提若求菩薩道者得聞深般若波羅蜜當知是菩薩久發大乘心善根成就近於受記不久必得受記佛言善哉善哉舍利弗汝承佛神力復更說之世尊譬如有人欲過險道若百由旬若二百若三百若四百若五百由旬欲出難時先見諸相若見放牛羊者若見墮界若見園林見如是相故當知此中必有城邑聚落見是相已作是念如我所見之相城邑聚落去此不遠其心安隱不復畏有怨家賊害世尊菩薩亦如是若得聞深般若波羅蜜當知是菩薩近於受記不久必得受記今時不畏墮聲聞辟支佛地何以故是菩薩得是本相所謂得見深般若波羅蜜得聞深般若波羅蜜世尊譬如有人欲見大海稍稍前行若見樹若

樹相若見山若山相當知是中去海  
尚遠若不見樹无樹相不見山無山  
相當知大海去是不遠大海深故无  
有山樹是人雖不見海知必近之世  
尊菩薩亦如是得聞深般若波羅蜜  
雖未於現在諸佛前受記自知必近  
阿耨多羅三藐三菩提何以故我得  
見聞供養深般若波羅蜜故世尊譬  
如春時樹葉零落當知此樹華葉果  
實將生不久何以故本相現故閻浮  
提人見樹本相皆悉歡喜作是念是  
樹不久當生華葉果實世尊菩薩亦  
如是若得見聞深般若波羅蜜當知  
是菩薩善根成就宿世善根因緣故  
今得深般若波羅蜜會中曾有見佛  
諸天皆大歡喜作是念先諸菩薩亦  
有如是受記本相是菩薩不久當得  
受阿耨多羅三藐三菩提記世尊譬  
如女人懷妊轉轉不便身體疲極不  
樂事務眠卧不安食飲轉少苦惱在  
身不欲語言默本所習不復憶樂本  
相現故當知是女將產不久菩薩善根  
成就亦復如是若得見聞思惟深般若



若波羅蜜當知是菩薩不久得受阿耨多羅三藐三菩提記佛言善哉善哉舍利弗汝所樂說者皆佛神力介時須菩提白佛言希有世尊如來善說諸菩薩事須菩提是諸菩薩摩訶薩長夜多所利益多所安隱多所安樂憐愍世間得阿耨多羅三藐三菩提為諸天人演說法要須菩提白佛言世尊菩薩摩訶薩云何得具足修習行般若波羅蜜須菩提若菩薩摩訶薩行般若波羅蜜不見受想行識增是為行般若波羅蜜不見色減是為行般若波羅蜜不見受想行識減是為行般若波羅蜜乃至不見法不見非法是為行般若波羅蜜世尊如佛所說不可思議須菩提色不可思議受想行識不可思議若菩薩不分別色議是為行般若波羅蜜世尊般若波羅蜜如是誰能信解須菩提若久行菩薩道者世尊云何菩薩得名久行須菩提若菩薩行般若波羅蜜不分

別佛十力四无所畏乃至不分別薩婆若是名久行何以故佛十力不可思議四无所畏十八不共法不可思議乃至薩婆若不可思議色不可思議受想行識不可思議一切法亦不行而行般若波羅蜜是故名為久行世尊般若波羅蜜甚深般若波羅蜜是珍寶聚如虛空清淨希有世尊般若波羅蜜多起留難若欲書寫者乃至一歲當疾書成佛言如是如是須菩提若善男子善女人欲書寫讀誦如所說行般若波羅蜜乃至一歲當疾疾為之須菩提珍寶法多有怨賊世尊般若波羅蜜惡魔常欲伺求斷絕須菩提惡魔雖欲伺求斷絕亦不能得舍利弗白佛言世尊誰神力故惡魔不能留難般若波羅蜜舍利弗是十方无量世界現在諸佛神力故惡魔不能留難諸佛皆共護念是菩薩故惡魔不能得便何以故舍利弗菩薩為諸佛所護者法應无有留難

何以故舍利弗若人書寫讀誦說般若波羅蜜十方無量阿僧祇現在諸佛法應護念若有誦般若波羅蜜當知是菩薩佛護念故能誦通利世尊善男子善女人能受持讀誦般若波羅蜜當知是人佛眼所見舍利弗若善男子善女人能受持讀誦般若波羅蜜乃至書寫當知是人佛眼所見舍利弗若求佛道善男子善女人受持讀誦般若波羅蜜則近阿耨多羅三藐三菩提乃至自書若使人書書已受持讀誦以是因緣其福甚多舍利弗如來滅後般若波羅蜜當流布南方從南方流布西方從西方流布北方舍利弗我法盛時无有滅相北方若有乃至書寫受持供養般若波羅蜜者是人亦為佛眼所見所知所念舍利弗白佛言世尊後五百歲時般若波羅蜜當廣流布北方耶舍利弗後五百歲當廣流布北方其中善男子善女人聞般若波羅蜜受持讀誦修習當知久發阿耨多羅三藐三菩提心世尊北方當有幾所菩薩能

受持讀誦修習般若波羅蜜舍利弗  
北方雖多有菩薩能讀聽受般若波  
羅蜜少能誦利修習行者是人得聞  
亦不驚怖是人曾已見佛諮請問  
難當知是人為能具足行菩薩道為  
可稱多羅三藐三菩提故能利益无  
量衆生何以故舍利弗我為是善男  
子善女人說應薩婆若法是人轉身  
亦復樂說阿耨多羅三藐三菩提一

和同乃至

魔王不能壞其阿耨多

羅三藐三菩提心是人聞般若波羅  
蜜心大歡喜心得清淨令多衆生種  
阿耨多羅三藐三菩提善報是善男  
子善女人於我前作是言我等行菩  
薩道常當以法示教利喜无量百千  
萬衆小生令住阿耨多羅三藐三菩提  
舍利弗我觀其心則生隨喜是人行  
菩薩道當以法示教利喜无量百千  
萬衆小生令住阿耨多羅三藐三菩提  
如是善男子善女人心樂大垂願生  
他方現在佛前說法之處於彼續復  
廣說圓說般若波羅蜜於彼佛土亦復  
以法示教利喜无量百千萬衆生令

住阿耨多羅三藐三菩提舍利弗白  
佛言希有世尊如來於過去未來現在諸法無法不知無法不識如來於未來世諸菩薩以多欲多精進勤求般若波羅蜜是善男子善女人有求而得有不求而得如來悉知舍利弗多有善男子善女人精進不懈故般若波羅蜜不求而得世尊是善男子善女人餘經應六波羅蜜者亦不求而得耶舍利弗若有餘應諸波羅蜜深經是善男子善女人亦不求而得何以故舍利弗法應尔若有菩薩為諸衆生示教利喜阿耨多羅三藐三菩提亦自於中學是人轉身應諸波羅蜜深經亦不求而得

小品般若經卷第四

戊戌歲高麗國大藏都監奉

勅彫造

小品般若波羅蜜經卷第五

鱗

後秦龜茲國三藏鳩摩羅什譯

魔事品第十一

尔時須菩提白佛言世尊已說善男子善女人功德云何起留難須菩提若說法者不即樂說菩薩當知是為魔事復次須菩提說法者樂說不止菩薩當知是為魔事須菩提說法者提書讀誦說般若波羅蜜時傲慢自大菩薩當知是為魔事須菩提書讀誦說般若波羅蜜時乐相嗤笑菩薩當知是為魔事須菩提書讀誦說般若波羅蜜時乐相輕蔑菩薩當知是為魔事須菩提書讀誦說般若波羅蜜時其心散亂菩薩當知是為魔事須菩提書讀誦說般若波羅蜜時心不專一菩薩當知是為魔事須菩提行者作是念我於般若波羅蜜不得氣味從座而去菩薩當知是為魔事須菩提行者作是念我於般若波羅蜜中無有受記心不清淨從座而去



菩薩當知是為魔事須菩提行者  
作是念般若波羅蜜中不說我名心  
不清淨菩薩當知是為魔事須菩提  
行者作是念般若波羅蜜中不說我  
生處若城邑聚落以是因緣不樂聞  
說般若波羅蜜便棄捨去隨所起念  
輒却若干劫數乃復還得修菩薩道  
菩薩當知是為魔事復次須菩提諸  
經不能至薩婆若者菩薩捨般若波  
羅蜜而讀誦之是菩薩則為捨本而  
取枝葉何以故是菩薩因般若波羅  
蜜能成就世間出世間法學般若波  
羅蜜能學世間出世間法若捨般若  
波羅蜜菩薩當知是為魔事須菩提  
譬如有狗捨主所與食分反從作務  
者索如是須菩提當來世或有菩薩  
捨深般若波羅蜜反取餘聲聞辟支  
佛經菩薩當知是為魔事須菩提譬  
如人得鳥不觀反尋其跡於意云何  
是人為智不不也世尊須菩提菩薩  
亦如是得深般若波羅蜜而棄捨之  
反於聲聞辟支佛經求薩婆若於意  
云何是人為智不不也世尊菩薩當

知是為魔事須菩提辭如人欲見大海見已反求牛跡水作是言大海水能多是耶於意云何是人為智不不也世尊須菩提當來世菩薩亦如是得深般若波羅蜜而棄捨之反讀誦聲聞辟支佛經於意云何是人為智不不也世尊菩薩當知是為魔事須菩提辭如工匠欲造如帝釋殿而反揆度日月宮殿於意云何是人為智不不也世尊須菩提當來世菩薩亦如是得深般若波羅蜜而棄捨之反於聲聞辟支佛經中求薩婆若於意云何是人為智不不也世尊菩薩當知是為魔事須菩提辭如人欲見轉輪王見已不知作是念轉輪王形貌威德云何見諸小王取其形貌作是言轉輪王形貌威德如是相耶於意云何是人為智不不也世尊須菩提當來世菩薩亦如是得深般若波羅蜜而棄捨之反於聲聞辟支佛經中求薩婆若於意云何是人為智不不也世尊菩薩當知是為魔事須菩提辭如飢人捨百味食反食六十日

飯於意云何是人為智不不也世尊  
須菩提菩薩亦如是得深般若波羅  
蜜而棄捨之反於聲聞辟支佛經中  
求薩婆若於意云何是人為智不不  
也世尊菩薩當知是為魔事須菩提  
譬如人得無價寶珠而比水精於意  
云何是人為智不不也世尊須菩提  
當來世菩薩亦如是得深般若波羅  
蜜而比聲聞辟支佛經於中求薩婆  
若於意云何是人為智不不也世尊  
菩薩當知是為魔事復次須菩提書  
讀誦說般若波羅蜜時若多說餘事  
妨廢般若波羅蜜菩薩當知是為魔  
事須菩提白佛言世尊般若波羅蜜  
可得書讀誦說耶不也須菩提若善  
男子善女人書寫文字而作是念我  
書般若波羅蜜即是魔事須菩提介  
時應教是善男子善女人汝等勿謂  
但以書寫文字便作是念言我書般  
若波羅蜜諸善男子以是文字示般  
若波羅蜜義是故汝等勿著文字若  
著文字菩薩當知是為魔事若不貪  
著即捨魔事復次須菩提書讀誦說

般若波羅蜜時憶念諸方國土城邑聚落國王怨賊戰鬪之事憶念父母兄弟姊妹惡魔令生如是等念妨廢般若波羅蜜菩薩皆應覺之須菩提如是當知亦是魔事復次須菩提書讀誦說般若波羅蜜時供養事起衣服飲食卧具醫藥資生之物妨廢般若波羅蜜菩薩皆應覺之須菩提如是當知亦為魔事復次須菩提惡魔作因緣令菩薩得諸深經有方便菩薩於此深經不生貪著無方便菩薩捨般若波羅蜜取是深經須菩提我於般若波羅蜜中廣說方便應於中求而反於餘深經聲聞辟支佛法中求索方便於意云何是人為智不不也世尊須菩提如是當知亦為魔事復次須菩提聽法者欲聞般若波羅蜜說法者疲憊不樂為說須菩提如是不和合亦為魔事復次須菩提說法者身不疲極樂說般若波羅蜜聽法者欲至餘國不得書讀誦說般若波羅蜜如是不和合亦為魔事復次須菩提聽法者有念力智力樂欲聽受

讀誦般若波羅蜜說法者欲至餘國  
不得書讀誦說般若波羅蜜如是不  
和合亦為魔事復次須菩提說法者  
貴於財物衣服飲食聽法者惜不與  
之不得書讀誦說般若波羅蜜如是  
不和合亦為魔事復次須菩提聽法  
者有信樂心欲供養說法者而說法  
者誦習不利聽法者不樂聽受不得  
書讀誦說般若波羅蜜如是不和合  
亦為魔事復次須菩提說法者心樂  
為說聽法者不樂聽受不得書讀誦  
說般若波羅蜜如是不和合亦為魔  
事復次須菩提說法者身重疲極睡  
眠所覆不樂言說聽法者樂欲聽受  
讀誦如是不和合亦為魔事復次須  
菩提若書讀誦說般若波羅蜜時有  
人來說三惡道苦地獄中有如是苦  
畜生餓鬼中有如是苦不如於是身  
盡苦取涅槃何用更生受是諸苦如  
是須菩提菩薩當知亦為魔事復次  
須菩提若書讀誦說般若波羅蜜時  
若有人來讚歎天上快樂欲界中有  
極妙五欲快樂色界中有禪定快樂

無色界中有寂滅定樂是三界樂皆  
無常苦空壞敗之相汝於是身可取  
須陀洹果斯陀含果阿那含果阿羅  
漢果不須更受後身菩薩當知亦為  
魔事復次須菩提說法者愛樂徒衆  
作是言若能隨我當與般若波羅蜜  
若不隨我則不與汝以此因緣多人  
隨從時說法者欲經嶮難危命之處  
語諸人言善男子汝等知不何用隨  
我經此險難善自籌量无得後悔而  
作是言何故至此飢餓怨賊之中說  
法者以此細微因緣捨離諸人聽法  
者作是念是捨離相非與般若波羅  
蜜相不得書讀誦說般若波羅蜜如  
是不和合菩薩當知亦為魔事復次  
須菩提說法者欲經惡獸虎狼師子  
怨賊毒害无水之處說法者語諸人  
言汝等知不我所至處經過惡獸怨  
賊毒害无水之處汝等豈能受如是  
苦說法者以此細微因緣而捨離之  
諸人不復隨從作是念是捨離相非  
與般若波羅蜜相即便退還須菩提  
如是諸難菩薩當知亦為魔事復次



須菩提說法者重於檀越以此因緣  
常數往返以是事故語聽法者諸善  
男子我有檀越應往問訊諸人念言  
是為不與我般若波羅蜜相即時捨  
離不得學習書讀誦說如是不和合  
菩薩當知亦為魔事復次須菩提惡  
魔勤作方便欲令无人讀誦修習般  
若波羅蜜須菩提白佛言世尊惡魔  
云何勤作方便令人不得讀誦修習  
般若波羅蜜須菩提惡魔說誑諸人  
作是言此非真般若波羅蜜我所有  
經是真般若波羅蜜須菩提惡魔如  
是說誑衆人未受記者當於般若波  
羅蜜中生疑疑因緣故不得讀誦修  
習般若波羅蜜如是須菩提菩薩當  
知亦為魔事復次須菩提復有魔事  
若菩薩行般若波羅蜜即證實際取  
聲聞果如是須菩提菩薩當知亦為  
魔事

摩訶般若波羅蜜小如品第十二

佛告須菩提般若波羅蜜多有如是  
諸留難事須菩提白佛言如是如是  
世尊般若波羅蜜多有留難譬如珍

寶多有怨賊般若波羅蜜亦如是若  
人不受持讀誦修習般若波羅蜜當  
知是人新發道意少智少信不樂大  
法為魔所搆如是如是須菩提若人  
不受持讀誦修習般若波羅蜜當知  
是人新發道意少智少信不樂大法  
為魔所搆須菩提般若波羅蜜雖多  
有如是魔事及諸留難若善男子善  
女人有能受持書讀誦說當知是等  
皆是佛力何以故惡魔雖復勤作方  
便欲滅般若波羅蜜諸佛亦復勤作  
方便而守護之須菩提譬如母人多  
有諸子若十若百乃至十萬其母有  
疾諸子各各勤求救療皆作是願我  
等要當令母久壽身體安隱无諸苦  
患風雨寒熱蚊虻毒螫當以諸藥因  
緣令母安隱何以故生育我等賜與  
壽命示悟世間其恩甚重須菩提今  
十方現在諸佛常念般若波羅蜜皆  
作是言般若波羅蜜能生諸佛能示  
薩婆若何以故諸佛薩婆若皆從般  
若波羅蜜生故須菩提諸佛得阿耨  
多羅三藐三菩提若已今得若當得

皆因般若波羅蜜須菩提般若波羅蜜如是示十方諸佛薩婆若亦示世間須菩提白佛言世尊如佛所說般若波羅蜜示諸佛世間世尊云何為世間佛言五陰是世間世尊云何般若波羅蜜示五陰佛言般若波羅蜜示五陰不壞相何以故須菩提空是不壞相无相無作是不壞相般若波羅蜜如是示世間復次須菩提佛隨無量无边衆生性故如實知其心如是須菩提般若波羅蜜示諸佛世間復次須菩提衆生亂心攝心是亂心攝心佛如實知須菩提云何如來知諸衆生亂心攝心以法相故知須菩提法相故知心非亂如是知亂心云何如來知攝心須菩提如來知心盡相如實知盡相如是知攝心復次須菩提衆生染心如來如實知染心恚心癡心如實知恚心癡心云何如來如實知染心如實知恚心如實知癡心須菩提染心如實相即非染心恚心癡心如實相即非恚心癡心如須菩提諸佛從般若波羅蜜生薩婆

若智云何如來離染心如實知離染  
心離恚心如實知離恚心離癡心如  
實知離癡心須菩提離染心中无離  
染心相離恚心中无離恚心相離癡  
心中无離癡心相如是須菩提般若  
波羅蜜示諸佛世間復次須菩提如  
來因般若波羅蜜衆生廣心如實知  
廣心云何如來衆生廣心如實知廣  
心須菩提是衆生心不增不廣不離  
離相故如是須菩提如來因般若波  
羅蜜衆生廣心如實知廣心復次須  
菩提如來因般若波羅蜜衆生大心  
如實知大心云何如來衆生大心如  
實知大心須菩提如來知是心无來  
無去无住如是須菩提如來因般若  
波羅蜜衆生大心如實知大心復次  
須菩提如來因般若波羅蜜衆生无  
量心如實知无量心云何如來衆生  
無量心如實知無量心須菩提如來  
知是心不住住於寂滅無所依止如  
虛空無量知心相亦尔如是須菩提  
如來因般若波羅蜜衆生无量心如  
實知无量心復次須菩提如來因般

若波羅蜜衆生不可見心如實知不可見心云何如來衆生不可見心如實知不可見心如來以無相義故如實知不可見心如如是須菩提如來因般若波羅蜜衆生不可見心如實知不可見心如復次須菩提如來因般若波羅蜜衆生不現心如實知不現心云何如來衆生不現心如實知不現心是心五眼所不見如是須菩提如來因般若波羅蜜衆生不現心如實知不現心復次須菩提如來因般若波羅蜜知衆生諸出沒云何知出沒衆生所起出沒皆依色生依受想行識生何等是諸出沒所謂我及世間常是見依色依受想行識我及世間无常常無常非常非无常是見依色依受想行識世間有邊世間无邊有邊无邊非有邊非无邊是見依色依受想行識死後如去死後不如去死後如去不如去死後非如去非不如去是見依色依受想行識身即是神是見依色依受想行識身異神異是見依色依受想行識如是須菩提如來



因般若波羅蜜知衆生諸出沒復次  
須菩提如來因般若波羅蜜知色相  
云何知色相知如如須菩提如來知  
受想行識相云何知識相知如如須  
菩提五陰如即是如來所說出沒如  
五陰如即是世間如五陰如即是一  
切法如一切法如即是須陀洹果如  
斯隨舍果阿那含果阿羅漢果辟支  
佛道如辟支佛道如即是如來如是  
諸如皆是一如无二無別无盡無量  
如是須菩提如來因般若波羅蜜得  
是如相如是須菩提般若波羅蜜示  
諸佛世間能生諸佛諸佛知世間如  
如實得是如故名爲如來須菩提白  
佛言世尊是如甚深諸佛阿耨多羅  
三藐三菩提從是如生世尊如來得  
是深法能爲衆生說是如相如是如  
相誰能信者唯有阿毗跋致菩薩及  
具足正見者滿願阿羅漢乃能信之須  
菩提是如无盡佛如實說无盡

摩訶般若波羅蜜相無相品第十三

今時釋提桓因及欲界万天子梵世  
二万天子俱詣佛所頭面礼佛足却



住一面各自佛言世尊是法甚深於此  
法中云何作相佛告諸天子諸法以  
空為相以無相无作無起无生無滅  
無依為相諸天子言如來說的是諸相  
如空无所依如是諸相一切世間天  
人阿修羅所不能壞何以故一切世  
間天人阿修羅即是其相故世尊是  
諸相非可作是諸相不在色數不在  
受想行識數是諸相非人非非人所  
作佛告欲色界諸天子若人問言虛  
空誰之所作是人為正問不不也世  
尊虛空無有作者何以故虛空無為  
故諸天子此諸相亦如是有佛无佛  
常住不異諸相常住故如來得是諸  
相已名為如來諸天子言如來說  
諸相甚深諸佛智慧无尋故能示是  
如亦能說般若波羅蜜行相世尊般  
若波羅蜜是諸佛行處亦如是示諸  
佛世間復次須菩提諸佛依止於法  
供養恭敬尊重讚歎於法法者則是  
般若波羅蜜諸佛供養恭敬尊重讚  
歎般若波羅蜜何以故般若波羅蜜  
出生諸佛故須菩提如來知恩知報

恩者若人正問何等是知恩知報恩者當答佛是知恩知報恩者須菩提云何佛是知恩知報恩者如來所行道所行法得阿耨多羅三藐三菩提即護念是道是法以是事故當知佛是知恩知報恩者復次須菩提如來知一切法無作亦是如來知作恩者須菩提如來因般若波羅蜜知一切法無作相得如是智慧以是因緣故般若波羅蜜亦如是示諸佛世間世尊若一切法無知者無見者云何般若波羅蜜示諸佛世間須菩提如是如是一切法無知者无見者須菩提云何一切法无見者一切法空故云何故一切法無知者無見者須菩提如來因般若波羅蜜得如是法是故般若波羅蜜亦如是示諸佛世間不見色故示世間不見受想行識故示世間般若波羅蜜如是示諸佛世間世尊云何名不見色故示世間不見受想行識故示世間須菩提若不緣色生色是名不見色若不緣受

想行識生識是名不見識若如是不見世間是名真見世間復次須菩提世間空般若波羅蜜如實示世間離相世間淨相般若波羅蜜如實示世間淨世間寂滅般若波羅蜜如實示世間寂滅須菩提般若波羅蜜亦如是示諸佛世間須菩提白佛言世尊般若波羅蜜為大事故出般若波羅蜜為不可思議事不可稱事不可量事无等等事故出佛言如是如是須菩提般若波羅蜜為大事故出為不可思議事不可稱事不可量事元等等事故出須菩提云何般若波羅蜜為大事故出為不可思議事不可稱事不可量事元等等事故出須菩提如來法佛法自然法一切智人法廣大不可思議不可籌量是故須菩提般若波羅蜜為大事不可思議事故出云何般若波羅蜜為不可稱事不可量事故出須菩提如來法佛法自然法一切智人法不可稱不可量是故須菩提般若波羅蜜為不可稱

不可量事故出云何般若波羅蜜為  
無等等事故出須菩提一切元與如  
來等者何況有勝是故須菩提般若  
波羅蜜為無等等事故出世尊但如  
來法佛法自然法一切智人法不可  
思議不可稱不可量色亦不可思議  
不可稱不可量受想行識亦不可思  
議不可稱不可量須菩提色亦不可  
思議不可稱不可量受想行識亦不  
可思議不可稱不可量一切法亦不  
可思議不可稱不可量何以故須菩  
提諸法實相中无心無心數法須菩  
提色不可稱受想行識亦不可稱一  
切法亦不可稱此中無有分別故須  
菩提色不可量受想行識亦不可量  
一切法亦不可量須菩提何以故色  
不可量受想行識不可量一切法不  
可量須菩提色量无所有不可得受  
想行識量无所有不可得一切法量  
无所有不可得須菩提何以故色量  
無所有不可得受想行識量无所有  
不可得一切法量无所有不可得須  
菩提色无所有故受想行識无所有

故一切法無所有故量不可得須菩  
提於意云何虛空有心心數法不不  
也世尊須菩提以是因緣一切法不  
可思議滅諸籌量故名不可思議滅  
諸稱故名不可稱須菩提稱者即是  
識業須菩提无量者過諸量故須菩  
提如虛空不可思議不可稱不可量  
諸如來法佛法自然法一切智人法  
亦如是不可思議不可稱不可量說  
是不可思議无等等法時五百比丘  
二十比丘居不受一切法故漏盡心  
得解脫六万優婆塞三万優婆夷於  
諸法中得法眼淨二十菩薩得无生  
法忍於此賢劫皆當成佛今時須菩  
提白佛言世尊是深般若波羅蜜為  
大事故出乃至為无等等事故出佛  
言如是如是須菩提是深般若波羅  
蜜為大事故出乃至為无等等事故  
出諸佛菩薩婆若皆在般若波羅蜜中  
一切聲聞辟支佛地皆在般若波羅  
蜜中須菩提譬如灌頂剎帝利王若  
諸城事諸聚落事皆付大臣王無所  
憂如是須菩提諸如來亦如是所有

聲聞事辟支佛事佛事皆在般若波羅蜜中般若波羅蜜能成辦其事是故須菩提當知般若波羅蜜為大事故出乃至為无等等事故出須菩提般若波羅蜜不受不著色故出不受不著受想行識故出不受不著須陀洹果斯陀含果阿那含果阿羅漢果辟支佛道故出乃至薩婆若亦不受不著故出須菩提白佛言世尊云何般若波羅蜜不受薩婆若不著薩婆若須菩提於意云何汝見阿羅漢法可受可著不不也世尊我不見是法可生著者佛言善哉善哉須菩提我亦不見如來法以不見故不受不著是故須菩提薩婆若不可受不可著今時欲色界諸天子白佛言世尊是深般若波羅蜜難解難得若能信解深般若波羅蜜者當知是人已於先世供養諸佛世尊若三千大千世界衆生皆作信行於信行地中修行若一劫若減一劫若人一日行深般若波羅蜜籌量思惟觀忍通利是福為勝佛告諸天子若善男子善女人聞



是深般若波羅蜜疾得沮縣是人於信行地中修行若一切若戒一切所不能及尔時欲色界諸天子頭面礼佛足繞佛而出此不遠忽然不現欲界諸天子還至欲天色界諸天子還至色天尔時須菩提白佛言世尊若菩薩能信解深般若波羅蜜是人於何命終來生此間佛告須菩提若菩薩聞是深般若波羅蜜即時信解不疑不悔不難樂見樂聞常行是念不離說般若波羅蜜者須菩提譬如新產犢子不離其母菩薩亦如是聞深般若波羅蜜不離說法者乃至得讀誦書寫般若波羅蜜須菩提當知是菩薩人中命終還生人中世尊頗有菩薩成就如是功德因緣於他方世界供養諸佛於彼命終來生此間不須菩提有菩薩成就如是功德於他方世界供養諸佛於彼命終來生此間復次須菩提有菩薩成就如是功德於兜率天上聞弥勒菩薩說般若波羅蜜問其中事於彼命終來生此間復次須菩提若人先世聞是深

般若波羅蜜不問其義是人若生人  
中心續疑悔難決須菩提當知是人  
於前世不問所致何以故於是般若  
波羅蜜中心疑悔難決故復次須菩  
提若人先世若一日若二日三日四日  
五日聞是深般若波羅蜜問其中事  
而不隨所說行是人轉身續得聞深  
般若波羅蜜問其中事信心无尋若  
離法師不復問難還為因緣所牽失  
深般若波羅蜜何以故須菩提法應  
尔若人雖能問難是深般若波羅蜜  
不能隨所說行或時樂聞深般若波  
羅蜜或時不樂其心輕躁如少翫  
當知是菩薩新發大乘是菩薩信心  
清淨若不為般若波羅蜜所護於二  
地中當墮一處若聲聞地若辟支  
佛地

摩訶般若波羅蜜喻品第十四

尔時佛告須菩提譬如大海中船卒  
破其中人若不取木若板若浮囊若  
死屍當知是人不到彼岸没水而死  
須菩提其中人若取木板浮囊死屍  
當知是不没水死安隱无惱得至

彼岸須菩提菩薩亦如是於阿耨多  
羅三藐三菩提有信有忍有樂有淨  
心有深心有欲有解有捨有精進不  
取般若波羅蜜當知是人中道退沒  
墮聲聞辟支佛地須菩提若菩薩於  
阿耨多羅三藐三菩提有信有忍有  
樂有淨心有深心有欲有解有捨有  
精進取般若波羅蜜為般若波羅蜜  
所守護故中道不退過聲聞辟支佛  
地當住阿耨多羅三藐三菩提須菩  
提譬如有人持坏瓶詣河井池泉取  
水當知是瓶爛壞不久還歸於地何  
以故瓶未熟故須菩提菩薩亦如是  
於阿耨多羅三藐三菩提有信有忍  
有樂有淨心有深心有欲有解有捨  
有精進不為般若波羅蜜方便所護  
故當知是人未得薩婆若中道退轉  
須菩提云何為菩薩中道退轉所謂  
若墮聲聞地若墮辟支佛地須菩提  
譬如有人持熟瓶詣河井池泉取水  
當知是瓶堅固不壞持水而歸何以  
故是瓶熟故須菩提菩薩亦如是於  
阿耨多羅三藐三菩提有信有忍有

樂有淨心有深心有欲有解有捨有  
精進為般若波羅蜜方便所護故當  
知是菩薩不中道退轉安隱得到薩  
婆若須菩提譬如大海中船未被莊  
治推著水邊載諸財物當知是船中  
道漏沒散失財物以是賈客無方便  
故多失財物自致憂惱須菩提菩薩  
亦如是於阿耨多羅三藐三菩提有  
信乃至進不為般若波羅蜜方便所  
護故未到薩婆若中道而退失於大  
寶而自憂惱失大珍寶中道沒者墮  
聲聞辟支佛地失大珍寶者失薩婆  
若寶須菩提譬如大海邊船莊治堅  
牢推著水中載諸財物當知是船不  
中道沒隨所至處必能得到須菩提  
菩薩亦如是於阿耨多羅三藐三菩  
提有信乃至進為般若波羅蜜方便  
所護故當知是菩薩不中道退轉於  
阿耨多羅三藐三菩提何以故須菩  
提法應尔若菩薩於阿耨多羅三藐  
三菩提有信乃至進為般若波羅蜜  
方便所護故不墮聲聞辟支佛地但  
以是諸功德向阿耨多羅三藐三菩

提須菩提譬如老人年百二十而有  
雜病風寒冷熱須菩提於意云何是  
人能從牀起不不也世尊須菩提是  
人或時能起世尊假令能起不能遠  
行若十里二十里何以故是人已為  
老病所侵雖復能起不能遠行須菩  
提菩薩亦如是雖發阿耨多羅三藐  
三菩提心乃至有精進於阿耨多羅  
三藐三菩提有信乃至有進不為般  
若波羅蜜方便所護故未得薩婆若  
中道退轉墮聲聞辟支佛地須菩提  
是百二十歲老人若有風寒冷熱之  
病欲從床起有二健人各扶一腋安  
慰之言隨意所至我等好相扶持勿  
懼中道有所墜落須菩提菩薩亦如  
是於阿耨多羅三藐三菩提有信乃  
至進為般若波羅蜜方便所護故當  
知是菩薩不中道退轉能至阿耨多  
羅三藐三菩提

小品般若經卷第五

已亥歲高麗國大藏都監奉

勅彫造

小品般若波羅蜜經卷第六

鱗

後秦龜茲國三藏鳩摩羅什譯

大如品第十五

尔時須菩提白佛言世尊新發意菩薩云何應學般若波羅蜜佛告須菩提新發意菩薩若欲學般若波羅蜜先當親近善知識能說般若波羅蜜者是人如是教善男子來汝所有布施皆應迴向阿耨多羅三藐三菩提汝善男子亦莫貪著阿耨多羅三藐三菩提若色是若受想行識是何以故是薩婆若非可著者善男子汝所有持戒忍辱精進禪定智慧皆應迴向阿耨多羅三藐三菩提勿生貪著若色是若受想行識是何以故善男子是薩婆若非可著者汝善男子亦勿貪著聲聞辟支佛道須菩提如是新發意菩薩應漸教令入深般若波羅蜜世尊諸菩薩發阿耨多羅三藐三菩提心欲得阿耨多羅三藐三菩提所為甚難如是如是須菩提如諸菩薩發阿耨多羅三藐三菩提心欲得



阿耨多羅三藐三菩提所為甚難是  
人為安隱世間故發心為安樂世間  
故發心我當得阿耨多羅三藐三菩  
提為世間作救為世間作歸為世間  
作舍為世間作究竟道為世間作洲  
為世間作導師為世間作趣須菩提  
云何菩薩得阿耨多羅三藐三菩提  
時為世間作救菩薩為斷生死中諸  
苦惱故說法救衆生於苦惱須菩提  
是名菩薩得阿耨多羅三藐三菩提  
時為世間作救云何菩薩得阿耨多  
羅三藐三菩提時為世間作歸衆生  
生法老病死法憂悲苦惱法是菩薩能  
度衆生於此生法老病死法憂悲苦  
惱法須菩提是名菩薩得阿耨多羅  
三藐三菩提時為世間作歸云何菩  
薩得阿耨多羅三藐三菩提時為世  
間作舍須菩提菩薩得阿耨多羅三  
藐三菩提時為不著故說法世尊云  
何名不著須菩提若色不縛不解不  
生不滅是名色不著若受想行識不  
縛不解不生不滅是名識不著如是  
須菩提一切法不縛不解故不著菩

薩得阿耨多羅三藐三菩提時能為  
衆生說如是法是名菩薩為世間作  
舍云何菩薩得阿耨多羅三藐三菩  
提時為世間作究竟道須菩提色究  
竟不名色受想行識究竟不名識如  
究竟相一切法亦如是世尊若究竟  
相一切法亦尔者菩薩皆應得阿耨  
多羅三藐三菩提何以故是中无有  
分別故如是如是須菩提是中無有  
分別諸菩薩如是觀如是知其心不  
沒作是念我得阿耨多羅三藐三菩  
提時應為衆生說如是法須菩提是  
名菩薩得阿耨多羅三藐三菩提時為  
世間作究竟道云何菩薩得阿耨多  
羅三藐三菩提時為世間作洲譬如  
水中陸地斷流之處名之為洲如是  
須菩提色前際後際斷受想行識前  
際後際斷以前際後際斷故一切法  
都斷若一切法都斷是名寂滅微妙  
如實不顛倒沮脰須菩提是名菩薩  
得阿耨多羅三藐三菩提時為世間  
作洲云何菩薩得阿耨多羅三藐三  
菩提時為世間作導師須菩提菩薩

得阿耨多羅三藐三菩提時不為色  
生滅故說法但為實相故說法不為  
受想行識生滅故說法但為實相  
故說法不為須陀洹果斯陀含果阿  
那含果阿羅漢果辟支佛道薩婆若  
生滅故說法但為實相故說法須菩  
提是名菩薩得阿耨多羅三藐三菩  
提時為世間作導師云何菩薩得阿  
耨多羅三藐三菩提時為世間作趣  
須菩提菩薩得阿耨多羅三藐三菩  
提時為衆生說色趣空說受想行識  
趣空一切法皆趣空不來不去何以  
故色空不來不去受想行識空不來  
不去乃至一切法空不來不去故一  
切法趣空不過是趣一切法趣无相  
趣無作趣无起趣無生趣无所有趣  
夢趣無量趣无邊趣无我寂滅趣涅  
槃趣不還趣不趣一切法不過是趣  
世尊如是法者誰能信解須菩提若  
菩薩於先佛所久修道行成就善根  
乃能信解世尊能信解者何相須菩  
提離滅欲恚癡性是信解相如是人  
能知深般若波羅蜜世尊是菩薩能  
解深般若波羅蜜亦如是趣得是趣

相能為無量衆生作趣如是如是如是須  
菩提是菩薩如是趣能為無量衆生  
作趣須菩提是名菩薩得阿耨多羅  
三藐三菩提時能為無量衆生作趣  
世尊是菩薩所為甚難能作如是大  
莊嚴為滅度無量无边衆生而衆生  
不可得如是如是須菩提菩薩所為  
甚難為滅度無量无边衆生故發大  
莊嚴而衆生不可得須菩提是為菩  
薩大莊嚴不為色不為受想行識不  
為聲聞辟支佛地不為薩婆若故發  
大莊嚴不為莊嚴一切法故是菩薩  
發大莊嚴世尊菩薩能如是行深般  
若波羅蜜則不墮二地若聲聞地辟  
支佛地須菩提汝見何義說如是事  
若菩薩如是行深般若波羅蜜則不  
墮二地若聲聞辟支佛地世尊是般  
若波羅蜜甚深此中無修法无所修  
無修者何以故世尊是深般若波羅  
蜜中无決定法修虚空是修般若波  
羅蜜世尊不修一切法是修般若波  
羅蜜修无邊是修般若波羅蜜修無  
著是修般若波羅蜜須菩提應以深

般若波羅蜜試阿惟越致菩薩若不  
貪著般若波羅蜜不隨他言論有所  
怖望若聞說深般若波羅蜜時不驚  
不怖不沒不退其心喜樂當知是阿  
惟越致菩薩先世已曾聞深般若波  
羅蜜何以故聞說深般若波羅蜜不  
驚不怖不沒不退當知是阿惟越致  
菩薩世尊若菩薩聞說深般若波羅  
蜜不驚不怖不沒不退應云何觀須  
菩提是菩薩應隨薩婆若心觀般若  
波羅蜜世尊云何名為隨薩婆若心  
觀須菩提隨虛空觀名為隨薩婆若  
心觀般若波羅蜜須菩提隨薩婆若  
心觀即非觀何以故无量是薩婆若  
無量即無色无受想行識無智无慧  
无道無得无果無生无滅無作無作  
者無方无趣無住无量即隨无量數  
須菩提如虛空无量薩婆若亦無量  
无法可得亦無得者不可以色得不  
可以受想行識得不可以檀波羅蜜  
得不可以尸波羅蜜得羼提波羅蜜  
毗梨耶波羅蜜禪那波羅蜜般若波  
羅蜜得何以故色即是薩婆若受想

行識即是薩婆若檀波羅蜜即是薩婆若尸羅波羅蜜羼提波羅蜜毗梨耶波羅蜜蜜禪波羅蜜般若波羅蜜即是薩婆若今時欲色界諸天子白佛言世尊般若波羅蜜甚深難解難知佛言如是如是諸天子般若波羅蜜甚深難解難知以是義故我欲默然而不說法作是念我所得法是法中無有得者無法可得无所用法可得諸法相如是甚深如虛空甚深故是法甚深我甚深故一切法甚深欲色界諸不去甚深故一切法甚深欲色界諸天子白佛言希有世尊是所說法一切世間難可得信世間行貪著是法為无貪著故說今時須菩提白佛言世尊是法隨順一切法何以故世尊是法無障碍无障碍相如虛空世尊是法无生一切法不可得故世尊是法无處一切處不可得故今時欲色界諸天子白佛言世尊是長老須菩提為隨佛生有所說法皆為空故須菩提謬欲色界諸天子言汝等所說長老須菩提為隨佛生隨何法生



故名隨佛生諸天子隨如行故須菩  
提隨如來生如如來如不來不去須  
菩提隨如從本已來亦不來不去是  
故須菩提隨如來生又如來如即是  
一切法如一切法如即是如來如如來  
如者即非如是故須菩提隨如來生  
如如來如一切處一切處常不壞不  
分別是故須菩提隨如來生如如來  
如非住非不住須菩提如亦如是是  
故須菩提隨如來生如如來如无障  
礙一切法如亦無障礙是故須菩  
提隨如來生又如來如一切法如皆  
是一如无二無別是如无作無非如  
者若是如無非如者是故是如无二  
無別是故須菩提隨如來生又如來  
如一切處不壞不分別一切法如亦  
不壞不分別如是如來如不可分別  
故无壞無別是故須菩提隨如來生  
如如來如不離諸法如是如不異諸  
法是如无非如時常是如如是如是  
須菩提如不異是如故如實隨如行  
亦无所行是故須菩提隨如來生如  
如來如非過去非未來非現在一切

法如亦如是非過去非未來非現在  
是故須菩提隨如行生故名爲隨如  
來生又如來即是如來如如來如即  
是過去如過去如即是如來如如來  
如即是未來如未來如即是如來如如來  
如即是現在如現在如即是如來如過去  
未來現在如如來如无二無別一切法如  
須菩提如亦無二无別是故須菩提隨  
如來生菩薩如即是得阿耨多羅三  
藐三菩提時如菩薩以是如得阿耨  
多羅三藐三菩提名爲如來佛說是如  
時地六種震動以是如故須菩提隨  
如來生又須菩提不隨色生不隨受  
想行識生不隨須陀洹果生不隨斯  
陀含果生不隨阿那含果生不隨阿  
羅漢果生不隨辟支佛道生是故須  
菩提隨如來生今時舍利弗白佛言  
世尊是如甚深佛言如是如是舍利  
弗是如甚深今說是如三千比丘不  
受諸法故漏盡心得解脫舍利弗五  
百比丘及於諸法中遠塵離垢得法  
眼淨五千天人得無生法忍六千菩  
薩不受諸法漏盡心得解脫舍利弗

是六千菩薩已曾供養親近五百諸佛於諸佛所布施持戒忍辱精進禪定不為般若波羅蜜方便所護故今不受諸法漏盡心得解脫舍利弗菩薩雖行空无相無作道不為般若波羅蜜方便所護故證於實際作聲聞樂舍利弗譬如鳥身長百由旬若二三四五百由旬翅未成就欲從忉利天上来至閻浮提便自投来下舍利弗於意云何是鳥中道作是念我欲還忉利天上寧得還不不也世尊舍利弗是鳥復作是願至閻浮提身不傷損得如願不不也世尊是鳥至閻浮提身必傷損若死若近死若何以故世尊法應令其身既大翅未成就故舍利弗菩薩亦如是雖於恒河沙劫布施持戒忍辱精進禪定發大心大願受无量事欲得阿耨多羅三藐三菩提而不為般若波羅蜜方便所護故則隨聲聞辟支佛地舍利弗菩薩雖念於過去未來現在諸佛所行戒品定品慧品解脫品解脫知見品而心取相是菩薩取相念故不知諸

佛或品定品慧品解脫品解脫知見  
品不知不見故聞諸法空名字取是  
音聲相迴向阿耨多羅三藐三菩提  
當知是菩薩墮於聲聞辟支佛地何  
以故舍利弗菩薩離般若波羅蜜故  
法應當令世尊如我解佛所說義若  
菩薩離般若波羅蜜則於阿耨多羅  
三藐三菩提狐疑未了是故菩薩摩  
訶薩欲得阿耨多羅三藐三菩提當  
善行般若波羅蜜方便令時欲色界  
諸天子白佛言世尊般若波羅蜜甚  
深阿耨多羅三藐三菩提難得佛言  
如是如是諸天子般若波羅蜜甚深  
阿耨多羅三藐三菩提難得須菩提  
白佛言世尊如佛所說般若波羅蜜  
甚深阿耨多羅三藐三菩提難得如  
我解佛所說義阿耨多羅三藐三菩  
提易得何以故无法可得諸法空中  
无有得阿耨多羅三藐三菩提者無  
法可得無所用法可得一切法皆空  
故諸所說法為有所斷是法亦空世  
尊阿耨多羅三藐三菩提法得者所  
用法得知者所用法如是法皆空世

尊以是因緣故阿耨多羅三藐三菩提則為易得諸可得者皆同虛空舍利弗語須菩提若阿耨多羅三藐三菩提易得者恒河沙等諸菩薩不應退轉以是因緣故當知阿耨多羅三藐三菩提難得舍利弗於意云何色於阿耨多羅三藐三菩提退轉不也須菩提舍利弗離色有法可得於阿耨多羅三藐三菩提退轉不也須菩提舍利弗離受想行識有法可得於阿耨多羅三藐三菩提退轉不也須菩提舍利弗色如於阿耨多羅三藐三菩提退轉不也須菩提舍利弗受想行識如於阿耨多羅三藐三菩提退轉不也須菩提舍利弗離色如有法可得於阿耨多羅三藐三菩提退轉不也須菩提舍利弗離受想行識如有法可得於阿耨多羅三藐三菩提退轉不也須菩提舍利弗離諸法如有法可得於阿耨多羅三藐三菩提退轉不也須菩提舍利



弗如是實求不可得為何等法於阿  
耨多羅三藐三菩提退轉者舍利弗无  
法於阿耨多羅三藐三菩提退轉舍  
利弗言如須菩提所說義則為无有  
菩薩退轉若尔者佛說三乘人則無  
老别尔時富樓那弥多羅居士語舍  
利弗應問須菩提汝欲令有一菩薩  
乘不舍舍利弗即問須菩提汝欲令有一  
菩薩乘耶須菩提言如中可有三乘  
人不若聲聞辟支佛佛乘須菩提如中  
无有三相老别舍利弗如有一相不  
不也須菩提舍利弗如中乃至見有  
一乘人不不也須菩提舍利弗如是  
實求非法不可得汝云何作是念是  
聲聞乘是辟支佛乘是佛乘者如是  
三乘如中無老别若菩薩聞是事不  
驚不怖不沒不退當知是菩薩則能  
成就菩提尔時佛讚須菩提言善哉  
善哉須菩提汝所樂說皆是佛力所  
謂如中求三乘人无有老别若菩薩  
聞是事不驚不怖不沒不退當知是  
菩薩能成就菩提尔時舍利弗白佛  
言世尊是菩薩成就何等菩提舍利



弗是菩薩成就无上菩提舍利弗白  
佛言世尊若菩薩欲成就阿耨多羅  
三藐三菩提應云何行佛言於一切  
衆生應行等心慈心不異心護下心  
安隱心不瞋心不惱心不戲弄心父  
母心兄弟心與共語言舍利弗若菩  
薩欲成就阿耨多羅三藐三菩提應  
如是學應如是行

摩訶般若波羅蜜阿惟越致相品第十六

尔時須菩提白佛言世尊何等是阿  
惟越致菩薩相貌我當云何知是阿  
惟越致菩薩佛告須菩提所有凡夫  
地聲聞地辟支佛地如來地是諸地  
於如中不壞不二不別菩薩以是如  
入諸法實相亦不分別是如此是如  
相隨是如此入諸法實相出是如已更  
聞餘法不疑不悔不言是非見一切  
法皆入於如是菩薩凡有所說終不  
說无益事言必有益不觀他人長短  
須菩提以是相貌當知是阿惟越致  
菩薩復次須菩提阿惟越致菩薩不  
觀外道沙門婆羅門言說實知實見  
又阿惟越致菩薩不礼事餘天不用

華香供養須菩提以是相貌當知是  
阿惟越致菩薩復次須菩提阿惟越  
致菩薩終不墮三惡道不受女人身  
須菩提以是相貌當知是阿惟越致  
菩薩復次須菩提阿惟越致菩薩自  
不煞生亦不教他煞生自不偷劫不  
邪淫不妄語不兩舌不惡口不無益  
語不貪嫉不瞋恚不邪見亦不教他  
令行邪見是十善道身常自行亦教  
他行是菩薩乃至夢中不行十不善  
道乃至夢中亦常行十善道須菩提  
阿惟越致菩薩以是相貌當知是阿  
惟越致菩薩復次須菩提所可誦讀  
經典作如是念我欲令衆生得安樂  
故當為說法以是法施如法滿願以  
是法施與一切衆生共之須菩提以  
是相貌當知是阿惟越致菩薩復次  
須菩提阿惟越致菩薩聞深法時心无  
疑悔節言軟語少於眠卧若來若去  
心常不亂行不卒疾常一其心安詳  
徐步視地而行須菩提如是相貌當  
知是阿惟越致菩薩復次須菩提阿  
惟越致菩薩衣服卧具无有垢穢常

樂清淨威儀具足身常安隱少於疾病須菩提凡夫身中八万户虫是阿惟越致菩薩身中無有如是諸虫何以故須菩提是菩薩善根超出世間隨善根增長故得心清淨身清淨須菩提白佛言世尊何等為菩薩心清淨須菩提隨菩薩善根增長諂曲欺誑漸漸自滅以滅故心清淨以心清淨故能過聲聞辟支佛地是名菩薩心清淨須菩提以是相貌當知是阿惟越致菩薩復次須菩提阿惟越致菩薩不貪利養少於慳嫉聞深法時其心不沒智慧深故一心聽法所可聞法皆應般若波羅蜜是菩薩因般若波羅蜜世間諸事皆同實相不見資生之事不應般若波羅蜜者須菩提以是相貌當知是阿惟越致菩薩復次須菩提若惡魔至菩薩所化作八大地獄一一地獄化作若干百千萬菩薩作是言是諸菩薩佛皆與授阿惟越致記而今墮此大地獄中汝若受阿惟越致記者即受地獄記汝今若能悔是心者不墮地獄當生天上

是菩薩若聞是語心不動慧而作是念阿惟越致菩薩若墮惡道无有是處須菩提以是相貌當知是阿惟越致菩薩

復次須菩提若惡魔化作沙門至菩薩所作是言汝先所聞讀誦宜應悔捨汝若捨離不復聽受我當常至汝所汝所聞者非佛所說皆是文飾莊校之辭我所說經真是佛語若聞是事心有動慧當知是菩薩未從諸佛受記非是必定菩薩未住阿惟越致菩薩性中須菩提聞是事心不動慧但依諸法相無生无作無起不隨他語如漏盡阿羅漢現前證諸法相不生不起法故不為惡魔所制須菩提菩薩亦如是求聲聞辟支佛者所不能破不復退轉必至薩婆若住阿惟越致性中不隨他語

須菩提以是相貌當知是阿惟越致菩薩復次須菩提若惡魔至菩薩所作是言汝所行者是生死行非薩婆若行汝今可於此身盡苦取涅槃若能如是則不復受生死諸苦是身生

尚不可得何況欲受後身是菩薩若聞是事心不動恚惡魔復作是言汝今欲見諸菩薩供養恒河沙等諸佛衣服飲食卧具璽藥皆於恒河沙等諸佛所修行梵行親近諮請為菩薩乘故多所問難菩薩云何應住云何應行是諸菩薩於諸佛所隨所聞事皆能修行如是教如是學如是行猶尚不能得阿耨多羅三藐三菩提不住薩婆若何況汝當得阿耨多羅三藐三菩提是菩薩若聞是事心不動恚惡魔即時復化作諸比丘作是言是諸比丘皆漏盡阿羅漢先皆發心欲求佛道而今皆住阿羅漢地何況於汝當得阿耨多羅三藐三菩提菩薩若作是念我從他聞為无所失若心不轉不生異念如是魔事若菩薩如是行諸波羅蜜如是學諸波羅蜜不得薩婆若无有是處須菩提若菩薩如諸佛說隨所聞學隨所聞行不離是道不離薩婆若念不得薩婆若无有是處須菩提以是相貌當知是阿惟越致菩薩復次須菩提阿

惟越致菩薩若惡魔來作是言薩婆  
若同於虛空是法无所有無人用是  
法得道者何以故若得道者得道法  
所用得法皆如虛空知者知法所用  
法無所有皆同虛空汝唐受苦惱若  
言得阿耨多羅三藐三菩提即是魔  
事非佛所說菩薩於此應如是念若  
訶我今離薩婆若尔者是為魔事於是  
事中應生堅固心不動心不轉心須  
菩提以是相貌當知是阿惟越致菩  
薩復次須菩提阿惟越致菩薩若欲  
入初禪第二第三第四禪心轉調習  
是菩薩雖入諸禪還取欲界法不隨  
禪生須菩提以是相貌當知是阿惟  
越致菩薩復次須菩提阿惟越致菩  
薩心不貪好名聞稱讚於諸衆生心  
无恚尋常生安隱利益之心進止來  
去心不散亂常一其心不失威儀須  
菩提是菩薩若在居家不染著諸欲  
所受諸欲心生厭離常懷怖畏譬如  
險道多諸賊難雖有所食厭離怖畏  
心不自安但念何時過此險道阿惟  
越致菩薩雖在家居所受諸欲皆見



過惡心不貪惜不以邪命非法自活  
寧失身命不侵於人何以故菩薩在  
家應安樂衆生雖復在家而能成就  
如是功德何以故得般若波羅蜜力  
故須菩提以是相貌當知是阿惟越  
致菩薩復次須菩提阿惟越致菩薩  
執金剛神常隨侍衛不令非人近之  
是菩薩心無狂亂諸根具足無所缺  
減修賢善行非不賢善不以呪術藥  
草引接女人身不自為亦不教他是  
菩薩常修淨命不占吉凶亦不相人  
生男生女如是等事皆不為之須菩  
提以是相貌當知是阿惟越致菩薩  
復次須菩提阿惟越致菩薩復有相  
貌今當說之須菩提阿惟越致菩薩  
不樂說世間雜事官事戰鬪事殺賊  
事城邑聚落事爲馬車乘衣服飲食  
卧具事不樂說華香女人婬女事不  
樂說神龜事不樂說大海事不樂說  
惱他事不樂說種種事但樂說般若  
波羅蜜常不離應薩婆若心不樂  
聞訟心常樂於法不樂非法樂善知  
識不樂冤家樂和諍訟不樂說謗樂

佛法中而得出家常樂欲生他方清  
淨佛國隨意自在其所生處常得供  
養諸佛須菩提阿惟越致菩薩多於  
欲界色界命終來生中國善於伎藝  
明解經書呪術占相志能了知少生  
邊地若生邊地必在大國有如是功  
德相貌當知是阿惟越致菩薩復次  
須菩提阿惟越致菩薩不作是念我  
是阿惟越致非阿惟越致不生是疑  
須菩提自證阿惟越致地者終不復  
疑譬如須陀洹所證法中心无所疑  
種種魔事皆能覺之覺已不隨菩薩  
亦如是於阿惟越致地中心无所疑  
種種魔事皆能覺之覺已不隨須菩  
提譬如人有逆罪心常悔懼至死不  
捨不能遠離如是罪心常隨是心乃  
至命終須菩提阿惟越致菩薩亦復  
如是阿惟越致菩薩心常安住阿惟  
越致地中不可動轉一切世間天人  
阿修羅所壞種種魔事能覺之覺已不  
隨所證法中其心決定无所疑惑乃  
至轉身不生聲聞辟支佛心轉身亦  
復不疑我不得阿耨多羅三藐三菩

提自證所得法中不隨他人自住證地无能破壞何以故成就不可壞智慧故安住阿惟越致性須菩提若惡魔化作佛身至阿惟越致菩薩所作是言善男子汝於此身可證阿羅漢何用阿耨多羅三藐三菩提為何以故菩薩成就得阿耨多羅三藐三菩提相貌汝无是相須菩提菩薩問是語心不動異即作是念若是惡魔若魔所使非佛所說若佛所說不應有異若菩薩能如是念是魔變身作佛欲令我遠離般若波羅蜜魔若還隱没當知是菩薩已於先佛得受阿耨多羅三藐三菩提記安住阿惟越致地中何以故是人阿惟越致相貌須菩提以是相貌當知是阿惟越致菩薩復次須菩提阿惟越致菩薩為護法不惜身命為正法故行精進作是念我不但護過去現在諸佛正法亦復當護未來世中諸佛正法我亦當在未來數中而得受記我則自守護法是菩薩見是利故守護正法乃至不惜身命其心不沒不悔須菩提以是相貌

當知是阿惟越致菩薩復次須菩提  
阿惟越致菩薩若從如來聞說法時  
心無所疑須菩提白佛言世尊是菩  
薩但聞如來說法時心無所疑聞聲  
聞人說法時亦無所疑耶須菩提是  
菩薩從聲聞人聞法時亦无所疑何  
以故是菩薩於諸法中得無生忍故  
須菩提菩薩成就如是功德相貌當  
知是阿惟越致菩薩

小品般若經卷第六

已亥歲高麗國大藏都監奉  
勅彫造

小品般若波羅蜜經卷第七

辨

深功德品第十七

後秦龜茲國三藏鳩摩羅什譯

今時須菩提白佛言希有世尊是阿  
毗跋致菩薩成就大功德世尊能說  
阿毗跋致菩薩恒河沙等相貌說是  
相貌則是說深般若波羅蜜相佛言  
善哉善哉須菩提汝能示諸菩薩甚  
深之相須菩提甚深相者即是空義  
即是无相無作无起無生无滅無所  
有无染寂滅遠離沮脹義世尊但是  
空義乃至沮脹義非一切法義耶須  
菩提一切法亦是甚深義何以故須  
菩提色甚深受想行識甚深云何色  
甚深如如甚深云何受想行識甚深  
如如甚深須菩提無色是色甚深无  
受想行識是識甚深須菩提言希有  
世尊以微妙方便障色示沮脹障受  
想行識示沮脹佛告須菩提菩薩若  
能於是深般若波羅蜜思惟觀察如  
般若波羅蜜教我應如是學如般若  
波羅蜜說我應如是行是菩薩如是

思惟修習乃至一日所作功德无有  
限量須菩提譬如多欲之人欲覺亦  
多與他端正女人共期此女監导失  
期不至須菩提於意云何是多欲人  
欲覺為與何法相應世尊是多欲人  
但起欲覺相應念憶想此女當至不  
久我當與之坐卧戲笑須菩提於意  
云何是人一日一夜起幾欲念世尊  
是人一日一夜起念甚多須菩提若  
菩薩如深般若波羅蜜教思惟學習  
則離退轉遇惡捨若干劫數生死之  
難是菩薩一日之中應深般若波羅  
蜜所作功德勝於菩薩遠離深般若  
波羅蜜於恒河沙劫布施功德復次  
須菩提若菩薩離般若波羅蜜於恒  
河沙劫供養須陀洹斯陀含阿那含  
阿羅漢辟支佛諸佛於意云何其福  
多不須菩提言甚多世尊无量無邊  
不可稱數佛言不如菩薩於深般若  
波羅蜜如說修行乃至一日其福其  
多何以故菩薩行般若波羅蜜能過  
聲聞辟支佛地入菩薩位得阿耨多  
羅三藐三菩提復次須菩提若菩薩



於恒河沙劫離般若波羅蜜布施持  
戒忍辱精進禪定智慧於意云何其  
福多不須菩提言甚多世尊佛言不  
如菩薩於深般若波羅蜜如說修行  
乃至一日布施持戒忍辱精進禪定  
智慧其福甚多復次須菩提若菩薩  
於恒河沙劫離般若波羅蜜法施衆  
生於意云何其福多不須菩提言甚  
多世尊佛言不如菩薩於深般若波  
羅蜜如說修行乃至一日法施衆生  
其福甚多何以故若菩薩不離般若  
波羅蜜即是不離薩婆若復次須菩  
提若菩薩於恒河沙劫離般若波羅  
蜜修行三十七品於意云何其福多  
不須菩提言甚多世尊佛言不如菩  
薩如般若波羅蜜教住乃至一日修  
行三十七品其福甚多何以故若菩  
薩不離般若波羅蜜退失薩婆若无  
有是處復次須菩提若菩薩於恒河  
沙劫離般若波羅蜜以是財施法施  
禪定功德迴向阿耨多羅三藐三菩  
提於意云何其福多不須菩提言甚  
多世尊佛言不如菩薩於深般若波

羅蜜如說修行乃至一日財施法施  
禪定功德迴向阿耨多羅三藐三菩  
提其福甚多何以故是第一迴向所  
謂不離深般若波羅蜜須菩提白佛  
言世尊如佛所說一切作起法皆是  
憶想分別云何說菩薩得福甚多須  
菩提菩薩行般若波羅蜜時亦能觀  
察是作起功德空无所有虛誑不實  
无堅牢相若菩薩隨所能觀則不離  
深般若波羅蜜隨不離深般若波羅  
蜜即得无量阿僧祇福德世尊无量  
阿僧祇有何差別須菩提阿僧祇者  
不可數盡无量者過諸量數世尊頗  
有因緣色亦無量受想行識亦無量  
佛言有須菩提色亦無量受想行識  
亦无量世尊无量者是何義須菩提  
無量者即是空義即是無相无作義  
世尊无量但是空義非餘義耶須菩  
提於意云何我不說一切法空耶世  
尊說耳須菩提若空即是无盡若空  
即是无量是故此法義中無有差別  
須菩提如來所說无盡無量空无相  
無作无起無生无滅无所有無染涅

勝但以名字方便故說須菩提言希  
有世尊諸法實相不可得說而今說  
之世尊如我解佛所說義一切法皆  
不可說如是如是須菩提一切法皆  
不可說須菩提一切法空相不可得  
說世尊是不可說義无增無減若尔  
者檀波羅蜜亦應无增無減尸羅波  
羅蜜羼提波羅蜜毗梨耶波羅蜜禪  
波羅蜜亦應无增無減若是諸波羅  
蜜无增無減菩薩云何以是無增无  
減波羅蜜得阿耨多羅三藐三菩提  
近阿耨多羅三藐三菩提世尊若菩  
薩增減諸波羅蜜則不能近阿耨多  
羅三藐三菩提如是如是須菩提不  
可說義无增無減善知方便菩薩行  
般若波羅蜜修般若波羅蜜時不作  
是念檀波羅蜜若增若減作是念是  
檀波羅蜜但有名字是菩薩布施時  
是念是心及諸善根皆如阿耨多羅  
三藐三菩提相迴向須菩提善知方  
便菩薩行般若波羅蜜修般若波羅  
蜜時不作是念尸羅波羅蜜若增若  
減羼提波羅蜜毗梨耶波羅蜜禪波

羅蜜若增若減須菩提善知方便菩薩行般若波羅蜜修般若波羅蜜時不作是念般若波羅蜜若增若減作是念般若波羅蜜但有名字修智慧時是念是心是善根如阿耨多羅三藐三菩提相迴向須菩提白佛言世尊何等是阿耨多羅三藐三菩提須菩提阿耨多羅三藐三菩提者即是如如无增減若菩薩常行應如念即近阿耨多羅三藐三菩提如是須菩提不可說義雖無增減而不退諸念不退諸波羅蜜菩薩以是行則近阿耨多羅三藐三菩提而亦不退菩薩之行作是念者得近阿耨多羅三藐三菩提世尊菩薩前心近阿耨多羅三藐三菩提後心近阿耨多羅三藐三菩提世尊前心後心各各不俱後心前心亦各不俱世尊若前心後心不俱者菩薩諸善根云何得增長須菩提於意云何如然燈時為初焰燒炷為後焰燒世尊非初焰燒亦不離初焰非後焰燒亦不離後焰須菩提於意云何是炷燃不世尊是炷實燃

須菩提菩薩亦如是。非初心得阿耨  
多羅三藐三菩提。亦不離初心。非後  
心得阿耨多羅三藐三菩提。亦不離  
後心得世尊。是因緣法甚深。菩薩非  
初心得阿耨多羅三藐三菩提。亦不  
離初心得。非後心得。阿耨多羅三藐  
三菩提。亦不離後心。而得阿耨多羅  
三藐三菩提。須菩提於意云何。若心  
已滅。是心更生。不不也。世尊。須菩提  
於意云何。若心生。是滅相。不世尊。是  
滅相。須菩提於意云何。是滅相。法當  
滅。不不也。世尊。須菩提於意云何。亦  
如是。住。如。如。住。不世尊。亦如是。住。如。如。  
住。須菩提。若如是。住。如。如。住者。即是常。  
耶。不也。世尊。須菩提於意云何。是如  
甚深。不世尊。是如甚深。須菩提於意  
云何。是如。即是心。不不也。世尊。須菩  
提。離如是。心。不不也。世尊。須菩提。汝  
見如。不不也。世尊。須菩提於意云何。  
若人如是。行者。是甚深。行。不世尊。若  
人如是。行者。是為无處。所行。何以故。  
是人不行。一切諸行。須菩提。若菩薩  
行般若波羅蜜。於何處。行世尊。於第



一義中行須菩提於意云何若菩薩  
於第一義中行是人相行不不也世  
尊須菩提於意云何是菩薩壞諸相  
不不也世尊須菩提於意云何菩薩  
云何為壞諸相世尊是菩薩不如是  
學我行菩薩道於是身斷諸相若斷  
是諸相未具足佛道當作聲聞世尊  
是菩薩大方便力知是諸相過而不  
取无相今時舍利弗語須菩提若菩  
薩夢中修三解脫門空无相無作增  
益般若波羅蜜不若晝日增益夢中  
亦應增益何以故佛說晝夜夢中等  
无異故舍利弗若菩薩修般若波羅  
蜜即有般若波羅蜜是故夢中亦應  
增益般若波羅蜜舍利弗若人夢中  
起業是業有果報不佛說一切法如  
夢不應有果報若覺分別應有果報  
舍利弗若人夢中煞生覺已分別我  
煞是快是業云何須菩提无緣則無  
業无緣思不生如是舍利弗无緣則  
無業无緣思不生有緣則有業有緣  
則思生若心行於見聞覺知法中有  
心受若有心受淨是故舍利弗有因



緣起業非无因緣有因緣思生非無  
因緣舍利弗問須菩提言若菩薩  
夢中布施迴向阿耨多羅三藐三菩  
提是布施名為迴向不舍舍利弗  
菩薩今現在座佛授阿耨多羅三藐  
三菩提記可以問之弥勒當答舍利  
弗即問弥勒菩薩須菩提言是事弥  
勒當答弥勒菩薩語舍利弗所言弥  
勒當答舍利弗今以弥勒名字答若  
以色答耶受想行識答耶若以色空  
答耶受想行識空答耶是色空不能  
答受想行識空不能答舍利弗我都  
不見是法能有所答亦不見答者及  
所答人所問答法所可答法我亦不  
見是法得受阿耨多羅三藐三菩提  
記舍利弗語弥勒菩薩如所說法證  
此法不弥勒言我不隨所說法證得  
舍利弗作是念弥勒菩薩智慧甚深  
長夜行般若波羅蜜故今時佛知舍  
利弗心所念語舍利弗言於意云何  
汝見是法以是法得阿羅漢不不也  
世尊舍利弗菩薩亦如是行般若波  
羅蜜有方便故不作是念是法受阿

釋多羅三藐三菩提記已受記今受  
記當受記若菩薩如是行即是行般  
若波羅蜜不畏不得阿耨多羅三藐  
三菩提我勤行精進必當得阿耨多  
羅三藐三菩提舍利弗菩薩應當不  
驚不怖若在惡獸之中不應驚怖何  
以故菩薩應作是念我今若為惡獸  
所噉我當施與願以具足檀波羅蜜  
當近阿耨多羅三藐三菩提我當如  
是勤行精進得阿耨多羅三藐三菩  
提時世界之中無一切畜生道若菩  
薩在怨賊中不應驚怖何以故菩薩  
法不應惜身命作是念若有奪我命  
者是中不應生瞋恚願以具足羼提  
波羅蜜當近阿耨多羅三藐三菩提  
我應如是勤行精進得阿耨多羅三  
藐三菩提時世界之中无有怨賊及  
諸殺惡若菩薩在无水處不應驚怖  
作是念我應為一切衆生說法除渴  
若我渴乏命終應作是念是衆生无  
福德故在此无水之處我應如是勤  
行精進得阿耨多羅三藐三菩提時  
世界之中无水之處亦令衆生勤行

精進修諸福德世界之中自然而有  
八功德水復次舍利弗若菩薩在飢  
饑之中不應驚怖作是念我應如是  
勤行精進得阿耨多羅三藐三菩提  
時世界之中无有如是飢饉之患具  
足快樂隨意所須應念即至如忉利  
天上所念皆得若菩薩如是不驚不  
怖當知是菩薩能得阿耨多羅三藐  
三菩提復次舍利弗若菩薩在疾疫  
處不應驚怖何以故是中无法可病  
故我應如是勤行精進得阿耨多羅  
三藐三菩提時世界之中一切衆生  
无有三病我當勤行精進隨諸佛所  
行復次舍利弗菩薩若念阿耨多羅  
三藐三菩提久乃可得不應驚怖何  
以故世界前際已來如一念頃不應  
生久遠想不應念前際是久遠前際  
雖為久遠而與一念相應如是舍利  
弗若菩薩久乃得阿耨多羅三藐三  
菩提不應驚怖退沒

摩訶般若波羅蜜恒伽提婆品第八

今時會中有一女人字恒伽提婆從  
座而起偏袒右肩右膝著地合掌向

佛白佛言世尊我於是事不驚不怖  
我於來世亦為衆生演說斯要即持  
金華散佛當佛頂上虛空中住時佛  
微笑阿難從座起偏袒右肩右膝著  
地合掌向佛白佛言世尊何因何緣  
而發微笑諸佛常法不以无因緣而  
笑佛告阿難是恒伽提婆女人當於  
來世星宿劫中而得成佛号曰金花  
今轉女身得為男子生阿閼佛土於  
彼佛所常修梵行命終之後從一佛  
土至一佛土常修梵行乃至得阿耨  
多羅三藐三菩提不離諸佛譬如轉  
輪聖王從一觀至一觀從生至終足  
不踏地阿難此女如是從一佛土  
至一佛土常修梵行乃至得阿耨多  
羅三藐三菩提常不離佛阿難作是  
念今時菩薩衆會如諸佛會佛即知  
阿難心所念告阿難言如是如是當  
知今時菩薩衆會如諸佛會阿難是  
金花佛聲聞入沮脌者无量無邊不  
可計數其世界中無諸惡獸怨賊之  
難亦無飢饉疾病之患阿難是金花  
佛得阿耨多羅三藐三菩提時無如

是等怖畏之難阿難白佛言世尊是  
女人於何處初種阿耨多羅三藐三  
菩提善根阿難是女人於燃燈佛所  
初種善根以是善根迴向阿耨多羅  
三藐三菩提亦持金華散燃燈佛求  
阿耨多羅三藐三菩提阿難今時我以  
五莖華散燃燈佛求阿耨多羅三藐  
三菩提燃燈佛知我善根淳淑即授  
我阿耨多羅三藐三菩提記時此女  
人聞我受記即發願言我亦如是於  
未來世當得受記如今是人得受阿  
耨多羅三藐三菩提記阿難是人於  
燃燈佛所初種善根發阿耨多羅三  
藐三菩提心阿難白佛言世尊是人  
則為久習阿耨多羅三藐三菩提行  
佛言如是阿難是人久習阿耨多羅  
三藐三菩提行今時須菩提白佛言  
世尊若菩薩欲行般若波羅蜜云何  
應習空云何應入空三昧佛告須菩  
提菩薩行般若波羅蜜應觀色空應  
觀受想行識空應以不散心觀法无  
所見亦無所證須菩提言世尊如佛  
所說菩薩不應證空云何菩薩入空

三昧而不證空須菩提若菩薩具足  
觀空本已生心但觀空而不證空我  
當學空今是學時非是證時不深攝  
心繫於緣中今時菩薩不退助道法亦  
不盡漏何以故是菩薩有大智慧深  
善根故能作是念今是學時非是證  
時我為得般若波羅蜜故須菩提譬  
如人勇健多力難可傾動容儀端正  
人所愛敬善解兵法器仗精銳六十  
四能皆悉具足於餘伎術无不鍊解  
為人愛念凡有所作皆得成辦以是  
利故多所饒益衆咸宗敬倍復歡喜  
是人有小因緣扶侍父母舅將妻子  
經過險道艱難之處安隱勸喻父母  
妻子令无恐怖作是言此路雖險多  
有怨賊必得安隱無他躡頻其人智  
力成就前无敵故能令父母妻子免  
此衆難得到城邑聚落村舍无所傷  
失心大歡喜於諸怨賊不生惡心何  
以故是人一切伎術无不鍊解於險  
道中化作人衆多於怨賊又所執持  
器仗精銳彼諸怨賊皆自退散是故  
此人敢能自必安隱无患如是如是



須菩提菩薩緣一切衆生繫心慈三昧過諸結使及助結使法過諸魔及助魔者過聲聞辟支佛地住空三昧而不盡漏須菩提今時菩薩行空解脫門而不證無相亦不墮有相譬如鳥飛虛空而不墮落行於虛空而不住空須菩提菩薩亦如是若行空學空行无相學無相行无作學無作未具足諸佛法而不墮空無相无作譬如工射之人善於射法仰射虛空箭箭相拄隨意久近能令不墮如是須菩提菩薩行般若波羅蜜方便所護故不證第一實際為欲成就阿耨多羅三藐三菩提善根故成就阿耨多羅三藐三菩提時乃證第一實際是故須菩提菩薩行般若波羅蜜應如是思惟諸法實相而不取證須菩提白佛言世尊菩薩所為甚難寂為希有能如是學亦不取證佛告須菩提是菩薩不捨一切衆生故發如是大願須菩提若菩薩生如是心我不應捨一切衆生應當度之即入空三昧解脫門无相無作三昧解脫門是時

菩薩不中道證實際何以故是菩薩  
為方便所護故復次須菩提菩薩若  
欲入如是深定所謂空三昧解脫門  
无相無作三昧解脫門是菩薩先應  
作是念衆生長夜著衆生相著有所  
得我得阿耨多羅三藐三菩提當斷  
是諸見而為說法即入空三昧解脫  
門是菩薩以是心及先方便力故不  
中道證實際亦不失慈悲喜捨三昧  
何以故是菩薩成就方便力故倍復  
增長善法諸根通利亦得增益菩薩  
諸力諸覺復次須菩提菩薩作是念  
衆生長夜行於我相我得阿耨多羅  
三藐三菩提當斷是相而為說法即  
入无相三昧解脫門是菩薩以是心  
及先方便力故不中道證實際亦不  
失慈悲喜捨三昧何以故是菩薩成  
就方便力故倍復增長諸善法善根  
通利亦得增益菩薩諸力諸覺復次  
須菩提菩薩作是念衆生長夜行常  
想樂想淨想我想以是想有所作我  
得阿耨多羅三藐三菩提斷是常想  
樂想淨想我想而為說法是法无常

非是常是苦非樂不淨非淨無我非我  
我以是心及先方便力雖未得佛三  
昧未具足佛法未證阿耨多羅三藐  
三菩提而能入无作三昧解脫門不  
中道證實際復次須菩提菩薩作如  
是念衆生長夜行有所得今亦行有  
所得先行有相今亦行有相先行顛  
倒今亦行顛倒先行和合相今亦行  
和合相先行虛妄相今亦行虛妄相  
先行邪見今亦行邪見我當勤行精  
進得阿耨多羅三藐三菩提為斷衆  
生如是諸相而為說法除此諸過須  
菩提菩薩如是念一切衆生是以心及  
先方便力故觀深法相若空若无相  
無作无起無生无所有須菩提菩薩  
成就如是智慧若住三界若墮作起  
法者无有是處復次須菩提菩薩欲  
得阿耨多羅三藐三菩提應問餘菩  
薩於是諸法應云何學云何生心入  
空不證空入无相無作无起無生无  
所有不證無所有而能修習般若波  
羅蜜菩薩若如是答但應念空念无  
相无作無起无生無所有不教先心

不說先心當知是菩薩於過去佛未  
得受阿耨多羅三藐三菩提記未住  
阿耨跋致地何以故是菩薩不能說  
阿耨跋致菩薩不共相不能正示正  
答當知是菩薩未到阿耨跋致地世  
尊云何知是阿耨跋致須菩提若菩  
薩若聞若不聞能如是正答當知是  
為阿耨跋致世尊以是因緣故衆生  
多行菩提少能如是正答者須菩提  
少有菩薩能得阿耨跋致記者若得  
受記則能如是正答當知是菩薩善  
根明淨當知是菩薩一切世間天人  
阿修羅所不能及

摩訶般若波羅蜜阿耨跋致覺魔品第十九

佛告須菩提若菩薩摩訶薩乃至夢  
中不貪著三界及聲聞辟支佛地觀  
一切法如夢而不取證須菩提當知  
是阿耨跋致菩薩相復次須菩提若  
菩薩夢中見佛處在大衆高座上坐  
无數百千万比丘及无數百千万億  
大衆恭敬圍繞而為說法須菩提當  
知是阿耨跋致菩薩相復次須菩提  
菩薩夢中自見其身在於虛空為大

衆說法見身大光覺已作是念我知  
三界如夢必當應得阿耨多羅三藐  
三菩提而為衆生說如是法須菩提  
當知是阿耨跋致菩薩相復次須菩  
提云何當知菩薩得阿耨多羅三藐  
三菩提時其世界中一切皆无三惡  
道名須菩提若菩薩夢中見畜生作  
是願我當勤行精進得阿耨多羅三  
藐三菩提時其世界中一切皆无三惡  
道名須菩提當知是阿耨跋致菩薩  
相復次須菩提菩薩若見城郭火起  
即作是念如我夢中所見相貌菩薩  
成就如是相貌當知是阿耨跋致菩  
薩若我有是相貌作阿耨跋致者以  
此實語力故此城郭火今當滅盡若  
火滅盡當知是菩薩已於先佛得受  
阿耨多羅三藐三菩提記若火不滅  
當知是菩薩未得受記若是火燒一  
家置一家燒一里置一里須菩提當  
知是衆生有破法重罪是破法餘殃  
今世現受須菩提以是因緣當知是  
阿耨跋致菩薩相復次須菩提今當  
更說阿耨跋致菩薩相貌須菩提若

男若女為鬼所著菩薩於此應作是  
念若我已於先佛得受阿耨多羅三  
藐三菩提記深心欲得阿耨多羅三  
藐三菩提若我所行清淨離聲聞辟  
支佛心必當應得阿耨多羅三藐三  
菩提非不應得於今現在十方无量  
阿僧祇佛是諸佛无所不知无所不  
見无所不得无所不證若諸佛知我  
深心者必當得阿耨多羅三藐三菩  
提以此實語力故今是男女為非人  
所持者非人當疾去若是菩薩說是  
語時非人不去者當知是菩薩先佛  
未與授阿耨多羅三藐三菩提記須  
菩提若菩薩說是語時非人去者當  
知是菩薩已於先佛得受阿耨多羅  
三藐三菩提記復次須菩提有菩薩  
未得受記而作誓願若我已於先佛  
得受記者非人今當捨是人去惡魔  
即便來至其所令非人去何以故惡  
魔威力勝非人故非人即去菩薩於  
此便自念言是我力故非人遠去而  
不能知惡魔之力以是事故輕蔑惡  
賤諸餘菩薩我於先佛已得受記是



諸人等於先佛所未受阿耨多羅三藐三菩提記以是因緣增長憍慢以憍慢因緣故遠離薩婆若佛无上智慧是菩薩以少因緣生於憍慢當知是為无有方便必墮二地若聲聞地若辟支佛地如是須菩提以是誓願目緣起於魔事菩薩於此若不親近善知識者為魔所縛轉更牢固須菩提當知是為菩薩魔事復次須菩提惡魔欲以名字因緣壞亂菩薩作種種形至菩薩所而作是言汝善男子諸佛已與汝受阿耨多羅三藐三菩提記汝今字是父母字是兄弟姊妹知識字是乃至七世父母皆說其名字汝生某國某城某聚落某家若是人性行柔和便說其先世性行柔和若其性急亦復說其先世性急若是人受阿練若法若乞食若著納衣若食後不飲漿若一坐食若節量食若住死屍間若坐空地若坐樹下若常坐不卧若隨敷坐若少欲知足遠離若不受塗脚油若樂少語少論惡魔亦說其先世受阿練若法乃至樂少

語少論汝今世有頭陀功德先世亦有頭陀功德是菩薩聞說如上名字及說頭陀功德以是因緣故慍慢心生即時惡魔復作是言汝於過去已受阿耨多羅三藐三菩提記何以故阿耨跋致功德相貌汝今有之須菩提我所說阿耨跋致菩薩真實相貌是人无有須菩提當知是菩薩為魔所著何以故阿耨跋致菩薩相貌是人无有但聞惡魔所說名字則便輕賤諸餘菩薩須菩提當知是菩薩因名字故起於魔事復次須菩提復有菩薩因名字故起於魔事所謂魔至其所作是言汝於先佛得受阿耨多羅三藐三菩提記汝作佛時名号如是是菩薩本所願名号同魔所說无智無方便故便作是念我得阿耨多羅三藐三菩提時所願名号是比丘所說同我本願便隨惡魔所著比丘信受其語但以名字因緣故則便輕賤諸餘菩薩須菩提我所說真實阿耨跋致菩薩相貌是人无有以輕慢因緣故遠離薩婆若佛无上智慧是

菩薩若離方便及善知識遇惡知識  
當墮二地若聲聞地若辟支佛地須  
菩提若是菩薩即於此身悔先諸心  
遠離聲聞辟支佛地當久在生死乃  
復還因般若波羅蜜得阿耨多羅三  
藐三菩提何以故是諸心罪重故譬  
如比丘犯四重禁若一若二則非沙  
門非釋種子是菩薩以名字輕餘菩  
薩故其所獲罪重於四禁須菩提置  
是四禁如是之罪重於五逆所謂以  
名字故生憍慢心須菩提以是名字  
因緣起此微細魔事菩薩應當覺之  
覺已遠離

復次須菩提惡魔見菩薩有遠離  
行便至其所作是言善男子遠離行  
者如來常所稱讚須菩提我不說菩  
薩遠離在於阿練若處空閑處山間  
樹下曠絕之處世尊若阿練若處空  
閑處山間樹下曠絕之處不名遠離  
者更有何等遠離須菩提若菩薩遠  
離聲聞辟支佛心如是遠離若近聚  
落亦名遠離若在阿練若處空閑處  
山間樹下曠絕之處亦名遠離須菩

提如是遠離我所聽許若菩薩晝夜  
修行如是遠離若近聚落亦名遠離  
若在阿練若處空閑處山間樹下曠  
絕之處亦名遠離須菩提若惡魔所  
稱讚遠離阿練若處空閑處山間樹  
下曠絕之處是菩薩雖有如是遠離  
而不遠離聲聞辟支佛心不修般若  
波羅蜜不為具足一切智慧是則名  
為雜糅行者是菩薩行是遠離則不  
清淨輕餘菩薩近聚落住心清淨者  
遠離聲聞辟支佛心者不雜惡不善  
法得諸禪定背捨三昧諸神通力通  
達般若波羅蜜者是无方便菩薩雖  
在百由旬空曠之處但有鳥獸殺賊  
惡鬼所行處住若百千萬億歲若過  
是數而不能知真遠離相遠於真遠  
離不知深心發阿耨多羅三藐三菩  
提心如是菩薩亦名憤鬧行者若貪  
著依止如是遠離是則不能令我心  
喜何以故我所聽許遠離行中不見  
是人是人无有如是遠離須菩提復  
有惡魔到菩薩所住虛空中作是言  
善哉善哉汝所行者是真遠離佛所

稱讚以是遠離汝當疾得阿耨多羅  
三藐三菩提是菩薩從遠離所來至  
聚落見餘比丘求佛道者心性和柔  
便生輕慢汝是憤內行者須菩提是  
菩薩以憤內為真遠離以真遠離為  
憤內如是說其過惡不生恭敬心應  
恭敬而反輕慢應輕慢而反恭敬作  
是念我見非人念我而來助我而來  
佛所聽許真遠離行我則行之汝近  
聚落誰當念汝誰當助汝作是念已  
輕餘菩薩清淨行者須菩提當知是  
人是菩薩旃陀羅當知是人汙餘菩  
薩臭穢不淨當知是人似像菩薩  
當知是人一切世間天人之大賊沙  
門形賊須菩提求佛道者不應親近  
如是之人何以故如是人等名為增  
上慢者須菩提若菩薩愛惜薩婆若  
愛惜阿耨多羅三藐三菩提深心欲  
得阿耨多羅三藐三菩提欲得利益  
一切衆生不應親近如是等人求佛  
道者常求已利常應厭離怖畏三界  
於此人中當生慈悲喜捨之心我當  
如是勤行精進得阿耨多羅三藐三

菩提時无如是惡若其起者當疾除  
滅須菩提如是行者是為菩薩智慧  
之力

小品般若經卷第七

已亥歲高麗國大藏都監奉

勅彫造



小品般若波羅蜜經卷第八

麟

後秦龜茲國三藏鳩摩羅什譯

深心求菩提品第二十

佛告須菩提若菩薩欲得阿耨多羅三藐三菩提應當親近善知識須菩提白佛言世尊何等是菩薩善知識佛告須菩提諸佛世尊是菩薩善知識何以故能教菩薩令入般若波羅蜜故須菩提是名菩薩善知識復次須菩提六波羅蜜是菩薩善知識六波羅蜜是菩薩大師六波羅蜜是菩薩道六波羅蜜是菩薩光明六波羅蜜是菩薩是菩薩焔須菩提過去諸佛皆從六波羅蜜生未來諸佛皆從六波羅蜜生現在十方无量阿僧祇世界諸佛皆從六波羅蜜生又三世諸佛菩薩若皆從六波羅蜜生何以故諸佛行六波羅蜜以四攝法攝取衆生所謂布施愛語利益同事得阿耨多羅三藐三菩提須菩提是故當知六波羅蜜是大師是父是母是舍是歸是洲是救是究竟道六波羅蜜利益一

切衆生是故菩薩欲自深智明了不  
隨他語不信他法若欲斷一切衆生  
疑應當學是般若波羅蜜世尊又何  
等相是般若波羅蜜須菩提无尋相  
是般若波羅蜜世尊頗有因緣如般  
若波羅蜜无尋相一切法亦无尋相  
耶有須菩提如般若波羅蜜無尋相  
一切法亦無尋相何以故須菩提一  
切法離相一切法空相是故須菩提  
當知般若波羅蜜亦離相空相一切  
法亦離相空相世尊若一切法離相  
空相云何衆生有垢有淨何以故離  
相法无垢無淨空相法無垢无淨離  
相法空相法不能得阿耨多羅三藐  
三菩提離離相離空相更无有法能得  
阿耨多羅三藐三菩提世尊我今云何  
當知是義須菩提我還問汝隨意答  
我須菩提於意云何衆生長夜著我  
我所不如是如是世尊衆生長夜著  
我我所須菩提於意云何我我所空  
不世尊我我所空須菩提於意云何  
衆生以我我所以往來生死不如是如  
是世尊衆生以我我所以往來生死

須菩提如是衆生名為有垢隨衆生  
所受所著故是中實无有垢亦無受  
垢者須菩提若不受一切法則无我  
无我所是名為淨是中實無有淨亦  
無有受淨者菩薩如是行名為行般  
若波羅蜜世尊若菩薩如是行則不  
行色不行受想行識若菩薩如是行  
者一切世間天人阿修羅不能降伏  
世尊菩薩如是行者勝一切聲聞辟  
支佛所行住无勝處世尊無勝菩薩  
晝夜行是應般若波羅蜜念近於阿  
耨多羅三藐三菩提疾得阿耨多羅  
三藐三菩提佛告須菩提於意云何  
假令閻浮提所有衆生一時皆得人  
身發阿耨多羅三藐三菩提心發心  
已盡形布施以是布施迴向阿耨多  
羅三藐三菩提須菩提於意云何是  
人以是因緣得福多不須菩提言甚  
多世尊佛言若菩薩乃至一日行應  
般若波羅蜜念其福勝彼隨喜菩薩行  
應般若波羅蜜念能為一切衆生而  
作福田何以故唯除諸佛其餘衆生  
无如是深慈心如菩薩摩訶薩諸菩

薩曰般若波羅蜜能生如是慧以是  
慧見一切衆生受諸苦惱如被刑戮  
菩薩即得大悲之心得大悲已以天  
眼觀諸衆生見元量衆生有無間罪  
墮於諸難即生憐愍之心不住是相  
亦不住餘相須菩提是名諸菩薩大  
智光明行是道者則為一切衆生福  
田而不退轉阿耨多羅三藐三菩提  
所受供養衣服飲食卧具醫藥所須  
之物一心修習般若波羅蜜故能淨  
報施恩亦近薩婆若是故菩薩若欲  
不空食國中施若欲利益一切衆生  
若欲示一切衆生正道若欲解一切  
衆生牢獄繫縛若欲與一切衆生慧  
眼常應修行應般若波羅蜜念若行  
應般若波羅蜜念是菩薩有所言說  
亦與般若波羅蜜相應何以故是菩  
薩有所言說皆隨順般若波羅蜜念  
有所念亦隨順言說菩薩常應如是  
晝夜念般若波羅蜜須菩提譬如人  
得未曾有寶得已大喜而復還失以  
是因緣憂愁苦惱其心常念我今如  
何失此大寶須菩提菩薩亦如是大

寶者是般若波羅蜜菩薩得是已常  
應以應薩婆若心念般若波羅蜜須  
菩提白佛言世尊若一切念從本已  
來性常離者云何說言不應離是應  
般若波羅蜜念須菩提若菩薩能如  
是知即不離般若波羅蜜何以故般  
若波羅蜜空是中无有退失世尊若  
般若波羅蜜空菩薩云何以般若波  
羅蜜而得增長云何亦得近於阿耨  
多羅三藐三菩提須菩提菩薩行般  
若波羅蜜亦无增無減須菩提若菩  
薩聞是說不驚不怖不沒不退當知  
是菩薩行般若波羅蜜世尊般若波  
羅蜜空相是行般若波羅蜜不不也  
須菩提世尊離般若波羅蜜更有法  
行般若波羅蜜不不也須菩提世尊  
空可行空不不也須菩提世尊離空  
可行空不不也須菩提世尊行色是  
行般若波羅蜜不不也須菩提世尊  
行受想行識是行般若波羅蜜不不  
也須菩提世尊離色有法可行般若  
波羅蜜不不也須菩提世尊離受想  
行識有法可行般若波羅蜜不不也

須菩提世尊菩薩云何行名為行般若波羅蜜須菩提於意云何汝見有法行般若波羅蜜不不也世尊須菩提汝見般若波羅蜜法是菩薩行處不不也世尊須菩提於意云何汝所不見法頗有生不不也世尊須菩提是名諸佛元生法忍菩薩能成就如是忍者當得受阿耨多羅三藐三菩提記須菩提是名諸佛元所畏道菩薩行是道修習親近若當不得佛无上智大智自然智一切智如來智無有是處世尊一切法无生以是得受阿耨多羅三藐三菩提記不不也須菩提世尊今云何名為得受阿耨多羅三藐三菩提記須菩提於意云何汝見有法受阿耨多羅三藐三菩提記不不也世尊我不見有法受阿耨多羅三藐三菩提記亦不見所用法亦不見所得法須菩提如是一切法不可得不應作是言是法可得是所用法可得

尔時釋提桓因在大會中白佛言世尊般若波羅蜜甚深難見難解畢竟



離故若人聞是般若波羅蜜書寫受持讀誦當知是人福德不少憍尸迦於意云何假令閻浮提所有衆生成就十善道其所得福不如是人聞是般若波羅蜜書寫受持讀誦百分不及一百千萬億分不及一乃至算數譬喻所不能及時有一比丘語釋提桓因言憍尸迦如是善男子善女人勝於仁者釋提桓因言此人一發心頃尚勝於我何況得聞般若波羅蜜書寫受持讀誦如所說行是人於一切世間天人阿修羅中最為殊勝菩薩行般若波羅蜜不但勝於一切世間天人阿修羅亦勝須陀洹斯陀含阿那含阿羅漢辟支佛菩薩行般若波羅蜜不但勝須陀洹乃至辟支佛亦勝菩薩離般若波羅蜜无方便行檀波羅蜜不但勝離般若波羅蜜无方便行檀波羅蜜亦勝離般若波羅蜜无方便行尸羅波羅蜜犀提波羅蜜毗梨耶波羅蜜禪波羅蜜如是菩薩最為殊勝若菩薩隨般若波羅蜜所說行者皆勝一切世間天人阿修羅一

切世間天人阿修羅皆應恭敬供養  
若菩薩行隨般若波羅蜜所教行者  
是菩薩不斷一切種智是菩薩近阿  
耨多羅三藐三菩提是菩薩必坐道  
場是菩薩拯濟沒溺生死衆生菩薩  
如是學名為學般若波羅蜜如是學  
名為不學聲聞辟支佛若菩薩如是  
學時四天王持四鉢至其所作是言善  
男子汝疾學得阿耨多羅三藐三菩  
提坐道場時我等當奉此四鉢世尊  
我亦自往問訊何況餘諸天子菩薩  
學般若波羅蜜者諸佛常共護念世  
間衆生種種苦惱是菩薩能隨行般  
若波羅蜜故无是諸苦世尊是菩薩  
現世功德今時阿難作是念是釋提  
桓因自以智慧力如是說耶為是佛  
神力釋提桓因知阿難心所念語阿  
難言皆是佛神力佛告阿難如是如  
是阿難如釋提桓因所說皆是佛神  
力阿難菩薩學般若波羅蜜修習般  
若波羅蜜時三千大千世界諸魔皆  
生疑惑是菩薩為當中道證實際隨  
聲聞辟支佛地為當直至阿耨多羅

三藐三菩提

小品般若第八

第九張 鱗

歲

摩訶般若波羅蜜奉敬菩薩品第二十一

佛告阿難若菩薩不離般若波羅蜜行今時惡魔憂惱如箭入心放大雨電雷霹靂欲令菩薩驚怖毛豎其心退沒於阿耨多羅三藐三菩提乃至一念錯亂阿難惡魔不必普欲惱亂一切菩薩世尊何等菩薩為惡魔所亂阿難有菩薩先世聞說深般若波羅蜜不能信受如是之人惡魔惱亂而得其便復次阿難若菩薩聞深般若波羅蜜時心生疑惑有是深般若波羅蜜耶无耶阿難如是菩薩亦為惡魔之所得便復次阿難有菩薩離善知識為惡知識所得是人不得深般若波羅蜜中義以不聞故不知不見云何應行般若波羅蜜云何應修般若波羅蜜阿難是人亦為惡魔得便復次阿難若菩薩受持邪法是人亦為惡魔得便惡魔作是念是人助我亦令餘人助我亦能滿我所願阿難是人亦為惡魔得便復次阿難菩薩云何為惡魔得便若菩薩聞深

般若波羅蜜語餘菩薩言是般若波羅蜜甚深我等猶尚不能得底汝等何用聞為是人亦為惡魔得便阿難若菩薩輕餘菩薩言我是遠離行者汝等无此功德今時惡魔甚大歡喜踊躍阿難若有衆菩薩為惡魔稱其名字得是名字故輕餘清淨善心菩薩是等无有阿毗跋致菩薩功德相貌而假託阿毗跋致功德增長煩惱自高其身而下他人作是言我有所功德汝无是事今時惡魔即大歡喜作是念我之宮殿則為不空增益地獄餓鬼畜生惡魔加其神力故是人所語人皆信受信受已隨所見學隨所說行隨所見學隨所說行已亦復增益煩惱如是人等以顛倒心故所起身口意業果報皆苦以是因緣故增益地獄餓鬼畜生阿難惡魔見是利益亦大歡喜阿難若求佛道者與聲聞人共誚惡魔復作是念是人雖遠離薩婆若而不太遠阿難若菩薩共菩薩誚惡魔即大歡喜作是念是人兩離薩婆若遠阿難若不得受記菩

小品般若第八 第十一張 鱗 歲  
謹願恨受記者而共諍覽惡口罵詈

若愛惜薩婆若隨其起念一念却一  
劫今乃還得發大莊嚴阿難白佛言  
世尊如是罪者可得悔不要當畢其  
隨念劫數今乃還得發大莊嚴佛言  
有出我說菩薩聲聞皆有出罪法不  
說无出阿難若菩薩共菩薩諍惡口  
罵詈不相悔謝結恨在心我不說此  
人有出罪法是人若愛惜薩婆若畢  
其隨念劫數亦復還得發大莊嚴阿  
難若菩薩共菩薩諍惡口罵詈即相  
悔謝後不復作作是念我應謙下一  
切衆生我若瞋諍加報於人則為大  
失我應當為一切衆生而作橋梁我  
尚不應輕汝他人何況加報應如瞿  
迦不應自壞深心我得阿耨多羅三  
藐三菩提時當度是等云何加忿自起  
瞋辱阿難求菩薩道者於聲聞人乃  
至不應生於瞋辱阿難白佛言世尊  
菩薩與菩薩共住其法云何佛言相  
親當如佛想是我大師同載一乘共  
一道行如彼所學我亦應學彼若雜  
行非我所學若彼清淨學應薩婆若



念我亦應學菩薩若如是學是名同學  
今時須菩提白佛言世尊若菩薩  
為盡學則學薩婆若為无生學為離  
學為滅學則學薩婆若佛告須菩提  
如汝所說菩薩為盡學則學薩婆若為  
无生學為離學為滅學則學薩婆若  
者須菩提於意云何如來以如得名  
如來是如非盡非離非滅耶如是世  
尊須菩提如是學者名為學薩婆若  
學薩婆若為學般若波羅蜜學佛地  
十力四无所畏十八不共法須菩提  
菩薩如是學者則到諸學彼岸如是  
學者魔若魔民不能降伏如是學者  
疾得阿毗跋致如是學者疾坐道場  
如是學者學自行處如是學者學救  
護法如是學者學大慈大悲如是學  
者學三轉十二相法輪如是學者學  
度衆生如是學者學不斷佛種如是  
學者學開甘露門須菩提凡夫下劣  
不能如是學欲調御一切衆生者能  
如是學須菩提菩薩如是學者不墮  
地獄畜生餓鬼不生邊地如是學者  
不生旃陀羅家不生竹草作家不生



除糞人家不生諸餘貧賤之家須菩

提菩薩如是學者不盲不瞎不眯眼

不瘞短不聾啞不頑鈍不形殘身根

具足須菩提菩薩如是學者不奪他

命不盜他物不邪淫不妄語不兩舌

不惡口不无益語不貪嫉不瞋惱不

邪見不邪命活不畜邪見眷屬不畜

破戒眷屬須菩提菩薩如是學者不

生長壽夭何以故菩薩成就方便故

何等為方便所謂從般若波羅蜜起

雖能入禪而不隨禪生須菩提菩薩

如是學者得佛清淨力清淨无畏世

尊若一切法本淨相者菩薩復得何

等清淨法佛言如是如是須菩提一

切法本清淨相菩薩於是本淨相法

中行般若波羅蜜不驚不怖不沒不

退是名清淨般若波羅蜜須菩提凡

夫不知不見一切法本清淨相是故

菩薩發勤精進於是中學得清淨諸

力諸无畏須菩提菩薩如是學者悉

能通達一切衆生心心所行須菩提

譬如少所地出閻浮檀金衆生聚中

亦少能如是學般若波羅蜜譬如衆

生少有能起轉輪王業多有能起諸  
小王業如是須菩提少有衆生能行  
般若波羅蜜道多有發聲聞辟支佛  
乘須菩提少有衆生能學阿耨多羅  
三藐三菩提心者於學阿耨多羅三  
藐三菩提中少能如說行者於如說  
行中少能隨學般若波羅蜜者於隨  
學中少能得阿毗跋致者是故須菩  
提菩薩欲在少中之少當學般若波  
羅蜜修習般若波羅蜜

摩訶般若波羅蜜無慳煩惱品第二十二

佛告須菩提若菩薩如是學般若波  
羅蜜則不生煩惱心不生慳心不生  
破戒心不生瞋惱心不生懈怠心不  
生散亂心不生愚癡心須菩提菩薩  
如是學皆攝諸波羅蜜須菩提譬如  
六十二見皆攝在身見中須菩提菩  
薩學般若波羅蜜時皆攝諸波羅蜜  
譬如人死命根滅故諸根皆滅如是  
須菩提菩薩學般若波羅蜜皆攝諸  
波羅蜜是故須菩提菩薩若欲攝諸  
波羅蜜當學般若波羅蜜須菩提  
菩薩學般若波羅蜜即於一切衆

生中取為上首。須菩提於意云何。三千大千世界衆生。寧為多不。世尊。閻浮提衆生尚多。何況三千大千世界。須菩提。是衆生皆為菩薩。若有一人。盡形壽供養衣服飲食。卧具醫藥。須菩提於意云何。是人以是因緣。得福多不甚多。甚多。世尊。須菩提。若有菩薩。如彈指。須修習般若波羅蜜。福勝於彼。如是。須菩提。般若波羅蜜。大利益。諸菩薩能助阿耨多羅三藐三菩提。是故須菩提。若菩薩欲得阿耨多羅三藐三菩提。欲於一切衆生中。為无上者。欲為一切衆生作救護。欲得具足佛法。欲得佛所行處。欲得佛所遊戲。欲得佛師子吼。欲得三千大千世界大會講法。當學般若波羅蜜。須菩提。我不見菩薩學般若波羅蜜。不得如是具足之利。世尊。是菩薩亦得具足聲聞利耶。須菩提。菩薩亦學具足聲聞利。但不願住聲聞法中。欲具足諸功德。必皆能知。但不於中住。作是念。我亦當說是聲聞功德。教化衆生。若菩薩如是。學者能為一切世間天人阿

修羅作福曰於聲聞辟支佛福田為  
最殊勝菩薩如是學者得近薩婆若  
不捨般若波羅蜜不離般若波羅蜜  
菩薩如是行般若波羅蜜名為不退  
於薩婆若遠聲聞辟支佛地近阿耨  
多羅三藐三菩提是菩薩若作是念  
此是般若波羅蜜是某般若波羅蜜  
當得薩婆若如是亦分別即不行般  
若波羅蜜若菩薩不分別般若波羅  
蜜不見般若波羅蜜不言此是般若  
波羅蜜是某般若波羅蜜當得薩婆  
若如是亦不見不聞不覺不知即行  
般若波羅蜜今時釋提桓因作是念  
是菩薩行般若波羅蜜尚勝一切衆  
生何況得阿耨多羅三藐三菩提若  
人樂聞般若若是人為得大利壽命  
中更何況能發阿耨多羅三藐三菩  
提心是人則為世間之所貪慕是人  
當得調御衆生今時釋提桓因化作  
曼羅華滿掬散佛上作是言世尊若  
有人發阿耨多羅三藐三菩提心者  
願令具足佛法具足薩婆若具足自  
然法具足无漏法世尊我乃至不生

一念欲使發阿耨多羅三藐三菩提  
心者有退轉世尊我見生死之中有  
諸苦惱不生一念欲使菩薩有退轉者  
我亦為阿耨多羅三藐三菩提當勤  
行精進何以故是人等能發如是心  
則大利益一切世間我自得度當度  
未度者我自得脫當脫未脫者我自  
得安當安未安者我自滅度當度夫  
滅度者世尊若人於初發心菩薩隨  
喜若於行六波羅蜜若於阿毗跋致  
若於一生補處隨喜是人為得樂  
福德憍尸迦須彌山王尚可稱量是  
人隨喜福德不可稱量憍尸迦三千  
大千世界尚可稱量是人隨喜福德  
不可稱量釋提桓因白佛言世尊若  
人不能於是諸心隨喜者則為魔之  
所著當知是為魔之眷屬不能於是  
諸心隨喜者當知是人於魔天命終  
來生此間何以故是諸心皆能破諸  
魔事是人隨喜福德應迴向阿耨多  
羅三藐三菩提若人發阿耨多羅三  
藐三菩提心者則為不捨佛不捨法  
不捨僧以是故應於是諸心而生隨



喜如是如是憍尸迦若人於是諸心  
隨喜當知是人疾得值佛是人以是  
隨喜福德善根故在所生處常得供  
養恭敬尊重讚歎不聞諸惡音聲  
亦不墮於諸惡道中常生天上何以  
故是人隨喜為欲利益无量無邊衆  
生故是隨喜心漸漸增長能至阿耨  
多羅三藐三菩提是人得阿耨多羅  
三藐三菩提時當滅度无量衆生憍  
尸迦以是目緣當知是人於是諸心  
隨喜者即是利益无量無邊衆生善  
根故隨喜須菩提白佛言世尊是心  
如幻云何能得阿耨多羅三藐三菩  
提須菩提於意云何汝見是人心如  
幻不不也世尊我不見是心如幻於  
意云何若不見是幻不見如幻心離  
幻離如幻心更見有法可得阿耨多  
羅三藐三菩提不不也世尊離幻離  
如幻心更不見法得阿耨多羅三藐  
三菩提世尊若我不見異法當說何  
法若有若無世尊若法畢竟離即不  
在有元若法畢竟離是法不得阿耨  
多羅三藐三菩提世尊元所有法亦



不能得阿耨多羅三藐三菩提是故  
般若波羅蜜畢竟離若法畢竟離則  
不可修習如是法者不能生餘法般  
若波羅蜜畢竟離故世尊般若波羅  
蜜畢竟離云何能得阿耨多羅三藐  
三菩提阿耨多羅三藐三菩提亦畢  
竟離云何以離得離佛言善哉善哉  
須菩提般若波羅蜜畢竟離阿耨多  
羅三藐三菩提亦畢竟離以是因緣  
故能得阿耨多羅三藐三菩提須菩  
提若般若波羅蜜非畢竟離者則非  
般若波羅蜜如是須菩提亦不離般  
若波羅蜜得阿耨多羅三藐三菩提  
亦不以離得離

小品般若經卷第八

戊戌歲高麗國大藏都監奉

勅彫造

小品般若波羅蜜經卷第九

鱗

後秦龜茲國三藏鳩摩羅什譯

稱揚菩薩品第二十三

今時須菩提白佛言世尊菩薩行般若波羅蜜即是行甚深義如是如是須菩提菩薩行般若波羅蜜即是行甚深義須菩提菩薩所為甚難行甚深義而不證是義所謂若聲聞地若辟支佛地世尊如我解佛所說義菩薩所行不難何以故取證者不可得所用取證法亦不可得所證法亦不可得若菩薩聞如是說不驚不怖不沒不退當知是菩薩行般若波羅蜜亦不見我行般若波羅蜜如是亦不分別當知是菩薩近阿耨多羅三藐三菩提遠離聲聞辟支佛地世尊譬如虛空不作是念是遠是近何以故虛空無分別故世尊般若波羅蜜亦如是不作是念聲聞辟支佛地去我遠阿耨多羅三藐三菩提去我近何以故般若波羅蜜無分別故世尊譬如幻所化人不作是念幻師去我近

觀者去我遠何以故世尊幻所化人  
无分別故世尊般若波羅蜜亦如是  
不作是念聲聞辟支佛地去我遠阿  
耨多羅三藐三菩提去我近何以故  
般若波羅蜜無分別故世尊譬如影  
不作是念所因去我近餘事去我遠  
何以故影无分別故世尊般若波羅  
蜜亦如是不作是念聲聞辟支佛地  
去我遠阿耨多羅三藐三菩提去我  
近何以故般若波羅蜜无分別故世  
尊如如來无憎無愛般若波羅蜜亦  
如是无憎無愛世尊如如來无諸分  
別般若波羅蜜亦如是無諸分別世  
尊如如來所化人不作是念聲聞辟  
支佛地去我遠阿耨多羅三藐三菩  
提去我近何以故如來所化人无分  
別故世尊般若波羅蜜亦如是不作  
是念聲聞辟支佛地去我遠阿耨多  
羅三藐三菩提去我近何以故般若  
波羅蜜无分別故世尊如如來所化  
人隨事能作而無分別世尊般若波  
羅蜜亦如是隨所修習皆能成辦而  
无所分別世尊譬如工匠於機關木

人若男若女隨所為事皆能成辦而  
无分別世尊般若波羅蜜亦如是隨  
所修習皆能成辦而无分別須菩提  
白佛言世尊菩薩行般若波羅蜜即  
是行堅固義佛告須菩提菩薩行般  
若波羅蜜即是行堅固義今時欲界  
諸天子作是念若人發阿耨多羅三  
藐三菩提心能行如是深般若波羅  
蜜而不證實際隨聲聞地若辟支佛  
地當知是菩薩所為甚難一切世間  
所應敬禮須菩提語諸天子菩薩行  
深般若波羅蜜而不取證不足為難  
若菩薩為无量無邊衆生故發大莊  
嚴而衆生畢竟不可得所可度者不  
可得而能發心我當度之今乃為難  
諸天子是人欲度衆生為欲度虛空  
何以故虛空離故衆生亦離是故當  
知是菩薩所為甚難无衆生而為衆  
生發大莊嚴如人與虛空共闔佛說  
衆生不可得衆生離故可度者亦離  
衆生離故色亦離衆生離故受想行  
識亦離衆生離故一切法亦離若菩  
薩聞如是說不驚不怖不退當

知是為行般若波羅蜜佛問須菩提  
菩薩何因緣故不驚不怖不退  
世尊空故不沒无所有故不沒何以  
故沒者不可得沒法亦不可得沒處  
亦不可得若菩薩聞如是說不驚不  
怖不沒不退當知是為行般若波羅  
蜜須菩提菩薩如是行般若波羅蜜  
釋提桓因與梵天王衆生主自在天  
王及諸天子皆共敬礼須菩提不但  
及諸天子敬礼是行般若波羅蜜菩  
薩梵世諸天梵輔天梵衆天大梵天  
光天少光天无量光天光音天淨天少  
淨天無量淨天遍淨天无陰天塢生天  
廣果天无廣天無熱天妙見天喜見  
天無小天上諸天皆敬礼是行般若  
波羅蜜菩薩須菩提今現在无量阿  
僧祇世界諸佛皆念是行般若波羅  
蜜菩薩須菩提若菩薩行般若波羅蜜  
時為諸佛所念當知是菩薩即是阿  
毗跋致須菩提假令如恒河沙等世  
界衆生皆作惡魔一一化作人所惡  
魔是諸惡魔皆不能壞是行般若波

羅蜜菩薩須菩提菩薩成就二法惡魔不能壞何等二一者觀一切法空二者不捨一切衆生菩薩成就是二法惡魔不能壞須菩提復有二法惡者諸佛所念菩薩成就是二法諸天皆來供養恭敬請問安慰善男子汝行是行當疾得佛道汝行是行无救衆生當為作救無舍衆生當為作舍无依衆生當為作依無洲衆生當為作洲无究竟道衆生當為作究竟道無歸衆生當為作歸无明衆生為作光明无趣衆生當為作趣何以故是菩薩行般若波羅蜜行成就是四功德現在十方無量无边阿僧祇世界諸佛與比丘僧圍繞說法時悉皆稱揚讚歎說其名字須菩提辟如我今稱揚讚歎實相菩薩說其名字及餘菩薩於阿闍佛所修行梵行不離是般若波羅蜜行者如是須菩提今現在十方諸佛亦皆稱揚讚歎說我國中諸菩薩名修行梵行不離般若波羅蜜行者須菩提白佛言世尊一切



諸佛說法時普皆稱揚讚歎諸菩薩  
不不也須菩提諸佛說法時有稱讚  
者有不稱讚者須菩提諸佛說法時  
稱揚讚歎諸阿毗跋致菩薩世尊未  
得阿毗跋致者諸佛說法時亦皆稱  
揚讚歎不須菩提未得阿毗跋致者  
諸佛亦有稱揚讚歎者何者是能隨  
學阿闍佛為菩薩時所行道者如是  
菩薩雖未得阿毗跋致亦為諸佛稱  
揚讚歎須菩提有能隨學實相菩薩  
所行道者如是菩薩雖未得阿毗跋  
致亦為諸佛稱揚讚歎復次須菩提  
有菩薩行般若波羅蜜信解一切法  
无生而未得無生法忍信解一切法  
空而於阿毗跋致地中未得自在能  
行一切法寂滅相而未入阿毗跋致  
地須菩提菩薩如是行者諸佛說法  
時亦皆稱揚讚歎未得阿毗跋致而  
為諸佛說法時稱揚讚歎者則離聲  
聞辟支佛地近於佛地必得阿耨多  
羅三藐三菩提記須菩提若菩薩行  
般若波羅蜜諸佛說法時稱揚讚歎  
者當知是菩薩必至阿毗跋致

摩訶般若波羅蜜喩累品第二十四

佛告須菩提若菩薩聞是甚深般若波羅蜜信解不疑不悔不難是菩薩當於阿閼佛及諸菩薩所聞深般若波羅蜜亦復信解須菩提菩薩若能信解如佛所說般若波羅蜜是人必至阿毗跋致須菩提若人但聞般若波羅蜜尚得饒益何況信解如所說行當住薩婆若須菩提白佛言世尊若離如更无法可得誰當住薩婆若誰當得阿耨多羅三藐三菩提誰當說法佛告須菩提汝所問離如更无法可得誰當住薩婆若誰當得阿耨多羅三藐三菩提誰當說法者如是如是須菩提離如更无法住如中如尚不可得何況住如者如不能得阿耨多羅三藐三菩提離如亦不能得阿耨多羅三藐三菩提如无說法者離如亦無說法者今時釋提桓因白佛言世尊无住如者無得阿耨多羅三藐三菩提者無說法者而菩薩聞是深法不疑不悔不難而欲得阿耨多羅三藐三菩提是為甚難須菩提

語釋提桓因憍尸迦如所說菩薩聞

是深法不疑不悔不難欲得阿耨多

羅三藐三菩提是為甚難者憍尸迦

一切法空此中誰當疑悔難者釋提

桓因語須菩提如所說者皆因於空

而无所尋譬如仰射虛空箭去無尋

須菩提所說無尋亦如是今時釋提

桓因白佛言世尊我如是說如是答

為隨如來說隨法答不憍尸迦汝如是

說如是答為隨如來說為隨法答皆

為正答憍尸迦須菩提所說皆因於

空須菩提尚不能得般若波羅蜜何

況行般若波羅蜜者尚不得阿耨多羅

三藐三菩提何況得阿耨多羅三藐三

菩提者尚不得薩婆若何況得薩婆

若者尚不得如何況得如者尚不得

无生何況得无生者尚不得諸力何

況得諸力者尚不得无所畏何況得

無所畏者尚不得法何況說法者憍

尸迦須菩提常樂遠離樂無所得行

憍尸迦是須菩提所行於菩薩所行

百分不及一百千万億分不及一乃至

算數譬喻所不能及憍尸迦唯除如

來所行菩薩行般若波羅蜜於餘行  
中取大寂勝取上寂妙菩薩所行亦  
於聲聞辟支佛所行取大寂勝取上  
寂妙是故憍尸迦若人欲於一切衆  
生中取上者當行菩薩所行般若波  
羅蜜今時會中忉利諸天子以天鬘  
陀羅華散佛上六百比丘從座而起  
偏袒右肩右膝著地合掌向佛佛神  
力故花悉滿掬即以此華散佛上散  
已作是言世尊我等皆當行是上行  
佛即微笑諸佛常法若微笑時青黃  
赤白無量色光從口而出是諸光明  
遍照无量無邊世界上至梵天還遶  
身三匝從頂上入阿難即從座而起  
偏袒右肩右膝著地合掌向佛白佛  
言世尊何因緣故微笑諸佛不以无  
因緣而笑佛告阿難是六百比丘當  
於星宿劫得成佛同号散花阿難是  
諸如來比丘僧數悉皆同等壽命亦  
等俱二万劫彼諸比丘從是已後在  
所生處常得出家其世界常雨五色好  
華是故阿難若人欲行上行當行般  
若波羅蜜若菩薩欲行如來行當行

般若波羅蜜阿難若菩薩行般若波羅蜜當知是人從人間命終若於兜率天上命終來生人間何以故人中兜術天上行般若波羅蜜易故阿難若菩薩行般若波羅蜜信樂受持讀誦書寫書寫已以般若波羅蜜示教利喜諸餘菩薩當知是人為如來所見當知是人於諸佛所種諸善根不於弟子所種善根阿難若菩薩學般若波羅蜜不驚不畏信樂受持讀誦如所說行當知是人至現在佛所若有信般若波羅蜜不謗不逆當知是人已供養諸佛阿難若人於佛所種善根求阿羅漢辟支佛是善根不虛亦不離般若波羅蜜是故阿難我今以般若波羅蜜囑累於汝阿難我所說法唯除般若波羅蜜有所受持若忘失其過尚少汝若受持般若波羅蜜乃至忘失一句其過甚重是故阿難我以般若波羅蜜囑累於汝汝所聞受持皆應讀誦志令通利善念在心當令章句分明何以故般若波羅蜜是過去未來現在諸佛法藏故阿難

若人於今現在欲以慈心恭敬供養  
我者是人當以是心供養般若波羅  
蜜受持讀誦如所說行即是供養於  
我阿難是人不但供養於我亦為恭  
敬供養過去未來現在諸佛阿難汝若  
愛重不捨於我亦應如是愛重不捨  
般若波羅蜜乃至一句慎莫忘失阿  
難我為囑累般若波羅蜜因緣故若  
於一切百劫千萬億那由他劫乃至  
如恒河沙等劫說不可盡阿難今但  
略說如我今為大師過去現在十方  
諸佛於一切世間天人阿修羅中亦  
為大師般若波羅蜜亦於一切世間  
天人阿修羅中而作大師有如是等  
無量因緣故我於一切世間天人阿  
修羅中以般若波羅蜜囑累於汝  
佛告阿難若人愛重佛愛重法愛重  
僧愛重過去未來現在諸佛阿耨多  
羅三藐三菩提當以是愛重愛重般  
若波羅蜜此則是我所用教化阿難  
若有人受持讀誦般若波羅蜜當知  
是人則為受持過去未來現在諸佛  
阿耨多羅三藐三菩提阿難般若波



羅蜜欲斷絕時若欲護助者是人則

是護助過去未來現在諸佛阿耨多

羅三藐三菩提何以故阿難諸佛阿

耨多羅三藐三菩提皆從般若波羅

蜜生阿難若過去諸佛阿耨多羅三

藐三菩提皆從般若波羅蜜生未來

諸佛阿耨多羅三藐三菩提亦從般

若波羅蜜生現在無量阿僧祇世界

諸佛阿耨多羅三藐三菩提亦從般

若波羅蜜生是故阿難若菩薩欲得

阿耨多羅三藐三菩提當善學六波

羅蜜何以故阿難諸波羅蜜是諸菩

薩母能生諸佛若菩薩學是六波羅

蜜當得阿耨多羅三藐三菩提是故

阿難我以六波羅蜜重囑累汝何以

故是六波羅蜜是諸佛無盡法藏阿

難汝若因小乘法為小乘人說三千

大千世界衆生皆以是法證阿羅漢

汝為弟子功德蓋少不足言若以六

波羅蜜為菩薩說汝為弟子功德具

足我則喜悅阿難若人以是小乘法

教三千大千世界衆生得阿羅漢證

是諸布施持戒修善福德寧為多不

阿難言甚多世尊佛告阿難是福雖多不如聲聞人為菩薩說般若波羅蜜乃至一日其福甚多阿難置此一日若從旦至食時置從旦至食時乃至一漏刻頃置是一漏刻頃乃至須臾為菩薩說法是人於一切聲聞辟支佛善根福德不可相比若菩薩如是行如是念於阿耨多羅三藐三菩提退轉者无有是處

摩訶般若波羅蜜見阿闍佛品第二十五

佛說般若波羅蜜是時會中四眾比丘比丘尼優婆塞優婆夷天龍夜叉乾闥婆阿修羅迦樓羅緊那羅摩睺羅伽人非人等佛神力故見阿闍佛在大會中恭敬圍繞而為說法如大海水不可移動時諸比丘皆阿羅漢諸漏已盡无復煩惱心得自在及諸菩薩摩訶薩其數无量佛攝神力大會四眾等皆不復見阿闍如來及聲聞菩薩國界嚴飾佛告阿難一切法亦如是不與眼作對如今阿闍佛及阿羅漢諸菩薩眾皆不復現何以故法不見法法不知法阿難一切法非

知者非見者无作者無貪著不分別  
故阿難一切法不可思議猶如幻人  
一切法無受者不堅牢故菩薩如是  
行者名為行般若波羅蜜於法亦无  
所著菩薩如是學者名為學般若波  
羅蜜阿難若菩薩欲到一切法彼岸  
當學般若波羅蜜何以故阿難學般  
若波羅蜜於諸學中最為第一安樂  
利益諸世間故阿難如是學者无依  
止者為作依止如是學者諸佛所許  
諸佛所讚諸佛如是學已能以足指  
震動三千大千世界阿難諸佛學是  
般若波羅蜜於過去未來現在一切  
法中得无尋知見阿難是故般若波  
羅蜜最上最妙阿難若欲稱量般若  
波羅蜜即是稱量虛空何以故是般  
若波羅蜜无量故阿難我不說有般  
若波羅蜜有限有量阿難名字章句  
語言有量般若波羅蜜无量世尊何  
因緣故般若波羅蜜無量阿難般若  
波羅蜜无盡故無量般若波羅蜜離  
故无量阿難過去諸佛皆從般若波  
羅蜜出而般若波羅蜜不盡未來諸

佛皆從般若波羅蜜出而般若波羅蜜不盡現在無量世界諸佛皆從般若波羅蜜出而般若波羅蜜不盡是故般若波羅蜜已不盡今不盡當不盡阿難若人欲盡般若波羅蜜為欲盡虛空乎時須菩提作是念是事甚深我當問佛即白佛言世尊般若波羅蜜無盡耶須菩提般若波羅蜜無盡世盡虛空無盡故般若波羅蜜無盡世尊應云何出生般若波羅蜜須菩提色無盡故是生般若波羅蜜受想行識無盡故是生般若波羅蜜須菩提菩薩坐道場時如是觀十二因緣離於二邊是為菩薩不共之法若菩薩如是觀因緣法不墮聲聞辟支佛地疾近薩婆若必得阿耨多羅三藐三菩提須菩提若諸菩薩有退轉者不得如是念不知菩薩行般若波羅蜜云何以無盡法觀十二因緣須菩提若諸菩薩有退轉者不得如是方便之力須菩提若諸菩薩不退轉者皆得如是方便之力所謂菩薩行般若波羅蜜以如是无盡法觀十二因緣

若菩薩如是觀時不見諸法無曰緣生亦不見諸法常不見諸法作者受者須菩提是名菩薩行般若波羅蜜時觀十二因緣法須菩提若菩薩行般若波羅蜜時不見色不見受想行識不見此佛世界不見彼佛世界亦不見有法見此佛世界彼佛世界須菩提若有菩薩能如是行般若波羅蜜是時惡魔憂愁如箭入心譬如新喪父母甚大憂毒菩薩亦如是行般若波羅蜜惡魔甚大憂毒世尊但一惡魔愁毒三千世界惡魔皆悉愁毒耶須菩提是諸惡魔皆悉憂毒各於坐處不能自安須菩提菩薩如是行般若波羅蜜一切世間天人阿修羅无能得便不見有法可退者是故須菩提菩薩欲得阿耨多羅三藐三菩提當如是行般若波羅蜜菩薩如是行般若波羅蜜時則具足檀波羅蜜尸羅波羅蜜羼提波羅蜜毗梨耶波羅蜜禪波羅蜜菩薩行般若波羅蜜時則具足諸波羅蜜亦能具足方便力是菩薩行般若波羅蜜諸有所作

生便能知是故須菩提菩薩欲得方便力者當學般若波羅蜜當修般若波羅蜜須菩提若菩薩行般若波羅蜜生般若波羅蜜時應念現在無邊世界諸佛諸佛菩薩婆若智皆從般若波羅蜜生菩薩如是念時應如是思惟如十方諸佛所得諸法相我亦當得須菩提菩薩行般若波羅蜜應生如是念須菩提若菩薩能生如是念乃至彈指頃勝於如恒河沙劫布施福德何況一日半日當知是菩薩必至阿毗跋致當知是菩薩為諸佛所念須菩提菩薩為諸佛所念者不生餘處必當立於阿耨多羅三藐三菩提是菩薩終不墮三惡道常生好處不離諸佛須菩提菩薩行般若波羅蜜生般若波羅蜜乃至彈指頃得如是功德何況一日若過一日如香烏菩薩今在阿閼佛所行菩薩道常不離般若波羅蜜行說是法時諸比丘衆一切大會天人阿修羅皆大歡喜

摩訶般若波羅蜜隨智品第二十六



佛告須菩提一切法无分別當知般若波羅蜜亦如是一切法無壞當知般若波羅蜜亦如是一切法但假名字當知般若波羅蜜亦如是一切法以言說故有當知般若波羅蜜亦是又此言說无所有無處所當知般若波羅蜜亦如是一切法虛假為用當知般若波羅蜜亦如是一切法无量當知般若波羅蜜亦如是色無量當知般若波羅蜜亦如是受想行識無量當知般若波羅蜜亦如是一切法无相當知般若波羅蜜亦如是一切法通達相當知般若波羅蜜亦如是如是一切法本來清淨當知般若波羅蜜亦如是一切法无言說當知般若波羅蜜亦如是一切法同於滅當知般若波羅蜜亦如是一切法如涅槃當知般若波羅蜜亦如是一切法不來不去無所生當知般若波羅蜜亦如是一切法無彼我當知般若波羅蜜亦如是賢聖畢竟清淨當知般若波羅蜜亦如是捨一切擔當知般若波羅蜜亦如是何以故色无形無

處自性无故受想行識無形无處自  
性无故一切法無熱當知般若波羅  
蜜亦如是一切法无染無離當知般  
若波羅蜜亦如是何以故色无所有  
故無染无離受想行識無所有故無  
染无離一切法性清淨當知般若波  
羅蜜亦如是一切法無繫著當知般  
若波羅蜜亦如是一切法是菩提覺  
以佛慧當知般若波羅蜜亦如是一  
切法空無相无作當知般若波羅蜜  
亦如是一切法是藥慈心為首當知  
般若波羅蜜亦如是一切法梵相慈  
相无過無恚當知般若波羅蜜亦如  
是大海无邊當知般若波羅蜜亦如  
是虚空無邊當知般若波羅蜜亦如  
是日照無邊當知般若波羅蜜亦如  
是色離當知般若波羅蜜亦如是受  
想行識離當知般若波羅蜜亦如是  
一切音聲無邊當知般若波羅蜜  
亦如是諸性無邊當知般若波羅蜜  
亦如是集無量善法當知般若波羅  
蜜亦如是一切法三昧无邊當知般  
若波羅蜜亦如是佛法無邊當知般

若波羅蜜亦是法無邊當知般若  
波羅蜜亦是空無邊當知般若波  
羅蜜亦是心心數法無邊當知般  
若波羅蜜亦是諸心所行無邊當  
知般若波羅蜜亦是善法無量當  
知般若波羅蜜亦如是不善法无  
量當知般若波羅蜜亦如是如師  
子吼當  
大海受想行識如大海色如虛空  
受想行識如虛空色如須彌山莊  
嚴受想行識如日光色如聲无邊  
受想行識如日光色如聲无邊受  
想行識如衆生性無邊色如地受  
想行識如地色如水受想行識如  
水色如火受想行識如火色如風  
受想行識如風色如空種受想行  
識如空種色離集善相受想行識  
離集善相色離和合法受想行識  
離和合法色三昧故无邊色色  
離色性色如是佛法受想行識離  
識性識如是佛法色相无邊受想  
行識相无邊色空無邊受想行識  
空無

邊色心所行故无邊受想行識心所  
行故無邊色中善不善不可得受想  
行識中善不善不可得色不可壞受  
想行識不可壞色是師子吼受想行  
識是師子吼當知般若波羅蜜亦如  
是

小品般若經卷第九

己亥歲高麗國大藏都監奉

勅彫造

小品般若波羅蜜經卷第十

鱗

後秦龜茲國三藏鳩摩羅什譯

薩陀波隴品第二十七

佛告須菩提若菩薩欲求般若波羅蜜當如薩陀波隴菩薩今在雷音威王佛所行菩薩道須菩提白佛言世尊薩陀波隴菩薩云何求般若波羅蜜佛告須菩提薩陀波隴菩薩本求般若波羅蜜時不依世事不惜身命不貪利養於空林中聞空中聲言善男子汝從是東行當得聞般若波羅蜜行時莫念疲倦莫念睡眠莫念飲食莫念晝夜莫念寒熱如是諸事莫念莫觀亦莫思惟離諸曲心莫自高身卑下他人當離一切衆生之相當離一切利養名譽當離五蓋當離慳嫉亦莫分別內法外法行時莫得左右顧視莫念前莫念後莫念上莫念下莫念四維莫動色受想行識何以故若動色受想行識則不行佛法行於生死如是之人不能得般若波羅蜜薩陀波隴報空中聲言當如教行何

以故我為一切衆生作光明故集諸  
佛法空中聲言善哉善哉善男子汝  
應信解空无相無作法應離諸相離於  
有見離衆生見人見我見求般若波  
羅蜜善男子應離惡知識親近善知  
識善知識者能說空无相無作无生  
無滅法善男子汝能如是不久得聞  
般若波羅蜜若從經卷聞若從法師  
聞善男子汝所從聞般若波羅蜜當  
於是人生大師想當知報恩應作是  
念我所從聞般若波羅蜜則是我善  
知識我得聞般若波羅蜜當不退於  
阿耨多羅三藐三菩提不離諸佛不  
生無佛世界得離諸難思惟如是功  
德利故於法師所生大師想善男子  
莫以世俗財利心故隨逐法師當以  
愛重恭敬法故隨逐法師又善男子  
應覺魔事惡魔或時為說法者作諸  
因緣令受好妙色聲香味觸說法者  
以方便力故受是五欲汝於此中莫  
生不淨之心應作念言我不知方便  
之力法師或為利益衆生令種善根  
故受用是法諸菩薩者无所障碍善



男子汝於今時應觀諸法實相何等  
是諸法實相佛說一切法无垢何以  
故一切法性空一切法無我无衆生  
一切法如幻如夢如響如影如炎善  
男子汝若如是觀諸法實相隨逐法  
師不久當善知般若波羅蜜又善男  
子復應覺知魔事若法師於求般若  
波羅蜜者心有嫌恨而不願錄汝於  
此中不應憂惱但以愛重恭敬法心  
隨逐法師勿生厭離須菩提薩陀波  
論菩薩受虛空中如是教已即便東  
行東行不久復作是念我向者云何  
不問空中聲東行遠近當從誰聞般  
若波羅蜜即住不行憂愁啼哭作是  
念言我住於此若一日二日乃至七日  
不念疲極不念睡眠不念飲食不念  
晝夜不念寒熱要當得知我從誰聞  
般若波羅蜜須菩提譬如有人唯有  
一子愛之甚重一旦命終甚大憂惱  
唯懷憂惱无有餘念須菩提薩陀波  
論亦如是無有餘念但念我當何時  
得聞般若波羅蜜須菩提薩陀波論  
菩薩如是憂愁啼哭時佛像在前立

讚言善哉善哉善男子過去諸佛本

行菩薩道時求般若波羅蜜亦如汝

今是故善男子汝以是勤行精進愛

樂法故從是東行去此五百由旬有

城名衆香七寶合成其城七重縱廣

十二由旬皆以七寶多羅之樹周遍

圍繞豐樂安靜人民熾盛街巷相當

端嚴如畫稿津如地寬博清淨七重

城上皆以閻浮檀金而為樓閣二樓

閣七寶行樹種種寶果其諸樓閣次

第皆以寶繩連綿寶鈴羅網以覆城

上風吹鈴聲其音和雅如作五樂甚

可愛樂以是音聲娛樂衆生其城四

邊流池清淨冷燖調適中有諸船七

寶嚴飾是諸衆生宿業所致娛樂遊

戲諸池水中種種蓮華青黃赤白衆

雜好華香色具足遍滿其上三千大

千世界所有好華悉皆具有其城四

邊有五百園觀七寶莊嚴甚可愛樂

一二園中有五百池水池水各各縱

廣十里皆以七寶雜色莊嚴諸池水

中皆有青黃赤白蓮花大如車輪弥

覆水上青色青光黃色黃光赤色赤

光覆水上青色青光黃色黃光赤色赤

光白色白光諸池水中皆有鳧鴈鴛鴦異類衆鳥是諸園觀池沿適无所屬皆是衆生宿業果報長夜信樂深法行般若波羅蜜福德所致善男子衆香城中有大高臺曇無竭菩薩宮舍在上其宮縱廣各五十里皆以七寶校成雜色莊嚴其牆七重皆亦七寶七寶行樹周匝圍繞其宮舍中有四園觀常所娛樂一名常喜二名無憂三名華飾四名香飾一一園中有八池水一名為賢二名賢上三名歡喜四名喜上五名安隱六名多安隱七名必定八名阿毗跋致諸池水邊面各一寶黃金白銀琉璃頗梨玫瑰為底金沙布上一一池側有八梯階種種寶物以為梯橙諸階陞間有閭浮檀金芭蕉之樹諸池水中皆有青黃赤白蓮花遍覆其上鳧鴈鴛鴦孔雀衆鳥鳴聲相和甚可愛樂諸池水邊皆生花樹香樹風吹香華墮池水中其池成就八功德水香若旃檀色味具足曇无竭菩薩與六万八千姝女五欲具足共相娛樂及城中男女

俱入常喜等園賢等池中共相娛樂  
善男子曇无竭菩薩與諸婬女遊戲  
娛樂已日日三時說般若波羅蜜衆  
香城中男女大小為曇无竭菩薩於  
其城內多聚人處敷大法座其座四  
足或以黃金或以白銀或以琉璃或  
以頗梨敷以綰綖雜色苜蓿以迦尸  
白氈而覆其上座高五里施諸幃帳  
其地四邊散五色華燒衆名香供養  
法故曇无竭菩薩於此座上說般若  
波羅蜜善男子彼諸人衆如是供養  
恭敬曇无竭菩薩為聞般若波羅蜜  
故於是大會百千万衆諸天世人一  
處集會中有聽者中有受者中有持  
者中有誦者中有書者中有正觀者  
中有如說行者是諸衆生已度惡道  
皆不退轉於阿耨多羅三藐三菩提  
善男子汝從是去當於曇无竭菩薩  
所聞般若波羅蜜曇无竭菩薩世世  
是汝善知識示教利喜汝阿耨多羅  
三藐三菩提善男子曇无竭菩薩本  
行菩薩道時求般若波羅蜜亦如汝  
今今汝東行莫計晝夜不文當得聞

般若波羅蜜薩陀波唵菩薩心大歡  
喜譬如有人為毒箭所中更无餘念  
唯念何時當得良醫拔出毒箭除我  
此苦如是薩陀波唵菩薩無有餘念  
但念何時得見曇无竭菩薩為我說  
般若波羅蜜我聞般若波羅蜜斷諸  
有見尔時薩陀波唵即於住處一切  
法中生無決定想入諸三昧門所謂  
諸法性觀三昧諸法不可得三昧破  
諸法无明三昧諸法不異三昧諸法  
不壞三昧諸法照明三昧諸法離闇  
三昧諸法不相續三昧諸法性不可  
得三昧散華三昧不受諸身三昧離  
幻三昧如鏡像三昧一切衆生語言  
三昧一切衆生歡喜三昧隨一切善  
三昧種種語言字句莊嚴三昧無畏  
三昧性常默然三昧无尋解脫三昧  
離塵垢三昧名字語言莊嚴三昧一切  
見三昧一切無尋際三昧如虛空三  
昧如金剛三昧无負三昧得勝三昧  
轉眼三昧畢法性三昧得安隱三昧  
師子吼三昧勝一切衆生三昧離垢  
三昧無垢淨三昧華莊嚴三昧隨堅



實三昧出諸法得力無畏三昧通達  
諸法三昧壞一切法印三昧無差別  
見三昧離一切見三昧離一切闇三  
昧離一切相三昧離一切著三昧離  
一切憊怠三昧深法照明三昧善高  
三昧不可奪三昧破魔三昧生光明  
三昧見諸佛三昧薩陀波輪菩薩住  
是諸三昧中即見十方諸佛為諸菩  
薩說般若波羅蜜諸佛各各安慰讚  
言善哉善哉善男子我等本行菩薩  
道時求般若波羅蜜亦如汝今得是  
諸三昧亦如汝今得是諸三昧已了  
達般若波羅蜜住阿耨跋致地我等  
得是諸三昧故得阿耨多羅三藐三  
菩提善男子是為般若波羅蜜所謂  
於諸法无所念我等住於无念法中  
得如是金色之身三十二相大光明  
不可思議智慧諸佛无上三昧無上  
智慧盡諸功德邊如是功德諸佛說  
之猶不能盡况聲聞辟支佛是故善  
男子汝於是法倍應恭敬愛重生清  
淨心得阿耨多羅三藐三菩提不足  
為難汝於善知識應深恭敬愛重信



樂善男子若菩薩為善知識所護念者疾得阿耨多羅三藐三菩提薩陀波輪菩薩白諸佛言何等是我善知識諸佛答言善男子曇无竭菩薩世世教誨成就汝於阿耨多羅三藐三菩提令汝得學般若波羅蜜方便之力曇无竭菩薩是汝善知識汝應報恩善男子汝若於一劫若二劫三劫乃至百劫若過百劫頂戴恭敬以一切樂具而供養之若以三千大千世界妙好色聲香味觸盡以供養亦未能報須臾之恩何以故以曇无竭菩薩因緣力故令汝得如是諸深三昧及聞般若波羅蜜方便諸佛如是教授安慰薩陀波輪菩薩已忽然不現薩陀波輪菩薩從三昧起不見諸佛作是念是諸佛向從何來今至何所不見佛故即大憂愁作是念曇无竭菩薩已得陀羅尼諸神通力已曾供養過去諸佛世世為我善知識常利益我我至曇无竭菩薩所當問諸佛從何所來去至何所今時薩陀波輪菩薩於曇无竭菩薩益加愛重恭敬

信樂作如是念我今貧窮无有華鬘  
瓔珞燒香塗香衣服幡蓋金銀真珠  
頗梨珊瑚无有如是諸物可以供養  
曇无竭菩薩我今不應空往曇无竭  
菩薩所我若空往心則不安當自賣  
身以求財物為般若波羅蜜故供養  
曇无竭菩薩何以故我世世已來喪  
身無數於无始生死中為欲目緣故  
在於地獄受無量苦未曾為是清淨  
之法是時薩陀波隴菩薩中道入一  
大城至市肆上高聲唱言誰欲須人  
誰欲須人今時惡魔作是念薩陀波  
隴菩薩為愛法故欲自賣身以供養曇  
无竭菩薩為聞般若波羅蜜方便云  
何菩薩行般若波羅蜜疾得阿耨多  
羅三藐三菩提亦得多聞如大海水  
不為諸魔所壞能盡一切諸功德邊  
於此利益无量衆生是諸衆生出我  
境界得阿耨多羅三藐三菩提我今  
當往壞其道意即時惡魔隱蔽諸人  
乃至不令一人得聞唱聲唯一長者  
女魔不能蔽薩陀波隴菩薩賣身不  
集在一處立流淚而言我為大罪故

欲自賣身供養曇无竭菩薩為聞般若波羅蜜而无買者尔時釋提桓因作是念我今當試是善男子實以深心為愛法故捨是身不即化作婆羅門在薩陀波崙菩薩邊行問言善男子汝今何故憂愁啼哭薩陀波崙言我以貧窮无有財寶欲自賣身供養曇无竭菩薩為聞般若波羅蜜而无買者婆羅門言善男子我不須人今欲大祠當須人心人血人髓能與我不薩陀波崙自念我得大利定當得聞般若波羅蜜方便以婆羅門欲買心血髓故即大歡喜語婆羅門汝所須者盡當相與婆羅門言汝須何價荅言隨汝所與薩陀波崙菩薩即執利刀刺右臂出血復割右脛欲破骨出髓時一長者女在閣上遙見薩陀波崙菩薩刺臂出血割其右脛復欲破骨出髓作是念此善男子何因緣故困苦其身我當往問時長者女即便下閣到薩陀波崙菩薩所問言善男子何因緣故困苦其身用是血髓為薩陀波崙言賣與婆羅門供養般若

波羅蜜及曇无竭菩薩長者女言善男子汝賣血髓供養是人得何等利薩陀波崙言是人當為我說般若波羅蜜方便力我隨中學當得阿耨多羅三藐三菩提金色之身三十二相常光无量光大慈大悲大喜大捨十力四無所畏四無所智十八不共法六神通不可思議清淨戒品定品智慧品解脫品解脫知見品得佛无上智慧无上法寶分布施與一切衆生時長者女語薩陀波崙汝所說者甚為希有微妙第一為二法乃可應捨恒河沙身善男子汝今所須金銀真珠琉璃頗梨琥珀珊瑚諸好珍寶及華香瓔珞幡蓋衣服盡當相與供養曇无竭菩薩莫自困苦我今亦欲隨汝至曇无竭菩薩所種諸善根為得如是清淨法故尔時釋提桓因即復其身入薩陀波崙菩薩前立作是言善哉善哉善男子汝心堅固愛法如是過去諸佛行菩薩道時亦如汝今求聞般若波羅蜜方便得阿耨多羅三藐三菩提善男子我實不須人心血

隨故來相試汝願何等當以相與薩  
陀波崙言與我阿耨多羅三藐三菩  
提釋提桓因言我无此也諸佛世尊  
乃能辦之更求餘願當以相與薩陀波  
崙言汝於此中若無力者還使我身  
平復如故薩陀波崙身即平復无有  
瘡癰於是釋提桓因忽然不現時長  
者女語薩陀波崙菩薩言可至我舍  
當白父母求索財寶為聞法故供養  
曇无竭菩薩薩陀波崙菩薩與長者  
女俱到其舍長者女入白父母言與  
我華香瓔珞種種衣服及諸寶物願  
聽我身并先所給五百侍女與薩陀  
波崙菩薩共往供養曇无竭菩薩曇  
无竭菩薩當為我說法以是法故我  
等當得諸佛之法父母語女薩陀波  
崙菩薩今在何處女言今在門外是  
人發心求阿耨多羅三藐三菩提欲  
度一切衆生生死苦惱為愛法故欲  
自賣身而无買者憂愁啼哭立在一  
處作是言我欲賣身而无買者時一  
婆羅門作是言汝今何故欲自賣身  
答言我愛法故欲供養曇无竭菩薩

我當從彼得諸佛法婆羅門言我不  
須人今欲大祠當須人心人血人髓  
即時是人心大歡喜手執利刀刺臂  
出血復割右脰欲破骨出髓我在閣  
上遙見此事心自念言是人何故因  
苦其身當往問之我即往問答我言  
我以貧窮无有財寶欲賣心血髓與  
婆羅門我時問言善男子持是財物  
欲作何等答我言為愛法故供養曇  
无竭菩薩我復問言善男子汝於是  
中得何等利答我言我於是中當得  
无量不可思議功德之利我聞是无  
量不可思議諸佛功德心大歡喜作  
是念是善男子甚為希有乃能自受  
如是苦惱為愛法故尚能捨身我當  
云何不供養法我今多有財物於是  
事中當發大願我時語言善男子汝  
莫如是困苦其身我當多與財物供  
養曇无竭菩薩我亦隨汝至曇无竭  
菩薩所欲自供養我亦欲得无上佛  
法如上所說父母今當聽我隨是善  
男子及給財物供養曇无竭菩薩父  
母報言汝所讚者希有難及是人一



心念法一切世界勝寂第一必能安樂一切衆生是人能求難事我今聽汝隨去我等亦欲見曇无竭菩薩是女爲供養曇无竭菩薩故白父母言我不敢斷人功德是女即時莊嚴五百乘車勒五百侍女亦皆莊嚴持種種色華種種色衣種種雜香末香塗香金銀寶華種種雜色妙好瓔珞諸美飲食與薩陀波隴菩薩各載一車五百侍女恭敬圍繞漸漸東行遙見衆香城其城七重七寶莊嚴甚可愛樂有七重塹七重行樹其城縱廣十二由旬豐樂安靜人民熾盛五百街巷端嚴如畫橋津如地寬博清淨見曇无竭菩薩於城中央法座上坐無量百千万衆圍繞說法心即歡喜辭如比丘得第三禪見已作是念我等不應載車趣曇无竭菩薩即皆下車步進薩陀波隴與五百侍女恭敬圍繞各持種種莊嚴諸物俱詣曇无竭菩薩所曇无竭菩薩所有七寶臺牛頭栴檀而以校飾真珠羅網寶鈴間錯四角各懸明珠以為光明有四白銀香

爐燒黑沉水供養般若波羅蜜其實  
臺中有七寶大床床上有四寶函以  
真金鏤書般若波羅蜜置是函中其  
臺四邊垂諸寶幡令時薩陀波崙菩  
薩與五百侍女遙見妙臺種種珍寶  
以為校飾又見釋提桓因與无量百  
千諸天以天曼陀羅華天金銀華天  
栴檀花以散臺上天於空中作諸伎  
樂即問釋提桓因憍尸迦汝以何故  
與諸天衆以天曼陀羅華天金銀華  
天栴檀華散此臺上於虛空中作諸  
伎樂釋提桓因言善男子汝不知耶  
有法名摩訶般若波羅蜜是諸菩薩  
母菩薩於是中學當得盡諸功德一  
切佛法疾得薩婆若薩陀波崙言憍  
尸迦摩訶般若波羅蜜是諸菩薩母  
為在何處我今欲見善男子在此七  
寶篋中黃金鏤上曼陀羅菩薩七處  
印之我不得示汝今時薩陀波崙菩  
薩與五百女人各持種種華香瓔珞  
幡蓋衣服金銀珍寶以半供養般若  
波羅蜜以半供養曇无竭菩薩薩陀  
波崙菩薩以種種花香瓔珞幡蓋衣

眼金銀寶花作諸伎樂供養般若波羅蜜已向曇无竭菩薩所復以種種華香瓔珞碎末旃檀金銀寶華供養法故散曇无竭菩薩上即住虛空合成寶蓋其蓋四邊垂諸寶幡薩陀波崙菩薩及五百女人見此神力心大歡喜作是念未曾有也曇无竭大師神力乃尔未成佛道神通之力尚能如是况得阿耨多羅三藐三菩提時五百女人敬重曇无竭菩薩故皆發阿耨多羅三藐三菩提心我等以是善根因緣於未來世當得作佛行菩薩道時亦得如是功德如今曇无竭菩薩供養恭敬尊重般若波羅蜜為人演說成就方便力亦如曇无竭菩薩薩陀波崙及五百女人頭面礼曇无竭菩薩足合掌恭敬却住一面薩陀波崙白曇无竭菩薩言我本求般若波羅蜜時於空林中聞空中聲言善男子從是東行當得聞般若波羅蜜我即東行東行不久便作是念我云何不問空中聲去當遠近從誰得聞般若波羅蜜憂愁懊惱即住七日

不念飲食及世俗事但念般若波羅蜜我云何不問空中聲去當近遠從誰得聞即時佛像現在我前作是言善男子從是東行五百由旬有城名衆香城中有菩薩名曇无竭為諸大衆說般若波羅蜜汝於是中當得聞般若波羅蜜我於是處一切法中生无依止想亦得無量諸三昧門我住是諸三昧即見十方諸佛為諸大衆說般若波羅蜜諸佛讚我言善哉善哉善男子我等本行菩薩道時亦得是諸三昧住是諸三昧中能成就諸佛法諸佛安慰示教我已皆不復現我從諸三昧覺已作是念諸佛從何所來去至何所不知諸佛來去因緣故即作是念曇无竭菩薩已曾供養過去諸佛深種善根善學方便必能為我說諸佛從何所來去至何所惟願大師今當為我說諸佛從何所來去至何所令我常得不離見佛

摩訶般若波羅蜜曇无竭品第二十八

尔時曇无竭菩薩語薩陀波崙菩薩言善男子諸佛无所從來去无所

至何以故諸法如不動故諸法如即  
是如來善男子无生無來無去无  
生即是如來實際无來無去實際即  
是如來空无來無去空即是如來斷  
无來無去斷即是如來離無來无去  
離即是如來滅无來無去滅即是如  
來虛空性無來无去虛空性即是如  
來善男子離是諸法無有如來是諸  
法如諸如來如皆是一如無二无別  
善男子是如唯一无二無三離諸數  
无所有善男子譬如春末後月日  
中熱時見野馬動愚夫逐之謂當得  
水善男子於意云何是水從何所來  
為從東海來南西北海來陸地波嶺  
白大師言談中尚无有水况有來處  
去處但是愚人无有智故於无水中  
而生水想實无有水善男子若有人  
以如來身色音聲而生貪著如是人  
等分別諸佛有去來相當知是等愚  
癡无智如無水中而生水想何以故  
諸佛如來不應以色身見諸佛如來  
皆是法身故善男子諸法實相无來  
无去諸佛如來亦復如是善男子譬

如幻師幻作爲兵馬兵車兵步兵无  
来無去當知諸佛無来无去亦復如  
是善男子如人夢中見有如来若一  
若二若十若二十若五十若百若過  
百數覺已乃至不見有一如来善男  
子於意云何是諸如来從何所来去  
至何所薩陀波崙白大師言夢无定  
法皆是虚妄善男子如來說一切法  
虚妄如夢若人不知諸法虚妄如夢  
以色身名字語言章句而生貪著如  
是人等分別諸佛而有来去不知諸  
法相故若人於佛分別来去當知是  
人凡夫無智數受生死往來六道離  
般若波羅蜜離於佛法善男子若能  
如實知佛所說一切諸法虚妄如夢  
是人於法則不分別若来若去若生  
若滅若不分別是人則以諸法實相  
而觀如来若以法相知如来者是人  
則不分別如来若来若去若能如是  
知諸法相是人則行般若波羅蜜近  
阿耨多羅三藐三菩提是名真佛弟  
子不虚受人信施是爲世界福田善  
男子譬如海中種種珍寶不從東方



來南西北方四維上下來衆生福業  
曰緣海生此寶非无目而有諸寶滅  
時亦不至十方以衆緣合則有衆緣  
滅則无善男子諸如來身亦復如是  
无有定法不從十方來亦不無因而  
有以本行報生衆緣合則有衆緣滅  
則無善男子譬如筌篲音聲无所從  
來去無所至屬衆因緣有絃有槽有  
棍有人以手鼓之衆緣合則有聲是  
聲不從絃出槽出棍出手出衆緣合  
則有聲而無所從來衆緣散則滅而  
无所至善男子諸如來身亦復如是  
屬衆因緣無量福德之所成就不從  
一曰緣一福德而生亦不無因無緣  
而有以衆緣合則有而无所從來衆  
緣散則滅而去無所至善男子應當  
如是觀諸如來來去之相亦應如是  
觀諸法相善男子汝若如是觀諸如來  
及一切法无來無去无生無滅必至  
阿耨多羅三藐三菩提亦得了達般  
若波羅蜜方便說是如來无來無去  
法時三千大千世界地大震動諸天  
宮殿亦皆震動諸魔宮殿皆不復現

三千大千世界草木華樹悉皆傾向  
曇无竭菩薩諸樹皆出非時妙華釋  
提桓因及四天王於虛空中雨天名華  
天末栴檀散曇无竭菩薩上語薩陀  
波崙菩薩言因仁者故我等今日聞  
第一義一切世界所難值遇貪身見  
者所不能及今時薩陀波崙菩薩白  
曇无竭菩薩何因緣故地大震動曇  
無竭言以汝向問是諸如來无來無  
去我答汝時有八千人得無生法忍  
八十那由他衆生發阿耨多羅三藐  
三菩提心八万四千衆生遠塵離垢  
於諸法中得法眼淨薩陀波崙菩薩  
心即歡喜作是念我今則為大得善  
利聞般若波羅蜜中无來無去利益  
如是無量衆生我之善根已為具足  
於阿耨多羅三藐三菩提心無疑悔  
必當作佛薩陀波崙聞法生歡喜因  
緣即昇虛空高七多羅樹作是念我  
今當以何物供養曇无竭菩薩釋提  
桓因知薩陀波崙心所念即以天曼  
陀羅華與薩陀波崙作是言汝以是  
花供養曇无竭菩薩善男子我等應

助成汝以汝因緣故利益無量衆生  
善男子如是之人甚難得值能為一  
切衆生故於無量阿僧祇劫往來生  
死今時薩陀波崙菩薩受釋提桓因  
曼陀羅華散曼無竭菩薩上從虛空  
下頭面作禮白大師言我從今日以  
身供給奉上的大師作是語已合掌一  
面立今時長者女及五百侍女白薩  
陀波崙菩薩言我等今者以身奉上  
持是善根因緣當得如是善法世世  
常共供養諸佛常相親近薩陀波崙  
菩薩報諸女言汝若以身與我誠心  
隨我行者我當受汝諸女白言我等  
誠心以身奉上當隨所行今時薩陀  
波崙菩薩與五百女人并諸寶物莊  
嚴之具及五百乘車奉上曼無竭菩  
薩白言大師以是五百女人奉給大  
師五百乘車隨意所用今時釋提桓  
因讚薩陀波崙菩薩言善哉善哉菩  
薩摩訶薩應如是學一切捨法菩薩  
有是一切捨者則能疾得阿耨多羅  
三藐三菩提諸菩薩為聞般若波羅  
蜜及方便故應如汝今供養於師過

去諸佛本行菩薩道時亦皆如汝住  
是捨中為般若波羅蜜供養於師為  
聞般若波羅蜜及方便故得阿耨多  
羅三藐三菩提今時曇無竭菩薩欲  
令薩陀波隴菩薩善根具足故受五  
百女人及五百乘車受已還與薩陀  
波隴從坐而起還入宮中是時日沒  
薩陀波隴菩薩作是念我為法來不應  
坐卧當以二事若行若立以待法師  
出宮說法今時曇無竭菩薩七歲常  
入菩薩无量三昧無量般若波羅蜜  
及方便觀薩陀波隴菩薩滿七歲中  
若行若立離於睡眠不念於欲不念  
美味但念曇無竭菩薩何時當從禪  
起我當為敷法座曇無竭菩薩當坐  
說法我當掃灑令地清淨布種種華  
曇無竭菩薩當說般若波羅蜜及方  
便時長者女及五百女人亦皆七歲  
隨薩陀波隴菩薩所行之事今時薩  
陀波隴菩薩聞空中聲言善男子曇  
無竭菩薩却後七日從三昧起當於  
城中法座上說法薩陀波隴菩薩聞  
空中聲心大歡喜與五百女人欲為曇

无竭菩薩敷大法座是時諸女各脫  
上衣以為法座作是念曇無竭菩薩  
當坐此座說般若波羅蜜及方便薩  
陀波輪菩薩欲灑法座處地求水不  
得惡魔隱蔽令水不現作是念薩陀  
波輪求水不得或當憂悔心動變異  
善根不增智慧不照薩陀波輪求水  
不得即作是念我當刺身出血以用  
灑地何以故此中塵土坐於大師我  
今何用此身此身不久必當壞敗我  
寧為法以滅於身終不空死又我常  
以五欲因緣望無數身往來生死未  
曾得為如是法也薩陀波輪即以利  
刀周遍刺身以血灑地五百女人亦  
効薩陀波輪菩薩各各刺身以血灑  
地薩陀波輪菩薩及五百女人乃至  
一念無有異心魔不能壞障其善根  
尔時釋提桓因作是念未曾有也薩  
陀波輪菩薩愛法堅固發大莊嚴不  
惜身命深心趣於阿耨多羅三藐三  
菩提當得阿耨多羅三藐三菩提度  
脫无量衆生生死苦惱即時釋提桓  
因變灑地血為天赤旃檀水法座四

邊面百由旬天栴檀氣流布遍滿釋  
提桓因讚言善哉善哉善男子汝精  
進力不可思議愛法求法取為无上  
善男子過去諸佛亦皆如是深心精  
進愛法求法以此修集阿耨多羅三  
藐三菩提今時薩陀波輪作是念我  
為曇無竭菩薩已敷法座掃灑清淨  
當於何所得好名華莊嚴此地曇无  
竭菩薩在座說法當以供養釋提桓  
因知薩陀波輪心所念即以三千石  
天曼陀羅華與薩陀波輪菩薩作是  
言善男子取是曼陀羅華莊嚴此地  
供養曇無竭菩薩薩陀波輪菩薩受  
此華已以半散地以半供養曇無竭  
菩薩今時曇无竭菩薩過七日已從  
三昧起與無量百千万衆恭敬圍繞  
趣法座所坐法座上說般若波羅蜜  
薩陀波輪見曇無竭菩薩心大喜樂  
譬如比丘入第三禪今時薩陀波輪  
及五百女人散華供養頭面礼足却  
坐一面曇无竭菩薩因薩陀波輪為  
大衆說言諸法等故般若波羅蜜亦  
等諸法離故般若波羅蜜亦離諸法



不動故般若波羅蜜亦不動諸法無  
念故般若波羅蜜亦无念諸法无畏  
故般若波羅蜜亦無畏諸法一味故  
般若波羅蜜亦一味諸法無邊故般  
若波羅蜜亦无邊諸法無生故般若  
波羅蜜亦無生諸法无滅故般若波  
羅蜜亦无滅如虛空無邊般若波羅  
蜜亦無邊如大海无邊般若波羅蜜  
亦无邊如須弥山莊嚴般若波羅蜜  
亦莊嚴如虛空无分別般若波羅蜜  
亦无分別色無邊故般若波羅蜜亦  
無邊受想行識无邊故般若波羅蜜  
无邊地種無邊故般若波羅蜜无邊  
水種火種風種空種無邊故般若波  
羅蜜无邊如金剛等故般若波羅蜜  
亦等諸法無壞故般若波羅蜜无壞  
諸法性不可得故般若波羅蜜性不  
可得諸法无等故般若波羅蜜无等  
諸法无所作故般若波羅蜜无所作  
諸法不可思議故般若波羅蜜不可  
思議是時薩陀波隴菩薩即於坐所  
得諸法等三昧諸法離三昧諸法不  
動三昧諸法无念三昧諸法無畏三

昧諸法一味三昧諸法无邊三昧諸法无生三昧諸法无滅三昧虛空無邊三昧大海无邊三昧須弥山莊嚴三昧如虛空無分別三昧色無邊三昧受想行識无邊三昧地種无邊三昧水種火種風種空種无邊三昧如金剛等三昧諸法不壞三昧諸法性不可得三昧諸法無等三昧諸法无所作三昧諸法不可思議三昧得如是等六百万三昧

摩訶般若波羅蜜喩累品第二十九

尔時佛告須菩提薩陀波崙菩薩得六百万三昧門已即見十方如恒河沙等世界諸佛與大比丘衆恭敬圍繞皆以是文字章句相貌說般若波羅蜜如我今於此三千大千世界與諸大衆恭敬圍繞以是文字章句相貌說般若波羅蜜薩陀波崙從是已後多聞智慧不可思議如大海水世所生不離諸佛現在諸佛常生其所一切衆難皆悉得斷須菩提當知是般若波羅蜜因緣能具足菩薩道是故諸菩薩若欲得一切智慧應當

信受般若波羅蜜讀誦正憶念如說  
修行廣為人說亦當了了書寫經卷  
供養恭敬尊重讚歎華香瓔珞末香  
塗香幡蓋伎樂等則是我教

今時佛告阿難於意云何佛是汝大  
師不世尊佛是我大師如來是我大  
師佛告阿難我是汝大師汝是我弟  
子汝以身口意業於今現在供養恭  
敬尊重於我我滅度後汝當以是供  
養恭敬尊重般若波羅蜜第二第三  
亦如是說我以般若波羅蜜囑累於  
汝慎莫忘失莫作軍後斷種人也阿  
難隨今時般若波羅蜜在世當知  
今時時有佛在世說法阿難若有書  
寫般若波羅蜜受持讀誦正憶念如  
所說行廣為人說供養恭敬尊重讚  
歎華香乃至伎樂當知是人不能見  
佛不離聞法常親近佛佛說般若波羅  
蜜已弥勒等諸菩薩摩訶薩舍利弗  
須菩提目捷連摩訶迦葉等諸聲聞  
衆一切世間天人阿修羅等聞佛所  
說歡喜信受

小品般若經卷第十

已亥歲高麗國大藏都監奉

勅彫造

勝云般若波羅密經卷第一

滑

通這品第一

陳優禪尼國三子月婆首那譯

如是我聞一時婆伽婆在王舍大城耆闍崛山與大比丘衆四万二千人俱皆是阿羅漢諸漏永盡所作已辦捨諸重擔逮得已利盡諸有結心善解脫善得自在猶如大龍唯阿難在學地須陀洹果其名曰淨命阿若憍陳如摩訶迦葉憍梵波提薄拘羅離波多畢陵伽婆蹉大智舍利弗摩訶目犍連須菩提富樓那弥多羅尼子阿尼樓陀摩訶迦耨延優波離羅睺羅如是等四万二千人俱菩薩摩訶薩七万二千人俱悉已通達甚深法性調順易化善行平等一切衆生真善知識得無尋隨羅尼能轉不退法輪已曾供養無量諸佛從他佛土為法來集一生補處護持法藏不斷三寶種法王真子紹佛轉法輪通達如來甚深境界雖現世間世法不染其名曰寶相菩薩寶掌菩薩寶印菩薩

寶冠菩薩寶璫菩薩寶積菩薩寶海  
菩薩寶焰菩薩寶幢菩薩金剛藏菩  
薩金藏菩薩寶藏菩薩德藏菩薩淨  
藏菩薩如來藏菩薩智藏菩薩日藏  
菩薩定藏菩薩蓮華藏菩薩解脫月  
菩薩普賢菩薩觀世音菩薩觀月菩  
薩普音菩薩普眼菩薩蓮華眼菩薩  
廣眼菩薩普行菩薩普戒菩薩智意  
菩薩蓮花意菩薩勝意菩薩上意菩  
薩金剛意菩薩師子遊戲菩薩師子  
吼菩薩大音王菩薩妙音菩薩無染  
菩薩月光菩薩日光菩薩智光菩薩  
智德菩薩賢德菩薩華德菩薩文殊  
師利菩薩十六賢士跋陀婆羅菩薩  
為上首賢劫菩薩弥勒菩薩為上首  
四天王天四王為上首三十三天帝  
釋為上首夜摩諸天須夜摩王為上  
首兜率陀天瞿毘率陀王為上首化  
樂天善化王為上首他化自在天自  
在王為上首諸梵天大梵王為上首  
首陀婆娑天摩醯首羅為上首復有  
諸阿修羅王娑利阿修羅王羅睺阿  
修羅王如是等無量百千諸大阿修

羅王復有諸龍王阿耨大池龍王摩  
那斯龍王娑伽羅龍王婆修吉龍王  
德叉迦龍王各將眷屬無量百千者  
闍崛山縱廣四十由旬地及虛空靡  
有間隙天龍夜叉乾闥婆阿修羅迦  
樓羅緊那羅摩睺羅伽人非人等一  
心合掌恭敬如來今時世尊百千大  
衆前後圍遶供養恭敬尊重讚歎如  
來面門放大光明遍照十方無量世  
界還至佛所右遶三匝從面門入東  
方去此過十恒河沙佛世界有佛國  
土名曰莊嚴佛号普光如來應供正  
遍知明行足善逝世間解無上士調  
御丈夫天人師佛世尊今現在世為  
諸菩薩摩訶薩說一乘正法彼佛國  
土尚無聲聞辟支佛名况復修其法  
者諸菩薩衆皆不退轉阿耨多羅三  
藐三菩提其土衆生不因飲食但資  
禪定日月星光皆悉不現唯佛光明  
照耀其國無諸山陵地平如掌有一  
菩薩名曰離障與百千菩薩至其佛  
所偏袒右肩右膝著地合掌向佛頭  
面作礼而白佛言世尊以何因緣有



斯光明照此國土時普光如來告難  
障菩薩摩訶薩言善男子西方去此  
過十恒河沙世界有佛國土名曰娑  
婆佛号釋迦牟尼如來應供正遍知  
明行足善逝世間解無上士調御丈  
夫天人師佛世尊今欲為諸菩薩說  
摩訶般若波羅蜜以是因緣放此光  
明時難障菩薩白彼佛言我今欲往  
娑婆世界礼敬供養釋迦如來聽受  
正法彼佛告言善男子今正是時尔  
時難障菩薩蒙佛聽許即與無量菩  
薩眷屬來娑婆世界至耆闍崛山頂  
礼佛足右遶三匝退坐一面南方去  
此過十恒河沙世界有佛國土名清  
淨華佛名日光十号具足菩薩名日  
藏西方去此過十恒河沙世界國名  
寶華佛名功德光明十号具足菩薩  
名功德藏北方去此過十恒河沙世  
界國名清淨佛号自在王菩薩名廣  
聞東南方去此過十恒河沙世界國  
名火焰佛号甘露王菩薩名不退轉  
西南方去此過十恒河沙世界國名  
功德清淨佛号智炬菩薩名大慧西

北方去此過十恒河沙世界國名悅  
意佛号妙音王菩薩名功德聚東北  
方去此過十恒河沙世界國名慧莊  
嚴佛名智上菩薩名常喜上方去此  
過十恒河沙世界國名不動佛号金  
剛相菩薩名寶幢下方去此過十恒  
河沙世界國名月光明佛号金剛寶  
莊嚴王菩薩名寶信皆亦是今時  
衆中有一天王名鉢婆羅即從座起  
偏袒右肩右膝著地合掌向佛頭面  
作礼而白佛言世尊我今欲問若蒙  
佛許乃敢陳疑今時佛告勝天王言  
大王如來應供正遍知隨所疑問當  
為解說今時勝天王歡喜踊躍得未  
曾有即白佛言世尊云何菩薩摩訶  
薩修學一法通達一切法佛告勝天  
王言大王善哉善哉快問諦聽諦聽  
善思念之如王所問當分別釋善哉  
世尊唯然願聞佛告勝天王言大王  
菩薩摩訶薩修學一法通達一切法  
者所謂般若波羅蜜菩薩摩訶薩修  
學般若波羅蜜則能通達檀那波羅  
蜜尸羅波羅蜜羼提波羅蜜毗梨耶

波羅蜜禪那波羅蜜般若波羅蜜優  
波憍舍羅波羅蜜尼埤波羅蜜婆羅  
波羅蜜闍那波羅蜜大王云何菩薩  
摩訶薩學般若波羅蜜行檀波羅蜜  
菩薩摩訶薩以清淨心無所希望為  
他說法不求名利但令滅苦不見我  
說不見聽者無二无別自性離故是  
名菩薩摩訶薩學般若波羅蜜行法  
檀波羅蜜菩薩摩訶薩學般若波羅  
蜜行無畏檀波羅蜜觀諸衆生猶如  
父母兄弟親戚令一切衆咸親附我  
何以故無始世來流轉六道皆為親  
戚若有衆生在怖畏難菩薩摩訶薩  
尚以身命而救拔之況應加惱不見  
我施無畏不見受者無二无別自性  
離故菩薩摩訶薩學般若波羅蜜行  
資生檀波羅蜜隨諸衆生資養之物  
種種布施令受十善不見我施善及  
他受施無二无別自性離故菩薩摩  
訶薩學般若波羅蜜行不望報檀波  
羅蜜凡行施時不望果報菩薩法尔  
自應布施不見我行不見施報無二  
无別自性離故菩薩摩訶薩學般若

波羅蜜行大悲檀波羅蜜見諸衆生  
貧窮老疾無救濟者起大悲心而發  
誓願我得阿耨多羅三藐三菩提為  
諸衆生作歸依處以少善根迴向菩  
提為衆生故亦不分別我能救濟及  
受救者無二元別自性離故菩薩摩  
訶薩學般若波羅蜜行恭敬檀波羅  
蜜隨他所須菩薩摩訶薩身自取物  
不令彼勸敬心授與不見我能敬不  
見彼受敬無二元別自性離故菩薩  
摩訶薩學般若波羅蜜行尊重檀波  
羅蜜於諸衆生悉起師僧及父母想  
以尊重心合掌恭敬若無財物惠以  
善言不見我能尊重他可重者無二  
元別自性離故菩薩摩訶薩學般若  
波羅蜜行供養檀波羅蜜若見寺塔  
則應香華燈油掃灑供養若見尊像  
毀壞正法缺損則應治育若見衆僧  
四事供養不見我能供養彼可供者  
無二元別自性離故菩薩摩訶薩學  
般若波羅蜜行無依止檀波羅蜜不  
作是念以此布施願得生天或求天  
王願得生人若求人王乃至阿耨多

羅三藐三菩提亦不希取無所得故  
是名菩薩摩訶薩學般若波羅蜜通  
達檀那波羅蜜大王菩薩摩訶薩學  
般若波羅蜜行尸羅波羅蜜作是思  
惟佛阿含教及毗尼中說波羅提木  
叉菩薩摩訶薩應學不見戒相及我  
能持不著戒不著見不著我菩薩摩  
訶薩學般若波羅蜜作是思惟阿耨  
多羅三藐三菩提不止以持戒得應  
當遍學菩薩戒行戒性清涼寂靜不  
生自性離故菩薩摩訶薩學般若波  
羅蜜作是思惟云何持戒能斷煩惱  
煩惱三種貪患愚癡又各三品謂上  
中下須知對治貪欲重者修不淨觀  
具足觀身三十六物瞋恚多者修慈  
悲觀多愚癡者修因緣觀不見能觀  
及所觀法無二无別自性離故菩薩  
摩訶薩學般若波羅蜜復作是念云  
何菩薩摩訶薩離不正思惟菩薩摩  
訶薩不生是心我行寂靜行離行空  
諸餘沙門婆羅門在喧撓中不樂空  
行見不二別知自性離即滅邪念菩  
薩摩訶薩學般若波羅蜜雖知諸法

離而深畏罪業如佛所說應持淨戒  
修習功德乃至般若波羅蜜少不善  
法不與共居世尊所說譬如毒藥多  
少皆害菩薩摩訶薩學般若波羅蜜  
常主怖畏信行相應菩薩摩訶薩於  
空曠處獨行無侶或有沙門婆羅門  
等賣持金銀琉璃真珠瑪瑙虎珀珊瑚  
車乘白玉以寄菩薩不起貪著无  
有取心作是思惟世尊所說寧自割  
身取肉而食於他之財不與弗取菩  
薩摩訶薩學般若波羅蜜持戒堅固  
若魔及魔眷屬以妙色形逼試菩薩  
心不動搖作是思惟世尊所說一切  
諸法如夢幻化無二无別自性離故  
菩薩摩訶薩學般若波羅蜜雖懃持  
戒不求生人若作人王不求生天若  
作天王身離三失無口四過意免三  
愆如此持戒不見我能持不見戒相  
無二无別自性離故是名菩薩摩訶  
薩學般若波羅蜜通達尸羅波羅蜜  
大王菩薩摩訶薩學般若波羅蜜行  
羣提波羅蜜菩薩摩訶薩於其內心  
常能生忍憂悲苦惱皆悉不隨亦學



外忍若他打罵終不生瞋亦學法忍如世尊說甚深實性無人无法不生寂靜即是涅槃聞如此說心不驚怖作是思惟不學是法云何能得阿耨多羅三藐三菩提深觀三毒如是貪瞋於何處起何因緣生何因緣滅作是觀察不見有生及可生法不見能減及所滅法如是忍心相續不斷於六時中無有間隙不擇境界父母國王我則須忍餘可以威即便加惡菩薩行忍不為報恩名利仁義慙耻怖畏菩薩摩訶薩法應行忍若人加害起打罵辱心不傾動菩薩摩訶薩若作國王王等有貧賤人罵詈耻辱不示威刑云我是王法應治剪即作是念我於往昔諸世尊前發大誓願一切衆生我皆濟拔今得阿耨多羅三藐三菩提今若起瞋則違本誓譬如良醫發如是誓世間盲瞽我悉治愈若自失明豈療他疾如是菩薩為除衆生無明黑暗自起瞋恚安能救彼不見我能忍不見可忍無二无別自性離故是名菩薩摩訶薩學般若波

羅蜜通達羣提波羅蜜大王菩薩摩訶薩學般若波羅蜜行毗梨耶波羅蜜未滅令滅未度令度未脫令脫未安令安未學令學菩薩如是行精進時有諸惡魔為作留難謂菩薩言善男子莫修此法空受勤苦何以故我往昔時曾修此法未滅令滅未度令度未脫令脫未安令安未學令學空受勤苦都無實利我從昔來多見菩薩修學此行並皆退轉汝可迴心以取聲聞辟支佛乘而自滅度菩薩摩訶薩即便覺知告言惡魔汝復道去我心如金剛非汝能壞汝若作障尋自得長夜苦魔即不現若餘菩薩修五波羅蜜未得般若波羅蜜者菩薩摩訶薩如是精進設百千劫亦能超過況復聲聞辟支佛乘菩薩摩訶薩行般若波羅蜜成就佛法衆惡悉離雖行精進不疾不遲而發大願使我得身與世尊等眉間白毫頂上肉髻佛轉法輪我亦如是譬如真金衆寶瑩飭則為嚴淨菩薩精進亦復如是遠離垢穢所謂嬾惰懈怠疲極不自

覺知不正思惟離此垢穢即獲清淨  
智慧功德而共莊嚴身不疲勞心無  
厭怠障道惡法一切不善皆悉滅除  
其有助道向涅槃法悉令增長少惡  
不起何況其多假使十方恒沙世界  
滿中大火如阿鼻獄此世界外有一  
衆生可度脫者菩薩摩訶薩能從中  
過况多衆生可作是念無上菩提不  
易可得菩薩修行如救頭燃百千萬  
劫如此重擔難可荷負作是思惟過  
現諸佛皆修此行成阿耨多羅三藐  
三菩提我亦如是正應修習寧百千  
劫處地獄中使衆生度終不棄捨速  
取涅槃如是精進心不自高於他不  
下不見我能行及所行法無二无別  
自性離故是名菩薩摩訶薩學般若  
波羅蜜通達毗梨耶波羅蜜大王菩  
薩摩訶薩學般若波羅蜜行禪波羅  
蜜深種善根於大乘中世生生多  
習妙行近善知識不生貧賤常在婆  
羅門刹利大姓正信三寶增長善法  
因宿善根作如是念衆生長夜流轉  
六道苦輪不息皆由貪愛菩薩摩訶

薩起獸離心知從虛妄分別而有修  
多羅中方便種種說欲過患如梨如  
種如刀如蛇如泡是穢不淨無常云  
何智人貪著此法即剃鬚髮出家修  
道未見令見未得令得未證令證聞  
說受持若世諦第一義諦如實修行  
如法觀察所謂正見正分別正精進  
正語正業正命正念正定遠離喧雜  
不求名聞供養恭敬身心精進常无  
休息思惟此心多行何境若善若惡  
無記境界若行善境則勤精進增長  
善根三十七品以治諸惡不善之法  
惡不善者貪恚愚癡貪欲三品謂上  
中下其上品者若聞欲名遍身戰動  
心踊歡悅不觀欲過獸離不生無慚  
无愧何謂無慚經遊獨行恒思欲境  
心心相續唯見妙好不知過患若其  
父母及餘尊長呵彼所欲於所尊前  
不覺起諍是名無慚此人命終當生  
惡趣中品欲者若離境界不恒生心  
下品欲者但共言笑欲情即歇瞋亦  
三品上品瞋者憤恚若發心恚目亂  
或造五逆若謗正法及大重罪五逆

之惡於百分中不及其一中品瞋者  
以瞋恚故而造諸惡即生悔心下品  
瞋者心無嫌恨但口呵毀隨生悔過  
癡亦如是雖作是觀知一切法如幻  
夢響言乳閻婆城虛妄不實顛倒故見  
滅外境界內心寂靜不見我能行及  
所行法無二元別自性離故是名菩  
薩摩訶薩學般若波羅蜜通達禪波  
羅蜜大王菩薩摩訶薩學般若波羅  
蜜行般若波羅蜜正智觀色受想行  
識不見色生不見色集不見色滅受  
想行識亦復如是何以故自性皆空  
無有真實但虛名字而行般若波羅  
蜜化諸衆生終不為說無業果報一  
切諸法如夢如幻無我無人無衆生  
無壽者无養育而說有業果報菩薩  
摩訶薩如是修行般若波羅蜜惡魔  
不能得便何以故近善知識成助菩  
提離世間法於諸如來甚深正法歡  
喜讚歎若天若魔沙門婆羅門除佛  
正智無及菩薩不見我能行及所行  
法無二元別自性離故是名菩薩摩  
訶薩學般若波羅蜜通達般若波羅

蜜大王菩薩摩訶薩學般若波羅蜜  
行優波憍舍羅波羅蜜菩薩摩訶薩  
善巧迴向阿耨多羅三藐三菩提若  
見華果日夜六時供養諸佛及菩薩  
衆以此善根迴向菩提華樹果樹亦  
復如是若聞如來修多羅中說甚深  
義信樂受持為衆生說以此善根迴  
向善提若見如來塔廟形像香華供  
養令諸衆生離破戒香獲得如來清  
淨戒香掃灑塗地令諸衆生威儀齊  
整華蓋覆罩令諸衆生皆離惱熱入  
僧伽藍願諸衆生悉入涅槃若出伽  
藍願諸衆生出魔境界開伽藍門作  
如是願以出世智為諸衆生啓未開  
門若見閑閑願為衆生閑閑惡趣及  
以三有坐時念言願諸衆生坐菩提  
座若右脅卧願諸衆生皆得涅槃起  
時念言願諸衆生起離諸惑若洗脚  
足願諸衆生遠離塵垢礼佛旋塔願  
諸衆生成天人師若有外道邪見難  
化即自念言我為彼師必不肯信且  
作同學或為弟子雖處彼衆戒行多  
聞勝諸外道因尔降伏尊重為師言



必信受毀其邪法為說涅槃令入正  
教精修梵行禪定三昧得諸神通見  
多欲者化為女人第一端正令彼愛  
著倏忽之頃亦現無常色變腫脹爛  
壞臭處使其增惡起厭離心即復本  
形為菩薩像而為說法令發阿耨多  
羅三藐三菩提心成無上果見大乘  
人離善知識學二乘道不得其果唐  
失大乘觀彼根性即為說法入無上  
道未發心者化令發心已發心者教  
使堅固見持戒人犯少輕罪不解懺  
悔懈退憂愁不復修道即為說法對  
治懺除令道勝進菩薩摩訶薩少欲  
知足唯求法利為衆生說供養如來  
成就六波羅蜜說法供養是為檀波  
羅蜜行不違言是尸波羅蜜若天若  
魔不能壞亂是羼提波羅蜜心心相  
續不覺疲倦是毗梨耶波羅蜜專心  
一念不緣異境是禪波羅蜜說法供  
養不見我我所是般若波羅蜜不見  
我能行及所行法無二无別自性離故  
是名菩薩摩訶薩學般若波羅蜜通  
達方便波羅蜜大王菩薩摩訶薩學

般若波羅蜜行尼埵波羅蜜菩薩發願不為有樂出離三界求二乘道作大願言一切衆生衆生所攝皆入涅槃然後我身乃成正覺未發心者即令發心已發心者令其修行已修行者令得菩提得菩提者請轉法輪乃至分身舍利起塔供養復作願言若有世界諸佛成道悉無天魔願自智慧發無上心不由外緣又願我身常在世間一切衆生悉令成就願新發意諸菩薩等若聞如來說甚深法心不驚怖無邊佛道無邊佛境無邊大悲願諸衆生皆悉通達又願我身常生穢國不生淨土何以故譬如病人乃須醫藥無疾不須不見我能行及所行法無二元別自性離故是名菩薩摩訶薩學般若波羅蜜通達願波羅蜜大三菩薩摩訶薩學般若波羅蜜行波婆羅蜜菩薩摩訶薩能伏天魔摧諸外道具足功德智慧力故一切佛法無不修行无不證見以神通力用一毛髮能舉閻浮提乃至四天下三千大千世界乃至無量百千

世界能於空中取種種寶施諸衆生  
十方無量无邊世界諸佛說法无不  
聞持不見我能行及所行法無二無  
別自性離故是名菩薩摩訶薩學般  
若波羅蜜通達力波羅蜜大王菩薩  
摩訶薩學般若波羅蜜行闍那波羅  
蜜菩薩摩訶薩觀五陰生不見實生  
滅非實滅作是思惟此五陰空無我  
無人无衆生無壽者无養育凡夫衆  
生虛妄著我五陰非我陰中無我我  
非五陰我中无陰凡夫愚惑不如實  
知流轉生死如旋火輪一切諸法自  
性本空無生无滅緣合謂生緣散為  
滅自性非無是故不生自性非有是  
故無滅菩薩摩訶薩一切境界无有  
一法不通達者修行如是智波羅蜜  
二乘外道不能掩蔽以智觀察從初  
發心至入涅槃皆悉明了能以一法  
知一切境一切境界即是一法何以  
故如如一故不見我能修及所修法  
無二无別自性離故是名菩薩摩訶  
薩行般若波羅蜜通達智波羅蜜

勝天王般若波羅蜜經顯相品第二

今時勝天王即從座起偏袒右肩右  
膝著地合掌向佛頭面作札而白佛  
言世尊是般若波羅蜜甚深何者是  
般若波羅蜜相佛告勝天王言如地  
水火風相般若波羅蜜相亦復如是  
世尊云何地相佛言普遍廣大難可  
度量是為地相般若波羅蜜相亦復  
如是何以故如如普遍廣大難思量  
故大王一切藥草皆依地生一切善  
法皆依般若波羅蜜生又如土地增  
之不喜減之不瞋離我我所無二相  
故般若波羅蜜亦復如是讚歎不增  
毀譽不減離我我所無二相故世間  
行來舉足下足悉依於地若求善道  
趣向涅槃應當依是般若波羅蜜又  
如大地出種種寶般若波羅蜜亦復  
如是生出世間種種功德又如大地  
虫蟻蚊室種種諸苦不能傾動般若  
波羅蜜亦復如是離我我所不可傾  
動又如大地若聞師子龍象之聲終  
無驚怖般若波羅蜜亦復如是天魔  
外道不能恐懼何以故不見有人不  
見有法自性空故又如水大從高赴

下一切善法皆向般若波羅蜜又如  
水大能潤草木得生華果般若波羅  
蜜亦復如是潤諸三昧生助道法成  
一切智樹得佛法果利益衆生又如  
水大漬草木根能使傾拔隨流而去  
般若波羅蜜亦復如是一切諸見煩  
惱習氣根本悉滅永不復生又如水  
大性本清淨無垢不濁般若波羅蜜  
亦復如是體无煩惱故名清淨離諸  
惑故名爲無垢一相非異故名不濁  
如人夏熱遇水清涼熱惱衆生聞般  
若波羅蜜亦即清涼如人患渴得水  
乃止求出世法得般若波羅蜜思願  
亦止又如水泉甚深難入般若波羅  
蜜亦復如是諸佛境界甚深難入又  
如坑塹之處水悉平等般若波羅蜜  
亦復如是一切聲聞辟支佛及諸凡  
夫皆悉平等又如水能洗地悉得清  
淨菩薩摩訶薩通達般若波羅蜜離  
諸煩惱即得清淨何以故自性清淨  
離諸惑故又如火大能燒一切樹木  
藥草不作是念我能燒物般若波羅  
蜜亦復如是能滅一切煩惱習氣亦



不作念我能除滅又譬如火悉能成  
熟一切諸物般若波羅蜜亦能成就  
一切佛法又譬如火悉能乾竭一切  
濕物般若波羅蜜亦復如是竭諸漏  
流永不復起假使火聚在雪山頂若  
一由旬至十由旬皆悉能照而無是  
念我能照遠般若波羅蜜亦復如是  
皆悉能照聲聞緣覺及以菩薩亦不  
作念我能照彼又如禽獸夜見火光  
恐怖遠避薄福凡夫及以二乘若聞  
般若波羅蜜恐懼捨離般若波羅蜜  
聞名尚難况復修學如夜遠行迷失  
道路若見火光即生歡喜知有聚落  
疾往投趣至則安隱永無怖畏生死  
曠野有福德人若聞般若波羅蜜生  
大歡喜歸趣受持永離煩惱心得安  
樂如世間火貴賤共同般若波羅蜜  
亦復如是凡聖等有又如婆羅門剎  
利咸供養火諸佛菩薩咸皆供養般  
若波羅蜜又如小火能燒三千大千  
世界般若波羅蜜亦復如是若聞一  
句則能焚燒無量煩惱大三般若波  
羅蜜離垢无著寂靜無邊无邊智慧



等達法性猶如虛空性無所住離相境界過諸覺觀心心數法无有分別無生无滅自性離故大三菩薩摩訶薩行般若波羅蜜世間希有利益衆生猶如日月一切受用又譬如月能除熱惱般若波羅蜜亦復如是能除一切煩惱熱毒又譬如月世間樂見般若波羅蜜亦復如是一切聖人之所樂見又如初月日日增長菩薩摩訶薩親近般若波羅蜜從初發心乃至菩提漸次增長如黑分月日日漸盡菩薩摩訶薩修行般若波羅蜜煩惱結使次第滅盡如世間月婆羅門刹利咸所讚歎若善男子善女人親近般若波羅蜜一切世間天人阿修羅皆所讚歎如月遊行遍四天下般若波羅蜜亦復如是若色若心無處不遍如世間月常自莊嚴般若波羅蜜亦復如是性自莊嚴何以故不生不滅性本清淨遍一切法自性離故如世間日破一切暗而不作念我能破暗般若波羅蜜亦復如是能破無始一切煩惱亦不作念我破煩惱又

譬如日開敷蓮華而不作念我開蓮  
花般若波羅蜜亦復如是能開菩薩  
亦無是念又譬如日遍照十方不作  
是念我能遍照般若波羅蜜亦復如  
是能照無邊而無照相又如見東方  
赤則知日出不久若聞般若波羅蜜  
當知去佛不遠如閻浮提人若見日  
出生大歡喜若世間中有般若波羅  
蜜名字一切聖人皆大歡喜又如日  
出月及星宿光悉不現菩薩摩訶薩  
行般若波羅蜜二乘外道德亦不現  
又如日出方見坑塹高下之處菩薩  
摩訶薩行般若波羅蜜世間乃知邪  
正之道何以故般若波羅蜜自相平  
等不生不滅性是離故大王菩薩摩  
訶薩行般若波羅蜜多修空行无所  
住著修道離障遠惡知識親近諸佛  
心心相續念佛不斷通達平等隨順  
法界神通遊戲十方國土於其本處  
都不動搖見諸佛法猶如現前雖處  
世間世法不染猶如蓮花生於泥  
菩薩摩訶薩雖處生死以般若波羅  
蜜方便力故而不染著何以故般若

波羅蜜不生不滅自相平等不見不著性是離故又如蓮華不停水滴菩薩摩訶薩行般若波羅蜜一不善法不得暫住又如蓮華所在悉香菩薩摩訶薩行般若波羅蜜若在城邑聚落人間天上悉具戒香又如蓮華體性清淨婆羅門刹利長者居士之所愛重菩薩摩訶薩行般若波羅蜜天龍夜叉乾闥婆阿修羅迦樓羅緊那羅摩睺羅伽人非人等菩薩諸佛咸所愛敬又如蓮華始欲敷啓能悅衆心菩薩摩訶薩行般若波羅蜜面門常笑曾無頻蹙能悅衆生又如世人夢見蓮花亦是吉相一切人天乃至夢中聞見菩薩行般若波羅蜜亦是吉祥況當真見又如蓮華初始生時若人非人之所愛護菩薩摩訶薩始學般若波羅蜜諸佛菩薩釋梵諸天之所衛護菩薩摩訶薩行般若波羅蜜興如是心如理通達諸波羅蜜滿足佛法教化衆生坐菩提樹成就阿耨多羅三藐三菩提轉正法輪世間沙門婆羅門天魔釋梵所不能轉化

度十方无邊世界一切衆生平等濟  
拔於生死海皆悉安置般若波羅蜜  
中無歸无依無救護者為作救護欲  
見佛者即為示之作師子吼神通遊  
戲歎佛功德令衆渴仰其心清淨而  
不轉移意無諂曲遠離邪念所謂不  
念聲聞辟支佛法盡諸垢穢无復煩  
惱身無偽行離邪威儀口無巧言如  
實而說受恩常感輕恩重報心不懷  
憾口恒軟語如是修習清淨之心不  
見能汙不見可染無二无別自性離  
故大王菩薩摩訶薩行般若波羅蜜  
能信如來三種清淨作是思惟修多  
羅說如來法身寂靜身無等等身无  
量身不共身金剛身於此決定心無  
疑惑是名能信如來身淨復次思惟  
修多羅說如來口淨如為凡夫受作  
佛記亦為菩薩授記成佛信如是言  
不相違背何以故如來求離一切過  
失無諸垢穢无有煩惱寂靜清淨若  
天若魔沙門婆羅門若梵能得如來  
口業失者無有是處是名能信如來  
口淨復次修多羅說如來意淨諸佛

世尊心所思事若聲聞辟支佛菩薩  
一切天人无能知者何以故如来之  
心甚深難入非諸覺觀離思量境無  
有邊量同虛空界如是信知心不疑  
惑是名能信如來意淨復次菩薩摩  
訶薩行般若波羅蜜作是思惟如佛  
所說菩薩摩訶薩為諸衆生不怖不  
疲荷負重擔其心堅固曾無退轉次  
第修習諸波羅蜜成就佛法无有障  
碍無邊无等不共之法所言決定其  
性勇猛成就如來廣大之事菩薩摩  
訶薩於是事中不疑不惑深心信受  
菩薩摩訶薩行般若波羅蜜作是思  
惟菩薩摩訶薩行般若波羅蜜坐道  
場時能得無碍清淨天眼天耳他心  
智宿命智漏盡智於一念中通達三  
世平等智如實觀察一切世間如是  
衆生具身惡行口惡行意惡行毀謗  
聖人邪見造邪業身壞命終當墮惡  
道如是衆生具身善行口善行意善  
行不謗聖人正見正業身壞命終當  
生善道如實觀察衆生界已作如是  
念我昔發願行菩薩道自覺覺他此



願應滿菩薩摩訶薩行般若波羅蜜  
於如是事不疑不惑如實信受大王  
菩薩成佛所名為覺處自覺名正覺  
成就衆生名正遍覺大王如是菩薩  
摩訶薩行般若波羅蜜信知如來出  
興於世大王菩薩摩訶薩行般若波  
羅蜜聞說一乘即使信受何以故諸  
佛所說真實不虛種種餘乘皆佛乘  
出如閩浮提種種城邑聚落別名並  
屬此洲如是諸乘種種名說皆屬佛  
乘復作是念如來世尊善巧方便種  
種說法皆實不虛何以故世尊說法  
隨衆根性是故分別說有三乘其實  
一道菩薩摩訶薩行般若波羅蜜復  
作是念如來說法深遠音聲真實不  
虛何以故釋梵天等以少功德尚復  
能有深遠音聲何況如來無量億劫  
積習功德菩薩摩訶薩行般若波羅  
蜜作如是念如來說法不違衆根若  
上中下皆使成就衆生各謂獨為我  
說諸佛本來無說无亦菩薩摩訶薩  
於如此事不疑信解大王菩薩摩訶  
薩行般若波羅蜜得心微細作是思



惟世間熾然大火之聚所謂貪欲火  
瞋恚烟愚癡暗土何當令一切衆生  
皆得出離若能通達諸法平等名為  
出離如實知法猶如幻相善觀因緣  
而不分別菩薩摩訶薩行般若波羅  
蜜作是思惟諸法無本而有業報諸  
佛菩薩凡所發言我知其意既知意  
已即思量義思量義已即見真實見  
真實已濟度衆生大王菩薩摩訶薩  
行般若波羅蜜善巧方便為衆說法  
所謂一切諸法皆悉無我无衆生無  
養育無人无作者無覺者无生者無  
見者空無所有非自在性虛妄分別  
因和合生大王若說諸法皆悉无我  
乃至無見者為稱理說空无所有乃  
至生緣亦復如是大王夫其說法隨  
順法相是名稱理不違法相與法相  
應得入平等顯現義理名巧說法大  
王菩薩摩訶薩行般若波羅蜜得無  
罣礙才所謂無著辯才无盡辯才相  
續辯才不断辯才不怯弱辯才不  
驚怖辯才不共辯才天人所重辯才  
無邊辯才菩薩摩訶薩行般若波羅

蜜得清淨辯才所謂不嘶喝辯才不  
迷亂辯才不怖畏辯才不高慢辯才  
義具足辯才味具足辯才不拙澁辯  
才應時節辯才大王菩薩摩訶薩行  
般若波羅蜜離大衆威德畏故不嘶  
喝堅住不怯智故不迷亂菩薩處衆  
如師子王故無怖畏離諸煩惱故不  
高慢不說無義通達法相故義具足  
善解書論文字世智故味具足无量  
劫來習巧便語故不拙澁如是說法  
隨順四時春如春說秋冬亦令應前  
說者不中後說應後說者不前中說  
應中說者不前後說善知時故大王  
菩薩摩訶薩行般若波羅蜜所得辯  
才令衆歡喜所謂愛語面門常笑不  
曾嗔感發譬有義能稱如實所說決  
定不欺侮人種種樂說以柔軟言令  
衆歡喜顏色寬和使他親附隨義而  
說聞者悟解稱法相說為利益故平  
等為說心无偏黨作決定說無虛妄  
言種種樂說隨衆根性令得歡喜大  
王菩薩摩訶薩行般若波羅蜜成大  
威德何以故非器不聞故今時勝天

王即白佛言世尊菩薩摩訶薩行般若波羅蜜其心平等云何不為非器者說佛告勝天王言大王般若波羅蜜性自平等不見器不見非器不見能說及以所說衆生虛妄見說不說何以故般若波羅蜜不生不滅無相分別猶如虛空一切遍滿衆生亦亦不生不滅聲聞辟支佛菩薩及佛亦復如是無名字法假立名字云是衆生云是般若云有能說云有所說云有聽者第一義中同是一相所謂无相菩薩摩訶薩行是甚深般若波羅蜜威德重故非器不聞大王般若波羅蜜不為非器衆生說不為外道說不為不尊重者說不為不正信者說不為求法貿易者說不為貪利養者說不為嫉妬者說不為盲龍耳症者說何以故菩薩摩訶薩行般若波羅蜜時心無慳恡不秘深法非於衆生無大慈悲不捨衆生衆生宿世善根得見如來及聞正法諸佛如來本无說心為此為彼但障重者雖復在近而不見聞尔時勝天王白佛言世尊何等

衆生堪聞諸佛菩薩說法佛告勝天  
王言大王具正信者諸佛菩薩即為  
說法根性純熟堪為法器於過去佛  
曾種善根心無論曲威儀齊整不求  
名利親近善友利根性人說文知義  
為法精進不違佛旨大王諸佛菩薩  
為如是等衆生說法大王菩薩摩訶  
薩行般若波羅蜜能作法師善巧說  
法云何巧說說法為利益佛法而說  
佛法竟不可見雖說波羅蜜而波羅  
蜜竟不可得雖說菩提而說菩提竟  
不可得雖斷煩惱而說煩惱竟不可  
得雖為涅槃而說涅槃竟不可得雖  
為須陀洹向須陀洹果乃至阿羅漢  
向阿羅漢果而四果向竟不可得雖  
為辟支佛果而辟支佛果竟不可得  
斷除我見而說我見竟不可得說有  
業報而說業報竟不可得何以故名  
字所得非是實法法非名字非言境  
界法非可議非心所量名字非法法非  
名字但以世諦虛妄假名有說无名  
字法說為名字名字是空空無所有  
无所有者非第一義非第一義即是

虛妄凡夫之法大王是名菩薩摩訶  
薩善巧說法菩薩摩訶薩行般若波  
羅蜜以方便力得無尋辯才隨衆生  
根性說是甚深般若波羅蜜

勝天王般若波羅蜜經卷第一

戊戌歲高麗國大藏都監奉  
勅彫造

勝天王般若波羅蜜經卷第二

淨

陳優禪尼國王十月婆耆耶

譯

法界品第三

爾時勝天王即從座起偏袒右肩右膝著地合掌向佛頭面作札而白佛言世尊云何菩薩摩訶薩學般若波羅蜜通達甚深法界爾時佛讚勝天王言善哉大王諦聽諦聽善思念之勝天王白佛言世尊唯然願聞佛告故近善知識勤修精進離諸障惑心得清淨恭敬尊重樂習空行遠離諸見修如實道能達法界大王菩薩摩訶薩有般若故近善知識歡喜恭敬猶如佛想以親近故不得懈怠滅一切惡諸不善法生長善根既滅煩惱遠離障法即得身口意業清淨由清淨故即生敬重以敬重心修習空行修空行故遠離諸見離諸見故修行正道修正道故能見法界勝天王白佛世尊何等為法界佛告勝天王言大王即是如實世尊云何如實大王



即不變異世尊云何不異大王所謂  
如如世尊云何如如大王此可智知  
非言能說何以故過諸文字離語境  
界口境界故無諸戲論无此無彼離  
相无相遠離思量過覺觀境無想无  
相過二境界過諸凡夫離凡境界過  
諸魔事能離障惑非識所知住無處  
所寂靜聖智後无分別智慧境界無  
我我祈求不可得无取無捨无染無穢  
清淨離垢取勝第一性常不變若佛出  
世及不出世性相常住大王是為法  
界菩薩摩訶薩行般若波羅蜜修此  
法界百種苦行令諸衆生皆悉通達  
大王是名般若波羅蜜如如實際無  
分別相不可思議界真空一切智一  
切種智不二界余時勝天王白佛言  
世尊云何能證至此法界佛告勝天  
王言大王以出世般若波羅蜜證後  
無分別智至勝天王白佛言世尊證  
與至有何差別佛告勝天王言大王  
以般若波羅蜜如實見名為證以智  
通達名為至勝天王白佛言世尊如  
佛所說聞思修慧通達般若波羅蜜

非是出世後無分別智佛告勝天王  
言不尔大王何以故般若波羅蜜其  
深微妙聞慧愈淺不能得見第一義  
故思不能量出世法故修不能行大  
王般若波羅蜜如是甚深凡夫二乘  
所不能見何以故譬如生盲不見衆  
色七日嬰兒不見日輪尚不能見况  
復修行大王譬如夏熱有人西行在  
於曠野復有一人從西往東問前人  
言我今熱渴何處有水清涼樹蔭彼  
人答言善男子從此東行則有二路  
一左一右當從右路有清泉水及樹  
蔭涼大王於意云何雖聞此名思惟  
往趣能除熱渴得水味不不也世尊  
此人至彼入池洗浴飲水息樹方離  
熱渴得知水味佛言如是如是大王  
不可以三慧通達真實般若波羅蜜大  
王所言曠野即是生死人謂衆生熱  
名煩惱渴是貪愛東來人者即是菩  
薩其右路者薩婆若道菩薩摩訶  
薩行般若波羅蜜善知生死及出世  
路清冷水者所謂般若波羅蜜樹蔭  
涼者即是大悲菩薩摩訶薩行二法

故遠離凡夫及二乘道大王如是甚  
深般若波羅蜜無形无相種種巧說  
令諸衆生得入其中大王菩薩摩訶  
薩行般若波羅蜜如實知力空無畏  
空不共法空戒聚空定聚慧聚解脫  
聚解脫知見聚空空空第一義空而  
空相不可得不取空相不起空見不  
執空相不依止空如是不取著故於  
空不墮天王菩薩摩訶薩行般若波  
羅蜜遠離諸相不見内外相離戲論  
相離分別相離求覓相離貪著相離  
境界相離攀緣相離能知所知相勝  
天王白佛言世尊菩薩摩訶薩般若  
波羅蜜如是觀無相諸佛世尊復云  
何觀佛告勝天王言大王諸佛境界  
不可思議何以故離境界故一切衆  
生思量佛境界心則狂亂不知此彼何  
以故同虛空性不可思量求不可得  
離覺觀境界菩薩摩訶薩行般若波羅  
蜜尚不見有凡夫境界可得思量况  
佛境界亦不依止一切諸願雖行布  
施不著施報持戒忍辱精進定慧亦  
復如是一切功德乃至涅槃亦不依

著何以故離我我所無二无別自性  
離故說是般若波羅蜜法門時三千  
大千世界六種震動須弥山王目真  
隣陀山鐵圍山大鐵圍山寶山黑山  
大黑山皆悉震動無量百千億諸菩  
薩摩訶薩脫上分衣為佛敷座高如  
須弥无量百千釋梵護世諸天王等  
合掌恭敬散諸妙華曼陀羅華摩訶  
曼陀羅華曼殊沙華摩訶曼殊沙華  
白蓮華赤蓮華紅蓮華青蓮華耆闍  
崛山縱廣四十由旬積華遍滿至于  
佛膝無量天子作諸天樂不鼓自鳴  
空中歎言再覩佛興世再見轉法輪  
善哉闍浮提一切衆生勤修功德多  
種善根得聞如是甚深般若波羅蜜  
况復來世有能信者如是衆生悉行  
諸佛如來境界復有无量百千諸大  
龍王即以神力普興大雲降注香雨  
灑耆闍崛山及三千大千世界諸聽  
法者唯覺香潤不見霑濡无量龍女  
悉於佛前合掌讚歎無量耆闍婆以  
妙音樂而供養佛其夜叉衆散諸妙  
華十方無量无边國土諸佛世尊皆

放眉間白毫光明照此娑婆世界者  
闍崛山其三千大千世界幽暗之處  
日月不照悉蒙光明照世界已還至  
佛所右遶三匝從佛頂入無量百千  
婆羅門刹利居士長者以塗香末香  
幡華幢蓋而供養佛。爾時衆中七十  
二億菩薩摩訶薩得無生法忍無量  
百千万億衆生得遠塵垢法眼淨无  
量百千万億衆生發阿耨多羅三藐  
三菩提心。爾時勝天王白佛言世尊  
般若波羅蜜離文字無語言云何菩  
薩摩訶薩行般若波羅蜜為衆生說  
法。佛告勝天王言大王菩薩摩訶薩  
行般若波羅蜜如是說法為修習佛  
法故而說佛法畢竟不可得為成熟  
諸波羅蜜而波羅蜜畢竟不可得為  
清淨菩提而菩提畢竟不可得為涅  
槃離欲滅而涅槃離欲滅畢竟不可  
得為須陀洹斯陀含阿那含阿羅漢  
果而須陀洹乃至阿羅漢畢竟不可  
得為辟支佛而辟支佛畢竟不可得  
為斷除我取而我及取畢竟不可得  
菩薩摩訶薩如是行甚深般若波羅



蜜心不分別一切諸相我能分別及  
所分別悉不可得隨順般若波羅蜜  
不違生死雖在生死不逆般若波羅  
蜜隨順法相勝天王白佛言世尊菩  
薩摩訶薩云何隨順法相不違世諦  
佛告勝天王言大王菩薩摩訶薩隨  
順甚深般若波羅蜜不遠離色受想  
行識不遠離欲界色界无色界不遠  
離法而不著般若波羅蜜不遠離道  
何以故具巧方便故勝天王白佛言  
世尊何者是菩薩摩訶薩善巧方便  
佛告勝天王言大王所謂無量菩薩  
摩訶薩具慈悲喜捨不捨衆生常能  
利益大王菩薩摩訶薩行般若波羅  
蜜具無邊慈无分別慈法慈不息慈  
不惱慈利益慈平等慈遍益慈出世  
慈成就如是等大慈世尊云何大悲  
佛言大王菩薩摩訶薩行般若波羅  
蜜衆生苦惱無歸依處即為濟拔發  
菩提心勤求正法既自得已為衆生  
說其慳貪者教行布施無戒破戒教  
令持戒惡性之人教行忍辱懶惰懈  
怠教令精進散亂之人教行禪定愚



癡之人教行般若為度衆生雖遭苦  
惱終不捨離菩提之心是名大悲世  
尊云何大喜佛言大王菩薩摩訶薩  
行般若波羅蜜作是思惟三界熾然  
我已出離故生歡喜久相繫著生死  
之繩我已割斷故生歡喜種種覺觀  
及諸取相於生死海我已得出故生  
歡喜无始豎立我慢之幢我今已摧  
故生歡喜以金剛智壞煩惱山永不  
復立故生歡喜我自安隱又令他安  
愚癡黑暗貪愛繫縛久寐世間今始  
得覺故生歡喜我今已離一切惡趣  
又拔衆生令出惡道衆生久於生死  
迷亂不知出道我今濟拔開示正路  
悉令得至薩婆耆城故生歡喜是名  
大喜大王菩薩摩訶薩行般若波羅  
蜜眼所見色不著不離而起捨心耳  
聲鼻香舌味身觸意法亦尔大王菩  
薩摩訶薩行般若波羅蜜成就如是  
四無量心尔時勝天王白佛言世尊  
云何菩薩摩訶薩行般若波羅蜜為  
度衆生亦現諸相佛告勝天王言大  
王般若波羅蜜相不可得菩薩摩訶

薩相亦不可得但方便力教化衆生  
亦現處胎乃至涅槃何以故諸天計  
常謂無墮落菩薩摩訶薩行般若波  
羅蜜以方便力破此執故亦現處胎  
因令彼天起无常念世間寂勝寂高  
無等不著五欲欲不能汙尚有墮落  
况復餘天是故咸應勿復放逸勤加  
精進一心修道譬如見日尚有隱没  
則知螢火不得久住大王復有放逸  
諸天貪著樂故不修正法雖與菩薩  
同在天宮不往禮拜不諮受法而作  
是意今且遊戲朋誼菩薩各相謂言  
菩薩與我常共在此修行何晚菩薩  
摩訶薩行般若波羅蜜勤修精進如  
救頭然破彼放逸亦現墮落如是亦  
現有二因緣一令諸天離放逸故二  
令衆生咸得見故大王世間復有下  
劣衆生不堪見佛成无上道及轉法  
輪菩薩摩訶薩為此衆生是故亦現  
嬰兒童子後宮遊戲菩薩若作餘像  
說法後宮女人則不信樂是故亦現  
嬰兒童子大王有高行者常能離俗  
菩薩摩訶薩為化彼故亦現出家大

王復有天人作如是念若以端坐受人天樂而得聖道菩薩摩訶薩為化此故亦現苦行亦為降伏諸外道故亦現苦行大王復有天人長夜發願菩薩摩訶薩行詣道場我等詣天常獻供養菩薩為化此衆生故亦詣道場一切人衆皆悉獲得菩提因緣大王復有天人作如是念惡魔外道障導正法願得菩薩坐於道場降伏惡魔及諸外道正信之人悉令見法菩薩摩訶薩既成道已三千大千世界於虛空中種種音聲而讚歎曰佛日出世螢火隱沒此等天人悉發是言願我來世皆得阿耨多羅三藐三菩提如今菩薩摩訶薩為是衆生現坐道場大王又有天人作如是言願見大師成就一切智無師智自然智不求出離根性純熟是深法器為是衆生亦現三轉十二種法輪大王復有天人樂聞涅槃菩薩為化彼衆生故亦現涅槃大王菩薩摩訶薩修行般若波羅蜜能現如是種種之相大王菩薩摩訶薩行般若波羅蜜不生難

處何以故無福德人不聞般若波羅  
蜜名字故又復常離一切惡業佛所  
說戒悉不毀犯心無嫉妬已於過去  
無數佛所多種善根具足功德智慧  
方便成就大願心樂寂靜勤行精進  
大王菩薩摩訶薩無有惡業牽墮  
地獄性行十善故菩薩摩訶薩無有  
破戒牽墮畜生性持戒故菩薩摩訶  
薩無有嫉妬不牽墮餓鬼不生邪見  
家常值善知識何以故已於過去無  
數佛所深種善根是故生處皆悉正  
見菩薩受生諸根不缺成佛法器何  
以故於過去世供養諸佛聽聞正法  
禮敬大衆是故根具相貌端圓成佛  
法器大王菩薩不生邊地鈍根愚癡  
不知善惡語言義趣非佛法器不識  
沙門婆羅門何以故菩薩受生必在  
中國利根智慧言辭辯了善知語義  
是佛法器善知沙門及婆羅門何以  
故菩薩摩訶薩宿世智慧力故大王  
菩薩不生長壽天不見諸佛不利衆  
生故菩薩所以生在欲界亦現出世  
利益衆生何以故善方便故大王善

薩不生空世界中此處無佛不聞正  
法不供養僧何以故菩薩生處必具  
三寶宿願強故菩薩若聞惡世界名  
即生厭離修行寂靜心不懈怠以一  
切善滅諸惡法大王菩薩摩訶薩修  
行般若波羅蜜以是因緣不生難處  
大王菩薩摩訶薩行般若波羅蜜乃  
至夢中尚不忘失菩提之心況復覺  
時何以故一切菩薩生於此心即是  
阿耨多羅三藐三菩提心若無此心  
則無有佛无佛無法无法無僧由此  
心故得有三寶及以天人菩薩摩訶  
薩常離諂曲質直柔和其心清淨不  
疑佛法欲聽受者不秘深義離法嫉  
妬遠三塗業於初中後元有異相  
行不違言護持大乘見同學者則  
生恭敬勸他修習讚歎大乘於說法  
師常生佛想近善知識遠離惡友大  
王菩薩摩訶薩修般若波羅蜜如是  
成就菩提之心因由此心得宿命智  
何以故已曾供養無量諸佛護持正  
法修清淨戒遠離惡業障導永無心  
常歡喜心勤修學心不散亂心智不

失何以故大王若菩薩摩訶薩已曾  
供養無量諸佛則尊重正法由重法  
故廣為人說為護正法不惜身命身  
口意業三種清淨業清淨已得離障  
尋離障尋故心常歡喜心歡喜故則  
勤精進心性正直念智具足由念智  
故知過去生一十百千乃至無數大  
王菩薩摩訶薩行般若波羅蜜如是  
了知過去生處既了宿命近善知識  
由善知識於諸佛所不失三事謂見  
聞念常聽正法供養僧寶元空過時  
諸佛菩薩所恒恭敬禮拜尊重行住  
坐卧不離多聞大王持淨戒者耳根  
常聞般若波羅蜜名字恒勤修習助  
道之法曾不遠離三解脫門修四無  
量常聞薩婆若名大王菩薩摩訶薩  
行般若波羅蜜以是因緣近善知識  
大王菩薩摩訶薩行般若波羅蜜乃  
至夢中不近惡友何況覺時何以故  
菩薩摩訶薩不與破戒人共住邪見  
人無威儀人邪命人無義語人懶惰  
人樂住生死人背菩提人樂俗務人  
不與共住大王菩薩摩訶薩行如是



法離惡知識大王菩薩摩訶薩行般  
若波羅蜜能得如來清淨之身所謂  
平等身清淨身無盡身善修得身法  
身不可覺知身不思議身寂靜身虛  
空等身智身勝天王白佛言世尊菩  
薩摩訶薩在何位中能得如來十種  
之身佛告勝天王言菩薩初地得平  
等身何以故離諸邪曲通達法性見  
平等故於第二地得清淨身何以故  
清淨戒故住第三地得無盡身何以  
故離瞋恚故第四地中得善修身何  
以故常勤精進修佛法故住第五地  
則得法身何以故見諸諦理故住第  
六地得離覺觀身何以故觀因緣理  
非覺觀所知故住第七地得不思議  
身何以故具足方便故於第八地得  
寂靜身何以故離一切戲論無煩惱  
故住第九地得等虛空身何以故身  
相不可量遍一切處故住第十地則  
得智身何以故成就一切種智故勝  
天王白佛言如來之身與菩薩身无  
差別乎佛告勝天王言身無差別但  
功德異勝天王言其義云何大王佛

菩薩身無有差別何以故一切諸法  
同一性相功德差別世尊云何功德  
而有差別佛言大王今當為王譬喻  
顯了譬如寶珠若有裝飾或不裝飾  
其珠何異佛與菩薩功德有差別法身  
無別何以故如來功德一切圓滿盡  
于十方遍衆生界清淨離垢障身永  
無菩薩之身功德未滿有餘障故譬  
如初月十五日月虧盈有異月性无  
差別等諸身皆悉堅固猶如金剛不  
可破壞何以故三毒不破世法不染  
悉趣人間苦不能逼悉已遠離生老  
病死能伏外道過魔境界不向聲聞  
辟支佛乘以是因緣不可破壞大王  
菩薩摩訶薩行般若波羅蜜善能將  
導一切世間天人阿修羅辟如有人  
善為將導若國王等長者居士意咸  
用之菩薩亦尔聲聞緣覺菩薩諸佛  
咸同用為將導又如善將導者世間  
國王婆羅門長者居士咸共尊重菩  
薩亦尔天龍夜叉有學无學之所供  
養又如曠野險難怖畏行人疲倦遇  
善將導能令安隱菩薩亦尔以方便

力於彼生死煩惱賊難將導衆生安  
隱得出又如貧人依富長者方出險  
難梵志尼軋及餘外道於生死中依  
行般若波羅蜜菩薩亦乃出離又如  
大富長者無量財為一切人之所  
受用行般若波羅蜜菩薩亦復如是  
於生死中六道衆生之所受用又如  
大富長者欲過險難必要多伴飲食  
資糧皆悉具足亦乃得過菩薩亦亦  
欲出世間以功德智慧攝一切衆生  
度生死難至薩婆若又如人遠行多  
賣寶物為得利故菩薩亦亦從生死  
海至薩婆若廣修功德智慧為得一  
切智故又如世人求財无厭菩薩樂  
法亦無厭心又如將導四事勝他所  
謂財富取勝位高語用菩薩亦亦富  
功德位取勝法自在无異言又如人  
善道至於大城菩薩亦亦善能將導  
至薩婆若城大王菩薩摩訶薩行般  
若波羅蜜善知行路不可行路邪正  
安善有水無水相貌曲直出離之道  
皆悉通達大王菩薩摩訶薩知不倒  
路凡所行道不違衆根為大乘人亦

無上道不說聲聞辟支佛路為小乘  
人亦聲聞道不說大乘辟支佛根亦  
緣覺路不說薩婆若道為著我見說  
无我道著法衆生為說空道著二邊  
者為說中道為散乱者說奢摩他毗  
婆舍那不說散乱戲論衆生亦如如  
道不說言語著生死者亦涅槃道不  
說世間為迷塗者而說正道大王是  
名菩薩知邪正路

勝天王般若波羅蜜經念處品第四

尔時勝天王即從座起偏袒右肩右  
膝著地合掌向佛頭面作礼而白佛  
言世尊菩薩摩訶薩行般若波羅蜜  
能如是知路非路者心緣何住佛告  
勝天王言大王菩薩摩訶薩行般若  
波羅蜜心正不乱何以故善念身念  
受念心心念法菩薩摩訶薩凡所遊行  
城邑聚落聞利養名如佛戒說煩惱  
繫縛善自憶念大王云何菩薩摩訶  
薩行般若波羅蜜念身與身相應惡  
不善法以如實智悉遠離之觀身過  
失始自足底乃至頭頂此身無我无  
常敗壞但以筋脉共相連持腥臊臭

穢色惡可惡所不喜見如是觀已身  
中貪欲悉不復生不起身我以是因  
緣相應善法皆悉隨順云何菩薩摩  
訶薩行般若波羅蜜念受作是思惟  
諸受皆苦顛倒衆生妄起樂相凡夫  
愚癡以苦為樂聖人但說一切皆苦  
勤修精進為斷滅故亦教餘人修學  
此法作是觀已恒自念受不隨受行  
修行斷受亦令他學云何菩薩摩訶  
薩行般若波羅蜜念心作是思惟此  
心無常而謂常住於苦謂樂无我謂  
我不淨謂淨數動不住速疾轉易結  
使根本諸惡趣門煩惱因緣壞滅善  
道是不可信貪瞋癡主一切法中心  
為上首若善知心悉解衆法種種世  
間皆由心造心不自見若善若惡悉  
由心起心性迴轉如旋火輪易轉如  
馬能燒如火暴起如水作如是觀於  
念不動不隨心行令心隨已若能伏  
心則伏衆法云何菩薩摩訶薩行般  
若波羅蜜念法惡不善法能如實知  
所謂貪欲瞋恚愚癡及餘煩惱而修  
對治貪欲對治瞋恚對治愚癡對治



如是知已即迴起念不行彼法亦令他離去何菩薩摩訶薩行般若波羅蜜於境起念若見色聲香味觸作是思惟云何於彼不真實法而生貪愛此乃凡夫愚癡所著即是不善如世尊說愛即生著著即迷惑迷故不知善法惡法以是因緣生於惡趣菩薩摩訶薩自不漏失不著境界令他亦余大王菩薩摩訶薩行般若波羅蜜阿蘭若念作是思惟阿蘭若者是无諍人之所住處寂靜住處於此處中天龍夜叉他心智人悉能知我心心數法不應於此起邪思惟即得捨離於法正憶勤修行之大王菩薩摩訶薩行般若波羅蜜作是思惟城邑聚落非出家人所可行處則不應往所謂酤酒婬女王城博奕歌舞之處悉遠離之大王菩薩摩訶薩行般若波羅蜜聞利養名起正憶念作是思惟為生施福故受此財不由貪愛受不出內生長子息不言我財一切貧窮普皆周給如是行者人所讚歎終不計我及以我所復作是念人皆稱我



惠施名聞世間無常須臾磨滅去何  
智人無常无實不恒無主隨彼而行  
起我我所大王菩薩摩訶薩行般若  
波羅蜜於佛世尊所說念戒作是思  
惟過去諸佛皆學此戒成無上道得  
至涅槃當來諸佛現在亦尔如是知  
已精進勤修大王菩薩摩訶薩行般  
若波羅蜜為化衆生及以自身少欲  
知足著糞掃衣心常清潔信力堅固  
寧失身命於戒不犯心離高慢遊行  
城邑不耻弊衣遠離懈怠常修精進  
所作未辦終不中息於糞掃衣不見  
過患朽故弊壞終無輕鄙但取其德  
夫離欲者乃服此衣如來所讚息慳  
貪著亦不自讚我能服此於他不服  
終無毀言如此行人諸天札敬佛所  
讚歎菩薩護持婆羅門刹利皆悉  
札敬大王菩薩摩訶薩行般若波羅  
蜜如是修清淨行今時勝天王白佛  
言世尊高行菩薩能行般若波羅蜜  
何用著糞掃衣佛告勝天王言諸大  
菩薩將護世人何以故世間衆生樂  
見不同太王於意云何菩薩高行何

如世尊勝天王言百千万億恒河沙分等數譬喻不及其一何以故如来世尊是大法王一切種智無有一法而不照了大王於意云何諸佛如来於四天下天龍夜叉人非人中示現苦行及以讚歎頭陀功德此何所為王言世尊為欲教化可度衆生及初發意諸菩薩等未斷煩惱為說對治佛言如是如是太王高行菩薩著糞掃衣亦復如是是故菩薩摩訶薩行般若波羅蜜多有方便利益衆生大王菩薩摩訶薩行般若波羅蜜示現世間但畜三衣何以故心知足故更不多求即是少欲不求索故無所積聚既不積聚則无喪失無喪失故則不生苦苦不生故即離諸惱離諸惱故則无所著无所著故是為漏盡大王菩薩摩訶薩行般若波羅蜜利益衆生故入城邑聚落持鉢乞食何以故菩薩摩訶薩大悲熏心如實觀察貧苦衆生令得富樂受彼供養若入邑聚威儀齊整心正不乱善攝諸根前視六尺雙犁軌地如法乞食次第

而往不越貧家以量受食終不長取  
於所得中更開一分擬施供養何以  
故信施難銷為生福故大王菩薩摩  
訶薩行般若波羅蜜但一坐食而不  
移動何以故一坐道場魔來惱亂亦  
不移動出世禪定般若闍那空一切  
法如實聖道實際如如一切種智於  
此諸法悉不移動何以故薩婆若法  
是一坐得是故行一坐食大王菩薩  
摩訶薩行般若波羅蜜以方便力如  
是亦現乞食大王菩薩摩訶薩行般  
若波羅蜜學阿蘭若行所謂常修梵  
行於諸根中不起過失深樂多聞力  
堪修行離我怖畏不計著身常行寂  
靜菩薩摩訶薩正法中出家持三輪  
淨戒善知法相如來所說為少壯老  
三種人戒悉能了達不隨外緣自心  
思量呵毀世法讚歎出世調伏諸根  
不緣惡境於阿蘭若居無難處聚落  
乞食不遠不近有清泉水盥洗便易  
林木華果元惡禽獸巖穴寂靜空閑  
罕人而為居止所曾聞法日夜三時  
勤加讀誦聲不過高亦不太下心不

緣外一念誦持常在曾臆若波羅門  
刹利來至阿蘭若處當喚令坐彼或  
不肯慙懃加勸觀此衆生隨其根性  
即為說法令得歡喜信受修行如是  
具足善巧方便即離我心以無我故  
於阿蘭若不生怖畏離怖畏故樂行  
寂靜菩薩摩訶薩如是以方便力亦  
阿蘭若行大王菩薩摩訶薩行般若  
波羅蜜善能觀行作是思惟世間之  
中一切飲食清淨香潔身火所觸即  
成不淨爛壞臭處一切凡夫愚癡無  
智愛著此身及以飲食若依聖智如  
實觀察即生穢惡不可樂著大王菩  
薩摩訶薩行般若波羅蜜作是思惟  
多行瞋恚則起惡業我今當離直心  
趣道真實思惟非徒口說大王菩薩  
摩訶薩行般若波羅蜜作是思惟若  
法有生即是因緣法之因緣又從緣  
起云何智人於此虛妄因緣生法而  
作罪失菩薩身中有障善法即自斷  
除若不能斷他障善法心即生捨不  
起无明云何名障善法不恭敬佛法  
僧淨戒不敬同學老少幼小自高降

彼趣向五欲背捨沮睭而起我見衆  
生見命見人見執空起斷見執有起  
常見遠離賢聖親近凡夫捨持戒人  
依破禁者親附惡友遠善知識聞甚  
深法即生毀謗威儀不整口無辯說  
煩惱覆心具足諂曲貪著利養生五  
種慢一姓貴二種族三見勝四國土  
五徒衆見惡則助遇善而捨讚歎女  
人童稚外道不樂阿蘭若行不解節  
食不親近師雖復讀誦不知時節若  
見善法亦復不生少尊重心見惡不  
怖如象無鈎馬无轡勒放逸不制喜  
起瞋忿不生慈心見苦不悲遇病不  
視於死不怖在火聚中不求免出應  
作不作不能量忖難思而察非望而  
求不出謂出非路謂路未得謂得遠  
大善法毀呿大乘讚歎小道毀大乘  
人讚彼小學多樂闖亂惡口虛言心  
無慈悲令他怖畏出言虛鄙語无一  
實樂著戲論而不捨離大王菩薩摩  
訶薩行般若波羅蜜如是等事名障  
善法大王菩薩摩訶薩行般若波羅  
蜜滅諸戲論修習空行作是思惟所

觀境界皆悉空無能觀之心亦復如是無能所觀二種之異諸法一相所謂无相如是思惟遣内外相不見身不見心不見法次第相續修奢摩他毗婆舍那毗婆舍那如實見法奢摩他者一心不乱菩薩如是修觀行已即得淨戒戒清淨故行亦是是名菩薩摩訶薩行般若波羅蜜觀行清淨大王菩薩摩訶薩行般若波羅蜜護持如來正法之藏聽受正法為守護故不為利養為三寶種不斷故不為恭敬為擁護大乘行故不為名聞為無歸依衆生令得濟拔與安樂故无慧眼者令得慧眼修小乘人亦聲聞道欲行大乘亦現大道如是聽法為無上智終不為得下劣之乘大王菩薩摩訶薩行般若波羅蜜善知毗尼所謂毗尼及毗尼行毗尼甚深毗尼微細淨與不淨有失無失波羅提木叉聲聞毗尼菩薩毗尼大王菩薩摩訶薩行般若波羅蜜如是等毗尼皆悉善知大王菩薩摩訶薩行般若波羅蜜善知一切威儀戒行善學聲



聞戒辟支佛戒菩薩戒既修戒行若見威儀不稱衆者即應遠離非處不行若有沙門戒行威儀則應親近若婆羅門異學餘行勸修毗尼如是戒行修之真實心無巧偽嫉妬即滅自行布施亦勸他行讚歎布施見他布施心生隨喜不作是念唯當施我勿與他人但應思惟一切衆生多有所乏飢寒困苦願其得財現世安樂以聞法故後世安樂我今應當精進修道與諸衆生同得出世是名菩薩无嫉妬心於諸衆生皆得平等若行布施普為衆生戒忍精進禪定般若乃至一切種智無二心修何以故所修之法與衆生共念為境界令速成道於生死火自既出離亦使他出譬如長者而有六子並皆幼稚愛念無偏長者在外其宅火起大王於意云何長者作念於此六子先後救不不也世尊何以故其父於子心平等故大王菩薩摩訶薩行般若波羅蜜亦復如是凡夫貪著處在六道生死火宅不知出離菩薩摩訶薩行般若波羅

蜜以平等心種種方便誘化令出皆  
悉安置寂靜界中大王菩薩摩訶薩  
行般若波羅蜜於法亦等所謂以法  
供養如來種種供具供養如來如實  
修行供養如來利益安樂一切衆生  
守護一切衆生善法隨順衆生善能  
教化行菩薩道行不違言心无疲倦  
求阿耨多羅三藐三菩提若能如是  
乃得名為供養諸佛不以資生而為  
供養何以故大王法是佛身若供養  
法即供養佛大王諸佛世尊皆從如  
實修行而來悉為利益安樂衆生護  
其善法隨順衆生若不尔者違本誓  
願懈怠懶惰不能成就菩提之心何  
以故菩薩摩訶薩阿耨多羅三藐三  
菩提與衆生共若無衆生菩薩云何  
能得菩提大王菩薩摩訶薩行般若  
波羅蜜以法供養如來名真供養如  
是供養拔除我慢遠離俗務剝落鬚  
髮於其父母兄弟親戚不復相關猶  
如已死形狀衣服相貌異常執持鉢  
器遊入城郭至其親里若旃陀羅家  
下意乞食作是思念我命属他由彼

食活以是因緣能除我慢復作念言  
我今應耶師僧尊長及同學意令彼  
歡喜昔未聞法為得聞故若見他人  
瞋恚鬪諍即應忍辱下意避之大王  
菩薩摩訶薩如是行般若波羅蜜拔  
除我慢大王菩薩摩訶薩行般若方  
羅蜜生堅正信何以故多諸功德宿  
世所種善根力強具足善因正見成  
就不信外道內心清淨不依餘師心  
行調直遠離諂曲諸根聰利具足般  
若離諸蓋障其心清淨遠惡知識親  
近善友尋求善言不生懈怠所聞說  
法知佛功德勝天王白佛言世尊唯  
願大慈哀愍為說如來功德大威神  
力佛告勝天王言大王諦聽諦聽善  
思念之我當為王宣說如來神德少  
分善哉世尊唯然願聞佛言大王如  
來具足無邊大慈遍照衆生衆生所  
攝乃至十方盡虛空界亦皆遍照不  
可測量如來大悲聲聞緣覺菩薩所  
無何以故不共法故十方世界無一  
衆生大悲不照復次如來說法无盡  
普為十方一切衆生一切百劫千劫

若無量劫種種因緣說法無盡若衆生界種種言辭一切句義諮問如來一彈指頃二衆生各為分別无能壞者復次如來即是無尋禪定境界假使一切世界衆生皆住十地入諸三昧百千億劫觀如來定不能測量復次如來身无边量何以故隨所樂見能於一念示現種種如來又有清淨天眼一切世界無量衆生一一衆生一一世界如是一切世界中事如來悉見如觀掌中阿摩勒果諸天人眼所不能見如來復有清淨天耳一切衆生隨其種類音聲不同如來悉聞解了其義如來復有淨他心智一切世界有諸衆生作業思想若所得報如來世尊行立坐卧於一念頃皆悉了知何以故如來常定無散乱故大王諸佛如來無有失念心不散乱根無異緣何以故離煩惱習最為清淨寂靜无垢有煩惱者其心散乱則異攀緣如來世尊無漏離垢得一切法自在平等常在三昧三摩跋提故大王如來以一威儀三昧遊行乃至

涅槃無有天人能得知者況復如來  
於無量劫修習無量元邊萬億三昧  
何以故如來不可量不可思不可觀  
故今時勝天王白佛言世尊我聞如  
來三阿僧祇劫修行成佛云何而說  
無量劫修佛言不也大王何以故菩  
薩摩訶薩修阿耨多羅三藐三菩提  
無量劫力之所能辦非今許劫時始  
得入法平等理稱為成佛勝天王白  
佛言世尊善哉善哉一切衆生常行  
諸善遠離障業喜樂佛果修菩薩行  
世尊若有衆生得聞如來大神通力  
心生歡喜信受讚歎當知是人不久  
得成此神通器況復有人受持讀誦  
書寫宣說如是人等不可思量佛言  
如是大王此等衆生如來擁護已種  
善根過去供養無數諸佛乃能得聞  
如來世尊大神通力是善男女心不  
疑惑於七日中澡浴清淨著新潔衣  
香華供養一心正憶念時如來即為  
現身便得見佛其供養具或有關少  
但一心念於命將盡見佛在前勝天  
王白佛言世尊頗有衆生聞說如來

神通功德不起信心而謗毀不佛言  
有是衆生若聞如來神通法門即起  
瞋毒不善之心於說法師惡知識想  
此人捨壽生泥犁中若聞如來大神  
通力能生信受於說法師善知識想  
即得人天乃至成佛卽時世尊出廣  
長舌相自覆面門次至頭頂次覆遍  
身次覆師子座次覆菩薩衆次覆聲  
聞衆然後乃覆釋梵護世一切大衆  
還収舌相告大衆言如來世尊有是  
舌相豈當妄語汝等大衆皆應信受  
長夜安樂說是法時衆中八万四千  
菩薩得無生法忍无量百千衆生得  
遠塵離垢法眼淨無量无边衆生發  
阿耨多羅三藐三菩提心

勝天王般若波羅蜜經卷第三

戊戌歲高麗國大藏都監奉  
勅彫造



勝天王般若波羅蜜經卷第三

潛

陳優禪尼國王子月婆首那 譯

法性品第五

尔時勝天王即從坐起偏袒右肩右膝著地合掌向佛頭面作礼而白佛言希有世尊如來應供正遍知快說微妙大神通力諸佛如來因何得此唯願世尊分別解說佛告勝天王言大王諸佛如來所行甚深不可思議得果亦尔勝天王白佛言世尊諸佛如來行何等法名為甚深不可思議佛告勝天王言大王諸佛如來法性因果不可思議功德及法利益衆生亦復如是勝天王白佛言世尊云何法性不可思議佛言大王在諸衆生陰界入中無始相續所不能染法性體淨一切心識不能緣起諸餘覺觀不能分別邪念思惟亦不能緣法離邪念無明不起是故不從十二緣生名為無相則非作法无生無滅无邊無盡自相常住大王菩薩摩訶薩行般若波羅蜜能知法性清淨如是無

染无著遠離垢穢從諸煩惱超得解脫此性即是諸佛法本功德智慧因之而生體性明淨不可思量大王我今喻說汝善諦聽王言世尊唯然願聞佛告勝天王言譬如無價如意寶珠裝飾瑩治皎潔可愛體圓極淨無有垢濁墮在淤泥已經多時有人撿得取而守護不令墮落法性亦尔雖在煩惱不為所染後復顯現大王諸佛如來悉知衆生自性清淨客塵煩惱之所覆蔽不入自性是故菩薩摩訶薩行般若波羅蜜應作是念我當勇猛勤修精進為諸衆生說是甚深般若波羅蜜除其煩惱一切衆生皆有性淨是故於彼勿生下劣應當尊重彼即我師如法恭敬菩薩摩訶薩作如是心即生般若闍那大悲大王菩薩摩訶薩如是行般若波羅蜜能入阿鞞跋致地大王菩薩摩訶薩行般若波羅蜜復作是念此諸煩惱無力无能自體虛妄與淨相違何以故背薩婆若故清淨法性為諸法本自性無本虛妄煩惱皆從邪念顛倒而

生大王辟如四大依虛空立空更無  
依煩惱亦尔依此法性法性无依大  
王菩薩摩訶薩行般若波羅蜜如實  
觀知不起違逆以隨順故煩惱不生  
大王菩薩摩訶薩觀察煩惱不生染  
著若自染著云何說法令他出離是  
故菩薩斷滅著心如實說教解衆生  
縛菩薩摩訶薩行般若波羅蜜復作  
是念若生死中有一煩惱利益衆生  
我則攝受菩薩摩訶薩行般若波羅  
蜜復作是念如昔諸佛行般若波羅  
蜜應如是行何以故諸佛如來昔在  
因地亦如是學成菩提故以此二緣  
是故菩薩種種方便知此法性大王  
如是法性無量无边為諸煩惱之所  
隱覆隨生死流沉没六道長夜輪轉  
隨衆生故名衆生性菩薩摩訶薩行  
般若波羅蜜起厭離心除五塵欲修  
無上道是時此性名為出離過一切  
苦故名寂靜為究竟法一切世間之  
所樂求一切種智常住微妙因此法  
性能得自在受法王位大王菩薩摩  
訶薩行般若波羅蜜初中上位觀察

法性一切平等本來寂靜悉無罣碍  
猶如衆色不能滿空菩薩摩訶薩行  
般若波羅蜜如實而知諸佛所說一  
切衆行如量修行法性功德不可具  
說無有二相過一異境平等一相覺  
觀不行菩薩摩訶薩如是行般若波  
羅蜜能除二相人相法相一切凡夫  
為執所縛不識不見不得法性菩薩  
摩訶薩行般若波羅蜜則能通達如  
此法性若在衆生無二无別何以故  
如如不異故大王菩薩摩訶薩行般  
若波羅蜜依此法性修諸善根來入  
三有利益衆生雖現無常而非真實  
何以故菩薩摩訶薩行般若波羅蜜  
如實見法性故具足方便大悲願力  
不捨衆生二乘凡夫無有如此大悲  
本願是故不見圓淨法性大王菩薩  
摩訶薩行般若波羅蜜如是觀法性  
一切聖人無能修者無所修法无能  
行者無所行法无心無心法无業無  
果報无苦無樂如是觀者名得平等  
不異遠離隨順廣大無我我所無高  
无下真實無盡常住明淨何以故一

切聖法由此成就因是性故顯現聖  
人大王諸佛如來無邊功德不共之  
法從此性生由是性出大王一切聖  
人戒定慧品從此性生諸佛菩薩般  
若波羅蜜從此性出是性寂靜過諸  
名相性是真實則離顛倒性不變異  
故稱為如聖智境界名第一義非有  
非無非常非斷非生死非涅槃非染  
非淨離一離異無名无相大王菩薩  
摩訶薩行般若波羅蜜復作是念法  
性離相一切法離相無二无別何以  
故一切法離相即法性離相法性離  
相一切衆生離相同法界離相法界  
離相一切法離相如是離相求不可  
得法性如如衆生如如同一無二衆  
生如如法性如如同一无二法性如  
如一切法如如無二无別一切法如  
如諸佛如如無二无別法性如如過  
去未來現在如如不相違逆過去如  
如未來如如亦不相違過去未來現  
在如如即是陰界入如如陰界入如  
如即是染淨如如染淨如如即是生  
死涅槃如如生死涅槃如如即是一

切法如如大王所言如者名為不異  
無變不生无諍真實以無諍故說名  
如如如實知見諸法不生諸法雖生  
如如不動如如雖生一切諸法如如  
不生是名法身清淨不變猶如虛空  
無等等一切三界无有一法所能及  
者遍衆生身無與似者清淨離垢本  
来不染自性明淨自性不生自性不  
起在心意識非心意識性即是空无  
相無願遍虛空界諸衆生處一切平  
等无邊無量不異不別非色不離色  
非受想行識不離受想行識非地大  
水火風大不離地大水火風大無生  
離生雖逆生死不順沮脛眼不能見  
耳不能聞鼻不能嗅舌不能嘗身不  
能覺意不能知不在心意識不離心  
意識大王是名法性菩薩摩訶薩行  
般若波羅蜜通達此法修行清淨三  
千大千世界若閻浮提城邑聚落菩  
薩悉能示現色身所現身者非色非  
相而現色相非六根境而化衆生常  
無休息為說此身无常無我苦不淨  
法了知衆生有寂靜性能為示現无



量種身善巧方便令彼受化知一切  
身無有作者亦无受者猶如木石而  
為衆生說清淨行大王菩薩摩訶薩  
如是行般若波羅蜜通達法性即得  
自在無有移動而起智業遊戲神通  
種種示現安住自在而能示現種種  
威儀自在能趣一切種智皆悉通達  
一切諸法大王般若波羅蜜如是自  
在是無盡相遍一切處无色現色自  
在遍觀諸衆生心見如實心性自在  
憶念無邊數劫相續不斷自在變化  
住解脫相自在盡漏為衆生故不證  
漏盡自在出世是聖智境自在甚深  
聲聞緣覺所不能測自在堅牢魔不  
能壞能至道場成就佛法取為第一  
自在隨順轉大法輪自在調化一切  
衆生自在受位得法自在大王菩薩  
摩訶薩行般若波羅蜜如實通達甚  
深法性得是自在菩薩摩訶薩修是  
自在即得諸禪解脫三昧三摩跋提  
不繫欲界色無色界何以故遠離一  
切虛妄分別煩惱繫縛顛倒執相若  
其受生於生自在無有繫縛若欲現

滅亦復自在隨其生處恒攝大乘成  
就佛法而於十方推求佛法竟不可  
得一切諸法同一佛法非常非斷何  
以故推求此法不可得故以如實理  
求不可得是法不可說有說無說亦  
无名相過此境界若離名相即是平  
等若法平等即無執著无可著者是  
法真實若著真實即是虛妄以不著  
故即非虛妄無所滯著心即无尋無  
尋即无障無障即无諍無諍即同虛  
空是法不繫欲界不繫色界不繫无  
色界若一切處無所繫屬是法无色  
無相无形若法无色无相无形是法  
應如是知隨彼境界而離能知亦離  
所知何以故是中無有少法可覺少  
法能覺是名菩薩摩訶薩行般若波  
羅蜜通達平等大王菩薩摩訶薩行  
般若波羅蜜觀大慈大悲大喜大捨  
不見我不見衆生不見命不見人雖  
行布施而調伏心離戒相心而淨持  
戒以無盡心修行忍辱離心精進以  
寂靜心修習禪定心無所緣修行般  
若心念四處以平等心修習正勤離

戲論心修諸神足分別衆生觀察諸  
根離愆失心修諸根力以分別心觀  
察覺分無功用心修習正道心無所  
著而有淨信自然智慧憶念諸法平  
等智心修諸三昧不分別心觀般若  
波羅蜜以止息心修奢摩他無所見  
心修毗婆舍那無所念心而修念佛  
通達法界平等之心而修念法無所  
住心而修念僧本心清淨教化衆生  
不起分別法界之心攝一切法如虛  
空心淨佛國土無所得心得无生法  
忍無進退心得阿鞞跋致遠離相心  
不見有相三界平等心莊嚴道場心  
能覺知一切諸法轉於法輪不見聽  
說亦現沮脰而知生死本性平等大  
王菩薩摩訶薩行般若波羅蜜如是  
觀諸法不見能觀不見所觀即時能  
得遊戲自在何以故自心清淨能見  
一切衆生淨故大王譬如虛空遍滿  
一切菩薩摩訶薩行般若波羅蜜心  
亦如是說此法時衆中八万四千人  
天發阿耨多羅三藐三菩提心三万  
二千菩薩得無生法忍八万四千衆

生得速塵離垢法眼淨一萬二千比丘皆得漏盡佛告勝天王言大王菩薩摩訶薩行般若波羅蜜心得清淨深大如海功德智慧不可測量菩薩摩訶薩能現出世諸功德寶衆生用之乃至菩提無有盡竭菩薩功德亦復不滅猶如大海多出衆寶菩薩智惠甚深難入聲聞緣覺無能涉者亦如大海小獸不入菩薩智慧廣大無邊何以故無著无住無色无相菩薩智慧從初至後次第轉深初菩提心後薩婆若菩薩法余不與煩惱及惡知識而共止住世間智慧若入菩薩智慧之中一相一味所謂無相薩婆若無分別味菩薩摩訶薩觀一切法不見法增不見法減何以故通達平等深法性故菩薩摩訶薩大悲悲力不違本願一切聖人之所依處為諸衆生永劫說法無有窮盡大王菩薩摩訶薩行般若波羅蜜通達如是甚深法性大王菩薩摩訶薩善能通達世諦衆法雖說諸色而非實有推求此色終不取著受想行識亦復如是雖

說地大而非真實推求地大終不取  
著水火風空識亦復如是雖說眼入  
而非真實推求眼入終不取著耳鼻  
舌身意亦復如是雖復說我而非真  
實推求不見我終不取著衆生命養育  
人作者壽者知者見者亦復如是雖  
說世間而非真實推求世間終不取  
著雖說世法而非真實推求世法終  
不取著雖說佛法而非真實推求佛  
法終不取著雖說菩提而非真實推  
求菩提終不取著大王凡有言說名  
為世諦此非真實若無世諦第一義  
諦則不可說菩薩摩訶薩行般若波  
羅蜜通達世諦不違第一義諦即通  
達之知法無生无滅無壞无此無彼  
悉離語言文字戲論大王第一義者  
離言寂靜聖智境界無變壞法若佛  
出世若不出世性相常住是名菩薩  
通達第一義諦尔時勝天王白佛言  
世尊若一切諸法不生不滅自性空  
離去何有佛出世及轉法輪去何菩  
薩於無生法而見有生佛告勝天王  
言大王法不滅故不生何以故性不



變異故但以世諦因緣見有生滅皆是虛妄非真實有菩薩摩訶薩行般若波羅蜜善巧方便見因緣法即知世諦悉空無有不見堅實似有如影如炎響幻不安搖動從因緣生菩薩摩訶薩以般若波羅蜜觀諸法空乃至從因緣生作是思惟此等諸法今見有生有住有滅何因緣生何因緣滅即作是知無明因緣故生諸行依行生識識生名色名色生六入六入生觸觸生受故凡夫起愛渴愛生取以因取故則相續有由有故生生則有老老故有死憂悲苦惱是故修行為斷無明无明若斷餘十一分則亦復滅譬如人身若斷命根餘根靡用大王邪見外道為求解脫但欲斷死不知斷生若法不生則無有滅譬如有人塊擲師子師子逐人而塊自息菩薩亦尔但斷其生而死自滅大唯逐塊不知逐人塊終不息外道亦尔不知斷生終不離死大王菩薩摩訶薩如是行般若波羅蜜善知因緣諸法生滅大王菩薩摩訶薩行般若波



羅蜜知緣生法空無實有不起我慢  
若生婆羅門刹利居士長者之家不  
起二慢尊貴豪富若生貧賤自知宿  
業不甚清淨得報下劣心起厭離即  
求出家作是思惟如我此身雜業所  
得更修淨業令自清淨使他亦令自  
既求度亦復度他自求脫離亦解他  
縛以是因緣即生精進不惰懈怠障  
道惡法皆為斷除助道善法悉應增  
長勤修精進作是思惟我負重擔應  
當自減一切煩惱度脫衆生不得懈  
怠菩薩摩訶薩行般若波羅蜜親近  
師僧多聞寡聞有知無知持戒破戒  
但生佛想恭敬同學思惟我今依師  
學習修善未滿悉令滿足煩惱未盡  
斷之令盡擁護善法捨離不善一切  
種智憐愍世間大悲福田寂靜天人  
師是我大師善得吉利一切天人皆  
事法王以為大師菩薩摩訶薩行般  
若波羅蜜作是思惟佛說淨戒設為  
身命亦不毀犯如世尊說隨順佛教  
即供養佛若婆羅門刹利居士長者  
種種飲食信心施與如法受用不令

彼人空失果報食者施者俱得利益  
婆羅門刹利居士長者以沙門名而  
召菩薩作福田想菩薩應當如理如  
量修行正法即令顯現沙門功德福  
田功德菩薩如是自行化他不曾休  
廢菩薩摩訶薩行般若波羅蜜如是  
修行則能隨順一切世間見瞋恚者  
生下劣心見高慢人起無我想見邪  
曲人起正直想見妄語人起如實言  
於惡口人常說愛語見剛強者亦現  
柔和見慘毒人則行慈忍見邪法人  
則生大慈見苦衆生則起大悲見慳  
嫉人則行布施大王菩薩摩訶薩行  
般若波羅蜜如是隨順世智生淨佛  
國何以故持戒無缺離諸雜穢修平  
等心於衆生所具大善根不著名利  
清淨之信無所望報勤行精進不生  
懈怠修諸禪定離散亂法以微妙慧  
而習多聞諸根不缺具足利智常修  
大慈遠離瞋恚以是因緣生淨佛國  
今時勝天王白佛言世尊如佛所說  
修戒等法生佛國土為修行一行亦  
生佛告勝天王言大王若有菩薩摩

訶薩於前所說種種法中淨修一行  
即修衆法如是一行得生淨土何以  
故二一行中具衆行故大王菩薩摩  
訶薩行般若波羅蜜如是行生淨土  
不為胎汙何以故菩薩摩訶薩造作  
佛像修葺伽藍如來塔前香泥塗地  
燒香供養或以香湯浴洗佛像於伽  
藍內掃灑泥塗菩薩摩訶薩供養瞻  
省父母之身師僧同學及諸沙門以  
平等心皆悉供養迴此善根為一切  
衆生迴向阿耨多羅三藐三菩提令  
得清淨菩薩摩訶薩如是行般若波  
羅蜜即得離俗何以故心無取著不染  
朋黨背諸境界遠離愛緣境界不染  
世尊說戒如實修行少欲知足隨宜  
四事趣足過時心常怖畏樂寂靜離  
大王如是菩薩摩訶薩行般若波羅  
蜜不著俗法即得淨命無偽威儀口  
意欺詐於施主前終不詐偽現身威  
儀安祥徐步視前六尺若背檀越即  
便縱誕於施主前不為利養下聲細  
語軟美之言順彼意語若背檀越則  
便自縱見他行施口言不用心實欲

須如是名為內心熱惱口現少欲心  
貪利養大王菩薩摩訶薩行般若波  
羅蜜悉无此偽離求利相若見檀越  
不得發言三衣弊壞鉢器闕無或須  
湯藥於施主前不得發言某甲檀越  
施我此物被人謂我持戒多聞大悲  
心淨雖尔讚歎我無此德唯當修行  
報施主恩菩薩摩訶薩不應如是自  
讚毀他隨順白衣而求利養若施餘  
人勿生瞋惱不作諂曲而以取財不  
詐親善害他取物不為他人戲弄取  
財檀越擬施或讚歎人若說法者或  
擬大衆或復未擬或施未決菩薩不  
得入中取分若受施財不應執著此  
是我有此是我物即當迴施沙門師  
僧父母及餘貧乏平等受用若財物  
盡不以生憂少日不得心無苦惱大  
王菩薩摩訶薩受施迴與二俱清淨  
行清淨故心不疲勞何以故菩薩摩  
訶薩行般若波羅蜜為利衆生久處  
生死而不厭患若有魔事衆苦逼切  
心無退轉若人欲行二乘之道即為  
說法不憚疲勞菩薩自修助菩提法

無有厭倦大王菩薩摩訶薩行般若  
波羅蜜如是精進則能隨順佛正教  
行何以故菩薩摩訶薩行般若波羅  
蜜離諸放逸心常謹慎善攝自身不  
作諸惡不善之法口意亦亦菩薩摩  
訶薩行般若波羅蜜雖處現在恒懼  
未來一切諸惡不善之法斷之不生  
言必附理常說法教非法不言志棄  
穢業純修淨行不毀佛教遠離煩惱  
不淨之法是名擁護如來正教一切  
諸惡不善之法悉斷離之大王菩薩  
摩訶薩行般若波羅蜜如是隨順佛  
清淨教視諸衆生面門先笑曾無頓  
蹙所以然者心離穢濁諸根清淨不  
染離垢心不瞋恚內無恨結菩薩摩  
訶薩如是行般若波羅蜜即得多聞  
觀察生死能如實知欲火熾然瞋火  
焚燒愚癡之火常所迷亂亦如實知  
有為无常一切行苦諸法無我世間  
衆生就著戲論一切法中唯有涅槃  
乃為寂靜若聞他說即思惟義傳以  
授人發大慈悲起堅固意若不聞法  
則無思修是故聞惠猶如字本一切

智慧因之而生既得多聞則護正法  
大王未來末世正法滅時其有衆生  
樂勤修行不值法炬無人為說甚深  
之法尔時菩薩即為演暢甚深妙法  
所謂般若波羅蜜令諸衆生得戒定  
慧又讚之言善男子如是末世正法  
滅時汝等能發菩薩之心求阿耨多  
羅三藐三菩提利益衆生此般若波  
羅蜜三世諸佛之所行者汝若勤修  
則去阿耨多羅三藐三菩提不遠何  
以故般若波羅蜜不離菩提譬如有  
人種穀已秀當知收穫必在不久菩  
薩亦尔求阿耨多羅三藐三菩提得  
聞般若波羅蜜當知決定去佛不遠  
大王若善男子善女人捨離般若波  
羅蜜更依餘法求阿耨多羅三藐三  
菩提無有是處猶如王子捨其父王  
更就餘人求為太子决不可得菩薩  
亦尔求薩婆若必因般若波羅蜜得  
譬如犢子若欲湏乳必依其母若就  
餘牛則不可得大王菩薩摩訶薩親  
近般若波羅蜜常為法王子相莊嚴  
身以好為華嚴飾身相諸根不缺如



來行處常所遊行所行之道隨佛如  
來所覺而覺救護世間苦惱衆生善  
能通達佛所說教常修梵行守護如  
來薩婆若城大王菩薩摩訶薩行般  
尊重何以故行菩薩道阿鞞跋致一  
切諸魔所不能動安住佛法通達一  
切空平等理不信外緣如是安住佛  
法智慧不與聲聞辟支佛共超過世  
間住无生法忍大王菩薩摩訶薩行  
般若波羅蜜能如實知一切衆生心  
貪欲瞋癡上中下品亦如實知善心  
堅固心如實知已各各為說諸對治  
法如是則能善化衆生菩薩摩訶薩  
行般若波羅蜜若有衆生應見佛身  
受化度者菩薩摩訶薩即現佛身而  
為說法應以菩薩身化度者現菩薩  
身應以辟支佛身而受化者即現辟  
支佛身應以聲聞身受教化者即現  
聲聞身應以帝釋梵王婆羅門刹利  
長者居士身受教化者皆為示現而  
度脫之大王菩薩摩訶薩如是行般  
若波羅蜜教化衆生菩薩摩訶薩行

般若波羅蜜心性慈和正直軟善無  
諸諂曲嫉妬垢穢心常清淨言語不  
急遠離惡口多行忍辱親狎衆生大  
王菩薩摩訶薩如是行般若波羅蜜  
則在處安樂所以然者具足正見及  
清淨見清淨之行所行境界與心相  
應若心相違惡不善法如是境界及  
染穢處斯則不行菩薩摩訶薩行般  
若波羅蜜見同學人心生歡喜若財  
若法與他共用唯行一道所謂佛道  
唯佛為師不尊餘人大王菩薩摩訶  
薩行般若波羅蜜如是在處安樂具  
諸攝法而攝衆生以利益施安樂施  
無盡施攝取衆生利益語有義語如  
法語不異語攝取衆生以財利益平  
等身利益平等命利益平等資具利  
益平等攝取衆生大王利益施者即  
是法施安樂施者即資生施無盡施  
者即示現道利益語者令彼生善有  
義語者令彼見理如法語者隨順佛  
教不異語者說如實法財利益平等  
者可食可飲可飲可飲可飲及衣服  
等身利益平等者如以攝衛利益已

身令他亦尔命利益平等者真珠琉璃珊瑚瑪瑙名為外命資具利益平等者象馬車乘一切淨財菩薩摩訶薩行般若波羅蜜自行與他皆悉共同大王菩薩摩訶薩行般若波羅蜜受生端正常能修習寂靜威儀不偽威儀清淨威儀人所樂見内外溫善觀者無厭能悅人意一切衆生之所愛重其有見者皆發善心瞋恚者見心即得解大王菩薩摩訶薩行般若波羅蜜如是端正則堪依止守護衆生令煩惱滅能將衆生出離生死無邊曠野能度衆生世間險難為無眷屬而作親友為煩惱疾而作良醫無救護者為之救護無歸依者為作歸依無明衆生為作法炬菩薩摩訶薩行般若波羅蜜為諸衆生而作依止治諸疾病如藥樹王譬如善見大樹根莖枝葉華果色香味觸悉為衆生療治衆病大王菩薩摩訶薩行般若波羅蜜亦復如是從初發心為諸衆生治種種疾諸煩惱病菩薩摩訶薩功德智慧有疾病者見聞皆老菩薩

摩訶薩行般若波羅蜜常與功德相應隨力所堪供養三寶若有疾病即施湯藥若見飢渴即施食飲若見寒凍即施衣服師僧和上盡心承奉同學法人合掌恭敬造立伽藍布施田園時時隨有捨與衆僧下使隸役如法料理聞有名德沙門婆羅門修道行者時時往詣大王菩薩摩訶薩行般若波羅蜜能生諸善有巧方便教化衆生於此佛國身不移動而遊无量諸佛世界諮問正法於此佛國身不移動而遊无量諸佛世界聽受正法於此佛土身不移動亦現無量諸佛國土供養如來於此佛土身不移動而遊无量諸佛世界成就無上菩提資糧於此佛土身不移動而遊无量諸佛世界若有菩薩成佛道者供養恭敬於此佛土身不移動无量世界亦現成道於此佛土身不移動無量佛國現轉法輪於此佛土身不動不移無量佛國亦現涅槃於此佛土身不移動無量佛國應得度者為示化身皆悉令見亦无分別有所作意亦

時勝天王白佛言世尊云何菩薩摩訶薩作種種化無分別心佛告勝天  
王言大王譬如日月照四天下而无  
分別我照天下為作光明衆生業報  
自感日月光照天下菩薩摩訶薩行  
般若波羅蜜亦復如是雖現化身而  
無分別何以故衆生各有宿世善業  
菩薩摩訶薩昔從因地修行發願為  
度衆生以此願力隨其所念皆悉應  
現無分別心大王菩薩摩訶薩行般  
若波羅蜜如是方便善巧教化速向  
阿耨多羅三藐三菩提何以故菩薩  
摩訶薩行檀具足持戒清淨无穿缺  
雜戒聚清淨過諸聲聞辟支佛境具  
足忍辱精進禪定般若方便願力智  
如來世尊不共功德一切具足已過  
聲聞辟支佛地大王菩薩初地乃至  
十地行般若波羅蜜修如是行得阿  
耨多羅三藐三菩提說是法門時衆  
中二万天子得遠塵離垢法眼淨三  
万菩薩摩訶薩得无生法忍八万四  
千天人發阿耨多羅三藐三菩提心  
無量百千億闍婆緊那羅皆悉合

掌讚歎如來遶耆闍崛山無量百千  
億夜又衆雨諸蓮華遶耆闍崛山十  
方無量恒河沙世界菩薩來集讚歎  
如來世尊快說甚深般若波羅蜜為  
諸菩薩世尊因此般若波羅蜜得有  
人天須陀洹向須陀洹果乃至阿羅  
漢向阿羅漢果辟支佛道菩薩十地  
十波羅蜜如來十力四無所畏十八  
不共法一切種智皆從般若波羅蜜  
中出世尊辟如世間一切衆生悉依  
虛空而空無依般若波羅蜜亦復如  
是一切法本而自無依願令我等於  
未來世為諸菩薩摩訶薩說般若波  
羅蜜如今佛說又以種種香華散如  
來上忉時耆闍崛山天神及餘集者  
空中讚言我等憶念過去之世無量  
諸佛於此耆闍崛山中說是般若波  
羅蜜法亦如今日忉時勝天王白佛  
言世尊空中諸天云何得知如來境  
界久遠世佛說是般若波羅蜜事佛  
言大王此諸天等皆住不可思議解  
脫是故能知過去遠事大王我昔為  
菩薩時亦經生彼天神之道見無量



佛成道說法乃至涅槃我常讚歎合掌禮拜何以故彼天神道壽命長故。爾時衆中有一天子名曰光德即從坐起偏袒右肩右膝著地合掌向佛頭面作禮白佛言世尊諸佛菩薩應遊淨土娑婆世界是不清淨云何世尊出現此土。爾時佛告光德天子諸佛如來所居之處無有穢土於是世尊即以神力現此三千大千世界地平如掌琉璃所成無諸山陵堆阜荆棘處處寶聚香華軟草流泉浴池八功德水七寶階砌樹木華果咸說菩薩不退法輪無有凡夫唯見十方諸大菩薩不聞餘音唯聞般若波羅蜜聲處處蓮華大如車輪青紅赤白一華中皆有菩薩結加趺坐即見如來於大衆中為諸菩薩說甚深法无量百千釋梵護世前後圍遶供養恭敬尊重讚歎希有世尊希有世尊所說無虛真實不二如世尊說諸佛住處實无穢土衆生薄福而見不淨世尊若有善男子善女人得聞般若波羅蜜名字甚為希有况復書寫受持

讀誦為他演說佛言若善男子善女人無量百千劫以无寻心施他財物若復有人以淨信心書寫此經傳受與人功德多彼何以故財施有竭法施無盡何以故施財但能得世間果若人若天昔已曾得得已墮落今還復得若以法施昔來未得今始能得所謂涅槃若三千大千世界一切衆生有人教化悉令安住十善道中若善男子善女人以淨信心受持讀誦般若波羅蜜為他人說功德勝彼何以故一切善法皆從般若波羅蜜生故若三千大千世界一切衆生有人教化皆得須陀洹斯陀含阿那含阿羅漢果辟支佛道若復有人信心受持讀誦書寫般若波羅蜜功德勝彼何以故聲聞辟支佛法皆從般若波羅蜜中生一切菩薩摩訶薩法皆從般若波羅蜜中生因此般若波羅蜜故有佛出世般若波羅蜜所在之處當知即是菩提道場轉法輪處應念此處即我大師如來應供正遍知處在此中何以故一切諸佛皆從般若

波羅蜜生故若人供養如來形像不  
如供養般若波羅蜜何以故三世諸  
佛皆因般若波羅蜜生故

勝天王般若波羅蜜經卷第三

己亥歲高麗國大藏都監奉

勅影造

勝天王般若波羅蜜經卷第四

潛

陳優憚尼國王子月婆首那

譯

平等品第六

尔時勝天王即從坐起偏袒右肩右膝著地向佛合掌頭面作礼而白佛言世尊如佛所說法性平等何者是平等等何法故名為平等佛告勝天寂靜名為平等一切煩惱虛妄分別不生不滅自性寂靜名為平等名相妄想不生不滅自性寂靜名為平等滅諸顛倒不起攀緣名為平等能緣心滅无明有愛即皆寂靜癡愛滅故不起我我所名為平等我我所滅名色寂靜名為平等名色滅故邊見不生名為平等滅斷常故身見寂靜名為平等大王能取所取一切煩惱障善法者依身見生菩薩摩訶薩能滅身見一切諸使皆悉寂靜作願亦息譬如大樹拔除根株枝條枯死如人無首命根即絕一切煩惱亦復如是若斷身見餘使自滅大王若人能觀

諸法无我則取可取皆悉寂靜勝天  
主白佛言世尊云何生我見障真實  
理佛告勝天王言大王於五陰身妄  
執有我即生我見真實之法自性平  
等無能所執我見相違是故為障大  
王如是我見不在內不在外不在內  
外若無所住名為寂靜即是平等遠  
離我見通達平等名真實空觀空无  
相無願自性寂靜不生不滅不取不  
著遠離我見名為平等大王所言我  
者無来无去無有真實虚妄分別法  
從妄有亦是虚妄菩薩摩訶薩行般  
若波羅蜜觀如是法遠離虚妄是故  
名為寂靜平等大王能取可取則名  
為燃離名寂靜惑障為燃離為寂靜  
菩薩摩訶薩善巧方便行般若波羅  
蜜能如實知諸煩惱滅為增善法斷  
除煩惱不見可生不見可滅名為平  
等修波羅蜜遠離魔障不見可修不  
見可離名為平等菩薩常緣助菩提  
法不起聲聞辟支佛心於助菩提聲  
聞緣覺不見異相名為平等緣薩婆  
若心不休息常修空行以大悲力不

捨衆生名為平等大王菩薩摩訶薩  
具足方便行般若波羅蜜即得心緣  
自在心緣無相而修菩提不見无相  
及菩提異名為平等心緣無願不捨  
三界不見無願及三界異名為平等  
觀身不淨心住清淨觀行无常心住  
生死而不厭離觀衆生苦住涅槃樂  
觀法無我於諸衆生起大悲心常為  
衆生說不淨藥不見貪病常說大慈  
不見瞋忿常說因緣不見愚癡等集  
如是菩薩摩訶薩以方便力行般若  
波羅蜜於一切法心緣自在緣離欲  
法為化聲聞緣離瞋法化辟支佛緣  
離癡法為化菩薩緣一切色願得佛  
色無所得故心緣衆聲願得如來微  
妙音聲心緣衆香願得如來清淨戒  
香心緣諸味願得如來味中第一大  
丈夫相心緣諸觸願得如來柔軟手  
掌心緣諸法願得如來寂靜之心心  
緣布施為得成就相好之身心緣尸  
羅為得清淨佛之國土心緣忍辱願  
得如來大梵音聲淨光明身心緣精



進為度衆生心緣禪定為得成就諸  
大神通心緣般若為斷一切諸見煩  
惱心緣大慈平等無尋令諸衆生皆  
得安樂心緣大悲為護正法心緣大  
喜為得說法悅樂衆生心緣大捨不  
見衆生煩惱結使大王菩薩摩訶薩  
以方便力行般若波羅蜜不見二事  
名平等行心緣四攝為教化衆生緣  
嫉妬過為捨資財緣破戒失為住淨  
戒緣瞋恚失為得忍辱緣懶惰失為  
成佛力緣散亂失為得如來寂靜禪  
定緣愚智失為成如來無尋智慧心  
緣聲聞及時支佛為欲成就无上大  
乘心緣惡趣為欲濟拔一切衆生心  
緣諸天知一切法志有敗壞緣諸衆  
生知无堅實心緣念佛為得成就禪  
定助道心緣念法為得通達諸秘密  
藏心緣念僧為得不退心緣念捨為  
無愛著心緣念戒為得淨戒心緣念  
天為成佛道諸天讚歎心緣自身為  
得佛身心緣自口為得佛口心緣自  
意為得如來平等之心心緣有為為  
成佛智心緣無為為得寂靜大王菩

薩摩訶薩行般若波羅蜜無有一心  
一行空過不向薩婆若者菩薩摩訶  
薩行般若波羅蜜遍緣諸法而能不  
著名憂波憍舍羅觀見諸法无不趣  
向善提之者大王譬如三千大千世  
界大地出生諸物人無不用菩薩摩  
訶薩行般若波羅蜜所緣境界无不  
利益趣向善提譬如衆色無有不因  
四大成者如是菩薩所緣境界无有  
一法不向善提何以故菩薩摩訶薩  
修習諸行皆因外緣而得成立如因  
慳嫉人成就菩薩檀波羅蜜因不知  
恩人成就菩薩尸波羅蜜如因惡性  
瞋恚衆生成就菩薩忍波羅蜜因懶  
惰者成就菩薩毗梨耶波羅蜜因散  
乱人成就菩薩禪波羅蜜因諸癡鈍  
成就菩薩般若波羅蜜若有衆生損  
惱菩薩菩薩因此不起瞋心菩薩若  
見修行善法向善提者生已身想猶  
我子心菩薩摩訶薩若人讚歎不生  
歡喜毀不瞋恚見苦衆生則起大悲  
若見受樂則生大喜若因難化佞戾  
衆生菩薩則發奢摩他心因信行者

菩薩即得知思智慧若見衆生外惡  
緣強善因弱者菩薩則起擁護之心  
菩薩若見因力強者種種方便令其  
受教菩薩若見智慧開悟解義衆生  
則為此入說甚深法若有智人菩薩  
則為次第說法著文字者為說句義  
若已先學奢摩他者菩薩為說毗婆  
舍那若有先學毗婆舍那則應為彼  
說諸三昧者著持戒為說地獄持戒  
不著則不說之若著聞者為說思修  
著三昧者說入般若樂阿蘭若即應  
為說心遠離法若有樂聞佛功德者  
為說聖智為貪欲者說不淨法為瞋  
恚人說慈悲法為愚癡者說緣生法  
為等集者說種種法或說不淨或說  
慈悲或說因緣調化衆生為說淨戒  
禪定智慧應入佛乘而受化者為次  
第說諸波羅蜜應以抑挫而受化者  
先折其辭然後說法種種語言而受  
化者即應為說因緣譬喻令其得解  
應以深法而受化者即應為說般若  
波羅蜜及方便力無人无我無諸法  
相著見衆生為說空法多覺觀者為

說無相樂者有為則說無願者陰衆  
生為說如幻者界衆生說无所有者  
入衆生為說如夢者欲界者為說熾  
然者著色界為說行苦者无色界說  
行無常難化衆生為讚聖種易化衆  
生說諸禪定及無量心若聞生天而  
受化者則為說樂因聲聞法而受化  
者為說諸諦辟支佛法而受化者為  
說因緣以菩薩法而受化者為說淨  
心及大悲法修行菩薩則應為說功  
德智惠阿鞞跋致諸菩薩等則應為  
說清淨佛國一生補處則應為說莊  
嚴道場應以佛說而受化者則為相  
續次第而說大王菩薩摩訶薩行清  
淨般若波羅蜜以方便力得諸自在  
說法利益無有空過說是菩薩自在  
法門時衆中三万天人發阿耨多羅  
三藐三菩提心五千菩薩得无生法  
忍今時世尊欣然微笑諸佛法今若  
微笑時面門即放諸大光明青黃赤  
白紫頗梨色遍照无量無邊世界上  
至阿迦尼吒還歸佛所右繞三匝從  
佛頂入今時大智舍利弗即從坐起

偏袒右肩右膝著地合掌向佛頭面  
作禮而白佛言世尊諸佛如來元大  
因緣則不現此希有瑞相世尊今者  
放是光明遍照十方無量世界為何  
因緣願世尊說今時佛告舍利弗言  
善男子此勝天王過去無量无邊阿  
僧祇劫於諸佛所修行衆波羅蜜為  
諸菩薩護持如是般若波羅蜜未來  
之世過無量百千阿僧祇劫成就无  
上菩提資糧然後得阿耨多羅三藐  
三菩提佛号功德莊嚴如來應供正  
遍知明行足善逝世間解無上士調  
御丈夫天人師佛世尊國名嚴淨劫  
名清淨其土豐饒人民安樂純菩薩  
衆彼國悉以七寶莊嚴所謂金銀琉  
璃頗梨馬瑙車渠真珠七寶間錯以  
成其地平坦如掌香華軟草而嚴飭  
之無諸山陵堆阜荆棘幡華幢蓋種  
種莊嚴城名難伏七寶羅網弥覆其  
上角懸金鈴日夜六時諸天空中自  
作天樂散衆天香及天妙華其土人  
民受樂歡喜勝他化天人天往來不  
相隔尋無三惡道彼土衆生唯求佛



智无二乘名其佛世尊為諸高行菩薩摩訶薩說清淨法無量无边菩薩眷属无有破戒邪命者見盲暗翳癰瘻背裸形諸根缺者皆悉具足二十八相莊嚴其身佛壽八小劫人天之衆無中天者善男子彼佛世尊有如是等無量功德若欲說法先放光明照曜國土其諸菩薩遇斯光者即知世尊將欲說法我等今者宜應往聽余時諸天為彼世尊敷師子座高百由旬種種嚴飾無量供養世尊坐上為衆說法彼諸菩薩聰明利根一聞悟解无我我所飲食資糧應念即得說是勝天王授記法門時衆中五万天人發阿耨多羅三藐三菩提心皆願未來生彼國土余時勝天王聞佛世尊為其授記心大歡喜得未曾有踊在虛空高七多羅樹余時三千大千世界六種震動諸天伎樂不鼓自鳴散衆天華以供養佛及勝天王時勝天王從空中下頭面礼佛退坐一面勝天王般若波羅蜜經現相品第七

余時大智舍利弗白勝天王言菩薩



摩訶薩行般若波羅蜜通達法性即應坐道場轉法輪何因緣故先修苦行降伏惡魔尔時勝天王答舍利弗言善男子菩薩摩訶薩行般若波羅蜜實無苦行為伏外道故亦現之而彼天魔實不能壞是欲界主故亦降伏化諸衆生舍利弗外道自謂苦行第一是故菩薩亦現苦行能超過彼舍利弗或有衆生但見菩薩屈一膝立或見菩薩舉兩手立或見菩薩視日而立或見菩薩五熱炙身或見菩薩倒身而立或見菩薩卧棘刺床或卧牛糞或坐方石或復卧地或見卧板或卧杵上或卧塵土或著板衣或著苴衣或著草衣或樹皮衣或復裸形或著茅衣或面向日隨日而轉或食稗子或見食麥或食草根雜諸樹葉食果食華或食薯蕷或見食芋或見食藕或六日一食或見食豆或食大豆或食炒穀或見食麻或見食米或見飲水而以度日或見菩薩食一適蘇而以度日或一適蜜或一適乳或無所食或見眠熟舍利弗菩薩摩訶

薩亦現如是種種苦行六年之中一事不虧菩薩實無如是苦行衆生見有以諸衆生應以苦行而得度脫為是等故菩薩亦之有六十那由他人安住三乘舍利弗復有天人宿世善根深樂大乘則見菩薩坐七寶臺身心不動面門喜笑入三昧定如是六年方從定起舍利弗復有衆生深樂大乘欲聽聞者則見菩薩端坐說法舍利弗此是菩薩摩訶薩以方便力行般若波羅蜜大悲化度一切衆生能降天魔伏諸外道菩薩摩訶薩既經六年從定而起隨順世法詣尼連禪河洗浴出已於河邊立有牧牛女攜百乳牛以飲一牛攜此牛乳用以作糜奉獻菩薩復有六億天龍夜叉乳闍婆各持飲食而來奉獻作如是言大士受我供養正士受我供養菩薩悲受而彼牛女天龍夜叉各不相見一一天等各見菩薩獨受其食舍利弗是等衆生因見受供而得悟道是故菩薩為亦現之而此菩薩實不洗浴及受供養舍利弗菩薩摩訶薩

行般若波羅蜜以方便力示現行詣  
道場時有地居天子名曰妙地與諸  
天神掃此大地散衆妙花種種香水  
而用灑之三千大千世界須弥山下  
諸天之衆四天王天雨諸天花三十  
三天及夜摩天空中讚歎作諸伎樂  
兜率陀天珊瑚率陀王以七寶網弥  
覆世界四角皆懸閻浮檀金鈴悉雨  
衆寶供養菩薩化樂諸天善化王以  
閻浮檀金羅網弥覆世界作諸伎樂  
雨種種華供養菩薩他化自在諸天  
子與諸天龍夜叉乾闥婆阿修羅伽  
樓羅緊那羅摩睺羅伽人非人等各  
各施設種種供養自在天子與娑婆  
世界主大梵天王既見菩薩行詣道  
場即告一切諸梵天言善男子汝等  
當知如此菩薩摩訶薩堅固大身而  
自莊嚴不違本誓心無懈怠一切菩  
薩行悉滿足通達教化無量衆生菩  
薩諸地皆得自在於諸衆生其心清  
淨善知根性通達如來甚深密藏過  
諸魔事一切善根不隨外緣无量諸  
佛之所擁護能為衆生開解脫門大

將導師摧伏諸魔大千世界獨為勇  
猛善施法藥為大醫王解脫灌頂受  
法王位放智慧光世間八法所不能  
染如大蓮華通達一切諸陀羅尼甚  
深如海安住不動如須弥山智慧清  
淨無有垢穢如摩尼珠於一切法而  
得自在清淨梵行善男子菩薩摩訶  
薩修般若波羅蜜以方便力行詣道  
場欲降惡魔坐菩提樹為成就十力  
四無畏十八不共法轉大法輪作師  
子吼以法布施令諸衆生皆悉飽滿  
為欲清淨衆生法眼無上正法降伏  
外道欲示諸佛本願成就於一切法  
而得自在善男子汝等可往供養菩  
薩舍利弗菩薩摩訶薩行般若波羅  
蜜以方便力示現行詣道場足下即  
現千輻輪相微妙光明一切地獄畜  
生餓鬼遇斯光明皆悉離苦而得安  
樂及照龍宮時有加梨加龍王遇此  
光明即告諸龍此金色光來照龍宮  
悉令汝等身心安樂我於過去曾見  
此相有佛出興今此光明如昔不異  
當知必有佛出世間可辨種種燒香

塗香末香金銀真珠車乘馬珊瑚  
白玉幡華幢蓋作諸音樂往詣菩薩  
宮中好物志賣供養時加梨加龍王  
與諸眷屬普興大雲降注香雨往詣  
菩薩作諸伎樂施設供養右繞菩薩  
而讚歎言金色光明令人喜悅決定  
取勝佛出無疑種種雜寶莊嚴大地  
凡是因地生諸草木志變成寶江河  
釋梵日月光明不現惡趣清淨佛出  
無疑譬如有人少失父母年既長大  
忽然還得心甚歡喜一切世間覩佛  
興出亦復如是我等已曾供養過去  
諸佛世尊今值法王人中師子則我  
受生為不空過舍利弗菩薩摩訶薩  
行般若波羅蜜以方便力取草敷坐  
於菩提樹右繞七匝正念端坐下劣  
衆生見如此相舍利弗復有高行諸  
大菩薩見八万四千天子數八万四  
千大師子座衆寶合成七寶羅網弥  
覆其上四角金鈴處處皆有幡花幢  
蓋繒綵羅列尔時菩薩遍此八万四  
千座上二皆坐而諸天子自不相

見各謂菩薩獨坐我座成阿耨多羅三藐三菩提以是因緣心生歡喜得未曾有皆證阿鞞跋致舍利弗菩薩摩訶薩行般若波羅蜜以方便力即放眉間白毫相光明照諸魔宮三千大千世界一切魔宮皆失光明時諸魔等各作是念以何因緣我等諸宮光明不現詐非菩薩坐於道場證阿耨多羅三藐三菩提乎即共觀察方見菩薩端坐道場菩提樹下時諸惡魔於自宮殿聚集魔軍無量千億種種諸色種種衆形種種相貌種種頭面持種種仗種種幢幡種種音聲若有聞者耳鼻口中並皆流血菩薩尔時以大悲力令魔軍衆不得出聲舍利弗是名菩薩摩訶薩行般若波羅蜜方便之力舍利弗菩薩行般若波羅蜜以方便力無量億劫行布施持戒忍辱精進禪定智慧慈悲喜捨念處正勤神足根力覺道奢摩他毗婆舍那三明解脫身金色右臂從頂自摩乃至遍身作如是言衆生苦惱我欲濟拔而起大悲尔時魔王及諸眷



屬聞菩薩言即皆倒仆菩薩摩訶薩以大悲力令諸魔衆聞空中聲言汝等可歸依持戒力仙能施无畏救護一切衆生魔及眷屬聞此聲已猶伏在地作如是言唯願正士大士救濟我命舍利弗尔時菩薩摩訶薩行般若波羅蜜以方便力放大光明其有遇者皆離怖畏魔及眷屬見是神力恐怖歡喜二事交懷舍利弗菩薩摩訶薩行般若波羅蜜或有衆生見是降魔亦復有人不見此事或有衆生但見菩薩敷草而坐或見菩薩處大師子寶臺而坐或見菩薩在地而坐或見空中自然而有師子之座菩薩安坐或有衆生見阿說他樹為菩提樹或見波利質多羅樹或見衆寶合成為菩提樹或有衆生見菩提樹高七多羅樹或有衆生見菩提樹高八万四千由旬師子之座高四万二千由旬或有衆生遙見菩薩遊戲空中或見菩薩坐菩提樹舍利弗菩薩摩訶薩行般若波羅蜜以方便力示現如是種種神變化度衆生舍利弗菩

薩摩訶薩行般若波羅蜜以方便力  
現坐道場十方恒河沙世界無量無  
邊菩薩摩訶薩皆悉來集住虛空中  
出是聲言安慰菩薩安樂歡喜善哉  
速疾勇猛精進大吉祥勿生怖懼心  
如金剛遊戲神通利益衆生一念之  
頃一切智現舍利弗菩薩摩訶薩坐  
道場時魔來為亂亦不生瞋一剎那  
心與般若波羅蜜相應所知見覺無  
不通達舍利弗時十方恒河沙世界  
諸佛如來異口同聲讚言善哉大士  
通達自然智無尋智平等智无師智  
大悲莊嚴舍利弗菩薩摩訶薩行般  
若波羅蜜以方便力能作如是種種  
示現或有衆生見此菩薩今始成道  
或見菩薩久遠成道或見一世界四  
天王獻鉢或見十方恒河沙世界四  
天王獻鉢舍利弗菩薩今時度衆生  
故即受衆鉢重疊掌中合而為一其  
諸天王各不相見皆謂世尊獨用我  
鉢舍利弗菩薩摩訶薩行般若波羅  
蜜以方便力示現此事說是法門時  
衆中三萬菩薩摩訶薩得無生法忍

三萬六千菩薩皆不退轉阿耨多羅三藐三菩提八万人天得遠塵離垢法眼淨無量無邊衆生發阿耨多羅三藐三菩提心舍利弗復有六万天子先来獻供過去願力若菩薩成道必願先受我等供養尔時菩薩摩訶薩以般若波羅蜜方便力故亦現欲轉法輪娑婆世界主尸棄梵王與六十八万梵天來世尊所頭面作礼右繞七匝而發是言唯願大悲轉無上法輪唯願大悲轉無上法輪尔時即現大師子座高四万二千由旬種種莊嚴堅固安隱十方無量釋提桓因悉為如來敷師子座亦復如是尔時菩薩以神通力一一諸天各見菩薩坐其座上而轉法輪菩薩摩訶薩既坐此座十方無量無邊世界皆悉震動放大光明即入無邊境界三昧十方恒河沙世界一切衆生三惡道苦即得安樂悉離三毒各各相於猶如母子無復惡心時此三千大千世界靡有間隙如一毛孔天龍夜叉乾闥婆阿修羅伽樓羅緊那羅摩睺羅伽人

非人等悉滿其中若有衆生應以苦法而受化者聞佛說苦應以無我空寂靜離無常皆亦是應以如幻法而受化者聞說如幻應以如夢水中月如影如響皆亦是應以空無相无願而受化者即聞佛說空無相无願法或聞如來說一切法從因緣生或聞說諸陰或聞說諸界或聞說諸入或聞說苦聲或聞說集聲或聞說道聲或聞說念處或聞說正勤或聞說神足或聞說根或聞說力或聞說覺或聞說道或聞說奢摩他或聞說毗婆舍那或聞說辟支佛法或聞說大乘法舍利弗菩薩摩訶薩行般若波羅蜜以方便力示現種種轉法輪令無量衆生隨其根性歡喜利益今時舍利弗白勝天王言菩薩摩訶薩行般若波羅蜜以方便力甚深境界難知難思量難入今時勝天王答舍利弗言菩薩摩訶薩行般若波羅蜜功德勝事我今所說百分不及一百千萬億分乃至等數譬喻亦不及一唯有如來乃能盡說我今所說其少分

者皆承如來威神之力何以故諸佛境界一生補處菩薩摩訶薩尚不能盡況餘菩薩舍利弗諸佛境界寂靜無說後无分別智之所能了舍利弗菩薩摩訶薩欲入諸佛境界應學般若波羅蜜首楞嚴三昧如幻三昧金剛喻三昧金剛三昧不動意三昧遍通達三昧不緣境界三昧師子自在三昧三昧王三昧功德莊嚴三昧寂靜意三昧超出三昧無著三昧意莊嚴王三昧無等等三昧等覺三昧正覺三昧悅意三昧歡喜三昧清淨三昧火焰三昧光明三昧難勝三昧常現前三昧不相近三昧无生三昧通達三昧取勝三昧過魔界三昧一切智意三昧幢相三昧大悲三昧歡喜三昧愛念三昧不見法三昧舍利弗菩薩摩訶薩行般若波羅蜜以方便力通達如是等无量無邊百千億恒河沙數諸三昧已乃能得入諸佛境界其心安隱恐怖悉無如師子王不畏禽狩何以故菩薩摩訶薩修如是等諸三昧已有所經遊悉無怖畏不

見其前有一怨敵何以故舍利弗菩薩摩訶薩行般若波羅蜜以方便力心无所緣亦無所住譬如有人生无色界八万四千劫中唯是一識無有住處亦无所緣菩薩摩訶薩行般若波羅蜜亦復如是心無住處亦無所緣何以故心不行無行處心无想無想處心不緣无緣處心不著無著處心不乱無乱處心無高下心不隨順又不違逆不喜不憂無分別離分別離奢摩他毗婆舍那心不隨智心不自住亦不住他不依眼住不依耳鼻舌身意住不依色住不依聲香味觸法住心不在內亦不在外心不緣法心不緣智不住過去未來現在舍利弗菩薩摩訶薩行般若波羅蜜不取一法於一切法知見無導心行淨故見一切法皆悉無垢不取見相見不分別離諸戲論舍利弗菩薩摩訶薩行般若波羅蜜不與肉眼相應不與天眼相應慧眼法眼佛眼悉不與天與天耳相應不與他心智相應不與宿命智相應不與神通智相應不與



漏盡智相應舍利弗是般若波羅蜜  
不與一切法相應非不相應菩薩摩  
訶薩行般若波羅蜜以方便力於一  
切法得平等智能觀一切衆生心行  
一切染淨皆如實知於十力四无畏  
十八不共法佛一切智咸不失念菩  
薩摩訶薩行般若波羅蜜以无功用  
心通達一切法無心意識常在寂靜  
三昧之中不捨三昧教化衆生施作  
佛事無有休息於諸佛法得无尋智  
心無染著舍利弗譬如化佛更化作  
佛彼所化者無心意識無身身業无  
口口業無心心業而能施作一切佛  
事利益衆生何以故佛神力故舍利  
弗菩薩摩訶薩從般若波羅蜜所化  
亦復如是無身身業無口口業无意  
意業以无功用心常作佛事利益衆  
生何以故菩薩摩訶薩行般若波羅  
蜜通達一切法猶如幻相心無分別  
而諸衆生恒聞說法舍利弗菩薩摩  
訶薩如是智慧不住有為不住無為  
不住諸陰不住界入不住内外不住  
善法及不善法不住世間及出世間

不染不淨不住有漏不住无漏不住  
過去未來現在不住數緣滅不住非  
數緣滅舍利弗是菩薩摩訶薩如是  
行般若波羅蜜心無所住而能通達  
一切諸法以无尋智無功用力為衆  
生說常在寂靜而教化事無有休息  
舍利弗菩薩摩訶薩宿願強故無切  
用心為人說法舍利弗菩薩摩訶薩  
以般若波羅蜜方便力故无諸怖畏  
何以故執金剛神常守護故若行若  
立若坐若卧恒不遠之舍利弗菩薩  
摩訶薩聞說深般若波羅蜜心不驚  
不怖不疑不悔當知是人已得授記  
何以故信受般若波羅蜜近佛境界  
故以此一心則能通達一切佛法達  
佛法故利益衆生不見衆生與佛法  
異何以故理無二故

勝天王般若波羅蜜經卷第四

已亥歲高麗國大藏都監奉  
勅彫造

勝天王般若波羅蜜經卷第五

淨

無所得品第八

陳優禪尼國王子月婆首那

譯

尔時衆中有一菩薩摩訶薩名須真  
脛白勝天王言如來為大王授記乎  
勝天王荅善思惟菩薩言善男子我  
授記如夢相又問大王如此授記當  
得何法荅曰善男子佛授我記竟无  
所得又問無所得者為何法荅曰  
不得衆生壽者人養育陰界入悉無  
所得若善不善若染若淨若有漏若  
無漏若世間若出世間若有為若无  
為若生死若涅槃悉無所得又問若  
无所得用受記為荅曰善男子無所  
得故則得受記又問若如大王所說  
義者則有二智一無所得二得受記  
荅曰若有二者则无授記何以故佛  
智無二諸佛世尊以不二智受菩薩  
記又問若智不二云何而有授記得  
記荅曰得記授記其際不二又問不  
二際者云何有記荅曰通達不二際  
即是受記又問大王住何際中而得

五

授記答曰住我際得授記住衆生際  
壽命際人際得授記又問我際當於  
何求答曰當於如來解脫際求又問  
如來解脫際復於何求答曰當於無  
明有愛際求又問无明有愛當於何  
求答曰當於畢竟不生際求又問畢  
竟不生際當於何求答曰當於無知  
際求又問無知者為无所知云何於  
此際求答曰若有所知求不可得以  
無知故於此際求又問此際无言云  
何可求答曰以言語斷是故可求又  
問云何言語斷答曰諸法依義不依  
語又問云何依義答曰不見義相又  
問云何不見答曰不生分別義是可  
依我為能依無此二事故名通達又  
問若不見義此何所求答曰不見不取  
故名為求又問若法可求即是有求  
答曰不尔夫求法者是無所求何以  
故若是可求則為非法又問何者是  
法答曰法無文字亦離言語又問離  
文言中何者是法答曰文言性離心  
行虛滅是名為法一切諸法皆不可  
說其不可說亦不可說善男子若有

所說即是虛妄中無實法又問諸佛  
菩薩常有言說皆虛妄乎答曰諸佛  
菩薩從始至終不說一字云何虛妄  
又問若有所說云何過答曰謂言  
語過又問言語何答答曰謂思量過  
又問何法無咎答曰無說所說不見  
二相是則無咎又問過何為本答曰  
能執為本又問執何為本答曰著心  
為本又問著何為本答曰虛妄分別  
又問虛妄分別以何為本答曰攀緣  
為本又問何所攀緣答曰緣色聲香  
味觸法又問云何不緣答曰若離愛  
取則無所緣以是義故如來常說諸  
法平等說此法門時眾中五千比丘  
得遠塵離垢法眼淨一万二千菩薩  
得無生法忍无量無邊眾生發阿耨  
多羅三藐三菩提心尔時勝天王即  
從坐起偏袒右肩右膝著地合掌向  
佛頭面作礼而白佛言世尊善男子  
善女人聞是般若波羅蜜云何未發  
阿耨多羅三藐三菩提心者即能發  
心皆悉成就得不退轉行常勝進而  
無墮落佛告勝天王言大王諦聽善

思念之嘗為王說善男子善女人聞  
般若波羅蜜行得勝進無有退墮勝  
天王言善哉世尊唯然願聞佛告勝  
天王言大王若善男子善女人聞般  
若波羅蜜以清淨意發阿耨多羅三  
藐三菩提心具足正信親近賢聖樂  
聞正法遠離嫉妬無有慳恚常修寂  
靜好行布施心无隔碍恒離穢濁正  
信業果心不疑惑知黑白報設為身  
命不應作者終不為之大王善男子  
善女人如是行般若波羅蜜則遠離  
煞生不與取邪婬妄語兩舌惡口綺  
語貪瞋邪見心常繫念此十善法大  
王善男子善女人行般若波羅蜜以  
方便力若見沙門婆羅門正行精進  
戒品清淨多聞解義常起正念心性  
調伏寂靜不散口恒愛語遠離諸惡  
不善之法修習眾善不自矜高於他  
不下不作惡口及无義語不捨念處  
其心調直能斷有流善拔毒箭捨離  
重擔超出有難已度後有大王善男  
子善女人行般若波羅蜜若見如是  
菩薩摩訶薩則應親近依止是人為



善知識菩薩摩訶薩以方便力而為

說法善男子施得大富持戒生天聽

法大智又復告言此是布施此是施

報此是嫉如是嫉如報此是忍辱是

忍辱報此是精進是精進報此是禪

定是禪定報此是般若如是般若報此

是愚癡是愚癡報是身善業身善業

報是身惡業身惡業報是口善業口

善業報是口惡業口惡業報是意善

業意善業報是意惡業意惡業報諸

善男子善女人此法應作此不應作

若如是修致長夜樂不如是作得長

夜苦大王善男子善女人以方便力

親近善知識得聞如是次第說法菩

薩摩訶薩若知彼人是法慧者則應

為說甚深般若波羅蜜所謂空無相

無願無作无生無滅无我無衆生无

命無人而說甚深因緣法因此法彼

法生此法滅彼法滅所謂無明緣行

行緣識識緣名色名色緣六入六入

緣觸觸緣受受緣愛愛緣取取緣有

有緣生生緣老死憂悲苦惱无明滅

則行滅行滅則識滅識滅則名色滅

則行滅行滅則識滅識滅則名色滅

名色滅則六入滅六入滅則觸滅觸滅則受滅受滅則愛滅愛滅則取滅取滅則有滅有滅則生滅生滅則老死憂悲苦惱滅大王菩薩摩訶薩行般若波羅蜜以方便力作如是說於真實中無有一法可生可滅何以故世間諸法皆因緣生無我作者因緣和合無一實法受生滅者虛妄分別於三界中但有假名隨業煩惱而受果報若以般若波羅蜜如實觀察一切諸法無生无滅無作受者若法无作是亦無行則於諸法心无所著謂不著色受想行識不著眼色識不著意法識大王菩薩摩訶薩作如是說一切諸法自性空離不取不著善男子善女人因如是說則無退失大王菩薩摩訶薩行般若波羅蜜樂見諸佛樂聞正法不墮卑賤在所生處不離見佛聽受正法供養衆僧面見諸佛勇猛精進志求正法不著有為妻子僕隸生生所資悉不貪著不染諸欲常依正教憶念諸佛離俗出家如聞修行轉為他說心无求望見聽法

衆常生大慈一切衆生而起大悲多聞廣學不惜身命少欲知足常樂遠離但採義理不滯言辭說法修行不為自身唯化衆生得無上樂所謂佛智大王菩薩摩訶薩行般若波羅蜜如是修行遠離放逸攝護諸根若眼見色不著色相如實觀察此色過患耳聲鼻香舌味身觸意法亦尔若縱諸根名為放逸若能攝護名不放逸菩薩摩訶薩行般若波羅蜜調伏自心將護他意名不放逸遠離貪欲心順善法覺觀瞋癡不善根本身惡口惡及以邪念一切不善皆悉遠離名不放逸菩薩摩訶薩行般若波羅蜜心常正念名不放逸大王菩薩摩訶薩行般若波羅蜜一切諸法信為其首正信之人不生惡趣心不行惡聖人所讚大王菩薩摩訶薩行般若波羅蜜如法修行在在生處常得值佛遠離二乘安住正道得大自在成就大事如來正智菩薩摩訶薩行般若波羅蜜欲求安樂當勤隨順薩婆若路大王今此大衆得聞深般若波羅

蜜已於過去無量百千万劫供養諸  
佛修習善根是故應當勤加精進勿  
令退失大王若天若人能制諸根不  
著五欲遠離世間常修出世三業清  
淨習助道法名不放逸大王菩薩摩  
訶薩行般若波羅蜜正信具足心不  
放逸勤修精進令得勝法名不放逸  
大三菩薩摩訶薩欲具正信心不放  
逸精進正念當學般若波羅蜜因是  
念智能速成就阿耨多羅三藐三菩  
提法大王菩薩摩訶薩行般若波羅  
蜜具足正信心不放逸勤修精進即  
得正念用是念智知有知无云何有  
無若修正行得正解脫是名為有若  
修邪行得正解脫是名為無眼耳鼻  
舌身意世諦為有真實中无菩薩摩  
訶薩勤修精進能得菩提是名為有  
懶惰菩薩得菩提者是名為無若說  
五陰皆從虛妄顛倒而生是名為有  
若謂世法不從因緣自然生者是名  
為無色是无常苦敗壞法是名為有  
若言常樂非敗壞法是名為無受想  
行識亦復如是无明緣行是名為有

若離無明而行生者是名為元行緣  
識乃至生緣老死憂悲苦惱皆亦如  
是施得大富是名為有施得貧窮是  
名為無清淨持戒得生善道是名為  
有若生惡趣是名為無乃至般若波  
羅蜜能得成聖是名為有修行般若  
波羅蜜作凡夫者是名為無若修多  
聞能得大智是名為有得愚癡者是  
名為無若修正念能得出離是名為  
有不得為无若行邪念不得出離是  
名為有得者為無无我我所能得解  
脫是名為有有我我所而得解脫是  
名為無若言虛空遍一切處是名為  
有五陰中我是名為無如實修智能  
得解脫是名為有若著邪智而得解  
脫是名為無若離我見衆生見壽者  
見人見能得空智是名為有著我衆  
生壽者人見能得空智是名為無大  
王菩薩摩訶薩行般若波羅蜜如是  
知世有無能修平等了知諸法因緣  
而生世諦故有不起常見知因緣法  
本性自空不生斷見於諸佛教如實  
通達大王諸佛如來略為菩薩說是

四法世間沙門婆羅門及長壽天心

皆著常為破此執說行無常有諸天  
人多貪著樂為破此計說一切苦外  
道邪見著身中我為破此執而說无  
我又復為破增上慢人是故而說沮  
睺寂靜說无常者令其志求究竟之  
法為說苦者令離願求說無我者為  
顯空門說寂靜者令達无相大王菩  
薩摩訶薩行般若波羅蜜如是修學  
於諸善法終無退墮速成阿耨多羅  
三藐三菩提尔時勝天王白佛言世  
尊菩薩摩訶薩行般若波羅蜜修何  
等行擁護正法佛告勝天王言大王  
菩薩摩訶薩行般若波羅蜜行不違  
言敬重尊長隨順正法心行調直諸  
根寂靜遠離眾惡不善之法修習善  
根名護正法大王菩薩摩訶薩行般  
若波羅蜜修身業慈悲口業慈悲意  
業慈悲不求名利持戒清白遠離諸  
見名護正法大王菩薩摩訶薩行般  
若波羅蜜不隨愛行不隨瞋行不隨  
癡行不隨畏行名護正法大王菩薩  
摩訶薩行般若波羅蜜修習慚愧名



護正法大王菩薩摩訶薩行般若波  
羅蜜說法修行悉如所聞名護正法  
大王三世諸佛為護正法是故擁護  
天王人王令法久住說是陀羅尼

多姪他 阿吼羅

理我反  
下悉同

吼羅婆

蒲我反  
下悉同

底

都履反  
下悉同 厚羅拏

弩假反  
下悉同

莎曰茶

杜假反  
下悉同 柘

柘柘柘柘

寧履反  
下悉同

富拏造多

觀絳反  
下悉同 叉

多 又延多 又也莎摩

某朔反  
下悉同

奢摩

柘柯羅

甌樓

甌樓婆底杞

枯履反

羅婆底金

李侵反

阿毗

彭履反

奢底柘莎羅

柘社闍社社摩底 阿婆施柘婆施  
跋多跋多鞞莎履哀多鞞悉蜜履  
底提婆多鞞悉蜜履底

若龍夜叉乳闍婆阿修羅迦樓羅緊  
那羅摩睺羅伽一切衆生皆得安隱  
大王此大神呪三世諸佛為護正法  
擁護天王人王宜應誦持怨賊惡難  
魔障正法皆悉消滅諸佛如來為令  
正法久住世故護天人王使其護法  
說是般若波羅蜜神呪法門時一切天  
宮大地諸山大海皆悉震動衆中八  
萬衆生發阿耨多羅三藐三菩提心  
尔時勝天王以七寶網弥覆佛上而

白佛言世尊菩薩摩訶薩行般若波  
羅蜜修何等法於阿耨多羅三藐三  
菩提心不移動佛告勝天王言大王  
菩薩摩訶薩行般若波羅蜜修無尋  
大慈無厭大悲成辦大事勤加精進  
學空三昧修平等智以方便力則能  
通達清淨大智明了如實三世平等  
無有障導履三世佛所行之道大王  
菩薩摩訶薩行般若波羅蜜修如是  
法於阿耨多羅三藐三菩提心不移  
動勝天王白佛言世尊菩薩摩訶薩  
云何行般若波羅蜜聞佛不思議事  
不怖不畏不驚不悔佛告勝天王言  
大王菩薩宜應具足般若具足闍那  
近善知識樂聞深法了知諸法皆悉  
如幻悟世非常心不住著猶如虛空  
知一切法生必有滅大王菩薩摩訶  
薩行般若波羅蜜修如是法聞佛不  
思議事不怖不畏不驚不悔勝天王  
白佛言世尊云何菩薩摩訶薩行般  
若波羅蜜於一切處而得自在佛告  
勝天王言大王菩薩摩訶薩行般若  
波羅蜜修五神通具足無尋諸解脫

門四禪四無量心方便般若波羅蜜  
於一切處而得自在勝天王白佛言  
世尊菩薩摩訶薩行般若波羅蜜得  
何等門佛告勝天王言大王菩薩摩  
訶薩行般若波羅蜜得闍那門能入  
衆生諸根利鈍得般若門分別句義  
得陀羅尼門總知一切語言音聲得无  
罣門說法不盡大王是名菩薩摩訶  
薩行般若波羅蜜得是諸門勝天三  
白佛言世尊菩薩摩訶薩行般若波  
羅蜜得何等力佛告勝天王言大王  
得寂靜力成就大悲故得精進力成  
就阿鞞跋致故得多聞力成就大智  
故得信樂力成就解脫故得修行力  
成就出離故得忍辱力愛護衆生故得  
菩提心力斷除我見故得大悲力教  
化衆生故得無生忍力成就十力故  
大王菩薩摩訶薩行般若波羅蜜成  
就如是等力說是法門時衆中五百  
菩薩得無生法忍八千天子得阿鞞  
跋致一万二千天子得遠塵離垢法  
眼淨四万人天發阿耨多羅三藐三  
菩提心

勝天王般若波羅蜜經證勸品第九

勝天王般若波羅蜜經第五 第二張 證

證

今時佛告勝天王言過去之世阿僧祇阿僧祇劫不可數不可思量此時有佛名功德寶王如來應供正遍知明行足善逝世間解無上士調御丈夫天人師佛世尊國名寶莊嚴劫名善觀時世豐樂無諸疾惱人天往來不相隔尋地平如掌無有山陵堆阜荊棘生諸細草柔軟青紺如孔雀毛長可四寸下足則靡舉步隨昇種種名花須摩那花薝蔔伽花及餘軟草皆悉周遍不寒不熱四時調和純青琉璃以成其地世界衆生心性柔和善伏三毒不隨之行時功德寶王佛有聲聞衆一萬二千那由他人菩薩摩訶薩衆六十二億人時人壽命三十六億那由他歲無復中天有一國土名無垢莊嚴其城南北廣一百二十八由旬東西八十由旬十千園苑以為嚴飾十千小國周遍圍繞轉輪聖王名曰治世七寶具足王四天下已曾供養無量諸佛深種善根不退阿耨多羅三藐三菩提心有四園苑

妙花莊嚴功德悅意孔雀遊戲四時  
適樂城壁厚十六由旬門堞樓觀悉  
用七寶有四大池皆廣半由旬七寶  
為岸閭浮檀金以成階道底布金沙  
池中之水具八功德生寶蓮華鳬鴈  
鵝鵝鴛鴦狴狴遊戲其中岸列諸樹  
白檀赤檀尸梨沙等上有鸚鵡舍利  
迦鳥翔集遊戲王之內宮七十千人  
相貌端正承事實寶女咸悉發心向阿  
耨多羅三藐三菩提王有千子大力  
勇健能摧怨敵具二十八大丈夫相  
莊嚴其身悉已發心向阿耨多羅三  
藐三菩提今時功德寶王如來與無  
量天龍夜叉捷闍婆阿修羅迦樓羅  
緊那羅摩睺羅伽人非人等前後圍  
繞入無垢莊嚴大城治世聖王即與  
七寶千子宮人奉迎世尊施設種種  
微妙供養今時世尊及諸大眾受供  
養已還歸本處王與七寶千子內人  
出城奉送亦即還宮時治世王忽自  
歎曰人身無常富貴如夢諸根不缺  
正信甚難值佛聞法如優曇華時彼  
千子知其父王戀仰世尊樂聞正法

即為營造牛頭栴檀七寶莊嚴妙臺  
其香一兩直閻浮提此臺東西廣十  
由旬南北十三由旬四角大柱衆寶  
莊嚴一千寶輪諸子將送奉獻聖王  
時王受已而讚歎曰善哉諸子我欲  
詣佛聽受正法尔時千子於此臺中  
造師子座安處聖王及諸宮人其臺  
四邊懸繒幡蓋覆七寶網角垂金鈴  
種種諸華落葡萄伽華須摩那華優鉢  
羅華拘勿頭華分陀利華迦摩羅華  
而散臺上燒無價香泥香塗之末香  
以散尔時千子共捧此臺人各一輪  
飛騰虛空猶如鵝王往詣佛所安詳  
不搖至地徐下即到佛前頭頂礼足  
右遶世尊及諸大衆凡七匝已退立  
一面尔時聖王及諸宮人從寶臺下  
王脫寶冠各脫草屣至世尊前頂礼  
佛足右繞世尊及諸大衆凡七匝已  
退坐一面尔時寶莊嚴王佛即告之  
言聖王今來聽正法乎尔時治世聖  
王即從座起齊整衣服頭頂礼足而  
白佛言世尊所說正法何者是乎尔  
時世尊讚治世王言善哉善哉能為



利益無量天人作是深問如來應供  
正遍知當為大王分別解說治世聖  
王即白佛言世尊唯然願聞尔時佛  
告治世聖王言大王菩薩摩訶薩行  
般若波羅蜜通達一切法名為正法  
所謂四念處四正勤四如意足五根  
五力七覺分八聖道分空無相无願  
通達平等名為正法治世聖王白佛  
言世尊菩薩摩訶薩云何行般若波  
羅蜜於大乘中恒得勝進而不退墮  
佛告治世聖王言大王菩薩摩訶薩  
行般若波羅蜜因正信故而得勝進  
何者正信知一切法不生不滅自性  
寂靜常能親近正行之人不應作法  
終不造作心離散乱聽受正法不見  
說者不見我聽勤修精進令得神通  
身心輕舉教化衆生不見我有神通  
能化衆生受化何以故大王菩薩摩  
訶薩行般若波羅蜜不見我不見衆  
生二處平等則得勝進而不退墮大  
王菩薩摩訶薩行般若波羅蜜攝護  
諸根不令取著一切資生起無常想  
知法寂靜命如假借大王菩薩摩訶

薩如是行般若波羅蜜於大衆中心不放逸大王菩薩摩訶薩行般若波羅蜜於其夢中尚不忘失菩提之心教化衆生令修佛道一切善根迴向阿耨多羅三藐三菩提見佛神力歡喜讚歎大王菩薩摩訶薩如是行般若波羅蜜則能速成阿耨多羅三藐三菩提是故大王當勤精進莫生放逸菩薩摩訶薩欲求法者勿著五欲大王一切凡夫於欲無厭得聖智者則能捨棄人身無常壽命短促是故大王應離世間求出世道大王今者供養如來所得善根應作如是四種迴向自在無盡法無盡智無盡辯才無盡此四迴向與般若波羅蜜同皆悉無盡大王菩薩摩訶薩行般若波羅蜜應淨身口意戒何以故為聞思修故以方便力教化衆生以般若力降伏諸魔願力成就行不違言尔時治世轉輪聖王聞佛所說甚深般若波羅蜜心生歡喜得未曾有即取寶冠自解纓絡供養如來捨四天下皆以奉佛作如是願常修梵行學此甚

深般若波羅蜜以決定心趣向阿耨  
多羅三藐三菩提王宮女人聞佛說  
法皆生歡喜發菩提心脫上分衣及  
寶纓絡供養如來治世聖王即捨寶  
臺以奉上佛而求出家今時功德莊  
嚴王佛讚治世轉輪聖王言善哉善  
哉大王今日所行不違昔願大王善  
修布施持戒忍辱精進禪定智慧過  
去諸佛已修此法得成佛道未來諸  
佛亦修此法當得成佛今時治世聖  
王白佛言世尊菩薩摩訶薩修行布  
施為與般若波羅蜜異不佛告治世  
聖王言大王夫布施者若無般若波  
羅蜜但名為檀非波羅蜜以般若波  
羅蜜故乃得名為檀波羅蜜持戒忍  
辱精進禪定智慧亦復如是何以故  
般若波羅蜜性平等故功德莊嚴故  
佛說是法時治世聖王得無生法忍  
佛告勝天王言菩薩摩訶薩行般若  
波羅蜜應如彼王今時治世轉輪聖  
王即然燈佛是其王千子賢劫千佛  
是今時勝天王白佛言世尊云何菩  
薩摩訶薩行般若波羅蜜修學速成

阿耨多羅三藐三菩提道佛告勝天  
王言大王菩薩摩訶薩行般若波羅  
蜜修習大慈於諸衆生不起惱心具  
足勤行諸波羅蜜及以四攝四無量  
心助菩提法修學神通了達優波憍  
舍羅一切善法無不修滿如是行者  
則能速成阿耨多羅三藐三菩提大  
王菩提道者所謂信心清淨心離諂  
曲心行平等心施無畏心令諸衆生  
咸悉親附勤行布施果報不盡堅持  
淨戒而無障罣修行忍辱離諸瞋惱  
勤加精進修行則易以有禪定不起  
散亂具足般若能善通達有大悲故  
終無退轉有大喜故能悅彼心修行  
大捨不起分別無三毒故離諸棘刺  
不著色聲香味觸故滅諸戲論无煩  
惱故遠離怨敵捨二乘念其心廣大  
具一切智能出衆寶大王菩薩摩訶  
薩行般若波羅蜜如是學者速成阿  
耨多羅三藐三菩提今時勝天王白  
佛言世尊菩薩摩訶薩行般若波羅  
蜜現何色貌教化衆生佛告勝天王  
言菩薩摩訶薩行般若波羅蜜亦現

色形無有定相何以故隨諸衆生心之所樂即見菩薩色貌如是或現金色或現銀色或頗梨色或琉璃色或馬瑙色或車渠色或真珠色青色黃色赤色白色或日月色火色焰色帝釋色梵王色霜色雌黃色朱色蒼葡萄伽色須摩那色婆利師迦色波頭摩色拘勿頭色分陀利色功德天色鵝色孔雀色珊瑚色如意珠色虛空色天見是天人見是人大王十方恒河沙世界中一切衆生色形相貌菩薩摩訶薩過去世中有大願力隨諸衆生心所樂見而受化者即為示現所欲見身大王如淨明鏡本無影像隨諸外色若好若醜種種悉現亦不分別我體明淨能現衆色菩薩摩訶薩行般若波羅蜜亦復如是無功用心隨衆生樂種種示現悉令脫彼而不分別我能現身大王菩薩摩訶薩行般



若波羅蜜於一座中隨諸聽衆或見  
菩薩說法或見佛說法或見辟支佛  
說法或見聲聞說法或見帝釋或見  
梵王或見摩醯首羅或見圍陀天或  
見四天王或見轉輪聖王或見沙門或  
見婆羅門或見刹利或見毗舍首陀  
或見居士或見長者或見坐寶臺中  
或見坐蓮華上或見行在地上或見  
飛騰虛空或見說法或入三昧大三  
菩薩摩訶薩行般若波羅蜜為度衆  
生無一形相及一威儀不示現者大  
王般若波羅蜜無形无相猶如虛空  
遍一切處譬如虛空無諸戲論般若  
波羅蜜亦復如是過諸語言又如虛  
空世所受用般若波羅蜜亦復如是  
一切凡聖之所受用又如虛空無有  
分別般若波羅蜜亦復如是无分別  
心譬如虛空容受衆色般若波羅蜜  
亦能容受一切佛法譬如虛空能現  
衆色般若波羅蜜亦復能現一切佛  
法譬如空中一切草木衆藥華果依  
之增長般若波羅蜜亦復如是一切  
善根依之增長譬如虛空非常無常



非言語法般若波羅蜜亦復如是非  
常無常悉離言語大王世間沙門婆  
羅門若釋若梵無能思量般若波羅  
蜜者大王般若波羅蜜无有一法可  
為譬喻若善男子善女人信受般若  
波羅蜜者所獲功德不可思量若此  
功德有色形者空界不容何以故般  
若波羅蜜出生世間及出世間一切  
善法若人若天若天人王若須陀洹  
向須陀洹果乃至阿羅漢向阿羅漢  
果辟支佛道菩薩十地十波羅蜜諸  
佛阿耨多羅三藐三菩提一切種智  
十力四無畏十八不共法皆從般若  
波羅蜜生說是法門時衆中五万菩  
薩摩訶薩得不退轉一万五千天子  
得無生法忍一万二千天人得遠塵  
離垢得法眼淨恒河沙數衆生發阿  
耨多羅三藐三菩提心諸天空中作  
衆伎樂不鼓自鳴散衆天華供養如  
來般若波羅蜜天龍夜叉乾闥婆阿  
修羅迦樓羅緊那羅摩睺羅伽人非  
人等散種種華及諸寶物供養世尊  
般若波羅蜜異口同音一時讚曰善

我善哉世尊快說般若波羅蜜

勝天王般若波羅蜜經卷第三

已亥歲高麗國大藏都監奉

勅彫造

勝天王般若波羅蜜經卷第六

三

陳優禪尼國王子月婆首那 譯

述德品第十

尔時文殊師利菩薩摩訶薩即從座起偏袒右肩右膝著地合掌向佛頭面作礼而白佛言世尊菩薩摩訶薩於幾劫數行般若波羅蜜供養幾佛而能如是對揚如來說甚深般若波羅蜜如勝天王尔時佛告文殊師利菩薩摩訶薩善男子如此之事不可思量若非無數百千億劫修習衆行種善根者則不聞是般若波羅蜜名善男子十方恒河沙世界中諸恒河沙數尚可知是菩薩摩訶薩幾劫行般若波羅蜜供養幾佛數不可知文殊師利過去無量无邊阿僧祇不可思議劫尔時有佛名曰多聞如來應供正遍知明行足善逝世間解無上士調御丈夫天人師佛世尊國名曰光劫名增上時多聞佛為諸菩薩摩訶薩說清淨法門諸善男子勤修精進莫願身命時彼會中有一菩薩摩

訶薩名曰進力即從座起偏袒右肩  
右膝著地合掌向佛頭面作札而白  
佛言世尊所說勤修精進莫願身命  
如我解佛所說義者菩薩摩訶薩應  
當懈怠亦乃速成阿耨多羅三藐三  
菩提何以故菩薩摩訶薩若勤精進  
是則不能久住生死菩薩摩訶薩行  
般若波羅蜜斷伏煩惱久住生死終  
無自度速證涅槃不化衆生世尊菩  
薩摩訶薩處生死中用之為樂不以  
涅槃而為樂也何以故世尊菩薩摩  
訶薩利衆生事以之為樂隨彼所樂  
即用方便說種種法令得安樂若證  
漏盡不能利益一切衆生世尊是故  
菩薩觀察生死起大悲心不捨衆生  
成就本願世尊菩薩摩訶薩具方便  
力久住生死得見無量無邊諸佛及  
聞無量無邊正法教化無量無邊衆  
生是故菩薩摩訶薩不厭生死不樂  
涅槃世尊菩薩摩訶薩若觀生死而  
起驚怖則墮非道不能利益一切衆  
生通達如來甚深境界云何非道所  
謂貪樂聲聞辟支佛地於諸衆生无

大悲心何以故聲聞辟支佛道即非  
菩薩摩訶薩道何以故聲聞緣覺怖  
畏生死求速出離功德智慧則不具  
足以是義故非菩薩道余時多聞世  
尊讚進力菩薩摩訶薩言善哉善哉  
善男子如汝所說菩薩摩訶薩應修  
自行勿習非道進力菩薩白佛言世  
尊何者是菩薩摩訶薩自所行道余  
時多聞世尊告進力菩薩摩訶薩言  
善男子菩薩摩訶薩成就一切功德  
智慧以大悲力不捨衆生遠離聲聞  
辟支佛地得無生智不捨三有心无  
求望而增善根方便修行諸波羅蜜  
以智慧力無分別心生諸善根成就  
盡智無量功德无一法生方便現生  
无一衆生方便教化知一切法皆自  
性離觀諸佛國猶如虛空而以方便  
嚴淨佛土知一切佛法身無像方便  
示現相好莊嚴隨諸衆生心所須欲  
即能應與菩薩身心常寂靜離而為  
衆生種種說法亦以方便遠離喧撓  
修諸禪定知自性空悉能通達甚深  
智慧而以方便為他說法不證聲聞

辟支佛果求佛解脫不捨菩薩一切道行善男子是名菩薩摩訶薩道文殊師利進力菩薩從多聞世尊聞說菩薩所行境界得未曾有即白佛言希有世尊如我解佛所說義者菩薩摩訶薩具足方便一切諸法無非其道世尊辟如虛空悉能容受一切衆色如是菩薩具足方便所行之道攝一切法又如虛空樹木藥草果樹香樹因之增長如是諸物不染虛空亦不能淨不能令瞋亦不令喜如是菩薩摩訶薩有方便般若波羅蜜緣一切法皆悉是道若凡夫法若學人法辟支佛法若菩薩法若如來法何以故菩薩摩訶薩悉通達故又辟如火若遇樹木竹草必無退還是等草木皆利益火發其光明諸法亦尔悉是菩薩摩訶薩道辟如金剛自體堅密刀不能斫火不能燒水不能爛毒不能害菩薩摩訶薩方便智慧聲聞緣覺及諸外道一切煩惱所不能壞世尊如清水珠若在濁水即為之清菩薩摩訶薩般若波羅蜜珠能使一切



衆生煩惱悉得清淨世尊譬如妙藥  
珠寶毒不共居能消衆毒菩薩摩訶  
薩行般若波羅蜜方便不與一切煩  
惱共俱悉能斷滅世尊以是因緣一  
切諸法皆是菩薩摩訶薩道文殊師  
利進力菩薩說是法門時衆中八  
菩薩發阿耨多羅三藐三菩提心二  
百菩薩得無生法忍文殊師利過去  
多聞佛所進力菩薩今勝天王是  
此時文殊師利菩薩白佛言世尊云何  
菩薩摩訶薩行般若波羅蜜得堅固  
力擁護正法佛告文殊師利菩薩言  
善男子菩薩摩訶薩寧棄身命不捨  
正法於他卑恭不起憍慢無勢力人  
之所耻辱其心能忍飢渴衆生即便  
惠施最勝飲食在厄難者施其無畏  
於諸疾病如法療治貧窮衆生令豐  
財寶諸佛塔廟白灰泥塗惡事則掩  
光揚善事苦惱衆生則施安樂文殊  
師利菩薩摩訶薩行般若波羅蜜修  
如是行得堅固力擁護正法文殊師  
利菩薩白佛言世尊菩薩摩訶薩行  
般若波羅蜜云何能調伏心佛告文

殊師利菩薩言菩薩摩訶薩行般若  
波羅蜜不濫他事先思後行心性調  
直離諂曲行不自矜高意常柔軟文  
殊師利菩薩摩訶薩如是行者能調  
伏心文殊師利菩薩白佛言世尊菩  
薩摩訶薩行般若波羅蜜修是等行  
當生何道佛告文殊師利菩薩言菩  
薩摩訶薩如是行般若波羅蜜者或  
生天中或生人中若生天中則為帝  
釋值佛出世或大梵王娑婆國主值  
佛出世若生人中作轉輪聖王長者  
居士值佛出世文殊師利菩薩摩訶  
薩調伏心行得如是生文殊師利菩  
薩白佛言世尊正信流出何法佛告  
文殊師利菩薩正信流出得善知識  
世尊布施流出何法佛言流出大富  
世尊多聞流出何法佛言流出般若  
波羅蜜世尊持戒流出何法佛言流  
出一切善道世尊忍辱流出何法佛  
言流出容受衆生世尊精進流出何  
法佛言能成就一切佛法世尊思惟  
流出何法佛言流出寂靜世尊般若  
流出何法佛言般若流出離一切煩

惱世尊聽法流出何法佛言流出遠  
離疑網世尊如法問流出何法佛言  
出決定智世尊住寂靜流出何法佛  
言流出禪定及諸神通世尊正修流  
出何法佛言流出獸離道世尊无常  
聲流出何法佛言流出無所攝護世  
尊苦聲流出何法佛言流出无生世  
尊無我聲流出何法佛言流出滅我  
我所世尊空聲流出何法佛言流出  
寂靜世尊正念流出何法佛言流出  
聖正見世尊聖心離流出何法佛言  
流出三昧神通世尊聖道流出何法  
佛言流出聖果世尊信樂流出何法  
佛言流出成就諸解脫世尊佛生流  
出何法佛言流出一切助菩提法尔  
時勝天王白佛言世尊云何佛生佛  
告勝天王言如發菩提心世尊云何  
發菩提心佛言大王如生大悲世尊  
云何生大悲佛言不捨一切衆生世  
尊云何不捨一切衆生佛言如不捨  
三寶世尊誰不捨三寶佛言無煩惱  
者尔時勝天王白佛言希有世尊希  
有修伽陀諸佛世尊如是秘密甚深

微妙常說一切法空無生无滅寂靜  
不破所修善惡果報遠離斷常世尊  
於世界中頗有衆生聞如是法不起  
正信敬重之心生毀謗不世尊是等  
衆生過去之世因由善業得受人身  
親近惡知識故不信如是甚深之法  
則為孤力負過去善業諸佛世尊恩德  
深重假使自割身肉出血供養如來  
亦不能報以佛恩故我等今日增長  
善根得大法樂住大自在世尊菩薩  
摩訶薩行般若波羅蜜應知佛恩近  
善知識當學佛行令得佛果說是法  
時衆中二万五千菩薩得無生法忍  
四万五千人天發阿耨多羅三藐三  
菩提心一万二千天子得遠塵離垢  
法眼淨

勝天王般若波羅蜜經現代品第十一

尔時善思惟菩薩摩訶薩白勝天王  
言如來所造化佛更能化不尔時勝  
天王答善思惟菩薩言今對世尊以  
為明證佛所化佛更能化作恒河沙  
數无量化佛種種色相神通說法利  
益衆生善男子諸佛宿世願力清淨

故能如是善思惟菩薩白勝天王言  
大王善說甚深之法諸佛宿世願力  
清淨唯願大王請佛神力令此般若  
波羅蜜久住世間無有隱沒勝天王  
答善思惟菩薩言善男子般若波羅  
蜜一切諸佛之所護持何以故文字  
所說般若波羅蜜如是文字不生不  
滅無有隱沒字所顯義亦不生不盡  
无有隱沒善男子諸佛如來甚深般  
若波羅蜜亦不隱沒何以故法不生  
故若法無生此则无滅即是如來秘  
密之教若佛出世若佛不出性相常  
住是名法界亦曰如如名不異際隨  
順因緣而不違逆是為正法其性常  
住无有隱沒善思惟菩薩白勝天王  
言大王能護正法是何等人勝天王  
答善思惟菩薩言善男子若不違逆  
一切法者名護正法何以故无有諍  
論不違道理名護正法又問云何不  
違道理答曰若順文字不違道理無  
所諍論名護正法何以故世間凡夫  
皆著諸見順道理者則常說空是故  
世間而起諍論如是凡夫愛重有法

順道理者於此則輕世間說有常樂

我淨順道理者說無常苦不淨无我

是故世間而生諍論善男子一切凡

夫順世間流順道理者逆世間流是

故世間則生諍論一切凡夫著陰界

入順道理者說一切法悉無所著是

故世間而起諍論善男子隨順世者

不行道理順道理者與世相違善思

惟菩薩白勝天王言大王今者取何

等法勝天王答善思惟菩薩言我不

取人不取法又問云何不取答曰我

離衆生離法離是離悉不可得過去

未來現在離離不可得諸佛離諸佛

不離佛國土離國土不離法離法不

離善男子如是之行名順道理无取

不取尔時善思惟菩薩讚勝天王言

善哉大士善哉正士能說如是甚深

般若波羅蜜無取无著無名无字滅

諸戲論離能分別及所思惟尔時衆

中有一天子名曰賢德即從坐起偏

袒右肩右膝著地合掌向佛頭面作

礼而白佛言世尊如勝天王所說無

分別者為何法佛告賢德天子言



無分別法即是寂靜何以故取可取  
無離我我所不起不息是名無分別  
法善男子菩薩摩訶薩如是觀者能  
護正法不見能護及以所護說此法  
時衆中十千比丘心得解脫一千天  
子得遠塵離垢法眼淨尔時善思惟  
菩薩白勝天王言何等辯才能如是  
說甚深之法勝天王答善思惟菩薩  
言善男子一切煩惱習性無者所得  
辯才能如是說過言語道不可名宣  
第一義智如是辯才能作此說尔時  
善思惟菩薩問賢德天子言善男子  
云何無生法中以辯才說尔時賢德  
天子答善思惟菩薩言菩薩摩訶薩  
不住無生无滅法中則無辯才說甚  
深法何以故遠離戲論不見所緣不  
見能緣心無所住是故能說不住人  
法不住此彼唯住清淨第一義諦是  
故能說尔時善思惟菩薩即白佛言  
世尊賢德天子甚為希有乃能通達  
甚深之法辯才無盡佛告善思惟菩  
薩言善男子此賢德天子從妙喜世  
界不動佛所而來至此娑婆世界聽

受甚深般若波羅蜜佛復告善思惟  
菩薩言賢德天子已於過去無量百  
千億劫修習陀羅尼門窮劫說法亦  
無終盡善思惟菩薩白佛言世尊何  
等陀羅尼佛言善男子名衆法不入  
陀羅尼善男子此陀羅尼過諸文字  
言不能入心不能量內外衆法皆不  
可得善男子無有少法能入此者故  
名衆法不入陀羅尼何以故此法平  
等無有高下亦无出入無一文字從  
外來入亦無一字從此法出又无一  
字住此法中亦無文字共相見者亦  
不分別法與非法是諸文字說亦不  
減不說無增從本以來无起造者無  
壞滅者善男子如文字心亦如是如  
心一切法亦如是何以故法離言語  
亦離思量本無生滅故无出入是名  
衆法不入陀羅尼若能通達此法門  
者辯才無盡何以故通達不斷無盡  
法故善男子能入虛空者則能入此  
陀羅尼門善男子菩薩摩訶薩能通  
達此陀羅尼門心得清淨身口亦亦  
所行附理般若堅固一切衆魔無有

能亂一切外道不敢覩瞻一切煩惱  
莫之能壞身力成就心離怯弱所說  
無盡能宣甚深一切聖諦智慧多聞  
猶如大海安住三昧喻須弥山處衆  
无畏如師子王世法不染猶彼蓮華  
利益衆生辟之大地洗諸垢穢喻如  
大水成熟世間以方大火清涼平等  
能悅衆心類之如月能破諸暗辟其  
以日摧煩惱怨名為勇健心性調伏  
猶如大龍能震法雷大雲為喻普雨  
衆法辟之大雨為諸衆生除煩惱病  
猶彼良醫以法治世辟如國王能護  
衆生及護正法等四天王於人天中  
財富取勝猶如帝釋心得自在辟大  
梵王自在王領娑婆世界身得无尋  
如伽婁羅鳥教示衆生如世間父能  
出法寶類毗沙門王能出衆寶功德  
智慧之所莊嚴衆生見者無不利益  
諸佛世尊之所稱讚一切天衆咸擁  
護之善男子菩薩摩訶薩得是衆法  
不入陀羅尼門種種自在利益衆生  
方便說法而不窮盡心無疲倦不求  
名利法施平等無有嫉妬持戒清淨

於身口意永無慙失忍辱清淨離諸  
瞋惱精進清淨所作辦立禪定清淨  
善調伏心般若清淨悉無疑滯具四  
無量猶如梵王行諸三昧三摩跋提  
世間寂勝修無上道具諸功德一切  
智慧受灌頂位說是陀羅尼法門時  
衆中六万四千菩薩得不退轉三万  
菩薩得無生法忍二万人天得遠塵  
離垢法眼淨无量無邊人天發阿耨  
多羅三藐三菩提心

勝天王般若波羅蜜經陀羅尼品第十二

尔時文殊師利菩薩摩訶薩即從坐  
起偏袒右肩右膝著地合掌向佛頭  
面作礼而白佛言希有世尊如來所  
說菩薩摩訶薩得是衆法不入陀羅  
尼所成功德無量无邊尔時佛告文  
殊師利菩薩言善男子如是功德假  
使如來百千年說亦復不盡尔時衆  
中有一菩薩摩訶薩名寂靜意白文  
殊師利菩薩言菩薩摩訶薩得是陀  
羅尼為佛世尊之所讚嘆如此之人  
善得大利自行化彼皆悉不空尔時  
文殊師利菩薩答寂靜意菩薩摩

訶薩言善男子第一義中無法可讚

无色無相无色相者有何可讚無可

讚故於何歡喜寂靜意菩薩白文殊

師利菩薩言如我聞佛修多羅中說

一切法無我我所無能令喜无能令

瞋此法平等菩薩應學譬如大地住

在水上若鑿井池即得用水其不鑿

者無由致之如是聖智境界遍一切

法若有勤修般若方便即便得之其

不修者云何能得是故菩薩欲求菩

提不得懈怠勤修精進如是之法則

在現前善男子如生盲人不能見色

如是煩惱盲諸衆生不能見法如人

有眼無外光明不能見色行人如是

雖有智慧無善知識不能見法如有

天眼不假外明自能見色菩薩摩訶

薩入法流者自然勝進如在胎者日

日增長而不自見菩薩摩訶薩勤行

精進亦不自見衆行增長而能成就

一切佛法譬如雪山有藥樹王不枯

不析菩薩摩訶薩勤修精進一切衆

行不退不失譬如轉輪聖王出現於

世則具七寶菩薩摩訶薩發菩提心

具七法寶所謂布施持戒忍辱精進  
禪定智慧及方便力又如轉輪聖王  
遊四天下於諸衆生其心平等菩薩  
摩訶薩以四攝法利益衆生亦復如  
是又如轉輪聖王所在之處則無諍  
訟菩薩摩訶薩如實說法亦无諍論  
譬如三千大千世界初成即有須弥  
山王及以大海菩薩亦尔若發阿耨  
多羅三藐三菩提心即有般若及以  
大悲譬如日出其高山者先照光明  
菩薩摩訶薩得般若炬高行菩薩善  
根熟者先照其光譬如大地荷負一  
切華果樹木草藥皆悉平等菩薩摩  
訶薩得是陀羅尼門於諸衆生其心  
平等尔時世尊讚寂靜意菩薩摩訶  
薩言善男子如汝所說善男子菩薩  
摩訶薩得是陀羅尼門凡有所說一  
文一字无非佛語善男子此所說法  
離色聲香味觸何以故非世法故无  
盡無邊能入一切身心輕利假使百  
千佛前說者亦不怯弱何以故此菩  
薩摩訶薩得佛住持力故心无所著  
不著我不著衆生不著法即得清淨



法界清淨如來清淨實際得法无盡  
字無盡說无盡即生歡喜得般若故  
得闍那故無疑網故說是陀羅尼法  
門時衆中八千菩薩得此衆法不入  
陀羅尼一万二千菩薩得不退轉五  
千菩薩得无生法忍一万六千天子  
得遠塵離垢法眼淨無量无邊衆生  
發阿耨多羅三藐三菩提心今時世  
尊告寂靜意菩薩言此陀羅尼能伏  
衆魔破諸外道及憎嫉法人滅煩惱  
火然般若燈擁護法師令至沮脛調  
伏自心善化外衆美身威儀見者歡  
喜為正行人平等說法如實觀察衆  
生根性不前不後說是法時三千大  
千世界諸須弥山及以大海皆悉震  
動諸天雨華曼陀羅華摩訶曼陀羅  
華曼殊沙華摩訶曼殊沙華優鉢羅  
華拘物頭華分陀利華迦摩羅華諸  
天空中作衆音樂不鼓自鳴尔時世  
尊告寂靜意菩薩言善男子過去之  
世無量无邊不可數不可數劫有佛  
出世名曰寶月如來應供正遍知明  
行足善逝世間解無上士調御丈夫

天人師佛世尊國名無毀劫名歡喜  
聲聞弟子三十二億菩薩摩訶薩无  
復數量是佛成道無有苦行及降天  
魔時彼衆中有一菩薩名寶功德辯  
才巧妙種種說法尔時大衆請佛住  
世勿入涅槃時寶功德菩薩告大衆  
言如來世尊无生無滅何用勸請勿  
入涅槃若虛空入涅槃如來乃入涅  
槃若實際真如法界不思議界入涅  
槃如來乃入涅槃何以故如來之法  
無成无壞無染无淨非世出世有為  
無為非斷非常假令一口而有十舌  
是一一舌復生百舌是一一舌復生  
千舌亦不能說如來成壞寶功德菩  
薩說此法時八万六千菩薩得不退  
轉七千菩薩得無邊功德陀羅尼悅  
意陀羅尼无尋陀羅尼歡喜陀羅尼  
大悲陀羅尼月愛陀羅尼月光陀羅  
尼日愛陀羅尼日光陀羅尼須弥山  
陀羅尼大海陀羅尼德王陀羅尼三  
万六千人天得遠塵離垢法眼淨佛  
告寂靜意菩薩言尔時寶功德菩薩  
豈異人乎即汝身是以此因緣汝能

說是陀羅尼門。爾時文殊師利菩薩而說偈言。

提持如妙藥。能療衆惑病。猶彼天甘露。得者永不死。

爾時功德華王菩薩而說偈言。

提持無文字。文字顯提持。般若大悲力。離言文字說。

爾時珊兜率陀天王即從坐起偏袒右肩。右膝著地。合掌向佛頭面作禮。而白佛言。世尊。諸佛如來不可思議。諸佛說法亦不可思議。諸大菩薩所行所說亦不可思議。我等諸天宿世之中善根深厚。得值如來。聞說是法。即以種種天諸寶華。天華。天香。散佛如來。以為供養。爾時世尊告珊兜率陀天王言。大王。凡欲供養佛如來者。當修三法。所謂發阿耨多羅三藐三菩提心。護持正法。如聞修行。大王。若有修行此三法者。是人名為供養如來。大王。假使如來壽命一切住世。說此供養福報。不能窮盡。是故大王。若欲供養佛如來者。具此三法。乃名供養。大王。若有護持如來一四句偈。是

人則為擁護過去現在未來諸佛阿  
耨多羅三藐三菩提何以故諸佛如  
來皆從法生法供養者名真供養二  
切資財所不能及法供養者諸供養  
中寂為第一今時世尊告珊兜率陀  
天王言我念過去無量無邊阿僧祇  
阿僧祇劫數行菩薩道時聞虛空中  
諸天說偈

天人遠離大寶藏 王賊水火所去失  
百千萬劫法難聞 得聞不持不施等  
道心為本化衆生 如實修行心寂靜  
自利利他平等心 如是修行供養佛  
大王我於往昔初聞此偈即為他說  
有八千人發阿耨多羅三藐三菩提  
心是故大王以法供養寂為第一何  
以故一切諸佛從法生故

勝天王般若波羅蜜經卷第六

己亥歲高麗國大藏都監奉  
勅彫造

勝天王般若波羅蜜經卷第七

潛 啓

勸誡品第十三

陳優禪尼國王子月婆首那譯

尔時文殊師利菩薩即從座起偏袒  
右肩右膝著地合掌向佛頭面作礼  
而白佛言世尊如來所說甚深般若  
波羅蜜於未來世末代之中頗有衆  
生能信受不若善男子善女人聞是  
修多羅生信不謗如此等人成何功  
德佛告文殊師利菩薩言未來末世  
有善男子善女人無量佛所修持淨  
戒禪定般若是佛真子能信此修多  
羅所致功德不可稱計取善勝法從  
般若生淨心信受我今為汝略以譬  
說文殊師利閻浮提洲縱廣七千由  
旬北廣南狹其中人面亦似地形洲  
內遍滿須陀洹斯陀含阿那含阿羅  
漢辟支佛等密如竹麻甘蔗荻林中  
無少空及以間缺若有善男子善女  
人四事供養畢聖人壽或復七寶遍  
滿此洲積至梵天一聖人各施尔  
許畢是善男子善女人壽日夜三十

牟尤多相續不斷文殊師利於意云  
何此人以是因緣功德多不文殊師  
利菩薩白佛言甚多婆伽婆甚多修  
伽陀佛告文殊師利菩薩若善男子  
善女人不謗此修多羅功德勝彼百  
分不及一千分百千万分不及一乃  
至竿數譬喻所不能及文殊師利瞿  
耶尼洲縱廣八千由旬形如半月人  
面亦余洲內遍滿須陀洹斯陀舍阿  
那含阿羅漢辟支佛密如竹麻甘蔗  
荻林中無少空及以間缺若有善男  
子善女人四事供養畢聖人壽至沮  
睢後舍利起塔或復七寶遍滿此洲  
積至梵天一聖人各施舍許畢是  
善男子善女人壽日夜三十牟尤多  
相續不斷文殊師利於意云何此人  
以是因緣得福多不文殊師利菩薩  
白佛言甚多婆伽婆甚多修伽陀佛  
告文殊師利菩薩若善男子善女人  
信此修多羅功德勝彼百分不及一  
千分百千万分不及一乃至竿數譬  
喻所不能及文殊師利弗于逮洲縱  
廣九千由旬形如滿月人面亦余洲



內遍滿須陀洹斯陀含阿那含阿羅漢辟支佛密如竹麻甘蔗荻林中無少空及以間缺若有善男子善女人四事供養畢聖人壽或復七寶遍滿此洲積至梵天一一聖人各施舍許畢是善男子善女人壽日夜三十年尤多相續不斷文殊師利於意云何此人以是因緣得福多不文殊師利菩薩白佛言其多婆伽婆甚多修伽陀文殊師利贊單越洲辟方十千由旬人面亦方洲內遍滿須陀洹斯陀含阿那含阿羅漢辟支佛密如竹麻甘蔗荻林中無少空及以間缺若善男子善女人四事供養畢聖人壽或復七寶遍滿此洲積至梵天一一聖人各施舍許畢是善男子善女人壽日夜三十年尤多相續不斷文殊師利於意云何此人以是因緣得福多不文殊師利菩薩白佛言其多婆伽婆甚多修伽陀佛告文殊師利菩薩若善男子善女人受持讀誦此修多羅功德勝彼百分不及一千分百千萬分不及一乃至等數譬喻所不能

及文殊師利娑婆世界悉為微塵。余許聖人若有善男子善女人四事供養。畢聖人壽。余許塵數三千大千世界滿中七寶。積至阿迦尼吒天一。一聖人各施。余許畢。是善男子善女人壽。文殊師利於意云何。功德多不。文殊師利菩薩白佛言。世尊前之福德。已不可思議。況此功德。佛告文殊師利菩薩。若善男子善女人流通此修多羅。為他宣說。功德勝彼百分不及一千分。百千萬分不及一。乃至等數。譬喻所不能及。文殊師利如此功德。若不迴向阿耨多羅三藐三菩提者。余許微塵數。劫作他化自在天王。余許劫數作化樂天王。余許劫數作兜率陀天王。余許數劫作夜摩天王。余許數劫作天帝釋。況復轉輪聖王。迴向薩婆。若故能得成就。般若波羅蜜。阿耨多羅三藐三菩提。文殊師利。閻浮提中遍滿須陀洹斯陀含阿那含阿羅漢辟支佛。密如竹麻甘蔗荻林。若有惡人皆悉煞害。余許賢聖文殊師利於意云何。是人以此因緣得罪。

多不文殊師利菩薩白佛言世尊殺一聖人尚於一切墮阿鼻地獄何況  
亦許其罪甚多不可稱計佛告文殊  
師利菩薩言有人謗此修多羅者其  
罪重彼百分不及一千分百千万分  
不及其一乃至竿數譬喻亦不能及  
文殊師利瞿耶尼中遍滿須陀洹斯  
陀舍阿邨舍阿羅漢辟支佛密如竹  
麻甘蔗荻林若有惡人皆悉煞害文  
殊師利於意云何此人以是因緣得  
罪多不文殊師利菩薩白佛言世尊  
此罪不可聞不可聞是人無有出阿  
鼻地獄期佛告文殊師利菩薩言有  
人不信此修多羅其罪重彼百分不  
及一千分百千万分不及一乃至竿  
數譬喻所不能及文殊師利若四天  
下悉為微塵亦許塵數諸佛如來若  
有惡人皆悉煞害奪二種財滅法財  
破世財文殊師利於意云何是人得  
罪多不文殊師利菩薩白佛言世尊  
此罪不可聞不可計不可思量佛告  
文殊師利菩薩若復有人障此修  
多羅毀謗不信其罪重彼百分不及

一千分百千万分不及一乃至等數  
譬喻所不能及假使三千大千世界  
一切衆生悉成阿耨多羅三藐三菩  
提已如此惡人猶故不出阿鼻地獄  
文殊師利如是惡人無一世界阿鼻  
地獄不經入者况餘地獄畜生餓鬼  
何以故毀壞三世諸佛母故假使如  
前微塵數却得離三塗若生人中得  
阿薩闍病又經尔許微塵數却得无  
舌報若無手報各經尔劫文殊師利  
我若住世一劫若減一劫以佛神力  
說是惡人所得罪報不能究盡文殊  
師利若求現在未來世樂勿得於此  
修多羅中毀謗不信作大障導

勝天王般若波羅蜜經二行品第十四

尔時佛告文殊師利菩薩言菩薩摩  
訶薩行般若波羅蜜宜應成就前後  
般若波羅蜜何以故菩薩摩訶薩有  
二種行成就般若教化衆生文殊師  
利菩薩白佛言世尊云何菩薩摩訶  
薩教化衆生佛告文殊師利菩薩言  
從初般若乃至後際離功用心說法  
無盡中不間隙為脫三有惡趣之報

安諸衆生令住善道得三聖果文殊  
師利是名菩薩摩訶薩行般若波羅  
蜜教化衆生文殊師利菩薩摩訶薩  
行般若波羅蜜成就無邊無為是名  
菩薩摩訶薩自行何以故成就一切  
德故文殊師利菩薩白佛言世尊何  
等法與菩薩摩訶薩般若波羅蜜相  
應佛告文殊師利菩薩言一切種智  
真實之法遠離思量微妙無相道理  
甚深不可得見難以通達常住寂靜  
清涼遍滿無有分別无著無導隨順  
道理不可取執大寂極靜一切法中  
寂為無上无與等者文殊師利菩薩  
摩訶薩行般若波羅蜜修此等法與  
薩婆若相應文殊師利菩薩白佛言  
世尊菩薩摩訶薩於何境界行般若  
波羅蜜佛告文殊師利菩薩言菩薩  
摩訶薩行般若波羅蜜甚深境界廣  
大境界功德境界文殊師利甚深境  
界者體是無為不可相離不著二邊  
脫離諸障自性清淨不可思量不可  
數知不與聲聞辟支佛共文殊師利  
廣大境界者菩薩摩訶薩行般若波羅



蜜諸佛如來一切功德般若波羅蜜  
摩訶迦樓那二法為體離分別相無  
功用心利益衆生皆稱彼意無時暫  
捨文殊師利菩薩摩訶薩行般若波  
羅蜜與一切功德相應三十二相八  
十種好佛威神力悉能示現種種相  
貌隨諸衆生根欲性行或昇兜率或  
從彼下或現處胎或現初生或現童  
子或園遊戲或現出家或現苦行或  
詣菩提樹或現成佛或現轉法輪或  
現沮脰如是種種為諸衆生盡竭生  
死文殊師利是名菩薩摩訶薩行般  
若波羅蜜境界文殊師利菩薩白佛  
言希有世尊如此甚深般若波羅蜜  
諸佛境界不可思議佛告文殊師利  
菩薩言如是如是如汝所說般若波  
羅蜜是不共法不可思議何以故一  
切凡夫聲聞緣覺不能通達非其境  
界故除佛如來更無得者何以故如  
如之理義甚深故自在不動無漏界  
攝教化衆生利益圓滿是以名為諸  
佛境界過諸語言第一義攝無有覺  
觀分別思量絕諸譬類一切法中寂



為上品不住生死不住涅槃文殊師  
利菩薩摩訶薩行般若波羅蜜凡有  
五事不可思議一者自性二者方處  
三者住四者一異五者利益文殊師  
利云何自性不可思議色即是如求  
不可得離色有如求不可得受想行  
識亦復如是地大即如求不可得離  
地求如亦不可得水火風大一切皆  
亦眼入即如求不可得離眼求如亦  
不可得耳鼻舌身意一切皆亦有法  
是如求不可得無法是如亦不可得  
若在欲界不可思議若離欲界亦不  
可思議色無色界一切皆亦若在東  
方不可思議若離東方不可思議南  
西北方四維上下一切皆亦安樂住  
不可思議寂靜住不可思議有心住  
不可思議無心住不可思議三世如  
來同在一處自性清淨無漏法界若  
一若異不可思議智慧神力同一法  
界般若方便二相平等能為衆生无  
量利益不可宣說過言語境而能隨  
順衆生根性作種種說種種示現三  
十二相八十種好隨衆生意如是現

之文殊師利菩薩白佛言世尊何等

名為三十二相八十種好佛告文殊

師利菩薩言如來相好無窮無邊說

不可盡隨順世法是以略說三十二

相八十種好一足下平滿二行步平

正三足下輪相悉具轂軻千輻莊嚴

四手指纖長軟直節骨不現五身大

方正六手足指細縷合猶如鵝王七

手掌如紅蓮華八踝骨不現九哩尼

鹿三膊十身軟直十一陰馬藏十二

身分滿足如尼拘盧陀樹十三身毛

右旋十四一孔一毛皮膚細滑不受

塵垢十五身金色十六圓光一丈十

七七處滿十八師子臆十九兩臂平

正腋下滿二十兩臂圓直如象王鼻

立垂過膝二十一口四十齒齊密相

連白如珂雪二十二上下四牙狀如

初月二十三師子額二十四頭團圓

二十五咽喉具足千脉二十六曾骨

如那羅延二十七頂骨自然踊起二

十八舌相廣長如蓮華紫二十九音

聲如梵王天鼓三十眼目青色如優

鉢羅華三十一眼臃紺焰猶如牛王

三十二眉間白毫文殊師利是名三十二相菩薩摩訶薩行般若波羅蜜悉能成就如是功德文殊師利云何名為八十種好一無能見頂二頂骨堅實三額廣平正四眉高而長形如初月紺琉璃色五目廣長六鼻高圓直而孔不現七耳厚廣長埴輪成就八身堅實如那羅延九身分不可壞十身節堅密十一合身迴顧猶如象王十二身有光明十三身調直十四常少不老十五身恒潤澤十六身自將衛不待他人十七身分滿足十八識滿足十九容儀具足二十威德遠震二十一一切向不背他二十二住處安隱不危動二十三面門如量不大不長二十四面廣而平二十五面圓淨如滿月二十六无頷容二十七進止如象王二十八容儀如師子王二十九行步如鵝王三十頭如摩陀那果三十一身色光悅三十二足趺厚三十三爪如赤銅葉三十四行時印文現地三十五指文莊嚴三十六指文明了不暗三十七手文明直三

十八手文長三十九手文不斷四十  
手足如意四十一手足紅白色如蓮  
華四十二孔門相具四十三行步不  
減四十四行步不過四十五行步安平  
四十六齋深厚狀如盤地團圓右轉  
四十七毛色青紅如孔雀項四十八  
毛色潤淨四十九身毛右靡五十口  
出無上香身毛皆介五十一層色赤  
潤如頻婆果五十二層潤相稱五十  
三舌形薄五十四一切樂觀五十五  
隨衆生意和悅與語五十六於一切  
處無非善言五十七若見人先與語  
五十八音聲不高不下隨衆生樂五  
十九說法隨衆生語言六十說法不  
著六十一等觀衆生六十二先觀後  
作六十三發一音答衆聲六十四說  
法次第皆有因緣六十五無有衆生  
能見相盡六十六觀者无厭六十七  
具足一切音聲六十八顯現善色六  
十九剛強之人見則調伏恐怖者見  
即得安隱七十音聲明淨七十一身  
不傾動七十二身分大七十三身長  
七十四身不染七十五光遍身各一

丈七十六光照身而行七十七身清淨七十八光色潤澤猶如青珠七十九手足滿八十手足德字

勝天王般若波羅密經讚歎品第五

今時文殊師利菩薩即從坐起偏袒右肩右膝著地合掌向佛頭面作禮而白佛言世尊如來功德希有無等不可思議三世諸佛同一無別若見如來或聞功德此等衆生亦不可思議我等今日重見世尊轉大法輪歡喜踊躍得未曾有今時文殊師利菩薩即昇虛空高七多羅樹合掌讚曰一切衆生 唯佛大尊 尚無等等者况當有勝 人法二空 理無等等唯佛如來 等無等等 煩惱習氣永盡無餘 所知之法 皆悉明了若智若說 元及佛者 大千世界唯佛獨尊 十力無畏 決定不虛若釋若梵 所不能得 世尊大恩於諸衆生 此事難思 無能及者無量善巧 種種方便 以為衆生令得利益

今時衆中有一天子名蘇樓波

陳言妙色



即從座起偏袒右肩右膝著地合掌  
向佛頭面作礼說偈讚云

世間或說等佛者 如是之言名口過

若說法王取極尊 此非虛妄為實語

人天之傳正問難 無有能折我大師

善述降魔及外道 將導世間至解脫

清淨四辯無窮說 甘露妙藥施衆生

遍觀諸法智无導 一切念中不減失

大悲平等視衆生 清淨之心世不染

善能了知根欲性 隨所樂聞而應說

煩惱差別非一種 為亦無量對治門

巧說因緣無如佛 專以利益衆生故

值佛聞法不得道 是等衆生度極難

如來大名應渴仰 得見世尊無限益

佛智能令心清淨 既聞正教出生死

聞佛名号大吉祥 憶念世尊恒喜樂

發心詣佛生慧解 如教勤修成種智

戒品清淨故無垢 禪定第一心澄明

智惠寂勝故難動 法海清淨如甘露

一切衆生喜放逸 諸佛如來離世間

等慈衆生如一子 恩德深厚无能報

先說破諸結賊法 久摧天魔幻化軍

世尊已說三有過 廣示沮脛无量德



尔時衆中有一天子名蘇那摩

陳言善名

即從座起偏袒右肩右膝著地合掌  
向佛頭面作礼說偈讚云

如來世尊行大悲

設可度智與他者

尚令調達寂前得

况復其餘衆生類

我今不慍為空過

脩治正行報佛恩

有人已證无漏滅

是於佛恩未為報

若能修行佛正教

乃得名為真佛子

佛久勤苦為衆生

無上大恩罕能報

大慈開顯真實法

令人修行兼化他

若佛如來不出世

一切衆生受大苦

無復善道唯惡趣

但聞三塗苦惱聲

六道受苦無免脫

煩惱繫縛衆生故

世尊能解他毒結

翻為大悲之所繫

佛是世間大福田

依教正修離惡道

若違佛教不修行

是人永無生善趣

有人於佛起惡心

或復不樂聞深法

是等衆生甚可悲

決定永當處黑暗

如佛世尊自知智

其等如來乃能了

佛智非我所量測

頭面敬礼十方尊

无畏智力不共法

唯佛世尊獨圓俗

相好莊嚴微妙音

觀者无厭起衆色

三種開敷不暫息

清淨佛華我今礼

唯佛善知無上道

出離一切諸險難

佛為无上軍第一

頭面敬礼兩足尊

佛以功德正法水

洗諸垢穢悉无餘

世尊本來内外淨

我今頂礼真淨身

尔時娑婆世界主大梵天即從坐起

偏袒右肩右膝著地合掌向佛頭面

作礼以偈讚云

功德智慧佛具足

利益衆生不暫休

常雨甘露令衆飽

我今頂礼能利他

世間最勝可敬者

此人猶故恭敬佛

諸惡斯盡衆善倍

我今頂礼无等尊

靡有一行不修學

為欲救拔衆生故

令度生死得安樂

我今頂礼救世師

敬礼微妙金色身

敬礼所說甘露法

敬礼清淨无垢智

敬礼一切功德林

尔時世尊告大梵天言善哉善哉我如

大梵天所讚世尊此事真實何以故

諸佛如來於無量劫修習種種功德

智慧是故得果無不備足何以故具

足檀波羅蜜尸波羅蜜羣提波羅蜜

毗梨耶波羅蜜禪波羅蜜般若波羅

蜜身清淨口清淨意清淨以是清淨

故能通達如如實際諸佛世尊住此

實際所言不虛。爾時大梵天即從坐起，偏袒右肩，右膝著地，合掌向佛頭面作禮。而白佛言：「唯願世尊以住持力，令此般若波羅蜜久在世間。佛告大梵天：言十方三世諸佛住持力，咸皆擁護。是般若波羅蜜世間若天若魔、沙門、婆羅門，无有能壞作障。尋者何以故？我念過去世有佛名寶月如來，應供正遍知，明行足，善逝世間解，無上士，調御丈夫，天人師，佛世尊。國名不毀，劫名讚嘆。是佛衆中有二比丘，而為法師，善能說法。一名智盛，二名寶與。是二比丘隨佛轉法輪，正經一切三千大千世界，百億諸魔悉皆受化。發菩提心。爾時扇多意菩薩摩訶薩即從坐起，偏袒右肩，右膝著地，合掌向佛頭面作禮。而白佛言：世尊寶月如來為猶在世，已入涅槃。佛告扇多意菩薩：言善。男子，東方去此過十百千億諸佛世界，有一世界名曰不毀。佛壽十千劫。彼佛國土說般若波羅蜜，無有天魔及諸外道能為障。尋皆悉發心向阿耨多羅三藐三菩

提智威比丘即文殊師利菩薩是實  
與比丘即勝天王是此等二人善巧  
方便種種擁護令般若波羅蜜久久  
住世十方佛土說般若波羅蜜此之  
二人即來聽受猶我今日放大光明  
尋光來集

勝天王般若波羅蜜經付屬品第六

尔時世尊告阿難言汝可受持此般  
若波羅蜜修多羅尔時阿難即從坐  
起偏袒右肩右膝著地合掌向佛頭  
面作礼白佛言世尊云何受持佛告  
阿難言受持此修多羅有十種法何  
等為十一者書寫二者供養三者流  
傳四者諦聽五者自讀六者憶持七  
者廣說八者口誦九者思惟十者修  
行阿難此十種法能受持此修多羅  
阿難譬如大地一切樹林花藥皆依  
而生一切善法皆依般若波羅蜜生  
阿難譬如轉輪聖王若在世間七寶  
常現般若波羅蜜亦復如是此修多  
羅若在世間則三寶種常不斷絕尔  
時大眾一時咸同觀如來面異口共  
音俱發聲言諸善男子如來滅後誰

能荷負世尊如是之大重擔無量无边阿僧祇劫所可修習阿耨多羅三藐三菩提今時衆中有一万二千菩薩摩訶薩為護持法故即從坐起偏袒右肩右膝著地合掌向佛頭面作礼說偈讚云

我等捨壽命 不求未來報 護持甚深法 世尊之所說

今時衆中五百天子賢王為上首即從坐起偏袒右肩右膝著地合掌向佛頭面作礼說偈讚云

為度諸衆生 成就大悲願 護持甚深法 世尊之所說

今時釋提桓因尸棄大梵毗沙門天王即從坐起偏袒右肩右膝著地合掌向佛頭面作礼說偈讚云

般若微妙藥 能治一切病 我等頂戴持 世尊之所說

今時執金剛神即從坐起偏袒右肩右膝著地合掌向佛頭面作礼說偈讚云

法本無名字 佛以名字說 世尊大悲教 我等頂戴持



尔時世尊告尸棄梵天言梵天佛有三事取為無上何等為三一者能敬阿耨多羅三藐三菩提心二者護持正法三者如聞修行梵天如此三法取為無上若復有人能修行者此人名為供養如來佛若在世一劫若減一劫說彼功德不能究盡梵天若護持如來一四句偈是人功德尚不可量况復般若波羅蜜三世佛母何以故梵天諸佛如來皆從般若波羅蜜生以法供養即是供養諸佛如來不以資財而為供養法供養者諸供養中取為第一梵天有人護持如來正法當知此人二世安樂是故梵天應須護持甚深修多羅梵天梵天以擁護法故得見賢劫千佛悉為請主梵天於此穢土護持正法須臾之間勝在淨土過一劫若一劫是故耳應勤加精進擁護正法尔時世尊復告釋提桓因言憍尸迦所在之處有此般若波羅蜜修多羅當知即是如來得菩提處轉法輪處亦沮脰處何以故憍尸迦一切菩薩一切善法一切諸



佛皆從此修多羅生憍尸迦若有法  
師流通此修多羅處此地即是如來  
所行於彼法師當生善知識心尊重  
之心猶如佛心見是法師恭敬歡喜  
尊重讚嘆憍尸迦若我住世一切若  
減一切說是流通此修多羅法師功  
德不能究盡憍尸迦若此法師所行  
之處善男子善女人宜應刺血灑地  
令塵不起如是供養未足為多何以  
故如來法輪難受持故今時釋提桓  
因白佛言世尊未來世中說是修多  
羅處我及眷屬擁護彼地及說法者  
若見彼有修多羅處即生前四種處  
心今時世尊讚天帝釋言善哉善哉  
憍尸迦以此修多羅付囑憍尸迦未  
來末世擁護流通今時釋提桓因白  
佛言世尊我等諸天得生善道皆悉  
由此修多羅故求阿耨多羅三藐三  
菩提亦復由此修多羅故我當不顧  
身命擁護正法佛言憍尸迦如聞修  
行善哉善哉佛說是修多羅已勝天  
王及十方諸大菩薩衆一切聲聞衆  
天龍夜叉乾闥婆阿修羅迦樓羅緊

那羅摩睺羅伽人非人等聞佛所說  
信受奉行

勝天王般若波羅蜜經卷第七

戊戌歲高麗國大藏都監奉

勅彫造

大明度經卷第一

潛

南吳月支國居士支謙

譯

行品第一

聞如是一時佛遊於王舍國其鷄山  
與大比丘衆不可計弟子善業第一  
及大衆菩薩無央數敬首為上首是  
時十五齋日月滿佛請賢者善業此  
衆菩薩集會樂說菩薩大士明度  
無極欲行大道當由此始

師去請之以法  
不以飲食也

於是秋露子念此賢者說明度道自  
已力所乘佛聖恩乎善業知其意而  
答曰敢佛弟子所說皆乘如來大士  
之作所以者何從佛說法故有法學  
賢者子賢者女得法意以為證

法學明  
法也證

空不願无想寂定謂之得法意漏盡結解  
得道謂之證由言證已當還本无矣

其為證

者所說所誨所言一切如法無諍

所說  
者得

說經義也所誨者教誨  
人也言者廣陳法言也

所以者何如來說

法為斯樂者族姓子傳相教如經意

无所諍

如如人本也來所由來也人本空无泥曰  
同弊也佛得三法空三界無想滅矣安般

日還為何等還五陰知見滅盡故曰如來  
矣佛說淨法但為樂所不無寂法法施也

善業言

如世尊教樂說菩薩明度無極欲行  
大道當由此始夫體道為菩薩是空

虛也斯道為菩薩亦空虛也

師云菩薩心履踐大

道欲為幹道心為道俱无形故言空虛也斯道者謂空不取無想也

何等法貌為

菩薩者不見佛法有法為菩薩也

於佛經法

不見五陰六衰十二緣起有菩薩也

吾於斯道無見无得其

如菩薩不可見明度無極亦不可見

彼不可見何有菩薩當說明度无極

若如是說菩薩意志不移不捨不驚

不但不以恐受不疲不息不惡難此

微妙明度與之相應而以發行則是

可謂隨教者也

不移不退轉也不捨不廢大志也驚怖恒熱也不驚怖必深法

心中不滿熱熾其為苦也必歡喜受此法不以恐迫故受此法強學之也以不為疲不以為勞也不息者

不懈又菩薩大士行明度無極當學受

此如受此者不當念是我知道意所

以者何是意非意淨意光明賢者秋

露子曰云何有是意而意非意善業

曰若非意者為有為無

師云當學知是非意以知非意无須

想捨即為意淨光明者無復塵冥矣也

彼可得耶

彼彼意也可得意處不乎

曰不可也

言不可者不可言无亦不可得處也

善業曰如非

意有與無不可得不可得不可明其

合此相應者豈有是意意非意我曰

如是者何謂非意善業曰謂其無為

有為者謂生死之心陰自起念捨一念一至无不為已非意者无復有此生无想故曰無也

無

雜念也

雜念者想且在經且和五陰意不一定謂之雜念也已如空定不起三陰為无

也。秋露子曰：善哉！善哉！佛稱賢者說

山澤行實為第一。菩薩受此無上正

真之道。善業意解微妙常善於山澤空淨之行故為佛所稱。不退轉

菩薩受此意不轉。謂觀而不休。明度無極

當以知此。觀而不休謂惟此經意不疲倦也。欲學弟子

地當聞是經。擇取奉持。弟子趣欲空不願無想得泥洹。

已不望知佛推道大悲也。欲學緣一覺地。緣一覺者望欲得佛慈悲。

不著不密於善推也。若學佛地當聞是經。學佛地者引慈普濟。

不中道取證矣。擇取奉持所以者何？是明度

道說法甚廣，是為菩薩大士所學。善權十力。

無畏佛法度人欲一切知言是經廣大在三學者自擇取也。善業白佛言：

吾以為菩薩者，其不可見名亦不可

得。師云：菩薩與名皆空，當以何為之說明度經也。又所匡政皆不

可見，不可得者當何為？菩薩說法以欲

道匡政天下者欲之徒使其無為邪見之行也。如是世尊所疑有

著吾與物也，斯不可得。一切所疑謂有貴吾身與万物也。

貨費耗皆非有得。吾與万物皆非已。但以

名為菩薩，至于佛亦名也。然不住不

住。佛與菩薩在世間但名耳其法意非住也不住者以權著也。所以者何？

名不可得，是故名者非住。非不住。名者猶水。

中月像也。若為菩薩說深明度意，不移不

捨不疲不息，不有惡難不驚，不但不

以恐受以體解而性入。性與道俱如是合符契也。是

為住不退轉應於無處當以知此又

妙世尊

師云妙者此經義甚深妙也

菩薩修行明度

無極不以色住

不倚此色身住也

於痛想行不

以識住

不以名身住也

所以者何若止於色為

造色行

是為前始主作生无身業也

止痛想行為造

識

斯又前欲与造邪識之行始來生矣

非為應受

非如法受也

明

度無極不造行為應受

識不造色行是為應受明度矣

受此其不具足明度無極終不得一

切知

於斯經中有邪想行如毛髮謂之不具終不得作佛也

秋露子曰

菩薩何行而受明度善業曰以不取

色

取著也不著於色也

不取痛想行識所以者何

色無彼受痛想行識無有彼受若此

色無彼受為非色痛想行識无有彼

受為非識明度之道無有彼受所以

者何吾受如取影元所得是為明度

無極之行也是名曰菩薩大士諸法

无受之定

我於世間所受如夢如影影為无所得也

場廣趣大

而無有量一切弟子諸緣一覺所不

能持也

教順之場極廣所趣之道極大四等引普同趣无極畢失濟來苦痛難忍甘心

進羅志大不摧弟子若佛所不能究竟日不能持矣

又一切知亦無

彼受

師云一切知佛也唯佛得元不知

所以者何無想

見故若想見者終不得此為若異學

先泥之信不得一切知彼先泥信解



道學度入慧亦不取色不取痛想行  
識不從色見慧不內色見慧不外色  
見慧不內外色見慧不以異色見慧  
於痛想行如上說不從識不以內外  
異識見慧如是究暢從信解得道地  
法意作量以為脫便無受无獲無受不獲受五

威陰想无獲無復罪

已受解得度滅

已受解者

攝故言無所獲矣

謂八正道及正解正智為意已

明度不為智

想如是世尊雖菩薩於是道不取色  
痛想行識亦不中道滅度而具如來十

力四無所畏佛十八不絕之法也

菩薩得明

度意見空甫修佛事以其力无畏十八法成相又

菩薩大士行明度无極當以觀此何

等是智慧何所為明度何以明諸法

无所從得

師云不從內色外色內外痛想行見惠是為无所從得也

是故謂之

明度无極如是觀省察思惟不驚不

恒不移不疲如是菩薩為不中休明

度无極以知此秋露子曰何故菩薩

知已休止為如於色休色本性於痛

想行休識本性明度無極休識本性

色之本性

著復著起復起五陰悉余菩薩於五陰休其本性不著起也

明度無極休

智本性善業曰如是賢者其於色也

休色自然

菩薩學明度本心欲分別知望得志當休是欲知望之想无所復起也

於痛想行休識自然明度無極休識

自然明度無極休智自然行此道者

於智休止智之自然者休矣於五陰中皆休其自

起不復起矣相休止相之自然者休矣秋露

子曰善哉善哉其學此者必出一切

智行此道者休其欲之心即知心自起者皆休止也善業曰然菩薩

學此出一切知所以者何其於諸法

無出无生如是學故速得佛坐學如此者必從

生死之出哉又妙賢者菩薩履行明度

無極若行色為想行若行色占為想

行若行色不占為想行若行色興為想

行若行色敗為想行若行色滅為想行

若行色思為想行若行色空為想行若

行色非身為想行痛想行識如上說

皆為想行若識有是吾當行欲得行

設有是如是行如是惟為惟行師云說色如此

痛想行識亦知色說也此道為是菩薩大士為行

得想之行無善權方便以為休於明

度無極此上章皆為三界生死不合明度大智之道也秋露子曰

菩薩何行為无想無得行有善權方

便而不休於明度無極答曰不行色

不行色占不行色興不行色敗不行

色滅不行色想不行色空不行色非

色滅不行色想不行色空不行色非

身痛想行識如上說不有是

師云不以有識知有

此想也吾當得行是行不有是此行惟為

行此道如是行菩薩大士為無想无

得行為有善權方便而不休於明度無

極

不以識知有此相應於明度无極也右此章所說无想無得之行也

又菩薩

大士行明度無極於此不近為不行

不近行

師云菩薩於此五陰念无所依近為不行者謂無所行也

不行不

近

菩薩意不近行亦不行不近以為真

亦不行

行斯不近行斯不近不行斯亦不近

於行不行於不近於不行不否行於

不近

如此上謂意上事亦不離此上意矣

秋露子曰何故不

近善業曰如諸法無所近无從度是

名菩薩大士

不著行亦不断行者為生死斷為泥洹能護此兩意是名為特曉即

度善推也一切諸法無度之定

如十二因緣皆空如无想可近者不

著不縛故无得道也

場曠超大而無有量一切弟

子諸緣一覺所不能持行斯定者疾

得無上正真之道為無不覺乘佛聖

旨善業曰是菩薩大士受拜於往昔

如來至真等正佛者乃行斯定彼受

無見无見為定其於定者不知吾受

之

師云菩薩於定不作思想也吾已定吾依定也彼

於是中一切不明

不以意分明之也

秋露子曰

云何菩薩為昔如來所說拜當得佛

者彼能見定是定者乎

彼謂以得拜家寧能自見意定

為以定耶答曰不也所以者何如彼族姓子

學此經人為善男子是也

行明度無極者為非不想

所以者何無所明故

無所別知故也

是以定

者非想

非想非五陰想也

非不想

有三十七品三活想无世俗想也

佛言善哉善哉善業說山澤行為第

一辯菩薩大士當以學此如此為學

明度無極

辨智之次者問來即答事皆明真矣

秋露子曰

佛以如此學學智慧道者是為學何

法佛言如此學者是菩薩為无所法

學何以故是法不有知明如凡愚人

專著者也

師云知之明之即為專著也

曰當何用明知

此法

為學者問欲得佛者何用明知此

佛言當如不明無

所明知明之謂也

無所明定是為定也

凡愚人以

專著者欲明故為不明由不明尋兩

際

不出生死不解清淨是為兩際也

不知不見不明諦法

諦

四諦矣意著二際不知欲苦不見習證不明有盡不達淨道故曰不明也

而欲於

法

不獲无想定故想欲想得之了本日行福福識生夫欲於道而不獲定者世世受福得佛之望耶

從法思欲專著名色以專著故而不

知此無所用聰明之法已不知見亦

不思惟不觀不省故墮愚數便無有

信不解不用是故謂之凡愚專著

從法法心法也痛想行識謂之名地水火風謂之色後欲之使專著五陰心既三尸何流生死不能

此經之根法句曰心為法本禍福由心行殃  
罪罪識生五陰所弊故不睹无念法也无念法也  
无所由明之法者獲無想之定善惡不同十二  
因緣滅諸根都寂廢生死神運休人本純真純  
曰心入泥洹從本寂又寂不解四非常守意志  
著空斯空想天之類矣由還生死受苦无数慧  
所解曰如令泥洹為常住法大哀四等還為  
蟬動謂其不能空空入泥洹廢本寂者也秋

露子曰計如此學菩薩大士不學一

切智不起想求佛言然如此學不學一

切智如是曉了乃為學一切智曉了

不著不斷不起不滅耶能出一切法謂十二部經法善業白

言如世尊言是為幻人學一切智已

學一切智乃出諸法如直言之當云

何佛言吾因是以問汝所安便說師

所安便說如言且說汝所知也對曰甚善佛言云何幻

與色異乎不也世尊幻與痛想行識

為有異乎不也世尊云何知想在大經者及行同此法者意廢

是經者咸陰七滅者持生死五陰成菩薩道者皆云何也色猶幻痛想

行識猶為幻云何善業明是中想知

立行五陰而為菩薩對曰菩薩學如

幻人是中持如幻者即五陰所以者

何如佛說識如幻善業說往者所聞佛語引以喻義也若

此識六根亦然何者意幻為三界耳

如三界即六根即五陰秋露子言菩

薩聞是得无懈怠佛言設為惡友所

制必持懈怠若得善友終不懈也識

如幻者六相亦復如幻  
明度經卷第  
意所幻化今有三界耳

善業白佛何以知菩薩惡友佛言其

不慕樂明度無極欲棄捨若形相愚

占文飭違此深智  
師云愚者已想取文飭占者想取也更

說經道當知是為菩薩惡友  
善人好明度而違退

之更為說異道經是為惡友也曰何是善友佛言未起

明度無極者即勸使學教誨之令入

斯道為現邪行說邪之害是邪行是

邪害使遠離此當知是為菩薩大士

引捨之鎧善友者也  
引捨者善友自捨忍世眾苦必於得佛極

高見畢當由壯士以鎧障身全命勢成勝敵

終始无畏菩薩內淨視明以八直之行与邪

意戰破壞五賊高顯取佛不能沮逐成世尊

故曰法鎧也又問呼道人為菩薩其句義為

奈何佛言所謂菩薩者一切諸法學

無罣碍已學无罣能出諸法故謂菩

薩大士者其義云何佛言大士者能

聚大衆為之合家是故為大士也  
菩薩能於

三界為大尊貴者金輪王合聚大衆化之以德身

齊國位為沙門導之以大道示衆欲惡故曰大士

秋露子曰吾亦樂其為大士者於見

身見性見命見人見丈夫見有見无

見斷滅見常在為斷大見何者為說

上  
師云六十二見為一見潤耳法度諸見潤是故為  
大士  
法佛法以佛法度六十二見及欲盡之四潤故曰度也善業曰



夫大士者如一切知意无齊同志於

弟子緣一覺

如佛意不與弟子各佛齊同也

在彼无

著所以者何恙知意質直無漏

在彼者

生死也

无受無滅

无受者不受五陰也無滅者不捨生死求滅之想也

以志知意大照菩薩是故為大士

能持明度教照菩薩也

秋露子曰問何故菩薩大

士亦彼恙知而意不著善業曰以无

意故於彼恙知而無所著賢者滿慈

子言吾亦樂其為大士者捐人昇於

大乘而有引擔之鎧是為大士

以經法

捐天人使昇佛大乘之道也

善業白佛何謂引擔

之鎧佛言菩薩束已自擔吾當滅度

無央數人已度无量無數人民皆得

泥洹知其無法得滅度也所以者何

意法如是譬如幻師與幻弟子於四

衢道化作人衆以為化人而斬其首

汝知云何彼有所煞有死者乎不也

世尊如是善業度无数人為無有人

得滅度也菩薩聞是不驚不怛不以

恐受不移不捨不疲而無慘悴是為

有引擔鎧能昇大乘當以知此滿慈

子曰吾省佛言如我所得當知是義

為無帶甲所以者何如佛告善業无

造佛一切法無作成諸法者亦無造

衆生者如是義者無引擔鎧善業曰

無所束帶菩薩大士為无引擔所以

者何色痛想行識不著不縛不解故

秋露子曰何如為色痛想行識而去

不著不縛不解善業曰色如幻人故

不著不縛不解痛想行識為如幻人

不著不縛不解无有之色不著不縛

不解無有之痛想行識不著不縛不

解五陰如是諸法亦然是故菩薩所

為擔者无有擔也

師云一切人自然无有作者是為生死亦空道

法亦空如空者无有從生死中來得佛者佛空法空故無有出滅諸法者一切人本空故

亦无有造作衆生者也

善業問焉知菩薩正昇大

乘

師云大乘大道也

何謂大乘何乘發住

乘發

何孰達大乘斯乘何出佛言大乘之

為乘者為无量乘為衆生之無量也

菩薩法意廣大興載无量也所以者何人種无量

菩薩為之生大悲意以斯大乘住奏

三界聖一切知乃達大乘乘無從出

所以者何有生有出則為二法若不

起不致於諸法不得者是為无所生

无從出

曰大哉斯乘為天人質

諒王諸世間出上善業乘與空等引

裕若空苞容衆生無有量數

上善者恒

以虛閑濟人無極而為遍宣故為大

乘不見其反亦不見出

佛常以虛心閑暇

通其志大士亦當學斯矣

如此乘者不從始得不從

終得亦不中得

不從初知意得亦不從中間及終意得也

於三

塗等故為大乘佛言如是善業以能

行此乘故謂之菩薩大士

過去當來現在意等耳

秋露子曰佛請賢者說明度无極而

道大乘者有檀知耶

師云佛本請卿今說明度无極耳而

及說大乘事宜及知此耶秋露子為不知家問宜知是也

善業白佛吾

說明度無極得无過乎佛言不也適

得其中善業言菩薩大士不於始近

不於終近亦不中近

不始意近道不終不近也无去來今三塗

想色无際道無際痛想行識道俱無

際是故菩薩无近無得无知無明

色所无

邊無極者色之性本空故

色菩薩不知不明不

致不得痛想行識亦如是

色与菩薩於是无有知想

小無有明也了想不解意在其内无可得大智与明同義與得亦同義

都一切

於一切

都一切謂生死治法與道法也

無知无

明無致无得當為何菩薩說明度無

極尚不見菩薩何用見明度无極菩

薩者但名耳猶我為我無可專著我

者空虚不可審明我不可明道何可

知如是諸法无有專著何等為色色  
無生牢固何等為痛想行識識无生  
无空固諸法無生无有空固彼無專  
固者不是法不非了今無主當為說  
是處无知亦無異處可得菩薩行道  
也

生死亦无  
履开也

如是世尊其聞是言不驚

不怛不捨不疲不有慘悴如此知行  
是菩薩為能惟明度無極所以者何  
行此經時以如是法孰觀斯道是時  
為不近色不近色者不見滅也所以  
者何於自然色而不起為非色若色  
費耗亦非色来無興衰我者此为无  
二事如為之色是我即由是為我色  
是為造計痛想行識如法觀時為不  
近識於自然識而不起為非識若識  
費耗亦非識来亦无興衰我者此為  
無二事如謂之識是我即由是為我  
識彼為造計者

師云觀明度為不起  
色故言不近也

秋露子曰吾省是語於義菩薩為无  
所起若无起者何故菩薩行艱難行  
為衆生更苦無量善業曰吾不樂菩  
薩艱難行而大士者無艱難想以行  
道也所以者何行艱難苦想者不能

為无量人民建大利也

師云此弟子行疾厭生死莫能導利

一切人使

是以當為安隱易行之想

當為安隱

不當為苦勞

為衆生建若母想父想昆

弟想姊妹想子想女想當生是想行

菩薩道於一切人為已親想以是想

將導之

行菩薩道者一切如親五親也但見欲安隱導利非有癡貪戀之想

見

衆生為若已

當念一切若已身

都一切於身不

明是外內

菩薩都一切持心於一切天下分別觀者為內疎者為外矣也

為生法想斯一切為吾子菩薩當度

此无量苦性不有怒意

法想者善推大悲也

若

被形截心無鬱毒終不為苦想也如

賢者言菩薩無起以其無起故為菩薩

秋露子曰云何菩薩而无起者於道人

法於一切知一切知法亦持無起

一切知法佛諸

經法也

善業曰然於佛法都无所起問

曰在佛法而无起者其於凡人及凡

人法亦將无起答曰然於凡人法亦

无所起秋露子曰如是菩薩於道人

法從一切智至凡人法皆無起者是

為不近不起得一切智耶

凡人法者謂生死法也皆

无起者想寂然也近持將也起生者念也

善業曰不起之法

無欲得要也不起之念亦非有法

不起

之法无有望欲得之想也

可擇取也有得佛者我以

為淨

无有二法當捨法善業曰諸法皆空无作無得今言此取是也有生死有得佛



者斯謂以法意誨

曰是如何當從未生法擇已生

法乎

擇取道也

生死法至生法至乎

生死之法至道

乎當生有必至道乎問辭也

答曰云何生法不生而

不生法生耶

善業欲解其難故先詰之言生死之法不起耶泥洹之法

復秋露子曰不生法者不起法也樂

不起法之語耶樂起語也如賢者樂

必不起之不要善業曰如是當樂不

起不要賢者所樂吾亦樂說秋露子

曰如善業為法都誦取不可及所以

者何在所問如應答法意不搖其言

皆妙答曰是法意也佛諸弟子所問

應答意不搖者於一切所猗故也

善業於此

清淨法中為都誦秋露子於無比法中為都誦

秋露子曰善哉

善哉是為上辯何謂菩薩諸法无猗

答曰是明度無極即為菩薩諸法無

猗

意常清淨不在生死諸猗也

曰不一切乘是經唯

諸法無猗耶曰恚乘明度无極故為

諸法无所猗

問言不復誦誦承事行此此但當守一不猗生死而已耶

菩薩於是無方石山處

菩薩所行時雖坐方石不念此

石安好可長坐也昔比丘披拘連樹下四十歲不知樹名者用无猗意在樹也

而以嘿

取諸法之要如無取焉是為行諸法

而無猗行也

嘿者定也以定意學諸要如无去就之想也

若為

菩薩說是與知不疑不望而能深解



是謂知行者已為不休如是念矣

不疑

不疑深法也不望不於道行之淨而汙其意有所希聖也不休其意於道無彈指之間廢息耳

秋露子曰若不休此行為休是念若

休是念為不休此如其念行而不休

者是謂常行等念等也

師云休止也等平等也若精進於此

行者以為止生死念若止五陰斯為精進行法是也夫止之行通而生死等生死與道等其法俱空故曰等也等行者不捨眾生疾取本淨也忍生死苦而以大道導利之今佛道不絕也

已念等行等者則一切人必常有紹

此行而得為開士者

紹續也

如是眾生

亦將不休此念此行

眾生亦得此注意也

所以者

何人不當廢是念也

人不當休廢道念也

善業曰

善哉善哉賢者勸助為說是致要語

如賢者言行等念等助一切人不廢

此行夫眾生自然念亦自然當以知

此眾生恢廓念恢廓當以知此眾生

之不正覺而念不正覺行亦不正覺

當以知此如是行念吾樂菩薩思惟

念此行

眾生盡空恢廓廣大无邊故可導利昇此大道一切人不能正覺當

以正覺開釋之也

明度經卷第一

已亥歲高麗國大藏都監奉

勅彫造

大明度經卷第二

潛

南吳月支國居士支謙於涼州譯

天帝釋問品

持品

功德品

變謀明慧品

天帝釋問品第二

尔時帝釋與四萬天子四天王與二  
万天子梵衆天與万天子梵輔天與  
五千天子俱皆來會坐諸天子宿命  
功德光耀巍巍持佛神力明徹照釋  
問善業言是諸天子大會欲聽說智  
度無極云何闍士大士於大明中立  
乎善業曰諸天子樂聞者聽我說因  
持佛力廣說智度何天子未求闍士  
道者今皆當求以得滿港澳道者不可  
復得闍士道士何以故閉生死道已  
正使是輩求者我代其喜不斷功德  
也悉欲使取經中極尊法使上至佛  
佛言善哉善哉勸樂闍士學乃尔乎  
善業白佛言我當報恩終不敢違之  
所以然者往昔如來無所著正真道

寂正覺皆與弟子為諸闍士說智度  
如來時亦在中學斯經妙行今自致  
作佛用是故當報恩我作是說法闍  
士受之我勸樂勸樂以大道疾令作  
佛釋欲所聞者聽所問矣問曰闍士  
云何立智度中乎答曰持空法立如  
是釋問闍士大士以影引擔大乘所  
至奏五陰不當於中住溝港頻來不  
還應儀緣一覺至於佛不當於中住  
五陰無常不當於中住於苦樂好醜  
是我所非我所不當於中住溝港道  
不動成就不當於中住何以故七死  
七生便度去頻來道不動成就不當  
於中住何以故一死一生便度去不  
還道不動成就不當於中住何以故  
於上滅度應儀道不動成就不當於  
中住何以故應儀道成已便盡於滅  
度中而滅訖緣一覺道不動成就  
不當於中住何以故不能逮佛道便滅  
訖是故不當於中住如來無所著正  
真道寂正覺用无量人故作功德我  
皆當令滅訖正於佛中住佛所作皆  
究竟已乃滅訖亦不當於中住秋露

子問設使闍士大士不當住五陰溝

港頻來不還應儀緣一覺上至佛當

云何住善業言如來无所著正真道

寂正覺有住處乎荅曰不也何以故

佛無所住亦不在動搖不動搖處住

亦不不住亦無无住一切無是如如

來住當作是住不當住不住亦不當

住無住當作是住學无所住矣尔時

諸天子心念諸鬼神所語悉可了知

今是尊者善業所說經道了不可知

善業知其心所念語諸天子是經難

了難了所以者何我所道說所教起

都為空矣以斯故難聞聞而難了諸

天子心復作是念是語當解當解今

尊者善業深入於法身即告諸天子

設使欲索溝港頻來不還應儀緣一

覺無上正真道若於其道中住皆當

學明度當持守諸天子心復念所說

乃尔當復於何處更索經師又告諸

天子欲知我所說法者如幻人无所

聞無所行諸天問今在是聞法者是

人為非幻乎善業言人如幻幻如人

如求溝港頻來不還應儀緣一覺正

真道人如幻幻如佛道諸天子復問乃至佛亦復如幻如人乎曰乃至滅度亦如幻如人諸天子言滅度亦復如幻如人乎曰設使有法過於滅度者亦復如幻如人矣善業告諸天子是幻是人泥洹皆空俱无所有尊者秋露子滿祝子問說明無度如是者誰能持奉行之答曰賢者不退轉闍士大士能持奉行之其應儀等无能受持者所以者何我所說法為無所說亦无所處法已無所處法已无所囑累法以是故亦无能受持者釋心念尊者善業雨法寶我寧可化作花以散其上便化作甘香花以散佛及善業諸比丘上花至其膝善業即知言是華不出於忉利天上釋所散花出於幻耳釋言是花非從樹出如賢者善業所可說斯事本寂自幻樹出矣釋言是花從幻樹出也不從樹出者為非是非是者為非花釋言明度甚深微妙答曰然所以者何無所逮得亦无所說釋言尊者處深微妙明度於法不諍處無所有於法无所

動答曰然法非動法當作是學如是  
學不學溝港頻來不還應儀緣一覺  
道作是學者為學一切智出於諸法  
為不生五陰學受身行不學受餘法  
秋露子問如是為不學受一切智乎  
不學亡失不學受他法乎答曰然是  
為學一切智出於諸法釋聞法便問  
秋露子當云何於其中求報言於善  
業明度品中求釋問善業持何威神  
恩當學知報言持如來威神恩知釋  
所問明度閻士大士當云何求不可  
從五陰求不可離之求何以故明度非  
五陰亦不離之不起之為無所著无  
出無倚无倚是明度矣釋言大士為  
大明無邊无底報言五陰皆無邊以  
是故當知法无邊人無底當知法无  
底身與作復作用是故當知之與大  
明等無異无中邊亦無本端不可限  
量一切不可得以是故明度无邊無  
底不可計計為多釋問人云何无底  
善業言云何於釋意何所法中名為  
人於法中不見有名為人者何以故不  
見有所從來處所以者何人本末皆



空无所有故設使有來者有位止者  
但名耳何以故於名字中學有所有  
不曰不也善業曰用名字無所有故  
无作我者是故人無底正使如來无  
所著正真道寂正覺壽如恒沙劫口  
說名人人復人寧有生滅者不釋言  
一切無生滅者善業言所以者何用  
一切人淨故無所起名非名不可得  
是故人无底明度無極名无底當作  
是知

持品第三

尔時諸天无央數同時三歎曰嗚經  
乎嗚經乎是尊者善業所說道深矣  
斯大明弘義如如來所由出矣有聞  
者學之誦之我敬視之如如來佛告  
諸天子誠然昔錠光如來無所著正  
真道寂正覺時有宮宮中有是經我  
時持之錠光佛受我决言若後當為  
人中持悉逮佛智作佛名能儒如來  
無所著正真道寂正覺三界寂尊安  
定於法中極明号曰天中天諸天子  
白佛言少有及者天中天有持大明  
者為受一切智矣時佛在衆中央坐

佛告除饑衆除饑女清信士清信女  
今是四部為證愛欲天梵天無結愛  
天皆知佛告釋言高士學斯定持誦  
其文衆邪不得其便令橫死也忉利  
諸天子求佛道者未學誦獲其奧者  
是輩天子皆往到是學持誦者所若  
於空閑避隈處亦不恐不怖也四天  
王釋梵及諸天子等各自佛言我當  
護是學持誦者釋復白佛言難及天  
中天是明度學者心無動搖悉受六  
度已佛言然善聽我說上中下言皆  
善釋言受教佛言我經中有欲害亂  
者起惡意往未至道亡後所作終不  
成何以故用是高士學是經故譬若  
有藥其名神丹有蛇索食道逢虫物  
蛇欲取虫即到神丹藥所蛇聞藥香  
即還去何以故是藥力所却如是是  
輩高士其欲害者便自止還是明度  
威神力所厭伏也佛言設有亂者便  
於彼間自壞不成四天王皆護入經  
如行者自在所為所語如甘露言重  
成道瞋恚貢高諸惡不生四天王護  
之所以然者學明度故心自生念有

諍起者不可近我求索佛道義不可  
隨是瞋恚語使我疾速好心斯高士  
所作悉見善像釋白佛言難勝天中  
天乃過諸惡無與等者佛言釋是輩  
人或當過劇難之中終不恐無能害  
者善士當誦惟斯定政使死至若然  
在中欲共害者如佛所語終不橫死  
若兵刃向者不中其身所以然者斯  
定諸佛神呪呪中之王矣學是呪者  
不自念惡不念人惡都無惡念是為  
人中之雄自致作佛為護衆生夫學  
斯行者疾成佛道是經書已雖不學  
誦者當持其卷人鬼凶毒不能害矣  
宿命重殃唯斯不除辟如得佛處若  
人若鬼神禽獸從一面入無能害者  
何以故用得佛處故其威神護過去  
現在當來索佛道者皆當於中得佛  
道人入其處不恐無畏明度所止天  
人鬼龍皆為作礼恭敬護視用經德  
尊故釋白佛言若有書持經卷承事  
供養天寶名華旃檀玳瑁香繒蓋幡  
若有持如來無所著正真道寂正覺  
舍利起塔自歸作礼承事供養天寶

花香具足如上其福孰多佛言我問  
若隨所樂報云何是如來一切智成  
是身出現於世從何義得對曰從明  
度義得佛言不用是身舍利得佛也  
乃從一切智生得佛身我滅度後舍  
利供養如故若善人書是經學持諷  
誦自歸作禮承事供養具足如前則  
為供養一切智已從是經中得功德  
無比復白佛言閻浮提人民不供養  
者為不知是福尊無比耶佛言有幾  
所人信佛信經信比丘僧釋言信者  
少耳及求溝港頻來不還應儀緣一  
覺至求佛者復少矣佛言无量人行  
求佛道至於在不退轉地立者若一  
若兩耳學是法會成佛當為作禮承  
事恭敬何以故用曉佛法世少有故  
過去如來求佛道者皆從是成我時  
亦在中如來滅度後取舍利起七寶  
塔盡形壽自歸作禮承事供養天寶  
花香具悉如前滿四天下若三千大  
千國土衆生悉得人道各作七寶塔  
以妓樂樂之復過是如恒邊沙佛刹  
人人起七寶塔供養劫復劫都是欲

界中諸妓樂花香繒蓋皆具如上所

明度經第二 第十張潛

全篇

說其福德益多不對曰甚多天中天  
佛言不如書持經卷自歸護定福多  
无量何以故從中出如來一切智故  
佛言百倍恒邊沙佛刹人皆起七寶  
塔不在計中如是千万億無數倍不  
在明度淨定計中

尔時四萬天子與釋俱來大會諸天  
子啓釋言尊者當取誦是經佛言當  
學當持當誦釋若質諒神興兵欲與  
忉利天戰其念誦是經質諒神衆即  
去釋言大尊呪天中天佛言然天輩  
過去當來今現在十方諸佛皆起是  
呪自致作佛出十誠功德開士大士  
從中生佛未出於世時閻士悉出說  
照明四棄四拔苦四事空五通譬如  
月盛滿時從空中出照明於星閻士  
求功德盛滿如是皆從摧德大明中  
出當作是知學持誦是經為至德悉  
具足佛言其人終不為邪毒水火兵  
刃王法所橫死何以故是明度所擁  
護若復有餘事起若至王所及太子  
傍臣所與之相見輒歡喜言笑所以

然者以其普慈等濟愍惠群生調功  
無量用是故見者悉起立亦時有異  
道人遙見佛大會欲壞亂坐衆疾至  
佛所釋作是念當云何盡我壽在佛  
邊受誦是法即從佛聞受誦彼異道  
人遙遠繞天中天一匝從彼間道徑  
去秋露子念是中云何異道人從彼  
間道徑去心念是佛即知秋露子釋  
念明度異道人無善意來故弊邪念  
佛與四部弟子共坐愛欲天梵天諸  
天子悉復在中會无異人閭士大士  
受使者會當為入中之將自致作佛  
我當往亂之是弊邪乘一轆之車駕  
馬四疋稍至佛所釋作是念弊邪所  
乘非國王瓶沙非波斯匿非釋種非  
維耶利四馬車皆不類之正是弊邪  
所作也邪常晝夜索佛短亂世人能  
常持心究竟明度邪便道還忉利迦  
翼天子持天花在空中立便散佛上  
四面散而尊嘆曰究竟道原明度之  
謂也閻浮提人民乃得聞見復持雜  
華四散佛上曰其有求者守者終不  
為邪衆所害也是輩人民福德弘大



何況乃學持諷誦用是法住其人前世已得見佛淨心供養欲一切知得一切智寶當從明度索之佛言然阿難白佛言无舉名布施重戒忍辱精進棄定但舉明度名何以故天中天佛言明度於度中最尊云何阿難不布施持戒忍辱精進禪定智者當緣為六度無極一切知乎阿難言唯然天中天不行六行不為六度誠非大明度无極一切知之明矣佛言然大明最尊辟如地種散其中同時出生衆生得命如是阿難明度如地五度如種從中生成釋白佛言如來所說善士學持誦明度者功德未竟佛語釋我不說是功德未竟我自說書持經卷承事作礼花香名寶雜繒盖幡功德者耳釋白言我身護視是人佛語釋誦明度者有若干天到是經師聽經不解義者欲問所疑用慈於經中即自曉了是人作功德悉自見知若於四部弟子中說經時其心无所難若形試者終不畏何以故明度所護凶試者去佛言我不見人當明度者

人亦不見明度明度所默也。无有輕者。心不恐怖。無所畏。父母重之。沙門哀之。諸親賢友愛之。或惡事來持。忠正法為解之。是善士所作功德。悉自見心。當作是知。十方无数佛國諸天人。鬼龍質。諒神執樂神。句臆行神。似人形神。皆至經師所問。評聽受作礼致敬。繞畢。各去。斯行德使然。四天王。忉利天。鹽天。兜術天。不驕樂天。化應聲天。梵天。梵眾天。梵輔天。大梵天。水行天。水微天。無量水天。水音天。約淨天。遍淨天。淨明天。守妙天。玄妙天。福德天。德純天。近際天。快見天。無結愛天。上諸天子。皆往問評。聽受作礼。繞竟。各去。諸无結愛天。尚悉來下。在諸天中。何況是三千大千國土。諸愛欲。無色天子。耶。彼所處常完堅。无媯者。除宿不請餘。不能動其功德。悉受是時。諸天來當知之。釋言云。何知天中天。佛言。是善士女歡喜時。知來已。當避去。聞鬼神香。或龍鬼神。地軀神。來到。聞鬼神香。以為曾知。已當避去。當淨身。體用清淨。故鬼神皆大歡喜。

小天見大天來便避去尊天威神魏  
魏其光重明稍安徐往尊天入至經  
所是善士女則踊躍喜所止處悉當  
淨住是人病終不著身所止處常安  
隱未常有惡夢夢中但見佛見塔聞  
明度但見諸弟子見極過度見佛坐  
見自然經輪見粗欲成佛時見諸佛  
得佛見自然新經輪見若干闍士見  
六度種種解說是當作佛見餘佛刹  
見佛及尊經无與等者某方刹如來  
無所著正真道寂正覺弟子衆如來  
在其中說經是輩善士夢如是已安隱  
覺身軀淨潔且輕不復思食身軟美  
飽若比丘得定自定覺心軟不思食  
身軟美飽如是何以故鬼神不敢近  
是欲取佛者

功德品第四

復次帝釋是天下如來舍利滿中施  
與有持智度无極書施與衆取何所  
釋言我取智度何以故我不敢不敬  
舍利天中天舍利由斯明度出天人所  
尊矣如我與諸天共坐坐持異牀我  
未至諸天子為坐作礼繞以去是坐

尊故吾於斯受經諸天於彼為礼如是天中天明度出如來無所著正真道取正覺之舍利一切智從中生身用是故兩分中取明度正使三千復大千國土滿中舍利為一分明度書為二分取書何以故從中出舍利供養所致譬如負債人與國王參正无復問者亦無所畏何以故在王邊有力故也譬如无價明月珠有是寶者其德無等所著處鬼神不得其便不為所中若士女持明月珠所著鬼神即去若中熱風寒持明月珠著身熱風寒皆除去夜著冥中即明熱涼寒溫衆毒向已持珠亦之諸毒即滅如是天中天明月珠尊若人目痛冥近之即愈其德巍巍在著何所便隨珠色正使持若干種繒裹珠著水中水故如珠色水濁即為清是珠德无比阿難問釋云何獨彼有珠耶斯土亦有乎釋言亦有不足言如我所說者異天下寶輕不如彼德尊十百千万億倍若以著篋函中其明徹出正使出去處明如故天中天一切知德至

如來滅度後是一切知舍利遍布供養如故置是三千大千國土滿中如來舍利正使恒邊沙佛剎滿中舍利為一分是經為二分我於兩分取是經佛語釋過去如來皆從中出自致成佛甫當來及十方無數佛剎現在諸佛亦從中出為人中將自致成釋言一切衆生心所求如來從明度悉了知佛言用是故闍士大士晝夜求明度釋言惟求大明不求餘度乎佛言六度无極皆求闍士布施持戒忍辱精進一心分諸經不及求明度譬如是天下種樹若干色種種菜花實各異其影无異影影相類如是五度從明度出一切知種種相成無異釋白佛言景明德尊其為難等矣天中天若有書是經承事供養花香繒蓋幡若復授與人其福孰多釋言自供養復分人其福太多佛言如是書經供養華香衆寶名繒蓋幡若有書經供養復分與人其福無量經師所處轉說本淨其福甚多復次一天下人皆令持十戒置是四天下復置小國

中國二千三千大國土如恒沙佛刹  
人民皆令持十戒其福寧多不對曰  
甚多天中天佛言不如書持是經分與  
人使書學之其福倍多置上十戒皆  
令作四棄四拔苦四事空及五通皆  
成得云何其福寧轉倍多不對曰甚  
多天中天佛言不如是書經卷與人  
使書若為讀其福倍多復次學解中  
慧其福甚多釋白佛言云何學明度  
解中慧佛言有當來善士欲得無上  
正真道寂正覺樂學明度惡友教學  
末智何等為末智佛言來世比丘得  
經欲學惡友教之五陰無常學五陰  
无常求作斯學失大明獲末智佛言  
求者不壞五陰無常視何以故本无  
故如斯當為景明之學其福無度復  
次一天下人皆令得溝港頻來不還  
應儀緣一覺道皆令成就又如恒沙佛  
刹人民皆求無上正真道福不如淨  
定廣說義所以然者皆由斯定得一  
切知十二經德皆由斯學成佛无盖  
佛出即生溝港頻來不還應儀緣一  
覺并發意求佛獲斯定者福寂尊矣



若有善願欲疾作佛以經施之令成  
大士得斯定者其福難盡釋白佛言  
如是天中天極安隱是闍士大士疾  
近佛用是故受其福轉倍多何以故  
其得是法疾近佛坐善業語釋言善  
哉善哉當作是解闍士受淨定疾得  
作佛所作行當如淨不得景定不得  
作佛在所問

變謀明慧品第五

今時慈氏闍士語善業有闍士大士  
代歡喜寂尊分德法雖或布施持戒  
所守分德法尊無蓋德被无表善業  
言當從是代歡喜分德之法何以故  
十方無量佛刹二刹土不可計數  
數滅度以是本所起无上正真道家  
正覺及自致滅度處其功德極度所  
致之德諸弟子所作布施持戒守法  
分德彼德寂尊過無所著功德都天  
中天持戒身定身慧身无所罣碍身  
度知見身安隱大慈不可具計經中  
所學諸功德都計合積之代歡喜德  
福尊無蓋以斯喜行用求無上正真  
道心念言持是施與我作无上正真

道當作是行求心以來悉還得之慈氏語善業作是求以來者不還得作是施者善業言有不施者當從何得亦无所守從何出生若意悔還為墮四顛倒所施與無常謂常苦謂樂空謂實無身謂有身意悔還所信還持是心求佛作是施與作無上正真道慈氏語善業新學士女不當於前解慧也何以故其所信樂所造德本恐亡還當為不退轉說之若在善友邊久者解說之是人不可懼者也如是代歡喜極尊持是施與作一切知持是心作是施與代歡喜是心盡滅無處不可見何心作是施與得無上正真道何心是心心无兩對心無身當作何施與乎釋言恐新學士或怖而志還云何作功德施與寂尊代歡喜云何以作施與得無上正真道善業言斯土閭士大士悉具足供養諸佛破壞衆惡以等行如一降伏邪黨弃捐重擔所有福德罪垢都寂戒定慧解脫度知見所願已獲十方無數刹土有滅訖者所作分德其尊无上何因

閻士不悔心想去何不悔心無所想  
持是施與作上行者正使是心念自  
了知之作是曹想不悔心想如悔所  
喜悔正使心念復了知是心作是為  
想悔心悔喜悔正使閻士持其心了  
知作是為想覺持何等施與持何所  
心了知作是覺持何等施與持何所  
心了知是心諸法何所法持是施與  
為等與不及作是施諸過去當來今  
現在佛所有功德及弟子未得道者  
天龍鬼神諸聞經初發心學者都合  
積累代喜歡尊矣持是功德復知是  
法盡滅无處亦無法作是施與无想  
悔無心悔无喜悔作是衆所不還是  
為无上正真道施與他有分德不諦  
明之不作是施與何故所致無所有  
代喜分德亦空閻士作此明之諸佛  
所滅度者持所施與功德使我悉得  
之如一作是知所行作無上正真道  
是所作不在想過去所知盡滅想无  
處想作念得作是想非施與也不作  
是想為施與當作是學閻士大士權  
德當於是由索之未得明度不得入

是法中所持分德中無得作是聽身  
識是有德之人有想便著反欲苦住  
如來無所著正真道取正覺不樂持  
施與持施與見虛空何以故極大得  
滅訖視佛有想者為尋施是與大還  
不當作是還如來施與當諦何以故  
雜毒病故作是施譬作美飯雜毒著  
中色好甚香無不喜者不知飯中有  
毒愚人食之歡喜飽滿其食欲消時  
必危身命矣夫不知取施之義者不  
曉將護兩尋之難必如毒飯之說也  
若高士欲施當如往古來今諸佛持  
戒身定身慧身解脫身度知見所見  
慧身及諸弟子於中所作功德是所  
佛緣一覺施與持是功德都代歡喜  
施與以作无上正真道持是想施與  
時悔謂之有用是故譬若雜毒飯如  
是有德之人當作是覺知過去當來  
今現在佛云何施與何因成就出无  
上正真道隨如來教持是施與知所  
作功德生時身相經所得了知成時  
我作是代歡喜自致佛道無過也終  
不離如來法不雜毒也當作是施與

如戒如定如慧如解脫如度知見慧  
所現身無欲處无色處無空處亦无  
往古來今從中來者譬若無所有是  
所施與諸法亦無所有是為成施與  
中無毒也若作異施為行反施唯閻  
士所施是法若佛皆更知作是施自  
致作佛今我施已作无上正真道佛  
言善哉善哉善業所作如佛又三千  
大國土人皆使念四等心不如上施  
其尊無盖也復次三千大國人皆作  
無上正真道使如恒沙佛刹人共供  
養之震越衣服飲食牀卧病瘦醫藥  
事事具足如恒沙劫隨念所樂云何  
其福寧多不善業言其多天中天佛  
言代喜功德福過其上善業言功德  
如恒沙佛刹不能受也佛言善哉善  
哉持明度者是所施與乃從本來福  
出其上尔時四天王與二万天子以  
頭面著佛足却白佛言初慈普施明  
度德化魏魏無盖乃至於斯乎何以  
故學明度閻士大士所歡樂故初利  
天鹽天堯術天不驕樂天化應聲天  
諸天子各以寶樹名華雜香以散佛

上繒蓋天幡妓衆樂歡心貢佛而歎  
日極大施與天中天大士摧德乃作  
是施學明度德大士所歡樂梵衆天  
梵輔天大梵天水行天水微天無量  
水天水音天約淨天遍淨天淨明天  
守妙天玄妙天福德天德純天近際  
天忼見天無結愛天諸天子皆以頭  
面著佛足作是言閻士學明三界希  
有佛告諸天子置是三千大國土中  
人皆作無上正真道者更復異恒沙  
佛刹人都共供養是輩閻士大士其  
隨所喜復過是者不及代歡喜施與  
三世佛天中天持戒身定身慧身解  
脫身度知見身及諸弟子在中作功  
德者都積累合會雖尔代喜過上善  
業問言從中何得佛言求閻士道有  
德人當知往古來今法無取无放無  
想无見從是法中無所出生法无盡  
法心往來法我作是代喜施疾得無  
上正真道復次於三世佛所作布施  
持戒忍辱精進一心明慧代歡喜无  
所罣碍法未來未成亦無所罣碍十  
方無數佛刹現在者諸法不著不縛



不脫以是法作無上正真道是代喜  
施無能過者无能壞之如恒沙佛刹  
閻士壽劫亦然使彼人供養令所閻  
士大士具足如彼多劫如戒忍辱精  
進棄定法乃作是布施代歡喜德尊  
出其上無量之計

明度經卷第二

己亥歲高麗國大藏都監奉

勅彫造

大明度經卷第三

潛

地獄品第六

吳月氏國居士支謙 譯

秋露子白佛明度道弘普入景慧天  
中天自歸明度無極天中天行寂无  
穢去冥亦明魏魏至尊無不成熟天  
中天無目惑者授道慧眼无生無滅  
苦者得安悉入無想明度慧門大士  
之母拔生死根大神已足三合十二  
轉明度天中天閻士當云何於中立  
天中天佛言敬明度當如敬佛於中  
立自歸當如自歸佛釋心念秋露子  
比丘何因發是問則報之曰是明度  
護於閻士代歡喜功德施與无上正  
真道之恩也若有布施持戒忍辱精  
進禪定皆不若辟人生墮地盲若士  
衆之行無前導者欲有所至不知行  
夫五度如盲者閻士離明度欲入一  
切知中不知所行明度將護五度與  
目與名秋露子白佛言云何入明度  
中守佛言觀五陰無從生滅見五陰  
无生滅處明度亦然又白佛言作是

守者為逮何法曰逮無所逮法无所逮法名曰明度釋白佛言明度不逮一切知耶佛言不作是逮者无所著無名无識釋問復當云何逮佛言如無所逮故能逮釋言少有及者天中天无如明度諸法無生無滅善業白佛言闍士作是念者離明度佛言明度空無所有是故不逮不近不成不壞問曰信此為信何法佛言為不信五陰不信溝港類来不還應儀緣一覺善業言大明度是闍士法佛問何緣知大明為闍士明度乎對曰五陰不大不小不退不亂如來一切智有十種力不強不弱不退不亂何以故不退不亂一切智不廣不狹天中天若有是念想為不求大明非大明威神欲度衆生是為著何以故人本無大明亦无人不壞明度義然人所出生力如來現力如是秋露子白佛言若有信是法者不疑者其人從何来生求道以來幾時乃得解中義教佛言從他方佛剎来生已問其義聞即恭敬視師如佛念曰吾已見佛矣善業白言明度

可得聞見不曰不可得見也聞士求佛以來幾何時隨此法佛言非一輩學也各有本行或前供養若干千佛具持經戒未時聞斯定棄而不敬來世佛所聞當復棄去佛言其人自隨身意受愚癡心自用以斯罪自弊聞人說明度復止之止此者為止一切知為止往古來今將導明眼矣以斯愚罪斷於經法輕易應儀受不信之道死入無擇獄其歲難竿勤苦毒痛不可具言天地壞時當適他方大地獄中展轉三塗劫數無量秋露子白佛言其罪等於五逆微喻之耳佛言其罪難為譬喻是明度學誦時若有心念非如來所說止人學者自壞復壞人自飲毒復飲人是輩人自亡不曉明度復誤他人學士无見斯人坐起言笑通好飲食也何以故斷是經故斯人自在冥中復投人於冥中其人自飲毒煞身無異也斷經之愚人信其言罪苦等矣誹謗明度為謗十二部經也秋露子言佛未說謗斷經罪入大山其形類如受身大小願哀釋

之佛言無問聞之必恐中熱沸血由面七孔憂焦損命由斬花著于臆曰萎枯而喪愚夫死然也其身長大醜惡臆處無不惡見吾難說彼毀尊法人處地獄中所受形類也又白佛言願說其罪令來世人敬奉明法畏慎不犯謗斷罪重痛如彼佛言以亦人大明後世間者誹謗得罪在地獄中苦痛無期其罪可知矣善業白佛言人常當護身口意行夫謗明法乃致斯罪佛言癡人於我法中作沙門誹謗明度言非止斷者為止一切知十部經為斷三世諸佛道為斷比丘僧者受恒沙劫罪善業問謗誹斷經者凡用幾事佛告斯士女無戒為邪所中故不樂深經以斯二事斷明度矣又用四事一者隨惡師言二者不以順學三者不承闍士法四者主行謗斷經法好索人短以自高是為四事善業白佛言不覩深歸少有信者世尊曰然重問何緣少信佛佛言往古來今五陰不著不縛不脫所以然者以其無形明度義然故少信者矣

清淨品第七

善業白佛言少曉明度無極末狎習者佛言五陰清淨道清淨道清淨五陰亦清淨適等無異五陰清淨一切智清淨一切智清淨五陰亦清淨等无異今断前亦断今不壞前亦不壞今正等無異秋露子白佛言甚深清淨天中天佛言清淨秋露子極明虚无無瑕穢无所有無不遍无生欲无色想清淨天中天佛言清淨矣又曰五陰清淨天中天佛言不知不隨不想清淨矣又曰一切知明度不增不减何以故無所有經護清淨佛言清淨矣善業白佛言意清淨五陰清淨五陰清淨意亦清淨天中天佛言本清淨矣一切知清淨道亦清淨佛言本清淨矣五陰無邊意亦無邊佛言本清淨矣大士明照其原其故明度本清淨不在彼不在此不中本清淨矣善業白佛言闔士有想便離明度遠佛言善哉如尔言有名想便著曰難及天中天是明度如来安濟群生說是於著秋露子問善業何所為著



答曰念五陰空著念往古來今皆著  
釋問善業何因著答曰心想念施與  
無上正真道心无當何等施是善人  
勸樂教人於本空如是無過如佛所  
教出於諸著中去佛言善哉汝為闍  
士大士依空不著復次若有深著想  
念如來隨所想便為著往古來今佛  
無所著法代歡喜以施作無上正真  
道者法无往古來今一切不得有施  
想無念无見無聞无心不念心對曰  
甚深天中天佛言明度本清淨矣善  
業言自歸明度佛言法無作者无作  
無上正真道者善業言如佛教無作  
者佛言不兩法本无一本無是本无  
無作是本无者如是一切疾過著去  
對曰難了天中天佛言如是無得佛  
者對曰明度不可計也佛言然心不  
自知心善業言無作明度者天中天  
佛言无師作者求明度不五陰求不  
空五陰求為求明度五陰不滿為非  
五陰不求為求明度對曰難及天中  
天著無著天中天著無著是者為不  
著佛言五陰不著不求為求明度五

陰著為不求明度溝港頻來不還應  
儀緣一覺著為不求何以故著出一  
切知中如是闔士著不著為出為守  
一切知對曰難逮天中天甚深所說  
法說之不減不說不增佛言如是不  
減不增所以然者如來盡稱譽虛空  
亦不增減譬如幻人譽毀不能使其  
有喜感增減矣吾經說衆生各學諷  
誦經亦不增減謙苦求明度守者不  
慙不恐不動不轉隨是教不捨還何  
以故作是守者為守空諸天人鬼龍  
皆當為作禮以其服大慈法鎧與虛  
空戰濟衆生之禍現世景摸之故也  
善業言被鎧譽虛空舉三處人至大  
精進上勇猛天中天法如虛空故索  
無上正真道欲得平等寂正覺有異  
比丘心念自歸明度者為無生滅法  
釋語善業作是求隨是教何因隨是  
教善業言明度隨是教者為隨空教  
釋白佛言學明度者當說幾聞善業  
云何釋見法不當所護者隨是教者  
衆生不能得其便也行明度護為護  
虛空云何釋有力者能護譽不曰不

能也如響亦無想念為求明度持佛威神三千大千諸釋梵四天王諸尊天王一切皆來為佛作礼繞三匝却住一面念千佛号字形容被服所出國土皆如釋迦文其弟子字皆如善業問明度者皆如釋其本教授時皆同一處闍士大士皆被大鎧學明度佛告善業慈氏闍士作無上正真平等覺時亦當於是說明度曰云何說五陰不受說不空說不著說不脫五陰說歎曰清淨天中天佛言五陰清淨明度清淨如空也對曰五陰無穢天中天佛言無穢矣善業言學是者不橫死也諸尊天常隨之經師月八日十四日十五日說經時諸闍士常來大會佛言是善士女得功德甚多難計所以然者明度無所近法无所取經無有元得無瑕无玷無求无想是為求明度無所觀見法諸天子心大歡喜同聲而歎曰斯天下乃垂見經輪轉佛告善業不兩經輪轉無所從生法不來不去如是善業言本安闍士諸法皆无所罣碍作無上正真

道平等正覺佛言无經輪轉無經還  
何所為經輪轉無見經還何所為經輪  
轉无見經無觀法何以故諸經所生  
如虛空無轉无去作是說便為說經  
無說經者无聞者無證是說經者為  
滅度是說經為無人善業白佛如虛  
空無極悉明度平觀諸法无不明瞭  
天中天本空無上諸法不可逮无著  
無身无去無来无有無持无盡無根  
无所從生無滅无作無師不知无想  
無所罣碍无適無壞无本如幻無見  
如夢无我清淨無穢不可見无處定  
不動搖無念平等不動法不移无欲  
法無異无所生向無想去垢盡恚恨  
无人人本無不觀法无所起不至邊  
無所止不腐无敗無不入諸應儀緣  
一覺所不能及不乱無誤不可量无  
小法無形无所生起無苦諸法不相  
侵无我無所著空諸法无所出力無  
能勝者不可計出計去無所畏心不  
慙如来諸法本无無師无為寂寞明  
度無極天中天

悉持品第八

帝釋作是念今見佛聞明度無極者  
過去佛時人也何況學持諷用是教  
住其人前世供養若干佛從問事已  
是善士為更見過去正真正覺從是  
深法聞說時不疑不恐不畏不難秋  
露子白佛言是深明度闍士大士信  
受者視當如不退轉何以故本精進  
故釋語秋露子是法甚深從斯定難  
乃尔乎聞其義而不信者彼求道未  
久以斯為難矣自歸明度為自歸一  
切智矣夫一切智者是明度所照明  
當作是住解慧釋白佛言云何於明  
度中住解慧佛言善哉釋若今作是  
問持佛威神使若發此問耳闍士求  
明度五陰中不住為應行五陰不究  
竟尔故不於中住秋露子白佛言甚  
深天中天是法難見無邊佛言五陰  
甚不住不隨不入五陰中秋露子言  
有不退轉闍士當於前說之間是慧  
法不疑不厭釋問秋露子未受決闍士  
若於前說將有何異曰未受決者聞之  
或恐退若大士聞斯義得淨定者疾  
近受決不久或見一佛若兩便受決

或自於斯中受決得無上正真道佛  
言如是求佛乃從久來當作是知未  
受決者當聞見是法秋露子白佛言  
我樂是語樂人中之安佛言樂者當  
於佛前說之秋露子言譬如閻士至  
德自於夢中昇佛座坐當知斯閻士  
但欲成佛如是天中天是明度若有  
得者其功德欲成滿近佛佛言善我  
是語乃作是樂如佛威神復白佛譬  
若欲行万里若二万里到大深澤中  
遙想見牧牛羊者境界居舍叢樹心  
中作是念想郡縣聚落將聞見之稍  
稍前行但欲近郡縣不復畏盜賊如  
是天中天閻士大士得是法今近受  
決不久不復恐墮應儀緣一覺道中  
何以故上正想見已欲見大海者便  
稍稍往想見其山林明慮諦見海尚  
遠即不想見矣若但欲至無復山樹  
之想矣得此法者雖不見佛從受決  
今作佛不久譬若春時樹葉稍欲生  
出當知此不久花葉若實當成熟何  
以故上想見葉花實當知成熟斯土  
有眼者大歡喜用見葉花實故當知



成熟如是闍士大士上想受決不久  
今受決作無上正真道佛言善哉善  
哉秋露子持佛威神使若說明度善  
業白佛言難及天中天悉豫了署闍  
士大士作如來無所著正真道寂正  
覺佛言用是故闍士大士晝夜愍傷  
群生欲使其安自致無上正真道成  
作佛時悉為說經善業言云何求得  
成就作佛佛言經中作是觀五陰不  
過為求明度不觀見法為求明度對  
曰不可計天中天所說佛言如是五  
陰不可計不可求對曰誰當信是者  
從是求闍士大士佛言何所為求正  
使求者但為名耳是中闍士大士明  
度力四事佛法一切知無所近何以  
故力不可計四事佛法一切知皆不  
可計五陰諸法亦然也正使作是求  
為無所求為求明度正使作是求但  
為名耳善業言甚深天中天斯乃寶  
將中王與虛空戰勇德難勝今佛行  
業傳之無窮佛言然尔故闍士欲疾  
書是經至死何以故於寶中多有斷  
起善業言弊邪存想欲使經斷佛言

邪欲斷經會不能勝秋露子問持誰  
恩不能勝中斷佛言十方現在諸佛威  
神志共擁護是閻士大士佛所授定  
邪不能斷也又白佛言是明度若念  
誦持學書者諸佛威神皆共擁護之  
佛言我眼視是學持誦者寂後書持  
卷者當知是輩如來眼所見是至德  
受持是經者疾近佛坐得大功德如  
來去後是法當在釋氏國彼賢學已  
轉至會多尼國在中學已復到鬱單  
曰國在中學已却後我經但欲斷時  
我斯知已尔時持是明度寂後有書  
者佛悉豫見其人已佛所稱譽也秋  
露子問佛鬱單曰國當有幾閻士大  
士學斯定佛言少耳是經說時間不  
恐不難為疾近如來其人前世聞如  
來已學閻士至德持戒完具多所  
度脫是輩索佛道者我知是高士近  
一切知其所生處志尚所歸當學斯  
義欲求無上正真道是人行尊邪終  
不能動使捨佛志也聞明度已得極  
歡樂尊得大乘德逮近无上正真道  
雖不見我後世得是法為面見佛佛

說斯語如矣。儻有求道者當共教勸。令學佛道。我志代歡喜。有作是教者。心復心轉轉。相明自在。願生何方。佛刹所生。異方面見。佛說經時。當復於後。教人求佛。秋露子白。佛言。難及天中天。云何乃有是。如來往古來今。斯高士何法。不知何求。不得云何。乃有是。決甫當求佛者。是輩為精進。逮入六度中學佛言。是輩人有求經不求者。會值經法。願不離經。索元止時。不索自得。六度秋露子問。有覩斯明度。定衆經由之。出乎佛言。有解明度者。諸經出之所以然者。是佛教法當教。一切人勸令取佛。亦復自學斯經深義。彼諸高士所生。逢佛獲六度。无極矣。覺邪品第九。

善業問佛高士種類。欲學當何以覺。其難天尊曰。欲學明度。无極。心不喜者。當覺邪為心。妄疾起。心欲學。卒閻乱起。若書是經。雷震畏怖。閻士轉相調戲。左右顧視。書是經。邪念不著。經從坐起。去自念。我不受。決法不在。明度中。便乱心起。内不得靖。自念我。

鄉土郡國縣邑不聞是經意悔捨去  
其人却後若干劫聞餘道經喜不能  
任明度而隨異經便墮應儀緣一覺  
道中是為枝葉譬若男子得象觀其  
脚云何點不曰不也天中天佛言如  
是求闍士道棄明度去及修學餘經  
得應儀緣一覺道曰點不曰不也天  
中天天尊曰譬若欲見大海而覩陂  
水曰斯巨海矣點不曰不也天尊曰  
闍士棄深明度取餘經墮應儀緣一  
覺道中有智無對曰不也天尊曰譬  
若作絕妙殿舍匠師意欲齊日月宮  
殿於善業意能作不對曰終不能也  
斯匠點不對曰不也天尊曰求闍士  
道聞明度已復棄去學應儀緣一覺  
道法欲於中求佛是人點不曰不也天  
中天佛言譬若欲見飛行皇帝反見  
小王形容被服諦熟觀之曰斯但是  
飛行皇帝也是人點不對曰不也天  
中天佛言甫當求闍士得深法已復  
棄去入應儀法中欲求佛云何有智  
無對曰不也譬若大飢得百味飯不  
食也欲得六十味飯商人得无價明

月珠持水精塗明月珠欲令合同是人點不對曰不也佛言甫當來閻士得明度經反比應儀道棄去入應儀法中欲得作佛復次當書時邪使財利從他方來聞利便棄法往不能書成也當覺邪為書是經時莫言我書莫作是語也當從經中間決作是言者邪得其便矣不尔者邪界空書時意或著世兵賊鬪亂親屬財利飯食病瘦醫藥念父母兄弟及眾餘念閻士當明覺斯為邪使復次我有名深經邪從次讀之便行乱學明度者意令釋本崇末便不得變謀明慧佛言閻士大士欲說變謀明慧從明度索之而今逮得復棄去於應儀道中索變謀明慧是閻士點不曰不也天中天佛言受經人欲聞法師便不安正使安欲與明度受經人捨去師徒不和書不成也學人來受師欲至他方兩不和矣或念在衣食財利受經人亦無用施本不得明度如是當覺邪為受經人正使无所愛惜不逆師師有斯經弟子問事師不肯解之受經



人責恒退或時師欲說受者不悅也  
師若身疲不能起說經學士志銳而  
不得學者當覺邪為復次是法說時  
書時儻有來者說地獄餓鬼禽獸大  
勤苦當早斷之作應儀無荷重患矣  
若復於衆譽天上樂云於彼五所欲  
自恣所存亦可一心念空然雖獲所  
念會當別離受彼衆苦不如於斯索  
溝港頻來不還應儀道莫與壞敗虛  
空從事復次師尊貴心自念有敬歸  
我者我與明度不者則止學人自歸  
不避劇難師不肯授欲到四劇怖中  
又告之曰榮貴之處虎狼賊中五空  
澤間我樂往彼尔諸思議能隨我行  
忍此勤苦不得後悔弟子憂曰師具  
解與不肯相授吾奈之何乎師徒志  
永明度書學誦經經行之時弟子惶  
厭不復受學稍捨就俗令經法義雍當  
覺邪為復次師健乞馬多方便欲懈  
惰去便諂語學者我當到某處有所  
問評如是不知當學誦經行時遇此  
當覺邪為復次弊邪常察其便如斯  
之惱無得受深法者差業問何因如



茲佛言弊邪主行誹謗明度言我有  
深經其義玄妙餘皆非法也是故新  
學聞士心疑恐非明度無極終始不學  
邪事一起時有聞士深守禪行便得  
溝港道是為證

照明十方品第十

善業白佛言佛說明度無極照明於  
世何謂照明天尊曰如來持五陰示於  
世又問云何視現壞五陰現世耶不  
壞現世乎天尊曰五陰本無壞不壞  
何以故空相願無壞不壞無所生无  
壞無所識无壞不壞五陰本空相願  
無所生无所識明度亦現於世無量  
人心如來得明度悉知其原何等為  
知其原人本心本心本人本等無異  
如是明度出如來亦現於世復次善  
業疾心如來從明度悉知何等為疾  
心乱心即知經本出入於心中本無  
入經亦無出經心故為經本經故為  
心本本經不疾不乱即知何等為疾心  
即知隨其疾盡盡為元所有為心如  
無所有不疾乱是為疾心即知如是  
明度出如來亦現於世愛欲心本即

知瞋恚心本即知愚癡心本即知何等愛欲瞋恚愚癡心本即知愛欲心本非愛欲心瞋恚心本非瞋恚心愚癡心本非愚癡心何以故心本不現無想元想是無愛欲瞋恚愚癡是為本無如本經无本如是明度出如來愛欲瞋恚愚癡心斷即知何等心斷即知心斷非愛欲也非瞋恚也非愚癡也何以故愛欲心斷本瞋恚心斷本愚癡心斷本皆无所從出無有本無所從生諸法无所從出無愛欲愛欲斷無瞋恚瞋恚斷無愚癡愚癡斷不可得見如是明度出如來示現世間為有德為人故曠大心即知无大小無益心无去心何以故心本斷如是出如來用有德用人故無邊幅心即知是心不去不來不住何以故本空無所出本无不來不去不住如是不可量心即知不增心身中心知如虛空不可計如是心知明度出如來不可計人未見心即知何以故無想一切見經諸法如心等心如諸法想非諸法諸法非心想何等想非諸法

何等非想心諸法無想心亦无想不見如是明度出如来欲得是致是用有德用人故何等欲得是致是一切欲得致在五陰中住欲得從是便致是善業如来去何欲得是因致是從死致死是為色從死致不死是為色從不死致不死是為色不有死不無死是為色五陰如是有世无我是為色無世有我是為色有世有我無世无我是為色不有世不有我不無世不無我是為色如是得世本原得我本原是為色不得世本原不得我本原是為色有本原無本原是為色不有本原不無本原是為色有本原无本原是為色不有本原不無本原是為色是命是身是為色非命非身是為色五陰亦尔是為欲得是因致是從我身起如来用人所著所縛所欲故即知為知過去如来知時知今如来知時知色何等知色如来知本無五陰亦尔如来五陰何等為知如本无五陰本無如来本无作是見本無五陰本无世本無諸法亦本无溝渚頻来不

還應儀緣一覺本無如來亦本元一  
本無元異無所往元所止無想元盡  
如是本無元異如來從明度中出志  
知之是故名佛矣善業白佛言甚深  
天中天誰當信是者獨得應儀及不  
退轉乃信耳佛言本無元盡時如來  
所說無極釋與万天子俱梵衆天與  
二万天子俱到至佛所頭面著佛足  
却住一面愛欲天子梵天子俱白佛  
言天中天所說法甚深云何其想佛  
告諸天子虛空著无相無願无所住  
如虛空無所罣碍諸天龍鬼神不能  
動也何以故是相无作者五陰不能  
作想人非人所不能作佛告諸天子  
若言有作虛空者寧信不對曰不信  
也天中天無作虛空者何以故虛空  
無色天尊曰是相常住有佛无佛是  
想住如故如來志知是諸天子白佛  
言是想甚深如來志知无所罣碍明  
度是如來自在道是佛所居處也佛  
告善業如來恭敬於經承事自歸何  
謂是經明度是經如來從是得無上  
正真道用是故我恭敬經當報經恩諸

法无作恚知無持來是為報經恩善  
業白佛言諸法不知不見何等為明  
度出如來亦現於世天尊曰諸法無  
所住如是恚知見出如來亦現於世  
五陰不見作是亦現於世何等不見  
者五陰无因緣不見不見是為明度  
出如來亦現於世如虛空亦現於世  
亦現於世難了清淨是為亦現於世  
明度經卷第三

己亥歲高麗國大藏都監奉

勅彫造

六度經卷第四

南吳月支國居士支謙譯

不可計品

譬喻品

分別品

本無品

不退轉品

恒竭清信六品

守空品

不可計品第十一

善業白佛言極大究竟明度無極元  
量無與等者佛言然如來無師一切  
智是故明度不可稱量安隱究竟元  
與等者善業白佛言云何天中天如  
來無師一切知元量無邊佛言五陰  
不可計量諸法亦尔五陰無邊諸法  
邊幅無獲其際者用何等故五陰諸  
法亦盡處云何善業虚空可計盡  
不對曰不可盡天中天佛言諸法亦  
然用是故如來法諸法無邊量用法  
無量故發心起學元量明度如是本  
无心念譬如虚空无心无念有心



有念因隨作是說不可稱計時五百比丘二十比丘尼得應儀六十清信士清信女皆得溝港二十閻士逮得无所從生法樂皆當於是賢劫中受化對曰甚深天中天明度極大安隱究竟佛言如尔云矣出一切智諸閻士緣一覺道悉從中出譬若轉輪聖王一切國土皆為臣隸王無所憂佛法緣一覺法應儀法皆從中出立五陰不受不入溝港頻來不還應儀緣一覺一切智道不受不入善業問何等一切智不受不入佛言云何若見應儀等所入不對曰不見也天中天佛言善我善我我亦不見如來所入處如我無所入一切智亦无所入愛欲天子梵天子俱白佛言甚深天中天明度難了也正使三千國土人民過去佛時所作功德一切皆信已具足過一切劫方是深明度中樂一日念不可量深出彼德有餘佛告諸天子正使復有賢人間是深法已得證疾使彼輩所信樂過一切其功德不及是也諸天子聞是頭面著佛足繞稍稍

却遠俱不復現各自還去善業白佛  
若有閻士大士信是明度者從何所  
來生佛言譬如新生犢子不離母如  
是閻士大士聞明度已終不離經師  
為從人道中來生善業白言若有逮  
是功德有從他方佛刹來生者無佛  
言有他方佛刹供養已從彼來生若  
於兜術天上從慈氏閻士問慧今欲  
求是法不懈持是功德復還得是經  
若有前世時聞不問中慧今生聞是  
經於中有疑歇不信樂其人前世不  
從師問中事復次閻士大士前世時  
聞是問其中慧若一日二三日至五  
日持是功德今復還得是經便信樂  
之若有欲樂聞時用是乱故其心數  
轉如稱乍伍乍仰從新學來如是少  
信樂當階三兩處應儀緣一覺道中

譬喻品第十二

佛告善業譬若大海中船卒壞其船  
中人不取板橈不能得渡必於水死  
若得板若橈有健者乘騎便不死當  
知順隨海水出也閻士大士有信樂  
有定行有精進欲得无上正真道而

不得明度變謀明慧不得學當中道  
得應儀緣一覺道其有信樂定行精  
進欲逮無上正真道得學明度權慧  
者終不中道懈過出應儀緣一覺去  
正在無上正真道中立辟若士女持  
坏瓶取水知不久必壞所以然者未  
成故學不逮此深法終不能逮一切  
智便中道歇却墮二道中辟若持瓦  
瓶行擔水安隱歸至何以故已成故  
學得深法知終不中道息恣心上無  
上正真道辟若大海中船不善護以  
財物著中至於道壞財物離散亡其  
重寶如是闍士大士正使至意學不  
得深法當知中道歇便亡名寶中道  
懈怠墮二道中辟若有人施張大海  
中故船補治持財物著中有所至不  
中道壞必到其處如是闍士大士有  
信樂定行精進學又得深法終不中  
懈正上無上正真道中立終不墮兩  
道正向佛門辟如人年老而身病去  
何是人能從牀自起不善業言不能  
天中天或時起無力不能自致正使  
病愈能自起會不能行步佛言如是

閻士大士具如上所行學不得深法而欲逮無上正真道終不至佛當中道解墮二道中辟如老病人除愈欲起行有健人來扶持之告曰無恐我自相送終不中道相棄送者所樂處如是具有上行閻士學得此深明度無極變謀明慧當知終不中道懈必能究竟於中得無上正真道

分別品第十三

善業白佛言云何阿闍浮閻士學明度元極佛言當與善友從事以善意隨明度教何等為隨教所布施持戒忍辱精進棄定智慧當施與作无上正真道莫著五陰何以故明度一切智無所著莫得樂於應儀緣一覺道如是善業阿闍浮閻士稍入明度中善業言閻士謙苦无中天欲索无上正真道者佛言如是謙苦安靖於世為十方護為自歸為舍為度為臺為導何等為護生死勤苦悉護教度脫是為護生老病死悉度之是為自歸得無上正真道取正覺得如來為說經无所著是為舍又問何等無所著

佛言五陰不著不縛是五陰无所從  
生無所從滅是為闍士得佛時為世  
間舍何等闍士得無上正真道取正  
覺為世間度度五陰非五陰五陰為  
度度為諸法善業言如佛說度為諸  
法諸經得取正覺何以故無所著故  
佛言如是无所著闍士謹苦念法不  
懈得無上正真道取正覺因說經如  
是為度世間何等為世間臺譬如水  
中臺其水兩避行如是五陰過去當  
來今現在斷五陰斷者諸法學亦斷  
諸法斷者是為定是為甘露為泥洹  
闍士念法如是便為說法如是得无  
上正真道時為世間臺何等為道如  
是具得如上說五陰諸法空無來原  
无去迹如虛空無異无想無處无識  
無所從生如夢如幻无邊無異善業  
白佛言甚深天中天誰當了是者佛  
言求佛以來久遠乃信之耳過去佛  
時於彼所作功德如是人者乃明之  
矣又問何謂求佛以來久遠佛言去  
離於五陰以來不復有之乃明是深  
法如是闍士為道無量人善業言是

為人中之導佛言然闍士得如上所  
行為無量人之導是為大盟誓為元  
量之人誓不縛於五陰不縛於應儀  
緣一覺者不捨一切智不縛於諸法  
是故為盟誓善業言闍士求深明度  
不愛三處應儀緣一覺至佛甚深天  
中天不有守者不無守者不无守者  
從明度中為無所出法為守定為不  
守諸法為守无所有為守無極為守  
無所著佛言如是在明度中者當如  
是不退轉闍士於明度中无所適著  
終不隨凡夫語不信餘道不恐不畏  
不懈怠當作是知其人於過去佛已  
受斯明也復白佛言闍士不恐不畏  
不懈怠何緣當念明度中觀視佛言  
心向一切智是為觀何謂心向一切  
智佛言心向如空是為觀視不視不  
可計一切智如不可計是為非五陰  
不入不得不知不有知不無知无所  
生無所敗无作者無來原无去迹無  
所見無所在如是不可限虚空不可  
計一切智亦然無作佛无得佛者無  
從五陰中得佛者亦不從六度得佛



愛欲天子梵天子白佛言甚深天中天難曉難知佛語諸天子如是如來視如是安隱甚深是知悉知不退轉無上取正覺亦無取正覺諸天子白佛言希有信是經者愍念世間故說之世人所欲皆著佛言如是

本無品第十四

善業白佛言諸法隨次無所著无想如虛空是經無所從生諸法索之無所得愛欲天子梵天子言善業所為如如來教但說虛空慧善業言如來是隨如來教何謂隨教如法無所從生為隨教是為本無无來亦無去迹諸法本無如來亦本无無異隨本無是為隨如來本无如來本無立為隨如來教與諸法不異無異本无無作者一切皆本無亦復元本無等无異於真法中本無諸法本无无過去當來今現在如來亦尔是為真本無閻士得本無如來名地為六震是為如來說本无是為弟子善業隨如來教復次五陰滿港頻來不還應儀緣一覺不受是為隨教秋露子白佛言

本無甚深天中天當說本無時二百  
比丘得應儀五百比丘尼得滿港澳  
五百諸天人皆得無所從生法樂於  
中立六十閻士新學得應儀道佛語  
秋露子是六十人過世時各供養五  
百佛皆布施持戒忍辱精進棄定不  
知空雖空不得明度變謀明慧之護  
今皆墮應儀道中閻士有道得空无  
色無願不得明度變謀明慧便中墮  
彼兩道譬若大鳥其身二万里無翅  
從天上自投中欲還寧能不對曰不  
能至地欲令身不痛寧能不痛乎對  
曰不能或悶或死何以故其身大而  
無翅正使閻士如恒沙劫作布施持  
戒忍辱精進求色定不入空不入明  
度不得變謀明慧心大起索佛道一  
切欲作佛便中道得應儀緣一覺若  
於佛所具如上行又聞佛一切智皆  
念求如色是為不持如來戒定慧不  
知一切智但聞聲心相如聞耳便從  
是作無上平等取正覺會不能得便  
中道墮彼何以故不得深法故秋露  
子白佛言如佛所說念中慧閻士離

深法便得應儀緣一覺若真欲得无上正真道取正覺者當學明度變謀明慧愛欲天子梵天子白佛言難曉明度無上正真道善業言難了天中天如我念是患者無上正真道易得耳何以故無有當何從得佛何以故諸法皆空索法不可得當作佛者索法無所得是求佛易得耳秋露子言如所說者難得何以故空不念當作佛是法如虛空設易得者何以恒沙閻士皆逮報言云何用五陰逮乎曰不也離五陰逮乎不也云何秋露子曰五陰本無寧逮乎曰不也離之有法逮者不曰不也云何是本無使逮不曰不也離之有法使逮不曰不也是法不得何所法使逮者秋露子曰如子所說大士等遊都無逮者佛說三有德之人求應儀緣一覺至佛道於三不計三為求一道如善業所說滿祝子語秋露子善業說一道當問秋露子言說一道我用是故問答曰云何於本無中見三道耶曰不見也何以故從本无中不可得三事善業

言本无一事得乎曰不也於本無中  
得一道乎曰不也善業言設是諦不  
可得者何故復說應儀緣一覺佛如  
所說道本無无異聞本無心不懈怠是  
必得取正覺佛言如尔无異持佛威  
神使若說本無等无異秋露子問何  
等為覺佛言無上正真道即是也善  
業問佛何等為成就於聞士佛言一  
切人皆等視慈心加哀不得瞋恚作  
是立當作是學

不退轉品第十五

善業問佛不退轉聞士大士當何以  
以觀其行相知是佛言如遠得禪者  
不動不搖如應儀地如緣一覺地如  
佛地如本無終不動佛說本无聞者  
不言非虚空本无本無是所有本無  
如本亦不言非如聞已若轉於餘處  
聞終不疑不言是非如本無立其所  
言誠而重不說不軌凡夫逆道之作  
不觀視用是比相行具足知是不退  
轉大士復次不形相沙門梵志面貌  
是別之諦知諦見終不詞拜華香施  
天亦不教他人為用是比相行具足

知又終不生惡處不作婦人身用是  
比相行具足知又不退轉大士持戒  
身自不殺教人不誑身自不盜教人  
不盜身自不婬教人不婬身自不兩  
舌惡口妄言綺語嫉妬恚癡是十戒  
皆自持復教彼守行夢中自護十戒  
面見如是用是比相行具足知又學  
諸法用是心學是法令羣生安隱為  
說經持是經受令分德願羣生令得  
斯淨定以明自立用是比相行具足  
知又大士深法說時終不疑不言不  
信亦不恐所言軟美少睡卧行步  
出入不乱心徐行安諦擇地而行被  
服衣中常清淨无塗虱塵垢亦無憂  
身中無八十種重所以然者闍士大  
士六度功德過於賢聖稍欲成滿身  
心淨潔悉受高志善業白佛言云何  
天中天闍士大士心淨潔佛言所作  
功德轉增稍上心無所尋功德悉遠  
是心淨潔過應儀緣一覺上用是比  
相行具足知又有來供遺者不起喜  
一切無慳於深經說未常有厭深入  
智中若餘處欲闍經者時是明度為

說之其有餘道所不正者持明度為正之經中所出法忘持無常之事以語之諸世間經書所不能解者持是明度為解之用是相行具足知是弊邪稍稍來到其所便於邊化作八大地獄中有諸閻士便指言斯人皆從前佛受決為不退轉今皆墮地獄中佛為授若地獄耳若當疾悔之言我非不退轉設若言尔者不復入地獄中當生天上佛言設是心不動者知是不退轉用是相行具足知邪復化作師被服往至其所若前從我聞所受惡棄之皆不可用若疾悔之隨我言者我日來問評不用我言終不復來莫復說此事我不欲聞前說皆外事耳更受我言是佛所說也佛言聞是設令動轉者當知其人不從過去佛受決未升大士舉中在不退轉地設令不動轉念是經虛空所致作是思惟不信邪言譬如丘得應儀不受邪言眼見經證是為空所致終不可動如應儀緣一覺所念法終不復還是大士向佛亦然矣正在不退轉



地立是為極度用是相行具足知弊  
邪復往到其所更作異人言若所求  
者為求苦耳非求佛法也若負斯難  
用之為求若在惡道歷世弥久適得  
為人不嘗思惟自患歎耶當於何所  
更索是軀何不早取應儀用佛為求  
乎佛言設不轉者邪復捨去更作方  
便化作若干閻士在其邊立復往指  
言若見是閻士皆供養如恒沙佛衣  
食卧具醫藥具足受法問慧當所行  
所求悉學如法住如法求皆入中作  
斯學行常不得佛汝緣得乎佛言設  
是不動者邪去不遠化作比丘輩言  
是應儀過世時皆求閻士道取應儀  
已若何從得佛佛言罔是故閻士大  
士作是行從他處聞心不轉不異於  
是中復覺知邪為佛所語无異求大  
明植志若茲者設不得佛佛語為課佛  
語不欺當作是學當作是求諦護是  
教心不動轉從中覺邪用是相行具  
足知是不退轉矣又邪燒言佛如虛  
空是經行无邊不可得極何以故是  
經義可知觀其所趣皆虛空矣為中

勤苦不當覺知邪事邪作是經可云  
何欲得佛是非佛所說佛言夫賢士  
女視明慮長諦議自議嫉邪多巧以  
逆為順恠來不傾牢如須弥用是相  
行具足知是不退轉也作一禪二禪  
三禪四禪是定隨是四禪不録禪是  
所禪作是定用入欲中故不退轉閻  
士大士不隨定教淨過定上用是相  
行具足知又有共稱其名德者不以  
喜心不動乱常正心設在家不有重  
婬若時有欲如過大空澤中飲食時  
恐怖畏盜賊欲疾去自念我何時當  
出是空澤中念婦人惡露不淨非我  
淨法當作是念何以故念使十方人  
妄隱故佛言如是其福具足得明度  
威神力使作是念用是相行具足知  
又起夷洄翼從防衛餘鬼神不敢附  
不失心志不妄起心身無瘡厲六情  
雅具聖雄而不自顯不誘他婦女若  
符呪藥不行之亦不教人婬穢行不  
以歷口非法惡念無由生我用是相  
行具足知復次善業將以何行名為  
不退轉不退轉者不與無道主佞孽

臣賊盜偷殺軍謀殘生非法士女蠱  
道姪姝錢穀屠酒祀繒綵香熏倡優  
調戲入海投難求榮採利如斯之徒  
終始不友閭士從事不離一切智常  
譽賢者以為談首遠愚近聖尊戴三  
寶亦故誓曰不退轉閭士常願生異  
方佛刹願高擔重必獲往生用是故  
常見佛得供養如是願從欲處色處  
空處從彼來生中國於閭士家大明  
卿八正談抱義典逆事不豫遠邊地  
無佛處性淨真不犯法如是相行具  
足知為不退轉不退轉閭士不言我  
是不疑我非不中疑譬如得滿港道  
於其地終不疑邪事適起即覺知寧  
殞命而不回心自於其地終不疑不  
懈無應儀緣一覺心心不念佛難得  
安住其地心大无表勇而無勝何以  
故如是住無能過者用是故邪愁毒  
便化作佛身往謂之曰若於是可取  
應儀證若未受無上正直道取正覺  
决何以故若不得是相行何因得乎  
知非佛也是邪耳如佛所說思惟觀  
之是邪所為欲使我轉佛言設不動

者知已於過去佛受無上正真道寂  
正覺使其悉知法行忠正者代不惜  
身命一切法悉受徃古來今諸佛明  
法悉護持之用是故不惜身命未常  
懈無厭時如來及諸弟子說經時不  
疑言非何以故速得無所從生法樂  
於中立持是功德悉具足知是不退  
轉閻士大士

恒竭清信女品第十六

善業白佛言不退轉閻士從大功德  
起當為說明度令入深法佛言善哉  
善哉居內閻士使入深法何等為深  
空為深無想无願無識无生滅泥洹  
是為限又白佛言泥洹是限非是諸  
法佛言諸法甚深色痛痒思想生死  
識甚深何等為五陰甚深如本無念  
故甚深善業言難及天中天安稍去  
色便為泥洹佛言是與明度相應當  
作是住如明教學閻士隨是行思惟  
念一日如夢中教却幾劫生死佛言譬  
如婬士寶彼女色與之期會女不自  
由婬夫寧有盛想不善業言士以色  
故想彼面會展其愚情佛言一日之

中有幾意念對曰甚多天中天佛言  
如彼人念一日心轉多聞士如是欲  
學淨行一日為去惡於罪甚多若離  
明度正使布施如恒沙劫不如也又  
使壽如恒沙劫等并前行溝港頻來  
不還應儀緣一覺至佛不得明度行  
不如中教皆不如此行如中教閻士  
又復壽如前布施持戒具足若求明  
度念起說經其德出彼上以經布施  
作無上正真道自深入教其德轉高  
自深入者為明度所護未常離時其  
德甚多善業問所識有著者天中天  
此二何功德為多者佛言閻士所識  
若求明度樂於無所有樂盡樂无常  
念是為不離明度得德不可計稱數  
善業問佛不可計復言稱數將有何  
異乎佛言稱數者其數無盡不可計  
者謂無邊量也余故為不可計稱數  
善業言佛說不可計五陰亦然佛言  
若所問者有所因使五陰不可計量  
善業問佛何等為無量佛言於空中  
計之是法不可計佛言云何善業我  
不覺言諸法空對曰如是天中天如

米所說悉空佛言如是諸法悉空不可盡計經慧無有各為異流如來但分別說耳不可盡量是空是想是願是識是滅度隨所喜說作是說示現教化如來如是善業白佛言難及天中天經本空耳云何復於空中說經是經不可逮如我了佛諸法不可逮佛言如是諸法不可逮計法空耳如佛所說本不可逮願解不可逮慧有增有減佛言不也善業言不可逮慧不增不減六度等然若其不增何因閻士近無上正真道得為正學設不減者閻士求守明度變謀明慧不念布施增之與減不作是念是但名布施度無極耳所施與念持是功德與作无上正真道戒忍辱精禪皆如是閻士求明度守之得變謀明慧不作是念增減皆但名耳念發心如無上正真道我作是施與何謂无上正真道佛言本無是也本無不增不減常隨是念不離為近矣善業問言閻士以初意近無上正真道耶以後來意近乎斯兩意元對何等功德出生長



大之者佛言譬如燈炷然用初出明  
燒炷乎後來明耶善業言非初明亦  
不離初明非後明亦不離後明佛言  
如是不用初意得無上正真道亦不  
離初意非後意亦不離後意得是為  
得正覺云何心前滅後復生乎善業  
言不也天中天云何心初生可滅乎  
對曰不可云當所滅者寧可使不滅  
乎對曰不可佛言寧可住本無乎對  
曰欲住本無當如本无住佛言設令  
在本无中住寧可使久堅乎對曰不  
本无甚深曰本無寧有心也曰離本  
無寧有心乎對曰不也曰見本无乎  
對曰不見作是求為深求乎對曰不  
也天中天作是求無所求何以故是  
法了不可得見佛言閻士大士求明  
度為求何等對曰為求空求空為求  
何等為求無想曰為去想乎對曰不  
云何想不去善業言閻士不作是求  
妄想天中天何以故閻士求想盡滅  
者即可得應儀閻士變謀明慧不滅  
想得證向無想隨是教矣秋露子謂  
善業有三事向定守定門空不願無

想是為三有益於明度不但晝益夜  
於夢中亦復益何以故晝日夜夢中  
佛說等無異善業語秋露子若閻士  
晝曰有益夜於夢中亦有益又問夢  
中所作寧有所得不如經等之善業  
曰夢中作善者喜為益惡者慍感為  
減設於夢中殺人覺已喜歎快之云  
何善業言心不枯尔皆有所緣若見  
閻若念為因緣是故知耳從是中令  
人心有所著或無所著是為不妄尔  
皆有所緣秋露子言所作為空耳何  
因心有所緣善業言心想因緣即因  
緣興矣秋露子言閻士夢中布施持  
是施與作无上正真道有施與者无  
也報言弥勒閻士近在前三日暮當補  
佛處子欲知當從問秋露子問弥勒  
弥勒言如我字弥勒當色解慧耶當  
痛痒思想生死識解乎持是身解乎  
若空五陰解五陰空無力當所解法  
不見亦不見當所解人得道者秋露  
子曰所說為有證不答曰我所說不  
得證秋露子便作是念弥勒所入慧  
甚深甚深何以故行明度以來久遠

佛言去何見若作應儀不乎曰不也  
天中天佛言閻士不作是念我受決  
是法若於法中得正覺亦无得正覺  
者作是行為求明度不恐我不得正  
覺隨是法中教是故勇無所畏至大  
劇處虎狼中念設有毀我者為當布  
施行布施度無極近无上正真道願  
我作佛時令我剎中無禽獸道至賊  
中設於中死心念言我身會當棄捐  
設殺我我不當瞋恚為具足行忍辱  
度無極近佛道我作佛時令我剎中  
无賊盜至無水漿處心念言人民無  
德使尔我作佛時令我剎中人民皆  
得一切知八味用一切故當精進至  
穀貴處念當精進取佛願曰吾作佛  
時令我剎中無穀貴處皆使人民在  
所願所索食悉在前如忉利天上所  
有用衆生故當精進有惡歲正使身  
遭惡歲死我心无異必當降伏邪官  
属行精進索佛道我作佛時令我剎  
中人民無惡歲死亡者我所語後我  
作佛時无異復次秋露子閻士聞是  
便呼無上正真道或却後久遠乃得

佛者亦不恐怖從本際以來呼如一  
意轉頃何以故無本際乃得佛者心  
安然不恐怖時有清信女從坐起前  
至佛所作礼長跪言我聞是不怖必  
除恐怖之處索佛道得佛已當說經  
佛笑口中金光出清信女即持金花  
散佛上佛威神故花不墮地阿難從  
坐起更奮袂袈裟前作礼長跪言佛不  
妄笑既笑當有所說佛語阿難是恒  
竭清信女却後當來劫劫名星宿中  
有佛名金花是清信女後於此時棄  
女為男後當生無怒佛刹從一刹生  
一佛刹辟如金輪聖王從一觀遊一  
觀從生至終足不蹈地是清信女如  
是從一佛刹到一佛刹未常不見佛  
足不蹈地自致得佛阿難心念如無  
怒佛刹諸閻士會者是為佛會耳佛  
即知阿難心所念曰然阿難諸會者  
悉度生死已清信女後作佛名金花  
佛度不可計應儀令三毒盡刹中無  
禽獸賊盜斷水穀處病瘦及餘惡事  
悉無有又問佛清信女從何佛作功  
德佛言於定光佛所作功德初發意

求佛時亦持金花散佛上願持是功德施與作無上正真道佛言如我持五花散定光佛上即逮得无所從生法樂於中立佛即授我決却後九十一劫若當作佛名釋迦文是清信女余時見我從佛受決其心念我當受決得無上正真道阿難白佛言是清信女所求已度

守空品第十七

善業白佛言閻士大士行明度無極何等為入空為空定佛言色痛痒思想生死識空觀一心作是觀不見法於法中不作證佛所說不於空中作證云何閻士於定中立而不得證佛言是閻士志具足念空不得證作是觀不取證觀入處甫欲向是時不取證不入定心所著不失閻士法本无中道取證何以故本願都護衆生為興弘慈念具功德不中取證閻士大士得明度證致功德斯大力矣譬如人勇悍能却敵為人端正猛健無所不能悉持兵法六十四奇悉曉習工為衆人所敬所至處无不得力者從



是所得者轉分布與人其心歡喜若有他事與父母妻子俱去過大劇道其人安親曰莫有恐怖今但免難矣重難雖來其人多變以濟親害送歸本土宗門康休然亦無損所以然者以其巧變俗矣其人勇慧能幻化化作士衆憐觀恐懼各自流散鄉土穠德靡不歡喜者是閭士大士於衆生行大慈心過應儀出緣一覺地去於定中立於衆生悉愍傷無所見於是中不取證入空中深不作應儀作是行向定向泥洹門不有想不入空取證如鳥飛行空虛中無所觸尋如是行甫欲向空至空向无想至無想不墮空無想中悉欲具佛諸法譬如人二射射空虛中後箭中前箭續後射轉中前箭其人欲令箭墮乃尔墮如是行明度為變謀明慧所護自於其地不中道取證墮二道行以是功德逮得無上正真道成滿便得佛於經本中觀不取證善業白佛言謙苦作是學不中道取證佛言悉護衆生守定向滅度門心念分別何等為分別



守空定分別無想定分別變謀明慧  
護使不中道取證何因變謀明慧護  
之心念護衆生持是所念不中道取  
證復次深入觀苦空定向滅度門用  
是故分別久遠以來人民所因緣想  
中末無上正真道為說經當使衆是  
因緣守空定無想定元願定向滅度  
門不中道取證復次閻士念久遠人  
民呼常有想有我想有好想各各求  
我作无上正真道時有人民故為說  
經使斷是諸想悉斷求云何斷是常  
非常是樂皆苦是身非身是好皆醜  
閻士思念為變謀明慧守無願定向  
滅度門不中道取證若閻士大士心  
念衆生從久遠來求因緣求想求欲  
求聚想求空想求閻士言我使衆生  
無斯想普慈引至故得變謀明慧是  
法觀空想願識無所從生齊限不中  
道取證法當作是知閻士云何求明  
度曉習法中心何緣求入守空定向  
滅度門守無想元願無識无所從生  
定向滅度門是閻士不得慧故守空  
念無想元願無識无所從生念定

有來問者不即持不可計心為解者  
知是非不退轉闍士也何故不退轉  
闍士心無央數悉知用是行不具足  
知未得不退轉之明矣善業言不可  
計人求闍士道少有能解者佛言作  
是解者已受決於功德中極殊所知  
法應儀緣一覺諸天人鬼龍質諒神  
所不能及

明度經卷第四

戊戌歲高麗國大藏都監奉

勅彫造

大明度經卷第五

清

南吳月支國居士支謙譯

遠離品

善友品

天帝釋品

貢高品

學品

守行品

強弱品

累教品

不盡品

隨品

遠離品第十八

佛告善業夢中闍士大士不入應儀  
緣一覺地亦不教人入中諸法夢中  
視心志常在佛當知是不退轉相夢  
中與若干百千弟子共會坐說經與  
除饑衆相隨寂在前如來說經忘見  
是不退轉闍士相夢中在虛空中坐  
為諸除饑說經還自見七尺光自在  
變化於餘處所作為如佛說經夢中  
不恐不怖不畏難若見郡縣其中兵

起展轉相攻水火之灾虎狼師子毒  
虫之害見斬人首者如是餘變勤苦  
困窮飢渴者視諸凡難忘作是見其  
心不恐寤即起坐念如夢中所見觀  
是三處我作佛時說經遍教當知是  
不退轉相從何知是闍士大士成作  
佛時其境內一切無惡正是時夢中  
若見畜生相食人民疾疫其心稍稍  
生念使我界中一切無惡用是故知  
於夢中寤已若見城郭火起時便作  
是念可於夢中可見是相見之不怖  
用是相行具足是為不退轉闍士今  
我審應是所向者當无是異變火起  
當滅惡消去不復見佛言假令火即  
滅知已於往佛受尊決矣假令火不  
滅知未受決設大神燒一舍置一舍復  
起燒一里置一里知其家人前世時斷經  
所致斯人之等所作忘自見宿所作  
惡於是惡除從是來斷經餘殃忘盡  
知是未得不退轉用是視持是相當  
為說令知之或時男女為鬼神所取  
作是念或我受決已過去如來授我  
無上正真道所念惡淨却應儀緣一

覺心會當作佛十方現在諸佛無不知  
見證者今如來悉知我所議念鬼神  
當用我故去不去者未受汝佛言其  
人審至誠者弊邪往到前曰若本作  
是住本字某以受汝欲以是語亂之  
國士言我真已受汝者鬼神即當去  
邪神念曰我當使鬼去鬼即去所以  
然者天邪極尊有感靈力鬼不敢當  
閻士及念用我威神故去耳便自貢  
高輕易賢人無所敬錄言我於過去  
如來所受汝已自可貢高反起瞋恚  
更生罪念當墮兩道以不成為成當  
覺邪為捨善友去為邪所因當覺是  
事邪反覆往說昔受汝事并七世父母  
中外亦家姓子若在某國縣鄉生今  
作是語前世亦作是軟語隨其人性  
行聰闇吉凶窮達貴賤貧富因扶桮  
躋言若前世亦尔閻士心念想我將  
尔邪復言若已受汝得不退轉其人  
聞之心大歡喜自謂審然便行形調  
輕易同學用是字故便失其本行墮  
邪網用受是字故不覺邪為自謂得  
無上正真道邪復言若作佛時當字

某問是名心念言我得無然我生今  
有斯志佛言是問士於智中少无變  
謀智慧反作是念若邪天共作是  
除饑為之所迷佛言我所署問士不教  
今作是念遠離一切智亡摧德遠大  
明釋賢友信凶愚斯輩會墮兩道若  
後久遠勤苦乃復求佛耳用明度恩  
故當自致作佛佛言是時發意受是  
字時不即覺悔如是當墮兩道若有  
除饑教重禁四事法若復他事所犯  
毀是禁不成沙門不為佛子是問士  
言我於某國郡縣鄉生作是生念時  
於除饑四事法其罪最重置是四事  
重法是為五逆當意生念受其字意  
信之其罪太重當作是知用是字故  
為邪入深罪邪復往作是語遠離法  
正當余如來正覺所稱佛語善業我  
不作是說遠離教問士大士於樹間  
閑處止善業白言云何天中天何所  
復有異遠離佛言正使各有應儀隨  
是行念緣一覺隨是行念各有問士  
大士於城外行遠離一切惡不得犯  
若當於獨處樹間閑止了行問士大



士法我樂使作是行不使遠行到絕  
無人處於中止持是遠離當晝夜勤  
行是故言行遠離當於城傍我所說  
法如是今時弊邪當往教行遠離法  
語之若當於獨處樹間止當作是行  
隨邪教便亡遠離法邪語之言道等  
耳應儀緣一覺等無異佛言是闍士  
所願未得及隨其行於法中未了及  
自用輕餘闍士自貢高誰能過我者  
輕城傍明淨心所念不入應儀緣一  
覺法中住所有惡不受禪脫棄定於  
定中還得所願悉具足度佛言其无  
變謀明慧闍士正使在空澤中禽獸  
羅刹所不至處百千万歲復過是不  
知遠離法會無所益邪便飛在虛空  
中立言善哉善哉是真遠離法如來  
所說正當隨是遠離行疾得无上正  
真道是人間喜便起到城傍遠離成  
就有德高行及輕言若所行法非佛  
言如是諸行者中有正行呼非及行  
呼是不當敬者而敬之當所敬者而  
怠慢之邪語是闍士言我行遠離有  
飛人來語我言善哉善哉審是遠離

法正當隨是行我故來相語若在城  
傍行誰當來語若佛言閻士有德人  
而反輕之如是當作是知如擔死人  
種无所中直反呼是閻士有短是為  
閻士怨家歎閻士高行為天人大賊  
正使如沙門被服處閻士之中由亦  
是賊無與從事交接言笑何以故多  
瞋恚怒越敗人好心當作是知所當  
護法常自堅持當淨其心立心所仰  
習當諦持常當正心畏怖勤苦處无  
得入彼壞器輩所在三處止常當特  
慈心哀念令安隱愍傷之自護所念  
使吾無生穢濁惡心我設有不善疾  
使棄之是閻士大士所行極上當作  
如是知

善友品第十九

復次善業閻士大士威志欲得無上  
正真道取正覺當與善友從事恭敬  
三尊善業問善友當何以知佛言有  
為人說明度無極者教人入是定是  
閻士大士善友六度無極是善友是  
善德是護是將是去如來取正覺當  
來今現在十方無稱數佛刹如來皆

從明成一切智道用四事護衆生何等四一者布施二者勸樂三者饒益四者等與是為四德為父母為舍為臺為度為自歸為導是故六度為衆生之度闍士大士學六度用衆生故都欲斷其根學明度相何許是明度相無量尋明度相是相為得諸法佛言如是無有相得明度是所相得諸法何以故諸法各空是相亦空是為明度善業問佛正使天中天諸法各空何緣人民欲生無滅盡時空无增時亦無休息各虛空无形無上正真道取正覺不從是中各各虛空不得無上正真道取正覺云何天中天是法當何以知決佛言尔群生勤苦望欲得是因致是作是求尔見我得空不乎善業言不天中天佛言自作是得是是空不對曰如空天中天佛言但用是故若無解時對曰如是天中天極安隱人民欲得是因致是勤苦無佛言人民所欲故便著當作是知人民所生本從是中無所取无所取者不作是無是元滅盡時無生

增益者作是曉知是闍士大士求明  
度善業白佛言闍士為不求五陰作  
是知曉為求明度為恚等求諸應儀  
緣一覺所不及有德之人求魏魏之  
道無能逮者當作是行晝夜疾近无  
上正真道取正覺佛言云何四天下  
群生都獲為人當求無上正真發意  
索佛道各盡壽布施與无上正真道  
於善業意云何其福寧多不對曰甚  
多天中天佛言得明度淨定守一日  
如中教作是念行是福過彼何以故  
衆生行無能及是慈者斯高士深入  
智中曉了是智慧具足是世間勤苦  
即興普慈愍傷一切道眼徹視見群  
生成就具足高志行無懈怠以其不  
懈得是彼闍士弘慈普至不以斯相  
住亦不用餘住其智大明雖未住無  
上正真道一切刹土皆共尊舉正上  
真道終不還若受供養衣服飯食牀  
卧醫藥是明度心其中立所受施除  
去近一切智所食无罪益於衆生恚  
亦道住無邊極處恚照明之諸在牢  
獄中者恚度脫之亦其道眼隨是行

莫念相莫作異念持短入明度中高  
行莫懈譬如得明月珠已復亡之大  
慈毒坐起憂念想如亡七寶作是念  
云何我亡是寶欲索珍寶者常堅持  
心無得失一切智何以故明度虛空  
亦不增減善業言虛空云何闍士大  
士成就其行近无上正真道佛言闍  
士大士亦不增不減經由說時聞之  
不恐不怖當知是高士即為求明度  
矣善業言如是明度為空求乎佛言  
不也有離明度得耶佛言不也善業  
言以五陰求佛言不也又問離五陰  
頗有所求佛言不也善業言云何求  
大明佛言若見是法何所法求明度  
對曰不見天中天佛言云何遍見是  
明度何所聞士求之對曰不見佛言  
設使遍見法有所生處不對曰不見  
佛言是所聞士大士還得無所從生  
法樂志具足无所受決無上正真道  
寂正覺所至處無所復畏志作是護  
是求是行是力為還佛慧極大慧自  
在慧一切智慧如來慧設作是不  
得佛佛言為有異善業言設使諸法



無所生受受无上正真道佛言不美  
業言云何閻士大士得無上正真道  
佛言見所當受受者乎對曰不見法  
當作無上正真道佛言如是諸法无  
從中得閻士不作是念持是法當受  
受不受受

天帝釋品第三十

釋於衆中白佛言甚深明度元極難  
了難知天人德大信說斯定閻之書  
持學者其福甚大佛語釋閻浮提  
人民皆持十戒悉具足持是功德百  
千萬億倍不如是善人聞明度書持  
學者時空中有一除鱗語釋出卿上  
去已報言持心一念出我上何況書持  
學隨是法教作是立者明德踰三界  
群生之上及至溝港頻來不還應儀  
緣一覺復過是上至閻士行布施戒  
忍精進禪度無極若失明度及變謀  
明慧亦復過其上閻士大士求明度  
狎習中行天人鬼龍含毒凶孽終不  
能勝作是堅持疾近一切智不離如來  
名佛坐不遠懈怠又生為學佛不學  
應儀緣一覺法四天王當往問評疾



學四部弟子當於佛座作无上正真  
道當作是學四天王常自徂問訊何  
况餘天子阿難作是念是釋自持智  
說耶持佛威神乎釋知阿難心所念  
語阿難言持佛威神佛言是宁阿難  
或時闍士大士深念求學明度三千  
國土中邪一切皆悉愁毒欲共壞亂  
使中道取證

貢高品第三十一

佛告阿難闍士隨時各學明度无極  
隨法行之是時一佛界邪各驚念言  
我使闍士中道得應儀莫使得无上  
正真弊邪見闍士習行明度深為愁  
毒四面放火怖諸闍士念心一轉佛  
言邪不身通行亂闍士若遠離善師  
為邪所亂愁毒以不深解明度心狐  
疑念有之無乎昔所翫習而今惡闍  
或結不知將以何緣守明度乎疑細  
自蔽邪得其便教餘闍士言若用是  
為寫學我尚不了其事若能了乎自  
言所行是若所行非所為顛倒用是  
故其人在地獄禽獸餓鬼中其罪日  
增如是邪大歡喜若闍士與行應儀

道諍又與闍士共諍時邪言兩離佛  
遠矣若未得不退轉闍士與不退轉  
諍隨念恚恨心一轉念轉却一劫雖  
有是惡不捨一切智却數无極始當  
從初發意起阿難白佛言心所念惡  
寧可悔不乃當却就尔所劫佛言我  
法廣大可得悔若闍士念惡有恨又  
喜以教彼斯人不可使悔也誤有恚  
罵即慙悔過我當為十方人作橋梁  
令得泥洹寧可有惡意與人諍耶當  
如墮羊諸惡忍之心不當起恚為應  
儀道者阿難白佛言闍士大士與相  
共止法當云何佛言相視當如視佛  
心念當言共一師一船一道彼所學  
我亦當學欲喜應儀緣一覺道者不  
與同願其有忍苦欲求佛者當與相  
隨若此為一法學也

學品第二十二

善業白佛言闍士學無常為學一切  
智學無所生學去婬嫉學滅度為學  
一切智佛告善業若所問學无常為  
學一切智者云何是如來本無隨因  
緣得如來本無字寧有盡時不對曰

不也如此為學一切智明度无極如  
來地十種力四無所畏為志學諸佛  
法闡士大士作是學邪及官属不能  
中壞疾得不退轉為近佛樹下坐為  
學佛道為學習法慈悲喜護普濟群  
生學三合十二法輪為轉學滅度十  
方人為稍稍上至佛道學入甘露法  
門不懈怠之人乃能學是作是學者  
為學十方人導死不入地獄禽獸餓  
鬼終不生邊地愚癡貧窮中不受衆  
痛之疾不毀十戒不從流俗姪祠遠  
不持十戒人不願生不想天上從國  
度中出變謀明慧威神入禪不隨禪  
不隨禪法闡士學如是為得淨力無  
所畏力佛法淨力善業白佛言諸  
法本皆淨何等闡士為得法淨佛言  
闡士學如斯為學無所得淨法諸法  
淨如是闡士行明度時不悔不歇是  
為行未得道者愚癡不曉是法不見  
其事闡士用人故常精進人當効我  
目是得力精進無所畏作是學一切  
智者若出金之地其地少耳又如索  
轉輪聖王之人少耳小王者多從是

中多索應儀緣一覺者既有初發意者  
闍士少有隨明度教得不退轉者闍  
士當力學及不退轉闍士行明度不  
以恚意向人不求人短心无慳貪不  
毀戒懷恨懈怠迷亂心無癡冥學明  
度為照明諸度忘入其門道德備足  
如人言是我所便外著十二品忘供  
養一佛界中人盡壽命不如守明度  
淨定彈指頃何以故從是疾得無上  
正真道能給視十方窮孤求佛之境  
界佛之智慧如師子獨步欲得佛處  
當學明度學明度者為學諸法善業  
言闍士復學應儀法耶佛言闍士學  
一切智應儀功德不於中住闍士學  
十方人無能過者於一切智中不壞  
不滅若念持是明度當得一切智為  
不行明度無極无相之行也

守行品第二十三

是時天帝釋在會中坐作是念闍士  
行十方人无能過者豈况佛乎人身  
難得壽安又難有一發意求佛者甚  
難何況至心求佛道欲為十方作明  
度導者乎是時釋化作甘香華以散

佛上作是說行閻士道者乃及於佛  
 所願悉成為護成佛諸經一切智如  
 來經法悉具足不退轉法亦人有至  
 心索佛於是法一存念終不還我欲  
 使人於法中益念不厭生死之苦以  
 一切衆生苦故當忍勤苦之行心作  
 是念諸未度者吾當度之恐怖者吾  
 當安隱之諸未滅度者吾當滅度之  
 復問佛新發意閻士隨次第上至不  
 退轉至一生補處人勸助其喜得何  
 等福佛言須弥山尚可稱知阿閼浮  
 閻士行人勸助歡喜其福無極一佛  
 界中海水取一髮破為百分從中取  
 一分以取水水盡可知幾滴不退轉  
 閻士行勸助歡喜其福不可量稱數  
 一佛剎虛空持一斛半斛一斗半斗  
 一升半升可量知幾所此勸助福不  
 可極釋白佛言邪及官屬從邪天來  
 聞斯定不助勸將有緣乎佛言發意  
 索佛者為壞邪界心不離佛法除惱  
 衆如其助喜者為近佛用是功德  
 世世所生為人所敬養未嘗有惡聲  
 惡入三惡道當生天上在十方常

尊何以故此勸助之德為等施群生  
矣何以故初發意人稍稍增多自致  
作佛滅度群生故善業白佛言心譬  
如幻何因得佛佛言云何若學見幻  
不對曰不見化幻亦不見幻心也佛  
言不見化幻幻心見有異法當得佛  
道不對曰離化幻心不離幻心不見  
當來佛无法無見當說何等法得耶  
不得也是法本無遠離亦无若得不  
得也本無所生亦无作佛者設不有  
是法亦不得作佛善業白佛言設亦  
明度離本無對曰法本无對無證无  
守無行无法當有所得何以故離明  
度本無形故本无遠離何因當於明  
度中得佛佛者離本無所有何所離  
本無无所有當得佛者佛言如余所  
言離本明度離本一切智俱無所有  
雖離本本亦無所從生閻士當作是  
惟深入守定是故離本無所有得作  
佛雖知離本明度無所有是為不守  
明度不具足行者不得作佛如善業  
所言不用明故得佛雖亦不可離明  
度得作佛閻士所行勤苦深奧之法



不可取泥洹如是所說事聞士不為  
勤苦行何以故無作證者无明度得  
證者亦無經法得證者聞士聞是不  
恐不殆是為行明度雖作是行亦不  
見行是為行明度近作佛遠離應儀  
緣一覺不見不念辭如虛空中無念  
有近遠者也何以故明度无形類辭  
如幻所作人不作是念師離近觀人  
離我遠譬如影現於水中或近或遠  
不念近遠何以故影无形明度如是  
无是念應儀緣一覺道為遠佛道為  
近適無憎愛无著無生辭如匠工點  
師刻作機關人若作雜畜不能自起  
居因對搖木人本不念言我當動搖  
屈申位仰令觀者喜如海中大船作  
者欲度買客船不念言當度人如曠  
野之地万物百穀草木皆生其中地  
不念言我當生不生也如明珠悉出  
諸寶如日照於四天下其明不言我  
當悉照如水如風無所不至不念當  
有所至如須弥山上切利天為莊嚴  
山不念我以切利天為莊嚴若大海  
悉出諸寶瑋物海不念當從中出珍

寶明度無極出生諸經法如是雖亦無形无念譬如佛出生諸功德慈悲喜護加諸群生明度成諸淨法其義亦然

強弱品第三十四

秋露子問善業閻士大士行明度無極為高行耶報言我從佛聞行明度為無高行諸愛欲天念當為十方發意為閻士道者作礼何以故行深明度閻士捨忍衆苦究竟佛業不中取證寂滅度矣善業語諸天雖不墮落中道取證是不為難也為十方衆生被法鎧令得滅度斯乃為難斯人本無索不可得作是念為欲度十方欲度空何以故虛空无近無遠人本亦不欲度人為度空為被法鎧如佛所說人本无其知人本無所有是為度人閻士聞斯不恐怖斯為行明度離人本無人離五陰離諸法本无五陰及諸經法閻士聞是不忍不懈佛言何因不忍不懈對曰本無故不忍本淨故不懈何以故索懈怠本本无有也所因懈怠亦復無有也諸天釋梵

皆為作礼佛言不但諸釋梵上至約淨  
天遍淨天無結愛諸天皆為作礼十方  
不可計現在諸佛悉念擁護知是行  
明度闍士不退轉恒沙佛剎中人悉  
使為邪一邪者化作如恒沙官屬欲  
共害不能中道壞得其便有二事法  
行明度邪不能中道得其便何謂二  
事一者視諸法皆空不失本願二者  
不捨十方人諸佛悉護視諸天往至  
闍士所問深經讚歎善之今作佛不  
久當隨是教法立諸困苦者皆得護  
未得自歸者為得自歸為人故作法  
舍無目者得慧眼佛語善業譬如我  
讚說羅蘭那枝頭佛十方諸佛亦讚  
歎行明度闍士如是佛言有行闍士  
道未得不退轉者亦復讚歎善業白  
佛行闍士何道為佛所歎佛言闍士  
隨無怒佛前世為闍士時及羅蘭那  
枝頭佛前世為闍士時所行隨是教  
用是故十方諸佛讚歎之闍士大士  
行明度諸經法信本無所從生尚未  
得無所從生法樂於中立信諸法本  
空如滅度尚未獲不退轉隨是法教

立者疾得不退轉有應是行者諸佛讚歎之是闍士為度應儀道正向佛道地闍士聞深明度信不狐疑念如佛說諦無異也却後當於无怒佛所聞是法為在不退轉地立若聞者其德甚大何況隨法教立者為疾入一切智善業白佛言設離本本無法无所得亦何所法有作佛者有說經者佛言如是設離本無法无所得何所法有作佛者亦无說法者是本无法本何所有於本無中立者釋白佛言明度甚深闍士勤苦行乃自致成佛何以故無字法无所得在本無中立者亦无作佛者無說經者聞是不恐怖不疑不厭善業言如是帝釋闍士勤苦聞是深法不疑不厭諸經法皆空何所有疑厭者釋言如所說一切為談空事為無著譬如射空也善業所說經猶亦然矣釋白佛如我所說為隨佛法教耶有增減也佛言與佛說無異如善業所說但說空事善業亦不見明度不見行者行不見佛不見得佛者一切智如來無所從生

法十種力四無所畏上尊諸淨法都不覩有索得之者所以然者諸法本淨故為無得斯為行明度也衆應儀緣一覺地所不及欲為十方人特尊當隨佛法教立是時忉利天上數千萬天化作甘香花散佛上作是說言我曹亦隨法教時座中百六十比丘起正衣服為佛作礼已手中各有化甘香花持散佛上言我曹亦當隨法教立時佛笑口中出若干色其明至十方佛國悉為其明還遶佛三匝從頂上入阿難從坐起正衣服為佛作礼長跪問佛佛不妄笑願說笑意佛言是百六十比丘及諸天甫當來世有劫名導是比丘及諸天當於導劫作佛皆同一字字優那拘泥摩作佛時比丘僧數各等其壽二万歲隨次作佛壽各等盡世雨五色花如是累教品第二十五

佛告阿難作是立者為如佛立欲如一切智立當隨明度教應是行者當知從人道或從兜術天上来久聞明度或行所以然者佛滅度後法於世



間現或於兜術天上現有行若書者  
復轉教人歡樂合福知供養若干佛  
以來不於應儀緣一覺品中作功德  
有受明度學之若此等意是闍士如面  
見佛元異其有斯德用求應儀緣一  
覺會必得佛矣行法常當遠離此二  
道佛語阿難持是明度囑累若我所  
說餘經若所受悉捨忘之其過少耳  
所從佛受明度若忘捨之其過甚多  
諦學悉具足受書字莫令缺減往古  
來今佛經等無異若有慈心於佛者  
當受此法敬礼供養為供養三世佛  
報佛恩倍矣若慈孝於佛不如恭敬  
明度慎莫忘失一句囑累若虛誦說  
耳若有不欲離於經法比丘僧三世  
佛者不當遠此法三世諸佛皆由斯  
生所以然夫六度者乃諸闍士大士  
之母佛不可盡經法之藏若曰教人  
盡佛界中令得應儀道雖有是教尚  
未報佛恩不如具足為闍士說明度  
雖不能多一日可不能一日食時可  
若須間其福勝度尔所應儀闍士大  
士思惟中慧得功德出應儀緣一覺



上會當復不退轉不中道墮落說是  
明度時四部弟子及諸天至誠鬼神  
王一佛界中持釋迦文威神一切悉  
見無怒佛及比丘應儀諸閼士亦无  
失數忽不復現佛語阿難譬如見國  
中人已不復見無怒佛及諸閼士應  
儀士諸經索不見亦如是法不見法  
法不念法何以故諸經法無念无見  
亦無所益佛語阿難諸經法皆空無  
所持不可念譬如幻師化作人諸經  
法亦然無念无痛何以故無形故圖  
士作是行作是學為行學明度在學  
中寂尊百千万倍是為安十方群生  
困厄者為隨佛法學也有應是學者  
以手舉一佛刹又復著故處人無覺  
者從是學成無尋息法十方三世无  
數諸佛悉從明度成佛亦不增不減  
是故不可盡虛空亦不可盡

不盡品第二十六

是時善業念佛所說明度無極義甚  
深不可盡譬如虛空閼士當何緣思  
惟之佛言五陰十二因緣不可盡當  
作是惟十二因緣適得其中閼士初

坐樹下時以不共法惟十二因緣是時一切智智慧具足闍士行明度時惟十二因緣不盡者出應儀緣一覺道正住佛道不作是障者便中道得應儀緣一覺道不中還者因惟行明度變謀明慧故視十二因緣不可盡所視法生滅者皆有因緣法無作者作是思惟十二因緣不見五陰不見佛界無所因法當見佛界是為闍士行明度當念時邪大愁毒譬如喪親矣善業白佛言一邪愁餘邪復然乎佛言一佛界邪各於所止不安闍士隨教時應行如是者諸天世凶群生猛毒不能害之欲求佛者當行明度行明度者為具布施持戒忍辱精進一心變謀明慧若邪事起覺滅之志欲得變謀明慧諸度無極者當守明度思惟十方現在諸佛悉從明度出生闍士作是念如諸佛悉得經法作是念如彈指頃若有布施具足如恒沙劫不如是行者為住不退轉地為諸佛所念終不還餘道會當得佛不歸三惡道闍士未嘗離佛時行當如健陀呵盡

閻土提脫呵盡閻土在元怒佛國為

第一

隨品第三十七

善業自佛言閻土何因隨明度無極  
教佛言諸經法无能壞者閻土隨教  
當然虛空不可盡五陰四大無形沙  
羅伊擅六事本空无形閻土隨教當  
然發心求佛願濟群生其願弘普莫  
與為倫佛有四事不護各自異端德  
尊無極閻土隨教當然為衆生作慈  
護是我所非我所患斷之虛空之中  
音響無形隨教當然譬如大海不可  
斛量如須弥巔琦寶各異如釋梵各  
自有教如月滿如日明遍至人本無  
形但字耳本無所生與滅度等閻土  
隨明度當如幻化及野馬有名无形如  
地水火風是四事無極佛身相本无  
色佛界本無界佛諸經法本无無說  
无教譬如衆鳥飛行空中無足迹  
矣五根五力七覺意棄脫定慧度諸  
欲臨作佛時乃得行是閻土隨教當然  
經法無極量无從生無因出臨作佛  
時諸經法悉具足成滅度虛空无所

有諸經法淨適無所因佛所作為變  
化無極一切无索閻士者無得佛者  
尔乃能度無央數人閻士隨明度教  
當然去離諛諂貢高強梁非法自用  
財富僥倖世事衆穢棄身不惜壽命  
適無所慕但念佛業安慰群生閻士  
行能然者得佛不久悉得一切智功  
德當字為佛何以故今得佛不久若  
有閻士以是教誨當來世為得佛字  
佛在世若滅度後亦當隨明度无極  
如是

明度經卷第五

已亥歲高麗國大藏都監奉

勅彫造

大明度經卷第六

通鑑

南吳月支國居士支謙譯

普慈闍士品

法來闍士品

囑累阿難品

普慈闍士品第二十八

佛告善業闍士疾欲得佛者索明度  
無極當如普慈闍士善業言今普慈  
所在佛言在上方過六百三十億佛  
國佛名香積其刹名衆香又言彼何  
因索明度佛言前世積行功德追逮  
本願所致前已供養無央數佛時闍  
士卧出天人於夢中告曰若求大法  
寤即求之求之不睹其意惆悵欲得  
佛聞大明法時世無佛國无闍士所  
行淨法是故哀慟如人有過在國王  
所財物悉沒父母及身閉在牢獄時  
忉利天人下觀見闍士日哭知有至  
心精進求道天人即於其親屬中學  
字闍士先是時世有佛名景法自穢  
來王已滅度久不覩佛不聞經不見  
比丘僧時復於夢中見忉利天人告

之曰前有佛字景法自滅來王夢聞  
佛字則寤寤已大歡喜則捐家入山  
投命棄身無所貪慕而大啼哭自念  
愚所致不見佛不聞經不得聞士所  
行法是時空中有聲言善士止無象  
慟矣有大法名明度若有守志行之  
其得佛疾若當求法是法得聞守行者  
佛功德身三十二相八十種好若當  
得之亦當以經法教十方人問空中  
聲何緣得聞當到何方索作何方便  
空中聲報言從是東行莫得休息若  
行時莫念左右前後上下行止莫念  
恐怖歡喜食飲坐起行道中止莫念  
婬怒癡莫念守行有所得莫念內外  
五陰眼耳鼻口身心地水火風空莫  
念衆生吾我壽命有空无空有道無  
道有經无經生天上生世間聞士善  
惡一切念斷適無所著從是東行作  
是行不毀者今得明度不久過去諸  
佛行闍士道求之如此得明度隨其  
教精進行必早得佛闍士聞之大歡  
喜言當隨天教報言莫失此教言畢  
不復聞聲隨是教則東行適無所念



行道中會去是幾所乃當得明度復  
大哀慟上方空中有化佛言善哉善  
哉若所索得甚難作是精進者今得  
不久普慈闍士又手仰視化佛身金  
色放十億光焰三十二相心大歡喜  
又手白佛言願佛說法我從佛聞皆  
欲得之佛言受我教法念念持之諸  
經法本無无恐懼本淨無端緒住諸  
虛空無形住如滅度無異无所從生  
無形住如幻如水中影如夢中所見  
其等無異佛音聲如是當隨經教殖  
志守淨從是東行去是二万里國名  
香淨法王法治處其國豐樂人民衆  
多其城縱廣四百八十里皆以七寶  
作之其城七重間有七寶琦樹上有  
雜寶羅縠帷幔以覆城矣其間有寶  
交露垂鈴城四門外有無極戲廬繞  
城有七重池水中有雜種青蓮及諸  
名花其香薰國光色遐耀行者近華  
身衣如之皆在池中生池間陸地有  
薔薇花忍中花琦華如是數百種池  
中有衆鳥鳬鴈鴛鴦異類之鳥數百

種有七寶船其人乘船遊戲池中羅  
列五色幢幡雜色花蓋街巷周遍譬  
如忉利天帝釋殿懸幡之聲道德為  
本書晝夜不休聞者行進如彼天上難  
檀洎戲廬音樂之聲快樂不絕城中  
皆是閻士有成就者有發意者服飾  
炫燿琉璃無量中有閻士字法來衆聖  
中王有六百八十萬玉女妻諸閻士  
常敬之於國中央施高座隨次轉下  
黃金座白銀座琉璃座水精座其上  
皆布文繡統綖座間皆散雜種香華  
上施寶蓋中外周匝燒衆名香法來  
閻士常於高座為諸閻士說明度中  
有聽有書有學有誦誦守者若到彼  
所當為若說之前數千億世常為若  
師是若發意時師也往至佛所時若  
所聞見慎莫疑殆何以故若未曉變  
謀明慧當諦覺邪事善士慎於邪教  
莫念師在深宮以之懈怠忘敬當如佛  
用經法故莫念財利無貪為寶當貢  
所尊慈孝於師作是行者今得大法  
矣閻士從化佛聞是教其善忘身入  
見十方佛定諸佛皆還歎言善哉善

我喜士我曹本求閻士道時用精進  
故獲明度成為一切智三十二相八  
十好十程力四無所畏四事不護十  
八不共亦復得諸佛所歎若尋佛迹  
當則吾等作斯行者閻士功德若當  
具足得之普慈閻士從定寤作是念  
諸佛本何所來去何所作是惟已便  
復哀慟念佛教我至法來所便從是  
去中道得一國國名邪所樂城外園  
中止宿自念佛法寶難得聞我當盡  
力供養於師今我一身加復貧窮無  
珍寶及香花供養於師作是念已則  
入城街里自街去誰欲買我者是時  
邪在城外戲與万娼女共遊戲邪聞  
閻士自街聲便念閻士自賣身欲供  
養法來志存索佛當出我界度人衆  
多今當壞子令一國人皆不見其形  
不聞其聲如是城中人悉不聞見其  
形聲閻士賣身不集便自宛轉卧地  
啼哭呼曰吾賣身以奉師都无買我  
者當云何乎帝釋遙見閻士精進乃  
亦來下試之知為至誠索佛道但謾  
諂乎便化作梵志問言高士將欲何

求勤苦乃尔用何等故宛轉哭乎報  
言不須問也又問至三所欲勅使願  
語我意今欲相助閻士報言我自賣  
身以供養師梵志曰吾欲大祠欲得  
人血肉髓心卿能與我者我益與卿  
寶閻士聞之心大歡喜即取刀自刺  
兩臂以血與之復割兩髀肉又破骨  
以髓與之適欲刺其胷時樓上有長  
者女遙見大愍傷之與諸妓女五百  
人下至閻士所問言高士年尚幼少  
端正如是何以自割截身體乃尔乎  
報言我出血割肉取髓賣之以供養  
師女問設供養師者能得何等師名  
為誰在何方止閻士報言在東方字  
法來當為我說明度閻者當守淨行  
可疾得佛身三十二相十種力四無  
所畏四事不護十八不共得法輪轉  
度十方人女聞之喜曰如所言天上  
天下無比卿何其自苦乃尔乎我足  
子名寶身與衆女願從子行供養明  
師欲聞深經閻士言甚善梵志言善  
哉善哉閻士高行精進難及吾非梵  
志也是天王釋矣故來誠子子欲何

求我志與子報言天王哀我者使身  
平復願則如舊瘡愈身強力氣踰前  
釋即自去長者女語普慈言願見吾  
親索寶辭去閭士覩彼女親女具陳  
之親曰甚善吾亦有志傷年西垂軀  
違心願矣若欲所得便自說之女言  
我欲得珍寶琦物父母言自恣取之  
女便取琦物織成旃檀名香及雜諸  
寶五百乘車悉載自重五百侍女自  
副諸女啓長者女親欲侍貴女隨閭  
士行親許即行以漸進路遙見香淨  
國七寶城郭幢幡光色衆寶交露鐘  
鈴樂音寶樹戲廬車步諸妓香風四  
出辟如天上閭士及諸女遙見如斯  
欣豫無喻念曰吾等義當下車步行  
入城共從西門入問路人曰彼何等  
臺七寶服飾姝好乃尔乎路人曰賢  
者不知耶有閭士字法來人中取尊  
無不供養作礼者是閭士用明度故  
作是臺其中有七寶函以紫磨黃金  
為素書明度著函中有若干百種名  
香法來閭士日日供養持雜花名香  
然燈懸幡花蓋雜寶正音道樂盡礼

供養餘閻士亦然。忉利天人晝夜各三持天名花供養明度。普慈閻士及諸女閻之大喜。俱以雜香金縷織成雜衣。有散上作幡毘毘敷地者。畢俱至法來閻士高座會所。相去不遠。遙見在高座上。為人幼少。顏貌端正。光耀徹射。為巨億萬人說明度與法。來相見。持雜種香若干寶衣。以上師矣。作札繞八百匝。自歸言。願吾等進高行。獲尊經法。來閻士慰勞之日。多賀來到。得無疲倦。他所勅使。所欲得者。莫自疑難。我是度人之師。適无所愛。惜普慈閻士言。我本索明度時。於山中哀慟。空中有化佛身。有三十二相。紫磨金色。十億光焰。出佛歎我言。善哉善哉。索明度當尔。從是東行二萬餘里。其國名香淨。中有閻士字法來人中。最尊常反覆教人。若至彼閻。當得明度前。巨億万劫常為若師。斯若初發意時師也。我聞師名。心大歡喜。不自勝用。歡喜故。即得志見十方佛。定是時諸佛讚歎我言。善哉善哉。我書求佛。索明度亦然。自致成佛。當別



不見我自念言佛為從何所來去至何所願師為我說法來言賢者善聽空不願無想本无所從來去亦无所至佛亦亦無處无所生無形幻化野馬夢中人滅度想像無生无長無所適經界本端無所從來去亦無所至欲知佛亦亦普慈闍士聞深法如是比不可量即於座上得六万定門何等為定門無處所定脫諸邪中不恐定脫於愛欲之本定脫出患難定不可計諸法句入定譬若海水不可量多少慧所入定莊須弥山功德莊嚴定五陰四大六衰無形觀定悲見諸佛定闍士定道諸經无形見說定珍寶莊飾定悲觀珍寶入定悲念諸佛定闍士上高座定真不退轉及法輪為轉定莊佛功德定所聞衆事无瑕穢悲及淨定所聞衆事如海定無所獲无過定樂經音聲遍至定經法章顯旗幟定如來身無形入定諸經無形遍見定闍士印定如來目見定照明境界定佛界所願具足定解十方難定臨成佛莊嚴定種種雜花異

色定多珍寶定法輪常轉定諸音聲  
遠聞入要定入十方人本定諸三界  
悉遍至定成佛諸功德定无能過六  
度闍士樹下坐時定壞餘外道羅網  
定如來見飛定無量功德莊嚴定諸  
珍寶智慧功德定一切智地定悉淨  
自定悉遍照明定悉入十方人因  
垢定根智慧出中定三世悉等定如  
是比普慈闍士得六万定尔時法來  
闍士起入宮中

法來闍士品第二十九

是時普慈闍士安隱從定覺起與諸  
姝女共至法來宮門外立自念言我  
用經法故來師今在內我無宜坐卧  
矣須師出上高座說明度元極尔乃  
坐矣諸女亦効立是時法來適教中  
宮諸姝女說經道已沐浴澡洗更著  
新衣上明度臺坐惟諸定如斯七歲  
不動不搖普慈闍士及諸女亦復經  
行七歲不坐不卧後天人於空中語  
之言却後七日法來闍士當從定起  
聞天人語聲自念言我當為師敷座  
掃灑令淨皆到說經處特為師施高

座諸女各取著身衣服敷座上是時  
 邪自念言未嘗有是閻士今施高座  
 用敬索佛故精進勇健无休懈時得  
 道者當出我界度脫衆生無量吾當  
 壞子邪恚壞諸閻士座皆令繚繞雨  
 沙礫石荆棘枯骨汙座普慈及諸女  
 見地輒沙礫荆棘枯骨在其座間自  
 念言今師當坐說經及諸弟子皆當  
 來聽我更掃除勑整頓坐席整已地輒有  
 塵土來至師及諸閻士今當灑之即  
 行索水邪今水竭念曰我曹索水不  
 得當云何當取身血以灑之時普慈  
 及諸女各取刀處處刺身出血灑地  
 用慈於法故時釋自念言今乃有是  
 人精進恭敬慈孝於師讚言善哉善  
 哉賢者誠難及今聞明度不久會當  
 得佛賢者今他所勑使願相告矣有  
 如賢者輩我當護所欲得者恚當與  
 之普慈報言我欲所得者自當知之  
 是時釋化地恚使作水精琉璃其上  
 有金沙使普慈及諸女身軀瘡癰恚  
 平復如故座四面化作琉璃水池周  
 匝皆有珍寶欄楯及四寶池使陛兩

邊有七寶樹若干百種行列殊好閻  
士及女人為諸閻士儲水天雨衆花  
光色耀國甘香四被聞者心喜凡四  
千石釋上普慈閻士語之言持是花  
供養明度及散法來諸閻士上以天  
衣五百領法來在座以衣敷上普慈  
即悉受之便為呪願是時法來閻士  
七歲以後從定覺起到高座與二百  
億閻士共坐於前坐者甚衆多是時  
普慈及諸女皆共散花并持旃檀  
香及名雜香諸珍寶散法來諸閻士  
上前以頭面著足起繞三匝却住以微  
意視法來大會方四十里滿其中人  
法來閻士四向視來會者用經法故  
即為說明度言善士且聽諸經法本  
端志等如來智慧無所罣碍如幻無  
形如風本端不可計明度亦然一切  
我所悉斷本本淨明度亦本淨譬如  
野馬像人本無如夢中有欲其欲本  
无如所名人本無如應儀滅度空无  
所生明度亦然如來滅度亦等無異  
明度本等譬如然火則時滅之本无  
所從來去亦無所至如夢中見須弥

山本無如佛現飛本无所有明度亦  
然前於欲中相娛計之無所有如人  
名聲無所有如來无於前見者念所  
作因見明度念所作本無所有如幻師  
化作像本無所有如虛空適无所住  
如幻師學無所不亦往古來今亦不  
可合為一明度者亦無三世當作是  
知名計本無形罷字有形明度无不  
至無不入何以故空本無色明度譬  
如虛空无不至無不入入於地水火  
風空入於彼此五陰入人壽命有德  
無德入於欲不欲有无有想無想願  
无願入於生中入於日月星宿質諒  
神龍鬼王執樂神似人形神脇臆行  
神地軀神亦入禽獸餓鬼地獄餓飛  
蟬動豉行喘息入於貧賤富貴賢者  
聖智仙人溝港頻來不還應儀緣一  
覺入於閻士入於佛入於滅度四意  
止四意斷四神足五根五力七覺意  
八道行有智無智十種力四无所畏  
四事不護十八不共佛經世經空觀  
入於宿命所行展轉生死中有苦無  
苦自在不自在度脫好不好善不善

智不智明不明往古來今可見不可見教法所有無所有一切有形无形無不入矣佛告善業法來閻士為普慈說明度所入處如是具說晝夜七日是時人聽經呼如飯頃何以故法來閻士威神力恩普慈閻士聞大歡喜諸女共持天衣及八百石雜寶供養法來閻士釋復持天上名花以散法來及諸閻士上以增功德是時一佛界中樹木花樹果諸雜寶樹悉傾曲躬為法來閻士作礼雨蜜香之花其花香聞一佛剎中一切人間是花之香各遙見法來閻士在高座上說經并見普慈及諸女心皆樂之柔弱歡喜皆遙作礼其國中悉震動是時巨億万人悉得無數經法不可復計閻士皆得不退轉時諸女前白普慈言我等願以身命自歸為給使并五百乘車珍寶以上歸師為我等忍大衆苦以歸當佛今蒙大恩乃得聞尊經无絲髮之疑今我等為師給使巨億万劫尚未能報須臾之恩普慈受之前白法來閻士言今以身及諸女衆



珍寶以上大師師哀我等願受之使  
我得其功德法來閻士欲使普慈成  
其功德故悲受之及遺普慈言以是  
諸女可為給使諸車珍寶可自給切  
利天上諸天人各歎言善哉善哉普  
慈衆寶悲以施師是意難得時有巨  
億万人共到法來所聽經普慈歡喜  
即於座上得六万定門何等為定願  
樂定威儀定歡德定月威滿定日光  
焰定如來行定悲念佛定閻士生生  
定樂智慧定度脫堅住定諸境界中  
無所住定國土種種嚴入定如來相  
入无想定十方人無形印封定如來  
出生定無所畏樂定棄捐珍寶定如  
來力莊嚴定諸經法明樂定諸法無  
所從來解事定淨如梵天定三世悲  
等入定嚴佛藏定佛音聲悲成定如  
是定輩得六万門閻士從定覺悲得  
智慧方入諸經法中普慈自言願師  
為我說佛聲當何以知之法來曰賢  
者明聽譬如篋篋不以一事成有桎  
有絃有人搖手鼓之其音乃同自在  
欲作何等曲欲知佛聲音亦然閻士

有本發意累世作功德教授問佛事  
合會是事乃得佛身音聲亦亦其法  
皆從因緣起不從閻士行得不離行  
得不從佛身得不離佛身得賢者欲  
知佛身音聲合會是事乃得佛聲耳  
復次賢者譬如吹笙師其音調好與  
歌相入笙者以竹為本有人工吹合  
會是事其聲乃悲如來身不以一事  
二事成以若干事累世作功德教人  
入道本願所致用是故佛身相及種  
好恚見如是譬如佛滅度後有人作  
佛形像端正姝好如佛無異人見莫  
不稱歎持花香繒綵供養者賢者謂  
佛神在其像中耶對曰不也所以作  
像者但欲使人繫意敬自警脩得其  
福耳亦不用一事二事成有金有智  
人若有見佛時人佛滅度後念佛故  
作像欲使十方供養得其福法來報  
言如賢者言成佛身不用一事二事  
有閻士之行有本索佛時人若有常  
見佛作功德用是故成佛身智慧變  
化飛行及諸種好乃成佛身譬如鼓  
有竹本草將有人擊之其聲乃出欲

知佛身亦亦用若干百千事乃成之  
耳有初發意有六度無極行曉知本  
無无所從生之事坐於樹下降伏邪  
官屬諸經法當知如幻無異以是成  
佛身譬如畫師有壁彩筆手畫之乃  
成畫人佛身亦亦用數千事有布施  
持戒不犯十惡常隨善師等心哀衆  
無能壞者世世見佛聞士聞行堅持  
无忘守真不誣常行至誠又譬如無  
結愛天所止觀第光耀天上端正姝  
好是天第舍不自作不有來作者本  
無所從來去亦無所至因緣所生其  
人前世作德所致用布施衆生故得  
生彼第舍中止賢者欲知佛身因緣  
所生用世人欲見佛其人前世有功  
德遠離八惡處生慧信於佛佛所以  
現身者欲度衆生故如山中響不用  
一事二事有山有呼人有耳聽乃聞  
佛本無形亦无所著因緣所生世世  
習行空生死因緣佛志曉之本無生  
死亦無滅度作是亦現作是說譬如  
幻師化作轉輪王慈化潤衆聞者皆  
喜人索珍寶所受被服悉恣與之王

在衆中坐起行步容儀安諦人有見者莫不敬札不以一事二事成有師有呪有聚人隨所喜化現之有黠者知為化矣斯幻人无所從來去亦无所至本空化所作黠者知因緣所由佛身亦然用衆事有功德有歡德念羣生使安隱具闍士願分布經法教授使行棄定思惟分別為人說經使學諸天人民莫不歡喜中有自貢高者不知慙者姪亂慳貪者強梁自用者喜闍不可諫者姪怒癡所覆者行惡不可計者佛在衆人中端正殊好坐起行步法儀安諦衆惡已盡唯有諸德使人得安亦自行佛事本空无著如幻師所作闍士見佛身如是雖介不著無諸想念雖知本空恭敬作礼供養無極往古來今諸佛皆從衆事各有緣生闍士作是念守行者得佛疾法來闍士說佛身時四万八千闍士即解盡信之行百億闍士得無罣罣問皆能報四百億闍士得不退轉八百億闍士皆得阿耨浮住法是時天持名花來雨散法來及諸闍士上

持法來威神都一佛界諸有音樂皆  
自作聲數千万天從虛空中散天衣  
作音樂共樂法來及諸閻士衣皆行  
列覆一佛界諸天燒雜香其香分散  
亦遍一佛界地志震動閻士普見諸  
佛諸佛皆遙歎法來言善我善我是  
時諸佛授普慈閻士決後當作佛字  
內摩迦祇陀頗羅耶如來無所著正  
真道寂正覺諸女即化為男世世所  
生不離諸佛常以大明教授十方以  
求作佛佛告善業閻士疾欲得佛者  
索明度无極精進恭敬如普慈閻士  
囑累阿難品第三十

佛告阿難以明度无極經囑累汝諦持  
念了取字句莫使缺減左右願望此  
是無盡經藏鎮諸法志從中出无量  
經卷種種異慧所見人民若干種所  
喜所行道經所入慧一切皆從是明  
度藏中出若干種所見相種種所行  
若干種根癡種慧種人民所求盡所  
求慧如來悉知從明度中出是經如  
來無所著正真道寂正覺母是慧眼  
并我身皆從是出生佛言阿難若敬



我所說法為敬事我若自敬身有慈  
孝於佛持是奉事明度志為供養諸  
佛已若身口心有慈孝於佛不言無  
孝若常得佛儀常如法心常淨无瑕  
穢若見佛不言不見如是志為報佛  
恩已我語若阿難是明度中忘一句  
一字捨之不書若為不見我不敬於  
佛為無供養為背佛恩佛言阿難若諦  
受諦念明度用慈孝於佛故承用教  
故此乃往古來今佛天中天之所施  
教也用是供養者若於衆生為大慈  
為以親近持佛藏佛滅度後若當護  
是經莫令減少我手付若當受閻士  
大士閻士大士持是所致諸勤苦生  
死牢獄志破壞諸无智者為癡所繫  
著志得放解諸邪官属無不降伏諸  
所欲法志除去上佛座作無上正真  
道人民無目者愚癡者志與閻士與  
正法第一大道无兩正法無上正真  
道家正覺慧是為明度決我滅度後  
三千國土其中人民若志教入法中  
志令成就得應儀道曰教亦乃今所  
人如是一切若百劫為說經令得滅



度雖小尚不足為承事我不如持一  
句教闍士為具供養佛已佛言我今  
於是稱譽若屬累明度至一劫百劫  
不能竟麤捕說耳佛從袈裟中出臂  
舉右手著阿難頭上摩頭又以著阿  
難肩上文何阿難若慈於佛不阿難  
言佛天中天自當知之如是至三佛復  
問云何若孝於佛不復三阿難言佛  
天中天自當知之佛言若以弘慈報  
恩倍矣尊奉明法恭矣受經義句當  
令分明心所念餘棄之一心於是中  
書經正字畫治句逗取時持時學時  
當諦受與闍士令經上下句逗相得  
書時好筆好素上當自歸承事作札  
供養花香擣香燒香澤香繒蓋幡辟  
如天上所有潔淨香著麻油中好燈炷  
自歸頭面著地却然炷加敬作札承  
事佛說明度無極時在王舍雞山中  
眾弟子諸闍士中央坐佛年三十得  
佛十二月十五日過食後說經畢諸  
弟子闍士諸天質諒神龍鬼王人民  
皆大歡喜前為佛作礼而去  
佛說明度經卷第六

戊戌歲高麗國大藏都監奉  
勅彫造

文殊師利所說摩訶般若波羅蜜經

卷上

三

梁扶南國三藏曼陀羅仙譯

如是我聞一時佛在舍衛國祇樹給  
孤獨園與大比丘僧滿足千人菩薩  
摩訶薩十千人俱以大莊嚴而自莊  
嚴皆悉已住不退轉地其名曰弥勒  
菩薩文殊師利菩薩元昇辯菩薩不  
捨擔菩薩與如是等大菩薩俱文殊  
師利童真菩薩摩訶薩明相現時從  
其住處來詣佛所在外而立

余時尊者舍利弗富樓那弥多羅  
尼子大目犍連摩訶迦葉摩訶迦旃  
延摩訶拘絺羅如是等諸大聲聞各  
從住處俱詣佛所在外而立佛知衆  
會皆悉集已余時如來從住處出敷  
座而坐告舍利弗汝今何故於晨朝  
時在門外立舍利弗白佛言世尊文  
殊師利童真菩薩先已至此住門外  
立我實於後晚來到耳余時世尊問  
文殊師利汝實先來到此住處欲見  
如來耶文殊師利即白佛言如是世  
尊我實來此欲見如來何以故我樂

正觀利益衆生我觀如來如如相不  
異相不動相不作相無生相无滅相  
不有相不无相不在方不離方非三  
世非不三世非二相非不二相非垢  
相非淨相以如是等正觀如來利益  
衆生佛告文殊師利若能如是見於  
如來心無所取亦无不取非積聚非  
不積聚

尔時舍利弗語文殊師利言若能如是  
如法所說見如來者甚為希有為一切  
衆生故見於如來而心不取衆生之  
相化一切衆生向於涅槃而亦不取  
向涅槃相為一切衆生發大莊嚴而  
心不見莊嚴之相尔時文殊師利童  
真菩薩摩訶薩語舍利弗言如是如  
是如法所說雖為一切衆生發大莊  
嚴心恒不見有衆生相為一切衆生  
發大莊嚴而衆生趣亦不增不減假  
使一佛住世若一劫若過一劫如此  
一佛世界復有無量无边恒河沙諸  
佛如是一一佛若一劫若過一劫晝  
夜說法心無暫息各各度於无量恒  
河沙衆生皆入涅槃而衆生界亦不

增不減乃至十方諸佛世界亦復如是。一一諸佛說法教化各度無量恒河沙衆生。皆入涅槃於衆生界亦不增不減。何以故。衆生定相不可得。故是故衆生界不增不減。舍利弗。復語文殊師利。言若衆生界不增不減。何故菩薩為諸衆生求阿耨多羅三藐三菩提。常行說法。文殊師利言。若諸衆生悉空相者。亦無菩薩求阿耨多羅三藐三菩提。亦无衆生。而為說法。何以故。我說法中無有一法當可得。故。

今時佛告文殊師利。若無衆生。云何說有衆生。及衆生界。文殊師利言。衆生界相如諸佛界。又問衆生界者。是有量耶。答曰。衆生界量如佛界量。佛又問衆生界量有處所不。答曰。衆生界量不可思議。又問衆生界相為有住不。答曰。衆生無住。猶如空住。佛告文殊師利。如是修般若波羅蜜時。當云何住。般若波羅蜜。文殊師利言。以不住法為住。般若波羅蜜。佛復問。文殊師利。云何不住法。名住。般若波羅

蜜文殊師利言以無住相即住般若  
波羅蜜佛復告文殊師利如是住般  
若波羅蜜時是諸善根云何增長云  
何損減文殊師利言若能如是住般  
若波羅蜜於諸善根無增无減於一  
切法亦無增无減是般若波羅蜜性  
相亦無增无減世尊如是修般若波  
羅蜜則不捨凡夫法亦不取賢聖法  
何以故般若波羅蜜不見有法可取  
可捨如是修般若波羅蜜亦不見涅  
槃可樂生死可厭何以故不見生死  
况復厭離不見涅槃何况樂著如是  
修般若波羅蜜不見垢惱可捨亦不  
見功德可取於一切法心無增減何  
以故不見法界有增減故世尊者能  
如是是名修般若波羅蜜世尊不見  
諸法有生有滅是修般若波羅蜜世  
尊不見諸法有增有減是修般若波  
羅蜜世尊心無憍取不見法相有可  
求者是修般若波羅蜜世尊不見好  
醜不生高下不作取捨何以故法无  
好醜離諸相故法無高下等法性故法  
無取捨住實際故是修般若波羅蜜

佛告文殊師利是諸佛法得不勝乎  
文殊師利言我不見諸法有勝如相  
如來自覺一切法空是可證知佛告  
文殊師利如是如是如來正覺自證  
空法文殊師利白佛言世尊是空法  
中當有勝如而可得耶佛言善哉善  
哉文殊師利如汝所說是真法乎佛復謂  
文殊師利言阿耨多羅是名佛法不文  
殊師利言如佛所說阿耨多羅是名  
佛法何以故無法可得名阿耨多羅  
文殊師利言如是修般若波羅蜜不  
名法器非化凡夫法亦非佛法非  
增長法是修般若波羅蜜復次世尊  
修般若波羅蜜時不見有法可分別  
思惟佛告文殊師利汝於佛法不思  
惟耶文殊師利言不也世尊如我思  
惟不見佛法亦不可分別是凡夫法  
是聲聞法是辟支佛法如是名為無  
上佛法復次修般若波羅蜜時不見  
凡夫相不見佛法相不見諸法有次  
定相是為修般若波羅蜜復次修般  
若波羅蜜時不見欲界不見色界不  
見無色界不見寂滅界何以故不見



有法是盡滅相是修般若波羅蜜復次修般若波羅蜜時不見作恩者不見報恩者思惟二相心無分別修般若波羅蜜復次修般若波羅蜜時不見是佛法可取不見是佛法可滅亦不見佛法而心證知是修般若波羅蜜佛告文殊師利善哉善哉汝能如是善說甚深般若波羅蜜相是諸菩薩摩訶薩所學法印乃至聲聞緣覺學无學人亦當不離是印而修道果

佛告文殊師利若人得聞是法不驚不畏者不從千佛所種諸善根乃至百千万億佛所久植德本乃能於是甚深般若波羅蜜不驚不怖文殊師利白佛言世尊我今更說般若波羅蜜義佛言便說世尊修般若波羅蜜時不見法是應住是不應住亦不見境界可取捨相何以故如諸如來不見一切法境界相故乃至不見諸佛境界况取聲聞緣覺凡夫境界不取思議相亦不取不思議相不見諸法

有若干相自證空法不可思議如是  
菩薩摩訶薩皆已供養無量百千萬  
億諸佛種諸善根乃能於是甚深般  
若波羅蜜不驚不怖復次修般若波  
羅蜜時不見縛不見解而於凡夫乃  
至三乘不見老別相是修般若波羅蜜  
佛告文殊師利汝已供養幾所諸佛  
文殊師利言我及諸佛如幻化相不  
見供養及與受者佛告文殊師利汝  
今可不住佛乘耶文殊師利言如我  
思惟不見一法云何當得住於佛乘  
佛言文殊師利汝不得佛乘乎文殊  
師利言如佛乘者但有名字非可得  
亦不可見我云何得佛言文殊師利  
汝得無尋智乎文殊師利言我即無  
尋云何以无尋而得無閼佛言汝坐  
道場乎文殊師利言一切如來不坐道  
場我今云何獨坐道場何以故現見諸  
法住實際故佛言云何名實際文殊  
師利言身見等是實際佛言云何身  
見是實際文殊師利言身見如相非  
實非不實不來不去亦身非身是名  
實際

舍利弗白佛言世尊若於斯義諦了  
決定是名菩薩摩訶薩何以故得聞  
如是甚深般若波羅蜜相心不驚不  
怖不沒不悔

彌勒菩薩白佛言世尊得聞如是般  
若波羅蜜具足法相是即近於佛坐  
何以故如來現覺此法相故文殊師  
利白佛言世尊得聞甚深般若波羅  
蜜能不驚不怖不沒不悔當知此人  
即是見佛

尔時復有無相優婆夷白佛言世尊  
凡夫法聲聞法辟支佛法佛法是諸  
法皆無相是故於所從聞般若波羅  
蜜皆不驚不怖不沒不悔何以故一  
切諸法本無相故

佛告舍利弗善男子善女人若聞如  
是甚深般若波羅蜜心得決定不驚  
不怖不沒不悔當知是人即住不退  
轉地若人間是甚深般若波羅蜜不  
驚不怖信樂聽受歡喜不厭是即具  
足檀波羅蜜尸波羅蜜羼提波羅蜜  
毗梨耶波羅蜜禪波羅蜜空般若波羅  
蜜亦能為他顯示分別如說修行

佛告文殊師利汝觀何義為得阿耨多羅三藐三菩提住阿耨多羅三藐三菩提文殊師利言我無得阿耨多羅三藐三菩提我不住佛乘云何當得阿耨多羅三藐三菩提如我所說即菩提相佛讚文殊師利言善哉善哉汝能於是甚深法中巧說斯義汝於先佛久種善根以無相法淨修梵行文殊師利言若見有相則言无相我今不見有相亦不見無相云何而言以無相法淨修梵行佛告文殊師利汝見聲聞戒耶答曰見佛言汝云何見文殊師利言我不作凡夫見不作聖人見不作學見不作無學見不作大見不作小見不作調伏見不作不調伏見非見非不見

舍利弗語文殊師利言汝今如是觀聲聞乘若觀佛乘當復云何文殊師利言不見菩提法不見修行菩提及證菩提者舍利弗語文殊師利言云何名佛云何觀佛文殊師利言云何為我舍利弗言我者但有名字名字相空文殊師利言如是如是如我但

有名字佛亦但有名字名字相空即是菩提不以名字而求菩提菩提之相無言无說何以故言說菩提二俱空故

復次舍利弗汝問云何名佛云何觀佛者不生不滅不來不去非名非相是名為佛如自觀身實相觀佛亦然唯有智者乃能知耳是名觀佛

尔時舍利弗白佛言世尊如文殊師利所說般若波羅蜜非初學菩薩所能了知文殊師利言非但初學菩薩所不能知及諸二乘所作已辦者亦未能了知如是說法无能知者何以故菩提之相實無有法而可知故无見無聞无得無念无生無滅无說無聽如是菩提性相空寂无證無知无相无相云何當有得菩提者

舍利弗語文殊師利言佛於法界不證阿耨多羅三藐三菩提耶文殊師利言不也舍利弗何以故世尊即是法界若以法界證法界者即是諍論舍利弗法界之相即是菩提何以故是法界中無衆生相一切法空故一



切法空即是菩提無二无分別故舍利弗無分別中則无知者若無知者即無言說无言說相即非有非無非知非不知一切諸法亦復如是何以故一切諸法不見處所決定性故如逆罪相不可思議何以故諸法實相不可壞故如是逆罪亦無本性不生天上不墮地獄亦不入涅槃何以故一切業緣皆住實際不來不去非因非果何以故法界无邊無前无後故是故舍利弗若見犯重比丘不墮地獄清淨行者不入涅槃如是比丘非應供非不應供非盡漏非不盡漏何以故於諸法中住平等故

舍利弗言云何名不退法忍文殊師利言不見少法有生滅相名不退法忍舍利弗言云何復名不調比丘文殊師利言漏盡阿羅漢是名不調何以故諸結已盡更無所調故名不調若過心行名為凡夫何以故凡夫衆生不順法界是故名過舍利弗言善哉善哉汝今為我善解漏盡阿羅漢義文殊師利言如是如是我即漏盡



真阿羅漢何以故斷求聲聞欲及辟  
支佛欲以是因緣故名漏盡得阿羅漢  
佛告文殊師利諸菩薩等坐道場時  
覺悟阿耨多羅三藐三菩提不文殊  
師利言菩薩坐於道場無有覺悟阿  
耨多羅三藐三菩提何以故如菩提  
相無有少法而可得者名阿耨多羅  
三藐三菩提无相菩提誰能坐者亦  
無起者以是因緣不見菩薩坐於道  
場亦不覺證阿耨多羅三藐三菩提  
文殊師利白佛言世尊菩提即五逆  
五逆即菩提何以故菩提五逆無二  
相故无學無學者无見無見者无知  
无知者無分別无分別者如是之相  
名為菩提見五逆相亦復如是若言  
見有菩提而取證者當知此輩即是  
增上慢人

尔時世尊告文殊師利汝言我是如  
來謂我為如來乎文殊師利言不也  
世尊我謂不是如來為如來耶無有  
如相可名為如亦无如來智能知於  
如何以故如來及智無二相故空為  
如來但有名字我當云何謂是如來

佛告文殊師利汝疑如來耶文殊師利言不也世尊我觀如來無決定性無生无滅故無所疑

佛告文殊師利汝今不謂如來出現於世耶文殊師利言若有如來出現世者一切法界亦應出現

佛告文殊師利汝謂恒沙諸佛入涅槃耶文殊師利言諸佛一相不可思議佛語文殊師利如是如是佛是一相不思議相文殊師利白佛言世尊佛今住世耶佛語文殊師利如是如是文殊師利言若佛住世恒沙諸佛亦應住世何以故一切諸佛皆同一相不思議相不思議相無生无滅若未來諸佛出興於世一切諸佛亦皆出世何以故不思議中無過去未來現在相但衆生取著謂有出世謂佛滅度佛語文殊師利此是如來阿羅漢阿鞞跋致菩薩所解何以故是三文殊師利白佛言世尊如是不思議法誰當誹謗誰當讚歎

佛告文殊師利如來不思議凡夫亦

不思議文殊師利白佛言世尊凡夫亦不思議耶佛言亦不思議何以故一切心相皆不思議文殊師利言若如是說如來不思議凡夫亦不思議今無數諸佛求於涅槃徒自疲勞何以故不思議法即是涅槃等无異故文殊師利言如是凡夫不思議諸佛不思議若善男子善女人久習善根近善知識乃能了知

佛告文殊師利汝欲使如來於衆生中為最勝耶文殊師利言我欲使如來於諸衆生為最第一但衆生相亦不可得佛言汝欲使如來得不思議法耶文殊師利言欲使如來得不思議法而於諸法無成就者佛告文殊師利汝欲使如來說法教化耶文殊師利白佛言我欲使如來說法教化而是說及聽者皆不可得何以故住法界故法界衆生無差別相

佛告文殊師利汝欲使如來為無上福田耶文殊師利言如來是无盡福田是无盡相无盡相即無上福田非福田非不福田是名福田无有明闇

生滅等相是名福田若能如是解福  
曰相深植善種亦無增減

佛告文殊師利云何植種不增不減  
文殊師利言福田之相不可思議若  
人於中如法修善亦不可思議如是  
植種名無增无減亦是無上取勝福  
田今時大地以佛神力六種震動現  
无常相一万六千人皆得無生法忍  
七百比丘三千優婆塞四万優婆塞  
六十億那由他六欲諸天遠塵離垢  
於諸法中得法眼淨

文殊師利所說摩訶般若波羅蜜經卷上

戊戌歲高麗國大藏都監奉

勅彫造

梁扶南國三藏曼陀羅仙譯

今時阿難從座而起偏袒右肩右膝著地白佛言世尊何因緣故如是大地六種震動佛告阿難我說福田無差別相故現斯瑞徃昔諸佛亦於此處作如是說福田之相利益衆生一切世界六種震動舍利弗白佛言世尊文殊師利是不可思議何以故所說法相不可思議佛告文殊師利如是如是如是如舍利弗言汝之所說實不可思議文殊師利白佛言世尊不可思議不可說思議亦不可說如是思議不思議性俱不可說一切聲相非思議亦非不可思議佛言汝入不思議三昧耶文殊師利言不也世尊我即不思議不見有心能思議者云何而言入不思議三昧我初發心欲入是定而今思惟實無心相而入三昧如人學射久習則巧後雖无心以久習故箭發皆中我亦如是初學不思議三昧繫心一緣若久習成就更無心

想恒與定俱舍利弗語文殊師利言  
更有勝妙寂滅定不文殊師利言若  
有不思議定者汝可問言更有寂滅  
定不如我意解不可思議定尚不可  
得云何問有寂滅定乎舍利弗言不  
可思議定不可得耶

文殊師利言思議定者是可得相不  
可思議定者不可得相一切衆生實  
成就不思議定何以故一切心相即非  
心故是名不思議定是故一切衆生  
相及不思議三昧相等無分別佛讚  
文殊師利言善哉善哉汝於諸佛久  
殖善根淨修梵行乃能演說甚深三  
昧汝今安住如是般若波羅蜜中文  
殊師利言若我住般若波羅蜜中能  
作是說即是有想便住我想若住有  
想我想中者般若波羅蜜便有處所  
般若波羅蜜若住於無亦是我想亦  
名處所離此二處住无所住如諸佛  
住安處寂滅非思議境界如是不思  
議名般若波羅蜜住處般若波羅蜜  
處一切法無相一切法无作般若波  
羅蜜即不思議不思議即法界法界



即無相无相即不思議不思議即般若波羅蜜般若波羅蜜法界無二元別無二元別即法界法界即无相無相即般若波羅蜜般若波羅蜜界即不思議界不思議界无生无滅界无生无滅界即不思議界及我界即不二相如是利言如來界及我界即不二相如是修般若波羅蜜者則不求菩提何以故菩提相離即是般若波羅蜜故世尊若知我相而不可著無知无著是佛所知不可思議無知无著即佛所知何以故知體本性無所有相云何能轉法界若知本性无體無著者即名無物若无有物是無處所无依無住无依無住即无生無滅无生無滅即是有為无為功德若如是知則無心想無心想者云何當知有為无為功德无知即不思議不思議者是佛所知亦無取无不取不見三世去來等相不取生滅及諸起作亦不斷不常如是知者是名正智不思議智如虛空無此无彼不可比類無好惡无等等无相無貌佛告文殊師利若如

是知名不退智文殊師利言無作智  
名不退智猶如金鋌先加鋌打方知  
好惡若不治打無能知者不退智相  
亦復如是要行境界不念不著无起  
無作具足不動不生不滅今乃顯現  
今時佛告文殊師利言如諸如來自  
說已智誰當能信文殊師利言如是  
智者非涅槃法非生死法是寂滅行  
是無動行不斷貪欲瞋恚愚癡亦非  
不斷何以故無盡无滅不離生死亦  
非不離不修道非不修道作是解者  
名為正信佛告文殊師利言善哉善  
哉如汝所說深解斯義今時摩訶迦  
葉白佛言世尊於當來世若說如是  
甚深正法誰能信解如聞受行佛告  
迦葉今此會中比丘比丘尼優婆塞  
優婆夷得聞此經者如是人等於未  
來世若聞是法必能信解於甚深般  
若波羅蜜乃能讀誦信解受持亦為  
他人分別演說譬如長者失摩尼寶  
憂愁苦惱後若還得心甚歡喜如是  
迦葉比丘比丘尼優婆塞優婆夷等  
亦復如是有信樂心若不聞法則生

苦惱若得聞時信解受持常樂讀誦  
甚大歡喜當知此人即是見佛亦即  
親近供養諸佛佛告迦葉譬如忉利  
天上波利質多羅樹苑初出時是中  
諸天見是樹已皆大歡喜此樹不久  
必當開敷若比丘比丘尼優婆塞優  
婆夷得聞般若波羅蜜能生信解亦  
復如是此人不久亦當開敷一切佛  
法於當來世有比丘比丘尼優婆塞  
優婆夷聞般若波羅蜜信受讀誦心  
不悔沒當知是人已從此會聽受是  
經亦能為人聚落城邑廣說流布當  
知是人佛所護念如是甚深般若波  
羅蜜中有能信樂無疑惑者是善男  
子善女人於過去諸佛久已修學殖  
衆善根譬如有人以手穿珠忽遇無  
上真摩尼寶心大歡喜當知是人必  
已曾見如是迦葉若善男子善女人  
修學餘法忽然得聞甚深般若波羅  
蜜能生歡喜亦復如是當知此人已  
曾聞故若有衆生得聞甚深般若波  
羅蜜心能信受生大歡喜如是人等  
亦曾親近無數諸佛從聞般若波羅

蜜已修學故譬如有人先所經見城  
邑聚落後若聞人讚歎彼城所有園  
苑種種池泉華果林樹男女人民皆  
可愛樂是人間已即大歡喜更勸令  
說是城園苑衆好嚴飾雜華池泉多  
諸甘果種種珍妙一切愛樂是人得  
聞重甚歡喜如是之人皆曾見故若  
善男子善女人有聞般若波羅蜜信  
心聽受能生歡喜樂聞不厭而更勸  
說當知此輩已從文殊師利曾聞如  
是般若波羅蜜故迦葉白佛言世尊  
若將來世善男子善女人得聞是甚  
深般若波羅蜜信樂聽受以是相故  
當知此人亦於過去佛所曾聞修學  
文殊師利白佛言世尊佛說諸法无  
作無相第一寂滅若善男子善女人  
有能如是諦了斯義如聞如說為諸  
如來之所讚歎不違法相是即佛說  
亦是熾然般若波羅蜜相亦名熾然  
具足佛法通達實相不可思議佛告  
文殊師利我本行菩薩道時修諸善  
根欲住阿鞞跋致地當學般若波羅  
蜜欲成阿耨多羅三藐三菩提當與

般若波羅蜜若善男子善女人欲解一切法相欲知一切衆生心界皆悉同等當學般若波羅蜜文殊師利欲學一切佛法具足無尋當學般若波羅蜜欲學一切佛成阿耨多羅三藐三菩提時相好威儀無量法式當學般若波羅蜜欲知一切佛不成阿耨多羅三藐三菩提一切法式及諸威儀當學般若波羅蜜何以故是空法中不見諸佛菩提等故若善男子善女人欲知如是等相無疑惑者當學般若波羅蜜何以故般若波羅蜜不見諸法若生若滅若垢若淨是故善男子善女人應作如是學般若波羅蜜欲知一切法無過去未來現在等相當學般若波羅蜜何以故法界性相無三世故欲知一切法同入法界心无罣碍當學般若波羅蜜欲得三轉十二行法輪亦自證知而不取著當學般若波羅蜜欲得慈心遍覆一切衆生而無限齊亦不作念有衆生相當學般若波羅蜜欲得於一切衆生不起諍論亦復不取無諍論相當



學般若波羅蜜欲知是處非處十力  
無畏住佛智慧得無尋辯當學般若  
波羅蜜今時文殊師利白佛言世尊  
我觀正法无為無相无得無利无生  
無滅无來無去无知者无見者無作  
者不見般若波羅蜜亦不見般若波  
羅蜜境界非證非不證不作戲論无  
有分別一切法無盡離盡无凡夫法  
無聲聞法无辟支佛法佛法非得非  
不得不捨生死不證涅槃非思議非  
不思議非作非不作法相如是不知  
云何當學般若波羅蜜

今時佛告文殊師利若能如是知諸  
法相是名當學般若波羅蜜菩薩摩  
訶薩若欲學菩提自在三昧得是三  
昧已照明一切甚深佛法及知一切  
諸佛名字亦悉了達諸佛世界無有  
障尋當如文殊師利所說般若波羅  
蜜中學文殊師利白佛言世尊何以  
故名般若波羅蜜佛言般若波羅蜜  
無邊无際無名无相非思量無歸依  
无洲渚無犯无福無晦无明猶如法  
界無有分齊亦无限量是名般若波



羅蜜亦名菩薩摩訶薩行處非處非不行處悉入一乘名非行處何以故無念无作故文殊師利白佛言世尊當云何行能速得阿耨多羅三藐三菩提佛言文殊師利如般若波羅蜜所說行能速得阿耨多羅三藐三菩提復有一行三昧若善男子善女人修是三昧者亦速得阿耨多羅三藐三菩提文殊師利言世尊云何名一行三昧佛言法界一相繫緣法界是名一行三昧若善男子善女人欲入一行三昧當先聞般若波羅蜜如說修學然後能入一行三昧如法界緣不退不壞不思議無尋无相善男子善女人欲入一行三昧應處空閑捨諸亂意不取相貌繫心一佛專稱名字隨佛方所端身正向能於一佛念念相續即是念中能見過去未來現在諸佛何以故念一佛功德無量无边亦與無量諸佛功德无二不思議佛法等无分別皆乘一如成取正覺悉具無量功德无量辯才如是入一行三昧者盡知恒沙諸佛法界無差別

相向難所聞佛法得念捻持辯才智  
慧於聲聞中雖為取勝猶住量數則  
有限尋若得一行三昧諸經法門一  
一分別皆悉了知決定無尋晝夜常  
說智慧辯才終不斷絕若比阿難多  
聞辯才百千等分不及其一菩薩摩  
訶薩應作是念我當云何逮得一行  
三昧不可思議功德無量名稱佛言  
菩薩摩訶薩當念一行三昧常勤精  
進而不懈怠如是次第漸漸修學則  
能得入一行三昧不可思議功德作  
證除謗正法不信惡業重罪障者所  
不能入復次文殊師利譬如有入得  
摩尼珠示其珠師珠師答言此是無  
價真摩尼寶即求師言為我治磨勿  
失光色珠師治已隨其磨時珠色光  
明映徹表裏文殊師利若有善男子  
善女人修學一行三昧不可思議功  
德無量名稱隨修學時知諸法相明  
達无尋功德增長亦復如是文殊師  
利譬如日輪光明遍滿無有減相若  
得一行三昧悉能具足一切功德无有  
缺少亦復如是照明佛法如日輪光

文殊師利我所說法皆是 味離味  
解脫味寂滅味若善男子善女人得  
是一行三昧者其所演說亦是一味  
離味解脫味寂滅味隨順正法无錯  
謬相文殊師利若菩薩摩訶薩得是  
一行三昧皆悉滿足助道之法速得  
阿耨多羅三藐三菩提復次文殊師  
利菩薩摩訶薩不見法界有分別相  
及以一相速得阿耨多羅三藐三菩  
提相不可思議是菩提中亦無得佛  
如是知者速得阿耨多羅三藐三菩  
提若信一切法悉是佛法不生驚怖  
亦不疑惑如是忍者速得阿耨多羅  
三藐三菩提文殊師利白佛言世尊  
以如是因速得阿耨多羅三藐三菩  
提耶佛言得阿耨多羅三藐三菩提  
不以因得不以非因得何以故不思  
議界不以因得不以非因得若善男  
子善女人聞如是說不生懈怠當知  
是人已於先佛種諸善根是故比丘  
比丘尼聞說是甚深般若波羅蜜不  
生驚怖即是從佛出家若優婆塞優  
婆夷得聞如是甚深般若波羅蜜心

不驚怖即是成就真歸依處

文殊師利若善男子善女人不習甚深般若波羅蜜即是不修佛乘譬如大地一切藥木皆依地生長文殊師利菩薩摩訶薩亦復如是一切善根皆依般若波羅蜜而得增長於阿耨多羅三藐三菩提不相違背尔時文殊師利白佛言世尊此閻浮提城邑聚落當於何處演說如是甚深般若波羅蜜佛告文殊師利今此會中若有人聞般若波羅蜜皆發誓言於未來世常得與般若波羅蜜相應從是信解未來世中能聽是經當知此人不從餘小善根中來所能堪受聞已歡喜文殊師利若復有人從汝聽是般若波羅蜜應作是言此般若波羅蜜中無聲聞辟支佛法佛法亦无凡夫生滅等法文殊師利白佛言世尊若比丘比丘尼優婆塞優婆夷來問我言云何如來說般若波羅蜜我當答言一切諸法無諍論相云何如來嘗說般若波羅蜜何以故不見有法可與法諍論亦無衆生心識能知復次

世尊我當更說究竟實際何以故一切法相同入實際阿羅漢無別勝法何以故阿羅漢法凡夫法不一不異故復次世尊如是說法無有衆生已得涅槃今得當得何以故无有決定衆生相故文殊師利言若人欲聞般若波羅蜜我當作如是說其有聽者不念不著無聞无得當如幻人無所分別如是說者是真說法是故聽者莫作二相不捨諸見而修佛法不取佛法不捨凡夫法何以故佛及凡夫二法相空無取捨故若人問我當作是說如是安慰如是建立善男子善女人應如是問作如是住心不退不沒當如法相隨順般若波羅蜜說今時世尊歎文殊師利善哉善哉如汝所說若善男子善女人欲見諸佛應學如是般若波羅蜜欲親近諸佛如法供養應學如是般若波羅蜜若欲言如來是我世尊應學如是般若波羅蜜若言如來非我世尊亦應學如是般若波羅蜜若欲成阿耨多羅三藐三菩提應學如是般若波羅蜜



若欲不成阿耨多羅三藐三菩提亦  
應學如是般若波羅蜜若欲成就一  
切三昧應學如是般若波羅蜜若欲  
不成就一切三昧亦應學如是般若  
波羅蜜何以故无作三昧无異相故  
一切法無生无出故若欲知一切法  
假名應學如是般若波羅蜜若欲知  
一切衆生修菩提道不求菩提相心  
不退沒應學如是般若波羅蜜何以  
故一切法皆菩提相故若欲知一切衆  
生行非行相非行即菩提菩提即法  
界法界即實際心不退沒應學如是  
般若波羅蜜若欲知一切如來神通  
變化無相无碍亦無方所應學如是  
般若波羅蜜佛告文殊師利若比丘  
比丘尼優婆塞優婆夷欲得不墮惡  
趣當學般若波羅蜜一四句偈受持  
讀誦為他解說隨順實相如是善男  
子善女人當知決定得阿耨多羅三  
藐三菩提則住佛國若聞如是般若  
波羅蜜不驚不畏心生信解當知此  
輩佛所印可是佛所行大乘法印若  
善男子善女人學此法印超過惡趣



不入聲聞辟支佛道以超過故

尔時帝釋三十三天以天妙華優鉢  
羅華拘物頭華分陀利華天曼陀羅  
華等天栴檀香及餘末香種種金寶  
作天伎樂為供養般若波羅蜜并諸  
如來及文殊師利以散其上作是供  
養已願我常聞般若波羅蜜法印釋  
提桓因復作是願願閻浮提善男子  
善女人常使得聞是經決定佛法皆  
令信解受持讀誦為人演說一切諸  
天為作擁護尔時佛告釋提桓因言  
憍尸迦如是如是善男子善女人當  
得決定諸佛菩提文殊師利白佛言  
世尊如是受持善男子善女人得大  
利益功德無量尔時以佛神力一切  
大地六種震動佛時微笑放大光明  
遍照三千大千世界文殊師利白佛  
言世尊即是如來印般若波羅蜜相  
佛言文殊師利如是如是說般若波  
羅蜜已皆現此瑞為印般若波羅蜜  
故使人受持令無讚毀何以故无相法  
印不可讚毀我今以是法印令諸天  
魔不能得便佛說是已尔時諸大菩

薩及四部衆聞說般若波羅蜜歡喜  
奉行

文殊師利所說摩訶般若波羅蜜經卷下

戊戌歲高麗國大藏都監奉

勅彫造

文殊師利所說般若波羅蜜經

羽

梁扶南國三藏僧伽婆羅譯

如是我聞一時佛在舍衛國祇樹給  
孤獨園與大比丘衆一萬人俱及諸  
菩薩摩訶薩十萬人俱皆悉住於不  
退轉地久已供養無量諸佛於諸佛  
所深種善根成就衆生淨佛國土得  
陀羅尼獲樂說辯才成就智慧具足  
功德以自在神通遊諸佛世界放無  
量光明說无盡妙法教諸菩薩入一  
相門得無所畏善降衆魔教化度脫  
外道邪見若有衆生樂聲聞者說聲  
聞乘樂緣覺者說緣覺乘樂世間者  
說世間乘以布施持戒忍辱精進禪  
定智慧攝諸衆生未度者度未脫者  
脫未安者安未泥洹者令得泥洹究  
竟菩薩所行善入諸佛法藏如是種  
種功德皆悉具足其名曰文殊師利  
法王子菩薩弥勒菩薩普光明菩薩  
不捨勇猛精進菩薩樂王菩薩寶掌  
菩薩寶印菩薩月光菩薩日淨菩薩  
大力菩薩無量力菩薩得勤精進菩

薩力幢相菩薩法如菩薩自在王菩薩如是等菩薩摩訶薩十萬人俱并餘天龍鬼神等一切大衆皆悉來集。今時世尊於中夜時放大光明青黃赤白雜頗梨色普照十方無量世界一切衆生觸此光者皆從卧起見此光明皆得法喜咸生疑惑此光何來。普遍世界令諸衆生得安隱樂作是念已於一二光復出大光明照耀殊特勝於前光如是展轉乃至十重一切菩薩及諸比丘比丘尼優婆塞優婆夷天龍夜叉乾闥婆阿修羅迦樓羅緊那羅摩睺羅伽人非人等咸皆踊躍得未曾有各各思念必是如來放此光明我等應當疾至佛所禮拜親近恭敬如來是時文殊師利及諸菩薩摩訶薩衆遇此光者歡喜踊躍充滿身心各從住處到祇洹門。今時舍利弗大目犍連富樓那彌多羅尼子摩訶迦葉摩訶迦旃延摩訶俱絺羅皆從住處到祇洹門帝釋四天王上至阿迦尼吒天亦覩光明歎未曾有。與其眷屬寶妙天花天香天樂天寶。

衣一切皆悉到祇洹門其餘比丘比  
丘尼優婆塞優婆夷天龍八部遇光  
歡喜皆來到門今時世尊一切種智  
知諸大衆悉已在門外從住處起出  
至門外白鋪法座結加趺坐告舍利  
弗汝今晨朝來門外乎舍利弗白佛  
言世尊文殊師利等菩薩摩訶薩皆  
悉先至今時世尊告文殊師利汝於  
晨朝先至門乎文殊師利白佛言如  
是世尊我於中夜見大光明十重照  
耀得未曾有心懷歡喜踊躍无量故  
來礼拜親近如來并欲願聞甘露妙  
法今時世尊告文殊師利汝今真實  
見如來乎文殊師利白佛言世尊如  
來法身本不可見我為衆生故來見  
佛佛法身者不可思議无相無形不  
來不去非有非无非見非不見如如  
實際不去不來非無非非无非處非  
非處非一非二非淨非垢不生不滅  
我見如來亦復如是佛告文殊師利  
汝今如是見如來乎文殊師利白佛  
言世尊我實無見亦无見相今時舍  
利弗白文殊師利我今不解汝之所

說云何如是見於如來文殊師利答  
舍利弗大德舍利弗我不如是見於  
如來舍利弗白文殊師利如汝所說  
轉不可解文殊師利答舍利弗不可  
解者即般若波羅蜜般若波羅蜜非  
是可解非不可解舍利弗白文殊師  
利汝於衆生起慈悲心不汝為衆生  
行六波羅蜜不復為衆生入涅槃不  
文殊師利答舍利弗如汝所說我為  
衆生起慈悲心行六波羅蜜入於涅  
槃而衆生實不可得無相无形不增  
不減舍利弗汝常作是念一一世界  
有恒河沙等諸佛住世恒河沙劫說  
一一法教化度脫恒河沙衆生一一  
衆生皆得滅度汝有如是念不舍利  
弗言文殊師利我常作是念文殊師  
利答舍利弗如虛空無數衆生亦無  
數虛空不可度衆生亦不可度何以  
故一切衆生與虛空等云何諸佛教化  
衆生舍利弗言若一切衆生與虛空等汝  
何故為衆生說法令得菩提文殊師  
利答舍利弗菩提者實不可得我當  
說何法使衆生得乎何以故舍利弗



菩提與衆生不一不二無異元為無  
名無相實无所有今時世尊出大人  
相肉髻光明殊特希有不可稱說入  
文殊師利菩薩摩訶薩法王子頂還  
從頂出普照大衆照大衆已乃遍十  
方一切世界是時大衆觸此光明身  
心快樂得未曾有皆從座起瞻仰世  
尊及文殊師利咸作是念今日如來  
放此奇特微妙光明入文殊師利法  
王子頂還從頂出普照大衆照大衆  
已乃遍十方非無因緣必說妙法我  
等但當勤修精進樂如說行如是念已  
各白佛言世尊如來今日放此光明  
非無因緣必說妙法我等渴仰樂如  
說行如是白已默然而住今時文殊  
師利白佛言世尊如來放光加我神  
力此光希有非色非相不去不來不  
動不靜非見非聞非覺非知一切衆  
生無所觀見无喜無畏无所分別我  
當承佛聖旨說此光明令諸衆生入  
無想慧

今時佛告文殊師利善哉善哉汝善  
快說吾助汝喜文殊師利白佛言世

尊此光明者是般若波羅蜜般若波  
羅蜜者是如來如來者是一切衆生  
世尊我如是修般若波羅蜜今時佛  
告文殊師利言善男子汝今如是說  
深般若波羅蜜我今問汝若有人問  
汝有幾衆生界汝去何答文殊師利白  
佛言世尊若人作如是問我當答言  
衆生界數如如來界文殊師利若復  
問汝衆生界廣狹去何答文  
殊師利白佛言世尊若人作如是問  
我當答言如佛界廣狹文殊師利若  
復問汝衆生界繫在何處當去何答  
世尊我當答言如如來繫衆生亦尔  
文殊師利若復問汝衆生界住在何  
處當去何答世尊我當答言住涅槃  
界佛告文殊師利汝如是修般若波  
羅蜜般若波羅蜜有住處不文殊師  
利白佛言世尊般若波羅蜜無有住  
處佛告文殊師利若般若波羅蜜无  
住處者汝去何修去何學文殊師利  
白佛言世尊若般若波羅蜜有住處  
者則無修學佛告文殊師利汝修般  
若時有善根增減不文殊師利白佛

言世尊无有善根可增可減若有增  
減則非修般若波羅蜜世尊不為法  
增不為法減是修般若波羅蜜不斷  
凡夫法不取如來法是修般若波羅  
蜜何以故世尊般若波羅蜜不為得  
法故修不為不得法故修不為修法  
故修不為不修法故修世尊無得无捨  
是修般若波羅蜜何以故不為生死  
過患不為涅槃功德故世尊若如是  
修般若波羅蜜不取不受不捨下放  
不增不減不起不滅故世尊若善男  
子善女人作是思惟此法上此法中  
此法下非修般若波羅蜜何以故無  
上中下法故世尊我如是修般若波  
羅蜜佛告文殊師利一切佛法非增  
上耶文殊師利白佛言世尊佛法菩  
薩法聲聞法緣覺法乃至凡夫法皆  
不可得何以故畢竟空故畢竟空中  
无佛法凡夫法凡夫法中無畢竟空  
何以故空不空不可得故佛告文殊  
師利佛法無上不文殊師利白佛言  
世尊无有一法如微塵許名為無上  
何以故檀波羅蜜檀波羅蜜空乃至

般若波羅蜜般若波羅蜜空十力十  
力空四無所畏十八不共法乃至薩  
婆若薩婆若空空空中無無上无上  
中無空空不空畢竟不可得故世尊  
不可思議法是般若波羅蜜佛告文  
殊師利汝不思惟佛法耶文殊師利  
白佛言世尊我若思惟佛法我則見  
佛法無上何以故无上無故世尊五  
陰十二入十八界畢竟不可得一切  
佛法亦不可得不可得中無可得不  
可得故世尊般若波羅蜜中凡夫乃  
至佛無法无非法我當思惟何法佛  
言善男子若無思惟汝不應說此凡  
夫法此緣覺法乃至不應說此是佛  
法何以故不可得故世尊我實不說  
凡夫法乃至佛法何以故不修般若  
波羅蜜故佛言善男子汝亦不應  
作如是意此欲界此色界此无色界  
何以故不可得故世尊欲界欲界性  
空乃至無色界无色界性空空空中無  
說我亦无說世尊修般若波羅蜜不  
見上不見不上何以故世尊修般若  
波羅蜜不取佛法不捨凡夫法何以

故畢竟空中無取捨故

佛告文殊師利善哉善哉汝能如是說深般若波羅蜜此是菩薩摩訶薩印文殊師利若善男子善女人非於千萬佛所深種善根得聞此法乃於無量無邊佛所深種善根乃得聞此甚深般若波羅蜜不生怖畏文殊師利復白佛言世尊我承佛威神當更說甚深般若波羅蜜佛告文殊師利善哉善哉恣聽汝說文殊師利白佛言世尊若不得法生是修般若波羅蜜何以故諸法無有生故若不得法住是修般若波羅蜜何以故諸法如實故若不得滅是修般若波羅蜜何以故諸法寂滅故世尊若不得色是修般若波羅蜜乃至不得識是修般若波羅蜜若不得眼是修般若波羅蜜乃至不得意是修般若波羅蜜若不得色乃至法不得眼界色眼界識界乃至不得法界意識界是修般若波羅蜜若不得欲界是修般若波羅蜜乃至无色界亦如是世尊若不得檀波羅

蜜是修般若波羅蜜乃至不得般若  
波羅蜜是修般若波羅蜜若不得佛  
十力四無所畏乃至十八不共法是  
修般若波羅蜜何以故內空故乃至  
無法有法空故世尊若得生住滅非  
修般若波羅蜜若得五陰十二八十  
八界非修般若波羅蜜若得欲界色  
界無色界非修般若波羅蜜若得檀  
乃至般若若得佛十力乃至十八不  
共法非修般若波羅蜜何以故以有  
得故世尊若善男子善女人聞此甚  
深般若波羅蜜不驚不疑不怖不退  
當知是人久於先佛深種善根文殊  
師利復白佛言世尊若不見垢法淨  
法不見生死果不見涅槃果不見佛  
不見菩薩不見緣覺不見聲聞不見  
凡夫是修般若波羅蜜何以故一切  
諸法無垢无淨乃至無凡夫故世尊  
若見垢淨乃至見凡夫非修般若波  
羅蜜世尊若見垢法善別淨法善別  
乃至見佛善別凡夫法善別非修般  
若波羅蜜何以故般若波羅蜜无善  
別故佛告文殊師利善哉善哉是真



修行般若波羅蜜文殊師利汝云何  
供養佛文殊師利白佛言世尊若幻  
人心數滅我則供養佛佛告文殊師  
利汝不住佛法耶文殊白佛佛無法  
可住我云何住佛告文殊師利若無  
法可得誰有佛法文殊白佛言世尊  
無有有佛法者佛告文殊師利汝已  
到无所著乎文殊師利白佛無著則  
無到云何世尊問已到无著佛告文  
殊汝住菩提不文殊白佛言世尊佛  
尚不住菩提何況我當住菩提乎佛  
告文殊師利汝何所依作如是說文  
殊師利白佛我无所依作如是說佛  
告文殊汝若無依為何所說文殊白佛  
如是世尊我无所說何以故一切諸法  
無名字故今時長老舍利弗白佛言  
世尊若菩薩摩訶薩聞此深法不驚  
疑怖畏必定得近阿耨多羅三藐三  
菩提不今時弥勒菩薩白佛言世尊  
若諸菩薩摩訶薩聞此深法不驚疑  
怖畏得近阿耨多羅三藐三菩提不  
今時有天女名無緣白佛言世尊若  
善男子善女人聞此深法不驚疑怖

畏當得聲聞法緣覺法菩薩法佛法  
不令時佛告舍利弗如是如是舍利  
弗若諸菩薩摩訶薩聞此深法不驚  
疑怖畏必定當得阿耨多羅三藐三  
菩提是善男子善女人當為大施主第  
一施主勝施主當具足戒忍辱精進  
禪定智慧當具諸功德成就相好自  
不怖畏令人不怖畏究竟般若波羅  
蜜以不可得無相无為成就第一不  
可思議法故佛告文殊師利汝何所  
見何所樂求阿耨多羅三藐三菩提  
文殊師利白佛言世尊我無見无樂  
故求菩提佛告文殊師利若無見无  
樂亦應无求文殊白佛如是世尊我  
實無求何以故若有求者是凡夫相  
佛告文殊師利汝今真實不求菩提  
耶文殊白佛我真實不求菩提何以  
故若求菩提是凡夫相佛告文殊師  
利汝為定求為定不求文殊白佛若  
言定求定不求定求不求定非求非  
不求是凡夫相何以故菩提無住處  
故佛告文殊師利善哉善哉汝能如  
是說般若波羅蜜汝先已於無量佛

所深種善根久修梵行諸菩薩摩訶  
薩應如汝所說行文殊白佛我不種  
善根不修梵行何以故我若種善根  
則一切衆生亦種善根我若修梵  
行則一切衆生亦修梵行何以故  
一切衆生則梵行相佛告文殊師  
利汝何見何證說如是語文殊白佛我  
無見无證亦無所說世尊我不見凡  
夫不見學不見无學不見非學非無  
學不見故不證今時舍利弗白文殊  
師利汝見佛不文殊答舍利弗我尚  
不見聲聞人何況我當見佛何以故  
不見諸法故謂為菩薩舍利弗白文  
殊師利汝今決定不見諸法耶文殊  
師利答舍利弗大德大比丘汝止不  
須復說舍利弗白文殊師利謂為佛  
者是誰語言文殊師利答舍利弗非  
佛不可得無有言者无有說者舍利  
弗善提者不可以言說何況有佛可  
言可說復次大德舍利弗汝說佛者  
是誰語言此語言不合不散不生不  
滅不去不來无有一法可與相應無  
字無句大德舍利弗欲見佛者當如

是學今時舍利弗白佛言世尊此文殊師利所說新發意菩薩所不能解文殊師利答舍利弗如是如是大德舍利弗菩提非可解新發意者云何當解舍利弗白文殊師利諸佛如來不覺法界耶文殊師利答舍利弗諸佛尚不可得云何有佛覺法界舍利弗法界尚不可得云何法界為諸佛所覺舍利弗法界者即是菩提菩提者即是法界何以故諸法無界故大德舍利弗法界佛境界元有差別無差別者即是無作元作者即是無為元為者即是元說無說者即元所有舍利弗白文殊師利一切法界及佛境界悉無所有耶文殊師利答舍利弗元有元不有何以故有及不有一相無相無一元二故舍利弗白文殊師利如是學者當得菩提耶文殊師利答舍利弗如是學無所學不生善道不墮惡趣不得菩提不入涅槃何以故舍利弗般若波羅蜜畢竟空故畢竟空中無一无二無三元四無有去來不可思議大德舍利弗若言我得菩提

是增上慢說何以故無得謂得故如是增上慢人不堪受人信施有信人不應供養舍利弗白文殊師利汝何所依作如是說文殊師利答舍利弗我無所依作如是說何以故般若波羅蜜與諸法等故諸法無所依以平等故舍利弗白文殊師利汝不以智慧除斷煩惱耶文殊師利答舍利弗汝是漏盡阿羅漢不舍利弗言不也文殊師利言我亦不以智慧除斷煩惱舍利弗言汝何所依作如是說不怖不畏文殊師利言我尚不可得當有何我而生怖畏舍利弗言善哉文殊師利快說如是甚深般若波羅蜜今時佛告文殊師利言善男子有菩薩摩訶薩住菩提心求無上菩提不文殊師利白佛言世尊无菩薩住菩提心求無上菩提何以故菩提心不可得無上菩提亦不可得五無間罪是菩提性无有菩薩起無間心求无間罪果云何有菩薩住菩提心求無上菩提菩提者是一切諸法何以故色非色不可得故乃至識非識亦不

可得眼不可得乃至意不可得色不可得乃至法不可得眼界乃至法界亦不可得生不可得乃至老死亦不可得檀波羅蜜不可得乃至般若波十八不共法亦不可得菩提心無上菩提皆不可得不可得中无可得不可得是故世尊無菩薩住菩提心求無上菩提者佛告文殊師利汝意謂如來是汝師不文殊師利白佛言我無有意謂佛是我師何以故世尊我尚不可得何況當有意謂佛是我師佛告文殊師利汝於我有疑不文殊白佛言世尊我尚無決定何況當有疑何以故先定後疑故佛告文殊汝不定言如來生耶文殊白佛如來若生法界亦應生何以故法界如來一相無二相二相不可得故文殊師利汝信諸佛如來入涅槃不文殊言一切諸佛即涅槃相涅槃相者無入無不入佛告文殊師利汝言諸佛有流轉不文殊白佛言世尊不流轉尚不可得何況流轉當可得佛告文殊



師利如來无心唯如來前可說此言  
或漏盡阿羅漢及不退菩薩前可說  
此言若餘人間此語則不生信當驚  
疑何以故此甚深般若波羅蜜難信  
難解故文殊白佛言世尊復何等人  
能信此甚深法佛告文殊師利一切  
凡夫能信此法何以故如來無心一  
切凡夫亦无心故文殊師利白佛言  
世尊何故作如是說法新發意菩薩  
及阿羅漢咸皆有疑願聞解說佛告  
文殊如實相法性法住法位實際中  
有佛有凡夫无別不文殊白佛言不  
也世尊佛告文殊若無无別何故生  
疑文殊白佛言世尊无无別中有佛  
有凡夫不佛言有何以故佛與凡夫  
無二无无別一相無相故佛告文殊  
汝信如來於一切衆生中取勝不文  
殊白佛言世尊我信如來於一切衆  
生中取勝世尊若我信如來於一切  
衆生中取勝則如來成不取勝佛告  
文殊汝信如來成就一切不可思議  
法不文殊師利白佛言世尊我信如  
來成就一切不可思議法世尊我若

信如來成就一切不可思議法如來  
則成可思議佛告文殊師利汝信一  
切聲聞是如來所教化不世尊我信  
一切聲聞是如來所教化世尊我若  
信一切聲聞是如來所教化則法界  
成可教化佛告文殊師利汝信如來  
是無上福田不世尊我信如來是無  
上福田世尊我若信如來是無上福  
田如來則非福田佛告文殊師利汝  
何所依作如是答我文殊白佛言世  
尊我无所依作如是答世尊無所依  
中無勝无不勝無可思議无不可思  
議无教化無不教化无福田無非福  
田是時以佛神力地六種震動一萬  
六千比丘衆以無可取心得解脫七  
百比丘尼衆三千優婆塞四萬優婆  
夷衆遠塵離垢得法眼淨六萬億那  
由他諸天遠塵離垢得法眼淨是時  
長老阿難即從座起偏袒右肩右膝  
著地合掌恭敬白佛言世尊何因何  
緣此地大動今時佛告阿難此說般  
若波羅蜜往古諸佛皆於此處說此  
法以是因緣故此地震動今時長老

舍利弗白佛言世尊此文殊師利所說不可思議今時世尊告文殊師利如舍利弗所說此文殊師利所說不可思議

今時文殊師利白佛言世尊若不可思議則不可說若可說則可思議不可思議者無所有彼一切聲亦不可思議三昧耶文殊師利言不也世尊我即不思議不見有心能思議者云何而言入不思議三昧我初發心欲入是定而今思惟實無心相而入三昧如人學射久習則巧後雖无心以久習故箭發皆中我亦如是初學不思議三昧繫心一緣若久習成就更无心想恒與定合舍利弗語文殊師利言更有勝妙寂滅定不文殊師利言若有不思議定者汝可問言更有寂滅定不如我意解不可思議定尚不可得云何問我寂滅定乎舍利弗言不思議定不可得耶文殊師利言思議定者是可得相不可思議定者不可得相一切衆生實成就不可思

識定何以故一切心相即非心故是  
名不思議定是故一切衆生相及不  
思議三昧相等無分別佛讚文殊師  
利言善哉善哉汝於諸佛久殖善根  
淨修梵行乃能演說甚深三昧汝今  
安住如是般若波羅蜜中文殊師利  
言若我住般若波羅蜜中能作是說  
即是有想便住我想若住有想我想  
中者般若波羅蜜便有處所般若波  
羅蜜若住於无亦是我想亦名處所  
離此二處住無所住如諸佛住安處  
寂滅非思議境界如是不思議名般  
若波羅蜜住處般若波羅蜜處一切  
法無相一切法无作般若波羅蜜即  
不思議不思議即法界法界即無相  
无相即不思議不思議即般若波羅  
蜜般若波羅蜜法界無二无別無二  
無別即法界法界即无相無相即般  
若波羅蜜界般若波羅蜜界即不思  
議界不思議界即無生无滅界無生  
无滅界即不思議界文殊師利言如  
來界及我界即不二相如是修般若  
波羅蜜者則不求菩提何以故菩提

相離即般若波羅蜜故世尊若知我  
相而不可著無知无著是佛所知不  
可思議無知无著即佛所知何以故  
知體本性無所有相云何能轉法界  
若知本性无體無著者即名无物若  
无有物是無處所无依無住無依无  
住即無生无滅無生无滅即是有為  
功德若如是知则无心想無心想者云  
何當知有為無為功德无知即不思議  
不思議者是佛所知亦無取无不取  
不見三世去來等相不取生滅及諸  
起作亦不斷不常如是知者是名正  
智不思議智如虚空無此无彼不可  
比類無好惡无等等无相無貌

佛告文殊師利若如是知名不退智  
文殊師利言无作智名不退智猶如  
金鋌先加捶打方知好惡若不治打  
無能知者不退智相亦復如是要行  
境界不念不著無起无作具足不動  
不生不滅尔乃顯現

尔時佛告文殊師利言諸女來自說  
已智誰當能信文殊言如是智者非  
涅槃法非生死法是寂滅行不斷貪

欲真志。愚癡亦非不斷。何以故。無盡  
无滅。不離生死。亦非不離。不離修道。  
非不修道。作是解者。名為正信。

佛告文殊師利。言善哉。善哉。如汝所  
說。深解斯義。尔時長老摩訶迦葉。白  
佛言。世尊。未來世誰能信此深法。誰  
樂聽此法。佛告迦葉。卽今日四眾比  
丘比丘尼。優婆塞。優婆夷。於未來世  
能信此法。聞說此深般若。波羅蜜。當  
知此法當求。此法迦葉。譬如長者或  
長者子。已失一入寶珠。價直億萬兩  
金。火生憂惱。今更還得。生大歡喜。憂  
惱悉滅。如是迦葉。比丘比丘尼。優婆  
塞。優婆夷。於未來世。聞此深般若。  
波羅蜜。經。與般若相應。聞已。生喜心。  
得安樂。无復憂惱。亦復如是。當作是  
言。我等今日得見如來。供養如來。所  
以者。何以得聞此甚深微妙六波羅  
蜜。故迦葉。譬如三十三天。見波利質  
多羅樹。初生。隨時作如是念。此樹不  
久必當開敷。如是迦葉。比丘比丘尼。  
優婆塞。優婆夷。聞此般若。波羅蜜。經。  
心生歡喜。亦復如是。我於來世。必得



此法迦葉此深般若波羅蜜如來滅後當住不滅處處流行迦葉以佛力故未來世中若善男子善女人當得此深般若波羅蜜迦葉如摩尼珠師見摩尼寶心生歡喜不假思量即知真偽何以故以串見故如是迦葉若人聞此般若波羅蜜相應法聞已歡喜生信樂心當知此人先世已聞此般若波羅蜜從久遠劫來已曾供養諸佛迦葉白佛言世尊此善男子善女人今聞此法於未來世轉復信解佛告摩訶迦葉如是如是如汝所說今時文殊師利白佛言世尊此法無行无相說此法者亦無行无相去何世尊說有行相佛告文殊師利我本行菩薩道時修諸善根欲住阿惟越致地當學般若波羅蜜欲成阿耨多羅三藐三菩提當學般若波羅蜜若善男子善女人欲解一切法相欲知一切衆生心界皆悉同等當學般若波羅蜜文殊師利欲學一切佛法具足無尋當學般若波羅蜜欲學一切佛成阿耨多羅三藐三菩提時相好

威儀無量法式當學般若波羅蜜欲知一切佛不成阿耨多羅三藐三菩提一切法式及諸威儀當學般若波羅蜜何以故是空法中不見諸佛菩提等故若善男子善女人欲知如是等相無疑惑者當學般若波羅蜜何以故般若波羅蜜不見諸法若生若滅若垢若淨是故善男子善女人應作如是學般若波羅蜜欲知一切法無過去未來現在等相當學般若波羅蜜何以故法界性相無去來現在故欲知一切法同入法界心无罣碍當學般若波羅蜜欲得三轉十二行法輪亦自證知而不取著當學般若波羅蜜欲得慈心遍覆一切衆生而無限齊亦不作念有衆生相當學般若波羅蜜欲得於一切衆生不起諍論亦復不取無諍論相當學般若波羅蜜欲知是處非處十力無畏住佛智慧得無罣碍當學般若波羅蜜尔時文殊師利白佛言世尊我觀正法無為无相無得无利無生无滅無去无來無知者无見者无作者不見般

若波羅蜜亦不見般若波羅蜜境界  
非證非不證不作戲論無有分別一  
切法無盡離盡無凡夫法无聲聞法無  
辟支佛法佛法非得非不得不捨生  
死不證涅槃非思議非不思議非作  
非不作法相如是不知云何當學般  
若波羅蜜

今時佛告文殊師利若能如是知諸  
法相是名學般若波羅蜜菩薩摩訶  
薩若欲學菩提自在三昧得是三昧  
已照明一切甚深佛法及知一切諸  
佛名字亦悉了達諸佛世界无有障  
碍當如文殊所說般若波羅蜜中學  
文殊白佛言世尊何故名般若波羅  
蜜佛言般若波羅蜜無邊无際無名  
無相非思量无歸依无洲渚無犯无  
福无晦無明如法界無有分齊亦無  
限數是名般若波羅蜜亦名菩薩摩  
訶薩行處非行非不行處悉入一乘  
名非行處何以故無念无作故即是  
一切諸佛之母一切諸佛所從生故  
何以故以無生故是故文殊師利若  
善男子善女人欲行菩薩行具足諸

波羅蜜當修此般若波羅蜜若欲得  
坐道場成無上菩提當修此般若波  
羅蜜若欲以大慈大悲遍覆一切衆  
生當修此般若波羅蜜若欲起一切  
定方便當修此般若波羅蜜若欲得  
一切三摩跋提當修此般若波羅蜜  
何以故諸三摩提無所為故一切諸  
法無出離无出離處若人欲隨逐此  
語當修般若波羅蜜一切諸法如實  
不可得若欲樂如是知當修般若波  
羅蜜一切衆生為菩提故修菩提道  
而實無衆生亦无菩提若人欲信樂  
此法當修般若波羅蜜何以故一切  
諸法如實與菩提等如非衆生行不  
捨自性彼衆生行是非行彼非行是  
菩提彼菩提是法界若欲不著此法  
當修般若波羅蜜文殊師利若比丘  
比丘尼優婆塞優婆夷若受持般若  
波羅蜜一四句偈為他人說我說此  
人得不墮法何況如實修行當知彼  
善男子善女人住佛境界文殊師利  
若善男子善女人聞此甚深般若波  
羅蜜不生怖畏當知此人受佛法印

此法印者是佛所造是佛所貴何以故以此法印印無著法故若善男子善女人為此印所印當知是人隨菩薩乘決定不退不墮聲聞辟支佛地今時釋提桓因及諸天子從三十三天雨細末栴檀及細末金屑又散鬱波羅華鉢頭摩華拘物陀華分陀利華及曼陀羅華以供養般若波羅蜜供養已作如是言我已供養無上无著最第一法願我來世更聞此深般若波羅蜜若人已為此深般若波羅蜜印之所印願其未來復得聽受究竟成就薩婆若智今時釋提桓因白佛言世尊若善男子善女人聞此般若波羅蜜一經於耳我為增長佛法故守護彼人面百由旬不令非人得其便也是善男子善女人究竟當得阿耨多羅三藐三菩提我當日日往到其所而設供養

今時佛告釋提桓因如是如是憍尸迦當知彼善男子善女人具足佛法必定得至阿耨多羅三藐三菩提今時文殊師利白佛言唯願世尊以威



神力持此般若波羅蜜久住於世為  
欲饒益諸衆生故文殊師利說此語  
時以佛神力大地六種震動今時世  
尊即便微笑放大光明遍照三千大  
千世界以威神力持此般若波羅蜜  
今久住世今時文殊師利復白佛言  
世尊放此光明是持般若波羅蜜相  
佛告文殊師利如是當如是文殊師  
利我放此光明是持般若波羅蜜相  
文殊師利汝今當知我已持此般  
若波羅蜜久住於世若有人不輕毀  
此法不說其過當知是人已為此深  
般若波羅蜜印之所印是故文殊師  
利我於久遠安住此印若人已為此  
印所印當知是人不為魔王之所得  
便佛告帝釋汝當受持讀誦此經廣  
宣流布使未來世諸善男子善女人  
得此法印復告阿難汝亦受持讀誦  
廣為人說時天帝釋及長老阿難白  
佛言世尊當何名此經我等云何奉  
持佛言此經名文殊師利所說亦名  
般若波羅蜜如是受持善男子善女  
人於恒沙劫以無價寶珠布施恒河沙



等衆生衆生受已悉發道心是時施主  
隨其所宜示教利喜令得須陀洹果  
至阿羅漢果是人所得功德寧為多  
不阿難白佛言甚多世尊佛言善男  
子若人起一念心信此般若波羅蜜  
經不誹謗者比前功德出過百倍千  
倍百千萬億倍乃至算數譬喻所不  
能知何況具足受持讀誦為人解說  
是人所得功德无量無邊諸佛如來  
說不能盡何以故能生一切諸佛薩  
婆若故若虛空有盡則此經功德盡  
若法性有盡則此經功德盡是故文殊  
師利善男子善女人應懃行精進守  
護此經此經能滅生死一切怖畏能  
摧天魔所立勝幢能將菩薩到涅槃  
果示教訓導離於二乘今時帝釋長  
老阿難俱白佛言世尊如是如是誠  
如佛言我等當頂戴受持廣宣流布  
唯願如來不以為慮如是三白言願  
不為慮我等當頂戴受持佛說此經  
竟文殊師利等諸菩薩摩訶薩舍利  
弗等比丘比丘尼優婆塞優婆夷天  
龍夜叉乾闥婆阿修羅迦樓羅緊那

羅摩睺羅伽人非人等一切大衆聞

文殊師利所說般若經

第三十張

明

品

佛所說皆大歡喜信受奉持

文殊師利所說般若波羅蜜經

已亥歲高麗國大藏都監奉

勅彫造

佛說濡首菩薩無量清淨分衛經卷上

三

一名決了諸法如幻化三昧經

宋沙門翔公於南海郡譯

聞如是一時世尊遊舍衛祇樹給孤  
獨園與大比丘五百人俱舍利弗摩  
訶目捷連摩訶迦葉須菩提阿難捷  
等率自耆年素行修行皆棄瑕疵垢  
除清淨宿樹衆德所作已辦了厭身  
弊解識因緣觀彼五道受有苦器漏  
隘諸患種種之穢無樂三界常欲捨  
離見諸流轉縮心畏惡斷滅求空志  
畢泥洹處往无還永彼靜安悉斷生  
死結網索盡都無諸漏已離重擔獲  
四神足致六通行能住身命存亡從  
志度於彼岸坦然為樂

又與菩薩千人俱悉尊菩薩摩訶薩  
皆一生補處被大德鎧顯有佛稱降  
現菩薩班宣道化布諸佛藏神智異  
達已通聖慧等住大乘志如虛空以  
立廣法過度無極具足普智明曉權  
要摠持所覽統攝无限積衆辯才不  
可測量隨俗順導為大橋梁無上道

德而無罣碍散演深邃无極微妙悉  
降魔怨都伏外道獨步十方周流往  
還遊於五道而無去來如日月殿若  
夢幻化影響野馬等无進止感動一  
切濟度生死三寶之化使永不斷道  
普興顯德皆具足

其諸菩薩悉皆各有名曰濡首童真  
菩薩龍首菩薩妙首菩薩大首菩薩  
普首菩薩慧首菩薩明首菩薩甘首  
菩薩英首菩薩寶首菩薩是等菩薩  
千人俱也

是時坐中英首菩薩承佛神旨而從  
坐起嚴齊法服肅恭已礼偏袒其有  
右膝著地而跪白佛唯然世尊濡首  
童真者古今諸佛無數如來及衆仙  
聖有道神通所共稱讚去來現在諸  
成大業菩薩之等導進无由為一切  
師了深觀遠道度淵懿明踰日月智  
過江海達越虛空慧辯無極德顯无  
上四等普育慈悲利安仁泰寬濟弘  
雅汪洋德無崖邊如无底泓憺怕曠  
定如無像體居于靜寂儀容无量於  
十方土現佛廣化為諸菩薩所見載

奉一切釋梵及四天王咸率礼敬委  
仰尊重諸天龍神阿湏倫衆迦留羅  
輦真陀羅摩睺勒等莫不供事觀世  
帝王所共奉遵聖相滿具光好湛然  
吾瞻濡首衆德具備諸善若斯為難  
思議願常歌詠顯讚無極諮嗟歎美  
流著十方於百千劫永无懈也

其時濡首謂英首曰云何族姓子法  
身有煩乎曰其法身无處無像又法  
身者都无煩勞曰云何英首仁了法  
身乎曰法身者豈有處所言聲迹耶  
又法身者無了不了若響如影寧所  
了乎曰知法身如幻化影无了不了  
亦無言說而仁云何舉聲說耶曰向  
所言如響之聲為諸文說著行者耳  
曰如仁言則其法身為有内外有其  
彼此處于中間為有數觀已在二數  
則有處所又曰英首於法身者都无  
響應亦無影像无心無意无念無識  
无言無說无異無同无二之趣亦無  
一歸於一無一亦无所處是者英首  
本無法身微妙印說極世所歸无上  
无比道要之藏於時佛歎濡首曰善

哉善哉如濡首所言乃應清淨法身  
說也時座中五百比丘五百比丘尼  
聞濡首所說皆遠無所從生法樂忍  
又舍衛國清信士女二十人本不發  
心於大乘行聞此要說即自堅固於  
無上正直道意萬二千天子意亘踊  
躍發善善心各在虛空而歌濡首積  
德過劫切成無量

是時濡首童真菩薩以其平坦欲入  
城分衛整聖无上清淨道服執御應  
器持法錫杖粗順如佛機檢典制度  
量儼然庠行安步進止端嚴迴旋顧  
眄光色無量諸根靜寂常應道定威  
儀述叙禮法肅齊衆德悉俗靡不雅  
然如猛師子如大龍王景福之祚燿  
出樹園威相无量德好卓異暉顏煒  
曄光曜炳然濡首童真方出祇門即  
自念言今入舍衛必有十方諸土菩  
薩普來之衆應承聖旨所感動者便  
當如佛尋以其像不移所住已身一  
一毛孔之相出化菩薩其諸化者觀  
於十方悉現其化一一國土化所化  
者各稱言曰濡首菩薩稽首世尊恭



問遊居佛祚康疆景福無量乎又諸  
如來所侍弟子悅目遑惠各問其佛  
斯從何方乃來現此諸土世尊各告  
侍曰有土名忍佛号能仁如來至真  
等正覺彼有菩薩名曰濡首道慧難  
測權辯無量悉於諸國博現佛事今  
於彼土興顯大道故身毛相而現其  
化唱此感動進諸疑惑普土菩薩及  
諸衆生見所變化各聞佛語億姪菩  
薩悉得無所從生法樂忍萬億之衆  
在生死流聞濡首名又覩化應皆發  
无上正真道意十方菩薩莫不樂喜  
願見濡首聽稟清異上聞之說微妙  
法像得覩其佛及彼菩薩諸土尋隨  
無數菩薩各啓世尊欲之忍界觀能  
仁佛礼事供養又見濡首觀聽變說  
諸佛默然即應受教各承聖力還飛  
彼土忽升忍界到濡首所諸來菩薩  
咸懷敬仰或持天華或擎明寶或執  
垂珠或直叉手或作天樂或列虚空  
散華末香吹數鳴珂或復歌頌濡首  
童真道顯普祐无上之德或欲賓導  
侍衛湧首肅恭而行瞻覩无歇

是時釋梵及四鎮王日月天子諸龍鬼神各與所輔亦尋忽至釋與四王俱同有念今濡首童真與無數菩薩諸尊天人當入含衛顯大感動宜應盡化向含衛城道令其坦平而无高下俠道兩邊列七寶樹一樹之間有七玉女各現半身而作倡伎女容姿靡姿媚面照華色目若明珠端正妙異清聲美辭以歌濡首大吉祥福清純道品菩薩衆德步置熏爐燒天蜜香處有雜華以為供養登于尔時道之左側含毒螫虫蟻蝮蛇虺蜂蝎衆類應時咸然消縮毒氣告獸瑞鳥進集嬉翔彼時濡首為無數百千菩薩衆及諸天人而所圍衛特獨堂堂光色无量譬日始出高山之嶽若月盛滿在衆星中又若須弥異於衆山如猛師子出于深林暉顏灼然遂而進焉適側城門尋足躡閭盡境震動登尔之時莫不驚愕所在伎器率自鼓鳴咸曰此何吉祥大變瑞應之異乃未曾有將佛入城所感然乎舉國大小靡不驚喜心豫忻忻肅恭无量或上

樓閣或攀垣牆或窺憲牖或出門戶  
竟有悅澤向佛真觀神異時王波斯  
匿與宮正后美妃姝女八千人俱諸  
子羣臣眷屬萬人圍衛從行各懷忻  
悅惶急出迎斯須之頃濡首忽至為  
諸菩薩及尊衆天而所衛從大人相  
具衆好普徧金顏聖容見皆喜悅莫  
不前礼諸來之衆中有散華或燒妙  
香或散衣寶檢心恭向瞻覩无量於  
是濡首遂前入城諸尊菩薩有勢天  
神僉然恭肅追隨所旋觀見神變又  
欲稟受道誨故也

今時於是龍首菩薩見其濡首童真  
菩薩為無數衆而所圍繞堂堂祥儀  
並共入城曰族姓子為所之耶濡首  
菩薩答龍首曰吾適此城欲行分衛  
多所愍念廣其惠利為拯世衆一切  
天人度義故現行分衛耳普為諸衆  
成大導故龍首問曰云何濡首仁尊  
于今分衛想未斷耶曰族姓子吾斷  
矣於有見分衛想行者至於無見无  
斷不斷斯謂菩薩清淨分衛所以者  
何若此龍首一切諸法無斷不斷譬

如虛空無斷不斷以是言之為不可  
斷普悉是世盡魔梵界一切衆寂及  
諸梵志王與庶民亦无能斷也何則  
龍首以其諸法若如虛空本無所  
有無起无動無持无獲空本無獲亦  
无所持亦不可得以要言之一切衆  
類及世餘法外邪雜術悉無所有无  
持無得亦无能獲諸法如此皆不可  
得亦不可持以本空故故不可斷云  
何濡首菩薩摩訶薩當與諸魔為敵  
耶答曰龍首法本無諍不見菩薩當  
與諸魔而有戰者若其菩薩與魔為  
敵起見法想而有所諍是菩薩便為  
恐慌何則然者以彼菩薩自興恐弱  
也譬如龍首幻師現化而幻所化了  
無恐慌如是龍首此菩薩解本空法  
无著之行則無恐怖若有菩薩有恐  
怖者是菩薩便不為極世福田也是  
菩薩不了空法故自起恐慌之心耳  
于時龍首問濡首曰菩薩為可得道  
乎答曰菩薩可得道也龍首又問云  
何濡首其誰可得至于道耶曰其無  
名无性亦無號字亦无處所永無所

為亦無得者斯可至道曰云何菩薩  
當得道乎答曰龍首若有菩薩欲得  
道者當以無發心亦无念道不想道  
場不念人界心亦無處无念無得亦  
无識著以無見心是行菩薩可得至  
道曰仁以何心而發道意答曰龍首  
吾無數心亦无當發又無甫發无發  
不發又吾亦復不至道矣不念道場  
不坐佛樹亦不得道不轉法輪亦不  
化過生死之類所以者何若此龍首  
以諸法無所有故无動無搖无出無  
入亦无所持以本空故吾以斯法可  
得至道曰濡首是為正要無上无比  
之至說也其諸於斯解如是法彼則  
長脫一切塵勞其已脫于塵勞數者  
乃至應永脫於魔波旬曰非可脫於  
魔波旬也何則然者以其諸魔亦道  
之數所以者何魔及魔天皆悉本无  
無取无得無想无念以故言之魔亦  
道也曰何謂為道濡首答曰道乎龍  
首在乎一切一切亦道道像虚空道  
體廣蕩然恢廓普大含容靡不  
周至亦無限尋如是龍首道至一切

一切亦道斯謂無上真本无道也曰  
仁龍首欲得道乎曰吾欲得不可獲  
道曰欲得道寧非戲行耶所以者何  
如龍首言欲得不可獲道道何可得  
乎若道可得道為有處譬如有人興  
念此言吾使幻化坐於道樹然致正  
覺如是言者豈非響聲耶其幻化人  
亦不可得亦不與諸法有合有離亦  
無所著以本空故若龍首一切諸法  
如幻如化而起有想念欲得道耶又  
如來說諸法本无念无想无所著  
其解是者斯乃得道諸法无所入亦  
无能毀法不與法有合有離况法與  
法當有毀乎法無附合亦不離散所  
以者何若此龍首諸法无合以其本  
無都亦无我又若虚空亦無所有无  
像無念无動無搖亦无戲行諸法本  
無寂寞如空如幻如夢无喻無比諸  
法若此都无等倫亦無像也諸來之  
衆聽濡首所說微妙踊躍欣喜各懷  
无倦渴仰悚恭專心思受說是如化  
深妙法時八万菩薩逮得無退轉无  
量天人發無上意



是時龍首答濡首曰善哉善哉童真  
菩薩快說是像深邃妙法為未曾有  
如吾從仁逮聞此要始今日明為已  
得道曰族姓子法無言說亦无見聞  
吾不說深又無淺說仁亦不得道无  
得不得何則然者如卿龍首念欲得  
道為想戲行處乎受者墮有望見使  
其云有深淺法耳吾無所說法无言  
說亦無宣暢亦无所行亦無能說諸  
法本者又龍首譬如有人而言曰吾  
為幻化廣說識法其化無識言當說  
識耶彼則緣此起勞諍想何則然者  
以化無識不可為所說如是龍首諸  
法本无無所有亦无處所是族姓子  
當了如此解謂具足法行者也  
尔時於是妙心菩薩神徹視聽觀聞  
濡首在異別處講上要菩薩之談忽  
到其所見大會場意而歎曰善哉善  
哉諸上正士大士之等普眾會此為  
何談講乎濡首答曰族姓子於諸如  
來深要法中獲無正士大士之名又  
菩薩者不自名言我是菩薩正士大  
士其有想着住戲行眾自稱菩薩復

言大士又云吾為法之大講又復妙心其響者寧有言聲出不響復有耳識所著不於響法為有所受持不乎龍首答曰都無也如是龍首諸法若響無名无像其取著者則有戲行緣戲行故便有流轉長不解諸法如本无響也則於生死而行諍想已起諍行便墮躁動已在躁動即無生死流於五道便由不解其無故也

於是濡首謂龍首曰又族姓子如世尊告諸比丘曰是比丘汝等无著戲樂想行為汝輩說寂寞之行念釋師子說法如是專心一意聽受隨法入要行忍當無所著若此族姓子其菩薩解順是說曉本空淨於本寂寞明了如是此乃長脫五道之趣時龍首曰誰於生死而有脫者濡首答曰族姓子何謂如來所化生死為脫者乎寧復有去來今耶若是龍首聖師十力以此要言化度生死曰如世尊常所說教諸法如化又仁亦說諸法無所有以是言之一切衆生為當皆成无上覺道耶答曰龍首若一切解如

是者此乃至道要行之言故吾不說法法無說念无受無持无得無失无言无語何則然者以諸法為無所持亦無所有无念無識以无處所故又若一切解諸法如幻如化無所有者則衆生類皆至覺道辟如龍首幻師所化然幻者自了化之本末為化化耳於諸法亦無所化亦无住置普悉是世天龍鬼神魔及梵天沙門梵志至於極世無能令幻者於其所化有堅固想何則然者以彼幻士自達所化化本自耳無幻无化都無所有而幻者明知一切為化所惑於无所有而起有想無常想常无我想我著有想念求無想法望念无色住無所有由不解本不了無故續流生死若有明曉諸法本者彼衆一切則於佛法即無還轉而成正覺所以者何若此龍首以彼衆生皆在覺道法之數故故諸一切於佛法而無罣碍是故衆生悉住佛法也然衆生等心亦不寤本空清法无名無識亦无所住無戲行无倚無著寂如虚空亦不巢窟无上

寂定亦無所生又无身法其有忍於深空法者此則不離於佛法矣所以者何若此龍首諸佛之法終不可以想行而至其有想著有言有說有宣有廣殊不可以得佛道法也

於是龍首謂濡首曰善哉善哉仁乃快說無思議法誰當信此一切衆生不離佛法濡首荅曰族姓子其世尊子堅住信法八等之地及須陀洹斯陀舍阿那含阿羅漢辟支佛菩薩阿惟越致無動轉者斯諸菩薩已住清淨行空法者是等當信耳所以者何此龍首其諸菩薩行如是者便自誓願必紹大業吾外佛樹結趺定坐終不動轉至于得成無上平等覺必將來一切諸天龍鬼神極世之前成其大導當師子吼所以者何若是龍首菩薩了空无想行法住如門闔堅喻須弥無能動者如是龍首其菩薩住空无想願法一切衆生無能動者又是菩薩處于佛樹乃至道場无能動搖問曰濡首何謂佛樹道場之處濡首荅曰何謂龍首如來化處化所依

坐何謂如來化之覺法及現神變化  
度說法誰為如來其誰化者龍首答  
曰吾尚不見如來之化及法身像處  
何況所化復現威神又所說法及所  
變化乎一切如化本无亦化其化亦  
化亦如化耳濡首曰善哉善哉龍首  
菩薩為吾發遣應慎之法為如彼諸  
深妙無著法忍說者是為无上無比  
之說也

彼時龍首謂濡首曰於斯妙像要法  
之說亦無起行又无入忍者所以者  
何若此濡首以諸法本淨其相本空  
亦无處所亦無巢窟无色無像諸法  
悉等如虛空若此濡首其有法當起  
法忍者則如來化亦逮法忍影響夢  
幻野馬泡沫芭蕉之属亦悉當復成  
其法忍所以者何以其忍處悉空如  
空都無起法忍之者又忍者亦无其  
起亦不已起又無當起亦无甫起  
又其忍者亦无是處亦非彼處亦無  
中處此乃無上无比要忍若此菩薩  
於是慧心不恐不怖亦無畏懼是則  
菩薩摩訶薩更應无上法忍之行十

方諸來神通菩薩其聞濡首所說深妙咸悉踊躍皆遠此定

是時濡首謂龍首曰云何族姓子其菩薩者以無著行得入法忍乎答曰濡首若有菩薩想念所向則為著行言吾解深云我深忍明達曉了吾已至道其語此言皆亦著行濡首又問菩薩何行修應得道答曰於諸法都無所入不念諸法了諸法无其諸法者依著因緣於本為空獲無所有是行菩薩便應道忍設如此行為无所行譬人寢寐於夢所行龍首又曰然其夢者不行方隅亦无所行亦無去來無住无坐其寐寤已則達而信所夢空身無持无捨都無執持无像無相亦无處所亦無所有其若虚空如是濡首菩薩之行當无所著亦无所入如空本无亦無戲行此則極世无上福田斯乃應受一切供養為無量導是取福地為應取上法忍之行普來衆會率懷喜敬各所賣華寶以散濡首瞻覩欣踊悅豫无量

於是龍首謂濡首曰宜可俱進入城



分衛曰仁去矣行分衛時无念舉足下足踏步無念動搖亦當无處無住无遊無屈无申無心无念無所發行行无所想亦無城想遊无路想又無城郭縣邑丘聚想亦无里巷無家居想无門户念無想男女无想幼弱都無心想行當无念所以者何以其法行當如是故亦無所著无色無像无起无滅都無諸想如此行者乃應菩薩無上分衛清淨寂冥要道行也

今時龍首菩薩摩訶薩忽然於處如海定三昧正受其定之德譬如大海湛然無移憺怕清澄更无異味其底深邃不可測度琦珍英寶普無不有而海汪洋包羅弘廣含受万物剎懿博泰無邊无崖大水滂滿諸德神龍而皆居之衆生巨體所依長育若此龍首其諸菩薩以如海定正受之處所住要旨無能動搖者如是龍首其斯菩薩以法身海含容一切道寶智慧三十七品十方依之莫不長育應無上微妙之法為无動搖無言說要行當知是應如是者得无退轉定行

之地也

余時於是妙心菩薩欲動龍首大士  
所坐如海慧定正受之處盡其神力  
永不能動時此三千大千世界普悉  
六反乃大震動而龍首身及所坐處  
都不動搖何則然者以其龍首住无  
動搖住無處所住无所有住無想念  
住無戲行住无勞靜住無言辭住无  
所住斯謂道住時龍首菩薩摩訶薩  
尋從定寤敬向如來無所著平等正  
覺雨拘文華趣散世尊而歎讚曰自  
歸於佛天中之天乃使一切諸會菩  
薩十方來衆諸大士等衆尊大天及  
龍鬼神咸悉逮聞如是之法無上要  
旨深妙慧說為無倚著无巢窟說為  
應本空寂寞故也是時妙心謂龍首  
曰仁為覺地六反震動乎曰族姓子  
其有動者當覺地動地復為之上下  
四震唯由其覺動不動故耳又如十  
方諸佛世尊普大菩薩不退轉等極  
世都動豈能動搖此上尊處觀諸聲  
聞緣覺之衆彼雖離動未曉本空在  
動之地自謂無動了太元者於此諸

法永無動搖无念無著如是妙心其  
菩薩以空無想不願之行清淨法要  
逮無動搖彼乃永靜安无動搖又曰  
龍首可行分衛答曰濡首吾今已解  
无上寂要分衛之慧何則然者緣其  
逮致如海大定正受之處始乃自明  
為以得無上平等正真覺道以於生  
死興顯佛事為轉法輪以度衆生為  
濟因緣離垢根本唯然濡首如吾過  
仁乃為逮值无上善友遭蒙矜念心  
懷悅豫成立大德喜自光慰濡首於  
吾為覆載首大無量過度之首无垢  
廣普微妙吉首亦應寂上不可議首  
願布五體稽首恭礼无上仙聖甘露  
之首濡首答曰善哉善哉如仁龍首  
已為果達野馬夢幻影響之行無名  
无像無所有法仁今乃應无上大道  
不可思議來法之祠以得如海定正  
受行共應如此當知是輩在一生補  
處斯者乃為菩薩辯慧其致是像深  
妙定法如海定等則離諸想也曰仁  
可行從分衛龍首答曰思齊其德當  
與仁行二聖龍遊不亦宜乎濡首曰

吾無所行亦无去来又無進止亦无  
侶若不伴不坐亦復不行行無所至  
来无所由住無所處坐无所據行無  
所趣譬若龍首如來現化寧有去来  
坐起行遊卧寢寐寤不耶曰化者都  
無去来坐寢之處矣吾於諸法亦復  
如是無住不住无起不起亦無已起  
又無中起亦无當起亦無甫起龍首  
答曰如仁所言此為極世難信之說  
誰當信仁此盡要慧耶答曰龍首  
仁者且聽豈為無目設舉錠燭乎夫  
然炬燎唯為明日耳如此是像深妙  
之法正為向達徹遠菩薩摩訶薩乃  
能信受是道要耳其了如此至要之  
慧斯則曉解本無行者此等菩薩為  
應清淨无上久修梵行之徒是曹正  
士深住於法信法受法持法說法之  
輩也為在塵累已轉法輪為應賢聖  
亦大導師施惠明眼為應無量雄猛  
之者此則無上取妙法者濡首童真  
發說是時普大衆中八万菩薩悉得  
無所從生法樂忍也

於是正士妙心菩薩居大衆前廣然

踴躍掬滿手寶以恭肅心向散世尊  
又散濡首童真菩薩散訖忻喜重歎  
詠曰自歸諸佛為慧聖達擿霧寤寐  
碎散癡本解衆顛倒釋疑除網順入  
道明致無上覺者自歸於法法之寔法  
法治多濟療撥霧龍援雪生死好萌  
衆穢盪除心垢通導迷惑法為无上  
修蒙永度其諸菩薩久履梵行無上  
清淨仙聖明類大神通等弘顯德者  
無上之徒於此乃逮信向是像深妙  
法衆今普自歸之濡首答曰若此妙  
心其无脫者斯當果致無上等覺曰  
云何濡首其誰无脫耶曰其有執持  
斯當求脫如是妙心法無執持亦无  
繫著又族姓子法都无脫亦無執持  
當誰有脫无縛無脫諸法无持無取  
無捨譬如人語幻者言善男子為深  
入人解之脫之所可執持幻答人曰  
吾亦非男亦非凡人吾無所持當何  
所脫是者妙心道无執脫當觀其無  
元本空淨矣

佛說濡首菩薩經上卷

已亥歲高麗國大藏都監奉  
勅彫造

佛說濡首菩薩無上清淨心衛經卷下

羽

宋沙門翔公於南海郡譯

時龍首菩薩謂濡首曰去矣族姓子  
東行分衛答曰龍首其幻化野馬寧  
有東西南北方乎曰吾於仁前尚不  
能言况敢所說何則然者以其諸辯  
從尊所問仁即應順如法發遣一一  
解散而無罣碍故吾无辞莫知所對  
曰夫達者都無言取况共乃復有所  
說乎是者諸法之无由矣曰何謂為  
諸法之無答曰龍首无所無者斯諸  
法无是諸法要以此之慧乃能通彼  
衆音聲耳无所宣布乃為要義是豈  
非至要義說哉曰此續在想行者也  
曰何所行應離諸想答曰龍首菩薩  
不於色痛想行識界有想又於法本  
亦無所行其本无者亦無所行以是  
之行得離諸想說是深遠微妙法時  
五千菩薩逮致此慧二千天人發菩  
薩心

時龍首曰吾將退矣以童真非我侶  
故濡首報曰吾無去來亦非有侶亦



无所俱何則然者以道無侶故亦不想念與諸法侶又亦不與欲行為侶於本無法亦不見而有其侶復與所俱又本无者都不言有吾我性有人壽命及身養育法人物言說識覺所倚著及其所作行趣之事諸法之本本無如此當與其誰而為侶俱耶其有侶者是欲侶俱也譬如龍首有明達人而念言曰如來所化幻士所化如是此化等一無異化而斯人化各各言曰吾與汝侶汝與我俱於仁龍首意云何其此人化為有侶無答濡首曰化无侶也所以者何用化本无無所有無形像不可得故曰如是龍首於其生死都亦无侶亦無所俱其有侶俱斯則有別若起侶想是便與欲俱明達菩薩當解侶想何則然者以其諸法如幻如化無侶不侶欺哉諸法慌忽無信若夢影響所有如空想識無安无處無持无意無念无所有已離諸念於念无念應本無念曰濡首仁為曾與幻士化人對共語言行來坐起又共談會有所思惟不濡首

答曰不見也龍首曰幻士何像貌曰其幻者似人像類幻之化像亦復若此合同像耳所以者何如其幻化亦不彼脫亦不此脫幻化亦不與人而異人亦不與幻化有異人便幻化如幻化者以幻化法而問幻事諸法亦尔又問濡首仁為自曾與幻化復共坐起有所言談交遊講會相對住不曰云何龍首幻士及化與欲有異耶至於吾我及人壽命養育之法有異乎吾以此幻化之說欲試問仁知大士於斯有異辯才當敷何法也曰仁如所試為欲試虛空之幻化法耳仁便念幻化為有想也幻者本無无想無念亦无形像亦無所有已離衆念濡首曰若此龍首法亦如幻幻化本空其空無像亦不可見曰濡首諸法無像不可見乎如仁所言一切菩薩摩訶薩等當云何受其封拜得成無上正真道意為誰知度受封拜者濡首答曰云何龍首曾行山中為聞響聲於山中為有響聲出不乎其聲為有所住處不以何耳識聞其聲耶彼

聲為有所說不寧有受持響聲者耶  
又復誰共誰聞響聲者龍首菩薩答  
曰無也濡首曰如此若菩薩解諸法  
若如響空者則一切諸音聲如響離  
彼衆聲其諸菩薩以此封拜於無上正  
真之道於斯亦無受封蒞者十方諸  
來大菩薩衆咸聞濡首童真所說莫  
不喜踊歎歌无量

尔時龍首謂濡首曰宜時偕行入城  
分衛念其日時得無過耶答曰龍首  
諸法无過亦不有時其處于想行之  
者彼則有時不時之想可明達菩薩  
於本了無解空法者豈其有時不時  
言哉凡諸餘法有時不時無時非時  
乃應无上如佛法律矣其在等數計  
時節者斯則有過時之想如諸世尊  
賢聖弟子常自飽足以道智慧慧無想  
識於想無想行无諸作亦無想念无  
念不念以此智慧而常飽足世尊聖  
衆都無食念亦不復想有食之事其  
如此食而為食者是謂賢聖應無雜  
食若永服食如此食者是則長演甘  
露法食者彼以此食用之為力能住

身命至於一劫復過一劫所以者何其如此者彼已覺了諸法之行故都無想念解空清淨曉了如此是不復有求食之識如其凡夫未達者也又諸如來無上正覺及普世賢聖之等有大慈悲喜護之心慧施仁愛愍念衆生使興於世耳唯欲濟度五道勤苦故現入郡國縣邑聚落行受分衛而彼衆聖已離諸食不食於食唯以慧解諸定正受為常充足其於雜食而續食者斯受流轉便數生死爾是之故諸佛世尊以於諸食而悉明了都無復雜食之想慷慨謂然安和住身能如恒沙復過是數從始發意永常無復諸飢渴雜想念也至在佛樹明星出時從始所可受食者彼因此食其於正士及大丈夫英雄龍猛又至師子諸調儒夫及衆華乎正士秀異種種蓮華男子無上丈夫法御天人師應所當得應所明了應所覺達悉已了而具足等於一像合會智慧得成無上正真道意也以是龍首一切菩薩普諸如來及賢聖等唯以

此食升致無上正真覺道便能住壽如恒沙劫又能踰此復倍無數而諸如來永無其勞所以者何以其應於无想食故無念不念无合不合亦不想合賢聖之行恒便隨順出諸香氣自然清淨無想无念無諸巢窟亦无戲行本空自淨如是龍首菩薩摩訶薩當作此食乃應法食

龍首答曰善哉善哉濡首所說法之微妙吾已飽足於是上食但聞此法食之要說便為已甚具足矣况其長食无雜食者豈當復食思欲食哉云何龍首虛空之體寧當有雜食之食又言飽足乎對曰濡首空無所有也又曰龍首為能飽足幻士所化不答曰不也云何龍首寧可以食飽足中現像耶答曰不也又曰龍首夫大海者寧復飽足於衆流乎答曰不也濡首復曰如是龍首諸法無厭若如虛空而仁向言有飽想乎諸法如空无想無願无起無行亦无所作無所造永然無欲以定以脫無色无像無堅无固了如虛空都無所持諸法如此云

何而起有飽想耶龍首又曰若是濡首有此行者一切不復食於食乎而仁說食本空耶濡首曰若此龍首則一切衆生而無食也譬如龍首世尊化作恒邊沙人以食食諸化人云何族姓子彼諸化人以何為食寧復有食者不乎答曰化者無想不識无所亦有亦復無食何況言當有食者耶若此龍首一切諸法有見無見如幻化也普諸衆生而不解此以其不解便即流轉受生死矣於中觀之亦無所有亦無所得亦无流轉解生死无如本无者則一切無受亦无生死不曉本空便有生死其生死者亦無生死於其生死亦無所受亦无所得何生死法者乎答曰濡首斯言甚善宜知其時可共行矣還於祇樹給孤獨園吾諸飢渴永為已斷答曰龍首譬如幻士所可化人而化人言吾飢渴斯寧為飢野馬法耶如是龍首一切若此其諸法者皆如野馬解此乃解而族姓子言吾飢渴以為斷乎當食斯食如諸法食不斷無壞亦无飢渴一



切諸法本已飽足以故彼諸凡夫下士不了其本則作此言吾飢我渴又言飽足如諸賢聖解諸法本彼無飢渴亦无想足解諸飢渴亦無生死亦無戲行亦无想念彼已無動亦无倚著諸法已脫本无著故

龍首又曰如仁濡首諸所可說彼之要言但說法界也濡首復謂龍首曰其法界者亦无說不說亦無言趣无屈無申所以者何如是龍首法界無所有言者無說亦不所說亦无戲行无所著無合偶彼无想念亦不有念亦無所起亦无滅行譬如龍首虛空之界無想无念無起无滅諸法亦亦同如虛空其本相空本不可得亦不可知其相如是亦不可得有能得其相彼諸如來般泥洹者亦當可得若此龍首一切諸法都無處所无色無像亦不可見以是之故恒邊沙諸如來般泥洹者其於法中亦復无般泥洹者亦無地水火風界而般泥洹亦無空界亦无識界般泥洹者泥洹如是於泥洹中亦无泥洹若諸法有泥

洎想者則虛空界有泥洎想耶所以  
者何以其諸法本定而空諸法靜寂  
而復寂於此凡夫下士之類起有泥  
洎想念者因便有吾言我有受有吾  
我受有壽命受有人物受有想識共  
來解真無法者即起是想想念泥洎  
以此故而不得脫便生老病死取要  
言之十二因緣至於大苦衆患集會  
為彼之故言有泥洎為諸有二想行  
者以其不解諸法本無已不曉了不  
覺悟故與諸如來諸佛世尊明解深  
入推行菩薩宿樹衆善立不退轉積  
累功德有大威神為極唱導無上大  
師與如是等菩薩摩訶薩行而違反  
起有諍想又與聲聞緣覺之衆與其  
相違而起念諍與彼諍故當受大罪以  
其諍故長流生死當歸不淨極處  
矣一切衆聖永所不歎諸上明達所  
可遠離譬如族姓子有城郭若復聚  
落去其不遠積衆臭穢於其彼處人  
衆趣往晝夜不息遂增汙穢不淨臭  
處不潔之物也諸愚凡夫處于五道  
起滅不竟衆想無斷廣其生死如彼

增是也以其不明又不曉了不解其元不達本無霧籠夜盛癡冥積故廣受流轉增長生死五道之趣或生地或即餓鬼復歸畜生或天或人神變無常五道勤苦災患顛倒痛痒創楚衆惱之尤諸苦所由遂增是穢流不淨氣使彼明達賢聖之衆乃以為滅所共貪疾又諸慧士所可速離用是雜垢長不解脫復使斯類是趣其生是歸有老生老苦極憂惱万端是致病死殃福追之善則榮樂罪則禍隨以要言之患變猛集至其痛熱衆苦合會而彼以故不脫生死但由未了其本無故長受生死如其增是也龍首復謂濡首曰云何濡首得了其本曰以无心想以寂寞行以起靜定向入清淨其住是者則曉其本曰云何濡首何謂為幻之寂寞曰其解了如幻者此則幻之寂寞清淨也

余時耆年須菩提至濡首所覩其大衆即而問曰諸正士等普來會此為何講乎答曰賢者吾於諸言都无所說又賢者寧聞諸幻人有所說不山

中之響夢影野馬為有言談耶復聞  
有其說者不乎又賢者如來所化寧  
有耳聲其復有聞者不為有識若受  
持語言名字句說者不答曰不也時  
須菩提燿然於所坐恍惚之間寂而  
滅定

時舍利弗詣濡首所觀其普眾大會  
之場率多菩薩咸聽濡首所講之說  
見須菩提在于彼坐寂而滅定問濡  
首曰此賢者為何志欲居斯便滅定  
曰舍利弗是須菩提離滅定不與法  
而有其諍如是賢者此以无諍行無  
住無著无巢無處過諸窟法而三摩  
越時須菩提作是滅定從定寤起而  
向世尊即偏袒右肩叉手跪作是言  
自歸諸佛無上覺者其有顯演如是  
深邃微妙法像難見之文不可議說  
已斷所著等離諸想已得寂安其不  
退轉大士等及諸初發意菩薩逮聞  
如此勸發之說豈不快哉濡首又謂  
須菩提曰不於此法有說有勸有彼  
所向也何則然者以諸法無勸无說  
無談无識又此要義無言无語無住

無動无去無来无坐無卧无倚無處  
亦无所有所以者何是諸法本空无  
所有其本不可得故曰何謂濡首其  
本行法曰惟賢者諸法無行是行之  
要當作是行曉行是行乃為至行也  
若此可共都行求食曰濡首吾不復  
入於聚落分衛所以者何逮聞是要  
已離聚落亦離城想亦離色想以要  
言之亦離聲香味細滑法想都離諸  
想而無想念曰唯須菩提如此離其  
想行者所是云何而進止乎云何濡  
首何謂如来所化色痛想行識以何  
識法如来所現化化以何想而有進  
止有所瞻視復有屈申乎曰善哉善  
哉須菩提如世尊所歎仁為寂曉空  
閑行者

濡首又曰唯須菩提可共詣佛礼事  
供養濡首重曰唯賢者吾以清淨食  
而請於仁時舍利弗謂濡首曰於何  
所與吾等食為當施設何等之食曰  
唯賢者其所食者亦不有食亦不吞  
食又所吞食亦不色聲亦不香味亦  
不細滑其所食處不在欲界又不色

界亦不無色不處三界亦不離其中  
是則諸佛世尊食處時舍利弗謂濡  
首曰善哉善哉如仁所說吾已飽足  
於時是無上食歎之名況其已食如  
此食者曰唯賢者其食不以肉內外  
眼見亦不天眼亦不慧眼處有所見  
其食如此乃應等食也今時耆年須  
菩提及舍利弗并諸衆生聞是歎食  
之說即於其處寂而滅定時妙心謂  
濡首菩薩曰當以何食食須菩提舍  
利弗等為以何食而三摩越曰以無  
漏食行無倚著食行无衆食以此行  
而行其作此食者不復於三界食於  
食也

今時賢者須菩提舍利弗從滅定寤  
各行分衛時須菩提入大長者家分  
衛其長者婦為優婆夷見須菩提默  
然而住即請賢者為何之乎答曰婦  
來求分衛曰賢者仁續分衛想來止  
了耶曰婦吾從本際已了分衛想曰  
須菩提其本際寧有了未了言從本  
際已了分衛想乎曰婦如本際空未  
際亦空悉如本空優婆夷曰若此賢



者已悉空者奚為復說了不了乎仁  
便伸手當施卿分衛須菩提即自伸  
手曰賢者是為羅漢不了其本反取滅  
證者手非須菩提曰姊羅漢手无形  
不可見亦無屈伸譬如幻士為幻化人  
作此言何所是幻者手乎復言可伸  
幻者手耶曰姊幻手為可見不又可  
伸乎荅曰不也須菩提曰若此姊世  
尊說一切諸法如幻本空若是賢者  
世尊說一切空何為賢者續求食時  
優婆夷未尋與須菩提分衛重曰賢  
者可前鉢適當前鉢鉢忽然不現時  
優婆夷以手索鉢鉢而無處手亦不  
近於須菩提優婆夷曰善哉善哉此  
則無著清淨之身應佛所歎空閑行  
者優婆夷適作是言鉢即自出時須  
菩提便前授鉢優婆夷取鉢盛滿飯  
授須菩提便謂之言賢者是為釋迦  
文佛所稱歎處閑居第一者鉢非曰  
姊如佛所說空閑行者非有鉢矣曰  
如賢者空閑行者非有鉢耶曰姊無  
也曰又賢者閑居尚无鉢豈當復有  
受食緣乎曰賢者已記閑居亦當無

羅漢取滅證耶又賢者食此飯已當了知食者如幻所食如化又如化人食於幻者亦當如以野馬飲於渴者其食所食當了如此明解是者乃應如來達三世本無分衛之行也若賢者其起施念有想受者便造有衆分數也已受數者則有二見以有二見便與凡夫流轉五道生死同歸也

時優婆夷復謂須菩提又如賢者諸佛要法不但受食及與施者當應了如幻如化為本無為无有至於生死與泥洹法亦當曉了如夢幻化野馬影響亦如本無於諸法亦悉當尔諸法清淨都无所有無施无受無戒无犯無忍无諍無進无懈無定无乱無慧无愚於一切法都無所有是行乃應世尊如法受食弟子行法其如此解令衛行者則於三界無雜食之想亦復不處泥洹之樂也須菩提聞優婆夷所說即惘漠不知所言曰賢者泥洹為寂耶豈無言而不對乎曰姊斯何言乃如此須菩提曰姊了幻法耶答曰賢者吾了諸法悉如幻化幻

者及化亦皆本無无所有時須菩提  
便於所處忽而滅定欲知優婆夷志  
求何乘以為其證勇辯乃尔敢師子  
吼明解幻法所說自恣而無罣碍盡  
大觀察處優婆夷為阿那含曰姊已  
得阿那含乎優婆夷曰云何賢者如  
來法本寧有阿那含行法乎又賢者  
法無形色亦復无來想像之跡無彼  
此識无中間行亦無所想无取无證  
亦無處所乃為明了道之行可向賢  
者云何處阿那含畢樂羅漢證法乎  
又賢者法無去來其有去來有所趣  
向有所有趣有起有滅有念有想皆  
墮凡夫流轉未解數也是時優婆夷  
忽於所處於須菩提前化于高廣大  
人交露之座普現感動光明相像顯  
轉無上阿惟越致法輪令普舍衛境  
界之内及十方土莫不聞見此之所  
興感變也尔時空中万二千天聞彼  
所說悉逮一生補處舍衛國內志菩  
薩行者二万八千人承宿衆德皆得  
不退轉十方之衆諸來大士其聞是  
說百億菩薩本得无所從生法忍復聞

是上要說即皆遠一生補處於是濡  
首龍首菩薩并諸土普來之衆及舍  
利弗須菩提等俱從舍衛國南出城  
門燿然輕舉忽升虛空濡首菩薩尋  
揚身光威神煒煒照耀暉暉明影率璣  
踰于日月普蔽餘光曷然是是乃徹  
窈冥如金翅三飛而行焉一切衆生  
莫不見者其所經由彼衆天人皆聞  
諸法如夢幻化野馬影響泡沫芭蕉之  
要言深邃像說各懷歡喜慈心相向  
一切天人但聞夢幻聲而化幻法於  
見無見亦不可得諸遠聞是像微妙  
說者合百千衆得不退轉時所經遊  
於其中間有長者子其名善意宿立  
德本亦聞濡首无上的化之要說言  
并復觀見神景變化即發無上正真  
道意尋自誓願吾於來世得為如來  
无上平等寂正覺道時所現感動亦  
當如是濡首見彼族姓子有次得妙  
岐疑之然欲紹佛種乃發大志心在  
菩薩口詠誓願聲暢一切如師子吼  
即請善善意而告之曰族姓子汝解諸  
法如幻化者必離勞乘聲聞緣覺之

地也便當成致無上正真道意又當  
曉了諸法夢幻之妙法說悉為無所  
有時長者子跪而對曰蒙解說諸法如  
幻如化濡首重以諸法要言勸發長  
者子長者子忻樂之心遂而踊躍時  
彼大姓心巨曠解逮致法忍八千天  
人發無二正真道意時五千天子在  
于虛空聞濡首勸進之說燿然心解  
逮得無從生法樂之忍咸悉肅然恭  
敬之至已礼濡首忽昇虛空各還本土  
是時濡首龍首菩薩舍利弗須菩提  
等還于祇樹給孤獨園俱詣世尊稽  
首佛足却坐一面龍首菩薩便從坐  
起向佛叉手已濡首童真諸所講談  
法要之說具啓世尊時佛讚曰善哉  
善哉濡首童真善說諸法无上微妙  
如夢如幻如化野馬影響之聲則是  
諸慧深奧之至是諸佛要斯乃應如  
無形无像本無幻說時佛顧告賢者  
阿難受是濡首諸法要文阿難敬前  
長跪白佛唯然世尊如教受之當何  
名此經云何奉持時佛重復敷演濡  
首妙心菩薩等所說慧要及舍衛國

長者優婆夷為須菩提所現感動乃  
至轉一生補處之輪佛復告阿難當  
受是上要之慧又是賢者此名濡首  
無上清淨分衛經亦名決了諸法如  
幻如化三昧懃念受持當廣宣傳普  
布演說又是阿難若善男子善女人  
等聞斯要專心信向是者阿難則應  
面見諸佛世尊又為濡首童真菩薩  
必所感致無上正真之道會成至佛  
況其受持誦習諷讀奉行應者德極  
無上是善男子善女人等為逮諸佛  
之慧藏為得諸佛取上要鎮又為諸  
佛之所擁護普為十方諸現在佛所  
授封翦諸佛為手授其次當成無上  
正真道慧佛說是已濡首童真龍首  
妙心及諸菩薩舍利弗須菩提等及  
眾比丘一切會者諸天龍神阿須倫  
人與非人間佛所說莫不歡喜前為  
佛作礼而退

佛說濡首菩薩無上清淨分衛經卷下

已亥歲高麗國大藏都監奉  
勅彫造



金剛般若波羅蜜經

羽

姚秦天竺三藏鳩摩羅什譯

如是我聞一時佛在舍衛國祇樹給  
孤獨園與大比丘衆千二百五十人  
俱舍時世尊食時著衣持鉢入舍衛  
大城乞食於其城中次第乞已還至  
本處飯食訖收衣鉢洗足已敷座而坐  
時長老須菩提在大衆中即從座起  
徧袒右肩右膝著地合掌恭敬而白  
佛言希有世尊如來善護念諸菩薩  
善付囑諸菩薩世尊善男子善女人  
發阿耨多羅三藐三菩提心應云何  
住云何降伏其心佛言善哉善哉須  
菩提如汝所說如來善護念諸菩薩  
善付囑諸菩薩汝今諦聽當為汝說  
善男子善女人發阿耨多羅三藐三  
菩提心應如是住如是降伏其心唯  
然世尊願樂欲聞

佛告須菩提諸菩薩摩訶薩應如是  
降伏其心所有一切衆生之類若卵  
生若胎生若濕生若化生若有色若  
无色若有想若無想若非有想非无

想我皆令入無餘涅槃而滅度之如是滅度無量無數無邊衆生實无衆生得滅度者何以故須菩提若菩薩有我相人相衆生相壽者相即非菩薩復次須菩提菩薩於法應無所住行於布施所謂不住色布施不住聲香味觸法布施須菩提菩薩應如是布施不住於相何以故若菩薩不住相布施其福德不可思量須菩提於意云何東方虛空可思量不不也世尊須菩提南西北方四維上下虛空可思量不不也世尊須菩提菩薩無住相布施福德亦復如是不可思量須菩提菩薩但應如所教住

須菩提於意云何可以身相見如來不不也世尊不可以身相得見如來何以故如來所說身相即非身相佛告須菩提凡所有相皆是虛妄若見諸相非相則見如來

須菩提白佛言世尊頗有衆生得聞如是言說章句生實信不佛告須菩提莫作是說如來滅後後五百歲有持戒修福者於此章句能生信心以

此為實當知是人不少於一佛二佛三四五佛而種善根已於無量千萬佛所種諸善根聞是章句乃至一念生淨信者須菩提如來悉知悉見是諸衆生得如是無量福德何以故是諸衆生無復我相人相衆生相壽者相無法相亦无非法相何以故是諸衆生若心取相則為著我人衆生壽者若取法相即著我人衆生壽者何以故若取非法相即著我人衆生壽者是故不應取法不應取非法以是義故如來常說汝等比丘知我說法如筏喻者法尚應捨何況非法

須菩提於意云何如來得阿耨多羅三藐三菩提耶如來有所說法耶須菩提言如我解佛所說義無有定法名阿耨多羅三藐三菩提亦无有定法如來可說何以故如來所說法皆不可取不可說非法非非法所以者何一切賢聖皆以無為法而有差別須菩提於意云何若人滿三千大千世界七寶以用布施是人所得福德寧為多不須菩提言甚多世尊何以

故是福德即非福德性是故如來說  
福德多若復有人於此經中受持乃  
至四句偈等為他人說其福勝彼何  
以故須菩提一切諸佛及諸佛阿耨  
多羅三藐三菩提法皆從此經出須  
菩提所謂佛法者即非佛法

須菩提於意云何須陀洹能作是念  
我得須陀洹果不須菩提言不也世  
尊何以故須陀洹名為入流而無所  
入不入色聲香味觸法故名須陀洹  
我得斯陀含果不須菩提言不也世  
尊何以故斯陀含名一往來而實無  
往來是名斯陀含須菩提於意云何  
阿那含能作是念我得阿那含果不  
須菩提言不也世尊何以故阿那含  
名為不來而實无來是故名阿那  
含須菩提於意云何阿羅漢能作是  
念我得阿羅漢道不須菩提言不也  
世尊何以故實無有法名阿羅漢世  
尊若阿羅漢作是念我得阿羅漢道  
即為著我人衆生壽者世尊佛說我  
得無諍三昧人中第一是第一

離欲阿羅漢我不作是念我是離欲  
阿羅漢世尊我若作是念我得阿羅  
漢道世尊則不說須菩提是樂阿蘭  
耶行者以須菩提實無所行而名須  
菩提是樂阿蘭耶行

佛告須菩提於意云何如來昔在然  
燈佛所於法有所得不世尊如來在  
然燈佛所於法實无所得須菩提於  
意云何菩薩莊嚴佛土不不也世尊  
何以故莊嚴佛土者則非莊嚴是名  
莊嚴是故須菩提諸菩薩摩訶薩應  
如是生清淨心不應住色生心不應  
住聲香味觸法生心應无所住而生  
其心須菩提譬如有人身如須弥山  
王於意云何是身為大不須菩提言  
甚大世尊何以故佛說非身是名大身  
須菩提如恒河中所有沙數如是沙  
等恒河於意云何是諸恒河沙寧為  
多不須菩提言甚多世尊但諸恒河  
尚多無數何況其沙須菩提我今實  
言告汝若有善男子善女人以七寶  
滿尔所恒河沙數三千大千世界以  
用布施得福多不須菩提言甚多世



尊佛告須菩提若善男子善女人於此經中乃至受持四句偈等為他人說而此福德勝前福德

復次須菩提隨說是經乃至四句偈等當知此處一切世間天人阿修羅皆應供養如佛塔廟何況有人盡能受持讀誦須菩提當知是人成就最上第一希有之法若是經典所在之處則為有佛若尊重弟子

今時須菩提白佛言世尊當何名此經我等云何奉持佛告須菩提是經名為金剛般若波羅蜜以是名字汝當奉持所以者何須菩提佛說般若波羅蜜則非般若波羅蜜須菩提於意云何如來有所說法不須菩提白佛言世尊如來無所說須菩提於意云何三千大千世界所有微塵是為多不須菩提言甚多世尊須菩提諸微塵如來說非微塵是名微塵如來說世界非世界是名世界須菩提於意云何可以三十二相見如來不不也世尊不可以三十二相得見如來何以故如來說三十二相即是非相



是名三十二相須菩提若有善男子  
善女人以恒河沙等身命布施若復  
有人於此經中乃至受持四句偈等  
為他人說其福甚多

今時須菩提聞說是經深解義趣涕  
淚悲泣而白佛言希有世尊佛說如  
是甚深經典我從昔來所得慧眼未  
曾得聞如是之經世尊若復有人得  
聞是經信心清淨則生實相當知是  
人成就第一希有功德世尊是實相  
者則是非相是故如來說名實相世  
尊我今得聞如是經典信解受持不  
足為難若當來世後五百歲其有眾  
生得聞是經信解受持是人則為第  
一希有何以故此人無我相人相眾  
生相壽者相所以者何我相即是非  
相人相眾生相壽者相即是非相何  
以故離一切諸相則名諸佛佛告須  
菩提如是如是若復有人得聞是經  
不驚不怖不畏當知是人甚為希有  
何以故須菩提如來說第一波羅蜜  
非第一波羅蜜是名第一波羅蜜須  
菩提忍辱波羅蜜如來說非忍辱波

羅蜜何以故須菩提如我昔為歌利王割截身體我於今時無我相无人相无衆生相無壽者相何以故我於往昔節節支解時若有我相人相衆生相壽者相應生瞋恨須菩提又念過去於五百世作忍辱仙人於今所世無我相无人相無衆生相无壽者相是故須菩提菩薩應離一切相發阿耨多羅三藐三菩提心不應住色生心不應住聲香味觸法生心應生無所住心若心有住則為非住是故佛說菩薩心不應住色布施須菩提菩薩為利益一切衆生應如是布施如來說一切諸相即是非相又說一切衆生則非衆生須菩提如來是真語者實語者如語者不誑語者不異語者須菩提如來所得法此法無實无虛須菩提若菩薩心住於法而行布施如人入闇則无所見若菩薩心不住法而行布施如人有目日光明照見種種色須菩提當來之世若有善男子善女人能於此經受持讀誦則為如來以佛智慧悉知是人悉見

是人皆得成就無量无边功德

須菩提若有善男子善女人初日分以恒河沙等身布施中日分復以恒河沙等身布施後日分亦以恒河沙等身布施如是無量百千万億劫以身布施若復有人聞此經典信心不逆其福勝彼何況書寫受持讀誦為人解說須菩提以要言之是經有不可思議不可稱量无边功德如來為發大乘者說為發家上乘者說若有入能受持讀誦廣為人說如來悉知是人悉見是人皆得成就不可量不可稱無有邊不可思議功德如是人等則為荷擔如來阿耨多羅三藐三菩提何以故須菩提若樂小法者著我見人見衆生見壽者見則於此經不能聽受讀誦為人解說須菩提在在處處若有此經一切世間天人阿修羅所應供養當知此處則為是塔皆應恭敬作礼圍繞以諸華香而散其處

復次須菩提善男子善女人受持讀誦此經若為人輕賤是人先世罪業應墮惡道以今世人輕賤故先世罪

業則為消滅當得阿耨多羅三藐三  
菩提須菩提我念過去無量阿僧祇  
劫於然燈佛前得值八百四千萬億  
那由他諸佛悉皆供養承事無空過  
者若復有人於後末世能受持讀誦  
此經所得功德於我所供養諸佛功  
德百分不及一千万億分乃至算數  
譬喻所不能及須菩提若善男子善  
女人於後末世有受持讀誦此經所  
得功德我若具說者或有人聞心則  
狂亂狐疑不信須菩提當知是經義  
不可思議果報亦不可思議

尔時須菩提白佛言世尊善男子善  
女人發阿耨多羅三藐三菩提心云  
何應住云何降伏其心佛告須菩提  
善男子善女人發阿耨多羅三藐三  
菩提者當生如是心我應滅度一切  
衆生滅度一切衆生已而元有一衆生實  
滅度者何以故須菩提若菩薩有我相  
人相衆生相壽者相則非菩薩所以  
者何須菩提實無有法發阿耨多羅  
三藐三菩提者須菩提於意云何如  
來於然燈佛所有法得阿耨多羅三  
藐三菩提不不也世尊如我解佛所

說義佛於然燈佛所無有法得阿耨  
多羅三藐三菩提佛言如是如是須  
菩提實無有法如來得阿耨多羅三  
藐三菩提須菩提若有法如來得阿  
耨多羅三藐三菩提者然燈佛則不  
與我受記汝於來世當得作佛号釋  
迦牟尼以實元有法得阿耨多羅三  
藐三菩提是故然燈佛與我受記作  
是言汝於來世當得作佛号釋迦牟  
尼何以故如來者即諸法如義若有  
人言如來得阿耨多羅三藐三菩提  
須菩提實無有法佛得阿耨多羅三  
藐三菩提須菩提如來所得阿耨多  
羅三藐三菩提於是中無實元虛是  
故如來說一切法皆是佛法須菩提  
所言一切法者即非一切法是故名  
一切法須菩提譬如人身長大須菩  
提言世尊如來說人身長大則為非  
大身是名大身須菩提菩薩亦如是  
若作是言我當滅度無量衆生則不  
名菩薩何以故須菩提實元有法名爲  
菩薩是故佛說一切法無我元人無  
衆生無壽者須菩提若菩薩作是言  
我當莊嚴佛土是不名菩薩何以故



如來說莊嚴佛土者即非莊嚴是名莊嚴須菩提若菩薩通達無我法者如來說名真是菩薩

須菩提於意云何如來有肉眼不如是世尊如來有天眼須菩提於意云何如來有慧眼不如是世尊如來有法眼不如是世尊如來有佛眼須菩提於意云何恒河中所有沙佛說是沙不如是世尊如來說沙須菩提於意云何如一恒河中所有沙有如是等恒河是諸恒河所有沙數佛世界如是寧為多不甚多世尊佛告須菩提余所國土中所有衆生若干種心如來悉知何以故如來說諸心皆為非心是名為心所以者何須菩提過去心不可得現在心不可得未來心不可得

須菩提於意云何若有人滿三千大千世界七寶以用布施是人以是因緣得福多不如是世尊此人以是因



緣得福甚多須菩提若福德有實如  
來不說得福德多以福德無故如來  
說得福德多

須菩提於意不佛可以具足色身  
見不不也世尊如來不應以具足色  
身見何以故如來說具足色身即非  
具足色身是名具足色身須菩提於  
意云何如來可以具足諸相見不不  
也世尊如來不應以具足諸相見何  
以故如來說諸相具足即非具足是  
名諸相具足須菩提汝勿謂如來作  
是念我當有所說法莫作是念何以  
故若人言如來有所說法即為謗佛  
不能解我所說故須菩提說法者無  
法可說是名說法

爾時慧命須菩提白佛言世尊頗  
有衆生於未來世聞說是法生信心  
不憍言須菩提彼非衆生非不衆生  
何以故須菩提衆生衆生者如來說  
非衆生是名衆生

須菩提白佛言世尊佛得阿耨多羅  
三藐三菩提為無所得耶如是如是  
須菩提我於阿耨多羅三藐三菩提  
乃至無有少法可得是名阿耨多羅

### 三藐三菩提

復次須菩提是法平等無有高下是名阿耨多羅三藐三菩提以无我無人無衆生无壽者修一切善法則得阿耨多羅三藐三菩提須菩提所言善法者如來說非善法是名善法須菩提若三千大千世界中所有諸須弥山王如是等七寶聚有人持用布施若人以此般若波羅蜜經乃至四句偈等受持讀誦為他人說於前福德百分不及一百千萬億分乃至算數譬喻所不能及

須菩提於意云何汝等勿謂如來作是念我當度衆生須菩提莫作是念何以故實無有衆生如來度者若有衆生如來度者如來則有我人衆生壽者須菩提如來說有我者則非有我而凡夫之人以為有我須菩提凡夫者如來說則非凡夫須菩提於意云何可以三十二相觀如來不須菩提言如是如是以三十二相觀如來佛言須菩提若以三十二相觀如來者轉輪聖王則是如來

須菩提白佛言世尊如我解佛所說  
義不應以三十二相觀如來今時世  
尊而說偈言

若以色見我 以音聲求我 是人行邪道  
不能見如來

須菩提汝若作是念如來不以具足相  
故得阿耨多羅三藐三菩提須菩提  
莫作是念如來不以具足相故得阿  
耨多羅三藐三菩提須菩提汝若作  
是念發阿耨多羅三藐三菩提者說  
諸法斷滅相莫作是念何以故發阿耨  
多羅三藐三菩提心者於法不說斷  
滅相須菩提若菩薩以滿恒河沙等  
世界七寶布施若復有人知一切法  
無我得成於忍此菩薩勝前菩薩所  
得功德須菩提以諸菩薩不受福德  
故須菩提白佛言世尊云何菩薩不  
受福德須菩提菩薩所作福德不應  
貪著是故說不受福德

須菩提若有人言如來若來若去若  
坐若卧是人不解我所說義何以故  
如來者無所從來亦无所去故名如來  
須菩提若善男子善女人以三千六

千世界碎為微塵於意云何是微塵  
衆寧為多不甚多世尊何以故若是  
微塵衆實有者佛則不說是微塵衆  
所以者何佛說微塵衆則非微塵衆  
是名微塵衆世尊如來所說三千大  
千世界則非世界是名世界何以故  
若世界實有者則是一合相如來說  
一合相則非一合相是名一合相須  
菩提一合相者則是不可說但凡夫  
之人貪著其事

須菩提若人言佛說我見人見衆生  
見壽者見須菩提於意云何是人解  
我所說義不世尊是人不解如來所  
說義何以故世尊說我見人見衆生  
見壽者見即非我見人見衆生見壽  
者見是名我見人見衆生見壽者見  
須菩提發阿耨多羅三藐三菩提心  
者於一切法應如是知如是見如是  
信解不生法相須菩提所言法相者  
如來說即非法相是名法相  
須菩提若有人以滿無量阿僧祇世  
界七寶持用布施若有善男子善女  
人發菩提心者持於此經乃至四句

偈等受持讀誦為人演說其福勝彼  
云何為人演說不取於相如如不動  
何以故

一切有為法如夢幻泡影如露亦如電  
應作如是觀

佛說是經已長老須菩提及諸比丘  
比丘尼優婆塞優婆夷一切世間天  
人阿修羅聞佛所說皆大歡喜信受  
奉行

金剛般若波羅蜜經

真言

那謨婆伽跋帝鉢刺壤波羅弭多  
曳唵伊利底伊室利輸盧駄  
毗舍耶毗舍耶莎婆訶

戊戌歲高麗國大藏都監奉  
勅彫造

金剛般若波羅蜜經

五

九魏天竺三藏菩提流支譯

如是我聞一時婆伽婆在舍婆提城祇樹給孤獨園與大比丘衆千二百五十人俱。爾時世尊食時著衣持鉢入舍婆提大城乞食於其城中次第乞食已還至本處飯食訖收衣鉢洗足已如常敷座結加趺坐端身而住。正念不動。

爾時諸比丘來詣佛所到已頂禮佛足右遶三匝退坐一面。爾時慧命須菩提在大衆中即從座起偏袒右肩右膝著地向佛合掌恭敬而立白佛言希有世尊如來應供正遍知善護念諸菩薩善付囑諸菩薩世尊云何菩薩大乘中發阿耨多羅三藐三菩提心應云何住云何修行云何降伏其心。

爾時佛告須菩提善哉善哉須菩提如汝所說如來善護念諸菩薩善付囑諸菩薩汝今諦聽當為汝說如菩薩大乘中發阿耨多羅三藐三菩提



心應如是住如是修行如是降伏其  
心須菩提白佛言世尊如是願樂欲  
聞佛告須菩提諸菩薩生如是心所  
有一切衆生衆生所攝若卵生若胎  
生若濕生若化生若有色若無色若  
有想若無想若非有想非无想所有  
衆生界衆生所攝我皆令入無餘涅  
槃而滅度之如是滅度無量无边衆  
生實無衆生得滅度者何以故須菩  
提若若菩薩有衆生相即非菩薩何以  
故非須菩提若若菩薩起衆生相人相  
壽者相則不名菩薩

復次須菩提菩薩不住於事行於布  
施無所住行於布施不住色布施不  
住聲香味觸法布施須菩提菩薩應  
如是布施不住於相想何以故若菩  
薩不住相布施其福德聚不可思量  
須菩提於汝意云何東方虛空可思  
量不須菩提言不也世尊佛言如是  
須菩提南西北方四維上下虛空可  
思量不須菩提言不也世尊佛言如  
是如是須菩提若菩薩無住相布施福  
德聚亦復如是不可思量佛復告須

菩提菩薩但應如是行於布施

須菩提於意云何可以相成就見如來  
不須菩提言不也世尊不可以相成  
就得見如來何以故如來所說相即  
非相佛告須菩提凡所有相皆是妄  
語若見諸相非相則非妄語如是諸  
尊頗有衆生於未來世末世得聞如  
是修多羅章句生實相不佛告須菩  
提莫作是說頗有衆生於未來世末  
世得聞如是修多羅章句生實相不  
佛復告須菩提有未來世末世有菩  
薩摩訶薩法欲滅時有持戒修福德  
智慧者於此修多羅章句能生信心  
以此為實佛復告須菩提當知彼菩  
薩摩訶薩非於一佛二佛三四五佛  
所修行供養非於一佛二佛三四五  
佛所而種善根佛復告須菩提已於  
無量百千萬諸佛所修行供養無量  
百千萬諸佛所種諸善根聞是修多  
羅乃至一念能生淨信須菩提如來  
悉知是諸衆生如來悉見是諸衆生  
須菩提是諸菩薩生如是無量福德

聚取如是無量福德何以故須菩提  
是諸菩薩无復我相衆生相人相壽  
者相須菩提是諸菩薩無法相亦非  
无法相無相亦非无相何以故須菩  
提是諸菩薩若取法相則為著我人  
衆生壽者須菩提若是菩薩有法相  
即著我相人相衆生相壽者相何以  
故須菩提不應取法非不取法以是  
義故如来常說般若法門是法應捨  
非捨法故

復次佛告慧命須菩提須菩提於意  
云何如来得阿耨多羅三藐三菩提  
耶如来有所說法耶須菩提言如我  
解佛所說義無有定法如来得阿耨  
多羅三藐三菩提亦无有定法如来  
可說何以故如来所說法皆不可取  
不可說非法非非法何以故一切聖  
人皆以無為法得名須菩提於意云  
何若滿三千大千世界七寶以用布  
施須菩提於意云何是善男子善女  
人所得福德寧為多不須菩提言甚  
多婆伽婆甚多修伽陀彼善男子善  
女人得福甚多何以故世尊是福德

聚即非福德聚是故如來說福德聚  
福德聚佛言須菩提若善男子善女  
人以滿三千大千世界七寶持用布  
施若復於此經中受持乃至四句偈  
等為他人說其福勝彼無量不可數  
何以故須菩提一切諸佛阿耨多羅  
三藐三菩提法皆從此經出一切諸  
佛如來皆從此經生須菩提所謂佛  
法佛法者即非佛法

須菩提於意云何須陀洹能作是念  
我得須陀洹果不須菩提言不也世  
尊何以故實無有法名須陀洹不入  
色聲香味觸法是名須陀洹佛言須  
菩提於意云何斯陀含能作是念我  
得斯陀含果不須菩提言不也世尊  
何以故實無有法名斯陀含是名斯  
陀含須菩提於意云何阿那含能作  
是念我得阿那含果不須菩提言不  
也世尊何以故實無有法名阿那含  
是名阿那含須菩提於意云何阿羅  
漢能作是念我得阿羅漢不須菩提  
言不也世尊何以故實無有法名阿  
羅漢世尊若阿羅漢作是念我得阿

羅漢即為善我人衆生壽者世尊佛  
說我得無諍三昧寂為第一世尊說  
我是離欲阿羅漢世尊我不作是念  
我是離欲阿羅漢世尊我若作是念  
我得阿羅漢世尊則不記我无諍行  
第一以須菩提實無所行而名須菩  
提無諍无諍行

佛告須菩提於意云何如來昔在燃  
燈佛所得阿耨多羅三藐三菩提法  
不須菩提言不也世尊如來在燃燈  
佛所於法實无所得阿耨多羅三藐  
三菩提

佛告須菩提若菩薩作是言我莊嚴  
佛國土彼菩薩不實語何以故須菩  
提如來所說莊嚴佛土者則非莊嚴  
是名莊嚴佛土是故須菩提諸菩薩  
摩訶薩應如是生清淨心而无所住  
不住色生心不住聲香味觸法生心  
應無所住而生其心須菩提譬如  
有人身如須彌山王須菩提於意云何  
是身為大不須菩提言甚大世尊何  
以故佛說非身是名大身彼身非身  
是名大身

佛言須菩提如恒河中所有沙數如是沙等恒河於意云何是諸恒河沙寧為多不須菩提言甚多世尊但諸恒河尚多無數何況其沙佛言須菩提我今實言告汝若有善男子善女人以七寶滿尔數恒沙數世界以施諸佛如來須菩提於意云何彼善男子善女人得福多不須菩提言甚多世尊彼善男子善女人得福甚多佛告須菩提以七寶滿尔數恒河沙世界持用布施若善男子善女人於此法門乃至受持四句偈等為他人說而此福德勝前福德无量阿僧祇復次須菩提隨所有處說是法門乃至四句偈等當知此處一切世間天人阿修羅皆應供養如佛塔廟何況有人盡能受持讀誦此經須菩提當知是人成就取上第一希有之法若是經典所在之處則為有佛若尊重似佛

尔時須菩提白佛言世尊當何名此法門我等云何奉持佛告須菩提是法門名為金剛般若波羅蜜以是名



字汝當奉持何以故須菩提佛說般若波羅蜜則非般若波羅蜜須菩提於意云何如來有所說法不須菩提言世尊如來無所說法須菩提於意云何三千大千世界所有微塵是為多不須菩提言彼微塵甚多世尊須菩提是諸微塵如來說非微塵是名微塵如來說世界非世界是名世界佛言須菩提於意云何可以三十二大人相見如來不須菩提言不也世尊何以故如來說三十二大人相即是非相是名三十二大人相

佛言須菩提若有善男子善女人以恒河沙等身命布施若復有人於此法門中乃至受持四句偈等為他人說其福甚多无量阿僧祇今時須菩提聞說是經深解義趣涕淚悲泣捫淚而白佛言希有婆伽婆希有修伽陀佛說如是甚深法門我從昔來所得慧眼未曾得聞如是法門何以故須菩提佛說般若波羅蜜即非般若波羅蜜世尊若復有人得聞是經信心清淨則生實相當知是名成就第

一希有功德世尊是實相者則是非相是故如來說名實相實相世尊我今得聞如是法門信解受持不足為難若當來世其有衆生得聞是法門信解受持是人則為第一希有何以故此人無我相人相衆生相壽者相何以故我相即是非相人相衆生相壽者相即是非相何以故離一切諸相則名諸佛佛告須菩提如是如是若復有人得聞是經不驚不怖不畏當知是人甚為希有何以故須菩提如來說第一波羅蜜非第一波羅蜜如來說第一波羅蜜者彼無量諸佛亦說波羅蜜是名第一波羅蜜

須菩提如來說忍辱波羅蜜即非忍辱波羅蜜何以故須菩提如我昔為歌利王割截身體我於今時無我相无衆生相無人相无壽者相無相亦非无相何以故須菩提我於往昔節節支解時若有我相衆生相人相壽者相應生瞋恨須菩提又念過去於五百世作忍辱仙人於今所世無我相无衆生相无人相無壽者相是故

須菩提菩薩應離一切相發阿耨  
多羅三藐三菩提心何以故若心有住  
則為非住不應住色生心不應住聲  
香味觸法生心應生無所住心是故  
佛說菩薩心不住色布施須菩提菩  
薩為利益一切衆生應如是布施須  
菩提言世尊一切衆生相即是非相  
何以故如來說一切衆生即非衆生  
須菩提如來是真語者實語者如語  
者不異語者須菩提如來所得法所  
說法無實无妄語須菩提譬如有人  
入闔則無所見若菩薩心住於事而  
行布施亦復如是須菩提譬如人有  
目夜分已盡日光明照見種種色若  
菩薩不住於事行於布施亦復如是  
復次須菩提若有善男子善女人能  
於此法門受持讀誦修行則為如來  
以佛智慧悉知是人悉見是人悉覺  
是人皆得成就無量无边功德聚須  
菩提若有善男子善女人初日分以  
恒河沙等身布施中日分復以恒河  
沙等身布施後日分復以恒河沙等

身布施如是捨恒河沙等無量身如是百千萬億那由他劫以身布施若復有人聞此法門信心不謗其福勝彼無量阿僧祇何況書寫受持讀誦修行為人廣說

須菩提以要言之是經有不可思議不可稱量無邊功德此法門如來為發大乘者說為發單上乘者說若有人能受持讀誦修行此經廣為人說如來悉知是人悉見是人皆成就不可思議不可稱無有邊无量功德聚如是人等則為荷擔如來阿耨多羅三藐三菩提何以故須菩提若樂小法者則於此經不能受持讀誦修行為人解說若有我見衆生見人見壽者見於此法門能受持讀誦修行為人解說者無有是處須菩提在在處處若有此經一切世間天人阿修羅所應供養當知此處則為是塔皆應恭敬作礼圍繞以諸華香而散其處復次須菩提若善男子善女人受持讀誦此經為人輕賤何以故是人先世罪業應墮惡道以今世人輕賤故

先世罪業則為消滅當得阿耨多羅三藐三菩提須菩提我念過去無量阿僧祇阿僧祇劫於燃燈佛前得值八十四億那由他百千萬諸佛我皆親承供養无空過者須菩提如是無量諸佛我皆親承供養无空過者若復有人於後世末世能受持讀誦修行此經所得功德我所供養諸佛功德於彼百分不及一千万億分乃至竿數譬喻所不能及須菩提若有善男子善女人於後世末世有受持讀誦修行此經所得功德若我具說者或有人聞心則狂亂疑惑不信須菩提當知是法門不可思議果報亦不可思議

今時須菩提白佛言世尊云何菩薩發阿耨多羅三藐三菩提心云何住云何修行云何降伏其心佛告須菩提提菩薩發阿耨多羅三藐三菩提心者當生如是心我應滅度一切衆生令人無餘涅槃界如是滅度一切衆生已而无一衆生實滅度者何以故須菩提若菩薩有衆生相人相壽者相則



非菩薩何以故須菩提實無有法名  
為菩薩發阿耨多羅三藐三菩提心者  
須菩提於意云何如來於燃燈佛所  
有法得阿耨多羅三藐三菩提不須  
菩提白佛言不也世尊如我解佛所  
說義佛於燃燈佛所無有法得阿耨  
多羅三藐三菩提佛言如是如是須  
菩提實無有法如來於燃燈佛所  
得阿耨多羅三藐三菩提須菩提若  
有法如來得阿耨多羅三藐三菩提  
者燃燈佛則不與我受記汝於來世  
當得作佛号釋迦牟尼以實無有法  
得阿耨多羅三藐三菩提是故燃燈  
佛與我受記作如是言摩那婆汝於  
來世當得作佛号釋迦牟尼何以故  
須菩提言如來者即實真如須菩提  
若有人言如來得阿耨多羅三藐三  
菩提者是不實語須菩提實無有  
法佛得阿耨多羅三藐三菩提須菩  
提如來所得阿耨多羅三藐三菩提  
於是中不實不妄語是故如來說一  
切法皆是佛法須菩提所言一切法  
一切法者即非一切法是故名一切法



須菩提。譬如有人。其身妙大。須菩提言。世尊。如來說人身妙大。則非大身。是故如來說名大身。

佛言。須菩提。菩薩亦如是。若作是言。我當滅度無量衆生。則非菩薩。佛言。須菩提。於意云何。頗有實法名爲菩薩。須菩提言。不也。世尊。實无有法名爲菩薩。是故佛說一切法無衆生。无人。無壽者。須菩提。若菩薩作是言。我莊嚴佛國土。是不名菩薩。何以故。如來說莊嚴佛土者。即非莊嚴。是名莊嚴。佛國土。須菩提。若菩薩通達無我。无我法者。如來說名真是菩薩。善哉。

須菩提。於意云何。如來有肉眼。不須菩提言。如是。世尊。如來有肉眼。佛言。須菩提。於意云何。如來有慧眼。不須菩提言。如是。世尊。如來有慧眼。佛言。須菩提。於意云何。如來有法眼。不須菩提言。如是。世尊。如來有法眼。佛言。須菩提。於意云何。如來有佛眼。不須

菩提言如是世尊如來有佛眼佛言  
須菩提於意云何如恒河中所有沙  
佛說是沙不須菩提言如是世尊如  
來說是沙佛言須菩提於意云何如  
一恒河中所有沙有如是等恒河是  
諸恒河所有沙數佛世界如是世界  
寧為多不須菩提言彼世界甚多世  
尊佛告須菩提今所世界中所有衆  
生若干種心住如來悉知何以故如  
來說諸心住皆為非心住是名為心  
住何以故須菩提過去心不可得現  
在心不可得未來心不可得須菩提  
於意云何若有人以滿三千大千世  
界七寶持用布施是善男子善女人  
以是因緣得福多不須菩提言如是  
世尊此人以是因緣得福甚多佛言  
如是如是須菩提彼善男子善女人  
以是因緣得福德聚多須菩提若福  
德聚有實如來則不說福德聚福德聚  
須菩提於意云何佛可以具足色身  
見不須菩提言不也世尊如來不應  
以色身見何以故如來說具足色身  
即非具足色身是故如來說名具足

色身佛言須菩提於意云何如來可  
以具足諸相見不須菩提言不也世  
尊如來不應以具足諸相見何以故  
如來說諸相具足即非具足是故如  
來說名諸相具足佛言須菩提於意  
云何汝謂如來作是念我當有所說  
法耶須菩提莫作是念何以故若人  
言如來有所說法即為謗佛不能解  
我所說故何以故須菩提如來說法  
說法者無法可說是名說法

今時慧命須菩提白佛言世尊頗有  
衆生於未來世聞說是法生信心不  
佛言須菩提彼非衆生非不衆生何  
以故須菩提衆生衆生者如來說非  
衆生是名衆生

佛言須菩提於意云何如來得阿耨  
多羅三藐三菩提耶須菩提言不也  
世尊世尊无有少法如來得阿耨多  
羅三藐三菩提佛言如是如是須菩  
提我於阿耨多羅三藐三菩提乃至  
无有少法可得是名阿耨多羅三藐  
三菩提復次須菩提是法平等無有  
高下是名阿耨多羅三藐三菩提以

無衆生無人無壽者得平等阿耨  
多羅三藐三菩提一切善法得阿耨  
多羅三藐三菩提須菩提所言善法  
善法者如來說非善法是名善法須  
菩提三千大千世界中所有諸須弥  
山王如是等七寶聚有人持用布施  
若人以此般若波羅蜜經乃至四句  
偈等受持讀誦為他人說於前福德  
百分不及一十分不及一百千万分  
不及一歌羅分不及一數分不及一  
優波尼沙陀分不及一乃至等數譬  
喻所不能及

須菩提於意云何汝謂如來作是念  
我度衆生耶須菩提莫作是念何以  
故實無有衆生如來度者佛言須菩  
提若有實衆生如來度者如來則有  
我人衆生壽者相須菩提如來說有  
我者則非有我而毛道凡夫生者以  
為有我須菩提毛道凡夫生者如來  
說名非生是故言毛道凡夫生  
須菩提於意云何可以相成就得見  
如來不須菩提言如我解如來所說  
義不以相成就得見如來佛言如是

如是須菩提不以相成就得見如來  
佛言須菩提若以相成就觀如來者  
轉輪聖王應是如來是故非以相成  
就得見如來

今時世尊而說偈言

若以色見我 以音聲求我 是人行邪道  
不能見如來 彼如來妙體 即法身諸佛  
法體不可見 彼識不能知

須菩提於意云何如來可以相成就  
得阿耨多羅三藐三菩提須菩提莫  
作是念如來以相成就得阿耨多羅  
三藐三菩提須菩提汝若作是念菩  
薩發阿耨多羅三藐三菩提心者說  
諸法斷滅相須菩提莫作是念何以  
故菩薩發阿耨多羅三藐三菩提心  
者不說諸法斷滅相

須菩提若善男子善女人以滿恒河  
沙等世界七寶持用布施若有菩薩  
知一切法無我得无生法忍此功德  
勝前所得福德須菩提以諸菩薩不  
取福德故須菩提白佛言世尊菩薩  
不取福德佛言須菩提菩薩受福德  
不取福德是故菩薩取福德

須菩提若有人言如來若去若來若  
住若坐若卧是人不解我所說義何  
以故如來者無所至去无所從來故  
名如來須菩提若善男子善女人以  
三千大千世界微塵復以忉忉微塵  
世界碎為微塵阿僧祇須菩提於意  
云何是微塵衆寧為多不須菩提言  
彼微塵衆甚多世尊何以故若是微  
塵衆實有者佛則不說是微塵衆何  
以故佛說微塵衆則非微塵衆是故  
佛說微塵衆世尊如來所說三千大  
千世界則非世界是故佛說三千大  
千世界何以故若世界實有者則是  
一合相如來說一合相則非一合相  
是故佛說一合相佛言須菩提一合  
相者則是不可說但凡夫之人貪著  
其事何以故須菩提若人如是言佛  
說我見人見衆生見壽者見須菩提  
於意云何是人所說為正語不須菩  
提言不也世尊何以故世尊如來說  
我見人見衆生見壽者見即非我見  
人見衆生見壽者見是名我見人見  
衆生見壽者見須菩提菩薩發阿耨



多羅三藐三菩提心者於一切法應如是知如是見如是信如是不住法相何以故須菩提所言法相法相者如來說即非法相是名法相須菩提若有菩薩摩訶薩以滿無量阿僧祇世界七寶持用布施若有善男子善女人發菩薩心者於此般若波羅蜜經乃至四句偈等受持讀誦為他人說其福勝彼無量阿僧祇云何為人演說而不名說是名為說而說偈言一切有為法如星翳燈幻露泡夢電雲應作如是觀

佛說是經已長老須菩提及諸比丘比丘尼優婆塞優婆夷菩薩摩訶薩一切世間天人阿修羅乾闥婆等聞佛所說皆大歡喜信受奉行

金剛般若波羅蜜經

戊戌歲高麗國大藏都監奉

勅彫造

金剛般若波羅蜜經

羽

陳天竺三藏真諦

譯

如是我聞一時佛婆伽婆住舍衛國祇陀樹林給孤獨園與大比丘衆千二百五十人俱尔時世尊於日前分著衣持鉢入舍衛大國而行乞食於其國中次第行乞還至本處飯食事訖於中後時收衣鉢洗足已如常敷座加趺安坐端身而住正念現前時諸比丘俱往佛所至佛所已頂礼佛足右遶三匝却坐一面

尔時淨命須菩提於大衆中共坐聚集時淨命須菩提即從座起偏袒右肩頂礼佛足右膝著地向佛合掌而白佛言希有世尊如來應供正遍覺知善護念諸菩薩摩訶薩由無上利益故善付囑諸菩薩摩訶薩由无上教故世尊者善男子善女人發阿耨多羅三藐三菩提心行菩薩乘云何應住云何修行云何發起菩薩心淨命須菩提作是問已

尔時世尊告須菩提須菩提善哉善

哉如是善男子如來善護念諸菩薩  
摩訶薩無上利益故善付囑諸菩薩  
摩訶薩無上教故須菩提是故汝今  
一心諦聽恭敬善思念之我今當為  
汝說如菩薩發菩提心行菩薩乘如  
是應住如是修行如是發心須菩提  
言唯然世尊

佛告須菩提須菩提善男子善女人  
發菩提心行菩薩乘應如是發心所  
有一切衆生類攝若卵生若胎生若  
濕生若化生若有色若無色若有想  
若无想若非有想若非无想乃至衆  
生界及假名說如是衆生我皆安置  
於無餘涅槃如是涅槃无量衆生已  
无一衆生被涅槃者何以故須菩提  
若菩薩有衆生想即不應說名為菩  
薩何以故須菩提一切菩薩無我想  
衆生想壽者想受者想

復次須菩提菩薩不著已類而行布  
施不著所餘行於布施不著色聲香  
味觸法應行布施須菩提菩薩應如  
是行施不著相想何以故須菩提若  
菩薩無執著心行於布施是福德聚

不可數量須菩提汝意云何東方虛空可數量不須菩提言不可世尊佛言如是須菩提南西北方四維上下十方虛空可數量不須菩提言不可世尊佛言如是須菩提若菩薩无執著心行於布施是福德聚亦復如是不可數量須菩提汝意云何可以身相勝德見如來不不能世尊何以故如來所說身相勝德非相勝德何以故須菩提凡所有相皆是虛妄無所有相即是真實由相無相應見如來如是說已

淨命須菩提白佛言世尊於今現時及未來世頗有菩薩聽聞正說如是等相此經章句生實想不佛告須菩提莫作是說於今現時及未來世頗有菩薩聽聞正說如是等相此經章句生實想不何以故須菩提於未來世實有衆生得聞此經能生實想復次須菩提於未來世後五百歲正法滅時有諸菩薩摩訶薩持戒修福及有智慧須菩提是諸菩薩摩訶薩非事一佛非於一佛種諸善根已事無

量百千諸佛已於无量百千佛所而  
種善根若有善男子善女人聽聞正  
說如是等相此經章句乃至一念生  
實信者須菩提如來悉知是人悉見  
是人須菩提是善男子善女人生長  
無量福德之聚何以故須菩提是諸  
菩薩无復我想眾生想壽者想受者  
想是諸菩薩無法想非无法想無想  
非无想何以故須菩提是諸菩薩若  
有法想即是我執及眾生壽者受者  
執須菩提是故菩薩不應取法不應  
取非法為如是義故如來說若觀行  
人解筏喻經法尚應捨何況非法  
復次佛告淨命須菩提須菩提汝意  
云何如來得阿耨多羅三藐三菩提  
耶如來有所說法耶須菩提言如我  
解佛說義無有所說法如來所得名阿  
耨多羅三藐三菩提亦無有法如來  
所說何以故是法如來所說不可取  
不可言非法非非法何以故一切聖  
人皆以無為真如所顯現故須菩提  
汝意云何以三千大千世界遍滿七  
寶若人持用布施是善男子善女人



因此布施生福多不須菩提言甚多  
世尊甚多修伽陀是善男子善女人  
因此布施得福甚多何以故世尊此  
福德聚即非福德聚是故如來說福  
德聚佛言須菩提若善男子善女人  
以三千大千世界遍滿七寶持用布  
施若復有人從此經中受四句偈為  
他正說顯示其義此人以是因緣所  
生福德寧多於彼無量無數何以故  
須菩提如來无上菩提從此福成諸  
佛世尊從此福生何以故須菩提所  
言佛法者即非佛法是名佛法須菩  
提汝意云何須陀洹能作是念我得  
須陀洹果不須菩提言不能世尊何  
以故世尊實無所有能至於流故說  
須陀洹乃至色聲香味觸法亦復如  
是故名須陀洹斯陀含名一往來實  
无所有能至往來是名斯陀含阿那  
含名為不來實無所有能至不來是  
名阿那含佛言須菩提汝意云何阿  
羅漢能作是念我得阿羅漢果不須  
菩提言不能世尊何以故實無所有  
名阿羅漢世尊若阿羅漢作是念我



得阿羅漢果此念即是我執衆生執  
壽者執受者執世尊如來阿羅訶三  
藐三佛陀讚我住無諍三昧人中寂  
為第一世尊我今已得阿羅漢離三  
有欲世尊我亦不作是念我是阿羅  
漢世尊我若有是念我已得阿羅漢  
果如來則應不授我記住無諍三昧  
人中須菩提善男子寂為第一實无  
所住住於無諍住於无諍

佛告須菩提汝意云何昔從然燈如  
來阿羅訶三藐三佛陀所頗有一法  
如來所取不須菩提言不取世尊實  
無有法昔從然燈如來阿羅訶三藐  
三佛陀所如來所取佛告須菩提若  
有菩薩作如是言我當莊嚴清淨佛  
土而此菩薩說虛妄言何以故須菩  
提莊嚴佛土者如來說非莊嚴是故  
莊嚴清淨佛土須菩提是故菩薩應  
生如是無住著心不住色聲香味觸  
法生心應无所住而生其心須菩提  
譬如有人體相勝大如須彌山須菩  
提汝意云何如是體相為勝大不須  
菩提言甚大世尊何以故如來說非

有名為有身此非是有故說有身

佛告須菩提汝意云何於恒伽所有諸沙如其沙數所有恒伽諸恒伽沙寧為多不須菩提言甚多世尊但諸恒伽尚多無數何況其沙佛言須菩提我今覺汝我今示汝諸恒伽中所有一沙數今許世界若有善男子善女人以七寶遍滿持施如來應供正遍覺知須菩提汝意云何此人以是因緣得福多不須菩提言甚多世尊甚多修伽陀此人以是因緣生福甚多須菩提若善男子善女人以七寶遍滿今所恒伽沙世界持用布施若善男子善女人從此經典乃至四句偈等恭敬受持為他正說是人所生福德寧勝於彼无量無數復次須菩提隨所在處若有人能從是經典乃至四句偈等讀誦講說當知此處於世間中即成支提一切人天阿修羅等皆應恭敬何況有人盡能受持讀誦如此經典當知是人則與無上希有之法而共相應是土地處大師在中或隨有一可尊重人佛說是已淨命須

菩提白佛言世尊如是經典名号云  
何我等云何奉持佛告須菩提此經  
名般若波羅蜜以是名字汝當奉持  
何以故須菩提是般若波羅蜜如來  
說非般若波羅蜜須菩提汝意云何  
頗有一法一佛說不須菩提言无有  
世尊無有一法一如來說佛告須菩  
提三千大千世界所有微塵是為多  
不須菩提言此世界微塵甚多世尊  
甚多修伽陀何以故世尊此諸微塵  
如來說非微塵故名微塵此諸世界  
如來說非世界故說世界佛告須菩  
提汝意云何可以三十二大人相見  
如來不須菩提言不可世尊何以故  
此三十二大人相如來說非相故說  
三十二大人相

佛告須菩提若有善男子善女人如  
諸恒河所有沙數如是沙等身命捨  
以布施若有善男子善女人從此經  
典乃至四句偈等恭敬受持為他正  
說此人以是因緣生福多彼無量无  
數尔時淨命須菩提由法利疾即便  
悲泣收淚而言希有世尊希有修伽

陀如此經典如來所說我從昔來至  
得聖慧未曾聞說如是經典何以故  
世尊說般若波羅蜜即非般若波羅  
蜜故說般若波羅蜜世尊當知是人  
則與無上希有之法而共相應聞說  
經時能生實想世尊是實想者實非  
有想是故如來說名實想說名實想  
世尊此事於我非為希有正說經時  
我生信解世尊於未來世若有衆生  
恭敬受持為他正說當知是人則與  
無上希有之法而共相應世尊此人  
无復我想衆生想壽者想受者想何  
以故我想衆生想壽者想受者想即  
是非想何以故諸佛世尊解脫諸想  
盡无餘故說是言已佛告須菩提如  
是須菩提如是當知是人則與无上  
希有之法而共相應是人聞說此經  
不驚不怖不畏何以故須菩提此法  
如來所說是第一波羅蜜此波羅蜜  
如來所說無量諸佛亦如是說是故  
說名第一波羅蜜

復次須菩提如來忍辱波羅蜜即非  
波羅蜜何以故須菩提昔時我為迦

陵伽王斬斫身體骨肉雖碎我於念時无有我我想衆生想壽者想受者想无想非无想何以故須菩提我於念時若有我想衆生想壽者想受者想是時則應生瞋恨想須菩提我憶過去五百生作大仙人名曰說忍於念所生中心无我想衆生想壽者想受者想是故須菩提菩薩摩訶薩捨離切想於无上菩提應發起心不應生住色心不應生住聲香味觸心不應生住法心不應生住非法心不應生有所住心何以故若心有住則為非住故如來說菩薩無所住心應行布施復次須菩提菩薩應如是行施為利益一切衆生此衆生想即是非想如是一切衆生如來說即非衆生何以故諸佛世尊遠離一切想故須菩提如來說實說諦說如說非虛妄復次須菩提是法如來所覺是法如來所說是法非實非虛須菩提譬如有人在於盲暗如是當知菩薩墮相行墮相施須菩提如人有目夜已曉晝日光照見種種色如是當知菩薩不

墮於相行无相施

法華經

第十二張

羽

七

復次須菩提於未來世若有善男子善女人受持讀誦修行為他正說如是經典如來悉知是人悉見是人生長無量福德之聚

復次須菩提若有善男子善女人於日前分布施身命如上所說諸河沙數於日中分布施身命於日後分布施身命皆如上說諸河沙數如是無量百千萬億劫以身命布施若復有人聞此經典不起誹謗以是因緣生福多彼无数无量何況有人書寫受持讀誦教他修行為人廣說

復次須菩提如是經典不可思量無能與等如來但為憐愍利益能行无上乘及行无等乘人說若復有人於未來世受持讀誦教他修行正說是經如來悉知是人悉見是人與无数无量不可思議无等福聚而共相應如是等人由我身分則能荷負无上菩提何以故須菩提如是經典若下願樂人及我見衆生見壽者見受者見如此等人能聽能修讀誦教他正說无有是處復次須菩提隨所在處



顯說此經一切世間天人阿修羅等  
皆應供養作札右遶當知此處於世  
間中即成支提須菩提若有善男子  
善女人受持讀誦教他修行正說如  
是等經此人現身受輕賤等過去世  
中所造惡業應感生後惡道果報以  
於現身受輕苦故先世罪業及苦果  
報則為消滅當得阿耨多羅三藐三  
菩提須菩提我憶往昔無數元量過  
於竿數大劫過去然燈如來阿羅訶三  
藐三佛隨後八万四千大千俱胝諸佛  
如來已成佛竟我皆承事供養恭敬  
无空過者若復有人於後末世五百  
歲時受持讀誦教他修行正說此經  
須菩提此人所生福德之聚以我往  
昔承事供養諸佛如來所得功德比  
此功德百分不及一千万億分不及  
一窮於竿數不及其一乃至威力品  
類相應譬喻所不能及須菩提若善  
男子善女人於後末世受持讀誦如  
此等經所得功德我若具說若有善  
男子善女人諦聽憶持念所福聚或  
心迷亂及以顛狂復次須菩提如是

經典不可思議若人修行及得果報亦不可思議

尔時須菩提白佛言世尊善男子善女人發阿耨多羅三藐三菩提心行菩薩乘云何應住云何修行云何發起菩薩心佛告須菩提善男子善女人發阿耨多羅三藐三菩提心者當生如是心我應安置一切衆生令入無餘涅槃如是般涅槃无量衆生已无一衆生被涅槃者何以故須菩提若菩薩有衆生想則不應說名為菩薩何以故須菩提實無有法名為能行菩薩上藥

須菩提汝意云何於然燈佛所頗有一法如來所得名阿耨多羅三藐三菩提如來所得名阿耨多羅三藐三菩提佛言如是須菩提如是於然燈佛所無有一法如來所得名阿耨多羅三藐三藐三菩提須菩提於然燈佛所若有一法如來所得名阿耨多羅三藐三藐三菩提然燈佛則不授我記婆羅門汝於來世當得作佛号

釋迦牟尼多陀阿伽度阿羅訶三藐  
三佛陀須菩提由實無有法如來所  
得名阿耨多羅三藐三菩提是故然  
燈佛與我授記作如是言婆羅門汝  
於來世當得作佛号釋迦牟尼多陀  
阿伽度阿羅訶三藐三佛陀何以故  
須菩提如來者真如別名須菩提若  
有人說如來得阿耨多羅三藐三菩  
提是人是不實語何以故須菩提實无  
有法如來所得名阿耨多羅三藐三  
菩提

須菩提此法如來所得無實无虛是  
故如來說一切法皆是佛法須菩提  
一切法者非一切法故如來說名一  
切法須菩提譬如有人遍身大身須  
菩提言世尊是如來所說遍身大身  
則為非身是故說名遍身大身佛言  
如是須菩提如是須菩提若有菩薩  
說如是言我當般涅槃一切衆生則  
不應說名為菩薩須菩提汝意云何  
頗有一法名菩薩不須菩提言无有  
世尊佛言須菩提是故如來說一切  
法無我无衆生無壽者无受者須菩

提若有菩薩說如是言我當莊嚴清淨佛土如此菩薩說虛妄言何以故須菩提莊嚴佛土者如來說則非莊嚴是故莊嚴清淨佛土須菩提若菩薩信見諸法無我諸法无我如來應供正遍覺說是名菩薩是名菩薩

須菩提汝意云何如來有肉眼不須菩提言如是世尊如來有肉眼佛言須菩提汝意云何如來有慧眼不須菩提言如是世尊如來有慧眼佛言須菩提汝意云何如來有法眼不須菩提言如是世尊如來有法眼佛言須菩提汝意云何如來有佛眼不須菩提言如是世尊如來有佛眼

須菩提汝意云何於恒伽江所有諸沙如其沙數所有恒伽如諸恒伽所有沙數世界如是寧為多不須菩提言如是世尊此等世界其數甚多佛言須菩提今所世界中所有衆生我悉見知心相續住有種種類何以故須菩提心相續住如來說非續住故

說續住何以故須菩提過去心不可得未來心不可得現在心不可得須菩提汝意云何若有人以滿三千大千世界七寶而用布施是善男子善女人以是因緣得福多不須菩提言甚多世尊甚多修伽陀佛言如是須菩提如是彼善男子善女人以是因緣得福聚多佛言須菩提若福德聚但名為聚如來則不應說是福德聚是福德聚

須菩提汝意云何可以具足色身觀如來不須菩提言不可世尊不可以具足色身觀於如來何以故此具足色身如來說非具足色身是故如來說名具足色身佛言須菩提汝意云何可以具足諸相觀如來不須菩提言不可世尊不可以具足諸相觀於如來何以故此具足相如來說非具足相是故如來說具足相佛言須菩提汝意云何如來有如是意我今實說法耶須菩提若有人言如來實能說法汝應當知是人由非實有及以邪執起誹謗我何以故須菩提說法

說法實无有法名為說法今時須菩  
提白佛言世尊頗有衆生於未來世  
聽聞正說如是等相此經章句生實  
信不佛告須菩提彼非衆生非非衆  
生何以故須菩提彼衆生者如來說  
非衆生非非衆生故說衆生

須菩提汝意云何頗有一法如來所  
得名阿耨多羅三藐三菩提不須菩  
提言不得世尊无有一法如來所得  
名阿耨多羅三藐三菩提佛言如是  
須菩提如是乃至无有如微塵法如  
來所捨如來所得是故說名阿耨多  
羅三藐三菩提平等平等復次須菩  
提諸佛覺知無有差別是故說名阿  
耨多羅三藐三菩提復次須菩提此  
法平等无有高下是名阿耨多羅三  
藐三菩提復次須菩提由法无我无  
衆生无壽者无受者等此法平等故  
名阿耨多羅三藐三菩提復次須菩  
提由實善法具足圓滿得阿耨多羅  
三藐三菩提須菩提所言善法善法  
者如來說非法故名善法須菩提三  
千大千世界所有諸須弥山王如是



等七寶聚滿此世界有人持用布施  
若人從此般若波羅蜜經乃至四句  
偈等受持讀誦為他正說所得功德  
以前功德比此功德百分不及一千  
萬億分不及一窮於筭數不及其二  
乃至威力品類相應譬喻所不能及  
須菩提汝意云何如來作是念我度  
衆生耶須菩提汝今不應作如是念  
何以故實无衆生如來所度須菩提  
若有衆生如來所度即是我執衆生  
執壽者執受者執須菩提此我等執  
如來說非執嬰兒凡夫衆生之所執  
故須菩提嬰兒凡夫衆生者如來說  
非衆生故說嬰兒凡夫衆生須菩提  
汝意云何可以具足相觀如來不須  
菩提言如我解佛所說義不以具足  
相應觀如來佛言如是須菩提如是  
不以具足相應觀如來何以故若以  
具足相觀如來者轉輪聖王應是如  
來是故不以具足相應觀如來是時  
世尊而說偈言

若以色見我以音聲求我 是人行邪道  
不應得見我由法應見佛 調御法為身

此法非識境 法如深難見

須菩提汝意云何如來可以具足相  
得阿耨多羅三藐三菩提不須菩提  
汝今不應作如是見如來以具足相  
得阿耨多羅三藐三菩提何以故須  
菩提如來不由具足相得阿耨多羅  
三藐三菩提須菩提若汝作是念如  
來有是說行菩薩乘人有法可滅須  
菩提汝莫作此見何以故如來不說  
行菩薩乘人有法可滅及以永斷須  
菩提若有善男子善女人以滿恒伽  
沙等世界七寶持用布施若有菩薩  
於一切法无我无生得无生忍以是  
因緣所得福德寧多於彼須菩提行  
大乘人不應執取福德之聚須菩提  
言此福德聚可攝持不佛言須菩提  
此福德聚可得攝持不可執取是故  
說此福德之聚應可攝持

須菩提若有人言如來行住坐卧是  
人不解我所說義何以故須菩提如  
來者无所行去亦无所從來是故名  
如來應供正遍覺知須菩提若善男  
子善女人以三千大千世界大微

塵燒成灰末合為墨丸如微塵聚湏  
菩提汝意云何是隣虛聚寧為多不  
湏菩提言彼隣虛聚甚多世尊何以  
故世尊若隣虛聚是實有者世尊則  
不應說名隣虛聚何以故世尊所說  
此隣虛聚如來說非隣虛聚是故說  
名為隣虛聚如來說三千大千世  
界則非世界故說三千大千世界何  
以故世尊若執世界為實有者是聚  
一執此聚一執如來說非執故說聚  
一執佛世尊言湏菩提此聚一執  
但世言說湏菩提是法非可言法嬰  
兒凡夫偏言所取

湏菩提若有人言如來說我見衆生  
見壽者見受者見湏菩提汝意云何  
是人言說為正語不湏菩提言不正  
世尊不正修伽陀何以故如來說  
我見衆生見壽者見受者見即是非  
見是故說我見衆生見壽者見受者  
見湏菩提若人行菩薩乘如是應知  
應見應信一切諸法如是應修為令  
法想不得生起何以故湏菩提是法  
想法想者如來說即非想故說法想

須菩提若有菩薩摩訶薩以滿無數  
無量世界七寶持用布施若有善男  
子善女人從此般若波羅蜜經乃至  
四句偈等受持讀誦教他修行為他  
廣說是善男子善女人以是因緣所  
生福德寧多於彼無量無數云何顯  
說此經如無所顯說故言顯說

如如不動 恒有正說 應觀有為法  
如暗翳燈幻 露泡夢電雲

今時世尊說是經已大德須菩提心  
進歡喜及諸比丘比丘尼優婆塞優  
婆夷衆人天阿修羅等一切世間踊  
躍歡喜信受奉行

金剛般若波羅蜜經

已亥歲高麗國大藏都監奉

勅彫造

能斷金剛般若波羅蜜多經

羽

唐三藏法師玄奘譯

如是我聞一時薄伽梵在室羅筏住  
誓多杯給孤獨園與大苾芻衆千二  
百五十人俱舍時世尊於日初分整  
理常服執持衣鉢入室羅筏大城乞  
食時薄伽梵於其城中行乞食已出  
還本處飯食訖收衣鉢洗足已於食  
後時敷如常座結加趺坐端身正願  
住對面念時諸苾芻來詣佛所到已  
頂礼世尊雙足右遶三匝退坐一面  
具壽善現亦於如是衆會中坐

舍時衆中具壽善現從座而起偏袒  
一肩右膝著地合掌恭敬而白佛言  
希有世尊乃至如來應正等覺能以  
寂勝攝受攝受諸菩薩摩訶薩乃至  
如來應正等覺能以寂勝付囑付囑  
諸菩薩摩訶薩世尊讚有發起菩薩  
乘者應云何住云何修行云何攝伏  
其心作是語已

舍時世尊告具壽善現曰善哉善哉  
善現如是如是如汝所說乃至如來

應正等覺能以軍勝攝受攝受諸菩薩摩訶薩乃至如來應正等覺能以軍勝付囑付囑諸菩薩摩訶薩是故善現汝應諦聽極善作意吾當為汝分別解說諸有發起菩薩業者應如是住如是修行如是攝伏其心具壽善現白佛言如是世尊願樂欲聞佛言善現諸有發起菩薩業者應當發起如是之心所有諸有情有情攝所攝若卵生若胎生若濕生若化生若有色若無色若有想若无想若非有想非无想乃至有情界施設所施設如是一切我當皆令於無餘依妙涅槃界而般涅槃雖度如是无量有情令滅度已而無有情得滅度者何以故善現若諸菩薩摩訶薩有情想轉不應說名菩薩摩訶薩所以者何善現若諸菩薩摩訶薩不應說言有情想轉如是命者想士夫想補特伽羅想心意生想摩納婆想作者想受者想轉當知亦尔何以故善現无有少法名為發起菩薩業者復次善現菩薩摩訶薩不住於事應



行布施都無所住應行布施不住於色應行布施不住聲香味觸法應行布施善現如是菩薩摩訶薩如不住相相應行布施何以故善現若菩薩摩訶薩都無所住而行布施其福德衆不可取量佛告善現於汝意云何東方虛空可取量不善現答言不也世尊善現如是南西北方四維上下周遍十方一切世界虛空可取量不善現答言不也世尊佛言善現如是布施其福德衆不可取量亦復如是善現菩薩如是如不住相相應行布施佛告善現於汝意云何可以諸相具足觀如來不善現答言不也世尊不應以諸相具足觀於如來何以故如來說諸相具足即非諸相具足說是語已佛復告具壽善現言善現乃至諸相具足皆非虛妄乃至非相具足皆非虛妄如是以相非相應觀如來說說是語已具壽善現復白佛言世尊頗有有情於當來世後時後分後五百歲正法將滅時分轉時聞說如是

色經典句生實想不佛告善現勿作是說頗有有情於當來世後時後分後五百歲正法將滅時分轉時聞說如是色經典句生實想不然復善現有菩薩摩訶薩於當世後時後分後五百歲正法將滅時分轉時具足尸羅具德具慧復次善現彼菩薩摩訶薩非於一佛所承事供養非於一佛所種諸善根然復善現彼菩薩摩訶薩於其非一百千佛所承事供養於其非一百千佛所種諸善根乃能聞說如是色經典句當得一淨信心善現如來以其佛智悉已知彼如來以其佛眼悉已見彼善現如來悉已覺彼一切有情當生無量無數福聚當攝無量無數福聚何以故善現彼菩薩摩訶薩無我想轉无有情想無命者想无士夫想無補特伽羅想无意生想無摩納婆想无作者想無受者想轉善現彼菩薩摩訶薩无法想轉無非法想轉无想轉亦無非想轉所以者何善現若菩薩摩訶薩有法想轉彼即應有我執有情執命者執補

持伽羅等執若有非法想轉彼亦應  
有我執有情執命者執補特伽羅等  
執何以故善現不應取法不應取非  
法是故如來密意而說筏喻法門諸  
有智者法尚應斷何況非法

佛復告具壽善現言善現於汝意云  
何頗有少法如來應正等覺證得阿  
耨多羅三藐三菩提耶頗有少法如  
來應正等覺是所說耶善現答言世  
尊如我解佛所說義者無有少法如  
來應正等覺證得阿耨多羅三藐三  
菩提亦無有少法是如來應正等覺  
所說何以故世尊如來應正等覺所  
證所說所思惟法皆不可取不可宣  
說非法非非法何以故以諸賢聖補  
特伽羅皆是無為之所顯故  
佛告善現於汝意云何若善男子或  
善女人以此三千大千世界盛滿七  
寶持用布施是善男子或善女人由  
此因緣所生福聚寧為多不善現答  
言甚多世尊甚多善逝是善男子或  
善女人由此因緣所生福聚其量甚  
多何以故世尊福德聚福德聚者如

來說為非福德聚是故如來說名福德聚福德聚

佛復告善現言善現若善男子或善女人以此三千大千世界盛滿七寶持用布施若善男子或善女人於此法門乃至四句伽他受持讀誦究竟通利及廣為他宣說開示如理作意由是因緣所生福聚甚多於前无量無數何以故一切如來應正等覺阿耨多羅三藐三菩提皆從此經出諸佛世尊皆從此經生所以者何善現諸佛法諸佛法者如來說為非諸佛法是故如來說名諸佛法諸佛法佛告善現於汝意云何諸預流者頗作是念我能證得預流果不善現答言不也世尊諸預流者不作是念我能證得預流之果何以故世尊諸預流者無少所預故名預流不預色聲香味觸法故名預流世尊若預流者作如是念我能證得預流之果即為執我有情命者士夫補特伽羅等佛告善現於汝意云何諸一來者頗作是念我能證得一來果不善現答言

不也世尊諸一來者不作是念我能證得一來之果何以故世尊以无少法證一來性故名一來佛告善現於汝意云何諸不還者頗作是念我能證得不還果不善現答言不也世尊諸不還者不作是念我能證得不還之果何以故世尊以无少法證不還性故名不還佛告善現於汝意云何諸阿羅漢頗作是念我能證得阿羅漢不善現答言不也世尊諸阿羅漢不作是念我能證得阿羅漢性何以故世尊以无少法名阿羅漢由是因緣名阿羅漢世尊若阿羅漢作如是念我能證得阿羅漢性即為執我有情命者士夫補特伽羅等所以者何世尊如來應正等覺說我得无諍住寂為第一世尊我雖是阿羅漢永離貪欲而我未曾作如是念我得阿羅漢永離貪欲世尊我若作如是念我得阿羅漢永離貪欲者如來不應記得阿羅漢永離貪欲者如來不應記說我言善現善男子得無諍住寂為第一以都无所住是故如來說名無諍住無諍住



佛告善現於汝意云何如來昔在然燈如來應正等覺所頗於少法有所取不善現答言不也世尊如來昔在然燈如來應正等覺所都无少法而有所取佛告善現若有菩薩作如是言我當成辦佛土功德莊嚴如是菩薩非真實語何以故善現佛土功德莊嚴佛土功德莊嚴者如來說非莊嚴是故如來說名佛土功德莊嚴佛土功德莊嚴是故善現菩薩如是都无所住應生其心不住於色應生其心不住非色應生其心不住聲香味觸法應生其心都无所住應生其心

佛告善現如有士夫具身大身其色自體假使譬如妙高山王善現於汝意云何彼之自體為廣大不善現答言彼之自體廣大世尊廣大善逝何以故世尊彼之自體如來說非彼體故名自體非以彼體故名自體

佛告善現於汝意云何乃至殑伽河中所有沙數假使有如是沙等殑伽河是諸殑伽河沙寧為多不善現答



言甚多世尊甚多善逝諸殯伽河尚  
多無數何況其沙佛言善現吾今告  
汝開覺於汝假使若善男子或善女  
人以妙七寶盛滿尔所殯伽河沙等  
世界奉施如來應正等覺善現於  
汝意云何是善男子或善女人由此  
因緣所生福聚寧為多不善現答言  
甚多世尊甚多善逝是善男子或善  
女人由此因緣所生福聚其量甚多  
佛復告善現若以七寶盛滿尔所沙  
等世界奉施如來應正等覺若善男  
子或善女人於此法門乃至四句伽  
他受持讀誦究竟通利及廣為他宣  
說開示如理作意由此因緣所生福  
聚甚多於前無量無數

復次善現若地方所於此法門乃至  
為他宣說開示四句伽他此地方所  
尚為世間諸天及人阿素洛等之所  
供養如佛靈廟何況有能於此法門  
具足究竟書寫受持讀誦究竟通利  
及廣為他宣說開示如理作意如是  
有情成就寂勝希有功德此地方所  
大師所住或隨二尊重處所若諸

有智同梵行者說是語目

具壽善現復白佛言世尊當何名此  
法門我當云何奉持作是語已佛告  
善現言具壽今此法門名為能斷金  
剛般若波羅蜜多如是名字汝當奉  
持何以故善現如是般若波羅蜜多  
如來說為非般若波羅蜜多是故如  
來說名般若波羅蜜多

佛告善現於汝意云何頗有少法如  
來可說不善現答言不也世尊無有  
少法如來可說佛告善現乃至三千  
大千世界大地微塵寧為多不善現  
答言此地微塵甚多世尊甚多善逝  
佛言善現大地微塵如來說非微塵  
是故如來說名大地微塵諸世界如  
來說非世界是故如來說名世界  
佛告善現於汝意云何應以三十二  
大士夫相觀於如來應正等覺不善  
現答言不也世尊不應以三十二大  
士夫相觀於如來應正等覺何以故  
世尊三十二大士夫相如來說為非  
相是故如來說名三十二大士夫相  
佛復告善現言假使若有善男子或

善女人於日日分捨施殍伽河沙等  
自體如是經殍伽河沙等劫數捨施  
自體復有善男子或善女人於此法  
門乃至四句伽他受持讀誦究竟通  
利及廣為他宣說開示如理作意由  
是因緣所生福聚甚多於前无量  
無數

尔時具壽善現聞法威力悲泣墮淚  
俛仰捫淚而白佛言甚奇希有世尊  
寂極希有善逝如來今者所說法門  
普為發趣寂上乘者作諸義利普為  
發趣寂勝乘者作諸義利世尊我昔  
生智以來未曾得聞如是法門世尊  
若諸有情聞說如是甚深經典生真  
實想當知成就寂勝希有何以故世  
尊諸真實想真實想者如來說為非  
想是故如來說名真實想真實想世  
尊我今聞說如是法門領悟信解未  
為希有若諸有情於當來世後時後  
分後五百歲正法將滅時分轉時當  
於如是甚深法門領悟信解受持讀  
誦究竟通利及廣為他宣說開示如  
理作意當知成就寂勝希有何以故

世尊彼諸有情無我想轉无有情想  
無命者想无士夫想無補特伽羅想  
无意生想無摩納婆想无作者想無  
受者想轉所以者何世尊諸我想即  
是非想諸有情想命者想士夫想補  
特伽羅想意生想摩納婆想作者想  
受者想即是非想何以故諸佛世尊  
離一切想作是語已

今時世尊告具壽善現言如是如是  
善現若諸有情聞說如是甚深經典  
不驚不懼無有怖畏當知成就寂勝  
希有何以故善現如來說寂勝波羅  
蜜多謂般若波羅蜜多善現如來所  
說寂勝波羅蜜多無量諸佛世尊所  
共宣說故名寂勝波羅蜜多如來說  
寂勝波羅蜜多即非波羅蜜多是故  
如來說名寂勝波羅蜜多

復次善現如來說忍辱波羅蜜多即  
非波羅蜜多是故如來說名忍辱波  
羅蜜多何以故善現我昔過去世曾  
為羯利王斷支節肉我於今時都無  
我想或有情想或命者想或士夫想  
或補特伽羅想或意生想或摩納婆

想或作者想或受者想我於今時都無有想亦非无想何以故善現我於今時若有我想即於今時應有恙想我於今時若有有情想命者想士夫想補特伽羅想想意生想摩訶婆想想作者想受者想即於今時應有恙想何以故善現我憶過去五百生中曾為自号忍辱仙人我於今時都无我想無有情想无命者想無士夫想无補特伽羅想無意生想无摩訶婆想想無作者想无受者想我於今時都無有想亦非無想是故善現菩薩摩訶薩遠離一切想想發阿耨多羅三藐三菩提心不住於色應生其心不住非色應生其心不住聲香味觸法應生其心不住非聲香味觸法應生其心有所住則為非住是故如來說諸菩薩應无所住而行布施不應住色聲香味觸法而行布施

復次善現菩薩摩訶薩為諸有情作義利故應當如是棄捨布施何以故善現諸有情想即是非想一切有情

如來即說為非有情善現如來是實語者諦語者如語者不異語者

復次善現如來現前等所證法或所說法或所思法即於其中非諦非妄善現譬如士夫入於闇室都无所見當知菩薩若墮於事謂墮於事而行布施亦復如是善現譬如明眼士夫過夜晚已日光出時見種種色當知菩薩不墮於事謂不墮事而行布施亦復如是

復次善現若善男子或善女人於此法門受持讀誦究竟通利及廣為他宣說開示如理作意則為如來以其佛智悉知是人則為如來以其佛眼悉見是人則為如來悉覺是人如有情一切當生無量福聚

復次善現假使善男子或善女人日初時分以殍伽河沙等自體布施日中時分復以殍伽河沙等自體布施日後時分亦以殍伽河沙等自體布施由此異門經於俱脛那庾多百千劫以自體布施若有聞說如是法門不生誹謗由此因緣所生福聚尚多



於前無量無數何況能於如是法門  
具足畢竟書寫受持讀誦究竟通利  
及廣為他宣說開示如理作意復次  
善現如是法門不可思議不可稱量  
應當怖異不可思議所感異熟善現  
如來宣說如是法門為欲饒益趣寂  
上乘諸有情故為欲饒益趣寂  
諸有情故善現若有於此法門受持  
讀誦究竟通利及廣為他宣說開示  
如理作意即為如來以其佛智悉知  
是人即為如來以其佛眼悉見是人  
則為如來悉覺是人是有情一切  
成就無量福聚皆當成就不可思議  
不可稱量无边福聚善現如是一切  
有情其肩荷擔如來無上正等菩提  
何以故善現如是法門非諸下劣信  
解有情所能聽聞非諸我見非諸有  
情見非諸命者見非諸士夫見非諸  
補特伽羅見非諸意生見非諸摩納  
婆見非諸作者見非諸受者見所能  
聽聞此等若能受持讀誦究竟通利  
及廣為他宣說開示如理作意無有  
是處

復次善現若地方所開此經典此地  
方所當為世間諸天及人阿素洛等  
之所供養。禮敬。右遶如佛靈廟。

復次善現若善男子或善女人於此  
經典受持讀誦究竟通利及廣為他  
宣說開示如理作意若遭輕毀極遭  
輕毀所以者何善現是諸有情宿生  
所造諸不淨業應感惡趣以現法中  
遭輕毀故宿生所造諸不淨業皆悉  
消盡當得無上正等菩提何以故善  
現我憶過去於無數劫復過無數於  
然燈如來應正等覺先復過先曾值  
八千四俱胝那庾多百千諸佛我皆  
承事既承事已皆無違犯善現我於  
如是諸佛世尊皆得承事既承事已  
皆無違犯若諸有情後時後分後五  
百歲正法將滅時分轉時於此經典  
受持讀誦究竟通利及廣為他宣說  
開示如理作意善現我先福聚於此  
福聚百分計之所不能及如是千分  
若百千分若俱胝百千分若俱胝那  
庾多百千分若數分若計分若算分  
若喻分若鄔波尼煞曇分亦不能及

善現我若具說當於今時是善男子  
或善女人所生福聚乃至是善男子  
是善女人所攝福聚有諸有情則便  
迷悶心或狂亂是故善現如來宣說  
如是法門不可思議不可稱量應當  
怖真不可思議所感異熟今時具壽  
善現復白佛言世尊諸有發起菩薩  
乘者應云何住云何修行云何攝伏  
其心

佛告善現諸有發起菩薩乘者應當  
發起如是之心我當皆令一切有情  
於無餘依妙涅槃界而般涅槃雖度  
如是一切有情令滅度已而無有情  
得滅度者何以故善現若諸菩薩摩  
訶薩有情想轉不應說名菩薩摩訶  
薩所以者何若諸菩薩摩訶薩不應  
說言有情想轉如是命者想士夫想  
補特伽羅想意生想摩納婆想作者  
想受者想轉當知亦尔何以故善現  
无有少法名為發起菩薩乘者

佛告善現於汝意云何如來昔於然  
燈如來應正等覺所頗有少法能證  
阿耨多羅三藐三菩提不作是語已

具壽善現白佛言世尊如我解佛所  
說義者如來昔於然燈如來應正等  
覺所无有少法能證阿耨多羅三藐  
三菩提說是語已佛告具壽善現言  
如是如是善現如來昔於然燈如來  
應正等覺所無有少法能證阿耨多  
羅三藐三菩提何以故善現如來昔  
於然燈如來應正等覺所若有少法  
能證阿耨多羅三藐三菩提者然燈  
如來應正等覺不應授我記言汝摩  
納婆於當來世名釋迦牟尼如來應  
正等覺善現以如來無有少法能證  
阿耨多羅三藐三菩提是故然燈如  
來應正等覺授我記言汝摩納婆於  
當來世名釋迦牟尼如來應正等覺  
所以者何善現言如來者即是真實  
真如增語言如來者即是无生法性  
增語言如來者即是永斷道路增語  
言如來者即是畢竟不生增語何以  
故善現若實無生即取勝義善現若  
如是說如來應正等覺能證阿耨多  
羅三藐三菩提者當知此言為不真  
實所以者何善現由彼謗我起不實

執何以故善現無有少法如來應正等覺能證阿耨多羅三藐三菩提善現如來現前等所證法或所說法或所思法即於其中非諦非妄是故如來說一切法皆是佛法善現一切法一切法者如來說非一切法是故如來說名一切法一切法佛告善現譬如士夫具身大身具壽善現即白佛言世尊如來說士夫具身大身如來說為非身是故說名具身大身佛言善現如是如是若諸菩薩作如是言我當滅度無量有情是則不應說名為菩薩何以故善現頗有少法名菩薩不善現答言不也世尊无有少法名為菩薩佛告善現有情有情者如來說非有情故名有情是故如來說一切法無有有情无有命者無有士夫无有補特伽羅等善現若諸菩薩作如是言我當成辦佛土功德莊嚴亦如是說何以故善現佛土功德莊嚴佛土功德莊嚴者如來說非莊嚴是故如來說名佛土功德莊嚴佛土功德莊嚴善現若諸菩薩於无我法

无我法深信解者如来應正等覺說  
為菩薩菩薩

佛告善現於汝意云何如来等現有  
肉眼不善現答言如是世尊如来等  
現有肉眼佛言善現於汝意云何如  
来等現有天眼不善現答言如是世  
尊如来等現有天眼佛言善現於汝  
意云何如来等現有慧眼不善現答  
言如是世尊如来等現有慧眼佛言  
善現於汝意云何如来等現有法眼  
不善現答言如是世尊如来等現有  
法眼佛言善現於汝意云何如来等  
現有佛眼不善現答言如是世尊如  
来等現有佛眼

佛告善現於汝意云何乃至殑伽河  
中所有諸沙如來說是不善現答  
言如是世尊如是善逝如來說沙  
佛言善現於汝意云何乃至殑伽河  
中所有沙數假使有如是等殑伽河  
乃至是諸殑伽河中所有沙數假使  
有如是等世界是諸世界寧為多不  
善現答言如是世尊如是善逝是諸  
世界其數甚多佛言善現乃至今所



諸世界中所有有情彼諸有情各有種種其心流注我悉能知何以故善現心流注心流注者如來說非流注是故如來說名心流注心流注所以者何善現過去心不可得未來心不可得現在心不可得

佛告善現於汝意云何若善男子或善女人以此三千大千世界盛滿七寶奉施如來應正等覺是善男子或善女人由是因緣所生福聚寧為多不善現答言甚多世尊甚多善逝佛言善現如是如是彼善男子或善女人由此因緣所生福聚其量甚多何以故善現若有福聚如來不說福聚福聚

佛告善現於汝意云何可以色身圓實觀如來不善現答言不也世尊不可以色身圓實觀於如來何以故世尊色身圓實色身圓實者如來說非圓實是故如來說名色身圓實色身圓實

佛告善現於汝意云何可以諸相具足觀如來不善現答言不也世尊不

可以諸相具足觀於如來何以故世尊諸相具足諸相具足者如來說為非相具足是故如來說名諸相具足諸相具足

佛告善現於汝意云何如來頗作是念我當有所說法耶善現汝今勿當作如是觀何以故善現若言如來有所說法即為謗我為非善取何以故善現說法說法者無法可說故名說法今時具壽善現白佛言世尊於當來世後時後分後五百歲正法將滅時分轉時頗有有情聞說如是色類法已能深信不佛言善現彼非有情非不有情何以故善現一切有情者如來說非有情故名一切有情

佛告善現於汝意云何頗有少法如來應正等覺現證無上正等菩提耶具壽善現白佛言世尊如我解佛所說義者無有少法如來應正等覺現證無上正等菩提佛言善現如是如是於中少法无有無得故名无上正等菩提復次善現是法平等於其中間無不平等故名无上正等菩提以

無我性元有情性無命者性无士夫性元補特伽羅等性平等故名無上正等菩提一切善法無不現證一切善法无不妙覺善現善法善法者如來一切說為非法是故如來說名善法善法

復次善現若善男子或善女人集七寶聚量等三千大千世界其中所有妙高山王持用布施若善男子或善女人於此般若波羅蜜多經中乃至四句伽他受持讀誦究竟通利及廣為他宣說開示如理作意善現前說福聚於此福聚百分計之所不能及如是千分若百千分若俱脰百千分若俱脰更多百千分若數分若計分若筭分若喻分若鄔波尼煞曇分亦不能及

佛告善現於意云何如來頗作是念我當度脫諸有情耶善現汝今勿當作如是觀何以故善現無少有情如來度者善現若有有情如來度者如來即應有其我執有有情執有命者執有士夫執有補特伽羅等執善現

我等執者如來說為非執故名我等  
執而諸愚夫異生強有此執善現愚  
夫異生者如來說為非生故名愚夫  
異生

佛告善現於汝意云何可以諸相具  
足觀如來不善現答言如我解佛所  
說義者不應以諸相具足觀於如來  
佛言善現善哉善哉如是如是如汝  
所說不應以諸相具足觀於如來善  
現若以諸相具足觀如來者轉輪聖  
王應是如來是故不應以諸相具足  
觀於如來如是應以諸相非相觀於  
如來今時世尊而說頌曰

諸以色觀我 以音聲尋我 彼生履邪斷  
不能當見我 應觀佛法性 即導師法身  
法性非所識 故彼不能了

佛告善現於汝意云何如來應正等  
覺以諸相具足現證無上正等覺耶  
善現汝今勿當作如是觀何以故善  
現如來應正等覺不以諸相具足現  
證無上正等菩提

復次善現如是發趣菩薩乘者頗施  
設少法若壞若斷耶善現汝今勿當

作如是觀諸有發趣菩薩乘者終不  
施設少法若壞若斷

復次善現若善男子或善女人以苑  
伽河沙等世界盛滿七寶奉施如來  
應正等覺若有菩薩於諸無我无生  
法中獲得堪忍由是因緣所生福聚  
甚多於彼

復次善現菩薩不應攝受福聚具壽  
善現即白佛言世尊云何菩薩不應  
攝受福聚佛言善現所應攝受不應  
攝受是故說名所應攝受

復次善現若有說言如來若去若來  
若住若坐若卧是人不解我所說義  
何以故善現言如來者即是真實真  
如增語都無所去无所從來故名如  
來應正等覺

復次善現若善男子或善女人乃至  
三千大千世界大地極微塵量等世  
界即以如是無數世界色像為墨如  
極微聚善現於汝意云何是極微聚  
寧為多不善現答言是極微聚甚多  
世尊甚多善逝何以故世尊若極微  
聚是實有者佛不應說為極微聚所

以者何如來說極微聚即為非聚故名極微聚如來說三千大千世界即非世界故名三千大千世界何以故世尊若世界是實有者即為一合執如來說一合執即為非執故名一合執佛言善現此一合執不可言說不可戲論然彼一切愚夫異生強執是法何以故善現若作是言如來宣說我見有情見命者見士夫見補特伽羅見意生見摩納婆見作者見受者見於汝意云何如是所說為正語不善現答言不也世尊不也善逝如是所說非為正語所以者何如來所說我見有情見命者見士夫見補特伽羅見意生見摩納婆見作者見受者見即為非見故名我見乃至受者見佛告善現諸有發趣菩薩乘者於一切法應如是知應如是見應如是信解如不住法想何以故善現法想法想者如來說為非想是故如來說名法想法想

復次善現若菩薩摩訶薩以無量無數世界盛滿七寶奉施如來應正等



覺若善男子或善女人於此般若波羅蜜多經中乃至四句伽他受持讀誦究竟通利如理作意及廣為他宣說開示由此因緣所生福聚甚多於前無量無數云何為他宣說開示如不為他宣說開示故名為他宣說開示今時世尊而說頌曰

諸和合所為 如星翳燈幻 露泡夢電雲 應作如是觀

時薄伽梵說是經已尊者善現及諸苾芻苾芻尼鄔波索迦鄔波斯迦并諸世間天人阿素洛健達縛等聞薄伽梵所說經已皆大歡喜信受奉行能斷金剛般若波羅蜜多經

已亥歲高麗國大藏都監奉

勅彫造

佛說能斷金剛般若波羅蜜多經

羽

唐三藏沙門義淨

譯

如是我聞一時薄伽梵在名稱大城  
戰勝林施孤獨園與大苾芻衆千二  
百五十人俱及大菩薩衆。爾時世尊  
於日初分時著衣持鉢入城乞食次第  
乞已還至本處飯食訖。双衣鉢洗足  
已於先設座加趺端坐正念而住。時  
諸苾芻來詣佛所頂禮雙足右繞三  
匝退坐一面。爾時具壽妙生在大衆  
中承佛神力即從座起偏袒右肩右  
膝著地合掌恭敬白佛言。希有世尊  
希有善逝。如來應正等覺。能以寂勝  
利益益諸菩薩。能以寂勝付囑。囑諸  
菩薩世尊。若有發趣菩薩乘者云何  
應住。云何修行。云何攝伏其心。  
佛告妙生。善哉善哉。如是如是。如汝  
所說。如來以勝利益益諸菩薩。以勝  
付囑。囑諸菩薩。妙生。汝應諦聽。極善  
作意。吾當為汝分別解說。若有發趣  
菩薩乘者。應如是住。如是修行。如是  
攝伏其心。妙生言。唯然。世尊。願樂欲聞。

佛告妙生若有發趣菩薩業者當生  
如是心所有一切衆生之類若卵生  
胎生濕生化生若有色無色有想无  
想非有想非无想盡諸世界所有衆  
生如是一切我皆令入無餘涅槃而  
滅度之雖令如是无量衆生證圓寂  
已而無有一衆生入圓寂者何以故  
妙生若菩薩有衆生想者則不名菩  
薩所以者何由有我想衆生想壽者  
想更求趣想故

復次妙生菩薩不住於事應行布施  
不住隨處應行布施不住色聲香味  
觸法應行布施妙生菩薩如是布施  
乃至相應亦不應住何以故由不住  
施福聚難量

妙生於汝意云何東方虛空可知量  
不妙生言不尔世尊南西北方四維  
上下十方虛空可知量不妙生言不  
尔世尊妙生菩薩行不住施所得福  
聚不可知量亦復如是

妙生於汝意云何可以具足勝相觀  
如來不妙生言不尔世尊不應以勝  
相觀於如來何以故如來說勝相即

非勝相妙生所有勝相皆是虛妄若無勝相即非虛妄是故應以勝相无相觀於如来妙生言世尊頗有衆生於當來世後五百歲正法滅時聞說是經生實信不

佛告妙生莫作是說頗有衆生於當來世後五百歲正法滅時聞說是經生實信不妙生當來之世有諸菩薩具戒具德具慧而彼菩薩非於一佛承事供養植諸善根已於無量百千佛所而行奉事植諸善根是人乃能於此經典生一信心

妙生如来悉知是人悉見是人彼諸菩薩當生當攝無量福聚何以故由彼菩薩無我想衆生想壽者想更求趣想彼諸菩薩非法想非非法想非想非无想何以故若彼菩薩有法想即有我執有情執壽者執更求趣執若有非法想彼亦有我執有情執壽者執更求趣執妙生是故菩薩不應取法不應取非法以是義故如来密意宣說筏喻法門諸有智者法尚應捨何況非法

妙生於汝意云何如來於無上菩提有所證不復有少法是所說不妙生言如我解佛所說義如來於無上菩提實無所證亦无所說何以故佛所說法不可取不可說彼非法非非法何以故以諸聖者皆是無為所顯現故妙生於汝意云何若善男子善女人以滿三千大千世界七寶持用布施得福多不妙生言甚多世尊何以故此福聚者則非是聚是故如來說為福聚福聚

妙生若有善男子善女人以滿三千大千世界七寶持用布施若復有人能於此經乃至一四句頌若自受持為他演說以是因緣所生福聚極多於彼無量無數何以故妙生由諸如來無上等覺從此經出諸佛世尊從此經生是故妙生佛法者如來說非佛法是名佛法

妙生於汝意云何諸預流者頗作是念我得預流果不妙生言不尔世尊何以故諸預流者無法可預故名預流不預色聲香味觸法故名預流世

尊若預流者作是念我得預流果者則有我執有情壽者更求趣執妙生於汝意云何諸一來者頗作是念我得一來果不妙生言不尔世尊何以故由彼无有少法證一來性故名一來妙生於汝意云何諸不還者頗作是念我得還不還果不妙生言不尔世尊何以故由彼無有少法證不還性故名不還妙生於汝意云何諸阿羅漢頗作是念我得阿羅漢果不妙生言不尔世尊由彼無有少法名阿羅漢世尊若阿羅漢作是念我得阿羅漢果者則有我執有情壽者更求趣執世尊如來說我得無諍住中寂為第一世尊我是阿羅漢離於欲染而實未曾作如是念我是阿羅漢世尊若作是念我得阿羅漢者如來即不說我妙生得無諍住寂為第一以都无所住是故說我得無諍住得无諍住妙生於汝意云何如來昔在然燈佛所頗有少法是可取不妙生言不尔世尊如來於然燈佛所實无可取妙生若有菩薩作如是語我當成就



莊嚴國土者此為妄語何以故莊嚴  
佛土者如來說非莊嚴由此說為國  
土莊嚴是故妙生菩薩不住於事不  
住隨處不住色聲香味觸法應生其  
心應生不住事心應生不住隨處心  
應生不住色聲香味觸法心妙生譬  
如有人身如妙高山王於意云何是  
身為大不妙生言甚大世尊何以故  
彼之大身如來說為非身以彼非有  
說名為身

妙生於汝意云何如彌伽河中所有  
沙數復有如是沙等彌伽河此諸河  
沙寧為多不妙生言甚多世尊河尚  
無數况復其沙妙生我今實言告汝  
若復有人以寶滿此河沙數量世界  
奉施如來得福多不妙生言甚多世  
尊妙生若復有人於此經中受持一  
頌并為他說而此福聚勝前福聚无  
量無邊妙生若國土中有此法門為  
他解說乃至四句伽他當知此地即  
是制底一切天人阿蘇羅等皆應右  
繞而為敬礼何況盡能受持讀誦當  
知是人則為最上第一希有又此方

所即為有佛及尊重弟子

妙生於汝意云何頗有少法是如來  
所說不妙生言不尔世尊无有少法  
是如來所說妙生三千大千世界所  
有地塵是為多不妙生言甚多世尊  
何以故諸地塵佛說非塵故名地塵  
此諸世界佛說非界故名世界

妙生於汝意云何可以三十二大丈  
夫相觀如來不妙生言不尔世尊不  
應以三十二相觀於如來何以故三  
十二相佛說非相是故說為大丈夫相  
妙生若有男子女人以瓊伽河沙等  
身命布施若復有人於此經中受持  
一頌并為他說其福勝彼無量無數  
尔時妙生聞說是經深解義趣涕淚  
悲泣而白佛言希有世尊我從生智  
以來未曾得聞如是深經世尊當何  
名此經我等云何奉持佛告妙生是  
經名為般若波羅蜜多如是應持何  
以故佛說般若波羅蜜多則非般若  
波羅蜜多世尊若復有人聞說是經  
生實想者當知是人取上希有世尊  
此實想者即非實想是故如來說名

實想實想世尊我聞是經心生信解  
未為希有若當來世有聞是經能受  
持者是人則為第一希有何以故彼  
人無我想衆生想壽者想更求趣想  
所以者何世尊我想衆生想壽者想  
更求趣想即是非想所以者何諸佛  
世尊離諸想故

妙生如是如是若復有人得聞是經  
不驚不怖不畏當知是人第一希有  
何以故妙生此寂勝波羅蜜多是如  
來所說諸波羅蜜多如來說者即是  
無邊佛所宣說是故名為寂勝波羅  
蜜多妙生如來說忍辱波羅蜜多即  
非忍辱波羅蜜多何以故如我昔為  
羯陵伽王割截支體時無我想衆生  
想壽者想更求趣想我无是想亦非  
無想所以者何我有是想者應生瞋  
恨妙生又念過去於五百世作忍辱  
仙人我於今時無如是等想是故應  
離諸想發趣无上菩提之心不應住  
色聲香味觸法都無所住而生其心  
不應住法不應住非法應生其心何  
以故若有所住即為非住是故佛說

菩薩應無所住而行布施

妙生菩薩為利益一切衆生應如是布施此衆生想即為非想彼諸衆生即非衆生何以故諸佛如來離諸想故妙生如來是實語者如語者不誑語者不異語者

妙生如來所證法及所說法此即非實非妄妙生若菩薩心住於事而行布施如人入闇則無所見若不住事而行布施如人有目日光明照見種種色是故菩薩不住於事應行其施妙生若有善男子善女人能於此經受持讀誦為他演說如是之人佛以智眼悉知悉見當生當攝無量福聚妙生若有善男子善女人初日分以彌伽河沙等身布施中日分復以彌伽河沙等身布施後日分亦以彌伽河沙等身布施如是無量百千萬億劫以身布施若復有人聞此經典不生毀謗其福勝彼何況書寫受持讀誦為人解說

妙生是經有不可思議不可稱量無邊功德如來為發大乘者說為發

上乘者說若有人能受持讀誦廣為  
他說如來悉知悉見是人皆得成就  
不可量不可稱不可思議福業之聚  
當知是人則為以肩荷負如來无上  
菩提何以故妙生若樂小法者則著  
我見衆生見壽者見更求趣見是人  
若能讀誦受持此經無有是處妙生  
所在之處若有此經當知此處則是  
制底一切世間天人阿蘇羅所應恭  
敬作禮圍繞以諸香花供養其處  
妙生若有善男子善女人於此經典  
受持讀誦演說之時或為人輕辱何  
以故妙生當知是人於前世上造諸  
惡業應墮惡道由於現在得遭輕辱  
此為善事能盡惡業速至菩提故妙  
生我憶過去過無數劫在然燈佛先  
得值八十四億那由多佛悉皆供養  
承事無違背者若復有人於後五百  
歲正法滅時能於此經受持讀誦解  
其義趣廣為他說所得功德以前功  
德比此功德百分不及一千萬億分  
算分勢分比數分因分乃至譬喻亦  
不能及妙生我若具說受持讀誦此

經功德或有人聞心則狂亂疑惑不信妙生當知是經不可思議其受持者應當希望不可思議所生福聚復次妙生白佛言世尊若有發趣菩薩乘者應云何住云何修行云何攝伏其心佛告妙生若有發趣菩薩乘者當生如是心我當度脫一切衆生悉皆令入無餘涅槃雖有如是無量衆生證於圓寂而无有一衆生證圓寂者何以故妙生若菩薩有衆生想者則不名菩薩所以者何妙生實無有法可名發趣菩薩乘者

妙生於汝意云何如來於然燈佛所頗有少法是所證不妙生言如來於然燈佛所無法可證而得菩提佛言如是如是妙生實無有法如來於然燈佛所有所證悟得大菩提若證法者然燈佛則不與我授記摩訶婆汝於來世當得作佛号釋迦牟尼以无所得故然燈佛與我授記當得作佛号釋迦牟尼何以故妙生言如來者即是實性真如之異名也妙生若言如來證得無上正等覺者是為妄語



何以故實無有法如來證得无上正覺妙生如來所得正覺之法此即非實非虛是故佛說一切法者即是佛法妙生一切法一切法者如來說為非法是故如來說一切法者即是佛法妙生譬如丈夫其身長大妙生言世尊如來說為大身者即說為非身是名大身佛告妙生如是如是若菩薩作是語我當度衆生令寂滅者則不名菩薩妙生頗有少法名菩薩不答言不尔世尊妙生是故如來說一切法無我无衆生無壽者无更求趣妙生若有菩薩言我當成就佛土嚴勝佛土嚴勝者如來說為非是嚴勝是故如來說為嚴勝妙生若有信解一切法無性一切法無性者如來說名真是菩薩菩薩妙生於汝意云何如來有肉眼不妙生言如是世尊如來有肉眼如來有天眼不如是世尊如來有天眼如來有慧眼不如是世尊如來有慧眼如來有法眼不如是世尊如來有法眼如來有佛眼不如是世尊如來有佛眼

妙生於汝意云何如璒伽河中所有沙數復有如是沙等璒伽河隨諸河沙有尔所世界是為多不妙生言甚多世尊妙生此世界中所有衆生種種性行其心流轉我悉了知何以故妙生心陀羅尼者如來說為無持由无持故心遂流轉何以故妙生過去心不可得未來心不可得現在心不可得妙生於汝意云何若人以滿三千大千世界七寶布施是人得福多不妙生言甚多世尊妙生若此福聚是福聚者如來則不說為福聚福聚妙生於汝意云何可以色身圓滿觀如來不尔世尊不應以色身圓滿觀於如來何以故色身圓滿色身圓滿者如來說非圓滿是故名為色身圓滿妙生可以具相觀如來不尔世尊不應以具相觀於如來何以故諸具相者如來說非具相是故如來說名具相

妙生於汝意云何如來作是念我說法耶汝勿作是見若言如來有所說法者則為謗我何以故言說法說法

者無法可說是名說法妙生白佛言  
世尊於當來世頗有衆生聞說是經  
生信心不佛告妙生有生信者彼非  
衆生非非衆生何以故衆生衆生者  
如來說非衆生是名衆生

妙生於汝意云何佛得無上正等覺  
時頗有少法所證不妙生言實无有  
法是佛所證佛告妙生如是如是此  
中無有少法可得故名无上正等菩提  
妙生是法平等無有高下故名无上  
正等菩提以无我無衆生无壽者無  
更求趣性其性平等故名無上正等  
菩提一切善法皆正覺了故名无上  
正等正覺妙生善法者如來說為非  
法故名善法

妙生若三千大千世界中所有諸妙  
高山王如是等七寶聚有人持用布  
施若復有人於此經中乃至一四句  
頌若自受持及為他說以前福聚比  
此福聚假令分此以為百分彼亦不  
能及一分或千分億分算分勢分數  
分因分乃至譬喻亦不能及一  
妙生於汝意云何如來度衆生不汝

莫作是見如來度衆生何以故曾無  
有一衆生是如來度者若有衆生是  
如來度者如來則有我見衆生見壽  
者見更求趣見妙生我等執者如來  
說為非執而諸愚夫妄為此執妙生  
愚夫衆生如來說為非生故名愚夫  
衆生

妙生於汝意云何應以具相觀如來  
不不尔世尊不應以具相觀於如來  
妙生若以具相觀如來者轉輪聖王  
應是如來是故不應以具相觀於如  
來應以諸相非相觀於如來尔時世  
尊而說頌曰

若以色見我以音聲求我是人起邪覲  
不能當見我應觀佛法性即導師法身  
法性非所識故彼不能了

妙生諸有發趣菩薩乘者其所有法  
是斷滅不汝莫作是見何以故趣菩  
薩乘者其法不失妙生若有男子  
人以滿彌伽河沙世界七寶布施若  
復有人於無我理不生法中得忍解  
者所生福聚極多於彼無量無數  
妙生菩薩不應取其福聚妙生言菩

薩豈不取福聚耶佛告妙生是應正  
取不應越取是故說取妙生如有說  
言如來若來若去若坐若卧者是人  
不解我所說義何以故妙生都無去  
來故名如來

妙生若有男子女人以三千大千世  
界土地碎為墨塵妙生於汝意云何  
是極微聚寧為多不妙生言甚多世  
尊何以故若聚性是實者如來不說  
為極微聚極微聚何以故極微聚者  
世尊說為非極微聚故名極微聚世  
尊如來所說三千大千世界說為非  
世界故名三千大千世界何以故若  
世界實有如來則有聚執佛說聚執  
者說為非聚執是故說為聚執妙生  
此聚執者是世言論然其體性實無  
可說但是愚夫異生之所妄執妙生  
如有說云佛說我見衆生見壽者見  
更求趣見者是為正說為不正耶妙  
生言不尔世尊何以故若有我見如  
來說者即是非見故名我見妙生諸  
有發起菩薩乘者於一切法應如是  
知如是見如是解如是解者乃至法

相亦無所住何以故妙生法想法想者如來說為非想故名法想法想妙生若有人以滿無量無數世界七寶持用布施若復有人能於此經乃至受持讀誦四句伽他令其通利廣為他人正說其義以是因緣所生福聚極多於彼無量無數去何正說無法可說是名正說今時世尊說伽他曰一切有為法如星翳燈幻露泡夢電雲應作如是觀

今時薄伽梵說是經已具壽妙生及諸菩薩摩訶薩苾芻苾芻尼鄔波索迦鄔波斯迦一切世間天人阿蘇羅等皆大歡喜信受奉行

佛說能斷金剛般若波羅蜜多經

戊戌歲高麗國大藏都監奉  
勅彫造



唐天竺三藏菩提流志譯

如是我聞一時婆伽婆以善成就一切如來金剛正智之所建立種種殊特超於三界灌頂寶冠摩訶瑜伽自在無身獲深妙智證平等法所作功業皆已究竟隨衆生心悉令滿足三世平等常無動壞三業堅固猶如金剛普光明身住欲界他化自在天王宮殿之中其王宮殿種種嚴好皆以大寶摩尼所成繒蓋幢幡衆彩交映珠璣寶鏤風動成音一切如來常所遊踐咸共歎美吉祥第一有菩薩摩訶薩八千萬人前後圍繞供養恭敬佛為說法初中後善其義深遠其語巧妙純一无雜清淨圓滿

其名曰金剛手菩薩觀自在菩薩虛空藏菩薩文殊師利菩薩轉法輪菩薩降伏一切魔菩薩如是等菩薩摩訶薩而為上首

尔時世尊在大衆中為諸菩薩說一切法自性清淨實相般若波羅蜜法

門所謂愛清淨位是菩薩位見清淨  
位是菩薩位深著清淨位是菩薩位  
悅樂清淨位是菩薩位藏清淨位是  
菩薩位莊嚴清淨位是菩薩位光明  
清淨位是菩薩位身清淨位是菩薩  
位語清淨位是菩薩位意清淨位是  
菩薩位色清淨位是菩薩位聲清淨  
位是菩薩位香清淨位是菩薩位味  
清淨位是菩薩位觸清淨位是菩薩  
位何以故一切法自性清淨故一切  
法自性清淨即般若波羅蜜清淨

今時世尊說此法門已告金剛子菩  
薩言金剛子若有人得聞此一切法  
自性清淨實相般若波羅蜜法門一  
經於可是一切人所共煩惱障業障  
極重諸罪皆自消滅乃至菩提不生  
惡道若復有人能日中受持讀誦  
思惟修習即於現身得一切法平等  
性金剛三昧餘十六生當於一切法  
門而得自在遊戲快樂乃至當獲諸  
佛如來金剛之身今時如來即說咒曰  
唵長呼

今時世尊復以一切如來普光明相

為諸菩薩說一切諸佛寂靜性成正覺實相般若波羅蜜法門所謂金剛平等成正覺大菩提堅固性如金剛故義平等成正覺大菩提一義性故法平等成正覺大菩提自性清淨故一切平等成正覺大菩提離一切分別故今時世尊說此法門已復告金剛手菩薩言金剛手若有人得聞此四種寂靜性成正覺實相般若波羅蜜法門受持讀誦思惟修習應知是人即得超於一切惡道疾證阿耨多羅三藐三菩提今時如來復說呪曰

唵 嚩 嚩 囉 吽

今時世尊復以一切如來能調伏難調衆生釋迦牟尼相為諸菩薩說一切法平等實相般若波羅蜜法門所謂貪無戲論性瞋无戲論性癡無戲論性何以故一切法無戲論性故一切法無戲論性即般若波羅蜜无戲論性

今時世尊說此法門已復告金剛手菩薩言金剛手若有人得聞此一切法平等實相般若波羅蜜法門受持

讀誦思惟修習假令其人殺害三界一切衆生終不因斯墮於惡道何以故已受調伏心儀故當知是人疾得阿耨多羅三藐三菩提今時如來復說呪曰

憾長呼

今時世尊復以一切如來自性清淨相為諸菩薩說一切法平等性觀自在智印實相般若波羅蜜法門所謂一切世間貪性清淨瞋性清淨一切世間貪性清淨瞋性清淨故一切世間垢性清淨罪性清淨故一切世間垢性清淨衆生性清淨故一切世間法性清淨一切世間智性清淨即般若波羅蜜清淨

今時世尊說此法門已復告金剛手菩薩言金剛手若有人得聞此一切法平等觀自在智印實相般若波羅蜜法門受持讀誦正念修習是人雖在五欲塵中不為貪欲諸過所染譬如蓮花雖在淤泥非泥所著乃至疾

得阿耨多羅三藐三菩提。今時如來復說呪曰

唵利 短呼

今時世尊復以一切如來為三界主相為諸菩薩說一切諸佛灌頂出現智藏實相般若波羅蜜法門所謂灌頂施令一切得三界王位故財寶施令一切得所願滿足故淨法施令一切得諸法實性故飲食施令一切身心獲安樂故今時如來復說呪曰

怛纚 長呼

今時世尊復以一切如來常住智印秘藏相為諸菩薩說一切諸佛金剛智印甚深處實相般若波羅蜜法門所謂一切諸佛所攝持金剛身印得一切如來真實體性故一切諸佛所攝持金剛語印得一切法門自在故一切諸佛所攝持金剛心印得一切三昧具足故一切諸佛所攝持金剛智印得最上身語心如金剛故

今時世尊說此法門已復告金剛手菩薩言金剛手若有人得聞此一切諸佛金剛智印甚深處實相般若波

羅蜜法門受持讀誦正念思惟當知  
是人則得成就寂上金剛印於一切  
智及衆事業皆得圓滿身口意性猶  
如金剛乃至當成阿耨多羅三藐三  
菩提今時如來復說呪曰

阿耨呼

今時世尊復以一切如來永離戲論  
相為諸菩薩說文字轉輪品實相般  
若波羅蜜法門所謂一切諸法空無  
自性故一切諸法无相離衆相故一  
切諸法無願離諸願故一切諸法自  
性清淨般若波羅蜜清淨故今時如  
來復說呪曰

阿耨呼反短呼

今時世尊復以一切如來入廣大轉  
輪相為諸菩薩說入廣大轉輪實相  
般若波羅蜜法門所謂入金剛平等  
性得入一切如來轉輪故入義平等  
性得入一切菩薩轉輪故入法平等  
性得入妙法轉輪故入一切平等性  
得入一切轉輪故今時如來復說呪曰

阿耨長呼

今時世尊復以一切如來大善巧方



便相為諸菩薩說。宣第一廣供養諸佛實相般若波羅蜜法門。所謂發菩提心。即為大善巧方便。廣供養一切諸佛。救護衆生。即為大善巧方便。廣供養一切諸佛。住持正法。即為大善巧方便。廣供養一切諸佛。今時世尊說此法門。已復告金剛手菩薩言。金剛手。若有人得聞此。宣第一廣供養諸佛實相般若波羅蜜法門。若自書。若教人書。若自受持。若教人受持。若自讀誦。若教人讀誦。若自思惟。若教人思惟。若自供養。若教人供養。隨其所作。即為大善巧方便。廣供養一切諸佛。今時如來復說呪曰。

唵長呼

今時世尊復以一切如來能調伏相。為諸菩薩說。能調能攝一切衆生。秘密智藏實相般若波羅蜜法門。所謂一切衆生平等性。是瞋平等性。一切衆生調伏性。是瞋調伏性。一切衆生真法性。是瞋真法性。一切衆生金剛性。是瞋金剛性。何以故。一切衆生調伏性。即是菩提。故今時如來復說呪曰。

荷長呼

實相般若經

第八張 別

金

今時世尊復以一切如來住平等相  
為諸菩薩說一切法取勝平等性實  
相般若波羅蜜法門所謂一切法平  
等性故般若波羅蜜平等性一切法  
第一義性故般若波羅蜜第一義性  
一切法法性故般若波羅蜜法性一  
切法業用性故般若波羅蜜業用性  
今時如來復說呪曰

頌別

長呼

今時世尊復以一切如來為衆生依  
怙相為諸菩薩說一切衆生依怙實  
相般若波羅蜜法門所謂一切衆生  
是如來藏普賢菩薩體性遍故一切  
衆生是金剛藏金剛藏水所灌灑故  
一切衆生是正法藏是正言詞所說  
性故一切衆生是妙業藏善巧妙業  
所運為故今時如來復說呪曰

底喇

長呼

今時世尊復以一切如來無量元邊  
際究竟盡相為諸菩薩說一切法無  
量无邊際究竟盡平等實相般若波  
羅蜜法門所謂般若波羅蜜無量故

一切諸佛亦無量般若波羅蜜無邊  
故一切諸佛亦無邊般若波羅蜜一  
性故一切諸法亦一性般若波羅蜜  
究竟盡故一切諸法亦究竟盡今時  
世尊說此法門已復告金剛手菩薩  
言金剛手若有人得聞此無量無邊  
際究竟盡實相般若波羅蜜法門受  
持讀誦正念思惟此人所有的一切障  
累皆得消滅究竟無餘疾至菩提獲  
於如來金剛之身而得自在今時如  
來復說呪曰

驃長乎

今時世尊復以一切如來離戲論秘  
密法性普光明相為諸菩薩說大安  
樂金剛不空無尋決定入法性无初  
中後寂第一實相般若波羅蜜法門  
所謂諸菩薩能廣大承事供養故得  
寂上大安樂得寂上大安樂故得諸  
佛無上大菩提得諸佛无上大菩提  
故能降伏一切魔軍降伏一切魔軍  
故得於三界皆自在於三界皆自在  
故能遍饒益一切衆生悉與究竟寂  
上安樂何以及頂曰

有最勝智者 常在生死中 廣度諸群生  
而不入涅槃 般若波羅蜜 究竟方便智  
能成清淨業 普淨於諸有 又以於貧等  
調伏諸世間 乃至有頂天 清淨無違暴  
在於生死世 世法不能染 如蓮華妙色  
塵垢所不汙 大欲清淨人 大施安樂人  
於三界自在 作堅固利益

尔時世尊說此法門已復告金剛手  
菩薩言金剛手若有人得聞此大安  
樂金剛法性實相般若波羅蜜法門  
於日日中每清旦時若聽聞若誦念  
相續不絕當知是人所有罪障皆自  
消滅心常調暢第一安樂於現身中  
即得成就金剛不空无尋決定入法  
復當成就一切如來金剛秘密堅固  
之身尔時如來復說呪曰

莎訶 長呼

尔時世尊為諸菩薩說如上諸法門  
已復告金剛手菩薩言金剛手我此  
經典難可得聞若有得聞乃至極少  
至於一字應知是人過去已曾供養  
諸佛於諸佛所種諸善根何況有人  
具足聽聞讀誦之者當知是人受定

已曾供養恭敬尊重讚歎八十億那由他恒河沙等諸佛若是經典所在之處此地則為有諸佛塔若復有人愛重此經常隨守護不離身者是人應受一切世間恭敬供養是人當得宿命智通能知過去無量劫事不為一切天魔波旬之所擾亂四大王及餘諸天常隨衛護一切諸佛及諸菩薩恒共攝受十方淨土隨願往生金剛手我今略說實相般若波羅蜜法門功德如是若廣說者窮劫不盡佛說此經已金剛手等諸菩薩天龍夜叉乾闥婆阿修羅迦樓羅緊那羅摩睺羅伽人非人等一切衆會皆大歡喜信受奉行

實相般若波羅蜜經

戊戌歲高麗國大藏都監奉

勅彫造

佛說仁王般若波羅蜜經卷上

姚秦三藏鳩摩羅什譯

序品第一

如是我聞一時佛住王舍城耆闍崛  
山中與大比丘衆八百万億學无學  
皆阿羅漢有為功德无為功德無學  
十智有學八智有學六智三根十六  
心行法假虛實觀受假虛實觀名假  
虛實觀三空觀門四諦十二緣無量  
功德皆成就復有八百万億大仙緣  
覺非斷非常四諦十二緣皆成就復  
有九百万億菩薩摩訶薩皆阿羅漢  
實智功德方便智功德行獨大乘四  
眼五通三達十力四無量心四辯四  
攝金剛滅定一切功德皆成就復有  
千万億五戒賢者皆行阿羅漢十地  
迴向五分法身具足無量功德皆成  
就復有十千五戒清信女皆行阿羅  
漢十地皆成就始生功德住生功德  
終生功德三十生功德皆成就復有  
十億七賢居士德行具足二十二品  
十一切入八除入八解脫三慧十六



諦四諦四三二一品觀得九十忍一

切功德皆成就復有万万億九梵三  
淨三光三梵五喜樂天天定功德定  
味常樂神通十八生處功德皆成就  
復有億億六欲諸天子十善果報神  
通功德皆成就復有十六大國王各  
各有一万二万乃至十万眷屬五戒  
十善三歸功德清信行具足復有五  
道一切衆生復有他方不可量衆復  
有變十方淨土現百億高座化百億  
須弥寶華各各坐前華上復有无量  
化佛有无量菩薩比丘八部大衆各  
各坐寶蓮華華上皆有无量國土二  
一國土佛及大衆如今無異二國土  
中二佛及大衆各各說般若波羅蜜  
他方大衆及化衆此三界中大衆十  
二大衆皆來集會坐九劫蓮華座其  
會方廣九百五十里大衆僉然而坐  
尔時十号三明大滅諦金剛智釋迦  
牟尼佛初年月八日方坐十地入大  
寂室三昧思緣放大光明照三界中  
復於頂上出千寶蓮華其華上至非想  
非非想天光亦復尔乃至他方恒河

沙諸佛國土時無色界雨无量變火  
香華香如車輪華如須彌山王如雲  
而下十八梵天王雨百變異色華六  
欲諸天雨無量色華其佛座前自然  
生九百万億劫作劫華上至非想非

非想天是時世界其地六種震動

尔時諸大衆俱共僉然生疑各相謂  
言四無所畏十八不共法五眼法身  
大覺世尊前已為我等大衆二十九  
年說摩訶般若波羅蜜金剛般若波  
羅蜜天王問般若波羅蜜光讚般若  
波羅蜜今日如來放大光明斯作何  
事時十六大國王中舍衛國主波斯  
匿王名曰月光德行十地六度三十  
七品四不壞淨行摩訶衍化次第問  
居士寶蓋法淨名等八百人復問須  
菩提舍利弗等五千人復問弥勒師  
子吼等十千人無能答者  
時波斯匿王即以神力作八万種音  
樂十八梵六欲諸天亦作八万種音  
樂聲動三千乃至十方恒河沙佛土  
有緣斯現彼他方佛國中南方法才  
菩薩共五百万億大衆俱來入此大

會東方寶柱菩薩共九百万億大衆  
俱來入此大會北方虛空性菩薩共  
百千万億大衆俱來入此大會西方  
善住菩薩共十恒河沙大衆俱來入  
此大會六方亦復如是作樂亦然亦  
復共作無量音樂覺悟如來佛即知  
時得衆生根即從定起方坐蓮華師  
子座上如金剛山王大衆歡喜各各  
現無量神通地及虛空大衆而住

仁王般若波羅蜜護國經觀空品第三

尔時佛告大衆知十六大國王意欲  
問護國土因緣吾今先為諸菩薩說  
護佛果因緣護十地行因緣諦聽諦  
聽善思念之如法修行時波斯匿王  
言善大事因緣故即散百億種色華  
變成百億寶帳蓋諸大衆

尔時大王復起作礼白佛言世尊一  
切菩薩云何護佛果云何護十地行  
因緣佛言菩薩化四生不觀色如受  
想行識如衆生我人常樂我淨如知  
見壽者如菩薩如六度四攝一切行  
如二諦如是故一切法性真實空不  
來不去無生无滅同真際等法性無

二无別如虛空是故陰入界無我无  
所有相是為菩薩行化十地般若波  
羅蜜

白佛言若諸法介者菩薩護化衆生  
為化衆生耶大王法性色受想行識  
常樂我淨不住色不住非色不住非  
非色乃至受想行識亦不住非非住  
何以故非色如非非色如世諦故三  
假故名見衆生一切生性實故乃至  
諸佛三乘七賢八聖亦名見六十二  
見亦名見大王若以名名見一切法  
乃至諸佛三乘四生者非非見一切  
法也

白佛言般若波羅蜜有法非非法摩  
訶行云何照大王摩訶行見非非法  
法若法非非法是名非非法空法性空  
色受想行識空十二入十八界空六  
大法空四諦十二緣空是法即生即  
住即滅即有即空剎那剎那亦如是  
法生法住法滅何以故九十剎那為  
一念一念中一剎那經九百生滅乃  
至色一切法亦如是以般若波羅蜜  
空故不見緣不見諦乃至一切法空

內空外空內外空有為空無為空無  
始空性空第一義空般若波羅蜜空  
因空佛果空空空故空但法集故有  
受集故有名集故有因集故有果集  
故有十行故有佛果故有乃至六道  
一切有善男子若有菩薩見法衆生  
我人知見者斯人行世間不異於世  
間於諸法而不動不到不滅無相无  
無相一相法亦如也諸佛法僧亦如  
也是即初地一念心具足八万四千  
般若波羅蜜即載名摩訶衍即滅為  
金剛亦名定亦名一切行如光讚般  
若波羅蜜中說大王是經名味句百  
佛千佛百千万佛說名味句於恒河  
沙三千大千國土中成無量七寶施  
三千大千國中衆生皆得七賢四果  
不如於此經中起一念信何況解一  
句者句非句非非句故般若非句句  
非般若般若亦非菩薩何以故十地  
三十生空故始生住生終生不可得  
地地中三生空故亦非薩婆若非摩  
訶衍空故

大王若菩薩見境見智見說見受者

非聖見也。倒想見法。凡夫人也。見三界者。衆生果報之名也。六識起無量。欲無窮。名為欲界。藏空。或色所起。業果名為色界。藏空。或心所起。業果名為無色界。藏空。三界空。三界根本元明。藏亦空。三地九生滅。前三界中。餘無明習。果報空。金剛菩薩得理盡。三昧故。或果生滅。空有果空。因空故。空。薩婆若亦空。滅果空。或前已空。故佛得三無為果。智緣滅。非智緣滅。虛空。薩婆若果空也。善男子。若有修習。聽說。無聽。无說。如虛空。法同。法性。聽同。說同。一切法皆如也。大王。菩薩修護佛果。為若此。護般若波羅蜜者。為護薩婆若。十力。十八不共法。五眼。五分法身。四無量心。一切功德。果為若此。佛說法時。無量人。天衆得法。眼淨。性地。信地。有百千人。皆得大空。菩薩大行。般若波羅蜜。護國經菩薩教化品第三。

白佛言。世尊。護十地行。菩薩云何行。可行。云何行。化衆生。以何相。衆生可化。佛言。大王。五忍。是菩薩法。伏忍。上中下。信忍。上中下。順忍。上中下。无生



忍上中下寂滅忍上下名為諸佛  
菩薩修般若波羅蜜善男子初發想  
信恒河沙衆生修行伏忍於三寶中  
生習種性十心信心精進心念心慧  
心定心施心戒心護心願心迴向心  
是為菩薩能少分化衆生已超過二  
乘一切善地一切諸佛菩薩長養十  
心為聖胎也次第起乾慧性種性有  
十心所謂四意止身受心法不淨苦  
無常无我也三意止三善根慈施慧  
也三意止所謂三世過去因忍現在  
因果忍未來果忍是菩薩亦能化一  
切衆生已能過我人知見衆生等想  
及外道倒想所不能壞復有十道種  
性地所謂觀色識想受行得戒忍知  
見忍定忍慧忍解脫忍觀三界因果  
空忍無願忍无想忍觀二諦虛實一  
切法无常名無常忍一切法空得無  
生忍是菩薩十堅心作轉輪王亦能  
化四天下生一切衆生善根又信忍  
菩薩所謂善達明中行著斷三界色  
煩惱縛能化百佛千佛万佛國中現  
百身千身万身神通无量功德常以

十五心為首四攝法四無量心四弘願三解脫門是菩薩從善地至於薩婆若以此十五心為一切行根本種子又順忍菩薩所謂見勝現法能斷三界心等煩惱縛故現一身於十方佛國中無量不可說神通化衆生又無生忍菩薩所謂遠不動觀慧亦斷三界心色等煩惱習故現不可說不可說功德神通復次寂滅忍佛與菩薩同用此忍入金剛三昧下忍中行名為菩薩上忍中行名為薩婆若共觀第一義諦斷三界心習無明盡相為金剛盡相无相為薩婆若起度世諦第一義諦之外為第十一地薩婆若覺非有非無湛然清淨常住不變同實際等法性無緣大悲教化一切衆生乘薩婆若乘來化三界善男子一切衆生煩惱不出三界藏一切衆生果報二十二根不出三界諸佛應化法身亦不出三界三界外無衆生佛何所化是故我言三界外別有一衆生界藏者外道大有經中說非七佛之所說大王我常語一切衆生斷三

界煩惱果報盡者名為佛自性清淨  
名覺薩婆若性衆生本業是諸佛菩  
薩本業本所修行五忍中十四忍具足  
自佛言云何菩薩本業清淨化衆生  
佛言從一地乃至後一地自所行處  
及佛行處一切知見故本業者若菩  
薩住百佛國中作閻浮四天王修百  
法門二諦平等心化一切衆生若菩  
薩住千佛國中作忉利天王修千法  
門十善道化一切衆生若菩薩住十  
萬佛國中作炎天王修十萬法門四  
禪定化一切衆生若菩薩住百億佛  
國中作兜率天王修百億法門行道  
品化一切衆生若菩薩住千億佛國  
中作化樂天王修千億法門二諦四  
諦八諦化一切衆生若菩薩住十萬  
億佛國中作他化天王修十萬億法  
門十二因緣智化一切衆生若菩薩  
住百萬億佛國中作初禪王修百萬  
億法門方便智願智化一切衆生若  
菩薩住百萬微塵數佛國中作二禪  
梵王修百萬微塵數法門雙照方便  
神通智化一切衆生若菩薩住百萬

億阿僧祇微塵數佛國中作三禪大  
梵王修百萬億阿僧祇微塵數法門  
以四无尋智化一切衆生若菩薩住不  
可說不可說佛國中作第四禪大靜  
天王三界主修不可說不可說法門  
得理盡三昧同佛行處盡三界原教  
化一切衆生如佛境界是故一切菩  
薩本業化行清淨若十方諸如來亦  
修是業登薩婆若果作三界王化一  
切無量衆生

尔時百萬億恒河沙大衆各從座起  
散無量不可思議華燒无量不可思  
議香供養釋迦牟尼佛及無量大  
菩薩合掌聽波斯匿王說般若波羅  
蜜今於佛前以偈歎曰

世尊導師金剛體 心行寂滅轉法輪  
八辯洪音為衆說 時衆得道百億萬  
時六大人出家道 成比丘衆菩薩行  
五忍功德妙法門 十一正士能諦了  
三賢十聖忍中行 唯佛一人能盡原  
佛衆法海三寶藏 無量功德攝在中  
十善菩薩發大心 長別三界苦輪海  
中下品善果散王 上四下善鐵輪王

習種銅輪二天下

銀輪三天性種性

道種堅德轉輪王

七寶金光四天下

伏忍聖胎三十人

十信十止十堅心

三世諸佛於中行

無不由此伏忍生

一切菩薩行本原

是故發心信心難

若得信心必不退

進入無生初地道

教化衆生覺中行

是名菩薩初發心

善覺菩薩四天王

雙照二諦平等道

權化衆生遊百國

始登一乘無相道

入理般若名為住

住生德行名為地

初住一心足德行

於第一義而不動

離遠開士忉利王

現形六道千國土

無緣无相第三諦

無死無生无二照

明慧空照炎天王

應形万國導群生

忍心無二三諦中

出有入無變化生

善覺離明三道入

能滅三界色煩惱

還觀三界身口色

法性第一無遺照

炎慧妙光大精進

兜率天王遊億國

寶智緣寂方便道

達無生照空有了

勝慧三諦自達明

化樂天王百億國

空空諦觀無二相

變化六道入无間

法現開上自在王

无二無照達理空

三諦現前大智光

照千億上教一切

焰勝法現無相定	能洗三界迷心惑
空慧寂然无緣觀	還觀心空无量報
遠達無生初禪王	常方億土教衆生
未度報身一生在	進入等觀法流地
始入無緣金剛忍	三界報形永不受
觀第三義无二照	二十一生空寂行
三界愛習順道定	遠達正士獨諦了
等觀菩薩二禪王	變生法身无量光
入百恒土化一切	圓照三世恒劫事
返照樂虚无盡原	於第三諦常寂然
慧光開士三禪王	能於千恒一時現
常在無為空寂行	恒沙佛藏一念了
灌頂菩薩四禪王	於億恒土化群生
始入金剛一切了	二十九生永已度
寂滅忍中下忍觀	一轉妙覺常湛然
等慧灌頂三品士	除前餘習無明緣
無明習相故煩惱	二諦理窮一切盡
圓智无相三界王	三十生盡等大覺
大寂無為金剛藏	一切報盡无極悲
第一義諦常安隱	窮原盡性妙智存
三賢十聖住果報	唯佛一人居淨土
一切衆生暫住報	登金剛原居淨土
如來三業德無極	我今月光礼三寶



法王無上人中樹

覆蓋大衆无量光

口常說法非无義

心智寂滅無緣照

人中師子為衆說

大衆歡喜散金華

百億万土六大動

含生之類受妙報

天尊快說十四王

是故我今略歎佛

時諸大衆聞月光王歎十四王無量

功德藏得大法利即於坐中有十恒

河沙天王十恒河沙梵王十恒河沙

鬼神王乃至三趣得无生法忍八部

阿湏輪王現轉鬼身天上受道三生

入正位者或四生五生乃至十生得

入正位證聖人性得一切無量報

佛告諸得道果實天衆善男子是月

光王已於過去十千劫中龍光王佛

法中為四住開士我為八住菩薩今

於我前大師子吼如是如是如汝所

言得真義說不可思議不可度量唯

佛與佛乃知斯事善男子其所說十

四般若波羅蜜三忍地地上中下三

十忍一切行藏一切佛藏不可思議

何以故一切諸佛是中生是中滅是

中化無生无滅無化无自無他第一

无二非化非不化非相非無相無来无

去如虛空故一切衆生无生無滅无縛解非因非果非不因果煩惱我人知見受者我所者一切苦受行空故一切法集幻化五陰無合无散法同法性寂然空故法境界空空無相不轉不顛倒不順幻化無三寶无聖人無六道如虛空故般若无知無見不行不緣不因不受不得一切照相故行道斯行道相如虛空故法相如是何可有心得無心得是以般若功德不可衆生中行而行不可五陰法中行而行不可境中行而行不可解中行而行是故般若不可思議而一切諸佛菩薩於中行故亦不可思議一切諸如來於幻化無住法中化亦不可思議善男子此功德藏假使无量恒河沙第十三灌頂開士說是功德百千億分中如王所說如海一滯我今略述分義功德有大利益一切衆生亦為過去來今無量諸如來之所述可三賢十聖讚歎无量是月光王分義功德善男子是十四法門三世一切衆生一切三乘一切諸佛之所修集

未來諸佛亦復如是若一切諸佛菩薩不由此門得薩婆若者无有是處何以故一切佛及菩薩無異路故是故一切諸善男子若有人聞諸忍法門信忍止忍堅忍善覺忍離達忍明慧忍焰慧忍勝慧忍法現忍遠達忍等覺忍慧光忍灌頂忍圓覺忍者是人超過百劫千劫無量恒河沙生生苦難入此法門現身得報時諸衆中有十億同名虛空藏海菩薩歡喜法樂各各散華於虛空中變成无量華臺上有無量大衆說十四正行十八梵六欲天王亦散寶華各坐虛空臺上說十四正行受持讀誦解其義理無量諸鬼神現身修行般若波羅蜜佛告大王汝先言云何衆生相可化若以幻化身見幻化者是菩薩真行化衆生衆生識初一念識異木石生得善生得惡惡為無量惡識本善為无量善識本初一念金剛終一念於中生不可說不可說識成衆生色心是衆生根本色名色蓋心名識蓋想蓋受蓋行蓋盡者陰覆為月身名積聚大

王此一色法生無量色眼所得為色  
耳所得為聲鼻所得為香舌得為味  
身得為觸堅持名地水名潤火名熱  
輕動名風生五識處名根如是一色  
一心有不可思議色心大王凡夫六  
識塵故得假名青黃方圓等無量假  
色法聖人六識淨故得實法色香味  
觸一切實色法衆生者世諦之名也  
若有若無但生衆生憶念名為世諦  
世諦假誰幻化故有乃至六道幻化  
衆生見幻化幻化見幻化婆羅門刹  
利毗舍首陀神我等色心名為幻諦  
幻諦法無佛未出世前元名字無義名  
幻法幻化无名字無體相元三界名  
字無善惡果報六道名字

大王是故佛佛出現於世為衆生故  
說作三界六道名字是名无量名字  
如空法四大法心法色法相續假法  
非一非異一亦不續異亦不續非一  
非異故名相續諦相待假法一切名相  
待亦名不定相待如五色等法有無  
一切等法一切法皆緣成假成衆生  
俱時因果異時因果三世善惡一切

幻化是幻諦衆生大王若菩薩如上  
所見衆生幻化皆是假誑如空中華  
十住菩薩諸佛五眼如幻諦而見菩  
薩化衆生為若此說此法時有無量  
天子及諸大衆得伏忍者得空无生  
忍乃至一地十地不可說德行

仁王般若波羅蜜護國經三諦品第四

尔時波斯匿王言第一義諦中有世  
諦不若言無者智不應二若言有者  
智不應一一二之義其事云何佛告  
大王汝於過去七佛已問一義二義  
汝今無聽我今无說無聽无說即為  
一義二義故諦聽諦聽善思念之如  
法修行七佛偈如是

無相第一義 無自无他作 因緣本自有  
无自無他作 法性本無性 第一義空如  
諸有本有法 三假集假有 无無諦實無  
寂滅第一空 諸法因緣有 有无義如是  
有無本自二 譬若牛二角 照解見無二  
二諦常不即 解心見不二 求二不可得  
非謂二諦一 非二何可得 於解常自一  
於諦常自二 通達此無二 真入第一義  
世諦幻化起 譬如虛空中 如影三手無

因緣故誑有幻化見幻化衆生名幻諦  
幻師見幻法諦實則皆无名為諸佛觀  
菩薩觀亦然

大王菩薩摩訶薩於第一義中常照  
二諦化衆生佛及衆生一而無二何  
以故以衆生空故得置菩提空以菩  
提空故得置衆生空以一切法空故  
空空何以故般若無相二諦虛空般  
若空從無明乃至薩婆若无自相無  
他相故五眼成就時見無所見行亦  
不受不行亦不受非行非不行亦不  
受乃至一切法亦不受菩薩未成佛  
時以菩提為煩惱菩薩成佛時以煩  
惱為菩提何以故於第一義而不二  
故諸佛如來乃至一切法如故  
白佛言云何十方諸如來一切菩薩  
不離文字而行諸法相大王法輪者  
法本如重誦如受記如不誦偈如無  
問而自說如戒經如譬喻如法界如  
本事如方廣如未曾有如論議如是  
名味句音聲果文字記句一切如若  
取文字者不行空也

大王如如文字修諸佛智母一切衆



生性根本智母即為薩婆若體諸佛  
未成佛以當佛為智母未得為性已  
得為薩婆若三乘般若不生不滅自  
性常住一切衆生以此為覺性故若  
菩薩無受无文字離文字非非文字  
修无修為修文字者得般若真性般  
若波羅蜜大王若菩薩護佛護化衆  
生護十地行為若此

白佛言無量品衆生根亦无量行亦  
无量法門為一為二為無量耶大王  
一切法觀門非一非二乃有无量一  
切法亦非有相非非無相若菩薩見  
衆生見一見二即不見一不見二一  
二者第一義諦也大王若有若無者  
即世諦也以三諦攝一切法空諦色  
諦心諦故我說一切法不出三諦我  
人知見五受陰空乃至一切法空衆  
生品品根行不同故非一非二法門  
大王七佛說摩訶般若波羅蜜我今  
說般若波羅蜜无二無別汝等大眾  
應當受持讀誦解說是經功德有無  
量不可說不可說諸佛一一佛教化  
无量不可說衆生一一衆生皆得成

佛是佛復教化無量不可說衆生皆得成佛是上三佛說般若波羅蜜經八萬億偈於一偈中復分為千分於一分中說一分句義不可窮盡況復於此經中起一念信是諸衆生起百劫千劫十地等功德何況受持讀誦解說者功德即十方諸佛等無有異當知是人即是如來得佛不久時諸大衆聞說是經十億人得三空忍百萬億人得大空忍十地性

大王此經名為仁王問般若波羅蜜經汝等受持般若波羅蜜經是經復有無量功德名為護國土功德亦名一切國王法藥服行無不大用護舍宅功德亦護一切衆生身即此般若波羅蜜是護國土如城塹牆壁刀劍鉞楯汝等受持般若波羅蜜亦復如是

佛說仁王般若波羅蜜經卷上

已亥歲高麗國大藏都監奉  
勅彫造

佛說仁王般若波羅蜜經卷下

羽

護國品第五

姚秦三藏鳩摩羅什譯

今時佛告大王汝等善聽吾今正說護國土法用汝當受持般若波羅蜜當國土欲乱破壞劫燒賊來破國時當請百佛像百菩薩像百羅漢像百比丘衆四大衆七衆共聽請百法師講般若波羅蜜百師子乳高座前燃百燈燒百和香百種色花以用供養三寶三衣什物供養法師小飯中食亦復以時大王一日二時講讀此經汝國土中有百部鬼神是一部復有百部樂聞是經此諸鬼神護汝國土大王國土乱時先鬼神乱鬼神乱故万民乱賊來劫國百姓亡喪臣君太子王子百官共生是作天地恠異二十八宿星道日月失時失度多有賊起大王若火難水難風難一切諸難亦應講讀此經法用如上說大王不但護國亦有護福求富貴官位七寶如意行來求男女求慧解名聞求六天

果報人中九品果樂亦講此經法用  
如上說大王不但護福亦護衆難若  
疾病苦難枷械枷鎖檢繫其身破  
四重罪作五逆因作八難罪行六道  
事一切無量苦難亦講此經法用如  
上說

大王昔日有王釋提桓因為頂生王  
來上天欲滅其國時帝釋天王即如  
七佛法用敷百高座請百法師講般  
若波羅蜜頂生即退如滅罪經中說  
大王昔有天羅國王有一太子欲登  
王位一名斑足太子為外道羅隨師  
受教應取千王頭以祭家神自登其  
位已得九百九十九王少一王即北  
行萬里即得一王名普明王其普明  
王白斑足王言願聽一日飯食沙門  
頂礼三寶其斑足王許之一日時普  
明王即依過去七佛法請百法師敷  
百高座一日一時講般若波羅蜜八千  
億偈竟其第一法師為普明王而說偈言  
劫燒終訖 乾坤洞然 須弥巨海  
都為灰燼 天龍福盡 於中彫喪  
二儀尚殞 國有何常 生老病死

輪轉无際

事與願違

憂悲為害

欲深禍重

瘡疣無外

三界皆苦

國有何賴

有本自无

因緣成諸

盛者必衰

實者必虚

衆生蠢蠢

都如幻居

聲響俱空

國土亦如

識神無形

假乘四馳

无明實爲

以為樂車

形無常主

神无常家

形神尚離

豈有國耶

余時法師說此偈已時普明王眷屬得

法眼空王自證虚空等定聞法悟解

還至天羅國班足王所衆中即告九

百九十九王言就命時到人人皆應

誦過去七佛仁王問般若波羅蜜經

中偈句時班足王問諸王言皆誦何法

時普明王即以上偈答王王聞是法得

空三昧九百九十九王亦聞法已皆

證三空門定時班足王極大歡喜告

諸王言我為外道邪師所誤非君等

過汝可還本國各各請法師講般若

波羅蜜名味句時班足王以國付弟

出家為道證無生法忍如十王地中

說五千國王常誦是經現世生報大

王十六大國王修護國之法法應如

是汝當奉持天上人中六道衆生皆應受持七佛名味向未來世中有無量小國王欲護國土亦復令者應請法師說般若波羅蜜

尔時釋迦牟尼佛說般若波羅蜜時衆中五百億人得入初地復有六欲諸天子八十万人得性空地復有十八梵王得無生忍得无生法樂忍復有先以學菩薩者證一地二地三地乃至十地復有八部阿須輪王得十三昧門得三三昧門得轉鬼身天上正受在此會者皆得自性信乃至无量空信吾今略說天等功德不可具盡仁王般若波羅蜜護國般若品第六

尔時十六大國王聞佛說十万亿偈般若波羅蜜歡喜无量即散百万億莖華於虛空中變為一座十方諸佛共坐此座說般若波羅蜜无量大衆共坐一座持金羅華散釋迦牟尼佛上成万輪華盖大衆上復散八万四千般若波羅蜜華於虛空中變成白雲臺臺中光明王佛共無量衆說般若波羅蜜臺中大衆持雷吼華散釋



迦牟尼佛及諸大衆復散妙覺華於  
虛空中變作金剛城城中師子吼王  
佛共十方佛大菩薩論第一義諦時  
城中菩薩持光明華散釋迦牟尼佛  
上成一華臺臺中十方佛諸天散天  
華於釋迦牟尼佛上虛空中成紫雲  
蓋覆三千大千世界蓋中天人散恒  
河沙華如雲而下時諸國王散華供已願  
過去佛現在佛未來佛常說般若波  
羅蜜願一切受持者比丘比丘尼信  
男信女所求如意常行般若波羅蜜  
佛告大王如是如是如王所說般若  
波羅蜜應說應受是諸佛母諸菩薩  
母神通生處

時佛為王現五不思議神變一華入  
無量華无量華入一華一佛土入無  
量佛土無量佛土入一佛土无量佛  
土入一毛孔土一毛孔土入無量毛  
孔土無量須弥无量大海入芥子中  
一佛身入无量衆生身无量衆生身  
入一佛身入六道身入地水火風身  
佛身不可思議衆生身不可思議世  
界不可思議佛現神足時十方諸天

人得佛華三昧十恒河沙菩薩現身  
成佛三恒河沙八部王成菩薩道十  
千女人現身得神通三昧善男子是  
般若波羅蜜有三世利益過去已說  
現在今說未來當說諦聽諦聽善思  
念之如法修行

仁王般若波羅蜜護國經受持品第七

尔時月光心念口言見釋迦牟尼佛  
現無量神力亦見千華臺上寶滿佛  
是一切佛化身主復見千華葉世界  
上佛其中諸佛各各說般若波羅蜜  
白佛言如是無量般若波羅蜜不可  
說不可解不可以識識云何諸善男  
子於是經中明了覺解如法為一切  
衆生開空法道大牟尼言有修行十  
三觀門諸善男子為大法王從習忍  
至金剛頂皆為法師依持建立汝等  
大衆應如佛供養而供養之應持百  
萬億天華天香而以奉上

善男子其法師者是習種性菩薩若  
在家婆耆夏婆耆若出家比丘比丘  
尼修行十善自觀已身地水火風空  
識分分不淨復觀十四根所謂五情

五受男女意命等有無量罪過故即發無上菩提心常修三界一切念念皆不淨故得不淨忍觀門住在佛家修六和敬所謂三業同戒同見同學行八万四千波羅蜜道善男子習忍以前行十善菩薩有退有進譬如輕毛隨風東西是諸菩薩亦復如是雖以十千劫行十正道發三菩提心乃當入習忍位亦常學三伏忍法而不可名字是不定人是定人者入生空位聖人性故必不起五逆六重二十八輕佛法經書作返逆罪言非佛說无有是處能以一阿僧祇劫修伏道忍行始得入僧伽阇位

復次性種性行十慧觀滅十顛倒及我人知見分分假偽但有名但有受但有法不可得無定相无自他相故修護空觀亦觀亦行百万波羅蜜念念不去心以二阿僧祇劫行正道法住波羅阇位

復次道種性住堅忍中觀一切法無生无住無滅所謂五受三界二諦无自他相如實性不可得故而常入第

一義諦心心寂滅而受生三界何以故業習果報未壞盡故順道生復以三阿僧祇劫修八万億波羅蜜當得平等聖人地故住阿毗跋致正位

復次善覺摩訶薩住平等忍修行四攝念念不去心入無相捨滅三界貪煩惱於第一義諦而不二為法性无為緣理而滅一切相故為智緣滅無相无為住初忍時未來無量生死不由智緣而滅故非智緣滅无相無為无自他相無无相故無量方便皆現前觀實相方便者於第一義諦不沉不出不轉不顛倒遍學方便者非證非不證而一切學迴向方便者非住果非不住果而向薩婆若魔自在方便者於非道而行佛道四魔所不動一乘方便者於不二相通達衆生一切行故變化方便者以願力自在生一切淨佛國土如是善男子是初覺智於有無相而不二是實知照功用不證不沉不出不到是方便觀譬言如水之與波不一不異乃至一切行波羅蜜禪定陀羅尼不一不二故而一一

行成就以四阿僧祇劫行行故入此  
功德藏門無三界業習生故畢故不  
造新以願力故變化生一切淨土常  
修捨觀故登鳩摩羅伽位以四大寶  
藏常授與人

復次德慧菩薩以四無量心滅三有  
瞋等煩惱住中忍中行一切功德故  
以五阿僧祇劫行大慈觀心心常現  
在前入無相閻陀波羅位化一切衆生  
復次明慧道人常以無相忍中行三  
明觀知三世法無來無去無住處心  
心寂滅盡三界癡煩惱得三明一切  
功德觀故常以六阿僧祇劫集無量  
明波羅蜜故入伽羅陀位無相行受  
持一切法

復次余焰聖覺達菩薩修行順法忍  
逆五見流集無量功德住須陀洹位  
常以天眼天耳宿命他心身通達念  
念中滅三界一切見亦以七阿僧祇  
劫行五神通恒河沙波羅蜜常不離心  
復次勝達菩薩於順道忍以四無畏  
觀無由他諦內道論外道論樂方工  
巧呪術故我是一切智人滅三界疑

等煩惱故我相已盡知地地有所出  
故名出道有所不出故名障道逆三  
界疑修習無量功德故即入斯陀舍  
位復集行八阿僧祇劫中行諸陀羅  
尼門故常行無畏觀不去心

復次常現真實住順忍中作中道觀  
盡三界集因集業一切煩惱故觀非  
有非无一相無相而无二故證阿那含  
位復於九阿僧祇劫集照明中道故  
樂力生一切佛國土

復次玄達菩薩十阿僧祇劫中修無  
生忍法樂忍者名為縛忍順一切道  
生而一心忍中滅三界習因業果住  
後身中無量功德皆成就无生智盡  
智五分法身皆滿足住第十地阿羅  
漢梵天位常行三空門觀百千万三  
昧具足弘化法藏

復次等覺者住無生忍中觀心心寂  
滅而無相相无身身無知知而用心  
乘於羣方之方擔怕住於无住之住  
在有常修空處空常万化雙照一切  
法故知是處非是處乃至一切智十  
力觀故而登摩訶羅伽位化一切國



土衆生千阿僧祇劫行十力法心心相應常入見佛三昧

復次慧光神變者住上上無生忍滅心心相法眼見一切法淨三眼色空見以大願力常生一切淨土万阿僧祇劫集無量佛光三昧而能現百万恒河沙諸佛神力住婆伽梵位亦常入佛華三昧

復次觀佛菩薩住寂滅忍者從始發心至今經百万阿僧祇劫修百万阿僧祇劫功德故登一切法解脫住金剛臺善男子從習忍至頂三昧皆名為伏一切煩惱而無相信滅一切煩惱生解脫智照第一義諦不名為見所謂見者是薩婆若是故我從昔以來常說唯佛所知見覺頂三昧以下至於習忍所不知不見不覺唯佛類解不名為信漸漸伏者慧雖起滅以能無生无滅此心若滅則累無不滅无生無滅入理盡金剛三昧同真際等法性而未能等無等等譬如有人登大高臺下觀一切无不斯了住理盡三昧亦復如是常修一切行滿功德藏入

婆伽度位亦復常住佛慧三昧

善男子如是諸菩薩皆能一切十方諸如來國土中化衆生正說正義受持讀誦解達實相如我今日等無有異佛告波斯匿王我當滅度後法欲滅時受持是般若波羅蜜大作佛事一切國土安立万姓快樂皆由此般若波羅蜜是故付囑諸國王不付囑比丘比丘尼清信男清信女何以故無王力故故不付囑汝當受持讀誦解其義理大王吾今所化百億須彌百億日月二須彌有四天下其南閼浮提有十六大國五百中國十千小國其國土中有七可難一切國王為是難故講讀般若波羅蜜七難即滅七福即生万姓安樂帝王歡喜云何為難日月失度時節返逆或赤日出黑日出二三四五日出或日蝕無光或日輪一重二三四五重輪現當變恠時讀說此經為一難也二十八宿失度金星彗星輪星鬼星火星水星風星刀星南斗北斗五鎮大星一切國主星三公星百官星如是諸星各各變

現亦讀說此經為二難也大火燒國  
萬姓燒盡或鬼火龍火天火山神火  
人火樹木火賊火如是變恠亦讀說  
此經為三難也大水澍沒百姓時節  
返逆冬雨夏雪冬時雷電霹靂六月  
雨冰霜雹雨赤水黑水青水雨土山  
石山雨沙礫石江河逆流浮山源石  
如是變時亦讀說此經為四難也大  
風吹煞萬姓國土山河樹木一時滅  
沒非時大風黑風赤風青風天風地  
風火風如是變時亦讀此經為五難  
也天地國土亢陽炎火洞燃百草亢  
旱五穀不登土地赫燃萬姓滅盡如  
是變時亦讀此經為六難也四方賊  
來侵國內外賊起火賊水賊風賊鬼  
賊百姓荒亂刀兵劫起如是恠時亦  
讀此經為七難也

大王是般若波羅蜜是諸佛菩薩一  
切衆生心識之神本也一切國王之  
父母也亦名神符亦名辟鬼珠亦名  
如意珠亦名護國珠亦名天地鏡亦  
名龍寶神王佛告大王應作九色幡  
長九丈九色華高二丈千支燈高五

丈九玉箱九五巾亦作七寶案以經  
置上若王行時常於其前足一百步  
是經常放千光明令千里內七難不  
起罪過不生若王住時作七寶帳中  
七寶高座以經卷置上日日供養散  
華燒香如事父母如事帝釋

大王我今五眼明見三世一切國王皆  
由過去侍五百佛得為帝王主是故  
一切聖人羅漢而為來生彼國作大  
利益若王福盡時一切聖人皆為捨  
去若一切聖人去時七難必起大王若  
未來世有諸國王護持三寶者我使五  
大力菩薩往護其國一金剛吼菩薩  
手持千寶相輪往護彼國二龍王吼  
菩薩手持金輪燈往護彼國三无畏  
十力吼菩薩手持金剛杵往護彼國  
四雷電吼菩薩手持千寶羅網往護  
彼國五無量力吼菩薩手持五千劍  
往護彼國五大士五千大神王於  
汝國中大作利益當立形像而供養  
之大王吾今三寶付囑汝等一切諸  
王憍薩羅國舍衛國摩竭提國波羅  
捺國迦夷羅衛國鳩尸那國鳩睺弥

國鳩留國剎賓國彌提國伽羅軋國  
軋陀衛國沙陀國僧伽陀國健拏掘  
闍國波提國如是一切諸國王等皆  
應受持般若波羅蜜

時諸大衆及阿須輪王聞佛說未來世  
七可畏身毛為豎呼聲大叫而言願  
不生彼國時十六大國王即以國事  
付弟出家修道觀四大四色勝出相  
四大四色不用識空入行相三十忍  
初地相第一義諦九地相是故大王  
捨凡夫身入六住身捨七報身入八  
法身證一切行般若波羅蜜十八梵  
天阿須輪王得三乘觀同無生境復  
散華供養空華法性華聖人華順華  
无生華法樂華金剛華緣觀中道華  
三十七品華而散佛上及九百億大  
菩薩衆其餘一切衆證道迹果散心  
空華心樹華六波羅蜜華妙覺華而  
散佛上及一切衆十千菩薩念來世  
衆生即證妙覺三昧圓明三昧金剛  
三昧世諦三昧真諦三昧第一義諦  
三昧此三諦三昧是一切三昧王三  
昧亦得無量三昧七財三昧二十五

有三昧一切行三昧復有十億菩薩  
登金剛頂現成正覺

仁王般若波羅蜜護國經囑累品第八

佛告波斯匿王我誠勅汝等吾滅度  
後八十年八百年八千年中無佛无法  
無僧无信男無信女時此經三寶付  
囑諸國王四部弟子受持讀誦解義  
為三界衆生開空慧道修七賢行十  
善行化一切衆生後五濁世比丘比  
丘尼四部弟子天龍八部一切神王  
國王大臣太子王子自恃高貴滅破  
吾法明作制法制我弟子比丘比丘  
尼不聽出家行道亦復不聽造作佛  
像形佛塔形立統官制衆安籍記僧  
比丘地立白衣高坐兵奴為比丘受  
別請法知識比丘共為一心親善比  
丘為作齋會求福如外道法都非吾  
法當知今時正法將滅不久  
大王壞乱吾道是汝等作自恃威力  
制我四部弟子百姓疾病无不苦難  
是破國因緣說五濁罪窮劫不盡  
大王法末世時有諸比丘四部弟子  
國王大臣多作非法之行橫與佛法



衆僧作大非法作諸罪過非法非律繫縛比丘如獄囚法當尔之時法滅不久大王我滅度後未來世中四部弟子諸小國王太子王子乃是住持護三寶者轉更滅破三寶如師子身中虫自食師子非外道也多壞我佛法得大罪過正教衰薄民無正行以漸為惡其壽日減至于百歲人壞佛教無復孝子六親不和天神不祐疾疫惡鬼日來侵害灾恠首尾連禍縱橫死入地獄餓鬼畜生若出為人兵奴果報如響應聲如人夜書火滅字存三界果報亦復如是

大王未來世中一切國王太子王子四部弟子橫與佛弟子書記制戒如白衣法如兵奴法若我弟子比丘比丘尼立籍為官所使都非我弟子是兵奴法立統官攝僧典主僧籍大小僧統共相攝縛如獄囚法兵奴之法當尔之時佛法不久

大王未來世中諸小國王四部弟子自作此罪破國因緣身自受之非佛法僧大王未來世中流通此經七佛法器

十方諸佛常所行道諸惡比丘多求名利於國王太子王子前自說破佛法因緣破國因緣其王不別信聽此語橫作法制不依佛戒是為破佛破國因緣當尔之時正法不久

尔時十六大國王聞佛七誡所說未來世事悲啼涕出聲動三千日月五星二十八宿失光不現時諸王等各至心受持佛語不制四部弟子出家行道當如佛教

尔時大衆十八梵天王六欲諸天子歎言當尔之時世間空虛是无佛世尔時無量大衆中百億菩薩弥勒師子月等百億舍利弗須菩提等五百億十八梵王六欲諸天三界六道阿湏輪王等聞佛所說護佛果因緣護國土因緣歡喜無量為佛作礼受持般若波羅蜜

佛說仁王般若波羅蜜經卷下

己亥歲高麗國大藏都監奉

勅彫造

唐三藏法師玄奘譯

觀自在菩薩行深般若波羅蜜多時  
照見五蘊皆空度一切苦厄舍利子  
色不異空空不異色色即是空空即  
是色受想行識亦復如是舍利子是  
諸法空相不生不滅不垢不淨不增  
不減是故空中無色无受想行識無  
眼耳鼻舌身意无色聲香味觸法无  
眼界乃至无老死亦無老死盡無苦  
集滅道無智亦无得以無所得故甚  
提薩婆依般若波羅蜜多故心無罣  
碍无罣碍故無有恐怖遠離顛倒夢  
想究竟涅槃三世諸佛依般若波羅  
蜜多故得阿耨多羅三藐三菩提故  
知般若波羅蜜多是大神呪是大明  
呪是無上呪是无等等呪能除一切  
苦真實不虚故說般若波羅蜜多呪  
即說呪曰

揭帝揭帝 般若揭帝 般若揭帝  
帝 菩提僧莎訶  
般若波羅蜜多心經

戊戌歲高麗國大藏都監奉

摩訶般若波羅蜜大明呪經

羽

姚秦天竺三藏鳩摩羅什譯

觀世音菩薩行深般若波羅蜜時照見五陰空度一切苦厄舍利弗色空故無惱壞相受空故无受相想空故无知相行空故無作相識空故无覺相何以故舍利弗非色異空非空異色色即是空空即是色受想行識亦如是舍利弗是諸法空相不生不滅不垢不淨不增不減是空法非過去非未來非現在是故空中無色无受想行識無眼耳鼻舌身意无色聲香味觸法无眼界乃至無意識界无無明亦無无明盡乃至无老死無老死盡无苦集滅道無智亦无得以無所得故菩薩依般若波羅蜜故心无罣碍無罣碍故无有恐怖離一切顛倒夢想苦惱究竟涅槃三世諸佛依般若波羅蜜故得阿耨多羅三藐三菩提故知般若波羅蜜是大明呪無上明呪无等等明呪能除一切苦真實不虚故說般若波羅蜜呪即說呪曰

竭帝竭帝 波羅竭帝 波羅僧竭

帝 菩提僧莎呵

摩訶般若波羅蜜大明呪經

戊戌歲高麗國大藏都監奉

勅彫造